


84-102
W-163



ANNALES
SACRI.

24th - 1640

ANNALS

SACRI



IVSTITIA

ET PAX.

ANNALES SACRI,

ET

EX PROFANIS PRÆCIPVI,
AB ORBE CONDITO AD EVMDEM
CHRISTI PASSIONE REDEMPTVM:

AVCTORE
AVGVSTINO TORNIELLO
CONGREGATIONIS S. PAVLI

CLERICO REGVLARI:

*Ab eodem Quarta hac editione recogniti,
et sexcentis locis aucti et locupletati.*

TOMVS I.

ANTVERPIÆ,
EX OFFICINA PLANTINIANA,
Apud Balthasarem Moretum, et Viduam
Ioannis Moreti, et Io. Meursium.
M. DC. XX.

LEX

ET PROPHETÆ

ECCLESIE
EXALTATIO.

GRATIA



ET VERITAS.

SYNAGOGÆ
INTERITVS.

BEATISSIMO PATRI
ET
DOMINO NOSTRO
PAVLO V.
PONTIF. MAX.

AVGVSTINVS TORNIELLVS
CONGREGATIONIS S. PAVLI
CLERICVS REGVLARIS
ÆTERNAM FELICITATEM.




N quartò, BEATIS-
SIME PATER,
DEO benè iuuan-
te, Annales Sacri ab
Orbe condito ad
CHRISTVM pas-
sum, duobus Tomis
comprehenſi, à me
poſtremis hiſce vitæ
meæ temporibus aliquot mendis expurgati, ac
plurimis additamentis aucti, elegantioribꝯſq; Of-
ficinæ Plantinianæ typis diligentiori quàm antea
ſtudio reſuſi emittuntur. Hos meritò ſanè BEA-

TITVDINI VESTRAE offerre consecraréque
constitui, ratus me optimo ac sapientissimo Ponti-
fici, cunctisque Eloquij sacri studiosis gratum esse
facturum, si meas quoque lucubrationes multo
tempore ac labore congestas pariter ac digestas,
quæ præsertim ob sacrorum temporum rationem
satis, vt opinor, diligenter explicatam, ad ipsius Scri-
pturæ sacræ dilucidationem, facilioremque intelli-
gentiam ac recordationem, plurimum conferre
posse videntur, primario ac summo sacrarum Scri-
pturarum Patrono, & Custodi fidelissimo dedica-
rem. Et quidem id in prima editione, quæ Me-
diolani facta est, præstandum esse videbatur. fa-
teor. Verumtamen, cum tunc anceps & incertus
essem de Libri exitu, num gratus acceptusque le-
gentibus esset futurus: quî fieri poterat, vt sine te-
meritatis nota auderem illum tanti Principis con-
spectu dignum iudicare? At verò posteaquam au-
diui ipsum Francfordiæ ad Mœnum per Ioan-
nem Theobaldum Schoenvvetterum, me infcio,
magna celeritate ac festinatione impressum, ferè
in omnes Europæ Prouincias fuisse distractum; ac
deinde tertio, me pariter inconsulto, ab heredibus
Iacobi Fischeri ibidem fuisse recusum; cogitaui
quartam hanc editionem, nouissimè, vt dixi, accu-
ratè recognitam & auctam, nemini, quàm S A N-
C T I T A T I V E S T R A E conuenientiùs esse dicandam.
Quid enim tam congruens aut rationi con-
fenta-


sentaneum, & proposito susceptoque consilio meo
magis accommodatum, quàm libros de rebus sa-
cris agentes, illi cuius curæ fideique in primis sacra
omnia diuinitus concredita & commissa sunt, &
qui sacra omnia in pectore sacro gestat, commen-
dare? Huc accedit, quod facilè sperare poteram,
eosdem libros, si sub tali ac tanto patrocinio pro-
dissent, & libentiùs à fidelibus excipiendos, & ma-
iori fide ac alacritate perlegendos; atque adeò ex
eorum lectione vberiores ad gloriam Dei (quò
potissimùm animi mei spectat intentio) in sancta
Ecclesia fructus prouenturos. Denique talia tan-
tæque sunt S A N C T I T A T I S V E S T R A E erga no-
stram Congregationem merita, ob multiplices gra-
tias ad eius fauorem Procuratore nostro Genera-
li supplicante concessas, quas hîc recensere nimis
longum esset, vt (quando maius aliquid offerre
non valeo) mea saltem hæc exigua grati animi si-
gnificatio, tam benè merenti Patrono pleno iure
deberi omnino videatur. His atque aliis motus ra-
tionibus, B E A T I T V D I N E M V E S T R A M quan-
tum possum humiliter obsecro, vt meam hanc
propensam voluntatem æqui bonique faciat, &
pro suo pastoralis officio, communisque boni cu-
ra, qua famulorum suorum studia in commune
commodum collata piè fouere ac prouehere con-
suevit, hosce quoque labores meos, qualescum-
que sint, benignè excipere, probare, & suprema

qua in terris fungitur auctoritate , protegere non grauetur , atque humillimo seruulo suo , corpore quidem absenti , spiritu autem ad sanctissimos eius pedes prouoluto , Apostolicam benedictionem impartiri. **DEVS** Opt. Max. **SANCTITATEM** **VESTRAM** diu valdè seruet incolumem ; détque vt quæ in terris præclara ad **DEI** gloriam Ecclesiæque bonum in singulos dies meditari ac moli-ri non desinit , faustè , feliciter , prosperèque eue-niant ; atque eidem **SANCTITATI VESTRAE** solidam , veram , ac sempiternam in cælis gloriam conferant.



PER-

PERILLVSTRI
AC
REVERENDISSIMO
D. CAROLO
A BASILICA PETRI
ECCLESIAE NOVARIEN. EPISCOPO
AVGVSTINVS TORNIELLVS
CONGREG. S. PAVLI CLERICVS REGVLARIS
FELICITATEM.



ACRORVM Annalium series hæc ita digesta, præstantissime atque ornatissime Antistes, nescio planè quo modo, præter meam fermè opinionem in hanc formam redacta, nunc prodeat in lucem. Nam cùm ego nihil minùs, quàm de hoc Opere conficiendo cogitarem; sed tantummodò quadam ductus cupiditate, non omnino, vt arbitror, reprehendenda, in eam curam & cogitationem incumbere cœpissèm, vt quæ mihi Sacros libros voluntanti dubia, præsertim in ratione temporum, occurrebant, dissoluerem; factum est, quando plura iam me satis enodasse putaram, vt alia noua semper exurgerent; & aliquamdiu in tali studio perseuerans, tandem intelligerem, fieri nullo modo posse vt omnia plana redderentur, nisi altiùs, & à prima origine, ac deinceps tempora accuratiùs ordinare tentarem. Quod dum sensim & multo tempore ac labore molior; ecce, vix me aduertente, liber iste exortus est. Hunc ergo cùm postea, pro ingenij mei tenuitate, aliquatenus augere, expolire, & tempora sacra cum aliquot probatoribus Ethnicorum Epochis fideliter componere curassèm, & viris in eo genere eruditissimis examinandum tradidissèm; illisq; probantibus, in commu-

ne commodum , meorum quoque Superiorum iudicio & concessu , edi posse cognouissem : meritò illum tibi , optime Præsul, dicare constitui, qui patriæ meæ pastor es vigilantissimus, qui huius nostræ Congregationis summus Rector aliquamdiu extitisti, eamque sanctissimè gubernasti; qui denique cùm adhuc inter nos esses, me ad hæc studia colenda, tuo primus exemplo excitasti; tunc præsertim, quando à B. Carolo S. Praxedis Cardinali, Mediolanensi Archiepiscopo, ad grauissima negotia cum Rege Hispaniarum gerenda missus, & inde reuersus, narrabas nobis, te in ea legatione, quod à negotiis supererat temporis, totum in sacræ Scripturæ historiis ad rationem temporum disponendis posuisse. Sed vtinam id operis à te (quem constat scientia ac iudicio plurimùm valere, & esse litterarum, sacræque ac profanæ antiquitatis benè peritum) confici potuisset! Quandoquidem multo felicìus, magisque pro dignitate illud præstitisses; &, vt mihi licet coniicere, iam nunc libros in eo genere omnibus numeris absolutos atque perfectos haberemus. Verùm posteaquam te à Summo Pontifice ad maiora vocatum, & Ecclesiæ Nouariensi præfectum, ad alia studium conuertere animùmque intendere coactum vidimus; ne argumentum hoc à nemine adhuc ex proposito pertractatum, quod Ecclesiæ Dei admodum vtile, ne dicam necessarium, videbatur, ampliùs desiderari sinerem, in animum induxi, quæ priùs ad id pertinentia, vt dixi, adnotaueram, recognoscere, emendare, ad meliorem ordinem redigere, & experiri, an fortè (quod Deo dante contigit) ipse illud quoquomodò possem absolvere. Itaque, quod te auctore prodire debuerat, vt tuo saltem sub patrocinio prodeat, illud etiam effecit; quòd mihi in hoc opus incumbenti non semel tuis sermonibus animum addideris; & vbi absolutum esse accepisti, valdè lætatus sis; atque vt typis mandaretur, non modò hortator, verùm etiam adiutor esse volueris. Accipe igitur, Reuerendissime Antistes, hosce meos qualescumque labores, in studio aliàs tibi admodum grato & iucundo exantlato, pignus perpetuæ obseruantia erga te meæ: neque muneris paruitatem, sed ipsam magis animi propensionem attende; ac me, vt soles, ama.

AVCTOR LECTORI.



UNIVERSAM rerum veterum, cum humana-
rum precipuarum, tum verò inprimis divina-
rum memoriam, ab origine Mundi ad Chri-
stum in cruce passum, quæ ex Sacris potissimum
libris, aliisque probatis Auctoribus hauriri po-
tuit, per ordinem temporum, sexque mundi

Aetates deductam, duobus Tomis breuiter, quantum licuit, com-
plexi sumus. Quorum primus memorabilia continet, quæ ab
ipsis mundi Primordiis, ad prima templi Salomonis fundamen-
ta contigisse didicimus; annorum trium millium ac viginti duo-
rum intervallo; intra quod quattuor priores mundi Aetates
excurrisse certum est.

Alter ea tradit, quæ ad reliquas duas posteriores pertinent; nimi-
rum quæ ab ipsis Templi fundamentis ad passionem obitumque
Redemptoris, mille ac sexaginta duorum annorum curriculo
sunt gesta.

In utroque autem Tomo, ad plurima Scripturæ sacra loca diluci-
de magis percipienda, plures quoque imagines aereis formis ex-
cusas adiici curauimus; quibus quæ non satis plenè verbis expli-
cari posse videbantur, veluti ante oculos posita proponuntur.

In calce verò cuiusque mundi Aetatis addidimus tabulas Anna-
les ad eandem spectantes, quarum usus in Operis Præfatio-
ne num. 5. latius describitur.

His accedent ad finem posterioris Tomi tres totius Operis Indices.

Primus argumenta rerum precipuarum, quæ pertractantur,
indicabit. Alter loca Scripturæ sacra, quæ adducta sunt, &
aliquo modo explicata. Tertius denique Index erit vniuer-
salis & locupletissimus eorum omnium, quæ in utroque To-
mo continentur.

DON

DON COSMVS DOSSENIVS

Congregationis Clericorum Regularium S. PAULI

Præpositus Generalis.



ANNALES Sacros à R. P. Don Augustino Torniello, Assistente nostro, conscriptos, peritorum virorum, quibus id commisimus, accurata lectione & graui iudicio recognitos ac probatos, typis mandari, atque ad communem vtilitatem edi posse, quantum in nobis est, libenti animo concedimus. Dat. Mediolani in Collegio nostro sanctorum Apostolorum Pauli & Barnabæ, die XVII. mensis Iunij, M. DC. IX.

Don Cosmus Dossenius Præp. Generalis.

EGO Don Leonardus Griphius Clericus Regularis Congregationis sancti PAULI, de mandato Reuerendissimi Patris Innocentij Granelli Inquisitoris Generalis Mediolani, &c. hos Annales Sacros vidi, & perlegi. Et quia nihil in ipsis S. Catholicæ fidei, bonis moribus, ac Regulis Sacrosancti Concilij Tridentini, & Indicis nuper editi, contrarium inueni, propterea ipsos imprimi posse iudicaui. Dat. in Collegio S. Alexandri die XI. mensis Octobris, M. DC. VIII.

D. Leonardus qui suprâ.

ATTENTA fide reuisionis supradicta, iuxta tenorem contentorum in præfata attestazione, imprimatur.

Frater Innocentius Granellus Inquisitor Generalis Mediolani.

Aloysius Bosius Canon. Ord. Theol. pro Ill^{mo} Card. Archiep.

Vidit Saccus pro Excellentiss. Senatu.

DON HIERONYMVS BOERIVS

Congregationis Clericorum Regularium S. PAULI

Præpositus Generalis.

ADDITAMENTA ad Sacros Annales, ab eorum Auctore conscripta, eisdemque propriis locis inferenda, de consensu nostro recognita & probata, recudi & in commune commodum edi posse, quantum in nobis est concedimus. Datum Mediolani in Collegio residentiae nostrae sanctorum Pauli & Barnabæ, die x. mensis Augusti, M. DC. XIX.

Don Hier. Boerius Præpositus Generalis.

EGO Don Leonardus Griphius Clericus Regularis Congregationis S. PAULI de mandato Reu^m P. Ioannis Mariae Floreni, Inquisitoris Generalis Mediolani, &c. vidi memorata R. P. D. Augustini Tornielli Additamenta ad suos Annales Sacros: eademque eodem modo, quo illos, probavi. Dat. Mediolani in Collegio S. Alexandri, die vi. mensis Augusti, M. DC. XIX.

D. Leonardus qui suprâ.

VISA supradicta attestatione, concedo ut prædicta Additamenta imprimantur.

Ego Fr. Io. Maria Florenus Inquisitor Generalis Mediolani.

INFRASCRIPTVS S. Theologiæ Licent. Archipresbyter, & Cenfor librorum in ciuitate Antuerpiensi, Opus hoc Annalium Sacrorum R. P. Augustini Tornielli, non semel ab aliis lectum & probatum, nunc autem ab ipso Auctore recognitum, & multis locis emendatum ac locupletatum, dignissimum censeo quod denuò typis committatur, ac diuulgetur.

Laurentius Beyerlinck.

PRIVI-

PRIVILEGIUM CÆSAREVM.



MATTHIAS diuina fauente clementia Electus
 Romanorum Imperator semper Augustus, ac
 Germania, Hungaria, Bohemia, Dalmatia,
 Croatia, Sclauonia, &c. Rex, Archidux Au-
 stria, Dux Burgundia, Stiria, Carinthia, Car-
 niola, & VVirtembergæ, &c. Comes Tiro-
 lis, &c. Agnoscimus & notum facimus te-
 nore presentium vniuersis, quod cum demisse
 nobis exponi curarint nostri & sacri Imperij fideles dilecti, Balthasar &
 Ioannes Moreti, Bibliopola Antuerpienses, sese publico rei literaria bono,
 & communi eorum commodo, quos honestum cum utilitate coniunctum
 Historices studium delectat, Annales Sacros Augustini Tornielli No-
 uariensis e Congregatione S. Pauli Clerici, enixe id postulante Auctore,
 qui eosdem plus quam sexcentis locis à postrema editione auxerit & lo-
 cupletarit, uti & Leonardi Lessij Societatis IESV Theologi Opera, pro-
 priis sumptibus pralo subijcere; & ornatiore typo vulgare decreuisse; me-
 tuere autem, ne, quod nonnumquam fieri solet, emulorum fraude, qui edi-
 tionem suam imitentur, ipsi sperato laboris ac impendij sui fructu, cum
 Auctoris de Republica literaria bene meriti iniuria frustrentur: eaq; de
 causa suppliciter nos rogarint, ut ipsorum hac in re indemnitati, & iustis-
 simo dicti Auctoris desiderio Priuilegio nostro Cæsareo clementer consu-
 lere dignaremur: Nos, pro singulari nostra in rem literariam affectione,
 etsi meminimus heredes quondam Iacobi Fischeri Bibliopolas Franco-
 furtenses, iamtum die 8. Augusti, anni millesimi sexcentissimi decimi sex-
 ti, Priuilegium Typographicum super dictos Annales Tornielli à no-
 bis obtinuisse, tamen cum hac editio Auctoris voluntatem coniunctam ha-
 beat, & pleniores quam antehac lucubrationes promittat, precibus huius-
 modi benignè annuendum duxerimus, uti vigore presentium annuimus.
 Ac proinde omnibus & singulis Typographis, Bibliopolis, & aliis qui-
 buscumque negotiationem librariam exercentibus, serio inhibemus & ve-
 tamus, ne quis prenominos Annales Sacros Tornielli, ab Auctore re-
 cens correctos & recognitos, uti nec Opera Leonardi Lessij, per decem
 annorum spatium à prima cuiusque editionis die computandum, intra sa-
 cri Romani Imperij Regnorumq; & Dominiorum nostrorum heredita-
 riorum fines, simili aut alio quouis typo vel forma, siue in toto, siue in par-
 te recudere, aut alij recudenda dare, vel alibi etiam impressa adducere,
 vendere, aut distrabere, clam vel palam, citra voluntatem & consensum
 prædictorum Balthasaris & Ioannis Moretorum eorumve heredum
 præsumat. Si quis verò secus faciendo, Priuilegium hoc nostrum Cæsa-
 reum

reum spernere, negligere, aut transgredi conatus fuerit, cum non solum huiusmodi libris, perperam quippe recusis & adductis, quos quidem antedicti Moreti eorumve heredes ubicumque deprehensos, siue propria auctoritate, vel Magistratus loci illius auxilio, sibi vindicare poterunt, de facto priuandum, verum etiam poena decem Marcharum auri puri fisco nostro Casareo fraudis vindici, & Moretorum vsibus ex aquo pendenda decernimus, omni spe veniæ sublata plectendum. Quæ tamen omnia, saluo Priuilegio nostro Casareo antedictis Fischerianis heredibus super Annales Tornielli concessio, & citra eiusdem derogationem intelligi volumus, dummodo istiusmodi libri nihil in se scandalosum, aut Orthodoxæ Religioni Catholicæ, sacriq; Romani Imperij Constitutionibus aduersum, vel bonis moribus contrarium, siue in Præfatione, siue in Textu, seu aliis quocumque modo contineant, & iam dicti Moreti terna ut minus singulorum Operum exemplaria propriis suis sumptibus quam primum ad Cancellariam nostram Imperialem transmittant. Mandamus ergo vniuersis nostris & Sacri Romani Imperij, Regnorumque ac Diuitionum nostrarum hereditariarum subditis, cuiuscumque status, gradus, ordinis, conditionis, aut dignitatis existant, tam Ecclesiasticis quam secularibus, præsertim verò iis qui in Magistratu constituti vel proprio vel Superiorum nomine & loco ius ac iustitiæ administrationem exercent, ne quemquam Priuilegium hoc nostrum Casareum temerè aut impunè transgredi aut violare patiantur, quin potiùs contumaces, si quos fortè compererint, præscriptâ poenâ mulctari, aliisque modis idoneis coerceri curent, quatenus & ipsi eandem mulctam euitare voluerint: harum testimonio litterarum manu nostra subscriptarum, & sigilli nostri Casarei impressione munitarum. Datum in Arce nostra Regia Praga, die prima mensis Septembris, Anno Domini millesimo sexcentesimo decimo septimo, Regnorum nostrorum Romani sexto, Hungarici nono, Bohemici verò septimo.

Signat.

MATTHIAS.

V^r I. L. von Vlm.

Ad mandatum Sacræ Casaræ Maiestatis proprium.

Io. Baruitius.

Additum Sigillum in cera rubra.

SVM-

SV MMA PRIVILEGII PRINCIPVM BELGARVM.



LBERTVS & ISABELLA CLARA EVGENIA Archiduces Austriæ, Duces Burgundiæ, Brabantia, &c. Serenissimi Belgarum Principes, diplomate suo sanxerunt; nequis *Annales Sacros, & ex Profanis præcipuos, ab Orbe condito ad eundem CHRISTI passionem redemptum, Auctore Augustino Torniello Congregationis S. PAVLI Clerico Regulari, præter Balthazaris Moreti voluntatem excudat, aut alibi terrarum excusos, in Inferioris Germaniæ ditiones importet, venalesve habeat. Qui secùs faxit, confiscatione librorum & alia graui pœna mulctabitur, vti latiùs patet in litteris datis Bruxellæ, xx. Ianuarij, M. DC. XVII.*

Signat.

De VVitte.

I

AVGVSTINI TORNIELLI

I N

SACROS ANNALES

PRÆFATIO.



QVANTVM diuinæ Scripturæ studiosis sacrorum TEMPO-
RVM COG-
NITIO
QVAM VTI-
LIS ET NE-
CESSARIA.
Annalium cognitio conferat ad multa loca difficilia
aperienda, & quæ inter se pugnare videntur conci-
lianda, assidua sanctorum Patrum studium, in hisce
difficultatibus hac potissimum ratione explicandis
positum, satis superque declarat. Etenim si ratio
temporum, vt omnes vno ore prædicant, omnium
dux historiarum & magistra semper extitit, ita vt ea sublata, ex pluri-
mis illarum valdeque implicitis quæstionibus, non secus ac magni
cuiusdam labyrinthi anfractibus, absque filo euadere aut extricare sese
nemo possit: quanto minus sacras profiteri historias sine sacrorum tem-
porum doctrina quis audeat? Non igitur mirum est, si etiam Theologi,
præsertim verò recentiores ferè omnes, inter selectos quosdam Sacræ
Theologiæ locos, quos ad Sacrarum litterarum scientiam maximè ne-
cessarios iudicarunt, illum (licet hætenus, vt arbitror, haud satis plenè
elucidatum) non in postremis posuere, qui est de recta dimetiendorum
temporum ratione, sine qua multos videas, alioquin eruditos viros, quo-
tidie Sacros libros volutantes, qui tamen quæ sapius læcitauerint, ita
confusè concipiunt, vt sine errore, cum opus est, ea proferre vix possint.
Nam vt vno aut altero exemplo id comprobem; quot ex his inueniri pu-
tas, qui etsi centies libros Exodi & Numerorum perlegerint, nesciant ta-
men quo ordine, quibusve temporibus ac locis ille populus tentoria fixe-
rit, manna coturnicibusque alitus, aqua de petra recreatus, à serpentibus
percutsus fuisse, & huiusmodi sexcenta alia? Quot item comperies, qui
in successionibus Regum Iuda & Regum Israel distinguendis, ex læctione
libri Regum & Paralipomenon, ita animo inuoluuntur, vt sese multis
expedire implicationibus, nec magno cum labore possint? Sed, quod
maius est, non desunt etiam, qui ex ignoratione temporum, audeant ali-
quando non sine contentione defendere, septem puerorum Machabæorū
martyria fuisse posteriora bellis à Iuda Machabæo & fratribus suis forti-
ter gestis, eo decepti argumento, quòd hæc in primo libro Machabæo-
rum, illa verò in secundo descripta sint; haud percipientes, libros illos à
diuersis auctoribus fuisse compositos: quod certè vel mediocriter in ho-
rum temporum cognitione exercitatis mouere risum quandoque solet.

2. Age verò, quid de Theologis dicemus? ex quorū schola multi sunt, qui quantumvis excellentis sint ingenij, nihilominus, quoniam in recta temporum ratione callenda minus accuratam operam nauarunt, vbi in aliquam ex his magnis sacræ Scripturæ difficultatibus inciderent, quarum solutio potissimum ex annorum supputationibus pender; veluti in eam, quæ est de Iudicum temporibus, id est de vera annorum summa, ab exitu de Ægypto ad prima Templi Salomonis fundamenta: vel de septuaginta annis Babylonicæ captiuitatis ritè distinguendis ac supputandis, aut de septuaginta hebdomadis Danieli reuelatis, vnde numerari, & vbi terminari debeant: cū, inquam, eis hæc aut huiusmodi aliæ difficultates occurrunt, vsque adeò in his enodandis hæsitant, inaniterque laborant, & non semel à Chronographorum varietate se confundi sinunt, vt non secus ac nauæ qui cū in syrtes impingunt, vel magnis laboribus inde exire nequeunt, eodem ferè modo isti post longissimas disputationes vel falsa asserant, vel nihil tandem concludant, nihil certi affirmare audeant, & Lectorem magis ac magis dubium atque perplexum relinquant: aut, quod peius est, aliquando opinionem aliquam responsionemve pertinacius, quàm par est, defendere profiteantur, non animaduertentes, quòd etsi responsio illa propositam difficultatem plenè fortassis euacuare videatur, aliàs nihilominus non mediocres pariat, & aliqua iam satis explorata in dubium vocet. Vnde meritò istis illud Philosophi dictum obiici potest: Ad pauca respicientes facillimè enuntiant. quod proculdubio, quamuis in omni difficultatum genere valdè sit periculosum, præcipuè tamen vbi de sacris chronologiis agitur, in quibus non sat est, quòd aliqua responsio vnum aut alterum Scripturæ locum conciliet, sed oportet, vt eidem cetera quoque per omnia respondeant. Quemadmodum enim ea est vis veritatis, vt omnia cōsona reddat, & nihil inordinatum relinquat, ita è contrario illud exploratissimum est apud omnes, præsertim in his quæ sunt temporis, quòd vnicum erratū plura alia necessariò secum trahit, & vbi semel à vero annorum tramite deflectere contigerit, totam temporū seriem perturbari necesse est. Quamobrem, vt vno verbo dicam, non facile veritatem assequi possunt, qui aliquam ex huiusmodi difficultatibus tractare aggrediuntur, si non omnem prius sacrorum temporū ordinem probè tenere studeant. Sed & illud nonnumquam accidit, vt eadem temporum serie nequaquam benè perspecta & cognita, facile admodum sit in vero ac legitimo litterali sensu Sacri textus percipiendo decipi: quo quidem malè percepto, cū ipse sit præcipuum solidumque; allegoriarum atque aliorū sensuum spiritualium fundamentum, necesse est in mysticis quoque sensibus litteræ applicandis, seu ex littera eliciendis, sæpenu- merò aberrare, quod nonnullis interdum Scriptoribus, & præcipuè verbi Dei Concionatoribus euenire solet. Enimverò, quemadmodum optimè docet sanctus Gregorius Homil. 2. in Ezechielem, ad hoc vt quis diuina mysteria veraciter ostēdere valeat, opus est vt prius historiæ radicem figat, & post, fructus spiritus per signa & allegorias proferat. Quantum autem ad historiæ, præsertim sacræ, radicem firmiter stabiliendam, ipsa tem-
porum

porum ratio conferat, tota hæc nostra lucubratio demonstrabit. Itaque à memoratis erroribus, innumerisque alijs deceptionibus, vt studiosos sacræ Scripturæ, quantum Deus concesserit, liberos facerem, animum induxi librum hunc conscribere, cuius ope, qui eum ad manus habere, & tamquam fidum ductorem præeuntem, ac suo cursu viam vadumque monstrantem sequi non recusauerint, liberè possint & sine errore, sed potiùs magna cum animi oblectatione & vtilitate Libros sacros, maximè quos vocant Historiales, perlegere, & torrentem istum sacrorum Annalium sine periculo pertransire.

3. In quo quidem Opere non fuit animus ex proposito sacram Historiam nouo stylo conscribere, sicuti à Iosepho factitatum nouimus, (qui tamen videtur nonnisi certis quibusdam locis, & quandoque etiam veluti obiter de ratione temporum fuisse sollicitus.) Quis enim puriùs aut accommodatiùs valeat actiones sacras quàm verbis sacris explicare? Neque item duximus, sacrorum Bibliorum volumen varias in partes secare, easque variis in locis transpositas, ad ordinem temporum accommodare, quemadmodum à Cornelio Iansenio in textu suæ Concordiæ Evangelicæ actum esse videmus. Non etiam visum est, sacram temporum rationem veluti omnino nudam exponere, ne id forsitan indecorum aut inuerecundum existimari posset: neque eandem copiosa plenave ac redundantia rerum gestarum narratione, tamquam latis quibusdam phaleratisque, historiæ vestibus amictam atque exornatam, sed strictis potiùs, & quasi decurtatis, quæ currenti impedimento non sint, indutam tradere cogitaui; & ea qua par est veneratione, Sacro codice integro atque intacto prorsus seruato, seorsum breuiter ordinateque percurrere Annales sacros, ab orbe condito ad humani generis reparationem in Christi passionis obituque completam: hoc vno contentus munere, si, quæ ad historiam pertinebunt, strictim recensuero; & ad singulos annos, Sacri voluminis loca adnotauero, vbi ea, quæ hîc summatim tanguntur, fusiùs explicata sunt. Nisi fortè quædam breuiùs, obscuriusque tradita, interdum latiùs elucidare visum fuerit: aut vbi aliqua rationis temporum difficultas inciderit, quæ paucis explicari posse non videatur. Ita fiet, vt vnusquisque intelligat, Historiam sacram non aliunde plenius posse quàm ex Sacris libris hauriri: ordinem verò sacrorum temporum integrum ac germanum ex illismet quidem in primis, sed hac tamen nostra lucubratione adhibita, qua obscuriora quæque in hoc genere, quantum Deus dederit, elucidare conabimur, facillimè posse continuari.

4. Vt autem Annales distinctè magis tradi, & in promptu haberi faciliùs possint, operæpretiù duximus sequi vulgatam illam ac passim receptam horum temporum distributionem in sex, quas vocant, mundi Ætates; nonnihil tamen, si illarum terminos spectes, variatam. Cùm enim omnia tempora ab initio ad finem mundi, cõmuniter optimeque in tria præcipuè diuidi soleant, ac primum quidem Legis naturæ; alterum Legis scriptæ, seu Moysaicæ; tertium verò Euangelij, vel gratiæ tempus nùcpetur: si duo priora rursus, vt fit, tripliciter singula subdiuidantur, exsurgent

AVCTORIS
INTENTIO.

PARTITIO
OPERTIS IN
SEX MVNDI
ÆTATES.

pròculdubiò, ab orbe condito ad Christum passum, sex, quas memoraui-
 uimus, mundi Ætates; eritque prima, quæ ducitur ab Adam ad Diluuium
 expletum: secunda, à Diluuiò, id est ab exitu Noë de arca, ad Abrahæ ad-
 uentum in terram Chanaan, siue ad promissiones sibi à Deo factas: tertia,
 ad exitum Israël de Ægypto, siue ad Legem scriptam: quarta, à Lege
 lata, ad ædificationem Templi Salomonis: quinta, ad eiusdem Templi de-
 solationem: sextam verò ad passionem mortemque Redemptoris termi-
 nabimus: septimam autem, quæ est à passione, seu, vt aliis magis placet,
 à Natiuitate Christi ad finem mundi, quæ tota pertinet ad tempora Legis
 Euangelicæ, iam ab Illustris. & Reuerendis. Cardinali Cæsare Baronio
 luculentissimè non solum edi cœptam, sed etiam pænè ad annum salutis
 nostræ millesimum ducentessimum, felici admodum progressu proue-
 ctam, aliis, quòd is morte sublatus præstare non valuit, ad nostra vsque
 tempora, vtinam eadem felicitate, deducendam libèrissimè relinquemus;
 præsertim cum ad iuuandos in hac parte sacræ Scripturæ studiosos, hæc
 à nobis prouincia potissimum suscepta sit, pauca verò admodum ad se-
 ptimam mundi Ætatem pertinentia, in Sacris codicibus habeantur, eaq;
 ab aliis, & præcipuè ab ipso Baronio, cumulatè explicata.

CONTR-
 VERSIA-
 RVM RA-
 TIONES
 VNDE PE-
 TENDAE.
 ANNALIUM
 TABULAE
 QUID PRÆ-
 STENT.

5. In calce verò cuiuslibet mundi Ætatis, rationes còtrouersiarum inter
 auctores de summa annorum ipsius breuiter assignabimus: deinde cuiq;
 Ætati apponere satagemus compendiosiores quasdam ipsorum Anna-
 lium tabulas, ea qua fieri poterit diligentia ac studio dispositas, in quibus,
 præter ordinariam annorum directionem, veluti in paruo quodam
 speculo, licebit multa simul breuiter distincteque intueri: nempe totam
 illorum temporum seriem satis appositè subordinatam, nec non plurima
 eorumdem temporum initia, quæ Arabes Iarich, Græci Epochas, Latini
 verò Æras vulgò nominant, à quibus ipsamet tempora deduci & dinu-
 merari solent. item Sabbaticos, Iubileorumque ac Olympiadum annos,
 & præterea singula propè tempora vitæ Regni que ac Principatus pro-
 cerum, quorum ibi fit mentio, quando scilicet quisque natus, quo tem-
 pore ad Regnum assumptus, quando mortuus sit, quot annis cum ceteris
 vixerit regnaueritque, & huiusmodi alia; ac deniq; omnium illius Ætatis
 mundi temporum supputationes & concursus. Et licet huiusmodi tabu-
 læ nequaquam ita componi possint, vt omnes anni, qui suo ordine in
 eadem linea ponuntur, inuicem omni ex parte concurrere valeant, pro-
 pter diuersa eorum principia; quoniam anni Regum aut Iudicum non
 semper ab eodem anni tempore, sed ab eo, quo quisq; regnare seu præesse
 cœperat, sumunt exordium; neq; anni ab orbe creato idem habèt princi-
 pium cū annis à Diluuiò, vel à promissionibus, vel à Lege, vel à fundato
 Templo Salomonis, vel ab eodem euerso, vel ab initio Olympiadum, vel
 ab Vrbe condita: attamen quia illud nobis curæ fuit, vt semper, quantum
 fieri licuit, illos annos in eadem linea poneremus, qui inter se saltem pro
 maiori parte coinciderèt, vt infra pluribus in locis manifestù fiet; idcirco,
 si ob indicatas causas aliquando contigerit (quod tamen rarò admodum
 fore putamus) aliquem annum cum altero eiusdem lineæ nulla ex parte

concurrentem inuenire; non multum tamen à tali concursu aberit; quandoquidem cum anno præcedentis vel subsequæntis lineæ aliquo modo concurrere comperietur: neque mirum videri debet, si in tanta annorum serie ac varietate leuis quidam huiuscemodi defectus deprehendatur.

6. Proinde illud in vniuersum hoc loco pium Lectorem admonitum velim, ne inter examinandos hosce Annales nimis diligens sit & exquisitus, siue in annorum concursibus præcisè exquirendis, siue in temporum particulis accuratiùs supputandis. Non enim humani est ingenij, in tam longo præsertim temporum spatio, ita singula ad vnguem definire, vt non aliquid, vel minimum, plus minùsve effugiat; præsertim cum non ad futura tantum tempora, sed ad præterita quoque aliquatenus extendi posse videatur irrefragabile illud Saluatotis dictum, Actorum 1. vers. 7. *Non est vestrum nosse tempora, vel momenta, quæ Pater posuit in sua potestate*, id est, quæ Deus ita præcisè manifestare noluit: & item illud Ecclesiastici cap. 1. vers. 2. *Arenam maris, & pluriæ guttas, & dies sæculi quis dinumerauit?* Quare haud immeritò non professi sumus Ætarum Regumq; an nos subtiliùs expendere, sic uti sæpè solent Ptolomæus in suo Almagesto, & Iosephus Scaliger in suis de Emendatione temporum libris, quoto scilicet mense, cyclòve lunari, die aut hora cœperint desierintve. Nam hæc & similia libenter Mathematicis discutienda relinquimus; compendiosiore viam, & sacrarum Scripturarum exempla secuti, quas manifestum est, consultò minutias temporum sæpè solere contemnere; & in recensendis annis nonnumquam fractos seu incompletos integris immiscere, vt in hoc ipsomet Opere liquidò constabit. Quamquam hæc sanè modica paucorum temporum, vt ita dixerim, confusio, vel potiùs indistincta traditio, seu minùs exacta supputatio, non tanti æstimanda est, vt à fide Annalium quemquam reuocare debeat; cum præsertim videamus id non passim fieri, immò sæpiùs in Scripturis sacris tempora satis diligenter notata esse; plurimorumq; illustrium virorum ætates, & Regnorum durationes accuratè descriptas; aliquot item annorum supputationes liquidò expressas, quas paulò plus minùsve certum est veras reperiri. Hæc autem non frustrà in Scripturis tradita, neque sine magno Dei consilio hominumque vtilitate à sanctis Doëtoribus tanto studio conquisita esse, fateri debent omnes. Vnde enim meliùs, quàm ex pura & sincera fideliterque distincta temporum serie, diuinarum promissionum & propheticarum prædictionum veritas exploratur? Quid igitur? nõnne ex his perspicuum fit, & fidem indubitatam habendam esse sacris Annalibus, & tamen in his discutiendis computandisve subtiliùs aut curiosiùs quàm par est, non esse immorandum? præsertim cum proximè accessisse ad veritatem, contentus quisque esse possit & debeat; satisfque sit ad controuersias dirimendas, exploratum habere quo quid circiter tempore actum fuerit. Et hæc valdè optamus vt omnes memoria teneant: sic enim nemo iure nobis molestus esse poterit, vbi de vno tantum circiter anno quæstio esse posse videatur.

7. Porro, ne quis forè nos existimet ad arbitrium nostrum aliqua finxisse; ideoq; ad credendum his, quæ dicuntur, minùs propensus reddatur;

TEMPORA
NON NI-
MIS EX-
QUISITE
PERTANDA.

ANNA-
LIVM NO-
TITIA AD
QVID CON-
FERAT.

QVOMODO
HIC TRA-
DITA PRO-
BENTVR.

Sciat velim, mihi in toto hoc Opere illud curę potissimùm fuisse, ne quidquam, nisi luce ipsa meridiana clarius, asserendum putarem sine conuenienti probatione ex ipsamet sacra Scriptura, quantum fieri potuit, diligentissimè desumpta, vel certè ex probatissimis Auctorebus accepta. non enim omnia, quę ad hos Annales, præsertim verò Sextæ mundi ætatis pertinent, ex Sacris codicibus haberi possunt, in quibus multa consultò prætermissa sunt, multa breuiter tacta, vt suis locis videbitur: quę tamen pro pleniori intelligentia diuinarum Scripturarum, ab Ecclesiasticis Auctorebus, immò etiam interdum ab Ethnicis ipsis desumere, non modò non vitio dandum est, sed potiùs laudabiliter fieri posse & debere, suo nos exemplo etiam ipsi sancti Patres docuere. Possent hîc innumera propemodum adduci loca SS. Hieronymi & Augustini, & aliorum, qui tamquam veri Israëlitarum, Dei monitu, vasa aurea & argentea ab Ægyptiis mutuata, in donariis postea Domini, ad vsum Tabernaculi & ornamentorum eius conficiendorum, summa cum pietate reposuerunt. Sed hæc missa faciamus, quę à nemine in dubium vocari iure poterunt.

AVCTO-
RVM IN
RATIONE
TEMPO-
RVM CEN-
SYRA,

CHRONO-
LOGIA
HEBRÆO-
RVM.

8. Illud potiùs hoc loco non prætereundum puto, non omnes, alioqui eruditissimos Scriptores, in his quę ad tempora pertinent, inter se conuenire; neque omnes item in eo genere probandos esse. siquidem aliqui, inter quos est Nicolaus de Lyra super libri primi Esdræ cap. 1. & libri Esther cap. 1. & Daniel. cap. 9. sequuntur chronologiam Hebræorum, quam vt plurimùm mendosam esse & ridiculam, satis constat; præsertim cum adeò superfluè addicta esse videatur litteræ Sacri textus, vt nihil ferè admittere audeat, quod in ea expressum non sit: tamquam si curæ fuisset Spiritui sancto, in Sacris codicibus omnium Gentilium historiam texere, & nihil omittere quod ad Regum exterorum & Monarchiarum tempora pertineret.

CHRONO-
LOGIA AN-
NIANA RE-
PROBATVR.

9. Quidam verò, veluti Io. Driedo, Nauclerus, Valerius Anselmus, Io. Lucidus, Michaël Medina, Sixtus Senensis, & alij, secuti sunt aliam chronologiam, quam veteribus omnino incognitam, non longè à nostris tēporibus quidā Ioannes Annii Viterbienensis, nescio quomodo adinuentam, & antiquissimorum Auctorum, videlicet Berosi, Manethonis, Metasthenis, & Philonis nominibus honestatam, & à se commentariis auctam, in lucem dedit. quam imposturam priùs à Raphaële Volaterano Anthropologiæ suæ lib. 14. in verbo Berosus, detectam, postea alij plures cordati Scriptores reprobant, quemadmodum refert Melchior Canus lib. 11. Locorum Theologicorum cap. 6. vbi de discernendis probatę fidei Auctorebus disserens, pluribus cum argumentis tum auctoritatibus prædictam Annij fictionem falsitatemque prodere nititur. Quod idem postea fecit pluribus in locis, sed præcipuè libro 11. Commentariorum suorum in Daniele, Benedictus Pererius, vir inter Sacrorum librorum Expositores in ratione temporum disquirenda solertissimus, cuius nos diligentia in eodem studio nonnihil excitati sumus. Sed & ante Pererium Gilbertus Genebrardus Chronologiæ suæ lib. 1. Berosum Annij, fictitium appellat, & Franciscus Ribera super Zachariæ cap. 1. num. 25. Remo-

ueamus, inquit, commentitium *Metaſthenem*, qui vel nomine ipſo indicat commentum, cum nullus fuerit vniquam *Metaſthenes*: *Megaſthenes* dicere debuit qui finxit, ſi ludere legentes volebat. *Iosephus* quoque *Scaliger* lib. 5. de Emendatione temporum, in capite cui titulus eſt, De initio *Merodac*, aduerſus *Annij* hiftoriam acriùs inuehens, eam mendaciorum officinam vocat, & ſomnia ſub nominibus *Beroſi*, *Philonis*, & aliorum publicata; ſupponitque veri nihil in ratione temporum aſſequi eos poſſe, qui non ſentiunt libros illos memoria auorum in Italia fuiſſe conſictos. Denique nouiſſimè omnium, quos viderim, *Franciſcus Suarez* in ſuis *Commentariis* ſuper 3. part. *Summæ S. Thomæ*, Diſputat. 1. Sect. 2. ait, Hiftoriam *Io. Annij* ex falſis Aucto-ribus eſſe conſictam, & nullam iam auctoritatem habere. Nos quoque infrà ſuis locis, prout ſeſe occaſio obtulerit, *Annianæ* hiftoriæ intolerabiles aperiemus errores. Itaque ex his omnibus apparet, argumenta, quæ pro eiufdem *Annij* Chronologia adducit *Hiſpanus* ille, qui Monarchiam Eccleſiaſticam patrio ſcripſit idiomate, leuiora eſſe, quàm vt à nobis hoc loco reſelli debeant; quippe quæ non ex intima rerum perpentione, ſed ex quibuſdam exterioribus circumſtantiis, & leuioribus coniecturis ſint petita.

10. Nonnulli etiam, inter quos ſunt *Tertullianus* & *Clemens Alexandrinus*, & ex recentioribus *Genebrardus*, & alij, uſi ſunt tertia Chronologia, quæ ex annotatione annorum Regum cuiuſlibet Monarchiæ colligitur. quæ quidem, tametiſi non eſt improbanda, non tamen ſemper uſque-
CHRONO-
LOGIA A
REGVM
ANNIS
SVMPTA.

quaque certa & ſecura eſt; quia huiuſcemodi Scriptores, vt ab omnibus pænè Chronographis obſeruatum eſt, in recensendis tot Regibus, aliquando quosdam obſcuriores omittunt: interdum eos tantummodò côm memorant, qui ex legitima ſucceſſione vel electione Regno potiti ſunt; iis, qui tyrannicè ſe in Regnum intruſerunt, prætermiſſis: nonnumquam etiam Interregno-
CHRONO-
LOGIA SA-
CRA QVO-
MODO PRO-
CEDAT.

rum tempora prætereunt, aut annos patrum filiorumque, vel aliorum corre-gnantium, utrique attribuunt, tamquam ſi totidem ſinguli ſeorſum, vnus poſt alterum, regnauerint: & non rarò item extremos cuiuſque Regis annos vix inchoatos pro completis enumerant, vel contrà pænè completos pro incompletis reputant, & connumerare negligunt: quo fit, vt non ſemper inter ſe conſentiant Auctores in hiſce annis Regum recensendis. Quòd ſi quis etiam ſacræ Scripturæ, Regum præcipuè & *Iu-*
CHRONO-
LOGIA SA-
CRA QVO-
MODO PRO-
CEDAT.

dicum libris, eandem poſſe importari calumniam ſuſpicetur, meminerit primò, quo auctore Diuina eloquia dictata, edita, & uſque nunc conſeruata fuerint; & ſic omnem cuiuſuiſ erroris, etiam in ratione tempo-
CHRONO-
LOGIA SA-
CRA QVO-
MODO PRO-
CEDAT.

rum, vel minimam ſuſpicionem facilè ab animo ſuo propulſare poterit: deinde, tametiſi in Sacris litteris alicubi àliquid, quod ad Hiftoriæ continuatio-
CHRONO-
LOGIA SA-
CRA QVO-
MODO PRO-
CEDAT.

nem pertineat, omiſſum videatur, id multoties alibi expreſſum, vel ſaltem inſinuatum reperiri, vt in hoc Opere ſæpiſſimè demonſtrabimus: poſtre-
CHRONO-
LOGIA SA-
CRA QVO-
MODO PRO-
CEDAT.

mò, ſacrâ Scripturam non ſemper ex ſola Regum vnus Regni ſucceſſio-
CHRONO-
LOGIA SA-
CRA QVO-
MODO PRO-
CEDAT.

ne, eorumdemque annorum dinumeratione, tempora metiri, ſed etiam in-
CHRONO-
LOGIA SA-
CRA QVO-
MODO PRO-
CEDAT.

terdum ex collatione annorum Regum alterius Regnicum altero, ſicuti Regum *Iſrael* cum annis Regum *Iuda*, & contrà; vt frequenter videre eſt

in libris Regum (qua de re sub titulo De concordia temporum Regum corregnantium super Iudam & super Israel, breuem accuratumque tractatum scripsit Richardus de S. Victore ad B. Bernardum Abbatem Clauallensem) interdum etiam subducendo longi temporis antea acti annos, vt exempli gratia fit ad Galat. cap. 3. vers. 17. vbi ponitur præcisa annorum summa à promissionibus Abraham factis ad Legem datam: & lib. 3. Reg. cap. 6. vers. 1. ab exitu Israelis de Ægypto, hoc est ab anno Legis datæ, ad tempus quo Salomon fundamēta Templi iecit: & Ierem. cap. 25. vers. 3. ab anno decimotertio Regni Iosif ad quartum Ioakim, primumq; Nabuchodonosor, & alibi fortē alias huiusmodi temporū subductiones in Scriptura sacra expressas inuenies. Huc accedit, quòd aliquando etiam ex aliqua veluti temporum radice, quam, vt diximus, Latini Æram vocant, tempora deducit, vt, verbi gratia, in Ezechiele à transmigratione Ioachin Regis Iuda: & in libris Machabæorum, à Regno Græcorum. His adde, si placet, etiam Æram illam ex Sacris libris collectam, quam nos ab introitu Israelitarum in terram Chanaan deducemus, pro Sabbaticis Iubileorumq; annis discernendis valdè accommodatā. Ex quibus omnibus distingui possunt confusiones, si quæ sunt, annorum completorum cum incompletis, & si quid aliud est, quod sacram temporum rationem perturbare possit. Vbi enim hæc omnia, & alia item eiusmodi multa, conuenire viderimus (quod in tabulis infrà ponendis, pro suo quisque arbitrio experiri poterit) magnum profectò argumentum habebimus partæ veritatis: cuius proprium est, nihil repugnans, nihil implicans in se admittere.

CHRONO-
LOGIA FA-
STORVM
CONSULA-
RIVM.

II. Sunt etiam quibus valdè arridet quarta Chronologia, quæ per annos in Fastis Consularibus digestos, ab Vrbe condita deducitur. Sed hæc varia admodum apud antiquos reperitur Scriptores; inter quos magna in annis digerendis dissensio fuit, vt ostendunt Onuphrius Panuinius lib. 1. Commentariorum suorum in Fastis, cap. De anno & die Urbis conditæ, & Carolus Sigonius in suo Fastorum Commentario, cap. De Consulibus primùm creatis, & ante ipsos Cicero tradidit in Bruto. Quod multiplici de causa potuit euenire: puta, quia quos alij Consules, & sine Consulibus Dictatores sæpè interserunt, eos omnino alij prætereunt: item ob dilata olim vel anticipata sæpissimè à Senatu, siue ab iis ad quos spectabat, prout occasiones ferebant, Comitia; & variatum tempus ineundi Consulatum, ac durationis eiusdem: constat enim, Consules non semper fuisse annuos, sed quandoque semestres, & quadrimestres, & bimestres, & menstruos, vt docet Onuphrius ibidem lib. 1. cap. De Consulatu. Et denique propter varias Kalendarij mutationes à Regibus & Imperatoribus Romanis factas. nam, vt ex Macrobio & Solino referunt Io. Lucidus in suo libello De vero die passionis Christi, cap. 2. & Onuphrius libro citato cap. De anno & partibus eius, Romulus I. Romanorum Rex, primum edidit Kalendarium; in quo constituit annum dierum 304. quos in decem tantummodò menses partitus est, iuxta illud Ouidij primo Fastorum:

KALENDA-
RII MUTA-
TIONES.

*Tempora digereret cùm conditor Urbis, in anno
Constituit menses quinque bis esse suo.*

Hunc

Tunc verò annum inchoari voluit à mense Martio, in honorem Martis, à quo segenitum esse existimabat, seu ab aliis existimari volebat. Et cùm per viginti quattuor circiter annos perdurasset Kalendarium Romuleum, postea Numa Pompilius, qui eidem Romulo proximè successit, secundum edidit Kalendarium; in quo additis anno Romuli diebus quinquaginta, annum instituit, more Græcorum, trecentorum quinquaginta quattuor dierum, ex quibus duodecim menses Lunares confici solent: vnde benè prosequitur idem Poëta loco citato:

At Numa nec Ianum, nec auitas præterit umbras,

Mensibus antiquis præposuitque duos.

Adiecit præterea idem Numa iterùm prædictis anni diebus diem vnum, in honorem imparis numeri à Pythagora celebrati; vnde factum est, vt annus Romanus tunc trecentorum quinquaginta quinque dierum euaderet: & nihilominus Romani, vt tandem annum Lunarem cum Solari adæquarent, Græcorum exemplo intercalabant singulis octonis annis nonaginta dies, non vnica aut duabus tantummodò intercalationibus in vnoquoque octono anno; vt solebant Græci, sed quattuor; nempe intercalando alternis annis dies viginti duos, alternis verò dies viginti tres. Cùm autem intercalatores comperissent, in fine octoni anni superabundare octo dies, propter illum diem additum in honorem imparis numeri; vt hunc etiam errorem emendarent, tertio quoque octono anno intercalabant non nonaginta dies, vt fiebat in aliis octonis annis, sed tantummodò sexaginta sex; nimirum in anno secundo & sexto, sexdecim dies; in quarto autem & octauo, septemdecim; sicque compensabant illos viginti quattuor dies, qui spatio viginti quattuor annorum creuerant. Verùm cùm procedente tempore magna esset exorta confusio, vel propter sæpius, superstitionis ergò, intermissam intercalationem; vel vitio Pontificum illorum temporum, ad quos spectabat dictam intercalationem facere, qui quandoque in gratiam publicanorum protrahebant, quandoque verò contrahebant anni dies: Iulius Cæsar anno vitæ suæ pænultimo Kalendarium tertio correxit, attribuens vnique anno dies trecentos sexaginta quinque, à mense Ianuario inchoandos: & quoniam intellexit, Solem nonnisi in dictis tercentis sexaginta quinque diebus, & ferè sex horis, cursum suum naturalem conficere; mandauit quarto quoque anno diem vnum intercalari; vt sic illa etiam quarta diei pars absumeretur. Denique Augustus post triginta sex annos à Kalendario Iuliano, cùm alium quemdam errorem deprehendisset, ex anticipata illius diei intercalatione emanatum, quarto loco Kalendarium reformauit, quod ad nostra vsque tempora in viridi obseruantia perseuerauit: donec tandem fel. rec. Gregorius XIII. Kalendarium postremò emendatum, quod Gregorianum appellant, edidit, atque in vsum induci curauit. Ecce quot anni varietates à Romulea Kalendarij emendatione ad Augustanam, septingentorum scilicet quinquaginta ferè annorum spatio, factæ sunt. Et licet anni quandoque, debitum tandem peractis intercalationibus, æquati sint; non tamen propterea omnis errandi occasio,

casio, in annis Consularibus distinguendis, & in ceteris singularibus actionibus suo cuique anno assignandis, euitari potuit: quoniam non ordinatè & præstitutis temporibus, quemadmodum apud Græcos, sed post decursas multorum annorum confusiones, id præstitum fuit. Vnde non mirum est, si Onuphrius Panuinius diligentissimus Fastorum indagator, cum animaduertisset, prædictis aliisque de causis plurimas in hac quarta chronologia exortas esse difficultates, variasque reperiri Scriptorum veterum opiniones, ex omnibus sententiis duas verisimiliores & magis receptas delegerit, alteram ex Varrohe, & ex Fastis Capitolinis alteram, quas in suis Fastis ponere non est grauatus, ut quam quisque mallet sequeretur: tamen si inter eas vnus tantum anni differentia deprehendatur.

CHRONOLOGIA
OLYMPIADVM.

QUAM CHRONOLOGIAM
AVCTOR SEQUI INTENDAT.

12. Demum alij quintam sequuntur chronologiam, quæ ex Olympiadum obseruatione confurgit: quæ profectò, ut magis probati Auctores communiter sentiunt, est omnium certissima, fuitque semper, etiam apud antiquos & probatissimos Scriprores, vsu recepta. Idcirco nos, relictis priorum chronologiarum asseclis, Hebræorum scilicet & Annij, vbi cumque aliquid ex sacra Scriptura elicere non poterimus, si ante annum primum Regni Ioatham, in quo cœperunt Olympiades, id contigerit, ad Scriptores, qui tertiæ chronologiæ adhæserunt, optimorum inter eos habito delectu; exinde verò ad illos in primis, qui quintam, quæ Olympiadum est, chronologiam secuti sunt, confugiemus: non aspernantes etiam illam, quæ ab Vrbe condita, Fastisque Consularibus, ex Varronis potissimum sententia, deducitur: memores eius, quod optimè docuit sanctus Augustinus lib. 2. de Doctr. Christiana cap. 28. dicens quòd cognitio Historiarum, quæ per Olympiadum & Consulum tempora habetur, magnopere conducit ad plurima loca sacre Scripturæ probè intelligenda, & horum ignorantia multos coëgit errare.

SACRATEMPORA CYR
ETHNICO-
RVM AERIS
COMPO-
NENDA.

13. Quapropter nemini mirum videri poterit, si inter sacra hæc tempora, potissimum verò in tabulis infrà dispositis, præcipuas Gentilium Monarchias, earumque Regum successiones, necnon aliquot eorundem Gentilium Æras, ab Ethnicis Scriptoribus magis obseruatas, componere studuimus: puta eas, quæ à Nabonassaro, ab Vrbe condita, ab initio Olympiadum duci solent; & si quæ sunt huiusmodi aliæ. Non enim fuit animus miscere, ut aiunt, sacra profanis, sed sacrorum Annalium veritatem, Ethnicorum quoque temporum collatione, comprobare. Nam si tantopere studiosorum mentes oblectare solent, qui Christianæ fidei dogmata, tamen si certissima, quippe quæ æterna veritate nitantur, naturalibus tamen rationibus nullo modo aduersari, sed omnino consona esse declarant, cur non idem aliquo modo efficiet, qui sacros Annales, quantumuis certissimos, utpote ex Sacris libris depromptos, etiam Gentilium Historiis nequaquam repugnare, quin potius cum ipsis optimè connecti ac colligari posse demonstrabit? Igitur eadem item de causa, neque inutile iniucundumve fore putavi, aliqua etiam, præsertim illustriora Ethnicorum gesta, propriis locis intexere, quibus, ni fallor, nostra hæc temporum series adhuc magis magisque comprobari poterit.

14. Ceterum neminem offensus velim, quod rem historicam non methodo historica, sed per quaestiones interdum disputare ac tradere videar: quandoquidem id necessitate non voluntate factum intelligēt omnes antiquissimarum actionum studiosi. quippe qui, cum non ignorent quantum huiusmodi rerum inuestigatio obscuritatis habeat (vt propterea mirum non sit, si sapius de eadem re variae & nonnumquam etiam contrariae inveniuntur insignium Auctorum opiniones) certē simul etiam intelligent, non rarō necessarium fore, ad eruendam atque enucleandam veritatem, rationibus hinc inde adductis & probē discussis, rem diligentius examinare, ac denique non purum Historicum, sed, vt ita loquar, Scholasticum agere; mihiq̃ libenter, vt arbitror, hanc veniam dabunt. Etenim tametsi non me lateat, plurimos simplici potius & fluēti Historia delectari, quippe quibus iniucundum, vel etiam aliquando molestum videatur, cœptam semel rerum subsequētiū narrationem interrumpere, & in eiusmodi quaestionibus & digressionibus immorari. Verumtamen, dum istis morem gerere studerem, alios veritatis accuratius inuestigandae, firmiterq̃ stabiliendae magis sollicitos, spe sua frustrari, & multa in dubium vocari contingeret: satius esse putavi (Cardinalis Baronij exempla secutus) nostrae huic narrationi, vbicumque id opus esset visum fuerit, etiam illa intexere, quae ad Historiae veritatem demonstrandam comprobandamq̃ pertinerent. Nam quae nos memoratis de causis praeterire non debuimus, facile poterit, qui volet, legendo dedita opera pertransire, & sine vlla mora, solam rerum gestarum seriem persequi, vel potius ad libitum percurrere. Quod vt facilius fieri possit, has notas, & in marginibus ritē disponi curauimus, quarum prior nudam historiae continuationem, posterior autem quascumque ab historia digressiones praemonstrat.

CVR ALI-
QUANDO
PER QVAE-
STIONES
HISTORIA
SIT TRA-
DENDA.

CVR AV-
CTOR MA-
LVERIT IN
DVBIIS E-
NODANDIS
IMMORARI

15. Sed & aliam pariter postulare veniā cogor, vt scilicet nemo miretur, si nostra haec sacrorum Annalium traditio non prorsus continuata inueniatur, sed multoties interrupta, ita vt plurimum in ea annorum acta desidererentur; quandoquidem certum est, aliter fieri non potuisse: etenim, res ab vltima praesertim antiquitate gestas, puta quartae, tertiae, secundae, & primae mundi Aetatis, non aliunde, tamquam ex proprio fonte, quam ex Sacris libris hauriri posse, nemo est qui nesciat. Atqui illud quoque exploratissimum habemus, (vt benē notat S. Augustinus lib. 16. de Ciuit. cap. 2. & nos sub anno mundi 1666. num. 11. fusiū explicabimus) Scripturae sacrae Auctores, non puros esse Historicos, sed etiam Prophetas, ac proinde non omnia scriptis mandare curasse, sed illa dumtaxat, quae latens aliquod mysterium continere, & hominum saluti conducere videbantur. Quare, si ipsamet Historia sacra multos sparsim annos omnino vacuos, hoc est, sine vlla rerum in eis gestarum memoria consulto praeteriit, quis non videt, idem nos quoque facere coactos esse?

CVR ALI-
QUANDO
INTER-
RUPTE
HISTORIA
SIT TRA-
DENDA.

16. Postremo, quoniam ipsa rerum obscura traditio, quae in sacris Scripturis non rarō offenditur, coget nos interdum vel inuitos Expositoris munere fungi, tametsi ad historicam narrationem id non pertinere mi-

CVR IN-
TERDV-
M SACRI
TEXTVS EX-
PONENDI.

nime

nimè dubitemus : si aliquando vsu veniet, aliquem sacræ Scripturæ textum exponere non in eo sensu quem prima fronte videtur exprimere, pium prudentemque Lectorem etiam atque etiam obsecramus, vt non statim huiusmodi nostram expositionem reiiciat, sed vim argumentationum consecutionumque, & textuum collationem priùs diligenter perpendere non grauetur, quàm sententiam ferat. fieri enim sæpe solet, vt primo aspectu locus aliquis vno modo intelligendus esse videatur, quem tamen aliis locis collatum, accuratiusque, & vt aiunt, aurificis statuta, non populari trutina expensum, necessariò aliter explicari debere quiuis iudicabit. Quod tamen non passim, neque nisi grauissimorum Patrum auctoritate fulti, ac Catholicorum Doctorum sententiam secuti, faciendum duximus. Et hæc dicta sufficiant, vt vnusquisque intelligat, quis scopus, quæ mens, quæ consilia mea omnia fuerint in toto hoc Opere. Quod omnino, meque ipsum pariter, irrefragabili Sanctæ Romanæ Ecclesiæ censuræ libens volensque subiicio, paratus eiusdem iudicio potius quàm meo in omnibus acquiescere.

PRIMA Mundi ætas complectitur annos mille sexcentos quinquaginta sex.

SECUNDA,	} annos }	quadringentos quinquaginta sex.
TERTIA,		quadringentos triginta vnum.
QUARTA,		quadringentos septuaginta nouem.
QUINTA,		quadringentos viginti quatuor.
SEXTA,		sexcentos triginta octo.

ANNALES SACRI

PRIMAE MVNDI AETATIS

AB ORBE CONDITO

AD DILVVIVM EXPLETVM.

I.



E Sacris Annalibus ab exordio Mundi agere instituentes, opus sanè arduum ac valdè laboriosum aggredimur: quod vtiq; ab omnipotente Deo dirigi, iuuari, ac perfici, vel ex semetipso, tacita quadam postulatione flagitat atque expectat: & nos pariter eundem Patrem luminum, à quo est omne datum optimum, & omne donum perfectum, nobis adesse, fauere, opem ferre, quantum possumus, enixè atque humiliter imploramus. Vt igitur ea quæ dicturi sumus, aptè, & eo deinceps ordine quo res ipsæ à suo principio deriuatæ

sunt, atque ita quoque facilius tradi possint; operæpretium existimauius, quædam hîc aliquanto altius repetere: ac priùs de summo omnium Opifice, rerumq; primordiis, ab eodem ante tempora sæcularia dispositis, quantum ipsè concesserit, & ad rem pertinere videretur, pauca præmittere. Atque illud in primis, quod aduersus veterum Philosophorum errores Sacra testantur eloquia vel in ipso Genesis initio, & Prou. c. 8. vers. 22. & Ioan. c. 1. vers. 3. & c. 17. v. 5. videlicet, Mundum non ab æterno extitisse; sed certo quodam tempore, siue (vt magis propriè loquamur) in ipso temporis exordio, fuisse à Deo procreatum. Itaque ante omnia, duo hîc necessariò supponenda sunt: nempe, Deum esse, & eundem esse rerum omnium conditorem. De primo quidem, quatenus naturali lumine cognosci potest, sic pater eloquentiæ, meritoque inter doctissimos quoque Philosophos computandus Cicero in calce lib. 2. de Diuinatione ait: *Esse præstantem aliquam æternamq; naturam, & eam suspiciendam admirandamque hominum generi, pulchritudo mundi, ordoque rerum celestium cogit confiteri.* Et lib. 1. de Legibus, ante medium, ait: *Ex tot generibus, nullum esse animal præter hominem, quod habeat notitiam aliquam Dei.* Quo sanè huius sapientis dicto quid aliud lepidè insinuatur, nisi eos non inter homines, sed inter bruta animalia esse censendos, qui neque quoddam Deus sit scire aut nosse volunt? Prosequitur idem Auctor ibidem: *De ipsisque hominibus nulla gens est neque tam immanis, neque tam fera, quæ non etiam si ignoret qualem habere Deum deceat, tamen habendum sciat.* Sed & in toto pænè de Natura deorum libro 2. multa de hoc doctè ac præclare disserit, tametsi res ei adeò clara videatur, vt ne egere quidem probatione existimari possit. *Quid enim, inquit, potest esse tam apertum, tamq; perspicuum, cum celum suspeximus, celestiæque contemplati sumus, quam esse aliquod numen præstantissimæ mentis, quo hæc regantur?* Et posteaquam hoc ipsum idem Auctor auctoritate Ennii Poëtæ comprobauit, protinus subiungit: *Quod qui dubitat, hand sanè intelligo, cur non idem, Sol ne sit, an non, dubitare possit. Quid enim est hoc illo euidētius? quod nisi cognitum comprehensumque animis haberemus, non tam stabilis opinio permaneret, nec confirmaretur diuturnitate temporis, nec vnà cum sæculis ætatisque hominum inuenerare potuisset. Etenim videmus ceteras opiniones fictas atque vanas diuturnitate extabuisse. Denique asserit, quod inter omnes omnium sententia constat, omnibus innatum esse, & in animo quasi insculptum, esse Deum.* Et hoc deinceps

CICERO
PROBAT
DEVM ESSE.

ADVERSUS
ATHEISTAS.

PLUTARCHI
DE CVLTV
DIVINO
SENTENTIA

QVOD DEVS
SIT OMNIVM
CONDITOR,
EX CREA-
TVRIS DIG-
NOSCITVR.

longa oratione prosequitur multis confirmare rationibus, ex antiquis etiam Philosophis, Cleanthe, Chrysippo, Socrate apud Xenophontem, Zenone, & Aristotele petitis. Quæ quidem Ethnicorum argumenta ad maiorem Atheistarum confusionem, eorum præsertim, qui clanculum inter Christianos, tamquam inter pullos aquilarum adulterini, acie palpitantes, vel potius inter aquilas nycticoraces aut vespertiones versari non verentur, hic adducere possemus, si id permetteret ipsa breuitatis meta, quam nobis ipsi præstitimus. Quamuis aduersus eosdem quoque satis pugnent, quæ efficaciter admodum disputat B. Thomas in vtraque sua Summa, nempe contra Gentes lib. 1. cap. 10. vsque ad 14. & Theologica, in tota primæ partis quæst. 2. Ad quos sanè Auctores vtinam miseri aliquando confugere in animum inducerent, eorum scripta volutare, vim argumentationum introspicere, perpendere, & æqua lance librare, quo densissimas noctis tenebras de cordibus suis, Deo benè iuuante, talibus saltem lucernis propellere possent. Sed non est nobis diutius immorandum in hac certissima veritate pluribus stabilienda, quam & naturalis quidam hominum, in magnis præsertim vitæ periculis, ad opem diuinam implorandam recursus, & non obscurus quoque ad qualemcumque saltem diuinum cultum instinctus, in omnes quantumuis barbaras nationes ab ipsa veluti natura inditus, ac pænè de matris vtero tractus, aut cum lacte nutritis haustus, apertissimè produnt: vt propterea mirum non sit, si Plutarchus sub finem libri aduersus Colotem dicebat: *Si terras obeas, inuenire possis vrbes muris, litteris, regibus, domibus, opibus, numismate carentes, gymnasium & theatrorum nescias: urbem templis diisq; carentem, quæ precibus, iureiurando, oraculo non vtatur, non bonorum causa sacrificet, non mala sacris auertere nitatur, nemo umquam vidit. Sed: facilius urbem conditi solo posse puto, quæ opinione de diis penitus sublata, ciuitatem coire aut constare.* Sic Plutarchus. qui proculdubio, quòd non Deum sed deos nominat, communem illorum temporum erroneamque de multitudine deorum opinionem simpliciter prodit. Denique si Deus, primus motor est, & prima rerum causa, vt Philosophi solo naturali lumine cognouerunt docueruntque; vtique necessariò consequitur, quòd si Deus non esset, neque ipse mundus esset, neque cælorum motus, neque quidquam aliud esse reperiri posset; & consequenter, neque nos ipsi qui hæc scribimus legimusve, vilo modo esse possemus. Sublato enim primo illo esse quod dat omnibus esse, & primo illo motore qui cetera mouet, & prima illa rerum causa quæ cuncta producit ac conseruat, necesse est omnes quoque motus cessare, & cunctos effectus tolli, & ea quæ sunt, amplius non esse. Cum igitur è conuerso euident certumque sit, motum, mundum, & omnia quæ in ipso videmus, reuerà esse, longè certius euidentiusque sit, Deum esse. Et hoc adeò verum indubitatumque est, vt oppositum dicere, sit absurdissimum, & capi nullo modo possit, tamquam quid ab omni humano sensu, iudicio, cogitatione intelligentiaque disiunctum, & rectæ rationi manifestè repugnans: itaque certissimum sit, Deum esse. Etenim hanc veritatem luce meridiana clariorem nemo umquam sanæ mentis non admisit, recepit, amplexus, professus est. Non enim simplici quadam ignorance, sed ea quam prauæ dispositionis appellant, compertum est, laborare perditos illos homines, de quibus in Psalmi 13. initio legimus: *Dixit insipiens in corde suo: Non est Deus.* Quemadmodum etiam clarè indicant, quæ ibidem subnectuntur: *Corrupti sunt, & abominabiles facti sunt in studiis suis.* & quæ sequuntur.

2. Alterum, quod hic supponendum dicebamus, erat, Deum esse rerum omnium conditorem. Quod & pænè innumera diuinæ Scripturæ testimonia asseuerant, & hæc tam vasta tamque benè disposita Mundi fabrica, ac præcipuarum eius partium, puta cælorum, stellarum, elementorum, aliarumque rerum mira varietas, pulchritudo, & consonantia, quid aliud arguunt, nisi diuinam supremi omnium Architecti in eisdem efficiendis, disponendis, ornandis, sapientiam? vt non immeritò scriptum sit in exordio Psalmi 18. *Celi enarrant gloriam Dei, & opera manuum eius annuntiat firmamentum.* Idipsum demonstrant non solum ipsa corporum cælestium magnitudo, eorundemque ordinatissima motuum continuatio; verum etiam sublunaria quæque, lapilli pretiosi, metalla, fossilia omnia, & innumera plantarum genera, si naturæ vires, mirabilesque singulorum effectus, quos non à se ipsis, neque ab alio quàm ab ipso Deo fortitos esse certissimum est, sedulo perpendantur; & si cum sancto Augustino Tract. 24. in Ioan. opera Dei mira ac stupenda in quolibet seminis grano considerentur; & quomodo ipse de paucis granis fegetes creet atque multiplicet. Maximè verò omnium, ac multo euidentius hoc idem ostendunt ipsa animalia, & præcipue perfectiora, si tot tantaque eorum proprietates facultatesque ad sui conseruationem, defensionem, proprij

prij corporis nutritionem, infirmitatum eis contingentium curationem, ac denique in procurandis alendisq̃ue filiis, pro specie ipsorum perpetuanda, diligentiam sollicitudinemq̃ue attendamus, & corpora item eorundem tantis tamq̃ue variis membris, incomprehensibili artificio, ad multiplices ipsorum motus, necessariosq̃ue vitę vsus, quoniam etiam ad oblectamenta cuiusque naturę convenientia aucupanda, appositissime ac decenti proportionem compacta, & concinnę admodum (sicuti oculis ipsis non iniuncte cernimus) accommodata: hæc enim apertissime prædicant id quod dicitur Ecclesiastę cap. 3. vers. 14. *His quę fecit Deus non possumus quidquam addere nec auferre.* & Deuteronom. cap. 32. v. 4. *Dei perfecta sunt opera:* nimirum singula in genere suo. & quod in quodam Responsorio, infra Octauam Pentecostes, sancta canit Ecclesiā; nempe Deum esse omnium artificem, omnem habentem virtutem, omnia prospicientem. Sed & adhuc longę mirabilia sunt, & ad demonstrandam inestimabilem diuini Conditoris virtutem efficaciora, quę in corporibus nostris ceterorumq̃ue animalium intrinsecus latent, & solis eorum indagatoribus, aliqua saltem ex parte, sunt cognita; nempe ossium dispositio, iuncturę, ligamenta, cartilagines, membranę, musculorum multitudo, complexus & implexus, organa sensuum inexplicabili magisterio fabricata, & alia item plurima ad alios vsus, puta ad voces, ad loquelam, variasq̃ue modulationes & cantus, ad generationem & conceptionem, ad cibos sibi proportionatos sugendos, carpandos, vorandos, mandendos, deglutendos, concoquendos, distribuendos, & huiusmodi. His adde vasa multiformia, ad diuersi generis excrementa excipienda, retinenda, ac certis temporibus emittenda, congruis locis mirabiliter aptata: denique viscera omnia, præsertim insigniora, iecur, cor, cerebrum, & quę ab ipsis procedunt, nerui, arteriæ, venę; quę (vt ait Cicero lib. 2. de Natura deorum) *crebrę multęq̃, toto corpore intextę, vim quamdam incredibilem artificiosi operis diuinig, testantur.* Videat accuratus Lector plura quę de his idem Auctor ibidem elegantissime, vt solet omnia, & si libet & vacat, adhuc plurima, quę diligentissime Galenus in libris de Vsu partium, tradiderunt, & intelliget, nihil aliud æquę horum Philosophorum mentes ad diuinę naturę notitiam erigere valuisse.

3. Hęc quę hæcenus tetigimus, & eiusmodi alia, si non perfunctoriē, vt communiter fit, sed penitiori quadam consideratione; neque cum ethnicis Philosophis tantum, sed cum sanctis quoque & Ecclesiasticis Doctoribus, potissimum verū cum valde pio ac religiosq̃ viro, & egregio nostri temporis Scriptore, Ludouico Granatensi, in suę ad fidei Symbolum Introductionis parte prima, vbi hoc argumentum latissime atque eloquentissime prosequitur, contempleri vouerimus, proculdubio re ipsa comperiemus, mirabilia, quę de rebus in hoc mundo existentibus, ac præcipue de intestinis animalium partibus, & organis, vel leuiter indicauimus, non ab ipsismet animalibus, neque ab vlla alia præterquam à diuina potentia fieri proficiscive potuisse. Quod & apertę Scriptura sacra nos docuit Ecclesiastę cap. 11. vers. 5. dicens: *Quomodo ignoras quę sit via spiritus, & quā ratione compingantur ossa in ventre pregnantis, sic nescis opera Dei, qui fabricator est omnium.* Et item in persona generosę illius mulieris, quę 2. Machab. cap. 7. ver. 22. coram filiis suis id constanter asseuerabat: *Nescio, inquit, qualiter in utero meo apparuistis: neque enim ego spiritum & animam donauī vobis, & vitam; & singulorum membra non ego ipsa compegi: sed enim mundi Creator, qui formauit hominis naturam, quig, omnium inuenit originem.* Quin etiam longę ante hos, Iob cap. 10. vers. 10. dicebat Domino: *Nōne sicut lac mulxisti me, & sicut caseum me coagulasti? Pelle & carnibus vestisti me; ossibus & nervis compegisti me?* Igitur manifestę patet, quod subministrare animalibus vitam viuacemq̃ue potentiam, animare & ordinare membra, vegetare sensus, formare femina, alimenta donare, & huiusmodi alia, diuinę solius est potestatis. Cuius memorati aliiq̃ue admirabiles effectus, idē (quemadmodum loco supra numero præcedenti citato sanctus asserit. Augustinus) nostris passim admoti sunt sensibus, quod erigeretur mens, & exhibiti oculis vbi exerceretur intellectus, vt inuisibilem Deum per visibilia opera miraremur, & erecti ad fidem, & purgati per fidem, etiam ipsum inuisibilem videre cuperemus. Sic ille. Denique Apostolus ad Rom. cap. 1. vers. 20. docet, ex horum visibilium contemplatione, olim Philosophos solo lumine naturali (vt ibidem Expositores declarant) Deum existere, cognouisse. *Inuisibilia enim, inquit, ipsius* (hoc est Dei, nempe eius potentia, sapientia, & bonitas, per quę eius natura manifestatur) *à creatura, id est à creatione, mundi, per ea quę facta sunt, intellecta conspiciuntur.* & consequenter, *sempiterna quoque eius virtus & Diuinitas.* Videat, obsecro, prudens Lector, quę S. Ioannes Chrysostomus Homil. 9. ad Populum Antiochenum, memorata Apo-

stoli verba declarans, suo more luculenter & ornatè differit; quorum pauca de multis hîc retulisse sufficiat: *Ante omnium oculos, ait, creaturam in medio proposuit* (subaudi Deus) *ut ex operibus Creatorem coniciant; quod quidem & alius dicebat* (nempe Sapiens paulò post citandus) *Ex magnitudine & pulchritudine creaturarum, proportionabiliter ipsarum Auctor consideratur. Vidisti magnitudinem? considera potentiam Conditoris cum admiratione. Vidisti pulchritudinem? sapientiam obstupece; quod & Propheta demonstrans, dicebat: Cali enarrant gloriam Dei. Quomodo igitur narrant, dic mihi? Vocem non habent, os non possident, ipsis non est lingua. Quomodo igitur narrant? per ipsum aspectum: cum enim videris pulchritudinem, magnitudinem, celsitudinem, situm, formam, per tantum temporis permanere; tamquam vocem audiens, & ad aspectum discens, adoras eum, qui tam pulchrum & admirabile corpus creauit. Tacet celum; sed ipsius aspectus vocem tuba clariorem emittit; per oculos, non per aures nos docens: hic enim sensus naturâ est illo certior & manifestior. Si enim per libros docuisset & litteras; litterarum quidem peritus scripta didicisset, nesciens verò, nihil inde adiutus abiisset, si quis alius non induxisset. Et dives quidem librum emisset, pauper autem emere non potuisset. Rursum, vocem quidem illam per litteras significatam sciens, intus positum nosset; Scythia verò, & Barbarus, & Indus, & Aegyptius, & omnes lingua carentes illa, nihil docti abiissent. Hoc autem de celo dicere non licet, sed & Scythia, & Barbarus, & Indus, & Aegyptius, & omnis homo super terram incedens, hanc vocem audiet. Non enim per aures, sed per oculos in mentem incidit nostram. Visibilem autem participatio eadem, neque differens sicut linguarum. In hunc pariter librum & idiota & sapiens intueri potuerunt, & pauper & dives; & quocumque quis venerit, in celum respiciens, sufficientem capiet doctrinam ex aspectu. Quod quidem & ipse Propheta innuens & demonstrans, quòd vocem creatura Barbaris emittit & Gracis, & omnibus vniuersaliter hominibus sic intelligi facilem, dicebat: Non sunt loquela, neque sermones, quorum non audiantur voces eorum. Quod autem dicit, tale est: Non est gens neque lingua, quæ hanc vocem intelligere non possit: sed talis est ipsorum vox, ut ab omnibus hominibus audiri possit. Hæc & plura eiusmodi alia, quæ breuitatis studio præterimus, ibidem prosequitur idem sanctus Doctor. Itaque vt vno verbo rem perstringamus, verissimum est, non modò celos; sed & vniuersa hæc quæ in hoc mundo conspiciamus, tacitas quasdam esse omnium creaturarum voces, quæ pariter, licet non eodem modo, cum S. Propheta in Psal. 99. vers. 3. in auribus aures audiendi habentium perpetuò exclamant: *Scitote quoniam Dominus ipse est Deus: ipse fecit nos, & non ipsi nos.* Quare non immeritò S. Augustinus in Psal. 26. vers. 6. dicebat: *Circumcat animus tuus per vniuersam creaturam; undique tibi clamabit creatura: Deus me fecit. Quidquid te delectauerit in arte, artificem commendat: magis, si circumcas vniuersa, consideratio concipit artificis laudem. Vides calos; magna opera Dei sunt. Vides terram; Deus fecit semina innumera, diuersitates germinum, multitudinem animalium. Circumi adhuc calos, vsque ad terram, nihil relinquis, undique tibi omnia resonant Conditorum, & ipse species creaturarum, voces sunt quasdam Creatorem laudantium.**

CONTRA
IDOLOLA-
TRAS.

4. Non igitur mirum est, si Sapientiæ cap. 13. per totum, haud immeritò certè, conqueritur Sapiens de quorundam hominum vanitate, vel potius dixerim, insipientia; qui ex rerum creaturarum pulchritudine, non solum ad summi Dei creatoris cognitionem mentis oculis eleuare non studuerunt; sed in ipsarum vana duntaxat contemplatione persistentes, vel etiam delitescentes, easdem deos esse existimauerunt. Ponam hîc verba Sacri textus, ut res clarior fiat: *Vani, inquit, sunt omnes homines, in quibus non subest scientia Dei: & de his quæ videntur bona, non potuerunt intelligere eum qui est; neque operibus attendentes, agnouerunt quis esset Artifex: sed aut ignem, aut spiritum, aut citatum aërem, aut gyrum stellarum, aut nimiam aquam, aut solem & lunam, rectores orbis terrarum deos putauerunt. Quorum si specie delectati, deos putauerunt: sciant quanto his dominator eorum speciosior est. Speciei enim generator hæc omnia constituit. Aut si virtutem & opera eorum mirati sunt, intelligant ab illis, quoniam qui hæc fecit, fortior est illis: à magnitudine enim speciei & creatura, cognoscibiliter, (siue, ut exponit B. Chrysostomus numero præcedenti citatus, proportionabiliter) poterit Creator horum videri. hæcenus Sapiens. qui ibidem post pauca pronuntiat, quòd his qui sic errant non debet ignosci. Si enim, ait, tantum potuerunt scire, ut possent æstimare seculum (id est mundi naturam assidua contemplatione assequi) quomodo huius Dominum non facilius inuenerunt? sic ille. Sed si infelices isti sunt & inexcusabiles; quanto infeliciores & minus excusatione digni sunt hi, de quibus ibidem subiungitur: *Et inter mortuos fors illorum est, qui appellauerunt deos, opera manuum hominum, aurum & argentum, artis inuentionem, & similitudines**

tudines animalium, aut lapidem inutilem, opus manus antiquæ. & cap. 15. vers. 6. Maiorum, ait, amatores digni sunt, qui spem habeant in talibus, & qui faciunt illos, & qui diligunt, & qui colunt. & est, ac si dicere voluisset: Qui eiusmodi idola faciunt, diligunt, aut colunt, malorum sunt amatores, & digni qui in talibus spem suam reponant. Hos idololatras ridet, ibidem & capitibus sequentibus idem Auctor, & Ieremias in toto Baruch cap. 6. & alibi Scriptura non semel.

5. Sed, his omisiss, iam redeundum est ad id, de quo agere cœperamus, nempe ad supremum rerum omnium Conditorem, de cuius natura prius aliquid vel primis tantum, vt dicitur, labris degustandum videtur, antequam ad eius operationes descendamus: id enim recta ordinis ratio postulat. Porro ipsum esse naturam quamdam, omnium quæ sunt aut esse possunt perfectissimam atque eminentissimam, naturaliter scire possumus. Nam si quid ea perfectius sublimiusve reperiri aut excogitari vnumquam posset, illud vtiq; & non aliud illo minus, Deum esse, fateri oporteret. Et hunc item vnum esse, etiam Philosophi cognouerunt. Siquidem contemplantes ordinatissimam hanc rerum vniuersitatem, in qua tot tantaque rerum genera ita inter se subordinata esse conspiciuntur, vt sese inuicem, veluti per quosdam gradus, in naturarum suarum perfectione transcendere ac superare videantur (quemadmodum patet consideranti primò elementa, dein mixta quæ vocant imperfecta, vt sunt nix, pruinæ, grando, & similia; mox perfecta, nempe lapides diuersi generis, metalla & eiusmodi, post hæc varias plantarum animantiumque species, alias aliis perfectiores, vsquequò veniamus ad homines & Angelos, inter quos etiam gradatim alij aliis eminent, ac denique ad ipsum Deum, vltra quem amplius ascendere non potest) nihil aliud arguere potuerunt, quàm ipsum Deum esse vnum, eundemque super omnia perfectissimum. Quod etiam ipsis declarabat successiua mouentium series, & causarum subalternatio, donec ad supremum motorem, & causam causarum, quæ pariter vnus Deus est, deueniatur. etenim rationi admodum repugnat, in his dari posse processum in infinitum. Porro rerum subalternationem, quam suprà indicauimus, breuiter tetigit Ecclesiastes cap. 5. vers. 7. illis verbis: *Excelsa excelsior est alius, & super hos quoque eminentiores sunt alij, & insuper vniuersa terra Rex imperat seruienti.*

6. Verum enimvero primam hanc rerum omnium causam, & supremum motorem, quem dicimus Deum, in essentia vnum esse, trinum verò in personis, nempe Patrem, Filium, & Spiritum sanctum, & totam simul hanc Trinitatem ad mundi huius fabricam concurrissè, non ex Philosophorum dogmatibus, neque luminè naturali, intelligere valemus: sed ex diuinis addiscere oraculis oportet, quibus fidem non adhibere, impium esset: & item ex communi sacrorum Theologorum schola, quæ sanam hanc doctrinam, tamquam ex intimis sacræ Scripturæ penetralibus maximo studio ac diuina illustratione erutam, palàm profitetur docetque: nimirum primam illam sanctissimæ Trinitatis personam, quam Patrem appellamus (quoniam iuxta humanæ intelligentiæ modum, veluti principium quoddam est & origo totius Diuinitatis) se ipsam intelligendo, producere conceptum quemdam perfectissimum, quem secundam Trinitatis personam, & Filium dicimus, seu Verbum illud æternum, de quo legimus Ioan. 1. *In principio erat Verbum.* Vtramque verò personam, scilicet Patrem & Filium, sese inuicem mirum in modum diligentes, communi quadam atque ineffabili spiratione, tertiam producere personam, quæ Amor siue Charitas quandoque dicitur, iuxta illud Ioan. 4. *Deus charitas est.* interdum verò, communi nomine, Spiritus (qua voce significari Deum, habemus in Euang. Ioan. cap. 4. vers. 24. *Spiritus est Deus*) communiter autem, & veluti per antonomasiam, à sacris Theologis, atque ab vniuersa pariter sancta Ecclesia, & à sacra item Scriptura, Spiritus sanctus appellatur. Verum quod attinet ad secundam Trinitatis personam, Scriptura sacra (quemadmodum docet Theodorus Ancyram Episcopum Homil. de Natiuitate Domini, quæ habetur in Concilij Ephesini tom. siue lib. 3. cap. 10.) vt congruam diuinæque gloriæ conuenientem doctrinam tradere studeat, aliquando eam Patris Filium, aliquando Verbum, interdum verò etiam Splendorem appellat. Filium, inquam, dicit, vt vniam eandemque æterni Patris ac Filij substantiam esse ostendat. Siquidem constat inter nos, Filium eiusdem cum Patre esse naturæ. At verò, quia apud nos Filij productio non sine ipsius patrisque passione fieri solet, vt in æterni Filij generatione nihil tale esse sciremus, eundem Patris Verbum vocat. verbum enim ab hominibus non solum sine difficultate ac dolore, sed etiam sæpè magna cum delectatione proferri consuevit, iuxta illud Iob c. 4. vers. 2. *Conceptum sermonem tenere quis poterit?* Denique quoniam in humanis, filius

ætatē semper minor est Patre; ne idem quoque in diuinis esse, perperam credi posset, eundem Filium (ad Hebr. cap. 1. ver. 3.) appellat Splendorem Patris. Splendor namque vnā cum luce producitur existitque. Itaque (vt optimē citatus Auctor concludit) Generationis impatibilitatem, Verbum significat, Consubstantialitatem, Filius indicat; Coexistentiam, Splendor insinuat. Sanē, quod dictum est, Deum Patrem generare Deum Filium, & vtrumque simul producere Spiritum sanctum, non eo prorsus modo fieri accipiendum est, quo in nobis ipsis spiritualiter experimur: quandoquidem & amor ille, qui ex mutua inter nos dilectione producitur, accidentalis res est; & humana mens cum rem aliquam intelligit, conceptum quemdam eiusdem rei accidentalem in se ipsa gignit, qui pro diuersitate rerum intellectarum variari ac multiplicari consuevit. Sed longē altiori atque excellentiori modo æternus ille Pater, in quo nihil prorsus accidentale est, nihil à seipso alienum (quidquid enim in Deo est, Deus est) vniuersa bona sua, hoc est, totum seipsum intuens, ac cumulatissimē perfectissimēque (quod ei proprium ac singulare est) intelligens atque comprehendens, conceptum vnum simplicissimum ac perfectissimum, quem dicimus vnicum Dei Filium, consubstantialē, coæternum, sibi que per omnia parem generat, & vterque, Pater scilicet & Filius, deifico quodam atque incomprehensibili mutue charitatis amore, Spiritum sanctum, verum sempiternumque Deum, ipsique per omnia æqualem, vt Theologico vtar termino, æternaliter producunt. Quomodo autem ista fiant, si quis interroget, vti que non aliter responderi potest, nisi quemadmodum de alia pariter occultissima Dei operatione rectē S. Augustinus Tractatu 26. in Ioannem monet, dicens: *Noli velle iudicare, si non vis errare.* etenim hæc & huiusmodi alia Dei arcana, curiosius quā par est, inuestigare nemo debet; ne, sicuti scriptum est, scrutator Maiestatis opprimatur à gloria. Quin potius diuinam bonitatem humiliter demirari ac venerari debemus, necnon etiam debitas ei gratiarum actiones exsoluere; tum quod inscrutabilem sempiternamque Verbi sui generationem in mentibus quoque nostris, modo paulō antē indicato, aliquatenus adumbrare non indignum duxerit; vt hæc etiam inter alias de causā, hominem ad imaginē & similitudinē Dei creatum fuisse, testante Sacro eloquio, constet: tum quod populo Christiano, non commune quamdam, sicut & ceteris gentibus, diuinæ Maiestatis suæ noticiā, viribus ingenij humani à Philosophis intellectā, concesserit; sed insuper aliam quoque illa multo sublimiorem, & valdē reconditam, quæ omnem humanam intelligentiam superat, nimirum altissimæ Trinitatis mysterium, mira pietate reuelare ac patefacere non sit dedignatus. & denique (quemadmodum hortatur sancta Mater Ecclesia in Catechismi Romani par. 1.) Deum sine intermissione rogare nos conuenit, vt qui diuino beneficio hæc credimus, aliquando in æterna tabernacula recepti, digni simus qui videamus, quæ tanta sit Dei Patris fecunditas, vt se ipsum intuens atque intelligens, parem & æqualem sibi Filium gignat: quōve modo duorum idem planē & par charitatis amor, qui Spiritus sanctus est, à Patre & Filio procedens, Genitorem & Genitum æterno atque indissolubili vinculo inter se connectat; atque ita diuinæ Trinitatis vna sit essentia, & trium personarum perfecta distinctio. Verum pauca hæc de interna illa Deitatis operatione, quæ tribus diuinæ essentia personis non eadem est, sed singulis propria, atque ab æterno, breuiter præmississe sat sit.

RERVM
CREATIO
A
SANCTISSI-
MA TRINI-
TATE PRO-
FECTA.

7. Nunc ad eam, quæ exterioris se extendit, & aliquando initium habuit, videlicet ad vniuersi procreationem, pro instituti nostri ratione, veniamus. hæc namque tribus hisce diuinis personis, vt sacri omnes Theologi sentiunt, communis est; quod etiam nonnulli elicere nituntur ex illis Genes. verbis: *In principio creauit Deus calum & terram.* Quia, inquit, in textu Hebraico, pro Deo non habetur עֶלֹהִים Eloah, quod significat Deum, sed עֶלֹהִים Elohim, in numero plurali, hoc est, *Dij*; putantque id diuinitus factum esse, vt vel sic quodammodò innoscere posset, non quidem esse plures Deos (præmittitur enim *creauit* in numero singulari) sed in vno Deo, seu in essentia diuina, quæ vna & simplicissima est, esse tres personas, Patrem scilicet, & Filium, & Spiritum sanctum; easque omnes ad rerum creationem concurrisse. Verum hæc illius loci expositio non vsquequaque firma videtur. Quia (quemadmodum benè probat Cardinalis Bellarminus lib. 2. de Christo cap. 6.) non ibi tantum, sed & alias quoque passim in Sacro eloquio nomina pluralia cum verbis numeri singularis apud Hebræos coniuncta reperiuntur. Cuius rei nulla alia ratio assignari posse videtur, nisi quia, inquit, apud ipsos Hebræos consuetudo est, vt nomen plurale aliquando rem singularem significet: Latini autem, eiusmodi consuetudinem non habent. Et propterea neque

que LXX. Interpretes, neque S. Hieronymus verterunt *Dij*, neque vllus alius ita vertere auderet: quod est argumento, ea nomina in his locis pluralem significationem non habere, sed singularem. Ergo quod dicebamus de diuinarum personarum concursu ad rerum productionem, multo melius atque efficacius deduci potest ex Psalmo 32. v. 6. vbi legimus: *Verbo Domini celi firmati sunt, & spiritu oris eius omnis virtus eorum.* Verbum enim Domini, vt sacri testantur Expositores, Filius est Patris; & Spiritus oris eius, Spiritus sanctus est. Appositè igitur Rupertus Abbas Tuitienfis Commentaria sua in Genesim inscribere maluit, De Trinitate & operibus eius; vt hoc titulo indicaret, omnia quæ ibidem de creaturarum productione narratur, opera esse totius Trinitatis. Quod etiam docuerat B. Augustinus Tom. 2. Epist. 102. quæ est ad Euodiu[m], his verbis: *Non putemus à Patre aliam, & à Filio aliam, & à Spiritu sancto aliam esse conditam creaturam, sed omnia & singula, quæ creata sunt, vel creantur, Trinitate creante, subsistere.* & sanctus Fulgentius lib. de Fide ad Petrum cap. 3. in princ. (qui liber inter opera sancti Augustini circumfertur:) *Principaliter itaque, inquit, tene, omnem creaturam, quæ non est Trinitas Deus, ab ipsa sancta Trinitate, quæ solus Deus æternus & verus est, creatam ex nihilo. Ac sic vniuersa in cælis & in terra, visibilia & inuisibilia, siue Thronos, siue Dominationes, siue Principatus, siue Potestates, opus atque creaturam esse sanctæ Trinitatis, quæ est vnus Deus, rerum omnium creator & Dominus, æternus, omnipotens, iustus, & bonus, habens naturaliter vt semper sit, & mutari aliquando non possit.* Sic ibi citatus Sanctus; vbi plura quoque alia ad hoc ostendendum prudens Lector inueniet. Denique in Officio sanctissimæ Trinitatis sancta canit Ecclesia: *Benedicta sit sancta, creatrix, & gubernatrix omnium, sancta & indiuidua Trinitas.*

8. Vt igitur hinc Historiam nostram exordiamur, summus ille rerum Opifex, trinus in personis, scilicet Pater, & Filius, & Spiritus sanctus, in essentia verò vnus Deus Opt. Max. qui naturaliter simplicissimus, increatus, æternus, immensus, & omnino independens semper existit, eritque, à nemine, præterquam à se ipso comprehensibilis; in se, & ex se substantialiter, & supra quàm quod dici, aut capi potest, felicissimus ac beatissimus; ille, inquam, supremus omnium Princeps, immensæ ac nimis metuendæ maiestatis (qui, vt dicitur in Apocalyp. cap. 19. vers. 16. *habet in vestimento, & in femore suo scriptum; Rex regum, & Dominus dominantium:* & vt habetur prima ad Tim. cap. 6. vers. 16. *solus habet immortalitatem, & lucem inhabitat inaccessibilem; quem nullus hominum vidit, sed nec videre potest; cui honor, & imperium sempiternum:* & denique, vt ait sanctus Leo Papa Sermon. 2. de Natiuit. *Ille Deus omnipotens & clemens, cuius natura bonitas, cuius virtus potentia, cuius opus misericordia est:* & de quo in Psal. 89. vers. 2. dicitur: *Præusquam montes fierent, aut formaretur terra & orbis, à sæculo & usque in sæculum tu es Deus.*) mundum quidem condere (cùm sit ipse immutabilis) ab æterno decreuerat, vt ex proprio atque indeficienti omnium bonorum suorum fonte, veluti riuiolos quosdam deriuaret, & inestimabiles omnipotentis, sapientiæ, ac bonitatis suæ diuitias ostenderet, quemadmodum in magnificentissimo illo Assueri Regis conuiuii quoquomodo adumbratum legimus Esther cap. 1. sed tamen non nisi certo quodam, vt ita dixerim, tempore, mundum ipsum & omnia quæ in eo sunt producere voluit; tum vt inde postmodum cunctis manifestius notum faceret, se esse primum Auctorem omnium, & primam cunctarum rerum causam; magisque declararet infinitam vim diuinæ virtutis suæ, quæ non solum res ex nihilo, sed etiam, quando ei complacuit, efficere potuerit: tum etiam vt euidentius declararet, se non ex necessitate, aut propria vtilitate, quasi creaturarum famulatu indigeret; sed ex libera voluntate, & puro diffundendæ bonitatis suæ studio, vniuersi fabricam construxisse; cùm ex ea nihil gloriæ suæ essentiali accresceret, sed per tot sæcula, vel potius, vt ita dixerim, per tot æternitates, sine ipsis creaturis, in se ipso æquè felicissimus semper extiterit; & vt ait Psalmista, bonorum nostrorum ipse non egeat.

DEI QUAE-
DAM DE-
SCRIPTIO-
NES.

DEVS CVR
MVNDVM
CREARE
VOLVERIT.

9. Itaque in principio, vt ait Moyses, id est ante omnia tempora sæcularia; nimirum intra immensam illam æternitatis suæ latitudinem, quando scilicet infallibili voluntatis suæ proposito complacuit, *creauit Deus celum & terram.* Sed hinc, antequam vltieris progrediamur, necessarium videtur tacita cuidam obiectioni occurrere. Dicit enim fortasse aliquis: Quomodo hoc verum est, si Ecclesiastici cap. 1. vers. 4. legimus, quod prior omnium creata est Sapientia? & cap. 24. vers. 5. ipsamet Sapientia de se idem testatur, dicens: *Ego ex ore Altissimi proditiui primogenita ante omnem creaturam.* & vers. 14. *Ab initio, inquit, & ante sæcula creata sum.* Et Prouerb. cap. 8. vers. 24. *Non dum erant abyssi, & ego iam concepta eram; necdum fontes aquarum eruperant, necdum*

AN PRIMO
CREATA SIT
SAPIEN-
TIA.

montes gravi mole confiterant: ante colles ego parturiebar: adhuc terram non fecerat, & flumina, & cardines orbis terræ. Quando preparabat celos, aderam: quando certa lege & gyro vallabat abyssos: quando æthera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transirent fines suos: quando appendebat fundamenta terræ, cum eo eram cuncta componens, &c. Respondemus, quòd licet ex his posset fortè quis suspicari, Deum ante productionem cæli & terræ, creasse spiritum sapientiæ, ac per ipsum postea reliqua omnia perfecisse: attamen certum est, præcitata, & si quæ sunt alia eiusmodi Scripturæ loca, non ita esse accipienda, ac si velint significare, ipsam Sapientiam propriè ac reuerà fuisse creatam; sed potius cum Cornelio Ianfenio, in suis citatorum librorum Commentariis, interpretanda esse, ac si innuere voluissent, ipsam Sapientiam ante rerum creationem existisse. Quod etiam clarè indicant verba, quæ in eodem Prou. cap. vers. 23. habentur: *Ab æterno ordinata sum, & ex antiquis antequam terra fieret.* & in cap. Ecclesiastici adducto vers. 5. *primogenita ante omnem creaturam.* non dicit, ante alias creaturas; sed, *ante omnem creaturam*, id est ab æterno (quemadmodum de Filio Dei dicitur) genita. sensus igitur germanus locorum, quos citauimus, est; diuinam Sapientiam ab æterno quidem existisse, sed humano more quodammodò dici posse, quòd concepta, & veluti per spiritualement quendam parturitionem edita fuerit, vel creata ab initio: quoniam cum priùs ante mundi constitutionem lateret in Deo, postea per prima ipsius Dei opera, in ipso mundi initio facta, manifestari cœpit; & veluti si mul cum ipsis mundi primordiis produci, hoc est, in lucem edi. & hoc quoque videtur posse elici ex his quæ loco Prouerb. allegato vers. 22. habentur: *Dominus possedit me in initio viarum suarum antequam quidquam faceret à principio.* Hæc siquidem possessio (vt ait B. Hieronymus in epistola 139. quæ est ad Cyprianum tom. 3.) significat, quòd semper Filius in Patre, & Pater in Filio fuerit. Et (quemadmodum rectè etiam ipse exponit Ianfenius) *Dominus possedit me in initio viarum suarum*, idem est, ac si diceremus: Dominus habuit me in initio operationum suarum, imò etiam antequam quidquam faceret à principio: id est, ante ipsam creaturarum productionem. Et ratio quoque adstipulatur, Sapientiam ab æterno existisse. Nam si, vt par est, per Sapientiam intelligamus Dei sapientiam: profectò cum illa nihil aliud sit, nisi ipsemet Deus seu naturalis filius Dei, cui specialiter ipsa attribui solet sapientia; implicat dicere, hanc Sapientiam aliquando habuisse principium: Deus enim æternus est. Si verò per sapientiam intelligamus illam quam aliquando Deus suis solet communicare creaturis: neque hæc propriè & absolute creata dici potest; cum sit quædam diuinæ increatæque sapientiæ participatio. Neque ante omnem creaturam genita potest intelligi, quòd ipsis creaturis fuerit communicata; quoniam rationabiliter supponere oportet, ipsas priùs creaturas esse productas, ac deinde eis sapientiam fuisse communicatam. Nam sicut in homine non nisi formato priùs corpore, infunditur anima, ita eidem homini non nisi post inditam animam, communicatur sapientia. Constat itaque, diuinam Scripturam locis suprà adductis, & alibi non semel, quotiescumque de diuina Sapientia, tamquam de re ab ipso Deo separata loquitur, & introducit ipsam dicentem, se cum Deo, quando præparabat celos, & cetera primorum sex dierum opera moliebatur, adfuisse, & cum ipso Deo cuncta componere studuisse, & eiusmodi alia; constat, inquam, eam humano more loqui, vt vel sic faciliùs, & aliquantulum quæ Dei sunt, humana mens capere valeat: etenim ipsa præ sua exiguitate, quæ in Deo vnum sunt, non nisi sensum, & per partes, atque ad humanarum rerum similitudinem, percipere potest.

10. Vt igitur ad id vnde digressi sumus, redeamus, verum est quod ait Moyses: *In principio creauit Deus cælum & terram:* id est hoc vniuersum, siue omnem creaturam, tam spiritualement quam corporalem: siquidem cæli & terræ nomine, etiam in ipsis contenta, & consequenter omnis creatura comprehendi potest. Nisi fortè hisce verbis sanctus Propheta etiam indicare voluerit, Deum in principio, hoc est, ante alia quæ subsequenter in Sacro textu narrantur, creasse cælum & terram; videlicet celos, & elementa, ita vt cæli vocabulo omnes cæli significari videantur; terræ verò, omnia quæ sub cælo sunt. Solent autem cæli in vniuersum ad tres potissimum reduci; nempe ad Empyreum, vbi sedes est Beatorum, Sidereum, quo omnes quotquot sunt mobiles cæli orbis amplectimur; & Aëreum, quod subtiliora duo elementa signare videtur, aërem scilicet & ignem; quos propterea Moysen in sua narratione non expressisse aiunt, quòd eos vulgus cælum esse existimaret. vel si mauius, illum cuncta quattuor elementa, terræ vocabulo indicasse, vt pote quæ, vt infrà sub die mundi primo, num. 1. ostend-

R E R V M
C R E A T I O -

C A E L I
Q V O T, E T
Q V I D C A E -
L I N O M I -
N E.

ostendemus, in massa terrea quodammodo contineri videantur: necesse erit dicere, Moysen cæli voce tantummodo Sidereum ac Empyreum indicare voluisse. Neque enim à sensu Moysaico alienum putamus (quemadmodum etiam multi ex sanctis Patribus, Theologisque Doctoribus sentiunt) cæli nomine etiam Empyreum fuisse indicatum: tamen illud à ceteris, cum natura, tum creatione, vt numero sequenti patebit, valde diuersum sit, & tempore Moysi, communiter Iudæis esse omnino incognitum. Nam cur in huius Vniuersi creationis narratione prætermitti ea res debuit, quæ eiusdem pars maxima, & præcipua, nobiliorque est: Etenim quamquam satis videri poterat, si Moyses, qui rudiori populo hæc scribebat, vt eum ab errore Gentilium reuocaret, adorantium Solem & Lunam aliaque astra, si inquam docuisset, hæc & cuncta quæ videntur, ab inuisibili Deo esse creata, vt vel sic ipsi desinerent creaturas tamquam deos colere; quin potius ex earum pulchritudine & præstantia, summi creatoris eminentiam maiestatemque agnoscerent, ei que omnem cultum venerationemque adhibere in animum inducerent: attamen sanctus vir ac Propeta non erat nequeius, scripta sua ad posteros quoque ac peritiores esse peruentura, qui Deum Opt. Max. non modo visibilibus, sed etiam inuisibilibus factorem esse faterentur. Quare cum optimè teneret, se propter datam sibi à Deo primordiorum Mundi notitiam, sapientibus ac insipientibus esse debitorem; ex quo historiam creationis Vniuersi diuino nutu scribendam susceperat, prudentissimè ita stylum suæ narrationis temperare studuit, vt æquè omnibus prodesse ac satisfacere posset: & quæ de totius Mundi opificio scriberet, sic ab imperita multitudine, quatenus ei opus esse videretur, commode capi valeret; vt pariter eleuatiore quoque ingenia, ad primam rerum productionem cum naturali, tum etiam diuino lumine altius contemplandam, promoueret. Itaque; vt arbitror, non inconuenit cum multis sacris Theologis ac sanctis Patribus ponere, cælum Empyreum, vel pariter cum ceteris, vel potius vno saltem momento ante alios cælos à Deo fuisse conditum, Angelicisque spiritibus refferum. Quando quidem constat, opinionem illam, quam tangit Augustinus Eugubinus in sua Cosmopœcia, de cælo Empyreæ, quod scilicet cum ipso Deo coæternum fuerit, esse erroneam, vel parè hæreticam, ideoque à suis codicibus, Ecclesia iubente, penitus expungendam. Nam, vt ait sanctus Augustinus lib. 8. super Genes. ad litteram cap. 23. *Trinitas ita est æterna, vt ei coæternum aliquid esse non possit.* & præterea stat illud inconcussæ veritatis axioma, à quo suum Tertullianus librum quintum aduersus Marcionem exorditur: *Nihil sine origine, nisi solus Deus.* & illud item Ioan. cap. 1. *Omnia per ipsum facta sunt, & sine ipso factum est nihil.* & denique illud Iustini Martyris in Dialogo cum Tryphone de Veritate Christianæ religionis, non procul ab initio: *Quicumque secundum Deum sunt, aut erunt vniquam, ea naturam corruptibilitatis obnoxiam obtinent, abolique & ulterius non extare possunt: solus autem ingenuus, (hoc est sine principio) & incorruptibilis est Deus, & propterea Deus est: omnia verò reliqua genita sunt, & corruptibilia.* Sic ille. subaudi, quia etiam illa quæ incorruptibilia dicimus, & à parte post æterna, per supremam tamen diuinam potentiam ad nihilum redigi possent, si Deus vellet, vt nos sub die Mundi 1. n. 2. probabimus.

IUSTINI
MARTYRIS
DESOLVS
DEI AETER-
NITATE
SENTEN-
TIA.

11. Vt autem, antequam ad alios cælos deueniamus, aliquid de ipso Empyreæ, Angelicisque spiritibus in eo creatis, in medium asseramus; dicimus primò cum sacra Theologorum schola, cælum Empyreum esse corpus cæleste, omnium que in vniuerso mundo sunt cellissimum atque amplissimum: siquidem super omnes cælos, à Philosophis atque Astrologis lumine naturali cognitos, latissimè distenditur; & propterea in Scripturis sacris, per excellentiam, cælum cæli dicitur, & cæli cælorum appellatione signatur. Differre autem à ceteris, certum est, non solum quod magnitudine ac nobilitate reliquos omnes longè admodum superet, verum etiam, quod cum ceteri in continuo motu circulari sint, illud immobile ac stabile semper maneat; vt propterea non defuerint ex Theologis, qui ipsum non sphericam, vt ceteri, sed quadratam habere figuram dicere non dubitauerint. Et cum alij non vno eodemque tempore, plasmati simul ac perfecti fuerint, sed veluti per partes fabricati (prius namque sine proprio ornatu, mox luce astrisque decorati, ac propriis item motibus donati, atque ad perfectum redacti sunt) illud simulac à Deo creatum est, illic etiam vsquequaque perfectum, ac modis omnibus absolutum fuit; nec non sublimi quadam claritate ac maiestate illustratum, ita vt totum diuina quadam & innata luce præfulgeat, luce, inquam, admodum rara, quæ radios non emittit, nec mortalium oculis cerni potest, cuiusmodi lux ignis in propria sphaera esse perhibetur; vt appositè de ipso Empyreæ dictum accipi

DE CÆLO
EMPYREO.

cipi possit, quod de superna illa ciuitate Ierusalem Ioan. in Apocalyp. cap. pænult. vers. 23. ait: *Non eget sole, neque luna, vt luceant in ea. nam claritas Dei illuminauit eam.* Quod enim ibi sub prædictæ Ciuitatis typo, Empyreum designetur, ex his quæ paucis interpositis subiunguntur, manifestum est. Sequitur namque: *Nec intrabit in eam aliquid inquinatum, aut abominationem faciens, & mendacium; nisi qui scripti sunt in libro vite Agni.* Porro cælum Empyreum ab illo summo tanti operis Artifice constitutum fuisse Beatorum sedem, in qua tum Angelos ibidem creatos, tum postea homines quoque de huius mundi ergastulo sine macula illuc translatos, perpetuoque mansuros, ipse Deifica visione sua in immensum lætificaret bearetque; nemo est qui ambigat, dicente Domino Matth. cap. 25. v. 34. *Venite benedicti Patris mei, possidete paratum vobis regnum à constitutione mundi.* vt propterea mirum non sit, si S. Ioannes Damascenus lib. 2. de fide Orthodoxa cap. 6. (vt ibidem nonnulli exponunt) existimauerit, hoc esse tertium illud cælum, ad quod se raptum testatur Apostolus 2. ad Cor. cap. 12. ibique profitetur se vidisse arcana Dei, quæ non licet homini loqui: & item si, hac de causa, cælum Empyreum, & regio viuorum, & terra viuentium, atque à mitibus possidenda, in Scripturis sacris interdum appellari cõsuevit. Vnde S. Augustinus lib. 1. de Serm. Domini in monte cap. 3. super illa Matthæi verba; *Beati mites, quoniam ipsi possidebunt terram: Illam,* inquit, *credo terram, de qua in Psalmo dicitur: Spes mea es tu, portio mea in terra viuentium: significat enim quamdam soliditatem & stabilitatem hereditatis perpetuæ, vbi anima per bonum affectum, tamquam loco suo requiescit, sicut corpus in terra; & inde cibo suo alitur, sicut corpus ex terra. ipsa est requies & vita sanctorum.* Sic S. Augustinus. Potuit forte etiam Empyreum, terræ vocabulo notari, siue quod ad huius terræ similitudinem stabile sit, siue quia, quemadmodum terra hæc pro mortaliū, ita illud, vt dictum est, pro immortalium habitatione destinatum fuerit.

DE ANGELO-
RVM CREA-
TIONE.

QVOD AN-
GELI IN
GRATIA
SINT CREA-
TI.

ANGELOS
ESSE SA-
PIENTISSI-
MOS.

ANGELO-
RVM PO-
TENTIA.

12. Ceterum in hoc Empyreo cælo, vt diximus; summa illa bonitas innumerabilem propemodum beatorum Spirituum multitudinem, in nouem ordines, tresque hierarchias (quemadmodum S. Dionysius Areopagita lib. de Cælesti hierarch. cap. 6. & B. Greg. Homilia 34. in Euang. ante medium, & alij tradunt) ordinatissime distributam, ad sui ipsius gloriam famulatumque procreauit; vnde & Danielis cap. 7. vers. 10. legimus: *Millia millium ministrabant ei, & decies millies centena millia assistebant ei.* Atque his omnibus eximia bona sua, præ ceteris creaturis, cumulatissime communicauit. Nam licet ab ipsa natura ac perfectione diuina, quæ simplicissimus ac purissimus actus est, in immensum deficerent, distarentque (nulla enim inter creaturam & Creatorem, tamquam finiti ad infinitum, proportio esse potest) attamen illis naturam adeo nobilem, ac super alia opera eius eminentem elargitus est, vt nihil post ipsummet Deum perfectius esset, nihil quod ad ipsam Diuinam essentiam propius accedere posse videretur. Neque enim ex anima & corpore, aut vt ceteræ res naturales, ex materia & forma; sed prorsus immateriales & simplicissimi, quantum creaturis competere potuit, à Deo facti sunt, ex actu dumtaxat & potentia (vt Scholasticorum more loquar) compositi. Et insuper (quod longè excellentius fuit) eosdem Angelos admirabili gratiæ suæ, & scientiæ, & potestatis munere exornauit, *simul eis* (vt ait S. Augustinus. lib. 12. de Ciu. cap. 9.) *condens naturam, & largiens gratiam.* Nam si Ioan. cap. 8. versic. 44. de diabolo dicitur, quod in veritate non stetit: vtique (quemadmodum infert Catechismus Romanus super 1. Symboli articulo) perspicuum est, eum, reliquosque desertores angelos ab ortu sui initio gratia præditos fuisse, & consequenter etiam Angelos bonos, & vniuersaliter omnes. Quos tamen Deus ita ad æternam beatitudinem ordinauit, vt ad eam promerendam, vel æternæ infelicitatis aeternum subeundum; vnicus illis liberæ voluntatis actus, adhæisionis scilicet Deo, vel auersionis ab illo, sufficeret; quo vel in gratia perpetuò confirmari, vel ab ea perpetuò excludi possent. Quod autem Angeli etiam excellenti admodum scientia ac sapientia sint præditi, certissimum est, dicente Domino Matthæi cap. 18. vers. 10. quod ipsi *in cælis semper vident faciem Patris mei, qui in cælis est:* in eo enim sunt omnes thesauri sapientiæ & scientiæ Dei. Et præterea 2. Reg. cap. 14. vers. 20. legimus: *Tu Domine mi Rex sapiens es, sicut habet sapientiam Angelus Dei, vt intelligas omnia super terram.* Denique Angelotum potestatem demonstrauit Regius Propheta in Psal. 102. illis verbis: *Potentes virtute, facientes verbum illius.* Vnde non mirum est, si propterea sæpè in Sacris litteris, virtutes & exercitus Domini appellantur.

13. Quamquam autem de Angelorum creatione Moyses in Genesi expressè non meminerit; quippe quod in populo illo carnali spiritalium eiusmodi creaturarum nulla

nulla tunc haberetur cognitio: oportet tamen eam quoque, licet subobscurè, puta cæli aut lucis nomine, ibidem aliquatiter fuisse indicatam, vt optimè probat S. Augustinus lib. 11. de Ciuit. cap. 9. constat enim, in ipsa huius Vniuersi creatione etiam Angelos de-
buisse comprehendere. Nam & inter alia Domini opera in Cantico trium puerorum, quod habetur Danielis cap. 3. ipsi in primis connumerantur. ibi namque sic legimus: *Benedicite omnia opera Domini Domino, laudate & superexaltate eum in secula.* & continuo subiungitur: *Benedicite Angeli Domini Domino,* ac deinceps, eodem modo alia creaturarum species ad idem faciendum excitantur. Quod & clariùs manifestatur in Psal. 148. initio, vbi Regius Propheta cunctas pariter inuitat creaturas ad laudandum Dominum; incipiensque ab Angelis, tamquam à nobilioribus, ait: *Laudate eum omnes Angeli eius: laudate eum omnes virtutes eius.* Dein successiue prosequitur similiter hortari solem, & lunam, & stellas; ac tandem huiusce exhortationis causam aperiens, protinus addit: *Quia ipse dixit, & facta sunt; ipse mandauit, & creata sunt.* ac si apertius dixisset: Ideò vos hortor & obtestor vt laudetis Dominum, quia ipse plasmator & Creator vester est. Ecce ergo Angelorum creationem, quam, vt diximus, Moyses subobscurè dumtaxat indicauerat, quomodo Regius Psalter non solum à Deo factam explicitè pronuntiauerit, sed etiam qualiter facta fuerit, apertissimè tradiderit: solo scilicet verbo, ac nuda suæ voluntatis significatione, & in summa, non maiori negotio, quàm quæuis alia, quantumlibet minima.

ANGELO-
RVM CREA-
TIO QVO-
MODO A
MOYSE IN-
DICATA.

14. Ceterùm inter omnia cælestium Spirituum agmina, primus omnium Angelorum, idemque perfectissimus ac nobilissimus fuit Lucifer, quemadmodum sentiunt plerique ex sanctis Patribus, Græcis ac Latinis; quorum sententias sigillatim proferat Auctor Glossæ litteralis magnæ, super Genes. cap. 1. In primis verò B. Gregorius lib. 32. Moralium cap. 24. (aliàs 18.) id præclare admodum colligit ex illis verbis Iob cap. 40. vers. 14. *Ipsè est principium viarum Dei, qui fecit eum.* Et item ex Ezechielis cap. 28. v. 12. vbi sub persona regis Tyri, figurata locutione, eiusdem Luciferi perfectiones fusiùs Propheta recenset, dicens: *Tu signaculum similitudinis, plenus sapientia, & perfectus decore, in deliciis paradisi Dei fuisti: omnis lapis pretiosus operimentum tuum: sardius, topazius, & iaspis, chrysolithus, & onyx, & berillus, sapphirus, & carbunculus, & smaragdus: aurum opus decoris tui: & foramina tua in die qua conditus es, præparata sunt. Tu Cherub extensus, & protegens, & posui te in monte sancto Dei, in medio lapidum ignitorum ambulasti. Perfectus in viis tuis à die conditionis tue, donec inuenta est iniquitas in te.* hætenus Prophetæ verba, quæ optimè exponit declaratque idem sanctus Doctor vbi suprâ. Cuius tota de primatu Luciferi sententiâ, ad verbum refertur in Decreto de Pœnitentia dist. 2. can. 45. Plura etiam in eadem sententiâ ex eodem Ezech. c. 28. appositè differit Rupertus Abbas lib. 1. de Victoria verbi Dei cap. 8. & ibidem quoque exponens quæ idem Propheta cap. 31. vers. 3. vsque ad 10. sub nomine regis Assur, pariter de Lucifero tradit, dicens: *Ecce Assur quasi cedrus in Libano, pulcher ramis, & frondibus nemorosus,* &c. ipsius Luciferi pulchritudinem & super alios Angelicos spiritus eminentiam ostendit, speciatim ponderans illa verba, quæ ibidem sequuntur: *Excelsus altitudine, & inter condensus frondes eleuatum est cacumen eius.* & illa item quæ (quibusdam interpositis) ibi pariter subiunguntur: *Cedri non fuerunt altiores illo in paradiso Dei, abietes non adæquauerunt summum eius, & platani non fuerunt æqua frondibus illius; omne lignum paradisi Dei non est assimilatum illi, & pulchritudini eius.* Vbi rectè citatus Auctor per cedros, & abietes, & platanos, reliquas Angelorum dignitates interpretatur, tamquam si in tribus illis cælestium Spirituum hierarchiis nihil esset cum Luciferi sublimitate conferendum. Sed præter ea quæ citati Auctores adferunt, idem quoque quod ipsi probare intendunt, inferri posse videtur ex illo Psal. 109. versiculo: *Excelsus genui te.* Nam alioqui nihil Christo dignum diceret, si ipsum ante primum Angelum, hoc est ante primam perfectissimamque omnium Dei creaturarum, fuisse genitum, non indicaret. Denique ad hoc ipsum, veluti sensibili quodam signo exprimendum (si ex visibilibus inuisibilia coniectari licet) fortè permisit Deus, vt Cain Adam primogenitus fuerit quodammodo caput omnium impiorum hominum, & primus qui fraternum sanguinem iniuste per inuidiam fuderit, & qui pariter primò ciuitatem condiderit; vt vel sic visibiliter adumbraret in terris, quod inuisibiliter gestum fuerat in cælis: nimirum de Lucifero; qui cum esset primus omnium quos Deus condiderat Angelorum, fuit quoque primus, qui fratres suos seducens, spirituali morte peremit. Vnde & de ipso dicitur Ioan. cap. 8. vers. 44. *Ille homicida erat ab initio.* Et Sapient. cap. 2. ver. 24. *Inuidia diaboli mors introiit in orbem terrarum.* & factus inuisibile omnium

DE LUCIFERO ANGE-
LORVM
PRINCIPE.

omnium iniquorum caput, ipse fuit primus auctor ædificandæ ipsorum ciuitatis: illius, inquam, quæ omnino contraria est Ciuitati Dei & bonorum: de qua plurima eademque præclara S. Augustinus alibi quidem sæpè, sed præcipuè in libris vigintidubus, quos de ipsa egregie admodum scripsit & inscripsit.

LUCIFER
QVOMODO
ET CVR A
DEO DESCI-
VERIT.

15. Ipse ergo primarius eminentissimusque omnium Angelorum Princeps Lucifer (sicut & ille qui postea primus fuit inter homines) ingratisimè à suo Creatore defecit. Cum enim excellentiam suam, & vt ita dixerim, rotam pulchritudinis suæ, pauonis more, inordinatiùs admirans, quòd ceteris omnibus antecelleret, plus iusto sibi complacuisse, Deum quidem tantorum bonorum auctorem, præ sublimi sua cognitione, non ignorauit: verumtamen (quemadmodum de Philosophis proditur ad Rom. cap. 1. vers. 21.) non sicut Deum glorificauit, aut gratias egit; sed (quatenus de spiritali creatura dici potest) euauit in cogitationibus suis, & obscuratum est insipiens cor eius. Nam (vt ex Ezechielis cap. 28. vers. 17. patet) quando eleuatum est cor eius in decore suo, perdidit sapientiam suam. subaudi, non naturalem, sed gratuitam. Etenim cum perspicacissimo illo supernaturali lumine, quo supra ceteros Angelos diuinitus fuerat illustratus, præuideret, infinitam Dei bonitatem in immensum sui ipsius diffusiuam, quasi parum esset, quòd tanta creaturis bona contulisset, nullum terminum aut modum largissimæ bonorum suorum communicationi posituram, donec eas diuinæ faceret confortes naturæ, vt dicitur 2. Petri cap. 1. vers. 4. ac denique se ipsam hypostatice atque indissolubiliter creaturæ rationali copularet: ratus infelix, neminem, nisi se, tanto dignum honore reperiri posse; siue (quemadmodum de superbo Aman dicitur Esther cap. 6. vers. 6. *cogitans in corde suo, & reputans, quòd nullum alium rex, nisi se sic vellet honorare*; ob id quæ magis adhuc animo intumescens, dixit in corde suo verba illa blasphemix plena, quæ postmodum sub persona regis Babylonis retulit Isaias cap. 14. vers. 13. dicens: *In calum conscendam, super astra celi exaltabo solium meum: sedebo in monte testamenti, in lateribus Aquilonis, ascendam super altitudinem nubium, similis ero Altissimo*. Sed & (tamquam si id iam factum esset) pariter blasphemans addidit illa, quæ sub nomine regis Tyri tradit Ezechiel cap. 28. vers. 2. *Deus ego sum, & in cathedra Dei sedi*. & illa item, quæ idem Propheta cap. 29. vers. 3. de Pharaone Ægypti rege, qui pariter fuit figura Luciferi, ait: *Ego feci me ipsum*. Atque hoc pacto (vt in successu opposito verbis vtar Apostoli) *rapinam arbitratus est, esse se æqualem Deo*: similitudinemque illam Dei perfectissimam, quæ soli naturali Filio Dei conuenit, qui est splendor gloriæ, & figura substantiæ Patris, versus Deus de Deo vero, lumen de lumine, superbe nimis appetiit, atque insolenti admodum vsurpatione quodammodò rapere se posse præsumpsit. O nos miseros, ad quos Luciferi superbia quodammodò transiuit: O nos infelices & improuidos! quàm noxiæ nobis quoque sunt & exitiales eiusmodi animositates, seu animorum intumescementium elationes, siue magnarum rerum (vt ita dixerim) prætensiones, quæ in nobis interdum ex mentis leuitate, aut diabolica suggestione, semper verò ex nostri status ignoratione, proueniunt; & quòd altiùs extollunt, eò miserabiliùs incautos præcipitant. Satagamus, obsecro, hæc & eiusmodi perniciosà germina ab agro nostræ mentis euellere, & (quemadmodum benè consulit Sapiens Prouerb. cap. 4. vers. 23.) omni custodia seruare corda nostra, ac diligenter obseruare, ne tale quid nobis dormientibus superfeminet in eis antiquus hostis; sed vt primum tales motus insurgere aut pullare sentimus, eosdem confestim propriæ humilitatis consideratione compescere, & (vt etiam Ethnicus Philosophus Cicero 1. de Officiis suadebat) quanto superiores sumus, tanto nos submissius gerere: vt possimus verè aliquando cum sancto Propheta dicere: *Domine non est exaltatum cor meum, neque elati sunt oculi mei, neque ambulauimus in magnis, neque in mirabilibus super me*. Et ne Luciferum imitari velle videamur, qui cum intensius diuina perferutans consilia, diuino scilicet numine aperiante didicisset (liceat hic Poëtæ verbis vti) manere alta mente repositum illud Altissimi firmum, ratum, atque immutabile diuinæ voluntatis propositum, quo ab æterno decreuerat, vt increatum Dei Verbum, non Angelorum, sed hominum naturam assumeret; ita vt homo, non Angelus, aliquando Filius Dei, & Deus verè diceretur, essetque; & fore, vt non alicui Angelorum, sed homini Deus diceret, *Filius meus es tu: ego hodie genui te*. & rursum: *Ego ero illi in patrem, & ipse erit mihi in filium*. & post pauca: *Et adorent cum omnes Angeli Dei*. & iterum: *Sede à dextris meis, donec ponam inimicos tuos, scabellum pedum tuorum*. vt latius videre est ad Hebr. cap. 1. quæ omnia certum est dici de Christo, quem ibidem vers. 6. Apostolus vocat Primogenitum. & de quo ad Rom. cap. 1. vers. 4. ait: *Qui prædestinatus est filius Dei in virtute, secundum spiritum sanctifica-*

AD ANIMI
SVBMISSIO-
NEM CO-
HORTATIO.

Etificationis. & ad Coloss. cap. 1. vers. 15. ait: *Qui est, inquit, imago Dei inuisibilis, primogenitus omnis creaturæ.* & quem princeps Apostolorum Petrus Epistola 1. cap. 1. vers. 20. ait præcognitum fuisse ante mundi constitutionem. & præterea cum illud etiam penetrasset acerrimus futurarum rerum indagator Lucifer, diuinæ voluntatis esse, vt iidem Angeli non solum prædicto hominiquæ Deoque inferuissent, sed etiam essent ad ministratorij spiritus in ministerium missi propter eos homines, qui hereditatem capebant salutis, vt habetur cap. ad Hebr. citato: hæc & huiusmodi nimis indignè ferens superbissimus omnium Lucifer, sprete statim in corde suo iustissima Dei dispositione, ab ea recessit; quantumvis sciret, aut scire posset, Deum homini potius quàm Angelo se personaliter vnire statuisse: non quia Angelicam naturam despiceret, non quia penes ipsum vlla esse posset personarum acceptio; quippe qui cum sit omnium Dominus, nemini quidquam magis debeat; sed libere cui voluerit, sine vlla vllius iniuria, possit dona sua tribuere, iuxta illud Matthæi cap. 20. vers. 15. *An non licet mihi quod volo facere?* Verum quia dicta cum homine vno erat naturæ Dei conuenientissima: quandoquidem hoc pacto summa illa bonitas multò latius excellentiussq; ad omnes res creatas diffundebatur: nam Angelica natura spiritalis cum sit, contrà verò caelestium corporum elementorumque tota corporalis, humana autem ex spiritali corporaliq; composita; proculdubio humanam allumens Deus, quodammodò omnem sibi creaturam arctissimo quodam vinculo copulabat: atque se ipsum, suamque infinitam bonitatem, non per partes, sicuti in rerum creatione; sed modis omnibus, atque in immensum (quod proprium summi boni est) omni creaturæ, tum spiritali tum corporali, congruentissimè communicabat. Quandoquidem (vt optimè docet Homil. 29. in Euang. B. Gregorius) *omnis creaturæ aliquid habet homi: habet namque commune esse cum lapidibus, vigere cum arboribus, sentire cum animalibus, intelligere cum Angelis.* Verumenimverò omnia hæc, vt diximus, ausu quodam valde temerario parupendens rex super omnes filios superbæ Lucifer, proprio ac inordinato deceptus amore, propriamque gloriam diuinæ ordinationi audacissimè præferens (quoniam excæcauerat eum malitia sua) continuò cepit non modò seipsum à Dei creatoris sui obedientia subtrahere, sed etiam ei totis viribus aduersari; aliosque Angelos (vñ humano more de spiritibus caelestibus loquamur) tentare, ad defectionem sollicitare, atque omnino à Dei seruitio auertere: indeque primò Satanæ, qui aduersarius apostatæve interpretatur, & tentatoris nomen accepit, iuxta illud Matth. cap. 4. vers. 3. *Et accedens tentator, &c.*

CVR DEVS
HVMANAM
POTIUS
QUAM AN-
GELICAM
NATVRAM
ASSVMP-
SIT.

LVCIFER
ANGELOS
AD DEFE-
CTIONEM
SOLLICIT-
TAT.

LVCIFERI
INSPIEN-
TIA.

16. Verè ergo, vt dicebamus, obscuratum est insipiens cor eius, & multò magis quàm postea Philophorum, de quibus loquebatur Apostolus: quin etiam longè plus quàm aliorum hominum. Nam si insipientes sunt, qui propterea Dei mandata non recipiunt nec seruant, quòd Deum non esse existiment, iuxta illud Psal. 13. *Dixit insipiens in corde suo, Non est Deus:* quanto cunctorum hominum insipientium insipientissimus fuit Lucifer, qui sciens quòd Deus non solum est, sed etiam inquirentibus se remunerator est, vt dicitur ad Hebr. cap. 11. vers. 6. & insuper, quòd arma eius potentia sunt destruerè omnem munitionem & consilia, & omnem altitudinem extollentem se aduersus eum; & in promptu habet vlciisci omnem inobedientiam, vt legimus 2. ad Corinthios cap. 10. vers. 4. vñque ad 7. nihilominus eidem reluctari, & primus contrà eum pugnare non est veritus: ignorans miser, quod postea non ignorauit homo; ille, inquam, qui dicebat: *Quis resistit Deo, & pacem habuit?* Iob cap. 9. vers. 4. Ecce quomodo superbia malitiam parit; malitia verò cordis excacationem; hæc autem in sensum dari reprobum quodammodo poscit & flagitat. Discant hoc Luciferi exemplo, qui aliis præemi-
nent, & qui ad arcana Dei percipienda diuino lumine magis illustrantur, aut aliquo alio singulari dono sunt præditi, non propterea extolli, nec sibi quidquam arrogare, sed magis de se humiliter sentire, memores (quod etiam Philosophos non latuit) pauca esse quæ scimus, in comparatione eorum quæ ignoramus; & Deum maiora aliis conferre semper posse. Meminerint item, quod B. Gregorius Homil. 9. in Euang. sollicitè considerare nos admonet; *ne scilicet qui plus ceteris in hoc mundo acceperit aliquid cernimur, grauius inde iudicemur, cum enim augentur dona, rationes etiam crescunt donorum: tanto ergo esse humilior atque ad seruendum Deo promptior quisque debet ex munere, quanto se obligatiorem esse conspiciat in reddenda ratione.* hæc ille. Videant igitur qui grandia à Deo acceperunt, ne si minus grati inueniantur, & Dei beneficia minus recognoscere, eumque minus quàm par est glorificare studuerint; se ipsos tum collatis, tum quibus altiora conferantur, indignos reddant: vel etiam (quod magis timendum est) ne in sensum dari reprobum, ac deinceps in peius iugiter ruere permittantur. Si enim, vt dic-

ALIA HOR-
TATIO AD
HVMILITA-
TEM ET GRA-
TITVDINEM

citur 2. Pet. c. 2. vers. 4. *Angelis peccantibus Deus non pepercit*; quanto minùs parceret hominibus, illorum extollentiam atq; ingratitude[m] imitantibus? *Consideret ergo homo* (vt ait S. Gregorius lib. 32. Moralium sub finem cap. 18.) *quid elatus in terra mereatur, si & praelatus Angelis, Angelus in calo prostermitur. Vnde & bene per Prophetam dicitur* (nimirum Isaia cap. 34. vers. 5.) *Inebriatus est in calo gladius meus. ac si aperte diceret: Quia iraseriam superbos terræ, perpendite, si ipsos etiam, quos in calo iuxta me condidi, pro elationis vitio percutere non peperci.* Hæc ille. nos autem cœptam prosequamur historiam.

DE PRÆ-
LIO ANG-
LORVM IN
CAELO.

17. Contra Luciferum, ita vt dictum est insanientem, alter Angelorum Princeps, nomine Michaël, sancto diuini honoris zelo accensus, cum multis alijs qui eum sequebantur, insurgens, pro Deo pugnare, iustissimæque eius consilia commendare, extollere, & vt his omnes humiliter acquiescerent cohortari acriter nitebatur. Interim Domino (qui iustus est in omnibus vijs suis, & sanctus in omnibus operibus suis) sinente quos naturâ liberos condiderat, pro suo quemque arbitrio agere, vt vel æternam beatitudinem, ad quam eos (quemadmodum suprâ num. 12. dictum est) ordinauerat, promereri, vel ea se indignos reddere, & consequenter aut iustè in Dei gratia irreuocabili sententia confirmari aut reprobari possent. & tunc desciscitentibus à suo Creatore angelis malis, creduntur boni in fide Christum cognouisse, eundemque in Verbo inuenientes, ac diuinæ voluntati obsequentes, humiliter adorasse, quemadmodum sub anno mundi 4084. num. 13. probabitur; atque ita factam esse malorum angelorum irreparabilem reprobationem, & perpetuam in Dei gratia bonorum confirmationem. Hęc fuit magna illa seditio, & prælium in calo factum, non armorum motibus, sed voluntatum dissensionibus, de quo obiter quoque meminisse videtur S. Ioannes Apoc. c. 12. versic. 7. vbi ait: *Et factum est prælium magnum in calo, Michaël & Angeli eius præliabantur cum dracone, & draco pugnabat, & angeli eius, & non præualuerunt, neque locus inuentus est eorum amplius in calo.* subaudi, Empyreo. In quo conflictu magna Angelorum multitudo, tertia scilicet eorum pars (quemadmodum nonnulli eliciunt ex eodem Apocal. cap. vers. 4. vbi dicitur, quod *cauda draconis trahebat tertiam partem stellarum cali, & misit eas in terram.* id est, in inferiores partes terræ) in superbiam elata, à Creatore suo ad Luciferum desciiuit, ob idque à Dei gratia, & ab altissimo illo perfectionis statu, cum suo principe Lucifero, in profundum malorum deiecta, illicò cecidit; iuxta illud Lucæ cap. 10. vers. 18. *Videbam satanam sicut fulgur de calo cadentem.* & illud Apocal. cap. citato vers. 9. *Et proiectus est draco ille magnus, serpens antiquus, qui vocabatur diabolus, & satanas, qui seducit vniuersum orbem; & proiectus est in terram, & angeli eius cum illo missi sunt.* Quamquam enim dubium non sit, quæ in Apocalypsi traduntur, propheticas quasdam esse prædictiones earum rerum quæ militant Ecclesiæ superuenturæ erant, vt colligitur cap. eius v. 1. & 19. & propterea, quæ adduximus loca, communiter recteq; de diabolicis certaminibus aduersus eandem Ecclesiam, Antichristi præsertim temporibus, ineundis, interpretari soleant: nihilominus eadem quoque de memoratis Angelorum præliis, initio mundi gestis, non incongruè accipi posse videntur, quemadmodum exponit Hugo Cardinalis super cap. Apocal. 12. & non obscure item Arethas, à Ribera ibidem citatus, indicat, dicens, quod cum Michaël dux exercitus non tulerit diaboli superbiam, & bellica virtute illum à sua in calo conuersatione iam olim abiecerit, rursum in aduentu Antichristi pro Sanctis pugnabit. sic ferè ille. Quem si quis interroget, vbi nam acceperit, quod Michaël de caelesti conuersatione diabolum expulerit: certè non nisi de eodem Apocal. libro id sumpsisse fateri cogetur. ergo quæ ibi traduntur, non tantum modò de futuris in Ecclesia Dei quæ in terra est, sed etiam de iam factis in ea quæ in calo condita fuit, rectè possunt debentq; intelligi: ergo sicuti ex dicto libro ipse colligit, Michaëlem cum diabolo quodam conflictasse: ita possumus & nos ex eodem colligere, quod diabolus olim de calo traxerit tertiam partem Angelorum; & idem, sub mundi finem, per Antichristum inducet in errorem multos eorum qui in fide stabiles esse videbantur. Et sic eiusmodi alia ibidem tradita, ad vtrumque sensum, sine vllò errore accommodari poterunt: præsertim, cum magna similitudo esse videatur inter ea quæ priùs in caelesti regno Dei, ac postea in terrestri, quod est Ecclesia, sunt gesta: & constet Scripturæ sacræ proprium esse ac peculiare, vt in vnaquaque narratione sit plurimorum sensuum, eorumdemque pariter verissimorum, fecundissima. Sed ad id vnde digredi cœpimus, reuertamur.

18. Vt igitur tam grandem Angelorum ruinam, secundum altissima optimaq; suorum inscrutabilium iudiciorum consilia repararet verè pius, verè misericors Dominus, naturam quoque humanam, prout ab æterno disposuerat, procreare voluit; propter quam

quam etiam vniuersum hunc sensibilem mundum considerat. Hoc vt cognouit Lucifer, & qui cum eo pulsi de celo fuerant; tanta ac tam graui clade accepta; nihilo meliores facti (quod à Dei gratia irreuocabili casu exciderint) non modò à stultitia sua desistere non valuerunt (quoniam de Angelo dicitur: *Quidquid apprehendit, immobiliter apprehendit*) quin potius in malitia sua obstinatè persistentes, cum aduersus Angelos bonos, in Dei gratia iam confirmatos, nihil se amplius posse certò scirent; inuidia tabescentes contra hominem, quem ad beatitudinem, de qua ipsi turpiter eieciti fuerant, creandum nouerant; in ipsum malignitatem suam exercere, ipsum tentare, calumniari, ac modis omnibus persequi decreuerunt, vt ex eodem Apocal. cap. vers. 12. colligi potest, vbi legimus: *Va terra, & mari; quia descendit diabolus ad vos, habens iram magnam.* Et idem adhuc clariùs innòtescit ex typo, qui ibidem subiungitur, illius mulieris quæ paritura erat, ante quam stetit draco, vt deuoraret filium eius: cui cum nocere minimè potuisset, iratus draco, abiit facere prælum cum reliquis de semine eius, qui custodiunt mandata eius. Quibus verbis satis superque insinuat id quod postea Dominus in Euangelio Ioan. cap. 8. vers. 44. dicebat, satanam ab initio homicidam fuisse, & ab eo vsque tempore Agnum, hoc est Christum, occidisse, de quo Apocalyp. cap. 13. vers. 8. dicitur: *Qui occisus est ab origine mundi,* subaudi, mentaliter: siquidem ex tunc diabolus inuidiam atque iram magnam conceperat contra Christum, & eos qui per ipsum erant salutem consecuturi: quos non solum in ipso mundi exordio in Adam & filiis persequi cœpit, quemadmodum suis postea locis dicemus; sed & deinceps pariter successiue per singulas generationes omnimodis insectari numquam destitit, non per se solum suosque malignos spiritus (quod magno nostro periculo quotidie experimur) verum etiam per malitiæ suæ alumnos, prauos inquam homines quibus dicebat Dominus loco Ioan. proximè citato: *Vos ex patre diabolo estis, & desideria patris vestri vultis perficere.* Sed neque ab hac pessima persecutione cessabit malignus vsque ad consummationem sæculi, hoc est, vsque ad extremum vniuersalis Iudicii diem, qui est terminus eidem à Deo præfinitus, & permissus, ad vexandos exercendosque suis tentationibus homines. vnde Matth. cap. 8. vers. 29. conquerebantur de Christo dæmones dicentes: *Quid nobis & tibi Iesu fili Dei? venisti ante tempus torquere nos?* & Lucæ cap. 8. vers. 31. rogabant eum, ne mitteret eos in abyssum. Porro ne quis putet Luciferum hæc impunè agere; recolat primò quod scriptum habemus in Epistola Iudæ Apostoli vers. 5. *Commonere, inquit, vos volo, scientes semel omnia; quoniam Iesus populum de terra Aegypti saluans, secundo eos, qui non crediderunt, perdidit: Angelos verò qui non seruauerunt suum principatum, sed dereliquerunt suum domicilium, in iudicium magni diei, vinculis æternis sub caligine seruauit.* Et 2. Petr. cap. 2. vers. 4. legimus: *Si enim Deus Angelis peccantibus non pepercit, sed rudentibus inferni detractos in tartarum tradidit, cruciandos in iudicium referuari, &c.* Recolat item quod dicitur Matth. c. 25. vers. 42. ignem æternum paratum esse diabolo & angelis eius. Et quæ scribit Ezechiel cap. 28. versu 16. vbi posteaquam perfectiones donauit Lucifero diuinitus tradita, quæ nos suprà num. 11. retulimus, recensuit, subiungit: *In multitudine negotiationis tuæ repleta sunt interiora tua iniquitate, & peccasti; & eiecisti te de monte Dei, & perdidisti te, ô cherub protegens, de medio lapidum ignitorum; & eleuatum est cor tuum in decore tuo: perdidisti sapientiam tuam in decore tuo, in terram proieci te: ante faciem regum dedi te vt cernerent te. In multitudine iniquitatum tuarum, & iniquitate negotiationis tuæ pollulisti sanctificationem tuam: producam ergo ignem de medio tui qui comedat te; & dabo te in cinerem super terram in conspectu omnium videntium te. Omnes, qui viderint te in gentibus, obstupescunt super te: nihili factus es, & non eris in perpetuum.* hucusque verba Ezechielis. Denique attende quæ de eodem Lucifero habentur Isaïæ cap. 14. vers. 12. & 15. *Quomodo cecidisti de celo Lucifer, qui mane oriebaris? corruisti in terram, qui vulnerabas gentes? qui dicebas in corde tuo: In celum conscendam, &c. Similis ero Altissimo. Veruntamen ad infernum detraheris in profundum lacu.*

LUCIFER ET
ANGELI E-
IUS DE CAE-
LO PVLSI
CONTRA
HOMINES
BELLVM
PARANT.

LUCIFERVM
ET SVOS
QVAE MA-
NEANT
POENAE.

ANGELI
PRIVS, AN
CVM MVNDO
CONDITI.

19. Vtrum autem longè antequam creatus sit mundus iste quem videmus, creati fuerint Angeli, quod multi ex Patribus Græcis, & aliquot item ex antiquioribus Latinis sensere, quorum loca sententiaq; ad verbum refert Auctor Glossæ litteralis magnæ in cap. 1. Gen. an potius simul cum hoc mundo sint conditi, prout tenuit S. Augustinus lib. 11. de Ciuit. c. 6. & latius c. 9. & alibi non semel, & post ipsum omnes fere Latini Patres, & Magister 2. Sent. dist. 2. & B. Tho. in Sum. par. 1. q. 61. art. 3. cum tota pænè Theologorum schola, ipsis Theologis disputandum discutiendumque relinquitur: illud tantummodò addentes, posteriorem opinionem, quam etiam Innocen-

tius III. & Concilium magnum Lateranense priori prætulit, meritò nobis quoque potius videri, præsertim si ad mentem Hugonis de Sancto Victore referatur, qui lib. 1. de Sacramentis, part. 1. cap. 9. & 10. putat, in primo temporis momento, quo factum est cælum & terra, simul quoque creatos esse Angelos; & per illam moram, qua terra mansit inanis & vacua, id est ante creationem corporeæ lucis, eos fuisse in via ad merendum ac demerendum: quando autem facta est lux, & diuisa à tenebris, tunc discretos esse bonos à malis; & illos quidem in gratia fuisse confirmatos, hos verò in malis obduratos. Ita vt quod agebatur in mundo sensibili, figura & imago esset eorum quæ fiebant in intelligibili. Illud verò certissimum est, Angelos non solum ante conditum hominem fuisse creatos, sed iam etiam aliquos ipsorum per peccatum à Deo defecisse; vt colligi potest Sapient. cap. 2. vers. 24. vbi dicitur: *Inuidia diaboli mors introiuit in orbem terrarum*. Ex hoc namque Scripturæ loco, sanctus Ioannes Chrysostomus Homil. 22. in Genes. argumentatur, diabolum à sua dignitate, antequam formaretur Adam, excidisse. *Nam si* (inquit) *non ante factum hominem excidit, quando in tanta dignitate manens inuidit homini? Neque enim consentaneum est, Angelum incorporatum, & in tanta dignitate constitutum, inuidisse homini corpus gestanti: sed inuidit, quòd iam ex superna gloria in extremam ignominiam deiectus fuerat. Licet igitur incorporeus esset, videns tamen hominem, tantum in corpore honore benevolentia Conditoris sortitum, inuidia exarsit; & deceptione, ad quam serpentis opera usus est, hominem mortis supplicio fecit obnoxium. talis enim malitia non potest non grauiter ferre aliorum felicitatem.* Hæc S. Chrysostomus.

20. Verum, posteaquam de mundo superiori, qui Beatorum sedes est, pro tenui capiti nostro pauca hæc, quæ necessaria videbantur, prælibauimus; tempus est, vt ad inferiorem hunc nostrum descendamus, ac de eius origine, nec non de his quæ deinceps in eo acta sunt, prout instituti nostri ratio postulat, ex sacris potissimum Scripturis, breuiter ordinateque agere incipiamus. Et primò quidem supponere oportet, quod tametsi certum sit atque indubitatum, quin & de Fide, Mundum ex nihilo esse factum, vt apertè traditur 2. Machab. cap. 7. vers. 28. illis verbis: *Peto, nate, vt aspicias ad cælum & terram, & ad omnia quæ in eis sunt, & intelligas quia ex nihilo fecit illa Deus, & hominum genus.* & Sapient. cap. 2. vers. 2. legimus: *Quia ex nihilo nati sumus*: verum tamen tertium quoque est, Orbem terrarum non immediatè ex nihilo, sed ex materia inuisa esse creatum, quemadmodum disertis verbis exprimitur Sap. cap. 11. vers. 18. *Manus tua, inquit, creauit orbem terrarum ex materia inuisa.* Vbi quidam antiqui codices pro *inuisa*, habent *informi*, vt testatur S. Augustinus lib. de Fide & Symbolo cap. 2. Quare si mediante materia inuisa siue informi, Mundus ex nihilo factus est; vtique oportet ipsam materiam inuisam ex nihilo immediatè fuisse à Deo creatam; alioqui nullo modo vera esse posset memorata sacræ Scripturæ assertio, quòd scilicet ex nihilo plasmatus sit Mundus. Et hinc proditur error Seleucianorum, & aliorum item quorundam hæreticorum, qui materiam inuisam ex qua factus dicitur Mundus, crediderunt nequaquam à Deo fuisse creatam, sed ipsi Deo fuisse coeternam: contra quos disputant Irenæus lib. 2. cap. 11. & Tertullianus in lib. aduersus Hermogenem cap. 4. & Eusebius lib. 7. de Præpar. Euangelica cap. 8. Dionysij & Origenis rationibus, & Gregorius Nyssenus lib. de Hominis opificio cap. 24. & alij.

21. Verum enim verò, quid per materiam inuisam seu informem accipiendum sit, non omnes conueniunt. Etenim, vt docet S. Thom. in quæstionibus disputatis q. 4. artic. 1. in corp. duæ fuerit hæc de re opiniones, Catholica veritati minimè repugnantes; quarum prima, quam idem S. Doctor tribuit B. Augustino, tenet, materiam informis nomine in Scriptura sacra debere accipi materiam absque omni forma, in potentia tamen existentem ad omnes formas. Altera, materiam non omni forma carentem, sed quæ nondum habeat vltimum naturæ suæ complementum & decorem. Igitur primæ opinionis sectatores existimarunt, materiam inuisam seu informem, esse illam, quæ à Peripateticis materia prima dicitur, & inter tria rerum naturalium principia connumeratur. nec defuerunt qui putarint, Moysen quoque huius meminisse Genes. cap. 1. vers. 2. licet satis obscurè, illis verbis: *Terra autem erat inanis & vacua.* siue (vt habet editio LXX. Interpretum) *terra autem erat inuisibilis & incomposita. Et tenebra erant super faciem abyssi.* Quo loquendi modo, inquit, diuinus Vates de re omnino insensibili verba faciens, vt à rudiori quoque populo, cui Genesim scribebat, aliquantulum capi posset, conatus est naturam memoratæ materiæ primæ, quæ vix à doctis viris intelligi potest, quibusdam rerum sensibilibus terminis exprimere, & certis veluti

✠
MVNDVS
QVOMODO
EX NIHILO
FACTVS.

✠
DE MATERIA
INVISI-
BILI SEV
INFORMI.

veluti similitudinibus circumscribere: & primò, quoniam ipsa materia prima omnium est susceptiva formarum, appellauit eam terram aquis opertam: terra enim valde materialis est, & præsertim si madida sit, ad varias formas atque figuras suscipiendas admodum accommodata. vnde veteres Græci Sapientes, materiam omnium rerum Hylen siue Hylin appellarunt; quæ vox terram aquis permixtam, id est, cœnum limumve significat. Et quia vltèrius materia prima obscuram quamdam & fere nullam habet actualem existentiam, cum sit in pura potentia, rectè non simpliciter terram, sed terram inanem & vacuam Propheta nuncupauit: quas voces Aquila & Theodotion, (vt videre est in Scholiis ad editionem LXX. Interpretum adiectis) interpretati sunt, vanitatem & nihilum; non quia reuerà materia nihil penitus sit, sed quia parum habet entitatis: definitur enim à Philosopho 7. Metaph. text. 8. quod neque quid, neque quantum, nec aliquid aliud tale quidpiam dicitur. Prætèrà quia nullam habet propriam formam, qua cerni, dignosci, terminariue possit, sed interminata, ac propterea etiam penè imperceptibilis est; (siquidem non per se, sed tantummodò per analogiam ad rerum artificialium materiam, cognoscitur) appositè informis, & incompòsita, & inuisa seu inuisibilis dicta est, & tenebrosa abyssus; quæ vox profunditatem significat visu impenetrabilem. Alij contrà putant, hanc quam modò retulimus opinionem non posse Moyseis verbis accommodari, dicentes, quòd materia prima, secundum Philosophos, vt diximus, in pura potentia est; at verò prima illa cælorum elementorumque substantia, quæ in principio mundi à Deo creata esse dicitur, nondum haberet vltimum naturæ suæ complementum & ornatum, non erat tamen omnino informis & in potentia, sed per formas cæli terræque actualiter existens, vt ex ipsa Moyseis narratione perspicuum est. dicitur autem (inquiunt isti) in lib. Sapientiæ, materia inuisa, siue informis; non quia penitus esset inuisibilis, & formæ expers, cuiusmodi materiâ primam à Philosophis describi aßeruimus: sed dicitur inuisa eo modo, quo Beda in Hexæmeron & alij exponunt, videlicet quoniam prædicta cælorum elementorumque corpora valde adhuc erant rudia & materialia, & sine illa luce, ac formositate, ornatuue, quem postea subsequenter diebus acceperunt, conspici nequaquam poterant autè discerni. Et hoc idem (subdunt) indicare voluisse Moysem, cum dixit, terram fuisse inanem & vacuam, quia scilicet necdum in montes & colles, valesque & campos distincta, nec hominibus aliisque animantibus & plantis repleta, sed his omnibus vacua, obscura ac tenebrosa, atque sub aquis altè obruta & abscondita erat. Et certè ex Sacro textu benè isti videntur argumentari. Sed quia nimis durum videtur, substantiam in se perfectam, & propriis cælorum terræque formis imbutam ac distinctam, ob id solum quòd conuenientem sibi ornatum nondum esset assecuta, appellatam esse in libro Sapientiæ materiam inuisam, seu informem, ex qua factus est Mundus; præsertim cum ipsi cæli ac terra primariæ partes sint eiusdem Mundi, & ipsorum appellatione totus quodammodò Mundus in sacris Scripturis sæpissimè indicari videatur: idcirco alij aliam quamdam excogitarunt materiam inuisam, siue informem, inter memoratas mediam; nimirum non omni prorsus forma expertem, neque aliqua particulari cælorum terræque forma indutam, sed generali dumtaxat quadam forma præditam, & in potentia ad omnes alias suscipiendas. Et hæc materia ad primam reducitur, quam isti putant non à formis quas quotidie suscipit, mutatque, suam qua in mundo est, actualem accipere existentiam: quoniam cum eas continuo amittat, nouasque suscipiat, (corruptio quippe vnius generatio est alterius) sequeretur, dictam materiæ primæ existentiam in continua suæ actualitatis acquisitione ac amissione versari, quod istis videtur inconueniens: propterea existimant, materiam primam habere obscuram quamdam & vniuersalem naturæ suæ conuenientem formam, per quam actualiter existat; fuisseque ab initio ad modum corpulentæ cuiusdam rudis indigestæque molis, quæ totum spatium sub Empyreï concavitate existens impleret: ex qua postmodum mole corpora omnia, tam cælestia quam elementaria, prius aliquiditer formata ac distincta fuere; mox luce, motibus, aliisque ad eorum ornatum pertinentem decorata; demum ad eam perfectionem, quam nunc videmus, perducta, numeris omnibus absoluta sunt. Et hæc materia inuisa vel informis, fortè illa eadem est, quam Anaxagoras aliisque ex antiquis Philosophis appellarunt Chaos: huic enim videtur optimè respondere illa eiusdem Chaos descriptio, quam elegantissimè Ouidius lib. 1. Metamorphoseos expressit his versibus:

*Ante mare & terras, & quod regit omnia cælum,
Vnus erat toto natura vultus in Orbe,
Annal. Sacr. Tom. 1.*

*Quem dixere Chaos, rudis indigestaq; moles,
Nec quidquam nisi pondus iners, congestaq; eodem
Non bene iunctarum discordia semina rerum.
Nullus adhuc mundo præbebat lumina Titan;
Nec noua crescendo reparabat cornua Phæbe:
Nec circumfuso pendebat in ære Tellus
Ponderibus librata suis, nec brachia longo
Margine terrarum porrexerat Amphitrite.
Quaq; erat & tellus, illic & pontus & ær:
Sic erat instabilis tellus, innabilis vnda,
Lucis egens ær: nulli sua forma manebat,
Obstabatq; aliis aliud; quia corpore in vno
Frigida pugnabant calidis, humentia siccis,
Mollia cum duris, sine pondere habentia pondus.*

Sed quidquid sit de varia prædictæ materiæ inuisæ intelligentiæ, illud (vt dixi) ex Sacro eloquio cõstat, Mundum à Deo ex ipsa fuisse productum, ipsam verò ex nihilo esse creatam: & consequenter, absolute loquẽdo, Deum originaliter cuncta ex nihilo creasse, quod maxime Deo, tamquam primæ ac nobilissimæ causæ, conuenire videtur. Cum enim causa nobilior paucioribus ad operandum egeat adminiculis, & ars, quæ nobilissimam habet actionem, acquirat subiectum ex materia & forma compositum, puta lignum, aut æs, vt faciat statuam: natura autem solam exigit materiam primam, vt cum ex ære sit ignis: ergo Deus, qui in infinitum naturæ superat nobilitatem, proculdubio nihil prærequirit, sed ipsam quoque materiam primam ex nihilo produxisse necessarium erit: alioqui, si ex alia eam fecit, de ea idem quæri posset, & consequenter, oporteret dari processum in infinitum.

MODVS
CREATIONIS
CÆLI
ET TERRÆ.

22. Itaque non videtur inueniens ponere, vt dictum est, Deum primò in vno instanti creasse ex nihilo materiam primam à Philosophis cognitam, sed non à singulis eodem nomine appellatam; siue ea sit omnino informis, siue potius generali tantum forma prædita, illam videlicet, cuius meminit liber Sapientiæ, & subobscure per Moysen quoque verbis suprâ adductis potuit indicari. In alio verò instanti, de potentia illius materiæ eduxisse illam cæli terræque substantiam adhuc quodammodo informem, seu prima illa cælorum elementorumque corpora rudia atque indigesta, quæ postea Moyses narrat subsequentiis sex diebus paulatim ab ipso Deo ad debitam perfectionem decoremque fuisse perducta. Quæ positio diuinæ potentie nihil derogare videtur. Nam si Deus, qui proculdubio poterat vnico actu cuncta non solum ex nihilo creare, sed etiam illico perfectissima facere, maluit nihilominus primò res imperfectas producere, mox eas ad suam perfectionem perducere, vt Sacri eloquij textus manifeste declarat: quid prohibet opinari, eundem prius materiam primam ex nihilo creasse, mox ex ipsius potentia paulatim, vt diximus, cetera omnia quæ voluit, eduxisse? præsertim cum in ipsis sacris Scripturis nihil huic positioni contrarium reperiatur; quin potius hæc easdem Scripturas cum dictis Philosophorum, in aliquo saltem, concordantes reddere videatur: & præterea Moysis sapientiam prudentiamque summopere commendare, qui Mundi originem tali narratione descriperit, quæ, vt dictum est, satisfacere doctis pariter atque indoctis cumulare posset. Ita nimirum ipse à Deo edoctus, eiusque exemplo commonitus fuerat Moyses: qui cum aliquando Dominum de suo nomine interrogasset, audiuit ab eo primum illa verba: *Ego sum qui sum. Sic dices filijs Israël: Qui est, misit me ad vos.* Deinde protinus illa: *Sic dices filijs Israël: Dominus Deus patrum vestrorum, Deus Abraham, & Deus Isaac, & Deus Iacob misit me ad vos.* Qua profectò nominis conduplicatione certum est, ipsum Deum non eruditum tantum, sed rudioribus quoque ingeniis sese demittere & accommodare voluisse. Sed hæc, ad excitanda studiosorum ingenia, tetigisse sufficiat; legentiumque iudicio relicta intelligantur. Et hætenus quidem de Mundi primordiis: nunc ad ea, quæ simul cum cæli motu, quem raptus vocant, & quo tempora sæcularia primum mensurari cœperunt, ac successiuus deinde temporibus acta sunt, accedendum videtur.

MVNDI DIES PRIMVS.

1.



T igitur iterum veluti ad caput redeat narratio nostra, dicimus, quod siue ante omnia mobilia, siue (si magis placet) statim post materiam primam ex nihilo creatam, Deus in principio, id est (vt exponit Caietanus ad litteram) in primo instanti temporis cum cælo concreati, creauit cælum & terram; videlicet cælus & elementa, quantum quidem ad eorum substantiam, perfecta; de cetero adhuc incomposita & incompta; vt latius suis locis explicabitur. Sicuti namque per cælum rectè accipi possunt omnes cælorum orbis, nondum propriis inter se motibus plenè distincti, astrisque exornati; ita per terram reliqua etiam elementa, quandoquidem omnia quodammodò in massa terrestri confusè contineri videntur. Ignem enim (vt scribit S. Basiliius Homil. 1. in Hexaëmeron) ex ipsa pluribus in locis, præcipuè verò in Ætna Siciliæ monte, sapius erumpere, notum est: aërem item è cauernis subterraneis in terræ motibus exilire, & fontes aquarum pariter ex terræ visceribus promanare conspiciamus.

DE CREA-
TIONE CÆ-
LI ET TER-
RAE.

2. Verumenimuerò, quemadmodum ex Philosophorum doctrinis constat, cælus natura sua esse incorruptibilis; ita certum est, elementa esse naturaliter corruptibilia, & sibi inuicem contraria, vt ex mutua ipsorum conficiatione apparet: quotidie siquidem videmus, alterum ab altero secundum partes perimi; & manifestum est, quod corruptio vnus est generatio alterius. Quamquam ad huius Vniuersi cōseruationem, diuina dispensatione, tali sint æquilibrio disposita, vt alterum ab altero penitus aboleri non valeat. Ac propterea non mirum est, si quæ in cælis sunt, omnia mirabiliter pacata & ordinata semper manent: contrà verò, quæ sub ipsis existunt, perpetua quadam, eademque inordinata commotione iugiter agitari ac fluctuare videntur. Ceterum non elementa solum, sed & cælus ipsos, & omne quod creatum est, quantumuis naturam habeat incorruptibilem, posse nihilominus per supremam Creatoris potentiam prorsus annihilari, certissimum est. Qui enim potuit illud solo nutu ex nihilo facere, consequens est, vt non minori negotio idem valeat ad nihilum redigere. Porro cælorum substantiam, quam diaphanam esse cernimus, non fluidam, sicuti aër; sed admodum solidam esse, testatur Iob cap. 37. vers. 18. dicens: *In foris ita cum eo fabricatus es cælus, qui solidissimè quasi ære fusi sunt.* Cuius dictum si non (vt quidam putant) de ipso aëre, qui interdum cæli vocabulo significari solet, sed magis propriè (vt plurimi grauesque sentiunt Doctores) de ipsis cælorum orbibus exponendum est, & si simpliciter, prout verba ipsa sonant, ad litteram debet intelligi, nempe cælus reuerà esse substantià subtilissimòs, non secus ac æs, aut vitrum, aut crystallum, certè num de tota eorumdem cælorum substantia; an fortè, per synecdochen, tantummodò de astris, (quæ, iuxta communiorém Expositorum Aristotelis sententiam super lib. 2. de Cælo cap. 7. densiores cæli partes esse, ac propterea ipsa dumtaxat lucere dicuntur) accipiendum sit, dubitari potest: quoniam S. Basiliius Homil. 1. in Hexaëmeron, & post ipsum etiam B. Ambrosius lib. 1. Hexaëmer. cap. 6. ex Isa. cap. 51. vers. 6. eliciunt, substantiam cæli esse subtilem tenuemque, & non solidam: & eandem sententiam ex eodem S. Basilio confirmat B. Ioannes Damascenus Orthodoxæ fidei lib. 2. cap. 6. Quod si verum esset, vtiq; ad eiusmodi Scripturæ loca inter se concilianda, satis commoda videretur esse prædicta partium cæli distinctio, nempe, quod alia ipsa sint solidissima; cælorum verò spatia subtilia & peruia. Sed quoniam iidem SS. Doctores memorant sententiam suam deducunt ex textu LXX. Interpretum, qui sic habet: *Deus firmavit cælum sicut fumum.* vel: *Cælum sicut fumum firmatum est.* lectio autem editionis Vulgatæ ibidem valde diuersa est, & sensum longè diuersum videtur exprimere, inquit enim: *Quia cæli sicut fumus liquefcent.* nimirum in die dissolutionis ipsorum; quæ dissolutioni, B. Hieronymo ibidem attestante, non solum loco Isaia citato, sed etiam in Psal. 101. vers. 27. & Matth. cap. 24. vers. 35. & 2. Petr. cap. 3. vers. 7. 10. & 11. prænuntiata est, & ab eodem S. Doctore exponitur pro mutatione ipsorum in formam multò præstantiorem: propterea quod alia tantum solida sint, non autem etiam reliqua cælorum substantia; neque certò asserere, neque negare omnino me posse video; sed præstare magis, totum de hac re iudicium Lectoris prudentiæ relinquere: præsertim cum præcitata LXX. Interpretum verba B. Hieronymus vbi supra ita exponat, ac si dictum esset, quod omnis cælorum firmitas, & robur, & fortitudo, vento inanissimo, & fumo qui in auras soluitur, coarquetur. Nam si S. Doctore dixisset, cælorum firmitatem vento

QUOMODO
CÆLI IN-
CORRPTI-
BILES, ELE-
MENTA VE-
RO SINT
CORRPTI-
BILIA.

CÆLORVM
SVBSTAN-
TIA FLVI-
DA AN SO-
LIDA.

& fumo non coæquari, sed coæquandam esse, nimirum in die mutationis eorum; profectò & ipsa L X X. Interpretum lectio prorsus cum Vulgata coincideret, & nulla propositæ difficultatis excitandæ occasio interuenisset. Sed si citata verba sancti Iob (vt multi probatiq; Auctores crediderunt) ita interpretari debent, ac si dicere voluisset, quòd cæli, licet videantur, sintve substantiæ ad modum aëris & fumi, fluxæ, mobilis, labilis, leuissimæ ac tenuissimæ: nihilominus per diuinam potentiam sic sunt durabiles atque perpetui, tamquam si ex durissimo ac solidissimo ære fuso concretoq; conflati fuissent. Si, inquam, hic est legitimus ac verus Prophetæ sensus, vtique cessant omnes memoratæ difficultates, & cuncta redduntur consona; ita vt nihil prohibeat dicere cum Philosophis, astra quidem esse propriis cælis densiora & solidiora, cælorum verò substantiam (vt ex allegatis Isaïæ verbis colligunt citati Patres, & ex adducta verborum S. Iob expositione elicitur) esse subtilissimam, & vbique peruiam, quemadmodum tam multi ac varij motus astrorum, quæ per ipsam circumferuntur, planè indicant, non tamen ipsis astris minus esse durabilem atque perpetuam.

CARLOS ET
ELEMENTA
PROPRIIS
LOCIS ESSE
CREATA.

3. Ceterum, in memorata, de qua agere cœpinus, rudi indigestaq; rerum productarum congerie, quam aliqui, vt dictum est, materiam inuisam appellandam existimarunt, cælos elementaq; vilo vnaquam tempore actualiter inter se omnino commista & confusa extitisse, nullatenus admittendum putamus: quin potiùs credimus, singula propriis creat, eo ferè modo & ordine quo nunc sunt, à summo illo rerum Opifice primò fuisse locata & disposita, prout cuiusque natura & conditio postulare videbatur. Etenim de terra habemus in Psal. 118. vers. 90. à Deo fundatam esse, & permanere, nimirum in loco suo naturali, in quo ab initio fundata fuerat. Et in Psal 103. versu 5. egimus: *Qui fundasti terram super stabilitatem suam, non inclinabitur in seculum seculi.* Est autem stabilitas terræ, sua innata grauitas, in loco omnium infimo sita, hoc est (vt Philosophi omnes Astrologiq; fatentur) in ipso totius vniuersi centro, quo nihil inferius reperiri potest, nec à sphaerica altissimaq; cælorum conuexione seu circumferentia remotius. Propterea enim omnia graui (nisi ab aliquo obstaculo retineantur) suo pondere ad ipsum naturaliter feruntur, ita vt si fieri posset puteus adeò profundus, qui totam crassitiem terræ rectà vsq; ad oppositam eius superficiem penetraret, atque in quouis eiusdem putei ore lapis quantumuis grauis demitteretur, ipse proculdubio sua grauitate non nisi ad centrum descenderet; neque posset vterius ferri, nisi ea difficultate, qua denuò vnde demissus fuerat traheretur; quia nimirum terræ mundiq; centrum, omnium quæ in mundo sunt locorum infimus est, & omnium quæ graui sunt solidissimum fundamentum à Deo positum fuit. Super hoc igitur circumextendi terram omnium corporum naturalium grauiissimam congruebat; neque alibi naturaliter fundari, aut conuiescere permanerè conuenientius potuisset. Et hanc esse immobilitatis suæ causam, latè probat Macrobius lib. 1. de Somnio Scipionis cap. 22. De aquis quoque, quòd à principio immediate essent super terram, eamq; vndiq; operirent, ex Sacro textu euidenter apparet. Idem de aliis duobus elementis, aëre scilicet & igne, æquum est credere: cum enim aquis leuiora sint, naturaliter etiã super duo priora, statim ac creata sunt, esse debuerunt. Et eadem ratione ignem supra aërem produci oportuit. De calis pariter, quòd super omnia elementa ab initio suæ creationis extiterint, inde fit clarum, quòd nusquam legimus, eos de loco, in quo primùm conditi sunt, vel tantisper fuisse dimotos. Neque prædictis obstat diuisio aquarum, de qua inferius sub die Mundi 2. num. 1. dicemus, quòd eorum pars super terram relictæ, altera verò supra cælos posita fuit: quia si reuerà aquæ super cælos sunt; illas, secluso miraculo, alterius esse speciei necesse est, vt sub Die mundi citata num 4. ex beato Thoma probabimus. Si verò, quod magis credimus, illæ sunt, quæ ex vaporibus in media aëris regione eleuatis generantur: proculdubio, vt primùm sunt genitæ (nisi ibidem aliquamdiu vi ventorum retineantur) inde deorsum ad locum suum naturaliter feruntur. Quare constat, vt diximus, res à principio nequaquam inter se actualiter fuisse confusas, vt nonnulli putarunt; sed aliquid distinctas, ac locis sibi propriis situatas, licet adhuc essent incompositæ atque inornatæ.

PRIMA
MUNDI DE-
LINEATIO.

4. Fuit igitur prima hæc cælorum elementorumq; productio, veluti prima quædam ac rudis totius Mundi delineatio seu adumbratio, ab illa suprema Dei sapientia, quæ semper in omni opere suo ordinatissimè procedit, profecta: quam postea propriis veluti coloribus ac figuris eadem diuina Sapientia perpoliuit, quando reliqua omnia successiue digerens atque componens, quæ ad perfectam Mundi dispositionem ornatumq; deesse videbantur, adiecit, atque absoluit. Sunt autem quæ post prima illa cælo-

cælorum elementorumque corpora fecit Deus, cetera omnia, quæ vel in prædictis corporibus primò factis reperiuntur, vel ex ipsis constant. Ad hæc namque duo capita reduci possunt. Nam atra, quæ, vt diximus, Philosophi aiunt densiores fui orbis partes esse, ideoque sola lucere; in ipsis cælis collocata cernimus: sublunaria autem ex elementis constare, quis nescit? Sanè cuncta hæc primis sex diebus facta fuisse, testatus est Moyses Exodi cap. 20. vers. 11. dicens: *Sex enim diebus fecit Dominus cælum, & terram, & mare, & omnia quæ in eis sunt.* & Genes. cap. 1. quænam singulis hæc diebus producta fuerint, ordinatè describit; cuius nos quoque ordinem hîc sequi intendimus: nam de illa Ecclesiastici sententia cap. 18. vers. 1. ex qua colligit sanctus Augustinus omnia simul fuisse creata, quomodo sit intelligenda, nos infra commodiore loco explicabimus, nimirum sub 6. Mundi die, num. 32. & 33.

5. Prima igitur mundi die, quæ mox ab Hebrais, prima sabbati; ab Ethnicis verò, dies Solis; à nostris autem, dies Dominica dicta est; post creata cælorum elementorumque corpora, ante alia Deus lucem hanc corporalem, quam oculis conspiciamus, condidit, quæ non modò cælorum, verum etiam ceterarum rerum sensibilem decus est atque ornamentum præcipuum & maximum, sine quo cuncta, veluti in tenebris sepulta, delitescerent: vt propterea rectè Auctor lib. 4. Esdræ cap. 6. vers. 40. dixerit: *Tunc dixisti de thesauris tuis proferri lumen luminosum, quò appareret opus tuum.* id est, quò videri possent opera tua: atque hoc pacto, vt dicitur ad Hebr. cap. 11. vers. 3. *ex inuisibilibus visibilia fierent.* Congruum verò fuit, & quodammodò necessarium (ex quo Deus sex diebus cuncta patrare decreuerat) primo die fieri lucem, ac motum primi mobilis; sine quibus, dies ipsi inter se distingui ac secerni posse non videbantur. Sanè hanc lucem arbitror fuisse globum quemdam magnum, in quo indistinctè erat, saltem virtualiter, omnis lux omnium planetarum & astrorum. Quem globum quidam dixerunt fuisse elementum ignis, siue ignem prius latentem in terra, indeque, Deo iubente, exilientem; qui in suprema mundi parte protinus ascendit, vt sic toti mundo lumen suum claritatemque impertiret. Alij tum ex antiquis Patribus, tum ex sacre Scripturæ Expositoribus & Scholasticis Doctoribus, crediderunt fuisse veluti nubem quamdam lucidam, qualis nonnumquam videri solet in aurora, quæ postea nubes vel Sole creato statim euanuerit, vel ex illa factus sit Sol. Sed ne longior sim in recensendis variis de hac prima luce opinionibus; dico, multo probabiliorē esse illam, quæ fuit primò Dionysij Arcopagitæ, & quam postea, alijs refutatis, probauit beatus Thomas par. 1. q. 67. artic. 4. & q. 70. artic. 1. & aliquot Genes. Expositores; nimirum, lucem illam, seu prædictum globum communem lucis naturam in se continentem, fuisse ipsummet solare corpus adhuc informe; quod non per miraculosam successuumque radiorum suorum emissionem ac retractionem, vt aliqui arbitrati sunt, sed sua præsentia & absentia, id est per motum, quem vocant raptus, efficiebat diem ac noctem: illud enim ac creatum fuit corpus solare sic imperfectum, simul cum primo mobili, ac vniuerso cælo, ferri cœpit circulariter ab Oriente in Occidentem; & hoc modo diuisit Deus lucem à tenebris in toto primo triduo; appellauitq; lucem Diem, videlicet, vt vocant, artificialem; & tenebras noctem; factumque est vespere & manè dies vnus, id est primus, vel ex vno die artificiali & vna nocte, dies vnus naturalis & completus, qui fuit omnium primus; & eodē modo reliqui duo, qui proximè secuti sunt. Atque ita hæc diei noctisque distinctio eadē mensurā facta est, qua postmodum quarto die facere cœpit Sol omnino absolutus atque perfectus. Et hinc illa soluitur quæstio, Quomodo Sol factus sit quarta die, cum ex quo ipse raptu suo efficit diem, nulla ante ipsius creationem præcessisse videatur dies.

6. Ceterum oportet præfatum corpus luminosum creatum fuisse in horizonte Orientali, respectu illius regionis, in qua primi homines habitauerunt; alioqui primus dies non fuisset æqualis ac similis subsequētib. Nec obstat, quòd dicitur, factum esse vespere & manè diem vnum; vnde quidam colligunt, primam lucem creatam esse in meridie, vel paulò post, quando scilicet dies tendere incipit ad vesperam: quia sensus illorum verborum, vt benè explicat S. Basilius Homil. 2. in Hexæmeron, non est indicare prius fuisse vesperam, quàm manè; sed prius commemoratur vespere, tamquam diei finis; & postea manè, qui est finis noctis; vt hinc constet, priorem fuisse diem artificialem, quàm noctem: quandoquidem primus ille mundi status, ante exortam lucem, non noctis, sed tenebrarum vocabulo signari consuevit: nox enim ea temporis portio dicta est, quæ propriè contradistinguitur ad ipsum diem.

7. Distinxit verò Deus lucem à tenebris, assignans cuique tempora sua; quoniam,

DE LVCS
CREATIO-
NE.

DE SOLARI
CORPORE.

SOLARE
CORPVS IN
QVA CAELI
PARTE
CREATVM
SIT.

DISTIN-
CTIO LVCI-
S ET TENE-
BRARVM
CVR.

vt tangit Theodoretus q. 7. in Genef. licet inter fe contraria effient, futurum tamen erat, vt ambo necessaria forent tam hominibus quàm etiam beftiis, quamuis non eodem modo. Nam lux hominum operibus ac laboribus præcipuè confert; tenebræ autem ad quietem. feris verò contrà tenebræ ad laborem, in procurandis fibi alimentis; lux autem ad quiefcendum aptior videtur, iuxta illud Pfal. 103. *Posuisti tenebras, & facta est nox; in ipsa pertransibunt omnes beftiæ siluæ; Catuli leonum rugientes, vt rapiant, & querant à Deo escam sibi. Ortus est sol, & congregati sunt, & in cubilibus suis collocabuntur. exibit homo ad opus suum, & ad operationem suam vsque ad vespertum.* Ceterum, illud amplius habet lux, quod cum ea quæ facta sunt apparere faciat, omnibus animantibus visum habentibus occasionem quodammodò præbet, singulis pro suo captu, collaudandi eum, qui tantarum rerum varietatem & pulchritudinem operatus est.

ADPRIMUM
MVNDI
DIEM PER-
TINENTIA.

8. Ad hunc eundem primum diem pertinere possunt ea omnia, quæ paulò ante lucis corporeæ productionem facta fuisse creduntur, videlicet cæli Empyreï Angelorumque creatio, & memoratæ ceterarum rerum materiæ primæ, & præterea etiam prima aliorum calorum elementorumque productio: nam est, proprie loquendo, dies naturalis ab vno Solis ortu ad alium definiri consueuerit: attamen, quia totum quoque auroræ tempus, quod Solis ortum præcedit, communiter ad eundem diem pertinere ac reduci videtur; ideò, quamuis in prima die nulla præcesserit aurora, si, vt dictum est, prima lux in Orientali horizonte creata est; cum prædicta, paulò antè sint condita, idem ferè est, ac si in ipso auroræ tempore fuissent creata; & quod paulò ante lucem factum est, rectè ad eundem diem qui cum luce exoritur, referri potest, prout reuerà referri videtur Exodi cap. 20. vers. 11. vbi dicitur: *Sex enim diebus fecit Dominus cælum, & terram, & mare, & omnia quæ in eis sunt.*

DIES MVNDI SECVNDVS.

I.
DE FIRMA-
MENTO.



DE orbis secundo, quem Hebræi secundam sabbati, nos verò, ritu Ecclesiastico, Feriam secundam; vulgò autem, retento Ethnicorum more, diem Lunæ dicimus; fecit Deus firmamentum in medio aquarum, diuisitque aquas quæ erant sub firmamento, ab his quæ erant super firmamentum; vocauitque Deus firmamentum, Cælum. Vbi firmamenti cælique nomine, proculdubio Scriptura sacra videtur indicare voluisse omne id quod vulgariter cælum esse existimatur, videlicet totum interuallum, quod à terræ marisque superficie circumquaque in altum protenditur, vsque ad primum mobile. Nam & vis vocis Hebraicæ, pro qua Latine redditur firmamentum, vt aiunt illius idiomatis professores, magis proprie videtur expansionem seu extensionem significare: & in eodem primo Genef. cap. legimus, Deum fecisse luminaria in firmamento cæli, & in ipso item cælo posuisse stellas: & paulò post, ter ibidem, aues vocantur volatilia cæli. Ex quibus satis manifestè colligi potest, Moysen in loco citato, firmamenti cælique vocabulo, totum prædictum spatium complexi voluisse. Quamquam non incongruè multi egregiique Doctores, hic pro firmamento aquas ab aquis diuidente, per Synecdochen, accipiunt partem dictæ expansionis; nimirum eam, quæ à terræ marisque superficie sursum vsque ad mediam aëris regionem expanditur, in qua pluuiæ gignuntur, vt infra num. 5. latius dicemus.

QVID FCE-
RIT HOC
DIE DEVS.

2. Verumenimverò, quando dicitur Deus in hoc secundo die fecisse firmamentum; non debemus arbitrari, quod tunc aliquam substantiam de nouo creauerit; puta memoratam aëris, vel etiam ignis, ac calorum extensionem; vel quod tunc saltem eandem substantiam ita extensam in prædicta elementa calosque distinxerit: quandoquidem omnia hæc diximus in primo temporis instanti fuisse præstita, nimirum die primo, quando creauit in principio Deus cælum & terram, id est, calos & elementa, quantum spectat ad ipsorum substantiam: inferius autem, ipsam calorum distinctionem atque absolutionem quarto die factam esse dicemus. Quid igitur operatus est secundo hoc die Deus? Respondemus breuiter, diuisionem aquarum. efficiens, vt prædicta expansio, quæ prius erat super omnes aquas, mox esset veluti vaster quoddam sepimentum; perpetuò firmatum inter ipsas, ita vt deinceps nequaquam possent simul redire, ac pariter, vt antea, iugiter permanere. Et hoc posito, non videretur absurdum id quod in littera dicitur, *vocauitque Deus firmamentum, Cælum*, ita exponere, hoc est, voluit Deus vt cælum, in sensu numero præcedenti exposito sumptum, post hæc diceretur, essetque firmamentum, siue sepimentum diuidens aquas ab aquis, hoc

hoc est (vt explicat Auctor lib. 4. Esdræ cap. 6. vers. 41.) *diuisionem faciens inter aquas, vt pars quedam sursum recederet, pars verò deorsum maneret.* Quæ verba dupliciter exponi poterunt iuxta duplicem memoratæ distinctionis aquarum intelligentiam, quæ infra num. 4. & 5. à nobis explicabitur.

3. De cetero, neminem iure mirari posse putamus, quòd substantia aded mobilis, sicuti sunt aer, & ignis, & cælorum orbis, firmamenti nomine nuncupetur; si meminerit eorum quæ tradit S. Augustinus lib. 2. de Genesi ad litteram, cap. 10. *Nomen, inquit, firmamenti non cogit, vt stare cælum putemus: firmamentum enim non propter stationem, sed propter firmitatem, aut propter intransgressibilem terminum superiorem & inferiorem aquarum intelligere licet.* His S. Augustini dictis consona quoque scribit Rupertus lib. 1. de Trinitate & operibus eius, cap. 22. dicens: *Firmamentum, non solidum quid, aut durum, vt vulgò putatur, sed aer est extensus, & aded subtiliatus, vt licet videri queat, rectius tamen spiritus dici possit, quàm corpus, testante Ecclesiaste cap. 1. vers. 6. cum dicit de luminaribus quæ visibilibus in eo feruntur: Lustrans vniuersa in circuitu, pergit spiritus, & in circulos suos reuertitur. Hoc itaque cum solidum non sit, sed neque ita corpulentum, vt hæc inferior pars aeris; aliunde tamen Scriptura illud nuncupauit firmamentum, videlicet, eo quòd diuidat aquas ab aquis.* Hucusque Rupertus, qui secundum ex duabus mox referendis opinionibus sequitur. cui in eo quod dixit, Firmamentum rectius dici posse spiritum quàm corpus, ad stipulatur etiam Auctor lib. 4. Esdræ loco proximè citato; vbi absolute eum appellat spiritum, dicens: *Et die secundo creasti spiritum firmamenti.* vbi illud creasti interpretari debet eo modo quo numero præcedenti diximus intelligenda esse illa Genesim verba, *Vocauitq; Deus firmamentum.*

4. Sed quod attinet ad memoratam hanc diuisionem aquarum, duæ circumferuntur opiniones, ambæ probabiles, ambæ veritati catholice nullatenus aduersantes; tamet si secunda pluribus multo probabilior videtur, vt num. sequenti dicemus. Prima igitur est eorum, qui putant verè & realiter hac ipsa die diuisas esse aquas quæ erant super terram, & earum partem super omnes cælos mobiles fuisse transpositam, vt ibidem perpetuò permaneret. Quod nituntur aliis quoque Scripturæ locis comprobare; nimirum Daniel. cap. 3. vers. 60. *Benedite aquæ omnes, quæ super cælos sunt, Domino.* Et Psalm. 103. vers. 3. *Extendens cælum sicut pellem, qui tegit aquis superiora eius.* Et adhuc clariùs Psalm. 108. vers. 4. *Laudate eum celi caloribus, & aquæ omnes, quæ super cælos sunt, laudent nomen Domini.* per illud namque, *Quæ super cælos sunt,* non alios, nisi prænotatos cælos cælorum, Propheta indicasse videtur. Quod si ita est, profectò loci iste admodum vrgere dignoscitur. Et quamquam nec sensus, nec humana ratio demonstrare videatur, posse aquas esse supra sidereum cælum: attamen, vt ait S. Augustinus lib. 2. de Genesi ad litteram cap. 5. *Maiores est Scriptura auctoritas, quàm omnis humani ingenij capacitas. Vnde quomodo, & quales aquæ ibi sint: eas tamen ibi esse, minime dubitamus.* Ex qua S. Doctoris sententia inferre possumus, vanum quoque esse scrutari, quem vsum habeant aquæ illæ in hoc vniuerso, & an sint, quòd quidam vocant, cælum aqueum, aut crystallinum, siue glaciale; & an ea sit vniuersalis causa frigoris, quod in hoc mundo, vbicumq; Solis ardore abigi temperarive non potest, maximè dominatur. Quod sanè opinari forsitan non videretur absurdum. Nam si frigus non est pura caloris priuatio, sed agens quoddam positium, vt Plutarchus in libello de Primo frigido pluribus manifestè probat argumentis, & nos videmus multa frigore cogi, supari, ac condensari; atque animalium corpora ferè non minùs à frigore, quàm ab ipso calore sensibilibus pungi grauiusque affligi: vtique oportet ponere aliquod primò frigidum quo cetera frigeant, quod præstare, posse videntur dictæ aquæ: quemadmodum è conuerso dicitur esse aliquod primò calidum quò alia caleant, nempe ignis, vt supponit idem Plutarchus in citato suo libello; vbi non semel primi frigidi qualitates opponit igni tamquam primo calido. Certè Auctor illius Hymni, quem sancta Ecclesia ex Breuiario Romano canit Feria 2. ad Vesperas, vbi ait: *Vt unda flammis temperet, Terra solum ne dissipet.* videtur sensisse, ideò has aquas à Deo in sublimè fuisse transpositas, vt calorem à corporibus cælestibus, & præsertim à Sole causarum temperarent, ne nimio ardore terram exureret. Sed de prædictis aquis earumque vsum nulla omnino certa haberi scientia potest, cum tota illarum notitia ex sola sacrarum Scripturarum reuelatione dependeat: nulla autem in Sacro eloquio de ipsis mentio habetur, nisi locis citatis, in quibus tantummodò innuitur, aquas super cælos esse locatas. Quòd si quis fortasse videatur non posse capere, quid fieri possit, vt aquæ, quæ naturaliter multo crassiores sunt & grauiores, quàm sint aer & ignis, & cor-

pōra cælestia, nihilominus supra ipsos cælos perpetuò stare queant: meminerit, quem admodum admonet Rupertus lib. 1. de Trinitate cap. 25. globum hunc inferiorem, ex aquis terræque compositum, in medio aëris vndequaue circumfusi immobiliter pendere; & in se ipso, tamquam in base firmissima conuiescere. Quis verò nesciat, non minus impossibile videri, memoratam hanc orbis terrarum massam, omnium quæ in Vniuerso sunt, naturâ suâ ponderosissimâ, in medio aëris, qui tam tenuis est, vt percipi vix possit, sustineri; quàm aquarum sphaeram supra sidereum cælum posse consistere: præsertim si cæli substantia solida esset, quemadmodum nos supra sub primo Mundi die num. 2. indicauimus. Igitur, si primum nos oculis panè ipsis cernimus, alterum profectò non esse incredibile fateri debemus. Sed & adhuc magis cessare poterit huiuscemodi admiratio, si doctrinam B. Thomæ attendamus, qui par. 1. quæst. 68. art. 3. ad primum ait: *Quod si per aquas superiores, illas intelligamus, quæ super cælum sidereum esse dicuntur: oportere eas esse alterius naturæ ab istis inferioribus, & firmamentum distinxisse aquarum naturam; ita vt aliæ naturaliter essent sub firmamento, aliæ autem supra ipsum circumquaue diffusa, perpetuò permanerent.*

QVOD SIT
IN MEDIA
REGIONE
AERIS.

5. Altera opinio est, prædictas aquas esse illas quæ in media aëris regione gignuntur, & in pluuias densatæ decidunt: ad cuius confirmationem aliquot Scripturæ loca adduci solent, quæ de huiusmodi aquis, tamquam in cælo existentibus, loqui videntur: vt est illud Isaia cap. 55. vers. 10. *Quomodo descendit imber, & nix de cælo.* & Psalm. 146. vers. 8. *Qui operit cælum nubibus, & parat terræ pluuiam.* clarum est autem, nubes, & aquas quæ ex ipsis fiunt, siue in ipsis continentur, non operire cælos, sed mediam aëris regionem. Legimus item, Scripturam sacram non semel vti hisce verbis, *Claudere, aut aperire cælum*, seu *cataractas cæli*; pro dare, aut prohibere pluuias: quemadmodum patet Genes. cap. 7. vers. 11. cap. 8. vers. 2. & Lucæ cap. 4. vers. 25. quibus aliisque locis manifestè cæli nomine significat mediam aëris regionem, in qua pluuiæ generantur. Hanc eandem opinionem S. Augustinus lib. 2. super Genes. ad litteram, laude dignissimam iudicat, & sine vlla Fidei offensione credi posse testatur; & B. Thomas pariter vbi supra eam probat; & ex recentioribus plurimi hanc priori antepōnere videntur, tamquam Scripturæ rationique magis consentaneam, & ipso quoque sensu perceptibilem: atque ad alia Scripturæ loca pro priori opinione adducta respondent, de cælo aëreo esse intelligenda, vt ex supra dictis manifestum est. Nec obstat, quòd Daniel. cap. 3. & Psalm. 148. aquæ non supra cælum, sed supra cælos esse dicantur: quia (inquiunt) Hebræa vox, quæ Latine cælum seu cælos reddi solet, caret singulari, quemadmodum apud nos Vercellæ, Venetiæ, Syracusæ, & huiusmodi: itaque idem est, super cælos, ac si dictum esset, super cælum, nempe aëreum. Et vbi dicitur: *Laudate eum cæli calorum, & aque omnes, quæ super cælos sunt.* Non dicit, quæ super eos, vel super cælos calorum, sed, quæ super cælos sunt, id est, quæ sunt super cælum aëreum, vt supra exposuimus. Et præfati Auctores, ceterique omnes huius opinionis sectatores, rectè firmamentum hic accipiunt per Synecdochen, id est partem pro tota prædicta extensione, vt dictum est. Verum contra hanc opinionem opponi potest, quòd in media aëris regione reuerà non manent aquæ in sua propria forma, sed in proximis generationis earum causis, hoc est, sub specie nebularum, exhalationum, & vaporum, qui in frigidiori illa aëris parte naturaliter apti nati sunt in aquam conuerti; statim autem ac perfectam aquæ induunt formam, cum ipsa suapte natura grauis sit, non potest aliquamdiu ibidem subsistere, sed necesse est vt ilicò incipiat suo pondere in terram descendere. At verò Sacer textus non videtur loqui de loco generationis aquarum, sed de loco proprio diuinitus assignato illi aquarum parti, quæ ab inferioribus aquis diuisa fuisse dicitur, & super cælos translata; & videtur insinuare, eam in sua forma non minus naturaliter supra cælos permanere, quàm ea quæ sub cælo est, naturaliter super terram manet, vt prima habet opinio, quæ profectò mihi magis arridet. Nec obstat dicere, quòd Scriptura sacra cæli nomen pro aëre sapius vsurpare soleat: quia certissimum quoque est, eandem sapissimè cæli seu calorum vocabulo cælestes orbes significare consueuisse. Sed quoniam quæstio hæc ex illis est, quæ à nobis certò definiri non possunt, libentissimè eam prudentis Lectoris iudicio discutiendam relinquimus: illud tantummodò hic addentes, quòd Cardinalis Bellarminus in Psalm. 103. agens de proximè memorata priori opinione, quæ habet, aquas esse super ætherem cælum, quòd firmamentum dicitur, non autem supra cælum aëreum tantum; ait, hanc videri esse communem Patrum sententiam: & pro ea inter ceteros adducit SS. Basilium Homilia 3. Hexaëmeron, Chrysostomum Homil. 4. super Genesim, Ambrosium lib. 2.

Hexaëmeron cap. 3. & 4. Augustinum lib. 2. super Genes. cap. 4. & in Psal. 103. Eucherium lib. 1. in Genes. cap. 3. Prosperum cap. 1. in Genes. & Theodoretum quæst. 11. in Genes. ac Bedam lib. de Natura rerum cap. 7. & 8.

6. Sanè opus hoc diei secundi, si etiam iuxta secundam Doctorum sententiam, de aquis quæ in media regione aëris gignuntur, accipiatur; mirabile admodum fuit, & mortalibus multum vtile: siquidem hoc est, quod non sine magna admiratione contemplabatur Iob cap. 37. vers. 5. dicens: *Tonabit Deus in voce sua mirabiliter, qui facit magna & inscrutabilia: qui precipit nivi ut descendat in terram, & hiemis pluuiis, & imbri fortitudinis sue.* & Ieremias cap. 10. vers. 13. *Ad vocem suam, inquit, dat multitudinem aquarum in celo, & eleuat nebulas ab extremitatibus terræ; fulgura in pluuiam facit, &c.* & Amos cap. 9. vers. 6. *Qui vocat aquas maris, & effundit eas super faciem terræ, Dominus nomen eius.* & B. Greg. Nazianzenus Oratione 2. de Theologia, prope finem: *Quis aquam, inquit, in nubibus vinxit, eamque partim in nubibus fixit (ò facinus admirandum!) verbo retentam, tamen si natura sua fluxam & labilem: partim in totius terræ faciem tempestivè & æquabiliter effudit, velut, seminavit.* sic ille: qui ibidem incomparabili eloquentia & copia, multa alia ad hanc rem pertinentia profecquitur. Et certè quis non miretur, aquas natura fluidas & graues ab aëre adeo tenui & raro aliquamdiu sustineri ne decendant; constringi item & congelari, atque in niues, pruinas, grandinesque conuertere; denique à ventis, summi Dei arbitrio, huc atque illuc interdum, ad castiganda hominum errata, ordinariè verò ad innumera mortalibus beneficia conferenda, transmitti? Quis item nesciat, quanta sit pluuiarum vtilitas: his namque terra irrigatur, ac fecunda redditur, largasque fruges opportuno tempore profert; his fontes, amnes, lacus, ad mortalium vsum, reficiuntur, cisternæ puteique implentur, plantæ crescunt, animalia sitim sedant, ac mirabiliter, in æstiuis præsertim ardoribus, recreantur. Cogita quales ærumnas tempore siccitatis patiatur terra, ut non immeritò dixerit Psalmista Psalmo 142. *Anima mea sicut terra sine aqua tibi;* & intelliges, quanta sit imbrum necessitas & commoditas; & quàm rectè propterea pro tanti beneficii recognitione frequenter cantet Ecclesia: *Benedictus es Domine in firmamento celi, & laudabilis, & gloriosus in secula.*

MVNDI DIES TERTIVS.

1. **T**ERTIO die, qui tertia Sabbati, seu tertia Feria, & vulgariter Dies Martis appellatur, discoopertæ sunt plagæ orbis terrarum ab aquis. Nam ut primum, iubente Domino, congregatæ sunt aquæ in vnum locum, apparuit arida, quam Deus vocauit Terram, congregationesque aquarum appellauit Maria; atque ita exinde terra, quæ prius tota sub aquis manserat, multis in locis stare super ipsas visa est, ut quodammodò super ipsas fundata videatur, iuxta illud Psalmi 135. vers. 6. *Qui firmavit terram super aquas.* & Psalmi 23. vers. 2. ubi loquens Propheta de orbe terrarum, ait: *Quia ipse super maria fundauit eum, & super flumina preparauit eum.* Non enim sensus Psalmistæ est, quod reuera fundamenta terræ posita firmatæ sint super aquas maris aut fluminum, cum potiùs è contrario ipsas aquas à terra sustineri palàm sit: sed voluit his verbis indicare Regius Pfalter, Deum die tertio, ad plantarum procreationem, vsumque animalium mox creandorum, fecisse terram altiore aquis; ita vt, ex quo super maria fluminaque eminere cœpit, quomodo super aquas fundata firmatæ esse ac dici possent videatur.

2. Sanè quomodo hæc terræ super aquas eleuatio, & aquarum congregatio in vnum locum facta sit, multipliciter ab Ecclesiasticis Scriptoribus exponitur. Et primò quidam putant, id per maximas validorum ventorum vrentium immissiones esse peractum; quandoquidem hoc pacto desiccatas fuisse Diluuii aquas, innuitur Genes. cap. 8. vers. 1. illis verbis: *Adduxit spiritum* (id est, ut exponit Lyranus, ventum siccum) *super terram, & imminuta sunt aqua.* Et eodem modo diuisit Dominus mare Rubrum filiis Israël: nam cum extendisset Moyses manum super mare, abstulit illud Dominus, flante vento vehemèti & vrente tota nocte, & vertit in siccum; diuisa, est aqua. Exod. cap. 14. vers. 21. Sed hoc videretur naturaliter fieri non potuisse, nec sine magno miraculo, quod sine magna necessitate ponendum non est: siquidem ventus, quantumvis validus & vrens, non videtur vno die tot tamque latè expansas terræ regiones ab aquis adeo immensis denudare valuisse. Dicere autem cum Augustino Eugubino in sua Cosmopœia, hanc terræ exsiccationem multo tempore fuisse peractam, & primò

TERRA AB AQVIS NV- DATA.
QUOMODO TERRA EVERTIT AB AQVIS NV- DATA.

D quidem

Annal. Sacr. Tom. 1.

quidem plagas ad polum Arcticum vergentes, quæ altiores esse dicuntur; postea paulatim reliquas, vi Solis aquas exsiccantis, ut ipse arbitrat; siue ut alij, vi ventorum vrentium fuisse detectas; videtur repugnare Sacro textui, aperte asserenti, hanc terræ denudationem die tertia esse factam; & communi Theologorum sententiæ, qui ponunt, prima sex dierum Dei opera, per diuinam omnipotentiam, pænè in instanti, singula esse patrata. Alij magnam hanc terræ partem ab aquis denudatam putant per ipsarum aquarum condensationem; quæ prius cum essent subtiliores, ut nunc sunt aquæ pluuiiales, vel etiam (ut quidam sentiunt) adhuc magis tenues, nimirum veluti est materia vaporosa, aut nebulosa, seu caliginosa, iuxta illud Eccli. cap. 24. vers. 6. *Et sicut nebula texi omnem terram.* & Iob cap. 38. vers. 9. *Cum ponerem nubem vestimentum eius, & caligine illud quasi pannis infantie obuoluerem,* necessariò maiorem locum occupabant, totamque terram vndique operiebant. At verò posteaquam vehementer in crassatæ sunt, sicut nunc videmus esse aquam maris; multò minori loco contineri potuerunt, altioresque terræ partes relinquere.

3. Non desunt etiam, quibus visum est, Deum sua omnipotenti virtute terram, quæ tum fortè sub aquis erat circumquaque æqualis, illicò mutata aliquatenus exteriori eius figura, inæqualem reddidisse, ita ut alicubi eminentias admodum grandes, alicubi vero profundas latasque quodammodo in immensum concauitates haberet, in quibus aquæ prius æqualiter per vniuersam terræ superficiem vndique diffusæ, postea naturaliter tamquam in vasis quibusdam amplissimis confluyendo sese reciperent, altioresque terræ plagas denudatas ac detectas relinquerent; atque ita vniuersum orbem terrarum ex aquis terrisque mira varietate distinctum efficerent; quemadmodum in paruis hisce globis, in quibus arte Mathematica totus inferior hic mundus delineari pingive solet, contemplari possumus. Huius sententiæ videtur etiam fuisse Regius Prophetæ in Psal. 103. vers. 6. vbi referens statum, quem habebat orbis terrarum ante hunc tertium diem, ait: *Abyssus sicut vestimentum amictus eius, super montes stabunt aque.* hoc est, tam magna aquarum abyssus vndique circumdatus erat, ut montes etiam operire potuisset. Sequitur: *Ab increpatione tua fugient, à voce tonitru tui formidabunt.* quibus verbis perspicue exprimitur mirabilis vis & effectus diuinæ iussionis, quæ in hoc die tertio facta est, quando dixit Deus: *Congregentur aque quæ sub celo sunt in locum vnum, & appareat arida.* siquidem illæ, veluti præ formidine in fugam versæ, statim magno impetu confluerunt in locum sibi à Domino præparatum, de quo subiungitur: *Ascendant montes, & descendant campi, in locum quem fundasti eis.* quæ verba explicant, inæqualitatem terræ eodem tempore à Deo factam, in partes scilicet, quasdam quidem maximè eleuatas atque eminentes, quasdam verò valdè depressas & humiles, ad quas commodè ac naturaliter aquæ potuerunt confluere, & latas sublimioresque orbis plagas, nudas siccassque relinquere. Postremò ait: *Terminum posuisti, quem non transgredientur, neque conuertentur operire terram.* ac si diceret: Et sic eas in locis humilioribus veluti quibusdā terminis conclusisti, ut inde amplius exire non queant, neque rursus obruere terram. Verum si montes & valles, omnisque hæc quam videmus terræ inæqualitas, non hac die tertia, sed potius in ipsa terræ creatione, nimirum die mundi prima, quando creauit Deus cælum & terram, facta est, quemadmodum videtur colligi posse ex illis memorati Psalmi verbis, *Supra montes stabunt,* hoc est stabant, *aque,* ut nonnulli Hebraici idiomatis Professores interpretantur: certe melius erit dicere, prædictam terrarum detectionem per aquarum densationem, ut diximus, fuisse peractam: quia scilicet quando aquæ, id est, vapores illi aquei ac nebulosi, qui prius omnes terræ partes non solum humiles & planas, sed etiam cellas & montosas vndique operiebant, postea iussu Domini condensatæ sunt, statim minorem locum occupantes, & grauiores redditæ, naturaliter suo pondere ad decliuiora loca descenderunt, & magnam altioris terræ partem detectam reliquerunt. Sed vtrum vno tantum ex enumeratis modis, & quo; an fortè (quod non est improbabile) omnibus simul concurrentibus, tam citò perfecta sit hæc terrarum exsiccatio, nequaquam certò definiri potest; cum certissimum sit, Deum infinitis, ut ita dixerim, aliis mediis idem efficere potuisse, & in Sacro eloquio primaria dumtaxat huius rei causa exprimitur, nimirum ipsa Dei iussio, illis verbis: *Congregentur aque in locum vnum, &c.*

4. Ceterum, quod dicitur, *in locum vnum;* vnum debemus accipere, non numero, sed specie. Etenim non mare vnum dumtaxat in mundo est, sed multa multis terræ tractibus separata; quæ tamen ferè omnia cum Oceano aliquatiter coniungi videantur; existat nihilominus mare Caspium vndique conclusum, & item in Palæstina, circa re-

ca regionem olim Sodomorum & Gomorrhæorum, mare illud in quo influit Iordanes, quod Scriptura vocat falsissimum, quodque pariter ab Oceano penitus seiunctum est: quemadmodum & lacus plurimi in diuersis terræ partibus, qui nullam habent manifestam cum Oceano coniunctionem, nisi fortè per occultos subterraneosque meatus, per quos etiam aquæ maris iterum ad fontes ac flumina redeunt, iuxta illud Ecclesiastæ cap. 1. vers. 7. *Ad locum unde exeunt flumina reuertuntur*. Quare quod dictum est, *Congregentur aquæ in locum vnum*; idem ferè est, ac si dixisset, Congregentur aquæ in loca vnius generis, videlicet humiliora. quod etiam apertè indicant verba, quæ paulò post subduntur: *Congregationesq; aquarum appellauit Maria*: non enim dicit congregationem, sed congregationes aquarum: neque inquit, appellauit mare, sed maria; vt non vnum tantum, sed multa vnius speciei loca seu receptacula aquarum à Deo facta esse declararet.

5. Ex suprà dictis inferri potest, aquas ab hoc die mundi tertio non ampliùs efficere propriam sphaeram terræ proximam ac superextensam, eamque multo maiorem, sicut priùs. Neque etiam verum esse quod multi, alioqui magni nominis Doctores, sensere, nimirum ipsas aquas, vt minorem terræ locum occuparent, ad præceptum Domini in maximam intumuisse altitudinem, ita vt etiam nunc longè ipsa terra altiores sint. Nam cum omnia flumina, quæ per inferiores terræ partes semper ad ima decurrunt, tandem intrent in mare, vt ait Ecclesiastes cap. 1. vers. 7. necesse est ipsum mare non modò non celsius, sed multo ipsa terra humilior esse. Nec obstant multa Scripturæ testimonia, à præcatis Auctoribus adducta, quæ oppositum confirmare videntur; qualia sunt illud Prouerb. cap. 8. vers. 29. *Legem ponebat aquis, ne transirent fines suos*, & Ierem. cap. 5. vers. 22. *Qui posui arenam terminum mari, præceptum sempiternum, quod non præteribit: & commouebuntur, & non poterunt: & intumescunt fluctus eius, & non transibunt illud*. & Iob cap. 38. vers. 8. *Quis conclusit ostium mare, quando erumpebat quasi de vulua procedens?* & post pauca: *Circumdedi illud terminis meis, & posui vectem, & ostia, & dixi: Hucusque venies, & non procedes amplius; & hic confringes tumentes fluctus tuos*. & Psal. 103. ver. 9. *Terminum posuisti, quem non transgredientur, neque conuertentur operire terram*. Ex quibus aliisque huiusmodi locis videtur, aquas vsque adeò super altitudinem terræ elatas esse, vt nisi diuina virtute continerentur, faciliè naturaliterque posset iterum super ipsam confluere, totamque obruere. Sed non ita est: nam etsi naturales inclinationes creaturis irrationabilibus vel etiam insensibilibus à Deo inditæ, in Scripturis sacris interdum appellentur leges, (nimirum non essentialiter, sed quasi participatiuè, vt optimè declarat B. Thomas prima secundæ, quæst. 90. artic. 1. ad 1.) nihilominus implicat dicere vel arbitrari, eiusmodi leges naturalibus rerum inclinationibus perpetuò aduersantes fuisse datas. Quare ex eo quod locis citatis legimus, Deum posuisse legem terminosvæ, aut præcepta aquis, ne transirent fines suos; non debemus inferre, quòd eas perpetuo miraculo, & contra propriam ipsarum naturam eleuatas contineat, ne ad ima fluere valeant; sed quòd eas in inferioribus terræ partibus collocauerit, vnde eleuari, cum graues sint, & exire non possint.

6. Sequitur item ex his quæ hæcenus dicta sunt, vanam omnino erroneamque, vt potius, vt sic loquar, chimericam esse illam Pauli Burgensis opinionem, quam in Ad ditione prima super cap. 1. Genes. latiùs explicare conatur, vbi suadere contendit Oceanum facere veluti propriam aquæ sphaeram, interfecantem ipsum terræ globum eo modo quem figura hîc in margine posita refert. Nam præterquam quòd rationibus etiam proximè adductis faciliè reprobari hæc positio potest, euidenter quoque refellitur à Mathematicis seu Cosmographis; inter quos non desunt, qui manifestissimis probant argumentis, terram esse longè maiorem aqua; præcipuè verò Alexander Piccolominus, qui de hac re integrum egregiumque volumen à se Italicè scriptum edidit. omnes verò fatentur, ex aquis terrisque mira varietate, vt prædictum est, inter se distinctis, fieri globum vnum sphaericum, cuius centrum idem est cum centro totius mundi. Neque huic orbis rotunditati obstant, in terra montium altitudines ac vallium profunditates, in aquis verò ipsarum planicies: quia montes & valles terrarum quidem superficiem aliquanto asperam reddere possunt ad instar globuli lapidei minimè leuigati; minùs verò rotundam, in tantæ præsertim molis globo, nequaquam. Quod autem spectat ad aquas, scimus proprium ac naturale ipsis esse, non planam sed conuexam semper habere superficiem, vt cuius ad sensum patere poterit, si aut singulas aquæ guttas in plano positas diligenter inspiciant, aut expansum aliquod vas ad summum aqua refertum, materiali aliqua regula radere attentauerit. vnde non mirum est, si ipsa quo-

AQVAS NON
ESSE TER-
RA ALTIO-
RES.



que aqua maris, quò longius distat à littore, eò altior inueniatur, non tam quòd eius fundum ibi profundius sit, quàm quòd etiam ipsius superficies sensim in gyrum (vt diximus) naturaliter attollatur: atque hoc pacto memoratum Orbis globum, non in ea tantum parte planum aut depressum reddat, sed vbique sphæricum efficiat, ac veluti ad circumum rotundet. Porro dicti orbis terrarum simul atque aquarum varietatem pariter ac rotunditatem etiam experimento didicerunt, qui per longas ac ferè immensas nauigationes, ad partes mundi prius incognitas, non procul à nostris temporibus, peruenierunt. Hi namque cum ex Hispaniis Occasum versus diu admodum nauigantes, cursum solis quodammodò imitati, per hemisphærium huic nostro suppositum ad Orientales infulas regionesque appulissent, ab his numquam retrocedentes, sed semper rectà vià Occidentem versus ad anteriora tendentes, tandem toto terrarum orbe circulariter emenso, trium annorum spatio ad idem Hispaniarum littus, vnde discesserant, reuersi sunt, vt ex noui Orbis historiis manifestum est.

7. Ex eo autem, quod in Sacro textu dicitur, *Et appareat arida*, clarè colligi potest, terram non fuisse in hoc tertio die factam, vt nonnulli crediderunt; sed cum fuisset à principio creata sub aquis, vt suprà dictum est; postmodum in hac die, recedentibus aquis, remansit sparsim magna ex parte discooperta, & eatenus in superficie exsiccata, vt commodè posset herbas plantasque producere. Nisi fortè intelligamus, terram die tertio esse creatam, id est perfectam & absolutam, in ea forma & figura quam modò videmus, videlicet ad eò inæqualem, vt partes eius humiliores plenè sint aquis; altiores verò, quæ ab ipsis eminent aquis, partim adhuc etiam magis ascendant in montibus & collibus, partim descendant in campis & vallibus, vt habemus in Psalmo 103. versu 8. variisque fluminibus irrigatæ, diuersi generis plantas ad vsus animalium hominumque producant.

DE PLAN-
TARVM
PROD-
CTIONE.

8. Itaque terra, statim ac ab aquis, Deo iubente, denudata fuit, protulit quidem, vt diximus, omnis generis plantas; verumtamen non naturaliter, ex virtute seminis in ea sati; neque item naturaliter, eo modo quo nunc solet primò paulatim eas germinare, mox per successiua incrementa multo temporis spatio ad perfectum sui generis statum easdem perducere: sed ex vi verbi Dei, illic protulit omnes herbarum arborumque species in statu perfecto, id est propriis frondibus, fructibus, seminibusve onustas: quod indicant ea Genes. verba: *Et protulit terra herbam virentem, & facientem semen iuxta genus suum, lignumque, faciens fructum, & habens vnumquodque seminem secundum speciem suam.* (tunc enim quæ vtrumque viuunt, perfecta esse dicuntur, quando possunt generare sibi simile, vt habemus ex Aristot. libro quarto Metheor.) Atque hæc instantanea, vt ita dixerim, plantarum productio, antequam naturaliter singulæ ex propriis seminibus oriri cœpissent in terra, tunc potissimum necessaria fuit, vt posset illic suppeditari cibus homini, & ceteris animantibus paulò post creandis. Non tamen verisimile est, eodem tempore in omni terrarum plaga eandem perfectam plantarum productionem esse factam, sed tantummodò in his terræ tractibus, in quibus tunc conueniens huiusmodi plantis anni constitutio, nimirum vbi ver, æstas aut autumnus aderat. Nam in partibus ad Arcticum siue ad Antarcticum magis vergentibus, vbi tunc hiems erat, quidam putant arbores sine foliis, floribus, & fructibus, aridas fuisse productas, vt esse solent tempore hiemis: sed ne cogamur dicere, prima Dei opera alicubi fuisse imperfecta, & aliquamdiu sic permansisse; fortasse melius est ponere, in talibus locis plantas non actas, sed potentia, in suis nimirum dumtaxat causis, esse procreatas, ac postea congruis temporibus naturaliter natas auctasque, & ad perfectum fuisse perductas; non enim ait Scriptura omnes vbique terrarum plantas vno eodemque tempore à Deo esse factas, sed Deum fecisse tertio die omnia plantarum genera, videlicet in locis ad quaque earum ferenda accommodatis; id est, neque aut nimio rigore, aut extremo calore ariditateque inhabilibus, cuiusmodi etiam hodie plura reperiri, & sine plantis esse certum est.

DE PLAN-
TIS HOMI-
NI NOXIIS.

9. Neque hic dubitandum est de Rosa, num ab initio facta sit, vt modò est, cum spinis; & de aliarum spinarum ac tribulorum, & item venenatarum plantarum productione, num hoc die facta fuerit, vel potius post Adæ peccatum, in pœnam scilicet ipsius. Etenim quemadmodum constat, peccatum primi parentis non mutasse naturales hominum proprietates; sic nec rosæ, aliarumve rerum. Et ratio dictat, oportuisse ad perfectionem vniuersi, omnes herbarum arborumque species hoc die esse factas, sicuti postea die quinto omnia animalia aquatica, sexto verò cuncta terrestria condita sunt; inter quæ pariter multa hominibus noxia reperiri certissimum est; nimirum
creata

creata ad vindictam, vt colligitur Ecclesiasta cap. 39. vers. 35. & 36. Quod si in primis sex dierum Dei operibus tot plantarum animantiumque differentiarum defuissent, quomodo cuncta quæ fecerat, valde bona & perfecta dici potuissent? Itaque quemadmodum Deus, antequam animalia hominesque procrearet, plantas producere voluit bonas, vt essent illis in cibum; sic præuidens ipsius hominis casum, in præuaricationis eius poenam, produxit rosam cum spinis, herbasque; & animalia noxia quæ homo, si non peccasset, certo dignoscere, ac variis modis, sine vilo incommodo, deuitare potuisset; & nihilominus etiam post peccatum, eidem in multis vsui esse poterant, vt patet de Theriaca, quæ vtiliter ex noxiis animalibus simplicibusque componitur.

10. De his verò herbarum seu plantarum generibus, quæ non ex semine aliquo, sed ex quadam putredine, certis præcipue temporibus ac locis, tam in terra quam in palustrium aquarum superficie generari videmus, cuiusmodi sunt tubera, & boletorum plura genera, & agaricus, aliæque huiusmodi, quæ siue è terra, siue ex arborum truncis, vel etiam ex quodam genere petrarum in locis viginosis posito, paulatim erumpere conspiciuntur; & herba item illa, quam muscūm vocant, aliæque nonnullæ; quæ pariter super arborum cortices ac tectorum regulas nascuntur, & lens palustris, quæ in stagnis aquarum oritur, & ceteræ huiusmodi. (Quid enim mirum est ex putri materia plantas gigni, cum ex eadem animalia quoque generari, quæ plantis longè perfectiora sunt, in consensu sit apud omnes?) De his inquam, & item de arboribus illis, quæ mediam quamdam naturam sortitæ videntur inter duas diuersi generis plantas; cuiusmodi sunt quæ nuces Persicæ dicuntur, & Pira cotonea, & Piralimonia, & Limonio citria, & huiusmodi sexcenta alia; quarum poma mediam certè figuram, saporem, ac naturam redolent inter binos quos referunt diuersi generis fructus: quæ (si verum est quod fertur) non à natura, sed potius hominum industria, ab occulto quodam inferendi, seu radices feminæ commiscendi aut alterandi artificio, solis quibusdam hororum cultoribus cognito, primam originem duxisse creduntur: proculdubio, si de his & similibus queratur, num eodem die creata sint, quo ceteræ plantæ, idem pænè iudicium ferri poterit, quod de animalibus ex putri materia ortis, vel ex commistione diuersarum specierum generatis, infra sub die Mundi 6. num. 1. dicemus.

DE PLANTIS
QVAE EX PV
TRI MATE
RIA ARTE
VE NASCUN
TVR.

PLANTA
RVM DIF
FERENTIAE
VIRISQVE.

11. Porro differentias plantarum, quæ pænè sunt innumerabiles, & vires earum, multi diligenter indagare scriptisque mandare conati sunt: sed quemadmodum contigit ceteris rerum naturalium Scriptoribus, puta his qui de stellis, de animalibus, de fossilibus, & huiusmodi aliis scripserunt, minus est quod ipsi summo labore, studio, & industria consequi potuerunt, quàm quod eos præterit: tanta est summi illius rerum Conditoris in vnoquoque genere virtus, affluentia, & varietas, atque humanæ mentis imbecillitas, vt non modò vniuersaliter, sed etiam in vnaquaque facultate verissimum illud sit, quod Philosophorum præcipui fassi sunt, nimirum, *Maxima pars eorum quæ scimus, minima est eorum quæ ignoramus.*

12. Eodem tertio die, in quo diximus terram à Deo suam postremam accepisse perfectionem; probabile admodum est, creata quoque fuisse in visceribus eius cuncta metallorum ac mineralium, omniumque fossilium genera; tametsi de his Moyses nullum verbum fecerit, siue quia hæc nullum naturæ essendive gradum ipsâ terrâ ceterisque rebus omnino inanimatis sublimiorem haberent, siue quia vocabulo terræ, cuncta quæ intra ipsam naturaliter gignuntur, comprehendi maluerit: alioqui etiam reconditas ventorum, nubium, pluuiæ, niuis, pruinae, grandinis, tonitruorum ac fulminum, quæ in aëre generantur, origines descripsisse debuerat; & si quæ alia in aliis sunt elementis.

DE FOSSILIVM GENERIBVS.

13. Eodem item die (vt est opinio Doctorum communior) quando scilicet produxit in vniuerso orbe omnis generis plantas eo modo, quo superius declaratum est, hortum quoque quemdam peculiarem, amœnissimum ac deliciosissimum Dominus condidit, arboribus pulcherrimè constitum, ac suauissimorum fructuum vbertate refertissimum, qui communiter dicitur Paradisus terrestris; de quo Genes. cap. 2. in editione Vulgata legimus: *Plantauerat autem Dominus Deus Paradisum voluptatis à principio, in quo posuit hominem,* &c. Ex quo loco B. Hieronymus in lib. Traditionum Hebraicarum in Genes. ponderans illa verba, *À principio*, colligit, Paradisum factum fuisse ante cælum & terram. Verum si non de Paradiso spiritali, qui est vita æterna, parata ante mundi constitutionem, sed ad litteram de Paradiso terrestri loquitur sanctus Hieronymus, necesse est, ipsum intelligere voluisse, ante cælum & terram, id est, priusquam perfecti essent cæli & terra, & omnis ornatus eorum; quod non die tertio,

DE PARADISO TERRESTRI.

QUANDO FVERIT CONDITVS.

sed sexto expleto, factum esse certissimum est; quandoquidem quarto die cæli sideribus, quinto autem & sexto terra animantibus exornata fuere. Constat autem, illud *A principio* magnam habere latitudinem, & non esse necessarium referendum ad initium primi diei, sed sufficere ut possit referri ad vnum ex primis sex diebus, commodius verò ad tertium: non ratio suadet, ipsum Paradisum fuisse plantatum ante hominis creationem; & eodem tempore quo primum ceteræ plantæ sunt conditæ, ut iam dictum est. Quare arbitror, toto cælo aberrare eos, qui putant ipsum fuisse factum post plasmatum hominem: maximè verò demiratus sum Genebrardum, qui in sua Chronologia asseruit, Deum plantasse hunc Paradisum secundo die: cuius sententia profecto animus refugit assentiri, quoniam tunc terra vndique operiebatur fluitibus; non enim diuisæ sunt aquæ ita ut apparere posset arida, nisi die tertio; & consequenter, non potuit terra prius producere plantas oleraue virentia, cum fructibus ac seminibus suis; quibus constat, hortum illum fuisse constitutum. Et præterea sequeretur, plantas ante diem tertium esse productas, quod manifestò Sacræ repugnaret historia.

QVAE DE
PARADISO
TERRESTRI
SCRIPTV
RA TRADI
DERIT.

14. Ceterum, ex vulgato sacrae Scripturæ textu nil aliud de hoc Paradiso habemus, nisi quòd produxit in eo Dominus omne lignum pulchrum visu, & ad vescendum suaue; & in medio eius posuit duas arbores, quarum altera Lignum vitæ, altera Lignum scientiæ boni & mali appellata est; & quòd à fluuiio quodam poterat irrigari, qui per eundem locum pertransibat, & inde postea diuidebatur in quatuor capita seu flumina; quorum primo nomen erat Phison, qui lambit terram Heuila, ubi nascitur aurum optimum, & bdellium, & lapis onychinus: secundo Gehon, qui circuit omnem terram Æthiopie: & tertio Tigris, qui vadit contra Assyrios: & quarto Euphrates. Postremò, quòd postea Dominus in Paradisum transfudit Adamum, ut operaretur & custodiret illum.

QVAESITA
QVAEDAM
DE PARA
DISO TER
RESTRI.

15. Verumenimverò, circa ea quæ breuiter tangit Moyses de Paradiso terrestri, multa quæri possunt. Primò, An ipse prædictorum quattuor fluminum origines cursusque notauerit prout reperiuntur temporibus suis, quando scilicet Genesim describebat, vel potius, prout erant in exordio mundi, aut ante Diluuium? Secundò, Num ille fluuius qui irrigabat Paradisum, in ipsum seaturiret, an alibi oriens, ad ipsum fluere Paradisum, ac per ipsum pertransiens, eundem irrigaret. Tertiò, Vtrum illa quattuor flumina egredierentur de fluuiio Paradisi in ipso Paradiso, vel statim in egressu fluuij de Paradiso, an verò posteaquam parum aut multum processerat extra Paradisum. Quartò, Quænam sint flumina, quæ Moyses appellat Phison & Gehon; & num adhuc existant. Quintò, Quid per terram Heuila, & per Æthiopiam accipere debeamus. Sextò, In quam orbis plaga seu regione situs esset hic Paradisus. Septimò, Vtrum adhuc supersit. Octauò, An omnia ligna Paradisi essent fructifera, & ad esum apta. Et postremò, Quid sentiendum sit de duabus arboribus in medio Paradisi collocatis.

DE QVAT
TVOR FLV
MINVM PA
RADISI DE
SCRIPTIO
NE.

16. Ut igitur ad prædicta breuiter aliquid respondeamus, dicimus ad Primum, probabilis videri, Moysen memoratorum fluminum initia cursusque descripsisse, prout temporibus suis erant, & videri poterant: alioqui vereri debuisset, ne à Geographis falsa probaretur esse eius historia, præsertim cum de immutatione à Diluio facta nihil ipse meminisset. Et hoc etiam ipsius textus verba indicare videntur. Nam licet ubi loquitur de fluuiio Paradisi Genes. cap. 2. vers. 10. Vulgata editio verbo vtatur præterito imperfecto, *egrediebatur*; tamen ibidem quando agit de eiusdem fluuij diuisione in quattuor fluminum initia, vtitur verbo præsentis, *Qui* (inquit) *diuiditur in quattuor capita*. Et eodem modo prosequitur, singula eadem flumina dinumerans, ubi subiungit: *Nomen vni Phison, ipse est qui circuit omnem terram Heuila*. & post pauca: *Nomen fluuij secundi Gehon, ipse est qui circumit omnem terram Æthiopie; nomen verò fluminis tertij Tigris, ipse vadit contra Assyrios: fluuius autem quartus, ipse est Euphrates*. Ecce quomodo de vnoquoque loquitur per verba de præsentis, *est, vadit, circuit, circumit*. Immo verò in textu LXX. Interpretum, non solum ubi singula quattuor flumina describuntur, sed etiam ubi fit mentio de illo fluuiio, à quo illa quattuor deriuantur; semper ponuntur verba de præsentis: sic enim legitur: *Flumen autem procedit ex Eden ad irrigandum Paradisum, quod inde diuiditur in quattuor initia, nomen vni Phison, hoc est quod circuit totam terram Heuila, ubi est aurum, & aurum terræ illius bonum, & ibi est carbunculus, & lapis prasinus: & nomen flumini secundo, Gehon, hoc est quod circuit totam terram Æthiopie: & flumen tertium Tigris, hoc est quod vadit contra Assyrios: & flumen quartum Euphrates*. Præterea in vtroque Textu videmus fieri mentionem de Assyrijs & Æthio-

Æthiopicus: atqui ante Diluuium neque Assyrios existisse, neque Æthiopes, constare poterit ex his, quæ sub anno Mundi 1931. num. 24. 25. 26. & 50. dicuntur: ubi Assyrios ab Assur filio Sem, & Æthiopes à Chus filio Cham, qui post Diluuium nati sunt, proditiisse docebimus.

17. Ad Secundum dicimus, quòd quamuis Vulgata editio videatur insinuare, fluuium illum in ipsomet Paradiso exoriri, illis verbis: *Et fluvius egrediebatur de loco voluptatis, ad irrigandum Paradisum.* si intelligamus, eundem esse locum voluptatis, & Paradisum: attamen, quia ex contextu LXX. Interpretum apparet, locum voluptatis fuisse totam regionem Eden, in cuius Orientali parte plantatus fuerat hortus, seu Paradisus; propterea videtur uterque Textus sine ullo errore etiam in hoc sensu posse accipi, ut velit denotare, fluuium illum scaturiginem suam habuisse in loco voluptatis, id est in regione Eden; & deinceps properasse Orientem versus ad irrigandum in transitu suo Paradisum.

18. Ad Tertium responderi potest, neque ex textu Vulgato, neque ex LXX. Interpretum editione liquido haberi, quòd diuisio illa fluuii in quattuor capita seu flumina fieret intra Paradisum, aut in egressu eius, prope aut procul ab ipso Paradiso. Nam illa verba, *Qui inde dividitur*, &c. ad singulos memoratos sensus adaptari commodè possunt. Et quæ in eiusmodi rebus ad antiquis ex Scriptura sacra elicere non possumus, proculdubio eadem nos ignorare simpliciter fateri debemus: non enim aliunde expiscari queunt.

19. Ad Quartum: De duobus fluminibus, Phison scilicet & Gehon, duplex habetur opinio; altera, quæ communior est, putat, Moysen per Phison intellexisse Gangem; & per Gehon, Nilum: quod & quidam confirmare nituntur ex Eccli. cap. 24. vers. 35. ubi comparatur sapientia ipsi Phison, tamquam flumini omnium maximo; & Ierem. cap. 2. vers. 18. ubi loco eius quod editio Vulgata vertit, *Quid tibi vis in via Aegypti, ut bibas aquam turbidam?* in LXX. Interpretibus legimus, *ut bibas aquam Gehon?* Quæ opinio (ut ex sequentibus innotescet) non videtur posse sustineri, nisi supponamus, Moysen descripsisse quattuor illa Paradisi flumina, prout ante Diluuium, non autem ipso Moysæ viuentē exstabant; quod tamen nos supra num. 16. refutauimus. Altera opinio est eorum qui credunt, quòd licet forte locis citatis per Phison & Gehon Scriptura sacra intellexerit Gangem & Nilum; non tamen in Genes. cap. 2. quoniam ibidem perspicue dicitur, quòd Phison & Gehon ab vno eodemque anne exoriebantur. Atqui Ganges & Nilus à partibus Mundi ad ab inuicem remotis, ac pæne oppositis, suas ducunt origines, ut nullatenus ab vno eodemque anne deriuari posse videantur. siquidem Ganges ab Indiæ regionibus ad Aquilonem vergentibus oritur, Nilus verò ab extremis ferè terminis Africæ Australibus. Nisi supponere velimus, Nili Gangisque alueos & fontes, Diluij temporibus ad diuersas postea regiones fuisse translatos. Itaque existimant secundæ huius opinionis sectatores, fieri posse, ut quamuis fortè olim Ganges & Nilus nuncuparentur Phison & Gehon, nihilominus hæc eadem nomina duobus quoque aliis fluminibus alibi existentibus communia fuerint: quod non est improbabile; quandoquidem constat, non solum aliquot flumina, sed & diuersas vrbes, & pagos, & regiones, & loca, eandem nominis appellationem tuisse sortita. Ceterum an memorata duo flumina, Phison videlicet & Gehon, in secundo sensu accepta, id est quatenus à Gange & Nilo diuersa, hodie reperiantur, incertum est. Quare cum videamus Ethnicos scriptores de Euphrate & Tigri sæpius, tamquam de fluminibus insignioribus, meminisse, de reliquis verò duobus, Phison scilicet & Gehon, nihil prorsus: verisimile admodum videtur, quod tempore Moysis, ut infra num. 23. dicemus; ex Euphrate Tigrique in regione Eden pariter copulatis, efficeretur fluuius ille Paradisi, qui postea in quattuor capita seu flumina diuidebatur, quorum duo, priorum, Tigris videlicet & Euphratis, nomina retinerent; duo autem reliqua, Phison & Gehon nuncuparentur: procedente verò tempore, ut fit in aliis fluminibus, ob varias eorum reuolutiones, aut aliqua alia de causa, Tigris & Euphratis ostia paulatim magis dilatari, ipsius verò Phison & Gehon sensim ocellui cœpisse; ac tandem eorum alueos vel omnium exaruisse, cunctis ipsorum aquis ad Tigrim & Euphratem deuolutis; vel, (si fortè dicti fluuij erant iidem cum his duobus, qui, ut tradit Auctor proximè citandus, ab Euphrate oriebantur, & quorum alter, regnante Nabuchodonosor, dicebatur Armacalis, alter verò Acracanus) postea à dicto Rege fuisse obstructos, quemadmodum scribit Abydenus ab Eusebio relatus lib. 9. de Preparatio-
ne Evangelica prope finem. Quòd si adhuc Phison & Gehon extare concesserimus,

dicere oportet illos deinceps aded exiles atque in hominum opinione obscuros esse redditos, vt mirum non sit, si ab Ethnicis scriptoribus non sint memorati. Quamuis fortè verius tutiusve dicere possimus, non solum dño hac flumina, Phison scilicet & Gehon, postmodum omnino fluere desiisse; sed insuper totam prædicti fluij quadripartitam diuisionem hodie penitus esse sublatam. Nam Tigris & Euphrates, ex quo semel in ingressu Chaldaæ, hoc est aliquanto supra ciuitatem nomine Bagdet, in antiquæ Babylonæ ruinis fabricatam, in vnum coire incipiunt, exinde simul per eundem vnum alueum in mare Persicum exonerantur, quemadmodum videre est in nonnullis Geographorum tabulis, & refert Ioan. Boterus in suis Relationibus vniuersalibus Italicè conscriptis, parte 1. lib. 2. vbi disserit de Chaldaæa.

20. Ad Quintum; videlicet de terra Heuilarh & Æthiopig, sub hac distinctione responderi debet. Nam si vera esset opinio asserentium, Moysen vocabulo Phison signasse Gangem, & nomine Gehon, Nilum; proculdubio oporteret per terram Heuilarh, quam Phison lambit, accipere aliquam Orientalis Indiæ regionem hoc nomine appellatam: & per Æthiopiam, quam circuit Gehon, illam quæ in Africa est, & hodie sub Preteiannis seu Abyssinorum Imperio manet, vt testatur Abraham Ortelius in suo Orbis Theatro, tabula 4. & 99. Si verò Phison & Gehon à Gange & Nilo diuersa sunt, vt altera habet opinio, conuenienter admodum possumus (quod etiam admonet Pererius) per Heuilarh accipere regionem illam olim inter Assyriam & Ægyptum positam, cuius fit mentio Genes. cap. 25. vers. 18. vbi de Ismaële dicitur, quòd habitauit ab Heuila vsque Sur, quæ respicit Ægyptum introeuntibus Assyrios. & lib. 1. Regum cap. 15. vers. 7. legimus: *Percussit Saul Amalec, ab Heuila, donec venias ad Sur, quæ est e regione Ægypti.* Item per Æthiopiam, non illam existentem in Africa, quam ad Occidentem eluit Nilus, sed aliam, olim non longè ab Euphrate sitam, quæ erat etiam confinis Arabiæ, nec multum quoque à Palæstina distare videbatur, vt manifestè colligitur lib. 2. Paralip. cap. 21. vers. 16. vbi hæc verba habentur: *Suscitauit ergo Dominus contra Ioram spiritum Philistinorum, & Arabum, qui confines sunt Æthiopiis.* Et hos puto esse illos, qui cum Zarà eorum Rege venerant contra Iudam decies centena millia, quos, Deo benè iuuante, percussit Asa Rex Iuda, vt describitur 2. Paralip. cap. 14. Non enim probabile est, tantam Æthiopum multitudinem vsque ab remotissimis Abyssinorum regionibus venisse contra Iudam; neque Moysen ex tam longinqua, sed magis ex proxima aliqua regione duxisse vxorem illam, quæ Numeror. cap. 12. dicitur Æthiopiissa.

21. Ad Sextum, Vbinam esset Paradisus terrestris, dicimus Primò, reiciendam esse opinionem illam, quæ Iosepho tribuitur, existimantem Paradisi terrestris nomine totam hanc terram debere intelligi: & illam item, quæ putat, extra ipsam terram ab hominibus habitatam, hoc est vltra vastissimum Oceanum, fuisse conditum Paradisum: huiuscemodi namque opinionibus aduersatur Scriptura sacra, vt probè ostendunt Cardinalis Bellarminus & Pererius locis infrà citandis, vbi etiam optimè refellunt illorum sententiam, qui prope Lunæ globum, terrestrem Paradisum posuere. Secundò dicimus, ex Sacra historia, si sequamur textum Vulgatæ editionis, sciri non posse in quanam mundi parte paradisum hunc Deus plantauerit: quia Genes. cap. 2. vbi de hoc agitur, nulla fit mentio regionis seu loci particularis in quo fuerit plantatus; sed tantummodò tangitur tempus generaliter illis verbis: *Plantauerat autem Dominus Deus Paradisum voluptatis à principio.* & post pauca, locus item cum sola voluptatis circumstantia signatur, vbi subditur: *Et fluius egrediebatur de loco voluptatis, ad irrigandum Paradisum.* Qua narratione illud solum exprimitur, quòd locus ille erat deliciosus; sed vbinam esset, subicitur. At si sequamur textum LXX. Interpretum, qui loco citato sic habet: *Et plantauit Deus Paradisum in Eden, ad Orientem, &c.* Et paulò post: *Flumen autem procedit ex Eden ad irrigandum Paradisum.* proculdubio possumus colligere, Paradisum fuisse plantatum in plaga orbis Orientali & in regione quæ Hebraicè dicebatur Eden; seu (vt aliqui exponunt) in parte Orientali ipsius regionis Eden, quam ad Orientem respectu Palæstinæ fuisse sitam, ex inferiùs dicendis apparebit. Et licet non sim nescius, hanc vocem Eden significare delicias, & nonnumquam absolutè pro loco voluptatis seu delicioso posse accipi; illud tamen perspicuum est, etiam in Sacris libris pro nomine proprio loci seu regionis sic appellatæ vsurpari, vt patet Genes. cap. 4. vers. 16. Ezechielis cap. 27. vers. 23. lib. 4. Reg. cap. 19. vers. 12. & Isaia cap. 37. vers. 12. Et probabile admodum est, eandem vocem Eden, etiam Genes. cap. 2. pro regione Orientali sic dicta sumi debere, quemadmodum proculdubio sumitur in cap. 4. eiusdem

VBI NAM
ESSET PA-
RADISVS
TERRE-
STRIS.

dem libri, vbi dicitur: quòd *egressus Cain à facie Domini, habitauit profugus in terra ad Orientalem plagam Eden.* nam cum in vtroque Genes. capite adiungatur particula illa, *ad Orientem*, seu (quod idem est) *ad Orientalem plagam*, vtique datur intelligi, vocem illam Eden vtrobiq; in eadem significatione fuisse acceptam, vt clarius LXX. Interpretes expresserunt. Nec propterea sequeretur absurdum, quod hinc deducit Cardinalis Bellarminus; nempe Caino datum fuisse pro exilio Paradisum: quia responderi potest, vel regionem illam fuisse adeò longè lateque extensam, vt in ea procul admodum à Paradiso exulare potuerit Cainus: vel Cainum non propriè in Eden exulasse, sed (vt magis apertè tradit textus LXX. Interpretum) in Neel, contra Eden, id est in alia regione, quæ posita erat contra Eden.

22. Vtrum verò regio illa, quia erat valde deliciosa, idcirco denominata sit Eden, quod delicias seu voluptatem significat: an è conuerso, idè vox Eden postea cœperit pro voluptate & deliciis vsurpari, quoniam olim fuerit nomen loci deliciofi ac voluptuosi; quemadmodum aliqui credunt, vocem Iubilationis idè iucunditatem denotare, propterea quòd deducta sit à Iubal filio Lamèch, qui fuit vir iubilosus & iucundus; *pater scilicet canentium cithara & organo*, vt legimus Genes. cap. 4. vers. 21. Respondere possumus, hanc dubitationem eandem ferè esse cum illa, qua quæritur, Vtrum nomina seu vocabula prius suas habuerint significationes proprias, impositaque sint rebus, prout ipsarum naturis congruere aptius videbantur, quod Platonici placuisse creditur: an è contrario, nomina ipsa seu vocabula iudifferenter & ad placitum olim imposita rebus fuerint, vt sensisse videntur Peripatetici, & verisimile est accidisse in diuisione linguarum: postea verò à rerum naturis suas acceperint significationes atque etymologias. Sed quidquid sit de hac quæstione, quam hic plenius discutere, ad rem non pertinet; dicimus iuxta Sacram historiam, in exordio mundi nomina primò fuisse imposita rebus ab Adamo, qui cum pro sapientia ei diuinis tradita rerum naturas vocumque significationes optimè dignosceret, conuenientia singulis rebus nomina accommodauit, vt innuitur Genes. cap. 2. vers. 19. vbi dicitur, quòd idcirco Deus adduxit animalia ad Adamum, vt videret quid vocaret ea: id est, vt consideraret quænam singulis nomina magis congruenta imponeret & statim subditur: *Omne enim quod vocauit Adam anima viuentis, ipsum est nomen eius.* & paulò dicit, videlicet vers. 23. legimus, quòd Adam vocauit nomen vxoris suæ Virago, quia, inquit, de viro sumpta est. Igitur vt ad rem redeamus, respondere possumus quæsito, dicentes, credibilis esse, Adamum idè appellasse locum illum Eden, quod delicias significabat, quia iudicauit nullum aliud nomen magis conuenire ipsi loco, quem videbat supra modum esse deliciosum. Et hæc obiter dicta sint.

23. Si quis autem adhuc curiosius percunctetur, vbinam fuerit dicta regio Eden; dicimus, probabiliter credi posse, eam fuisse vbi nunc est Mesopotamia, aut non longè ab illis partibus; illè etenim regiones propriè in Scriptura sacra Orientales appellantur; & sunt primæ, quæ à priscis illis hominibus habitari cœperint, vt optime probat Pererius loco inferius citando; & præterè Ezechiel loco superius adducto, inter negotiatores Tyri iungit habitatores Eden cum habitatoribus Charam, seu Haran, quam esse in Mesopotamia constat Genes. cap. 28. vers. 5. & 10. item Isaias vbi supra, inter gentes ac regiones à Regibus Assyriorum domitas, connumerat Eden & Haran, innuens non valde eas ab inuicem distare. Neque verò huic opinioni officit, quòd ibi nullus ex quatuor Paradisi fluminibus oriri comperiat: neque etiam quòd illè regiones non adeò sint temperatæ, sicuti dicitur fuisse regio Paradisi, in qua homines nudi sine vilo nocumento morabantur, vt patet Genes. cap. 3. vers. 7. Ad Primum enim dupliciter responderi potest. Nam iis qui putant, per Phison & Gehon debere intelligi Gangem & Nilum; respondere possumus, capita alueosque prædictorum fluminum Diluuij tempore fuisse immutatos, vt supra tactum est, & mox num. 28. plenius explicabitur: iis autem, qui Phison & Gehon diuersa à prædictis flumina esse existimant, satisfieri poterit, si dixerimus, esse satis credibile, quòd temporibus Moysi Euphrates & Tigris multò superius quàm nunc, id est longè supra Chaldæam, in ipsa tamen regione Eden, quam valde amplam fuisse diximus, iungerentur; ac simul per eundem alueum, ad locum vbi plantatus fuerat Paradisus, defluentes, vnicum efficerent fluium, qui deinde in quatuor diuideretur: quorum duo priora, quæ ab Occidentali parte fluebant, Phison & Gehon appellarentur; reliqua verò duo, quæ per plagas magis Orientales pertransibant, propria Tigris & Euphratis nomina retinuerint: paulatim autem succedentibus temporibus, & eiusdem fluij inundationibus,

DE NOMI-
NUM IMPO-
SITIONE.

VBI FUERIT
REGIO
EDEN.

ceteris

ceteris ostiis limo arenave oclufis, nunc tandem per vnicum alueum quattuor illa flumina in sinum Persicum deuoluantur; vt suprà probatum est ita hodie reperiri: quod nemo mirari debet, cum sapissimè videamus alibi quoque maximas fieri huiusmodi fluminum mutationes. Ad Secundum, de illa aëris temperie, quam ponunt Doctores in Paradiso terrestri; scilicet quod ibi esset ver perpetuum, nulla frigora, nulli aestus, nullæ pluuiæ, neque nubes, neque niues grandinæve, aut aliud quid huiusmodi: hæc, inquam, loci illius amœnitas, vel comparatiuè ad alias mundi partes accipienda est, ita vt reliquis omnibus Paradisi regio temperiori fuerit; quod etiam de ipsa Mesopotamia & regionibus ei proximis dici posse videtur: vel si omnimodam perfectissimamque aëris temperiem in Paradiso mansisse velimus, necesse est dicere, eam non omnino naturaliter, sed præter ordinarium naturæ cursum tunc temporis, Deo sic disponente, accidisse; naturaliter namque nulla est orbis pars, in qua non sit aliquando aliquis vel modicus caloris aut frigoris, humiditatisve aut siccitatis excessus: potuit tamen Deus ex speciali quadam sua prouidentia & privilegio, per secundas causas, præsertim verò varia certis temporibus ventorum immisione, locum illum ab æstu & frigore, & item à pluuiis & ariditate omnino præseruare, atque hoc pacto temperatissimum atque amœnissimum reddere. Sicuti enim aliquando in media hieme accidit, flante austro, aërem tepescere; & media æstate, flante aura frigidior, æstum temperari: eodem modo etiam in Paradiso terrestri potuit ex diuina dispensatione amœnitas perpetua produci & conseruari, donec tandem Deo placuit locum illum Diluuiio penitus abolere. Quod autem modo iam exposito aëris temperies in Paradiso terrestri produceretur, colligi etiam posse videtur ex illis verbis quæ habentur Genes. cap. 3. vers. 8. *Cum audissent vocem Domini Dei deambulantis in Paradiso ad auram post meridiem*, &c. Quid est enim dicere, *ad auram post meridiem*? nisi quomodo infinuare, quod Deus illam diei partem, quæ naturaliter calidior esse solet, auram suauiter temperiem reduci curabat. Facile igitur ex his solui poterunt Cardinalis Bellarmini argumenta, quibus probare nititur, fieri non posse vt Paradisus fuerit in Mesopotamia, aut non longè ab ea, quia regiones illæ non sunt omnino temperatæ, & Diluuium non potuit aërem loci vbi fuerat Paradisus immutare; & quia ibi non oriuntur quattuor flumina Paradisi.

AN ADHUC
EXISTET PA-
RADISVS
TERRE-
STRIS.

24. Erat septimum quæsitum, An adhuc exstet iste Paradisus; quod quidem est valdè dubium; sunt enim de hac re duæ prorsus inter se contrariæ opiniones: altera quæ asserit existare, sed vbi scit, nesciri; altera quæ putat ipsum fuisse in Mesopotamia, sed ab aquis Diluuij esse subuersum. Vtraque harum opinionum necesse est vt supponat aliquod miraculum. Nam si cum reliqua terra Diluuiio obrutus fuit Paradisus, oportet quod tunc Henoch (quem constat ante Diluuij tempora de communi hominum cœtu fuisse translatus, & adhuc etiam viuere) miro quodam modo fuerit alicubi præseruatus: si verò nunc quoque manet Paradisus, proculdubiò consequens est, ipsum mirabiliter ab Diluuij aquis fuisse protectum: repugnat enim aëris clementiæ & bonitati, quam sancti Patres in eo posuere, dicere, ipsum in altissimo quodam terræ loco situm, vbi naturaliter aquæ Diluuij pertingere non potuerunt. Nam quæ admodum altiora sunt loca, quod mediæ regionis aëris sunt viciniore, eò etiam sunt frigidiora, & humanæ habitationi magis incommoda.

25. Posteriorem sententiam, nimirum quod Paradisus Diluuiio interierit, quæ fuit quorundam recentiorum, nempe Augustini Eugubini, Hieronymi Oleastri in Genes. Francisci Vatabli in Annotationibus ad cap. 2. Genes. & Cornelij Ianfenij in cap. 143. suæ Concordiæ Euangelicæ, latè admodum defendere & confirmare conatur Pererius lib. 3. suorum Commentariorum in Genes. vbi pluribus quæstionibus multa de Paradiso terrestri disputat. contrà verò Cardinalis Bellarminus tomo 3. suarum Controuersiarum, in lib. de Gratia primi hominis, vbi pariter à cap. 10. inclusiue, vsque ad finem libri, de eodem Paradiso plura disserit, & præcipuè cap. 12. 13. & 14. hanc secundam nititur opinionem infringere, & sustinere priorem, quam dicit fuisse veterum Patrum, Irenæi, Hieronymi, Augustini, Theodoret, Bedæ, & aliorum, & præter eam omnium ferè Scholasticorum; & (quod maius est) videtur quodammodo defendere, eam esse de Fide. Quod si verum esset, vtique oporteret eidem sine vlla mentis hesitatione subscribere: sed quoniam id nullibi ab Ecclesia determinatum inuenimus, & manifestum est, præcitatos Doctores, qui oppositum sentiunt, esse Catholicos, ipsorumque libros passim absque vlla hæresis suspitione admitti, tamquam à sacris Inquisitoribus subscriptos & approbatos: idcirco, supposito quod hæc sit quæstio ad

vttram-

vt tamque partem disputabilis; dicimus, priorem quidem sententiam esse tutiorem, quia communior est, & magis recepta; nihilominus alteram etiam valde probabilem videri, præsertim si rationes, quæ pro ipsa faciunt, accuratiùs perpendantur. Cum autem hæc dubitatio adeò perplexa sit, vt nihil certi definiri possit videatur; satis esse duximus, potiora tantummodò quædam argumenta, quæ vtriusque afferri solent, hic breuiter recensere, iudicium verò Lectori referuare.

26. Itaque pro priori opinione argui potest primò sic: Diluuium missum fuit propter peccata hominum, vt clarè patet Genes. cap. 8. vers. 5. vsque ad 14. ergo non videtur debuissè destruere nisi terram habitationi hominum post lapsum destinatam; non autem Paradisum terrestrem, qui tantummodò pro hominibus in statu innocentie permanentibus à Deo fuerat præparatus; cuius rei signum est, quòd statim post peccatum inde eiectioni sunt Adam & Heua, & posita est custodia, ne quis deinceps ex eorum progenie, tamquam peccato originali iam infecta, illuc amplius ingredi possit. Secundo, communiter creditur, Henoch & Eliam in propriis corporibus degere, & in Paradiso terrestri commorari: legimus namque Ecclesiastici cap. 44. vers. 16. Henoch translatus esse in Paradisum; neque videtur ibi de alio Paradiso debere intelligi, quàm de illo de quo hic loquimur; ergo sequitur, ipsum adhuc superesse. Tertio, Scriptura sacra manifestè dicit, de Paradiso terrestri egredi quattuor flumina, videlicet Phison, Gehon, Tigrim, & Euphratem; de quibus non semel fit mentio in Sacris libris, tamquam de fluminibus, quæ etiam post Diluuium reperiuntur; ergo videtur, etiam ipsum Paradisum, vnde illa exeunt, existare. Nulla item ratio apparet, cur Diluuium Paradisus destrui deberet; neque vsquam legimus ipsum interiisse; neque aduersatur Scripturæ sacre, quòd aliqua pars terræ fuerit à Diluuiò præseruata. nam licet Genes. cap. 7. vers. 19. dicatur, *quòd aquæ præualuerunt nimis super terram, operitiq; sunt omnes montes excelsi sub vniuerso celo*; attamen in eodem capite vers. 21. & 22. legimus quoque vniuersos homines, & cuncta in quibus spiraculum vitæ erat, interiisse; & post pauca subiungitur: *Remansit autem solus Noë, & qui cum eo erant in Arca*, & tamen omnes admittunt, Henoch non fuisse in Arca, neque mortuum esse; vnde quemadmodum ab hac vniuersali propositione, Mortui sunt vniuersi homines, præter Noë, & qui cum eo erant in Arca; certum est, excipi debere ipsum Henoch, qui nec mortuus est, nec erat in Arca; quoniam proculdubio interpretanda est Scriptura, tamquam si loquatur de his tantum, qui in communi hominum conuersatione vivebant; non autem de Henoch, qui ad singulare quoddam vitæ genus, à ceteris mortalibus valde diuersum, speciali Dei dono translatus fuerat: ita vbi Scriptura dicit, aquas operuisse omnem terram sub vniuerso celo; intelligenda est illa terra, quæ data fuerat communiter hominibus post lapsum inhabitanda; non autem illa, in qua plantatus fuerat Paradisus, ab his tantummodò, qui statum innocentie retinuisent, incolendus.

27. Pro altera verò opinione ita possumus ratiocinari: Si Paradisus terrestris proprius erat locus hominum in statu innocentie permanentium; certè eo sublato, non videtur inconueniens arbitrari, quòd Deus simul cum reliqua terra ipsum quoque Paradisum Diluuiò interire permiserit, cum præsertim finis vsusque ipsius iam cessasset. Quin etiam ex eodem fundamento deduci potest, non esse admittendum, quod asserunt primæ opinionis defensores, nempe, Paradisum terrestrem conseruatum fuisse propter Henoch & Eliam, quos in eo vitam agere pro certo habent. scimus namque eos in peccato originali, sicut ceteros Adæ filios, esse conceptos; vnde videtur, locum illum eis conuenire minimè potuisse: si enim aliquis post Adæ peccatum ibi transfrendus fuisset; conuenientius videbatur, Ieremiam aut Ioannem Baptistam in eo loco debuissè collocari, quos in matris vtero sanctificatos nouimus. Quid igitur? ergone, quòd Henoch & Elias adhuc vivant, in dubium vocamus? nequaquam. Sed quòd sint in illo Paradiso, de quo eiectioni sunt Adam, ex præmissis negari posse asserimus. Nam licet Ecclesiastici cap. 44. vers. 16. dicatur, Henoch translatus esse in Paradisum, vt habet lectio Vulgata, cui credimus; non tamen Scriptura explicat se loqui de hoc Paradiso; & scimus Paradisi vocem, non semel in Sacris libris vsurpari pro aliquo delizioso loco, seu horto fructiferis arboribus consito, vt patet Cant. cap. 4. vers. 13. *Emisiones tue paradisus malorum puniceorum, cum pomorum fructibus.* & Ecclesiastice c. 2. vers. 5. vbi editio Latina habet, *Feci hortos, & pomaria*, Græca lectio & item Chaldaica Paraphrasis habent, *hortos & paradisos*, vt videre est in Bibliis Regiis: vnde nihil repugnat Scripturæ, si dicamus, ipsum Henoch non in hoc Paradiso de quo agimus, sed in alio delizioso loco, qui Paradisi nomine significatus sit, fuisse collocatum: aut si

quid

QUOD PARADISVS TERRESTRIS ADHVC EXISTET.

QUOD PARADISVS TERRESTRIS INTERIERIT.

quis mordicus in Adami Paradiso positum velit; dicemus, ipsum Diluuij tempore alibi fuisse translatum, & nunc cum Elia morari, donec ad disceptandum aduersus Antichristum ambos venire opus sit.

28. Quodd autem amplius non supersit memoratus Paradisus, illud etiam persuadere potest. Nam cum in nulla orbis plaga à quoquam adhuc per tot secula non modò inueniri potuerit, sed neque ipsius aliquod vllum vestigium vel minimum vllò in loco apparuisse prodatur, profectò satis probabiliter credi posse videtur, ipsum non amplius superesse; sed aquis Diluuij, Deo permittente, fuisse abolitum. dicere enim quodd in loco prorsus inaccessibili positus sit, aduersatur Scripturæ dicenti, Deum collocasse *Cherubim ante Paradisum voluptatis, & flammeum gladium atque versatilem, ad custodiendam viam ligni vitæ.* Signum est ergo, quodd locus ille non erat per se inaccessibilis; alioqui ad quid illa custodiæ appositio? Ne igitur frustra à Deo positam fuisse illam custodiam dicere compellamur; necesse est fateri, quodd ante Diluuium aliquos ab eius ingressu illa auerterit, redireque compulerit: quod si aliquando etiam post Diluuium contigisset, profectò sciri hoc indicio saltem posset, in quam orbis parte situs esset iste Paradisus. Præterea ex descriptione fluminum Paradisi, quæ habetur Genes. cap. 2. siue sequamur communio rem sententiam dicentium, per Phison & Gehon debere intelligi Gangem & Nilum; siue aliam, quæ putat debere accipi duo alia flumina, ab Euphrate Tigrique olim deriuata, videtur posse deduci, non amplius superesse Paradisum ibidem descriptum. Nam prima sententia posita, sic argui potest: Moyses dicit, quodd fluuius, qui eundem Paradisum irrigabat, diuidebatur in prædicta quattuor flumina: at nunc, si Geographorum tabulis ac libris credimus, certissimum est, eadem flumina non ab vno eodemque amne, vt ita dicam, ramificari; sed habere singula proprias origines seu fontes, eosque in oppositis ferme orbis terrarum partibus, atque inter se per infinita propemodum spatia distantes. Nilus namque in extremis ferè Australibus Africæ regionibus exoritur, ac deinceps longissimo cursu contra Aquilonem defluens, tandem in Mediterraneo mari demergitur: contra verò Euphrates & Tigris, ab Aquilonari orbis plaga, hoc est, ab Armenia egredientes, ad Austrum per multas circuitiones properantes, postremò in mare Persicum exonerantur. Ganges autem remotissimè à prædictis, nempe in Orientalibus Indiæ prouinciis prodians, easque longis itineribus alluens, demum in Indicum oceanum deuoluitur. Cum igitur (supposito quodd Phison & Gehon sint Ganges & Nilus) certissimè tenendum sit, prædicta quattuor flumina ante Diluuium ab vno Paradisi fluuiio originem habuisse, vt Sacra testatur historia: nunc autem perspicuè & quodammodò ad sensum pateat, rem longè aliter se habere; atque ad subterraneos occultosque meatus recurrere (quæadmodum facere coguntur omnes prioris sententiæ sectatores) in tanta præsertim ac tam immensa locorum distantia, res sit adeò incerta & obscura, vt vix imaginari, nedum astrui posse videatur; quid aliud rationabilius cogitare aut proferre possumus, quàm Paradisum illum terrestrem, in sacra Scriptura descriptum, (Deo ita permittente) cum aliis terrarum partibus fuisse aquis Diluuij obrutum, & omnino euersum? Valdè etenim rationabile est credere, vastissimas illas aquarum inundationes hinc atque illinc per annum integrum tanta vi recurrentes, seu (vt dicitur Genes. cap. 8. vers. 3.) euntes & redeuntes, totam ferè ipsius terræ superficiem dimouisse; neque solum ædificia cuncta penitus diruisse, arboresque eradicasse; sed etiam alicubi ingentes foueas excauisse, alicubi magnos terrarum aggeres congestisse, colles plurimos humili solo æquasse, valles repleuisse, veteres fontes obruisse, novos aperuisse, fluminum alueos cursusque in diuersa commutasse, & vt vno verbo dixerim, vniuersam penè ipsius terræ faciem à priore valdè differentem reliquisse; ita vt mirum non sit, si præcipua illa quattuor Asiæ Africæque flumina, quæ prius ab vno eodemque Paradisi fluuiio initia sua mutuabantur, postmodum (quantum attinet ad eorum originem & cursum) adeò inter se disiuncta & variata fuerint, vt præter nomina, nullam cum prioribus similitudinem retinuisse videantur, & quodammodò potius alia à primis esse, dici possint.

29. Si verò concesserimus, vt alij sentiunt, per Phison & Gehon non Gangem & Nilum, sed alia flumina debere intelligi, quæ etiam tempore Moysis, ex Tigri atque Euphrate in vnum coeuntibus, tamquam rami ab vno fluuiio deducerentur, eo modo quo in Genesi describuntur: etiam hoc supposito, potest eadem inferri conclusio, scilicet, non amplius existare Paradisum. Nam cum clarum sit, eas regiones, per quas hæc flumina pertransibant, communiter fuisse satis cognitatas, atque à sublatò Diluuiò sem-

semper valdè habitatas; proculdubio, si post Diluuium Paradisus remansisset illatus, facile fuisset illis gentibus ipsum adinuenire; & si in eo ingredi non potuissent, ob custodiam ibi à Deo positam, saltem in quam illarum regionum parte esset, exquirere, atque aliquo modo comperire, seu probabiliter coniectari valuissent. Cum igitur è conuerso constet, à nemine proditum esse, quòd vllò vmquam tempore post Diluuium Paradisi locus, aut vllum ipsius vestigium à quoquam reperiri potuerit; certè sit consequens, ipsum Diluuiò esse deletum. Et licet hac posita sententia consequatur, non tantam terræ mutationem à Diluuii aquis in loco Paradisi contigisse, quantam necesse est supponere factam esse, si admittamus Phison & Gehon fuisse illa flumina, quæ hodie vocamus Gangem & Nilum: non tamen propterea sequitur, maximas, quas retulimus, mutationes, in aliis terræ partibus minimè fuisse relictas: nam ratio ipsa dicat, neque aliter credi posse videtur, quàm quòd Diluuii inundationes, vt dictum est, parè omnia subuerterint, quamuis non eodem modo vbique, sed alicubi magis minùsve, prout in maximis fluminum incrementis fieri conspiciamus. Neque verò est quòd quis opponat, columbam statim post Diluuium attulisse ramum oliuæ virentibus foliis in ore suo; idquæ signum esse, quòd aquæ Diluuii non modò tantas in terris mutationes non reliquerint, sed neque olæ plantam eradicauerint; quoniam nemini mirum videri debet, quòd inter montium petras aliquæ olæarum plantæ reseruata fuerint, quæ post quadragintaseptem dies, à discoopertis montium cacuminibus, virentia folia ramosque tenellos protulerint, è quibus vnum columbæ, debili licet rostro, auellere, atque ad Arcam portare potuerit.

30. Sed iam ad id, quod octauo loco propositum fuerat, veniamus, nimirum ad arbores plantasque in Paradiso productas: & videamus, num omnes essent fructiferae, ita vt de ipsarum fructibus vesci homines ceteraque animalia possent, quemadmodum colligit Beda in suo Hexameron, ex illis Scripturæ verbis: *Ecce dedi vobis omnem herbam afferentem semen super terram, & vniuersa ligna quæ habent in semetipsis sementem generis sui, vt sint vobis in escam, & cunctis animantibus terræ.* & quæ sequuntur. Ex his enim arguit citatus Auctor, quòd ante reatum hominis, nil noxium terra protulit, nullam herbam venenatam, nullam arborem sterilem: Cum, inquit, manifestè dictum sit, quòd omnis herba & vniuersa ligna data sint hominibus, ac volatilibus, terre quoque animantibus cunctis, in escam. His addere possumus, quòd dictum est Adamo: *Ex omni ligno Paradisi comedet, de ligno autem scientiæ boni & mali ne comedas.* ergo signum est, quòd cunctæ Paradisi arbores erant fructiferae, ac fructus proferebant ad vescendum aptos. Sed his non obstantibus, quod attinet ad arbores plantasque fructiferas (nam de venenatis ac noxiis, suprà num. 9. actum est) opposita sententia veritatem habet. Siquidem non est credendum, multas arborum species, quæ tamen fructum non ferunt ab hominibus comestibilem; sunt tamen speciosissimæ, & ad multa valdè viles; puta platanos, abietes, vlnos, & eiusmodi alias, in exordio mundi defuisse; aut tunc quidem fuisse frugiferas, post lapsum verò hominis, fructus ad esum accommodatos ferre defuisse. Si enim peccatum bona ipsius hominis naturalia non abstulit, quanto minùs arborum & plantarum? Præterea ex Scripturæ sacræ textu clarè habemus, Deum produxisse in Paradiso omne lignum pulchrum visu, & ad vescendum suauē, quæ profectò verba, ratio dicat, in sensu disiuncto potiùs quàm coniuncto esse accipiendā; cum præsertim constet, aliquot esse plantarum seu lignorum genera, nequaquam pulchra visu, quæ tamen fructus proferunt valdè suauēs, vt sunt vitis, pepones, & similia; quæ in Paradiso defuisse, nullatenus credendum est. Igitur ex lignis Paradisi alia erant suauēs admodum fructus producentia, alia verò sine fructibus quidem cibariis, sed nihilominus visu pulcherrima. Quod etiam comprobari potest Ezechielis auctoritate, qui Prophetiæ suæ cap. 31. vers. 8. testatur, in Paradiso extitisse cedros, platanos, & abietes; quas constat non ferre fructus ad esum humanum aptos. Igitur illud, *Ecce dedi vobis omnem herbam, & vniuersa ligna, vt sint vobis in escam.* & illud pariter: *Ex omni ligno Paradisi comedet.* proculdubio accipiendā sunt non de omni herba & ligno absolute, sed de omni planta ferente fructus comestibiles.

31. Iam verò quod attinet ad prædictas duas arbores in medio Paradisi collocatas, si quæretur, cuius nam speciei fuerint, responderi potest; quòd si arbor vitæ non ab extrinseco & supernaturali quodam Dei munere (vt quidam senserunt) habebat illam vim præseruandi hominem ab interitu, sed id ex vi propriæ naturæ eidem diuinitus inditæ præstare poterat, vt aliis magis placet, & multo probabilius videtur; præsertim cum certum sit, hominem etiam post lapsum, eiusdem ligni beneficio à morte præser-

AN PARADI
SI PLANTAE
OMNES ES-
SENT FRU-
CTIFERAE.

ARBORES
VITAE ET
SCIENTIAE
BONI ET MA-
LI CUIUS
SPECIES
ESSENT.

uari potuisse, nisi adhibita Paradiso custodia prohibitus fuisset sumere deinceps de ligno vitæ: si, inquam, arbor ista naturaliter operabatur in producenda & conferuanda hominis vita; profectò consequitur, quòd fuerit specie à cunctis aliis arboribus à Deo creatis longè diuersa. siquidem nulla alia arbor talem valet effectum producere. Cum igitur eius operatio esset singularis, & ab omnibus aliis ceterarum arborum virtute differret; oportet quòd etiam natura eius & species esset eiusmodi: contrà verò, arbor scientiæ boni & mali non videtur fuisse diuersa ab aliis, sed vna ex iplis, quandoquidem Adami interitus, qui ex illius esu consecutus est, non fuit effectus naturalis dictæ arboris, seu fructus eius, qui in se noxij nihil habebat; sed inobedientiæ. Non enim homini illa arbor fuerat interdicta, quòd mala esset, sed quia prohibita; prohibita, inquam, non propter aliud, quàm ad commendandum purè ac simplicis obedientiæ bonum, quæ magna virtus est rationalis creaturæ sub creatore Domino constitutæ, vt optime tradit S. Augustinus lib. 13. de Ciuit. cap. 20. Quare superuacaneum est quærere, An illa arbor fuerit Ficulnea, vel Malus Citria (quam Citromalam, & Malum Medicam plantariæ rei professores appellant, quòd è Media primùm deuecta fuerit) aut Aurantia, aut Limonia malus, aut alia; cum sic potuerit esse Prunus, vel Pyrus, vel quid simile. Et propterea à nullo huiuscemodi arborum fructu abstinere tenemur, quoniam quodnam illud fuerit, ignoramus; & constat vanam ac futilitatis plenam omnino illam esse coniecturam, ob quam imperitum vulgus, quæ ab Hetruscis Lomia dicuntur, poma Adami nuncupare maluit, quòd scilicet in eorum cortice satis inæquali, etiam fixuræ quædam appareant, perinde ac si dentibus demorsa essent. Valeat igitur etiam opinio illorum, qui leuiter admodum suspicantur, prohibitam arborem, non aliam fuisse nisi ficulneam, propterea quòd Adam & Heua, statim ac de fructu vetitæ arboris manducauerunt, de eiusdem potiùs quàm alterius plantæ foliis fecerunt sibi perizomata, quia nimirum illa eis tunc erat propinquior, & folia eius ad manus magis habebant: cum è conuerso longè credibilis videatur, quod alij argumentantur, videlicet, nullo modo fuisse ficulneam; quoniam cognito suæ transgressionis reatu parentes nostri, si ex fici esu id accidisset, probabile est, ipsos non modò illius folia sumere, sed ne ipsam quidem ficulneam, præ nimia eius abominatione, denuò ampliùs aspicere sustinuisse. Creditur autem arbor scientiæ boni & mali hanc sortita appellationem ab euentu, vt communiter sacri putant Theologi. Nam sicuti pars illa deserti Pharan, dicta est Sepulchra concupiscentiæ, quia ibidem interfecti sepultiq; sunt, qui carnes concupierant, Numer. cap. 11. vers. 34. Et quemadmodum locus ille, in quo olim Abraham foderat puteum, seu fontem, dederatq; pro eo Abimelech Domino terræ illius agnas septem, dictus postea est Bersabee, id est fons septem, scilicet agrarum; seu fons vel puteus iuramenti, quia ibi vterque iurauerat, Genes. cap. 21. vers. 30. Ita aiunt, hanc arborem dictam esse scientiæ boni & mali, ab eo quod acciderat; quia scilicet per comestionem illius fructus vetiti, experimento didicerant parentes nostri, bonum quo priùs fruebantur, & multa mala quæ eis deinceps propter illam inobedientiam subsecuta sunt. Vel etiam sic dicta est ab eo quod venturum erat, quod præuidens Deus, sic arborem bis appellauit ante lapsum hominis, nimirum Genes. cap. 2. vers. 9. & 17. nisi fortè id per anticipationem à Moyse relatum est, vt quidam putant. Quamquam meliùs fortassis dici possit, vt alij existimant, quòd nomen hoc ea arbor accepit à deceptione, quæ Adamo & Heuæ facta est à serpente, quando dixit eis: *Eritis sicut dij, scientes bonum & malum*. Cuius rei signum quoque est, quòd post hæc Dominus subsannauerit eos, ironicè dicens: *Eccè Adam quasi vnus ex nobis factus est, sciens bonum & malum*. Non quia reuerà Adam & Heua, post esum ligni vetiti, non statim consecuti fuissent dolorosam illam experimentalemq; scientiam boni & mali, quam habent, qui bono amisso, in mala prolapsi sunt; sed quia non illam suauem atque iucundam adepti fuerant, quam habent in cælo Beati, quamq; falsò eis promiserat dolofus serpens, cum dixit: *Eritis sicut dij, scientes bonum & malum*.

ARBOR
SCIENTIÆ
BONI ET
MALI Vnde
SIC DICTA.


AN LIGNVM
VITÆ PER-
PETVO POS-
SET A MOR-
TE HOMI-
NEM PRÆ-
SERVARE.

32. Sed de ligno vitæ maius dubium est, vtrum sic dictum sit, eò quòd haberet facultatem præseruandi perpetuò à morte naturali hominem, vt nonnulli ex Patribus, videlicet S. Augustinus loco proximè citato, & cap. sequenti, & S. Ioan. Chrysostomus Homil. 18. in Genes. & alij: an tantummodò ad valdè longum tempus, vt præcipui ex Scholasticis Doctõribus, nempe B. Thomas par. 1. q. 97. art. 4. & Scotus in 2. Sententiarum dist. 19. q. 1. & alij sensisse videntur. Certè, memoratorum Patrum sententia videtur Scripturæ sacræ magis consentanea. Nam constat Adamum fuisse eiectum de Paradiso, ne fortè mitteret manum suam, & sumeret etiam de ligno vitæ, & comederet, & viueret

viueret in æternum . sic enim legimus Genes. cap. 3. vers. 22. Præterea ad Rom. cap. 5. vers. 12. dicitur , quòd propter peccatum mors intrauit in mundum . & Sap. cap. 1. vers. 13. *Quoniam Deus mortem non fecit. & post pauca : Impij autem manibus & verbis accerserunt illam* . Ex quibus omnibus apparet , quòd si homo non peccasset , potuisset prædicti fructus esu viuere in æternum . Et ratio quoque adstipulatur . Nam si (vt sentiunt Phisici) naturalis causa mortis est defectus humidi radicalis , qui dum calorem naturalem continuò alit , continuò etiam ab eo consumitur , sicuti oleum lucernæ , quo deficiente , lux ipsa quoque extinguitur : certè cum illa eiusdem humidi radicalis reparatio , quæ quotidie fit per communis cibi sumptionem , non possit naturaliter ita fieri , vt id quod reparatur sit æqualis perfectionis cum eo quod consumptum est , quia virtus illa corporis , quæ habet vim alterandi cibum , & in sui nutrimentum conuertendi , semper aliquatenus , quemadmodum alia agentia naturalia , reparitur ; & consequenter successiuè semper humidum radicale minus perfectum generat : propterea necesse est sensim hominem senescere , ac vitam eius debilitari , & tandem deficere , sicuti proculdubio paulatim minueretur , ac tandem extingueretur lucerna , si loco olei puri iam consumpti iugiter reponeretur oleum semper minus aptum ad alendum lumen . At verò si daretur talis natura cibus , qui sine vllo corporis labore , & sine vlla eius nutritiæ virtutis alteratione posset in sui substantiam transmutari , vtique continua & æquiualens illa humidi radicalis reparatio possit calorem naturalem perpetuò fouere , & vitam semper producere . Talem ergo credimus fuisse illum arboris vitæ fructum , qui si à Deo naturalem habebat facultatem refouendi calorem naturalem , & restaurandi humidum radicale in ea perfectione , quæ reperiri solet in statu perfectæ virilitatis , consequens est , vt quotiescumque ex eo Adam manducasset , semper reflorescere eius caro potuisset , & sic viuere in æternum . neque impossibile videtur , quòd aliquando ex causa finita , consecutiùe , & quodammodo per accidens , sequatur effectus perpetuus ; nam sicuti generatio hominis aut equi , quæ finita virtutis est , successiuè reiterata , speciem humanam aut equinam perpetuare potest , ita quoque successiua illa humidi calorisq; reparatio , poterat Adami vitam perpetuam reddere , eo ferè modo quo nos quotidie videmus in Ecclesiis lucernas perpetua olei consumpti repositione , perpetuò viuas accensasq; seruari . Nihilominus , quia credibilis est , Deum non posuisse Adamum in Paradiso terrestri , vt perpetuis temporibus ibi maneret , sed potius vt aliquando ipsum , sine obitu (id est , eo modo quo exoptare videbatur Apostolus 2. ad Cor. cap. 5. vers. 4. dicens : *Nolumus expoliari , sed superuestiri*) de terrestri ad cælestem Paradisum cum transferret , in quo ampliùs ad immortalitatem conseruandam non egeret edere deligno vitæ . Ad conciliandas Doctorum quos citauimus opiniones , dicere possumus , quòd illius arboris fructus vim habuit conseruandi hominem , donec Deo placeret ipsum ad Beatorum vitam in cælum transferre , ita tamen , vt si eidem Deo placuisset Adamum in Paradiso terrestri perpetuò degere , potuisset ibidem esu dictæ arboris , in æternum ab omni senio & naturali carnis defectu incolumis præseruari : talis enim erat naturalis eiusdem arboris facultas . Et si quaratur , Ad quid illa arbor , si , & quando ipse Adam ad cælestem Paradisum euolasset ? Respondeo , eam Adami quoque filijs postea idem præstare potuisse , donec singulos ad cælestia regna , sine obitu , transferre Domino placuisset , & deinceps aliis eorum descendentibus successiuè vsque in perpetuum . De hac arbore videtur mentio haberi in ea visione , quæ demonstrata est Ioanni Apocalyp. cap. vii. vers. 2. vbi dicitur : *Ex utraque parte fluminis lignum vitæ , afferens fructus duodecim , per menses singulos reddens fructum suum , & folia ligni ad sanitatem gentium* . Simile quid legimus in visione illa Ezechielis cap. 47. vers. 12. de quodam torrente , in cuius ripis , inquit , *oriatur ex utraque parte omne lignum pomiferum ; non defluet solum ex eo , & non deficiet fructus eius ; per singulos menses afferet primitiua , & erunt fructus eius in cibum , & folia eius ad medicinam* . Verùm hæc Scripturæ loca non corporaliter , sed spiritaliter intelligenda sunt : nec ad Paradisi terrestriis fluuium lignumque quidquam attinent , sed ad statum Ecclesiæ triumphantis ac militantis præmonstrandum : Nam prior illa visio fluuii ac ligni vitæ proculdubio significat torrentem voluptatis gloriæ æternæ , quo fruuntur in cælo Beati , vt communiter sentiunt Apocalypf. Expositores . Ille verò alius torrens , cum lignis pomiferis Ezechielis demonstratus , signabat doctrinam Euangelicam , quæ animos hominum spiritali cibo potuque abundè reficit in hac Ecclesiæ militanti , vt optimè exponit S. Hieronymus . Ceterùm de summa Paradisi terrestriis temperie , amœnitate , fecunditate , ac deliciis , vide plura , si libet , apud S. Basilium Homilia vnica de Paradiso , S. Augustinum lib. 14. de Ciuit.

cap. 10. S. Ioannem Damascenum lib. 2. de Fide orthodoxa cap. 11. S. Isidorum Originum lib. 14. cap. 3. Rupertum Abbatem lib. 1. in Genes. cap. 37. Extant etiam de mirabilibus eiusdem Paradisi commodis ac deliciis nobilia S. Alcimi Auiti carmina lib. 1. sui Poëmatibus De initio mundi, quod habetur Bibliothecæ Patrum Tomo 7. & item alia ibidem non minus præclara Claudij Marij Victoris lib. 1. Commentariorum suorum in Genes. metricè conscriptorum. Quæ quidem omnia hic referre superfluum duximus, quòd in confesso sit apud omnes, & communiter pro indubitato axioma supponatur, locum illum fuisse amœnissimum ac deliciosissimum, quemadmodum etiam planè indicat ipsa eius appellatio. Siquidem Paradisus nomen est voluptatis. significat enim hortum ad omnem recreationem ac iucunditatem homini adferendam accommodatissimum. vnde non immeritò S. Ioannes Damascenus vbi suprà appellat ipsum lætitiæ ac voluptatis omnis promptuarium.

MVNDI DIES QVARTVS.




VARTO die, vel quarta Sabbati, seu Feria, nimirum Die Mercurij communiter appellata, vt quæ ad exornandos cælos spectabant, perficeret Conditor orbis Deus, solis splendorem (quemadmodum tradit Catechismus Romanus super 1. Symboli articulo) lunæque & ceterorum siderum ornatum addidit, atque vt essent in signa, & tempora, & dies, & annos, ita cælorum orbis certo & constanti cursu temperauit, vt nihil perpetua eorum conuersione mobilius, nihil mobilitate illa certius videri possit. Sic ille. Igitur hoc die Deus lucem in globo lucido, quem solem informem diximus, collectam, distinxit, atque in cuncta luminaria cæli mirabiliter dispertiuit, videlicet in Solem, Lunam, & Stellas, singulis septem Planetis, singulos cælos propriosque motus attribuens. Stellas autem, quas ad differentiam Planetarum fixas vocant, in octaua posuit sphaera. Itaque hoc die reuerà & propriè Sol factus esse dicitur; quamuis non omnino quoad ipsius substantiam, quæ pariter cum cælo, seu cum prima lucis creatione, facta esse creditur, sed quia hodie, ex memorata impuriore lucis distributione inter astra (si tamen illa propriam habent lucem) remansit ipsum solare corpus veluti defæcatum, & vsquequaque absolutum atque perfectum, vel si nullam in se lucem habent sidera, præter eam quam iugiter à sole accipiunt, vt communiter sensisse videntur Astrologi; aucto diuinitus hodie lucis prius creatæ, seu lucidi illius globi splendore, tanto Sol purior ac lucidior, quàm in primo triduo esset, redditus fuerit, vt non immeritò propriam, quam vsque nunc retinet formam, hoc demum die quarto, & non prius accepisse credatur. In quo autem anni mense, seu Zodiaci signo, sol creatus fuerit, infra sub die mundi 6. num. 37. vsque ad 42. inclusiue disputabimus, vbi agemus de tempore quo conditus est orbis. De multitudine verò ac differentiis stellarum hîc dicere, superuacaneum putamus, quoniam ad Astrologos pertinet. Sed tamen non omittendum videtur, quamobrem Deus hanc lucis partitionem in tot luminaria distribuerit, magna scilicet & parua; siue, cur præter solem etiã alia luminaria fecerit. Ad quod quidem benè aliqui respondent, Vt conuenientem ac magis proportionatum diuersorum animalium mox creandorum obtutibus splendorem temperaret. Sed melius, vt luminaria ipsa sic multiplicata ac ordinata, essent in signa, & tempora, & dies, & annos, quemadmodum exprimitur in littera: sol namque per motum diurnum, qui est primi mobilis, in circulos raptus, ortu suo & occasu dies noctesque distinguit. Altero autem motu, qui ei proprius est, per circulum Zodiaci, annum terminat, eundemque duobus Solstitiis, & totidem Æquinoctiis, in quattuor partes seu tempora secat; videlicet Ver, Æstatem, Autumnum, & Hiemem, varietatesque dierum ac noctium efficit. Nam primi tres mundi dies, omnes inter se æquales fuisse creduntur, quoniam globus ille luminosus nullo alio motu quàm diurno, seu primi mobilis, ferebatur. Luna autem cursu suo proprio, menses fecerit. Per stellarum verò dispositiones, signa quædam in Zodiaco & reliquis cæli partibus conspiciuntur, quorum figuris & motibus Astronomi, necnon & Nautæ, atque Agricola, in suis ad communem utilitatem observationibus dirigi solent. Et præterea, cum astra, vt aiunt Philosophi, luce motuque suo in hisce inferioribus agant; rectè ad tam varios multiplicisque effectus in hoc mundo inferiori producendos, fecit Deus in superiori tot tantaque lucis motuumque diuersitates. Quare, vt vno verbo dicam, quidquid Philosophi omnes atque Astronomi, ab orbe condito vsque in præsentem diem, per tot millia annorum spacia, tanto labore

labore ac studio in ipsis cælorum motibus, aspectibus ac effectibus obseruare atque adinuenire, necnon tantis voluminibus conscribere, posteritque mandare potuerunt, poteruntque vsque ad finem mundi; id omne, & multo plura, in hoc quarto mundi die, à summo illo rerum Opifice, vno verbo ac simplici voluntatis suæ ostensione peracta, optimeque disposita atque in suis causis præordinata fuisse, dubium non est.

2. Mira verò Dei dispensatione factum esse creditur, vt prædicta cæli luminaria, quæ tamquam secundæ causæ concurrere solent ad plantarum aliarumque rerum sublunarium generationem & conseruationem, & consequenter, ante ipsas creati debuisse videbantur; nihilominus post ipsarum plantarum productionem condita fuerint. Hoc etenim argumento ostendere voluit Deus, se verè esse primarium omnium auctorem & conseruatorem, ac sine vilo secundarum causarum adminiculo, quandocumque ei complacet, omnia posse peragere & conseruare. Necnon etiam eadem actione quodammodo præpostera, præmonstrasse videtur summa illa Sapientia, quanta mox non modò Gentilium, sed etiam quorundam Iudæorum (vt nos in Mundi primordiis num. 4. diximus, & sub anno mundi 1545. num. 64. & alibi dicemus) futura cæcitas foret, qui stellarum & lunæ, præsertim vix solis pulchritudine decepti, & quoddam horum influxibus hæc inferiora gigni & conseruari, ac nonnumquam corrumpi viderent; illis tamquam diis honorem diuinum habituri essent: cum tamen, si ordinem creationis rerum, vt par erat, attendere voluissent, proculdubio intelligere potuissent, solem, ceteraque astra cæli, non esse deos, sed opera manuum Dei; neque à se ipsis splendorem omnem, quem emittunt, vimque influendi in hæc inferiora habuisse; sed à luce illa primitus creata, vel potius originaliter ab ipso omnium creatore Deo; qui quemadmodum potuit plantas sine sole ac reliquis astris producere ac vegetare, ita quoque sine ipsis potuisset reliqua omnia sublunaria generare & conseruare.

CVR CÆLI
LUMINARIA
POST PLAN-
TAS TER-
RAE FVE-
RINT CON-
DITA.

MVNDI DIES QVINTVS.

1.  VINTO mundi Die, seu quinta Sabbati, aut Feria, quæ & Dies Iouis dicitur, creauit Deus cuncta piscium, cetorum, conchyliorum, & in summa aquatiliū genera; & item omnes auium, aliorumque volatiliū species. quæ omnia primam ex aquis originem duxisse credimus, vt ex textu Vulgato Genes. paulò post citando, manifestum est; quem liberrimè hic præsertim sequimur, quoniam præterquam quòd iste Textus est maioris in S. Ecclesia auctoritatis quàm alij, videtur etiam hoc loco conformior doctrinis præcipuorum sanctorum Patrum & Theologorum, qui idem sentiunt, videlicet quòd Deus non modò pisces, sed & aues quoque pariter ex aquis produxit, quemadmodum ex Hymno S. Ambrosij sancta canit Ecclesia, dicens: *Magna Deus potentie, qui ex aquis ortum genus partim remittis gurgiti, partim leuas in aëra, demersa lymphis imprimens, subuecta calis irrigans, ut stirpe vna prodita, diuersa rapiant loca.* Verumtamen propter illa verba Genes. cap. 1. vers. 20. *Producant aquæ reptile anima viuens, & volatile super terram, sub firmamento celi.* & paulò post: *Omnem animam viuentem atque motabilem, quam produxerant aquæ in species suas, & omne volatile secundum genus suum:* non debemus inferre, ipsa aquatilia & volatilia producta fuisse ab aquis tamquam à causa efficiente; siquidem vera ipsorum efficiens causa fuit Deus, vt ibidem dicitur: *Creauitque Deus cete grandia, & omnem animam viuentem, &c.* Sed dicuntur aquæ prædicta animalia produxisse, id est, præbuisse materiam ad eorum generationem. Nec propterea credere debemus, pisces & volatilia ex quattuor elementis nequaquam consistere, sed tantummodo ex aqua, quandoquidem infra Genes. cap. 2. vers. 19. dicuntur etiam ipsa volatilia ex humo fuisse formata. Et licet de reliquis duobus elementis, aëris scilicet & ignis, in animalium creatione Moyses nullam fecerit mentionem, fortassis quòd rudiori populo verba faceret, sciretque plerosque spharam ignis ignorasse, aëremque tamquam vacuum existimasse: non inde tamen fit consequens, ignem quoque atque aërem, ad mistorum, præsertim perfectorum, qualia sunt pisces & aues, generationem minimè concurrisse: sed quando dicimus, pisces auesque ex aquis esse productas; debemus intelligere, à prædominio, non quidem absolute, quoniam in cunctis ferè animalibus videtur terreum prædominari elementum, sed comparatiuè ad ea animalia terrestria, quæ postmodum sexto die procreata sunt: siquidem constat, pisces & aues respectu terrestrium animalium, humidioris esse temperamenti: quamuis illud

DE PISCIVM
AVIVMQVE
CREATIO-
NE.

inter pisces & aues interfit, quòd humiditas, quæ excedit in piscibus, frigidior esse creditur & crassior, aquæque similior; quæ autem in volatilibus, aliquanto calidior & subtilior, nimirum nubilosi ac vaporosi aëris naturæ proximior. Quo fit, ut non immeritò naturalem quamdam habeant volatilia leuitatem, & propensionem eleuandi se in hac inferiori aëris regione, quæ valdè humida & vaporosa est; supra ipsam autem, vbi aëris elementum purius distenditur, nequaquam valeant eleuari: signum profectò non leue, quòd in horum animalium temperamento non purioris aëris elementum prædominetur, sed humidioris, ac terræ proximi; quod quia quodammodò subtilioris aquæ naturam magis redolere videtur; ideo rectè dictum est, aues ex aquis esse productas; quæ aquæ prout in aliquot volatilium generibus magis aut minus vaporosæ, subtilioresque, & calidæ sunt, efficiunt ut illa altius aut humilius (ceteris paribus) auolare conspiciantur.

INTER PISCES ET AVES DISCRIMINA.

2. Ceterum, licet sit inter pisces & aues magna diuersitas, quandoquidem in vniuersum pisces longè admodum volucris sunt fecundiores, & multiplicis generis, ut quodammodò innuit Scriptura in Psal. 103. vers. 25. dicens: *Hoc mare magnum, & spatiosum manibus, illic reptilia quorum non est numerus, animalia pusilla cum magnis*. nufquam verò (quod sciam) dicit aues esse innumerabiles. Item inter pisces sunt qui mole corporum valdè superant omnem terrestrium animalium magnitudinem; contrà verò, maxima auium longè minor est quàm sint quadrupedia etiam mediocria; ut in nostro hoc hemisphærio cõmunitèr cernimus. Nisi fortè verum est, quod ex Marco Paulo, viro, inquit, fide dignissimo, refert, grauis sanè auctor, Ioannes Mauburnus Bruxellensis, in suo Roseto exercitiorum spiritualium, tit. 33. qui est de regione creaturarum, cap. 4. nimirum reperiri auem, quæ dicitur Cusch, tantæ proceritatis (agit enim ibi de magnitudine creaturarum) ut elephantem subleuet in aëra. Et in super aliam, nomine Troæcoque, quæ facili volatu, balenas, cete, & naues onustas, in aëre ex vnguibus vescitur, more quo apud nos miluus murem dilaniat. Quamquam (dato quòd hæc historia vera sit) si Marcus Paulus à Mauburno citatus (quem nos non vidimus) dictarum auium magnitudinis nihil aliud expressius meminit, certè nobis non videtur satis firmum dicti Mauburni argumentum, quo ex tantæ fortitudinis actionibus, tantam arguit earumdem volucrum magnitudinem: quandoquidem & de quodam pisciculo semipedali, quem Latini ab effectu Remoram, Græci Echeneidem vocant, legimus apud Plinium lib. 32. cap. 1. quòd tanta vi pòllet, ut quinqueremem, aut aliud magnum eiusmodi nauigium plenis actum velis, clauo aut puppi adharens, remorari ac retinere faciliè queat. Cuius portenti ibidem clara Imperatorum, quibus id accidit, referuntur exempla. Vnde non irrationabiliter idem quoque de dictis auibus suspicari posse videtur; eas scilicet, quamuis pluribus sint terrestribus aequalibusque animalibus corpore minores, viribus tamen esse multo fortiores. Ad quod suspicandum, illud etiam me mouet, quòd Henricus Haslia, ab eodem Roseti Auctore vbi supra citatus, super Bibliorum initio asserat, animalia aquæ in tribus excedere animantia terræ & aëris; scilicet quantitate, numero, & ut ipse loquitur, monstruositate; & causas assignat. Sed, ut ad rem redeamus, illud item inter pisces & animantia terrestria dissidet; quòd pisces, & quæ in aquis iugiter degunt, aut pedibus cruribusque omnino carent, aut ea adèd breuià, lacertarum more habent, quemadmodum & crocodili, ut his corpora sustinere vix possint: ideoque rectè quæcumque viuunt in aquis, inter reptilia connumerari solent. At verò volatilia ferè omnia, satis longa & firma habent crura, quibus corpora conuenienter eleuata fulciuntur, & ferunt. Denique pisces ut plurimum dentibus donati sunt, ex volucris verò paucae. E conuerso autem, inter pisces auesque plurimæ etiam reperiuntur similitudines, si naturalem, in quo degunt, locum, & corporum qualitates, ipsorumque motus inuicem conferantur. Etenim vtraque eorum habitatio, aër scilicet & aqua, sunt diaphana, vbique perua, de facili penetrabilia, agitabilia, & humida. Siquidem inferior hæc aëris pars, in qua volitant aues, humore quodam aquo ferè semper imbuta manet, & interdum etiam sensibilibiter madida est, & in aquam faciliè transmutabilis. Magna item leuitas atque agilitas tam in auium quàm in piscium corporibus cernitur; & horum pinnæ ac squamæ, illarum alæ ac pennas admodum imitari videntur, & æquè aues ac pisces auribus extrâ prominentibus, necnon mamillis quoque & vesica, ne ipsorum fortè agilitatem retardare possent, & aliis item de causis, carere dicuntur. Et multa auium genera quoquomodo, non secus ac pisces, circa aquas versari, & inde sibi victum expiscari maximè delectantur. Postremò, qualiter in aquis natant pisces, cauda veluti nautico gubernaculo


IN QVIBVS CONVENIANT PISCES ET AVES.

culo cursum suum moderantes ac dirigentes, non ablimili ferè modo in aëre volitant aues. Quibus fortè naturalibus quotidianisque exemplis homo erudiri à Deo potuit, in actionibus quoque humanis, finem, qui caudæ quodammodo respondere videtur, esse illum, qui nostras in ipsummet dirigit operationes. Non immeritò igitur, ob memoratas etiam piscium auiumque similitudines, creduntur eadem pariter die, & ex eadem fermè materia, creatæ volucres & pisces.

3. Libet hic attexere quæ de ipsis piscibus & volucris disertè memorat B. Gregorius Nazianzenus Oratione 2. de Theologia, vt ex his paucis liceat de reliquis philosophari, & conicere quanta sint & quàm mirabilia opera Dei, quæ hoc mundi die in aquis aëreque sunt facta. Age mihi, inquit, piscium quoque naturam considera per aquas labentium, ac per humidam naturam, vt ita dicam, volantium, ac proprium quidem aërem trahentium, in nostro autem periclitantium, quemadmodum nos quoque in aquis solemus: mores etiam eorum, & affectus, & coitus, & generationes, & magnitudines, & pulchritudines, certas item mansiones & aberrationes, conuentus ac secessiones, & proprietates, terrestribus animantibus penè consimiles; nonnullorum consortia, & contrarias tam in formis quàm in nominibus proprietates. Ad hæc greges auium tecum reputa, quàmque varia & multiplici figura sint, variisque coloribus: qui fiat, vt alia muta sint, alia canora, quæque horum suauissimi cantus sit ratio, & à quo hanc facultatem acceperint. Quis lyram cicadis in pectore dedit? & cantus illos atque garritus, quos, cum meridiano solis estu ad musicam incitantur, in arborum ramis fundunt, ac nemora cantu implent, viatoremque, garritu suo prosequuntur? Quis cantum cygno contexit, cum pennis in auram expansis, modulatum sibilum edit? Mitto enim illas vt expressas voces, & quidquid artes aduersus veritatem ingeniosè comminiscuntur. Quid cause est, cur arrogans ille, & Medicus (hoc est ex Media deuectus) panno, elegantiam gloriæ, adeo affectet, vt quoties aliquem propius accedentem viderit, aut etiam feminis, vt aiunt, sese ostentare voluerit (nec enim pulchritudinis sua ignarus est) protinus elata ceruice, pennisque, in orbem concinnatis, atque oculis illis aureo quodam gemmatibus, fulgore in acerrum contractis, corporis sui elegantiam amansis suis cum fastuoso incessu, velut in theatro spectandam proponat? & post pauca subiungit: Tu verò mihi naturalem quoque animantium rationis expertum solertiam suspice, rationesque declara. Quomodo volucres in petris, & arboribus, ac tectis, non minus elegantes quàm tutos, & alendis pullis accommodatos nidos elaborant? Vnde apibus & arancis tantus laboris & industrie amor, vt & ille fauos construant, & sexangularum fistularum, sibi que ex aduerso respondentium adiumento contineant, utque ipsis firmitatem comparent, per intermedium septum, angulares rectis alternatim innectant, idque in tam caliginosis aluearibus, obscurisque figmentis: & hæc rursum per usque adeo tenuia & subtilia stamina multipliciter intensa, sinuosas telas contextant. (& quidem ex tam exiguis principiis, vt vix ulla oculorum acie possint perspicere easque simul & pro domicilio habeant, & pro imbecilliorum animalium venatione, ad famem depellendam? Quis Euclides hoc artificium imitando expresserit, de lineis pertractans nusquam extantibus, atque in demonstrationibus anxio labore desudans? Quis Palamedes? (qui etiam instruendi exercitus artem motusque adeo & figuras, nullis aliis præceptoribus vsus quàm gruibus, didicisse feritur, cum videlicet eas ordine ac multiplici volatus genere moueri perspexisset.) Quinam Phidias, & Zeuxides, ac Polygnotti, Parrhasij etiam, Aglaophontes, qui incredibili quadam elegantium formarum pingendarum sculpendarumque peritia clarserunt? Quis Gnothus Dædali chorus (concinnam illam Nympham intelligo) ad omnem artis elegantiam confectus & expolitus? Quis Cretensis labyrinthus difficilis exitus & anfractus habens, identidem, in sese artis impossurus incurrens? hucusque Nazianzenus. Innumeræ aliæ admirabileque pauca his animalium hac die creatorum dotibus ab eodem proprietatibus ab eodem Auctore recensitis, adici possent ex aliis Scriptoribus petita, si tempus otiumque suppetere, sed neque id breuitas ab initio propolita pateretur.

DE PISCIBUS
ET AVIBUS
EX NAZIANZENO.

MVNDI DIES SEXTVS.

1.  EXT O Mundi die, quem Hebræi sextam Sabbati, nos verò sextam Feriam, & Diem Veneris appellamus, creauit Deus animalia terrestria, DE TERRESTRIVM ANIMALIVM CREATIONE
iumenta scilicet, & reptilia, & bestias terræ, Genes. cap. 1. vers. 24. Ad hæc enim tria capita reduci posse videntur vniuersa animantia irrationalia, quæ potissimum degunt in terra. nam quæ nec pedes habent, nec crura, saltem longiora ac solidiora, quibus totum corpus à terra eleuatum, firmiter sustinere ac ferre valeant, rectè reptilium vocabulo complecti videntur: reliqua verò, E 4 si sunt

QVAE EX PV
TRI MATE-
RIA NA-
SCVNTVR.
QVAE EX
DIVERSIS
SPECIEBUS
GENERAN-
TVR.

QVAE DI-
CVNTVR
AMPHIBIA.

ANSINT A-
LIQVA ANI-
MALIA IN
IGNE DE-
GENTIA.

LINVM VI-
VIUM AB
IGNE NIL
LAEDIT.

DE ANIMA-
LIBVS TER-
RESTRIBVS
EX NAZIAN
ZENO.

si sunt naturaliter domestica, & disciplinabilia, vñbusque humanis plurimum infer-
uentia, in mentorum nomine designantur: quæ autem talia non sunt, communiter in-
ter bestias terræ computari possunt. At verò animalia, quæ ex putri materia, & item quæ
ex diuersarum specierum commistione generantur; siue ea sint aquatica, siue volatilia,
siue terrestria; saltem in suis causis, eodemmet die, quo alia eiusdem generis, creata es-
se, nemo dubitare debet. Nam sicuti omnia cuiusvis speciei indiuidua quodammodò
dici possunt in exordio mundi fuisse creata, quia in primis cuiusque speciei indiuiduis,
vt aiunt, casualiter & effectiue continebantur; ita etiam animalia, quæ ex diuersarum
specierum coitu gignuntur, potentialiter, vt dicitur, contineri videntur in illis specie-
bus, vnde generantur: & quæ ex putri materia sunt, virtualiter erant in suis causis ab
exordio mundi creatis. Sed quid dicemus de his animalibus, quæ amphibia dicuntur,
quòd in terris pariter & in aqua vitam ducant, quamam die producta fuerint? Ad hoc
breuiter probabiliterque dici potest, rationabile videri, quæ magis in aqua versari so-
lent, die quinto; quæ verò diutius in terra, die sexto fuisse facta.

2. Verum quia suprà diximus, Deum fecisse animalia quædam aquatica, quædam
volatilia quæ per aëra feruntur, & quædam item terrestria; suspicari merito quispiam
poterit, num aliqua etiam, vt ita dixerim, ignea animantia Deus aliquando creauerit.
Ad hoc respondere possumus, in igne quidem elementari, hoc est in ipsa ignis sphaera,
num aliqua sint viuante animalia, sciri nullo modo posse. De igne autem isto infe-
riori, qui apud nos est, refert Aristoteles lib. 5. de Historia animalium cap. 19. quòd in
Cypro insula, erariis fornacibus, vbi chalcites lapis ingestus compluribus diebus crematur,
bestiola in medio igne nascuntur pennate, paulò musci grandioribus maiores, quæ per ignem
salunt atque ambulant, & ab igne dimote, emoriuntur. vbi idem Auctor subiungit: Non-
nulla corpora esse animalium, quæ igne non absumentur, salamandra claro argumento est:
quæ, vt aiunt, per ignem inambulans, eum extinguit. Sic ille. Sed quidquid sit de præ-
fatis bestiolis, quæ à Græcis Pyrausta vocari dicuntur; certè de salamandra, quamuis,
vt fertur, aliquantisper in igne illaesa morari possit, quòd ipsa frigidissimi sit tempera-
menti; si tamen diutius ibi detineatur, ab igne tandem consumi solere, probatissimu-
rum Auctorum experientia testatum habemus. Vtrum autem vllum aliud animalium
gènus reperiatur, quod ab igne lædi non valeat, ignoramus. Dicimus tamen, nobis id
non impossibile videri: quandoquidem ipsi vidimus quoddam ligni genus satis leue,
& aspectu valde combustibile, quod ex lanua montibus delatum aiebant, cuius mo-
dica sanè portio cultello secta, & in referto carbonum ardentium foco iniecta, ibidem-
que me præsentē aliisque multis inspectantibus diu relicta, non modò non absumi, sed
neque accendi vel minimum lædi vñquam potuit. nam forcipe mox inde detracta,
omnino vt prius integra cernebatur. Scimus etiam Plinium lib. 19. cap. 1. scripsisse de
quadam lini specie, quæ ignibus iniecta non modò non absumitur, sed nec vñlo modo
læditur, ac propterea à Latinis Linum viuum dicitur, à Græcis verò Arbestinum. vbi
& hoc addit, se vidisse ex eo mappas in focis conuiuiorum ardentibus positas, ac for-
dibus exustis, splendescētes igni magis quàm possent aqua. vide, si libet, ibi de hoc
lino alia plura. Quare si in ligno & lino, rebus alioquin natura sua valde combustibili-
bus id cernitur, quis neget idem in aliquo animali posse contingere?

3. Ceterum, quia hæcenus de irrationabili animalium creatione egimus; & de
singulis eorundem speciebus disserere nimis longum esset, præsertim cum de ipsis
plurimi extent libri, tum ab Aristotele, tum ab aliis conscripti; visum est hic pauca po-
nere, quæ in vniuersum de ipsorum differentis ac naturis per modum admirationis
elegantè differit B. Gregorius Nazianzenus, loco superius num. 3. præcedentis diei
citato, in hæc verba: Visne aliorum quoque animantium discrimina, quibus tum à nobis,
tum inter se differunt, naturas etiam, & generationes, & educationes, & regiones, & mo-
res, ac velut in Repub. vitæ functiones enumerem? Qui sit igitur vt alia societate delecten-
tur, alia solinaga sint? Alia herbis, alia carnibus nutriantur? Alia iracunda sint, alia man-
sucta? Alia cum hominibus versari atque ali soleant, alia indomita atque libera sint? Alia
ad rationem & disciplinam propius accedant, alia à ratione ac disciplina prorsus auersa sint?
Alia pluribus sensibus, alia paucioribus prædita sint? Alia torpida, alia incedendi facultate,
alia etiam summa pernicitate donata sint? Alia magnitudine & pulchritudine, aut alterutro
horum excellent; alia autem perexigua sint, aut deformissima, aut etiam vtroque vitio labo-
rent? Alia strenua sint, alia imbecilla? Alia iniuriam propulsent, alia suspecta & insidiosa sint,
alia incauta? Alia industrie rei que familiaris administranda laude florent, alia prorsus
inertia sint & improuida? Quòdque prius dicendum erat? qui sit vt alia humi serpent, alia
corpore

corpore recto sint? Alia certa sede acquiescant, alia in vitroque elemento degant? Alia elegantie studiosa sint, alia ab omni ornatu abhorreant? Alia coniugata sint, alia à coniugij vinculis libera? Alia pudica, alia libidinosæ? Alia multum secunda; alia parum? Alia diuturna vite, alia brevis? Concidat atque obruatur oratio necesse est, si singulatim omnia persequi teneret. Hæc Nazianzenus. Sed illud mirabile est, quòd inter tot tamque varias animalium species ac differentias, non minùs in parvis minutissimisque eorum corporibus, quàm in magnis ac proceris, elucet sapientia atque omnipotentia Dei. Vnde satis scitè beatus Hieronymus in epistola ad Heliodorum, quæ Epitaphium Nepotiani inscribitur, dicebat: *Creatorem non in cælo tantum miramur & terra, sole & Oceano, elephantis, camelis, equis, bobus, pardis, ursis, leonibus; sed & in minutis quoque animalibus, formicæ, culicæ, muscis, vermiculis, & istiusmodi genere, quorum magnæ scimus corpora, quàm nomina, eandemq; in cunctis veneramur solertiam.* Hæc S. Hieronymus: cui addimus, interdum magis admiranda videri quæ in animalibus parvis, quàm quæ in magnis conspiciuntur. Nam (vt benè ait S. Augustinus lib. 3. in Genes. ad litteram cap. 14.) *Creat Deus minima corpora adèò acuta sensu, vt maiore attentione stupeamus agilitatem muscæ volantis, quàm magnitudinem iumentum gradientis, ampliusque miremur opera formicarum, quàm onera camelorum.* Sic ille. Quod quidem duobus parentissimis exemplis, nempe culicis & teredinis, declarat Plinius lib. 11. cap. 2. cuius verba, quia ad huius rei explicationem sunt admodum accommodata, hîc ponere visum est: *In magnis, inquit, corporibus, aut certè maioribus, facilis officina sequaci materia fuit. In his tam parvis atque tam nullis, quæ ratio, quanta vis, quàm inextricabilis perfectio? ubi tot sensus collocavit in culicæ? & sunt alia dicta minora. Sed ubi visum in eo prætendit? ubi gustatum applicavit? ubi odoratum inseruit? ubi verò truculentam illam, vt portione maximam vocem ingeneravit? qua subtilitate pennas annexuit: prelongavit pedum crura? disposuit ieiunam caueam vti alium? avidam sanguinis, & potissimum humani, sitim accendit: telum verò perfodiendo tergori quo spiculauit ingenio? atque vt incapaci, cum cerni non possit exilitas, ita reciproca geminavit arte, vt fodiendo acuminatum pariter sorbendoque fistulosum esset. Quos teredini ad perforanda robora, cum sono teste, dentes afflixit? potissimumque è ligno cibatum fecit? Sed turrigeros elephantorum miramur humeros, taurorumque colla, & truces in sublime iactus, tigrium rapinas, leonum inbas, cum rerum natura nusquam magis quàm in minimis tota sit.* Hucusque Plinius. Quòd si quæ dicta sunt de vi dentium teredinis rodendi ligna etiam valdè dura; & de vi atque artificio aculei culicum, quo pariter tebrebrare valent pellem, & fugere sanguinem hominum, mirabilia sunt; certè mirabiliora videri debent, quæ in animalibus adhuc multò minutoribus conspiciuntur, cuiusmodi sunt tinæ, quæ vim habent corrodendi pannos; & pulices ac pediculi, præsertim quos, quòd in pullis nascantur, pediculos pullinos Italicè vocamus, qui licet adèò exigui sint, vt vix oculis discerni possint; non tamen minùs molesti sunt gallinis, quàm pulices aliis animalibus, & pediculi maiores, hominibus. Itaque ex his omnibus, quæ à proximè citatis Auctoribus accepta, hîc inferere operæpretium duximus, discere licebit, primò videri Deum quodammodò in rebus magnis potentiam suam, in parvis verò sapientiam ostèdere voluisse: & propterea quàm sapienter & quanta cum admiratione exclamauerit Regius Propheta in Psalm. 97. vers. 1. de Domino dicens: *Quia mirabilia fecit.* & in Psalm. 110. vers. 2. *Magna opera Domini, exquisita in omnes voluntates eius.* & in Psalm. 137. vers. 4. *Qui facit mirabilia magna solus.* & in Psalm. 138. vers. 14. *Mirabilia opera tua.* & alibi sæpè huiusmodi alia, quæ breuitatis causa prætereo. cui subseripsit Ecclesiasticus cap. 11. vers. 4. iniquens: *Mirabilia opera Altissimi solius, & gloriosa, & absconsa, & inuisa opera illius.* ac si dicere voluisset, ea à nemine capi posse. Deinde ex suprâ relatis inferre possumus, quanta & quàm mira fecerit Deus, quando sola suæ voluntatis significatione, eadem animalia tam multiplicia, & adèò inter se varia ac diuersa creauit. Vt fortasse etiam tam sensibili exemplo demonstraret, se tamquam Dominum omnium, ad huius vniuersitatis harmoniam constituendam, creaturis suis dona sua diuersimodè distribuissè, ac disposuissè omnia in mensura, numero, & pondere, vt dicitur Sapientiæ cap. 11. vers. 21. plus minùsve diuidens singulis prout vult. Quod & postea spiritualiter egit in hominibus. Siquidem ex Apostolo 1. ad Corinth. cap. 7. vers. 7. constat, quòd *vnusquisque proprium donum habet ex Deo, alius quidem sic, alius verò sic.* & cap. 12. vers. 4. & sequentibus, diuisiones gratiarum, ministratorum, & operationum sunt: quemadmodum ibidem idem Apostolus confirmat similitudine corporis humani, quòd cum vnum sit, plura tamen & diuersa membra habet, non eundem actum habentia, sed alia aliis infirmiora, ignobiliora, perfe-

ANIMALIUM
IRRATIO-
NABILIVM
VNVM AN-
PLVRA PA-
RIA A DEO
CREATA.

perfectiora, & plus vel minùs necessaria, & hoc idem ipsemet Dominus noster Iesus Christus docuit Matthæi cap. 25. vers. 13. in parabola talentorum, quæ, inquit, homo dedit seruis suis, vni quinque, alij duo, alij verò vnum. Sed hæc primis, vt dicitur, labris degustanda, hic præbuisse sufficiat, vt protinus redire liceat vnde digressi sumus, nimirum ad animalium irrationabilium creationem. Circa quam vnum adhuc disquirendum restat, videlicet, An Deus ab initio vnum tantum par, nempe masculinum & feminam cuiusque speciei creauerit, sicuti in humana specie, an verò plura. Ad hoc dicimus, De homine quidem certissimum esse, quòd Deus à principio *fecit ex vno omne genus hominum inhabitare super vniuersam faciem terræ*, vt hiscemet verbis traditur Actorum cap. 17. vers. 26. & videtur hæc propositio ex sacra Genesise desumpta, in qua legimus, Deum fecisse primò Adam, & deinde ex eius costa Heuam, ex quibus postea per naturalem generationem propagatum fuit genus humanum in vniuersa terrâ. De singulis verò irrationabilium generibus nihil tale in toto Sacro eloquio reperimus scriptum; sed tantummodò, quòd die quinto fecit Deus cuncta animalia quæ in aquis degunt iuxta species suas, & omne volatile secundum genus suum: & die sexto bestias terræ, & iumenta, & omne reptile terræ in genere suo: nec vsquam exprimit singularem aliquam memoratorum animalium speciem, nisi cetorum (si tamen ceti omnes vnus sunt speciei.) sed vtcumque sit, etiam & de ipsis per verba pluralia loquitur, dicens: *Creauitq. Deus cete grandia*. Quibus verbis bene potest insinuari, non duo tantum, sed etiam plura tunc fuisse creata. vnde fit probabilis, Deum plura irrationabilium animalium paria in vnaquaque ipsorum specie mirabiliter produxisse, quæ deinceps naturali propagatione vbique admodum sunt multiplicata. Et quidem de animalibus in aqua degentibus non videtur aliter dici aut excogitari posse: quandoquidem, vt omittam quædam maria ab Oceano penitus seiuncta, videmus etiam multa flumina & lacus ab inuicem distinctos, & per longa terrarum spatia distantes, in quibus eadem piscium species plurimæ inueniuntur. Oportet ergo in singulis ferè lacubus & fluminibus vnum saltem par dictarum specierum immediatè à Deo fuisse productum. Siquidem ipsi pisces ab vno ad alterum lacum transire non potuerunt; neque omnes eiusmodi species ab hominibus de vno lacu maris aut fluuio ad alios credibile est fuisse translatas. Merito igitur iussio illa diuina Genes. cap. 1. vers. 20. *Dixit etiam Deus: Producant aquæ reptile anime viuens*, &c. non signanter ad has vel illas, sed vniuersaliter ad aquas facta est. vt scilicet in singulis iam memoratis aquarum receptaculis producerentur illæ animalium species, quas in ipsis naturaliter viuere conspiciamus. Idem quoque sentiendum videtur de aliis animalibus, quæ in aëre terræque versantur. Nam sicuti credendum putamus, non vnam terræ regionem tantum, sed multas in ipso mundi exordio plantarum multitudine ac varietate diuinitus fuisse repletas, quæ plantæ earumque fructus vniuersaliter pro animalium vsu & sustentatione creatæ fuerunt: proculdubio etiam probabile est, in eisdem quoque regionibus plurima singulorum ferè generum animalia fuisse producta, quæ his vt vescive possent, ne aliquamdiu plantæ illæ frustra ibi exstistis videantur. Huc accedit, quòd non est par ratio hominis & aliorum animantium. nam omnes homines ab vno propagari valde consentaneum fuit; quia homo factus est vt esset princeps ac dominaretur omnibus animantibus: principatus verò iste videtur conuenientius ab vno quàm à pluribus debuisse auspiciari. Præterea ab vno deduci debuit humanum genus, vt primus Adam figura esset secundi, quemadmodum Apostolus indicare voluisse videtur 1. ad Cor. cap. 15. vers. 45. dicens: *Factus est primus homo Adam in animam viuentem, nouissimus Adam in spiritum viuificantem*. & item, vt secundus Adam ex opposito respondere posset primo, iuxta illud quod idem Apostolus loco citato vers. 21. dicebat: *Quoniam quidem per hominem mors, & per hominem resurrectio mortuorum. & sicut in Adam omnes moriuntur, ita & in Christo omnes viuificantur*. Plures eiusmodi alias contrapositiones inter Christum & Adamum non semel repetitas inuenies in Epistola ad Rom. cap. 5. vers. 15. vsque ad 20. De aliis verò animalibus nihil adduci posse videtur, quamobrem singulæ ipsorum species ab vno potius quàm à pluribus primò prodire debuerint. Quinimò cum omnia irrationabilia facta sint propter hominem, conuenientius videbatur plura de singulis speciebus (maximè eorum quæ vsui magis homini esse debebant) à principio fuisse creata, vt citius multiplicarentur, & his, vel saltem ipsorum pellibus homo vti posset ad indumenta tabernaculaq; sibi conficienda: alioquin necesse fuisset vt saltem vna animalium species sine propagatione deperiret, quando penè in ipso mundi initio occisa sunt prima illa animalia, ex quorum pellibus factæ fuerunt primæ illæ tunicae, quibus induiti

induti sunt Adam & Heua paulò antequam de terrestri Paradiso eiicerentur. Quod sanè nullatenus admittendum est. Ceterùm, quamvis in ipsis mundi primordiis plura singularum specierum animalia irrationabilia, vt dictum est, à Deo facta esse credi possit: videtur tamen ad Adamum in Paradiso terrestri adducta fuisse tantummodò bina de singulis speciebus, masculum scilicet & feminam; quoniam ea sufficere poterant ad nomina singulis imponenda.

4. Eadem die sexta, post omnium animalium irrationabilium creationem, fecit Deus rationale animal, nimirum hominem, ad imaginem & similitudinem suam, Genes. cap. 1. vers. 26. & 27. vt præfesset ceteris omnibus, iuxta illud Psal. 8. *Omnia subieciisti sub pedibus eius, oves & boues vniuersas, insuper & pecora campi, volucres cali, & pisces maris, &c.* formauit autem Dominus humanum corpus de limo terræ, vt dicitur Genes. cap. 2. vers. 7. & *inspirauit in faciem eius spiraculum vite*; id est creauit animam, eamque statim indidit corpori. *Et factus est homo in animam viuentem*; hoc est, & factus est homo animal viuens. Quærent aliqui, Num corpus primi hominis ante animam factum fuerit, quemadmodum in aliorum hominum generatione priùs in vtero formatur embryo, quàm animetur. Sed si primus homo vno temporis momento creatus est, vtique cessat omnino ista quæstio; siquidem oportet vtrumque simul in eodem instanti fuisse productum, cum vtraque, corpus scilicet & anima, sit essentialis pars hominis. Si autem in corporis plasmate mora aliqua intercessit, vt supponere videntur, qui huiusmodi quæstionem proponunt: dicimus, necessarium esse quòd in vltimo instanti plenè absoluti corporis creata quoque simul & infusa ei fuerit anima. Nam si primus homo in ætate perfecta, vt suo loco dicitur, conditus est; oportet omnia corporis organa ita fuisse absoluta, vt statim ac factus est homo, anima ipsius his vti posset in suis operationibus. quod non vsu venit in aliis generationibus, in quibus sensim & multo tempore formatur homo; & vt primùm aliqua dumtaxat concepti embryonis organa, nimirum vitalia, formata sunt; eidem anima illicò creata infunditur: ita vt licet tunc ille embryo sic animatus, homo sit; nihilominus priùs actu vitæ dumtaxat plantæ viuat, mox animalis, ac demum hominis; prout deinceps harum potentiarum organa successiue paulatim perficiuntur. Sed hic & aliud quæriri potest, nimirum, Cur Deus hominem, quem tanto ornatu decoraturus erat, ex substantia adeò abiecta composuit? Cur materia ex solis splendore sumpta hominem non condidit? sed ex terra, terræque puluere, elemento vtique infimo, omniumque pedibus conculcato illum effinxit? Ad hoc respondet Theodotus Ancyra Episcopus, in Concilio Ephesini tom. seu lib. 6. c. 10. relatus, dicens: *Quandoquidem hominem sua imagine honoraturus erat, ipsum ex vili natura formauit, ne fortè honoris abundantia insoleceret; & si quando plusculum honoris ipsi deferretur, abiectæ naturæ sue memoria, à fastu compesceretur; simulque reminisceretur, si quem honoris gradum obtineret, cum non ob suæ naturæ dignitatem sibi obtigisse, sed ob largitoris munificentiam. Pertinebat itaque & hoc quoque ad Creatoris benignitatem, vt natura, quæ Dei imagine decoranda erat (vnde vtique magnam supercilij occasionem concipere poterat) formaretur à terra. Sic Theodorus. Si quis autem insuper quærat, Cur Deus hominem ad imaginem suam facere voluerit; consulat S. Leonem Papam, qui Serm. 1. de Ieiunio decimi mensis, sic habet: *Si fideliter, dilectissimi, & sapienter creationis nostræ intelligamus exordium, inueniemus hominem ideò ad imaginem Dei conditum, vt imitator sui esset Auctoris: & hanc esse naturalem nostri generis dignitatem, si in nobis, quasi in quodam speculo, diuinæ benignitatis forma replendeat. Ad quam quotidie nos vtique reparamus gratia Saluatoris, dum quod cecidit in Adam primo, erigitur in secundo.**

DE HOMI-
NIS CREA-
TIONE.

CVR DEVS
HOMINEM
DE TERRA
FORMAVERIT.

CVR AD I-
MAGINEM
SVAM ILLUM
CONDIDIT.

5. Sanè humanum corpus, licet ex quattuor elementis, & à prædominio, è terra factum sit, quemadmodum cetera terrestrium animalium corpora: attamen adeò in primis qualitatibus optimè temperatum, & in compactione membrorum benè dispositum & conformatum, atque in organorum omnium, cum interiorum tum exteriorum multiplicitate ac varietate mirabiliter distinctum exornatumque fuit, vt longè admodum vniuersis ceterorum animalium corporibus, tum pulchritudine, tum ad plures variasque functiones aptitudine antecellat; nec iure quisquam queri possit, quòd inter omnia animantia solus homo nudus inermisque nascatur: quandoquidem, duobus singulariter sibi à Deo datis, ingenio nimirum & manibus, commodè potest omnia sibi indumenta, & munimenta, aliaque ad vitæ vsus excogitare atque conficere. Vide, si placet, de his plurima non minus doctè quàm elegatè & ornate tradita apud Ciceronem lib. 2. de Natura Deorum. Quin etiam eisdè donis valet homo cuncta animalia, quantumvis naturaliter se fortiora, aut velociora, aut proceriora, superare, com-

DE HUMANI
CORPORIS
PERFECTIO-
NE.

prehen-

prehendere, ac propriè subiicere seruituti: vt hoc sit, quod eidem indulsit Deus, Genes. cap. 1. vers. 28. dicens: *Dominamini piscibus maris, & volatilibus cali, & vniuersis animalibus, quæ mouentur super terram.* Quod & deuotè recolit Regius Pſaltes in Pſal. 8. illis verbis: *Constituisti eum super opera manuum tuarum, omnia subiicisti sub pedibus eius, oues & boves vniuersas, insuper & pecora campi, volucres cali, & pisces maris, qui perambulant semitas maris.* Neque verò humani corporis minuit excellentiam, quòd hominem contingat in quibusdam à brutis superari; puta quòd ipsum in acie luminum vincant aquilæ & lynces; in olfactu, canes ac vultures; in cursu, cerui, & similia; quoniam hæc ex quodam excessu primarum qualitaturnaturaliter prouenire necesse est, qui si esset in homine, proculdubio ipsum ad multa alia necessariò inhabilem redderet. Et nihilominus constat, quòd tamen si quædam animalia rem sensibilem homine celerius, aut magis de longinquo percipere valeant; aut à vehementiori obiecto minùs lædantur, vt pulli aquilarum ab aspectu solis; longè tamen melius homo atque excellentius cunctas rei sensibilis differentias varietatesque, quàm quælibet animalia, dignoscere ac diiudicare poterit. Quare iure meritò Seneca lib. 2. ad Ebutium Liberalem, de Beneficiis cap. 29. & Lactantius lib. de Opificio Dei, contra quosdam actius inuehantur, illorumque impudentiam damnant, qui prædicta non considerantes, de ipso Deo, seu de natura grauiter conqueruntur, quòd ceteris largior animalibus quàm homini fuisse, illisque abundantius prouidisse videatur: atque eosdem ingratos insanosque appellant, quòd diuina beneficia homini collata, non pro merito æstimauerint, nec datori Deo gratias egerint. Quòd si præfati Auctores iure illos asserunt esse culpandos, qui de humani corporis, quæ nunc cernitur, conditione perperam conqueruntur; quid dicturi fuissent, si illam quam primis nostris parentibus Deus donauerat, sibi ante oculos posuissent? quæ nimirum, præter ceteras eximias eius dotes, etiam illam habebat incomparabilem, quòd tamen si naturaliter mori poterat, summo tamen Dei beneficio ad manum habebat vitæ lignum, cuius esu (vt sub die mundi 3. nu. 32. dictum est) vitam in optima sui status constitutione perpetuò conseruare valeret.

DE HOMI-
NIS OPIF-
ICIO.

6. Hic dicendum esset aliquid de mirabili hominis opificio, quod non minùs ac magni huius mundi fabrica, in stuporem induxit omnium panè excellentium viro-
rum ingenia, vt propter ipsum hominem, microcosmon, hoc est, paruum mundum, nuncupare non dubitauerint. Sed quia res est adeò multiplex & copiosa, vt paucis perfringi nullo modo posse videatur, & inspicui nostri ratio non permittit nos in eius-
modi diutiùs immorari; satius visum est, prudentem Lectorem talia scire cupientem, ad Scriptores in hoc genere præstantiores remittere. Quorum alij magis quæ ad corpus variaque eius organa inæstimabili artificio fabricata, & super quàm dici po-
test, exquisitè ad omnes vsus, actusque, & voluntates animæ ea regentis accommo-
data, pertinent; vt Galenus in libris de Vsu partium, & Anatomistæ omnes, ac præcipuè Andreas Vesalius ipso-
rum omnium faciliè princeps. Alij verò magis quæ ad animam, eiusque potentias tum sensibiles tum rationales spectant; vt S. Gregorius Nyssen-
nus in libro quem de Opificio hominis inscripsit; & B. Thom. parte prima, quæst. 90. vsque ad 103. fusiùs inuestigare conati sunt. Alij dèni-
que ad vtramque hominis substantiam pertinentia, breuiori compendio eruditè eleganterque complecti studue-
runt; quemadmodum fecit Cicero lib. 2. de Natura Deorum, & Lactantius Firmia-
nus in lib. cui titulus est, de Opificio Dei, vel de Formatione hominis. Nouissimè autè
omnium Ludouicus Granatenſis, in suæ Introductionis ad fidei Symbolum part. 1. cap. 23. vsque ad 35. Et horum quidem trium primi ac postremi non minùs Lectorem
iuuare quàm oblectare poterit oratio: vtrique enim admodum competere videtur
illud Poætæ Lyrici: *Omne tulit punctum, qui miscuit vtile dulci.* Sed & plura de mul-
tis variisque donis primo homini à Deo collatis, breuiter tangit Ecclesiasticus cap. 17.
nimirum, de creatione eius ad imaginem Dei, de potestate ac dominio super
cuncta animalia eidem tradito, de sensibus exterioribus & interioribus, de loque-
la, de intellectu, consilio, disciplina, scientia, lege, & huiusmodi aliis, quæ omnia
fusiùs prosequuntur illius loci Expositores. Hæc & plura alia his similia sunt, quæ
B. Gregorius Nazianzenus, quomodo in homine disposita & composita fuerint, non
desinit admirari; cuius dicta hic referre non grauabor, quoniam multa de homine
mirabilia paucis complectuntur. Inquit enim in Oratione secunda de Theologia:
*Quæ hæc mistio nostra est? quibus motus? quomodo id quod immortale est, cum re mortali co-
pulatum est? qui sit vt anima circumferatur, & vitam impertiat, & affectuum sit particeps?*
qui

DE DONIS
HOMINI A
DEO COL-
LATIS. EX
ECCLESIA-
STICO.

EX NAZIAN-
ZENO.

qui fit ut mens & circumscripta sit, & interminata; in nobis maneat, & motus fluxionisq; celeritate omnia perlustrat? qui fit ut sermonis opera percipiatur vicissim, ac communicetur, ac per aërem grassetur, & cum rebus ipsis ingreditur? qui fit ut cum sensibus consuetudinem habeat, ac rursus à sensibus in se ipsam colligatur? Atque ut quæ priora sunt dicam, quæ prima nostri effectio & coagmentatio in natura officina? quæ etiam postrema formatio ac perfectio? quæ cibi appetitio ac distributio? quis nos sponte ad primos illos fontes ac vitæ facultates duxit? Quomodo cibus corpus, animus contra sermone ac doctrina nutritur? Quis nature tractus, mutuæque affectio parentibus & liberis, ut amore contineatur & conservetur? Qui fit ut statæ sint facies, & lineamentis ita distinctæ, ut cum earum prope infinitus sit numerus, propria tamen cuiusque figura, nulla, modis omnibus absoluta, similitudine repræsentari queat? Qui fit ut idem animal mortale & immortale sit, illud interitu, hoc procreatione? Et enim aliud morte subducitur, ita rursus ipsi aliud subrogatur, non secus atque in fluminis tractu nequaquam fixi stabilesque, Multa de hominis membris & partibus adhuc commemorare possem, de quæ mutua earum concinnitate: quippe quæ nature & rationis lege, non minus ad elegantiam quàm ad utilitatem coniungantur simul, ac distinguantur; præcellant, ac dignitate inferiores sint; uniantur, ac distrahantur; contineant, ac contineantur. Multa etiam de vocibus & auribus, qui nimirum fit, ut illæ per vocalia instrumenta ferantur, hæ vero eas excipiant, ac per intermedij aëris percussione atque impressione inter se iungantur. Multa item de oculis ineffabili modo cum sensibilibus rebus consortium habentibus, ac sola voluntate, & simul cum voluntate sese mouentibus, eodemque modo cum mente affectis. Pari enim celeritate & illa intellectibilibus iungantur, & illi rebus iis quæ sub cernendi sensum cadunt. Multa præterea de reliquis sensibus, qui velut admittendis externis rebus destinati sunt, nec ratione percipiuntur. Multa denique de ea, quæ in somnis fruimur quiete, atque in somniorum figmentis, de memoria, de reminiscencia, de ratione, de ira & cupiditate, reliquisque, ut vno verbo complectar, quibus parvus hic mundus, id est homo, gubernatur. Hæc Nazianzenus raptim, de mirabilibus quæ in homine reperiuntur. Plura quoque eiusmodi disertè admodum tradita, videre licet apud Philonem in libro de Somniis. Sed ex his obsecro, pauca hæc, veluti pro arrhabone, accipe. De sensibus agens, quibus & vocem, nescio quo modo, annectit: Possumus, inquit, dicere, quinquiesariam eos diu-

EX PHILO-
NE.DE NOMINE
PRIMI HO-
MINIS.CVR HOMO
DICITUR
FACTVS AD
IMAGINEM
ET SIMILI-
TUDINEM
DEI.

7. Quoniam autem multa sunt, propter quæ, inter omnes creaturas à Moyse recensitas, solus homo dicitur factus ad imaginem & similitudinem Dei, operæpretium duximus, ab eo primùm, quod historiæ magis consentaneum, & in ipso Sacro textu euidentius insinuari videtur, auspicari. Nam post illa verba, *Faciamus hominem ad imaginem & similitudinem nostram*, continuò subiungitur, *Et præsit piscibus maris, & volatilibus celi, & bestiis, vniuersæq; terræ*. Ex quibus verbis videtur indicari, in hoc potissimum esse accipiendam hanc imaginem & similitudinem Dei, quod quemadmodum ipse Deus verè finis est omnium, vniuersa namque propter semetipsum operatus est Dominus, ut dicitur Prouerborum capite 16. versic. 4. ita homo est quodammodò finis cunctarum rerum, saltem sensibilibum, ut infra fusiùs num. 30. demonstrabimus. Si enim sol, & luna, & stellæ omnes creatæ sunt in ministerium cunctis gentibus quæ sub celo sunt, ut expressè traditur Deuteronomij capite 4. versic. 19. constat proculdubio, etiam reliqua quæ minùs nobilia sunt, propter eumdem hominem esse facta; ac super omnia hominem singulari quadam superioritate donatum,

esseque veluti Deum quemdam in terris visibilem, & dominum omnium.

8. His addere poterit plurimas quoque alias Dei similitudines, qui per singula alia Dei dona naturalia & gratuita discurrere voluerit, homini specialiter elargita. Nam cum ei tantummodò (missos nunc faciamus Angelos, quorum hic non meminit Moyses) dederit naturam ratione intelligentiaque præditam, cuius tam excellentis muneris gratia, homo quoad animam, in qua imago Dei magis elucet, est incorporeus, immortalis, atque intellectu, voluntate, liberoque arbitrio, vt infra num. 27. docebimus, insignitus; & consequenter sapientiæ, virtutis, ac diuinæ gratiæ, felicitatisque æternæ capax, & meritò propterea cunctis aliis animantibus prælatus: rectè ad imaginem Dei factus dicitur: quoniam hæc & eiusmodi omnia, quæ aliquatenus in homine sunt, modo quodam in immensum supereminensissimo ac perfectissimo in Deo existunt. Quamquam neque illud quoque omittendum videtur, hominem dici ad imaginem Dei esse conditum, quia omnia naturarum genera, quæ ad quattuor, nimirum ad existentia, viuientia, sentientia, & intelligentia, reduci posse videntur; atque in Deo eminentissima sunt, in homine per participationem esse reperiuntur; vt propterea hominem omnis creaturæ nomine signari testetur B. Gregorius Homil. 29. in Euangelia. Denique sicuti Deus in magno hoc mundo vbique est per essentiam, præsentiam, & potentiam; sic anima hominis in corpore suo, quod microcosmos, id est paruus mundus, nuncupari solet, tota in toto esse perhibetur, & tota in qualibet parte: & ipse homo per imaginationis suæ potentiam, quodammodò vbique, hoc est in qualibet mundi parte, quodocumque ei libuerit, esse ac versari posse videtur. Sanè quòd aliqua Dei similitudo, prout dictum est, in homine reperiatur; præter irrefragabilem diuinæ Scripturæ assertionem, tribus quoque aliis modis aequaliter ab effectibus colligi atque indicari potest. Ac primò, quia homo, quod atinet ad vim eius cognoscitiuam, quodammodò quamdam videtur infinitam habere mentis capacitatem, per quam ad omnes propemodum res cognoscendas habilis atque idoneus apparet, & sciendi desiderio nihil pænè imperscrutatum relinquit. Vnde est illud præclarum Aristotelis dictum primo Metaphys. *Omnēs homines natura scire desiderant.* ac si apertius dixisset: Homo ita natura comparatus est, vt innatum eius sciendi desiderium, tamquam interminatam, quamuis ad omnia, non solùm terrestria, sed etiam cælestia, quodammodò se extendere audeat; numquam tamen ad sciendi finem perueniat. Secundò, quod spectat ad voluntatis humanæ libertatem, videmus eam non tantùm indeterminatè ad omnia ferri, atque ad quælibet particularia & finita bona sese extendere, verùm etiam infinitum quemdam, & quodammodò inexplebilem earundem habere appetitum: vt non immeritò sanctus Bernardus in Serm. 3. de Resurrectione Domini, posteaquam plura aduersus propriam voluntatem scite admodum disseruit, hæc subinerat: *Sed numquid contenta erit hac iniuria? addit adhuc, & quod in se est, omnia quoque quæ Dei sunt, tollit & diripit. Quem enim modum sibi ponit humana cupiditas? Nonne qui per usuram acquirit pecuniam modicam, similiter mundum lucrari conaretur vniuersum, si non deesset possibilitas, si suppleretur voluntati facultas? Dico fiducialiter: nemini, qui sit in propria voluntate, posset vniuersus mundus sufficere.* Hæc & alia multa, quæ ibidem citatus Sanctus de propria voluntate fusiùs prosequitur, tametsi, quatenus diuinæ voluntati aduersantur, execranda sint; nihilominus in eo quòd infinitam quamdam humanæ voluntatis potentiam arguunt, nescio quid diuinum & Deo simile in ea ponere videntur. Quid plura? Nonne constat, humanæ voluntatis appetitum ita esse natura sua inexplebilem, vt non nisi summo bono, quod infinitum est, saturari posse videatur? nonne hoc apertè attestabatur Regius Propheta, quando in Psalm. 16. exclamans, *Satiabor*, dicebat, *cum apparueris gloria tua?* Et sanctus Augustinus lib. 1. suarum Confessionum cap. 1. nonne ad Deum deuotè conuersus protestabatur dicens: *Fecisti nos Domine ad te, & inquietum est cor nostrum donec requiescat in te?* Scimus autem quia naturale est, vt simile appetat ac conquiescat in suo sibi simili. Tertiò, naturalis illa perpetuitatis cupido in hominum animis insita, quid aliud quàm summi Dei æternitatem aliquatenus pro modulo suo æmulari videtur? Denique, quis neget ad Dei imaginem ac similitudinem factum esse hominem, cuius operationes his quæ ad Deo fiunt similes esse conspicimus? Etenim sicut in hoc vniuerso multiplices ac variæ creaturæ inueniuntur, quas Deus in esse quod habent conseruat, & quibus facultatem tribuit exercendi opera & actus singulis proportionatos, ad eosdem ipse tamquam primaria omnium causa concurrens; sic in humano corpore (quod paruum, vt diximus, vocant mundum) multa variaque membra existunt,

sunt, quæ nimirum ab ipsa anima, in qua imago & similitudo Dei est, conferuantur, atque ab eadem operandi facultatem accipiunt. Proinde, quemadmodum Deus operatur omnia in omnibus huius mundi creaturis, eodem ferè modo anima in omnibus sui corporis membris: ita ut ipsa per oculos videat, per aures audiat, per pedes ambulet, &c. ac præcipuè per manus cuncta artificialia, (quæ non minora numero ac varietate in hoc mundo, quàm ipsa naturalia quodammodo esse videntur) ferè ad similitudinem eorum quæ Deus naturaliter facit, efficiat. Ars enim semper, quantum potest, imitatur naturam. Si ergo inter effectus, qui à Deo, & eos qui ab homine prodeunt, aliqua similitudo est, utique oportet quòd etiam sit inter eorum causas efficientes. Sed neque solum anima hominis aliquam habet Dei similitudinem quoad essentiam; verum etiam (licet multo obscuriorem) quoad personarum trinitatem: quandoquidem (ut benè notat Cardinalis Bellarminus super Psalm. 41. vers. 4. in anima mens est intelligens, quasi Pater: & notitia producta, quasi Verbum Patris: & amor à mente per notitiam productus, quasi Spiritus. Et præterea (ut communiter notum est) in anima sunt tres primariæ eius potentia, nimirum memoria, intellectus, & voluntas, quæ tres diuinas personas utrumque repræsentant.

9. Porro quoniam, ut legimus in calce Psalm. 91. *rectus Dominus Deus noster, & non est iniquitas in eo*; ad memoratam quoque imaginem Dei, quæ reperitur in homine, pertinet illud quod dicitur Ecclesiastæ cap. 7. in fine: *Hoc inueni, quòd fecerit Deus hominem rectum*: rectum, inquam, non solum corpore, quod rectà cælum spectare conspicitur, quemadmodum eleganter etiam hisce verbis expressit Ovidius primo Metamorphoseos:

*Pronaq; cùm spectent animalia cetera terram,
Os homini sublimè dedit, cælumque videre
Iussit, & erectos ad sidera tollere vultus.*

sed etiam, & in primis, quod ad animam pertinet, sine vlla iniquitate & inclinatione ad peccatum, ita rectum, ut in cunctis actionibus, veluti erecto ad cælum spiritu, hoc est sine vlla curvitate seu inordinata ad res terrenas deflexione aut retractione, rectà in Deum creatorem suum tendere posset. Supponit ergo ista hominis rectitudo non solum carentiam cuiusvis tortuosæ iniquitatis & peccati, sed etiam actus perfectos, omnes virtutes numeros complentes; & consequenter absolutionem quamdam cunctarum hominis partium ac potentiarum, & conuenientissimam inter eas subordinationem; ita ut in homine neque corpus animam aggrauaret, eiusve operationes vllatenus retardaret; neque in ipsa anima, potentia inferiores superioribus vnumquam reluctarentur; quin potius eisdem ad nutum deseruirent, ac miro quodam nexu iunctæ, inuicem se iuuarent; & denique humana mens ac ratio in omnibus subdita esset Deo, ac legibus ab eo latis. Ex hac humani spiritus rectitudine, quæ nihil incompositum, nihil inordinatum indecorumve admittebat, producebatur in Adam interna illa pax, quæ ipsum etiam in hac vita quodammodo beare poterat. De qua disserens B. Augustinus lib. 1. de Sermone Domini in monte, cap. 4. sic eam describat, dicens: *In pacificis ordinata sunt omnia, nullusque motus aduersus rationem rebellis est, sed cuncta obtemperant spiritui hominis; cùm & ipse obtemperet Deo*. Et suprâ cap. 2. *Pacifici, inquit, in semetipsis sunt, qui omnes animi sui motus componentes, & subiectos rationi, id est, menti & spiritui, carnalèsque concupiscentias habentes edomitas, sunt regnum Dei. In quo ita sunt ordinata omnia, ut ita quod est in homine præcipuum & excellens, hoc imperet ceteris non reluctantibus, quæ sunt nobis bestiisq; communia; atque id ipsum quod excellit in homine, id est mens & ratio, subiiciatur potiori, quod est ipsa Veritas vniigenitus filius Dei. Neque enim imperare inferioribus potest, nisi superiori se ipse subiiciat. Et hac est pax, quæ datur in terra hominibus bonæ voluntatis: hæc vita consummati persequitque sapientis*. Sic B. Augustinus. Denique ista pax quæ in primo homine reperiebatur, facile poterat ostendere, quòd ipse meritò dici posset filius Dei, iuxta illud Matthæi cap. 5. vers. 9. *Beati pacifici, quoniam filij Dei vocabuntur*. & consequenter, quòd ad imaginem & similitudinem Dei factus esset. Siquidem filius, imago dicitur & similitudo patris. vnde de Adamo legimus Genes. cap. 5. vers. 3. *Et genuit ad imaginem & similitudinem suam, vocavitq; nomen eius Seth*.

10. Ex his itaque inferre possumus, primum hominem (quod etiam communiter asserunt Doctores) in gratia, quam vocant gratum facientem, fuisse à Deo creatum, sine qua, prædicta rectitudo mentis, & perfecta sensuum subiectio rationi, consistere non potest. Et consequenter non in puris, ut aiunt, naturalibus fuisse relictum, sed iusti-

tia originali donatum, cuius radix in prædicta humanarum potentiarum ordinatione, & supernaturali subiectione rationis ad Deum, quæ est per gratiam gratum facientem, consistit; ut optime docet B. Thomas par. 1. quæst. 100. art. 1. ad 2. Cum igitur originalis iustitia virtus quadam sit vniuersalis, quæ aggregationem omnium bonorum habituum ad spirituales hominis rectitudinem pertinentium complectitur; utique necessarii infertur, cunctas Adami potentias, ac præcipue primarias, nempe intellectum ac voluntatem, omnibus bonis habitibus fuisse præditas. Habuit ergo Adam intellectum valde perspicacem & illuminatum, qui benè nouerat non modo omnia quæ homo naturaliter scire potest, aut ei nosse conuenit, habens nimirum omnes scientias, cum speculatiuas, tum practicas siue agibiles, artesque ingenuas, sed multa insuper nouit earum rerum, quæ naturalem cognitionem excedunt; illa scilicet, per quæ posset in suum finem supranaturalem tendere: & in summa, callere cuncta poterat, quæ per discursum, tum ex naturalibus, tum ex supranaturalibus principiis sibi à Deo inspiratis deduci ac deriuari possunt: etenim hæc propria est humani intellectus rectitudo, per quam à recta veritatis via aberrare aut detorqueri nequit, & per quam primus homo non solum in huius vitæ necessariis ac conuenientibus sibi suisque corporalium instrumentorum adminiculo prospicere, verum etiam cunctas actiones suas ad finem supranaturalem, hoc est ad cælestem beatitudinem, ad quam se nouerat creatum, consequendam, sine vlllo impedimento ordinare ac dirigere poterat. Porro Adamum habuisse in prima sui creatione perfectissimam hanc rerum scientiam, etiam apertè testatur Ecclesiasticus cap. 17. vers. 5. his verbis: *Et disciplina intellectus repleuit illos: creauit illis scientiam spiritus, sensu impleuit cor illorum, & mala & bona ostendit illis* (loquitur autem ibi de nostris primis parentibus Adamo & Heua.) Sed & ex eo quod Genes. cap. 2. vers. 19. & 20. dicitur, Deum adduxisse cuncta animalia coram Adamo, ut videret quid vocaret ea: colligunt Doctores, Adamum fuisse omni scientia præditum, alioqui non potuisset singulis nomina ipsorum naturis conuenientia imponere. Quod verò attinet ad voluntatem; oportet Adamum hisce potissimum virtutibus fuisse imbutum, mira scilicet erga Deum & ea quæ Dei sunt religione seu pietate, & debita erga proximum iustitia: in his enim Dei & proximi charitas posita esse videtur. Super omnia autem, in vtraque memorata Adami potentia, oportet excelluisse prudentiam singularem; per quam quæ appetenda & quæ fugienda essent non solum sagaciter præcognoscere; sed & illa quidem deligere, hæc verò penitus deuicare posset. Denique iustitia originalis diuinitus Adamo collata, posuit in parte eius sensitua admirabilem temperantiam ac fortitudinem, quibus vis irascibilis pariter ac concupiscibilis, necnon ceteræ quæ ab his procedunt animæ passionēs seu affectiones, maxime frænantur, & in officio siue in debita rectitudine, hoc est sub omni rationis regimine, continentur. Ecce quot quamque eximiis donis naturalibus ac supranaturalibus Adami animus exornauit Deus, ut his aliisque eiusmodi recto tramite posset perpetuò in Deum tendere, ac sine vlllo offendiculo, secundum eius voluntatem ac legem, iugiter ambulare. Ita decuit summum illum rerum Opificem, cuius perfecta sunt opera, hominem condere cum ea animi rectitudine, quæ statui suæ naturæ perfectissimo congrueret. Sed vti iam in ea ipse homo permansisset, & non potius ab ea vltro recedens, se ipsum totamque posteritatem suam in tot tantasque obliquitates, ac miserabiles perniciosasque confusiones pertraxisset; ut etiam ipsismet posteris suis, nimirum infidelibus, primordia generis humani ignorantibus, postea occasionem præbuerit, humanam deplorandi conditionem, quod quodammodo naturaliter ad mala quæque propensior sit, & ad ea quæ recta sunt, non sine magna contentione perducì posse videatur: tamquam si maximum hoc malum, diuinæ largitionis defectu, non autem ex lapsu primi parentis nos perpeti oporteat. Sed quomodo tandem tanto huic hominum infortunio cum magno fœnore gratiarum subuenerit pius & misericors Deus, aliàs dicendum erit.

QUALITER
HOMO FA-
CTVS SIT
IMMORTA-
LIS.

II. Iam verò, quia etiam immortalitatem homini à Deo concessam, iuxta illud Sap. cap. 2. vers. 23. *Deus creauit hominem inexterminabilem*, id est (ut exponit Iansenius) in incorruptione, diximus ad Dei imaginem quæ in homine est pertinere: videntum est, quamam immortalitate homo donatus fuerit. Et primò quidem satis euidens est, non illa quæ soli Deo competit, cuius meminit Apostolus 1. ad Timoth. cap. 6. vers. 16. de ipso Deo dicens: *Qui solus habet immortalitatem, & lucem inhabitat inaccessibilem*, &c. hæc siquidem immortalitas duo includit, quæ nulli creaturæ competere possunt; alterum est æternitas, non solum (ut verbis Theologorum utar) à parte post, sed

sed etiam à parte antè, non enim Deus tantummodò est, eritque, sed etiam fuit semper immortalis: cum autem ipse ab extrà nullam habeat creaturam sibi coeternam, utique sequitur, nullam creaturam à parte antè esse immortalem. Dixi, Ab extrà, quia certum est, in mente diuina, omnia, etiam creata, ab aeterno fuisse: nihil enim noui potest accidere. Alterum est, quòd Deus ita immortalis est, ut neque etiam per diuinam potentiam possit non esse talis; atque hæc quidem impotentia non modò vili in Deo imperfectionem ponit, quin potius singularissimam atque eminentissimam perfectionem; quemadmodum alia huiusmodi, puta quòd non possit peccare, non esse bonus, iustus, omnipotens, &c. At verò creaturæ omnes (ut suprà sub 1. Mundi die, num. 2. dictum est) quantumuis naturam fortitè sint immortalem, ut Angeli, possunt tamen per supremam Dei potentiam aboleri. Ut igitur ad rem veniamus, dicimus, hominem, quantum quidem spectat ad animam, ea immortalitate donatum, quæ communicata est Angelis: etenim anima hominis naturam habet incorpoream & immortalem, sicut & reliquæ intelligentiæ, licet sit inter eas postrema. Quod verò attinet ad corpus, dicimus, Deum fecisse hominem immortalem; quia tamet si corpus habeat naturam suam corruptibile, ex gratia tamen supernaturali habuit humo potentiam non moriendi donec in statu innocentie permaneret: nam aduersus primariam senectutis, necnon interitus naturalis causam, quæ est continua humidi radicalis imminutio atque defectio, ad quam necessarid consequitur, pabulo scilicet deficiente, omnimoda naturalis caloris extinctio, sine quo vita hominis consistere nullo modo potest: prouiderat Deus homini de fructu ligni vitæ, qui ad eumdem humorem reparandum, caloremque refouendum, mirabiliter valebat, ut sub 3. Mundi die, num. 32. dictum est. Ad ceteras verò mortis causas & occasiones, tam extrinsecas quàm intrinsecas, opportuna quoque remedia præparauerat; ita ut homo, pro scientia naturali & prudentia sibi tradita, & ipso in primis Deo ipsum protegente ac dirigente, cunctas præcauere ac deuītare facillime potuisset, si in eodem innocentie statu permanere non detrectasset. Verum tamen, ut primum in culpam lapsus ab eo recessit, eiectusque de Paradiso terrestri, prohibitus est sumere amplius de ligno vitæ; illicò tendere paulatim cæpit ad interitum, amissaque prima illa animi rectitudine, genuit filios eadem labe infectos, qui postmodum ab ea magis ac magis deflecentes, ac semper in deterius prolapsi, eoque tandem iniquitatis ac malitiæ deuenerunt, ut ad exprimendam humani generis maximam peccatorum acerbicatem, Deus ipse, qui natura sua immutabilis est, pœnituisse dicatur fecisse hominem, eumque vniuersali Diluuiò delere decreuerit, ut legimus Genes. cap. 6. Sed hæc pauca de homine factò ad similitudinem Dei hîc tetigisse sufficiat, plura enim reperire apud sacros Theologos quisque pro suo libito poterit.

12. Illud potius hoc loco disquiramus, vbi, & in quamam hominis ætate ac corporis constitutione creatus fuerit Adam. Eo quidem de loco hoc solum affirmare possumus, ipsum non fuisse plasmatum in Paradiso terrestri; nam Genes. cap. 2. vers. 15. hæc habentur: *Tulit ergo Dominus Deus hominem, & posuit eum in Paradiso voluptatis*, &c. Si igitur Deus tulit, seu transtulit hominem, utique de loco in quo eum creauerat, transtulit in Paradisum voluptatis; ergo non in ipso Paradiso illum creauerat, sed alibi: vbi verò, non exprimitur in Sacris litteris; attamen communiter creditur quòd in agro Damasceno, qui à Mesopotamia, in qua Paradisum terrestrem satis probabiliter posuimus, non valde admodum aberat, Quod verò attinet ad ætatem, nemo est qui expressè teneat, Adamum creatum fuisse puerum seu infantem, quemadmodum nascuntur ceteri homines. Nam sicuti Deus plantas & animalia omnia, non paulatim, ut fit naturaliter, singula ad perfectum propriæ naturæ statum perduxit; sed illicò quæque in suo genere perfectissima procreauit, ut suprà dictum est: ita etiam hominem non in puerili aut infantili, sed in iuuenili aut virili ætate, eaque perfectissima fecisse, proculdubio credendum est. Et quidem cum Adamo & Heuæ tunc à Domino dictum sit: *Crescite, & multiplicamini*, &c. oportet illos ex tunc ad minus iam fuisse adultos, & ad generandum aptos. verum quænam fuerit propria Adami ætas quando creatus est, non plene exploratum habemus: quandoquidem sunt qui putant, ipsum tunc ostendisse ætatem annorum circiter triginta quattuor: hæc enim videtur esse perfectior hominis ætas, qualis fuit secundi Adami Iesu Christi Redemptoris nostri, quando hominem perditum sua morte ac resurrectione reparauit: qualis etiam futura creditur ætas iustorum in postrema corporum resurrectione, ut nonnulli colligunt ex illis Apostoli verbis ad Ephes. cap. 4. vers. 13. *Donec occurramus omnes in unitatem fidei, & agnitionis filij Dei, in virum perfectum, in mensuram ætatis plenitudinis Christi*. Alij autem satis ratio-

VBI FACTVS
SIT HOMO.

IN QUA
ÆTATE
FACTVS
FUE-
RIT HOMO.

habilitate existimant, Adamum in iuuenili quidem ætate fuisse conditum, sed eam, habitâ ratione ad longiorem vitam hominum illorum temporum, non ante quinquagesimum annum contingere potuisse. Verum si vita priscorum illorum Patrum decuplo ferè communem horum temporum superabat, & modò iuuentus nonnisi ad trigessimum propè annum peruenire solet, oporteret eam tunc ferè ad trecentesimum pertingere valuisse. Et item, si hodie homines communiter nonnisi circa decimumquintum vitæ annum ad generandum idonei esse videntur, sequeretur, eos olim nonnisi multò post centesimum gignere potuisse: & tamen constat Genes. cap. 5. vers. 15. & 21. Malaleel & Henoch anno sexagesimoquinto genuisse, & fortè etiam multò prius. etenim, vt infra sub anno Mundi 133. num. 3. dicitur, probabile admodum est, illam priscorum virorum progeniem, quæ cap. Genes. citato recensetur, non per primogenitos tantum modò fuisse deductam, sed per eos qui linea recta præcesserant ipsùm Noë, siue primogeniti essent, siue non; siquidem scimus, Moyseu voluisse describere genealogiam ipsius Noë, per quem post Diluuium reparata est totius humani generis propagatio. Quare fateri cogimur, singulas priscorum ætates, puta infantie, pueritie, adolescentie, iuuentutis, & senectutis, non præcisè ad proportionem longitudinis vitæ ipsorum fuisse nostris ætatibus longiores: quanta verò inter illorum nostramque iuuentutem differentia intercesserit, certò definire non possumus. Sed vt cumque sit, sufficit id pro exploratissimo haberi, quod suprà dictum est, videlicet Adamum, quemadmodum animo & corpore in suo genere perfectissimum atque absolutissimum, ita quoque in ætate perfectissima à Deo, cuius perfecta sunt opera, fuisse plasmatum.

13. Vtrum autem corpus Adami valdè excesserit communem humanorum corporum constitutionem seu magnitudinem, quærendum modò est; nempe, an fuerit gigas, vt multi perperam opinati sunt, fabulantes, ipsum mox vt fuit de Paradiso terrestri eiectus, oceanum pedibus transuadasse, atque ad hunc nostrum hemispharium inhabitandum venisse. Sanè Adamum fuisse inter gigantes maximum, probare nititur Io. Lucidus lib. 1. de Emendatione temporu cap. 4. ex Iosue cap. 14. vers. 15. vbi hæc habentur: *Nomen Hebron antè vocabatur Cariath Arba: Adam maximus ibi inter Enacim sius est.* Quòd autem Enacim essent gigantes, manifestè habemus Numer. cap. 13. in fine: *Ibi vidimus monstra quedam filiorum Enac de genere giganteo, quibus comparati, quasi locustæ videbamur.* sed vtique arbitror Io. Lucidum falli. Nam præter id quòd Caietanus ibidem (licet satis audacter) notat Interpretem, quòd non contentus munere interpretandi, etiam Expositoris officio functus sit, præbueritque occasionem fabellæ, quæ circumfertur de primo nostro parente, quòd scilicet in Hebron sepultus fuerit: non desunt alij quoque probati Auctores qui cum eodem Caietano sentiunt, nomen Adam loco citato debere sumi, non quatenus per antonomasiam signat primum omnium parentem; sed quatenus est nomen commune speciei: ita vt sensus Scripturæ eò loci sit, Hebron olim dictam esse Cariath Arba, id est Ciuitatem Arba; eò quòd Arba, qui illic inter filios Enacim erat sepultus, maximus homo fuerat. Eodem ferè modo eundem locum exponit Cardinalis Toletus super Ioan. cap. 19. anhot. 12. Neque item certum est, Scripturam voce illa, maximus, magis indicare voluisse corporis proceritatem, quàm quid aliud; potest enim, vt multis placet, rectè accipi, maximus, dignitate, aut nominis celebritate, aut virtute, aut aliqua alia excellenti prærogatiua. Vnde quidam (vt refert ibidem Lyranus) putant Scripturam maximi hominis vocabulo intellexisse Abrahamum, quem constat sepultum fuisse in Hebron, Genes. cap. 25. vers. 9. & clariùs cap. 23. vers. 19. & sic inter illius terræ gigantes. Nemo est autem qui nesciat, Abrahamum non gigantem, sed magnæ virtutis virum extitisse, & inter Patriarchas maximum; præsertim propter tot tamque præclaras sibi factas à Deo repromissiones, & in femine suo impletas. Obstat insuper Ioan. Lucido & sectatoribus eius, editio lxx. Interpretum; & præcipuè illa, quæ Romæ anno salutis 1588. quàm diligentissimè castigata & correctæ prodiit, quæ citatum Iosue locum multo aliter interpretatur, & nullam prorsus Adami mentionem facit. inquit enim: *Nomen autem ipsius Chebron erat antea Ciuitas Argob, metropolis ipsorum Enacim hæc.* Postremò, quod magis vrget, existimare Adamum fuisse gigantem, repugnat & rationi, & sacræ Scripturæ. Rationi; quia ratio suadet, Adamum fuisse à Deo conditum, sicut animo rectum, vt patet Ecclesiastici cap. 7. sic etiam corpore perfectæ magnitudinis, qualis ea esse creditur, quæ in perfectæ ætatis hominibus communiter reperiri solet, non autem corpore giganteo, quod loco Numer. adducto, Scriptura sacra monstris comparare non abnuuit. Ecquis verò asserere audeat, Deum, qui perfectissimus est in omnibus operibus suis, fecisse pri-

NVM ADAM
FVERIT GI-
GAS, ET CV-
IVS STATV-
RAE.

primum hominem corpore monstrosum? Repugnat etiam Scripturæ sacræ, quæ Genes. cap. 6. satis aperte insinuat, non prius in mundo gigantes extitisse, quam ex quo primum filij Dei, id est, viri iusti, nimirum progeniti ex Seth, ingressi sunt ad filias hominum, hoc est, acceperunt sibi uxores de prava sobole Caini, vt mox suo loco dicitur. Quod autem ipse Adam non fuerit circumciscus, nec idololatra, vt aliqui perperam opinati sunt, sed fuerit Propheta, affirmat S. Epiphanius, non longè ab initio sui Panarij. Certè Adamum prædixisse duos vniuersales rerum interitus mox futuros, alterum diluuium, incendio alterum, de quo meminit S. Petrus in sua secunda Canonica, scriptum reliquit Iosephus 1. Antiq. cap. 3.

AN ADAM
FVERIT CIR
CVMCISCVS,
ET IDOLOLA
TRA, ET PRO
PHETA.

14. Eodem tempore, videlicet vt primum plasmatus fuit. Adam, tulit eum Dominus, & posuit in Paradiso voluptatis, quem ad hoc plantauerat; de quo plura superius dicta sunt; vt operaretur & custodiret illum, Genes. cap. 2. vers. 15. vt (inquam) operaretur, non operatione laboriosa & molesta, aut ad paranda sibi victui necessaria, sicuti post lapsum, quando audiuit, *Maledicta terra in opere tuo; in laboribus comedes ex ea cunctis diebus vitæ tuæ. Spinæ & tribulus germinabit tibi, & comedes herbam terræ. In sudore vultus tui vesceris pane, donec reuertaris in terram de qua sumptus es; quia pulvis es, & in pulverem reuertèris*, Genes. cap. 3. vers. 17. sed vt deliciosè operaretur, & magna cum animi voluptate, quemadmodum de multis Regibus & Principibus proditum est; qui ex agri, seu vinearum hortarumve cultura, maximam percipere solebant oblectationem. Vide quæ de agriculturæ deliciis, cum temporalibus tum spiritalibus, tangit sanctus Augustinus lib. 8. de Genes. ad litteram cap. 8. & intelliges, quàm iucundum fuerit, ante culpam Adamo operari in Paradiso terrestri. Porro si quis recolat absolutum, propè imperium ac dominium, quod idem Adam habebat super cuncta animalia, quæ ei ad nutum parere non recusabant; quemadmodum postea nonnumquam visum est, contigisse quibusdam sanctis viris, puta sancto Francisco, & sancto Antonio, quem Patavinum vocant; non quod in ea vrbe natus, sed quia ibi mortuus ac sepultus est; quibus pisces auctique paruisse; & sancto Blasio aliisque Sanctis etiam feras ipsas obtemperasse legimus: si quis (inquam) hæc & huiusmodi ad memoriam reuocet, cognoscet non operofum aut molestum fuisse Adamo, custodire Paradisum ad beatus iucundum volatilibus celi, quippe qui sine vlllo negotio posset iucundam quamdam in eis iurisdictionem exercere, & quasdam quidem ad edendos aliquos illius loci fructus, antequam marcescerent, admittere; quasdam verò ab his aliisque arcere prout ei bonum opportunumve videbatur.

ADAM AD
QVID IN
PARADISO
TERRESTRI
POSITVS.

15. Quomodo autem tulerit eum Dominus, an ministerio Angeli, quemadmodum Raphaël deducebat Tobiam; an quo pacto Angelus apprehensum per capillos Habacuc, in impetu spiritus portauit in Babyloniam, vel potius quo modo Spiritus Domini rapuit Philippum, transtulitque eum in Azotum; & sicuti diabolus assumpsit Iesum, & statuit supra pinnaculum Templi, superfluum est disquirere; cum nec sciri possit, nec scire quidquam referat. Quamquam satis probabiliter dici potest, quod si locus, in quo plasmatus fuerat Adam, erat valde vicinus Paradiso terrestri, vtique credibilis est, Adamum, sicuti à Raphaële Tobias, fuisse illuc veluti manu deductum ab eo Angelo, per quem postea non semel locutus est ei Deus; puta, quando præcepit ei ne de ligno vetito comederet; & quando vocauit eum, *Vbi es? Quare hoc fecisti?* &c. Si autem longè admodum distabat locus ille à Paradiso; necesse est dicere, Adamum fuisse eò translatus vno ex aliis prænarratis modis, aut aliquo alio simili, siquidem oportet modicum sanè tempus in hac translatione insumptum esse, vt superesset Adamo tempus ad alia eodem die peragenda, de quibus deinceps dicturi sumus.

QVOMODO
IN EVM
TRANSLA
TVS.

16. Porro in Paradisum terrestrem adduxit Deus cuncta animantia terræ & volatilia celi ad Adamum, vt singulis ipse nomina imponeret. non sunt autem adducti pisces, tum quia sine singulari miraculo id fieri non potuisset; tum verò maxime, quoniam non videbatur tunc necessaria illa nominum impositio piscibus, vtpote qui in aquis delitescerent, nec ita frequenter videndi essent ab hominibus, præsertim primæ mundi ætatis, vt oporteret eos propria habere nomina, quibus in cõmuni colloquutione distingui ac significari possent, quemadmodum vsu venire poterat de ceteris animalibus, quæ in terra & in aère versantia, frequentius ab hominibus videnda erant. Non etiam videtur fuisse necessarium, quod ad Adamum adducerentur omnia animalia, quæ ex putri materia nascuntur; quoniam constat plura iisdem ferè nominibus appellari, quibus illa eiusdem generis, quæ ex propagatione generantur. Putant verò Doctores, ani-

CVR ANI
MALIA AD
ADAMVM
DVCTA.

malia ducta fuisse ad Adamum, non solum (quemadmodum exprimitur in littera) vt eis nomina imponeret, atque hoc pacto etiam tantorum diuersitate vocabulorum primum illud hominum idioma locupletaret, quod postea, nisi homo peccasset, in omni humana progenie, & pariter in cunctis terrarum plagis perpetuo & vniformiter perseuerasset: sed etiam aliis de causis, puta, ad augendas illius Paradisi delicias, & vt Adam ex ipsorum animalium aspectu & contemplatione intelligeret, quantum ipse cunctis Dei beneficio præstaret, atque idcirco ad debitas ei gratias exoluendas magis ac magis incenderetur. Item, vt quia cuncta propter ipsum condita fuerant, ipse ea quodammodo tamquam dominus seruos suos præsens dignosceret, & ipsa pariter eum veluti proprium dominum recognoscerent. Et præterea, vt, Adam videns in singulis ipsorum speciebus adesse marem & feminam generationis adiutricem, ipse intelligeret, idem necessario in humana quoque specie fieri oportere; & forte propterea subdit Scriptura: *Adæ verò non inueniebatur adiutor similis eius*, nimirum ad gignendam prolem, sicuti in ceteris videre erat animalibus; & continuo subnectit Heuæ creationem.

QUOMODO
ANIMALIA
AD ADA-
MVM PER-
DUCTA.

17. Porro si hanc animalium coram Adamo coadunationem miraculose, & vel vnicò instanti vel modico temporis spatio factam fuisse concesserimus, poterit etiam admitti, totum hoc negotium, nempe tam ipsorum animalium conuocationem, quam nominum impositionem, ante creationem Heuæ fuisse peractam. At si (quod magis credibile videtur) sine miraculo vtrumque factum fuit: necesse est dicere, quòd Deus, posteaquam transtulit Adamum in Paradisum terrestrem, eò etiam adduxit cuncta animalium genera, siue Angelorum ministerio, siue interiori quodam instinctu & impulsu ipsis animalibus tunc immisso, vt putat sanctus Augustinus lib. 9. de Genes. ad litteram cap. 14. vbi ait, quòd *iussio Dei peruenit non solum ad homines, nec solum ad aues & pecora: verum etiam ad ea quæ sub aquis latent, sicuti ad cetum, qui glutiuit Ionam. Nec solum ad ista maiora, verum etiam ad vermiculum: nam & huic legimus diuinitus iussum, vt radicem cucurbitæ roderet, sub cuius umbraculo Propheta requieuerat.* Sic ille. Si, inquam, non per miraculum, & pænè in instanti, sed quodammodo naturaliter, hæc animalium coadunatio ad Adamum, modo proximè exposito, facta est; potuit certè Adam non solum illicò ante creationem Heuæ, sed etiam post, prout opportunum ei videretur, considerata & benè perspecta ipsorum natura, singulis congruentia nomina imponere: Quo supposito, dicere oportet, verba illa Genes. cap. 2. vers. 19. *Omne enim quod vocauit Adam animæ viuentis, ipsum est nomen eius; appellauitq. Adam nominibus suis cuncta animantia, & vniuersa volatilia celi, & omnes bestias terræ.* proculdubio tamquam per anticipationem dicta intelligi debere.

HEVA QVAN
DO CREATA.

18. Eodem die sexto necesse est formatam fuisse Heuam, nam quòd facta fuerit post Adamum, præter id quod manifestè series ipsa Historiæ sacre, quæ traditur Genes. cap. 1. & 2. declarat, etiam expressius asserit Apostolus 1. ad Timoth. cap. 2. vers. 13. dicens: *Adam enim primus formatus est, deinde Heua.* Quòd autem non fuerit facta die septimo, vt perperam creditit Catharinus, patet, quia Genes. cap. 1. vers. 27. vbi dicitur: *Masculum & feminam creauit eos*, post pauca subiungitur: *Viditq. Deus cuncta quæ fecerat, & erant valde bona, & factum est vespere & mane dies sextus.* Ex quibus verbis, manifestè inferitur, tum ipsam Heuam, tum reliqua omnia eodem die sexto fuisse absoluta. Nec obstat quod Genes. cap. 2. vers. 2. legimus: *Compleuitque Deus die septimo opus suum.* quia ibi illud, *die septimo*, proculdubio intelligi debet exclusiue, & idem est ac si dixisset, in fine sexti. non enim absolute dicit: *Compleuitque Deus die septimo opus suum.* sed continuo addit, *Quod fecerat.* subaudi diebus sex præcedentibus; statimque subiecit, *Et requieuit die septimo ab vniuerso opere quod pararat.* Igitur sex diebus omnia facta sunt, & die septimo cessauit Deus ab omni opere, vt ex sacra Genesi iam probatum est, & clarius exprimitur Exodi cap. 20. vers. 9. vbi præcipit Moyses Hebræis, vt sex diebus faciant opera sua; in septimo autem cessent ab omni opere, & subiungens causam: *Sex enim, inquit, diebus fecit Dominus calum, & terram, & mare, & omnia quæ in eis sunt; & requieuit in die septimo.* ergo euidentissimè consequitur, etiam ipsam Heuam non die septimo, sed sexto fuisse creatam.

HEVA VBI
CREATA.

19. Non autem ita clarum est, vbinam formata sit Heua; videlicet num in eodem loco, in quo factus fuerat Adam, vt quodammodo insinuari videtur Genes. cap. 1. vers. 27. illis verbis: *Ad imaginem Dei creauit illum, masculum & feminam creauit eos.* Et sentiunt Iosephus 1. Antiq. cap. 1. & Tertullianus lib. 2. contra Marcionem. & Rupertus lib. 2. de Trinitate & operibus eius cap. 32. Nam è contrario communis Scholasticorum

sticorum opinio super 2. Sententiarum distinct. 18. & in prima parte B. Thomæ quæst. 162. art. 4. est, quòd Heua formata sit in Paradiso terrestri. Quod etiam sentit S. Basilius Homil. 11. in Genes. quæ est de Paradiso, & videtur quoque evidentissime colligi posse ex continuatione historiarum, quæ in Genesi describitur. Nam cum cap. 1. vers. 27. dictum esset: *Et creavit Deus hominem ad imaginem & similitudinem suam.* post eam cap. 2. vers. 15. dicitur: *Tulit ergo Dominus Deus hominem, & posuit eum in Paradiso voluptatis, ut operaretur & custodiret illum.* & paulò infra, cum dictum esset: *Non est bonum hominem esse solum, faciamus ei adiutorium simile sibi.* & non multò post: *Adæ verò non inveniēbatur adiutor similis eius.* statim subiungitur: *Immisit ergo Dominus Deus soporem in Adam; cumq; obdormisset, tulit unam de costis eius, & replevit carnem pro ea, & edificavit Dominus Deus costam, quam tulerat de Adam, in mulierem, & adduxit eam ad Adam.* Ecce quomodo ex ipsa quoque Sacri textus serie videtur posse colligi, primam mulierem in Paradiso terrestri fuisse formatam. Quod si verum est, utique præalligata Genes. verba, *Masculum & feminam creavit eos*, accipienda sunt, tamquam per anticipationis figuram dicta, & ad insinuandum, quòd etiam ipsa Heua eodem die facta fuit, quo Adam, licet non continuò post ipsum, neque in eodem loco, neque eodem modo, ut dictum est.

20. Ceterum de plasmine mulieris, quòd ad eius animam spectat, nihil in Sacro textu expressum habemus. Vnde supponendum est, Deum in eius creatione, corpori- que infusione, nihil diuersum egisse ab eo quod fecerat in ipsa viri anima procreanda, corporique copulanda. Etenim certum est, ipsam pariter Heuæ animam ad imaginem Dei fuisse factam, rationalem, æternæ beatitudinis capacem, atque iisdem dotibus ac privilegiis exornatam, sicut fuerat anima Adami. Quod etiam satis apertè colligi potest Ecclesiastici cap. 17. vers. 5. vsque ad 13. ibi enim Scriptura sacra nihil discreuit inter dona concessa Adamo & Heuæ, sed eadem utrique pariter collata fuisse commemorat. Vnde patet, mulieris animam, eiusdem nature cum anima viri creatam esse, & consequenter, eadem ratione, hoc est, per modum infussionis, corpori, ad ipsum viuificantium, esse inditam. Hoc sanè item videntur indicare ea Genes. verba quæ habentur cap. 1. vers. 27. *Et creavit Deus hominem ad imaginem suam, ad imaginem Dei creavit illum, masculum & feminam creavit eos.* Quo planè loquendi modo Scriptura sacra insinuat, tam Heuam quàm Adamum ad imaginem Dei fuisse creatos; & nullam auctoritatem inter eos existitisse differentiam, nisi quòd alter ipsorum masculinum sortitus est sexum, alter femineum: quæ differentia potissimum corporea est, ut paulò post ex Aristotele ostendemus. Præterea B. Thom. sup. cap. 3. ad Colof. lectione secunda dicit: *Innovationem diuinæ imaginis in homine, quæ per innovantem Christi gratiam facta est, esse communem omnibus; quia facta est secundum aliquid, quod convenit omnibus; nimirum secundam mentem; alias, inquit, non pertineret ad hominem in quantum homo.* Et post pauca, exponens illa Apostoli verba, quæ ibidem in Sacris quibusdam exemplaribus (tameñ non in omnibus) reperiuntur, videlicet, *ubi non est masculus & femina.* subiungit: *quia non differunt mente, sed secundum sexum corporeum.* Sic ille. Quòd autem hæc sexus differentia non sit essentialis, docet Aristoteles lib. 10. Metaphys. cap. 8. siue text. 25. dicens: quòd masculus & femina, animalis propriæ sunt passionēs; sed non secundum substantiam, verum in materia & corpore. Quapropter idem semen aut mas sit, aut femina, aliqua passione affectum. Siquidem, ut ibi exponit B. Thom. cum fuerit calor eius operans, fortis, fiet masculus; cum autem erit debilis, fiet femina. Igitur non differt femina à viro substantialiter, sed accidentaliter, ratione corporis, in aliquibus membris diuersimodè conformati: sicut differt nasus concavus à simo, ut idem Aristoteles eiusdem lib. cap. 5. docet. Constat ergo, virum muliere præstantiorem dici potissimum ratione sexus, non ratione speciei, quæ eadem in utroque est; quandoquidem vterque veraciter homo est & nuncupatur. Vtrum autem aliqua ex parte forsitan etiam perfectior dicenda sit anima viri quàm mulieris, haud ineptè, ut arbitror, quæri potest. Non quòd, an vir magis homo sit quàm femina, disputare velimus, cum clarum sit ex Philosophorum dogmatibus, & præsertim Aristotelis in prædicamentum substantiæ tex. 12. substantiam non recipere magis & minus, sed quia fieri potest, ut anima viri perfectioribus quibusdam habitibus donata fuerit. Et quidem si ab exterioribus actibus humanis licet de intimis eiusdem animæ potentiis iudicium ferre, cum perspicue videamus, viros, veluti suapte natura, ad præclariora quæque negotia, quantumvis ardua ac difficillima, promptè capienda, fidenter suscipienda, probè gerenda, ac denique feliciter expedienda, admodum præstare mulieribus; & inter

DE ANIMAE
MULIERIS
CREATIONE.

UTRUM ANI
MA VIRI
PERFE-
CTIOR SIT
ANIMAE M-
ULIERIS.

ter ipsosmet quoque viros, alios aliis esse sublimioris ingenij ac virtutis; certè manifestum fit, esse in hominibus quosdam perfectionis gradus, & in his, præcipuè inter virum & mulierem, vniuersaliter loquendo, nonnihil distare, ac proinde credi posse, primarias animæ potentias, nempe intellectum & voluntatem, & consequenter ipsam animam, nonnihil in viris esse perfectiorem, hoc est perfectioribus habitibus præditam. Ex alia verò parte, videntur etiã fatis rationabiliter memorati effectus ad organa tantum posse referri, quòd nimirum ea meliora aptiorave sint in viris, quàm in mulieribus. Et nihilominus, non propter hoc tantum videtur ordo rerum tum naturalis tum diuinus virum prætulisse mulieri eo modo quo declarat Apostolus 1. ad Corinth. cap. 11. vers. 3. dicens: *Volo autem vos scire, quòd omnis viri caput Christus est: caput autem mulieris, vir: caput verò Christi, Deus.* quia hæc Apostoli verba valde absoluta & vniuersalia sunt, nec sanè plurimas excipiunt mulieres, quas ex earum operationibus, constat habere organa intellectualia longè perfectiora, quàm multi habeant viri. Igitur tutius dicendum videtur, Deum quidem nihil essentiale, & consequenter nec ad diuinæ gratiæ in hac vita, gloriæque in futura percipiendæ habilitatem inter virum & mulierem discreuisse; sed tamen, diuinæ eius ordinatione sic exigente, vel fortè etiam in pœnam peccati primæ mulieris, quæ prius exemplo, mox item suasu induxit primum hominem ad diuini præcepti transgressionem, voluisse, vt in hoc mundo vir caput esset mulieris, hoc est, vt mulieres subditæ essent viris; sicuti videmus interdum, viros ingenio ac virtute nihilo inferiores parere aliis, qui ratione officij aut status præfident. De cetero in æterna illa, quam expectamus, vita, sicuti certum est, aliquos viros etiam Angelis natura perfectioribus, ac specie differentibus, singulari quodam Dei beneficio fore præferendos; vt pote non minùs illis diuinæ gratiæ gloriæque capaces, & constat non Angelum, sed hominem ad hypostaticam Dei vniõnem fuisse assumptum, & S. Ioan. Chrysostomus Homil. 3. in Epistolam ad Rom. SS. Apostolos Petrum & Paulum in supremo Angelorum ordine, hoc est, inter Seraphim collocaſse visus est; quod & dē S. Ioanne Baptista aliisque alijs piè crediderunt: ita non inconuenit, quasdam quoque mulieres diuino munere non viris tantum, sed ipsis etiam Angelis posse potuisse multò perfectiores ac præstantiores euadere; quemadmodum euenisse Deiparæ Virgini dubitare nemo debet. Sed hæc accuratius discutere, non est præsentis negotij. Videat qui vult, plura, quæ in hoc genere subtiliter eruditeque disserit Annibal Guafcus in disputatione De humanarum animarum æqualitate.

DE CORPO-
RIS HEVÆ
CREATIO-
NE.

21. Dicamus nunc aliquid de corpore ipsius Heuæ, quod ab ipso Adami corpore non in aliqua dumtaxat membrorum conformatione; sed etiam in materia ipsius proxima, constat fuisse diuerſum. Etenim non de limo terræ, sicuti illud, immediate factum fuit: verum ex vna de costis Adami, carne scilicet cooperta, vt posset veridica esse eiusdem Adami sententia, quam de ipsa muliere protulit, dicens: *Hoc os ex ossibus meis, & caro de carne mea.* Siue costa illa fuerit corpori eius superuacanea, & tantummodò ad formandam ex ea mulierem superaddita, vt multi putant: siue, vt alij, reuerà fuerit vna ex necessarijs, pro qua postea alteram priori similem Deus ipse supplauerit. Sed quia Sacer textus Genes. cap. 2. vers. 21. aperte dicit: *Et repleuit carnem pro ea.* Considerandum est, num fortè Deo placuerit, Adami corpus vna deinceps costa caruisse, ad præsignandam animi eius imbecillitatem; & vt intelligeremus, non esse mirandum, quòd occasione mulieris, talem in corpore defectum ferret, qui postea, propter eandem ab illa etiam animi perfectione in qua conditus fuerat, deficere non est veritus. Decuit autem primam mulierem de viro fieri, non verò contrà; ad commendandam ipsius viri dignitatem, & ad declarandum, quòd, vt ex Apostolo præcedenti numero diximus, Mulieris caput est vir. Et ibidem paulò post subditur: *Vir imago & gloria Dei est, mulier autem gloria viri est.* Non enim, inquit, *vir ex muliere, sed mulier ex viro. etenim non est creatus vir propter mulierem, sed mulier propter virum;* nempe, vt esset ei in adiutorium ad procreandam, nutriendam alendamque prolem; immò etiam ad educandam, præsertim femineam; & masculinam quoque antequam ad adultam perueniat ætatem. Porro conuenienter admodum immisit Dominus altum soporem in Adamum; vt vel sic hebetato, ac veluti obtupefacto sensu tactus, sine dolore auelli ab eius latere costa posset. & item vt in ipso somno, veluti in ecstasim raptus, intelligeret, non modò Heuam de latere suo formatam (quod postea expegefactus enuntiavit dicens: *Hoc os ex ossibus meis, & caro de carne mea; hæc vocabitur virago, quoniam de viro sumpta est. Quamobrem relinquet homo patrem suum, & matrem, & adheret uxori suæ, & erunt duo in carne vna.*) sed & insuper penetraret mysterium, quod in hoc facto latebat, & post multa

CVR SOPOR
IN ADA-
MVM IM-
MISSVS.

multa tempora manifestatum fuit ab Apostolo, ad Ephes. cap. 5. vers. 32. vbi postremis præcatis Adami verbis statim subiungit: *Sacramentum hoc magnum est, ego autem dico in Christo & in Ecclesia.* apertè nobis insinuans, ipsam Heuam de costa Adami dormientis formatam, & postea eidem coniugio copulatam, sine dubio præfigurasse fidei Ecclesiam, ex latere Christi in cruce defuncti aperto eductam atque adificatam (inde enim Sacramenta nouæ Legis dimanarunt, quæ gratiam conferunt, & per quæ omnis vera iustitia vel incipit, vel incepta augetur, vel amissa reparatur, vt tradit Concil. Tridentinum sess. 7. de Sacramentis) vel etiam ad præfigurandam eandem Ecclesiam, quæ nuptiis spiritualibus, per eadem Sacramenta eidem Christo in hac vita quidem desponsatur, vt perfectius deinde in altera ipsi pariter Christo, tamquam virgo casta & sine ruga exhiberi, vinculoque indissolubili copulari atque vniri in perpetuum possit.

22. Illud verò etiam obseruandum est, Heuam duplici vocabulo ab eius viro fuisse appellatam: primò namque dicta est Virago, quòd de viro sumpta esset, Genes. cap. 2. vers. 23. Dein cap. sequenti vers. 20. vocata est *Heua*, eò quòd mater esset (subaudi, futura) *cunctorum viuientium*. prior nominis etymologia à proprietate præterita; posterior, à futura desumpta est: quia nimirum illa mulier, prima erat mater omnium hominum, qui singulariter & per excellentiam dicuntur viuentes, quòd præ ceteris animantibus nobiliori atque excellentiori vita viuant. Prima eius nominis impositio creditur facta illicò ac coram Adamo statuta fuit. altera, postquam audiuit: *Terra es, & in terram reuerteris.* vt ait S. Epiphanius lib. 3. Hæresi 78. post medium. Et quoniam idem Sanctus ibidem subiungit: *Et mirum est, quòd post transgressionem hoc magnum cognomen habuit.* Et reuerà mirandum videtur, quòd mulier posteaquam causa mortis fuit cunctis hominibus, appellata sit mater viuientium: nec citatus auctor vllam huius rei affert causam. Posset fortasse dici, vel id esse dictum per antiphrasim, sicuti quidam rex Ægypti, qui propriam matrem interfecerat, Philometer, hoc est matris amator nuncupari voluit. Vel Heuam ironice appellatam, hoc est matrem viuientium, hominum scilicet iam ex tunc amissa immortalitate breuem ac miserabilem vitam ducere incipientium. Nisi fortè magis expediat dicere, Adamum, qui (Deo reuelante illis verbis serpenti denunciatis: *Inimicitias ponam inter te & mulierem, & ipsa conerit caput tuum.*) redemptionem mundi futuram didicerat; spiritu prophetico appellasse vxorem suam, etiam post lapsum, matrem viuientium; quoniam ex ipsa vtique, per carnalem propagationem, prodituri erant etiam illi omnes, qui postea virtute passionis Christi ad beatam æternamque vitam perducendi erant. Ceterum ex hac duplici primæ mulieris nuncupatione, creditur proditiisse vsus binominæ appellationis, præsertim in mulieribus, vt pater de Sara, quam quidam putant alio nomine dictam fuisse Iseam; & de Esther, quæ etiam Edissa dicebatur, Esther cap. 2. vers. 7. & de aliis.

23. Sanè de Adamo & Heua, antequam laberentur in culpam, subdit Scriptura sacra Genes. cap. 2. in fine, quòd erant ambo nudi, & non erubescabant. Ex quibus verbis licet intelligere, quàm venusta specie & bona corporis habitudine essent præditi, & quanta ipsorum esset (non quidem naturæ ipsius vi, sed quemadmodum asserit Catechismus Romanus parte prima cap. 2. num. 19. diuino beneficio) impassibilitas, quippe qui neque ad contegendam vllam eorumdem maculam, neque ad ipsorum corpora vllis monilibus exornanda, neque ad protegendum se à frigore, æstu, aliisque cæli iniuriis, vllò prorsus vestium vsu indigerent. Et quanta item esset ipsorum animi puritas, & potentiarum eius integra subordinatio, ita vt nullum in se motum experirentur, cui verecundia deberetur, nihilque velandum putarent, quòd nihil refranandum haberent; & denique nullam legem sentirent in membris suis, repugnantem legi mentis suæ. Quæ omnia ex singularibus illis animorum dotibus, quæ Dominus eisdem, quando ad imaginem suam eos condidit, cælitus præstiterat, emanasse certissimum est; nimirum ex iustitia originali, animi & corporis rectitudine, immortalitate, aliisque eiusmodi, de quibus nos suprà num. 6. vsque ad 10. multa disseruimus; & num. 18. eadem vtrique, nimirum Adamo pariter & Heuæ communicata fuisse, satis euidenter probauimus: constat autem quòd easdem dotes numquam amissi sent, si admirabilem illum innocentie statum, in quo creati fuerant, perpetuò retinere studissent. Sed iam ad vltiora procedamus.

24. Creatis in tam felici statu Adamo & Heua, iisdemque tot ac talibus animi corporisque dotibus decoratis ac nobilitatis, hæc Deum addidisse comperimus. Primò, specialiter benedixit humano generi: est autem in Deo, benedicere, idem quod benefacere,

DE DVPLICI
NOMINE
PRIMÆ MV-
LIERIS.

NVDITAS
PRIMORVM
PARENTVM
QVID AR-
GVERET.

BENEDICE-
RE QVID
SIGNIFI-
CET.

cere, iuxta illud Psal. 144. vers. 16. *Aperis tu manum tuam, & imple omne animal benedictione.* & eodem ferè modo accipitur etiam in hominibus, quando scilicet maiores benedicunt minoribus, vel precando eis aliqua bona: sicuti quando Isaac Genes. cap. 27. vers. 28. benedicens filio suo Iacob, dicebat: *Det tibi Deus de rore celi, & de pinguedine terra abundantiam, &c.* vel boni aliquid tribuendo, vt ibidem, quando ipse Isaac eidem Iacobo primatum in domo sua dedit, dicens: *Esto dominus fratrum tuorum, &c.* & propterea olim maiorum benedictiones plurimi à minoribus fieri, & admodum ambiri solebant. Sed & interdum, etiam ipsamet dona, quæ cuius conferri contingeret, benedictiones dicebantur, vt patet 1. Reg. cap. 25. vers. 27. vbi Abigail ferens munera Dauidi, ait: *Quapropter suscipe benedictionem hanc, quam attulit ancilla tua tibi domino meo, &c.* & Genes. cap. 33. vers. 11. Iacob munera offerens fratri suo Esau, dicit: *Suscipe benedictionem quam attuli tibi, & quam donauit mihi Deus tribuens omnia.* vbi manifestè apparet, benedictionis nomine vocari munera, quæ à Deo ipse acceperat, & conferebat fratri. At verò quando nos benedicimus maioribus, puta Sanctis, & præcipue Dēo, tunc benedicere, videtur vsurpari pro, laudare, vt idem sit dicere (Danielis cap. 3. vers. 58.) *Benedicite angeli Domini Domino*, quod ibidem clariùs explicatur subsequentijs verbis, *Laudate & superexaltate eum in secula.* Laudamus autem Deum, siue nos ipsi, siue per alios, tum quia ipse ob eminentissimas eius perfectiones dignus est omni laude; tum verò etiam, vt vel sic pro suis benedictionibus donisque collatis, aliquas ei rependamus gratiarum actiones. Et hoc fortè est, quod innuere visus est Regijs Propheta in Psalm. 117. vers. 1. dicens: *Confitemini Domino quoniam bonus, quoniam in seculum misericordia eius.* id est, Laudate Deum propter bonitatem, aliasque infinitas perfectiones suas; & item propter multa eximiaque beneficia, quæ ab eo quotidie supra meritum vestrum misericorditer accipitis. Igitur quando Deus (vt superius dicebamus,) benedixit Adamo & Heuæ, benefecit eis, conferens ipsis singulares benedictiones, hoc est, singularia quædam beneficia, & præcipue illa tria, quæ Genes. cap. 1. vers. 28. & sequentibus speciatim explicantur. Nam primò, dicens: *Crescite & multiplicamini, & replete terram.* tribuit eis fecunditatem; id est, propagandi seu multiplicandi appetitū pariter ac facultatem, vt habitatoribus impleant terram. Atque hæc quidem benedictio communicata item fuerat ceteris animalibus, quæ pariter, vi istius benedictionis, naturali quodā appetitū & impulsu ad generationem impelluntur. Non autem data est plantis, quoniam terra, quæ iussu Domini, Genes. cap. 1. vers. 11. eas primitus mirabiliter germinauit ac produxit, postmodum solis calore & celi rore imbuta, recipiendo pariter ac fouendo quod ex ipsismet plantis naturaliter decidit semen, sola sine comite aut alio coitu eas multiplicare naturaliter potest. Dedit deinde Deus eidem generi humano quoddammodò absolutum super cuncta terræ animantium dominium, & pænè omnimodam potestatem, ibidem subdens: *Et dominamini piscibus maris, & volatilibus celi, & vniuersis animantibus, quæ mouentur super terram.* Tertiò, indicauit ipsi Adamo & Heuæ se dedisse omnem herbam, & arborum fructus, ac semina, in escam vniuersaliter, tam ipsis eorumque posteris, quam reliquis animantibus, dicens: *Ecce dedi vobis omnem herbam afferentem semen super terram, & vniuersa ligna, quæ habent in semetipsis sementem generis sui, vt sint vobis in escam, & cunctis animantibus terra, omniq; volucris celi, & vniuersis quæ mouentur in terra, & in quibus est anima viuens, vt habeant ad vescendum.* Nec obstat, hæc omnia haberi in cap. primo Genesis, creationem verò Heuæ in secundo: quia hoc accidisse per figuram anticipationis, clarè inferitur ex littera, quæ ibidem quoque, videlicet cap. 1. etiam aliquatè anticipat mentionem facere creationis Heuæ, dicens: *Masculum & feminam creauit eos.* Et subinde profequitur, quæ suprà de benedictione generis humani retulimus, semperque loquitur in numero plurali: *Benedixitq; illis. Crescite & multiplicamini, & replete terram. Dominamini piscibus maris, &c. Ecce dedi vobis.* & quæ sequuntur. Ex quibus manifestè apparet, omnia hæc dicta esse post Heuæ creationem. Post memoratas benedictiones iniunxit Deus primis hominibus præceptum de ligno scientiæ boni & mali non comedendo; de quo licet non desint, qui illud datum putent Adamo tantum, ante creatam Heuam, vt ex ipsa Latini textus serie Genes. cap. 2. vers. 15. vsque ad 19. videtur posse colligi, à qua sine alio eiusdem Scripturæ textu aliter docente, aut sine sufficienti ratione non est discedendum: attamen probabilius videtur, vtrique fuisse denuntiatum, quod vtrumque pariter obligabat, & pro cuius transgressione vterque simul deinde punitus fuit: præsertim cum in eodem textu Genes. cap. 3. vers. 1. clarè id expressum habeamus illis verbis: *Cur præcepis vobis Deus, &c.* & vers. 3. *De fructu verò ligni,* quod

DIVINA BENEDICTIO QUID OPERATA SIT IN HOMINIBUS ET ANIMALIBUS.

DEVS DAT DOMINIVM HOMINIBVS PER CUNCTAS ANIMALIA. DAT ESCAM HOMINIBVS, ET CUNCTIS ANIMALIBUS.

INTERDICI DEVS HOMINIBVS ET ANIMALIBUS.

quod est in medio Paradisi, præcepit nobis Deus ne comederemus, & ne tãgeremus illud, ne forẽ moriamur. Dixit autem serpens ad mulierem: Nequaquã morte moriemini, &c. Et idem ibi in numero plurali pariter explicat textus LXX. Interpretum Romã quã emendatissimẽ editus anno salutis 1588. qui Gen.c.2.v.17. sic habet: *De ligno autem cognoscendi bonũ & malum, non ederis de illo: quã die autem ederitis ex eo, morte moriemini.* Ecce quomodo constat, vtrique, Adamo scilicet & Heuã simul datum fuisse hoc præceptum. Nec à mysterio vacat, hunc locum in lectione Hebraica, Chaldaica, & Vulgatã editionis Latina, tradi in numero singulari, quia id factum creditur ad denotandum, quod istud præceptum, licet proculdubio ambos obligaret, primò tamen ac principaliter datum fuit Adamo; ita vt sufficeret sola ipsius Adami, non autem sola ipsius Heuẽ transgressio, ad vniuersam eorum sobolem inficiendam, vt latius infrã num. 32. declarabitur.

25. Igitur, vt de his quattuor aliquid hĩc successiue dicamus: quod attinet ad primum, hoc est, ad fecunditatem, multiplicandique facultatem homini ceterisque animantibus attributam, ante alia sciendum est, quod quemadmodum Creator omnium Deus æternus est, ita etiã rebus à se creatis, quæ æternæ non sunt, quemdam æternitatis, vel potius cuiusdam vmbrae æternitatis, id est longioris durationis appetitum indidit; tamen non eodem modo omnibus, sed aliquibus obscurius, clariùs aliis, pro naturarum conditione. Quo fit vt res omnes naturaliter quarant sui conseruationem, ita vt etiam inanimatæ obscuram quamdam innatam habeant curam conseruandi, quantum possunt, se ipsas in suo esse, quod à Deo acceperunt, velleque quodammodo videantur posse illud perpetuò retinere: vnde videmus aquæ, vel alterius liquoris guttam, ori versati vasis pertinaciter inhaerere, nec inde posse refigi, nisi foriter excutiat, interdum verò eandem in orbem redactam, & ipso vasis ori appensam, se quantum praualeat, sustinere, quasi vereatur, ne si in terram ceciderit, penitus absumat, suumque esse amittat. Idem similiter intueri licet in lucerna extinctioni proxima, quæ manifestè videtur cum ipsa extinctione luctari, quãdo bis tẽre, quasi se ipsam ad reluctandum excitans, maiorem flammam magno conatu emittit antequam extinguatur. Ex quibus duobus exemplis discere reliqua. Res verò animatæ clariùs æternitati inhiare videntur: nam præter dictam facultatem conseruandi aliquamdiu propria indiuidua, viuentibus & non viuentibus communem, & cuius rei gratia animalibus speciatim etiam data sunt arma quædam, dentes, cornua, ungues, aculei, ad sui corporis defensionem, singula propriis ipsorum naturis accommodata; insuper acceperunt à Deo vim procreandi sibi similes, quod licet competat etiam plantis semina producentibus iuxta genus suum, multo tamen nobilius conuenit animalibus, quæ huius facultatis virtute, non naturaliter solum, vt vegetabilia, sed etiam voluntarie species suas perpetuare, & quodammodo æternas facere ambiunt. Homines verò Dei gratiam adepti, non solum speciem, verum etiam propria ipsorum indiuidua, post vniuersalem mortuorum resurrectionem; æternitatem à parte post, immò & beatitudinem consecutura non dubitant. Porro in hac vita memoratam in animalibus specierum perpetuitatem maximè iuuat, nutrit, prouehitque tum vehemens ille pruritus ipsis naturaliter insitus, qui ea ad propagationis actum valde impellit, tum etiam ingens ille, sollicitus, atque anxius amor, quo pariter secundum naturam, erga prolem afficiuntur, pro qua diu in vtero gerenda, & tempore debito parienda, multa patiuntur, mox pro eadem donec paruula & imbecillis est, alenda, fouenda, educanda ac protegenda, diu nocturne nullis laboribus parcunt. Nam, vt omittam quanta pro filiis faciant homines, pro quibus thesaurizare non cessant, & sæpè non sine corporum animarumque suarum præiudicio: quis non videt auculas (vt hoc tam vulgari ac domestico exemplo vtar) quanto studio, labore, & industria nidos luto, mollioribusque festucis sollicitè conquisitis, delectis, collectis, appositisque, & loco apto dispositis componere, oua longo quodam incubitu fouere, pullis eas venari, atque charorum hiantibus oris peramanter immittere satagant? Sed & non ipsæ solum, verum etiam cetera animalia, quàm promptè fortiterque cum opus est, pro paruulis tutandis, sese periculis exponant, & cum fortioribus dimicare non metuunt: vt patet de gallina cum miluo, & de eiusmodi aliis. Quis, obsecro, tot tantosque labores tantopere virget, tantaque animositates excitat, nisi prolis amor? Magna certè vis est huius amoris, qui non solis domesticis animalibus, sed ipsis quoque feris alioquin natura fauissimis, arctissimè à Deo insitus fuit: ad quid aliud, nisi ad prolem diligentius custodiendam & seruandam, & consequenter ad species ipsorum perpetuandas? Non ergo mirum videri debet, si etiam illa animalia, quorum extinctioni homines quotidie magis incumbunt, siue commodi lucrivæ gratia,

vt sunt turdi, aliæque aues & quadrupedia in cibis suauiora, siue ne sibi noceant, vt lupi, serpentes, &c. si, inquam, hæc quoque numquam in mundo defecerunt, neque deficient, nimirum tanta parentum cura nutriti, protecti, & conseruati. Sed quid dicemus de his animalibus, qui dicti amoris non sunt capaces, vt omnia patre piscium genera, aliæque permulta; quomodo eorum species tam diu conseruari potuerunt? Breuiter respondemus: Deum mira prouidentia, vt huic defectui occurreret, primum quidem tribuisse illis multo copiosiore propagationem, quam aliis, vt patet de ipsis piscibus, in quorum ventre oua ferè innumera reperiuntur, quæ suo tempore emittunt. Deinde sapienter disposuisse, vt pisciculi statim editi nulla parentum curatione indigerent, sed sibi ipsis necessaria procurare maximè nati aptique sint, quod & aliis huiusmodi animalibus, & aliquibus etiam ex his quæ homines sæpius aucupari solent, usu venire certum est, vt verbi gratia quales, de quibus dicitur, quæ necdum totæ de ouo egressæ, statim illud aliquantisper secum trahentes, per arua cursitare & cibum sibi quærere incipiunt. Denique illud quoque animalia, quæ ab hominibus, siue ab aliis se fortioribus frequentius infectari consueuerunt, admodum iuuat ne penitus desitui possint, quòd diuina ordinatione eis tributum fuit vt naturaliter facilius fugere, vel cautius latitare valeant. Et hæc de his satis.

CONTRA
HÆRETI
COS OPPUGNANTES
STATVM
CÆLIBATVS.

26. Verùm vt ad propagationem homini specialiter indultam sermonem conuertamus, aduertere oportet, quòd hæretici perperam existimantes, in illis Scripturæ verbis, *Crescite, & multiplicamini*, &c. diuinum contineri præceptum, obligans omnes & singulos ad dandam operam liberorum propagationi, hinc occasionem arripiunt impugnandi statum cælibatus, tantopere in Scripturis sacris ab ipso Iesu Christo Domino nostro & ab eius Apostolo commendatum, atque innumeris deinde sanctissimorum virorum ac mulierum exemplis comprobatum. Sed profectò à veritate Catholica toto (quod aiunt) calo aberrant hæretici. Etenim hisce verbis non præceptum dare hominibus voluit Dominus, sed generandi facultatem eis impartiri, quemadmodum isdem panè verbis fecerat animalibus ratione carentibus, & consequenter eiusmodi moralis præcepti omnino incapacibus. Et si hoc aliquo modo præceptum dici posset: certè cum ad quid esset datum, planè indicent verba quæ subsequuntur, videlicet, *Et replete terram*. Si iste est finis & terminus talis mandati, quis non videt, quòd post repletam terram, cessare debuit eiusmodi obligatio? Vt propterea non irrationabiliter quidam putauerint, prædicta verba vim quodammodò habuisse præcepti in primis dumtaxat illis mundi temporibus, quando hominum multiplicatio necessaria videbatur, pro replenda habitatoribus terra. Verùm, quæ, obsecro, necessitas aderat tunc faciendi tale præceptum? cum solus ipse generandi appetitus, prædictorum vi verborum hominibus naturaliter à Deo inditus, & ingens illa voluptas actui coitus naturaliter adiecta, abundè sufficere possent cunctos fere homines ad eiusmodi actum non modò allicere, sed & quodammodò impellere: ac per consequens, sine illo præcepto satis multiplicari homines, & repleri habitatoribus terra potuisset? sicuti re ipsa repletam videmus, etiam si constet, quamplurimos vitam perpetuò cælibem traduxisse. Sed si omnibus & singulis præceptum fecisset Dominus, dicens: *Crescite, & multiplicamini*. Vtique etiam sub præcepto caderent ea, quæ ibidem subsequuntur: *& replete terram, & subiicite eam, & dominamini piscibus maris, & volatilibus cæli, & vniuersis animantibus, quæ mouentur super terram*. Quod quis non videt esse omnino absurdum? alioqui, quisquis aut terram sibi non subiiceret, aut pisces maris, cælive aues, & quadrupedia terræ non caperet ac possideret, tamquam reus mandatorum Dei violatorum censendus foret. Neque verò obstat quòd prædicta verba, *Crescite*, &c. imperatiuè sint tradita: quia eodem pariter modo locutus est Dominus ceteris animalibus, & panè similiter ipsimet terræ, cum dixit: *Germinet terra herbam viuentem*, & quæ sequuntur. Et tamen propriè loquendo, non autem metaphoricè, nemo verè dixerit, Deum imperasse seu præcepisse brutis, & adhuc minus terræ, quæ omnino insensibilis est: sed potius ipsum Deum prædicta omnia per modum imperantis protulisse, non tamquam volens præcepta facere, sed ad ostendendam verborum suorum ac voluntatis suæ efficaciam, cui non modò irrationabilia, verum etiam insensibilia, non minus ac si sensu & ratione essent prædita, ad nutum obsequuntur, quemadmodum quando dixit: *Fiat lux*, *Fiat firmamentum*, & reliqua.

27. Denique si hæc verba, *Crescite*, &c. inducerent præceptum singulis hominibus amplexandi statum coniugalem; oporteret fateri, Scripturam sacram (quod nefas est arbitrari) sibi ipsi esse contrariam: quandoquidem negare non possumus, quin Apo-

Apostolus 1. ad Corinth. in toto ferè cap. 7. præferat coniugio virginitatem & cælibatum. Et ipsemet Christus Matth. cap. 19. vers. 10. cum de sâtis arcta coniugij lege differuisset, dictumque ei esset à discipulis suis: *Si ita est causa hominis cum uxore, non expedit nubere*; respondit: *Non omnes capiunt verbum istud, sed quibus datum est: sunt enim eunuchi, qui de matris utero sic nati sunt: & sunt eunuchi, qui facti sunt ab hominibus: & sunt eunuchi, qui seipso castrauerunt propter regnum celorum. Qui potest capere, capiat.* Quibus verbis, inficiari nemo potest, quin apertissimè Christus homines ad vitam cælibem amplexandam sit vehementer adhortatus, vt optimè exponit S. Ioannes Chrysostomus Hom. 63. in Mattheum, sub medium. Quod certè non fecisset Dominus, si omnes & singuli diuino præcepto tenerentur ducere vxores, & filios procreare. Igitur, vt diximus, verba illa, *Crescite*, &c. non habuerunt vim præcipiendi, sed tribuendi hominibus eam facultatem, & illum naturalem appetitum multiplicandi genus suum, quem Dominus iisdem verbis tribuerat ceteris animalibus. Verumtamen, quod attinet ad huius appetitus executionem, illud inter bruta hominesque interest, quòd illa, irrationabilia cum sint, naturali quodam instinctu & sensuali dumtaxat impulsu aguntur; isti verò, qui ratione sunt præditi, recta potissimum ratione ac diuina lege in suis operationibus dirigi ac regulari debent. Postulat autem tum institutio diuina, tum recta ratio, non expedire vt singuli coniugio copulari teneantur; cum id ad humanam speciem conferuandam, atque quantum opus est multiplicandam, necessarium non sit: contrà verò, rationi diuinisq; consiliis valde sit consentaneum, in sancta Dei Ecclesia aliquos, præsertim cultui diuino specialiter mancipatos, vitam cælibem agere: vt vel sic à curis sæcularibus, & à mundi illecebris, aliisque impedimentis liberi, accuratius ac puriori mentis affectu, corporisq; seruitio, diuinis rebus vacare queant. Quod si in ipsis idolorum cultoribus, puta in virginibus Vestalibus, Gentilitas non abhorruit, sed continuato vsu probauit; quis in cultu veri & summi Dei, quem longè sanctius ac perfectius venerari par est, illud audeat improbare ac damnare? Deinde, si videmus quotidie multa animalium genera, tum volatilia tum quadrupedia, ab hominibus sine vlla Dei offensa castrari; quemadmodum altitia, vt ad esum pinguiora ac magis saporosa reddantur, & iumenta, vt in oneribus deferendis pacatiora fiant, faciliusque in aliis quoq; hominum seruitiis dirigi possint. Quin etiam constat, ipsos item homines apud quasdam nationes à propriis parentibus non per iniuriam eunuchos fieri consueuisse, sed vt sic idonei reddantur, qui ad inferuendum mulieribus Principum conquiri, atque ipsorum quæstu longè vberimo conduci valeant. Et scimus equos militares, etli non castratione, certè diligenti admodum custodia à coitu præseruari, quò in bellis validiores euadant: quid miramur, si ex hominibus aliqui sine Creatoris offensa, immò cum eiusdem gratia, se ipsos quodammodò per continentiam castrare contendunt, propter regnum celorum? vt scilicet & contra diabolum fortiores, & in conspectu Dei gratiores, & ad omnes ipsius Dei nutus promptiores efficiantur, ac denique, vt purius sanctiusque diuinis ministeriis interesse, & sanctissimo Deo vacare atque inferuire possint: præsertim cum certissimum sit, vt quotidiana docet experientia, & monet etiam Apostolus 1. ad Cor. cap. 7. vers. 32. quòd vir & mulier nupti cogitant quæ sunt mundi, & quomodo placeant sibi inuicem, & diuisi sunt; id est non plenè, sed ex parte tantum in iis quæ Dei sunt occupari possunt: qui autem innupti, nulla alia premuntur sollicitudine, nisi hac vna, quomodo placeant Deo. Et hæc pauca hic, veluti obiter, ad fauorem cælibatus, quantum ipsa occasio exigere videbatur, sint dicta. nunc ad institutum nostrum redeamus.

28. Diximus, Deum post indultam cunctis mundi animantibus fecunditatem, vt qui in suis indiuiduis non poterant, saltem secundum species perpetuari valerent, secundo loco ipsis omnibus hominem specialiter prætulisse, eumque tamquam omnium principem ac dominatorem constituisse; ius ei & potestatem amplissimam in cuncta animantia tribuens: vt propterea mirum non sit, si licitum est homini eadem venari, occidere, & in vsus proprios infumere aut conuertere: siquidem ius istud etiam post lapsum hominis permanet, tamquam ei naturaliter datum, propter naturæ rationalis excellentiam, & imaginem Dei eidem naturaliter inditam. certum est autem, ipsum hominem bona naturalia propter peccatum non amisisse, quoniam peccatum naturam non destruit. Videtur etiam specialiter homini eadem potestas à Deo confirmata post peccatum, quando scilicet exacto Diluuio dixit Deus Noë & filiis eius: *Et terror vester ac tremor sit super cuncta animalia terræ, & super omnes volucres cali, cum vniuersis quæ mouentur super terram; omnes pisces maris manui vestre traditi sunt. & omne quod mouetur*

DE HOMI-
NIS DOMI-
NIO SUPER
CETERA ANI-
MANTIA.

& vivit, erit vobis in cibum: quasi olera virentia tradidi vobis omnia. Genes. cap. 9. vers. 2. Itaque ut dictum est, etiam post lapsum habet homo ius dominij huius & potestatis super omnia animantia: & propterea, ut ait S. Iacobus Apostolus in sua Catholica cap. 3. vers. 7. *Omnis natura bestiarum, & volucrum, & serpentium, & ceterorum domantur, & domita sunt à natura humana.* & loquitur ibi Apostolus non de statu innocentis hominum, sed lapsus. & hoc idem etiam patet experientia, quandoquidem videmus, cuncta animantium genera ab hominibus subiici ac superari. Atque hæc quidem vis & potestas non in corporis, sed in animi viribus potissimum sita est. Quis enim nesciat, hominem nudum inermemque nasci? contra verò animalia multis variisque non solum tegumentis, sed etiam veluti quibusdam loricis ad sui tutelam operata, & quasi armis ad aliorum offensam donata fuisse? aculeis, dentibus, cornibus, vnguibus, rostris, & huiusmodi? Quis item nesciat, hominem à pluribus feris membrorum agilitate, cursus velocitate, virium robore, & quorundam sensuum acuminè longè superari? non enim lyncis visum, aut vulturis canisve olfactum habet homo, neque ceruis velocior, aut leonibus fortior est, aut piscium aviumque mobilitatem assequi valet: & quamquam natando pisces quodammodo æmulari videatur, non tamen aëis volando imitari adhuc potuit. At verò ratione, consilio, prudentia, ingenio omnibus antecellit. His itaque animi dotibus potissimum, & præterea etiam, ut notavit Medicorum princeps Galenus lib. 9. de Vsu partium cap. 2. manuum adiumento, quibus arma, laqueos, hamos, fagenas, & infinita propemodum alia retium aliorumque huiusmodi instrumentorum genera fabricare valet, cunctis irrationabilibus dominatur. Hicse auxiliis eum in usum comparatis, omne robur virium & ferocitatem ipsorum frangit, astutiam supplantat, impetum retardat: his frenat equos, domat elephantes, leones, vrsos, & omne ferarum genus: his serpentes abigit, dracones necat, cete grandia, balenas, & omnia maris monstra, non minus ac paruos pisciculos, capit, interficit, & in usum proprios convertit. Quid plura? aures è cælo detrahit, pisces de profundo mari educit, & quædam etiam animalia è montium speluncis, & fermè ex ipsis terræ visceribus extrahit; adeò nullus est locus ita absconditus, nullus recessus ita abditus, in quo tutò permanere animalia, & hominis dominium eludere, aut omnino à se abdicare valeant. Sed hæc tum Ecclesiasticis Auctoribus, tum etiam ethnicis Philosophis notiora sunt, quàm vt pluribus explicari hoc loco indigeant.

DE DOMI-
NIO HOMI-
NIS IN A-
NIMALIA.

29. Verumenimvero illud quoque indubitatum est, hoc hominis in animalia dominium, quantum spectat ad eius usum, valdè esse post lapsum ipsius hominis imminutum & limitatum: quandoquidem in felicissimo illo innocentie statu, multo plenior ac perfectior habebat homo prædictæ potestatis usum, & promptissimam executionem; ita vt neque ex parte sua illa esset in præcipiendo difficultas, neque ex parte animalium vlla interveniret in obediendo homini repugnantia. Quia (vt quidem existimant) cum tunc esset in homine longè maior industria, prudentia, solertia, ac peritia cunctarum proprietatum, & naturalium inclinationum ipsorum animalium, facillè poterat suis artibus & ingenio illa domare, & sibi omnino subdita atque ad nutum obsequentia reddere; quemadmodum nunc quoque aliquatenus interdum fieri videmus. Etenim non desunt, qui probatissimis quibusdam antidotis, siue vt vocant, præservatiuis, vel etiam incantationibus (quod tamen sine gravissima culpa, vt patet Deuter. c. 18. vers. 11. fieri nequit) venenosos innoxie contrectant serpentes: & qui succo, vt aiunt, hordei elephantos mansuefaciunt: & qui leones, vel eos plaga aliqua curantes, vel benè alentes commodeque tractantes, vel ad frigidiores regiones deferentes, ita naturali sua ferocia exuunt, vt cum eis etiam ludere non vereantur: & item qui psittacos, picas, aliasque volucres, sapius iterata cibi admodum grati appositione ac retractione, docent humana verba proferre. Vnde illud Persij in Prologo Satyrarum:

Quis expedit psittaco suum chaire?

Cornus quis olim concauum salutare?

Picasque docuit verba nostra conari?

Magister artis, ingenium largitor

Venter, negatas artifex sequi voces.

Ad hunc modum, sed multò facilius ac perfectius, & sine vllò labore aut culpa, putant aliqui, hominem ante peccatum potuisse cuncta animalia sibi in omnibus obsequentia reddere. Alij autem opinantur, quòd quemadmodum in statu innocentie Dei providentia cautum erat, ne animalia aut quidquam aliud nocere posset homini; ita etiam Angelico, vt creditur, ministerio proviusum fuerit, vt eadem animalia suapte natura

tura omnino imperio ac voluntati humanæ obtemperarent. Quidquid sit de causa & modo; constat de effectu, quòd omnia ad nutum homini parebant. At verò post lapsum non item; tametsi, Deo miserante, quædam nobis haud obscura prioris potestatis vestigia remanserint: ex quibus etiam ad credendum quanta prior illa fuerit, facile adduci possumus. Etenim præterquam quòd nunc quoque potest homo quælibet animalia, quantumvis ferocia & callida, vi, arte, & ingenio domare, hoc est superare, occidere, capere, & in potestatem redigere, iuxta sancti Iacobi sententiam numero præcedenti adductam: constat etiam, aliqua ex omnibus ferè ipsorum generibus animalia, hominum artibus & industria aliquo saltem modo posse mitificari. Nam & de aspide à quodam Ægyptio aliquatenus cicur reddita, ex Philarcho refert Plinius libro 10. cap. 74. & de Heraclide Philosopho Pontico legimus in vita ipsius apud Diogenem Laërtium, quòd cum adhuc esset puer, draconem enutriuit; & domestica deinceps conuersatione, donec vixit, secum habuit. De Augusto quoque tradit Plinius lib. 8. cap. 17. quòd Q. Tuberone, Fabio Maximo Coss. iv. Nonas Maij Theatri Marcelli dedicatione, tigrim primum omnium Romæ offendit in cauea mansuescèntem: Claudius verò simul quattuor. De altera item tigride mitificata, & Anastasio Imperatori ex India dono missa, refert ex Marcellino Glossa Ordinaria super Epistola Catholica B. Iacobi Apostoli, capitulo tertio. Deniq; plura huius generis exempla adducunt Ioan. Rauisius Textor, in sua Officina, cap. De diuersis animalibus mansuescèntibus, quorum ministerio vsi sunt homines: & Auctor Theatri vitæ humanæ, volumine 20. lib. 2. cap. De animalium domitoribus, cicuratoribus, & magistris. Nos verò paucis hisce contenti fuimus, quoniam si aspides, si dracones, si ipsæ tigrides omnium ferarum seuissimæ, horum industria mansuescere possunt, quòd idem sit credibilius de aliis animalibus minori feritate præditis? Verùm illud prorsus verissimum est, neque quemlibet hominem ad quælibet animalia vel capienda, vel mansuescèntia esse idoneum, neque vllum omnino reperiri hominem, qui naturaliter cunctis irrationabilibus imperare, ac vt sibi semper obediant, sicuti prius solebant, efficere queat. Siquidem præter aquaticam hominum artibus mansuescere nescia, duo sunt aliorum genera, quæ humanum imperium communiter recusare omnium maximè solent; nimirum maiora & magis ferocia, vt sunt lupi, leones, tigres, &c. & minima atque infirma, cuiusmodi culices, pulices, & omne muscarum genus. hæc namque minùs etiam cicurari valent quàm fortia & magna; & quodammodò insuper homini magis infesta sunt, vt quotidiè experimur. Verumenimverò, est quòd sanè plurimùm debeamus diuinæ bonitati, quæ (posteaquam nobis ab eius obedientia recedentibus, iustum valdè erat, vt ipsa quoque irrationabilia à nostra ditione desciscerent) ita vltionem hanc temperauit, vt & ea potissimùm ab omnimoda hominis subiectione subtrahi permiserit, quæ eidem minùs erant vitia & commoda, cuiusmodi sunt feræ: reliquerit verò, quæ vñbus & oblectamentis quoque humanis magis erant idonea, nempe pecora, iumenta, canes, simias, psittacos, & id genus alia. Et præterea indulerit, vt multa essent animalium genera, quæ tametsi non semper hominibus parere videantur, eisdem tamen naturali quadam inclinatione vt plurimùm famulari non renuunt, vel quodammodò scienter ac de industria, vt accipitres, falcones, & eiusmodi alia in variis aucupiorum lustris quæstibusve adhibita; & præcipuè canes, qui non modò pro dominis suis alacriter venari non cunctantur, verùm etiam eosdem dominos, cum opus est, & quæ dominorum sunt, puta pecora & iumenta, ab hostibus, à lupis ferisque tutari, ac pro eisdem fortiter, & interdum quoque vsque ad mortem pugnare non metuunt: alia verò, licet nescia quòd pro homine laborent, non cessant tamen, quæ illi noxia sunt, omni studio diu noctuque insectari ac perdere, vt feles, de quibus non sine admiratione Plinius lib. 10. c. 73. dicebat: *Quo silentio, quàm leuibus vestigijs, quàm occulto speculatu in musculos exiliunt?* & ciconiæ, quæ venenosos quoque serpentes interimunt. Quod & potissimùm præstant ibes, soli, vt aiunt: Ægypto peculiare, de quibus Cicero lib. 2. de Natura Deorum: *Ibes, inquit, maximam vim serpentium consciunt, cum sint aues excelsæ, rigidis cruribus, corneo proceròq; rostro: auertunt pestem ab Ægypto, cum volucres anques ex vastitate Libyæ vento Africo inuectas interficiunt atque consumunt.* hæc ille. Quamobrem olim Ægyptij, vt erant omnino omnis veri Dei cognitionis expertes atque ignari, eandem ibidem pro diis habere ac venerari non dubitarunt; honorem quem diuinæ providentiæ exhibere, atque ab eadem tale tantumque beneficium recognoscere debebant, irrationabilibus hisce animalibus ingratisimè tribuentes. Hic si quis pleniorē dictarum ibidem, & item serpentum alatorum notitiam desiderat, audiat quid de ipsis

ANIMALIA
QVAEDAM
AB HOMINE
DOMITA.

QVAEDAM
CICVRARI
NON POS-
SVNT.

IBES A CI-
CERONE DE-
SCRIPTÆ.

AB HERO-
DOTO SER-
PENTES
ALATI.

multo ante Ciceronis tempora scriptum reliquerit Herodotus. Ipse enim prope medium libri 2. sic ait: *Fertur ex Arabia serpentes alatos ineunte statim vere in Aegyptum volare. sed eis ad ingressum planitie occurrentes aues ibides non permittere, atque ipsos interimere. & ob id opus, ibidem magno in honore ab Aegyptiis haberi. Arabes aiunt, consistentibus & ipsis Aegyptiis, idcirco se his auibz honorem exhibere. Eius auis species talis est. Nigra tota vehementer est, cruribus gruinis, rostro maxima ex parte adunco, eadem quæ crex magnitudine. & hæc quidem species est nigrarum, quæ cum serpentibus pugnant: at earum quæ pedes humanis similes habent (nam bisariam ibides sunt) gracile caput, ac totum collum pænè candidæ, præter caput cernicemque, & extrema alarum, natumque, quæ omnia sunt vehementer nigra; crura & facies alteri consentanea. Serpentis porro figura, qualis hydrorum; alas non pennatas, sed glabras gerit, & alis vespertilionis valdè similes. Hucusque Herodotus.*

DE DOMI-
NIO HOMI-
NIS IN HO-
MINES.

30. Ceterum si quis quærat, num Deus dominium quoque dederit homini in homines: (videmus enim alios aliis dominari) breuiter ex B. Thoma parte 1. quæst. 92. art. 1. ad 2. respondemus: Duplex ex Aristotele 7. Politic. cap. 14. reperiri dominium inter homines: alterum, quod totum pertinet ad dominantis vtilitatē; quod coactum, violentum, & tyrannicum appellant, ac seruile; quia sibi subditos graui seruitute premit: & hoc à Deo non est datum homini in statu innocentie existenti, sed postmodum diuina permissione in poenam peccati, iure introductum fuit inter homines: nam vt sanctus ait Augustinus libro 19. de Ciuit. cap. 15. *conditio seruitutis, iure intelligitur imposita peccatori: proinde nusquam Scripturarum legimus seruum, antequam hoc vocabulo Noë iustus peccatum filij vindicaret. Nomen itaque istud culpa meruit, non natura.* hæc enim Augustinus. Alterum est dominium voluntarium & liberum, seu in liberos, quod ciuile dicitur, & naturaliter in omni communitate ac multitudine videtur esse perquam necessarium: alioqui, vbi non est debitus ordo superiorum & inferiorum, necesse est omnia perturbari & confundi. Et hoc dominium non solum à Deo datum est hominibus, sed etiam Angelis; sunt enim inter ipsos alij aliis natura superiores. Verumtamen, quia huiuscemodi dominium, quod principaliter respicit bonum subditorum & totius communitatis, non omnibus conueniebat hominibus, sed quibusdam dumtaxat potestate ac prudentia præstantioribus: idcirco non dictum est homini vniuersaliter, vt dominaretur hominibus; sed tantummodò animalibus: quia ibi loquitur Scriptura de dominio, quod homini naturaliter quatenus homo est conuenit, & ad omnes & singulos pertinet.

VTRVM A-
NIMALIA
QVAENUNC
SVNT CAR-
NIVORA,
SIC VES-
CIANT ANTE
DILUVIUM.

31. Sed iam ad id, quod tertio loco propositum fuerat, veniamus; scilicet ad anonomam, à Deo cunctis animantibus præparatam; quæ quoniam herbis & seminibus arborumque fructibus concluditur, consequi videtur, esum carnis in prima mundi ætate nemini fuisse concessum: quod inferius quoque sub anno mundi 1657. num. 11. vsque ad 16. speciatim respectu hominum comprobabimus. Et hinc oritur magna illa difficultas de his animalibus, quæ nunc naturaliter carnibus vesci videmus; vt sunt lupi, leones, vultures, falcones, & alia huiusmodi, vtrum etiam tunc carnis esu nutrentur, vt sentit B. Thomas parte 1. quæst. 96. art. 1. an etiam ipsa, sicut & cetera, tantummodò herbas fructusque comederent, vt arbitrantur Beda in Hexaëmeron, & sanctus Basilius in Homil. 11. in Genes. & alij. Et quidem primo aspectu non mediocriter mouet dictum B. Thomæ, qui ait, *Irrationabile esse opinari, naturam horum animalium fuisse immutatam, ita vt hoc nunc carnibus naturaliter vescantur, prius herbis naturaliter vescerentur.* Et est ac si hoc pacto argueret sanctus Doctor: Quod naturale alicui est, semper tale est; itaque si, verbi gratia, lupus & leo nunc naturaliter pascuntur carnibus; ergo semper, & consequenter etiam ante Diluuium videntur necessariò eodem cibo vesci consueuissse. At contrà, valdè vrget sacra Scripturæ auctoritas, quæ adeò clarè & generaliter loquitur, vt nullus relinqui posse videatur ambiendi locus. inquit enim Genes. cap. 1. vers. 29. *Ecce dedi vobis omnem herbam afferentem semen super terram, & vniuersa ligna quæ habent in semetipsis sementem generis sui, vt sint vobis in escam, & cunctis animantibus terræ, omni, volucris calis, & vniuersis quæ mouentur in terra, & in quibus est anima viuens, vt habeant ad vescendum.* Ecce quomodo tantummodò humi nascentia concedit in cibum hominibus, & ceteris animantibus, quæ terminis, vt ita dixerim, generalissimis complectitur, conceptis verbis, explicans cuncta animantia terræ, & omnia volucra calis, & vniuersa quæ mouentur in terra, & demum, vt iterum paucis omnia sine vlla exceptione comprehendat, addit: *Et in quibus est anima viuens.* Quis igitur audeat suspicari, nedum asserere, quòd ex prædicta generalitate excipienda sint

sint tot animalium genera, eaque ceteris nobiliora, quæ nunc carnuiora dicimus; cum ne vnum quidem vel minimum genus excipiendum fore, apertissimè præcitata verba demonstrent? Aut quis vquam cogitare poterit, Deum, de quo legimus in Psal. 146. *Qui dat iumentis escam ipsorum, & pullis cornuorum inuocantibus eum.* & Matthæi cap. 6. vers. 26. *Respicite volatilia cali, quoniam non serunt, neque metunt, neque congregant in horrea:* & *Pater vester celestis pascit illa.* & denique in Psal. 103. *Omnia à te expectant, vt des illis escam in tempore. Dante te illis, colligent, aperiente te manum tuam, omnia implebuntur bonitate.* Quis, inquam, credat, vniuersalem Dei prouidentiam & bonitatem, quæ se extendit ad omnia, & (vt dictum est) etiam pullis coruorum, tamquam aduiteriis, eò quod albi sint, à propriis parentibus in nido derelictis, subuenire non negligit; tot ac tantis nobilioribus animalium generibus, qualia sunt quæ nunc carnuiora appellamus, prouidere ab initio de cibus naturæ ipsorum conuenientibus non curasse? profectò renuit animus credere, quod in prædicta communi omnibus animantibus prouisione, illa præsertim animalia, quæ ceteris præstare videntur, præterita fuerint. Quare necessarium videtur, ipsa quoque cum ceteris fuisse comprehensa, & eandem cum illis escam fuisse sortita; alioqui non diu viuere, neque vsque nunc species suas conseruare potuissent. præterea, si vera esset opinio illorum qui putant, Deum ab initio duo tantum animalia, masculum scilicet & feminam, cuiusque speciei creasse, ac proinde ipsos, quemadmodum & hominibus, dixisse: *Crescite, & multiplicamini*: certè necessariò consequeretur, quod animalia, quæ nunc sunt carnuiora, tunc saltem per satis longum tempus non potuissent vesci carnibus, donec scilicet cetera multiplicata essent: alioqui si ex tunc, verbi gratia lupus ouem, & aquila columbam comedisset, nequaquam oues columbarumque multiplicari potuissent; & multæ aliæ animalium species prorsus sublatae atque omnino exterminatae, mundum ipsum mancum imperfectumque reliquissent. His adde, quod communiter omnes (paucis dumtaxat exceptis) concedunt, in arca non fuisse repositas carnes pro pascendis carnuioris, quod est admodum credibile, quia præceperat Dominus ipsi Noë Genes. cap. 6. vers. 21. vt tolleretur secum ex omnibus escis, quæ mandari poterant, vt essent tam sibi quam animalibus in cibum: atqui eo tempore esus carnis adhuc nemini à Deo concessus fuerat; ergo Noë non comportauit in arcam carnes: igitur durante Diluuiò, nimirum anno integro, necesse est, non carnibus, sed esu aliorum ciborum, etiam ipsa quæ nunc sunt carnuiora, fuisse sustentata: quod si verum est, vt credimus, & sub anno mundi 1656. num. 13. confirmabimus, oportet insuper fateri, eadem animalia etiam post egressum de arca per aliquod tempus non carnibus, sed aliis cibus fuisse alita, donec scilicet aliorum animalium species, quæ à carnuioris edi solent, amplius multiplicarentur. Itaque ex dictis manifestum est, quod animalia, quæ nunc sunt carnuiora, non semper fuere talia, sed aliquando ipsa quoque herbis & terræ fructibus, sicut & cetera, pascebantur. Nec hoc difficile credi poterit, si recolamus, quod ante Diluuium longè meliorem habebant animalia corporis habitudinem; cuius rei signum est, quod diutius admodum vivebant, vt patet de hominibus: & humi nascentia erant multo melioris succi, quam nunc; ita vt etiam homines his tantummodò vescientes, non solum possent satis commodam vitam degere; sed etiam longè robustiores euaderent, quam ex quo carnibus vesci cœperunt.

32. Restat nunc ad rationem S. Thomæ in contrarium adductam respondere. Dicimus ergo, esum carnis in prædictis animalibus non esse proprietatem adeò naturalem, sicuti est esse risibile in homine: siquidem hoc cum fluat ex principiis naturalibus ipsius hominis, inseparabile est ab ipso homine; illud autem nequaquam: nam in carnuioris, edere carnes, vna est ex illis proprietatibus, quæ ex corporum temperamento seu habitudine prouenire possunt, vel etiam ex longa consuetudine iam introducta: quæ proprietates non simpliciter & propriè dicuntur naturales, sed largo quodam modo, quemadmodum etiam vulgò dicimus, consuetudinem esse alteram naturam: & propterea non sunt à subiecto inseparabiles; sed variata, vt sæpe fit, quam vocant, complexionem, aut sensim mutata consuetudine, etiam ipsæ variantur. Quamuis fieri quandoque possit, vt permanente causa, ipsæ quoque perpetuò durent. Videmus enim quosdam veluti naturaliter aquam bibere, ita vt vini potum nullo modo sustinere possint: alios casum, aut aliud ciborum genus, ita abominari, vt vllum vix videre sustineant; qui tamen postea, vel, vt dixi, ex complexionis mutatione, vel etiam ex solo vsu, paulatim, & interdum non sine maxima difficultate introducto, vinum ita bibere assuescunt, vt deinceps sine eius potu diu viuere posse non videantur: & similiter cibos prius

ingratos, magna cum suauitate & valetudinis augmento degustent & sumant. Scimus etiam pueros seu infantes nutrirī lacte, senes verò potissimum vino: sed hoc ordinariè accidit; quia valde diuersa est corporis constitutio in infante, ab ea quæ est in sene. Sed illæ aliæ proprietates, puta bibendi aquam, vel non edendi caseum, aut quid aliud, interdum, vt dixi, mutata causa, aut superata consuetudine, cessant; interdum verò, causa perpetuò permanente, & ipsæ pariter permanent semper. Quod nunc vsu venisse credimus in carniuoris, quæ partim (vt dixi) ob corpoream constitutionem post Diluuium immutatam, partim ex longo vsu, iam per plures ætates & successiones admodum obfirmato, proprietatem hanc carniuoram, veluti quamdam alteram naturam induisse certum est; non quidem (vt arbitror) omnino ac naturaliter inseparabilem, sed ex accidenti; nimirum quia rationis expertia cum sint, sensumque suapte natura in omnibus sequantur, fieri posse non videatur, vt relictis carnibus, induci possint ad edendas herbas & fructus, iam (quemadmodum dictum est) deteriores post Diluuium redditos, & ipsis modò penitus insuaues. Sed quæret hic fortasse aliquis, quomodo, & qua occasione cœperint huiusmodi animalia, relicto herbarum fructuumque esu, vesci carnibus. Ad hoc dicimus, nihil certi posse nos in medium asferre, sed tamen non improbabiler coniectari, quòd quia ceteris calidiora ac sicciora sunt, audiora quoque esse solent, & item audaciora, atque ad inferendam vim debilioribus promptiora. Cum igitur post Diluuium aliquando experirentur, herbas & fructus iam deterioris succi factos, non æquè ac priùs, eorum naturali indigentia ac gustui satisfacere; fieri potest casu aliquo accidisse, vt dum præ famis impatientia, aut aliter in furorem acta, infirmiora insectarentur animalia, & morderent, semel degustata sanguinis carnisque suauitate, deinceps relictis paulatim herbis & fructibus, esui carnis ita adhæserint, & filios exemplo suo ita facere docuerint; vt tandem id eis in naturam transierit, si non omnino fortassis inseparabilem, certè separatu difficillimam. Sed iam cœptam prosequamur historiam.

QUOMODO
QVAE NVNC
DICVNTVR
CARNIVORA
CœPERINT
ESSE TALIA

33. Post tot beneficia & priuilegia primis nostris parentibus indulta, placuit Deo eisdem sanctissimis legibus instituere, & hoc est, quod quarto loco tractare proposueramus. Igitur tres primò leges eis ab initio creationis ipsorum dedit: Alteram nimirum naturalem, cuius primùm præceptum est, Bonum esse faciendum & prosequendum; malum verò vitandum; vt rectè docet S. Thomas 1.2. quæst. 94. in corp. art. 2. Porro ista lex dicitur naturalis, quia communis est cunctis hominibus, & tamquam ipsius hominis naturæ ingenta, nobisque naturali lumine manifestata; quemadmodum breuiter innuit Regius Propheta in Psal. 4. v. 7. illis verbis: *Signatum est super nos lumen vultus tui Domine.* Et explicatius tradit Apostolus ad Rom. cap. 2. v. 14. & 15. vbi ait, quòd Gentes quando *supernaturaliter ea, quæ legis sunt, faciunt, ostendunt opus legis scriptum in cordibus suis.* Alteram supernaturalem, scilicet de credendo ac sperando in Deum, ipsumque super omnia diligendo: quam legem idè Deus non naturali sed supernaturali modo hominibus, ad ipsorum maius bonū dare solet; & ipsi sive vel per internam inspirationem, vt primis hominibus, vel per Scripturas sacras, vel etiam per alicuius instructionem, declarare. Tertiam demum specialem, videlicet de ligno scientiæ boni & mali minimè degustando, eis imponere operæpretium duxit; vt huiusmodi legibus manifestum faceret, se liberum hominibus arbitrium tribuisse: alioquin ad quid illis leges, præsertim pœnales, iniungere, qui non aliter, quàm quod præceptum prohibitumve esset, facere possent? Rectè igitur Sapiens Ecclesiastici cap. 15. vers. 14. vbi testatur, Deum fecisse hominem liberum, adiungit etiam, & dedisse ei præcepta, dicens: *Deus ab initio constituit hominem, & reliquit illum in manu consilij sui; adiecit mandata & præcepta sua: si volueris mandata seruare, conseruabunt te, & in perpetuum fidem placitam facere.* Apposuit tibi aquam & ignem, ad quod volueris porrigere manum tuam. Ante hominem vita & mors, bonum & malum; quod placuerit ei, dabitur illi. hætenus Sapiens. Itaque, vt dixi, dedit Dominus primis nostris parentibus vnicum dumtaxat præceptum negatiuum; videlicet, ne de ligno scientiæ boni & mali comederent, sub pœna mortis incurrendæ; si de ipso edere ausi essent. Quod quidem præceptum, licet ipsi Adamo, utpote qui caput erat mulieris, & totius humani generis origo, primò & principaliter factum sit; ambos tamen proculdubio obligabat: nam & propter eius transgressionem vterque punitus fuit, vt nos infra sub anno mundi primo, num. 12. vsque ad 21. fusiùs ostendemus. Quamuis si solus Adam illud non fuisset transgressus, non tota eius posteritas transgressionis illius pœnas lueret, vt etiam suprà num. 24. dictum est. Vir enim principaliter & actiue concurret ad generationem proles, & ideo ipsa magis propriè à patre

DE PRÆ-
CEPTO ABS-
TINENDI A
FRUCTV VE-
TITO.

patre quàm à matre prodire dicitur: vnde etiam genealogiæ per paternam lineam, non autem per maternam rectè deduci solent. Et certum est, mulierem à Deo datam fuisse viro in adiutorium, quemadmodum legimus Genes. cap. 2. vers. 18. & 20. In adiutorium, inquam, ad gignendam prolem, sicuti optimè declarat S. Augustinus lib. 9. de Genes. ad litteram cap. 3. & 5. Vnde licet ipsa quoque necessariò ad ipsam concurrat generationem, non tamen tamquam principalis ac primaria generationis origo, quæ sola est ipse vir. Cum ergo solus Adam reuerà esset veluti primum caput ac seminarium totius humani generis, ex quo nimirum omne genus hominum erat propagandum & multiplicandum, vtique sequitur, quòd si ipse non peccasset, sed Heu tantum, originalis culpæ labe ad posteros transfundi non potuisset. Creditur itaq; Deus tale quoddam fœdus cum ipso Adamo tunc iniisse, vt si is dictum mandatum perpetuò obseruasset, iustitia originalis, immortalitas, & gratia gratum faciens, aliæque eiusmodi supernaturalia dona eidem collata, etiam ad posteros suos veluti iure quodam hereditario pertranfirent: contrà verò, quandocumque ipse inobediens Deo fieret, prædicta omnia non sibi tantum, sed toti etiam posteritati suæ amitteret: non secus ac videmus perduellem ac rebellem regi, non modò bonorum quæ à rege acceperat, ipso iure iacturam facere; verum etiam progeniem quoque suam eadem læsæ Maiestatis nota infectam, & consequenter regis gratia expertem relinquere. Et hoc est originale peccatum, quod nos miseri ex lapsu primi parentis contraximus; & cuius causa (Apostolo ad Ephes. cap. 2. vers. 3. teste) *eramus* (subaudi, ante Baptismum) *natura filij ire, sicut & ceteri*. Sanè peccatum originale, iuxta S. Thomam 1. 2. quæst. 82. art. 3. est carentia iustitiæ originalis, per quam voluntas humana omnino subiecta erat Deo, eique in omnibus & per omnia obtemperabat. Hanc iustitiam perdidit Adam per suam voluntariam inobedientiam, quando de ligno vetito edere ausus est. Et quia tunc in lumbis eius tamquam in causa originali erant omnes homines; propterea (vt ait Apostolus ad Romanos cap. 5. vers. 12.) in ipso omnes peccauerunt; & peccatum illud ab illa origine, per successiuas generationes, ad omnes eius posteros pertransiit. Et ratio est, quia sicuti videmus, quòd homo generat hominem, non in specie solum, sed & in multis aliis adiunctis sibi similem, puta diues diuitem, pauper pauperem, princeps principem, seruus seruum, & sic de aliis; ita necessarium fuit, quòd Adam non solum homines specie sibi similes, sed etiam eiusdem conditionis, cuius ipse erat, nos generaret; & vt tanquam vniuersi generis humani caput, quod in se habebat, siue bonum siue malum, in filios tamquam in propria membra influeret; præsertim attento fœdere, quod cum ipso Deum pepigisse iam diximus, nimirum vt si fidelis foret, bona ei diuinitus collata ad posteros quoque suos per ipsum deriuarent; sin minus, eadem & sibi & illis perditam censerentur. Igitur certum est, quòd si de Adamo nati fuissetus, quando ipse iustitia originali, mentis rectitudine, diuina gratia, immortalitate, aliisque eiusmodi supernaturalibus donis erat præditus; vtique omnes iusti, & ceteris eisdem donis ornati ac dotati orti essemus. Quia verò è conuerso, de ipso peccatore ac paupere, hoc est, cunctis memoratis supernaturalibus donis spoliato nati sumus; ideo omnes sine his & eiusmodi bonis, pauperes ac peccatores, & morti obnoxij, & filij iræ, & (vt verbis Apostoli capite ad Rom. citato vers. 14. vtat) *in similitudinem præuaricationis* [seu præuaricatoris] *Adæ* nascimur. Contigit ergo nobis spiritualiter, quod corporaliter accidit his qui hereditario aliquo morbo laborant, qui illum ex intimis parentum visceribus traxisse dicuntur. Siquidem & nos, quoniam in Adam, vt dictum est, siue in lumbis eius existentes peccauimus, quando postea per naturales generationes propagamur, ab eisdemmet eius lumbis hunc spirituales morbum, scilicet peccati originalis maculam, reatumque, & mortis pœnam contrahimus. Et hæc pauca de peccato originali, cuius in historia facta est mentio, hic more nostro tetigisse sufficiat. Plura enim qui volet, apud sacros Theologos inuenire poterit. Sed si quis quærat, cur duabus primis legibus non contentus, tertiam insuper Deus adiicere voluerit, Respondent Doctores, id duplici de causa esse factum. nempe vt absolutum se Deus hominis Dominum esse euidentius ostenderet; qui etiam ea, quæ neque legi naturali, neque supernaturali aduersantur, neque villo modo per se mala essent, ipse nihilominus pro suo arbitratu, tamquam supremus omnium Dominus, absolute præcipere prohibere possit. Vnde non ineptè quidam obseruauerunt, quòd Deus Genes. cap. 1. & 2. numquam se Dominum à Moyse appellari voluit, nisi post indultum homini super cetera animalia dominium. Ad quid hoc, inquiunt? nisi vt specialiter ostenderet, se ita hominem animalium aliarumque rerum dominum constituisse, vt propterea ipse non desineret esse, vt semper fuit, eminentissi,

PECCATUM
ORIGINALIS
QUOMODO
CONTRA-
NATUR.

CVR PRÆ-
CEPTUM DE
LIGNO VE-
TITO NON
DEGUSTAN-
DO DATUM
SIT.

nentissimus omnium Dominus: homines verò in cunctis ipsorum dominiis ei esse subordinatos, qui (vt dicitur Apocalyp. cap. 19. vers. 16.) *habet in femore suo scriptum: Rex regum, & Dominus dominantium.* Sic multi Principes solent oppida sua aliis infeudare, quod est, eorundem dominos instituere; supremo sibi semper, vt aiunt, dominio reseruato, per quod nihilominus & oppidanis, & eorum dominis imperandi ius habent. Altera dicti præcepti causa est, vt vel sic in ipso primo homine, ac totius humani generis exordio, maximum virtutis obedientiæ bonum, & inobedientiæ detrimentum demonstraret: quandoquidem in tertio hoc præcepto nihil aliud quam obedientia maioribus, in his quæ mala non sunt, exigi videbatur, Deo primum tamquam supremo omnium Domino, qui nihil mali iubere potest; deinde aliis etiam potestatibus ab ipso institutis. Vt propterea scitè dixerit Apostolus ad Romanos cap. 13. vers. 1. omnem animam potestatibus sublimioribus subditam esse debere: *Non est enim, inquit, potestas, nisi à Deo; quæ autem sunt, à Deo ordinatæ sunt. Itaque qui resistit potestati, Dei ordinationi resistit: qui autem resistunt, ipsi sibi damnationem acquirunt.* sic Apostolus. Quamquam illud inter dominos, merum & mistum habentes imperium, & alios, interest, quòd primi possunt præcipere quæcumque per se mala non sunt, etiam sub pœna capitis, sicut olim fecit Salomon Semeo, quando imperauit ei ne transiret torrentem Cedron, alioqui sciret se moriturum, 3. Regum cap. 2. vers. 36. & subditi parere tenentur. Ceteri verò Principes ac rectores præcipere possunt non nisi Legibus consentanea: quibus tamen, etiam in dubiis, parendum est. Et hæc sunt, quæ primis sex diebus à Deo acta esse, Sacra narrat historia.

34. Verumenimverò, quoniam hæcenus de iis, quæ sex primis diebus à Deo creatæ sunt, ex Sacro textu egimus; si quis successiuè huic rerum productioni ac dispositioni opponat opinionem S. Augustini lib. 2. de Genes. ad litteram cap. 6. & lib. 4. cap. 33. & alibi non semel declaratam, & aliorum, qui ipsum secuti putauerunt, Mundum non veluti per partes, sex dierum intervallo, sed simul totum vno temporis momento fuisse creatum ac perfectum: dicimus, huiuscemodi doctrinam non communiter ab omnibus, sed ab admodum paucis esse receptam, & plures habere contradictores; nouissimè verò etiam Pererium, qui super 2. Genes. capite satis neruose contra eam disputat. Et certè, ea posita, admodum difficile erit, ne dicam impossibile, multa sacræ Scripturæ loca, præsertim verò duo priora Genes. capita, rectè iuxta sensum dictæ opinionis exponere; ac alium sensum litteralem, diuersum ab eo qui ibidem conceptis verbis traditur, & manifestè historicus est, & planus, excogitare; & si id fieret, certè ille sensus non posset conciliari cum aliis Scripturæ locis, nempe Exod. cap. 20. vers. 9. & 10. cap. 31. vers. 13. vsque ad 16. & cap. 34. vers. 21. & cap. 25. vers. 2. & Leuit. cap. 23. vers. 3. & Deuter. cap. 5. vers. 13. & 14. Quibus in locis præcipitur, sex diebus operandum esse, in septimo autem quiescendum: & huius præcepti ratio redditur Exodi cap. 20. vers. 11. & item apertè ac ex professo replicatur cap. 31. vers. 17. quia nimirum sex diebus mundum Deus condidit, & in septimo requieuit, ac propterea illum sanctificauit, voluitque ab hominibus scriptæ Legis temporibus sabbatizari. Et forte eadem quoque de causa credidit Dominus præcepisse (Exod. cap. 23. vers. 10. & Leuit. cap. 25. vers. 3.) Hebræis, vt sex annis terram colerent, & in septimo incultam ac minimè seminatam relinquerent. Et pari ratione, vt Hebraici generis serui sex annis dumtaxat dominis deseruirent Hebræis, in septimo autem ab eisdem liberi dimitterentur, vt patet Exod. cap. 21. vers. 2. & Deuter. cap. 15. vers. 12. & 18. Ad quid, obsecro, huiusmodi præcepta, si reuera mundus vnico instanti, non autem sex diebus factus esset? Sed neque verum est, quod quidam dictæ opinionis sectatores asserunt, nimirum, illam sex dierum protractionem videri quodammodò omnipotentia ipsius Dei derogare, quasi non minori tempore idem præstare potuerit. Nam in illa sex dierum intercapedine, & triplicis mundi status representatione, videlicet creationis, distinctionis, & ornatus rerum, distributè magis & euidentius ostendit Deus non modò omnipotentiam, sed & sapientiam ac bonitatem suam, quæ sunt tria ipsius primaria attributa. Omnipotentiam, in rebus de nihilo producendis, & his quæ singulis diebus faciebat, vnica iussione & vnico pariter instanti producendis. Sapientiam, in his quæ fecerat, sapientissimè distinguendis ac ordinandis, ita vt mundus omnibus partibus inter se congruentibus cohereret ac niteretur: quod ad opus priorum trium dierum pertinuisse videtur. Bonitatem verò, in eisdem rebus iam productis, optimeque dispositis, mirabiliter exornandis, decorandis, ac perficiendis, quod tribus posterioribus diebus actum est. Præterea, non videtur memorata sancti Augustini opinio ex sacra Scriptura satis firmi-

MUNDVS SEX
DIEBUS AN
IN VNO SIT
STANTI SIT
CREATVS.

firmiter elici posse ac stabiliri : nam illa tria eiusdem S. Scripturæ loca, quæ pro illa adduci solent, multò aliter ab aliis Ecclesiasticis Scriptoris exponi consueverunt, & ita, vt non minùs nostræ comuniorique, quàm B. Augustini sententiæ adaptari possint. Etenim quod dicitur Genes. cap. 2. versic. 4. *In die quo fecit Dominus Deus celum & terram, & omne virgultum agri, omnemque herbam, &c.* illud, in die, idem est ac si dixisset, *in tempore, vel in diebus*, sumpto numero singulari pro plurali, vt alias Scriptura solet, & è conuerso. Quod autem adducitur ex Iob cap. 40. vers. 10. *Ecce Behemoth, quem feci tecum.* (dato quòd ibi Behemoth, vt multi putant, fumi debeat pro diabolo) licet ad mentem dicti sancti Doctoris exponi possit, quòd diabolus & homo in eodem pariter instanti fuerint creati, hæc tamen propositio si simpliciter & strictè accipiat, falsa est, quemadmodum nos suprà in Mund. Primord. num. 19. ex S. Ioanne Chrysostomo ostendimus : quamvis latius accepta, ad mentem aliorum rectè etiam potest intelligi, perinde ac si diceretur, eos pariter in eodem mundi exordio esse factos, sumpto exordij vocabulo non strictè, pro primo indiuisibili temporis momento ; sed (vt Scriptura sacra aliàs quoq; solet accipere) latiori quodam modo, quatenus scilicet totam successiuamque sex primorum dierum latitudinem complectitur. Vnde non incongruè inquirunt, quidquid intra prædictos sex dies actum est, id omne in Scripturis sacris ab initio Mundi actum dici : quandoquidem non de terra solum, quæ primo die facta est, in Psalm. 101. vers. 26. legimus : *Initio tu Domine terram fundasti*; sed etiam de Paradiso terrestri, quem nos sub die Mundi tertio, num. 13. diximus in ipso met die tertio fuisse plantatum, Genes. cap. 2. vers. 8. dicitur : *Plantauerat autem Dominus Deus Paradisum voluptatis à principio.* Quin etiam de homine ipso, qui, vt ex Genes. cap. 1. aperte colligitur, factus est die sexto, eadem Scriptura sacra Matth. cap. 19. vers. 4. & alibi non semel, ab initio factum tradit. Si autem (vt multi alij) per Behemoth, non diabolum, sed maximum quoddam ex terrestribus animalibus, accipiamus : vtrique sensus illorum verborum, *quem feci tecum*, erit, veluti si dictum fuisset, *quem feci eodem die.* constat enim, tam hominè, quàm reliqua animalia terrestria fuisse die sexto creata. Denique locus illè Ecclesiastici cap. 18. vers. 1. *Qui viuit in æternum, creauit omnia simul*, non debet, inquirunt, intelligi quòd omnia eodem tempore siue in eodem instanti fuerint condita; sed illud *simul*, vt etiam ibidem exponit Iansenius, idem importat ac si diceremus *pariter*, siue *vniversaliter*. In qua significatione accipitur quoque in Psalm. 13. vbi dicitur : *Omnes declinauerunt, simul inutiles facti sunt.* Simul, inquam, non tempore, sed vt dicitur, collectiue. Et in Psalm. 48. *Simul insipientes & stulti peribunt*, id est, tam iste, quàm ille : vt sit sensus : Deum creasse omnia sine vlla cuiusvis rei exceptione, iuxta illud Ioan. cap. 1. *Omnia per ipsum facta sunt, & sine ipso factum est nihil.*

35. Posset tamen opinio sancti Augustini in hoc sensu sustineri, si diceremus, omnia simul tempore creata fuisse, vel quantum spectat ad primam rerum materiam, quæ ex nihilo immediatè creata est; & in qua omnia, quæ postea sex diebus successiue facta sunt, erant in potentia : non autem quod attinet ad ipsas rerum species mox de potentia illius materię à Deo educas. Vel vt ait S. Thomas part. 1. quæst. 74. art. 2. ad 2. (quod in idem ferè incidit) omnia simul creata esse quantum ad rerum substantiam quodammodò informem, non autem quantum ad formationem, quæ facta est per distinctionem & ornatum : vt propterea credidit sanctus Doctor, Ecclesiasticum fignanter vti verbo creationis. Eandem penè sententiam pluribus explicat B. Gregorius lib. 32. Moralium cap. 9. dicens : *Rursus quarendum est, quomodo Deus cuncta simul condidit, dum Moyses sex dierum mutatione variante, distinctè creata describat. quod tamen citius agnoscimus, si ipsas causas originum subtiliter indagamus. rerum quippe substantia simul creata est, sed simul species formata non est : & quod simul exstitit per substantiam materię, non simul apparuit per speciem formę. Cum enim simul factum celum terręque describitur, simul spiritalia atque corporalia, simul quidquid de celo oritur, simul factum quidquid de terra producit, indicatur. Sol quippe, luna, & sidera, quarto die in celo facta perhibentur : sed quod quarto die processit in specie, primo die in cali substantia exstitit per conditionem. Primo die creata terra dicitur, & tertio arbuta condita & cuncta terre virentia describuntur ; sed hoc quod die tertio se in specie protulit, nimirum primo die in ipsa, de qua ortum est terrę substantia, conditum fuit. Hinc est quòd Moyses distinctè per dies singulos condita omnia retulit, & tamen simul omnia creata subiunxit, dicens : *Ista sunt generationes cali & terre, quando creata sunt, in die quo fecit Dominus celum & terram, & omne virgultum agri antequam oriretur in terra, omnemque herbam regionis.* Qui enim diuersis diebus*

crea-

IN QVO
SENSU OPT-
NIO S. AV-
GVSTINI
POSSIT AD-
MITTI.

creatum calum & terram, virgultum herbamque narrauerat, nunc vno die facta manifestat, ut liquido ostenderet, quod creata omnis simul per substantiam exstiterit, quamuis non simul per speciem processit. hinc illic quoque scriptum est: Creauit Deus hominem ad imaginem suam, ad imaginem Dei creauit illum, masculum & feminam fecit eos: necdum enim Hena facta describitur, & iam homo masculus & femina perhibetur. Sed quia ex Ada latere proculdubio femina erat processura, in illo iam computatur per substantiam, à quo fuerat producenda per formam. Considerare tamen hac in minimis possumus, ut ex minimis maiora pensamus. herba namque cum creatur, necdum in illa fructus, necdum fructus sui semen ostenditur, inest verò ei, etiam cum non apparet, fructus, & semen, quia nimirum simul sunt in radicis substantia, quæ non simul prodeunt per temporis incrementa. hæc S. Gregorius. Ex quibus apparet, dici posse, omnia simul quidem tempore in suis causis creata fuisse, non autem singula specificè producta. Meritò igitur sancta Mater Ecclesia in sacris Hymnis, qui ex Breuiario Romano publicè recitantur, licet in eo qui ad Dominici diei Matutinum canitur, habeat, Mundum prima die fuisse creatum, illis verbis:

*Primo dierum omnium,
Quo mundus extat conditus.*

nihilominus rectè etiam in his Hymnis, qui per Hebdomadam ad Vesperas in diebus ferialibus ponuntur, sex primorum dierum opera seorsum singula propriis Hebdomadis diebus quo facta sunt specialiter recolit. Nam die Dominico primi diei opus, hoc est, lucis creationem, & diei ac noctis primam diuisionem celebrat illis versibus:

<i>Lucis creator optime,</i>	<i>Qui manè iunctum vesperi</i>
<i>Lucem dierum proferens,</i>	<i>Diem vocari precipis,</i>
<i>Primordiis lucis nouæ,</i>	<i>Tetrum chaos illabitur,</i>
<i>Mundi parans originem.</i>	<i>Audi preces cum stetibus.</i>

& Feria secunda, diuisionem aquarum die mundi secunda factam ita canens:

<i>Immenso celi conditor,</i>	<i>Firmans locum celestibus,</i>
<i>Qui mixta ne confunderent</i>	<i>Simulque terræ riuulís,</i>
<i>Aquæ fluentia diuidens</i>	<i>Vt vnda flammas temperet,</i>
<i>Celum dedisti lmitem:</i>	<i>Terra solum ne dissipent.</i>

& Feria tertia, terram ab aquis nudatam plantas primò produxisse cõmemorat, dicens:

<i>Telluris ingens Conditor,</i>	<i>Vt germen aptum proferens,</i>
<i>Mundi solum qui cruens,</i>	<i>Fuluis decora floribus</i>
<i>Pulsis aquæ molestiis</i>	<i>Fecunda fructu sisteret,</i>
<i>Terram dedisti immobilem.</i>	<i>Pastumq; gratum redderet.</i>

& Feria quarta, solem, & lunam, ceteraque astra formata fuisse asserit, inquit:

<i>Quarto die qui flammeam</i>	<i>Lunæ ministras ordinem,</i>
<i>Solis rotam constituens,</i>	<i>Vagòsque cursus siderum.</i>

& Feria quinta, piscium pariter ac volatilium ex aqua productionem, vbi ait:

<i>Magnæ Deus potentie,</i>	<i>Demersa lymphis imprimens</i>
<i>Qui ex aquis ortum genus</i>	<i>Subiecta calis irrigans;</i>
<i>Partim remittis gurgiti,</i>	<i>Vt stirpe vna prodita</i>
<i>Partim leuas in aëra.</i>	<i>Diuersa rapiant loca.</i>

& Feria sexta, hominis, & cunctorum animalium terrestriũ creationem. inquit enim:

<i>Plasmator hominis Deus,</i>	<i>Qui magna rerum corpora</i>
<i>Qui cuncta solus ordinans,</i>	<i>Dictu iubentis viuida,</i>
<i>Humum iubes producere,</i>	<i>Vt seruiant per ordinem</i>
<i>Reptantis & feræ genus.</i>	<i>Subdens dedisti homini.</i>

Denique in Sabbato, quoniam tali die Deus cessasse dicitur ab omni opere quod pararat, nullius diuini operis facta mentione, totus ferè Hymnus in Dei laudibus (nimirum pro rerum creatione prioribus sex diebus facta) concluditur in hæc verba:

<i>Te manè laudum carmine,</i>	<i>Te nostra supplex gloria</i>
<i>Te deprecemur vespere;</i>	<i>Per cuncta laudet sæcula.</i>

AD QUID
DEVS MVN-
DVM CON-
DIDERIT.

26. Sed posteaquam hæcenus de Mundo à Deo condito actum est, quæret hîc fortasse aliquis, cur, siue ad quid, & quo modo, & quando Deus mundum fecerit. Ad primum respondit Sapiens Prouerb. cap. 16. versic. 4. dicens: *Vniuersa propter semetipsum operatus est Dominus.* nimirum primariò propter gloriam suam. Cui sententiæ B. Bernardus Serm. 3. in die Pentecostes addit: *Et omnia propter suos.* aliter tamen propter se, & aliter propter suos; in eo quippe quod dicitur, *Omnia propter se;* præueniens commendatur origo. in eo autem quod dicitur, *Omnia propter suos;* magis exprimitur fructus sequens. Omnia

nia fecit propter semetipsum, gratuita videlicet bonitate. Omnia propter electos suos, pro eorum scilicet utilitate: ut illa quidem efficiens causa sit, hæc finis. Sic S. Bernardus. Verum non propter electos tantum, sed etiam vniuersaliter propter hominem, credere debemus Deum fecisse hunc mundum, ut scilicet per tanti tamque excellentis operis magnitudinem, summa eius potentia, sapientia, ac bonitas, cunctis innotesceret, & vt ait Apostolus ad Rom. cap. 1. vers. 20. *Inuisibilia Dei, à creatura mundi, per ea quæ facta sunt, intellecta conspicerentur; sempiterna quoque eius virtus, & diuinitas.* Atque item vt ex huiusmodi cognitione homines ad ipsum Deum cum amandum, tum colendum prouocarentur. Quare meritò subdit eodem loco Apostolus: *Ita ut sint inexcusabiles,* (nimirum huius mundi sapientes) *quia, inquit, cum cognouissent Deum, non sicut Deum glorificauerunt, aut gratias egerunt.* Altero item modo dicitur Deus fecisse totam hanc mundi fabricam propter hominem, quem in ea plasmare disposuerat: quia videlicet ad eius commodum vsusque omnia sensibilia facta esse certum est, vt quotidiana docet experientia. Videmus enim cuncta non solum animalia & plantas, sed etiam petras, terras, metalla, mineralia, & quidquid aliud in mundo est, siue magnum, siue paruum, omnia, inquam, & singula in gradu suo eidem homini deferuire, vel ad cibum, vestitum, morbos curandos; vel ad varia oblectamenta, quin etiam ad ipsum in multis erudiendum, & cum opus est, castigandum: adde insuper, vt dictum est, & ad manifestandam hominibus infinitam Dei potentiam & virtutem, quæ non minis in minutissimis quibusdam animalibus, quàm in magnis elucet. nam etsi grandia quædam animalium corpora, puta cetorù, vel elephantorum, & huiusmodi, cunctis admirabilia videantur, & diuinam Creatoris potentiam valde admodum commendent: attamen, si alia quædam vsque adeò minima quorundam animalium corpora, vt vix sensu percipi queant, attentius considerentur, & quomodo in tam exiguo corpusculo tot reperi organa possint, quot varij eorum motus & facultates necessariò requirunt & ostendunt, proculdubio non minis admirabilem in ipsis quàm in magnis Deum esse compariemus. Quin potius minima hæc (quippe quæ de cetero proflus homini inutilia esse videantur) hac potissimum de causa fuisse condita videntur, vt in his præsertim admirabilem Dei potentiam, sapientiam, & bonitatem, quæ etiam ad hæc adeò minima & contemptibilia tantopere se extendat, non sine stupore consideremus. Ceterum si ipsimet *celi*, qui (vt ait Psalmista) *enarrant gloriam Dei*; multis quoque aliis humanæ vitæ vñbus inferuiunt; si inquam, *solem & lunam, & omnia astræ celi creauit Dominus Deus in ministerium cunctis gentibus quæ sub celo sunt*, vt dicitur Deuter. cap. 4. vers. 19. & quod maius est, si etiam Angeli *sunt administratorij spiritus, in ministerium missi propter eos, qui hereditatem capient salutis*, vt aperte testatur Apostolus ad Hebræos in calce capitis primi, quis dubitet cetera quoque minis perfecta, & consequenter totum hunc mundum, propter hominem esse factum, & cuncta quæ in eo sunt, eidem ex diuina dispensatione famulari? Vt igitur ad caput nostra denuò recurram oratio; si (vt probatum est) & propter semetipsum, & pariter propter hominem Deus creauit omnia: quis non videt hinc manifestè inferri, ipsum pro sua infinita bonitate, gloriam suam cum nostra utilitate coniungere, & quodammodò non minora propter nos quàm propter se ipsum facere voluisse? Quis ergo non miretur hanc æternam atque admirabilem eius erga nos dilectionem? quis propterea ad eam perpetuò recolendam, commendandam, prædicandam non incendatur? quis non in animum inducat, immò verò in corde suo firmiter statuatur, tanto amorì pro viribus respondere, talem ac tantum amatorem omni conatu redamare, summis laudibus extollere, ac denique eidem libenter parere, fideliterque deferuire?

37. Transeamus nunc ad modum, quo factus est mundus. Quemadmodum enim Deus (vt super 1. Symboli articulo in Catechismo Romano legimus) sua bonitate ad ductus, quæcumque voluit, fecit; ita non exemplum aliquid aut formam, quæ extra se posita esset, cum vniuersa conderet, secutus est: verum quia rerum omnium exemplar diuina intelligentia continetur, id summus Artifex in se ipso intuens, ac veluti imitatus, summa sapientia & infinita virtute, quæ ipsius propria est, rerum vniuersitatem initio procreauit. Sic ibi. Procreauit (inquam) per simplicem ipsius Dei iussionem. Ita enim legimus Genes. cap. 1. *Dixit Deus: Fiat lux. Fiat firmamentum, & diuidat aquas ab aquis. Congregentur aquæ. Germinet terra. Fiant luminaria. Producant aquæ, &c. Et factum est ita.* Vnde non mirum est, si hæc admirans Psalmista ait: *Ipsè dixit, & facta sunt; ipse mandauit, & creata sunt.* Et sanctus Ambrosius lib. 4. de Sacramentis cap. 4. ait: *Iniussit Dominus, & factum est calum: iniussit Dominus, & facta est terra: iniussit Dominus,*

QUOMODO
FACTVS SIT
MVNDVS.

RRERVM OM-
NIVM EX-
EMPLAR DE
VINA IN-
TELLIGEN-
TIA CONTI-
NETVR.

& facta sunt maria: insit Dominus, & omnis creatura generata est. Vides, quam operatius sit sermo Christi: & post pauca subdit: Cælum non erat, mare non erat, terra non erat; sed audi dicentem: Ipse dixit, & facta sunt; ipse mandauit, & creata sunt hæc S. Ambrosius. Porro quàm mirabile sit, quòd Deus solo suæ voluntatis imperio tam immensas moles erexerit, ita ostendit Bellarminus in libello de Ascensione mentis in Deum, Gradu 11. Nouimus, inquit, in ædificiis sine comparatione minoribus, quot instrumentis, quot machinis, quot administris architecti indigeant. Quis igitur cogitando assequatur, quomodo fieri possit, vt sola interna voluntate, quæ extra volentem non egreditur, opera tam immensa & tam varia fiant? Dixit Deus, vtique apud semetipsum. Num verbum Dei est in Deo, & est ipse Deus. Dixit, inquam, iubendo, & exprimendo imperium suæ voluntatis, Fiat cælum, & factum est cælum: Fiat terra, & facta est terra: Fiat lux, Fiat sol, Fiat stellæ, Fiant arbores, Fiant animantia, Fiant homines, Fiant Angeli; & facta sunt omnia. & post pauca: Sed & illud accedit non minùs mirabile, quòd ista omnia tam multa & tam magna, & ex tantis membris vel partibus composita, Deus momento fecerit. Apud nos ars & natura longo temporis spatio cgent, vt opera sua perficiant. Videmus herbas multò antè seminari, quàm nasci: arbores multis sæpe annis egere, vt radices figant, vt ramos extendant, vt fructus producant: animantia fetus longo tempore in vtero gerere, ac postea longo etiam tempore alere antequam adolecant. De arte nihil dico, quoniam notissimum est, opifices nostros nihil nisi in tempore, eoquæ satis longo, perficere. Quanta ergo in Deo potentia est, quæ dicto citius res maximas perficit? Et paucis interpositis, sequitur: Illud igitur est quod admiror, res singulas ab omnipotente Creatore momento fuisse perfectas. Ac de terra, & aqua, & aëre, & igne nemo ambigit, quin simul, & in momento, vt etiam omnes Angeli eodem momento, condita sint. De firmamento, & diuisione aquarum, notum est, omnia illa facta esse per solam verbi virtutem, dicentis: *Fiat firmamentum in medio aquarum.* & quidem in momento. sequitur enim: *Et factum est ita.* Quo loco S. Ioannes Chrysostomus Homil. 5. in Genes. ait: *Dixit solum, & opus secutum est.* Sic etiam idem Auctor ad illa verba, *Germinet terra herbam virentem, & factum est ita:* Quis (inquit) non obstupefcat cogitans quomodo verbo Domini germinet terra, quasi admirabili populo terra faciem variis floribus adornet: vidisses subito terram, quæ antea deformis & inculta erat, decore suo & ornatu quasi cum cælo contendere. & post ad illa verba, *Fiant luminaria,* sic loquitur: *Dixit solum, & productum est hoc admirabile elementum, solum dico. Quid si addas, quòd eodem momento & eodem verbo lunam & stellæ omnes idem Conditor fecit?* & ad illa verba, *Producant aque,* &c. sic ait: *Quæ lingua ad Opificis præconia sufficeret? Nam sicut de terra dixit solum, Germinet, & varia mox ac multiplex florum herbarumque apparuit copia: sic & hic dixit, Producant aque, & continuo tot reptilium volatiliùmque genera condita sint, quot neque sermone recenseri possunt.* hæc præfatus Auctor. Ex quibus omnibus apparet, quanta sit potentia vel potius omnipotentia Creatoris omnium Dei; quæ non solum se extendit ad ea quæ impossibilia videntur, & reuera sunt impossibilia omnibus aliis, ipso solo excepto; verumetiam ita res facit, vt ipse quoque modus faciendi omnem creaturam superet intelligentiam, cum ex nihilo, & in nihilo, & sine instrumentis, & sine tempore, solo verbo & imperio faciat. Complacuit autem Deo hoc pacto vniuersa producere, vt supremam auctoritatem suam, & miram voluntatis suæ efficaciam apertius manifestaret, doceretque eam, etiam ad illa quæ non sunt, sese extendere, iuxta illud ad Romanos cap. 4. vers. 17. *& vocat ea quæ non sunt, tamquam ea quæ sunt.* id est, ea facilitate, qua ipse, cum sit Dominus omnium, vocat, imperatque cunctis rebus existentibus, vt quæ sibi placita sunt faciant; eadem quoque vocat imperatque non existentibus, vt veniant ad esse; atque ita facit, vt statim sint, quæ prius non erant. Et vt suam item infinitam potentiam proderet, cui non modò quidquam impossibile est; verum omnia quæ vult, quando vult, & eo modo ac ordine quo vult, sine vllò cuiusvis auxilio, ipse tanta facilitate ac celeritate facit, quanta ne homo quidem dicere aut cogitare valet. Hoc autem quòd Ethnici quoque sapientes non ignorauerint, colligi potest ex M. Tullio, qui ad calcem lib. 3. de Natura Deorum, inducit Cottam coram sociis differentem ac dicentem: *Vos enim dicere soletis, Nihil esse quod Deus efficere non possit; & quidem sine labore vllò.* & hoc idem repetit etiam lib. 2. de Diuinaone, aliquanto post medium. Quam sententiam hic referre libuit, vt omnes intelligant, veteres quoque Philosophos solo naturali lumine cognouisse, Deum esse omnipotentem. Quæ res euidenter maximeque declarat eminentissimam diuinæ essentia excellen-
tiam. Nam (vt habet verissimum illud S. Dionysij Areopagitæ dictum in omni sacro-
rum

DEVM ESSE
OMNIPOTENTEM
ETIAM PHILOSOPHI
COGNOVERUNT.

rum Theologorum schola receptum) cum in omnibus ac singulis rerum naturis tria inueniantur, videlicet essentia, potentia, & operatio; proculdubio secundum cognitionem, quam vocant A posteriori, alterum ab altero dignoscitur. Siquidem qualis est operatio, plus minúsve perfecta, talem indicat esse potentiam vnde illa procedit, & ipsa potentia conditio ostendit essentia conditionem. Cum igitur tum ipsius Dei operatio, tum operandi modus (vt ostensum est) sit omnium perfectissimus atque eminentissimus; vtique necessarium est fateri, eius quoque potentiam esse infinita virtutis, & consequenter ipsius essentiam esse supra quam capi potest excellentissimam, & vel ex hoc ipso, omni laude, obedientia, reuerentia ac veneratione dignissimam. Sed hæc obiter. Ex dictis patet, mundum non ab æterno fuisse, vt falsò nonnulli ex antiquis Philosophis prodiderunt; neque ab intellectu quodam esse factum, vt censuit Anaxagoras; neque quantum attinet ad partem elementarem, à secundis diis, vt Platonici; multo minus casu, & ex fortuito atomorum concursu, vt stultè crediderunt Democritus & Leucippus: sed neque ab ipso Deo ex necessitate naturæ processisse, sicut radius ex sole, aut ex corpore vmbra, vt perperam sensere Peripatetici: sed ex libera summi Dei electione & voluntate. Quod etiam expressè habemus Apocal. cap. 4. in fine, his verbis: *Quia tu creasti omnia, & propter voluntatem tuam erant*, (scilicet in mente diuina) *& creata sunt.* & in Psal. 134. legimus: *Omnia quaecumque voluit Dominus fecit in celo, & in terra, in mari, & in omnibus abyssis.* & in Psal. 110. *Magna opera Domini, exquisita in omnes voluntates eius.* Itaq; certissimum est, Deum non propria eius natura cogente hunc mundum produxisse, quemadmodum ignis non potest non calefacere: neque illum, tamquam opus suæ potentia profus adaequatum, ita procreasse, vt naturaliter non potuerit non talem mundum, id est nec maiorem, nec minorem, nec alterius forme, facere: quandoquidem è conuerso, quòd ipse Deus, vt diximus, propria voluntate mundum fecerit, eo modo quo nunc est; cum tamen ipse proculdubio sit longè amplioris, immò infinita virtutis ac potentia, ita vt per se, sine vllò causarum secundarum aut alterius rei adminiculo seu concursu, potuisset omnia hæc aliter & multo maiora facere; satis superque declarat innumera, quæ ipse postmodum diuersis temporibus per se suosque edidit miracula, nimirum opera supra omnem cuiusvis creaturæ virtutem, & non solum præter vitatum rerum ordinem, sed manifestè interdum etiam contra propriam ipsarum rerum naturam, qualia sunt, homines in igne illesos aliquamdiu permanere, ambulare super aquas, mortuos ad vitam reuocare, & huiusmodi sexcenta alia: quæ profectò quid aliud nobis innuunt, nisi Deum esse naturarum pro suo libito conditorem & moderatorem, atque ea facilitate qua eas facit, posse ad nutum immutare, effectus suos suspendere, & quomodolibet ei placuerit alterare ac variare, tamquam voluntati suæ vsqueadeò subiectas, ab eaque omnino dependentes, vt in illis, & per illas, quidquid ei libuerit, efficere sine vlla repugnantia aut difficultate possit. verissimum enim illud est, quod ait Regius Propheta in Psal. 118. *Quoniam omnia seruiunt ei.* Ceterum rationes, quibus prædictæ aliæque Philosophorum opiniones de origine mundi à fide Catholica deuiantes redarguuntur, peti possunt à S. Thoma sparsim pluribus in locis, præcipue verò part. 1. quæst. 45. 46. & 47. & in Quæstionibus disputatis quæst. 3. quæ est de creatione, & lib. 2. Summæ contra Gentiles à cap. 31. vsque ad 46. & ab eiusdem sancti Doctoris Expositoribus locis citatis.

39. Restat nunc aliquid dicere, quando factus sit mundus. Cui quæsitio sic breuiter satisfacere possumus: Quando ineffabili voluntatis Dei proposito complacuit, venisset hora, quam inscrutabilis consilij sui altitudo, secundum ordinatissimam rerum dispositionem, quæ in mente diuina est, ab æterno præstituerat. Verissima namque est illa B. Augustini Tract. 104. in Ioan. sententia: *Omne tempus, & quid, & quando faceret, vel fieri sineret, ab illo esse dispositum, qui tempori subditus non est. Quoniam quæ futura erant per singula tempora, in Dei sapientia causas habent, in qua nulla sunt tempora.* Si verò quærat de anni tempore quo creatus est mundus, verno ne, an æstiuo, autumnali, vel hiemali, Dicimus, prius aduertere oportere, quæsitum istud non esse vniuersaliter intelligendum de omni orbis parte: non enim fieri potest, vt vbique terrarum vno eodemque anni tempore fuerit ver, aut autumnus, æstas, vel hiems: nam quando in Antartictis regionibus æstas est, constat in Arctis esse hiemem, & è conuerso; & quando sol incipit elongare se ab Antartictis plagis, & appropinquare Arctis; in istis ver facere, in illis verò autumnum, & contrà. Debet igitur proposita dubitatio accipi de illo orbis climate, seu de illa regione, in qua erat Paradisus terrestris, vel in qua plasmatus est Adam, vel quam primi, nostri parentes de Paradiso pulsi primum incoluerunt.

Ut autem ad quæsitum hoc breuiter respondeamus, dicimus, non posse certò definiri, quodnam anni tempus fuerit, quando factus est mundus; quoniam neque in Scripturis sacris clarè exprimitur, neque Doctores, qui de hac re scripserunt, inter se conueniunt. Itaque ne tempus in re tam ancipiti & incerta conteramus, sufficiat hîc Doctorem tantummodò opinionibus recensere, & quænam probabilior videatur, ostendere, eademque aliquot rationibus confirmare. Tres fuerunt in hac difficultate opiniones: prima tenuit, mundum creatum esse tempore veris; altera, in æstate; postrema, in autumno. De hieme enim nemo, quòd sciam, suspicari potuit; quoniam tunc terra arida atque horrida est: vnde animalia recéns à Deo creata, neque pascua, neque cibos inuenire potuissent.

AN MVNDVS
ÆSTIVO
TEMPORE
CREATVS
SIT.

40. Sanè mundum æstiuo tempore creatum fuisse, quemadmodum asserit Gerardus Mercator in principio suæ Chronologiæ, refelli facilè potest; quoniam eo nititur fundamento, quòd Genes. cap. 8. vers. 11. dictum sit, columbam à Noë de arca emissam, die decima septima vel decima octaua mensis vndecimi, reuersam, tulisse ramum oliuæ virentibus foliis in ore suo. & hinc colligit præcitatus Auctor, mensem illum vndecimum fuisse, quem nos Maium appellamus, qui incidit in vere, quo tempore solent oleæ ceteraque arbores folia virentia germinare: & inde infert, primum anni mundi que mensem fuisse, quem nos Iulium dicimus, qui ferè in media currit æstate; & à quo Maius mensis vndecimus est. Supponit autem hæc opinio, p̄ficos illos viros, præcipuè eos qui erant ante Diluuium, consueuisse inchoare annum ab eo tempore, quo conditus fuerat mundus: quod quidem etsi verum esse credimus, non tamen concedendam putamus illationem præcitati Auctoris, videlicet, Columba tulit ramum oliuæ virentibus foliis; ergo tunc erat tempus vernum: quia constat, oleas toto ferè anni tempore folia habere virentia. Et dato quòd tunc esset ver, non inde tamen omnino conuincitur, Iulium fuisse primum anni mensem, numerando annos ab orbe condito: quia non est certum, quomodo Scriptura ibi computet illos menses; videlicet num ab initio anni sexcentissimi primi vitæ Noë, an ab inchoato Diluuii, de qua re magna est difficultas, vt infra suo loco dicemus. Quare nihil certi concludit Gerardi argumentum. Neque sufficit ad eius opinionem sustinendam, quòd Solinus cap. 35. referrat, Ægyptios existimasse, mundi exordium eo tempore incidisse, quo sol signum Leonis ingreditur: quia cur ita fenserint, non adducit; & quod gratis dicitur, gratis quoque reiici potest: nec Ægyptiorum auctoritas sine ratione adducta quemquam mouere debet, præfertim cùm ex Iosepho lib. 1. Antiq. cap. 4. & Cicerone lib. 2. de Natura Deorum, & Lactantio lib. 1. Diuinarum institutionum cap. 6. constet, eisdem Ægyptios ab antiquissimis temporibus consueuisse inchoare annos suos ab eo mense, qui nostro respondet Septembri; quos si ab orbe condito (vt creditur) deducebant, aut se deducere putabant, necesse est fateri, eos olim sensisse, mundum non æstiuo, sed autumnali tempore exordium sumpsisse. Et ratio dictat, hac in re magis esse credendum antiquissimis Ægyptiorum, vtpote qui primordiis mundi viciniore erant, quàm minus antiquis.

ÆGYPTII
VNDE AN-
NUM IN-
CHOARENT.

AN VERNO
TEMPORE.

41. Mundum autem in Æquinoctio vernali, vel saltè tempore veris fuisse conditum, est opinio celeberrima, quam secuti sunt non solùm Astrologi ferè omnes, qui ob id præcipuè signum Arietis, quod ingreditur sol ineunte vere, primum inter omnia Zodiaci signa posuisse creduntur: sed etiam plurimi præcipuè Scriptores Ecclesiastici, Græci ac Latini, & nonnulli ex Hebraicis; quorum aliquos hic per suas classes citare non grauabor; nimirum ex Græcis, sancti Basilii in Hexaëmeron, Athanasius in Responione ad quæst. 17. Antiochi, Gregorius Nazianzenus in Oratione in nouam Dominicam, Eusebius in libro, qui Omnimoda historia inscribitur, à Pererio in Genes. citatus; Cyrillus Ierosolymitanus, Catechesi 14. Theodoretus in quæst. 72. in Exod. Damascenus lib. 2. de Fide orthodoxa cap. 7. Synodus Palaestina, à Theophilo Episcopo Cæsariensi iussu Victoris Papæ congregata, cuius meminit Beda in Exordio lib. de Sex ætatibus mundi, & alij. Ex Latinis, sanctus Leo Papa in Sermon. 9. de Passione Domini, B. Ambrosius lib. 1. cap. 4. sui Hexaëmeron, Beda in Glossa interlineari super cap. 35. Genes. & in lib. de Ratione temporum cap. 28. & 40. & alibi non semel, S. Ildorus lib. 5. Etymolog. cap. De temporibus, Strabus, & Rabanus super Exodi cap. 12. Historia Scholastica in Genes. Linconiensis, Gualterus Monachus in lib. de Ætate mundi, Paulus Episcopus Forosēmpreniensis, & alij quos citat Ioan. Lucidus lib. 1. de Emendatione temporum cap. 2. qui & ipse est eiusdem opinionis, & Rabbi Iosue ab eodem Lucido allegatus, & alij plures. Rationes autem quæ pro hac opinione

ione solent adduci, seſe iſta ſunt. Quia, inquiunt, vernum tempus vt plurimum ſolet eſſe temperatè calidum & humidum; & conſequenter generationi, vitæque plantarum atque animalium, aptiſſimum. Quare cùm tunc videantur quodammodo omnia naſci, naſcentis etiam mundi tempus illud videtur exprimere. Item quia Genef. cap. 1. verſ. 11. dicitur: *Germinet terra herbam virentem*; quod propriè fieri videmus in vere. Item quia videtur valdè conueniens, quòd eo tempore conditus fuerit mundus, quo etiam poſteà per Verbi incarnationem & Chriſti paſſionem reparatus fuit; ſed in carnatio Verbi & paſſio Chriſti facta ſunt in vere; ergo. Item quoniam idcirco (vt aiunt) Dominus per Moyſen præcepit Hebræis, vt à menſe Niſan, qui partim noſtro reſpondet Martio, partim Aprili, annum ſuum inciperent; non ſolum quia tunc eos eduxerat de Ægypto, ſed etiam propterea, quòd eodem tempore creatus fuerat, & redimi debebat mundus. Quæ quidem argumenta parum vrgere videntur. Nam poſſet his reſponderi, concedendo, quòd tempus veris, in quo propter temperamentum eius calidum & humidum, videntur naſci omnia, quodammodo naſcentis mundi reſert inaginem, vel (vt ita dixerim) infantiam; tempus autem autumnum, in quo fructus iam maturi ſunt atque perfecti, euſdem mundi virilitatem, ſeu perfectam reſ præſentat ætatem. Sed ſicut clærum eſt, Adamum & Heuam non eſſe natos naturaliter inſantes, quemadmodum poſteà ceteri homines, ſed mirabiliter à Deo in ætate perfecta fuiſſe plasmatos, ſicuti & cetera animalia omnia: ita credibile eſt, mundum, ſi naturaliter productus eſſet, fortaſſis à tempore veris initium fumere debuiſſe, vt citati Auctores, naturali ordine dumtaxat inſpecto, opinati ſunt: ſed quoniam à Deo mirabiliter in ſtatu perfecto creatus eſt, quando ſcilicet quæ in ipſo naſcuntur, ad propriam perfectionem iam peruenerant; idcirco magis conuenit dicere, mundum cœpiſſe ab autumnum, quàm à vere. Ad illud autem, quòd aiunt dici Genef. 1. *Germinet terra herbam virentem*; quod videtur indicare tempus vernum: replicari poteſt, ibidem quoque ſubdi: *Et lignum pomiferum faciens fructum iuxta genus ſuum.* & cap. 3. verſ. 2. Heua fatetur tunc fuiſſe tempus fructuum, dicens: *De fructu lignorum, quæ ſunt in Paradiso, veſcimur.* quod magis indicat autumnum. Ad illas conuenientias creationis & redemptionis mundi, dicere poſſumus, quòd tamenſi non ſint aſpernandæ, non tamen tantam habent certitudinem, vt his omnino fidendum eſſe videatur. Poſtremò, ad illud de præcepto inchoandi annum Hebraicum à menſe Niſan; non poteſt negari, quin principaliter datum fuerit in memoriam Iſraëliticæ liberationis de ſeruitute Ægyptiaca, vt teſtatur Iosephus lib. 1. Antiq. cap. 4. quòd autem etiam quia in eodem menſe creatus eſſet mundus, omnino incertum eſt; & neque ex Scriptura ſacra, neque alia ratione probari poteſt. Itaque hæc opinio, quòd mundus verno tempore conditus fuerit, maiorem habet confirmationem à multitudine auctoritateque Doctorem qui eam ſequuntur, quàm ab efficacia rationum, quæ pro ea adduci ſolent. Vnde non videtur improbabile, hoſce Auctores vel ſimpliciter omnes Aſtronomorum ſententiam recepiſſe, vel ſucceſſiue poſteriores priorum opinionem, ſine vlla rei diſcuſſione, vt aliàs interdum euenire ſolet, fuiſſe ſecutos: nam ſi reſponſiones ad ipſorum fundamenta iam adductas, & argumenta contra eos numero proximo adducenda diligentius expendiſſent, forſitan ſententiam mutaſſent.

42. Tertia opinio, quòd ſcilicet mundus cœperit ab autumnali tempore, fuit quorundam ex præcipuis ac antiquiſſimis Hebræorum Rabbiniſ, videlicet Iosephi primo Antiq. cap. 4. & Rabbi Eleazar in Genef. & Rabbi Abraham ſuper cap. 7. Danielis. Euſdem ſententiæ ſunt ex Latinis Scriptoribus Nicolaus de Lyra ſuper Genef. cap. 7. & Abulenſis ſuper cap. 1. Genef. quæſt. 21. & in priori parte ſui Deſenſorij cap. 14. & Arias Montanus in ſuo libello de Sæculis, in Apparatu Bibliorum Regiorum inſerto, & alij. Picus etiam Mirandulanus lib. 7. aduerſus Aſtronomos cap. 6. videtur in eandem magis inclinare ſententiam. Quæ licet non ſit à tam multis recepta, quemadmodum præcedens, poteſt tamen validioribus fortaſſe rationibus fulciri. Nam eſt certum ſit, non omnes nationes ab eodem tempore. ſuum inchoare annum conſueuiſſe, ſed quasdam ab æſtate, puta Arabes, teſte Iulio Firmico lib. 3. & Macrobio in lib. de Somnio Scipionis; aliquas à tempore veris, vt olim Romani, regnante Romulo; aliquas ab autumnum, vt Ægyptij, Perſæ, & nonnulli alij Orientales; quasdam denique ab hieme, vt ſit apud nos à Kal. Ianuarij: attamen valdè rationi conſentaneum videtur, mundum fuiſſe creatum in initio illius menſis, qui primus fuit in menſibus anni apud antiquiſſimas nationes, plagæ præſertim Orientalis, in qua priſci illi primæ ac ſecundæ mundi ætatis homines primum habitare creduntur. Conſtat autem,

teste B. Hieronymo super cap. 1. Ezechielis, primum anni mensem apud omnes Orientales fuisse, quem Hebræi vocant Thifri, qui nostro quandoque Septembri, & quandoque Octobri respondere solet. Eamdẽ quoque consuetudinem fuisse apud Hebræos, viuentẽ adhuc Moysẽ, satis euidenter constat ex Exod. cap. 23. vers. 16. vbi loquens Scriptura de festo Tabernaculorum, ait: *Solemnitatem quoque* (supple, ages) *in exitu anni, quando congregaueris omnes fruges tuas de agro.* & cap. 34. vers. 22. eamdẽ solemnitatẽ iubet Dominus agi debere, quando redeunte anni tempore cuncta concluduntur. Ex quibus locis euidenter apparet, finem præcedentis, & initium subsequẽntis anni apud Hebræos in autumno tunc incidere solitum fuisse: anni inquam vulgaris, nam annus sacer, à quo desumi consueuerat ordo celebrandi statutus per annum solemnitates, Paschæ, scilicet, Pentecostes, Tubarum, &c. incipiebat à mense Nisan, qui nostro respondet Martio vel Aprili, vt præceptum fuerat à Moysẽ Exod. cap. 12. vers. 2. quod etiam affirmat Iosephus primo Antiq. cap. 4. vbi ait, Moysen in suis fastis instituisse primum anni mensem, illum qui apud Hebræos dicitur Nisan, quod in eo ipsos de Ægypto eduxisset, eundemque mensem omnium, quæ ad rem diuinam pertinerent, exordium fecisse: alioqui quod ad nundinationes rerum venalium, reliquamque dispensationem anni attinet, nihil de pristino ritu innouasse. Ex quo patet, olim etiam Hebræos anni sui initium ab autumno sumere consueuisse. His addi potest, conuenientius videri, ponere, annum inchoari consueuisse ab autumno etiam ante Diluuium, ita vt ipsum Diluuium, quod cœpit mense secundo, Genes. cap. 7. vers. 11. cœperit mense Nouembri, & sese extenderit ad tempus hiemale, quod naturaliter humidum esse solet & pluuiis obnoxium; quàm ponere, primum anni mensem incidisse in vere, ex quo sequeretur, Diluuium contigisse in æstate, quæ naturaliter sicca est, & pluuiis atque inundationibus minùs obnoxia. Nam et si Diluuium non ex causis naturalibus tantummodò prouenisse credatur; verisimile tamen admodum est, Deum ad illud efficiendum causis quoque secundis & naturalibus, ac temporis opportunitate, vsu fuisse. Quæ quidem ratio militat, supposita opinione illorum, qui putant secundum illum mensem, in quo cœpit Diluuium, fuisse pariter secundum anni, qui tunc communiter agebatur. Quod nos quoque sub anno mundi 1657. num. 3. comprobabimus. Ad hanc eamdẽ nostram opinionem confirmandam facere poterunt, quæ nos sub anno mundi proximè citato, num. 4. & 5. dicemus.

43. Aliud argumentum, quo confirmari potest, mundum ab autumno cœpisse, tale est: Ex quo in autumno colligi reponique solent fructus maturi, & alij illicdè seminari, videtur quodammodò sensibiliter insinuari, tunc annum naturaliter esse completum, & denuò renouari. Quid enim aliud portendit illa fructuum collectio & repositio, illa arborum exsiccatio, & foliorum casus, nisi quemdam anni exitum & interitum? & item noua illa semina in terram proiecta, quibus arua fecundatur, & nouam segetem pullulare incipiunt, nisi quoddam noui anni tunc subsequẽntis initium? Itaque si ipsum autumnale tempus nouæ rerum generationi præ omnibus naturaliter idoneum esse videmus, perfectò non inconuenit ab ipso mundum inchoasse arbitrari. Alia ratio ad idem probandum, ab ipsa arborum perfectione desumitur. Conuenit namque pro certo habere, quòd quemadmodum Deus, cuius perfectæ sunt opera, creauit hominem & cuncta animalia in statu perfectò, sic etiam produxit arbores & plantas in ea perfectione, quæ magis illarum naturis congruebat, præsertim cum eas ad cibum sustentationemque ipsorum animalium destinasset. Quis autem non videt, numquam arbores esse æquè absolutas atque perfectas, quàm cum sunt onustæ fructibus maturis, & in suo genere optimis: quod quidem communiter contingit in autumno: plurima enim & nobiliora arborum genera ea potissimum sunt, quæ fructus edunt autumnales. ergo fateri oportet, mundum ab autumno exordium sumpsisse. Nec obstat quod aliqui dicunt, primas illas arbores bis in anno consueuisse fructus suos proferre, vere scilicet & autumno: quia primi homines non incoluisse creduntur regiones sub Æquinoctiali vel sub Zona Torrida existentes, in quibus id naturaliter contingere perhibent; in aliis verò regionibus non sine miraculo videtur tale quid contingere potuisse, præsertim vniuersaliter in omni lignorum specie. certum est autem, non esse confugiendum ad miracula, vbi potest naturaliter prouisum esse intelligi. Non etiam obstat prædictis responsio cuiusdam Ioannis in Summa Anglicana par. 1. dist. 1. cap. 1. à Ioan. Lucido citati lib. 1. de Emendatione temporum cap. 2. videlicet, non posse dici, quòd fructus & arbores in autumno sint in sua maxima perfectione; quia (inquit) tunc perfectum est in diminutione; citò enim minuitur ac deficit eorum perfe-

perfectio propter imminentem hiemem, quæ est occasio corruptionis huiusmodi rebus inferioribus. Non inquam hoc obstat, quia videmus flores tunc primum cum perfecti fuerint, ab illa pulchritudine paulatim deficere, tabescere, & areferi. Sed & homines ipsi, & cetera animalia, cum ad virilitatem perfectumque ætatis suæ statum peruenerint, nonne paulò post ad senectutem properare incipiunt? Quid plura? pone tibi prudens Lector ante oculos rotam illam, à nonnullis non inutiliter confictam, belleque in quibusdam tabulis expressam, quæ repræsentat in ambitu suo cunctas res caducas atque mortales, quas cum in summo ipsius rotæ eleuatas conspexeris, illicò ab eadem deorsum sensim ferri videbis, & intelliges commune esse cunctis rebus corruptibilibus, ut cum ad perfectum sui status peruenerint, statim declinare incipiant, & tendere ad interitum. Non igitur valet argumentum citati Auctoris, Arbores hieme inchoante deficere incipiunt, ergo signum est illas in autumnno non fuisse perfectas. immò signum est, in autumnno fuisse perfectas, quia ineunte hieme declinare incipiunt.

44. Prædictis rationibus addere possumus aliâ, quæ erit postrema, nempe, videri magis naturaliter proportionata alimenta pro hominibus ac ceteris animantibus à Deo fuisse prouisa, si ponamus mundum in autumnno fuisse creatum, quando iuxta Ordinarium naturæ cursum fructus maturi sunt, & apti per totam hiemem annumque sequentem conservari, quam si poneremus ipsius mundi exordia in vere, quo tempore nihil ferè aliud in plantis atque arboribus inuenitur, nisi flores & folia. Sed esto quoddam Adam & Heua satis commodè vernalibus fructibus nutriti potuissent, & quoddam de his dictum esset Genes. cap. 3. vers. 2. *De fructu lignorum, quæ sunt in Paradiso, vescimur*: non tamen videtur tempus veris potuisse naturaliter suppeditare talem tantamque fructuum copiam ac varietatem, quanta qualisque requiri videbatur ad cibanda tot tamque diuersi generis animalia, & ea præsertim, quæ cibis aridioribus, cuiusmodi esse solent autumnales, vesci consueuerunt. Hæc, quæ hic adduximus argumenta, quamuis multò magis vrgere videantur, quam quæ pro præcedenti opinione adduci solent, non tamen esse demonstrabilia, concedimus: ideoque faciliè admittimus, non esse culpandos, qui mundum verno potius tempore productum putant. Est enim eorum quoque sententia rationalis: tametsi nobis illa magis arrideat, quæ ipsam mundi originem in autumnno ponit. Nam præter rationes hæcenus pro ea adductas, ipsa etiam magis consonat & quadrat iis, quæ sub anno mundi 1656. num. 13. dicemus de Noë, qui primo vel secundo anni mense, videlicet non multò prius quam inciperet Diluuium, comportauit iubente Domino in arcam ex omnibus escis, quæ tunc mandici licite poterant, nimirum tantam fructuum terræ copiam, quanta opus esse videtur pro se, familiaque sua, & cunctis animantibus, quæ in arca ab aquis Diluuij præseruanda erant, pascendis ac sustentandis, non pro modico dumtaxat tempore, sed per vnum & amplius annum. Etenim non viderentur eiusmodi fructus tam diu naturaliter, in arca præsertim vndique oclusa, conservari potuisse, si non fuissent autumnales, & non multò antè collecti. Et hæc breuiter de sex primorum dierum operibus attingisse sufficiat: quandoquidem, qui plurâ desiderat, videre poterit Hexæmeron S. Basilij, sancti Ambrosij, Bedæ, & si qui sunt alij, item egregium Ludouici Grana-tensis librum, quem in fidei Symbolo edidit; Tostatum quoque ac Pererium, & ceteros Genes. Expositores.

MVNDI DIES SEPTIMVS.

1. **D**IE mundi septimo, quem tum Hebræi tum nos Sabbatum appellamus, compleuit Deus opus suum quod fecerat, & requieuit ab vniuerso opere quod pararat, Genes. cap. 2. vers. 2. non quod in hoc quoque die Dominus aliquid, ad ipsius Mundi complementum, operatus sit; siquidem iam in calce præcedentis capitis dictum fuerat, quod Deus die sexta vidit cuncta quæ fecerat, & erant valde bona. & Exod. cap. 20. vers. 11. legimus: *Sex enim diebus fecit Dominus celum, & terram, & mare, & omnia quæ in eis sunt, & requieuit die septimo*. Igitur nihil operis fecit Deus die septimo: sed quando dicitur compleuisse die septimo opus suum, illud die septimo accipiendum est exclusiuè, ac si diceremus: Die septimo, expletis omnibus ad Mundi fabricam pertinentibus, requieuit; hoc est, operari cessauit, iuxta illud Isaia cap. 1. vers. 16. *Quiescite agere peruersè, id est, cessate*: Cessauit, inquam, Deus, non absolute ab omni opere; sed ab vniuerso opere quod pararat: id est, non ab opere conservandi, regendi, ac gubernandi mundum, dirigen-

QVID EG-
RIT DEVS
DIE SEPTI-
MO.

diſque homines in viam ſalutis, ad conſequendam vitam æternam, ad quam creati ſunt, de quibus proſectò operibus intelligi debet dictum illud Ioannis cap. 5. verſ. 17. *Pater meus uſque modo operatur, & ego operor*: ſed ceſſauit ab operibus creationis, diſtinctionis, & ornatus rerum; hoc eſt, à mundi fabrica quàm fecerat: quia videbat illam, per ea quæ ſex præcedentibus diebus acta fuerant, iam euaiſſe omnibus numeris abſolutam atque perfectam; vt propterea ſuperius dictum fuerit: *Vidit Deus cuncta quæ fecerat, & erant valde bona*, id eſt, omnia ſimul, & ſingula ſeorſum, in ſuo genere & gradu erant valde perfectæ. Hic ſi quis quærat, cur dicatur Deus requieuiſſe die ſeptima ab operibus ſuis; reſpondent Doctores: Quia Deus, inquit, factò mundo, non requieuit in opere ſuo, quantumvis perfectiſſimo, tamquam ex eo vtilitatem aut delectationem capiens, prout ſæpè ſolent homines (quod vitium eſt & infirmitas animæ, vt ait B. Auguſtinus libro 4. de Genef. ad litteram cap. 15.) ita ſuis operibus delectari, vt potiùs in ipſis, quàm in ſe requieſcant ab eis. Deus autem, vt pote qui mundum fecerat, non quòd eo vllatenus indigeret, ſed ex pura eius charitate, & ſedulo diſfundendæ bonitatis ſuæ ſtudio, rectè dicitur requieuiſſe ab operibus ſuis, id eſt, vt ita dixerim, quodammodò extra opera ſua, ſin ſe ipſo; quippe qui non magis aut minùs beatus eſſet poſt mundi conſtitutionem, quàm ante, & in tota æternitate ſua; in qua ſola naturali ac propria beatitudine, hoc eſt ſe ipſo contentus, ſemper eodem modo beatiſſimus permanet.

DESABBATI
SANCTIFI-
CATIONE.

2. Porro quoniam longè præſtantior atque honorabilior eſt ipſa operis perfectio, quàm inchoatio aut proſectio; iure merito Deus, illicò poſt abſolutum ſex diebus mundi opificium, benedixit diei ſeptimo, & ſanctificauit illum, ceſſans ipſe à creationis operibus. Benedixit, inquam, hoc eſt, benefecit diei ſeptimo: ſiquidem ipſum præ ceteris hebdomadæ diebus in honore haberi voluit, ſanctificando, id eſt ſegregando illum ab aliis, & ab omni uſu profano, & à cunctis operum ſeruiliũ exercitationibus, ac ſpeciali quadam ratione eundem ſuo cultui dedicando. Ita vt propterea non immerito quidam exiſtimauerint, hoc ipſo die in cælis omnes Angelorum choros ſpeciali quadam exultatione & iubilo in Dei laudes prorupiſſe, quòd tam præclarum & admirabile opus abſoluifſet: putentque de hiſce diuinis laudibus accipiendum eſſe illud Iob cap. 38. verſ. 4. *Vbi eras, quando ponebam fundamenta terræ?* & poſt pauca: *Cùm me laudarent ſimul aſtra matutina, & iubilarent omnes filij Dei?* id eſt, Angeli ſancti, qui ſimul cum cælo creati fuerant, & ſunt veluti aſtra quadam ſpiritualia ac lucidiſſima, vt etiam filij Dei rectè dici poſſint. Iſti enim vt viderunt cuncta quæ fecerat Deus, nempe cælum, & terram, & omnia quæ in eis ſunt, & præſertim ſeipſos omnium creaturarum nobiliſſimos; ſcirentque cuncta à Deo ex nihilo fuiſſe producta, vniuerſumque mundum non ſolum ex nihilo factum, ſed etiam in nihilo poſitum, ſine ſpatio præexiſtente, aut loco in quo locari poſſet, ita vt ipſe ſibi locus eſſet; & nihilominùs ſirmiſſimè fundatum ſuper ſtabilitate ſua: & hæc omnia & ſingula ſine inſtrumentis, ſine labore, ſine tempore, ſed ſolo verbo, ſolo ſuæ voluntatis imperio facta; vt etiam ipſe modus faciendi omnem creaturam ſuperet non modò facultatem, verum etiam intelligentiam. Hæc, inquam, & ſimilia altiſſimè contemplantes ſublimiſſimi illi cæleſtis aulæ ſpiritus, omnes cum ingenti ſtupore & iubilo laudauerunt ſummũ Opificis omnipotentiam, perpetuum quoddam in cælis Sabbatum agentes. Verumtamen in terris iſta Sabbati ſanctificatio, nonniſi poſt multa ſæcula in uſum veniſſe creditur, nimirum temporibus Moyſi, quando ſub præcepto data eſt filiis Iſraël. De cetero, neminem ad eius obſeruantiam obligafſe: quippe quæ ad tempus dumtaxat Moyſaicæ legis; in quo Moyſes Genefim conſcripſit ac vulgauit, reſpiceret; & certum ſit, nullum aliud præceptum poſitum primis noſtris parentibus datum fuiſſe, præter illud, de abſtinendo ab eſu ligni ſcientiæ boni & mali. Quamvis autem non improbable videatur opinari, quòd ſaltem Enos, qui fuit tertius ab Adamo, & de quo dicitur Genef. cap. 4. in fine: *Iſte cepit inuocare nomen Domini*. ſubaudi, non abſolutè, (id enim priùs fecerant Cain & Abel in ſuis ſacrificiis, & vt credimus, ante ipſos etiam Adam) ſed quòd ipſe, qui cœperat inuocare nomen Domini piis quibuſdam adinventionibus & obſeruantis, quemadmodum ſub anno mundi 236. num. 4. declarabitur; inter alias, ipſam quoque Sabbati obſeruantiam in uſum primus inducere curauerit, ceſſando ab operibus ſeruilibus ad honorem Dei, & ad aliqualem eius imitationem, quem ſciebat eo die requieuiſſe, & cum dem diem ſanctificafſe; tum etiam, vt hac potiſſimum ratione gratias Deo ageret pro ipſa mundi rerumque omnium creatione. Attamen de hac Sabbati obſeruantia tunc temporis exercita, nihil certi affirmare poſſumus, præſertim cùm nulla eius

in Scripturis sacris mentio habeatur. Vnde si in prima mundi ætate penes quosdam custodita fuit Sabbati sanctificatio, necesse est, non ex diuino præcepto, quod nullum tunc extabat, sed ex sola pietate id actum fuisse; & non multò post, nimirum in vniuersali illa hominum præuacatione quæ subsecuta est, & mox generali Diluuiio punita fuit, omnino defecisse: vel si à Noë viro iusto ac filiis eius retenta, aliquamdiu etiam post Diluuium viguit, oportet pariter eam citò, vel saltem multò ante Moysis tempora fuisse antiquatam, penitusque abolitam: quandoquidem nullibi gentium legimus, eam in vsu extitisse, & si alicubi aliquod eius vestigium, certè apud Hebræos, tamquam ceteris nationibus religioso, mansisse debuisset. Atqui (si Philoni lib. 1. de Vita Moysis vltra libri medium credimus) Israëlita, cum iam dudum quæssent quisnam esset Mundi natalis dies, quo hoc vniuersum absolutum est, rem à suis maioribus ignoratam tandem didicerunt, non solum oraculo (Moysi videlicet factò) verum etiam argumento manna manifestissimo, quæ cum singulis aliis diebus mirabiliter plueret, colligereturque, si quid in crastinum afferuabatur, corruptum vermiculis scatebat; in Sabbato autem mirabilis, neque cadebat man, neque quod pridie pro biduo collectum fuerat, putrescebat. Igitur, si Hebræi ante exitum de Ægypto, ignorabant quisnam esset dies Sabbati, quomodo poterant religionem eius à Deo olim institutam obseruare? Patet itaque, vt dictum est, non nisi Moysaice legis temporibus in vsu fuisse memoratum septimi diei cultum, nec post ipsam etiam semper, nisi penes Hebræos, perdurasse. Siquidem certum est, quòd deinde per legem Euangelicam in proximum diem, qui Dominicus dicitur, translatus fuit, & nonnihil item immutatus; non solum quoad eius ritum & celebrationis modum, sed etiam quoad finem & intentionem: nam sanctificatio Sabbati, speciatim ad conditi orbis; Dominici verò diei, ad eiusdem orbis reparati beneficium recolendum instituta fuit: tamquam si illa septimi diei ab operibus ferilibus vacatio, ad consideranda quæ præcedentibus sex diebus opera naturalia, nempe creationis, distinctionis, & ornatus rerum, Deus pro homine fecerat, debitasque ei pro eisdem gratiarum actiones exoluendas, deferuere deberet: nostram verò octauæ diei sabbatizationem, ad opera, quæ vocant gratiæ, ac præsertim nostræ redemptionis, multo prioribus excellentiora, à quibus eodem die Dominus requiescere cœperat, sedulò contemplanda, spiritualibusque exercitiis ac sacrosanctis sacrificiis recognoscenda, potissimum conferre ac dirigere debeamus; memores illius sententiæ, quam in Paschalis cerei benedictione sancta canit Ecclesia illis verbis: *Nihil enim nobis nasci profuit, nisi redimi profuisset.* Quamquam in eodem quoque Dominico die, quòd primus fuerit creationis pariter ac redemptionis mundi, eadem sancta mater Ecclesia (quæ omnia & singula Dei beneficia libenter recognoscere, ac statim præcipuè temporibus deuotè conceleberrare solet) non prætermittit laudare Dominum, etiam pro ipsius mundi creatione, vt colligi potest ex Dominicalis Officij Inuitatorio, *Adoremus Dominum qui fecit nos.* & ex Psal. qui subsequitur vers. 3. *Quoniam ipseus est mare, & ipse fecit illud, & aridam fundauerunt manus eius.* item ex Hymno, *Primo dierum omnium, Quo mundus extat conditus.*

ECCLESIA
INDIE DO-
MINICO
NON REDEM-
PTIONIS
TANTUM,
SED CREA-
TIONIS
QVOQVE
DONVM RE-
COLIT.

potissimum verò ex Cantico trium puerorum, *Benedicite omnia opera Domini Domino,* &c. & Psalmo, *Laudate Dominum de celis,* &c. qui in Laudibus recitari solent. In his enim videtur per modum laudis, rerum seu creaturarum omnium creationem recolorere, & ab Angelis tamquam dignioribus ad ceteras progrediens, hortari singulas ad benedicendum & laudandum Dominum Creatorem: *Quia,* inquit, *ipse dixit, & facta sunt; ipse mandauit, & creata sunt.*

3. Ceterum quia, vt diximus, septimi diei cultus apud Hebræos in omnimoda illa requie, seu operum ferulium abdicatione, consistere videbatur; propterea dies ille, Sabbati nomen accepit, quæ vox Hebraicè significat requiem, vt testatur Ioseph 1. Antiq. cap. 2. vnde & Sabbatizare, idem est, quòd quiescere, seu vacare. Et hinc apparet, quam longè à vero aberrauerint Plutarchus & Appion Alexandrinus: quorum primus lib. 4. Symposiacorum, seu Conuiuialium quæstionum, quæst. 5. nomen Sabbati à Baccho deductum, & ipsius Bacchi cultores fuisse Iudæos, falsò credit: fortassis ob causam quam nos sub anno mundi 4032. num. 9. adducemus; & quia *Sabbos,* inquit, *vulgus nunc Bacchos vocat; & illi Bacchum se colere dicunt, quòd se mutuo ad potandum inniunt.* Alter verò scripsit, Hebræos ex Ægypto redeuntes inguinum vlcerebus laborasse, qui morbus apud Ægyptios Sabbo nuncupatur, & septimo die quieuisse, ideoque eum appellasse Sabbatum. Quod dictum merito subsannat Iosephus lib. 2. Contra dictum Appionem, non longè à principio.

CVR DIES
SEPTIMVS
SABBATVM
DICTVM SIT.

POST PRIMAM MVNDI HEBDOMADAM.

1.
DE HOMI-
NIS PRÆ-
VARICA-
TIONE, ET
INGRATI-
TUDINE.



ED iam tempus est, vt posteaquam hucusque vidimus quæ fecerit Deus propter hominem in prima mundi hebdomada, modò videamus quomodo deinceps ingratus homo se gesserit erga Deum, reddens ei mala pro bonis. Nam tot tantisque beneficiis ab eo acceptis, cum vnicum dumtaxat præceptum positum, scilicet abstinendi à ligno scientiæ boni & mali, ab eodem Deo in recognitionem supremæ potestatis suæ accepisset; ne illud quidem diu obseruare, neque Creatori suo, in re præsertim tam facili, obedire sustinuit. Etenim Heua primùm, serpentina ac diabolica calliditate insipienter decepta, deinde Adam quoque, vxori suæ nimium credulus, de ligno vetito degustantes, incomparabile illud innocentiae donum, ac Dei gratiam pariter amiserunt; & seipsos, sobolemque suam vniuersam peccato originali maculatam, mox in mala innumera præcipitarunt, *peremptores prius hominum, quam progenitores effecti*, vt ait S. Bernardus Homil. 2. super Missus est. Casum hunc miserabilem primorum humani generis parentum, etiam nunc cunctis hominibus deplorandum, Sacra narrat historia Genes. cap. 3. vbi illud in primis pro certo supponendum est, Heuam non propriè à naturali illo serpente, qui, vt erat animal rationis expers, naturaliter loqui, discurre, ac ratiocinari cum ea nullo modo poterat, sed à diabolo principaliter fuisse delusam; qui tunc per serpentem, eo modo quo aliàs solet per arreptitios, humana verba proferens, infirmiori sexui primò fallaciis suis facillè persuasit, ac non multò post per ipsam Heuam etiam virum eius ad diuini mandati transgressionem induxit. Sanè non serpentem, sed dæmonem in serpente primos homines decessisse, colligi etiam potest Sap. cap. 2. vers. 23. vbi legimus, quòd *Deus creauit hominem inextermabilem*: id est, vt sub 6. Mundi die num. 9. declarauimus, quodammodò immortalis: *inuidia autem diaboli mors introiit in orbem terrarum.* & Ioan. cap. 8. vers. 44. de diabolo verba faciens, *Ille, inquit, homicida erat ab initio.* quia scilicet primos homines ad peccandum inducens, morti obnoxios reddidit. Neque verò, quòd serpens visu horribilis esse videatur, ineptè vel parum scitè eo vsus est dæmon ad persuadendum Heuæ esum ligni vetiti: non enim veritus est, ne ipsa eius aspectum perhorresceret, aufugeretve; quandoquidem optimè ille nouerat, quàm essent homini ante lapsum cuncta animalia leniter subiecta, ita vt non modò ei læsionem inferre, sed ne vllum quidem timorem aut horrorem vel minimum incutere possent. nisi fortè etiam (vt nonnullis placuit) ad ipsam Heuam iucundius detinendam ac demulcendam, ex cunctis serpentium generibus formosiorum illum delegerit, quem scytalem appellant: de quo Solinus cap. 29. scribit, quòd *tanta presulget terribili varietate, vt notarum gratia videntes retardet; & quoniam reptando pigrior est, quos assequi nequit, miraculo sui capiat stupentes.* Sic ille.

CVR PER
SERPENTEM
DIABOLVS
HOMINEM
TENTA-
VERIT.

2. Verùm merito hic percunctari quispiam posset, cur potiùs per serpentem, quàm per aliquod aliud animal diabolus tentare Heuam voluerit? Ad quod respondemus cum B. Augustino lib. 11. de Genes. ad litteram cap. 3. *Non esse putandum, quòd diabolus serpentem per quem tentaret elegerit; sed cum decipere cuperet, non nisi per illud animal potuit, per quod posse à Deo permixtus est. nocendi enim cupiditas inest cuique à se, sed potestas à solo Deo est.* hæc S. Augustinus. Itaque diuina prouidentia factum credimus, vt non fortissimum ac superbissimum, sed callidissimum ex animalibus, pro medio seu instrumento ad deprauandos homines assumpserit dæmon; quia licet ipse esset omnium creaturarum fortissimus ac superbissimus, (siquidem de eo scriptum est Iob cap. 41. in fine: *Non est super terram potestas, quæ comparetur ei, qui factus est vt nullum timeret. omne sublime videt, ipse est rex super vniuersos filios superbie.*) erat nihilominus etiam ad malefaciendum omnium astutissimus. non minus enim de ipso quàm de serpente accipiendum est quod dicitur Genes. cap. 3. *Sed & serpens erat callidior cunctis animantibus terræ.* Et quoniam non habebat à Deo facultatem inferendi vim hominibus innocentiae statum custodientibus, sed tantummodò illos tentare permixtum ei fuerat, vt inde clariùs innotesceret, hominem libero arbitrio naturaliter esse præditum, quemadmodum suprà sub die Mundi 6. num. 31. ex cap. Ecclesiastici 15. probatum est; propterea diabolus non latuit, sibi cum homine non virum robore, sed artibus & astu tunc fore decertandum. Quod contrà euenit post lapsum, quando deuictum subiugatumque hominem omnimodis vsqueadè violentè oppressit, & sibi deseruire coëgit, vt paulatim totum ferè mundum idololatria omniumque vitiorum genere repleuerit. Sed & post repara-

paratum à Redemptore orbem, tametsi ille fortis armatus, per Christi crucem viribus ac spoliis exutus, de licentia quoque Dei multas & graues Ecclesiæ sanctæ persecutiones forinsecus excitauerit, olim in passionibus sancti Iob præfiguratas, tamen ipsius Ecclesiæ animam, quæ est fides charitate informata, illæsam seruare diuino præcepto coactus est. Quo fit, vt modò etiam, quamuis huiuscemodi multa nobis ab extra intentare, intus tamen violenti nihil, sed fraudulentum multum moliri queat. Quod eleganter B. Bernardus in quodam Sermone, qui de quadruplici debito est, expressit, dicens: *Non timeo vobis, fratres, à viribus satanae, cum nouerim fortitudinem eius per Redemptoris nostri vulnera traductam & deductam ad nihilum; à versutis & astutis illius formido mihi & pro vobis, in quibus partim subtilitate natura, partim experientia temporum sub tot annorum millibus eruditus, fragilitatem humane nature quaquaerisum se verterit, non ignorat. Sic ille insatiabilis homicida primis parentibus nostris non vrsos, non leones, non fortia terræ animalia delegauit, sed tortuosum & callidum serpenterem, qui per sinuosa volumina nunc caput cauda, nunc caudam capite tegere consuevit. denique & serpens non fortior erat, sed callidior cunctis animantibus terræ, ait Scriptura. hucusque S. Bernardus.*

3. Igitur, vt ad rem redeamus, tentauit Heuam satanas (Deo sic permittente & disponente) per serpentem, vt ex callida huius animalis natura, eiusque ad clam lædendum solerti atque astuta procliuitate, innumerabiles diaboli artes, quibus humanum genus occultè fraudulenterque persequitur, disceremus. Constat enim quòd quamquam inter animalia, alia quoque naturaliter admodum callida & astuta reperiuntur, vt lupi, simiæ, vulpes, &c. nihilominus ad insidiandum nobis, clamque lædendos homines, non tam propriæ commoditatis procurandæ, aut incommoditatis vitandæ, (vt cetera animalia) quàm solius malitiæ gratia, verissimum est quod ait Scriptura loco præallegato, serpentem vsque ab initio mundi fuisse cunctis animantibus terræ callidiorē, licet ante lapsum hominis, naturalem potentiam, quam ad nocendum habebat, actu exercere non posset, propter excellens illud dominium, quod tunc super omnia animantia homini à Deo datum fuerat. Fuit etiam valde conueniens, vt diabolus per serpentem magis quàm per aliud animal tentaret mulierem, ad insinuandum nobis, quòd ipse nunc quoque serpentis naturam quodammodò representat, nimirum spiritualiter serpendo, per exteriores interioresque hominis sensus, infirmioresque potentias, vt ipsum, maligno quidem, sed suauis persuasionis suæ sibilo ac veneno sensum instillato, prorsus inficiat. Et quemadmodum serpens animal est lubricum, & tortuosus anfractibus mobile, admodumque volubile: ita diabolus (quem Iob cap. 26. vers. 13. & Isaias cap. 27. vers. 2. colubrum & serpentem tortuosum appellant) & eius membra, impij videlicet homines, semper in suis actibus & conuersationibus per vias lubricas & tortuosas malignè procedunt, ad incautos decipiendos maxime accommodatas. Et sicuti constat, naturale odium esse inter serpentem & hominem, iuxta illud Genes. cap. 3. vers. 15. *Inimicitias ponam inter te & mulierem, & semen tuum & semen illius: ipsa conteret caput tuum, & tu insidiaberis calcaneo eius.* ita inter hominem & diabolum implacabile ac perpetuum esse dissidium, & spirituales luctum, ad quam nos armat Apostolus ad Ephes. cap. 6. vers. 11. dicens: *Inaui te arma turam Dei, vt possitis stare aduersus insidias diaboli, quoniam non est nobis colluctatio aduersus carnem & sanguinem, sed aduersus principes, & potestates, aduersus mundi rectores tenebrarum harum, contra spiritualia nequitia in celestibus.* Et denique admodum appositè per serpentem hæc diabolica tentatio facta fuit, vt ex similitudine serpentis, in quem se diabolus insinuauit, manifesta fieret abiecta nimis eiusdem diaboli miseria, ad quam ex nobilissimo intelligentiarum ordine, ob nimiam superbiam suam, miserimè deuenit, vt serpentibus quodammodò assimilari necesse habuerit, & pænè inter ipsos computari. Posset & hoc addi, libentissimè dæmonem elegisse sibi serpentem, tamquam superbissimæ intentioni suæ aptissimum medium, vt scilicet per vilissimum hoc animal, omnium nobilissimum atque præstantissimum, id est hominem, superaret ac prosterneret.

4. Sanè modus quo tentauit satan Heuam, fuit primò per semetipsum subtili quadam suggestionē excitando in ea desiderium quoddam omnimodæ libertatis edendi de quolibet ligno Paradisi, & consequenter nonnullam quoque diuinæ prohibitionis displicentiam. Deinde, medio serpente (quem fortè mulier nunquam antè viderat, & audiens loquentem, putabat humana voce à Deo donatum) interrogauit eam illis verbis: *Cur præcepit vobis Deus, &c.* vt vel sic melius exploraret, quidnam interna illa suggestio operata esset. Vt autem illa respondit, Deum præcepisse eis ne

QUOMODO
DIABOLUS
HEVAM TEN
TAVERIT.

ederent de ligno in medio Paradisi existente, & ne tangerent illud, ne forte morerentur; intellexit astutissimus tentator, iam Heuæ aliquoter dispicere cœpisse Dei præceptum, quod planè indicabant illa verba per exaggerationem addita: *Et ne tangeremus illud.* (non enim hoc dixerat Deus:) & insuper penetrauit diabolus eam de pœna quoque transgressoribus indicta quoquomodo dubitare, subiungens illud, *ne forte moriamur.* non obstante quòd Deus absolute & sine vlla exceptione pronuntiaffer: In quacumque hora comederitis, moriemini. Videns ergo diabolus mulierem aliquo modo iam ad sibi credendum dispositam, ilicò fraudulentum subintulit mendacium, dicens: *Nequaquam morte moriemini. Scit enim Deus, quòd in quocumque die comederitis ex eo, aperientur oculi vestri, & eritis sicut dij, scientes bonum & malum.* quibus verbis facile incautam fefellit mulierem, promptamque reddidit ad diuini mandati transgressionem, cum metu panè remoto, *Nequaquam morte moriemini,* tum blandimentis amplexuque pollicitatione, *Eritis sicut dij, scientes bonum & malum.* Sunt autem verba hæc, si quis ea benè attendat, admodum ambigua, sophistica, & fallaciæ plena, vt hinc discere liceat, diabolum fuisse primum sophisticarum deceptionum inuentorem, eique proinde antonomasticè conuenire illud Ecclesiastici cap. 37. vers. 23. *Qui sophistice loquitur, odibilis est.* Siquidem æquiucando, cuncta confundit, dum alio sensu loquitur versipellis, & alio sua dicta intelligi curat. nam quod ait, *Nequaquam morte moriemini,* verum quidem est, si de corporali & subitanea morte accipiat (diu namque etiam post peccatum vixerunt:) sed non erat verum, quod ipse volebat intelligi, videlicet, quòd statim vita animæ, quæ Dei gratia est, non essent priuandi, & quòd numquam immortalitatem corporis, quam à Deo acceperant, amittere possent. Vnde patet quàm verum sit, quod de diabolo dicebat Dominus Ioan. cap. 8. vers. 24. *Non est veritas in eo. Cum loquitur mendacium, ex propriis loquitur, quia mendax est, & pater eius,* scilicet mendacij. Nam & ea quæ sequuntur: *Scit enim Deus, quòd in quocumque die comederitis ex eo, aperientur oculi vestri.* expressa continent mendacia, ingentemque blasphemiam, in eo sensu accepta, quem diabolus mulieri persuadere intendebat, nimirum quòd Deus inuideret homini maius aliquod bonum. Sciebat namque ille iniquus, illam oculorum apertionem non ad eos maiori lumine illustrandos ac beatificandos, sed ad propriæ miseræ notitia confundendos, esse directam, quem admodum re ipsa euenit, quando post lapsum cognouerunt se esse nudos, & erubescences consuerunt folia ficus, vt faceret sibi perizomata. Talis est, tamen longe peior, dolorosa illa oculorum apertio seu cognitio, visioe damnatorum, cuius meminit Sapiens cap. 5. vers. 2. *Videntes turbabuntur timore horribili,* &c. Denique in eo quod ait, *Eritis sicut dij, scientes bonum & malum.* quid aliud indicare volebat impius seductor, quàm quòd diuinam quamdam seu angelicam visionem, scientiamque bonorum ac malorum omnium, ad hæc deuitanda, ac illa amplexanda, essent consecuturi? cum nihilominus è contrario benè nosset fraudulentus, ipsos ad falsorum Deorum, hoc est dæmonum similitudinem, miserrimam illam ac mœrore plenam boni per eos amissi cognitionem, & malorum, quæ ex peccato proficiuntur, experimentalem scientiam, pro præmio suæ inobedientiæ habituros.

QUOMODO
NEVA PEC-
CAVERIT.

5. His itaque & huiusmodi fallacibus verbis, & artificiosè ad decipiendum compositis, delusa mulier, primò quidem intus elatione quadam animi peccauit, paruificiens violare mandatum Dei: *quoniam initium omnis peccati est superbia,* Ecclesiastici cap. 10. vers. 15. præsertim interior: & de eadem superbia legimus Tob. cap. 4. vers. 14. *In ipsa enim initium sumpsit omnis perditio.* & Prouerb. cap. 16. vers. 18. dicitur: *Contritionem* (id est perditionem, seu calamitatem, & fracturam, vt exponit Iansenius) *præcedit superbia, & ante ruinam exaltatur spiritus.* Siquidem ruina quæ occultè fit intus in anima, præcedit eam quæ manifestè subsequitur & apparet in opere: iuxta illud Matth. cap. 15. vers. 19. *De corde enim exeunt cogitationes malæ, homicidia, adulteria,* &c. prius inquit, cogitationes malæ; deinde homicidia, & reliqua vitia, quæ actibus exterioribus committuntur. Post memoratum internum superbiæ actum, curiosius intentiusque prohibitum contemplan fructum mulier, atque ex externa pulchritudine internam eius suauitatem coniectans, non solum comedit ipsa, sed & viro suo comedendum tradidit; sicque vterque peccatum inobedientiæ consummatum admisit. Ceterum, si quis accuratius cuncta perscrutari ac perpendere voluerit, quæ infelix ista mulier in toto hoc cum serpente congressu cogitauit, dixit, egitque; profectò inueniet, eam multipliciter peccasse. Siquidem superba fuit, Diis, hoc est Deo, aut Angelis, in cognitione & scientia assimilari affectans, diuinumque proinde parui pendens mandatum: acc-

acediosa, illud pariter tadio habens: inobediens, ipsum voluntariè transgrediendo: & curiosa, fructum vetitum plus iusto & parum cautè contemplans, & gustare desiderans: gulæ quoque nimium indulgit, eundem protinus comedendo: mendax item fuit, falsò referens, sibi interdictum esse etiam ligni tactum: & infidelis, quia de diuina assertionè hæsitans, eam sub dubio retulit, & mox diabolo magis credidit dicenti: Non moriemini: quàm Deo pronuntianti: In quacumque die comederitis, moriemini. scandalosa insuper existit, cùm exemplo & suafu, viro suo ruinarum causas præbuit. & demum quodammodò impœnitens, quando peccatum suum non humiliter ac simpliciter falsa est, sed excusare contendit, dicens: *Serpens decepit me*. Ecce quanta in vno facinore sunt crimina: & in quot vitia ac præcipitia velocius prolaborantur, qui semel à via virtutis declinare incipiunt.

6. Eadem panè peccata, ad exemplum vxoris suæ, commisit Adam; nimirum superbiæ, quam subannando exprobrauit ei Dominus, dicens: *Ecce Adam quasi vnus ex nobis factus est, sciens bonum & malum*. Genes. cap. 3. vers. 22. Inobedientiæ, vt colligitur ibidem vers. 17. *Quia comedisti de ligno, ex quo præceperam tibi ne comederes*. & ad Rom. cap. 5. vers. 19. *Sicut enim per inobedientiam vnus hominis, peccatores constituti sunt multi: ita & per vnus obeditionem, iusti constituentur multi*. Immoderatæ cuiusdam indulgentiæ erga vxorem, de qua meritò obiurgatus est loco Genes. proximè citato illis verbis: *Quia audisti vocem vxoris tuæ*. Et præterea gulæ, vt notum est, ex vetiti fructus comestione. ac demum excusationis peccati: *Mulier, quam dedisti mihi sociam, dedit mihi de ligno, & comedi*. In qua defensione, videtur propriam culpam non solum in sociam, sed oblique quoquomodò etiam (quod peius est) in ipsius sociæ creatorem ac datorem Deum retorxisse. Verumtamen, tametsi non constet Adamum commississe (quemadmodum de Heua dictum fuit) peccatum infidelitatis, quod ceteris suprà memoratis genere suo grauius est; neque idololatriæ, vt nonnulli perperam opinati sunt: nihilominus ex duobus saltem capitibus certum est, ipsum Adamum Heuam multò grauius deliquisse; nimirum primò, quia ipse erat vxore sua in dignoscendis diaboli tentationibus sapientior, & ad eandem repellendas fortior, quare maiori poterat facilitate abstinere à peccato; & cùm ipse esset caput mulieris, non debebat in transgressione eam sequi, sed increpare, ac corrigere. Deinde propter grauitatem damni, ex ipsius Adami peccato secuti, quod fuit omnium maximum, non sibi solum, sed & vniuerso generi humano, vt quotidie experimur, & tangit Apostolus ad Rom. cap. 5. vers. 12. dicens: *Per vnum hominem peccatum in hunc mundum intrauit, & per peccatum mors*, non enim hic per vnum hominem Heuam intelligit, sed Adamum, quem propterea in eadem Epistola multipliciter contraponit Christo. Et confirmatur; quia, vt sacri sentiunt Theologi, si Adam non peccasset, nihil ei aut posteris eius Heuæ peccatum obfuisset. Nec refert quòd Ecclesiastici cap. 25. vers. 33. dictum sit: *A muliere initium factum est peccati, & per illam omnes morimur*. quia nemini dubium est, quòd Heua prius peccauit, & ipsa item dedit quidem occasionem peccandi Adamo, ac propterea, vt aiunt, occasionaliter per ipsam omnes morimur; attamen in rei veritate, (vt etiam sub die mundi 6. num. 32. ostendimus) non ipsa, sed Adam vir eius fuit propria causa diffusionis culpæ originalis in omnem posteritatem, & corruptelæ totius humanæ naturæ: siquidem ipse, tamquam caput & origo omnium hominum, peccans commiseruit omnia mala quæ deinceps subsecuta sunt, nimirum moriendi necessitatem, innocentiae status & iustitiæ originalis amissionem, & cuncta denique alia corporis atque animi incommoda, quæ ex vitiata origine in omnes postea propagines eius transfusa sunt.

7. Diximus de tentatione & lapsu primorum parentum; dicamus nunc aliquid de his, quæ postea ipsis contigisse, ex Sacro eloquio habemus, initium fumentes ab eo quod dicitur Genes. cap. 3. vers. 7. *Et aperti sunt oculi amborum: cùmque cognouissent se esse nudos, consuerunt folia ficus, & fecerunt sibi perizoniam*: & deinceps profectur Sacre textus, enarrans qualiter audientes vocem Domini, præ timore absconderunt se, verumtamen vocati coram Domino, & interrogati, ac rei inuenti, iustam punitionis sententiam acceperunt, ac tandem de Paradiso terrestri eiekti sunt. Qua in re illud primò intuentum est, quòd in Adamo & Heua primis parentibus nostris, veluti in quodam speculo, videtur nobis imago quædam peccatoris ad vium representari; qui dum peccat, aut peccare parat, cæcus est, non videns quàm graue malum sit offensà Dei, & culpa mortifera, & quanta eam pœna sequatur. Vt primùm autem peccatum perpetravit, tunc aperiuntur oculi eius, & agnoscit intus delictum suum,

ADAMI
PECCATA.

CVR GRA-
UIVS PEC-
CAVERIT
ADAM
QUAM HE-
VA.

QVID AC-
CIDERIT A-
DAM ET HE-
VAE POST
PECCATVM.

QVAE SO-
LEANT AC-
CIDERE PEC-
CATORIBVS

propria ipsum accusante conscientia, & intelligit quàm malum & amarum sit nunc à Deigratia excidisse, & deinceps expectare ultionem culpæ, quam meruit sempiternam. Tunc aduertit peccator se esse nudum, id est diuinis exutum ornamentis, & virtutum vestibus denudatum; auditque intrinsecus, vel saltem audire deberet, vocem Dei dicentis sibi: *Nescis quia tu es miser, & miserabilis, & pauper, & cæcus, & nudus: suadeo tibi emere à me aurum ignitum probatum, ut locuples fias, & vestimenta albis induaris, ut non appareat confusio nuditatis tuæ, & collyrio inunge oculos tuos ut videas*, Apocalyp. cap. 3. vers. 17. Est autem collyrium, consideratio iustitiæ & misericordiæ Dei: aurum verò ignitum & probatum, feruens veræ charitatis ardor, qui animam ditare, beare, & vestire potest, operiens multitudinem peccatorum. Hoc aurum peccator pœnitendo emere suadet, nimirum contritione, confessione, & satisfactione; quemadmodum fecisse legimus illam, de qua dicitur Luc. cap. 7. vers. 47. *Remittuntur ei peccata multa, quoniam dilexit multum*. Non sic Adam & Heua, qui potius conuersi sunt ad consuenda folia ficus, ut his verenda tegerent, id est ad componendas excusationes in peccatis, quibus reatum suum quantum poterant occultarent. Hos, heu nimium imitari solent peccatores, qui leuioribus quibusdam foliis, hoc est argumentis, ex arbore amoris proprii decerptis, sibi applaudere, ac delicta sua extenuare, defendere, & operire fatagunt. Sed quemadmodum Adam & Heua, etiam post perizomata sibi adhibita, non omnino potuerunt abigere verecundiam & timorem, præsertim quando vocari se à Domino ad iudicium audierunt: ita peccatores, quantumvis in hac vita suis foliis, id est excusationibus, diligenti admodum studio excogitatis & compositis, siue ut alij, mundanis quibusdam consolationibus sedulo conquisitis, & successiue vna post alteram veluti iniuicem copulatis & confutis, moliantur eludere, suppressere, aut saltem velare pudorem, animique confusionem, ex continua peccati repræsentatione contractam, & sedare synteresim interiora animi torquentem, verbisque Apostolicis perpetuo exprobrantem, *Quem fructum habuistis tunc in illis, in quibus nunc erubescitis*: non tamen id consequi valent, neque iustum cohibere timorem, qui ab ipsis diuino iudicio separari non potest. Vnde merito impius Cain post fratricidium sibi valde metuebat, dicens Domino: *Ecce eiicis me hodie à facie terræ, & à facie tua abscondar*. & post pauca: *Omnis igitur qui inuenerit me, occidet me*. & ita Lamech, *Quoniam, inquit, occidi virum in vulnus meum, & adolescentulum in liuorem meum. Septuplum ultio dabitur de Cain, de Lamech verò septuagies septies*, Genes. cap. 4. vers. 14. & 23. Quare certum est, verissimum esse quod Sapient. cap. 17. vers. 10. legimus, videlicet: *Cum sit enim timida nequitia, dat testimonium condemnationis: semper enim præsumit seua, perturbata conscientia*. quod si verum est in reliquo vitæ tempore, verissimum tunc maximè esse constat, quando adueniente graui aliqua infirmitate, vel alio mortis periculo, peccatores ad tribunal Christi vocari se sentiunt: siquidem tunc, non secus ac Adam & Heua, latebras quarunt, dicentes: *Domine quando veneris iudicare terram, ubi me abscondam à vultu iræ tuæ? quia peccaui nimis in vita mea. commissæ meæ pauesco, & ante te erubescō, &c.* Vel etiam ut dicitur Luc. cap. 23. vers. 30. *Tunc incipient dicere montibus: Cadite super nos, & collibus: Operite nos*. Sed iam ad historiam redeamus.

8. Igitur vt primum peccauerunt primi parentes nostri, ait Scriptura, apertos esse oculos amborum. oculos (inquam) non corporis, quos constat prius non fuisse clausos, non enim fructum vetitum videre, concupiscere, ac decerpere potuissent; sed oculos cordis, quos antea peccandi libidine obcæcatos habuerant, ita ut mala quæ ex peccato ventura erant, prospicere non possent: post peccatum verò vtique cognouerunt se à diabolo esse delusos, & de felici innocentia statu deturbatos. Præterea, ex quo ipsi à debita Deo obedientia deficiuerunt, iusto Dei iudicio non exteriora solum, sed propriam quoque carnem sibi, hoc est spiritui rationique reluctantem experti sunt; quosdam videlicet obscænos & inuoluntarios genitalium motus sentientes, quos cum pro debita honestate compescere non possent, de eorum nuditate erubescens, eadem perizomatibus contegere operæpretium duxerunt. Quod ante peccatum facere necessarium non fuerat, quoniam tunc ipsa quoque genitalia non minus erant rationi voluntatiq; omnino obsequentia, ac manus, & pedes, aliaque huiusmodi membra, quæ non nisi ad ipsius voluntatis nutum moueri quiesceré solent. Cum autem nihil eis commodius occurreret, quàm folia ficus, quæ ad manum erant, & lata admodum sunt, atque intento operi satis commoda videbantur; ex ipsis simul nexis fecerunt sibi perizomata, id est succinctoria, siue subligacula, quæ etiam S. Augustini temporibus, vt videtur est apud ipsum lib. 14. de Ciuit. cap. 17. campestria dicebantur, quoniam his iuuenes,

qui

QVOMODO
APERTI
SINT OCULI
PRIMORVM
PARENTVM.

CVR FECE-
RINT SIBI
PERIZOMATA.

qui nudi exercebantur in campo, pudenda operiebant: unde qui ita fuccincti erant, campestratus vulgus appellabat. Porro hunc subligaculorum usum, naturali quadam disciplina, ab hoc primorum parentum exemplo deriuatum esse ad omnes ferè gentes, manifestum est. Nam, quæ frigidiores incolunt regiones, saltem in balneis aliisque similibus occasionibus, his vi consueuerunt: quæ verò calidiores, passim & ordinariè, præsertim verò in æstate, quando sine vestibus ac penè nudi incedunt. Exstant de hac re non pauca antiquissimorum Scriptorum testimonia, necnon recentiorum, ac præcipuè illorum, qui Noui orbis historias descriperunt, quos hic referre superuacaneum puto.

9. Non multò, vt arbitror, post fabricata aptataque sibi perizomata, audientes Adam & Heua vocem Domini deambulantis in Paradiso ad auram post meridiem, id est, eo tempore quo dies iam declinare cœperat; perterrefacti, sese inter densiores Paradisi arbores abdidit: sed mox à Deo vocati, coram eo astare, non sine magno ipsorum rubore & pauore coacti sunt. Cumque interrogati, Adam primus culpam in eius sociam, & illa in serpentem retulissent; singulòs iustus Dominus conuenienti castigatione puniuit. Et primò quidem serpenti sine vlla interrogatione, quia non erat reuocandus ad veniam, maledixit, dicens: *Quia fecisti hoc, maledictus es inter omnia animantia, & bestias terre: super pectus tuum gradieris, & terram comedes cunctis diebus vite tue. Inimicitias ponam inter te & mulierem, & semen tuum & semen illius: ipsa conteret caput tuum, & tu insidiaberis calcaneo eius.* Genes. cap. 3. vers. 14. Nec quisquam miretur, Deum maledixisse serpenti qui nihil deliquerat, siquidem aliàs consuevit Deus maledicere creaturis, non solum irrationabilibus, sed etiam insensatis, propter homines. Nam & paulò post maledixit terræ propter Adamum: *Maledicta terra in opere tuo. & vniuersali Diluio, propter peccata hominum, deleuit cum eis etiam cuncta animantia terræ, quæ nihil peccauerant.* & Leuit. cap. 20. vers. 15. iussit occidi pecus, cum quo quispiam coiuisset. Quare non mirum est, si modò maledixit serpenti propter diabolum, qui eo ad decipiendum perimendumque hominem vsus fuerat. Quod fortè etiam factum est, vt inde conicere possent Adam & Heua, quanto maiori essent ipsi animaduersione digni, qui ex propria electione peccauerant. Quod si sancta Crux, per quam Christus mundi redemptionem & peccati expiationem operatus est, iusta Dei ordinatione in cunctis gentibus benedicta fuit; quis non videat, congruum quoque fuisse, vt è contrario serpens, cuius ministerio satanas interitum totius humani generis procurauerat, malediceretur? Et, si non ea Crux dumtaxat in qua Christus pependit, sed alia quoque cuiuscumque materia sint, quia illam repræsentant, eandem benedictionem participant: nõne congruum etiam fuit, vt non ille solus serpens qui diaboli organum extitit, sed omnes quoque alij serpentes, eiusdem maledictionis consortes fuerint?

10. Videtur autem ista serpentis maledictio tria mala continere; nimirum super pectus reptare, terram comedere, & cum homine perpetuas habere inimicitias. Sed dicet aliquis: Nõne omnia hæc erant serpenti, etiam ante maledictionem, cõnaturalia: nõne super pectus gradiebat? nõne terram comedeat? & licet ex speciali prouidentia Dei non posset actu nocere homini in statu innocentia permanenti, nõne habebat virus & naturalem potentiam ad id efficiendum? Vtique hoc verum est. Quomodo ergo hæc, præsertim duo priora, ad maledictionem & supplicium iniuncta sunt serpenti, si vsque hodie nullum ei nocumentum incommòdumve adferre videtur? Respondeo dupliciter, Primò, quòd hæc quæ diximus, videlicet reptare super pectus & ventrem, terram edere, & habere virus homini noxium, ante prædictam maledictionem non faciebant serpentem homini abominabilem, vt patet de Heua, quæ ipsum non est auersata, quin potius cum eo aliquamdiu familiariter conuersata est: tum quia sciebat hæc (vt diximus) naturalia esse serpenti; tum etiam, quia nullum tunc detrimentum pati poterat ab eo. At verò post memoratam maledictionem, quoniam cœpit serpens posse veneno inficere hominem, propterea cœpit eidem adeò esse execrabilis, vt vix eum sine stomacho & horrore intueri sustineat. sine horrore, propter malignam eius naturam, & ipsi hominibus admodum perniciosam. sine stomacho autem, ob alias eius vilissimas qualitates, præsertim quòd super pectus gradiat, & terram comedit; quæ deinceps vi diuinæ illius maledictionis, apud homines probro esse cœperunt. Secundo dicimus hæc maledictiones illatas esse serpenti, quia apposita admodum sunt, ad significandas maledictiones spirituales contra diabolum fulminatas. Constat namque, quòd hæc serpentis maledictio, tamen iuxta sensum historicum & litteralem ad verum serpentem pertineat, nihilominus iuxta sensum mysticum, hic principaliter à Deo intentum, referri debet ad diabolum, qui huius maleficiij auctor fuit.

ADAM ET
HEVA AD
IUDICIUM
VOCATI.

DEVS MALE-
DIXIT SER-
PENTI.

QUAE IN
SERPENTIS
MALEDI-
CTIONE CON-
TINEAN-
TUR.

MALEDI-
CTIONES
INFLECTAE
SERPENTI,
ALIAS DIA-
BOLI ILLA-
TAS SIGNA-
uit.

fuit. Est autem magna similitudo inter maledictiones diaboli & serpenti inflictas: nam quemadmodum serpens dicitur maledictus inter omnes bestias terræ, tamquam omnium ipse pestilentior; ita diabolus inter omnes damnatos, quorum ipse pessimus est, & cunctarum causa maledictionum: & sicut ille super pectus ventremque gradiendo circumuoluitur, atque hoc pacto corpus suum ubicumque voluerit, ad malefaciendum impellit; ita iste circumagendo ac commouendo binas hominis appetitus potestias, videlicet irascibilem, quæ in pectore esse dicitur; & concupiscibilem, quæ in ventre; ipsos homines, præsertim terrenis tantummodò actibus inhiantes, qui inter membra ipsius diaboli computari possunt, ad quæcumque mala perpetranda perducit, & item eo fere modo, quo verus serpens reipsa comedit terram cunctis diebus vitæ suæ, eodem quoque figuratus serpens diabolus, vsque ad consummationem sæculi, spiritualiter terrenos homines depascitur, vt bene monemur 1. Petri cap. 5. vers. 8. *Adversarius vester diabolus circuit querens quem deuoret.* Vnde etiam beatus Gregorius super Psal. 101. de diabolo verba faciens, *Peccatores quoque, ait, in ventrem suæ malitiæ abscondit; ipsæ hominum perditionem desiderans, quodammodo reficitur, dum prauis eorum operationibus delectatur.* Et præterea, sicuti perpetuum existit inter serpentem hominemque dissidium, & ille quidem calcaneo, quæ postrema pars est hominis, insidiare non destitit; homo verò contrâ studet conterere principale illius membrum, quod est caput; cum aliter cum interimere vix possit: ita satanas finem boni operis hominum vitare conatur, vt totum eius meritum euacuet: homo autem, nisi satanæ capita comprimant, hoc est, principia tentationum eius ad petram, quæ Christus est, allidat; difficile admodum ea superare valet. Et denique quemadmodum diabolus etiam antequam tentasset hominem, iam erat ad penas æternas à Deo condemnatus; ita serpens, priusquam dæmonis instrumentum fieret ad fallendum hominem, iam memoratas, vt dictum est, sortitus fuerat qualitates. Ecce quàm bellè hæc inter se cohæreant.

GENESIS
VERBA EX-
PONTNIVR.

II. Ceterum hic non prætereundum videtur, quòd illa verba, quæ dixit Deus serpenti, *Inimicitias ponam inter te & mulierem, semen tuum & semen illius, ipsa conteret caput tuum, & tu insidiaberis calcaneo eius;* nonnulli (vt testantur Beda in horû verborum expositione, & Eucherius lib. 1. cap. 3. in Genes.) de beatissima Dei genitrice Maria intelligunt, quæ quanto præ ceteris Deum magis dilexit, tanto grauioribus cum diabolo inimicitias exercuit, & gloriosiores de ipso victorias reportauit. Nam vt eleganter ait B. Bernardus Homil. 2. super Misus est: *Cui hæc seruata victoria est, nisi Maria? ipsa proculdubio caput contriuit veneratum, quæ omnimodam maligni suggestionem, tam de carnis illecebra, quàm de mentis superbia, deduxit ad nihilum.* hæc S. Bernardus. Porro semen mulieris dicunt esse primò Christum, qui dat nobis victoriam, deinde omnes electos, qui pro lege Dei in hac vita cum diabolo decertant. Dæmonis autem semen, sunt eius tentationes, & item reprobi homines, per quos illas disseminare non cessat; de quibus reprobis conuenienter accipi potest, quod apud Ioan. cap. 8. vers. 44. dicebat Iesus Iudeis, *Vos ex patre diabolo estis, & desideria patris vestri vultis facere.* & Sap. cap. 2. in fine: *Imitantur autem illum* (nempe diabolum, de quo ibi loquitur) *qui sunt ex parte illius.* Et ipsa quidem diaboli capita, hoc est tentationes & persecutiones, Sancti omnes, Deo bene iuuante, compresserunt. Verumtamen ipse Christus longè excellentiori modo contriuit caput serpentis, qui non solum in deserto, supra pinnaculum templi, & in alto montis cacumine tentantem se, strenuè superauit; sed etiam originalis peccati chi-rographum, & omnem diabolicam potestatem, pro totius mundi salutem mirabiliter in cruce confregit. Et hoc est, quod ab origine mundi præcitatæ verbis prænuntiatum fuisse aiunt; nimirum, aliquando nasciturum de Virgine Maria Christum, qui mundum sua morte & passione redimeret, & de diabolo ac regno eius omnimodis triumpharet. Libet hic ponere verba S. Leonis Papæ ex Serm. eius secundo de Natiui Domini: *Deus, inquit, omnipotens & clemens, cuius natura bonitas, cuius voluntas potentia, cuius opus misericordia est, statim vt nos diabolica malignitas veneno suæ mortificauit inuidiæ, prædestinata renouandis mortalibus suæ pietatis remedia, inter ipsa mundi primordia præsignauit, denuntians serpenti, futurum semen mulieris, quod hominū capitis elationem suā virtute contereret; Christum scilicet in carne venturum, Deum hominemque signans; qui natus ex Virgine, violatorem humanæ propaginis, incorrupta natiuitate damnavet.* hætenus sanctus Leo. Porro hoc mysterium innotuisse Adamo, ipsumque illicò in Christum venturum credidisse, sperasseque ab eo tandem & à peccato & à malis inde secutus liberatum iri, communiter creditur, & necessàriò credendum videtur, si verum est quod infra sub anno mundi 930. num. 9. dicemus, videlicet, eundem Adamum

ADAM COG-
NOUIT CHR-
STVM VEN-
TVRVM, ET
IN IPSVM
CREDIDIT.

mum salutem fuisse consecutum, & in Dei gratia decessisse. Certum est enim, neminem unquam nisi in fide Christi potuisse saluari.

12. Multato serpente, mulierem quoque Deus triplici castigatione puniuit, in-
 HEVÆ CASTIGATIO-
 NES.
 quiens : *Multiplicabo ærumnas tuas, & conceptus tuos.* ecce prima. *In dolore paries filios.* ecce secunda. *Et sub viri potestate eris, & ipse dominabitur tui.* ecce tertia. nam mors fuit ei cum viro suo pœna communis. Videntur autem tria hæc mala tribus Heuæ delictis respondere : siquidem, quia ipsa virum ad peccandum induxerat, iure condemnata est vt deinceps subiecta sit viro, & se ab eo agi, gubernari, & nonnumquam etiam eius dominatu premi patiatur. Deinde illa sensualis delectatio, cui nimium indulserat, cibum vetitum contemplando ac degustando, grauissimis partus doloribus compensata est. Et demum, quoniam serpenti crediderat dicenti, *Eritis sicut dii*, vt experimento dignosceret, quam longè ab Angelorum beatitudine corruisset, ait : *Multiplicabo ærumnas tuas.* Quod verò statim subiungit, *Et conceptus tuos*, idem esse videtur, ac si dixisset : Et multiplicatio conceptuum tuorum, quæ alioqui fuisset tibi ad gaudiorum & consolationum multiplicationem, mox erit tibi ad augmentum mœroris, & plurimarum occasio afflictionum : tum propter dolores, perturbationes, ac varias indispositiones, quas sentiunt mulieres dum in vtero habent; tum propter plurimas, quæ ad mæres potissimum pertinent, curas, sollicitudines, molestias, labores, in filiis nutriendis, educandis, edocendis, & vsque ad pubertatem perducendis; tum etiam ob multa, quæ non sine magno, matrum præsertim, dolore accidere solent filiis; puta si materno in ventre eos mori contingat; si monstrosi, aut aliquo corporis vitio deformes nascantur; si eis infirmitates aliquæ superueniant; si postea amentes, stolidi, stupide euant; si casu aliquo repentino & inopinato luxentur, mutilentur, mortemve oppetant, aut quid aliud simile ipsis accidat. Et præterea etiam propter mala, quæ mali filij parentibus adferre solent, nimirum quia inobedientes, superbi, & fastidiosi ingenij sint, rem domesticam dilapident, perditè viuant, aduersus parentes insurgant, vel aliter scandala ac flagitia perpetrent, Deo & hominibus odibiles efficiantur, & innumera huiusmodi alia. Etenim hæc & similia nonnumquam in parentum animos angunt & frangunt, vt eos breui, præ nimia cordis tristitia, misere vitam animamque agere cogant. Et quamquam plurima, quæ memorauimus, videantur vtrique parenti esse communia: nihilominus vt quotidiana docet experientia, videmus propter prædicta multò magis affligi solere matres, quàm patres; siue ob sexus infirmitatem, siue quia illæ cum filiis naturaliter ardentius diligant, consequenter etiam quælibet illis aduersa magis timent; & si quid tale eis accidat, aut ab eis ipsæ patiantur, magis sentiunt, & grauius ferunt. nimirum hæc ipsis à Deo vsque ab origine mundi inflicta est pœna, his verbis : *Multiplicabo ærumnas tuas, & conceptus tuos.* quæ quidam sic accipienda putant, ac si dictum esset: Multiplicabo cum ærumnis conceptus tuos. vel, in conceptibus tuis ærumnas tuas, quod ferè in idem recidit.

13. Sanè ipsam Heuam, ante omnes alias mulieres, aliqua saltem ex supradictis malis filiorum causâ fuisse perpeffam, dubium non est: ipsi namque in primis hæc in pœnam peccati pœnitentiâ à Deo iniuncta fuit. Et quamuis incompertum habeamus, num ipsa aliquando abortum fecerit, aut monstrosam, aliquòve sensu aut membro mancam, vel defectuosam prolem ediderit; quod etiam nunc non omnibus mulieribus, sed quibusdam tantum, & rarò admodum euenire solet: attamen in alendis, educandisque filiis, credibile est, Heuam non solum vt aliæ postmodum mulieres multa incommoda pertulisse, sed etiam maiora & grauiora; quia cum sola esset, multis auxiliis caruit, & plura, quæ deinceps vsu & arte adiuuenta & prouisa sunt, ad commodiorem filiorum alendorum rationem pertinentia eidem in illo præsertim orbis principio de fuisse censendum est. Et præterea, quis dubitet eam à filio suo primogenito, quem constat fuisse pessimum, sæpius & multis modis fuisse afflictam? præsertim quando Abelem fratrem, virum probum ac iustum, Deoque & parentibus charum, iniuste interfecit? Quod facinus quàm grauius ipsa præcipuè Heua tulerit, satis apertè indicatur Genes. cap. 4. vers. 25. vbi in ortu Seth, quasi aliquantulum respirans, dixit: *Posuit mihi Deus semen aliud pro Abel, quem occidit Cain.* quasi diceret: Benedictus Deus, qui me dignatus est consolari super interitu dilecti filij mei Abelis, dando nunc mihi alium filium pro ipso. Denique etiam probabile videtur, eamdem Heuam multas quoque ærumnas sustinuisse occasione aliorum filiorum, quos post ipsum Seth genuisse creditur. nam filij, descendentesque ex Adamo, (præter generationem Seth) omnes videntur promiscuè inter perditos illius temporis homines connumerari, quos Scriptura sa-

cra Genes. cap. 6. vers. 2. vocat filios hominum, ad differentiam filiorum Seth; qui soli, ob eorum pietatem, nomine filiorum Dei ibidem significari creduntur.

DE ALTERA
HEVAE POE-
NITENTIA.

14. Quod verò attinet ad secundam Heuæ iniunctam poenitentiam, *In dolore paries filios*, fuit hæc quoque profectò grauis admodum castigatio; quandoquidem partus dolores mortis doloribus assimilari posse videntur, quia cruciatus valdè excessiuos efficiunt, & vt plurimum cum vitæ periculo coniunctos, & quandoque etiam mortem inferentes. Vnde non mirum est, si tam frequenter Scriptura sacra, vbi maximas quorundam pressuras exprimere intendit, parturientium exemplo eas veluti ante oculos ponere solita est: vt patet in Psalm. 47. vers. 7. & sæpissimè apud Prophetas, Isaiam, Ieremiam, Ezechielem, Oseam, & Michæam, tamquam omnibus notissimum sit, partus dolores esse omnium grauissimos. Quod tamen si ita sit, illos tamen benignus & misericors Dominus mitigare atque alleviare interdum solet, compensando eos cum ingenti, de secuta prole, lætitiâ; vt ipsemet dicebat Iesus Ioan. cap. 16. vers. 21. *Mulier cum parit tristitiam habet, quia venit hora eius: cum autem pepererit puerum, iam non meminit pressuræ propter gaudium, quia natus est homo in mundum.* Quod si quis arguat, dolores partus esse mulieribus naturales, id est ex causis sibi naturalibus prouenientes, & consequenter non videri datos eis in poenam peccati; dicimus, mortem non minus esse homini naturalem, quam tamen eidem in poenam delicti datam fuisse certum est, dicente Apostolo ad Rom. cap. 5. vers. 12. *& per peccatum mors.* etenim quemadmodum ex speciali gratia Dei, homo, si non peccasset, à morte præseruatus fuisset; ita mulier à doloribus partus. Quamquam autem quidam putent, mulieres in statu innocentie non sine nouo miraculo potuisse absque doloribus parere, ita tamen, vt quia id tunc fuisset eis vtitatum & perpetuum, propterea non pro miraculo esset habitum: nobis tamen oppositum verius videtur. Nam si, vt ait Aristoteles lib. 7. de Histor. animalium, cap. 9. *ceteris animalibus partus non laboriosi eueniunt.* idque sine nouo miraculo; quis ambigat, idem quoque mulieribus in statu innocentie naturaliter euenire potuisse?

DE TERTIA
HEVAE POE-
NITENTIA.

15. Sed iam ad postremam Heuæ poenitentiam deueniamus, quæ duas habet partes: *Et sub viri* (inquit Scriptura) *potestate eris.* hæc est prima pars: altera, quæ grauior est: *Et ipse dominabitur tui.* quod ideo subiunctum creditur, quia sunt nonnulli qui ita ab alterius potestate dependent, vt eis tamen tamquam dominis parere non teneantur; cuiusmodi sunt minores & pupilli, qui contractus quidem facere sine tutorum actorumve interuentu & auctoritate non valent, verumtamen eos vt dominos nullatenus recognoscunt. Qui autem sub alicuius dominio sunt, multò maiori subiectione premuntur. igitur secunda memoratæ poenitentie pars primam declarat, magisque contrahit & coarctat: ac si diceretur: Ita sub viri potestate eris, vt ipsum tamquam dominum perpetuò habere tenearis. De hac subiectione expressum habemus mandatum 1. Pet. cap. 3. quod ita incipit: *Similiter & mulieres subditæ sint viris suis.* Idem tradit Apostolus ad Coloss. cap. 3. vers. 18. *Mulieres, inquit, subditæ estote viris, sicut oportet, in Domino.* Quomodo autem oporteat eas esse subditas, clarius explicat ad Ephes. cap. 5. vers. 22. dicens: *Mulieres viris suis subditæ sint, sicut Domino; quoniam vir caput est mulieris, sicut Christus caput est Ecclesiæ.* & post pauca subiungit: *Sed sicut Ecclesiæ subiecta est Christo, ita & mulieres viris suis in omnibus.* vbi tum ex similitudine Christi ad Ecclesiam, tum ex illa particula, *in omnibus*, satis euidenter insinuat amplum dominium, quod habet à Deo vir in propriam vxorem. Et hoc idem confirmat sanctus Petrus loco proximè citato vers. 5. exemplo sanctarum mulierum, & præcipue Saræ, quæ Abraham virum suum, dominum vocabat, eique tamquam domino obedire non recusabat. ponam hic S. Petri verba, quæ sunt: *Sic enim aliquando & sanctæ mulieres, sperantes in Deo, ornabant se, subiectæ propriis viris, sicut Sara obediebat Abraham, dominum eum vocans.* Apostolus quoque 1. ad Timoth. cap. 2. vers. 12. mulieri non permittebat dominari in virum: vtique quia sciebat, quòd magis è conuerso vir à Deo ius dominij in mulierem sortitus fuerat. Porro grauitas huius dominij, ex amissione iustitiæ originalis profecta est: siquidem illa quamdiu in homine vigit, viri dominium rectum, æquum, ac rationabile faciebat, & memoratam subiectionem, tamquam iustam, debitam, ac diuinæ ordinationi conformem, mulieri voluntariam, facilem, suauemque reddebat: post peccatum verò permisit Deus vxores nonnumquam prævana quadam superbia viris plus iusto tractari, & propterea ab ipsis durius acerbiusque tractari; quo factum est, vt illæ hanc subiectionem, tamquam nimis onerosam, & penè intolerabilem, auersari cœperint; eandemque non sine magna difficultate & mole-

molestia sustinere. Et hæc est pœna, mulieri à Deo ob peccatum eius meritò inflīcta. Quare huiuscemodi vexationes & pressuras, siue iuste siue iniuste à viris inferantur, debent ipsæ humiliter patienterque sufferre, & non propterea se ab ipsorum debita subiectione subtrahere; quemadmodum de sancta Monica B. Augustini matre legimus, alijsque pijs sanctisq̃ue mulieribus, quibus hæc pœnitentia, quantumvis grauis, mirum in modum profuit, non ad diluendas culpasantium, sed etiam ad diuina in cælis patientiæ, humilitatis, ac obedientiæ præmia promerenda. Et hæc dicta sint de diuina mulieris castigatione.

16. Veniamus modò ad iustissimam Dei sententiam contra virum latam. Hæc ip-^{DEIVSTIS-}
sum ad duas valdè graues pœnitentias condemnauit: nimirum ad victum magnis la-^{SIMA DEI}
boribus ac sudoribus sibi toto vitæ suæ tempore comparandum, quæ maxima quæ-^{SENTENTIA}
damac iugis miseria est: & deinde, ad mortem, quæ teste Aristotele lib. 3. Ethicorum^{DAMVM}
cap. 6. est vltimum vitæ maximè omnium terribile. Prima condemnatio hisce verbis^{LATA.}
continetur: *Maledicta terra in opere tuo.* Vbilicet aduertere, non absolute à Deo male-
dictam esse terram propter peccatum hominis, sed cum hac limitatione, *in opere tuo*,
id est, in cultura mox ei necessariò per te adhibenda, vt magis paulò post declarabitur.
Quid autem importet huiuscemodi maledictio, subsequenter explicat verba: *In labo-*
ribus comesdes ex ea cunctis diebus vitæ tuæ. Spinas & tribulos germinabit tibi, & comesdes
herbam terræ. In sudore vultus tui vesceris pane. Genes. cap. 3. vers. 17. quod est ac
dixisset: Quia inobediens fuisti mihi, exinde pauperem ac valdè laboriosam vitam
ages; quoniam eiiciam te de feracissima hac Paradisi terra, quæ hætenus sine cul-
tura, vel saltem sine labore tuo, largam præbuit tibi optimorum omnium fructuum
abundantiam: & mittam te in terram aliam, ab hac longè diuersam, valdè infeli-
cem, & in huius comparatione quodammodò maledictam, quæ vix etiam posteaquam
multis grauibufque laboribus à te fuerit culta, præbebit tibi victui necessaria: quin
potius loco herbarum lignorumque fructiferorum, infinitam panem spinarum ac tri-
bulorum copiam proferet, in quorum exstirpatione multum te insudare oportebit, ne
ab eis fruges, quas pro tui sustentatione seminabis, suffocari contingat. Itaque, vt dixi-
mus, non fuit à Deo terra propter hominem absolute maledicta; id est, propria ac natu-
rali sua fertilitate priuata: neque verum est, vt nonnulli perperam putarunt, eam
nonnisi post hominis peccatum spinas & tribulos producere cœpisse: sed ita ante, sic-
ut post memoratam Dei sententiam, erat terra; alicubi quidem ex se fertilissima, vt in
Paradiso terrestri; alicubi verò multò minus; & etiam quibusdam in locis (vt nunc
quoque conspicitur) omnino deserta & arida, nihil præter spinas tribulosque germi-
nans, aut siluestres huiusmodi alias plantas, ad brutorum vsus, & vniuersi complemen-
tum; ne scilicet vllum in eo plantarum genus desiderari posset. At verò terra, quæ
Adamo post eius condemnationem danda erat, quia tamen non esset penitus infructi-
fera, erat tamen prorsus inculta; ita vt ei necessarium foret, cum ingenti labore il-
lam colere, & spinas tribulosque sæpius renascentes exstirpare, ac pro eis plantas ferere
frugiferas, propterea dixit Deus: *Maledicta terra in opere tuo.* nimirum, quia tot tan-
torumque laborum occasione eidem Adamo præbitura erat; quemadmodum san-
ctus Iob maledixit diei natiuitatis suæ, ob multas miseras, excessiuosque dolores, quos
ipse in hac vita sustinere cogebatur.

17. Cum ergo propter Adæ peccatum non aqua, non aër, non ignis, maledicta
fuisse legantur, neque in aliquo deteriorata, quamvis propter homines facta essent,
sed neque terræ ipsi maledictio simpliciter & absolute inflīcta fuerit, nisi quodammo-
dò per accidens, vt iam expositum est: tanto minus probabile est, solem & lunam,
ob primi parentis lapsum, vllam incurrisse maledictionem, aut claritatis suæ imminu-
tionem. Quo fit, vt non videatur recipienda illa super Isaïa cap. 30. vers. 26. Glossa^{REVVTATVR}
interlinearis, quæ habet, solem; & lunam, quando Adam peccauit, fuisse minorata,^{OPINIO}
& ad pristinam claritatem, quam nimirum in prima mundi dierum hebdomada ante
hominis transgressionem habuerant, aliquando fore restituenda: videlicet, quando,
vt ibidem Isaïas ait, *erit lux lune, sicut lux solis; & lux solis erit septemplex sicut lux*
septem dierum (subaudi, vt quidam aiunt, primorum mundi) *in die qua alligauerit Do-*
minus vulnus populi sui, & percussuram plagæ eius sanauerit. Quæ posteriora Prophetæ
verba, si, vt multi exponunt, de tempore redemptionis humanæ, quæ à Christo fa-
cienda erat, accipi debent; profectò oporteret Christi temporibus auctum mirabiliter
fuisse solis ac lune splendorem, & tunc restituta fuisse hæc duo luminaria cæli ad pri-
stinum, quem ante hominis lapsum habebant, lucis fulgorem: quod tamen re ipsa

fuisse præstitum, scribere aut asserere adhuc ausus est nemo. Et quidem certum est Prophetam loco citato non propriè, sed figuratè loqui; ac lucis nomine vel temporalem Israël exultationem ob inimicorum eius interitum, vel cognitionem rerum spiritualium ex Christi doctrina copiosissimè illustrandam, vel lætitiā sempiternā in cælesti patria, supra quā dici aut excogitari possit, percipiendam, indicare voluisse, vt ibidem sacri docent Expositores.

18. Altera Adami condemnatio, fuit ad mortem, non illicò, sed post multa tandem tempora omnino subeundam, vt exprimitur his verbis: *Donec reuertaris in terram de qua sumptus es; quia pulvis es, & in puluerem reuerteris*, Genes. cap. 3. vers. 19. Tametsi non dubium est, quòd statim ac peccauerunt primi parentes, destituti illa Dei gratia, & ligni vitæ vsu, quo in vitam perpetuò seruari poterant, statim quodammodò mori cœperunt; hoc est, irreparabili quodam fluxu ad interitum paulatim tendere. Vt propterea scitè Ecclesiasticus cap. ult. vers. 13. mortem obiter memorans, eam appellauerit defluentem, quòd sensim ac veluti guttatim in corpora nostra defluere videatur. & Sap. cap. 5. vers. 13. dictum sit, quòd & nos nati continuò esse definimus. ac si dixisset: Continuo quodam fluxu interimus. Nam vt ait B. Gregorius Homil. 37. in Euangelia: *Ipse quotidianus defectus corruptionis, quid est aliud quàm quædam proximitas mortis?* Et hoc est quod Adamo prædixerat Dominus Genes. cap. 2. vers. 17. *In quocumque die comederis ex eo, morte morieris*. Est autem mors veluti centrum quoddam, in quo tamquam lineæ desinunt cetera mala: nam cuncta quæ nos hîc torquent, quid aliud sunt quàm quædam viæ ducentes ad interitum? ipsa verò mors, nōne finis, complementum, & terminus est corporalium omnium huius mundi malorum? Sanè licet mors sit naturalis homini; habet enim homo in se ipso naturales moriendæ causas, nimirum qualitates & humores inuicem contrarios, ac perpetuò inter se pugnantes, donec tandem, vno superante, ipsa humani corporis compositio & constitutio intereat; attamen quia certum est, quòd si homo non peccasset, proculdubiò esu ligni vitæ, ac Dei omnipotentis gratia, (vt suprà dictum fuit) à morte præseruatus fuisset. idè certissimum quoque est, eandem mortem fuisse homini in pœnam peccati à Deo inditam seu permissam, sublati pariter ab eo prædicta eius gratia & vsu ligni vitæ. Et quidem, quòd mors homini propter peccatum euenerit, est de Fide, ac propterea in dubium vocare non licet: id enim non semel repetitum habemus ad Rom. cap. 5. vers. 12. & deinceps, & Sapientię cap. 2. vers. 23. legimus, Deum creasse hominem inextinguibilem, inuidia autem diaboli mortem intrasse in orbem terrarum. Et scimus Deum comminatum esse primo homini mortem, si peccaret: *In quocumque die comederis ex eo, morte morieris*, Genes. cap. 2. vers. 17. Igitur quia in Adamo omnes peccauimus, ab eo originalem contrahentes culpam, omnes morimur: sic enim loco ad Rom. citato dicitur: *Propterea sicut per unum hominem peccatum in hunc mundum intrauit, & per peccatum mors, & ita in omnes homines mors pertransiit, in quo omnes peccauerunt*. Sed si per peccatum mors, quæret fortè hîc aliquis: Quid dicendum de Christo, & de beatissima eius Matre, qui non peccauerunt? Quid de sancto Ioanne Baptista, de Ieremia, & si qui sunt alij in matris vtero sanctificati; qui tamen omnes mortui sunt? Respondeo, Christum non pro suis, sed pro nostris peccatis esse mortuum; voluisseque pro salute mundi (culpa dumtaxat & ignorantia exceptis) cum humanitate nostra humanas quoque passibilitates, vt ita dicam, & peccati pœnalitates, assumere: alioqui, neque quòd verus homo esset, credi, neque genus humanum propria passione ac morte redimere potuisset. Similiter licet ipse Christus gloriosam Genitricem suam, ab omni culpa præseruauerit, & quosdam alios in vtero materno sanctificauerit, nihilominus, ad sui imitationem, reliqui in eis eandem peccati pœnalitates, vt per illarum tolerantiam maiora sibi merita comparare possent; & insuper, vt quemadmodum de se dicit Apostolus ad Colos. cap. 1. vers. 24. suis passionibus adimplerent, quæ desunt passionum Christi in carne sua, pro corpore eius, quod est Ecclesia. id est, vt suis passionibus ditaret thesauros Ecclesiæ, quæ est corpus Christi mysticum, cuius caput est ipse Christus, per quem habent Sancti, qui sunt membra corporis eius, hoc est Ecclesiæ, vt patienter mundi huius mala sustinentes, diuina præmia sibi aliisque consequi possint: etenim passiones Sanctorum non solum ipsis gratiam merentur, sed & ad satisfaciendum atque impetrandum pro aliis Ecclesiæ membris, quibus à Christi Vicario, thesaurorum spiritualium legitimo dispensatore, applicantur, plurimum valent. Ceterum hîc valdè admirari & commendare debemus immensam diuinæ bonitatis prouidentiam, quæ duas proximè memoratas vsqueadè graues pœnas, nimirum vniuersam huius vitæ labo-

DE CON-
DEMNATIO-
NE ADAMI
AD MOR-
TEM.

LOCVS APO-
STOLI EX-
PLICATVS.

laborum calamitatumque congeriem, & postremò mortem, hominibus ad peccati castigacionem ita iniunxerit, vt etiam his qui non peccauerunt sint admodum viles, & peccatoribus, non solum ad diluendas culpas, veniamque consequendam, sed etiam aliter multimodis prodesse possint: nam & sola vexatio dat intellectum, Isaïæ cap. 28. vers. 19. & laborandi necessitas otium sentinam omnium malorum arcet, petulantiam frænat, superbiam abigit, humilitatem fouet, & denique (vt passim dici solet) Mala, quæ nos hic premunt, ad Deum ire compellunt. Similiter nihil est, quod aequè nos à malis perpetrandis retrahat, ac certæ mortis consideratio & metus, iuxta vulgatum illud Ecclesiastici cap. 7. in fine: *In omnibus operibus tuis memorare nouissima tua, & in æternum non peccabis.* Incertitudo quoque horæ mortis nos sollicitos facit, & vt semper benè parati inueniamur, iugiter admonet: & præterea illud etiam boni mors in hominibus operatur, vt non sinat malos perpetuò malefacere, neque bonos in huius mundi ærumnis semper versari. Ecce quàm salubres & salutare homini pœnitentias iniunxit pius & misericors Dominus.

19. Post latam aduersus Adamum & Heuam iustæ condemnationis sententiam, miseratus eorum Dominus, quòd videret ipsos propter peccatum factos morti obnoxios, corruptibiles, admodumque passibiles, ac debiles ad resistendum frigori, æstui, ventis, imbribus, aliisque huiusmodi causis exterioribus, fecit eis tunicas pelliceas, quæ possent eorum corpora protegere, præsertim cum extra Paradisum, de quo paulò post eiciendi erant, eos degere oporteret, vbi non eam ampliùs, quam in ipso terrestri Paradiso fenserant aëris temperiem, habituri erant. Porro huiusmodi tunicas non immèdiatè à Deo factas, satis rationabiliter sentiunt Doctores. quoniam, quòd Deus ipse auper Angelos animalia occiderit, decorticauerit, atque tandem ex eorum pellibus tunicas concinnauerit, credere, non solum de tali ac tanta maiestate, sed etiam de ipsis Angelis prorsus indignum videtur: quòd verò miraculosè eas fecerit, non probant; pro certo axiomate habentes, Non esse ponenda miracula sine necessitate; hoc autem per manus hominum satis commodè fieri poterat. Igitur credibilis putant, dictas tunicas ab ipsismet Adamo & Heua fuisse fabrefactas, necessitate nimirum eos ad hoc impellente, & Deo intus pariter inspirante ac docente. Qui enim ab initio cunctas rerum sensibilium species pro homine creauerat, eique primaria duo instrumenta cunctarum rerum conficiendarum tribuerat; alterum spirituale, & corporale alterum; videlicet ingenium, & manus (meritò à summis Philosophis per antonomasiam organa organorum appellatas) quibus sciret posterque cuncta ritè ad proprios vsus accommodare, quique eundem hominem paulatim postea, congruis nimirum & opportunis temporibus, specialibus quibusdam internisque suggestionibus docturus erat, qualiter rebus creatis ad proprias necessitates subleuandas vti deberet: credibile est, quòd tunc aperuerit sensum Adamo & Heuæ, vt occisis & decorticatis animalibus, quæ ad ipsorum seruitium creata esse non ignorabant, ex eorum pellibus sibi indumenta facerent: nullus siquidem alius vestium conficiendarum modus eis tunc commodior ac paratu faciliior, in promptu fuisse videtur. Nam ex lana linòve, vel etiam ex palmæ foliis (vt postea eremitæ) eas intexere, nonnisi multo tempore, labore, atque artificio potuissent. Quòd verò aliqui putarunt, tunicas illas ex quarundam arborum corticibus fuisse compactas, sanè modicam habet probabilitatem, & magis nescio quid imaginarium redolet, quàm reale; præsertim cum nusquam legerimus, aliquando homines talibus vsos vestibus: è conuerso autem, ex ethnics quoque Scriptoribus constat, ab antiquissimis temporibus homines animalium pellibus tegi consueuisse, quod profectò ab hoc primorum patrum exemplo deductum esse, nemo dubitare debet. Fuit etiam non sine diuina prouidentia factum, vt mortuorum potius animalium pellibus, quàm quouis alio tegumento vterentur post peccatum homines; quòd nimirum melius, ex quotidiana vestium quas gestabant inspectione, iugiter recordarentur se esse mortales; & quòd priùs se in honore creatos esse non intellexerant, mox comparatos esse iumentis insipientibus, & similes illis quodammodò effectos; atque hoc pacto propriam agnoscetes miseriam, humiliarent animas suas coram Domino, & misericordiam ab eo intentius impetrare studerent. Ad hoc quoque (vt arbitror) acriori licet medio, eos inducere intendebat Deus, quando vt vidit tali habitu indutos, seuera illa quidem eos, opportuna tamen ironia, irridere cœpit, dicens: *Ecce Adam quasi vnus ex nobis factus est, sciens bonum & malum.* Genes. cap. 3. vers. 22. qua voce Adam vtrumque, virum scilicet & mulierem complexus est; siquidem Genes. cap. 5. vers. 2. legimus, *Et vocauit nomen eorum Adam.* Solet autem Deus interdum in hac vita subannare peccatores, iuxta illud

Prouerb. cap. 1. v. 26. *Ego quoque in interitu vestro ridebo, & subannabo, cum vobis id quod timebatis aduenerit.* vt scilicet ipsorum ex peccato profectam ignominiam inruentes, ad illum, qui eos possit saluos facere, auidius conuertantur: quemadmodum dicebat Regius Propheta in Psal. 82. vers. 17. *Imple facies eorum ignominia, & quarent nomen tuum Domine.*

DE ADAMO
ET HEUA E
PARADISO
EIECTIS.

20. His peractis, eiecit Deus Adamum & Heuam de voluptariis hortis, hoc est de terrestri Paradiso: quæ fuit veluti quædam sententiæ contra eos latæ executio. siquidem exinde priuati vsu ligni vitæ, quodam modò mori, id est ad interitum tendere cœperunt, & grauiter aëris iniurias ferre, ac terræ colendæ labores sustinere: & Heua non multò post conceptus molestias, & deinde partus dolores experiri. Quæ omnia proculdubio eos sensim disponebant ad mortem, vel potius paulatim ac diu mori compellebant. *ipse enim quotidianus defectus corruptionis* (vt ait B. Gregorius Homilia 37. in Euangelia) *quid est aliud, quàm quædam prolixitas mortis?* Sed ne aut ipsi, aut eorum posterì deinceps, cupiditate prorogandi vitam flagrant, auderent tentare rursus ingredi in Paradisum, vt de fructu ligni vitæ deciperent; prouidè admodum Dominus vigilè pariterque insepàrabilem Paradiso custodiam posuit, nimirum *Cherubim, & flammæum gladium atque versatilem, ad custodiendam viam ligni vitæ.* Genes. cap. 3. in fine. hoc est (vt bene exponit, probatque Pererius) Angelos, strictos tenentes gladios ex vtraque parte acutos; qui non solum visibilibus hisce armis arcerent inde homines; sed inuisibili ac spiritali virtute sua, etiam dæmones; ne & ipsi de ligno vitæ fumerent, quo fallere possent homines illius cupidissimos; siue promittentes, siue etiam re ipsa dantes de ipso his, qui spretò Dei cultu ipsos adorarent.

QVANTVM
TEMPORIS
ADAM ET
HEUA MO
RATI SINT
IN PARA
DISO TER
RESTR.

21. Verùm hîc si quis quærat, quanto tempore morati sint Adam & Heua in Paradiso terrestri, dico, id præcisè sciri non posse: nam licet ex Sacro textu videatur colligi posse, quòd quo die peccauerunt; eodemmet de Paradiso eiecti sint; consequenter namque post lapsus ipsorum descriptionem narrat Scriptura sacra, eos de nuditate sua erubescere cœpisse, fecisseque sibi perizoniata, & audita vocè Domini, sese abscondisse; sed ab eo vocatos, ac successiuè interrogatos, condemnatos & eiectos esse. Quod sub finem illiusmet diei contigisse insinuant illa verba Genes. cap. 3. vers. 8. *Et cum audissent vocem Domini Dei deambulantis in paradiso ad auram post meridiem.* & quæ sequuntur. At verò scire quantum temporis in statu innocentie permanissent, hoc opus hic labor est. Nam neque ex Sacro eloquio id elici potest, neque de hac re vlla extat antiqua traditio, neque idem sentiunt Doctores: ex quo fit, vt etiam variæ sint de tempore quo manserunt in Paradiso terrestri opiniones. Quidam enim putant, ipsos eodemmet die quo creati sunt, & peccasse, & è Paradiso pulsos fuisse. ita vt, quemadmodum secundus Adam Dominus noster Iesus Christus feriæ sextæ hora, vt putant, prima, spūtis fœdatus, illusus, percussus, & reprobatus est à Iudæis; & hora tertia desinente condemnatus, ductus est in montem Caluariæ crucifigi; & non multò post inter tertiam ac sextam horâ felle potatus cruci affixus fuit; & postremò hora nona, quæ erat, inquit, tertia post meridiem, cum expirasset, latronem secum in paradisum introduxit: ita primus Adam hora sextæ feriæ prima, inquit, de luto formatus est; hora tertia translatus est in Paradisum terrestrem; & inter tertiam ac sextam horam de ligno vitæ gustauit; ac demum hora nona cum Heua coniuge de Paradiso pulsus est. Sed quòd dicta horarum orationis distributio non ritè facta fuerit, constabit ex his, quæ nos sub anno mundi 4084. num. 14. dicemus. Aliis contrà videtur spatium vnus diei artificialis nimis breue, ad tot peragenda, quæ in Sacro textu scripta reperiuntur. Nam vt omittamus, eo die formata prius esse de humo omnia animalia terrestria, & postremo loco ipsum Adamum, qui deinde in Paradisum transpositus est, vt operaretur & custodiret illum; datamque sibi facultatem vescendi de omnibus illius loci fructibus, præterquam de ligno scientiæ boni & mali; & item potestatem dominandi piscibus maris, & volatilibus cæli, ac bestiis vniuersæ terræ; quæ omnia non in instanti, sed successiuè per conuenientia temporum interualla acta esse nemo ambigit: certè (secluso miraculo) non videtur verisimile, cuncta animalia potuisse in tam exiguo tempore ad Adamum adduci, & ab eo singula propriis ac ipsorum naturæ congruentibus nominibus appellari. debuit insuper aliquo tempore, licet breui, mansisse Adam sopore correptus, quando ex costa eius ædificatum est corpus Heuæ; cuius tentatio etiam rationabiliter videtur supponere, quòd prius per aliquod tempus à serpente obseruata fuerit edere de ceteris omnibus fructibus, numquam verò de vitæto, vt colligi potest ex responsione ipsius Heuæ ad serpentem: *De fructu lignorum, quæ sunt in Paradiso, vescimur; de fructu* verò,

verò, &c. Durum igitur nimis visum est multis Auctoribus, prædicta omnia ad summum intra spatium duodecim horarum esse coarctanda. Quare Abulensis super Genes. cap. 13. arbitratus est, Adamum fuisse de Paradiso exterminatum die immediate sequenti ab eius creatione, hoc est die mundi septima; sed hoc planè repugnat Scripturæ dicenti, Deum requievisse die septimo ab omni opere. Alij putarunt Adamum mansisse in Paradiso terrestri octo diebus. Alij, quadraginta; & propterea Christum in deserto totidem ieiunasse, in remedium culpæ illius, nimirum veniæ comestionis. Alij, plures annos, nempe quot Christus in terris conuersari voluit. Sed quidquid sit, communior Doctorum opinio est, ipsos paucò tempore in tam delizioso loco moratos esse. Non enim verisimile est, tabescentem diaboli inuidiam diutius potuisse tantam illum sustinere felicitatem. Itaque si prima, quam retulimus, opinio vera non est; profectò videtur proximè ad veritatem accessisse illa, quæ putat, Adamum per vnam dierum octauam in Paradiso illo mansisse. nam quod aiunt Doctores, eodem die Adamum esse creatum, & à Paradiso pulsum, posset etiam satis conuenienter accipi, non de eadem die numero, sed tæ eadem hebdomadæ Feria, nempe sexta.

22. Quoniam verò post eiectionem Adami & Heuæ de Paradiso terrestri, Scriptura sacra continuò subiungit congressum ipsorum, dicens: *Adam verò cognouit uxorem suam Heuam, quæ concepit*, &c. Genes. cap. 4. ver. 1. nec vmquam antea de hac re quidquam meminerat; hinc colligunt Sacrorum librorum Expositores, & sacra Theologie Professores, Adamum & Heuam, quamdiu manserunt in dicto Paradiso, virgines permanisse, & consequenter, non statim executioni mandasse præceptum, si tamen præceptum illud dici potest, quod acceperant de procreanda sobole illis verbis: *Crescite, & multiplicamini*, &c. & hoc sine defectu; quippe quòd benè scirent, præceptum illud esse, vt aiunt, affirmatiuum, quod quidem semper, sed non ad semper obligare solet. quamquam proculdubio illud etiam in Paradiso illo obseruabitur, tempore ac loco conuenientibus, si longiori temporis spatio ibidem permansissent. ex accidenti igitur, & ob breuitatem moræ, hæc dilatio contigit; vel fortè etiam diuina dispensatione id factum fuit, ad præfigurandam perpetuam illam Sanctorum virginitatem, quæ post gloriosam corporum resurrectionem in Paradiso celesti seruabitur; de qua meminit Matth. cap. 22. vers. 30. *In resurrectione enim neque nubent, neque nubentur; sed erunt sicut Angeli Dei.* quod etiam repetunt sancti Marcus cap. 12. vers. 25. & Lucas cap. 20. vers. 35.

23. Igitur Adam & Heuæ, nonnisi post egressum de Paradiso terrestri, coniugalem inter se copulam inire cœperunt. Vtrum autem breui, aut multo post tempore, etiam certò definiri non potest; probabile tamen videtur, id paulò post contigisse, & consequenter Cainum & Abelem natos esse; alterum in eodem primo mundi anno, alterum in secundo: quod satis apertè indicare videtur Sacer textus, qui, vt diximus, statim post descriptam illorum de Paradiso eiectionem sequitur, dicens: *Adam verò cognouit uxorem suam Heuam, quæ concepit, & peperit Cain, dicens: Possedi hominem per Deum.* Et illicò subiungit: *Rursumq; peperit fratrem eius Abel.* videlicet in secundo partu, quem in illo præsertim mundi exordio, in quo admodum necessaria erat hominum multiplicatio, verisimile est contigisse in proximè sequenti anno, ita vt non plus vno circiter anno Cain fuerit natu maior ipso Abel, vt etiam ex sub anno mundi 2. num. 1. dicendis colligi poterit. Porro Cain fuisse primogenitum Adami & Heuæ, satis insinuant illa verba, quæ in ortu eius dixit mater ipsius Heuæ, quando appellauit eum Cain, dicens: *Possedi hominem per Deum.* id est, gratia & benigntate Dei. Quia enim tunc, & non prius cœperat habere filium (quod est possidere hominem) idcirco vocauit eum Cain, quod Latine interpretatur possessio, vt exponit Iosephus 1. Antiq. cap. 4. Beatus quoque Augustinus lib. 15. de Ciuit. cap. 15. probat, Cain fuisse primum qui natus sit ex coniunctione maris & feminæ: *Neque enim, inquit, illo nato, dixisset Adam [vel potius Heuæ] quod dixisse legitur: Acquisiui hominem per Deum: nisi illis duobus ipse fuisset homo nascendo additus primus.* sic ille. Ex dictis ergo inferri potest, quòd

24. Eodem primo mundi anno, mense circiter decimo, de Adam, qui, vt aliàs etiam dictum est, proditor hominum prius, quàm genitor fuerat, natus est Cain primogenitus eius, quem exilij sui initio genuit. Quare primus annus vitæ Cain ferè totus concurrat cum anno Orbis secundo; vt in nostris tabulis notatum inuenies. Hoc si ita est, vt credimus, consequitur, fictitiam ac mendacem esse, falsoque attributam S. Methodio Martyri, visionem illam seu reuelationem, quam refert Petrus Comestor c. 25. historię Scholasticę lib. Genes. Quòd scilicet Adam & Heuæ, cùm de Paradiso terre-

ADAM ET
HEVA IN
PARADISO
TERRESTRI
VIRGINES
PERMAN-
SERUNT.

ADAM ET
HEVA EG-
RESSI DE
PARADISO
COPULAN-
TVR.

CAIN ET A-
BEL QUAN-
DO NATI.

CAIN ADA-
MI ET HE-
VÆ PRI-
MOGENITVS

CAINI OR-
TVS.

VISIO ME-
THODII
ATTRIBVTVA

stri virgines exiissent, post annos quindecim genuerunt Cain primogenitum suum, & sororem eius nomine Calmanan. Dein post annos totidem, hoc est anno ab eorum expulsiōe trigesimo, procrearunt Abelem, & sororem eius Delboram. Mox anno vitæ Adami centesimo trigesimo, Cain occidit Abelem; quem parentes eius planxerunt annis centum, & post planctum genuerunt Seth, qui (iuxta textum LXX. Interpretum, quem huius historiæ seu visionis Auctor sequitur) natus dicitur anno ducentesimo trigesimo patris. Porro intra primos quindecim annos ante conceptum Cain decurfos, putant prædictæ reuelationis sectatores, Adamum & Heuam in virginitate sua permanisse, peccatum, quod perpetrauerant, iugiter plangentes. Et post natum Cain cælibem rursus vitam egisse per alios quindecim annos, id est vsque ad conceptum Abelem. & item tertio, per illos centum luctus annos, in quibus planxerunt necem Abelis, nempe vsque ad genitum Seth. Quia, inquiunt, alioqui oporteret Heuam per tot ac tam longa annorum interualla fuisse sterilem, quod non est credibile. Sed fictitiam, vt diximus, atque erroneam esse eiusmodi reuelationem, inde colligitur, quòd multa falsa aliquibus veris mixta contineat. Nam quòd primi parentes nostri, virgines in Paradiso terrestri permanserint, & quòd Cain fuerit eorum primogenitus, iam supra concessum & comprobatum est. Credere autem, Adamum & Heuam à coniugio abstinuisse annis quindecim in poenitentiam peccati inobedientiæ ab ipsis admissi, nimis absurdum videtur: tum quia benè nouerant, se in ætate perfecta creatos, vt citò vacare possent liberorum propagationi, de qua illicò moniti fuerant illis verbis: *Crescite, & multiplicamini*, &c. tum quia tot annis eam differre; potius fuisset nouus inobedientiæ actus, quàm poenitentię: præsertim cùm iam certò scirent se esse morituros; ac de hora mortis, non minùs ac nos, essent ignari. Huc accedit, non esse verisimile, eos tam diu potuisse stimulis concupiscentiæ carnalis resistere, quos multo acriores ac vehementiores post peccatum expertos esse, dubium non est. Quin etiam supponi pro certo posset, eòdem præ omnibus posteris suis, naturali valdeque rationali proles desiderio flagrasse; quemadmodum non obscure indicant præcitata Heuæ verba: *Possedi hominem per Deum.* id est, tandem Dei beneficio optatam consecuta sum prolem. Itaque ex his omnibus incredibile fit, Adamum & Heuam à carnali copula per annos quindecim abstinuisse ante generationem Caini, & totidem ante conceptionem Abelis. Illud verò adhuc multò absurdius, dicere aut opinari, Adamum, alioquin virum prudentissimum, plangere voluisse mortem filij sui Abelis centum annis: peccatum verò suum tantummodò quindecim; & in eiusmodi luctu ab actu coniugali, tunc temporis admodum necessario, per tot annorum decades abstinere; quin potius procurasse quanto cyus obitum Abelis aliorum generatione filiorum restaurare; & quemadmodum ab anno mundi primo fecerat, per singulos ferè annos prolem suam augere. Denique memoratæ visionis impostura inde etiam deprehendi poterit, quòd supponit, Adamum fuisse ducentorum triginta annorum quando genuit Seth, iuxta textum LXX. Interpretum, quem in hoc & in pluribus item aliis annorum numeris deprauatum esse, ex infra sub anno mundi 131. præsertim num. 7. dicendis apertissimè constabit.

AB ORBE CONDITO ANNVS II.

A NNO mundi secundo (vt ex proximè dictis, & proximè item ac num. 4. dicendis, admodum probabiliter inferri potest) credimus natum esse Adamo, circa postremos huius anni menses, alterum filium, quem vocauit Abel, Gen. c. 4. v. 2. Si enim post Diluuium, in primo illo renouati orbis triennio, quando quattuor tantum in vniuerso mundo remanserant coniugatorum hominum paria, Sem singulis annis genuit filios; quemadmodum sub anno mundi 1657. num. 19. ex ipsomet Sacro textu colligi posse ostendemus: certè non minùs, immò verò magis credibile est, in ipso primo orbis initio, quando soli Adam & vxor eius Heua reperiebantur in mundo, eos tum ratione fecunditatis, simul & prolis multiplicandæ necessitatis, quam à Domino acceperant illis verbis: *Crescite, & multiplicamini, & replete terram.* tum naturali prolis quo ardebant desiderio; & denique, vt se tandem aliquando ex illo solitudinis tædio eximerent, quotannis filios procreasse. Sed dicit aliquis: Ergo necesse est Cainum lacte matris grauidæ fuisse alitum: nulla enim alia tum aderat nutrix, quæ ipsum lactare posset. scimus autem lac prægnantis, infantibus noxium esse, vt quotidiano liquet experimento. Cuius rei causam quoque afferunt Physici, nimirum quòd eo tempore embryo, qui puriorem matris sanguinem pro sui nutritione trahit, deteriorem pro

1.
ABEL QVAM
DO NATVS.

CAIN LACTE
PRAE-
GNANTIS
INNOXIE
ALITVS.

pro lactis materia relinquit; quo fit vt lac, quod ex ea in mammis conficitur, minùs sanum præbeat infanti nutrimentum. Ad hæc dicimus, quòd licet tale lac sæpè infantes lardere non inus inficiàs, videmus tamen etiam satis frequenter pauperulas mulieres, dum editos lactant paruulos, denuò concipere; & quia alias conducere nutrices pretio deficiente non valent, prosequi eosdem infantes proprio quo cøperant lacte nutrire. Quorum etli nonnulli, pro firmiori infirmiorive proprij aut materni corporis habitudine, magis minùsve patiuntur, & interdum ea potissimùm de causa quidam periclitentur, aut pereant; plurimos tamen inde parum aut nihil detrimenti sentire & pati certum est; præsertim cum iam apti sunt sorbitiunculas quasdam ex ouili vaccinove lacte statim emuncto, siue iusculam, vel pulcillas, aut eiusmodi alia liquiora fercula, aptè ad hoc nutricum arte parata, interdum sumere. Itaque si nostra hac tempestate, in qua, omnium consensu, corporeæ hominum constitutiones multò sunt quàm olim imbecilliores, fetarum mulierum lac non semper letale infantulis perniciosumve est, maxime iis qui de pauperculis, agrestioribusque mulierculis nascuntur, ac propterea minùs delicate ac molliter viuere ab ipso pænè ortu necessarìo assuescere incipiunt, diuina, vt arbitror, dispensatione, tum matrum tum filiorum egestati sic consulente: quid miramur, si de Adamo & Heua priscis, illis mundi annis nati (quod tam ipsi, quàm eorum parentes, robustioris admodum essent habitudinis) etiam lacte prægnantis aliquandiu salubriter nutrirì potuerint? accedente præsertim singulari quadam matris industria, in prædictis sorbitiunculis, aliisve huiusmodi appositè parandis ac prouidendis, quam eidem à Deo tunc specialiter inditam, dubitare non debemus, ad faciliorem nempe hominum multiplicationem, quæ eo potissimùm tempore valde necessaria videbatur. Sed & potuit ipse Adam, qui omnium herbarum fructumque vitæ optimè callèbat, aliquid tum Heuæ comedendum attulisse, quod naturalem haberet facultatem optimi sanguinis adeò augendi, vt & pro alendo fetu, & pro lacte pariter optimo consociendo, abundè sufficeret. Quamobrem nullatenus dubitandum videtur, quin Heua singulis annis quiuert liberos concipere, parereque, ac sine vllò ipsorum incommodo educare, & consequenter hoc anno ad finem, vt dictum est, iam vergente, gignere Abelem. oportet ergo annum vitæ Abelis primum concurrisse pro maiori parte cum anno mundi tertio, vt etiam patet in tabulis.

2. Porro duos hosce primos Adæ filios, Cain scilicet & Abel, vt primum rationis ysum sunt adepti, valde inter se differentis fuisse ingenij, manifestum est. Siquidem de Abel, quòd semper fuerit vir bonus ac timens Deum, facile credi potest; quoniam ipse, met Dominus Matthæi cap. 23. vers. 35. appellat eum iustum: *A sanguine*, inquit, *Abel iusti*. & Genes. cap. 4. vers. 2. & 4. legimus quòd Abel cum esset *pastor ouium*, obtulit *de primogenitis gregis sui, & de adipibus eorum; & respexit Dominus ad Abel, & ad munera eius*. Nusquam vero in sacris Scripturis apparet quòd fuerit malus, sicuti à conuerso nullibi reperimus, Cain quandoque fuisse bonum. Quòd autem fuerit valde peruersus, liquidò colligere possumus ex Epistola Canonica sancti Iudæ Apostoli vers. 11. vbi ait: *Va illis, quia in via Cain abierunt*. Et item ex Genes. cap. 4. vers. 5. vbi dicitur: *Ad Cain verò, & ad munera illius, non respexit*, supple, Dominus. Ex quo apparet, quòd non recta intentione, neque optimos terræ fructus, sed deteriores offerebat Domino: alioqui Deus, qui non est acceptator personarum, accepta habuisset munera eius, non secus ac fratris. Et infra sub annis mundi 130. num. 7. & 133. num. 1. ex Iosepho etiam sceleratissimam euasisse.

ABEL SEM-
PER BONVS.CAIN SEM-
PER MALVS.

3. Ab his duobus fratribus, vita moribusque tantopere dissidentibus, constat exortas esse in hoc mundo duas illas mysticas ciuitates, Dei videlicet, & diaboli: de quibus luculenter admodum agit B. Augustinus in libris, quos à digniori inscripsit, de Ciuitate Dei. quarum altera ex his hominibus, qui secundum hominem; altera ex illis qui secundum Deum viuere satagunt, constituitur: hoc est, altera ex reprobis, qui præsciti sunt, & ad æterna supplicia cum diabolo destinati: altera ex electis, qui prædestinati sunt in æternum regnare cum Deo. Et primi quidem appositè à Caino originem duxisse dicuntur, qui prior natus est; quoniam, vt ait Apostolus 1. ad Corinth. cap. 15. vers. 46. *non prius quod spiritale est, sed quod animale, deinde quod spiritale*. ita inquit sanctus Augustinus lib. 15. de Ciuit. cap. 1. *Prior natus est ciuis huius sæculi, posterior autem isto, peregrinus in sæculo, & pertinet ad ciuitatem Dei*. sic Augustinus. Propterea Cain dicitur fuisse agricola, cuius officium sedes permanentes videtur exigere, & magis terrena sapere: Abel autem pastor ouium, quod etiam à peregrinantibus exerceri valet:

A CAIN ET
ABEL DVÆ
CIVITATES,
DEI, ET DIA-
BOLI, ORTÆ

nec ita mentem occupat, quin diuinarum quoque rerum contemplationi vacare possit. Insuper Cain dicitur in terris ædificasse ciuitatem, Abel autem nequaquam: quia nimirum, vt loco proxime adducto subdit S. Augustinus, *Superna est Sanctorum ciuitas, quam hic pariat ciues suos, in quibus peregrinatur, donec regni eius tempus adueniat.* Sed & ipsa quoque memoratorum fratrum nominis etymologia declarat, eos fuisse veluti duo capita dictarum ciuitatum, in ipsiq; adumbratas quoquomodo fuisse naturas propensioneq; ipsarum: etenim Cain, vt dictum est, interpretatur possessio: quæ vox aliquatenus representat procliuem quamdam & inordinatam ad res terrenas inclinationem; quæ aperte conspicitur in huius mundi hominibus; qui in acquisitione, & possessione rerum caducarum felicitatem suam posuisse, & in hoc omnia penè studia operaque sua collocare videntur: contra verò, Abel interpretatur luctus, seu vanitas, aut nihil, vt videre est apud Iosephum 1. Antiq. cap. 4. & hoc portendebat, quòd pij homines solent in hac vita, tum propria, tum etiam aliena peccata plangere; & pro nihilo ducere bona huius sæculi, tanquam vanitati subiecta. Præterea proditum est, Cainum proceasse filios; & eius successio describitur Genes. cap. 4. vers. 17. & sequentibus: de Abele autem nihil tale legimus, ad denotandum, quòd amatorum huius mundi ciuitas carnalibus propagari, augeri, & conseruari generationibus solet; ciuitas verò Dei spiritualem habet ex ipso Deo generationem, progressum, æternamque durationem: siquidem ex his dumtaxat hominibus constat, *qui non ex sanguinibus, neque ex voluntate carnis, neque ex voluntate viri, sed ex Deo nati sunt.* Quomodo autem quis ex Deo nasci possit, dicebat Dominus Nicodemo apud Ioan. cap. 3. vers. 3. his verbis: *Nisi quis renatus fuerit denudò, non potest videre regnum Dei.* & vers. 5. clarius se explicans, repetit: *Nisi quis renatus fuerit ex aqua & Spiritu sancto, non potest introire in regnum Dei. Quod natum est ex carne, caro est: & quod natum est ex spiritu, spiritus est. Non mireris quia dixi tibi, Oportet vos nasci denudò;* vbi proculdubio intelligit de Baptismo, per quod ex Deo nasci seu renasci potest homo. Denique sicuti certum est, vt infra suo loco dicemus, vtrumque, Cainum videlicet & Abelem, obtulisse Domino sacrificia, non tamen pari intentione ac pietate, ac propterea non vtraque fuisse accepta Deo: ita constat vniuersaliter omnes, tam bonos quàm malos, aliqualem Dei cultum profiteri, (est enim hoc à natura hominum cordibus insitum:) verumtamen quia mali, aut non recta fide, aut non puro corde, & ea quæ decet pietate ac reuerentia id faciunt; ideo verum est quod dicitur Prouerb. cap. 15. vers. 8. *Victimæ impiorum abominabiles Domino: vota iustorum placabilia.* Sed quoniam hoc de duabus ciuitatibus argumentum, vt diximus, fusissimè prosequitur sanctus Augustinus in libris paulò ante citatis; sufficiat hæc pauca de ipso hic breuiter attigisse, si tamen illud addiderimus, Duas has ciuitates à prædictis duobus fratribus exortas, semper deinceps in hoc mundo extitisse. Nam licet de illa quæ ad Deum pertinet, forsitan dubitare quis possit, propterea quòd in Sacris libris linea iustorum descendendum à Noë ad Abraham videatur interrupta in Sarug, Nachor, & Thare, quos non iustos, sed idololatræ fuisse, nos sub annis mundi 1850. num. 1. & 2086. num. 1. probabimus: attamen, si vera esset opinio eorum, qui putant Melchisedech eundem fuisse cum Sem filio Noë (de qua res nos sub annis mundi 2118. n. 7. 8. & 9. & 2156. num. 1. & 2. agemus) proculdubio constare possit, intra illud quoque tempus non defuisse aliquos, qui Deum veraciter colerent: præsertim cum etiam Sale & Heber (de quibus nusquam legimus quòd fuerint idololatræ & mali) iisdem quoque vixerint temporibus. Siquidem hi duo longè ante ortum Sarug, Nachor, & Thare orti sunt, & post eos obierunt: Sale quidem anno vitæ Abraham centesimo decimo octauo, Heber verò annis quattuor post obitum ipsius Abraham, vt patet in tabulis 2. & 3. mundi ætatis. & præterea, quòd alij etiam boni viri, verique Dei cultores in sacris Scripturis nequaquam memorati, per eadem tempora extiterint, pro certo habet S. Augustinus loco paulò post citando. Quin & insuper addimus, quòd etiam si à tempore Sarug ad Abraham nullos haberemus viros probos in Sacris paginis recensitos, mirandum tamen non esset: quandoquidem etiam à Zacharia & Malachia Prophetarum postremis ad Machabæos, & item à Machabæis ad Christum, nihil in Sacro eloquio de eiusmodi viris reperimus scriptum. & nihilominus credendum vtrique est, illis quoque temporibus plures extitisse, qui verum Deum pie colerent, quos (vt bene notat S. Augustinus lib. 16. de Ciuit. cap. 2.) Scriptura sacra consultò præterit, breuitati consulens, & ne esset hæc magis historica diligentia, quàm prophetica prouidentia. sic ille. Et nos aliàs diximus, Scripturæ sacræ intentum non fuisse, omnia quæ acta essent tradere, sed ea tantum quæ ad hominum salutem, salutaremque ipsorum institutionem necessaria

esse videbantur. Itaque (vt dicebamus) certissimè tenendum est, saltem aliquos bonos, multos verò malos in hoc mundo, nullo ferè vnquam tempore defuisse. Quod idem est ac si diceremus, Prædictas duas ciuitates, Dei videlicet ac diaboli, iugiter hæctenus perseverasse, & vsque ad mundi finem perseveraturas; licet non pari passu, neque semper eodem ciuium numero, eadèmvē mundana felicitate, quoniam non vna eadèmq; ratione diuina prouidentia vtramque regit & gubernat, sed singulas pro cuiusque conditione ac meritis. Nam, vt quædam impiorum benefacta (nemo enim est tam malus, qui non etiam quandoque boni aliquid operetur) non sine debita retributione relinquatur, eos temporalibus quibusdam prosperitatibus remunerat, interdumque eleuari & exaltari permittit sicut cedros Libani, & eorum synagogam mirum in modum multiplicari & extolli; quamuis omnes postea tandem perpetuò puniendos in inferna demergat. E conuerso autem, quia (vt dicitur 1. Petri cap. 4. vers. 17.) *Tempus est vt incipiat iudicium à domo Dei*, pios in hoc mūdo vt plurimum variis modis affligi sinit ac deprimi, quò eorum peccata (*septies enim cadet iustus*, Prouerb. cap. 24. vers. 16.) hic corripiat ac diluat, vt postea in æternum parcat. Et hoc est quod dicebat S. Gregorius libro 33. Moraliū cap. 20. nimirum, *quòd Deus nec electis suis pietatem sine iniustitia exhibet, quia hic eos duris afflictionibus premit: nec rursus reprobus iniustitiam sine miseratione exercet, quia hic equanimiter tolerat, quos quandoque in perpetuum damnat.* sic ille. Propterea etiam Deus bonorum ecclesiam sæpè à malis diuexari sinit ac minui, & interdum pænè ad nihilum redigi, quemadmodum euenisse videtur ante Diluuium, quando corrupta est terra coram Deo, & repleta iniquitate; omnis quippe caro corruerat viam suam super terram, vt dicitur Genes. cap. 6. vers. 11. & 12. vbi, quoniam initio capitis sequentis dixit Dominus ad Noè: *Te enim vidi iustum coram me in generatione hac.* videtur quodammodo insinuari, solum pænè ipsum Noè in tōto orbe terrarum tunc repperit fuisse iustum. Verumenimuerò, tametsi ciuitatem suam Deus in hoc mundo, tamquam nauiculam in medio mari vndique ventis expositam, à variis frequenter iniquorum persecutionibus ac tentationibus admodum exagitari permittat; non tamen (iuxta id quod promiserat Matth. cap. vlt. in fine: *Et ecce ego vobiscum sum omnibus diebus vsque ad consummationem sæculi*), eam vnquam omnino dereliquit aut deseruit, sed opportunis temporibus vota precesque suorum exaudiens, imperat ventis & mari, cunctisque admirantibus tranquillitatem facit. atque ita Ecclesiam suam continuis hiſce vicissitudinibus inter aduersa & prospera exercet, moderatur, & prouehit. Et ne impij, qui & numero, & viribus, & astu prauales videntur, de multitudine, potentia, ac mundana prudentia sua gloriari possent; boni verò ob eorum pusillitatem, respondere animos; vel hoc vnicò admodumque memorabili documento apertissimè Diluuij tempore ostendit Dominus, quàm ei facile sit, quancumque voluerit, & prauos quantumvis auctos, simul ac semel disperdere; & pios licet iam pænè extinctos, ab interitu præseruare, denuò erigere, augere, & exaltare. Vt propterea mirum non sit, si Sacra volumina plena sint diuinis contra præuaricatores comminationibus, quò eos à peccatis reprimant, & innumeris ferè pollicitationibus & cohortationibus, quibus boni ad benè sperandum excitentur; quales præcipuè sunt quæ in sacro Euangelio habemus, Marci cap. 6. vers. 50. *Confidite, ego sum, nolite timere.* & Ioan. cap. 16. in fine: *Sed confidite, ego vici mundum.* & Lucæ cap. 12. vers. 32. *Nolite timere pusillus grex, quia complacuit Patri vestro dare vobis regnum.* & eiusmodi sexcenta alia. Sed hæc latius hoc loco prosequi, nihil aliud esset quàm ab instituto longius aberrare. Redeamus ad historiam.

4. Post Caim & Abelis natiuitatem, tametsi Scriptura sacra nullum alium ex Adamo & Heua genitum memoret, vsque ad ortum Seth: nihilominus credendum est (vt sub anno mundi primo, num. 24. & sub hoc etiam secundo mundi anno, num. 1. diximus) eos singulis quibusque annis genuisse. renuit enim animus credere, quòd bis per annos quindecim, & semel toto annorum centenariò aut penitus ab vsu coniugali abstinerint, aut prorsus fuerint infecundi, cum certum sit, eos nequaquam naturalem, quam à Domino illis verbis, *Crescite & multiplicamini*, &c. acceperant fecunditatem, sicuti nec alia bona naturalia, per peccatum amisisse. Cum igitur, vt supra dictum fuit, idè ipsi in ætate perfecta, & ad generandum valida, se creatos scirent, vt citius hominum propagationi vacare possent, terramque in illo præsertim mundi exordio vacuam, habitatoribus (vt ipsemet præceperat Dominus) replere: nullatenus dubitandum videtur, quin quamplurimos item alios inter Abelem & Seth genuerint filios & filias, & fortè vnum vel vnā singulis annis, vel etiam interdum geminos; qui

QUOMODO
ET CVR IN-
TER SE DI-
VERSÆ.

postea crescentes, partim adiuuerint parentes fratremque primogenitum in agriculturæ operibus; partim Abelem in officio pastoralis. Quis enim credat in tam longo annorum curriculo à duobus tantum viris terram fuisse cultam, & ab vno dumtaxat curam pascendi greges fuisse exercitam? Huc accedit, quod si Cain, quando interfecit Abelem, remansisset in mundo solus cum parentibus suis, ad quid dixisset Domino: *Omnia igitur qui inuenerint me, occidet me*? Et ne hoc quispiam putaret de bestiis fuisse dictum; ipsa Domini responsio declarauit dicens: *Nequaquam ita fiet: sed omnia qui occiderit Cain, septuplum punietur*. Quod & in eodem sensu; nempe tamquam de hominibus pronuntiatum, accepit, accipique voluit Lamech, quando Genes. cap. 4. vers. 23. dicebat: *Quoniam occidi virum in vulnus meum, & adolescentulum in liuorem meum. Septuplum ultio dabitur in Cain; de Lamech vero septuagies septies*, vt nos infra sub anno mundi 875. num. 2. explicabimus. Igitur, si verebatur Cain occidi ab hominibus, qui cum inuenissent in regione, ad quam profugus eiciebatur: signum est, quod tunc iam multiplicati erant homines in terra, nimirum iam nati ex Adamo & Heua, & ex ipsomet Caino, qui interim multos, vt dictum est, iam genuerant liberos; & ex his etiam nepotes non paucos. Nemo tamen mirari debet, si nullus ex dictis Adæ liberis inter Abelem & Seth genitis recensitus inueniatur: quoniam neque etiam in Sacro eloquio recensetur vllus eorum, quos post natum Seth idem Adam genuisse dicitur Genes. cap. 5. vers. 4. Solus itaque nominatur Seth, quemadmodum deinceps in singulis subsequentibus generationibus soli nominantur hi, per quos recta linea deuenitur ad Noë, cuius genealogiam Moyses describere intendebat: quoniam ipse cum tribus dumtaxat filiis, & propria filiorumque vxoribus, ex omni genere humano speciali Dei beneficio præseruatus ab vniuersali Diluio fuit.

CAIN ET
ABEL DEO
SACRIFI-
CANT.

5. Quod verò attinet ad primos duos Adæ filios Cainum & Abelem, nihil aliud de ipsis intra prænotatum, de quo nunc sermo est, tempus, proditum habemus, nisi quod cum ambo adoleuissent, alter, nempe Cain, ad imitationem patris agriculturæ operam dabat; alter verò pascendarum potius ouium munus sibi assumpsit: & nihilominus vterque, siue quia sic à patre edocti instituti que fuissent, siue etiam naturali lumine illustrati, de rebus ad se vel ad officia sua pertinentibus, certis temporibus munera Domino offerebant; ille de frugibus terræ, hic de ouium gregibus. Sed vt ait Apostolus ad Hebr. cap. 11. vers. 4. *Fide plurimam hostiam Abel quam Cain obtulit Deo. Plurimam* dicit, hoc est, (vt exponit Theophylactus) pretiosioram atque maiorem. siue (vt in Bibliis Regis habet interpretatio Syriaca) longè præstantiorem. vel etiam (vt S. Chrysostomus dicit) honorabiliorem. Vnde non mirum est, si hæc fuit Deo gratio- rum ratione ipsius hostiæ, quæ pretiosior erat atque vberior, tum verò maxime ratione maioris fidei ac deuotionis, qua offerebatur. Abel ergo, qui mira erga Deum pietate ferebatur, de primogenitis & pinguioribus ouibus sibi que carioribus oblationes Domino separabat: Cain verò, vt creditur, & supra num. 1. probauimus, de peioribus ac deterioribus terræ prouentibus, vtpote qui non toto corde Deum coleret, sed ex indeuota quadam consuetudine: quo deinceps factum est, vt cum aliquando aduerteret fratris munera Deo accepta fuisse, sua verò nequaquam; inuidia eousque exarserit, vt se tandem à cæde fraterna temperare nullatenus quierit, quemadmodum infra suo loco dicitur.

MOSES SACRIFICANDI
DEO ANIMALIA VN
DE ORTVS.

6. Puto autem quod Abel oues agnoscere, aut arietes, coram Domino totos incendere soleret; quia cum tunc esus carniū adhuc concessus non fuisset, non est credibile, virum iustum, etiam occasione sacrificij, eas edere ausum esse: neque item credendum est, quod huiuscemodi animalia Deo semel oblata, postmodum aut alicubi inhumata proiiceret, aut subtus terram putrescenda conderet, quemadmodum (detra- ctis tamen prius pellibus) eum facere consueuisse putamus, quodcumque aliàs pecora eius mori aut occidi contingeret; quandoquidem de grege suo, lacte dumtaxat ad cibum, lana verò & corio, ad indumenta tabernaculaque conficienda, contentus fuisse creditur. Cain autem bene poterat oblata per eum Domino, postea comedere, quia non animalia, sed tantummodo terræ fructus offerre consueuerat. Ceterum hic mos offerendi animalia frugesque Domino; siue sacrificia ex animalibus, & libamina ex frugibus; à primis illis duobus fratribus postmodum transtulit ad posteros; & vsu receptus in vniuersis panem mundi nationibus, perseverauit per aliquot annorum millenaria, nimirum vsque ad aduentum Christi; qui demum instante passione & morte sua, huiuscemodi sacrificiorum multiplicatam (per quam diuersimodè, ac veluti per partes, ipsemet Christus, & sanctum sacrificium, immaculata hostia, siue holocaustum, quod

quod de se ipso in cruce æterno exhibuit Patri, præfigurabatur antiquauit, & pro tot differentiis hostiarum, nouum vnicumque corporis ac sanguinis sui, sub speciebus panis & vini, sacrificium Deo quotidie in sancta Ecclesia offerendum instituit.

AB ORBE CONDITO ANNVS 130.

I. **A**NNO vitæ suæ circiter centesimo vigesimo octauo, vt videre est in tabulis, Abel a fratre suo Caino validè percussus interiit. Quod sic colligimus. Nam, vt sentiunt Caietanus & Pererius in Genes. oportet Abelem paulò antequam nasceretur Seth, fuisse occisum: alioqui, si hoc ante aliquot saltem annos ab ortu Seth euenisset, profectò primus, qui Adæ filius post interitum Abelis natus esset, (iam enim suppositum Heuam singulis annis parere consueuisset,) magis debuisset dici datus pro Abele occiso, quàm ipse Seth. Itaque si paulò antequam nasceretur Seth, interemptus est Abel; & si annus vitæ Abelis primus (vt sub anno mundi 2. num. 1. iam probatum fuit) magis concurrit cum anno mundi tertio: vtique sequitur, ipsum fuisse annorum centum viginti octo, quando à fratre necatus est, vt apparet in tabulis.

ABEL A
CAIN QVAN
DO INTER
PECTVS IVE
RIT.

2. Vtrum verò toto vitæ suo tempore Abel in cælibatu permanserit, an non, ex Sacris libris certò scire non possumus. S. Epiphanius tamen contra Sethianos Hæres. 39. asserit, Abelem occisum esse priusquam duxisset vxorem: verum vndenam hoc desumpserit, incompertum habemus: nisi fortè id elicere quoquomodo potuerit ex illis Heuæ verbis, quæ in ortu Seth protulit, dicens: *Posuit mihi Deus semen aliud pro Abel, quem occidit Cain.* ac si dicere voluisset, se Dei gratia tunc peperisse filium, ex cuius semine prodituri erant multi boni ac Deum timentes viri, quemadmodum sperabat ex Abele, si non fuisset occisus antequam vxorem duceret. Sed an iste sit verus ac legitimus horum Heuæ verborum sensus, aliorum sit iudicium. Certè si Abel à Caino occisus, figura fuit Christi à Iudæis interempti (vt latè eleganterque ostendit Rupertus lib. in Genes. 3. cap. 6.) non videtur inconueniens opinari, ipsum quoque Abelem virginem obisse, sicut & Christus; præsertim cum hoc nullatenus Sacro eloquio aduersari comperiat: sic enim figura magis responderet figurato. Quamquam probabile etiam valde sit, ipsum Abelem non tamdiu sine vxore & liberis existisse, sed, sicut dicemus de Henoch & Noë, quos pariter constat fuisse viros iustos & sanctos, genuisse filios & filias. Non enim hoc repugnat sanctitati: nam licet post legem Euangelicam multò melius & perfectius sit, cælibem quàm coniugalem vitam agere, propter causas quas tangit Apostolus 1. ad Cor. cap. 7. ferè per totum: attamen ante ipsam virginis nullius pretij erat, & sterilitas probro esse solebat. Et, præsertim in primis mundi atatibus, videtur Domino magis placuisse, vt homines liberorum propagationi incumbere, ac propterea non modò ante, sed etiam post Diluuium dixisse eis: *Crescite, & multiplicamini*, &c. Sed de Abele, vtquamque res fuerit,

ABEL AN
SEMPER VI
TAM CAELI
BEM IGE
RIT.

3. Præstat hic potius videre, quantum de causa, & qua occasione ab impio fratre occisus fuerit. Sanè causam tanti facinoris tetigit Ioan. Epistola 1. cap. 3. vers. 12. dicens: *Nō sicut Cain, qui ex maligno erat, & occidit fratrem suum. & propter quid occidit eum? Quoniam opera eius maligna erant, fratris autem eius, iusta.* Quibus verbis non obscure insinuat, grande hoc scelus non ex leui radice, id est non ex simplici quadam subitaque iracundia prodiisse, nec repentino casu, sed ex mera ac præmeditata malitia, diabolicaque fraternæ bonitatis inuidentia; vt ex consequentibus manifestum fiet. Occasio autem, quemadmodum ex Genes. cap. 4. vers. 3. colligi potest, talis fuit: Cum quadam die ambo sacrificia facerent, ecce ignis è cælo repente demissus, totam (vt creditur) Abelis hostiam mirabiliter absumpsit, oblationes verò Caini nullatenus attingit. Dixi (vt creditur,) quia licet expressum non habeamus in littera, id tamen asserere non dubitant Sacri textus Expositores, & certè satis rationabiliter: quoniam constat, post multa quoque tempora sæpius Deum tali signo, & eodem pænè modo, declarare consueuisse, grata sibi admodum esse quorumdam sacrificia, vt patet de sacrificio Aaronis, Levit. cap. 9. in fine, Gedeonis, Iudic. cap. 6. vers. 21. Davidis, 1. Paralip. cap. 21. vers. 26. Salomonis, 2. Paralip. cap. 7. vers. 3. Eliæ, 3. Reg. cap. 18. vers. 38. Nehemiæ, 2. Machab. cap. 1. vers. 22. Igitur intelligens Cainus, Dominum fratris oblationem acceptam habuisse, suam verò non item; maligno quodam zelo accensus, cogitat fratrem de medio tollere. quod videns qui nouit omnia Deus, pro sua singulari miseratione (quoniam non vult mortem peccatoris, sed vt magis conuertatur, & viuat) blandè admodum & paterno affectu Cainum corripit; & ne peccet in fratrem, suadere non definit his verbis: *Quare iratus es? & cur concidit facies tua? nōne si benè egeris, recipies;*

ABEL CVR
A CAIN OC
CISVS.

sin autem male statim in foribus peccatum aderis? sed sub te erit appetitus eius, & tu dominaberis illius, Genes. cap. 4. vers. 6. quasi diceret: Quid tantopere furis Caine: cur crudelia meditaris, proiciens me nunc, & statuens oculos tuos declinare in terram? Putasne bene irasceris? Seda, seda animum tuum, vt recte iudicare possis, & expendere causam tantæ commotionis, quæ non est culpa fratris, quid enim mali fecit? sed maligna certe suggestio diaboli, qui te quoque nunc, vt prius parentes tuos, ad peccatum pertrahere conatur. Noli ergo, fili, noli locum dare diabolo, sed magis fortiter dimica, & resiste ei, & fugiet à te confusus: tibi verò bene erit, recipiesque coronam victoriae. Sin autem tentationi cesseris, & malum agere volueris, scito quia mala pariter recipies. Ergo dum vales, dum res adhuc integra est, & tempus occasioque permittunt, derelinque furem, cogita execrandam culpæ, & talis culpæ turpitudinem, cogita horrendam Dei vindictam, & pœnas tanto dignas flagitio, quas euitare nullo modo viqueam poteris, memento quod te liberum creauit: & idcirco si tu volueris non consentire peccato, certissimè sub te erit, ac sub tuo imperio frænabitur hic inordinatus appetitus tuus, & libido ista peccandi non poterit præualere tibi, sed tu potiùs dominaberis ei, & omnino subiectum rationi sensum ac diuinæ legi obtemperantem tenebis. Sic solet nunc quoque semper pius & misericors Deus peccare volentes bonis inspirationibus præuenire, vt vel eos à peccatis retrahat, vel ipsi postea inexcusabiles fiant, si se à perpetrando malis reuocari non sinant: quemadmodum ipsi Caino euenit, qui his atque huiuscemodi saluberrimis consiliis atque admonitionibus magis ac magis obdurans cor suum, audire corripientem negligit; quin potiùs, quod peruersè cogitauerat, opere implere delibet; nimirum ad hoc quoque specialiter incitatus à diabolo, qui (vt quidam putant) verebatur, ne ipse Abel, quia iustus & sanctus erat, esset semen illud mulieris, de quo prædixerat Dominus serpenti, siue dæmoni: *Ipse conteret caput tuum*. Itaque Cainus dolosè reducto in agrum fratre, vbi neminem sui sceleris conscium reperiri posse putabat, Abelem nihil mali suspicantem derepentè aggreditur, & (an ferro, fusteue, aut saxo, incertum est, nec scire quidquam refert) tamdiu cædere non cessat, donec ipsum effuso sanguine efflasse quoque animam vidit, & condito subitus terram cadauere, abiit.

CAIN QVO-
MODO PV-
NITVS A
DEO EVE-
RIT.

4. Videamus nunc quomodo Dominus, qui tanta fecerat vt Cainum à fraterna nece diuerteret, quomodo, inquam, erga fratricidam se gerat: non enim subito, velut ira percitus, grauitè eum increpat, & punit; sed magis, vt ostendat quia neque etiam cum peccatoribus sine misericordia agere solet, ipsum in iudicio accitum, prouocare prius tentat ad pœnitentiam; & vt præbeat ei ansam consistendi criminis, veniamque petendi & impetrandi, magis ipse desiderans illi ignoscere, quàm ille sibi optaret ignosci, placide interrogat: *Vbi est Abel frater tuus?* Quo proteruè admodum ac mendaciter respondente: *Nescio: num custos fratris mei sum ego?* patienter Dominus rursus & clariùs percunctatur: *Quid fecisti?* Sed illo ad hoc responsum non dante, & adhuc in sua proteruitia ac contumacia persistente, subiungit Dominus: *Vox sanguinis fratris tui clamat ad me de terra*. Est autem iste clamor, vel internus conscientia vermīs siue stimulus, & sollicitatio quæ peccatoris mentem cruciatu angit vexatque perpetuo; vel ipsa diuinæ iustitiæ expostulatio aduersus delinquentes, cuius vox iugiter in auribus Dei clamat, nec aliquando vt conticescat suppressi villo modo potest, donec illi vt par est castigentur: quandoquidem certissimum est, quod Deus vel maturè, vel serò, nullum scelus omnino inultum relinquit. *Vox* ergo, inquit, *sanguinis fratris tui clamat ad me de terra*; nimirum vindictam aduersum te expostulans. quasi diceret: Ne putes Caino crimen tuum esse occultum, nec posse probari; & idcirco licere tibi responsum iudici negare. non est ita. en sanguis quem immaniter fudisti, testis est contra te irrefragabilis. en terra, *que aperuit os suum, & suscepit sanguinem fratris tui de manu tua*, te accusat. en euentia facti, quæ te conuincit, ita vt iam non sit opus confessione tua, ad ferendam contra te iustæ condemnationis sententiam. Quid plura? nōne conscientia mille testes? nōne ipsa te condemnat? *Nunc igitur maledictus eris super terram. cum operatus fueris eam, non dabit tibi fructus suos. vagus & profugus eris super terram*, Genes. cap. 4. vers. 11. Quibus verbis tripliciter multasse videtur Dominus Cainum. Primò, maledictione. maledictione, inquam, pessima, non qualis Adamo prius data, quæ labores tantummodò in colenda terra respicere videbatur, *Maledicta terra in opere tuo*: sed qualis aduersus serpentem dæmonemve fulminata fuerat, propter culpæ similitudinem, quæ tam in Caino quàm in ipsomet diabolo ex maligna radice, nimirum boni alieni inuidencia, processit. propterea iisdem parènt verbis dictum est: *Maledictus eris*,

eris, &c. quod propriam tangit personam; & hæc maledictio intrauit sicut aqua in interiora eius, & sicut oleum in ossibus eius, ita vt panē desperans dixerit: *Maiores iniquitas mea, quam vt veniam merear.*

5. Altera animaduersio sic habet: Terra cum operatus fueris eam, non dabit tibi fructus suos. & videtur esse similis ei, quæ data fuit Adamo & posteris eius, in pœnam peccati originalis: verumtamen quia hæc specialiter etiam Caino in ultionem fratricidij irrogata est, ratio dicitur, eam aliquid peius continere; puta quoddam terra illa, ad quam eiici debebat Cainus, magis infecunda esset, & ad colendum difficilior, quam ea ad quam pulsus fuerat Adam; & magis obnoxia pruina, grandini, eruca, locustæ, brucis, rubigini, & si quæ sunt alia huiusmodi terræ fructibus aduersantia. Tertia punitionis est: *Vagus & profugus eris super terram.* quæ quodammodò videtur magis propria & visitata, sed mitior homicidarum pœna: solent enim ad minus in exilium mitti, vel ipsimet post patratum scelus huc atque illuc vagari coguntur, & pauidè semper de loco in locum fuga transire, ne in manus iudicum deueniant, aut ne fortè ipsos quoque ab aliis inquiri & occidi contingat. Nam ferè semper re ipsa probari videmus id quod Genes. cap. 9. vers. 6. legimus, *Quicumque effuderit humanum sanguinem, fundetur sanguis illius.* Et hoc quoque videtur Deus addidisse prioribus in Cainum animaduersionibus, si diligenter illa ipsius Caini verba attendamus: *Omnis igitur qui inuenerit me, occidet me.* nam licet eidem Dominus responderit: *Nequaquam ita fiet; sed omnis qui occiderit Cain, septuplum punietur.* non tamen videtur Dominus absolute pronuntiasse, quoddam nequaquam interficiendus esset; sed cum aliqua ex his conditionibus, nempe quoddam nequaquam vel statim, vel à quocumque, vel etiam impunè, vt fortè ipse putabat, interficiendus foret. Etenim si vera est illa Hebræorum antiqua traditio, de qua inferius suo loco agemus, constat ipsum Cain occisum fuisse à Lamech, qui ex linea Caini fuit, & septimus ab Adamo, vt patet Genes. cap. 4. vers. 17. & 18. creditur autem occisio Caini ibidem vers. 23. narrari, vbi idem Lamech subdidit illa verba: *Septuplum ultio dabitur de Cain.* quæ videntur eundem habere sensum, ac illa quæ superius dixerat Deus: *Omnis qui occiderit Cain, septuplum punietur.* hoc est, grauius admodum. Ecce quod non dixit Dominus: Non occiderit Cain; sed potius è conuerso: Caini interfecto grauius admodum punietur. ergo insinuat Dominus Cainum esse occidendum, quæ fuit quarta pœna fratricidij, tribus prioribus addita. nec obstat quod sequitur in Sacro textu, *Posuitque Dominus Cain signum, vt non interficeret eum omnis qui inuenisset eum.* Siquidem illud signum, siue fuerit continuus quidam corporis eius aut capitis tremor, aut aliud simile; id tantummodò operabatur, ne à quolibet vel citò interficeretur: volebat enim Dominus ipsum diutius, nimirum vsque ad septimam generationem, miseram vitam ducere, ad posterorum exemplum.

6. Igitur audiens Cain, se ad tot tantaque supplicia adiudicatum à Deo & condemnatum, valde admodum pertimescere sibi cœpit, & de sua salute desperare, dicens: *Maiores iniquitas mea, quam vt veniam merear, &c.* & de propria item vita, subiungens: *Omnis igitur qui inuenerit me, occidet me.* Sic solent reprobi homines. ante peccatum, vel etiam ante considerationem reatus peccati, procaces, proterui, audaces, & intrepidi sunt: post peccatum autem & apprehensionem iusti iudicij Dei, sunt pauidi & pusillanimes; ita vt interdum etiam trepident timore, vbi timendum non sit. (timor enim, Tullio in Partitionibus oratoriis attestante, ex conscientia peccatorum exoritur) & quod peius est, minus doleant de culpa, quam de pœna quæ eos manet, magisque vereantur pœnas temporales, quam æternas; sicuti Cain, qui (vt ait S. Bernardus in declamatione De bonis deferendis, super illa verba Matthæi cap. 19. *Ecce nos reliquimus omnia.*) occidendum sese causabatur infelix; tamquam pro magno beneficio habiturus, si prohiberetur occidi. & protinus subdit: *Consolationem miseram obtinuit, quam querebat; & oblitus est consolationis maxime, pro qua multò studiosius supplicare, & remedium querere oportebat.* Sic ille. Crediderim verò, Dominum concessisse Caino ne statim morte corporali puniendus esset, vt pro sua miseratione ipsum longiori tempore ad pœnitentiam expectaret; vel si emendari noller, diu miserrimeque viuendo, non vnica dumtaxat, sed multiplici morte moreretur: siquidem, vt ait B. Ambrosius lib. 2. de Cain & Abel cap. 10. *isti Cain longæuitas indulta, vindicta est, eo quod vixit in metu; & prolixum spatium multo cucurrit & infructuosò laborare; quæ pœna nihil grauius, quam vt quis ipse sibi maiorum causa pœnarum sit.* Et insuper, vt longa eius infelicitas documento esset posteris, ne & ipsi talia patrare audent. Addi quoque & illud potest, vt scilicet ostenderet Deus, quoddam reprobos

CAIN ET
ALII PECCATORES
PRIUS AVDACES, MOX
FIUNT TIMIDI.

MINVS
DOLENT
DE CVLPA,
QVAM DE
PœNA.

CVR CAIN
NON STATIM OCCIDIS.

interdum, quoad quadam temporalia, exaudire videatur, id tandem ad maiorem ipsorum poenam cedere solet.

CAIN QVO
MODO EG-
GRESSVS A
FACIE DO-
MINI, ET
VBI HABIT-
TAVERIT.

QUALIS
FVERIT.

7. Post hæc Cain egressus est à facie Domini, id est ab illa præsentia corporali, in qua ei Dominus ad ipsum condemnandum apparuerat, siue etiam ab illa terra, in qua Dominus interdum se manifestare, & hominum sacrificia suscipere, & cum eis quandoque sub quadam corporali specie loqui solebat. Et quamdiu ferè postea vixit Cain, profugus errauit, habitauitque in terra ad Orientalem plagam Eden, cuius loci, sub eodem prorsus nomine meminerunt Isaias cap. 37. vers. 12. & Ezechiel cap. 27. vers. 22. ibique filios procreauit, quorum genealogia vsque ad septimam generationem describitur Genes. cap. 4. vers. 17. & sequentibus. Qualis verò deinceps fuerit Cainus, colligere possumus ex Iosepho, qui lib. 1. Antiq. cap. 3. asserit, eundem fuisse virum pessimum, & post fratricidium, cum eiectus esset à Domino de illa regione, & profugus vagusque tandem in Naide, quæ est ad Orientalem terram Eden, confedisset, ibique filios genuisset, non solum illa exsilij castigatione vitam non emendasse, sed & in peius semper prolapsum, omnibus voluptatibus vel cum aliorum iniuria indulgens, & facultates domesticas per vim ac rapinas accumulans; accitis vndecumque latrociniorum ac nequitia sociis, magistrum illis ad facinorosam vitam esse effectum, aliorumque plurius malorum auctorem exstitisse.

AB ORBE CONDITO ANNVS 131.

1. ADAM QVAN-
TO GENITVS
SETH.

A NNO postero inchoante, Adam expletis centum triginta vitæ suæ annis (vt ex regula hîc num. 2. assignanda deducendum putamus) nimirum ineunte anno ætatis suæ centesimo trigésimo primo, genuit Seth, Genes. cap. 5. versic. 3. quare primus annus vitæ Seth concurrit cum eodem centesimo trigésimo primo ætatis Adæ, vt videre est in tabulis. Post natum verò Seth, vixit Adam octingentis annis, & genuit filios & filias, ibidem. Eodem quoque anno probabile est, Cainum genuisse Henoch, à quo postea denominauit ciuitatem, quam ædificauit, vt sub anno mundi 133. num. 1. Vtrum verò iste Henoch fuerit primogenitus, seu natu maximus filiorum Caini, vt putat Iosephus, incompertum habemus. mihi tamen probabilius videtur, quod non; quia vt ex Genesi cap. 4. vers. 17. apparet, Cain genuit Henoch non multò post occisum Abelem, id est anno vitæ ipsius Caini circiter centesimo trigésimo, vt ex supradictis infertur. Atqui non est credibile, ipsum, in illo præsertim mundi exordio, aut sine vxore, aut sine liberis, tam longo tempore exstitisse; quin potius iam valdè copiosam sobolem propagasse.

REGVEA IN
GENERALI
TIONIBVS
OBSERVAN-
DA.

2. Sed antequam singulas priscorum Patrum generationes recenseamus, tria hîc præmittere necessarium videtur. Primò, quod cum in qualibet generatione ille annus, quo pater dicitur generasse filium, verbi gratia annus centesimus trigésimus, quo Adam genuit Seth, possit tripliciter sumi; vel ac si esset tantummodò inchoatus; vel ita completus, vt iam annus proximus per plures dies aliquotve menses esset inceptus; vel demum, vt tunc fuerit præcisè expletus. Nos postremos singularum generationum annos hoc tertio modo accipiendos duximus, & hanc nobis regulam esse passim, & vt dicitur, ordinariè obseruandam; non quia necessariò credendum putemus, Adam tunc genuisse Seth, quando annum vitæ centesimum trigésimum præcisè exegit, & Seth eodemmet die annum ætatis centesimum quintò expleuisse, quo genuit Enos; & sic de aliis: sed quia eamdem regulam secuti sunt ceteri boni Auctores, tamquam tutiorem, quippe quæ minus habeat errandi periculum. Quoniam si primo modo anni accipiantur & supputentur, summa ipsorum resultabit minor; si secundo modo, maior; si autem tertio, quædat media inter extremas: quamuis hæc differentia non sit valdè plurium annorum, vt quiuis, annos primæ & secundæ mundi ætatis seorsum tribus prædictis modis supputando, faciliè experiri poterit.

PATRIAR-
CHAE PRIVS
GENVISSE
CREDVN-
TVR, QVAM
SCRIPTVM
SIT.

3. Alterum quod hîc præmittere operæpretium videtur, est; non esse putandum quod omnes primæ ac secundæ mundi ætatis Patriarchæ, qui in Sacro eloquio recensentur, eo tantum anno, quo singuli Genes. cap. 5 & 11. dicuntur filium genuisse, & non etiam multò antea vxores ducere, ac filios procreare cœperint. Quis enim credat, Iaredum nonnisi anno ætatis suæ centesimo sexagesimo secundo, & Lamech anno vitæ centesimo octogésimo secundo, & Mathusala anno centesimo octogésimo septimo, Noë verò quingentesimo, & non prius, filios generare cœpisse: & tanto tempore sine vxoribus mansisse, aut fuisse infecundos: illa præsertim prima mundi ætate, in qua homines naturaliter fecundissimi esse solebant, & peculiari quodam instinctu ad propa-
gan-

gandum sobolem propensiores, vtpote qui non ignorabant, Dei voluntatem esse, vt quātoocyus terram habitatoribus replerent. Et dato quòd quidam ex ipsis serò admodum generare cœperint, non tamen credibile est, alios post tot annorum decades, vel etiam centurias, opus tunc adeò necessarium, aut consuldò distulisse, aut priùs exercere non valuisse. Hinc aliud sequitur notatū dignum, ex quo (quia satis perspicuum videtur) etiam quæ dicta sunt adhuc magis confirmari possunt. Est autem, quòd non primogenitorum tantummodò successione locis proximè citatis Scriptura sacra profequitur, quemadmodum etiam docet S. Augustinus lib. 15. de Ciuit. cap. 15. & 20. & id comprobat exemplo genealogiæ Saluatoris, quæ Matthæi cap. 1. non semper ducitur per primogenitos, sed per illos, quicumque essent, per quos recta ad Christi generationem tendebatur. Perspicuum namque est, quòd neque Isaac, neque Jacob, neque Iudas, neque Phares, fuerunt primogeniti: quin etiam, Dauid erat minimus fratrum suorum; & Salomon pariter alios habebat fratres natu maiores. Et præterea, sicuti manifestum est, Seth non fuisse primogenitum Adæ; ita fieri potuit, vt Enos non fuerit primogenitus Seth, neque Cainan ipsius Enos; & sic de aliis. Quare, vt dicebamus, non primogenitos dumtaxat locis adductis Scriptura sacra commemorat; sed illos tantum (siue primogeniti essent, siue non) per quos recta, vt aiunt, linea ab Adam ad Noë, & à Noë ad Abram peruenitur. Horum enim in primis genealogia texenda erat, tum quia ipsi inter ceteros omnium præcipui exstiterunt, & vterque singulari quadam ac valdè insigni prærogatiua à Deo donatus est: quandoquidem Noë, vniuersali adueniente Diluuiο, humanum genus ab interitu in arca seruare meruit; & Abram diuinis in femine suo obtinuit de Christo repromissiones, & per ipsum vniuersalem in omnibus gentibus benedictionem; tum quia inde postmodum deducenda erat etiam genealogia Saluatoris.

GENEALOGIAS SCRIPTURA NON PER PRIMOGENITOS TANTUM DEDUCIT.

4. Tertium ac postremum, quod hoc loco præmittendum proposueramus, est, numeros annorum vitæ Patriarcharum primæ & secundæ mundi ætatis, diuersimodè admodum & aliter tradi in LXX. Interpretum codicibus, ac in Hebraicis & Latinis Vulgatæ editionis expressè inueniuntur. Hoc vt faciliùs perspicatur, subiectam tabellam componere studuimus, ex qua omnes vtriusque Textus differentia colligi poterunt, quemadmodum etiam infra explicabitur.

ANNORVM DIVERSITAS INTER CODICES LXX. INTERPRETVM, ET VVLGATOS.

Anni secundum Codices										
	Hebræos, & Latinos Vulgatos.	Lxx. Interpr.		Hebr. & Lat. Vulg.	Lxx. Interpr.		Hebr. & Lat. Vulg.	Lxx. Interpr.		
		Roma nos.	Regios		Rom.	Reg.		Rom.	Reg.	
Adam	quando genuit filium hic de- scripti, erat an- norum	130	230	super- uixit annis	800	700	oēs vitæ civis anni	930	930	
Seth		105	205		807	707		912	912	
Enos		90	190		815	715		905	905	
Cainan		70	170		840	740		910	910	
Malaleel		65	165		830	730		895	895	
Jared		162	162		800	800		962	962	
Henoch		65	165		300	200		365	365	
Mathusala		187	167		782	802		969	969	
Lamech		182	188		595	565		777	753	
Noë		500	500		450	450		950	950	
Sem		100	100		500	500		600	600	
Arphaxad		135	135		303	300		430	338	435
Cainan			130			330				
Sale		30	130		403	330			433	460
Heber		34	134		430	270		370	464	404
Phaleg		30	130		209	209			439	339
Reu		32	132		207	207			239	339
Sarug	30	130	200	200		230	330			
Nachor	29	179	119	125		148	304			
Thare	70	70	135	135		205	205			
Abram										
In summa, an. Mundi		1946	3412							
Iis adde annos		1466	qui supersunt in summa Lxx. Interpretum,							
& efficies summam		3412	annorum ab eisdem Lxx. Interpretibus collectam.							

TABELLAE
DECLARA-
TIO.VNDE ORTA
SIT COR-
RUPTELA
TEXTVS
LXX. INTER-
PRETVM.GRAECI
TEXTVS
CORRUPTIO
OSTENDI-
TVR.

5. Ex hac ergo tabella apparet primò, quòd prædicti Textus in solis quattuor generationibus, nempe in sexta, decima, vndecima, & vigesima, inter se per omnia conueniunt; in reliquis verò omnibus multipliciter discordant, quemadmodum singula diligenter in eadem tabella, vel in ipsismet Sacris codicibus conferenti perspicuum fiet. Nam licet in numeris annorum totius vitæ ipsius Adam, Seth, Enos, Cainan, Malaleel, Henoch & Mathusala, supputandis, nihil omnino discrepent: in hoc tamen valde dissentiunt, quòd extus LXX. Interpretum singulis hisce generationibus, & aliis item plurimis, addit centum annos, ad eos qui in textu Hebraico & Latino Vulgato notati inueniuntur, antequam quisque filium ibidem nominatum genuisse dicatur, quos postea centum annos detrahit de singulis annorum summis, quibus illi post genitum filium superuixisse perhibentur. Quo fit, vt vterque Textus in tempore quidem generationis variet: in eo autem quo singuli è vita exceßerunt, conueniat. Sed & ex illa potissimum centum annorum transpositione, tanta in summis annorum vtriusque Textus, ab orbe condito ad ortum Abrahæ, exoritur diuersitas: vt quæ ex textu LXX. Interpretum colligitur, eam quæ ex Hebraico resultat, non ita mille ducentis triginta sex annis tantum, vt scribit Sixtus Senensis lib. 5. suæ Bibliothecæ sanctæ Annot. 68. sed in mille quadringentis sexaginta sex, superet; quemadmodum in prænotata tabella liquidò apparet. Cum ergo discrepantia hæc tam grandis sit, vt conciliari nullo modo posse videatur; restat necessariò supponi debere, alterum ipsorum Textuum esse mendosum; & ratio dicitur, non fortuito, sed dedita opera fuisse corruptum: nam illa diuersitatis similitudo & paritas, per tot generationes parè vniformiter continuata, ita vt ante genitum filium, in vno Textu supersint centum anni, in alio desint; post genitum autem, vbi deerant, supersint; vbi verò supererant, desint; vt summa conueniat, profectò (quemadmodum etiam bene adnotauit S. Augustinus lib. 15. de Ciuit. cap. 13.) non casum redolet, sed industriam. Quomodo autem hæc acciderit corruptela, & in quo Textu, & qua de causa, & quoniam auctore, incertum est: nisi quòd sanctus Augustinus vbi suprà (cui subscribitur Beda in libello de Sex ætatibus mundi, & alij alibi) admodum probabiliter illam tribuit non quidem ipsis LXX. Interpretibus, quos, inquit, laudabiliter celebratos viros potuisse mentiri, difficile est: neque Hebræorum Scriptoris, quos minus credibile est vel omnes vno consilio in hoc conspirare voluisse, aut valuisse, vt non tantum gentibus, sed & sibimetipsis veritatem auferrent, vel in codicibus tam multis, ac per vniuersum parè orbem tam longè lateque dispersis, tale quid perpetrare potuisse: sed ei, qui primus ex famosa illa Ptolemæi Philadelphii Bibliotheca descripsit; à quo tamquam ex fonte, ceteri postea LXX. Interpretum codices corruptelam contraxerunt. Is enim, quisquis ille fuerit, probabiliter creditur de industria addidisse centum annos ante singulas propè generationes, ea potissimum de causa, quòd, ne tam proluxa illa vitæ diuturnitas primorum hominum, apud gentes fictitia putaretur, existimauerit, aut ab aliis existimari voluerit, annos præcorum illorum hominum fuisse breuissimos, ita vt decem ex ipsis vnum ex nostris facerent. Et quoniam posita hac opinione, si postea annos illos breuiiores ad nostros communes reduceremus; sequeretur ex Hebraico textu, Adamum, cum ageret annum decimumtertium, genuisse Seth, & ipsum Seth, cum esset annorum decem cum dimidio; & Enos anno vitæ nono, & Cainan septimo, & Malaleel sexto, & Henoch pariter sexto, (quod planè absurdum esset) filium procreasse: ideò hisce omnibus parè generationibus addidit centum annos, hoc est, decem ex nostris. Quod non fecit in generatione Iared, qui secundum veritatem genuit anno ætatis suæ centesimo sexagesimo secundo; id est, iuxta illius correctoris computum, anno sexto decimo expleto, quia illa ætas apta est ad generandum: sicuti etiam nihil addidit ad generationes Mathusala, Lamech, & Noë, eadem ratione. Cur autem nihil addiderit ad generationes Sem & Thare, quos iuxta eius supputandi rationem, sequeretur genuisse, Sem quidem anno decimo, Thare verò septimo: prouidentia Dei fuit, ne constans esset in errore, vt corruptela facilius deprehenderetur.

6. Est autem satis euidens ista Græci textus corruptio; quia, si intelligit annos illos fuisse breuiiores nostris, ita vt vnus ex nostris contineat decem ex illis: hoc repugnat sacræ Scripturæ, vt notat Abulensis super cap. 5. Genes. quæst. 8. nam sequeretur, quemlibet illorum annorum tantummodò triginta sex diebus, id est, vno dumtaxat senario dierum quadrato, constasse; (sex enim sexies ducta faciunt triginta sex,) & consequenter illos annos, fuisse vnus tantum mensis, & paucorum amplius dierum; quod omnino aduersatur sacræ Scripturæ, quæ Genes. cap. 7. & 8. mentionem facit primi,

primi, secundi, septimi, & decimi mensis eiusdem anni. Quòd si dixeris, menses quoque illos fuisse ad proportionem illorum annorum breuiiores, respòdemus, Ergo oportet eos trium tantummodò dierum exstitisse. At hoc pariter refragatur citatis Scripturæ locis; siquidem Genes. cap. 7. vers. 11. fit mentio diei decimi septimi mensis secundi; & cap. sequenti vers. 4. & 14. diei vigesimi septimi eiusdem mensis secundi. Quare videtur manifestè inferri posse, tam menses illos, quàm annos, fuisse nostris mensibus lunaribus, annisque solaribus, per omnia similes; vt latè probat S. Augustinus lib. 15. de Ciuit. cap. 14. & nos inferius ex sacra Genesi probabimus, ab anno sexcentesimo vitæ Noë ad annum ipsius sexcentessimum primum, fluxisse trecentos sexaginta quinque dies, quibus (vno ferè quadrante addito) annuus solis cursus, ac integer annus solaris, expleri solet. Præterea supponendum est, Scripturam sacram loqui semper de annis vniformiter, & eiusdem generis; non enim vsipiam apparet de opposito; & quemadmodum ait, Adamum vixisse nongentis triginta annis; ita etiam dicit, Moysen vixisse centum viginti annos, Deuter. cap. vlt. vers. 7. & Dauidem annos septuaginta, 2. Reg. cap. 5. vers. 4. ibi namque dicitur, quòd *triginta annorum erat cum regnare cepisset, & quadraginta annis regnauit*; & constat tam Moysen quàm Dauidem in senectute mortuos esse: nam de primo, loco Deuteronomij citato, tamquam quid in senectute mirandum subditur, quòd *non caligauit oculus eius, nec dentes illius moti sunt*. de altero verò legimus in initio libri tertij Regum: *Et Rex David senuebat, habebatq; etatis plurimos dies; cumq; operiretur vestibus, non calefescbat*, &c. Igitur si anni centum viginti vitæ Moyse, & septuaginta Dauidis, fuissent singuli dierum tantummodò triginta sex: oporteret Moysen non expleuisse annum ex nostris duodecimum, nec Dauid septimum; & consequenter, non essent mortui senes. Si verò etiam dicti anni fuissent trimestres, vt erant apud Arcadas, teste Solino in Polyhistore cap. 2. aut quadrimestres, vt olim apud Ægyptios, quemadmodum tradit idem Solinus ibidem, & Plutarchus in vita Numæ Pompilij: nec sic dici posset, Moysen ac Dauidem in senectute decessisse: siquidem Moyses non excessisset annos ex nostris triginta aut quadraginta, Dauid verò viginti vnum aut viginti octo. quæ omnia diuinæ veritati in Sacris libris traditæ omnino aduersari perspicuum est.

7. Si verò etiam ille Græci textus corrector, vel potius corruptor, intelligit memoratos priscorum hominum annos esse æquales nostris; sequitur, iuxta ipsius computum, aliud inconueniens; nimirum, Mathusala supersititem fuisse post Diluuium annos quatuordecim, vel sexdecim. nam ponit ipsum Mathusala, postquam genuit Lamech, superuixisse annos octingentos duos, vel (vt habent aliqui codices minùs probati) annos octingentos quattuor. At verò à natiuitate Lamech ad Diluuium, ponit tantummodò annos septingentos octoginta octo: siquidem ait, ipsum Lamech fuisse centum octoginta octo annorum, quando genuit Noë, cuius anno vitæ sexcentesimo Diluuium cœpit: ergo supersunt anni sexdecim, vel saltem quatuordecim vitæ ipsius Mathusala, post Diluuium. At enim hoc est omnino contrarium Scripturæ sacre affirmanti Genes. cap. 7. vers. 21. & 22. consumptos esse vniuersos homines, præter Noë, & qui cum eo remanserant in Arca, *in qua* (vt Princeps Apostolorum S. Petrus Epistola 1. cap. 3. vers. 20. testatur) *pauci, id est octo anime saluæ factæ sunt*, videlicet Noë, Sem, Cham & Iapheth, & singulæ ipsorum vxores. Quod argumentum (quemadmodum refert Cardinalis Bellarminus in Controuersijs lib. 2. de Verbo Dei cap. 6.) non potuerunt soluere S. S. Hieronymus, Augustinus, & alij; nisi admittendo, textum L x x. Interpretum ab aliquo fuisse vitiatum, vt suprà num. 5. dictum est. Valeat igitur inuentum illud, quod recitat sanctus Augustinus lib. 15. de Ciuit. cap. 11. quorundam dicentium, Mathusala Diluij tempore mirabiliter cum patre suo Henoch fuisse translatum: quia nullo sacre Scripturæ textu probari, neque sanctorum Patrum testimonio, aut Ecclesiæ auctoritate sciri potest. Quin etiam huic positioni refragatur, quod ait idem sanctus Augustinus libro proximè citato cap. 19. videlicet, in tribus Lxx. Interpretum codicibus Græcis, & vno Latino, & vno etiam Syro, inter se consentientibus, reperiri, ipsum Mathusala vita functum esse sex annis ante Diluuium: quod & compendiosius repetit in Quæstionibus in Genes. quæst. 2. ex qua quidem sancti Augustini relatione confirmari potest tum falsitas memorati commenti de Mathusala cum patre translato, tum etiam prædicta textus L x x. Interpretum corruptela, quippe qui in hisce annis priscorum Patriarcharum recensendis non solum ab omnibus Hebraicis, Chaldaicis & Latinis editionibus magnopere discrepet, sed etiam à nonnullis quoque eorundem Lxx. Interpretum codicibus, cum veteribus, tum recentioribus.

ANNOS VUL-
GATAE EDI-
TIONIS NON
AUTEM
LXX. INTER-
PRETUM.
ESSE SE-
QUENDOS.

ribus. quod & manifestius in præstensa tabella videri poterit, ubi apparet, in multis annorum numeris ipsum textum LXX. Interpretum varium inueniri, etiam in emendatioribus eius codicibus, nimirum Romanis ac Regiis. Et præterea hoc idem adhuc magis confirmari potest, si hos cum antiquioribus conferamus: nam ex B. Augustino libro 17. de Ciuit. cap. 20. habemus, quod in his, quos ipse ad manus habebat, ab Adam ad Diluuium computabantur anni bis mille ducenti sexaginta duo: & lib. 16. cap. 10. ait, quod in eisdem codicibus, à Diluuiio ad ortum Abraham, inueniebantur anni mille & septuaginta duo. Qui prioribus iuncti, faciunt summam annorum, ab orbe condito ad ortum Abraham, ter mille trecentorum & triginta quattuor. Que summa minus habet annos septuaginta octo, quam quæ ex nostris temporis codicibus magis probatis li- quidò subducitur, quemadmodum in memorata tabella clare apparet. Quoniam igitur & ex rationibus adductis, & sanctorum Patrum auctoritate patet, textum LXX. Interpretum censeri fuisse corruptum, ubicumque in annis vitæ Patriarcharum primæ ac secundæ ætatis mundi recensendis à Vulgato valde differt: & probabile est, idem quod postea in aliis pluribus Scripturæ locis accidisse, in quibus eiusmodi annorum numeri, ab eisdem in Hebræo ac Latino textu notatis, admodum discrepare deprehenduntur, vt exempli gratia videre est in postremis ferè verbis libri Iob, & Tobie cap. vlt. vers. 1. 2. 3. & 16. & Daniel. cap. 2. vers. 1. & 2. Machab. cap. 1. vers. 10. & alibi non semel: propterea nos in totò hoc opere (quod ad tales spectat numeros) relictis ipsorum LXX. Interpretum codicibus, intendimus Vulgatum sequi editionem, quam ex vero & legitimo textu Hebraico fidelissimè, in hac præsertim parte, translata esse, nemo dubitauerit, qui ea quæ de huiusmodi annorum numeris in ipsa legimus, contulerit cum his quæ B. Hieronymus in Quæstionibus Hebraicis in Genes. testatur se reperisse in Hebræorum ac Samaritanorum libris: proculdubio namque ad amussim conuenire comperiet, à Græcis verò codicibus plurimum discrepare. Opportuno igitur hoc loco cum venerabili Beda aliisque grauissimis Auctoribus regulam illam, sanè optimam, obseruandam duximus, quam tradit S. Augustinus lib. 15. de Ciuit. cap. 13. inquit: *Rectè fieri nullo modo dubitauerim, vt cum diuersum aliquid in vtrisque codicibus* (loquitur autem ibi de Hebraicis & Græcis) *inuenitur, quandoquidem ad fidem rerum gestarum vtrumque esse non potest verum, ei lingua potius credatur, vnde est in aliam facta translatio.* Quam sententiam, vtique tamquam verissimam, idem sanctus Doctor capite ibidem proximè sequente repetit, ubi de numerorum varietate quæ inter codices, inquit, Hebræos & nostros (hoc est LXX. Interpretum, quibus eiusdem sancti Augustini temporibus communiter tum Græcæ tum Latinæ utebantur Ecclesiæ) reperiebatur, verba faciens, subiungit: *Quod si dicta varietas quid habet ita diuersum, vt verum esse vtrumque non possit; rerum gestarum fides ab ea lingua repetenda est, ex qua interpretatum est quod habemus.* sic S. Augustinus. Et hæc de magna illa annorum primæ & secundæ mundi ætatis differentia, quæ inter codices LXX. Interpretum, & vulgares Latinos Hebraicosque perspicitur, dicta sint simpliciter vtique, & pro veritate; non autem nouandi studio, neque vt omnem LXX. Interpretum editionis auctoritatem reiicere velimus, & nihil, nisi quod in Hebræis codicibus legatur, rectum putemus: quam quidem calumniam non æquo videtur iudicio inuasisse Chronographis nostri temporis Antonius Notius in suis ad sancti Nicephori Episcopi Constantinopolitani Chronologiam Notis, capitulo primò. Nam (quemadmodum, meritò sanè, Index expurgandorum Romæ nuper editus, ibidem margini adfigendum præcipit) dum nimio Constantius studio LXX. Interpretum translationis Chronologiam tueretur, non videt se incautè Hebraici fontis & Vulgatæ editionis Chronologiam labefactare, quæ cum illa LXX. Interpretum perspicuè pugnat. Et constat, Patres corruptelam LXX. Interpretum exemplarium ingenuè profiteri, vt tum ex his quæ à nobis iam dicta sunt, tum etiam ex illis, quæ apud P. Thomam Maluendam Theologum Dominicanum lib. 1. de Antichristo, cap. 14. 15. & 16; iust eodem Indice citantur, satis euidenter patet. De cetero autem, quantum nos LXX. Interpretum editioni, meritò sanè, tribuendum censeamus, facile prudens Lector dignoscere poterit ex his, quæ in processu operis, ac præsertim sub annis mundi 1694. num. 1. & 2. & 3353. num. 2. alibi que dicemus.

8. Sed iam ad ipsum Seth redeamus, cuius solum ex omnibus Adæ filijs (præter duos priores Cain & Abel, quorum alter alterum interfecit) Scriptura sacra meminit; quia, vt dictum est, per ipsum deducenda erat genealogia Noë & Abraham; & item quia in ipsius tantum posteritate conseruanda erat Adami progenies, & humanum genus in omni terra propagandum: reliquæ enim generationes omnes, quæ ex Caino
alii-

alisse Adæ filiis postmodum progenitæ sunt, cunctæ Diluuii tandem interierunt. Porro Seth, cum primum ei per ætatem licuit, virtutum studiis se totum dedidisse, & cum ipse vir optimus euassisset, etiam nepotes sui similes post se reliquisset, scribit Iosephus lib. 1. Antiq. cap. 3. & addit Suidas in verbo Seth, eundem ab hominibus illorum temporum, Deum fuisse appellatum, quod videtur ex Genes. cap. 6. vers. 2. desumpsisse, ubi distinguuntur filij Dei à filiis hominum, id est vt communiter creditur, filij Seth (qui ob perspicuas admodum ac singulares virtutes suas tamquam Deus habebatur) à reliquis hominibus. oportet autem accipere, Seth nuncupatum fuisse Deum, non per essentiam aut proprietatem (non enim tale quid vir sanctus sustinere potuisset) sed per quamdam similitudinem & participationem, prout etiam Moyses Exod. cap. 7. vers. 1. constitutus dicitur Deus Pharaonis, & in Psalm. 81. qui ad iudices populorum pertinet, legimus: *Deus stetit in Synagoga eorum, in medio autem deos diiudicat.* & paulò post subditur: *Ego dixi: Dii estis, & filij Excelsi omnes.*

LIBRI NO-
MINE SETH,
ET ABRA-
HAM, ET
MOYSIS,
CONFICTI.

9. Ceterum libros nomine Seth inscriptos, non esse ipsius Seth, sed ab hæreticis confictos; sicuti alium sub nomine Abraham, omni malitia refertum, quem etiam Reuelationem appellant, & item alium ex nomine Moyse; & alios quoque aliorum illultrium virorum nominibus insignitos, diffusè narrat S. Epiphanius Hæres. 39. quæ est contra Sethianos, ubi multa alia inuenies falsò ab hæreticis ipsi Seth attributa. *Auctor Operis imperfecti in Mattheum* (vt refert Sixtus Senensis lib. 2. suæ Bibliothecæ in vocabulo Seth) exponens illud Matth. cap. 2. *Vidimus stellam eius in Oriente, &c. mentionem facit cuiusdam scripturæ Seth, de stella apparitura in ortu Messie, his verbis: Audiui aliquos referentes de quadam scriptura, etsi non certa, tamen non destruente fidem, sed potius delectante: quoniam erat quedam gens sita in ipso principio Orientis, iuxta Oceanum, apud quam ferebatur quedam scriptura inscripta nomine Seth, de apparitura hac stella, & muneribus huiusmodi Christo offerendis; quæ per generationes studiosorum hominum, patribus referentibus filiis suis, habebatur deducta, &c.* hæc tenus ille Auctor. Sed quod ipse hic retulit, quamuis non sit contra fidem, nullo tamen firmo videtur niti fundamento, quin potius figmentum quoddam redolere.

10. De filiis autem Seth, quod fuerint omnes bona indole præditi, & primi inuentores astronomicarum scientiarum, scribit Iosephus loco proxime citato: ubi etiam illud subiungit, quod cum scirent Adamum prædixisse duos vniuersales mundi interituum, vnum diluuii, alterum incendio: veriti ne inuenta sua prius perirent, quam pernoscerentur; excitatis duabus columnis, vtrique sua inuenta inscripserunt, vt si lateritiam Diluuii deleri prius contingeret, lapidea superstes, hominibus qui ab ipso euassissent discendi copiam faceret; & quæ inscripta continebat, spectanda exhiberet. Si verò contrà prius ab igne lapidea in calcem dissolueretur, lateritia olim inuentas ipsorum observationes posteris suppeditaret. Et aiunt, lapideam illam ab ipsis dedicatam, quæ & nostris temporibus existat in terra Syria. Sic fere Iosephus.

DE FILIIS
SETH.

AB ORBE CONDITO ANNVS 133.

1. **A** NNO circiter vno aut altero postquam de Caino natus est Henoch, (quem sub finem primi anni ab eiecto patre natum, ex Genes. cap. 4. vers. 16. & 17. satis probabiliter colligere possumus) ipse Cain, cum aliquamdiu huc atque illuc vagus sedes mutasset, tandem congregatis qui de stirpe sua iam progeniti erant, siue ad maiorem sui tutelam (semper enim ab aliquo occidi metuebat) siue, vt ipse melius posset omnibus dominari, siue vt post incursiones & prædas, quas teste Iosepho 1. Antiq. cap. 3. per vim de alienis bonis facere solebat, tutiori loco se recipere, easque reponere, valeret, primus omnium ædificauit ciuitatem, quam ex nomine paruuli filij sui Henoch, quem diligebat plurimum, vocauit Henochiam, Genes. cap. 4. vers. 17. Hanc Iosephus, ubi supra, vocat Enosam, quia pro Henoch, posuit Enosum. Quod autem per hæc tempora potuerit Cain urbem condere, nemo dubitare debet, si recolere non grauabitur, quod, vt ex dictis consequitur, ipse iam excesserat annum ætatis suæ centesimum trigésimum, quo fit vt etiam posset numerum satis magnum habere posterorum. Quamquam autem credi possit, hanc ciuitatem à principio quidem fuisse paruulam, quippe quæ ex sola Caini sobole tunc constaret: oportet tamen eandem postea admodum esse auctam, ac tandem adeò famosam in toto orbe effectam, vt non immerito de ipsa tantum ante Diluuium ædificata, in sacris Scripturis mentio habeatur. Vnde satis fit probabile, non solum Caini posteros valde postmodum esse multiplicatos, sed etiam plurimos quoque de aliis Adami filiis ac nepotibus, ad memoratam urbem de-

CAIN PRI-
MVS OM-
NIUM AE-
DIFICAT CI-
VITATEM.

CAINI SO-
BOLES PES-
SIMA.QVOMODO
PROFANI
RELIGIOSI
PRVDEN-
TIORES
SINT.DE REGIBVS
PRIMAECI-
VITATIS IN
MYNDO AE-
DIFICATAE.

inceps pariter incolendam,conuenisse: nimirum eos,qui cum Caini progenie primum à paterna veraque religione defciscentes, ad idololatriam paulatim declinare cœperunt: inter quos nullatenus computare debemus Sethi posteritatem,quæ multò quàm ceteræ omnes diutius in veri ac summi Dei cultu permanfit, vt nos infrà sub anno mundi 987. num. 3. dicemus. *Ceterum Caini quoque soboles, vt ait Iosephus loco paulò antè citato, superstitæ etiam tum Adamo, sceleratissima euasit, dum posterior quisque fit deterior, nec solum imitatur priorum vitia, sed & superat, interim nec à bellis, nec à latrociniiis temperando; & qui à cædibus abstinebant, alioquin anaræ & superbe inter suos vivebant.* sic ille. Sed nec illud hîc prætereundum videtur, quòd ex quo Cain cum aliis pessimis suæ progeniei viris, primus urbem condidisse dicitur, fit manifestum, quàm benè vsque ab initio sæculi res ipsa indicarit, veram esse egregiam illam Saluatoris sententiam Luc. cap. 16. vers. 8. regitratam: *Quia filij huius sæculi prudentiores filijs lucis in generatione sua, hoc est, in genere suo, sunt.* nimirum in terrenis vtilitatibus ac commoditatibus sibi suisque comparandis: quippe qui nihil de supernis æternisque bonis cogitant, omnem ipsorum curam, sollicitudinem, industriam, operamque in huius vitæ caducis bonis conquirendis, conferuandis, augendis, ac fruendis, collocare videantur. Et quia verum est quod ait Sallustius: *Vbi intenderis, ibi ingenium valet.* propterea non mirum est, quòd & Cain primus ciuitatem condidisse, & vnus de posteris eius Lamech, primus polygamix auctor exstitisse, & filij eius Mulicam, ferrariam, ærariam, aliasque artes inuenisse legantur. Etenim Iubal inuentor & pater canentium cithara & organo, & Tubalcain malleator in cuncta opera æris & ferri fuisse dicuntur. Et denique, si huius mundi homines in eiusmodi adinventionibus longè superant viros pietatem colentes, qui è conuerso nihil aut parum solliciti de huius vitæ commodis, tamquam breui perituris, omnia studia sua & omnes conatus in æternæ vitæ bonis comparandis libenter atque alacri animo conferunt.

2. Sanè in prædicta vrbe, quam ædificauit Cain, B. Augustinus lib. 15. de Ciuit. cap. 20. ait, sex fuisse reges vsque ad Diluuium; nempe primò ipsum Cain, mox illos successiue, qui memorantur Genes. cap. 4. vers. 17. & 18. & hoc est admodum rationabile; præsertim si regis vocabulo vniuersaliter intelligamus vnum ceteris præfidentem, cunctosque principaliter gubernantem, siue is rex, siue primarius rector, siue princeps, siue alio simili quouis nomine vocetur. Nam cum ciuitas non ex vno, sed ex multis constet in loci vnitatem conuenientibus, & Politiam seu Rempublicam constituentibus: ciuitas autem stare non possit sine lege, neque lex sine rege, rectoreve, aut principe qui eam tueatur, & ritè obseruari curet, & cunctis iustitiam distribuat: vtique oportet Rempublicam ab vno potissimum administrari. Nam etsi interdum id fieri contingat à pluribus, siue bonis, quàm Aristocratiam Græci vocant; siue malis, quæ Ochlocratia dicitur: oportet tamen semper aliquem quodam modò præesse multitudini; alioqui vbi nullus est ordo, ibi confusionem oriri necesse est. Videtur autem probabilius, olim ciuitates ab vno potius, quàm à pluribus regi consueuisse, vt colligi potest ex lib. Genes. & Iosue. ex quibus patet, in terra Chanaan tot ferè reges exstitisse, quot oppida. & certum est, apud Romanos primò à regibus res fuisse administratas. Quin etiam Aristoteles 3. Politic. cap. 11. hoc idem videtur supponere, vbi ait: *Et ob hoc forsitan rex ab initio repertus est, quòd difficile erat viros plures excellenti virtute reperiri, præsertim cum tunc ciuitates parue forent.* sic ille. Quamquam, ni fallor, credibilis sit, ab initio reges non per optimi electionem, sed per potentiam fuisse introductos, vt patet de Cain, ante, & de Nemrod, post Diluuium. Videmus enim ea, quæ ab hominibus proficiscuntur, communiter ab imperfecto auspicari; deinde verò post multa experimenta, paulatim, quantum fieri potest, ad perfectum perducì. Itaque si panè ab ipso mundi exordio condita ciuitas fuit; plures quoque alias exinde temporum successu ædificatas esse dubitandum non est: & per consequens facillè admitti potest, etiam ante Diluuium plures in mundo reges exstitisse. Nam quod aiunt, ex Scriptura sacra videri, Nemrod fuisse primum qui regnare cœperit; rectè exponi potest de iis qui post Diluuium tyrannicè se in regno intruserunt, vt nos sub anno mundi 1931. num. 28. declarabimus. Quòd autem Cain quoque, qui ante Diluuium primus regnasse dicitur, tyranni potius, quàm iusti regis mores ingeniumque redoleuerit, ex his quæ superius numero primo, & sub anno mundi 130. num. 7. dicta sunt, inferri liquidò posse videtur.

AB ORBE CONDITO ANNVS 236.

I. **A**NNO vitæ suæ centesimo quinto circiter exacto, siue centesimo sexto inchoante, Seth genuit Enos, Genes. cap. 5. vers. 6. Quare annus vitæ Enos primus coneurrit totus cum centesimo sexto patris sui Seth, vt patet in tabulis. Post ortum autem ipsius Enos, superuixit Seth annis octingentis septem, & genuit filios & filias, vt ibidem dicitur. Per hæc quoque circiter tempora, probabile est, quod Henoch filius Caini genuerit & ipse filium suum Irad, cuius tantum fit mentio Genes. cap. 4. vers. 18. Quod hic obiter adnotasse sufficiat.

2. Redeamus ad Enos. Sunt qui putant, patrem suum Seth non sine diuino consilio appellasse hunc filium suum Enos, quod interpretatur Vir, quia nimirum præuidetur, eius temporibus, & præcipuâ etiam eius operâ, cultum veri Dei notabiliter fore instaurandum & augendum. quod proprium atque præcipuum virorum munus esse deberet, tunc potissimum, quando ipsummet diuinum cultum à perditis hominibus deferri, vitari, & quod peius est, dæmonibus attribui perspicunt: quemadmodum postea Enos fecisse videtur: de ipso enim legimus Genes. cap. 4. in fine: *Isse cepit inuocare nomen Domini*. Vbi licet alia versio habeat: *Tunc initium fuit inuocandi nomen Domini*. (quod nonnihil differre, & vt ibidem notat Caietanus, magis tempus quam personam signare videtur:) & Paraphrasis Chaldaica oppositum quodammodo significare videatur, dicens: *Tunc in diebus eius inceperunt filij hominum, vt non orarent in nomine Domini*. attamen hæc Scripturæ sententia, ex multiplici pænè vnius Hebraici verbi significatione, vt docet Hieronymus Oleaster, tam diuersimodè translata, tria nobis indicat; quæ tametsi inter se diuersa & quoquomodò etiam opposita esse videantur, nihilominus admodum consentanea sunt, vt ex his, quæ subiungemus, planè constabit. Primum est, quod ipse Enos cepit inuocare nomen Domini, eo speciali modo, quo inferius declarabitur. Alterum est, quod alij quoque temporibus dicti Enosidem facere cœperunt. Tertium, quod per eadem tempora filij hominum, id est impij ac peruersi homines, & ipsi cœperant loco Dei inuocare creaturas, vt paulò post ostendemus. Ecce quanta paucis Scriptura sacra nos docet, & quàm magna est vbertas eius, vtpote quæ non modò plures sensus mysticos contineat, vt notum est; sed interdum quoque plures litterales, æquè proprios ac germanos, qui non nisi multis variisque translationibus in nostra lingua explicari queant.

3. Igitur, vt prædicta clariùs explicemus, cum Enos ad virilem peruenisset ætatem, contigit, vt filij hominum, hoc est, qui erant de stirpe Caini, & aliorum filiorum Adæ (excepta dumtaxat familia Seth, quæ nomine filiorum Dei, vt sub anno mundi 131. num. 8. dictum est, appellari iam consueuerat) per diuersos paulatim traducti errores, & de malis in mala quotidie prolabant, tandem, vt fit, ad idololatriam, quæ vt probat sanctus Thom. 2. 2. quæst. 94. art. 3. omnium peccatorum dici potest maximum, declinare cœperint, attribuentes nomen Dei quibusdam creaturis, præsertim sublimioribus, puta soli, lunæ, & stellis, easque diuino cultu colentes, atque inuocantes, vt super Genes. cap. 4. Hebræorum secutus sententiam, exponit Lyranus: cuius expositio, licet ibidem in Additionibus Pauli Burgensis impugnetur, ritè tamen, meo iudicio, in Matthiæ Thoringi Replicis defenditur. Etenim, quamuis communiter credatur, idololatriam à Nino sumplisse initium, (de qua re sub anno mundi 1997. num. 2. agemus) attamen, quod nunc ad rem pertinet, dicimus esse admodum credibile, eam etiam ante Diluuium incepisse: quoniam iam ex tunc, testante Sacro eloquio Genes. cap. 6. vers. 5. *multa malitia hominum erat in terra, & cuncta cogitatio cordis, intenta erat ad malum omni tempore*. & vers. 11. subditur, quod *corrupta est terra coram Deo, & repleta est iniquitate: omnis quippe caro corruerat viam suam super terram*. Ex quibus verbis adeò grauib, totiesque cum tanta emphasi repetitis, satis apertè insinuat, nullum flagitij genus tunc temporis in mundo defuisse, ac propterea vniuersali Diluuiò debuisse puniri & expurgari. Hoc idem planè indicant verba illa, quæ in eodem cap. vers. 6. habentur: *Pœnituit Deum quod hominem fecisset in terra, & tactus dolore cordis intrinsecus, Delebo, inquit, hominem*, &c. quæ exponens sanctus Ambrosius in lib. de Noë & Arca, cap. 4. ait: *Nèque enim Deus cogitat sicut homines, vt aliqua ei noua succedat sententia; neque irascitur quasi mutabilis; sed ideo hæc leguntur, vt exprimat peccatorum acerbitas, quæ diuinam meruerit offensam; tamquam eousque increuerit culpa; vt etiam Deus, qui naturaliter non mouetur aut ira, aut odio, aut passione vlla, prouocatus videatur ad iracundiam*. hucusque sanctus Ambrosius. Cum igitur ex ore omnium ferè Prophetarum constet, idololatriam

latrariam inter omnia præuaricationum genera maximè Deum ad iracundiam (vt humano more loquar) prouocare consueuiffe; quoniam, quemadmodum dicitur Sapientia cap. 14. vers. 12. *Initium fornicationis* (intellige à Deo) *est exquisitio idolorum; & adinuentio illorum, corruptio vitæ est.* proculdubio sequitur, rationabile admodum esse, credere, quòd inter maximas quas Scriptura memorat iniquitates, ab hominibus ante Diluuium adinuentas & perpetratas, idololatria in primis numeranda sit, ad quam cetera peccata homines disponere ac præparare solent; ac per ipsam denique terram fuisse corruptam. Nec obstat quòd sanctus Thomas 2. 2. quæst. 94. artic. 4. ad 2. putet, in prima mundi ætate non fuisse idololatriam, propter recentem creationem mundi memoriam: quia, vt benè super Genes. cap. 4. replicat contra Burgensem Thoringus, ratio B. Thomæ ad id non cogit: nam si recèns creati orbis memoria exclusit idololatriam per mille sexcentos & amplius annos: vtique etiam memoria seuerissimæ illius punitionis, quæ facta est per Diluuium, debuisset eam excludere adhuc per plures annos: atqui certum est, quòd citò post Diluuium, quemadmodum ad alia priora peccata redierunt, ita etiam deiciuerunt ad idola homines. Quòd si quis opponat, Scripturam sacram in tota prima mundi ætate nullam omnino idololatriæ mentionem explicitam facere: responderi potest, non omnia, sed admodum pauca eorum quæ in toto illo tempore acta sunt, Dei monitu à Moyse fuisse conscripta; & in paucis his, ipsam quoque idololatriam implicitè insinuatam, ex supradictis satis posse constare. Quod ergo S. Cyrillus lib. 1. contra Iulianum dixit, nullum ex his hominibus qui ante Diluuium vixerunt, taxari, quòd diis alienis fuerit deditus, vel immundis dæmonibus obtulerit; & si quid simile ab aliis Doctoribus traditum inuenitur: rectè, vt arbitror, ita accipi debere videtur, vt dicamus, neminem quidem explicitè & signanter reperiri, qui tunc de hoc vitio fuerit obiurgatus; verum tamen ipsum idololatriæ peccatum vniuersaliter & implicitè etiam tunc temporis, vt dictum est, cum grauissimis aliis iniquitatibus fuisse insinuatam & detestatum.

S. CYRILLI
LOCVS EX-
PONITVR.

QUANDO ET
QUOMODO
CØPERIT
AUGERIDE
CVLTVS.

ADAM PRI-
MVS DEOSA-
CRIFICIA
CVLTIT.

4. Isdem ergo temporibus filij Dei, id est viri boni ac timentes Deum, quales erant omnes de familia Seth, & in primis ipse Enos, videntes idololatriæ vitium in ceteris Adæ familiis iam pullulare cœpisse; nec se aliter posse tanto malo resistere: cœperunt non quidem tunc solum Deum colere; siquidem constat prius Cain & Abel sacrificia Deo obtulisse; & credendum est, etiam ante Enos non modò Seth patrem suum, quem diximus ob eximias eius virtutes Deum fuisse appellatum, sed alios quoque, & primum omnium ipsum Adamum sacrificia, oblationesque, & preces Deo fecisse, posterosque suos eadem facere docuisse: sed cœperunt, ipso præsertim Enos auctore & primario hortatore, sese mutuo excitare ad veri Dei cultum propensius ac perfectius exercendum. Quare præter frequentiora sacrificia ac munera, quæ eadem offerre summo studio satagebant, non contenti maiorum dumtaxat more Deum colere, excogitarunt insuper alios modos, ritus, & cærimonias, ad deuotionem magis ac magis in se aliisque excitandam ac promouendam. Qui autem fuerint ij modi, incertum habemus; possumus tamen satis verisimiliter coniectari, tunc primum (sicuti postea circa initia reparati orbis, in primitiua scilicet Ecclesia, multò perfectius actum est) institutos fuisse spirituales quosdam conuentus, & quasdam deuotas preces, puta psalmos, aut hymnos, in summi Dei laudem certis temporibus & locis pie cultis communiter recitandos, præcipuè verò diebus Sabbatis; in quibus etiam probabile est, quòd ab operibus seruilibus ex tunc abstinere cœperint ad honorem Dei, quem pariter nouerant die septimo cessasse ab omni opere quod pararat, & illum quidem præ ceteris diem, tamquam à Deo sanctificatum, diuino cultui dedicarint, ac in spiritualibus actionibus infundendum decreuerint, sicque veluti primam quamdam sanctæ Ecclesiæ visibilem formam instituere ac repræsentare aggressi sint; in qua per hæc aliaque sancta exercitia, ad viam veritatis ac salutis reuocare ab eadem aberrantes curarent; & quos verbis non poterant, bonis saltem exemplis lucrificare contenderent. Et quoniam hoc eodem tempore verus Dei cultus, ob plurimos ad idololatriam declinantes, maximam fecerat iacturam; apud quosdam verò pietatem sectantes, ipso Enos primo auctore, valde admodum auctus fuerat: idcirco putamus, Scripturam sacram omnia hæc breuiter significare voluisse, præmissis verbis triplicem interpretationem recipientibus; nimirum: *Isse* (subaudi Enos) *capit innuocare nomen Domini, & tunc*, hoc est, quando Enos factus est vir, *initium fuit innuocandi nomen Domini.* & aliter: *Tunc in diebus* (supple iuuentutis, aut pueritiæ) *eius* (nempe ipsius Enos) *inceperunt flij hominum, vt non orarent in nomine Domini.*

AB ORBE CONDITO ANNVS 326.

1. **A** NNO vitæ suæ nonagesimo exacto, Enos genuit Cainan, Genes. cap. 5. versic. 9. CAINAN QUANDO NATVS.
 ita vt annus primus Cainan idem fuerit nonagesimus primus ipsius Enos, vt expressum est in tabulis: At verò post natiuitatem dicti Cainan vixit Enos octingentis quindecim annis, & genuit filios & filias: ibidem. Nihil verò aliud de isto Cainan habemus in Sacris libris, neque apud alios Scriptores; nisi tempus natiuitatis eius, & generationis filij sui Malaleel, quod paulò post indicabimus; & numerum annorum vitæ, ac denique annum mortis ipsius. Vnde credi potest, ipsum nihil admodum notatu dignum gessisse. Et forè per eadem tempora Irad filius Henoch filij Caini genuit Mauiaël, vt dicitur Genes. cap. 4. vers. 18.

AB ORBE CONDITO ANNVS 396.

1. **A** NNO ætatis suæ septuagesimo expleto, Cainan genuit Malaleel, Genes. cap. 5. vers. 12. MALALEEL QUANDO NATVS.
 Quare annus primus vitæ Malaleel, fuit septuagesimus primus patris sui Cainan, vt videre est in tabulis: & post natum Malaleel vixit Cainan octingentis quadraginta annis, genuitque filios & filias, vt ibidem subditur. Sed neque de ipso Malaleel aliud inuenimus scriptum, præter tempora hîc notata, nimirum ortus ipsius, & generationis filij sui Iared, ac postremò obitus eius, & propterea non inconuenient, idem sentire de ipso, quemadmodum dictum est de patre eius Cainan. Et probabile item est, quòd isdem circiter temporibus Mauiaël Caini pronepos genuerit Mathusaël, vt habemus Genes. cap. 4. vers. 18.

AB ORBE CONDITO ANNVS 461.

1. **A** NNO vitæ sexagesimò quinto circiter exacto, Malaleel genuit Iared, Gen. c. 5. vers. 15. IAREDIS NATIVITAS.
 Quo fit, vt primus annus Iared fuerit sexagesimus sextus vitæ patris sui Malaleel, vt perspicuum est in tabulis: & post genitum Iared superuixit Malaleel annis octingentis triginta, & genuit filios & filias, vt videre est loco citato. De isto pariter Iared, idem iudicium eandemque sententiam ferre possumus, quam de patre & auo eius tulimus: & credere, Scripturam sacram de ipsis alioqui mentionem non fecisse, nisi per ipsos necessariò texenda fuisset series generationis Noë & Abraham; vt sub anno mundi 131. num. 3. dictum est. Credibile quoque videtur, per hæc ferè tempora à Mathusaële Caini abnepote genitum esse Lamech, vt legimus Genesis capite 4. vers. 18. de quo ibidem subditur, quòd postea iste Lamech duas duxit vxores; genuitque ex Ada Label, qui fuit pater habitantium in tentoriis, atque pastorum, unde inferri posse videtur, quòd prius pastores vel sub dio, vel in antris habitarent; & Iubal, qui fuit pater canentiùm cithara & organo. ex altera verò, cui nomen erat Sella, genuit Tubalcain, & fororem eius Noëma: fuit verò Tubalcain malleator, & faber in cuncta opera aris & ferri.

POLY-
MIAE, MV-
SICAE, AE-
RARIÆ, ET
FERRARIÆ
ORIGO.

AB ORBE CONDITO ANNVS 623.

1. **A** NNO ætatis suæ centesimo sexagesimo secundo circiter expleto, Iared genuit Henoch, Genes. cap. 5. vers. 18. HENOCH QUANDO NATVS.
 Itaque primus annus Henoch fuit centesimus sexagesimus tertius vitæ patris sui Iared. A nato autem Henoch vixit Iared octingentis annis, genuitque filios & filias, vt ibidem legimus. Et quidem hunc Henoch postea fuisse Prophetam, ac scripsisse nonnulla diuina, negare non possumus, vt ait sanctus Augustinus lib. 15. de Ciuit. cap. 23. idque ibidem, & lib. 18. cap. 38. colligit ex Epistola Catholica Iudæ Apostoli, vers. 14. vbi non solum testatur Apostolus, istum Henoch prophetaisse de Extremo Dei iudicio; sed etiam signanter citat verba Prophetiæ eius, inquit: *Prophetauit autem & de his septimus ab Adam Henoch, dicens: Ecce venit Dominus in sanctis millibus suis facere iudicium contra omnes, & arguere omnes impios, & quæ sequuntur.* ex quibus verbis videtur posse inferri, Prophetiam illam non per traditionem, sed etiam per scripturam peruenisse ad tempora Apostolorum. Putant verò aliqui, Apostolorum temporibus extitisse librum ipsius Henoch integrum atque incorruptum, ex ipsoque Iudam, allegatam ad verbum desumpsisse sententiam, existimant enim, Apostolum non aliunde, quàm ex proprio & canonico libro sumere debuisse testimonium de re tam graui, qualis est Extremum iudicium. verum hoc non ita esse, inde coniici posse videtur, quòd si dictus liber tunc extitisset, proculdubio propter Auctoris sanctitatem & antiquitatem in maximo fuisset honore apud Hebræos,

QVOD FVE-
RIT PRO-
PHETA.

ac de ipso aliquam saltem mentionem fecissent Philo & Iosephus, Iudaicarum antiquitatum studiosissimi. Quare probabilius sit, ipsum Iudam desumpsisse prædicta verba non ex proprio ipsius Henoch libro, sed ex aliquo alio, probato tamen, in quo ea citata inuenerit, qui liber postea temporum iniuria sit deperditus.

1. I. S. R. H. E.
NOCH APO-
CYPHVS.

HENOCH
ET ELIAS
AD HVC
VIVVNT.

2. Ceterum ille liber Henoch, qui temporibus S. Hieronymi, S. Augustini, Origenis, Tertulliani, Bedæ, & aliorum, erat satis vulgatus, & ab ipsis citatus, creditur fuisse apocryphus; & ab aliquo confictus, ac sub nomine Henoch editus; quia tamen aliqua vera, multa tamen falsis ac fabulosi admista continebat, vt testatur idem S. Augustinus lib. de Ciuit. 15. cap. 23. Vtrum autem talis impostura contigerit ante, an post tempora Apostolorum, incertum est: probabilius tamen credi potest, post defunctos Apostolos ab hæreticis emanatam. Vide plura de hoc libro Henoch, ex Origene & aliis apud Sixtum Senensem lib. 2. suæ Bibliothecæ sanctæ, in verbo Henoch, & apud Pererium lib. 7. in Genes. Ceterum quod iste Henoch & Elias adhuc viuunt ab omni humana consuetudine segregati, supponunt tamquam certissimum sanctus Augustinus lib. 9. in Genes. cap. 6. & sanctus Gregorius lib. 14. Moral. cap. 11. & alij plures. Quod verò etiam ambo venturi sint ante finem mundi, vt prædicent fidem Christi contra Antichristum, & quod ab ipso sint occidendi, aperte asserunt sanctus Gregorius Homil. 12. in Ezechielem, & sanctus Ambrosius, cum ceteris ferè omnibus, qui exponunt ea quæ habentur Apocalypsis cap. 11. & sequentibus, de duobus illis testibus innominatis, qui ibidem memorantur. Quæ de re nos infra sub anno mundi 3139. num. 3. latissime disseremus.

AB ORBE CONDITO ANNVS 688.

1. I.
MATHUSA-
LA QUANDO
NATVS.

HENOCH
AN SEMPER
FVERIT BO-
NVS.

ANNO sexagesimo quinto vitæ suæ, Henoch genuit Mathusala, Genesis cap. 5. vers. 21, igitur annus eius vitæ primus concurrit cum sexagesimo sexto patris sui Henoch, vt notandum est in tabulis. Et superuixit Henoch in communi hominum consuetudine, postquam genuit Mathusala, annis trecentis, & genuit filios & filias, ibidem. Aduertendum verò hic est, quod quia non ante natum Mathusala, sed post, dicitur Henoch ambulasse cum Deo, colligit Procopius Gazeus scriptor Græcus, indicari, ipsum Henoch prius fuisse improbum; postea verò non solum poenituisset, vitamque emendasset; sed etiam deinceps ad tantam vitæ perfectionem deuenisse, vt & placere Deo, & viuus ab hac communi vita transferri meruerit. Verum cum videamus Scripturam sacram nusquam reprehendisse Henoch, quin potius semper de ipso honorifice loqui, indignum videtur, quidquam mali de tanto viro suspicari; præsertim cum multò melius ex cap. Genes. citato, in quo bis dicitur Henoch ambulasse cum Deo, existimet Caietanus insinuari, ipsum Henoch & à pueritia & per totam vitam fuisse sanctum ac Deo carum. Est enim ambulare cum Deo idem, ac si diceretur, ambulare in viis Dei, & facere quæ grata sunt ei. Vnde ad Abraham dixit Dominus, Genes. cap. 17. vers. 1. *Ambula coram me, & esto perfectus.* hoc est, cura, mihi vt placeas semper, & facias quæ bona sunt in oculis meis.

AB ORBE CONDITO ANNVS 875.

1. I.
LAMECH
QUANDO
NATVS.

DE CAINI
INTERITV.

ANNO centesimo octogesimo septimo vitæ suæ circiter expleto, Mathusala genuit Lamech, Genes. cap. 5. vers. 25. & propterea annus primus ipsius Lamech fuit centesimus octogessimus octauus patris sui Mathusala, vt apparet in tabulis. Qui post genitum Lamechum vixit septingentis octoginta duobus annis, genuitque filios ac filias, vt patet ibidem. Porro iste Lamech valde differt ab eo, de quo fit mentio Genes. cap. 4. ille enim erat de stirpe Cain, iste de progenie Seth, ille fuit valde luxuriosus, siquidem non vna contentus vxore, primus duas accepisse traditur, & præterea etiam homicida, vt paulò post dicitur: de isto verò Lamech nihil mali legimus.

2. Inter natiuitatem huius Lamech & obitum Adami, probabile est, accidisse impij Caini interitum; qui vt perdidit semper vixerat, ita demum miserrime infelicitèque vitam finiuit, casu scilicet ab vno ex posteris suis sagitta transfixus; si tamen vera est, vt credimus, antiqua illa Hebræorum traditio, à multis super cap. Genes. 4. relata, quam etiam probare videtur B. Hieronymus in Epist. 125. ad Damasum quæst. 1. & post ipsum etiam probare videtur Rupertus, Rabanus, Strabus, Lyranus, Caietanus, Abulensis, Pererius, alijque grauissimi Auctores receperunt. Quod scilicet Lamech, qui fuit ipsius Caini atnepos, & venationi admodum deditus, cum præ accidentaliquadam oculorum debilitate aliquatenus cæcutire cœpisset, & nihilominus quadam die puero ducto-

re, vt

re, vt solebat, ad venandum exisset; non pro carnibus, quibus tunc homines non vesceretur; sed vel recreationis causa, vel pro quadrupedum pellibus, ad indumenta tabernaculaque conficienda; forte accidit vt Cain inter fruteta latitaret, quippe qui accusante intus conscientia semper esset pauidus, ac saepenumero timeret, etiam vbi nulla esset causa timendi, iuxta illud Prouerb. cap. 28. vers. 1. *Fugit impius, nemine persequente.* & illud Ciceronis pro Milone: *Magna vis est conscientia in vtramque partem, vt neque timeant qui nihil commiserint, & poenam semper ante oculos versari putent qui peccarint.* Cum itaque adolescens qui comitabatur Lamechum, de longe aspiciens, ex quadam umbra motuque ramorum suspicatus esset ibi adesse feram; illico admonuit Lamechum, vt illuc iaculum dirigeret; quod cum ille fecisset, ac postea deprehendisset, se prater intentionem occidisse Cainum, cuius occisionem Dominus sub graui poena prohibuerat, continuo ira percitus, vsque adeo exarsit in comitem, quod se ad tantum scelus impulsisset, vt illum arcu aut baculo diu grauiusque percutiens, tandem sine vlla sanguinis effusione interimeret: mox tanti facinoris consideratione perterritus, quasi desperans dixit vxoribus suis, vt legimus Genesis cap. 4. vers. 23. *Quoniam occidi virum in vulnus meum, id est Cainum, sagitta mea in corde eius infixata: & adolescentulum in liuore meum, hoc est comitem, liuore mortali percussione ac conuulsionibus in corpore eius inducto: septuplum ultio dabitur de Cain; de Lamech vero septuagies septies.* Non quod reuera ipse grauius deliquisset quam Cain, immo multo leuius; nam cain ex mera inuidia ac malignitate, sciens ac volens, proprium interfecerat fratrem, virum iustum ac sanctum; Lamech vero non dedita opera, sed casu occiderat Cainum, virum pessimum, & sibi multo minus propinquum; & pariter praefacti displicentia, & repentina iracundia, interemit eum qui prioris causa fuerat homicidij: sed quia non poterant ab eius corde excidere illa Domini verba: *Omnis, qui occiderit Cain, septuplum punietur,* Genesis cap. 4. versic. 15. & praemagna animi perturbatione, non valebat recta ratione casum considerare atque expendere; nimio timore correptus, & vt propriae vitae consuleret, protinus in verba paulo ante relata prorupit. ac si dicere voluisset: Audite vxores meae, & cunctis ad vos pro rei nouitate concurrentibus dicite ac diiulgate, quod tamen notum sit, grauius punitum iri interfectorem Caini; longe tamen grauius punietur quicumque Lamechum occiderit attentauerit. Scio non defuisse ex antiquis Scriptoribus, & etiam ex recentioribus, maxime Paulum Burgensem, contra quem bene replicat Thoringus; qui reiicientes memoratam Hebraeorum traditionem, locum Genes. proxime adductum aliter interpretandum putent. Sed profecto ad ipsum, alioqui valde obscurum, probe dilucidandum atque explanandum, memorata traditio videretur admodum accommodata & propria, vt ex ceterarum expositionum collatione quiuisset diiudicare facile poterit.

AB ORBE CONDITO ANNVS 930.

- I. ANNO vitae suae nongentesimo trigesimo circiter expleto, Adam mortuus est, Genes. cap. 5. vers. 5. quod signanter Scriptura sacra non solum de ipso Adam, sed etiam de omnibus aliis, quos recenset primae mundi aetatis hominibus, vno dumtaxat excepto Henoch, qui viuus translatus fuit, & adhuc viuere creditur, exprimere voluit, illa clausula toties citato capite reperita, vt nemo dubitare posset, re ipsa comprobata esse illam Dei sententiam, quae contra hominem lata fuerat Gen. cap. 3. v. 19. *Pulvis es, & in puluerem reuerteris.* & cap. 2. v. 17. *In quocumque enim die comederis ex eo, morte morieris:* & consequenter cunctis manifestum hieret, mendacissimum ac fraudulentum fuisse daemone, qui cap. 3. v. 4. dixerat: *Nequaquam morte moriemini.*

ADAM
QUANDO
MORTVVS.

Vixit igitur Adam cum	} annis	Seth	octingentis.
		Enos	sexcentis nonaginta quinque.
		Cainan	sexcentis quinque.
		Malaleel	quingentis triginta quinque.
		Iared	quadringentis septuaginta.
		Enoch	trecentis octo.
		Mathusala	ducentis quadraginta tribus.
		Lamech	quinquaginta sex.

ADAM
QVOT AN-
NIS CVM
ALIIS SVI
TEMPORIS
VIXERIT.

2. Notandum verò hic est, quod non solum in summa annorum vitae Adami, sed in ceteris quoque summis reliquorum Patriarcharum primi mundi aetatis, non discrepat textus LXX. Interpretum à textu editionis Latinae Vulgatae, nisi in annis Lamech, quem Vulgata ponit vixisse annis septingentis septuaginta septem; LXX. verò Interpre-

ANNORVM
CONVENIEN-
TIAE, ET
DISCRE-
PANTIAE.

tes eidem attribuunt annos tantummodò septingentos quinquaginta tres. Ratio autem cur in reliquis non differant, est: quia quantum LXX. Interpretes addere vnicuique solent antequam genuerit filium, tantum detrahunt post ipsum genitum; vt videre est in singulis, præterquam in Mathusala, vbi contrà, quantum detrahunt de annis eius ante generatum Lamechum, tantumdem addunt post ipsius generationem, vt quisque ex vtriusque Textus collatione liquidò cognoscere poterit, & in tabella sub anno mundi 131. num. 4. posita, perspicue intueri.

DE DIE OB-
ITVS AD-
MI.

3. De die verò obitus Adami nihil aliud dicere possumus, nisi quod S. Irenæus lib. 5. cap. 23. aduersus hæreses asserit, ipsum obiisse Feria hebdomadæ sextæ; tali enim die de fructu vetitò comederat. quod inde elicit, quia Genes. cap. 2. vers. 17. legimus: *In quocumque die comederis ex eo, morte morieris.* quæ verba licet fortè melius in alio sensu exponi possint, vt sub anno mundi primo num. 18. dictum est; & propterea non videatur necessaria talis illatio: nihilominus, quia etiam hunc sensum commode recipere possè videntur, nec abibi de opposita sententia constat; possumus, si placet, sequi opinionem ipsius Irenæi, cuius verba sunt hæc: *Si quis velit diligenter discere, quæ die ex septem diebus mortuus est Adam, inueniet ex Domini dispositione: recapitulans enim vniuersum hominem in se, ab initio vsque ad finem, recapitulatus est & mortem eius. Manifestum est itaque, quoniam in illa die mortem sustinuit Dominus obediens Patri, in qua mortuus est Adam inobediens Deo: in qua autem mortuus est, in ipsa & manducauit: dixit enim Deus: In qua die manducabitis ex eo, morte moriemini. Hunc itaque diem recapitulans in semetipsum Dominus, venit ad passionem pridie ante Sabbatum, quæ est sexta conditionis dies, in qua homo plasmatus est; secundam plasmationem eam quæ est à morte, per suam passionem donans.* sic Irenæus.

ADAM VBI
MORTVVS
AC TVMV-
LATVS SIT.

DE SYRO-
RYM TRA-
DITIONE.

4. De loco autem sepulturæ ipsius Adami, si quaratur, vbinam primò à filiis ac nepotibus suis ante Diluuium tumulatus fuerit: dicimus id sciri nequaquam posse: quoniam de hoc, aut vbi habitauerit, præsertim sub finem vitæ suæ, aut in quo loco defunctus sit, Scriptura sacra non meminit. & constat, non solum omnia cadaverum ossa dissipata, sed etiam sepulchra ipsorum, cum reliquis quæ tunc exstabant ædificiis, à Diluuij inundationibus vastata ac dispersa omnino fuisse, ita vt nullum eorum postea vestigium remanserit. Verumenimuerò (vt refert Andreas Masius ferè in calce Commentariorum suorum in Iosue) Iacobus Orrhohaita, siue Edessenus, inter Syrorum Scriptores valde nobilis, & magni Ephraimi olim doctor, memoriæ prodidit, Noë, ossa primi parentis Adami religiose in Arcam ad se recepisse, & post siccatum à Diluuij orbem terrarum, illa inter suos tres liberos cum orbe ipso distribuisse; Semoque, quem anteferebat ceteris, caluariam donasse, & cum ea regionem illam, quam modò Iudæam appellamus. Et hæc quidem à priscis Syris, tamquam per manus tradita posteris fuisse, idem Masius credibile admodum putat. Hanc Syrorum traditionem comprobare videtur S. Epiphanius, qui in suo Ancofatu, versus finem, aperte scribit, quòd Noë, velut mundi heres à Deo constitutus, diuisit tribus filiis suis vniuersum mundum sub sortem missum, & vnamquamque partem, iuxta sortem, singulis distribuit. Et paulò post dicit, quòd Palæstina, & tota ipsius vicinia, sub sortem Sem cecidit. Quæ omnia cum supradictis maximè conueniunt. Quòd si cuiquam fortassis prima fronte videantur hæc aliquo modo relictari Scripturæ sacræ; quæ Genes. cap. 11. videtur terrarum diuisionem adscribere non ipsi Noë, sed Deo, qui mirabiliter per linguarum confusionem coëgit homines ab inuicem discedere, & nouas sibi sedes procurare: & item Genes. cap. 10. vers. 15. videtur innuere, terram illam, quæ postmodum Iudæa dicta est, non filiis Sem, sed filiis Chanaan filij Cham obtigisse, ab ipsisque Chananæam fuisse appellatam. Ad hæc sub anno mundi 1909. num. 3. respondebimus, ostendemusque nullatenus prædictis contradicere. Itaque si memorata Syrorum traditio vera est in ea parte, quæ magis videtur posse dubitationem pati, nempe quòd Noë diuiserit filiis suis orbem terrarum, dederitque Semo Iudæam: multò magis videtur recipiendâ in eo quod asserit, eundem Noë tulisse secum ossa Adami in Arcam, ac post Diluuium ea diuisisse filiis suis, dedisseque Semo nobiliorem ipsorum partem, eam scilicet in qua erat caluariam eius: tum quia omnes quotquot de Adami sepulchro scripserunt, concedunt, ipsum in Iudæa esse tumulatum; licet inter se non nihil de loco particulari discordent, vt paulò post, scilicet num. 7. videbimus: tum quia multò probabilius est, ossa Adami sepulta esse in Iudæa post Diluuium, quam antea, quoniam credibile est, ob ingentes ipsius Diluuij inundationes vsque adeò immutatam fuisse faciem terræ, vt ipse Noë aut filij eius locum sepulturæ Adami post Diluuium recognoscere aut adinuenire naturaliter possent.

tuisse non videantur, nec consequenter posteris indicare, quòd magis in Iudæa quàm alibi sepultus fuerit. Sed de hoc satis.

5. Illud verò non videtur hîc silentio inuoluendum, quòd siue Noë simplici quodam pietatis affectu tulerit secum ossa Adami, siue (quod magis reor) quia iam nouisset, Adamum testamento reliquisse posteris suis præceptum, de præseruandis transferendisq; Diluuii tempore ossibus suis in Arcam, sicuti postea Ioseph Genes. cap. vlt. vers. 24. morti proximis adiurauit fratres suos, vt in exitu Israëlîs de Ægypto, transferrent etiam ossa sua in terram Chanaan; quod postmodum præstitit Moyse Exod. cap. 13. vers. 19. profecto apparet, vel vsque ab initio mundi primos illos patres valde sollicitos extitisse de propriis parentumq; suorum cadaueribus honesto loco condendis atque asseruandis. Sed ad quid, obsecro, hæc sollicitudo? non enim credendû est, sanctos viros vanitatis studio tantopere id curasse, sicuti postea Ethnici & Idololatæ; qui nihil spirituale cogitantes, superbissima sibi aut maioribus suis sepulchra magnificentissimis impensis, in Ægypto præsertim & apud Romanos, extruxerunt; vt vel sic memoriam ipsorum perpetuam facerent: non, inquam, ea fuit sanctorum hominum mens, in commendanda posteris ossium suorum cura; aut sibi maioribusve suis sepulchra præparanda: sed hæc faciebant, ad protestandum futuræ corporum resurrectionis fidem, quam Redemptoris sanguine promerendam, certissime (vt postea disertis expressit verbis S. Iob cap. 19. vers. 23. & sequentibus) expectabant, sperabantq; iustis quidem ad gloriam, impiis autem ad supplicium sempiternum, quemadmodum postremò docuit Dominus Ioan. cap. 5. vers. 29. dicens: *Et procedent, qui bona fecerunt, in resurrectionem vite; qui verò mala egerunt, in resurrectionem iudicij.* Et propterea sancti homines non tantum sepeliri, sed inter bonos præsertim sepeliri affectabant; tamquam etiam post mortem respuentes consortia malorum. Hinc est quòd Abraham, posteaquam cœpit habitare in terra Chanaan, nihil diligentius procurasse videtur, quàm vt proprium sibi suisq; descendantibus sepulturæ locum pretio compararet. Et deinde Iacob, cum esset in Ægypto morti appropinquans, præcepit filiis suis, ne corpus suum ibi cum Idololatrâ, sed in terra generi suo repromissa, cum patribus suis sepelirent, in ipsomet nimirum sepulchro, in quo Abraham, Sara, Isaac, Rebecca, & Lia, conditi erant, Genes. cap. 49. vers. 29. & Ioseph item, vt diximus, curauit inde asportari ossa sua, ac in terra patrum suorum sepeliri. De multis quoque sanctis viris, vt de sancto Sebastiano, Gamaliel, aliisq; non paucis legimus, eos post mortem in somnis apparuisse amicis suis, admonuisseq; illos vt honestius sua corpora sepelirent. Quorum hæc: nisi vt hoc signo doctrinam de fide resurrectionis à patribus propemodum ab initio sæculi acceptam, & per ætates tamquam per manus traditam, certam indubitatamq; profiterentur, retinendamq; curarent; aut fortè temporum iniuria atque hominum malitia obscuratam labefactatamq; restituerent? necnon, vt Sancti ossa, etiam ante diem vniuersalis resurrectionis, debitum honorem venerationemq; promereri declararent, quòd in hac vita animabus iuncta, seruire iustitiæ sedulo non recusauerint, templaq; Spiritus sancti esse meruerint; & propterea aliquando immortalitatis gloria meritò ac iure sint induenda?

6. Ex his perspicuum fit quàm impiè agant, qui non modò sanctos iustosq; viros, dum adhuc viuunt, persequi, plagisq; eorum corpora dilacerare; sed insuper eorum ossa post obitum disperdere, atque non solum honore debito priuare, verum etiam contumeliis afficere non verentur. Et item quantum à recto tramite aberrant, qui perditè viuentes, ac de gloriosa resurrectione desperantes, pariter de honesta propriis cadaueribus sepultura tradenda nihil prorsus curare videntur: quemadmodum etiam quidam Philosophi, nihil minùs quàm veram Philosophiam callentes. Talis fertur fuisse Diogenes Cynicus, de quo refert Cicero lib. 1. Tuscul. questionum, quòd cum morti appropinquaret, *proici se iussit inhumatum. tum amici, Volucrisq; sue, & feris: Minimè verò, inquit; sed bacillum prope me, quo abigam, ponitote. Qui poteris? illi: non enim senties. Quid igitur tibi ferarum laniatus oberit nihil sentienti?* sic ille. Arguta sanè, sed non minùs inhumana responsio. Quamquam Diogenes Laërtius, in calce vitæ ciuicæ Cynici, idem aliquanto durius atque inhumanius de eodem Cynico tradat, inquiens: *Autnt quidam illum, dum moreretur, mandasse insepultum proici cadauer, vt omnes bestie participes illius essent.* Verum quis non videt, impiissimum esse huiusmodi neglectum sepulturæ? cuius tanta semper fuit in sacris Scripturis, & apud omnes viros probos existimatio, vt inter opera pietatis & misericordiæ non immeritò connumeretur, sepelire mortuos. & hac de causa tantopere commendatus fuerit, & in hac

CVR PRISCI
PATRES SOL
LICITI FVE
RINT DE
SVORVM CA
DAVERVM
SEPVLTURA.

CONTRA
SANCTO
RVVM OSSA
DISPER
DENTES ET
NIHIL DE
HONESTA
SEPVLTURA
CVRANTES.

eriam vita remuneratus Tobias senior, vt ex libro eius apparet. Contrà verò, in opprobrium pœnamque facinorum suorum multis reputata sit carentia sepultura: vnde & de impia Iezabel prædictum fuit 3. Reg. cap. 21. vers. 23. quòd cadaver eius insepultum, à canibus comedendum foret, & de Ioakim, quòd propter peccata sua, sepultura afini sepeliri deberet, Ierem. cap. 22. vers. 19. Et de impio Isone legimus 2. Machab. cap. 5. vers. 10. *Qui insepultos multos abiecerat, ipse & illamentatus & insepultus abiicitur; sepultura neque peregrina vsus, neque patrio sepulchro participans.* & cap. 13. vers. 7. similia de sacrilego Menelao referuntur. Vnde non mirum est, si in sacris Canonibus prohibitum sit, excommunicatos, certosque alios facinorosos in loco sacro sepeliri. Quid plura? cum Sapiens inter maxima, quæ alicui in hoc mundo aduersa possint accidere, carentiam sepulturae posuerit, Ecclesiastæ cap. 6. vers. 3. dicens: *Si genuerit quisquam centum liberos, & vixerit multos annos, & plures dies ætatis habuerit, & anima illius non utatur bonis substantiæ suæ, sepulturaque careat: de hoc ego pronuntio, quod melior illo sit abortiuus.* Sed hoc obiter hic dicta sufficiant.

7. Redeamus ad Adamum, de cuius sepultura loco in Iudæa existente, duæ circumferuntur opiniones. Altera est, ipsum in monte Caluariæ fuisse humatum, vbi postea crucifixus est Dominus. & in eodem loco aiunt Abrahamum iussu esse immolare filium suum Isaac; atque inde existimant montem illum sortitum fuisse cognomentum Caluariæ, quòd in eo caluaria primi hominis, & aliorum eius ossium pars, tumulata fuerit. Inde etiam emanasse putant consuetudinem illam, quæ passim iam inoleuit, pingendi seu fingendi ad calcem crucis Christi, cranium defuncti hominis, cum aliquot ossibus; ad designandum, quòd quemadmodum olim ossa Elisæ per simplicem contactum suscitauerunt cuiusdam defuncti cadaver, casu in sepulchro eius proiectum, 4. Reg. cap. 13. vers. 21. ita sanguis Christi super ossa Adami stillans, vitam mirabiliter ei ac generi suo contulit sempiternam. Auctores primæ huius opinionis fuisse in primis Origenes in Tractatu 35. in Matthæum, quem postea secuti sunt omnes ferè antiqui Patres, nempe sanctus Athanasius in lib. de Passione Domini, siue in Sermone de Cruce & Passione, sanctus Basilus in Isaïæ cap. 5. B. Chrysostomus Homil. 84. in Ioan. sanctus Cyprianus in Sermone de Resurrectione Christi, sanctus Epiphanius Hæres. 46. contra Tatianos in fine, B. Ambrosius lib. 5. Epistolarum, Epistola 19. & in caput Lucæ 23. sanctus Hieronymus in Epistola Paulæ & Eustochij, ad Marcellam, quæ est 17. sanctus Augustinus in Sermone 71. De tempore, qui est de Immolatione Isaac, Euthymius in Matthæi cap. 27. & Theophylactus in singulis quattuor Euangelistis, videlicet super Matthæi cap. 27. Marc. 15. Luc. 23. & Ioan. 19. Quos sequuntur ex recentioribus plures alij probati Auctores: quoniam licet hæc opinio nullum habeat ex Sacro eloquio fundamentum, nititur tamen antiqua traditione, & multas easque præclaras habet conuenientias, vt videre est apud præcitos Patres, præcipuè verò apud sanctum Augustinum. Quòd si vera esset alia Hebræorum traditio, de qua inferius sub anno mundi 2118. num. 8. & 9. disputabimus, nimirum quòd Melchisedech, qui temporibus Abrahamæ regnabat in Salem, hoc est, vt communior habet sententia, in Ierusalem, ipse esset Sem: proculdubio longè probabilius esset, ipsum Sem voluisse ossa Adami condere potius penes locum, quem ipse ad habitandam delegerat, quàm alibi.

8. Altera sententia est B. Hieronymi, qui super Matthæi cap. 27. & super cap. 5. Epistolæ ad Ephes. asserit, Adamum non in monte Caluariæ conditum esse, sed in Hebron: quod probat ex Iosue cap. 14. in fine, vbi hæc habentur: *Nomen Hebron vocabatur Cariath Arbe: Adam maximus ibi inter Enacim situs est.* videtur autem B. Hieronymus quodammodò irridere priorem sententiam, quasi aures populi demulcentem, & asserit, montem Caluariæ non à primi hominis caluaria esse denominatum, sed à multitudine craniorum seu caluariarum quæ ibi reperiuntur, (erat enim locus vbi vltimo supplicio damnati solebant interfici.) Quare videtur posse inferri, vel memoratam Paulæ & Eustochij Epistolam ad Marcellam, quæ inter B. Hieronymi Epistolas ponitur, non esse ipsius Hieronymi, vel ipsum aliquando fuisse prioris opinionis: in eam namque Epistola, si eius est, videtur primam probare sententiam, quam locis citatis improbasse iam diximus. Hanc secundam opinionem secuti sunt etiam aliqui ex posterioribus, nempe Isidorus, Carthusianus, Lyranus, Abulensis super loco Iosue paulò antè adducto. Itaque cum vtraque opinio probabilis sit, probatosque habeat defensores; poterit quiuvis pro suo arbitratu deligere, quam ipse veriore existimauerit. Nobis tamen prima potior visa est, quoniam citatus Iosue textus aliter ab aliis Ecclesiasticis

VBI NAM
IN IYDÆA
SEPULTVS
SIT ADAM.

Doctōribus exponi solet, vt sub die mundi 6. num. 13. indicauimus. & nihil officit, quōd posterioribus temporibus mons ille, vt putat sanctus Hieronymus, ob damnatorum caluarias potius, quā ob eam quæ Adami fuerat, Caluariæ nomen acceperit: & denique quia prima opinio, tum propter rationes adductas, tum propter tot tantorumquæ Patrum auctoritatem, qui eam secuti sunt & docuerunt, longè probabilior videtur, & securius recipienda.

9. De salute verò Adami, quamquam multi hæretici probare conati fuerint, ipsum, quōd mundi interitus causa extiterit, inter damnatos esse deputatum; & nonnulli etiam ex Catholicis de hoc dubitare visi sunt: attamen sine vlla hæsitacione pronuntiandum videtur, & absolutè tenendum, quōd sit saluus, vt ex subsequētibz apparet. non enim obstat, quōd ad Rom. cap. 5. & 1. ad Cor. cap. 15. opponat Apostolus Adamum Christo; illum peccati, mortis, ac damnationis; hunc verò iustitiæ, vitæ, & salutis æternæ auctorem faciens: quia ibi Apostolus considerat Adamum, vt primum peccatorem, non vt pœnitentem. Atqui illum post lapsum pœnituisse, & tandem inuenisse gratiam in oculis Domini, ac salutem sempiternam esse consecutum, communiter sentit Ecclesia, vt testatur sanctus Augustinus Epistola 99. quæ est ad Euodium: idque confirmat auctoritate Scripturæ sacræ, nimirum Sapientiæ cap. 10. vers. 1. vbi sic legimus: *Hæc (& loquitur ibi de Sapientia) illum, qui primus formatus est à Deo pater orbis terrarum, cum solus esset creatus, custodiuit; & eduxit illum à delicto suo, & dedit illi virtutem continendi omnia*, id est, imperandi omnibus. Idem sentiunt probantque multis rationibus veteres Patres, vt videre est penes Irenæum lib. 3. à cap. 34. vsque ad 40. & apud Epiphanium hæres. 46. & Alphonsum de Castro lib. 2. Aduersus hæreses in verbo Adam, & in confutatione primi erroris. Quōd si verum est, vt sub anno mundi 1. num. 11. diximus, ex his verbis, quæ dixit Deus serpenti Genes. cap. 3. vers. 15. *Inimicitias ponam inter te & mulierem, & seminem tuum & semen illius; ipsa conteret caput tuum*, innotuisse Adamo mysterium redemptionis mundi, ipsumque credidisse in Christum venturum, sperasseque se posterorūque suos, virtute passionis illius, à cunctis reatibus & pœnis liberatum iri; profectò credendum est, ipsum quoque ab eo, qui saluos facit sperantes in se, perfectam aliquando salutem fuisse consecutum; præsertim cum tam longam egerit de peccato suo pœnitentiam, tum in hac vita tot miseris ac calamitatibus plena, per annos nongentos triginta, tum etiam post obitum, plusquam tribus milibus annis diuina visione priuatus, in ea inferni parte, quam Limbum appellant: (ab obitu enim Adami ad obitum Christi, eiusque descensum ad inferos, inueniuntur anni ter mille centum & quinquaginta quatuor, vt supputari potest in tabulis.) Et fortè etiam mansit Adam aliquo tempore in purgatorio, vbi præter damni pœnam, etiam intolerabiles sensus pœnæ sustineri solent.

AB ORBE CONDITO ANNVS 987.

1. **A**NNO trecentesimo sexagesimo quinto vitæ suæ circiter expleto, Henoch Sethi DE TRANS-
trincepos non apparuit amplius; quia eum Dominus ab hominum oculis (incertum quò) transtulit, Genes. cap. 5. vers. 24. Exstant verò duæ de hac translatione opiniones: Altera vulgaris, quæ putat ipsum Henoch translatum fuisse in Paradisum terrestrem, vnde eiectus fuerat Adam, donec sub finem mundi veniat cum Elia ad prædicandum contra Antichristum. Quæ opinio videtur esse deducta ex cap. Ecclesiastici 44. vers. 16. vbi in textu Latino exprimitur, Henoch translatum fuisse in Paradisum. quæ verba huius sententiæ sectatores interpretantur de Paradiso terrestri. Quamquam non desunt qui suspicati sint, illud in *Paradisum* ab aliquo perperam esse adiectum; his persuasi argumentis, quōd in textu Græco non reperiatur: & quōd nonnulli magnæ auctoritatis Patres inferius citandi, non veriti sint affirmare, ex sacra Scriptura non haberi, quò translatus fuerit Henoch; quos tamen legisse locum illum Ecclesiastici dubitare nemo debet. Verumenimverò textum Latinum nullo modo in hac parte fuisse vitiatum, satis superque declarat editio Vulgata, Romæ postremò recognita, & sub Clemente VIII. edita, ac probata: in qua eadem verba, in *Paradisum*, eodem prorsus loco apposita habentur in hunc modum: *Henoch placuit Deo, & translatus est in Paradisum, vt det gentibus pœnitentiam*, id est (quemadmodum ibidem exponit Hugo Cardinalis) Henoch placuit Deo, quia ambulauit cum eo, Genes. cap. 5. vers. 22. & 24. & translatus est in Paradisum terrestrem, inde venturus in fine mundi, vt det gentibus sapientiam, id est consilium pœnitendi, & præcauendi versutias & fallacias Antichristi.

2. Altera opinio est eorum, qui secuti sunt textum Græcum, inter quos ex ipsis Græcis fuisse S. Ioan. Chrysostomus Homil. 21. in Genes. & Theodoretus quas. 45. in Genes. & ex Latinis Rupertus lib. 3. de Trinitate & operibus eius, cap. 33. qui tenent, ex Scriptura sacra nequaquam haberi, quoniam translatus sit Henoch: & propterea duo priores inquit, non esse de hac re curiosius inuestigandum; sed neque utrum usque ad presens tempus uiuat idem Henoch, & quid nunc agat. Eodem quoque modo possumus & nos dicere, quod siue Henoch translatus sit in Paradisum terrestrem, ut prior habet opinio, siue in aliquam aliam mundi partem; vanum videtur scrutari, quomodo uiuere potuerit, quando aquæ Diluuii inundauerunt super uniuersam faciem terræ: præsertim si, ut sub die mundi 3. num. 25. dictum est, etiam ipsum Paradisum terrestrem tunc omnino destruxissent: quia non inconueniens uideretur, in tali casu confugere ad miracula, & dicere, quod quemadmodum Elias ab incendio mirabiliter præseruatus à Deo est, quando in cūru igneo raptus fuit: ita credibile est, ipsum Henoch miro quodam modo, ac soli Deo cognito, ab aquis Diluuii fuisse reueruatum. Verum de his atque huiusmodi aliis quæsitis, non incuriosè quidem, sed nec inutiliter fusissimè disputat Pererius septem quæstionibus ad calcem primi Tomi Commentariorum suorum in Genesim; ubi inter alia multa probat, ipsum Henoch translatum esse in Paradisum; id est non in eum, in quo fuerat Adam, sed in aliam quamdam secretam & amœnissimam regionem, quæ uniuersaliter in Scripturis sacris Paradisi nomine, ut aliàs probauimus, nuncupari solet: ubi in magna corporis atque animi tranquillitate, & fortè etiam sine cibo & potu, Deo illum mirabiliter sustentante uiuit, uiuetque ferè usque ad consummationem sæculi; quo tempore ipse quoque morti debitum reddet. Et quod triplici potissimum de causa ad vitam in terris adeo felicem ac diuturnam, & quoquomodo immortalitati similem translatus est: nimirum ut fidem faceret Deus illius immortalitatis, quam Adamo concesserat, si obediens ei fuisset: & item per memoratum genus vitæ ipsius Henoch, nobis speciem quoddam præberet alterius immortalitatis, quam post uniuersalem corporum resurrectionem expectamus: & denique, ut ipse Henoch ante obitum suum, posset in fine mundi, sicuti communiter creditur, venire cum Elia ad prædicandam Christi fidem aduersus Antichristum, illam tunc omnimodis oppugnantem. Et hæc de multis hinc tetigisse sat sit. Illud tantummodo addentes, quod de hac translatione Henoch meminit etiam Apostolus ad Hebr. cap. 11. vers. 5. dicens: *Fide Henoch translatus est ne uideret mortem; & non inueniebatur, quia transfudit illum Deus: ante translationem enim testimonium habuit, placuisse Deo.* Vbi in eo quod dicit, *ne uideret mortem*, manifestatur, illum adhuc uiuere: & consequenter, quod anni eius hinc enumerati, non sunt totius vitæ ipsius, sed tantummodo illius vitæ, quam ipse Henoch in hac communi hominum conuersatione & consortio truxit. Hoc igitur modo dicimus quod

HENOCH
QVOT AN-
NIS VIXERIT
CVM ALIIS
PRIMAE
MYNDI AE-
TATIS PATRI-
ARCHIS.

vixit Henoch cum	Adam	} annis	trecenis octo.
	Seth		trecenis sexaginta quinque.
	Enos		trecenis sexaginta quinque.
	Cainan		trecenis sexaginta quinque.
	Malaleel		trecenis sexaginta quinque.
	Iared		trecenis sexaginta quinque.
	Marhufala		trecenis.
	Lamech		centum tredecim.

FILII SETH
QVOSQUE
BONI.

3. Hucusque, ut testatur Iosephus 1. Antiq. cap. 4. progenies Seth perseverauit in vniuersi summi Dei cultu, & in probitate morum; per septem scilicet generationes, id est, ferè usque ad translatus Henoch, qui fuit septimus ab Adamo. Exinde enim, vel fortè etiam aliquanto prius, coeperunt & ipsi, qui de Seth descenderant, sensum ad vitia declinare; & (ut ibidem subdit Iosephus) qui prius certatim virtutem exercuerant, postea duplo maiore studio malitiam consuebantur; atque ita Deum infernum sibi reddiderunt. Sanè quod citatus Auctor de huius generationis præuaricatione scribit, valdè rationabile existimo, quoniam quod Sapient. cap. 4. vers. 10. de viro iusto dicitur: *Placens Deo factus est dilectus, & uiuens inter peccatores translatus est. raptus est, ne malitia mutaret intellectum eius, aut ne fictio deciperet animam illius.* potest non incongruè signanter intelligi de ipso Henoch, quod scilicet propterea à Deo translatus sit, ne fortè ipsum quoque ex uniuersali illa hominum præuaricatione labem aliquam contrahere contingeret. Præterea, si posterius Seth, qui valdè iam aucti & multiplicati erant, deinceps in veri Dei cultu, ac morum probitate quam à maioribus acceperant, per-

mansissent, non videretur credibile, quod Diluuium mundum Deus delere voluisset, qui, vt legimus Genes. cap. 18. vers. 32. paratus erat non subuertere Sodomam & Gomorrhiam ac reliquas illius regionis ciuitates, si ibi saltem decem iustos inuenisset. Quare probabilius videtur, Deum à filiis Seth, post eorum prauaricationem, multò magis fuisse offensus, quàm ab aliis; quoniam videmus eos, qui post multos annos in sancto Dei timore & dilectione transactos, à via veritatis & iustitiæ deuiare non verentur, fieri omnium deteriores. nam, vt ait sanctus Petrus Epistola 2. cap. 2. vers. 20. *Qui refugientes coinquinaciones mundi, his rursus implicati superantur: facta sunt eis posteriora deteriora prioribus.* Melius enim erat illis non cognoscere viam iustitiæ, quàm post agnitionem retrorsum conuerti ab eo, quod illis traditum est sancto mandato. contigit enim eis illud veri Prouerbij: *Canis reuersus ad suum vomitum; & Sus lota in volutabro luti.* & Apostolus ad Hebræos cap. 6. vers. 4. *Impossibile est enim* (inquit, id est, valde admodum difficile) *eos, qui semel sunt illuminati, gustauerunt etiam donum celeste, & participes facti sunt Spiritus sancti, gustauerunt nihilominus bonum Dei verbum, virtutesq; seculi venturi, & prolapsi sunt; rursus renouari ad penitentiam.* & post pauca, subdit: *Terra enim sepe venientem super se bibens imbrem, & generans herbam opportunam illis à quibus colitur; accipit benedictionem à Deo: proferens autem spinas ac tribulos, reproba est, & maledictio proxima, cuius consummatio in combustionem.* & cap. 10. vers. 26. ait: *Voluntariè enim peccantibus nobis post acceptam notitiam veritatis, iam non relinquitur pro peccatis hostia: terribilis autem quadam expectatio iudicij, &c.* Dicebat quoque beatus Gregorius Homil. 17. in Lucæ cap. 10. quod nullum ab aliis maius preiudicium, quàm à Sacerdotibus tolerat Deus; quando eos, quos ad aliorum correctionem posuit, dare de se exempla prauitatis cernit. Tales autem quodammodò erant tunc temporis filij Seth respectu aliorum hominum. Quod non sine ingenti patris eorum, qui tum etiam in humanis erat, mœrore accidisse dubium non est: tamen si penes ipsum, donec vixit, aliquot semper viros probos, ac eius vestigia sequentes remanuisse, & paucos item quosdam deinceps post eius obitum, auitæ religionis ac probitatis sectatores, successiue vsque ad ipsum Noë, credi possit, quem admodum etiam infra num. 5. dicemus.

4. Igitur duo præcipua, per hæc circiter tempora, euenisse putamus. Alterum est, quod iam cœperat humanum genus in terris valde admodum multiplicari: non quem admodum sub anno mundi 2. num. 4. & sub anno 133. num. 1. dicebamus; sed multò amplius, ita vt dixerim, ferè in immensum augeri, ac longè lateque per orbem expandi ac dilatari. Nam si (vt sub anno mundi 2329. num. 19. ostendimus) ex vno coniugatorum pari, ducentorum ac decem annorum interuallo, procreari possunt ad octies centena millia hominum paria; quoniam iste nascentium numerus, veluti per multiplicatam, vt aiunt, analogiam, singulo trigesimo anno septuplum augeri posse videtur, quemadmodum ex supputatione loco citato facienda apparebit: quot ex paribus coniugatorum octies centum millibus anno mundi ducentesimo decimo iam genitis, deinceps ad hæc vsque tempora, hoc est, vsque ad annum mundi nonagesimum octogesium septimum, nasci prodire vt potuerunt?

5. Alterum est, quod sic cunctis Adæ familiis tam vehementer multiplicatis, ac magna ex parte repleta habitatoribus terra, cum pariter quoque multum creuisset hominum malitia in ceteris ipsius Adami generationibus, cœpit etiam malum hoc penetrare ad posteros Seth, qui propemodum soli in toto orbe terrarum multis temporibus in sancto Dei timore, deuotioque eius cultu perseuerauerant, ac proinde filiorum Dei nomine nuncupari consueuerant. Etenim & ipsi, posteaquam vehementer multiplicati sunt, cum primò quidem paulatim à parentum bonitate degenerare cœpissent, id postea longè notabilius atque euidentius fecerunt; circa postremos annos, quibus Henoch inter homines vitam duxit, & adhuc multò magis, posteaquam dictus Henoch ab ipso consortio translatus à Deo est: ita vt iam ex tunc dici verissimè potuisset, quod postea dicebat Isaias cap. 9. vers. 3. *Multiplicasti gentem, non magnificasti leritiam.* Et hoc deinceps per cuncta ferè sæcula, & nostris quoque temporibus vsu venire perspectum est, & quotidie perspicitur, non solum in sæcularium domibus, vrbus, Regnis, & Imperiis, aliisque, si quæ sunt mundanorum hominum collectionibus; sed etiam in ipsismet Religiosorum piorumque conuentibus: qui quantumuis à principio feruenti admodum spiritu, multa prudentia, ac sanctissimis legibus instituti atque fundati fuerint, nihilominus interdum quò magis personarum numero augentur, eò propius ad interitum accedere videntur, ob maximas, quæ inter ipsos oriri conspiciuntur, confusiones, dissensiones, ac discordias. Quoniam vt plurimum & ordinariè

HOMINVM
MULTIPLICATIO
QUANTA.

FILII SETH
VALDE MULTIP-
LICATI
PRAEVARICA-
TVM, ET
VNIVERSALI
DILUVIO
DANT CAU-
SAM.

verissimum est quod communiter dicitur: *Vbi multitudo, ibi confusio & discordia.* & illud item: *Concordia res parue crescunt, discordia maxima dilabuntur.* & quemadmodum dicebat Dominus Lucæ cap. 11. vers. 17. *Omne regnum in seipso diuisum desolabitur, &c.* Itaque hæc filiorum Seth, ceterarumque Adæ familiarum præuaticatio, maiora indes incrementa recipiens, perdurauit per annos ab hinc propè sexcentos septuaginta, nimirum vsque ad Noëticum diluuium; quo omnes postea consumpti sunt, præter Noë, & qui cum eo pauci erant in Arca. Qua in re licet admirari longam Dei patientiam, in peccatoribus ad poenitentiam expectandis; quam iisdem peccatoribus, præsertim verò impoënitentibus, exprobat Apostolus ad Romanos cap. 2. vers. 4. dicens: *An diuitias bonitatis eius, & patientie, & longanimitatis contemnitis? ignoras, quoniam benignitas Dei ad poenitentiam te adducit?* & pariter pertimescere licet longam vindictæ eius dilationem, de qua B. Gregorius Homil. 13. in Euangelia dicit, quòd Deus tanto districtiorem iustitiam in iudicio exigit, quanto longiorem patientiam ante iudicium prærogauit. Et hoc idem (quod mirabilis videtur) multò antea Valerius Maximus naturali dumtaxat lumine illustratus præcognauit, eleganterque Exemplorum memorabilium libro 1. cap. 2. expressit, dicens: *Lento enim gradu ad vindictam sui diuina procedit ira, tarditatemq; supplicij grauitate compensat.* Vide multa eiusmodi apud Plutarchum in Commentario, cui titulus est, De his qui serò à Numine puniuntur. Rectè igitur (vt vnde fumus digressi, redeamus) S. Augustinus lib. 15. de Ciuit. cap. 24. non dicit, de posteris Seth nullum Diluuium periisse: sed nullum eorum, quos de semine Seth propagatos Scriptura sacra commemorat, hoc est, nominatim recenset: quia omnes hi aut iusti fuerunt, vt Noë, & fortè etiam filij eius, aut ad Diluuij tempora non peruenerunt. Alios autem, qui Caini, ceterarumque Adæ familiarum vitia abominationesque scèdati sunt, & vsque ad Diluuium vixerunt, certum est, ab ipso Diluuiio pariter cum reliqua Adami posteritate fuisse consumptos. Cùm ergo constet, omnes primi hominis generationes, propter earum iniquitates prorsus interiisse, præter eam quæ de Seth, viro non solum in se iusto, sed etiam in aliis, præsertim verò ad se pertinentibus, iustitiam procurante, prodierat; quoniam in ea dumtaxat, etiam post memoratam eius præuaticationem, semper aliquos, tametsi quandoque admodum paucos, viros bonos extitisse credendum est; ita vt Diluuij tempore solus Noë vir iustus, Genes. cap. 6. vers. 9. & cap. 7. vers. 1. referatur, ac propterea solus cum sua familia per Arcam saluari promeruerit. Hinc profectò monemur, nihil æquè, non solum ad æternam salutem consequendam, sed etiam ad domos familiarumque, (quod naturaliter homines tantopere exoptare videntur) in hac quoque vita perpetuandas, valere, ac ipsa veræ religionis & vitæ probitatis continuata professio. Quod maximè procurare debent non modò patres familias in suis domibus, verumetiam rectores, Reges, ac Principes, in suis vrbibus, prouinciis, ac regnis, ne faciliè eos, aut eorum successores, Deo permittente, his priuari contingat. Etenim pietatem & iustitiam familias successionesque diu conseruare, è contrario autem, impietatem ac malitiam eisdem ad nihilum redigere; multifariè multisque modis docet replicatè Regius Propheta in toto panè Psal. 36. de iustis asserens, quòd in æternum conseruabuntur: de iniustis verò, quòd semen eorum peribit. & iterum explicatiùs inquit: *Iusti autem hereditabunt terram, & inhabitabunt* (per naturales subaudi successiones) *in seculum seculi super eam.* Et sunt, subdit, *reliquie homini pacifico: iniusti autem disperibunt simul, reliquie impiorum interibunt.* Et eiusmodi alia multa, quæ proculdubio, ex Historiis tum sacris tum etiam profanis constat reipsa, innumeris prope modum exemplis iisdemque illustrissimis, per cuncta fermè sæcula fuisse comprobata, quæ modò sigillatim persequi superfluum puto.

6. Verùm, vt iterum ad posteros Seth redeamus, quæret hîc fortasse aliquis, quænam fuerit prima potiùsque occasio præuaticationis filiorum seu familiarum Seth. Ad hoc sine dubio respondere possumus, fuisse hanc, nimirum, quia cùm priùs, vt asserit Theodoretus quest. 47. in Genes. separatim esset genus Seth, & non permisceretur cum cognatione Caini, propter illatam ei à Domino maledictionem; postea posterius Seth, carnali quadam concupiscentia ducti, cœperunt miscere connubia cum filiabus posterorum Caini, aliarumque Adami familiarum, in quibus impietas, & omnia panè mala, quæ ad ipsam impietate subsequi solent, regnare consueuerant: vnde factum est, vt dictæ affinitatis occasione, contracta deinceps frequenti consuetudine ac familiaritate cum peruersis illis hominibus, apud quos iam, Lamecho, Iubal, & Tubalcaino, auctoribus, tum polygamia, id est vxorum pluralitas; tum musicorum organa, luxus lasciuiaque illecebra; tum etiam arma ærea ferreaque, crudelitatis, & bellorum, violentiarumque.

LONGA DEI
IN PECCA-
TORIBVS AD
POENITEN-
TIAM EX-
PECTANDIS
PATIENTIA

S. AVGVSTI-
NI DICTVM
EXPONITVR

VITAE PRO-
BITAS ET
RELIGIO
FAMILIAS
ETIAM PER-
PETVANT.

OCCASIO
PRAEVARI-
CATIONIS
FILIORVM
SETH, ET
VNIVERSA-
LIS DILV-
VII, QVAE.

tiarumque instrumenta, in usu erant: facile ipsa quoque progenies Seth, quæ prius ab omni iniquitate aliena videbatur, paulatim deinceps ad illorum vitia maleficiâq; perpetranda proclius fieret, illæta præsertim, ut credibile est, perueris malarum illarum mulierum suasionibus. Nihil enim est, quod æquè viros ad quodlibet flagitij genus inducere incitaréve possit, ac blanda quædam perniciosâque mulierum suasio. Ut propterea astutissimus omnium diabolus nullum opportunius medium ad seducendum Adamum adinuire valuerit, & eodè diabolo auctore, perfidus ille Propheta Balaam pessimum illud consilium dederit Moabitibus, ut scilicet per ipsorum mulieres inducere curarent Israëlitas ad colenda idola, quemadmodum euenisse legimus Num. cap. 25. vers. 1. & tangitur etiam cap. 31. vers. 16. & Apocalyp. cap. 2. vers. 14. Notum quoque est, Samsonem, tametii fortissimum, & Salomonem, quantumvis sapientissimum, à mulieribus esse seductos. Quare non mirum est, si Abraham & Isaac noluerunt dare filiis suis vxores de Chananæorum populis, inter quos ipsi habitabant; sed eas ex propria cognatione usque de Mesopotamia adduci curarunt, Genes. cap. 24. & 28. Neque item mirum est, si Dominus per Moysen Exodi cap. 34. vers. 16. prohibuit populo Israëlitis, ne vxores daret filiis suis alienigenas: *Ne, inquit, postquam ipsa fuerint fornicatæ, fornicari faciant & filios tuos in deos suos.* Quod præceptum repetitum habetur etiam Deuteronom. cap. 7. vers. 3. vbi causa subiungitur: *Quia, inquit, seducet filium tuum, ne sequatur me, & ut magis seruiat diis alienis: irasceturq; furor Domini, & delebit te cito.* Eiusdem item prohibitionis fit mentio 3. Reg. cap. 11. vers. 2. vbi additur: *Certissimè enim auertent corda vestra, ut sequamini deos earum.* Quamobrem etiam Efdras strenuè laborauit, ut Iudæi vxores dimitterent alienigenas, 1. Esdr. cap. 9. & 10. Porro mulieres primariam præbuisse causam præuaricandi filiis Seth, apertè satis indicat Scriptura sacra Genes. cap. 6. vers. 2. dicens: *Videntes filij Dei filias hominum quod essent pulchre, acceperunt sibi vxores ex omnibus, quas elegerant.* & post pauca subiungit, ex his genitos esse gigantes, viros famosos, nimirum in omni genere malorum: nam cum virium robore ceteros antecellerent, ad maiora quoque facinora valentiùs perpetranda potentiores promptioresque euadebant: & quoniam præ intolerabili eorum superbia, ferocia, atque impietate, contra omne fas iusque diuinum ac naturale, omnia præuè ipsorum voluntati ac cupiditati reluctancia oppugnabant, superabantque; vsque adeò creuit eorum fama, ut eos cum diis etiam belligerare ausos esse, Ethnici Scriptores fabulari non omiserint. Denique horum scelera atque iniquitates eoque deuenerunt, ut ab his corruptum contaminatumque vniuersum genus humanum, iusto Dei iudicio, vniuersali illo ac deinceps in omni ætate celeberrimo Diluuiò, de-
GIGANTVM
FACINORA.

7. Ex dictis inferri potest, nullatenus Historiæ sacre consentaneum esse, loco Genes. adducto, per filios Dei (ut quidam faciunt) accipere angelos bonos aut malos: nec etiam (ut postmodum offendimus) homines Principum filios; siue corporis mole ac proceritate eminentes. Nam primò, quod ad Angelos bonos attinet, quis non videt extremæ dementiæ esse, ut B. Chrysostomus Homil. 22. in Genes. testatur, suspicari, incorporeas illas ac beatas mentes, posthabitis cælestibus deliciis ac voluptatibus, & diuino illo amore, in quo olim fuerant Dei gratiâ immobiliter confirmatæ, sese ad impuram mulierum libidinem demississe? præsertim cum Matthæi cap. 22. vers. 30. Marci cap. 12. vers. 25. & Lucæ cap. 20. vers. 36. testetur Dominus, quod *in resurrectione homines neque nubent, neque nubentur, sed erunt, ait, sicut Angeli Dei.* hoc est, purissimi, atque ab omni carnis inquinamento alienissimi. Sed de reprobis angelis, id est de dæmonibus, quòd in Sacro eloquio quandoque vocentur spiritus immundi, posset fortè quis tale quid rationabiliùs opinari. Verumtamen, si vera est, ut credimus, communior opinio Theologorum, quòd scilicet omnes Angeli, tam boni quàm mali, naturam sortiti sint incorpoream; & quemadmodum etiam videtur attestari Scriptura sacra, quæ Angelos Dei vocat spiritus, Psal. 103. *Qui facis angelos tuos, spiritus.* id est, ut exponit S. Gregorius Homil. 34. in Euangelia, *Qui eos, quos semper habes spiritus, etiam cum volueris angelos facis.* & idem videntur de dæmonibus inlinuare Marcus cap. 5. versic. 9. & Lucas cap. 8. vers. 30. vbi narrant de vno dæmoniaco, in quo integra dæmonum legio, id est sex millia dæmonia, vno eodemque tempore habitabant: quod non videtur fieri potuisse, nisi supponendo, ipsos dæmones esse incorporeos. Certè si res ita est; consequitur, neque bonos neque malos angelos cum mulieribus naturaliter commisceri, ac ex ipsis gigantes gignere potuisse. Quin etiam addimus, quòd nec si subtiliori aëreoue corpore, ut multi putant, dæmones præditi essent, tale quid efficere valuis-

PER FILIOS
DEI NON
POSSE ACCI-
PI ANGELOS
BONOS:

NEQUE MA-
LOS.

sent : quoniam nec sic venereas sentire voluptates , cū sensu tactus talia corpora careant ; nec semen in semetipsis producere , ob defectum virtutis vegetatiuæ , cuius opus est ipsa seminis productio ; nec generare vllum in muliere animal possent , cū dæmon animal non sit ; & ex non-animali , animal per coitum propagari nequeat ; & certum sit , quod dæmon & mulier non solum specie , sed etiam toto differant genere , nullamque propterea ad generandum inter se habeant conuenientiam . Insuper dato , & non concessio , quod ex muliere dæmon propagare posset aliquod animal , non tamen hominem : quandoquidem videmus , ex diuersarum specierum concubitu diuersum quid ab vtraque generari , vt ex equa & asino , mulus .

ANGELI AN
POSSINT
PER ASSUM
PTA CORPO
RA COIRE
CVM MYLIE
RIBVS , ET
HOMINES
GENERARE .

8. Sed dicit aliquis , quod angeli tam boni quàm mali , siue corporei sint siue incorporei , possunt tamen corpora , etiam solida , & humanis simillima assumere ; vt perspicuum est de his tribus , quos Abraham tamquam peregrinos humanissimè excepit , Genes. cap. 18. vers. 4. eisque præparari conuiuuium iussit , & pedes lauasse dicitur ; quàmvis hoc postremum satis Scriptura non exprimat : & de illo , qui luctabatur cum Iacob vsque manè , Genes. cap. 32. vers. 24. Quare non videtur inconueniens credere , quod saltem mediatis huiuscemodi corporibus potuerint possintque dæmones cum mulieribus rem habere , vel etiam , vt multi asserunt , per semen turpiter viris succumbentes exceptum , & mulieribus incubantes inditum , gignere homines : propterea namque aiunt , ipsos dæmones quandoque dici succubos , quandoque incubos ; & quos sic generant homines , non dæmonum , sed hominum reuera esse filios . Verum an dæmones possint per talem humani seminis translationem facere , vt mulier sine reali complexu viri hominem concipiat , non omnino certum puto : quoniam , vt benè notat Pererius super loco Genes. citato , prolifica seminis vis , teste Aristotele lib. 2. de Generatione animalium , cap. 3. est calor quidam non igneus , sed cuiusdam naturæ spiritualis , quæ proportionem respondet elemento stellarum ; qui calor , quod non in corpore densio , sed admodum tenui , videlicet in semine fluido spumosoque contineatur , faciliè exhalare atque euanescere potest : vnde ne id fiat , videmus ita esse à Deo virorum mulierumque genitalia naturaliter constituta & conformata , vt commodè possit ipsum semen sine vlla prorsus euaporatione , aut alteratione ex aëris contactu contracta , ab vno in aliud transfundi : quia nimirum videtur suam non posse extra ipsa genitalia vasa prolificam vim conseruare , non minùs ac solent ipsi , quos vocant naturales , vitales , & animales hominis spiritus , qui ob tenuitatem , faciliemque ipsorum resolutionem , non queunt extra propria humani corporis organa conseruari , aut ita in aliud corpus humanum transfundi , vt in eo valeant suas exercere facultates ; neque item extra proprium corpus humanum vlla dæmonum arte generari : alioqui possent dæmones per huiusmodi spirituum transfusionem aut generationem , etiam mortuos ad vitam reuocare , quod diuinæ solius est potestatis .

QUOMODO
POSSINT
DÆMONES
CVM MYLIE
RIBVS CO
IRE .

9. Verumenimuerò , quidquid sit de memorata hominum generatione , ministerio dæmonum procurata , illud certissimum puto , posse dæmones per assumpta corpora densa , & humanis simillima , coire cum feminis , vel etiam turpiter viris succumbere , modo tamen admodum imperfecto & frigido , ac à naturali valde diuerso . Nam , vt ait Caietanus super 2. 2. B. Thomæ quæst. 95. art. 3. naturalis hominum commistio tanto delectabilior est quàm dæmonis in corpore assumpto , quanto verum excedit verisimile . cuius rei ratio assignari potest , quia constat , non posse dæmones corpus vllum adeo per omnia humano simile fingere , quin accurato sensu tactus , impossutura dignosci queat : alioqui non fuisset sufficiens illa veri corporis Christi per accuratam eius contrectationem probatio , quam proposuit Apostolis Dominus , dicens : *Palpate , & videte , quia spiritus carnem & ossa non habet , sicut me videtis habere* . Luc. cap. ult. vers. 39. & tamen certum est , huiuscemodi probationem fuisse sufficientissimam . Nam si illa carnis mollities , illa vitalis calor vel potius teporis suauitatis , quæ in homine viuentē palpando percipitur , nequaquam sentiri potest in cadauere recens defuncti hominis , licet adhuc calidum sit , & eandem numero carnem , eademque membra substantialiter habeat , quæ viuens habuerat ; ac per hoc , solo tactu , viuens à defuncto discerni faciliè potest : quanto faciliùs ac certius deprehendi poterit corpus à dæmone assumptum , quod neque eiusdem substantiæ est , neque eadem cum vero homine membra habet ? Igitur , vt ad rem redeamus , tanta est dæmonum malitia , & nocendi hominibus cupido , vt quamuis ipsi nullam ex memoratis immunditiis valeant corporalem percipere delectationem , nec perfectè eas exercere ; nihilominus , vt vel sic ad libidinem magis prouocent homines , & consequenter ad Dei offensam , certum est ,

eos interdum tales, prout meliùs possunt, abominabiles coitus moliri, & meritò propterea immundorum spirituum nomine appellari. Sanè execrabiles eiusmodi concubitus re ipsa sæpius euenisse testantur multi graues probatiq̃ue Auctores: & satis clarè asseuerat Innocentius Papa VIII. in Epistola decretali Aduersus maleficarum mulierum hæresim, his verbis: *Non sine ingenti molestia ad nostrum peruenit auditum, complures utriusque sexus personas, propriæ salutis immemores, & à fide Catholica deviantes, cum demonibus incubis & succubis abuti. Quapropter ne labe huius hereticæ prauitatis in perniciem animarum sua venena diffundat, opportunis remediis, prout nostro incumbit officio, prouidere volentes; statuimus, ut Inquisitores per nos deputati, debitum inquisitionis officium in huiusmodi personas exequantur.* hætenus verba Innocentij, quæ non sinunt nos de huiusmodi demonum cum hominibus turpitudine dubitare.

10. Neque huic sententiæ iam pænè ab vniuersali Ecclesiâ receptæ contraria sunt, quæ scribit B. Chrysostomus Homil. 22. in Genes. & eius discipulus Cassianus Collationum lib. 12. cap. 8. & Cyrillus Alexandrinus lib. 2. Allegoriarum in Pentateuchum Serm. 1. & Philastrius Episcopus Brixientis cap. 108. sui Catalogi aduersus hæreses, & Concilium Ancyranum, cuius verba referuntur in Decretis, causa 16. quæst. 5. Quia vt probat Sixtus Senensis in sua Bibliotheca sancta lib. 5. Annot. 73. vbi disputat contra Cornelium Agrippam, qui prædictorum testimoniis non benè perceptis fretus, in libro, quem aduersus Lamiarum Inquisitores edidit, irridet eos, qui maleficas insectantur & puniunt, quòd se cum dæmonibus concubuisse confessi fuerint: quia, inquam (vt probat Sixtus) citati Auctores non negant, dæmones posse modo superiùs exposito rem habere cum mulieribus, sed asserunt, non posse dæmones cum mulieribus naturaliter commisceri, eo scilicet prorsus modo, quo solent homines, semen de propria ipsorum substantia emittentes; quod nihil memoratæ sententiæ reluctatur. Concilium quoque Ancyranum, licet assermet, feminas quasdam falsis imaginibus dæmonum arte deludi; quod in confesso est apud omnes: non tamen decernit, illas mulierum super quasdam bestias equitationes, & ipsarum nocturnas à dæmonibus in longinqua vestationes, semper esse imaginarias & falsas, nec vquam realiter posse contingere, vt perperam credidit Agrippa. Quis enim nesciat, dæmonem (permittente Deo) naturaliter posse quælibet corpora, sine vllò labore, quocumque voluerit transferre: præsertim cum ipsa corpora naturaliter obediant angelis ad motum localem, vt probat. B. Thom. parte 1. quæst. 110. art. 3. Neque etiam quidquam aliud prædictum Concilium determinat, ex quo inferri possit, memoratos mulierum cum dæmonibus concubitus contingere nullo modo posse.

11. Itaque, vt ad propositam difficultatem breuiter respondeamus, dicimus, nullo modo admittendam esse illorum opinionem, qui asserunt, filios Dei, id est angelos bonos aut malos, accepisse filias hominum sibi in vxores, ex ipsisq̃ue genuisse gigantes. Etenim de bonis Angelis indignum prorsus videtur tale quid suspicari, nedum asseuerare: rebelles verò spiritus nomine filiorum Dei nuncupari, nusquam inuenimus. Et certum est, quòd ipsi, tametsi possint modo superiùs declarato abuti mulieribus, non tamen eas reuerà accipere vxores, & ex ipsis naturaliter filios procreare, vt hætenus ostensum est: Scriptura autem non dicit, filios Dei abusos esse filiabus hominum, sed aperte pronuntiat: *Acceperunt sibi vxores ex omnibus quas elegerant.* quod clarum est, de creaturis spiritualibus, & (vt diximus) non solum specie, sed etiam genere differentibus; dici non potuisse. Præterea (quod valde admodum vrget) si per filios Dei, Angeli aut dæmones accipiendi essent, cum perspicuum sit, vt sacri docent Expōitores, Lyranus, Abulenſis, & alij, loco Genes. citato Moyſi intentum esse, Diluuij causas præassignare: proculdubio necessarium foret fateri, Diluuium non propter peccata hominum, sed Angelorum aut dæmonum, à Deo fuisse inductum; quod est omnino absurdum. Huc accedit, quòd (vt etiam tangit Theodoretus quæst. 47. in Genesim) si angeli boni vel mali cum filiabus hominum commisti essent, non modò homines Deum non offendissent, sed ipsi potiùs ab angelis iniuriæ passi, de Deo conqueri quodammodò potuissent, quòd permisisset filias suas à dæmonibus fraudulenter impuneq̃ue violari. Atqui contrà factum legimus: siquidem non de Deo homines, sed de hominibus Deus meritò conquestus est; & hac de re non Angelos aut dæmones punire, sed homines Diluuiò delere dignum duxit: ergo signum est, ipsos esse, qui peccatis suis Deū ad iustam iracundiam prouocauerant, vt in eodemmet Genes. cap. 6. multipliciter euidentissimeq̃ue Scriptura declarat, dicens: *Non permanebit spiritus meus in homine in æternum, quia caro est.* & paulò post: *Videns autem Deus, quod multa malitia*

NOMINE
FILIORVM
DEI NON
POSSE AC-
CIPERE AN-
GELOS BONUS,
NEC MALOS.

hominum esset in terra, & cuncta cogitatio cordis intenta esset ad malum omni tempore, pœnituit eum quod hominem fecisset in terra: & tactus dolore cordis intrinsecus. Delebo, inquit, hominem, quem creavi, à facie terræ, &c. & paucis interpositis denuò subdit: Corrupta est autem terra coram Deo, & repleta est iniquitate. cumque vidisset Deus terram esse corruptam/omnis quippe caro corruperat viam suam super terram) dixit ad Noë: Finis vniuersæ carnis venit coram me; repleta est terra iniquitate à facie eorum, & ego disperdam eos cum terra. Patet igitur, per filios Dei nequaquam accipi posse angelos, neque bonos, neq; malos.

PER FILIOS
DEI NON
POSSE AC-
CIPERE FILIOS
PRINCI-
PVM.

NEQUE MA-
GNOS FOR-
MOSOSQUE
HOMINES.

12. Quod autem nomine filiorum Dei non etiam conueniens sit signari homines nobiliores, filios scilicet Principum, Iudicumve, qui quandoque Dij nuncupari solent, vt numero sequenti probabitur, manifestum est: quoniam quoddam filij Principum seu Iudicum deligerent mulieres pulchras, vt acciperent sibi ex illis vxores; res est, quæ per se considerata, etiam sine peccato fieri potuit; tantum abest, vt propterea debuisset Deus vniuersum mundum Diluuiò absorbere. Quoddam si dixeris, vt quidam Rabbini sentiunt, illos Principum seu Iudicum filios, per immoderatam libidinem, violare cœpisse mulieres pulchras, antequam viris suis traderentur. respondeo; hoc in Sacro textu non haberi; quin potius totum oppositum, videlicet: Videntes quoddam essent pulchræ, elegerunt ex ipsis sibi vxores. Deinde, dato quoddam in hoc per quamdam carnalis concupiscentiæ immoderantiam aliquo modo peccassent, & concessio item, quoddam ob peccata Principum, aliquando Deus plurimos de populo interfecerit: non tamen videtur huiuscemodi peccata adeo enormia, vt punitionem adeo terribilem atque vniuersalem meruisse videantur. Eadem ferè de causa non videtur probanda opinio Hieronymi Oleastri, qui super loco Genes. sæpius adducto, per filios Dei intelligit viros proceræ magnitudinis, admodumque formosos. Nam quid peccassent viri isti eligendo sibi vxores forma & magnitudine pares? Dices: Peccabant ex praua intentione; quia hoc faciebant, vt possent gignere filios robore validos, & eorum auxilio opprimere ceteros. Dico, neque hoc in Sacro textu reperiri. Sed demus ita esse; quis iudicet hoc fuisse peccatum tam grande, vt puniri Diluuiò vniuersali deberit? aut quis vquam dicere audeat, Deum, qui vt non semel in Psalmis legimus, iudicat populos in æquitate, voluisse simul & iniuste opprimentes & inique oppressos interimere, noxios pariter & innoxios perdere? Quoddam si hæc quorundam iniquitas generali Diluuiò punienda erat, certè & aliis temporibus, & nunc quoque tale Diluuium expectandum foret: nam quis non videat, malum hoc etiam post Diluuium, per vniuersum pænè mundum grassari numquam desisse? quin iam veluti vitium pro natura inoleuisse? Quæ enim fuere tempora, aut qui populi, quæ gens adeo sancta, in qua non aliquo modo visi sint imbecilliores à fortioribus opprimi? Sanè eleganter admodum vir ille doctissimus Alciatus, vt quàm vniuersale esset hoc malum, ac veluti quodammodò ipsi naturæ (Deo sic permittente) ingentium, indicaret; fabre in tabella depictis animalibus terrestribus, aquaticis, atque aëriis, singulisque in proprio elemento collocatis, quorum in vhoquoque genere quæ validiora erant, insectari videbantur infirma, egregium illud subiecit Emblema:

O malè tuta manens vndique debilitas!

NOMINE
FILIORVM
DEI POSTE-
ROS SETH
ESSE INTEL-
LIGENDOS.

13. Restat igitur planum & indubitatum, benè nos cum multis grauibisque Doctoribus, videlicet sancto Augustino lib. 14. de Ciuit. cap. 23. Theodoro vbi suprâ, Strabo in Glossa ordinaria, Lyrano, Hugone, Abulense, Caietano, & aliis super Genes. cap. 6. per filios Dei accepisse filios Seth; siue quia Seth, vt sub anno mundi 131. num. 8. diximus, appellatus fuit Deus, siue quia filij eius erant viri iusti, & admodum religiosi, credentes & ipsi, quemadmodum de Adamo dictum est, in Christum venturum. de huiusmodi namque dicitur Ioan. cap. 1. vers. 12. *Quotquot autem receperunt eum, dedit eis potestatem filios Dei fieri, his, qui credunt in nomine eius; qui non ex sanguinibus, neque ex voluntate carnis, neque ex voluntate viri, sed ex Deo nati sunt, &c.* siue quia propter ipsorum sapientiam & prudentiam essent veluti Principes, & ceterorum hominum Iudices, qui pariter Exod. cap. 22. vers. 8. & 9. & in Psal. 81. Dij appellantur: siue item, quia etiam essent formoso & admodum procerò corpore, vt colligit Oleaster, tum ex vi verbi Hebraici, tum etiam quia constat ex ipsis postea ortos esse gigantes. non enim inconuenit omnia hæc in filiis Seth pariter concurrisse, ac propterea nomine filiorum Dei esse nuncupatos. Per filias verò hominum, vel quæ erant de posteritate impij Caini rectè possumus debemusque intelligere, vel vniuersaliter filias hominum mundanorum, quos variis in locis describit Apostolus: ad Philipp. cap. 3. versic. 19. dicens: *Qui terrena sapiunt.* & 1. ad Cor. cap. 3. vers. 3. *Nonne secundum hominem ambulatis?* &c.

is? & cap. 2. versic. 14. *Animalis homo non percipit ea quæ sunt spiritus Dei. & sanctus Apostolus Iudas in sua Catholica vers. 19. hos vocat animales, spiritum non habentes. eosdemque increpat David in Psal. 4. vers. 3. dicens: Filij hominum, usquequò gravi corde? ut quid diligitis vanitatem, & queritis mendacium?*

14. Itaque, si, vt diximus, nomine filiorum Dei Moyses loco Genes. citato nihil aliud quàm filios seu posteros Seth indicare voluit, qui cum aliquamdiu boni extitissent, demum malis feminis copulati, paulatim præuancari cœperunt; profectò non erit valdè operosum intelligere, cur deinde iratus Deus totam terram Diluuiò obruerit. Nam cum ceteræ Adami familiæ omnes iam ad impietatem & iniquitates declinassent, sola interim Sethi posteritate in verò Dei cultu ac morum probitate perseuerante: quid mirum est si tandem, vt vidit Deus eam quoque in malis prolapsam, & consequenter totum mundum in maligno positum, iuste ipsum Diluuiò abolere curauit? Valdè ergo grauiter deliquerunt filij Seth, ita vt ipsi quodammodò fuerint primaria Diluij causa; quemadmodum etiam ex his quæ suprà num. 5. & 6. dicta sunt, deduci potest. quandoquidem ipsi scientes, aut scire debentes, verissimum esse illud quod postea Sapiens admonuit Ecclesiastici cap. 13. vers. 1. videlicet: *Qui tetigerit picem, inquinabitur ab ea: & qui communicauerit superbo, induet superbiam.* & propterea, cum pro continuanda in domibus suis hereditaria probitate ac religione, omni studio malorum commercia & consortia deuotare debuissent; & (vt à maioribus suis acceperant) deligere sibi vxores de cognatione sua, omni virtutum genere ornatas; econuersò sensualem potius concupiscentiam, quàm rectam rationem secuti, maluerunt cum perueris mulieribus (quod essent pulchræ) coniugia contrahere, non timentes sibi posterisque suis, ne (quemadmodum postea euenit) ipsi quocque pariter deprauarentur. Et hoc est quod summopere displicuit Deo: qui mox, cum videret ob pessima huiusmodi connubia, quotidie magis magisque augeri ac dilatarì in terra iniquitates, donec tandem eò ventum est, vt iam verè dici posset, omnem carnem corrupisse viam suam; vniuersali Diluuiò mundum purgare decreuit, vt suo loco dicemus.

15. Per hæc quoque circiter tempora exortos esse gigantes, ex ipso Sacro textu, præsertim Vulgato, colligi posse videtur. Nam vt omittam, quòd hæcenus gigantum Scriptura meminisse non videatur; quoniam tamen Baruch cap. 3. vers. 26. dictum sit, gigantes ab initio extitisse, nihilominus constat, illud, ab initio, ibi idem significare, quòd, ab antiquissimis temporibus, & in prima mundi ætate: certe, in eo quòd Moyses, cum dixisset Genes. cap. 6. vers. 4. *Gigantes autem erant super terram in diebus illis*, postea veluti huius dicti rationem reddens, volensque adhuc magis exprimere, quando & qualiter cœperint esse gigantes in mundo; immediate subiungit: *Postquam enim ingressi sunt filij Dei ad filias hominum, illas genuerunt: isti sunt potentes à seculo viri famosi.* Quibus vtique verbis declarare voluit, quòd ex quo copulati sunt filij Dei cum filiabus hominum, cœperunt gigni gigantes; quorum fama postmodum specialiter, ob magnam eorum potentiam, celebrata est in vniuerso mundo. Non ausim tamen negare, etiam prius aliquos fortassis extitisse gigantes; sed admodum paucos, & non adeò potentes ac famulos.

16. Sed quoniam de gigantibus variæ circumferuntur opiniones: quidam enim putauerunt eos non fuisse homines, sed potius dæmones sub humana specie, & à dæmonibus genitos: in cuius etiam rei signum aiunt, post Christum passum non ampliùs vi-
 sos esse gigantes; quoniam, inquiunt, ex tunc sublata fuit diabolo talis potestas. Nec defuerunt item magnæ alioqui auctoritatis Scriptores, nimirum Philo Iudæus in lib. de Gigantibus, & Origenes, vt ex Gennadio Episcopo Constantinopolitano refert Sixtus Senensis Annot. 76. & alij, qui nomine Gigantum, in Scripturis signari crediderunt homines, non inusitata corporis magnitudine conspicuos, vt communiter fumitur, sed tantummodò homines improbos, iniquos, crudeles, superbos, Dei osiores, & quodammodò atheistas; fortasse quòd eis videretur fieri non posse, vt in hoc mundo tam grandia hominum corpora reperirentur, quemadmodum à nonnullis proditum fuerat. Propterea operæpretium erit, Primò probare, gigantes verè fuisse homines, non autem sub humana forma dæmones; & consequenter non à dæmonibus, sed ab hominibus dumtaxat naturaliter gigni potuisse. Deinde, ex Sacris libris, & aliis probatis Auctoribus, tum antiquis, tum recentioribus, demonstrare, eosdem, de quibus agimus gigantes, fuisse quosdam homines, corporis magnitudine atque altitudine communem ceterorum hominum staturam valdè excedentes, & eiusmodi aliquos post Christum quoque passum natos.

GIGANTES
VERE EVIS-
SE HOMI-
NES.

17. Et quidem gigantes verè ac realiter esse homines, vel ex ipso aspectu patet ad sensum, & ex eorumdem actionibus evidens est: siquidem omnes ipsorum actus, tum corporales, tum mentales, sunt sicuti ceterorum hominum. Itaque si gigantes habent eandem cum ceteris hominibus operationes, ergo eandem potentias, ergo eandem naturam & formam, ergo verè & substantialiter homines sunt. Praterèa certum est, eos habere corpus aliis humanis corporibus per omnia simile, atque iisdem organis præditum; nisi quòd ceteris tantummodò proceritate præminet: atqui maius & minus in huiusmodi non variat speciem, quàm sit differentia accidentalis, non substantialis: alioqui necessariò dicendum esset, nec pygmeos verè esse homines; quod omnino absurdum foret. Nemini verò mirum videri debet, tantam in humana statura differentiam reperiri, quando idem in aliquibus quoque aliorum animalium speciebus quotidie videmus, & præsertim in specie canum, inter quos, quanto communem ipsorù magnitudinem excedunt qui è Corsica devehuntur, tanto ab ea deficiunt paruuli catelli, qui ad mulierum solatia haberi solent. Igitur si gigantes reuerà homines sunt; necessarium est, ab hominibus esse propagatos, & non à dæmonibus. Nam quæ eiusdem speciei sunt, non solum eandem habent naturam & formam, sed & causam efficientem, seu generantem, necnon & eundem quoque modum generationis; sicuti videmus in omnibus aliis vnius speciei indiuiduis. Quæ autem ex diuersarum specierum concubitu nascuntur, ab utraque differunt; vt dictum est de mulo, qui ab equa & asino, à quibus gignitur, diuersus est. Non posse verò dæmonem ex muliere quidquam generare, iam suprà num. 7. probatum est; tum quia dæmon secundum sanioiorem doctrinam incorporeus est, & consequenter semen nec habere potest, nec emitte; tum etiam quia à muliere toto genere differt, neque vllam omnino (quod attinet ad generationem) cum ea convenientiam habet. Nec obstat illud Genes. cap. 3. vers. 15. vbi ad serpentem, vel potius ad dæmonem sub forma serpentis, Dominus dixit: *Inimicitias ponam inter te & mulierem, & semen tuum & semen illius, &c.* Siquidem ibi semen sumitur pro posteritate seu filijs, & quidem (ex parte dæmonis) non carnalibus, sed spiritualibus; id est pro filiis, non per realem generationem propagatis, sed per quamdam morum similitudinem institutis: quemadmodum Ioan. cap. 8. vers. 44. vocabat Dominus Iudeos filios diaboli, non carnaliter, sed spiritualiter, dicens: *Vos ex patre diabolo estis, & desideria patris vestri vultis facere.* Vnde patet, quantum à veritate aberrauerit Franciscus Georgius à Sixto Senense Annot. 51. citatus, qui inquirens problemate 54. tomi primi, Quodnam sit semen diaboli, vniuerso hominum generi inimicum: perperam decernit, fuisse gigantes ex coitu dæmonum cum mulieribus genitos. & tomo 6. problem. 330. putat ipsos dæmones animalia esse corporea proprium semen emittentia, & ad coeundum cum mulieribus, atque ad generandum, apta. quæ omnia tamquam veræ Philosophiæ ac Theologiæ prorsus aduersantia, penitus esse explodenda, quis non videt?

QUOD GI-
GANTES
FUERINT
HOMINES
PROCE-
RAS
MAGNITU-
DINIS, PRO-
BATVR EX
SACRA SCRIP-
TVRA.

8. Quòd autem gigantes fuerint non tantum homines peruersi & impij, ac admodum potentes; sed etiam corporis proceritate admirabiles, ex aliquot Scripturæ locis manifestum est. inter quæ non in postremis ponendus videtur præallegatus Baruchi textus, qui præcisè de gigantibus huius primæ mundi ætatis loquitur, & apertè mentionem facit staturæ ipsorum, dicens: *Ibi fuerunt gigantes nominati illi, qui ab initio fuerunt statura magna, scientes bellum.* Attestantur quoque Hebræi exploratores, (Numer. cap. 13. in calce) se vidisse in terra Chanaan monstrare quædam filiorum Enac, de genere giganteo; quibus comparati, inquirunt, quasi locusta videbamur. & Deuter. cap. 2. vers. 11. fit mentio quorundam hominum adeò excelsorum, vt de Enacim stirpe, quasi gigantes, crederentur; & essent similes filiorum Enacim. & paulò post, nimirum vers. 20. de regione Ammonitarum legimus: *Terra gigantum reputata est; & in ipsa olim habitauerunt gigantes, quos Ammonite vocant Zomzomim; populus magnus, & multus, & proceræ longitudinis sicut Enacim.* & cap. 3. vers. 11. dicitur, quòd Og erat de stirpe gigantum, & quòd monstrabatur lectus eius in vrbe Rabbath ferreus, nouem cubitos habens longitudinis, & quattuor latitudinis. item 2. Reg. cap. 21. vers. 18. habemus, quòd Arapha erat de genere gigantum; & vers. 16. & 19. fit mentio quorundam Gethæorum stirpis Araphæ, videlicet de Iesibbenob, cuius ferrum hasta trecentas uncias appendebat; & de Goliath, cuius hastile hasta erat quasi liciatorium textentium; quod etiam prius dictum fuerat 1. Reg. cap. 17. vers. 4. vsque ad 8. vbi etiam additur, quòd idem Goliath erat altitudinis sex cubitorum & palmi, & quòd pondus lorice eius quinque millia siclorum aris erat, & ferrum hasta eius, sexcentos scelos habebat ferri. in lib. quoque Iudith cap. 16. v. 8. gigante-

gigantes appellantur excelsi. Ex quibus Scripturę locis manifestę apparet, gigantes fuisse quosdam mirę altitudinis ac crassitudinis homines.

19. Hoc idem ex aliis Scriptoribus ostendere possumus, præsertim ex sancto Augustino lib. 15. de Ciuitate cap. 9. vbi ait, in quibusdam temporibus & locis inuentos esse homines, qui communem ceterorum staturam in corporis magnitudine & altitudine mirabiliter exceßerunt, vt patet (inquit) de illis, quorum comparatione Hebręi veluti locustę videbantur. Et idem Sanctus ibidem testatur, suo tempore inuenta esse ossa hominum mortuorum incredibilis magnitudinis, & insuper fe aliosq; secum propriis vidisse oculis, in Vicensi littore, molarem hominis dentem tam ingentem, vt si in nostrorum dentium modulos minutatim scinderetur, centum videretur facere potuisse, eumque gigantis alicuius fuisse credit. Huiusmodi alterum non multo minorem vidi ego Vercellis, qui à tempore propemodum immemorabili pię asseruatur, ac certis temporibus ostenditur in Ecclesia nostra sancti Christophori, tamquam reliquia eiusdem Sancti, quem maximum fuisse gigantem communis opinio est. Similia de gigantum ossibus alij quoque Scriptores prodiderunt, tum veteres, tum recentiores. Nam Iosephus lib. 5. Antiq. circa initia cap. 2. de Hebronitis olim ab Israël perdomitis agens, ait: *Apud hos in eam diem superstites erant quidam de gigantum genere, statura & specie ceteris mortalibus dispares, visu simul & auditu horribiles; quorum ossa adhuc ostenduntur, qualia vix credent, qui non viderunt ipsi.* hæc Iosephus. Solinus verò cap. 5. scribit, Orestis ossa, Olympiade quinquagesima octaua Tegę à Spartanis inuenta, implese longitudinem cubitorum septem. Et subdit: *In bello Cretico, cum elata flumina, impetu plusquam vi amica inuecta, terras rupissent, post discessum fluctuum, inter plurima humi dissidia humanum cadauer cubitorum trium atque triginta fuisse reperimentum; cuius inspectioni cupidine L. Flaccum legatum, Metellum etiam ipsum impendio admodum captos miraculo, quod auditu refutarant, oculis potitos.* Et in eadem Cretę insula, scribit Plinius lib. 7. cap. 16. *terremotu rupto monte, inuentum esse corpus stans quadraginta sex cubitorum; quod alij Orionis, alij Ori fuisse arbitrantur.* Plutarchus quoque in Sertorij vita scribit, quòd in Mauritania oppido Tingi, vbi Antæum tradunt Afri conditum, eius tumulum eruit Sertorius, non habita Barbaris fide ob magnitudinem: & vt corpus offendit sexaginta cubitos (vt fama est) longum; cæcis victimis tumulum adaggerauit, honoreque & famam eius amplificauit. Antonius item Sabellicus, Enneade prima libro 1. non longè ab initio, narratum sibi ab hospite fide digno affirmat, paucis antè annis in Cretę insulę meridiana parte operarios quosdam indigenas immanis arboris truncos ad naualem fabricam radicitus euellere molientes, in humanum caput, dolij instar, incidisse; quod cum imperiti temere attrectassent, confestim putri vetustate solutum, in puluerem abiisse: ceterum dentes stupendę magnitudinis, ad Insulę magistratus delatos, rei fidem fecisse; quorum vnus Venetiis hodie (inquit) in priuata domo, pro miraculo visitur. Refert præterea Auctor Supplementi Chronicorum libro 3. de corpore Pallantis Euandri filij, à Turno olim occisi, quod anno Domini 1041. à quodam rustico non procul à Roma reperimentum sit, in magno quodam sepulchro, cum breui nominis sui inscriptione: cuius corporis altitudo (inquit) excelsorum murorum altitudinem superabat, & vulnus habebat quattuor pedibus prolixius. Sed & Symphorianus Campeius, in lib. quem inscripsit, Hortus Gallicus, rem valdè portentosam tradit; nimirum, In Sicilia ad cuiusdam montis radices, non procul ab vrbe Trapano, quosdam, veteris muri fundamenta pro domo extruenda eruentes, speluncam inuenisse amplissimam; in quam facibus accensis introeuntes, viderunt incredibilis magnitudinis hominem sedentem, ac veluti pro baculo trabem, antennę instar, tenentem: in cuius primo aspectu perterrefacti, confestim foras fugerunt: mox cum armatis denuò specum ingressi, vt quidnam illud esset certius dignoscerent, tandem cognouerunt esse gigantis defuncti corpus; quod vt primùm contingere atque attrectare cœperunt, in cinerem resolutum est, relictis ossibus vsque adeò magnis, vt eius caluaria tritici modium commodè caperet, & commensurata totius corporis longitudo, ad ducentos cubitos sese extendere videretur. Idem auctor testatur, se apud Valentiam vrbem in quodam Fratrum Minorum monasterio vidisse ossa gigantis tam grandia, quòd ad illorum rationem, statura eius quadraginta cubitos excellisse videbatur. Narrat quoque Iosephus Acofta lib. 1. suarum Historiarum naturalium & moralium Indicarum, cap. 19. etiam in America Peruuiana, quę noui Orbis pars est, reperiri quosdam ossa gigantum tantę magnitudinis, vt illos communem trium hominum nostri temporis staturam adæquasse ostendant. & addit, quòd eosdem gigantes per mare vectos illuc appulsi

EX ALIIS
AVCTORIBUS.

ANTÆI
CORPUS IN-
VENTUM.

perhi-

perhibent, & cum indigenis bellasse, ac superba quædam ædificia illic extruxisse, quæ adhuc visuntur; ac demum ob enormissima eorum, præsertim contra naturam, peccata, igne de celo missio fuisse consumptos.

20. Sed esto, in præallegatis Auctoribus (quod attinet ad tam excessivum cubitorum numerum) aliquid fortassis veluti hyperbolicè narratum, irrepsisse: non propterea tamen de gigantea quorundam hominum proceritate dubitare vilo modo possumus, aut debemus; si his quæ ex sacra Scriptura adduximus, quæ nos errare non sinunt, testimonia quoque alia posteriora addere libuerit. Certè Solinus & Plinius, locis numerè præcedenti adductis, aiunt, sub Augusto extitisse Pusionem & Secundillam, denos pedes & amplius proceritatis habentes; quorum reliquæ, inquit, adhuc in conditorio Sallustianorum videntur. Et insuper addunt, postmodum sub Claudio Principe Gabbarum nomine ex Arabia aduectum novem pedum & toridem vnciarum. Iosephus quoque 18. Antiq. cap. 6. scribit, Artabanum Parthorum regem misisse Tiberio Imperatori virum statura cubitorum septem, genere Iudæum, Eleazarum nomine. His addere possumus, quod Solinus item tradit cap. 32. Syrbotas longos esse ad pedes duodecim. Ceterum nostris temporibus, vel paulò ante, licet visa non fuerint humana corpora (quòd ipse nouerim) tam grandia, quemadmodum antiquitus fuisse leguntur (natura, vt aiunt sensim deficiente) nihilominus certum est, extitisse aliqua communem aliorum staturam valde excedentia. Nam, (vt scribit Antonius Torquemada in suo florum curiosorum Viridario, quod ipse Hispano idiomate conscripsit, & Cælius Mala(spina in Italicam linguam conuertit) vixit Iulij Papæ III. temporibus in Calabria vir tantæ magnitudinis, vt illum videndi desiderio ipsemet Pontifex Romanus adduci iusserit: & quia nullus equus aut mulus eum deferre valebat, in curru vectus, crura foris pendentia, præ longitudine corporis, proferre cogeatur: & cum esset membrorum conformitate satis proportionata, stans altiorem quemque Romæ tunc degentem à medio pectore sursum excedebat. Hoc ego facile credendum puto, quandoquidem memini me adhuc adolescentulum Mediolani vidisse hominem viuum, Pisauri, vt aiebant, natum, qui sub gigantis nomine quæstus gratiâ circumducebatur, & communi staturam dimidio ferè altior erat; cunctisque numerosissimæ illius vrbs celsioribus viris collatus, ab humero sursum eminebat. Plura gigantum, qui variis locis ac temporibus viguerunt, nomina recensuere Rauisius Textor in sua Officina, & Auctor Theatri vitæ humanæ volumine 2. in principio lib. 2. Quare, vt dicebamus, quòd variis locis ac temporibus extiterint gigantes, hoc est, homines non solum corporum robore & morum peruersitate tremendi, sed etiam corporali magnitudine admirabiles, atque alij aliis altiores; nullus (vt opinor) remanet ambigendi locus. & consequenter ex supradictis quoque apparet, futile esse & falsum, quod temerè asseruit Franciscus Georgius præallegatus; nimirum, nullos post Christum passum extitisse gigantes.

GIGANTES
CYR A DEO
FACTI.

21. Cur autem Deus tantam corporum mensuram gigantibus distribuerit, respondet Theodoretus quæst. 48. in Genes. dicens: hoc sapienter à Deo dispensatum esse, vt hinc disceremus, per facile ipsi fuisse, etiam maiores homines quàm nunc sunt creare; sed vt superbiam amputaret, & cohiberet arrogantiam, non dedisse communiter hominibus maximâ corpora. Nam si exiguis corporibus præditi, non modò contra se inuicem, sed contra Deum quoque creatorem omnium attolluntur; quid non commisitissent, si maxima corpora sortiti essent? Beatus autem Augustinus lib. 15. de Ciuit. cap. 23. prope finem capituli aliam de gigantum generatione causam affert, dicens: *Quos propterea creare placuit Creatori, vt etiam hinc ostenderetur, non solum pulchritudines, verum etiam magnitudines & fortitudines corporum non magni pendendas esse sapienti, qui spiritalibus atque immortalibus, longè melioribus atque firmitioribus, & bonorum propriis, non bonorum malorumque communibus, beatificatur bonis. quam rem alius Propheta commendans ait: Ibi fuerunt gigantes illi nominati, qui ab initio fuerunt staturosi, scientes prælium. non hos elegit Dominus, nec viam scientiæ dedit illis; sed interierunt quia non habuerunt sapientiam: perierunt propter inconsiderantiam.* Sic refert sanctus Augustinus præcitati Prophætæ verba, quæ in editione Vulgata aliquanto aliter, licet in eundem sensum recidunt, referuntur; vt videre est Baruchi cap. 3. vers. 26. vsque ad 29.

AB ORBE CONDITO ANNVS 1042.

1. **A** NNO nongentesimo duodecimo ætatis suæ circiter exacto, Seth mortuus est, Genes. cap. 5. vers. 12. & ita notatum est in tabulis.

SETH QVAN
DO MOR-
TVVS,

Vixit

Vixit ergo Seth cum	Adam	} annis	{	octingentis,
	Enos			octingentis septem,
	Cainan			septingentis decem & septem,
	Malaleel			sexcentis quadraginta septem,
	Iared			quingentis octoginta duobus,
	Henoch			trecentis sexaginta quinque,
	Mathufala			trecentis quinquaginta quinque,
	Lamech			tantum sexaginta octo,

vt ex tabulis liquidò colligi potest.

AB ORBE CONDITO ANNVS 1057.

1. **A** NNO centesimo octogesimo secundo vitæ suæ completo, Genes. cap. 5. vers. 28. (hoc est incunte anno centesimo octogesimo tertio) Lamech genuit Noë. NOE QVAM-
DO NATVS.
Quo fit, vt primus annus ipsius Noë ferè totus coinciderit cum eodem anno centesimo octogesimo tertio patris sui Lamech, vt videre est in tabulis. Vixit verò Lamech post genitum Noë, quingentis nonagintaquinque annis, & genuit filios & filias, Genes. cap. citato vers. 30. Videtur autem etiam ipse Lamech fuisse propheticò afflatus spiritu, quando filium suum, qui fuit decimus ab Adam, vocauit Noë, dicens: *Iste consolabitur nos ab operibus, & laboribus manuum nostrarum, in terra cui maledixit Dominus.* vel (vt habet lectio LXX. Interpretum) *Iste requiescere nos faciet ab operibus nostris, & à tristitia manuum nostrarum, & à terra, quam maledixit Dominus Deus.* Ex quibus verbis liquidò apparet, ipsum Lamech præuidisse, quòd iste filius suus Noë allaturus erat mundo ingentem quādam consolationem, seu quietem: & propterea appellasse cum Noë, quod quietem significat.

2. Quæ autem ista fuerit consolatio & quies, non eodem modo à sacris Doctoribus exponitur. Hieronymus Oleaster super Genes. cap. 5. ad litteram, sunt, inquit, qui putant, Noë consulaturum esse homines sui temporis, quia postea vinum inuenierit, cuius gustu homines iucundantur, & à laboribus non mediocriter leuari videntur. Alij dicunt, Lamechum spiritu diuino præuidisse, Deum filio suo Noë concessurum esse escum carniū, ex qua concessione consequeretur, non opus fore hominibus tanto labore terram colere. Et subdit idem Oleaster, alium sibi occurrere sensum, nempe, quòd Lamech intellexerit, Deum terræ, cui propter Adami & Caini peccatum maledixerat, deinceps propter ipsius Noë iustitiam benedicturum, & proinde minori negotio fore colendam, utpote, post nouam benedictionem, fecundiorē redditam. Sed hæc expositio non satis firma videtur, quoniam videmus adhuc permanere veterem illam terræ maledictionem. Nisi enim multis assiduisque laboribus excolatur, breui ex se ipsa pænè redditur infructifera: præterquam quòd multorum opinio valde probabilis est, multo feraciorem fuisse terram ante Diluuium, quàm post, propter validas Oceani inundationes, & falsedinem, qua nihil aptius est ad sterilitatem terræ induendam, vt sub anno mundi 1656. num. 8. dicemus. Diodorus Episcopus Tarsensis, vt refert Sixtus lib. 5. Bibliothecæ sanctæ Annotat. 69. & Iudaeorum Rabbini, quos citat Abulensis super cap. 5. Genes. quæst. 6. & Lyanus ibidem, interpretati sunt prædictum Lamechi vaticinium, de instrumentorum rusticorum inuentione, quia ante tempora Noë laborabant homines in colenda terra propriis corporum suorum operibus; & in hoc cultu maximè vexabantur, parumque proficiebant: Noë autem, inquit, primus fabricauit vomeres & aratra, & agriculturæ labores pro maiori parte ad bruta transtulit, iunctis bobus ad arandum, & iumentis ad onera portanda adhibitis: quo tam salubri inuento mirifice consolatus est genus humanum ab operibus & laboribus manuum suarum, quia manus hominum à duris & grauibz fodiendæ terræ laboribus liberauit. Et hæc expositio videretur valde consentanea litteræ, nisi obstaret auctoritas Iosephi, qui lib. 1. Antiq. cap. 3. dicit, Cainum fuisse primum, qui arare terram excogitauerit. obstant etiam obiectiones Burgensis in Additionibus suis contra Lyanum adductæ; vbi probat, prædictam expositionem non habere firmum fundamentum in Sacri textus littera: nam (quidquid dicat Thoringus in suis Replicis) non videtur ex sacra Scriptura colligi posse, quòd ipse Noë fuerit primus inuentor aratri, licet de eo dicatur, quòd fuit vir agricola; idem namque prius de Caino dictum fuerat.

3. At verò B. Chrysostomus Homil. 21. in Genes. multò aliter hanc Lamechi prophetiam interpretatur, nimirum de quiete seu cessatione malorum operum, per abolitionem

QVAE FVERIT ISTA
QUIES.

LAMECH
VIDETVR
EVISSE PROPHETA.

tionem hominum impiorum Diluio faciendam. Ponam hic verba ipsius, vt ex ipsius melius sententia eius percipi valeat. *Et vocauit, inquit, nomen illius Noë. Apud nos hoc nomen si quis interpretetur, quietem dicit. Quietem autem vocat, generale illud interitum post multos annos futurum, sicut & Iob dicit: Mors viro quies: quoniam valde magnus labor est malitie. Abolitionem & sublationem per Diluuium futuram, quietem vocat. Et vocauit nomen illius Noë. Consequenter appellationem nominis interpretatur, & dicit: Hic vtique quietem nobis præstabit ab operibus nostris: à malitia, inquit, desistere faciet, & à molestiis manuum nostrarum; & iterum hoc ipsum ab operibus, inquit, malis. Non enim hoc dicit, quod manus male habuerint: sed quia per illarum opera & malas actiones, molestie & tristitia auctæ sint. Et à terra, quam maledixit Dominus Deus, liberabit nos, inquit, ab omnibus malis prementibus, & terram maledictam dicit, quæ cum labore exercetur & colitur, propter protoplasti transgressionem. hæc tenus verba Chrysostomi.*

4. Sed forte præstat memoratum Lamechi vaticinium vniuersalius exponere de cunctis domis humano generi maximè vtilibus, quæ præstiturus erat mundo Deus in gratiam ipsius Noë, ex quibus quies magna & ingens consolatio homines bonos erat consecutura. Sunt autem hæc: præseruatio generis humani ab omnimodo interitu, per Arcem: mundi renouatio, & vt ita dixerim, quietatio, destructis impiis, qui eum turbulentissimum reddebant: fœdus sempiternum inter Deum & Noë ac posteros eius iustum, & arcus cælestis signo firmiter stabilitum, de non mittendis vltra aquis Diluij ad delendam vniuersam terram. His addere possumus nouam benedictionem ipsi Noë & successoribus eius à Deo collatam, & confirmationem vniuersalis dominij super cuncta animantia, & concessionem esus carniū; quæ non parum agriculturæ labores minuere poterat: & si placet, etiam adinventionem potus vini, ab ipso Noë non sine Dei instinctu excogitatam: & si quæ sunt huiusmodi alia. hæc siquidem in causa fuerunt, vt postea homines multo tempore, in terra prius maledicta, postmodum verò pluribus hisce benedictionibus donata, cum magna corporis & animi quiete, securitate, & consolatione, vitam ducerent.

5. Itaque Lamech, qui prius ob nimiam hominum malitiam, quæ tunc in vniuersa terra grassabatur, & cuncta perturbabat, valde angebatur animo, & iustam Dei vindictam, imminentemq; totius mundi interitum Diluio futurum, & iam multò antè ab Adam prænuntiaturum, meritò pertimescebat; cum in ortu filij sui diuino afflatus spiritu prauidisset, eum euasurum in virum iustum atque perfectum, qui dignus aliquando foret inuenire gratiam coram Domino, & prædicta dona adeo vniuersalia & cunctis profutura à Deo obtinere ad suam suorumque consolationem: propterea, vt hæc mundo non semel indicaret ac prædiceret, imposuit huic paruulo suo nomen Noë, quod quietem significabat, eamdemq; temporibus suis certò futuram præmonstrabat: vt vel sic (quemadmodum bene loco præallegato notat B. Chrysostomus) mox, vt quis nomen pueri sciscitatus esset, ex interpretatione vocabuli, quod futurum erat, cognosceret; & deinceps etiam ex frequenti huius nominis appellatione, quod fortè obliuioni traditum esset, denuò in memoriam tempestiue ac intempestiue reuocari posset, & altius in hominum cordibus insigi.

A B O R B E C O N D I T O A N N V S 1140.

I. A N N O ætatis suæ nongentesimo quinto circiter expleto, Enos mortuus est, Genesis cap. 5. versic. 11.

ENOS QUANDO MOR-
TVVS, ET
QVIBVSQVEM
ET QVAM-
DIV VIXE-
RIT.

Vixit ve- rò Enos cum	{	Adam	} annis	sexcentis nonaginta quinque,
		Seth		octingentis septem,
		Cainan		octingentis quindecim,
		Malaleel		septingentis quadraginta quinque,
		Iared		sexcentis octoginta,
		Enoch		trecentis sexaginta quinque,
		Mathusala		quadringentis quinquaginta tribus,
		Lamech		ducentis sexaginta sex,
		Noë		octoginta quatuor,

vt ex tabulis liquidò colligi potest.

A B O R B E C O N D I T O A N N V S 1235.

I. A N N O vitæ suæ nongentesimo decimo circiter expleto, Cainan filius Enos mortuus est, Genesis cap. 5. versic. 14.

CAINAN
QUANDO
MORTVVS,

Vixit

Vixit autem Cainan cum	Adam	} annis	sexcentis quinque,		ET QVIBVS- CVM, QVAM- DIVQ. VI- XERIT.
	Seth		septingentis decem & septem,		
	Enos		octingentis quindecim,		
	Malaleel		octingentis quadraginta,		
	Iared		septingentis septuaginta quinque,		
	Henoch		trecentis sexaginta quinque,		
	Mathufala		quingentis quadraginta octo,		
	Lamech		trecentis sexaginta vno,		
	Noë		centum septuaginta nouem,		

vt apparet ex tabulis.

AB ORBE CONDITO ANNVS 1290.

1. **A**NNO octingentesimo nonagesimo quinto atatis suæ circiter completo, Mala- MALALEEL
leel mortuus est, Genes. cap. 5. vers. 17. QVANDO
MORTVVS,
ET QVIBVS-
CVM, QVAM-
DIVQ. VI-
XERIT.

Vixit itaque Ma- laleel cū	Adam	} annis	quingentis triginta quinque,		MALALEEL QVANDO MORTVVS, ET QVIBVS- CVM, QVAM- DIVQ. VI- XERIT.
	Seth		sexcentis quadraginta septem,		
	Enos		septingentis quadraginta quinque,		
	Cainan		octingentis quadraginta,		
	Iared		octingentis triginta,		
	Henoch		trecentis sexaginta quinque,		
	Mathufala		sexcentis tribus,		
	Lamech		quadringentis sexdecim,		
	Noë		ducentis triginta quatuor,		

vt videre est in tabulis.

AB ORBE CONDITO ANNVS 1422.

1. **A**NNO vitæ suæ nongentesimo sexagesimo secundo circiter defluxo, Iared mor- IARED
tuus est, Genes. cap. 5. vers. 20. QVANDO
MORTVVS,

2. Quæ verò alia, præter prædictorum generationes obitusque Patriarcharum, & alia à nobis hæcenus recensita, acta sint, ab ortu Seth usque ad obitum Iared; spatio scilicet annorum mille ducentorum nonaginta duorum, Scriptura sacra non exprimit.

Porro Iared vixit cum	Adam	} annis	quadringentis septuaginta,		QVIBVS- CVM, ET QVAM- DIVQ. VI- XERIT.
	Seth		quingentis octoginta duobus,		
	Enos		sexcentis octoginta,		
	Cainan		septingentis septuaginta quinque,		
	Malaleel		octingentis triginta,		
	Henoch		trecentis sexaginta quinque,		
	Mathufala		septingentis triginta quinque,		
	Lamech		quingentis quadraginta octo,		
	Noë		trecentis sexaginta sex,		

vt in tabulis experiri quisque poterit.

AB ORBE CONDITO ANNVS 1537.

1. **A**NNO vitæ Noë quadringentesimo octogesimo primo circiter inchoante, videns DILUVII
Deus terram esse corruptam, comminatus est disperdere eluione vniuersali COMMINA-
TIONE.
omnem carnem; indulgens tamen hominibus dilationem centum viginti annorum, ad ipsorum conuersionem, vt scilicet interim à peccatis resipiscentes pœnitentiam agerent, & sic diuinam experiri miserationem possent, quæ non vult mortem peccatorum, sed vt magis conuertantur, & viuam, & semper parata est mutare sententiam, si ipsi mutare vitam non negligant, vt manifestè ostendunt Manassis, Niniuitarum, & aliorum pœnitentia ac conuersio. Sanè hoc quod diximus, satis manifestè colligi potest ex illis verbis, quæ habentur Genes. cap. 6. vers. 3. Dixitq. Deus: Non permanebit spiritus meus in homine in æternum, quia caro est; eruntq. dies illius centum viginti annorum. id est, non sinam homines viuere in æternum in peccatis eorum, sed adhuc expectabo eos ad pœnitentiam per annos centum viginti, à tempore scilicet huius comminationis inchoandos; quibus exactis, destruam eos vniuersali Diluuiio. In hoc etenim sensu constat præallegata Genes. verba fuisse accepta & exposita à primariis Doctoribus, & sanctæ Ecclesiæ Patribus, B. Chrysostomo Homil. 22. in Genes. B. Hieronymo in Translatione. SACR. Tom. 1.

EXPLICA-
TUR TEXTVS
GENES.

ditionibus Hebraicis in Genes. & super Danielis cap. 9. sancto Augustino lib. 15. de Ciuit. cap. 24. & venerabili Beda super Genes. cap. 5. & aliis nonnullis. Tametsi non desint alij magni nominis Scriptores, tum veteres tum recentiores, nempe Philo in libro de Gigantibus, & Iosephus 1. Antiq. cap. 4. non longè ab initio, & Lactantius lib. 2. Diuinarum institutionum cap. 14. & Diodorus Tarsensis, apud Lipomanum in Catena citatus, & Rupertus lib. 4. in Genes. cap. 13. & Abulenſis super cap. 6. Genes. quæst. 11. qui perperam putant, eisdem Scripturæ verbis contractam esse hominum vitam ad illos centum viginti annos. Hos manifestè ipsamet Scriptura sacra redarguit, quæ nulum in tota primæ & secunda mundi ætate commemorat, qui tam paucis vixerit annis; & plures qui ad multos annorum centenarios vitam produxerunt, vt videre est Genes. cap. 5. & cap. 11. vbi tradit omnes secundæ ætatis Patriarchas ibidem recensitos, longè prædictum centum viginti annorum numerum excessisse; & aliquos quidem plus ducentis annis, aliquos supra trecentesium, & etiam vltra quadringentesimum vitam annu fuisse superstites. Sed & in tertia mundi ætate, constat, non paucos multò plures quàm centum viginti vitæ annos habuisse: nam Abraham erat annorum centum septuaginta quinque quando mortuus est, Gen. cap. 25. vers. 8. & similiter Ismaël centum triginta septem, ibidem vers. 17. & Isaac centum octoginta, cap. 35. v. 28. & Iacob centum quadraginta septem, cap. 47. vers. 28. quando mortui sunt: Leui quoque vixit annis centum triginta septem, vt habetur Exod. cap. 6. vers. 16. & Caath filius eius annos centum triginta tres, ibidem vers. 18. & Amram annos centum triginta septem, vers. 20. Maria etiam soror Moysis, quæ proximior fuit quartæ mundi ætati, vixisse creditur annis secundum aliquos centum triginta quinque: quamuis nos putemus, eam è vita excessisse anno ætatis suæ centesimo vigesimo septimo circiter incipiente; vt notatum est in tabulis. & certum est, Ioiadam Pontificem in quinta mundi ætate annos vitæ centum triginta exegisse, 2. Paralip. cap. 24. vers. 15. Quare patet, vanum esse & falsum, asserere, Deum prædictis verbis voluisse deinceps vitam hominum ad centum viginti annos contrahere, & nos infra sub anno mundi 1656. num. 3. vsque ad 6. plurimos alios recensebimus, qui post hæc tempora vitam ad longè plures quam centum viginti annos produxerunt.

2. Quòd si diuinam hanc sententiam, quam constat ante Diluuium fuisse pronuntiatam, aliqui nihilominus in sensu à nobis hætenus refutato intelligendam, & non ad primæ neque ad secundæ neque ad tertiæ mundi ætatis tempora, sed ad ea dumtaxat, quæ circiter initia quartæ mundi ætatis fluxerunt, pertinuisse contendant; quoniam tunc Aaron, Moyses, & Iosue, & alij paulò plus minùve centum viginti annis vixisse leguntur: ad quid, obsecro (respondeant velim) ante Diluuium fieri debuit talis illorum vitæ hominum taxatio, qui tanto post, & non potius illorum qui tunc nati, vel proximè nascituri erant? vel si ad tam longinqua tempora respiciebat illa prædictio; cur id aliquo modo in littera non indicatum fuit? vel dilata saltem talis pronuntiatio, vsquequò statim, vel paulò post, implenda foret? Præterea cum certum sit, diuersis temporibus variè vitas hominum fuisse restrictas, & à Diluuiò vsque ad Dauidem, sensim quidem, sed valdè admodum esse abbreviatas: si aliqua vsque ab initio prænuntianda erat, cur non magis prænuntiata fuit postrema illa humana vitæ restrictio, quæ postea vniuersalior ac diuturnior fuit: nimirum, quæ à temporibus Davidis vsque nunc, per aliquot annorù millenarios perdurasse videtur; cuius meminit idem David in Psal. 89. vers. 10. dicens: *Dies annorum nostrorum in ipsis*, (id est vniuersaliter in hominibus) *septuaginta anni; si autem in potentatibus*, (hoc est, in robustioribus) *octoginta anni, & amplius eorum, labor & dolor*. quod nunc quoque communiori didicimus experientia. Igitur, reiecta huiusmodi opinione, firmiter teneamus, diuinam de qua agimus sententiam, ad tunc, quando à Deo pronuntiata fuit, viuentes pertinuisse, quos proculdubio post centum viginti annos Diluuiò interituros esse prænuntiavit.

3. Verùm quia de tempore huius comminationis illud inter S. Hieronymum & beatum Augustinum dissidet, quòd S. Hieronymus putat factam anno quingentesimo vitæ Noë, sed postea Deum abbreviasse hoc tempus, amputatis viginti annis. quam sancti Hieronymi opinionem comprobare nititur Hugo Cardinalis exemplo Ezechiaz, cui pœnitenti adiecit Dominus annos vitæ quindecim, 4. Reg. cap. 20. vers. 6. S. verò Augustinus tenet, factam fuisse anno quadringentesimo octogesimo vitæ ipsius Noë (intellige, expleto.) Nos libentius hac in parte secuti sumus S. Augustini sententiam: quia Deus, qui longanimis est, & præstabilis super malitia hominum, & ad hunc finem prædicat quæ missurus est flagella, vt inducat expectetque peccatores ad pœnitentiam; so-

let quidem addere ad miserationes suas, vt in casu Ezechia, & aliis; & contrahere item tribulationum durationes, iuxta illud Matth. cap. 24. vers. 22. *Nisi breuiati fuissent dies illi, non fieret salua omnis caro; sed propter electos breuiabuntur dies illi.* At verò dilationes, ad conuersionem peccatorum expectandam semel indultas, abbreviare non consuevit pius & misericors Dominus, sed interdum potius elongare; vt planè insinuat Parabola, quæ habetur Lucæ cap. 13. vers. 6. de ficulnea, quæ triennio sine fructibus inuenta, tandem iussa est succidi; verumtamen adhuc aliquatulum referuata est, ad intercessionem cultoris dicentis: *Domine dimitte illam & hoc anno, vsque dum fodiam circa illam, & mittam stercora: & siquidem fecerit fructum; sin autem, in futurum succides eam.* & præterea quia nihil prohibet dicere, Diluuium comminatum esse anno quadringentesimo octogesimo vitæ Noë. quod enim prius Scriptura Genes. cap. 5. vers. 31. dixerit, Noë cum quingetorum esset annorum, genuisse Sem, Cham, & Iapheth; rectè accipi potest, fuisse per figuram anticipationis præmissum: vel etiam (vt ait sanctus Augustinus lib. 15. de Ciuit. cap. 24.) credere possumus, Scripturam, annos vitæ Noë quadringentos octoginta, appellasse quingentos, vsurpando (vt interdum solet) numerum perfectum pro imperfecto. & in hoc sanctum Augustinum potius quàm sanctum Hieronymum sequuntur, Beda vbi suprâ, & Abulensis super cap. 6. Genes. quæst. 11. & super cap. 11. quæst. 17. & Lipomanus in Genes. & alij.

AB ORBE CONDITO ANNVS 1557.

1. **N**OË, cum quingetorum esset annorum, hoc est, cum compleuisset annum vitæ quingentesimum, inchoante nimirum quingentesimo primo, genuit Sem, Cham, & Iapheth, Genes. cap. 5. vers. 31. Quæ verba B. Chrysostomus Homil. 24. in Genes. prout sonant, admodum stricte intelligit: nimirum, Noë hostantummodò tres filios in tota vitæ sua, nec ante quingentesimum ætatis suæ annum, genuisse. atque hinc occasionem arripit, excellentem huius viri continentiam commendandi, qui, cum tantæ intemperantiæ dediti essent omnes huius temporis homines, manserit solus continentia virtutem strenuè seruans, donec ad quingentesimum annum peruenit. Considera, inquit, quantæ fuerit virtutis, in tantam temporis longitudinem concupiscentia rabiem refrænare, viamq; longè diuersam ab aliis ingredi, nec solum ab illicito coitu se cohibere, sed etiam à legitimo & inculpato. hæc ille. Verumenimverò, non videtur ex allegatis aliisve vllis sacrae Scripturæ verbis conuinci posse, ipsum Noë, non alios ante & post quingentesimum vitæ annum filios procreasse: alioquin in aliis quoque primæ & secundæ mundi ætatis generationibus, si præcisè ad litteram, quæ scripta sunt, accipienda forent, oporteret fateri, totam illam generationum seriem, quæ describitur Genes. cap. 5. & 11. (prima dumtaxat, quæ de ortu Seth loquitur, excepta) per solos primogenitos esse deductam: quod sub anno mundi 131. num. 3. refutauimus. Quare quemadmodum credibilius videtur, ipsum Seth ante centesimum quinarum vitæ annum, in quo dicitur genuisse Enos, plures quoque alios generasse, & similiter Enos ante annum nonagesimum, & sic de aliis, vt sub anno mundi proximè allegato diximus: ita & Noë ante quingentesimum. Durum namque nimis videretur dicere, ipsum Noë aut prius tanto tempore fuisse impotentem, aut mansisse quingentorum annorum spatio sine vxore ac liberis infecundum, aut continentia studio tamdiu ab vsu coniugij, de vxoris consensu (aliter enim sine culpa fieri non potuisset) abstinere voluisse; illis præcipuè temporibus, in quibus ipse generationis actus pro humano genere multiplicando non modò valde honestus erat atque laudabilis, sed & à cunctis, etiam sanctis viris, valde expetendus videbatur, ita vt etiam Henoch, qui propter singularem vitæ sanctitatem à communi morte vsque hodie mirabiliter præseruatus, atque ad singulare quoddam vitæ genus à mortalibus separaturn translatus à Deo est, vacasse generationi anno vitæ suæ sexagesimo, & deinceps filios procreasse legatur, & fortè etiam ante. Etenim tunc temporis abstinentia ab actu coniugali diuinæ repugnare ordinationi quodammodò credebatur, quæ hominum multiplicationem tantopere commendauerat, & vt quancocys terra hominibus repleretur se exoptare, non obscurè indicauerat. Quare credendum est, sanctissimos illius temporis viros, existimantes Deo se rem valde gratam facturos, liberorum procreationi vacare nec omisisse, nec diutius distulisse. Non igitur satis firmum videtur esse Hieronymi Oleastri fundamentum super Gen. cap. 5. ad mores; ex quo elicit, debere nos exempla fumere castitatis & continentia à priscis illis Patribus, qui non nisi circiter centenarij generationi operam dabant, & præcipuè ab ipso Noë, qui quingentis annis, inquit, calibem vitam egit.

NOE ANSO-
LOS TRES
GENVERIT
FILIOS IN
SACRO ELO-
QVIO NO-
MINATOS.

quod iis quæ à nobis prædicta sunt admodum repugnare manifestum est. Credimus item decipi Abulensem, qui exponens memorata Genes. verba: *Noë cum quingentorum esset annorum, genuit Sem, Cham, & Iapheth.* probare nititur, ipsum neque ante quingentesimum vitæ annum genuisse, neque post, præter tres prænominatos. Quia, inquit, in prioribus generationibus, Scriptura sacra solos eos commemorat, per quos recta ad generationem Noë peruenitur, aliis omisiss: hic autem non necesse erat sic facere, quoniam non intendebat deducere genealogiam ipsius Noë per hos tres filios ad aliquem terminum, vel terminos. Nam si dicis, ad Abraham. utique ad ipsum peruenitur per solam progeniem vnus ex istis, nempe Sem. ergo (subinfert Abulensis) nominauit Scriptura tres, quia Noë nullos alios genuit. Sed, pace tanti viri dixerim, non tenet illatio. potest enim alia assignari ratio, cur tres tantum illos, & non plures neque pauciores nominauerit: quam si quis percunctetur, dici poterit, ceteris Noë filiis consultò præteritis, horum dumtaxat trium meminisse, propterea quod Sem necessariò erat commemorandus; quia per ipsum texenda erat posterorum eius genealogia vsque ad Abraham, Isaac, & Iacob, vel etiam ab aliis sacris postea Auctoribus, vsque ad Christum: Cham verò & Iapheth non erant prætermittendi, quòd pariter cum ipso Sem, soli de omnibus filiis Noë ante Diluuium genitis, cum patre præseruati à Diluuiò fuerint in Arca; ac per ipsos deinde reparatum sit genus humanum, ab ipso Diluuiò iam pænè extinctum. Neque verò quemquam mouere debet alia eiusdem Abulensis ratio, nempe Deum noluisse, propter bonitatem ipsius Noë, quòd aliquis de semine eius Diluuiò deperiret; & idcirco permisisse vt alios ipse filios non gigneret, ne fortè inter eos aliqui fierent improbi, & ex eorum postea interitu Noë nimium affligeretur. Hoc siquidem gratis dicitur. Quis enim nouit sensum Domini? Sed quis est qui nesciat, de iustis quoque viris improbos interdum esse exortos? veluti de Isaac, Esau; de Dauid, Absalom; de Iosia, Ioachim, &c. Quin etiam constat, ex tribus hisce filiis Noë, Cham fuisse improbum, ac propterea à patre in filio Chanaan maledici meruisse. Quare si Deus noluisset contristare ipsum Noë, ita potuisset præseruare alios eius filios, licet improbos, in Arca, sicut ipsum Cham. Denique si quis adhuc instet, certum esse quod Genes. cap. 7. v. 1. habemus, Deum dixisse ipsi Noë: *Ingrederere tu, & omnis domus tua in Arcam.* & quòd vers. 13. aperte traditur, in eandem Arcam tantummodò ingressos esse Noë, Sem, Cham, & Iapheth, filios eius; vxorem illius, & tres vxores filiorum eius, nimirum, (vt dicitur 1. Petri cap. 3. vers. 20.) *pauci, id est octo anime saluæ factæ sunt per aquam.* ergo signum est, non alios filios, saltem ante Diluuium, à Noë fuisse genitos. Ad hoc dicimus, non necessariò id sequi; quia nihilominus fieri potest, vt Noë plures alios genuerit, qui pariter ante Diluuium vel mortui sint, vel quòd à paterna pietate descuiissent, etiam ab eius domo manumissi recesserint, & sic desierint esse de domo Noë; ac tandem cum aliis improbis Diluuiò interierint.

TRES FILII
NOE NVM
EODEM AN-
NO, AN
QUANDO
GENITI.

2. Ceterum, non putandum est, hosce tres filios Noë eodemmet anno fuisse genitos. Videtur enim fieri non posse, vt ex iisdem parentibus vno anno tres sint geniti, nisi eodem partu omnes editi fuissent. At hoc videtur aduersari Scripturæ Genes. cap. 9. vers. 24. vbi Cham appellatur filius Noë minor, & cap. 10. vers. 21. vbi, in editione Vulgata, Sem dicitur frater Iaphethi maior. Quæ voces, maior scilicet & minor, præsertim inter fratres, ordinariè ad ætatem referri solent. Sed, vt arbitror, Scripturæ sensus est, quòd Noë quingentorum erat annorum, quando prædictos tres filios generare cœpit: ita vt ad huius textus veritatem sufficiat, quòd vnus ex memoratis filiis, puta Sem, vel (vt Hebræi putant) Iapheth, anno vitæ Noë quingentesimo expleto sit genitus; ceteri verò successiue deinceps. Nam & de Sem Genes. cap. 11. versic. 10. legimus, quòd centum erat annorum biennio post Diluuium. ex quo inferri potest, ipsum esse natum circa finem anni vitæ Noë patris sui quingentesimi secundi, vt etiam sub annis mundi 1559. num. 1. & 1659. num. 2. dicimus.

NOE INVE-
NIT GRA-
TIAM CO-
RAM DEO.

3. Per eadem quoque circiter tempora credimus Noë inuenisse gratiam in conspectu Domini, qui, vt dicitur in Psalm. 13. vers. 2. de cælo prospiciens super filios hominum, vt videret si esset intelligens aut requirens Deum, ex omnibus in terra tum viuentibus vnicum ferè Noë iustum atque perfectum inuenit. Iustum, quia ad normam verè iustitiæ iurisque diuini in omnibus se gerere studebat. Perfectum, siue aliorum comparatione; vel potiùs, quia totis viribus ad veram vitæ perfectionem tendere nitebatur: quandoquidem ipse in tanta humani generis corruptela pænè solus cum Deo ambulabat, hoc est, ea circumspectione in cunctis operibus, verbis, & cogitationibus suis procedebat, ac si, vt dicitur in Psalm. 5. vers. 8. prouideret Dominum in conspectu suo

fuio semper, ipsumque tamquam speculatorem desuper adstantem perpetuo attenderet, qui se diebus omnibus actusque suos prospiceret, obseruaretque à luce prima in vesperum, & è conuerso. Sanè illud viri huius perfectionem valde magnificat, quòd, ut postea dicebat de sancto Iob B. Gregorius initio suorum Moralium, *Non admodum laudabile est, bonum esse cum bonis; sed bonum esse cum malis. Sicut enim grauioris culpe est, inter bonos bonum non esse; ita immensi est preconij, bonum etiam inter malos extitisse.* Diximus, Noë panè solum inuentum fuisse iustum; quia num etiam vxor, & postea filij eius, & vxores eorum, tales fuerint: an verò ob iustitiam ipsius Noë, & in eius gratiam saluari à Diluuiio fuerint; non vsquequaque exploratum videtur. Nam etsi probabile sit, vxorem quoque eius ac liberos cum vxoribus suis fuisse probitate insignes, ac propterea solos cum patre ipsorum Noë Diluuiio non fuisse deletos: nihilominus ex Genes. cap. 7. vers. 1. vbi legimus: *Dixit Dominus ad eum* (nempe ad Noë) *Ingredere tu, & omnis domus tua, in Arcam: te enim vidi iustum coram me in generatione hac.* videtur potius indicari, solum Noë ob suam iustitiam meruisse à Diluuiio præseruari; domum verò eius, ad consolationem capitis, & ad faciliorem hominum reparationem, cum ipso fuisse seruata. Siquidem reddens rationem huius indultæ salutis Dominus, iustitiæ folius Noë mentionem facit. Quamquam non absurdum etiam videri possit arbitrari, coniugem ipsius Noë, & filios ac vxores eorum, respectu quidem Noë, non fuisse iustos; & ideo de solo Noë dici, *Te enim vidi iustum coram me in generatione hac.* Sed in comparatione aliorum fuisse bonos, vel saltem non malos, aut certe nullum ipsorum adeò peruersum, sicuti erant ceteri qui tunc viuebant homines.

4. Igitur eodem tempore, cum scilicet Dominus vidisset, quòd homines vitæ longitudine ad flagitia abuterentur, & iam totam ferè terram, hoc est hominum genus, siue carnem esse corruptam, (*omnis quippe caro corruerat vitam suam super terram*) dixit ad Noë: *Finis vniuersæ carnis venit coram me: repleta est terra iniquitate à facie eorum, & ego disperdam eos cum terra. Fac tibi arcam, &c.* Genes. cap. 6. vers. 12. Et est ac si dixisset: Quoniam, ut vides, ô Noë, *non est veritas, & non est misericordia, & non est scientia Dei in terra:* quinimmo, *maledictum, & mendacium, & homicidium, & furtum, & adulterium;* & omnia panè alia peccata inundauerunt, & sanguis sanguinem tetigit, hoc est, apposuerunt iniquitates super iniquitates eorum. (*tunc enim sanguinem tetigit, quando peccato peccatum additur, ut ante Dei oculos adiunctis iniquitatibus anima cruentetur.* sic B. Gregorius Homil. 11. in Ezechielem.) *Propter hoc lugebit terra,* Osee cap. 4. vers. 2. quia, ut aliàs à me prænuntiatum fuit, inundabunt aquæ super terram; statui enim disperdere vniuersali Diluuiio omnem carnem. Tu verò scito, inuenisse te gratiam coram me: propterea ex omnibus qui in mundo sunt hominibus te solum, cum modica familia tua, quæ tecum reperietur, veluti quoddam humani generis seminarium, referuare decreui. Itaque facti tibi Arcam præcisè ad formam mensuram; à me præscribendas, (de quibus nos paulò inferius agemus) ut cum diuinæ huius vindictæ tēpus à me præfinitum aduenierit, tu tuique in eam ingressi, ab aquis super vniuersam terram vehementer inundantibus incolumes seruari valeatis. Ex his & eiusmodi aliis sub anno mundi 1537. num. 1. dictis, intueri licet, quàm temerè Berosus ille Annianus & fictitius scripserit, ipsum Noë ex quadam siderum obseruatione præuidisse eluuiionem mox futuram, ac propterea nauigio sibi suisque prospexisse. Sic solent impij tribuere astris, naturæ, casui, seu fortunæ, vel etiam humanæ industriæ, quæ à Dei voluntate, gratia, aut iustitia proficisci certissimum est, ut benè notat Genebrardus lib. 1. suæ Chronologiæ.

5. Eodem anno necesse est ipsum Noë cœpisse Arcam fabricare, si vera est illa iam panè ab omnibus recepta vetus Patrum sententia, quòd scilicet centum annis extructa fuerit, ut tradunt Origenes lib. 4. contra Celsum, & sanctus Augustinus lib. 15. de Ciuit. cap. vlt. & lib. 12. contra Faustum cap. 18. & idem supponit tamquam verissimum in Quæstionibus in Genes. quæstione 5. vbi quærit, quomodo potuerit Arca tam magna fieri centum annis, à quattuor hominibus? & respondet quæsito, Non magnum esse, Noë fabros alios conduxisse, qui tamen mercede accepta, nihilque aliud curantes, ob eorum incredulitatem non intrarunt. Clarius item quæstione 23. de eadem Arca verba faciens: *Centum, inquit, annis facta reperiatur.* Eamdem opinionem sequuntur B. Gregorius Homil. 15. in Ezechielem; & Rupertus lib. 4. in Genes. cap. 20. & alij posteriores ferè omnes. nec immeritò. Nam si anno vitæ suæ quingentesimo exacto, iustus est Noë fabricare Arcam: vtique credendum est, ipsum, qui iustus erat atque perfectus, illicò Domini iussa exequi cœpisse: ab hoc verò anno ad initium Diluij, certum est, centum annos integros intercessisse. Neque obstat quod legimus

AN SOLVS
NOE INVEN-
TVS SIT
IYSTVS.

PRÆCIPIT
DOMINVS
NOE VT FA-
CIAT AR-
CAM.

ARCA QUAN-
DO CŒPTA
EST FABRI-
CARI.


Genes. cap. 6. vers. 18. *Ponamq; fadus meum tecum; & ingredieris Arcam tu, & filij tui, vxor tua, & vxores filiorum, tecum, & quæ sequuntur.* Nam si quis putet inde colligi posse, quòd hæc & paulò ante memorata dixerit Dominus ipsi Noë, non anno vitæ eius quingentesimo, quando filij eius, vt dictum est, nondum omnes nati esse poterant, nedum vxorati; sed post aliquot annorum decades, quando scilicet postmodum viri facti iam duxerant vxores: respondemus, id nequaquam debere admitti, quandoquidem ex ipso contextu Sacro apparet, prædicta omnia, hoc de quo nunc agimus anno, à Deo prolata esse; nimirum quando Noë gignere cœpit tres filios ibidem nominatos, quos suprà genuisse seu gignere cœpisse anno ætatis suæ quingentesimo Scriptura iam expresse rat. Verum tamen est, quòd præter ea quæ ibi præcipit Deus de Arca tunc fabricanda, reliqua fere omnia (quod spectat ad executionem) non ad idem tempus, sed ad mox futurum, videlicet ad Diluuium proximum, sunt referenda; quando nimirum constat, filios Noë vxores iam duxisse, propterea in Textu legimus: *Et ego disserdam eos cum terra.* Ecce ego adducam aquas Diluuij super terram. *Ponamq; fadus meum tecum, & ingredieris arcam tu, & filij tui, &c.* ex quibus sit manifestum, quod hæc & similia in posterum, nempe Diluuij temporibus, implenda fore, hic prænuntiantur.

DE ARCAE
STRUCTURA.

6. Porro de structura huius Arcaë pauca quædam, & tantummodò quæ necessaria videntur, hoc loco breuitati consulentes, dicere operæpretium duximus: videlicet, de mensuris in ea ædificanda diuinitus præscriptis, de forma seu figura ipsius exteriori, & de interiori partium eius dispositione. Qui enim plura desiderat, videre poterit egregium Ioan. Butconis libellum, quem de Arca Noë insensit, in quo multa sanè scitu digna complectitur, quæ fusiùs prosequitur Pererius lib. 10. & 11. Commentariorum suorum in Genes. existat etiam Ariæ Montani libellus in suo Bibliorum Regiorum Apparatu insertus, qui inscribitur Noah, id est De fabrica & forma Arcaë, non contemnendus. Itaque quod attinet ad mensuras, dubitare nemo debet, quin Noë fecerit Arcam præcisè intus longam cubitis trecentis, latam quinquaginta, & altam triginta; quemadmodum præceperat ei Dominus Genes. cap. 6. vers. 15. Et talis (inquit sanctus Augustinus lib. 15. de Ciuit. cap. 26.) est humani corporis supinè iacentis proportio; siquidem longitudo eius sextupla est ad latitudinem, decupla verò ad altitudinem seu profunditatem, si rectâ lineâ longitudinem eius dimetiamur à summo vertice ad pedum plantas, latitudinem ab extremitate alterius humeri ad alterum; & profunditatem à summitate pectoris ad dorsi superficiem, vt figura hîc posita declarat. Propterea enim non quadratæ prorsus, aut alterius figure fieri Arca debuit, sed tanto latitudine longior, vt dictum est. Neque item eiusdem Arca longitudinem extremitates in acutum terminari oportuit; quia non ad iter per aquas faciendum (vt longæ naues) confici debebat, sed tantummodò, vt aquis supernatans, in ipsa existentes à Diluuiio præseruaret.

DE ARCAE
MENSURIS.

Mensura trecentum cubitorum.



QVALES ES-
SENT CVBI-
TI

7. Verum si quis percunctetur, cuiusnam longitudinis essent illi cubiti, respondeo, varias esse hac de re sententias. Quidam enim veriti, ne si dixerimus mensuram cubiti, quo vsus est Noë, fuisse vulgarem, quam definiunt esse sesquipedalem, Arca nimis arcta & angusta euasisset, neque tot animantium genera, escaeque pro illis integro anno alendis, commodè capere potuisset: vt hanc hæreticorum calumniam declinarent, in alteram huic oppositam inciderunt. Nam dicentes, Moysen loqui de cubitis Geometricis, quorum singuli (inquiunt) sex ex nostris sesquipedalibus continent; ansam aliis hæreticis præbuerunt irridendi huiusmodi cubitos, ex quibus profectò totum

totum Arcæ ædificium ad tam vastam magnitudinem excreuisset, vt vix credi posset, humanis viribus tale quid vniquam compingi potuisset: præterquam quòd superuacanea quoque fuisset tanta eius amplitudo, & nullatenus supponendum est, Deum superflua aut pænè impossibilia iussisse. Quòd si Moyses in Arcæ fabrica de talibus cubitis egisse deberet intelligi, vtique eodem modo videretur intelligendus, vbicumque de cubitis absolute & sine vlla alia circumstantia mentionem facit: nulla enim ratio suadet, quòd magis hîc de cubitis Geometricis loqui voluerit quam alibi: atqui hoc posito, plura sine dubio sequerentur absurda. Nam Exod. cap. 27. vers. 1. de Altari construendo agens, dicit, illud debuisset fieri altum tribus cubitis, qui si essent Geometrici, facerent altitudinem ipsius decem & octo cubitorum sesquipedalium; & consequenter, ad ipsum non nisi per scalas & gradus ascendi potuisset, contra expressum Domini præceptum, quod habetur Exod. cap. 20. in fine, vbi ait: *Non ascendes per gradus ad Altare meum.* Præterea 1. Reg. cap. 17. vers. 4. habemus, quòd proceritas stature Goliath gigantis erat sex cubitorum & palmi: quæ si de cubitis Geometricis intelligenda foret, oporteret ipsum Goliath fuisse altum triginta sex cubitis sesquipedalibus & palmo, & consequenter caput eius habuisset altitudinis sex fere cubitos communis, sicque fuisse maius toto Davidis corpore, & propterea videretur non posse credi, quòd vers. 54. citati capitis legimus, nimirum Dauidem assumpsisse caput Goliath, & tulisse illud in Ierusalem; & vers. 57. cum eodem capite in manu coram Saule fuisse introductum.


8. Itaque relictis hisce Geometricis cubitis, tamquam fictitiis, (nulla enim, vt fertur, ipsorum mentio reperitur apud Geometras) putant alij magis probati Auctores, Arcæ cubitos fuisse sesquipedales, scilicet vigintiquattuor digitorum transversalium. Alij aliquanto maiores, nimirum viginticeto digitorum. Alij item illos faciunt longiores, ita vt singuli contineant quadraginta duorum digitorum transversalium longitudinem. Nobis probabilior videtur illorum sententia, qui arbitrantur, Moysen hîc & vbi-que loqui de cubitis ad mensuram cubiti virilis; vnde & nomen huius mensuræ deductum est. quod etiam ipsemet Moyses expressè videtur significasse Deuteron. cap. 3. vers. 11. iuxta magis receptam loci illius interpretationem. Est autem mensura cubiti, virilis manus, illa quæ ab externo flexi brachij angulo ad medij digiti summitatem protenditur; non quidem in brachio pueri, sed hominis perfectæ ætatis, puta triginta trium circiter annorum, non gigantis aut pygmaei, sed formæ seu stature quadratæ, hoc est, per omnia admodum proportionatæ, cuius modi credimus fuisse Adamum, quando a Deo immediatè plasmatus est; & Dominum nostrum Iesum Christum, quando pro salute mundi fuit cruci affixus: quam quidem cubiti mensuram aiunt esse vigintiquattuor digitorum transversalium, & sesquipedalem; & totius eiusdem viri altitudinis quartam circiter partem complecti. Et in summa, cubitus sacer est media pars passus, vt manifestè declaratur Num. cap. 35. vers. 4. vbi decernitur suburbanorum latitudo mille passuum: qui mille passus, ibidem vers. sequenti, declarantur facere cubitos bis mille. Admodum verò etiam probabile est, talium cubitorum mensuram olim ab ipsomet Adamo primum fuisse introductam; ac deinde, ne ob varias humanorum corporum staturas deprauaretur, ligneis aut metallicis lineis ad posteros vni-formiter deriuasse; & non modò ante Diluuium, sed etiam post, per multa tempora eodem modo apud omnes homines fuisse vsitatam.

9. Sanè si de huiusmodi cubitis Scripturam sacræ loqui accipiamus, nullum sequitur inconueniens: nam neque Altaris præscripta trium cubitorum altitudo erit ministerio Sacerdotum improporcionata, neque caput Goliath tam magnum, quin commode manu à Davide ferri poterit; neque Arca talibus cubitis commensurata nimis vasta, vt ab hominibus illis minimè fabricari, neque nimis angusta euadet, vt tot animalium effarumque genera continere nequaquam posset. Etenim, si multiplices trecentos longitudinis cubitos per quinquaginta latitudinis, resultabunt quindecim millia quadratorum in basi ipsius Arcæ; qui rursus per triginta altitudinis cubitos multiplicati, efficiunt summam quadringentorum quinquaginta millium cuborum seu quadratorum solidorum. Quibus addi posset tota capacitas sub tecti culmine existens, quæ, supposito quòd mediana culminis altitudo vno tantum cubito Arcæ latera excederet, vt tenet Buteo, nihilominus contineret cubos seu quadratos solidos septem mille quingentos, &, (si fastigium multò altius erat, vt infra dicemus) multò plures. sed nos totum quod erat sub tecto spatium, consultò prætermittimus, compensantes illud cum eo, quod de ipsius Arcæ capacitate occupabant contignationes, columnæ, & varia tabulata, quibus mansiones ipsæ distinguebantur; de quibus paulò infra suo

loco agemus. Cum igitur totum Arce vacuum, deductis omnibus impedimentis, fuerit quadringentorum quinquaginta millium cuborum, seu quadratorum solidorum, proculdubio poterat abunde sufficere pro cunctis illis animalibus eisq; ipsorum commodè continendis, etiam si insuper multa pecorum millia, pro alendis carniuoris, eodem inferri oportuisset, vt Geometricis rationibus subtiliter ac euidentissime probat Ioan. Buteo in suo libello superius citato. Et hæc de mensuris Arce, eiusq; capacitate, dicta sufficiant. nam quod etiam bitumine intrinsecus & extrinsecus linita fuerit, vt fit in nauigiis, quæ loco bitu minis, pice intus & extrâ diligenter liniri solent; ne (quod alioqui facile fieret) lignorum substantia aquis imbibita intus quoque exsudaret, citiusq; marcesceret, ex Sacro textu satis est manifestum.


DE FIGURA
ARCAE ET
TECTI EIVS.

10. De figura autem ipsius Arce & tecti eius, non benè conuenit inter Sacri textus Expositores. Nam licet ferè omnes existiment, verba illa, quæ habentur Genes. cap. 6. vers. 16. *Et in cubito consummabis summitatem eius.* non ad fenestrâ, sed ad ipsius Arce seu tecti eius formam pertinere: non tamen omnes eodem modo prædicta verba intelligunt. Siquidem maior pars Doctorum credit, Deum hisce verbis mandasse ipsi Noë, vt faceret summitatem Arce seu tecti eius vno cubito latam. Aliqui verò putant, Deum voluisse, vt Arce fastigium vno tantum cubito super latera eius emineret: & nihilo minus, singuli ferè omnes variant in Arce figura describenda, & vnusquisque in suo sensu abundare videtur. Et primò quidem Origenes, quem postea secuti sunt Beda, Rupertus, & Abulensis, arbitratus est Arcam fuisse quodammodò pyramidalem; ita tamen, vt fundum siue basis eius non esset quadra, sed sexies sua latitudine longior, summitas verò non acuta, sed veluti secta, & vnus cubiti mensura vtrimque quadra, vt hæc quoquomodò ostendit figura.




In qua supponimus, A C esse lineam longitudinis Arce, cubitorum trecentum; A D latitudinem, cubitorum quinquaginta; B E altitudinem, cubitorum triginta. Sed profectò, huiusmodi figura cuiusdam tecti potius formam referre videtur, & insuper multa patitur incommoda ad ipsam ædificationem, & item ad stabulationem animalium, necnon etiam ad natandum; & quod magis refert, valdè admodum minuit ipsius Arce capacitatem, vt optimè aduertit probatq; Io. Buteo vbi suprâ.


11. Caietanus autem aliter Arce figuram expressisse visus est; sed & ipse in modo alterius tecti, cuius summitas lata sit vno cubito, longa verò quantum tota Arca, hoc modo:




Quæ figura easdem pænè patitur difficultates, quas prima. Quare Hugo de sancto Victore libro 1. de Morali Arca cap. 3. quattuor Arce parietes quindecim tantum cubitis perpendiculariter erigit, ipsiq; tectum superimponit totidem cubitis altum, forma ferè pyramidali, ac veluti cacumine secto, prout in Origenis delineatione positum est, & hic describitur.




Verumtamen ista etiam Arcæ figura, cùm proximè ad superiores accedere videatur, meritò quoque iisdem ferè argumentis, quibus illæ, reici possè videtur. Itaque multò meliùs Lyranus & alij nonnulli faciunt Arcam, præcisè prout habetur in littera, longam cubitis trecentis, latam quinquaginta, & altam perpendiculariter triginta, cui superimponunt tectum priori non abfimile; tamen eius altitudinem minimè determinent, quemadmodum subiecta ostendit delineatio.



12. Sed ad quid, obsecro, illa cacuminis abscisso, & vnus cubiti quadratura in summitate tecti posita? quæ neque ad decorem, neq; ad vtilitatem aut necessitatem vllam, neque ad quidquam aliud facere possè videtur. Hanc inconuenientiam, seu vt ita dixerim, superfluitatem, vt deuitarent Io. Buteo & Arias Montanus, aliter exponentes præcitata Genes. verba, *Et in cubito consummabis summitatem eius*, dixerunt, sensum eorumdem verborum esse, vt Arcæ ad prædictas mensuras fabricatæ imponeretur tectum ea ratione dispositum, vt mediana culminis altitudo per totam Arcæ longitudinem excurrere, vnico tantùm cubito latera eius excederet. tamen nonnihil inter se memorati Auctores differant, siquidem Montanus tectum facit aliquid conuexum, quantum scilicet vnus cubiti altitudo ferre potest, hoc pacto:



Quam profectò figuram nos probare non possumus, quoniam fornix lata quinquaginta cubitis, & vno tantùm cubito eleuata, non modò nullam habet gratiam, sed & valdè deformis esse videtur, & ad pluuiæ, præsertim minutionis ac diurnæ profluium, satis inepta. Vnde consultiùs Buteo constituit culmen Arcæ fastigiatum, & definens in angulum valdè admodum obtusum, prout hæc figura demonstrat:



Quæ quidem tamquam præstantior, atq; ad destinatum vsum accommodatior, cunctis prioribus præferenda videtur: si tamen proprius sensus illorum verborum, *Et in cubito consummabis summitatem eius*, est (vt omnes exponunt) ac si diceremus, Arcam seu tectum, quod erat summitas eius, in vnus cubiti mensura terminari debere.

13. Verumenimuerò (ni fallor) mihi videtur nihil ob stare, quin illa verba sic accipi possint, debeant, vt non ad Arcæ aut tecti eius formam designandam pertineant, sed magis ad commendandam ipsi Noë exactam præscriptarum mensurarum obseruantiam. Non enim dixit Dominus: Et in vno cubito consummabis summitatem eius. sed indefinitè, *in cubito*. Quo loquendi modo non videtur significare voluisse, quòd Arcæ summitas in vnus cubiti latitudine aut altitudine compleri deberet; sed est ac si dicere voluisset: Vt Arcam ipsam, & omnes eius partes, adamussim iuxta præstitutas tibi mensuras fabricare ac perficere valeas, semper cubitum, hoc est cubiti mensuram, ad manus habere debebis; qua veluti præcipuo instrumento, totiusq; operis directorio, totam hanc fabricam absolue curabis; ita vt nec amplior, nec angustior, neque alterius formæ efficiatur, quàm à me præfinitum fuit. Quid est enim dicere, *consummabis summitatem eius*, nisi complebis, seu absolues ædificium eius? nam sicuti cuiusvis fabricæ fundamenta primò iaciuntur, ita & summitatem postremo loco exstruere necesse est: neque

EXPONVN.
TVR VERBA
GEN. CAP. 6.
VERS. 17.

que vinqum ædificium aliquod absolutum dicitur, donec ad debitam summitatem perductum fuerit. Itaque, *In cubito consummabis summitatem eius*, non inconuenienter sic interpretari vel exponere possumus; id est, mediante hac cubiti mensura, seu, cum huiusmodi mensura, perduces eam vsq; ad summitatem ac debitam perfectionem.

14. Et hæc est phrasis Hebraica, cuius vsus admodum frequens est in Sacris libris, in quibus tamen ista Præpositio in varias habet significationes, quarum duodecim enumerat Pererius super Gen. cap. 32. num. 5. sæpissimè tamen vsurpari solet pro *cum*, vt Genes. cap. 3. vers. 16. *In dolore paries filios*: & vers. 17. *In laboribus comedes ex ea*. & cap. 32. vers. 10. *In baculo meo transiui Iordanem istum*. & Exod. cap. 4. vers. 17. *Virgam quoque hanc sume in manu tua, in qua facturus es signa*: & Iudic. cap. 15. versic. 15. & 16. *Mandibulam asini arripiens, interfecit in ea mille viros*, & ait: *In maxilla asini, in mandibula pulli asinarum deleui eos*. & Iudith cap. 2. vers. 16. *Resistentes sibi, occidit in ore gladij*. & in Psal. 73. vers. 6. *In securi & ascia deiecerunt eam*. & in Psal. 150. *Laudate eum in sono tubæ. in psalterio & cithara. in tympano & choro. in chordis & organo. in cymbalis benesonantibus. in cymbalis inbilationis*. & 1. Machab. cap. 1. vers. 18. *Et intrauit in Aegyptum in multitudine graui, in curribus, & elephantis, &c.* & cap. 3. vers. 12. *Et gladium Apollonij abstulit Iudas, & erat pugnans in eo omnibus diebus*. & 2. Machab. cap. 15. versic. 16. *Accipe sanctum gladium, munus à Deo, in quo deiicies aduersarios*. & in Cantico Zacharia, Luca cap. 1. vers. 74. *Seruimus illi in sanctitate & iustitia*. & cap. 22. ver. 49. *Domine, si percutimus in gladio*? & ad Colossi. cap. 3. vers. 16. *Verbum Christi habiet in vobis abundanter, in omni sapientia*. & vers. 22. *In simplicitate cordis, timentes Deum*. & ad Thesialonicens. 1. cap. 1. v. 5. *Quia Euangelium nostrum non fuit ad vos in sermone tantum, sed & in virtute, & in Spiritu sancto, & in plenitudine multa*. & ad Hebræos c. 1. vers. 1. & 2. *Multifariam, multiq; modis olim Deus loquens patribus in Prophetis: nouissimè locutus est nobis in Filio*. id est, mediantibus Prophetis & Filio. Plura hic fortasse quam oportuit, Scripturæ loca adduximus; sed id factum est, vt omnes intelligent, hanc esse locutionem in omnibus ferè libris tum veteris tum noui Testamenti valde vsitatam, & propterea ex his aliisque eiusmodi locis fieri manifestum, posse nos admodum proprie, & sine vlla erroris suspitione, exponere illud, *In cubito*, hoc est, cum cubito, vel mediante tali instrumento, consummabis summitatem eius, id est, ædificabis eam vsque ad summum verticem.

15. Quod si hæc nostra expositio, quæ satis firma videtur, probanda est; nihil prohibet tectum altius vno cubito super Arcæ latera existisse. Nam licet illa Buteonis altitudo sufficere posse videatur ad pluuiæ profluuium, in tecto præsertim fastigiato, ac benè lauigato, ac bitumine desuper accuratiùs delinito: videmus tamen tecta communiter altiori culmine fieri solere, etiam illa quæ plumbeis æreivse laminis operta sunt, & ob hoc solum ad pluuiam quamuis minutissimam diuturnamque à subiectis partibus arcendam tuta esse videantur. Porro tectum Arcæ altius constituere, vt in typo infra num. 19. subiiciendo videri poterit, nimirum ad conuenientem quamdam latitudinis proportionem, ita vt eius culmen duodecim ac semis cubitos haberet altitudinis, & sic vno totius latitudinis quadrante suprema Arcæ latera superaret, non modò quidquam incommodi, sed multum commodi adferre poterat, tum ad ipsius Arcæ capacitatem magis augendam, tum etiam ad nidos volucrum aptiùs sub ipso tecto disponendos & concinnandos, & ad maiorem earumdem volitandi commoditatem. Et hæc sit nostra de forma Arcæ sententia: quæ si tamquam noua, & à communiori Doctorum opinione nonnihil discidendis, non placet; facile poterit quiuvis, pro suo libito, alicui ex prænotatis adherere, aut aliam sibi aptiorem fingere.

16. Quod attinet ad interiores Arcæ mansionum partitiones, ex Sacris libris nihil aliud habemus, nisi quòd mandauit Dominus Noë Genes. cap. 6. vers. 14. vt mansionulas in Arca faceret, & cœnacula, & tristega. Quo fit, vt quamuis de particularibus mansionum diuisionibus, qualiter scilicet singulæ articulatim distinctæ ac dispositæ fuerint, nihil certi affirmare possimus; attamen in vniuersum constare videatur, totam Arcæ capacitatem primò in tres præcipuè veluti aulas amplissimas fuisse distinctam, & supra se inuicem collocatas. Etenim certum est, olim superiores domus partes cœnacula nuncupari consueuisse, vt colligi potest ex quodam Vitruuij loco, nimirum lib. 2. sub finem cap. 8. vbi ait, quòd aucto mirum in modum populo Romano, cum necesse fuisset in cœnaculis habitare, ad ædificiorum altitudines deuentum est. & ex Cicerone, qui in Oratione 2. de Lege Agraria dicit, Romam in montibus positam & conuallibus, cœnaculis sublatam atque suspensam. Quod etiam sacræ Scripturæ testi-

DE INTERIO-
RIBVS
ARCAE MAN-
SIONIBVS.

COENACULA
QVAE OLIM
DICEREN-
TVR.

niis confirmari potest, nam 3. Regum cap. 6. versic. 8. de templo legitur: *Et per cochleam ascendebant in medium cœnaculum, & à medio in tertium.* & cap. 17. versic. 23. de Elia, qui tulit puerum, & deposuit eum de cœnaculo in inferiorem domum. & 4. Regum cap. 1. versic. 2. Ochozias Rex Israel dicitur cecidisse per cancellos cœnaculi, atque ex huiusmodi casu egrotasse, ac demum periisse: signum est igitur quòd cœnaculum illud erat in superiori parte domus, & satis amplum atque apertum, cancellisque circumdatum; fortassis ad maiores delicias, vt de mensa possent longius prospicere. Certum quoque est, quòd quia antiquitus in amplioribus ædium locis triclinia dispo- nere ac cœnare consueuerant; propterea appellatione cœnaculi, non solum superiora, sed etiam quælibet ampliora loca bene possunt significari. Quòd autem tria, & non plura nec pauciora fuerint in Arca huiusmodi cœnacula, satis clarè insinuat verbum illud Græcum *tristega* in Sacro textu additum (vt creditur) ad denotandum nume- rum cœnaculorum. Siquidem *tristega* Græcè idem significare dicitur, quod Latine di- ceremus, tria turgia, seu, tria tecta.

17. Propterea valde rationabiliter ex præcitatis Scripturæ verbis colligunt Docto- res, totius Arce altitudinem intus quadruplici contignatione fuisse partitam; ex qua tria cœnacula, vel solaria, seu loca amplissima resultabant; singula longa lataque, quan- tum erat tota longitudo ac latitudo Arce. Nam infima pars, quattuor circiter cubitis alta, tamquam sentina, ad animalium excrementa fordesque excipiendas deputata erat: nisi fortè etiam aliquid saburræ, puta arenæ aut lapidum, ad vnus cubiti altitu- dinem haberet, ad maiorem ipsius Arce firmitatem, vt in magnis nauigijs apponi so- let. Supra sentinam erat primum cœnaculum seu solarium, decem circiter cubitis al- tum, pluribus tabulatis in varias mansiunculas diuisum, ad quadrupedia diuersi gene- ris separatim continenda, cum suis deambulatorijs, per quæ ad singulas mansiunculas commodè iri posset. Habebant verò (vt arbitror, & ratio ipsa dicat) singulæ mansiun- culæ paruulas quasdam in pauimento fenestellas cum suis operculis, quæ facile attolli possent, quotiescumque fordes in sentinam proiicere oporteret. Et alij item erant in singulis mansiunculis foruli, directe super præsepia à superiori contignatione descen- dentes, veluti longiores quædam capsulæ seu canales, alij ampliores, per quos palea, fœnum, & alia iumentorum cibaria, ad plures dies; alij angustiores, vnde aqua ad po- tandum in vasis ad hoc paratis, de superiori cœnaculo statis temporibus demitti com- modè posset. Er præterea quædam spiracula, veluti quidam camini, qui vsque ad Ar- cæ summitatem protendebantur; vt per aperta quædam ostiola (vtrimque sub promi- nente tecti stillicidio aptè fabricata, quò à pluuiis tuta, & ab aquarum fluctibus remo- tiora essent) fœtores exhalare, & inclusus aër transpirare quoquomodò posset, ne for- dium pædore infectus, animalia etiam ipsa inficeret interimeretque. In hoc cœnaculo erat ostium ex latere deorsum, vt dicitur Genes. cap. 6. versic. 16: id est non in ipso Ar- cæ fundo, sed immediatè supra sentinam; ita vt in prima contignatione, seu in pau- imento primi cœnaculi, limen haberet, & in ipso limine cardines, à quibus fores in terra, vel in eminentiori quodam ascensu versatæ, veluti scalæ, seu pontis cuiusdam vicem, ad ingressum in Arcam supplerent. Debit autem ostium illud esse satis am- plum & altum, vt per ipsum commodè possent etiam maiora animalia ingredi, qua- lia sunt elephantes, cameli, & id genus alia. Scalas item in hoc primo & in secundo quoque cœnaculo appositè dispositas fuisse, dubitare nemo debet, per quas homines ad superiora conscendere, & inde ad inferiora descendere, prout animalium cura exi- geret, commodè valerent.

18. Sanè in secundo cœnaculo, quod erat altitudinis circiter cubitorum octo, & pariter multis sepimentis in varias apothecas diuersimodè distinctum, erant reposito- ria omnis generis commeatus & annonæ, ibi aderant ampla palæstra, fœnilia, & hor- rea hordei, auenæ, vicæ, milij, panici, & aliarum frugum, quæ iumentis ac volucri- bus dari solent; & loca item, magnis aquæ dulcis vasis referta. His addi debent om- nium fructuum, nucum, malorum, castanearum, & item frumenti, olei, leguminum, pro victu hominum, cellæ separatæ ac benè dispositæ, cum suis deambulatorijs, per quæ singula loca, vbicumque opus esset, facile adiri possent. Arque hæc duo cœnacu- la nullam fenestram habebant, quia nullo indigebant lumine: non secundum, quo- niam erat veluti cella penaria domus: non primum, quoniam irrationabilia nonnihil in caligine videre creduntur, & naturaliter quodammodò tenebris delectari; quando- quidem genus omne ferarum noctu escas querere, interdum verò in specubus & an- tris latitare consuevit. reptilia quoque, arborum ac petrarum scissuras auida quam- cupi-

ARCE SEN-
TINA.

DE PRIMO
ARCE COE-
NACULO, ET
IN EO CON-
TENTIS.

ARCE
OSTIUM.


DE MEDIO
ARCE COE-
NACULO, ET
IN EO CON-
TENTIS.

ANIMALIA
VIDENTVR
TENEBRIS
DELECTARI

cupiditate quarantant, vt in his se recipere ac conuiescere valeant. & volucres in nemoribus aliisque opacis locis, libentissimè versantur. domestica item animalia, nempe pecora ac iumenta, in stabulis minimè luminosis contineri solent, & in obscuro salubrius pasci. Et in summa, certum est, cuncta animalium genera in tenebris quietius viuere, & facilius gubernari: videmus namque ferociore equos, & falcones, & accipitres, aliaque huiusmodi, oclus oculis, vbique facillime circumduci ac circumferri. Itaque neque intus, ob causas iam memoratas, neque foris ob magnos fluctuum impetus, vllam in primo ac secundo Arcæ cœnaculo expediebat esse tenestram: præsertim cum facile possent filij Noë vt lucernis, quotiescumque ad eadem cœnacula, vel pro victualibus accipiendis, vel pro pascendis animalibus, sordibusve detergendis, descendere opus esset.

DE SUPREMO
COENACULO,
ET IN EO
CONTINENTIS.

19. Dicamus nunc aliquid de supremo cœnaculo, quod à proprio pauimento ad tecti initium octo circiter cubitis altum fuisse credimus, & in tres præcipuas, secundum Arcæ longitudinem, partes propè æquales distinctum; quarum singulæ ad centum cubitos longæ, quinquaginta verò latæ erant. Porro mediam harum partem, hominum habitationi destinatam, hoc pacto dispositam fuisse putamus, vt scilicet in eius medio aula esset satis magna, habens ad Arcæ latera fenestram competenter grandem, ab interiori parte, vitreis fortasse (si tamen tunc vitri vsus iam adinuentus erat) specularibus munitam, quæ interdum claudi & aperiri; ab extrâ verò ligneis valuis, quæ noctu tempestatibusve ingruentibus intus trahi, recludi, ac ferreis pestulis firmiter obferari possent. Probabile est autem, prope dictam fenestram vtriusque quosdam veluti puteos vsque ad sentinam pertingentes extitisse, cum suis funibus & vasis, ad humidiora inde excrementa haurienda, atque ex Arcæ fenestra proicienda, paratos. quorum tamen puteorum ora, extra id temporis, semper benè clausa manerent. Ad dictæ verò aulæ latera, credimus domunculas extructas fuisse plurimas, quasdam quidem pro lectulis ipsius Noë & filiorum, vxorumque suarum; quasdam verò pro coquina, & strue lignorum ad eius vsus, & cellis penariis biscocti panis, aliorumque ciborum, pro ordinario eorundem victu. Reliqua autem duo spatia, centum videlicet cubitorum ab vna parte, & totidem ab altera, erant volatilibus designata; hinc domesticis, illinc agrestibus, nidis vtriusque pro ipsis appositè fabrefactis, & prout opus esse videbatur, inter se distinctis, seu ab inuicem seiunctis, & sine lumine, ob rationes superius adductas. Ceterum, tum in hoc superiori, tum in inferiori cœnaculo, pluribus in locis rimulas, & forulos, seu cauernulas quasdam consultò relictas, aut de industria in parietibus, & contignationibus, ac tabulatis factas fuisse credimus; vt in ipsis parua reptilia, veluti lacertæ, stelliones, chamæleones, & id genus alia, sese recipere possent, ita vt ferè nihil de Arcæ spatio occuparent. Probabile demum quoque videtur, vtriusque ad Arcæ tecti stillicidium areos canales forinsecus fuisse appensos, eatenusque aptatos, vt quandocumque opus esset, per alios eiusdem generis canales, deintus à quattuor Arcæ angulis superioribus, vel ab eiusdem Arcæ fenestra emittendos, deriuari possent in Arcam aquæ pluuiæ, pro vasis denuò replendis, ad quotidianos animalium hominumque vsus. Et hac ratione, vel simili quodam modo, Arcam intus forisque fuisse compactam ac dispositam, satis rationabiliter coniecere possumus. Cuius typum, ad faciliorem eorum quæ diximus intelligentiam, aliqualem hic exprimere curauimus:



20. Per eadem quoque tempora, Noë, dum fabricaret Arcam, prædicasse etiam dicitur populus pœnitentiam, & veram ad Deum conuersionem, per quam possent peccatores inuenire misericordiam in conspectu Domini, & euadere comminationem ab eo Diluuium. Et hoc videtur posse colligi ex illis B. Petri verbis, quæ in priori eius Epistola cap. 3. vers. 19. sic habent: *In quo & his, qui in carcere erant spiritibus, veniens prædicauit; qui increduli fuerant aliquando, quando expectabant Dei patientiam in diebus Noë, cum fabricaretur Arca, in qua octo animæ, &c.* iuxta primam obscurissimi illius loci expositionem, quam refert ibidem Lyranus, (& videtur desumpta ex sancto Augustino Epistola 99.) quæ supponit, ibi Apostolum loqui, non de prædicatione Christi apud inferos, sed de ea quæ olim facta fuerat per ipsum Noë, de qua hic loquimur. Quamquam sensus memoratæ Petri sententiæ magis germanus videatur esse, quod Christus, quando non in corpore, sed in spiritu, hoc est in anima descendit ad inferos, prædicauit illis spiritibus, id est animabus, quæ in infernali carcere detinebantur: prædicauit, inquam, hoc est, manifestauit, se non viuorum tantum, sed etiam mortuorum iudicem esse constitutum, & condemnaturum eos, qui in diebus carnis suæ increduli fuerant Moyli & Prophetis prædicantibus Christum esse venturum, & in tali incredulitate de hac vita decesserant: quemadmodum in diebus Noë contigerat iis, qui expectantes Dei patientiam, id est temerè de diuina patientia præsumentes, recusauerant credere ipsi Noë prædicanti Diluuium mox futurum, qui pariter in incredulitate sua perierant. Est enim inter hos magna similitudo, præsertim cum in vtroque casu nulla videatur esse numeri proportio inter eos qui interierunt, & eos qui salutem sunt consecuti: siquidem constat, quod quemadmodum ex tanto hominum numero, qui viuent Noë in vniuerso erant mundo, octo dumtaxat animæ saluæ factæ sunt per Arcam: sic ex infinita penè animarum multitudine, quam reperit Christus in inferno, paucas admodum, nempe solas illorum, qui cum & venturum esse crediderant, & præcepta eius viuendo tenuerant, per suam gratiam liberauit, vt testatur B. Gregorius lib. 6. Epistolarum cap. 179. Sed quidquid sit de vera prædictorum verborum intelligentia, quod Noë prædicauerit hominibus sui temporis, multò clarius colligi potest ex eodem B. Petro, Epistola eius secunda cap. 2. vers. 5. vbi Noë octauum eorum qui saluati sunt in Arca, vocat iustitiæ præconem, quia nimirum prædicauerat ac prædixerat horrendum illud diuinæ iustitiæ exemplum, quod postea per Diluuium, vniuersali illo hominum interitu, manifestatum est.

21. Quod verò diximus, Noë prædicasse pœnitentiam, non bonis tantum vitæ suæ exemplis accipiendum putamus (de hoc enim nemini dubium esse potest, quin si erat iustus atque perfectus, etiam toto vitæ suæ tempore bonis actibus id egregie admodum præstiterit) sed etiam verbis; id quæ, vt verisimile est, magno zelo & multa instantia, opportunè & importunè, vt postea aiebat Apostolus. Qua quidem prædicatione licet parum aut nihil profecerit, quantum ad corporalem audientium salutem, qui omnes increduli exstiterunt, Diluuioque submersi sunt: non est tamen improbabile, quod plurimum profecerit in animarum salute promouenda; quandoquidem multos eorum, qui prius increduli fuerant, postea inchoante Diluuiio, & vallibus iam repletis, credidisse ac pœnituisse, atque crescentibus aquis, post mortem, in locum salutis concessisse, nimirum in Limbum sanctorum Patrum, sine errore (vt arbitror) cum Lyrano & aliis admitti posse videtur, ne tam strenuam, laboriosam, ac diuturnam tanti viri prædicationem, cassam, irritam, atque omnino infructuosam euasisse fateri cogamur.

AB ORBE CONDITO ANNVS 1559.

I. **A** NNO quingentesimo secundo vitæ suæ expleto, id est quingentesimo tertio inchoante, quod Noë genuerit Sem, colligi potest Genes. cap. 11. vers. 10. vbi dicitur, Sem biennio post Diluuium fuisse centum annorum. Et hoc proculdubio admittendum esset, si vellemus intelligere Textum illum præcisè, prout in littera, prima fronte videtur exprimere, quemadmodum hic faciunt Hebræi, & qui cum ipsis tenent, non Sem, sed Iapheth fuisse inter tres filios Noë natu maiorem. pro quorum opinione facere etiam potest, quod Genes. cap. 10. prius describitur genealogia seu posteritas ipsius Iapheth. At verò qui arbitrantur, non Iapheth, sed Sem, fuisse cunctis fratribus suis seniore, dicunt Scripturam sacram in præcitato Textu duobus illos annos supra centesimum more suo omisisse; quoniam solet nonnumquam huiusmodi minutiora tempora in supputationibus suis præterire, vt in Præfatione diximus, & insuper etiam sub anno mundi 1659. num. 2. demonstrabimus; vbi quænam ex his duabus opinio-

nibus probabilior sit, discutiemus. De ortu verò Cham nihil certi habemus, aliis opinantibus ipsum fuisse natu minorem trium filiorum Noë, propter illa verba quæ habentur Genes. cap. 9. vers. 24. *Cum didicisset Noë quæ fecerat ei filius suus minor, &c.* & hæc videtur esse opinio communior. aliis autem existimantibus ipsum Cham inter prædictos duos fratres esse natum, quoniam Scriptura sacra semper inter eos medium nominat, *Sem, Cham, & Iapheth.* Atque isti exponunt locum Genes. citatum debere referri, non ad Cham, sed ad filium eius Chanaan: de quo subiungitur, *Maledictus Chanaan, &c.* qui cum esset minimus filiorum Cham, ibi Hebraico more (inquiunt) appellatur filius Noë minor.

AB ORBE CONDITO ANNVS 1651.

I. ANNO septingentesimo septuagesimo septimo ætatis suæ desinente, Lamech mortuus est, Genes. cap. 5. vers. 31.

LAMECH
QUANDO
MORTUUS,
ET QUIBUS-
CVM ET
QUAMDIU
VIXERIT.

Vixit autem
Lamech cum

{ Adam
Seth
Enos
Cainan
Malaleel
Iared
Henoch
Mathufala
Noë }

{annis

{quinquaginta sex.
centum sexaginta octo.
ducentis sexaginta sex.
trecentis sexaginta vno.
quadringentis sexdecim.
quingentis quadraginta octo.
centum tredecim.
septingentis septuaginta septem.
quingentis nonaginta quinque.

AB ORBE CONDITO ANNVS 1656.

I. ANNO nongentesimo sexagesimo nono vitæ eius inchoante, Mathufala mortuus est, Genes. cap. 5. vers. 27. Cumque alij plerique homines primæ mundi ætatis annum explerent nongentesimum, aut non multum excederent, ipse ad millesimum proximè omnium accessit. Dixi, inchoante: quia siue ponamus ipsum natum esse incipiente, siue expleto anno sexagesimo quinto patris sui Henoch, ut positum est in tabulis; semper necesse erit, quòd postremus annus ipsius Mathufala concurrat cum anno sexcentesimo vitæ Noë. & ratio est, quoniam, ut habetur Genes. cap. 5. vers. 25. Mathufala vixerat centum octoginta septem annos, quando genuit Lamech: & Lamech centum octoginta duorum erat quando genuit Noë; ibidem vers. 28. Ergo Mathufala vixerat annos trecentos sexaginta nouem, quando natus est Noë. quibus adde sexcentos vitæ ipsius Noë tempore Diluuij, & inuenies præcisè numerum annorum nongentorum sexaginta nouem ætatis Mathufala in Scriptura expressum. Cum igitur mense secundo anni sexcentesimi ipsius Noë (ut infra dicemus) Diluuium cœperit, ad quod non peruenisse ipsum Mathufalam, certissimè constat; restat necessaria sequela, nimirum eundem Mathufalam non expleuisse annum nongentesimum sexagesimum nonum, sed tantummodò per vnum circiter mensem inchoasse.

2. Et hinc quoque colligitur, quòd summa annorum mille sexcentorum quinquaginta sex, quam omnes fere ponunt ab orbe condito ad Diluuium, si de annis integris intelligenda est, terminare debet non ad Diluuium inchoatum, sed propè completum; ita vt annus millesimus sexcentesimus quinquagesimus sextus, in quo factum est, perdurauitque Diluuium, pertineat totus ad primam mundi ætatem. Propterea nos secundam orbis ætatem incipiemus, non (vt multi faciunt) ab inchoato Diluuiio, quod fuit veluti quidam mundi interitus; sed à completo, nempe ab egressu Noë & cunctorum animantium de Arca: tunc namque mundus tamquam denuò reuiuiscere visus est, & quasi de nouo incipere.

MATHUSA-
LA QUIBUS-
CVM ET
QUAMDIU
VIXERIT.

Ceterum
Mathu-
fala vixit
cum

{ Adam
Seth
Enos
Cainan
Malaleel
Iared
Henoch
Lamech
Noë }

{annis

{ducentis quadraginta tribus.
trecentis quinquaginta quinque.
quadringentis quinquaginta tribus.
quingentis quadraginta octo.
sexcentis tribus.
septingentis triginta quinque.
trecentis.
septingentis septuaginta septem.
sexcentis.

DE PRISCO-
RVM PA-
TRVM LON-
GAEVITATE,
ET CAUSIS.

3. Itaque inter homines quos Scriptura sacra commemorat, (mittamus nunc duos illos tantum, Henoch scilicet & Eliam, quos hodie etiam viuere, & vsque ad Antichristi aduentum victuros esse, communis opinio est) Mathusalam longe omnium diuturniorem in hoc mundo vitam duxisse comperimus: nam etsi de Adamo dici posse videatur, ipsum diutius quodammodo vixisse, si aetatem in qua creatus fuerat (quam quidam sexaginta circiter annorum fuisse existimant) attendamus: attamen certum est, annos quos reuera ipse Adam in hac vita traduxit, multo annis vitae Mathusala pauciores existisse. Postulat ergo hic locus, ut de causis tam diuturnae vitae priscorum illorum hominum aliquod discamus. Sed prius, quod (etiam seposita Fide, quae omnem tollit difficultatem) non sit incredibile, eos tamdiu vixisse, persuaderi potest à simili. Nam cum certum sit, (ut sub anno mundi 987. num. 18. demonstraui-mus) existisse homines communem ceterorum hominum statum valde excedentes, quos communiter gigantes appellamus; si tanta in corporum humanorum magnitudine inaequalitas conspicitur, quid mirum, etiam in vitae eorumdem hominum prolixitate maximam diuersitatem reperiri potuisse? Quandoquidem, ut ait S. Augustinus lib. 15. de Ciuit. cap. 9. tametsi priscorum hominum magnitudines corporum, plerumque ossa eorum adinuenta, (quoniam diuturna sunt) etiam multo posterioribus saeculis produnt: annorum autem numerositas cuiusque hominis, quae temporibus illis fuit, nullis nunc talibus documentis venire in experimentum potest: non ideo tamen fides huic sacrae historiae deroganda est; cuius tanto imprudentius narrata non credimus, quanto impleri certius praenuntiata conspicimus. sic iste Sanctus, qui deinde citat Plinium asserentem, esse adhuc gentem ubi ducentos annos viuunt. & subdit: Si ergo humanarum vitarum diuturnitates, quas experti non sumus, hodie habere creduntur incognita nobis loca, cur non habuisse creduntur & tempora? An verò est credibile alicubi esse quod hic non est, & incredibile est, aliquando fuisse quod nunc non est? haec S. Augustinus.

4. Iosephus quoque 1. Antiq. cap. 4. prope finem, profert plures antiquissimos ac nobilissimos Scriptores, nempe Manethonem Aegyptiarum rerum Scriptorem, & Berosum Chaldaicarum, Mochum, Hestium, Hieronymum Aegyptium, qui Phoenicum res profecti sunt; de memorata priscorum longaeuitate idem sentientes: Hesiodum quoque, cum Haccathæo, Hellanicum, & Acutilaum, Ephorum, & Nicolaum; qui narrant, priscos illos homines ad mille annos vitam produxisse. id est, prope ad millesimum vitae annum accessisse. Quod etiam de his qui ultra Hyperboreos montes Septemtrionem versus, incolunt, ex Simonide & Pindaro refert Strabo lib. 15. quamuis id fabulosum suspicetur. His addere possumus Solinum, qui cap. 33. de quibusdam Aethiopibus, quos Macrobius vocabant, & ultra Meroem Nili insulam super exortum solis habitabant, ait, quod dimidio eorum protensior est quam nostra vita. Neque citati Auctores tantum, sed alij quoque, tum veteres tum recentiores, (quos refert Antonius Torquemada, in suo Herculorum curiosorum Viridario, Tract. 1.) multa de quibusdam alijs supra ordinariam naturae cursum longioribus hominum aetatis scripta reliquerunt, nimirum Xenophon, qui quemdam de maritimis regibus affirmat vixisse annis octingentis; alterum sexcentis; & fortè hi sunt, quorum meminit Rauisius in sua Officina tomo 1. sub titulo eorum qui diu vixerunt, his verbis: Imperiis, Pulutiniorum insula Rex, vixit annis octingentis, & filius eius sexcentis. Et Plinius infra citandus prodit, in Illyrico hominem nomine Dandonium superstitem fuisse annis quingentis. Sed nec fabulosum creditur, quod multi Poetae, nempe Iuuenalis Satyra 10. ex Homero, & Tibullus lib. 4. & Propertius lib. 2. & Ouidius Metamorph. lib. 12. tradiderunt, Nestorem ad trecentos annos vitam produxisse. Hellanicus item antiquissimus Scriptor, homines in Aetolia prouincia ducentis, & nonnumquam trecentis annis vixisse tradit. & Isigonus & Plinius quosdam populos in India, quos appellabant Cynos, passim centum & quinquaginta vitae annos traduxisse commemorant. Onesicritus etiam, qui saepius à Strabone citatur, scribit, in quadam Indiae regione homines communiter viuere centum triginta annos sine senio, ac veluti in media ipsorum aetate decedere. Eos quoque, qui incolunt insulam quam vocant Pandoram, ducentos, necnon & trecentos annos in humanis degere. Alia item huiuscemodi testimonia, sed recentiora, & exempla magis particularia idem Torquemada adducit, quae breuitatis causa praetermittimus. Nam de sancto Seruatio Episcopo Tungrensi, quem obiisse aiunt anno Domini 403. quod vixerit annis trecentis septuaginta tribus, scriptis mandarunt Siebertus in Chronico, sub anno Domini 399. & Petrus in Catal. libr. 5. cap. 162. & alij. Constat praeterea multorum Scriptorum testimonio, quod anno Domini circi-

ier 1139 Imperator Contado huius nominis tertio mortuus est in Gallia ut quidam, Ioannes nuncupatus, annorum trecentis sexaginta & viam, qui propterea Ioannes de Temporibus vulgo dicitur, & olim fuerat miles custodiz corporis Caroli Magni Imperatoris, ut Petrus Metius in eiusdem Contradi vita, & Anchor Falcioni temporum, & alij plurimi scriptis tradiderunt. de quo etiam Ioanne creditur Mannanus in Alphonso dixisse:

Et quem fama refert huiusmodi videri.

Verum non minus memorabile est, quod de quodam Indo meminit Io. Petrus Maffius lib. 11. Historiarum Indicarum, vbi describens quendam ad annum salutis circiter 1536. pertinentia, in illis partibus gesta, ait: Dum hæc parantur, quidam e Gangandum gente, quam hodie Bengalam vocant, Prætozem adit, natus, ut ferebatur, annos trecentos triginta quinque; neque mendacij suspicio suberat: nam & seniores, qui tum erant, se de hoc eodem grandæuo aiebant à maioribus accepisse, & ipse filium habebat nonagenarium, & cum litteram nosset nullam, quæ referebantur ab eo de veterum gestis rebus, ad fidem Annalium optimè congruebant. Huic aliquoties iam deciderant dentes, aliis continuo subnascentibus, & barba, vbi prius incanuerat, in atrum denuo colorem, idque paulatim, semetipsa vertebat. ante centesimum annum idola coluerat, inde æque miserabili errore ad nefariam Mahumetis transierat sectam. Is propter miraculi nouitatem, Sultani stipendiis ali conuersus, idem vitæ subdium à Nonnio petiit. Nonnius haud grauati assignauit. hæc Maffius, quæ ex Hernando Lopez a Castagneda regis Portugellæ Chronographo accepisse creditur, qui libro sui Chronici 8. eadem fere scripserat, & insuper aliud quoque exemplum simile retulerat, nimirum, eodem circiter tempore extitisse in Bengala Æthiopem nomine Xequerit, qui trecentorum erat annorum, & ob singularem vitæ austeritatem & abstinentiam, tamquam Sanctus, inter illius regionis Æthiopes habebatur.

5. Quod verò de priori Indo dictum est, qui statis temporibus veluti reiuuenescere videbatur, multis quoque aliis accidisse testatur Torquemada loco paulò superius citato, vbi aliquot aliæ eiusmodi exempla adducit. Omitto hic commemorare S. Romualdum Rauenatensem, qui annum centesimum vigesimum agens ad Deum migravit, anno Domini 1027. ut in eius vita Breuiario Romano intexta legimus: quoniam hodie quoque eiusdem ætatis homines non deesse compertum habemus. Illud solum non præteribo, circumferri nunc ex Suecia relationes anno salutis 1578. habitas, quæ attestantur, in illis regionibus homines ordinariè diu admodum viuere, ita ut ibidem nemo miretur, plures ad annum vitæ centesimum trigessimum, vel etiam centesimum quadragesimum peruenire, Quoniam, inquiunt, id ibi communiter ac passim eveniret, si crapula & ebrietas multis vitæ tramitem intempestiuè non abrumperet. Ceterum qui plura in hoc genere desiderat, consulat Plinium lib. 7. cap. 48. & 49. & Officinam Rauisij Textoris vbi supra, & Auctorem Theatri vitæ humanæ volumine 2. lib. 3. in principio, vbi agit de longæuitate seu diuturnitate vitæ, & inueniet extitisse plurimos valde grandæuos vtriusque sexus, & cuiuscumque status, adèd vniuersaliter per omnia fere sæcula, & in variis orbis terræ partibus; ut probabile non sit, quod quidam suspicati sunt, nempe annos ipsorum fuisse trimestres aut quadrimestres: quandoquidem certum est, eiusmodi annorum dimetiendorum rationem non nisi certis temporibus paucisque admodum locis fuisse obseruatam, annos suos metiri consueuisse: & nos supra sub anno mundi 131. num. 6. probauimus, Scripturam sacram ordinariè loqui de annis Solaribus. Quare ex iis quæ adduximus longæuorum hominum exemplis, maximè eorum qui non longè à nostris temporibus superstitēs fuerunt, satis constare videtur, nullatenus esse mirandum, quòd circa prima illa mundi tempora homines longè admodum diuturniorem quam nunc vitam ducerent, quæ præsertim concurrentibus tunc causis, de quibus consequenter agemus.

6. Sunt autem præcipuè septem illæ, quas prosequitur Abulensis super Genes. cap. 5. quæst. 11. vbi quærit, cur olim tam diu viuere potuerint homines, qui nunc tam citò senescunt, & pereunt. Quarum aliquas breuiter tangit Iosephus 1. Antiq. cap. 4. Prima fuit, corporeæ ipsorum habitudinis bonitas, quæ secundum Physicos, in optima quattuor humorum ac primarum qualitatuum temperie, & membrorum totius corporis conformatione, consistit. Hæc autem duo in Adami Heuæque plasmatione, tamquam à Deo immediatè facta, proculdubio credendum est fuisse perfectissima; ita ut etiam non modico post tempore, in eorum quoque successoribus, adhuc satis firma & valida perdurare potuerint: postea namque constat, quòd optima illa humanorum

corporum constitutio, vbi per plures admodum successiones à prima sua origine elongari cœpta est, sensim quoque à primæua sua integritate ac perfectione sensibilibiter deficere cœpit. Variis deinde etiam morbis & accidentibus fracta ac debilitata, facta est est minùs potens ad perferenda propulsandaque contraria, & ad sui ipsius conseruationem: vnde paulatim imminuta est hominum vita, donec tandem communiter ad septuaginta, vel in potentatibus, id est robustioribus, ad octoginta annos, vt habemus in Psalm. 89. vers. 10. deuenit. Et quamquam non hæc sola, sed alia item causæ (de quibus paulò post differemus) concurrant, ad longam aut breuem hominis vitam efficiendam; ex quo fit, vt aliqui interdum posteri diutius vixerint, quàm ipsorum antecessores, vt patet de Mathusala, & aliis non paucis: constar tamen, ceteris paribus, illos longiorem duxisse vitam, qui magis principio creationis humanæ naturæ appropinquarunt, & eò breuiorem, quò longius ab eo nati sunt. quod licet ex comparatione hominum eiusdem mundi ætatis non semper appareat, fit tamen satis euidentis atque perspicuum, si vitas hominum vnius mundi ætatis cum altera conferamus.

7. Altera causa fuit, perpetua quædam in victu temperantia: numquam enim crapulis aut ebrietatibus indulgebant, sed erant contenti cibis simplicibus ac naturalibus, quantum naturalis ipsorum ferebat indigentia; & aquà dumtaxat, quæ tunc erat saluberrima, siquæ extinguebant: neque replebant ventrem tot eduliis arte coquorum diuersimodè conditis ac compositis, ad palatum magis oblectandum, quàm ad sustentandam vitam accommodatis, vt nostris fit temporibus; quorum vsu (quemadmodum mox docuit experientia) multæ gignuntur ægitudines, vitæque ipsa admodum debilitatur ac minuitur, iuxta illud Ecclesiastici cap. 37. versic. 32. *Noli auidius esse in omni epulatione, & non te effundas super omnem escam; in multis enim escis erit infirmitas, & auiditas appropinquabit vsque ad choleram. Propter crapulam multi obierunt; qui autem abstinens est, adiiciet vitam.*

8. Tertia causa dicitur fuisse alimentorum præstantia: longè enim melioris succi ac nutrimenti aiunt existisse humi nascentiæ ante Diluuium, quàm post, propter aquas Oceani valde salsas, quarum inundationibus terra sterilis & infecunda facta est; quemadmodum legimus de quibusdam Ducibus, qui hostium vrbes à se deletas, sale seminarunt, ne vel vllum in eis germen oriretur. cuius rei exemplum legimus Iudic. cap. 9. vers. 45: Et ob hanc causam existimant, Deum concessisse hominibus esum carnis post Diluuium, vt vel sic memorato fructuum terræ defectui suppleri aliquo modo posset.

9. Quarta causa fuit, perfecta quædam rerum naturalium cognitio, quam Dei beneficio habuit Adam; qui cum optimè nosset vires herbarum, lignorum, fructuum, metallorum, lapidum, animalium, ceterarumque huiusmodi rerum; nouerat etiam ea omnia quæ habebant vim conseruandi ac producendi vitam, iisque vsus est ipse, & docuit posteros suos. Sed hæc peritia creditur vel Diluuij, vel diuisionis linguarum & gentium temporibus, Deo sic permittente, periisse; ne homines his freti remedijs, propensiores essent ad crapulas, ebrietates, luxurias, & similia.

10. Quinta causa assignatur, benignus quidam ac specialis aspectus siderum; ex quo Dei prouidentia, super illam præcipuè regionem quam incolebant prisca illi Patres, proueniebant influxus valde salutes, & ad conseruandam diuque producendam hominum vitam efficacissimi. talem autem ac tam diuturnum siderum aspectum siue influxum aiunt prouenire non potuisse ex motu raptus cælorum, qui quotidie perficitur ac renouatur; neque ex motu proprio planetarum, quorum Saturnus, qui omnium tardissimus est, triginta annorum curriculo circulum suum absoluit; sed secundum proprium motum octauæ, vel vt alij existimant, nonæ sphæræ: hæc enim adeò segniter cursum suum peragit, vt non nisi centum annis gradum vnum conficiat: quo fit, vt in tota mundi prima ætate, quæ fuit mille sexcentorum quinquaginta sex annorum, non potuerit variari prædictus cæli aspectus, nisi per decem & sex gradus cum dimidio, duobus circiter adiectis minutis. Vnde cum ab isto cæli motu, & astrorum prospectu, quantum attinet ad causas naturales, potissimum pendere credatur hominum vita & mors, non mirum est, si in tota prima mundi ætate parum immutata est eorundem hominum longæuitas. oportet autem benignum illum astrorum aspectum, quando post primam mundi ætatem, stellati cæli motu, ad alias terræ regiones deuenit, eadem Dei prouidentia, per aliquos contrarij influxus planetas concurrentes ac prædominantes, à memorato producendæ hominum ætatis effectu fuisse impeditum, & idcirco nullibi deinde visos esse homines, qui communiter tamdiu viuerent. Sanè quod atti-

net ad prædictum octauæ spheræ motum, aiunt ab eo alias quoque admirabiles quædam causari in hoc mundo inferiori mutationes: puta, quòd aliqua terrarum plaga fluctibus maris tota paulatim operiatur; & è conuerso, non modica maris portio, aquis sensim recedentibus, arida relinquatur: & item, quòd aliqua terra prius optima & benè culta, postmodum reddatur infructuosa atq; inhabitabilis; & quæ erat sterilis & deserta, ferax admodum efficiatur, ac habitatoribus plena; & alia huiusmodi mirabilia, quæ probati Auctores prodiderunt.

11. Sextam causam fuisse perhibent, vt commodius citiusque multiplicari posset genus humanum, & repleti habitatoribus terra, quòd præsertim in illo mundi exordio necessarium videbatur. hoc autem non tam facile fieri potuisset, si tunc ita brevis fuisset vita hominum, sicuti nunc est.

12. Septima demum tamquam finalis causa adduci solet, vt per longiorem vitam possent homines adinuenerè artes ac scientias vsibus humanis admodum vtilis ac necessarias, necnon ad perficiendum intellectum accommodatas, quæ non nisi pluribus longissimique temporis experimentis atque obseruationibus reperiri ac probè teneri valent. Vnde non immeritò dicebat Aristoteles 1. Metaphys. cap. 1. experientiam artes facere; & 1. Ethicorum cap. 7. tempus esse inuentorem & promotorem artium ac scientiarum, & per ipsum fieri artium additamenta. Potissimum autem videtur necessaria fuisse diuturnitas illa vitæ, ad Astrologiæ ac Geometriæ scientias adinuenerendas; quarum certitudinem (vt scribit Iosephus 1. Antiq. cap. 4. prope finem) assequi non poterant, si minus sexcentis annis vixissent; & ratio est, quia aliqui ex motibus cælestibus (vt dictum est) serò admodum complentur, ideoque non nisi longissimo temporum tractu obseruari possunt. Cum igitur in his aliisque huiusmodi scientiis ac facultatibus quadam rarò admodum accidant, & multa sint quæ sine experimentalibus, quam vocant, cognitione probè sciri, posterisque mandari cumulatè nequeant, & vt ait Hippocrates in Aphorismorum initio, experimentum sit admodum fallax; & consequenter ad exactam eius comprobationem exigat longissimam experientis durationem atque obseruationem: non mirum est, si altissima illa Dei prouidentia, quæ (vt dicitur Sapient. cap. 8. vers. 1.) *attingit à fine vsque ad finem fortiter, & disponit omnia suauiter*, ex quo priscos Patres etiam in multis tamquam vniuersæ posteritatis magistros fore destinauerat, eosque ob id diutius viuere oportere intelligeret: varias multiplicesque, quas memorauimus, veluti secundas ac naturales proluxioris vitæ causas, tunc temporis concurrere naturaliter voluit; vt longo vsu ac studio plenam quodammodò humanarum artium ac scientiarum notitiam consequi, & quæ tam diu didicissent, iis qui postmodum multò minùs victuri erant, citius tradere ac communicare valerent.

13. Eodem anno, qui erat sexcentessimus vitæ Noë, non multò post mortem aui sui Mathusala, ipse Noë, expleta Arcæ fabrica, intulit in eam ex omnibus efcis quæ comedere poterant, quemadmodum præceperat ei Dominus Genes. cap. 6. vers. 21. Ad quas efcas proculdubio pertinuisse intelligenda sunt, multa magnaque dulcis aquæ vasa, ad potandum, cibosque coquendos. Sed & in eadem escarum generalitate, Origenes Homil. 2. super Genes. cap. 6. & Io. Buteo in suo de Arca Noë libello, putant comprehendere quoque carnes; nimirum, multa ouium millia, pro alendis carniuoris. qua ratione dici etiam posset, contineri pisces, pro his animalium generibus quæ solent vesci piscibus. Sed (pæce istorum dixerim) hæc opinio non videtur vllò modo admittenda: nam præterquam quòd superius sub sexta mundi die num. 28. & 29. probauimus, quòd etiam animalia, quæ nunc sunt carniuora, ante Diluuium neque carnes neque pisces comedebant, sed tantummodò terræ fructus, à Deo tunc vniuersaliter cunctis animalibus in cibum assignatos: & ipsemet Buteo testatur, omnes vno ore Theologos concedere, nullum ex carniuoris animalibus Diluuii durante carnes comedisse, sed omnes in Arca, siue Dei prouidentia, siue necessitate cogente, quia nullæ ibi erant carnes, toto illo anno manducasse cibos aliis animalibus communes: illud etiam nostram confirmat opinionem, quòd Scriptura sacra Genes. cap. 7. vers. 2. signanter describit numerum omnis generis animalium quæ ingressa sunt in Arcam, videlicet de mundis septena & septena; hoc est, iuxta magis probatam Doctorem expositionem, septem vnus speciei, & septem alterius; & sic de aliis singulis, quorum tria erant feminini sexus, & quattuor masculini, ob causam infra num. 15. explicandam. De immundis vero, duo & duo, scilicet masculum & feminam vniuscuiusque speciei: quæ omnia egressa etiam esse de Arca post Diluuium, dubitare non debemus; tum quia id satis apertè colligere possumus ex Genes. cap. 8. vers. 17. & 19. tum quia in Arca nullum animal obiiisse

ARCA QUANDO EXPERIMENTA ET ESCIS BENE PROVISATA.

CARNES IN MEMORATIS ESCIS NULLAS EXISTISSE.

obiisse reperimus. Itaque si non alia animalia, præter superius notata, in Arcam introducta sunt; quis non videt, quod si pro pascendis carniuoris non-carniuora occiderenda fuissent, cuncta quæ ibi erant non-carniuora, haud potuissent ipsis carniuoris, spatio nimirum vnius anni, in cibum sufficere? Ratio etiam ipsa suadet, nullas ibidem carnes mortuas fuisse reconditas; non sale salitas, aut aromatibus conditas; quia ad esum animalium non fuissent aptæ. non crudas, neque assas igni, aut sole siccatas; quoniam neque hoc pacto à putredine præseruari tanto tempore, in Arca præsertim ferè vndique conclusa, potuissent. Quapropter quod in Sacro textu legimus, *Tolles igitur tecum ex omnibus cæcis quæ mandî possunt*, &c. non absolute, & omnino vniuersaliter accipiendum est, ita vt carnes quoque piscisve comprehendat; sed cum debita illius temporis circumstantia, quæ tangitur illa particula, *quæ mandî possunt*, clarum namque est, quod quando Dominus hæc præcepit, nondum licite edi poterant carnes piscisve; quoniam necdum illorum vsus fuerat concessus, vt à nobis loco suprà citato probatum est.

14. Rationabile item videtur credere, ipsum Noë, præter animalia & ipsorum cibaria, intulisse etiam in Arcam copiosam supellectilem, tam rusticam quam vrbanam, vasorum areorum stanneorumque, & huiusmodi, itemque ferramentorum fabrilium vniuersi generis, quibus ipse & filij eius, siccato Diluuii, vti possent in operibus manuum suarum; quippe qui omnia validissimis aquarum inundationibus disperdenda aut corrumpenda iam præuiderat, neque postea facile huiusmodi denuò posse parari; alioqui illud, siccatis aquis, necesse fuisset in montibus quarere fodereque metalla, quibus instrumenta, præsertim rustica, falces, ligoñes, & similia fabricarent, ad colendam terram. Illud verò etiam, tametsi scriptum non sit, concedere omnes debent, quod quemadmodum Noë, Deo dirigente, animalium mansiones locaque sapientissimè distinxerat, (vt. sub anno mundi 1557. num. 17. breuiter tetigimus) ne se iniucem vllò modo possent animalia lædere: ita etiam miro iudicio onera cuncta intra Arcam ea ratione locare ac disponere studuit, vt ipsa Arca, veluti iustus librata ponderibus, recta positione super aquas consistere ferrive posset.

15. Eodem anno sexcentesimo vitæ Noë, die decima mensis secundi, septem videlicet diebus ante initium Diluuij, præcepit Dominus Noe vt ingrederetur in Arcam ipse, & filij eius, scilicet Sem, Cham, & Iapheth, cum vxoribus suis, (credibile namque est, tunc nullas, si quos alios habuit filios Noë, præter nominatos aut fuisse superstitres, aut in domo paterna, sed procul ab ea valde extitisse.) Sane vxorum nomina quæ Scriptura sacra subicit, haud equidem scio quomodo quidam scire potuerint, neque si verum est quod ipsi prodiderunt; præsertim cum inter se minimè consentiant: nam vxorem Noe, Gnostici hæretici Noriam appellabant; Epiphanius verò contra eos disputans, Hæres. 26. Barthemon nuncupatam contendit; at Berofus Annianus eandem Tyteam magnam vocat, reliquas autem tres, Pandoram, Noëllam, & Noëglam: sed quidquid sit, non est de hac re disceptandum, cum nihil ad rem referat, quod magis hoc quàm illo nomine appellatæ fuerint. Mandauit præterea Dominus ipsi Noe, vt ex omnibus animantibus terrestribus & volatilibus cuiusque speciei tolleretur, id est, sineret in Arcam ingredi: de immundis, duo & duo singularum specierum, hoc est, par vnum, masculum scilicet & feminam, vt conseruari, ac postea denuò multiplicari possent: de mundis verò, septena & septena, Genes. cap. 7. vers. 3. nimirum septem cuiusvis speciei, quorum tria essent feminini sexus, & quattuor masculini; vt tria singularum specierum paria, ad speciem conseruandam prolemque augendam, expleto Diluuii, incumberent, quartum verò animal masculum, in sacrificijs pro gratiarum actione offerri posset: quod deinde factum legimus Genes. cap. 8. versic. 20. Congruum autem fuit, plura mundorum animalium paria asseruari quàm immundorum: quoniam hæc, ad propriæ tantum speciei conseruationem, illa verò insuper etiam ad varios hominum vsus, & ad sacrificia Deo offerenda, magis erant multiplicanda. Sed hæc mundorum atque immundorum animalium differentia, hoc loco, non quoad esum accipienda est; siquidem tunc temporis, quando hæc acta sunt, necdum esus carniū concessus fuerat, vt superius num. 13. & sub die sexta mundi num. 28. ostensum est, & infra sub anno mundi 1657. num. 17. ostendemus; sed quoad sacrificia: credibile enim est, prisco illos primæ mundi ætatis Patres, vel naturali quodam iudicio ac lumine, vel diuina reuelatione, non quæcumque animalia, sed tantummodò mansuetiora, & visibus humanis commodiora, in sacrificijs adhibuisse; reliqua verò, quantum ad hoc, immunda nuncupasse; quamquam postea, videlicet scriptæ Legis temporibus, ad discernenda animalia, quibus vesci licitum erat, a baliis, hac differentia potissimum inuecta sit.

DES VPEL-
LECTILI IN
ARCA SER-
VATA.

QUANDO
PRAECEPE-
RIT DOMI-
NVS NOE VT
CVM FAMI-
LIAS VAIN-
GREDERE.
TVR IN AR-
CAM.

DE ANIMAN-
TIBVS IN
ARCA IN-
DVCTIS.

DE DIFFE-
RENTIA A-
NIMALIVM
MVNDI RVN
ET IMMVN-
DORVM.

LEGALIA
NONOMNIA
ANTE LE-
GEM OBSER-
VATA.

16. Et hinc patet, decipi eos, qui putant non solum hoc, de abstinendo ab esu immundorum animalium, sed etiam cuncta alia Moyseica Legis precepta, olim ante ipsam Legem à viris probis ac Deum timentibus observari consuevisse. Nam si Deus Genes. cap. 9. vers. 3. quando dedit hominibus vniuersa animalia in cibum, dicens: *Et omne quod mouetur & vinit, erit vobis in cibum.* nihil omnino discreuit inter munda & immunda, sed *omnia* vniuersaliter, *quasi olera viuentia* (inquit) *tradidi vobis.* quis audeat suspicari, pios viros ab vilo horum tamquam immundo ante Legem latam diuinamque declarationem abstinuissè? Quod enim Deus vsque ab initio purificauerat illis verbis: *Vidit Deus cuncta quæ fecerat, & erant valde bona.* & mox immensa largitate homini in cibum sumenda sine vilo discrimine traderat, quis commune & immundum reputare vniquam ausus esset? Præterea, quamuis inficiari nemo possit, quædam ex his, quæ postmodum Lege cauta sunt, etiam ante ipsam Legem fuisse vsitata, vt patet sparsim in Genes. nimirum De Altarium ædificatione, cap. 8. vers. 20. & cap. 12. vers. 7. & cap. 33. in fine. De abstinendo ab esu sanguinis, cap. 9. vers. 4. De votis, & oblatione decimarum, cap. 28. vers. 20. & 22. De suscitando semine fratris absque liberis defuncti, cap. 38. vers. 8. Attamen certum est, quædam alia quæ in Lege scripta sunt, prius non fuisse in vsu: nam scimus quoddam Leuit. cap. 18. vers. 12. & 18. Lex prohibebat, ne quis sororem patris, aut sororem propria vxoris duceret: & nihilominus constat Exod. cap. 6. vers. 20. & Numer. cap. 26. vers. 59. Amram filium Caath filij Leui, duxisse Iochabed amitam suam, id est sororem patris sui Caath, & filiam Leui: & Iacob duxisse Rachelẽ sororem Lia vxoris suæ, Genes. cap. 29. vers. 28. Quamquam, quod dictum est de Iochabed, probabilior sit opinio eorum, qui putant ipsam fuisse patruelem, hoc est consobrinam mariti sui, filiam scilicet fratris Caath patris Amram, vt nos sub anno mundi 2464. num. 2. & 3. ostendemus.

QVOMODO
ANIMALIA
IN ARCAM
INTRODV-
CTA.

17. Porro vt ad historiam redeamus, non est putandum, prædicta animalia ad Arcam operâ dumtaxat ipsius Noë & filiorum eius fuisse congregata, (non enim videtur, eos septem dierum spatio naturaliter potuisse & Arcam tot comæatum generibus replere, & tot animalium differentias conquirere, atque ad ipsam Arcam adducere) sed potius ipsamet animalia, quæ Dominus conseruare decreuerat, diuino quodam instinctu ad Arcam venisse, seu Angelorum ministerio fuisse perducta: Noë verò, quemadmodum præceperat ei Dominus, curasse, vt venientia intra Arcam admitterentur, eisque vt filij sui mansiones & loca, quæ parauerat singulis speciebus opportuna, assignarent, escasque præberent. Verumenimverò quia ex illis verbis, quæ Genes. cap. 7. vers. 3. leguntur, *Vt saluetur semen super faciem vniuersæ terre;* liquidò constat, Dei præceptum de introducendis in Arcam animalibus, eò fuisse directum, vt species ipsorum à Diluuiò præseruari possent: ratio dicitur, non fuisse necessarium, vt in ipsam ingrederentur illa animalia, quæ ex putri materia, vt vermes, apes, scorpiones, & id genus alia; & quæ ex diuersarum specierum commistione generari solent, vt muli, &c. quia etiam omnibus huiusmodi animalium indiuiduis omnino consumptis, facile erat eorum species reparare, seminariis eorum causis remanentibus. Quo fit vt Io. Buteo in suo carnivororum catalogo, inter ea quæ putat ingressa esse in Arcam, potuisset vel potius debuisset præterire lupos canarios & ceruarios; hi namque ex mitione luporum cum canibus aut ceruis procreari dicuntur. De piscibus etiam cuiusvis generis, aliisque animalibus quæ in aquis degunt, patet non opus fuisse, vt eorum species in Arca præseruarentur; neque quæ vocant amphibia, præsertim quæ magis in aquis quàm in terra morari consueverunt, vt ranæ, crocodili, & similia.

QVAE IN
ARCAM
NON SVNT
INGRESSA.

18. Igitur Noë, omnia quæ mandauerat Dominus, intra præfatum vnus dierum septimanæ spatium executioni mandare cum diligentissimè curasset, in articulo diei decimi septimi eiusdem mensis, omnibus in Arcam ritè compositis, ingressus est in eam cum memorata familia sua, & clausit de foris ostium Dominus, vt signanter exprimitur Genes. cap. 7. vers. 16. Quod Angelorum ministerio factum fuisse, dubitare nemo debet. Nec solum vtrumque clausit; sed etiam diligentissimè rimulas obturasse, ac bitumine desuper delinisse putandum est, ne aquæ intus penetrare vilo modo possent. Et hæc pauca, de multis quæ ante diluuium acta sunt, in Sacro eloquio notata, breuiter hic attulisse, atque suis locis inseruisse sat sit. Ex quibus apparet, parum tuta esse quæ scribit Methodius Martyr, apud Abulensem super cap. Gen. 6. circa initia sui Commentarii relatus; nimirum *quod anno quingentesimo primæ chiliadis, hoc est primi annorum mundi millenarij, progenies Caini abutebatur vxoribus fratrum suorum. Deinde anno eiusdem chiliadis sexcentesimo, mulieres in infaniam verse, supergrediebantur viros suis.*

QVÆ DAM
A METHO-
DIO TRA-
DITA, ESSE
INCERTA.

Mortuo autem Seth, separauit se cognatio eius à sobole Caini, redieruntq; ad natale solum: nam & pater eorum viuens prohibuerat ne miscerentur; & habitauit cognatio Seth in Cordan monte, coram viuenti proximo: Cain vero habitauit in campo, in quo fratrem suum interemerat. Quingentesimo autem secunda chiliadis anno, qui erat ab orbe condito millesimus quingentesimus, exarserunt masculi in alterutrum coeuntes. Et septingentesimo eiusdem secunda chiliadis anno, filij Seth concupierunt filias Caini, atque inde orti sunt gigantes. Demum tertia incipiente chiliade, nimirum expletis duobus ab orbe condito annorū millibus, Diluuium inundauit. haec tenus ex Methodio. Sed quidquid sit de veritate rerum à Methodio prænarratarū, (si tamen verè ipsius sint, & non potiùs ab aliquo alio perperam ei adscriptæ) nos easdem neque omnino probare, neq; improbare audemus. quoniam tametsi quomodo à Moysis historia videantur esse diuersa, non tamen eidem dici possunt esse contraria. Quia quod Scriptura sacra verbis quibusdam vniuersalibus, nempe illis: *Videns Deus, quod multa malitia hominum esset in terra, & cuncta cogitatio cordis intenta esset ad malum,* & similibus, significauit; citatus Auctor expressius descripsit, ad particularia hominum vitia descendens. Quamuis vnde nam ea desumpsit, ignoretur, nisi quòd per reuelationem eadem accepisse traditur; de qua tamen nihil constat. Et quidem, licet rationi consonum sit, genus humanum non statim in profundum malorum deuenisse, sed per quosdam veluti gradus, vsque ad Diluuii tempora, semper in peius, hoc est ad maiora indies vitia fuisse prolapsum: attamen quòd id factum sit modis & temporibus à Methodio prænотatis, vtique id probandū fuerat; præsertim cum (quod ad memoratam attinet temporum distributionem) certum sit, eam non posse subsistere. Siquidem certissimum est, ab orbe condito ad Diluuium, non plus quàm annos mille sexcentos quinquaginta sex esse decursos, vt patet ex continuata nostra temporum ratione, quam ex Vulgata Bibliorum editione fideliter desumpsimus. Nam quæ in lxx. Interpretibus habetur, tota corrupta est, quemadmodum nos sub anno mundi 131. num. 4. & deinceps latius ostendimus; & Abulensis loco proximè citato ait, quòd littera lxx. Interpretum sustineri non potest in eo quòd ponit maiores annorum numeros, quàm nostra & Hebraica.

19. Eodem die decimo septimo eiusdem mensis secundum, anni sexcentissimi ætatis Noë, cœpisse Diluuium, aperte colligitur Genes. cap. 7. vers. 11. editionis Vulgatæ, quam sequimur; ibi enim expressè traditur, tunc ruptos esse omnes fontes abyssi magnæ, & cataractas cæli apertas, & factam esse pluuiam super terram quadraginta diebus & quadraginta noctibus. Nam quòd textus lxx. Interpretum ibidem ait, id contigisse die vigesimo septimo, nos infra num. 26. probabimus, stare non posse. Ceterum proximè adducta sacra Scripturæ verba, duo in primis videntur insinuare. Alterum est, ipsum Diluuium non ex causis tantummodò naturalibus (vt nonnulli perperam existimarunt) euenisse; sed potissimum ex supernaturali potentia Dei, qui Angelorum ministerio, ad peccatores de terra abolendos, maximam illam super faciem eius vim aquarum induxit, quam non semel antea, præsertim Genes. cap. 6. vers. 7. & 13. & cap. 7. vers. 4. prædixerat. Etenim illa fontium ruptio, & cataractarum cæli apertio, tametsi metaphorice prolata videatur, proculdubio denotat quid violentum & insolitum, ac præter communem cursum ordinemque naturæ. Alterum est, tantam fuisse aquarum copiam, quæ tum è visceribus terræ per ipsius meatus sursum intumescerebat, tum è cælo, nimirum aëreo, hoc est à media aëris regione, vbi de nubibus aquæ generari solent, impetu maximo descendebat; vt fontes e cauernis terræ, non sensim more consueto manare, sed veluti ruptis ac dilatatis ipsorum ostiis, altius erumpere, ebullire, largiterque aquas eructare viderentur: & cataractæ cæli, hoc est ingentes nubium fluxiones, non guttas minutatim, veluti per cribrum, vt aliàs fieri solet, demittere; sed quasi discissæ, apertæ, ac patefactæ, aquas horrendo fragore & impetu, ac mira quadam redundantia effundere. Perdurauit autem in toto orbe terrarum huiusmodi pluuiæ per totos quadraginta dies ac totidem noctes, (Genes. cap. 7. vers. 12. & 17.) sine vlla prorsus intermissione aut diminutione, aquis interim super vniuersam terrarum superficiem iugiter auferentibus, ac primò quidem valles & humiliora quæque loca replentibus, Arcamque in sublime attollentibus, mox etiam colles, & ad extremum, iuga quoque montium altiora occupantibus. Horrendum visu spectaculum, in quo vniuersum per orbem cernere erat, ingentes inter illos pluuiæ fragores, pereuntiumque eiulatus, cuncta confundi, subuerti omnia, & aquarum fluctibus inuolui atque demergi. Vbiq; pavor, vbiq; tremor. Oh quàm vellent illius temporis homines audisse, quem talia prædicentem irriserant. quàm prudentem Noë, & se insanos prædicabant.

DILUVIUM
QUANDO
COEPPERIT.

MISERABILIS
HOMINUM
INTERITUS.

dicabant. Oh, si possent, quàm libenter nunc in Arcam ingrederentur, & ibidem inclusi etiam perpetuò, si opus esset, permanere prælerent, aut quidvis aliud in ea pati potius, quàm tumentes super se fluctus, & imminetent illum atque ineuitabilem interitum ante oculos habere. Sed heu, proh dolor! nusquam certa salus, quibus iure id obici poterat, *Serò sapiunt Phryges*. Circumcursabant per domos trepidæ cum paruulis matres, nescientes quò pergerent; surgebant pauidi de mensa, aut de cubili, sponsus & sponsa; & vnusquisque prout melius poterat, salientem euadere frustra satagebat vnam. Vidisses quosdam repentè superiora domus, alios etiam tectorum cacumina conscendere: nonnullos item excelsarum arborum ramos scandere, alios verò cum festinatione ad collum montiumque iuga confugere; &, quod omnem miseriam superabat, neminem maximam illam vim aquarum vbique penetrantium eludere potuisse: nam quadragesimo pluuiæ die, altissimos quosque vniuersæ terræ montes vnda non solum operuit, verumetiam super ipsorum vertices quindecim cubitis altior fuit: sicque non solum flagrans vbique terrarum libido omnium hominum eluione restincta est, sed etiam vniuersa animantia, tum terrestria tum aërea, prorsus consumpta sunt, præter ea quæ cum ipso Noë ad sobolem conservandam inclusa erant in Arca: ibidem vers. 20. vsq; ad finem capitis. *Quid leserant irrationabilia?* (inquit sanctus Ambrosius in lib. de Noë & Arca cap. 10.) *Sed quia propter hominem illa facta erant, eo vtiq; deleta propter quem facta sunt, consequens erat, ut etiam illa deleterentur, quia non erat qui his vteretur.* Sanè quod attinet ad repentinam horribilemque hanc mundi eluionem, si quis eam sibi arctius ante oculos mentis ponat, præclarum profectò habebit exemplar & imaginem quamdam futuræ consumptionis sæculi, & Extremi iudicij. Nam vt ipsemet Dominus noster dicebat Matth. cap. 24. vers. 37. & 38. *Sicut in diebus Noë, ita erit & aduentus Filij hominis. Sicut enim erant in diebus ante diluuium comedentes & bibentes, nubentes & nuptui tradentes, vsque ad eum diem, quo intravit Noë in Arcam, & non cognouerunt donec venit diluuium, & tulit omnes: ita erit & aduentus Filij hominis.* sic ibi Dominus. Quamquam illud interest, quòd tempore Diluuij probabile est, quemadmodum sub anno mundi 1557. num. 21. ostendimus, aliquos verè pœnituisse, & corporalem illam mortem libenter in peccatorum suorum pœnam sustinuisse, ac post eam in locum salutis concessisse: at verò in extrema illa iudicij die, nullum pœnitendi tempus, nulla peccatoribus reliqua erit spes salutis; sed sicuti Sodoma, & Gomorrha, & finitimæ ciuitatès, quæ subuersæ sunt in momento; ita tunc, pronuntiata contra reos sententia, confestim ad inferna descendunt.

20. Itaque, vt ad rem redeamus, die quadragesimo desinente, ab inchoato Diluuiò, qui fuit ab initio anni vitæ Noë sexcentessimus dies octogessimus quintus, siue tertij mensis vigesimus sextus, desinit pluuiæ, pariterque cessauit incrementum aquarum: quoniam subitus terram clausi sunt fontes abyssi, ne possent amplius veluti euomere & regurgitare aquas super terram; & superius clausæ sunt catacætæ cæli, id est nubium fluxiones, Genes. cap. 8. vers. 2. quod ibidem per recapitulationem fuisse dictum, videtur sensisse B. Augustinus in Quæstionibus in Genes. quæst. 12. Et tunc quindecim cubitis altior fuit vnda super montes, Genes. cap. 7. vers. 20. Permanserunt verò aquæ in illo statu centum quinquaginta diebus, vt exprimitur in calce eiusdem cap. & cap. sequenti vers. 3. nimirum, à die quadragesimo pluuiæ computandis. Oportet ergo eandem Diluuij aquas cœpisse minui die sequenti, inchoante videlicet centesimo nonagesimo primo, ab inchoato Diluuiò, qui erat dies ducentessimus trigessimus sextus, à proximè memorati anni sexcentissimi vitæ Noë exordio, siue dies vltimus mensis octauus, ab eiusdem anni initio. Siquidem tunc, vt legimus Genes. cap. 8. versic. 1. *Adduxit Dominus spiritum super terram* (subaudi, aquis opertam) *& imminuta sunt,* (hoc est, minui cœperunt) *aque.* Puto autem spiritum à Deo adductum, fuisse ventum valde admodum exsiccantem, atque agitantem aquas. quod innuitur illis verbis: *Reuersèq; sunt aque de terra euantes & redeunt, & cœperunt minui post centum quinquaginta dies,* Genes. cap. 8. vers. 3. Quòd si ventus ille vrens, cuius meminuit Scriptura Exod. cap. 14. vers. 21. tam citò exsiccare valuit mare Rubrum, vt per ipsum sicco vestigio eadem nocte transire pòtuerit exercitus Hebræorum: quis miretur, ventum similem, vel fortè longè validiorem, mirabiliter à Deo productum, atque per omnes orbis partes immisum, aquas Diluuij, centum viginti nouem dierum spatio, (tot enim ad anni Solaris complementum restabant, vt ex paulò pòst dicendis supputari poterit) paulatim minuerè, ac tandem arefacere potuisse: Porro ad præfatos anni Solaris dies rectè computandos, oportet supponere, menses tum proximè memoratos,

QVANDO
DESIT
PLYVIA.
29 29
16 30
40 26
35 85

QVANDO
AQVAE COE-
PERINT MI-
NUI.
40 85
150 150
1 1
191 236

29
30
19
30
29
30
29
30
129
365

tum etiam memorados, more Hebraico, fuisse Lunares, (vt infrà num. 24. & 25. ostendimus) quorum singuli, viginti nouem, alternatim, & triginta, continent dies. constat namque, Lunam ordinarie viginti nouem diebus cum dimidio, proprium suum con-
ficere cursum; nempè ab vna eius renouatione ad alteram.

21. Quoniam autem suprà num. 19. & 20. dictum est, Diluuij aquas excessisse mon-
tium altitudinem cubitis quindecim; liquidò colligitur, erroneam omnino esse illo-
rum opinionem, qui existimarunt, ante Diluuium nec montes exstitisse, nec valles, sed
totam terram in rotunda superficie sua fuisse æqualem; ex vi autem aquarum Diluuij
huc atque illuc validissimè confluentium, montes fuisse aggeratos, vallesque excava-
tas, & omnem terrà inæqualitatem, quam modò videmus, effectam. Quà ratione opor-
teret etiam nunc in Oceano plures huiusmodi montes causari, & nouas sæpius in-
sulas fieri. Quod an verum sit, equidem non adhuc exploratum habeo. Verùm contra
memoratam opinionem, præter locum Scripturæ allegatum, facit quoque illud quod
dicitur in Psal. 89. vers. 2. *Prusquam montes fierent, aut formaretur terra & orbis, à seculo
& usque in seculum tu es Deus.* Vbi proculdubiò nihil discreuit Propheta inter ori-
ginem montium, & terræ, & orbis. Ergo sicuti constat, in principio factam esse ter-
ram & orbem, ita & montes. Non igitur terra & orbis in principio condita sunt, montes
autem Diluuij tempore effecti. His adde quod de Sapientia diuinæ antiquitate legi-
mus Prouerb. cap. 8. vers. 25. *Necdum montes graui mole constiterant: ante colles ego par-
turiebar.* Quæ enim, obsecro, esset Sapientia huius antiquitas, si Diluuij Noëti temp-
ora paululum dumtaxat præcessisset? Sed valeat dispareatque hæc tam inepta opinio,
tamque sacræ Scripturæ contraria, ac diuino Numini iniuriosa, quæ opus Dei, terræ
scilicet creationem, mancã vtique atque imperfectam facit; quippe cui ante Dilu-
uium tam longo temporum tractu defuerit pulcherrima hæc montium valliumque
varietas, quæ prouincias distinguit, ventorum impetus frangit, crystallum, multa-
que marmorum, gemmarum, metallorumque; aliorum fossilium genera, ad varios hominum
vsus atque ornatus producit; fontes, fluminumque origines deriuat, ad camporum
irrigationes nauigationesque commodè exercendas; varias item plantarum anima-
liumque species, ad proprias ipsarum naturas accommodatè conuenienterque vege-
tat & conseruat, iuxta illud quod in Psal. 103. vers. 8. vsque ad 19. insinuatur illis ver-
bis: *Ascendunt montes, & descendunt campi, in locum quem fundasti eis. Qui emittit fon-
tes in conuallibus; inter medium montium pertransibunt aquæ. Potabunt omnes bestia agri:
expectabunt onagri in siti sua. Super ea volucres cali habitabunt: de medio petrarum dabunt
voces. Rigans montes de superioribus suis: de fructu operum tuorum satiabitur terra: produ-
cens fœnum iumentis: & herbam seruituti hominum: vt educaas panem de terra: & vinum
latifcet cor hominis: vt exhilaret faciem in oleo: & panis cor hominis confirmet. Satura-
buntur ligna campi, & cedri Libani quas plantauit: illic passeris videlicet. Herodij domus
dux est eorum: montes excelsi cernis: petra refugium herinaciis. Sed & multa insuper alia
hominibus ceterisque animalibus bona præstat prædicta montium, valliumque, &
camporum varietas; quæ fusiùs hic persequi superuacuum putamus.*

22. Mense septimo (nimirum ab inchoato Diluuiò, vt paulò pòst probabitur) die
vigesima septima eiusdem mensis, id est die decimo quarto ab initio decrementi aqua-
rum, Arca, quæ hætenus ab ipso ferè Diluuij exordio huc atque illuc ferebatur super
aquas, tandem requieuit super montes Armeniæ, Genes. cap. 8. vers. 4. hoc est (numero
plurali pro singulari, quemadmodum aliàs Scriptura sacra solet, vsurpato) super vnum
montium Armeniæ, quem Cordyeum appellari ex Berofo tradit Iosephus 1. Antiq.
cap. 4. his verbis: *Fertur autem & nauigij huius pars in Armenia apud montem Cordycoreum
superesse, & quosdam, bitumen inde abrasum secum reportare, quo maximè, vice amuleti,
eius loci homines vti solent.* sic Iosephus. Hunc etiam montem in eodem quo Roma
climate positum perhibent. Ceterum, quod attinet ad diem ipsius mensis, in quo dixi-
mus Arcam requieuisse, Paraphrasis Chaldaica, vt videre est in Bibliis Regiis, pro die
vigesima septima, habet, die decima septima. sed secundum hanc litteram oportet ipsam
Arcam tribus dumtaxat diebus integris, postquam cœperant aquæ minui, requieuisse,
quod non videtur verisimile. Propterea magis puto standum esse textibus Latinis &
Græcis Romæ impressis, qui vniformiter habent, id contigisse vigesimo septimo dicti
mensis die, nimirum die decimo quarto, subaudi inchoante, ex quo aquæ iam decre-
scere cœperant. probabile enim videtur, dictam Arcam circa Diluuij initia (quo-
niam tunc magis onusta erat & grauis) aliquanto altius quàm pro medietate sub vndis
latuisse, deinceps verò ex continuua comæatus consumptione, paulatim leuiorem esse
red-

MONTES AB
EXORDIO
MVNDI EX-
STITISSE.

ARCA QUAN-
DO, ET VBI
REQUIEVE-
RIT.

redditam, ita vt aliquanto ampliùs superaquas eleuaretur, emineretque, & consequenter mense sexto ab inchoata eluione, Arca minùs quindecim cubitis subtus occultaretur. Nam licet animalium excrementa, in sentinam continuò deiecta, interim valde aucta essent; illa tamen longè minoris erant ponderis, quàm annona ab ipsis consumpta, & nihilominùs magnam item eorundem excrementorum partem (vt infra sub anno mundi 1657. num. 2. dicitur) ab ipso Noë & filiis eius, ratione sub anno mundi 1557. num. 19. iam exposita, sapiùs educam, atque extra Arcam fuisse proiectam, dubitandum non est; vt propterea deinceps ipsa potuerit Arca, etiam super altissimos quosque montes natare ac ferri. Siquidem, vt diximus, aqua in summo ipsarum incremento nonnisi quindecim cubitis super montium vertices aucta sunt. Atque hoc pacto benè potuit Arca carina, decimo quarto decrementi die incipiente, iugum altissimi montis contingere, atque in eo firmata requiescere. Diximus, Arcam requieuisse septimo mense, ab inchoato Diluuiò. Quia si dicis, à principio anni vitæ Noë sexcentissimi, nullo modo poterit veridica reperiri Scriptura sacra, in eo quòd ait, eandem Arcam requieuisse vigesimo septimo die mensis septimi: siue computes dies centum quinquaginta status aquarum, à fine quadraginta dierum pluuie, siue ab initio Diluuij, quemadmodum aliqui perperam supputandos existimarunt. Nam cum dictum sit, Diluuium cœpisse inchoante decimo septimo die mensis secundi, si priùs seorsum computaueris dies triginta primi mensis, & sexdecim secundi, & quadraginta pluuie, & centum quinquaginta status aquarum, & his addideris tredecim dies ab initio decrementi aquarum, post quos diximus Arcam requieuisse, inuenies summam ducentorum quadraginta nouem dierum, qui efficiunt octo menses Lunares, & duodecim dies mensis noni. Si verò de hac summa detraxeris quadraginta illos pluuie dies, tamquam in prædictis centum quinquaginta diebus status aquarum contentos; resultabit summa dierum ducentorum nouem; qui faciunt menses Lunares septem integros, & super sunt dies duo mensis octau. Et sic vtroque modo oporteret Arcam non die vigesimo septimo mensis septimi, vt Scriptura sacra testatur; sed die secundo mensis octau, vel duodecimo mensis noni, requieuisse. Igitur necessariò dicendum est, mensem illum septimum, in cuius die vigesimo septimo Moyses Arcam requieuisse tradit, ab initio Diluuij, non autem ab exordio anni vitæ Noë sexcentissimi, esse accipiendum, vt patet ex ipsa dierum supputatione, quæ ab inchoato Diluuiò deducta præcisè consonat; ab exordio autem dicti anni sexcentissimi, nullo modo conuenire potest, vt probatum est. Et confirmari potest ex eo, quòd (vt numero sequenti ostendemus) quæ subiunguntur de mense decimo, ab eodem Diluuij initio deducenda sunt. Et nulla appareat ratio, cur isti menses, septimus scilicet & decimus, diuersimodè supputari debeant. Itaque, vt dictum est, Arca requieuit, ab inchoato quidem Diluuiò, die ducentesimo quarto incipiente, qui erat dies vigesimus septimus mensis septimi: ab initio autem anni sexcentissimi vitæ Noë, die ducentesimo quinquagesimo pariter incipiente, qui erat decimus quartus mensis noni.

30
16
40
150
13
249

MONTIUM
CACUMINA
QUANDO
APPARVE-
RINT.

NOE QUAN-
DODIMISIT
CORVVM, ET
COLUMBAM
TER.

23. Mense decimo, die prima mensis (subaudi inchoante) apparuerunt cacumina montium, Genes. cap. 8. vers. 5. Computanda verò est hæc dies prima mensis decimi, ab inchoato Diluuiò, vt num. proximo ostendemus. erat ergo ab eodem Diluuij exordio dies ducentessimus sexagesimus septimus; & à die requietis Arcæ, sexagesimus tertius; & à principio anni sexcentissimi vitæ Noë, trecentessimus decimus secundus, id est mensis vndecimi dies decimus septimus, vt quibus pro libito putare poterit. Post quadraginta dies (nimirum incluso etiam primo mensis decimi, vt num. sequenti patebit) Noë aperiens Arcæ fenestram, dimisit coruum, qui non est reuersus; emisit quoque columbam post eum, quæ cum non inuenisset vbi requiesceret pes eius, reuersa est ad eum, Genes. cap. 8. vers. 9. non enim tam longè volare poterat, vt ad aliorum montium cacumina perueniret, sicuti fecerat coruus. Post dies septem, ab hisce quadraginta numerandos, Noë rursum dimisit columbam, quæ reuersa est ad eum ad vespeream portans ramum oliuæ virentibus folijs in ore suo; quo signo intellexit Noë quòd cessassent aquæ super terram. Expectauitque nihilominus septem alios dies, & emisit columbam, quæ non est reuersa vltra ad eum, Genes. cap. proxime citato vers. 10. vsque ad 13. vbi Moyses, ex his quæ à versiculo 11. præcedentis capituli hætenus narrauerat, cōtinuò subinfert, dicens: *Igitur sexcentesimo primo anno, subaudi vitæ Noë (refertur enim ad id quod cap. 7. vers. 6. dixerat de anno sexcentesimo vitæ Noë, & vers. 11. quòd die decimo septimo mensis secundi illius anni cœperat Diluuium) primo mense, prima die mensis, imminute sunt aquæ super terram; & aperiens Noë tectum Arcæ, aspexit, vidit-*

viditque quòd exsiccata esset superficies terræ. Ceterum quòd Moyſes tradit de Noë, qui de Arca emiſit columbam, Plutarchus in Commentario, qui Terreſtriâne, an aquatilia animalia ſint callidiora, ſeu, De ſolertia animalium, inſcribitur; æquiuocatione deceptor, tribuit Deucalioni, ſub quo aliud Diluuium cõtiſſe certum eſt; & (more Ethnicorum, qui cùm de Hiſtoria ſacra aliquid tangunt, diuerſimodè illud referunt, ac interdum etiam inter fabuloſa computare non verentur) inquit: Sanè qui fabulas narrant, ij columbam aiunt ex Arca emiſſam, Deucalioni certum indicium detuliſſe tempeſtatis, cùm rursus ingrederetur: ſerenitatis, cùm auolaſſet. hæc ille.

QUANDO
APERUIT
ARCAE-
CTVM.

24. Porro ex memorata Moyſis illatione liquidò videtur poſſe colligi, quòd quando ſuperiùs dixit, prima die menſis decimi apparuiſſe cacumina montium, proculdubio nouem illi menſes integri, qui præceſſerant, ſupputari nullo modo poſſunt ab initio anni ſexcenteſimi ætatis Noë: quia poſtmodum apertè Scripturæ ſacra dicit, poſt eoſdem illos nouem menſes vſque ad initium anni ſexcenteſimi primi, fluxiſſe dumtaxat quadraginta & bis ſeptem dies; qui nullatenus poſſunt reliquos tres efficere menſes, & annum illum Solarem explere: deficiunt namque ad eius explementum pluſquam alij quadraginta dies, ſuppoſito (vt ſæpiùs diximus) dictos menſes fuiſſe Lunares. Itaque ex prædicta Moyſis illatione, neceſſarium videtur fateri, memoratam primam menſis decimi diem, & ipſum pariter menſem, ſupputari debere non ab initio anni ſexcenteſimi vitæ Noë, ſed ab initio Diluuij, quod cœperat inchoante die decimo ſeptimo menſis ſecundi eiufdem anni. Nec obſtat argumentum Pererij contra Caietanum, quod ſic habet: Si culmina montium apparuerunt inchoante decimo menſe ab initio Diluuij; ergo apparuerunt inchoante die decimo ſeptimo menſis vndecimi ab initio anni ſexcenteſimi vitæ Noë. Siquidem conſtat, ab initio huius anni ad initium Diluuij, fluxiſſe menſem vnum & dies ſexdecim; die enim decimo ſeptimo incipiente cœpit Diluuium. ergo remanebant tantummodò vnus menſis & dies quattuordecim, id eſt quadraginta quattuor, vel ad ſummum quadraginta quinque dies, ad illius anni finem. ergo non poſſet veridica eſſe Scriptura, quæ Genef. cap. 8. verſ. 6. vſque ad 13. expreſſè teſtatur, ab apparitione montium, ad tecti Arce apertionem prima die anni ſexcenteſimi primi factam, tranſiſſe quadraginta & bis ſeptem dies. Pro argumenti huius diſſolutione, ſupponere oportet, menſes in Scriptura ſacra ordinariè accipiendos eſſe Lunares, quod omnes concedunt; annos verò Solares, vt conſequenter patebit. Nam etſi ſolerent Iudej quoquomodò annis vti Lunaribus, qui per Lunationes eos metiri conſueuerant: attamen neceſſe erat, vt certis temporibus illos adæquarent Solaribus: alioqui nõ potuiſſent ſemper inchoare ſuum annum ſacrum à mēſe nouarum frugum, & in eo ſuum Paſcha celebrare, quemadmodum latiùs nos ſub anno mundi 2544. numero 9. explicabimus. Itaque hoc poſito, concedimus cacumina montium apparuiſſe die menſis vndecimi decimo ſeptimo, anni ætatis Noë ſexcenteſimi: ſed dicimus, hos menſes fuiſſe Lunares. conſtat autem, decem menſes Lunares & ſexdecim dies menſis vndecimi, efficere ſummam dierum trecentorum vndecim: quibus ſi adicias primò quadraginta dies, computato primo apparitionis montium, & mox alios quattuordecim; proculdubio reſultabant in ſumma dies trecenti ſexaginta quinque; qui, addito quadrante, faciunt annum vnum Solarem integrum, decurſum ab initio anni vitæ Noë ſexcenteſimi ad initium anni ſexcenteſimi primi; & continentem dies vndecim ſupra duodecim Lunationes. Et hoc idem aliter etiam ex Sacro textu colligi liquidò poſſe, num. ſeq. oftendemus. Ceſſat ergo memorata Pererij obiectio, & aliæ, quas ex ea ipſe deducit. Cui neque illud profeſſo mirum videri debet, quòd hic Scriptura ſacra computet primum & ſecundum menſem, ab exordio anni vitæ Noë; alios verò eiufdem anni dies & menſes, ab initio Diluuij: ſiquidem ſolet interdum alibi quoque annos, præter cœptum ordinem, ab aliis etiam principiis obiter computare, vt nos ſub anno mundi 3095. num. 3. aliquot exemplis planum faciemus.

RATIO PV-
TANDI MEN-
SES ET DIES
GEN. CAP. 8.
MEMORA-
TOS.

311
40
14
365

25. Porro ipſos huius anni Solaris dies, vt dicebamus, tribus quoque aliis modis ex ſacra Scriptura liquidò colligere poſſumus. & primò ſic: Numera dies viginti nouem primi menſis, & ſexdecim ſecundi (nam die decimo ſeptimo ſecūdi menſis Diluuium cœpit;) & quadraginta, pluuiæ; & centum quinquaginta, ſtatus aquarum; & centum triginta, decrementi; & efficies memoratam trecentorum ſexaginta quinque dierum ſummam. Item, computa dies quadraginta quinque fluxos ante Diluuij initium; & à Diluuiio menſes ſex Lunares, qui faciunt dies centum ſeptuaginta ſeptem; & dies viginti ſex menſis ſeptimi (die enim vigeſimo ſeptimo inchoante requieuit Arca;) & dies ſexaginta tres, qui inde fluxerunt vſque ad initium decimi menſis, in quo apparuerunt

TRIPLEX
SVPPVTA-
TIO DIE-
RVM HVIVS
ANNI.

29
16
40
150
330
365

45 cacumina mōtium; quibus adde quadraginta & bis septem, hoc est quinquaginta quat-
 177 tuor dies, qui ad initium anni sexcentefimi primi decurrerunt, & inuenies eamdem
 26 summam. Denique compendiosius calculare poteris quadraginta quinque dies ante
 63 Diluuium fluxos, & nouem menses, qui continent dies ducentos sexaginta sex, ab ini-
 54 tio Diluij ad montium apparitionem transactos; & quinquaginta quattuor dies, qui
 365 inde ad anni finem lapsi sunt; & resultabit eadem summa trecentorum sexaginta quin-
 45 que dierum. Quodd si mauis primum anni mensem facere triginta dierum, & ponere
 266 dies quadraginta sex ante Diluuium, erunt in summa dies trecenti sexaginta sex, fa-
 54 cientque annum bissextilem, qualis esse potuit is, de quo nunc agimus. sed multo tu-
 365 tius ac melius puto supponi debere, annum istum non fuisse bissextilem, sed ceteris si-
 milem; & primum cuiusuis anni mensem (vt in præcedentibus computationibus sup-
 positum est) habuisse tantummodò viginti nouem dies; & secundum, triginta; & sic
 deinceps reliquos alternatim, propter rationes quas sub anno mundi 2544. num. 31. ad-
 ducemus. Puto autem quod Moyse de industria annum ætatis Noë sexcentefimum
 non per solos dies, neque per solos menses, vt nos solemus; sed partim dierum, partim
 mensium dinumeratione metiri maluerit, vt & nos ex vno reliquos disceremus, & ip-
 se hac ratione breuiter subindicaret, annos illius temporis, siue quorum sacra Scrip-
 tura meminit, fuisse Solares, menses verò Lunares. Nam si dies tantum calculasset;
 certè eumdem annum ad Solis cursum mensurari debuisset, potuisset ostendere: sed
 non inde innotuisset, quoniam mensium genere Scriptura sacra, vel etiam eo tempore
 homines vti solerent. Si autem è diuerso, per solos menses annum illum dimetiri vo-
 luisset; non ex hoc indicare potuisset, illum aliòsue fuisse Solares. Etenim annus Solaris
 per solos menses Lunares plenè commensurari non potest: quoniam supra duodecim
 Lunationes etiam vndecim continet dies. Scitè ergo, hac veluti dierum mensium-
 que miscellanea vsus Moyse, vtrumque breuiter, licet aliquanto subobscurè, demon-
 strauit. Eadem quoque forsitan de causâ, menses partim ab initio dicti anni, partim
 ab inchoato Diluuiò deduxit; vt pariter doceret, se simul & semel, & illius anni &
 Diluij tempora voluisse metiri. Itaque ex memorata Moylis illatione, quæ, vt dixi-
 mus, fit Genes. cap. 8. vers. 13. illis verbis: *Igitur sexcentesimo primo anno*, &c. (quia alio-
 quin profectò non teneret, nisi annus mensisque eius ad prædictum calculum redige-
 rentur) fit planum, quod supra num. 20. & 24. tradidimus, nempe Scripturam sacram,
 vbi mensium meminit, de Lunariis loqui; vbi verò annorum, de Solaribus esse accipiendam.
 Quod nos in toto hoc opere, pro indubitato axiomate retinendum censem-
 us; nimirum annos sacros esse Solares, menses verò Lunares.

MENDVM
 IN CODICE
 LXX. INTER
 PRÆTVM.

QVOMODO
 NOE APE-
 RVERIT TE-
 CTVM AR-
 CÆ.

DE DILVIO
 ETHNICO-
 RVM TESTI-
 MONIA.

26. Ex dictis patet, quod supra num. 19. prænotauimus, videlicet corruptos esse co-
 dices LXX. Interpretum Genes. cap. 7. vbi aiunt, Diluuium cœpisse die vigesimo septi-
 mo mensis secundi. legendum namque est, *die decimo septimo*, vt habet editio Vulga-
 ta, præsertim illa quæ quàm accuratissimè correctâ Romæ, prodiit anno salutis 1593.
 Cui etiam concordat Chaldaica Paraphrasis, vt videre est in Bibliis Regiis. Alioquin, à
 prima die anni sexcentefimi vitæ Noë, ad primam anni sexcentefimi primi, summis
 num. 24. & 25. notatis accrescerent dies decem, fieretque annus trecentorum septua-
 ginta quinque vel sex dierum. quod quàm absurdum esset, nemo non videt. Igitur
 relicto in hac parte codice LXX. Interpretum, standum erit Vulgato. Ceterum, quod
 num. 23. diximus, ipsum Noë anno eius sexcentesimo primo inchoante aperuisse te-
 ctum Arcæ, non est putandum, quod totum omnino tectum sustulerit: nulla enim tunc
 aderat necessitas id faciendi, neque quattuor viri sine multo labore ac temporis inter-
 uallo tale quid efficere potuissent, præsertim cum longum esset cubitis trecentis, la-
 tum verò supra quinquaginta: sed credibilis videtur, quod portiunculam dumtaxat
 tecti aperuerit, quantum scilicet opus esset, vt commodè supra ipsum eleuari posset, &
 inde vndique circumspicere (quod non poterat de fenestra, quæ ad latus Arcæ posita
 erat) & videre, si iam vbique deseruissent aquæ superficiem terræ; & idcirco non fuit
 neceffe, nisi vnâ tantummodò aut alteram tecti tabulam amouere. Quoniam autem
 de Diluuiò, quod hoc tempore expletum est, hætenus plura ex sacris Scripturis re-
 tulimus: illud quoque hic ex Iosepho 1. Antiq. cap. 4. adnectendum videtur, quod
 huius Diluij & Arcæ meminerunt etiam omnes barbaricæ Historiæ Scriptores, &
 præsertim Berofus Chaldaeus, Hieronymus Ægyptius, qui Phœnicum scripsit anti-
 quitates, Mnaseas, & Nicolaus Damascenus, ab eodem Iosepho ibidem adducti:
 quos etiam citat Eusebius libro 9. de Præparatione Euangelica initio cap. 4. vbi item
 Abydeni testimonium adfert: cui alterum Alexandri Polyhistoris addit sanctus Cy-
 rillus

rillus Alexandrinus libro 1. contra Iulianum, non procul à principio, verumtamen (quemadmodum suprà num. 23. tetigimus) hanc de Diluuiio historiam, aliasque huiusmodi, puta, de turre Babel, de diuisione linguarum, de Abrahamo, de Moyse, & similibus, quæ sincerè veraciterque in Sacris libris traduntur, Ethnici Scriptores longè aliter referre solent, & quibusdam fabulis ac mendacijs adulterare, vt perspicuè in ipsorum fragmentis, quæ ab eisdem Auctoribus, Iosepho, Eusebio, & Cyrillo, locis citatis referuntur, intueri licet, & nos sub anno mundi 3650. num. 4. ostendemus. Non ergo ipsi prorsus irreprehensibilem scripsere veritatem, vtpote alieni, & dogmatum fidei nostræ non participes, vt benè notat sanctus Cyrillus vbi suprà. Quare licet ipsorum scripta nonnihil faciant ad rei gestæ veritatem aliquo modo comprobendam, non tamen ipsis vlla habenda est fides in his, quæ à contentis in sacra Scriptura diuersimodè tradiderunt.

27. Et hæc pauca breuiter commemorasse sufficiat de pertinentibus ad primam mundi ætatem: cuius omne tēpus, nimirum ab orbe condito ad Diluuium expletum, iuxta Hebraicos & Latinos Vulgatæ editionis textus, reperitur extitisse annorum mille sexcentorum quinquaginta sex completorum: si tamen supponamus, (vt communiter fieri solet) postremos cuiusque generationis annos fuisse integros; quemadmodum sub anno mundi 131. num. 2. dictum est. Secus, si vel ita completos, vt iam annus insequens per plures dies aliquotve menses esset inceptus; sic enim annorum numeris nonnihil accresceret: vel si tantummodò inchoatos, nam sic nouem circiter annis minor summa euaderet. At verò, secundum Codices L x x. Interpretum, quos in hac parte deprauatos fuisse, sub anno mundi proximè citato num. 4. satis superque demonstrauius, numerantur longè plures anni, nimirum bis mille ducenti quadraginta duo: siquidem ipsi Lxx. Interpretes, vel potiùs ipsorum codices, ponunt, Adam quando genuit Seth fuisse annorum

230

Seth quando genuit Enos an.

205

Enos

190

Cainan

170

Malateel

165

Iared

162

Henoch

165

Mathusala

167

Lamech

188

Noè in fine Diluuij expleuerat vitæ annum

600

summa an. 2242.

Ceterum de annorum supputatione & numero huius primæ mundi ætatis, nulla alia, quod sciam, exstat inter Auctores dissensio aut difficultas.

T A B V L Æ

Computationis, & concursus annorum vitæ Patriarcharum primæ Mundi ætatis.

	A N N I											
	Abor be cō dito	Vitæ Ada- mi	Vitæ Cai- ni	Vitæ Abe- lis	Vitæ Seth	Vitæ Enos	Vitæ Cai- nan	Vitæ Mala- leel	Vitæ Iared	Vitæ He- noch	Vitæ Ma- thusa- la	Vitæ La- mech
Mundus & Adam crea- ti ab initio; Cain ve- rò natus sub finem an.	1	1										
Concurrit ferè totus cū Caini an. primo, sub cuius finem credimus natum esse Abelem.	2	2	1									
Concurrit pro maiori parte cū primo Abelis Post annos 127.	3 127	3 127	2 127	1 127								
Abel à Cain fratre occi- ditur an.	130	130	129	128								
Seth nascitur incho. an. Post annos 2.	131 2	131 2	130 2		1 2							
Cain primus omnium ædificat ciuitatem an. Post annos 103.	133 103	133 103	132 103		3 103							
Enos natus est incho. an. Post annos 90.	236 90	236 90	235 90		106 90	1 90						
Enos genuit Cainan in- cho. an. Post annos 70.	326 70	326 70	325 70		196 70	91 70	1 70					
Cainan genuit Malaleel incho. an. Post annos 65.	396 65	396 65	395 65		266 65	161 65	71 65	1 65				
Malaleel genuit Iared in- cho. an. Post annos 162.	461 162	461 162	460 162		331 162	226 162	136 162	66 162	1 162			
Henoch nascitur incho. anno Post annos 65.	623 65	623 65	622 65		493 65	388 65	298 65	228 65	163 65	1 65		
Mathusala nat ⁹ incho. an. Post annos 187.	688 187	688 187	687 187		558 187	453 187	363 187	293 187	228 187	66 187	1 187	
Mathusala genuit La- mech incho. an. Post annos 55.	875 55	875 55	874		745 55	640 55	550 55	480 55	415 55	253 55	188 55	1 55
Adā mortuus est in fi. an. Post annos 57.	930 57	930			800 57	695 57	605 57	535 57	470 57	308 57	243 57	56 57
Henoch trāsatus est sub fin. an. Post annos 55.	987 55				857 55	752 55	662 55	592 55	527 55	365	300 55	113 55
Seth moritur in fine an. Post annos 15.	1042 15				912 15	807 15	717 15	647 15	582 15		355 15	168 15

	A N N I									
	Abor- becô dito	Vita Enos	Vita Cai- nan	Vita Mala- leel	Vita Iared	Vita Ma- thufa la	Vita La- mech	Vita Noë	Vita Sem secun- dum Lati- nos, & Iapheth secundum Hebræos.	Vita Ia- pheth secun- dum Latinos, & Sem secundum Hebræos.
Noë nascitur incho. an.	1057	822	732	662	597	570	183	1		
Post annos 83.	83	83	83	83	83	83	83	83		
Enos mortuus est in fine an.	1140	905	815	745	680	455	266	84		
Post annos 95.	95		95	95	95	95	95	95		
Cainan moritur in fine an.	1235		910	840	775	548	361	179		
Post annos 55.	55			55	55	55	55	55		
Malaleel mortuus est in fine an.	1290			895	830	603	416	234		
Post annos 132.	132				132	132	132	132		
Iared moritur in fine an.	1422				962	735	548	366		
Post annos 115.	115					115	115	115		
Deus comminatus est Diluuium incho. an.	1537					850	663	481		
Post annos 20.	20					20	20	20		
Nascitur Iapheth iuxta Hebræorum opinionem incho. an.	1557					870	683	501	1	
Post annos 2.	2					2	2	2	2	
Sem natus creditur secundum Hebræos incho. an.	1559					872	685	503	3	1
Post annos 92.	92					92	92	92	92	92
Lamech mortuus est in fin. an.	1651					964	777	595	95	93
Post annos 5. inchoatos.	5					5		5	5	5
Mathufala moritur inchoato anno, videlicet, paulò ante initium Diluuij.	1656					969		600	100	98
Anno sequenti	1							1	1	1

ANNALES SACRI

SECUNDÆ MVNDI ÆTATIS

A V C T O R E

AVGVSTINO TORNIELLO

NOVARIENSI

Congregationis S. PAVLI Clerico Regulari.

IAM verò alteram Sacrorum Annalium partem per secundam mundi ætatem, nempe ab exacto Diluvio ad diuinas pollicitationes Abraham factas, vt initio proposueramus, deducendam aggrediamur.

AB ORBE CONDITO SECUNDÆ MVNDI ÆTAT.
ANNVS 1657. ANNVS 1.



IN NO sexcentesimo primo vitæ suæ, Noë, cum die prima mensis primi, vt suprâ dictum est, aperuisset testum Arce, vidissetque iam imminutas esse aquas super terram, non tamen ausus est exire: siue quia (vt placet Abulensi) licet suprema terræ superficies videretur exsiccata, id est, non appareret madi-
da; subitus tamen erat adhuc aquosa & lutosa, & non tam solida, vt tutò commodè posset gressus hominum brutorum-
que animalium sustinere: siue (quod magis probandum puto)
quia quemadmodum Noë ante Diluuium non nisi ad iussum
Domini ingressus fuerat in Arcam; sic etiam expleto Diluvio

NOE QVAN-
DOCVM SVIS
DE ARCA E-
GRESSVS, ET
QVAMDIV
IN EA MO-
RATVS.

expectare voluit eiusdem Domini iussione, quæ facta est ad eum mense secundo hu-
ius anni, vigesimo septimo die mensis; & tunc statim egressus est ipse cum vxore, & li-
beris, ac nuriis suis, & cunctis animantibus de Arca, Genes. cap. 8. versic. 14. vsque
ad 20. In ea ergo morati erant anno vno integro & decem diebus, iuxta textum La-
tinum Vulgatæ editionis, & Chaldaicum; qui habent, cœpisse Diluuium die decima
septima mensis secundi, anni sexcentissimi vitæ Noë; & exitum de Arca in diem vigesi-
mam septimam mensis secundi, anni sexcentissimi primi incidisse. At verò secundum
versionem L x x. Interpretum, quæ ponit eos exisse eademmet die alterius anni, qua
ingressi fuerant, nimirum vigesima septima mensis secundi, oporteret ipsos mansisse in
Arca vno præcisè dumtaxat anno.

2. Intra quod quidem tempus, si quis curiosius interroget, quid agerent Noë & fi-
lij eius in Arca tamdiu inclusi: quid aliud cogitare possumus, nisi eos in primis plan-
xisse generale illudorboris terrarum excidium, & humani generis interitum: & tum ex
naturali quadam ac pia commiseratione eorum qui peribant, quorum fortè miserabi-
les clamores & eiulatus audierant, pro illorum salute apud Deum supplicare; tum ex

QVID AGE-
RENT NOE
ET FILII
EIVS IN
ARCA.

propria præseruationis consideratione, pro tali ac tanto beneficio, quas poterant maiores Deo gratias agere non cessasse. Deinde ita tempus diuturnæ illius veluti carcerationis distribuere conseruasse, vt præter illud, quod ad propriorum corporum sustentationem necessarium erat, reliquum totum vtiliter ac fructuose transigerent, ac proinde assiduis precibus atque orationibus quotidie, certis horis, pariter vacare studuisse. De cetero, animalium quæ Deus ad Arcam vocauerat curam agere, statutis temporibus alimenta eis præbere, & ne in proprio stercore computrescerent, immunditiam ipsorum tergere, atque in Arcæ sentinam per fenestellas appositæ fabrefactæ demittere sedulo curasse, easque postmodum suis operculis benè clausas tenere, ne fortidis exhalationibus ac pædore animalia ipsa conficerentur. Et præterea sentinam quoque ipsam alleviare interdum curasse, educendo ab ea excrementa, præsertim humidiora, ac per Arcæ fenestram proiciendo, quemadmodum sub anno mundi 1656. num. 22. declaratum est. Ex quibus manifeste conicere possumus, ipsum Noë & filios eius multa sanè ac magna incommoda, variosque labores & molestias fuisse perpeffos; sed omnia libenter ac confidenter admodum pertulisse: tum quia securi erant de corporali ipsorum salute: tum quia multò melius erat, pro amore Dei quasvis ærumnas ad tempus in illo tenebricoso carcere tolerare, quàm cum reliquis Diluuium interire: & præterea, quoniam sciebant hanc esse voluntatem Dei, vt ibidem cetera animalia pascere ac iuuarent. Sic quippe, sic in sancta Ecclesia, cuius typum Arca illa gerebat, extra quam non est salus, & ne vnus quidem ab æterno interitu euadere vmquam potuit, quid aliud peragere satagunt Prælati ac Religiosi viri, quàm populorum greges, (quos B. Gregorius Homil. 17. in cap. 10. Luca, animalia Dei vocat) verbo Dei, virtutum exemplis, & sanctissima Eucharistia pascere? à vitiorum sordibus, Sacrificiorum oblatione, ieiuniorum indictione, & Sacramenti Pœnitentiæ scopis mundare? necnon spiritalium prauorum exemplorum, hæreticalium corruptionum, & diabolicarum suggestionum fœtores omni conatu ac diligentia arcere, aliaque huiusmodi ad promouendam animarum salutem necessaria procurare? Sed nec illud vacat mysterio, ad præsignandum videlicet Prælatorum ac Religiosorum hominum in sancta Dei Ecclesia calibatam, quod communis tum Hebræorum tum Christianorum opinio est, ipsum Noë & filios eius, donec manserunt in Arca, ab vxoribus abstinuissè. Et hoc idem de ceteris quoque animantibus multi senserunt. Verùm hæc, quæ ad mysticum pertinent sensum, consulti relinquamus: non enim instituti nostri est, ea fusiùs persequi, sed interdum vbi opportunum videtur, breuiter attingere.

NOE ET FI-
LIOS EIVS IN
ARCA AB
ACTV CON-
IUGALI ABS-
TINVISSE,
CETERA
QVOQVE ANI-
MALIA
A COITV.

DE MENSE
EXITVS
NOE DE AR-
CA.

3. Illud potius disquiramus, Quisnam fuerit iste mensis, in quo Noë dicitur exisse de Arca: hinc namque non solum patebit, quando desierit, sed etiam quo tempore Diluuium cœperit: cum de vtroque idem sit iudicium. Dicimus ergo, primò quidem manifestum esse, dictum mensem fuisse secundum anni sexcentissimi primi vitæ Noë: nam & hoc ex collatione eorum, quæ dicuntur Genes. cap. 7. vers. 11. & cap. 8. vers. 13. aperte colligi potest. At verò, vtrum etiam fuerit secundus anni tunc currentis, nimirum anni ab orbe condito millesimi sexcentissimi quinquagesimi septimi, non æquè ex sacris Scripturis elicere possumus. Verumtamen, quia Doctores ferè omnes (teste Pererio super cap. Genes. 7.) putant, memoratum mensem etiam fuisse secundum in ordine mensium anni communis, quem tunc ab eo die, quo creatus fuerat mundus, auspiciari conseruasse, admodum rationabile est: propterea supponere possumus, Noë natum esse in exordio anni communiter tunc temporis vlitati, & consequenter, mensem secundum anni communis, semper fuisse etiam secundum cuiusvis anni vitæ Noë. Sed quoniam (vt nos sub die mundi 6. num. 41. vsque ad 45. inclusiue notauimus) magna est inter Doctores de tempore creati orbis disceptatio; & præcipuè inter illos, qui eius creationem in tempus veinum, & eos qui in autumnum referendam contendunt: non mirum est, si consequenter inter eos magna quoque dissensio reperitur de hoc secundo mense; aliis asserentibus fuisse illum, qui nostro Maio; aliis, qui nostro respondere poterat Nouembri, quod nos magis probandum putamus, propter rationes quas sub die mundi proximè allegato num. 44. adduximus pro illorum opinione, quæ habet, mundum in autumnali tempore fuisse conditum. Et præsertim, quia tametsi teneamus, Diluuium principaliter per supranaturalem Dei omnipotentiam fuisse causatum; nihilominus credibile item est, ipsum Deum maluisse deligere tempus anni pluuiis atque inundationibus magis opportunum, quale est hiemale; quàm æstiuum, quod naturaliter siccissimum esse solet; & consequenter magis consentaneum videtur, Diluuium cœpisse inchoante circiter hieme; & tota ipsa hieme

hieme ac vere, quæ pariter humidiora esse solent, perdurasse; computato nimirum toto pluuiæ seu incrementi & status aquarum tempore; & postea in æstate atque autumno, quæ tempora naturaliter sicciora sunt, paulatim aquas esse exsiccatas. Et præterea, quia videtur ipsum Noë commodius exacto autumno quam vere, potuisse concacuerare & comportare in Arcam ex omnibus terræ fructibus, præsertim autumnalibus, quæ diutius poterant asseruari.

4. Non tamen hic prætereunda videtur opinio fratris Antonij Fonseca Lusitani, qui in suis Annotationibus marginalibus super Commentaria Caietani in cap. 8. Genes. putat, mensē exitus Noë de Arca fuisse Ianuarium; quem propterea dicit à primis Gentilibus postmodum ipsi Noë fuisse consecratum, & ab eo denominatum: siquidem Noë post diuisionem linguarum, ab ipsis Ianus nuncupabatur. Existimat item, quòd sicuti Moyses, Deo iubente, præcepit filiis Israël, vt annum deinceps inchoarent à mense Nisan, qui nostro respondet Martio vel Aprili, eò quòd in eo liberati fuerant de seruitute Ægyptiaca: ita Noë, ad memoriam sempiternam liberationis à Diluuiio, voluerit suos posteros incipere annum à mense illo, in quo ipse exierat de Arca, qui postea, ob causam superius tactam, Ianuarius dictus est. Potest autem illud quoque probabiliter in argumentum huius opinionis adferri, quòd idcirco fortasse bicipitem Gentilitas Ianum pingere consueuerit, vt hoc tam singulari signo aperte indicaret, ipsum potuisse pariter anteriora posterioraque videre, iuxta illud Ouidij 1. Fastorum:

*Iane biceps, anni tacitè labentis origo,
Solut de superis qui tua terga vides.*

Filij namque eius, iuniores cum essent, pauca admodum scire poterant eorum quæ ante Diluuium acta fuerant; & magnam partem eorum quæ nouerant, à patre didicerant: Noë verò qui diu admodum ante & post Diluuium vixerat, ipse solus inter omnes primæ mundi ætatis proceres, singulari diuinæ bonitatis beneficio, potuit duplicem rerum habuisse notitiam, earum scilicet quæ retrò acciderant, id est, quæ Diluuium præcesserant; & earum quæ mox subsequutæ sunt. Et nos quicquid scimus ex his quæ ante Diluuium acciderunt, non per alium, nisi per ipsum Noë successiue vsque ad Moysen, & per Moysen ad nos peruenisse profiteamur. Vnde conuenienter mensis Iano, seu ipsi Noë dicatus, primus in mensibus anni esse debuit, quemadmodum nunc quoque est: quia cum eius initium, sit veluti totius anni præteriti finis, futuriq; principium; quodammodo Ianum ipsum imitari, hoc est, præterita respicere, futuraque prospicere videtur. Hunc morem inchoandi annum à mense Ianuario, vt refert citatus Auctor, postea Numa Pompilius Romæ vel primus introduxit, vel temporum iniuria iam pridem in Italia collapsum instaurauit in honorem ipsius Noë, quem, vt dixi, Gentilitas post diuisionem linguarum, Ianum appellabat. Plutarchus etiam in vita Numæ Pompilij refert, ipsum Numam inchoasse annum à mense Ianuario: nam antea Romani à Martio solebant annum suum exordiri, ex institutione Romuli primi ipsorum Regis, qui primum anni mensem Marti, à quo genitus credi volebat, dicauerat. Idem ferè sentiunt hi omnes Scriptores, qui prodiderunt eundem Numam addidisse duos menses, nempe Ianuarium & Februarium, Calendario Romuleo. sunt autem, Fuluius Nobilior, Dionysius, Lilius, Solinus, Censorinus, & Macrobius, ab Onuphrio Panuino in suis Fastorum Commentariis citati. At verò Iunius Gracchus, ab eodem relatus, hoc tribuit L. Tarquinio Prisco V. Romanorum Regi. Ioannes autem Lucidus in suo libello De vero die passionis Christi, cap. 2. videtur inchoationem anni apud Romanos à mense Ianuario attribuisse Iulio Cæsari. Sed quisnam fuerit, qui annum ab hoc mense in Italia inchoari præceperit, scire parum refert.

5. Quòd autem hoc mense Noë de Arca exierit, tamen si ex dictis probabile admodum videatur, nonnullas tamen patitur difficultates. Nam certum est, Noë existisse mense secundo; atqui mensis Ianuarius (dicit quis) non potuit esse secundus; neque iuxta opinionem illorum, qui putant annos illos exordiri consueuisse in vere, neque eorum qui in autumno. Præterea quando Noë exiuit de Arca, nimirum die vigesima septima mensis secundi, erat ille mensis iam prope finem: unde non videtur verisimile, quòd voluerit inchoare annum à mense Iani prope expleto. Ad hæc responderi posset, Primò, ex sacris Scripturis non haberi, quòd ille fuerit mensis secundus anni communis, sed anni sexcentissimi primi vitæ Noë, qui mensis potuit esse tertius vel quartus anni tunc currentis: vel, si volumus saluare communem Doctorum opinionem, quòd etiam esset mensis secundus anni, qui tunc ciuilitate agebatur; dicere possu-

QVOD FVERIT IANUARIUS.

IANVM CVR GENTILITAS BICIPITEM TEM FINXERIT.

13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

SOLVUNTUR DIFFICULTATES DE MENSE IANUARIO QVOD FVERIT PRIMVS MENSIS ANNI POST DILUVIUM.

possumus, quòd licet hodie Ianuarius ab autumno longius distet, id euenit ex minùs exacta calculandi integram anni Solaris durationem ratione, quam inierunt qui Gregorianum præcesserant Kalendarium. Nam si Kalendæ Ianuarij, quæ temporibus Concilij Nicæni, quod anno salutis 325. celebratum est, incidebant octo circiter diebus post Solstitium hiemale; deinde temporibus Gregorianæ correctionis, spatio scilicet annorum 1258. paulatim deuenerunt vsque ad decimum octauum circiter diem post memoratum Solstitium; ita vt in correctione opus fuerit intercalare decem dies: quis dubitet, dictas Ianuarij Kalendas, eodem vel alio simili modo, a tempore Diluuij vsque ad prædictum Concilium, spatio scilicet annorum 2720. sensim, ab illo anni tempore in quo priùs incidere solebant, sese amplius quàm alijs viginti diebus elongare potuisse? Non igitur videtur improbabile, mensem Ianuarium, seu illum qui Ianuario respondebat, in diebus Noë incidere consueuisse multò ante Solstitium hiemale: id est, eo ferè tempore, quo nunc incidere solent Kalendæ nostri Decembris. Quod si verum est, certe potuit Ianuarius esse secundus aut tertius mensis anni tunc communiter vsitati, supposito quòd à fine autumnj, quando scilicet conduntur omnes fructus, anni illi solerent auspicari. Quibus rationibus, cum nemo hactenus (quod sciam) responderit, miror, quòd nihilominus non defuerit, qui huius opinionis fundamentum se non videre, lteris mandauerit. Dixi, *aut tertius*, quia probabilius videtur, ipsum Noë, non præcisè ab eo tempore quo de Arca exiuit, nimirum à vigesima septima die mensis secundi, sed à proximo tertij mensis initio, nouum annum inchoasse: nam post exitum, in exiguo illo secundi mensis residuo, credimus ipsum ædificasse altare, vt dicitur Genes. cap. 8. versic. 20. & alia quæ opus erant præparasse, ac demum in ipso tertij mensis exordio obtulisse sacrificia Domino, atque benedictione ab eo obtenta, voluisse ad sempiternam tanti beneficij ac renouatj orbis memoriam, vt deinceps ab illo mense annus inciperet, tamquam si tunc denuò creatus esset mundus. Sed dicit hic fortasse aliquis: Quando Noë, & familia eius, & animalia quæ cum eo erant, exierunt de Arca, si tunc hiems ingruerat, quomodo deinceps ali potuerunt, terra tunc temporis nihil producente? Ad hoc dicimus, rationabile admodum esse opinari, eundem Noë, tamquam prudentissimum, & diuino rectum spiritu, tantam cibariorum copiam anno præcedenti in Arcam intulisse, quæ pro magna præsentis quoque anni parte posset sufficere. Præterquam quòd, ex quo scimus iam à prima die mensis decimi apparuisse cacumina montium, vique etiam videtur credibile, trium scilicet fere mentium spatio inde ad exitum animalium de Arca decurso, in partibus montium apricis, hoc est, ad austrum spectantibus, & ab aquilone protectis, natas esse varij generis herbas & fructus, pro ipsis aliendis sufficientes; attenda maximè ipsorum animalium paucitate: dictum est enim sub anno mundi 1656. num. 15. de singulis mundorum speciebus tria tantum paria exstitisse; immundorum verò vnum. certum est autem, quòd vbi sol terræ madidæ superuenit, citius eam germinare facit; & inde est, quòd iam ante aliquot dies emissæ columba tulerat ramum oliuæ virentibus folijs in ore suo.

QUIS NAM
PRIMVS
TARE ER-
XERIT.

6. Verùm quia ex paulò antè narratis, nunc primùm in Scripturis sacris inuenimus factam esse mentionem altaris ad Dei cultum ædificati, quari potest, num primus omnium Noë altaria erexit, & antè ipsum in aliqua naturali eminentia offerri sacrificia consueverint; an verò à maioribus suis Noë altaria extruere didicerit: non enim omnia scripta sunt quæ fecerant Adam, Cain, Abel, Seth, Enos, & alij; quorum duo sacrificia Deo obtulisse certum est; & idem quoque de alijs, tamquam religiosis viris, omnino sentiendum videtur. Sane de hac re nihil certi adferre possumus, nisi quòd vtraque opinio probabilis est. Si tamen prior vera esset, vtique oporteret ipsum Noë vel externa reuelatione, vel interno instinctu, à Deo id didicisse. Quomodo autem, & ex qua materia, nimirum an ex terra aliquantulum aggerata & compressa, an ex lapidibus impolitjs illud ædificauerit, quis potest diuinare? Altero tamen istorum modorum credimus à Noë extructum esse altare: tum quia non videtur credibile, tunc temporis aliter fieri potuisse, nulla præsertim tunc existente opportunitate sculpendi aut poliendi lapides, aut coquendi lateres, aut quid aliud simile molienti: tum quia idem ipse Dominus, qui priùs docuerat Noë, postea docuit etiam filios Israël, vt altare de terra facerent, aut de lapidibus impolitjs, & ne ad eò in altum erigerent, vt ad illud per gradus ascendere cogerentur; Exod. cap. 20. versic. 24. Fabricato igitur altari, obtulit Noë super illud sacrificia Domino, de cunctis pecoribus & volucribus mundis, quemadmodum legimus Genes. 28. versic. 20. Illa, inquam, credimus obtulisse animalia munda,

NOE SACRI-
FICAT DEO.

munda, de quibus sub anno præcedenti nu. 15. dictum est, quòd ideò Dominus septena cuiusque speciei, nimirum quattuor masculini & tria feminini sexus, ad Arcam conuocauerat, vt post Diluuium tria paria propagationi & multiplicationi vacare, quartum verò sine socia (quod masculum fuisse credimus) in sacrificiis offerri posset. Obtulit autem hæc in holocaustum, quod totum incendi solebat in honorem Dei; tum quia illud gratius ipsi Deo fore credebatur, tum etiam, quoniam tunc non adhuc concessus erat esus carnum. Quod verò subditur, *Odoratusq; est Dominus odorem suauitatis*; quid aliud figurata hac locutione insinuat, nisi mirifice admodum hostias illas Deo placuisse: præsertim in holocaustum oblatas, tamquam miræ pietatis ac religionis indicium, & grati animi signum, quod tunc extrinsecè ostendi poterat, maximum. Ex his apparet, Dominum semper ab hominibus non internam solum mentis gratitudinem, sed externam quoque diuinorum beneficiorum recognitionem, acceptam habuisse. Etenim quemadmodum dicebat B. Chrysost. Hom. 60. ad Populum Antiochenum: *Si homo incorporeus esset, nuda & incorporea ei dona dedisset: sed quoniam anima corpori conferta est, in sensibilibus intelligibilia ei præbet*? ita nos dicere possumus: Si homo spiritus esset, spiritalia dumtaxat ab eo Deus exigeret; sed quia ex spiritu pariter constat & carne, internum pariter & externum cultum ab eo conuenienter exquirat; & pro collatis præsertim corporalibus ac temporalibus donis, etiam corporales ac temporales gratiarum actiones libentissimè suscipit. Sed quid dicam, suscipit? immò verò eas in super nouis interdum eximiusque aliis remunerat cumulatoque beneficiis. Vt propter eà verissimum sit quod communiter dicitur: *Qui de acceptis gratum se exhibet, ad maiora promerenda se disponit*. Sic videmus contigisse ipsi Noë, cui Dominus illicò post memorata sacrificia plures quoque alias contulit benedictiones, vt mox dicetur.

CULTVM
NON INTER
NVM TAN-
TVM SED
ETIAM EX-
TERNVM
DEVS AB
HOMINE
REQUIRIT.

7. Quàm verò grata fuerint Domino holocausta, quæ ei obtulit Noë, illud in primis admodum perspicue declarat, quòd eidem statim subintulit Dominus, dicens: *Nequaquam ultra maledicam terræ propter homines*, & quæ sequuntur, Genes. cap. 8. vers. 21. ac si dixisset: *Noli timere Noë*; quoniam quemadmodum quando te vidi iustum coram me, non te solum, sed domum quoque tuam tecum, à Diluuiio mirabiliter præseruauit, & quasi seminarium renascentis mundi esse volui: sic nunc, quia te vidi gratum, in tui quoque gratiam polliceor, quòd numquam ampliùs malefaciam terræ propter homines, sicut nunc feci, destruens vniuersam faciem eius Diluuiio: sed donec illa erit habitatio hominum, perseverabunt in ea, sicut à principio, ordinatæ temporum actionumque humanarum vicissitudines, tum quotidianæ, dici ac noctis, quietis ac laboris; tum anniuersariæ, hiemis & æstatis, sementis ac messis, & huiusmodi aliæ, ex quibus & ipsa terræ facies in admirabili sua pulchritudine conseruatur, & ad animalia etiam conseruanda, apta redditur. Quòd si deinceps peccauerint homines, numquid impunè peccabunt? nequaquam. quia quantum quidem ad vniuersales attinet huius vitæ castigationes, paterno affectu flagellabuntur, replicatis quibusdam aliis bonorum ac malorum vicissitudinibus; vt sensum, & vt ita dicam, suauiter (quod est opus diuinæ misericordiæ admodum singulare) ab ea propensione ac procliuitate retrahantur, quam quodammodò naturaliter habent ad peccandum, tamquam post naturæ corruptionem à primo parente contractam. quia enim propterea *sensus & cogitatio humani cordis ad malum prona sunt ab adolescentia sua*, id est, quia propter originale peccatum, & multa item alia parentum actualia, eò infirmitatis & miseris deuenit maior hominum pars, vt ab adolescentia sua incipiat in ipsis inferior hominis portio, nimirum appetitus sensitiuus, non solum rationi non obtemperare, sed eidem aduersari, præualere, ac dominari, eamque ad bona sensibilia eatenus inclinare, & quodammodo naturaliter trahere, vt eam faciat contra omne ius fasque suis voluptatibus deseruire: idcirco videtur humana fragilitas aliquatenus memoratam castigationis moderationem promereri. Sed, si sic est, dicit aliquis, cur igitur Deus, propter peccata hominum, cunctos ferè homines semel Diluuiio interemit? Respondet S. Ambrosius lib. de Noë & Arca, cap. 22. dicens: *Et si vindicauerat in hominum genus; tamen cognouerat, quia vindicta legis ad timorem proficit & cognitionem doctrina, magis quam ad naturæ commutationem; quæ corrigi in aliquibus potest, in omnibus mutari non potest. Vindicauit ergo Dominus, quòd timeremus; pepercit, vt reseruaremur; & vindicauit semel ad exemplum timoris; pepercit in reliquum, ne dominaretur semper amaritudo peccati. Simulque, si quis peccata cupiat sapius vindicare, asper magis quam censorius habetur. Ideoque dicit Dominus: Non adiciam maledicere terræ propter opera hominum. id est, quia pietatem suam circa vniuersitatem hominum voluit declarare; & tamen securitatem & negligentiam quam*

GRATITV-
DO NOE NO-
VIS BENE-
FICII COM-
PENSATVR.

dam mentibus humanis afferre non debuit, in paucos vindicat, plures reseruat. hucufque sanctus Ambrosius.

PROMISSIO
DE TERRA
NON AM-
PLIUS EX-
TERMINAN-
DA QVOMO-
DO INTEL-
LIGENDA.

MVNDVS
QVOMODO
INTERITY-
RVS SIT, ET
RENOVAN-
DVS.

DILVVIUM
VNIVERSA-
LE, A NOE-
TICO NVL-
LYM VM-
QVAMEVIT,
ERITVE.

BENEDI-
CTIONES
NOE ET
POSTERIS
EIVS FA-
CTAE.

8. Sanè diuina hæc promissio de non destruenda amplius terra, si non diluuium, sed nec incendio, nec villo alio generali exterminio, vniuersaliter accipienda est: proculdubio cum prænotata modificatione debet intelligi, nimirum, donec terra erit habitatio hominum. etenim in consummatione sæculi, quando igne omnia hæc exurenda sunt, & quando nouos cælos & nouam terram, secundum promissam Dei, (vt testatur Princeps Apostolorum S. Petrus Epist. 2. cap. vlt. vers. 7. 10. & 13.) expectamus: hæc, quam videmus, ordinatissima temporum distributio ac varietas, quæ hominum vtilitatibus ac necessitatibus mirabiliter deseruit, non erit ipsis amplius necessaria, qui non amplius terram hanc inhabitabunt; sed tunc, partim ad perpetuos inferni cruciatus damnandi, partim ad cælestia gaudia in æternum duratura transferendi erunt. Propterea tunc quidem dissoluentur terrenæ istæ vicissitudines, verum non propter peccata hominum, id est, non ad ipsorum vindictam, sed magis ad ipsius mundi reuouationem, & in meliorem statum commutationem, iuxta communioem Scholasticorum opinionem, qui tenent, quòd *quemadmodum corpus Christi* (vt ait S. Gregorius Homilia 26. in Euangelia) & *pariter corpora Sanctorum post resurrectionem sunt eiusdem naturæ, sed alterius gloriæ; ita mundus post memoratam eius conflagrationem, ac reuouationem erit eiusdem substantiæ, sed alterius figuræ atque excellentiæ; vt sic instauratio maioris mundi, minoris instaurati quoquomodo respondeat.* Et propterea exponentes illa verba Psalmi 101. vers. 26. *Initio tu Domine terram fundasti, & opera manuum tuarum sunt celi. Ipsi peribunt, tu autem permanes, & omnes sicut vestimentum veterascent.* Veterascent (inquiunt) & peribunt, non secundum substantiam, sed secundum figuram, de qua dicitur 1. ad Corinth cap. 7. vers. 31. *Præterit enim figura huius mundi.* Et quod in citato Psalmo sequitur: *Sicut opertorium mutabis eos, & mutabuntur,* exponunt: subaudi, in melius. Et hos putant esse cælos novos & terram nouam (nimirum ad nouam quamdam melioremque formam redactos) quos expectamus. Vidè de hac re, si libuerit, plura quæ fusissimè disputat Franciscus Suarez in 3. part. S. Thomæ, quæst. 59. artic. 6. disput. 58. sectione 2. vbi eandem sententiam multis tum sacræ Scripturæ testimoniis, tum SS. Patrum & Catholicorum Doctorum auctoritatibus & argumentis comprobatur atque declarat. Si verò, quod promissit Deus, se non amplius maledicturum terræ propter homines: de diluuium numquam deinceps mittendo, (vt inferius declarari videtur, nimirum Genes. cap. 9. vers. 11. & sequentibus, & item Ecclesiastici cap. 44. vers. 19.) verissimum est, absolute loquendo, quòd numquam postea fuit, neque erit, vniuersale diluuium dissipans terram. Nam etsi diluuium quædam particularia quandoque miserit Deus in aliquot terrarum plagas, & præcipue duo ab Ethnicis Scriptoribus admodum celebrata, nimirum illud Ogygis, ab Ogyge tum in Attica regnante sic cognominatum, quod vniuersam regionem illam vsque adeo deuastasse fertur, vt eam per ducentos postea annos incultam atque inhabitatam reddiderit: & illud quod Deucalionis nuncupatur, & magnam Thessaliæ partem inundauit, absumptis hominibus penè omnibus, præter paucos, qui ratibus ad montes aufugerant, & præcipue ad Parnassum, in cuius ambitu tum regnabat Deucalion; qui quoniam ad se appellentes, benignè recipiebat ac sustentabat; tamquam orbis reparator à Poëtis celebratur. Verumtamen, à Diluuium Noëtico, vt diximus, nullum aliud vmquam fuit, eritve illi simile, quod scilicet vniuersaliter totam terrarum superficiem subuerterit, aut subuerterat. Neque enim villo vmquam tempore irritum fieri potuit, poteritve diuinum illud pactum, de quo infra num. 18. agemus.

9. Ceterum, non contentus Dominus laticassse serum suum Noë tam ampla tamque singulari pollicitatione, alias quoque eidem & filiis suis adiecit benedictiones: siquidem Genes. cap. 9. in ipso exordio legimus: *Benedixitq; Deus Noë & filiis eius, & dixit ad eos: Crescite,* &c. ex quibus perspicuum fit, quòd quemadmodum in ipso primo orbis initio tres præcipuas dederat Deus homini benedictiones, vt patet Gen. c. 1. vers. 28. nimirum, singularem quamdam fecunditatem, ad speciem conseruandam, indiuiduamque multiplicandam; largam alimentorum copiam ac varietatem, ad commodam optimamque vitæ sustentationem, & denique dominium ac principatum super cuncta alia animantia, quod pertinet ad ostendendam ac commendandam ipsius hominis dignitatem: ita nunc in ipsa eiusdem orbis reuouatione, easdem Deus benedictiones, iam quodammodo propter maxima omnium penè hominum scelera veluti amissas, denuò ipsi Noë & filiis eius restituit, & non sine scenore, vt mox diceretur, confir-

mauit,

mauit, ac quatenus opus esset, de nouo concessit, iisdem planè verbis dicens: *Crescite, & multiplicamini, & replete terram.* de qua benedictione satis dictum est sub die mundi 6. num. 23. & 24. nec hîc aliud dicendum videtur, nisi quòd coniugia quæ prius hîscè verbis instituerat, mox confirmauit. Sequitur: *Et terror vestester ac tremor sit super cuncta animalia terræ, & super omnes volucres celi, & omnes pisces maris, &c.* Sane quantus sit iste terror, indicant quæ scribit S. Basilius Homil. 10. in Hexæmeron, vbi ait, pisces; qui cicurari nullo modo possunt, humanas etiam umbras vereri, & ab ipsîs aufergere; & Plinius lib. 8. cap. 4. prodit, Elephantes hominum vestigia formidare. Videmus insuper vniuersa parè animalia ob eundem metum aut homini parere, vt domesticata; aut ipsûm aggredi non audere, vt fera, nisi lacessita; aut infecuta, aut fame urgente, aut aliqua perturbatione fuerint agitata. Quamuis autem non videatur Deus memoratis verbis dedisse hominibus tam àmplum dominium super cetera animalia, sicut à principio mundi (de qua re sub die mundi 6. num. 25. 26. & 27. actum est) nihilominus ex his quæ sequuntur, etiam maius dedisse conuinci potest: subditur enim: *Et omne quod mouetur & viuit, erit vobis in cibum: quasi olera virentia tradidi vobis omnia.* Vnde patet, cuncta animalia post Diluuium ita absolute in hominis potestatem fuisse tradita, vt non solum his vtî, sed etiam eadem pro libito suo in cibum sumere, & in proprium conuertere nutrimentum possit; quod antea ei concessum non fuisse, paulo post ostendimus.

ANIMALIA
METVUNT
HOMINEM.

20. Si prius (quod attinet ad Chronologiam) adnotauero, falsum esse, quod nonnulli prodiderunt; nempe, memoratas hæc benedictiones à Deo datas esse quinquagesimo anno post Diluuium; quod nullo pacto admittendum putamus. Etenim constat, illicò post Diluuium Noë obtulisse holocausta Domino, eaque ipsi admodum grata existisse; ac proinde non videtur verisimile, quòd Dominus ipsi Noë & posteris eius benedicere distulerit; præsertim cum ex Sacro textu potius oppositum insinuetur, nimirum, statim post ipsa sacrificia datas esse benedictiones. Quæ si, vt iam indicatum est, nil aliud continere videntur, nisi quamdam renouationem seu confirmationem illarum, quas ab ipso mundi exordio Deus humano generi impertitus fuerat; quis non videt, consuenientius dari debuisse statim expleto Dikuiuo, id est, in ipsa orbis renouatione, quam post annos quinquaginta? Quòd filij Noë (vt est communis Doctorum opinio) præ grandi illo Diluuij timore non ausi sunt ad proprias vxores accedere, nisi posteaquam à Domino audierunt: *Crescite, & multiplicamini, &c.* quis credat, per quinquaginta annos continuos post Diluuium, homines non esse multiplicatos; aut, si prius multiplicari cœperunt, quemadmodum ex infra num. 19. & sub anno 1658. & 1659. dicendum manifestum fiet, ad quid anno quinquagesimo dictum est eis à Domino: *Crescite, & multiplicamini?* Sed, obsecro, omittere tale commentum, quod nullo sacra Scripturæ fundamento firmari potest: & à quibusdam videtur excogitatum, vt vel hinc probare possent, Iubileorum annos esse antiquissimos, & vel ab ipso mundi initio, vel saltem ab eiusdem reparatione, illicò post Diluuium esse inchoandos: quos benè redarguit Rutilius Benzoni Episcopus Lauretanus, de Anno Iubilei lib. 3. cap. 1.

MEMORATAE
BENEDICTIONES
QUANDO
HOMINI
DATAE.

11. Sed, vt ad tertiam redeamus benedictionem ipsi Noë & posteritati eius à Deo impertitam, videtur ea nonnihil differre ab illa, quam idem Deus Adamo & successoribus suis in ipso mundi exordio concesserat: siquidem tunc herbas tantummodo, & semina, & fructus, in cibum hominibus tradiderat; nunc verò etiam carnes omnium quæ mouentur adiecit, & potestas vescendi carnibus nunc primum facta est: diuina semper augefcente liberalitate. Verum quia ex tali concessione videtur posse inferri, non licuisse homini ante Diluuium vesci carnibus, (de qua re ab Ecclesiasticis Doctoribus disputari solet) vt, quid nobis sentiendum videatur, aperiâmus; scire oportet, quosdam putasse, esum carnis & ante Diluuium fuisse licitum, sed non vîtatum. Alios contra, non fuisse licitum, sed communiter ab omnibus vsurpatum. Nonnullos verò credidisse, simul & fuisse licitum, & vsu receptum. Aliquos e conuerso, nec omnino fuisse licitum, nec vniuersaliter ab omnibus vîtatum. quæ postrema nobis sententia magis placet. Sed quoniam ei maximè ob stare videntur quædam, Caietani præsertim ac Soti, argumenta, ea in primis hîc referre ac diluere necesse est. Caietanus super Genes. cap. 9. asserit, licuisse etiam ante Diluuium carnes edere; propter naturale dominium, quod Deus vsque ab initio mundi dederat hominibus super cuncta animantia, illis nimirum verbis: *Dominamini piscibus maris, & volatilibus celi, & vniuersis animantibus, quæ mouentur super terram.* Deinde ex eodem Caietano super Genes. cap. 4. pos-

DE ANNO-
NA NOE ET
POSTERIS
EIVS CON-
CESSA.

DE ESVCAR-
NIVM VA-
RIAE SEN-
TENTIAE.

sumus sic arguere : Clarum est; Abelem fuisse pastorem ouium; ergo comedere poterat de ipsarum lacte, caseo, & agnis. scribit enim Apostolus 1. ad Corinth. cap. 9. vers. 7. *Quis pascit gregem, & de lacte gregis non manducat?* Sed si agnos manducare non potuisset; non in eius laudem Scriptura sacra dixisset, quod de primogenitis & adipibus offerebat Domino : nam si propter lanarum pelliumque vltimummodò greges pascebat, vtique ita ei vtilia erant pecora macilenta, sicuti pingua; nec meruisset commendari, quod potius hæc quàm illa obtulisset. Præterea addere possumus, quod nulla Lex naturalis aut positua videtur tunc prohibuisse esum carnis. nec dici potest, ipsum non fuisse vtilem ac salubrem hominibus ante Diluuium, sicuti post; ergo tunc quoque fuit licitus. Sotus item lib. 5. de Iustitia & Iure, quæst. 1. art. 1. probat pluribus rationibus, non fuisse vetitum hominibus ante Diluuium vesci carnibus, post naturæ lapsum. & Primò, *Quia* (inquit) esus carniū est vitæ humanæ eiusque incolumitati maximè naturalis, vt patet tum experientia, tum Medicorum iudicio, qui nihil inter cibos eo salubrius, neque ad vires conferuandas augendæve aptius ponunt; ergo videtur etiam ante Diluuium ab hominibus naturaliter fuisse appetitus & vltatus. Secundò, Si homines tóto illo tempore carnes non manducassent, necessarium videtur hoc euenisse, vel quia illis fuerant vetitæ; vel quia saporem salubritatemque earum ignorarent; vel quia non essent tunc temporis necessariæ. Si primum dixeris, responderet, prohibitionem nullam reperiri. Si secundum, Non est verisimile, (inquit) mille sexcentorum annorum spatio gentes illas, alioqui sagacissimas, ignorasse, aut etiam experimento non didicisse, carnes esse ad cibum accommodatissimas. Si tertium asserueris; concedit, homines, si in statu innocentie permansissent, à carnibus abstinuisse, tamquam eo tempore non necessariis: attamen, quia post peccatum eò tandem ventum est, vt omnis caro corruerit viam suam; propterea, quemadmodum in ceteris vitæ huius voluptatibus, præter omne fas iusque sese homines immerferunt, ita etiam valde credibile est, ad satisfaciendum immoderatis gulæ concupiscentiis, eos neque carnibus pepercisse. Tertiò sic arguit: Cùm cuncta animalia facta sint propter hominem, multaque reperiantur, quæ non aliter, quàm in cibis, vsui esse possunt hominibus, vt gallinæ, pisces, & huiusmodi: ergo horum saltem animalium carnibus vescerantur homines, etiam ante Diluuium; alioqui frustra hæc tunc in mundo fuissent. Quartò, Si venatio, auctore Aristotele 1. Politicorum cap. 5. homini naturalis est; profectò erat in vsu etiam ante Diluuium, non solum ad animi oblectamentum, sed etiam ad delicatiores cibos ex agrestium animalium carnibus comparandos. Quintò, Ante Diluuium solebant offerri Domino in sacrificiis etiam animalia, vt patet de Abel, Genes. cap. 4. vers. 4. ergo consequens est, vt facta oblatione, carnes illorum ederent: hoc enim semper & vbique fuit in vsu, vt carnes Domino libatæ, mox à Sacerdotibus comederentur, præterquam in holocaustis, in quibus omnia cremabantur: nusquam verò legimus; ante Diluuium tantummodò holocausta, non etiam aliquando alia sacrificia fieri consueuisse. Demum, Credibile admodum videtur, homines illius temporis, sicuti lac gregum suorum, ita eorundem carnes in cibum aliquando sumpsisse; & cùm tot animalia exco-riarent, ad paranda sibi vestimenta ac tabernacula, in semper carnes proiecisse, quæ aliquando aërem inficere potuissent; sed igni quandoque admouisse; & cùm ex odore primum, deinde ex gustu, ad esum valde accommodatas esse intellexissent, cœpisse eas, prout solebant panem & herbas, coquere atque comedere.

ESUS CAR-
NIS ANTE
DILUVIUM
ILLEGITIMUS.

12. His tamen non obstantibus, dicimus, quod esus carniū nec fuit ante Diluuium omnino licitus, neque communiter ab omnibus hominibus vsurpatus. atq; hæc sententia videtur satis euidenter tum ex verbis Sacri textus colligi; tum plurimorum Doctorum auctoritatibus rationibusque posse comprobari. Nam cùm ante Diluuium solas herbas, feminaque, & lignorum fructus concessisset Deus tam hominibus quàm iumentis, ac cunctis animalibus in cibum, vt expressè habemus Genes. cap. 1. vers. 29. post Diluuium autem idem Deus indulerit, vt omne quod mouetur & viuitt, esset hominibus in escam, vt patet Genes. cap. 9. vers. 3. fit consequens, non fuisse ipsis hominibus concessas carnes ante Diluuium; præsertim cùm ibidem subiungatur: *Quasi olera virentia tradidi vobis omnia.* ac si dixisset: Hactenus solas herbas, & terræ nascentia, seu, vt uno verbo dicam, sola vegetabilia, tradidi vobis in cibum: nunc verò etiam sensibilia, id est, cuncta animantia tradidit, quibus vesci possitis, ac si essent olera virentia. In hanc sententiam conuenire videntur omnes ferè prædictorum locorum Genesis Expositores: videlicet Glossa ordinaria, Lyranus, Beda, Abulensis, Hugo Cardinalis, Rabanus, Dionysius Carthusianus, & Rupertus. item B. Chrysostomus Hom. 27. in Gene-

Genesim, Theodoretus quæst. 55. in Genes. & S. Thomas i. 2. quæst. 102. art. 6. ad 2. Tametsi aliqui ex citatis Auctoribus magis absolute, aliqui verò cautiùs loqui videantur. Eadem quoque sententia confirmari potest ratione. Nam cum (vt omnes fatentur) ante Diluuium maior vis nutriendi esset in herbis & fructibus, quàm post, quia terra nondum Oceani eluuiouibus & eius salsedine (quæ Diluuij postea temporibus super eam anno integro mansit) arefacta, longè copiosiores & melioris succi fructus producebat: propterea commodè poterant homines, sine vllò esu carniùm, solis terræ nascentibus nutrirì ac sustentari. Huc accedit naturæ humanæ robur, & vigor, qui ante Diluuium multò validior erat; vt ipsa hominùm illius temporis vitæ diuturnitas, quæ postmodum valde imminuta est, attestatur. quo fit, vt mirum non sit, si duriores illos glandium cibos faciliùs concoquere, & sine carnibus validè admodum nutrirì valebant.

13. Vt igitur ad argumenta in contrarium adducta respondeamus; Ad Primum Caietani dicimus, Quòd naturale dominium à Deo datum homini super vniuersa animantia ante Diluuium, non extendebatur ad hoc, vt homo posset ea manducare; tum quia illorum carnibus vesci, eo tempore non indigebat; tum quia esus carniùm nondum ei fuerat à Deo concessus. Scimus autem, & Principes terræ naturale dominium habere in sibi subditos, & patres in filios: & tamen non inde sequitur, posse eos licitè ipsorum vesci carnibus (mittamus nunc extremæ necessitatis casum, quia in eo, etiam ante Diluuium, potuissent homines credere.) Ad illud quod dictum est de Abel, concedimus, eum fuisse pastorem ouium, edisseque de ipsarum lacte, vt dicebat Apostolus, non tamen etiam de agnis seu carnibus gregis sui (de hoc enim nihil meminit eò loci Apostolus) neque ibidem loqui intendit specialiter de tempore, quod Diluuium præcesserat; sed communiter, prout suis fieri solebat temporibus. Dicimus præterea commendari Abelem, quòd primitiua pecora ac magis pinguia offerret Domino; quoniam ea, vniuersaliter loquendo, videntur hominibus esse chariora. Solemus etenim cuiuscumque generis primitias magis diligere, & pecora meliora ac pinguiora solent esse dominis suis etiam vtiliora; quia ad gregem amplius multiplicandum, & ad maiorem lactis ac lanarum copiam producendam, videntur esse aptiora. Ad aliud, de Lege, responderi potest, Quòd etsi nulla existeret lex specialis, quæ expressè prohiberet esum carnis: implicitè tamen continebatur huiusmodi prohibitio in illa, quam retulimus, taxatione seu assignatione olerum ac terræ fructuum, in cibos hominùm ac iumentorum: & item in naturalibus temperantiæ legibus. Nec refert, quòd post lapsum, aqualiter obscuratum remanserit in hominibus lumen naturale: quandoquidem non vsque adeò erat obtenebratum, quin satis dilucidè possent homines, præsertim verò viri probi, vel ex ipsa experientia dignoscere, cibos eis à Domino tunc expressè concessos, ad vitam in optimo statu conseruandam commodè potuissè sufficere, cetera autem, saltem implicitè, fuisse ipsis prohibita, tamquam tunc superflua & damnosa, quippe quæ ad petulantiam magis excitandam, & propter ipsorum intemperantiam, ad multa quoque morborum genera inducenda, propè certam occasionem præbere possent. Ad argumenta Soti. Ad Primum, concedimus, carnes nunc esse ad nutriendos homines accommodatissimas, laudariquæ à Medicis, non tam quòd multum nutrant, quàm etiam, quia facilè à debilioribus quoque stomachis concoqui queunt. addimus tamen, eas valde rationabiliter ante Diluuium non fuisse concessas, tamquam tunc minimè necessarias, propter copiam & varietatem aliorum ciborum, qui optimi erant nutritimi, & robustissimis illis habitudinibus aptiores: robustissimis enim corporibus etiam de consilio Medicorum, duriores cibi magis conueniunt. siquidem illi si benè concoquantur, vt in ipsis fit, magis nutriunt, & solidius præbent alimentum, & ad manutenendas, immò verò & ad augendas vires, magis sunt accommodati. Ad secundam respondemus, viros probos ac Deum timentes, ante Diluuium à carnibus abstinuissè, quoniam erant veritæ, modo superius exposito; prauos verò eas præter fas comedissè, vt iam dictum est. Ad tertium dicimus, gallinas, piscesque, & huiusmodi alia fuisse à Deo creata ad vsus hominùm, vt scilicet his vesci possent, non quidem tunc, quia non opus erat; sed posterioribus temporibus. Quis enim nesciat, etiam ea quibus homines ad medicamenta dumtaxat vti solent, fuisse ab initio mundi creata, quando nullæ adhuc erant infirmitates? nec poterat dici, quòd tunc frustra essent in mundo; quia saltem ad perfectionem vniuersi pertinebant, & suo tempore postea vsui esse debebant hominibus: quemadmodum supra quoque diximus, ab initio creatas fuisse spinas, & tribulos, & serpentes, & similia, ad vindictam peccatorum,

AD ARGV-
MENTA CA-
IETANI.

AD ARGV-
MENTA SO-
TI.

quæ Deus præuidebat ab hominibus fore perpetranda. Ad Quartum dici potest, non esse inconueniens opinari, venationem ante Diluuium fuisse à viris probis exercitam, tantum ad animi solatium, quantum scilicet spectat ad aucupia: quod verò attinet ad quadrupedum insectationem, vt de ipsorum quoque pellibus sibi indumenta parare, ac tentoria seu tabernacula conficere possent. Carnes autem non multo negotio poterant iam excoriatas subtus terram condere, vbi de aeris infectione timendum esset; alioqui eas sub dio relinquere, quemadmodum hodie etiam fieri solet in Insulis Noui orbis, quas vocant Cuba, Hispaniola, Iamica, & Dominica; vbi ob nimiam vacarum multitudinem, quæ passim & sine vlla distinctione in agris pascuntur, incolæ eas ad libitum capiunt, & abtracto corio, quod ad merces auferunt, nudas carnes proiciunt, vt scribit Iosephus Acosta lib. 1. suarum Historiarum naturalium & moralium Indicarum, cap. 21. Ad Quintum respondere possumus, certum esse, sacrificia & oblationes Domino non de animalibus tantum, sed etiam de frugibus terræ ante Diluuium fieri consueuisse, vt patet Genes. cap. 4. Verum, supposita illa efus carnis prohibitione, quæ tum ex Sacro textu, tum Doctorum auctoritatibus ac rationibus iam probata est, sequitur necessarium dicendum, quod sicuti solebant fructus terræ post oblationem comedere, ita carnes animalium semper in sacrificiis, saltem viri boni, totas incendere consueuerant, ad exemplum & aliqualem imitationem sacrificiorum Abelis, quæ igne mirabiliter è cælo descendente absumpta fuisse, communis Doctorum opinio est: hoc enim signo (inquiunt) intellexit Cain, Dominum respexisse, hoc est, accepta habuisse munera Abelis, sua verò non item. Postremum admittimus, tamquam sententiæ nostræ nullatenus contrarium, vt consequentia docebat.

QUATTUOR
DE CAR-
NIUM ESU
CONCLV-
SIONES.

14. Itaque ex dictis, quattuor hæc nobis manifesta redduntur. Primò, Deum dedisse hominibus ante Diluuium tantummodò lignorum seu plantarum fructus, seminaque & herbas ad esum, vt apertè legimus Genes. cap. 1. sæpius citato; quoniam illa tunc erant ad homines probè alendos valde apta & sufficientia, tum ob succi bonitatem, tum ob corporum habitudinemque firmitatem, vt supra expositum fuit. Secundò, carnes tunc temporis non quidem fuisse vetitas expressa ac speciali prohibitione, sed tantum implicita, & ea item, quæ naturalibus temperantiæ legibus continebatur, quibus quisque poterat satis dignoscere, illos dumtaxat cibos ad vitam optimè sustentandam potuisse sufficere, quos pro illo tempore Dominus expressè concesserat; ceteros verò, nimirum carnes, pisces, & huiusmodi alia, implicitè saltem tunc censi vetita, tamquam superflua. Et proinde viros probos, ac sanctum Dei timorem in se habentes, ab illis, vtpote ad gulæ potiùs oblectamenta quàm ad vitæ conseruationem pertinentibus, vtrò libenterque abstinuisse. Tertiò, homines, procedente tempore, atque humana sensim passimque crescente malitia, (paucis dumtaxat exceptis) non fuisse herbis ac terræ fructibus contentos, sed carnibus etiam vesci voluisse; eoque tandem processisse impiorum hominum voracitatem, (Diluuii præsertim iam appropinquante, quando scilicet, vt dicitur Genes. cap. 6. vers. 5. *multa malitia hominum erat in terra, & cuncta cogitatio cordis intenta erat ad malum omni tempore*) vt carnes etiam cum sanguine, hoc est, vt quidam putant, vel crudas, vel fortassis panè viuas, & adhuc palpitantes, more ferino deuorare non erubescerent. Quin etiam, vt ex Beroso refert Caietanus super Genes. cap. 4. vsque adeò increuerat humana ingluuius, vt homines, omnis humanitatis obliiti, humanas quoque carnes edere non sint veriti. Quod certè non videtur incredibile, quandoquidem nos id ipsum etiam nunc de nonnullis Tartaris audiuimus, & de Barbaris quibusdam noui Orbis nationibus non sine horrore legimus. Ceterum hæc & huiusmodi priscorum illorum scelera, cum aliis propè innumeris coniuncta, Diluuij aquis à Deo punita fuisse dubium non est: vtinam etiam penitus essent exterminata atque abolita! Quartum ac postremum est, Deum, exacto Diluuii, esum carnis expressè conceptisque verbis concessisse, tum quia humana natura iam imbecillior facta, delicatioribus cibis egere iam cœperat, tum etiam propterea, quòd, vt sæpè iam diximus, aquæ Diluuij validis hinc atque illinc vndarum agitationibus, & Oceani falsedine vbique transfusa, terram reddiderant valde infructuosam, & ad gignendos optimi succi fructus minùs idoneam.

CONCESSIO
ESU CAR-
NIUM, QVO-
MODO IN-
TELLIGEN-
DA.

15. Verumenimuerò, quod attinet ad memoratam vescendi carnibus facultatem, duo aduertere oportet. Alterum est, eam indifferenter quidem & vniuersaliter omnibus datam esse hominibus: non ita tamen, vt omnes & singulos ad esum carnis obligaret; sed volentes dumtaxat sineret, alio non obstante, carnes edere: fuit enim, magis propriè loquendo, quædam concessio potiùs & indulgentia, quàm iussio aut præceptum,

ceptum, vt communiter sacri sentiunt Expositores. Quare manifestum est, illos valdè admodum allucinari hæreticòs, qui hinc occasionem arripiunt calumniandi Catholicos, quòd aliquando deuotionis ergò, vel certis temporibus, ad honorem Dei ac Sanctorum, iubente sancta Ecclesia, à carnibus abstineant: & item, irridendi quorundam Religiosorum instituta, quæ suis alumnis vel pœnitentiæ causa, vel vt castiùs viuere queant, carnis esum prohibent. Quasi solo carnium esu viuere homo possit. quasi verum non sit, quod aiebat Dominus Matthæi cap. 4. vers. 4. primam diaboli tentationem impugnans: *Non in solo pane viuit homo; sed in omni verbo, quod procedit de ore Dei.* Quòd si ab ipso pane aliquando ad Dei cultum, salutemque animarum, abstinendum duxit Dominus; quis dubitet, eadem de causa etiam à carnibus abstinere licitum ac salutare admodum esse? An arctiùs obligat concessio carnis in escam, quàm panis? Vtinam attenderent isti Apostolum 1. ad Cor. cap. 6. vers. 12. dicentem: *Omnia mihi licent, sed non omnia expediunt.* & cap. 10. vers. 23. *Omnia mihi licent, sed non omnia edificant.* Certissimum verò est, quòd quemadmodum verba illa, *Crescite, & multiplificamini*, &c. non obligant singulos dare operam liberorum generationi, vt sub die mundi 6. num. 42. probauimus: ita neque ista, *Omne quod mouetur & viuit, erit vobis in cibum*, &c. inducunt necessitatem singulis hominibus, vt carnes manducent. Neque item insinuant, licitum esse, (quod multi faciunt) luxus aut ostentationis gratia, siue vt insatiabilibus gulæ illecebris inserviant, vllis non parcere sumptibus, aut laboribus, pro conquirendis & vndique comportandis cuiusuis generis animalium carnibus, in vinica præsertim mensa exponendis: alioqui, si sic omnino ad litteram prædicta verba accipienda esse quis contendat; poterit etiam inde inferre, teneri singulos homines ad manducandum de omni quod mouetur & viuit; ita vt si de vno aut altero quis numquam comederit, diuini præcepti transgressor habeatur. quod sanè dictu ridiculum foret; & sic sentienti, iure meritoque obici posset illud Apostoli 2. Cor. cap. 3. vers. 6. *Littera occidit, Spiritus autem viuificat.*

16. Alterum, quod aduertendum esse dicebamus, est, esum animalium non absolute fuisse concessum, sed cum ea exceptione quæ subiungitur Genes. cap. 9. vers. 4. *Excepto, quòd carnem cum sanguine non comedetis: sanguinem enim animarum vestrarum requiram*, &c. Quod quidem præceptum postea Moyse in Lege sua explicatiùs registravit, & non semel replicauit Leuitici cap. 17. vers. 10. vsque ad 15. & Deuter. cap. 12. vers. 16. 23. & 24. Quo præcepto (vt sacri sentiunt Expositores) multa in esu animalium excipiuntur. Nam primò explicite vetatur, ne sanguinem ipsorum vllò modo ederent, siue à carne separatum, siue cum ipsa admixtum, vt fit edendo animalia suffocata, aut contusione, aliòve modo sine sanguinis effusione occisa; & item si quis adhuc viuientia vel palpitantia manducaret. quidam etiam addunt, vt si quis carnes crudas comederet, quæ sanguine madere solent, & in quibus vix fieri posse videtur, vt non aliquid remaneat sanguinis. Atque hæc prohibitio, quod attinet ad suffocata & ad sanguinem, cum sit rei non per se malæ, creditur in hoc renascentis mundi exordio facta, vt per huiusmodi obedientiam, quæ sola hic videtur exigi, recognoscerent homines supremum Dei dominium; ac eidem humiliter obsequentes protestarentur, ipsum posse, quæcumque ei placuerint, non tantum mala, sed & bona quoque atque indifferentia, pro suo libito iuste eis prohibere: quemadmodum sub die mundi 6. num. 30. dictum est, ipsum Deum, eadem de causa, in ipso creati Orbis exordio, prohibuisse primis nostris Parentibus esum fructus illius plantæ, quæ dicebatur Arbor scientiæ boni & mali. Igitur ad prædictum præceptum negatiuum, de non edendo sanguine, explicite datum, necessàriò consequitur aliud affirmatiuum, nempe de ipso sanguine ab animalibus, priusquam coquerentur ac comederentur, fundendo. quod postea etiam explicite traditum est, locis præsertim Leuit. citatis; vbi insuper transgressoribus pœna mortis infligitur. Et præterea duæ adiiciuntur causæ seu conuenientiæ, cur esum sanguinis homini Deus prohibuerit, nimirum quia (inquit ibidem Scriptura) *anima omnis carnis in sanguine est: & ego dedi illum vobis, vt super altare in eo expietis pro animabus vestris, & sanguis pro anima piaculo sit.* ac si dixisset: Prohibui vobis esum sanguinis, in quo præcipue videtur animalium vita contineri, iuxta illud Poëtæ: — *vitam cum sanguine fundit.* ne fortè videamini animas etiam velle comedere; & quemadmodum carnes vestras animalium carnibus, ita animas quoque vestras ipsorum animabus alere ac nutrire; quod sanè absurdum valde videri posset, præsertim dicente Domino Deuter. cap. 12. vers. 23. *Sanguis enim eorum pro anima est: & idcirco non debes animam comedere cum carnibus.* Altera causa est, Quia sanguinem, inquit, referuau mihi, ad expianda

SANGVINIS
ESVS PRO-
HIBITVS.

SANGVINIS
ESVS CVR
PROHIBI-
TVS.

peccata vestra, in sacrificiis immolandum: concessi enim vobis animalium carnes, ad corpora vestra nutrienda; sanguinem verò ipsorum & animas, seu vitas, in remedium & salutem animarum vestrarum; quatenus scilicet illorum sanguis & vita in sacrificiis effusus, significabat Christi sanguinem & vitam in ara Crucis aliquando effundendum, & pro redemptione mundi immolandum.

DE HOMI-
CIDII PRO-
HIBITIO-
NE.

17. Sed ne quandoque posterì ipsius Noë, procedentibus temporibus, propter illam generalitatem, *Omne quod mouetur & viuit, erit vobis in cibum*, putarent licere carnes quoque humanas, sanguine dumtaxat prius effuso, manducare; statim prohibetur effusio humani sanguinis, apposita duplici pœna; nimirum altera ab ipsomet Deo, altera ab hominibus infligenda. Prior insinuat loco Genes. citato illis verbis: *Sanguinem enim animarum vestrarum requiram de manu cunctarum bestiarum, & de manu hominis, de manu viri & fratris eius, requiram animam hominis*. Quo loquendi modo videtur voluisse complecti cuncta homicidiorum genera. dum enim ait: *Sanguinem animarum vestrarum requiram*; vtique etiam seipsum interimentes comprehendit. dum verò protinus addit: *Et de manu cunctarum bestiarum, & de manu hominis*, &c. eos signat, qui per se, vel per alios, homines videlicet aut per bestias, hominem occiderint. ac si vniuersaliter dixisset: Omnis homicida, (subaudi, iniustus;) siue bestia fuerit siue homo, vir aut femina, cognatus aut extraneus; quicumque is fuerit, requiram animam hominis, hoc est, defuncti, de manu eius; hoc est, puniam ego ipse eum pœna ineuitabili ac sempiterna. Et insuper, ad maiorem incutiendum timorem, etiam temporaliter pœna capitis, per humanos Iudices infligenda, quibus illic tradidit ius gladii in homicidas, protinus subiungens: *Quicumque effuderit humanum sanguinem, fundetur sanguis illius*. (subaudi, Si tamen de homicidio legitime constiterit.) Vnde Exodi cap. 21. versic. 28. non dominum bestię tantum, sed & ipsam bestiam, quę homicidium perpetrasset, iussit Deus interfici. Sed & in memorata homicidij prohibitione, visa est Caietano alia quoque prohibitio implicitè contineri, tam bestias quàm hominibus, nimirum, ne humanam edere carnem vmquam audeant. Quandoquidem, vt ipse subtiliter philosophatur, alimentum suapte natura debet esse imperfectius eo quod alitur; quoniam alimentum ordinatur ad id quod alitur, tamquam medium ad suum finem: constat autem vniuersaliter, finem esse perfectiorem iis quę ordinantur ad finem. Vnde homo suapte natura nullius debet esse alimentum: non aliorum animalium; quia ius omnibus ipse est præstantior: non alterius hominis; quoniam est par, & eiusdem nature. Ceterum, ius gladii in homicidas dedit Deus homini, non solum illic post Diluuium, videlicet Legis naturę temporibus; verum etiam Legis scriptę; nimirum Exodi c. 21. vers. 12. his verbis: *Qui percusserit hominem, volens occidere, morte moriatur*. & Leuitici cap. 24. vers. 17. *Qui percusserit, & occiderit hominem, morte moriatur*. & Deuteronom. cap. 19. vers. 12. præcipitur, vt homicida voluntarius & insidiosus, de loco effugij euellatur ad mortem. quin & Exod. cap. proximè citato vers. 14. iubetur euelli etiam ab altari, vt moriatur. Quam legem adhuc ampliùs extendendam iudicauit Salomon, in casu Ioab, præcipientes eundem ab altari nolentem discedere, ibidem interfici, 3. Regum cap. 2. Sed & in Lege Euangelica idem ius in homicidas insinuat Matth. cap. 26. versic. 52. dicente Domino: *Omnes qui acceperint gladium* (nimirum animo deliberato vt occidant hominem) *gladio peribunt*. & explicatiùs Apocal. cap. 13. vers. 10. *Qui in gladio occiderit, oportet eum gladio occidi*. Et propterea non mirum est, si videmus homicidas vniuersaliter apud omnes pænè nationes non diuino solum, sed etiam humano Iure, ad mortem inquiri ac damnari. Etenim magnam vim habuit in omnium animis hæc diuina sententia, & ratio eius quę hinc subiungitur: *Ad imaginem quippe Dei factus est homo*. ex qua fit consequens, quòd si non licet Principis imaginem destruere, tanto minùs Dei; & sicut ille fit reus læsę Maiestatis humanę, ita iste diuinę. Ecce quanta paucis complexus est Dominus in memorata efus sanguinis exceptione. quandoquidem, vt dictum est, simul & semel explicitè prohibuit efum sanguinis, tum à carne separatam, tum cum ea quomodolibet admistum, & hoc propter causam superiùs adductam; & consequenter præcepit, effundi debere sanguinem ab animalibus, antequam ab hominibus comederentur; atque item ipsis implicitè interdixit efum carnis crudę, vel adhuc palpitantis; necnon & humanę, tam bestias quàm hominibus, ad occurrentium excessibus, ante Diluuium ab eisdem hominibus more ferino perpetratis. Ad demum, hinc sumpta occasione, manifestè vniuersaliterque vetuit homicidium; posuitq; pœnas transgressoribus diuinis atque humanas, vt sic magis retraheret ab huiusmodi scelere homines, ne sicuti ab initio mundi Cain interfecit Abelem, ita quoque in hoc

IVS GLADIJ
IN HOMI-
CIDAS.

hoc eiusdem mundi reparationis exordio, sese filij Noë interimere auderent.

18. Sed vide hic immensam diuinæ bonitatis clementiam, quantum sese humana imbecillitati demittit & accommodat. Videbat Dominus homines illos paucos de Arca paulò antè egresfos, & præsertim mulieres, de tremendo illo vniuersali Diluuiò adhuc admodum trepidantes, atque intra se quodammodò ratiocinantes, ac tacitis cogitationibus hæc & similia reuoluentes: Ad quid istæ tam grandes Domini benedictiones? Ad quid propagatio, ad quid multiplicatio nostra super terram? Quid nobis proderit dominium super vniuersa animantia quæ sub cælo sunt? quid esus carniū? quid ius vindictæ in homicidis? Quid hæc, & si quæ sunt alia, alioqui præclara Dei dona, conferre nobis poterunt, si nos donaque sua iterum diluuiò Deus auferat? Quomodo deinceps poterimus animum ab hoc timore compescere, quotiescumque turbari cælum contigerit, & quodocumque vehementissimas in terram pluuias cadere videbimus? Adhuc insonant in auribus nostris, horrendus ille quadraginta dierum fragor aquarum desuper irruentium, & miserabiles illi pereuntium ciulatus. nōne præstat mori magis, quàm videre ampliùs tantum ac tam vniuersale mundi exterminium? Sed esto; Deus poterit nos denuò per Arcam præseruare. Atqui perhorrescit animus diutinam illius carceris moram; concutit, nimiumque exagitat corda nostra, illa validarum Arcæ iactationum recordatio. Quid plura? nihil vniquam præ perenni huius timoris angustia iam lœtificare nos poterit. Hæc atque huiusmodi exanimatæ illius familiæ perturbationes ita omnium corda deprimebant opprimebantque, vt vix intendere possent animum his, quæ paulò antè dixerat Dominus: *Nequaquam vltra maledicam terræ propter homines. & quemadmodum legimus Lucæ cap. 18. vers. 31. de Apostolis, quòd dicente eis Domino: Ecce ascendimus Ierosolymam, & consummabuntur omnia quæ scripta sunt per Prophetas de Filio hominis: tradetur enim gentibus, & illudetur, & flagellabitur, & consuetur: & postquam flagellauerint, occident eum; & tertia die resurget. sequitur: Et ipsi nihil horum intellexerunt, & erat verbum istud absconditum ab eis, & non intelligebant quæ dicebantur.* sic quodammodò filiis Noë contigisse videtur. Quare misertus ipsorum Dominus, eadem quæ priùs non semel repetit, clariùsque declarat, se non ampliùs missurum aquas diluuij super terram, & insuper solemnem quadam promissione, ac signo visibili eis præstito, illos omnino de hac re securos usque adeò reddere contendit, vt quodammodò non videatur finem facere posse, eadem sapius repetendi, variegatè explicandi: quod nimirum arguit, quàm difficile hac de re persuaderi possent, ob causas à nobis superiùs allegatas. Libet hic ponere verba Sacri textus, vt omnes intelligant, verum esse quod diximus; & propterea non otiose huiusmodi repetitiones à Deo fuisse multiplicatas. Ecce ego, inquit, *statuam pactum meum vobiscum, & cum semine vestro post vos, & ad omnem animam viuentem, quæ est vobiscum, tam in volucribus, quam in iumentis, & pecudibus terræ cunctis, quæ egressæ sunt de Arca, & vniuersis bestiis terræ. Statuam pactum meum vobiscum, & nequaquam vltra interficietur omnis caro aquis diluuij, neque erit deinceps diluuium dissipans terram. Dixitque Deus: Hoc signum fæderis, quod do inter me & vos, & ad omnem animam viuentem, quæ est vobiscum, in generationes sempiternas: Arcum meum ponam in nubibus, & erit signum fæderis inter me & inter terram: cumq; obduxero nubibus cælum, apparebit arcus meus in nubibus; & recordabor fæderis mei vobiscum, & cum omni anima viuente quæ carnem vegetat: & non erunt vltra aque diluuij ad delendum vniuersam terram. Eritq; arcus in nubibus, & videbo illum, & recordabor fæderis sempiterni, quod pactum est inter Deum & omnem animam viuentem vniuersæ carnis, quæ est super terram. Dixitque Deus ad Noë: Hoc erit signum fæderis, quod constitui inter me & omnem carnem super terram. hæcenus verba Sacri textus. Ex quibus satis apparet quòd diximus: alioqui sufficere poterat rem paucis expedire, ac breuiter dicere: Bono animo estote filij, non ampliùs dissipabitur diluuiò terra; itaque cum videritis obtenebrari cælum nubibus, nolite expauescere, sed adspicite ad iridem, quæ apparere solet in nubibus, & in eisdem modicè densis atque humidis, aduersusque Solis fulgore percussis, naturaliter generari. ipsa enim deinceps, ex particulari mea institutione, erit vobis & posteris vestris signum perenne atque infallibile, numquam ampliùs venturi vniuersalis diluuij. Quare ipsam aspicientes, omnem ex animis vestris timorem facillimè discutietis. Ceterum, diuinam hanc promissionem fœdere sempiterno confirmatam, Isaïas cap. 54. vers. 9. iuramenti quoque vim habuisse commemorat. non quia sine iuramento firma non sint promissa Dei; sed ad maiorem inducendam securitatem, & sic magis subleuandam illorum hominum infirmitatem, & in summa, ad denotandum, immutabilem omnino fore diuinæ huius promissionis certitudinem:*

PROMISSIO
DE DILUVIO
VNIERSA-
LI AMPLIUS
NON MIT-
TENDO CVR
TOTIES RE-
PETITA.

quam etiam iridis signo, omnibus conspicuo, Deus corroborare voluit; ut postea homines illud intuentes, non in naturalibus eius causis, more Philosophorum, tantummodò indagandis morarentur: sed potius diuini fœderis, in cuius signum à Deo datum fuit, recordarentur; & hinc, ad concipiendum sanctum Dei timorem, immensam eius potentiam tremendamque iustitiam in vniuersali illo Diluuii demonstratam contemplantur: illinc verò, ad spem amoremque erga Deum ampliùs excitandum, pensarent diuinæ illius misericordiæ amplitudinem, quæ in hac promissione, de diluuiò ampliùs non mittendo, mirabiliter elucet: præsertim si consideremus, quàm brevis fuerit memoratus iustitiæ rigor, qui anno vno dumtaxat perdurauit; respectu miserationis, quæ, non obstantibus infinitis propemodum sceleribus, quibus iram interitumque meremur, ad reliqua nihilominus omnia huius mundi tempora sese extendit: ut verissimum illud sit, quod dicebat Psalmista: *Et misericordia eius super omnia opera eius.* & Ieremias Threnorum cap. 3. vers. 22. *Misericordiæ Domini quia non sumus consumpti, quia non defecerunt miserationes eius.*

DE ORTV
ÆLAM.

19. Eodem anno primo post expletum Diluuium, mense circiter decimo, necesse est de Sem natum esse Ælam, si Ælam fuit primogenitus ipsius Sem, ut credimus, & colligi potest Genes. cap. 10. versic. 22. vbi numerantur filij Sem, & primò ponitur Ælam, deinde Assur, tertio loco Arphaxad, postea reliqui: nulla namque ratio apparet, cur Scriptura sacra alium ibi, quàm natiuitatis ordinem, obseruare debuerit. Nam cum Arphaxad natus sit anno tertio post Diluuium, ut paulò post ostendemus, minùs verisimile est arbitrari, ipsum Sem duobus primis annis fuisse infecundum, quàm quòd in primo genuerit Ælam, & in secundo Assur; præsertim cum ex nullo alio Scripturæ loco colligi possit oppositum; & sub hoc eodem anno num. 2. iam dictum sit, communem esse omnium opinionem, non modò Sem, sed nec vllum alium, donec manserunt in Arca, ausum esse filiorum procreâtionis operam dare; quin potius nimio terrore correptos, pœnitentiæ opera exercuisse, lugentes communem illam humani generis cladem; nec ad mulieres accedendum esse existimasse, vsquequò intelligerent, Deum humano generi esse placatum, ac de ipso reparando deliberasse: alioqui videri posset, frustra Dominum, expleto Diluuiò, iterùm protulisse verba illa de generatione filiorum: *Crescite, & multiplicamini*, &c. Neque est quòd quis prædictis necessariam opponat sequelam, alendi infantulos matris lacte prægnantis, quod eis noxiom esse solet: quandoquidem, etsi tunc tres alia aderant mulieres, proculdubio vel illæ quoque pepererant, vel non. Si non, certè nec lac habere daréve poterant filiis Sem, si pepererant, fatis erat illis proprios lactare filios. Non, inquam, hæc obstat obiectio, quoniam eodem sub anno mundi 2. num. 1. iam satis superque responsum est.

CREDVN-
TVR NATI
GOMER ET
CHVS.

20. Sub finem eiusdem anni primi ab expleto Diluuiò, creditur Iapheth quoque genuisse primum filium suum nomine Gomer; & de Cham, natum esse Chus, qui primus inter filios eius recensetur, Genesis cap. 10. versic. 6. Quare annus insequens ferè totus concurret cum anno primo vitæ Ælam, Gomer, & Chus, ut in tabulis adnotatum inuenies.

AB ORBE CONDITO SECUNDÆ MVNDI ÆTAT.

AN NVS 1658.

AN NVS 2.

I.
ORTVS AS-
SVR, MA-
GOG, ET
MESRAIM.

ANNO ab exitu Noë de Arca secundo, circa initia mensis octauis, credimus Sem genuisse secundum filium suum, quem vocauit Assur, ut ex supradictis infertur; & de Iapheth natum esse Magog; & de Cham Mesraim. Vnde primus annus istorum pro maiori parte concurret cum anno sequenti, ut videre est in tabulis.

AB ORBE CONDITO SECUNDÆ MVNDI ÆTAT.

AN NVS 1659.

AN NVS 3.

I.
SEM GE-
NVIT AR-
PHAXAD.

BIENNIO (nimirum expleto) post siccatum Diluuium, id est, anno tertio exitus filiorum Noë de Arca, sub finem circiter mensis quinti, Sem cum esset centum annorum (intellige completorum, iuxta regulam sub anno mundi 131. num. 2. traditam) genuit Arphaxad, Genes. cap. 11. vers. 10. Itaque, iuxta computum Hebræorum, oportet primum annum dicti Arphaxad concurrere pro maiori parte cum centesimo primo patris sui Sem, & cum anno post Diluuium tertio, ut in tabulis adnotabimus. Porro ipse Sem, postquam genuit Arphaxad, vixit annis quingentis, &

genuit

genuit filios & filias : ibidem vers. 11. Per idem quoque tempus, probabile est, de Iapheth ortum esse Madai, & de Cham, Phuth ; & consequenter, quòd primus annus ætatis Arphaxad, Madai, & Phuth, fuerit iste tertius ab exacto Diluvio ; quoniam cum eo pro maiori parte concurrat.

2. Verumenimvero, quod diximus, Sem fuisse centum annorum quando genuit Arphaxad, biennio post Diluvium, potest ad litteram verum esse, si ponamus, ipsum Sem non fuisse natu maiorem trium filiorum Noë, sed secundo loco genitum. Quia, vt sub anno mundi 1557. num. 2. notauimus, quando Scriptura Genes. cap. 5. in fine, dicit, quòd Noë quingentorum erat annorum, quando genuit Sem, Cham, & Iapheth ; non debet intelligi, quòd eodemmet anno omnes tres genuerit, sed quòd eo anno cœperit eos gignere. Quare sufficit, ad veram illius Sacri textus intelligentiam, vnum tantum illo anno esse genitum, puta Iapheth ; reliquos verò postea. Et sic potuit Sem nasci anno vitæ Noë quingentesimo secundo iam propè expleto, & consequenter fuisse annorum centum, biennio post Diluvium, quando scilicet genuit Arphaxad. Porro quòd Iapheth, non autem Sem, fuerit natu maior, colligunt Hebraei ex Genesi cap. 10. vers. 21. vbi pro *fratre Iapheth maiore*, (vt nostra habet editio Vulgata) quòd vtique refertur ad Sem, legunt, *fratre Iapheth maioris*, quod non nisi ad Iapheth referri potest, vt testatur ibidem Lyræus. Et ita quoque habet textus L X X. Interpretum anno salutis 1588. Romæ editus. Atque eandem sententiam sequuntur Genezardus in sua Chronologia, & Lyræus, & Abulenſis super cap. 5. Genes. vbi etiam addunt, ipsum Sem primò nominatum fuisse inter fratres suos, non quia ipsorum esset senior, sed propter maiorem eius dignitatem, nimirum quia de eius stirpe postea nati sunt Patriarchæ & Prophetæ, ac demum ipsemet Christus.

3. At verò, si (vt sentit S. Augustinus lib. 16. de Ciuit. cap. 3. & ex Sacro textu Vulgato colligit Caietanus & alij) Sem fuit natu maior inter memoratos filios Noë, oportet ipsum necessariò natum esse anno quingentesimo vitæ patris sui Noë, & consequenter fuisse centum duorum annorum, quando biennio post Diluvium ipse genuit Arphaxad. Nec propterea culpanda est Scriptura, tamquam falsa ; quoniam certum est, quòd in supputationibus ipsa interdum minutos quosdam numeros consultò præterire solet, & (vt idem S. Augustinus quæst. 47. in Exod. ait) tempora ita nuncupare consuevit, vt quod de summa perfectioris numeri paululum excreſcit, aut infra est, non computetur. Quæ doctrina verissima est, potestque pluribus quoque aliis Scripturæ sacræ exemplis confirmari. Et primò, Genes. cap. 15. vers. 13. dicitur, semen Abraham peregrinaturum quadringentis annis ; quos ab ortu Isaac ad exitum Israël de Ægypto computandos esse, communior Doctorem opinio est : & tamen constat, quòd inueniuntur quadringenti quinque, vt nos sub anno mundi 2118. num. 16. ostendimus. Deinde, Numer. cap. 14. vers. 33. prædicitur, filios Israël vagaturos in deserto per annos quadraginta, & portaturos iniquitatem patrum suorum qui murmurauerant in Cadesbarne, & de terra promissionis obtinenda desperauerant. Atqui certum est, quòd à prædictæ murmuracionis tempore, non nisi per annos triginta octo & aliquot menses, filij Israël in deserto permanserunt ; quemadmodum sub anno mundi 2545. num. 64. demonstrabimus. Ecce quomodo aliquando Scriptura sacra modicum aliquid addit, minuitve, vt plenos integrosque numeros proferat. Idem videre est Iudicum cap. 8. vers. 30. vbi legimus quòd Ierobaal, qui & Gedeon, *habuit septuaginta filios* (subaudi legitimos) *qui egreſſi sunt de femore eius ; eò quòd plures haberet uxores.* & cap. 9. vers. 5. subditur, quòd Abimelech, qui fuit vnus de filiis Gedeonis, non tamen legitimus, *occidit fratres suos filios Ierobaal septuaginta viros, super lapidem vnum :* & tamen constat, quòd interfecti ab ipso fuerunt tantummodò sexaginta nouem viri. Siquidem non occidit fratrem suum natu minimum, de quo ibidem subiungitur : *Remansitq. Ioatham filius Ierobaal minimus ; & absconditus est.* Item in eiusdem libri cap. 20. vers. 15. & 16. Scriptura tradit, in exercitu Beniamitarum fuisse viginti quinque millia & septingentos viros : & infra vers. 46. & 47. ait, cæsa fuisse de Beniamin viginti quinque millia, & superfuisset tantummodò sexcentos viros. ergo non viginti quinque millia dumtaxat, sed viginti quinque millia & centum fuerunt occisi. omisit autem Scriptura numerare illa centum, quæ fortè etiam minùs erant ; quia modicum quid esse videbantur respectu totius numeri. Idem ostendi potest ex 2. Reg. cap. 5. vers. 4. vbi habetur, Dauidem regnasse in summa annis quadraginta, & ibidem explicatur, quòd in Hebron regnavit septem annis & sex mensibus, in Ierusalem verò triginta tribus annis. Item 3. Regum cap. 6. vers. 37. dicitur, quòd anno regni Salomonis quarto fundata est do-

mus Domini, mense Zio, quem suprà vers. 1. dixerat esse secundum; & addit, quòd perfecta fuit anno vndecimo, mense Bul, qui est mensis octavus. & continuo subiungit: *Ædificataque est annis septem.* Vides quòd utrobique sex in supputatione mentes pratermittuntur. quia, vt diximus, consuevit nonnumquam Scriptura sacra numeros integros plenosque pro fractis atque imperfectis vsurpare. Nam & sic quoque in familiaribus hominum colloquiis interdum fieri solet: & quod ab aliquo numero parum abest; siue quia modicum quid excedat, aut deficiat; tamquam nihil abesse communiter censetur.

VTRVM
SEM AN IAPHETH
FVERIT NATVM
MAIOR.

4. Sanè si quis hoc loco percundetur, quàm ex prædictis duabus opinionibus verior sit, Vtrum scilicet Sem an Iapheth fuerit natu maior inter filios Noë, dicimus, non facile id posse determinari, propter textuum Scripturæ sacræ varietatem, & ambiguitatem Hebraicæ vocis, pro qua Interpretes aliqui reddiderunt *maiore*, aliqui verò *maioris*: quoniam huiuscemodi vox in Hebræo, vt aiunt, cum sit indeclinabilis, utroque modo interpretari potest. Verumtamen probabilius videtur, Sem fuisse maiorem: tum quia id manifestè colligitur ex textu editionis Vulgatæ, quæ inter alias maiorem habet in sancta Ecclesia auctoritatem; præsertim illa, quæ Romæ prodiit anno salutis 1593. sub Clemente Octauo: tum quia licet textus Lxx. Interpretum Romæ pariter anno salutis 1588. impressus, habeat *Sem fratre Iapheth maioris*: ille tamen antiquus, quo sanctus vtebatur Augustinus, habebat, *Sem fratre Iapheth maiori*, vt videre est in Scholiis eiusdem editionis Lxx. Interpretum. & insuper Chaldaicæ Paraphrasis translatio, quæ in Bibliis Regiis habetur, eundem sensum videtur exprimere; & item Sanctis Pagnini ac Vatabli versiones.

AB ORBE CONDITO SECVNDE MVNDI ÆTAT.
ANNVS 1660. ANNVS 4.

I.
ORTVS CHANAAN,
ET IAVAN, ET
LVD.

I. **A**NNO post Diluuium quarto, mense circiter tertio, credimus de Cham natum esse Chanaan, quod & ex sub anno mundi 1666. num. 3. dicendis colligi poterit. Et fortè etiam eodem circiter tempore, de Iapheth natus est Iauan; & de Sem, Lud. Quod si ita est, annus ipsorum primus pro maiori parte cum anno præsentis concurrit.

AB ORBE CONDITO SECVNDE MVNDI ÆTAT.
ANNVS 1661. ANNVS 5.

I.
ORTVS THUBAL,
ET ARAM, ET
MOFOCH.

I. **A**NNO quinto circiter inchoante post Diluuium, probabile est quòd Iapheth genuerit Thubal; & Sem, Aram; & quòd mense circiter decimo eiusdem anni, ipsi Iapheth natus sit sextus filius, qui Genes. cap. 10. versic. 3. nuncupatur Mosoch. Quare, si sic est, primus annus vitæ Mosoch ferè totus concurrit cum sequenti, vt in tabulis notabimus.

AB ORBE CONDITO SECVNDE MVNDI ÆTAT.
ANNVS 1662. ANNVS 6.

I.
ORTVS THIRAS.

I. **A**NNO post expletum Diluuium sexto, mense circiter septimo, credi potest ipsum Iapheth genuisse filium suum septimum, quem appellauit Thiras, vt loco Genes. proximè citato apparet. Igitur primus annus vitæ Thiras magis videtur concurrere debere cum sequenti.

NOE ANVLLOS
POST DILVIVM
GENVERIT
FILIOS.

2. Verùm quia Scriptura sacra nusquam meminit, de Noë natos esse filios post Diluuium: non abs re erit hoc loco disquirere, num vllos post exitum de Arca liberos genuerit, nec ne. Et quidem pro parte negatiua facit, quòd non solum illorum nomina penitus fuerint præterita; sed etiam quòd de ipso Noë, post genitos Sem, Cham, & Iapheth, Scriptura non subiunxerit clausulam illam, *& genuit filios & filias*, quam in aliis Patriarcharum primæ & secundæ ætatis mundi generationibus adiciere solet, Genes. cap. 5. & 11. & præterea Genes. cap. 9. vers. 19. & in calce capitis decimi videtur dici, à tribus tantum filiis Noë, videlicet Sem, Cham, & Iapheth, post Diluuium disseminatos esse populos in orbe terrarum: ergo signum est, Noë nullos alios genuisse filios; nam ab iis quoque oporteret alicubi deductas esse colonias & familias. Ex alia parte, videtur admodum vrgere quod legimus cap. 9. vers. 1. & 7. *Benedixitq. Deus Noë & filiis eius. Et dixit ad eos: Crescite & multiplicamini, & replete terram.* quibus ver-

bis singularem hominibus fecunditatem à Deo præstitam fuisse, nemo in dubium vocat. ergo & ipsi Noë, cui eadem quoque dicta fuisse certum est. Non enim illud, *Et dixit ad eos*, exponi potest, id est, tantummodò ad filios. quia præterquam quòd insulsa esset huiusmodi interpretatio; quæ sequuntur, *Et terror vestester*, &c. omnia communia sunt etiam ipsi Noë. Quòd si non solum ad filios, sed etiam ad ipsum Noë pertinebant ceteræ benedictiones, quæ ibidem recensentur, nempe, dominium super cuncta animalia; facultas edendi carnes, excepto sanguine; & ius gladij in homicidas: cur non etiam fecunditas & multiplicandi facultas, quæ ibi post prædicta statim iterum vniuersaliter cunctis qui aderant tribuitur repetitis iisdem verbis: *Vos autem crescite, & multiplicamini, & ingredimini super terram, & implete eam?* Caietanus quoque hoc idem videtur colligere ex eo quod in eodem cap. vers. 18. subiungitur: *Erant ergo filij Noë, qui egressi sunt de Arca, Sem, Cham, & Iapheth.* nimirum illud, *qui egressi sunt de Arca*, putat dictum esse ad distinctionem eorum, qui post ab eodem Noë geniti fuerunt.

3. Sed, vtrumque res fuerit, (est enim valde dubia) mihi certè probabilius videtur, ipsum Noë alios quoque post Diluuium filios procreasse: alioqui frustra Deus ipsi etiam signanter dixisset, *Crescite*, &c. potuissetque separatim id tantummodò filiis eius indicare. Neque videtur Noë fuisse adeò senex, quin naturaliter potuerit adhuc generare, præsertim accedente vi diuinæ illius benedictionis recens datæ; & quæ tunc aderat multiplicandi genus humanum, necessitate. Nam si hoc tempore, in quo vita hominis communiter ad septuaginta vel octoginta annos protendi solet, multi prope septuagesimum annum, & nonnulli quoque post, filios procreare valent: cur Noë, qui vixit nongentos quinquaginta annos, non potuit saltem ab anno sexcentesimo ad septingentesimum plures filios gignere? Sed si horum nullatenus meminisset Moyses, quis miretur? non enim antiquissima quæque conscribere professus est, sed ea dumtaxat, quæ ad populum suum aliquantulum pertinuisse viderentur, qualia non existimauit esse ea, quæ fortè de aliis filiis Noë dici potuissent: quemadmodum neque illa, quæ de aliis primæ ac secundæ mundi ætatis Patriarcharum filiis consultò idem Moyses præterit. Nec singulare est, in descriptione generationis Noë Gen. cap. 5. v. 31. omisam fuisse consuetam illam clausulam, in aliis generationibus toties repetitam, *Et genuit filios & filias*: quandoquidem pariter desideratur in descriptione generationum Cham, Genes. cap. 10. vers. 6. & Iapheth, ibidem vers. 3. & Thare, cap. 11. vers. 32. & tamen non videtur credibile, quòd isti nullos alios filios genuerint, nisi quos Scriptura sacra commemorat: alioqui quid operata esset in ipsis Dominica illa benedictio: *Crescite, & multiplicamini*, &c. si Iapheth in tota vita sua septem tantum, & Cham quattuor, & Thare tres dumtaxat mares & nullas omnino feminas genuissent? Quòd autem dicitur humanum genus à tribus filiis Noë disseminatum; puto idèò dictum, non quia ab aliis etiam eiusdem Noë filiis facta non fuerit ista disseminatio, sed quia, qui de prædictis tribus descenderunt, fuerunt illustriores huius disseminationis principes, & veluti capita eorum, qui ab aliis segregati, nouas sibi sedes quærere, ac varias orbis regiones inhabitare cœperunt. Ex his ergo patet, minùs probabilem esse opinionem eorum, qui putant, quòd Noë post Diluuium iam fractus (vt aiunt) & senex, vtque melius vacaret Deo, veneris pertæsus, abstinerit ab usu coniugij, ideoque deinceps nullos genuerit liberos. Valeat autem & dispereat commentitia atque insana illa Berossi Anniani adinuentio, quæ habet, quòd cum Noë ebrius iaceret, Cham illius virilia comprehendens, ac tacitè submurmurando, carmine magico patri illudens, sterilem eum ac perinde castratum reddidit.

AB ORBE CONDITO

SECUNDÆ MVNDI ÆTAT.

ANNVS 1666.

ANNVS 10.

A NNO post Diluuium circiter decimo, vt ex paulò post, videlicet num. 3. dicendis colligi poterit, Noë qui statim vt exierat de Arca, cœperat cum filiis suis exercere terram, quòd sibi suisque victum pararet, & post aliquot, vt arbitror, annos plantauerat vineam, quæ cum suo tempore postea vvas optimas copiosioresque protulisset, cogitauit prouidus senex, ab his expressum vinum bibere, quòd haustum vberitis, ne ipsi quidem pepercit auctori, qui vtique vini vim nesciens, eiusque suauitate illectus, in ebrietatem incidit. Ex quo videtur posse inferri, vini potum in prima mundi ætate non fuisse in usu. Nam licet inter alias frugiferas terræ plantas, tunc etiam vites existisse dubium non sit: attamen credunt Doctores, vitibus tantum ad

NOE VINUM
BIBENS IN-
EBRIATVR.

ad manducandas vuas, non aurem ad vinum quoque ab ipsis exprimendum ac potandum vti homines consueuissent: Noë autem per hæc tempora primum fuisse vini inuentorem. Cum enim ipse, sicut & ceteri homines, antea semper aquam bibisset, quæ ante Diluuium optima erat, & ad gustus suauitatem corporisque sanitatem admodum accommodata; post ipsum autem manifesta comperisset experientia, ipsas aquas deteriores euasisse, & minus salubres; putauit, ingrauescente præsertim iam sua ætate, vini potum sibi fore salubriorem: & ideo plantauit vineam; id est, vites vndecumque potuit collectas ac selectas, & conuenienti loco, ac diligentiori cultura satas, in vineæ formam primus redegit: bibensque ex ea merum, ea mensura qua prius solebat aquam bibere, vel fortè etiam aliquanto largiori, ob illius suauitatem ac dulcedinem, inaduerter inebriatus est. Non enim (vt testantur Theodoretus quaestione 56. & B. Chrysostomus Homil. 29. in Genes. & alij) præ intemperantia, Noë in ebrietatem lapsus est; sed ex mera potentia vini ignorance atque inexperientia.

NOENVDVS
A FILIO
CHAM IR-
RISVS, AB
ALIIS PAL-
LIO OPER-
TVS EST.

2. Accidit autem, vt cum inquieta quadam somnolentia, quæ ebrietatem comitari solet, correptus Noë operimenta à se proiecisset, nudus iaceret in tabernaculo suo: quod cum fortè (vt satis rationabiliter Hebræi, & aliquot ex Catholicis opinantur Doctores) vidisset filius Cham nomine Chanaan, statim accurrens, suo indicauit patri; qui cum debuisset grauius obiurgare filium, è contrario, præ curiosa quadam leuitate, & ipse veniens vidit nudata esse verenda patris: nec ea solum operire non curauit, quin potius non insipienter tantum (vt fecerat paruulus) sed etiam cum iniqua quadam irratione nuntiavit duobus fratribus suis. At illi huiuscemodi impietatem atque illusionem toto corde auersantes, & insuper auersa facie, ne patris virilia viderent, accedentes, pallio parentem operuerunt: insigne posteris exemplum relinquentes eximia pietatis ac reuerentiæ, quam erga parentes, tam carnales quam spirituales, etiam quouomodo delinquentes, exhibere tenemur.

3. Sanè, si verum est, vt diximus, Chanaan primò vidisse nudatum auum, ac retulisse patri, vtique oportet ipsum iam tunc fuisse doli capacem, ac saltem septennem. Quare cum dictum sit, Chanaan natum esse anno post Diluuium quarto; sequitur satis probabiliter, hanc ebrietatis Noë historiam hoc circiter anno contigisse. Quod etiam sensisse videntur Caietanus, Pererius, & alij. Certè, iam ante non admodum multos annos natum esse Chanaan, non obscure indicat lectio LXX. Interpretum, quæ eundem Chanaan appellat puerum, dicens: *Maledictus Chanaan puer; famulus erit fratribus suis.*

NOE EXPER-
GEFACTVS
MALEDICIT
CHANAAN,
ET BENEDI-
CIT SEM ET
IAPHETH.

4. Ceterum Noë, digesto tandem vino, ac de graui illa somnolentia expergefactus, vt primum aduertit sua pudenda non veste consueta, sed alieno pallio præter solitum esse contexta, causamque huiuscemodi nouitatis ignorare; ex duobus filiis sciscitatur, eosdemque instanter vrget, quidnam sibi acciderit vt fideliter aperiant. Illi, licet præ ipsorum modestia, non libenter, tamen patre sic iubente ac volente, rem, prout gesta fuerat, retulerunt. Quam vt audiuit Noë, cum esset iustus, & diuino, vt creditur, actus spiritu, iusta filiis rependit stipendia meritorum, vindicans impietatem atque iniuriam sibi à filio suo Cham ac nepote Chanaan indignè illatam, maledictione eisdem inflicta: & è conuerso pium remunerans obsequium, quod sibi à reliquis filiis suis Sem & Iapheth fuerat impensum, larga eis impertita benedictione: de quibus hic consequenter agemus. Sanè maledictio, vt ab ea exordiamur, hisce verbis vibrata fuit: *Maledictus Chanaan, seruus seruorum erit fratribus suis*, Genes. cap. 9. versic. 25. ac si dixisset: *Ista erit maledictio & iusta pœna, quæ à Deo inuretur ipsi Chanaan; quòd scilicet abiectionis seruitutis iugo subiicietur à fratribus suis.*

MALEDI-
CTIO CHA-
NAAN RE-
SPICIEBAT
POSTEROS
EIVS.

5. Quæ quidem maledictio non ad personam ipsius Chanaan, sed ad posteros eius, nimirum ad Chanaanos referenda est, vt paulò post explicabimus. Nam de ipso Chanaan nusquam legimus quòd seruiert fratribus suis; quin potius creditur, per vim expulsi fratres seu propinquos suos, videlicet filios Sem, de sedibus suis, vt sub anno mundi 1909. num. 3. dicemus. Neque hoc nouum est, in Sacro eloquio prædici interdum aliqua de vno particulari, quæ postmodum non in persona, sed in semine eius implenda esse, debent intelligi. Tale est illud, quod Isaac filio suo Esau petenti ab eo benedictionem respondit, dicens: *Dedisse eam fratri sub Iacob, quem inquit, dominum tuum constitui, & omnes fratres eius seruituti illius subiungam*, Genes. cap. 27. vers. 37. & tamen nusquam reperitur, quòd Iacob fuerit dominus fratris sui Esau, sed potius è conuerso certum est, ipsum Iacob non semel adorasse appellasque Esau dominum suum, vt tradit B. Chrysostomus Homil. 8. in Matthæum, & nos sub anno mundi

mundi 2319. num. 2. ostendemus. Præterea 1. Reg. cap. 2. vers. 32. legimus, Dominum inter alia hoc quoque comminatum esse Heli sacerdoti magno de familia Ithamar: *Videbis, inquit, emulum tuum in templo, in vniuersis prosperis Israël, &c.* quæ tamen comminatio non in ipsius Heli persona, sed in eius posteritate postmodum impleta est; nimirum in Abiathar vno de posteris dicti Heli, qui vidit æmulum suum, hoc est, Sadoc sacerdotem de stirpe Eleazar, pro se in pontificatu à Rege Salomone suffectum, & in omnibus auctum, ac prosperè gradientem, se verò de Ierusalem in Anathoth ab eodem Rege eiecctum, vt sub anno mundi 3020. num. 12. dicemus. De Simeone quoque & Leui prædictum fuerat Genes. cap. 49. v. 7. *Diuidam eos in Iacob, & dispergam eos in Israël.* quod non in ipsismet, sed in eorum posteritate tandem fuisse impletum, ex his quæ à nobis sub anno mundi 2345. num. 6. dicenda sunt, planum fiet. Denique constat, promissiones Abraham factas, in semine eius fuisse impletas; & præsertim illam quæ erat de terra Chanaan eidem tradenda. nam S. Stephanus Actorum cap. 7. versic. 5. protestatur, quòd Deus non dedit Abrahamo de terra Chanaan nec passum pedis, sed repromisit dare eam ei & semini suo, id est, vt exponit Caietanus, respectu & ratione sui, dare eam semini suo. Nonnulla quoque alia huiuscemodi exempla in Prophetarum libris inuenies. Quomodo autem posteritas Chanaan infelicitati seruitutis subiecta fuerit, breuiter tangit B. Chrysostomus vbi suprà, dicens, id postea impletum fuisse in Gabaoitis. At verò Genebrardus lib. 1. suæ Chronologiæ sub anno mundi 1657. ait, quòd propter Noëticam hanc maledictionem, Chananæ & multi Africa populi perpetuæ Europæorum & Asianorum seruituti fuerunt obnoxij; qui proinde, inquit, Reges ferè habuerunt extraneos, olim Persas, Ptolemæos, Græcos, Romanos, Saracenos, hodiè Turcas, Arabes, &c. Sed neque quisquam miretur, senem prudentem maledixisse puero insipienti, quandoquidem Elisæum quitoque Dei nutu idem egisse habemus 4. Reg. cap. 2. vers. 24. Et constat huiusmodi maledictiones à sanctis viris prolatas, potius diuinæ vindictæ prædictiones exstitisse.

6. Verùm dicet aliquis, Cur non magis maledixit ipsi Cham, cuius culpa multo grauior erat quàm pueri? Respondent Doctores: Quia non ausus est Noë nominatim maledicere ei, cui benedixerat Dominus, sed eidem maledixit in sua posteritate, non quidem omni, sed in ea dumtaxat quæ de Chanaan primo (vt creditur) dicti sceleris auctore, proditura erat. Quod principaliter ipsi Cham valdè admodum displicuisse nemini dubium est: siquidem filiorum calamitates redundant etiam ad patrum miseriam ac mœsticiam; iuxta illud Prouerb. cap. 10. vers. 1. *Filius sapiens letificat patrem: filius verò stultus mœstitia est matris suæ.* Respicit autem, vt dixi, ista maledictio posterio ipsius Cham, nimirum alludens ad ea quæ postea, Moyse, Iosue, & Regum temporibus, Chananæorum populis acciderunt; quos hîc Noë spiritu Prophetico præuidit, pessimorum parentum suorum imitatores ac sceleratissimos euasuros: ac proinde, Deo ipsos sic puniente, à filiis Sem, hoc est, ab Hebræis, qui de Sem descendere, partim occidendos, & de ipsorum regione exterminandos; partim perpetuæ seruituti fore mancipandos. Quod libenter hîc attingere voluit Moyses, ad solatium populi sui, cui hanc scribebat historiant, vt ex collatione huius maledictionis olim inflictæ ipsi Chanaan, cum repromissionibus postea Abraham factis, de illorum terra ipsi & semini eius danda, magis ac magis in hac spe confirmarentur Hebræi, & ad illam consequendam vehementius animarentur.

7. Notandum verò hîc est, nunc primùm factam esse seruitutis mentionem, seruitutis inquam violentæ ac molestæ: nam voluntaria illa seruitus & subiectio, cuius meminit Apostolus ad Romanos cap. 13. vers. 1. *Omnis anima potestatibus sublimioribus subdita sit*, naturaliter creaturis omnibus rationalibus est communis; vt sub die mundi 6. num. 29. ostendimus. At verò hæc coacta & dura seruitus (vt bene notarunt B. Chrysostomus Homil. 29. in Genes. & sanctus Augustinus lib. 19. de Ciuit. cap. 15.) ab hoc peccato Cham, siue etiam ipsius Chanaan, mediante hac Noëtica maledictione, primam duxit originem: non quia nunc statim in vsum induci cœperit, sed quia nunc primùm nominari, & posterius infligi cœpta est: nam antea nullum hominem legimus in seruitutem redactum, aut tali pœna punitum; posterioribus verò temporibus, propter ingrauescentia hominum peccata, vsque adeò dilatata est ista maledictio, vt diuino iudicio etiam permissa sit seruitus passim apud omnes, præsertim barbaras nationes, Iure humano induci. Appositè autem tali pœna videtur punita impietas & irreuerentia potissimum erga parentes & maiores exhibita: quoniam valdè iustum & rationi consentaneum est, serui molestaquæ subiectione premi debere eos, qui filialem

POSTERI
CHANAAN
QUOMODO
SERVITVTI
IVERINT
ADDICTI.

NOE CVR
MALEDIXIT
CHANAAN,
ET NON
CHAM.

SERVITVS
QUANDO,
ET VNDE
PRIMOOR-
TA SIT.

suauemque ac naturalem subiectionem seu seruitutem violare non erubuerunt. Et iusta sanè videtur poena iis, qui præ superbia & irreuerentia parentibus ac superioribus suis non modò debitum denegant exhibere honorem, sed eis etiam illudere non verentur; si ipsi propterea in tali collocentur statu, qui nullo ab hominibus honore reuerentiæ dignus habeatur: quin potius, tamquam viles & abiecti, ad vilia quæque & abiectissima seruitutis opera vel inuiti destinentur, eademque, si renuant, plagarum ac verberum vi obire exerceatque cogantur. Quamquam Deus pessima hac castigatione non contentus, aliam quoque iis, qui parentes inhonorauerint, postea addiderit Exodi cap. 20. vers. 12. dicens: *Honora patrem tuum & matrem tuam, ut sis longæuus super terram.* ac si necessariò subinferendum indicaret, Quod si non feceris, citò de vita migrabis. Sed ad rem redeuntis,

DE BENE-
DICTIONE
SEM.

8. Dicamus nunc aliquid de benedictionibus, à Noë duobus reliquis filiis suis, primò Sem, tamquam primario impensæ sibi pietatis auctori, deinde etiam ipsi Iapheth impertitis: *Benedictus*, inquit, *Dominus Deus Sem, sit Chanaan seruus eius.* quasi dicere voluisset: Verè Deus, quem colet Sem & posteritas eius, ille solus est verus Deus benedictus in sæcula; & ipse tot ac tam magnas dabit benedictiones ipsi Sem & semini eius, vt vel hinc maximè super omnia benedicendus esse videatur liberalissimus tantorum honorum creatoræ suæ largitor. Inter quæ, præcipua hæc fuisse videntur, Quòd sana fides, & verus Dei cultus, in sola ipsius Sem posteritate permanferit, in ea inquam, quæ per Heber, Abraham, Isaac, & Iacob, propagata est: nam reliqua eius soboles, cum omnibus Cham & Iapheth posteris, citò ad idola colenda declinavit. Item, Quòd ex ipso Sem, tot ac tam boni ac sancti viri, Patriarchæ & Prophetæ prodierint, & (quod omnia superat) ipsemet Messias. Denique, Quòd Sem longiori vita vixerit: siquidem neminem in Sacris libris post Diluuium diutius ipso vixisse comperimus. Possumus etiam his addere, Quòd per antonomasiam ipse appellatus sit Sacerdos Dei Altissimi. si tamen vera est opinio eorum, qui putant ipsum eundem fuisse cum Melchisedech, de qua sub annis mundi 2118. num. 8. & 9. & 2156. num. 1. & 2. disputabimus. Ex quibus apparet, in Sem priùs impleta & ostensa fuisse, quæ postea scripta sunt Ecclesiastici cap. 3. vers. 6. & 7. *Qui honorat patrem suum, incundabitur in filiis, & vita viuet longiore.* & vers. 9. & 10. *In opere, & sermone, & omni patientia, honora patrem tuum, ut superueniat tibi benedictio ab eo, & benedictio illius in nouissimo mane.* Neque dubitandum est, ipsum Sem consecutum esse alias quoque benedictiones, quæ in eodem cap. honorantibus patrem promittuntur; nimirum gloriam, ac diuitiarum abundantiam, & promptam in orationibus exauditionem, necnon facilem peccatorum dimissionem, atque opportunam in tempore tribulationis liberationem; & si quæ sunt huiusmodi alia. Quomodo autem Chanaan fuerit seruus eius, iam supra num. 6. expositum est.

DE BENE-
DICTIONE
IAPHETH.

9. Sequitur benedictio Iapheth. *Dilatet Deus (ait Noë) Iapheth, & habitet in tabernaculis Sem, sit Chanaan seruus eius.* Tria itaque in hac benedictione contineri videntur. Primò, valde ampla sobolis Iapheth, & populorum de ipsa propagandorum per expansas admodum & spatiosas terrarum plagas dilatatio: de qua sub anno mundi 1931. num. 19. opportunius disseremus. Alterum est, posteros Iapheth habituros in tabernaculis, seu (vt habet editio LXX. Interpretum) in domibus Sem. quo innuitur, eos tam magna incrementa habituros, vt non eis sufficere queat latissima pars orbis, quæ ad incolendum ipsis obtigerit; sed insuper oporteat eos in fortem Sem habitare; siue quibusdam posteris ipsius Sem inde eiectis, siue mistum cum ipsis simulve pacifice coniuuentis. quod posterioribus sæculis non semel contigisse, ex Sacris quoque historiis constare potest; nam & Iudæos de Iudæa & Gentibus translatos, & Gentilium colonias non semel in Iudæam deductas, in Regum præcipuè libris legimus; præter id quod sub anno mundi 1932. num. 22. dicemus. Nisi aliud fortè figurato hoc loquendi modo Noë subobscurè voluerit innuere, & quoquomodò præsignare; nimirum, vnionem Gentilium & Iudæorum in vna Christi religione ac fide. in hac enim, tamquam in propria domo, primùm habitauerunt Iudæi, credentes in Christum venturum, & patribus suis repromissum; mox etiam multi ex ipsis eidem posteaquam venit fideliter adhærentes; deinde, vt notum est, in eandem domum seu religionem multò copiosius introierunt etiam Gentiles. & quidem in primitiua Ecclesia, per aliquod tempus erat domus hæc vtrique populo communis: postea verò desinit esse Iudæa sanctificatio eius, & Christiana religio facta est habitatio Gentium. constat autem, Iudæos de Sem, Gentiles verò magna ex parte de Iapheth descendisse.

10. Sanè ad id, quod postremò dicebamus, alludere videtur voluisse Rupertus, qui lib. 4. Commentariorum in Genes. cap. 39. tabernacula Sem, in quibus habitaturus dicitur Iapheth, putat esse Iudæorum priuilegia, quæ Apostolus ad Romanos cap. 9. v. 4. enumerat, dicens: *Quorum adoptio est filiorum, & gloria, & testamentum, & legislatio, & obsequium, & promissa: quorum patres, ex quibus est Christus secundum carnem, qui est super omnia Deus benedictus in secula. In his* (inquit) *ille populus aliquando habitabat solus; nam nos Gentes foris eramus. Eratis enim* (ait idem Apostolus ad Ephes. cap. 2. v. 12.) *illo in tempore, nimirum ante conuersionem vestram, sine Christo, alienati à conuersatione Israël, & hospites testamentorum, promissionis spem non habentes, & sine Deo in hoc mundo.* Quomodo autem in hisce tabernaculis postea habitauerint filij Iapheth, ita idem Rupertus docet: De Iapheth namque scimus, inter alias nationes, prodisse etiam Græcos & Latinos, qui in cunctis fere gentibus principatum obtinuerunt; illi propter sapientiam & eloquentiam, isti propter potentiam; per horum linguas patefacta sunt prædicta tabernacula Sem cunctis gentibus ad inhabitandum: translatis enim ex Hebræo in Græcum & Latinum sermonem Diuinis eloquiis, sacrarum Scripturarum scientiam & veri Dei notitiam gentes perceperunt. & primò quidem Iudæi, quibus illa tabernacula ædificata fuerant, in ea introierunt; deinde nonnulli Gentium, ex Cham & Sem originem ducentium, vt colligi potest Actorum cap. 2. vers. 9. vbi inter Iudæos qui ex variis Asiæ Africæque regionibus ad festum Ierosolymam venerant, nominantur etiam Profelyti, nempe alij ex iisdem regionibus ad Iudaismum conuersi, quorum plurimos etiam Christi fidem tunc suscepisse credendum est. Denique posteri Iapheth, à quibus Europa potissimum possessa fuerat, in illis tabernaculis habitando præualuerunt. Tertium postremò, quod in benedictione Iapheth subiungitur, *Sit, Chanaan seruus eius*, quomodo postea & quando impletum sit, non satis exploratum habeo: nisi fortè Chananæi, ex quo ab Israele de propriis eiectioni sunt sedibus, in seruitutem gentium ex Iapheth progenitarum aliquo modo deuenerint.

11. Quid verò ab hoc tempore egerint Noë & filij eius, & vbi habitauerint, num semper in ea regione vbi Arca steterat, quæ postmodum Armenia dicta est, moram duxerint; an verò ad alias proximas aut remotas, & ad quasnam pertransierint, aut vbi tandem vitam terminauerint, & huiusmodi alia, quæ plura fuisse & scitu digna dubitare nemo debet, Scriptura sacra non commemorat: quemadmodum etiam, vt notat sanctus Augustinus lib. 16. de Ciuit. cap. 2. nullam facit mentionem quorundam iustorum, quos à Noë ad Abraham intercessisse, ac piè Deum coluisse, credendum est: nimirum breuitati consulens, & ne esset hæc magis historica diligentia, quàm prophetica prouidentia: & concludit ibidem S. Augustinus: *Ille itaque exequitur Sacrarum litterarum scriptor, vel potius per eum Dei Spiritus, quibus non solum narrentur præterita; verum etiam prænuntientur futura, quæ tamen pertinent ad Ciuitatem Dei, id est, ad electos: nam de alijs, videlicet reprobis, quidquid hic dicitur, ad hoc dicitur, vt ex illa comparatione contraria vel proficiat, vel emineat. Quamuis* (vt idem sanctus Doctor subiungit) *non omnia quæ gesta narrantur, aliquid etiam futurum significare putanda sunt; sed propter illa quæ aliquid significant, etiam ea quæ nihil significant, attexuntur. Solo enim vomere terra proscinditur, sed vt hoc fieri possit, etiam cetera aratri membra sunt necessaria. Et soli nervi in citharis atque huiusmodi vasis musicis aptantur ad cantum; sed vt aptari possint, insunt & cetera in compaginibus organorum, quæ non percipiuntur à canentibus, sed ea quæ percussa resonant, his connectuntur. Ita in prophetica historia dicuntur & aliqua quæ nihil significant, sed quibus adhercant quæ significant, & quodammodo religuntur.* hucusque sanctus Augustinus. Patet igitur, à Moysè, tamquam non puram sed propheticam scribente Historiam, multa consulo fuisse præterita; & ea tantum exarata, quæ conducere posse putabat populo suo, ad cuius spiritualem vtilitatem, vetera hæc scribenda susceperat. Et quoniam quæ à proximioribus eorum patribus, Abraham, Isaac, & Iacob, & filiis eius, acta erant, magis ad rem facere existimabat; vt ad hæc quantocyus properaret, compendiosius antiquiora percurrere, in posterioribus verò diutius immorari, operæpretium duxit. Quamobrem nos quoque, quando plura de antiquissimis illis viris, ac præclaris eorum gestis, scire non possumus; paucis his contenti esse debemus, quæ Deo placuit nobis per Sacra volumina tradere, & conari salutare, quos præterdit, inde fructus trahere. Non tamen hic silentio inuoluendum puto, quod ex Genesis cap. 11. vers. 2. vbi dicuntur posteri Noë venisse de Oriente in campum Sennaar, hoc est, in Babyloniam; proculdubio colligi potest, eosdem post egressum de Arca non diu permanisse in Armenta, vbi Arca requieuerat; sed paulatim ad partes dictæ regionis Sennaar

QVID EGERINT FILII
NOË, ET VBI
PRIMUM
HABITAVE-
RINT, SCRIBI
NON POTEST

Orientalis transisse; ibique in illis prouinciis, quæ postmodum Persia & Assyria dictæ sunt, aliquamdiu habitasse; mox ab illis partibus Orientalibus Occidentem versus vsque ad fluuium Tigrim venisse, quem Arphaxad primus cum sua familia transisse creditur (quemadmodum sub anno mundi 1754. num. 2. dicemus.) Deinde reliquos item posteros Noë, eiusdem Arphaxadi exemplum secutos, de Oriente pariter venisse in campum Sennaar, atque ibi Babylonem condere aggressos esse, vt infra sub anno mundi 1931. num. 4. dicturi sumus.

AB ORBE CONDITO SECUNDÆ MVNDI ÆTAT.

ANNVS 1694.

ANNVS 38.

¶ I
ARPHAXAD
QUANDO
GENVERIT
CAINAN.

ANNO ætatis suæ trigesimo quinto expleto, id est, trigesimo sexto inchoante, Arphaxad genuit Cainan, vt habetur in editione Lxx. Interpretum, Genes. cap. 11. Igitur primus annus Cainan concurrit penè totus cum trigesimo sexto ipsius Arphaxad, vt in tabulis dispositum est. Quod autem in Vulgata legimus, ipsum Arphaxad eodem anno genuisse Sale; debet intelligi, non actū, sed virtute, quia scilicet genuit patrem Sale, in cuius lumbis & causa generatiua idem Sale continebatur: quemadmodum etiam exponi solet illud Matth. cap. 1. vers. 8. *Ioram autem genuit Oziam*, siquidem Ioram non immediatè genuit Oziam, sed mediantibus Ochozia, Ioa, & Amasia, qui immediatè genuit Oziam. Porro Arphaxad postquam genuit Cainan, vixit trecentis annis, & genuit filios & filias, vt in citato Genes. loco apud eisdem Lxx. Interpretes legimus.

¶
DE GENERA
TIONE CAI
NAN FILII
ARPHAXAD
VARIÆ O
PINIONES.

2. Ponimus hic generationem Cainan; quia licet nec in Hebraica lectione, nec in Latina Vulgata, nec in Chaldaica Paraphrasi, nec apud Iosephum habeatur: habetur tamen, vt diximus, in textu Lxx. Interpretum; & item in genealogia Saluatoris, quam describit Lucas cap. 3. vers. 36. vbi ait: *Qui fuit Heber, qui fuit Sale, qui fuit Cainan, qui fuit Arphaxad.* Ad quem Lucæ locum, qui sequuntur Vulgatum Genes. textum, putantque nullo modo hîc esse ponendam generationem Cainan, solent multipliciter respondere. Quidam enim (vt refert Iacobus Naclantus in lib. quem inscripsit, Scripturæ sacræ medulla, seu Arcanorum Christi, vbi agit de annis tertiæ mundi ætatis) putant, S. Lucam posuisse generationem Cainan, non ex propria, sed ex Lxx. Interpretum sententia: vt per hoc ostenderet, mirum in modum in Sacris litteris tribuendum esse Græcorum codicibus; & idcirco Caietanus in 3. cap. Euangelij Lucæ, & Iansenius in cap. 14. suæ Concordiæ Euangelicæ, & Genebrardus in sua Chronologia, nituntur excusare sanctum Lucam, dicentes, ipsum sequi voluisse Lxx. Interpretum translationem, quæ tunc temporis vbique admodum vulgata & recepta erat: veritum, ne si contra communem omnium opinionem ipse à prædicta interpretatione recessisset, minùs, quæ scribebat, à populis reciperentur. Sed hæc excusatio non placet; quoniam neque ad fulciendam Lxx. Interpretum versionem, neque ob metum, ne Euangelium suum minùs probaretur, neque vlla alia de causa scribere debuisset rem, quam ipse diuino afflatus Spiritu sciret esse à veritate alienam. Alij sentiunt, locum S. Lucæ citatum ab aliquo fuisse corruptum, qui ipsius S. Lucæ Euangelio, cum loco Genes. cap. 11. in Lxx. Interpretum editione collato; cum deprehendisset generationem Cainan in Christi genealogia deficere, arbitratus id nonnisi scriptoris osecantia contigisse, proindeque operæpretium fore illam restituere, protinus eam Euangelio sancti Lucæ addidit. Sed hoc gratis dicitur: neque enim ostendere possunt, aliquem probatum Lucæ codicem vilo vmquam tempore repertum esse sine illa generatione. Quare, cum è conuerso videamus, omnes probatos sancti Lucæ codices, & qui communiter in Ecclesia leguntur, ponere generationem Cainan; profectò non tam facile ab his recedere debemus: nec præterea fas videretur, in dubium vocare puritatem textus Lxx. Interpretum, qui Romæ anno salutis 1588. prodiiit emendatissimus, & Pontificia auctoritate firmatus, in quo generatio Cainan disertis verbis exprimitur. Ioannes Lucidus, Hermannus, & Naclerus, arbitrati sunt, Sale fuisse binominem, dicuntque textum sancti Lucæ esse corrigendum, & sic legi debere: *Qui fuit Heber, qui fuit Sale, qui & Cainan*, id est, qui Sale alio nomine vocabatur Cainan. Quæ correctio, vel potius corruptio, nullatenus est admitrenda; tum quia nullus codex, nec Græcus nec Latinus, sic habet; tum etiam quia Lxx. Interpretes manifestè tribuunt vnicuique, Sale scilicet, & Cainan, distinctos annos. Denique Naclantus loco paulò antè citato nititur alio modo exponere textum sancti Lucæ, dicens, ipsum Sale tum ipsius Cainan, tum ipsius Arphaxad filium

filium esse potuisset; illius secundum legem, huius secundum naturam: nam licet lex de patre legali, non nisi Moyſi temporibus promulgata sit, Deuteronom. cap. 25. vers. 5. longe tamen prius re ipsa erat in usu: vnde legimus Genes. cap. 38. vers. 8. quod defuncto Her primogenito Iudæ sine liberis, iussus est Onan frater eius ingredi ad relictam ab ipso Her, ut semen defuncto suscitaret fratri. Ita credit Naclantus contigisse in casu proposito, nimirum quod defuncto Cainan sine liberis, Arphaxad frater eius ex relictâ ipsius Cainan genuerit Sale. ingeniosa certe expositio, sed parum enodandæ difficultati apta; siquidem manifestè repugnat textui L x x. Interpretum, qui Genes. cap. 11. apertè dicit, quod Arphaxad genuit Cainan, & Cainan genuit Sale; ergo Arphaxad & Cainan non fuerunt fratres, sed pater, & filius. præterea, non est verum quod Cainan mortuus sit sine prole, quia idem Textus conceptis verbis ait, ipsum Cainan, postquam genuit Sale, vixisse trecentis triginta annis, ac genuisse filios & filias.

3. Patet igitur, prædictas tum Naclanti, tum aliorum expositiones esse reiiciendas, & textum sancti Lucæ simpliciter & prout sonat esse intelligendum, & consequenter hîc nullo modo prætermittendam esse generationem Cainan, quam ad eò distinctè ac disertè scripserunt, in veteri quidem Testamento, Lxx. Interpretes, de quorum sincera translatione egregium illud habemus apud Eusebium lib. 6. Historiæ Ecclesiasticæ cap. 23. Origenis testimonium, asserentis, *Id pro vero in diuinis Scripturis habendum esse, quod Lxx. Interpretes transtulerunt; cum & Apostolica sit auctoritate, & longo Ecclesiæ usu comprobatur*: in nouo autem Testamento sanctus Lucas Euangelista (de cuius pariter veritate atque ingenuitate ne minimum quidem dubitare fas est) eandem generationem Cainan explicatè admodum prodidit, & multi præterea Scriptores, Græci ac Latini, præsertim verò Eusebius, non longè ab exordio sui Chronici, & sanctus Augustinus lib. 16. de Ciuit. cap. 3. & sanctus Epiphanius sub finem sui Anacoratus, sub nomine Cena, dicens: *Arphaxad genuit Cena; Cena, Sala; Sala, Heber*; eandem admittunt ac recipiunt. Quare miror, Augustinum Eugubinum in Gen. cap. 11. & Sixtum Senensem lib. 5. suæ Bibliothecæ sanctæ Annot. 88. nimis audacter autos esse absolutè pronuntiare, L x x. Interpretes errasse, adicientes generationem Cainan, & quod peius est, subdunt, hunc errorem etiam irrepsisse in genealogia Saluatoris, quam describit Lucas cap. 3. sui Euangelij. Quod si quis quærat, cur prædicta generatio Cainan in Vulgata Genes. editione non habeatur; difficile est respondere: nihilominus dici posset, vel fortè Hebræum codicem, vnde nostri descripti sunt, ea in parte, vetustate aut casu aliquo corrosum seu oblitteratum fuisse, vel per errorem ab iis qui de illo primùm descripserunt, illam generationem fuisse prætermisam, idque post versionem Lxx. Interpretum, aliqui illi eam in sua interpretatione non addidissent: & si ipsi, aut quiuvis alius, de suo capite eam finxisset, certè sanctus Lucas diuino illustratus Spiritu, qui nec fallere nec falli potest, eam in genealogia Christi minimè posuisset. Denique Cardinalis Toletus magnæ auctoritatis Scriptor, super Luc. cap. 3. Annot. 61. ubi pariter cunctis, quæ memoratæ generationi Cainan fieri solent obiectionibus neruose admodum respondet; ad extremum concludit, minus esse periculum dicere, exemplaria Hebraica ea in parte non haberi perfectâ; quàm asserere, in Euangelio errorem seu mendacium vel minimum reperiri. Posset etiam dici, diuina dispensatione factum esse, ut generatio Cainan in Vulgatis codicibus præterita, tum à L x x. Interpretibus, tum etiam à sancto Luca diuinitus suppleta fuerit: nam (vt aiunt Lipomanus in sua Catena in Genes. & Melchior Canus lib. 2. de locis Theologicis cap. 18.) potuit Spiritus sanctus, quem tum Moyſi, tum L x x. Interpretibus, tum ipsi sancto Lucæ, sicuti & ceteris omnibus sacris Scriptoribus astitisse, scribentibusque dictasse, negare non possumus, iuxta illud 2. Petr. cap. 1. vers. 21. *Non enim voluntate humana allata est aliquando prophetia, sed Spiritu sancto inspirati locuti sunt sancti Dei homines.* & illud quod in Missæ Symbolo canitur: *Qui locutus est per Prophetas.* & illud item Psalmistæ: *Lingua mea, calamus scribæ, & velociter scribens;* potuit, inquam, Spiritus sanctus, primò quidem, siue ob aliquod grande peccatum ipsius Cainan, siue mystica aliqua de causa nobis adhuc ignota, Moyſis mentem permouisse, ut in hac generationum serie, Cainan consultò præteriret; ac sic, quemadmodum decem generationes ab Adam ad Noë numerauerat; toridem dumtaxat à Sem ad Abrahamum recenseret: sicuti scimus Mattheum Euangelistam, Deo inspirante, quorundam Regum nomina in genealogia Saluatoris vltro præterisse, ut tres tantummodò tessera decades, ad occultum vtique aliquod mysterium præsignandum, faceret. Deinde verò credibile est, eundem Spiritu

GENERA-
TIO CAINAN
CYR IN EDI-
TIONE VUL-
GATA GE-
NES. PRÆ-
TERITA.

tum sanctum, ad supplendam potissimum sacram priscorum illorum temporum Chronologiam, suggestisse L x x. Interpretibus, vt generationem ipsius Cainan, quam vel ex antiquissima traditione, vel ex Historiis fide dignis, vel, quod probabilius reor, ex aliis Sacris libris, postmodum iniuria temporum deperditis, certani indubitatumque haberent, suo loco insererent: & demum docuisse sanctum Lucam Evangelistam, vt ad eiusdem rei fidem magis confirmandam, eandem generationem in suo Evangelio intexeret. Ceterum nos libenter hic, in recensendis annis vitæ ipsius Cainan, prætermittimus centum illos in hac & similibus generationibus à correctore, vel potius corruptore textus Lxx. Interpretum superadditos, vt sub anno mundi 131. num. 4. probatum est.

AB ORBE CONDITO

SECUNDÆ MVNDI ÆTAT.

ANNVS 1724.

ANNVS 68.

CAINAN cum expleuisset annos triginta, nimirum inchoante anno vitæ suæ trigesimo primo, genuit Sale, Genes. cap. 11. iuxta textum Lxx. Interpretum. Quare annus primus ætatis Sale ferè totus concurrit cum trigesimo primo vitæ Cainan; de quo ibidem subditur, quòd posteaquam genuit Sale, vixit ipse Cainan trecentis triginta annis, & genuit filios & filias.

AB ORBE CONDITO

SECUNDÆ MVNDI ÆTAT.

ANNVS 1754.

ANNVS 98.

ANNO ætatis suæ trigesimo completo, seu trigesimo primo ineunte, Sale genuit Heber, Genes. cap. 11. vers. 14. Vnde primus annus vitæ Heber præter totus concurrit cum trigesimo primo dicti Sale, vt videre est in tabulis. Vixit autem Sale, postquam genuit Heber, quadringentis tribus annis, & genuit filios & filias.

2. Hunc Heber, Hieronymus Oleaster in cap. Genes. 11 ad litteram, facit diuersum ab eo, cuius fit mentio Genes. cap. 10. vers. 21. illis verbis: *De Sem quoque nati sunt, patre omnium filiorum Heber, &c.* putatque alterum fuisse filium Sem, alterum Sale: nam exposnens memorata verba, *Sale genuit Heber*, dicit: à quo aliqui ex Hebræis putant nomen Hebræorum derivatum: & non ab Heber, de quo capite præcedenti, qui fuit filius Sem. sic Oleaster. Verumtamen alij locum Genes. proxime citatum multò aliter exponunt; putantes, illud *Heber* ibi non esse nomen proprium alicuius viri, sed hoc tantum illis verbis significari, quòd Sem (quia primus cum filiis ac nepotibus suis Tigrim traiecit creditur) dicatur pater omnium filiorum Heber, id est, omnium qui vltra flumen venerunt: siquidem *Heber*, idem aiunt Hebraicè significare, quod Latine dicimus, *vltra*. At verò S. Augustinus libro 16. de Ciuitat. cap. 3. adhuc longè aliter explicat præallegatum Genes. textum. inquit enim: *Sed vnde incipiunt commemorari filij Sem, habet quiddam obscuritatis, quod expositione illustrandum est; quia & multum ad rem pertinet quam requirimus. Sic enim legitur: Et Sem natus est etiam ipsi patri omnium filiorum Heber fratri Iapheth maiori. Ordo verborum est: Et Sem natus est Heber etiam ipsi, id est, ipsi Sem natus est Heber, qui Sem pater est omnium filiorum suorum. Sem ergo patriarcham intelligi voluit omnium qui de stirpe eius exorti sunt, quos commemoraturus est, siue sint filij, siue sint nepotes, siue pronepotes, & deinceps indidem exorti. Non sanè istum Heber genuit Sem, sed ab illo quintus in progenitorum serie reperitur: Sem quippe inter alios filios genuit Arphaxad, Arphaxad genuit Cainan, Cainan genuit Sala, Sala genuit Heber. Non itaque frustra ipse primus nominatus est in progenie veniente de Sem, & prælatus est etiam filijs, cum sit quintus nepos: nisi quia verum est quod traditur, ex illo Hebræos esse cognominatos, tamquam Hebræos. Cum & alia possit esse opinio, vt ex Abraham, tamquam Abrahami dicti esse videantur. Sed nimirum hoc verum est, quod ex Heber, Hebræi appellati sunt, ac deinde vna detracta littera, Hebræi. quam linguam Hebraicam solus Israël populus potuit obtinere, in quo Dei ciuitas & in sanctis peregrinata est, & in omnibus sacramento adumbrata. huculque S. Augustinus. Ex cuius expositione (quam memoratæ Oleastri præferendam censemus) patet, eundem esse Heber, qui commemoratur Genes. cap. 10. vers. 24. & cap. 11. vers. 14. de quo hic agimus, cum eo, cuius fit mentio Genes. cap. 10. vers. 21. Nam quod ibidem dicitur, Sem pater omnium filiorum Heber, hoc ad commendationem ipsius Sem dictum videtur. Et est ac si Scriptura sacra di-*

cere voluisset, Sem ob id fuisse patriarcham inter fratres suos clarissimum, quod ex eius progenie postea descenderint omnes filij, hoc est posterij Heber; illi nimirum præcipue, quorum lingua, Hebræa dicta est; & ipsi, Hebræi appellati sunt; & in populum Dei electum, cooptati, in quo plurimi Patriarchæ, & Prophetæ, aliique sancti viri, & denique Sanctus Sanctorum secundum carnem erat nasciturus. Sed neque contemnenda videtur opinio eorum, qui putant, eo ipso quo Heber natus est tempore, dictum Arphaxad cum omni progenie sua traiecisit fluvium Tigrim, & primo omnium confedisit in Chaldaea, ac propterea infantem tunc natum appellasse Heber, quæ vox (B. Hieronymo in libello de Nominibus Hebræicis attestante) interpretatur *transiens*, siue *transitus*. Cui opinioni etiam fauet, quod idem S. Doctor in Quæstionibus Hebræicis in Genes. & Iosephus 1. Antiq. cap. 7. aiunt, ab Arphaxad prodisse Chaldaeos. Quod autem dictus Heber postea fuerit magnus Propheta, & diuino afflatus Spiritu in futuris prævidendis, colligit Rabbi Ioseph (vt refert Auctor Chronologiæ maioris Hebræorum, quæ Seder olam Rabba inscribitur, cap. 1.) ex hoc, quod in ortu filij sui, nomen ei imposuerit, Phaleg, quod interpretatur *diuisio*, nimirum quia tunc prævidebat, sub ipso post plures annos futuram linguarum & gentium diuisionem, de qua postea suo loco agemus.

HEBER
QVOD FVE-
RIT PRO-
PHETA.

AB ORBE CONDITO SECVNDÆ MVNDI ÆTAT.
ANNVS 1756. ANNVS 100.

A NNO post Diluuium expletum centesimo, Noë dicitur genuisse alium filium, cuius non meminit Moyses, nomine Ionithum siue Ionichum: si tamen vera sunt, quæ ex Methodio tradit Abulensis, quæst. 5. super Genes. cap. 10. dicens: *Refert Methodius Martyr in lib. Chiliadum, quod Noë centesimo anno tertie chiliadis, id est, centum annis post Diluuium, genuit filium nomine Ionichum, cui trecentesimo anno eiusdem chiliadis, id est, trecentesimo anno post Diluuium, donationes fecit: & misit cum in terram Etham; & intravit vsque ad mare, quod dicitur Heliocora, id est, Solis regio. Iste accepit donum sapientiæ à Deo, & inuenit Astronomiam. Ad quem inuit Nemrod gigas; & accepit ab eo consilium, in quibus regnare debuisset. Ionichus iste quosdam futuros prædixit euentus, de ortu, casu, & successione regnorum, qui Nemrod suo discipulo enarrauit. hætenus Abulensis. Cui ex eodem Methodio addit Petrus Comestor cap. 37. suæ Historiæ Scholasticæ libri Genesis, quod Ionithus iste futuros quosdam euentus prævidit; & maximè de ortu quattuor regnorum, & casu eorum, per successionem quam etiam prophetauit Daniel. & prædixit discipulo suo Nemrod, quod primi regnarent de Cham, de quo Belus descendit; post de Sem, Medi, & Persæ, & Græci; post de Iapheth, Romani. sic ille. Porro memorati Methodij, qui fuit Episcopus, & Scriptor egregius, meminit B. Hieronymus in lib. de Scripturibus Ecclesiasticis.*

DE IONI-
THO QVI
DICITVR
EVISSE FI-
LIVS NOE.

2. Ceterum, vndenam prædicta desumpserit Methodius, incompertum habeo; nec si vera sunt, affirmare ausim: videntur tamen argumenta Pererij, quibus ea impugnat nititur, non satis firma. nam ad id quod ait: Talem filium Noë sapientia & prophetico spiritu insignem, non tacuisset Moyses: iam sub anno mundi 1666. num. 11. probatum est, etiam auctoritate S. Augustini, multos sanctos viros, multaque alia à Moysè, fuisse præterita: immò pauca admodum esse, quæ priscorum horum temporum ille scripsit, in comparatione eorum quæ silentio inuoluit: nimirum non purus Historiographus, sed Historicus fuit Propheticus; ac propterea non historica diligentia, sed magis prophetica vsus est prouidentia, vt ibidem diximus. Quod verò dixerit: Ab illis dumtaxat tribus filiis, quos Noë secum de Arca eduxerat, humanum genus fuisse in varias mundi partes disseminatum: etiam sub anno mundi 1662. num. 3. satis commodè expositum est, debere intelligi, ab illis tribus primariò & principaliter. Neque item obstat, quod Methodius in annorum numeris secutus textum LXX. Interpretum, aut alium pariter in hac parte corruptum, dixerit, Noë genuisse Ionithum anno centesimo tertiæ chiliadis: quia licet falsa sit ista anni notatio, non tamen sequitur, falsum esse quod Noë genuerit Ionithum: neque enim quia idem Methodius (vt sub anno mundi 1656. num. 18. notauimus) dicit Diluuium in tertia chiliade incidisse, quod falsum est: idcirco falsum quoque erit, venisse Diluuium. Et quidem fatemur, non posse sustineri, quod vel oscitanter (vt fit) dixit Methodius, nimirum Nemrod fuisse nepotem Sem; cum certum sit, ipsum ab vno ex filiis Cham fuisse genitum, Scriptura dicente Genes. cap. 10. vers. 6. *Filij autem Cham: Chus, & Mesraim, &c. paucisque*

SOLVVTVR
ARGVME-
NTA PERE-
RII CON-
TRA ME-
THODII
REVELA-
TIONES.

interpositis sequitur: *Porro Chus genuit Nemrod.* Nisi forte diuersus ab isto fuerit ille cuius meminit Methodius; aut aliquis perperam illud Methodio adiecerit. Certè Abulensis prædicta referens, illud, *Nepotem Sem,* in Methodij verbis non posuit. Sed dato quòd etiam in hoc deceptus fuerit Methodius, quemadmodum etiam fallitur in eo, quòd ponit Græcos descendisse de Sem, vt sub anno mundi 1941. num. 21. manifestum fiet: non tamen reliqua omnia; quæ ibidem ait, tamquam fabulosa & falsa reiicienda videntur. Quemadmodum neque etiam necessariò inferri potest, minus vera esse quæ idem Sanctus prodit de Ionithi prophetia quattuor Monarchiarum; quia nulla eiusdem prophetiæ apud Eusebium & B. Hieronymum mentio habeatur. Et hæc dicta sint, non tam studio probandi, quæ hîc ex Methodio sunt commemorata; quàm ostendendi, ea aded esse dubia & incerta, vt pariter neque prorsus probari aut improbari posse videntur.

AB ORBE CONDITO SECVNDE MVNDI ÆTAT.

ANNVS 1788.

ANNVS 132.

ORTVS
PHALEG.DIVISIO
LINGVA-
RYM ET
SENTIUM.

HEBER cùm vixisset annos triginta quattuor, nimirum inchoante anno ætatis suæ trigésimo quinto, genuit Phaleg, Genes. cap. 11. vers. 16. Igitur primus annus Phaleg concurrat pænè totus cum trigésimo quinto Heber, vt habetur in tabulis. Vixit autem Heber, post genitum Phaleg, quadringentis triginta annis, & genuit filios & filias. In diebus huius Phaleg diuisa est terra, 1. Paralip. cap. 1. vers. 19. & hæc est illa diuisio terræ & linguarum, quæ contigit in ædificatione turris Babel, & describitur Genes. cap. 11. vers. 1. vsque ad 10. De anno autem, in quo diuisio ista facta fuerit, sub anno mundi 1932. num. 1. dicitur.

AB ORBE CONDITO SECVNDE MVNDI ÆTAT.

ANNVS 1818.

ANNVS 162.

ORTVS REV. I

ANNO vitæ suæ trigésimo expleto, id est trigésimo primo incunte, Phaleg genuit Reu, Genes. cap. 11. vers. 18. Ergo primus annus Reu concurrat ferè totus cum trigésimo primo patris sui Phaleg, vt apparet in tabulis. Vixit verò Phaleg, postquam genuit Reu, ducentis nouem annis, & genuit filios & filias. De isto Reu, & de duobus sequentibus Patriarchis, nihil ferè aliud habemus præter ipsorum generationes, quæ ad texendam Abrahæ genealogiam necessariò commemorandæ erant; alioqui arbitror Scripturam sacram nullam ipsorum mentionem facturam.

AB ORBE CONDITO SECVNDE MVNDI ÆTAT.

ANNVS 1850.

ANNVS 194.

ORTVS
SARYG.IDOLOLA-
TRIAE OR-
TVS.

ANNO ætatis suæ trigésimo secundo exacto, videlicet trigésimo tertio incipiente, Reu genuit Sarug. Quare primus eius vitæ annus propè totus coincidit cum trigésimo tertio patris sui Reu, vt positum est in tabulis. & ab ortu Sarug superuixit Reu ducentis septem annis, & genuit filios & filias, Genes. cap. 11. vers. 20. & 21. Ipsi Sarug temporibus cœptam esse idololatriam, scribit S. Epiphanius in lib. contra Hæreses, circa initia operis: *Veluti, inquit, cognitio, quæ ad nos peruenit, habet.* Et Suidas in verbo Abraham, Philonis Hebræi testimonio asserit, cultum imaginum à Sarug vsque ad Thare patrem Abrahæ, viguisse. intellige speciatim in linea ascendenti ipsius Abrahæ; nam alioqui in mundo, post plures etiam annorum centurias & chiliades perseuerasse, indubitatum habemus. Quo verò circiter anno ipsius Sarug cœperit cultus imaginum, sub anno mundi 1997. num. 2. dicemus.

AB ORBE CONDITO SECVNDE MVNDI ÆTAT.

ANNVS 1880.

ANNVS 224.

ORTVS NA-
CHOR AVI
ABRAHÆ.

SARUG, anno vitæ suæ trigésimo completo, nimirum trigésimo primo inchoante, genuit Nachor. Quo fit, vt primus annus ipsius Nachor concurrat quasi totus cum trigésimo primo Sarug, qui post genitum Nachor superuixit ducentis annis, & genuit filios & filias, Genes. cap. 11. vers. 22. & 23. Fuit autem iste Nachor auus Abrahæ, & consequenter diuersus ab eo Nachor, de quo sub anno mundi 1979. dicitur, qui fuit frater eiusdem Abrahæ.

AB ORBE CONDITO

SECUNDÆ MVNDI ÆTAT.

ANNVS 1909.

ANNVS 253.

1. **A** NNO ætatis suæ vigesimonono expleto, & trigésimo ineunte, Nachor genuit Thare, & consequenter primus Tharæ annus ferè coincidit cum trigésimo ipsius Nachor, ut videri potest in tabulis. Vixit autem Nachor, postquam genuit Thare, centum decem & nouem annis, & genuit filios & filias, Genes. cap. 11. vers. 24. & 25. Quòd verò iste Nachor & antecessores eius, saltem aliquot ex suprà nominatis, fuerint idololatræ, videtur clarè colligi posse ex libri Iudith cap. 5. vers. 6. vsque ad 9. vbi dicitur: *Populus iste (& loquitur de Israëlítico) ex progenie Chaldeorum est. Hic primum in Mesopotamia habitauit, quoniam noluerunt sequi deos patrum suorum, qui erant in terra Chaldeorum. Deferentes itaque cerimonias patrum suorum, quæ in multitudine deorum erant, vnum Deum cali coluerunt, qui & præcepit eis ut exirent inde, & habitarent in Charan.* Sanè clarum est ex Genes. cap. 11. vers. 31. non istum Nachor, neque alium de maioribus suis, sed Thare filium eius exisse primò de Vr Chaldæorum, cum filio suo Abraham, & nepote suo Lot, habitasseque in Haran, siue in Charan, quod idem est. ergo manifestum relinquitur, prædictum Nachor & antecessores eius seruasse diis alienis in Chaldæa. Quis autem ex maioribus suis, post Noë, quem constat semper fuisse vnus & veri Dei cultorem, primus ad idola declinauerit, nihil habeo quod probabilius asserendum putem, quàm quod sub anno mundi 1850. num. 1. diximus de Sarug: præsertim cum satis probabiliter coniectari possit videatur, fuisse aliquem ex posteris Heber. nam si Heber fuisset idololatra, non est credibile, quòd Israëlita vmquam pati voluissent, se ex nomine ipsius Hebræos nuncupari. De ipso verò Thare, filio Nachor, an & ipse aliquando fuerit idolorum cultor, sub anno mundi 2113. num. 1. videbimus.

ORTVS
THARE.NACHOR ET
ANTECES-
SORES EIUS
FVISSE IDO-
LOLATRAS.

2. Non multis, ut arbitror, annis ante diuisionem linguarum & gentium, de qua paulò post agemus, longè iam lateque admodum multiplicato in terris genere humano, probabiliter credimus, Noë diuino actum Spiritu fecisse inter tres filios suos illam Orbis tunc cogniti diuisionem, quam breuiter describit S. Epiphanius prope finem sui Ancoratus. Nam cum semper filios suos pios efficere conatus esset, ne in eadem mala inciderent, quæ hi qui Diluuio perierant; & non solum per doctrinam ipsis pietatem proposuisset, sed etiam per iuramentum ab vnoquoque ipsorum beneuolentiam erga fratrem exegisset: demum veluti heres mundi à Deo constitutus, diuisit tribus filiis suis vniuersum mundum sub sortem missum; & vnamquamque partem, iuxta sortem, singulis distribuit. Et ipsi quidem Sem primogenito, cecidit fors à Perside & Bactris, Orientem versus, vsque ad Indiam; ab Occasu verò vsque ad regionem Rhinocurorum, quæ Ægyptum inter & Palæstinam media est. Vnde ex B. Epiphanio patet, Iudæam ipsi Sem obtigisse. quod etiam idem Auctor ibidem non multò post clariùs asserit, enumerans Palæstinam & Hebræos in sortem ipsius Sem; & quibusdam interpositis replicat conceptis verbis: Palæstinam, cum tota ipsius vicinia, cecidisse in partem dicti Sem. Quibus admodum quadrat illa Syrorum antiqua traditio, quam sub anno mundi 930. num. 4. retulimus: siquidem illa prodit, ipsum Noë diuisisse ossa Adami simul cum mundi regionibus tribus filiis suis, ac caluariam tradidisse Semo, cum ea regione quam Iudæam dicimus.

DE NOETI-
CA ORBIS
DIUISIONE.

3. Quòd si cuiquam fortassis prima fronte videantur hæc aliquo modo aduersari Scripturæ sacræ, quæ Genes. cap. 11. vers. 8. videtur adscribere terrarum diuisionem non ipsi Noë, sed Deo, qui per confusionem linguarum coëgit eos ab inuicem discedere, & nouas sibi sedes procurare; & Genes. cap. 10. vers. 15. vsque ad 20. videtur satis apertè innui, terram illam, quæ postmodum Iudæa dicta est, non filiis Sem, sed filiis Chanaan filij Cham obtigisse, ab ipsisque Chananæam, ex paterno nomine, fuisse appellatam: Respondere possumus, nullam esse contrarietatem: quandoquidem fieri potest, ut Noë (licet hoc in Sacro eloquio expressum non sit) reuera priùs orbem terræ filiis suis diuiserit, prout Deo placitum esse diuinitus intellexerat, quæ (ut ait S. Epiphanius) datis sortibus, ut per eas, præmissa oratione, diuinam indagarent voluntatem. (quod & postea ab Apostolis factum legimus Actorum cap. 1. vers. 23.) Sed illi partim negligentia, ac tentatione diabolica procrastinantes; partim, ut mox dicetur, astutis nimiumque dolosis Nemrod suasionibus decepti, qui cunctos simul retinere, & cunctis imperare affectabat, noluerint ad prouincias singulis destinatas properare, donec

donec à Deo tandem , mediante linguarum confusione , ab inuicem discedere compulsi sunt . Et hoc videtur quoquomodo insinuari Genes. 11. vers. 4. illis verbis: *Venite, faciamus nobis ciuitatem, & turrim, cuius culmen pertingat ad calum: & celebremus nomen nostrum, antequam diuidamur in vniuersas terras* . Quid est enim , *antequam diuidamur in vniuersas terras* ? nisi eos quidem paratos esse ad regiones sibi à Noë assignatas proficisci , sed prius (callido, vt diximus, Nemrod suadente) mirandum illud ædificium exstruere voluisse , vt ipsorum nomina celebrarent . Ad illud autem , de regione quæ postmodum Iudæa nuncupata est, respondet B. Epiphanius loco proximè adducto, quòd ea primò cecidit in sortem Sem, sed avarus Chanaan filius Cham postea illam inuasit & abripuit ; cumque posteros eius longanimis Deus multo tempore expectasset ad pœnitentiam, nec ipsi vmquam voluerint legitimam filiis Sem hereditatem restituere: post multas tandem generationes iustus Dominus Chananæos exterminauit , & terram ab ipsis iniuste possessam , iuste demum filiis Sem tradendam curauit . Quamquam non imus inficias, Chananæorum exterminium , etiam propter grauissima ipsorum alia peccata euenisse; vt indicant illa Genes. verba cap. 15. vers. 16. *Nedum enim complete sunt iniquitates Amorrhæorum vsque ad presens tempus* . Quare si vera sunt quæ diximus, oportet locum illum Genes. 10. vers. 18. vbi dicit Moyses , Post hæc disseminatos fuisse Chananæorum populos à Sidone vsque ad Geraram , accipere , non quasi velit inferre , illam regionem primò Chananæis obtigisse ; sed potius, post multa tempora ab ipsis fuisse vsurpatam, atque etiam eiusdem Moysis temporibus inhabitatam, vt planè indicare videtur illa dictio *Post hæc* .

AB ORBE CONDITO SECUNDÆ MVNDI ÆTAT. .

ANNVS 1931.

ANNVS 275.

DIVISIO
LINGUARUM
ET GEN-
TIVM QVAM-
DO CONTI-
GERIT.

I N NO circiter post Diluuium ducentesimo septuagesimo quinto, qui erat vitæ Phaleg centesimus quadragesimus quartus, vt videre est in tabulis, arbitror contigisse diuisionem linguarum. Nam licet ex sacra Scriptura nihil aliud habeamus, nisi quòd facta est in diebus Phaleg, existentque de hac re duæ inter se prorsus contrariæ opiniones; nos tamen tertiam quamdam, inter has extremas mediam, ceteris probabiliorē veriorēque; putamus, vt ex earumdem discussione manifestum fiet. Igitur prima opinio, quæ est Iosephi lib. 1. Antiq. cap. 7. & B. Augustini lib. 16. de Ciuit. cap. 11. & aliorum, putat, linguarum diuisionem factam fuisse, quando, vel paulò antequam natus est Phaleg; atque ex hoc tam memorabili facto inditum ei fuisse hoc nomen, quod partitionem diuisionemve significat, teste Iosepho ibidem. Et hoc magnam videtur habere probabilitatem, quia mos erat antiquitus, interdum ex huiusmodi casibus imponere nascentibus filiis nomina, vt pater 1. Reg. cap. 4. vers. 21. de nuru Heli, quæ appellauit filium suum Ichabod, quod interpretatur, *translata Dei gloria* ; quoniam ipsum tunc pepererat, quando à Philisthæis capta fuit Arca Domini. Huc accedit, quòd magis credibile videtur, ipsum Heber nominasse filium suum ex eo quod tunc, aut paulò antè acciderat, quàm ab eo quod post plurimos deinde annos erat futurum. Et præterea si diuisio linguarum non est facta in ortu Phaleg, sed multos post annos; non magis posset dici, contigisse in diebus Phaleg, quàm fratris sui Iectan, aut aliorum, qui eo tempore vivebant. Sed ad hæc responderi potest; ad Primum, non solum consueuissè olim patres nomina filiis imponere, congruentia notabilibus quibusdam rebus tunc contingentibus, aut præteritis, sed etiam futuris, quas ipsi spiritu prophetico præuidebant; vt pater ex his, quæ sub anno mundi 236. num. 2. de Seth diximus, & sub anno mundi 1057. num. 1. de Lamech : & scimus, quòd Osæ cap. 1. vers. 6. & 9. præcepit Deus Prophetæ, vt imponeret nomina filiis suis, mala, quæ super populum mox ventura erant, significantia. Ad Secundum, quod non minùs credibile est, ipsum Heber, diuino afflatum Spiritu, in ortu Phaleg præuidissè diuisionem linguarum post multos annos mox futuram, & ex futuro euentu tunc ei diuinitus reuelato, nominasse filium suum Phaleg; vt sentiunt B. Hieronymus in Traditionibus Hebraicis 1. Genes. & B. Chrysostomus Homil. 30. in Genes. & Abulensis, & Lyranus in Genes. & Genebrardus in sua Chronologia, & alij. Ad Tertium, quòd diuisionem linguarum potius dicitur contigisse in diebus Phaleg; quia præostensa fuerat patri eius in ortu ipsius Phaleg, non autem quando natus est Iectan, & filij eius.

2. Altera opinio, quæ fuit Auctoris Chronologiæ maioris Hebræorum, Seder Olam, id est, Ordo sæculi inscriptæ, & Rabbi Ioseph ibidem citati, tenet, diuisionem lingua-

linguarum factam esse circa extremos annos vitæ ipsius Phaleg, id est, anno circiter post Diluuium trecentesimo quadagesimo, iuxta supputationem eorum, qui generationem Cainan prætereundam putant; iuxta verò nostram, anno trecentesimo septuagesimo, vt patet in tabulis. Et pro hac opinione facit quod dictum est, Heber prophético spiritu in ortu filij sui diuisionem præuidisse linguarum, & ex longè mox futuro euentu, filio nomen imposuisse. Item quia probabilius videtur, ipsum Phaleg fuisse valde senem, quando diuise sunt linguæ, quoniam iam tunc Iectan frater eius minor, vt credimus, tredecim habebat filios, qui inter principes dictæ diuisionis numerantur, Genes. cap. 10. vers. 26. & dato etiam quòd Iectan fuisset natu maior (vt sanctus putat Augustinus) si Phaleg natus est anno trigesimo quarto vitæ patris sui Heber, vt dicitur Genes. cap. 11. vers. 16. non videtur fieri posse, quòd Iectan habuerit tredecim filios iam aliorum filiorum parentes, quando natus est Phaleg, præsertim cum illis temporibus communiter homines vix ante trigessimum vitæ annum generare solerent, vt patet discurrendo per singulos eorum, qui in secunda mundi ætate generasse leguntur. Et hoc est valde notandum contra ea quæ dicit sanctus Augustinus lib. 16. de Ciuit. cap. 11. vbi supponit, diuisionem gentium contigisse in ortu Phaleg, & tunc temporis non solum iam natos esse ceteros filios filiorum Noë, qui Genes. cap. 10. recensentur, & præsertim tredecim filios Iectan; sed etiam eos eius ætatis fuisse, vt iam vniuersi familias haberent, quæ dignæ fuissent nominibus gentium. Atqui duo hæc nequaquam simul vera esse posse videntur, etiam concedendo, vt ipse asserit, Iectan fuisse natu maiorem ipso Phaleg. Quin potius, si verum est quod rectè supponit idem sanctus Augustinus, nimirum singulos filios ipsius Iectan tunc iam numerosas habuisse familias, quando diuisa est terra; necessariò consequitur dicendum, ipsam terræ diuisionem non in ortu Phaleg, sed multis annis post, esse factam; vt patet consideranti ætatem ipsius Heber quando genuit Phaleg. non enim tunc Iectan tantam potuit sobolem iam procreasse. Neque potest hic aliquis dicere, B. Augustinum secutum esse textum Lxx. Interpretum, qui ponit Heber centum triginta quattuor fuisse annorum quando genuit Phaleg: quia clarum est, prædictum S. Doctorem existimasse, textum L x x. Interpretum, in ea parte, vbi addit centum annos ad propè singulas horum procerum generationes, esse corruptum, vt nos sub anno mundi 131. num. 4. demonstrauiamus. Patet igitur decipi Pererium lib. 16. in Genes. num. 121. vbi ait, quòd dictum S. Augustini asserentis Iectan fuisse natu maiorem ipso Phaleg, infirmam ac futilem reddit Hebræorum opinionem. cum tamen nihil contra ipsam facere, iam ostensum sit.

3. Ceterum, hæc rationes demonstrant quidem diuisionem linguarum accidisse multò post natiuitatem Phaleg, (quod & nos credimus,) verum non idèò consequitur, eam anno post Diluuium trecentesimo quadagesimo contigisse, vt putant Hebræi; qui annus, secundum ipsos, fuit postremus vitæ Phaleg. Nam si verum est quod asserunt Eusebius in sui Chronici initio, & B. Hieronymus in Osee cap. 2. & sanctus Augustinus lib. 16. de Ciuit. cap. 17. quos sequuntur omnes panè alij Doctores Ecclesiastici; nimirum, Nemrod fuisse illum, quem Gentilitas appellat Belum; eundemque regnasse annis sexaginta quinque post conditam Babylonem, & ei successisse Ninum, in cuius regni anno quadagesimo tertio natus est Abraham: proculdubio, si prædictis annis trecentis quadraginta, à Diluuiò ad linguarum diuisionem fluxis, addantur anni sexaginta quinque regni Beli, & quadraginta tres Nini; necessarium erit ponere, Abramum esse natum anno post Diluuium quadringentesimo quadagesimo octauo. quod manifestè aduersaretur Scripturæ sacræ, ex qua, Genes. cap. 11. vers. 10. vsque ad 27. vbi describitur genealogia Sem filij Noë, à Diluuiò ad ortum Abrahæ, iuxta computum in nostris tabulis expressum, colliguntur tantummodò anni trecenti octoginta tres. Si verò sequamur eos, qui putant Abraham natum esse anno vitæ patris sui septuagesimo, & generationem Cainan minimè computandam censent; inuenies à Diluuiò ad ortum Abrahæ longè minorem summam, nimirum annos dumtaxat ducentos nonaginta tres. Aliud huic simile absurdum, ex priori opinione consequi necesse est. Nam si ponamus diuisionem linguarum, (quæ proculdubio facta est, quando Babylon ædificabatur) contigisse in ipso ortu Phaleg, qui, vt colligitur loco Genes. proxime adducto, natus est anno post Diluuium (præterita generatione Cainan) centesimo secundo; ipsa verò connumerata, anno centesimo trigesimo secundo: certè, supposita memoratæ historię veritate, fateri oportet, Abramum natum esse anno post Diluuium ducentesimo decimo; aut ad summum, ducentesimo quadagesimo; quod pariter ex suprà dictis certum est Scripturæ sacræ plurimum aduersari. Quocirca probare nullo modo possu-

340

65

43

448

102 132

65 65

43 43

210 240

possumus id quod Pererius, vir aliqui in expendenda temporum præsertim antiquissimorum ratione accuratissimus, lib. in Genes. 15. num. 148. asserere non dubitauit, dicens, nullam afferri posse rationem, quæ necessariò concludat, vel etiam probabiliter demonstret, diuisionem linguarum non potuisse fieri quando natus est Phaleg. qua in re fortassis, vt sit memoriæ lapsu, videtur sibi non constare: quandoquidem ipse pluribus in locis; & præsertim lib. 15. in Genes. num. 61. 67. & 148. & lib. 16. num. 236. approbat recipitque communem, quam citauimus, horum temporum historiam, asserentem Nemrod eundem esse cum eo quem Gentiles Belum dixerunt, & eundem à diuisione linguarum regnasse sexaginta quinque annis in Babylone, quæ fuit initium regni eius, vt dicitur Genes. cap. 10. vers. 10. & Abrahamum natum esse anno quadragesimo tertio regni Nini, qui immediatè successerat dicto Nemrod. Ex quibus profectò (posita diuisione linguarum in anno primo vitæ Phaleg) sequeretur, ipsum Abrahamum natum esse centesimo octauo vitæ ipsius Phaleg: quod quàm falsum sit, dignosci potest ex Genes. cap. 11. vers. 16. vsque ad 25. vbi ab ortu Phaleg ad ortum Thare patris Abraham, euidenter colliguntur anni plusquam centum viginti: siquidem ipse Thare natus est anno vitæ Phaleg centesimo vigesimo secundo, vt patet in tabulis. Quis igitur non videt, contra asserentes diuisionem linguarum incidisse in ortu Phaleg, posse afferri argumentum valde firmum? nimirum quia, hac posita sententia, necesse est probabiliorem ac magis receptam horum temporum chronologiam, à probatissimis Auctoribus editam, funditus interire, & nullatenus posse cum Sacro textu conciliari. Itaque relictis hisce duabus opinionibus, dicimus; quòd si vera est, vt credimus, nuper à nobis relata, & communis Doctorum consensu firmata, horum temporum historia de Nemrod, quòd fuerit idem cum Belo, quemadmodum nos quoque infra num. 29. comprobabimus, & quòd regnauerit annis sexaginta quinque; & de Abrahamo, quòd natus sit anno quadragesimo tertio regni Nini, qui immediatè post prædictum Nemrod regnasse dicitur: necessarium est fateri, id quod ab exordio huius disputationis proposuimus, videlicet, diuisionem linguarum anno post Diluuium ducentesimo septuagesimo quinto contigisse; qui annus in nostris tabulis cum anno vitæ Phaleg centesimo quadragesimo quarto coincidit. Et hac posita opinione, multa, quæ ex aliis duabus sequi dicebamus, deuiantur absurda; & horum temporum historia ab Ethnicis, atque item ab Ecclesiasticis Scriptoribus tradita ac probata, optimè cum Sacris Annalibus congruereprehendetur; vt quilibet in nostris præcipuè tabulis breuiter facileque poterit experiri.

CVR, ET QVO
AVCTORE
COEPERIT
AEDIFICARI
BABY-
LON CIVI-
TAS, ET TVR-
RIS EIVS.

4. Ceterum quia certum est, prædictam linguarum diuisionem tunc esse factam, quando filij Noë ciuitatem turrimque ædificabant, vt ex Sacro textu paulò inferius adducendo palàm fiet: videndum hic prius est, quàmam occasione, & quo potissimum auctore, huiuscemodi ædificia exstrui cœperint. Fuit autem, vt arbitror, huius ædificationis occasio talis: Accidit per hæc circiter tempora, vt, nescio quo spiritu ducti aut impulsu, qui tunc viuebant homines, Arphaxadi exemplum secuti, qui vt sub anno mundi 1754. num. 2. diximus, iam ante annos plusquam centum septuaginta, traiecto Tigri flumine, cum vniuersa progenie sua in Chaldæam descenderat, ipsi quoque pariter conglobati proficiscerentur de Oriente, vt expresse traditur Genes. cap. 11. vers. 2. id est, non de Armenia, in cuius vno ex montibus Arca confederat; quia respectu Babylonix Armenia Aquilonaris est, non Orientalis, quemadmodum in Geographorum tabulis conspiciamus; sed de partibus Babylonix Orientalibus, ad quas primò eos de Armenia migrasse oportet. Cum itaque communi passu & consensu de prædictis regionibus, fortè nimium montosis, ac minùs frugiferis, Occidentem versus venirent, vt terras magis feraces commodioresque sibi quærerent; aliquantulum ad Meridiem flectentes, inuenerunt campum seu planitiem quamdam admodum spatiosam, quæ postea Sennaar, mox Babylonia est appellata. Hic cum aliquantisper consedisent, vrgebat, vt arbitror, Noë filios ac posteros suos iam valde admodum multiplicatos & auctos, vt ad terras iam singulis diuisas & assignatas properarent; tum quia putabat valde id fore gratum Deo, qui ipsis vsque ab initio renouati orbis denuò dixerat: *Crescite, & multiplicamini, & replete terram*, &c. tum etiam quia id multò vtilius, & ad victum præsertim, commodius cunctis futurum sperabat; ac denique, quoniam verebatur, ne si diutius simul morarentur, grauiora indies inter ipsos dissidia iurgiaue orirentur. Verum huic tam sanctæ prouidæque paternæ mentis intentioni, sicuti & aliis bonis actibus, hostis humani generis quantum poterat obflare nitebatur, in primis, vt creditur, mediante Nemrod filio Chus, filij Cham; qui cum ceteros animi corporisque viribus

antecellere videretur, (erat enim maximus & valdè famosus gigas, vt habetur in textu LXX. Interpretum Genes. cap. 10.) aliis quoque omnibus imperare admodum exoptabat: quod vt facilius ac commodius assequeretur, cunctos simul retinere moliebatur. Et quia fortassis non audebat apertè communi omnium, qui tunc in humanis erant, sententiæ aduersari, ac omnium parenti contradicere; populis callidè suadere non cessabat, vt priusquam ab inuicem discederent, memorandum aliquod suæ potentiæ ac generositatis monumentum posteris dereliquerent, eisquè laudes ac nomina ipsorum per cuncta sæcula celebrandi occasionem præberent. Videns autem hæc placere populis; & aduertens, in ea planitie terram non lapideam esse, sed satis argillosam ac tenacem, lateribusquè conficiendis aptam; & præterea abundare puteis bitumen largè proferentibus; ex tam prompta ædificandi materia occasione desumpta, hortabatur omnes vt vnanimiter magnam quamdam ciuitatem exstruerent, quæ veluti aliarum omnium mox in aliis regionibus ædificandarum caput exemplarquè esset, & ad munimen decoremquè in ea turres erigerent, vnamquè præ ceteris excitarent tanta crassitudine, quæ ad cælum attolli posse videretur: vel eluuiõis perfugium, vel conueniendum monumentum. Hęc verò tam grandia ædificia versutus proponebat, specie quidem, ipsorum gloriæ ac magnificentia consulere simulans; reuerà autem, vt propositum consiliaque sua perficeret, nimirum, vt multitudinem diuturnis huiusmodi operibus simul occupatam vnitamquè detineret; & discessionem ad alias longiores præsertim regiones procrastinaret, vel etiam prorsus impediret. præuidebat enim, eos postmodum commoda & securitatem tam amplæ ac magnificæ ciuitatis, ab ipsismet tot tantisque laboribus ædificatæ, non faciliè deserturos. Quare vehementius cœpit cunctos, tum per se tum per suæ intentionis sectatores, ad opus aggrediendum incitare: Ecce (inquiens) quanta bituminis copia pro cæmento, quanta cretæ, aquarum, ac lignorum largitas; Eia agite, faciamus & coquamus lateres, fodiamus iaciamusquè fundamenta, & ædificemus. His atque huiusmodi hortationibus corda virorum sollicitabat. Quid plura? faciliè quod volebat, imperitæ multitudini persuasit; quæ communi quodam impetu & concursu, vt fit, ipsum secuta, cœperunt ferè omnes certatim operari, ac ciuitatem turrimquè ædificare.

5. Displacuit autem hoc Domino, qui superbis ipsorum conatibus obsistere non distulit, sed cognita eorum obstinatione & pertinacia, illicò confusis mirabiliter ædificantium sermonibus, ita vt se inuicem intelligere non possent, eos tandem ab operibus cessare, atque ad terras singulis familiis assignatas discedere cœgit. Turris autem inchoata, ob linguarum confusionem, Babel primùm, deinde Babylon cum reliqua ciuitate & eius ditione est appellata. Et hoc est quod breuiter legitur Genes. cap. 11. his verbis: *Erat autem terra labij vnus, & sermonum eorumdem. Cumq; proficiscerentur de Oriente, inuenerunt campum in terra Sennaar, & habitauerunt in eo. dixitq; alter ad proximum suum: Venite, faciamus lateres, & coquamus eos igni. Habueruntq; lateres pro saxis, & bitumen pro cæmento. & dixerunt: Venite, faciamus nobis ciuitatem, & turrim, cuius culmen pertingat ad cælum; & celebremus nomen nostrum, antequam diuidamur in vniuersas terras. Descendit autem Dominus vt videret ciuitatem & turrim, quam ædificabant filij Adam, & dixit: Ecce vnus est populus, & vnum labium omnibus: cœperuntq; hoc facere, nec desissent à cogitationibus suis, donec eas opere compleant. Venite igitur, descendamus, & confundamus ibi linguam eorum, vt non audiat vnusquisque vocem proximi sui. Atque ita diuisit eos Dominus ex illo loco in vniuersas terras, & cessauerunt ædificare ciuitatem. Et idcirco vocatum est nomen eius Babel, quia ibi confusum est labium vniuersæ terræ, & inde dispersit eos Dominus super faciem cunctarum regionum. hucusque Sacer textus, qui tamen, quissam dicitur ciuitatis ac turris ædificandæ primarius auctor fuerit, hîc non commemoret: attamen quòd fuerit Nemrod, aliquatenus colligi posse videtur ex Genes. cap. 10. versic. 8. vbi de ipso verba faciens, ait: *Ipse cepit esse potens in terra. & post pauca: Fuit autem principium regni eius Babylon.* Et idem sentiunt sanctus Augustinus lib. 16. de Ciuit. c. 4. & communiter Doctores, secuti Iosephum, qui id perspicuis verbis asserit 1. Antiq. c. 5. hanc eandem historiam ita describens: *Tres verò Noë filij, Semas, Iaphethus, & Chamas, centum annis ante Diluuium nati, primi relictis montibus planitiem habitare cœperunt, & aliis recenti etiam tum cladis memoria pauidis, nec audentibus à celsioribus locis descendere, idem faciendi auctores & exemplum fuere. Campo, quem primum colere sunt aggressi, nomen est Sennaar. Ceterum, Deo iubente, (subaudi ministerio Noë, omnium, qui tum supererant, parentis,) vt propagandi multiplicandiq; generis gratia colonias deducerent, ne inter se discordias exercerent; sed multam terram colendo, frugum copia fruerentur: homines**

rudes non paruerunt. quomobrem calamitatibus implicati, offensum illum errore suo sunt experti. Cum enim florerent iuuentutis multitudine, Deus rursus de colonia deducenda admonerat. Illi verò non putantes se, ipsius benignitate, presentibus commodis perfrui, illamq; felicitatem suis viribus acceptam ferentes, dicto eius non fuerunt obedientes. & quod peius erat, consilium de coloniis, non fauorem Numinis, sed insidias interpretabantur; videlicet quò facilius dispersi possent opprimi. Ad superbiam autem Deique contemptum excitabat eos Nabrodes nepos Chame filij Noë, vir audax, & manu promptus, docens, non Deo, sed propriæ virtuti presentem felicitatem eos debere; atque ita paulatim rem ad tyrannidem trahabat; ratus fore, ut homines ad se deficerent à Deo, si se illis ducem præberet, opem suam offerens, contra nouum aliud diluuium intentantem. turrim enim se edificaturum excelsiorem, quam quò aqua ascendere posset, & insuper maiorum suorum interitum ulturum. Vulgus autem faciliè Nabrodis placitis obtemperabat, ignauum ratus Deo cedere: atque ita strcturam turris occæperunt, nulli labori parentes, nihilque sibi ad diligentiam reliquum facientes. Cùmque ingens esset operarum numerus, surgebat opus, supra quàm sperasset aliquis. Crassitudo autem erat tanta, ut proceritatem obscuraret. Struebant autem lateribus coctis, ad firmitatem, bitumine ferruminatis. Hanc eorum vesaniam videns Deus, delere quidem omnes noluit, quando ne priore quidem clade ad meliorem mentem profecerant: sed dissidium inter eos immisit, linguis eorum variatis; ita ut ob diuersitatem sermonis mutuo se non intelligerent. Locus verò turris nunc Babylon vocatur, propter confusam linguam, quæ prius omnibus ex æquo clara fuerat: nam Hebrai confusionem nominant Babel. De turri autem hac, deque linguis hominum mutatis, meminit & Sibylla his verbis: Cùm vniuersi homines vno eloquio vterentur, turrim edificauerunt quidam excelsissimam, quasi ad celum per eam ascensuri; Dij verò procellis immixtis turrim subuerterunt, & suam cuique linguam dederunt; quæ causa fuit, ut urbs ea Babylonis vocabulum acceperit. De loco autem, qui Sennaar in Babylonia nominatur, meminit Hesiodus hoc modo: Aiunt Sacerdotes cladis eius superstites, Enyelij Iouis sacra ferentes, in Sennaar Babyloniæ peruenisse. hucusque Iosephus.

BABYLON
CVR SIC
DICTA.

TVRRIS BA-
BEL QVAM
ALTA RELI-
CTA FVERIT

6. Quantum autem iam alta esset turris Babel, quando eius ædificatio disturbata à Deo fuit, scire non possumus: quoniam neque Scriptura sacra id exprimit, neque Iosephus; aliisve probatus Auctor id asseueranter affirmare ausus est. Nam licet B. Hieronymus sub finem libri 5. Commentariorum suorum in Isaiam, tradat à quibusdam dici, eam in altitudine quattuor millia passuum tenuisse; idem tamen paulò post subiungit, Quæ de dicta turri perhibentur, pæne incredibilia videri. Herodotus quoque ab eodem sancto Doctore citatus, tamen si libro 1. aliquantò ante finem, describens templum Iouis Beli, dicat, in eo fuisse turrim solidam altitudine simul & crassitudine stadij, cui alia rursus imposita turris, & huic subinde alia, ad octauam vsque: non tamen aliarum altitudines expressit. Vnde si (ut ibidem supponere videtur) æqualis singulæ erant altitudinis, certe verticem supremæ non quattuor mille, sed mille dumtaxat passus altum fuisse necesse est: siquidem stadium octaua milliarij pars esse dicitur. Opinio autem eorum, qui putarunt turrim Babel habuisse quattuor millia passuum altitudinis, videtur ex præadductis Iosephi verbis deducta, vbi de Nabrode ait, quòd turrim se edificaturum iactabat excelsiorem, quàm quò aquæ diluuij ascendere possent. Cùm enim constet, Diluuij aquas quindecim cubitis montium cacumina superasse; & Plinius lib. 5. cap. 22. dicat, reperiri montes quattuor millia passuum perpendiculariter altos, putauerunt ipsum Nemrod voluisse quidem attollere turrim ad quinque millia passus: (quæ res certè, præsertim eo tempore, quo homines non adhuc plenè multiplicati erant, videbatur impossibilis.) sed vbi eò ventum est, ut iam deessent tantummodò mille passus altitudinis; opus fuisse impeditum. Verumtamen hoc probandum erat, quòd scilicet tunc, & non multò prius, ædificatio fuerit intermissa. Relinquamus igitur ea quæ sciri nullo modo possunt, ut ad alia properemus.

DEFABVLIS
OCCASIONE
TVRRIS BA-
BEL EXCI-
TATIS.

7. Ex huius tam excelsæ turris ædificatione, atque item ex memorata linguarum diuisione, perhibent occasione arripuisse Poetas Ethnicosque Scriptores fingendi duas illas fabulas, quarum meminit Philo Hebræorum disertissimus, in exordio libri, de Confusione linguarum. Alteram de gigantibus celeberrimam, quos ferunt montes montibus superimposuisse, ut bellum diis inferrent; sed ab ipsis fulmine deiectos. Alteram de animalibus irrationabilibus, quæ aiunt, olim vna cunctis communi voce inter se de rebus suis, ut solent homines, agere consueuisse; verum quia semel perpetuam iuuentutem à diis expetere ausa sunt, ab eisdem confusione vocum postea esse punitos. Sed de Poëtis, non est quòd mirari debeamus: quandoquidem notum est, eos ex professo fabulandi occasiones vndequeque venari, nec dedignari communiter pro fabula-

bulatoribus haberi, quippe qui largam admodum in hoc genere licentiam iamdudum sibi vſurpauerint, iuxta vulgatum illud Horatij ſerē in initio Artis Poēticæ :

— *Pictoribus atque Poëtis*

Quidlibet audendi ſemper fuit æqua potestas.

Illud magis mirandum ac deplorandum eſt, quorundam hominum impiorum quantā fuerit audaciā ac temeritas, qui, vt reſert Philo vbi ſuprà, auſi ſunt Hiſtoriam ſacram calumniari, quòd fabellā contineat prædictis ſimiles. Fabellā, inquam, appellare non ſunt veriti, dictæ turris ædificationem, & linguarum diuiſionem; putantes, vtrumque fabuloſum eſſe & falſum. Stultiſſima namque iplis viſa eſt cogitatio turris ſtruendæ, cuius culmen ad cælum pertingeret; nec minùs impoſſibilis, quàm prædicta montium ſuperimpoſitio. Sed & linguarum varietatem ſemper exiſtiſſe perperam exiſtimantes, illud quoque in erroris fui argumentum aſſumunt, incredibile videri, (ſi vna tantum fuiſſet hominum locutio) potuiſſe illos ſic derepentē proprij idiomatici obliuiſci, & illicò nouis atq; inauditis vocabulis internos explicare conceptus. & præterea non valobant capere, quomodo confuſio illa linguarum, in pœnam ſimul & remedium peccati induc̃ta fuerit: non in pœnam; quia naturale eſſe putabant, diuerſos homines diuerſis vt̃ idiomaticis: non in remedium iniquitatum; cū nihilominùs, etiam poſt diuiſas linguas, viderent infinita propemodum ſcelera exiſtiſſe, & non vnitatem linguæ, ſed propenſionem iniquorum hominum in malum, malorum cauſam eſſe: quandoquidem etiam lingua mutilati, nutibus, aſpectibus, aliſq; corporis motibus non minùs quàm verbis, improbitatem cordis proferre norunt: & linguæ vnitas potiùs ad plurima bona vtilis eſſe videtur, nimirum ad commercia exercenda, ad ſcientias edocendas, ad ſocietates ſtabiliendas, amicitiaſq; conciliandas, & his ſimilia.

CONTRA SACRAE SCRIPTURAE CALVMNIA TORES.

8. Verum ad hæc non operoſum eſt reſpondere. Nam quis non videt, admodum diſſerre quæ narrantur à Moſe, ab his quæ fabulatores conſinxere? Etenim montes ſuperimponere montibus, & deinde cum ſuperis dimicare, perſpicue patet, naturaliter ab hominibus fieri nullo modo poſſe: turrim verò altiſſimam exſtruire, facultatem non excedit humanam. Et quidem ſtultiſſimum eſt, fateor; per huiusmodi altitudines ad cælum poſſe conſcendi, quod gigantes intendiſſe feruntur: atqui non eo conſilio docet Scriptura ædificatam eſſe turrim Babel. Impoſuit fortaſſe calumniatoribus, quod dicitur Genef. cap. 11. verſic. 4. *Cuius culmen pertingat ad cælum.* ſed hoc hyperbolice dictum, omnes ſacri ſatentur Expoſitores: Quid igitur vaſtiſſimo illo ædificio prætendebant? Quid aliud, niſi humanam gloriam, & nomen æternum? vt ibidem tangitur illis verbis: *Et celebremus nomen noſtrum.* Quamvis fortaſſe etiam aliqui rudiores putarent, poſſe in ſummitate illius turris à diluuiō, ſi deinceps contingeret, ſe ipſos præſeruare; præſertim cū ſcirent, Diluuij aquas quindecim tantum cubitis montium vertices exceſſiſſe. Quantum verò diſſerat hiſtoria confuſionis humanæ loquelæ, ab ea quam in brutis contigiſſe fabulantur, vel ex hoc dignoſci poteſt; quòd loqui, hominibus naturale eſt, brutis autem nequaquam. Quare maniſeſtum eſt, fabuloſum eſſe quod de brutorum locutione finxerunt; veriſſimum verò, quod de vno hominum idiōmate, diuinitus poſtea variato, Sacra teſtantur eloquia. Porro diuiſionem linguarum non ſemper exiſtiſſe, infra numero ſequenti aduerſus Philaſtrium oſtendemus. Nunc illud tantum aſſerimus, multò credibilius eſſe, ante ſtructuram turris Babel vnā duntaxat omnibus communem fuiſſe loquelam, quàm plures. Quis enim credat, populum vnum, qui ab vno homine etiamtum viuentē deſcenderat, ſimulque ferme hæcenus habitauerat, diuerſa habuiſſe idiōmata? Quòd ſi dixeris: Quomodo igitur potuit tam citò, atque adeò multipliciter variari? Reſpondeo; non ex cauſis naturalibus ſubitam illam accidiſſe varietatem, ſed omnipotentis Dei voluntate, cui nihil eſſe difficile, nedum impoſſibile, nemo ſanæ mentis eſt qui ignoret. Deinde concedimus, linguæ vnitatem hominibus ſæpenuerò eſſe vtiliſſimam, contra verò diuerſitatem ad multa incommodiſſimam: verumtamen illud quoque certum eſt, in memorato caſu fuiſſe appoſitiſſimum humanæ tranſgreſſionis remedium, nullumque aliud opportuniùs adinueniri potuiſſe. Quis enim neſciat, multitudini in malum aliquod vnanimiter conſpiranti, quantum obeſſe poſſit idiomatici vnitas? quippe quæ ad flagitium perpetrandum non mediocriter incitare valeat. Meritò igitur illis hominibus, qui turrim ciuitatemque ædificare volebant, & in ea ſimul habitare, ceteraſq; terrarum regiones incultas relinquere, quod omnimodis erat bono publico diuinæque diſpoſitioni contrarium; meritò, inquam, eos Dominus confuſione linguarum inter ſe diuiſit, atque inde ad alias terras ſeorſum inhabitandas adegit. Itaque, ſi recta mente

supradicta pensamus, & circumstantias temporis, loci, atque intentionis illorum hominum accuratè perpendamus; proculdubio, etiam seposita Sacra narrationis auctoritate, necessarium erit fateri, diuisionem multiplicationemque humanorum idioma-
tum non esse fabulosam, sed verè atque indubitanter diuino consilio esse factam, & iustè in pœnam superbiæ impietatisque, Deo prohibente, ædificare volentium infi-
ctam: necnon iniquam illorum intentionem, toto humano generi atque orbi terra-
rum perniciosam, conuenienter tali remedio fuisse impeditam. Et hæc aduersus eos,
qui præ impietate Scripturas sacras facillè respuunt, breuiter sint dicta.

CONTRA-
PINIONEM
PHILA-
STRII DE
PLURALI-
TATE LIN-
GVARVM
ANTE TYR-
RIS AEDI-
FICATIO-
NEM.

9. Ceterùm, quia dictum est; olim vnam eandemque fuisse omnibus hominibus communem loquelam, vt apertè indicant verba illa Genes. cap. 11. vers. 1. *Erat autem terra labij vnius, & sermonum eorumdem;* & sentiunt omnes penè illius textus Expositores, aliique Ecclesiastici Doctores: explodenda prorsus est opinio, quam nescio quomodo deceptus tenuit sanctus Philastrius Brixienfis Episcopus in Catalogo hæresum cap. 106. dicens, quidam esse credendum, quòd etiam multis sæculis antequam cœpta sit constructi turris Babel, plures fuerint sermonum ac linguarum varietates, Dei munere illis hominibus concessa, vsque ad earumdem linguarum confusionem; interpreta-
taturque præcitata Scripturæ verba: *Erat autem terra labij vnius, &c. id est, non secundum eundem vocabulorum usum, sed secundum eandem sensum intelligentiam; quia (inquit) etsi plura tunc essent genera linguarum, omnes tamen se inuicem intelligebant.* Adductus est autem Philastrius ad hanc præcitati loci expositionem excogitandam, prio-
remque sententiam tamquam hæreticam reprobendam, quoniam obseruauerat, Scrip-
turam sacram, antequam Genes. 11. cap. describere cœpisset ædificationem turris Ba-
bel, iam cap. 10. vers. 5. de filiis Iapheth dixisse: *Ab his diuise sunt insule gentium in re-
gionibus suis, vnusquisque secundum linguam suam. &c.* vers. 20. *Hi sunt filij Cham in cognationibus, & linguis, & generationibus, terris, & gentibus suis.* & vers. 31. *Isti filij Sem secundum cognationes, & linguas, & regiones, in gentibus suis.* Ecce quomodo posteri trium filiorum Noë iam videbantur in varias linguas fuisse discreti. At contra Alphonsus de Castro lib. 9. aduersus Hæreses, non modò primam sententiam, vt veritati Catholice consonam, amplexandam putat; verum etiam Philastrii opinionem hæreticam esse iudicat, tamquam Scripturæ sacrae omnino repugnantem; quæ loco citato apertissime pronuntiat, terram, ante structuram Babel, fuisse labij vnius, & sermonum eorumdem. & post pauca subdit: *Descendit autem Dominus vt videret ciuitatem & turrim, quam adificabant filij Adam; & dixit: Ecce vnus est populus, & vnum labium omnibus, &c.* & paucis interpositis subiungit: *Venite igitur, descendamus, & confundamus ibi linguam eorum.* & non multò post addit: *Et idcirco vocatum est nomen eius Babel, quia ibi confusum est labium vniuersæ terræ.* Quibus verbis quis non videt manifestissime indicari, vniuer-
sum genus humanum, ante Babel, vnius eiusdemque omnino sermonis & linguæ usum tantummodò habuisse? varietatemque idioma-
tum ab illa vnius labij confusione exortam, atque deinceps in toto orbe terrarum esse propagatam? Nec obstat, quòd di-
uisio filiorum ac posterorum Noë iuxta linguas suas facta describatur ante structuram turris Babel: quia id contigisse per anticipationis seu recapitulationis figuram, in sacris Scripturis aliàs vsitatam, fateri debemus, vt asserit S. Augustinus lib. 16. de Ciuit. cap. 4. & 15. & quæst. 20. in Genes. Quæ loca si considerasset Philastrius, forsitan (vt de alioqui sancto viro credendum est) non fuisset lapsus.

QVOMODO
FACTASIT
LINGVA-
RVM CON-
FUSIO.

10. Sed hic tria quæri possent. Primò, quomodo prima illa omnibus communis lingua, confusa & multiplicata fuerit. Deinde, in quot alias diuisa. Tertiò demum, an ipsa apud aliquos integra remanserit, & quamnam sit ex his, quæ nunc habentur. Ad Primum dicimus, quòd Deus inducta mirabiliter in cunctis illis hominibus (præterquam in Heber & filio eius Phaleg, quod ipsi, vt num. 12. dicemus, consilij turris adificandæ omnino expertes fuerint) subita quadam & omnimoda prioris idiomatis obliuione, illic diuina sua dispensatione & omnipotentia, in eorumdem animis nouos diuersosque indidit habitus, iuxta varia linguarum genera singulis distributa, ita vt sta-
tim singulæ illæ familiæ promptum expeditumque ac distinctum usum illius sermonis, qui sibi obtigerat, haberent. Quare iste terminus confusionis linguarum, quod non semel Scriptura vitur, non sic accipiendus est, ac si denotare velit, singulas linguas in se ipsis esse confusas; id enim non est credibile; alioqui neque eiusdem familiæ homines potuissent se inuicem intelligere; quod perspicue videtur aduersari Scripturæ; & id quoque coloniis deducendis maximo fuisset impedimento. sed appellatione confu-
sionis linguarum, confusionem hominum, ob subitò variatam ipsorum locutionem, debe-

debemus accipere : siquidem , vt primùm hoc accidit , videntes familiæ illæ quod alia aliarum sermones capere non valeret , protinus magna inter ipsas exorta est confusio ; confusio , inquam , in ædificantium operibus , & interuentium ordinibus ; quoniam non se mutuò intelligentibus , omnia perturbari & confundi necesse erat . confusio item in hominum mentibus , præ stupore tantæ tamque repentina nouitatis , audientium tantam vocum diuersitatem numquam aliàs auditarum . Non enim minor extitit admirandi ratio in illa diuisione linguarum , ac postea fuit in primitiua Ecclesia , quando Apostoli omnes repleti Spiritu sancto cœperunt loqui variis linguis , vt dicitur Actorum cap. 2. vers. 4. vbi adiungitur : *Erant autem in Ierusalem habitantes Iudæi , viri religiosi , ex omni natione quæ sub cælo est . Facta autem hac voce , conuenit multitudo , & mente confusa est ; quoniam audiebat unusquisque linguam suam illos loquentes . Stupebant autem omnes , & mirabantur , dicentes : Nonne ecce omnes isti , qui loquuntur , Galilæi sunt ? Et quomodo nos audiuimus unusquisque linguam nostram , in qua nati sumus Parthi , & Medi , & Elamitæ , &c.*

11. Dixi , omnes prioris sermonis esse oblitos , præter Heber & familiam eius ; nimirum non omnem , sed eam dumtaxat quæ ex Phaleg fuerat propagata ; (nam quæ de Iectan fratre eius prodierat , certum est quod in varia idiomatica , pro numero filiorum eius dispersita fuit) quia communiter creditur , primam illam locutionem , quæ ante linguarum diuisionem ab exordio mundi omnibus fuerat communis , & propterea nullo particulari nomine nuncupabatur , integram inuiolatamque in ipso Heber & in eius familia mansisse , & ex eo nomen accepisse . Nam cum tunc opus esset eam aliquo proprio nomine ab aliis distinguere , deinceps Hebræa est appellata . Et sic responsum sit tertio quæsito . Ita namque sentiunt multi grauesque Auctores , Eucherius super Genes. cap. 11. Abulenſis ibidem quæst. 1. & 2. Caietanus ibidem , Hieronymus Olearius in cap. 10. Genes. Sandes Pagninus in initio libri Isagogæ ad Sacras litteras , Pererius lib. 16. Commentariorum in Genes. Cardinalis Bellarminus lib. 2. de Verbo Dei cap. 1. secuti Eusebium lib. 10. de Preparatione Euangelica cap. 2. B. Ambrosium super cap. 3. ad Philippenſ. B. Hieronymum in epistola ad Damasum , de Visione Isaïæ , & B. Augustinum lib. 16. de Ciuit. cap. 11. & lib. 18. cap. 39. Nec refert quod idem Sanctus lib. 16. de Ciuit. cap. ultimo prope finem dicat , linguam Hebræam esse inuentam eo tempore , quod fluxit à Noë vsque ad Abraham : non enim ibi indicare voluit , eam antea non existisse ; sed solum , tunc primùm vocari cœpisse Hebræam , quæ prius humana potius dici poterat , quia cuncti homines ea sola vti consueuerant . Eiusdem item sententiæ fuit Genebrardus lib. 1. suæ Chronologiæ , sub anno mundi 1788. fultus auctoritate B. Hieronymi in Sophoniam , & Origenis Homil. 11. in lib. Numer. & omnium patrum Rabbiorum , vno dumtaxat excepto Rabbi Iuda , qui Adamum Syriaco vsu sermone credidit .

LINGVA
HE-
BRAEA OM-
NIUM PRI-
MA.

12. Ex eo autem , quod Heber & Phaleg primam linguam retinuisse creduntur , deducunt etiam nonnulli , ipsos non fuisse illius ædificationis participes ; alioqui , inquit , eadem & ipsi pœna , scilicet mutationis linguæ , plecti debuissent . Sed hic aduertere oportet , quod Heber & Phaleg , tametsi retenta priori lingua , videantur & ipsi quomodo puniti in hoc , quod alia idiomatica , vt creditur , non intelligerent ; id tamen eis pœnam non intulit , sicuti ceteris , quoniam diuina illa in ædificantes animaduersionis , non proprie in ipsa linguarum mutatione posita fuit (quod enim quis vno magis quam altero loquatur idiomatica , nullam adfert pœnam) sed in eo , quod cum ceteros intelligere non possent , in suscepto ædificandi consilio & executione persistere non valerent : quod memoratis Heber & Phaleg nedum molestiam vllam , quin magnam adferre poterat consolationem . Exultabant enim , videntes cælitus impeditam , quam ipsi grauitè auersabantur , ædificationem ; & iam tandem impleri (vellent , nolent) diuinam iussionem , de Gentium habitatione varias per Orbis partes disseminanda , quod ipsi , & sanctus omnium tunc parens Noë , tantopere exoptauerant ; præsertim cum illa sermonum discretio , ipsis insuper ad vitanda declinandaque impiorum confortia , admodum comoda esset . Et hæc communiter creditur esse causa , cur prima illa omnium antiquissima pariter ac nobilissima locutio in Heber transfusa fuerit . Vnde etiam colligit sanctus Augustinus lib. 16. de Ciuit. cap. 11. quod tametsi euidenter in Sacro eloquio expressum non sit , non obscure tamen elici potest , fuisse aliquod pium genus hominum , quando ab impiis Babylonia condebatur . Quamquam & alia adferri possit causa , cur potius in Heber quam in aliquo alio antiqua illa locutio remanserit ; nimirum , quia ex ipso Heber per lineam Phaleg propagandi erant Patriarchæ &

LINGVA
OMNIUM
PRIMAE
IN SOLO
HEBER RE-
MANERIT.

Prophetæ, & gens à Deo electa in populum sibi peculiarem, de quo nasciturus erat Christus secundum carnem, ut eadem prima omnium lingua esset illa, quam deinceps Patriarcharum & Prophetarum non solum in sermonibus suis, verum etiam in Sacris litteris, custodiret auctoritas; quemadmodum tradit S. Augustinus loco proximè citato. Cuius rei signum est, quòd lingua illa non in omni progenie ipsius Heber diffusa est; sed in ea solum, quæ linea recta descendit ad Abraham, cui reptomissiones de Christo venturo faciendæ erant. Nec ipse Abraham potuit eamdem linguam in omnes filios ac posteros suos transmittere, sed tantum in Isaac & Jacob, & eos qui de ipso postea descenderunt, duodecim Patriarchas, ex quibus duodecim tribus Israël ortæ sunt, quæ populum Dei electum constituerunt. Neque obstat, quòd Abraham in Chaldaea natus sit, ibique ultra septuagesimum vitæ annum manserit, ac deinde in terra Chanaan habitauerit: quia nihilominus potuit linguam à maioribus suis acceptam, in domo saltem sua retinere; sicuti nunc faciunt Hebræi ybique terrarum degentes, & alia quæque nationes extra proprias regiones habitantes.

LINGVA
HEBRAEA
CVR OLIM
QVAM NVNC
VBERIOR.

13. Aduertendum tamen est, ut benè notat vbi suprà Abulensis, linguam Hebraicam antiquitus fuisse multò quàm nunc sit perfectiorem atq; vberior: nam ex quo Hebræi in captiuitatem ducti sunt, exterisque linguis admisti, propriæ quodammodo vsu amiserunt, vel saltem magna ex parte adulterarunt. Vnde post reditum de Babylonia, necessarium fuit constituere, qui populo verba Legis, quæ Hebræo sermone puro atq; incorrupto tradita fuerat, interpretarentur, ut sub anno mundi 3610. num. 6. dicemus. Quare non mirum est, si tempore Saluatoris Hebraica lingua valdè mista erat, & vocabulis Syriacis atq; Chaldaicis referta, ut aliàs ex ipsomet Euangelio ostendemus; & hodie de puris & antiquis panè illa tantum remanserint, quæ in Legis codice seruata sunt. Quo fit vt vera ac legitima Hebraica lingua hodie admodum inops & manca esse videatur; quippe quæ nonnisi ex Sacris legalibus libris addisci possit.

CHARACTE-
RES HEBRAI
CI AB ADA
MO INVEN-
TI.

14. Credimus item cum B. Augustino lib. 18. de Ciui. cap. 39. non vocabula solum, sed etiam litteras & characteres Hebraicos ante diuisionem linguarum communiter apud omnes fuisse in vsu, & pariter cum idiomate per ipsum Heber & posteros eius successiue ad populum Israëliticum peruenisse. Quare non est recipiendus Philo Iudæus in eo, quòd (vt refert Ludouicus Viues super cap. B. Augustini præcitato) inuentionem litterarum Hebraicarum Abrahamo tribuit. Neque item probari debet, quod Eupolemus & Artapanus, apud Eusebium lib. 9. de Præparatione Euangelica cap. 4. circa medium relati, scripserunt; nempe, Moysen litterarum inuentorem fuisse, easque primùm Iudæis tradidisse; à quibus vicini Phœnices acceperunt, & à Phœnicibus Græci, subaudi, per Cadmum; quin & Ægyptiis quoque eumdem Moysen litteras dedisse, ac propterea à ipsis Mercurium appellatum, ac pro Deo habitum. Hac enim, & si quæ huiusmodi alia, ab Ethnicis Scriptoribus tradita inueniantur, omnino reiicienda sunt tamquam falsa; & omnino tenendum est, Hebraicas litteras ab ipso panè mundi initio fuisse inuentas, non ab alio, ut arbitror, quàm ab ipso Adamo omnium sapientissimo. Quòd autem prisci illi litterarum characteres posterioribus postea temporibus ab Esdra eruditissimo Scriba nonnihil fuerint immutati, ac deinde post multa quoque alia tempora, à quibusdam Rabbiniis, addita eisdem fuerint puncta & notulæ illæ, quibus hodie vocalium vice vtuntur Iudæi, ad maiorem legentium facilitatem, sub anno mundi 3610. num. 20. & 21. dicendum erit.

DE NUME-
RO LIN-
GVARVM.

15. Restat nunc aliquid dicere de numero linguarum, in structura turris Babel diuinitus multiplicatarum, quod erat secundum è tribus propositis quasitum: nam primo ac tertio iam satisfactum esse putamus. Igitur secuti communiorem Doctorum sententiam, dicimus, primam illam omnibus antea communem linguam, in septuaginta duas fuisse dispersitam: iuxta numerum primariarum stirpium (seu familiarum, quæ tunc in mundo reperiebantur; quarum capita recensentur Genes. cap. 10. Sic sentiunt B. Hieronymus in Matth. cap. 26. B. Augustinus lib. 16. de Ciui. cap. 3. & 11. S. Epiphanius ferè in principio sui Panarij, & alij. Ex recentioribus verò, Genebrardus suæ Chronologiæ lib. 1. & alij non pauci. Hanc opinionem necesse est veteres desumpsisse vel ex antiquissima aliqua traditione olim admodum peruulgata, vel ex numero prædictorum principum, in sacra Scriptura notato. Et quidem si ex textu LXX. Interpretum, qui antiquitus in Ecclesia magis vsitatus habebatur, prædictum numerum acceperunt; oportet Textum illum antiquum in hoc nonnihil à moderno fuisse diuersum: siquidem is qui hodie circumfertur, non septuaginta duo, sed septuaginta quattuor stirpium capita ponit; ut in tabellis infra num. 20. 24. & 44. ponendis, videri poterit, nempe,

nenipe, de Iapheth quindecim, de Cham triginta vnum, & de Sem viginti octo. Cum tamen certum sit, B. Augustinum lib. 16. de Ciuit. cap. 3. ex antiquo Textu, in generatione Sem, viginti septem dumtaxat familiarum principes posuisse. Sed nescio quomodo Sacer B. Augustini codex duodecim tantum filios Iectan habuerit: cum alij omnes, Græci, Latini, & Hebraici habeant tredecim. Econuersò autem filios Iapheth posuerit octo: cum præter textum LXX. Interpretum Romæ anno salutis 1588. excusum, reliqui ferè omnes ponant tantum septem, omittentes illum Elifam, qui quinto loco numeratur, & neque in Hebraicis codicibus reperitur, neque in Latinis, neque in Chaldaica Paraphrasi, neque in translatione Græca Complutensi; neque fuit in Græco codice, quem ad manus olim habebat B. Hieronymus, quandoquidem ipsemet in Traditionibus Hebraicis apertè asserit, Iapheth filio Noë natos esse septem filios, quos ibidem nominatim commemorat, prætermisso Elifa. Quare si posterij filiorum Noë, in Genes. cap. 10. recensiti, reuerà non fuerunt septuaginta quattuor, sed septuaginta tres, vt colligit sanctus Augustinus; proculdubio tutius videtur, de priori numero deimere vnum de filiis Iapheth, nimirum Elifam, quam vnum de filiis Iectan. Quomodo autem in codicibus LXX. Interpretum postea additus fuerit Elifa, incertum habeo. Ceterum, si in summa prædicti duces fuissent septuaginta tres, bene res se haberet; quoniam, quemadmodum loco supra adducto notauit sanctus Augustinus, Heber & Phaleg pro vna tantum gente & lingua reputari posse videntur; & sic (vt supponunt Doctores) septuaginta duæ dumtaxat gentes linguæ remanerent. Vt autem memorata opinio septuaginta duarum linguarum, etiam ex textu editionis Vulgatæ, in quo vnus tantum supra septuaginta principes commemorantur, explicari aliquo modo possit, duo supponenda videntur. Alterum scilicet, addendum esse textui Vulgato generationem Cainan, quam expresserunt LXX. Interpretes Genes. cap. 11. & Lucas in Euangelij capite 3. versic. 36. & recipit sanctus Augustinus vbi supra, quemadmodum nos quoque sub anno mundi 1694. num. 2. & 3. addendam esse censuimus; & cur in eodem textu Vulgato præterita fuerit, ibidem indicauimus. Alterum est, etiam ipsum Phaleg in ipsa diuisione linguarum propriam, atque ab ea, quam pater eius retinuerat, diuersam linguam fuisse sortitum, eandemque filios suos docuisse, quos plures genuisse, ex ipsiusque propriam gentem constituisse, credibile est; quamuis Scriptura sacra Genes. cap. 10. omnes præterierit, quia nullus notatam particularem familiam constituerat; & cap. 11. vnum tantum nominet, in genealogia Abrahamæ texenda necessarium. Et nihilominus diuino instinctu factum esse, vt de posteris ipsius Phaleg, hi soli per quos recta linea ad Abrahamum peruentum est, mutato consilio, ab Heber eorum parente linguam Hebræam discere ac continuare maluerint. Alioqui non video quomodo ex Vulgata Bibliorum editione, prædicta opinio elici, aut cum ea conuenire possit.

16. Ceterum, si eadem antiquissima satisque recepta opinio de septuaginta duabus linguis vera est; vtique oportet etiam fateri, non easdem fuisse gentes ac linguas patrum ac filiorum, qui Genes. cap. 10. numerantur, puta Gomer, & filij eius Askenes, ac fratrum eius, & sic de aliis; alioqui multæ linguæ de prædicto numero desiderarentur: sed debemus sentire, singulos ipsorum, tam patres quam filios, numerosas admodum habuisse familias; non personarum dumtaxat, sed etiam linguarum diuersitate discretas, tamen id Scriptura reticuerit, tamquam clarum; quippe cum absurdum videatur aliter credere, & ex ipsamet Sacra narratione satis constet, Moysen non particulares personas, sed stirpes ac familias, earumque capita ibidem dinumerare intendisse; & hac de causa, de cunctis posteris trium filiorum Noë, ceteris parè innumeris consultò prætermisiss, illos dumtaxat nominatim expressisse, qui erant, vt diximus, veluti principes illarum familiarum, & gentium, seu linguarum, in quas prima illa diuisa fuerat; ita vt nullus ex his principibus, præter Heber, vt iam notatum est, paternam linguam retinuerit.

17. Quamuis hæc quoque dubium sit de ipso Noë, & tribus filiis eius, Sem, Cham, & Iapheth, cur in prædictorum principum numero non sint recensiti; & an ipsi pariter priorem linguam in alias commutauerint. Ad quod dupliciter respondere possumus; nimirum, vel eos ob ingrauescentem iam ætatem quietioris vitæ fuisse studiosos, ideoque inter illius diuisionis principes connumerari renuisse: iam enim Noë octingentesimum septuagesimum, & filij eius trecentimum septuagesimum vitæ annum ex-cesserant; vt videre est in tabulis. Vel melius, quia ipsi erant primarij atque vniuersales omnium qui tum in mundo supererant hominum principes, non decuisse inter minores

CVNCTOS
PRINCIPES
FAMILIA-
RVM DIVER-
SAS LIN-
GVAS FVISE
SORTITOS.

NOE ET
TRES FILII
EIVS CVR
INTER
PRINCIPES
LINGVA-
RVM NON
EX-SINT RE-
CENSITI.

res ac partiales dinumerari. De mutatione verò linguæ, licet nihil certi proferre possimus, videtur tamen satis rationabile opinari, ipsos, cum essent ceterorum omnium parentes, singulari quodam Dei privilegio cuncta linguarum genera calluisse; vt possent omnibus ex æquo consulere, & pro opportunitate singulis monita salutis dare. Tamen si etiam probabile sit, vnumquemque ipsorum postea illi magis idiomati adhæsisse, in quo sibi chariores contigit inueniri, & penes quos potius habitare complacuit.

CAVSÆ
MULTIPLI-
CATIONIS
LINGVA-
RYM.

SEX LIN-
GVARALIA-
RYM MA-
TRICES.

CVR ALIÆ
ALIIS VNI-
VERSALIO-
RES.

DE GEN-
TIVM DIVI-
SIONE.

18. Porro de memoratis septuaginta duabus linguis quæri etiam solet, num adhuc existent omnes, vel saltem aliquæ: & an ceterarum omnium quæ postea fuerunt, aut sunt, matrices sint, existerintve. Verumtamen, quia vt notat Genebrardus libro 1. suæ Chronologiæ sub anno mundi 1850. siue, vt ipse putat, occulta de causa, siue etiam, vt nos arbitramur, ob multiplices temporum ac regnorum mutationes, populorumque misturas, bellorum causa potissimum contingentes, perspicuè videmus vsque adeo linguas esse inter se mistas, variatas, ac multiplicatas, vt intra propè centum leucarum spatium, propter innumeras vocum accentuumque varietates, diuersasque vocabulorum productiones ac contractiones, difficile possint se homines inuicem intelligere. Quod & in nouo Orbe ab Americo Vesputio obseruatum fuisse, testatur idem Genebrardus vbi suprâ. Idcirco videtur vix esse credibile, vt primæ illæ septuaginta duæ linguæ, vel fortè etiam earum aliquæ, in tanta rerum varietate, tam diu puræ incorruptæque conseruari potuerint. Et quamuis ab illis ceteras omnes, quotquot illæ sint, aliquo modo deinceps mediâtè vel immediâtè deriuatas esse, probabilissimum sit: nunc tamen sex ferè tantummodò in nostro hoc hemisphærio, tamquam aliarum matrices, communiter reputari solent: nimirum Hebraica, genitrix Syriacæ, & Arabicæ, & aliarum: Latina, Italicæ, Valachicæ, Gallicæ, Hispanicæ, &c. Græca, Doricæ, Ionicæ, Ætholicæ, Atticæ, & huiusmodi: Sclauonica, Polonica, Boëmica, Moscouitica: Germanica, Helueticæ, Flandricæ, & Anglicæ: Tartarica, Turcica, Sarmaticæ, Abyssinæ, Æthiopica, & Sabeæ. Quòd autem inter linguas aliæ aliis sint vniuersaliores, potuit accidisse potissimum propter scientiam aut potentiam populorum, vt patet de Græcis, quorum lingua ob plures admodumque eminentes ipsorum scientias, in varias mundi partes inuecta est: & de Romanis, qui olim longè lateque imperantes, legem sanxerunt, vt omnes linguam Latinam addicerent. & perspicuum est, subditos, etiam sine vlla lege eos cogente, libenter dominorum suorum, quantumvis ceterorum, linguam imitari solere.

19. Sed iam tempus est, vt posteaquam de diuisione linguarum satis actum fuit, ad diuisionem Gentium, quæ illicò per varias orbis regiones subsecuta est, deueniamus. Cuius etiam meminit Moyses in suo Cantico, quòd habetur Deuteronom. cap. 32. v. 7. illis verbis: *Memento dierum antiquorum, cogita generationes singulas: interroga patrem tuum, & annuntiabit tibi; maiores tuos, & dicent tibi. Quando diuidebat Altissimus Gentes: quando separabat filios Adam, &c.* Ex quibus verbis obiter hic colligi potest, ferè omnia, quæ de post Diluuium actis, ac præcipuè de linguarum gentiumque diuisione à Moyse scripta sunt, non solum ad ipsum Moysen, sed & communiter ad alios quoque eius suppetes, per successiuas generationum traditiones peruenisse. Verum antequam de populis ac nationibus, quæ postea de prædictis principibus ac familiis exorta sunt, ac per insignes orbis partes disseminatæ, agamus, illud inprimis in vniuersum Lectorem monere duximus, generationes Sem de campo Sennaar, in quo facta est linguarum diuisio, magis ad Orientem Austrumque in Asia maiori sese extendisse: contra verò, familias Iapheth & Cham, ad Occidentem. Quamquam illud inter has interfuit, quòd posteri Cham magis Australes plagas paulatim incedentes, maiorem Arabiæ partem, & totam ferè Africam incoluerunt: familiæ autem Iapheth, ad Aquilonem vndique sese dilatantes, vniuersas Asiæ prouincias Aquilonares; & insuper ad Occasum pergentes, Asiam minore panè omnem, & Mediterranei maris insulas, ac denique Europam vniuersam habitatoribus repleuisse creduntur. Rationabile autem est credere, ipsos omnes, primò regiones Babylonix proximiores inhabitare cœpisse; precedentibus verò temporibus, paulatim ad remotiores Orbis partes, prout dictum est, commigrasse. Non enim verisimile videtur, eos post diuisionem linguarum statim remotissima terrarum spacia peragrasse, mariaque latissima transmississe, vt sibi sedes deligerent: sed priùs in locis vicinioribus confedisse, ibique domos ac vrbes ædificasse; præsertim cum tunc vbique regiones incultæ ac desertæ facile reperirentur; & vbi vno in loco admodum multiplicari essent, ita vt iam eos commodè terra illa amplius capere non posset, (more apum) qui iuniores ac magis robusti erant, delecto sibi duce, re-

lictis.

lietisq̃ue ibidem ceteris, pariter proficiscentes, ad remotiora loca transmigrasse. Et sic successiue, donec tandem eò ventum est, vt maria transmeare, & ad insulas transmarinasq̃ue prouincias proficisci opus esset: quod non nisi post multa tempora, vt dictum est, contigisse credimus.

20. Dicamus nunc aliquid sigillatim de singulis. Et primò de posteris Iapheth, qui recensentur Gen. cap. 10. vers. 2. vsque ad 6. & 1. Paralip. cap. 1. vers. 5. vsque ad 8. ac de populis, qui mox ex ipsis propagati sunt. Sed priùs duplicem ipsius Iapheth posteritatis tabellam, alteram scilicet ex Vulgata, alteram ex 1 x x. Interpretum editione (quoniam inter eas nonnihil interest) descriptam, veluti ante oculos ponere visum est, vt facilius quæ deinceps dicentur percipi valeant. Quod & de aliis duobus filiis Noë, infra suis locis præstabitur.

Posteritas Iapheth ex Vulgata editione Latina, Roma anno salutis 1593, impressa.

Iapheth genuit	{	Gomer, qui genuit	{	Afcenez	omnes 14.
		Magog		Riphath	
		Madai		Thogorma	
	{	Iauan, qui genuit		Elisa	
		Thubal		Tharsis	
		Mofoch		Cetthim	
		Thiras		Dodanum	

Ex textu LXX. Interpretum, Roma anno salutis 1588. edito.

Iapheth genuit	{	Gomer, qui genuit	{	Afcenez	omnes 15.
		Magog		Riphath	
		Madoi		Thogorma	
	{	Iauan, qui genuit		Elisa	
		Elisa		Tharsis	
		Thobel		Cetij	
		Mofoch		Rhodij	

Hi sunt principes familiarum generationis Iapheth; qui licet numero longè pauciores ceteris existerint, nihilominus vsque adeò postea multiplicati sunt, vt latiora terrarum spatia occupasse credantur, quemadmodum ex infra dicendis manifestum fiet; ac propterea non otiose dixisse videatur Noë, quando filiis suis benedixit Genes. cap. 9. vers. 27. *Dilatet Deus Iapheth*, &c. quæ verba præcipue ad latissima terrarum spatia, quæ posterius eius occupaturi erant, respexisse videntur.

21. Sanè regiones ab his cultæ, habitatoribusq̃ue repletæ, in vniuersum (vt ait Iosephus 1. Antiq. cap. 7. quem postea B. Hieronymus in Traditionibus Hebraicis in Genes. & alij quotquot de singulis posterorum Noë propagationibus tractarunt, magna ex parte secuti sunt) fuerunt omnes illæ, quæ à Tauro & Amiano montibus in Asia, vsque ad fluiuium Tanaim, qui Asiam separat ab Europa, & inde ad Gades excurrunt, nempe, vsque ad extremas Hispaniæ oras, quæ freto Gaditano ab Africa dirimuntur, hoc est, vt vno verbo dicam, omnes Aquilonares Occidentalesq̃ue Asiæ prouinciæ, & insuper omnis Europa. In his enim regionibus filij Iapheth, vt ait B. Hieronymus, nomina locis & gentibus reliquerunt; quorum nonnulla in Prophetis, apud Isaïam, Ieremiam, & præcipue Ezechielem memorantur; plurima verò fuerunt immutata. Itaque vt ad singulos descendamus, à Gomer primùm inter filios Iapheth nominato, dissemi-
nati sunt Gomorense; seu Gomoritzæ populi, quos priùs confedisse in partibus Asiæ Septemtrionalibus Syriæ proximis, colligit Pererius in Genes. ex Ezechielis cap. 38. vers. 6. oportet autem eos postea duxisse colonias in Asiam minorem: nam teste Iosepho, ex ipsis deinde orti sunt Galli, seu Galatæ, qui Galatiam eiusdem Asiæ prouinciæ ab ipsis denominatam incoluerunt; ex quibus plurimi mox, spoliata Delpho, & prope Troadem confedentes, maiorem Phrygiæ partem occupasse feruntur; & cum Græcis misti, propterea Gallogræci, & illa regio, à Græcis Gallogræcia fuit appellata, vt scribit Iustinus lib. 35. Sunt qui putant Gomeritas esse Cymérios, & à Pomponio Mela Comaros nuncupari, ex quibus postea Cymbri prodixisse dicuntur. Porro tres filij Gomer fuere: primus Afcenez, de quo eiusdem nominis populi, qui Ieremias cap. 51. vers. 27. simul cum Medis aliisq̃ue nationibus Asiaticis inuocantur contra Babylonem, vnde meritò & ipsi creduntur fuisse Asiatici, Mediæq̃ue finitimi: verumtamen posterio-

DE POSTE-
RIS IAP-
HETH.

DE REGIO-
NIBUS A
POSTERIS
IAPHETH
OCCUPATIS

GOMORI-
TÆ.

GALLI, ET
GALATÆ.

GALLO-
GRÆCI.

CYMERII,
ET COMARI.
CYMBRI.
ASCENEZE-
NI.

riori-

ASCANII,
QUI ET GER-
MANI.
RIPHAET
SEV RIPHAE-
THAEI, ET
RIPHACES,
QUI ET PHA-
LANGONES.
THOGOR-
MAEI.
PHRYGAE.
MAGOGAEI.

MASSAGE-
TAE.
GETAE.
SCYTHAE.
TARTARI.
TYRCAE.
GOTHI.
MEDI.

IAUVANI,
QUI ET IO-
NII.

AEOLAE.

THARSEN-
SES.
CILICES.

CETTHIM
SIVE CETII.

ITALI.

CRETENSES,
CORTINI.

rioribus temporibus, plurimi ex ipsis ad Aquilonem Occidentemque properantes Ascaniis originem dedisse feruntur, qui postea Germani dicti sunt. Alter nomine Riphath, de quo Riphathaei, sive Riphaces, vel Riphæi, qui Iosepho ac B. Hieronymo auctoribus, postea dicti sunt Phalangones. Tertius demum Thogorma, à quo deriuati sunt Thogormæi, quos cum sub nomine domus Thogormæ Ezechiel cap. 38. versic. 6. recenset inter sequentes agmina Gog, seu Regum Syriae, contra terram Israël, recte cum Pererio arbitramur, fuisse Asiaticos, vel Asiae finitimos: Iosephus & B. Hieronymus illos à Græcis Phrygas appellatos putant: Arias Montanus putat esse Turcas. Redeamus ad filios Iapheth, quorum qui secundo loco ponitur, Magog genuit Magogæos, de quibus sub nomine terræ Magog meminit Ezechiel cap. citato vers. 2. Et quoniam teste Plinio lib. 5. cap. 23. olim fuit in Syria ciuitas, nomine Magog, quæ aliter etiam dicebatur Hierapolis, creduntur Magogei primò quidem in Cœlesyria habitasse, mox ad Septemtrionem sese vndique extendentes, disseminasse in vastis illis regionibus alios populos, nempe Massagetæ, Getæ, & Scythas, ex quibus prodiisse dicuntur Tartari, & Turcæ. Non defuerunt etiam, ut notat B. Hieronymus, qui putant de Magogæis quoque descendisse Gothos. Certum item est omnium consensu, de Madai, tertio inter filios Iapheth, processisse Madæos, quos Græci vocant Medos, qui olim secus mare Caspium habitantes, erant potentissimi, & cum Persis secundam quæ in mundo existit Monarchiam, extincta prima, multo tempore tenuerunt. Ecce quomodo ex dictis fit manifestum, quod superius dixeramus, nimirum Iaphethi genus omnes Occidentales Septemtrionalesque Asiæ prouincias non solum vltra, sed etiam quasdam citra mare Caspium, occupasse.

22. Videamus modò quomodo etiam Europam vniuersam habitatoribus repleuerit. De Iauan filio Iapheth, qui quarto loco numeratur, Iauani populi procreati sunt qui & Ionij. Et hi primi creduntur, transmissio mari, de Asia venisse in Europam; nimirum primò in Græciam, & ab iisdem nonnullos quoque alios Græcorum populos esse profectos, & mare Ionium fuisse denominatum. Genuit autem Iauan quattuor familiarum principes: nempe Elisam, à quo Æoles, qui postea quintam Græcorum linguam constituerunt, & alij, qui Archipelagi insulas habitatoribus repleuissent, necnon ad incolendam Italiam, vel saltem eius partem Græciæ proximiorē, peruenisse putantur. Secundus Iauani filius, vocabulo Tharsis, Tharsenium, ac aliorum Ciliciæ populorū auctor fuit; nam quæ postmodum Cilicia dicta est, prius Tharsis, seu Tharsus dicebatur, cuius rei (vt ait Iosephus) *signum est, Tarsus vrbium eius celeberrima, ceterarumq; princeps, prima nominis littera in Tau mutata.* Idem confirmat B. Hieronymus loco citato, & de Locis Hebraicis. & Glossa interlinearis, Genes. cap. 10. & Lyranus, & Lipomanus, & alij illius loci Expositores. Vnde tametsi urbem Tharsis nuncupatam quidam putent conditam fuisse à Perseo Danaæ filio, Iudicum temporibus, ut notat Ioannes de Pineda lib. 4. de Rebus Salomonis cap. 14. Quidam verò cum Athenæo lib. 12. ex Aristobuli testimonio, eiusdem vrbs conditorem faciunt Sardanapalum Assyriorum regem: nihilominus fieri potest, & credibilius videtur, quòd olim primò à Tharsis filio Iauan, vel ab eius posteris condita fuerit, & ex eius nomine nuncupata, postea verò à Perseo, ac demum à Sardanapalo iterum ædificata sit, dicaturq; ab his condita, hoc est reædificata. Quemadmodum & Babylon, quæ quamuis constet, quòd primò condita fuit à Belo, qui & Nemrod: dicitur tamen ædificata à Semiramide, quoniam ipsa eam instaurauit atque ampliauit, ut sub anno mundi 1997. num. 5. & 2049. num. 1. dicemus. Certum namque est, omnes ferè vrbes; præsertim antiquiores, non semel fuisse destructas atque renouatas. Tertius Iauani filius vocabatur Cetthim siue Cetij. huius progenies Cyprum insulam primùm incoluisse fertur; deinde colonias in Græciam, hoc est in Macedoniam, postremò etiam in Italiam deduxisse, easque regiones omnes, ex patris nomine, Cetthim denominasse: cuius rei, inquit, signum est, quòd, Iosepho 1. Antiq. cap. 7. & B. Hieronymo in Quæstionibus Hebraicis in Genes. cap. 10. testibus, in Cypro adhuc extabat vrbs nomine Citium, & 1. Machab. cap. 1. vers. 1. legimus, quòd *Alexander Philippi Macedo, qui primus regnauit in Græcia, egressus est de terra Cetthim.* & Numer. cap. 24. vers. 24. & Ezechiel. cap. 27. vers. 6. & Daniel. cap. 11. vers. 30. vbi textus Hebraicus habet Cetthim, Latinus reddit Italiam, vel Romanos, quod idem ferè est. Sunt etiam qui ab eodem Cetthim, seu à posteris eius, putant descendisse Cretenses, olim dicti Cortini, à quibus item eam Italiæ partem, quæ quondam magna Græcia dicebatur, habitata, & mox quoque urbem, quæ Caieta dicitur, ædificatam fuisse perhibent. De quarto demum Iauani filio, nomine Dodanum, siue

vt alij putant, Rodanim, Rhodios originem duxisse ferunt. Quidam ab eisdem quo-
 que Dodanam Epiri urbem conditam, necnon & in Gallia Rhodanum fluium de-
 nominatum, coloniis eodẽm deductis. Restant adhuc quattuor de filiis Iapheth, vel
 potiùs tres; nam vt suprà num. 14. diximus, Elifà, qui quinto loco à LXX. Interpretibus
 ponitur, in aliis editionibus minimè reperitur; & propterea à Iosepho, & B. Hierony-
 mo, & ab aliis meritò fuit prateritus, & eadem de causa à nobis quoque pratermitti
 debet. Igitur post Iauan sequitur Thubal, à quo Thubalæi, qui primum Asiatici fuisse
 creduntur; mox, sicut & ceteri populi, præsertim de Iapheth orti, ad Aquilonem vel
 ad Occidentem paulatim multiplicantes & excurrentes deuenisse. Hos B. Hierony-
 mus Iberos vocat, & Hispanos, à quibus Celtiberos exiisse ait; Iosephus verò simplici-
 ter Iberos nuncupauit. Quamobrem aliqui opinati sunt, ipsum intelligere Iberos
 Aquilonares, qui iuxta Mæotidem paludem habitabant; à quibus aiunt deductas fuisse
 colonias in Hispaniam, quam idcirco Iberiam appellarunt: vnde Hispani, qui etiam
 Iberi Occidentales dicuntur, originem illorum, qui primi regiones suas incoluerunt,
 ad Thubal communiter referre perhibetur. Verumtamen mirum dictu videtur, Aq-
 uilonares Iberos de Mæotide palude, per tot tantaque maria, vel latissimis Germa-
 niæ Galliæque provinciis emensis, ad Hispanias peruenire potuisse, peragrata pro-
 pemodum totius Europæ latitudine, cuius termini (vt refert Ioan. Boterus suarum Re-
 lationum vniuersalium initio) à Tanai fluuii ad Lusitaniam promontorium poni po-
 sent, & inter se ad ter millia octingenta passuum milliaria distare feruntur; nisi forte post
 multa tempora, interimque prius cultis paulatim multis eiusdem Germaniæ Galliæ-
 que regionibus: tametsi de hoc (quod ego nouerim) nulla extet apud Scriptores me-
 moria. De Mosoch, quem Iosephus Meschum appellat, prodierunt Mosochæi, qui
 primò regionem quamdam Syriæ Arabiæque proximam incoluisse creduntur; mox
 transiisse in eam Asiæ provinciam, quæ postmodum Cappadocia dicta est, vt colligit
 Iosephus ex nomine urbis Mazaca, quæ suo tempore adhuc in ea provincia extabat.
 Sunt, qui ex eisdem Mosochæis etiam putent exiisse Moscouitas. Septimus denique
 ac postremus filius Iapheth, appellatus est Thiras; à quo Thracæ, & Thracia provin-
 cia, quæ nunc Romania dicitur, olim inhabitata ac denominata fuit.

23. Ex his itaque apparet, filios seu posteros Iapheth non solum suprà memoratas
 Asiæ provincias, sed etiam Mediterranei maris insulas, & totam Europam incoluisse.
 Et hoc est quod insinuat Genes. cap. 10. vers. 5. illis verbis: *Ab his diuise sunt in-
 sule gentium*, &c. puto enim per insulas gentium, totius Mediterranei maris insulas
 esse accipiendas, & præterea item Europam vniuersam: quæ si Asiæ atque Africa con-
 feratur, insularum nomine nuncupari non incongruè potest. Nam illæ quidem sin-
 gulæ, partes provinciarumque suas inter se vnitas & collectas habent: Europa verò ferè
 omnis, in plures insulas pænisulasque diuisa ac distincta cernitur in Geographorum
 tabulis. Nam Græciæ Archipelagus insularum plenus conspicitur; inter quas Creta, &
 Eubœa, quam hodie Negropontum vocant, amplitudine atque agrorum vbertate sunt
 clariores. Alia quoque maria ad Europam pertinentia multas habent insulas maiores
 ac minores: nam in Ionio & Hadriatico extant, Zacinthus, Cephalenia, Corcyra, &
 aliæ panè innumerabiles in tota Illyrici ora positæ. In Tyrrheno pariter ac Mediterra-
 neo videre est aliquot insulas ceteris insigniores, Siciliam, Sardiniam, Corsicam, Mai-
 oricam, Minoricam, præter plures alias obscuriores. In Oceano autem, qui Europam
 ab Occidente & à Septemtrione alluit, ad Galliæ confinia conspiciuntur, Anglia, quæ
 Scotiæ iuncta, celeberrimam constituit insulam; & non procul ab ea, Hibernia, aliæ-
 que his adiacentes plurimæ. In Germaniæ verò Inferioris finibus, certum est Zelan-
 diæ Hollandiæque provincias valde insignes, in plures insulas pænisulasque esse di-
 stinctas, & multas alias in illo Septemtrionali tractu insulas inueniri. Constat etiam
 quasdam præclaras eiusdem Europæ provincias, pænisularum formam esse fortitas,
 vt sunt Peloponnesus, quæ nunc Morea vocatur, & Italia, & Hispania, & tota illa Bo-
 realis plaga, quæ Gothiam, Suediam, Noruegiam, aliasque regiones complectitur. Et
 has exempli gratia hîc commemorasse sufficiat. Plurimas namque alias eiusmodi in-
 sulas pænisulasque in Europæ descriptionibus accuratus indagator inueniet. Itaque
 vt ad rem redeamus; non mirum est, si Europæi populi, nempe Græci, Itali, Hispani,
 Galli, Germani, Gothi, Moscouitæ, Thracæ, & si qui sunt alij, à posteris Iapheth ori-
 ginem traxisse creduntur: licet de nonnullis dubium sit, vtrum ex vno potiùs, an ex
 altero prodierint. Nam Græcos quidem à Iauan ortos esse, colligi potest Isaia cap. 66.
 vers. 19. & Ezechiel. cap. 27. vers. 13. & Ioël. cap. 3. vers. 6. quibus in locis pro Iauan,
 Græciam,

RHODII.

THYBALÆI

IBERI.
HISPANI.
CELTIBERI.EUROPÆ
TERMINI
ET LATITV-
DO.MOSCHÆI
CAPPA-
DOCES.MOSCOVI-
TÆ.
THRACES.QVOD PER
INSVLA
GENTIVM
INTELLI-
GENDVM
SIT.

Græciam, & pro Iauanum, Græcos, in Vulgata editione legimus, Hispanos verò, vt diximus, à Thubalæis, Gallos à Gomeritis, Italos autem à Thubalæis, vel Elifæis, vel à Certhim: Germani item, vel ab Ascenez, vt quidam putant, vel à Thogorma. Et fortasse fieri potest, vt aliqui Germanorum populi ab vno, alij ab alio originem duxerint, & similiter aliquæ Italarum nationes ab Thubalæis, aliquæ ab Elifæis, aliquæ à Certhim exierint; quemadmodum ex supradictis constat de Græcis, aliquos quidem, puta Aeoles, ab Elifa, alios, nempe Macedones, à Certhim initium habuisse. Sanè iam dictum est, Moscôuitas à Mosochæis, Thraces à Thiras, & Gothos à Magogæis, deductos perhiberi. Sunt etiam qui Africæ oram, quam dicimus Barbariam, à Thogorma familia putant fuisse propagatam. Quidquid sit, illud certum est, Græcos etiam in Africam colonias transmisisse, ibique Alexandriam, Alexandri magni temporibus, vrbesque alias ædificasse. Quinetiam, vniuersas pænè Australes Asiæ prouincias, quæ prius à filiis Sem fuerant inhabitatæ, occupasse; quando scilicet idem Alexander, subactò Regno Persarum, aliisque contritis Regibus, vniuersum pænè Imperium Asiaticum ad Græcos transtulit: cuius rei plenæ sunt Historicorum paginæ. Atque ad hoc fortè spiritu prophetico alludere voluisse videtur Noë, quando dixit: *Dilatet Deus Iapheth, & habitet in tabernaculis Sem.* Ecce quomodo dilatauit Deus Iapheth, quippe cuius descendentes non modò (vt superius ostensum fuit) olim omnes ferè Aquilonares Occidentalesque Asiæ regiones, & Mediterranei maris insulas, & denique Europam vniuersam omnino desertam habitatoribus repleuerunt; verum etiam postea aliquas item Africæ Aquilonares prouincias, & plurimas Asiæ Australes, ditioni suæ subiugarunt, & denique (vt infra num. 47. dicemus) ad Americam, & alias Noui orbis regiones penetrarunt. Atque hæc dicta sint de posteritate Iapheth.

24. Veniamus modò ad progeniem Cham, quæ recensetur Genes. cap. 10. vers. 6. vsque ad 21. & 1. Paralip. cap. 1. vers. 8. vsque ad 17. Huius tabella ex editione Vulgata hæc est:

Cham genuit	Chus, qui genuit	Saba	{ Saba Dadan
		Heuila	
		Sabatha	
		Regma, qui genuit	
		Sabatacha	
	Mesraim, qui genuit	Nemrod	
		Ludim	{ de quibus egressi sunt Philisthiim Caphtorim
		Ananim	
		Laabim	
		Nephthiim	
		Phetrusim	
Phuth	Chanaan, qui genuit	Chasluim	
		Sidonem	{ omnes 31.
		Herthæum	
		Iebusæum	
		Amorrhæum	
		Gergeæum	
		Heuæum	
		Aracæum	
		Sinæum	
		Aradium	
		Samaræum	
		Amathaum	

omnes 31.

Posteritas Cham ex textu LXX. Interpretum Genes. cap. 10.

Cham genuit	Chus, qui genuit	Saba	{ Saba Dedan
		Euila	
		Sabatha	
		Rhegma, qui genuit	
		Sabathaca	
	Mezraim, qui genuit	Nemrod	
		Ludim	{
		Neptalim	
		Enemetiim	
		Labiim	
		Patrosfoniim	
	Phud	Chafsoniim, vnde exierunt Philisthiim	
		Gaphthoriim	
		Sidonem	{
		Chettaum	
		Iebusum	
		Amorrhæum	
	Chanaan, qui genuit	Gergezum	
		Euazum	
		Aruzum	
		Asennazum	
		Aradium	
		Samarzum	
		Amathi	

omnes 31.

25. Posterii Cham, vt ait Iosephus 1. Antiq. cap. 7. eam terram, quæ est à Syria, & montibus Amano & Libano obtinuerunt, quidquid eius ad mare vergit occupando, & ad Oceanum vsque ditionis terminos proferendo. Regionum autem vocabula partim omnino euauerunt, partim ita deprauata sunt in diuersum, vt haud facile agnoscantur. In summa, filij seu posterii Cham partem Syriæ, & partem totam Arabiam Africanamque occuparunt, vt ex his, quæ hic dicemus, apparebit. Et hoc quidem, quemadmodum superius num. 18. annotauimus, non est putandum contigisse statim, aut paulo post diuisionem linguarum; tunc enim vix cuncta viciniora loca incolere potuerunt; sed paulatim post multa tandem tempora, proximioribus regionibus incolarum multitudine repletis, ad remotissimas quoque incolendas peruenerunt. Porro Chus, qui primus omnium filiorum Cham memoratur, Cusitis originem dedit; per quos, quidam Arabes, sed melius Æthiopes accipere debemus. siquidem, vt aiunt Iosephus & B. Hieronymus, vsque ad ipsorum tempora, Chus Æthiopia, & Chusæi Æthiopes à se ipsis, & ab Asianis atque Hebræis nominabantur; & in Sacris libris, vbicumque Chus Hebraicè legitur, vel Chusim; Latinus Interpres reddit Æthiopiam, vel Æthiopes. Quare nemini dubium est, Æthiopes à Chus descendisse, quod etiam ipsa nominis significatio manifestat: Chus namque *niger* interpretatur; & Lusitani, vt fertur, vsque hodie, Æthiopes, Chusios vocant. Et quoniam præcipuorum Geographorum auctoritate certum est, duplicem fuisse Æthiopiam; Alteram Orientalem, quæ erat in Arabia, & ab Aegypto Palæstinaque non valde distabat, in qua olim regnabat Zara ille, qui cum ingenti exercitu, decies centena millia virorum, & curribus trecentis, egressus est contra Asa Regem Iuda, & ab eodem, fauente Deo, cum paucis victus ac profligatus est, vt describitur 2. Paralip. cap. 14. vers. 9. Alteram Occidentalem, quæ in Africa est, & à prænotatis regionibus remotissima; admodum rationale est credere, progeniem Chus in priori prius Æthiopia habitasse, eandemque sic denominasse: siquidem ea non valde admodum distat à terra Sennaar, vbi facta est diuisio linguarum: deinde verò procedentibus temporibus traiecisit mare Rubrum, Africæque regiones incoluisse, ac secundam Æthiopiam, quæ postea vsque nunc nomen retinuit, constituisse.

26. Verum quia Chus primus Æthiops, siue niger fuisse creditur, saltem post Diluuium (nam antea an fuerint Æthiopes, incertum est) libet hoc loco inquirere, num vniuersa progenies eius nigra fuerit: vel saltem omnes, qui postea nigri nati sunt, ab ipso

POSTERII
CHAM QVAS
ORBIS PLAS-
MAS OBTI-
NERINT.

CVSITAE,
QVI ET Æ-
THIOPIES,
ET CHVSIT.

ÆTHIO-
PIA DV-
PLEX.

DE ÆTHIO-
PYM NI-
GREDINE
ET EIVS
CAVSIS.

ipso prodierint. Et primum quidem, certum est, probari non posse, cum potius appareat oppositum. constat enim, Nemrod filium Chus habitasse cum prosapia sua in terra Sennaar, hoc est, in Babylonia seu Chaldaea; ubi nusquam legimus incolas fuisse nigros. Quod si verum est, etiam consequitur, illam cutis nigredinem non semper necessario ex propagatione generari, ita ut niger vir non possit nisi nigrum filium gignere; cum iam dictum sit, nigredinem Chus non fuisse in omnes eius posteros diffusam. An vero omnes nigri ab ipso Chus originem duxerint, non facile est definire; quoniam videtur esse communis opinio, atrum illum cutis colorem potius ex loci ariditate & solis adustione, quam ex aliqua alia causa produci. communiter namque videmus, in aridissimis calidissimisque terrarum plagis nigros, aut saltem subnigros homines reperiri; contra vero, in humidioribus frigidioribusque, admodum albos. Sed huic opinioni officere videntur, quae refert Abraham Ortelius in tabula quarta sui Theatri Commentarioli: nempe, in calidioribus quibusdam locis, sub eodem parallelo, atque adeo sub eadem caeli constitutione, alicubi nasci homines albos, ut in America; alicubi subfusi coloris, ut in Abyssinorum regionibus; alicubi nigerrimos, ut in Asiae provincia, quam vocant Malabar, in qua est ciuitas nomine Calecuth, negotiatoribus famosissima. Et praeterea in aliquot Africae provinciis, & fere in omnibus Americae regionibus, quantumvis calidis ac siccis, homines esse albos, vel certe non nigros. Constat demum, eos qui incolunt Australes Crete, Siciliae, Hispaniaeque partes, candidi esse coloris; cum tamen certum sit, eosdem non minus ab Aequinoctiali distare in nostro hoc hemisphaerio Arctico, quam in Antartico distet ab eodem Aequatore extremum illud Africae promontorium, quod Caput bonae spei dicitur; cuius habitatores esse nigerrimos, testantur Lusitani, qui in suis ad Indias Orientales navigationibus frequenter admodum per illas oras pertransire coguntur.

27. Ex quibus omnibus tria satis probabiliter colligi posse videntur. Primo, solis propinquitatem seu adustionem terraeque ariditatem simul concurrentes, esse quidem causas valde appositas ad conseruandam vel etiam augendam cutis nigredinem, praesertim in facie, aliisque partibus minimè opertis; ut quotidie fieri videmus in rusticis, aliisque, qui aestiuo tempore sub radiis solaribus commorari diutius solent: verumtamen non sufficere ad producendos homines naturaliter nigros; alioqui in omnibus calidissimis siccissimisque regionibus nascerentur homines nigri. quod non ita esse, probant superius narrata. Vnde certissimum puto, quemadmodum etiam sentit Posseni- nus lib. 15. suae Bibliothecae selectae, cap. 19. in corporibus humanis originem nigredinis non proprie à regionum qualitate, sed ex alia causa provenire; nimirum primario à stirpe seu generatione & sanguine parentum. Secundo, probabile admodum esse, quod naturalis humanorum corporum nigredo primo omnium apparuerit, & à natiuitate ingenua sit in ipso Chus; tametsi is in terra Sennaar, vel potius in Armenia natus credatur, quae nimiam solis vitione non patitur. Et hoc ex diuina dispositione factum credimus, non quidem in poenam paternae impietatis & auitae maledictionis; quandoquidem ex supradictis apparet, ipsum Chus multò antè fuisse genitum, quam pater eius Cham, in praemium suae impietatis, Noëticam maledictionem in filio Chanaan accepisset; sed aliqua alia de causa, soli Deo cognita. Quod si propinquiores causas nigredinis Chus indagari velimus, dicere possumus, id contingere potuisse vel ex vehementi quadam & fixa matris imaginatione cuiusdam rei nigerrimae, in ipso conceptionis tempore occasionaliter excitata, ad similitudinem eius, quod in gregibus Iacob accidisse legimus Genes. cap. 30. vers. 37. vel ex repentino quodam ac vehementissimo appetitu materno rei nigerrimae, quem adimplere non valuit, quando ipsum Chus gestabat in utero; ut videmus contingere in mulieribus, quae maculosos fetus pariunt, quodammodo exprimentes in ipsa macula colorem rei concupitae. Nam si leuior causa maculam in aliqua cutis parte, verbi gratia nigram atque indelebilem efficere potest, quemadmodum ipsa docet experientia: utique videtur huiusmodi vehementissima causa, tamquam multò magis humores commouere atque alterare valens, totam proles cutem eodem colore quodammodo naturaliter inficere potuisse. Neque inconuenit, quod procedentibus postea temporibus, ex Chus nigro, & vxore eius alba, procreati sint filij, alij nigri, alij albi, quidam verò subfusi: quandoquidem videmus filios aliquando magis assimilari patri, aliquando matri, & interdum veluti ex aquo, utriusque. Tertiò demum credibile esse, quod de filiis Chus, qui erant nigri aut subfusi, postea plures delegerint sibi ad habitandum regiones valde calidas & siccas, tamquam ipsorum naturae magis accommodatas; & quandocumque (ut aliis quoque nationibus sapiens

pius contigisse certissimum est) de propriis sedibus pulsi sunt, ad alias non valdè dissimilis temperamenti commigrarint. Atque hinc factum esse, vt tametsi omnes Æthiopes à Chus originem traxisse credantur, non tamen in eadem orbis plaga, sed in diuersis hodie reperiuntur, calidis nimirum & siccis. Vtrum autem quod diximus accidisse ipsi Chus, postea vniquam alicui alteri contigerit, vt scilicet ex vtroque parente albo niger aliquis sit genitus, neque negare, neque affirmare audeamus. nam licet quòd semel accidit, aliàs etiam, ni Deus prohibeat, accidere posse videatur, verum tamen, quòd id de facto acciderit, incompertum habemus. Si verò id aliàs contigisset, certum esset, quòd non omnes Æthiopes de posteritate Chus descendisse, posset affirmari. Sed iam ad filios ipsius Chus deueniamus.

28. Saba primus inter filios Chus recensitus, & alter Saba, qui Hebraicè potius ^{SABAEI.} Schaba dicitur, filius Regma, filij Chus, nomen originemque dedere Sabæis, Gentibus, propter thus quod inde vbique deferri solet, communiter admodum notis. Hi inter sinum Persicum & Arabicum, quem Mare rubrum vocant, hoc est, Arabiam incoluerunt. Quamquam Schabæi siue Stabæi, qui ex Schaba filio Regma descendunt, ^{STABAEI.} magis ad Orientem, & prope sinum Persicum; Sabæi verò, qui ex Saba filio Chus, magis ad Occidentem, & ad Mare rubrum seu Arabicum inhabitasse credantur. De Sabæorum diuitiis & odoribus, vide Pomponium Melam lib. 3. cap. 8. & Strabonem libro 16. quamuis id quoque satis conici possit ex auro, aromatibus, ac gemmis pretiosissimis, quas attulit Regina Saba Regi Salomoni, vt habetur 3. Reg. cap. 10. vers. 10. & 2. Paralipom. cap. 9. vers. 9. Heuila alter filius Chus, Heuilaos protulit. quos in confinio ^{HEVILAEI.} Ismaëliarum & Amalecitarum prius habitasse colligimus Genes. cap. 25. vers. 18. vbi dicitur, Ismaëlitæ habitasse ab Heuila vsque Sur. & 1. Reg. cap. 15. vers. 7. Saulem percussisse Amalecitas, ab Heuila, donec venias ad Sur. Oportet autem de Heuilaos postea plurimos transisse in Getuliam, quæ erat Africa interioris regio, eremo coherens, si verum est quòd aiunt Iosephus & B. Hieronymus, nimirum, Heuilaos esse ^{GETULI.} Getulos. De Sabatha tertio filio Chus, exisse aiunt Sabathæos, quos putant in Arabia ^{SABATHAEI} felici primum infedisse: siquidem illius regionis Metropolis, Ptolemæo teste Geographiæ lib. 6. cap. 7. Sabatha dicta est. Deinde transisse creduntur in Africanam, ac prope Meroën clarissimam Nili insulam inhabitasse, proptereaque à Iosepho & B. Hieronymo dici Astabaros. Regma quoque quartus filius Chus, Regmaos genuit, qui pariter ^{ASTABARI.} in Arabia felici habitasse censentur, cum Sabathæis & Sabæis: cuius rei signum est, quòd ^{REGMAEI.} Ezechiel. cap. 27. vers. 22. inter negotiatores Tyri afferentes aromata, lapides pretiosos, & aurum, iunguntur Saba & Reema, id est, Sabæi & Regmæi. Quidam putant Regmaos postea eam regionem incoluisse, quæ Carmania dicta est. Sanè de Dadan, altero filio ^{DADANAEI} Regmæ, (nam de primo nomine Saba seu Schaba, initio huius numeri iam dictum est) aiunt descendisse Dadanaos, quos fuisse finitimos Idumæis, conici potest ex Ierem. capite 49. vers. 8. & Ezech. cap. 25. vers. 13. vbi prophetantes contra Idumæam, videntur eandem cladem communem facere Dedanæis. & Ezechiel. cap. 27. vers. 15. filij Dedan appellantur negotiatores Tyri, & inter alias nationes non longè à Tyro distantes collocari videntur. Quare quidam putarunt, eos fuisse primos cultores illius Syriæ regionis, quam Ptolemæus lib. 5. suæ Geographiæ cap. 15. Palmirinan vocat. Iosephus & B. Hieronymus Dadanaos dicunt esse Æthiopes Occidentales: quod vt verum sit, oportet ipsos posterioribus temporibus de Asia, traiccto mari Rubro, transisse in Africam, atque ad Occidentalem peruenisse Æthiopiam. Qui autem fuerint Sabatachæi, ^{SABATA-} ex Sabatacha quinto filio Chus progeniti, & vbi habitauerint, incertum est: quoniam, ^{CHAEI.} vt ait B. Hieronymus, Regma & Sabatacha paulatim antiqua vocabula perdidere, & quæ nunc pro veteribus habeant, ignoratur.

29. Ceterum de Nemrod sexto filio Chus, & Chami nepote, Scriptura sacra ^{DE NEM-} seorsum loquitur, vt ait sanctus Augustinus lib. 16. de Ciuit. cap. 3. vel quia post prænominatos filios ac nepotes ipsius Chus genitus fuerit, aut (quod credibilis est) propter eius ^{ROD.} eminentiam supra ceteros. Nam & de ipso dicitur: *Ipse capit esse potens in terra.* & post pauca: *Fuit autem principum regni eius Babylon, & Arach, & Achad, & Chalanne, in terra Sennaar,* Genes. cap. 10. vers. 10. Ex quibus verbis tria videntur posse colligi, ad historiam nostram pertinentia. Primum est, annos regni Nemrod numerari debere ab ædificatione Babylonis iam aliquatenus expedita, nimirum post diuisionem linguarum, ac discessionem Gentium in varias terræ regiones: tunc enim cessauerunt ædificare ciuitatem, inquit Scriptura Genes. cap. 11. vers. 8. Quare oportet ipsum Nemrod tunc aut paulò post regnare cœpisse in Babylone. Alterum est, Scripturam sacram, cum dicit,

NEMROD
PRIMVS TY
RANNICE
REGNAVIT.

ET FUIT IDO
LOLATRA.

NEMROD
NVM IDEM
QUI ET BEL
SIVE BELVS

Babylon & alias memoratas vrbes terræ Sennaar fuisse principium regni eius; tacite indicare, ipsum postea etiam regnasse super plures alias vrbes. Tertium est, Scripturam sacram, cum de nullius alio regno antè meminisset, quodammodo insinuare, ipsum Nemrod fuisse primum qui regnare cœperit. Quamvis non sit absolute accipiendum, Nemrod fuisse primum Regem, ita ut ante ipsum nullus fuerit Rex in hoc mundo; nimirum accipiendo nomen Regis, ut solet sæpius Scriptura illum usurpare, pro principe, seu præfide, aut primario rectore ciuitatis aut prouinciæ. Nam vsque ab initio mundi, id est, ex quo cœperunt ædificari ciuitates, necesse est in eis fuisse Reges: quia sicuti ciuitas non potest diu stare sine lege, ita nec lex potest ciuitatem conservare sine rectore & moderatore, ut nos latius sub anno mundi 233. num. 2. explicauimus. Et eodem modo post Diluuium, credibile est, singulos illos Principes, qui fuerunt veluti capita variarum nationum & linguarum, regnasse in vrbeb; à se conditis, eodem tempore quo regnabat in terra Sennaar ipse Nemrod. Verum si loquamur de Rege, non quasi de naturali Principe, sed ut etiam communiter accipitur, pro tyranno, qui per vim occupando alienas vrbes, nil aliud curat, nisi per fas nefasque suum augere imperium: proculdubio dicere possumus, Nemrod fuisse primum, qui sic regnauerit in hoc mundo, saltem post Diluuium. Ipse enim cum esset potens, cœpit potentiam suam in subiaciendis sibi populis, etiam ad se nihil pertinentibus, exercere. Et primò quidem dominium arripuit super eos, qui secum in terra Sennaar remanserant; nimirum in Babylone, & in aliis tribus ciuitatibus paulò antè commemoratis, Arach, Achad, & Chalanne, pro quibus interpretatur B. Hieronymus Edessam, Nisibim, & Seleuciâ, vel certe Ctesiphontem: deinde his non contentus, finitimas nationes inuasit ac subegit: postremò etiam remotiores populos, puta Persas, & fortè item Assyrios; ita ut non solum super plurimas vrbes, sed super varias quoque prouincias ac linguas, ipse magnus Rex seu Tyrannus euaserit. Rectè igitur (inquit S. Iuliodorus lib. 7. Etymologiarum) appellatus est Nemrod, quod interpretatur *tyrannus*; quia prior omnium ipse insuetam arripuit in populis tyrannidem: & hoc idem prius etiam asseruerat B. Hieronymus in Traditionibus Hebraicis in Genesim. Oportet itaque ipsum Nemrod non solum fuisse robustum viribus, sed etiam ingenio audacem, ac dominandi cupidissimum; & consequenter, ut esse solent huiusmodi homines, virum crudelissimum, sanguinarium, impium, atque rapacem. Hinc est, quòd postea ipsius imitatores, qui omnia diuina humanaque iura peruertere ac violare non verentur regnandi gratia, ex illius nomine, Tyranni, non Reges nuncupari cœperunt. Quòd insuper Nemrod fuerit idololatra, & gentes sibi subditas ad idololatriam, ne à se deficerent, adegerit, affirmat Hugo de sancto Victore in suis Annotationibus in Genesim. vbi ait: *Nemrod mole corporis & viribus alios superans, dominium cepit exercere per violentiam, & induxit homines ad idololatriam, ut ignem, ac solem qui igneus est, quasi Deum colerent. quem errorem postea Chaldei secuti sunt. Itaque Deo & homini iniuriam fecit; Deo, quia ei debitum cultum ademittit, homini verò, quia eum domino iniusto oppressit, & in errorem decipiendum induxit.* Iuliodorus item lib. 14. Etymologiarum scribit, eundem Nemrod abuisse in Persidem, ibiq; Persas ignem colere docuisse: *nam omnes, inquit, in illis partibus solem colunt, qui ipsorum lingua El dicitur.* Ex quibus omnibus dignosci potest, quam procul à veritate aberrauerint, Annii & eius affeclæ, dicentes, Nemrod magis studuisse paci religionique deorum, quam opulentia; ideoque translatum à diis, subito non comparuisse.

30. Quæri hoc loco potest, num iste Nemrod sit ille primus Rex, quem Belum, seu Bel, Ethnici appellarunt; an quem Gentilitas vocat Ninum, vel fuerit diuersus ab istis. Certè Berofus ille ab Annio confectus, tradit Nemrod fuisse illum, quem Saturnum profani dixere Scriptores, eundemque extitisse patrem Beli, aumque Nini. At Gerardus Mercator in sua Chronologia affirmat, Nemrod fuisse Ninum, refellitque prædictam Berofii Anniani sententiam, dicens, eam nullo modo posse subsistere. Sed si Nemrod idem fuit cum Nino, ergo non regnavit primus in Babylone: siquidem etiam ipse Mercator admittit, Ninum regnasse post Belum. Quomodo igitur verum erit quod de Nemrod dicitur Genesim. cap. 10. vers. 8. *Ipse cepit esse potens in terra.* & vers. 10. *Fuit autem principium regni eius Babylon?* Merito itaque dictam Mercatoris opinionem, tamque singularem, & omnibus ferè primariis Scriptoris, immò & Scripturæ sacræ contrariam, reiecit Pererius lib. 15. Commentariorum suorum in Genesim. num. 64. eiusque argumenta optimè dissoluit. Nam ad id quod ait Mercator, ea quæ de Nemrod Ecclesiastici scribunt Auctores & Iosephus, nimirum quòd fuerit vir valde bellicosus & impius, & primus qui per vim regnare cœperit, & vrbes expugnare ac sibi subditas facere, &

& huiusmodi alia, conuenire profus cum his, quæ de Nino habentur in Gentilium historiis: responderi potest, hæc multò magis congruere cum his quæ de Belo iidem Auctores prodiderunt, vt idem Auctor numero loci citati 67. accuratè offendit. & paulò antè, videlicet num. 61. eandem sententiam Mercatori contrariam comprobat auctoritate B. Hieronymi super cap. 2. Osee, & Eusebij in Chronico, & B. Augustini lib. 16. de Ciuit. cap. 17. quorum duo posteriores aperte asserunt, Belum fuisse primum Regem Assyriorum in Babylone. Et hoc idem repetit S. Augustinus lib. 18. de Ciuit. sub finem cap. 2. & in eodem libro dinumerat Reges Assyriorum, non à Nino, vt facit Eusebius, sed à Belo Nini patre, & primo ipsorum Rege, vt dictum est; quemadmodum manifestè colligi potest ex collatione eorum, quæ de dictis Regibus scribit ipse S. Augustinus libro citato cap. 2. 3. 4. 7. 8. 11. & 19. cum his, quæ de eisdem Regibus tradit Eusebius in Chronicis. Quem enim iste facit, verbi gratia quartum, vel sextum, vel octauum; ille dicit fuisse quintum, vel septimum, vel nonum, & sic de aliis. His adde quòd idem Eusebius lib. 9. de Preparatione Euangelica cap. 4. non procul ab initio, refert ex Alexandro Historico, & Eupolemo, primum Babylonis Belum regnasse, & sub finem eiusdem capitis refert ex Abydeno, Babylonem à Belo fuisse conditam, ergo idem fuit Belus cum Nemrod, quem Scriptura sacra primò omnium regnasse in Babylone testatur; & quem nos suprà num. 5. probauimus fuisse primarium auctorem dictæ ciuitatis ædificandæ. Cum igitur in hac veritate tum sacri tum Ecclesiastici, tum etiam profani antiquissimi que Scriptores conuenire videantur: libenter nos quoque eandem sequi amplectique debemus sententiam; præsertim quia si verum est quod ait Berossus Anianus, videlicet, Nemrod eundem fuisse cum eo, quem profani Saturnum appellarunt: certè de Belo idem nos quoque sub anno mundi 1997. num. 2. probabimus. Vnde fit consequens, Nemrod à Belo non fuisse diuersum. Cur autem Nemrod à Gentilibus dictus sit Bel, non penitus exploratum videtur. Nam etsi non sit improbabile, vt quidam putarunt, ipsum fuisse binominem, ac primò quidem quando natus est, vocatum fuisse Bel; postea verò, ex quo factus vir cæpit exercere tyrannidem, dici cœpisse Nemrod: attamen mihi probabilius videtur, ei primò nomen Nemrod à proprio patre fuisse impositum, qui prophetiæ dono (quod interdum etiam malis concessum constat) futura prospiciens, nominauerit filium suum Nemrod, eò quòd tunc præuidisset, ab eo tyrannidem in mundo esse introducendam; quemadmodum de quibusdam aliis huiusmodi priscorum patrum prædictionibus non semel dictum est. Vnde ergo nomen Bel? An à suæ linguæ gentibus id ei postea inditum fuit, quòd apud Syros, Hebræos, & reliquos Orientales, Bel, dominum sonet? An ideo primum eius nomen, Nemrod, apud Hebræos tantum; Belis autem vocabulum in vniuersa etiam Gentilitate deinceps diffusum est? An ipse deinde urbem à se primò conditam, vocari voluit ex proprio nomine Babel? An inde postmodum vrbes ab earum conditoribus denominandi consuetudo inualuit? Certè Ninus, qui ei immediate successit, aliam urbem à se ædificatam, Ninum siue Niniuen appellauit. Et post multa tempora Alexander Alexandriam, Seleucus Seleuciam, Antiochus Antiochiam, & alij permulti. Sed quidquid sit de ipsius Nemrod nominibus; constat, vt suprà num. 28. diximus, annos regni eius, ab ædificata Babylone seu à diuisione linguarum esse auspicandos: hæc enim duo eodem circiter tempore accidisse, ex sacra Genesi satis apertè colligi potest. Quare nos quoque infra, sub anno mundi proximo, & item in tabulis, ab anno qui diuisionem linguarum immediatè sequitur, & est à Diluuiò ducentessimus septuagesimus sextus, annos regni Nemrod siue Belis dinumerare incipiemus.

NEMROD
CVRAGEN-
TILIBVS
BEL SIVE
BELVS DIC-
CATVR.

31. Prosequamur nunc dicere aliquid de ceteris filiis ac nepotibus posterisue Cham, & primò de Mesraim, qui secundo loco inter filios eius numeratur. Ab hoc clarum est omnium consensu, prodidisse Ægyptios: nam vsque nunc, Arabes & Turcæ Aegyptum appellant Masra. Ex quo patet, eos nullo vero ac solido niti fundamento, immò etiam sacre Scripturæ aduersari, qui Aegyptiorum Dynastias, aut cum ipso ferè mundi exordio in cœpisse, aut non multò post Diluuium inchoasse, perperam contendunt: siquidem ex Sacro eloquio certissimum est, non diuinas esse Gentes, neque de finibus Chaldææ esse egressas; nisi post diuisionem linguarum, quæ ducentis septuaginta sex annis à Diluuiò facta est. Neque probabile est, tunc statim primam cœpisse Dynastiam, nisi primum ipsorum Dynastiam ipsum Mesraim cõstituere velimus; quod ipsi non faciunt. De Mesraim B. Augustinus lib. 16. de Ciuit. cap. 3. secutus textum Lxx. Interpretum, dicit commemorari quos genuit, non tamquam singuli homines, sed nationes septem; & de sexta, veluti de sexto filio, gentem commemorari exisse,

PHILISTHIIM SEV
PALAESTINIM.
CAPHTORIM.

LYDIM.

TROGLODYTAE.
LIBYES.

NUMIDAE.

PETRAEA.

SARACENI.

LYDIA AFRICANI.

LYDIA ASIATICI.

DE INSULA
CAPPADOCIAE.

quæ appellatur Philisthiim; unde fiunt octo. Verum in textu Vulgato sex tantum commemorantur, & de sexta duæ aliæ proditiisse dicuntur, nempe Philisthiim & Caphthorim, ex quibus octo nationibus, (exceptis Laabim, quæ sola natio, coloniis in Libyam ductis, regionem à se denominauit, & Philisthiim, quos corruptè nos Palæstinos vocamus) ceteras sex Gentes, præter nomina, ignotas nobis esse, eò quòd ab Aethiopicis omnino subuersæ fuerint, tradunt Iosephus & B. Hieronymus. De tribus autem, nimirum de Ludim, Philisthiim, & Caphthorim, non semel mentio reperitur in Sacris libris, ut infra suis locis dicitur: & nihilominus non desunt, qui de aliis quoque quinque filiis Mesraim, alias quoque nationes proditiisse perhibent, nimirum, de Ananim populos illos, qui Troglodyticam incoluere regionem: de Laabim, ut dictum est, Libyes, & Libyam Africæ prouinciam. Fuisse autem Troglodytarum Libyæque regiones ab Aegypto non valde distantes, colligitur 2. Paralip. cap. 12. vers. 3. ubi dicitur, Sefac Rex Aegypti, in suo exercitu quem duxit contra Roboam Regem Iuda, habuisse Libyes & Troglodytas. De Nephthum primos Numidiæ incolas, quorum meminit Virgilius Aeneidos lib. 4. *Et Numide infreni cingunt*, &c. de Phetrusim, habitatores regionis Petrææ in Arabia, cuius metropolis Petra dicta est: de Chasluim, eos qui postea Saraceni sunt nuncupati. Sed vndenam hæc desumpserint, præter id quod de Laabim ex Iosepho sumptum est, incompertum habeo. Certè Scriptura sacra Genes. cap. 10. vers. 14. de Chasluim, non Saracenos, sed Philisthiim & Caphthorim egresfos esse testatur. quod successiuè debet intelligi, ita ut prius de Chasluim exierint Caphthorim; postea de Caphthorim, Philisthæi, ut infra num. 32. probabimus. Prius autem loco Genesis proximo adducto ponuntur Philisthiim, tamquam magis noti Iudæis, quibus potissimum hæc historia scribebatur, vel etiam, quia temporibus Moysi, Caphthorim iam fortè defecerant.

32. Ut autem de reliquis quoque tribus nationibus aliquid hoc loco attingamus, dicimus de Ludim exisse Lydos, quorum regio Lydia dicta est, si sacre Scripturæ Interpretibus credimus, qui Ludim vertunt Lydos. Porro hos fuisse Aegyptiis finitimos, colligi potest Ierem. cap. 46. vers. 9. ubi vaticinans Propheta aduersus exercitum Necho Regis Aegypti, commemorat inter milites eius, Aethiopes, Libyes, & Lydos. & Ezechiel cap. 30. vers. 4. cladem quam prædicat Aegyptiis, etiam Lydis tamquam fœderatis communem facit, dicens: *Cum ceciderint vulnerati in Aegypto, & ablata fuerit multitudo illius, & destructa fundamenta eius, Aethiopia, & Libya, & Lydi, & omne reliquum vulgus, & Chub, & filij terræ fœderis, cum eis gladio cadent.* Ex quo patet, hos Lydos fuisse Africanos, & prædictis aliis Africæ populis proximos, & consequenter valde diuersos ab his Lydis, qui Asiam minorem incolebant, & ab vno de filiis Sem nomine Lud descendisse putantur, ut infra suo loco dicitur. Quod attinet ad Caphthorim, sciendum est, quòd Latinus Interpres pro *Caphthorim* reddit *Cappadoces*, & pro *Caphthor*, *Cappadociam*, quam non debemus credere esse illam, cuius meminit S. Petrus initio suæ primæ Epistolæ, scribens electis aduenis dispersionis Ponti, Galatiæ, Cappadociæ, &c. sed aliam Palæstinæ viciniorem, illam nimirum insulam Cappadociæ, de qua loquitur Ieremias cap. 47. vers. 4. ubi vocat Palæstinos, reliquias insulæ Cappadociæ. Clarum est autem, eam de qua meminit sanctus Petrus, non esse insulam, sed Asiæ minoris prouinciam, non longè ab aliis ibidem dinumeratis. Simile quid legitur 4. Reg. cap. 16. vers. 9. *Ascendit enim Rex Assyriorum in Damasum, & vastauit eam, & transfudit habitatores eius Cyrenen.* ubi per *Cyrenen* non illam intelligit, ex cuius nomine prouincia Cyrenaica est appellata, quæ est in Africa iuxta Libyam, ut patet Actuum cap. 2. vers. 10. ubi dicitur: *Et partes Libyæ, quæ est circa Cyrenen.* siquidem tunc Reges Assyriorum non dominabantur Africæ, sed intelligit aliam Cyrenen, quæ erat in Media, & subiecta Regi Assyriorum. Ceterum, quoniam fuerit insula Cappadociæ, cuius meminit Ieremias, adhuc incompertum habeo. nisi fortè (quoniam oportet eam fuisse Palæstinæ proximam, & nulla alia ibi à Chronographis ponitur) libeat coniectari, fuisse illam, in qua posterioribus deinde temporibus noua Tyrus extructa est; nimirum post eiectionem inde, aut vltro alibi immigratos, qui Caphthorim suæ Cappadoces dicebantur. Quòd enim olim Tyrus, non vt postmodum, pænis insula, sed verè insula fuerit, à continenti distans ad stadia quattuor, testatur Diodorus lib. 17. sub anno regni Alexandri Magni quarto; ubi ait, quòd idem Alexander, ut nouam Tyrum expugnaret, veterem in littore positam diruit, & ex eius lapidibus ac terra, aggerem ducentum latum pedes, vsque ad insulam perduxit, atque ita exinde Tyrus pænis insula facta est. Sed quidquid de hoc sit, illud omnino certum est, quòd prædicti Caph-

Capthorim siue Cappadoces, quos de Chasluim exisse diximus, olim expulerunt Heuæos, qui habitabant in Haferim vsque Gazan, vt clarè habemus Deuter. cap. 2. vers. 23. & B. Hieronymus in lib. de Locis Hebraicis, agens de Gaza vrbe Philisthinorum, ait: *Gaza olim ciuitas Heuæorum, in qua habitauere Cappadoces, pristinis cultoribus interfectis.* Quod certè fieri potuit, quando, vt diximus, ipsi Cappadoces de prædicta insula, tamquam pro ipsorum habitatione nimis angusta, discesserunt. Et hoc oportet olim valdè accidisse: nam Abraham Moysiꝑ temporibus, prædicta terra iam ad Philisthæos erat deuoluta, vt inferius apparebit. Quare perspicuum fit, quod supra num. 30. dicebamus, scilicet de Chasluim exisse Capthorim, & postea de Capthorim Philisthæos; ita vt fortè iidem fuerint Capthorim & Philisthæi, sicuti Israëlitzæ & Iudæi, quos certum est ex eadem stirpe prodisse.

33. Sanè, vt de ipsis quoque Philisthæis hîc aliquid dicamus, scire oportet, eos priùs Philisthiim, deinde Philisthæos, postea corrupto vocabulo Palæstinos fuisse appellatos: vnde Palæstina prouincia nomen accepit. Quamquam autem posterioribus temporibus, Palæstina vocabulum signare consueuerit totam terram Chanaan, seu Chananaeam olim dictam, quæ nunc Terra sancta appellatur: antiquitus tamen quamdam tantummodò ipsius partem complectebatur, quam paulò post propriis terminis circumscribemus. Porro Philisthiim exisse de Capthor, seu de prædicta Cappadociæ insula (quæcumque illa fuerit) manifestum est, non solum ex citato Ieremiæ textu, vbi apertè dicit, Palæstinos esse reliquias insulæ Cappadociæ; verum etiam ex Prophetiæ Amos cap. 9. vers. 7. vbi legimus: *Nymquid non Israël ascendere feci de terra Aegypti, & Palæstinos de Cappadocia, & Syros de Cyrene?* Habitabant autem Palæstini non solum illam terram, quam diximus à Capthorim antiquitus ablata fuisse Heuæis; sed etiam totum illum maritimum Chananaeam tractum, qui extenditur à fluuio Aegypti vsque ad terminos Accaron contra Aquilonem, vt dicitur Iosue cap. 13. vers. 3. & habet ab Occasu mare Mediterraneum; ab Oriente verò & Aquilone, reliquos Chananaeorum populos; & à Meridie, memoratum fluuium, qui aliquando appellatur fluuius Aegypti, eò quod fecerneret Aegyptum à terra Chanaan: aliquando dicitur fluuius turbidus, qui irrigat Aegyptum, vt loco Iosue proximè adducto. Aliter item nuncupatur iste fluuius Rinocolura, quemadmodum etiam vicina regio, quæ ad Aegyptum pertinebat, & dicebatur Regio Rinocolutarum, vt tradit S. Epiphanius in suo Ancorato, & idem videtur sensisse S. Augustinus lib. 16. de Ciuit. cap. 24. in fine, vbi exponens illa verba Genes. cap. 15. vers. 18. *A fluuio Aegypti*, &c. ait: *Non ergo à flumine magno Aegypti, hoc est, Nilo; sed à paruo, quod diuidit inter Aegyptum & Palæstinam, vbi est ciuitas Rinocolura*, sic ille. De hoc etiam fluuio putant aliqui mentionem fieri Genes. cap. 26. vers. 17. sub nomine torrentis Geraræ, eò quod esset vicinus vrbi seu regioni Geraræ, vbi Abraham, & deinde etiam Isaac, foderunt puteos, quos Philisthiim inuidia stimulari obstruxerunt, & pro eis iurgati sunt cum pastoribus Isaac; & demum composita pace ibidem impositum est loco illi nomen Bersabee; in quo postea loco vrbs eiusdem nominis ædificata fuit, quæ erat vltima terræ Chanaan versus Aegyptum. siquidem 3. Reg. cap. 4. vers. 25. termini longitudinis terræ Israël ab Aquilone ad Meridiem, dicuntur fuisse à Dan vsque Bersabee. Sed quòd inter se differant torrentes Aegypti à torrente Geraræ, colligi poterit ex his, quæ nos sub anno mundi 2118. n. 14. dicemus. Erat autem prædicta Palæstinorum regio in quinque prouincias distincta, vt loco Iosue citato describitur; quarum prouinciarum capita, & veluti Metropoles, erant, Gaza, cuius populi Gazæi dicebantur: Ascalon, vnde Ascalonitæ: Geth, ex qua Gethæi: Accaron & Azotus, ex quibus Accaronitæ & Azotij: quo factum est, vt in restitutione Arce, post septem menses ex quo manserat in regione Philisthinorum, propter plagas maximas quas illi populi perpassi erant, de consilio suorum sacerdotum exoluerunt Domino quinque anos aureos, & quinque mures aureos, iuxta numerum prouinciarum Philisthinorum; quia plaga vna fuerat omnibus ipsis, & Sarapis suis, vt latè describitur 1. Reg. cap. 6. Sanè isti quinque populi Philisthinorum, licet numquam plene subiecti fuerint filiis Israël, nisi temporibus Davidis; priùs tamen etiam temporibus Iosue quoquomodò subacti fuerant, & iam terra ipsorum obtigerat tribui Iudæ, vt colligi potest Iosue cap. 15. vers. 45. non quia Philisthiim essent de stirpe Chanaan (diximus enim eos descendisse de Mesraim) sed quia, vt dictum est, ipsi Philisthiim habitabant terram, quæ aliàs fuerat Heuæorum, qui erant Chananaei, & quorum terra promissa & assignata fuerat à Domino filiis Israël in possessionem.

34. Transeamus ad alios filios Cham. Post Mesraim sequitur Phuth, de cuius po-

PHILISTHIIM
SIUE PHILISTHÆI,
QUI ET PALÆSTINI.

PALÆSTINORVM
TERMINI.

DE FLUVIO
ÆGYPTI.

DE PALÆSTINORVM
REGIONE
IN QVINQUE
PROVINCIAS
DISTINCTA.
GAZÆI
ASCALONITÆ.
GETHÆI.
ACCARONITÆ.
AZOTIJ.
PHILISTHINORVM
TERRA
CVR DATA
ISRAELI.

DEPHVTHIS
SEV PHV-
THÆIS VEL
PHVTENSI-
BVS.MAVRITA-
NIA.

LIBYA.

CVR DE
POSTERIS
PHVTH NE
MONOMI-
NATVS.DE CHANA-
NAIS.

SIDONIT.

TYRIT.

HETHÆI.

steritate, nulla fit mentio Genes. cap. 10. non quia nullos habuerit successores, neque quia eius progenies fortè obscurior fuerit, aut citò finem habuerit; vt quidam suspicati sunt: quandoquidem iam dictum est, omnes ibidem recensitos numerosas admodum habuisse familias, quæ nomen gentium meruerunt; & ipsos tantum, tamquam ipsarum principes, fuisse commemoratos. Et credibile est, ipsum Phuth cum vniuersa familia sua primò partem illius prouinciæ, quæ postmodum Libya dicta est, incoluisse; deinde etiam Occidentem versus aliam, quæ nunc Mauritania, appellatur: nam Ierem. cap. 46. vers. 9. & Ezechiel. cap. 27. vers. 10. & cap. 30. vers. 5. vbi Hebraicè habetur Phuth, Latinus Interpretes vertit Libyam seu Libyes, & Iosephus ac B. Hieronymus aiunt, ipsum Phuth Libyæ dedisse colonos, & Libyes prius Phuthos, seu Phuthæos fuisse appellatos; mutatum autem postea fuisse illi regioni nomen, ab vno filiorum Mesraim, qui vocabatur Libs: vnde vocabulum Libyæ nunc deductum fuit, quo quandoque tota quæ nunc Africa dicitur, nuncupabatur, sed deinde mutato vniuersali magnæ illius regionis nomine in Africam, antiquum Libyæ vocabulum in vna tantum climatis parte resedit. Addunt præterea citati Auctores, quòd etiam in Mauritania vsque ad ipsorum tempora extabat flumen nomine Phuth, & tota illa regio Phutensis dicebatur, idque multorum tum Græcorum tum Latinorum Scriptorum testimonio comprobant. Ex quo fit consequens, progeniem Phuth neque obscuriorem fuisse, nec citò desuisse. Quare ratio, cur nullus de posteris Phuth in prædicto cap. Genes. 10. fuerit commemoratus, est, quia tota eius progenies vnā tantum linguam constituit, cuius caput fuit ipse Phuth: non autem plures, sicut aliæ ceterorum filiorum Cham.

35. Quarto ac postremo loco inter filios Cham ponitur Chanaan, cui ob paternam impietatem maledixit Noë, & seruitutem, qua eius posterì à filiis Sem & Iapheth premi debebant, longè antè prædixit. Iste Chanaan plures filios habuit, quorum præcipui, numero vndecim, Genes. cap. 10. vers. 15. & 1. Paralip. cap. 1. vers. 13. & alibi sæpius in sacris Scripturis nominantur; qui singuli singularum gentium ac linguarum principes fuerunt: nempe Sidon, Hethæus, Iebusæus, Amorrhæus, Gergesæus, Heuæus, Aracæus, Sinæus, Aradius, Samaræus, & Amathæus. Per hos (inquit Scriptura) disseminati sunt populi Chananæorum; quod contigisse oportet, posteaquam illam Chananæorum regionem, quæ in diuisione Orbis à Noë olim facta filiis Sem obtegerat, avarus Chanaan iam occupauerat, si vera est S. Epiphaniij opinio, & antiqua illa Syrorum traditio, cuius mentionem fecimus sub anno mundi 930. num. 4. & an. 1909. num. 2. Porro ex Sidone primogenito ipsius Chanaan, originem duxerunt Sidonij populi in Phœnicia, & Sidon vrbs maritima, & valdè celebris, non solum apud Ethnicos Scriptores, sed etiam in Sacris libris, præsertim Iosue cap. 11. vers. 8. & cap. 19. vers. 28. vbi appellatur magna, fortassis respectu omnium aliarum quæ in dictis capitibus memorantur. In eodem tractu maritimo, Palæstinam versus, erat quoque Tyrus vrbs munitissima & inclita, quæ etiam ab ipsis Sidonijs prodiisse credi potest, si ad litteram accipiamus illud Isaïæ cap. 23. vers. 12. vbi vocat Tyrum filiam Sidonis. Ex hisce populis, nimirum Tyriis ac Sidonijs, qui nunquam à filiis Israël subiugari potuerunt, exiit mulier illa, cuius filiam à dæmonio vexatam liberauit Christus, quando secessit in partes Tyri & Sidonis, vt legimus capite 15. versic. 22. & idcirco eam Matthæus vocat Chananæam, quia erat de stirpe Chanaan per lineam Sidonis: Marcus verò cap. 7. vers. 16. dicit, eam fuisse Syrophœnissam genere, quoniam illam et regio postea à Græcis Phœnicia, & ob Syriæ viciniam, Syrophœnicia dicta est.

36. Ex Hethæo, qui secundum locum tenet inter filios Chanaan, Hethæi populi prodierunt, qui in terra Chanaan ad Austrum habitabant, vbi erant Hebron & Bersabee, & aliæ finitimæ ciuitates, non longè à Philisthæis. Nam quòd Bersabee esset in confinio Geraræ, quæ fuit terra Philisthinorum, colligitur Genes. cap. 26. vbi describitur historia Isaac, qui premente fame perrexit ad Abimelech Regem Palæstinorum in Geraris, & paulò post, ob dissidium puteorum causa cum Palæstinis, profectus est in Bersabee, quòd veniens Abimelech, inierunt fœdus; & non multò post, Esau duxit duas vxores Hethæas, quæ ambæ offenderant animum Isaac & Rebecca, de quibus etiam in fine capituli sequentis dixit Rebecca ad Isaac: *Tedet me vita mea propter filias Heth; si acceperit Iacob uxorem de stirpe huius terre, nolo viuere*. Ex quibus locis apparet, quòd vrbs Bersabee erat in terra Hethæorum. Quòd Hebron quoque, vbi mortua & sepulta est Rebecca, esset in medio filiorum Heth, patet legentibus totum caput 23. Genes. vbi describitur alia historia agri & speluncæ duplicis, quam emit Abraham

ham ab Ephron Hethæo, præsentibus filiis Heth. Porro Hebron olim dicebatur ciuitas Arbee, vt in citati capitis initio; siue Cariath Arbæ, Iudicum. cap. 1. vers. 10. id est, ciuitas Arbæ. fuit autem Arbe pater Enach, Iosue. cap. 15. vers. 14. de cuius stirpe erant gigantes habitantes in Hebron, quorum nomina commemorantur Numer. c. 13. vers. 23. & eorum monstruosa statura describitur in fine eiusdem capitis. Notatur quoque in eodem capite, quod Hebron septem annis ante Tanim Ægypti urbem condita fuerat; vnde patet, ipsam fuisse antiquissimam, & Hethæos viros valde admodum fortes & bellicosos extitisse; vt propterea mirum non sit, si de his superandis maximè diffidebant Israëlita, audientes ab exploratoribus eorum proceritatem & vires. Sed & temporibus Ioram filij Achab Regis Israël, adeo tremendum erat nomen Hethæorum apud Syros, in quorum confinio tunc fortè, iam pridem de terra Chanaan eiectioni, habitabant, vt iidem Syri Samariam obsidentes, quadam die veriti ne Rex Israël conduceret contra se Hethæos, statim soluta obsidione turpiter aufugerint, vt legimus 4. Reg. cap. 7. vers. 6.

37. De Iebusæo orti sunt Iebusæi; quorum virtus in bello inde dignosci potest, quod numquam de Iebus, in qua habitabant, à filiis Israël omnino eiici potuerunt (vt dicitur Iosue. cap. 15. in fine, & Iudic. cap. 1. vers. 21.) nisi post multa tempora, nimirum temporibus Dauidis, vt videre est 2. Reg. cap. 5. vers. 7. & 1. Paralipom. cap. 11. versic. 4. Sed neque tunc prorsus expelli de terra Israël valuerunt; siquidem legimus 3. Reg. c. 9. vers. 20. & 2. Paralip. cap. 8. vers. 7. quod ipsorum, & aliorum Chananæorum reliquias quæ remanebant, Salomon subiugauit, ac sibi tributarias fecit. Quin etiam extabant quoque eorumdem populorum reliquæ inter Iudæos Estdæ temporibus, vt apparet 1. Estdæ cap. 9. vers. 1. Porro à temporibus Iosue vsque ad Dauidem, certum est, quod Iebusæi magna ex parte habitabant in Iebus, quæ postea dicta est Ierusalem, vt apertè colligitur Iosue. cap. 18. vers. 28. & Iudic. cap. 19. vers. 10. & 1. Paralipom. cap. 11. vers. 4. Verum posteaquam inde à Dauid pulsi sunt, quoniam sese receperint, incertum habeo. Ceterum, si vera esset illa Hebræorum traditio, de qua infra sub anno mundi 2156. num. 1. & 2. disseremus, de Sem, quod ipse esset Melchisedech, qui temporibus Abrahæ regnabat in Salem, quæ teste B. Hieronymo creditur fuisse Ierusalem: oporteret concedere, ipsam Ierusalem, quæ prius vocabatur Salem, ab ipso Sem donec vixit pacificè fuisse possessam, & post eius obitum à Iebusæis, qui ab ea non procul habitabant, esse occupatam, Iebusq; ex ipsorum nomine nuncupatam; denique ab Hebræis captam, iterum mutato nomine Ierusalem fuisse appellatam.

IERVSALI.

IERVSALEM
OLIM SA-
LEM ET IE-
BUS DICTA.

38. Sequitur Amorrhæus, de quo egressi sunt populi Amorrhæorum, quorum præcipua pars viuente Moyse trans Iordanem habitabat, à torrente Amnon vsque ad montem Hermon, Deuteronom. cap. 3. vers. 8. habebantque duos insignes Reges: nomen vni Schon, qui regnabat in Hesèbon, tuleratque omnem terram Moabitum vsque ad torrentem Amnon, & idcirco Arnus postea erat terminus diuidens Moabitas ab Amorrhæis. nomen alteri Og, qui regnabat in Basan. Hos negantes sibi transitum, contriuit ipsemet Moyse, vt describitur Numer. cap. 21. vers. 21. & Deuteronom. cap. 2. vers. 26. & Iudic. cap. 11. vers. 19. distribuitque vrbes eorum tribubus Ruben & Gad, & dimidia tribui Manasse, vt habemus Num. cap. 32. vers. 33. & Iosue. cap. 22. Aliquos etiam Amorrhæorum habitasse iuxta Cadesbarne, patet Deuter. cap. 1. vers. 19. vbi legimus: *Cumq; venissemus in Cadesbarne, dixi vobis: Venistis ad montem Amorrhæi, quem Dominus Deus noster daturus est vobis.* quosdam item in Asafonthamar prope Amalecitas, Genes. cap. 14. vers. 7. & alios quoque in Conualle Mambre, cum quibus olim Abraham pepigerat fœdus, vt ibidem legimus vers. 13. Quare videntur Amorrhæi per Chananæa regiones admodum fuisse dispersi; nisi fortè Amorrhæorum appellatione (propter insignem eorumdem potentiam & prauitatem, vel etiam quia primi ab Hebræis subacti sunt) interdum intelligere velimus vniuersaliter cunctos Chananæorum populos, terras Israëlitis promissas occupantes; quemadmodum significari videtur Amos cap. 2. vers. 10. *Ego sum qui ascendere vos feci de Terra Ægypti, & duxi vos in deserto quadraginta annis, vt possideretis Terram Amorrhæi.* & Genes. cap. 15. vers. 16. illis verbis: *Necdum enim completæ sunt iniquitates Amorrhæorum.* Quamuis vel ex illa Iudaicæ prauitatis exaggeratione, quæ habetur apud Ezech. cap. 16. vers. 3. illis verbis: *Pater tuus Amorrhæus, & mater tua Cethæa.* quæ pariter ibidem replicantur vers. 45. satis apertè indicetur, ipsos Amorrhæos fuisse inter ceteras illas nationes improbißimos. Ex eadem quoque gente extitisse gigantes fortissimos, constat ex Deuter. cap. 3. vers. 13. vbi dicitur, quod cuncta Basan, quam incolebant Amorrhæi, vocatur Terra gigantum; & su-

AMOR-
RHÆI.

prà versic. 11. legimus, quòd monstrabatur lectus ferreus Og Regis Basan, longitudinis nouem cubitorum, & quattuor latitudinis, ad mensuram virilis cubiti. & Amos cap. 2. vers. 9. legimus: *Ego autem exterminavi Amorrhæum à facie eorum, cuius altitudo, cedrorum altitudo eius, & fortis ipse quasi quercus.*

GERGESÆI 39. De Gergesæo; certum est exisse populos ab eodem denominatos Gergesæos; quos cōstat habitasse in terra Chanaan Israëlitis promissa: nam in Scripturis sacris, vbi cumque fit mentio de illis gentibus, quas Dominus expellere, & eorum terras dare Israëlitis repromittit, ferè semper etiam memorantur Gergesæi. Posset hîc forsitan aliquis suspicari, cum Gergesæis eisdem esse, vel ab ipsis fuisse propagatos populos illos, qui Gessuri & Gerzi dicuntur 1. Reg. cap. 27. vers. 8. & ibidem perhibentur habitasse iuxta Amalecitas, in terra antiquitus, euntibus Sur vsque ad terram Ægypti: vel etiam populos illos, qui Geraseni in Euangelio appellantur, quorum mentionem faciunt sancti Mathæus cap. 8. vers. 28. Marc. cap. 5. vers. 1. & Luc. cap. 8. vers. 26. Et quidem, si Gergesæi habitassent vel trans mare Galilææ, vel prope Amalecitas versus Ægyptum, posset quis probabiliter tum ex nominis similitudine; tum etiam ex habitationis loco, colligere eos fuisse eiusdem generis. Verùm quia vbinam Gergesæi, seu in quânam terrâ Chanaan parte habitauerint, Scriptura sacra non exprimit; & proinde datur intelligi, eos mixtim cum ceteris illis gentibus inhabitasse: propterea incertum quoque remanet, an Gergesæi iidem fuerint cum prænominatis populis, vel ab ipsis illi prodierint. Quin potius (saltem de Gessuritis) quòd non fuerint de genere Chananæorum, colligi potest ex 2. Reg. cap. 3. v. 3. vbi apparet, Dauidem duxisse in vxorem Maacha filiam Tholmai Regis Gessur, ac de ipsâ genuisse Absalom; quod vtique credendum est ipsum facturum non fuisse, si Gessuritæ fuissent Chananæi, quandoquidem Deuter. cap. 7. vers. 3. vetitum erat Israëlitis, connubia contrahere cum Chananæis. Probabilius ergo est, ipsos Gessuritas, & similiter Gersitas, & fortè etiam Gerasenos, de aliis gentibus fuisse progenitos.

HEUÆI. 40. Ab Heuæo, qui in ordine sextus est, constat prodiisse Heuæos; quos suprâ numer. 32. diximus habitasse olim in Haferim vsque ad Gazan; sed postea inde eiecitos fuisse à Caphtorim, qui Latine Cappadoces dicuntur; quibus postmodum Philisthiim successerunt. Itaque Heuæi de propriis pulsi sedibus, alias Chananææ regiones, vel illis finitimas inhabitare coacti sunt. Et quidem ipsorum plurimos in Gababn habitasse, patet Iosue cap. 11. vers. 19. maiorem verò ipsorum partem consedisse ad radices montis Hermon, in terra Maspha, habemus vers. 3. citati capitis. & Iudic. cap. 3. vers. 3. legimus, quòd Chananæi, Sidonij, & Heuæi habitabant in monte Libano, de monte Baal Hermon vsque ad introitum Emath. & ex Iosue cap. 11. vers. 8. colligi potest, campum Masphe non procul exstitisse à Sidone, & ab aquis Maserephoth, & consequenter valdè remotum ab Ierusalem. Quare oportet hanc Maspha, esse valdè diuersam ab ea, in qua congregari solebant Israëlita Samuelis temporibus coram Domino, vt nos sub anno mundi 2974. num. 6. fusiùs ostendemus.

ARACÆI. 41. Remanent alij quinque de filiis Chanaan, nempe Aracæus, Sinæus, Aradius, Samaræus, & Amathæus; de quibus, quemadmodum certum est exisse singulos populos ab vnoquoque ipsorum denominatos, ita de singulis locis, vbi habitauerint, non satis claram ex Sacris libris haberi notitiam. Nam de Aracæis, quod sciam, Scriptura sacra non meminit: Iosephus & B. Hieronymus, ab ipsis conditam fuisse aiunt urbem, nomine Arachas, ad radicem Libani, contra Tripolim, quam Brocardus parte 1. cap. 2. §. 15. vocat Castrum Archas. Ex Sinæo, Sinæi populi prodiisse creduntur, & incoluisse loca monti Sinai proxima, siue in deserto Sina existentia. Fieri etiam potest, vt aliqui ipsorum condiderint atque inhabitauerint urbem illam, quam B. Hieronymus dicit exstitisse haud procul ab oppido Archas, nomine Sin; quæ postea, inquit, *vario bellorum euentu subuersa, nomen tantum loco pristinum seruauit.* Hanc Brocardus vbi suprâ, §. 16. appellat Sinon, siue Sinochin; & dicit distare media leuca à Castro Archas. De Aradio, Aradij; qui quamdam insulam Phœniciæ litt. ribus proximam incoluisse perhibentur, ex eorum nomine, Aradum nuncupatam. Horum mentionem facit Ezechiel cap. 27. vers. 8. innuens Tyriis fuisse finitimos. & Strabo lib. 16. inter Phœniciæ insulas ponit Tyrum & Aradum. & Brocardus vbi suprâ, §. 17. ait, in memorata Aradum insula, quæ media leuca distat à continenti, olim fuisse ciuitatem electam, eiusdem nominis; quæ etiam suo tempore exstabat, licet imminuta. In litore autem maris, ante dictam insulam, octo leucis vltra Arachas & Sinochin, ponit Anteradum, sic dictum quasi Ante Aradium. De Samaræo, Samaritani; à quibus primum Samaria vrbs condita

dità & denominata fuit, & regio Samaritana dici cœpit. Creditur autem antiqua hæc vrbs Samaria fuisse illa, quæ postea Iosue temporibus dicebatur Semeron; cuius Rex venerat cum aliis ad pugnandum contra ipsum Iosue, vt cap. eius 11. vers. 1. legimus; & cap. 12. vers. 20. connumeratur inter Reges terræ Chanaan, ab ipso Iosue percussos; & eius ciuitas deinde cecidit in sortem Zabulon, vt videre est in eiusdem libri cap. 19. vers. 15. Vnde (quemadmodum etiam probat Abulensis super 3. Reg. cap. 13. quæst. 40. & cap. 16. quæst. 15.) patet, antiquam Samariam fuisse valde diuersam ab ea, quam postea Amri sextus Israëlitis Rex ædificauit in quodam monte, à Somer coëmpto, vt traditur 3. Reg. cap. 16. vers. 24. & nos sub anno mundi 3112. num. 1. dicemus. Quòd si quis diceret, etiam longè ante prædictum Regem extitisse regionem Samaria nuncupatam, vt videtur posse colligi ex 3. Reg. cap. 13. vers. 32. vbi, temporibus Ieroboam primi Regis Israël, memorantur vrbes Samaria; & 4. Reg. cap. 23. vers. 18. fit mentio ossium cuiusdam Prophetæ, qui regnante ipso Ieroboam venerat de Samaria. Ad hoc responderi posset, Auctorem dictorum librorum fuisse multò posteriorem dicto Rege Amri, & fortè locis citatis posuisse Samariam, clarioris doctrinæ gratia: quia quando ipse eandem scribebat historiam, iam illa vrbs & regio ei adiacens, communiter ab omnibus Samaria nuncupabatur. Ex Amathæo, Amathæi populi; qui duas vrbes ex-
AMATHAEI
struxisse, ac de nomine suo nuncupasse feruntur: quarum altera Amath, siue Emath, absolute dicebatur, eratque in confinio Israëlitarum ab Aquilone posita; cuius non semel meminit Scriptura sacra, sub occasione cuiusdam vallis seu viæ transeuntis per montem Libani, ac ducentis ad ipsam, quæ propterea dicebatur Introitus Emath. Altera vocabatur Emath rabba, id est magna, quia priori longè maior erat. Primam putat beatus Hieronymus postea appellatam fuisse Epiphaniam, Antiochiam alteram. Et hæc dicta sint de filiis Chanaan, & gentibus ab eisdem deriuatis; quorum maior pars disseminata est in terra Chanaan, à Sidone Gerarim vsque Gazam, donec ingrediaris Sodomam, & Gomorrhiam, & Adamam, & Seboim, vsque Lefsa, Genes. cap. 10. vers. 19. Quibus paucis
DESCRIPTIO
TERMINO-
RYM TOTIUS
TERRAE
CHANAAN.
verbis breuiter & subobscurè describuntur quattuor termini laterales totius terræ Chanaan, quæ postea promissa est Israëliti. Nam latus Occidentale, à Sidone, quæ posita erat veluti in angulo contactus lineæ Aquilonaris & Occidentæ, protendebatur secus littora Mediterranei maris, vsque ad locum, vbi torrens Geraræ intrabat in mare: ibi enim erat alter angulus, inter Occidentem ac Meridiem positus. Meridianum verò latus, à prædicto torrentis loco excurrerebat ad Gazam; & inde, vt arbitror, ad Bersabee, quæ loco Genes. citato reticetur; ac demum terminabatur in Sodoma: ipsa enim iacebat in tertio angulo copulante prædictum latus Meridianum cum Orientali, qui deinde à Sodoma per Gomorrhiam, Adamam, & Seboim transiens, perueniebat vsque Lefsa, quæ & Lais, & postea Dan dicta est; vbi erat quartus angulus, coniungens Orientale latus cum Aquilonari, quod inde redibat ad Sidonem. Et in hoc eodem Aquilonari latere erat ille Introitus Emath, cuius paulò antè meminimus, & de quo fit mentio 3. Reg. cap. 8. vers. 65. illis verbis: *Ab introitu Emath, vsque ad Riuum Aegypti.* quæ erat longitudo totius terræ Chanaan, ab Aquilone ad Meridiem ducta. Et hanc eandem longitudinem ipsa Scriptura in eiusdem lib. cap. 4. vers. 25. aliis terminis metiebat, nempe, à Dan vsque Bersabee. Hanc Chananæ longitudinem si quis scire cupit quantafuerit, consulat B. Hieronymum, qui in Epistola ad Dardanum, quæ in ordine ad alias, est 129. ait, quòd vix centum sexaginta millia passuum spatio tendebatur. Plinius verò lib. 5. cap. 13. à confinio Arabiæ vsque Phœnicem, ponit centum octoginta nouem millia passuum. Latitudo autem erat varia: nam alicubi, puta à Sidone ad Lefsa, Maius super Iosue cap. 19. ponit triginta quinque circiter millia; alibi verò, nempe à Ioppe vsque ad Bethleem, B. Hieronymus vbi suprà, numerat millia quadraginta sex. In quibusdam autem aliis locis puto multò plura inueniri.

42. Sed quoniam terra Chanaan postea Israëlitis à Deo promissa fuit in possessionem, exterminatis prius habitatoribus eius; Quæret fortasse aliquis, num omnes & fossi vndecim populi superius commemorati, vi diuinæ promissionis erant disperdendi. Ad quod respondendum videtur negatiuè: nimirum, neque omnes, neque solos quos recensuimus vndecim populos, fuisse Israëlitis à Deo traditos in direptionem & exterminium: quandoquidem certum est, Sidonios Tyriosque numquam ab ipsis fuisse subactos, & vsque ad tempora Saluatoris proprias vrbes retinuisse. De Aracais quoque, & Aradiis, & Amathæis, non apparet in Sacris libris, quòd vmquam de sedibus suis ab Israëlitis populo pulsati fuerint. contrà verò constat, Philisthæos, qui de Chanaan non descenderant, sed de Mesraim, vt suprà num. 31. dictum est, nihilominus ab Israëlitis fuisse ex-

QUI POPULI
PROPTER
ISRAELITAS
ESSENT EX-
TERMINANDI.

CHANA-
NAEAE ION
GITYDO ET
LATITUDO.

se exterminatos; quia possidebant terram olim ab Heuæis ablatam. Præterea Genes. cap. 15. vers. 20. ubi Deus promittit dare terram Chanaan posteris Abrahæ, licet in editione LXX. Interpretum, undecim populi eisdem tradendi numerentur, in Vulgata tamen decem tantummodò inueniuntur; nimirum Cinæi, Cenezæi, Cedmonæi, Hethæi, Pherezæi, Raphaim, Amorrhæi, Chananæi, Gergezæi, & Iebusæi, omis. Heuæis, qui in LXX. Interpretibus adduntur. Et in vtraque Editione neque omnes, neque soli connumerantur ij, quos suprà de Chanaan descendisse commemorauimus: siquidem prætermittuntur Sidonij, Aracæi, Aradij, Samaritæ, ac Amathæi, & insuper in Vulgata etiam Heuæi: adduntur verò alij, qui ab his diuersi admodum videntur, nempe, Chananæi, Pherezæi, Cenezæi, Cedmonæi, & Raphaim. Deniq; Deuteronom. cap. 7. vers. 1. & Iosue cap. 3. vers. 10. & cap. vlt. vers. 21. septem tantum gentes numentur ab Israëlitis delendæ; nimirum Hethæi, Gergezæi, Amorrhæi, Chananæi, Pherezæi, Heuæi, & Iebusæi, quod etiam confirmat S. Lucas Actorum cap. 13. vers. 19. dicens: *Et destruens gentes septem in terra Chanaan, sorte distribuit eis terram eorum.* Quamquam alibi Scriptura, nempe Exodi cap. 3. vers. 8. & cap. 33. vers. 2. & cap. 34. vers. 11. & Iosue cap. 9. vers. 1. & cap. 11. ver. 3. omis. Gergezæis, reliquas tantummodò sex gentes recenset: & similiter 2. Esdr. cap. 9. vers. 8. ubi, licet connumerentur Gergezæi, omittuntur tamen Heuæi. Quid igitur in tanta Textuum varietate dicendum est, quanam, & quot fuerint gentes à Deo Judæis in direptionem traditæ? Respondeo, vel reuerà temporibus Moy. & Iosue, ad septem illas fuisse redactas, quæ ex Deuter. c. 7. & Iosue locis suprà adductis recensuimus: vel si fuerunt plures, certè illas septem fuisse magis insignes, & inter has, adhuc sex aut quinque fuisse ceteris insigniores: vel fortè dicuntur septem, quatenus iste numerus septenarius interdum pro quadam vniuersalitate usurpari solet, & complectitur omnes populos, quotquot fuerint, qui terram Chanaan incoluerunt; qui quidem quoniam aliquando undecim, aliquando decem, quinque, septem, aut sex, pro temporum varietate, extitisse creduntur; propterea potuit Scriptura, habito respectu ad varia tempora, ipsorum numerum variare.

43. Sed adhuc remanet dubitatio; videlicet, quinam fuerint hi populi qui diuersi videntur ab illis undecim, quos suprà ex Genes. cap. 10. commemorauimus; nimirum Chananæi, Pherezæi, Cenezæi, Cedmonæi, & Raphaim, & quomodo ad posteros Chanaan pertinuisse videantur. Ad hoc dicimus, quòd qui Chananæi speciatim nuncupantur, & ab aliis Chananæorum populis hoc speciali nomine distinguuntur, (vt arbitror) non ab vllò memoratorum undecim filiorum Chanaan, qui singuli variarum linguarum principes erant, descenderunt; sed ab aliis innominatis, qui propriam ac particularem familiam ac linguam ipsius Chanaan faciebant; ideoque non ab alio principe, quàm ab ipso Chanaan denominari voluerunt. diximus enim, quòd omnes filij ac nepotes Cham, Sem, & Iapheth, in cap. Genes. 10. recensiti, habuerunt singuli linguas ac familias proprias à se denominatas: vnde necesse est idem sentire de ipso Chanaan, & consequenter, quòd aliquis populus ab ipso particulariter ac propriè dictus sit Chananæus. Pherezæos autem quidam putant à Samaritis prodisse, quoniam cõstat, ipsos in locis Samariæ proximis habitasse, nimirum inter Bethel & Hai, Genes. cap. 13. vers. 4. & 7. & prope Sichem, Genes. cap. 34. vers. 30. & iuxta montem Ephraim, Iosue cap. 17. vers. 15. & in Iericho, Iosue cap. 24. vers. 11. & in Bezech, Iudicum cap. 1. vers. 4. & 5. hæc autem loca non procul à Samaria distasse creduntur. Verumtamen hæc ratio non admodum firma est; quoniam scimus diuersos populos in terra Chanaan mixtim non solum in vna prouincia, sed etiam in vna eademque ciuitate habitasse, vt manifestè colligitur Iosue cap. vlt. ver. 11. ubi sic legimus: *Transistis, Jordanem, & venistis ad Iericho; pugnaueruntque contra vos viri ciuitatis eius, Amorrhæus, & Pherezæus, & Chananæus, & Hethæus, & Gergezæus, & Heuæus, & Iebusæus; & tradidi illos in manus vestras.* Illud verò certum puto, ipsos Pherezæos (si non à Samaritis descenderunt) vel ab aliqua alia filiorum Chanaan gente propagatos esse; vel (si nihil ad posteros ipsius Chanaan pertinebant) certè, quia terram Hebræis promissam incolebant, meritò ab ea fuisse exterminatos, vt de Philisthæis dictum est. & idem videtur dicendum de Cenezæis, Cedmonæis, & Raphaim, qui ipsi fuerint. Quamquam, quia pro Raphaim sæpenumerò in Sacris libris accipi solent gigantes, & certum est, in aliquot Chananæorum populis, & specialiter inter Hethæos & Amorrhæos, vt suprà numer. 36. & 38. probatum est, extitisse gigantes: fortassis hoc loco, nomine Raphaim, non tam gens aliqua particularis, quàm singularis qualitas, nimirum eximia fortitudo quorundam inter illas gentes degentium, signari videatur. Ceterum, quia communis opinio

CHANA-
NÆI QUI
FVERINT.

PEREZÆI

CENEZÆI
CEDMONÆI
RAPHAIDIM

opinio est, Chanaanæorum populos, saltem plurimos, ob maledictionem quam olim Noë aduersus Chanaan ipforum parentem meritò protulerat, tandem subuersos à filiis Israël, & ab iisdem eorumdem terras vrbesque fuisse occupatas: pensare licet, paternæ illius maledictionis quanta & quàm grauis ac diuturna vis fuerit; quæ etiam post tam multa tempora, ac post tot tantasque generationes, tantam cladem impij illius successoribus inurere potuerit: & consequenter, quantopere vereri atque cauere debeant filij, ne malis operibus parentes ad se maledicendum prouocent. Et hæc dicta sufficiant de progenie Cham.

44. Veniamus nunc ad posteros Sem, cuius posteritas ex Vulgata editione hæc est: DE POSTERIS SEM.

Sem genuit	{	Ælam	Phaleg	{	Elmodad
		Assur			Saleph
		Arphaxad, qui			Aſarmoth
		Lud			Iare
			genuit Sale, qui ge-	Aduram	
			nuit Heber, qui	Vzal	
			genuit	Decla	
				Ebal	
		Aram, qui	{	Iectan, qui	
	genuit	{ Vs		genuit	
	Hul				
	Gether				
	Mes		Abimaël		
			Saba		
			Ophir		
			Heuila		
			Iobab		

omnes 26.

Posteritas eiusdem Sem, ex LXX. Interpretibus.

Sem genuit	{	Elam	{	Phaleg	{	Helmodad	
		Assur		Saleth			
		Arphaxad, qui ge-		Sarmoth			
		Lud		Iarach			
		nuit		Cainan, qui	Hodorra		
		genuit Sala, qui ge-		Æbel			
				nuit Heber, qui	Decla		
				genuit	Eual		
		Aram, qui		{	Iectan, qui	{	Abimaël
	genuit	Hus					Saba
	Cainan	Vl		Ophir			
		Gater		Euila			
		Mosoch		Iobab			

omnes 28.

omnes 28.

45. Itaque filij Sem, qui recensentur Genes. cap. 10. vers. 21. & 1. Paralipom. cap. 1. vers. 17. profecti de campo Sennaar ad Orientis Austriq̃ue plagas, ibidemque paulatim dilatati, partem Asiæ (vt aiunt Iosephus & B. Hieronymus) quæ est ab Euphrate ad Indicum Oceanum, tenuerunt. Verumenimuerò, quia Arias Montanus in libello quem inscripsit Phaleg, hoc est, De primis gentium sedibus, ponit, filios Sem etiam valde vltèrius processisse, nimirum ad noui quoque Orbis partes, quas Americæ appellant, putatque eas cum Asia maiori, (vt eius ibidem tabella ostendit) esse continuatas, & vsque ad Salomonis tempora fuisse notas, Ophirque nuncupatas, vnde aurum aduehi solebat: necessarium videtur, non solum memoratam Ariæ opinionem refutare, sed etiam hoc loco aliquid vniuersaliter tangere, de modo quo humanum genus, & alia item animalia, post exitum de Arca Noëtica, in omnes orbis partes disseminari potuerint. Sane quod attinet ad Ariam, puto ipsum hallucinari, Primò, quia, et si forte non adhuc vsquequaque exploratum sit, num Asiæ partes Orientales cum America copulenter, necne: si tamen magis probatis Geographorum tabulis credimus, apparet non esse coniunctas, sed freto Aniano distingui. Deinde, regiones illas Ophir Tharsisque nuncupatas, à quibus olim Salomon aurum aliisque pretiosa multa deferri curabat, non in noui Orbis, sed in Indiæ Orientalis regionibus extitisse, nos sub anno mundi 3043. num. 7. & 8. fusiùs ostendimus. Huc accedit, non videri verisimile, filios Iectan, Ophir scilicet & Iobab, sedes vsque adeò remotas sibi deligere potuisse, aut voluisse; cum præsertim tunc temporis non deessent innumeræ aliæ regiones, multò viciniore & commodiores: & ratio suadebat, vt priùs propinquiores prouincias incolerent, deinde paulatim &

OPINIO
ARIAE
MONTANI
REFELLITUR.
ASIA AB
AMERICA
SEIUNCTA.
OPHIR, ET
THARSIS
VBI ESSENT.

successiue ad remotiores pertransirent. Denique si in cunctas insigniores orbis terræ partes primæ illæ septuaginta duæ familiæ dispersiendæ erant, prout videtur arbitrari Arias; profectò oporteret aliquas ipsarum ex tunc, etiam ad nobis adhuc incognitas orbis terrarum plagas, nempe ad Arcticas Antarcticasque accessisse: quod ne ipse quidem Arias facile concederet; quippe qui cunctas Noëticas familias in tres tantummodò mundi partes magis notas distribuerit; nimirum in Europam, Africam, atque Asiam, cui vtramque Americam, Mexicanam scilicet & Peruuianam, coniunctam esse putauit: nec vllam prorsus ex memoratis familiis, in plagis Arcticis atque Antarcticis collocauit; quas tamen ab hominibus inhabitatas esse, præsertim Antarcticæ, ex Hispanorum nauigationibus planè constat. Quodd si ipsum Ariam centum vel amplius ab hinc retrò annis in humanis esse, & prædictum libellum conscribere contigisset, quando scilicet nulla prorsus noui Orbis cognitio habebatur, neque aliæ terrarum plagæ habitabiles, præter tunc communiter notas, existere seu reperiri posse credebantur: certè præfatas familias omnes inter illas dumtaxat regiones compartiri curasset, quemadmodum probè fecerant Iosephus, & B. Hieronymus, & alij.

MVNDI PAR
TES QVOMO-
DO ALICVBI
INTER SE
IUNCTAE
SINT, VEL
INVICEM
PROXIMAE.

46. Quid igitur dicemus de hisce regionibus, quæ tam diu ignotæ permanserunt, & demum non nisi ab anno Domini millesimo quadringentesimo nonagesimo secundo detegi cœperunt, ac quotidie deteguntur, atque hominibus refertæ inueniuntur: quomodo, post vniuersale Diluuium, homines, ex paruula dumtaxat illa Noëtica familia per Arcam in montibus Armeniæ à Deo mirabiliter præseruata, procreati, ad eas regiones incolendas deuenire potuerunt? Respondemus, diuinæ providentiæ dispensatione factum esse, vt primariæ terrarum plagæ, tametsi vt plurimum vastissimis disiunctæ maribus, alicubi tamen aliquo vel tenui isthmo copulatæ sint, vel exiguò freto inter se distinctæ. Videmus enim in vniuersalibus Orbis terrarum descriptionibus, Asiam cum Africa, isthmo, qui est inter mare Mediterraneum & Arabicum, coniungi; & duas illas latissimè patentes Americæ seu noui Orbis partes, quæ ad formam duarum pænisularum, altera ad Aquilonem, quæ Mexicana; altera ad Meridiem, quæ Peruuiana dicitur, extenduntur, alio pariter isthmo iunctas esse, inter Oceanum Occidentale, & illud, quod *del Sur* appellant, posito. Videmus item Africam ab Europa, circa Hispaniæ ac Mauritanæ fines, freto tantum Herculeo seu Gadirano seiungi: & eodem modo Europam ab Asia, Hellesponto, & duobus Bosphoris, Thraciæ scilicet & Cymmerio. Quamquam eadem Europa, supra pluludem Mæotidem, fluuiò dumtaxat Tanai ab Asia dirimitur; & in parte magis Boreali, inuicem Asia Europaque copulantur, isthmo satis amplo, qui à fontibus prædicti fluminis rectè ad Granicum, Aquilonaris Oceani sinum excurrit. Asia quoque à regionibus Arcticis ad nouam Zemblam modico freto secernitur; & ab America altero freto, nimirum Aniano dirimi creditur. America item Australis seu Peruuiana, ab Antarcticis regionibus certum est freto tantum Magellanico separari. Sunt etiam qui putant, Americam Aquilonarem vsque adeò sese ad Arcticum extendere Europam versus, vt ab ea ibidem breui tantum maris tractu disiuncta sit. Præterea certum est, aliquot maris insulas insigniores à continenti non admodum esse remotas; vt in Oriente Taprobana, quæ hodie Sumatra dicitur; & in Occidente Anglia, & Hibernia; & in Meridie Madagascar, quæ etiam Insula S. Laurentij nuncupatur; & aliæ alibi. Et insuper alicubi plures esse inter se adeò proximæ, vt ab vna ad alteram facilis sit transitus; & per ipsas successiue, veluti per quamdam scalam, ab vna regione ad alias, alioqui vastissimo mari separatas, satis commodè perueniri posse videatur. Huius rei duo præ ceteris insignia habemus exempla. Alterum in maris Ægæi archipelago, vbi tot tantæque insulæ sunt inuicem proximæ, vt per eas ab Europa ad Asiam, ibidem alioqui valde remotam paruis etiam nauiculis transiri possit. Alterum in Oceano Orientali, inter Asiam siue Indiam & regiones Antarcticæ, inter quas licet vastissimum mare medium sit, illud tamen innumeris penè insulis refertum est, inter quas sunt quæ Moluccæ dicuntur, & aliæ permultæ, non admodum ab inuicem remotæ; per quas ab aurea Cherfonneſo, quæ nunc Malaca vocatur, Orientem versus ad nouam Guineam, quæ vtrum insula sit, an continentis Antactici pars, adhuc incompertum est, & item ab eadem Malaca, magis versus Austrum ad Sumatram insulam, inde ad Iauan maiorem, mox ad minorem, vel citius rectè ad terram Beach, quæ inter Antarcticæ computatur, non magno negotio nauigari posse videtur. Quæ omnia, vt veluti ante oculos posita clarius perspicere queant, vniuersalem Orbis descriptionem in parua tabella hîc inferere visum est.

SITVS PARTIVM PRÆCIPVARVM TOTIVS ORBIS TERRARVM.



Ad quid, obsecro, ista regionum insularumque dispositio? certè non casu, sed mira Dei dispensatione facta est, nimirum, ut homines post Diluuium ab Armenia exeuntes, commodè aliquando possent à proximis ad remotissimas quasque prouincias paulatim & successiue disseminari, & tandem (quemadmodum ipse iusserat Dominus) habitatoribus replere omnem terram: non enim id imperasset, si non prius regiones omnes ita disposuisset, ut ab vna ad alteram, alicubi saltem, non incommodè pertransiri posse videretur.

QVOMODO
HOMINES
AD IGNO-
TAS NOVI
ORBIS PAR-
TES PRIMO
PERVENE-
RINT.

ANTARCTI-
CAE REGIO-
NES VASTIS-
SIMAE.

IGNOTAE
REGIONES
QVOMODO
CASU DETE-
CTAE.

47. Igitur, ut quaesito respondeamus, credimus filios Sem post multa tempora, cum sensim ad Orientem sese extendentes, plurimas in illis partibus Asiae regiones incoluissent, & quas nunc Chinae prouincias vocant, aliasque his finitimas habitatoribus repleuissent, à litoribus illis Orientalibus soluisse, ac ad Iaponias insulas, & si quæ ibi sunt, alias inter Asiam & Americam Aquilonarem inhabitandas, atque inde postmodum etiam in ipsam Americam penetrasse. Ad quam non solum posteri Sem, eo modo quo dictum est, sed etiam, & fortè facilius, posteri Iapheth peruenire potuerunt. Postquam enim per plagas Asiae Aquilonares, quas nunc Tartari incolunt, disseminati, tandem ad Orientales eiusdem Asiae fines, qui supra Chinam nonnihil flectunt ad Aquilonem, deueniunt; prope fretum Anian, quo, vt diximus, ipsa Asia ab America seungi perhibetur; proculdubio ab illis Asiae oris facile ad Americam transfretare potuerunt, & longè lateque patentes quæ illic sunt regiones, maxime ad ipsam Asiam respicientes, inhabitare; ac deinde succedentibus temporibus iungi cum posteris Sem, ad ea pariter loca magis Orientalia, ut dictum est, deuectis; ac simul cunctas oras maris, quod nunc appellant *del Sur*, sensim habitatoribus replere; donec tandem post multa sæcula ad fretum Magellanicum deuentum est: inde enim ad regiones quoque Antarcticæ non magno negotio transfretasse, admodum rationabile est. Porro quoniam Antarcticæ regiones vastissimæ esse creduntur, & iam aliquot in locis, in Oriente, Occidente, ac Meridie detegi cœperunt, nec vtrum continuæ sint, an pluribus maris sinibus ab inuicem segregatæ, adhuc exploratum habemus. Si quis percontetur, quinam de posteris Noë ad eas primò incolendas ventitauerint, & quo modo, dicimus, nihil aliud probabilius cogitare nos posse, nisi distinguendum esse de illarum partibus. Nam quod attinet ad partes nobis Occidentales, verisimile admodum puto, ut diximus, quòd hi qui de posteritate Sem & Iapheth ad Americam penetrarunt, post occupata ipsius Americae littora, secus mare quod dicitur *del Sur*, vsque ad fretum Magellanicum; mox illo transmissi, in Antarcticis quæ illic sunt regionibus diffusi ac dilatati fuerint. At in partes Orientales ad Austrum vergente, familiæ à Sem deductæ, quæ habitabant oras Oceani Indici, in quo, ut ostendunt Geographorum tabulæ, sunt insulæ non multum ab Asia neque inter se distantes, quas hodie vocant Paloham, Mindano, Borneo, Celebres, Giloho, & Maluche, à quibus deferuntur aromata; & aliæ penè innumerabiles. Per has (inquam) insulas, successiue, ut dictum est, videntur posteri Sem potuisse non multo labore ab India penetrare vsque ad nouam Guineam, quæ Antarctica est, & ad alias finitimas regiones. Sed & eadem familiæ Sem ab Indicis litoribus magis ad Austrum flectentibus, præsertim verò ab illa prouincia quam Malacam vocant, quæ in modum oblongæ cuiusdam peninsulæ in mari Indico valde admodum protenditur, ad Taprobanam insulam ei proximam; & inde ad Iauan maiorem, non multum à Taprobana distantem; ac demum ad Antarcticæ regiones à Iaua non valde admodum remotas, nimirum ad terram Beach, nauigare potuerunt. Ad illas autem Antarcticæ prouincias, quæ nobis omnino Australes esse videntur, & contra extremum Africae promontorium, quod Caput bonæ spei appellant, respiciunt, & licet adhuc bene cognitæ non sint, ab hominibus tamen habitatas esse certissimum est: ad has (inquam) conicere probabiliter possumus, primùm penetrasse posteros Cham, qui prædictum promontorium ceterasque Africae partes incoluisse dicuntur: hi enim à prædictis Antarcticis regionibus omnium minus remoti fuisse videntur, & consequenter ad eas potuisse commodiùs pertransire. Et hæc de ordinaria ac faciliiori hominum per cunctas orbis terras disseminatione sint dicta.

48. Nam præter hanc est etiam alia, extraordinaria illa quidem, & difficilior ac periculosior, sed tamen quæ frequentius ac pluribus in locis, quin etiam in omnibus ferè maris tractibus vsu venire potuit. Quamuis enim non sit credibile, ubi regiones vastissimo mari disiectæ sunt, quemquam olim dedita opera ab vna ad alteram nauigare ausum esse, præsertim antequam nauigandi ars vsum peritiamque haberet nauicæ pyxidis, & hydrographicæ tabellæ, sine quibus rectè nauigia dirigi posse non videntur,

dentur, vbi nihil aliud cernitur nisi pontus & aer; attamen certissimum est, contigisse multis, dum ad proximas ciuitates seu prouincias mercimonij gratia, siue alia de causa, secus litus maris (quemadmodum olim fieri solebat) nauigare putarent, vt derepentè, vi tempestatis, per vastissimos fluctus ad remotissimas tandem ipsisque incognitas insulas prouinciæve se translatos esse cognouerint. Non desunt antiqua huiuscemodi exempla ad Plinium lib. 6. cap. 22. vbi refert de quodam Annij Plocami, qui maris Rubri vectigal à Fisco redemerat, liberto; Hic, inquit, Claudio imperante, circa Arabiam nauigans, Aquilonibus præter Carmaniam raptus, decimaquinta die Hippuros, quæ erat Taprobanæ insulæ portus, deuenit. Et lib. 2. cap. 67. ait, quòd imperante C. Cæsare Augusti filio, signa nauium ex Hispaniensibus naufragiis in sinu Arabico feruntur agnita. Et quod mirabilius est, in eodem capite paulò post prædicta ex Cornelio Nepote refert: *Q. Cornelio Celeri, C. Afranij in Consulatu collega, sed tum Gallie Proconsuli, Indos à Rege Sueuorum dono datos; qui ex India, commercij causa nauigantes, tempestatibus essent in Germaniam abrepti.* Sed quid veterum exempla perquirimus, cum etiam nunc huiuscemodi casus nautis non semel accidisse ferantur? & ille imprimis illusterrimus pariter ac notissimus sit, qui non longè à nostris temporibus cuidam nauæ contigit, ac postea viam ad nouum Orbem detegendum aperuit. Hic (si tamen vera est historia quæ circumfertur, scimus enim eam à nonnullis, immeritò, vt arbitror, haud esse receptam) secus Africæ Hispaniæque oras nauigans, tempestate iactatus, mirum dictu, vsque ad Americæ conspectum; mox ab eadem rursus in Europam proiectus, cum fortè apud Christophorum Columbum diuertisset, in præmium hospitij, eundem certiore fecisse de terris trans Oceanum Occidentale à se visis, & vt postea ad eas ipse primus peruenire contendèret, auctor fuisse, à probatis Auctoribus traditur. Porro, si diuina prouidentia disposuit, vt nouus Orbis, posteaquam habitatoribus iam repletus fuerat, inopinato casu & vi tempestatis à Christi cultoribus repertus sit, vt ab ipsis homines in illo degentes de necessariis ad salutem edoceri & informari possent, ac ad Christi fidem perducere, atque per ipsum æternam consequi beatitudinem, ad quam genus humanum à Deo conditum est: quis miretur, eodem modo olim ad easdem regiones primò populis replendas, eandem diuinam prouidentiam disposuisse, vt plurimi de cognatione Iapheth & Cham, qui Africæ Hispaniæque Occidentalia littora incolebant, dum per illas maris oras negotiationis causa nauigarent, secum pariter haberent uxores aut alias mulieres, & ab aliquo ventorum impetu ad noui Orbis regiones fuerint deportati? & cum de reditu ad proprias sedes iam desperarent, nec se ampliùs tantis ac tam immensi pelagi periculis committere auderent, illic permanere decreuerint? & humanum genus in ignotis illis terris propagare cœperint? & succedentibus temporibus ad Occidentem ac Meridiem progredientes, tandem post multa sæcula ad illos, qui de stirpe Sem & Iapheth ab Oriente ad Americam transierant, peruenierint? ac demum cum illis sese immiscuerint? Certè non solum noui Orbis Occiduas partes, sed & alias quoque, nimirum Meridionales, Orientales, & Aquilonares, ac præterea omnes maris insulas à terra remotiores, hoc modo olim primò inuentas esse, atque inhabitari cœpisse, vsque adeò probabile est, vt nullum rationi relinquat hæsitandi locum. Quandoquidem etiam nostris temporibus, ex relatione eorum qui de noui Orbis nauigationibus scripsere, constat, maiorem partem insularum ac regionum quæ detectæ sunt ac continuò deteguntur, eodem modo, videlicet casu & vi tempestatum inuentas esse, & quotidie reperiri. Ad quid hoc? nisi vt rem tanti momenti non industriæ hominum dumtaxat, sed in primis diuinæ prouidentiae referendam esse discamus: propterea enim non hæc solum, sed cetera quoque mirabilia ferè omnia, qualia sunt eximiae quædam ac reconditæ animalium, plantarum, lapidum, terrarum, mineraliumque virtutes, hominibus fortuitò vt plurimum innotescere voluit Deus, vt quemadmodum illa ab ipso processisse dubitare non debent, ita earumdem cognitionem ab eodem pariter recognoscerent. Etenim cuncta, quæ casu nobis accidisse videntur, ab ordinatissima Dei dispositione, quæ nihil casualiter agit, prouenire certissimum est.

NOVI ORBIS
DETECTIO.

49. At enimuero, quemadmodum facile est concedere, homines post Diluuium vel voluntaria alicuius freti transmissione, vel vi ventorum violenta ac repentina iactatione, ad transmarinas regiones penetrasse: ita difficile est inuestigare, quomodo animalia ad easdem peruenire potuerint; animalia, inquam, non quæ ex putri materia generantur, imperfectaque dicuntur: (siquidem ex iisdem causis quibus ante Diluuium, etiam post ipsum vbique produci potuerunt) neque de his loquimur, quæ domestica

FERAE QVO
MODO AD
REGIONES
TRANSMA-
RINAS PER-
VENIRE PO-
TVERINT.

sunt, & hominibus deseruire in multis admodum solent; qualia sunt oues, boues, equi, canes, & huiusmodi alia. cum ipsis namque hominibus, ad ipsorum usum, siue ad venditionem commutationemve deuecta esse, dubium non est; sicuti hodie etiam, iisdem de causis, ad remotissima quæque loca deuichi videmus. Et scimus in insulis noui Orbis, ante Americam repertis, tametsi magnæ essent, & admodum feraces, nihilominus (vt refert Iosephus Acosta lib. 1. Historiarum naturalium & moralium Indicarum cap. 21.) nulla ibi huiuscemodi animalia extitisse; sed primò eodem ab Hispanis fuisse delata: nunc autem eorūque esse multiplicata, vt nullos hodie proprios dominos habere videantur; sed more ferarum, fiant capientis. Neque item magna de volatilibus videtur esse difficultas; quandoquidem, licet multa ex ipsis non longè admodum volitare possent videantur, attamen, vel vbi mare angustum est, transuolare poterunt, vel vt videmus hirundines, & coturnices, & huiusmodi parua volatilia, vi ventorum rapta, ad remotissimas quoque transmarinas regiones insularē transferri, vel etiam ab hominibus deportari. Sed tota difficultas est de animalibus non modò homini vtilibus, verum etiam noxiis; vt sunt lupi, vulpes, pantheræ, leones, tigres, & in summa, genus omne ferarum; quomodo post Diluuium, de Asia ad terras medio mari ab ea separatas deuenire potuerint. Hanc difficultatem tangit B. Augustinus lib. 16. de Ciuit. cap. 7. & videtur tripliciter respondere; nimirum, huiusmodi animalia vel natando ad insulas transisse, vel ab hominibus fuisse deportata, vel denique Dei ordinatione in ipsis esse producta, iuxta illud Genes. cap. 1. vers. 24. *Producat terra animam viuentem in genere suo, iumenta, & reptilia, & bestias terræ secundum species suas.* Sed hoc tertium omittamus: nam secluso miraculo fieri non potuit. quod enim de primæua animalium perfectorum productione dictum est, non debet ad posteriora transferri, quæ naturaliter non nisi per propagationem fieri possunt. Et idè ab initio in cunctis speciebus fecit Dominus masculum & feminam, & postea in Arcam iussit de cunctis assumi mares & feminas, vt saluetur, inquit, *semen super faciem vniuersæ terræ*, Genes. cap. 7. vers. 3. Quid est autem, vt saluetur semen super faciem vniuersæ terræ, nisi vt per feminis propagationem multiplicari ac conseruari possint ipsorum species in vniuersa terra? Sanè hoc frustra factum iussumve fuisset, si voluisset Deus, vt post Diluuium terra mirabiliter huiuscemodi animalia perfecta produceret, quemadmodum in ipso mundi exordio, ipso iubente, fecerat. Quare ad quæsitum melius satisfieri poterit duobus prioribus responsis; nimirum, prædicta animalia quandoque ob aliquam videntem necessitatem, puta vt se ab insequentibus eriperent, angustum aliquod fretum natando pertransire potuisse: ad remotas verò admodum à littore insulas provincialique nauis ab hominibus fuisse deuecta, siue quæstus, siue curiositatis gratia, aut aliqua alia de causa, vel particulari quodam hominum instinctu, aut casu, vt paulò post dicitur. Et hæc quidem nemini videri debent incredibilia; præsertim cum videamus principes, ad potentiam magnanimitatemque ostendendam, habere in locis ad hoc specialiter destinatis ac fabricatis, ex omni penè ferarum genere, masculos & feminas, à remotissimis regionibus magno sumptu aduectos, siue dono ab aliis principibus habitos, siue non exiguo pretio comparatos; de quibus quoque prolem haberi, & fetus multiplicari curant, vt illos pariter aliis principibus mittant. Et probabile admodum est, plures huiuscemodi feras nonnumquam ex ergastulis & catenis custodum incuria elapsas, ad lucos montesve simul aufugisse, & ibidem multiplicasse. Videmus item alios diuites, siue ob curiositatem, siue ad ostentationem, apud se alere alia quædam minora huiuscemodi animalia peregrina, vt sunt varia simiarum genera, & qui vocantur Italicè *Gatti maimoni*, & similia, omnino hominibus inutilia, & interdum noxia. Quare cum certum sit, cuncta quoque ferarum genera ab hominibus per longas navigationes deferri solere: quis miretur non semel contigisse, ad insulas quoque à continenti remotissimas, tempestatibus delatas huiuscemodi naues, dum iactum faciunt, vt fit in magnis periculis, aliquando etiam dictas feras, vel in ipsis insulis vltro dimissas; vel non procul in mari iactatas, ad easdem insulas natando peruenisse, ibique deinceps esse multiplicatas? Hæc responsio videtur admodum rationabilis, & omnibus satis plenè satisfacere posse. Quòd si alicui non placet, neque alia melior reperiatur: non incongruum putarem, in hoc casu recurrere ad miracula, & dicere, quòd quemadmodum credimus, imminente Diluuium, cuncta animalium genera ministerio Angelorum perducta esse ad Arcam: ita post Diluuium, eorundem operà per omnes terras ac insulas fuisse dispersa. Et hæc de hominum cunctorumque animalium vniuersum per orbem disseminatione dicta sufficiant.

50. Redeamus nunc ad id vnde digressi sumus, nimirum ad filios Sem, & ad regiones à singulis primò cultas ac denominatas. Primus, qui inter ipsos in Sacris libris nominatur, fuit Ælam, à quo postea prodierunt ac denominati sunt populi, quos profani Scriptores Elymaeos, Ecclesiastici autem vocant Ælamitas; quorum etiam fit mentio Actorum cap. 2. vers. 9. Hos autem incoluisse eam Persidis partem, quæ magis vergit ad Meridiem. Idem, Abrahæ temporibus, Regem habebant nomine Chodorlahomor, sub quo, usque ad Sodomiticam regionem excurrentes, eam sibi subditam tenuerunt, annis duodecim, ut habetur Genes. cap. 14. vers. 4. & nos infra suo loco referemus. Ab Ælamitis postmodum exisse Persas, qui mox erecta Monarchia, vniuersam illam regionem ex ipsorum nomine Persidem appellarunt, tradit Iosephus 1. Antiq. cap. 7. & ab omnibus pænè Historicis iam receptum est. & ex Danielis cap. 8. vers. 2. etiam non obscurè colligi potest, ubi legimus Susan castrum (quod deinde fuit Sedes Regum Persarum, ut patet in exordio libri Esther) fuisse in regione Ælam.

ELYMAEI
SEV ÆLA-
MITAE.

PERSAE.

ASSYRII.
ASSYRIAE
CONFINIA.

SYRIA.

ASSYRII
LIVS SEM
DIFFERT A
NINO.

51. Alter filius Sem fuit Assur, à quo postea Assyriorum populi propagati sunt, & eorum regio Assyria; nunc corrupto vocabulo, Azimia dicta est; Asia maioris provincia: quæ olim hisce terminis continebatur. A Septentrione, Armenia maioris parte; ab Occasu, Mesopotamiae sinibus, medio Tigride fluuio, cincta erat; à Meridie, Susianam habebat, & ab Oriente, Mediam; ut docet Ptolemæus suæ Geographiæ lib. 6. c. 1. & distabat Assyria ab Ierusalem, versus Aquilonem, quinque gradibus. vnde valde diuersa erat à provincia Syriæ, quæ nunc Italice *Soria* appellatur; & inter alias partiales provincias, etiam Ierosolymiticam continebat regionem, sicuti Italia Lombardiam. Vtrum autem prædictus Assur idem fuerit cum illo, de quo dicitur Genes. cap. 10. v. 11. *De terra illa* (id est, de Sennaar, quæ est Babylon) *egressus est Assur, qui edificauit Ninium.* apud multos controuersum est: nobis tamen videtur absolute responderi posse, fuisse diuersum. Nam certum est omnium consensu, Ninium à Nino fuisse conditam ac denominatam. Sanè Ninus, quem loco citato Scriptura sacra, ob causas inferius dicendas, vocat Assur, fuit filius Beli, id est, ipsis Nemrod, qui regnauerat in terra Sennaar, & consequenter erat non de stirpe Sem, sed de progenie Cham; neque habitabat cum posteris Sem in Assyria, sed cum posteris Cham in terra Sennaar: ideoque signanter dicit Scriptura, conditorem Niniues exisse de terra Sennaar, id est de propria provincia, quæ familiæ Nemrod obtigerat tempore diuisionis linguarum, & transisse in Assyriam, ubique ædificasse Ninium. (constat enim Ninium in Assyria extitisse.) Alioqui ineptè videretur dici de Assur filio Sem, quod esset egressus de terra Sennaar: siquidem ea non fuerat patria eius propria, sed cõmunis omnibus; & ab ea nõ ipse solum, sed & omnes alij ceterarum vrbiũ conditores exierant, excepta sola familia Nemrod, quæ ibidem remanserat; & propterea, tamquã quid singulare, notatum fuit de Nino, quod non ut ceteri de familia eius remanserit in terra Sennaar, sed inde exiens ædificauerit Ninium. hoc est, mortuo patre Belo in Babylone, ipse subactis Assyriis transfulerit eò sedem Regni sui, in ciuitatem à se ædificatam ac denominatam Ninium. Dicitur autem Ninus Assur, vel quia, sicuti dictum est de patre eius, qui Nemrod & Belus appellabatur, ipse quoque erat binominis, ut videntur sensisse B. Hieronymus & sanctus Cyrillus super loco Geneseos citato; vel quia post deuictos Assyrios, Assur nuncupari voluit, quemadmodum Scipio subactis Afris Africanus dici cœpit; vel denique, quia constat Scripturam sacram appellatione Assur significare conseruisse Regem Assyriorum, quocumque nomine is vocetur. Ita legimus in Psalm. 82. vers. 9. *Etenim Assur venit cum illis.* & Isaïæ cap. 10. vers. 5. *Va Assur, virga furoris mei.* & Osee cap. 5. vers. 13. *Et abiit Ephraim ad Assur.* hoc est, ut peteret auxilium à Rege Assyriorum. & alibi non semel. Atque hoc pacto potest intelligi quod dictum est, *De terra illa egressus est Assur, qui edificauit Ninium*, id est, ille Rex Assyriorum, qui condidit Ninium, videlicet qui proprio nomine vocabatur Ninus.

CHALDAEI.

SVSII.

HEBRAEI.

52. Tertius filius Sem dicitur Arphaxad, à quo Iosephus & B. Hieronymus asserunt prodisse Chaldaeos. Quod si verum est, oportet olim Chaldaeam fuisse distinctam à Babylonia, quam diximus obtigisse filiis Nemrod; posterioribus autem temporibus Babyloniam in Chaldaea extitisse perhibent. Alij putant, de Arphaxad descendisse eos, qui postea Susij dicti sunt; vnde Susiana provincia nomen accepit, quæ inter Chaldaeam & Persidem posita dicitur. Quinam verò de Cainan filio Arphaxad, & de Sale filio Cainan, populi prodierint, ignotum est. De Heber autem filio Sale descendisse Hebræos per lineam Phaleg, satis apertè colligitur Genes. cap. 11. vers. 17. usque ad finem capituli. & infra sub anno mundi 2217. num. 2. probabimus, ipsos Hebræos

ab ipso Heber fuisse denominatos. Porro Hebræos vsque ad Abrahami tempora habitasse in Chaldæa, colligi potest Genes. cap. 15. vers. 7. & clarius habetur Iudith cap. 5. vers. 6. & 7. Et præterea certum est, quod Thare, qui fuit quintus de posteris dicti Heber, venit cum filio suo Abramo, & Lot filio alterius filij sui Aran, in Mesopotamiæ urbem nomine Haran, siue Charan, Genes. cap. 12. vers. 5. eoque non multo post venit etiam Nachor, alter Abrahamæ frater, à quo postea denominata est illa vrbs Nachor, ad quam deinde post multos annos Abraham misit seruum suum, vt ibi acciperet vxorem filio suo Isaac, quemadmodum patet legenti cap. Genes. 24. & 29. Ibidem namque ipse Nachor genuerat de Melcha vxore sua octo filios, & de Roma concubina sua quattuor, quorum nomina recensentur Genes. cap. 22. vers. 20. inter quos nominatur Camuel pater Syrorum. Vnde apparet, filios Nachor habitatoribus repleuisse non solum partem Mesopotamiæ, sed etiam Syriæ. Abraham autem de dicta vrbe Haran cum Lot nepote suo venit, habitauitque in terra Chanaan ipse, & postea filius eius Isaac, & nepos Iacob: qui licet deinde cum filiis suis profectus sit in Ægyptum, inde tamen post multa tempora redierunt posterius eius in terram Chanaan, vbi deinceps sub nomine populi Israëliti & Iudaici diu admodum floruerunt: vt videre est in libris Iosue, Iudicum, & Regum. De Heber quoque per eamdem lineam Phaleg succedentibus temporibus propagati sunt & alij populi, nimirum ex duobus filiis memorati Lot, Moab scilicet & Ammon, Moabitæ & Ammonitæ. Et de Ismaële filio Abraham ex Agar ancilla, Ismaelitæ, & Agareni. Item de Madian pariter filio Abraham, & aliis ex Cetura genitis, Madianitæ, aliisque plures, qui breuiter recensentur initio cap. 25. Genes, & 1. Paralipomenon cap. 1. versic. 29. vsque ad 34. De Esau quoque, qui & Edom, fratre dicti Iacob, prodire Idumæi: & de Amalec filio Eliphaz filij Esau, Amalecitæ: & de aliis filiis Esau, alij populi, vt colligi potest Genes. cap. 36. vers. 15. vsque ad finem capituli.

MOABITAE.
AMMONI-
TAE.
ISMAELI-
TAE.
AGARENI.
MADIANI-
TAE.
IDUMAEI.
AMALECI-
TAE.

DE FILIIS
IECTAN.

53. Ex linea verò Iectan, qui fuit alter filius Heber, connumerantur Genes. cap. 10. vers. 26. & 1. Paralipom. cap. 1. vers. 20. tredecim progenies, de quibus quinam populi prodierint, incomperum habemus; nisi quod Genes. cap. citato vers. 30. legimus, eas habitasse à Messa vsque Sephar montem Orientalem. Vbi autem essent Messa & Sephar, nescimus: nam quod ait Arias Montanus in calce libri, Phaleg inscripti, Sephar in nouo Orbe reperiri, & esse omnium qui vsquam reperiantur montium longissimum, si libet, credi magis potest, quàm probari: tamen si Iuktan, nomen vrbs, quam in illis partibus existere asserit, ob similitudinem vocis cum Iectan, aliquam, licet valde obscuram, facere posse videatur probabilitatem. Certè si vera sunt, quæ supra num. 45. contra dictum Ariam disputauimus; non est verisimile, quemquam de filiis Iectan ad noui Orbis partes penetrasse, sed non nisi post multa tempora, eorum posteros. Et, si Iosepho ac B. Hieronymo credimus, quos alij ferè omnes secuti sunt, oportet filios Iectan latissimas Indiæ Orientalis regiones, illisque finitimas primò incoluisse. *Harum gentium* (inquit idem B. Hieronymus) *posteriora nomina inuenire non potui; sed vsque in præsens, quia procul à nobis sunt, vel ita vocantur vt pridem, vel quæ immutata sunt; ignoratur.* His tamen eiusdem B. Hieronymi dictis haud obstantibus, non defuere qui putarunt, de Elmodad exisse Themeothas; de Saleph, Selebios; de Asarmoth, Sarmatas & Saurromatas, & ab iis Sarmatiam regionem esse denominatam. de Iare, qui Ariam & Arachosiam primi incolere: de Aduram, Hyrcanos, vnde Hyrcania prouincia, quæ olim nomen dedit mari proximo, quod prius Hyrcanum, postea Caspium appellatum fuit. de Vzai, Oxios & Bactrianos: de Decla, Scythas intra Imauum montem habitantes: de Ebal, Bolitas intra Caucaſum & Paropanyſum montes: de Abimaël, Imauos, à quibus mons Imaus admodum celebris denominatus est: de Saba, quos Pomponius Mela & Ptolemæus vocant Sacos, vel qui à Dionysio Geographo dicuntur Sabæi Indiam incolentes, ad differentiam illorum qui in Arabia habitabant. De Ophir, qui regionem nunc Peru in nouo Orbe appellatam primi tenuerunt. De Heuila, qui plagas circa Gangem fluuium existentes inhabitare cœperunt. De Iobab, qui ad terram noui Orbis, Parias dictam, ante omnes penetrarunt. Et hæc ferè omnia ex dicto Aria, qui vndenam ea desumpserit, præsertim quæ de nouo Orbe memorat, ignoramus. Hactenus de filiis Iectan.

THEMEO-
THAE.
SELEBII.
SARMATAE.
ARACHOSII.
HYRCANI.
OXII.
BACTRIANI.
SCYTHAE.
BOLITAE.
IMAVI.
SACI.
SABAEI.

PERV.

LYDI.

54. Remanent duo de filiis Sem, nempe Lud, & Aran. De primo Lydos prodierunt, asserunt Iosephus & B. Hieronymus, & alij hos secuti. Lydos, inquam, olim Asiæ minoris incolæ, qui & Ludi etiam sunt appellati, & consequenter admodum diuersi fuerunt ab hisce Lydis, quos supra num. 31. de Ludim filio Mesraim originem pariter ac nomen

ARMENI,
ARAMARI,
QUI ET SY-
RI.

TRACHONI-
TIS REGIO,
AVSITIS,
SEV TERRA
HVS.

ARMENI.
ACARNANI,
SIVE
CARTII.
MESANAET,
SIVE MEON-
NES, AVT
MYSI, VEL
MOESI.

VND E MV-
TATIONES
REGIONVM,
REGNORVM
AC LINGVA-
RYM.

nomen accepisse, quamdamque Africæ regionem eodem vocabulo olim nuncupatam, Ægyptoque finitimam, inhabitasse probauimus. De Aran, postremo loco inter filios Sem commemorato, Arias putat exisse Armenos Armeniæ maioris habitatores. quod an verum sit, nescio. Sanè Iosephus & beatus Hieronymus de eodem Aran, siue Aram, aiunt propagatos esse Aramæos; quos Græci, inquit Iosephus, vocant Syros. Et hoc quoque colligi potest ex pluribus sacre Scripturæ locis, in quibus pro *Aram* Hebraicè, Latinus Interpres vertit *Syriam*, quæ antiquitus in varias subdividebatur prouincias, hæque cum aliqua nominis adiectione distinguebantur, nempe Aram, seu Syriam Damasci, Cœlesyriam, Aram Soba, Aram Naharaim, id est, Interamnem, quia inter Euphratem ac Tigrim erat posita, quam Græci postea Mesopotamiam, & Scriptura sacra quandoque Mesopotamiam Syriæ nominat. Ceterum Aram filius Sem, inter alios eius filios, quattuor habuit familiarum principes, à quibus singulis alios populos emanasse, in confesso est apud omnes. Nam de Vs, vt aiunt Iosephus & B. Hieronymus, exierunt populi, qui Trachonitidem regionem, cuius sit mentio Lucæ cap. 3. v. 1. inter Palæstinam & Cœlesyriam primi incoluerunt, & Damascum condidisse dicuntur, & Ausitidem populis repleuisse, quæ etiam terra Vs dicta est, ab ipso Vs filio Aram sic denominata; in qua natus est Iob, vt patet initio eius libri, & ante ipsum habitauit Esau, à quo pars illius terræ dicta est Edom. Edom enim in terra Hus extitisse, aperte tradit liber Threnorum cap. 4. vers. 2. 1. Et hæc terra in Arabia Syriæque finibus posita erat, non longè à Chaldæis ac Sabæis: vt non obscure inferri potest ex historia ipsius Iob, cap. 1. vers. 15. & 17. vbi sit mentio horum populorum, qui eius armenta surripuerant. Quamquam, quod attinet ad Sabæos, credendum sit, non esse illos, quos de Saba filio Iectan propagatos, quamdam Indiæ Orientalis regionem incoluisse, supra num. 53. diximus. neque eos, qui de Saba filio Chus, aut de altero Saba filio Regmæ filij Chus, in Arabia quidem, sed illi ad mare Rubrum, isti ad sinum Persicum (vt supra num. 28. dictum est) habitabant: siquidē omnes isti valde remoti fuisse videntur à terra Hus, sed, vt arbitror, fuisse alios Sabæos, ab alio Saba progenitos, qui fuit filius Iectan filij Abrahæ ex Cetura, cuius meminit Scriptura Genes. cap. 25. vers. 3. Hos namque ipsi terræ Hus proximiores extitisse, probabilis est. Ceterum, de Hul, altero filio Aram, citati Auctores aiunt produsse Armenos: de Gether, alter ipsorum, nempe B. Hieronymus, Acarnanios, seu Carios; Iosephus verò Bactrianos: de Mes, Mesanæos, seu Meones, vel, vt alij, Mysios ex Myria regione; quos Iuuenalis vocat Mæfos, iniquens: *De grege Mæsorum.* — Et hæc dicta sunt de prima illa Mundi diuisione in varias regiones ac linguas, à filiis ac posteris Noë olim peracta.

55. Nam non multò post, sicuti primas linguas, ita etiam huiusmodi regionum distributiones confundi cœptas esse, certissimum est. Etenim inordinata regnandi ac dominandi cupido, quæ primò, vt diximus, excelluit in Nemrod, deinde ad posteros suos, necnon & ad alios per cuncta ferè sæcula pertransiit, innumeras bellorum causas excitauit, & multos populos de propriis sedibus pulsos ad alias commigrare cœgit, & colonias transmittere docuit, vrbes destruere, alias ædificare, regna transferre, linguas miscere, & paulatim inusitatas introducere, prouinciarum terminos immutare, atque regionibus ipsis, necnon & ciuitatibus ac locis noua nomina imponere, &, vt vno verbo dicam, omnia confundere: ita vt breui, primæ illius distributionis terrarum pauca admodum vestigia remanserint. Etenim certum est, terram Sennar mox Babyloniam fuisse nuncupatam; & Babylonios Reges, regni sedem in Assyrios transfuisse, ac deinceps multo tempore appellari voluisse Assyrios: & terram à Chananais, qui erant de stirpe Cham, vi occupatam, ac diu possessam, tandem ad Hebræos, qui de Sem descenderant, rediisse; ac mutato sæpius nomine, aliquando Terram Israël, Iudæam, Palæstinam, Terram sanctam esse vocatam: item terram Cham, Ægypti nomen accepisse. Posterioribus verò temporibus, vniuersas pænè Australes Asiæ regiones, quæ prius à filiis Sem culturæ habitatoribusque repletæ fuerant, ab Alexandro Magno, Græcisque, qui, vt supra num. 22. dictum est, de Iapheth prodierant, fuisse occupatas ac possessas, Gracamque in eas linguam esse introductam; & idem ferè factum fuisse per oras Africæ Aquilonares, præsertim verò in tota Ægypto, quam tamen à filiis Cham primò inhabitatam esse, iam num. 31. ostendimus. e conuerso autem in Peloponneso, quæ Græciæ pars est, nunc Italicè *Morea* vulgò nuncupata, ad quam olim primò inco- lendam diximus peruenisse filios seu posteros Iapheth, cōstat mox floruisse Lacedæmonios, qui & Spartiata siue Spartani dicuntur, & à Lycurgo pariter Spartiata, leges acceperunt, vt videre est in eiusdem Lycurgi vita apud Plutarchum. Hos enim de Abrahama

hami femine, & consequenter de Sem prodiisse, apertè traditur 1. Machab. cap. 12. versic. 21. & apud Iosephum 12. Antiq. cap. 5. & lib. 13. cap. 9. appellantur cognati, seu de cognatione Iudæorum. Sed nimis longum esset, innumeras eiusmodi alias nominum, populorum, linguarum, regnorum, ac prouinciarum, urbiumque mutationes persequi. Conferat prudens Lector veterum libros, tabulasque Geographorum, & priscorum Historiarum cum modernis ac recentioribus; & inueniet non solum nomina urbium, & prouinciarum, ac regnorum; sed etiam ipsorum terminos, & interdum situs quoque prorsus fuisse immutatos: & quandoque de plurimis paruis regnis, prouinciisue, facta esse pauciora & ampliora, quandoque verò, è contrario, magna regna ingentescq; prouincias, in plures paruas esse diuisas: ita vt (quantum ad hoc spectat) tota pænè terrarum facies videatur variata, & succedentibus temporibus assidue variari.

AB ORBE CONDITO

SECUNDÆ MVNDI ÆTAT.

ANNVS 1932.

ANNVS 276.

INITIVM
REGNI BE-
LIS SIVE
NEMROD.INITIARE-
GNORVM
ALIARVM
GENTIVM.DYNASTIA-
RVMAEGY-
PTIORVM
INITIA.

AB Anno, diuisionem linguarum ac discessionem gentium de terra Sennaar circiter insequente, credimus auspicandos esse annos regni Nemrod in Babylone & urbibus proximis super gentem linguæ suæ, quæ sola ibi remanserat, ac deinde etiam super alias finitimas à se occupatas, vt sub anno mundi præcedente numer. 29. & 30. comprobauimus. Porro iste Nemrod, si fuit idem cum Belo, vt loco proximè citato docuimus, regnavit in Babylone annis sexaginta quinque, vt tradunt Eusebius in Chronico, & B. Augustinus lib. 16. de Ciuit. cap. 17. & alij. Qualis autem vir fuerit iste Nemrod siue Bel, satis à nobis dictum est locis paulò ante citatis.

2. Per idem quoque tempus, credibile est, ceterarum quoque linguarum principes regnare cœpisse (non tamen tyrannicè, vt Nemrod) singulos in gente sua, & in singulis regionibus, ad quas primò incolendas peruenerunt. Puto autem eas non admodum à Babylonia fuisse remotas: rationabile namque est credere, prius proximiores quàm remotiores à priscis illis gentibus terras fuisse cultas. Quamquam non multò post, ad declinandam nimis molestant ipsius Nemrod tyrannidem, qui non contentus imperare Babyloniis, alias quoque finitimas gentes infestare, ac sibi violenter subiugare nitebatur, plurimos longius recessisse credimus. Quare, quemadmodum postea in primitiua Ecclesia, prima illa persecutio, quæ facta est Ierosolymis aduersus Christi fideles, in causa fuit, vt ipsi ad fidem latius propagandam dispergerentur in varias Orbis prouincias, quibus deinde scripsit B. Petrus primam illam Epistolam, nimirum, *Electis aduenis dispersionis Ponti, Galatiæ, Cappadociæ, Asiæ, & Bithyniæ*: ita priscis illis temporibus diuina prouidentia factum est, vt tyrannica inuasio ipsius Nemrod, diuinæ ordinationi deseruiret, ad populis replendas etiam alias terrarum regiones, à prioribus illis valde admodum remotas. In quibus deinceps varia regna surrexissent, dubitandum non est; præcipue verò apud Ægyptios, & item apud Sicyonios in Græcia, de quibus aliquid suis locis ex Eusebio tangemus: nam de regno Italiæ, quod Io. Lucidus in suis tabulis ponit cœpisse viginti quattuor annis ante Nemrod primum Regem Babylonis, adeò irrationabile est, vt figmento simile videatur. De cunctis autem priscorum illorum temporum regnis, sicuti nullum aliud tempore præcessit regnum Babylonis, ita nullum illo maius fuit. Nam non multò post, nempe temporibus Nini, qui sedem eius transtulit in Assyriam, vsque adeò excreuit, vt Monarchiæ Assyriorum nomen acceperit. Quare nos aliqua quidem certiora quorundam regnorum Ethnicorum initia suis locis commemorare non negligemus, verumtamen successiuam Regum seriem, tantummodò huius, & aliarum Monarchiarum, quarum Scriptura sacra meminit, in hifce nostris Annalibus adnotabimus.

3. Ab hoc quoque circiter tempore, & non prius, sed potiùs aliquantò post, oportet inchoatas esse Dynastias seu Potentatus Ægyptiorum. certum est enim ex supradictis, & irrefragabili ipsiusmet sacre Scripturæ testimonio, ante diuisionem linguarum gentes non esse diuisas, sed post: neque vllas alias orbis regiones, præter Armeniam & Babyloniam, & loca ad Orientem illis proxima, ab hominibus post Diluuium fuisse inhabitatas, nisi, vt diximus, post diuisionem linguarum. Quamobrem benè Ioan. Lucidus lib. 5. de Emendatione temporum cap. 1. & in suis tabulis, primam Ægyptiorum Dynastiam inchoat ab initio regni Nemrod & Chaldeorum. Vnde necessarium videtur asserere, sexdecim illas priores Dynastias, quas Eusebius in Chronico, ponit præcessisse ortum Abrahæ, aut fuisse multò pauciores, aut admodum breues: etenim hinc

hinc ad natiuitatem Abraham computantur tantum modò anni centum septem, vtparet in tabulis, nimirum sexágintaquinque regni ipsius Nemrod seu Beli, qui fuit primus Rex Chaldaeorum; & quadraginta duo regni Nini, qui immediatè successit Belo: natum enim esse Abrahamum anno quadragésimo tertio regni ipsius Nini, infra sub anno mundi 1997. num. 1. probabitur. Vnde sequitur, non potuisse singulas Dynastias septem annos expleuisse.

AB ORBE CONDITO

SECUNDÆ MVNDI ÆTAT.

ANNVS 1956.

ANNVS 300.

1. **A**NNO trecentésimo post expletum Diluuium, (si tamen vera sunt quæ sub anno mundi 1756. ex Methodio retulimus) Noë datis Ionicho filio suo amplissimis muneribus, misit eum in terram Ethan, vsque ad Eliocora, id est Solis regionem, ad quam aiunt etiam accessisse nonnullos filiorum Iapheth, ibique ciuitatem extruxisse, quam Ionicam ex eius nomine appellarunt. Sed hæc quoque tamquam incerta & dubia, vtcum que hoc loco sint commemorata.

IONICHVS
FILLVS NOE
CREDITVR
A PATRE
MANVMIS-
SVS.

AB ORBE CONDITO

SECUNDÆ MVNDI ÆTAT.

ANNVS 1966.

ANNVS. 310.

1. **A**NNO regni Nemrod, siue Beli, trigésimo quinto circiter inchoante, oportet cœpisse regnum Sicyoniorum; in ea Græciæ prouincia, quæ postmodum Achaia dicta est. Quod ex Eusebio colligimus, qui in Chronico ait, Ægialeum primum Sicyoniorum regem (ex cuius nomine territorium, quod postea Peloponnesus appellatum fuit, prius Ægialia dicebatur) regnasse annis quinquaginta duobus; & quòd ipso defuncto regnare cœpit secundus Sicyoniorum Rex, nomine Europs, cuius anno regni vigésimo secundo (vt idem Eusebius ibidem non semel repetit, quamuis quodam in loco corruptè legatur vigésimo quinto) natus est Abraham. Ex quibus Eusebij dictis manifestè deducitur, ipsum Ægialeum regnasse Belo adhuc superstitè annis vno & triginta; ac defunctum esse, anno regni Nini vigésimo primo circiter desinente. Hinc enim vsque ad annum quadragésimum tertium regni eiusdem Nini, in quo natus est Abraham, remanent præcisè anni viginti duo regni Europs; vt clarius omnia hæc videre erit in tabulis. Igitur Ægialeus, vt dictum est, regnare cœpit circa initia huius anni trigésimi quinti, ex quo regnare in Babylone cœperat Belus. Fuit ergo Sicyon Sicyoniorum metropolis, vrbs antiquissima ac nobilissima in ea Peloponnesi prouincia, quæ postmodum Achaia dicta est, non procul à Corintho posita. Hæc à Sicyone decimonono eius Rege, nomen accepisse, & vicinæ regioni Sicyoniæ nomen dedisse creditur. Nam olim, vt dictum est, tam ipsa vrbs, quam eius regio Ægialia dicebatur: postea verò ab Apis quarto eius rege Apia; deinde, vt diximus, à Sicyone, Sicyonia; ac demum à Pelope Tantali filio, Peloponnesus dicta est: quo nomine postmodum tota illa pæninsula, quæ nunc Morea dicitur, nuncupari cœpit. In Sicyone quor annis regnatum sit, non conuenit inter Auctores, quandoquidem ex Eusebio (qui in Chronico, præter dictum Ægialeum, alios viginquattuor Reges recenset, & singulorum annos notat) videtur posse colligi, regnum hoc perdurasse annis 888. Chronographia verò Castoris ab eodem Eusebio relata, ponit ab Ægialeo primo ad Zeussippum vltimum Sicyoniorum Regem annos 862. Alij autem eos faciunt 962. præter alios 32. quibus præfuisse dicuntur sacerdotes Carni, qui 32. anni prædictis 962. additi, faciunt summam annorum 994. At S. Augustinus lib. 18. de Ciuit. cap. 19. *Regnum, inquit, Sicyoniorum per annos 959. traditur fuisse porrectum.* In hac opinionum diuersitate quid sentiendum sit, nos sub anno mundi 2928. num. 1. indicabimus. Ceterum Sicyonem Plinius lib. 36. cap. 4. Officinarum omnium metallicarum patriam appellat. Fuit etiam patria Arati, viri quondam clarissimi, cuius vitam inter alias Illustrium virorum scribit Plutarchus. Hodie eadem vrbs satis obscura est, & vulgò *Vasilico* dicitur.

REGNI SI-
CYONIO-
RYM INI-
TIVM.

AB ORBE CONDITO

SECUNDÆ MVNDI ÆTAT.

ANNVS 1979.

ANNVS 323.

1. **A**NNO vitæ suæ septuagésimo expleto, seu septuagésimo primo circiter inchoante, Thare dicitur genuisse tres filios, nempe Abraham, Nachor, & Aran; Genes.

THARE COE-
PIT GIGNE-
RETRES FI-
LIOS SVOS
IN SCRIP-
TVRA NO-
MINATOS.

Genes. cap. 11. versic. 26. Quamquam, quemadmodum suprà diximus de Noë, non debemus accipere quòd Thare genuerit hos tres eodem anno, vt ait S. Augustinus quæst. 25. in Genes. cuius verba sunt hæc: *Non vtiq; hoc intelligi voluit, quia eodem anno septuagesimo ætatis sue omnes tres genuit; sed, ex quo anno generare cepit, eum annum commemorauit Scriptura. Fieri autem potuit, vt posterior sit generatus Abraham, sed merito excellentiæ, qua in Scripturis valde commendatur, prior fuerit nominatus; sicut Propheta prius nominauit minorem: Iacob dilexi, Esau autem odio habui. & in Paralipomenon, cum sit quartus nascendi ordine Iudas, prior est nominatus; à quo Iudaica genti nomen est datum, propter tribum regiam.* Sic S. Augustinus. cuius sententiam secuti, credimus ipsum Thare nullum saltem ex prænominatis ante prædictum annum genuisse. Etenim non placet opinio Pererij, qui exponens præcitatum Genes. locum, *Vixitque Thare septuaginta annis, & genuit Abram, & Nachor, & Aran;* dicit, germanum ac verisimum huius sententiæ intellectum esse, ac si dixisset: Cum Thare vixisset annos septuaginta, iam genuerat Abraham, & Nachor, & Aran. videlicet Abraham eodemmet anno septuagesimo, reliquos autem duos prius. Certè si sic est, oportet eodem modo exponere textum Genes. cap. 5. in fine, vbi legimus: *Noë cum quingentorum esset annorum, genuit Sem, Cham, & Iapheth.* id est, quòd vnum ex his eo anno genuerit, reliquos verò duos iam antea genuisset. Atqui hoc nullo modo stare potest: nam Genes. cap. 11. vers. 10. legimus, quòd *Sem erat centum annorum, quando genuit Arphaxad, biennio post Diluuium.* Vnde videtur Sem natus, non anno quingentesimo, sed quingentesimo secundo vitæ patris sui Noë, vt sentiunt Hebræi. Et confirmari potest ex textu Lxx. Interpretum Genes. cap. 10. vbi loquitur de Sem, cuius fratrem, Iapheth appellat maiorem. Quòd si magis cum textu Vulgato ibidem vers. 21. dixeris, Sem fuisse natu maiorem ipso Iapheth, & natum esse anno quingentesimo vitæ ipsius Noë, eo modo quo nos sub anno mundi 1659. num. 2. declarauimus, necessarium erit fateri, ipsum Iapheth natum esse post prædictum annum quingentesimum ætatis Noë; & item post ipsum Iapheth, genitum esse Cham, qui Genes. cap. 9. vers. 24. appellatur filius minor ipsius Noë. Quare si memorata Pererij expositio non potest adaptari textui Genes. cap. 5. non poterit etiam competere textui Genes. cap. 11. Etenim utrobique eadem prorsus sententia est, mutatis nominibus, & idem loquendi modus; & nulla videtur posse assignari causa, quamobrem diuersimodè vterque locus explicari debeat. Itaque præferamus Pererio, si placet, expositionem B. Augustini, & cum ipso dicamus, ipsum Thare, cum esset septuaginta annorum, cœpisse generare tres filios superius memoratos, & non eodem anno omnes, sed vnum tantum genuisse, reliquos verò duos postea.

2. Quòd si quæras, quis hoc anno & ante alios sit genitus: dicimus, de Abramo nos infra sub anno mundi 2039. probaturos, quòd ipse multis postea ab hinc annis natus est. De Nachor verò & Aran, quisnam prior ortus sit, difficile admodum certò sciri potest. Verumtamen si Abraham prius nominatus est, quia ceteris longè dignior fuit, cum inter alios duos nulla dignitatis differentia extitisse videatur; probabilius videtur, eum fuisse natu maiorem, qui prior in ordine est positus. nam de hoc nihil in Scripturis sacris oppositum reperimus: non sic autem de filiis Noë, quorum Cham declaratus est minor, vt dictum est. Itaque probabiliter coniecere possumus, hoc anno de Thare natum esse tantummodò Nachor: quando autem natus sit Aran, incompertum habemus. Puto autem Moysem, ceteris Thare filiis silentio inuolutis, hos tantum tres commemorasse, quòd ex his vniuersa gens sua originem duxisset: siquidem illa ex Abrahamo paternum, ex aliis verò duobus maternum genus habuit. Nam scimus quòd Abraham de Sara filia Aran genuit Isaac; Isaac autem ex Rebecca filia Nachor, more Hebraico, id est filia Bathuelis filij Nachor, (vt habemus Genes. cap. 24. vers. 15. 24. & 47.) genuit Iacob, Iacob verò ex Rachele & Lia filiabus Laban, duodecim Patriarchas, de quibus duodecim tribus Israël. Fuit autem Laban frater Rebeccæ, vt habetur cap. Genes. proximè citato vers. 29. id est, & ipse filius Bathuelis, filij Nachor; vnde etiam Genes. cap. 29. vers. 5. more, vt dixi, Hebræorum, appellatur filius Nachor. Itaque, vt dictum est, de Abraham, Nachor, & Aran, omne genus prodit Israëlitarum & Iudæorum.

CVR TRES
TANTVM FI-
LII THARE
RECENSITI.

AB ORBE CONDITO

ANNVS 1996.

SECVNDÆ MVNDI ÆTAT.

ANNVS 340.

A NNO trecentesimo trigesimo octauo ætatis suæ Arphaxad mortuus est, Genes. cap. 11. vers. 13. iuxta editionem Vulgatam, quam sequimur: nam textus LXX. Interpretum, quem sub anno mundi 131. num. 4. probauimus in hac parte fuisse corruptum, ponit ipsum Arphaxad vixisse annos quadringentos triginta quinque.

Itaque Arphaxad vixit cum	Noë	} annis	trecentis triginta octo.
	Sem		trecentis triginta octo.
	Cainan		trecentis tribus.
	Sale		ducentis septuaginta tribus.
	Heber		ducentis quadraginta tribus.
	Phaleg		ducentis nouem.
	Reu		centum septuaginta nouem.
	Sarug		centum quadraginta septem.
	Nachor		centum decem & septem.
	Thare		octoginta octo.
	Nachor		decem & octo.

ARPHAXAD
QUANDO
MORTUUS,
ET CVM QVI-
BUS VIXE-
RIT, AC
QUANDIV
CVM SINGV-
LIS.

2. Eodem anno, qui erat octogessimus octauus ætatis Thare, vt patet in tabulis, necesse est obuisse Nemrod, siue Belum, Nini patrem: hoc enim anno desinente completi sunt (vt in iisdem tabulis apparet) sexaginta quinque anni, quibus ipsum Belum regnasse scribit Eusebius in Chronico, vbi agit de genealogia Sem filij Noë. Huius mortui simulacrum postea Ninus filius coli iussit inslar Dei, vt latius sub anno mundi proximo num. 2. declarabimus. Nemo autem miretur, nos posuisse obitum Beli in anno Thare octogesimo octauo, cum Eusebius eundem posuerit sexaginta annis antea, videlicet in anno eiusdem Thare vigesimo octauo: nimirum id facere coacti sumus, quoniam Eusebius natiuitatem Abrahamæ (quæ necessariò ponenda est in anno quadragesimo tertio regni Nini, vt sub anno mundi 2039. num. 1. ostendemus) posuit in anno septuagesimo vitæ Thare, nos verò in annum eiusdem Thare centesimum trigessimum eandem ponemus, ob causas sub anno mundi proximè adducto assignandas. Et hinc necessariò oritur inter Eusebium & nos prædicta de tempore ortus Abrahamæ sexaginta annorum differentia. Ceterum, quamuis Genes. cap. 10. vers. 10. manifestum sit, Nemrod siue Belum regnasse in Babylone: non tamen arguendus videtur Eusebius quòd loco citato dixerit eundem Belum fuisse primum Regem Assyriorum. nam & hoc etiam non semel asseruit B. Augustinus lib. 18. de Ciuit. cap. 2. & cap. 21. idque non immeritò, quòdquidem, vt sub anno mundi 2016. num. 5. dicemus, Babylon olim, & fortè etiam Eusebij temporibus, inter Assyriæ oppida computabatur. Vnde & Herodotus lib. 1. versus finem hæc ad verbum, ait: *Assyrie, cum alia multa sunt magna oppida, tum verò celeberrimi nominis ac validissimum Babylon.* Nos tamen inter Monarchiæ Assyriorum Reges, prætermisso Belo, primum ponemus Ninum; tum præcipuè ob ea quæ sub anno mundi num. 5. proximè citatis de huius Monarchiæ Rege dicenda erunt; tum etiam, ne in numeris horum Regum adnotandis ab Eusebio, qui in Chronico idem facit, dissentientes, aliquam in legentium animis confusionem gignere velle videamur.

OB ITVS
NEMROD
SIVE BELI.

CVR A NI-
NO NON A
BELO REGES
ASSYRIO-
RYM NUME-
RANDI.

AB ORBE CONDITO

ANNVS 1997.

SECVNDÆ MVNDI ÆTAT.

ANNVS 341.

A NNO insequente, qui erat ab expleto Diluuiò annus trecentesimus quadragesimus primus, cœpisse regnare Ninum, inde etiam colligimus, quòd tam Ethnici quàm Christiani Scriptores fatentur, Ninum regnasse quinquaginta duobus annis, & Abramum natum esse anno quadragesimo tertio regni Nini, vt ait Pererius lib. 15. in Genes. num. 148. & lib. 16. num. 236. idem auctor testatur, hanc fuisse sententiam Eusebij, Hieronymi, Augustini, Cyrilli, Bedæ, Isidori, & omnium Scriptorum Ecclesiasticorum. Intra autem sub anno mundi 2039. num. 1. & sequentibus probabimus, Abramum natum esse anno post Diluuium trecentesimo octogesimo tertio. Itaque si annus à Diluuiò trecentesimus octogessimus tertius, fuit quadragesimus ter-

REGNARE
CŒPIT NI-
NVS.

tius regni Nini; proculdubio annus ab expleto Diluuiio trecentessimus quadragessimus primus, erit primus regni eiusdem Nini.

2. Hic, circa regni sui initia, inordinato quodam actus pietatis affectu erga patrem suum nuper defunctum, primus ei imaginem erexit, eamque reis veluti asylum esse voluit; ut sic populos ad honorandum patrem suum etiam post mortem incitaret. Ex quo errore sensim introductus est cultus simulacrorum & imaginum; & exinde Bel tamquam Deus, ab Assyriis primum & Chaldæis, mox etiam à ceteris gentibus coli cœpit, qui postea à populis, pro varietate linguarum, diuersimodè appellatus est; nimirum Bel, Baal, Baalim, Belzabub, Belfegor, & huiusmodi. Et quoniam Bel primus fuit, qui ab hominibus pro Deo habitus & inuocatus fuerit, idcirco eundem Gentilitas Saturnum, quem Græci deorum parentem faciunt, postea appellauit; quod etiam ex Eusebio comprobari potest, qui in Chronico ait: *Belum, Assyrij, deum nominarunt Saturnum.* & libro 9. de Præparatione Evangelica cap. 4. non longe à principio, ex Alexandro Historico & ex Eupolemo refert, primum Babylonis Belum regnasse, quem Latine, inquit, Saturnum dicimus. Porro ad hanc primam idololatriæ introducendæ occasionem alludere voluisse videtur Auctor libri Sapientiæ cap. 14. vers. 15. illis verbis: *Acerbo enim luctu dolens pater, cito sibi rapti filij fecit imaginem; & illum qui tunc quasi homo mortuus fuerat, nunc tamquam deum colere cœpit; & constituit inter seruos suos sacra & sacrificia. Deinde interueniente tempore, conualescente iniqua consuetudine, hic error tamquam lex custoditus est, & tyrannorum imperio colebantur signenta, &c.* Quæ Sapientiæ verba, tametsi non nihil diuersum tradere videantur, ab his quæ de Nino retulimus; quippe qui primus non filij, sed patris defuncti imaginem fecisse ac coluisse dicitur: nihilominus vniuersaliter in idem incidunt. Nam verus verborum Sapientiæ sensus est, idololatriam ab inordinato pietatis affectu initium sumpsisse, licet diuersimodè, nonnumquam patre faciente imaginem filij, interdum verò contrà, ut de Nino dictum est, & bene notat Iansenius super loco Sapientiæ citato. Aduertendum tamen est, quòd licet idololatria communiter credatur initium sumpsisse à Nino: nihilominus credibilis videtur, non quidem Ninum absolute primum idololatriæ auctorem fuisse; sed primum, post Diluuium. nam etiam ante Diluuiū idololatrias extitisse, iam nos sub anno mundi 236. num. 3. ostendimus. Sed neque omnino primus post Diluuium Ninus Dei cultum creaturis tribuendum esse docuit: siquidem antea Belus pater eius solem adorasse, & Orientales prouincias ad eiusmodi errorem perduxisse fertur, ut sub anno mundi 1931. num. 28. ex Hugone probatum est. Ninus ergo post Diluuium primus omnium humana fingi simulacra & defunctorum imagines, eisq; paulatim diuinos exhiberi honores curauit. Quare, quod sub anno mundi 1850. num. 1. diximus ex S. Epiphania & Suida, nempe idololatriam, hoc est cultum imaginum, cœpisse temporibus Sarug, prefatus exponi debet, id est, anno vitæ eius circiter centesimo quadragesimo octauo, qui concurrit cum anno regni ipsius Nini primo, ut patet in tabulis.

3. Verumtamen si quis vniuersaliores altioresque idololatriæ causas inquirere sci-re ve auct, & quomodo introducta, & multipliciter aucta ac dilatata fuerit, consulat beatum Gregorium Nazianzenum, Oratione 2. de Theologia. vbi cum prius præclare ostendisset, mentem humanam languere ac fatisci, quamdiu cum sua infirmitate, ea quæ vires eius excedunt, speculatur; protinus subiungit: *Etenim Deum quidem, ac primariam illam causam, natura quidem omnis rationis particeps appetit. Ceterum, ob eas quas dixi causas, viribus defecit. Languens autem desiderio, malèque omnino affecta, egerrius, hoc damnum ferens, secundam, ut dici solet, nauigationem init; ut scilicet vel ad eas res quæ sub aspectum cadunt, oculos flectat, ac quampiam earum pro numine colat, pernicioso utique errore labens; (quid enim in omnibus rebus quæ oculis cernuntur, excelsius & diuinus est eo à quo cernuntur, ut illud adoretur, hoc adoret?) vel per aspectabilium rerum pulchritudinem ordinemque, Dei cognitionem assequatur, atque ad ea percipienda, quæ oculorum obtutum fugiunt, cubitis oculis vitatur; non autem per earum rerum, quæ oculis subiectæ sunt, magnificentiam, Dei iacturam faciat. Hinc alij solem, alij lunam, alij siderum multitudinem, alij celum quoque ipsum vnà cum illis (quibus, pro motus qualitate vel quantitate, mundi gubernationem administrationemq; tribuerunt) alij rursus propter necessarium vsum, terram, aquam, aërem, ignem, quòd his sublati, humana vitæ salus incolumitasq; constare non possit. Alij denique quidquid temere ex rebus aspectabilibus ipsis occurrit, coluerunt, pulcherrima queque eorum, quæ oculis obuersabantur, deos sibi proponentes. Nec defuerunt qui imagines atque signenta diuinis honoribus affecerint, primum quidem propinquorum ac necessariorum, ij videlicet, qui vehementiori luctu afflicti erant, corporique addictiores; ac proinde homines vita*

BEL PRI-
MVM PRO
DEO HABI-
TVS, AC DE
IDOLOLA-
TRIAE INI-
TIO.

DE IDOLO-
LATRIÆ
CAVSIS EX
NAZIANZE-
NO.

perfunctos, monumentorum honore prosequabantur: postea autem alienorum quoque, nempe ij, qui multis post eos seculis extiterunt, ignorantia videlicet prime nature, ac serie per manus ipsis à maioribus traditi honoris, quasi iusti & necessarij. Consuetudo enim temporis longinquitate confirmata, pro lege habita est. Nonnulli etiam principatum atque imperium colentes, & corporis robur laudibus efferentes, ac forme venustatem admirantes, eum qui ab his rebus ornabatur, temporis progressu in deorum numerum adscripserunt; ad huiusmodi impostare subsidium & patrocinium fabulas quasdam assumentes. Iam vitiosissimi quique, vitia ipsa fœdosa, affectus, deos esse censuerunt, aut certe sub deorum nomine colerunt, iram nimirum, cædem, libidinem, temulentiam, reliquaque eius generis, non aquam nec honestam hanc scelerum suorum excusationem nacti. Atque eos partim humi reliquerunt, partim sub terram abdididerunt, (hoc vnum satis consultè) partim in cælum enexerunt. ô ridiculam hereditatis partitionem! Ac deinde figmento cuique nomen aliquod vel deorum vel demonum tribuerunt, pro erroris nimirum licentia, solutaq. libertate. Statuasq. insuper erexerunt, easque adeo magnificas & excellentes, ut pretio ipso vulgi animos inescarent. Ad hæc victimarum cruore, ac sacrificiorum nidoribus: quidam etiam obscænis flagitijs, hoc est, furore ac cadibus, huiusmodi numina honorari existimauerunt. Tales quippe honores diis talibus haberi conueniebat. Eo etiam amentie quidam proruperunt, ut bestijs, & quadrupedibus, & reptilibus, atque horum turpissimis quibusque maximèque ridiculis, seipsos dedecorarent, isque Dei gloriam assignarent. Et non sit facile constituere, utri magis contemnendi sint, iine qui adorabant, an qui adorabantur. Quamquam fortasse multo maiore contemptu atque ignominia digni erant, qui res huiusmodi adorabant: quoniam cum ratione præditi essent, Deique gratiam accepissent, deterius meliori prætulerunt. Atque hæc fuit impuri illius hostis impostura, rei honeste specie ad malum abutentis, qualia sunt pleraque illius facinora. Nam cum eorum cupiditatem ad Dei acquisitionem oberrantem accepisset, ut principatum ad se transferret, ac desiderium illorum illuderet, quasi cecos via cuiusdam cupiditate flagrantem manu ducens, alios aliò precipites egit, atque in vnum quoddam mortis exitiique barathrum dispersit. hæctenus verba Nazianzeni. Quibus addere possumus, quod bene notat Genebrardus lib. 1. suæ Chronologiæ, ubi agit de profanis, quæ temporibus Aod acciderunt: nempe quòd vetus idololatria, quam retinuerunt Persæ, Chaldei, & reliqui Orientales, magis erat posita in cultu plantarum & siderum, id est, ut loquuntur Propheta, militiæ celi, & idolorum, quæ non modo siderum, tamquam deorum immortalium simulacra & signa haberentur, verum etiam eorum diuinitatis & virtutis domicilia, sedesque, & corpora. Quamquam etiam hominum mortuorum, ut Beli, consecrationem adhibuit, quorum nominibus appellari, salutari, responsa dare, oracula fundere, & varia ostentare studebant demones. sic Genebrardus. Qui & aliquantò superius, de externis tertiæ mundi ætatis agens, ait, quòd apud Orientales Bel fuit deorum supremus, ut apud Occiduos Iupiter. Fabulose ergo (subiungit) diis maximis Orientalium, à supposititio Beroso nomina imponuntur deorum Occidentalium nominibus similia, nempe Saturni Babylonici, Iouis Babylonici, Mercurij, & similibus: quoniam Orientales ante Alexandrum Magnum ista nomina nescierunt, & eorum idololatria perpetuò fuit à Græca & Occidua differens. Sed & Saturnus, Iupiter, & quicumque alij nominantur Græcorum dij, multò fuerunt Baalim, siue Belis, posteriores. hæctenus ille. Porro de horum deorum, quos Græci coluerunt, sæculo, nos infra sub annis mundi 2092. num. 1. & 2498. num. 1. & 2583. num. 39. agemus. Nunc verò ad Ninum redeamus.

4. Sanè, quemadmodum sub anno mundi 1931. num. 50. dictum est, credimus hunc Ninum esse illum, quem Scriptura sacra Genes. cap. 10. vers. 11. vocat Aslur; qui cum exercitu exisse dicitur de terra Sennaar, id est de Babylone, ubi regnauerat pater eius, & subactis Assyrijs ædificasse in Assyria ciuitates ibidem nominatas, & vnam præ ceteris magnam, (ut sub anno mundi 2016. num. 1. dicemus) quam ex nomine suo appellauit Niniuen, in quam de Babylone sedem regni sui transtulit; ac deinceps Aslur, hoc est, Assyriorum Rex, nuncupari cepit. Ceteras vero ipsius Nini res gestas multas, admodumque præclaras, breuiter ex Ctesia Cnidio recenset Diodorus Siculus lib. 3. Rerum antiquarum cap. 1. ubi sic ait: *Primus rex Assyriorum Scriptores nactus est Ninus, qui eius gesta litteris traderent. Is naturæ bellicosus, & virtutis appetens, cum primum robustissimos iuuenum plurimo tempore armorum usu ad omnem laborum patientiam, & belli pericula exercuisset, coactò exercitu societatem iniiit cum Arico Arabum Rege. & post pauca subiungit: Ninus igitur Arabum Rege assumpto, exercitum duxit aduersus Babylonios, Arabie conterminos. Nondum enim condita erat Babylonia, sed aliæ circa vrbes nobiles incolebantur; quibus propter armorum defuetudinem facile superatis, tributòque imposto, Regem eorum cum filijs captum interemit. Deinde quibusdam Armenia urbibus in po-*

NINI RES
GESTAE EX
CTESIA ET
DIODORO.

testatem redactis, Barzanes Rex Nino viribus impar, cum multis donis occurrens, & se & regnum, eius potestati permisit. Huic Ninus, magno usus animo, Armenia regnum restituit, com meatu & militibus imperatis. In Mediam deinde auctis viribus transgressus, cum ei Farnus Rex cum exercitu occurrisset, praelio victum, cumq; uxore & septem filiis captum, cruci affixit. Prospera fortuna elatum Ninum cupiditas cepit totius Asia, quæ inter Tanaim Nilumque iacet, potiunda: secunde etenim res ut plurimum maiorum ingerunt cupiditates. Itaque Prasæde ex amicis quodam Mediae imposito, ipse ad reliquam subiiciendam Asiam profectus, omnem annis decem & septem, præter Indos & Bactrianos, in potestatem redegit. Pugnas singulas, aut deuictorum numerum, nullus Scriptor tradidit. Nos, quæ excellentiora feruntur, Ctesiam Cnidium secuti, paucis narrabimus. Subiecit omnes maritimas ac propinquas gentes, Aegyptios, Phænices, & interiorum Syriam, Ciliciam, Pamphiliam, Lyciam, Cariam, Phrygiam, Misiæ, Lydiam, Troada, & Phrygiæ quæ est supra Hellespontum, Propontida etiam, ac Bithyniam, & Cappadociam, & gentes iuxta Pontum barbaras, usque ad Tanaim flumen, suæ diuisionis fecit. Adiecit imperio Cadusios, Tapyros, Hyrcanos, Drangas, Dernicos, Carmanios, Coroncos, Rhombos, Vorcacios, Parthos, Persas præterea, ac Susianos, Caspiosque, ad quos angustus est aditus, unde & portæ Caspiæ appellantur: pluresque alias, quas recensere, instituto opere prolixius esset, ignobiles nationes. sic Diodorus ubi supra. qui cap. 2. ex eodem Ctesia tradit, eundem Ninum habuisse in exercitu suo peditum ad decies septies centena millia, equitum millia ducenta, curus verò falcatos paulò minùs decem millibus & sexcentis, & superasse ac debellasse Zoroastem Regem Bactrianorum, qui cum quadringentis armatorum millibus ei obuiam venerat. Contigit autem hæc Nini de Zoroaste parata victoria post conditam Niniuen, ut ex Diodori Siculi verbis infra sub anno mundi 2016. num. 1. referendis patebit. Ceterum, hunc Zoroastem eundem fuisse cum Cham filio Noë, tradidit Berofus Annianus libro 3. Antiquit. (ut scribit Io. Lucius libro 2. cap. 5.) & causam subiungit, quòd semper magicæ ac veneficæ studens, Zoroastis nomen consecutus est. Sed num id verum sit, asserere non ausim; præsertim cum iste Berofus (ut aliàs ostendimus) supposititiuss esse credatur, & vindenam illud desumpserit, ignoremus.

IN MEMO
RATA DIO-
DORI HISTO-
RIA, QUAE-
DAM AD-
VERTENDA.

§ Verumenimvero, in hac quam retulimus Diodori historia quattuor aduertere oportet: Primò, ipsum supponere, quòd Ninus, mortuo patre Belo, qui in Babylone regnauerat, vel à Babylonis eiectus fuerit, & idèd eisdem bellum inferre necesse habuerit, vel inde vltro exierit, ut regni sedem in Assyriam collocaret; ac propterea Babylonij id indignè ferentes, ab ipso defecerint. Et hoc Scripturæ sacræ magis consonat, quæ Genes. cap. 10. vers. 11. id non obscurè videtur insinuare illis verbis: *De terra illa egressus est Assur, & edificauit Niniuen.* quemadmodum sub anno mundi 1931. num. 50. explicatum est. Alterum est, illud Diodori, *Nondum enim condita erat Babylon*, debere exponi, id est, Nondum enim perfecta & absoluta erat eo modo, siue in ea amplitudine, ac munitione, atque ædificiorum magnificentia, quæ postea à Semiramide ipsius Nini vxore constructa fuit. Nam alioqui ex sacra Scriptura constat, Babylonem ante Ninum non solum conditam, sed etiam Babylonis vocabulo fuisse appellatam. Vnde B. Augustinus lib. 18. de Ciuit. cap. 2. sub finem, de Semiramide verba faciens, ait: *Hanc putant nonnulli condidisse Babylonem, quam quidem potuit instaurare. Quando autem, vel quomodo condita fuerit, in decimo sexto libro diximus, subaudi cap. 4. sic ille.* Dixerat autem idem Sanctus cap. citato, Babylonem à Nemrod fuisse conditam, ante linguarum ac gentium diuisionem: quod etiam euidenter colligitur ex his, quæ narrantur Genes. cap. 11. vers. 1. usque ad 10. Præterea quod ait Diodorus, de Ægypto ac finitimis regionibus à Nino subactis; videtur exponi debere, ita ut vel non plenè, vel non diu eas possederit. Nam Abrahami temporibus neque ipsa Ægyptus, neque terra Chanaan videtur fuisse subiecta regibus Assyriorum: siquidem certum est, tunc temporis in Ægypto regnasse Pharaonem illum, ad quem, fame in Chanaanæ vrgente, profectus est Abraham, ut describitur Genes. cap. 12. & apud Palæstinos Abimelech, Genes. cap. 20. & 26. & plures alios in vrbibus Chanaanæ regulos. Et ab ingressu Abraham in ipsam Chanaanæ, nulla omnino in sacra Genesi inuenitur mentio Nini, aut vllius successorum eius, quod mirum valde esset, si ipse aut alius Rex Assyriorum fuisset dominus terræ illius. Denique si vera sunt quæ de Nino tradit Diodorus, (quemadmodum maximè credibilia & recipienda esse asserit Pererius lib. 15. in Genes. num. 149. tamquam non ab Ethnicis tantum, sed etiam à nostris & Ecclesiasticis Auctoribus approbata) profectò satis validum hinc desumi potest argumentum aduersus ipsum Pere-

Pererium alioſque, exiſtimantes de genealogia poſteriorum Sem detrahendam eſſe generationem Cainan, quæ in Sacro textu Genetiſ Vulgato nõ reperitur: & item diuiſionem linguarum poni debere in ortu Phaleg, & ortum Abrahæ in anno ſeptuageſimo vitæ Thare. Siquidem hoc pacto, poſtrema Nini tempora ducentiſimum vigeliſimum à Diluuiò annum non attigiffent. Nam à Diluuiò ad ortum Phaleg (dempta generatione Cainan) computantur tantummodò anni centum & duo; & à diuiſione linguarum, ſi tunc facta fuit, ad finem regni vitæque Nini, reſtant anni dumtaxat centum decem & ſeptem; nempe ſexaginta quinque, quibus regnauit Beluſ; & quinquaginta duo regni Nini, qui faciunt in ſumma annos ducentos decem & nouem. Sanè in tam breui annorum curriculo, non videtur veriſimile, genus humanum vſque adeò multiplicari potuiſſe, vt iam tot tantæque prouinciæ populis repletæ eſſent, & Reges tam numerosos haberent exercituſ. contrà verò, admiſſa & computata generatione Cainan, vt apud LXX. Interpretes habetur; & poſito, diuiſionem linguarum incidiffe in annum centeſimum quadreſimum quartum vitæ Phaleg, & natiuitatem Abrahæ in annũ centeſimum trigeliſimum ætatiſ Thare, vt nos facimus; proculdubio poſtrema Nini tempora incidunt non longè ante quadringentiſimum à Diluuiò annum, vt videre eſt in tabuliſ. Et tunc multò credibiliuſ eſt, potuiſſe hominum multiplicationem tantopere iam eſſe auctam, vt Ninuſ & Zoroaſtes inter ſe bellanteſ, cogere value- rint exercituſ adeò numerosoſ, qualeſ præcedenti numero deſcripiſimus.

102
65
52
219

AB ORBE CONDITO SECVNDÆ MVNDI ÆTAT.

ANNVS 2006.

ANNVS 350.

ANNO vitæ ſuæ nongentiſimo quinquageſimo circiter expleto, Noë mortuſ eſt, Genetiſ. cap. 9. in fine. Huiuſ viri ſanctitaſ quanta fuerit, conici poteſt ex illiſ ſacræ Scripturæ verbiſ, quæ de ipſo habentur Genetiſ. cap. 6. verſ. 8. *Noë inuenit gratiam coram Domino.* & paulò poſt: *Noë vir iuſtuſ atque perfectuſ fuit in generationibuſ ſuiſ; cum Deo ambulauit,* &c. Item Eccleſiaſtici cap. 44. verſ. 17. *Noë inuentuſ eſt perfectuſ, iuſtuſ, & in tempore iracundiæ factuſ eſt reconciliatio. Ideò dimiſſuſ eſt reliquuſ terræ, cum factuſ eſt diluuiuſ. Teſtamenta ſæculi poſita ſunt apud illuſ, ne deleri poſſit diluuiò omniſ caro.* ſic Eccleſiaſticiuſ. Plurimuſ igitur debet vniuerſum genus manum huic ſancto viro, in cuiuſ gratiam iuſtè iratuſ homini Deuſ, ita eidem reconciliari voluit, vt tempore Diluuij humanuſ in terra reliquiaſ dimittere non recuſauerit; & inſuper ipſi Noë teſtatuſ fecerit, ſe nequaquam vltra maledictuſ terræ propter hominẽ, neque ampliùſ deletuſ aquaſ diluuij omnẽ carnẽ. Quare non miruſ eſt, ſi de eodem Noë etiam ipſi Apoſtolorum princepſ Petruſ & Pauluſ honorificè admodum loquuntur: ſic enim in 2. Petri Epistoſa cap. 2. verſ. 5. legimuſ: *Et originali mundo non pepercit, (ſupple Deuſ) ſed octauuſ Noë iuſtitia præconẽ cuſtodiuit. diluuiuſ mundo impiorum inducẽſ.* ac ſi dixiſſet: Deuſ primæ mundi ætatiſ hominibuſ non parcẽſ, ſed delẽſ Diluuiò impioſ, cuſtodiuit ipſuſ Noë, octauuſ eorum qui erant in Arca, qui fuerat eximiuſ iuſtitia præco, quem admodum noſ ſub anno mundi 1557. num. 20. declarauimuſ. Et Pauluſ in Epistoſa ad Hebr. cap. 11. verſ. 7. ait: *Fide Noë reſponſo accepto de iſ quæ adhuc non videbantur, metuẽſ aptauit Arcẽ, in ſalutẽ domuſ ſuæ, per quam damnauit munduſ: & iuſtitia, quæ per fidẽ eſt, herẽſ eſt inſtitutuſ.* Quafi diceret: quòd Noë tantam diuinuſ verbiſ fidẽ adhibuit, vt nullo adhuc Diluuij ſigno tunc apparente, ac ceteriſ omnibuſ nihil minùſ ſuſpiciantibuſ, ipſe ſancto Dei timore percuſſuſ Arcẽ fecerit, per quam ipſe domuſque eiſ ſaluæ facta eſt, ceteri verò, incredulitatiſ conuicti ac damnati. ex quo manuſteſtũ fit, ipſuſ veluti hereditariam ſanctorum quorũdam prædeceſſorum ſuorum iuſtitiam, quæ ex fide eſt, retinuſſe. Sed & Iosephuſ 1. Antiq. cap. 4. poſt reſenſita præcorum illorum hominum facinora, ſubiungit: *Noë autẽ factuſ eorum moleſtè & indignè ferẽſ, ſuadebat vt in meliùſ mentem ac opera ſua tranſmutarent. Verũ cum videret illoſ ſibi non parere, totoſque viriorum dulcedini ſuccumbere, verituſ ne & ſe & familiam ſuam interimerent, ſecedeſ cum ſuiſ in aliam regionẽ migravit. Et Deuſ viri iuſtitia delectatuſ, non illorum ſolum malitiaſ damnauit, ſed cum decreuiſſet vniuerſuſ humanuſ genuſ extingui, aliudque nouũ & à vitioſ puruſ inſtaurare, diluuiò genuſ illud aboleuit vniuerſuſ; Noë autẽ ſoluſ eſt ſeruatuſ, diuino oraculo viam enadendi & rationẽ edoctuſ.* ſic de hoc ſancto viro Iosephuſ.

NOE MO-
RITVR, ET
EIVS SAN-
CTITAS COM-
MENDATVR.

ORACULUM
AD HOC

2. Ceterum

QUIBUS-
CVM, ET
QVAMDIV
VIXERIT
NOE.

ipse Noë vixit cum	Enos	} annis	octoginta quattuor.
	Cainan		centum septuaginta nouem.
	Malaleel		ducentis triginta quattuor.
	Iared		trecentis sexaginta sex.
	Mathusalem		sexcentis.
	Lamech		quingentis nonaginta quinque.
	Sem		quadringentis quadraginta octo.
	Arphaxad		trecentis triginta octo.
	Cainan		trecentis tredecim.
	Sale		ducentis octoginta tribus.
	Heber		ducentis quinquaginta tribus.
	Phaleg		ducentis decem & nouem.
	Reu		centum octoginta nouem.
	Sarug		centum quinquaginta septem.
	Nachor		centum viginti septem.
	Thare		nonaginta octo.

NOE IN
ITALIAM
NON VE-
NISSE.

3. Quod autem nonnulli aiunt, Noë in Italiam venisse, naturaliumque ac diuinarum rerum libros à se conscriptos Italici reliquisse; & insuper eundem Noë Ianum illum extitisse, qui primus in Italia imperauit; inter Annij & sectatorum eius figmenta somniæ computari debent. Quomodo enim sit credibile, virum iam ætate confectum (quippe qui tempore diuisionis linguarum ac gentium octingentesimum septuagesimum quintum, vt patet in tabulis, annum agebat) ad tam longinquas terræ partes peragrarè valuisse aut voluisse? nulla præsertim tunc cogente necessitate, aut ratione suadente; præsertim cum tunc aliæ innumera terrarum plagæ multò propinquiore prius replendæ habitatoribus restarent. Aut qui fieri potest, vt ipse Noë Italici libros conscripserit reliquerit, cum probari non possit, quod ipso viuentē vix villa Italici pars habitari cœperit? Sed si (vt ex Eusebio nos sub anno mundi 2722. num. 1. dicemus) Ianus primus Italici Rex, non nisi anno Debboræ & Barac secundo regnare cœpit: vtique oportet ab obitu Noë ad Ianum Regem intercessisse annos septingentos sexdecim, vt supputari potest in tabulis. Quomodo ergo potuit idem esse Noë cum Iano primo Italici Rege? Potuit quidem Noë à Gentilibus nuncupari Ianus, ob causas à nobis sub anno mundi 1657. num. 4. allegatas; sed esse ille qui primus regnauit in Italia, nequaquam.

AB ORBE CONDITO SECVNDÆ MVNDI ÆTAT.
ANNVS 2016. ANNVS 360.

NINIVE
QVANDO
CONDITA.

ANNO regni sui circiter vigesimo, Ninum condidisse urbem Ninam, siue Niniuem, conicere possumus ex his quæ scripta reliquit Diodorus Siculus Rerum antiquarum lib. 3. cap. 1. vbi de Nino ait, quod post recuperatum Babylonici regnum, post subactam Armenici partem, eamque benignè Regi suo restitutam, & occisum Mediæ Regem, prospera elatus fortuna, in animum induxit, totam Asiæ, quæ inter Tanaim & Nilum iacet, suo subiicere imperio. Quare quodam ex amicis Mediæ præfecto, ipse ad reliquam subiugandam Asiæ profectus, omnem annis decem & septem, præter Indos & Bactrianos, in potestatem redegit. Deinde Bactrianis bellum intulit; sed locorum difficultatem, & hostium vim ad sese tutandos aduertens, retrocessit, atque in aliud tempus expeditionem illam distulit. Interim autem, reducto in Asiæ exercitu, cum se superiores omnes gloria & rebus gestis superasse intelleret, urbem quoque ingentem condere statuit, cui par magnitudine neque fuisset antea, neque esset futura. Itaque coactis vndique viribus, & his quæ ad tantum opus spectarent, paratis, supra Euphratem eam condidit. Hæc ex Diodoro. Ex quibus satis verisimiliter deduci posse videtur, Niniuem anno regni ipsius Nini circiter vigesimo, vt dictum est, ædificari cœptam esse. Siquidem post translatam regni sedem in Assyriam, & recuperatam Babyloniam, & deuictum Mediæ Regem, Asiæ annis decem & septem iam subegerat. Porro huius magnitudinem urbis idem Auctor ibidem persequitur, dicens: Eam non æqua laterum dimensione fuisse fundatam atque erectam: nam duæ muri partibus, longiores erant reliquis. Horum latus quodlibet, longitudo est stadiorum centum quinquaginta, breuiores verò stadii nonaginta. Quare totus

DE MAGNI-
TVDINE VR-
BIS NINIVÆ

muri

muri ambitus stadia complectebatur quadringenta octoginta. Et sanè spe sua nequaquam frustratus est. Nulla enim postmodum urbs tanto ambitu, tantæve manum magnificentia constructa est. Altitudo murorum, pedum est centum; latitudo, qua tres currus simul perambularent. Turres mille & quingente, quarum altitudo pedum est ducentorum. Habitare eam coëgit maiora ex parte Assyrios, & quidem potentiores. Ex reliquis nationibus voluntarios assumpsit; à nomine suo urbem Ninam appellans. Agros propinquos habitatoribus diuisit. sic Diodorus. Congruunt verò quæ de huius urbis amplitudine idem Auctor asseruit, cum his quæ de eadem tradit Scriptura sacra Ionæ cap. 3. vers. 3. illis versibus: *Et Ninive erat ciuitas magna itinere trium dierum.* nimirum, in circuitu. Nam si stadium octaua milliarij pars est, vt aperte colligitur ex Plinio, qui lib. 2. cap. 23. ait: *Stadium*

DE STADIO.

centum viginti quinque nostros efficit passus. constat autem, quòd centum viginti quinque passus octies ducti faciunt mille passus. vtique quadringenta octoginta stadia, faciunt iter sexaginta millia passuum, quod ordinariè pedites triduo conficere solent. Vnde patet, meritò hanc urbem Genes. cap. 10. vers. 12. veluti per antonomasiam, nuncupari magnam.

2. Per hæc item circiter tempora, probabile admodum est, eundem Ninum, ob ingentem eius potentiam, & super alios illius temporis Reges eminentiam, Monarchæ nomen obtinuisse; ac primam, quæ Assyriorum dicta est, Monarchiam erexisse. Huius nos, quemadmodum & aliarum quoque trium præcipuarum mundi Monarchiarum, singulos Reges successiue propriis locis ac temporibus adnotabimus. Non quia intentio nostra sit, exterorum Regum Chronologiam texere: sed quoniam ad Sacros Annales ritè ordinandos plurimum confert qualis qualis saltem notitia illarum quattuor principalium mundi Monarchiarum, seu Regnorum quorum meminit Daniel cap. 2. vers. 38. sub typo statux illius magnæ, quæ habebat caput aureum, pectus & brachia de argento, ventrem & femora ex ære, & tibias ferreas. & cap. 7. vers. 3. sub figura quattuor bestiarum ascendendum de mari. & Zachar. cap. 6. sub imagine quattuor quadrigarum de medio duorum montium æneorum egredientium. Hicce etenim similitudinibus diuersæ eorundem Regnorum differentix proprietatesque adumbratæ sunt, de quibus hic agere opus non est, quòd paucis explicari nequeant; & fusius eadem prosequi, nunc nostri muneris non sit. Porro harum Monarchiarum prima fuit Assyriorum, altera Persarum atque Medorum, tertia Græcorum, quarta Romanorum. Quamquam de secunda item & tertia fusius agitur in eadem Danielis Prophetia cap. 8. per totum, sub figura arietis & hirci inuicem præliantium. & cap. 11. vbi breuiter prædicuntur, Monarchiæ Persarum interitus, & Regni Græcorum exaltatio; & prælia item, quæ mox inter Alexandri Magni successores sunt exorta. Harum verò quattuor dumtaxat Monarchiarum in Sacris libris facta est mentio, non quòd post ipsas vsque ad mundi finem aliæ non essent erigendæ: (videmus enim Turcarum Imperium postea Romano successisse; & post ipsum probabile est alia surrectura) sed quia quattuor illæ tantum Christi Regnum præcedere debebant; quod in hoc mundo vsque ad extremam Iudicij diem, & deinceps perpetuò in cælis duraturum erat; vt aperte significatur cap. Danielis 2. vers. 34. & 35. vbi dicitur, quòd lapis, qui percussit statuam, & contriuit quattuor regna hæc, factus est mons magnus, & impleuit vniuersam terram. Lapis quippe ille, figura fuit Christi, iuxta illud Apostoli 1. ad Corinth. cap. 10. vers. 4. *Petra autem erat Christus.* Quod & apertius declarat citatus Daniel cap. 2. versic. 44. & 45. vbi prædictam statuæ visionem exponens, *Suscipiat, inquit, Deus celi regnum, quod in æternum non dissipabitur; & regnum eius alteri populo non tradetur; & communitis prioribus regnis, ipsum stabit in æternum.* Hoc verò regnum aliud non est, nisi regnum Christi & sanctæ eius Ecclesiæ: de quo dicitur in Psal. 102. vers. 19. *Et regnum ipsius omnibus dominabitur.* Itaque, vt dixi, de prædictarum quattuor Monarchiarum Regibus, eorumque iugi successione, quando scilicet & quot annis singuli regnasse dicantur, propriis locis commemorare, non modò non erit inutile, quin potiùs ipsam Sacrorum Annalium seriem mirificè poterit illustrare.

NINVS MONARCHA DICITVR, NIMIRVM PRIMAE AVCTOR MONARCHIAE.

DE QUATTUOR MONARCHIIS.

CVR QUATTUOR TANTVM MONARCHIAS SCRIPTVRA COMMEMORAT.

CVR MONARCHIAE SINT DICTAE.

QVOD NON SEMPER IN EODEM STATV PERMANERINT.

3. Illud autem inprimis de hicce quattuor regnis seu Monarchiis, vniuersaliter præsciendum est, eas Monarchiarum nomine nuncupari, non quia semper Monarchico vterentur regimine, aut singulari iugiter vnum dumtaxat caput habuerint; sed quoniam in eis magni quidam Monarchæ extiterunt. Deinde etiam scire oportet, quòd eadem regna non semper in eodem potentix statu permanserunt; sed, vt fit in rebus humanis, multoties multa passa sunt, non ab alienis tantum, verum à propriis etiam subditis; & sapius diuisa, labefacta ac dilacerata fuerunt. Nec propterea tamen cess-

QVOMODO
SIBI INVI-
CEM SVC-
CESSEKINT.

REGNYM
GRAECO-
RYM QVO-
MODO EX-
TINGVTM
SIT.

DE MONAR-
CHIARVM
MAGNITY-
DINE.

DE ASSY-
RIORVM MO-
NARCHIA.

fasse dicuntur, donec tandem ita ceciderunt, vt iam amplius postea surgere non valuerint. Quando autem id contigerit, suis locis dicemus. Sciendum quoque est, quòd ista regna non ita sibi inuicem successisse credenda sunt, vt secundum prorsus non existerit, nisi omnino cessante primo; neque tertium, nisi destructo penitus secundo; neque quartum, nisi tertio prorsus abolito: quia clarum est, extitisse regnum Medorum atque Persarum, antequam regnum Assyriorum fuerit extinctum: & similiter regnum Græcorum cœpisse multò ante interitum regni Persarum: & item Romanorum Imperium fuisse satis potens, priusquam omnino subactum esset regnum Græcorum. Sed hæc regna dicuntur sibi inuicem successisse, quia initium secundi, fuit valde posterius exordium primi; & similiter de aliis. Et præterea, quoniam processu temporis posteriora successiue prioribus præualuerunt; ac tandem priori extincto, posterius eoufque magnificatum est, vt supremam in terris potestatem penes ipsum remanuisse, omnium consensu, certum esset. Quoniam autem ex his regnis tertium, quod dicitur Græcorum, non sicut duo priora, sub vno semper Principe fuit; sed post Alexandri Magni obitum in plures dominos ac Reges diuisum est, & nihilominus singuli ad regnum Græcorum pertinuisse videntur: propterea hoc regnum, non sicut duo priora, totum vnica vice extinctum fuit; sed paulatim & per partes à Romanis subactum est, diuersis eius Regibus & eorum regnis per diuersa tempora subiugatis. Quo fit, vt non nisi postremo ex eius Regibus superato & in potestatem redacto, illud omnino extinctum dici possit. Propterea nos sub annis mundi 3723. num. 2. & 4023. num. 2. ponemus finem regni huius, in anno pugnae Actiæ; quoniam Ægyptus, quæ non infima regni Græcorum pars fuerat, non nisi tunc ab Augusto Cæsare à propriis Regibus penitus ablata, & Imperio Romano adiecta fuit.

4. Non est autem existimandum, quòd Assyriorum Monarchia ceteras omnes Imperij magnitudine superarit, propterea quòd in Sacro eloquio comparata sit auro, quod est metallorum omnium pretiosissimum; & capiti, quod ceteris humani corporis membris antecellere ac præstare perspicuum est. Quandoquidem si hoc esset, sequeretur ex vi similitudinis, Monarchiam Persarum, quæ assimilatur pectori & brachiis & argento; & Græcorum, quæ comparata est ventri & tri, fuisse maiorem Monarchia Romanorum, quæ sub typo tibiarum & ferri describitur, quod prænotatis metallis vi- lius est; & tamen ibidem, nimirum Danielis cap. 2. vers. 40. dicitur: *Sicut ferrum com- minuit & domat omnia, sic quartum regnum comminuet & conteret omnia hæc.* quibus ver- bis apertissimè præuidit ac prædixit Propheta, Romanorum Monarchiam longè ma- iorem aliis euasuram. Et licet idem Propheta in eiusdem capituli vers. 38. dixerit ipsi Na- buchodonosor, cui hæc prædicebat: *Tu es caput aureum; & post te consurget regnum aliud minus te argenteum.* Ex quo Scripturæ testimonio manifestum est, secundam Mo- narchiam fuisse minorem prima: tamen illic sequitur, *& regnum tertium aliud æreum, quod imperabit vniuersæ terræ.* quæ verba non simpliciter, sed hyperbolicè accipienda sunt; ac si dicere voluisset, quòd regnum Græcorum regno Persarum tanto longius la- tiusque protendi debebat, vt quodammodò videri posset imperare vniuersæ terræ, quemadmodum sub Alexandro Magno contigit, qui deuicto Dario ultimo Rege Per- sarum, regnum eius suo adiunxit Imperio. Igitur ex memorata metallorum simi- litudine, nequaquam Imperij magnitudinem arguere possumus, sed potius fortè ætatum mundi proprietates, quæ quod attinet ad bonitatem, semper in peius decli- nasse perhibentur.

5. Ceterum, vt hoc loco de Assyriorum Monarchia, quæ tempore omnium pri- ma fuit, atque etiam duratione ceteris antecelluisse creditur, aliquid dicamus; scire oportet, eam non omnino diuersam à Babyloniorum seu Chaldæorum Monarchia reputari debere; sed ambas pro vna eademque esse accipiendas, vt ex capite Danielis proximè citato colligi potest; vbi exponens Propheta Regi somnium illud statue, cuius caput erat ex auro, pectus & brachia de argento, venter & femora ex ære, tibias autem ferreæ, quæ quattuor metalla, vt dictum est, quattuor Monarchias significabant: dixit ipsi Regi Nabuchodonosor, qui tunc regnabat in Babylone: *Tu es caput aureum.* hoc est, tu nunc primam ex memoratis tenes Monarchiam. Nec refert, quòd huius pri- mæ Monarchiæ Reges sedem regni quandoque in Assyria, nimirum in Ninive, ha- buerint; quandoque in Chaldæa, hoc est, in Babylone: siquidem Belus Nini pater, vt sæpius dictum est, regnare cepit in Babylone; Ninus verò mortuo patre inde egressus, ædificauit in Assyria Ninium, ibique sedem regni statuit: Semiramis autem, quæ viro suo Nino successit, rursus regnasse creditur in Babylone; vbi etiam ædificia admodum sum-

sumptuosa extruxisse dicitur: deinde successores eius, denuò in Niniuen, vsque ad Sardanapalum, vel fortè etiam vsque ad finem regni Asarhaddon; (constat enim ex 4. Regum cap. 19. vers. 36. & Tobia cap. 1. vers. 11. quòd Salmanasar, & Sennacherib, & Asarhaddon, Reges Assyriorum, regnabant in Niniue.) Exinde verò, post deuictum Asarhaddon à Merodac Rege Babylonis, vsque ad initium Monarchiæ Persarum, sedem primæ huius Monarchiæ in Babylonia mansisse certum est. Quare, licet quodammodò initium & finis huius Imperij videatur extitisse in Babylone; dicitur tamen hæc Monarchia Assyriorum potiùs, quàm Babyloniorum; tum quia olim Babylonia inter Assyriæ provincias computabatur, teste Herodoto lib. 1. qui inter Assyriæ oppida dicit Babylon fuisse celeberrimi nominis, ac validissimum: tum etiam, quoniam reuerà hæc Monarchia cœpta fuit in Niniue Assyriorum metropoli: regnum namque Beli, quod in Babylone præcesserat, non tam amplum fuerat, ut Monarchiæ nomen apud Scriptores inuenerit. Sed posteaquam Ninus, subactis Assyriis, ac longe lateque dilatato patris Imperio, Niniuen condidit, eamque regni sedem esse voluit: tunc primùm Assyriorum Monarchia per vniuersum orbem denominari celebrarique cœpta est.

6. Ut autem de amplitudine ac duratione primæ huius Monarchiæ aliquid præmittamus: quoniam ex Danielis cap. 2. eam maiorem secundà, quæ fuit Persarum, extitisse diximus: aduertere oportet, id non vniuersaliter de omni tempore esse accipiendum; sed specialiter temporibus Nini, & etiam prope tempora Sardanapali, qui vniuersam Assyriam, Mediam, Chaldaeamque possedisse creditur: & item regnante magno Nabuchodonosor; qui præter provincias olim sub Sardanapalo amissas, à maioribus suis recuperatas, etiam alia regna Imperio suo adiunxit; ita ut de ipso (licet quodammodò hyperbolicè) ibidem dictum sit: *Tu Rex Regum es, & Deus celi regum, & fortitudinem, & imperium, & gloriam dedit tibi, & omnia in quibus habitant filij hominum, & bestia agri, volucres quoque celi dedit in manu tua, & sub ditione tua vniuersa constituit.* Numquam autem antea vel post maior aut potentior fuisse creditur hæc Monarchia, quàm temporibus istius Nabuchodonosor; nisi fortè regnante Nino, si verum est quod Eusebius lib. 10. de Præparatione Euangelica cap. vlt. non longè ab initio, & in Chronicis refert: videlicet, Ninum toti Asiæ, exceptis Indis, imperasse. Quòd verò post Ninum Reges Assyriorum non toti Asiæ dominarentur, conici potest; quia Genesis cap. 14. legimus, quattuor Reges venisse contra Sodomam & Gomorrhæm, inter quos nominatur Rex Sennaar, id est Babylonis; & Rex Elamitarum, hoc est Persarum. Ergo tunc temporis, in quo (ut videre est in tabulis) regnabat Zamæis in Assyria, non in tota Asia regnabat Rex Assyriorum. cum enim probari non possit, prædictos quattuor Reges fuisse subditos Regi Assyriorum, videtur supponi posse, eos liberos & sui iuris extitisse. Sed demus eos fuisse aliquo modo subditos, seu confederatos Regi Assyriorum, ut videtur placuisse Iosepho 1. Antiq. cap. 10. Certè quòd ipsi Reges Assyriorum vniquam, ante tempora Manahem Regis Israël, dominati fuerint terræ Chanaan (quæ tamen in Asia est) nusquam inuenimus. Quin etiam constat, quòd posteaquam ab Abrahamo dicti quattuor Reges profligati fuerunt, numquam postea Pentapolitanis amplius imperasse leguntur. Deinde, si toti Asiæ præfuisent Reges Assyriorum, oporteret & Mesopotamiam & totam Syriam ad ipsorum ditionem pertinuisse. Quod si verum esset, proculdubio temporibus Iosue, quando scilicet ipse cum tam grandi Hebræorum exercitu venit ad subiiciendam sibi terram Chanaan, vel commoti aliquo modo fuissent Assyrij, vel saltem Reges Chananæ ad Regis Assyriorum, tamquam omnium tunc potentissimi, auxilium implorandum protinus accurrissent. Et eodem modo, regnante in Iudæa Dauide, fecissent Syriæ Reges, quando contra eos Dauid duxit exercitum, cepitque Damascum, & Syriæ partem occupauit, ut breuiter traditur 2. Reg. cap. 8. Et tamen nusquam legimus, Reges Assyriorum hisce temporibus perturbasse Israël, aut vniquam venisse in terram eius, nisi post multa tempora, nimirum quando, regnante Ozia in Ierusalem, venit Phul Rex Assyriorum, cui Manahem Rex Israël dabat mille talenta argenti, ut esset ei in auxilium, & firmaret regnum eius, ut dicitur 4. Reg. cap. 15. vers. 19. Vnde arbitror cum Genebrardo libro 1. suæ Chronologiæ, Assyriorum Imperium ante prædictum Phul, videlicet post Ninum, Euphratis terminos Occasum versus non pertransisse: alioqui in prænotatis occasionibus, Reges illi adeò potentes, aliquid certè contra Israëlitas moliri non omisissent; atque de ipsis vti que aliqua in libro Iosue, & in 2. Regum, mentio facta fuisset; quemadmodum postea sæpe fit in 4. Regum, ubi loco citato prædictus Phul memoratur; & vers. 29.

Theglathphalasar, qui dicto Phul successerat, & partem Israël transtulit in Assyrios, & postea Salmanasar, qui reliquis tribus Israëliticis duxit captiuas, vt describitur capite 17. vers. 3. & cap. 18. vers. 9. Et vers. 13. Sennacherib, qui ascendit regnante Ezechia aduersus Iudæos. Vnde patet, quòd illis temporibus Reges Assyriorum Imperij sui fines iam protraxerant, non solum vltra Euphratem, sed etiam vsque ad Iudæos, & deinde etiam vltcrius: nam regnante mox Nabuchodonosor, etiam Ægyptus eidem Monarchiæ addita est, vt suo loco dicitur.

REFUTATUR
EUSEBIUS.

7. Ex dictis manifestum fit, hallucinari Eusebium & qui eum sequuntur, existimantes Monarchiam Assyriorum perdurasse tantum annis mille ducentis quadraginta, siue iuxta nostrum computum in tabulis notatum, mille ducentis triginta quinque; nimirum à Nino ad Sardanapalum, quem postremum Assyriorum Regem faciunt: nam etsi, quando ab Arbace Medorum Duce, & Beloso Babyloniorum Satrapa, deuictus est Sardanapalus, vt sub anno mundi 3234. num. 2. dicemus, nemini dubium est, Assyriorum Monarchiam tanta clade accepta, valde admodum periclitatam esse, ac prope interitum accessisse, verumtamen certum est, calamitatem illam non diu admodum perdurasse: quin potius regnum illud non multò post restoruisse, ac ditionis suæ terminos latius quàm antea extendisse; vt nos fusiùs sub anno mundi proximè adducto, num. 3. 4. & 5. ostendemus, vbi etiam demonstrabimus, decipi Iosephum aliosque ipsum secutos, qui putant, Assyriorum Imperium Ezechia temporibus fuisse à Medis destructum. Non igitur ille Sardanapalus, qui anno regni Ozia sexto vel nono dicitur obiisse, fuit postremus Monarchiæ Assyriorum Rex: neque etiam ille Asarhadon, qui in Ninive regnavit Ezechia temporibus; quemque aliqui etiam Sardanapalum appellant: sed reuera postremus huius Imperij Monarcha fuit Baltassar, qui regnabat in Babylone; quo à Medis Persisque interempto, protinus initium habuit secunda mundi Monarchia, Persarum scilicet atque Medorum. Et propterea si quis quærat, quot annis prima, quæ Assyriorum dicitur, Monarchia perdurauerit; rectè, relictis aliorum inter se minimè consentientium opinionibus, quas refert Pererius in Genes. lib. 15. num. 89. & sequentibus, respondebimus, eam perdurasse annis circiter mille quingentis; tot enim ab anno Nini vigesimo ad Baltassaris obitum, primumque Monarchiæ Persarum, anni in tabulis nostris inueniuntur. Sed hæc infra suis locis clariùs explicabimus.

DE INITIO
REGNI ITALIAE.

8. In eodem anno regni Nini vigesimo, Io. Lucidus in suis Tabulis temporum analibus, ex Berofo Anniano, ponit secundum Iani aduentum in Italiam: nam primum posuerat viginti tribus annis ante initium regni Nemrod; quod Scripturæ sacræ omnino relictari, nos sub anno mundi 1932. num. 1. 2. & 3. ostendimus. Verum quia hic forsitan quis suspicari posset, non secundum, sed primum eiusdem Iani aduentum, & consequenter regni Italiae initium, ad hæc potius tempora pertinere: præsertim cum anno eiusdem Nini vigesimo secundo, Ianus Ianiculum sedem sibi & successoribus suis perpetuam statuisse feratur, colonis vsque ad Arnun fluiuium dispositis, vt idem ibidem tradit Lucidus, qui & huius Regis, nimirum Iani successores, & annos quibus singuli regnasse dicuntur, in toto ferme libro 3. de Emendatione temporum, per plura sæcula, ex eodem Berofo aliisque Auctoribus recenset. Ad hoc dicimus, quòd si per Ianum isti Noë accipiunt, nullatenus esse probandos. non enim potuit hoc anno Noë venire in Italiam, qui iam decennio antè, vt sub anno mundi 2006. num. 1. dictum est, è vita excesserat. Si verò Iani nomine, alium à Noë diuersum intelligunt, nempe illum Ianum, cuius meminit Eusebius in Chronicis; proculdubio, cum idem Eusebius ibidem asserat, à Iano & successoribus suis in Italia regnatum esse tantummodò annis circiter centum quinquaginta, vsque ad Æneam: si hoc verum est, necessariò oportet initium regni Italiae ad longè posteriora tempora transferre, vt nos sub anno mundi 2722. num. 1. dicemus. Sed nobis sat sit, hæc breuiter hoc loco attulisse. Non enim in his, quæ præcipui nostri non sunt instituti, diutiùs immorari debemus.

AB ORBE CONDITO

SECUNDÆ MVNDI ÆTAT.

ANNVS 2017.

ANNVS 361.

ORITVS I
ÆGIALEI
SICYONIO-
RYM REGIS.

ANNO regni Nini vigesimo primo circiter desinente, qui erat primus Monarchia eius, oportet obiisse Ægialeum primum Sicyoniorum Regem; quemadmodum ex his quæ sub anno mundi 1966. num. 1. diximus, euidenter infertur.

A B

AB ORBE CONDITO SECVNDÆ MVNDI ÆTAT.

ANNVS 2018.

ANNVS 362.

I ANNO insequente circiter incipiente, apud eosdem Sicyonios regnare cœpisse secundum ipsorum Regem, cui nomen fuit Europs, colligi potest ex Eusebio, qui hunc dicto Ægialeo immediatè successisse tradit, in Chronicis, ubi etiam recenset eiusdem regni Reges viginti quinque, qui sibi inuicem successerunt; & quot annis singuli regnauerint adnotat. Quæ nos libenter, iuxta ea quæ sub anno mundi 1932. num. 2. proposuimus, (quod ad rem nostram non faciant) præterire intendimus. Oportuit tamen de hisce primis duobus huius regni Regibus hîc & in tabulis mentionem facere, quoniam Eusebius ubi suprà ait, Abrahamum anno regni huius Europs vigesimo secundo esse natum, vt quilibet intelligat, id etiam à nostris Annalibus non diffidere.

REGNATEY-
ROPS APVD
SICYONIOS.

AB ORBE CONDITO SECVNDÆ MVNDI ÆTAT.

ANNVS 2026.

ANNVS 370.

I ANNO ætatis suæ ducentesimo trigesimo nono circiter expleto Phaleg mortuus est, Genes. cap. 11. vers. 19. vt habetur in Vulgata editione, quam libenter hac in parte præferimus textui LXX. Interpretum, qui (corruptè, vt credimus) ponit Phaleg vixisse annis trecentis triginta nouem.

PHALEG
MORITVR.

Vixit ergo Phaleg cum	Noë	} annis	ducentis decem & nouem.	} QVIBVSQVAM ET QVAM- DIV VIXE- RIT.
	Sem		ducentis triginta nouem.	
	Arphaxad		ducentis nouem.	
	Cainan		ducentis triginta nouem.	
	Sale		ducentis triginta nouem.	
	Heber		ducentis triginta nouem.	
	Reu		ducentis nouem.	
	Sarug		centum septuaginta septem.	
	Nachor		centum quadraginta septem.	
	Thare		centum decem & octo.	

AB ORBE CONDITO SECVNDÆ MVNDI ÆTAT.

ANNVS 2027.

ANNVS 371.

I ANNO ætatis suæ centesimo quadragesimo octauo circiter desinente, Nachor Thare pater mortuus est, Genesis cap. 11. vers. 25. vt habet editio Vulgata, quam sequimur, relicto hac in parte textu LXX. Interpretum, qui ponit, ipsum Nachor ad trecentos quattuor annos vitam produxisse.

ORITVS NA-
CHOR AVI
ABRAHÆ.

Vixit itaque Nachor cum	Noë	} annis	centum viginti septem.	} QVIBVSQVAM ET QVAM- DIV VIXE- RIT.
	Sem		centum quadraginta octo.	
	Arphaxad		centum decem & septem.	
	Cainan		centum quadraginta octo.	
	Sale		centum quadraginta octo.	
	Heber		centum quadraginta octo.	
	Phaleg		centum quadraginta septem.	
	Reu		centum quadraginta octo.	
	Sarug		centum quadraginta octo.	
	Thare		centum decem & nouem.	

2. Per hæc circiter tempora, Ninus rex Assyriorum primus, post ædificatam Ninuem, expeditionem secundò suscepit aduersus Zoroastem Bactrianorum Regem; & ducto in Bactrianam regionem numerosissimo ac fortissimo exercitu, tandem ope atq; industria Semiramidis, quæ tum vxor erat vnus ex militibus suis, capta vrbe regia, ac demum toto illo regno ditioni suæ adiecto, recolens, pariterq; admirans Ninus virtutem Semiramidis, simul ac eximia eius pulchritudine allectus, virum eius suasionibus primò ac pollicitationibus, mox etiam minis inducere conatur, vt eam sibi sponte dimittat. quo recusante, ac denique præ nimio coniugis amore, Niniq; timore, laqueo semet suspendente, Ninus Semiramidem ducit vxorem; & ex ea mox filium genuit, cui Ninie seu Nini nomen imposuit. Quæ fusiùs prosequitur Diodorus Rerum antiquarum lib. 3. cap. 2. & 3.

NINVS BA-
CTRIANOS
SVBIGIT, ET
SEMIRAMI-
DEM DVCIT
VXOREM.

AB ORBE CONDITO SEC VNDÆ MVNDI ÆTAT.

ANNVS 2039.

ANNVS 383.

DE TEMPO-
RE ORTVS
ABRAMI.

THARE anno vitæ suæ centesimo trigesimo, (vt paulò pòst probabitur,) qui erat regni Nini quadragesimus tertius, (vt patet in tabulis) genuit Abramum, quem postea Deus Abrahamum vocari maluit, vt sub anno mundi 2138. nu. 1. dicemus, vnde nos vsque ad eum locum, ipsum vocabimus Abram. Sanè sub anno mundi 1997. num. 1. iam probatum est, ipsum Abram natum esse anno regni Nini maioris quadragesimo tertio. Quòd autem natus etiam sit anno vitæ patris sui Thare centesimo trigesimo, sentiunt Theodoretus à Lipomano in sua Catena in Genes. relatus, item Caietanus super Genes. cap. 12. & Lyranus ibidem, & Iacobus Naclantus in libro Arcanorum Christi, circa initia Tractatus de annis tertix mundi ætatis, & alij. Hoc autem ex Sacro eloquio sic colligi potest. Abram septuaginta quinque erat annorum, quando egressus est de Haran, Genes. cap. 12. versic. 4. & tunc iam mortuus erat pater eius Thare, quemadmodum in calce præcedentis capitis traditur, & apertius Actorum cap. 7. vers. 4. asseritur, vbi eadem historia à sancto Stephano relata describitur. Defunctus est autem Thare anno vitæ suæ ducentesimo quinto in Haran, Genes. cap. 11. in fine. Et ratio fuadet, eodemmet anno obitus patris sui, Abramum exisse de Haran, & venisse in terram Chanaan, prout ei Dominus imperauerat (non enim erat cur ampliùs, mortuo patre, morari deberet in Haran, & Dei obedientiam protrahere.) Igitur si Abram septuaginta quinque annos habebat ætatis, quando pater eius annum agens ducentessimum quintum mortuus est; vtique consequitur, eundem Abramum natum esse anno centesimo trigesimo vitæ patris sui Thare, vt dictum est. Nam si eidem anno centesimo trigesimo ætatis Thare adieceris septuaginta quinque filij eius Abrami, habebis summam annorum ducentorum quinque, quos vixisse ipsum Thare iam diximus.

EXPOSITVR
TEXTVS GE-
NES. CAP. I
VERS. 26.

2. Nec obstat, quòd Genes. cap. 11. vers. 26. scriptum est: *Vixitque Thare septuaginta annis, & genuit Abram, & Nachor, & Aran.* Ex quo loco nonnulli mordicus probare contendunt, Abramum natum esse, anno patris sui septuagesimo; Non, inquam, hoc obstat, quia sensus citati textus (vt optimè illum exponit S. Augustinus quæst. 25. in Genes.) non est, quòd Abram natus sit anno septuagesimo patris; sed quòd Thare pater eius, anno vitæ suæ septuagesimo, cœpit generare tres illos filios: videturque existimasse B. Augustinus, Abramum fuisse inter ipsos natu minimum: nam subdit, ipsum non ante alios fuisse nominatum, quia esset natu maior; sed quòd ceteris dignior fuerit, & quoniam ab eo deducenda erat prosapia Saluatoris. Et ibidem aliquot aliis Scripturæ exemplis docet, interdum natu posteriores priùs fuisse memoratos, vt nos etiam sub anno mundi 1979. num. 1. retulimus. Patet igitur, præcitata Genes. verba (si iuxta B. Augustini expositionem, quam puto esse germanam & propriam, accipiantur) non solum his, quæ de anno ortus Abrami diximus, non aduersari; sed & ad ea magis confirmanda non mediocriter facere. fieri enim potest, quòd Thare anno septuagesimo genuerit Nachor, & centesimo Aran, & centesimo trigesimo Abram. Simile quid habetur in calce capitis 5. Genes. vbi legimus: *Noë, cum quingentorum esset annorum, genuit Sem, Cham, & Iapheth.* Quæ verba sic exponuntur à sacris Doctoribus, ac si dictum esset: Noë anno quingentesimo generare cœpit hos tres filios, & eodem anno primum ex ipsis genuit, reliquos verò postea; quemadmodum sub anno mundi proximè citato declarauimus. Si quis autem quærat, cur Moyses simul commemorare voluerit hos tres filios Thare; dicimus, quia ab istis tribus quoquomodo propagatus est populus Israëliticus, cui hæc potissimum scribebat. quemadmodum nos sub anno mundi 1979. num. 2. declarauimus.

PERERIT
OBIECTA DI
LVVTVR.

3. Non etiam obstat, quæ opponit Pererius lib. 16. in Genes. num. 193. nempe perturbatum iri sacram illorum temporum Chronologiam, nisi dixerimus, Scripturam sacram signanter expressisse tempus natiuitatis Abrami illis verbis: *Vixitque Thare septuaginta annis, & genuit Abram, & Nachor, & Aran.* sicuti præcisum exprellerat tempus natiuitatis singulorum primæ ac secundæ mundi ætatis patrum, qui ipsum Abram præcesserant. Nam responderi potest, Scripturam sacram non modò in his quæ ad Chronologiam pertinent, sed etiam in his quæ ad historiam ipsam, & item ad doctrinam moralem aut spiritualem spectant, non semper dilucidè omnia exprimere, sed aliqua interdum subobscurè, prout Spiritui sancto visum est, tradere consueuisse,

vt

vt vel sic ad veritatem curiosius auidiusque indaganda ingenia magis prouocarentur. Et hoc idem comprobatur celeberrimum illud B. Augustini dictum tractatu 45. in Ioannem, vbi de Domino docente agens, *Pascit* (inquit) *manifestis, exercet occultis*. Et B. Hieronymus super cap. 45. Ezechielis ait: *Scriptura difficultatem habet in numeris, vt intentum animum faciat auditoris; ideoque multa dicuntur in parabolis & enigmatibus, vt qui habet aures audiendi, audiat: omnisq; prophetia in obscuritate continet veritatem, vt discipuli intrinsecus audiant, vulgus ignobile & foris positum nesciat quid dicatur*. hæc Hieronymus. Possent huiuscemodi innumera propemodum in omni genere loca sacre Scripturæ intellectu difficillima obscurioraque proferri; sed ea breuitatis causa, in re præsertim tam manifesta, libenter præterimus: nam quod attinet ad sacram chronologiam, de qua nunc agimus, frequenter deinceps palam fiet, quàm multa sint in Sacro eloquio obscure tradita, & vix aliquo modo insinuata, vt propterea non nisi multo labore, ac diligenti Textuum discussione, accurataque eorumdem collatione, disquiri ac dilucidari possint. Non igitur dicendum est, sacram perturbari chronologiam, aut incertam reddi, si concesserimus, Scripturam non expressisse annum ortus Abrami, quemadmodum ceterorum patrum qui ipsum præcesserant: satis enim est, quòd ex his quæ ipsa tradit, ille euidenter nobis innoscere possit, sicuti in principio huius tractatus iam ostensum est. Possent etiam dici, Scripturam sacram intendisse quidem Abrami pariter genealogiam, chronologiamque ab Orbis initio deducere, sed genealogiam imprimis, chronologiam verò non æquè principaliter. Scimus enim & aliorum excellentium hominum, puta Esdræ, Iudith, Mardochei, & demum ipsius Christi, genealogias, honoris causa esse traditas; chronologias autem non item. Quare si tempora ortus nostri Redemptoris Scriptura sacra non nisi obscure admodum indicauit: quid miramur si præcisum natiuitatis Abrami annum non expressit.

4. Contrà verò, si ponamus Abram natum esse anno septuagesimo vitæ patris sui Thare, vt videntur prima fronte innuere citata Genesis verba: *Vixitque Thare septuaginta annis, & genuit Abram, & Nachor, & Aran*. & nituntur defendere Abulenſis super cap. 11. & 12. Genes. & Pererius loco supra citato, & alij nonnulli, certè plura sequi inconuenientia necesse est. Nam peto de Nachor & Aran, num ante Abramum nati sint, vel post. Si dicis, post; ergo Sara vxor Abrami, non potuit esse filia Aran fratris sui, & soror confobrina ipsius Abrami. Non filia Aran; siquidem ipsa erat iunior ipso Abramo decem tantum annis, vt nos sub anno mundi 2049. num. 1. ex ipsamet Scriptura sacra probabimus, & consequenter oporteret eam fuisse genitam anno octauo vel nono vitæ patris sui Aran, quod est impossibile. Non soror confobrina Abrami; nisi dicamus eam fuisse filiam alterius fratris Abrami innominati, qui longè ante septuagesimum annum ætatis Thare sit genitus, de qua re nihil ex sacris Scripturis, neque aliunde habentes, quidquam certi affirmare non possumus, nec debemus; præsertim cum Saram & fuisse sororem confobrinam viri sui Abrami, & filiam Aran, sententia sit communior & sanior Doctorum, etiam ab ipsomet Pererio approbata, vt sub proximè citato mundi anno fusiùs ostendemus. Si dicis, Nachor & Aran ante Abramum, & ante septuagesimum Thare annum esse natos: profectò cogemur dicere cum Peterio vbi supra, & cum Soto in 4. Senten. dist. 4. quæst. vnica artic. 4. sensum illorum verborum Genesis, *Vixitque Thare septuaginta annis*, &c. esse, quòd Thare anno septuagesimo genuit Abramum, cum priùs iam genuisset alios duos, Nachor scilicet & Aran. Atqui sensus iste (pace tantorum virorum dixerim) nimis videtur extortus, & non solum ab expositione B. Augustini superiùs num. 2. allata, verum etiam à mente Moyſis valdè alienus: quandoquidem oporteret eodem modo exponere illud Genes. cap. 5. in fine: *Noè, cum quingentorum esset annorum, genuit Sem, Cham, & Iapheth*. id est, illo anno genuit vnum ex illis, cum priùs reliquos duos iam genuisset; quod nullus adhuc grauis Auctor, quem viderim, scriptum reliquit; & nos sub anno mundi 1979. num. 1. ostendimus, huiuscemodi interpretationem aliis sacre Scripturæ locis omnino refragari.

5. Præterea si posuerimus, Abram natum esse anno septuagesimo vitæ patris; vix poterit à pluribus contradictionibus Scriptura saluari. Nam si sic est; ergo Abram cum patre vixit annos centum triginta quinque: constat enim, ipsum Thare obiisse anno vitæ suæ ducentesimo quinto; ergo Abram erat ad minus centum triginta quinque annorum, quando mortuo patre exiuit de Haran seu Charan, (idem enim est) vt veniret in terram Chanaan; ergo Isaac iam natus erat in Haran ante obitum au i sui, nimirum agente Thare annum vitæ centesimum septuagesimum: ille enim erat annus

centesimus Abrami, in quo paulò post dicemus natum esse Isaac. ergo Isaac erat triginta quinque annorum, quando pater eius Abram, iubente Domino, exiuit de Haran, & ipse pariter cum patre venit in terram Chanaan. Hæc autem non esse admitenda, constat ex his quæ in calce capitis 11. Genes. & in principio capitis 12. vsque ad vers. 6. legimus, nempe, mortuum esse Thare in Haran, deinde Abram exisse de Haran, & venisse in terram Chanaan, & expresse dicitur quòd *septuaginta quinque annorum erat Abram, cum egrederetur de Haran, & subiungitur: Tuliſque Sarai uxorem suam, & Lot filium fratris sui, vniuersamque substantiam quam possederant, &c.* nulla prorsus mentione facta de filio Isaac, tamquam tunc non adhuc nato; nec dubium est, quin si-gnanter dixisset: Tuliſque Sarai vxorem suam, & Isaac filium suum, &c. si eo tempore natus, & iam vir factus fuisset Isaac. Deinceps verò in eodem cap. & sequentibus multa narrantur, quæ acciderunt ipsi Abramo in terra Chanaan, & in Ægypto; ac demum in initio capitis 21. describitur natiuitas ipsius Isaac, quæ ibidem vers. 5. dicitur contigisse anno centesimo vitæ Abrami, qui tunc habitabat in terra Abimelech Regis Geraræ, vt ex eodem capite, ac etiam ex præcedenti colligi potest. In cap. item Actorum 7. vers. 4. aperte dicitur, quòd Deus tranſtulit Abramum de Charan in terram Chanaan, postquam mortuus est pater eius, & cum non haberet filium. Hæc autem omnia, cum his quæ prius dicta sunt, conuenire nullo modo posse videtur. Hic addi posset argumentum de tam ingenti hominum multiplicatione temporibus Nini iam facta, quod sub anno mundi 1997. num. 4. adduximus, & admodum facit contra ponentes ortum Abrami Diluuiò propinquiorem, quàm nos facimus.

QVAESITI
DIFFICUL-
TAS.

6. Equidem non ignoro, famosissimam hanc difficultatem, apud veteres ac recentiores sacræ Scripturæ Expositores, plurimorum excellentiumque virorum exercuisse ingenia. Nam & B. Hieronymus in Traditionibus Hebraicis in Genes. vt magnam eius perplexitatem indicaret, insolubile appellare non est veritus: & S. Augustinus lib. 16. de Ciuit. cap. 15. & quæst. 25. in Genes. plures eam explicandi & enodandi rationes excogitauit; nihil tamen certi determinasse visus est. nouissimè autem Pererius lib. 16. in Genes. num. 186. quinque soluendi modos, partim ab ipso B. Augustino, partim ab aliis collegit; & primum quidem, ac tertium, & quartum, ipse manifestis rationibus optimè redarguit: secundum verò, quem nos sequimur, prius probare videtur, quòd (vt ipsemet refert) omnem propositæ quæstionis difficultatem penitus exhauriat, nullamque, ne in specie quidem, in Sacris litteris dissonantiam atque discrepantiam relinquat: mox quædam ei obiicit, quibus iam satis suprà num. 1. & 3. nos respondisse existimamus. Restat igitur, vt quintum enodandæ quæstionis modum, quem ipse Pererius amplectitur, & B. Augustino in primis tribuendum censet, tamen postea ab Abulensi super cap. 11. & 12. Genes. fusiùs fuerit explicatus, refellere aggrediamur.

QVINTA
PERERII
SOLVTIO
REFELLITVR.

7. Putant huius opinionis sectatores, Abramum reuerà natum esse anno septuagesimo vitæ patris sui Thare, & bis exisse de Haran, ac venisse in terram Chanaan. primò, quando (inquiunt) adhuc viuente patre suo, & agente annum centesimum quadragessimum quintum, ipse Abram erat septuaginta quinque annorum: & de hoc primo aduentu aiunt agi Genes. cap. 12. creduntque ipsum deinceps vel sæpiùs rediisse in Haran ad visendum patrem; vel tunc saltem, quando audiuit eum esse morti proximum, vel iam obuisse, vt partem paternæ hereditatis, quæ sibi obueniret, acciperet. Demum mortuo patre, secundò venisse in terram Chanaan, numquam amplius ab ea discessurum. Et de hoc postremo aduentu dicunt agere S. Lucam Actorum cap. 7. Sed (vt omittamus quæ aduersus hanc distinctionem disputat Naclantus loco suprà num. 1. iam citato) certè contra hanc distinctionem facit, quod B. Chrysostomus Hom. 31. in Genes. asserit, Abramum ante obitum patris sui Thare numquam de vrbe Haran discessisse. Et si res accuratius perpendatur, nulla comperietur necessitas ponendi duplicem istum Abrami introitum in terram Chanaan, siquidem, vt numero præcedenti dictum est, possunt sine hac positione omnes Scripturæ loci optimè conciliari, & cunctæ difficultates dilui. Deinde gratis poni videtur ista distinctio, quæ ex Scriptura sacra demonstrari non potest; quin potius eidem reluctari certum putamus: nusquam enim in Sacris libris reperimus fieri mentionem, nisi de vna tantum Abrami transmigratione de Haran in terram Chanaan, vt infrà ostendemus. Nec credibile est, ipsum, ex quo semel iubente Domino exiuit de Haran, iterum illuc redire voluisse. Nam qui proprio filio non pepercit, vt Domini iussionem impleret; quomodo putandum est, siue ob affectum paternum, siue vt temporalia bona conquireret,

reret, siue alia quauis de causa adduci potuisset, vt denuò rediret ad habitandum in ea regione, de qua eum Dominus exire præceperat: præsertim cum iam prima vice exiens, veluti quodammodo à patre manissus, secum tulisset omnem substantiam suam. Sanè si ad terram, vnde à Deo translatus fuerat, reuerti ausus esset; vereri poterat, ne perniciosum posteris à diuina vocatione retrocedendi exemplum relinqueret. Sed si quandoque, pietatis gratia (vt quidam existimant) ad visendum patrem ire consueuisset; tunc profectò ad eumdem potiùs se recipere debuisset, quando facta est fames in terra Chanaan: & tamen legimus, ipsum tunc in Ægyptum descendere maluisse, non sine graui vitæ honorisque periculo, quod faciliè deuitare poterat, si in Haran ad patrem ac propinquos suos, saltem donec cessaret fames, diuertere voluisset. Verumenimverò, quòd Abram nunquam de terra Chanaan redierit in Haran, satis euidenter probari potest ex eo quòd Genes. cap. 22. vers. 20. legimus, ipsum Abram, postquam reuersus est de monte, in quo iussus fuerat immolare filium suum Isaac, id est, quando erat annorum circiter centum vigintiquinque, (vt sub anno mundi 2163. num. 4. probabitur) accepisse nuntium de Haran, à quo tunc primùm intellexit de ortu duodecim filiorum fratris sui Nachor, quos tamen oportet multos ante annos, hoc est ferè statim post discessum ipsius Abrami de Haran, nasci ccepisse. Nam inter eos octauus recenseretur Bathuel, cuius filiam nomine Rebeccam, mox Isaac quadragenarius, anno vitæ patris sui Abrami centesimo quadragesimo, duxit vxorem. Igitur si Abram non nisi anno ab ingressu suo in terra Chanaan quinquagesimo (annis enim 75. si addantur 30. fiunt. 125.) audiuit de prædictorum nepotum suorum natiuitate; certissimum profectò signum est, quòd ipse nunquam redierat in Haran; & item, quòd ante egressum eius de Haran, iam mortuus erat pater eius Thare, vt probatum est, & paulò post, ac etiam sub annis mundi 2113. num. 4. & 2163. num. 8. comprobabitur. Alioqui non videretur credibile, quòd Abram vir piissimus tamdiu ad inuisendum patrem, vel ipse proficisci, vel saltem feruos suos mittere neglexisset: & sic de ortu neporum multò citiùs edoctus fuisset.

8. Disquiramus modò, vtrum Abulensis, & qui eum sequuntur, benè colligant ex Sacris libris duplicem hunc Abrami exitum de Haran, siue introitum in terram Chanaan: in hoc enim summa huius negotij videtur consistere. De primo inquit agi Genes. cap. 12. De secundo autem, Actorum cap. 7. Contrà nos dicimus, eademmet breuiter & compendiosè referri in Actis, quæ fusiùs descripta erant in Genesi: & nullatenus intelligi posse, S. Stephanum in Actis loqui de alio aduentu Abrami in terram Chanaan ab eo qui describitur in Genesi, vt ex collatione eorum, quæ vtrobiq; leguntur, manifestum fiet: nam in calce cap. 11. Genes. vt dictum est, narratur mors Thare, & in principio sequentis describitur egressus Abrami de Haran, cum septuaginta quinque esset annorum, quo tempore nondum habebat filium. & ibidem subdit, quòd tulit secum vniuersam substantiam. vnde apparet, ipsum nihil reliquisse ex his quæ ad se pertinere poterant de paterna hereditate; & consequenter, non opus fuisse eum illuc ampliùs reuerti, vt quiddam à propinquis suis repeteret. Nusquam verò deinceps legimus in Genesi, Deum dedisse vllam Abramo hereditatem, donec vixit, in terra Chanaan: sed tantummodò, quòd repromisit dare semini suo vniuersam terram illam, videlicet post quartam generationem, vt patet Genes. cap. 12. vers. 7. & cap. 13. versic. 15. & clariùs in fine capitis 15. & deinde post multa, nimirum cap. 21. narratur natiuitas Isaac, quæ dicitur contigisse anno centesimo vitæ patris sui Abrami. vnde apparet, memoratas promissiones Abramo factas fuisse antequam haberet filium. Hæc sunt, quæ habentur in Genesi. Videamus nunc quid in Actis scriptum sit: *Et inde* (inquit S. Stephanus) *id est de Charan, postquam mortuus est pater eius, transiit* (supple, Deus) *illum* (nempe Abramum) *in terram istam, in qua nunc vos habitatis: & non dedit illi hereditatem ipse ea, nec passum pedis; sed repromisit dare illi eam in possessionem, & semini eius post ipsum, cum non haberet filium.* sic B. Stephanus apud S. Lucam. Quid clariùs dicere potuisset, qui tam paucis verbis repilogare narrata in Genesi voluisset? Cum igitur, quæ traduntur in Actis, simpliciter & prout sonant intellecta, nihil nouum, nihil diuersum contineant ab his quæ habentur in Genesi; sed vtraque loca simul collata, idem prorsus significare, atque per omnia inter se consona esse perspicue videamus; ad quid (vt aiunt) nodum in scirpo quærere? & duplicem Abrami exitum de Haran excogitare? qui rectè Sacris verbis adaptari non potest; in quibus constat, vnus tantum eiusdemque exitus fieri mentionem; quemadmodum circumstantiæ, quæ vtrobiq; ponuntur, manifestè declarant: nimirum, quòd iam mortuus erat Thare, quando filius eius Abram

septuaginta quinque annos natus translatus est de Haran in terram Chanaan; & quòd tunc ipse Abram nondum habebat filium, nec possessionem vllam; sed repromissiones à Deo accepit in terra Chanaan, &c.

9. Illud quoque pro prædictorum confirmatione hoc loco haud prætereundum puto, magis ponderandum esse in ipsa Actorum lectione verbum *translulit*, quod in editione Vulgata (quæ maioris est auctoritatis) habetur, quàm verbum *collocavit*, quod olim in codice penes B. Augustinum existēte habebatur. Constat autem, verbum *translulit* propriè non simplicem quemdam post paucorum dierum absentiam reditum significare, qualis fuit ille, quem isti secundo Abramum fecisse imaginantur, sed potius denotare totalem ac realem prioris domicilij translationem, qualem proculdubio fecit Abram, quando post mortem patris, annum agens septuagesimum quintum, ad iussu Domini translulit se cum tota familia, & vniuersa substantia sua, de Haran in terram Chanaan, vt refertur in Genesi, & iam sæpè dictum est. Non igitur audiendi sunt, qui dicunt mortem Thare, quam putant contigisse post primum Abrami ingressum in terram Chanaan, ante ipsum fuisse descriptam in Genesi per figuram anticipationis in Sacro eloquio satis vlitatam: quia, vt fatentur omnes sacrarum Scripturarum vel mediocriter studiosi, quotiescumque nihil obstat, quominus ritè possimus intelligere res eo ordine fuisse gestas quo inueniuntur descriptæ, nec ex alio Scripturæ loco oppositum conuincere potest; proculdubio non est recurrendum ad huiuscemodi figuras anticipationis, aut postpositionis, sed sine vlla dubitatione tenendum est, sacram Scripturam in rebus enarrandis ordinem temporum obseruasse: alioqui non modò perturbaretur, sed & omnino confunderetur omnis sacra Chronologia, nec quidquam certi, quod ad ipsam attinet, ex Sacris libris haberi posset. Et hæc regula adhuc magis militat in casu nostro, in quo non solum nullum habemus alium Scripturæ locum nobis reluctantem; sed & insuper vnum, mirificè sententiam nostram comprobantem, nempe illum qui ait: *Et inde, postquam mortuus est pater eius, translulit illum, &c.*

ANTICIPATIONIS IN
TVR VERB-
BVM ACTO-
RYM CAP. 7.
TENDA.

EXPONV-
TVR VERBA
ACTORYM
CAP. 7.

10. Non item quemquam mouere debet, quòd aiunt, illa Actorum verba, *Cùm non haberet filium*, non esse referenda ad illa quæ prius dixerat, *Et inde postquam mortuus est pater eius, translulit illum in terram istam, &c.* sed tantummodò ad sequentia, *Et non dedit illi hereditatem, &c.* ita vt sit sensus verborum B. Stephani: quòd Deus translulit secunda vice Abramum in terram Chanaan post mortem patris sui, & non dederat ei hereditatem; sed repromiserat dare illi, quando nondum habebat filium. Non, inquam, hæc obstant; Primò, quia non sic oportet Scripturam exponere, addendo eidem, & variando eius verba; alioqui proculdubio facile cuiquam erit extorquere sensus Scripturarum ad propriam voluntatem. At si velimus (vt par est) relinquere Sacrum textum in sua simplicitate, quis non videt, S. Stephanum nihil aliud hisce verbis significare voluisse, nisi quòd post mortem Thare hæc omnia successiue contigerunt, nimirum, primò egressus Abrami de Haran, ille inquam idem, de quo in Genesi; postea repromissiones; postremò natiuitas ipsius Isaac: eo scilicet prorsus ordine, quo in ipsa Genesi descripta inueniuntur. Deinde, si dicta verba, *Cùm non haberet filium*, referenda essent tantummodò ad illa, & *non dedit illi hereditatem, &c.* viderentur indicare, datam postea fuisse Abramo hereditatem, post natum Isaac. Atqui clarum est, Deum nullam dedisse ipsi Abramo hereditatem in terra Chanaan, neque posteaquam habuit filium. Nam quòd aiunt de duobus agris, quos post natum Isaac videtur Abram possedisse, alterum in Bersabee, vbi fodit puteum, & plantauit nemus, Genes. cap. 21. vers. 25. & sequentibus; alterum in terra Heth, vbi erat spelunca duplex non procul ab Hebron, de qua agitur Genes. cap. 23. vers. 17. Dicimus, verum quidem esse, quòd secundum hunc agrum possedit Abram, non titulo hereditario, sed emptionis; siquidem eum coëmerat ab Ephron Hethæo, vt ibidem describitur. Et idem videtur sensisse sanctus Augustinus quæst. 57. in Genes. etiam de priori agro, quòd scilicet eum emisisset ab Abimelech Rege Palæstinorum. Verumtamen nos sub anno mundi 2144. num. 3. ostendemus, quòd Abram neque iure hereditario neque emptionis vmquam possederit priorem illum agrum, sed tantummodò tamquam conductor & colonus. Præterea ex verbis S. Stephani manifestè apparet, ipsum non loqui de possessione terræ emptæ, sed de hereditate, seu promissione terræ Chanaan danda posteris Abrami post quadringentos circiter annos, vt patet in ipsa continuatione sermonis, vbi sæpius, nempe vers. 6. 7. 17. & 45. eiusdem capituli, fit mentio dictæ promissionis terræ Chanaan. Rectè ergo ibidem Caietanus, Aduerte, inquit, quòd littera non dicit, Abramum non possedisse nec passum pedis in terra Chanaan; sed quòd Deus *non dedit illi hereditatem in*

ea, nec passum pedis; sed repromisit dare illi eam in possessionem, & semini eius post ipsum. Ex quibus omnibus clarè consequitur, ut iam satis dictum est, verba illa, *Cum non haberet filium*, non debere referri tantummodò ad illa, *Et non dedit ei hereditatem*, &c. sed principaliter ad illa, quæ paulò superius dixerat, *Et inde postquam mortuus est pater eius, transtulit illum in terram istam*, &c. ita ut sit sensus, translationem illam & repromissiones factas fuisse post obitum Thare, & antequam nasceretur Isaac, ut habetur in Genesi. Denique si (ut suprà num. 7. dictum est) ex his, quæ Genesis cap. 22. vers. 20. traduntur, conuinci omnino potest, ipsum Abram quoque de terra Chanaan rediisse in Haran, vnde semel exierat; proculdubiò patet, memoratam de duplici Abrami in terram Chanaan profectiōne distinctionem nullatenus esse recipiendam, tamquam Scripturæ sacræ aduersantem, & ab eius sensu omnino alienam. Neque obstare, quòd S. Augustinus locis suprà numero 6. citatis, eam tetigerit, ansamque Abulensis aliisque eamdem amplexandi præbuerit: quia profectò, ut arbitror sanctus Doctor id non fecisset, si ad proximè adductum Genesis locum aduertisset. Et nihilominus idem sanctus Doctor propositi difficultatis dissoluendæ modum, qui à dicta distinctione dependet, aliis ab eo ibidem excogitatis non prætulit; sed tantummodò cum aliis simpliciter proposuit, atque inter ipsos, illum quoque quem nos sequimur, recensuit; relinquens de his Lectori iudicium, ut vnusquisque quem mallet sibi deligeret. Quare licet nos in hac parte ab Abulense & eius asseclis dissentiamus, non minus tamen quàm ipse cum eodem S. Augustino sentire censendi sumus. Ceterum, ad rationes à nobis hucusque adductas vtrique respondere debuissent, qui postea, his non obstantibus, & sine vlla alia probatione, duos Abrami aduentus in terram Chanaan ponere non sunt veriti.

11. Itaque si Abrami natiuitas incidit anno centesimo trigésimo vitæ patris sui Thare, ut satis superque iam probatum esse confidimus, duo consequuntur. Alterum est, decipi Eusebium in Chronicis, & Græcorum Chronographos, qui pariter in temporum ratione sequuntur LXX. Interpretes; & nihilominus ponunt Abrami natiuitatem in anno mundi ter millesimo centesimo octogésimo quinto, qui numerus tum ab Hebraica veritate, tum etiam à LXX. Interpretum translatione plurimum distat; ut ex his, quæ nos sub anno mundi 131. num. 4. differuimus, liquido constare potest. Alterum est, etiam hallucinari eos, qui existimant ipsum Abram multis annis vixisse, cum adhuc in humanis esset Noë: nam (ut in nostris tabulis supputari potest) ab obitu Noë ad ortum Abrami, intersunt anni ad minus duo & triginta. Vnde vanum est quærere, (quod nonnulli faciunt) num Abram fuerit inter eos, qui profecti de Oriente venerunt in campum Sennaar, ad extruendam turrim, quæ postea Babel appellata fuit: cum exploratissimum sit, illud ædificium ipsius Noë temporibus cœptum, atque à Deo disturbatum fuisse. Ex dictis item consequitur, falli tum Pererium multis in locis, tum etiam Iosephum Scaligerum lib. 7. de Emendatione temporum pag. 377. vbi ponit Epochas à condito mundo; qui aiunt, à Diluuiò ad ortum Abrami decurrisse annos dumtaxat ducentos nonaginta duos: cum ex superius adductis, & in nostris tabulis in calce huius secundæ mundi ætatis adnotatis, constet, fluxisse trecentos octoginta duos. Causa autem huius diuersitatis inter prædictos Auctores & nos, est; quia ipsi inter Arphaxad & Sale omittunt generationem Cainan, & triginta annos quos habebat quando genuit Sale; & item in summa annorum, quæ fluxit ab ortu Thare ad ortum Abrami, prætereunt alios sexaginta annos; quos, & priores triginta, nos ob rationes hæcenus sub hoc anno, & sub anno mundi 1694. adductas, credimus esse adiciendos.

12. Sed, ut hîc aliquid de ipso Abramo, & prius de ipsius nomine dicamus; si quis percontetur, cur sanctus iste vir Abrami potius vocabulo, (quod *transitor* interpretatur) quàm alio, fuerit appellatus: responder B. Chrysostomus Homil. 35. in Genesim, *Ab initio, inquit, parentes ei hoc nomen indiderant, iam antea significantes, eum inde migraturum: vocatus enim est Abram, quia migraturus erat trans Euphratem, & in Palestinam venturus. Attende, quomodo & parentes eius, licet infideles forent, ducti potentissime sapientia Dei, nomen puero imposuerunt: sicut & Lamech suo Noë. Est enim & hoc diuinæ misericordiæ, futura per infideles dicere.* sic B. Chrysostomus. Porro Abram natum educatumque fuisse in Vr ciuitate Chaldæorum, communis est Doctorum opinio. quæ etiam ex pluribus sacræ Scripturæ locis aperte colligi potest; nimirum Genes. cap. 11. vers. 28. vbi dicitur, quòd Aran Abrami frater mortuus est ante Thare patrem suum, in terra natiuitatis suæ in Vr Chaldæorum. & ibid. vers. 31. legimus, quòd Thare tulit Abram, & Saram, & Lot, & eduxit eos de Vr Chaldæorum, ut irent in terram Chanaan. & cap. 15. vers. 7. ait Deus ipsi Abramo: *Ego Dominus, qui eduxi te de Vr Chaldæorum.*

REFEFLVM.
TVR EYSE-
BIVS ET
GRÆCORVM
CHRONO-
GRAPHI, ET
QVI AB RAM
CVM NOE
VIXISSE
PUTANT.

ANNI ADI-
LVVIO AD
ORTVM
ABRAMI
QVOT.

ABRAM CVM
SIC VOCATVS

VBI NATVS
ET EDVCA-
TVS.

item Iudith cap. 5. ver. 6. testatur Achior, populum Iudaicum fuisse ex progenie Chaldaeorum; quod verum esse non posset, nisi Abram fuisset Chaldaeus. & demum Actorum cap. 7. vers. 4. aperte dicitur Abramum exisse de terra Chaldaeorum. Idem sentiunt Iosephus 1. Antiq. cap. 8. ubi id etiam antiquissimorum Scriptorum, Berosi, Hecataei, & Nicolai Damasceni testimoniis comprobatur; & Philo Hebraeorum disertissimus, in libro, quem De Abrahamo inscripsit, non semel hoc idē supponit & significat, dicens, Deum apparuisse Abramo, quando more Chaldaeorum intentus erat siderum cursibus; & ipsum Dei iussu primò de Chaldaea migrasse in Charan, inde in Chananazam. Eusebius quoque in principio sui Chronici dicit, Abramum natione Chaldaum, primam aetatem apud Chaldaeos egisse; & libro 9. de Preparatione Evangelica, cap. vlt. non longè ab initio, testatur Abramum natum esse in Camerine, Babyloniae vrbe, quam alij (inquit) Vrien dicunt, quod nomen Latine Chaldaepolim significat; & ab ipso Astrologiam fuisse apud Chaldaeos inuentam. Horum sententiam secuti sunt B. Hieronymus in Quaestionibus Hebraicis in Genes. & S. Augustinus de Civ. lib. 16. cap. 12. & 13. & alij fere omnes; ita vt de hac re dubitandum non sit, hallucinari Paulum Burgensem in 1. Additione ad Postillas Lyrani super Genes. cap. 12. ubi oppositum conatur ostendere; cuius argumenta optime dissoluit Pererius super idem cap. Genes. num. 20. Quamquam etiam ipse Burgenfis postmodum, mutata opinione, in suis Additionibus ad cap. 28. libri Deuter. asseruit, Abramum natum esse in Chaldaea, & inde à Deo fuisse eductum. Et hæc de ortu Abrami dicta sufficiant, si illud addiderimus, quòd sicut Noë fuit decimus ab Adam, ita & Abram à Noë, & vigesimus ab Adamo, iuxta textum LXX. Interpretum, quem in hac parte nos sequimur; nam secundum textum Vulgatum Genesis, in quo nulla reperitur mentio Cainan filij Arphaxad, remanet Abram decimus nonus ab Adam; à Noë verò non potest esse decimus, nisi vtrisque terminis computatis. Constat autem, vt benè notat Hieronymus Oleaster super cap. 11. Genesis, cunctas priores generationes, ab Adam vsque ad Abram, supputatas esse propter ipsum Abram, cuius præcipuè historiam Scriptura sacra, seu Moyses, intexere intendebat. Quemadmodum enim S. Matthæus, volens conscribere historiam vitæ Christi, qui fuit pater gratiarum, & Redemptor generis humani, orsus est ipsius Christi genealogiam ab Abramo, de cuius semine iuxta diuinam pollicitationem nasciturus erat: ita Moyses, intendens describere gesta Abrami, qui fuerat pater circumcisionis, & figura Redemptoris, voluit auspicari genealogiam eius ab Adamo, qui fuit pater vniuersæ carnis. Quamquam illud interest, quòd sanctus Euangelista Matthæus succinctè admodum percurrit Christi progenitores, sine vlla digressionē, quippe qui sciebat reliqua in Sacris veteris Testamenti libris haberi, Moyses autem sapissimè digreditur, & plurima scitu digna veluti obiter interponit, certò sciens, ea prius à nemine fuisse conscripta.

AB ORBE CONDITO SECVNDÆ MVNDI ÆTAT.

ANNVS 2048.

ANNVS 392.

OBITS I
NINI.

ANNO decimo ætatis Abrami, necesse est mortuum esse Ninum primum Regem Assyriorum, ac primæ mundi Monarchiæ conditorem, qui regnasse dicitur annis quinquaginta duobus, vt scribit Eusebius in Chronicis. Si enim (vt sub anno mundi 1997. num. 1. multis Scriptorum testimoniis probatum est) primus ætatis Abrami annus concurrat cum anno quadragesimo tertio regni Nini, proculdubio oportet quinquagesimum secundum eiusdem Nini concurrisse cum decimo ipsius Abrami, vt patet in tabulis. Reliquit autem Ninus Imperium vxori suæ Semiramidi, cuius virtutem benè cognitam ac perspectam habebat, & quia etiam, vt creditur, filius eius per ætatem non adhuc tanto aptus regendo erat Imperio. *Sepultus verò fuit Ninus in regia, hoc est in Ninive, sepulchro ingentis molis, altitudine novem stadiorum, latitudine, vt ait Ctesias, decem, ei constructo. Cum ciuitas iuxta Euphratem sit in plano condita, conspicitur velut arx quadam ea moles, licet multis stadiis distans: quam nunc etiam stare dicunt.* sic Diodorus Rerum antiquarum lib. 3. cap. 3. in fine.

AB ORBE CONDITO SECVNDÆ MVNDI ÆTAT.

ANNVS 2049.

ANNVS 393.

DE SEMI-
RAMIDE.

INNO insequenti, Semiramis, quæ fuerat Nini Regis vxor, viro suo successit in regno Assyriorum, vt testantur Diodorus ubi suprà, & Eusebius in Chronicis. Et circa initia, vt arbitror, regni eius, Ninam seu Niniuem urbem regiam à Medis fuisse diru-

ABRAM A
NOE DECI-
MVS, AB
ADAM VI-
GESIMVS.NINVS CVR
RELIQVE-
RIT RE-
GNVM SE-
MIRAMIDI.
VBI SERV-
TVS.

AN BABY-
LONEM AE-
DIFICAVE-
RIT.

dirutam, tradit Diodorus Rerum antiquarum lib. 3. cap. 4. in principio. Quo tempore (si eadem Diodoro & Iustino circa initia libri primi credendum est) ipsa Semiramis, magni mulier animi, cupiens virum rerum gloria excellere, urbem in Babylonia condidit; hoc est, urbem Babylon appellatam, & à Nemrod olim inchoatam, & numquam postea plene hæcenus absolutam, ipsa Semiramis mirificè auxit atque ampliavit, ac veluti de nouo totam condidit, magnificentissimis in ea extructis ædificiis, vt in toto proxime citato capite idem Diodorus fusiùs describit, ad quem huiusmodi rerum curiosos libenter remittimus, ne ab instituto nostro longius quam par est digredientes, in rebus parum vtilibus tempus conteramus. Hæc ferè eadem de Semiramide tradit Berosus Annianus. At verò legitimus verusque Berosus (vt videre est apud Iosephum libro 1. contra Apionem) è contrario reprehendit Scriptores Græcos, quòd falso tradiderint, à Semiramide Babylonem esse ædificatam sive instauratam, & miranda illa circa urbem opera fuisse constructa; quæ ipse à Nabuchodonosor excitata tradit. Vnde euidenter infertur, Berosum Annianum esse supposititium & falsum, vt pote vero ac legitimo apertè contrarium. Ceterum, si vera sunt quæ de Medis vbi supra tangit Diodorus, vtique oportet regnum Medorù ab hoc vsque tempore inchoasse, aliquo ipsorum ab Assyriis deficiente, ac regnum Mediæ sibi vsurpante. Sed de hac re nihil aliud, quàm quod dictum est, hic adferre possumus. Reliqua verò gesta Semiramidis prosequitur Diodorus lib. citato cap. 4. & 5. vbi tradit, eandem magnam Libyæ Æthiopique partem in suam ditionem redeigisse, ac bellum Indis illarum vario euentu gessisse. Quod & breuiter tangit Iustinus loco citato, vbi plura de mirabili Regine huius virtute ac prudentia paucis perstringit. atq; illud in primis, quòd statim ac orbata marito est, nec impuberi immaturoq; filio ausa tradere Imperium, nec ipsa illud palam tractare, tot ac tantis Gentibus vix patienter vni viro, nedum feminæ, parituris, sexum ad tempus mentita, se pro filio bellè admodum aliquamdiu credi curauit, donec tandem rebus præclare gestis se ostendit talem, quæ etiam viros virtute anteiret, & cui propterea nemo parere detrectaret.

2. Eodem anno, nimirum decennio. post ortum Abrami, natam esse Sarai siue Saram, manifestè colligitur Genes. cap. 17. vers. 17. vbi dicitur, quòd Abram erat centenarius, quando Sara erat nonagenaria. De hac Sarai, quæ postea fuit vxor Abrami, operæpretium erit hoc loco non oscitanter disquirere, cuiusnam filia fuerit. Id enim scire necessarium videtur, tum ad veram aliquot Scripturæ sacræ locorum intelligentiam, tum etiam ad veracem ac legitimam eiusdem Scripturæ historiam (quod nostri muneris est) indicandam. Itaque, vt ad rem veniamus, scire in primis oportet, quattuor de hoc quæsto reperiri opiniones. Prima est, ipsam verè fuisse sororem germanam Abrami, non tamen vterinam, filiam scilicet Thare patris Abrami, sed alterius matris. Putant namque isti, ipsum Thare duas duxisse vxores, atque ex prima genuisse Abram, ex altera verò Saram. Altera sententia est, quòd Sarai fuerit filia Aran fratris Abrami: dici verò sororem ipsius Abrami, more Hebraico, vt mox probabitur. Tertia opinio fuit, Saram fuisse quidem ipsius Abrami fratris filiam; non tamen ab ipso Aran, neque à Nachor, sed ab alio aliquo Abrami fratre innominato, genitam. Quarta denique sententia est, quòd, quidquid sit de proprio ac naturali patre eiusdem Saræ, ipsa fuerit filia Thare adoptiua, & consequenter vera soror Abrami. Quoniam autem res admodum difficilis est; oportet, bona Lectoris venia, singulas hæc opiniones diligentius examinare, vt videre possimus, quænam verior sit, & ceteris derelictis potius amplexanda.

QUATTUOR
HAC DE RE
OPINIONES

3. Primæ opinionis videtur fuisse B. Hieronymus in Traditionibus Hebraicis, super cap. 20. Genes. sed alibi aliter sentit, vt infra ostendemus. Placuit verò prima hæc opinio Clementi Alexandrino non multò ante finem libri secundi Stromatum, & Lipomano in sua Catena, super cap. 20. Genes. & Caietano, qui super cap. 11. Gen. & alibi, maxime omnium pugnat pro hac assertionem sustinenda. Dominicus item Soto lib. 2. de Iustitia & Iure, quæst. 3. artic. 8. ad 4. vbi obiter hanc tangit difficultatem, videtur sentire cum Caietano; sed tamen nihil determinat. Immo non est (inquit) hic locus, hoc vel pressius discutiendi, vel certius definiendi. At verò idem Sotus in 4. Sententiarum, dist. 40. quæst. vnica, art. 4. ad 2. vbi ex professo tractat hanc difficultatem, cum retulisset argumenta Caietani, & alia ipse ex proprio ingenio in fauorem huius opinionis addidisset; tandem licet videatur concludere, probabile admodum esse, quòd Sara fuerit verè soror Abrami; non quia coniugium inter fratres & sorores Iure naturali fuerit licitum, vt vult Caietanus, sed quia Abram ex speciali reuelatione Dei eam du-

PRIMAE O-
PINIONIS
AVCTORES.

ixerit. Verumtamen cum de hac reuelatione nihil constet, & nulla necessitas tam vrgens appareat, consultius (inquit) est sentire cum his, qui sententiam tuentur oppositam, de qua nos infra suo loco dicemus.

PRO PRIMA
OPINIONE
ARGUMEN-
TA.

4. Porro argumenta, quæ pro hac prima opinione adducunt Caietanus & Sotus, breuiter ad hæc reduci posse videntur. Primò, (inquiunt) si ponderemus verba Abrami, Genes. cap. 20. vers. 12. *Verè soror mea est, filia patris mei, & non filia matris meæ, & duxi eam in uxorem.* nihil expreßius videtur dici potuisse, ad significandum eam simul fuisse & sororem eius germanam, licet non vterinam, & coniugem. Secundò, si appellasset eam sororem more Hebraico, nimirum eò quòd esset filia Aran fratris sui, vt secunda tenet opinio: profectò cum dixisset, *filia patris mei*, non debuisset addere, *& non filia matris meæ*; quia ita fuisset neptis matris Abrami, sicut & patris (supponunt enim, Aran & Abram ex eadem matre fuisse progenitos.) Tertiò, quando Rex Abimelech conquestus est de Abramo, quòd imposuisset ei, dicens, illam esse sororem suam, cum tamen esset vxor; debuisset Abram respondere Regi: Dixi esse sororem meam, iuxta ritum gentis meæ, (nam consanguineas solemus appellare sorores.) cum autem absolute dixerit: *Verè soror mea est*, &c. proculdubio videtur vel indicare voluisse, reuerà esse sororem, vel fallere Regem, credentem esse sororem germanam. Quartò, quando Genes. cap. 11. vers. 29. dicitur, quòd *Abram & Nachor fratres duxerunt uxores, nomen uxoris Abram, Sarai: & nomen uxoris Nachor, Melcha filia Aran, patris Melche, & patris Ieshe.* si Sara fuisset filia Aran, vtique dixisset, *Filia Aran, patris Melchæ & Sarai*, præsertim cum magis expediret scire, cuius filia esset Sara, quàm Melchæ. Quintò Abram videtur senior fuisse ipso Aran: siquidem primus nominatur inter fratres suos. Quomodo ergo Aran potuit esse pater Saræ, quæ erat iunior Abramo decem dumtaxat annis? Sextò, Non est quòd quis perhorrescat, audiens Abramum duxisse propriam sororem in coniugem; cum tales nuptiæ non sint Iure naturali prohibiti, quemadmodum probat Caietanus super 2. 2. quæst. 154. art. 9. & in Opusculo ad Clementem VII. de coniugio Regis Angliæ, & sentiunt Richardus dist. 40. quæst. 2. Durandus, & Scotus. Quamquam reliqui (præter Caietanum) videantur non constanter loqui, sed pugnancia dicere, vt refert Sotus in 4. vbi supra.

5. Mouetur verò Caietanus his rationibus, quòd scilicet nuptiæ inter fratres & sorores non sint Iure naturali prohibiti: Primò, quia si Iure naturali essent prohibiti, semper & vbique fuissent prohibiti, nec vlla prorsus de causa potuisset in eis dispensari. atqui proculdubio fuerunt liciti in exordio mundi, inter primos Adæ liberos. ergo, &c. Deinde si dixeris, Repugnat naturæ, vt pater contrahat cum propria filia. Verum est, (inquit) quoniam pater & filia ita sunt per se & immediatè coniuncti, vt filia sit quodammodò pars patris: at fratres & sorores non per se, sed ratione patris, sanguine iuncti sunt; nec alter potest vilo modo dici pars alterius, vnde non repugnat Iuri naturæ, vt possint inter se contrahere. Præterea si non potuissent huiuscemodi connubia concedi, profectò non dixisset Thamar Amnoni fratri suo volenti eam opprimere: *Noli frater mi facere stultitiam hanc; quin potius loquere ad Regem, & non negabit me tibi*, 2. Reg. cap. 13. vers. 12. Quid enim est dicere, *Non negabit me tibi*, nisi supponere, Regem potuisse in tali coniugio iustè dispensare? Denique exemplis confirmant, dicentes, à Pontifice Maximo fuisse dispensatum cum Emanuele Portugaliz Rege, vt duas successiuè sorores duceret: & cum Catharina, Fernandi & Elisabeth Regum Hispaniarum filia, vt successiuè duobus nuberet fratribus Angliæ Regibus.

SARAM NON
FVISSE, SO-
ROREM GER-
MANAM A-
BRAMI.

6. His tamen non obstantibus, dicimus, nullo modo concedi deberi, Saram fuisse sororem germanam ipsius Abrami: nam eo tempore non solum non erant liciti, sed nec in vsu nuptiæ inter fratres & proprias sorores. Primum patet, quia coniugia inter primi gradus consanguineos non modò in linea recta, veluti inter patrem & filium, aut (quod sæpius est) inter filium & matrem; sed & in transuersali, scilicet inter fratrem & sororem (excipimus nunc casum publicæ extremæque necessitatis, aut diuinæ reuelationis, de quibus infra dicemus) Iuri naturæ videntur repugnare. Nam si de prioribus agamus, certum est, quòd homines rationis vsum sequentes, huiuscemodi connubia naturaliter horrere consueuerunt, tamquam fœda, & humana naturæ prorsus aduersantia, & ferarum morem quodammodò redolentia, iuxta illud Ouidij lib. 7. Metamorphoseos:

*Dextera Cyllene est, in qua cum matre Menephron
Concubituus erat, seuarum more ferarum.*

Quin etiam & bruta ipsa, naturali quodam instinctu acta, visa sunt aliquando nefandos

dos huiusmodi congressus mirum in modum auerfari. In promptu sunt exempla, quæ Aristoteles lib. 9. de Historia animalium cap. 47. & Plinius lib. 8. cap. 42. scripta reliquerunt, de camelo & equo, qui operimento contactas matres superuenire coacti, posteaquam oblato operimento cognouerunt se cum matribus concubuisse; alter camelarium, tamquam sceleris auctorem morsu interemit, alter verò se ipsum, præ facti pœnitudine, præcipitem dedit; ac si deinceps se vita indignum existimaret, ex quo tale facinus perpetrasset. Si autem fraterna connubia consideremus, quis non videt, quantæ caligine laborauerint barbaræ quædam nationes, veluti Persæ & Ægyptij, de quibus fertur, quòd aliquando peruerfis admodum legibus ea permiserunt? quæ licet non usqueadeò sint abominabilia, quemadmodum si inter parentes filiosque contraherentur: attamen esse omnino indigna, & naturali decentiæ reuerentiæque, necnon & humano pudori atque honestati contraria, vel ex verbis B. Hieronymi colligere licet, qui aduersus Eluidium meritò admiratur, dicens: *Quale est, ut Abram vir iustus patris sui filiam coniugem sumpserit? cum in primis hominibus propter aurum sanctitatem, id ipsum Scriptura non nōminet, malens intelligi, quam proferre: & Deus postea sanciat, & minetur: Qui acceperit sororem suam de patre suo, vel de matre sua, & viderit turpitudinem eius, & ipsa viderit turpitudinem illius; opprobrium est, & exterminabuntur coram filiis generis sui.* hæc S. Hieronymus. Extat verò hæc lex Leuitici cap. 20. vers. 17. Vbi cum prohibuisset coitum cum masculo & cum iumentis, continuò prohibet damnatque sub eadem mortis pœna nuptias cum propria sorore, siue vterina, siue non; quodammodo indicans non secus esse abominabiles, ac nefandissima illa peccata ibidem paulò prius memorata. Neque verò tantummodò vetitum esse talia coniugia contrahere, sed etiam si contrahantur, nullius esse valoris, docet Innocentius in cap. Gaudemus, de Diuortiis, vbi absolute pronuntiat, *infidelium matrimonia in primo gradu contracta non tenere; sed cum quis eorum ad fidem venerit, omnino esse rescindenda, tamquam prorsus irrita & nulla.*

7. Quòd autem Abrami temporibus non essent in vsu nuptiæ inter fratres & sorores, inde colligi potest, quòd Abram Genes. cap. 12. vers. 13. & cap. 20. vers. 2. veritus ne Ægyptij & Palæstini putantes Saram esse vxorem suam, ipsum occiderent, ut possent illam ducere, quia erat pulchra valde: rogauit eam, ut diceret se esse sororem suam. & idem legimus fecisse Isaac Genes. cap. 26. vers. 7. Videbatur enim satis esse ad ostendendum quòd aliqua non esset vxor, dicere, esse sororem, tamquam si tunc euidentissimè constaret, sorores suorummet fratrum coniuges esse non posse. Et ideò Pharaò, statim ut audiuit Saram esse sororem Abrami, sine vlla prorùs hæsitatione credidit non esse eius vxorem, & voluit ipse eam ducere: contra verò, quando cognouit illam esse vxorem Abrami, continuò intellexit non esse veram germanamque; ipse sororem; & propterea conquestus est, dicens: *Quam ob causam dixisti esse sororem tuam?* Et idem fere fecit Abimelech Rex Palæstinorum cum Abramo & Isaac. Itaque optimè S. Augustinus lib. 22. contra Faustum cap. 35. *Eo tempore (inquit) quo Abram in humanis erat, iam fratres ex utroque, aut altero alterave parente natos, neccì coniugum non licebat.*

8. Diluamus ergo argumenta in contrarium adducta: & primò supponamus, (quod verissimum est) Abramum, quando dixit, *Verè soror mea est,* &c. morè patrio esse locutum. Non igitur sensus horum verborum est, quòd Sara vera soror, id est naturalis & germana soror esset Abrami; sed quòd Abram verum dixerat, & verè, id est veridicè pronuntiauerat, dicens Saram esse sororem suam. reuera enim dicebatur soror sua, iuxta consuetudinem patriæ suæ. Solebant namque Hebræi, fratrum filias appellare sorores, ut infra probabitur; & proprias neptes, auunculi filias dicere. Et ideò verè & sine vllò mendacio etiam subiunxit, *filia patris mei, & non filia matris mee.* aperte indicans, Tharam non ex eadem coniuge genuisse Abramum & Aran; quo fit, ut Sara filia Aran verè etiam dicebatur filia Thare aui sui, qui erat pater Abrami; sed non filia matris ipsius Abrami. Et per hæc patet responsio ad primum & secundum argumentum. Ad tertium dicimus, quòd Abram semper locutus est in sua simplicitate, secundum consuetudinem patriam; nec habuit intentionem significandi, Saram fuisse sororem suam naturalem ac germanam, nec fallendi Regem. Nam ex quo postea dixit, esse sororem pariter & vxorem suam, satis clarè videtur eidem insinuasle, quomodo intelligere deberet quod dixerat, esse sororem suam, nimirum non natura, sed cognatione, eo scilicet modo quo iam declaratum est, & inferius etiam dicetur. Et probabile item admodum est, ipsum Abimelech sic intellexisse; alioqui potuisset ei respondere:

AD ARGUMENTA RESPONSO.

dere: Quomodo ergo non es veritus ducere germanam sororem in coniugem; quod neque nos, in quibus existimasti non esse timorem Dei, facere audemus? Ad quartum asserimus ex sententia SS. Hieronymi in Traditionibus Hebraicis in Genes. cap. 11. & Augustini lib. 16. de Ciuit. in fine cap. 12. & aliorum; Saram eandem esse cum ea, quæ dicitur Iescha; duplici namque nomine alias quoque mulieres, & ipsammet Adæ vxorem appellatam fuisse, sub die mundi 6. num. 22. docuimus. Et fieri potest, vt in Chaldaea & Mesopotamia frequentius appellari solet Iescha; in terra verò Chanaan, Sara. Et idcirco Moyse, vt hoc quoquomodo indicaret, semel Iescham, deinceps autem Saram semper nuncupauerit. Ad quintum respondet Sotus in quarto supra citato, quod Abram erat natu minimus, Aran verò maximus; verumtamen Abram prius nominatus est, quia ceteris dignior fuit. & in hoc verum dicit Sotus, vt nos sub anno mundi 2039. num. 2. ex B. Augustino probauimus. Non autem certum est quod asserit Sotus, nimirum Aran fuisse natu maximum; propter ea quæ à nobis sub anno mundi 1979. num. 2. dicta sunt. Neque vlllo modo recipiendus est Sotus in eo quod subdit: Itaque vbi legitur Genes. cap. 11. quod Thare septuagesimo ætatis suæ anno genuit Abram, Nachor, & Aran; intelligitur tunc genuisse Abramum; sed antea, cum esset forsan quadragenarius vel sexagenarius, genuerat Aran. sic Sotus. Sed nos iam satis sub anno mundi proximè allegato num. 1. contra hanc illius Textus expositionem disputauimus, & diximus, verum ac legitimum illius loci sensum esse, quod Thare, cum esset annorum septuaginta, cœpit generare tres illos filios, quorum commemoratio Moyse videbatur necessaria, ob causas ibidem à nobis adductas: & quod tunc quidem genuit Nachor, & post aliquot annos, Aran; deinde, cum esset annorum centum triginta, genuit Abramum natu minimum. Ad sextum dicimus cum Soto & aliis, nuptias inter fratres & germanas sorores, etiam non veritas, esse iure naturæ veritas; excepto dumtaxat calu diuinæ reuelationis, aut extremæ propagandi generis humani necessitatis. Nam, vt beatus ait Augustinus lib. 15. de Ciuit. cap. 16. sorores accipere in matrimonium, primis humani generis temporibus omnino licuit; illa tamen necessitate cessante, sic naturæ aduersatur, quasi numquam licere potuerit. Ratio huius dicti peti potest ex Soto, super 4. Sententiarum iam citato, vbi ait; huiusmodi nuptias quidem iure naturali prohibitas: sed ducere sororem, non est per se & intrinsecè malum, sicut peierare, blasphemare, & huiusmodi, ita vt non possit Deus super tali coniugio dispensare: ideo existimare debemus, in casu publicæ & extremæ necessitatis, quemadmodum in exordio mundi, fuisse à natura, siue à Deo tamquam naturæ auctore, dispensatum; nec alia tunc opus fuisse reuelatione præter clamorem ipsius naturæ, vt fratres sororibus commiscerentur.

9. Ad argumenta Caietani. Quando dicit, Si tales nuptiæ iure naturali essent vitæ, semper & vbique fuissent prohibitæ; concedimus, iisdem manentibus circumstantiis: at his mutatis, nequaquam. Scimus enim, quod circumstantiæ nonnumquam mutant speciem actus. Vnde quemadmodum naturale est homini, retrahere manum à ferro eam percutere attentante; & nihilominus etiam naturale est, eandem manum aut brachium ensi vtrò supponere, ne caput feriat: ita dicimus, naturale esse hominibus, non contrahere inter fratres & sorores, ad naturalem indecentiam deuitandam: verumtamen naturale quoque fuisse, in ipso mundi exordio, fraterna celebrare coniugia, propter ineuitabilem necessitatem propagandi genus humanum. Non desunt alij casus, in quibus clarum est, Deum, seu Legem diuinam, dispensare in his quæ sunt iuris naturalis, ob aliquod maius bonum, nam repugnat iuri naturæ, vnum virum plures simul habere vxores, vt latè probat Sotus in 4. dist. 33. quæst. 1. art. 2. & nihilominus patet, Deum multoties, ad propagandum Israëliticum populum, super hoc dispensasse, in Abramo, Iacob, Dauide, & multis aliis sanctissimis viris; de quibus dubium non est, quin Deo inspirante aut consentiente id fecerint. Sunt etiam matrimonia inter infideles iure naturali perpetua, & tamen Lex diuina concedit dissolutionem, quando alter eorum conuertitur, nec potest sine iniuria Creatoris habitare cum altero. Quin etiam & fidelium matrimonia, per verba de præsentī contracta; licet, si tantummodo ius naturæ spectes, sint indissolubilia: tamen si quis eorum ante consummationem ingrediatur Religionem, illicd vi diuinæ Legis dissoluantur. Et sic cessat prima ratio Caietani. Ad secundam dicendum est cum Soto, quod etsi frater & soror inter se, non per se coniungantur, sed ratione parentum; satis tamen est, tam propinquo strictoque nexu in parentibus vniri, vt quasi idem reputentur. Nam si filius, vt ait Aristoteles, est pars patris; filius & soror, tamquam partes totius reputantur. Ad tertiam responderi potest,

potest, quòd Thamar, inopinata facinoris immanitate perturbata, protulit illa verba; non quia certò sciret, Regem super tali matrimonio potuisse dispensare, cum potiùs debuisset scire oppositum, eò quòd in Lege esset expressè prohibitum; sed vt hac spe fratrem ab illo scelere diuerteret: vel quia præ ignorantia & simplicitate sua reuerà putaret, Regem, vt vulgò dicitur, omnia posse. Ad quartam, quòd Papa dispensauerit, vt Emanuël Portugaliæ Rex duas non proprias, sed alienas sorores successiue duceret; & vt Catharina Hispaniarum Regum filia, duobus nuberet fratribus Angliæ Regibus; fieri potest: & nos non negamus, Papam dispensare posse, vt quis ducere valeat sororem eius, quæ fuerat vxor sua, quòd est dispensare in primo gradu affinitatis: sed quòd vñquam dispensauerit in primo gradu consanguinitatis, scilicet quòd quis propriæ sorori nuberet; reperiri non poterit. Ex his igitur perspicuum est, primam opinionem, nimirum quòd Sara fuerit propria ac germana soror Abrami, nequaquam sustineri posse.

10. Examinemus nunc secundam, quæ erat, quòd Sara fuerit filia Aran fratris Abrami, dictaque sit soror ipsius Abrami duplici de causa. Primò, quia Thare, cum esset patrifamilias omnis illius domus, quæ venerat de Vr Chaldaeorum in Haran, omnes tum filij tum nepotes appellabant eum patrem, & inter se dicebantur fratres. Specialius autem Sara dicta est filia Thare; quia ex quo mortuus fuerat Aran, verus ac naturalis Saræ pater; ipsa Sara nullum aliùm agnoscebat patrem nisi Thare, & Thare eam tamquam sibi à filio suo genitam & relictam, pro vera filia diligebat, habebatque. Vnde non immeritò Abram, volens explicare quomodo soror sua esset, dixit: *filia patris mei*, &c. loquendo scilicet iuxta ritum gentis suæ. Potuit quoque dici Sara soror Abrami, eo prorsus modo, quo Lot filius eiusdem Aran nuncupatur frater Abrami Genes. cap. 13. vers. 8. & cap. 14. vers. 14. & Laban Genes. cap. 29. vers. 15. vocauit Iacob fratrem, eò quòd esset filius sororis suæ Rebecæ. Consueuerant autem Hebræi non solum fratrum, sed etiam consobrinorum filios filiisve, appellare fratres ac sorores, vt patet de Isaac, qui Genes. cap. 26. vers. 7. dicit, Rebeccam esse sororem suam, quæ erat filia Bathuelis, filij Nachor, fratris Abrami, Gen. cap. 22. vers. 33. & cap. 24. pluribus in locis. Quin etiam omnes qui erant de cognatione sua, fratrum sororumve nomine appellari soliti erant, vt probat S. Augustinus contra Faustum loco citato, aliquot Scripturæ exemplis. Nam Tobias (inquit) iunior, quam accipiebat vxorem, appellauit sororem, Tobias cap. 8. vers. 9. non quidem eiusdem patris aut matris suæ natam, sed ex eadem stirpe cognationis exortam. Et in Euangelio, fratres Domini nominantur, non eiusdè matris filij, sed ex eadem consanguinitate propinqui. Idem diffusè probat B. Hieronymus contra Eluidium, vbi ait: fratrem quadrupliciter accipi, natura, gente, cognatione, & affectu; ac de singulis plurima Scripturarum profert exempla.

11. Porro Saram fuisse filiam Aran fratris Abrami, scribit Iosephus lib. 1. Antiq. sub finem capitis 7. & initio octauæ, & id quoque asseueranter docet B. Augustinus libro 16. de Ciuit. cap. 19. & fusiùs lib. 22. contra Faustum cap. 35. & in Questionibus in Genes. & refertur 22. quæst. 2. can. Quæritur. Eandem sententiam recipit B. Thomas 2.2. quæst. 110. art. 3. B. etiam Hieronymus loco citato contra Eluidium, & super cap. 1. Iob eiusdem videtur fuisse sententiæ; & etiam in Traditionibus Hebraicis in Genesim. Nam licet super illa verba Genes. cap. 20. vers. 12. *Aliàs autem & verè soror mea est*, &c. visus sit inclinare in eam opinionem, quòd Sara fuerit soror naturalis Abrami, & in excusationem huius coniugij dicat, necdum illo tempore tales nuptias Lege Moyssi fuisse prohibitas: tamen in eodem libro super illa verba cap. 11. vers. 29. *Melcha filia Aran, patris Melchæ, & patris Iesche*. affirmat, Aran Abrami fratrem duas habuisse filias, Melcham scilicet & Saram, quæ alio nomine vocabatur Iescha; & ambas duobus fratribus ipsius Aran fuisse nuptas, nempe Melcham ipsi Nachor, Saram verò Abramo. *Necdum quippe* (inquit idem S. Hieronymus) *inter patruos & fratrum filias nuptiæ fuerant Lege prohibita, quæ in primis hominibus, etiam inter fratres & sorores initæ sunt*. Vbi non oportet arbitrari, B. Hieronymum indicare voluisse, quòd postea in Lege Moysaica vetitæ fuerint nuptiæ inter patruum & fratris filiam; nullibi enim hoc reperitur, quin potiùs constet de opposito: Othoniel namque duxit Axam filiam fratris sui Caleb, vt legimus Iudicum cap. 1. vers. 13. Sed vult dicere B. Hieronymus, quòd temporibus Abrami non erant prohibitæ tales nuptiæ; sicuti postea sub Euangelio. Sotus item in 4. Sententiarum, loco iam sæpiùs notato, hanc eandem secundam sequitur opinionem, & testatur, quòd etiam B. Chrysostomus, licet quidam putauerint eum aliter sensisse, tamen in hanc potiùs videtur ire sententiam: ait enim in Homil.

SARA QVO-
MODO FILIA
THARE.

SARA QVOD
FVERIT FI-
LIA NATU-
RALIS
ARAN.

Homil. 45. in Genes. exponens illa verba: *Soror mea est*, &c. *Quia eundem illa patrem vocat, quem & ego patrem appello, idcirco & ipsam ego sororem vocavi.* Ecce quod ratio cur eam dixerit sororem, assignatur esse, non quia fuerit filia naturalis Thare, sed quia ipsa vocabat eum patrem more Hebraico. Siquidem, vt dictum est, in vnaquaque familia, eum qui ipsius caput, & veluti stirps erat, omnes appellabant patrem. Hanc eandem opinionem sequitur Abulensis, testaturque esse communem, & Pererius quoque, & alij. Vnde & nos, tot tantorumque Doctorum ac præcipuorum Ecclesiæ Patrum doctrinæ inhærentes, eam libentissimè amplectimur: præsertim cum his, quæ eidem opponi solent, iam satis nos suprà respondisse confidamus. Et item, quia si Sara non fuisset filia Aran, non erat cur ipsius Aran mentionem faceret Moyses. diximus enim sub anno mundi 1979. num. 2. & sub anno 2039. num. 2. Scripturam sacram tres tantum Thare filios nominasse; quia ex his tribus originem duxit Israëliticus populus. ex Abramo namque paternum, ex aliis verò duobus maternum genus habuit, vt ibidem ostendimus.

REFELLI-
TVR TEK-
TIA OPI-
NIO.

12. Tertia opinio erat, quod Sara non fuerit filia Aran, sed alterius fratris Abrami innominati, dicereturque soror ipsius Abrami, ratione superius exposita. Sed quoniam neque ex sacra Scriptura, neque ex vllò antiquo probatoque Scriptore id probari potest: arbitror (vt liberè dicam quod sentio) hoc fuisse inuentum eorum, qui putant, Abramum natum esse anno septuagesimo vitæ patris sui Thare. Nam quia ipsis videbatur nimis durum exponere illa verba, *Vixitque Thare septuaginta annis, & genuit Abram, & Nachor, & Aran*, eo modo quo exponunt Sotus & Pererius, vt sup. num. 8. dictum est; scilicet quod Thare anno ætatis suæ septuagesimo genuerit Abram, cum iam antea genuisset Nachor & Aran, quod valdè pugnat cum expositione S. Augustini; & si concederent, Aran natum esse post Abramum; videbant fieri non posse, quod Aran fuerit pater Saræ: siquidem Sara decennio tantum iunior erat ipso Abramo: quare oportet eam octauo aut nono vitæ patris anno esse natam. Idcirco, vt possent mordicus tenere ac defendere, Abramum ortum esse anno septuagesimo patris sui Thare, excogitauerunt tertiam hanc positionem; nimirum, fieri posse quod Sara fuerit filia alterius fratris Abrami innominati, qui multò ante septuagesimum Thare annum sit genitus. Sed omittamus, obsecro, hanc opinionem, quæ nullum habet solidum fundamentum; & ex sola quadam, æque admodum obscura atque incerta coniectura pendere cernitur, & secundæ aduersatur, iam firmissimis argumentis & clarissimorum Doctorum auctoritatibus confirmatæ.

REIICI-
TVR ITEM
QUARTA.

13. Quarta demum ac postrema opinio, excogitata creditur ab his, quibus valdè absurdum videtur concedere, quod Abram propriam duxerit sororem, cum id (præter casum publicæ extremæque necessitatis, veluti inter primos Adæ filios) numquam fuerit naturaliter licitum, nec de vlla speciali reuelatione quidquam constet. Et propterea, cum Scriptura sacra dicat, Saram verè fuisse iorem Abrami, putant id non aliter posse verificari, nisi quoniam (inquiunt) Thare eam adoptauerat in filiam. Sed ista quoque positio reiicienda est, tum quia gratis & sine vllò fundamento asseritur; tum quia aliter optimè ostendi potest, memoratum Scripturæ dictum esse verum, vt in secunda positione ostendimus. Et præterea nimis fuisset indignum, & pariter contra Ius naturæ, si Abram proprii patris filiam adoptiuam, adhuc manente adoptione, ducere ausus esset; etenim, manente adoptione, erat verè foror; & consequenter non poterat esse vxor: soluta verò adoptione, dici verè soror minimè potuisset. Et hæc dicta sint, ad ostendendum, Saram nequaquam fuisse naturalem ac germanam sororem Abrami, sed ipsius neptem, filiam scilicet Aran fratris sui.

AB ORBE CONDITO SECVNDÆ MVNDI ÆTAT.

ANNVS 2052.

ANNVS 396.

ABRAM
CREDITVR
INCREPAS-
SE PATREM,
QVOD IDO-
LA FACERET

AN VM-
QVAM EVE-
RIT IDO-
LALATRA.

A NNO vitæ suæ decimo quarto, Abram, vt tradit Suidas in verbo Abraham, creditur increpasse patrem, quod idolorum imagines faceret, & quæstus gratia seduceret homines, qui huiusmodi imaginibus diuinum cultum adhibebant. Sanè hoc Suidæ dictum, quamquam quod ad annum attinet, vndenam desumptum fuerit, ignoratur; libenter recipiunt, qui tenent, Abramum semper fuisse veri Dei cultorem, & numquam idololatriæ erroribus implicatū. Quod & confirmant auctoritate Iosephi, qui lib. 1. Antiq. cap. 8. de eodem Abramo ita scribit: *Vir fuit re- rum omnium peritus, & eloquens, & in coniectando sagax. cumq; se ceteris ob virtutem præferre capisset, statuit vulgò receptam de Deo persuasionem conuellere & in melius vertere.*

Ergo

Ergo primus omnium ausus est predicare, vnum esse Deum rerum vniuersitatis conditorem: de ceteris, si quid ad felicitatem conferat, non nostris nobis viribus, sed illius voluntate contingere. Hoc verò ex terra ac maris obseruatione colligebat: tum eorum, quæ circa solem, ac lunam, & reliqua sidera videbat accidere: esse nimirum potentiam quamdam, quæ horum curam gerat, & omnia decenter administret, quæ cessante, nihil nostris utilitatibus seruiturum, cum nihil suapte virtute polleat, sed vniuersa omnipotenti ipsius voluntati obsecundent: quapropter huic vni honorem deberi, huic gratias agi oportere. Quamobrem, cum Chaldei, Mesopotamitæq; ceteri contra eum insurgerent, consilium migrandi cepit, & voluntate ac favore Dei fretus, terram Chananæam tenuit, vbi sedibus positus Deo struxit aram, & hostias mactauit. hæc Iosephus. Sed & Abramum numquam fuisse idololatram, probare nituntur etiam argumento ex Ioan. cap. 8. vers. 41. desumpto, nimirum ex illis verbis, quæ Iudæi responderunt Domino, dicentes: *Nos ex fornicatione non sumus nati.* Quod est (inquiunt) ac si iidem Iudæi, qui paulò antè dixerant se esse filios Abrami, nunc subiungerent, simulque inferrent, se non ab idololatriæ originem duxisse, quandoquidem certum sit, Abramum numquam fuisse idololatram. Constat autem ibidem, sicut & alibi non semel in Sacro eloquio, fornicationis nomine idololatriam intelligi: sequitur enim, *Vnum patrem habemus Deum.*

2. Verùm qui oppositam sequuntur sententiam, putantque eundem Abramum anno vitæ suæ quadragesimo octauo ab idolorum erroribus ad veri Dei cultum esse conuersum, (vt nos latius sub anno mundi 2086. num. 1. dicemus) prædictis respondere possent, dicentes, verba Iosephi posse ac debere accipi de tempore, quo Abram post conuersionem suam non solum ipse Deum colebat, sed etiam aliis colendum prædicabat: non enim absolute, dicit Iosephus, Abramum numquam idola coluisse, sed quòd, cum ex visibilium obseruatione cognouisset inuisibilem potentiam, quæ Deus est, primus omnium sui temporis ausus est prædicare, vnum Deum esse omnium conditorem ac gubernatorem, &c. Ad illud autem Ioannis dici posset: Iudæos dicere voluisse, se non esse filios fornicationis, quia pater ipsorum Abram, ex quo semel Deum agnouit, numquam ab eo ad spirituales fornicationem, hoc est, ad idololatriam declinavit: tunc enim propriè dicuntur homines spiritualiter fornicari, quando post spirituales cum vero Deo coniunctionem, diis alienis adhærere non verentur. Denique ad illud quod ait Pererius in calce tomæ secundi super Genesim, Si Abram aliquando ab Idolis ad veri Dei cultum conuersus esset, non tacuisset Scriptura sacra tam præclarum diuinæ bonitatis exemplum: responderi posset, ipsum Abramum, si quandoque idola coluit, simplici quadam ignorance id fecisse, vtputa maiorum exempla secutus, & patre ab incunabulis à parentibus ita edoctus: numquam verò aduersus veri Dei cultores, si qui tunc essent, discepasse, sed statim ac diuino illustratus lumine Dei cognitionem accepit, relictis idolis Deum verum deinceps ex toto corde semper coluisse. Sufficere autem quòd in Sacris libris præclariora huiuscemodi diuinæ bonitatis exempla habeantur, puta Pauli, Manasses, & aliorum, in quibus multò euidentiùs quàm in Abramo conspicitur accidisse quod scriptum est ad Romanos cap. 5. vers. 20. *Vbi abundauit delictum, superabundauit gratia.*

AB ORBE CONDITO

SECUNDÆ MYNDI ÆTAT.

ANNVS 2053.

ANNVS 397.

I ANNO insequenti moritur Cainan filius Arphaxad, cum vixisset annos trecentos sexaginta, Gen. c. 11. iuxta textum LXX. Interpretum; demptis tamen annis centum, ab illius Textus corruptore perperam adiunctis. vt sub an. mundi 131 n. 4. dictum est.

CAINAN
MORITVR.

Igitur vixit Cainan cum	Noë	} annis	trecentis tredecim.
	Sem		trecentis sexaginta.
	Arphaxad.		trecentis tribus.
	Sale		trecentis triginta.
	Heber		trecentis.
	Phaleg		ducentis triginta nouem.
	Reu		ducentis triginta sex.
	Sarug		ducentis quattuor.
	Nachor		centum quadraginta octo.
	Thare		centum quadraginta quinque.
	Abram		quindecim.
	Sara		quinque.

QVINVSCEM
ET QVAM-
DIV VIXE-
RIT.

AB ORBE CONDITO

SECUNDÆ MVNDI ÆTAT.

ANNVS 2056.

ANNVS 400.

REV MORI- I
TVR.

REV cūm vixisset annos ducentos triginta nouem, mortuus est, vt habemus Genes. cap. 11. vers. 22. in editione Vulgata, quam sequimur: nam textus LXX. Interpretum corrupte assignat ipsi Reu, quem vocat Rhagau, annos vitæ trecentos triginta nouem.

QVISVSCVM
ET QVAM-
DIVVIXE-
RIT.Vixit itaque
Reu cum

Noë
Sem
Arphaxad
Cainan
Sale
Heber
Phaleg
Sarug
Nachor
Thare
Abram
Sara

annis

centum octoginta nouem.
ducentis triginta nouem.
centum septuaginta nouem.
ducentis triginta sex.
ducentis triginta nouem.
ducentis triginta nouem.
ducentis nouem.
ducentis septem.
centum quadraginta octo.
centum quadraginta octo.
decem & octo.
octo.

AB ORBE CONDITO

SECUNDÆ MVNDI ÆTAT.

ANNVS 2062.

ANNVS 406.

EVROPS I
MORITVR.

ANNO regni sui quadagesimo quinto circiter expleto, cessit è vita Europs secundus Rex Sicyoniorum, cui postea inuicem successerunt Reges viginti tres, quorum nomina annosq; recenset Eusebius in Chronico. Sed de iis nihil ad nos, propter regulam, quam sub anno mundi 1932. num. 2. nobis ipsi præstituimus.

AB ORBE CONDITO

SECUNDÆ MVNDI ÆTAT.

ANNVS 2068.

ANNVS 412.

ABRAM CRE I
DITVR DV-
XISSE YXO-
REM.

ANNO circiter vitæ suæ trigesimo Abramum duxisse vxorem Saram, quam fuisse filiam fratris sui Aran, sub anno mundi 2049. num. 10. probatum est. Inde probabiliter conicere possumus, quod plurimi secundæ mundi ætatis Patriarchæ, paulò ante vel post trigessimum vitæ suæ annum genuisse leguntur, Genes. cap. 11. vnde videtur probabile, eos circa illud ætatis suæ tempus vxores ducere consueuisse.

AB ORBE CONDITO

SECUNDÆ MVNDI ÆTAT.

ANNVS 2079.

ANNVS 423.

SARUG MO- I
RITVR.

ANNO ducentesimo trigesimo vitæ suæ circiter expleto, Sarug mortuus est, Genes. cap. 11. vers. 24. vt habet editio Vulgata, quam amplectimur, relicto in hac parte textu LXX. Interpretum, qui corrupte ponit, eundem Sarug vixisse annis trecentis triginta.

QVIBVSCVM
ET QVAM-
DIVVIXE-
RIT.Vixit ergo
Sarug cum

Noë
Sem
Arphaxad
Cainan
Sale
Heber
Phaleg
Reu
Nachor
Thare
Abram
Sara

annis

centum quinquaginta septem.
ducentis triginta.
centum quadraginta septem.
ducentis quattuor.
ducentis triginta.
ducentis triginta.
centum septuaginta septem.
ducentis septem.
centum quadraginta octo.
centum septuaginta vno.
quadraginta vno.
triginta vno.

AB ORBE CONDITO SECVNDÆ MVNDI ÆTAT.

ANNVS 2086.

ANNVS 430.

1 **A** NNO vitæ Abrami quadragesimo octauo, putat Genebrardus libro 1. suæ ABRAM ALIQUANDO FVISSE IDOLOLATRAM.
Chronologiæ ipsum Abramum ab idolorum cultu ad veri Dei latrām esse conuersum: idque probat auctoritate Rabbīnorum, & præcipue Rab. Ioannan, & Rab. Hanina. Sanè ipsum Abram aliquando seruissē diis alienis, opinio fuit etiam Philonis: siquidem in lib. De Abrahamo, aliquapto post principium, cum docuisset quoddā Chaldæi olim in fiderali scientia admodum exercitati, omnia stellarum motibus tribuentes, credebant ab ipsis dispensari mundi potentias, quæ, inquit, constant ex numeris, eorumque proportionibus: ac propterea, tamquam inuisibilia atque intelligibilia non percipientes, venerabantur istas res visibiles, illarum tantum ordinem scrutantes; atque ita e solis, lunæ, stellarum erraticarum fixarumque circuitibus, & anni in quattuor tempora distincti vicibus, rerumque celestium ac terrestrium consensu, mundum ipsum existimabant esse Deum: profana opinione creaturam facientes Creatori similem. illicidē subiungit Philo: Huic innutritus dogmati, & per longum tempus Chaldaico imbutus delirio Abraham, tamquam post altum somnum, aperto mentis oculo, ubi puram lucem pro densis tenebris caput intueri, eius splendorem secutus, animaduertit quod prius non viderat, nimirum præesse mundo quemdam aurigam gubernatoremque, qui non modo in vniuersum operis sui salutē provideat; sed etiam curatōr tutorque sit parium eius, quæ diuina cura digne sunt. Et quibusdam interpositis, idem Auctor narrat, Deum apparuisse Abrahamo, cui videlicet prius non fuerat conspicuus, quando more Chaldæorum intentus erat siderum cursibus, extra mundum & sensibilem essentiam, nullam prorsus naturam intelligibilem percipiens. At postquam solum vertit, necessariō cognouit mundum esse subditum, non dominum; nec regere, sed regi ab Auctore suo: quod mens tunc primū apertis oculis didicit: nam prius sensibilia magnam ei caliginem offuderant; quam ubi discussit calidis & ignitis dogmatibus, vix tandem potuit, veluti in serenitate pura, eum qui prius latuerat, cernere. hæcenus Philo. Ex cuius verbis manifestē apparet, ipsum putasse, Abramum aliquando cum ceteris Chaldæis fuisse idololatram. Et idem sentit Andreas Mafius in Iosue, exponens illa verba, quæ habentur cap. vlt. vers. 2. Transfluuuium habitauerunt patres vestri ab initio, Thare pater Abraham & Nachor, seruiueruntque diis alienis. Vbi disputans Mafius aduersus oppositam tenentes sententiam, supponit primò, totam hanc Iosue narrationem in explicanda Dei benignitate versari, quam ille in Israëlīs genus contulit, & hoc solum agi, vt constet, gratuitò ipsos esse à Deo adoptatos pro populo; neque gratis solum, verum cum etiam hostes essent, et eos honores cultusque, quos ipsi, tamquam suo parenti & effectōri debebant, adhiberent ad deos alienos: nominatim autē poni Thare, & duos filios eius, Abram & Nachor; quia ex his vniuersum genus Israëliticum propagatum fuit; paternum scilicet ab Abrahamo, maternum verò à Nachor, per Rebecam, Liam, & Rachelem. Deinde statim subinfert: Neque enim (inquit) eos audire possum, qui magno conatu Abrahamum ab hoc turpissimo scelere vindicare, nescio quibus argutiis, student. quasi verò non tanto illustrior sit Dei gratia, qua illum est complexus, quanto ipse fuit sceleratior, minusque tanto dignus fauore? sic Mafius, qui etiam idem confirmare prosequitur, dicens: Ideò pro admirabili beneficio non semel in Scriptura commemorari, quòd Deus Abramum de Vr Chaldæorum eduxerit, hoc est, de patria sua, & de idololatrarum consortio extraxerit. Et certè citata ipsius Iosue verba nobis admodum clara esse videntur: tamen si Pererius in fine tomi secundi in Genesim ea aliter exponere nitatur. Quare licet hæc opinio magis firma esse videatur; quia tamen etiam opposita, cuius sub anno mundi 2052. num. 1. meminimus, probabilis est, ideò utramque suis locis commemorare visum est, vt vnusquisque, quam magis probandam iudicauerit, sibi deligere valeat.

AB ORBE CONDITO SECVNDÆ MVNDI ÆTAT.

ANNVS 2089.

ANNVS 433.

1 **A** NNO regni Semiramidis Assyriorum reginæ circiter pænultimo, qui erat vitæ INITIVM REGNI CRETÆ.
Abrami quinquagesimus secundus, cœptum esse regnum Cretæ, & tunc primò omnium regnasse quemdam illius regionis indigenam, qui dicebatur Cres, à quo postmodum tota illa insula, Cretæ nomen accepit, scriptum reliquit Eusebius in Chroniciis, sub hoc eodem Abrami anno. Quamquam inferius postea dictum, Z 2
Annal. Sacr. Tom. 1. cit,

cit, aliquos putare prædictum regni Cretæ exordium poni debere sub anno eiusdem Abrami centesimo trigesimo tertio.

AB ORBE CONDITO SECUNDÆ MVNDI ÆTAT.

ANNVS 2090.

ANNVS 434.

SEMI RAMI-
DIS OBITVS.

POSTREMO autem dictæ Semiramidis anno desinente, nimirum sub finem anni quadragesimi secundi vitæ Saræ vxoris Abrami, necesse est defunctam esse Semiramidem Assyriorum Reginam: siquidem ipsa (teste Eusebio in Chronicis) regnavit post virum suum annis quadraginta duobus. Quod & tradunt Diodorus Rerum antiquarum lib. 3. in calce capitis 5. & ex Trogo Pompeio Iustinus circa initia libri primi. superius autem, sub anno mundi 2049. num. 1. & 2. dictum est, eandem regnare cœpisse eodem anno quo nata est Sara; à quo ad hunc annum, in tabulis inuenies prædictos duos & quadraginta annos. Huius Reginæ, quæ de cetero, propter rerum gestarum gloriam, & quod fuerit mulier virtute plussquam virili, celeberrima est; infelicem sanè ac fœdum indecorumque exitum scribit Iustinus vbi supra, dicens, eam à Nino minore proprio eius filio fuisse necatam, quod licet vetula (erat enim duos & sexaginta annos nata, vt tradit ex Ctesia Diodorus loco citato) insana ardens libidine, incestuosum eius concubitum expetiuiisset. Et hoc, tamquam magis receptum, referunt etiam B. Augustinus de Ciuit. lib. 18. sub finem capitis secundi, & Genebrardus lib. 1. suæ Chronologiæ, aliique Auctores. tamen si Diodorus supra relatus, de obitu eius agens, dicat, quod ipsa *detectis, quas ei Ninus per Eunuchum parauerat, insidiis, omniq; iniuria iuxta Ammonis responsum remissa, cum omnibus filio, vt Regi parerent, præfectis mandasset, euestigio euauit, ad deos, iuxta Oraculi responsum, vt creditum est, translata.* Sic Diodorus. qui his postea quædam fabulosa subiungit, quibus etiam prioribus fidem abrogasse videtur.

AB ORBE CONDITO

SECUNDÆ MVNDI ÆTAT.

ANNVS 2091.

ANNVS 435.

REGNATSA- I
MEIS IN AS-
SYRIA.

ANNO proximo circiter inchoante, prædictæ Reginæ successit Zameis, qui & Ninias, siue Ninus minor, maioris Nini ac Semiramidis filius, tertius Assyriorum Rex, vt scriptum reliquerunt Eusebius in Chronicis, & Historici proxime allegati, Iustinus & Diodorus. Quorum postremus lib. 3. cap. 6. huius Regis vitam morisque, & gubernandi rationem longè diuersam ab ea, quam hætenus maiores sui tenuerant, initam, breuiter describit; additque eandem à posteris quoque suis vsque ad Sardanapalum fuisse æmulatam. Et idem ferè paucis perstringit loco citato Iustinus, de hoc eodem Nino minore dicens: *Ninus elaborato à parentibus Imperio contentus, belli studia deposuit, & veluti sexum cum matre mutasset, raro à viris visus, in feminarum catu consenuit. Posterì quoque, eius exempla secuti, responsa gentibus per inter-nuntios dabant.* Sic ille.

AB ORBE CONDITO

SECUNDÆ MVNDI ÆTAT.

ANNVS 2092.

ANNVS 436.

DE IOVE ET
ALIIS GRAE
CORVM DIIS

SV B anno vitæ Abrami quinquagesimo quarto, Eusebius in Chronicis videtur facere Iouem ipsi Abramo supparem, tamquam si circa prædictum Abrami annum Iupiter natus fuerit. Ex quo loco quidam colligunt quasdam, licet in disparibus vel etiam contrariis, Dei ac diaboli operibus conuenientias seu similitudines; nimirum, quod quemadmodum, quo tempore Deus Abramum in Chaldæa, veluti bonorum parentem, ad diuini cultus profectum excitauit; eodem pænè etiam diabolus, tamquam Dei æmulator, induxerit in Græcia Iouem, inanum deorum patrem: & quando de Iacobo viro iusto nati sunt Patriarchæ populi Dei, & duodecim tribuum principes; eodem fermè tempore, de Ioue viro impio, nati sunt Mars, Apollo, Mercurius, Vulcanus, Minerva, Diana, & ceteri pessimæ superstitionis auctores: & item, ex quo per Moysen diuinæ bonitati sanctas Hebræis Leges sacræque cærimonias & ritus tradere complacuit; ab inde diabolica calliditas per Cecropem Athenarum conditorem, deorum simulacra, & profana in Græciam sacrificia introducere curauit. Sed, tamen si non imus inficias, diabolum per cuncta sanè sæcula, quantum potuit, pessi-

peffimas quafdam molitiones, falutaribus Dei adinventionibus quoquomodo non ab-
fimiles, opponere numquam deftitiffe; non tamen illa, quas paulò antè reulimus,
videntur certò poffe aftrui, aut refutari, tum quia, quæ apud Græcos ante initia Olym-
piadum gefta fuerunt, (quod ad rationem temporis attinet) adeò incerta & confufa
funt, vt nullo modo cum hiftoriis in Sacro eloquio contentis, quæ certa ac determi-
nata habent tempora, tutò componi & ritè ordinari poffe videantur: tum quia ætas
deorum, qui in Græcia nati perhibentur, ad pofteriora tempora multò probabilius re-
ferri folet, vt nos infra oftendemus: tum denique, quoniam idem Eufebius fub anno
vitæ Iacobi fexagefimo fexto, ponit Niobe, cui, inquit, primæ omnium mulieri mixtus
eft Iupiter; & fub anno Moysfis fexagefimo ait Iouem cum Io Inachi filia concu-
buiffe; & triennio ante exordium ducatus Othonielis addit, ipfum Iouem cum Euro-
pa Phœnicis filia rem habuiffe. Quin & eiuſdem Europæ raptum quandoque etiam
fub anno ducatus dicti Othonielis decimo, quandoque autem biennio ante Gedeo-
nis ducatum ponit, propter varias de dicti raptus tempore opiniones, & nihilominus
poſtremam hanc magis probare videtur, ibidem ſubiungens: *His congruunt, quæ de Mi-
noë dicuntur, de Cadmo, & Spartiſ.* Conſtat autem, quòd ſi ab hoc poſtremo tempore,
retrò vſque ad prædictum Abrami annum quinquageſimum quartum recurrere volve-
rimus, inueniemus interfuiſſe annos ſexcentos ſexaginta ſex, vt dinumerari poteſt in
tabulis: vnde oporteret, vel ipſum Iouem non modò ad ſexcentefimum ſexageſimum
ſextum vitæ annum perueniſſe; ſed etiam in tali ætate adhuc adeò fuiſſe robuſtū, & ad
iuuenilia procliūm, vt paſſim mulierum amoribus vacare, & gignendis liberis ope-
ram dare potis eſſet; quod non videtur credibile, ea præſertim tempeſtate, in qua ho-
minum vita iam valde abbreviata erat, & communiter homines annum centefimum
trigeſimum vix excedere ſolebant, ac nemo ad centefimum quadrageſimum perue-
niſſe in Sacris litteris comperitur: vel fateri neceſſe eſt, (quod longè credibilis vide-
tur) plures fuiſſe Ioues; & prædicta non de vno tantum eodemq; Ioue accipienda eſſe,
ſed quædam de vno, & de alio aliūſve alia. Ad cuius rei confirmationem faciunt, quæ
tradit Genebrardus lib. 1. ſuæ Chronologiæ, vbi de externis Moysi tempore geſtis
agit, nimirum, intra trecentos quinquaginta annos ante bellum Troianum decurſos,
plures exiſtiſſe Saturnos, Ioues, Mercurios, Apollines, aliouſque eiuſdem nominis deos
deafque; eos ſcilicet de quibus ſingulis agit Cicero lib. 3. de Natura deorum, circa libri
medium. & hinc item dictus Genebrardus colligit, deorum Græciæ ætatem non mo-
dò poſt Abramum, ſed etiam poſt Moysen, eſſe ponendam. Quod ſi de ipſorum æta-
te magis florida, id eſt, de tempore quo plures dii in Græcia vigerunt, intelligit; ad-
mitti poſſe cenſemus: ſi verò putat, nullos ante hæc tempora deos in Græcia exiſtiſſe,
id certè non ſatis firmiter demonſtrari poſſe putamus, tum propter ſuperius dicta, tum
etiam ob ea, quæ ſub anno mundi 2498. num. 1. dicemus. Ceterum qui plura de diis
Gentium ſcire deſiderat, conſulat Liliū Gregorium Gyraldum, qui fuſiliſimè eorum
hiftoriam libris 17. tradit.

AB ORBE CONDITO

SECUNDE MVNDI ETAT.

ANNVS 2105.

ANNVS 449.

1 **A** NNO vitæ Abrami ſexageſimo ſeptimo circiter incipiente (vt ex paulò poſt
dicendis inferri poterit) Reges Pentapolis, videlicet Sodomæ, Gomorrhæ,
Adamæ, Seboim, & Segor, ſubiugati ſunt à Chodorlahomor Rege Ælamita-
rum, Genef. cap. 14. verſ. 4. vbi etiam dicitur, quòd prædicti Reges ſeruierunt (nimi-
rum tributa pendentes) ipſi Chodorlahomor duodecim annis, & anno decimo tertio
receſſerunt ab eo: quartodecimo autem anno venit idem Chodorlahomor cum aliis
tribus Regibus aduerſus memoratos quinque Reges, & obtinuit eos. Et nos ſub anno
mundi 2118. num. 1. dicemus, poſtremam dicti Chodorlahomor de Pentapolitanis
Regibus victoriam contigiſſe anno circiter octogeſimo vitæ Abrami. Vnde apparet,
hanc primam accidiſſe anno eiuſdem Abrami ſexageſimo ſeptimo, vt dictum eſt. Quis
autem fuerit iſte Chodorlahomor, & tres alij Reges qui cum eo venerunt, ſub anno
mundi proximè adducto dicendum erit: nam de Ælमितis quibus imperabat memo-
ratus Chodorlahomor, ſub anno mundi 1931. num. 49. iam diximus.

REGES PEN-
TAPOLIS A
REGE ÆLA-
MITARVM
SVBIVGATI.

AB ORBE CONDITO

SECVNDÆ MVNDI ÆTAT.

ANNVS 2108.

ANNVS 452.

REFVTATVR I
NACLANTI
OPINIO DE
PRIMA DEI
APPARI-
TIONE FA-
CTA ABRA-
MO.

A N N O ætatis Abrami septuagesimo, putat Iacobus Naclantus in lib. Arcano-
rum Christi, Deum apparuisse prima vice ipsi Abramo, in finibus Mesopota-
miæ, hoc est, in Vr vrbe Chaldæorum, quæ erat patria eiusdem Abrami; eiûque
præcepisse vt inde exiret; atque eodem tempore eidem præclaras illas fecisse pollicita-
tiones, quæ recensentur Genes. cap. 12. vers. 2. Sed quoniam hoc anno hæc acta esse, ex
nullo sacræ Scripturæ loco, aut alio aliquo probato Auctore comprobari potest; quin
potius prædicta Naclanti opinio eidem sacræ Scripturæ aduersari videtur, quæ ad Gal-
lat. cap. 3. vers. 17. testatur, Moysaicam Legem annis quadringentis triginta à promif-
sionibus Abramo factis, fuisse latam; qui anni (vt docet Eusebius in Chronicis, & no-
stris etiam apparet in tabulis) non à septuagesimo, sed à septuagesimo quinto ætatis
Abrami anno numerari debent. Idcirco diuinam hanc apparitionem non sub hoc, sed
sub anno mundi 2113. ponendam duximus, supponentes verum esse quod asserit S. Au-
gustinus lib. 16. de Ciuit. cap. 16. nimirum, vno eodemque anno tria hæc acta fuisse;
videlicet, Dei promissiones antequam in Charan habitaret Abram, & habitationem
eius in Charan, & eius inde profectionem ad terram Chanaan.

REFVTATVR
OPINIO HE-
BRÆORVM,
QVOD A-
BRAM LIBE-
RATVS SIT
DE IGNE.

2. Per hæc circiter tempora, nimirum non multò ante exitum Abrami de Chal-
dæa, Hebræi ex quadam (vt aiunt) ipsorum antiquissima traditione, quam referunt
Lyranus in Genes. cap. 11. & alij, & cuius etiam meminit B. Hieronymus in Traditio-
nibus Hebraicis in Genes. putant, quòd Thare idolorum cultui vsque adeò fuerit ad-
dictus, vt quadam die, infano zelo & furore correptus, proprium filium Abram ad
Nemrod, tunc in Chaldæa regnantem, detulerit, quòd folus idola colere recusaret; qui
statim Abramum in ignem iniici iussit. Quod vt audiuit frater eius Aran, videns Abra-
mi constantiam, & rei exitum obseruans, dixit in corde suo, se quoque eius religionem
sequi velle, si ille illæsus euaderet: vt autem vidit Abramum ab igne, Deo illum prote-
gente, nil passum, illicò eius fidem professus est; & mox iubente Tyranno, ignem ado-
rare cum renuisset, in ignem immissus, quòd tantæ fidei & virtutis, vt Abram, non
esset, incendio perijt, patre inspectante. sic enim exponunt illud Genes. cap. 11. vers. 28.
Mortuusq; est Aran ante Thare patrem suum, in terra natiuitatis sue in Vr Chaldæorum.
Verùm hanc esse fabulam ab Hebræorum Rabbinis confictam, concors pænè om-
nium grauiusimorum Doctorum sententia est. Siquidem etiam ipsemet B. Hierony-
mus vbi suprà, fabulam eam appellat. Et licet paulò post visus sit eam approbare, di-
cens: *Vera est igitur illa Hebræorum traditio, quòd Abram Babylonio vallatus incendio,*
quia illud adorare nolebat, Dei sit auxilio liberatus, & ex illo tempore, ei dies vitæ & tempus
reputetur ætatis, ex quo confessus est Deum, spernens idola Chaldæorum. Attamen hoc non
absolutè creditur pronuntiasse B. Hieronymus, sed ex suppositione, nimirum si alia ra-
tio non suppetat enodandi maximam quam ibidem proposuerat difficultatem, de qua
nos latè sub anno mundi 2039. num. 1. vsque ad 11. disseruimus. Porro memoratam
traditionem fabulosam esse & falsam, illud imprimis declarat, quòd aiunt, quòd
detulisse Abramum ad Nemrod, tunc in Chaldæa regnantem. certum est autem quòd
Nemrod, multò antequam natus esset Abram, iam decesserat, vt ex supradictis patet.
Deinde non videtur credibile, quòd Thare, de quo dubium est apud Doctores, vtrum
tunc idololatra esset, an iam conuersus ad fidem, proprium filium traduxerit; præsertim
cum ex Sacris libris & ex Iosepho constet, Thare admodum dilexisse filium suum
Abram: & vt ait B. Chrysostomus Hom. 31. in Genes. licet infidelis esset, ob amorem
tamen filij sui Abrami, socium illi peregrinationis esse voluisse. neque probari vilo
modo possit, quòd Thare, etiam quando erat infidelis, oderit filium suum Abramum,
nisi ex memorata traditione, quam nunc improbamus. Creditur autem, occasionem
huius traditionis introducendæ præbuisse, quòd Vr ignem significet; & quòd Genes.
cap. 15. vers. 7. legimus: *Ego Dominus qui eduxi te de Vr Chaldæorum,* &c. Sed profectò
etiam certum est, Vr fuisse nomen vrbis Chaldæorum, quæ erat patria ipsius Abrami,
vt patet Genes. cap. 11. vers. 28. vbi dicitur, quòd Aran frater Abrami mortuus est, *in*
terra natiuitatis sue, in Vr Chaldæorum; & clariùs vers. 31. vbi habetur, quòd Thare tu-
lit Abram, & Lot filium Aran, & Sarai vxorem Abrami, & *eduxit eos de Vr Chaldæo-
rum, vt irent in terram Chanaan:* vnde quod postea dicitur cap. 15. referri debet ad id
quod dictum fuerat cap. 11. nimirum Abram à Deo, id est, Deo mandante, eductum
esse

esse de Vr vrbe Chaldæorum. Quamobrem appositè Lxx. Interpretes, semper pro Vr, vertunt regionem; & ita Iosephus 1. Antiq. cap. 7. Oportet igitur locum 2. Esdr. cap. 9. vers. 7. vbi editio Vulgata habet, Abramum eductum esse à Deo de igne Chaldæorum; vel ab aliquo inscienter fuisse vitiatum: vel ibi ignem figuratè vsurpari, quemadmodum & alibi sæpiùs, vt benè probat Pererius lib. 16. Commentariorum in Genes. num. 240. Denique si Abram mirabiliter de Chaldæorum incendio fuisset liberatus, quomodo Moyse & Iosephus, qui alia eius gesta adeò diligenter narrant: aut B. Paulus, qui ad Hebr. cap. 11. versic. 8. plura recenset, quæ per fidem fecerat Abram; aut Ecclesiasticus cap. 44. vers. 20. vbi eiusdem Abrami laudes commemorat; aut Philo, qui libellum integrum De Abrahamo conscripsit; tantum miraculum, ac tam præclarum virtutis Abrami testimonium præterire ac silentio inuoluere potuissent?

3. Ceterum, quia ab anno proximè notato ad promissiones Abramo diuinitus factas remanent anni quinque, vt ex dicendis sub anno mundi 2113. patebit: ex prædictis inferitur, hanc secundam mundi ætatem perdurasse annos quadringentos quinquaginta sex. Quòd autem non omnes qui sequuntur textum Hebraicum, aut Vulgatæ editionis Latinum, in hoc numero prorsus inter se conueniant; in causa est, quòd aliqui hanc secundam orbis ætatem inchoant ab incepto Diluuii; nos verò ab expleto, propter rationes ibidem adductas. Item, quia multi eam terminant in natiuitate Abrami; nos verò ad promissiones Abramo factas eandem producimus. Præterea, non pauci prætereunt generationem Cainan filij Arphaxad, eò quòd in textu Genesis Vulgato non reperiatur: nos verò, ob causas sub anno mundi 1694. num. 2. relatas, supputandam censuimus; tamen non eo prorsus modo, quo ponitur in textu Lxx. Interpretum: sed demptis ab ea centum annis, qui corruptè eidem textui adiecti creduntur. Denique, quòd fermè omnes ponunt Abramum anno patris sui Thare septuagesimo natum; nos autem centesimo trigésimo, ex causis sub anno mundi 2039. fusiùs allegatis. propter quas hæc secunda mundi ætas sexaginta annis diuturnior euadit.

4. Quantum autem distet memorata annorum summa, ab ea quæ ex lectione Lxx. Interpretum resultat, sequens tabella, ex ipsis Lxx. Interpretibus desumpta, indicare poterit.

Sem genuit Arphaxad post Diluuium annis			{	2
Arphaxad	{ quando genuit	Cainan,	{ erat annorum	135
Cainan		Sale,		130
Sale		Heber,		130
Heber		Phale,		134
Phaleg		Rhagau,		130
Rhagau		Sarug,		132
Sarug		Nachor,		130
Nachor		Thare,		179
Thare		Abram,		70
Abram		quando exiuit de Haran,		75

In summa, anni 1247

Sed de hac summa nullam habendam esse rationem, iam satis superque manifestum est ex his, quæ suprà sub anno mundi 131. diximus; vbi prædictum textum Lxx. Interpretum in annorum numeris vitiatum fuisse probauimus.

CVR NON
OMNES IN
NUMERO
ANNORVM
HVIVSMVN-
DI AETATIS
CONVE-
NIANT.

QUANTVM
A VVLGATA
DIFFERAT
EDITIO
LXX. INTER-
PRETVM IN
ANNIS HV-
IVS MVNDI
AETATIS.

T A B V L Æ

Computationis, & concursus annorum vitæ Patriarcharum secundæ Mundi ætatis.

	A N N I						
	Ab orbe condito	Vitæ Noë	Vitæ Sem secundum Latinos, & Iapheth secundum Hebræos.	Vitæ Iapheth secundum Latinos, & Sem secundum Hebræos.	A Diluvio	Vitæ Ælam, Gomer, & Chus	Vitæ Assur, Magog, & Mesraim
Terra exiccata est inchoante hoc anno, cuius mense decimo natus est Ælam	1657	601	101	99	1		
Concurrit ferè totus cum primo Ælam, & fortè etiam Gomer, & Chus. Mense autem octavo nascitur Assur	1658	602	102	100	2	1	
Concurrit pro maiori parte cum primo Assur, & Arphaxad, qui mense quinto natus creditur; & fortè item cum primo Magog, & Mesraim	1659	603	103	101	3	2	1
Creduntur nati Chanaan, Iauan, & Lud circa initia anni	1660	604	104	102	4	3	2
Creduntur nati Thubal, & Aran circa initia anni, & mense circiter 10. Mosoch	1661	605	105	103	5	4	3
Cōcurrit panè totus cum primo Mosoch, & mense circiter 10. nascitur Thiras	1662	606	106	104	6	5	4
Cōcurrit pro maiori parte cum pri. Thiras	1663	607	107	105	7	6	5
Post annos 3.	3	3	3	3	3	3	3
Noë vinum bibens inebriatus est anno	1666	610	110	108	10	9	8
Post annos 28.	28	28	28	28	28	28	28
Arphaxad genuit Cainan incho. anno	1694	638	138	136	38	37	36
Post annos 30.	30	30	30	30	30	30	30
Cainan genuit Sale incho. anno	1724	668	168	166	68	67	66
Post annos 30.	30	30	30	30	30	30	30
Sale genuit Heber incho. anno	1754	698	198	196	98	97	96
Post annos 2.	2	2	2	2	2	2	2
Noë dicitur genuisse Ionithum anno	1756	700	200	198	100	99	98
Post annos 32.	32	32	32	32	32	32	32
Heber genuit Phaleg incho. anno	1788	732	232	230	132	131	130
Post annos 30.	30	30	30	30	30	30	30
Phaleg genuit Reu incho. anno	1818	762	262	260	162	161	160
Post annos 32.	32	32	32	32	32	32	32
Reu genuit Sarug incho. anno	1850	794	294	292	194	193	192
Post annos 30.	30	30	30	30	30	30	30
Sarug genuit Nachor incho. anno	1880	824	334	322	224	223	222
Post annos 29.	29	29	29	29	29	29	29
Nachor genuit Thare incho. anno	1909	853	353	351	253	252	251
Post annos 22.	22	22	22	22	22	22	22
Facta est linguarum gentiūque diuisio an.	1931	875	375	373	275	274	273
Regnat Nemrod, qui & Belus, in Babylo- ne anno	1932	876	376	374	276	vsque ad diuisio- xis certum guli postea su- vno tantum Ar- quando obierit,	
Post annos 24.	24	24	24	24	24		
Noë ferru misisse Ionithum in Ethan an.	1956	900	400	398	300		
Post annos 10.	10	10	10	10	10		
Incipit regnum Ægialei 1. Sicyonior. Reg.	1966	910	410	408	310		
Post annos 13.	13	13	13	13	13		


A N N I

Vitæ Ar- phaxad, & Madai, & Phuch.	Vitæ Cha- naan, & Lud	Vitæ Thu- bal, & A- ram.	Vitæ Mo- foch.	Vitæ Thi- ras.	Vitæ Cai- nan.	Vitæ Sale.	Vitæ He- ber.	Vitæ Pha- leg.	Vitæ Reu.	Vitæ Sa- rug.	Vitæ Na- chor filij Sarug.	Vitæ Tha- re.	Regni Nem- rod fi- ue Be- li.	Regni Agi- lei fu- per Si- cyon.
1														
2	1													
3	2	1												
4	3	2	1											
5	4	3	2	1										
3	3	3	3	3										
8	7	6	5	4										
28	28	28	28	28										
36	35	34	33	32	1									
30	30	30	30	30	30									
66	65	64	63	62	31	1								
30	30	30	30	30	30	30								
96	95	94	93	92	61	31	1							
2	2	2	2	2	2	2	2							
98	97	96	94	95	63	33	3							
32	32	32	32	32	32	32	32							
130	129	128	127	126	95	65	35	1						
30	30	30	30	30	30	30	30	30						
160	159	158	157	156	125	95	65	31	1					
32	32	32	32	32	32	32	32	32	32					
192	191	190	189	188	157	127	97	63	33	1				
30	30	30	30	30	30	30	30	30	30	30				
222	221	220	219	218	187	157	127	93	63	31	1			
29	29	29	29	29	29	29	29	29	29	29	29			
251	250	249	248	247	216	186	156	122	92	60	30	1		
22	22	22	22	22	22	22	22	22	22	22	22	22		
273	272	271	270	269	238	208	178	144	114	82	52	23	1	
274	né linguarú, omnes hos est. Quot verò annis fin- peruixerint, ignoramus, phax. excepto, de quo, paulò pòst dicemus.				239	209	179	145	115	83	53	24	2	
24					24	24	24	24	24	24	24	24	24	
298					263	233	203	169	139	107	77	48	26	
10					10	10	10	10	10	10	10	10	10	
308					273	243	213	179	149	117	87	58	36	1
13					13	13	13	13	13	13	13	13	13	13

	Ab orbe con- dito.	Vitæ Noë.	Vitæ Sē- pheth fecun- dū La- tinos, & Iapheth fecun- dū He- bræos.	Vitæ Ia- pheth fecundū Latinos, & Sem fecun- dū He- bræos.	A Di- lunio.	Vitæ Ar- pha- xad.	Vitæ Cai- nan.	Vitæ Sale.
Thare creditur genuisse Nachor anno Post annos 17.	1979 17	923 17	423 17	421 17	323 17	321 17	286 17	256 17
Arphaxad, & Nemrod, qui & Belus, mortui sunt in fine anni	1996	940	440	438	340	338	303	273
Ninus regnat in Babylone incho. anno Post annos 9.	1997 9	941 9	441 9	439 9	341 9		304 9	274 9
Noë moritur sub finem anni Post annos 10.	2006 10	950 10	450 10	448 10	350 10		313 10	283 10
Ninus Monarchiam inchoat Afsyriorum anno	2016		460	458	360		323	293
Moritur Egialeus primus Sicyoniorum Rex an.	2017		461	459	361		324	294
Regnat Europs apud Sicyon. incho. anno Post annos 8.	2018 8		462 8	460 8	362 8		325 8	295 8
Moritur Phaleg sub finem anni	2026		470	468	370		333	303
Moritur Nachor Thare pater sub fin. anni Post annos 12.	2027 12		471 12	469 12	371 12		334 12	304 12
Abram nascitur incho. anno Post annos 9.	2039 9		483 9	481 9	383 9		346 9	316 9
Ninus Afsyriorum Rex moritur sub fin. anni	2048		492	490	392		355	325
Semiramis regnat in Niniue, & Sarai nascitur in Chaldæa incho. anno Post annos 3.	2049 3		493 3	491 3	393 3		356 3	326 3
Abram creditur increpasse patrem quod idola fin- geret anno	2052		496	494	396		359	329
Cainan moritur sub finem anni Post annos 6.	2053 3		497 3	495 3	397 3		360	330 3
Reu mortuus est sub finem anni Post annos 3.	2056 6		500 6	498 6	400 6			333 6
Moritur Europs secundus Rex Sicyoniorum an. Post annos 6.	2062 6		506 6	504 6	406 6			339 6
Abram creditur duxisse Sarai vxorem anno Post annos 11.	2068 11		512 11	510 11	412 11			345 11
Sarug cessit è vita sub finem anni Post annos 7.	2079 7		523 7	521 7	423 7			356 7
Abram creditur ab idolorum cultu conuersus an. Post annos 3.	2086 3		530 3	528 3	430 3			363 3
Initium regni Cretensium anno	2089		533	531	433			366
Semiramis Afsyriorum Regina decessit anno	2090		534	532	434			367
Regnat Zameis in Afsyria incho. anno	2091		535	533	435			368
Iupiter à nonnullis creditur natus anno Post annos 13.	2092 13		536 13	534 13	436 13			369 13
Chodorlahomor subegit Sodomitas anno Post annos 3.	2105 3		549 3	547 3	449 3			382 3
Abram falsò creditur exisse de Chaldæa anno Post annos 5.	2108 5		552 5	550 5	452 5			385 5

A N N I

Vita He- ber.	Vita Pha- leg.	Vita Reu.	Vita Sa- rug.	Vita Na- chor re.	Vita Tha- chor re.	Re- gni Né- rod sue Beli.	Regni Agi- lei su- perSi- cyo- nios.	Vita Na- chor Tha- re.	Regni Nini.	Mo- nar- chie Afsy- rio- rum.	Re- gniEu- rops super Sicyo- nios.	Vita Abra.	Regni Se- mira- mis super Afsy- rios.	Vita Sarg.	Reg- niZa- meis in Ni- niue.
226 17	192 17	162 17	130 17	100 17	71 17	49 17	14 17	1 17							
243	209	179	147	117	88	66	31	18							
244 9	210 9	180 9	148 9	118 9	89 9		32 9	19 9	1 9						
253 10	219 10	189 10	157 10	127 10	98 10		41 10	28 10	10 10						
263	229	199	167	137	108		51	38	20	1					
264	230	200	168	138	109		52	39	21	2					
265 8	231 8	201 8	169 8	139 8	110 8			40 8	22 8	3 8	1 8				
273	239	209	177	147	118			48	30	11	9				
274 12		210 12	178 12	148 12	119 12			49 12	31 12	12 12	10 12				
286 9		222 9	190 9		131 9			61 9	43 9	24 9	22 9	1 9			
295		231	199		140			70	52	33	31	10			
296 3		232 3	200 3		141 3			71 3		34 3	32 3	11 3	1 3	1 3	
299		235	203		144			74		37	35	14	4	4	
300 3		236 3	204 3		145 3			75 3		38 3	36 3	15 3	5 3	5 3	
303 6		239	207 6		148 6			78 6		41 6	39 6	18 6	8 6	8 6	
309 6			213 6		154 6			84 6		47 6	45	24 6	14 6	14 6	
315 11			219 11		160 11			90 11		53 11		30 11	20 11	20 11	
326 7			230		171 7			101 7		64 7		41 7	31 7	31 7	
333 3					178 3			108 3		71 3		48 3	38 3	38 3	
336					181			111		74		51	41	41	
337					182			112		75		52	42	42	
338					183			113		76		53		43	1
339 13					184 13			114 13		77 13		54 13		44 13	2 13
352 3					197 3			127 3		90 3		67 3		57 3	15 3
355 5					200 5			130 5		93 5		70 5		60 5	18 5



ANNALES SACRI

TERTIAE MVNDI AETATIS

AUCTORE

AUGVSTINO TORNIELLO

NOVARIENSI

Congregationis S. PAVLI Clerico Regulari.

SEQUITVR, vt tertiæ mundi ætatis Sacrorum Annalium partem ag-
grediamur; quæ, vt Operis initio dicebamus, à repromissionibus
diuinitus Abramo factis, ad exitum Israëliti populi de Ægypto, Deo
cæptis aspirante, perducenda erit.

AB ORBE CONDITO

ANNVS 2113.

TERTIÆ MVNDI ÆTAT.

ANNVS 1.



NNO ætatis Abrami septuagesimo quinto, vt iam sub anno PRIMA DEI
mundi 2108. præmonstratum est, qui annus cum anno vitæ APPARITIO
Thare postremo concurrebat, quemadmodum patet in tabu- FACTA A-
lis, circa anni initia, credimus Deum prima vice apparuisse BRAMO,
Abramo, adhuc in patria sua, id est, in Vrbe Chaldæorum QUANDO,
commoranti, ei que præcepisse vt inde exiret: sic enim legimus ET VBI.
Actorum cap. 7. vers. 2. *Deus gloriæ apparuit patri nostro Abra-*
hæ cum esset in Mesopotamia, priusquam moraretur in Charan,
& dixit ad illum: Exi de terra tua, & de cognatione tua, & veni

in terram quam monstrauero tibi. Quibus in verbis manifestum est, Mesopotamiæ vo-
cabulum latiori quodam modo sumptum esse, prout scilicet etiam Chaldæam ei fini-
timam, & Euphrate dumtaxat fluuii disiunctam, comprehendebat: nam statim sub-
iungitur: *Tunc exiit de terra Chaldæorum; & habitauit in Charan.* Chaldæam quoque
olim quodammodò ad Mesopotamiam pertinuisse, non obscure insinuare videtur Io-
sephus 1. Antiq. cap. 8. ex modo dicendi. inquit enim: *Quamobrem, cum Chaldei Mes-*
sopotamitæq; ceteri contra eum insurgerent, &c. Quid namque est dicere, *Chaldæi Mes-*
sopotamitæq; ceteri, nisi apertè indicare, Chaldæos aliquando etiam Mesopotamitarum
nomine comprehendi consueuisse: Sanè constat, memoratam Actorum sententiam
ferè ad verbum desumptam fuisse ex Genes. cap. 12. vers. 1. vbi habemus: *Dixit autem*
Dominus ad Abram: Egredere de terra tua, & de cognatione tua, & de domo patris tui, &
veni in terram quam monstrabo tibi. Faciamq; te in gentem magnam, & benedicam tibi, &
magnificabo nomen tuum, erisque benedictus. Benedicam benedicientibus tibi, & maledicam
maledicentibus tibi, atque in te benedicentur vniuersæ cognationes terræ. Quamquam

MESOPOTAMIAM
PRO CHALDÆA VSVR-
PARI.

enim aliqui putent hæc Abramo dicta fuisse, quando iam venerat in Haran, propterea quòd ibidem continuò subditur: *Septuaginta quinque annorum erat Abram cum egredieretur de Haran.* attamen certissimum puto, prædicta Genesim verba per postpositionis figuram, in Sacris libris frequenter vsurpatam, ibidem fuisse transposita; & vnam eandemque esse apparitionem ac iussuionem Dei Abramo factam, quæ habetur loco Genesios allegato, cum ea quam ex libro Astorum retulimus; vt latè etiam probat Pererius in Genesim. cap. 12. & certum est quòd non vrbs Haran, sed Vr Chaldæorum erat terra & patria Abrami, de qua eum exire præcepit Deus: quod enim ait S. Augustinus libro 61. de Ciuit. cap. 15. videlicet Deum præcepisse Abramo iam de Chaldæa corporaliter egresso, vt exiret etiam animo: non videtur in sensu litterali posse accipi, neque eidem quadrare, tum propter superius dicta, tum etiam quia illud, *Egredere de terra tua*, corporalem, non spirituale tantum egressum, manifestè designat: tum denique quia non est verisimile, Abramum contra voluntatem Dei retinuisse in se animum redeundi in Chaldæam, idololâtris præsertim refertam, ac sibi suisque valde infensam, vt ex Iosepho 1. Antiq. cap. 8. colligi potest.

QVÆ DEVS
ABRAMO
PROMISE-
RIT.

2. Porro, in memorata Dei repromissione Abramo facta, quæ non semel in sacra Genesi repetita, & quandoque etiam clariùs explicata inuenitur, nimirum cap. 13. versic. 14. & cap. 15. vers. 5. & 18. cap. 17. vers. 6. cap. 18. vers. 18. & cap. 22. vers. 17. tria hæc summatim videtur Deus Abramo promississe. Primò, terram Chanaan, illis verbis, *Veni in terram, quam monstrabo tibi.* Secundò, posteritatis suæ ampliationem: *Faciámq; te in gentem magnam.* Tertiò, multiplices alias benedictiones, tum propriæ eius personæ concedendas, *Erisq; benedictus*; tum amicis eius, in gratiam ipsius, *Benedicam benedicientibus tibi*; tum denique omnibus gentibus, *In te benedicentur vnuerse cognationes terre.* hoc est, in semine tuo, vt clariùs exponitur Genesim. cap. 22. vers. 18. vbi pro semine Abrami, proculdubio Christum debemus accipere, qui consequenter de eius posteritate nasciturus ibidem repromittitur. ita enim exponit citatum locum Apostolus ad Galat. cap. 3. vers. 16. dicens: *Abraha dictæ sunt promissiones, & semini eius. Non dicit: Et seminibus, quasi in multis; sed quasi in vno: Et semini tuo, qui est Christus.* Constat autem, non in persona Abrami factam esse gentium benedictionem, sed in Christo, vt disertè dicitur ad Ephes. cap. 1. vers. 3. *Qui benedixit nos in omni benedictione spirituali in celestibus in Christo.* Et certum est, vniversalem hanc benedictionem significare copiosam totius mundi redemptionem, quæ vtiq; per Christum, non autem per Abramum facta est. Quòd verò prima hæc repromissio illa sit, à qua ad Legem datam, quadringentos triginta annos decurrisset, testatur idem Apostolus cap. ad Galatas citato vers. 17. hîc pro certo supponimus, quoniam sub anno mundi 2522. num. 15. id omnino probandum erit; vbi aduersus Genebrardi opinionem, de tempore incolatus filiorum Israël in Ægypto, fusiùs disputabimus. Quomodo autem iidem anni triginta & quadringenti debeant supputari; & sub eodem mundi anno, & sub anno 2544. numero 40. declarabitur. Nunc ad historiæ cursum redeamus.

ABRAM VE-
NIT DE
CHALDÆA
IN HARAN
CVM PATRE
ET FAMI-
LIA SVA.

3. Igitur Abram, vtpote qui semper Deo fuit obsequentiissimus, vt primùm eius mandatum accepit, illud executioni mandare nihil est moratus; sed statim se ad exitum de Chaldæa præparare cœpit. Quod vt cognouit Thare pater eius, qui eiusdem filij sui operâ ad idolorum superstitionibus ad veri Dei cultum (quemadmodum credimus, & ex verbis Achior paulò infra citandis videtur posse colligi) iam perductus fuerat, decreuit & ipse pessimam illam idololatrarum consuetudinem deferere, & cum filio, suæ salutis auctore, quocumque Deus vellet, proficisci. *Tulit itaque Thare, tamquam totius familie suæ caput, Abramum filium suum, & Lot filium Aran, filium filij sui, & Sarai nurum suam, uxorem Abram filij sui, & eduxit eos de Vr Chaldæorum, vt irent in terram Chanaan; veneruntque vsque Haran, & habitauerunt ibi.* Genesim. cap. 11. vers. 31. Et hoc est quod referebat Holoferni Achior de Hebraici populi origine, Iudith cap. 5. vers. 6. dicens: *Populus iste ex progenie Chaldæorum est.* Hic primùm in Mesopotamia habitauit, quoniam noluerunt sequi deos patrum suorum, qui erant in terra Chaldæorum. Deserentes itaque caerimonias patrum suorum, quæ in multitudine deorum erant, vnum Deum celi coluerunt, qui & præcepit eis vt exirent inde, & habitarent in Charan. hæctenus ex libro Iudith. Cuius quidem verba in numero plurali prolata, non de Abramo tantum, sed & de iis qui cum eo venerant in Haran, proculdubio accipienda sunt; & consequenter plane indicant, tunc etiam ipsum Thare ab idolis ad veri Dei cultum iam fuisse conuersum; alioquin non & ipse exisset de terra Chaldæorum, si noluisse deferre caerimonias patrum suorum, quæ in multitudine deorum colenda versabantur.

Erat

Erat autem Charan, quæ & Haran, Mesopotamiæ vrbs illa, apud quam postea M. Cras-
sus cum exercitu Romano à Parthis cæsus est, vt scriptum reliquit Ptolemæus Geogra-
phia suæ lib. 5. cap. 18. & nos sub anno mundi 4001. num. 1. dicemus. Sanè Abram,
cum patre suo Thare, & Lot nepote, venit in Haran, non animo ibidem permanendi,
sed vt omnes irent in terram Chanaan. sic enim legimus loco Genes. proximè addu-
cto. Quare probabilius videtur, quòd antequam exirent de Vr Chaldæorum, iam re-
uolasset Deus ipsi Abramo, & Abramo patri suo Thare, vt irent in terram Chanaan.
Neque hoc videtur refragari Apostolo ad Hebræos cap. 11. vers. 8. dicenti: quòd *Abram*
fide obedivit in locum exire, quem accepturus erat in hereditatem; & exiit, nesciens quòd iret.
quia benè fieri potest, quòd Abram quando exiuit, sciret Deum velle vt ipse iret in
terram Chanaan, sed nesciret num veller ipsum ibi requiescere, an etiam vltra ad re-
motiorem aliquam regionem progredi: propterea venit in Haran, vt dixi, non animo
ibidem sistendi, sed transeundi versus terram Chanaan; certò credens, quòd ibi Do-
minus sibi monstraturus esset terram, ad quam pergere, & in qua morari deberet:
quemadmodum mox reuera factum fuisse, nos sub anno mundi proximo, num. 2. in-
dicabimus. Non est autem quòd quis hoc loco hæsitet de perfecta Abrami obedientia,
eò quòd cum præcepisset ei Deus, vt exiret, non solum de terra sua, sed etiam de cog-
natione; ipse tamen non videatur exisse de cognatione, quando & Thare patrem suum,
& Lot ex fratre nepotem secum adducere, & cum eis postea habitare non recusauit:
quia si vim diuini huius præcepti rectè pensemus, vtique inuenimus ipsum simile esse
illi, quod tradidit Christus Lucæ cap. 14. vers. 26. illis verbis: *Si quis non odit patrem*
suum & matrem, &c. non potest meus esse discipulus. Nam quemadmodum hic non ab-
solutè iubemur carnales odisse parentes, sed eos dumtaxat, qui nobis in via Dei aduer-
santur, vt optimè exponit declaratque S. Gregorius Homil. 37. in Euangelia: sic Do-
minus præceperat Abramo, vt discederet ac segregaret se à cognatione sua, non ab
omni, sed ab ea tantum, quæ seruire volebat diis alienis. Itaque sanctus Patriarcha di-
uino Spiritu, quo plenus erat, probè intelligens Dei præcipientis intentionem ac vo-
luntatem, protinus eam perfectissimè adimplere curauit.

4. Ceterum promptam alacremque Abrami in hac sua migratione obedientiam ele-
ganter describit celebratque Philo Iudeorum disertissimus, in libro quem De Abrahamo
inscriptus; cuius verba, ad huius sancti viri commendationem hic inserere visum est. *Ora-*
culo percussus, inquit, quo iubebat migrare, deserta patria, cognatione, paternaque familia,
haud secus quam si è peregrinatione domum redire iussus esset, iter accelerauit in regionem
exteram; rem factam se habere putans, si mandatum exequeretur celeriter. Quis alius, putas,
tam constans fuisse ac pertinax, vt non flecteretur affectu cognationis & patriæ, quarum in-
natum & coalitum est cuique desiderium, magis, aut certe non minus, quam membra corpo-
ris? Testes sunt Legislatores, qui secundam ab extrema capitali pena, atrocissimorum crimi-
num conuictis, statuerunt exilium: profecto, non secundam, quantum equidem verè iudica-
re possum; sed aliquanto grauiorem: siquidem mors calamitatum finis est, exilium verò non
finis, sed nouorum malorum initium; dum cuitata vna sensu carente, innumerae mortes sen-
tiantur. Alij negotiationis augenda, rei familiaris causa nauigant; alij legationis; nonnulli
amore visendi regiones exterarum, aut eruditionis paranda, ad peregrinationem tracti lucu cupi-
idine, aut iuuanda patriæ temporibus difficilibus, aut cognoscendi quæ prius nesciuerant, de-
lectandi & adiuvandi animi gratia. Quantum enim caci cedunt videntibus, tantum pre-
stant peregrinati, nunquam egressu patriam. Omnes tamen ad patrium solum properabundi,
videre id & salutare gestiunt, completti familiares, frui gentium & amicorum mutuo con-
spectu longe iucundissimo: adeo vt aliquoties remorantibus se negotiis, propter quæ relique-
runt domesticis, abrumpant ea, non ferentes grauissimarum necessitudinum desiderium. At
hic nos ter, cum exiguo, vel penè nullo comitatu, quamprimum iussus est, demigravit; animo
prius in nonam coloniam profectus, quam corpore; mortalium rerum desiderio cedente amo-
ri caelestium. Seposita igitur cura popularium, tribulium, familiarium, amicorum, cognato-
rum paterni maternique sanguinis; ad hæc patriæ, morum consuetorum, simul educatorum, &
vite sociorum, quæ singula magnam vim habent ad retrahendum à proposito; libero expedi-
toque conatu, quamprimum potest, demigrat. primum è Chaldaea, regione illo tempore admo-
dum fortunata, in Charrensem agrum: deinde non multò post, hinc quoque in locum alium,
de quo dicturi sumus. hæcenus Philo. cuius postrema verba, quibus tradit, Abramum,
non multò postquam venerat in Charan, inde etiam discessisse, non valde strictim, sed
aliquantò largius interpretanda videntur: nam oportet ipsum aliquo tempore, nimi-
rum ferè vsque ad finem illius anni, in quo de Vr discesserat, moram traxisse in Ha-
ran.

HARAN CE-
LEBRIS OB
M. CRASSI
INTERITVM

QVA INTEN-
TIONE VE-
NERIT A-
BRAM IN
HARAN.

EGREGIA
ABRAMI
OBEDIEN-
TIAE DE-
SCRIPTIO
EX PHILO-
NE.

CVR, ET
QVANDIV
MORATVS
SIT ABRAM
IN CHARAN

ran: siue, vt arbitror, quia. Thare pater eius, vtpote iam valde longæuus, nimium ex itinere fessius, vel etiam aliqua forsitan infirmitate correptus esset, siue alia necessaria rationabiliter de causa. Vnde ob huiusmodi aliquantò longiorem quàm putauerant moram, dicuntur habitasse in Charan: præsertim quia ibidem etiam contigit quosdam in familiis Abrami & Lot nasci paruulos, quemadmodum sub anno insequenti num. 1. dicemus.

NACHOR
FRATER A-
BRAMI VE-
NIT MAN-
SITQUE IN
HARAN IP-
SE ET POSTE-
RITAS EIVS.

5. Eodem anno Nachor frater Abrami, qui prius non venerat cum patre suo Thare & cum fratre Abram in Haran, sed remanserat in patria sua, hoc est in Vr Chaldæorum, quòd fortè (vt ait S. Augustinus lib. 16. de Ciuit. cap. 13.) à paterna ac fraterna pietate descinerat, & superstitioni adhaeserat Chaldæorum: nunc siue penitentia ductus, siue persecutionem à Chaldæis passus, tamquam apud eos de religione suspectus, vel etiam quia de graui, vt arbitror, Thare patris sui infirmitate audierat; venit & ipse cum vxore Melcha, & omni domo sua, in Haran Mesopotamiæ urbem; vbi non solum donec superuixit eius pater, sed etiam post obitum illius, perpetuò mansit; ibique postquam mortuus est pater eius, & inde discesserunt Abram & Lot, ipse Nachor genuit ex Melcha vxore filios octo, & ex Roma concubina quattuor, vt traditur Genes. cap. 22. vers. 20. vbi singula ipsorum nomina recensentur, & fit mentio Vs primogeniti; & signatè exprimitur, quòd Abram de horum omnium ortu nuntium accepit in terra Chanaan, post eius reditum de illo monte, in quo iussus fuerat immolare filium suum Isaac. Ex quibus omnibus manifestè colligitur, quòd Nachor, quando venit de Chaldæa in Haran, nullum adhuc habebat filium, saltem ex Melcha vxore; & quòd omnes prædicti duodecim eius filij nati sunt in Haran, intra illud tempus, quod fluxit ab aduentu Abrami in terram Chanaan, vsque ad eius reditum de prædicto monte; nimirum interuallo annorum circiter quinquaginta, vt sub anno mundi 2039. diximus, & dinumerari potest in tabulis. Igitur Nachor, ex quo, vt diximus, de Chaldæa venit in Mesopotamiam, semper deinceps habitauit in Haran ipse, & vniuersa posteritas eius, quæ ibi postea vsque adeò excreuit, vt eadem ciuitas deinde vrbs Nachor etiam appellata fuerit, quemadmodum patet Genes. cap. 24. versic. 10. & ex collatione eorum quæ ibi dicuntur, cum his quæ habentur Genes. cap. 27. vers. 43. & cap. 29. versic. 4. comprobari potest. Ceterum, ex memorata vrbs appellatione videtur etiam posse deduci argumentum non sanè infirmum, contra ponentes, Thare patrem Abrami, vixisse mansisseque in vrbe Haran, vsque ad annum vitæ eiusdem Abrami centesimum trigésimum quintum; quorum opinionem nos sub citato mundi anno 2039. nu. 5. refutauimus. Nam si hoc esset, proculdubio illa ciuitas potius vrbs Thare, quàm Nachor, nuncupata fuisset.

HARAN CVR-
DICTA SIT
VRBS NA-
CHOR.

THARE
OBITVS.

6. Sub finem eiusdem anni septuagesimi quinti vitæ Abrami mortuus est Thare pater eius in Haran, cum vixisset annos quinque supra ducentos, vt in calce capitis 11. Genesis expressum est.

QUIS VSCVM
ET QUAM-
DIV VIXE-
RIT.

Vixit ergo Thare cum	Noë	} annis	nonaginta octo.
	Sem		ducentis quinque.
	Arphaxad		octoginta octo.
	Cainan		centum quadraginta quinque.
	Sale		ducentis quinque.
	Heber		ducentis quinque.
	Phaleg		centum decem & octo.
	Reu		centum quadraginta octo.
	Sarug		centum septuaginta & vno.
	Nachor		centum decem & nouem.
	Abram		septuaginta quinque.
	Sarai		sexaginta quinque.

AN FVERIT
IDOLOLA-
TRA.

7. Vtrum autem Thare fuerit idololatra, an veri Dei cultor, aliquam habet difficultatem. Nam Iosue cap. 24. vers. 2. expressè asseritur, quòd Thare pater Abram, & Nachor, seruierunt diis alienis. contra verò S. Augustinus lib. 16. de Ciuit. cap. 13. dicit ipsum Thare idèò exisse de Vr Chaldæorum cum Abram filio suo, & Lot nepote, vt ipsi ab idololatriis declinarent: at verò Nachor, quia erat idololatra deditus, ibidem tunc remanere voluisse, licet postea & ipse venerit in Mesopotamiam, habitaueritque ibi in vrbe, quæ Genes. cap. 24. vers. 10. dicitur Vrbs Nachor, ad quam post plures annos venit seruus Abraham, vt inde duceret Rebeccam in vxorem ipsi Isaac, vt in eodem cap. describitur. Confirmat sententiam suam B. Augustinus ex alio Scripturæ lo-
co,

co, nimirum Iudith cap. 5. vers. 6. ubi clarè dicitur, quòd progenitores Hebræorum idèd de Chaldæa in Mesopotamiam transinigrarunt, vt deferentes cærimonias patrum suorum, quæ in multitudine deorum erant, vnum Deum cæli colerent, qui præcepit eis vt habitarent in Charan. Ergo (inquit S. Augustinus) patet, ipsum Thare, qui vt obediret Deo vèro, exiuit cum Abramo & Lot de Vr Chaldæorum, & habitauit in Mesopotamia in Charan, non fuisse idololatram, alioqui remansisset cum altero filio suo Nachor in Chaldæa. Solutio huius difficultatis est, quòd Thare aliquando fuit idololatra, aliquando non. Verumtamen an esset infidelis, quando exiuit de Chaldæa, quemadmodum sentit B. Chrysostomus Homil. 3. 1. in Genes. sed postea ab Abramo filio suo ad cultum veri Dei fuerit perductus; an verò (vt alij sentiunt) quando erat in Chaldæa, Deum verum coleret, sed posteaquam habitauit in Charan, siue ob aduentum Nachor filij sui idololatraz, siue ex gentis illius consuetudine, paulatim corruptus, ad idola colenda declinauerit: non facile est determinare. Qui putant Abramum primò de Haran venisse in terram Chanaan multò ante obitum patris sui Thare, faciliè in eam sententiam veniunt, quòd Thare ex absentia filij sui Abrami, relictus in Mesopotamia, secutus sit deos alienos. Nos autem, qui sub anno mundi 2039. num. 5. & sequentibus, latè admodum disputauimus contra ponentes duplicem Abrami aduentum de Haran in terram Chanaan, & probauimus, ipsum Abramum semel tantum venisse de Haran in terram Chanaan, idque post mortem patris sui Thare, credimus eundem Thare à prima eius ætate semper fuisse idololatram, donec tandem, paulò antequam exiret de Chaldæa, Abrami opera conuersus est ad veri Dei cultum: exindè autem, vsque dum vixit, semper extitisse fidelem. Et fortassis hæc fuit causa potissima, cur aliquamdiu Abram in Haran moratus fuerit, ne scilicet patrem recenter conuersum, & ad vitæ finem appropinquare incipientem, non sine aliquo salutis suæ periculo, defereret: quod nequaquam iussioni diuinæ reluctari intellexerat.

AB ORBE CONDITO

TERTIÆ MVNDI ÆTAT.

ANNVS 2114.

ANNVS 2.

A NNO insequente circiter inchoante, Abram, quando erat annorum septuaginta quinque, id est, annum ætatis septuagesimum quintum iam expleuerat, & septuagesimum sextum inchoare cœperat, paterna solutus cura, ac diuini memor mandati, tulit Sarai uxorem suam, & Lot filium fratris sui, vniuersamq; substantiam quam possederant, & animas quas fecerant in Haran; & egressi sunt vt irent in terram Chanaan, Genes. cap. 12. vers. 4. & 5. Sanè quod dicitur, & animas quas fecerant, accipere debemus paruulos, quos nasci contigerat dum morarentur in Haran; non quidem de Sara, quæ erat sterilis, vt traditur Genes. cap. 16 in principio; sed vel forte de Lot, qui postea anno vitæ Abrami nonagesimo nono dicitur habuisse duas filias nobiles, Genes. cap. 19. vers. 8. vel etiam de famulis ac famulabus ipsorum: habebant enim singuli, Lot videlicet & Abram, familias adeò numerosas, vt non multò post coacti sint discedere ab inuicem, quòd non posset ambos terra illa capere, hoc est, amborum greges alere, quemadmodum patet legenti cap. 13. Genes. vers. 6. & deinceps. Igitur Abram & Lot cum familiis suis, transmissio Euphrate, venerunt pariter in terram Chanaan ad vrbem Sichem, vt num. proximo dicemus. P uto autem eos venisse per eandem viam, quam postea perambulauit Iacob, quando cum vxoribus, & liberis, & gregibus, venit de Mesopotamia in Sichem, quemadmodum describitur Genes. cap. 31. vers. 21. vsque ad finem capituli 33. nimirum transiens per môtē Galaad, & per Mahanaim, inde in Socoth, donec peruenit in Salem vrbem Sichimorum, quæ etiam dicebatur Sichem. Ex his ergo, quæ hætenus sub hoc & præcedenti anno mudi diximus, fit manifestum, quòd intra vnius ferme anni spatium, ab ipso ferè anni vitæ Abrami septuagesimi quinti initio, ad exordia septuagesimi sexti defluxum, omnia hæc facta sunt, videlicet, diuina Abrami vocatio & repromissio, antequam habitaret in Charan: discessio eius de Chaldæa, & aduentus habitatioque eius in Charan: item mors patris eius Thare, in eadem Charan: & profectio ipsius Abrami de Charan in terram Chanaan. Et sic quoque sentiunt Eusebii in Chronicis, & B. Augustinus lib. 16. de Ciuit. cap. 16. & 24. & alij; qui quadringentos triginta annos, quos à promissionibus ad Legem decurrisse tradit Apostolus ad Galat. cap. 3. vers. 17. à memorato ætatis Abrami anno septuagesimo quinto supputari debere asserunt. Quoniam autem iam probatum est, ipsum Abram eodem anno vitæ suæ septuagesimo quinto desinente, vel septuage-

ABRAM VENIT DE HARAN INTER RAM CHANAAN.

QUÆ ACTA SINT ANNO ÆTATIS ABRAMI SEPTUAGESIMO QUINTO.

fimo sexto incipiente, exisse de Haran, & quod paulò pòst etiam ingressus sit in terram Chanaan, constare videtur ex collatione duorum Textuum Genes. nempe cap. 16. vers. 3. vbi dicitur, quòd Abram duxit Agar Ægyptiam post annos decem, ex quo ipse habitare cœperat in terra Chanaan: & infra vers. 16. additur, eundem Abramum octoginta & sex annorum extitisse, quando dicta Agar peperit ei Ismaëlem: profectò inferri posse videtur, ipsum Abram, & qui cum eo erant, brevi admodum tempore, puta vnico circiter mense, iter illud de Haran in terram Chanaan confecisse. Et hoc si verum est, vt credimus, omnino conuincit, falsam esse opinionem illam, quam ex Nicolao Damasceno refert Iosephus 1. Antiq. cap. 8. (tamen à nonnullis aliis Scriptoribus recepta esse videatur) nimirum, Abram de Haran venisse Damascum, atque ibidem aliquo tempore regnasse. Sed hanc eandem opinionem aliis item rationibus improbat Pererius in Genes. cap. 12.

QVOD A-
BRAM NON
REGNAVE-
RIT IN DA-
MASCO.

ALTERA
DOMINI AP-
PARTITIO
ABRAM OFA-
CTA, QVAN-
DO, ET VBI.

AEDIFICAT
ABRAM AL-
TARE DOMI-
NO INTER-
RA CHA-
NAAN.

DE VRBE SI-
CHEM QVI-
BVS NOMI-
NIBVS FVE-
RIT APPEL-
LATA.
VBI SITA.

LIBRVM DE
LOCIS HE-
BRAICIS,
QVI ET DE
ACTIS, NON
ESSE S. HIE-
RONYMI.

SICHEM A
QVI BVS
NON SEMEL
AEDIFICA-
TA, ET DE-
STRVCTA.

2. Ceterum, intra memoratum decennium, ab ingressu Abrami in terram Chanaan ad Ismaëlis conceptionem decursum, acta sunt ea quæ descripta habemus in Genesi, ferè ab initio capitis 12. vsque ad finem 15. de quibus hinc consequenter agendum erit. Ingressus ergo Abram in terram Chanaan, & pergens contra plagam eius, inter Orientem ac Meridiem quodammodò mediam, venit vsque ad locum Sichem, & vsque ad Conuallem illustrem, à Chananais tunc inhabitatam. Vbi apparuit ei secundò Dominus (prima enim vice apparuerat ei cum adhuc esset in Chaldaea, vt sub anno præcedenti num. 1. ostensum est) dixitque: *Semini tuo dabo terram hanc*, &c. Genes. cap. 12. vers. 6. Quem locum exponens B. Stephanus cap. Actorum 7. vers. 5. ait: *Et non dedit illi hereditatem in ea, nec passum pedis: sed repromisit dare illi eam in possessionem, & semini eius post ipsum, cum non haberet filium*. Intellexit ergo Abram ex hac secunda Domini apparitione ac repro missionis confirmatione, hanc esse terram illam, quam ei se monstraturum Dominus in prima visione pollicitus fuerat, quando nimirum prima vice apparuerat ei in Chaldaea adhuc existenti, dicēs, *Egredere de terra tua, &c. & veni in terram quam monstrabo tibi*. Quamobrem in huius beneficij recognitionem, ædificauit Abram ibi altare Domino, (quemadmodum loco Genes. proximè adducto subiungitur) super quo etiam oblationes & sacrificia pro gratiarum actione obtulisse, nemo dubitare debet. Verum, quia non parū refert scire, quisnam fuerit ille locus, in quo primum crexit Abram altare Domino in terra Chanaan, in eoque hostias immolauit: videtur hic necessariò aliquid de prædicto loco Sichem & Conualle illustri esse dicendum.

3. Porro Sichem, quæ & Salem dicta est Genes. cap. 33. vers. 18. etiam Sichima, tam vrbs quàm ager eius nuncupabatur, & incolæ eius Sichimitæ sunt appellati. Tempore autem Saluatoris, dicta vrbs dicebatur Sichar, & ad Samariæ provinciam pertinebat, vt patet Ioan. cap. 4. vers. 5. Posterioribus verò temporibus, Neapolis; ac demum, corrupto vocabulo, Naploza nuncupata fuit, vt tradit Andreas Masius super Iosue cap. 20. vers. 7. Posita erat hæc ciuitas in quodam monte excelsò, vel vt idem Masius putat, apud montem potiùs, quàm supra ipsum; nempe ad radices eius: qui duo habebat iuga, quorum alterum Garizim, alterum Hebal vocabatur; & postea etiam mons Ephraim dictus est, quòd in sortem Ephraimitarum deinde ceciderit: vnde Iosue cap. 20. vers. 7. & 3. Reg. cap. 12. vers. 25. Sichem dicitur fuisse in monte Ephraim. His prorsus consentanea habentur in libro de Locis Hebraicis, qui de Actis inscribitur, vbi sic legitur: *Sichem ciuitas Iacob, nunc Neapolis dicta, iuxta sepulchrum Ioseph, quæ à filio Hemor sui Regis vocabulum sumpsit: iuxta quam Dominus Samaritanæ mulieri loquitur ad fontem; vbi nunc Ecclesia fabricata est, ex latere montis Garizim*. Sic memorati libri Auctor. qui licet inter B. Hieronymi libros circumferatur, ipsius tamen non esse, vel ex eo manifestè deprehenditur, quòd ipsemet, vbi de Smyrna sitatur, ipsum citat B. Hieronymum. Sed & hæc addere libet verba Masij, quæ de Sichem scripta reliquit super cap. vlt. Iosue vers. 1. Extabat, inquit, illa, vt ait B. Hieronymus, ad latus montis Garizim, circiter sex millibus passuum à Samaria. eius ruinæ nunc Istar vocantur ab incolis: nam Neapolis, aut vt vulgus dicit, Naploza, non eodem solo substructa nunc visitur. hæc Masius. Sunt qui putant, hanc urbem primò ab Hemor Heuxo ædificatam, & ex nomine filij sui Sichem fuisse nuncupatam. Eandem deinde in solitudinem redegerunt filij Iacob, Simeon & Leui, habitatoribus eius interfectis, Genes. cap. 34. vers. 25. vsque ad 30. Postea verò etiam urbem ipsam, nescio à quo & quomodo instauratam, iterum funditus subuertit Abimelech, supereminato sale, Iudic. cap. 9. versic. 45. Sed eandem post multa tempora reædificauit Ieroboam primus Israël's Rex, & eadem regni sui constituit, 3. Reg. cap. 12. vers. 25. Plura de Sichem vide apud Brocardum

dum par. 1. cap. 7. §. 16. vsque ad 21. Fuit autem hæc ciuitas olim celeberrima, propter acta quædam valde insignia, quæ in ea vel penes ipsam acciderunt: cuiusmodi sunt, Dinæ stuprum, ex quo incolarum interitus est subsecutus, Genes. cap. 34. Iosephi Patriarchæ sepultura, de qua in calce libri Iosue fit mentio. Fons Iacob, & prædium quod ipse dederat Ioseph filio suo, Ioan. cap. 4. vers. 5. Fœdus paulò ante obitum Iosue ibidem iectum inter Deum & populum Israëliticum, Iosue cap. vlt. Item (iuxta Brocardum vbi suprà §. 17. & Iosephum §. Antiq. cap. 1.) recitatio Deuteronomij coram vniuerso populo, Iosue cap. 8. vers. 31. vsque ad finem capitis. Et denique conuentus Hebræorum pro eligendo Roboam filio Salomonis in Regem, quo tempore diuifum est regnum Israël à Iuda, 3. Reg. cap. 12. & 2. Paralip. cap. 10. Illud verò quod magis hanc urbem seu eius viciniam nobilitauit, fuit hæc prima altaris erectio facta ab Abramo, de qua paulò post agemus.

PRÆCLARA
QUÆDAM
IN SICHEM
GESTA.

4. Sequitur dicendum de Conualle illustri, sic enim nominatur in editione Vulgata; in Hebraica verò dicitur *Ela Moreh*, quas voces translatio LXX. Interpretum interpretatur, *Ad quercum altam*, Paraphrasis autem Chaldaica, vt videre est in Bibliis Regiis, reddit, *Ad planitiem Moreh*. Ex qua interpretationum diuersitate datur intelligi, conuallem illam fuisse satis planam, & admodum illustrem ac conspicuam, ob multitudinem ac proceritatem quercuum, aliarumque arborum excelsarum. Erat autem hæc conuallis sanè admodum longa: siquidem, vt ait Brocardus, incipiebat in planitie media inter duos montes, Gelboë & Hermon, inter quos desinebat Iordanis, fecus quem extendebatur dicta conuallis vsque ad Mare mortuum. Quin & ipsum mare, siue locus eius, (inquit idem Auctor) ante subuersionem Sodomæ & Gomorrhæ, continebatur in eadem Conualle illustri, quæ aquis irrigabatur veluti Paradisus, & Ægyptus. Credimus autem istam conuallem (vt ex lectione LXX. Interpretum colligi posse videtur Genes. cap. 12. vbi dicitur: *Vsque ad locum Sichem, ad quercum altam*) ab vna eius parte non admodum fuisse remotam ab vrbe Sichem: vnde quando ibi Abram dicitur venisse *vsque ad locum Sichem*, id est, vt nonnulli exponunt, vsque ad locum, in quo postea condita fuit Sichem: fortè melius est intelligere, ac si dixisset, *Vsque ad agrum*, seu territorium vrbis Sichem: vel potius, quia in editione Vulgata legitur, *vsque ad locum Sichem, vsque ad Conuallem illustrem*, hoc est antonomastice, vsque ad locum illum positum inter Sichem & Conuallem illustrem, qui locus postea adeò fuit insignis & celebratus, propter primam aram ibidem ab Abramo extitisse, vt ad eundem locum deinde venerit etiam Iacob, quando reuersus est de Mesopotamia Syriæ, & ibidem empto prædio habitare decreuerit, atque erecto altari, tamquam in loco prius ab auo suo Abram consecrato, dignum duxerit inuocare super illud fortissimum Deum Israël, vt legimus Genes. cap. 33. in fine. In eodem loco (vt putat Masius super cap. Iosue 8. vers. 31.) sub Ela defodit Iacob idola domus suæ, vt patet Genes. cap. 35. vers. 4. Puto autem ob huiusmodi insignia memorati loci priuilegia, etiam ipsum Iosue, quando venit in terram Chanaan, elegisse sibi domicilium iuxta Sichima, vt tradit Iosephus §. Antiq. cap. 1. prope finem. Et post multa tempora, regnante Alexandro Magno, Satrapa ille Sanabates, in gratiam generi sui Manasse, qui erat frater Iaddi Summi Pontificis Ierosolymitani, in eodem potius loco (ob insignem eius sanctitatem) quam alibi, ædificare voluit templum illud Ierosolymitano simile, de quo sub anno mundi 3721. num. 2. dicemus. Et vsque ad tempora Saluatoris locus ille in honore erat apud incolas, vt colligi potest Ioan. cap. 4. vers. 20. ex illis verbis, *Patres nostri in monte hoc adorauerunt*, &c.

DE CONVALLE
ILLUSTRI.

VBI ESSET
POSITA.

CVR IOSUE
HABITARE
RITIVXTA
SICHEM, ET
IBI DEM
POSTEA AE-
DIFICATVM
SIT TEM-
PLVM IERO-
SOLYMITA-
NO SIMILE.

5. Non multò post, Abram de prædicto loco, inter Sichem & Conuallem illustrem posito, Orientem versus pergens, venit ad montem Bethel, tetenditque ibi tabernaculum suum inter duas vrbes, nimirum Bethel & Hai; primam habens ab Occidente, alteram ab Oriente: & ibidem quoque erecto altari, inuocauit nomen Domini, Genes. cap. 12. vers. 8. Sanè inter memoratas vrbes vnâ circiter itineris leucain extitisse, bis mille & quadringentos passus continentem, quantum scilicet homo pedes vnus horæ spatio commodè conficere solet; testatur Masius super Iosue cap. 7. vers. 2. & super cap. 8. vers. 11. Nominatur autem hic prædicta vrbs, Bethel; quia hoc appellabatur nomine quando Moyse hæc scribebat: nam antea, quando scilicet Abram prope ipsam venit, vocabatur Luza: post annos verò centum sexaginta duos, (vt videtur est in tabulis) à Iacob pergente in Mesopotamiam, primò nominata est Bethel, id est, Domus Dei, propter diuinam illam visionem ibidem ei demonstratam, scilicet à terra ad cælum pertingentis, & Angelorum per ipsam ascendentium ac descendentium,

ABRAM VENIT IN
BETHEL.

LUZA PER
ANTICIPATIONEM
DICTA BETH-
EL, ET CUR
POSTEA SIC
APPELLATA.

CVR DEIN- vt patet Genes. cap. 28. vers. 19. & nos sub anno mundi 2276. num. 6. dicemus. Lon-
 DE DICTA- gè verò posterioribus, nempe Regum & Prophetarum temporibus, eadem vrbs, quasi
 BETHAVEN. per irrisiōnem, seu ad execrationem, appellari cœpit Bethaven, id est Domus iniquita-
 tis, vt est apud Osëam cap. 4. vers. 15. & cap. 5. v. 8. & cap. 10. v. 5. siue ob vicinam solitu-
 dinem (cuius meminit Iosue cap. 18. vers. 12.) sic appellatam, quòd fortè in ea cædes
 & latrocinia fierent: vel potiùs, quia in Bethel Ieroboam primus decem tribuum Rex
 posuerat vitulum aureum, quem deinceps ab Israëlitis coli voluit, vt habetur 3. Regum
 cap. 12. vers. 29. Hanc enim ob causam putat B. Hieronymus in lib. de Locis Hebrai-
 cis, & super citata Osëe loca, vrbem illam, quæ priùs Domus Dei dicebatur, postea
 Domum idoli à piis viris, vt dixi, fuisse denominatam. Hai verò altera ciuitas, posita
 erat in Occidua parte montis, quem postea à Christi ieiunio ibidem exacto, Qua-
 rantenam appellarunt. habebatque Hai ab Oriente tribus leucis Galgala, vt ait Brocar-
 dus, totidem verò à Septemtrione, fontem Elisei, prope Iericho existentem, vt probat
 Masius super Iosue cap. 7. vers. 2. Fuit autem Hai secunda ciuitas à Iosue, post ingres-
 sum populi in terram Chanaan, expugnata, vt patet Iosue cap. 8.

CVR ABRAM- 6. Ceterum si quis hoc loco percontetur, cur Abram non manserit in loco in quo
 NON VNO- priùs fixerat tabernaculum, sed huc atque illuc progrediens, veluti in continua qua-
 LOCO PER- dam peregrinatione, vitam suam suorumque transigere visus sit; dicere possumus, il-
 MANERIT, lum ita egisse, quia sic ei Dominus imperauerat Genes. cap. 13. vers. 17. dicens: *Surge,*
 SED HVC AT- *& perambula terram in longitudine, & in latitudine sua, quia tibi daturus sum eam.* vt i-
 QVE ILLVC- licet illam sibi & semini suo repromissam, aliquatenus lustraret ac recognosceret, & vt
 DOMICI- tandem commodiorem sibi locum ad inhabitandum deligere posset. Vel etiam ob
 LIVM SVVM- particulares quasdam difficultates in Scriptura sacra præteritas, de loco ad locum (Deo
 TRANSV- sic disponente) transire quodammodò cogebatur; vt vel sic mira eius in sequendo du-
 LERIT. ctum Domini constantia fidesque magis ac magis probata ostenderetur, ac posteri egre-
 gium quoddam in hoc viro perfectioris vitæ specimen imitandum ante oculos habe-
 rent. Et fortè item, ne lucerna tot tantarumque virtutum splendoribus irradiata, veluti
 sub modio conclusa maneret; sed potiùs quodammodò in conspectu omnium posita,
 pluribus hisce atque diuersis Chanaanæorum populis, siue ad ipsorum confusionem re-
 prehensionemque deferuiret, vel etiam ad quorundam emendationem, eisdem opti-
 ma quædam benè viuendi exempla documentaque præberet: cum ipse sanctus vir ad
 propria suorumque merita amplius augenda, varias regiones cum vniuersa familia sua
 optimè admodum instituta peragrans, vitam quodammodò Apostolicam in terris
 ageret, atque vbique sanctitatis vestigia relinquens, bonarum virtutum semina sparge-
 ret, ad plurimorum salutem promouendam accommodata.

ABRAM DE- 7. Eodem anno quo Abram de Haran venerat in terram Chanaan, (iuxta Hebræo-
 SCENDIT- rum opinionem; quam refert Ioannes Driedo lib. 3. de Dogmaticis Ecclesiasticis tra-
 CVIUS FAMI- ctat. 3. cap. 5. concl. 4.) hoc est, vt arbitror, in posterioribus illius anni temporibus, ex-
 LIA SVA IN- orta fame in terra Chanaan, descendit Abram cum omni familia sua in Ægyptum: vbi
 AEGYPTVM. veritus ne Ægyptij, nimia vxoris suæ pulchritudine capti, ipsum interficerent, vt eam
 ducere possent; in tribulationem incidit maximam, cœpitque cogitare quid ageret:
 duplex quippe sibi periculum imminere videbat, alterum vitæ, honoris alterum. &
 quidem cum esset in arcto positus, primo sic occurrere decreuit, nimirum rogando Sa-
 ram, vt tacita veritate, quòd scilicet eius vxor esset, diceret se esse sororem; quod certè
 sine mendacio affirmare poterat, quandoquidem, cum ipsa more Hebraico verè dice-
 retur filia Thare patris Abrami, licet non immediatè ab ipso, sed mediante Aran filio
 eius esset genita; profectò iuxta eundem ritum etiam ipsius Abrami soror ritè dici po-
 terat, quemadmodum sub anno mundi 2049. num. 10. latius ostensum est. Aliud ve-
 rò periculum, nempe honoris, quia Abram nullatenus ei humano consilio prospicere se
 posse videbat, diuinæ committendum providentiæ putauit, quæ, vbi humana cessant
 auxilia, non deest iis qui humili eam corde implorant; quemadmodum ipsi Abramo in
 hoc eodem casu euenisse certum est. Nam etsi, vt primum peruenit fama pulchritudinis
 Saræ ad Regem, sublata sit mulier in domum Pharaonis, vt dicitur Gen. cap. 12. ver-
 sic. 15. verumtamen, vt ibidem subditur, *flagellauit Dominus Pharaonem plagis maxi-*
mis, & domum eius, (nimirum eos qui laudauerant eam apud ipsum, tamquam delicti
 participes) *propter Sarai uxorem Abram.* Atque hoc pacto consultum fuit honori ip-
 sius Abrami & coniugis suæ, vt mox clariùs explicabitur, & consequenter euentus com-
 probauit verum esse, quod ipsi Abramo repromiserat Dominus, dicens: *Maledicam*
maledicentibus tibi. hoc est, Malefaciam malefacientibus tibi. iste enim est verus illo-
 rum

rum verborum intellectus. Quis verò fuerit iste Pharaò, qui temporibus Abrami regnabat in Ægypto, incompertum habemus: quandoquidem scimus, antiquitus per multa tempora, vsque ad Cambysem Cyri filium, qui Ægypti regnū Imperio Persarum adiunxit, Reges Ægyptiorum communi vocabulo Pharaones fuisse appellatos: quemadmodum iidem, post Alexandri Magni obitum, à primo ipsorum Rege Ptolemæo, deinceps, donec à Romanis subacti sunt, etiam Ptolemæi sunt appellati, more Romanorum, qui mox suos Imperatores, Cæsares & Augustos nominare consueverunt.

8. Quæ autem fuerint prædictæ plagæ Pharaoni à Deo inflictæ, Scriptura sacra non exprimit. Vnde Hebræi, vt refert Lyranus, putant fuisse fluxum seminis adeò molestem, vt eos redderet inhabiles ad coitum, atque hoc pacto seruata fuerit Sarai ab eis intacta. Alij dicunt fuisse sterilitatem vxorum Pharaonis, quemadmodum postea, eadem ob causam, accidisse Abimelech Regi Philisthinorum, infra suo loco dicemus. Iosephus lib. 1. Antiq. cap. 9. dicit, Deum huic libidini obsticisse, pestilentia & seditione res Regis infestando. Philo autem in libro De Abrahamo, ait fuisse pœnas corporis & animi graues Regi diuinitus inflictas; ita vt morbo laborans multiplici, amorum voluptatūq; oblitus, longè diuersas agitaret curas; quomodo scilicet euadere posset è tormentis, quibus dies noctesque sine intermissione afflictabatur. B. Theodoretus pariter quæst. 61. in Genes. credit, Pharaonem grauissimis percussum infirmitatibus non potuisse, vt decreuerat, Saram ducere vxorem. Sed quidquid sit, fufficit plagas illas potuisse tales, quæ prohibuerint ne Pharaò, aut quisquam alius, ingredi potuerit ad Saram. Quæret hic fortasse aliquis, num flagella hæc, statim ac Sarai ducta est in domum Pharaonis, superuenerint Regi & domui eius, an multò post. B. Hieronymus in Traditionibus Hebraicis in Genes. putauit hoc potuisse contingere post multos dies ac menses; arbitratur, quòd quemadmodum apud Reges Persarum ac Medorum mos erat, vt quæcūq; mulier placuisset Regi, non statim ad cubiculum eius introduceretur, sed prius vinceret se oleo myrrhino sex mensibus, & aliis sex quibusdam pigmentis & aromatibus vteretur, ac denum tunc ingrederetur ad Regem, vt legimus Esther cap. 2. vers. 12. ita fieri solet apud Reges Ægypti; & quòd interim dum hæc ageret Sarai, flagellauerit Dominus Pharaonem. Sed tamen probabilius videtur, flagella hæc illicò euenisse: tum quia, quòd memoratus mos esset quoque penes Ægyptios, illo præsertim tam antiquo tempore, non videtur satis posse probari: tum etiam, quia sic facilius potuit Pharaò intelligere & credere, propter ablatam illam mulierem, & non alia de causa, sibi domuiq; suæ mala hæc euenisse, quòd certum esset, ea continuo, ex quo illa domum suam intrauerat, & cœpisse, & deinceps perseuerasse. Et infra sub anno proximo num. 1. probabimus, Abramum breui tempore moram traxisse in Ægypto.

9. His itaque eruditus Pharaò plagis, iuxta illud quod dicitur, *Vexatio dat intellectum*, intellexit valde displicuisse Deo, quòd mulierem illam ab aduena sublatam penes se haberet, vnde ipse creditur vel protinus sciscitatum esse mulierem, voluisseque ab illa scire, num esset vxor Abrami; vel, vt alij volunt, id Deo reulante; aut, vt Iosephus ait, per sacerdotum responsa didicisse. Vt autem cognouit illam aduenæ esse vxorem; statim virum eius accersitum prius obiurgat, quòd dixerit esse sororem; mox illam ei reddit, dicens: *Ecce coniux tua, accipe eam, & vade*. Quòd autem reddiderit eam omnino intactam, communis est sententia Patrum, præsertim verò B. Augustini, qui lib. 16. de Ciuit. cap. 19. ait: *Abst. vt credamus alieno concubitu fuisse pollutam; quia multò credibilis est, hoc Pharaonem facere afflictionibus magnis non fuisse permissum*. Et B. Chrysostomus Homil. 32. in Genes. scribit: *Acerbissima pœna percussum Regem discedere fecit à nefario flagitio, cœrcuit ab irrationabili impetu, cohibuit incontinentem mentem, alligauit concupiscentiam indomitam, frenauit furoris insaniam*. Philo item vbi supra dicit, quòd Deus eximiam fidem, obedientiamque, ac pietatem Abrahamæ, egregio quodam beneficio remunerauit, coniugium eius à potente quodam & immoderato Regegens in discrimen adductum, mira quadam ratione inuiolatum intactumque seruans. Denique B. Theodoretus loco supra numero præcedenti allegato, *Quanta igitur, inquit, cura fuisset Abram Deo, si vidit vxorem eius adulterio stupratam: cur tanta, & tanta, & tam formidanda minatus est Pharaoni, & vniuersæ domui eius, si noluit cohibere congressum illum iniquum? & alibi, vt refert Lipomanus in sua Catena in Genesim, Manifestum est, inquit, cum primum Sarai raptæ est à Pharaone, Deum agrotatione quasi vinculo quodam cum obligasse, ne Saram violaret: agrotatio enim appetitionem Regis hebetauit, & venator intra retia sua captam habens feram, quam maxime optabat, præda tamen frui non potuit*. sic Theodoretus. Sed & hoc idem, nimirum intactam à Pharaone Saram fuisse redditam, etiam

DE PLAGIS
PHARAONI
ADEO PRO-
PTER SVB-
LATAM VXO-
REM ABRA-
MI, INFLI-
CTIS.

QUANDO
DICTA FLA-
GELLA PHA-
RAONI E-
VENERINT.

PHARAÒ
ABRAMI
VXOREM
REDDIT
INTACTAM.

etiam Alexander Historicus ex Eupolemo antiquissimo Scriptore refert apud Eusebium lib. 9. de Preparatione Euangelica cap. ult. ut iam de hac re dubitare nemo iure debeat, de qua non Ecclesiastici tantum, sed etiam profani Scriptores fidem faciunt, & ratio ipsa suadet, id ita sese habuisse. Quin potius merito hic agnoscere licet, atque in immensum laudibus extollere Dei providentiam ac singularem protectionem, eorum praesertim qui pietatem enixius colere satagunt: quos tamen, ad merita eorum augenda, nonnumquam sinat variis exerceri tribulationibus, non tamen in periculum deferit, sed tunc maxime eis opportune, etiam mirabiliter praesto esse non negligit. Verum nos iam ad historiae seriem redeamus.

AB ORBE CONDITO

TERTIAE MVNDI AETAT.

ANNVS 2115.

ANNVS 3.

ABRAM
NON DIV
MANSIT IN
AEGYPTO.

A NNO proximo, nimirum circa initia, ut arbitror, anni vitae suae septuagesimi septimi, credimus Abramum cum Lot & omni familia sua rediisse in terram Chanaan de Aegypto, in qua ipsum non multo tempore mansisse, ex ipsamet sacra Scriptura colligi posse videtur. Nam certum est, quod ut primum viderunt Aegyptij Saram, commendauerunt eius pulchritudinem coram Pharaone, qui statim praecipit eam duci in domum suam. Quo facto, protinus, ut dictum est, flagellauit eum Dominus plagis maximis, ne Abramo iniuriam inferre valeret, ingrediendo ad eius uxorem. Ut verò duram admodum super se manum Domipi & super domum suam expertus est Pharaon, cognita diuinæ vindictæ causa, reddidit Abramo Saram, ac simul ipsum e regno suo dimisit, illis verbis: *Ecce coniux tua, accipe eam, & vade. Praecipitque Pharaon super Abram viris, & deduxerunt eum, & uxorem illius, & omnia quae habebat, Genes. cap. 12. in fine.* & continuò in capitis subsequenti initio subiungitur: *Ascendit ergo Abram de Aegypto, ipse, & vxor eius, & omnia quae habebat, &c.* puto tamen Pharaonem permisisse Abramo, ut ibi prius emeret frumenta & cibaria, quæ secum deferre posset in terram Chanaan, ubi erat fames. Ex praedictis videtur aperte satis indicari, Abramum modico dumtaxat tempore moram in Aegypto traxisse. Hoc si verum est, ut credimus, oportet minus vera esse quæ quidam alij scripta reliquerunt, nimirum Artapanus ille antiquus, qui refertur apud Eusebium lib. 9. de Preparatione Euangelica c. ult. & ait, Abram per viginti annos remansisse in Aegypto, & Alexander Historicus, ibidem ab eodem Eusebio relatus, qui ex Eupolemo scribit, Abram vixisse in Heliopoli cum Aegyptiorum Sacerdotibus, qui, inquit, ab ipso Astrologiam didicerunt. Et Iosephus libro 1. Antiq. cap. 9. qui & ipse asserit, Abram, post recuperatam uxorem, de licentia Pharaonis disputasse cum Aegyptiorum Sapientibus, magnumque inde sibi nomen & exultationem apud illos acquisiuisse, & insuper eos Astrologiam aliasque disciplinas docuisse. Quæ profectò non videntur convenire cum sacra Scriptura asserente ipsum Abram post redditam sibi uxorem, continuò à Pharaone de Aegypto fuisse dimissum, ut paulò supra probauimus.

2. Reuersus itaque Abram de Aegypto, per iter quo venerat à Meridie in Bethel, peruenit ad locum altaris, quod prius fecerat inter Bethel & Hai, & inuocauit ibi nomen Domini, Genes. cap. 13. vers. 3. Erat autem cum eo & Lot; cumque essent ambo diuites in argento, auro, ouibus, armentis, tabernaculis, ac familiis admodum copiosis, ita ut ultra non possent commode in terra illa, quæ tunc erat Chanaanorum & Phezezorum, habitare simul: ad sedandas rixas inter vtriusque pastores iam exortas, & ne seruulorum contentiones concordiam dominorum soluerent; prudens Abram proposuit nepoti discessionem ab inuicem, data ei optione, ut quam ipse mallet regionem, ad inhabitandum deligeret, illis vtriusque verbis, humilitate ac modestia plenis: *Ne queso sit iurgium inter me & te, & inter pastores meos & pastores tuos; fratres enim sumus. Ecce vniuersa terra coram te est: recede à me, obsecro: si ad sinistram ieris, ego dexteram tenebo: si tu dexteram elegeris, ego ad sinistram pergam.* Igitur cum Lot delegisset sibi regionem circa Iordanem, quæ tunc vniuersa irrigabatur, antequam subuerteret Dominus Sodomam & Gomorrhæam, diuisi sunt ab inuicem. Lot habitauit in Sodomis, inter viros pessimos: Abram verò in terra Chanaan, ubi post praedictam separationem apparuit ei tertio Dominus, rursumque repromisit ei, & semini suo, dare vniuersam terram illam, quam circumquaque conspiciere poterat; & item multiplicare semen suum sicut puluerem terræ, monuitque ut terram toties iam sibi repromissam perambularet: qui confestim, moto inde tabernaculo suo, venit & habitauit in conualle Mambre, iuxta

TERTIA
DOMINI
APPARITIO
FACTA
ABRAMO.
ABRAMO HA
BITAT IN
CONVALLE
MAMBRE
IUXTA HE
BRON.

iuxta Hebron, ædificauitque ibi altare Domino, Genesis cap. 13. per totum.

3. Ita conuallis, erat planities quædam inter montes posita, distans ab antiqua Hebron, vt ait Brocardus, per dimidiam leucam, & pluribus creditur fuisse frondosis quercubus siue ilicibus confita: nam propterea, inquit, per Synecdochen significatur voce illa Hebraica *Elon*, quæ Latinè interpretatur *quercus*, siue *ilex*. vnde videtur, æstiuo præsertim tempore, fuisse ad habitandum satis commoda. Possidebatur autem tunc temporis à Mambre, fratre Escol & Aner Amorrhæorum; de quorum consensu cœpit Abram ibi inhabitare, pendens eis annuam, vt arbitror, pensionem, tum pro eius habitatione, tum etiam pro gregum atque armentorum passionibus. Et hæc fortè fuit conuentio illa, siue fœdus, quod cum prædictis ipse Abram iniisse dicitur Genesis cap. 14. vers. 13. Porro Hebron, siue Chebron, (vt dicitur in libro de Locis Hebraicis, sub vocabulo Arboch seu Arbee) olim fuit Philisthinorum metropolis, & à gigantibus incolebatur. Distabat verò ab Ierusalem passuum millibus circiter viginti duobus, ad Meridianam plagam; & olim dicebatur Cariath Arbe, id est, ciuitas Arbe, Iosue cap. 14. in fine. Fuit autem Arbe gigas de stirpe Enac, vt ibidem colligi potest; cuius posterii fuerunt, Achiman, Sisai, & Tholmai, qui Numer. cap. 13. vers. 23. ab Israëlitarum exploratoribus inuenti sunt in Hebron, & appellantur filij Enac, quoniam de stirpe eius etiam ipsi, fortassis per lineam Arbe, prodierant. Posterioribus verò temporibus desit dicta vrbs appellari Cariath Arbe: nimirum postquam data fuit Caleb filio Iephone, vt legimus Iosue cap. 14. vers. 13. & Iudic. cap. 1. vers. 20. nam postea ex nomine Hebron filij ipsius Caleb, cuius fit mentio 1. Paralipom. cap. 2. vers. 42. dicta est Hebron, vt ait B. Hieronymus loco de Locis Hebraicis paulò antè citato. Quod si verum est, oportet quòd vbiicumque in libro Genesis, Numer. & Iosue, videlicet ante ortum dicti Hebron filij Caleb, dicta vrbs nominata est Hebron; per anticipationis seu postpositionis figuram, in Sacris libris alàs non raro vsurpatam, id factum esse intelligatur. De huius vrbs antiquitate, loco Numer. proximè citato habemus expressum, quòd *septem annis ante Tanim Aegypti urbem condita est*. Sed quoniam, quandònam dicta Aegypti ciuitas condita sit, adhuc incomper- tum nobis est, consequenter etiam scire non possumus, quo anno mundi ipsa Hebron ædificata fuerit. Nam quod scriptum reliquit Iosephus libro 5. de Bello cap. 7. nempe, ab Hebro condita ad ipsius Iosephi tempora, numerari annos bis mille & trecentos, sustineri non potest; quemadmodum etiam aduertit Pererius: quamuis ratio eius ex Eusebij Chronico petita, non admodum firmà esse credatur; quoniam Eusebius videtur ibi ex parte secutus mendosam L x x. Interpretum chronologiam, vel aliam ipse temporum rationem iniisse ab ea, quæ ex Sacris libris Vulgatæ editionis colligitur, valde diuersam. Siquidem ipse ponit Abramum natum esse anno mundi 3185. cum tamen ex præfatis codicibus, tum Hebraicis tum Latinis, non plusquam 2039. ab orbe condito ad Abrami ortum numerari possint, quemadmodum experiri licet in nostris tabulis. Quare dictum Iosephi longe efficacius confutari potest per chronologiam, quæ ex Vulgata Bibliorum editione desumitur. Nam si Iosephus, vt creditur, libros suos de Bello scribebat Olympiade circiter ducentesima decimatercia currente, & initium Olympiadis ducentesimæ decimæquartæ, iuxta præfatum computum magis probatum, concurrat cum anno mundi 4130. profectò, si de hoc numero detrahas annos bis mille trecentos, quos inquit Iosephus ab Hebron condita ad sua tempora esse decursos, vtique sequeretur, ipsam Hebron fuisse ædificatam anno mundi 1830. & consequenter, centum circiter annis ante diuisionem linguarum, quam anno mundi 1931. contigisse, fusiùs ibidem à numero 1. vsque ad 4. probauimus. Quòd autem tunc Hebron condi non potuerit, manifestum est; quia ex Sacro eloquio apertè constat, à Diluuio ad diuisionem linguarum, genus humanum de Armeniæ Babylonixque finibus Occidentem versus non exisse. Sed hæc dicta sint obiter: redeamus ad historiam.

DE CONVAL-
LE MAMBREDE HEBRON
SIVE CHE-
BRON.CARIATH
ARBE IN
PENTATEU-
CHO, PER
ANTICIPA-
TIONEM
DICTA VR
HEBRON.

AB ORBE CONDITO

TERTIÆ MVNDI ÆTAT.

ANNVS 2117.

ANNVS 5.

POST annos duos, nimirum anno decimotertio, ex quo Sodomitæ ac finitimæ nationes seruire cœperant Chodorlahomor Regi Aelamitarum, rupto fœdere recesserunt ab eo, Genes. cap. 14. vers. 4.

PENTAPO-
LIS A REGE
AELAMITA-
RVM DE-
SCIUIT.

AB

AB ORBE CONDITO

TERTIÆ MVNDI ÆTAT.

ANNVS 2118.

ANNVS 6.

CHODOR-
LAHOMOR
INFERT BEL-
LYM PENTA-
POLITANIS.

ANNO vitæ Abrami circiter octogesimo, (vt Pererio placet) qui erat regni Ninia, seu Zameis, Assyriorum Regis III. annus vigesimus octauus, vt patet in tabulis, illatum fuit Sodomitis & ceteris Pentapolis gentibus postremum bellum, quod describitur Genes. cap. 14. à Chodorlahomor & aliis tribus Regibus, qui ei in auxilium venerant, anno decimoquarto post primum bellum, quod idem Chodorlahomor eisdem Pentapolitanis intulerat, quando eos sibi subegerat, vt sub anno mundi 2105. num. 1. dictum est. Quare credimus decipi Abulensem, qui bellum istud contigisse credit biennio antè; nimirum, paulò postquam Lot ab Abramo discesserat. Quod non videtur verisimile; alioqui ea facilitate qua illuc venerat Lot, auditis belli rumoribus, priusquam domicilium resque suas ibi firmaret, inde recedere potuisset. Belli huius causa sine dubio fuit ea, quæ breuiter tangitur Genes. cap. 14. vers. 4. nempe quia Sodomitæ cum finitimis ciuitatibus, anno decimo tertio ex quo subiugati fuerant, à Chodorlahomor recesserunt, vt sub anno præcedenti dictum est: & ideo ille, cum aliis tribus Regibus in auxilium accessisset, venit contra eos hoc anno, vt illam iniuriam vindicaret.

DE QVAT-
TVOR REGI-
BVS QVIPEN-
TAPOLIM
DEPOPVLA-
RVNT, ET
PRIMO DE
CHODORLA-
HOMOR.
DE AMRA-
PHEL REGE
SENNAAR.DE THADAL
REGE GEN-
TIVM.DE ARIOCH
REGE PON-
TI.

2. Qui autem fuerint quattuor hi Reges, qui cum suis exercitibus vnanimiter venerunt aduersus Pentapolitanos, non facile est determinare, præsertim de duobus. Nam de Chodorlahomor, certum est, quòd erat rex Ælamitarum, id est populorum qui ab Ælam filio Sem nomen originemque duxerant, à quibus postea Persas prodixisse, communis opinio est, vt sub anno mundi 1931. num. 49. diximus. De Amraphel item, quia appellatur Rex Sennaar, & scimus olim in campo Sennaar exstructam fuisse Babylonem; probabile admodum est, ipsum aliquo modo tunc regnasse in Babylone, & cum rege Ælamitarum, non valdè inde remoto, eiusmodi expeditionem suscepisse: non tamen probare possumus Hebræorum opinionem existimantium, hunc Amraphel eundem fuisse cum Nemrod; quem licet certum sit regnasse in Babylone, constat tamen ex supradictis, multò ante hæc tempora esse defunctum. De aliis verò duobus Regibus, difficilius scire possumus qui fuerint, aut vbi regnarint: quandoquidem, tamen Thadal dicatur Rex Gentium, id est non vnius linguae gentis, sed aliquot populorum, qui diuerso inter se utebantur idiomate: & idcirco Pererius non irrationabiliter suspicatur, ipsum Thadal, tunc regnasse in ea Galilææ parte, quæ Galilæa gentium dicta est, quòd à variis gentibus incoletetur, nimirum Ægyptiis, Arabibus, Phœnicibus, & huiusmodi, teste Strabone lib. 16. Attamen de hoc, ob nimiam rei vetustatem, ceti nihil afferre possumus. Eodem quoque modo, quamuis Arioch dicatur in Sacro eloquio Rex Ponti, vt habet editio Vulgata, siue Rex Hellasar, vt in Hebræo est, & LXX. Interpretes in sua versione retinuerunt: nihilominus quænam ista vrbs Hellasar, & vbi fuerit, incompertum habemus: neque ex vocum similitudine tutò affirmare possumus, istum Arioch Regem Hellasar fuisse illum, vel potius (quia tempora non conueniunt) vnum ex antecessoribus illius Erioch Regis Elicorum, qui memoratur Iudith cap. 1. vers. 6. Sed neque (si sequamur textum Vulgatum, qui ponit Arioch Regem Ponti) admittenda videtur interpretatio Abulensis, qui putat hunc Arioch fuisse Regem Helleponti: quia Hellepontos non regni nomen est, sed freti Gallipolis, vt ait Ptolemæus Geographiæ lib. 5. cap. 2. & habent Græciæ veteris tabulæ: in quo freto Xerxes exstructo nauium ponte, numerosissimum de Asia in Europam traduxit exercitum. Sed supposito, quòd ibi aliquando fuerit aliquod Regnum, ex vicino freto sic denominatum, non tamen videtur probabile, quòd Rex Helleponti tam longo itinere perrexerit ipse cum exercitu suo vsque in Persidem, vt inde cum Rege Ælamitarum proficisceretur contra Sodomitas. Et idem videtur dicendum, si iste Arioch fuisset Rex illius prouinciæ, quæ postea Pontus dicta est, in Asia minori, secus mare Euxinum; nimis enim abest à regione Ælamitarum. Nec obstant exempla quæ adducit Abulensis, nimirum de populis, qui teste Lucano, ab extremis panè orbis partibus venerunt in auxilium Pompeij, quando pugnaturus erat cum Cæsare: nam tunc de totius propè Orbis Imperio disceptabatur; hic verò de quinque dumtaxat ciuitatibus, non etiam valdè insignibus, subiugandis. Quare probabilius videtur, hos Reges, vel potius Regulos, Ælamitis Babyloniisque fuisse finitimes, & obscuriores, id est non valdè potentes, (alioqui ad hoc bellum non tantis opus fuisset auxilii) sed magno Assyriorum

syriorum Regi (qui tunc, vt creditur, vniuersæ penè Asiæ citra Indos regnabat) subditos, vel saltem confœderatos, eique vtrò seruientes: vt videtur posse colligi ex Iosepho, qui 1. Antiq. cap. 10. eamde referens historiam, ait, Assyrios, penes quos tum Asiæ Imperium extabat, bellum intulisse Sodomitis, ductu & auspiciis prædictorum quatuor, quos non appellat Reges, sed Imperatores, hoc est, exercituum duces, & veluti Monarchiæ Assyriorum Præfectos. Quamuis proculdubio credendum sit, eosdem Regis titulo fuisse insignitos, siquidem Scriptura sacra eos, quemadmodum etiam & quinque Pentapolis dominos, appellat Reges, quia antiquitus id moris erat, vt ferè quælibet populorum capita, seu singuli vrbium domini, Regis vocabulo significarentur, vt colligi potest Iosue cap. 12. vers. 9. vsque ad finem capituli, vbi nominantur vnus & triginta Reges, quos percussit Iosue in terra Chanaan, & signanter singuli singularum illius terræ ciuitatum Reges nuncupantur. Quamquam non inconuenit credere, quod magni illi Assyriorum Reges, sicuti & alij Monarchæ, habuerint sub se alios Reges minores, alioqui etiam satis potentès, quemadmodum ex his, quæ nos sub anno mundi 3572. num. 4. dicemus, euidenter fiet.

3. Porro quattuor prædicti Reges non rectè semper ad Pentapolim perrexerunt, sed eam quodammodò à longè circuientes, ab opposita demum parte aggressi sunt. Nam venientes primò in terram Basan, quæ ex omnibus Chanaanæ regionibus prima eis occurrerat, & Terra gigantum appellabatur, Deuter. cap. 3. vers. 13. percusserunt Raphaim, id est quosdam gigantes hoc nomine nuncupatos, quod fortè primam originem ducerent ab illo Rapha gigante, cuius tamquam de antiquo gigantum progenitore fit mentio 1. Paralip. cap. 20. vers. 6. Isti tunc habitabant in vrbē Asarothcarnaim, in qua postea regnasse dicitur Og rex Basan, Iosue cap. 13. vers. 12. & hæc deinde vrbs cecidit in sortem mediæ tribus Manasse, trans Iordanem, & data fuit ad habitandum leuitis de stirpe Gersonis, vt videre est 1. Paralip. cap. 6. vers. 72. De Basan venientes contra Austrum percusserunt alios gigantes vocabulo Zuzim, siue Zomzommim, qui tunc habitabant in terra illa, quam postea incoluerunt Ammonitæ, vt dicitur Deuter. cap. 2. vers. 20. Inde vterius progredientes, vastauerunt alios gigantes nomine Emim, in Saue Cariathaim. Porro Emim habitabant terram, quæ postmodum occupata fuit à Moabitis, vt habemus in cap. Deuter. citato vers. 9. vnde apparet, hinc non debere accipi Saue Cariathaim, vt putat Pererius, pro Cariathiarim, quæ & Cariathbaal, & vrbs Saltuum seu Siluarum dicebatur, in regione Gabaonitarum posita, quam B. Hieronymus in lib. de Locis Hebraicis facit distare ab Ierusalem vno tantum milliario, Brocardus verò ferè decem cum dimidio: siquidem hæc cis Iordanem erat in tribu Iuda; illa verò de qua hinc loquimur, trans Iordanem, in terra Moabitarum, vel prope ipsam, & postea data fuit filiis Ruben, vt patet Iosue cap. 13. vers. 19. His non contenti prædicti Reges, Pentapolim ad dexteram, ac deinde post tergum relinquentes, inuaserunt Chorrhæos, siue Horrhæos, in Idumæa, hoc est in monte Hor habitantes, illos nimirum, de quibus dicitur Deuter. cap. 2. vers. 12. *In Scir prius habitauerunt Horrhæi, quibus expulsis atque deletis, habitauerunt filij Esau.* Hos verò Horrhæos cum persecuti sunt vsque ad campestria deserti Pharan, reuersi sunt, & nonnihil ad Occidentem flectentes, venerunt in Cades, ad locum qui postea Misphat, id est fons iudicij dictus est, quod ibi Moyses, iubente Domino, percussit bis virga petram, mirabiliter eduxit populo aquas. Vnde excurrentes, percusserunt habitatores terræ, quæ postea fuit Amalecitarum. Mox vastarunt quoque regionem Amorrhæorum habitantium in Asafonthamar, quæ interpretatur Vrbs palmarum, & teste B. Hieronymo in Questionibus Hebraicis in Genes. postmodum dicta est Engaddi, palmarum & balsami ferax: legimus etiam in lib. de Locis Hebraicis, de Engaddi provenire opobalsamum, & has esse vineas à Salomone in Cant. cap. 1. vers. 13. celebratas; nec immerito, quandoquidem planta balsami, vt ait Plinius lib. 12. cap. 25. *viti similior est quam myrto, & malleolis seri dicitur, nuper vineta, vt vitis, & implet colles, vinearum modo.* Denique deuictis hisce Amorrhæis, præfati Reges ad Pentapolim properantes, pugnaverunt feliciter cum quinque Pentapolitanis Regibus in Valle siluestri, quæ nunc est Mare salis, ac cæsis eorum exercitibus, tulerunt spolia Sodomorum & Gomorrhæorum, & Lot nepotem Abrami, cum omni domo & substantia eius, & profecti sunt vt redirent in regiones suas.

4. Hæc cum nuntiata essent Abramo, captum scilicet Lot nepotem suum, & abductum cum omni familia & opibus suis; illicò Dominum obnixè admodum orasse creditur, seseque iureiurando obstrinxisse, si Deo fauente de hostibus victoriam reporteret.

REGIONES
A PRÆDI-
CTIS REGI-
BUS DEPO-
NYLATAE.

LOT CAPTI-
VVS ABDV-
CITVS.

ABRAM FELICITER
PUGNAT
CVM PRÆ-
DICTIS RE-
GIBVS, ET
VICTOR RE-
DVXIT LOT,
ET OMNEM
PRÆDAM

taret, nihil de captiuorum spoliis sibi retenturum; sed ipsis de miserabili illa seruitute ereptis, ac in pristinam libertatem vindicatis, cuncta etiam eisdem quæ ipsorum fuerant restitutum. Deinde confestim, selectis trecentis decem & octo de vernaculis suis, ad pugnam aptioribus, & assumptis insuper in auxilium tribus amicis suis, nempe Mambre, Escol, & Aner, fratribus, ac dominis terræ in qua tunc ipse habitabat, quibus cum fœdus inierat, insecutus est; & vt ait Iosephus, quinta die affecutus est hostes circa fontem Iordanis nomine Dan, qui erat in extrema parte Septemtrionali Chananæ: vbi diuisis sociis, derepentē irruit ab omni parte super eos; & imparatos ad repugnandum adortus, facile contriuit atque fugauit, persequens illos *vsque Hoba, quæ est ad læuam Damasci*. Sic enim Genes. cap. 14. vers. 15. habent omnes textus Hebraici, Græci, & Latini, præsertim qui inter emendatiores ac magis probatos computantur, nimirum, Hoba, siue (vt aiunt LXX. Interpretes, Choba) fuisse ad sinistram, vel (vt habet Chaldaica Paraphrasis) ad Aquilonem Damasci. Ex qua vtrique Paraphrasi confirmari potest lectio Sacrorum textuum: quandoquidem certissimum est, quod euntes de terra Chanaan in Damascus habent Aquilonem ad læuam ipsius Damasci, vt patet ex tabularum Geographicarum inspectione. Quare oportet S. Ambrosium, qui lib. 2. De Abraham sub finem capitis 7. legit, *ad dextram*, incidisse in codicem sacrum hac in parte corruptū. Quod hic obiter adnotasse sat sit. Porro Abraham mox victor cum rediret, recuperata omni præda, ac secum reducens Lot, & omnia quæ illius erant: occurrit ei

REX SODOMORVM OC-
CVRIT A-
BRAMOGRA-
TVLABVN-
DVS.

Rex Sodomæ gratulabundus, Genes. cap. 14. vers. 12. non tantum, vt arbitror, honoris causa, quam vt ea quæ amiserat, ab ipso Abrahamo impetraret, vt mox videbimus. Ceterum, cum dicitur Rex Sodomorum Abramo occurrisse, manifestum sit, eundem Regem, in prælio antea cum quattuor illis Regibus alienigenis initio, nequaquam interis; & consequenter, quod cap. Genes. citato vers. 10. dictum fuerat, videlicet, *Rex Sodomorum, & Rex Gomorrhæ, terga verterunt, cecideruntq; ibi*, non ita esse accipiendum præcisè de ipsis Regibus, quasi ipsi speciatim occisi fuerint; sed vniuersaliter de eorum exercitibus, quorum magna pars cæsa fuerat, reliqui verò euaserant; nam continuo subiungitur, *Et qui remanserunt, fugerunt ad montem*. in quorum numero Regem quoque Sodomorum extitisse, dubitandum non est. Simile quid legimus 2. Machab. cap. 1. vers. 13. de Antiocho Illustri, nimirum quod cecidit in templo Nanæ. non quia ibi ipse obierit, sed quia milites eius membratim cæsi sunt, ipse verò turpiter inde fugatus est, vt sub anno mundi 3891. num. 1. & 2. dicturi sumus.

DE MELCHISEDECH ET
VRBESALEM

5. Obuiam quoque Abramo venit (vt ait Apostolus ad Hebr. cap. 7. vers. 1.) Melchisedech Rex Salem, quæ iuxta Iosephum & B. Hieronymum in Traditionibus Hebraicis in Genes. postmodum dicta est Ierusalem: quamquam idem S. Hieronymus in Epistola 126. quæ est ad Euagrium, magis probare videtur non fuisse Ierusalem, sed Salem urbem Sichimorum, cuius fit mentio Genes. cap. 33. vers. 18. eandemque esse cum illa, quæ Ioan. cap. 3. vers. 23. dicitur Salim, vbi (inquit) visuntur ruinæ palatij Melchisedech; & est in itinere, à reditu de Dan ad conuallem Mambre. Sed his non obstantibus, satis probabiliter putat Pererius, Salem in qua regnavit Melchisedech, fuisse Ierusalem. Quidquid de hoc sit, illud certissimum est, Melchisedech non solum fuisse Regem, sed etiam Sacerdotem Dei altissimi, vt ibidem ad Hebræos, & cap. Genes. citato, & in Psalm. 109. legimus, & confirmant etiam præcipui Hebræorum Scriptores; Iosephus 1. Antiq. cap. 11. & Philo in lib. De Abrahamo. Vnde patet, quod tametsi Hebræa vox, pro qua Latinus Interpres reddidit *Sacerdos*, possit etiam significare Principem, aut primarium virum; nihilominus hoc in loco propriè & indubitanter significare voluit Sacerdotem, vt omnes Catholici Doctores & sanctæ Ecclesiæ Patres vno ore vnanimisque firmiter tenuerunt: & id ipsum quoque aperte comprobant, quæ de eodem Melchisedech ipsemet Sacer Genes. textus subiungit; nimirum quod benedixit Abramo, & ab eo decimas accepit: siquidem aliis benedicere, & ab eis decimas accipere, proprium est Sacerdotis officium, vt etiam ex loco Apostoli proxime adducto colligi potest.

QVOD MELCHISEDECH
FVERIT REX
ET SACER-
DOS.

MELCHISEDECH NON
PROPRIVM
VIRI NO-
MEN, SED
COGNOMEN

6. Verum hîc quæri solet de vocabulo Melchisedech, quod Apostolus ibidem ait interpretari Rex iustitiæ; num proprium personæ nomen fuerit, an cognomen, ob insignem eius iustitiam eidem postea à populis inditum? Mihi profecto magis aridet opinio Caietani, qui putat non fuisse nomen proprium, sed ex quo perspecta & cognita fuit eximia eius iustitiæ virtus, in regenda præsertim vrbe Salem, cognomento Melchisedech fuisse appellatum; quemadmodum Octavianum Cæsarem post auctum Imperium, Romani nuncuparunt Augustum: & B. Ioannes Antiochenus, ab aureo eloquentiæ

quentiæ flumine, Chrysoſtomus dictus eſt: & S. Gregorius Neocæſariæ Ponti Epico-
pus, propter miraculorum eius multitudinem ac magnitudinem, Thaumaturgus, hoc
eſt, admirabilem patrator, eſt appellatus: & alter S. Gregorius Nazianzenus, ex ſingula-
ri Diuinarum litterarum ſcientia, Theologi cognomen accepit: & alij permulti hu-
iufcemodi nomenclaturas adepti ſunt.

7. Sed quiſnam fuerit iſte Melchifelech, & cuius gentis, adhuc ſub iudice lis eſt: DE MELCHI-
SEDECHI
ORIGINE.
quoniam Scriptura ſacra, ſaltem ſub hoc nomine, nihil prorſus de eius genealogia tan-
git, non ſine diuino (vt dicemus) myſterio. Et quidem plurimi ex antiquioribus Patri-
bus, præſertim Græcis, putarunt ipſum fuiſſe Gentilem. Nec deſunt etiam, qui à quo-
dam Ægypti Libyæve Regis filio, nomine Side, genus ſuum duxiſſe affirmant; ſed de
ſcorto generatum: ac propterea parentes eius in Sacro eloquio fuiſſe præteritos. Sed
hæc & huiuſmodi, modicam videntur præſeferre probabilitatem: quemadmodum &
illud, quòd ſemper virgo fuerit. Quis enim (ſecluſa Dei reuelatione, de qua nihil
prorſus conſtat) hæc ſcire potuit? aut vnde ea deſumere? cùm neque Moyses, neque
vllus alius ex antiquiſſimis Scriptoris hæc prodiderit; & in Sacris libris non ſemel
facta ſit mentio parentum, etiam illorum, qui de illicito concubitu ſunt geniti; puta
de Moab, & Ammon, de Phares, & Zaran, de Iephte, de Abimelech filio Gedeonis,
& aliis. Certè Iosephus libro 7. de Bello Iudaico cap. 18. eum appellat Chananæum
Dynastam, quia regnabat in terra Chanaan, in Salem. Sed non eſt hoc nouum, vt quis
potuerit regnare in aliena regione, præſertim ſi verum eſſet, ipſum ab Ægyptiis Libyſ-
ue duxiſſe originem.

8. Contrà verò alij Hebræi, vt reſert B. Hieronymus in Traditionibus Hebraicis in QVOD IDEM
FVERIT CVM
SEM.
Genefim, & multi quoque ex recentioribus Latinis Doctõribus aiunt, hunc fuiſſe Sem
filium Noë, & putant omnes olim primogenitos, donec poſteà Sacerdotio functus eſt
Aaron, fuiſſe Pontifices ſeu Sacerdotes, & hoc eſſe ius primogenituræ, quod emit Ia-
cob ab Eſau fratre ſuo. Nec huic opinioni obſtat argumentum quod S. Epiphanius con-
tra Hæreſim quinquageſimam quintam elicit ex mendosa L. x. Interpretum chrono-
logia, in qua apparet, Sem pluſquam quingentis annis ante ortum Abrami obiiſſe: quia
vera & indubitata temporum ratio, quæ ex Hebraicis ac Latinis Bibliorum codicibus
deſumitur, proculdubio offendit, Sem vltra centeſimum Abrami annum fuiſſe ſuper-
ſtitem: hæc autem quæ de Melchifelech dicta ſunt, conſtat ante octogeſimum ſextum
Abrami aſſum contigiſſe, vt ex progreſſu Operis manifeſtum fiet, & videre eſt in tabu-
lis. quare ſi probatam attendamus chronologiam, bene potuit Melchifelech eſſe Sem.
Sed huic ſententiæ admodum obſiſtunt argumenta Pererij, quæ ſerè ſunt hæc: Apoſto-
lus ad Hebræos cap. 7. verſ. 3. ait, Melchifelech fuiſſe *ſine patre, ſine matre, ſine genea-*
logia, neque initium dierum, neque finem vitæ habens. non quia reuera ita fuerit; ſed quia
Scriptura ſacra de ipſo nihil horum meminit: atqui certum eſt, de Sem in Sacro elo-
quio haberi hæc omnia; ergo non potuit Sem eſſe Melchifelech. neque hic recurrere
poſſumus ad eſſugium Lyrani & Abulenſis, qui aiunt, prædicta, quæ legimus in Sacris
libris de Sem, non haberi ſub nomine Melchifelech: quia, inquit Pererius, probari non
poſteſt, hunc virum duobus nominibus fuiſſe appellatum: & non eſt credendum, quòd
Apoſtolus in tam leui nominum ratione, pondus myſterij, de quo illic agit, collocare
voluierit: præſertim cùm ad Hebræos ſcriberet, quibus notiſſimâ eſſe genealogiam Sem
proculdubio ſciebat. Item ſi, vt ibidem verſ. 6. teſtatur Apoſtolus, generatio Melchife-
dech non connumeratur inter Hebræorum generationes, ergo non potuit Melchife-
dech eſſe Sem, ex cuius linea omnes Hebræos deſcendiſſe certum eſt. Prætereà, ſi Mel-
chifelech fuiſſet Sem, id Moyses aliquatenus indicare non omiſſiſſet, ad magis decla-
randam ſuæ gentis nobilitatem atque eminentiam. Denique ait, hanc opinionem non
fuiſſe veteris Synagogæ; Iosephus enim appellat Melchifelech Chananæum.

9. Equidem negare non poſſumus, quin hæc argumenta admodum vigeant: verum-
tamen, num intentum omnino conuincant, affirmare non auſim. Nam reſponderi poſ-
ſet, etiam poſito quòd Melchifelech fuiſſet Sem, non propterea tolli pondus myſterij
præfigurationis Chriſti in ipſo Melchifelech, quod ibidem indicare intendebat Apo-
ſtolus. Nam certum eſt, quòd Melchifelech, quiſquis ille fuerit, non tamquam parti-
cularis perſona, ſed quatenus talis Rex & Sacerdos, fuit figura Chriſti: vnde ſufficit, vt
quando reſpreſentatur in Sacro eloquio tamquam Melchifelech Rex Salem, id eſt tam-
quam Rex iuſtus atque pacificus, & Sacerdos, offerens tantummodò panem & vinum
in ſuis ſacrificiis: ſufficit, inquam, vt tunc reſpreſentetur ſine genealogia, & ſine ortu &
obitu, vt ſic magis aſſimilaretur Filio Dei, hoc eſt, vt ſic figura magis reſponderet figu-
RESPONſIO.

rato : nimirum vt præfiguraret, Christum non solum fore Regem iustum & pacificum, & Sacerdotem, sub speciebus panis & vini se ipsum æterno Patri offerentem; sed etiam esse verum Deum, sine principio & fine, ac sine genealogia, iuxta illud Isaïæ cap. 53. versic. 8. *Generationem eius quis enarrabit?* Quare etiam si Melchisedech fuisset Sem, nihil ob id detraheret prædicto mysterio, quod Scriptura sacra, quando egit de priuata huius viri persona, mentionem fecerit genealogiæ, ac principij finisque vitæ eius: sufficit enim, vt quando agit de ipsius officio, nihil horum meminerit, prædicta de causa: nam vis mysterij, quod explicabat Apostolus, non in eo consistit, quod Melchisedech, quatenus homo, non habuerit principium neque finem : id enim de vlllo prorsus homine verè dici nequaquam potest : sed quod, vt talis homo, talibus prærogatiuis insignitus, sine genealogia, ac initio sineque dierum in Sacro eloquio fuerit representatus. Ad secundum verò, non ait idem Apostolus absolutè, generationem ipsius Melchisedech nullo modo inter Hebræorum generationes posse connumerari; sed diuersam facit generationem Melchisedech à generationibus Leuitarum, seu Sacerdotum de genere Aaronis; cuius Sacerdotium probat fuisse minus Sacerdotio ipsius Melchisedech, eò quod Aaron & eius posterii tunc essent in lumbis Abrami, quando ei benedixit, & ab eo decimas accepit Melchisedech, & consequenter ipsi quoque benedicti & decimati sint à Melchisedech, tamquam minores à maiore. Porro hoc pacto certum est, quod etiam generatio ipsius Sem, (vt verbis vtat Apostoli) non connumeratur in eis. Quod autem nusquam Moyses indicauerit, Sem fuisse Melchisedech, non est ratio sufficiens ad probandum quod non fuerit. quia potuit Moyses digna aliqua de causa, licet nobis incognita, id tacuisse: non enim omnia, quæ ad suæ gentis nobilitatem, & ad historiam illustrandam pertinent, explicare curauit, quippe quia (vt aliàs ex B. Augustino diximus) non fuerit Moyses purus historicus, sed propheticus. Denique arguere quod hæc non fuerit antiquorum Hebræorum opinio, quia Iosephus aliter sensit, non videtur satis tutum; præsertim cum B. Hieronymus hanc inter Hebræorum traditiones recenset: ex quo datur intelligi, antiquos Hebræos ita sensisse. non enim opiniones recentiorum inter traditiones referri solent. Scimus etiam Iosephum in multis aliis, non solum à Rabbīnorum sententiis, sed etiam ab ipsomet Sacro textu recedere non dubitasse: quare hac in parte non videtur de ipso esse curandum. Et pauca hæc dicta sint, non vt mordicus sustinere velim, Sem fuisse Melchisedech, id enim obscurum est: sed, vt quæ pro hac sententia (de qua etiam sub anno mundi 2156. num. 1. & 2. agemus) dici possent, ostenderem. & vt oppositam quoque opinionem non omnino claram esse sciremus. Nunc ad historiam redeamus.

MELCHISE-
DECH PRO
ABRAMI
VICTORIA
OFFERT SA-
CRIFICIUM
DEO PANEM
ET VINUM.

10. Sanè Melchisedech, cum esset Sacerdos, vt primum Abramo occurrit, (quod maxime decet Sacerdotes) prius quæ Dei sunt, querere cœpit, & iustitiam eius. Itaque ante omnia ipsi Deo bonorum omnium largitori, pro debita gratiarum actione, quod Abram amicū suum non modò cum omnibus suis incoleum, sed etiam cum tam insigni victoria & tam multa præda de prælio redeuntem videret, sacrificiū obtulit, non oues & boues; sed more suo, panem & vinum: sic enim ille sanctus vir diuino illustratus lumine, ad præsignandum Corporis & Sanguinis Christi Hostiam, sub speciebus panis & vini mox in sancta Ecclesia iugiter offerendam, Sacerdotij sui sacrificia instituerat, vt ex hoc Genesi loco omnes Ecclesiastici Doctores ac Patres colligendum putarunt, ac propterea de ipso Christo per Psalmistam dictum fuisse, *Iurauit Dominus, & non pœnitebit eum, Tu es sacerdos in æternum*, non iuxta ritum Aaronis, qui victimas Deo mactabat: sed secundum ordinem, id est ritū Melchisedech, qui panem & vinum summo Deo in sacrificiū offerre consueuerat. Porro Melchisedech proferens, hoc est, offerens in sacrificio panem & vinum Deo, simul benedixit Abramo, eidem fausta precatus, ac Dei pariter excelsi potentiam commendauit, quæ ipsi Abramo tantam de hostibus victoriam contulisset. Et hæc quoque benedictio, vt ait Caietanus, propria est actio sacerdotalis: siquidem, cum medius sit Sacerdos inter Deum & populum, ad ipsum pertinet vice Dei aliis benedicere. At verò Abram cum & ipse admodum pius esset, & Deo de acceptis gratus esse cuperet, decimas omnium, quæ in bello acquisierat, ipsi Deo dicandas segregauit, atque Melchisedech Sacerdoti, prompto libentique animo exoluit. quod licet in Genesi non satis plenè videatur expressum, illud tamen dilucidè explicarunt Apostolus loco ad Hebræos iam sæpius allegato, & Iosephus ac Philo, locis supra notatis. Post huius sacrificij oblationem, probabile quoque est, quod iidem Auctores Iosephus & Philo asserunt, eundem Melchisedech splendidum etiam Abramo & focis conuiuium præbuisse, & partem oblatis panis ac vini, loco carniū, quæ

ABRAM DE-
CIMAS MEL-
CHISEDE-
CHO EXOL-
UIT.

MELCHISE-
DECH ABRA-
MOE PVLM
PRÆBET.

quæ in aliis sacrificiis non in holocaustum oblati comedi solebant, inter epulas appo-
fuisse. Et hæc quidem à Melchisedech atque Abramo acta sunt, quibus, quæ pij reli-
giosique viri in suis amicorumque rebus prosperis agere debeant, suo nos exemplo do-
cuerunt. Econtrariò autem Rex Sodomæ, utpote qui (quemadmodum ut plurimum
solent huius sæculi homines) quæ sua sunt quæreret, non quæ Dei aut proximi; in suo
hoc occurfus, post externam gratulationis significationem, illud inprimis ei curæ fuit,
enixe rogare Abramum, ut ei saltem captiuos suos reddere placeret; reliqua verò Sodo-
morum spolia sibi pro libito retineret. Hanc autem petitionem non suo tantum, sed
etiam aliorum Pentapolis Regum nomine, fecisse creditur. Cui Abram, ut erat magno
generosoque animo præditus, non captiuos tantum, sed & omnia quæ de Sodomis ho-
stes asportauerant, præter vsu consumpta, & amicorum qui ei in auxilium venerant
partes, liberaliter splendideque restituit: iuxta iusiurandum (de quo suprâ num. 4.)
quod fecerat illis verbis: *Leuo* (siue, ut habent lectio Hebraica & Chaldaica, Pererio
teste, *Leuani*) *manum meam ad Dominum Deum excelsum*, &c. Genes. cap. 14. versic. 22.
Quod enim eiusmodi manuum eleuatio esset iurandi forma olim vîitata, comprobari
potest ex Numer. cap. 14. versic. 30. vbi legimus: *Non intrabitis in terram, super quam le-
uani manum meam* (id est, iuravi) *ut habitare vos facerem*.

REX SODO-
MAESPOLIA
FACILE OB-
TINET AB
ABRAMO.

VETVS IV-
RANDI FOR-
MA.

11. Non multò post, cum quadam nocte (ut ex infrâ dicendis patebit) dæmonum
malitia atque inuidia Abram (ut creditur) molestis quibusdam cogitationibus & ma-
gno quodam metu affligeretur, nimirum, ne fortè quattuor illi Reges, quos contriue-
rat atque fugauerat quodammodò sine propria vtilitate, (quandoquidem spolia ab
ipsis accepta, mox Pentapolitanis restituerat) ne, inquam, resumptis viribus, ex impro-
uiso redirent, & se domumque suam exterminarent; iamque de transitu ad aliam re-
gionem cogitaret: ecce Dominus, qui seruos suos à dæmoniis illusionibus ac tenta-
tionibus nimium affligi non sinit, apparuit ei eadem nocte. Fuit autem hæc, quarta, &
admodum illustris apparitio, quam aliqui in duas partiuntur; nimirum in primam, quæ
de nocte cœpit, & alteram, quæ sequenti die circiter occidente sole facta est. Sed quia
(ut ex narratione apparebit) omnia, quæ in Genes. cap. 15. describuntur, quodammo-
dò continuata videntur; nos ad vnicam Dei apparitionem referenda esse putamus.
Porro in hac diuina apparitione Dominus non modò timorem ex Abrami animo pror-
sus excussit, dicens: *Noli timere Abram*; sed & insuper ipsum insignioribus aliquot
pollicitationibus mirificè latificauit: nam & à malis, quæ pertimescebat, securum red-
didit, dicens: *Ego protector tuus sum*. & ingenia bona spondit, subdens: *Et merces
tua magna nimis*. & præterea feminis eius multiplicationem prædixit, & terram Cha-
naan à fluuio Ægypti ad Euphratem posteris suis se daturum repromisit. ac deinde et-
iam tempus modumque, quo hæc implenda essent, indicauit. & denique ad hæc con-
firmanda, fœdus icere cum ipso non est grauatus. At verò Abram, qui naturali quod-
dam prolis desiderio flagrabat, (puto autem hoc ei etiam diuinitus fuisse inditum,
quòd de eius semine Christus nasciturus esset) nihil de diuina protectione, quam non
semel expertus fuerat, dubitans; audita mercedis exhibitione, ait: Domine Deus, quid
dabis mihi? numquid ego sine liberis moriar? nõne tu pollicitus es mihi multiplicare
semen meum sicut puluerem terræ? an fortassis non naturale, sed adoptiuum erit semen
meum, de quo locutus es? & vernaculus meus, nempe filius procuratoris domus meæ
iste Damascus Eliezer erit heres meus? Cui Dominus: *Non erit hic heres tuus: sed qui
egredietur de utero tuo*, id est, qui ex proprio semine tuo, quod prodibit de visceribus
tuis, formabitur, *ipsum habebis heredem*. Deinde, ut securiorem de multiplicatione po-
steritatis eius redderet Abramum, eduxit eum Dominus foras sub dio, & ait: *Suspice
celum, & numera stellas, si potes*, (ex quo patet, hoc de nocte & sereno cælo contigisse)
sic erit, inquit, semen tuum. ac si diceret: Quemadmodum stellæ cæli (ut conspicias)
pænè innumerabiles esse videntur; ita posterii tui tam multi erunt, ut præ multitudine
numerari vix posse videbuntur.

DE QUARTA
DOMINI AP-
PARITIONE
ABRAMO.

12. Hisce admirabilibus Dei promissis de tanta feminis propagatione, tametsi habi-
ta ratione ad ætatem Abrami iam ingrauescentem, & ad Saræ sterilitatem, vix credi
posse viderentur: nihilominus ipse Abram, magis attendens summam promittentis
potentiam, sapientiam, ac bonitatem, quàm rerum promissarum magnitudinem ac
difficultatem, non modò statim sine vlla hæsitacione credidit; verum etiam ob id erga
Deum mirificè gratum deuotumque animum magis habere studuit, ut non immeritò
fides eius tam sincera, tam firma, tanta charitate informata, & debita animi gratitudi-
ne aliisque innumeris concomitata virtutibus, eidem reputata sit ad iustitiam, ut di-

DE PROM-
PTA PERFE-
CTAQUE
ABRAMI
FIDE.

citur Genes. cap. 15. vers. 6. & ad Romanos cap. 4. vers. 3. & ad Galat. cap. 3. vers. 6. & Iacobi cap. 2. vers. 23. vbi de eodem Abramo additur, *Et amicus Dei appellatus est.* Dicitur autem Abrami fides reputata esse illi ad iustitiam, non illam dumtaxat, quæ ab aliis virtutibus cardinalibus distingui solet, sed ad illam vniuersalem, omnibusque numeris absolutam atque perfectam virtutem, quæ hominem iustum ac Deo gratum charumque facit. Et hanc iustitiæ virtutem, quæ in eo præcipuè videtur posita, vt quis quæ Deo placita sunt semper faciat, ab ipsa fide proficisci necesse est, quandoquidem nemo scire potest sensum Domini, nisi quæ ipse reuelare dignatus est, audiat credatque, non qualicumque fide, sed ea quæ per dilectionem operatur; talis namque illa est, quæ tantopere in Abramo commendatur. Neque verò in hoc viro eximia huius virtutis laudem minuit, quòd paulò post pollicenti sibi Domino dare terram Chanaan in possessionem, respondit: *Vnde scire possum, quòd possessurus sim eam?* nam si crederat de se prodituram penè innumerabilem posteritatem, qui senex erat, & adhuc nullos susceperat liberos, & uxorem habebat sterilem, quomodo poterat dubitare de possidenda terra, in qua iam cœperat habitare? vtique & hoc quoque credidit Abram: sed quia ex illa tam numerosa feminis multiplicatione sibi promissa, quæ multò longiora tempora, quàm quæ ætati suæ iam admodum grandæuæ superesse possent, requirere videbatur, probè iam intellexerat, promissionem quoque illius terre (saltem quantum attinet ad realem quam vocant eius possessionem) non ad se, sed ad posteros suos postea multiplicatos pertinere: signum quæsiuit, non sibi, sed posteris; atque ipsorum quodammodò personam induens, dixit: *Domine Deus, vnde scire possum, quòd possessurus sim eam?* Quamquam illud etiam negari non potest, quòd Abram, quia notauerat hanc sibi verbis generalibus, sine vlla modi aut temporis circumstantia, factam fuisse promissionem; scire insuper cupiebat, quomodo & quando foret implenda. Quare quemadmodum (vt beatus ait Augustinus lib. 16. de Ciuit. cap. 24.) beatissima Virgo non ideò minus credidit, quia dixit: *Quomodo fiet istud, quoniam virum non cognosco?* sed quod faciendum certò crederat, quomodo fieret exquirebat: ita & Abram, qui prænotatis verbis videtur quodammodò dicere voluisse: Non possum profectò non credere iis quæ à te dicuntur, Domine; quippe qui non ignorem, te esse omnipotentem, & primam veritatem: verumtamen, si (vt mihi videor percepisse) terra hæc quæ mihi promittis, non à me, sed à progenie mea verè est possidenda; dicere quandoque ipsa poterit, antequam promissio impleatur: Vnde scire possum, quòd possessura sim eam? Da ergo, si placet, aliquod signum, quo eius fides per tempora corroborari valeat. Sed & illud quoque cuperem, Domine mi, (si bonum est in oculis tuis) scire; quomodo & quando hæc implenda fore decreueris: vt non simplici tantum tuæ reuelationis ostensione, sed his etiam circumstantiis roborare posteritatis meæ fidem expectationemque possim. Cui Dominus: Nunc plene votis tuis satisfaciam. Sume animalia per medium diuidenda; quia volo tecum solemne de prædictis fœdus inire, & pro fœderis confirmatione, inter animalium partes humano more pertransire; & tibi pariter quibusdam signis atque manifestationibus, quæ, & quando hæc ventura sint, indicare.

ABRAM IM-
MOLAT ANI-
MALIA PRO
FŒDERE
CVM DOMI-
NO PERCV-
TIENDO.

VETVS FŒ-
DERA FIR-
MANDI RI-
TUS.

13. Surgens ergo manè Abram, præparauit animalia, quæ dixerat ei Dominus, nimirum vaccam triennem, & capram trimam, & arietem annorum trium, & turturem ac columbam, cunctaque, vt arbitror, priùs immolauit coram Domino. Et quadrupedia quidem per medium, à summo vsque deorsum, diuisit, atque vtrasque partes contra se inuicem altrinsecus posuit tanto interuallo, vt inter eas pertransiri posset. Iste enim erat olim ritus firmandi fœdera, vt scilicet inter huiuscemodi diuisiones occisi animalis pertransirent; quasi sibi ipsis talem eadem ac dilacerationem imprecantes, si fœdus violassent, vt clarè colligi potest Ierem. cap. 34. vers. 18. & 19. Aues verò non diuisit Abram, quòd fortè sciret, ad aliud significandum fuisse adhibitas. Et quoniam hæc non in tabernaculo, sed in campo facta sunt; non mirum est, si ad huiusmodi carnes deuorandas protinus aduolare cœperunt carnuioræ volucres, odorem carnium procul (vt solent) sentientes. Itaque dum in hisce volucris abigendis tota die defatigatur Abram, expectans Dominum, ecce inclinante iam sole, profundo quodam sopore correptus, & magno ac tenebroso pariter horrore inuasus, incidit in extasin, in qua de iis, quæ posteris suis euentura erant, cælitus edoctus est, audiens vocem dicentem sibi: *Scito prænosces, quòd peregrinum futurum sit semen tuum in terra non sua, & subicient eos seruituti, & affligent quadringentis annis. Verumtamen gentem, cui seruiuri sunt, ego indicabo: & post hæc egredientur cum magna substantia. Tu autem ibis ad patres tuos in pace, sepultus in senectute bona. generatione autem quarta reuertetur huc:*

QVÆ DIDI-
CERIT IN
EA VISIONE
ABRAM.

huc: necdum enim completæ sunt iniquitates Amorrhæorum usque ad præsens tempus, Genes. cap. 15. vers. 13. Quibus verbis plura intellexit didicitque Abram, nomen suum, hoc est posteros suos (non omnes, sed illos dumtaxat qui de Isaac & Iacob prodituri erant, ut ex inferius num. 16. dicendis planum fiet) peregrinos fore quadringentis annis. (hos enim de peregrinatione, non autem de servitute & afflictione, accipiendo esse, testatur B. Augustinus prope finem quæst. 47. in Exod.) Dicitur autem hæc peregrinatio facienda, in terra non sua: quia partim peracta mox fuit in terra Chanaan, quo tempore à Chananeis illa possidebatur; & partim in Mesopotamia, ac demum in Ægypto. Didicit quoque Abram, quod prædicti eius posteri ab ipsis Ægyptiis servituti erant subiiciendi & affligendi in postremis annis (ut infra sub anno mudi 2438. num. 4. ostendemus) circiter centum & septem, inter prædictos tamen quadringentos computandis, & in ipsorum fine pariter terminandis. Et quod sub finem huius temporis, Dominus vindictam de Ægyptiis sumpturus erat; & inde educturus populum suum cum magnis opibus, eundemque desinente quarta generatione reducturus in terram Chanaan: non autem citius, quia necdum completæ essent iniquitates Amorrhæorum, propter quas inde postea illi erant eiiciendi. Et denique, quod interim ipse Abram moriturus erat in senectute bona. Hæc reuelata sunt Abramo in illa extasi. Cum autem sol occubuisse, apparuit Dominus in caligine tenebrosa, & clibano fumante, ac lampade ignis, pertransiens (subaudi) inter memoratas carniū diuisiones. Atque hoc pacto Dominus, in gratiam serui sui morem hominum illius temporis imitatus, pepigit firmavitque fœdus cum Abram, dicens: *Semini tui dabo terram hanc*, à variis videlicet nunc Chananeorum populis inhabitatam; cuius termini sunt à fluuio Ægypti vsque ad Euphratem, Genes. cap. 15. per totum.

14. Est autem hic fluuius Ægypti, non alius à Nilo, ut sentit B. Augustinus quæst. 21. in Iosue, & alij; neque ille Nilus, qui plures diuisus in partes, totam irrigat fecundatque Ægyptum; sed, ut ait B. Hieronymus super Amos cap. 6. est riuus eiusdem Nili, ex eremo veniens, qui inter Rinocoluram & Ægyptum mare ingreditur Mediterraneum. Idem colligunt Andreas Mafius super Iosue cap. 13. & Franciscus Ribera super Amos cap. 6. & Pererius super Genes. cap. 15. ex Strabone, qui lib. 16. supra magnum Nili ostium Pelusiacum, alium ponit riuum paruum apud montem Cassium, à Pelusiaco distantem stadiis trecentis. Quod item comprobant ex relatione quorundam qui loca illa peragrarunt, asseruntque à Gaza itinere dierum quinque versus Ægyptum, reperiri paruum quoddam Nili brachium, quod ibidem à mari excipitur, & vulgò Carabum appellatur: adduntque ab eo vsque ad Pelusium, quod postmodum Damiatia dictum est, tantum itineris intercedere, quantum horis viginti pedes conficere potest. Quæ quidem relatio, sacræ Scripturæ, Strabonisque & S. Hieronymi dictis, admodum consentanea esse dignoscitur: id ipsum quoque aliquo modo indicare videtur tam varia, quæ in Sacris libris traditur, eiusdem fluuij appellatio, vel potius descriptio. siquidem Genes. cap. 15. in fine, vocatur *Fluuius Ægypti*. *Fluuius*, quia pars est Nili, qui verè fluuius est. *Ægypti*, quia Ægyptum claudit. At verò 3. Reg. cap. 8. vers. 65. & 4. Reg. cap. 24. vers. 7. dicitur *Riuus Ægypti*, quoniam à Nilo Ægypti flumine deriuatur. Iosue autem cap. 15. vers. 47. & Isai. c. 27. vers. 12. nuncupatur *Torrentis Ægypti*, & Amos cap. 6. in fine, *Torrentis deserti*; quia non per cultam, ut alia Nili brachia, sed per desertam Ægypti plagam ad mare fertur, ad modum torrentis: etenim Nilo intumescente, iste exuberat, ac magno impetu fluit, illo autem decrefcente, iste ob paruitatem, & terræ quam præterfluit nimiam siccitatem, interdum arefcit. Quamuis LXX. Interpretes, loco Amos adducto, pro *torrentem deserti*, transtulerint *torrentem Occidentis*, Theodotio autem *torrentem Arabia*, & Aquila, *torrentem, qui est in planitie*; quia nimirum per terminos Arabiæ planos fluit, & tandem desinit in Mediterraneo mari, quod est terræ Chanaan Occiduum. Non est autem quod quis opinetur, proprium huius fluuij sue torrentis nomen fuisse Rinocolura, quoniam loco Isaïæ adducto, pro *torrente Ægypti* LXX. Interpretes verterunt *Rinocolura*: nam hoc vocabulum non fluuij nomen fuit, sed vrbs; quam quidam Rex Æthiopum, Ægypto occupata, condidit, atque à latronibus, quibus supplicij causa nares præcidi iusserat, habitari voluit. Vnde nomen vrbi inditum fuit Rinocolura, quod narium excisionem significat, ut testatur Strabo lib. 16. & Diodorus lib. 2. Quare necessarium est dicere, LXX. Interpretes nomen vrbs, ob vicinitatem, tribuisse fluuiio sue torrenti, ut simul etiam indicarent locum vbi ipse in mare influit, nimirum prope prædictam vrbe. Porro memoratum fluuium sue torrentem olim disterninasse Iudæam ab Ægypto, præter id quod non se-

DE RIVO,
SEU FLUVIO
TORRENTE.
VE ÆGY-
PTI.

DE RINO-
COLVRA.

mel tradit Scriptura sacra locis præallegatis; etiam ex ethnicis colligi potest Auctori-
bus, puta Herodoto, Strabone, Ptolemæo, & Plinio, quorum primus, lib. 2. pag. 24.
dum ait, quòd mons Cassius Ægyptum Syriamque disternat, proculdubio Iudææ
fines ad Cassium producit: nulla enim alia Syriæ pars, nisi Iudæa, Ægyptum tangit.
Strabo item loco proximè adducto, eosdem Iudææ fines protrahit vsque ad Cassium
montem, à quo non procul abest Rinocolura, quam Plinius lib. 5. cap. 13. post Cassium
montem commemorat, & inter Palæstinæ terminos posuisse videtur: & Ptolemæus
Geographiæ lib. 4. cap. 5. quattuor tantum leucis distat facit à Iudææ finibus Au-
stralibus, qui erant vrbs Bersabee, vt patet 3. Reg. cap. 4. vers. 25. & torrens Geraræ,
penes quem dicta vrbs erat posita, vt colligi potest ex his, quæ nos sub anno mun-
di 1931. num. 32. diximus. Et hinc etiam patet, quod ibidem dicebamus, nempe falli
eos, qui eundem faciunt torrentem Geraræ cum prædicto Ægypti fluuio. Sed & ne-
mini mirum videri debet, quòd memorati Auctores inter se de dictis Iudææ terminis
non omnino conuenire videantur: quandoquidem valdè modica & leuis inter ipsos
differentia est; & quod parum distat, nihil distare videtur: & certum est, eiusmodi ter-
minos nonnihil interdum, imò sæpissimè, variis de causis mutari consueuisse, quemad-
modum panè quotidiana docet experientia. Promisit ergo Dominus semini Abramæ
omnem terram, quæ inter Euphratem & Ægypti fluuium continebatur, ita vt eam ab
Aquilone terminaret Euphrates, Ægypti verò fluuius à Meridie. Quando autem hæc
impleta fuerit diuina promissio, inferius sub anno mundi 2583. num. 28. dicemus.

PRÆDI-
CTORVM
NIMALIUM
SIGNIFICA-
TIONES.

15. Ceterum, quæ in memorata Abrami extasi eidem à Deo manifestata sunt, pu-
tant Doctores in recensitis quoque animalibus fuisse adumbrata. Nam quadrupedia
illa naturæ mitioris, quæ quocumque duci facili solent, & ad nutum hominibus deser-
uire, sic diuisa, inquirunt significasse Hebræorum peregrinationem, & seruitutem in
Ægypto, vbi à propriis parentibus filij separandi erant, vt in flumen mergerentur: in
turture verò & columba non diuisis, præsignatos esse illos, qui post exitum erant de
Ægypto in desertum, vt irent in terram Chanaan. Volucres autem carniuoras, quas
Abram ab illis carnium diuisionibus abigere satagebat, præsignasse Ægyptios, qui
deuorare, hoc est opprimere tentabant Hebræos, sed à Deo impediabantur, ne eos
omnino perderent, aut ad perpetuam ipsorum seruitutem adigerent. Solis occasum
interpretantur vel obitum Iosephi, (ipso enim mortuo, Hebræi cœperunt ab Ægyptiis
affligi;) vel finem quadringentorum, quos diximus, annorum, circa quem Hebræo-
rum afflictio fuit molestissima; nunc præsignificata in vehementi illo horrore tenebro-
so, qui post solis occasum inuasit Abramum: cuius etiam sopor, vt aiunt, præfigurabat
Deum quodammodò dormientem, hoc est, sinentem eosdem Hebræos tantopere
vexari. Sed hæc & eiusmodi, quæ post rei euentum aliquam videntur cum his quæ
postmodum acta sunt habere conuenientiam, profectò antequam fierent, nimirum
temporibus Abrami, adeò obscurè talia præmonstrabant, vt ex his tantum videatur
difficile admodum tale quid percipi potuisse; nisi Deus etiam conceptis verbis, quæ
ventura essent, clariùs explicasset. Quamquam autem Deus quædam à se priùs obscurè
significata soleat nonnumquam amicis saltem suis explicare, quemadmodum hîc cum
Abramo factum legimus, & in Euangelio habemus de Christo, qui quæ in parabolis
loquebatur ad turbas, postea seorsum declarabat Apostolis: verumtamen certum quo-
que est, ipsum Deum nonnulla à se obscuriùs tradita, interdum inexplicata relinquere;
siue ad exercenda excitandaque piorum ingenia, vt vel sic ad mysteria diuina acriùs
inuestiganda prouocentur, siue ad illudendam retundendamque vanam quorundam
superborum audaciam, qui de proprij ingenij perspicuitate nimium præsumentes,
temerè sibi persuadent, omnia quodammodò se posse intelligere, & nihilominus ipsi
tandem deprehenduntur esse in numero eorum, de quibus dicitur Matth. cap. 13.
vers. 13. *Quia videntes non vident, & audientes non audiunt neque intelligunt.* Siue etiam,
quia noscere quædam Dei arcana & mox futura, aliquando nobis vel omnino non ex-
pedit, vel saltem non nisi postquam euenerint. Propterea sapientissimè Dominus &
illa tradere multò antè non omittit, & id obscurè admodum præstat, vt vel hinc disca-
mus, ipsum & prænoscere quidem omnia antequam fiant, & tamen nolle ea nobis, nisi
quando oportuerit, innotescere. Eiusmodi esse creduntur mysteria illa, quæ in sancta
Ecclesia mox implenda prænuntiantur in sacra Apocalypsi. Ea siquidem (vt est com-
munior Doctorum sententia) non nisi cum impleta fuerint, plenè cognosci poterunt,
fuisse priùs ad vnguem in citato libro prænuntiata. Sed hæc obiter.

16. Vt autem hic aliquid etiam in medium afferamus de illis quadringentis annis,
qui

DE QVA-
DRINGEN-
TIS ANNIS
ABRAMO
PRAEENUN-
TIATIS.VNDE SV-
PVTANDI.QVID NO-
MINE GENE-
RATIONIS
NOTETVR.

qui in citato Genes. cap. 15. vers. 13. memorantur: dicimus esse illosmet, quorum fit mentio Actorum cap. 7. vers. 6. ubi textus emendatiores Vulgatæ editionis, (vt videre est in Bibliis Regiis, & in his item quæ anno salutis 1593. Romæ recognita editæque sunt) habent *annis quadringentis*, & adamussim concordant cum loco Genes. proximè adducto. Quare nullo modo probandi sunt alij Textus, qui in præallegato Actorum loco, pro *quadringentis*, legunt *quadringentis triginta*. nam cum ibi hæc eadem Genes. historia repetatur, vtique oportet, quod etiam annorum numerus vtrobique consentiat. Dicitur verò semen Abrami peregrinaturum, & affligendum, ac seruituti subiiciendum annis quadringentis, quia tanto tempore duratura erat posterorum Abrami peregrinatio. Nam seruitus & afflictio, licet multò breuior erat futura, nimirum tardiùs inchoanda; quia tamen in fine prædictorum quadringentorum annorum cum ipsa peregrinatione pariter expleri debebat, nempe in ipso exitu Israël de Ægypto, propterea in eodem quoq; annorum numero comprehensa est. Quod si quis quærat, vnde nam, & quomodo ij quadringenti anni debeant computari; dicimus cum B. Augustino quæst. 47. in Exod. & lib. 16. de Cinit. cap. 24. à natiuitate Isaac esse deducendos; in ipso enim Isaac cœpit semen illud, de quo hæc prædicta sunt. Nec refert, quod ab ortu ipsius Isaac ad exitum Israël de Ægypto, computentur anni quinque & quadringenti; quia (vt sub anno mundi 1659. num. 2. demonstrauimus) Scriptura sacra minutias temporum quandoque præterire consuevit. Vel si præcisam supputationem requiris; subduc eos ab ancillæ & Ismaëlis eiectione de domo Abrami: tunc enim verum tantummodò semen eius remansit in domo sua, excluso eo de quo non erat ista prædictio. Vt propterea non otiosè Genes. cap. 21. vers. 12. ubi dicta eiectione præcipitur, ipsi Abramo dictum sit: *Quia in Isaac vocabitur tibi semen. Sed & filium ancillæ faciam in gentem magnam, quia semen tuum est.* Ac si dixisset: Idcirco volui vt eiicias Ismaëlem, vt per hoc tu ceterique omnes intelligant, præclara omnia, quæ promissi ac prædixi ventura semini tuo, non in Ismaële aut posteritate eius, (quæ tamen in gratiam tui ipsa quoque magnificabitur; (sed in Isaac & in posteris eius esse implenda. Ex his ergo perspicuum fit, posse annos peregrinationis seminis Abrami, etiam ab hoc tempore conuenienter admodum dinumerari, in quo dixit Deus ipsi Abramo: *In Isaac vocabitur tibi semen.* nempe semen illud, quod aliàs, videlicet Genes. cap. 15. vers. 13. prædixi peregrinaturum per annos quadringentos in terra aliena, & postea rediturum in terram Chanaan cum magna gloria. Sanè memoria Ismaëlis exclusio creditur contigisse anno quinto vitæ ipsius Isaac circiter expleto (quemadmodum nos infra sub anno mundi 2144. num. 1. probabimus) qui erat annus vitæ Abrami centesimus sextus tunc incipiens, à quo ad exitum Israël de Ægypto numerantur præcisè anni quadringenti, vt ex progressu patebit, & in tabulis supputari poterit: Quod versu de generatione quarta superius dictum est, LXX. Interpretes Exod. cap. 13. sub finem dicunt, filios Israël de Ægypto egressos esse progenie seu generatione quinta; vt hinc intelligeremus, eosdem Hebræos reuerfuros generatione quarta expleta, vel (quod idem est) quinta inchoante. Sumitur autem his locis nomen generationis pro spatio vitæ humane, quæ tunc temporis communiter ad centum & amplius annos extendi solebat. Quare, vt notat etiam Genebrardus in sua Chronologia, sub anno mundi 2239. quod hic dicitur, generatione, seu progenie, aut ætate quarta, vel sæculo quarto; idem est cum eo quod supra dictum est, Post quadringentos annos: in qua quidem significatione etiam Dionysius Halicarnassæus lib. 1. Antiq. Romanorum videtur sumplisse vocabulum generationis, dicens, Medorum Imperium propè quattuor generationes, hoc est, ad quadringentos annos stetit.

AB ORBE CONDITO

TERTIÆ MVNDI ÆTAT.

ANNVS 2124.

ANNVS 12.

POST annos decem ex quo cœperat Abram habitare in terra Chanaan, Genes. cap. 16. vers. 3. videlicet inchoante anno vndecimo, qui erat vitæ Abrami octogesimus sextus, vt videre est in tabulis, Sarai vxor Abrami, cum hæcenus expectasset per annos propè sex à postrema Dei apparitione, in qua repromiserat Dominus viro suo multiplicare semen suū sicut stellas cæli; sperans interim se de ipso concepturam: & nihilominus videret, se etiam in sua solita sterilitate perseverare, ac propè tandem eò ætatis processisse, vt iam ad naturaliter concipiendum inhabilis credi posset, (erat quippe annorum ferè septuaginta sex:) cogitare cœpit, ne fortè idèd ipsam Deus

SARAI DAT
AGAR AN-
CILLAM
ABRAMO
VIRO SVO
VXOREM.

Deus infecundam esse sineret, quodd per aliam sua vellet Abramo implere promissâ; nimirum non ex ipsâ, sed ex alia vxore, viri sui prolem multiplicare. Quare, vt ait Iosephus 1. Antiq. cap. 11. Dei monitu, vel potius (vt reor) peculiari quodam Dei âstâ spiritu, suâsit viro suo, ducere Agar ancillam suam in vxorem, vt saltem ex ea ipse filios suscipere legitimos ac naturales, & ex eadem, ipsâ habere posset adoptiuos. Acquieuit vxoris suâ precibus ac monitis ipse quoque, non sine diuino (vt creditur) instinctu: quandoquidem Deus, qui iam decreuerat in ipso Abramo præfigurare mysterium illud, quodd postea declarauit Apostolus ad Galatas cap. 4. versic. 22. dispensauit, vt Abram, viuente prima vxore libera, alteram duceret seruam; vt sic duos postea habens filios, vnum de ancilla, alterum de libera, præsignaret, quemadmodum inquit Apostolus, duo testamenta, veteris scilicet & nouæ Legis; & duos populos de ipso Abramo prodituros; alterum secundum carnem, nempe Hebræorum ad litteram seruiuentium; alterum ex repromissione, videlicet Christianorum in libertate spiritus ambulantium. Quare de memorata polygamia, nemo iure potest Abramum, Sarâmve quodd eam suâserit, culpâre. etenim quæ præter ordinarias religioas perfectionis regulas à sanctissimis viris gesta leguntur, nec vquam in Sacris libris reprehensa; ea profectò Deo tunc inspirante, atque aliqua rationabili de causâ dispensante, âstâ esse censenda sunt.

AGAR CON-
CEPTO DE
ABRAM FE-
TV DE-
PICIT
DOMINAM
SVAM.

TYPVSHÆ-
RETICORVM

2. Itaque Abram, circa initia (vt arbitror) anni vitæ suæ octogesimali sexti, puta secundo aut tertio circiter mense, duxit Agar vxorem, quæ non multò post se concepisse sentiens, in superbiæ tumorem erecta, despiciere cœpit dominam suam, à qua tantum bonum acceperat, vt de ignobili seruitutis gradu effecta esset vxor domini sui. Illustre nimirum ingrati animi exemplum: sed & illustrissimus hæreticæ prauitatis typus, quæ aduersus sanctam Ecclesiam Catholicam, cuius beneficio de obscurissimis ignorantie tenebris & vmbra mortis ad cognitionem Christi, qui fons vitæ est, & lux vera, quæ illuminat omnem hominem venientem in hunc mundum, prouecta cum sit, insurgere nihilominus contra ipsam, atque ei procaciter insultare non vereatur. Merito igitur id ægrè ferens Sara, obtinuit à viro suo facultatem castigandi seruam ingratam. At illa, præ proterua & arrogantia sua, sanctas rationabilesque dominæ suæ correptiones ac castigationes ferre non sustinens, seruorum more fugam arripuit, pergens in solitudinem deserti Sur, inter Cades & Barad, iuxta fontem, qui postea ab eadem Agar, propter Angelicam, seu, vt ipsa putabat, diuinam visionem ibi habitam, appellatus est Puteus viuientis ac videntis, hoc est, Dei, qui solus ex se semper est viuens, & cuncta videt ac prospicit, & particulari quadam miseratione afflictionem ipsius Agar respexerat: siquidem cum ipsam ibidem inuenisset Angelus Domini, hortatus est eam vt reuerteretur ad dominam suam, & humiliaret se illi; prædixitque si id faceret, multa de multiplicatione prolis suæ ex filio quem gerebat in vtero, & de natura, ingenio, moribus, & qualitate ipsius, & nomen quod ei imponere debebat, indicauit, vt videre est Genes. cap. 16. ferè per totum. Sed vtinam, quemadmodum Agar audita voce Angeli reuerfa est, ita etiam hæretici non amplius obturent aures suas, sed aliquando audiant quid loquatur in eis Dominus, & humiliter redeant ad dominam suam sanctam Romanam Catholicam Ecclesiam. Interea recolant, obsecro, quæ ad hoc de quo nunc agimus, appositè scripta reliquit. S. Augustinus Tract. 11. in Ioannem: *Si quando, inquit, vnus Deus concitare Potestates aduersus hereticos, aduersus schismaticos, aduersus dissipatores Ecclesiæ, aduersus exussitatores Christi, aduersus blasphematores Baptismi; non mirentur: quia Deus concitat, vt à Sara verberetur Agar, & supponat ceruicem: quia cum humiliata discederet à domina sua, occurrit ei Angelus, & dixit: Quid est Agar ancilla Saræ? Cum conquesta esset de domina sua, quid audiuit ab Angelo? Reuerrere ad dominam tuam. Ad hoc ergo affligitur, vt reuertatur. Atque vtinam reuertatur: quia proles eius, sicut filij Iacob, cum fratribus hereditatem tenebit. Mirantur autem quia commouent Potestates Christiane aduersus detestandos dissipatores Ecclesiæ. Sed si non mouerentur, quomodo de Imperio suo rationem Deo redderent? Hoc enim pertinet ad Reges Christianos, vt temporibus suis pacatam velint Matrem suam Ecclesiam habere, vnde ipsi spiritualiter nati sunt. Legimus Danielis visiones, & gesta prophetica, tres pueros in igne laudantes Deum, nec ab igne lesos. miratus est Rex Nabuchodonosor; nec tantum miratus, sed cum non esset Iudæus, & se in statu pro Deo adorari voluisset: tamen maiestatem Dei præsentis in igne, illo miraculo expertus, pœnam capitale constituit in eos, qui Deum illorum inuenum blasphemassent. Sic enim dixit: Quicumque dixerint blasphemiam contra Deum Sidrach, Misach, & Abdenago, in interitum erunt, & domus eorum in perditionem. Ecce quomodo Iauit Rex alienigena,*

CASTIGATA
EVGIT IN
SOLITVDI-
NEM.

HORTATV
ANGELI
REDIT AD
DOMINAM
SVAM.

HÆRETICI
CVR A CA-
THOLICIS
PRINCIPI-
BVS AFFLI-
GENDI, EX
S AVGV-
STINO.

re est Genes. cap. 16. ferè per totum. Sed vtinam, quemadmodum Agar audita voce Angeli reuerfa est, ita etiam hæretici non amplius obturent aures suas, sed aliquando audiant quid loquatur in eis Dominus, & humiliter redeant ad dominam suam sanctam Romanam Catholicam Ecclesiam. Interea recolant, obsecro, quæ ad hoc de quo nunc agimus, appositè scripta reliquit. S. Augustinus Tract. 11. in Ioannem: *Si quando, inquit, vnus Deus concitare Potestates aduersus hereticos, aduersus schismaticos, aduersus dissipatores Ecclesiæ, aduersus exussitatores Christi, aduersus blasphematores Baptismi; non mirentur: quia Deus concitat, vt à Sara verberetur Agar, & supponat ceruicem: quia cum humiliata discederet à domina sua, occurrit ei Angelus, & dixit: Quid est Agar ancilla Saræ? Cum conquesta esset de domina sua, quid audiuit ab Angelo? Reuerrere ad dominam tuam. Ad hoc ergo affligitur, vt reuertatur. Atque vtinam reuertatur: quia proles eius, sicut filij Iacob, cum fratribus hereditatem tenebit. Mirantur autem quia commouent Potestates Christiane aduersus detestandos dissipatores Ecclesiæ. Sed si non mouerentur, quomodo de Imperio suo rationem Deo redderent? Hoc enim pertinet ad Reges Christianos, vt temporibus suis pacatam velint Matrem suam Ecclesiam habere, vnde ipsi spiritualiter nati sunt. Legimus Danielis visiones, & gesta prophetica, tres pueros in igne laudantes Deum, nec ab igne lesos. miratus est Rex Nabuchodonosor; nec tantum miratus, sed cum non esset Iudæus, & se in statu pro Deo adorari voluisset: tamen maiestatem Dei præsentis in igne, illo miraculo expertus, pœnam capitale constituit in eos, qui Deum illorum inuenum blasphemassent. Sic enim dixit: Quicumque dixerint blasphemiam contra Deum Sidrach, Misach, & Abdenago, in interitum erunt, & domus eorum in perditionem. Ecce quomodo Iauit Rex alienigena,*

ne blas-

ne blasphemetur Deus Israël, qui potuit tres pueros de igne liberare: & nolunt ut sciant Reges Christiani aduersus eos qui Christum exufflant, à quo non tres pueri, sed orbis terrarum cum ipsis Regibus, nec ab igne fornacis, sed à gehennæ incendio liberatur. hucusque S. Augustinus. Nos verò cœptam prosequamur historiam.

AB ORBE CONDITO

ANNVS 2125.

TERTIÆ MVNDI ÆTAT.

ANNVS 13.

SVB finem eiusdem aheni, vel potius (vt arbitror) anno proximo circiter inchoante, cum Abram iam expleuisset annum vitæ octogesium sextum, & ingrederetur octogesium septimum, Agar peperit ei filium, quem ipse (prout ab Agar intellexerat mandasse Angelum Domini) appellauit Ismaëlem, Genes. cap. 16. vers. 15. Quare oportet primum annum Ismaëlis ferè totum concurrisse cum anno Abrami octogesimo septimo, vt notauimus in tabulis.

DE ORTV
ISMAELIS.

AB ORBE CONDITO

ANNVS 2128.

TERTIÆ MVNDI ÆTAT.

ANNVS 16.

SVB finem anni vitæ Abrami nonagesimi, mortuus est Zameis, qui & Ninias, Rex Assyriorum, cum regnasset annos triginta octo, vt testatur Eusebius in Chronicis.

DE OBITU
NINIAE SEV
ZAMEIS.

AB ORBE CONDITO

ANNVS 2129.

TERTIÆ MVNDI ÆTAT.

ANNVS 17.

ANNO immediatè sequente circiter inchoante, prædicto Zameo successit regnauitque Arius Assyriorum Rex quartus in Ninie, vt est apud Eusebium vbi supra. Hic Bactrianos & omnes Caspios subegit, vt testatur Genebrardus libro 1. suæ Chronologiæ. S. Augustinus lib. 18. de Ciuit. cap. 3. hunc appellat Arahum, dicitque fuisse Regem Assyriorum quintum, ob rationem à nobis sub anno mundi 1931. num. 30. adductam.

ARIUS RE-
GNAT IN
ASSYRIA.

AB ORBE CONDITO

ANNVS 2138.

TERTIÆ MVNDI ÆTAT.

ANNVS 26.

CVM autem Abram nonaginta nouem esset annorum, hoc est, nonagesimum nonum vitæ annum paulò antè expleuisset, & centesimum ferè tunc esset ingressus, vt infra num. 4. probabitur: aliam diuinam, prioribusque multò illustriorem habuit visionem, quæ fuit in ordine quinta, in qua multa eademque præclara ei repromissa sunt. Ac primò quidem Deus, vt ipsum melius disponeret ad credendum his quæ dicturus erat, præsertim de filio ei iam adeò senì, ex Sara nò solum hæcenus naturaliter sterili, sed etiam propè nonagenaria, suscipiendo, quod naturaliter videbatur fieri nullo modo posse, præmisit: *Ego Deus omnipotens.* hoc siquidè posito, nulla restare poterat ex parte promittentis difficultas, neque ex parte Abrami dubitatio. Deinde, vt eundem ad Circumcisionis præceptum, alioqui in se satis durum, promptius exequendum animaret, subiunxit: *Ambula coram me, & esto perfectus.* ac si dixisset: Propterea satage placere mihi, & esto paratus & promptus non solum ad credendum, sed etiam ad perficiendum quæcumque mandauero tibi, si vis mearum capax fieri promissionum, & fœderis mei, quod tecum ferire intendo. Ad hæc verba, humillimus ac deuotissimus Abram, statim adorans Deum, pronus cecidit in faciem suam: ac si factis potius quàm verbis diceret: Ecce ego seruus tuus, iube Domine quod vis, & da quod iubes. Cui Dominus: Hæc sunt, quæ facere disposui. Ego (vt aliàs promisi) mirum in modum multiplicabo semen tuum, & eousque magnificabo, vt ex ipso (quod hæcenus non aperui) etiam Reges magni sint prodituri. Quare nolo te amplius appellari *Abram*, quia nomen istud, quod etiam Pater excelsus seu sublimis interpretari potest, quando excelsiora & sublimiora sensibus humanis exposita opera mea, nempe stellas & celorum cursus contemplantaris, tibi maximè congruebat, verumtamen deinceps vocaberis *Abraham*, quod Pater multarum, id est, gentium, seu populorum interpretatur, quoniam (vt dixi) multæ gentes ex populi ex te, tamquam à stirpe ac radice, egredien-

DE QVINTA
ABRAMI
VISIONE.ABRAM A
DOMINO
APPELLA-
TVR ABRA-
HAM.

ACCIPIT
PRAECE-
PTVM CIR-
CVMCISIO-
NIS.

PROMITTI-
TVR ABRA-
HAEDÆ SA-
RAI FILIVS,
ET IPSA DE
INCEPSSA-
RA VOCA-
RIMANDA-
TVR.

tur. Et præterea dabo tibi ius directi dominij, posteris verò tuis etiam realem, vt aiunt, possessionem totius terræ Chanaan. Insuper statuam pactum meum tecum, & cum nepotibus tuis, obseruandum fœdere sempiterno, eroque Deus eorum, ita vt ego illis benefacere non cessem, illi verò, neglecto prorsus inanum deorum cultu, me solum verum Deum colere teneantur. Ad quod pactum illud etiam pertinebit, vt tu, & omnis masculus domus ac posteritatis tuæ, circumcidatis carnem præputij vestri; atque hoc præcipue signo, à cunctis alijs nationibus distinguamini, donec aliud à me statutum fuerit. Paruuli octauo natiuitatis die circumcidi debebunt. Qui autem ex vobis circumcissus non erit, delebitur de populo suo.

2. Sanè præcepti huius austeritatem vt iucundissimo quoque promisso leniret, illicò Deus subintulit: Scias item nasciturum esse tibi filium ex Sarai vxore tua; quæ idcirco non vltra vocabitur *Sarai*, hoc est, Domina mea, sed *Sara*, id est, absolutè, & quodammodò vniuersaliter, Domina: nimirum quia etiam ipsa erit domina & mater multarum gentium, & populorum, & Regum, qui de filio suo propagabuntur. Hæc vt audiuit Abraham, iterum pro debita gratiarum actione & reuerentia cadens in terram, & adorans, tantam intus sensit consolationem, vt extrà quoque risum continere non potuerit. Quin etiam, non præ diffidentia aut incredulitate, (alioqui ipsum redarguisset Dominus, quemadmodum infra Genes. cap. 18. vers. 14. reprehendit Saram,) sed præ nimio stupore, tamquam quodammodò in se capere non valens tanti beneficij magnitudinem, quæ omnem eius expectationem veluti in immensum superabat: atque etiam nonnihil fortè hæsitans, num aliquod aliud mysterium in hac diuina promissione contineretur, cogitare cœpit, & conferre intra se ipsum, dicens: *Putasne centenari nascetur filius? & Sara nonagenaria pariet? Vtinam Ismaël viuat coram te!* ac si dicere voluisset: Quod si (vt reor) non figuratè loquitur Deus, vnde hoc mihi, vt præter communem rerum ordinem cursumque naturæ, mirandum in modum soli Deo omnipotenti cognitum, mihi inquam centenari, ex sterili & nonagenaria nascatur filius? magna nimis sunt hæc, Domine. Quis enim sum ego, cui tanta Deus præstare sibi complaceat? nonne satis erat, si me de vita filij mei Ismaëlis securum reddidisset? Sed & hoc obsecro, Domine mi, qui maiora promittere dignatus es, etiam minora seruo tuo ne deneges: quin potiùs ad cumulum munificentia erga me tuæ, accedat quoque Ismaëlis conseruatio & prosperitas. Hac tanta Deus Abrahami humilitate, tam grato ac confidenti animo summo opere delectatus, quod promiserat, clariùs adhuc explicat, atque iterum, remota omni figuratæ locutionis suspitione, confirmat, subdens: *Sara vxor tua pariet tibi filium, vocabisq; nomen eius Isaac, & constituam pactum meum illi in fœdus sempiternum, & semini eius post eum*, Genes. cap. 17. vers. 19. Quasi diceret: Isaac vocabitur iste filius tuus, quod risum significat, ad præsignandam sempiternam spiritualis seminis tui exultationem & gaudium. Nam fœdus quod pepigi tecum, de cunctis gentibus in semine tuo benedicendis, specialiter ad Isaac pertinebit; siquidem de ipsius progenie veniet desideratus cunctis gentibus. Sed & super Ismaële (prosequitur Dominus) audiui vota ac desideria tua: etenim benedicam, hoc est, beneficiam ei; & non solum conseruabo, sed etiam augebo & multiplicabo eum valdè: nam duodecim filios generabit, qui erunt Duces populorum, atque ita posteritas eius in gentem magnam euadet: verumtamen (vt dixi) pactum meum implebitur in Isaac, quem pariet tibi Sara, anno proximo. & his dictis expleta est visio. Cuius visionis postrema illa verba, quæ habentur Genes. cap. 17. proximè citato vers. 21. videlicet: *Pactum verò meum statuam ad Isaac, quem pariet tibi Sara*, quemadmodum & illa, quæ supra vers. 19. dicta sunt: *Sara vxor tua pariet tibi filium, vocabisq; nomen eius Isaac, & constituam pactum meum illi in fœdus sempiternum, & semini eius post eum*. & item illa, quæ habentur cap. 21. vers. 12. *In Isaac vocabitur tibi semen*, quid aliud indicant? nisi quod licet præceptum Circumcisionis transierit ad omnes Abrahamæ posteros: attamen Dei promissiones de tradenda eidem Abrahamæ & semini eius, terra Chanaan; & de eligendo idem semen in populum sibi peculiarem; & de benedicendis in eo omnibus Gentibus, non erant implendæ in omnes descendentes ab ipso Abraham; sed solum in Isaac & in posteritatem suam; non quidem omnem, sed eam dumtaxat, quæ per Iacob filium suum proditura erat, vt planè colligitur ex Psal. 104. vers. 6. vbi posteaquam Dauid, alludens ad dictas promissiones, dixit: *Semen Abraham serui eius*. protinus limitat restringitque dictum semen ad solos filios Iacob, dicens: *Filij Iacob electi eius*. Per hæc vtiq; significans, diuinam illam electionem non de omnibus Abrahamæ posteris esse intelligendam, sed de iis tantum, qui ab ipso Abraham per lineam rectam Isaac & Iacob procreandi erant. Igitur

tur quemadmodum adducta Genesis verba (quantum attinet ad memoratas promissiones) excludunt à dicto semine alios Abrahamæ filios, nempe Ismaëlem natum de Agar, & eos qui nati sunt de Cetura, eorumque omnium omnem posteritatem, ita citatus Psalmi locus excludit ab eisdem promissionibus alium Isaaci filium, videlicet Esau & omnes posteros eius. quod & euentus probauit: siquidem certum est, solas postea duodecim tribus Israël, quæ singulæ ex singulis filiis Iacob prodierunt, possedisse terram Chanaan, & in populum Dei electas, coluisse Deum Abraham, Isaac, & Iacob, patrum suorum, iuxta Legem eis per Moysen latam; & ex ipsis denique natum esse Christum, per quem benedictio, & sanctificatio, & redemptio facta est in omnibus Gentibus.

3. Sed ecce quomodo sensim, & per interualla, gradatimque voluit Dominus ipsi Abrahamo reuelare atque explicare, quod eidem toties repromiserat, de sui feminis multiplicatione: nam primò id vniuersaliter & indistinctè pronuntiauit, Genes. cap. 13. vers. 16. dicens: *Faciám semen tuum sicut puluerem terra.* verum num hæc promissio, de semine adoptiuo, an de naturali ipsius Abrahamæ foret intelligenda, non nisi post tres circiter annos declarauit, quando scilicet Genes. cap. 15. vers. 3. dicenti Abrahamo, *Mihi autem non dedisti semen; & ecce vernaculus meus, heres meus erit;* respondit Dominus: *Non erit hic heres tuus; sed qui egredietur de utero tuo, ipsum habebis heredem.* Et quoniam dubitari item poterat, num semen Abrahamæ, quod multiplicare promiserat Deus, de Sara, an de alia vxore esset propagandum; in hac etiam perplexitate reliquit Deus Abrahamum ad alios viginti prope annos: & interim voluit ipsum suaderi ab vxore sua Sara, vt Agar ancillam suam duceret, & de ipsa filium susciperet, in quo putabat esse implendam Dei promissionem de sui feminis multiplicatione. Deinde cum ipse Abraham iam expleuisset (vt dictum est) annum vitæ nonagesimum nonum, & nihil minis cogitaret, quàm de suscipienda prole ex Sara vxore sua, quæ iam nonagesimum atatis annum ingressa erat: ecce de eadem Sara prædicit Dominus Abrahamo: *Benedicam ei, & ex illa dabo tibi filium,* Genes. cap. 17. vers. 16. & post pauca, videlicet vers. 19. iterum ait: *Sara vxor tua pariet tibi filium, vocabisque nomen eius Isaac.* denique paucis interpositis, nimirum vers. 21. tempus quoque partus adiecit, indicans eam proximo anno fore parituram, his verbis: *Pactum meum statuam ad Isaac, quem pariet tibi Sara, tempore isto, in anno altero.* Quorsum istæ dilationes, animique suspensiones? nisi vt seruum suum Abrahamum Deus in fidei, spei, & longanimitatis virtutibus exerceret, & paulatim ad spirituales perfectionem perduceret: vt postea excellentem huius viri sanctitatem, omnimodamque sui ipsius resignationem vniuerso mundo notam faceret, & eius tam singulari exemplo nos quoque ad eamdem incitaret. Quamquam fortasse etiam voluit Deus huiuscemodi dilationibus ostendere, se non secus in gratiæ ac naturæ operibus procedere consueuisse: nam quemadmodum quotidie videmus, mundum istum sensibilem diuina ordinatione non statim solari splendore clarescere; sed præcedente prius, sensimque aurora clariùs illucescente: & plantas animaliaque non illicò perfecta produci, sed per partes ac per tempora crescere, donec tandem ad perfectum naturæ suæ statum peruenierint: eodem ferè modo solet Deus Ecclesiæ suam cælesti lumine paulatim illustrare, eique abscondita sapientiæ suæ mysteria non simul & semel omnia, sed iteratis vicibus singula certis congruentibusque temporibus pandere; & tamquam prudens magister, nostro captui sese demittere atque accomodare, ac rudiores discipulos sensim erudiens atque exercens, per quosdam, vt ita dixerim, gradus, ad spiritualis scientiæ fastigium vitæque perfectionem deducere. Ita legimus Ioan. cap. 16. vers. 12. fecisse Dominum, quando discipulis suis dicebat: *Multa habeo vobis dicere, sed non potestis portare modo.* & cap. 14. vers. 26. *Paraclitus autem Spiritus sanctus, quem mittet Pater in nomine meo, ille suggeret vobis omnia.* nimirum singula temporibus opportunis. Sed nunc, vnde aliquantulum digressi sumus, redeamus.

4. Post expletam visionem, Domini que discessum, Abraham, vt aliàs semper fuerat Deo obsequensissimus, ita & nunc: quandoquidem præceptum eius de maribus circumcidendis implere non distulit, sed statim in ipsamet die illud plenè executioni mandauit; non in seipso tantum, sed & in filio Ismaële, & in ceteris omnibus, tam vernaculis quàm emptitiis & alienigenis domus suæ, Genes. cap. 17. vers. 23. vsque ad finem. Impleuerat autem tunc Abraham annum vitæ nonagesimum nonum, vt colligi potest Genes. cap. citato vers. 14. Nam si, quod ibidem aiunt L. x. x. Interpretes, Ismaëlem fuisse tredecim annorum; editio Vulgata exponit, eundem expleuisse annum decimum tertium: etiam id quod in eodem loco dicitur, *Abraham nonaginta & nouem erat annorum,* ritè interpretari potest, ac si diceretur, annum nonagesimum nonum ex-

CYR DOMI-
NVS ABRA-
HAMO SEN-
SIM PROMIS-
SA SVÆ EX-
PLICARE
VOLVERIT.

ABRAHAM
CIRCVMCI-
DIT PRÆ-
PUTIUM
CARNIS
SVÆ, ET
CIRCVMCI-
MAUIT
DOMVS SVÆ
EXPLICAN-
TVR QUAE-
DAM AD
CHRONOLOGIAM PER-
TINENTIA.

pleuerat: Et hæc interpretatio concordat cum eo, quod sub anno mundi 2124. num. 1. diximus, videlicet Abrahamum post annos decem, id est, anno vndecimo ex quo venerat in terram Chanaan, duxisse Agar Ægyptiam in vxorem; & sub anno mundi 2125. num. 1. diximus, Ismaëlem natum esse anno ætatis Abrahamæ octogesimo sexto circiter exacto, ita vt annus primus Ismaëlis concurreret cum octogesimo septimo Abrahami. Conuenit etiam memorata expositio cum his quæ digesta sunt in nostris tabulis, & cum communi Chronographorum regula, sub anno mundi 131. num. 2. posita, quam hic quoque obseruasse videtur, supputantes annos centum completos ipsius Abrahamæ, quando natus est Isaac; & sexaginta pariter exactos ipsius Isaac, quando natus est Iacob; & centum triginta itidem impletos eiusdem Iacob, quâdo descendit in Ægyptum. Vnde necessariò videtur inferri, quòd ad illa verba, quæ habentur initio citati capitis de ipso Abraham, videlicet, *Postquam verò nonaginta & nouem annorum esse ceperat*, intelligere debemus, quòd tunc primùm eos expleuerat, vt nos sub hoc eodem mundi anno num. 1. exposuimus. Etenim statim finita visione, quæ ibidem narratur, Abraham seipsum suoque circumcidit, vt iam dictum est. Quare non possum hac in parte assentiri Pererio, exponenti prædictam visionem fuisse factam Abrahamæ, quando tantummodò ingressus erat annum vitæ nonagesimum nonum. Etenim si (vt ex prædictis inferitur) annus decimustertius Ismaëlis concurrat cum nonagesimo nono Abrahamæ, vt patet in tabulis: si tempore circumcisionis Ismaël impleuerat annum decimumtertium, quemadmodum aperte Scriptura testatur: ergo etiam ipse Abraham impleuerat annum nonagesimum nonum.

DE SEXTA
DOMINI
APPARI-
TIONE A-
BRAHAMO
FACTA.

DE ABRA-
HAMO HO-
SPITALI-
TATE.

5. Post paucos admodum à proximè memorata visione decursos dies (vt benè colligit Rupertus ex eo, quòd tam in illa, quàm in sequenti diuina apparitione, promittitur partus Saræ hoc eodem proximi anni tempore secuturus) cum quadam die circa meridiem, quando sol ardentius feruere solet, Abraham federet in ostio tabernaculi sui, quod post discessum à Lot transtulerat in conuallem Mambre, iuxta Hebron, manifestauit se ei sextò Dominus, in figura trium Angelorum humanam speciem per omnia præferentium. Qua in re communiter sentiunt Doctores, adumbratum quomodò fuisse mysterium sanctissimæ Trinitatis. Siquidem creditur Abraham in ipso primo aspectu sensisse intra se excitari affectum quendam diuinæ præsentia, & subito quodam impetu spiritus Deum cognouisse, atque in tribus illis personis quas vidit, vnum adorasse. Quamuis etiam illud verum sit, quòd postea eos verè homines esse ratus, ac de via fessos, non frigide tantùm, vt multi solent, sed puro charitatis affectu, suppliciter impenseque rogauit, & dulci quadam violentia quodammodò coëgit, vt ad se diuertere, aliquantisper recreari, atque itineris molestiam leuare non reculerent; offerens eis ex corde, quæ viatoribus iucunda esse solent, æstiuo præsertim tempore, pedes iter agentibus; nimirum aliquantulam requiem, pedum lotionem, & cibaria ad refocillandas vires. Quàm pulchrè elucet in hoc sanctissimo viro sinceræ perfectæque hospitalitatis virtus, ex pura nimirum charitate procedens. huiusmodi illa est, quam suadebat Princeps Apostolorum, prioris Epistolæ cap. 4. vers. 9. *Hospitales inuicem sine murmuratione*. & plurimum commendabat Apostolus ad Hebr. cap. 13. vers. 2. dicens: *Hospitalitatem nolite obliuisci, per hanc enim latuerunt quidam, Angelis hospitio receptis*. id est (vt sacri exponunt Doctores) latuit quosdam, quòd Angelos hospitio receperant: putantes enim se homines suscipere, meruerunt Angelorum hospitio nobilitari. Sed quid dico Angelorum? imò & Dei. Audi quid sanctus dicat Ambrosius lib. 1. De Abraham cap. 5. *Qui scis, ait, an Deum suscipias, cum hospitem putas? Abraham, dum peregrinantibus deservit hospitium, Deum atque Angelos eius hospitio suscipit. quamuis & cum hospitem suscipis, suscipias Deum; sic enim scriptum in Euangelio legis, dicente Domino Iesu: Hospes eram, & collegistis me: quod enim vni horum minimorum fecistis, mihi fecistis. Vnius hore hospitio, vidua illa qua suscepit Eliam, & exiguo cibo, perpetuum toto tempore famis inuenit alimentum, & mercedem accepit mirabilem, vt nunquam farina de hydra deficeret. Eliseus quoque defuncti pignoris resurrectione donata, hospitij resoluit pensionem*. hæc sanctus Ambrosius, qui ibidem plura alia de hospitalitatis virtute mirabiliter disserit.

6. Sed ad nostrum hospitalitatis magiltrum redeamus, qui, quemadmodum idem Sanctus ait, non solum hospitij facilitatem docuit, verùm etiam hospitantis sedulitatem. nam vt primùm Angelos sibi annuisse intellexit, alacriter eos suscepit, sub arbore accubare ac requiescere fecit, aquam statim ad lauandos pedes iussit afferri: interim autem festinus instrui conuiuium curat, vxori mandat, vt quantocyus ex simila, quæ præstantior est tritici medulla, faciat subcinericios panes; ipse verò ad armentum

cucur-

cucurrit, & selectum inde vitulum optimum terrimumque puero tradit, protinus parandum atque coquendum. Quæ ut parata esse vidit, ipsemet, assumpta etiam butyri lactisque copia, posuit ante eos, & stans ministrabat eis.

7. De arbore hac, sub qua recepit Abraham hospitio Angelos, ita scribit Brocardus: *Illex Mambre, iuxta viam regiam que ducit Hebron, sita, apud quam longo tempore habitasse Patriarcham Abraham historia libri Genesis ostendit, etiam hodie demonstratur, ante ostium tabernaculi Abrahæ. sciendum tamen, antiquam illam ilicem excicatam fuisse: sed ex eius radice pullulavit altera, de cuius ligno & fructu mecum tuli. folia eius paulo maiora quam lentisci, sed fructum prorsus habet illa ut quercus. Ab ilice Mambre, per dimidiam leucam ad dexteram, iuxta viam, est vetus illa Hebron in monte sita sublimi & tuto, sed nunc penitus diruta, cuius tamen tales cernuntur ruina, ut ex his, quam illa quondam ampla & magnifica fuerit, facile sit intelligere. Ab Hebron antiqua ad trium arcuum iactum versus Austrum, paulum tamen ad Orientem declinando, noua exstitit Hebron, eo loco fabricata, ubi duplex fuit spelunca, quam emit Abraham in sepulturam uxoris Saræ. Saraceni contra speluncam duplicem, que in Ecclesia Cathedrali continebatur, edificarunt munitionem. A spelunca duplici ad iactum unius arcus contra Occidentem, est celebris ager Damascenus, habens terram rubram flexibilem & tractabilem instar cere, quam Saraceni deuehunt in Aegyptum, Aethiopiam, & Indiam, ut rem valde pretiosam carò vendentes. hæc Brocardus. Sed unde iste ager, Damascenus fuerit nuncupatus, ignoramus; nisi fortè sic dictus fuerit ab his, qui putant Adamum, quem in agro Damasceno plasmatum perhibent, reuerà in terra Chanaan, non autem in regione Damascena fuisse formatum; de qua re nihil certi afferri posse arbitror.*

8. Ceterum memorati tres Angeli, in humana forma ab Abrahamo ut hospites recepti, cum sub dicta arbore manducassent, vel potius manducasse visi essent, eo nimirum modo, quo postea testificatus est Raphaël Tobie cap. 12. vers. 19. inquit: *Videbar quidem vobiscum manducare & bibere: sed ego cibo inuisibili, & potu qui ab hominibus videri non potest, utor, de Sara interrogantes, eandem postero anno filium habituram prænuntiavit. At illa post tabernaculi ostium id audiens, & quasi ob suam virique sui senectam tale quid sperari non posset, subrisit, occultè quidem, sed tamen id Angelos latere non potuit: quamobrem correpta, quòd Deo nihil esse difficile, nedum impossibile, non considerasset: primò quidem se risisse negat, mox veritatis admonita, & alteram audiens de filio sibi nascituro attestationem, humiliter tacendo, se prius errasse falsa est. Et hinc colligit S. Augustinus quæst. 36. in Genes. causam, cur risum Saræ Dominus redarguerit, cum & Abraham riserit, nec reprehensus fuerit, nimirum quia, inquit, risus Abrahæ fuit admirationis & lætitiæ; Saræ autem risus, fuit dubitationis: id verò discerni & diiudicari ab eo potuit, qui solus nouit corda hominum. Et hæc fuit quarta ipsius Isaac de Sara nascituri diuina prænuntiatio: bis enim in præcedenti visione hoc idem manifestauerat Dominus soli Abrahæ, ut supra num. 2. dictum est: hic verò iterum bis, Abrahamo simul & Sara audientibus, ut iam de hac re nulla posset amplius subesse dubitatio.*

9. His peractis, illi tres Angeli humana specie induti, surgentes direxerunt oculos gressusque suos Orientem versus contra Sodomani. Abraham verò, ut nihil, quod ad honorificæ hospitalitatis officia erga ipsos cumulatè implenda, prætermitteret; non contentus eos suppliciter inuitasse, peramanter excepisse, liberaliter tractasse; voluit etiam abeuntes urbano quodam obsequio prosequi, & donec ab ipsis dimitteretur, comitari. Quamobrem placuit quoque Deo, ad opera beneficentiæ suæ erga ipsum Abrahamum adhuc addere: nam, ut prædicta charitatis suæ munia, vel potius pium sui hospitis affectum largiùs recognosceret, præter repromissum ei ex Sara filium (quod vtrique coniugi valde gratum fuerat) placuit, inquam, Domino etiam seipsum eidem Abrahamo apertius manifestare, eumdemque consiliorum suorum, de Pentapolitanis perdendis, communicatione, veluti inter peculiare suos amicos conscribere. Sic Dominus Iesus Luc. cap. 24. v. 31. à duobus Discipulis euntibus in Emmaus, peregrini forma receptus, eis sui ipsius notitiam impertiuit, & Apostolos suos Ioan. cap. 15. vers. 15. declarauit amicos, dicens: *Iam non dicam vos seruos: quia seruus nescit quid faciat Dominus eius. Vos autem dixi amicos: quia omnia quæcumque audiui à Patre meo, nota feci vobis.*

Quare secretorum manifestatio, præcipuum amicitie indicium est. Porro arcana sua Deus & quæ futura sunt, pandere solet aliquando quidem magnis viris, & in dignitate constitutis, veluti Pharaoni præmonstrauit septem vbertatis annos, & septem item famis mox futuros, Genes. cap. 41. & Regi Nabuchodonosor, regna quæ post ipsum

DE ILICE
MAMBREX
BROCARDUS.

ANGELI
PRÆNUN-
TIAN OR-
TVM ISAAC
DE SARA.

CVR RISVS
SARAE RE-
PREHENSVS,
ABRAHÆ
VERO NE-
QUAQVAM.

ABEYNTES
ANGELOS
COMITATVS
ABRAHAM,
DE SODOMI-
TICO IN-
TERITV.
PRÆMO-
NETVR.

SECRETO-
RYM COM-
MUNICA-
TIO AMICI-
TIÆ SI-
GNVM EST.
QVINVS FV-
TVRA PRÆ-
MONSTRA-
RISOLEANT

surrectura erant, Daniel. cap. 2. Aliquando humilibus, & priuatis personis, iuxta illud Matth. cap. 11. vers. 25. & Luc. cap. 10. vers. 21. *Et reuelasti ea paruulis.* Sed illud interest, quod primis subobscurè admodum futura indicantur, vel per somnia; non ipsis immediate, sicuti paruulis; sed plerumque illis per paruulos declarata. Finis autem huiusmodi reuelationum est, vt per auctoritatem aut sanctitatem eius cui fit reuelatio, efficacius aliis manifestentur mirabilia Dei opera ad ipsorum salutem, nimirum ad Dei amorem vel timorem in hominum cordibus vehementius excitandum. Itaque conuenienter admodum ipsi Abrahamo facta est diuina hæc de Sodomitis delendis prænuntiatio, tum propter personæ dignitatem, siquidem ipse erat futurus pater multarum gentium, & in ipso, id est in semine suo, nimirum in Christo de eius progenie nascituro, benedicendæ erant vniuersæ nationes terræ; tum etiam quia ipse erat apprimè sanctus, & valdè humilis, vt indicant illa eius verba, *Loquar ad Dominum meum, cum sim puluis & cinis.* Et præterea, quoniam ipse præceptorum erat familiæ suæ & posteris suis, vt custodirent vias Domini, quod terribiles eius ultiones deuotare, & ingentia bona sibi diuinitus repromissa consequi possent, Genes. cap. 18. vers. 17.

INSIN VAT
DEVS ABRA-
HAMO MO-
DVM IN DE-
LICTIS PV-
NIENDIS
OBSERVAN-
DVM.

10. Neque verò Deus ultionem dumtaxat, quam de Sodomitis ac finitimis populis sumpturus erat, Abraham prædixit: verum etiam, quia ipse, vt aliàs dictum est, caput multarum gentium futurus erat; ad ipsius posterorumque suorum instructionem, modum quoque in delictis puniendis obseruandum, non verbis tantum, sed suo etiam exemplo edocere voluit, dicens: *Clamor Sodomorum & Gomorrhæ multiplicatus est, & peccatum eorum aggrauatum est nimis. descendam, & videbo utrùm clamorem, qui venit ad me, opere compleuerint, an non est ita, vt sciam.* perinde ac si dixisset: Tamen ego qui vbique sum præsens, & nihil me latere potest eorum quæ in vniuerso mundo aguntur, nulla opus habeam inuestigatione; attamen vt Principibus, & Prælati, ac populorum Iudicibus formam demonstrem, quam obseruare debeant in cognitione causæ, antequam delinquentes ad supplicia condemnent; ecce nunc humano more descendam, veniamque in rem præsentem, & videbo si rumor tantorum criminum, qui ad me peruenit, verus est, an non. Vt hinc intelligas, nemini penam esse iniungendam, nisi præmissis debitis inquisitionibus ac probationibus de perpetrato delicto legitime prius constiterit. Quibus dictis, abierunt duo Angeli Sodomam; Abraham verò adhuc stabat coram tertio, qui ceteris dignior videbatur, & ipsi Abrahamo vice Dei locutus fuerat, & quem ipse tamquam repræsentantem sibi Deum venerabatur, Dominumque appellabat, & Iudicem vniuersæ terræ; atque ei tanta cum cordis humilitate loquebatur, vt diceret: *Loquar ad Dominum meum, cum sim puluis & cinis.* Porro Abraham, qui satis nouerat Sodomitas pessimos esse homines, nec dubitabat, tales ab Angelis qui illuc properabant, inuentum iri: misertus malorum ipsis imminuentium, appropinquans Domino cum magno charitatis affectu, coepit enixius rogare pro eis, vt saltem propter paucos iustos, qui ibi essent, aliis parcere dignaretur: verum id obtinere non valuit. tanta erat vitiorum scelerumque ipsorum acerbitas. Vsq̃ue adeo tamen placuit Domino illa Abrahami deprecatio, vt si decem iusti in Sodomis inuenti essent, ceteris ignoscere paratum se exhibuerit. atque his actis, rediit Angelus ille in caelum, officio nimirum suo functus; Abraham verò reuersus est ad tabernaculum suum, Genes. cap. 18.

ABRAHAM
ORAT PRO
SODOMITIS,
ET CVR NI-
HIL OBTI-
NEAT.

SODOMO-
RVN INGEN-
TIA SCLE-
RA.

11. Quod si quis quærat, quænam essent peccata adeò enormia Sodomorum, propter quæ etiam rogante pro ipsis Abrahamo, veniam non meruerunt: audiat quid dicat Scriptura Genes. cap. 13. vers. 13. *Homines autem Sodomitæ pessimi erant, & peccatores coram Domino nimis.* legat Genes. cap. 19. vers. 5. quid cum ipsis Angelis humana specie indutis agere vellent. audiat Apostolum Iudam in Epistola sua Catholica vers. 7. dicentem: *Sicut Sodoma, & Gomorrha, & finitimæ ciuitates simili modo exornicate, & abeuntes post carnem alteram.* & (quod impudentius est) peccata sua, vt colligitur Isaia cap. 3. vers. 9. nec saltem celare curabant, sed magis prædicare non erubescabant, iuxta illud quod dicitur Prou. cap. 2. vers. 14. *Latantur cum male fecerint, & exultant in rebus pessimis;* vt meritò eis illud Psal. 51. vers. 3. exprobari posset: *Quid gloriaris in malitia, qui potens es in iniquitate?* Denique audiat prudens Lector, quid de Sodomitis dixerit Ezechiel cap. 16. vers. 49. *Ecce, inquit, hæc fuit iniquitas Sodome sororis tue, superbia, saturitas panis & abundantia, & otium ipsius, & filiarum eius, & manum egenæ & pauperi non porrigebant, & eleuata sunt, & fecerunt abominationes coram me.* Idem ferè testatur Iosephus 1. Antiq. cap. 12. *Sodomitæ, ait, diuitiis & abundantia pecuniarum elati, tam in homines contumeliosi erant, quam erga Deum impij: quippe qui neque beneficiorum eius memi-*

nerant,

nerant, & hospites auersabantur. Sed hæc & huiusmodi fufius profecquitur Philo in lib. De Abrahamo, paulò vltra mediū, ita scribens: Sodomitarum regio, pars Chananeæ terræ, quam nunc Syri Palæstinā nominant, infnitis iniquitatibus referta, præcipuè propter ventris, libidinum, ceterarumq. voluptatum studia, iam diuino calculo iudicata fuerat. Immodicus autem ciuium luxuræ superflua rerum copia habuerat originem: accedente enim ad bonitatem agri, aquarum commoditate omnis generis fructuum quotannis prouentus erat maximus. Est autem ingens malorum initium, (vt quidam non malè coniectans dixit) nimia bonarum rerum copia, quarum satietatem quidam non ferentes, tamquam iumenta lasciuunt, à ceruice excusis naturæ Legibus, versi ad meracas potationes, cibos opiparos, & nefarios concubitus: non solum enim in feminas insanendo corrumpabant alienos thalamos, sed & cum masculis rem habebant masculi, nil reueriti naturam communem, patrantibus & patientibus, & irritam genituram serentibus, nulla secutura progenie. Nec quidquam proficiebat reprehensio, violentis concupiscentiis coacta cedere, atque ita paulatim assuesacti viri muliebria pati, effeminatum mortuum sibi conciliauerunt insanabilem: recepta enim in corpus feminea molitie, animos etiam reddiderunt ignauissimos, quantum in ipsis erat, totum corrumpentes genus hominum. nam si Græci vna cum Barbaris, hos imitati, conspirassent in tales coitus, deserte fuissent omnes deinceps ciuitates, tamquam exhaustæ pestilentia. hæc Philo. Non mirum est igitur, si Dominus Abrahami obsecrationes non admisit, sed perditos illos homines, non vulgari aliquo & vfitato, sed nouo atque inaudito, mirandumque in modum horrendo affecit supplicio, vt paulò post suo loco videbimus.

12. Sanè duo illi Angeli, qui sub humana specie priùs ab Abrahamo, vt suprà numero 10. dictum est, discesseant, cū vespere illiusmet diei Sodomam peruenissent, eisque iustus Lot obuiam factus, in domum suam illos diuertere compulsiuit, atque epulum tamquam peregrinis peramanter præbuisset: ecce pessimorum illorum ciuium concursus, à puero vsque ad senem, conspiratione facta in malum etiam auditu horrendum, ad viri iusti domum confluit, eamque vndequeque vallantes, exclamant pariter omnes, vrgentque educi iuuenes illos, quò in eos libidinem suam exerceant. Vide in qua tantum animi peruerfitatem atque impudentiam deuenerant. Et certè fuit summa ipsorum (vt ait S. Ioan. Chrysostomus Hom. 43. in Genes.) malitie conspiratio, vehemens malè agendi studium, inenarrabilis peruersitatis magnitudo, conatus nulla venia dignus. A iuvene vsque ad senem. Non solum, inquit, iuuentus hæc mala requirebat: sed & prouectæ ætatis viri aderant, & omnis populus simul. Neque erubescabant tam turpe tamque impudens flagitium, neque infallibilem oculum cogitabant, neque iustum reuercebantur, neque hospitibus parcebant: sed absque rubore, aperto, vt aiunt, capite, libidinis suæ verba dicentes, accesserunt: & vocato iusto, dixerunt ei: Vbi sunt viri, qui ingressi sunt ad te nocte? Educ eos vt abutamur eis. sic S. Chrysostomus. His valde commotus Lot, egreditur, clauso post se ostio, & blandis verbis illorum insaniam sedare satagens, vt vidit se nihil proficere, in tantam incidit animi perturbationem, vt non satis expendens quid magis in tali casu expediret, præ nimio zelo seruandī hospites suos ab huiusmodi iniuria, proprias potius obtulerit filias illudendas: quod sanè (vt arbitror) si pacato tunc fuisset animo, nequaquam facturum fuisse putandum est: quandoquidem dignoscere potuisset, se magis teneri filiarum pudicitiam quàm hospites à tali violentia seruare. Verumtamen placuit Deo, qui bonam sancti viri mentem intuebatur, nihil horum permittere: nimirum vt mali illi homines nihil de filiabus curarent, sed oblitati in priori petitione persistentes, tandem ab Angelis cæcitate quadam percussi, ostium quod infringere affectabant, adinuenire non possent, atque hoc pacto spe sua frustrati, abire vnusquisque ad propria cogeretur, & sancti viri domum prorsus indemnem atque intactam relinqueret.

13. Post hæc Angeli, qui putabantur homines, admonere cœperunt Lot de interitu ciuitatis, & vt, si quos haberet de suis, aut ad se pertinentes, curaret secum inde educere, ne perirent. Quod cū Lot, domo egrediens, protinus nuntiasset iis, quibus filias suas iam desponderat, visus est eis ludicra & minimè credibilia narrasse. In crastinum autem summo manè instabant Angeli Lot suosque vt citò surgerent, atque exire festinarent, qui cunctari ac dissimulare videbantur, donec ab ipsismet Angelis manu ducti, vt egrederentur quodammodo compulsi sunt egressi verò de ciuitate præceperunt iidem Angeli ne retrò respicerent, sed ad montana properarent, quoniam totam Pentapolim, quæ in planitie erat posita, perdere volebant: verumtamen obsecrante Lot pro Bala, cuius fit mentio Genes. cap. 14. vers. 2. & 8. eò quòd inter Pentapolitanas ciuitates minima esset, & propterea fortassis etiam minus flagitiosa, peperce-

ANGELI A
LOT HOSPI-
TIO EXCI-
PIUNTUR.

A SODOMI-
TIS NEFA-
RIE EXPO-
STULAN-
TUR.

SODOMITAE
CAECITATE
QUADAM
PERCVSSI
AD PRO-
PRIA RE-
DIRE CO-
GUNTUR.

EDUCITUR
LOT DE SO-
DOMIS CVM
UXORE ET
FILIABVS.

PEPERCIT
DOMINVS
VRBI BA-
LAE, QVAE
ET SEGOR,
IN GRA-
TIAM LOT.

QUATTOR
PENTAPOL-
IS VRBES
CAELITVS
ABSORPTAE
ET IN MA-
RE SALIS
CONVER-
SAE.

runt vrbi illi, vt in ea Lot cum suis tutò se possit recipere; quæ idcirco postea dicta est Segor, id est, Parua. Statim autem ac Lot, exorto iam sole, ingressus est Segor cum filiabus suis, vxore adhuc in via existente, vt mox dicemus; ecce Dominus, mirabili quodam & numquam priùs audito portento, super reliquas quattuor Pentapolis ciuitates, Sodomam scilicet, & Gomorrhā, Adamam, & Seboim (vt clarè exprimitur Deuter. cap. 29. vers. 23.) & super pagos ac municipia earum, cælitus pluit sulphurem & ignem sale admixtum, siue aquam sulphuream salitamque & feruentem, tanto impetu atque copia, & non sine ingenti (vt creditur) terramotu, qui patefacta terra, absorptisque ciuitatibus, lacum illum ibi dirum atque pestiferum efficit, de quo infra dicemus: vt sic vniuersa illa regio penitus exusta & subuerfa extinctaque sit in momento, quemadmodum dicitur Thren. cap. 4. vers. 6. & quæ priùs erat omnium amoenissima ac fertilissima; (siquidem tota irrigabatur aquis saluberimis ac fecundissimis, sicut Ægyptus, & olim Paradisus terrestris, vt legimus Genes. cap. 13. vers. 10.) statim versa fit in falsuginem, iuxta illud Psal. 106. vers. 34. *Terram fructiferam in falsuginem, à malitia inhabitantium in ea.* id est in Mare salis, vt apertè dicitur Genes. cap. 14. vers. 3. in editione Vulgata, & idem ex aliis versionibus colligi potest, & sentiunt Iosephus 1. Antiq. cap. 10. & beatus Hieronymus in Questionibus Hebraicis in Gen. & est communis opinio, quam etiam defendit Pererius aduersus Caietanum & Oleastrum, super cap. 14. Genes. num. 12. & 13. Et ex eo etiam confirmari potest, quòd Genes. cap. 10. vers. 19. vbi ponuntur fines terræ Chanaan Orientales, memorantur prædictæ ciuitates, Sodoma, Gomorrha, Adama, & Seboim, quæ tunc nondum subuerfæ fuerant, & nulla prorsus sit mentio dicti lacus seu maris, tamquam tunc nondum existentis. Nec obstat, quæ fieri posset de priori exitu atque exoneratione Iordanis, obiectio: quia ipse poterat, vel tunc in plures alueolos & canales multifariam subdiuisus, in varias terrarum irrigationes absumi: vel (quod magis reor) etiam demum aliquo hiatu recipi, & per subterraneos meatus ad Mare rubrum, non valdè inde remotum, deuehi, quemadmodum nunc quoque fieri credibile est, alioqui non posset ille lacus, vndique conclusus, & nusquam exuberans, Iordanis aquas per tot sæcula iugiter confluentes continere.

DE TERRA
SODOMITI-
CA, EX IO-
SEPHO.

DE LACU
SEU MARI
MORTVO,
VEL SALSIS
SING.

14. De hoc lacu, ac de eius amplitudine, vide quæ scripta reliquit Iosephus lib. 5. de Bello cap. 5. vbi post descriptam naturam lacus, Asphaltitis, in quem magna ex parte redacta est terra illa quondam cælitus combusta, subiungit: *Huic Sodomitica terra vicina est; olim quidem tam fructibus quam diuitiis ciuitatum fortunata, nunc autem omnis exusta, vt quæ habitatorum impietate fulminibus conflagrasse memoratur. Denique adhuc in ea diuini reliquias ignis, & oppidorum quinque videre licet imagines, & renascentes in fructibus cineres; qui colore quidem sunt edulibus similes, carpentium verò manibus in fumum dissoluuntur & cinerem.* sic Iosephus. De eodem quoque Mari Brocardus, testis oculatus, primæ partis cap. 7. §. 35. hæc ad verbum refert: *Mare mortuum, inquit, semper est fumans & tenebrosus, sicut os inferni, sicut oculis meis vidi; ob tetrum vaporem inde fumantem. Vallis illa, quæ in Genes. cap. 14. illustris dicta est, & verè sic erat, à termino huius maris, secus desertum Pharan, vsque supra Iericho per mediam dietam, ferè sterilis & inutilis reddita est, ita vt ne germen quidem in sui latitudine, quæ alicubi quinque leucarum est, alibi sex: præterquam iuxta Iericho, vbi cannemella, & horti, & viridaria sunt, irrigante fonte Elisei. Tanta verò calamitas ei regioni accidit, in execrationem peccati Sodomorum, quod Deus tot sæculis ulciscitur, vt etiam regio ipsa pœnas luere perpetuò videatur. A dextris insuper & à sinistris, montes steriles sunt & aridi, vel barbara habitabones, per multa & longa terrarum stadia, quatenus scilicet exitialis ille vapor, impellente vento, pertingere potest.* hæc Brocardus. Ex quibus satis patere potest, cur prædictus lacus, qui in Scripturis sanctis more Hebraico dicitur Mare, aliquando dicatur Mare mortuum; nimirum quia propter pestilentem eius naturam nullus in eo piscis, sed nec aliud vllum animal viuere queat; quare aiunt, Iordanis pisces, vt primùm ad ipsum perueniunt, vel illicò retrocedere, vel protinus mori: & cur aliquando appelletur Mare salis, siue salissimum; nempe propter eminentissimum falsedinis saporem, non quidem sincerum; sed nitrosum, & ob sulphuris mixtionem, abominabilem. item, cur quandoque etiam nuncupetur Mare solitudinis; videlicet non solum, quia propter tetrum illum perniciosumque vaporem, quem perpetuò exhalat, nauigari non valeat; sed etiam, quia seculus ipsum per aliquot stadia, vt dictum est, habitari non possit. Ex dictis quoque colligi potest, quàm rectè dicta regio, vel potius terribilis illa prædictarum gentium punitio, ipsi inferno & damnatorum supplicio comparata fuerit, dicente Apostolorum Prin-

Principe Epistola 2. cap. 2. vers. 6. ciuitates Sodomorum & Gomorrhæorum in cinerem redactas, & euersione damnatas, & in exemplum eorum, qui impiè acturi sunt, positas. Et clariùs Apostolo Iuda in sua Catholica ver. 7. attestante, eas factas esse exemplum, ignis æterni pœnam sustinentes. Puto autem, memoratam dictæ regionis infelicitatem sic vsque ad mundi finem permanfuram, vt in cunctis futuris generationibus innotescat fœda illarum ciuitatum iniquitas, & horrenda eius punitio ad æternum ipsarum confusionem & ignominiam, atque ad aliorum correptionem. Vnde est illud Sapien. cap. 10. vers. 7. *Quibus* (& loquitur ibi de Pentapolitanis) *in testimonium nequitia fumigabunda constat deserta terra, & incerto tempore fructus habentes arbores.* hoc est (vt ibidem exponit Iansenius) imperfecta vel inconsummata pulchritudine & maturitate fructificant arbores, quemadmodum ex Iosepho paulò superius declaratum est. Sed iam tempus est, vt ad historici continuationem reuertamur.

15. Sane certum est, prædictæ regionis subuersionem non priùs accidisse, quàm Lot ingressus est Segor, vt patet Genes. cap. 19. vers. 23. & ex verbis Angeli vers. præcedenti dicentis, *Quia non potero facere quidquam donec ingrediaris illuc.* Igitur vxor ipsius Lot, quæ simul cum viro & filiabus non ingressa erat Segor, sed retrò remanserat, lento gradu virum secuta, quòd fortè non libenter, sed ægre admodum, præ modica fide Angelis adhibita, domum suam reliquisset; audiens horrendum illum ignis fragorem de cælo cadentem, & retrò respiciens; propter eius inobedientiam, vel potiùs ob incredulitatem, ex qua processit inobedientia, vt colligitur illis Sapientiæ verbis cap. 10. v. 7. *Et incredibilis anime memoria stans figmentum salis.* illic versà est in statuam salis, ad exemplum illorum, qui de hoc sæculo nequam à Domino vocati, & magno ipsorum beneficio quodammodò exire compulsi, ad sæcularia redire præsumunt; de quibus dicebat Dominus Lucæ cap. 9. in fine: *Nemo mittens manum suam ad aratrum, & respiciens retrò, aptus est regno Dei.* & cap. 17. vers. 31. cum de iisdem dixisset: *Qua die Filius hominis reuelabitur; in illa hora, qui fuerit in tecto,* (hoc est, in sublimium ac diuinarum rerum contemplatione) *non descendat:* (id est, non se dimittat ad sensuاليا professenda.) & *qui in agro,* (nimirum per vitam actiuam in seminando verbo Dei occupatus) *similiter non redeat retrò.* statim subiungit: *Memores estote vxoris Lot.* quasi insinuare hoc exemplo voluerit, à via Dei non modò opere & re ipsa, sed nec aspectu aut desiderio esse retrocedendum. Appositè autem hæc mulier versà est in statuam, non marmoream aut æream, sed petræ salis, vt (quemadmodum ait Rupertus in Genes. libro 6. cap. 12.) eius memoria proficeret ad sapientiam. Cum enim certum sit, eos qui ad stultitiam suam, sicut canis ad vomitum, redeunt; sibi ipsis quidem, veluti simulacra muta, inutiles atque insensatos effici, sed aliis prodesse plurimum, qui eorum exemplo & damno commoniti corriguntur: quis non videt, quodammodò assimilari petræ salis, quæ in se insensibilis cum sit, & sibi ipsi inutilis, animalibus tamen ea lingentibus palatum sapidum reddit, & edendi auaritatem reparat? De hac statua ita scribit Brocardus 1. parte cap. 7. §. 34. *Post Iericho, contra Austrum, est Segor oppidum, in quo seruatus est Lot, quando subueris Dominus Sodomam. Sita est autem Segor sub monte Engaddi, inter quam & Mare mortuum, est statua salis, in quam conuersa est vxor Lot. quam ego statuam vt viderem, ingentes subij labores itinerum; nec tamen explere desiderium meum potui: siquidem incolæ retulerunt mihi, locum illum esse inaccessibilem, vel certè non sine mortis periculo adiri posse, propter feras immanes, & serpentes; præcipuè autem propter Beduinios eius loci habitatores, homines perquam inhumanos, pessimorumq; morum.* hucusque Brocardus.

16. Ceterum memorata Sodomæ vicinarumque ciuitatum subuersio & incendium (quod etiam Abraham de longè, nimirum de agro Hebron, intuitus est, videns ascendentem fauillam de terra, quasi fornacis fumum, vt dicitur Genes. cap. 19. versic. 28.) vsque adeò terruit etiam ipsum Lot in Segor existentem, vt immemor, vel potiùs parum credulus promissioni Angelorum, de seruanda in gratiam sui Segor, veritus ne & ipsa eodem modo interiret, decreuerit inde cum filiabus exire, atque ad montes, quòd tutior esset, ascendere. Huius timoris causam inuestigans B. Hieronymus in Quæstionibus Hebraicis in Genes. *Queritur, inquit, quare cum primum fugæ montis, Segor prætulit, & eam in habitaculum suum voluerit liberari; nunc de Segor rursum ad montem migrat: Respondebimus, veram esse illam Hebræorum coniecturam de Segor, quod frequenter* DE VRBE SEGOR, QUAE ET BALE, ET SALLISSA.

VXOR LOT
QUANDO
ET CVR IN
SALIS STA-
TUAM VER-
SA.

CVR LOT DE
SEGOR IN
MONTEM
SECESSERIT

DE VRBE SE-
GOR, QUAE
ET BALE, ET
SALLISSA.

CVR FILI
LOT PA-
TRIS PAL-
LEPE COGI-
TAVERINT.

EXCVSATVR
LOT AB IN-
CESTVTAM-
QVAM MA-
TERIALI-
TER TAN-
TVM PER-
PETRATO.

CVR ABRA-
HAM TRANS-
FERAT DO-
MICILIVM
SVVM IN
GERARAM.

DE DESER-
TO CADES
ET SVR.

ABIMELECH
SARAM A-
BRAHAMO
AVERT,
SED

INTACTAM
VIRO SVO
REDDIT.

ABRAHA-
MVM ESSE
PROPHETAM.

ADVLTE-
RIVM SEM-
PER PRO
GRAVIPEC-
CATO FVIS-
ERE REPVTA-
TVM ET PV-
NITVM.

utique de eo, quod sibi concessum audierat, ambigere non debuit. sic B. Hieronymus. Itaque Lot, assumptis filiabus & ad vitam necessariis, cum ascendisset ad montem, & sese in speluncam recepisset; suspicantes filiar, ne (quod forte à maioribus suis aliquando futurum audierant) totus mundus ignis conflagratione, quemadmodum alias diluvio, tunc extinctus esset, ipsis dumtaxat & patre suo, singulari Dei beneficio, exceptis: cogitauerunt quomodo pro mundi reparatione possent ex patre prolem habere; siquidem tale quid ei indicare erubescabant. Quare consilio inter ipsas inito, de patre semel atque iterum inebriando, vna post alteram cum eo clam accubantes, amba de ipso conceperunt, illo præ nimia somni profunditate non aduertente quid faceret, vt signanter ad ipsius Lot excusationem Scriptura sacra adnotauit Genes. cap. 19. ver. 33. & 35. & hoc fieri potuisse, non est incredibile, vt perperam putarunt Hebræi, & refert B. Hieronymus vbi supra; quoniam certum est, quosdam in somnis surgere, percutere, iter facere, quin etiam equitare, & plura alia patrare, quæ mox expergefacti egisse prorsus ignorant. Et ego ipse non semel narrantes audiui de quodam patris mei famulo, qui quadam nocte dormiens de stratu surrexit, & arrepto euaginatoque ense cubiculum egressus, cum quemdam palarum aceruum offendisset, illico exclamans illum acriter admodum, ac si inimicum occideret, percutiebat: dein quasi hoste interempto, rediens in cubile, somnum continuauit: manè autem facto, à domesticis, qui cuncta audierant, interrogatus, nihil tale, quod sciret, se fecisse affirmabat. Quare si hæc in somnis fieri possunt: multò magis credendum est, potuisse Lot, præsertim arctius ebrietate sopitum, cum filiabus, nesciens quid faceret, rem habere. Denique certum est, quòd his non obstantibus, Scriptura sacra Sapien. cap. 10. vers. 6. vocat Lot iustum illis verbis: *Hæc (nimirum Sapientia, de qua ibidem loquitur) iustum à pereuntibus impiis liberauit fugientem, descendente igne in Pentapolim.*

17. Non multò post recessit Abraham à conualle Mambre, siue vt longius fieret à maligno illo halitu, qui post Sodomæ ac finitimæ regionis sulphureum incendium de Mari mortuo, quandoque à ventis illucusque deferri cœperat: siue ob famem ibidem exortam (illam fortasse, cuius fit mentio Genes. cap. 26. vers. 1.) & magis ad Australem plagam profectus, habitauit tamquam peregrinus inter vastas duas solitudines, scilicet inter desertum Cades & desertum Sur, nimirum in Geraris terra Philistinorum, in qua eo tempore regnabat Abimelech. Est autem Cades desertum in Arabia, super vrbem Petram, vt dicitur in lib. de Locis Hebraicis, in verbo Sur: Sur autem desertum sese extendit vsque ad Mare rubrum, quod ad Ægypti confinia peruenit; & fortè alio nomine dicitur etiam desertum Etham, vt sub anno mundi 2544. num. 30. dicemus. Porro in Geraris accidit Abrahamo iterum, quod aliàs eidem euenerat in Ægypto, nimirum propria vxore à Rege spoliari. Nam quia ipse Abraham, ex quo de terræ nativitatibus suæ exierat, ne in peregrinationibus suis ob insignem Saræ pulchritudinem ab alienigenis interficeretur, propriæ salutis consulens, ita cum ea conuenerat, vt ipsum illa fratrem, ipse verò eam sororem appellaret: Abimelech, nesciens esse coniuges, tulit Saram, vt eam sibi duceret vxorem. Verumtamen Deus, qui Abraham, & omnium quæ illius erant, protectionem numquam pro sua pietate deseruit; & qui non ignorabat, Abimelechum eam tulisse non peccandi libidine, sed simpliciter, vt aduenæ sororem sibi coniugio copularet: illo in somnis per visionem perterritus, & admonitus quòd Abrahæ vxor esset, iussit eam reddi: qui statim accersito Abrahamo, & conquestus quòd sororem dixisset esse, non coniugem, illam cum amplissimis muneribus intactam libentissimè dimisit. Quamobrem, orante Abrahamo, sanauit Dominus ipsum Regem ab infirmitate sua, & vxorem atque ancillas eius à pernicii impotentia, quam, ob sublatam Saram, diuina dispensatione incurrerant, vt latè describitur Genes. cap. 20. per totum.

18. Sanè in eodem Geneseos cap. præter prædicta, alia quoque inueniet Lector scitu digna, nempe, Abrahamum ab ipsomet Domino nominatum declaratumq; fuisse Prophetam, hoc est, Dei mysteria cognoscentem ac videntem, & veluti ipsiusmet Dei intus oracula dictantis fidum interpretem, & consequenter virum valde sapientem ac sanctum, & ipsi Deo valde charum. Item ex illa Abimelechi querimonia, *Quia induxisti super me, & super regnum meum, peccatum grande;* satis apparet, etiam ante Legem Moylaicam & Euangelicam, & in summa nullo vmquam tempore non fuisse manifestum hominibus recta ratione ventibus, adulterium, graue esse peccatum, vt potè quod non solum Deo valde displiceat, sed etiam proximum grauiter admodum offendat: vt propterea mirum non sit, si vbique gentium, in huius peccati ultionem, grauissimas

uissimas Deus permiserit vel etiam induxerit calamitates, non solum Regibus, qui illud perpetrare ausi sunt, sed etiam eorum subditis & populis: nam notum est, ob Paradisum cum Helena adulterium, Troianum regnum funditus interitisse; & ob illud Tarquinij cum Lucretia, regiam potestatem ac dignitatem apud Romanos cessasse: & sci- mus Dauidem, alioqui tantopere Deo charum, innumeris penè afflictum malis ob tale peccatum cum Bethsabee commissum, quæ mala eidem compendio prædicta sunt per Nathan Prophetam, 2. Regum cap. 12. vers. 10. vsque ad 13. Colligitur præterea ex cap. Genes. citato, vetustissimum fuisse usum numismatum argenteorum, quorum prænotato capite primum in sacris Scripturis fit mentio. Et denique, quod valde mirum dictum videtur, Saram, tamet si nonagenariam, adesse fuisse pulchram visu & deco- ram, vt etiam tunc ab Abimelecho Rege concupisci potuerit. cuius rei multiplices san- nè à Doctoribus adferri solent causæ: nimirum, quia ipsa naturaliter optimo erat tem- peramento, & membrorum conformatione admodum proportionata & commensu- rata: insuper, quia numquam grauida fuerat, numquam pepererat, numquam lactau- rat. adde, quod multis antea annis, videlicet ex quo se sterilem certò esse intellexerat, de consensu viri, à coniugali copula abstinuerat, vt quidam colligunt ex illis Genes. cap. 18. vers. 12. verbis: *Postquam consenui, & dominus meus vetulus est, voluptati operam dabo?* Quæ omnia ad naturalem corporis pulchritudinem diutius tuendam & conser- uandam plurimum conferre, dubium non est, quemadmodum quotidiano constat ex- perimento, oppositas causas, nempe debilem corporis habitudinem, frequentem usum copulæ, & sæpius perpessas vtero gerentium & partus & lactantium molestias, citius enervare vires, accelerare senium, & ipsius senij rugas ac deformitates. Quamquam il- lud etiam non est prætereundum, quod etsi Sara tunc esse cœperat nonagenaria, tamen illa ætas, respectu totius vitæ suæ, quæ fuit annorum centum viginti septem, parum ex- cesserat duas totius vitæ suæ partes: quare, habita proportionem ad communem nostri temporis mulierum vitam, quæ ad annos circiter septuaginta extendi solet, videtur Sa- ra in ea tunc dispositione extitisse, quæ hodie reperitur in quadragenaria muliere: con- stat autem, plures huiusmodi esse admodum formosas & elegantes.

19. Eodem quoque anno vitæ Abrahami centesimo iam inchoato, nimirum men- se, vt arbitror, illius anni quarto circiter ineunte, Sara speciali diuinæ bonitatis benefi- cio, de viro suo Abrahamo concepit, Genes. cap. 21. vers. 1. iuxta promissiones Domi- ni eidem & viro suo factas, vt suprà num. 8. dictum est.

20. Mense circiter (vt reor) eiusdem anni decimo, de duabus prædictis filiabus Lot, ex incestu cum patre, de quo suprà num. 16. egimus, nati sunt duo filij, videlicet de prima, qui dictus est Moab; de altera Ammon: ex quorum progenie deinde post multa tempora prodierunt ab eis denominati Moabitæ & Ammonitæ, populi admo- dum potentes, qui regiones trans Iordanem occuparunt, expulsi inde aliis populis na- tura robustissimis: siquidem Moabitæ, Deo fauente, expulerunt Emim, de quibus le- gimus Deuteronom. cap. 2. vers. 10. *Populus magnus, & validus, & tam excelsus, vt de Enacim stirpe, quasi gigantes, crederentur, & essent similes filiorum Enacim. Denique Moa- bitæ appellant eos Emim.* Ammonitæ verò expulerunt Zomzomim, de quibus ibidem vers. 20. habemus: *Terra gigantum reputata est, & in ipsa olim habitauerunt gigantes, quos Ammonitæ vocant Zomzomim, populus magnus, & multus, & proceræ longitudi- nis; sicut Enacim, quos deleuit Dominus à facie eorum, & fecit illos habitare pro eis.* sic ibi. Hos Scriptura Genes. cap. 14. vers. 5. vocat Zuzim.

AB ORBE CONDITO.

TERTIÆ MVNDI ÆTAT.

ANNVS 2139.

ANNVS 27.

ANNO proximo circiter inchoante, quando scilicet Abraham iam expleuerat centesimum vitæ suæ annum, & centesimum primum inchoare cœperat, Sa- ra verò nonagesimo impleto, ingressa erat nonagesimum primum: natus est eis puer, eo anni tempore, quo superiori anno eis prædictus erat à Domino, nimirum æstiuo tempore: quem, vt idem Dominus imperauerat, Abraham appellauit Isaac, & octauo die circumcidit, lactabatque eum Sara mater sua, Genes. cap. 21. vers. 1. vsque ad 8. Recte autem putat B. Chrysostomus Homil. 45. in Genes. idcirco Scripturam sa- cram mentionem fecisse, non partus Saræ tantum, sed etiam lactationis, ne propter vtriusque parentis, præcipue verò ipsius Saræ senectutem, quis suspicari posset, partum illum fuisse supposititium, non naturalem: etenim, si Sara propriis vberibus lactabat filium;

VSVS NV-
MISMATVM
ARGENTEO-
RVM VETV-
TISSIMVS.
CVR SARA
NONAGENA-
RIA ADEO
ESSET PVL-
CHRAA.

ISAAC CON-
CIPITVR.

ORTVS FI-
LIA RVM
LOT, VIDE-
RET MOAB,
ET AMMON.
ORIGO
MOABITA-
RVM ET AM-
MONITA-
RVM, ET EO-
RVM GESTA.
EMIM GI-
GANTES.
ZOMZOM-
IM GI-
GANTES.

ORTVS
ISAAC.

CVR LAC IN
MVLIERT-
BVS SVPPO-
NAT PAR-
TVM PRAE-
CESSISSE.
DE ISMAE-
LIS AETATE
QVANDO
NATVS EST
ISAAC.

filium; necesse erat ipsam reuerà peperisse: non enim lac solet aduenire mulieribus, nisi partus præcedat. Nam ipsa natura, vel potius Deo naturæ auctore sic dispensante, maternus ille sanguis, quo fetus per vmbilicū sui venas nutriebatur in vtero matris, post partum, ad mamillas naturaliter recurrit, ibique lactis formam induit, ita vt per papillas ab infantis ore sugi commodè possit. B. Hieronymus in Quæstionibus Hebraicis in Genes. putat Ismaëlem fuisse tredecim annorum quando natus est Isaac: sed fallitur; nam Ismaël impleuerat decimumtertium annum, non quando natus est Isaac, sed quando ipse Ismaël fuit circumcisi, vt expressè habemus Genes. cap. 17. vers. 25. constat autem ex eodem capite, Abrahamum ipsomet die, quo acceperat præceptum circumcisionis, illud in se & in tota domo sua impleuisse; & Deum, quo die dedit Abrahamo præceptum circumcisionis, etiam prædixisse, nasciturum ei filium de Sara, nomine Isaac, per idemmet tempus anni insequentis; vt etiam ex his, quæ nos sub anno mundi 2138. num. 2. 3. & 4. diximus, manifestum est. ergo oportet Ismaëlem impleuisse annum decimumquartum, & ingredi cœpisse decimumquintum, quando natus est Isaac, vt in nostris tabulis apparet.

AB ORBE CONDITO

TERTIÆ MVNDI ÆTAT.

ANNVS 2144.

ANNVS 32.

ABRAHAM
CONVIVIUM
FACIT IN
DIE ABLA-
CTATIONIS
ISAAC.

SEPTIMA
DEI SERMO-
CINATIO
CVM ABRA-
HAMO.

ABRAHAM
EII CIT IS-
MAELEM
FILIVM DE
DOMO SVÆ.

A NNO quinto vitæ Isaac, & Ismaëlis decimo octauo exactis, nimirum inchoante sexto Isaac, & decimonono Ismaëlis, putat B. Hieronymus in Quæstionibus Hebraicis in Genes. ipsum Isaac fuisse ablactatum, & delusum à matre suo Ismaële; quod & innuit Beda super Actorum cap. 7. Sed reuerà annus sextus vitæ Isaac non cum decimonono, vt ponit B. Hieronymus, sed cum vigesimo Ismaëlis concurret, vt videre est in tabulis. Igitur hoc anno (quemadmodum etiam sentiunt, Auctor Commentarii in vndecim Pauli Epistolas, qui sub nomine S. Hieronymi circumfertur, super cap. ad Galatas 4. & Matthæus Beroaldus in sui Chronici lib. 3.) Sara ablactauit filium suum Isaac: & Abraham in die ablactationis eius, iuxta laudabilem, vt credibile est, consuetudinem, siue inter suos, siue inter eos, in quorum terra ipse tunc habitabat, vigentem, fecit grande conuiuium, Genes. cap. 21. vers. 8. Accidit autem non multò post quadam die, vt videret Sara Ismaëlem ludentem, hoc est (quemadmodum interpretatur Apostolus ad Galatas cap. 4. vers. 29.) persequentem: siue (vt alij exponunt, & in idem recidit) iurgantem atque altercantem cum filio suo Isaac; fortè autem ipse Ismaël, tamquam natu maior, videbatur sibi primogenita vindicare; fratrem verò, vtpote minorem, quodammodò despiciere & malè tractare. Hæc iniquus ferens Sara, & considerans ingenium pueri, & naturâ plus iusto audacem, & veritate, quod credibile erat, crescente ætate ipsius Ismaëlis, pariter quoque cresceret eius audacia aduersus ipsum Isaac, & ne propterea aliquando (matre præsertim Agar impellente, quam sibi insensam iam experta fuerat) eum paterna hereditate spoliare attentaret: vehementi quodam acta spiritu, cucurrit ad virum, & ait ei: *Eiice ancillam hanc, & filium eius: non enim erit heres filius ancille cum filio meo Isaac.* Quod primò quidem durè admodum accepit Abraham, paterno quippe affectu statim commota sunt viscera eius pro filio suo Ismaële, quem etiam diligebat valdè: verumtamen à Deo (quæ fuit septima ipsius Dei apparitio, seu sermocinatio cum eo habita) admonitus, vt in hac re Saræ obtemperaret, non acquieuit carni & sanguini, sed datis ipsi Agar, prout Sara voluit, tantummodò ad vitam necessariis, nimirum aliquot panibus, & vtre aquæ pleno, eiecit eam cum filio Ismaële, diuina fretus promissione, cuius nos sub anno mundi 2138. num. 2. meminimus, de ipso Ismaële non solum conseruando, sed etiam augendo ac multiplicando. Vtrum verò admittendum sit quod ait Abulensis, nempe, Abrahamum postea eis subuenire non omisisse, mittendo per seruos suos opportunis temporibus quæ opus essent; & tandem, sub finem vitæ suæ, etiam ipsi Ismaëli dedisse munera, dicimus, de muneribus quidem nihil esse dubitandum, quemadmodum nos sub anno mundi 2179. num. 2. & 5. probabimus: quod verò attinet ad priorem subuentionem, non videtur verisimile, quoniam constat, puerum penè siti interiisse, nisi Deus per Angelum mirabiliter ostendisset matri eius puteum, vt paulò post dicemus. Quare verius crediderim, Abrahamum simpliciter voci Domini obedire voluisse, sperans illum puero simul & matri prouidurum: quemadmodum, quando postea (vt suo loco dicetur) voluit, iubente Domino, filium suum Isaac immolare, prorsus commisit diuinæ prouidentię atq; omnipotentię modum adimplendi promissionem sibi à Deo factam, de sui seminis multiplicatione.

2. Itaque Agar de domo Abraham cum filio Ismaële eiecta, errabat per solitudinem Bersabee, & ut consumpsit quam in vtre tulerat aquam, videns puerum siti admodum laborare, posuit eum subter vnam arborem, ipsa verò inde recessit, quantum iactus est arcus, ne puerum siti morientem aspiceret: exaudiuit autem Deus clamorem flentis pueri, ac miserando ploratu, (non secus ac pulli coruorum) diuinam opem inuocantis, & misertus eorum, matri per Angelum demonstrauit puteum aquæ dulcis, quo possent ambo sitim extinguere: & insuper promissionem ipsi Agar iam pridem factam, de eodem Ismaële conseruando, augendo ac multiplicando, iterum confirmauit. Quare sic à Domino laticata Agar, atque aquæ potu recreato filio, mansit cum eo in solitudine, qui cum creuisset, factus est sagittarius, & habitauit in deserto Pharan: accepitque ei mater sua vxorem Ægyptiam, Genes. cap. 21. vers. 14. vsque ad 22. Genuit autem postea Ismaël duodecim filios, qui deinceps multiplicati sunt valdè, ut sub anno mundi 2261. dicemus.

AGAR ET IS-
MAEL MI-
RA PVTEI
OSTENSIO-
NE REFO-
CILLATI.

3. At verò Abraham, post eiectos de domo sua Agar & Ismaëlem, piè ab Abimelech Rege Geraræ requisitus, iniit cum eo fœdus ad quemdam puteum, quem foderant serui Abraham, & serui Abimelech ipso inscio occupauerant: qui postea puteus Bersabee dictus est, quod interpretatur Puteus septem, siue iuramenti, quia nimirum pro eo Abraham dedit ipsi Abimelech, tamquam domino terræ illius, agnas septem, & vterque ibi iurauit alteri non nociturum. Ex quo deinde factum est, ut non modò puteus ille, sed etiam propinqua ciuitas, quæ & ipsa erat Palestinarum, & non longè aberat à Geraræ, postmodum nuncupata sit Bersabee. & hæc postea temporibus Iosue cecidit in sortem tribus Simeonis, ut patet Iosue cap. 19. vers. 2. Quamuis eiusdem libri cap. 15. vers. 28. videatur recensita inter vrbes tribus Iuda. Quod ideo factum creditur, non quia propriè ad tribum Iuda pertineret, sed quia Simeoni data est fors in medio filiorum Iuda, ut apertè dicitur initio citati capitis 19. & notatur etiam in lib. de Locis Hebraicis, vocabulo Bersabee. Fuit autem hæc ciuitas olim in confinio Australi Terræ sanctæ, ut in tabula Descriptionis eius videri poterit, & distabat ab Hebron viginti milliaribus, ut dicitur loco citato de Locis Hebraicis. Igitur prope Bersabee habitauit Abraham multis annis, & plantauit ibi nemus, hoc est multas arbores fructiferas, in modum nemoris, & inuocauit ibi nomen Dei æterni, nimirum, in eo nemore non solum ipse diuinis laudibus ac sacrificiis celebrandis, necnon diuinarum rerum meditationi vacare solebat, sed etiam (ut tradunt Hebræi, & scriptum reliquerunt Abulensis super cap. Genes. 21. & Trago Ierosolymitanus, & alij) ibidem peregrinos hospitio frequenter susceptos ad Dei laudes inuitabat, ac optimis illarum arborum fructibus reficiebat; nihil aliud in pretium exigens, nisi ut summum cæli terræque conditorem ac rectorem agnoscere colereque studerent, cuius nempe donum est, quidquid comedissent ac bibissent: sic veram religionem edoctos, & ad melioris vitæ instituta conuersos, dimittebat. Et hæc ferè sunt, quæ traduntur Genes. cap. 21. vers. 22. vsque ad finem capitis. Sed hic aduertere oportet, quòd S. Augustinus quæst. 56. in Genes. de prædicta nemoris plantatione agens, *Querit, inquit, potest, quomodo ad puteum iuramenti agrum plantauerit Abraham, si in terra illa, quemadmodum Stephanus dicit, non acceperat hereditatem, nec spatium pedis? Sed ea est intelligenda hereditas, quam Deus munere suo fuerat daturus, non empta præiò. Intelligitur autem spatium circa puteum ad illud emptionis pactum pertinere, in quo fuerant agnæ septem datæ, quando Abimelech & Abraham sibi etiam iurauerunt.* sic S. Augustinus. Verumtamen, quia illæ septem agnæ non videntur fuisse pretium satis proportionatum pro illo agro, in quo Abraham plantauit luncum, & eadem agnæ non dicuntur datæ in pretium, sed in testimonium, quòd ipse Abraham foderat puteum illum, ut apertè traditur ibidem cap. 21. vers. 30. propterea fortassis præstar dicere, Abrahamum non possedisse dictum agrum titulo hereditario, neque titulo emptionis, sed tamquam cōductorem & colonum ad aliquot annos, ut diserte & conceptis verbis exprimitur in fine citati capitis, ubi de ipso Abrahamo dicitur: *Et fuit colonus terræ Palestinarum diebus multis.* id est, per plures annos, ut ex infra sub anno mundi 2163. num. 3. & 4. dicendis colligi poterit. Ecce quòd terra illa erat Palestinarum, non Abrahami, qui nō dominus, sed colonus terræ illius, non perpetuo, sed ad tempus fuisse perhibetur. Fortasse autem merces, siue pretium dictæ conductionis inter ipsos conuentum, fuerunt boues illæ & oues, quas Abraham Genes. cap. citato vers. 27. dedisse dicitur ipsi Abimelech quando percusserunt ambo fœdus: non enim alia huius traditionis causa ibidem excogitari posse videtur. Ceterum quod attinet ad memoratam Bersabee urbem, scire oportet, in ipsa posterioribus temporibus constituta

DE VRBE
BERSABEE.

QVID AGE-
RET ABRA-
HAM IN NE-
MORE A SE
PLANTATO.

ABRAHAM
FVERIT NE
DOMINVS
NEMORIS,
QVOD PLAN-
TAVERAT.

IN BERSA-
BEE QUAN-
DO COLEREN
TVR IDOLA.

stituta cultaque aliquando fuisse ab Hebræis idola, vt planè colligitur Amos cap. 5. vers. 4. & 5. vbi legimus Dominum hæc ad Israëlitas dicentem: *Querite me, & vinetis, & nolite querere Beihel, & in Galgalam nolite intrare, & in Bersabee non transibitis.* Cum enim Dominus æquiparet ipsam Bersabee aliis duabus vrbibus, in quibus palam idola colebantur: proculdubio datur intelligi, quòd etiam in Bersabee vigeat cultus idolorum. Et hoc quoque asserit S. Hieronymus, qui super citata Prophetæ verba, *Et in Bersabee non transibitis*, ait: *Vbi si quando errabat tribus Iuda, idola adorare consueuerat.* Quæ verba vtique accipienda sunt specialiter dici de tempore quo prophetauit ipse Amos, quando scilicet tribus Simeonis, in qua erat Bersabee, iam ex multo tempore, (vt patebit ex his quæ sub anno mundi 3060. num. 3 dicemus) segregata à duabus tribubus, Iudæ videlicet & Benjamin, sese inter reliquas nouem tribus disseminauerat, & vrbs Bersabee ad Iudæos transierat, & quando (vt vbi suprâ S. Hieronymus prosequitur) *in tantum simulacrorum cultu furebat Israël, vt nequaquam contentus idolis suis, ad aliena transiret.* Alioquin dici non posset, quòd Israëlita eundo in Bersabee idolorum colendorum causa, irent ad idola aliena: siquidem tribus Simeonis inter decem tribus Israëliticis computabatur.

AB ORBE CONDITO

TERTIÆ MVNDI ÆTAT.

ANNVS 2156.

ANNVS 44.

SEM MORI- I
TVR.
QVOD SEM
FVERIT MEL
CHISEDECH.

ANNO ætatis suæ sexcentesimo circiter impleto, Sem mortuus est, Genes. cap. 11. vers. 10. & 11. Iste Sem, vt nos sub anno mundi 2118. num. 8. & 9. diximus, & scribit etiam Iidorus in lib. De vita & morte Sanctorum, creditur à multis fuisse, qui postea dictus est Melchisedech, Rex Salem; quæ olim erat vrbs parua, & proxima monti Moria; postmodum verò dicta est Ierusalem, & adeò aucta ac dilatata fuit, vt plures in se montes contineret, & illum præsertim, qui dictus est Moria, in quo Salomon templum ædificauit. Porro Melchisedech eundem fuisse cum Sem filio Noë, communior Hebræorum opinio est, quam ex multis trahunt coniecturis: nimirum, quia ex magis probata temporum ratione clarum est, ipsum Sem peruenisse vsque ad tempora Abrahæ. Item, quoniam pro certo habent, Sem, ex eo quòd esset caput non solum familiæ magnæ, sed & multarum gentium, consequenter etiam fuisse Sacerdotem, iuxta morem antiquum. Ad hæc, quia putant Iudææ regionem (vt nos sub anno mundi 930. num. 4. & sub anno mundi 1909. num. 2. diximus) prius à Noë assignatam fuisse ipsi Sem & posteris eius, sed mox à Chananæis fuisse pulsos. Et denique, quoniam tenent, Melchisedech non esse nomen viri proprium, sed veluti cognomen inditum dicto Sem ab hominibus, ex consideratione eximæ cuiusdam iustitiæ, quæ in eo eminentissimè relucebat, præsertim in gubernanda vrbe Salem, quæ postea à Iebusæis occupata, dicta est Iebusalem, seu, vt communiter dicitur, Ierusalem: propterea namque putant Hebræi, ipsum Sem postea cognominari cœpisse Melchisedech, quæ vox, vt dicitur ad Hebræos cap. 7. vers. 2. interpretatur Rex iustitiæ. Et hoc admodum esse probabile, nos pluribus aliis huiuscemodi exemplis sub anno mundi 2118. num. 6. comprobauimus. Quòd si quis opponat, loco ad Hebræos proximè adducto haberi de ipso Melchisedech, quòd sit *sine patre, sine matre, sine genealogia, neque initium dierum, neque finem vitæ habens*: quæ nullo modo in Sem cadere posse videntur, quippe cuius patrem matremque ac genealogiam in Scripturis sacris recenseri certum est: videat, quæ ad hæc & ad huiusmodi alia Pererij argumenta, à nobis sub proximè memorato mundi anno dicta sunt. Sed dicet aliquis: Concedamus Sem vixisse temporibus Abrahæ, ac fuisse Sacerdotem, & item vocabulum Melchisedech non fuisse proprium viri nomen, sed cognomen, vt iam dictum est: non tamen videtur necessariò inferri posse, Sem fuisse illum, quem Scriptura sacra vocat Melchisedech: præsertim cum non sit verisimile, Sem potius inter posteros fratris sui Cham, quam inter proprios, degere voluisse. Et si verum esset, posteros ipsius Sem à Chananæis de illa regione fuisse eiectos; quomodo potuisset ipse Sem regnare in Ierusalem temporibus Abrahæ, quando totam illam regionem Chananæi possidebant? Denique Scriptura sacra, Genes. cap. 10. vers. 15. vsque ad 20. videtur potius insinuare, memoratam regionem ipsis Chananæis primò obuennisse, non autem filiis Sem.

OBIECTA.

DILVNTVR

2. At verò, his non obstantibus, dicimus, prædictam Hebræorum opinionem, quòd scilicet idem homo fuerit Sem qui Melchisedech, si non certam, admodum tamen esse probabilem: nam licet non habeat irrefragabile aliquod ex Scriptura sacra testi-
monium,

monium; nihil tamen ei habet contrarium. Quin etiam fulciri valde potest antiquissima illa Syrorum traditione, cuius sub anno mundi 930. num. 4. mentionem fecimus, quod videlicet Noë diuiserit orbem terræ filiis suis, assignaueritque Iudæam ipsi Sem, quod nos sub anno mundi 1909. num. 2. & 3. probauimus sacræ Scripturæ nullatenus aduersari. Nec refert, quod, vt ex S. Epiphanio ibidem diximus, posteri Sem inde pulsi fuerint: quia rationabile admodum est credere, Chananæos hanc humanitatem, pro reuerentia quæ tanto viro debebatur, ipsi Sem præstitisse, vt eum cum vrbe sua intactum relinquerent, quoad ipse viueret. Et item probabile est valde, ipsum Sem (Deo ita ei inspirante) libenter ibi permanere voluisse, tametsi à suis quodammodò segregatus: tum vt possessionem illius terræ, quæ sibi à patre suo tradita fuerat, retineret; tum etiam quia sperabat, Dei beneficio eam posteris suis aliquando fore restituendam. Et fortè propterea non mirum est, si ipse Melchisedech, vt describitur Genes. cap. 14. vers. 18. tanta cum lætitiâ occurrit Abrahamo redeunti à cæde Chodorlahomor, & Regum qui cum eo erant, benedixitque ei, tamquam filio charissimo; quoniam erat de cognatione sua: & contrà, ipse Abraham de cunctis in ea victoria acquisitis decimas ei libentissimè excoluit, tamquam patri ac Sacerdoti gentis suæ supremo: propterea enim, quamuis alij tunc essent Sacerdotes veri ac summi Dei, ipse per excellentiam dicebatur Sacerdos Dei altissimi.

3. Itaq; Sem vixit cum	Noë	} annis	450. secundum Latinos, vel 448. secundum Hebræos.	SEM QUAM- DIV, ET QVIBVS CVM VIXE- RIT.
	Arphaxad		trecentis triginta octo.	
	Cainan		trecentis sexaginta.	
	Sale		quadringentis triginta tribus.	
	Heber		quadringentis tribus.	
	Phaleg		ducentis triginta nouem.	
	Reu		ducentis triginta nouem.	
	Sarug		ducentis triginta.	
	Nachor		centum quadraginta octo.	
	Thare		ducentis quinque.	
	Abraham		centum decem & octo.	
	Sara		centum octo.	
	Ismaël		triginta duobus.	
	Isaac		decem & octo.	

4. Eodem anno, qui erat vitæ suæ quadringentesimus trigessimus tertius, Sale mortuus est in fine anni, Genes. cap. 11. vers. 16. iuxta Vulgatam editionem, quam sequimur, relicto in hac parte textu LXX. Interpretum, qui corruptè habet, ipsum Sale vixisse annis quadringentis sexaginta.

Vixit ergo Sale cum	Noë	} annis	ducentis octoginta tribus.	QVIBVS CVM RT QUAM- DIV VIXE- RIT.
	Sem		quadringentis triginta tribus.	
	Arphaxad		ducentis septuaginta tribus.	
	Cainan		trecentis triginta.	
	Heber		quadringentis tribus.	
	Phaleg		ducentis triginta nouem.	
	Reu		ducentis triginta nouem.	
	Sarug		ducentis triginta.	
	Nachor		ducentis quadraginta octo.	
	Thare		ducentis quinque.	
	Abraham		centum decem & octo.	
	Sara		centum octo.	
	Ismaël		triginta duobus.	
	Isaac		decem & octo.	

AB ORBE CONDITO TERTIÆ MVNDI ÆTAT.
ANNVS 2158. ANNVS 46.

ANNO ætatis Abraham centesimo vigesimo desinente, oportet ex hac vita decessisse Arium Regem Assyriorum; hoc enim tempore implentur anni triginta, quibus ipsum regnasse tradit Eusebius in Chronicis, vt nostris videri potest in tabulis.

AB ORBE CONDITO

TERTIÆ MVNDI ÆTAT.

ANNVS 2159.

ANNVS 47.

REGNAT
ANALIVS IN
ASSYRIA.

A NNO proximo post Arij obitum, regnavit Analius, qui & Aratius, Rex Assyriorum quintus; vt ex eodem Eusebij loco manifestum est.

AB ORBE CONDITO

TERTIÆ MVNDI ÆTAT.

ANNVS 2163.

ANNVS 51.

LOQVITVR
DEVS OCTA-
VO AD A-
BRAHAM,
ET CVR EVM
TENTAVE-
RIT.

A NNO vitæ Abrahami centesimo vigesimo quinto, ad finem, vt arbitror, appropinquante, quando scilicet Isaac nondum annum ætatis vigesimum quintum plenè impleuerat, (vt tradit Iosephus 1. Antiq. cap. 14. cuius sententiam, potius quàm aliorum aliter sententium, hic sequimur, propter ea quæ infra num. 4. dicemus) apparuit Deus octavo, seu locutus est Abraham, & tentavit eum, hoc est, periculum fecit de ipso, num se plusquam proprium filium, quo nihil in hoc mundo antiquius habebat, & consequenter plusquam omnia diligeret. Non quia nesciret quantæ virtutis esset Abraham: etenim, vt dicitur Prouerb. cap. 16. vers. 2. *spirituum ponderator est Dominus.* quin potius, quia id optimè nouerat, hanc ei occasionem præbuit, vt ad aliorum ædificationem, huius sanctissimi viri quantæ esset erga Deum dilectio & deuotio, cunctis innosceret. Et item, quoniam, quemadmodum aiebat Angelus Raphaël ad Tobiam, Tob. cap. 12. vers. 13. *Quia acceptus eras Deo, necesse fuit, vt tentatio probaret te.* id est, te virum per omnia probatum declararet. Et in eodem libro cap. 2. vers. 12. Scriptura sacra de eodem sancto Tobia dicit: *Hanc autem tentationem idè permissit Dominus euenire illi, vt posteris daretur exemplum patientiæ eius, sicut & sancti Tob. ita quodammodo oportuit, Abrahamum à Deo tentari, in re præsertim tam ardua & difficili, vt egregium illud & numquam satis commendatum perfectissimæ eius obedientiæ documentum ceteris imitandum proponi posset, & ab eodem discere liceret, filiorum dilectionem non quidem diuina Lege prohiberi; quin etiam graui mandato præcipi, semper tamen intra virtutis terminos: alioqui verissimum quoque illud esse quod Matthæi cap. 10. vers. 37. proclamabat Dominus: *Qui amat patrem aut matrem, filium aut filiam super me, non est me dignus.* Et quidem satis notum erat omnibus, Abrahamum summopere filium suum Isaac diligere: neque id sanè immerito; quandoquidem ipsum antea multum diuque exoptatum, tandem, singulari Dei gratia, & non sine miraculo, in senectute præter spem genuerat, & pænè vnicum habebat, (iam enim iubente Deo Ismaëlem domo eiecerat:) & ipse quoque Isaac suis virtutibus, ac præsertim mira erga Deum & parentes pietate, indies maiori se dilectione reddebat dignum. Vt igitur probaret Dominus, ac manifestum faceret, an tanta filij sui dilectio aliquid (quod in aliis multis parentibus euenire solet) præposterum haberet, & nonnihil debitum excederet ordinem; an verò diuinæ dilectioni ac obedientiæ omnino subordinata esset: præcepit ei quadam nocte vt tolleretur filium suum, quem vnice diligebat, Isaac, atque illum sibi in holocaustum offerret, immolaretque in monte Moria, (vt ex Iosepho & aliis infra num. 6. ostendemus,) qui mons postmodum, & eius vicinia, ob diuinam apparitionem ibidem habitam, Terra visionis dicta est.*

PROMPTA
ABRAHÆ
OBEDIEN-
TIA.

2. His auditis, Abraham, tametsi in sensu (vt credibile est) non modicè contristatus, spiritu tamen præualens, Dei obedientiam cunctis rebus præferre statuit. Itaque de repromissionibus sibi ab eodem Deo in Isaac factis nihil causatus, nihil conquestus, nihil sciscitatus, nihil hæsitans; sed potius, quemadmodum dicitur ad Hebræos cap. 11. vers. 19. *Arbitrans quia & à mortuis suscitare potens est Deus.* confestim eadem nocte confurgens, lignis prius ad holocaustum concremandum concisis, asinoq; cum aliis quæ ad sacrificium, & item ad victum necessaria erant, impositis, abiit cum Isaac & duobus seruis ad locum sibi à Domino indicatum; qui à Bersabee, vbi tunc Abraham morabatur, ad quadraginta duo milliaria distabat: atque hoc iter, ob ingrauescentem eius ætatem, & quia fortè erat satis montosum ac difficile, & quia illud deuotionis ergo pedibus ingredi voluit, non nisi triduo confecit: verumtamen vt primùm tertia die montem sibi à Deo demonstratum de longè prospexit, relictis in campo seruis cum asino, vt eum ibi expectarent, ipse imposita super humeros filij sui Isaac illa lignorum sarcina, ibat cum eo portans ignem & gladium, atque in itinere de victima à filio interrogatus, respondit: *Deus prouidebit sibi victimam holocausti.* Cum autem ascenden-

ABRAHAM
IMMOLARE
VULT FI-
LIUM SVVM
ISAAC.

ABRAHAM
QUANDO
VIDERIT
DIEM DO-
MINI.

tes ambo ad locum peruenissent, & extructa ara, desuper ligna composuissent; aperuit prius pater filio diuinam iussuionem: cui non minus pie filius vltro acquiescens, ac voluntarie se ipsum diuinæ voluntati subiiciens atq; offerens; deuotè admodum permisit se à patre colligari, & in ara ad immolandum imponi. Ecce autem, statim ac pater strictum dextra gladium leuat, vt puerum iugulet, Angelus Domini semel atque iterum inclamans, iubet eum à cæde filij abstinere; Deum namque promptè eius voluntate contentum esse, ac sibi satisfactum. Quare lætus Abraham, viso illic ariete inter vepres cornibus inhaerente, illum, tamquam sibi à Domino mirabiliter prouisum, obtulit holocaustum pro filio, atque ex insigni illa visione, appellauit nomen loci illius, *Dominus videt*. vnde factum est, vt propterea illa regio deinceps Terra visionis nuncupata fuerit, Genes. cap. 22. vers. 1. vique ad 15. Creditur autem Abraham in hoc sacrificio (vt paulò post probabitur) cum magna sui cordis exultatione vidisse diem illum, de quo postea dicebat Dominus Iudæis Ioan. cap. 8. vers. 56. *Abraham pater vester exultauit vt videret Deum meum: vidit, & gauisus est.* tunc enim diuina reuelatione didicit, ea actione proculdubio significari, quod Deus Pater omnipotens omnino decreuerat pro redemptione mundi proprio Filio suo consubstantiali & vnigenito non parere, sed pro nobis omnibus tradere illum; illum (inquam) cuius alibi meminit citatus Euangelista, dicens: *In principio erat Verbum, &c. & post pauca: Et Verbum caro factum est, &c. & eius humanitatem in ariete præfiguratam, in ara crucis immolare, atque in holocaustum suauissimum Domino offerre, diuinitate nil læsa, quam significabat Isaac.* Si quidem hoc nomen, quod interpretatur Ritus, æternam illam quoquomodò adumbrabat exultationem iugemque lætitiā, quæ à diuinitate inseparabilis omnino est. Huius quoque mysterij typum præbuit Lex Moysaica in binis illis passeribus, & item in duobus illis hircis, quorum singulorum alter iubebatur immolari, alter verò viuus dimitti, vt legitur Leuit. cap. 14. & 16. Quod autem in memorato Abrahami sacrificio signata fuerit Christi passio, tradunt omnes ferè Doctores. Proferam hic aliquot ipsorum sententias, vt ex his reliquis discere liceat. Glossa interlinearis ita habet: *Hucusque umbra, postea rerum veritas magna excellentia monstratur. Prophecia siquidem hic ponitur pronuntians cuncta quæ de Christo ventura erant. Nam quod dicit Angelus; Non extendas manum tuam super puerum, neque faciās illi quidquam;] idè dixit, quia caro Christi potuit crucifigi, diuinitas non potuit tangi. Et Origenes, Aries, inquit, cornibus haerens virgulto Sabech, formam nihilominus Christi gerere videtur. Sed quomodo Christo vterque conueniat, & Isaac qui non est iugulatus, & aries qui iugulatus est, operæpretium est noscere. Christus Verbum Dei est: sed Verbum caro factum est. Vnum igitur in Christo de superiori- bus est; alterum ex humana natura & virginali vtero susceptum. Patitur ergo Christus, sed in carne, & pertulit mortem caro, cuius hic aries forma est, sicut & Ioannes dicebat: Ecce agnus Dei, ecce qui tollit peccata mundi. Verbum verò in incorruptione permansit, quod est secundum spiritum Christus, cuius imago est Isaac. Idè ipse & hostia est, & pontifex secundum spiritum. Nam qui offert hostiam Patri, secundum carnem ipse in altari crucis offertur. Quia sicut dictum est de eo, Ecce agnus Dei, ecce qui tollit peccata mundi; ita de eo dictum est: Tu es sacerdos in æternum secundum ordinem Melchisedech. hæc Origenes. Similia fere scripta reliquit sanctus Augustinus, qui libro 12. contra Faustum ait: *Quis igitur alius in Isaac lignum sibi portabat ad victimam, nisi qui crucem sibi ad passionem ipse portabat? Quis alius aries immolandus in vepre cornibus adhaerebat, nisi qui crucis patibulo pro nobis offerendus affigebatur? & idem in Serm. 71. de Tempore: Quod igitur aries occisus est, & Isaac non est occisus, idè factum est, quia Isaac figura, & veritas non erat: in ipso designatum est, quod postea in Christo completum est. Videte Deum cum hominibus magna pietate certantem: Abraham mortalem filium non moriturum obtulit Deo, & Deus immortalem Filium pro hominibus tradidit morti. Potest tamen & de beato Isaac, & de illo ariete etiam sic intelligi, vt in beato Isaac significata sit diuinitas, in ariete humanitas Christi. & quia in passione non diuinitas crucifixa creditur, idè non Isaac, sed aries immolatur. Dei enim Filius vnigenitus offertur, & Virginis vnigenitus immolatur. & libro 16. de Ciuit. cap. 32. Illo etiam ariete, ait, qui cornibus in frutice tenebatur, quo immolato impletum est significatio sanguine sacrificium, Iesus Christus significabatur antequam immolaretur spinis Iudaicis coronatus. Sanctus quoque Gregorius Homil. 6. in Ezechielem dicit: *Quid igitur est quod Isaac ad immolandum ducitur, & ligna portat, arx superimponitur, & viuunt, nisi quod Redemptor noster ad passionem ductus lignum sibi crucis ipse portauit, & sic in sacrificio pro nobis ex humanitate est mortuus, vt tamen immortalis maneret ex diuinitate.* Eadem non semel tradit Rupertus lib. 6. in Genesim: nam in fine capitis 33. exponens illa verba, *Sed arietem videns inter***

vepres herentem cornibus assumpsit, & obtulit holocaustum pro filio. ait: Sic Deus Pater proprio Filio suo non pepercit, sed pro nobis omnibus tradidit illum, qui tamen secundum naturam quæ Deus est, mori non potuit, sed ea immortaliter atque impassibiliter permanente, secundum naturam hominis quam assumpsit, inter vepres, id est, inter scelera Iudaorum, clavis herens ad cornua crucis, verè passus, verè mortuus, verè sepultus est. & in calce capitis 31. dicit: Hæc omnia sustinens Isaac, soli tandem ictui gladij subducitur, & aries, ut dictum est, pro illo immolatur; quia videlicet risus calorū ille, in quem desiderant Angeli propicere, secundum naturam quæ Patris risus & Angelorum sanctorum gaudium est, mortem nullatenus admisit, licet secundum naturam, quæ nostri est similis, verè mortuus fuerit. hæc Rupertus. Denique quod hæc omnia, quæ in dicto monte facta sunt, fuerint signa Dominicæ passionis, pluribus explicat & declarat Eucherius lib. 2. in Genes. cap. 36. & propterea nos Lectorem ad illum libenter remittimus. Quod autem hæc quoque omnia tunc Dominus reuelauerit Abraham, & quod propterea tunc ipse Abraham dicatur vidisse diem Domini, aperte tradit sanctus Ambrosius lib. 1. de Abraham cap. 8. his verbis: *Non solum autem hoc prophetavit quod statim accidit, quia Deus providit sibi pro Isaac hostiam, & reddidit patri filium: verum illud magis, quod non hæc hostia divinæ esset dispositionis; sed alia esset hostia, quam Deus sibi pararet, ut mundaret orbem terrarum; illa esset omnibus acceptior, per quam multi patres offerrent filios suos, & separari ab hoc seculo à filiis non timerent, &c.* & quibusdā interpositis exponens illa verba: *Et respiciens Abraham vidit, & ecce aries unus herens in virgulto; subdit: Quia ratione arietem? quasi præstantem utique cetero gregi. Quæ ratione suspensum? ut adverteres hostiam illam non esse terrenam. Quæ causa cornibus suspensum: nisi quod carnem suam virtute superiore à terris leuaret, iuxta quod scriptum est: Cuius principatus super humeros eius. Quis utique significatur, nisi ille de quo scriptum est: Exaltavit cornu populi sui? Cornu nostrum Christus est, qui præstitit omnibus, sicut legimus: Speciosus forma præ filiis hominum.] Solus eleuatus & exaltatus à terris, quemadmodum ipse nos docet cum loquitur: Ego non sum de hoc mundo, ego de superis sum.] Hunc vidit Abraham in isto sacrificio, huius passionem aspexit. Et ideo ipse Dominus ait de eo: Abraham diem meum vidit, & gaudius est. Vnde ait Scriptura: Vocavit Abraham nomen loci illius, Dominus videt: ut dicant hodie: Dominus in monte apparuit, hoc est, quod apparuerit Abrahæ, reuelans futuram sui passionem corporis, quæ mundum redemit: demonstrans etiam genus passionis, cum suspensum ostendit arietem. virgultum illud, patibulum crucis. Et in hoc ligno præstantissimus ductor gregis exaltatus, omnia traxit ad se, ut ab omnibus cognosceretur. Vnde & ipse ait: Cum exaltaveritis filium hominis, tunc cognoscetis quia ego sum. hucusque S. Ambrosius. Nos verò ad cœptam redeamus historiam.*

PROMISSIO
NES ABRA-
HÆ A DEO
FACTÆ, IV-
REVRAN-
DO CONFIR-
MANTVR.

QVOT AN-
NIS DEIN-
CEPS ABRA-
HAM QVAN-
DO DVCTVS
EST IMMO-
LARI.

3. Porro dum cremaretur, ut puto, holocaustum, locutus est iterum Angelus Domini ad Abraham, testificans ei, Deum præclaras, quas non semel aliàs eidem fecerat, repromissiones non solum habere ratas; sed nunc quoque easdem ad maiorem firmitatem, iureiurando confirmasse, nimirum de ei ac posteris eius benefaciendo, de augenda ac multiplicanda mirum in modum eius posteritate, de hostibus eidem subiaciendis, ac demum de benedicendis in eius semine cunctis gentibus; eò quod propter Dei obedientiam etiam proprio filio suo non pepercerit. Dicti iurisiurandi meminit etiam Zacharias in suo Cantico, Lucæ cap. 1. vers. 73. illis verbis: *Iurandum, quod iuravit ad Abraham patrem nostrum, daturum se nobis.* His ergo auditis, uterque, pater scilicet & filius, diuina consolatione super quam dici possit lætificari, venerunt, expleto sacrificio, ad locum vbi seruos cum asino reliquerant, & cum illis redierunt Bersabee, laudantes ac benedicentes in cordibus suis Dominum, qui eos non solum Ieruassey incolentes, ac veluti denuò patri filium, patremq; filio mirabiliter dono dedisset: sed & insuper eis tot ac tam præclara bona iterum repromittere, ac medio etiam iuramento confirmare non indignum duxisset. Sanè Abraham perseveravit aliquamdiu habitare in Bersabee, ut colligitur Genes. cap. 22. in fine, verumtamen non constat, quot annis post memoratam eius tentationem ibi manserit; quamvis certum sit, ipsum minus duodecim annis ibidem exinde mansisse: etenim constat, quod tempore obitus Saræ coniugis suæ, ipse iam denuò transfulerat habitaculum suum in Hebron, ut sub anno mundi 2175. num. 1. videbimus.

CVIVS AE-
TATIS ESSET
ISAAC QVAN-
DO DVCTVS
EST IMMO-
LARI.

4. Dixi, prædicta de immolatione Isaac acta esse anno vigesimoquinto ipsius Isaac nondum plenè expleto: quia tamen si non ignorem, Rabbi Auen Esra, ut refert Abulensis, credidisse, ipsum Isaac tunc fuisse tantummodò decennem aut duodecennem: contra verò, Auctorem Chronologia Hebræorum Seder Ollam inscriptæ, quam Latinam fecit Genebrardus, sensisse, eundem Isaac fuisse annorum triginta septem, quan-

quando ductus est ad immolandum : nihilominus non immeritò, vt reor, Iosephi opinionem ceteris præferendam censui. etenim, præterquam quòd ipse maioris est auctoritatis quam prænominati, memorata quoque eius opinio longe alius sanior tutiorque esse videtur ; cum sit quodammodò media inter extremas : & quia quæ in Sacro textu habentur, nimirum quòd Isaac pedes confecerit iter trium dierum, & quòd totam illam lignorum sarcinam, quæ sufficiens esset ad holocausti victimam concremandam, propriis in montem altum & arduum humeris ferre potuerit ; quemadmodum aperte priorem improbant sententiam, (non enim credibile est, puerum duodecim annorum hæc agere potuisse) ita non cogunt nos ponere, ipsum Isaac maiorem vigintiquinque annorum extitisse : quandoquidem in tali ætate benè poterat ea præstare, quæ de ipso Sacra narrat historia. Præterea, si Isaac tunc fuisset annorum triginta septem, oporteret Saram eius matrem, quæ proculdubio decessit triginta septem annis ab ortu Isaac, iam tunc obiisse. Atqui Sacra textus ibidem asserit, Abrahamum post reditum de Terra visionis habitasse in Bersabee, ac deinde in sequenti capite narrat obitum Saræ : quam certum est obiisse, non in Bersabee, sed in Hebron. Vnde infert Pererius super Genes. cap. 23. num. 3. & 4. Abrahamum post prædictum reditum aliquamdiu habitasse in Bersabee. Quare satis probabiliter videtur posse colligi, ab immolatione Isaac ad mortem Saræ, plures annos, nimirum duodecim, intercessisse ; & consequenter, ipsum Isaac anno vitæ suæ vigesimo quinto propè expleto ductum fuisse ad immolandum, vt suprà dictum est. Nec quemquam moueat, quòd tunc vocetur puer ; quia sic solet Scriptura sacra, quando loquitur de filiis tum carnalibus tum spiritualibus, etiam grandioris ætatis, interdum eos appellare pueros, vt patet 2. Regum cap. 18. vers. 5. 12. & 32. vbi Abisalom quando bellum gerebat aduersus David patrem suum, vocatur puer ; & Iesus Apostolos suos, quos Marci cap. 10. vers. 14. & Ioan. cap. 13. vers. 33. (vt ostenderet quanta eos dilectionis teneritudine prosequeretur) vocauerat filiolos ; postea Ioan. c. 21. vers. 5. appellat pueros. Sed & alij in sancta Ecclesia, nimirum Sidrach, Misach, & Abdenago communiter & absolute vocantur pueri, vt videre est in Antiphona illa, *Tres pueri iussu Regis in fornacem missi sunt*, &c. quæ ex Breuiario Romano singulis diebus Dominicis canitur in Laudibus ad Canticum ; quod & ipsum ibidem prænotatur : *Canticum trium puerorum*. Qui tamen (Danielis cap. 3.) octies vocantur viri, & speciatim bis versic. 12. vbi etiam dicuntur constituti à Rege super opera provinciarum Babylonis. Quod aperte arguit, eos verè tunc non fuisse pueros ; & consequenter non rectè quosdam connumerasse prædictos Sidrach, Misach, & Abdenago inter illos modicæ ætatis pueros, qui pro Christi nomine martyrium subire non recusarunt.

5. Verumtamen, quidquid sit de anno ipsius Isaac, quando immolare eum voluit pater ; constat id contigisse in ipso septimi mensis initio : propterea namque, inquit, in memoriam liberationis Isaac institutum fuisse Festum illud clangoris & tubarum, quod præcipitur Leuitici cap. 23. vers. 24. & Numer. cap. 29. vers. 1. celebrandum die prima mensis septimi. Quod etià confirmant S. Thomas 1. 2. quæst. 102. art. 4. ad 10. & sacri prædictorum Scripturæ locorum Expositores, dicentes, quòd in ea die Hebræi clangebant tubis, non solù argenteis, vt solebant in singulis neomeniis seu nouiluniis, sed etiam tubis corneis, ad recolendum, quòd tunc Abraham iussus abstinere ab immolatione filij, loco eius immolauit arietem, quem ibidem repererat inter vepres hærentem cornibus. ad quod item putant alludere voluisse Psalmistam, quando dicebat in Psalm. 97. vers. 5. *Psallite Domino*, &c. *in tubis ductilibus, & voce tube corneæ*.

6. De loco autem seu monte, in quo iussus est Abraham immolare filium, diximus suprà num. 1. ex Iosepho, fuisse montem Moria, in quo postea Salomon templum edificauit, vt dicitur 2. Paralip. cap. 3. vers. 1. Quod etiam de Hebræorum sententia confirmat B. Hieronymus in Traditionibus Hebraicis in Genes. & super Ierem. cap. 7. v. 14. exponens illa verba, *Faciam domui huic*, &c. *sicut feci Silo*. & hoc idem comprobant Beda in lib. quem inscripsit De templo Salomonis, cap. 5. & alij, dicentes, quòd vbi Genes. cap. 22. vers. 2. legimus in textu Latino : *Vade in terram visionis* ; in Hebraico habetur, *in terram Moria*. e contrario, S. Augustinus in Sermon. 71. de Tempore, qui est primus de immolatione Isaac, B. Hieronymi auctoritate, asserit fuisse montem Caluarie, vbi postea crucifixus est Dominus : ita enim ait B. Augustinus : *Hieronymus Presbyter scripsit, ab antiquis & senioribus Iudeis se certissime cognouisse, quòd ibi immolatus sit Isaac, vbi postea Christus crucifixus est*. sic Augustinus : sed prior opinio communior est : quamquam ambæ ferè in idem coincidere posse videntur ; quoniam certum est, montem Caluarie monti Morie admodum esse propinquum ; & quodammodò, pro duobus

DE FESTO
CLANGORIS
ET TUBARUM.
RVM.

IMMOLA-
TIO ISAAC
VBI FIERI
IVSSA SIT

vnus montis verticibus, accipi posse; & probabile est, totam illam regionem montosam, vbi fabricata, & postea aucta & dilatata est Ierusalem, olim appellatam esse Terram visionis, seu Moria; certè eam in se comprehendisse plures montes, apertè ostendunt illa verba Genes. cap. 22. vers. 2. *Vade in terram visionis, atque ibi offeres eum* (nempe Isaac) *in holocaustum, super vnum montium, quem monstrauero tibi.* Quamuis postea montes in illa terra positi, & item eorundem montium partes, particularia nomina sortiti fuerint, excepto illo, in quo templum deinde ædificatum fuit, qui antiquum nomen Moria retinuisse videtur, siue, vt creditur, quia ibi signanter Abraham iussus sit immolare filium; siue alia de causa nobis incognita.

RABBINO-
RVM COM-
MENTVM
REPERTVM.

7. Ceterùm, quod Hebræi tradunt, in eodem monte ab initio orbis conditi Abelm & Cainum sacrificasse, & Noë item statim post Diluuium, inter admirabiles ipsorum adinventiones, piè quidem quandoque excogitatas, sed sine vlla veritatis probabilitate, computare debemus. Nam de Noë ex Sacro textu Genes. cap. 8. satis clarè colligi potest, ipsum post egressum de Arca ædificasse ibi altare Domino, obtulisseque super ipsum holocausta; ibi, inquam, vbi Arca ipsa resederat, nimirum super montes Armeniæ, vt ibidem vers. 4. dicitur: notum est autem omnibus, quàm longè distent hi montes à monte Moria. De Cain verò & Abele, quis mortalium, obsecro, seclusa Dei reuelatione, de qua nihil prorsus constat, diuinare vniquam potuit locum, vbi primò sacrificia Deo obtulerunt, fuisse montem Moria? cum præsertim Moyses, à quo solum, quæ de actis ante Diluuium scimus, probata habemus, nihil omnino de hac re meminere: & certum sit, aquas Diluij ita vniuersam terræ faciem subuertisse, commutasse, variamque à priori reliquisse, vt vix provinciar ipsæ, nedum particularia montium iuga, dignosci possent: & præterea multò probabilius sit, memoratos Adami filios cum parentibus suis prope Paradisum terrestrem, vnde eiectione fuerant, & consequenter procul admodum à monte Moria, habitasse, sacrificiaque Deo fecisse.

NYNTIA-
TVR ABRA-
HAE ORTVS
12. FILIO
RVM FRA-
TRIS SVI
NACHOR.

8. Post reditum Abrahami de monte Moria, seu de Terra visionis, in Bersabee, nuntiatus est ei ortus octo filiorum Nachor fratris sui, ex Melcha vxore eius, & quattuor ex Roma concubina, id est secundaria vxore, iuxta communem illius temporis usum; quorum nomina habentur Genes. cap. 22. vers. 20. vsque ad finem capituli. qui omnes habitabant in Haran Mesopotamiæ vrbe, vt sub anno mundi 2113. num. 4. probatum est. Atque hinc colligi potest, Abrahamum, ex quo iam pridem de Haran recesserat, nihil prorsus de Nachor fratre suo nisi nunc audiuisse; & consequenter, non esse verisimile, quemadmodum sub anno mundi 2039. num. 7. diximus, quòd adhuc viueret pater eius Thare, vt nonnulli crediderunt: siquidem si hoc esset, admodum credibile foret, quòd sæpius ad ipsum inuisendum vel ipsemet iuisset, vel saltem seruos misisset, ita filiali pietate erga patrem exigente, quam in Abrahamo sanctissimo viro non defuisse, liquidò supponere debemus: præterquam quòd non videtur probabile, ipsum Thare, qui ob amorem quo prosequabatur filium suum Abraham, potiùs elegit patriam deferere quàm filium, & propterea cum eo de Chaldæa venit in Haran; potuisse postmodum eius absentiam tam longo tempore, nimirum per annos plusquam quinquaginta continuos, sustinere; quin saltem quandoque ad ipsum visendum, aut de statu eius sciscitandum, aliquos delegaret.

AB ORBE CONDITO

ANNVS 2175.

TERTIÆ MVNDI ÆTAT.

ANNVS 63.

DE OBITU
SARAE.

A NNO vitæ suæ centesimo vigesimo septimo propè, vt arbitror, expleto, Sara vxor Abraham mortua est in Hebron, Genes. cap. 23. vers. 1. Vnde patet, quòd eo tempore Abraham iam transtulerat tabernaculum suum de Bersabee in Hebron, vt sub anno mundi 2163. num. 3. & 4 dictum est.

QUIBVS-
CVM AC
QUAMDIU
VIXERIT.

Vixit ergo Sara cum	}	annis	}	Sem	centum octo.
				Cainan	quinque.
				Sale	centum octo.
				Heber	centum viginti septem.
				Reu	octo.
				Sarug	triginta vno.
				Thare	sexaginta quinque.
				Abraham	centum viginti septem.
				Ismaël	quinquaginta vno.
				Isaac	triginta septem.

2. Quid autem actum sit in funere ipsius Saræ, describitur Genes. cap. 23. & 24. vbi legimus, quòd Abraham venit ad locum vbi depositum fuerat vxoris cadauer, antequam sepeliretur, vt plangeret eam. Vnde apparet, quàm antiquus & laudabilis, etiam apud sanctos viros, semper fuerit mos plangendi mortuos; vt propterea ipsum, non hoc tantum Abraham exemplo, Scriptura sacra comprobatum reliquerit, sed pluribus item aliis, puta Iosephi, qui planxit patrem suum Iacob, Genes. cap. 50. in principio: & filiorum Israël, qui fleuerunt Aaronem, Numer. cap. 20. in fine, & Moylen, Deuter. cap. vlt. vers. 8. & aliorum plurium, quæ in Sacris libris sparsim Lector inueniet, vt ea hîc commemorare superfluum videatur, præsertim eum hoc idem non solum exemplis, verum etiam disertis verbis eadem Scriptura plurimum commendauerit, Ecclesiastici cap. 38. vers. 16. dicens: *Fili, in mortuum produc lacrymas, & quasi dira passus incipe plorare, & secundum iudicium*, id est (vt exponit Iansenius) cum debitis exequiis, rituque funebri consueto, *contege corpus illius, & non despicias sepulturam illius*. Ita sanè hîc legimus fecisse Abrahamum, qui expleto super corpus dilectissimæ vxoris suæ Saræ planctu, de ipsa quoque honorificè sepelienda protinus agere cœpit cum his, in quorum terra habitauit: quibus, proipforum humanitate & honore quo Abrahamum prosequerantur, promptè electissima quæque eorumdem sepulchra offerentibus, ipse nihilominus (mira licet modestia) non acquiescens vxorem ponere in alieno sepulchro, cum iam notasset esse in agro cuiusdam Ephronis Hethæi speluncam duplicem, ad sepulchrum ibidem accommodandum appositisimam; qui hæcenus in terra Chanaan, tamquam aduena & peregrinus, nihil minùs quàm de agris pretio comparandis cogitauerat, nunc primum de illo coëmendo agere aggressus est, vt vxori, sibi, posterisque suis, propriam pararet ac relinqueret sepulturam. quo tandem quadringentis siclis argenti, quorum singuli quattuor circiter Iulios pendisse dicuntur, coëmpto, & spelunca illa in sepulchri formam decenter aptata, Saræ corpus in ea, ritu illis temporibus vsitato, sepeliuit, Genes. cap. 23. per totum. Distabat autem dicta spelunca, vt tradit Brocardus, trium arcuum iactu ab Hebron antiqua; nimirum erat in comet loco, vbi postmodum fabricata est noua Hebron, priori destructa: ad dimidiam scilicet leucam ab Illice Mambre, iuxta quam aliàs Abraham fixerat tabernaculum.

DEANTIQUO
VSV PLAN-
GENDI MOR-
TVOS.

ABRAHAM
SEPELIT SA-
RAM IN SE-
PULCHRO
SIBI AC PO-
STERIS SVIS
COEMPTO.

PRIMA EM-
PTIO IN SA-
CRO ELO-
QVIO ME-
MORATA,
FVIT AGRI
IN SEPUL-
TVRAM DE-
FVNCTO-
RVM.

3. Et quoniam hîc primùm inuenimus mentionem fieri contractus emptionis & venditionis, interueniente pecunia; nam antea permutationes tantum factas legimus: considerandum videtur, ne fortè non abs re prima emptio in sacris Scripturis memorata fuerit agri in piorum hominum sepulturam. vt hinc disceremus, debere quidem homines in hac vita finis sui meminisse, sed eos præcipue, qui diuitiis ac pecuniarum copia affluentes, quotidie terrenas comparare possessiones, & domum doïmo atque agrum agro copulare student: ne se illis in perpetuum frui posse falsò putent: quin potius sapius recolant, præsertim quando tales contractus magna cum lætitia celebrant, se aliquando, morte interueniente, bona illa vel inuitos relinquere oportere: ac propterea consultius esse illud Apostoli magis attendere, 1. ad Corinth. cap. 7. vers. 30. dicentis: *Qui emunt, tamquam non possidentes: & qui vtuntur hoc mundo, tamquam non vtantur: præterit enim figura huius mundi*. Sed hæc obiter sint tacta.

AB ORBE CONDITO

SECUNDÆ MVNDI ÆTAT.

ANNVS 2178.

ANNVS 66.

I Vb finem anni vitæ suæ centesimi quadragessimæ, Abraham videns se iam esse admodum senem, cogitare cœpit de danda vxore filio suo Isaac, quem heredem omnium bonorum suorum iam instituerat, vt colligitur Genes. cap. 24. vers. 36. Veritus autem, ne fortè morte præuentus id ipse exequi non posset, vocauit seniorem ex seruis suis, virum fidelem atque prudentem; illum scilicet (vt opinor) cui nomen erat Damascus Eliezer, qui erat super omnes gazas eius, & totius domus suæ curam gerebat, cuius fit mentio Genes. cap. 15. vers. 2. & de eodem ibidem subditur: *Et ecce vernaculus meus, heres meus erit*. Hunc itaque ad se accersitum adiunxit per Deum cæli & terræ, ne vniquam in animum inducat procurare filio suo Isaac vxorem Chananitidem. Quod ideo fecisse creditur, quoniam benè nouerat, non per alium ex filiis suis, quàm per Isaac, deducendam fore genealogiam Christi, qui (teste Apostolo ad Galatas cap. 3. vers. 16.) erat semen illud, in quo benedicendæ erant omnes gentes: ideo absurdum putabat, dare ipsi Isaac vxorem de progenie Chananæorum, quæ in patre

ABRAHAM
PERSERVVM
SVVM QVÆ-
RIT VXO-
REM FILIO
SVO ISAAC.

NOVA IV-
RANDI
FORMA.

suo Chanaan à Noë maledicta fuerat, sed magis conuenire, Deo quæ gratius fore, si coniugem duceret de ipsiusmet Abrahamæ cognatione, quæ in primo ipsius parente Sem consecuta fuerat benedictionem. Præcepit ergo Abraham prædicto seruo, vt posita manu sub femore domini sui, tria hæc obseruare iuraret; nempe, se non daturum ipsi Isaac vllam de Chananæorum mulieribus in vxorem. Secundò, se profecturum in Haran Mesopotamiæ, ad domum Nachor fratris ipsius Abrahamæ, (quam idem seruus benè nouisse poterat, cum iam esset satis prouectæ ætatis, & inde cum Abrahamo venisset) vt ibi acciperet coniugem ipsi Isaac, duceret quæ eam in terram Chanaan. Tertiò, se nullo pacto ducturum Isaac extra terram Chanaan ad cognatos suos, etiam si inde mulier venire recuset; sed eo casu ipse seruus à iuramenti vinculo remaneat absolutus.

QVID SI
GNIFICA-
RET MEMO-
RATA IV-
RANDI FOR-
MA.

2. Notandum verò hic est, per memoratam iurandi formam antea inauditam indicari, (vt est communior sententia præcipuorum Ecclesiæ Patrum) Abrahamæ intentionem fuisse, vt seruus iuraret per semen ipsius, hoc est per Christum, qui de ipso nasciturus erat, iuxta S. Matthæum Euangelistam dicentem: *Liber generationis Iesu Christi filij David, filij Abraham.* Quæ sententia non est accipienda, quasi generatio Christi propaganda esset ab illo semine, quod tunc erat in lumbis siue in femore ipsius Abrahamæ: quia clarum est, quòd Christus non debebat nasci ex linea descendantium ab vllò filiorum Abrahamæ ex Cetera, qui tunc erant virtualiter in lumbis Abrahamæ; sed ex posteritate Isaac, qui iam natus erat ex Abrahamo, & de quo iam dictum fuerat: *In Isaac vocabitur tibi semen.* Est igitur sensus sanctorum Patrum, quod ille seruus iussus fuit iurare, posita manu sua sub femore domini sui Abrahamæ, vt sic quodam modò protestaretur se iurare per illum, in quo (vt fortè aliàs audierat) benedicendæ erant omnes gentes: id est per Christum verum Dei filium, cuius humana generatio originaliter propaganda erat ex semine quod iam egressum erat de illo femore, quando genitus fuerat Isaac. Et quoniam tunc mittebatur seruus ille ad accipiendam vxorem ipsi Isaac, per quem deducenda erat propagatio seminis Abrahamæ in posteritate sua vsque ad Christum; apposuit Abraham, diuino edoctus Spiritu, ad insinuandum hoc sacramentum, tunc primum præscripsit seruo suprà expositam iurandi formam, tamquam rei gerendæ admodum accommodatam. Quamquam postea Iacob aui exemplum secutus, etiam in casu dissimili, nimirum morti appropinquans, præcepit Iosepho filio suo, vt posita manu sub femore patris, iuraret se tumulaturum cadauer eius non in Ægypto sed in terra Chanaan, Genes. cap. 47. vers. 29. Ceterum femoris appellatione in Scripturis sacris nonnumquam accipi stirpem siue originem alicuius descendentiæ, per seminis propagationem continuatæ; siue pro illo (vt ita dixerim) primo seu originali semine, à quo numerosa aliqua familia deriuata sit; patet Genes. cap. 46. vers. 26. vbi hæc habentur: *Cunctæ animæ, quæ ingressæ sunt cum Iacob in Ægyptum, & egressæ sunt de femore illius,* &c. & cap. 49. vers. 10. *Non auferetur sceptrum de Iuda, & dux de femore eius,* &c. De femore (inquit, quæ est phrasis Hebraica) id est de semine, quod ex vasis feminalibus inter viri femora existentibus egredi consuevit. Igitur vt ad historiæ continuationem reuertamur,

3. Memoratus Abrahamæ seruus, vt quod domino suo iurauerat, opere impleret, præparatis quæ ad iter agendum, & ad donaria sponsæ eiusque parentibus & cognatis faciendæ, opus esse videbantur, cum decem camelis, aliisque conseruis se in viam dedit. Cum autem in Mesopotamiam feliciter peruenisset, nec procul abesset ab vrbe Nachor, quæ alio nomine (quemadmodum sub anno mundi 2113. num. 5. probatum est) Haran siue Charan dicebatur, iam quæ ad uesperasceret, substitit opportunè eo tempore, quo mulieres de oppido veniebant ad hauriendam aquam: & cum intra se deprecari cœpisset Deum, vt externo aliquo signo sibi indicaret, quænam esset illa puella, quam præparauerat filio domini sui, ecce non sine diuino nutu ei venit in mentem postulare ab vna ex illis potum, certò sibi persuadens, eam diuinitus esse præelectam, quam promptiorem ad sibi camelisquæ suis aquam præbendam inuenisset. Accidit autem, Deo ita disponente, vt ipse primò occurreret Rebeccæ filiæ Bathuelis filij Nachor fratris Abrahamæ, quæ de puteo cum hydria sua plena redibat ad suos: cui cum bibere postulasset, illa protinus singulari quadam charitatis significatione, non ei solum, sed & camelis aquas ministravit. Quamobrem præfagitione diuina intelligens vir, quòd hæc ipsa esset propter quam missus fuerat, confestim protulit deditque Rebeccæ munera, in aures aureas appendentes siclos duos, & armillas totidem pondo siclorum decem. Et vt certior ab ipsa factus est, eam esse de cognatione domini sui, gratias agebat Deo, quòd se recto itinere perduxisset quò tendebat. Interim verò puella festino gradu domum

domum rediens, nuntiauit parentibus suis de aduentu viri, qui ab ipsis peramanter inuitatus, & hospitio exceptus, ante omnia exponere eis voluit causam itineris sui; & vt vidit eos petitis annuentes, firmato sponfalium contractu, datisque muneribus, latè omnes pariter conuiuari cœperunt. Altera autem die, impetrata à sponsæ parentibus redeundi licentia, non, sine aliqua difficultate, quòd penes se filiam ad decem saltem dies retinere maluissent, Rebecca camelo impositam perduxit ad Isaac, qui postea (vt sub anno proximo num. 1. dicemus) duxit eam vxorem, vnicèque dilexit, Genes. cap. 24. per totum. Vbi notandum est ex eo quòd suprà diximus, in aures pendisse siclos duos, armillas verò siclos decem; apertè colligi posse, quòd *secl* Hebraicè, seu Latine *siclus*, licet communiter apud Hebræos significaret etiam nummum quemdam argenteum valoris quattuor circiter Iuliorum (vt ex infrà sub anno mundi 4084. num. 7. dicendis constabit:) attamen magis propriè significabat quoddam auri argenteum pondus, tantum pendens quantum dictus nummus, nimirum obolos Hebraicos viginti, siue drachmas Atticas quattuor, hoc est semunciam; vt tradunt Didacus Co-uarruias in lib. Veterum collatio numismatum inscripto, cap. 2. & Sanctes Pagninus in suo Linguarum sanctarum Thesaurò, vbi addit, quòd *secl* sonat librato rem, seu librationem, siue pondus (erat enim, inquit, modus & regula omnium ponderum.) & confirmari potest; quia radix huius vocabuli *secl* dicitur esse verbum *facal*, quod (eodem Pagnino auctore) significat librare vel ponderare. Vtrum autem dictæ singulæ in aures, an ambæ simul libratae penderent duos siclos, in Sacro quidem textu non exprimitur: verumtamen mihi probabilius videtur, ambas simul fuisse dicti ponderis; alioquin singulæ fuissent nimis graues, & ad gestandum auribus incommodæ. Si ergo binæ in aures simul pendebant siclos duos, & totidem armillæ siclos decem; vtique oportet, quòd dictæ in aures habuerint auri drachmas octo, id est vnciam vnam, & armillæ auri drachmas quadraginta, hoc est, vncias quinque; & consequenter, quòd totum illud inaurium & armillarum munus, opere computato, fuerit valoris circiter aureorum sexaginta. Quòd si quis contenderet, loco Genesios citato, per siclum non esse accipiendum pondus sanctuarij, sed vulgare & profanum, quod (vt aiunt) erat illo mœdiate minor, & æquipollebat didrachmati: vtique hoc supposito, necessarium quoque esset diminui ad ratum tum auri pondus, tum valorem dictarum inaurium & armillarum, & dicere, munera illa ad triginta dumtaxat aureos valuisse. Nisi fortè quis diceret, sicuti pondere in hoc sensu accepto, nihil ob stare quò minus credi possit singulas in aures pendisse duos siclos vulgares; & singulas armillas, decem; & hoc pacto, totius muneris valorem ad priorem sexaginta aureorum summam (vt credibilis est) pertinere potuisse.

STICLVS
QVID MA-
GIS PRO-
PRIE SI-
GNIFICAT.

AB ORBE CONDITO

TERTIÆ MVNDI ÆTAT.

ANNVS 2179.

ANNVS 67.

✱ I ANNO quadagesimo vitæ suæ expleto, & quadagesimo primo incipiente, Isaac duxit Rebecam vxorem, vt expressè habemus Genes. cap. 25. vers. 2. & nos sub anno præcedenti num. 1. & 3. diximus.

2. Per eadem tempora Abraham, non sine particulari quodam Dei instinctu, vt sentiant Doctores, & par est de tanto viro supponere, aliam duxit vxorem nomine Ceturam, Genes. cap. 25. vers. 1. Hanc Hebræi eamdem fuisse putant cum Agar, quam credūt fuisse binominem: sed multò melius S. Augustinus lib. 16. de Ciuit. c. 34. & multi alij Doctores Catholici, præsertim verò Caietanus & Abulensis, asserunt fuisse diuersam, his moti rationibus: nam loco proximè citato hæc expressè habentur: *Abraham verò aliam duxit vxorem nomine Ceturam*. Si aliam, ergo diuersam ab Agar, quam prius duxerat ad instantiam Saræ, vt dictum fuerat Genes. cap. 16. vers. 3. Deinde in eodem Genes. cap. 25. vers. 12. etiam fit mentio Agar Ægyptiæ, ergo contrà distinguitur Agar mater Ismaëlis à Cetura matre aliorum Abraham filiorum, quos ibidem prius nominauerat. Præterea, eodem cap. vers. 5. & 6. habemus, quòd Abraham dedit filio suo Isaac cuncta quæ possederat; filius autem concubinarum largitus est munera, ergo non vnam tantum habuit concubinam, sed plures, nempe Agar & Ceturam, ex quarum prima genuit Ismaëlem; ex altera verò illos sex filios, qui ibi recensentur in littera. Denique cum tunc esset Abraham valdè senex, scilicet centum quadraginta circiter annorum, quando dicitur duxisse Ceturam, ratio & experientia suadent, ipsum non potuisse tot liberos naturaliter gignere, nisi ex muliere admodum adolescente. atqui tunc tempo-

ISAAC DV-
CIT REBE-
CAM VXO-
REM.

ABRAHAM
DVXIT A-
LIAM VXO-
REM NOMI-
NE CETV-
RAM, QVÆ
CREDITVR
EVISSE DI-
VERSA AB
AGAR.

ris Agar non poterat esse minor septuaginta circiter annorum: nam oportet ipsam saltem sexdecim, vel etiam viginti annorum extitisse, quando peperit Ismaëlem, anno scilicet octogesimo sexto vitæ Abrahami, vt expressè habemus Gen. cap. 16. v. 16. Vnde si ad annos sexdecim aut viginti vitæ Agar, superaddas alios quinquaginta quattuor, ab anno octogesimo sexto ætatis Abraham ad annum eiusdem centesimū quadragesimum decursos, proculdubio habebis summam annorum septuaginta, vt amplius vitæ ipsius Agar, quando Abraham duxit Ceturam; ergo non potuit Agar eadem esse cū Cetura.

DE FILIIS
ABRAHÆ
EX CETURA

3. Porro ex Cetura, vt dictum est, Abraham sex genuit filios, nimirum Zamran, & Iecsan, & Madan, & Madian, & Iesboc, & Sue. ex quibus deinde, (ipso, vt arbitror, adhuc viuente) habuit Abraham nepotes septem, scilicet filios Iecsan duos, Dadan, & Saba; & filios Madian quinque, videlicet Ephā, & Opher, & Henoch, & Abida, & Eldaā: & pronepotes tres filios Dadan, nempe Aslurim, Latufim, & Loomim, vt videtur est Genes. cap. 25. vers. 2. vsque ad 5. Hos, & Ismaëlem cum familia sua, filios scilicet Agar & Ceturæ concubinarum suarum, Abraham, priusquam moreretur, muneribus donatos separauit à filio suo Isaac, quem vniuersalem bonorum suorum reliquit heredem: illos autem extra terram Chanaan, ad proximas Orientales regiones inhabitandas, amandauit: quod ideo fecisse creditur, ne illi aliquando liuore accensi aduersus Isaac, ipsum de hereditate deturbare vniquam possent: & item, quoniam optimè nouerat, terram Chanaan soli posteritati ipsius Isaac à Deo fuisse promissam, eandemque adeo fore multiplicandam; vt vix terra illa ei sufficere posset: & præterea, quia cū propheticō spiritu præuideret, solos eiusdem Isaac posteros in veri Dei cultu perseveraturos, non expediebat ipsos cum idololatrīs commisceri.

CYREOS A-
BRAHAM
SEPARA-VE-
RIT AB
ISAAC.

DE POPVLIS
EX FILIIS
ABRAHÆ
ET CETURÆ
PROCREA-
TIS.

4. Sanè memorati Abraham posteri ex Cetura, succedentibus temporibus, admodum multiplicati sunt, ita vt ex ipsis plurimæ vrbes & populi multi originem duxisse, ac sese longe lateque in illis Arabiæ regionibus dilataisse credantur: de quibus singulis nihil certi scorsum adferre possumus, præterquam de quattuor; qui tantummodo in Sacro eloquio memorantur, nimirum Madian, & Ephā, & Dadan, & Saba; quos in variis Arabiæ prouinciis habitasse non dubitamus: nam Sabæorum plures populos, tum qui de Saba filio Chius, & de altero Saba filio Regma, & de tertio Saba filio Iecsan, quo-

DESABÆIS

DEDANÆIS

rum Genes. cap. 10. vers. 7. & 27. mentio facta est; tum qui de quarto Saba filio Iecsan filij Abraham prodierunt, Arabiæ incolas fuisse communior opinio est: quamquam Reginam Sabā, quæ venit audire sapientiam Salomonis, de posteris Sabæ nepotis Abraham fuisse putat Origenes Homil. 1. in Genes. Dadanæos verò siue Dedanæos, memoratos inuenimus Ierem. cap. 25. vers. 23. & cap. 49. vers. 8. & apud Ezechielem cap. 25. vers. 13. & cap. 27. vers. 15. & 20. & cap. 38. vers. 13. Et quidem qui de Dadan nepote Abrahami orti sunt, (nam alios ex Dadan filio Regmæ proximè memorati ortos esse, certum est) creduntur in Idumæa, vel prope ipsam, inhabitasse, vt ex Ieremiæ locis proximè adductis, & Ezech. cap. 25. vers. 13. clarè videtur colligi posse. Scimus autem, Idumæam in Arabiæ confinibus Chananaæ proximis extitisse. Similiter & Madianitas, qui sæpissimè nominantur in Sacris libris, tamquam Hebræis olim valdè infensi, Arabiæ partem, terræ Chananaeorum propinquam, incoluisse perspicuum est. Et idem de Ephæis, qui de Ephā filio Madian descenderunt, sentiendum videtur: quandoquidem Isaia cap. 60. vers. 6. Madianitis tamquam propinqui iunguntur illis verbis: *Dromedarij Madiā & Ephā: omnes de Saba venient*, &c. Quamquam etiam constat, plures Madianitarum mixtim inter Ismaëlitas inhabitasse, ac proinde aliquando pro vna eademque gente vtroque vsurpari, vt apertè colligere possumus ex collatione eorum quæ dicuntur Genes. cap. 37. vers. 28. vbi legimus, Iosephum fuisse venditum Ismaëlitis; cum his quæ infra vers. 36. dicuntur, videlicet, Madianitas vendidisse illum Putipharī eunucho Pharaonis: & cap. 39. vers. 1. vbi idem Putiphar dicitur emississe Iosephum de manu Ismaëlitarū. Ecce quomodo hæ duæ gentes inuicem confunduntur, & vicissim vna pro altera sumitur. Idem quoque videtur posse colligi Iudic. cap. 6. vers. 3. vbi Madianitæ cum Amalecitis contra Hebræos venisse dicuntur. & mox iidem cap. 8. vers. 24. Ismaëlita appellari videntur. Sed hīc silentio prætereundum non est, quòd quidam putant, ab hisce posteris Abrahami (quos posterioribus deinde temporibus de Arabia in Asiam transisse, Indiæque regiones penetrasse, atque in vastissimis illis regionibus disseminatos esse, facile credi potest) proditiisse Brachmanos; rati eos sic, nonnihil corrupto vocabulo, tamquam Abrahamos nuncupari. Ad cuius rei confirmationem facere videtur, quòd isti reliquis Indis videantur esse religiosiores, vt colligi potest ex his, quæ de hac gente tradit Io. Petrus Maffei libro 1. Historiarum Indicarum

MADIANI-
TIS,

EPHÆIS.

CVR MADI-
NITARVM
ET ISMAE-
LITARVM
NOMINA A-
LIQVANDO
ALTERVM
PRO ALTE-
RO VSVR-
PENTVR.

DE BRACH-
MANORVM
ORIGINE.

longè post medium: tamen si reuerà ipsorum vana atque omnino falsa sit religio, quem admodum ex ibidem relatis manifestum est. Et quoniam, ut ibidem quoque dicitur, ipsi Perabrammam nescio quem deorum antiquissimum colunt; profectò, si per hunc, ut ipsa nominis similitudo indicat, primum ipsorum vetustissimumque parentem Abrahamum intelligerent, res planè clara esset: verumtamen quia de hoc nihil constat, res incerta manet, & nos nihil certi habemus quod pro hac opinione (quæ tamen probabilis & quodammodo plausibilis esse videtur) in medium adferre possimus.

5. Quod verò attinet ad munera, quæ Abraham, ut suprâ num. 2. dictum est, tradidit dedisse filiis Agar & Ceturæ; si quis percontetur, quamnam fuerint, respondet beatus Epiphanius in Compendiaria doctrina, quæ habetur in calce sui Panarij, his verbis: *Filiis Cetura dona erant, pecunie presentes, aurum, argentum, ac vestitus: & in mysterio conclusit Abraham in peris, thus, & myrrham, & aurum Regum Sodomorum & Gomorrhæ, quando, ut dicitur Genes. cap. 14. Chodorlahomor, & Bersa, & reliqui captiuitatem à Sodomis, & Gomorrhæis, ac reliquis acceperunt, & equos depradati sunt, & hominum multitudinem captiuam abduxerunt, & ab vnoquoque opulentiam pecuniarum, & aliarum rerum multitudinem diripuerunt, quam reduxit Abraham tunc à cæde Regum, & neque auertere ea, quæ iam Deo destinata erant, ausus fuit, sed dedit ipsam cum aliis donis, filiis suis ex Cetura.* hæc S. Epiphanius. qui non videtur aliter posse defendi ab errore, saltem in eo quod spectat ad diuitias Regis Sodomorum, nisi supponendo, ipsum non ex propria, sed ex Hebræorum sententia esse locutum. (subdit enim in Hebræorum traditionibus reperimus) alioqui manifestus error est, dicere, dona quæ dedit Abraham filiis Ceturæ, fuisse coaceruata ex diuitiis Regis Sodomorum: quia clarè patet Genes. cap. 14. ver. 22. ipsum Abraham, quando reuersus est à cæde Chodorlahomor & Regum qui cum illo venerant, nihil penitus penes se retinere voluisse de spoliis recuperatis, quæ fuerant Regis Sodomorum: nam cum ipse Rex Sodomorum obuim victori Abrahamo venisset, dixissetque ei: *Da mihi animas, cetera tolle tibi.* respondit Abraham: *Leuo manum meam ad Dominum Deum excelsum possessorem celi & terræ, quod à filo subtegrinis vsque ad corrigiam caligæ, non accipiam ex omnibus quæ tuæ sunt, ne dicas: Ego ditavi Abraham, &c.* Et idem videtur fecisse de spoliis aliorum Regum Pentapolis, quorum nomine fortassis Rex Sodomæ, tamquam dignior, loquebatur: nam eadem prorsus ratio militabat. Oportet igitur dicere, dona quæ dedit Abraham filiis concubinarum, fuisse vel ex propriis pecuniis & mobilibus, quæ ad hoc paulatim reponendo coaceruauerat: vel ex pecuniis & spoliis, quæ propria fuerant dicti Chodorlahomor & sociorum eius, quos in prælio superauerat, non autem Regum Pentapolitanorum.

6. Ceterum hic si quis quærat, cur Deus voluerit Abrahamum nunc demum aliam ducere uxorem, in tam prouecta eius præsertim ætate, & alios filios procreare: dicere possumus, id factum fuisse, ut vberius & copiosius diuina impleteretur promissio eidem facta Genes. cap. 17. vers. 2. illis verbis: *Multiplicabo te vehementer nimis.* & post pauca: *Erisque pater multarum gentium, nec vltra vocabitur nomen tuum Abram, sed appellaberis Abraham; cum iam patrem multarum gentium constitui te; faciamque te crescere vehementissimè, & ponam te in gentibus, Regesque ex te egredientur.* Verumtamen S. Augustinus alias postremi huius coniugij causas adducit lib. 16. de Ciuit. cap. 34. ita scribens: *Quid sibi vult, quod Abraham post mortem Saræ Cetura ducit uxorem? Vbi absit, ut incontinentiam suspicemur, præsertim in illa iam ætate, & in illa fidei sanctitate. An adhuc procreandi filij quærebantur, cum iam Deo promittente tanta multiplicatio filiorum ex Isaac super stellas celi, & arenam terræ, fide probatissima teneretur? Sed profectò, sicut Agar & Ismaël, doctore Apostolo, significauerunt carnales veteris Testamenti: cur non etiam Cetura & filij eius significant carnales, qui se ad Testamentum nouum existimant pertinere? Ambæ quippe & uxores Abrahæ, & concubina sunt appellatæ. Sara verò numquam dicta est concubina, sed vxor tantum. Habent ergo nonnulla munera filij concubinarum; sed non perueniunt ad regnum promissum, nec hæretici, nec Iudæi carnales, quia præter Isaac nullus est heres: & non qui filij carnis, hi filij Dei: sed filij promissionis deputantur in semine, de quo dictum est: In Isaac vocabitur tibi semen. Neque enim video, cur etiam Cetura post vxoris mortem ducta, nisi propter hoc mysterium dicta sit concubina. Quid verò, si & hoc in isto facto prouisum est contra hæreticos futuros secundarum aduersarios nuptiarum: ut in ipso patre multarum gentium, post obitum coniugis iterum coniugari demonstraretur non esse peccatum. sic B. Augustinus.*

7. Cuius profectò mystica opinio, Apostoli præsertim auctoritate firmata, mihi valde admodum arridet. Etenim prophetica hæc præfiguratio, in vxoribus & filiis Abrahæ facta, perbellè videtur congruere cum his, quæ in vniuersali postmodum Ecclesia

DE MVNERIBVS
ABRAHÆ,
FILIIS CETURÆ
DICTIS.

CVR ABRAHAM SENEX
ALIAM DVXERIT Vxorem.

QUID PRÆFIGURATVM
SIT IN Vxoribus
Abrahæ.

accidisse videmus: nam quemadmodum Sara primaria Abrahæ vxor, licet antiquior, tardiùs tamen concepit quàm Agar: ita spiritualis vita, tametſi in ſe ipſa prior ſit, ſeriùs tamen in hunc mundum inueſta & fructificaffe videtur, dicente Apoſtolo 1. ad Corinth. cap. 15. v. 46. *Non prius quod ſpiritale eſt, ſed quod animale, deinde quod ſpiritale.* Primus homo de terra, terrenus; ſecundus homo de calo, celeſtis. Item ſicuti ſemen Abrahæ ex Sara, tardiùs ac difficiliùs creuiſſe videtur, quàm ex Agar & Cetura; ſiquidem Sara vnum tantum filium genuit Iſaac, qui duos dumtaxat habuit liberos; Iſmaël autem Agar filius duodecim, & Cetura ſex, poſt modicum tempus genuerunt: ita populus carnalis multò citiùs ac faciliùs cernitur multiplicatus & auctus, quàm ſpiritualis. Præterea diſtinguuntur quidem filij Agar à filiis Ceturæ, de patre valdè ſene natis, prout etiam carnales homines veteris ac noui Teſtamenti, quòd illi, nimirum Iudæi, tempore præceſſerint; iſti autem, nempe hæretici, fide ac verì Dei notitia iam admodum ſeneſcente, potiſſimum exorti ſunt: nihilominùs in eo ſimul cõueniunt, quòd quemadmodum tam filij Agar quàm Ceturæ de paterna domo tandem eiecti ſunt, & quibuſdam tantummodò acceptis donariis hereditate priuati: ita hæretici, non ſecus ac Iudæi, de ſancta Dei Eccleſia pulſi, nonnullis temporalibus à Deo donati muheribus, ad gratiam quam vocant gratis datam pertinentibus, gratiæ gratum facièntis expertes, non computantur inter heredes æternorum bonorum, hoc eſt, in ſortem adoptionis filiorum Dei. Denique, vt notat etiam Pererius ſuper Genef. cap. 25. num. 8. quemadmodum Hebraicus ille populus ex Sara progenitus nullas olim gentes expertus eſt ſibi inſenſiores, quàm illas, quæ carnali quadam cognatione eidem erant propinquæ, quales fuere Moabitarum atque Ammonitarum populi, qui de Lot Abrahami nepote deſcenderant; & Idumæi ac Amaleciti, qui de Eſau fratre Iacob originem duxerant; & deniq; etiam ipſi Iſmaëlitiæ & Madianitiæ, qui de ipſomet Abrahamo ex Agar & Cetura orti fuerant: ita & nunc populus Chriſtianus & Catholicus nullum maius detrimentum tolerat, aut grauiorem patitur perſecutionem, quàm ab his nationibus, quæ ſpirituali quadam coniunctione nobiſcum teneri videntur; cuiuſmodi ſunt Iudæi, qui eaſdem pænè ac nos ſacras profitentur Scripturas; & hæretici, qui eiufdem Chriſti, quem nos colimus, & ipſi cultores dici volunt; tametſi reuerà verum eius cultum infinitis erroribus & peruerſitatibus iugiter commaculare ac contaminare non ceſſent. Ecce tres naturales Abrahami propagines, quæ de tribus mulieribus inter ſe conditione temporeque diuerſis prodierunt, quàm bellè præfigurabant tria præcipua hominum genera, quæ diſpari admodum ſtudio diuinum cultum ſub vtroque Teſtamento amplecti ac profiteri debebant, nempe Iudæos, Catholicos, & hæreticos.

AB ORBE CONDITO

TERTIÆ MVNDI, ÆTAT.

ANNVS 2198.

ANNVS 86.

ISAACORAT
DOMINVM
PRO REBECC
CA STERILI,
ET TANDEM
EXAUDITVR

A NNO, vt opinor, circiter decimonono, ex quo Iſaac duxerat Rebeccam vxorem, cum iam diu antè ipſe Iſaac, nimirum ex quo cognouerat vxorem ſuam, quam vnice diligebat, eſſe ſterilem, deprecatus eſſet Dominum vt eam fecundaret, atque iam multo tempore in hac precatione perſeueraffet: tandem hoc anno, menſe circiter (vt arbitror) tertio deſinente, vel quarto inchoante, exauditus fuit à Domino; qui conceſſit Rebeccæ non modò vt conciperet, ſed etiam vt gemellos in vtero haberet. quæ vt primum ſe concepſſe aduertit, debitas Deo gratiarum actiones cum viro ſuo creditur alacriter exoluiffe: verum procedente tempore, non ſine graui ſuo dolore & moleſtia, ſentiens in vtero paruulos præter ordinariam naturæ curſum inter ſe collidentes; perrexit, ſiue, vt quidam putant, ad montem Moria, ſiue ad aliquem alium locum tunc deuotione celebrem, & vel ipſamet orando, vel per aliquem, puta Sacerdotem aut Prophetam, conſuluit Dominum, obnixè rogando, vt quidnam hoc eſſet, ei indicaret; qui ſiue per Sacerdotem aut Prophetam, vt dictum eſt, aut per ſomnia, aut per Angelum, (non enim ſcire poſſumus, quomodo id actum fuerit) reſpondit: Duas gentes ex vtero eius egreſſuras, inter ſe aduerſantes, & quòd tandem maior ſeruitura erat minori, Genef. cap. 25. ver. 21. vſque ad 24. apertè indicans ac præſignans quod futurum erat, & factum poſtea eſt: nimirum de duobus paruulis, quos tunc Rebecca geſtabat in vtero, poſt multa tempora ortum iri duos populos; nempe de primo, qui vocatus eſt Eſau & Edom, Idumæos; de altero verò, cui nomen fuit Iacob & Iſraël, Iſraëlitas; & quod tandem Idumæi ab Iſraëlitis erant ſubiugandi, quod temporibus Dauidis accidiffe deſcribitur 2. Reg. cap. 8. verſ. 14. & 1. Paralipom. cap. 18. v. 12. Et

QVID POR
TENDERET
COLLIſIO
PARVULO
RVM IN VTE
RO REBECC
CAE.

Et licet postea, regnante in Iuda Ioram filio Iosaphat, ipsi Idumæi rebellauerint, sequæ à Iudæorum subiectione subtraxerint, vt legimus 2. Paralipom. cap. 21. ver. 8. & sequentibus; tamen non multò post, ab eodem Rege, Ioram grauius percussus fuit, vt ibidem subiicitur; & post aliquot annos, ab Amasia Rege Iuda adhuc magis humiliati fuerunt, vt dicitur 2. Paralipom. cap. 25. vers. 11. & 12. ac demum, multis elapsis temporibus, dominante in Iudæa Hircano Simonis filio, & Iudæorum summo Pontifice, ab eo penitus subiugati sunt, vt videre est apud Iosephum 13. Antiq. cap. 17. Nec deinceps, donec mansit regnum Iudæorum, vsquam legimus, Idumæos se ab illorum imperio subtrahere vquam potuisse.

2. Sub finem eiusdem anni, qui erat vitæ Abrahami centesimus sexagesimus, vt patet in tabulis, decessit ex humanis Analus Assyriorum Rex, qui regnavit annos quadraginta, vt scriptum reliquit Eusebius in Chronicis.

OBITVS ANALII ASSYRIORVM REGIS.

AB ORBE CONDITO TERTIÆ MVNDI ÆTAT.

ANNVS 2199.

ANNVS 87.

1. ANNO proximo circiter inchoante, regnavit super Assyrios Baleus, huius nominis primus, siue Balaneus, qui & Xerxes, fuitq; Rex ipsorum sextus, nimirum à Nino, vt videre est apud eundem Eusebium ibidem. Nam à Belo fuit septimus, vt tradit S. Augustinus lib. 18. de Ciuit. cap. 3. Dictus verò est Xerxes, id est, victor, siue bellator, & triumphator, quia duplo plures gentes sub suo iure habuit, quàm Analus, regnavitque vsque ad Indos, vt ex Beroso refert Genebrardus libro primo suæ Chronologiæ. Alter autem Baleus fuit octauus Assyriorum Rex, de quo infra suo loco dicemus.

REGNAT IN ASSYRIA BALEVS HYIVS NOMINIS PRIMVS, QVI IMPERIVM AVXIT.

2. Eodem pænè tempore Isaac erat sexagenarius, Genes. cap. 25. vers. 26. id est sexagesimum vitæ annum expleuerat, & sexagesimum primum iam ingredi cœperat (vt digestum in tabulis) quando nati sunt ei paruuli, Esau scilicet & Iacob. Qui primus egressus est, (quoniam rufus erat & hispidus, id est, præter nascentium consuetudinem, valde pilosus, adulator more,) nominatus est Esau; quam vocem, Hebraicæ linguæ Professores, facturam, seu factum, interpretantur: pilorum namque eius copia & asperitas, quodammodò perfecti iam viri magis quàm infantuli speciem referre videbatur. Idem quoque infans, ob easdem eius qualitates, duo alia nomina sortitus est; nempe, Edom, quod Latine sonat rufum; & Seir, hoc est, hispidum. Vnde mons, quem ille postea vir effectus incoluit, ab ipso, mons Seir denominari cœpit, & tota illa regio, quam ipse & posterius eius deinceps populis repleuerunt, Terra Edom, seu Idumæa dicta est. Vnus ergo atque idem vir, tribus appellatus est nominibus; nimirum, Esau, Edom, & Seir, vt ait beatus Hieronymus super cap. 1. Abdiæ. Alter autem eius frater, eò quòd germani de matris utero primum egredientis plantam manu teneret, dictus est Iacob, hoc est, supplantator, Genes. cap. 25. vers. 25. tametsi à Deo postea Israël nuncupari meruerit, vt proprio dicemus loco.

DE ORTVE SAV ET IACOB FILII ISAAC.

ESAV CVR TRINOMINIS.

IACOB CVR SICTIVS.

3. Per hæc circiter tempora, regnum Argiuorum in Græcia initium habuisse, scriptum reliquit Eusebius in Chronicis. idem confirmat S. Augustinus lib. 18. de Ciuitate cap. 3. dicens, quòd Regnum Argiuorum simul cum Abrahæ nepotibus ortum est. Et primus ipsorum Rex, nomine Inachus, regnasse dicitur annis quinquaginta. Ceteros eius successores, ex Castore Chronographo antiquo, ordinatim recenset idem Eusebius vbi supra, singulos singulis regni annos assignans; atque regnum hoc vsque ad Steleum Crothopi filium perdurasse annis trecentis octoginta quattuor. Sed dic melius (vt ex ipsorum computatione constare poterit) trecentis octoginta duobus, vsque ad Pelopem, qui regnum Argiuorum ad Mycenenses transtulit, annis quingentis quadraginta quattuor. Erant autem Mycenæ & Argos duæ inclytæ Peloponnesi, quæ nunc Morea dicitur, vrbes, non valde procul ab invicem distitæ. Ceterum hoc Inachos, & successores eius Phorontæ, primis Argiuorum Regibus, nihil in Græcorum Historiis & Annalibus & fabulis antiquis reperiri, probat latissime Pererius in Exod. cap. 2. Diffut. 3. plurimis antiquissimorum Scriptorum testimoniis.

DE INITIO ET DVRATIONE REGNI ARGIVORVM.

INACHO ET PHORONAEONI HILIN GRAECORVM HISTORIIS ANTIQVIVS.

AB ORBE CONDITO TERTIÆ MVNDI ÆTAT.

ANNVS 2213.

ANNVS 101.

1. ANNO vitæ suæ centesimo septuagesimo quinto propè expleto, vt colligitur Genesis cap. 25. versic. 7. & sequentibus, Abraham plenus dierum, quos sanctus

DE ABRAHAMI OBITU.

Annal. Sacr. Tom. 1.

Ee

non

ET SEPVL-
TVRA.VERBA GE-
NES. EXPLI-
CANTVR.

non otiosè neque incassum, sed plurimis sanctissimisq̃ue operibus atque exemplis refertos traduxerat: in ætate non præpropere, sed matura & prouecta: in senectute, non sibi suisq̃ue molesta ac morosa, sed pacata, quieta, ac venerabili: non vlla doloris morbivæ violentia, sed per naturalem resolutionem, sensum ac leniter, ne dicam quodammodò iucundè deficiens, mortuus est, & sepultus à filiis suis Isaac & Ismaël in spelunca duplici, in qua ipse priùs vxorem suam Saram tumulauerat. Dicitur autem Abraham Genes. cap. citato vers. 8. congregatus ad populum suum, siue (quod in idem recidit) iuisse ad patres suos; quemadmodum multò antea eidem prædixerat Dominus Genes. cap. 15. vers. 15. dicens: *Tu autem ibis ad patres tuos in pace, sepultus in senectute bona.* Quæ verba non de ipsius Abrahami corpore, quod in sepulchro à se condito collocatum, in quo nondum quisquam de patribus suis, neque de populo suo, præter Saram, positus fuerat, possunt intelligi: sed de eius anima, quæ ad cœtum iustorum sui similibus congregata fuit, videlicet cum animabus Adæ, Abelis, Seth, Enos, Noë, & aliorum, qui ante ipsum in Dei gratia decesserant, atque in sanctorum Patrum Limbo, Redemptorem mundi expectabant, qui tandem apertis cœlorum ianuis, quas hominum peccata obstruxerant, eos inde eduotos ad cœlestia regna perduceret. Propterea (vt ait Paulus Burgensis, in postrema Additione sua super Genes. cap. 49.) Scriptura sacra, quando agit de morte iustorum ante passionem Christi, vtitur hisce verbis: Appositus est ad patres suos. vel, Congregatus est ad populum suum. vel, Dormiuit cum patribus suis. aut quid huiusmodi. Quando verò loquitur de iustis post Christum passum mortuis, dicit eos obdormisse in Domino, vt patet de S. Stephano Act. cap. 7. in fine. vel dormisse in Christo, vt 1. Cor. cap. 15. vers. 18. & hoc, quia ante Christum mortui, quantumcumque sancti, non poterant obdormire in Domino, hoc est, requiescere in beata eius fruitione, sed congregabantur & requiescebant cum populo, seu cum patribus suis, mundi redemptionem expectantibus, vt dictum est.

DE QUIBUS-
DAM SACR.
SCRIPTV-
RÆ LOCV-
TIONIBVS.HEBRAICÆ
LINGVÆ
PROPRIE-
TAS.DE ANIMO-
RVM IM-
MORTALI-
TATE, ET
CORPORVM
RESURRE-
CTIONE, EX
VETERI TE-
STAMENTO.

2. Porro quod attinet ad hæc locutiones, videlicet, Ire ad patres suos; vel, Congregari, seu Apponi, aut Colligi, Iungive, ad populum suum, vel populis suis; vel, Dormire cum patribus suis, & si quæ sunt aliæ huiusmodi, duo sunt aduertenda. Primum est, eas in Testamento veteri sæpissimè dici non solum de iustis, vt patet de Abraham, Genes. cap. 25. vers. 8. de Isaac, cap. 35. vers. 29. de Iacob, cap. 49. in fine, & de aliis; sed etiam de Ismaële, cap. 25. vers. 17. quamvis dubium sit, vtrum inter damnatos potius computari debeat, an inter salutem consecutos, vt sub anno mundi 2261. num. 2. ostendemus; & præterea de Achab, 3. Reg. vlt. vers. 40. & de Achaz, 2. Paralipom. cap. 28. in fine; de quorum damnatione nulla extat dubitatio. & denique de aliis ferè omnibus Regibus quantumuis impiis, qui in Regum Paralipomenonve libris memorantur, vt eos legenti constare poterit. Alterum est, memoratas clausulas siue elocutiones reuera quidem, vt testantur Hebrææ linguæ Professores, esse quasdam Hebraicas phrasas; quales sunt apud Latinos, Decessit, Vita functus est, Animam Deo reddit, & huiusmodi, significantes, eos de quibus dicuntur esse mortuos: attamen illud quoque fateri debemus, Hebraicæ linguæ proprietatem ita diuino consilio fuisse institutam, vt interdum eademmet verba non solum res & verbalem sensum vulgaribus hominibus eleganter admodum significarent, verumetiam Sapientibus abdita quædam rerum mylteria quoquomodo indicarent; vt optimè Pererius super Genes. cap. 19. num. 42. & cap. 25. num. 76. adnotauit. Quare ex memoratis Scripturæ clausulis non ineptè elicit Theodoretus quæst. 109. in Genes. spem dari resurrectionis ad aliam vitam. & Caietanus super Genes. cap. 25. ex eisdem colligit, non semel in veteri Testamento mentionem fieri immortalitatis animorum. & Pererius vbi suprâ addit, indicari quoque modum existendi animarum post hanc vitam; nimirum eas non ab inuicem seiunctas & quasi solitarias manere, sed in modum cuiusdam populi, socialem iuxta sui similes vitam agere: bonas quidem in loco salutis, malas verò in loco damnationis, prout cuiusque in hoc mundo acta meruerunt. Possumus etiam prædictis adiciere, immortalitatem quidem animæ clariùs ostendi illis verbis, Congregatus est, siue Appositus ad populum suum, & similibus in Pentateucho sæpiùs vtitis: resurrectionem verò corporum euidentius exprimi illo dicendi modo, quo in libris Regum & Paralipomenon Scriptura passim vti consuevit; nimirum: Dormiuit cum patribus suis: ac si per hoc inferre velit, mortuos illos aliquando resurrecturos, non secus ac solent dormientes de somno exergisci. Sed si de resurrectione mortuorum veteris Testamenti testimonia exquiramus, nullum videtur illustrius, quàm illud sancti Iob cap. 19. vers. 23. vbi tam assertiuè loquitur, dicens: *Quis mihi tribuat vt scribantur ser-*

mones mei: quis mihi det vt exarentur in libro stylo ferreo, & plumbi lamina, vel celte sculptantur in silice? Scio enim quod Redemptor meus viuuit, & in nouissimo die de terra surrecturus sum, & rursum circumdabor pelle mea, & in carne mea videbo Deum meum. quem visurus sum ego ipse, & oculi mei conspiciunt, & non alius: reposita est hæc spes mea in sinu meo. sic ille. Liber hinc ad maiorem sempiternæ huius testificationis intelligentiam, singula eius verba aliquantò accuratius ponderare. Quis mihi tribuat, & quis mihi det, inquit, ac si dicere voluisset: Vtinam qui solus potest omnia Deus eam mihi facultatem daret, vt ad æternam huius veritatis memoriam vbique perpetuò conseruandam, & in cordibus omnium hominum arctius imprimendam, possem eam scribere, & transmittere ad omnes gentes: scribere, inquam, non calamo & atramento in charta, quæ breui facileque consumi solet; sed stylo ferreo in tabulis plumbeis æreisque, aut etiam non vtrumque lapideis, sed ex durissima silice, qualis Celtica est, confectis; vel (vt alij hunc locum exponunt) celte, lapicidarum instrumento, in eadem silice sculpe- re, vt vel sic nulla vnumquam temporum iniuria eam labefactare posset. Hæc est autem veritas, quam omnibus notissimam facere exopto: Scio quod Redemptor meus viuuit. Scio, ait, hoc est, non humana tantum credulitate, sed plena omnino fide, Deo reuelante, teneo, palam fidenterque confiteor, quod Redemptor meus viuuit, & viuut in æternum: & quod sicuti ipse, qui est caput nostrum, semel resurrexit à mortuis nunquam denuò moriturus; ita & ego tamquam membrum eius, licet indignum, in nouissimo die de terra, hoc est, de terrena ac corruptibili substantia ad vitam immortalem surrecturus sum, & rursum hæc quæ nunc sum pelle coniectus, & in carne mea videbo Deum meum, nempe Christum, verum Deum & hominem; quem ego ipse, & non pro me alius, cui videnti & narranti me oporteat credere; sed ego ipse aperte & clarè propriis oculis, nimirum corporeis eius humanitatem, & mentalibus ipsius diuinitatem me visurum firmiter confido. Et ne putetis quod vnumquam à tali spe sim casurus, scitote quia reposita est hæc spes mea in sinu meo. id est, hæc mea certa atque indubitata spes, iam in intimis penetralibus cordis mei tam alte arctèque defixa est, vt neque vlla impiorum potentia, neque hæreticorum fallacia, neque dæmonum fraudulenta suggestio aut tentatio eam à me separare valeat. Quid, quæso, de resurrectione mortuorum vel certius asserere, vel efficacius proferre potuisset ipsemet S. Paulus, qui vsque ad tertium cælum mirabiliter euectus vidit arcana Dei, quæ non licet homini loqui, aut alius noui Testamenti, ac primitiæ Ecclesiæ Sanctus, plenè de tali mysterio & veritate ab ipsomet Redemptore nostro edoctus? Verum nunc ad Abraham redeamus.

3. Eximij huius viri egregium habemus elogium Ecclesiastici cap. 44. vers. 20. in hæc verba: *Abraham magnus pater multitudinis gentium, & non est inuentus similis illi in gloria: qui conseruauit legem Excelsi, & fuit in testamento cum illo. in carne eius stare fecit testamentum, & in tentatione inuentus est fidelis. Ideo iureiurando dedit illi gloriam in gente sua, crescere illum quasi terræ cumulum, & vt stellæ exaltare semen eius, & hereditare illos à mari vsque ad mare, & à flumine vsque ad terminos terræ. sic Ecclesiasticus, ac si dixisset: Abraham à Deo admodum magnificatus fuit, in eo præsertim, quod appellatus & factus est pater multarum gentium, Israëlitarum, Ismaëlitarum, Madianitarum, & aliarum plurium, & insuper tot talesque alias repromissiones diuinitus accepit, vt magnam sanè ac singularem inter alios iustos videatur à Deo gloriam consecutus: neque id quidem immeritò, quandoquidem ipse semper diligentissimum ac promptissimum se præbuit, tum vniuersæ, in diuina ac naturali Lege obseruanda; tum præcipue, in retinendo fœdere, quod cum eo Deus pepigerat, Genes. cap. 15. vers. 18. tum denique in alijs, sibi ab eodem Deo signanter iniunctis, protinus executioni mandandis; quale fuit illud, egrediendi de patria & cognatione sua: sed potissimum illa duo, quæ grauiora videbantur, circumcisionis nimirum suscipiendæ, & proprium vnicæque dilectum filium immolandi: quæ propterea specialius memorantur illis verbis: *In carne eius stare fecit testamentum, & in tentatione inuentus est fidelis.* Quamobrem non simplici dumtaxat promissione, vt prius, sed insuper iureiurando firmata, denuò pollicitus est ei Deus, nasciturum de semine suo Christum, (quæ fuit maxima eius & gentis suæ gloria) in quo benedicendæ erant omnes gentes: & præterea, mirum in modum augendam atque exaltandam posteritatem suam carnalem, sed multò magis spirituales; siquidem illa possessura erat totam terram Chanaan, à Mari mortuo ad Mediterraneum, & à fluuiio Ægypti vsque ad introitum Emath, vel etiam quandoque vsque ad Euphraten, eiusdem terræ terminos: hæc verò dominatura erat vniuersis terrarum regionibus, iuxta illud Psalmi 71. *Et dominabitur à mari vsque ad mare, & à flumine* (ni-*

EXPONITVR
LOCVS IOB
DE CARNIS
RESURRE-
CTIONE.

DE ABRA-
HAM IAV-
DIBVS EX
LIBRO EC-
CLESIASTICI

ECCLÉSIA-
STICI VER-
BA EXPLI-
CANTVR.

ABRAHAM
AR ETHNI-
CIS QUOQUE
LAVDATVS.

BEROSVS
ANNIANVS
REPVTAIVR

DE TEMPO-
RE OBITVS
ABRAHAE.

QUIVSCVM
ET QVAM-
DIV VIXE-
RIT.

ISAAC
QVAMDIV
MANERIT
APVD PV-
TEVM VI-
DENTIS.

mirum Iordane in circuitu) *vsque ad terminos orbis terrarum.* Neque verò sacri dumtaxat, sed Ethnici quoque Auctores, summis Abrahamum laudibus celebrarunt, vt col- ligi potest ex antiquorum testimoniis, quæ profert Iosephus 1. Antiq. cap. 8. nimirum Hecathæi, Nicolai Damasceni, & Berosi, cuius propria hæc sunt verba, ab eodem Iosepho relata: *Post Diluvium autem, decima ætate, apud Chaldaeos erat quidam iustitiæ cultor, vir magnus, & fideralis scientiæ peritus, &c.* Ex quo loco etiam hîc obiter argumentari licet, non esse verum Berosum, qui ab Annio editus est; quippe qui nullâ prorsus Abrahami mentionem faciat: cum econtrariò ex prædictis constet, verum Berosum à Iosepho citatum, etsi breuiter, honorificè tamen de ipso fuisse locutum: & licet proprium eius nomen non expresse, egregiè nihilominus eundem descripsisse.

4. Ceterum Abraham non trigintatribus annis ante Sem obiit, nec eidem Abraham superstes fuit Heber annis sexagintatribus, quemadmodum tradit Pererius super Genes. cap. 25. num. 44. sed annis quinquaginta septem post obitum dicti Sem, mortuus est Abraham; & quattuor dumtaxat annis post Abrahami obitum, è vita excessit Heber, vt ex supradictis, & præsertim sub anno mundi 2039. num. 1. vsque ad 12. à nobis contra ipsius Pererij opinionem de anno ortus Abraham fusiùs disputatis, colligi potest, & etiam apparet in tabulis.

Vixit ergo Abraham cum	Sem	} annis	centum decem & octo.
	Cainan		quindecim.
	Sale		centum decem & octo.
	Heber		centum septuaginta quinque.
	Reu		decem & octo.
	Sarug		quadraginta & vno.
	Thare		septuaginta quinque.
	Sara		centum viginti septem.
	Ismaël		octoginta nouem.
	Isaac		septuaginta quinque.
	Iacob		quindecim.
	Esaü		quindecim.

5. Post Abrahami obitum, Isaac habitauit iuxta puteum nomine Viuentis & videntis, qui erat in deserto Sur inter Cades & Barad, quemadmodum sub anno mundi 2124. num. 2. dictum est. & ibidem benedixit ei Dominus, Genes. cap. 25. vers. 11. nimirum benedictionibus, vt opinor, temporalibus, puta magnis opum incrementis. Quamdiu verò manserit Isaac in dicto loco, non facile est definire. Nam si verum esset, quod non temerè suspicatur sanctus Augustinus quæst. 75. in Genesim, scilicet, profectionem Isaac ad Abimelech non proprio loco, sed aliquanto inferiùs, nimirum post primogenita ab Esaü vendita, per figuram, quam vocant recapitulationis, esse narratam: videretur satis probabiliter credi posse, ipsum Isaac non longo admodum tempore prope dictum puteum mansisse; sed post vnum aut alterum annum, exorta fame, inde recessisse. Verumenimverò, quia ratio dubitandi, quam loco præallegato adfert S. Augustinus, supponit, eundem fuisse istum Abimelech ad quem iuit Isaac, cum eo qui ante annos propè octoginta Saram Abraham vxorem abstulerat: & item, eundem esse militiæ principem, qui vtrouique Phicol appellatur. Hoc autem supponere necessarium non est; cum potius ob tantam temporum distantiam probabilius videatur esse diuersos, beato Hieronymo præsertim libro 9. Commentariorum in Ezechielem attestante, vocabulum Abimelech, olim fuisse nomen commune Regum Palestinæ, sicuti Pharao Regum Ægypti: & fieri possit, vt Phicol quoque nomen esset officij, non personæ: siquidem Phicol, Os omnium interpretatur; quasi ipse, tamquam militiæ princeps, ex ore omnium militum ac subditorum eius, loqui soleret Regi, eorumdem petitiones eidem, & eius responsa illis ore suo referens. Quare cum in Sacra historia numquam recedendum sit à continuata Sacrorum textuum serie, sine euidenti necessitate, & ratione admodum virgente, vel potius cogente, qualis hîc non apparet, multò probabilius videtur credere, profectionem ipsius Isaac ad Abimelech, in cap. Genes. 26. non per recapitulationem, sed quia ille erat proprius illius historiæ locus, fuisse descriptam. Quod si, vt credimus, ita est; oportet ipsum Isaac decennio circiter apud memoratum puteum moram traxisse: nam, vt diximus, coeperat ibi habitare paulò post obitum patris sui Abraham; quando, vt videre est in tabulis, filij sui Esaü & Iacob erant iam annos quindecim nati: inde verò, orta fame, discessit, posteaquam Esaü iam primogenita sua pro lentis ferculo vendiderat, quando scili-

scilicet ipse Esau & frater eius Iacob ad vigesimum quintum ætatis annum peruenerant, vt sub anno mundi 2223. num. 1. dicemus.

AB ORBE CONDITO

TERTIÆ MVNDI ÆTAT.

ANNVS 2217.

ANNVS 105.

1 **A** NNO ætatis suæ quadringentesimo sexagesimo quarto propè exacto, Heber mortuus est, Genes. cap. 11. vers. 17. iuxta Vulgarum Bibliorum editionem, quam sequendam censemus. nam textus LXX. Interpretum corruptè habet, ipsum vixisse tantummodò quadringentis quattuor annis. Igitur ex memorato obitus sui anno pater, ipsum Heber defunctum esse post omnes secundæ ætatis mundi Patriarchas, in Sacris litteris recensitos.

DE OBITU
HEBER, ET
ANNIS VI-
TAE EIVS.

2 Quòd autem ab eodem Heber tum ipse Abraham, tum etiam posterius eius, modo inferius explicando, cognominati fuerint Hebræi, sententia est Iosephi 1. Antiq. cap. 7. Eusebij circa sui Chronici initia, vbi scilicet agit de nationibus Sem; B. Hieronymi in Traditionibus Hebraicis in Genes. cap. 10. Bedæ in Quæstionibus in Genes. vbi loquitur de Gentium diuisionibus, S. Isidori Originum lib. 9. non semel, præsertim verò vbi discriet de Gentium vocabulis, vocabulo Heber, & aliorum. Beatus etiam Augustinus, quamvis lib. 1. de Consensu Euangelistarum cap. 14. existimauerit, Hebræos ab Abraham fuisse denominatos, quasi Abrahæos: idem tamen libro 2. Retractionum cap. 15. & lib. 16. de Ciuit. cap. 3. & lib. 18. cap. 39. priorem tenuit opinionem, quam postea secuti sunt plures ac præcipui ex recentioribus sacræ Scripturæ Expositoribus, nempe Lyranus, Abulensis, Caietanus, Eugubinus, & Pererius, super Genes. cap. 14. his potissimum moti rationibus, quòd ex Hebraicæ vocis significatione ac descriptione, Hebræus ab Heber potius, quàm ab Abram, aut ab Habar, deriuari videatur: item quòd certum sit, Genes. cap. 14. vers. 13. ipsummet Abram denominari Hebræum, neminem verò à seipso, sed ab alio, propriam accipere denominationem: & præterea, quòd sicuti omnium consensu constat, linguam Hebræam ab Heber, ita credibile est, Hebræos ab eodem à quo linguam etiam nomen sortitos. Denique hoc idem videtur confirmari posse ex 2. ad Corinth. cap. 11. vers. 22. vbi Apostolus ait: *Hebræi sunt, & ego: Israëlita sunt, & ego: semen Abrahæ sunt, & ego.* Illa enim distinctio Hebræorum à filio Abrahæ & Israëlitis, vtique denotat fuisse alios Hebræos præter illos qui de Abraham & de Israël prodierunt. Et quidem si Hebræi ab Abram, non autem ab Heber originem denominationemque duxissent: certè superflua videretur illa præmissio: *Hebræi sunt, & ego.* siquidem dicendo: *Semen Abrahæ sunt, & ego.* necessariò inferebatur eos etiam esse Hebræos. Nec obstat, plures alios eiudem Heber posteros nullatenus Hebræos fuisse appellatos, quemadmodum constat, neque omnes ex Abraham & Isaac progenitos, puta Ismaëlitas, Madianitas, Nabuthæos, Idumæos, Amalecitas, & si qui sunt huiusmodi alij, inter Hebræos computari: quoniam certissimum est, solos Heber posteros, qui per rectam ab eo descendentium lineam vsque ad Abraham, Isaac, & Iacob, deductam, ac deinceps in varios filiorum Iacob ramos & tribus distributam, exorti sunt, non loquelam solum litterasque Hebraicas ac veri Dei cultum retinuisse, sed etià diuino consilio Hebræos esse cognominatos.

AB HEBER
DENOMI-
NATOS ESSE
HEBRÆOS.

3. Vixitigitur Heber cum	Noë	annis	ducentis quinquaginta tribus.	QUIBUSCVM ET QVAM DIV VIXE- RIT HEBER.
	Sem		quadringentis tribus.	
	Arphaxad		ducentis quadraginta tribus.	
	Cainan		trecentis.	
	Sale		quadringentis tribus.	
	Phaleg		ducentis triginta nouem.	
	Reu		ducentis triginta nouem.	
	Sarug		ducentis triginta.	
	Nachor		centum quadraginta octo.	
	Thare		ducentis quinque.	
	Abraham		centum septuaginta quinque.	
	Sara		centum viginti septem.	
	Ismaël		nonaginta tribus.	
	Isaac		septuaginta nouem.	
	Iacob		decem & nouem.	

AB ORBE CONDITO
ANNVS 2223.TERTIÆ MVNDI ÆTAT.
ANNVS III.

I NNO vitæ Iacob circiter vigesimo quinto, quando scilicet ipse & frater eius Esau eodem partu editi, iam adulti erant, hoc est ad iustam staturæ suæ altitudinem creuerant; (quod enim nunc in fine tertij septennij vt plurimum contingere solet, id tunc ob longiorem tardioremque ipsorum ætatem, circa vigesimum quintum vitæ annum euenire consueuisse admodum probabile est) credimus acta esse ea, quæ breuiter describuntur Genes. cap. 25. vers. 27. vsque ad finem capituli: nimirum de valde inter se diuerso vitæ genere, quod prædicti duo fratres iam inierant, quorum alter, videlicet Esau, panem totam in campo vitam agebat, agriculturæ atque venationi assidue addictus: contra Iacob longiores in tabernaculis moras trahebat, domi quidem corpus domesticis peragendis officiis exercens, de cetero animum bonis disciplinis excolere satagens, scholas quasdam, seu nonnulla tabernacula frequentabat, vbi tunc temporis de vero Dei cultu, de pietate ac ceteris virtutibus iuniores à senioribus edoceri consueuerant. Porro Esau à patre admodum diligebatur, tum quòd primogenitus esset, tum quòd de eius venationibus Isaac vesci libenter soleret. Alterum verò, nempe Iacob, mater amplius diligebat; quòd fortè tamquam naturæ mitioris, & virtute præstantior, ipsi facilius obtemperaret; sed præcipue, quòd diuino iam ipsa oraculo didicisset, maiorem minori seruiturum.

ESAV ET IACOB
DIVER-
SYM VITÆ
GENVS IN-
EVNT.

CVR ESAV
A PATRE IACOB
AVTEM
A MATRE
MAGIS DILIGERETUR

ESAV PRI-
MOGENITA
VENDIT
FRATRI.

IUS PRIMO-
GENITURÆ
QVAENAM
IN SE COM-
PREHENDERET.

ESAV SIMONIACVS.

PRIMA DOMINI
APPARITIO AD
ISAAC.

2. Accidit autem, vt quadam die Esau rediens de agro lassus & esuriens, cum vidisset fratrem tunc fortè sibi quoddam ex lente, vt creditur, Ægyptiaca edulium parasse; incensus maxima atque inordinata eiusdem cibi cupiditate, relictis aliis, de hoc solo ferculo ita se anxium auidumque ostenderet, vt sibi mori quodammodo videretur, nisi eo se protinus reficeret: quod aduertens Iacob, opportunam scilicet nactus occasionem repetendi à fratre ius primogenituræ, quam sibi diuinitus destinam, à matre intellexerat: prudenter negat fratri escam, nisi prius sibi prædictum ius cedat: ille pulmentum tantopere concupitum primogenituræ præferens, iureiurando sine mora adhibito, eam pro ferculo vendidit fratri, & vt gulæ appetitum explevit, statim abiit, paruipendens quòd primogenita vendidisset, Genes. cap. 25. vers. 29. vsque ad finem capituli.

3. Sanè hoc ius primogeniti, (vt partim ex B. Hieronymo Epist. 126. quæ est ad Euegrum; & in Traditionibus Hebraicis in Genes. cap. 27. & ex S. Thoma in caput Epistolæ ad Hebr. 12. & Lipomano super Genes. cap. 25. & aliis probatis Auctoribus colligi potest) tria in se præcipua includebat: nimirum, successionem in patris primatu atque honore; ita vt ceteri fratres, mortuo patre, ipsi primogenito assurgere ac ministrare tamquam patri ac domino tenerentur: item, facultatem accipiendi sibi duplicem bonorum paternæ hereditatis portionem: & denique prærogatiuam Sacerdotij, propter quam in solemnitatibus & conuiujs publicis solebat primogenitus, sacerdotale veste indutus, ceteris benedicere, ac Deo hostias offerre. Atque hoc tertium de Sacerdotio primogenituræ adiuncto, concedunt omnes in vsu fuisse, saltè à Diluuii ad Moyseicam Legem, idque ex loco B. Hieronymi prius allegato manifestè colligit: nam alioqui ante Diluuium constar, Abelis exemplo, etiam non primogenitos sacrificia (quod Sacerdotis munus est) offerre consueuisse. Itaque si sic est, patet, prædictum Esau, in eo quòd primogenita vendidit, Simoniacum extitisse: ac proinde non immeritò ab Apostolo, textu ad Hebræos proximè citato, profanum (quod sacro contraponitur) appellari: Iacob autem emendo, nequaquam deliquisse; quia non propriè alienum emit, sed potiùs quod sibi iure debebatur, nec aliter poterat recuperare, tali occasione, tamquam sibi à Domino oblata, redemit.

4. Non multò post, vt arbitror, orta fame coactus est Isaac exire de deserto Sur, vbi prope puteum, nomine Viuentis & videntis, vt sub anno mundi 2213. num. 5. diximus, habitabat. Cum igitur ad Ægyptum cum vniuersa domo sua pergeret, sicuti aliàs simili de causa fecerat pater suus Abraham, venit in Geraram, vbi tunc regnabat Abimelech, quo in loco apparuit ei primò Dominus, iussitque ne in Ægyptum descenderet, sed moraretur in terra Palæstinorum, pollicitus se cum eo mansurum, atque in ipso ac semine suo adimpleturum promissiones antè factas ac iuratas patri suo Abraham; nimirum de multiplicanda exaltandaque eius posteritate, de tradendis eidem vniuersis regionibus terræ Chanaan, ac demum de benedicendis in semine suo cunctis

cunctis gentibus; & hoc in gratiam ac remunerationem perfectæ obedientiæ Abrahami patris sui. Porro hanc Dei pollicitationem ipsi Isaac factam, etiam iuramento eidem fuisse confirmatam, colligi potest ex Psal. 104. vers. 9. vbi sic legimus: *Quod disposuit ad Abraham, & iuramenti sui ad Isaac.* & quoniam ibidem sequitur, *Statuit illud Iacob in preceptum, & Israël in testamentum æternum, dicens: Tibi dabo terram Chanaan, funiculum hereditatis vestræ;* colligi etiam potest, eandem promissionem iureiurando firmatam, successiuè factam fuisse singulis illis tribus Patriarchis, Abraham, Isaac, & Iacob, iuxta illud quod expressum habemus Exod. cap. 33. vers. 1. illis verbis: *In terram quam iuravi Abraham, Isaac, & Iacob, dicens:* (subaudi, singulis) *Semini tuo dabo eam.*

5. Itaque Dei monitis obtemperas Isaac, mansit aliquamdiu in Geraris, quo tempore hæc ei accidisse memorantur. Primò, veritus ne ob vxoris suæ pulchritudinem à Palæstinis interficeretur, sciscitantibus respondebat, eam esse sororem suam: verumtamen, cum post dies plurimos quadam die Rex per fenestram prospiciens, vidisset ipsum cum Rebecca iocantem, cognouit quòd illa esset vxor eius. Vt autem audiuit Isaac sese de hac re excusantem; publico statim edicto Rex præcepit vniuerso populo suo, pœna mortis transgressoribus proposita, nequis aduenæ vxorem tangere auderet: atque hoc pacto honori videretque securitati ipsius Isaac, fauente Deo, consultum fuit. Sed neque hunc tantum obedientiæ suæ fructum reulit Isaac, verumetiam aliud non minus mirabile: nam cum in terra illa, eodem sterilitatis tempore fames sæuisset, Palæstinorum frugibus præ ariditate deficientibus, ipse diuina benignitate centuplam messem inuenit: quo fit, vt in summa illa annonæ caritate non solum se suosque abundè alere potuerit, sed & insuper frumenta indigenis diuendens, ditatus sit valde. Quæ res Palæstinorum inuidiam aduersum se excitauit, in tantum, vt quos serui patris sui Abraham ibi olim foderant puteos, ipsi liuore tabescentes obstruxerint. & ipsemet Rex diceret ei: *Recede à nobis, quoniam potentior nobis factus es valde.* Quamobrem vtrò inde discedens Isaac, venit ad torrentem Geraræ, foditque alios in torrente puteos, pro quibus iterum & tertio iurgium fuit inter pastores Geraræ & ipsius Isaac, qui tandem procul ab ipsis fodit alium puteum, de quo nulla deinceps rixa fuit. Nihilominus ad declinandam incolarum Geraræ inuidiam odiaque clandestina, ascendit Isaac in Bersabee, quæ non inde admodum distabat. Placuit autem hoc Domino, qui in ipsamet prima nocte apparuit ei secundò, fortassis vt ob iurgia quæ à Palæstinis perpeffus fuerat, mœrentem consolaretur; ac denuò promissiones eidem ac patri suo antea factas confirmauit. Quibus lætificatus Isaac, ædificauit ibi altare, & inuocauit nomen Domini.

6. Accessit quoque ipsi Isaac alia animi lenitio seu recreatio: siquidem non multo post quàm de Geraritarum ditione recesserat, Abimelech pœnitundum ductus molestarum, quibus ipse & serui sui virum iustum ac domum eius immeritò affecerant, veritus, accusante conscientia, Dei vindictam, venit ipse cum aliquot primariis regni sui ad Isaac in Bersabee, vt cum eo fœdus percuteret: ille verò primum demiratus, quòd ad se Palæstini, quem expulerant, nunc venire non erubescerent; mox cognita aduentus ipsorum causa, præteritarum proflus immemor iniuriarum, eos amicè admodum liberaliterque excepit; & peracto conuiuium, iurauerunt sibi mutuo, ne se deinceps inuicem amplius læderent. Et pro hac, vt arbitror, mansuetudine hostibus suis exhibita, meruit Isaac diuina dispensatione eodemmet die lætum nuntium à seruis suis accipere; nimirum, inuentam esse aquam satis copiosam in puteo quem foderant. Quamobrem ipse, in memoriam huiusmodi beneficiorum, imposuit puteo nomen Abundantiam, seu Saturitatem; vrbi verò, Bersabee. Sabee enim, teste B. Hieronymo in Traditionibus in Genes. cap. 21. etiam iuramentum interpretatur. Vtrum autem hæc vrbs denominatione nunc primum ab Isaac facta fuerit, an priùs ab Abraham, quando ibidem & ipse, vt legimus Genes. cap. 21. vers. 31. iurauit; & modò ab Isaac, ob aliud iuramentum ibidem à se præstitum, renouata fuerit; incompertum habemus. Ceterum quam hic retulimus historiam, latius inuenies descriptam Genes. cap. 26.

ISAAC DEO
IVBENTE
VENIT MAN
SITQUE IN
GERARIS.

REBECCA
REGIS EDI
CTO AB IN
IVRIA PRÆ
SERVATVR.

ISAAC EX A
GRO SATO
CENTVPLVM
COLLIGIT.

A PALÆSTI
NIS INFE
STATVR.

PALÆSTI
NORVM IN
VIDIAM DE
CLINANS
VENIT IN
BERSABEE;
VBI SECVN
DAM HAB
VIT DIVI
NAM VISIO
NEM.

FOEDVS PER
CVTIT CVM
PALÆSTI
NIS.

INVENIT
AQVAM, ET
IMPOSIT
PVTEO ET
VRBI NO
MINA.

BALÆI RE
GIS ASSY
RIORVM
OBITVS.

AB ORBE CONDITO TERTIÆ MVNDI ÆTAT.
ANNVS 2228. ANNVS 116.

1 ANNO vitæ Isaac nonagesimo circiter desinente, mortuus est Balæus, qui & Xerxes, Rex Assyriorum, expletis ferè regni sui annis triginta, vt videre est apud Eusebium in Chronicis.

REGNAT IN I
ASSYRIA
ARMAMERTES.

ANNO insequente circiter incipiente, regnavit apud Assyrios Armamertes, qui & Armatrites, siue Armamitres, Rex ipsorum septimus, vt ibidem notat Eusebius, videlicet à Nino: nam à Belo fuit octauus, iuxta sanctum Augustinum libro 18. de Ciuit. cap. 3.

AB ORBE CONDITO

TERTIÆ MVNDI ÆTAT.

ANNVS 2238.

ANNVS 126.

ESAV DVCI
VXORES.

ESAV quadragenarius, quemadmodum antea propter escam primogenita vendiderat, ita nunc carnales concupiscentias secutus, & benedictionem seminis Abrahæ paruipendens, vt notat Rupertus lib. 7. in Genes. cap. 12. duxit vxores alienigenas, scilicet Iudith filiam Beeri Hethæi, & Basemath filiam Elon eiusdem loci, Genes. cap. 26. vers. 34. id est, quæ ipsa quoque erat Hethæa, vt clarius explicat ibidem editio LXX. Interpretum, & item euidenter colligi potest ex cap. sequenti vers. 46. editionis Vulgatæ, vbi ambæ appellantur filia Heth. Hæ offenderant animum Isaac & Rebecca, Genes. cap. 26. vers. 35. nimirum quod non solum essent idololatæ, sed insuper pertinacis, contumacis, superbi ac fastidiosi ingenij. Aduertendum verò est, quod dicta Basemath, alio nomine vocabatur Ada, vt colligitur Genes. cap. 36. vers. 2. ex quo etiam loco patet, ipsum Esau, præter prædictas, alias quoque duas postea duxisse vxores, nempe Oolibama filiam Anæ filia Sebeon Heuæi, & aliam Basemath filiam Ismaël sororem Nabaioth, quæ alio nomine dicebatur Maheleth, vt pater Gen. c. 28. vers. 9. Quare tres erant de filiabus Chanaan, duæ videlicet Hethææ, & tertia Heuæa; quarta verò filia Ismaëlis, vt dictum est. Ex his suscepit Esau plures filios, quorum nomina habemus Genes. cap. 36. vbi latè describitur tota ferè ipsius Esau genealogia seu posteritas, recensenturque Duces & populi, qui de ipso postea propagati sunt, de quibus aliquid sub anno mundi 2319. num. 3. dicemus.

AB ORBE CONDITO.

TERTIÆ MVNDI ÆTAT.

ANNVS 2249.

ANNVS 137.

QUANDO
REGNARE
COEPERIT
PHORON
NAEVS II.
ARGIVORVM
REX.

ANNO Armamertis septimi Assyriorum Regis vigesimo primo, qui concurrat cum anno vitæ Iacobi quinquagesimo primo, vt patet in tabulis, regnavit in Græcia Phoronæus secundus Argiuorum Rex, qui primus leges ac iudicia conscripsisse dicitur, quemadmodum tradit Eusebius in Chronicis. De hoc Rege, & de Niobe, quam quidam eius cōiugem, quidam verò filiam faciunt, & item de Deucalionem & Pyrrha, tamquam de vetustissimis Græciæ hominibus, mentionem olim faciebat sapientissimus ille Solon, cum de antiquissimis Athenarum rebus verba faceret coram senioribus ac sanioribus Ægyptiorum Sacerdotibus, vt eos ad sua narranda prouocaret, quemadmodum Plato refert in Timæo, non procul ab initio. Quod hic propterea adnotare voluimus, vt omnes intelligant, quàm parum Græci quondam, etiam quique ipsorum sapientissimi, veræ antiquitatis fuerint studiosi, vrpote qui nihil ferè in Phoronæo, & Niobe, ac Deucalione antiquius commemorandum haberent: & quàm apte lepideque (vt ibidem narratur) eidem Soloni antiquior ille Ægypti Sacerdos illustrit, dicens: *O Solo Solo, Græci pueri semper estis, nec quisquam è Græcia senex.* Et quàm recte item, eodem Solone cur ita ille diceret percontante, subiunxerit: *Quia iuuenis semper vobis est animus, & in quo nulla est ex vetustatis commemoratione prisca opinio, nulla cana scientia.* Quibus verbis duplici Ægyptius vir Græcos suggillatione notare voluisse videtur: Altera, quod tamquam iuuenes, nullam rerum antiquissimarum notitiam callerent: (hoc enim & idem Solon, loco Platonis prænotato, ingenuè fatebatur, expertumque se esse dicebat, neque seipsum, neque alium Græcorum quemquam, vllam antiquitatis cognitionem habere.) Altera, quod etiam illa, quantacumque esset, prisicarum rerum cognitio, quam se habere credebant, magna nihilominus ex parte dubia esset & incerta: nam & hoc quoque in confesso est apud omnes grauiores Historiarum ac Chronologiæ Professores, quod panè omnia, quæ Olympiades in Græcia præcefferunt, incomperta sunt, & quæ ex his pauca litteris prodita habentur, aut fabulosa censentur, aut quo tempore sint gesta, sciri vix potest.

ANTIQUI-
TATIS COG-
NITIO APVD
GRÆCOS
MODICA.

ANTECLYM
PIADESNI
HIL CERTI
APVD GRÆC
COS.

AB ORBE CONDITO
ANNVS 2258.TERTIÆ MVNDI ÆTAT.
ANNVS 146.

A NNO vitæ Iacob circiter sexagesimo (vt paulò pòst probabitur) in Græcia, DE OGYGIS DILUVIO. hoc est in ea Achaia regione, quæ quodd magna sui parte littoralis esset, olim Aetæ, & deinde Attica vocata fuit, quasi Actica, factum est famosum illud Ogygis diluuium, quod tum Ethnici, tum Ecclesiastici Catholicique Scriptores admodum celebrarunt. Huius meminit S. Augustinus lib. 18. de Ciuit. cap. 8. & Iulius Africanus, multiq; alij peruesti Auctores apud Eusebium libro 10. de Preparatione Euangelica cap. ult. memorati, & Iustinus Martyr in Sermonem exhortatorio ad Gentes, & Orosius lib. 1. & Clemens Alexandrinus lib. 1. Stromatum, & alij quamplurimi. Dicitur autem diluuium Ogygis, ad differentiam aliorum, Noëtici scilicet & Deucalionis; & quia Ogyge tum in Achaia regnante contigit. Siquidem eo tempore vniuersa illa regio eiusdem diluuii aquis vsqueadeo demersa ac subuersa fuisse traditur, vt ducentorum postea annorum spatio inculca profus atque inhabitata remanserit. Puto autem istam eluionem non ex validitantum diuturnisq; imbris, sed magis ex extraordinaria quadam & mirabili maris intumescencia ac inundatione, vi ventorum accidisse: siquidem regio illa, vt dictum est, ferè tota erat littoralis, hoc est, in ora maris Ægri posita: & si aquis dulcibus tantum, non etiam valde saluginosis obruta fuisset; non videretur postea tam diu sterilis & infecunda permanere potuisse. Sanè hoc diluuium euenisse annis mille & viginti ante primam Olympiadem, scribit Eusebius vbi suprâ, ex Iulio Africano attestante id asseruisse antiquissimos Scriptores, Halanicum & Philocorum, omnesq; alios, qui Atheniensium Annales conscripserunt; & in eandem sententiam conuenisse Castorem & Thallum, qui Syriacam historiam diligenter tractarunt, & Diodorum Siculum, aliosq; permultos. Ab eadem sententia parum quoque discessisse videtur Orosius lib. 1. cap. 7. dicens, hoc diluuium accidisse annis mille & quadraginta ante Urbem conditam, hoc est, mille sexdecim ante primam Olympiadem: siquidem ab initio Olympiadum ad iacta Urbis fundamenta interfunt anni quattuor & viginti. Verùm quia, vt sub anno mundi 3278. num. 3. ostendemus, non eadem est Auctorum sententia de anno Regum Iuda quo cœperint Olympiades; mirum non est, si neque inter ipsos conuenit, quonam vitæ Iacob anno, Ogygis diluuium euenierit. Nos qui, ob rationes loco proximè notato adducendas, credimus, primum primæ Olympiadis annum cum anno regni Ioathan primo concurrisse, consequenter memoratum diluuium sub hoc sexagesimo vitæ Iacob anno ponere debemus, qui primum dicti Ioathan regni annum mille ac viginti annis antecessit, vt facile supputari potest in tabulis. Ex iisdem quoque tabulis colligi poterit, Ogygis diluuium ducentis octoginta quinque circiter annis ante exitum Israëlitis de Ægypto, & sexcentis duobus post Noëtici diluuium accidisse. Vnde fit consequens, toto, quodd aiunt, cælo, aberrasse Io. Ananiam, & qui eum sequuntur, existimantes Noë ab Ethnicis nuncupatum fuisse Ogygem; atque idem prorsus esse Noëticum Ogygisq; diluuium: deinde, nullatenus esse recipiendam illorum opinionem, qui Ogygis diluuium prope exitum Israëlitis de Ægypto putant esse factum; nisi fortè, quod magis vereor, Ogygis diluuium confuderint cum diluio Deucalionis, quod quidem tempore Moyssi in Theffalia Græciæ prouincia euenisse, nos sub anno mundi 2530. ostendemus.

DEDICTI
OGYGIS DI-
LVII ITEM.
PORE.REFVATVR
IO ANNIS.DE PORTEN
TO QVOD IN
STELLA VE-
NERIS ACCE-
DISSE PER-
HIBETVR.

2. Aliud quoque portentum regnante prædicto Ogyge accidisse, refert ex Marco Varrone S. Augustinus libro de Ciuit. 21. cap. 8. ita scribens: *Est in M. Varronis libris, quorum inscriptio est, De gente populi Romani, quod eisdem verbis, quibus ibi legitur, & hic ponam: In cælo, inquit, mirabile exiit portentum. nam stella Veneris nobilissima, quam Plantus Vesperuginem, Homerus Hesperon appellat, pulcherrimam dicens, Castor scribit tantum portentum exiitisse, vt mutaret colorem, magnitudinem, figuram, cursum; quod factum ita neque antea neque postea sit. Hoc factum Ogyge Rege dicebant Adrastus Cyzicenus & Dion Neapolites, Mathematici nobiles.* hæc ille. Super quo portento sic ibidem non multò pòst disserit idem S. Augustinus: *Quid, inquit, ita dispositum est ab Auctore naturæ celi & terræ, quemadmodum cursus ordinatissimus siderum? Quid tam raris legibus fixisque firmatum? Et tamen, quando ille voluit, qui summo regit imperio ac potestate quod condidit, stella præ ceteris magnitudine ac splendore notissima, colorem, magnitudinem, figuram, & (quod est mirabilius) sui cursus ordinem legemq; mutauit. Turbavit profecto tunc, si vlli iam fuerunt, canones Astrologorum, quos velit inerrabili computatione de*

pre-

præteritis ac futuris astrorum motibus conscriptos habent: quos canones sequendo, ausi sunt dicere, hoc quod de Lucifero contigit; nec antea nec postea contigisse. Nos autem in Divinis libris legimus, etiam solem ipsum & lunam stetisse, cum hoc à Domino Deo petiisset vir sanctus Iesus Naue, donec ceptum prælium victoria terminaret: & retrorsum rediisse, ut Regi Ezechie quindecim anni ad vivendum additi, hoc etiam prodigio promissioni Dei significarentur adiuncto. Sed ista quoque miracula, quæ meritis scimus concessa Sanctorum, quando credunt isti facta, magicis artibus tribuunt. Vnde illud est quod dixit Virgilius:

Sistere aquam fluviiis, & vertere sidera retro.

Nam & fluvium stetisse superius, inferiusq; fluxisse, cum populus Dei, ductore suprâ memorato Iesu Naue, viam carperet: & Elia Propheta transeunte, ac postea discipulo eius Eliseo, id esse factum, in Sacris litteris legimus: & retrò versum fuisse maximum fidus regnante Ezechia, modo commemoravimus. Quod verò de Lucifero Varro scripsit, non est illic dictum, alicui homini petenti id fuisse concessum. hucusque B. Augustinus. Verumtamen, an memoratum Veneris portentum ante prædictum diluvium euenerit, & aliquo modo ipsius causa esse potuerit, an verò subsecutum sit; hæcenus explorare non potui. Sed iam tempus est, ut ad Sacram redeamus historiam.

AB ORBE CONDITO

ANNVS. 2261.

TERTIÆ MVNDI ÆTAT.

ANNVS 149.

DE ORITU
ET ANNIS
VITÆ IS-
MAELIS.

DE EIVS
FILIIS.

A NNO vitæ Iacob sexagesimo tertio, ut videre est in tabulis, mortuus est Ismaël Abrahamæ filius, cum vixisset annos centum triginta septem, Gen. cap. 25. vers. 17. Dicitur autem ibidem, Ismaël obiisse coram cunctis fratribus suis, hoc est, præsentibus cunctis filiis suis, ut exponit B. Hieronymus in Traditionibus Hebraicis in Genesim, ubi fratres interdum pro filiis usurpari, probat exemplo Iacob, qui Genes. cap. 31. vers. 37. proprios filios appellasse videtur fratres. Porro filij Ismaëlis fuerunt duodecim, quorum nomina sunt, Nabaioth, Cedar, Adbeel, Mabsam, Massa, Duma, Massa, Hadar, Thema, Iethur, Naphis, & Cedma. Hi postea fuerunt principes tribuum suarum, & dilatati sunt per castella & oppida eorum, habitaueruntq; ab Heuila vsque Sur, quæ respicit Ægyptum introeuntibus Assyrios, ut dicitur Gen. c. 25. vers. 12. vsque ad 19. id est, incoluerunt totam pænè illam terræ plagam, quæ extenditur ab Heuila vsque ad desertum Sur, inter Ægyptum & Assyrios positam, siue per quam pertransiri solet ab euntibus ab Ægypto in Assyriam. Vnde omnis illa regio, præsertim ab Euphrate vsque ad Mare rubrum, ut ait B. Hieronymus ubi suprâ, quæ pars Arabiæ est, ex nomine Nabaioth primogeniti Ismaëlis, Nabathæa vocatur, multæque ibidem vrbes & eiusdem regionis partes, ex nominibus aliorum fratrum ipsius Nabaioth postmodum nuncupatæ sunt, ut Cedar quæ est in deserto, & Duma alia regio, & Theman ad Austrum, & Cedma ad Orientalem plagam. Patet igitur, quàm fidelis & verax fuerit diuina illa promissio ad Agar Genes. cap. 16. versic. 10. & ad Abraham cap. 17. vers. 20. & cap. 21. vers. 13. facta, de multiplicatione seminis seu posteritatis Ismaël; de qua etiam fuerunt negotiatores illi, qui temporibus filiorum Iacob deferebant in camelis aromata, & resinam, & stacten, de Galaad in Ægyptum, ut habetur Genes. cap. 37. versic. 25. & 28. & cap. 29. vers. 1. quibus in locis etiam dicitur, quòd Ismaëlita emerunt Ioseph à fratribus suis, & vendiderunt eum Putipharo Pharaonis eunuchò.

QUIVSCVM
ET QVAM-
DIV CVM
SINGVLIS
VIXERIT.

Vixit ergo	{ Sem Sale Heber Abraham Sara Isaac Iacob }	annis	{ triginta duobus. triginta duobus. nonaginta tribus. octoginta nouem. quingaginta vno. centum viginti tribus. sexaginta tribus.
Ismaël cum			

BONVS AN
MALVS PV-
RIT.

2. Vtrum autem Ismaël inter electos, an inter reprobos sit connumerandus, adhuc sub Iudice lis est; quoniam plura in sacris Scripturis pro vtraque parte reperiuntur. Nam quòd Genes. cap. 16. versic. 12. prius ab Angelo sit nominatus antequam natus, quemadmodum S. Iohanni Baptista, & nonnullis aliis sanctis viris contigit: & item quòd quando Genes. cap. 17. vers. 18. Abraham dixit Deo: *Vtinam Ismaël viuat coram te.* eidem responderit Dominus: *Super Ismaël quoque exaudiui te. Ecce, benedicam ei, & augebo & multiplicabo eum valde,* &c. & quòd de eodem legimus Genes. cap. 21. v. 17.

EXAM-

*Exaudiuit autem Deus vocem pueri. videntur quidem esse diuinæ electionis indicia: contra verò, quæ de ipfomet à Deo Genef. cap. 16. versic. 12. prædicta sunt illis verbis: Hic erit ferus homo, manus eius contra omnes, & manus omnium contra eum. & item, quòd ea quæ dicuntur Genef. cap. 21. vers. 9. de ludo Ismaëlis cum Isaac, S. Paulus ad Galatas cap. 4. vers. 29. interpretatus sit persecutionem; & ibidem Apostolus manifestè dicat, Ismaëlem natum esse secundum carnem, Isaac verò secundum spiritum. & denique dictum illud Saræ, à Deo locis proximè citatis approbatum: *Eiice ancillam hanc, & filium eius: non enim erit heres filius ancille cum filio meo Isaac.* signa videntur esse reprobationis. Quare cum nihil omnino certum de hac re videatur posse statui, libenter ad alia transeamus. illud tantummodò hic addentes, quod de Ismaële adnotauit Caietanus super cap. Genef. 16. Ne prætereas (inquit) quòd nulli homini ante Ismaëlem Deus nomen dedit: ipse siquidem primus inter homines sortitus est nomen à Deo. & cum hac tam noua, ac non parua gratia, nihil scitur, bonus ne an malus fuerit Ismaël: vt ex diuina gratia gratis data nullus gloriatur, nullus laudetur, nullus speretur bonus.*

AB ORBE CONDITO TERTIÆ MVNDI ÆTAT.
ANNVS 2266. ANNVS 154.

✠ **A** NNO vitæ Iacob sexagesimo octauo desinente, regni simul ac vitæ finem fortitus est Armamertes Rex Assyriorum, triginta & octo annis in regno traductis, vt est apud Eusebium in Chronicis.

OBITVS AR-
MAMERTIS
REGIS AS-
SYRIORVM.

AB ORBE CONDITO TERTIÆ MVNDI ÆTAT.
ANNVS 2267. ANNVS 155.

A NNO proximo circiter ineunte, regnauit super Assyrios Belochus Rex Assyriorum octauus, vt ibidem tradit Eusebius. S. Augustinus lib. 18. de Ciuit. cap. 3. vocat eum Belotum, dicitque fuisse nonum, ob rationem à nobis sub anno mundi 1931. num. 30. adductam. Hic quoque dicitur Belochus Priscus, ad differentiam alterius Belochi, siue Belothi, qui fuit Rex Assyriorum decimus octauus, de quo suo loco dicitur. Iste autem appellatus est Belochus, siue Belachus, id est belli amator, vt scribit Genebrardus lib. 1. suæ Chronologiæ, vbi etiam addit, ab hoc Rege idololatriam esse auctam.

REGNAT IN
ASSYRIA
BELOCHVS
PRISCVS.

AB ORBE CONDITO TERTIÆ MVNDI ÆTAT.
ANNVS 2276. ANNVS 164.

I ACOB erat annorum septuaginta septem, hoc est, tunc eos compleuerat, & iam annum septuagesimum octauum inchoare incipiebat, quando fratri suo Esau calidè, vel potius prudenter, benedictionem surripuit. Quod sic demonstratur. Quando Iacob intrauit in Ægyptum, erat annos centum triginta natus, vt ipsemet fassus est coram Pharaone, Genef. cap. 47. vers. 9. & tum adhuc quinque anni residui, erant famis, vt patet Genef. cap. 45. vers. 6. Iam ergo præterierant duo anni sterilitatis, & septem fertilitatis, & triginta vitæ Ioseph, (tot enim erat natus, quando stetit in conspectu Pharaonis, & exposuit ei somnium eius, prædicens septem vbertatis annos, & totidem sterilitatis continuò subsecuturos, vt constat Genef. cap. 41. vers. 46.) præcesserant item alij anni quattuordecim, quibus Iacob seruierat focero suo Laban pro vxoribus, quando natus est ei Ioseph, vt colligi potest Genef. cap. 30. vers. 25. vbi habetur, quòd nato Ioseph voluit Iacob reuerti in patriam suam; sed nihilominus acquieuit eidem focero suo, seruire aliis sex annis pro gregibus, vt clariùs exprimitur cap. 31. vers. 41. qui anni sex in annis triginta Ioseph computantur. Itaque si de prædicta summa annorum centum triginta vitæ Iacob subtraxeris memoratos duos annos famis, & septem abundantia, & triginta ætatis Ioseph, & quattuordecim seruitutis: proculdubio restabunt anni septuaginta septem vitæ ipsius Iacob, quos impleuerat, quando præuento fratre suo Esau obtinuit à patre benedictionem. omnes enim isti anni simul subducti faciunt prædictam summam annorum centum triginta, vt habes in margine expressum.

IACOB QVO
VITÆ SVÆ
ANNO SVR-
RIPVERIT
FRATRI BE-
NEDICTIO-
NEM.

2
7
30
14
77
130.

2. Porro obtentæ huius benedictionis historia accuratè describitur Genef. cap. 27. vers.

vers. 1. vſque ad 41. & in ſumma, talis fuit : Cùm Iſaac eſſet annorum centum triginta ſeptem, vt patet in tabulis, & iam præ ſenectute cœpiſſent caligari oculi eius, putans ſe ad vitæ finem appropinquaſſe, tametiſi poſteà ſuperuixerit annos quadraginta tres, cogitauit de benedicendo, vt moris erat, primogenito ſuo Eſau, antequam moretetur. Itaque, vt illum ad huiusmodi actum per aliquod opus paternæ dilectionis ac obedientiæ præpararet, quādam die eo acceſſito, iubet vt venatum de more exeat, atque de venatione paret ei cibos. ſe enim poſt comestionem velle illi ſuam impertiri benedictionem. Non tardat Eſau exire, vt iuſſionem patris impleret. At verò mater eius, quæ alterum filium magis diligebat, his auditis ac nuntiatis fratri, ſuadet iubetque ſibi duos hædos afferri optimos; Ego enim, inquit, faciam eſcas patri tuo gratas, quibus illatis valeas paternam tibiſque debitam, fratri præripere benedictionem. Ad hæc Iacob primò quidem hæſitare cœpit, veritus ne pater, agnita fraude, maledictionem ei pro benedictione inferret; ſed tandem illa inſtante, maternis acquieuit conſiliis. Interim ergo dum Eſau venatur in agro, ſedula mater paratis edulis, & induto Iacob veſtibus Eſau, pelliculiſque hædorum tepenti adhuc humore perſuſis colli manuūque nuda contactis, farinula (vt arbitror) intus leuiter aſperſis, vel aliquo alio tenaci glutino concinnè cuti ad eo coniungit, vt hiſpidofum fratrem optime repræſentarent; eundemque cum epulo mittit ad ſenem in ſtrato iacentem & cæcutientem à quo interrogatus Iacob reſpondit ſe eſſe Eſau, attuliſſeque ei pulmentum à ſe reſequiſum, hortatuſque eſt, vt ſurgat, & comedat, & ſibi, prout promiſerat, benedicat. Et hæc omnia ſine mendacio Iacobum patri reſponſiſſe credit S. Auguſtinus lib. Contra mendacium cap. 10. dicens: *Iacob, quod matre fecit auctore, vt patrem fallere videretur, ſi diligenter & fideliter attendatur, non eſt mendacium, ſed myſterium.* idque ibidem fuſius comprobare contendit. Sed ſi hoc verum eſſet, vtique poſſemus eodem quoque modo excuſare peccata quæ fecit Dauid, quando occidit Uriam, & adulterium commiſit cum Bethſabee, dicendo, dicta eius geſta non fuiſſe peccata, ſed myſteria, & ſpiritualiter eſſe intelligenda, prout ea exponit S. Gregorius lib. 3. Moralium cap. 16. cùm tamen certum ſit, illa ad litteram accepta, proculdubio fuiſſe peccata. Et eodem modo videtur ſentiendum eſſe de his, quæ dixit egitque Iacob cum patre ſuo. Quare ſi velimus probare, Iacob non fuiſſe mentitum, potiùs videretur non eſſe confugiendum ad ſenſus ſpirituales, ſed ſtandum in litterali, qui in hiſtorica illa narratione diſcretis verbis exprimitur; ac dicere, Iacobum prudenter non ad verba, ſed ad ſenſum reſponſiſſe, ſe eſſe Eſau, & feciſſe quæ ſibi pater imperauerat. Nam cùm ſciret, quòd quæ pater dixerat ipſi Eſau, vtique tamquam primogenito dixerat, potuit Iacob, cui iure diuino & humano (vt paulò poſt patebit) primogenita illa debebantur, eadem ſibi applicare ac ſi ſibi dicta fuiſſent. & quemadmodum Dominus Matth. cap. 11. verſ. 14. de Ioanne Baptiſta verè dicebat: *Iſpe eſt Elias.* id eſt, vt S. Gregorius exponit, non in perſona, ſed in ſpiritu & virtute; ita videtur Iacob ſine mendacio dicere potuiſſe, ſe eſſe Eſau, non in perſona, ſed in iure conſequendi paternam benedictionem. Verum ex alia parte ſi Iacob omnino veraciter loqui voluiſſet, debuifſet ſine vlla tergiuerſatione ſimpliciter ad mentem patris interrogantis reſpondere, præſertim cùm tunc ageretur de præiudicio tertij, hoc eſt, ipſius Eſau: & præterea, ſi totam huius hiſtorie ſeriem attentius conſideremus, videtur omnino negari non poſſe, quin Iacob modis omnibus fallere voluerit patrem; non ſolum factis, quando pelliculis hædinis ita ſibi manus collique nuda contegi permiſit, vt pilofam fratris cutem imitaretur, & quando veſtes Eſau benè olentes induit, vt earum fragrantiam ſentiens pater, crederet ipſum eſſe qui non erat, ſed etiam verbis, quando non ſatis habuit dicere, ſe eſſe primogenitum; (id enim ſuſtineri potuiſſet) ſed dixit: *Ego ſum primogenitus tuus Eſau.* & adiecit: *Feci ſicut præcepiſti mihi: Surge, ſede, & comede de venatione mea.* Quæ omnia certum eſt non per parabolaſ aut tropum, nec metaphoricè, ſed omnino hiſtoricè in Geneſi narrata eſſe, & propterea non videtur Iacob vſquequaque ſaltem à mendaciunculis poſſe vindicari, cùm conſtet, eius dicta & facta ad decipiendum cæcutientem ſenem ſtudioſè fuiſſe compoſita, quemadmodum poſteà ipſe quòque Iſaac plenè aduertit, quando dixit filio ſuo Eſau: *Venit germanus tuus fraudulenter, & accepit benedictionem tuam.* Quod & illicò confirmauit Eſau, ſubiungens: *Inſe vocatum eſt nomen eius Iacob: ſupplantauit enim me en altera vice: primogenita mea ante tulit, & nunc ſecundo ſurripuit benedictionem meam,* Geneſ. cap. 27. verſ. 35. Dixi, Iacobum ſaltem ab aliquot mendaciunculis non poſſe excuſari; quia, omnibus conſideratis, illa non perniciioſa, ſed officioſa, & ſatis leuia atque excuſatione digna fuiſſe proculdubio iudicabit, qui

accuratè perpendere voluerit, quòd non aliter videbatur consulere posse sibi, iurique suo, quod habebat in illa primogenitura, quam sibi frater vltro vendiderat, & quam sciebat sibi deberi etiam vi præordinationis diuinæ Genes. cap. 25. vers. 23. declaratæ illis verbis: *Et maior seruiet minori.* & denique quòd ipse non iniuste patrem fraudauit, fratremque supplantauit; sed vt propriam redimeret vexationem, caueretque iniuriam & damnum, quod sibi ab ipsis parari intellexerat. Nec obstat dicere, Iacobum fuisse virum bonum & iustum, & consequenter ab omni mendacio alienum; quia non necesse est excusare iustos ab omni culpa veniali, dicente Scriptura Prouerb. cap. 24. vers. 16. *Septies enim cadet iustus.* Sed hæc Lectorum prudentia diuidenda relinquamus, & ad prosequendam historiam properemus. Sanè Isaac, cum non posset cernere quisnam esset qui loquebatur ei, & ex voce suspicaretur (quod erat) illum esse Iacob, manibus eum atrectare, tactuque explorare pertentans, fallitur, hæc dinis scilicet delusus pellibus; & putans illum esse Esau, acceptas de manu Iacob comedit escas, & tandem eidem, tamquam primogenito, amplissimas precatur impertiturque benedictiones, lætumque à se dimittit. Sic, veluti in his duobus fratribus præfiguratum, (inquit B. Gregorius Homilia 6. in Ezechielem) *dum Iudaicus populus bona opera foris querit, Gentilem populum mater gratia instruit, vt omnipotenti Patri cibum boni operis offerret, benedictionemq. maioris fratris acciperet.*

3. Ceterum egresso Iacob ingreditur Esau, ferens patri cibos de venatione sua paratos, rogatque senem vt surgat, & comedat: qui hæc audiens, non sine ingenti stupore tunc demum Iacobi prudentiam agnouit; & quod factum fuerat, diuino adscribens mysterio, rescindere vmquam noluit; sed statim ratum habuit, & confirmauit dicens: *Benedixi ei, & erit benedictus.* Quare, quemadmodum etiam testatur Apostolus ad Hebræos cap. 12. vers. 17. non valuit Esau primariam illam primogenitis dari solitam benedictionem à patre impetrare, quantumuis eam enixe admodum ac profusus lacrymis flagitaret. Ponam hîc Apostoli verba, & litteralem ipsorum, quoniam obscuriora sunt, sensum: *Scitote, inquit, (& loquitur de Esau, vt ibidem præmissa manifestant) quoniam & postea cupiens hereditare benedictionem, reprobatus est: non enim inuenit pœnitentie locum, quamquam cum lacrymis inquisisset eam.* reprobatum dicit Esau, nimirum in primæ illius benedictionis postulatione, quæ à patre reiecta fuit; non enim potuit Esau suis fletibus & eiulatu flectere patrem, & facere, vt ipsum pœniteret dedisse benedictionem illam Iacobo; sed tantum illud effecit, vt pius senex, paternam erga ipsum miseratione commotus, ipsi quoque, non quam affectabat primogenitorum benedictionem, sed quamdam aliam multò minorem, ceterisque filiis communem, impertiret, dicens: *In pinguedine terra, & in rore calis desuper, erit benedictio tua,* Genes. cap. 27. vers. 39. Nam quæ ibidem sequuntur, *Vives in gladio, & fratri tuo seruias; tempusque veniet, cum excutias & soluas ingum eius de ceruicibus tuis.* magis pertinere videntur ad prædictionem eorum, quæ posteris suis ventura erant: siquidem Idumæos fuisse admodum bellicosos, ex Iosepho constat lib. 4. de Bello cap. 6. & 7. & certum est 2. Reg. cap. 8. vers. 14. eos à Davide subactos, seruisse Iudæis multo tempore, nimirum vsque ad tempora Ioram filij Iosaphat Regis Iuda: quandoquidem in diebus eius recessit Edom, ne esset sub Iuda, & constituit sibi Regem, vt legitur 4. Reg. cap. 8. vers. 20.

4. Exiit Esau amarum valdè odium concepit exercitumque aduersus fratrem suum Iacob, ita vt non solum in corde suo statuerit, cum mortuus esset pater eius, illum occidere, verum etiam id, ex abundantia cordis, quibusdam celare non valuerit. Quod vt audiuit Rebecca mater, suasit ipsi Iacob, vt ad declinandum furorem fratris, pergeret ad Laban auunculum suum in Mesopotamiam, & apud eum aliquo tempore moraretur, donec sedata fratris iracundia, ipsa cum inde ad se reuocaret. Et ne frater à fratre turpiter aufugere videretur, eadem Rebecca cum viro suo conquesta de vxoribus Esau Chananæis, tamquam sibi & domui suæ admodum molestis, prudenter, vt solebat, induxit senem vt præciperet filio suo Iacob, ne vmquam acciperet vxorem in terra Chanaan; sed magis properaret ad domum patris sui Bathuelis, quæ erat in Mesopotamia Syriæ, & ibidem sibi deligeret coniugem de filiabus Laban. Igitur Iacob post paucos, vt arbitror, dies, ex quo fratri præripuerat benedictionem; accepto hoc patris mandato, & ab eodem cum noua itidem benedictione dimissus; (in qua, vt bene notauit S. Augustinus lib. 16. de Ciuit. cap. 38. perspicuè declaratum est, promissiones Abrahæ factas, & Isaac confirmatas, in femine ipsius Iacob fore implendas;) clam, solus, pedes, cum baculo & modico commeatu Mesopotamiam versus ire cœpit; Genes. cap. 27. vers. 41. vsque ad vers. 6. capitis sequentis. & hoc non sine mysterio fa-

ESAV NON
POTEST FLE-
CTERE PA-
TREM VT
REVOCET
BENEDI-
CTIONEM
IACOBO
DATAM.

ESAV ODIT
IACOBVM
FRATREM.

IACOB DE
PARENTVM
MANDATO
PERGIT IN
MESOPOTA-
MIAM,

ctum creditur, nimirum ad præsignandam miram Filij Dei peregrinationem, qui cum tanta humilitate, paupertate, crucem ferens, venturus erat in hunc mundum, vt sanctam sibi Ecclesiam desponsaret.

CVR ESAU
ACCEPERIT
VXOREM DE
POSTERITA-
TE ISMAELIS

5. Non multò post, vt cognouit Esau, quòd pater eius, post benedictionem fratri suo Iacob impertitam, misisset eum in Mesopotamiam Syriæ, vt duceret ibi vxorem de cognatione sua, & ille patri obediens statim profectus esset, vt imperata faceret; & præterea experimento didicisset Esau, quòd pater suus non libenter aspiceret coniuges suas Hethæas, tamquam ab ipsis sæpe offensus: putans (vt arbitror) gratum facere patri, vel fortè etiam ratus, se posterorūque suos non aliter auitarum benedictionum participes effici posse, nisi ipse coniugem acciperet de cognatione Abrahami, atque ex ea filios procrearet; statuit & ipse pergere, & non multò post perrexit ad domum Ismaëlis iam defuncti, & de filiabus eius aliam duxit vxorem, nomine Maheleth, Genes. capite 28. vers. 7. vsque ad 10. & hæc eadem alio quoque nomine vocabatur Basemath, vt sub anno mundi 2238. probatum est. Verumenimuerò, si Esau credidit, posteros ex filia Ismaëlis consequi posse benedictiones semini Abrahamæ repromissas, stultè admodum videtur egisse: quandoquidem aduertere debuerat, quòd Deus, qui pollicitus fuerat benedicere semini Abrahamæ, eidem quoque Abrahamo declarauerat Genes. cap. 21. vers. 12. *Quia in Isaac vocabitur tibi semen.* Quibus verbis, vt probè docet S. Augustinus vbi suprà, proculdubio ab illis promissionibus secluserat Ismaëlem & filios Ceturæ, ac omnes posteros eorum. Sed non mirum est quòd errauerit in consilio suo Esau, quoniam erat vir malus: siquidem in fraterno odio, & consequenter in statu peccati mortalis, sciens volensque perseuerabat. Scimus autem verissimum esse, quòd Deus (vt aiebat S. Iob cap. 5. vers. 13.) *consilium prauorum dissipat.*

IACOB VITINISOMNIS MIRABILEM SCALAM AD CÆLUM PERTINGENTEM, ET DOMINI VMULTA EI PROMITTENTEM.

6. Interea Iacob, itinere suo de Bersabee gradiens in Syriam, cum transiret per terram Chanaan, contigit quadam die, vt post solis occasum deueniret ad quemdam locum prope ciuitatem, quæ olim Luza vocabatur. Cum itaque ibidem illa nocte quiescere decreuisset, & capiti suo lapidem pro ceruicali supposuisset, obdormireque cœpisset; vidit in somnis mirabilem illam scalæ sublimis visionem, à terra ad cælum vsque pertingentis, & Angelos per eam ascendentes ac descendentes, & Dominum innixum scalæ dicentem sibi, se esse Deum Abrahamæ & Isaac patrum suorum, qui in confirmationem benedictionum, quas eidem Iacob nouissime precatus fuerat pater eius Isaac, repromisit se daturum ei & semini suo terram Chanaan, in qua tunc dormiebat; atque in ea longè lateque dilataturum posteritatem suam; & denique in semine suo benedicendas fore omnes tribus terræ: quod est ac si dicere voluisset, Messiam de stirpe sua esse nasciturum. Insuper pollicitus est, se fore illi custodem in omni loco, & reducturum illum incolumem ad terram sibi repromissam. Et hæc fuit prima Domini apparitio facta ipsi Iacob: qui expergefactus, visionem illam secum recolens ac contemplans, cælitus de sublimi illius scalæ mysterio edoctus fuit, nimirum illam (vt super Genesim, cap. 28. latè disserit Pererius) diuinam præmonstrasse prouidentiam, tum vniuersalem, qua Deus Angelorum ministerio terrena simul ac cælestia moderatur; tum particularem, quam de ipso Iacob se habiturum pollicitus fuerat. Quare non mirum est, si Iacob, habita ibi tanta diuinæ prouidentiae notitia, & perfectius cognita Dei apparitione sibi eo in loco facta, dixit: *Verè Dominus est in loco isto* (per singularem scilicet virtutis sue declarationem; nam alioqui Deus vbique est) & *ego nesciebam.* & consequenter, ob diuinæ illius visionis magnitudinem, cœpit locum illum in magna veneratione habere; & præ maxima, quam in se sentiebat erga locum illum reuerentia, sancto timore percussus, exclamauit, dicens: *Quam terribilis est locus iste! Non est hic aliud nisi domus Dei, & porta cæli.* Terribilem appellauit locum illum, propter apparitionem Dei, qui in Sacro eloquio sapissimè terribilis nuncupatur, & reuerà talis est, tam malis quam bonis; illis quidem, propter infinitam castigandi potentiam; his verò, ob tremendæ maiestatis suæ immensitatem. Domum Dei dixit; id est, locum ad Dei cultum laudemque celebrandas meritis dedicandum. Et portam cæli; quia ibi scalam viderat, per quam ad cælum conscendi posse videbatur.

PRIMA DOMINI APPARITIO FACTA IACOBO.

EXPLICANTUR VERBA GENESIS.

IACOB ERIGIT LAPIDEM INTVLVM.

7. Cum igitur ibi tunc Iacob morari non posset, (oportebat enim ipsum iter suum peragere, vt iussione parentum impleret) operæpretium duxit, aliquod saltem pro tunc sanctitatis dicti loci signum memorialè ibidem relinquere. Surgens ergo & circumspiciens, cum aduertisset nullum ibi lapidem reperiri longiorem, & ad id quod intendebat aptiorem eo, quem capiti suo antè substrauerat, illum erexit ac firmavit, vt esset sibi ac posteris suis in titulum, ac magnæ illius visionis monimentum: & insuper oleo supe-

superiori eius planitie delibuta, illum, in modum cuiusdam altaris, Deo consecrauit, vouens, si Dominus ei necessaria in peregrinatione sua præbuisset, & cum salute reuersus esset, habiturum se lapidem illum & locum pro domo Deo sacrata, in qua & ipsum Deum coleret, & decimas omnium, quæ haberet, eidem ad diuinum cultum ibi persoluendum offerret. Sanè hæc lapidis vnctio figurabat spiritualem Christi vnctionem, QUID SIGNIFICARET ILLA LAPIDIS VNCTIO de quo dicitur 1. ad Corinth. cap. 10. vers. 4. *Petra autem erat Christus.* & de eodem Christo ad Hebræos cap. 1. vers. 9. ex Psal. 44. vers. 8. legimus: *Dilexisti iniquitatem, & odisti iniquitatem; propterea vnxit te Deus, Deus tuus, oleo exultationis præ participibus tuis.* In cuius mysterij signum, etiam nunc altaria ex lapide fieri, & quando consecrantur, oleo vngi solent. Denique Iacob ad æternam rei memoriam, non saxum locumq; illum tantummodo, sed urbem quoque proximam, quæ tum Luza vocabatur, mutato nomine appellauit Bethel: quod Domus Dei interpretatur. Ex his apparet, quòd tamen et si Deus, cum vbique sit, vbique etiam in spiritu & veritate coli possit & debeat: diuino tamen consilio factum esse, vsque ab antiquissimis temporibus, & deinceps in cunctis ferè sæculis, vt loca quædam peculiaria diuinis quibusdam apparitionibus, aut miraculis, aut memorabilibus Sanctorum actionibus, seu reliquiis, aliòve modo, ita diuinitus illustrata fuerint; vt singulare quamdam deuotionem ac reuerentiam in hominum animis excitarent, eosque ad vota ibidem exoluenda, ecclesias ædificandas, & cultum Deo singulariter exhibendum quodammodò attrahere, vel potius rapere viderentur. Huiusmodi nostris quoque temporibus multa videmus exempla; quæ quia omnibus nota atque perspicua sunt, hic commemorare superfluum esset.

8. Ceterum Iacob, expletis in Bethel quæ paulò antè narrauimus, iter suum profectus, tandem fauente Deo peruenit ad terram Orientalem, ad quemdam puteum, non longè ab Haran vrbe Nachor & posterorum eius, vt sub anno mundi 2113. nu. 4. probatum est. Vbi vt primum à quibusdam pastoribus sciscitatus est de Laban filio Nachor, intellexit illum benè valere, & quæ cum suo grege ad eundem puteum aduentabat, esse Rachelem filiam eius. quam cum protinus appropinquantem vidisset Iacob, & iam sciret esse consobrinam suam, amoto de ore putei lapide, & adaquato illius grege, eam, vt inter propinquos fieri solebat, castè admodum deosculatus est, & præ cognationis teneritudine fleuit, dicens: Ne mireris soror; ego enim sum filius Rebecæ fororis Laban patris tui. Quod cum illa audisset, festinauit nuntiare patri: qui statim obuiam venit Iacobo, & cum gaudio perduxit eum in domum suam; cumq; aduentus eius causas intellexisset, nimirum vt declinaret odium fratris sui Esau, propter benedictionem patris à se prius obtentam; & item, vt de parentum mandato, vxorem duceret de cognatione sua: post mensem ibi in hospitio transactum, Iacob Rachelis amore accensus, paciscitur cum Laban, vt det eam sibi in coniugem, pollicitus, loco sponsalium quæ ibidem vxoribus à maritis dari consueuerant, seruire ipsi Laban septem annis; acquieuit Laban, deditq; ex tunc Rachelem Iacobo in vxorem, ea tamen conditione, vt non nisi post exactos septem seruitutis annos, ad eam ingredi posset: quod & factum est, cum magna vtriusque partis satisfactione; præsertim verò ipsius Iacob, qui quòd tantopere Rachelem diligeret, prædictum seruitutis incommodum, exiguum existimabat; tamen si forte satis longum ei videretur, præ desiderio quod habebat perueniendi ad concupitas nuptias. Hæc vide Genes. cap. 29. versic. 1. vsque ad 21.

9. Intra primum (vt arbitror) septennium, quod Iacob traduxit in Mesopotamiam, oportet ipsum Esau recessisse de terra Chanaan, & de domo patris sui, ac transulisse se vsq; in regionem, quæ postmodum Idumæa dicta est; habitasseq; in monte, qui deinde ex altero eius nomine mons Seir appellatus est, vt sub anno mundi 2199. num. 2. diximus. Hoc autem ex collatione aliquot locorum sacræ Genes. sic colligitur. Nam ex fine capitis 26. & toto ferè cap. 27. constat, quòd antequam Iacob proficisceretur in Mesopotamiam, Esau habitabat simul cum fratre suo Iacob & cum parentibus suis in terra Chanaan, & pariter cum eisdem manebant vxores Esau Hethæ, quarum mores Rebecca ægrè ferens, lamentabatur cum viro suo Isaac, dicens: *Tædet me vita mea propter filias Heth.* Et cum audisset quòd Esau cogitabat occidere fratrem suum Iacob, ob paternam benedictionem sibi sublatam, procurauit (vt dictum est) mittere ipsum in Mesopotamiam, donec cessaret indignatio ipsius Esau, qui etiam videtur, aliquot saltem diebus, permanisse in paterna domo post discessum Iacobi. Siquidem (vt habemus Genes. cap. 28. vers. 6. & nos supr. num. 5. diximus) considerans Esau quæ fecerat pater suus, mittens fratrem suum Iacob in Syriam, vt inde sibi

DEVM CERTIS LOCIS SPECIALIVS COLERE, ANTIQVISSIMA RESELT.

IACOB, VT PERVENIT IN MESOPOTAMIAM, MATRIMONIUM SEVS SPONSALIA CONTRAHIT CVM RACHELLE.

ESAV TRANSFERT DOMICILIUM SVVM IN IDUMÆAM.

duceret vxorem, & promptam ipsius Iacobi obedientiam, & quòd idem pater auersari videretur coniuges suas Chanaanæ, veritus, ne si Iacob duceret in domum vxorem parentibus gratam, adhuc magis à patre suo diligeretur, cogitauit & ipse aliam de propria cognatione coniugem ducere, & propterea profectus est in desertum Sur ad posterum Ismaëlis filij Abrahamæ, & accepit Basemath sororem Nabaioth primogeniti Ismaëlis, quam oportet vt secum duxerit in terram Chanaan, in domum patris sui: siquidem ex cap. 36. vers. 3. vsque ad 6. habemus, quòd prædicta Basemath genuit ipsi Esau Rahuël, in terra Chanaan. At verò quando Iacob postea rediit de Mesopotamia, scimus quòd iam tunc Esau habitabat in Seir, vt patet ex cap. 32. v. 3. vbi dicitur, quòd ipse Iacob in itinere misit ante se nuntios ad Esau fratrem suum in terram Seir, in regionem Edom. & cap. sequenti vers. 14. Iacob dixit, se velle ire ad Esau dominum suum in Seir. & vers. 16. subditur, quòd Esau reuersus est die illo, per iter quo venerat in Seir. Igitur necessariò fateri debemus, quòd antequam rediret Iacob de Mesopotamia, iam Esau recesserat de terra Chanaan, & habitare cœperat in Seir. Et hæc transmigration ipsius Esau valde diuersa est ab ea quæ describitur Genes. cap. 36. vers. 6. nam illa contigit post obitum Isaac patris sui, & post reditum Iacobi de Mesopotamia, vt sub anno mundi 2319. num. 1. probabimus: hæc autem, viuente adhuc sene Isaac, & existente filio eius Iacob apud Laban auunculum suum in Syria, vt iam satis probatum est.

AB ORBE CONDITO

ANNVS 2283.

TERTIÆ MVNDI ÆTAT.

ANNVS 171.

CONVIVIA
NUPTIALIA
VETVSTIS-
SIMA, ET
CVR INTRO-
DUCTA.VERBYM MY
BERE VNDE
DEDUCTVM.LABAN
SVPPONIT
IACOBO PRO
RACHELE
LIAM.NUPTIA-
LIVM CON-
VIVIORVM
DVRRATIO.LABANI
CALLIDITAS
ET IACOBI
BONITAS.

IN NO octauo inchoante, ex quo venerat in Mesopotamiam Iacob, post seruitium videlicet septem annorum, petiit dari sibi Rachelem coniugem suam. Non abnuit Laban; quin protinus instructo conuiuii, amicisque de more inuitatis, cum lætitia nuptias celebrauit. Quamquam enim huiusmodi nuptiarum celebritas de matrimonij ratione non sit, multoque minus tunc videretur necessaria, cum illud septennio antè iam fuisset contractum ratumque, licet non adhuc consummatum: attamen idèò facta fuit, quia ab antiquissimis vsque temporibus videtur tunc potissimum consueuisse fieri, quando nuptæ viris tradebantur, quemadmodum nunc quoque obseruari videmus; tamquam rem naturæ quodam instinctu introductam ad congaudendum, & satis quoque appositam ad magis confirmandum publicandumque plurimorum conuentu ac præsentia matrimonij contractum, & consequenter ad filios legitimos ab illegitimis postea discernendos. Vespere autem factò, quando, vt moris erat antiquitus, sponsa siue nupta, pudoris ac verecundiæ gratia, velo operata, & quasi nube obumbrata, (vnde verbum nubere & nuptiarum vocabulum inuecta sunt) ad sponsi domum seu thalamum ducebatur: iniquus Laban Liam fraudulenter pro Rachele supposuit Iacobo. qui manè factò, vt cognouit se præter intentionem cum Lia concubuisse, meritò cœpit de focero suo conqueri, quòd cum pro Rachele seruisset, contra inter eos conuenta Liam dedisset. Ille verò callidè se excusans, respondit, non esse cõsuetudinis in ea regione, vt minores antè tradantur ad nuptias. & quoniam sciebat, benè potuisse Iacob replicare ei, cur tale quid septennio antè non opposuisset: illicò sermonem suum continuando subiunxit: *Imple, ait, hebdomadam dierum huius copula, & hanc quoque dabo tibi pro opere quo seruiturus es mihi septem annis aliis.*

2. Ex qua responsione, duo videntur posse inferri. Alterum est, tunc quoque nuptialia conuiuii septem diebus continuari consueuisse, quemadmodum etiam Iudicum temporibus in vsu fuisse colligi potest Iudicum cap. 14. vers. 12. ex illis verbis: *Intra septem dies conuiuij.* certum namque est, ibidem agi de nuptiali Samsonis conuiuii. Alterum est, fraudulentum Laban idcirco imposuisse Iacobo, vt Liam, quæ fortè propter oculorum lippitudinem non facile maritum reperisset, optimè nuberet; & insuper, vt eundem Iacobum cogeret sibi aliis septem annis inferuire. Quod licet ipse Iacob iure recusare potuisset: tamen quia bonus erat, & ne Lia à se iam per ignorantiam deflorata, deinceps sine viro, tamquam probrosa & infamis remaneret, maluit forceri conditionibus licet iniquis acquiescere; & tunc quidem Liam mutuo consensu pro legitima coniuge acceptauit: transacta verò nuptiarum eius hebdomada, ad dilectam quoque coniugem suam Rachelem ingressus est, eiusque amorem priori prætulit. Dederat verò de more Laban filiabus suis ancillas, Liæ vnam nomine Zelpham, Racheli alteram vocabulo Balam. Videns autem Deus quòd Iacob despiceret Liam, fecundauit eam, sorore eius sterili permanente, Genes. cap. 29. vers. 20. vsque ad 32.

3. Ex dictis patet, quod Iacob non libidinis ergo, sed iussione actus paterna, & naturalis posteritatis desiderio, coniugalem amplexus est vitam: nam etiam Rachelem ad-<sup>IACOBI CON-
TINENTIA,
ET RECTA
INTENTIO.</sup> amavit, ab eius tamen consuetudine, in eadem cum ipsa domo habitans, integro septennio continenter admodum abstinuit. nec fuit ei animus plures ducere uxores: siquidem vnam tantum Rachelem honeste concupiuit, & ab eius patre legitime petiit, & accepit: sed postea, ut dictum est, à socero suo deceptus, Liam sibi inscio suppositam accipere compulsus est: deinde ad preces Rachelis, etiam ancillam eius Balam: ac denique, Lia quoque deprecante, Zelpham, ut suis locis diceretur. Et hæc omnia sine delicto: quandoquidem polygamia seu vxorum pluralitas tunc temporis neque vlla Lege prohibita, neque à communi hominum consuetudine aliena erat: præterquam quod etiam par est credere, non sine particulari dispensatione diuina hæc à Iacobo viro sanctissimo acta fuisse.

4. Verumtamen, antequam de ortu filiorum Iacobi agere incipiamus, aduertere oportet, quod licet Scriptura sacra videatur suo ordine singulorum natiuitates recensere, non tamen explicitè distinguit assignare annos, quibus singuli nati fuerint. Vnde ad id dignoscendum, duo hic prænotanda videntur. Alterum est, cunctos dicti Iacobi liberos, Benjamin dumtaxat excepto, videlicet undecim filios & vnam filiam, natos esse in secundo annorum septennio, quo Iacob mansit in Mesopotamia: nam toto primo sine vxoribus seruauit, ut supra dictum est. In fine autem secundi septennij, post prædictos natus est Ioseph, quo nato, Iacob petiit à socero suo Laban licentiam redeundi in terram Chanaan, eo quod iam præterissent anni quattuordecim, quibus eidem seruierat pro vxoribus, ut infra sub anno mundi 2290. num. 1. dicitur; & notat etiam Abulenſis super Genes. cap. 30. quæst. 8. circa medium. Alterum est, quod in dicto secundo septennio Lia septies peperit; sex enim genuit filios, & vnam filiam, quorum nulli fuerunt gemelli, sed singuli singulis partibus procreati: & nihilominus mansit aliquo tempore infecunda; nimirum inter natiuitates Iudæ & Isachar, ut patet Genes. cap. 30. vers. 9. Quare cum admodum probabile sit, ipsam vno saltem anno parere desiisse; alioqui non facile potuisset dignoscere se esse infecundam; oportet quod sex annorum intervallo, septies parturierit, videlicet quater in primo triennio, & ter in postremo; vel potius quater in primis quadraginta mensibus, & ter in postremis triginta, ita ut medio quattuordecim mensium spatio infecunda permanſerit. His suppositis, facile erit non annos dumtaxat, sed & menses natiuitatis singulorum filiorum Iacob dignoscere. Itaque ex dictis necessario sequitur, quod

5. Mensis nono desinente, vel decimo circiter inchoante, eiusdem anni octauo, qui fuit primus secundi septennij mansionis Iacob in Mesopotamia, Lia peperit eidem Iacob primogenitum suum, dicens: *Vidit Dominus humilitatem meam*: propterea appellauit eum Ruben, quod Visio, seu Visionis filius, interpretari dicitur: Genes. cap. 29. vers. 32. Quare primus vitæ annus ipsius Ruben magis concurret cum anno secundo eiusdem secundi septennij, ut etiam ex dicendis manifestius fiet in tabulis. Et sub finem dicti mensis decimi, eadem Lia concepit secundum.

AB ORBE CONDITO

ANNVS 2284.

TERTIÆ MVNDI ÆTAT.

ANNVS 172.

1 **A** NNO inſequente, qui erat secundus secundi septennij, & octogessimus sextus vitæ Iacob, mense septimo desinente, vel octauo incipiente, oportet quod Lia peperit secundum filium, quem appellauit Simeon, quod est Exauditis, quoniam, inquit, *audiuit me Dominus haberi contemptui*, Genes. cap. 29. vers. 33. unde primus annus Simeonis, licet magna ex parte concurret cum octogesimo sexto, magis tamen concurret cum octogesimo septimo vitæ Iacob, ut adnotabimus in tabulis. Sub finem autem eiusdem mensis octauo, Lia tertiò concepit.

AB ORBE CONDITO

ANNVS 2285.

TERTIÆ MVNDI ÆTAT.

ANNVS 173.

1 **A** NNO eiusdem secundi septennij tertio, qui erat vitæ Iacob octogessimus septimus, mense sexto circiter inchoante, necesse est Liam peperisse tertium filium suum; post cuius partum, Lia læta dixit: *Nunc quoque copulabitur mihi maritus meus*, eo quod pepererim ei tres filios; & idcirco appellauit nomen eius, *Leui*, quod interpretatur *conſociatus*.

tatum sonat, Copulatio, Genes. cap. 29. vers. 34. Igitur primus annus ipsius Leui, pro maiori parte concurrat cum eodem anno vitæ Jacob octogesimo septimo, ut positum est in tabulis. Et sub finem eiusdem mensis sexti oportet eandem Liam quartò concepisse.

RACHEL
DAT ANCIL-
LAM SVAM
VIRO SVO IN
CONIVGEM.

2. Mense eiusdem anni, ut arbitror, octauo circiter inchoante, Rachel videns Liam iam tres peperisse liberos, & quartum habere in vtero, se autem esse infecundam; inuidens sorori suæ tanta iam prole lætanti, nec vltà ferens se omnino esse sine liberis; dedit viro suo Balam ancillam suam in coniugem, ut ex illa saltem habere posset filios; quæ protinus concepit, Genes. cap. 30. in principio. Nec refert, hoc ibidem post Iudæ ortum narrari, quia id per recapitulationis figuram factum creditur, alioqui non posset verum esse quod Scriptura ibidem memorat; nimirum inter ortum Iudæ & Isachar, natos esse successiue, primò duos filios Balæ, & deinde etiam duos filios Zelphæ.

AB ORBE CONDITO

ANNVS 2286.

TERTIÆ MVNDI ÆTAT.

ANNVS 174.

ORTVS IV-
DAE.

1. ANNO dicti septennij quarto, mense tertio circiter desinente, Lia peperit Iacobo quartum filium, quem ad magis commendandam diuinam erga se bonitatem, nominare voluit Iudam, quod Confessio seu Laus interpretatur, Genes. cap. 29. in fine. Quare primus annus Iudæ ferè totus concurrat cum octogesimo octauo patris sui Iacob, ut patet in tabulis.

ORTVS DAN.

2. Mense quinto circiter incipiente, Bala Rachelis ancilla peperit primum filium suum, quem Rachel admodum læta, tamquam sibi natum, appellauit Dan, quod interpretatur Iudicium, quasi Deus tunc tandem adiudicasset impleri petitionem suam, dans ei filium tantopere concupitum, multisque precibus expetitum. Vnde annus primus Dan pænè totus coincidit cum primo Iudæ. Sub finem verò eiusdem mensis, credimus eandem Balam de Iacobo iterum concepisse, Genes. cap. 30. vers. 6.

LIA DAT
ANCILLAM
SVAM VIRO
SVO IN CON-
IUGEM.

3. Mense autem septimo, ut arbitror, propè expleto, Lia videns Rachelem de Bala ancilla sua optatissimum filium suscepisse, & eandem Balam alterum iam in vtero habere, se verò concipere desiisse; iam enim præterierant propè menses quattuor à partu Iudæ, & nondum se in vtero gestare sentiebat, cum antea post duos circiter menses à partu se grauidam sentire solita esset: dedit & ipsa marito suo ancillam suam Zelpham in uxorem, ut ex illa prolem suam adhuc amplius multiplicaret: neque frustrata est voto suo; siquidem Zelpha paulò post de Iacobo concepit, Genes. cap. citato vers. 9. Ex his patet, uxores Iacobi, ut bene adnotauit S. Augustinus lib. 22. cap. 48. contra Faustum, non libidinis ergò, sed solo prolis desiderio, viri qui concubitus appetiuisse: alioqui, quando se infecundas viderunt, non proprias vltò ancillas ad viri sui coniugium adsciuissent: sed ubi se nequaquam parere viderent, famulas suas dederunt viro suo, ut illas facerent matres carne, & ipsæ fierent voluntate.

AB ORBE CONDITO

ANNVS 2287.

TERTIÆ MVNDI ÆTAT.

ANNVS 175.

ORTVS
NEPHTHA-
LI.

1. ANNO memorati septennij quinto, mense tertio circiter inchoante, Bala secundum edidit filium. quo nato, Rachel valde lætata est; & quæ primò propter eius pulchritudinem à viro suo magis diligebatur, ac deinde propter infecunditatem, à sorore admodum fecunda præueniri ac superari metuebat, proptereaque enixè dominum rogabat, ut saltem de ancilla ei liberos daret: nunc voti compos facta, se cum foreore comparatam, atque inualuisse, hoc est, primatum suum, quem amittere verebatur, retinuisse se videns, vocauit puerum nomine Nephthali; qua voce, Quod dictum est, Hebraicè breuiter exprimi aiunt, tametsi Latine nullo æquiualentem vocabulo significari posse videatur: Genes. cap. 30. vers. 8. Concurrat ergo annus primus Nephthali ferè totus cum octogesimo nono vitæ patris sui Iacob, ut notatur in tabulis.

ORTVS GAD.

2. Mense verò eiusdem anni quinto circiter incipiente, Zelpha quoque peperit Iacobo primum filium suum; quem Lia illius hera, ad felicitatem suam in prolis multiplicatione augendam, sibi natum reputans, appellauit Gad, quæ vox Hebraica, Latine Feliciter reddi solet. Vnde primus annus vitæ Gad pænè totus coincidit cum primo

mo Nephthali. Non multò post, nimirum proximo mense circiter in eunte, rursum Zelfa de Iacobo concepit. Ibidem vers. 10.

3. Sub finem eiusdem mensis sexti, Lia post quattuordecim infecunditatis suæ menses ab ortu Iudæ decurfos, conducto sibi marito suo pro mandragoris Racheli concessis, denuò concipere cœpit, Genes. cap. 30. vers. 14. vsque ad 18. Ex quo loco manifestè infertur, Iacobum, cum plures haberet vxores, non indifferenter cum singulis versari consueuisse, sed ordinem inter illas statuisse, ita vt non solum potiori loco haberet eas, quæ conditione liberæ erant, quàm quæ seruæ; sed & inter liberæ, eam quam primò petierat, vltroque acceperat, & pro qua septem annis seruierat, nimirum Rachel, Lia præferret, quam dece ptus accipere coactus fuerat; id enim plene indicant illa Lia verba vers. 15. *Parumne tibi videtur, quòd præripueris maritum mihi?* &c. & præterea singulis certas quasdam vices ac noctes secum dormiendi præstituisse. Quare quod respondit Lia Rachel dicens: *Dormiat* (videlicet Iacob) *tecum hac nocte, pro mandragoris filij tui*, potest vtrumque significare, & quòd ipsa esset primaria ac maioris auctoritatis apud virum suum, & quòd illam ipsa noctem in ordine haberet manducandi cum viro.

LIA FECUNDITATEM
PAENÆ AMIS
SAM RECV-
PERAT.

DE SVBORDINATIONE
VXORVM
IACOBI.

AB ORBE CONDITO
ANNVS 2288.

TERTIÆ MVNDI ÆTAT.
ANNVS 176.

1 **A** NNO sexto, mense tertio circiter inchoante, Zelfa ex Iacobo Lia peperit alterum filium, quem eadem Lia nominavit Aser; tali nomine insinuans, eam propterea à mulieribus beatam fore prædicandam: ibid. vers. 13. Quare annus primus Aser concurrit pænè totus cum eodem anno sexto dicti septennij, hoc est, cum anno vitæ Iacob nonagesimo, vt videre est in tabulis.

ORTVS
ASER.

2. Mense eiusdem anni quarto circiter incipiente, Lia peperit quintum filium, quem quasi pro mercede à Deo accipiens, eò quòd prolis desiderio dedisset ancillam suam viro suo; appellavit puerum Issachar, quod Mercedem significare tradunt. Vnde primus annus Issachar, & primus Aser, pænè simul toti coincidunt. Sub finem verò eiusdem mensis, eadem Lia protinus, vt ante partum Iudæ consueuerat, denuò concepit, Genes. cap. 30. vers. 19.

ORTVS IS-
SACHAR.

AB ORBE CONDITO
ANNVS 2289.

TERTIÆ MVNDI ÆTAT.
ANNVS 177.

1 **A** NNO septimo, mense primo propè expleto, Lia peperit viro suo sextum filium. Quamobrem, tamquam magna à Deo dote donata, reputans, ex quo tot filios viro suo genuisset, numquam fore, vt ipsum ampliùs tæderet cohabitare secum, vocauit nomen huius filij sui Zabulon, quòd Cohabitatio interpretatur. Itaque dubium non est, quin annus primus Zabulon coinciderat pænè totus cum anno patris sui nonagesimo primo, vt in tabulis annotatum videbitur. Porro Lia non multò post memoratum partum, puta sub finem mensis proximi, adhuc semel concepisse traditur, Genes. cap. 30. vers. 21.

ORTVS ZA-
BVLON.

2. Mense autem tertio desinente, recordatus quoque Dominus Rachelis, exaudivit eam; & ablato fecunditatis impedimento, quodcumque illud fuerit, ipsa quoque tandem de viro suo concepit, Genes. cap. 30. vers. 22.

RACHEL DE-
SIIT ESSE
STERILIS.

3. Appropinquante verò vndecimi mensis fine, Lia peperit filiam nomine Dinam. Ibidem vers. 23. post quam nullum ampliùs, neque masculum neque feminam concepisse legitur.

ORTVS DI-
NAE.

4. In fine prædicti anni septimi, Rachel peperit primogenitum suum, & lætata est valdè, quòd abstulisset Dominus opprobrium suum, videlicet sterilitatem, quæ tunc temporis pro magno dedecore habebatur; & postulans speransque à Deo impetrare alium filium, imposuit huic nomen Ioseph, quod Accrescens vel Additio interpretari dicitur: Genes. cap. 30. vers. 24. Itaque annus primus Ioseph, quemadmodum & Dinæ, concurrit ferè totus cum sequenti, vt in tabulis apparebit.

ORTVS IO-
SEPH.

AB ORBE CONDITO
ANNVS 2290.

TERTIÆ MVNDI ÆTAT.
ANNVS 178.

1 **A** NNO proximo ineunte, exactis scilicet quattuordecim pactæ seruitutis annis, Iacob cum se tali obligatione liberum videret, & tot filiorum patrem, cogita- retque

IACOB COGI-
TATREDIRE
IN TERRAM
CHANAAN.

retque paterno teneri debito eis non solum in praesens consulere, sed etiam in futurum prospicere, quemadmodum postea monuit Apostolus 2. ad Corinth. cap. 12. vers. 14. dicens: *Nec enim debent filij parentibus thesaurizare, sed parentes filiis.* voluit redire in terram Chanaan, & non amplius alienam, sed rem suam gerere, petiitque à Laban fœdero suo cum pace dimitti, vt cum vxoribus ac liberis suis reuerti posset in patriam. Ille verò, qui quæ sua erant magis quàm quæ nepotum, quærebat; ac benè nouerat quàm ei vtile foret ministerium generi, maluit eidem mercedem constituere vt secum remaneret; qui tandem ea lege consensit, (nullo tamen statuto termino) si pecora varij coloris ex grege vnicolore nascitura pro mercede haberet. acquieuit fœder. & ne qua fraus interuenire posset, traditis Laban gregibus suis prorsus nigris & omnino albis Iacobo pascendis, varios ipse penes filios suos retinuit; posito inter vtrumque gregem trium dierum itineris intervallo. Veniebatque Laban statis temporibus ad Iacob, assumebatque sibi agnos & hœdos nigras & albos; varios autem ipsi Iacob pro sua mercede relinquebat.

CONSENTIT
SERVIRE SO
CERO PRO
REGIBVS.

IACOB SE
CVNDAM
HABVIT
DOMINIA
PARTITIO
NEM.

AD QV
DECORTICA
TAS IN CA
NALIBVS
VIRGAS PO
SVERIT.

DEMIRA
BILI IMAGI
NATIONIS
EFFECTV.

2. Qui tum recolens, quanta à Laban detrimenta accepisset, & considerans se (cùm esset peregrinus & pauper) ab indigena potentiore, quod sibi iure debebatur, exigere non posse, praesertim vxorum dotes, & mercedem seruitutis posteriorum septem annorum, quam circumuentus, & quodammodò inuitus, subire coactus fuerat: cogitauit (iustè quidem, & vt creditur, ac colligi potest Genes. cap. 3. 1. vers. 12. etiam ab Angelo in somnis, quæ fuit secunda Domini apparitio ei facta, admonitus) tali arte & industria indemnitate suæ consulere, & propria damna rescire. Virgas ergo diuersarum arborum, ex parte tantùm diuersimodè decorticatas, in canalibus posuit, quæ varium in aqua colorem reddentes, intuentium obtutus imaginationemque diutius rei nouitate fixam detinere possent. Quando igitur post calorem diei, greges ad potandum auidè admodum properabant, & ibidem, vt solebant, auidius feminæ à maribus ascendeantur; fiebat, vt in ipso coitus seruire aquam pariter insipientes, tales fetus conciperent, quales vmbra arietum hircorumque desuper ascendentium in aquarum speculo contemplabantur: siquidem varius virgarum color, pariter cum arietum siue hircorum imaginibus in aquarum superficie repræsentatus, formas figurabat marium vellere vario maculisque asperso amictorum.

3. Videtur autem esse hoc naturale, vt cum aliqua vehementi imaginatione concipientes, fetus postea pariant rei imaginatæ aliquatenus similes: huius namque effectus plurima non solum exempla atque experimenta, tum in brutis tum etiam in hominibus subsecuta; sed etiam quasdam Doctores afferunt rationes. Nam si (inquiunt) vt ait Aristoteles 3. de Anima text. 48. & sequentibus, imaginatio apta nata est esse principium motus localis, quanto magis poterit esse alterationis? & si imaginationi, cùm fuerit fortis, naturaliter obedit corpus, etiam quantum ad casum de trabe in alto posita, vt ait B. Thom. par. 3. quæst. 13. art. 3. ad 3. quia certissimum est quod vulgò dicitur, Imaginatio quandoque facit casum: quis dubitet, magis posse obedire quantum ad aliquam eius alterationem? & si imaginari, quemadmodum aliæ etiam sensationes, (vt ex eodem Aristotele 1. de Anima text. 12. & sequentibus, & text. 64. & sequentibus, & de Sensu & sensibilibus cap. 1. & de Somno & vigilia cap. 1. colligi potest) non animæ tantùm sunt, neque corporis, sed coniuncti, sicuti amare, irasci, timere, aliæque eiusmodi; quid mirum est, si quemadmodum vehemens amor, ira, metus, lætitia, & similia possunt humana corpora non modo plurimum alterare, sed etiam interdum interficere: quid (inquam) mirum est, si fortis imaginatio in actu copulæ valeat fetum in sui conceptione adeò tenerum atque alterabilem, notabili quadam qualitate afficere? praesertim cùm tanta sit inter imaginariam & generatiuam potentiam consensio, vt ad alterius motionem, alteram continuò excitari ac commoueri manifestum sit; faciliè enim quibus genitalia turgent, libidinosa phantasmata patiuntur; & eonuersò. Sed hæc Philosophis accuratius discutienda relinquamus.



IACOB PR
DENTIA.

LABANI
INIQUITAS.

4. Porro Iacob non semper prædictas ponebat in canalibus virgas, sed verno dumtaxat tempore, quando copiosiores & meliores procreari solent fetus, tum ne solertia deprehenderetur, si semper varia nata essent pecora; tum quia satis sibi videbatur, si sibi meliora vberioraque obtingerent. Verumenimuerò, quanta fuit iusta Iacobi industria, tantum Labani iniquitas abundauit: nam, vt habemus Genes. cap. 3. 1. vers. 8. & tradit etiam B. Hieronymus in Quæstionibus Hebraicis in Genesim, Laban per singulos fetus, qui ordinariè bis in anno contingebant, conditiones Iacobo mutabat. quando videbat copiosius nasci pecus varium, dicebat; Deinceps varia mea erunt: cùm vnicolore,

colora, (tunc namque Iacob virgæ non ponebat in canalibus) mutata sententia, dicebat, se velle in sequenti vice, quæ vnus essent coloris. & sic semper, ita vt decies, in toto illo sex annorum interuallo, id facere non erubuerit. Quare meritò postea de ipso conquerebatur Iacob cum vxoribus suis, Genes. cap. 31. vers. 7. dicens: *Sed & pater vester circumuenit me, & mutauit mercedem meam decem vicibus.* Verumtamen, his non obstantibus, semper præualuit, magisque manifestata est prouidentia Dei erga ipsum Iacob, vt ipsemet ibidem prosequitur, dicens: *Et tamen non dimisit cum Deus, vt noceret mihi. Si quando dixit: Variæ erunt mercedes tuæ, pariebant omnes oues* (intellige in primo anni partu) *varios fetus. quando verò econtrario ait: Alba quæque accipies pro mercede, omnes greges alba pepererunt.* Tulitq; *Deus substantiam patris vestri, & dedit mihi.* Qua in re impletum est, quod prædixerat Iacob ipsi Laban Genes. cap. 30. versic. 33. *Respondetisq; mihi cras* (hoc est, in futurum) *iustitia mea, quando placiti tempus aduenierit coram te.* Tunc siquidem Deus iniquè agentem delusit, & iuste sese gerentem cumulatè admodum remunerauit. Et hæc sunt, quæ intra præfatum sex annorum tempus contigisse Iacobo memòrantur.

DIVINA
PROVIDEN-
TIA FAVET
IACOBO.

AB ORBE CONDITO

ANNVS 2295.

TERTIÆ MVNDI ÆTAT.

ANNVS 183.

SVB finem anni sexti à natiuitate Ioseph, cum audisset Iacob quòd filij Laban de ipso murmurarent, quasi ipse tulisset sibi opes patris eorum, animaduertissetq; etiam ipsum Laban non parum à se videri auersum; & præterea apparuisset sibi tertio Dominus, dicens: Reuertere in terram tuam. re clam cum vxoribus suis communicata, de illarum consensu, deliberauit redire in patriam, Genes. c. 31. versic. 1. & sequentibus.

TERTIA DO-
MINI APPA-
RITIO FA-
CTA IACOBO.

AB ORBE CONDITO

ANNVS 2296.

TERTIÆ MVNDI ÆTAT.

ANNVS 184.

ANNO proximo inchoante, Iacob cum mansisset in Mesopotamia viginti annis, seruius socero suo Laban, quattuordecim scilicet pro vxoribus, & sex pro gregibus, vt aperte exprimitur Genesis cap. 31. versic. 38. & 41. quadam die audiens socerum suum cum filiis iuisset ad gregem suum, à se trium dierum itinere distantem, ad tondendas oues; arrepta tam opportuna occasione, coniugibus ac liberis super camelos impositis, inde cum omni substantia sua discessit, vt iret in terram Chanaan, inscio Laban.

IACOB IN-
SCIOSOCERO
REVERTI-
TVR CVM OM-
NI SVBSTAN-
TIA IN TER-
RAM CHA-
NAAN.

2. Eodem quoque tempore Rachel, nesciente Iacobo, secum abstulit idola patris sui. Quod idè fecisse creditur, vt quidam putant, quia fortè essent aurea, atque argentea, & magni valoris; vt vel sic suam & fororis dotes, contra omne ius à patre retentas, aliæque mariti damna, quæ immeritò ab eodem fuerat perpeffus, refarciret, compensaretq; Siue, vt alij arbitrantur satis leuiter, credens se hoc pacto posse patrem suum ab ipsorum cultu reuocare: Siue, vt aliis magis placet, eò quòd ipsa, quemadmodum reliqua domus eius paterna, soleret adhuc ex parte tantum verum Deum colere, ex parte verò etiam idola gentium venerari, licet clam marito suo, cui sciebat id maximè displicere: Vel etiam, quia timeret, ne pater eius clandestina suorum profectione cognita, statim ad deos suos de via fugæ sciscitandos accurreret, vt fugientes citius persequi posset: & item, vt si pater abeuntes (quod maximè ipsa verebatur) comprehendisset; haberet secum quos deprecari posset, vt furorem patris compercerent. Et quidem videtur rationabilius suspicandum, Rachelem ad hoc idola tulisse, vt aliquè eis honorem haberet; alioqui ad quid ea inscio viro surripere studuisset? Neq; obstat, quòd eadem postea subter cameli stramenta abscondere indignum non duxerit; quoniam clarum est, ipsam id non libenter egisse, sed subito atque ingenti admodum timore percussam, ne scilicet deprehensa furti rea, illicò interficeretur; audierat enim iam prolatam à proprio viro sententiam: *Apud quemcumque inneneris deos tuos, necetur coram fratribus nostris.* Sed, utcumque res fuerit, quod Scriptura sacra subicit, nos diuinare nequaquam præsumimus.

RACHEL
CVR IDOLA
PATRIS
CLAM ABS-
TVLERIT.

3. Sanè Laban die tertia, quando videlicet Iacob iam Euphrate transmissio pergebat contra montem, qui postea dictus est Galaad, de ipsius Iacobi fuga admonitus, statim assumptis fratribus, hoc est, filiis & cognatis suis, cum indignatione magna persecutus est

LABAN SE- est eum, & die septima, quæ, vt arbitror, à die fugæ erat decima, comprehendit eum
 QUITVR ET in dicto monte; ibi enim Iacob iam extenderat tabernaculum, vt cum fessa familia gre-
 ANSEQUITVR gibulque suis aliquantulum conquiesceret. Die autem præcedenti arguerat Deus ipsum
 IACOBVM Laban in somnis, præceperatque non modò ne ipsi Iacob quidquam mali faceret, sed
 ABVENTEM. ne quid durius ei loqueretur. Quamobrem, mitigato furore, vt primùm de longè
 conspicatus est eum, fixit ipse quoque in eodem monte tabernaculum suum: deinde
 veniens ad Iacob, cœpit multò quietiùs, quàm proposuerat, cum ipso agere, & con-
 queri, quòd clam, & vt dicitur, insalutato hospite atque inurbanè aufugisset, & insu-
 per abstulisset idola sua. Purgauit se Iacob de fuga, veritus nimirum (inquit) ne violentè
 auferres filias tuas. De furto autem absolute negauit, ignorans quòd Rachel ea sus-
 tulisset, permittitque ipsum eadem vbicumque inuenisset accipere. Sed dum is cuncta
 diligentius scrutando, illa vbique exquirat, pulchrè callideque à Rachele deluditur.
 Etenim stramentis, subter quæ idola absconderat, insidens, & sibi tunc femineum ac-
 cidisse fluxum simulans, bellè à se elongauit patrem, rogans vt se excusatam haberet,
 si tum ei assurgere non posset. Vt autem vidit Iacob, quòd Laban simulacra sua non
 inuenisset; acrius eum increpare cœpit, quòd sine causa scrutatus esset omnem supelle-
 ctilem eius frustrà. qua increpatione confusus Laban, illicò cedens, facillè percussit cum
 Iacob fœdus super quodam lapidum tumulo, quem ibidem simul vterque construxit:
 PERCVTIT CVM IACO-
 BO FOEDVS. iurantes nihil mali sibi iniucem illaturos; & immolatis Deo pro gratiarum actio-
 ne victimis, pariterque epulantes, manserunt ibi toto illo die, imposueruntque loco
 nomen, vterque iuxta proprietatem linguæ suæ, quòd Latine dici potest, Tumulus
 testis; Hebraicè autem dicitur Galaad: ex quo factum est, vt deinceps apud Hebræos
 ETYMOLO- non modò tumulus ille, sed totus quoque mons ac finitima regio, speciatim verò etiam
 GIA NOMI- vrbs, quæ ibidem postea ædificata fuit, eodem nomine Galaad nuncupata fuerint. De-
 NIS GALAAD nique Laban de nocte consurgens, osculatusque filios ac filias suas, id est matres cum
 parulis, ac benedicens illis, reuersus est ad terram suam.

4. Quoniam autem nunc primùm montis Galaad fecimus mentionem, operæpre-
 tium videtur, ipsum hîc aliquatenus describere; erit enim id admodum vile ad plura
 intelligenda, quæ deinceps in progressu Operis dicenda erunt. Quamquam igitur, pres-
 tius loquendo, mons Galaad propriè sit ille, in quo memoratum fœdus inter Iacob &
 Laban istum fuit; largiùs tamen atque vniuersaliùs ipsum accipiendo, certum est, no-
 mine montis Galaad vniuersaliter comprehendi continuam quamdam plurium mon-
 tium extensionem trans Iordanem positam, quæ à torrentis Armon rupibus, per mil-
 liaria circiter quinquaginta, Orientem inter & Septemtrionem versus, protenditur, vs-
 que ad initium Orientale montis Libani; vt planè colligitur Ierem. cap. 22. vers. 6. illis
 verbis: *Galaad tu mihi caput Libani.* & pro maiori parte secus ipsum Iordanem excu-
 rit, non longè admodum ab eius alueo radices suas protendens. Quamuis autem tota
 hæc montium longitudo, mons Galaad olim diceretur; aliis tamen peculiaribus quo-
 que nominibus, pro locorum diuersitate, nuncupabatur. Nam à dicto torrente Armon
 vsque ad urbem Cedar, (quæ pars ceteris altior atque fertilior esse dicitur totius mon-
 tis) propterea primarium Galaad nomen retinuit: à Cedar verò ad fontem Phiala ap-
 pellatur, dicebatur Seir; quòd fortè toto illo tractu hispidus asperiorque esse videret-
 MONS SEIR. tur: à dicto autem fonte vsque ad Libanum, præsertim vbi ex parte Trachonitidem
 MONS HER- circuit regionem, vocabatur Hermon. Porrò mons Galaad, omnium illius plagæ mon-
 MON. tium feracior fuisse dicitur, tum graminis ad alenda omnis generis pecora, tum aroma-
 tum, tum etiam arborum, præcipuè picearum, resinamque exudantium, vt clarè
 colligi potest Ierem. cap. 8. vers. vltimo, & cap. 46. vers. 11. in hoc monte, Moysi tem-
 poribus, erant duo illa Amorrhæorum regna, Og scilicet & Basan, quibus deletis, di-
 uisæ sunt ciuitates eorum tribubus Ruben & Gad, & dimidia tribui Manasses. Et hæc
 pro nunc de dicto monte satis.

5. Redeamus ad nostrum Iacob, qui post Labani discessum, ipse quoque de Ga-
 laad, itinere quo cœperat, progrediens ad terram Chanaan, in eius, vt creditur, ingres-
 su, obuiam habuit Angelos; illos nimirum, vt quidam sentiunt, qui erant illius regio-
 nis præsides & custodes: qui de illius aduentu læti, tamquam gratulabundi occurren-
 tes, quodam modò sese ostendebant paratos ad ipsum amaster deiiciendum, & ad eius
 IACOB QVATAM HABVIT CAELESTEM VISIONEM. custodiam ac defensionem. *Quos cum vidisset Iacob, ait: Castra Dei sunt hæc. & appel-
 lauit nomen loci illius Mahanaim, id est, Castra, Genes. cap. 32. vers. 1.* Vnde apparet,
 Iacobum non paucos, sed maximam vidisse ibi multitudinem Angelorum. & Deum
 diuinam hanc huic sancto viro visionem (quæ fuit in ordine quarta) ostendisse, vt eum
 secu-

securum redderet, se cælesti protectione & Angelorum ministerio ab omni hostium malitia liberatum fuisse, ac deinceps liberatum iri, tamquam diuinis perpetuò castris munitum atque vallatum. Nec refert, ipsum Iacob, etiam post hanc visionem, non semel imminencia pericula valdè pertimuisse; & præsertim paulò post in eodem loco, quando scilicet audiuit, fratrem suum Esau sibi cum quadringentis viris obuiam properare: quoniam, tametsi ex humana infirmitate (vt omnes ferè homines solent) repentinis ac violentis timoribus aliquando correptus fuerit, quod Deus interdum permittit, vt ad ipsum in huiusmodi confugere magis assuescamus: attamen sanctus vir, illic post orationem resumpto spiritu, & actuali cælestium promissorum rememoratione ac consideratione confirmatus, discusso viriliter timore, vigorem animi constantiamque retinuit. Quamuis non immeritò quoque & sine culpa timere potuerit, ignorans altissima Dei iudicia atque consilia: quandoquidem licet de diuina protectione securus esset, nesciebat tamen modum quo ipsum protegere decreuisset, num aliquo cum suorum damno, nec ne: propterea diuinit omnia quæ habebat in duas turmas, dicens: Si percussit Esau vnā turmam, saluabitur altera. Denique, si diligenter ponderaueris cuncta quæ egit dixitque Iacob in eo periculo constitutus, proculdubio inuenies, ipsum non tantummodò timuisse, sed etiam fidem spemque maximam diuinis habuisse promissis, & humanam quidem infirmitatem, sed ingenti cum pietatis fide coniunctam, ostendisse.

IN PERICU-
LIS TIMO-
REM CVM
SPEC CONIVN-
GENDVM.

6. Videtur insuper memoratus Angelorum occurfus, vt optimè aduertit Rupertus lib. 8. Commentariorum in Genes. cap. 2. fuisse quasi quoddam *insigne victoris & emeriti viri, cui pro gloria triumphi, pompa cælestis obuiam procedens, festiua exceptione lectum obsequium prebuerit.* Et post pauca, Rectè, inquit, talem habuit occursum, qui sub obedientia patris sui peregrè militauerat, in fide certauerat, in spe victoriam perfecerat, in charitate dilatata eius anima profundissimas de beneficiis diuinis gratias agebat, dicens: *Minor sum cunctis miserationibus tuis.* & cap. 3. idem Auctor addit: *Igitur Iacob, postquam præceptum patris peregit, reuertenti obuiam fuerunt Angeli Dei, vt sciamus, quia post obedientia laborem, cuique viro fideli superest supernis reuelationibus glorificari, & cælestium spirituum crebra visitatione iam in hac vita remunerari.* Sic ipse Christus, post tentationes deuictas, exceptus est victor ab Angelis: Reliquit enim cum tentator, & ecce accesserunt Angeli, & ministrabant ei. Sic pro modulo suo quique electorum, quanto superiores hominibus sunt, tanto proximiores Deo effecti, ministerio fruuntur Angelorum; qui omnes, vt Apostolus ait, administratorij spiritus sunt, in ministerium missi, propter eos qui hereditatem capiunt salutis. Locus autem ipse ubi horum visitatio declaratur, Ecclesia secretum est; qui rectè dicitur Mahanaim, id est, Castra. nam & ipsa Ecclesia terribilis est, vt castrorum acies ordinata. hucusque Rupertus.

CVR IACOBO
REDEVENTI
OBVIAM VEN-
NERINT
ANGELI.

7. De eodem loco, quem appellauerat Mahanaim, id est, Castra, misit Iacob ante se legatos ad Esau fratrem suum in terram Seir regionis Idumææ, qui nuntiarent ei de reditu suo, & de diuitiis, quas in Mesopotamia Deo benè iuuante acquisierat, nihilque se magis exoptare, quàm ab ipso, vt par est, fraternè diligi, & ipsum sibi fore propitium. Cum autem reuerfi essent nuntij, ab iisque audisset Iacob, quòd Esau properaret in occursum eius cum quadringentis viris; valdè perterritus, diuisit seruos, & pecora sua, & omnia quæ habebat, in duas turmas, intra se dicens: Si vnā percussit Esau, saluabitur altera. Statimque in oratione positus, cœpit recordari pristinæ paupertatis suæ, & recolere beneficia quæ à Deo maxima acceperat, atque humili corde se indignum fateri, cui tanta Deus præstitisset; gratiasque de acceptis agens, rogare Dominum, vt se eriperet de manu Esau; memor promissionum, quæ pro sua benignitate ei fecerat in Bethel. Manè autem factò, vt fratris animum sibi redderet placatum, segregauit de cunctis gregibus suis amplissima fratri munera, magnam nempe pecorum armentorumque multitudinem, quam in singulas cuiusque generis turmas distinxit, & per quædam inter se interualla distantes, iussit ire obuiam fratri; mandans vnuscuiusque turmæ ductoribus, vt cum primùm successuè vnā post aliam veniret ad Esau, sigillatim interrogati responderent, se esse Iacobi fratris sui seruos; gregesque illos esse munera, quæ ipsi mittebat idem Iacob, qui & ipse ad eum inuisendum ac salutandum propè sequebatur. Quo exemplo (inquit S. Augustinus quæst. 102. in Genes.) admonendi fuimus, vt quamvis credamus in Deum, faciamus tamen quæ facienda sunt ab hominibus in præsidium salutis, ne prætermittentes ea, Deum tentare videamur.

IACOB MIT-
TIT AD ESAU
FRATREM
NUNTIOS
IN SEIR.

TIMEN S
FRATREM
AD SE VEN-
IENTEM,
EDEM MU-
NERA PRÆ
MITTIT.

8. Iacob ergo, præmissis ordinatim, vt dictum est, muneribus, mansit nocte illa in Mahanaim, hoc est, in Castris: qua transacta, ipse quoque cum vxoribus suis, gregibus,

DE TORREN
TE IACOB.

bus, & omni domo sua inde profectus, transiit vadum torrentis Iacob, qui à montibus Galaad defluens, inter Philadelphiam & Gerasam, in quarto milliario eius, vt dicitur in libro de Locis Hebraicis, in Iordanem à latere eius Orientali influit sub mare Galilææ, prope eum locum, vbi in eiusdem Iordanis parte Occidentali exoneratur alius torrens nomine Cifon. Igitur Iacob, transuadatis omnibus quæ ad se pertinebant, peruenit desinente illo die ad quemdam non procul à dicto torrente locum, quem deinde (vt paulò post dicemus) appellauit Phanuël. Vbi cum nocte illa morari decreuisset, ipse diuino quodam instinctu à suis segregatus, vt forte orationi ac diuinæ contemplationi aliquamdiu solus vacaret; admirabilem illam habuit cum Angelo humana specie ei apparente luctam, quæ describitur Genes. cap. 32. vers. 24. & fuit quinta Dei apparitio eidem facta, in qua totam illam noctem consumpsit. Cum autem speciali Dei auxilio, ab Angelo superari non potuisset; ne superbiret, quòd sibi Deum (cuius vicem gerebat Angelus) superasse videretur: ille solo tactu in nervo femoris eius torporem induxit, ita vt mox claudicare cogeretur. In cuius rei signum, postea Hebræi, religione perpetua, ab esu talis nerui, cuiuscumque animalis esset, abstinere voluerunt, vt in fine citati capitis habemus, & testatur Iosephus 1. Antiq. c. 19. addens, huiuscemodi abstinentiam tunc primum ab ipso Iacob obseruari cœptam, ac deinceps transisse ad postereros.

OBTINET
AB ANGELO
BENEDI-
CTIONEM.

9. Itaque sentiens Iacob diuinam eius, qui secum luctabatur, virtutem, arctius eum tenere contendit, & postulanti vt se dimitteret, respondit: *Non dimittam te, nisi benedixeris mihi.* quod non segniter aut verbotenus, sed ex intimo cordis affectu, & ingenti illius benedictionis desiderio, cum fletu & magna instantia rogando, ipsum fecisse colligunt Doctores super Osèe cap. 12. vers. 4. vbi de eodem Iacob legimus: *Et inuoluit ad Angelum,* (id est, ad luctandum cum Angelo,) *& confortatus est; flevit, & rogauit eum.* Denique, non modò quam postulabat obtinuit benedictione, sed etiam, quòd nihil minus cogitabat, sui nominis mutatione promeruit. Illic enim audiuit Angelum vice Dei sibi dicentem: *Nequaquam Iacob appellabitur nomen tuum, sed Israël.* ac si diceret: Conuenientius modò erit, vt deinceps non voceris Iacob, id est, Supplantator; sed Israël, quod Fortis cum Deo significat: *quoniam si contra Deum fortis fuisti, quanto magis contra homines præualebis?* Quamuis possit etiam Israël interpretari, Videns Deum, vt infra num. 13. ostendemus. Ex his ergo intellexit Iacob, ad quid ei Deus talem luctam permisisset: nimirum, vt ipsum roboraret, atque doceret ne tantopere formidaret à fratre sibi obuiam veniente; sed nec ab vllò alio hoste: quin potius confideret, se contra quosuis aduersum se insurgentes Deo propitio posse præualere; atque ab ipsis nihil mali esse passurum. Neque huic confidentiæ ob stare debuit, quòd, licet victor, in nervo tamen offensus fuerit; quia illa claudicatio, vt sentit probatque Abulenſis, ad modicum perdurauit, & tantisper ei relicta fuit in rei gestæ argumentum; ne fortè aliqui putaret, luctam illam non corporalem ac veram, sed imaginariam extitisse.

NON IACOB
SED ISRAEL
DEINCEPS
VOCARI
IUBETUR.QV R ANGE-
LYS IACOBO
NOMEN
SVVM INDI-
CARE NO-
LVERIT.

10. Quòd autem Angelus sciscitanti Iacobo nomen suum non indicarit, sed potius eum redarguerit, tamquam suæ naturæ metas excedentem; factum fortè fuit, ad ipsum in debita humilitate conseruandum; ne ex memorata victoria, & tali reuelatione, subtiliorem quamdam, eoque periculosiorem animi extollentiam contraheret. Sic solet Deus interdum miscere aliqua dulcibus acria, vt seruos suos erudiat; & quos eximiiis fauoribus ad amorem suum eleuat, in sancto quoque timore contineat. Sic Apostolos sibi chariores, quos gloriose suæ transfigurationis ostensione lætificauit, simul quoque paterna voce perterrituit Matth. cap. 17. vers. 2. vsque ad 7. Sic Petro, cum ei Ecclesiam suam commendasset, martyriumque prædixisset, interroganti de Ioanne: *Hic autem quid?* eius feruorem retundens, quòd non sit in huiusmodi vltèrius inquirendum, respondit: *Quid ad te?* Ioan. cap. 21. vers. 21.

QVID SI-
GNIFICA-
RIT PRÆ-
DICTA IACOBICI
CLAVDICATIONE
ET LVCTA.

11. Verumenimuerò, quòd diximus de apparitione & lucta Angeli cum Iacobo; non ideo tantùm à Deo præstitum putamus, vt tali signo certiore illum redderet, quòd proculdubiò à timore fratris omniumque inimicorum esset liberandus; sed insuper, vt quid semini suo (quod femoris vocabulo solet interdum in sacris Scripturis indicari, iuxta illud: *Non auferetur sceptrum de Iuda, & Dux de femore eius*) posterioribus temporibus venturum esset, quodammodò præostenderet, atque aliquatenus adumbraret: nimirum, quòd sicuti tunc Patriarchæ Iacob alter pes sanus erat, alter claudus: ita aliquando futurum erat, vt posterorum eius vna pars in fide ac timore Dei persisteret; altera à semitis eius, veluti luxata, claudicaret; de qua dicitur in Psal. 17. vers.

vers. 46. *Et claudicauerunt à semitis suis.* Et nihilominus vtraque pars, videlicet tam electi ac sancti, quam reprobi & infideles, Iacobi fortitudinē retineant; ac propterea Israëlita, hoc est, Cum Deo fortes, meritō appellandi essent: quoniam omnes, licet diuersimodē contra Deum quodammodō prauallere debebant. Nam, vt ab electis incipiamus, quis nesciat sanctum Moysen videri quoquomodō praualluisse Deo? quando Exodi cap. 32. vers. 9. dicenti sibi, *Cerno quod populus iste dura cervice sit: dimitte me, ut irascatur furor meus contra eos, & deleam eos,* &c. non dimisit, sed valenter colluctando respondit: *Cur Domine irascitur furor tuus?* & quæ sequuntur. & tandem miserationes, quas flagitabat, impetrauit. Subditur enim eiusdem capitis vers. 14. *Placatusq; est Dominus, ne faceret malum, quod locutus fuerat aduersus populum suum.* Eodem quoque modo certum est praualluisse Prophetas, sanctosque veteris Testamenti omnes, qui tamen viderent illius populi iniquitates & peccata eouisse excreuisse, vt iam mererentur, ne Deus impleret illi promissas patribus suis in Christo benedictiones; numquam tamen assiduīs precibus atque orationibus apud Deum contendere cessarunt, donec tandem promissum de illa gente nasciturum mundi Redemptorem, & copiosam quam expectabant humani generis redemptionem, quæ erat cunctarum benedictionum maxima, obtinuerunt. Horum vota vocesque erant: *Mitte Domine, quem missurus es. Vtinam dirumperes calos, & descenderes! Veni Domine, & noli tardare, relaxa facinora plebi tuæ.* & sexcenta huiusmodi alia, quorum nonnulla quotannis appositē in Officio Aduentus sancta recolit canitque Ecclesia.

12. Sed veniamus ad reprobos. nōne ipsi quoque contra Deum quoquomodō praualluisse videntur? quando cum impio eorum pontifice Caipha, & omni satanica synagoga eius, Christum crucifigi curarunt? Audi quid hac de re disserit S. Augustinus in Sermone 80. De tempore: *Iacob*, (inquit) *in illa colluctatione cum Angelo, Iudeorum populum figurabat: Angelus autem qui cum ipso luctabatur, typum Domini Saluatoris præferebat. Luctatur Iacob cum Angelo, quia populus Iudeorum luctatur erat cum Christo. Vincebat Iacob Angelum, quia Iudeorum populus Christum vsque ad mortem persecuturus erat. Et quia non totus populus Iudeorum infidelis extitit Christo, sed non parua multitudo in eius nomine legitur credidisse, ideo Angelus tetigit femur Iacob, & claudicare cepit. Pes enim ille in quo claudicabat, Iudeos qui in Christum non crediderunt figurabat: ille vero qui sanus remansit, illorum typum gessit qui Christum Dominum receperunt. Denique diligenter attendite, quia Iacob in illa colluctatione & vincebat, & benedictionem petebat. Cum enim dixisset Angelus: Dimitte me. respondit Iacob: Non dimittam te, nisi benedixeris mihi. In eo quod vincebat Iacob, Iudeos persecuturos Christum significabat; in eo quod benedictionem petebat, illum populum figurabat, qui in Christum Dominum crediturus erat. Denique, quid ei dixit Angelus? Si contra Dominum fortis fuisti, quanto magis contra homines præualebis? Hoc tunc impletum est, quando populus Iudeorum Christum Dominum crucifixit. hæc & alia huiusmodi loco citato S. Augustinus. Ecce quomodo non Iacob tantum, sed etiam posteritas eius, fortis cum Deo fuit. Verum de hoc satis; non enim nostri instituti est talia fusiùs prosequi, sed tantummodò in transcurso breuiter attingere, vt ad historiam quam in manibus habemus, citiùs properemus.*

13. Itaque Iacob tot tantisque beneficiis admodum gratus, ad æternam memoriam diuinæ illius visionis, & luctæ cum Angelo habitæ, & benedictionis cum excellenti nominis mutatione ab eodem acceptæ, appellauit nomen loci illius Phanuel, quod interpretatur, Videns Deum, seu Facies Dei. quia, inquit, *vidi Deum facie ad faciem, & salua facta est anima mea*, Genes. cap. 32. vers. 30. Hoc autem dixit, non quia reuerā Deum, hoc est diuinam essentiam, vidisset: Deum enim nemo vidit umquam. Ioan. cap. 1. vers. 18. & scimus Exodi cap. 33. vers. 20. & 23. Moysi dixisse Dominum: *Non poteris videre faciem meam; non enim videbit me homo, & viuere.* Sed quoniam vicem Dei gerebat Angelus ille, quem in humana specie secum viderat colluctantem, & à quo caelesti benedictione & singulari illa nominis impositione admodum recreatus ac confortatus fuerat, atque à nimio fratris timore liberatus: propterea dixit, se vidisse Deum facie ad faciem, hoc est, illum habuisse præsentem; & hac forsitan de causa Philo Iudæus in libro cui titulus est De Abrahamo, pag. 310. & alibi non semel ait, quòd Israël interpretatur Videns Deum; quod etiam asserit S. Ambrosius lib. 2. De Iacob & vita beata, cap. 1. & in Epistolam ad Coloss. cap. 1. & alij Patres, quos citat Pererius in Genes. cap. 32. num. 50. Ceterum, in eodem postea loco ædificata fuit eiusdem nominis ciuitas, cuius turrim deinde destruxit, & habitatores eius occidit Gedeon, eò quòd sibi exercituiq; suo, Madianitarum principes Zebee & Salmāna persequenti, panes ali-

ISRAELITAE BONI
QUOMODO
CVM DEO
LUCTASSE
AC PRAEVA
LVISSE VI
DEANTVR.

MALI QUOMODO IDEM
PRAESTITIS
SE VIDERI
POSSINT.

DE PHANUEL.
IACOB QUOMODO DEVM
VIDISSE
DICATVR.

DE VREE
PHANVEL.

menta quæ præbere recusassent: quemadmodum describitur Iudicum cap. 8. versic. 8. & 17. eandem verò urbem post multa tempora restauravit auxitque Ieroboam primus Rex Israël, ut habemus 3. Reg. cap. 12. versic. 25. Quamvis non desint, qui (sine solido, ut arbitror, fundamento) faciunt Phanuel à dicto Ieroboam ædificatam, omnino ab ista diuersam, & non trans, sed eis Iordanem, ac prope Sichem extitisse. Porro Phanuel à Iacob sic denominatam, nonnulli putant illam esse urbem, quam Strabo lib. 16. appellat Faciem Dei. Sed necesse videtur fateri, vel istos falli, vel falli Strabonem in eo, quod ponit eam prope Tripolim: quandoquidem ex Terræ sanctæ descriptionibus constat, Phanuel, de qua hic agimus, à Tripoli non parum fuisse remotam.

QVO ORDINE
IACOB
OBIIT
IUIERIT
FRATRI.

ESAV REDIT
IN SEIR, IACOB
VERO
VENIT IN
SOCOTH.

QUAMDIU
IACOB HABITAUERIT
IN SOCOTH.

14. His in Phanuel peractis, Iacob summo manè inde cum suis discedens, iter suum prosequatur. Cum autem post solis ortum, à longè vidisset fratrem suum Esau cum quadringentis viris ad se venientem, disposuit uxores ac filios suos, ut hoc ordine obuiarent, salutarentque fratrem. Primò, duas præmisit ancillas cum filiis suis; deinde post illas, Liam cum suis pariter liberis; postremo nobiliorique loco, Rachelem cum filio suo Ioseph. Ipse verò omnes aliquantulum præcedens, primus ibat obuiam fratri, quem honoris causa, & ut sic magis conciliaret sibi animum illius, septies pronus in terram veneratus est, donec ei appropinquaret, quemadmodum tunc fieri solebat erga magnos viros ac dominos. ille verò tanta fratris humilitate præuentus, statim accurrit, & primus in oscula ruens, fraternè ac peramanter, non sine lacrymis, arctè amplexatur fratrem; mox accedentes uxores & filij Iacob, eo quo dictum est ordine, omnes sigillatim venerant ipsam Esau, qui sese suosque itineris socios fratri offerens, tandem vix à Iacobo susceptis muneribus reuertitur vnde venerat in Seir: Iacob autem venit in locum, quem ipse appellauit Socoth, id est Tabernacula; quoniam ibi ædificata sibi casa, fixisque multis familiæ suæ, quæ ad modum copiosa erat, tentoriis, aliquandiu mansit, Genes. cap. 33. versic. 1. vsque ad 18. Quanto autem tempore manserit Iacob in Socoth, Scriptura sacra non exprimit. Auctori Chronologiæ maioris Hebræorum, cap. 2. affirmat, ibi Iacob moratum esse octodecim menses: sed ex his, quæ nos infra sub anno mundi 2304. num. 1. dicemus, videtur satis probabiliter posse inferri, ipsum Iacob octo circiter annos traduxisse in Socoth: quod etiam comprobatur domus ab eo ibidem ædificata, id enim hæcenus ipsum alibi fecisse non legimus, quia nimirum alibi diutius manere non cogitauerat. Putamus tamen ipsum sapius ad inuiscendos parentes prosperasse: non enim videtur verisimile, debitum hoc pietatis officium ab eo tam diu dilatum esse, donec cum vniuersa familia sua ad illos peruenire posset; præsertim cum certum sit, ex causis in sacra Scriptura præteritis, ipsum non nisi post multos annos, ex quo iam venerat in terram Chanaan, id facere potuisse; ut ex dicendis sub anno mundi 2305. num. 4. apparebit.

AB ORBE CONDITO TERTIÆ MVNDI ÆTAT.
ANNVS 2298. ANNVS 186.

IUDAS GE-
NIT HER.

ANNO tertio circiter ineunte à reditu Iacob de Mesopotamia, (ut infra sub anno mundi 2306. num. 6. probabitur) Iudas cum iam ingressus esset annum vitæ decimumtertium, quemadmodum dignosci potest ex tabulis, de Socoth, ubi cum patre ac fratribus suis habitabat, diuertit ad domum cuiusdam viri nomine Hiram, qui postea fuit eius opilio, & erat Odollamites, id est de vrbe Odollam, quæ post à cecidit in sortem tribus ipsius Iudæ, vidensque ibi filiam cuiusdam hominis Chananæi, cui nomen erat Sue, accepit illam sibi in uxorem; quæ sub finem mensis decimi illiusmet anni peperit ei filium suum primogenitum, quem vocauit Her, Genes. cap. 38. versic. 1. Quare primus annus Her concurrit pænè totus cum anno insequente, qui erat ætatis Iudæ decimusquartus, ut digestum est in tabulis. Nec mirum alicui videatur, quod Iudas in tam tenera ætate genuerit filium: quia certum est, aliquos in minori ætate genuisse, ut nos sub anno mundi 3285. num. 1. ostendemus. Necesse autem videtur ponere, Iudam anno prædicto generare cœpisse: alioqui non posset verum esse quod dicitur Genes. cap. 46. versic. 12. nimirum Iudam duos iam habuisse nepotes ex Phares quarto filio suo, quando cum patre & fratribus ingressus est Ægyptum, ut sub anno mundi 2306. num. 5. & 6. fusiùs comprobabimus. Sed quis miretur, Iudam potuisse anno vitæ suæ decimotertio filios gignere? cum necesse sit, etiam fratres suos satis tempestiuè uxores duxisse, filiosque procreasse? alioqui non tot singuli liberos in ingressu Ægypti habere potuissent; præsertim verò Beniamin, qui natus anno vitæ patris

triscentesimo septimo, anno eiusdem centesimo trigésimo iam decem habuisse filios dicitur, Gen. cap. citato vers. 21. & Aser, qui tunc, tametsi minor esset ipso Iuda duobus annis, non filios tantum, sed etiam nepotes duos ex quarto filio nomine Beria habuit: ibidem vers. 17. Oportet igitur fateri, filios Iacob singulari quodam Dei munere præter ordinarium naturæ cursum citò admodum fuisse ad generandum idoneos; quemadmodum etiam in reliquis, ab adolescentia sua magno animo fortisque corpore supra ætatem extitisse; ut in illo Sichimorum exterminio, de quo paulò inferius agemus, primò Simeon & Leui, postea ceteri quoque declarauerunt; quamvis ipsorum maior tunc annum vitæ vigésimum primum non excederet; reliqui verò successiue multò minores essent.

FILII IACOB
CVRTAM CI-
TO FILIOS
GENERINT

AB ORBE CONDITO

ANNVS 2299.

TERTIÆ MVNDI ÆTAT.

ANNVS 187.

I ANNO proximo, mense circiter octauo, vxor Iudæ genuit viro suo alterum filium, quem nominauit Onan, Genesis cap. 38. versic. 4. Quo fit, vt annus primus Onan pro maiori parte coincidat cum decimoquinto vitæ patris sui Iudæ, vt patet in tabulis.

IUDAS GE-
NUIT ONAN

AB ORBE CONDITO

ANNVS 2300.

TERTIÆ MVNDI ÆTAT.

ANNVS 188.

I ANNO tertio, ex quo Iudas vxorem duxerat, mense circiter sexto, illa tertium ei genuit filium, cui nomen inditum fuit, Sela. quo nato, ampliùs parere desiit, Genes. cap. 38. versic. 5. Itaque primus annus Selæ parum aliquid magis videtur cum anno patris sui decimoquinto concurrisse. Progenies autem huius Selæ filij Iudæ breuiter tangitur 1. Paralipom. cap. 4. vers. 21. vsque ad 24. vbi inter alia, de vno ex posteris eius, tacito nomine, dicitur, quòd ipse stare fecit solem. Quamuis enim ibi non desint, qui in textu Hebraico id non haberi contendant; putentque verbum illud Hebraicum *Iokim*, pro quo Latinus Interpres reddidit, *Qui stare fecit Solem*, ibidem non in tali significatione accipi debere; sed prout erat nomen proprium viri de posteris Selæ. Qui vir licet sic appellaretur, non tamen idè sequitur, ipsum id quod eius nomen significabat præstitisse: sicuti non est necesse, quòd is cui nomen est Felix, vel Faustus, aut Fortunatus, re ipsa felix, faustus, fortunatusve fuerit. Atque hoc pacto dictum textum Hebraicum exponentes, putant ipsum de nullo ex posteris Selæ asserere, quòd stare fecerit solem. Nihilominus editio Vulgata Latina, quæ meritò in sancta Ecclesia magnæ est auctoritatis, manifestè ponit vnum de profapia Selæ innominatum, quem ex hoc tantum facto significat, dicens: *Et qui stare fecit solem*. quòd fortè is tunc magis ex hoc tam memorabili prodigio, quàm ex proprio nomine communiter esset cognitus. vnde Sacri eloquij Expositores super citato 1. Paralip. cap. 4. v. 22. quærunt, Quis nam ille fuerit, & ferè omnes putant fuisse Elimelech maritum Noëmi; cui & duobus filiis eius nituntur adaptare ea quæ in eodem Sacro textu habentur, dicentes, quòd qui ibidem nominantur Securus & Incendens, iidem sunt cum duobus filiis ipsius Elimelech, qui Ruth cap. 1. vers. 2. dicuntur Mahalon & Chelion; & quòd ipse Elimelech videns tantas hominum sui temporis præuaricationes, orauit Dominum, vt solem à suo cursu aliquantulum sisteret, quò Legis præuaricatores tali prodigio territi, à tantis malis retraherentur. Et quoniam non propterea homines respuerunt, misit Dominus famem illam, cuius fit mentio in principio libri Ruth; propter quam & ipse Elimelech cum vxore sua & filiis coactus est peregrinari in terram Moab, vt ibidem describitur. Hebræi autem dicunt, quòd Elimelech non fecit stare solem orando, sed ob eius avaritiam, quia cum esset valde diues, voluit tempore famis abire in Moabitidem, ne fratribus suis Iudæis admodum tunc indigentibus succurrere cogeretur: & hac de causa ibidem non propria tantum, sed & filiorum morte, diuitiarumque amissione punitus fuit. sic illi. Verumenimvero fieri quidem potest, quòd quis ob crimen avaritiæ talibus à Deo pœnis plexus sit: at verò quòd etiam propterea sol steterit, non tam facile credi posse videtur. Sed vtut res fuerit, illud certum est, memoratam opinionem, quòd scilicet dictus Elimelech stare fecerit solem, originem habuisse ab illa Hebræorum traditione, quam refert S. Hieronymus in Traditionibus Hebræis 1. Paralipom. cap. 4. in hæc verba: *Tradunt enim Hebræi hunc fuisse Elimelech*

SELA TER-
TIVS IVDÆ
FILIVS NA-
SCITVR.

VNX EX PO-
STERIS SE-
LÆ STARE
FECIT SO-
LEM.

QVIS NAM
FVERIT.

lech virum Noëmi, patrem Mahalon, & Chelion, in cuius tempore sol steterit propter prauaricatoris Legis, vt tanto miraculo viso conuerterentur ad Dominum Deum suum. Quod quia facere contempserunt, idcirco fames inualuit, vt ille qui in tribu sua prior videbatur, famis inopia, cum vxore & filiis non solum patria pelleretur, sed etiam in eadem peregrinatione cum filiis moreretur. hucusque S. Hieronymus. qui quoniam purus dictę traditionis relator esse videtur, eamque nec probare nec improbare; propterea dictę traditioni non facile fidendum esse credimus, præsertim ob rationes satis firmas, quas contra eam adducit Abulensis super 1. Paralipom. cap. 4. quæst. 19. vbi ostendit, quod verba illius Sacri textus nequaquam conuenire possunt ipsi Elimelech nec filiis eius, tum ob alia quæ ibidem adducit argumenta, tum verò maxime, quia ipse Elimelech non erat de prosapia Selæ, sed Phares, vt patet Ruth cap. vlt. vers. 18. vbi legimus: *Ha sunt generationes Phares.* & subinde nominatim recensentur posteri eius vsque ad David; & inter eos vers. 22. ponuntur Booz, & Obed filius eius, quem genuit ex Ruth Moabitide, quæ prius fuerat vxor Mahalon filij Elimelech. Atqui si Elimelech & Mahalon fuissent de stirpe Selæ, vt supponit memorata Hebræorum traditio, certe Obed (quem genuit Boos vt suscitaret nomen Mahalon defuncti in hereditate sua, ne vocabulum eius de familia sua deleteretur, quemadmodum exprimitur Ruth cap. citato vers. 10.) non debuisset poni in generationibus Phares, sed inter posteros Selæ, qui recensentur 1. Paralipom. cap. 4. vers. 21. vsque ad 24. Cum ergo videamus ipsum Obed nullatenus haberi in prosapia Selæ, & expressè connumerari inter posteros Phares: vtique fateri oportet, ipsum Elimelech & filios eius (quorum semen, vt dictum est, suscitauit Booz) fuisse & progenie Phares, non autem Selæ; & consequenter de ipso Elimelech nullo modo dici posse, quod fecerit stare solem. Itaque ex dictis concludere possumus, verè olim extitisse vnum de posteris Selæ, qui stare fecit solem, vt apertè tradit editio Vulgata Latina: verum quomodo, quæue occasione id euenerit, & quis huius rei auctor fuerit, in Sacris libris ex proprio nomine non indicari. Quod & ex textu quoque Hebraico non intelligi potest: nam licet ipse videatur hunc nominasse Iokim: hoc tamen probabilius potest credi non fuisse proprium eius nomen, sed cognomen ei deinceps ex tam memorabili facto inditum; siquidem nullum alium in Sacro eloquio inuenimus sic fuisse nuncupatum. Ita ergo iste (quisquis ipse fuerit) cognominatus est Iokim, quemadmodum postea S. Gregorius Neocæsareæ Ponti Episcopus, ob miraculorum multitudinem atque præstantiam, dictus est Thaumaturgus; & Atila Hunnorum Rex, ob multa mala quæ populis intulit, appellatus fuit Flagellum Dei: & alij multi propter eorum gesta, siue bona siue mala, proprias sortiti sunt nomenclationes. Et quidem textus Hebraicus videretur dicere debuisse, non *Iokim*, quod significat, *stare fecit*: sed *Iokijom*, quod interpretari potest, *stare fecit diem*, seu (quod idem est) *solem*. Sed Scriptura sacra maluit per Synecdochen dicere *Iokim*, vt se conformaret (sicut aliàs solet) modo loquendi magis vsitato, qui interdum abbreviare vocabula consuevit; & quia ad illud, *Qui stare fecit*, omnes per Antonomasiā faciliè subintelligebant *solem*, quod res cunctis tunc esset notissima; quemadmodum apud nos, statim ac audimus pronuntiarī Apostolum, subintelligimus Paulum.

AB ORBE CONDITO.

TERTIÆ MVNDI ÆTAT.

ANNVS 2301.

ANNVS 189.

BELOCHVS
REX ASSY-
RIORVM
MORITVR.

ANNO insequente, qui erat vitæ Iacob centesimus tertius, cessit è vita Belochus Rex Assyriorum, cum regnasset annos triginta quinque, vt notat Eusebius in Chronicis.

AB ORBE CONDITO

TERTIÆ MVNDI ÆTAT.

ANNVS 2302.

ANNVS 190.

BALEVS II.
REGNAT IN
ASSYRIA,
ET INDOS
IN DEDI-
TIONEM
RECIPIT.

ANNO proximo circiter inchoante, regnauit super Assyrios Baleus, huius nominis secundus, qui fuit Rex ipsorum nonus, vt loco citato idem scribit Eusebius, qui à Nino hos reges recenset; decimus verò iuxta S. Augustinum, qui eosdem à Belo dinumerat lib. de Ciuit. 18. vt aliàs dictum est. Hunc Genebrardus lib. 1. suæ Chronologiæ appellat Baleum iuniorem, qui regnum quoque (inquit) intra Indiam propagauit: quare Indi sua Babylonis obtulerunt, sequæ in eorum potestatem commiserunt.

ANNO postero, qui erat octauus à reditu suo de Mesopotamia, sub finem, vt IACOB TRANSMIS-
SO IORDANE
HABITAT
IN SALEM. arbitror, anni, quemadmodum paulò pòst probabitur; Iacob, transmissò Iordane, transtulit se suosque in Salem urbem Sichimorum, in terram Chanaan. Quamuis enim etiam Socoth & Mahanaim, quæ erant trans Iordanem, dici possent, essentque verè in terra Chanaan, quam ibi aliàs habitauerant Amorrhæi posteri ipsius Chanaan; pressius tamen loquendo illa præcipuè dicebatur terra Chanaan, quæ erat cis Iordanem. Sanè Iacob non habitauit in vrbe Salem, sed prope illam, Gen. cap. 33. vers. 18. fixis tabernaculis suis in parte agri proximi, quem emit centum agnorum pretio à filiis Hemor, illius regionis domino; & ibidem erecto altari, inuocauit super illud fortissimum Deum Israël, Genes. cap. 33. vers. 18. Quenam autem fuerit ista vrbs DE VRBE
SALEM. Salem, si quis percontetur, dicimus, nullo modo esse Ierusalem: nam licet ipsa quoque aliquando, præsertim verò tempore Melchisedech, Salem dicta credatur; illa tamen nihil pertinebat ad regionem Sichimorum, tamquam ab ea fatis remota; aiunt enim, à Sichem ad Ierusalem ad triginta passuum millia extitisse: hæc verò Salem, de qua hic agimus, ad illius distinctionem, dicitur vrbs Sichimorum. Quare oportet vel fuisse proximam vrbi Sichem, & pariter domino ipsius subiectam, vel eandemmet cum ipsa, vt multi arbitrantur, & colligi potest Genes. 35. vers. 4. vbi de Iacob dicitur, quòd antequam inde transferret se suosque in Bethel, infodit omnia idola domus suæ subter terebinthum, quæ est prope urbem Sichem. Quod si verum est, oportet eandem urbem fuisse binominem, quemadmodum Bethel, quæ aliter dicebatur Luz; & Segor, quæ & Bala dicta est, & aliæ huiusmodi multæ.

AB ORBE CONDITO

TERTIÆ MVNDI ÆTAT.

ANNVS 2304.

ANNVS 192.

ANNO, vt arbitror, primo aduentus Iacob in Salem, siue (vt ait Iosephus 1. Antiq. c. 19.) in Sicima, quæ & Sichem, occasione (quemadmodum idem Auctor ibidem tradit) cuiusdam celebritatis, quæ apud Sichimitas fiebat, ad quam viri feminaque totius ferme regionis conuenire solebant; Dina meræ curiositatis ergò, videndi scilicet desiderio mulieres illius terræ, habitumque atque ornatum ipsarum, egressa clàm, vt arbitror, de materno tabernaculo, vt primum venit ad urbem, visa, concupita, rapta, ac violata fuit à Sichem primogenito Hemor, & principe dictæ ciuitatis. Oportet autem Dinam tunc fuisse quatuordecim vel quindecim circiter annorum; erat enim nubilus, ac propterea Sichem postulauit dari sibi eam in coniugem. Videtur etiam hæc Dinæ violatio accidisse non multò postquam Iacob venerat in Salem, vt planè indicare videntur illa verba: *Egressa est Dina, vt videret mulieres regionis illius.* nimirum ipsa tamquam aduena, & recens eodem cum aduenisset, illas adhuc videre non potuerat. Ex his ergo satis clare potest inferri, quod supra sub anno mundi 2296. num. 14. dictum est, Iacobum mansisse in Socoth ad annos octo; quandoquidem Dina, cum esset ferè omnino coætanea ipsi Ioseph, iam sex ætatis annos expleuerat, antequam egressa esset de Mesopotamia; quibus si addantur anni octo mansionis in Socoth, itineris pariter tempore computato, hient anni quatuordecim. Igitur iam ingressa erat annù vitæ decimum quintum, quando violata fuit; quod supra dictis valdè sit consonum.

2. Cum itaque nuntiata essent filiis Iacob, quæ fecerat Sichem forori eorum, venissentque primò Hemor; deinde etiam ipse Sichem filius eius, postulantes vt sibi daretur Dina in coniugem, exhibentes dotis argumentum & munera, & quidquid patri fratribusque placeret: illi, tametsi amaro valdè essent animo propter stuprum forori illatum, nihilominus pro tunc iniuriam dissimulantes, dolose responderunt dicentes, non licere sibi cum hominibus incircumcisis miscere connubia; ideoque non posse huiusmodi petitioni acquiescere, nisi fortè placeret Sichemitis omnibus ritum circumcisionis suscipere; sic namque, & non aliter, inter se posse fœderari, & vniri cum ipsis, tamquam si vnus atque idem esset populus. His auditis, Hemor & Sichem persuaserunt populo suo, vt pro fœdere, non sine magna ipsius vilitate cum Israëlitis pangen- do, ipsorum Religionem suscipere non negligerent. Quibus acquiescentibus, cunctisque eodem tempore circumcisis, tertia die, quando vulnerum dolor solet esse grauissimus, arreptis Simeon & Leui gladiis, ciuitatemque ingressi, omnes viros à maximo vsque ad minimum interfecerunt, & occisis pariter Hemor & Sichem, reduxerunt secum fororem suam Dinam. Quo factò, ceteri quoque filij Iacob super occisos irruentes, depu-

FILII IACOB
DELENT SI-
CHEMITAS
IN VLTIO.
NEM STV.
PRATÆSO-
RORIS.

pulati sunt vrbes, cuncta in domibus & in agris deuastantes, ac mulieres cum paruulis captiuas abducentes. Quæ omnia valde displicuerunt patri ipsorum Iacob; qui tamen de hac re increpasset filios suos, præsertim facinoris auctores Simeonem & Leui; non tamen valuit eos ad facti pœnitentiam inducere.

SEXTA DOMINI
APPARITIONE
FACTA IACOBO.

IACOB VO-
LENS IRE
IN BETHEL,
MUNDAT
DOMUM
SUAM AB
IDOLIS.

3. Dum ergo Iacob de Sichimorum excidio valdè esset anxius, quippe qui præuideret fore, ut aliquando Chananæi & Pherezæi, illius regionis habitatores, derepente contra eum insurgerent, & domum suam, vtique viribus humanis longè imparem, in ultionem Sichimorum delerent: ad orationem, vt solebat in cunctis tribulationibus suis, confugiens, meruit sextam habere Domini apparitionem; in qua audiuit Deum dicentem sibi: *Surge, & ascende Bethel, & habita ibi, facq̃ altare Deo, qui apparuit tibi quando fugiebas Esau fratrem tuum*, Genes. cap. 35. vers. 1. ac si diceret: Recordare voti quod vouisti Deo, & nunc vade vt adimpleas illud. Parans itaque Iacob, obediens voci Domini, transfere fe suaque omnia in Bethel; operæpretium duxit, priùs mundare domum suam, & sanctificare illam, vt oblationes, quas facturum erat Deo in Bethel, mundæ, gratæ, & acceptæ essent coram illo. Igitur conuocata omni familia sua, aperuit ei consilium suum de ascensu in Bethel; & graui oratione admonuit vt præpararet se Deo, atque ante omnia proiceret à se cuncta idola, quæ vel diuina reuelatione sibi in eadem apparitione facta, vel aliter nouerat apud suos remansisse; siue ea essent, quæ multis iam antea annis secum clam tulerat Rachel de domo patris sui, vt sentiunt Iosephus & multi alij eum sequentes; siue, quod multò credibilius est, quæ in Sichimorum depopulatione abstulerant filij ac serui sui. Quare omnes dicto obediens, statim attulerunt ipsi Iacobo cuncta huiusmodi quæ apud eos reperta sunt; nimirum, non idola solum, sed & omnia ornamenta eorum. Ille verò siue suis & consiliis omnibus; siue præ angustiiis temporis, ad ipsorum execrationem, tantummodò confractis, & quatenus fieri potuit comminutus; in foueam altè defossam proiecit, & ad æternam obliuionem terra operuit, prope terebinthum, non longè ab vrbe Sichem existentem. Cumque proficiscerentur in Bethel, *terror Dei inuasit omnes per circuitum ciuitates, & non sunt ausi persequi recedentes*. Venit ergo Iacob cum suis in Bethel, quæ priùs Luza vocabatur, videlicet in locum, vbi apparuerat ei prima vice Dominus; & ædificato altari, immolatisque hostiis, denudò, in confirmationem eius quod antea fecerat, *appellauit nomen loci illius, Domus Dei*, Genes. cap. citato vers. 2. vsque ad 8. & credendum est, ipsum ibi vota, quæ in Mesopotamiam pèrgens emiserat, exoluisse.

ORBITVS DEB-
BORAE NV-
TRICIS RE-
BECCAE.

CVR DEBBO-
RA VENE-
RIT AD IACOBVM.


4. Eodem tempore contigit ibidem morti Debboram Rebeccæ nutricem, & sepulta est ad radices montis Bethel, sub quadam quercu, quæ postea ob planctum ibi factum, appellata est Quercus fletus, Genes. cap. 35. vers. 8. Et quoniam hic necesse videtur supponere, Debboram tunc fuisse cum Iacob; quæri solet, quando, & qua de causa, & vnde ad ipsum venerit. Ad hoc dicunt nonnulli, quòd Rebecca miserat Debboram in Mesopotamiam ad Iacob, vt reduceret ipsum ad fe, quemadmodum promiserat ipsi Iacob Genes. cap. 27. vers. 45. dicens: *Postea mittam, & adducam te inde huc*. Sed quia non videtur credibile, Rebeccam voluisse mittere in regionem tam longinquam, nutricem suam iam pænè decrepitam: nam si Debbora lactauerat Rebeccam, oportet eam saltem fuisse quadraginta circiter annorum, quando ipsa Rebecca nupsit Isaac, & consequenter Debboram fuisse pænè coætaneam cum ipso Isaac, qui per hæc tempora erat centum sexaginta sex annorum, vt patet in tabulis. Multò igitur credibilius est, ipsam Debboram semper mansisse in domo Isaac cum Rebecca domina sua, vsquequò intellexit rediisse Iacob de Mesopotamia in terram Chanaan; tunc siquidem verita, ne præ nimia senectute priùs mortem oppeteret, quam posset videre duas nepes dominæ suæ, vxores Iacob, & osculari filios earum: præsertim cum cerneret admodum differri earum aduentum in domum Isaac domini sui: non sustinuit amplius illas expectare, sed voluit de Bersabee, siue de Hebron, proficisci ad videndum eas vsque in Bethel; factumque est, vt tandem voti compos effecta, non multò post ibidem mortua sepultaque sit ab ipso Iacob, quemadmodum dictum est.

SEPTIMA
DOMINI
APPARITIONE
FACTA IACOBO.

5. Porro in Bethel habuit Iacob septimam Domini apparitionem admodum celebrem; quandoquidem præter diuinam benedictionem ei denuò impertitam, & confirmationem mutati nominis Iacob in Israel, præclaras quoque repositiones ipsi patribusque suis aliàs factas de sui seminis multiplicatione, & de tradenda ei terra Chanaan, iterum ei replicauit Deus, dicens: *Ego Deus omnipotens, cresce, & multiplicare: gentes & populi nationum ex te erunt, Reges de lumbis tuis egredientur. terramque, quam dedi Abraham & Isaac, dabo tibi & semini tuo post te*. His auditis, Iacob, præter illam grati animi pietatem quam erga Deum gerebat maximam, vt eius aliquam saltem exteriùs

terius quoque significationem ostenderet, erexit ibi titulum lapideum, libans super eum libamina, & effundens oleum; vocauitque iam tertio nomen loci illius, Bethel, hoc est, Domus Dei, Genes. cap. 35. vers. 9. vsque ad 16. Est autem hic aduertendum, quod memorata Domini benedictio ad Iacob illis verbis: *Cresce, & multiplicare, &c.* propriè non est referenda ad personam ipsius Iacob, quippe qui cum iam excessisset annum vitæ centesimum (vt dignosci potest in tabulis) videbatur iam per ætatem minus aptus ad gignendos multos liberos; & ex sacra Genesi constat, quod re ipsa deinceps, præter Benjamin, nullum alium genuit: sed referri debet ad eius domum, in qua erant multi filij, qui diuinæ illius benedictionis virtute continuò postmodum valde multiplicantes, vehementer crescere fecerunt familiam ipsius Iacob; ita vt Gentes & nationes, ac demum etiam Reges de ipsa prodierint.

6. Sanè, de loco huius apparitionis dubitant nonnulli, vtrum sit illa eadem Bethel, quam supra diximus consueuisse prius vocari Luzam, vbi primò apparuerat Dominus ipsi Iacob proficiscenti in Mesopotamiam; an altera ab ea diuersa, quæ propter septimam hanc diuinam Iacobo factam apparitionem, eodem nomine fuerit appellata. Et quidem Abulensis super cap. 35. Genes. q. 5. sentit, hanc Bethel fuisse Ierusalem, siue montem Moria, in quo postea domus Dei, id est templum à Salomone constructum fuit. Mouetur autem duabus potissimum coniecturis. Nam vbicumque (inquit) Scriptura sacra meminit prioris Bethel, solet addere, Quæ prius Luza vocabatur, vt videre est Genes. cap. 28. vers. 19. & cap. 35. vers. 6. & Iudicum cap. 1. vers. 22. hic autem nulla Luza fit mentio. Deinde, quia in Sacro textu sequitur, quod Iacob veniens de Bethel in Ephrata, sepeliuit Rachelem in via: Atqui Rachelis sepulchrum est inter Ierusalem & Ephrata, quæ alio nomine dicitur Bethleem Iudæ, distatque ab Ierusalem duabus læucis, id est, vt quidam exponunt, quattuor millibus passuum; vel melius, vt alij dicunt, sex. Cum igitur prope Bethleem, venientibus de Ierusalem à Septemtrione ad Austrum reperiatur sepulchrum Rachelis: videtur (ait Abulensis) debere intelligi, quod Iacob veniret potius de Ierusalem, quæ Septemtrionalis est respectu Bethleem; quam de Luza, quæ ad Orientalem Chananæ plagam aliquantulum vergit, & distat à Bethleem ad vinctiduo millia passuum. Pro hac quoque sententia videtur facere, quod nisi concesserimus, etiam Ierusalem appellari Bethel; cogemur fateri, ipsum Iacob bis, vel potius ter, Luzam appellasse Bethel; nimirum primò, quando pergebat in Mesopotamiam, Genes. cap. 28. vers. 19. & item post reditum, cap. 35. vers. 7. ac tertio demum in hac septima apparitione, vt habemus vers. 15. eiusdem capituli; quod videtur inane & superfluum. His tamen non obstantibus, dicimus memoratam Domini apparitionem non in Ierusalem euenisse, sed in Luza: quia, tametsi non esset mirum, si duæ vrbes vno eodemque nomine Bethel appellatæ fuerint, quemadmodum constat duplicem fuisse Bethleem, alteram in tribu Iuda, alteram in Zabulon, vt patet Iosue cap. 19. vers. 15. & testatur etiam S. Hieronymus in Mathæi cap. 2. & geminam extitisse Maspha, & alias vnus nominis vrbes: attamen, cum Scriptura sacra non doceat fuisse duas vrbes inter se diuersas, Bethel appellatas, neque vsquam reperiatur, Ierusalem nomine Bethel significari, non videntur (vt Scholastico-rum more loquar) multiplicanda esse entia aut vocabula sine necessitate: præsertim cum Brocardus in Repertorio, & item par. 1. cap. 7. §. 37. multis argumentis, & etiam auctoritate S. Hieronymi probet oppositum: & nihil nos cogat ponere, ipsum Iacob venisse in Bethleem de Ierusalem magis quam de Luza, vt ex apposta figura quoquomodo indicari potest. non enim in Sacro textu expri-



mitur, G g 4

mitur, quòd venerit in Bethleem omnino à Septemtrionali, an etiam aliquo modo ab Orientali plaga, neque breui aut longo itinere: quamquam si venisset de Ierusalem, non videbatur dicendum: *Venit ad terram quæ ducit Ephrata*, quæ circumlocutio aliquanto longiorem viam indicare videtur; sed expeditius dixisset: Venit in Bethleem.

7. Præterea, ex ipsa sacræ narrationis serie satis apparet, prædictam apparitionem factam esse in Luza, non autem in Ierusalem; neque alibi: nam in memorato Genes. cap. 35. vers. 6. apertè dicitur, Iacob venisse Luzam cognomento Bethel; ibique edificasse altare, ubi apparuerat ei Dominus, quando fugiebat à facie fratris sui Esau. mox interposita narratione obitus Debboræ, quæ ibidem sepulta fuit, statim, nulla facta mentione quòd inde Iacob discesserit, subiungitur dictæ apparitionis descriptio, tamquam ibidem factæ, his verbis: *Apparuit autem iterum Deus Iacob*, &c. Illud enim iterum videtur innuere, hanc apparitionem in eodem locò, hoc est in Luza, contigisse; & fuisse secundam, respectu primæ quam Iacob in Luza habuerat: quamquam in ordine ceterarum, quæ postea hanc præcesserant, hæc, ut dictum est, fuerit septima. Et deinde expleta huius apparitionis descriptione, ilicò vers. 16. sequitur: *Egressus autem inde Iacob, venit in terram quæ ducit Ephrata*. Quid aliud hæc significant: nisi quòd Iacob egressus est de illa Bethel, quæ prius dicebatur Luza, & transiit ad terram, in qua erat via ducens ad Ephrata; siue terra hæc esset Ierusalem, siue alia ei proxima, nimirum illa, in qua mortua & sepulta est Rachel; ibi namque erat via ducens ad Ephrata. Ecce quomodo ex Sacro textu nulla oritur necessitas sentiendi, quòd Iacob narratam visionem habuerit in Ierusalem, & quòd ipsam appellauerit Bethel; sed potius, quòd hæc facta sint in Luza. Nec obstant Abulensis coniecturæ in contrarium adductæ: quia nequaquam probari potest, quòd Scriptura sacra, ubicumque meminit illius Bethel, quæ prius dicebatur Luza, soleat exprimere eam antea appellatam esse Luzam. Imò apertè constar de opposito pluribus in locis, præsertim verò 3. Reg. cap. 12. & 13. ubi sæpius absolute & simpliciter nominatur ista Bethel, sine vlla expressione, quòd prius dicta fuerit Luza. Neque item inconuenit ponere; quòd Iacob non semel, sed pluries Luzam appellauerit Bethel, quemadmodum certum est, Dominum non semel Iacob appellasse Israhel, & item non semel promississe Abraham, Isaac, & Iacob, multiplicare semen ipsorum, & dare eis terram Chanaan. Tales namque replicationes maiorem arguunt rerum gestarum seu promissarum confirmationem.

8. Per hæc circiter tempora, videlicet dum moram traheret Iacob in Bethel, vel paulò antè, oportet & Rachelem secundò concepisse, & Iosephum accipisse patri fratres suos, præsertim filios Balæ & Zelphe, crimine pessimo, Genes. cap. 37. vers. 2. ex quo factum est, ut ipsum odio prosequi cœperint, nec deinceps possent ei quidquam pacificè loqui. Quòd autem ad hæc tempora pertineat ista accusatio, sub anno mundi 2306. num. 2. ostendemus. Verumtamen, quàm necessaria fuit ista Iosephi delatio, sine qua fratrum saluti consulere non posse videbatur; & quàm iusta, nimirum ex intima vitiorum detestatione, & fraterna charitate, sanctoque fratrum emendationis zelo proueniens; & quam iuste facta, hoc est, optima non solum intentione, verum etiam debito modo, debitisque circumstantiis plenè (ut par est credere) obseruatis: tanto iniustius extitit odium, quo propterea illi eum postea sunt persecuti, ut verè sanctus iste iuuenis illud Prophetæ usurpare potuisset: *Quia odio habuerunt me gratis*: & item: *Retribuebant mihi mala pro bonis, & odium pro dilectione mea*. &: *Cum loquebar illis, impugnabant me gratis*. Sed hæc aliàs. Non me læter, codices LXX. Interpretum Romæ sub Sixto V. impressos, hic non dicere, Iosephum detulisse fratres, sed ipsum ab illis delatum esse patri. Verùm quia certum est, quòd illi codices in hoc aduersantur omnibus Hebræicis, Latinis, & Chaldaicis editionibus, quin etiam aliis eorundem LXX. Interpretum impressionibus, ut videre est tum in Bibliis Regiis, tum in aliis: propterea potius hic standum puto cum Vulgata editione pater Romæ excusa, cum qua concordant reliquæ, ut dictum est. Nisi fortè (quod non videtur improbabile) vtrumque successiue acciderit; nimirum quòd Ioseph primus iuste quidem detulerit fratres, illi verò postea, id iniquè ferentes, ut Iosephi accusationem infirmarent, eundem de aliquo crimine, falsò apud patrem accusauerint.

9. Et quoniam quam accusationem isti aduersus infontem composuerint, ignoramus: nunc magis inquirendum videtur, quodnam fuerit crimen illud pessimum, de quo Ioseph accusauit fratres suos apud patrem suum. Ad quod breuiter respondere possumus, Speciem eius certò nos scire nullo modo posse; quoniam nusquam in Sacris libris

IOSEPH AC-
CVSAT FRA-
TRES SVOS
PATRI DE
CRIMINE
PESSIMO.

QVODNAM
FVERIT
PRAEDI-
CTVM CRI-
MEN.

libris reperitur expressa, & tantummodò insinuatur, illos laborasse infamia cuiusdam criminis pessimi: quod autem illud fuerit, huius loci Expositores indagare contendunt. sed minimè inter se consentiunt. Aliqui enim dicunt fuisse incestum, quod commisit Ruben ingrediendo ad concubinam patris sui; & per Synecdochen, dici fratres suos, accipiendo totum pro patre, id est pluralem pro singulari. Sed hoc non est probabile: quia illa accusatio videtur omnes, aut ferè omnes fratres suos comprehendisse; idcirco namque eum primò oderant, ac deinde occidere volebant, & demum Ismaëlitis venderunt. præterea, quomodo potuit hoc tempore accusare Ruben de incesto, quod (vt putamus) adhuc non commiserat? sed si solum Ruben accusasset, ipse magis debuisset de Iosepho ultionem sumere: atqui Gen. cap. 37. vers. 21. legimus, quòd quando ceteri fratres Iosephum occidere volebant, ipse Ruben nitebatur eripere eum de manibus eorum, & reddere patri suo; & non fuit præsens, nec particeps venditionis eius, vt colligitur ibidem vers. 29. illis verbis: *Reuersusque Ruben ad cisternam, non inuenit puerum; & scissis vestibus pergens ad fratres suos, ait: Puer non comparet, & ego quòd ibo?* Alij dicunt fuisse crimen discordiarum ac dissensionum inter se: sed hoc profectò non videtur ita inter ipsos excessisse communem consuetudinem, vt mereretur nomen criminis pessimi; alioqui idem posset dici pænè de cunctis fratribus, iuxta tritum illud communi sermone Prouerbum: *Rara est concordia fratrum.* Quidam putant fuisse crimen bestialitatis; quod proprium (inquiunt) est vitium pastorum; quippe qui cum bestiis ferè semper conuersantes, ad id procliuiiores videntur. Verùm quidquid pro hac opinione afferat Abulensis, refugit animus tantam fœditatem de talibus viris suspicari; præsertim cum tametsi à multis peccatis excusari non possint, beatus tamen Ambrosius in lib. de S. Ioseph circa initium, illos sanctos appellare non dubitauerit. Alij existimarunt fuisse Sichimorum peremptionem, & totius vrbs vastationem. Sed licet ultio illa fuerit nimis atrox & iniusta, saltem respectu multorum insontium qui ibidem occisi sunt, & mulierum ac paruulorum, qui captiui ducti fuerunt, vt propterea crimen pessimum iure dici potuerit: attamen quia fuit adeò publicum, vt omnibus innotuerit; non videtur eguisse Iosephi accusatione: neque ipsi, quod palam patrare non erubuerant, ægrè tulissent delatum fuisse patri. Alij præterea arbitrantur fuisse crimen Sodomiticum, quod passim crimen pessimum appellari solet. Sed neque hoc formaliter ab ipsis esse commissum, ob memoratas causas mihi persuadere possum: nisi fortè tale quid, ira perciti, per ludibrium simulassent, illudentes occisis, in ultionem violatæ sororis, quod memini à quodam elicum esse ex illis verbis, quæ habentur Genes. cap. 34. vers. 27. *Irruerunt super occisos ceteri filij Iacob.* Verùm quia de hoc nihil certi habemus, neque adhuc vllum reperi ex sanctis Patribus alijsve probatis Auctoribus, qui prædicta Geneseos verba sic exposuerit; idcirco, neque tale facinus de talibus viris affirmare audeam; sed potius suspicari, eos in illo impetu ac depopulatione ciuitatis, zelo vindictæ, aliquas fortasse virgines deslorasse, quod valde horrendum Iosepho visum sit; ac propterea eos detulerit patri, qui eos increparet. Quid, quid sit, probabilius puto fuisse vitium aliquod carnale, ab ipsis vel in ipsa Sichimorum subuersione, vel non multò post, perpetratum; & patri à Iosepho delatum, quem constat castimonix studiosissimum, talia mirum in modum execratum esse, nec ferre vilo modo potuisse.

10. Post aliquot dies, paucòsve à prædicta accusatione menses, arbitror Iosephum vidisse, retulisseque patri ac fratribus suis in Bethel commorantibus, somnia illa de manipulis fratrum, qui videbantur adorare manipulum suum: & de quasi sole, & luna, ac vndecim stellis, quæ videbantur adorare ipsūmet Iosephum. Nam quòd hæc somnia, quæ narratur Genes. cap. 37. vers. 5. vique ad 10. post memoratam contigerint accusationem; indicant primò ipsa sacræ narrationis series, quæ immediatè eadem somnia post prædictam accusationem recenset: deinde illa verba, quæ ibidem vers. 5. habentur: *Accidit quoque, vt visum somnium referret fratribus suis; quæ causa, maioris odij seminarium fuit.* Nam quid est dicere, *Quæ causa, maioris odij seminarium fuit,* nisi asserere, odium illud ex priori accusatione conceptum, postea ex somniorum narratione incrementum accepisse? ergo somniorum narratio subsequuta est ipsam accusationem. Quòd autem ante Rachelis obitum facta sit ista somniorum manifestatio, apertè declarant illa Iacobi verba, quæ habentur vers. 10. citati capituli, videlicet: *Quid sibi vult hoc somnium quod vidisti? num ego, & mater tua, & fratres tui, adorabimus te super terram,* vt infra sub anno mundi 2306. num. 2. probabimus: ergo oportet hæc Iosephi somnia, inter fratrum accusationem & Rachelis mortem fuisse narrata. Sanè, quamuis

IOSEPH
NARRAT
SOMNIA PA-
TRI ET FRA-
TRIBUS SVIS

QVID INDI-
CARENT
PRAEDICTA
SOMNIA.

duo fuerint Iosephi somnia, ad maiorem euentus confirmationem: Alterum rerum terrenarum, id est manipulorum agri: Alterum caelestium, puta solis, lunæ ac stellarum: vna tamen erat rei, quæ portendebatur, significatio, nempe, ipsius Iosephi felicitas & exaltatio, quæ eidem postea euenit, mediante Rege terrestris, nimirum Pharaone, inprimis verò à caelesti omnium auctore ac moderatore Deo. Quando autem & quomodo impleta fuerint hæc somnia, sub anno mundi 2327. num. 4. dicemus.

AB ORBE CONDITO

TERTIÆ MVNDI ÆTAT.

ANNVS 2305.

ANNVS 193.

ORTVS BEN-
IAMIN, ET
OBITVS RA-
CHEL MATRIS
EIVS.

DE SEPUL-
CHRO RA-
CHELIS.

ANNO, vt arbitror, proximo circiter inchoante, qui erat à reditu suo de Mesopotamia decimus, Iacob egressus de Bethel, cum venisset verno tempore ad terram quæ ducit Ephrata, id est, Bethleem, contigit Rachelem ibi parere alterum filium suum, quem morti proxima vocauit Benoni, hoc est, Filius doloris mei: pater verò ipsius vertit nomen eius Benjamin, quod interpretatur, Filius dextræ, Genes. cap. 35. vers. 16. Cum autem præ nimio partus dolore mortua esset Rachel, sepe- liuit eam vir eius in eodem loco, nimirum non longè à Bethleem: atque in signum singularis dilectionis, qua eam semper profecutus fuerat, erexit super eius sepulchro titulum, hoc est, (vt Brocardus lustrator Terræ sanctæ diligentissimus testatur part. 1. cap. 7. §. 56.) pyramidem pulchram valde, in typum monumenti ipsius Rachelis, in cuius basi duodecim disposuit lapides grandes, iuxta numerum filiorum ipsius Iacob. Quamquam ego non facile crediderim, tale opus fuisse nimis artificiosum & grande, si reuera factum fuit ab ipso Iacob: non enim in tam paruo tempore, quo ibidem ipse moram traxisse creditur, magnum aliquod aut valde politum extruere ædificium potuisse videtur. Si verò Brocardi temporibus, illud magnificum & excelsum visebatur: fortè ab aliquo postea de Iacobi posteris admodum diuitem ac potente instauratum, & augustius extructum fuit. Diximus Rachelem obiisse, & Benjamin natum esse, inchoante anno, à reditu Iacob de Mesopotamia, circiter decimo, quia tamen non omnino constet, num id contigerit eodemmet anno, quo violata fuerat Dina; an potius anno postero: tamen, quia probabilius videtur, ipsum Iacob non toties eodem anno mutasse domicilium, sed totum annum à prædicto reditu nonum transegisse partim in Sichem, & partim in Bethel, idcirco posuimus ortum Benjamin, & mortem matris suæ Rachelis, circa prædicti anni decimi exordia; eo etiam adducti argumento, quòd in Sacro textu signanter exprimitur, tunc fuisse vernum tempus: & probabile est, ipsum Iacob priori anno, tali circiter tempore, venisse cum omni domo sua de Mesopotamia in terram Chanaan. Siquidem ea anni pars videtur pro itinere faciendò, ac præcipuè ad mulieres cum paruulis suis, numerososque pecorum greges longius perducendos valde accommodata; quòd præter aëris temperiem, terra tunc virente, etiam facilius ubique pascua inueniri possint. Oportet ergo Rachelem decessisse circa anni vitæ suæ quadragiesimi quinti initia, si verum est quod tradit Auctor Chronologiæ maioris Hebræorum, cap. 2. videlicet, eam fuisse annorum vigintiduorum, quando tradita viro fuit. Quod certè admodum probabile videtur, quia septennio antè iam erat nubilis, & à Iacob in vxorem petita. Quamuis præfatus Auctor perperam ibi scriptum reliquerit, eandem Rachelem obiisse anno ætatis suæ trigesimo sexto: cum ex Sacro deduci possit eloquio, (quemadmodum ex supradictis apparet, & computari potest in tabulis) à tempore quo Iacob ingressus est ad Rachelem vsque ad hunc annum, fluxisse annos viginti duos, & aliquid amplius: quibus si addantur alij vigintiduo virginitalis suæ anni; proculdubio necessariò consequitur, eam non esse mortuam anno trigesimo sexto; sed at- tigiisse, vt dictum est, quadagesimum quintum vitæ suæ annum.

QVO ÆTATIS
SVÆ
ANNO RA-
CHEL OBI-
RIT.

LEVI QVANDO
GENUIT
CAATH.

2. Eodem anno, qui erat vitæ Leui vigesimus primus, vt videre est in tabulis, oportet ipsum Leui genuisse Caath. quod sic colligimus: Caath vixit annos centum triginta tres, vt patet Exodi cap. 6. vers. 18. non solum in editione Vulgata, sed etiam LXX. Interpretum, & in Paraphrasi Chaldaica, quemadmodum videre est in Bibliis Regiis. Vnde nescio quomodo Eugubinus in sua Pentateuchi Recognitione super citato Exodi capite ausus sit dicere, ipsum Caath secundum LXX. Interpretes vixisse annos dumtaxat centum triginta; præsertim cum etiam textus eorundem Interpretum Romæ anno salutis 1788. quàm emendatissimè editus, habeat, dictum Caath vixisse annos centum triginta tres. Quare necesse est, sacrum Eugubini codicem impressorum vitio fuisse corruptum. Certum quoque est, ipsum Caath fuisse vnū ex descendantibus cum Iacob

Iacob in Ægyptum ; vt patet Genes. cap. 46. vers. 11. & consequenter, necessarium est ipsum obisse antequam inciperent Hebræi ab Ægyptiis affligi: siquidem quando cœpit afflictio, iam mortui erant omnes illi, qui cum Iacob in Ægyptum descenderant, vt aperte colligitur Exodi cap. 1. vers. 6. Cum igitur nusquam legamus Caath decessisse ante obitum patris sui Leui; quin potius credibilius sit, ipsum patri multis superuixisse annis; necessariò sequitur, ipsum esse mortuum paulò ante initia regni Amenophis, septimi regis decimæ & octauæ Ægyptiorum Dynastiæ; quem infra sub anno mundi 2438. num. 1. probabimus, fuisse Regem illum nouum, cuius fit mentio capite Exodi citato vers. 8. qui ab initio regni sui cœpit affligere Hebræos. Cum ergo constet secundum Eusebium in Chronicis, prædictum Amenophim in Ægypto regnare cœpisse anno ante exitum Israël de Ægypto centesimo sexto, qui erat centesimus decimus incipiens, ex quo Iacob in Ægyptum intrauerat, vt patet in tabulis. Si Caath, vt probabiliter credimus, obiit anno præcedenti, qui erat centesimus nonus ab introitu Israël in Ægyptum; vtique inferitur, ipsum hoc anno vitæ patris sui vigesimo primo esse natum: ab hoc enim anno, ad annum centesimum nonum introitus Israël in Ægyptum inclusiue, inueniuntur anni centum triginta tres, quibus ipsum Caath vixisse probatum est, vt facile supputari potest in tabulis. Et hinc apparet decipi Pererium, qui super capite Exodi 6. num. 26. ait, Caath obisse duobus tantum annis ante ortum Moyli. Quod nullatenus sustineri posse videtur: quia tunc iam ex multo tempore cœpta erat Hebræorum vexatio in terra Ægypti, quemadmodum nos sub anno mundi proximè citato, num. 1. & 2. demonstrabimus: & ipsemet Pererius super Exodi cap. 1. num. 28. exponens illa verba, quæ habentur in eodem cap. vers. 6. videlicet: *Quo mortuo, & vniuersis fratribus eius, omniq; cognatione illa, &c.* inde infert, Hebræorum seruitutem cœpisse non modò post mortem Ioseph & fratrum eius, verum etiam post mortem vniuersæ cognationis eius; illius, inquam, cognationis, quæ vnà cum Iacob in Ægyptum introierat; id est, mortuis etiam filiis fratrum Iosephi, qui cum patribus suis ingressi fuerant Ægyptum, inter quos, vt diximus, certum est, extitisse etiam ipsum Caath. Eodem argumento ex sacra Scripturæ verbis desumpto, cogimur etiam refellere dictum S. Epiphaniij prope finem sui Ancoratus, asserentis, quòd Leui, cum esset annorum triginta quatuor, genuit Caath. Nam hoc posito, (quemadmodum facile erit supputare in tabulis) necessariò oportebit ponere obitum ipsius Caath, post tredecim circiter annos ab incœpta Hebræorum afflictione, quòd Sacro textui proximè allegato manifestè repugnat. Fallitur item apertissimè Alexander Polyhistor, qui (vt videre est apud Eusebium lib. 9. de Præparatione Euangelica cap. vlt.) ait, Caath, quando mortuus est Leui pater eius, fuisse quadraginta annorum. Quod satis euidenter hoc refellit argumentum: quoniam sequeretur, ipsum Caath natum esse anno circiter quinquagesimo tertio, ex quo Iacob in Ægyptum cum tota familia sua ingressus fuerat: siquidem Leui anno eiusdem introitus nonagesimo tertio mortuus est, vt patet in tabulis: & consequenter oportet ipsum Caath non fuisse connumeratum inter descendentes cum Iacob in Ægyptum, contra expressum Scripturæ textum Gen. cap. 46. superius adductum.

3. Eodem anno, de Rachelis sepulchro quod erat prope Bethleem, ad dextram viæ quæ ducebat in Hebron, profectus Iacob cum vniuersa familia sua, fixit tabernaculum trans locum quemdam, qui dicebatur Turris gregis, siue Turris Ader seu Gader, quæ, vt habetur in libro de Locis Hebraicis, & tradit Brocardus part. 1. cap. 7. §. 56. parum aberat ab ipsa Bethleem contra Orientem ciuitatis. Et iste, aiunt, fuit locus ille, in quo postea, nato in Bethleem Salvatore, pastores audierunt vocem Angeli dicentis: *Euangelizo vobis gaudium magnum, &c.* & voces Angelorum dicentium: *Gloria in altissimis Deo, &c.* quæ sequuntur. *Quod quidem non nisi diuina sapientia ac dispositione actum est, vt scilicet eo loco natus Dei Filius annuntiaretur pastoribus, in quo sanctus ille pastor Iacob commoratus fuerat, à quo descenderat stella ex Iacob, qua suum & nostrum peperit reparatorum.* sic Brocardus vbi suprà. Atque in hoc campo, pascuis vberimis grandibusque oleis referto, aiunt Helenam Constantini matrè, in memoriam prædictæ apparitionis Angelicæ, ædificasse templum sub nomine sanctorum Angelorum. Ex his fit manifestum, hallucinari Hebræos, qui, vt refert B. Hieronymus in Traditionibus Hebraicis in Genesim, arbitrati sunt, nomine Turris gregis accipiendam esse Ierusalem, propter montem Moria, vbi postea fabricatum est templum: nam licet verum sit, templum illud nonnumquam vocabulo Turris gregis fuisse significatum, vt patet Michæ cap. 4. vers. 8. quòd fortè propter eius altitudinem, à longè turris haberet similitudinem; & quòd illic, religionis ergò, cœtus & congregationes hominum, instar gregum,

IACOB
HABITAT
TRANSVR
RIM GRE-
GIS.

TURRIS GRE-
GIS VBI.

conuenire solerent; & denique quòd illuc quodammodò veluti greges ouium boumq; ducerent ad immolandum: attamen certum est, Turrem gregis, ad quam nunc perrexit Iacob, non fuisse montem Moria, qui erat in Ierusalem; sed locum, quem diximus prope Bethleem extitisse. Sic enim sanctus Hieronymus loco citato sensisse videtur, relicta Rabbīnorum opinione. Cui sancto Doctōri, tum propter eius eminentem Sacrarum historiarum cognitionem, tum quia aliquamdiu ipse in Bethleem habitauit, totamque lustrauit Palæstinam, & locorum in quibus acta sunt ea quæ in Sacro eloquio traduntur, diligentissimus indagator fuit, magis credendum videtur quàm Rabbīnis, qui tamquam diuini Spiritus expertes, & velamen super corda habentes, sæpissimè in exponendis sacris Scripturis errare solent. Huc accedit, quòd neque Sacer textus opinioni sancti Doctōris vllatenus reluctatur. Nam quod dicitur Genes. cap. 35. vers. 21. *Egressus inde*, &c. non videtur exponendum (vt putat Villalpandus in sui Apparatus vrbis & templi part. 1. lib. 3. cap. 7.) ac si dictum esset, de illa regione: sed benè potest, & vt reor, melius dici: *Egressus inde*. hoc est, de loco prius memorato, in quo Iacob erexerat titulum Racheli. Sic enim ex modo loquendi videtur magis posse colligi. quandoquidem non dicit: Egressus inde, perrexit in aliam regionem. Sed: *Egressus inde, fixit tabernaculum trans Turrem gregis*. tacitè insinuans, eam inde non valde procul extitisse, & ipsum Iacob tantummodò transtulisse tabernaculum de vno in aliū eiusdem Bethleemiticæ regionis locum. & similiter quod ibidem in Sacro textu sequitur, *Cumq; habitaret in illa regione*, non videtur magis accipiendum de alia, quàm de illamet Bethleemitica superius indicata. Neque Iacob censendum est fuisse adeò imperfectus, vt non nisi per transitum in aliam regionem remotam ab ea in qua tumulauerat Rachelem, continere se posset à lacrymis. Transtulit igitur tabernaculum suum trans Turrem gregis non procul, vt aiunt, à Bethleem positam, quòd locus ille commodior sibi gregibusque suis videretur. Quo in loco sc̃dum quoddam accidit flagitium Ruben primogeniti Iacob, qui paternum cubile commaculare non erubuit, ingrediens ad Balam concubinam vxoremque patris sui Iacob. Cui quantum facinus hoc displicuerit, non ob iniuriam solū sibi illatam, sed magis ob diuinam offensam, satis indicat maledictio illa Genes. cap. 49. versic. 4. *Non crescas*, &c. quam maledictionem, morti proximis, prophetico Spiritu ipsi Ruben & posteris eius prædixit futuram, in memorati criminis vltionem. Porro Iacob creditur deinceps nunquam amplius ingressus esse ad Balam: quod etiam colligunt Hebræi ex proximè citato textu, vbi post illa verba, *Polluisti stratum meum*, addunt: *stratum meum excisum fuit*. ac si diceretur: Ex eo tempore stratum illud à me separaui. Et hoc valde rationabile est credere, quandoquidem scimus ita quoque fecisse sanctum virum Dauidem, post sc̃datas à filio suo Absalom decem concubinas suas, quemadmodum legimus 2. Regum cap. 16. vers. 22. & cap. 20. vers. 3.

RUBEN PA-
TERNVM
MACVLAT
THORYVM.

IACOB HA-
BITAT CVM
PATRE SVO
IN HEBRON

4. Sub finem, vt arbitror, huius anni, Iacob tandem cum vniuersa domo & substantia sua peruenit ad patrem suum Isaac in Hebron, vt apertè dicitur Gen. cap. 35. vers. 27. & etiam insinuat cap. 37. vers. 1. vbi habetur, quòd Iacob habitauit in terra Chanaan, in qua peregrinatus est pater eius. & idem colligi potest ibidem vers. 14. vbi legimus, quòd Iacob misit Ioseph filium suum de valle Hebron, ad fratres suos in Sichem. Quando autem Isaac de Bersabee, vbi habitabat eo tempore quo Iacob abierat in Mesopotamiam, sese transtulerit in Hebron, in sacris Scripturis non habemus. Et quoniam hic nulla fit mentio Rebeccæ matris Iacob, putant quidam illam obisse, antequam Iacob ad domum paternam cum omnibus ad se pertinentibus rediret: & Auctor Chronologiæ maioris Hebræorum, cap. 2. ponit obitum Rebeccæ in tempore obitus Debboræ nutricis suæ incidisse. Sed neque de hoc certi quidquam affirmare possumus: quemadmodum neque cur Iacob, posteaquam rediit in terram Chanaan, tanto tempore, integro nimirum decennio, distulerit sese suaque omnia in paternam domum reducere: nisi fortè id fecerit, non quidem pietatis defectu, cum intra dictum decennium credatur sæpius ad inuisendos parentes accessisse; sed quia, cum essent ambo valde diuites in pecoribus & armentis, non poterat terra illa tot tantosque greges alere. Vnde non inconuenit coniectari, propterea ipsum Isaac venisse de Bersabee in Hebron; distulisse autem istam transmigrationem vsque prope hunc annum, multis aliis de causis à Moysè præteritis: sed fortè etiam quoniam, tametsi ob valde ingrauescentem ætatem (erat enim annorum circiter centum sexaginta septem, vt patet in tabulis) non libenter, nec sine magno incommodo iter illud susciperet, solitamque habitationem tunc temporis commutaret; nihilominus videns quòd in Hebron, vbi vbe-

CYR TAM
DIV DISTV-
LERIT HA-
BITARE CVM
PATRE.

riora erant pascua, simul morari potuissent; maluisse tandem se suaque eodem trans-
ferre, ut quod reliquum habebat ætatis, cum dilecto filio suo Iacob conuiuere posset,
in quo sciebat implendas esse diuinas sibi patrique suo factas repromissiones. Mansit
igitur Iacob cum patre suo Isaac donec vixit, hoc est, annis tredecim; tot enim eum
ab hoc tempore superuixisse dignosci potest ex tabulis.

AB ORBE CONDITO

TERTIÆ MVNDI ÆTAT.

ANNVS 2306.

ANNVS 194.

IOSEPH cum expleuisset annos sexdecim, nimirum sex in Mesopotamia, & de-
cem in terra Chanaan, ut ex prædictis colligi potest, & apparet in tabulis; hoc est,
cum iam decimumseptimum vitæ annum ingressus esset, (sic namque concilian-
tur textus Hebraici, Græci, & Chaldaici, qui, ut videre est in Bibliorum Regiorum co-
dicibus Genes. cap. 37. in principio aiunt, Iosephum fuisse annorum decem & septem,
cum editione Latina Vulgata, quæ ibidem habet: *Cum sexdecim esset annorum, &c.*) hoc
inquam anno, si superficiem Sacri textus proximè citati attendamus, videntur omnia
hæc acta esse, videlicet, Iosephum pauisse gregem cum fratribus suis; accusasse eos apud
patrem crimine pessimo; ab eodemque fuisse dilectum super omnes filios suos; ideoque
tunica talari ac polymita, hoc est, coloribus apprimè variata, indutum; itemque retu-
lisse patri fratribusque somnia à se visa; atque hisce de causis aduersum se fratrum inui-
diam odiumque usqueadeò exarsisse, ut quadam die, cum Ioseph missus esset à patre
in Sichimam ad visendos fratres, qui ibidem pascebant greges in pradio, quod eme-
rat Iacob à filiis Hemor, ut sub anno mundi 2303. num. 1. dictum est, hi statim illo
viso cogitauerint ipsum occidere, ac sese mutuo ad fratricidium hortati sint; mox
comprehensum, tunicaque spoliatum, in cisternam aridam proiecerint; ac demum Is-
maëlitis negotiatoribus in Ægyptum pergentibus, viginti argenteorum pretio distraxe-
runt; tinctamque in sanguine hœdi tunicam eius, ad patrem deferri curauerint, qui sta-
tim illa agnita, ratusque filium suum à fera aliqua deuotatum, luxit eum longo tempo-
re, ita ut ceteri fratres eum consolari numquam potuerint. Interim verò Ioseph ductus
in Ægyptum, Putiphari eunucho Pharaonis venditus fuit, quemadmodum latè de-
scribitur Genes. cap. 37. per totum.

QVOD CON-
TIGERIT
IOSEPHO
ANNVM VI-
TAE 17. IAM
INGRESSO.

IOSEPH A
FRATRIBVS
VENDITVS
IN ÆGY-
PTVM DE-
PORTATVR.

2. Verumenimverò, ut arbitror, necesse est quædam ex dictis per recapitulationis
figuram, in Sacris libris frequenter visitatis, hoc loco esse narrata: nam cum primaria
Moyſi intentio esset, hic historiam venditionis Iosephi & translationis eius in Ægy-
ptum describere; primò voluit tempus, in quo illa contigit, annotare illis verbis, in ci-
tati capitis ferè initio positis: *Ioseph cum sexdecim esset annorum, pascebat gregem cum fra-
tribus suis, &c.* Deinde aliquanto altius rem repetens, causas inuidiæ, odij, ac vendi-
tionis, quæ præcesserant, præmittere; hæc fuerunt, accusatio fratrum, singularis dilectio
quam ei præ ceteris filiis ostendebat pater, & demum ipsa somniorum relatio. Hæc au-
tem proculdubio oportet aliquo tempore præcessisse: nam de paterna dilectione, quod
hoc tempore non cæperit, quando Ioseph iam decimumsexturn vitæ annum expleue-
rat, sed prius; indicant illa citati capitis verba vers. 3. *Israel autem diligebat Ioseph super
omnes filios suos, eo quod in senectute genuisset eum.* quibus significatur, ut eliciunt Caie-
tanus & Oleaster, non fuisse tunc alium minorem ipso Ioseph, quando cœpit eum pa-
ter diligere super alios filios suos, & consequenter, nondum tunc natum esse Beniamin,
nec mortuam Rachelem, quam constat in partu Benjamin obiisse, ut nos sub anno
mundi 2305. num. 1. diximus. De somniis autem, quod non acciderint quando Io-
seph iam decimumsexturn ætatis annum expleuerat, apertè colligi potest ex responso,
quod eidem referent alterum somnium, dedit pater, dicens: *Quid sibi vult hoc som-
nium quod vidisti? num ego, & mater tua, & fratres tui, adorabimus te super terram?* Er-
go tum temporis adhuc erat in humanis Rachel Iosephi mater; alioqui Scriptura sacra
non eodem prorsus modo locuta esset de matre, sicut de patre & fratribus qui viue-
bant; sed ubi nominat matrem, addidisset, Quæ mortua est, aut quid simile. Atqui
certum est, quod quando venditus fuit Ioseph, mater eius iam erat defuncta, nimirum
sepulta fuerat prope Bethleem, priusquam Iacob cum suis peruenisset ad patrem suum
in Hebron. Igitur perspicuum est, visionem narrationemque somniorum non ad hæc
tempora, sed ad ea quæ præcesserant pertinere. Et idem multò magis dicimus de fra-
trum accusatione: nam illa proculdubio narrationem somniorum præcessit, ut nos sub
anno mundi 2304. num. 10. comprobauimus. Et si vera esset opinio à nobis sub dicto

QVÆ HOC
ANNO, ET
QVÆ PRIVS
ACTA SINT.

gesimoprimum duxisset vxorem, de qua genuit Her, Onan, & Sela; profectò debuisset triginta quattuor saltem esse annorum, quando dedit filio suo Her Thamar in coniugem; & circiter triginta septem, quando iam creuerat Sela: & quoniam non dedit ei Thamar, vt promitterat, illa callide fefellit Iudam, genuitque ex eo Phares & Zaram. Quomodo ergo potuisset Phares, natus anno trigesimo septimo patris sui Iudæ, habere duos filios, Efron scilicet & Amul, quando descendit Iacob in Ægyptum, (de hoc enim constat Genes. cap. 46. vers. 12.) si tunc Iudas attigerat tantummodò quadagesimum quartum vitæ annum, vt videre est in tabulis? Non etiam prædicta verba, *Eodem tempore*, &c. possunt referri ad ortum Phares; ita vt Iudas ex nuru sua genuerit Phares anno Iosephi decimo sexto expleto, vel (quod idem est) decimo septimo in eunte, qui erat ipsius Iudæ vigesimus primus: nam. Adolescens vigesimum primum annum agens, naturaliter nurum habere nequit. Igitur necesse est dicere, memoratam historiam, quæ Genes. cap. 38. describitur, contigisse ex parte quidem ante venditionem Iosephi, ex parte verò post, ideoque referri ad illud tempus, quod fuit quodammodò medium inter initium & finem eiusdem historiar.

6. Quod si quis præcisè desideret scire, quibus temporibus singula gesta sint, distribuat ea rationabiliter intra spatium quadragintatium annorum ab ortu Iudæ, necessarium est: totidem enim natus erat Iudas, quando cum patre & vniuersa familia eius ingressus est Ægyptum. Porro hæc rerum gestarum distributio non videtur aliter melius fieri posse, quàm si dixerimus, ipsum Iudam, postquam ingressus fuerat annum vitæ decimum tertium, duxisse vxorem, genuisseque sub finem mensis decimi eiusdem anni, filium suum primogenitum Her: & anno insequente, mense circiter octauo, alterum nomine Onan; tertio autem anno, qui erat vitæ Iudæ decimus quintus, mense circiter sexto, natum ei esse tertium nuncupatum Sela; post quem vxor Iudæ parere desit. Quæ omnia iam nos sub anno mundi 2298. & duobus sequentibus distinctè notauimus. Anno autem Iudæ vigesimo septimo, quando scilicet Her primogenitus eius ingredi cœperat decimum quartum vitæ annum, oportet Iudam dedisse Thamar vxorem ipsi Her; quo non multò post mortuo, mox dedisse eandem Thamar secundo filio suo Onan: & eo item paulò post defuncto, mansisse Thamar viduam multis diebus, hoc est vsque ad annum Iudæ vigesimum octauum propè desinentem, & tunc cum videret se non esse datam Sela, deluso Iuda, concepissee ex eo Phares & Zaram, quos postea anno proximo, mense circiter septimo, peperisse credimus. Postea verò Phares, cum proximè ingrederetur annum vitæ decimum tertium, ducta vxore, successiue, spatio scilicet decem & nouem mensium, genuisse duos filios, Efron & Amul, ita vt posterior natus sit paulò antequam descenderet Israël in Ægyptum. Hæc est memoratorum actuum, quæ necessariò faciendi videtur, partitio; qua supposita, quidam grauis nodus alioqui pænè inextricabilis, cuius paulò post mentionem faciemus, commodè deuitatur, & cuncta consona ac plana redduntur; & sacra Chronologia hîc à Moyse non parum obscure tradita, satis facillè dilucidatur.

7. Quod si cui videatur durum, ponere Iudam & filios eius, tam citò genuisse, meminert primò, id non esse præter naturam, vt sub anno mundi 2298. num. 1. docuimus. Deinde, multò satius esse hoc supponere, quàm contra Sacros textus Genes. cap. 46. vers. 12. 26. & 27. ponere, Efron & Amul natos esse multò post ingressum patris sui in Ægyptum, vt sentit Pererius, & ex B. Augustinò conatur ostendere, quamuis tandem obiectiones à se excitatas non modò non exhauriat, sed post multa super cap. Genes. 46. num. 18. siue 19. fateatur, non omnia sibi comperta esse, quæ Moyses in animo habebat, quando hæc scripserat. & mox num. 29. ad prædictas obiectiones dicat non omnia rescari vsque ad vium necesse esse: quin potius se huiuscemodi difficultates, tamquam Labyrinthos, aliis obeundos seu pertranscundos libenter relinquere. Sed à nobis de hac re aliquid sub anno mundi 2319. num. 13. plenius verò sub anno mundi 2329. num. 5. & sequentibus agendum erit.

AB ORBE CONDITO

TERTIÆ MVNDI ÆTAT.

ANNVS 2311.

ANNVS 199.

POST quinque circiter (vt num. 3. probabitur) annos, ex quo Iosephum emerat Putiphar, præposuit eum omnibus seruis suis, fecitque administratorem vniuersæ domus suæ: quam ille tantà postmodum prudentia gubernauit, vt Deo inprimis Iosephi industriam adiuuante, actionesque dirigente, aucta deinceps adeò sit

Annal. Sacr. Tom. 1.

H h 2

& mul-

PER QVOS
ANNOS SIT
DISTRIBVENDA.

CVR MODO
EXPOSITO
SIT DISTRIBVENDA.

PVTIPHAR
COMMITTIT
IOSEPHO
DOMVM
SVAM.

& multiplicata domini sui facultas, tam domi, quàm foris, vt (quemadmodum legimus Genes. cap. 39. vers. 1. vsque ad 7.) meritò ibidem de eodem Putiphare dicatur, quòd nec quidquam aliud nouerat, nisi panem quo vesceretur. quæ est phrasis Hebraica, idem significans ac si diceretur, quòd Putiphar, videns quam benè atque utiliter rem suam Iosephus gereret, plenè eius integritate ac prudentia confusus, relicta ei prorsus omni rerum suarum cura, nihil omnino scire volebat de his quæ ab illo in ipsa domus administratione agebantur, tamquam si nihil ad se pertinerent, & ipse tantummodò edere & bibere, ac frui bonis suis, sibi proposuisset.

¶ 2. Verùm de isto Putiphare nemo miretur duo dici, quæ prorsus inter se videntur contraria; nimirum quòd esset eunuchus, id est spado; & quòd vxorem, quin etiam (vt nonnullis placet) filiam habèret: quandoquidem reuerà non erat eunuchus, sed æquiuocè dicebatur talis, ratione officij sibi à Rege traditi, quod ordinariè eunuchis dari solebat, erat enim princeps, vel præfectus, aut magister, siue dux militum, custodia (vt putò) personæ Regis adscriptorum; quæ dignitas seu cura, eunuchis tamquam fidelioribus demandari solebat, tametsi interdum, quemadmodum in hoc casu, etiam non eunuchis tribui contingeret, qui propterea (vt dictum est) eunuchi æquiuocè dicebantur. Quin etiam inualuit consuetudo, vt quia eunuchi semper in ministerio Regum Principumve habebantur; nonnumquam eunuchi vocabulum, pro ministro vsurpari consueuerit, vt hoc loco factum credimus.

¶ 3. Quod autem diximus, Putipharem istum nisi post quinquennium tantam Iosepho dedisse auctoritatem, inde satis probabiliter coniecere possumus, quòd non videtur verisimile, virum prudentem voluisse præponere toti familiæ suæ, quæ satis ampla & copiosa erat, adolefcentulum sexdecim annorum, præsertim alienigenam, & seruum emptitium; nisi posteaquam per plures annos eius fidelitatem, prudentiam, diligentiam, solertiamque sedulo explorasset probassetque, atque vt interim ille ad maiorem ætatem perueniret, tantoque ministerio aptiorem, expectasset. Quemadmodum quoque par est credere, eundem Putipharem non nisi post alios plures annos, ex quo omnia sua Iosepho crediderat, potuisse dignoscere, quòd propter ipsum Iosephum benedixisset Dominus domui suæ, multiplicataque valde essent opes eius. Hæc igitur per gradus acta esse censenda sunt, vt primò Ioseph per quinquennium circiter in variis successiue ministerijs optimè seruierit cum aliis mancipijs domini sui, mox. magister domus fuerit effectus, reddens quotannis rationes administrationis suæ; ac demum anno suæ captiuitatis decimo, cum dominus eius experimento didicisset, auctas admodum industria Iosephi esse opes suas; ac propterea, vt dixi, de integritate ac virtute eius certior esset factus, non curarit amplius scire, quid ille in administratione rerum suarum ageret, sed plenam ei in omnibus fidem habens, permisit illi quæcumque vellet facere, ac non multò post, sanctum iuuenem, inuidia diaboli, à domina sua inhonefè fuisse appetitum, & iniuste accusatum, ac denique in carcerem trusum; vt plenius deinceps suis locis dicemus.

AB ORBE CONDITO

ANNVS 2312.

TERTIÆ MVNDI ÆTAT.

ANNVS 200.

HER DVCT.
THAMAR
VXOREM, ET
CVR CITO A
DEO MORTE
PERCVSSVS.

¶ 1. ANNO ætatis Iudæ vigesimoseptimo, vt sub anno mundi 2306. num. 6. docuimus, quando scilicet Her primogenitus eius iam ceperat attingere annum vitæ decimumquartum, oportet ipsum Iudam dedisse ei Thamar in vxorem, quam aiunt fuisse ab ipso Her perditè adamatam, & ardentè concupitam; quod est satis credibile, alioqui non tam citò videretur Iudas voluisse coniugem dare filio suo. At verò Her, cum esset valde nequam, vtpote qui Dei timore à se penitus excluso, & de industria, prorsus neglecta ac proiecta prolis intentione, sola explendæ libidinis concupiscentia coniugium illud inierat, sicut equus & mulus quibus non est intellectus: vel etiam, quia (vt nonnulli putant) eodem fermè quo postea frater eius Onan, in actu coniugali, vt paulò post dicemus, delinquebat errore; propterea à Domino non naturali, sed repentina, vt creditur, morte occisus interiit; nimirum Deo permitte à dæmone strangulatus, quemadmodum contigisse septem Saræ maritis legimus Tobia cap. 6. vers. 14. & 17.

¶ 2. Mortuo Her, Iudas post luctum primogeniti, dedit eandem Thamar Onan filio secundo, qui tum annum agebat decimumtertium, vt patet in tabulis; & sua satis firma corporis constitutione supplere videbatur ætatem, vt ipse semen defuncto fratri susci-

suscitaret: ita enim vsque ab eo tempore, licet nondum lata esset Lex, apud Hebræos fieri consueverat. Hoc ægrè ferens Onan, non quia inuitus ingrederetur ad Thamar, quam dicunt mulierem fuisse pulcherrimam; sed quia sibi, non fratri, filios gignere voluisset; ingrediens ad illam, semen fundebat in terram, ne liberi fratris nomine nascerentur. Quamobrem, tametsi non vt frater eius, nihil omnino de prole gignenda curaret, attamen, quia ne prolem fratri gigneret, rem detestabilem faciebat; idè eodem fortè, quo frater eius modo, diuina ultione percussus, obiit. Hac de re constrictus Iudas, iussit Thamar redire in domum patris sui, & ibi manere viduam, donec Selatertius Iudæ filius, qui tum duodecim erat annorum, crederet, & posset eam ducere; verabatur enim ne si tam citò ad eam ingrederetur; ipse quoque interiret, Genes. cap. citato vers. 8. vsque ad 12.

ONAN NON
OMNINO
LIBENTER
DVCIT THA-
MAR Vxo-
REM, ET CYR-
CITO PER-
IERIT.

AB ORBE CONDITO TERTIÆ MVNDI ÆTAT.
ANNVS 2313. ANNVS 201.

1 **A** NNO proximo (qui erat Iudæ vigesimusoctauus) ad finem vergente, contigit mori vxorem ipsius Iudæ; & (vt arbitror) non multò antè, Selam aut duxisse vxorem, aut de alia quàm Thamar ducenda, agere cœpisse. Id vt audiuit Thamar, valdè aduersus Iudam indignata, quòd ei, vt promiserat, Selam maritum minime dedit; cogitabat quomodo posset ei imponere, & diu desideratam prolem habere. Igitur quadam die audiens, ipsum Iudam post vxoris suæ luctum velle ascendere ad tonsores ouium suarum in Thamnās, ipsa statim immutato habitu, & capite vultuque panè toto cooperto, clām exiens de domo patris sui, sedit more meretricum sola in biuio, quod ducebat in Thamnās. Hanc ergo inde pertransiens Iudas conspicatus, & suspicatus esse scortum, cœpit cum ea agere de re secum habenda, quæ tandem acceptis anulo, armilla, & baculo Iudæ, pro arrhabone promissi hædi, consensit, & ad vnum coitum concepit fetus gemellos; & vt abiit Iudas ad gregem suum, illa nihil curans de expectando hædo, sed his contenta quæ pro arrhabone acceperat, statim surgens rediit ad suos, & viduitatis vestibus resumptis, nihil ampliùs de marito sollicita, mansit in domo patris sui, Genes. cap. 38. vers. 12. vsque ad 24.

THAMAR
CALLIDE
CONCEPIT
DE IVDASO-
CERO SVO.

2. Ex quibus apparer, corruptos esse codices Bibliorum Regiorum, & nonnullos alios Latinos, qui loco citato vers. 12. habent: *Euelutis multis annis*, nimirum ab obitu Onan, mortuam esse vxorem Iudæ. & esse corrigendos, vt pro *multis annis*, dicant, *multis diebus*, quemadmodum habent Latini textus emendatiores, præsertim editionis Vulgatæ, & item L x x. Interpretum, Romæ anno salutis 1588. & 1593. impressi, & Paraphrasis Chaldaica. Si quis enim totam hanc reor gestarum seriem rite perpendat, inueniet fieri non posse, vt inter obitum Onan & ortum Phares interfuerit nisi paulò plus vno anno. Igitur

AB ORBE CONDITO TERTIÆ MVNDI ÆTAT.
ANNVS 2314. ANNVS 202.

1 **A** NNO insequente, qui erat Iudæ vigesimusnonus, mense circiter secundo inchoante, qui erat à conceptu suo quartus, Thamar ventre intumescens, deprehensa quòd esset grauida; delata fuit Iudæ tamquam fornicationis rea: qui subita grauique indignatione commotus, cum statim eam igni comburendam esse adiudicasset; illa protulit anulum, armillam, & baculum, quæ ab eodem pro arrhabone acceperat, misitque ad socrum, dicens se ex illo, cuius illa erant, concepisse; qui confestim agnitis muneribus, & intelligens se quodammodò iustè ab ea delusum, quoniam non dedit ei Selam maritum, vt promiserat, eamdem seipso iustiorum, hoc est minùs ream, pronuntiavit, & absoluit. non tamen ampliùs eam cognoscere voluit, quòd duorum filiorum suorum vxor successiuè fuisset, Genes. cap. 38. versic. 24. vsque ad 27.

THAMAR
MORTI AD-
IUDICATVR
ET ABSOL-
VITVR.

2. Eodem anno, mense, vt reor, circiter septimo, Thamar peperit Iudæ binos eodem partu paruulos, qui videbantur quodammodò inter se de primogenitura contendere: siquidem alter, cum totus egredi non posset, manum priùs foras protulit; cui obstetrix filum rubrum annexuit pro signo, dicens: *Iste egredietur prior*. Verùm dum iste manum intus retrahit, alter rupta seu diuisa qua tegebatur membrana, primus egressus est: & propterea Phares, quod diuisionem significat, est appellatus: alter ve-

ORTVS PHA-
RES ET ZA-
RE.

ro qui postea exiit, Zara, id est, Oriens, quia primò manum proferens apparere cœperat, & prius oriri voluisse visus fuerat, Genes. vbi suprà vers. 24. vsque ad finem capitis. Igitur primus annus vitæ Phares & Zare magis concurret cum anno ætatis Iudæ trigesimo, vt positum est in tabulis.

AB ORBE CONDITO

TERTIÆ MVNDI ÆTAT.

ANNVS 2316.

ANNVS 204.

ANNO circiter vitæ Ioseph vigesimoseptimo, qui erat Iudæ trigessimus primus, vt perspicui potest in tabulis, post exactos scilicet in domo Putiphare decem seruitutis annos, quemadmodum paulò post ostendemus; valdè probabiliter credimus cum Abulense super Genes. cap. 39. accidisse ea, quæ in eodem capite narrantur de ipso Ioseph, videlicet quòd Putiphar dominus eius, probata iam per multos annos eius fide ac prudentia, vidensque quòd ex quo ille res suas administrare cœperat, eas admodum Deo benè fauente auxerat; sinebat ipsum, quæcumque vellet in domo sua agere. & quòd existente Iosepho in tanta gratia & bona existimatione apud dominum suum, cœpit domina sua, nimirum Putiphare vxor, infans Iosephum profectui amore, ac frequenter sollicitare, vt secum cubaret: qui recusans, aiebat, se tantam Deo offensam, dominoque suo de se optimè merito iniuriam facere nullo modo posse; sed nihilominus impudica mulier, quamuis sæpiùs repulsam passa, non cessabat molesta esse sancto iuueni; quem cum quadam die in cubiculo solum offendisset, & libidinis impatiens, pallio apprehensum, ad se attrahere non erubisset; relicto in manibus eius pallio, confestim Ioseph aufugit: at illa se neglectam acriter indignata, & amore in furorem conuerso, statim exclamare, familiam conuocare, de Ioseph grauiter conqueri, ac denique illum viro suo accusare non distulit, quòd secum coire attentasset; & in argumentum facinoris, retentum pallium marito ostendebat: qui vxori nimium credulus, illicò Iosephum detrudi iubet in carcerem, vbi deinceps mansit vsque quòd à Pharaone eductus fuit, vt interpretaretur somnia eius.

IOSEPH A
DOMINA
SUA AD MA-
LYM SOLLI-
CITATVR.

CVR INCAR-
CEREM DE-
TRVSVS.

QVOT AN-
NIS MANSE-
RIT INCAR-
CERE.

QVOT AN-
NIS SERVIE-
RIT.

2. Hæc, licet Scriptura sacra non exprimat quoniam anno sint gesta, ex ipsa tamen videtur colligi posse, hoc circiter anno contigisse: nam & ipsa Sacra narrationis series satis indicat, Iosephum non multò ante duos illos, pincernam scilicet & pistorem Pharaonis eunuchos, fuisse in carcerem detrusum: & certum est, eundem Iosephum duobus dumtaxat annis postquam illorum somnia in carcere explicauerat, inde fuisse eductum, & Pharaoni oblatum: vnde videtur ad summum tribus circiter annis in carcere mansisse. Itaque si sexdecim Ioseph iam expleuerat annos quando venditus fuit, & in Aegyptum perductus; & idem triginta erat annorum quando stetit coram Pharaone; ergo ad minus fluxerant anni tredecim, ex quo à Putiphare fuerat emptus; è quibus si detrahas tres carceris, proculdubid restabunt decem seruitutis. Quod item confirmari potest ex his, quæ à nobis sub anno mundi 2311. num. 3. dicta sunt: inde enim quoque satis probabiliter colligi posse videtur, eundem Iosephum potuisse vigesimoseptimum vitæ annum attingere, quando cœpit honestati eius domina sua insidiari. Nec obstat, quòd initio citati capitis 39. sacre Genes. post illa verba: *Igitur Ioseph ductus est in Aegyptum*, &c. paucis interpositis, nimirum versiculo eiusdem capituli septimo subiungitur: *Post multos itaque dies iniecit domina sua oculos in Ioseph*, & quæ sequuntur. Quo videtur insinuari, id contigisse non post multos annos, sed tantummodò post multos dies, ex quo venerat Ioseph in Aegyptum. Et hoc etiam videtur posse confirmari auctoritate beati Chrysostomi, qui in calce Homiliæ octauæ, quæ est De vinculorum & carceris laudibus, in Epistolam ad Ephesios, scribit, Iosephum tredecim annis fuisse in vinculis. Et præterea quia non videtur credibile, impudicam illam feminam plus vno circiter anno aut continere se à concupiscentia Iosephi elegantis admodum adolescentis potuisse, aut ipsius constantiam diutius sustinere. Non, inquam, hæc obstant: quoniam illa verba, *Post multos itaque dies*, &c. non sunt referenda ad aduentum Iosephi in Aegyptum, cuius mentio fit in ipso capitis principio: sed ad ea quæ proximè antea narrata erant; scilicet ad tempus, in quo Deus propter ipsum Iosephum benedixerat domui Putiphare, & bona eius valdè multiplicauerat: & est ac si dictum esset: Post multos itaque dies, nimirum ex quo iam Putiphar sinebat Iosephum quæcumque vellet agere de bonis suis; domina eius iniecit oculos in eum, &c. hoc insuper videtur multò credibilius: siquidem solent mulieres minùs appetere adulescentiores, quàm iuuenes pænè in ætate perfecta constitutos. Credimus autem bea-
tum

tum Chrysoftomum loco eius citato, voluisse simul comprehendere tempus seruitutis & carceris ipsius Iosephi: nam inter decimum sextum eius annum, quem iam expleuerat quando in Aegyptum venit; & trigessimum, quem agebat quando stetit coram Pharaone; medij sunt anni tredecim. Et proculdubio etiam ipsa seruitus quoddam vinculum est, & quodammodo potest carceribus æquiparari: nam et si Putiphar Iosephum iam non vt seruum, sed veluti fidsissimum opum suarum administratorem haberet: attamen Iosephus, qui erat valde prudens, quamuis seruitutem suam domino suo tunc gratam esse intelligeret, nihilominus vtrumque reuera seruum, & Barbari cuiusdam seruum se esse sciebat. quod homini præsertim ingenuo, qui animi nobilitate vigeat, ac se natum esse liberum recolat, non potest non valde esse onerosum. Certè timor ille perpetuus, admodumque rationabilis, atque inuitabilis, ne aliquando inuidorum malignorumque calumniis domini gratiam amittat, iramve eius, licet immerito, incurrat, quemadmodum ipsi quoque Iosepho contigisse iam diximus; vinculis ipsis atque carceribus quodammodo molestior esse solet, quando & ipsammet mortem eiusmodi timoribus tolerabiliorem esse Poëta ille existimauit, cum cecinit:

Morsq; minus pœna, quam mora mortis habet.

Cum itaque multo credibilis sit, vxorem Putiphare iniecisse oculos in Iosephum non in prioribus illis annis, quando adhuc erat adolescentulus, & cum aliis seruis domini sui munia domus etiam viliora obire solebat; sed potius in postremis, postquam scilicet proximè ad virilem peruenerat aetatem, & veluti liber, domum vniuersam ad nutum gubernabat: vtique concedimus, eam, ex quo ceperat amore eius flagrare, non diutius eiusdem animi constantiam ferre valuisse; sed ad summum, post vnum aut alterum mensem, cum iam se voti compotem fieri posse desperaret, amoris sui magnitudinem (vt faciliè in huiusmodi casibus solent mulieres) in tantumdem odij indignationisque vertisse.

5. Ceterum Iosephus, quamdiu mansit in carcere, tametsi (vt solent iusti, quibus tribulationum calicem Deus temperare solet, nec sinere eos supra vires tentari) Dei benignitatem abundè expertus sit; quandoquidem, vt legimus Genes. cap. 39. vers. 21. vsque ad finem capitis, Dominus fuit cum ipso Ioseph, & misertus illius, dedit ei gratiam in conspectu principis carceris; qui credidit ei omnes victos, & omnem carceris curam: verumtamen nemini dubium est, ipsum Iosephum, propter eximiam suam in castitate fideque domino suo seruanda constantiam, inuidia diaboli, & Deo permittente, multa mala fuisse perpesum in corpore pariter atque in anima: id enim breuiter testatus est Regius Propheta in Psalmo 104. dicens: *Humiliauerunt in compedibus pedes eius*, quod ad indicandas corporis afflictiones pertinet: nam & de animæ angustis sequitur: *ferrum pertransiit animam eius*. quorum verborum idem fere sensus est, ac illorum quæ habentur Lucæ cap. 2. vers. 25. vbi de Deipara Virgine dicitur: *Et tuam ipsius animam pertransibit gladius*. Quemadmodum namque perspicuum est, Dei genitricem non materiali, sed spiritali doloris gladio in dilectissimi filij sui passione fuisse transuerberatam; ita quoque constat, Iosephi animam, hoc esse vitam, non ferro, sed vehementissimis cordis angustis fuisse percussam, quando falsò accusatus, vix (vt credibile est) euasit gladium domini sui; & item quando innocens in compedibus positus est; & quando his solutus, diu tamen in carcere detentus fuit.

4. Sed nemo mirari debet, quòd interdum viros iustos & insontes tanta pati sinat in hac vita Deus; neque ob id oportet de diuina prouidentia ac iustitia (vt faciliè solent in eiusmodi euentibus impij, vel etiam in fide pusilli) tantisper hæsitare: quandoquidem mala, quæ iusti hic patiuntur iniuste, maius illis conferunt meritum: *Id enim* (vt docet Apostolus 2. ad Cor. cap. 4. vers. 17.) *quod in presenti est momentaneum & læne tribulationis nostre, supra modum in sublimitate æternæ gloriæ pondus operatur in nobis*. Denique hæc est illa sanctorum beatitudo, cuius meminit Dominus Matth. cap. 5. vers. 10. *Beati qui persecutionem patiuntur propter iustitiam, quoniam ipsorum est regnum celorum.* & *Beati eritis cum maledixerint vobis homines, & persecuti vos fuerint, & dixerint omne malum aduersum vos, mentientes, propter me* (id est propter mandatorum meorum obseruantiam); *gaudeat & exultate, quoniam merces vestra copiosa est in calis*. Verum non semper misericors Dominus tribulationes iustorum in hoc mundo finit esse perpetuas, neque omnes semper retributiones reseruat in calis: quandoquidem nonnumquam etiam in presenti vita, post modici temporis afflictiones, plurimas eis vel inuito dæmone tribuit prosperitates, vt palam est de sancto Iob, Tobia, & multis aliis, inter quos non in postremis ponendum est ipse de quo nunc agimus Iosephi exemplum; cui

IOSEPH IN
CARCERE
MULTA PAS-
SUS.

EXPONITUR
LOCUS PSAL-
MI.

CUR SINAT
DEVS IUSTOS
IN HAC VITA
MULTA
PATI.

IUSTITIAM
IN HAC VITA
PRO MA-
LIS TOLE-
RATIS IN-
TERDUM
BONA RE-
CIPIUNT.

Dominus, post paucorum annorum humiliationes, reliquum eius vitæ tempus, nimirum à trigésimo vsque ad centesimundecimum vitæ suæ annum, id est, donec postea vixit, in magna deinceps exaltatione, felicitate, & gloria apud Ægyptios suosque esse voluit, vt infra suis locis dicitur. Quin etiam in ipso met seruitutis ac carceris tempore, vt eidem labores afflictionesque temperaret, dedit ei gratiam in conspectu domini sui, & deinde etiam præfecti carceris, vt superius dictum est.

AB ORBE CONDITO TERTIÆ MVNDI ÆTAT.

ANNVS 2317.

ANNVS 205.

IOSEPH IN CARCERE EVNUCHORVM SOMNIA INTERPRETATUR. **A**NNO Iosephi vigesimo octavo circiter desinente, nimirum biennio antequam de carcere educeretur, (vt aperte colligitur Genes. cap. 41. in principio, vbi post ea quæ hic subiungemus, dicitur: *Post duos annos vidit Pharaon somnium, &c.*) contigit duos eiusdem Pharaonis eunuchos, quorum alter pincernis, alter pistori Regis præerat; & non multò antè, vt reor, propter nescio quod delictum ab eis commissum ambo in carcerem, vbi Iosephus erat, iubente Rege trusi fuerant, quadam nocte somnia quædam somniasse, quæ eos meditabundos tristioresque reddiderant: quod aduertens Iosephus, & causam mœroris sciscitatus, intellexit quæ in somnis vterque viderat; & pincernam quidem bono animo esse iussit, vt pote cuius visio significaret, eum triduo post à Rege ad pristinum munus restitutum iri: alterum verò, hoc est pistorem, admonuit vt se præpararet ad crucis supplicium tertia die sustinendum; id enim portendere somnium quod viderat. & omne quod eis prædixit Ioseph, ad vniuersum euentus comprobauit, vt latè describitur in toto Genes. cap. 40.

ESAV DE SEIR TRANSFERT SE SVOSQUE IN TERRAM CHANAN.

2. Per hæc tempora, appropinquantibus nimirum postremis diebus vitæ Isaac, oportet pro certo supponere, quòd Esau filius eius cum tota familia & substantia sua de Seir redierit in terram Chanaan, tum vt ipse quoque curam gereret patris sui iam decrepiti, tum vt posset tempore mortis præsto esse ad sepeliendum corpus eius, & ad paternam hereditatem cum fratre suo Iacob diuidendam; sciebat enim eum iisdem de causis, iam multò antè ad patrem suum ventitasse, ac deum cum eo habitare voluisse. Vnde necessarium videtur supponere, quòd etiam ipse Esau aliquot saltem mensibus habitauerit in terra Chanaan cum patre ac fratre suo, vel non longè ab ipsis: nam certum est, quòd post mortem senis, cum non possent amplius Iacob & Esau habitare simul, siue propè, præ multitudine gregum suorum, qui quotidie augebantur, ita vt iam terra illa eos alere non valeret, separati sunt ab inuicem; & Esau quidem rediit in Idumæam, Iacob autem remansit in terra Chanaan; vt nos infra sub anno mundi 2319. numero 1. dicemus.

AB ORBE CONDITO

ANNVS 2318.

TERTIÆ MVNDI ÆTAT.

ANNVS 206.

ISAAC MORITVR, ET A FILIIIS VISSEPELITVR.

ANNO postero circiter desinente, cessit è vita plenus dierum ac meritorum Isaac, in Mambre ciuitate Arbee, quæ est Hebron, exactis centum octoginta vitæ suæ annis; & sepelierunt eum Esau & Iacob filij eius, Genes. 35. in fine. nimirum in spelunca duplici, cum patre suo Abraham, & matre sua Sara, & vxore sua Rebecca, vt patet Genes. cap. 49. vers. 31. Huius sancti viri honorificè meminit Scriptura Ecclesiastici cap. 44. vers. 24. vbi paucis admodum verbis multa eademque præclara in laudem eius comprehendit, asserens ipsum propter Abraham patrem suum iisdemmet benedictionibus ac re promissionibus, quibus & pater eius, fuisse à Deo decoratum.

QVIBVS CVM VIXERIT, ET QVAMDIU CVM SINGVLIS.

Sem
Sale
Heber
Abraham
Sara
Ismaël
Iacob
Ruben
Simeon
Leui
Juda
Dan

Vixit autem
Isaac cum

} annis

decem & octo.
decem & octo.
septuaginta nouem.
septuaginta quinque.
triginta septem.
centum viginti tribus.
centum viginti.
triginta quinque.
triginta quattuor.
triginta quattuor.
triginta tribus.
triginta tribus.

Nephthali
Gad
Aser
Issachar
Zabulon
Ioseph
Her
Onan
Sela
Beniamin

triginta duobus.
triginta duobus.
triginta vno.
triginta vno.
triginta.
viginti nouem.
quattuordecim.
tredecim.
decem & nouem.
quattuordecim.

AB ORBE CONDITO

ANNVS 2319.

TERTIÆ MVNDI ÆTAT.

ANNVS 207.

I NNO insequente, non multò post obitum Isaac, videns Esau, quòd tam ipse quàm frater eius Jacob, præsertim post paternam inter ipsos diuisam hereditatem, erant valdè diuites, habebantque pecora & armenta panè innumera; & terra illa, in qua pater eorum peregrinari solebat, iam non valebat alere tantam gregum multitudinem; decreuit redire in montem Seir Idumæa; vbi iam diu habitauerat. itaque tulit vxores suas, & liberos, & pecora, cunctamque substantiam suam, & sponte recessit à fratre suo Jacob, reuersusque est iterum in Seir, vbi deinceps tam ipse quàm posterius eius valdè admodum dilatati sunt, Genes. cap. 36. vers. 6. vsque ad 9. Quòd autem ista discessio Esau de terra Chanaan in Seir, non sit illa quam suprà sub anno mundi 2276. num. 6. diximus contigisse, quando Jacob morabatur in Mesopotamia Syria; & adhuc in humanis erat Isaac; sed altera, quæ facta est nunc, post obitum ipsius Isaac; optimè probat Abulensis super citato Genes. cap. quæst. 1. & satis indicant verba illa Sacri textus: *Recessit à fratre suo Jacob.* Nam quando Jacob erat in Mesopotamia, non potuit dici, quòd Esau recesserit à fratre suo Jacob; sed potius, quòd Jacob recesserat à fratre suo Esau; qui tum cum parentibus remanserat in terra Chanaan. Præterea præcipua huius discessus causa assignatur in Sacro codice, fuisse, quia præ multitudine diuitiarum, ac præcipuè gregum, non poterant in eadem regione ambo habitare. Porro certum est, quòd numquam dum viueret Isaac, fuerunt filij eius adèd diuites, & in gregibus ouium atque armentorum copiosi, quemadmodum post mortem eius; quando ad opes & greges, quos singuli labore atque industria sibi comparauerant, accessit etiam paterna hereditas, quæ & ipsa erat valdè opulenta, vt patet Genes. cap. 26. vers. 13.

ESAV REVER-
TITVR CVM
TOTA SVB-
STANTIA
SVA IN MON-
TEM SEIR.

2. Dixi, Esau sponte recessisse à fratre suo Jacob, vt indicarem, futilem esse & erroneam quorundam Hebræorum opinionem, qui putarunt, ipsum Esau non voluntariè, sed coactè discessisse; nimirum sic imperante Jacob, quem tum credunt multò potentiorum, ac veluti dominum ipsius Esau euasisse: atque in argumentum suæ positionis adducunt, quòd iam ex tunc impleta fuerit paterna illa benedictio, quam Jacob surripuerat ipsi Esau, in qua aperte pronuntiatus fuerat Jacob dominus fratrum suorum, Genes. cap. 27. vers. 29. & specialiter ipsius Esau, ibid. vers. 37. Sed hoc patet esse falsum, quoniam Esau reuerà erat multò potentior ipso Jacob: nam & cum quadringentis viris occurrerat ei venienti de Mesopotamia, & Jacob cum valdè pertimescebat; & plures propinquos habebat Esau in terra Chanaan ex parte vxorum eius, nempe Hethæos & Heuæos, & insuper Ismaëlitas, qui non admodum inde distabant, facileque, si opus fuisset, potuissent commouere gentes illas bellicosissimas, vt pugnarent pro Esau aduersus fratrem suum Jacob. Contrà verò ipse Jacob, præter filios adhuc iuniores, nullos habebat ibi proximos; cognati namque vxorum eius longe aberant à terra Chanaan, habitantes in Mesopotamia. Cognati autem filiorum eius, licet essent in terra Chanaan, non tamen leguntur fuisse valdè potentes. Sed & clarum est, benedictionem illam paternam, quam surripuit Jacob fratri, non propriè pertinuisse ad ipsos fratres, saltem quod spectat ad dominium vnus super alterum; siquidem ambo separati sunt ab inuicem, nec vniquam alter alteri dominatus esse reperitur: sed respiciebat posteros ipsorum, vt nos sub anno mundi 1666. num. 5. ostendimus; & tunc impleta est, quando temporibus Davidis subiugata est Idumæa ab ipso Davide, 2. Reg. cap. 8. versic. 14. & 1. Paralip. cap. 18. vers. 13. & diu postea seruiuit Israël sub Regibus Iudæorum. Nam alioqui quod attinet ad proprias personas dictorum fratrum, scilicet Jacob & Esau, potius videtur quòd Esau aliquando dominatus sit ipsi Jacob;

REFELTI-
TVR OPINIO
HEBRAEO-
RVM QVOD
JACOB ES-
SET POTEN-
TIOR IPISO
ESAV.

Iacob, legimus namque Genes. cap. 32. & 33. quòd Iacob sapius Esau appellabat dominum suum, & pronus septies adoravit, & profitebatur se esse seruum illius, licet præ timore id faceret. Has autem vel eiusmodi humiliationes nusquam reperimus ab Esau factas esse erga ipsum Iacob.

DE POSTE-
RIS ESAY.

3. Hic dicendum esset de genealogia Esau, quæ breuiter describitur Genes. cap. 36. per totum: sed quia de pluribus eorum, qui ibidem ab Esau propagati dicuntur agere, nihil ad rem nostram pertinere videtur, propterea ceteris omisissis, posteaquam aliquid in communi de hac gente præmiserimus, pauca quoque quædam de aliquibus tantummodò attingemus: puta de Amalec, à quo Amalecitar, quorum frequens in sacris Scripturis fit mentio; de Ana, qui dicitur fuisse primus balnearum inuentor; & denique de Iobab, vtrum scilicet ipse sit Iob, nec ne. Sciendum ergo est primò, quòd Esau, ex quo recessit de paterna domo, non habitauit ipse nec progenies eius in terra Chanaan, sed, vt supra num. 1. dictum est, in montibus Seir, quos Brocardus in Repertorio descriptionis Terræ sanctæ, verbo Seir mons, ait fuisse quattuor: Parte verò prima eiusdem Descriptionis cap. 5. §. 8. facit quinque: enumeratque primò illum, cuius fit mentio Genes. cap. 14. vers. 6. vbi agitur de Chodorlahomor, qui cum aliis tribus Regibus in auxilium assumptis, percussit Zuzim & Emim, & Chorrhæos in montibus Seir, vsque ad campestria Pharan, quæ est in solitudine. Et hunc ait non distinguì à deserto Maris rubri: putatque istum montem eo tempore non fuisse denominatum Seir ab ipso Esau, qui tunc nondum erat natus; sed ibi per anticipationem sic appellari. Alterum dicit esse coniunctum solitudini Pharan, iuxta Cadesbarne, qui habet à latere desertum Sinai, & Mare mortuum; & addit hunc esse eum quem circueverunt multo tempore filij Israël venientes de Ægypto; & de hoc dici Deuter. cap. 2. vers. 1. *Et circueimus montem Seir longo tempore.* Et post pauca: *Sufficit vobis circuire montem istum.* Tertio loco numerat, facitque diuersum à prædictis, illum qui memoratur Genes. cap. 36. vers. 6. vbi legimus, quòd Esau tulit vxores suas & filios, omnemque substantiam suam, & abiit in alteram regionem, habitauitque Esau in monte Seir: putatque de hoc eodem monte accipienda esse illa verba, quæ habentur capite Deuter. citato vers. 4. *Transibitis per terminos fratrum vestrorum filiorum Esau, qui habitant in Seir, & timebunt vos, &c.* Quartum montem Seir ait extitisse in terra Philisthim, in finibus Azoti & Ascalonis; quem dicit postea fuisse datum tribui Iudæ, quando facta fuit distributio Terræ promissionis. Vnde de eiusdem tribus sorte ita legimus Iosue cap. 15. vers. 45. vsque ad 49. *Accaron cum vicis & villulis suis. Azotus cum vicis & villulis suis. Gaza cum vicis & villulis suis, vsque ad Torrentem Ægypti, & mare magnum terminus eius, & in monte Seir, qui & Samir.* Ita legit Brocardus in Repertorio, verbo Seir mons. Verum in nostris Sacris codicibus tum editionis Vulgatæ, tum LXX. Interpretum Romæ impressis, tum etiam in Bibliis Regiis, & in Paraphrasi Chaldaica, eo loci Samir tantum, & nusquam Seir reperimus scriptum. Probabile tamen est, quòd ille mons Samir idem esset cum eo, qui in eodem cap. ipsius Iosue num. 10. appellatus fuerat Seir, vt videtur sensisse Brocardus. Quintus denique mons Seir, ab eodem Autore traditur fuisse iuxta mare Galilææ & montem Galaad, in quo Esau habitabat eo tempore, quo Iacob ex Mesopotamia Syriæ regressus est: & specialius eundem describens montem, addit, quòd terminatur in forte tribus Gad in monte Galaad, contra locum, vbi non longè à montibus Gelboë, iuxta ciuitatem Bethsan, Iordanis fluius mare Galilææ egreditur. Sic Brocardus.

DE MONTI-
BUS SEIR
BROCARDI
OPINIO.

AUCTORIS
OPINIO.

4. Sed nobis videtur dicendum, omnes prædictos montes Seir in Sacris recensitos, ad tres tantum posse reduci, verè inter se diuersos, & ab inuicem paginè separatos ac distantes. Quamuis fortè quilibet horum trium, non vnicum dumtaxat iugum, sed continuatam quamdam seu contiguam montium colliumque ac vallium seriem complecteretur. Primus erat inter Mare mortuum & Mare rubrum, qui diuersimodè per illas solitudines distendebatur; & quandoque singulariter Mons Seir dicitur; quandoque verò montium Seir & terræ Edom nomine significatur, quæ etiam ad oram Maris rubri pertingebat, vt aperte colligitur 2. Paralipom. cap. 8. vers. 17. Et hic mons ille est, qui Numer. cap. 24. vers. 18. memoratur, & sapius Deuteronom. cap. 1. & 2. & cap. 33. vers. 2. & Iudic. cap. 4. vers. 5. & non semel in libris Paralipomenon, aliisque Sacris postea conscriptis, quorum loca in Bibliorum Concordantia facillè reperies. Eiusdem quoque montis fit mentio Genes. cap. 14. num. præcedenti citato. Sed vtrum iste mons ex tunc iam nuncuparetur Seir, antequam natus esset Esau; an verò, vt putat Brocardus, per anticipationem ibi sic nominatus sit, eò quòd postea à filiis Esau

Eſau tali cognomine fuerit appellatus, ex inſrâ num. 6. dicendis conicij poterit. Hunc montem, qui loco Geneſeos proximè adducto memoratur, Brocardus diſtinguit ab eo, de quo ſit mentio locis Numer. Deuteronom. & Iudic. citatis. Verumenimuerò, licet iſte mons longè lateque per deſerta illâ loca excurrat, & plures colles iugaq; contineat: videtur tamen pro continuato vno monte, ſicuti in Italia Apenninus, poſſe reputari; tamquam penitus ſeparato & admodum diſtante ab aliis duobus, de quibus ſubſequenter agemus. Alter mons Seir ille eſt, qui, vt diximus, pars erat montis Galaad; & de hoc agitur Genef. cap. 32. verſ. 3. & cap. 33. verſ. 14. & cap. 36. verſ. 8. & Iofue cap. 11. verſic. 17. & cap. 12. verſ. 7. & in hoc monte credimus habitaſſe Eſau, non ſolum eo tempore quo rediit frater eius Iacob de Meſopotamia; ſed etiam quando prima vice egreſſus eſt de domo patris ſui, cum tota familia ſua: nuſquam enim reperitur quoddè deinceps, vſque ad prædictum fratris ſui reditum, ipſe locum habitationis ſuæ mutauerit. Quia etiam, quando mortuo patre dicitur rediſſe in Seir, putamus ipſum exinde, vſquequid vixit, & poſteritatem eius multo tempore in eodem monte habitaſſe, vt ex inſrâ dicendis clariùs apparebit.

5. Quoddè autem in hoc ſecundo monte Seir habitaret Eſau, quando Iacob redibat de Meſopotamia, pro certo habemus; non ſolum quia id aſſerit Brocardus, ſed etiam, quia iſte mons proximus erat viæ, per quam tranſibat Iacob rediens de Meſopotamia in terram Chanaan; econuerſò autem, ille Seir, qui inter memorata duo maria diſtenditur, valde remotus erat ab eadem viâ; ita vt, ſi tunc habitaret Eſau ad Meridiem vltra Mare mortuum, fruſtrâ & inſipienter videretur Iacob, cum eſſet in Mahahaim, pertinuiſſe lædi à fratre, tanto terrarum ſpatio à ſe diſtante; & ineptè videretur ob id miſiſſe ad eum legatos: & ipſe Eſau, quomodo tam citò tam longum iter, emenſis ſcilicet magnis Moabitum Amorrhæorumque regionibus, cum quadringentis viris, conſicere potuiſſet, vt fratri ad Socoth proficiſcenti prope Phaniel occurreret? Quin potius vterque, Iacob videlicet & Eſau, multò rationabiliùs & opportunè diſſerre debuiffent, ille muntios mittere, iſte occurrere fratri; donec propius Iacob ad regionem fratris accederet, & vſquequid ad Hebron perueniret: inde enim ad Idumæam illam Australem longè breuior erat via. At, cum ex Sacra hiſtoria habeamus, quoddè ipſe Iacob, vt primùm peruenit in Mahanaim, verius ne frater eius Eſau, ob priſtina odia, ſe ſuæque ex improviſo tunc hoſtiliter inuaderet, præmiſit legationem, & paulò poſt etiam munera, vt illum ſibi placatum redderet: & quoddè Eſau itatim cum quadringentis viris venit ad fratrem: vtique admittere debemus, quoddè ipſe Eſau non procul inde habitaret; & conſequenter, quoddè ille mons Seir, de quo ibidem Genef. ca. 32. & 33. ſit mentio, erat, vt diximus, pars montis Galaad; non alter mons inter duo maria, Mortuum ſcilicet & Rubrum, poſitus.

6. Idem alio argumento confirmari poteſt. Nam ſi verum eſt, vt inſrâ num. 11. probabimus, Iob fuiſſe pronepotem ipſius Eſau: ſi probauerimus eundem Iob habitaſſe prope montem Galaad, non autem prope Mare rubrum; certè idem videtur ſentendum de proauo eius Eſau: non enim probari poteſt, ipſum Iob aliquando exiſſe de terra patrum ſuorum, aliòve habitationem ſuam tranſuuliſſe. Sanè Iob incoluiſſe terram Hus, manifeſtè habemus in initio libri eius. cõſtat autem terram Hus fuiſſe inter montem Galaad & Iordanem, non procul à mare Tiberiadis: ibi namque eam collocant omnes Terræ ſanctæ Deſcriptores. Et credibile eſt, eandem regionem primò ſic fuiſſe denominatam, non ab illo Hus Horrhæo, cuius ſit mentio Genef. cap. 36. verſ. 28. vt quidam putauerunt; neque, vt alij, ab Hus filio primogenito Nachor fratris Abrahæ; ſed ab Hus filio Aran filij Sem, vt aſſerit B. Hieronymus in Traditionibus Hebraicis in Genef. cap. 10. deinde verò aliis nominibus fuiſſe nuncupatam: nam ex quo eam incoluerunt Eſau & poſteri eius, ſaltem ea pars quæ ab ipſis poſſeſſa fuit, Seir & Edom dici cœpit. Quando autem cum aliis finitimis regionibus deuenit in poteſtatem Amorrhæorum, Regnum Baſan dicebatur. quo à Moſe capto, & Manaſſenſibus diſtributo, Dimidiæ tribus Manaſſe trans Iordanem ſors dicta eſt: poſterioribus verò temporibus, Trachonitis, & Geraſenorum regio pro parte appellata fuit. Præterea ipſe Iob, qui & Iobab, dicitur fuiſſe de vrbe Boſtra, Genef. cap. 36. verſ. 33. & tres Reges (ſic enim appellantur Tobix cap. 2. verſ. 15.) amici eius, qui reſenſentur Iob cap. 2. verſ. 11. nempe Eliphaz appellatur Themanites, hoc eſt de vrbe Theman: & Baldad Suhites, id eſt, de Suecha ſive Sucta: & Sophar Naamathites, videlicet de Naamath. Porrò iſtæ ciuitates à Brocardo teſte oculato, par. 1. cap. 5. §. 7. & ab aliis Terræ ſanctæ Deſcriptores, ponuntur in terra Hus; hoc eſt, in regione montis Galaad proximè memorata, & prope di-

pe dictam Suecham affirmant reperiri pyramidem sepulchri ipsius Iob. Sed & Amos Propheta cap. 1. vers. 11. & 12. manifeste ponit Theman & Bosram in terra Edom, quæ erat pars terræ Hus, vt nos num. sequenti ex Ieremia probabimus. Denique oportet Iob habitasse non valdè procul à Chaldæis & Sabæis: siquidem isti excursionem facta dicuntur inuasisse atque abstulisse armenta eius, Iob cap. 1. vers. 15. & 17. Quis verò nesciat, Chaldæos & Sabæos longè viciniore fuisse monti Galaad, quàm regioni inter Mare mortuum & Rubrum positæ? Igitur ex his omnibus elicitur, rationabile admodum videri, quòd Esau habitauerit in hoc secundo monte Seir, qui erat prope montem Galaad, vt dictum est. Tertius mons Seir erat in terra Chanaan, seu in terra Philistinorum, de quo habetur mentio Iosue cap. 15. vers. 10. & aliter dici creditur mons Samir, vt suprà num. 3. dictum est.

DE DVPLICI
IDUMÆA,
AQUILONA-
RI ET AV-
STRALI.

7. Ex dictis valdè probabiliter conicere ac colligere possumus, ipsum Esau & posteros eius multis quidem annis mansisse in memorata parte montis Galaad, & Occidentali eius planitie, eamque regionem appellasse terram Edom, siue Idumæam, & montem Seir, & de hac terra Edom accipi debere illud Ieremiæ Threnorum cap. 4. vers. 21. *Gaude & letare filia Edom, quæ habitas in terra Hus.* Sed inde postea, priusquam regnaret Iob, cœpisse posteros Esau transmittere colonias ad Australem regionem inter prædicta duo maria sitam, & eandem quoque nuncupasse Idumæam, ac in ea existentes cognominasse montes Seir, ex nomine patris sui Esau, qui etiam dictus est Seir. Nisi fortè prius sic iam denominati fuerant ab illo Seir Horrhæo, qui memoratur Genesis cap. 36. vers. 20. de quo tamen dubium esse potest, num ipse fuerit Horrhæus genere, an de profapia Esau; dictusque sit Horrhæus, à deuictis Horrhæis, sicuti Scipio Africanus, ab Africa perdomita. Et quidem probabilius videtur, quòd dictus Seir fuerit de posteris Esau, (de ipsius enim in capite citato specialiter agitur) & quòd iidem posteri Esau, quando pulsus Horrhæus, vt paulò post probabitur, possederunt terram eorum, eam nominibus prioris suæ regionis nuncupauerint, quemadmodum Hispani, qui ad Americam, seu Nouum orbem transmigrarunt, Hispaniæ nomen, & nomina item singulorum Hispaniæ prouinciarum illis regionibus indiderunt, vt videre est apud Scriptores rerum ab ipsis ibidem gestarum, & in Chronographorum tabulis. Ab hac quoque Australi Idumæa iidem posteri Esau faciliè, potuerunt alias deinde colonias deducere in terram Chanaan, seu Philistinorum, & ibi itidem monti, qui dicebatur Samir, imponere nomen Seir. Quamuis si id factum est, oporteat eosdem non multo admodum tempore ibi mansisse: quandoquidem certum est, illum montem ab Israëlitis postea occupatum cecidisse in sortem tribus Iudæ, vt patet Iosue cap. 15. suprà citato. Quin etiam oportet posteros Esau paulatim quidem, aut sponte reliquisse priscam eorum regionem montis Galaad, aut, vt probabilius videtur, ab Amorrhæis inde fuisse pulsos; ac sese tandem omnes in Australem (quam sic ad differentiam prioris appellamus) Idumæam recepisse: siquidem certum est, quòd temporibus Moyli, Israëlitarum venientes de Ægypto, circueiunt longo tempore montem seu montes Seir, in eadem Idumæa Marit rubro proxima, existentes; & quòd iisdem temporibus in terra Edom Galaaditide ac vicinis regionibus habitabant Amorrhæi, quos idem Moyses deleuit, deditque terras eorum tribubus Ruben & Gad, & dimidiæ tribui Manasse. Puto autem memoratam posteritatis Esau transmigrationem de Aquilonari in Australem Idumæam, non nisi post mortem Iob fuisse absolutam & expletam; nimirum circa initia regni illius Husan, qui continuò successerat ipsi Iob: nam Genesis cap. 36. vers. 35. legimus, quòd Rex Adad, qui immediatè post Husan regnasse dicitur, percussit Madian in regione Moab, ex quo inferri potest, quòd iste Adad iam regnaret in Idumæa Australi, cui confines erant Madianitæ & Moabitæ.

8. De hac Australi Idumæa accipi debent illa verba, quæ Deuteronom. cap. 2. v. 4. dicebat Moyses filiis Israël: *Transibitis per terminos fratrum vestrorum filiorum Esau, qui habitant in Seir, & timebunt vos. Videte ergo diligenter, ne moueamini contra eos: neque enim dabo vobis de terra eorum, quantum potest vnus pedis calcare vestigium; quia in possessionem Esau dedi montem Seir.* Quare arbitror falli Brocardum, qui putat præcitata Moyli verba debere intelligi de illa Idumæa Aquilonari, in qua prius habitauerat Esau: non aduertens, quòd, vt ipsemet aliàs dixerat, Esau prius habitauerat prope montem Galaad, qui occurrit quidem venientibus in terram Chanaan de Mesopotamia, non autem de Ægypto; Moyses autem cum filiis Israël, quando prædicta verba dixit, veniebat de Ægypto, & tunc nondum peruenerat ad terram Moabitarum, vltra quam, contra Aquilonem pergentibus occurrebat mons Galaad. Vnde certum est, quòd mons

Galaad valdè distabat à via, per quam transierunt filij Israel venientes de Ægypto in terram Chanaan; & consequenter, quòd quando dicuntur circuissè montem Seir multo tempore; non per Idumæam Aquilonarem transibant, sed per Australem, in qua olim habitauerant Horrii, à quibus nomen acceperat mons ille Hor, in quo mortuus est Aaron: sed deinde, pulsè fuerant à filiis Esau, vt expresse traditur Deuteronom. cap. 2. vers. 12. & 22. & propterea dicebat Moyses filiis Israël, ne pugnare auderent contra fratres suos filios Esau, per quorum terram pertransibant, quia eam Dominus ab Horrhæis ablatam eisdem posteris Esau possidendam tradiderat. Et hæc est illa Idumæa, quæ posterioribus deinde temporibus fuit admodum celebris, habuitque habitatores valdè bellicosos & fortes, & longo tempore proprios Duces ac Reges. Et licet hæc temporibus Dauidis ab ipso subacta fuerit, nihilominus postea, regnante in Iuda Ioram filio Iosaphat, subtraxerunt se Idumæi ab imperio Iudæorum, & sibi denuò proprios Reges successiuè constituerunt: tamen post multa tempora, tota tandem illa natio non solum à Iudæis iterum deuicta ac subiugata fuit, sed etiam ab Hircano Iudæorum principe ad Iudaismum suscipiendum compulsa, vt scribit Iosephus 13. Antiq. cap. 17. Et hæc in vniuersum, ad quamdam huius gentis præcognitionem, in præsentì dicta sufficiant: alias namque non semel de ea mentionem facere oportebit.

9. Porro inter partiales Idumææ regiones, quæ multæ erant, non infima fuit illa, quæ ab Amalecitis incolebatur, qui ab Amalec filio Eliphaz primogeniti Esau, ex Tamna concubina ipsius Eliphaz genito, propagati ac denominati sunt; habitaueruntque ad Meridianam Australis Idumææ (de qua nunc loquimur) plagam, Numer. cap. 13. vers. 30. Isti præ ceteris Idumæis infensi admodum fuerunt filiis Israël, vt propterea oportuerit ipsum Iosue aduersus eos, Moysè mandante, pugnare, Exodi cap. 17. & quoniam sine causa ausi fuerant hostiliter aggredi fratres suos Israëlitas, quando longo itinere fessi, fameque ac labore consumpti, pergebant per desertum Sin ad Terram promissionis: vsque adeò displicuit in conspectu Domini tanta illorum inhumanitas, vt non solum eos tunc à Iosue superari permiserit, sed insuper eodem tempore prædixit Moysi, se propterea delictorum memoriam Amalec sub cælo; iussurique hoc scribi in libro, ac tradi auribus Iosue, (ibidem vers. 14.) vt post obitum ipsius Moysi id notum faceret filiis Israël; quemadmodum nos latius sub anno mundi 2544. num. 35. dicturi sumus. Quare non mirum est, si idem Moyses Deuteronom. cap. 25. in fine, ad eò graui præcepto obligauit filios Israël, vt cum Dominus subiecisset eis nationes in terra Chanaan existentes, delerent Amalecitas. Quod postea iterum, iubente Domino, executioni mandauit Saul 1. Reg. cap. 15. qui etiam, quoniam id non eo rigore egit, quo per Samuelem Prophetam ei Dominus imperauerat, reprobatus à Deo est ne regnaret super Israël, vt videre est ibidem vers. 23. & 28.

10. De Ana filio Sebeon filij Seir Horrhæi, qui creditur fuisse vnus de posteris Esau, vt suprà num. 7. tetigimus, particularis mentio habetur Genes. cap. 36. vbi traditur, quòd ipse primus adinuenit aquas calidas in solitudine, dum pasceret asinos Sebeon patris sui, vt dicitur ibidem vers. 24. hoc est, (quemadmodum locus ille communiter exponitur) adinuenit aquas naturaliter calidas ex terra manantes, ad thermas balneòsve medicinæ gratia corporibus humanis adhibendas. Quamquam ex eodem Genes. loco (vt referunt B. Hieronymus in Quæstionibus Hebraicis in Genes. & S. Isidorus lib. 12. Etymologiarum cap. 1. & alij) pluri Hebræorum, & nonnulli etiam ex Latinis Scriptoris eliciant, eundem Anan fuisse auctorem generationis mulorum, & primum qui de industria induxerit equas cum asinis copulari; ea quidem ducti coniectura, quòd, vt memorat Sacer textus, ipse pasceret asinos patris sui, sed inprimis illa moti ratione, quia dicti Auctores pro *Tamin* Hebraice, quod maria vel aquas Latine significat, legunt *Iemin*, quam vocem mulos significare contendunt. At Hieronymus Oleaster, Hebraicæ linguæ peritissimus, super citato Genes. capitulo ad litteram asserit, probatque etiam vocabulum *Iemin* significare maria siue aquas, vt ipse putat, falsas; & nusquam in sacra Scriptura reperiri, quòd *Iemin* mulos significet: nec propter paucos Hebræos, qui (vt sæpe testatus sum, inquit) coniecturis potius, quàm linguæ peritia aguntur, nomen à suæ radicis significatione alienandum puto. sic Oleaster. Quod si verum est, consequitur, siue interpretemur cū prædicto Auctore aquas falsas, siue cum Vulgata editione aquas calidas; prædictum Anan in Sacro textu celebrari, non quia ipse fuerit primus auctor mulorum; non enim probabile est, mundum tanto tempore sine mulis, quæ non est infima persectorum animalium species, extitisse; sed quòd primus casualiter adinuenit in quadam solitudine aquas medicinales, siue falsas, siue aluminosas, ferreasve, aut al-

DE AMALE-
CITIS.DE ANA
BALNEO-
RYM AV-
CTORE.

terius qualitatis ; quæ tales euadunt transeuntes per subterraneas venas salis, aluminis, ferri, &c. Siue (quod magis reor) calidas, atque ex seipsis ebullientes, quod mirabilius ei visum sit ; quæ ex locis sulphureis scaturire solent , & frequenter à Medicis ad frigidas quasdam corporum ægritudines curandas adhiberi.

11. Veniamus ad Iobab filium Zaræ, qui in eodem cap. Genes. 36. vers. 33. commemoratur, & secundo loco recensetur inter. priscos illos Reges, qui regnauerunt in terra Edom, antequam haberent Regem filij Israël. De isto Iobab dubitari solet, num ipse sit idem qui & Iob, de cuius sanctitate plura habemus in libro eiusdem nominis sacro. Nam licet Hebræi, quos sequitur B. Hieronymus in Traditionibus Hebraicis in Genes. & nonnulli posteriores, puta Rupertus, Lyranus, Oleaster, & alij, super cap. Genes. citato, & Cardinalis Bellarminus in Controuersis lib. 1. de Verbo Dei cap. 20. fortassis eiusdem sancti Doctoris auctoritate moti, id negent, existimantes S. Iob non de stirpe Esau, sed de prosapia Nachor fratris Abrahæ fuisse generatum, ea ducti coniectura, quod Genes. cap. 22. vers. 20. Nachor dicatur genuisse Hus, & in initio libri Iob habeamus, ipsum Iob habitasse in terra Hus : contraria tamen est communis sanctorum Patrum præcipuorumque Doctorum opinio; nimirum S. Ambrosij super Epistola ad Romanos, S. Athanasij in Synopsi, ubi agit de libro Iob, quem facit librorum veteris Testamenti 17. beati Augustini lib. 18. de Ciuit. cap. 47. beati Chrysostomi Homil. 2. de patientia Iob, S. Gregorij, in principio Commentariorum suorum in Iob, & illorum item qui à B. Hieronymo in Epistola 126. quæ est ad Euagrium citantur, nempe Hippolyti, Irenæi, Eusebij Emisleni, Apollinaris, & Eustachij, & aliorum, qui tenent istum Iobab pronepotem Esau, & quintum ab Abraham, (siquidem de Abraham primus prodiit Isaac, 2. Esau, 3. Rahuel, 4. Zara, 5. Iobab) eundem esse, qui communiter dicitur Iob. Idem apertè asserunt LXX. Interpretes in calce libri Iob. Nec obstat quòd illa ipsorum additio, quæ incipit : *Hic interpretatione redditur ex libro Syriaco*, &c. vsque ad finem libri, in Hebræis codicibus, & in pluribus etiam Latinis eorundem LXX. Interpretum non habeatur, & propterea à nonnullis inter apocrypha reputari censeatur ; quia oppositum indicant memorati Patres, locis adductis illam citantes ac recipientes, & præterea etiam editio eorundem LXX. Interpretum Latine anno salutis 1588. Romæ recognita & edita, quæ eamdem additionem habet, & probare videtur, non quidem vt ex Hebræo translata, sed tamquam ab ipsis LXX. Interpretibus, vel ex antiquissima traditione, vel ex probato aliquo Auctore Syriaco desumptam, & diuino instinctu Sacro textui adiectam. Nec quemquam mouere debet, quòd numerus annorum vitæ Iob ibidem appositus, discrepet ab eo qui in Vulgata habetur editione : id enim mirum non est, cum inter has duas editiones tot tantæque alię reperiuntur annorum varietates, non solum in 5. & 11. Genes. capitibus, verumetiam in aliis sacre Scripturæ libris, vt sub anno mundi 131. num. 7. notauimus.

QUOD IDEM
FVERIT IO
BAB, ET IOB

12. Horum itaque de prosapia Iob ab Esau deducta nos sententiam libenter amplectimur, tamquam altera multò probabiliorem, & tantorum Patrum iudicio comprobata, & pluribus quoque rationibus ab Abulense super cap. Genes. 22. fulcitam : videmus namque magnam inter istum Iobab & Iob, non solum nominis, sed etiam aliarum conditionum conuenientiam : siquidem vterque in Sacro eloquio Rex fuisse dicitur : nimirum de Iobab id expressum est Genes. cap. 36. versic. 35. de Iob verò, ipsèmet de se ipso id satis euidenter asseruisse videtur cap. 29. versic. 7. ubi ait : *Quando procedebam ad portam ciuitatis, & in platea parabant cathedram mihi. videbant me iuuenes, & abscondebantur ; & senes assurgentes stabant. principes cessabant loqui, & digitum supponebant ori suo. vocem suam cohibebant duces, & lingua eorum gutturi suo adheerebat.* Et clariùs in fine eiusdem capitis : *Si voluisssem, inquit, ire ad eos, sedebam primus ; cumq. sederem quasi Rex, circumstante exercitu, eram tamen marentium consolator.* Quæ verba exponens B. Hieronymus, supponit Iob fuisse Regem, dicens, se in regni potentia miseris ac morientibus consolatorem præbuisse. Quòd si quis arguat, Iob non se absolute Regem pronuntiasse, sed quasi Regem : meminere vocem hanc quasi in sacris Scripturis non tam similitudinem interdum significare, quàm veritatem, vt Ioan. cap. 1. v. 14. *gloriam quasi unigeniti*, &c. Sanè ad comprobandum, Iob fuisse Regem, facit etiam, quòd tres amici eius, qui venerunt vt eum inuiserent, & consolari, & quodammodò eum reuereri videbantur ; non solum à LXX. Interpretibus in calce libri Iob, sed etiam in editione Vulgata Tobia cap. 2. vers. 15. appellantur Reges. Itaque si Iob erat Rex, vt credimus, & vir magnus inter Orientales, quemadmodum dicitur Iob cap. 1. v. 3. certè multò conuenientius videtur credere, ipsum fuisse de stirpe Esau, quam constat habuiss.

habuisse plures Duces ac Reges, quàm de cognatione Nachor, cuius posterii non adeò potentes ac diuites extitisse videntur, & ex illis nullum Regem fuisse reperimus. Huc accedit alia conuenientia inter Iobab & Iob, quandoquidem Iobab dicitur fuisse de Bosra, quæ (vt suprà num. 6. probatum est) proculdubid erat in terra Edom Aquilonari, in qua primò habitasse diximus posteros Esau; & Iob pariter eiusdem fuisse regionis, apertè indicant, Hus terra natiuitatis eius, & sepulchrum ipsius, & ciuitates amicorum suorum, quibuscum versari solebat, videlicet Theman, Suheta, & Naamath; quæ omnes in eadem quoque terra Edom extitisse, iam suprà eodem numero probauimus. Vt omitam nominum similitudinem inter posteros Esau & amicos Iob, quæ prædictis aliquam etiam videtur posse asserre comprobationem; nam nomen Eliphaz primi amici Iob, per omnia conuenit cum nomine primogeniti Esau: Baldad ferè idem videtur esse cum Badad, qui Genes. cap. 36. vers. 35. dicitur fuisse pater Adad, Regis Edom: Sophar quoque parum differre videtur ab illo Sobal; qui pariter eodem cap. vers. 20. & 23. memoratur. Denique ratio illorum, qui putant Iob fuisse de progenie Nachor, quia primogenitus Nachor fuit Hus, à quo patriam Iob denominatam credunt, nullam habet firmitatem: nam ipsomet B. Hieronymo, primario huius opinionis patròno, attestante in Traditionibus Hebraicis in Genes. cap. 10. terra Hus ab Hus filio Aran filij Sem denominationem sumpsit; & cum suprà num. 6. probatum sit, certum esse quòd terra Hus, à quocumque nomen acceperit, erat in terra Edom; hinc potius deduci potest, Iob fuisse Idumæum genere, & consequenter de stirpe Esau. Sed iam ad nostram Annalium continuationem redeamus.

13. Eodem anno circiter inchoante, qui erat vitæ Benjamin decimusquintus, vt patet in tabulis, oportet ipsum duxisse vxorem, & sub finem eiusdem anni filium genuisse; alioqui, quando vigesimumquintum annum agens ingressus est Ægyptum, non potuisset iam decem filios habuisse; illos nimirum, qui nominatim recensentur Genes. cap. 46. vers. 21. vt habet Vulgata editio, cui etiam consentit Chaldaica Paraphrasis: non enim sequimur in hac parte editionem LXX. Interpretum, quæ ex decem ibi enumeratis, ponit quosdam fuisse filios, quosdam verò nepotes, & vnum pronepotem ipsius Benjamin: tum quia illa lectio non eadem est in omnibus eorumdem LXX. Interpretum codicibus; aliqui enim, vt videre est in Bibliis Regiis, ibidem ponunt tantummodò filios ac nepotes dicti Benjamin, nullum autem pronepotem: tum quia fieri non potest, vt Benjamin anno vitæ suæ vigesimoquinto habuerit pronepotem, immò neque nepotes; vnde oportet quosdam ex his natos esse post ingressum ipsius Benjamin in Ægyptum, & consequenter nos sequi opinionem illorum qui putant, plures illorum qui in cap. Genes. citato dicuntur descendisse cum Iacob in Ægyptum, reuerà non fuisse eo tempore natos, sed aliquot post annos; connumerari verò inter ingredientiés cum Iacob in Ægyptum, non quia per se, sed tamquam in patribus suis ipsi quoque cum illis censeantur ingressi: aut quia ille ingressus in Ægyptum ibi vsurpetur (vt aiunt) pro toto illo tempore, quo vixit Iacob in Ægypto; vel etiam (vt sic comprehendant nepotes ac pronepotes ipsius Ioseph ibidem à LXX. Interpretibus recensitos, quorum aliqui, videlicet pronepotes, non nisi post obitum Iacob nasci potuerunt) pro toto tempore, quo ab introitu patris ac fratrum suorum in Ægyptum superuixit Ioseph, qui fuerat illis auctor & procurator illius ingressus. Sed nobis hæc opinio non placet, quemadmodum sub anno mundi 2306. num. 7. tetigimus; nec sustineri posse putamus, vt sub anno mundi 2329. à num. 5. vsque ad 10. fufius ostendemus.

14. Sub finem eiusdem anni, videlicet non post duos annos ex quo Ioseph coniectus fuisset in carcerem, vt perperam scribit Iosephus lib. 2. Antiq. cap. 3. sed ex quo pincerarum præfectus a Pharaone in officium restitutus, nihil Iosephum adiuuerat; vt ex collatione eorum quæ in Genes. cap. 40. cum his quæ in capite 41. dicuntur, perspicuè colligi potest; contigit Pharaonem quædam somnia somniasse, quorum pauore perterritus, manè mira quadam anxietate tenebatur sciendi, quidnam illa portenderent significarentve: quod cum à cunctis Ægypti sapientibus hac de causâ accersitis, intelligere non potuisset, mæstusque propterea admodum esset, ecce princeps pincerarum, qui vt dicitur in cap. Genes. 40. in fine, post liberationem de carcere sibi à Ioseph prænnuntiata, succedentibus deinde prosperis, oblitus erat interpretis somnij sui, neque toto illo biennij tempore quidquam de illo cogitauerat, nedum aliquid in Regis curia locutus fuerat: nunc, vt vidit Regem de somniorum suorum interpretatione adeò sollicitum, ingenuè coram ipso passus ingrati animi sui culpam, retulit eidem Regi de Ioseph Hebræo, iam dudum in carceribus existente, quòd scientiam interpre-

BENIAMIN
QUANDO
COEPERIT
FILIOS
GIGNERE.

PHARAO IN
SOMNIS VI-
DET QUAE-
DAM FUTU-
RORVM
PRAESAGIA.

IOSEPH DE
CARCERE
EDUCTVS
PHARAONIS
SOMNIA IN-
TERPRETA
TVR.

tandi somnia admodum calleret, vt ipsemet experimento didicerat, quando vna eademque die & sibi salutem, & magistro pistorum interitum, ex somniis ab vtroque narratis prædixerat, eo prorsus modo & tempore, quo postea subsecuta sunt. Hæc audiens Rex, statim imperauit Iosephum, qui tum erat annorum triginta, de carcere educi, tonsaque coma, & munda elegantique indutum veste, coram se præsentari; qui statim & sine vlla hæsitazione eidem Regi somnia mirifice exposuit: prædicens septem miræ fertilitatis annos, & totidem famis protinus sibi iniicem subsecuturos; deditque consilium coaceruandi frumenta in toto primo septennio, pro alendis in altero populis, cum magno Regis scœnore. Quamobrem vsqueadeo honoratus atque exaltatus fuit à Pharaone Ioseph, vt statim eum omni domui suæ, & toti terræ Ægypti præficerit, ac veluti pro Rege constituerit, præter alias easdemque admodum insignes honoris significationes eidem præstitas; nimirum Regium annulum signatorium, vestem augustam, torquem auream, currum secundum à regio, præcedente præcone, & indicante per vrbem noui magistratus electionem; & denique nomen nouum eidem inditum, quod vocabulo Ægyptiaco Saluatorem mundi significabat, Genes. cap. 41. vers. 1. vsque ad 46.

IOSEPH DV-
CIT VXO-
REM, ET FI-
LIOS PRO-
CREAT MA-
NASSEN ET
EPHRAIM.

15. Non multò post addidit quoque Pharaon benefacere Iosepho: quandoquidem dedit ei uxorem admodum nobilem ac diuitem, filiam scilicet Putiphare sacerdotis Heliopoleos, nomine Aseneth, quæ postea peperit ei duos filios antequam veniret famæ, Genes. cap. 41. vers. 50. Vnde fit manifestum, hos filios Ioseph intra memoratum quidem fertilitatis septennium esse natos; quoniam verò anno præcisè nati sint, ignorari, quamuis probabile videatur, primum esse ortum primo circiter prædictæ fertilitatis anno, alterum autem secundo. Sanè Ioseph primogenitum suum appellauit Manassen, quod Hebraicè Obluionem significat; vt hoc nomine indicaret, quòd Deus se tanta prosperitate ac felicitate cumulauerat, vt meritò iam videretur oblitus omnium laborum, quos antea multis modis perpesus fuerat. Alterum, vt prosperitatem suam Deo, quemadmodum par erat, acceptam referre videretur, nominauit Ephraim; quæ vox Crescens seu Fructificans interpretari dicitur, illud subiungès: *Crescere me fecit Deus in terra paupertatis meæ*, Genes. cap. 41. vers. 52. hoc est, in Ægypto, in qua fuerat pauper, seruus, & carceri mancipatus: hisce verbis perspicuè declarans, se omnia felicitatis suæ incrementa non propriæ virtuti, sed diuinæ tribuere bonitati.

NVM SOGER
IOSEPHI
IDEM EVE-
RIT CVM EO
QVI IPSVM
EMERAT.

16. Ceterum si quis hic percontetur de præfato Putiphare, cuius filia nupta est Iosepho, num idem sit cum eo qui antea Iosephum ab Ismaëlitis emerat, & cui ille tot annis seruierat, & demum ab eo in carcerem inclusus fuerat; an verò alter eiusdem nominis, sed alterius conditionis: dicimus, Vtrumque probabiliter posse teneri, quandoquidem vtrumque sunt Auctores satis probati, & res est quæ ex Sacris libris omnino definiri ac conuinci posse non videtur. Sanctus Augustinus quæst. 136. in Genes. videtur magis in eam partem propendere, vt putet fuisse diuersos, adducitque nonnullas pro hac sententia coniecturas. Beatus verò Chrysostomus idem apertius confirmat Homil. 63. in Genes. dicēs, propterea Scripturam sacram addidisse, hunc fuisse sacerdotem Heliopoleos, ad differentiam prioris, quem dixerat esse Magistrum militum. Idem videntur sensisse Philo in libro De Ioseph, & Iosephus lib. 2. Antiq. cap. 3. nam de horum identitate nihil prorsus innuentes, tamquam de diuersis hominibus locuti videntur. & certè, ni fallor, hoc videtur credibilis, & Sacro textui magis consentaneum; præsertim cum vtriusque nomen in Hebræo, non eodem prorsus modo scribi dicatur. Nihilominus Hebræi mordicus contrarium sentiunt; quos sequuntur B. Hieronymus & nonnulli posteriores, adherentes cuidam illorum traditioni, quam refert idem sanctus Doctor in Traditionibus Hebraicis in Genes. cap. 37. his verbis: *Tradunt Hebræi, emptum ab hoc Ioseph ob nimiam pulchritudinem in turpe ministerium; & à Domino virili- bus eius arefactis, postea electum esse iuxta morem ieropositarum, in pontificatum Heliopoleos; & huius filiam esse Aseneth, quam postea Ioseph uxorem acceperit*. Hæc S. Hieronymus. qui ibidem pluribus interpositis, nimirum in cap. Genes. 41. ait: *Notandum autem, quod domini quondam & emptoris sui filiam uxorem acceperit, qui ad id locorum pontifex Heliopoleos erat: neque enim fas, absque eunuchis, idoli illius esse antistes, vt vera illa Hebræorum, super eo quod antea iam diximus, suspicio comprobetur*. Porro si quæ locis citatis retulit B. Hieronymus firma essent, omnem viderentur tollere difficultatem. Verumenimvero, vt ingenuè fatear, mihi memorata traditio, quæ rectius à præfato sancto Doctore suspicio appellata est, redolere videtur aliquod Rabbiorum commentum: constat enim, eos in huiusmodi adinventionibus excogitandis, atque ad sensum ipsorum ac-

commodandis, fuisse admirabiles. Nam quod dicitur de ritu non instituendi sacerdotes Heliopoleos, nisi essent eunuchi seu spadones, gratis dici videtur. & si verum esset, quod perhiberi ait B. Augustinus vbi suprà, nimirum Ægyptios sacerdotes numquam fuisse nisi in templo deorum suorum, nec aliud quodpiam officium exercuisse, quomodo potuit Iosephi emptor fieri sacerdos, qui, vt ex supràdictis patet, tot annis militum carcerisque Regij præfecturam exercuerat? Denique vix credibile est, eum qui tamdiu cum vxore vixerat, atque ex ea filiam susceperat, aut non erubuisse se eunuchum postea factum confiteri; aut tale quid, aliis idoli illius sacerdotibus, vt se in ipsorum numerum reciperent, persuadere. Itaque, vt dixi, mihi valde suspecta est præfata traditio. Verumtamen in hac re quisque proprio satisfaciat iudicio.

AB ORBE CONDITO TERTIÆ MVNDI ÆTAT.

A N N V S 2320.

A N N V S 208.

POSTERO autem anno, vt comprobaret Deus quæ per Iosephum Pharaoni prænuntiauerat, cœpit magna illa fertilitas, quæ deinceps iugiter integro septennio perdurauit; non quidem naturali aliqua astrorum influentia aut constellatione producta, (sic enim ab Astrologis quoque aliquo modo præuideri prædictum potuisset) sed ex singulari quodam Dei beneficio, singulis hisce annis, opportuno tempore Nilo ad iustam quamdam mensuram inundante, vniuersamque terram illam irrigante. Etenim certum est (vt scribit Plinius lib. 5. cap. 9.) ex commensurato quodam eiusdem Nili incremento, puta ad sexdecim aut decem & octo cubitos, maximam in Ægypto frugum vbertatem prouenire: ex minori verò aut maiori aquarum eius exuberantia, sterilitatem sequi. Nam quia ibi ferè numquam pluere solet, terraque magno solis ardore admodum exsiccatur, quò minus crescit amnis, in omnes ferè Ægypti partes veluti de industria dispertitus, eò minor terræ pars irrigatur ac fecundatur, reliqua aquarum penuria arescente. Si autem contingat plus iusto, & supra modum fluium inundare, itidem sequitur magna sterilitas, tum quia fruges sub aquis diutius permanentes suffocantur; tum quia ob diuturniorem aquæ moram terra madens, denuò feri nequit.

VNDE ABVN
DANTIA
FRVGVM ET
PENURIA
IN ÆGYPTO

2. Itaque Ioseph, vt primum vidit abundare terram frugibus, egressus cum potestate sibi à Rege tradita, circiuiuit omnes Ægypti regiones, instituitque locis opportunis horrea regia, iussitque in singulis vrbibus magnam vim frugum comportari & conditi, nimirum quintam partem earum quæ colligebantur, non quidem trituratam & purgatam, sed in suis spicis existentem, atque in multis magnisque manipularum aceruis redactam; vt vel sic, tamquam in suis naturalibus thecis, diutius conservari possent, & simul non solum frumenta hominibus, sed etiam iumentis paleæ reseruarentur, Genes. cap. 4.1. vers. 46. vsque ad 50.

IOSEPH
TEMPORE
VBERTATIS
RECONDIT
FRUMENTA
PRO MOX
FVTURA STE
RILITATE.

3. Abulenſis super citato Genes. capite quæst. 11. & alij ipsum secuti, putant idèò quintam tantummodò frugum partem regio edictò fuisse per Iosephum repositam, quòd ea potuerit sufficere, non quidem absolute, sed cum his paucis segetibus, quæ sterilitatis tempore nascerentur, saltem iuxta Nili alueos, vbi quotannis semper aliqua solet fieri inundatio & irrigatio, & consequenter aliqua messis; quod etiam quoquomodò indicatum fuerat in memorato Pharaonis somnio: siquidem illa septem boues macie confectæ, quæ sterilitatis annos significabant, pascebantur in ipsa annis ripa in locis virentibus, & priorum pulchritudinem deuorasse visæ sunt; ad denotandum, quòd homines tempore famis alendi erant partim ex humi nascentibus iuxta fluij ripas, partim ex frugibus annorum abundantia reseruatis. Verum quia præfata messis admodum exigua erat futura, habito respectu ad indigentiam tanti populi, propterea quasi pro nihilo reputata fuit ab eodem Iosepho, quando Genes. cap. 45. vers. 6. dixit fratribus suis: *Adhuc quinque anni restant, quibus nec arari poterit nec meti.* Huc accedit, quòd vbi caritas annonæ est, non ad saturitatem vesci homines solent, sed pro sola necessitate, vnde etiam minus consumitur. Iustum quoque meo iudicio videbatur, quintam dumtaxat partem regio nomine pro bono publico esse reponendam; ne præter fas adimeretur facultas his, qui sibi domuique suæ vellent bonam fructuum suorum partem reseruare, quod & à pluribus faciendum, pro certo supponi poterat; & re ipsa factum fuisse credendum est: alioqui non potuisset Pharaon tempore famis, etiam exteris nationibus frumenta diuendere, quippe quæ populo suo vix satis esse potuissent. Præterquam quòd etiam probabile est, Iosephum præter quintam partem regio edictò

CVR QVIN-
TA FRVGVM
PARS QVOT-
ANNIS FVE-
RIT REPO-
SITA.

à singulis iusto pretio acceptam, à volentibus quoque plura alia frumenta Regis nomine comparasse; atque hoc pacto postea potuisse non Ægyptiis tantum, sed & aliis populis ea multò carius distrahere, Regemque amplius ditare.

4. De modo item reponendi dictas fruges, placet quod citatus Auctor ibidem adnotauit; nimirum, frumenta primi anni vbertatis separatim fuisse reposita, pro primo sterilitatis anno, & secundi anni pro secundo, & sic de singulis, quia non videbantur ea posse ad annos quatuordecim sine carie aut putredine præseruari; ad septennium verò non item. & hoc admodum rationabile est credere. Quamuis etiam fieri potest, ut Ioseph prudenter singulis vbertatis annis, vel. saltem postremis annis, omnem, aut maiorem frugum partem antea asseruatam, renouari curauerit, ut sit in Principum munitionibus; ne si forte eas ab hostibus obsideri diutius contingeret, militibus anno-na prius parata marcesceret.

IOSEPHI
PRVDEN-
TIA IN FRV-
GIBVS REPO-
NENDIS.

AB ORBE CONDITO

ANNVS 2327.

TERTIÆ MVNDI ÆTAT.

ANNVS 215.

FAME ADVE-
NIENTIO-
SEPH VEN-
DIT FRV-
MENTA
ÆGYPTIIS
TVM ALIIS
NATIONI-
BVS.

TRANSACTIS septem vbertatis annis, statim subsequi cœperunt alij septem inopia, quos prædixerat Ioseph. Cumque elapso messis tempore, fames panē ubique præualere cœpisset, neque vspiam frumenta venalia reperirentur nisi in Ægypto; illuc cœperunt confluere homines de cunctis provinciis circumiacentibus, ut emerent sibi escas. Sed & ipsi quoque Ægyptij, nimirum pauperiores, recurrentes ad Regem, instanter postulabant sibi de pane prouideri; quos Rex remittebat ad Iosephum; qui aperiens horrea, quæ in singulis ciuitatibus constituerat, vendebat tum Ægyptiis, tum exteris nationibus, quantum præsentij ipsorum necessitati sufficere videbatur; constituto singulis pretio, quod tali tempore & loco iustum videri posset, Genes. cap. 41. vers. 50. vsque ad finem capituli.

PHARES DV-
CIT VXO-
REM.

2. Eodem anno, qui erat vitæ Phares decimustertius, ut apparet in tabulis, oportet ipsum duxisse vxorem, quæ ei anno sequente inchoante peperit primogenitum suum nomine Hefron, & postea sub finem eiusdem anni, alterum, quem vocauit Hamul: siquidem ipse Phares vix annum ætatis suæ decimumquintum attigerat, quando cum Israël descendit in Ægyptum, ut in iisdem tabulis computari potest; & tamen tunc iam genuerat duos filios, Hefron scilicet & Hamul; quemadmodum legimus Genesis cap. 46. vers. 12. & nos sub anno mundi 2306. num. 7. prænotauimus, fusiussque sub anno mundi 2329. num. 9. comprobabimus.

IOSEPH AG-
NOSCIT FRA-
TRES NON
AGNITVS
AB EIS.

3. Eodem quoque anno ad finem, ut arbitror, vergente, cum iam etiam in terra Chanaan admodum creuisset inopia rei frumentariæ, misit Iacob decem filios suos in Ægyptum, retento penes se Benjamin omnium iuniore, ut victui necessaria compararent; audierat enim quod ibi tantummodò frumenta venderentur. Quos, vt vidit Ioseph, statim agnouit; ipse verò non est agnitus ab eis: quod mirum non est; nam cum maxima faciei aspectusque mutatio ordinariè in tertio potissimum ætatis septennio, propter nascentem barbam staturæque incrementum fieri soleat; Ioseph, qui sexdecim erat annorum quando venditus fuerat, nunc verò vir erat triginta & octo annorum, valde diuersum à priori præferebat aspectum; præsertim cum esset prius pastor ouium, nunc princeps Ægypti; quod de fratre suo illi numquam cogitare potuisset: prius Hebraico vtens habitu & sermone, nunc Ægyptio, & per interpretem loquens eis. Econuersò autem, fratres eius tantum aliquantò seniores effecti, de cetero, eiusdem ut antea erant habitus, conditionis, & linguæ; & simul omnes, ita ut ex vnius saltem recognitione, ceteros quoque nouisse facile fuerit.

CVR DVRIVS
LOCVTVS
SIT AD EOS.

4. Ut primum igitur agnouit fratres suos Ioseph, & non vidit inter eos Benjamin; durius locutus est ad eos, prudenter suspicari simulans, ne forte essent exploratores; ut hoc pacto non mirarentur, si eos diligentius de cunctis ad se pertinentibus interrogaret; & sic ab inaduertentibus, ipse de vita ac sospitate patris ac fratris sui vterini posset edoceri, eosdemque fratres compellere, ut eundem Benjamin, quem admodum videre cupiebat, ad se perducerent. Quòd ergo fratres vocauit exploratores, non animo inferendis eis iniuriam, aut ab illis olim acceptam vliscendi, fecit; sed vt aliqua tribulatione fatigatos, ad cognitionem poenitudinemque criminis aliàs contra se patremque suum admissi perduceret; quod utique non multò post euenit, ut numero sequenti dicemus. nihil est enim quod errantes magis respicere faciat, quam tribulatio, iuxta illud Isaia cap. 28. vers. 19. *Vexatio intellectum dabit.* Et simul etiam, ut postea cum Ioseph, quem admo-

admodum disposuerat, se fratribus manifestasset, eisque benefecisset, cumulatiùs lætarentur: solent namque oblectare magis prospera post aduersa, & iucunda post mœsta. Diuina item dispensatione factum credimus, quòd Ioseph cum fratribus tamquam cum alienis egerit, vt illi non semel coram eo incuruati, & veluti dominum proni venerantes ac deprecantes, experimento dignoscerent, verissima fuisse somnia quondam à fratre visa ac relata, perperamque ab ipsis & insipienter irrita. Certum quoque est, Iosephum diuinitus intellexisse, speciali se Dei consilio venditum, atque in Aegyptum perductum, ibique à Pharaone exaltatum, (quæ fuit insignis figura Christi à Iudæis occisi, & à Deo sublimati) vt posset tempore famis patrem suum totamque eius cognationem alere, vt apertè ex ipsiusmet Iosephi verbis colligitur Genes. cap. 45. vers. 5. & propterea, & item ne fratrum crimen proderet, non curasse toto vixititium annorum interuallo, quo in Aegypto manserat, quidquam patri de statu suo, neque per litteras, neque per nuntios, significare: non quidem ante eius exaltationem, ne præordinationi diuinæ obicem poneret; sciebat enim quòd pater omnino eum redimere voluisset: non etiam post, nimirum expectabat tempus magis opportunum consolandi patrem ac fratres; præuidebatque futurum, vt adueniente fame, ad se pro alimentis comparandis venire cogerentur; & quòd tunc fratres, visa eximia eius erga ipsos beneficentia, eo præsertim tempore ac loco, quo vindictam de ipsis sumere potuisset, ad eum diligendum magis possent incendi.

5. Itaque Ioseph, (interrogatus per interpretem fratribus, vt se magis illis celaret,) audiens illos alium reliquisse domi fratrem iuniorem, arripuit inde occasionem impetrandi eis, vt ad tollendam exploratorum suspicionem, mitterent ex ipsis vnum, qui fratrem illum minimum accerferet, atque ad se perduceret, & sic probaret num vera essent quæ narrauerat, & ad sui defensionem adduxerant, alioqui habiturum se eos tamquam exploratores, & in eos animaduersurum; interim iussit eos in carcere detineri: verumtamen die tertia eductos sic alloquitur: Volo vobiscum remissiùs agere, Deum enim timeo; quare concedo vt redeatis ad regionem vestram, ac frumenta quæ emisistis vobiscum asportetis, hac tamen lege, vt vnus tantum ex vobis pro obliue ligatus maneat, donec adducatis mihi fratrem vestrum minimum, quem dicitis, vt possim vestros probare sermones, & non moriamini. Qui, licet inuiti, dicto acquiescentes, cœperunt inter se ad inuicem loqui, dicentes: *Merito hæc patimur, quia peccauimus in fratrem nostrum, videntes angustiam animæ illius dum deprecaretur nos, & non audiuimus; idcirco venit super nos ista tribulatio.* Et Ruben omnium natu maior exprobrabat eis, subdens: *Nunquid non dixi vobis: Nolite peccare in puerum: & non audistis me? en sanguis eius exquiritur.* quæ audiens ac probè intelligens Ioseph, (illis nihil tale suspicantibus) & iam lacrymas continere non valens, aliquantulum se ab eis auertens fleuit, præ commiseratione nimirum, & pariter præ gaudio, quòd fratres ad recognitionem perpetrati facinoris deuenisse videret; hoc est enim quod tali castigatione prætendebat. Compresso igitur fletu, vt quæ dixerat executioni mandarentur, iussit, ipsis inspectantibus, ligari Simeonem: siue quia ipse, vt putant Hebræi, fuerit auctor nefariæ illius in fratrem conspirationis, siue, vt alij, quoniam cum esset secundus genitus, & consequenter post primum maioris auctoritatis apud fratres, non adiuuit, vt debebat, primogenitum, quando nitebatur liberare fratrem. vtcumque sit, ipso in vinculis detento, Ioseph dimisit alios cum tritico quod emerant, clam pretio in singulorum saccis per ministros reposito, datisque pro viatico cibariis. Illi verò in Chananæam redeuntes, turbati atque attoniti quòd pecuniam in saccis comperissent, narrabant patri quæ eis in Aegypto accidissent, & præsertim de Simeone in custodia detento, donec illuc reducerent Beniamin, quod valde displicuit patri, nec adduci potuit vt licentiam eis daret abducendi Beniamin; tamen Ruben id instanter postulare, pollicitus illum ei omnino redditurum, Genes. cap. 42. per totum.

QVOMODO
EODEM SA-
LVBRI TER
AFFLIXE-
RIT.

AB ORBE CONDITO

TERTIÆ MVNDI ÆTAT.

ANNVS 2328.

ANNVS 216.

17 I ANNO proximo, qui erat vitæ Phares decimusquartus, necesse est (vt sub anno præcedenti num. 2. dictum est) ipsi natum esse anno inchoante filium quem nuncupauit Hefron, & mense circiter vndecimo eiusdem anni alterum, quem vocauit Hamul, quandoquidè nusquā legimus quòd Hefron & Hamul fuerint gemelli, neque quòd Phares duas habuerit uxores, ex quibus ambo eodè tempore nasci potuerint.

PHARES
GENVIT
HEFRON
ET HAMVL.

REDEUNT
FRATRES
AD IOSEPH.
ET CVM HIS
BENIAMIN.

2. Eodem anno ferè, vt arbitror, desinente, Iacob necessitate compulsus (iam enim ferè consumpti erant cibi de Ægypto allati, & fames ingrauescebat) remisit filios suos, & cum illis ad Iudæ instantiam etiam Benjamin in Ægyptum, vt emerent escas domui suæ necessarias; misitque per eos munera viro, qui Simeonem tenebat in vinculis, & pecuniam duplicem; eam scilicet quam in saccis repererant, & aliam pro escis comparandis. Cùm ergo peruenissent ad Ægyptiorum Metropolim, (tunc, vt aiunt, Memphis appellatam) forteque offendissent Iosephum domo prodeuntem, illèque eos vidisset, & cum illis Benjamin; imperauit dispensatori suo, vt viros illos introduceret, instrueretque conuiuium; velle, addens, ea die prandere cum ipsis: statimque ad negotia sua, siue ad regiam, de more, cum suo comitatu perrexit. Illi autem à dispensatore introducti, admirantes ac nescientes cur id fieret, cœperunt, vt solent alicuius criminis conscij, rem in malam partem interpretari, ac vereri se idè detineri, vt in seruitutem redigerentur, propter pecuniam in saccis ablatam; ac proinde dispensatorem ad eunt, se de hac re purgare cœperunt, liberè confitentes, illam quidem in saccis inuenisse, sed nescire quānam eam ibi reposuisset; ac propterea eandem reportasse. Quibus dispensator blandè respondit, ne de pecunia solliciti essent; quin etiam eduxit ad eos Simeonem fratrem, iussitque offerri aquam, vt lauarent pedes, & pabulum dedit iumentis eorum. Vt primum verò domum rediit Ioseph, illi parata eidem munera, reuerenter adorantes obtulerunt; & ab eo de eorum patre interrogati, pariter incuruati, prospera renuntiarent. & tunc creditur impletum somnium, quod olim viderat Ioseph de sole, & luna, & stellis vndecim ipsum quodammodò adorantibus. quod vtique præsignabat (quemadmodum ipse Iacob exposuerat) idem aliquando ei à patre ac matre & fratribus præstitum iri. Nam licet re ipsa fratres tantum ipsum adorauerint; adèd tamen Ioseph supra proprium domus suæ statum euectus iam erat, & dignitate auctus, vt si tunc ibi cum fratribus pariter adfuissent pater ac mater eius, ipsumque pro filio, sicuti fratres pro fratre non agnouissent; idem pariter quod fratres, ipsi quoque sine vlla cunctatione fecissent. sicuti etiam sentit Pererius super Genesis cap. 37. num. 51. Conuersus deinde Ioseph ad Beniamin, cœpit cum eo dulcius agere; verum tamen erumpentibus præterniti amoris teneritudine lacrymis, coactus est raptim, sub alio quodam prætextu, in proximum cubiculum diuertere, ne ante tempus se proderet. Non multò post autem egressus, ac se continens, iussit eos sedere ad mensam, ipsis seorsum à se, & ab Ægyptiis, iuxta morem gentis, paratam. Vbi obiter licet intueri, quā vetus fuerit vsus sedendi ad mensam; non solum apud Ægyptios, vt ex hoc loco fit manifestum, sed etiam apud Hebræos, vt colligi potest Genes. c. 37. vers. 25. & clariùs 1. Reg. cap. 20. vers. 25. quemadmodum nos sub anno mundi 2974. num. 3. explicabimus. Vtrum verò etiam antiquior fuerit vsus recumbendi, nostri non est instituti disquirere. Porro fratres inter se taciti mirabantur, quòd eos per ordinem natiuitatis sedere fecisset, & nihilominus iuniori maiora fercula obtigissent, Genesis cap. 43. per totum.

CONVIVIO
EXCIPIVN.
TVR.

PLACIDE
CVM TRITICO
DIMIT-
TUNTUR.

REDEUNT
AD IOSEPH
OBSCYPHVM
INVENTVM
IN SACCO
BENIAMIN.

IUDAS RO-
GAT PRO
BENIAMIN.

3. Post epulum, cùm ad satietatem cuncti comedisent bibissentque, dimisit eos Ioseph, præcipiens dispensatori suo, vt impleret eorum saccos tritico, quantum possent capere; & clam reconderet in singulis pretium quod dederant, & insuper in ore sacci iunioris, scyphum suum argenteum: quod cùm factum esset, illique abeuntes iam de vrbe exissent, ecce idem dispensator, iubente domino suo Ioseph, infestus & affectus est eos; cœpitque conqueri de scypho furtim ac non sine magna ingrati animi nota ablato. Qui contristati, & suæ innocentie conscij, confidenter protestabantur, nihil se scire de scypho; & sibi placere, vt penes quem repertus esset, moreretur, & alij in seruitutem redigerentur; & continuò singuli deponentes de iumentis saccos, aperiebant: ille verò scrutatus per ordinem singulos, tandem inuenit scyphum in sacco Beniamin. quo viso, omnes scissis vestibus, oneratisque rursus asinis, redierunt ad Iosephum, & omnes ante ipsum corruerunt: quo de scyphi ablatione eos causante, Iudas humiliter pro cunctis respondens, nec valens se suosque excusare, offerebat se ceterosque ei in seruos; at ille, Non, (inquit) sed qui scyphum sustulit, ille erit seruus meus. Cui Iudas, impetrata dicendi venia, altiusque rem repetens, indicauit quā tenero animo frater eius iunior ab ipsorum patre iam admodum sene diligeretur, & quā ægrè ipsum in Ægyptum venire permisisset, & quòd ipse eum in suam fidem, eidem patri omnino restituendum, susceperat, ac propterea enixius ipsum rogabat, vt se pro seruo mallet assumere, & sinere Benjamin ad patrem redire, ne illum tristitia iaculo confoderet perimeretque: alioqui non posse se sine illo ad patrem reuerti, illumque

illumque præ nimia afflictione morientem videre, Genes. cap. 44. per totum.

4. Hæc audiens Ioseph, & iam amplius se cohibere non valens, iussit ceteros qui astabant exire; mox elata cum fletu voce, quæ ab Aegyptiis quoque quiescerant audita, statimque in domo Pharaonis diuulgata est, sese fratribus manifestauit, dicens: *Ego sum Ioseph.* quo audito, obstupescentes & perterriti, non poterant quidquam respondere ei. At ille eos clementer ad se aduocans, hortabatur ne pertimescerent, quoddum vendidissent: diuina siquidem dispensatione id factum esse, ne ipsi fame adhuc quinquennio duratura perirent, sed ab ipso cum tota eorum familia quantocumque in Aegyptum transferenda alerentur. Quibus dictis, continuè cepit amplexari, & cum lacrymis osculari fratrem suum vterinum Benjamin, ac deinde ceteros sigillatim, qui tunc demum ausi sunt loqui ei. Interim verò ut audiuit Pharaon, venisse fratres Ioseph, gauisus est valdè, & eo accersito, præcepit imperari fratribus suis ut redirent in terram Chanaan, & reducerent patrem, omnemque cognationem eorum, & cuncta ad se pertinentia in Aegyptum, & ad hoc daret eis plaustra, & quæ opus essent pro ipsorum subuectione. Itaque Ioseph, cum ampla dedisset munera cunctis fratribus, & multò maiora ipsi Benjamin, aliisque insuper patri suo deferenda; dimisit eos cum commeatu & plaustris, ad vehendum patrem, & coniuges, & paruulos, & cuncta quæ haberent, monuitque eos ne irascerentur in via, hoc est, ut cauerent ne contentiosius in itinere, de maiori vel minori culpa in fratris venditione à singulis commissa differentes, vlla inter eos ira aut dissensio oriretur, Genes. cap. 45. vers. 1. vsque ad 25.

IOSEPH FRA
TRIBVS S
MANIFE-
STAT.

REMITTIT
EOS CVM MV
NEREVS ET
PLAVSTRIS
AD VEHEN-
DVM PA-
TREM CVM
TOTA FAMI
LIA SVA IN
ÆGYPTVM.

HISTORIA
IOSEPHI EX
S. GREGO-
RIO.

5. Sed libet hic totam hanc Iosephi historiam B. Gregorij verbis, non inutiliter neque iniucunde, vt arbitror, perstringere, ex Homil. eius 21. in Ezechiel. vbi cum de virtute discretionis pie prudenterque disseruisset, Ecce (subinfert) dum loquor, Ioseph animum pulsat, vt ad ostendenda que dico, ipse testis veniat. Certe somnium, quod de profectu suo viderat, fratribus narrans, per hoc quod innocenter retulit, malitia contra se stimulos excitauit. Ab eisdem fratribus, Ismaëlitis est venditus, in Aegyptum ductus, mira omnipotentis Domini dispensatione eidem Aegypto praelatus est. Cumq; in terra Chanaan fames exurgeret, fratres ad Aegyptum venerunt, Ioseph praelatum Aegypto repperunt, cumque submissis ad terram cervicibus adorauerunt. Et quia mutari Dei consilium non valet, quem idè vendiderant ne adorarent, adorauerunt quia vendiderunt. Tunc ipse vir Dei, spiritu discretionis plenus, cognouit fratres non cognitus. Sed memor culpa, & remissor iniurie, mala fratrum nec reddere studuit, nec sine purgatione laxare, nam suspecta voce protinus dixit: Exploratores estis vos, ut videatis infirmiora terra venistis, iam nunc experimentum vestri capiam. per salutem Pharaonis non egridiemini hinc. O iaculum in corde: peregrini venerant, famis periculum fugiebant, frumenta qua querebant non acceperant, & feriri se insuper iactatione criminis videbant. Inter hæc ducuntur ad carcerem; & post triduum adhuc in eadem asperitate terrentur. Iam reditur ad cor, iam culpa memoria pulsat animum, atque inter se inuicem loquuntur: Miseri hæc patimur, quia peccauimus in fratrem nostrum, videntes angustiam animæ illius cum deprecaretur nos, & non audiuimus: idcirco venit super nos ista tribulatio. In his autem cor Ioseph amore vincitur, secessum petit, soluit flendo quod pierati debuit. Seuerus ad fratres reuertitur, ut cruciatas eorum animas à culpa liberaret. Post hæc vnus religatur in vinculis, dimittuntur ceteri cum frumentis, ut vnus frater veniat, quem minimum habere se dixerant. Venit postmodum frater. Vincēbat mentem pietas, cum frater innocens videretur; sed permanebat in ostensione asperitas, ut fratres noxij purgarentur. Frumenta dantur, scyphus in sacco iunioris fratris absconditur, furti post eos quæstio mouetur. mittitur ut reducantur addicti in seruitutem, decernitur apud quem scyphus fuisset inuentus, in sacco vltimi fratris inuenitur. tunc Benjamin reducit, afflicti omnes fratres sequuntur. O tormenta misericordiae cruciat, & amat. Reuerfi igitur, in terra cum lacrymis prostrati, veniam postulant: memores enim quid de illo patri promiserant, mærore intolerabili tabescebant. Tunc se ultra cohibere non valens, pietas clausa prorupit ad medium, & excusit charitatis lacrymas de vultu seueritatis. Deteresa est ira, quæ apparebat, & non erat, ostensa est misericordia, quæ erat, & non apparebat. Sic vir sanctus facinus fratrum & dimisit, & vindicauit. Sic in rigore clementiam tenuit, ut delinquentibus fratribus nec sine vltione pius existeret, nec sine pietate districtus. Ecce hoc est magisterium discipline, ut culpis & discretè nouerit parcere, & eas pie rescare. Qui autem discretionis spiritum non habent, aut sic dimittunt peccata, ut non corrigant; aut sic quasi corrigendo feriunt, ut non dimittant. hucusque S. Gregorius. Sed nos, vnde digressi sumus, calamum conuertamus.

6. Reuerfi cum gaudio fratres Iosephi in terram Chanaan, nuntiauerunt patri omnia: qui audiens quod Ioseph filius eius viueret, & dominaretur in tota terra Aegypti, quali

IACOB AV-
DIENS QVOD
IOSEPH VI-
VERET. DE-
LIBERAT
IRE AD
EYM.

quasi de graui somno euigilans, non minùs credebat his quæ dicebantur, ac si eadem in somnis audisse videretur: verumtamen, vt vidit plaustrum & dona quæ miserat ei Ioseph, veluti reuiuiscens, & nihil vltra in hac vita desiderans, dixit: *Sufficit mihi, si adhuc Ioseph filius meus vivit, vadam, & videbo illum antequam moriar*, Genes. cap. 45. vers. 25. vique ad finem capituli. Profectus ergo de Hebron cum omnibus ad se pertinentibus, venit in Bersabee, quæ erat in termino Australi terræ Chanaan versus Ægyptum, vt ibi se suæque Deo commendaret iuxta Puteum iuramenti (habebat enim locum illum in magna veneratione, quod ibi olim auus eius Abraham nomen Dei inuocasset, Genes. cap. 21. in fine, & item pater eius Isaac secundam habuisset Dei apparitionem, altareque ibidem exiisset:) quare operæpretium duxit, ipse quoque in eodem loco mactare hostias, Deumque super illa sua suorumque protectione consulere. Itaque exaudivit ibi eum Deus, vocavitque ipsum in somnis, (quæ fuit octava eademque postrema Dei apparitio eidem facta) & plurimas de animo eius excussit suspiciones & molestias, quæ cum pertimescere faciebant, puta, ne fortè ipse in tam longo itinere obiret, priusquam videre posset filium suum Ioseph; ne familia sua mali aliquid pateretur; ne posterius eius postea redire ad terram eis promissam detrectarent, ne ex longiori cum Ægyptiis consuetudine, quid contra veram religionem vitæque puritatem contraherent; & denique, ne nimis dura aliquando ab Ægyptiis seruitute premerentur. Hæc & humilissimi, vt ab animo suo propulsaret, solatus est eum Deus illis verbis: *Noli timere: descende in Ægyptum, quia in gentem magnam faciam te ibi. Ego descendam tecum illuc, & ego inde adducam te reuerentem; Ioseph quoque ponet manus suas super oculos tuos*, Genes. cap. 46. vers. 1. vique ad 5.

HABUIT
OCTAVAM
DEI APPA-
RITIONEM.

AB ORBE CONDITO

TERTIÆ MVNDI ÆTAT.

ANNVS 2329.

ANNVS 217.

IACOB DE-
SCENDIT
CVM TOTA
FAMILIA
SVAIN ÆG-
YPTVM.

ANNO proximo circiter ineunte, qui erat annus egestatis tertius, biennio scilicet postquam cœpit fames, Genes. cap. 45. vers. 6. & 11. Iacob ingrediens annum vitæ suæ centesimum trigessimoprimum, (erat enim tunc annos natus centum triginta, Genes. cap. 47. vers. 9.) descendit in Ægyptum cum tota familia ac posteritate sua, cuius filij filiarque ac nepotes per capita recensentur Genes. cap. 46. vers. 8. vique ad 28. & Exod. cap. 1. vers. 1. & ingressus Ægyptum, misit Iudam ante se ad Ioseph, vt occurreret ei in Gessen; quod cum peruenisset in curru suo Ioseph, irruit super collum patris, flens præ ingenti lætitia; ipsumque & suos peramanter excepit. postea de aduentu suorum Pharaoni renuntiavit; & introductis coram eo primò aliquot ex fratribus, postea etiam patre, facili ab eo impetravit terram Gessen in possessionem filijs Israel; iussitque eos habitare in optimo dictæ terræ loco, in quo postea ab ipsismet Israëlitis ædificata est vrbs Ramestes; & ibi aluit eos, vt late describitur Genes. cap. 46. vers. 28. vique ad finem, & cap. 47. vers. 1. vique ad 13.

DE NVMERO
POSTERO-
RVN IACOB
QVANDOVE-
NIT IN ÆG-
YPTVM.

2. De numero autem progenitorum à Iacob, qui cum eo descenderunt in Ægyptum, siue qui iam nati erant quando ipse descendit in Ægyptum, dubitari potest propter varios Scripturæ textus, sed præcipuè propter diuersitatem, quæ reperitur inter Vulgatam & LXX. Interpretum editionem: nam in Vulgata Genes. cap. 46. vers. 26. dicitur fuisse sexaginta sex; & ibidem vers. 27. concluditur fuisse septuaginta; & hoc postremum, replicatum habemus Exod. cap. 1. vers. 4. & Deuter. cap. 10. in fine. In editione autem LXX. Interpretum cap. Genes. citato, semel dicitur fuisse sexaginta sex, semel verò septuaginta quinque, & Exodi pariter cap. 1. ponuntur septuagintaquinque. Sanctus quoque Lucas Actorum cap. 7. vers. 14. idem scribit, secutus nimirum LXX. Interpretes locis citatis; quamvis iidem Deuter. cap. 10. ponant tantummodò animas septuaginta, quod etiam adnotavit S. Hieronymus in Traditionibus Hebraicis in Genes. cap. 46. vbi de hac re disputat. Videtur autem nobis, pro dictæ difficultatis dilucidatione, sub quibusdam distinctionibus esse respondendum.

3. Nam si loquamur de illis dumtaxat posteris Iacob, qui cum ipso discesserunt de terra Chanaan, vt venirent in Ægyptum, proculdubio erant sexaginta septem animæ, computato scilicet etiam ipso Iacob; eo verò excluso, constat fuisse tantummodò sexaginta sex. Et hoc est quod habemus Genes. cap. 46. v. 26. nimirum eos qui egressi sunt de femine Iacob, & tunc de terra Chanaan exierunt, secutiq; sunt Iacob euntem in Ægyptum, fuisse animas sexaginta sex, inter quas erant duæ feminæ, videlicet Dina filia Iacob, & Sara filia Aser, vt patet in eodem capite vers. 15. & 17. Ioseph autem & duo filij

filijs eius, Ephraim & Manasses, tunc erant in Aegypto. Si autem absolute velimus scire numerum animarum omnium, quæ tunc iam egressæ erant de femore, hoc est, de femine Jacob, quando ipse ingressus est Aegyptum; verè dicere debemus, fuisse sexaginta nouem: ipso verò etiam Jacob posteris suis adiuncto, septuaginta; vt ex his quæ capite Genes. proximè citato dicuntur, euidenter colligi ac deduci potest: nam vers. 15. dicitur Jacob genuisse ex Lia animas trigintatres; quo in numero comprehenditur etiam Dina, vt clarè ibidem indicatur illis verbis, & *filiarum*: (vsurpat enim ibi, teste B. Augustino quæst. 151. in Genes. numerus pluralis pro singulari, & vers. 18. habemus quòd Jacob ex Zelpha iam genuerit animas sexdecim: & vers. 22. ex Rachele animas quattuordecim: & vers. 25. ex Bala animas septem, quæ faciunt summam animarum septuaginta. Sed quoniam tam in textu Vulgato, quàm in LXX. Interpretum, licet ex Lia dicantur genitæ animæ triginta tres: in ipsa tamen singulorum nominum dinumeratione vtròque inueniuntur tantummodò animæ triginta duæ, seclufis nimirum Her & Onan iam defunctis; (ibi enim tunc viuentes dumtaxat recensentur,) & consequenter, omnes animæ quæ tum mediata vel immediata iam egressæ erant de femine Jacob, inueniuntur tantummodò sexaginta nouem. Ad complendum tamen numerum trigintatium animarum ex Lia, & septuaginta animarum totius domus Jacob, locis suprà citatis expressum; Scriptura sacra, vt dictum est, cum posteris suis ipsum quoque iungit connumeratque omnium parentem Jacob. Quod & asseueranter tradit B. Hieronymus loco superius allegato, & satis euidenter colligit Caietanus ex illis verbis Sacri textus, quæ habentur in capite proximè citato vers. 8. *Hæc sunt nomina filiorum Israël, qui ingressi sunt in Aegyptum, ipse cum liberis suis*. Ecce quòd ipsum quoque cum liberis suis Scriptura sacra connumerat. Propterea etiam infrà vers. 27. sic ait: *Omnes animæ domus Jacob*, (intellige, ex Jacob egressæ; certum namque est, vxores Jacob & filiorum eius ibidem non computari) *quæ ingressæ sunt in Aegyptum, fuere septuaginta*. pondera illud, *domus Jacob*, quod peripicuò insinuat, in eo numero comprehendendi non alios solùm de domo, sed ipsum quoque caput domus seu familiæ. Porro memorata verba, *quæ ingressæ sunt in Aegyptum*, videtur posse sumi, ac si diceretur, quæ tunc erant cum Jacob, quando ingrediebatur iam ingressus erat in Aegyptum, ad includendum Ioseph & duos filios eius, qui tunc erant in Aegypto, quos admodum probabile est, secum duxisse in curru suo Ioseph, vt magis lætificaret patrem, quando obuiam venit ei in terra Gessen. Et hoc pacto consequens fit, reuerà in illo ingressu seu comitatu aliquando simul repertos esse septuaginta animas de domo Jacob.

33
16
14
7
70

4. Sed dicit aliquis, Cur ergo LXX. Interpretes, & cum eis S. Lucas, dixerunt fuisse septuaginta quinque? addentes septuagenario numero in Vulgatis codicibus expresso alios quinque, nepotes scilicet & pronepotes Iosephi, quos certissimum est genitos esse in Aegypto post dictum ingressum; & quosdam ipsorum, puta pronepotes, non nisi post obitum Jacob nasci potuisse, vt optimè probat S. Augustinus quæst. 152. in Genes. Hæc certè maxima est difficultas, cui non facile est respondere. Propterea idem Sanctus loco citato, & quæst. 173. in Genes. & lib. 16. de Ciuit. cap. 40. hac de re disputans, varias videtur excogitasse responsiones, vt Lector ex his deligere posset, quam aptiorem diiudicaret. Videtur igitur ex dictis B. Augustini locis tripliciter quæsito responderi posse; & prima quidem responsio ferè talis est: Inter ingressos cum Jacob in Aegyptum connumerari à LXX. Interpretibus prædictos Iosephi nepotes & pronepotes; non quia perse, hoc est, in proprijs personis; sed tamquam in patribus suis ipsi quoque censentur ingressi; eo scilicet modo, (vt exponit Pererius) quo ad Hebræos cap. 7. vers. 9. dicitur Leui in Abraham à Melchisedech decimatus: & quemadmodum Genes. cap. 11. vers. 12. Arphaxad dicitur genuisse Sale, non immediatè, sed mediante filio suo Cainan. & sicut cap. Genes. 46. vers. 15. nepotes Liæ dicuntur geniti in Mesopotamia videlicet in patribus suis. Quod autem dictum est de nepotibus & pronepotibus Iosephi, putat S. Augustinus etiam dici debere de nepotibus & pronepote ipsius Benjamin; quos LXX. Interpretes memorant, & inter ingressos cum Jacob in Aegyptum recensent. Addit Pererius super caput. Genes. 38. & 46. idem esse dicendum de nepotibus Iudæ, Hefron, & Hamul; quos etiam contendit natos esse in Aegypto.

GRAVIS
DIFFICULTAS.

PRIMA
B. AUGUSTINI
RESPONSIO.

5. Verùm contra hanc primam responsionem insurgit grauis obiectio, quæ est, Cur inter ingredientijs in Aegyptum connumerati sint tantummodò aliqui nepotes Iudæ, & Iosephi, & Benjamin, tunc necdum nati; & non alij eorundem posterij, & ij qui postea ex alijs filiis Jacob in Aegypto sunt geniti? Ad quam nulla videtur posse ratio assignari,

GRAVIS
OBIECTIO.

gnari, quæ omnino tollat difficultatē. Nam si dixerimus, in dicto numero poni tantummodo commemoratos posteros Iudæ, Iosephi, & Benjamin, propter aliquam ipsorum prærogatiuam; puta, quia Ioseph fuerat omnibus talis ingressus auctor: & de Benjamin, idem esse factum in gratiam Iosephi, cuius ille erat verius frater, admodumque dilectus: & de Iuda, quia de eius progenie nasciturus erat Messias. Hæc, tametsi aliquam videantur præferre primo aspectu probabilitatem; si tamen penitiùs expendantur, nihil ad rem pertinere videntur: nam quid, obsecro, tribus illis fratribus aut ad dignitatem, aut ad vtilitatem conferre poterat, quod aliqui ipsorum posteri postea nati in illo ingredientium numero ponerentur, tamquam & ipsi quodammodo in patribus suis ingressi? cum id commune esset, non solum aliis nepotibus & pronepotibus ceterorum filiorum Iacob; sed etiam toti illi pænè infinitæ hominū multitudinī, quam post ducentos & amplius annos eduxit Moyses de Aegypto? siquidem de illa idem prorsus dici poterat, quod scilicet in patribus suis ingressa esset in Aegyptum. Præterea, cur in dicto ingredientium numero poni debuit Hamul Iudæ nepos, qui nihil ad Christi genealogiam pertinuisse dignoscitur? Item, cur nulla facta mentio est nepotum ac pronepotum Leui, qui eo potissimum nomine præcipuā quadam prærogatiua celebrandus videbatur, quod Leuiticæ tribus caput esset futurus; ex qua sola Sacerdotes constitui ac consecrari poterant, & cuius curæ tota diuini cultus administratio à Deo demandanda erat? Deinde, si concesserimus, aliquos postea natos in dicto numero ingredientium cum Iacob in Aegyptum nihilominus esse positos; non videtur vllō modo posse colligi, quot nam fuerint illi qui verè ingressi sunt: nam quod de prædictis dictum est, quod nimirum intelligantur ingressi non in se, sed in patribus suis; id vtiq; dici etiam poterit de multis aliis in eodem catalogo contentis, puta de filiis Ruben, Simeon, & Leui, & aliorum filiorum Iacob; quos ex nullo alio Scripturæ loco probare possumus fuisse natos ante ingressum Israël in Aegyptum, nisi ex memorato Genes. cap. 46. vbi inter eos qui dicuntur ingressi in Aegyptum recensentur. Ex quo item contingeret non modicum infirmari sacram chronologiam, quæ vt infra num. 12. dicemus, ex hac potissimum suppositione, quod Caath filius Leui ante ingressum Israël in Aegyptum, iam natus esset; & ipse, non autem in patre suo, ingressus sit Aegyptum; deducit ac colligit tempus mansionis filiorum Israël in Aegypto. Sed ad quid toties Historia sacra replicasset, Israël cum septuaginta animabus intrasse in Aegyptum, si id re ipsa verum non esset, sed tantummodo interpretatiue, vt dictum est; quoad aliquos deberet intelligi? Denique si loca Scripturæ, vbi hoc expressè traditur, ad litteram vera esse non possent, plura alia & grauiora sequerentur inconuenientia; siquidem tali exemplo, alia quoque eiusdem Scripturæ loca multò aliter quàm verba sonant, non sine errore, exponi possent; & multa, quantumuis vera & clara, in dubium reuocari.

RESPONSIO
AD OBJECTA

6. Neque obstant similitudines superius adductæ, de Leui, qui dicitur soluisse decimas in Abrahamo; & Arphaxad genuisse Sale in filio suo Cainan; & de nepotibus Liæ, qui dicuntur nati, tamquam in patribus, in Mesopotamia: quia ex his & similibus nullum sequitur inconueniens; quisque enim probè intelligit, illud de Leui ibidem non propriè, sed per quemdam tropum figuramve narrari: & historiam generationis Arphaxad ibi compendiosius traditam, in aliis Scripturæ locis suppleri ac distinctiùs haberi, vt nos aliàs ostendimus. Quod verò attinet ad nepotes Liæ, certum est quod verba illa, quæ Genes. cap. 46. post recensitos filios ac nepotes ipsius Liæ, vers. 15. subiunguntur, videlicet: *Hi filij Liæ, quos genuit in Mesopotamia*, &c. ad litteram respectiue sic sunt exponenda, vt illud, *Hi filij Liæ*, referatur ad omnes prænominatos: illud autem, *quos genuit in Mesopotamia*, referatur ad filios tantum, quos reuerà genuerat in Mesopotamia; non autem ad nepotes: nam Ruben primogenitus Liæ, vix ingressus fuerat decimum tertium ætatis annum, vt patet in tabulis, quando cum parentibus & fratribus suis egressus est de Mesopotamia: quare nec ipse, & adhuc minùs fratres eius, videntur gignere potuisse matri suæ nepotes in Mesopotamia. Et ita quoque exponitur illud Genes. cap. 35. vers. 26. vbi duodecim filiis Iacob nominatim prius recensitis, continuò subditur: *Hi sunt filij Iacob, qui nati sunt ei in Mesopotamia Syria*. Nimirum illud, *Hi sunt filij Iacob*, referri debet ad omnes: illud verò, *qui nati sunt ei in Mesopotamia*, ad omnes, vno dumtaxat excepto Benjamin, quem constat natum esse in terra Chanaan, iuxta Bethleem Iudæ, vbi non multò post sepulta est mater eius: vel quia Textus emendatior cap. Genes. 46. superius citato non habent: *Hi sunt filij Liæ*; sed, *Hi sunt filij Liæ quos genuit in Mesopotamia*. dicere possumus, ibi figuratè de omnibus dici,

dici, fuisse genitos in Mesopotamia; quia primarij ipsorum, & qui immediatè de ipsa Lia prodierant, nati erant in Mesopotamia: solet namque interdum Scriptura sacra, quod conuenit pluribus aut potioribus, id per Synecdochen vniuersaliter tribuere omnibus. cuius rei plura eiusdem Scripturæ exempla profert S. Augustinus quæst. 117. in Genes. hunc eundem locum exponens. At in casu nostro, in quo Scriptura sacra proficitur sigillatim recensere nomina filiorum Israël, qui cum eo ingressi sunt in Aegyptum, implicare videtur, opinari, quòd voluerit per modum historiæ inter eos intexere aliquos tunc nondum natos.

7. Altera ad quæsitum responsio ab eodem Sancto proposita, talis est: In cap. Genes. 46. iam sæpius citato vsurpari ingressum in Aegyptum, non præcisè pro illo die, aut primis illis diebus, quibus Iacob intrauit in Aegyptum; sed pro toto illo tempore quod exinde superuixit Iacob: vel etiam pro omni tempore, quo ab introitu patris ac fratrum suorum superstes fuit Ioseph, qui dictum introitum à Pharaone imperauerat, vt sic in numero ingredientium in Aegyptum, iuxta textum LXX. Interpretum, includi possint nepotes ac pronepotes Iosephi; quorum saltem aliquos ex postremis certum est, non nisi multò post mortem Iacobi nasci potuisse. Sed hæc responsio easdem pæ-
ALTERA
S. AVGVSTI-
NI AD DIF-
FICULTA-
TEM RE-
SPONSIO.
OBJECTIO.
 nè patitur difficultates, quas priori obieciimus: siquidem reddenda esset ratio, cur non omnes, qui toto reliquo vitæ Iacob & Iosephi tempore in Aegypto & semine Iacob nati sunt, in dicto numero fuerint recensiti. Præterquam quòd, (vt liberè dicam quod sentio, donec aliud melius indicetur,) sumere ingressum Israël in Aegyptum pro tam longo annorum curriculo, nimirum pro annis septuaginta & vno, (tot enim superuixit Ioseph ab ingressu patris sui in Aegyptum, vt in tabulis faciliè supputari potest;) videtur intelligentia nimis protracta, & extorta, & impropria, atque à Sacri textus simplicitate admodum aliena. Nam esto, voluerit Moyses prædictum ingressum tam largè sumere, cur ex tam multis hominum millibus, qui interim in Aegypto de posteritate Iacobi prodierunt, tam paucos, & per multa temporum intervalia natos, ponere voluit in catalogo ingredientium cum Iacob in Aegyptum? aut cur propter tam paucos in eodem numero inserendos, tantum protrahere prædicti ingressus tempora? Certè videtur res haudquaquam historiæ, præsertim sacre, consentanea, & propterea non nisi ex magna quadam & inuitabili necessitate (quæ tamen hic non apparet) admittenda.

8. Quare nobis magis arridet tertia eiusdem sancti Augustini responsio, quæ pu-
TERTIA
S. AVGVSTI-
NI RESPON-
SIO RECI-
PITVR.
 tat, LXX. Interpretes addidisse quinque illos Iosephi nepotes pronepotesque, non quòd ipsos reuera cum aliis in dicto ingressu interuenisse crederent, aut à legentibus credi vellent; quandoquidem satis manifestum erat, illos longè post fuisse genitos: sed vt certi mysterij causa numerum illum septuaginta quinque animarum commenda-
 rent: constat namque (vt idem Sanctus ait) *numeros in Scripturis esse sacratissimos, & mysteriorum plenissimos; vt ex quibusdam* (inquit) *quos inde nosse potuimus, dignissime credimus.* Quòd ergo LXX. Interpretes Sacro textui Hebraicè conscripto prædictos quinque adiecerint, magnam (vt verbis eiusdem Sancti utar) *continet sine dubitatione rationem: sed quoniam quenam illa sit, ignoramus; non debemus reprehendere, sed magis admirari, quod præ ingenij imbecillitate assequi non possumus.* sic ille. Quamquam fortè non abs re videretur nos posse coniecere, quòd quemadmodum sanctus Euangelista Matthæus in genealogia Christi aliquantulum ab historia discedens, inter Ioram & Oziam, tres Reges consultò præterit; vt (quemadmodum ibidem beatus exponit Hieronymus) tres tessaradecades in diuerso temporum statu poneret; & quia Ioram generi se miscuerat impiissimæ Iezabelis, reticere voluit memoriam posteritatis eius vsque ad quartam generationem, ne in sanctæ natiuitatis ordine poneretur: ita econtrariò, quòd LXX. Interpretes simili aliqua de causa, dignòve respectu, ab historico ad mysticum sensum aliquantulum, vt iam declaratum est, declinantes, maluerint non sine diuino instinctu addere memoratos quinque nondum natos, his qui cum Iacob ingressi dicuntur Aegyptum: & hoc sine vllò mendacio; nam sicuti certum est, sanctum Matthæum non esse mentitum, quando non in sensu historico, sed figurato seu tropico, dixit, Ioram genuisse Oziam; quia illum in postero suo Amasia verè genuit: sic etiam LXX. Interpretes verè dixerunt, quinque illos Iosephi nepotes ac pronepotes ingressos esse cum Iacob in Aegyptum; non quidem ipsi, quia necdum tunc nati erant; sed in lumbis præaui sui Ioseph.

9. Vt igitur totam hanc disputationem concludamus; dicimus, quòd ex prædictis inferre possumus, & pro certo supponere debemus, ipsum Iacob, quando ingressus est
PROPOSITAE DIFFICULTATIS RESOLVTIO.
 Aegy.

Ægyptum, in suo comitatu verè ac re ipsa habuisse sexaginta nouem animas de progenie sua egressas, quibus ipse annumeratus, explebat summam animarum septuaginta. hoc enim apertè testatur Historia sacra locis Vulgatæ editionis suprâ citatis, & hoc idem farentur ipsi quoque LXX. Interpretes Deuteronom. cap. 10. in fine. Quibus tamen LXX. Interpretibus, non sine diuino, vt arbitror, consilio, placuit etiam Genesis cap. 46. & Exod. cap. 1. addere alios quinque superius memoratos; non in sensu historico, quasi reuerà isti quoque cum aliis in Ægyptum introëuntibus extiterint; (certum enim erat, eos multò pòst fuisse natos:) sed sicut iam dictum est, vt occulti cuiusdam mysterij gratia, mysticum numerum septuaginta quinque animarum celebrarent. & hoc caeleste consilium etiam ipse S. Lucas Actorum cap. 7. vers. 14. præfatos LXX. Interpretes secutus, comprobauit. Porro in priori illo septuagenario numero, quem historice traditum diximus, & ad litteram, prout sonat, intelligendum putamus; credimus in propriis personis extitisse omnes posteros Israëlitis, quorum nomina sigillatim recensentur Genes. cap. 46. vers. 8. vsque ad 28. & præsertim (quidquid contraxerit Pererius) Hefron & Hamul ludæ nepotes, quos sub anno mundi 2306. num. 6. & sequentibus, iam tunc in terra Chanaan natos fuisse ostendimus, & item sub anno mundi 2327. num. 2. & sub anno 2328. num. 1. adnotauimus, & pariter cum reliquis credimus re ipsa in Ægyptum descendisse decem filios Benjamin in dicto Genes. capite editionis Vulgatæ recensitos: non enim in hac parte sequi possumus textum LXX. Interpretum, qui quos Vulgata editio tamquam filios enumerat, partim filios, partim nepotes, & vnui pronepote extitisse asserit. Recedimus verò in hoc, necessitate compulsi, ab ipsis LXX. Interpretibus, tum ob causas à nobis sub anno mundi 2319. numer. 13. adductas; tum quia alioqui oporteret recedere à simplici & plana intelligentia illorum verborum Genes. cap. 46. vers. 27. *Omnes anima domus Iacob, quæ ingressæ sunt in Ægyptum, fuere septuaginta.* & illorum Exod. cap. 1. ver. 4. *Erant igitur omnes animæ eorum qui egressi sunt de femore Iacob, septuaginta.* & illorum item Deuteronom. cap. 10. in fine: *In septuaginta animabus descenderunt patres tui in Ægyptum.* & consequenter necesse esset, contra expressa prædictorum Textuum verba fateri, eos qui reuerà descenderunt cum Iacob in Ægyptum, non fuisse septuaginta, sed tantummodò sexaginta quattuor; demptis scilicet quinque nepotibus Benjamin, & vno pronepote, tamquam tunc nondum natis. Quod quàm sit ab Historia sacra alienum, nemo est qui non videat: tum etiam ne & nos incidamus in aliquot inextricabiles labyrinthos, ex quibus contrariæ opinionis sectatores sese expedire non valent: tum denique, quia ad euitanda dubia, præsertim insolubilia, præstat ceteris relictis sequi Textum maioris auctoritatis; qui sine vlla controuersia est textus Vulgatus Latinus, cui consentiunt etiam Hebraicus & Chaldaica Paraphrasis, vt videre est in Bibliis Regiis.

DE TEMPO-
RE QVO
MANSE-
RVNT FILII
ISRAEL IN
ÆGYPTO,
VARIAR O-
PINIONES.

10. Quantum verò temporis habitauerint filij Israël in Ægypto, non eadem fuit omnium sententia. Possunt autem colligi de hac re septem fere opiniones. Prima ponit, Hebræos mansisse in Ægypto annis minùs ducentis: quod sine vlla probatione, tamquam certum, supponit S. Chrysostomus in Hom. 37. super Genes. prope medium. & Oecumenius, qui super cap. 3. ad Galat. *Anni, inquit, in Ægypto transacti, sunt centum quadraginta quattuor.* Secunda putat, eosdem moratos ibi esse per annos ducentos decem. ita concludit Auctor Chronologiæ maioris Hebræorum cap. 3. & idem sentiunt Lyranus & Caietanus super Genes. cap. 15. & Exod. cap. 12. & Iacobus Naclantus in libro Arcanorum Christi, vbi agit de Tertia mundi ætate: & Arias Montanus in libro de Sæculis. Tertia opinio pro certo habet, Hebræos moram in Ægypto traxisse annis nec plus nec minùs quàm ducentis quindecim. hoc apertè tradidit primò Iosephus 2. Antiq. in princip. 6. capitis, deinde Eusebius in Chronicis, vbi agit de obitu Patriarchæ Ioseph; quos postea secuti sunt alij plures celeberrimique Doctores, vt infra magis patebit. Quarta tenet, totum tempus mansionis Hebræorum in Ægypto fuisse quadringentorum annorum. & hoc ex multis sacræ Scripturæ locis videtur posse colligi: nimirum Genes. cap. 15. vers. 13. vbi apertè Dominus prædixit Abrahamo semen suum fore peregrinum in terra aliena (hoc est, vt ipsi exponunt, in terra Ægypti) annis quadringentis. & post pauca subiunxit: *Generatione autem quarta reuerterentur huc.* id est, vt ipsi putant, centenariò quarto expleto. Idem videtur desumi posse Actor. cap. 7. vers. 6. vbi hæc habentur: *Locutus est autem ei Deus (id est Abraham) quia eris semen eius accola in terra aliena, & seruiantur eos subiicient, & male tractabunt annis quadringentis.* (sic enim legendum ibi est, non autem *annis quadringentis triginta*, quemadmodum sub anno mundi 2118. num. 15. adnotauimus.) Idem videtur posse confirmari ex Actorum

rum cap. 13. vers. 17. ubi dicitur, quòd *Deus plebis Israël elegit patres nostros, & plebem exaltauit, cum essent incolæ in terra Aegypti, & in brachio excelsò eduxit eos ex ea.* & post pauca subiungitur: *Et destruens gentes septem in terra Chanaan, sorte distribuit eis terram eorum, quasi post quadringentos quinquaginta annos.* porro ex his, quadringentos putant in Aegypto fuisse consumptos, & quadraginta in deserto, & ferè decem in expugnandis Chanaanæorum vrbus, eorumque terra Israëlitis diuidentia. Sed maxime omnium pro hac opinione facere videtur locus Iudith cap. 5. vers. 9. ibi enim in Latina Vulgataque editione hæc de Hebræis ad verbum dicuntur: *Cumq; operuisset omnem terram famēs, descenderunt in Aegyptum; illicq; per quadringentos annos sic multiplicati sunt, ut dinumerari eorum non posset exercitus.* Quinta opinio est eorum, qui prorsus ad litteram accipiunt verba illa Exodi cap. 12. vers. 40. quæ in editione Vulgata sic habent: *Habitatio autem filiorum Israël qua manserunt in Aegypto, fuit quadringentorum triginta annorum.* Huius sententiæ acerrimi propugnatores fuerunt, Augustinus Eugubinus, qui in dicto Exodi loco nimis audacter expungere ausus est verba illa, *Et in terra Chanaan, ipsi & patres eorum,* quæ in L x x. Interpretum codicibus habentur: & Genebrardus, qui in sua Chronologia mordicus defendere nititur, Hebræos in Aegypto mansisse annis quadringentis triginta: tum propter locum Exodi citatum, & ab Eugubino correctum; tum quia existimat, secluso miraculo, eosdem Hebræos minori temporum intervallo non potuisse, ex tam paucis qui ingressi fuerant Aegyptum, tantopere propagari ac multiplicari; vt sexcenta pænè millia bellatorum, exceptis feminis, pueris, ac senibus, inde exire potuerint, quemadmodum testatur Scriptura Exodi cap. 12. vers. 37. Sexta opinio potest attribui his, qui crediderunt, afflictionem Hebræorum in Aegypto cœpisse statim post mortem Iosephi: nam si Deus prædixerat Hebræos seruituros in terra aliena quadringentis annis, vt quarta tenet opinio pluribus Scripturæ locis confirmata; profectò, qui istam seruitutem putant post Iosephi obitum incepisse, cum certum sit, eumdem Iosephum vixisse in terra Aegypti annos septuaginta & vnum, ex quo eodem venerant pater & fratres eius; coguntur credere, ipsos Hebræos habitasse in Aegypto amplius quàm quadringentis septuaginta annis. Septima eademque postrema opinio, erit eorum qui ad sextam opinionem addunt alios triginta annos, ea probantes Sacri textus exemplaria, quæ in citato Actorum cap. 7. vers. 6. habent, semen Abraham seruiturum ac malè tractandum annis quadringentis triginta: his enim si addantur prædicti anni septuaginta & vnus habitationis Israëlitarum in Aegypto, antequam affligi cœpissent, efficiet summâ annorum plusquam quingentorum incolarum Israëlitiçi populi in Aegypto. Sed postremam hanc opinionem manifestè redarguunt, quæ nos de legitima illius Textus lectione sub anno mundi 2118. num. 15. diximus. Quin etiam ex his, quæ sub anno mundi 2438. num. 1. & sequentibus dicemus, necessarium erit ruere fundamentum sextæ pariter ac septimæ opinionis, quod erat, Hebræorum afflictionem in Aegypto, statim mortuo Iosepho cœpisse: ibi namque ostendemus eiusdem afflictionis initium multis post annis accidisse.

11. Verumenimverò, vt quænam ex hisce omnibus opinionibus vera sit, ac ceteris reiectis recipienda, magis innotescat: Primò disputabimus vnico contextu aduersus posteriores quattuor opiniones, probabimusque Hebræos non potuisse in Aegypto manere annis quadringentis; hoc enim est quod magis veritatem oppugnare videtur. Deinde demonstrabimus, eos ibidem annis tantummodò ducentis quindecim permansisse, quemadmodum tertia tenet opinio: vnde etiam magis patebit duarum priorum aliarumque falsitas. Tertiò demum, si quæ restabunt in contrarium argumenta, dissoluemus. Sanè rationes quibus probari potest, Israëlitas non potuisse morari in Aegypto quadringentis annis vel amplius, sunt istæ. Prima colligitur ex Numer. cap. 26. vers. 59. ubi legimus, quòd lochabed mater Moyfi nata est in Aegypto, fuitque filia Leui, & consequenter amita Amræ mariti sui, vt etiam quidam Sacri codices expressè habent Exodi cap. 6. vers. 20. & videtur item sensisse Auctor Quæstionum Hebraicarum in 1. Paralipom. qui sub nomine B. Hieronymi inter opera eius circumfertur. Itaque si mater Moyfi nata est in Aegypto, fuitque pater eius Leui, quem constat nonaginta duobus annis tantum vixisse in Aegypto: siquidem erat quadraginta quinque annorum, quando cum patre suo descendit in Aegyptum, vt patet in tabulis, & mortuus est exactis vitæ annis centum triginta septem, vt expressè habemus Exodi cap. 6. vers. 16. iunge prædictos nonaginta duos Leui annos in Aegypto traductos, cum octoginta, quos natus erat Moyses, paulò ante exitum populi de Aegypto, quando scilicet agere cœpit cum Pharaone de ipsis Israëlitis inde educendis, vt traditur Exodi cap. 7. vers. 7. & sub

QVOD ISRAELITAE NON MANSERINT IN AEGYPTO ANNIS QUADRINGENTIS. PRIMA RATIO.

52
80
172

duces annos centum septuaginta duos: restabant ergo adhuc anni ad minus ducenti viginti octo, ad complendam summam quadringentorum annorum incolatus Hebræorum in Ægypto. Quare etiam, supposito quòd ipsa Iochabed nata esset anno ultimo vitæ patris sui Leui; oporteret eam fuisse ducentorum vigintiocto annorum, quando genuit Moysen. Si autem (vt multò credibilis est) ipsa ante centesimum patris annum nata erat; consequeretur, eandem post annum vitæ suæ ducentesimum sexagesimum quintum genuisse filium suum Moysen: quæ quàm absurda sint, quis non videt? Non igitur potuerunt filij Israël habitare in Ægypto annis quadringentis. Quòd si quis dixerit, veriorum esse opinionem eorum, qui tenent ipsam Iochabed non verè fuisse filiam Leui, sed sic dici, eò quòd esset neptis eius, filia scilicet fratris Caath filij Leui; quam opinionem nos quoque sub anno mundi 2464. num. 2. comprobabimus: Respondemus, præadductum argumentum (hoc posito) infirmari quidem aliquo modo; sed non propterea omnino infringi. quin etiam tantum adhuc roboris retinere, (si bene expendatur) quantum habet argumentum quod continò subiungemus: quandoquidem satis probabiliter credi potest, non longè admodum plus vixisse Iochabed, quàm vir eius Amram vixerit; neque patrem ipsius Iochabed, qui fuit frater Caath, quàm ipse Caath.

ALTERA
RATIO.

12. Altera ratio desumitur ex loco superius adducto, nimirum Exodi cap. 6. ver. 16. vsque ad 21. vbi inter Leui & Moysen Scriptura sacra duas tantum numerat generationes; videlicet ipsius Caath, qui vixit annis centum triginta tribus, & Amram, cuius vitæ anni dicuntur fuisse centum triginta septem, vt ibidem notatum inuenies. Cum igitur Caath connumeratus sit cum descendantibus in Ægyptum, Genes. cap. 46. ver. 11. & Moyses filius Amram filij Caath, esset (vt paulò antè probatum est) octogenarius, quando exiuit cum Israëlitis de Ægypto: computa omnes annos vitæ Caath, & vitæ Amram, & octoginta Moysis; & nec sic quidem poteris conficere summam quadringentorum annorum; resultabunt enim tantummodò trecenti quinquaginta: à quibus necessariò detrahendi sunt anni, quos vixerat Caath antequam descenderet in Ægyptum, & postquam genuit Amram, & quos vixit Amram postquam genuit Moysen; ne iidem anni bis supputentur. Genebrardus vbi suprà tripliciter hoc argumentum diluere nititur: Primò, dicens, hoc esse commentum Rabbinoꝝ. Secundò, exponendo textum Exodi cap. 6. ver. 20. vbi dicitur, *Fueruntq; anni vitæ Amram centum triginta septem*; ita, vt possit debeatq; subaudiri, quando genuit Moysen: vel, post mortem patris sui Caath: quia (inquit) Amram ab ipsismet Rabbinis in numero septem viuacissimorum ponitur. Tertiò, existimans, quòd fortè Scriptura sacra more suo aliquos inter Leui & Moysen obscuriores transilierit, quemadmodum S. Matthæus cap. 1. ver. 8. inter Ioram & Oziam tres Iudæorum Reges præterit: & ver. 11. dicit, Iosiam genuisse Iechoniam: qui tamen Iechonias (inquit Genebrardus) non filius Iosie fuit, sed nepos. Sed Genebrardus respondere debemus: Primò, memoratum argumentum nullo modo dici posse commentum Rabbinoꝝ: nam licet eo vtantur aliquot Hebræi Scriptores, & præcipuè Auctor Chronologiæ maioris Hebræorum cap. 3. attamen eodem quoque vsi sunt, B. Augustinus quæst. 47. in Exodum, & Beda in libro de Sex ætatibus mundi, & alij plures admodumq; probati Auctores: & insuper ex ipsamet sacra Scriptura satis euidenter elicitur. Secundò, expositionem illam, quòd Amram vixerit centum triginta septem annis, id est, post mortem patris sui Caath, vel quando Amram genuit Moysen; primò non esse sufficientem, quia nec sic reperiri possent quadringenti anni incolatus Hebræorum in Ægypto, quos ipse supponit; vt paulò antè docuimus: deinde, nullatenus eius expositionem esse admittendam, tamquam valdè aduersantem consuetudini sacrarum Scripturarum; quæ quando talibus vtuntur verbis, simpliciter & absolutè loquentes, solent tali modo dicendi omnes vitæ annos eius de quo agunt comprehendere: alioqui incertus ac dubius omnino relictus esset numerus annorum vitæ plurimorum virorum, non sine magna chronologiæ sacræ iactura, quæ propterea anceps & ambigua semper foret. Neque curandum est, quid Rabini de diuturnitate vitæ Amram dixerint; cum certò habeamus in Sacro eloquio, ipsum tantummodò centum triginta septem annis vixisse. Tertiò, demus Scripturam alicubi medias quasdam præterisse generationes: certè quas vno in loco præterit, alibi vel obiter recensere non omittit: nam quas loco allegato S. Matthæus prætermisit, non prætermisit Auctor lib. 4. Regum, nec Auctor lib. 2. Paralipomenon. At vbi Scriptura sacra semper eodem modo loquitur, non est suspicandum quòd aliquid omiserit: alioqui in omnibus genealogiis, quas Scriptura recolit, dubitari posset aliquas omisas fuisse generationes;

113
137
80
350

nes, atque hoc pacto omnia redderentur incerta. Cum igitur in casu nostro certum sit, inter Leui & Moysen, tum loco Exodi citato, tum 1. Paralipom. cap. 6. in principio, poni tantummodò Caath & Amram, neque vlllo alio in loco recenferi intermedios, proculdubio vanum atque irrationabile videtur dicere, quòd fortasse aliqui fuerint præteriti; præsertim cum id nullatenus probari possit. Denique quòd ille Iechonias, quem S. Mathæus genitum fuisse dicit à Iosia, non fuerit ipsius Iosia filius, sed nepos, falsum est, vt quiuvis faciliè intelligit ex his, quæ nos sub anno mundi 3401. numero primo dicemus.

13. Tertia ratio, qua probatur filios Israël non potuisse moram trahere in Aegypto ^{TERTIA RATIO.} annis quadringentis, vel amplius, desumitur ex germana intelligentia illiusmet Sacri textus, ex quo Genebrardus suam huic oppositam probat sententiam; nimirum Exod. cap. 12. vers. 40. vbi hæc habentur: *Habitatio autem filiorum Israël qua manserunt in Aegypto, fuit quadringentorum triginta annorum.* qui locus optime à LXX. Interpretibus declaratus fuit, vt videre est in ipsorum codicibus Romæ anno salutis 1588. diligenter recognitis ac editis, ipsi enim ad illa verba in *Aegypto*, addiderunt & in terra Chanaan; & insuper (vt ibidem notatur in Scholiis) ad illa verba & in terra Chanaan, in aliis ipsorum LXX. Interpretum codicibus addita reperiuntur hæc ipsi & patres eorum: ita vt tota dicti Textus continuatio sic legenda sit: *Habitatio autem filiorum Israël, qua manserunt in Aegypto & in terra Chanaan, ipsi & patres eorum, fuit quadringentorum triginta annorum.* Vnde fit manifestum, in dicta quadringentorum triginta annorum habitatione comprehendi omne tempus, quo non modò Israëlitar, sed & patres eorum, Abraham, Hæac, & Iacob, respectiue, vt aiunt, habitauerunt, non in Aegypto solùm, verùm etiam in terra Chanaan. Perperam ergo, ne dicam temerè, Eugubinus, de illo Sacro textu tollere ausus est illa verba, & in terra Chanaan, &c. tum quia in omnibus & maximè probatis codicibus reperiuntur, & ab antiquissimis Auctoribus ita citari certum est: tum etiam, quia, etsi in Hebræo nunc non habeantur, credendum sit vel olim extitisse, vel ab ipsis LXX. Interpretibus ad illius sententiæ declarationem diuino instinctu fuisse apposita, tamquam necessariò ibidem subaudienda, & per Synecdochen prætermissa. Hanc expositionem, tamquam legitimam ac ceteris Scripturæ sacre locis valde consentaneam, recipiunt sequunturque Iosephus 2. Antiq. cap. 6. Eusebius in Chronicis, sub anno Abrami septuagesimo quinto; S. Augustinus quæst. 47. in Exod. & lib. 16. de Ciuit. cap. 16. & 24. Beda in lib. de Sex ætatibus mundi; Lyranus in c. 12. Exod. Abulenſis supra cap. 15. Genes. circa medium, & fusiùs quæst. 54. in Exod. c. 12. Iacobus Naclantus in lib. Arcanorum Christi, prope initia Tertiæ mundi ætatis; Ioan. Driedo lib. 3. de Dogmatibus Ecclesiasticis tract. 3. cap. 5. concl. 4. & nouissimè Pererius super Genes. cap. 15. & in Exod. cap. 12. & in summa ferè omnes antiqui ac noui Scriptores: vt propterea Lyranus vbi supra asserat, hanc esse Catholicorum sententiam; & Driedo testetur, omnes Chronographos eandem secutos, computasse prædictos quadringentos triginta annos non ab ingressu Iacob in Aegyptum, sed ab introitu Abrahami in terram Chanaan vsque ad exitum Israëlitis de Aegypto: quod nobis quoque, admodum rationabile videtur, tum propter duas priores rationes à nobis paulò antè adductas, aliasque paulò post adducendas; tum etiam propter doctrinam auctoritatemque grauissimorum Doctorem quos citauimus; & hanc supputationem nos infra num. 16. explicabimus. Quamuis non incongruè etiam, vt arbitror, saluari possit citatus Exod. textus Latinæ Vulgaræque editionis, si, vt ait Naclantus, intelligamus, in ipso non propriè notari tempus, sed terminum finemque moræ illius populi in Aegypto; dicamusque, verba Sacri textus in hoc sensu esse accipienda, ac si dictum esset: *Habitatio autem filiorum Israël, qua manserunt in Aegypto, fuit quadringentorum triginta annorum.* non quia toto illo tempore ibi manserint, sed quia ibi terminata fuit; in fine scilicet quadringentorum triginta annorum, ab aduentu scilicet Abrahamæ in terram Chanaan, vt expositum est, dinumerandorum. pro cuius expositionis confirmatione adducere possumus S. Augustinum qui lib. 16. de Ciuit. cap. 24. consimili modo exponit illud Genes. 11. in fine, quod iuxta suum textum LXX. Interpretum, sic habebat: *Et fuerunt dies Thare in Charan, quinque & ducenti anni: non quia* (inquit sanctus Doctor) *ibi omnes acti sint, sed quia ibi completi sunt.* Vel etiam exponi potest memoratus Exodi textus Latinus eo modo, quo, vt refert Driedo supra allegatus, eum exponunt Hebræi vsque in hodiernum diem; accipientes nomine filiorum Israël, etiam patres eorum; & pro eorum habitatione in Aegypto, non illam tantummodò postremam & continuatam, quæ cœpit quando Iacob eodem cum familia sua descendit, (quamuis

ab illa, tamquam & temporis diuturnitate & aliis de causis celeberrima, fuerit hæc facta denominatio:) sed vniuersè, habitationem Hebræorum in Aegypto, etiam interpolatis vicibus replicatam, quatenus scilicet primam, quoque illam comprehendit, quæ contigit Abrahami temporibus, quando ipse non multò post acceptas a Deo promissiones, ingressumque eius in terram Chanaan, vrgente fame descendit cum tota domo sua in Aegyptum, vt legimus Genes. cap. 12. vers. 10. & nos sub anno mundi 2114. n. 7. diximus: ab hac enim ad exitum Israëlitis de Aegypto, computantur anni quadringenti & triginta, vt patet ex tabulis. Eandem expositionem tangit etiam Abulenſis, vbi supra, dicens, propterea totum hoc tempus vocari habitationis in Aegypto, quia incepit ac expletum fuit in Aegypto: *Cum enim, inquit, medium interdum denominetur ab extremis; extrema autem huius temporis & maior pars eius traducta sint in Aegypto; non fuit inconueniens, etiam totum tempus inter hæc extrema decursum, nomine habitationis seu mansionis Aegyptiacæ fuisse comprehensum atque indicatum.*

QUARTA
RATIO.

14. Quarta ratio probans fieri non posse, vt Hebræi reuera manserint in Aegypto totis quadringentis annis, aut amplius, sumi potest ex omnibus ferè illis locis, quos quartæ opinionis Auctores pro se adducere diximus num. 10. Et primò ex Genes. cap. 15. vers. 13. vbi dixit Dominus ad Abraham: *Scito prænoscens quòd peregrinum futurum sit semen tuum in terra non sua, & subiicient eos seruituti, & affligent quadringentis annis.* Quæ verba, per figuram quam vocant Hyperbaton, sic fuisse disposita, testatur S. Augustinus quaest. 47. in Exod. nam reuera illud *quadringentis annis* (inquit) referendum est non ad seruitutem, quam constat tanto tempore non durasse, sed ad peregrinationem: ita vt ordo verborum sit: *Scito prænoscens, quòd peregrinum futurum sit semen tuum in terra non sua quadringentis annis, & subiicient eos seruituti, &c.* Sanè isti quadringenti anni inueniuntur vel ab ortu Isaac, vt sentiunt S. Augustinus vbi supra, & S. Thomas super cap. 3. ad Galat. & Abulenſis super Genes. cap. citato, & Auctor Chronologiæ maioris Hebræorum cap. 3. siue (quod parum inde distat) ab Ismaëlis eiectione ad exitum Israëlitis de Aegypto, vt paulò post num. 16. ostendemus. Itaque si peregrinatio feminis Abrahamæ, hoc est, ipsius Isaac, & Iacob, & posterorum eius, quadringentorum fuit annorum; quis non videt, non potuisse filios Israël morari in Aegypto annis quadringentis? oportet enim de isto numero detrahare omne tempus (quod multorum fuit annorum) peregrinationis ipsius Isaac in terra Chanaan & Palæstinorum; & ipsius Iacob, primò in terra Chanaan, deinde in Mesopotamia, & mox iterum in terra Chanaan, priusquam descenderet in Aegyptum. Neque audiendi sunt, qui putant terram Chanaan fuisse veram ipsorum patriam, & propterea eos in ea non fuisse peregrinos; quia oppositum de se ac de patribus suis testatur ipsemet Iacob Genes. cap. 47. vers. 9. Ceterum, quod ex cap. Genes. 15. vers. 13. deduximus; idem prorsus deduci potest ex cap. Actorum 7. vers. 6. ibi enim nihil ampliùs dicitur, quàm quod ex eodem Genes. loco desumptum est. quare cum ille Actorum locus eodem modo sit intelligendus, eodem quoque modo ad nostram confirmandam argumentationem valet. Denique idem colligere licet ex Actorum cap. 13. vers. 19. vbi legimus, quòd *Deus destruens gentes septem in terra Chanaan, sorte distribuit filiis Israël terram eorum, quasi post quadringentos & quinquaginta annos.* Nam si isti quadringenti quinquaginta anni ab eodem tempore, quo diximus incepisse quadringentos annos peregrinationis posterorum Abrahamæ, nimirum ab ortu Isaac, vel ab eius ablactatione, subduci debent, quemadmodum asserit Beda in illius loci expositione, quem sequuntur Lyranus & Hugo Cardinalis ibidem, & alij: certè ab eodem Isaac vsque ad exitum de Aegypto computantur anni quadringenti, & à dicto exitu ad introitum in terram Chanaan, quadraginta in deserto traducti, & ab eodem introitu ad diuisionem terræ, ferè decem; qui faciunt summam prædictorum quasi quadringentorum quinquaginta annorum. Non ergo potuerunt Israëlitas morari in Aegypto annis quadringentis.

QUINTA
RATIO.

15. Quinta ac postrema ratio, quæ cogit nos credere quòd non potuerunt filij Israël manere in Aegypto quadringentis annis vel ampliùs, est illa quæ desumitur ex verbis Apostoli ad Galatas cap. 3. vers. 16. vbi dicitur: *Abraham dictæ sunt promissiones, &c.* & non multò post subiungitur: *Hoc autem dico testamentum confirmatum à Deo, quæ post quadringentos & triginta annos facta est Lex, non irritū facit ad euacuandam promissionem.* Ex quo loco euidenter deducitur, quòd si à promissione facta Abrahamo ad Legem datam, siue ad exitum Israëlitis de Aegypto (non enim modò curandum est de quinquaginta illis diebus ab exitu ad Legem decursis) fluxerunt anni quadringenti triginta; admitti nullo modo potest, Israëlitas mansisse in Aegypto annis quadringentis: quandoquidem

quidem certissimum est, à promissione facta Abrahamæ ad descensum Iacob in Aegyptum, interfuisse annos plures supra ducentos, quemadmodum non multò post nu. 16. probabitur. Genebrardus huic rationi vt respondeat, dicit, locum S. Pauli adductum non esse intelligendum, quòd Lex data sit post quadringentos triginta annos à promissionibus Abrahamæ factis, ita vt illud *post* indicet, à promissionibus ad Legem interfluxisse quadringentos triginta annos; sed quòd post illos quadringentos triginta annos, quorum fit mentio Exodi cap. 12. vers. 40. data fuerit Lex, (ad illum enim locum, inquit, alludere voluit Apostolus:) ac si dicere voluisset, Illa Lex, quæ, vt colligitur Exodi capite 12. dicitur data post quadringentos triginta annos ab ingressu Israël in Aegyptum, non euacuat promissionem prius Abrahamo cælitus factam. Subtilis expositio. at certe ad exponentis sensum plus iusto extorta, valdeque ab Auctoris mente aliena: nam neque Apostolus ibi citat locum Exodi, neque est cur ad illum remittere deberet Lector: siquidem in eo Exodi loco nulla sit mentio neque memoratæ promissionis, neque Legis, sed solum egressus populi de Aegypto; de quo nihil pertinebat ad Apostoli propositum, quod erat agere de promissione facta Abrahamæ, & de Lege data per Moysen; & ostendere, quòd Lex Moysaica tanto tempore post dictam promissionem lata, non potuit cassam reddere ipsam promissionem, iureiurando Abrahamæ ac posteris eius à Deo confirmatam. Manifestum ergo est, Apostolum ibi nihil curasse de tempore, quo manserant filij Israël in Aegypto, quod ad rem suam nihil faciebat; sed voluisse pro pleniori sui argumenti explicatione, veluti obiter etiam tempus, quod à promissione ad Legem fluxerat, exprimere; asserens fuisse quadringentorum triginta annorum. Quare certissimum sit, illud *post quadringentos*, &c. non ad aliud posse aut debere referri, quàm ad ipsam promissionem, de qua ibi erat sermo. Vide S. Thomam in expositione loci citati Epistolæ ad Galatas, & ibidem Glossam interlinearem & ordinariam, & Lyranum, & Carthusianum, & quotquot hæcenus Epistolam illam exposuere, tum veteres tum recentiores; & inuenies omnes fermè huius esse sententiæ, quòd scilicet illi quadringenti triginta anni ibidem commemorati, numerandi sunt non ab ingressu Israël in Aegyptum, sed à prima promissione facta Abrahamo, septuagesimum quintum vitæ annum iam ingressò. Neque ab his dissentit S. Hieronymus: nam etsi ibidem dicat, multos laborasse vt inuenirent, & se nescire an inuenierint, quomodo conciliandus sit locus iste Apostoli cum loco Genes. cap. 15. vbi prædicitur semen Abrahamæ fore peregrinum, & seruiturum quadringentis annis; non tamen abnuat, quin illi quadringenti triginta anni, quorum meminit Apostolus, computandi sint à promissionibus ad Legem, vt in littera ipsa exprimitur. Idem quoque sentiunt tantum memoratæ Epistolæ Expositores, sed & omnes quos supra num. 13. citauimus Auctores, secuti Iosephum, qui id non semel testatum reliquit: nam 8. Antiq. cap. 2. asserens templum Salomonis cœpisse ædificari anno quingentesimo nonagesimo secundo ab exitu Israël de Aegypto, & post annos mille & viginti ab Abrahami transmigratione de Mesopotamia in Chananæam; sine vlla dubitatione insert, à dicta Abrahami transmigratione, siue quod idem est, à promissionibus ad exitum Israël de Aegypto, intercessisse annos quadringentos viginti octo, qui numerus duobus tantum annis minor est eo, quem ponit Apostolus, & item eo quem ipsemet Iosephus 2. Antiq. cap. 6. apertius explicat, dicens, Hebræos reliquisse Aegyptum anno quadringentesimo trigesimo postquam Abrahamus in Chananæam venit. Vnde ne ipse Iosephus ab Apostolo, vel etiam à se ipso dissenisse videatur; dicere possumus, ipsum in priori loco vsum fuisse computatione, quam vocant, terminorum exclusiua; in posteriori verò, inclusiua.

16. Igitur hac supposita veritate, quòd scilicet à promissionibus ad Legem intercesserint anni quadringenti triginta; & quòd anni peregrinationis seminis Abrahamæ fuerint quadringenti, ab ortu Isaac, vel potius ab eius ablactatione, ad exitum Israël de Aegypto dinumerandi: dicimus, necessariò sequi aliam veritatem, quæ est, Israëlitas in Aegypto mansisse nec plus nec minus annis ducentis quindecim. Etenim si Abrahamæ primò factæ sunt pollicitationes, cum annum ageret septuagesimum quintum, quemadmodum sub anno mundi 2113. num. 1. dictum est: vtique ab illo anno ad eum in quo Iacob introiuit Aegyptum, inueniuntur anni ducenti quindecim, vt tradit etiam Rabanus in Glossa ordinaria super Act. cap. 7. relatus. Nam certum est, à dicto anno Abrahami septuagesimo quinto ad ortum filij sui Isaac, qui natus est anno centesimo patris, Genes. cap. 21. vers. 5. numerari annos viginti quinque; & à nato Isaac ad natiuitatem Iacob, annos sexaginta: siquidem, vt dicitur Genes. cap. 25. vers. 26. *sexagenarius erat Isaac quando nati sunt ei paruuli*, Iacob scilicet & Esau, vno partu editi: Iacob au-

PROBATVR
ISRAELITAS
MANSISSE
IN AEGY-
PTO ANNIS
TANTVM 215

25
60
130
215

tem erat centum triginta annorum quando descendit in Aegyptum, & introductus est coram Pharaone, Genes. cap. 47. vers. 9. Porro hi omnes pariter subducti, faciunt summam annorum ducentorum quindecim, quos à memorata promissione ad ingressum populi in Aegyptum fluxisse, ambigendum non est; remanet ergo totidem videlicet alij ducenti quindecim anni, mansionis eiusdem populi in Aegypto, quos sic subducere possumus cum S. Thoma lect. 6. super cap. 3. Epist. ad Galatas: Ioseph quando stetit coram Pharaone, erat annorum triginta, Gen. cap. 41. v. 46. à quo tempore transierunt septem anni fertilitatis, & duo sterilitatis, antequam descenderet Iacob cum familia sua in Aegyptum, Genes. cap. 45. vers. 6. vixit autem Ioseph annis centum decem, Genes. cap. 50. vers. 22. de quibus si subtrahantur anni triginta nouem ante praedictum Iacobi ingressum decursi, remanebunt anni septuaginta & vnus à dicto ingressu Iacobi ad obitum Iosephi. Post quem manserunt filij Israël in Aegypto annis centum & quadraginta quattuor, vt ex Rabano super Actorum cap. 7. tradit idem S. Thomas loco eius supra citato. Iunge annos septuaginta & vnum cum annis centum quadraginta quattuor, & resultabunt anni ducenti quindecim. Vel alio modo eosdem annos ita poteris subducere: Caath genuit Amram inchoante anno quinquagesimo octauo, ex quo cum patribus suis descenderat in Aegyptum, vt sub anno mundi 2386. num. 2. probabimus: elapsi ergo iam erant anni 57. mansionis Israëlitarum in Aegypto. & Amram anno vitæ suæ septuagesimo nono incipiente, vt sub anno mundi 2464. num. 1. palàm fiet, genuit Moysen, qui octogesimum ætatis annum expleuerat, quando eduxit Israëlitas de Aegypto, quemadmodum sub anno mundi 2544. num. 4. patebit. Computa quos diximus annos Caath quinquaginta septem, & Amram septuaginta octo, & Moysi octoginta, & inuenies præcisè summam annorum ducentorum quindecim, ab ingressu ad egressum Israël de Aegypto. Idem prorsus inferitur ex alia propositione superius probata, quæ erat, annos peregrinationis seminis Abrahamæ fuisse quadringentos, ab ortu Isaac, vel potius ab eius ablactatione, ad exitum Israël de Aegypto computandos. Si enim Isaac, vt diximus, erat sexagenarius quando natus est Iacob, ergo tunc fluxerant anni quinquagintaquinque ab eius ablactatione, seu quod ferè in idem recidit, ab eiectione Ismaëlis de paterna domo, quæ pariter facta fuit anno quinto vitæ ipsius Isaac exacto, vt sub anno mundi 2144. num. 1. dictum est. His quinquagintaquinque annis iunge centum triginta, quos natus erat Iacob quando introiuit in Aegyptum, & efficies annos centum octoginta quinque: igitur remanebant tantummodò anni ducenti quindecim incolatus Ismaëliitarum in Aegypto, ad explendam summam quadringentorum annorum prædictæ peregrinationis. Apertissimè ergo falluntur, qui putant annos moræ Israëlitarum in Aegypto fuisse minis ducentis, & item, qui contendunt fuisse solùm ducentos decem; falso quodam decepti supposito, quòd scilicet ab ortu Isaac ad exitum Israël de Aegypto fluxerint anni dumtaxat quadringenti, cum tamen reuerà fluxisse inueniantur quadringenti quinque: nam si à promissione facta Abrahamo annum agenti septuagesimum quintum, ad Legem, paulò post exitum de Aegypto latam, defluerunt anni quadringenti triginta, vt ex Apostolo, & aliis sacre Scripturæ Doctorumque locis comprobauimus: profectò, detractis ex hoc numero annis viginti quinque, à promissione ad ortum Isaac decursis, remanent ab ortu Isaac ad exitum de Aegypto, anni quadringenti quinque, non autem quadringenti tantum. Nec obstat, quòd Genes. cap. 15. vers. 13. semen Abrahamæ, quod in Isaac postea cœpit, prædicitur peregrinaturum quadringentis annis: quia vel ibi Moyses prædictos quadringentos quinque annos maluit summa solida appellare quadringentos (vt sentit S. Augustinus quæst. 47. in Exod.) iuxta consuetudinem sacre Scripturæ, quæ solet tempora interdum ita recēdere, vt quod de summa perfectioris numeri paululum excreuit, deficitve, non computetur; quod nos sub anno mundi 1659. num. 2. aliquot exemplis comprobauimus. Veli si anni peregrinationis seminis Abrahamæ fuerunt præcisè quadringenti; proculdubio numerandi sunt non ab ortu Isaac, sed ab eiectione Ismaële, quemadmodum nos sub anno mundi 2118. num. 16. latius explicauimus.

17. Restant adhuc, vt arbitror, duo tantum obiecta diluenda; nimirum illud, quod ex loco Iudith superius allegato deductum est; & aliud, quod ex Genebrardi ratione num. 10. adducta resultat. Ad Primum dicimus, verum esse quod Iudith cap. 5. vers. 9. Achior dux Ammonitarum ab Holoferne de populo Iudaico interrogatus, inter alia etiam dixit, Iudeos olim descendisse in Aegyptum, illicque per annos quadringentos ita multiplicatos esse, vt dinumerari eorum non posset exercitus. Quæ verba prima fronte admodum nostræ sententiæ aduersari videntur: verum si benè intelligantur, eam

eam non modò non conuellunt, sed potiùs maximè confirmant. Sciendum itaq; priùs est, illa verba *per annos quadringentos*, in L x x. Interpretum editione non haberi: vnde non immeritò posset quis suspicari, ea olim in textu quoque Hebraico non extitisse, sed postmodum ab aliquo fuisse adiecta; alioqui ab ipsis L x x. Interpretibus non fuissent præterita. Hoc si verum esset, facilè cessaret obiectio. Sed quia id omnino exploratum non habemus, supposito eadem verba in Vulgata editione legitime haberi; dicimus, quòd ibi Achior timore, vt puto, Holofernis, coram quo stabat, nonnihil perturbatus, concisè admodum & indistinctè, ac veluti per quosdam saltus (quemadmodum legenti perspicuum esse potest) repetit Hebraici populi originem, dicens, quòd egressus de terra Chaldaorum habitauit primò in Mesopotamia, id est in Charan. & prætermisso ingressu eius in terram Chanaan, subiungit, eundem facta fame descendisse in Ægyptum; non explicans quænam illa fuerit fames, an ea quæ contigit viuenti Abrahamo, an verò quæ temporibus Iacob. Demum dicit, quòd illic per annos quadringentos multiplicatus est; non declarans, à quonam tempore dinumerandi sint isti quadringenti anni. Vnde ad pleniorè huius historiæ intelligentiam, necessariò oportet multa alia subintelligere, ab ipso Achior breuitatis ergò præterita: videlicet, quòd de Charan postea venit pater eiusdem populi Abraham in terram Chanaan; vbi prædixit ei Deus, quòd semen eius per Isaac & Iacob ac posteros suos propagandum peregrinari debebat quadringentis annis in terra non sua, id est, partim in ipsa terra Chanaan, partim in Mesopotamia, & denique etiam in Ægypto; quò postea, premente in Chanaan fame, descendit Iacob cum vniuersa familia sua, anno ætatis suæ centesimo trigésimo; & tandem completis quadringentis prænuntiata peregrinationis annis, quam diximus ab anno vitæ Isaac sexto ineunte esse inchoandam, inuentus est populus ille vsqueadè multiplicatus, vt ferè dinumerari non posset. Iste est legitimus illius loci sensus. ac si dictum esset, populum hunc valdè multiplicatum esse in Ægypto, quemadmodum clarè apparuit in fine annorum quadringentorum memoratæ peregrinationis, quando egressus est de Ægypto: constat enim illud *illie*, ad multiplicationem, & ad finem memorati temporis, in quo vix numerari Israëlita poterant, non autem ad totos quadringentos annos, esse referendum: & illud *per idem* importare, ac si dictum fuisset *intra*: solent enim huiuscemodi præpositiones, in Scripturis sanctis varias interdum sortiri significationes, vt latè probat Io. Driedo lib. 3. de Dogmatibus Ecclesiasticis, tract. 2. cap. 1. Cum igitur iste locus non possit aliter intelligi, quin pluribus aliis Scripturæ locis omnino aduersari videatur, quemadmodum superius ostensum est; & in proximè memorato sensu acceptus, ceteris per omnia consentaneus fiat; restat tantum modò ostendere, quomodo nostræ sententiæ contrarius non sit, sed potiùs illam magis corroboret: quod sic facilè demonstratur. Nam si illi quadringenti anni, qui ibidem memorantur, non alij sunt, quàm quos sæpè iam diximus præcisè in sacris Scripturis ab eiectione Ismaele ad exitum Israelis de Ægypto computari, vt etiam manifeste in tabulis apparet: proculdubio necesse est inferere, Israëlitas non quadringentis, sed tantum ducentis quindecim annis in Ægypto permanxisse; siquidem iam suprà num. 16. ostensum est, à præfata Ismaelis eiectione vsque ad ingressum Israelis in Ægyptum, centum octoginta quinque annos defluxisse; quibus si addantur anni ducenti quindecim, fiunt quadringenti illi in libro Iudith memorati.

18. Denique, ad id quod ait Genebrardus, non potuisse septuaginta illos homines qui ingressi sunt Ægyptum, absque miraculo tantopere multiplicari, ducentorum dumtaxat & quindecim annorum interuallo, vt sexcenta tria millia quingenta quinquaginta bellatorum (quemadmodum traditur Exodi cap. 12. vers. 38. & clariùs Numer. cap. 1. vers. 46.) recenseri potuerint; excepta tribu Leuitica, & pænè innumerabili mulierum, senum, & puerorum, & Aegyptiorum (vt sub anno mundi 2544. nu. 20. dicemus) multitudine; quæ simul computata, (vt nonnulli satis probabiliter coniectantur) ad bis, vel etiam ter decies centena millia hominum accessisse videtur. Quamquam dicta Aegyptiorum multitudo ab hac Hebræorum multiplicatione, de qua nunc agimus, proculdubio excipienda sit. Ad hoc, inquam, antequam respondeamus, libet etiam addere in fauorem Genebrardi, eius rationem fortiorè quoque reddi, si attendamus id quod innuitur Exodi cap. 1. vers. 7. videlicet, istam Israelitarum multiplicationem accidisse mortuo Ioseph, & vniuersis fratribus eius, omnique cognatione illa, nimirum quæ cum Iacob descenderat in Aegyptum: nos autem infrà sub anno mundi 2437. & 2438. ostendemus, hoc accidisse anno circiter centesimo decimo incipiente ab introitu Israelitarum in Aegyptum; à quo tempore ad exitum, constat ad centum

AD DICTVM
GENEBRARDI
DI.

sex annos dumtaxat intercessisse. Et præterea, videtur dicta multiplicatio non parum fuisse impedita atque imminuta paulò post Aaronis natiuitatem; tunc enim creditur exisse Pharaonis edictum, de masculis Hebræorum statim ac nascebantur in flumen proiciendis, vt sub anno mundi 2463. num. 1. dicemus. Vnde, si de prædicta summa annorum centum sex, detraxerimus annos ad minus octoginta, ab ortu Moyfi (certum namque est quòd iam tunc vulgatum fuerat, obseruarique cœperat memoratum edictum) ad exitum Israelis de Ægypto decurfos; cogemur dicere dictam populi multiplicationem, magna saltem ex parte, intra viginti sex annos esse factam, quod videtur omnino incredibile.

19. His tamen non obstantibus, dicimus primò, non esse absurdum opinari, Israelitas singulari quodam Dei fauore vsque adeò fuisse multiplicatos; tunc præsertim, quando, vt dicitur Exodi cap. 1. vers. 12. magis ab Ægyptiis opprimebantur: nam constat, inter diuinas mirabilesque repositiones Abraham factas, etiam hanc feminis sui multiplicationem contineri. Quòd autem tempore maioris afflictionis magis aucti sint, etiam ad præsignandam spiritualem sanctæ Ecclesiæ mox futuram propagationem factum putamus; quam scimus postea, tyrannicarum præcipuè persecutionum temporibus, vtpote tunc vberiori Martyrum sanguine irrigatam ac fecundatam, mirabiliter excreuisse. Credimus item eandem Israelitarum multiplicationem, tametsi speciali quadam Dei prouidentia, vt dictum est, tunc præsertim maior fuerit, quando eorum oppressio magis ingrauescebat; tamen grandem quoque extitisse in toto illius Ægyptiaci incolatus tempore. Insuper censemus necessarium esse fateri, obseruantiam impij illius decreti breui admodum tempore viguisse; (quod etiam sub anno mundi 2468. num. 2. confirmabimus;) certum namque est, post Moysen natos esse in Ægypto Iosue & Caleb, aliosque plurimos, quos nequaquam in flumen merfos fuisse dubitare nemo potest: & pariter non ignoramus, in secundo anno exitus populi de Ægypto, Moysen iubente Deo numerasse omnes ad bellum aptos, à viginti annis & supra, Numeror. cap. 1. vers. 46. quæ annorum limitatio vtique arguit, tunc extitisse multos qui tum erant viginti annorum, & qui illud tempus parum multumve excefferant; & item plurimos, qui nondum vigesimum illum ætatis annum attigerant. Quod etiam confirmatur, quia, quemadmodum legimus Exodi cap. 12. vers. 38. de maximo illo peditum numero, qui exisse dicitur de Ægypto, excipiuntur paruuli: ergo tunc multi extabant paruuli omnis ætatis, infantes, bimuli, trimuli, septennes, item & adolescentes inter se ætate inæquales, qui necdum ad vigesimum annum peruenerant. Quæ omnia satis euidenter indicant, inhumanam illam Pharaonis legem vel modico post tempore fuisse abrogatam, vel speciali aliqua Dei prouidentia nullo pacto executioni diutius mandari potuisse; sicuti de ipsius Pharaonis mandato obstetricibus facto euenisse legimus Exodi cap. 1. vers. 17. Denique asserimus, eosdem Israelitas ducentorum quindecim annorum intervallo, etiam naturaliter, multò amplius augeri potuisse. Nam vt omit-
tam, mulieres in Ægypto, teste Aristotele lib. 7. de Historia animalium cap. 4. esse admodum fecundas, & sæpè geminos parere, quin etiam interdum tres, & quattuor, ac nonnumquam quinque fetus vno partu edere consueuisse: dicimus quod, ex quo Scriptura sacra Exodi cap. 1. vers. 7. asserit, quòd *filij Israel in Ægypto creuerunt, & quasi germinantes multiplicati sunt; ac roborati nimis, impleuerunt terram.* & vers. 12. additur, quòd *quantò magis Ægyptij opprimebant eos, tantò magis multiplicabantur & crescebant;* qui modus loquendi vtique arguit, Deum illos naturaliter quidem, sed præter ordinarium cursum fecundos reddidisse. Propterea, tametsi rationabiliter supponi posset, eos quotannis genuisse, & interdum frequentius, nempe intra quadriennium, quinque; vt nostris quoque temporibus aliquando accidisse certissimum est: nihilominus, vt res fiat credibilior, quia constat aliquos de progenie Iacob per eadem tempora etiam ante quintumdecimum ætatis annum filios genuisse, vt patet ex his quæ de Iuda & aliis sub anno mundi 2298. num. 1. diximus: si ponamus, virum vnum cum sua coniuge singulis tricenis annis potuisse gignere quattuordecim liberos, partim mares & partim feminas; & sic deinceps singula coniugatorum paria: proculdubio, in septimo tricenario, hoc est in fine anni ducentesimi decimi, poterunt genita esse plusquam sexies & decies centena millia, & quadraginta septem millia hominum, vt in subiecto appareat laterculo. Etenim si

MULIERES
ÆGYPTIÆ
QUAM SINT
FECUNDÆ.

demus par vnum coniugatorum genuisse paria	7.				30.
	7				60.
	49	septies		49.	90.
	343	ducta		343.	120.
Paria	2401	faciunt		2401.	150.
	16807	paria		16807.	180.
	117649			117649.	210.
Adde postremis numeris totidem sic				823543.	
& efficies summam hominum				1647086.	in 7. tricenario exortam.

20. Sed dicit aliquis, Non omnes singulis tricenis annis nati, potuerunt apti esse ad generandum singulis annis in proximè sequentibus triginta annis: neque credibile est, quòd semper nascerentur tot mares quot feminæ, vt semper possent resultare tot paria coniugatorum, quot in dicto laterculo sunt posita: neque item supponi debet, omnes fuisse superstitēs, cūm potius multò credibilis sit, plurimos obiisse priusquam possent ducere vxores. Respondemus, admittendo hæc omnia: sed contrariò dicimus, quòd etiam si de dicto numero integram detrahamus medietatem, postrema nihilominus summa longè excedet summam eorum qui exisse dicuntur de Ægypto. Deinde considerandum esse, quòd nos computauimus tantummodò procreatos in postremis triginta annis secundi centenarij: quo tempore tamen probabilissimum est, adhuc fuisse superstitēs ferè omnes, qui in toto illo secundo centenario nati fuerant: quandoquidem tunc solebant homines in illis regionibus communiter attingere, immò & excedere centesimum ætatis annum, vt patet de Iacob, Leui, Ioseph, Caath, Amram, Aaron, & Moysè, quorum singulos, sacra attestante Scriptura, plus centum annis vixisse compertum est. Sed neque solum sit credibile, omnes ferè in secundo centenario natos, etiam tempore exitus de Ægypto fuisse superstitēs, verum etiam eosdem, plures item alios intra id tempus genuisse filios, præter eos quos intra vnum dumtaxat tricenarium natos in dicta tabella recensuimus. Itaque si hos quoque, & reliquas secundi centenarij summas postremæ eiusdem laterculi summæ addideris: profectò ipsa mirum in modum augebitur. Præterea supposuimus, quòd singulæ feminæ vnum vel vnam tantum singulis partibus ederent, cūm tamen quandoque plures peperisse, probabilissimum sit: & quòd singuli viri singulis contenti essent vxoribus, atqui tunc temporis quosdam consueuisse plures ducere vxores, adedò notum est, vt probatione non indigeat. Si igitur ex vno viro & vna muliere, ducentorum decem annorum intervallo, possibile est tot centena millia hominum prodiisse, quot credibile erit potuisse propagari ex quatuordecim viris vxoratis, qui (vt patet Gen. cap. 46.) cum Iacob descenderunt in Ægyptum? nempe duodecim filiis Iacob, & duobus nepotibus eius, scilicet Phares filio Iuda, & Beria filio Aser; præter plures alios, quos non multò pòst vxores duxisse credendum est? Sed & his omnibus addere oportet omnes illos, qui in vltimo annorum quinquennio nati sunt: diximus enim filios Israël moratos esse in Ægypto annis ducentis quindecim. Hæc qui diligenter expendit, & his quæ pro Genebrardo diximus, contraponere studuerit; proculdubio inueniet, quantum ille hallucinatus fuerit, existimans fieri non posse, quòd filij Israël in tantum multiplicari potuerint, vt post ducentos quindecim annos exire possent de Ægypto sexcenta millia hominum, præter mulieres, & paruulos, & senes: cūm abique vlla dubitatione tenendum sit, iuxta ordinariam, in illa præfèrtim regione, propagationis consuetudinem, multò plures naturaliter exire potuisse, quemadmodum iam satis superque probatum esse confidimus.

21. Igitur (quidquid alij dixerint sentiántve) stat veritas propositæ sententiæ, quam tenuit etiam Rabanus in Glossa ordinaria super Actorum cap. 7. & alij multi grauissimique Auctores suprà numer. 13. citati, quòd scilicet Israëlita nec plus nec minùs ducentis quindecim annis manserint in Ægypto. Ad quam veritatem ampliùs item confirmandam illud quoque facit, quòd ea posita, omnia sacre Scripturæ loca, quæ hæctenus adduximus, & in hoc proposito adduci solent, plana, & inter se omnino consona ac consentanea facile est inuenire, quemadmodum ex prædictis colligi potest: contrà verò, quauis alia positione proposita, multos atque inextricabiles suboriri nodos necesse est.

22. Eodem circiter anno quo Iacob ingressus est Ægyptum, putant Auctor Chronologiæ maioris Hebræorum cap. 3. & Genebrardus lib. 1. suæ Chronologiæ, & Per-

DE ORTV
IOB, ET EIVS
GENEALOGIA.

rius super cap. Genes. 36. natum esse Iob, nimirum ex Zara filio Rahuelis filij Esau, vt nos sub anno mundi 2319. num. 11. & 12. fusiùs probauimus. Sanè ratio, cur hoc anno credatur natus Iob, est, quia (inquit Pererius) ad id temporis pertinere videtur tertia generatio Esau; quod verum esse credimus de tertia ipsius generatione ex Rahuele, quem ipse Esau genuit ex filia Ismaëlis, Genes. cap. 36. versic. 4. hanc enim duxit in coniugem post professionem fratris sui Iacob in Mesopotamiam, vt habemus Genes. cap. 28. vers. 9. nam alioqui tertiam generationem Esau ex vxoribus Chanaanæis, quas quadragenarius duxerat, vt dicitur in calce capitis 26. Genes. certum est multò ante hæc tempora contigisse. Descendit ergo Iob per maternum genus ex Abrahamo, per lineam Ismaëlis.

AB ORBE CONDITO

ANNVS 2330.

TERTIÆ MVNDI ÆTAT.

ANNVS 218.

IOSEPH DI-
TAT PHA-
RAONEM.

ANNO quarto famis, Ioseph omnem Aegypti finitimarumq; regionum, præsertim terræ Chanaan, pecuniam quæ eis remanserat omnino exhaustit pro venditione frumenti, & intulit eam in ararium Regis, Genes. cap. 47. vers. 14.

AB ORBE CONDITO

ANNVS 2331.

TERTIÆ MVNDI ÆTAT.

ANNVS 219.

DEFICIENT
I TE PECVNIA
ACCIPIT
PECORA ET
ARMENTA
PRO FRV-
GIBVS.

ANNO quinto eiusdem famis, venit cuncta Aegyptus ad Ioseph pro alimentis sine pecunia accipiendis, quoniam iam totam præteritis annis asportauerant. At ille iussit adduci ad se pecora & armenta: deditque eis alimenta in annum illum, pro equis, asinis, bobus, ouibusque ipsorum; quæ cuncta ad ipsum perduxerunt, Genes. cap. citato vers. 15. vsque ad 18.

AB ORBE CONDITO

ANNVS 2332.

TERTIÆ MVNDI ÆTAT.

ANNVS 220.

EMIT AE-
GYPTIOS,
ET EORVM
TERRAS
PRO ALI-
MENTIS.

I**A**NNO sexto, simul deficiente pecunia & pecoribus, venerunt ad Ioseph, se ipsos terrasque suas pro alimentis venumdare offerentes, ne fame perirent. Emit igitur eos Ioseph in seruitutem regiam, & omnem terram ipsorum, subiecitque eam Pharaoni, ab vltimis Aegypti terminis vsque ad extremos fines eius, præter terram Sacerdotum, quæ tradita fuerat eis à Rege; quibus etiam statuta cibaria ex horreis publicis præbebantur: quamobrem non sunt compulsi diuendere possessiones suas, Genes. cap. 47. vers. 18. vsque ad 23.

PHARAO-
NIS PIETAS.

2. Vnde colligere liceat, quàm antiqua, quantaque fuerit etiam apud barbaras nationes Sacerdotum cura, quibus Reges non modò terras possessionesque liberalissimè largiebantur, & à publicis oneribus exemptas immunesque seruabant; verum etiam tempore famis, illos pio quodam studio ex horreis publicis ali curabant. Ex quo patet, quàm naturalis sit, atque hominum cordibus à Deo semper insitus quidam religionis amor, vt semper honorificum ac regium fuerit, erga Ecclesiasticas personas liberalitatem exercere. Quod etiam Iezabelis Regina exemplo confirmari potest; de cuius mensa, vt legimus 3. Reg. cap. 18. vers. 19. quadringenti lucorum prophetae comedeabant. Legimus item 1. Esdr. cap. 7. vers. 24. quòd Rex Persarum immunes fecerat omnes templi Ierosolymitani ministros à tributis, vectigalibus, aliisque eiusmodi oneribus: & 2. Machab. cap. 3. vers. 2. quòd idem templum etiam Reges & Principes gentium maximis muneribus illustrabant, & Seleucus Asiae Rex de redditibus suis præstabat omnes sumptus, ad ministerium sacrificiorum pertinentes. Itaque si non modò erga vmbatile illud antiquæ Legis templum & eius ministros, pij quidam Reges & Principes, adhuc in Gentilitatis ignorantia positi, tantam exhibebant munificentiam; sed etiam, quod maius est, qui inter ipsos impij erant valdè, ac verè religionis expertes; nihilominus erga falsorum deorum sacrificios adeò benefici & liberales extiterunt: quid deceret facere pios atque Catholicos Principes in sancta Ecclesia constitutos erga summi Dei ac eius veri cultus ministros: præsertim verò illos, qui fructuosius Religioni inserviunt. Vt propterea dixerit Apostolus 1. ad Timoth. cap. 5. vers. 17. *Qui bene præsunt presbyteri, duplici honore digni habeantur, maxime qui laborant in verbo & doctrina: dicit enim Scriptura: Non alligabis os boui triuranti. & Dignus est operarius mercede sua.* Ac si dicere

dicere voluerit Apostolus: Si omnes qui bene agunt, honorem merentur; & qui operantur, mercedem: quanto magis qui religioni, quæ omnium humanarum virtutum prima ac præcipua est, operam dant, aliosque adeam incendere atque inflammare satagunt? Iustè igitur Alexander Papa Tertius in sua Decretali, quæ habetur in Concilio Lateranensi cap. 19. conqueritur de his, qui tot (inquit) Ecclesiis frequenter onera imponunt, & ita grauius eas crebrisque exactiõibus premunt, ut deterioris conditionis factum sub eis Sacerdotium videatur, quam sub Pharaone fuerit, qui diuinæ Legis notitiam non habebat. Ille quidem, omnibus aliis seruituti subiectis, Sacerdotes suos & eorum possessiones in pristina libertate dimisit, & de publico eis alimoniam ministravit; isti verò vniuersa ferè onera sua imponunt Ecclesiis, & tot angariis eas affligunt, ut illud eis, quod Ieremias deplorat, competere videatur: Princeps prouinciarum facta est sub tributo. sic ille. Sed hæc obiter hinc occasione pij huius facti Pharaonis sint commemorata.

AB ORBE CONDITO TERTIÆ MVNDI ÆTAT.

ANNVS 2333.

ANNVS 221.

A NNO memoratæ famis septimo ac postremo, Ioseph qui iam emerat Regi (vt dictum est) omnem terram Aegypti, & ipsos quoque Aegyptios, ac propterea etiam tenebatur eos alere, sciens famem post eundem annum cessaturam, populis qui ad se venerant, ut ab eo gratis escas acciperent (nihil enim eis amplius remanserat) dixit: Scitis quòd & vos & terram vestram Pharaò possidet iure emptio-
I O S E P H
Q V I N T A M
P A R T E M
P R O V E N -
T I V M A E -
G Y P T I L E G E
P E R P E T V A
A P P L I C A T
P H A R A O N I
nis ac venditionis vltro à vobismetipsis eidem facta. Ut ergo Regis liberalitatem & amorem erga vos manifestius agnoscatis, eique deinceps libentius inferuire valeatis, ecce do vobis, præter huius anni cibaria, etiam semina. Serite igitur alacriter agros, ut fruges habere possitis; iam enim terra, Deo propitio, dabit fructus suos; ex quibus quintam dumtaxat partem Regi dabitis, quattuor reliquas permitto vobis in sementem, & cibum familiis & liberis vestris. Qui cum gratiarum actione conditionem libentissimè acceptarunt; & exinde transiit veluti in legem, ut in vniuersa Aegypto Regibus quinta prouentuum pars exoluatur, excepta Sacerdotum terra, quæ libera & immunis omnino remansit, Genes. cap. 47. vers. 23. vsque ad 27.

AB ORBE CONDITO TERTIÆ MVNDI ÆTAT.

ANNVS 2345.

ANNVS 233.

A NNO vitæ suæ centesimo quadagesimo septimo propemodum desinente, Iacob appropinquare videns diem mortis suæ, adiurat Ioseph filium suum, ne sepeliat ipsum in Aegypto; sed in terra Chanaan, in sepulchro patrum suorum, Genes. cap. 47. vers. 29. quod iterum postea morti magis appropinquans replicauit, præcepitque filiis suis cap. 49. vers. 29. Adiurauit autem Iosephum, non quasi de eius obedientia dubitans, aut de simplici promissione dilectissimi filij diffidens, sed vt ille sic facilius à Pharaone licentiam id perficiendi impetraret, possetque dicere, prout postea familiaribus Regis ipsum dixisse legimus cap. 50. vers. 4. Si inueni gratiam in conspectu vestro, loquimini in auribus Pharaonis, eo quòd pater meus adiurauerit me, &c.

2. Quæret fortasse aliquis, cur Iacob tantopere curauerit transportari cadaver suum in terram Chanaan? Equidem arbitror id non eo spiritu fecisse, quo nonnulli solent, qui vsque adeò terrenam patriam diligunt, ut etiam post mortem non nisi in ea requiescere se posse putent: nam sanctus vir ab huiuscemodi terrenis affectibus admodum erat alienus, ut ex his quæ coram Pharaone dixerat, coniecere licet; non enim se patresque suos in terra Chanaan tamquam in patria consedisce, sed alienigenarum more peregrinatum esse protestatus est, Genes. cap. 49. vers. 9. Quamquam non inconueniens videatur opinari, ipsum pio quodam sensu affectasse, non animam solum iustis patrum suorum animabus, sed cadaver quoque suum ipsorum cadaveribus sociari: peroptasseque in ea potissimum regione sepeliri, in qua spiritu prophetico nouerat posteros suos longo admodum tempore habituros, & veri Dei cultum diu permansurum, ac tandem Messiam nasciturum, moriturum, & à mortuis resurrecturum; cum quo sperabat se pariter à morte exiturum, atque ad cælestia regna transferendum. Potissimam verò causam, quæ ipsum Iacob de hac sui corporis translatione adeò sollicitum reddebat, arbitror fuisse, ut tali desiderio doceret filios suos, ne animum omnino Aegyptiorum terræ accommodarent, sed recordarentur se non perpetuò ibi mansuros; quin

potius aliquando in terram Chanaan sibi patribusque suis à Deo repromissam eos reuerti oportere; quemadmodum deinde apertius Ioseph quoque, paulò antequam moreretur, dixit fratribus suis: *Deus visitabit vos, & ascendere vos faciet de terra ista ad terram quam iurauit Abraham, Isaac, & Jacob: asportate ossa mea vobiscum, &c.* Gen. cap. vlt. in fine. Cupiebat itaque Jacob, ut filij sui plurimi facerent terram Chanaan, eis singularem quadam Dei munificentiam repromissam, ac dono datam; & propterea ostendit intentum coram ipsis desiderium, ut posteaquam non poterat viuus, saltem mortuus ad ipsam deportaretur: ut vel sic eos ad præstolandum, magnaque cum auiditate expectandum tempus suæ reuersionis à Deo præstitutum, intensius inflammaret.

ADOPTAT
SIBI FILIOS
IOSEPH MANASSE
ET
EPHRAIM.

3. Non multò post, audiens Ioseph indies magis ac magis aggrauari patrem suum, venit ad eum cum filiis suis Manasse & Ephraim, quos senex adoptauit sibi in filios; & cum ad se adductos peramanter osculatus amplexatusque esset, commutatis brachijs, nimirum posita dextera super caput Ephraim, & altera super caput Manasse, benedixit eis, minorem maiori præferens, Genes. cap. 48. vers. 1. vsque ad 21. Creditur autem S. Patriarcha tali brachiorum commutatione voluisse sanctissimum crucis Christi mysterium præfigurare, per quod deinde Gentilitas populo Iudaico, qui reuera in diuinis maior erat, prælata est: vel etiam pariter indicare, quæ tunc ipse de duobus illis fratribus, seu potius de ipsorum posteris, spiritu prophetico futura præuidebat; nimirum, progeniem Ephraimi mox longè digniorem ac potentiorē posteritate ipsius Manasses euasuram; utpote quæ non solum Manassensibus omnibus, sed etiam decem simul integris tribubus Israël dominari debebat. Quod vtique postea impletum est, quando mortuò Salomone diuisum est regnum eius in duo regna, Iudæ scilicet & Israël. Tunc enim super Israël constitutus fuit primus Rex Ieroboam, & post ipsum Nadab filius de tribu Ephraim (ut sub anno mundi 3058. num. 1. probatum est) penes quam tribum deinceps summam illius regni permanisse, probat Genebrardus lib. 1. suæ Chronologiæ, ubi agere incipit de Regibus Israël; & ex his quæ nos sub annis mundi 3117, nu. 1. & 3211. num. 1. dicemus, comprobari poterit. His peractis, ac successiue prænuntiata posteris suis diuina protectione, ac ipsorum reductione ad terram patrum suorum; Jacob testamento reliquit ante partem dilectissimo filio suo Iosepho agrum illum quem emerat à filiis Hemor Heuæi patris Sichem, ut dicitur Genes. cap. 33. in fine. de quo etiam agro legimus in Euangelio Ioan. cap. 4. vers. 5. *Iuxta prædium, quod dedit Iacob Ioseph filio suo.*

DAT PRÆ-
DIUM IOSE-
PHO ANTE
PARTEM.

QUO MO-
DO TVLE-
RIT DICI-
VM
PRÆDIUM
DE MANA-
MORRHÆI
IN GLADIO
ET ARCY.

4. Porro prædium istud, ait Jacob in calce capitis proximè citati, se tulisse de manu Amorrhæi in gladio & arcu suo. quod ad litteram, quando contigerit, Scriptura sacra non memorat. Et licet Andreas Mafius in postremo capite libri Iosue num. 32. putet hoc accidisse post emptionem dicti agri: inquit enim, quòd cum eundem agrum vi Sichimitis abstulissent Amorrhæi, Iacob pulis armata manu Amorrhæis, illum recuperauit: tamen de hac re nihil certi affirmare possumus. quin etiam non videtur verisimile, quòd sanctus ille senex, qui semper fuerat vir pacificus, & in pascendis ouibus occupatus, demum morti proximus, quodammodò visus sit voluisse gloriari de bellica fortitudine sua; cum præsertim nunquam quid tale de ipso proditum sit in sacra Scriptura. Quare tutius (per reor) credi potest, ipsum Iacob nunc metaphoricè locutum fuisse coram filio suo Ioseph, quem sciebat optimè noscere, de quibus armis ipse loqueretur; nimirum spiritualibus, qualia erant in agendis, iustitia & æquitas; & in tribulationibus ac periculis, oratio, & promptus ad diuinam opem implorandam recursus: non enim alius ipsum armis uti consueuisse reperimus; quin potius oratione in primis præualuisse aduersus Esau fratrem suum, & Laban socerum suum, aliosque sibi aduersantes. nec dubitare debemus, quin eisdem quoque armis dimicauerit, quando ob vastatam à filiis suis urbem Sichem, verebatur ne finitimi populi, inter quos fortè Amorrhæi validiores erant, contra se insurgerent, & non solum dicto agro priuarent, verum etiam totam domum suam delerent: tunc enim orante Iacob, scimus Deum terris esse omnes per circuitum ciuitates; nec solum permisisse quemquam persequi recedentes, quemadmodum dicitur Genes. cap. 35. vers. 5. sed nec tunc Iacobum dicti agri possessione priuari, ut colligere possumus Genes. cap. 37. vers. 12. ubi, & in sequenti quoque versu expressè habemus, quòd filij Iacob, tamen tunc habitarent in valle Hebron, ut ibidem vers. 14. colligitur, tamen perrexerant ad pascendos greges in Sichimis; nimirum in dicto agro suo prope Sichem existente, quem adhuc pacificè possidebant. Hoc idem quod de armis Iacob diximus, apertius declarat Chaldaica Paraphrasis, quæ in calce capitis 48. Genes. ut videre est in Bibliis Regiis, loco illorum verborum, *Quam*

tuli

tuli de manu Amorrhæi in gladio & arcu meo, habet, Quam tuli de manu Amorrhæi oratione mea, & deprecatione mea.

5. Postremo Iacob, conuocatis ad se cunctis filiis suis, prophetico plenus spiritu, prænuntiavit sigillatim quæ singulis, vel potius ipsorum semini, posterioribus temporibus essent ventura. Et incipiens à Ruben, cui tamquam primogenito, nisi se indignum reddidisset, iure tunc temporis ordinario, debebantur de paterna hereditate cuncta duplicia, quemadmodum postea præscripsit Lex Deuter. cap. 21. vers. 17. & item Sacerdotium, iuxta ea quæ sub anno mundi 2118. num. 8. dicta sunt: & consequenter ius quoddam dominij supra ceteros fratres, de quo Genes. cap. 27. vers. 29. dicebat Isaac filio suo Iacob tamquam primogenito: *Esse dominus fratrum tuorum.* & vers. 37. *Dominum tuum illum constitui, & omnes fratres eius seruituti illius subiugavi.* Ad has primogenitorum prærogatiuas alludens bonus senex, ac veluti miserabilem filij sui conditionem deplorans, eisdemque Dei actus spiritu infausta prænuntians, ait: *Ruben primogenitus meus, tu fortitudo mea, & principium doloris mei: prior in donis, maior in imperio. Effusus es sicut aqua, non crescas, quia ascendisti cubile patris tui, & maculasti stratum eius.* Ac si dixisset: Tibi tamquam primogenito, memorata debebantur prærogatiuæ: verumtamen, quia vitio tuo te ipsis indignum reddidisti, quando paternum torum contaminare non es veritus, propterea iusto Dei iudicio posteritas tua non crescit, neque super alias multiplicabitur, sed quasi aqua de vase defluens minuetur, & inter minores humilioresque tribus computabitur. Et hoc est quod mox etiam Moyses confirmauit Deuter. cap. 33. vers. 6. quando benedicens tribui Ruben, dixit: *Viuat Ruben, & non moriatur, & sit paruus in numero.* Omnia hæc exitus comprobauit: nam primogenita Ruben data sunt Iosepho & filiis eius, vt apertè tradit Scriptura 1. Paralip. cap. 5. v. 1. dicens: *Ipse quippe (subaudi Ruben) fuit primogenitus, sed cum violasset torum patris sui, data sunt primogenita eius filiis Ioseph filij Israël, & non est ille reputatus in primogenitum.* & ibidem vers. 2. repetit: *Primogenita autem reputata sunt Ioseph.* Quæ verba non de omnibus primogenituræ prærogatiuis videntur debere intelligi, sed de illa tantum, quæ ad maiorem paternæ hereditatis portionem consequendam pertinebat: quandoquidem certum est, Iacobum dedisse filio suo Ioseph partem vnā extra fratres suos, Genes. cap. 48. in fine. & credi potest, ipsum in super etiam idè adoptare voluisse duos filios Iosephi, videlicet Ephraim & Manassen, sibi in filios, Genes. cap. citato vers. 5. vt quando ceteri ipsius Iacob filij, singuli singulas in terra promissionis fortes acciperent, Iosepho tamquam primogenito duæ obuenirent. Et quod attinet ad alia primogenitorum priuilegia, nempe Sacerdotium, & imperium siue dominium in reliquos: scimus dignitatem Sacerdotalem mox datam fuisse Aaroni Leuitæ, atque in eius progenie toto veteris Legis tempore permanisse: Principatum autem filiis Iudæ diuinitus obtigisse. Hanc enim tribum constituit Dominus Ducem reliquarum, Iudic. cap. 1. vers. 2. & cap. 20. vers. 18. & constat, eam à temporibus Dauidis ad captiuitatem Babylonicam tenuisse regiam potestatem. Merito igitur tribus Ruben, quæ alioquin primaria ac ceteris dignior esse debuisset, postea ob causam proximè adductam, inter humiliores (vt dicebamus) reputari cœpit, & à pluribus aliis in numero personarum superata est, vt colligi potest Numer. cap. 2. & 26. vbi singularum tribuum numerus describitur.

6. De Simeone quoque & Leui parum fausta prænuntiavit moribundus pater: nimirum, quòd posteri eorum diuidendi ac dispergendi essent in Israël, propter facinus ab ipsis commissum in cæde Hemor & filij eius, & in subuersione vrbs Sichem; quod quidem facinus, quamuis, si consideretur zelus vleiscendi violationem sororis suæ Dinæ, non videatur culpandum; præsertim cum illud sancta Iudith cap. 9. vers. 2. admodum commendauerit: attamen si attendatur modus quo perpetratum fuit, videlicet cum dolo, & excessiua quadam crudelitate; merito ab ipso Iacob execratione & punitione dignum prænuntiatur. Qualiter autem hæc impleta fuerit prophetia, de Leui quidem nulla est obscuritas: siquidem certum est, tribum Leui nullam peculiam accepisse sortem in diuisione terræ; sed Leuitas diuisos esse in ceteras tribus, inter quas, quasdam sibi vrbes tantummodò ad habitandum assignatas, & suburbia ad pascendos greges acceperunt. De tribu verò Simeonis, quā constat propriam accepisse partem fere in medio tribus Iudæ, non est ita clarum, quomodo dispersa fuerit in Israël; nisi quòd Hebræi asserunt, Simeonitas posterioribus temporibus totos se litterarum studiis implicasse, & maximam ipsorum partem pædagogiam exercuisse, quosdam verò ipsorum, Scribas & Legis Doctores euasisse, ac propterea, vt alios docerent, at-

que hoc pacto victum sibi procurarent, semetipfos per vrbes & Synagogas totius Israëliti populi diuidere confueuiffent. Sed, utcumque se habeat ista Rabbīnorum opinio, mihi profectò multò probabilius videtur, hanc Simeonitarum dispersionem, contigisse post mortem Salomonis, quando regnum Hebræorum diuisum est in duo regna, vt latius sub anno mundi 3060. num. 3. explicabimus. Ad Iudam deinde conuersus Iacob, egregiam & maximè ipsi fauorabilem protulit prophetiam, dicens, eius tribum valde à ceteris fore commendandam ac venerandam, propter eius aduersus hostes Israëliti populi fortitudinem; & propter principatum, quem in toto eodem populo consecutura erat: comparauitque eam leoni, qui cum omnium fortissimus sit animalium, mox vt prædam cepit, iuxta eam cubat sine vllō timore quòd quisquam possit eam eripere de manu eius; per hoc significare volens, quòd Iudas, post captos profligatosque hostes, in quietā quadam pace ac securitate victurus erat, quemadmodum postea re ipsa accidit Dauidis ac Salomonis temporibus. Insuper prædixit, regnum Iudæ non omnino interitum, nisi post Messie aduentum: de qua re nos sub anno mundi 4051. num. 39. vsque ad 42. disputabimus.

DE IYDA.

DE ZABULON.

DE ISSACHAR.

DE DAN.

7. Prosequitur Iacob prænuntians id quod postea venturum erat tribui Zabulon, nimirum dandam eidem esse terram in litore maris, subaudi Galilææ, & pertingentem (quemadmodum infra sub anno mundi 2591. num. 5. declarabitur) fere vsque ad Sidonem, vbi negotiatorum Mediterranei maris naues appellere solent, & consequenter, ipsam, propter commercia maritima variasque negotiationes, futuram valde opulentam ac diuitem. De Issachar quoque prædixit, obuenturam ei in fortem terram totius Chananæ optimam, atque supra modum fertilem; vt propterea tribus illa ita se vitrò agriculturæ operibus adiicienda esset, vt ab his diuelli posse non videretur; & mallet tributa pendere maiora, quàm de terra sua, siue ad bella gerenda, siue ad alia Principum seruitia, exire. Mox Iacob deueniens ad Dan, prædixit futurum de tribu eius, qui iudicaret seu vindicaret populum suum; quod ad laudem diætæ tribus, licet satis obscurè, pertinere videbatur. Fuit autem Samson, quem colubro & ceraста comparauit: quia quemadmodum isti serpentes astu & morſu perterresfaciunt perimuntque homines, ita Samson astutia ac fortitudine sua hostes populi Israël, videlicet Philisthæos, admodum turbauit, plurimosque illorum interfecit: & sicuti ceraastes clàm mordens equi ungulas, cadere facit asseſſorem eius, ita Samson, Philisthæis nihil minus cogitantibus, binas domus columnas concutiens, ipsos seque pariter sub ædificij ruina oppressit. Et quoniā hæc fuit insignis figura Saluatoris, qui morte sua, diaboli potentias strauit: ex ipsius recordatione ac desiderio, hic obiter Iacob exclamauit, dicens:

¶ *Salutare tuum expectabo Domine.* Vbi obseruandum est, quòd sancti sacra Scripturæ Auctores, vel in ea nominatim memorati, cum in huiusmodi Messie typos incidunt, de ipso quoque aliquid subiungere solent; siue eius aduentum præstolando aut expectando, siue aliqua de eodem prænuntiando. Sic Moyses Exodi cap. 4. vers. 13. quando eum Dominus mittere volebat ad liberandos Israëlitas à seruitute Ægyptiaca, quod erat signum liberationis humani generis de seruitute peccati; statim Messie desiderio accensus: *Obsecro, inquit, Domine, mitte quem missurus es.* & Isaïæ cap. 7. posteaquam Prophetæ præmonuit Regem Achaz, ne formidaret à consiliis duorum Regum, Syriæ scilicet & Israël, quæ contra ipsum inierant, quòd fortè tunc Prophetæ in mentem venerit Christus, qui dissipaturus erat consilia Principum huius mundi; confestim hinc arrepta occasione quadam ibi obiter tangit de eiusdem Christi ortu, illis verbis: *Ecce virgo concipiet, & pariet filium,* &c. Angelus item Gabriel Daniele pro liberatione populi Iudaici de captiuitate Babylonica coram Deo interpellantem (quòd ea esset figura liberationis hominum de captiuitate diabolica per Christum faciendæ) multa edocuit, de his quæ ipsius Christi temporibus pro eadem mundi redemptione patrandæ erant, Daniel. cap. 9.

DE GAD.

8. Post prædictiones, quæ ad tribum Dan pertinebant, explicatas, Iacob protinus ad Gad sermonem conuertens, prophetizat quòd ipse, hoc est tribus eius, aliquando ad prælium accincta, sine vllō mulierum aut paruulorum impedimento præire debebat populum Israël, & pariter accincta inde redire: quod tunc impletum est, quando in introitu terræ Chanaan, tribus Gad & Ruben, & dimidia tribus Manasse, iuxta promissionem factam Moyſi, qui tali conditione eisterram Amorrhæorum trans Iordanem assignauerat, ipsi prompto animo præcesserunt reliquis tribus in cunctis bellis contra Chananæos duce Ioseph gestis, & demum illis feliciter confectis, redierunt ad propria. Porro hæc, quæ poterant etiam dici de tribu Ruben & dimidia tribu Manasse, de solo Gad

Gad dicta sunt, quia Iacob aliud habuit notabilius quod prædiceret de Ruben, nimirum ipsum primogenita sua amissurum, & non præ ceteris multiplicatum iri, sed potius paruum & humilem inter alias tribus futurum; talis quippe prædictio ei, ob flagitium quod commiserat, magis conueniebat. De Manasse verò nullum verbum facturus erat Iacob, sicuti neque de fratre eius Ephraim; quoniam eos comprehendere intendebat in prophetia de ipsorum patre Ioseph mox proferenda. Transiens Iacob ad DE ASER. Aser, prædicit ipsum habiturum terram adeò feracem omnium rerum perfectissimarum ad cibos pertinentium, ut vel eius posterius his fruenter, quodammodò regalibus frui deliciis videri possent: vel inde allatos fructus supra modum exquisitos, ipsi Reges & Principes conquirerent, quibus voluptuosè vescerentur. Vel fortè voluit Iacob alludere ad regionem Aseritarum, quam aiunt tantam olei copiam ferre, ut ibi cuncta quodammodò pingua dici posse viderentur; & ex illo oleo, tamquam omnium optimo, vnguentarij pretiosa conficere solerent vnguenta, ad delicias Regibus præbendas. Prædixit quoque Iacob Nephthalim assimilandum esse ceruo emissio, signare volens miram eius velocitatem in parando se & eundo ad bellum. Et subdit, eum daturum eloquia pulchritudinis: quod aiunt vsu venisse, quando Barac, qui erat de tribu Nephthali, iubente Debbora, tunc populi Iudice, repentè coactis decem millibus Nephthalitis & Zabulonitis, irruit aduersus Sisaram principem exercitus Iabin Regis Chanaan, ut describitur Iudicum cap. 4. Quo profligato & extincto, cecinerunt decorum illud Canticum, quod ibidem subiungitur. Quamquam aliqui putent, tribum Nephthali ceruo emissio fuisse comparatam, propter terram eidem obuenturam, quæ celeres atque admodum præcoces fructus productura erat, quorum primitiæ admodum tempestiue in domum Domini delatæ, inducebant Sacerdotes præ admiratione ad canendas decore Domino laudes.

9. Ut autem ventum est ad Ioseph, quem pater plus ceteris filiis diligebat, non statim, ut de aliis fecerat, quæ ventura ei essent, prophetauit; sed breue quoddam præmittens laudum eius encomium, sumpto videlicet ex nomine eius argumento, dicere cœpit: *Filius accrescens Ioseph, filius accrescens & decorus aspectu: filie discurrerunt super murum. Sed exasperauerunt eum & iurgati sunt, inuideruntq; illi habentes iacula. Sedit in forti arcus eius, & dissoluta sunt vincula brachiorum & manuum illius per manus potentis Iacob: inde pastor egressus est lapis Israël.* ac si dicere voluisset, meritò quidem ipsum appellatum esse Ioseph, quod Augmentum significare nouimus, quandoquidem non modò hæctenus longe supra ceteros fratres excreuisset; sed adhuc quasi in continua quadam accessione res suæ esse viderentur: non tantum quia ipse decorus esset in oculis omnium, ita ut quandoque ad murorum fenestras accurrerent mulieres, ut transeuntem viderent: (nam hoc quod ei beneuolentiam apud omnes conciliare debuerat, e contrario apud fratres inuidia tabescentes, & mox item apud dominam suam impudicè lasciuientem, odium pepererat. Idcirco enim fratres eum iaculis, hoc est, durioribus verbis & factis exasperauerunt; & domina sua falsò accusatum viro, in carcerem tradidit curauerat.) sed præcipua incrementi eius causa erat, quia *sedit in forti arcus eius*, id est, quia ipse Ioseph in angustiis & in omni vita sua, non propria fidebat virtute, sed diuina protectione, cui nihil obistere valet, tota fiducia quiescebat: & propterea non humanis fauoribus, sed per manum Dei omnipotentis, qui pariter erat fortitudo patris sui Iacob, exaltatus est. solutus enim tandem vinculis, & de carcere eductus, factus est pastor & lapis Israël: pastor inquam plurimarum nationum, quia seruando frumenta, paup̄ populos multos toto tempore famis. Insuper verò lapis fuit valde firmus Israël, super quem firmiter nitebatur tota domus patris sui Israël, ex quo in Aegyptum intrauerat. His itaque præmissis, prosequitur Iacob, prospera cuncta prædicens deprecansque dilectissimo filio suo Ioseph illis verbis: *Deus patris tui erit adiutor tuus, & omnipotens benedicet tibi,* &c. hoc est, tribuet abundantiam omnium fructuum, ex bona cæli temperie ac terræ fecunditate prouenientium. Insuper conseruabit multiplicabitque filios ac posteros tuos; ita ut ex singulis fratribus tuis singulæ dumtaxat tribus; ex te verò solo, duæ eademque amplissimæ tribus sint propagandæ. Nec his contentus, optat terrenas hæc benedictiones præualere atque superabundare benedictionibus, quas ipse à patribus suis acceperat, donec veniant benedictiones illæ cælestes, ab eo impertiendæ, qui solus potest in hominum cordibus inserere desideria collium æternorum, hoc est, æternæ beatitudinis. Omnia hæc geminatis verbis, ad maiorem efficaciam, sanctus ille senex precatur cumulatè impleri in capite Ioseph, quem Nazaræum, hoc est, separatum appellat inter fratres suos; non modò quia ferè semper ab illis quodammodò

separatus vixerat; nam in domo paterna inuidentes ei fratres sese retrahebant ab eius communione, nec poterant ei quidquam pacifice loqui; postea verò quàm eum vendiderunt, adhuc magis seiunctus remansit: sed præcipue, quia ipse multis aliis nominibus erat à fratribus segregatus; nimirum dignitate, potentia, diuitiis, paterna beneuolentia, & huiusmodi. Postremò Iacob, præuidens bellicam posterorum Benjamin ferocitatem, assimilauit eum lupo rapaci ac famelico, qui tunc maximè audax & violentus est. Sic nimirum fuisse Beniamitæ, qui, vt describitur Iudic. cap. 20. non modò aui sunt pauci, videlicet viginti quinque millia, contra fas bellare aduersus vniuersum Israël, habentem quadringenta millia virorum; sed etiam eum duplici prælio superare valuerunt, cæsis ad quadraginta millia de ipsis. Possumus etiam dicere, memoratam Iacobi de filio suo Benjamin prophetiam, longè posterioribus quoque temporibus signanter fuisse impletam in S. Paulo Apostolo, qui fuit de tribu Benjamin, vt ipsemet testatur ad Philippenf. cap. 3. vers. 5. Ita sensit S. Augustinus Sermone 14. de Sanctis: *vb̄reponens illa eiusdem prophetiæ verba: Beniamin lupus rapax, manẽ comedet prædam, & vespere diuidet escas.* (sic enim ipse cum LXX . Interpretibus legit) siue (quemadmodum habet editio Vulgata, *& vespere diuidet spolia*) dicit, illud *manẽ* & *vespere* idem esse ac si diceretur *prius* & *postea*. & cõtinuò prosequitur pluribus ostendere, quomodo eadem prophetia competere possit ipsi sancto Paulo. Et certè in eo quòd ipse ante suam conuersionem adeò terribilis & saeuus erat in primitiæ Ecclesiæ Christianis acriter infectandis, & vbique ad necem inquirendis, videtur rectè comparari potuisse atroci ac voraci cuidam lupo rapienti ac comedenti prædam. In eo autem quòd post suam conuersionem adeò mansuetus fuit, & promptus tradere atque impendere seipsum pro salute animarum, potiùs oui comparandus videtur, quæ proprias carnes in escam, & vellus ad indumenta homini sine vlla repugnantia suppeditare solet. Scimus autem S. Paulum postea à Domino missum, sicut & ceteros Apostolos, tamquam ouem in medio luporum, & quòd ipse nullum finem faciebat diuidendi populis escas Euangelicæ prædicationis, impertiens singulis, nimirum sapientibus & insipientibus, pro ipsorum captu, doctrinam spiritualem, aliis quidem tamquam in Christo paruulis lac potum dans, aliis verò tamquam perfectis solidum cibum; & denique omnibus omnia factus, vt omnes saluos faceret, 1. ad Corinth. cap. 9. vers. 22. vel etiam diuidebat spolia de hostibus parta, quando ad spiritualem aliorum ædificationem, proponebat seipsum exemplum bonorum operum, & manifestabat victorias, quas ipse de diabolo, de mundo, & de propria carne reportare solitus erat, vt omnes ad se imitandum prouocaret. Sed hæc aliàs redeamus ad institutum.

DE OBITU
IACOB.

QUAM ACCE
PTVS DEO
FVERIT.

10. Expletis hinc prædictionibus, Iacob cùm benedixisset singulis filiis suis benedictionibus propriis, præcepissetque vt sepelirent corpus suum in terra Chanaan cum patribus suis, in spelunca duplici, quam olim emerat Abraham in possessionem sepulchri, sibi & posteris suis: & præterea dedisset vnique ipsorum monita mandataque salutis, collectis super lectum pedibus suis, placidè ac naturali quadam resolutione, sine vllò violento motu, reddidit spiritum, Genes. cap. 49. in fine, cùm vixisset annos centum quadraginta septem, computatis illis decem & septem, quibus vixerat in Ægypto, vt notatur Genes. cap. 47. vers. 28. Porro sanctus iste Patriarcha quantum Deo semper gratus fuerit, indicant infinita propemodum sacræ Scripturæ loca, in quibus appellat Deus Iacob seruum suum. verum ille in primis Malachia cap. 1. vers. 2. vbi introducit Deus dicens, se dilexisse Iacob, Esau autem odio habuisse. Quem locum citat magisq̃ue explicat Apostolus ad Romanos cap. 9. vers. 12. Item Exodi cap. 3. vers. 15. ipsemet Deus protestatur se esse velleq̃ue appellari Deum Abraham, Isaac, & Iacob; & hoc ei nomen esse in æternum, & memoriale in generationem & generationem. Eximia verò beneficia huic sancto viro diuinitus collata commemorantur Sapientie cap. 10. vers. 10. illis verbis: *Hæc (videlicet Sapientia) profugum iræ fratris iustum deduxit per vias rectas, & ostendit illi regnum Dei, & dedit illi scientiam sanctorum: honestauit illum in laboribus, & compleuit labores illius. In fraude circumuenientium illum affuit illi, & honestum fecit illum. Custodiuit illum ab inimicis, & à seductoribus tuauit illum, & certamen forte dedit illi vt vinceret, & sciret quoniam omnium potentior est Sapientia.* & Ecclesiastici cap. 44. vers. 25. *Benedictionem, inquit, omnium gentium dedit illi Dominus, & testamentum confirmauit super caput Iacob. Agnouit eum in benedictionibus suis, & dedit illi hereditatem, & diuisit illi partem in tribubus duodecim. Et conseruauit illi homines misericordie, inuenientes gratiam in oculis omnis carnis.*

11. Vixit itaque Iacob cum

Heber	} annis
Abraham	
Ismaël	
Isaac	
Ruben	
Siméon	
Leui	
Juda	
Dan	
Nephthali	
Gad	
Aser	
Issachar	
Zabulon	
Ioseph	
(Beniamin)	

decem & nouem.
quindecim.
sexaginta tribus.
centum viginti.
sexaginta duobus.
sexaginta vno.
sexaginta vno.
sexaginta.
sexaginta.
quinquaginta nouem.
quinquaginta nouem.
quinquaginta octo.
quinquaginta octo.
quinquaginta septem.
quinquaginta sex.
quadraginta vno.

QVIBVSQVEM,
ET QVAMDIU
CVM SINGV-
LIS VIXE-
RIT.

12. Mortuo Iacob, Ioseph filius eius cum lacrymis (post plantum super eo factum) deosculato patre, iussit corpus eius aromatibus condiri, & ipse cum fratribus & filiis suis, atque item magno cum Aegyptiorum comitatu, de licentia Pharaonis asportauit eum in terram Chanaan, & sepeliuit in conualle Mambre in spelunca duplici cum patribus suis, Abraham, Isaac, Sara, & Rebecca, & vxore sua Lia: reuersusque est in Aegyptum cum fratribus suis; à quibus humiliter exoratus, ne memor esset iniuriæ olim ab ipsis acceptæ, ipse eos blandè & mira cum charitate consolatus est, Genesius cap. vlt. vers. 1. vsque ad 22. Ceterum, progenies ipsius Iacob ac filiorum eius, describitur Genes. cap. 46. vers. 8. Exodi cap. 1. vers. 1. & cap. 6. vers. 14 & Numer. cap. 26. vers. 5. & 1. Paralip. cap. 2. vers. 1. & cap. 4. vers. 1. vsque ad initium capitis decimi.

IACOB PLAN-
GITVR, ET
SEPELITVR.

AB ORBE CONDITO

ANNVS 2353.

TERTIÆ MVNDI ÆTAT.

ANNVS 241.

1 ANNO vitæ Ioseph sexagesimo quarto circiter desinente, defunctus est Balessus junior, Rex Assyriorum, cum regnasset annis quinquaginta duobus, vt testatur reliquit Eusebius in Chronicis.

MORS BA-
LESI IUNIO-
RIS ASSY-
RIORVM
REGIS.

AB ORBE CONDITO

ANNVS 2354.

TERTIÆ MVNDI ÆTAT.

ANNVS 242.

1 ANNO proximo circiter ineunte, regnauit Altadas Rex Assyriorum decimus, teste eodem Eusebio ibidem.

REGNAT AL-
TADAS IN
ASSYRIA.

AB ORBE CONDITO

ANNVS 2368.

TERTIÆ MVNDI ÆTAT.

ANNVS 256.

1 ANNO à descensu Iacob in Aegyptum circiter quadragesimo natum esse Caleb filium Hefron, ita colligit Abulensis super 1. Paralipom. cap. 2. quæst. 9. Nam cum in eodem capitulo à versiculo 18. ad 22. habeamus, quod Caleb filius Hefron, de Azuba prima eius coniuge, præter Ierioth primogenitum, tres alios habuit liberos; & quod ea mortua duxit aliam nomine Ephratam, & quod post hæc Hefron pater eius accepit filiam Machir, cum ipse iam sexaginta esset annorum: certè si de prædictis sexaginta annis primùm subtraxeris quindecim saltem annos, quos habuisse censendus est Caleb quando primam duxit vxorem; deinde alios quinque, intra quos genuit de Azuba prædictos quatuor filios, & de Ephrata vnum; vtique restabunt de memorata sexaginta annorum summa anni dumtaxat quadraginta, qui fluxerant ab introitu Hefron in Aegyptum vsque ad ortum ipsius Caleb; erat enim vnus anni infantulus Hefron, quando cum vniuersa Iacobi domo deportatus fuit in Aegyptum, vt colligi potest ex his, quæ nos sub annis mundi 2328. num. 1. & 2329. num. 9. diximus. Quoniam verò, quamdiu vixerit iste Caleb, nescimus; ideo eius annos in tabulis digerere non potuimus.

ORTVS CA-
LEB FILII
HEFRON.

AB ORBE CONDITO

ANNVS 2384.

TERTIÆ MVNDI ÆTAT.

ANNVS 272.

HESRONGE-
I
NVIT ARAM.

A NNO vitæ suæ circiter quinquagesimo septimo, probabilius credimus, quod Hefron filius Phares genuerit Aram, cuius meminit S. Matthæus cap. 1. vers. 3. in genealogia Saluatoris. Hunc Aram, Auctor libri 1. Paralipomenon cap. 2. vers. 9. & 10. vocat Ram. Quantum verò temporis post genitum Aram, siue Ram, ipse superuixerit Hefron, scire non possumus.

AB ORBE CONDITO

ANNVS 2385.

TERTIÆ MVNDI ÆTAT.

ANNVS 273.

MORITVR
ALTADAS
REX ASSY-
RIORVM.

A NNO vitæ Ioseph nonagesimo sexto propè, ut arbitror, expleto, oportet obiisse Altadam regem Assyriorum, exacto nimirum regni sui anno trigesimo secundo, ut videre est apud Eusebium in Chronicis.

AB ORBE CONDITO

ANNVS 2386.

TERTIÆ MVNDI ÆTAT.

ANNVS 274.

MAMITHVS
I
REGNAT IN
ASSYRIA.

A NNO insequente regnauit in Assyria Mamithus, fuitque Rex Assyriorum vndecimus, ut patet loco Eusebij proximè adducto. Idem Mamithus siue Mamucius, Syris & Aegyptiis cepit esse formidini, ut tradit Genebrardus lib. 1. suæ Chronologiæ. S. Augustinus lib. 18. de Ciuit. cap. 7. vocat hunc Hermasum, facitque eum duodecimum Assyriorum, ob causam aliâ à nobis adductam.

CAATH
QVANDO
GENVERIT
AMRAM.

2. Eodem anno circiter inchoante, Caath in Aegypto genuit Amram, qui postea fuit pater Moysi, ut colligere possumus ex Alexandro Polyhistore Auctore antiquissimo, qui Apud Eusebium lib. 9. de Præparatione Euangelica cap. vlt. ait, eundem Amram ortum esse anno ante obitum Iosephi quartodecimo; quod si verum est, ut credimus, oportet dicti Amræ natiuitatem incidisse circa initia anni ab ingressu Iacob in Ægyptum quinquagesimi octauis: siquidem nos infra sub anno mundi 2400. num. 1. probauimus, Iosephum obiisse anno à prædicto ingressu septuagesimo secundo ineunte. Et hoc nobis magis placet, quàm quod multò post scriptum reliquit S. Epiphanius, prope finem sui Ancyroni; nimirum, Amram natum esse anno Caath patris sui sexagesimo quinto. Hoc si ita esset, nullo modo ortus Amram in hunc annum competere posset; etiam si concederemus, ipsum Caath natum esse anno trigesimo quarto patris sui Leui, ut ibidem asserit S. Epiphanius. quod tamen nos sub anno mundi 2305. num. 2. probauimus non posse subsistere. Nec mirum est, sanctum hunc Doctorem ibidem in hisce annis falli: quandoquidem in eodem loco alia quædam tradit ad chronologiam pertinentia, quæ (si tamen eius codices corrupti non sunt) videntur sacræ Scripturæ omnino aduersantia. Etenim quadringentos triginta annos mansionis ac peregrinationis Hebræorum in Ægypto & in terra Chanaan computat ab eo tempore, quo prædixit Deus Abraham, semen suum seruiturum ac fore peregrinum annis quadringentis: cui refragatur Apostolus ad Galatas cap. 3. vers. 17. ubi manifestè computat prædictos quadringentos triginta annos à promissionibus Abraham factis: & certum est, hæcæ promissiones non minùs quinque annis præcessisse dictam prædictionem, ut ex collatione eorum quæ sub anno mundo 2113. num. 2. diximus, cum his quæ sub anno mundi 2118. num. 13. tradidimus, apparet. Item, eosdem quadringentos triginta annos terminat in ingressu Israëlitarum in terram Chanaan, cum Apostolus loco citato apertè terminauerit eos ad Legem datam; & Exod. cap. 12. vers. 41. terminentur in egressu populi de Ægypto, quod ferè idem est: siquidem Lex data fuit mense tertio ab eodem egressu. Præterea ponit etiam idem Sanctus quinquaginta annos ab exitu de Aegypto ad introitum in terram Chanaan; cum tamen ex postremo Deuter. cap. vers. 7. & ex aliis multis sacræ Scripturæ locis, quæ nos sub anno mundi 2583. num. 34. adducemus, constet fuisse tantum quadraginta. Denique dicit, Moysen fuisse triginta annorum quando traduxit Israëlitas per Mare rubrum; & nihilominus Scriptura Exodi cap. 7. vers. 7. & alibi non semel; dicit, eum tunc fuisse annorum octoginta. Quæ omnia hic obiter referre visum est, non studio contradicendi; sed ne cui mirum videatur, quod ab his quæ sanctus iste Doctor loco citato tradidit, tam facile discesse-

cefferimus. Ex dictis item consequitur, eundem Amram ex hac vita decessisse anno à memorato introitu in Aegyptum centesimo nonagesimo quarto circiter desinente, vt in tabulis apparebit. Vixit enim annos centum triginta septem, quemadmodum habemus Exod. cap. 6. vers. 20. in textu Vulgato, & in Paraphrasi Chaldaica, & in aliquibus LXX. Interpretum codicibus. Vnde non videtur in hac parte standum cum textu LXX. Interpretum anno salutis 1588. Romæ impresso, qui habet, Amram vixisse tantummodò centum triginta duobus annis, quod ceteris omnibus aliis textibus aduersatur. Oportet insuper eundem Amram fuisse septuaginta nouem annorum quando genuit Moysen, quem constat natum esse annis octoginta ante egressum populi de Aegypto; videlicet anno ab introitu Israël in Aegyptum centesimo trigesimo quinto, quod etiam in tabulis manifestius dignosci poterit: & ex consequenti apparebit, halucinarum Eusebium in Chronicis, & S. Epiphanium prope finem sui Aneorati, & Pererium in cap. 2. Exodi: quorum duo priores putant, Amram genuisse Moysen anno vitæ suæ septuagesimo, tertius verò, septuagesimo septimo.

AB ORBE CONDITO TERTIÆ MVNDI ÆTAT.
ANNVS 2387. ANNVS 275.

A NNO vitæ suæ sexagesimo Hefron Iudæ nepos duxit filiam Machir patris Galaad, post annos 25. (vt ex sub anno mundi 2412. dicendis apparebit) & genuit ex ea filium nomine Segub, quemadmodum traditur 1. Paralip. cap. 2. vers. 21. Erat autem Machir filius Manasse filij Ioseph, vt patet Genes. cap. vltimo vers. 22. Neque inconuenit, quòd qui erat de tribu Iuda, duxerit vxorem de tribu Manasse, quia tunc temporis nulla adhuc facta fuerat talium coniugiorum prohibitio. Illa namque lex, quæ cauet ne quisquam nubat extra proprium tribum, non nisi multò post, nimirum Moysi temporibus lata fuit, vt videre est Numer. cap. vltimo vers. 7. & 8. Porro iste Segub & posterius eius, licet naturaliter de Hefron Iudæ nepote prodierint, nihilominus computati postea sunt in tribu Manasse, vt euidenter colligitur ex cap. Paralipom. citato, vbi cum Scriptura dixisset, quòd Hefron genuit Segub, & Segub genuit Iair, qui possedit viginti tres ciuitates in terra Galaad, & viculos sexaginta ciuitatum; protinus subiungit: *Omnes isti, filij Machir patris Galaad.* id est, prædicti, Segub & Iair, & si qui alij ex ipsis prodierant, dicebantur filij Machir. Quod & adhuc magis confirmari potest ex Deuter. cap. 3. vers. 13. & sequentibus, vbi dicitur quòd Moyses reliquam partem montis Galaad, & omnem regionem Basan, aliàs regni Og, tradidit mediæ tribui Manasse, nempe omnem regionem Argob: & quòd Iair filius (hoc est pronepos ex parte matris) dicti Manasse, possedit omnem regionem Argob vsque ad terminos Gessuri & Machati, & regionem illam, quæ prius vocabatur Basan, voluit deinceps ex nomine suo nuncupari Hauorth Iair, id est, villas Iair. Ex quibus omnibus liquido apparet, posteros dicti Hefron nepotis Iudæ ex filia Machir procreatos, deinceps fuisse recensitos in tribu Manasse: quod non alia de causa fieri potuisse videtur, nisi quia à dicto Machir filio Manasse, & dicto Segub auo materno adoptati fuerant in filios, vt nos etiam sub anno mundi 2827. num. 1. dicemus.

HESRON GENUIT SEGUB

CVR SEGUB ET POSTERI EIVS DICANTVR DE TRIBU MANASSE.

AB ORBE CONDITO TERTIÆ MVNDI ÆTAT.
ANNVS 2399. ANNVS 287.

A NNO ab introitu Israëlitarum in Aegyptum septuagesimo primo inchoante, qui pariter erat septuagesimus primus vitæ Iob, (vt ex his quæ sub anno mundi 2329. num. 22. diximus, inferri potest, & apparet in tabulis) oportet cœptam esse historiam ipsius Iob, quæ in libro ex eius nomine inscripto habetur. Et hoc colligunt B. Athanasius in Synopsi librorum veteris Testamenti, cap. 17. & Auctor Chronologiæ maioris Hebræorum cap. 3. & alij probati Scriptores, ex cap. vlt. ipsius Iob: nam ibi vers. 10. legimus, Dominum addidisse omnia quæ fuerant Iob (subaudi ante perpeffas calamitates) duplicia; quemadmodum ibidem vers. 12. probatur de omnibus, camelis, bobus, &c. Et idem debemus existimare, secundum præcitatos Auctores, factum esse de annis vitæ eius; nimirum ipsos quoque fuisse ei à Deo conduplicatos. In fine verò eiusdem libri apertè traditur, Iob vixisse post flagella annos centum quadraginta; ergo ante illa vixerat septuaginta, qui posterioribus iuncti, faciunt summam annorum ducentorum decem; his verò si addantur septem calamitatis, erunt omnes anni

HISTORIA IOB QUANDO COEPE- RIT.

140
70
—
210
7
—
217

anni vitæ Iob, ducenti decem & septem. Quod si quis opponat, de filiis ac filiabus Iob nullam fuisse factam duplicationem, vt patet conferenti quæ de ipsorum numero traduntur cap. 1. vers. 2. cum his quæ postea legimus cap. vlt. v. 13. ergo nec de annis. Respondendi poterit, quod ex quo tantummodo inuenitur exceptio facta de liberis; supponere debemus, reliqua omnia eidem fuisse in duplum aucta, & consequenter etiam vitæ annos; alioqui frustrâ videretur dictum cap. vlt. vers. 10. *Et addidit Dominus omnia quæcumque fuerant Iob, duplicia.*

CONTENTA
IN LIBRO
IOB.

2. Igitur Iob anno, vt diximus, vitæ suæ septuagesimo primo incipiente, Dei permisso, ad ostensionem virtutis eius, cæpit à dæmone acriter affligi ac damnicari, primo in gregibus & armentis, mox in filiis, ac demum in propria persona; quemadmodum in citata eius historia describitur. Post quas plagas venerunt ad eum tres Reges amici eius, vt ipsum consolarentur. Verumtamen quia inter loquendum, contentioliis quàm par erat, cum eo egerunt, addentes afflictionem afflicto; id eis ad peccatum à Deo imputatum fuit; à quo tandem (ipsomet Domino illos arguente & monente) non nisi ad preces Iob expiati sunt. Continet verò liber Iob, præter historiam primis duobus capitibus comprehensam, dialogos ferè viginti vnum; videlicet ipsius Iob decem, Eliphaz tres, Baldad tres, Sophar duos, Eliu vnum, Domini duos; vt in eodem libro quibus dinumerare poterit; & hos versibus spondaicis à Moyse, vt communis est opinio, conscriptos. Quod si quis hoc loco percontetur, quamdiu Iob in pœnis ac tribulationibus, quas liber eius commemorat, permanserit; dicimus id non vsquequaque exploratum haberi, aliis opinantibus vno dumtaxat anno; aliis, septem: & quoniam postrema hæc opinio videtur à pluribus acceptata, idcirco eamdem & nos sequemur, donec aliud certius occurrat.

CVR AV-
CTOR SE-
QUATUR NV-
MEROS AN-
NORVM ME-
DII TIONIS
VULGATÆ
NON AVTEM
LXX. INTER-
PRE-
TYM.

3. Aduertendum verò est, me in annis vitæ Iob recensendis ac supputandis secutum esse textus Hebraicos & Latinos Vulgaros, quos in hoc præsertim magis arbitror esse probandos; quoniam præterquam quod editio LXX. Interpretum aliis in numeris annorum corrupta censetur, vt sub anno mundi 131. num. 5. 6. & 7. probatum est; non etiam videtur sibi constare in eo quod ait, Iob post plagas superuixisse annos centum septuaginta; & omnes annos vitæ eius fuisse ducentos quadraginta: nam si cuncta addita sunt ipsi Iob duplicia, vt ipsi quoque LXX. Interpretes ibidem referunt; ergo & anni; ergo si post plagas vixerat annos centum septuaginta, vtique (secluso etiam toto tempore afflictionis, quod, quàm longum fuerit, certo scire non possumus) oportet ipsum ante plagas vixisse annos octoginta quinque, quæ est medietas prædictorum centum septuaginta annorum; & consequenter quod omnes vitæ eius anni fuerint ad minus ducenti quinquaginta quinque, non autem ducenti quadraginta. Standum igitur est in numeris annorum, qui in Vulgata editione notati inueniuntur.

AB ORBE CONDITO

ANNVS 2400.

TERTIÆ MVNDI ÆTAT.

ANNVS 288.

DE OBITU
IOSEPH.

ANNO vitæ suæ centesimo decimo exacto, id est centesimo vndecimo inchoante, qui erat septuagesimus secundus ab introitu Israël in Aegyptum, vt patet in tabulis; Ioseph, cum iam vidisset filios Ephraim filij sui, vsque ad tertiam generationem, & filios Machir filij Manasse primogeniti sui; ac prædixisset fratribus suis diuinam visitationem, hoc est maximas tribulationes, quas Israëlita ab Aegyptiis passuri erant; & quod tandem inde eos Deus in terram Chanaan patribus suis repositurum erat; adiurassetque ipsos, vt secum asportarent ossa eius; mortuus est, & conditus aromatibus, in loculo repositus fuit, vsque ad tempus exitus populi de Aegypto, Genes. cap. vlt. vers. 22. vsque in finem. Vbi quoniam exprimitur, quod Ioseph expletis centum decem vitæ suæ annis allocutus est fratres suos; videtur inde posse colligi, tunc adhuc fratres suos fuisse superstites; & consequenter verum esse, quod expresse tradit Auctor Chronologiæ maioris Hebræorum cap. 3. nimirum eundem Iosephum decessisse ante omnes fratres suos; de quorum tamen obitu Scriptura sacra non meminit, præterquam de Leui; cuius vitæ annos definit, vt paulò post adnotabimus. De Ioseph honorifice admodum loquitur sacra Scriptura, præsertim Sapientiæ cap. 10. vers. 13. dicens: *Hæc (diuina nimirum Sapientia) venditum iustum non dereliquit, sed à peccatoribus liberauit eum, descenditq. cum illo in foueam, & in vinculis non dereliquit illum, donec afferret illi sceptrum regni, & potentiam aduersus eos qui eum deprimebant, & mendaces ostendit qui maculauerunt illum, & dedit illi claritatem æternam.* Hæc

DE EIVSDEM
LAUDIBVS
EX LIBRO
SAPIEN-
TIÆ.

nus ex libro Sapientia: cuius illa verba, *donec afferret illi sceptrum regni*, non sunt accipienda tamquam significantia quòd Ioseph vere fuerit Rex; quemadmodum nec illa quæ de eodem Ioseph legimus 1. Machab. cap. 2. vers. 53. *Et factus est dominus Aegypti*, tamquam si verè esset dominus Aegypti: sed quòd, ac si fuisset Rex & dominus ipse dominabatur in omni terra Aegypti, vt expresse dicitur Genes. cap. 45. vers. 26. siquidem Pharaon cap. 41. vers. 40. dederat ei post se omnem potentiam, dicens: *Tu eris super domum meam, & ad tui oris imperium cunctus populus obediet: vno tantum regni solio te precedam*. Dixitq; rursus Pharaon ad Ioseph: *Ecce constitui te super vniuersam terram Aegypti*. Tulitque annulum de manu sua, & dedit eum in manu eius: vestiuitq; eum stola byssina, & collo torquem auream circumposuit. Fecitque eum ascendere super currum suum secundum, clamante preconce, vt omnes coram eo genu flecterent, & præpositum esse scirent vniuersæ terræ Aegypti. Dixit quoque Rex ad Ioseph: *Ego sum Pharaon: absque tuo imperio non mouebit quisquam manum aut pedem in omni terra Aegypti*. Erat igitur Ioseph secundus à Rege, & veluti Rex & dominus in Aegypto; & hoc est quod dicitur in Psal. 104. vers. 21. *Constituit eum dominum domus sue, & principem omnis possessionis sue*.

Igitur vixit { Isaac } annis { viginti nouem.
Ioseph cum { Iacob } { quinquaginta sex.
Beniamin } { nonaginta quinque.

QVIBVSQVEM,
ET QVAMDV
CVM SINGV-
LIS VIXE-
RIT.

cum singulis autem ceteris fratribus suis, necesse est eundem Iosephum vixisse centum decem annis, quia post illos natus est, & vt dictum est, ante illos obiisse creditur.

2. Post mortem Ioseph oportet Israëlitas cœpisse mirum in modum, ac multò quàm antea copiosius propagari & multiplicari, præsertim vsque ad obitum Leui, qui creditur vltimus fratrum suorum ex humanis excessisse; spatio scilicet vnus & viginti annorum, quod inter vtriusque fratris obitum intercessit, vt videre est in tabulis: intra quod tempus, nihil oneris aut mali ab Aegyptiis Israëlitis perpessi sunt. Etenim non nisi post mortem non solum Iosephi, sed & omnium fratrum eius, & item vniuersæ cognationis illius quæ cum Iacob descenderat in Aegyptum, cœperunt à nouo Aegyptiorum Rege affligi, quòd iam tunc nimium aucti viderentur, vt colligitur Exodi cap. 1. vers. 6. & nos sub anno mundi 2437. num. 1. dicemus.

ISRAELI-
TAE QVAM-
DO COEPE-
RINT MA-
GIS MVLTU-
PLICARI.

AB ORBE CONDITO TERTIÆ MVNDI ÆTAT.
ANNVS 2406. ANNVS 294.

I **A** NNO vitæ suæ septuagesimo octauo incipiente sanctus Iob, post exactos inuidia diaboli septem annos (quemadmodum sub anno mundi 2399. num. 1. & 2. dictum est) in summa rerum inopia, filiorum orbitate, corporis infirmitate, animi afflictione, inuenit gratiam coram Domino; qui in præmium perfectissimæ eius patientiæ, non modò restituit eum ad pristinam sanitatem, rerumq; abundantiam ac felicitatem; verumeriam bona omnia, quibus ante calamitatem fruebatur, in duplum eidem postea tribuit, vt dicitur Iob cap. vlt. vers. 10. & ibidem post pauca exemplis ostenditur, quemadmodum sub anno mundi proximè citato adnotauimus.

I OB POST
CALAMITA-
TES VALDE
PROSPERA-
TVR.

AB ORBE CONDITO TERTIÆ MVNDI ÆTAT.
ANNVS 2412. ANNVS 300.

I **A** NNO ætatis suæ octogesimo quinto propè expleto, Hefron filius Phares filij Iuda creditur genuisse Segub ex filia Machir filij Manasse; vt ex his quæ infra sub anno mundi 2583. num. 27. dicemus, apparebit.

HEFRON
GENVIT
SEGVB.

AB ORBE CONDITO TERTIÆ MVNDI ÆTAT.
ANNVS 2415. ANNVS 303.

I **A** NNO à descensu Iacob in Aegyptum octogesimo septimo propè expleto, mortuus est Mamithus rex Assyriorum, exactis regni sui annis triginta, vt tradit Eusebius in Chronicis.

OBITVS
MAMITHI
ASSYRIO-
RVM REGIS.

AB ORBE CONDITO TERTIÆ MVNDI ÆTAT.
ANNVS 2416. ANNVS 304.

I **A** NNO immediatè sequenti, regnauit in Assyria Mancaæ Rex Assyriorum duodecim, vt ibidem tradit Eusebius.

REGNAT
MANCA-
ÆRVS IN
ASSYRIA.

AB ORBE CONDITO
ANNVS 2421.TERTIÆ MVNDI ÆTAT.
ANNVS 309.OBITVS LEI
VI.

ANNO vitæ suæ centesimo trigesimo septimo propè impleto, Leui mortuus est in Ægypto, vt colligitur Exodi cap. 6. v. 16. nimirum post omnes fratres suos, vt asserit Auctor Chronologiæ maioris Hebræorum cap. 3. Huius Patriarchæ posteritas describitur eodem Exodi loco, & 1. Paralipom. cap. 6.

2. Per hæc circiter tempora, puto filios Israel speciali quadam Dei providentia, præter ordinarium naturæ cursum in Ægypto crescere cœpisse, & deinceps per annos circiter decem & octo continuos, nimirum vsque ad Amenophim Ægypti Regem, quasi germinantes multiplicatos ac roboratos nimis impleuisse terram, vt dicitur Exodi c. 1. vers. 7. Quæ fuit causa vt postea prædictus Rex suspectam habens eorum multiplicationem & potentiam, cœperit opprimere eos, vt infra sub anno mundi 2438. numer. 1. & 2. dicemus.

QVIBVSCVM
ET QVAM-
DIV CVM
SINGVLIS
VIXERIT.

Vixit ergo Leui cum	Isaac	} annis	} saltem	triginta quattuor.
	Jacob			sexaginta vno.
	Ioseph			centum decem.
	Ruben			centum quindecim.
	Simcon			centum quindecim.
	Iuda			centum quattuordecim.
	Dan			centum quattuordecim.
	Nephthali			centum tredecim.
	Gad			centum tredecim.
	Aser			centum duodecim.
	Issachar			centum duodecim.
	Zabulon			centum vndecim.
	Beniamin			nonaginta quinque.

3. Dixi, saltem: quia tametsi superius sub anno mundi 2400. num. 1. dictum sit, reliquos filios Iacob vixisse post Ioseph; attamen nec ex Scriptura sacra, neque aliter scire possumus, quotnam annis singuli superuixerint ipsi Ioseph; excepto Leui, cuius numerum totius vitæ annorum, paulò ante ex libro Exodi adnotauimus.

AB ORBE CONDITO
ANNVS 2437.TERTIÆ MVNDI ÆTAT.
ANNVS 325.CAATH
QVANDO
MORTVVS.

ANNO ab introitu Israëlitis in Ægyptum circiter centesimo nono, necesse est decessisse Caath filium Leui, vt ex his quæ sub anno mundi 2305. num. 11. diximus, manifeste consequitur. Puto autem ipsum Caath obiisse post omnes illos, qui cum Iacob descenderant in Ægyptum; aut si post ipsum aliqui supersites fuerunt, eosdem eodem anno non multò post esse defunctos; & prouerbum illud, quod refert Auctor Chronologiæ Hebræorum cap. 3. in hæc verba: *Vno fratrum mortuo, dolent cuncti fratres: Vno sociorum fati functo, dolet vniuersa societas.* de Caath potius quam de Leui arbitror esse accipiendum; quia post dicti Caath obitum, qui fuit posterior obitu Leui, Israëlites ab Ægyptiis affligi cœperunt.

AB ORBE CONDITO
ANNVS 2438.TERTIÆ MVNDI ÆTAT.
ANNVS 326.REGNAT IN
ÆGYPTO
AMENOPHIS,
QVI COEPIT
GRAVITER
AFFLIGERE
HEBRÆOS.

ANNO ab introitu Israëlitarum in Ægyptum centesimo decimo inchoante, vt patet in tabulis, qui erat centesimus sextus ante ipsorum exitum, vt computari potest in Eusebij Chronicis, regnauit in Ægypto annis vno & triginta Amenophis, septimus Dynastiæ Ægyptiorum decimoctauæ Rex, qui & Amenoptes, quem quidam Memnonem putant lapidem loquentem, quippe cuius statua, vsque ad aduentum Christi, sole oriente vocem dare dicebatur; vt ibidem scribit idem Eusebius. Hunc, secutus Auctorem Historiæ Scholasticæ, & Abulensem, & Pererium in Exodi cap. 1. puto fuisse Regem illum, qui in eodem Exodi cap. vers. 8. tacito nomine memoratur his verbis: *Surrexit interea Rex nouus super Ægyptum, qui ignorabat Ioseph; & ait ad populum suum: Ecce populus filiorum Israël multus, & fortior nobis est. Venite, sapien-*

ter

ter opprimamus eum, ne forte multiplicetur, & si ingruerit contra nos bellum, addatur inimicis nostris, expugnatisq; nobis egrediatur de terra. Afflixit ergo iste Rex Hebraicum populum in Ægypto commorantem, successiue tribus afflictionibus maximis, adiiciens primę post aliquot annos alteram grauiorem, ac postea tertiam omnium grauissimam; quę omnes breuiter tanguntur Exodi cap. 1. vers. 11. vsque ad finem capituli.

2. Vt igitur de prima Hebræorum afflictione quę ab Ægyptiis oppressi sunt, quę creditur hoc anno cępisse, hic aliquid dicamus; (nam de aliis infra suis locis dicitur:) sciendum est, prædictum Regem, quem Scriptura sacra appellat nouum, siue ob nouitatem ingenij, quippe qui cum alijs fuissent Hebræis beneuoli, ipse eis admodum esset infensus; siue quia, vt ait Iosephus 2. Antiq. cap. 5. ipse ex alia à prioribus Regibus familia esset. Quidquid sit, constat hunc Regem initio regni sui suspectam valde habuisse tantam Hebræorum in suo regno propagationem; & non quidem nescisse, quanta essent Iosephi Hebræi merita, qui populum tempore famis pauerat, & regiam cameram frumenti venditione ditauerat, ac demum quinta parte cunctorum Agypti fructuum perpetuo soluenda regibus addita, eorum opes mirum in modum auxerat: sed hæc ignorare simulans, callideque Hebræorum fecunditatem retundere atque impedire volens, sumpta occasione: muniendi confinia regni, de consilio populi sui decreuit ædificare, mœnibusque circumdare vrbes quasdam in terra Gessen; quę vrbes fortasse, quia ibidem in tabernaculis more pastorum habitabant Hebræi, propterea Vrbes tabernaculorum dictę sunt. Itaque imperauit Hebræis vt lateres conficerent, Ægyptios operibus præficiens, illisq; mandans vt eos sine vlla miseratione ad labores compellerent vrgerentque: qui tum vt Regis iussu implerent, tum etiam quia & ipsi Hebræorum felicitati inuidentes, eosdem oderant; tyrannicę admodum eos tractabant & affligebant, illudentes eis, atque ad amaritudinem perducebant vitam eorum operibus duris luti & lateris, omniq; famulatu, quo in terrę operibus premebantur, vt aperte legimus Exodi cap. citato vers. 13. Quę afflictio, præter alias quę deinceps eis superadditę sunt, perdurauit vsque ad ipsorum exitum de Ægypto, centum scilicet & sex annorum intervallo: quo tempore duas extruxerunt Pharaoni vrbes; alteram nomine Rameses, quod prius regionis nomen fuerat; alteram Phithom dictam. Lx x. Interpretes addunt tertiam, Hebraicę On, Gręcę Heliopolis, Latine Ciuitas Solis nuncupatam; quę in Vulgata editione non commemoratur, quod non esset in terra Gessen, vbi habitabant Hebræi, vel etiam, quia hæc ciuitas non tunc de nouo extructa videtur, sed tantummodò aliquatenus refarcita, instaurata, & ampliata: siquidem ante introitum Israhel in Ægyptum iam extabat, vt patet in Genes. cap. 41. vers. 45.

3. Ex dictis duo inferri possunt. Primum, admodum hallucinari Caietanum super Exod. cap. 1. & Iacobum Naclantum in lib. Arcanorum Christi, vbi agit de Tertia mundi ætate; putantes Regem illum, qui primus cępit affligere Israhelitas in Ægypto, fuisse non Ægyptium, sed Assyrium; illo moti argumento, quod Isaia cap. 52. vers. 4. legimus: *In Ægyptum descendit populus meus in principio, vt colonus esset ibi; & Assur absque vlla causa calumniatus est eum.* quem locum ipsi intelligunt, ac si velit significare, ipsummet Israhelitas qui habitabant in Ægypto, fuisse ibidem ab Assyrio Rege oppressos: quod falsum est; nam nullibi legimus, quod ante Moysen vmquam Assyrij dominati sint Ægyptiis, qui vsque ad tempora Cambysis proprios Reges habuisse dicuntur: nec aliter asserit Isaia: siquidem, vt omnes ferē illius loci docent Expositores, duas breuiter ibi commemorat præcipuas Israhelitici populi afflictiones; nempe primam, quam ab Ægyptiis sustinuit; & alteram, quam postea passus est à Salmanasar Rege Assyriorum, qui captiuas duxit decem tribus Israhel; vel etiam à Nabuchodonosor, qui vastata Ierosolyma, temploque eius euerfo, reliquas duas in captiuitatem transtulit: & ab Isaia Assur dicitur, quod non solum Chaldæis, sed etiam Assyrijs dominaretur, vt affirmat Hector Pintus ibidem. Nisi fortē loco citato Propheta vsurpauerit Assur, pro Syro, & alludere quoquomodo voluerit ad id, quod dicitur Deuteronom. cap. 26. v. 5. illis verbis: *Syrus persequabatur patrem meum, qui descendit in Ægyptum.* & post pauca: *Afflixeruntq; nos Ægyptij,* &c. Ibi enim memorantur duę Hebræorum afflictiones; altera ipsius Iacob, quam pertulit à Laban Syro in Mesopotamia, quę describitur Gen. cap. 29. & 31. altera posteriorum eius ab Ægyptiis, vt dictum est, eis illatam. Verum enimvero, quod non iste, sed qui paulo antè explicatus est, fuerit verus Isaia sensus, clariùs colligitur ex Lxx. Interpretum editione, quę sic habet: *In Ægyptum descendit populus meus prius, vt pascuaretur ibi, & in Assyrios violentè adducti sunt.*

4. Alterum quod ex suprà narratis deduci potest, est cuiusdam difficultatis solutio, Annal. Sacr. Tom. 1. M m quæ

DE PRIMA
HEBRÆO-
RVM AFFLI-
CTIONE.

ISAIAE LO-
CVS EXPLI-
CATVR.

IOCHABED
MATER MOY-
SI FVERIT-
NE AMITA
AN CONSO-
BRINA MA-
RITI SVI.

sequens patruelis seu consobrini eiusdem viri sui; varia est Doctorum sententia, propter variam vocis Hebraicæ *Dod* significationem; quæ à quibusdam interpretatur Amita, à quibusdam verò Patruelis: & utrumque significare posse perhibetur. Priori sententiam tuebatur Abulensis super Exod. cap. 2. quæst. 2. & Eububinus, & Oleaster, & Caietanus ibidem, ita cum Sancte Pagnino legentes textum Exodi: *Accepit autem Amram uxorem Iochabed amitam suam*, &c. Paulus Burgenfis loco *amitam*, legit *auiam*, sed, ut arbitror, error est codicis, non Auctoris; quia idemmet infra concludit, Iochabed fuisse amitam viri sui, vnde videtur perperam carpi ab Oleastro, & à Fonseca Lusitano, in suis Annotationibus super Commentaria Caietani in Exodum. Porro Iochabed fuisse amitam mariti sui Amram, tenuit etiam Io. Driedo, de Ecclesiasticis Scripturis & dogmatibus lib. 3. tract. 3. cap. 5. concl. 4. & idem confirmat auctoritate B. Hieronymi in Quætionibus Hebraicis in 1. Paralip. vbi ita habet: *Traditur autem, Moysen post acceptam Legem patri iniunxisse, ut matrem suam dimitteret, eò quòd illius amita esset; fuit enim filia Levi, post cuius disidium, Amram duxisse aliam, ex qua suscepit duos filios hos, Eldad & Medad.* hæc ibi B. Hieronymus. Ex alia parte, Lyranus, & Thorningus in suis Replicis contra Burgensem, & alij, nituntur defendere, prædictam Iochabed non amitam, sed patruelem, hoc est, consobrinam fuisse viri sui Amram. & pro his facit editio Vulgata, quæ Exodi cap. 6. vers. 20. sic habet: *Accepit autem Amram uxorem Iochabed patruelem suam, quæ peperit ei Aaron & Moysen.* & item editio LXX. Interpretum, quæ ibidem ita legit: *Et accepit Amram ipsam Iochabed filiam fratris patris sui sibi in uxorem, & genuit ei Aaron & Moysen, & Mariam sororem eorum.* huic etiam opinioni ex parte fauet Paraphrasis Chaldaica: nam licet non omnino consentiat cum LXX. Interpretibus, (dicit enim Iochabed fuisse filiam sororis, non fratris ipsius Amram) tamen tenet eandem fuisse consobrinam, non amitam viri sui. Ego autem Lyranus Thorningique sententiam veriorē puto; nimirum quòd ipsa Iochabed fuerit patruelis mariti sui, id est filia fratris Amram: ita enim expressè habent Sacri textus emendatiores, videlicet editionis Vulgatæ, Romæ anno salutis 1593. excusæ, & LXX. Interpretum ibidem anno salutis 1588. editæ: quas editiones maioris in sancta Ecclesia auctoritatis esse, quàm quasvis alias, pro certo habemus.

RESPONDE-
TVR OBIE-
CTIS.

3. Nec obstant quæ pro priori sententia adduximus: nam ad illud B. Hieronymi dicimus, traditionem illam nullo modo esse recipiendam: siquidem quòd ibi dicitur, Eldad & Medad fuisse fratres Moyfi, non tamen vterinos, sed post Legem latam ex alia matre genitos; infra sub anno mundi 2545. num. 54. probabimus esse falsum. Quare oportet, vel librum illum Quætionum Hebraicarum in libros Paralip. non esse B. Hieronymi; aut ibi B. Hieronymum non propriam, sed aliorum retulisse sententiam: siquidem constat B. Hieronymum aliter sensisse; nam in editione Vulgata veteris Testamenti, quam (exceptis aliquot libris, inter quos Pentateuchus non numeratur) esse B. Hieronymi docet Cardinalis Bellarminus lib. 2. de Verbo Dei cap. 9. loco Exod. citato, pro *amitam* legimus *patruelem*. Qua de re Abulensis vbi supra (licet præmissa excusatione reuerentiæ gratia) perperam, ut puto, reprehendit B. Hieronymum, quòd potius verterit *patruelem* quàm *amitam*; pensare namque debebat Abulensis, non esse verisimile, Doctorem tantæ eruditionis, & in Hebraicis ac Latinis litteris tantopere versatum, adeò turpiter errasse, ut pro dictione significante *amitam*, verterit *patruelem*: sed non aduerit Abulensis, utpote Hebraici idiomatis non admodum gnarus, vocem illam *Dod* utrumque, ut diximus, significare posse, & sanctum Doctorem de duabus significationibus illam delegisse, quam Textui sacro ibidem à LXX. Interpretibus clarius exposito, magis conformem iudicauit. Ad tertium Numer. superius citatum dicimus, quòd ibi Iochabed appellatur filia Levi, non quia revera esset filia eius, sed quia erat nephis ipsius, iuxta consuetudinem sacræ Scripturæ, quæ more Hebraico, ferè omnes recta linea maiores, vocare solet patres; minores verò, filios, ut notant B. Hieronymus super Danielis cap. 5. & Beda in lib. de Sex ætatibus mundi, & alij plures. Sic Nabuchodonosor, qui, ut ait B. Hieronymus vbi supra, erat proavus Baltasaris, dicitur pater eius, Daniel. cap. 5. vers. 11. sic Elisabeth dicitur de filiabus Aaron, Lucæ cap. 1. vers. 5. quia erat de stirpe eius; & Christus appellatur filius Dauid & Abraham, Matth. 1. quia secundum carnem recta linea ab his prodierat: plura alia huiusmodi in Sacris libris exempla inuenies. Quòd autem ita exponendus sit memoratus Numer. locus, quodammodò etiam in sua versione insinuarunt LXX. Interpretes, qui sic habent: *Et Caath genuit Amram; nomen autem uxoris eius Iochabed filia Levi, quæ genuit ipsos ipsi*

Leui

Leui in Aegypto; & genuit ipsi Amram Aaron, Moysen, & Mariam sororem eorum. Ecce quòd quemadmodum hic dicitur Aaronem, Moysen, & Mariam, non solum genitos patri suo Amram, sed etiam proauo ipsorum Leui; ita quoque innuitur ibidem dici Iochabed filiam Leui, eò quòd etiam genita fuisset ipsi auo suo Leui.

4. De tempore autem ortus atque ætate ipsius Iochabed, tametsi multi multa, veluti diuinantes, scripserunt; attamen nihil certi affirmare possumus, nisi quòd nata est in Aegypto, vt apertè traditur Numer. cap. 26. vers. 59. Ex quo patet, hallucinari Hebræos, existimantes ipsam de Leui esse natam in via, per quam Iacob cum familia sua descendebat in Aegyptum; & filio suo Moyse superuixisse. Quæ duo sic redargui possunt. Nam sequeretur, eam ad ducentos sexaginta propè annos vixisse: constat enim, Moysen mortuum esse anno ab exitu populi de Aegypto quadragésimo desinente, qui fuit ducentésimus quinquagésimus quintus ab ingressu eiusdem populi in Aegyptum, vt patet in tabulis: nemo autem eo tempore tam diu vixisse in Sacro eloquio reperitur. Sed quòd ipsa Iochabed nò sit nata ante dictum ingressum, patet; quia oporteret eam fuisse centum triginta quinque annorum quando genuit Moysen: ipse enim octoginta erat annorum quando eduxit populum de Aegypto; quibus prædicti centum triginta quinque iuncti, faciunt summam annorum ducentorum quindecim mansionis populi in Aegypto. Quis autem credat, mulierem centum triginta quinque annos natam, quando vix homines ad eam ætatem peruenire solebant, concipere & parere potuisse? Quòd si quis ad miraculum, propter Moyse sanctitatem, referendum putet, idem quoque de ortu Aaronis & Mariæ faciendum erit, quorum hæc septennio, ille verò triennio tantum, ipso Moyse seniores fuerunt. Denique si (vt dicitur Exodi cap. 1. v. 6. & sequentibus) Hebræorum afflictio cœpta est post defunctum Ioseph, & omnes fratres eius, & totam cognationem illam, videlicet quæ cum illis descenderat in Aegyptum, vtiq; necessariò consequeretur, mortuam quoque tunc fuisse ipsam Iochabed. Quomodo ergo potuisset gignere Moysen multò pòst iam cœptam Hebræorum afflictionem? Dicamus igitur eam proculdubio natam esse in Aegypto, & fortè etiam (vt probabilius videtur) fuisse viro suo iuniorem.

QUANDO
IOCHABED
NATA SIT.

AB ORBE CONDITO

TERTIÆ MVNDI ÆTAT.

ANNVS 2465.

ANNVS 353.

ANNO centesimo trigésimo septimo à descensu Iacob in Aegyptum pænè expleto, qui erat vitæ Moyse annus secundus, decessit Iphereus Rex Assyriorum, cum regnasset annis viginti, vt videre est apud Eusebium in Chronicis.

IPHEREI
ASSYRIO-
RVM REGIS
OBITVS.

AB ORBE CONDITO

TERTIÆ MVNDI ÆTAT.

ANNVS 2466.

ANNVS 354.

ANNO immediatè sequenti, regnum in Assyria obtinuit Mamylas, fuitq; Assyriorum Rex decimusquartus, vt ibidem docet Eusebius.

REGNAT IN
ASSYRIA
MAMYLAS.

AB ORBE CONDITO

TERTIÆ MVNDI ÆTAT.

ANNVS 2467.

ANNVS 355.

ANNO proximo circiter inchoante, quando scilicet Moyses iam triennium impleuerat, vt ait Iosephus 2. Antiq. cap. 5. mater eius Iochabed detulit eum iam ablactatum filia Pharaonis, prout promiserat, quæ illum adoptauit in locum filij, vocauitq; nomen eius Moyses, eò quòd de aqua seruauerat eum, Exodi cap. 2. v. 9. aquam enim Aegyptij vocant moyses verò, seruatos, vt testatur Iosephus vbi suprà, & idem ferè asserit Philo lib. 1. de Vita Moyse, & confirmat Clemens Alexandrinus lib. 1. Stromatum. Postea verò vocabulum hoc Moyses, transiit de lingua Aegyptiaca in Hebræam, vt testatur Aben Esras Hebræorum Rabbini: vnde non mirum est, si alij Scriptores suprà citatis posteriores, contendunt esse vocem Hebraicam. Porro Iosephus ibidem subdit, quòd Thermuthis Pharaonis filia, cum alioqui germanis liberis

MOYSES TRI-
MVLVS RED-
DITVR FI-
LIAE PHA-
RAONIS.

careret, ipsumque Moysen aliquando patri ostentaret, dicens: *Hunc ego puerum educavi, non minus indole quam pulchritudine diuina excellentem, quem Nilus ipse in sinum meum tradidisse videri potest, quem decreui adoptare mihi in filium, tibi vero in principatu ac imperio successorem; & cum dicto patri infantem in manus imposuit, illeg. acceptum ad pectus appressit, filie gratificaturus, comiter diadema suum eius capiti imposuit; Moyses vero è capite suo pueriliter detractum prolabi in humum passus, pedibus etiam calcauit, id quod omnino est visum, & regno nihil boni portendere: moxq. ille sacrorum peritus, cuius sub anno mundi 2463. num. 1. meminimus, qui natiuitatem eius Aegyptio cladem allaturam prædixerat, occidere puerum volebat, terribiliter vociferans: Rex, puer iste, per cuius necem nobis securitatem Deus pollicetur, vaticinium iam confirmauit, insultando tuo regno, & diadema calcando. hoc interempto, tam Aegyptiis metum, quam Hebræis spem & fiduciam adime. Thermuthis vero eum præripuit, Rege quoque ad eadem tardiore, cui Deus talem animum indiderat, Moysis saluti prospiciens. hæc ex Iosepho. Quæ mihi admodum suspecta sunt, ne ab Hebræis inuenta aut conficta videantur: nam non est verisimile, quod ille Rex qui genus Hebræorum tantopere oderat, ac modis omnibus exterminare nitebatur, puero pepercisset, præsertim ab illo vate tam acriter contra illum incitatus; neque tam facile ad miracula recurrendum esse videtur.*

AB ORBE CONDITO

ANNVS 2468.

TERTIÆ MVNDI ÆTAT.

ANNVS 356.

AMENOPHIS
ÆGYPTI
REX MORI-
TVR.

A NNO ab introitu Israelis in Ægyptum centesimo quadagesimo circiter deficiente, oportet è vita excessisse Amenophim Aegyptiorum Regem, qui primus Hebræos in Aegypto commorantes valde admodum afflixerat: hoc etenim tempore, vt putari potest in tabulis, impletur numerus vnius & triginta annorum, quibus ipsum regnasse, sub anno mundi 2438. num. 1. dictum est.

CESSAT EDI-
CTVM DE
PARVVLIS
HEBRÆO-
RVM IN
FLVMEN OB-
RVENDIS.

2. Eodem quoque tempore, nimirum in obitu dicti Regis, abrogatam simul credimus, saltém quoad vsum, impiissimam illam legem à prædicto Rege latam, De maribus Hebræorum illicò natis, in flumen præcipitandis. Nusquam enim legimus aut talem legem deinceps etiam fuisse obseruatam, aut vllum ex posterioribus Regibus, (tamen si grauitèr Hebræos postea quoque duris laterum operibus afflixerint) eosdem ad tantum facinus perpetrandum denudò vniquam impulsisse; & ratio suadet, edictum adeò inhumanum, non diu ampliùs perdurare potuisse, vt etiam sub anno mundi 2329. num. 19. probatum est.

MOYSES IN
ÆGYPTIO-
RVM SCIEN-
TIIS ERV-
DITVR.

3. Interèa crescente Moyse, Thermuthis filia Pharaonis, quæ ipsum adoptauerat in filium, eundem quoque, vt decebat filium regium, omnibus liberalibus disciplinis erudiri curauit, vt tradunt Philo in lib. de Vita Moyfi, & alij, & testatur etiam diuina Scriptura Actorum cap. 7. vers. 22. illis verbis: *Et eruditus est Moyses omni sapientia Aegyptiorum, & erat potens in verbis, & in operibus suis.*

AB ORBE CONDITO

ANNVS 2470.

TERTIÆ MVNDI ÆTAT.

ANNVS 358.

DE ORTV
QVORVM-
DAM PRO-
CERVN IN
GRÆCIA.

A NNO vitæ Moyfi septimo aiunt natum esse Prometheum, & Epimethum, & Atlantem Promethei fratrem; præterèa & Argum cuncta cernentem, vt scribit Cyrillus Alexandrinus lib. 1. Contra Iulianum, non longè à principio.

AB ORBE CONDITO

ANNVS 2484.

TERTIÆ MVNDI ÆTAT.

ANNVS 372.

DE ORTV
IOSVE FILII
NVN.
60
40
10
—
110

A NNO ab introitu Israël in Ægyptum centesimo quinquagesimo sexto circiter ineunte, videlicet sexaginta annis ante exitum eiusdem populi de Ægypto, necesse est natum esse Iosue filium Nun: siquidem ipse postea ministravit Moyfi quadraginta annis in deserto: ac deinde præfuit Israël decem annis in Terra promissionis, vt sub anno mundi 2591. num. 14. probabitur. computa omnes istos an-

nos,

nos, & inuenies ab hoc tempore ad obitum eius, summam annorum centum decem, quibus ipsum vixisse nos infra sub anno mundi citato num. 12. vsq; ad 18. fusiùs ostendimus; & item sub anno mundi 2593. num. 1. comprobabimus.

AB ORBE CONDITO

ANNVS 2493.

TERTIÆ MVNDI ÆTAT.

ANNVS 381.

I NNO vitæ suæ, vt arbitror, trigesimo incipiente, Moyses iussu Regis Aegypti dicitur suscepisse ac gessisse bellum aduersus Æthiopes Ægyptum deuastantes, tandemque profligatos compulisse in urbem Saba, quæ postmodum à Cambyse, ex nomine sororis suæ, nuncupata est Meroë, in insula Nili posita, & insuper illam aliquamdiu priùs obsessam, cepisse per deditionem à filia Regis Æthiopum, nomine Tharbis, ei factam ea conditione, vt eam vxorem duceret, quemadmodum (licet aliquantulum diuersè) referunt Iosephus lib. 2. Antiq. cap. 5. & ex Artapano Eusebij lib. 9. de Præparatione Euangelica cap. vlt. vbi etiam addit, hoc bellum decennio fuisse confectum. Aliud quoque hic subiungit Auctor Historiæ Scholasticæ, videlicet quòd Moyses, parta de Æthiopibus victoria, cum redire vellet reluctante filia Regis quam duxerat vxorem, ipsum tamquam Astronomicæ scientiæ peritissimum, in duabus gemmis singulas insculpisse imagines, quarum altera memoriam afferret, altera obliuionem; easdemque paribus anulis inseruisse; & anulum obliuionis, vxori dedisse, alterum verò sibi reseruasse; atque hoc pacto, cum vxor amoris obliuionem accepisset, ipsum in Ægyptum rediisse. Sed si Theodoretus quæst. 22. in lib. Num. quæ narrat Iosephus de bello à Moyse contra Æthiopes gesto, inter fabulas computat; multò rationabiliùs, quæ ex Historia Scholastica retulimus, tamquam fabulosa reiici poterunt.

BELLASSE
CREDITVR
MOYSES CVM
ÆTHIOPI-
BUS.

AB ORBE CONDITO

ANNVS 2495.

TERTIÆ MVNDI ÆTAT.

ANNVS 383.

I NNO à descensu Iacob in Ægyptum centesimo sexagesimo septimo desinente, qui in tabulis concurrit cum trigesimo secundo vitæ Moyfi, mortuus est Mamyas Rex Assyriorum, exactis in Regno annis triginta, vt scriptum est in Eusebij Chronicis.

MORITVR
MAMYLAS
REX ASSY-
RIORVM.

AB ORBE CONDITO

ANNVS 2496.

TERTIÆ MVNDI ÆTAT.

ANNVS 384.

I NNO proximo ineunte, regnauit in Assyria Sparetus Rex Assyriorum decimus- quintus, vt ibidem tradit Eusebius. Hunc Genebrardus lib. 1. suæ Chronologiæ Sphæretum appellat, eumque Syros & Phœnices subegisse affirmat.

REGNAT IN
ASSYRIA
SPARETVS.

AB ORBE CONDITO

ANNVS 2498.

TERTIÆ MVNDI ÆTAT.

ANNVS 386.

I NNO vitæ Moyfi circiter trigesimo quinto, in Attica inchoasse regnum Atheniensium, regnassequè Cecropem primum ipsorum Regem, traditur in Eusebij Chronicis: & idem affirmat Cyrillus Alexandrinus lib. 1. Contra Iulianum, non longè à principio. Hoc si verum est, oportet eundem Cecropem non sub anno vitæ Moyfi sexagesimo secundo (vt in dictis Eusebij Chronicis legimus) Athenas condidisse, sed instaurasse. quo fit vt ad veritatem propiùs accessisse videatur S. Augustinus, qui lib. 18. de Ciuit. in calce cap. 8. protulit, dictam ciuitatem sub Cecrope vel conditam fuisse, vel instauratam. Quamquam fieri potest, vt idem Cecrops eandem initio regni sui condiderit, & post plures annos instaurauerit, vel ampliari. Cur autem & quomodo illa vrbs, quæ priùs Cecropia dicta est, postea sic denominata fue-

DE INITIO
REGNI A-
THENIEN-
SIVM, ET
EIVS DV-
RATIONE.

rit, idem Sanctus ibidem in toto cap. 9. fufius ex Varrone declarat. Porrò memoratus Cecrops, vt ferunt, dictus est Diphyes, hoc est duplicis naturæ, siue ob notabilem corporis longitudinem, siue quòd cùm esset Aegyptius, vtramque linguam calleret, Græcam scilicet & Aegyptiam. Ab hoc Cecrope ad annum vigesimæ quartæ Olympiadis primum, numerantur Reges decem & septem, & principes viginti, qui cum vita principatum finiebant; intra quod tempus ostingentorū & septuaginta trium annorum multa apud Græcos mirabilia narrantur. Exinde vtrò Athenienses annui principes constitui cœperunt, & post paucos, puta sex aut septem annos, regnum Atheniensium omnino defecit, vt videre est apud Eusebium in Chronicis. *Quamuis autem* (vt ait B. Augustinus libro 18. de Ciuit. cap. 2.) *Athenienses in Gracia plurimum claruisse fateatur etiam Sallustius Romanus Historicus; plus tamen fama, quam re ipsa. Nam loquens de ipsis: Atheniensium, inquit, res gestæ, sicuti ego existimo, satis ampla magnificæq; fuerunt: verum aliquantò minores tamen, quam fama feruntur. Sed quia prouenerit ibi Scriptorum magna ingenia, per terrarum orbem Atheniensium facta pro maximis celebrantur. Ita eorum qui fecere, virtus tanta habetur, quantum eam verbis potuerit extollere præclara ingenia.* sic ille.

DE GRÆCORUM ANTIQVITATE.

2. Ceterum, post memoratum Cecropem euenisse cuncta memorabilia ac mirabilia, quæ Græci de claris istorum hominibus, heroibus, ac diis, vel fabulosis Poëtarum adinventionibus, vel Historicis tradita celebrantur; probat latè Pererius super Exodi cap. 2. disput. 3. num. 15. & ante ipsum Cyrillus Alexandrinus lib. Contra Iulianum citato. Verumtamen B. Augustinus lib. proximè adducto cap. 8. videtur oppositum docere aliquot exemplis quorundam mortuorum, qui ante Cecropem, iuxta cæcam & vanam ac superstitiosam Græcorum consuetudinem, in numerum deorum relati sunt, & præsertim Mineræ, quæ temporibus Ogygi, ad lacum qui Tritonis dicitur, virginali fertur apparuisse ætate, vnde & Tritonia nuncupata est, multorum sanè operum inuentrix; & tantò proclius dea credita, quantò minus origo eius innotuit. Et in fine eiusdem capituli addit, quòd regnante Cecrope, iam Minerva tamquam dea colebatur. Et ex his, quæ citatus Auctor ibidem in capite sequenti ex Varrone refert, idem quoque de Apolline Delphico & de Neptuno sentiendum videtur. Quare tum ob hæcenus dicta, tum etiam ob rationes quas sub anno mundi 2092. num. 1. adduximus, non videtur omnino firma prædicta Pererij aliorumque opinio, quoniam omnibus circumspèctis, non videtur certò signari posse tempus, quo primum dii Græcorum in terris viuere colive cœperint.

AB ORBE CONDITO

TERTIÆ MVNDI ÆTAT.

ANNVS 2503.

ANNVS 391.

MOYSES RELICTA PHARAONIS AVLA TRANSIT AD HEBRÆOS.

ANNO ætatis suæ quadagesimo propè, vt arbitror, expleto, Moyfes (quem admodum traditur Actorum cap. 7. vers. 23.) qui iam dudum à parentibus acceperat, & tum ex nominis sibi impositi significatione, tum ex circumcisionis signo in propria carne comperito, comprobauerat, se non esse naturalem filium filix Pharaonis, sed adoptiuium; verè autem de parentibus Hebræis fuisse genitum: diuino quodam instinctu, relicta Pharaonis aula, profectus est ad fratres suos Hebræos, palamque negauit se esse filium filix Pharaonis, *magis eligens affligi cum populo Dei, quam temporalis peccati habere incunditatem; maiores diuitias æstimans thesauro Aegyptiorum improprium Christi, aspiciebat enim in remunerationem.* sic de ipso loquitur Apostolus ad Hebræos cap. 11. vers. 24. & sequentibus. Cùm autem vidisset Moyfes Hebræorum afflictiones, & virum Aegyptium percutientem quemdam de Hebræis, ac circumspiciens aduertisset adesse neminem, qui eum accusare posset; confestim percussit Aegyptium abscondit fabulo. Quod diuino actum spiritu Moysen fecisse, tamquam potestatis sibi à Deo traditæ conscium, pro Hebræorum defensione ac liberatione ab iniuriis Aegyptiorum, satis apertè colligunt Doctores ex Actorum cap. 7. vers. 25. vbi legimus: *Existimabat autem intelligere fratres, quoniam Deus per manum ipsius daret salutem illis, at illi non intellexerunt.* Est enim ac si dixisset: Existimabat Moyfes, ex illa Aegyptij occisione Hebræos facillè adduci potuisse in cognitionem diuinæ dispositionis, vtique ipsi Moyfi iam notificatæ; nimirum quòd Deus destinasset per manum eiusdem Moyfi eos à tyrannide Aegyptiaca liberare. Verum ipsi tale mysterium non intel-

intelllexerunt: nam altera die, cum niteretur Moyses pacem componere inter duos Hebræos inuicem rixantes, redarguissetque eum qui alteri faciebat iniuriam: ille audacter ei respondit, dicens: *Quis te constituit principem & iudicem super nos? num occidere me tu vis, sicut heri occidisti Aegyptium?* Quamobrem perterritus Moyses, quod præter opinionem cognouisset iam esse vulgatum homicidium ab ipso factum, & quod propterea Pharaon quereretur eum ad necem, ipse protinus relinquens Aegyptum, clam aufugit in terram Madian, Exod. cap. 2. vers. 11. & sequentibus. Non igitur ob Aegyptiorum inuidiam qua in Moysen exarserant, quando de Aethiopibus victoriam reportarat, quærebat Pharaon interficere ipsum Moysen, vt putant Iosephus 2. Antiq. cap. 9. & ex Artapano Eusebius lib. 9. de Præparatione Euangelica cap. vlt. sed quia audierat, ipsum occidisse Aegyptium, sicuti ex sacra Scriptura dictum est. Porro Moyses, cum peruenisset in terram Madianitarum, ad quemdam puteum obiter defendit quasdam puellas ab iniuria pastorum; quamobrem hospitio deinde susceptus à Raguele prædictarum puellarum patre, iurauit se mansurum cum eo: accepitque Sephoram filiam eius in coniugem, ex qua multo post tempore duos genuit filios, & primum quidem vocauit Gerson, alterum verò Eliezer, Exod. cap. 2. vers. 12. vsque ad 23.

FUGIT IN
MADIAN.

2. Mansit autem Moyses in terra Madian annis quadraginta, vt patet Actorum cap. 7. vers. 30. vbi vitam exercuit pastorem. Quæ, quoniam ex vna parte plena est sollicitudinibus ac laboribus, ex alia verò, tamquam quodammodo solitaria, & à rerum vrbaniarum ciuiliūque negotiorum tumultibus aliena, rerum diuinarum contemplationi admodum accommodata esse videtur: propterea Philo in lib. de Vita Moysi primo, non valde procul ab initio, ait, quod ipse Moyses *interea exercebat se in virtutis stadio sub ratione magistra, parans se ad optima vitæ genera, ætium & contemplatiuum.* & quantum attinet ad contemplatiuum, subiungit, quod Philosophiæ dogmata euoluebat, atque etiam expedite diiudicabat, & in memoriam recondebat, vt post in suum vsum posset ea depromere. Sed fortè melius dixisset Philo, si ipsum Moysen in factis sanctorum virorum qui ipsum præcesserant meditandis, ac rebus diuinis contemplandis, vacasse scripisset. Quod verò ad ætium spectat vitam, inquit Philo, eundem Moysen omnium suæ ætatis pastorum optimum euasisse, & vtilitatis pecorum prouidentissimum, & domi nullum fugisse laborem, sed vltro & alacriter vtilitati eorum consuluisse: quocirca adeò gregum copiam auxisse, vt inuidiosus esset apud pastores, nihil simile videntes in suis gregibus; qui præclare secum agi putabant, si nihil detrimenti acciperent, mirantes illius numerum indies crescere; nec tantum singulas otes pulchrè pinguescere, verum fecunditate maiorem in modum multiplicari. Quin etiam putat Philo, quod pastoralis illa Moysis exercitatio, magna fuerit ei ad principatum præparatio. *Est enim, inquit, ars pastoralis, quasi præludium ad regnum, hoc est ad regimen hominum gregis mansuetissimi: quemadmodum bellicosa ingenia præexercent se in venationibus, experientia in feris, quæ postea in militia & bello perfectura sunt; brutis præventibus materiam exercitij, tam belli quàm pacis tempore.* At verò præfectura mansueti pecoris habet quiddam simile cum regno in subditos: ideoq. Reges cognominantur pastores populorum, non contumeliæ, sed honoris gratia. Et subdit citatus Auctor: *Quantum ego intelligo, non iuxta vulgarem opinionem, sed veritatem vestigans; (videat qui volet:) solus potest esse Rex vsquequaque perfectus, qui benè callat artem pastoritiā, & curando minora animalia, didicit quomodo præesse debeat præstantioribus: impossibile est enim, vt magna prius quàm parua perficiantur.* Hæc ex Philone.

QUAMDIU
MANSERIT
INMADIAN,
ET QUAE
IBIDEM E-
GERIT.

3. Porro Moyses in terra Madian (quemadmodum testatur Pererius super Exo. c. 3.) creditur scripsisse librum Genesis & librum Iob, vt fratres suos Hebræos tam longa grauique ac molesta seruitute afflictos consolaretur, confirmaretque insigni præsertim exemplo patientiæ S. Iob, quam deinde eximia consecuta est felicitas; necnon etiam reuocando illis in memoriam certissimas Dei pollicitationes, iam dudum Abrahæ, Isaac, & Iacob, patribus eorum factas; & eorumdem prædictiones, præsertim postremas, quas fecerant Iacob & Ioseph paulò antequam morerentur, de populo Israëlito ab Aegyptiaca seruitute liberando, ac in terram eidem repromissam introducendo. Sed quidquid sit de tempore scriptionis libri Genesis, profectò non facillè videtur admitti debere, librum Iob fuisse ab ipso Moyse in terra Madian commemorante conscriptum: quandoquidem, tamen potuisset tunc Moyses scribere calamitates quas Iob multò antea perpeffus fuerat, & subsequetas eius felicitates; tamen nullatenus videtur tunc scire aut scribere potuisse, quot annis vixerit Iob, qui tum etiam in humanis erat, vt ex his

QUANDO
SCRIPSERIT
LIBROS GE-
NESIS ET
IOB.

his quæ sub anno mundi 2399. num. 1. diximus, & sub anno 2545. num. 67. dicimus, inferri potest; & consequenter, non poterat tunc Moyses scire, quot adhuc annis ipse Iob esset superuicturus. nisi forte quis dixerit, id Moysen propheticò spiritu præcognouisse, aut ex aliorum eius bonorum duplicatione intulisse; aut postrema illa verba de annis vitæ Iob post flagella decursis, quæ in fine libri Iob expressa reperiuntur, postmodum ab aliquo alio, puta ab Efdra Sacrorum librorum recognitore, addita fuisse. Sed quoniam dehac re nihil certi astruere possumus, & Moyses, nulla facta mentione annorum quos Iob ante passionem traduxerat, absolute exprimit eos quos à calamitatibus liberatus superuixit; vnde eos non per illationem, sed absolute, tamquam iam præteritos videtur pronuntiasse: propterea anceps quoque aliquatenus remanet relata opinio, quæ ponit librum Iob à Moysè, dum pasceret foci sui greges in terra Madian, fuisse conscriptum. Quare considerandum est, num forte probabilius sit opinari, Moysen didicisse historiam Iob à filiis Esau, eiusdem Iob posteris, quando per Australis Idumææ fines cum Israëlítico populo pertransibat, & adhuc tanti viri non multò antea, vt in tabulis sequentis mundi ætatis apparet, defuncti, fama recens erat; eandemque historiam Dei monitu litteris mandare non distulisse; tum ad æternam rei memoriam posterorumque ædificationem; tum verò maxime, vt populum suum, ad sustinendas alacriter deserti illius ærumnas ac labores, sperandasque terræ eis promissæ commoditates, tali ac tam insigni recentique exemplo animaret. Quin etiam de libro Genesis posset quis probabiliter suspicari, quòd eodem quoque circiter tempore, videlicet post acceptam à Deo legem fuerit à Moysè conscriptus. Nam quod in eiusdem libri cap. 7. vers. 2. & 8. & cap. 8. vers. 20. tangitur de animalium mundorum & immundorum distinctione, non nisi Leuit. cap. 11. & Deuter. cap. 14. declaratur. vnde videtur consequi, non aliter quàm per ipsam Legem potuisse Moysi innotescere quænam essent animalia munda, & quæ immunda. Nec obstat quòd (quemadmodum sub anno mundi 1656. num. 15. probatum est) dicta distinctio locis Genes. citatis non non sit accipienda quoad esum, sed tantummodò quoad sacrificia: quia recta ratio suadet, & ex adductis Scripturæ sacræ locis simul collatis inferri potest, Moysen pariter didicisse, numquam fuisse licitum offerre Deo in sacrificiis animalia illa, quæ Lex vetuit posse ab hominibus in cibum sumi.

AB ORBE CONDITO

ANNVS 2506.

TERTIÆ MVNDI ÆTAT.

ANNVS 394.

DE ORTU
CALES.

I NNO vitæ Moysi circiter quadragesimo secundo natum esse Caleb filium Iephone, satis clarè colligitur ex Iosue 14. vers. 7. vbi legimus, quòd iste Caleb quadraginta erat annorum, quando cum ceteris exploratoribus missus fuit à Moysè ad considerandam terram promissionis: nam & hoc contigisse anno secundo ab exitu Israël de Aegypto, infra sub anno mundi 2545. num. 62. & 63. patebit. Quòd autem hinc ad illud tempus quadraginta anni interfluxerint, dubium non est, & experiri quisque potest in tabulis.

AB ORBE CONDITO

ANNVS 2514.

TERTIÆ MVNDI ÆTAT.

ANNVS 402.

AMINADAB
GENVIT
NAASSON.

A NNO ætatis suæ sexagesimo quarto, probabiliter credimus quòd Aminadab genuerit Naasson, de quo habetur in genealogia Saluatoris apud S. Matthæum. etenim oportet Naasson fuisse saltem triginta annorum, quando exiit cum populo Israël de Aegypto; erat enim tunc princeps & dux totius tribus Iudæ, vt traditur Num. cap. 1. vers. 7. Quot verò annis superuixerit Aminadab post genitum Naasson, scire non possumus; nisi, quod satis verisimile videtur, ipsum obiisse ante exitum Israël de Aegypto; alioqui ipse potius, quàm filius eius, nominatus fuisset princeps tribus Iudæ.

AB ORBE CONDITO TERTIÆ MVNDI ÆTAT.

ANNVS 2522.

ANNVS 410.

A NNO vitæ suæ centesimo trigesimo septimo impleto, Amram pater Moysi mortuus est: hoc enim anno, ut patet in tabulis, definit prædictus annorum numerus, quibus ipsum vixisse sacra tradit Scriptura Exod. cap. 6. vers. 20. quod etiam ex his, quæ de ipso Amram sub anno mundi 2386. numero 2. diximus, comprobari potest. Vnde sequitur, falsam esse quamdam Hebræorum traditionem, ab Auctore Quæstionum Hebraicarum in libros Paralipomenon relata, quodd scilicet Amram de Aegypto cum reliquis Hebræis exierit, & in deserto iussus sit dimittere uxorem, eò quodd amita eius esset; & quodd illa dimissa aliam duxerit, ex eaque filios procreauerit: de qua re nos sub anno mundi 2545. num. 54. fusiùs disputabimus. Et item, falsissimum esse Rabbiorum illud figmentum, super cap. Numer. 2. traditum, & à Genebrardo libro 1. suæ Chronologiæ relatum; quodd videlicet Amram pater Moysi vnus ex septem illis viris extiterit, qui feruntur, à mundi exordio vsq. ad finem, humanam vitam metiri. *Adam enim, inquit, vidit Mathusalem; hunc Sem, qui peruenit vsque ad Iacob, quem Amram ipse conspexit; is verò vsque ad Ahiam Silonitem vixit; à quo visus est Elias, qui vsque ad extremum orbis æuum saluus permanebit.* Manifesta sit autem huius commenti falsitas, Primò, quia supponit Amram ad sexcentos annos fuisse superstitem; siquidem natus est inchoante circiter anno quinquagesimo octauo ab introitu Israël in Aegyptum, videlicet annis centum quinquaginta octo ante exitum, ut sub anno mundi 2386. num. 2. ostendimus: & ab exitu, ad templi Salomonis foundationem, fluxerunt anni quadringenti octoginta, quemadmodum disertè traditur 3. Regum cap. 6. vers. 1. prophetabat autem Ahias Silonites sub finem vitæ Salomonis, ut patet 3. Regum cap. 11. (ponamus quodd tunc Ahias esset annorum circiter septuaginta) certè ab eo tempore vsque ad annum centesimum quinquagesimum octauum ante exitum Israël de Aegypto, numerantur plusquam sexcenti septuaginta anni. Atqui Amram tam longam duxisse vitam, aperè repugnat sacre Scripturæ, quæ conceptis verbis asserit, ipsum annis tantummodo centum triginta septem vixisse, quemadmodum supra probatum est. Deinde supponunt Rabbin, Amram vidisse ipsum Iacob; quod tamen probare non possunt. Quin potius ex his quæ nos sub anno mundi proxime citato de ortu dicti Amram diximus, apparet ipsum esse natum post annos plusquam quadraginta ab obitu Iacob.

DEORITV
AMRAM PA-
TRIS MOYSI158
480
37
675

AB ORBE CONDITO

TERTIÆ MVNDI ÆTAT.

ANNVS 2530.

ANNVS 418.

A NNO regni Cecropis Atheniensium Regis trigesimo primo, qui erat vitæ Moysi sexagesimus septimus, ut est apud Eusebium in Chronicis, & Cyrillum Alexandrinum libro 1. Contra Iulianum, non longè à principio, quos in hac parte sequimur; factum est in Thessalia Græciæ prouincia famosum illud, & à Poëtis valde celebratum, præsertim verò ab Ouidio lib. 1. Metamorphoseos eleganter descriptum diluuium, quod ad differentiam aliorum, Deucalionis nuncupatum, quia ipse Deucalion ibidem tunc regnabat; & submersis omnibus regionem illam incolentibus, præter paucos, qui ad vicinos montes confugerant; ipse solus ex his qui à montibus aliquantò longius aberant, cum vxore Pyrrha, vectus in arcula, seu parua rate, & cum summo discrimine inter vndas variè iactatus, tandem post dies nouem totidemque noctes ad Parnassum montem appulisse fertur. Huius diluuii meminit S. Augustinus lib. 18. de Ciuit. cap. 10. qui tamen etiam cap. 8. obiter dixerat, hoc diluuium fuisse minus eo quod temporibus Ogygis acciderat. De hoc eodem diluuiio Paulus Orosius lib. 1. cap. 9. aliquantulum aliter loquitur: nam quod spectat ad tempus, non parum à citatis Auctoribus differt, licet minus quàm alij. Deinde refert, quodd cum maiorem populorum Thessaliæ partem eluuius absumpsisset, pauci per refugia montium liberati sunt, maximè in monte Parnasso; in cuius circuitu tunc regno potiebatur Deucalion, qui ad se ratibus confugientes susceptos, per gemina Parnassi iuga fouis aluitque, à quo propterea genus humanum reparatum ferunt. Atque inde Deucalionis diluuium denominatum est.

DILVVIUM
DEVCALIO-
NIS QVAN-
DO ACCIDE-
RIT.

QS PHAE-
TONTISIN-
CENDIO.

2. Eodem anno, iuxta Eusebium & Cyrillum locis citatis, perinde ac si in perniciem mortalium ignis cum aqua coniurasset, aiunt contigisse incendium illud, quod Phaëtonis nuncupatur, eò quòd Phaëton (vt fabulantur) Solis filius exustus sit. De hoc Plato in Timæo, non procul ab initio, inducit quemdam Sacerdotem Ægyptium natu grandem coram Solone Græco ita loquentem: *Nam quod apud vos fertur, Phaëtonem quondam Solis filium currus ascendisse paternos, nec patris aurigatione seruata, exussisse terrena, ipsūque flammis celestibus conflagrasse, quamuis fabulosum videatur, verum quodammodo esse putandum est: fit enim longo temporum intervallo celestis circuitus permutatio quedam, quam inflammationis vastitas necessario sequitur.* sic ille. Incendij quoque huius meminit Orosius lib. 1. in calce capitis 10. hisce verbis: *Hic etiam temporibus adeo iugis & gravis estus incanduit, vt Sol per deuia transuectus, vniuersum orbem non calore affectisse, sed igne torruisse dicatur; ipsūq; feruorem & Aethiops plus solito, & insolitum Scythæ non iulerit.* Ex quo etiam quidam, dum non concedunt Deo ineffabilem potentiam suam, inanes ratiunculas conquirentes, ridiculam Phaëtonis fabulam texerunt. hucusque Orosius.

AB ORBE CONDITO

TERTIÆ MVNDI ÆTAT.

ANNVS 2535.

ANNVS 423.

MORITVR
SPARETVS
ASSYRIO-
RVM REX.

I ANNO à descensu Israël in Ægyptum ducentesimo septimo propè expleto, qui concurrit cum anno vitæ Moyſi septuagesimo secundo, vt apparet in tabulis, mortuus est Sparerus Rex Assyriorum, cum regnasset annis quadraginta, vt scribit Eusebius in Chronicis.

AB ORBE CONDITO

TERTIÆ MVNDI ÆTAT.

ANNVS 2536.

ANNVS 424.

REGNAT IN
ASSYRIA
ASCADÉS.

I ANNO immediatè sequente circiter inchoante, regnauit in Assyria Ascades, fuitque rex Assyriorum à Nino decimus sextus, vt patet ex eodem Eusebio vbi supra. In hoc Ascada Berosus Annianus suam terminat Chaldæorum historiam, quasi post ipsum nullus alius ibidem regnauerit, cum tamen Eusebius & alij, post prædictum Ascadem vsque ad Sardanapalum viginti alios Reges nominatim recenscant, ac sibi inuicem successe tradant. Quos neque verus Berosus præterisse censendus est; quippe quietiam illos Sardanapalo longè posteriores enumerauerit, qui à Nabuchodonosor Nabolassari filio vsque ad Cyrum in regno Babyloniorum successerunt; quemadmodum tradunt Iosephus lib. 1. Contra Appionem, & B. Hieronymus super Daniel. cap. 5. Ex quibus sanè elicitur, prædictum Berosum Annianum esse falsum ac supposititium, veròque Beroso contrarium.

AB ORBE CONDITO

TERTIÆ MVNDI ÆTAT.

ANNVS 2537.

ANNVS 425.

QVIS GRÆ- I
CIAM DENO
MINAVERIT
HELLEN.

I ANNO vitæ Moyſi septuagesimo quarto, quemdam Hellen, quem ferunt fuisse Deucalionis & Pyrrha filium, Græcis antea vocatis, sui nominis agnominatio- nē postea dedisse, scriptum reliquit Cyrillus Alexandrinus lib. 1. Contra Iulianum, non longè à principio. Quod etiam ab Eusebio notatum reperitur in Chronicis. Idem refert ex Thucydide Genebrardus libro 1. suæ Chronologiæ, vbi addit, id fabulosè dici, quoniā illud nomen Græci olim ab Elifa filio Iauan, vt ipse putat, acceperunt.

AB ORBE CONDITO

TERTIÆ MVNDI ÆTAT.

ANNVS 2543.

ANNVS 431.

I ANNO vitæ Moyſi octogesimo propè expleto (quod indefinitè traditur Exodi cap. 2. vers. 23. illis verbis: *Post multum verò temporis, &c.*) mortuo iam non solum illo Pharaone, qui quærebat Moyſen interficere, sed & duobus aliis ipsius successoribus, vt videre est apud Eusebium in Chronicis, ingemiscentes filij Israël sub

sub operibus, quibus ab Ægyptiis admodum præmebantur, clamauerunt ad Dominum; qui recordatus fœderis quod pepigerat cum Abraham, Isaac, & Iacob, exaudiuit eos, & decreuit non amplius differre tempus grauissimæ illius seruitutis, sed educere eos de Ægypto per manum Moyfi & Aaron; quod & protinus fecit, quemadmodum nos in sequenti ætate mundi explicabimus.

ISRAELITAE
OSTINENT
A DOMINO
LIBERARIA
SERVITUTE
ÆGYPTIA-
CA.

2 Ceterum, quia hic definit nostra hæc Tertia mundi ætas, cuius durationis tempus resultat annorum quadringentorum triginta; reddenda est ratio diuersitatis, nostræ huius supputationis & summæ, ab ea quæ reperitur apud alios Scriptores, quæ itidem varia admodum & non vniformis apud omnes est. Id autem multiplici de causa pendere potest: nimirum, quia nonnulli, vt aliàs diximus, hanc mundi ætatem exordiantur à natiuitate Abrahami, quam ponunt euenisse anno ætatis Thare patris sui septuagesimo: nos verò eandem anno eiusdem Thare centesimo trigésimo contigisse putamus; ob causas à nobis sub anno mundi 2039. num. 1. vsque ad 11. adductas. Et prætereà hanc mundi ætatem non ab ortu Abrahamæ, sed à diuinis promissionibus eidem factis anno ætatis suæ septuagesimo quinto, patris verò sui Thare ultimo, inchoandam duximus. Sic enim videtur S. Paulus ad Galatas cap. 3. vers. 17. non modò Tertie mundi ætatis terminos statuisse à promissionibus ad Legem, verum etiam numerum annorum, qui interfluxerunt, expressisse. Item quia non omnes Scriptores omnino conueniunt de anno vitæ Abrahami, quo factæ sunt ei à Domino memoratæ pollicitationes, vt sub anno mundi 2108. num. 1. tetigimus. Denique quia controuersa quoque est opinio de tempore mansionis filiorum Israël in Ægypto, aliis existimantibus illos ibidem moratos esse per annos minùs quàm ducentos, aliis ducentos decem, aliis ducentos quindecim, aliis quadringentos, aliis quadringentos triginta, aliis quadringentos septuaginta & amplius, ac demum aliis plusquam quingentos, vt sub anno mundi 2329. num. 10. notauimus, vbi numeris sequentibus de hac re latissimè disputatum est.

T A B V L Æ

Computationis, & concursus anno-
rum vitæ Patriarcharum tertiæ
Mundi ætatis.

A N N I

	Ab orbe con- dito.	Vitæ Sē- cundū Lati- nos, & Iapheth secundū Hebr.	Vitæ Ia- cudū La- tinos, & Sem se- cundū Hebr.	ADi. Vitæ Sale.	Vitæ He- ber.	Vitæ Tha- re.
Abraham, acceptis à Deo repromissionibus, egreditur de Vr. Chaldeorum, & venit in Haran inchoante hoc anno; & Thare moritur in fine anni	2113	557	555	457	390	360 205
Abraham de Haran venit in Chanaan incho. an. & in fine eiusdem anni descendit in Ægyptum.	2114	558	556	458	391	361
Reuertitur de Ægypto in terram Chanaan incho. an. Post annos 2.	2115 2	559 2	557 2	459 2	392 2	362 2
Sodomitæ recedunt à seruitute Regis Ælamitarum an.	2117	561	559	461	394	364
Chodorlahomor infert bellum Sodomitis anno Post annos 6.	2118 6	562 6	560 6	462 6	395 6	365 6
Abraham ducit Agar vxorem circa initia anni	2124	568	566	468	401	371
Agar peperit Abrahamo Ismaelem incho. anno Post annos 3.	2125 3	569 3	567 3	469 3	402 3	372 3
Moritur Zameis Rex Assyriorum sub finem anni	2128	572	570	472	405	375
Regnat Arius in Assyria incho. anno Post annos 9.	2129 9	573 9	571 9	473 9	406 9	376 9
Concipitur Isaac quarto circiter mense anni	2138	582	580	482	415	385
Sara peperit Abrahamo viro suo Isaac, anno Post annos 5.	2139 5	583 5	581 5	483 5	416 5	386 5
Agar & Ismaël eiciuntur de domo Abraham anno Post annos 12.	2144 12	588 12	586 12	488 12	421 12	391 12
Sem & Sale mortui sunt sub finem anni Post annos 2.	2156 2	600	598	500 2	433	403 2
Arius Assyriorum Rex moritur in fine anni	2158			502		405
Regnat in Assyria Analius incho. circiter anno Post annos 4.	2159 4			503 4		406 4
Isaac ducitur ad immolandum sub finem anni Post annos 12.	2163 12			507 12		410 12
Sarai mortua est sub finem anni Post annos 3.	2175 3			519 3		422 3
Abraham mittit seruum suum in Mesopotamiam an.	2178			522		425
Isaac ducit Rebecca vxorem anno Post annos 19.	2179 19			523 19		426 19
Rebecca concipit gemellos mense circiter tertio, & Analius rex Assyriorum moritur in fine anni	2198			542		445
Jacob nascitur; & Xerxes regnat in Assyria anno Post annos 14.	2199 14			543 14		446 14
Abraham mortuus est sub finem anni Post annos 4.	2213 4			557 4		460 4

A N N I												
Vitæ Na- chor filij Tha- re.	Mo- nar- chiæ Assy- riorū	Vitæ Abra- ham.	Vitæ Sare.	Regni Za- meis in Af- syria.	Ar- pro- missio- nibus.	Vitæ Is- maë- lis.	Regni Arij Regis Assy- riorū.	Vitæ Isaac.	Abe- ieclo Isma- ële.	Regni Analij in Af- syna.	Vitæ Jacob	Regni Xerxis in Af- syria.
135	98	75	65	23	1							
136	99	76	66	24	2							
137 2	100 2	77 2	67 2	25 2	3 2							
139	102	79	69	27	5							
140 6	103 6	80 6	70 6	28 6	6 6							
146	109	86	76	34	12							
147 3	110 3	87 3	77 3	35 3	13 3	1 3						
150	113	90	80	38	16	4						
151 9	114 9	91 9	81 9		17 9	5 9	1 9					
160	123	100	90		26	14	10					
161 5	124 5	101 5	91 5		27 5	15 5	11 5	1 5				
166 12	129 12	106 12	96 12		32 12	20 12	16 12	6 12	1 12			
178 2	141 2	118 2	1108 2		44 2	32 2	28 2	18 2	13 2			
180	143	120	110		46	34	30	20	15			
181 4	144 4	121 4	111 4		47 4	35 4		21 4	16 4	1 4		
185	148 12	125 12	115 12		51 12	39 12		25 12	20 12	5 12		
Ad hæc si que tempora permu- tatio Na- chor certum est: quæ vero an- nis su- perui- xerit, scire non possumus.	160 3	137 3	127		63 3	51 3		37 3	32 3	17 2		
	163	140			66	54		40	35	20		
	164 19	141 19			67 19	55 19		41 19	36 9	21 19		
	183	160			86	64		60	55	40		
	184 14	161 14			87 14	65 14		61 14	56 14		1 14	1 14
	198 4	175			101 4	79 4		75 4	70 4		15 4	15 4

	Ab orbe con- dico.	A di- luvio	He- ber.	Vitæ Mo- nar- chiæ As- syri- orum.	A re- pro- mis- sio- nis.	Vitæ Ismael Isaac.	Vitæ Isaac.
Heber ex hac vita decessit sub finem anni Post annos 6.	2217 6	561 6	464	202 6	105 6	93 6	79 6
Esau creditur vendidisse fratri primogenita anno Post annos 5.	2223 5	567 5		208 5	111 5	99 5	85 5
Xerxes Rex Assyriorum obiit sub finem anni	2228	572		213	116	104	90
Regnat Armamertes in Assyria anno Post annos 9.	2229 9	573 9		214 9	117 9	105 9	91 9
Esau quadragenarius ducit vxores alienigenas anno Post annos 11.	2238 11	582 11		223 11	126 11	114 11	100 11
Regnat Phoronæus apud Argiuos anno Post annos 9.	2249 9	593 9		234 9	137 9	125 9	111 9
Diluvium Ogygis in Græcia anno Post annos 3.	2258 3	602 3		243 3	146 3	134 3	120 3
Ismael moritur in fine anni Post annos 5.	2261 5	605 5		246 5	149 5	137 5	123 5
Moritur Armamertes Rex Assyriorum in fine anni	2266	610		251	154		138
Regnat Belochus Priscus in Assyria incho. anno Post annos 9.	2267 9	611 9		252 9	155 9		139 9
Iacob surripit paternam benedictionem fratri anno Post annos 7.	2276 7	620 7		261 7	164 7		148 7
Ducit vxores incho. an. & mense circiter 9. vel 10. na- scitur ei Ruben.	2283	627		268	171		155
Simeon de Lia nascitur mense 7. vel 8. huius anni	2284	628		269	172		156
Leui de Lia natus mense circiter 6. huius anni	2285	629		270	173		157
Iudas de Lia mense 3. & Dan de Bala mense 5. nati an.	2286	630		271	174		158
Nephtali de Bala mense 3. & Gad de Zelpha mense 5. nati anno	2287	631		272	175		159
Aser de Zelpha mense 3. & Issachar ex Lia mense 4. nati anno	2288	632		273	176		160
Zabulon mense 1. & Dina mense 11. ex Lia, & Ioseph ex Rachele in fine anni nati. vnde an. proximus	2289	633		274	177		161
Concurrit panē totus cum 1. Iosephi & Dinæ. Post annos 5.	2290 5	634 5		275 5	178 5		162 5
Iacob redire ad suos deliberat sub finem anni	2295	639		280	183		167
Clām cum tota familia reuertitur de Mesopotamia in- cho. anno Post annos 2.	2296 2	640 2		281 2	184 2		168 2
Iudas incho. an. ducit vxorem quæ mense 10. peperit ei Her.	2298	642		283	186		170
Iudas g:nuir mense 8. Onan anno	2299	643		284	187		171
Iudas genuit mense circiter 6. Sela anno	2300	644		285	188		172
Belochus Rex Assyriorum moritur in fine anni	2301	645		286	189		173
Regnat Balcus in Assyria incho. anno	2302	646		287	190		174
Iacob de Socoth venit in Salem sub finem anni	2303	647		288	191		175
Dinæ violatio contigit circa initia anni	2304	648		289	192		176
Beniamin de Iacob, & Caath de Leui incho. an. nati	2305	649		290	193		177
Ioseph venumdatus fuit Ismaelitis anno Post annos 5.	2306 5	650 5		291 5	194 5		178 5

A N N I

Abe- jecto Ismac le.	Vita Jacob	Re- gni Xer- fis Re gis Af tyrio- rum.	Regni Arma metis Bel- chi Re gis Af tyrio- rum.	Vita Rubē	Vita Si meo- nis & Leui.	Vita Iuda & Da.	Vita Neph thali & Gad.	Vita Afer & If- sachar.	Vita Zabu lon.	Vita Iose- phi & Dine.	Vita Her.	Vita Onā.	Vita Sela.	Re- gni Balei Assy- riorū Re- gis.	Vita Benia min.	Vita Caath
74	19	19														
6	6	6														
80	25	25														
5	5	5														
85	30	30														
86	31		1													
9	9		9													
95	40		10													
11	11		11													
106	51		21													
9	9		9													
115	60		30													
3	3		3													
118	63		33													
5	5		5													
123	68		38													
124	69			1												
9	9			9												
133	78			10												
7	7			7												
140	85			17												
141	86			18	1											
142	87			19	2	1										
143	88			20	3	2	1									
144	89			21	4	3	2	1								
145	90			22	5	4	3	2	1							
146	91			23	6	5	4	3	2	1						
147	92			24	7	6	5	4	3	2	1					
5	5			5	5	5	5	5	5	5						
152	97			29	12	11	10	9	8	7	6					
153	98			30	13	12	11	10	9	8	7					
2	2			2	2	2	2	2	2	2	2					
155	100			32	15	14	13	12	11	10	9					
156	101			33	16	15	14	13	12	11	10	1				
157	102			34	17	16	15	14	13	12	11	2	1	1		
158	103			35	18	17	16	15	14	13	12	3	2	2		
159	104				19	18	17	16	15	14	13	4	3	3	1	
160	105				20	19	18	17	16	15	14	5	4	4	2	
161	106				21	20	19	18	17	16	15	6	5	5	3	
162	107				22	21	20	19	18	17	16	7	6	6	4	1
163	108				23	22	21	20	19	18	17	8	7	7	5	2
5	5				5	5	5	5	5	5	5	5	5	5	5	5

	Ab orbe con- dito.	A Di- luvio.	Mo- nar- chia Af- syrio rum.	Ar- pro- chia mif- fioni bus.	Vita Iaac iecto Iſmae le.	Ab iecto Iſmae le.	Vita Iacob	Vita Rubē	Vita Sime- oni & Leui.	Vita Iude & Dan.
Ioseph præponitur cunctis seruis domini sui anno	2311	655	296	199	173	168	113	28	27	26
Iudas dat Thamar vxorē filio suo Her, quo paulo post mortuo, dar eam ipsi Onan, qui etiam obiit sub fi. an.	2312	656	297	200	174	169	114	29	28	27
Iubet Thamar manēre viduam donec creſcat Sela an.	2313	657	298	201	175	170	115	30	29	28
Iudas gignit Phares & Zaram de Thamar menſ. 7. an.	2314	658	299	202	176	171	116	31	30	29
Concurrat iſte annus magis cum 1. Phares & Zaram	2315	659	300	203	177	172	117	32	31	30
Ioseph inſons mittitur in carcerem incho. circiter an.	2316	660	301	204	178	173	118	33	32	31
Explicat ſomnia eunuchorum Pharaonis sub fin. an.	2317	661	302	205	179	174	119	34	33	32
Iaac moritur in fine anni	2318	662	303	206	180	175	120	35	34	33
Ioseph ſiſtitur coram Pharaone sub fin. anni	2319	663	304	207		176	121	36	35	34
Incipit in Ægypto fertilitas à Iosepho prædicta an.	2320	664	305	208		177	122	37	36	35
Post annos 7.	7	7	7	7		7	7	7	7	7
Fames ab eodem prænuntiata, & Phares ducit vxorem menſ. 3. anni	2327	671	312	215		184	129	44	43	42
Phares gignit Heſron incho. & Hamul deſinente an.	2328	672	313	216		185	130	45	44	43
Iacob cū ſuis deſcēdit in Ægyptum, & Iob naſcitur an.	2329	673	314	217		186	131	46	45	44
Ioseph omnē Ægypti pecuniā inſert in erariū Regis an.	2330	674	315	218		187	132	47	46	45
Accipit cuncta iumenta & pecora pro re frumentaria	2331	675	316	219		188	133	48	47	46
Emit Ægyptios & eorum terras pro cibariis an.	2332	676	317	220		189	134	49	48	47
Dat alimenta gratis, & ſementem, vt deinceps ſoluant Regi quotannis quintam fructuum partem, an.	2333	677	318	221		190	135	50	49	48
Post annos 12.	12	12	12	12		12	12	12	12	12
Iacob moritur in fine anni	2345	689	330	233		202	147	62	61	60
Post annos 8.	8	8	8	8		8		8	8	8
Baleus rex Aſſyriorum moritur in fine anni	2353	697	338	241		210		70	69	68
Regnat Altadas in Aſſyria incho. anno	2354	698	339	242		211		71	70	69
Post annos 14.	14	14	14	14		14		14	14	14
Heſron gignit Caleb anno	2368	712	353	256		225		85	84	83
Post annos 16.	16	16	16	16		16		16	16	16
Idem Heſron creditur genuiſſe Aram ſive Ram an.	2384	728	369	272		241		101	100	99
Vita ceſſit Altadas Aſſyriorum Rex in fine anni	2385	729	370	273		242		102	101	100
Regnat in Aſſyria Mamithus: & in Ægypto naſcitur Amram anno	2389	730	371	274		243		103	102	101
Heſron ducit vxorem ſiliam Machir anno	2387	731	372	275		244		104	103	102
Post annos 12.	12	12	12	12		12		12	12	12
Incipit Hiſtoria libri Iob incho. an. & Ioseph in Ægypto moritur sub finem anni	2399	743	384	287		256		116	115	114
Post annos 7.	7	7	7	7		7			7	
Iob post flagella, accipit à Domino bona cūcta duplicia.	2406	750	391	294		263			122	121
Post annos 6.	6	6	6	6		6			6	6
Heſron creditur genuiſſe Segub anno	2412	756	397	300		269			128	127
Post annos 3.	3	3	3	3		3			3	3
Mamithus Rex Aſſyriorum moritur sub finem anni	2415	759	400	303		272			131	
Regnat Mancaleus in Aſſyria incho. anno	2416	760	401	304		273			132	
Post annos 5.	5	5	5	5		5			5	
Leui moritur in fine anni	2421	765	406	309		278			137	
Post annos 16.	16	16	16	16		16				
Caath migrat è vita sub finem anni	2437	781	422	325		294				
Regnat in Ægypto Amenophis, qui aſſligit Hebræos	2438	782	423	326		295				
Post annos 7.	7	7	7	7		7				

A N N I

Vitæ Neph- thali & Gad.	Vitæ Afer & Issa- char.	Vitæ Za- bu- on.	Vitæ Io- seph & Diné.	Vitæ Her.	Vitæ Onâ.	Vitæ Sela.	Re- gni Balei in Af- syria.	Vitæ Ben- ia- min.	Vitæ Ca- ath.	Vitæ Pha- res & Za- ram.	Vitæ Hef- ron.	A de- scen- sion Jacob in Æ- gyptum	Vitæ Iob.	Regni Alta- da in Assy- ria.	Vitæ Arâ in Ram.	Regni Ma- mithi in Af- syria.	Vitæ Am- ram.	Regni Man- calei in Af- syria.	Regni Ame- no- phis in Æ- gypto
25	24	23	22	13	12	12	10	7	7										
26	25	24	23	14	13	13	11	8	8										
27	26	25	24			14	12	9	9										
28	27	26	25			15	13	10	10										
29	28	27	26			quot verò annis super- uixerit	14	11	11	1									
30	29	28	27			scire non possumus.	15	12	12	2									
31	30	29	28				16	13	13	3									
32	31	30	29				17	14	14	4									
33	32	31	30				18	15	15	5									
34	33	32	31				19	16	16	6									
7	7	7	7				7	7	7	7									
41	40	39	38				26	23	23	13									
42	41	40	39				27	24	24	14	1								
43	42	41	40				28	25	25	Qua- diu ve- rò su- perui- xerint, igno- ramus.	2	1	1						
44	43	42	41				29	26	26	3	2	2							
45	44	43	42				30	27	27	4	3	3							
46	45	44	43				31	28	28	5	4	4							
47	46	45	44				32	29	29	6	5	5							
12	12	12	12				12	12	12	12	12	12							
59	58	57	56				44	41	41	18	17	17							
8	8	8	8				8	8	8	8	8	8							
67	66	65	64				52	49	49	26	25	25							
68	67	66	65					50	50	27	26	26	1						
14	14	14	14					14	14	14	14	14	14						
82	81	80	79				64	64	64	41	40	40	15						
16	16	16	16				16	16	16	16	16	16	16						
98	97	96	95				80	80	80	57	56	56	31	1					
99	98	97	96				81	81	81	58	57	57	32	2					
100	99	98	97				82	82	82	59	58	58		3	1	1			
101	100	99	98				83	83	83	60	59	59		4	2	2			
12	12	12	12				12	12	12	12	12	12		12	12	12			
113	112	111	110				95	95	95	72	71	71		16	14	14			
								7	7	7	7	7		7	7	7			
ad obitum Iosephi ceteros eius fratres fuisse super-								102		79	78	78		23	21	21			
ex sacris Scripturis colligi potest : quot verò annis								6		6	6	6		6	6	6			
li superuixerint , nequaquam ; vno dumtaxat Leui								108		85	84	84		29	27	27			
pro, quem constat annum vitæ centesimum trigesi-								3			3	3		3	3	3			
septimum expleuisse.								111	Hucusque		87	87		32	30	30			
									reperimus										
								112	vixisse Hef-		88	88		33		31	1		
									ron , quot		5	5		5		5	5		
								117	verò annis		93	93		38		36	6		
								16	amplius		16	16		16		16	16		
								133	vixerit, ne- scimus.		109	109		54		52	22		
											110	110		55		53	23	1	
											7	7		7		7	7	7	7

	Ab Or- be con- dito.	ADI- lunio	Mo- nar- chia Afly- riorum.	A re- pro- mis- sioni- bus.	Abe- jecto Iſmae- le.	Ab in- troitu Iacob in Æ- gyptu.	Vitæ Iob.	Vitæ Am- ram.
Mancalæus Aflyriorum Rex moritur sub finem anni	2445	789	430	333	302	117	117	60
Regnat in Aflyria Iphereus inchoante anno Post annos 6.	2446 5	790 5	431 5	334 5	303 5	118 5	118 5	61 5
Aram creditur genuisse Aminadab inchoante anno Post annos 4.	2451 4	795 4	436 4	339 4	308 4	123 4	123 4	66 4
Amenophis præcipit obstericibus, vt interficiant Hebræos mares, anno Post annos 2.	2455 2	799 2	440 2	343 2	312 2	127 2	127 2	70 2
Nata est Maria soror Moyſi anno Post annos 4.	2457 4	801 4	442 4	345 4	314 4	129 4	129 4	72 4
Natus est Aaron inchoante anno Post annos 2.	2461 2	805 2	446 2	349 2	318 2	133 2	133 2	76 2
Amenophis iubet Hebræos mergere paruulos mares in flumen, anno	2463	807	448	351	320	135	135	78
Nascitur Moyſes de Amram & Iochabed coniugibus anno	2464	808	449	352	321	136	136	79
Moritur Iphereus Rex Aflyriorum in fine anni	2465	809	453	353	322	137	137	80
Regnat Mamylas in Aflyria inchoante anno	2466	810	451	354	323	138	138	81
Moyſes ablactatus traditur filia Pharaonis anno	2467	811	452	355	324	139	139	82
Decesſit Amenophis Rex Ægyptiorum deſinente anno Post annos 2.	2468 2	812 2	453 2	356 2	325 2	140 2	140 2	83 2
Creduntur nati in Græcia Prometheus, Atlas, & Argus an. Post annos 14.	2470 14	814 14	455 14	358 14	327 14	142 14	142 14	85 14
Iofue nascitur ex patre Nun inchoante anno Post annos 9.	2484 9	828 9	469 9	372 9	341 9	156 9	156 9	99 9
Ferunt Moyſen bellasse contra Æthiopes anno Post annos 2.	2493 2	837 2	478 2	381 2	350 2	165 2	165 2	108 2
Defunctus est Mamylas Rex Aflyriorum in fine anni	2495	839	480	383	352	167	167	110
Regnat in Aflyria Sparetus inchoante anno Post annos 2.	2496 2	840 2	481 2	384 2	353 2	168 2	168 2	111 2
Regnat in Græcia Cecrops 1. Atheniensium Rex anno Post annos 5.	2498 5	842 5	483 5	386 5	355 5	170 5	170 5	113 5
Moyſes de curia Pharaonis redit ad fratres suos Hebræos in fine anni Post annos 3.	2503 3	847 3	488 3	391 3	360 3	175 3	175 3	118 3
Nascitur Caleb filius Iephone inchoante anno Post annos 8.	2506 8	850 8	491 8	394 8	363 8	178 8	178 8	121 8
Aminadab creditur genuisse Naaffon inchoante anno Post annos 8.	2514 8	858 8	499 8	402 8	371 8	186 8	186 8	129 8
Amram pater Moyſi moritur in fine anni Post annos 8.	2522 8	866 8	507 8	410 8	379 8	194 8	194 8	137
Factum est diluuium Deucalionis in Græcia anno Post annos 5.	2530 5	874 5	515 5	418 5	387 5	202 5	202 5	5
Sparetus Rex Aflyriorum mortuus est in fine anni	2535	879	520	423	392	207	207	
Regnat in Aflyria Afcades inchoante anno	2536	880	521	424	393	208	208	
Græcia ab Hellen Deucalionis filio Helles denominatur Post annos 6	2537 6	881 6	522 6	425 6	394 6	209 6	209 6	
Iſraëlitarum clamant ad Dominum, qui parat educere eos de Ægypto per manum Moyſi, anno	2543	887	528	431	400	215	215	

A N N I

Vitæ Aræ.	Regni Mancæi in Af- fyria.	Regni Ame- nophis in Æ- gypto.	Regni Iphe- rei in Assy- ria.	Vitæ Ami- nadab.	Vitæ Mari- goris Moy- fi.	Vitæ Aa- ron.	Vitæ Moy- fi.	Regni Ma- mylæ in Af- fyria.	Vitæ Iofue.	Regni Spa- reti in Affy- ria.	Regni Cecro- pis i. Athe- nien- fium Regis	Vitæ Caleb.	Vitæ Naaf- fon.	Regni Afcæ in Af- fyria.
62	30	8												
63		9	1											
5		5	5											
68		14	6	1										
		4	4	4										
Quæ- verò annis Aram fuper- uixerit necim- us.		18	10	5										
		2	2	2										
		20	12	7	1									
		4	4	4	4									
		24	16	11	5	1								
		2	2	2	2	2								
		26	18	13	7	3								
		27	19	14	8	4	1							
		28	20	15	9	5	2							
		29		16	10	6	3	1						
		30		17	11	7	4	2						
		31		18	12	8	5	3						
				2	2	2	2	2						
				20	14	10	7	5						
				14	14	14	14	14						
				34	28	24	21	19	1					
				9	9	9	9	9	9					
				43	37	33	30	28	10					
				2	2	2	2	2	2					
				45	39	35	32	30	12					
				46	40	36	33		13	1				
				2	2	2	2		2	2				
				48	42	38	35		15	3	1			
				5	5	5	5		5	5	5			
				53	47	43	40		20	8	6			
				3	3	3	3		3	3	3			
				56	50	46	43		23	11	9	1		
				8	8	8	8		8	8	8	8		
				64	58	54	51		31	19	17	9	1	
				Quam- diu ve- rò fu- peruixe- rit Ami- nadab, Ecce nō pollu- mus.	8	8	8		8	8	8	8	8	8
					66	62	59		39	27	25	17	9	
					8	8	8		8	8	8	8	8	
					74	70	67		47	35	33	25	17	
					5	5	5		5	5	5	5	5	
					79	75	72		52	40	38	30	22	
					80	76	73		53		39	31	23	1
					81	77	74		54		40	32	24	
					6	6	6		6		6	6	6	2
					87	83	80		60		94	38	30	8

ANNALES SACRI


QUARTÆ MVNDI ÆTATIS

A V C T O R E

AVGVSTINO TORNIELLO

NOVARIENSI

Congregationis S. PAULI Clerico Regulari.



RELI QVVM est, vt ad primi huius Tomi absolutionem, quemadmodum ab initio indicauimus, Deo votis annuente, tradamus Annales sacros Quartæ mundi ætatis, quam ab exitu Israëlitarum de Ægypto auspicari, & ad tempus quo Salomon prima Templi fundamenta iacere exorsus est, deducere oportebit.

AB ORBE CONDITO QVARTÆ MVNDI ÆTAT.

ANNVS 2544.

ANNVS 1.



NNO vitæ Moyſi octogefimo expleto, vt infrà num. 4. ostendimus, hoc est octogefimo primo circiter inchoante, & pariter, vt arbitror, menſe Adar incipiente, volens Dominus, quemadmodum dictum est, educere populum suum de Ægypto per manum ipsius Moyſi, qui tum paſcebat oves focii ſui in terra Madianitarum, apparuit ei in flamma ignis de medio rubi, vt latè deſcribitur Exod. cap. 3. Cùm enim quadam die minaſſet gregem Moyſes ad interiora deſerti, in ea parte montis Sinai, quæ etiam dicebatur Horeb; contigit ipſum procul videre quemdam rubum vndique inflammatum atque accenſum, qui tamen omnino permanebat illæſus. Mirabilis certè erat hæc viſio, ſed nihilominus etiam, ad designanda ea quæ breuì in populo Iſraëlitico complenda erant, admodum accommodata: quandoquidem, prout eam exponit ad litteram Philo Iudæorum diſertiffimus lib. 1. de Vita Moyſi, proculdubio ſignabat portendebatque, Hebræos, qui tunc ab Ægyptiis valdè fatigabantur, nequaquam in tantis laboribus ac calamitatibus perituros, ſed ex illo tribulationum incendio breuì mira Dei operatione illæſos atque incolumes euafuros. Etenim rubus, frutex admodum debilis cùm ſit, ac ſe ipſum ſuſtinere non valens, & inſuper etiam adeò ſenticoſus, vt pænè ſolo contactu vulnera poſſit infligere, præmonſtrabat Hebræorum debilitatem, diuina virtute adeò validam breuì futuram, vt multis plagis veluti ſpinis Ægyptios eſſet vulneratura. Sed non hæc ſtatim Moyſes intellexiſſe videtur: nam rei nouitate obſtupefactus, cùm veller curioſius accedere, & ſcrutari quidnam hoc eſſet; illicò audiuit Deum, vel potiùs Angelum Dei vice de medio rubi dicentem ſibi, ne appropriaret, quin potiùs calceamenta exueret, ob-

MIRABILIS
RVBIVISIO
MOYſI DE-
MONSTRATA.

ETVSDEM
VISIONIS
SIGNIFICATIO.

LOQVITVR
MOYſI DE
RVBDO-
MINVS.

reuerentiam loci, qui sanctus admodum erat, & continuo subiungentem, se Deum esse Abraham, Isaac, & Iacob: quibus auditis, Moyses præsancto Dei timore non solum statim nudauit pedes, sed etiam compressa videndi curiositate, operuit faciem suam, cum magna animi corporisque submissione expectans quid sibi Dominus imperaret. Ille verò aperuit ei consilium suum de filiis Israel ab Aegypto educendis, & de ipso met hac de causa ad Pharaonem delegando: qui de se humiliter sentiens, ac tanto operi se imparem iudicans, nitebatur huiusmodi prouinciã declinare. Videns autem, Deum ita de se disposuisse, rogabat eum indicare sibi nomen suum, vt Pharaoni ac filiis Israel sciscitantibus renuntiare posset, à quonam missus esset ad eos. Cui Deus: *E GO SVM*, inquit, *QVI SVM*, sic dices filiis Israel: *QVI EST*, misit me ad vos. Et iterum: *Hac dices filiis Israel: Dominus Deus patrum vestrorum, Deus Abraham, Deus Isaac, & Deus Iacob, misit me ad vos.*

EXPONITVR
LOCVS GE-
NESEOS.

2. Ex quo responso manifestum est, Deum bina indicasse Moysei nomina, alterum quo viris doctis ac sapientibus, alterum quo & vulgariis & imperitis satisfacere posset. Quid est autem, *QVI EST*? nisi (per excellentiam acceptum) Qui super omnes est, & qui verè & absolute atque independentem ex semetipso est, & ita est, vt non possit non esse: & idem incommutabiliter fuit semper, eritque in æternum. hoc namque soli Deo conuenit; quoniam omnes creaturæ pendent in esse à Deo, & nulla ipsarum semper fuit, aut omnino immutabilis est: cunctæ enim res creatæ possunt non esse, quin etiam quando sunt, plus habent de non esse, quàm de esse, quandoquidem singulæ suum tantum particulare habent esse, vt verbis gratia, homo habet solum esse hominis, & habet non esse ceterarum omnium rerum. At verò Deus, cum sit fons & origo totius esse, longè excellentiori modo, quàm in ipsismet rebus, habet in se esse cunctarum rerum: quemadmodum, exempli causa, calor longè perfectiori modo reperitur in igne, qui est veluti fons caloris, quàm in qualibet alia re calida per virtutem ignis: in hoc namque sensu verissimum est illud Philosophorum axioma: *Propter quod vnumquodque tale, & illud magis*. Sed hæc non omnes Israëlita, imò pauci eorum capere potuissent; propterea, vt dixi, continuo Dominus aliud proximè memoratum nomen subiunxit, quod æquè ab omnibus capi poterat, mandauitque Moysei vt iret ad seniores Israël, ac deinde cum ipsis ad Pharaonem; & non modò indicauit ei verba quæ diceret Regi, sed etiam præmonuit, quòd non nisi post mirabiles plagas Ægyptiis ab ipso Domino infligendas, Pharaon dimissurus erat populum. Veruntamen Moyses, qui agrè admodum hanc prouinciã suscipiebat, primò cœpit dubitare, ne Israëlita sibi non crederent; deinde excusare se, quòd non esset eloquens, hoc est, nesciret loqui appositè ad persuadendum, neque quibus orationis modis animi potissimum mouerentur; denique rogare Dominum, vt potius ad hæc peragenda mitteret Messiam, qui perfectiùs omnes Dei volùtates perficeret poterat. His omnibus occurrens Dominus, primò dedit Moysei virgam & potestatem patrando cum ea res mirabiles, quas videntes filij Israël, eidem credere non recusarent; deinde promisit facturum eum valde facundum; postremò ad petitionem Messia, tamquam non malam, sed intempestiuam, nihil respondit, sed pusillanimitati eius ac tergiversationibus ex parte iratus, & ex parte cedens, assignat ei Aaronem fratrem suum, tamquam iniuncti sibi muneris focium vel adiutorem, quo veluti interprete aut oratore, vel etiam Propheta suo (vt dicitur Exodi cap. 7. vers. 1.) vtatur, pollicitus se suggesturum eis quid agere deberent; atque hoc pacto dimisit Moysen; qui venit primò ad focerum suum, deinde iterum, iubente Domino, & focero annuente, profectus est vt iret in Aegyptum cum Sephora vxore & duobus filiis suis, portans virgam Dei in manu sua.

MOYSES A
DOMINO
MITTITVR
IN AEGY-
PTVM.

CVR ANGE-
LVS VOLVE-
RIT EVM
INTERFI-
CERE.

3. Accidit autem in itinere, cum essent in diuerforio, vt occurreret Moysei Angelus Domini, velletque interficere eum. at Sephora videns viri sui periculum, & suspicata (quod erat) id fieri, quia vnus ex filiis suis adhuc erat incircumciscus, illicò arrepta acutissima petra, circumcidit eum. Vbi aduerte, quòd S. Augustinus quæst. 11. in Exodum, & lib. 4. de Baptismo cap. 24. tametsi putet prædictam occisionem ab Angelo intentatam, posse referri tum ad Moysen, tum ad filium eius; attamen videtur magis in hanc propendere expositionem, quòd Angelus voluerit occidere filium Moysei, non ipsum Moysen. & idè sensit Tertullianus in lib. Contra Iudæos, dicens, quòd filium Moysei ab Angelo fuisset præfocatus, nisi Sephora mater eius calculo præputium infantis circumcidisset. At verò B. Hieronymus super capite 5. ad Galatas, & alij multi, nihil dubitant quin voluerit Angelus occidere Moysen, non filium eius. Et reverà, si quis accuratè perpendat textum Exodi cap. 4. vers. 24. quemadmodum facit Cardinalis Bellar-

Bellarminus in lib. 2. de Sacramentis cap. 17. clarè perspicier, hoc loco B. Hieronymi potius quàm B. Augustini sententiam esse sequendam, præsertim cum in puero nulla appareat causa, cur occidi deberet: nam si quòd adhuc esset incircumcisus; illa magis erat culpa parentum, quàm sua. Itaque si vera est (vt credimus) B. Hieronymi expositio, oportet necessariò supponere, Moysen priùs aliquo modo deliquisse; alioqui cur infontem Dominus voluisset interficere? Quid igitur? certè mihi admodum probabile videtur, Moysen iturum ad fratres suos, operæpretium duxisse, priùs more gentis suæ circumcidere filios suos; & alterum quidem circumcidisse, alterum verò, importunæ vxoris precibus ac querimoniis cedendo, incircumcisum reliquisse, ac propterea meruisse ab Angelo occidi, nisi Sephora properasset circumcidere puerum, vt virum à morte liberaret: tunc enim Angelus dimisit Moysen illæsum, & recessit ab eo. Moyses autem post hæc videns, quòd nec eo casu valuit se mulier à querimonia continere, (audiuit enim eam tunc dicentem sibi: *Sponsus sanguinum tu mihi es*: ne deinceps aduersantem in via Dei haberet, & vt hisce domesticis solutus impedimentis, liberius posset Domini iussiones implere; mutato in melius consilio, vxorem liberosque ad domum soceri sui remisit, quemadmodum necessariò infert S. Augustinus in Serm. 86. de Tempore, & quæst. 12. in Exodum, ex collatione huius loci, nimirum Exodi cap. 4. vers. 24. & sequentibus, cum his quæ postea dicuntur in eodem Exod. cap. 18. vers. 1. & sequentibus, de cognato ipsius Moyli, qui vt audiuit ipsum Moysen cum suo populo deuenisse ad montem Sinai, reduxit ad eum vxorem suam cum filiis. ergo necesse est, quòd Moyses in Aegyptum pergens, remisit eos in terram Madian, ipse verò sine ipsis profecutus sit iter suum. Vt autem peruenit ad montem Dei, obuium habuit Aaron fratrem suum, sicut prædixerat ei Dominus, & post mutuos amplexus & oscula, narravit Moyses fratri omnia verba Domini. & cum peruenissent simul in Aegyptum, congregatis cunctis senioribus filiorum Israël, manifestauit eis Aaron quæ locutus fuerat Dominus Moyli; perpetratisque signis, credidit eis populus. Deinde aduenientes Moyses & Aaron Pharaonem, qui proprio nomine dicebatur Chencres, vt testatur Eusebius in Chronicis: nam Pharaò apud Aegyptios olim per multa tempora fuit nomen Regiæ dignitatis, sicuti apud Romanos Cæsar Imperatoriæ maiestatis; vt ex Manethone Aegyptiorum Scriptore refert idem Eusebius vbi supra, & Iosephus 8. Antiq. cap. 2. versus finem. Ab hoc igitur Pharaone petierunt, mandante Domino, vt dimitteret populum, quo renuente, magisque ac magis eundem laboribus aggrauante, ideoque exorta eiusdem populi murmuratione aduersus Moysen & Aaron, confugit Moyses ad orandum Dominum, qui iteratis promissionibus confirmatum denuò mittit ad filios Israël, vt protestaretur eis, se proculdubio liberaturum eos in iudiciis magnis, & in brachio excelso: verumtamen illis præ angustis spiritus non acquiescentibus, ingreditur iubente Domino Moyses cum Aarone secundo ad Pharaonem, & patris coram eo signis, quòd similia quoque permittente Deo fecissent magi à Rege vocati, nihil obtinuit. Quæ omnia fusiùs descripta inuenies Exod. cap. 5. vsque ad vers. 14. capit. 7. Fuerunt verò prædicti magi illi, quos Apostolus nominat Iannes & Mambres, ac Moyli restitisse testatur 2. ad Tim. cap. 3. vers. 8.

OBVIUM
HABUIT
AARONEM.

IPSE ET
AARON AD-
VENVIT PHA-
RAONEM.

4. Credimus autem cuncta hæc, vt num. 1. annotauimus, contigisse inchoante anno vitæ ipsius Moyli octogesimo primo. Quod satis euidenter colligi potest Actorum cap. 7. vbi vers. 23. habemus, quòd implebatur Moyli quadraginta annorum tempus, quando decreuit, relicta aula Pharaonis, redire ad fratres suos Hebræos, ac visitare illos; & vers. 29. subditur, quòd fugit in terram Madian, vbi expletis aliis quadraginta annis, vidit prædictam rubi visionem. Ex quibus locis fit planum, quòd textus Exodi cap. 7. vers. 7. vbi legimus Moysen fuisse octoginta annorum, & Aaron octoginta trium, quando locuti sunt ad Pharaonem; proculdubio debet intelligi de annis non tantummodò inchoatis, sed paucis diebus antea completis; ac si dictum esset, quòd iam paulò antè expleuerant Moyses octogesium vitæ annum, & Aaron octogesium tertium; alioqui oporteret, si ambo (vt credimus) obierunt sub finem anni quadregesimi ab exitu de Aegypto, annos totius vitæ Moyli non fuisse centum viginti, sed centum decem & nouem; & annos Aaronis non centum viginti tres, sed tantummodò centum viginti duos: aut concedere, eos non anno quadregesimo ab exitu, sed quadregesimo primo desinente esse defunctos. quæ omnia sacræ Scripturæ aduersari, ex infra dicendis manifestum fiet. Puto etiam prædicta esse acta intra primam medietatem mensis Adar; siquidem proximè insecutus est mensis Nisan, in cuius medio exiit populus de Aegypto, vt suo loco dicitur. subsequi autem apud Hebræos mensem

QUANDO
HÆC ACTA
SINT IN
AEGYPTO.

Nisan mensi Adar, infra num. 12. patebit. Ex dictis quoque sequitur, hallucinari Auctorem Chronologiae maioris Hæbræorum cap. 3. & Genebrardum in sua Chronologia, & super Psal. 104. putantes, plagas Ægyptiis à Deo inflictas, de quibus paulò post dicemus, successiue vnam post alteram anno vno integro perdurasse. Etenim hoc posito, necesse esset dicere, Moysen non nisi inchoante ætatis suæ anno octogesimo secundo exisse de Ægypto, & Aaron incipienti anno vitæ suæ octogesimo quinto, & si vterque postea vixit in deserto annis quadraginta; sequeretur, Moysen inchoasse annum vitæ centesimum vigesimum secundum, & Aaron annum centesimum vigesimum quintum, quando mortui sunt: quæ certum est Scripturæ sacræ euidenter repugnare. Quare cogimur fateri, prædictas plagas ita alteram alteri successisse, vt omnes vix integro mense perdurauerint: quod etiam Pererio super Exod. cap. 7. num. 69. placet, licet allatam à nobis rationem non tangat.

5. Itaque circa medietatem prædicti mensis Adar, cum vidisset Dominus Pharaonem tantum abesse ab intentione dimittendi populum in terram Chanaan, vt nec ei concedere voluerit licentiam pergendi viam trium dierum in deserto, ad sacrificandum Deo; (id enim tantummodò voluit Dominus primò requiri à Pharaone, vt etiam iustæ petitionis negatione, magis proderetur impij Regis malitia.) videns, inquam, Dominus tantam Pharaonis inclementiam erga populum suum, quem insuper etiam magis grauare non dubitabat; vt duritiem cordis eius frangeret, cœpit immittere plagas in terram Ægypti per ministerium Angelorum, iuxta illud Psal. 77. vers. 49. *Misit in eos iram indignationis suæ; indignationem, & iram, & tribulationem, immisitque per angelos malos. Malos dixit, siue dæmones indicare volens, qui verè sunt Angeli in se mali, & proprii diuinarum ultionum ministri. siue potiùs Angelos bonos vocauit malos, non in se, sed ab effectu, eò quòd iubente Deo Ægyptiis mala pœnæ ad nutum Moysi & Aaron infligerent.* Fuerunt autem istæ plagæ decem, vt in Sacro textu dinumerari potest. Prima fuit aquæ in sanguinem conuersa; Secunda, ranarum; Tertia, sciniphu; Quarta, muscarum; Quinta, mortis pecorum; Sexta, vesicarum & vicerum; Septima, grandinis; Octaua, locustarum; Nona, tenebrarum; Decima, mortis primogenitorum: diuina sic exigente iustitia, vt perfectò plagarum numero completa Ægyptiorum malitia puniretur. Quare, tametsi aliquæ aliæ à prædictis diuersæ, in Psalmo 77. & 104. recenseri videantur, illas tamen ad has reduci posse ac debere credimus, vt suis locis ostendemus. Et quidem ista flagella, licet valdè affligerent Ægyptios, tamquam iniquitatis participes, (oderant enim Ægyptij filios Israël, vt dicitur Exod. cap. 1. vers. 13. & idè contra fas eos malè tractabant,) atramentum, iusto Dei iudicio, multò magis affligebant animum Regis, qui erat primarius auctor iniquæ oppressionis Hæbræorum: videbat enim omnes subditorum calamitates, & consequenter eorumdem querelas ac maledictiones in ipsum redundare. Ne autem existimare posset Pharaon, hæc plagas non propter eius inobedientiam, sed vel casu, vel alia aliqua de causa euenire; singulas pœnæ ei, priusquam venirent, prædicebat Moyses, iubente Domino, si non imperata faceret, vt in Sacro textu obseruare licet.

6. Sanè prima plaga (quæ proximo die postquam Moyses locutus fuerat Pharaoni, subsecuta est, vt aperte colligitur Exod. cap. 7. vers. 15.) fuit mirabilis illa omnium aquarum, in tota & sola Ægypto super terram existentium, conuersio in sanguinem; ita vt etiam si tunc temporis imbres è cælo in terram cecidissent, quod tamen nunquam aut rarò ibi contingere solet, statim versè essent in sanguinem, ne ex ipsiis Ægyptij bibere possent. & hoc fortè est, quod non obscurè insinuat in Psalmo 77. vers. 44. illis verbis: *Et conuertit in sanguinem flumina eorum, & imbres eorum, ne biberent:* nullam enim hîc Moyses imbrum fecit mentionem. Hæc repentina aquarum transmutatio, duo præ ceteris maxima Ægyptiis attulit damna; alterum fuit, omnium piscium interitus, vt habetur in Textu vers. 18. & 21. & repetitur in Psal. 104. vers. 29. quod valdè molestum fuit populo, qui prius quodammodò gratis, hoc est vilè admodum pretio piscibus vesci solebat, propter maximam ipsorum abundantiam, vt colligi potest Numer. cap. 11. vers. 5. sed longè molestius fuit alterum malum, videlicet intolerabilis illa hominum ceterorumque animalium sitis, ob quam cogeabantur fodere secus ripas fluminis, & haurire inde aquas subterraneas, quales quales adinuenire poterant; non quidem puras, sed in transitu per arenosam terram aliquatenus defæcatas atque attenuatas; quas nihilominus oportet cruorem nonnihil redoluisse, fuisseque Ægyptiis valdè noxias; alioqui plaga hæc nihil eis detrimenti, sed laboris tantummodò aliquid in fodiendis puteis attulisset. Hoc autem omnino aduersaretur his quæ ex Iosepho

QUANDO
CœPIT DO-
MINVS PLA-
GIS AFFI-
CERE ÆGY-
PTVM.

QVÆ, ET
QVOT FVE-
RINT DI-
CTÆ PLA-
GÆ.

DE PRIMA
PLAGA, ID
EST, DÈ A-
QVAVM IN
SANGVI-
NEM CON-
VERSIONE.

sepho 2. Antiq. cap. 5. & Philone lib. 1. de vita Moyſi colliguntur; nimirum quòd aqua illæ mirum in modum bibentes affligebant, ita vt multi hac de cauſa perirent, alij internis doloribus acerrimè torquerentur. Quod quidem non de aquis fluuij omnino ſanguineis, ſed de iis quas ſecus flumen fodientes inueniebant accipiendum videtur: non enim veriſimile eſt, quòd effoſſis aquis aliquanto minùs ingratis ac noxiis, deteriores bibere mallent. Sed illud mirabilis erat, quòd eadem aqua in ſanguinem conuerſa, ab Hebræis ad proprios vſus hauſta, ſtatim dulcis ac potabilis efficiebatur, & continuò priſtinam naturam acquirebat, vt idem Iosephus teſtatur ibidem: Quo indicio euidenter poterant Aegyptij intelligere, eam calamitatem ad ipſorum, non Hebræorum vltionem pertinere: quin etiam ſolis ipſis Aegyptiis à Deo inſlictam, ad vlticendas iniurias, quas Hebræis intulerant; meritoque eos in fluuij aquis torqueri, quòd Hebræorum infantes in eaſdem impiè demerſiſſent. In cuius facti conſideratione, admodum appoſitè videtur vſurpari poſſe dictum illud Angeli aquarum Apocalypſ. cap. 16. verſ. 5. *Iuſus es Domine, qui es, & qui eras ſanctus, qui hæc iudicaſti, quia ſanguinem ſanctorum effuderunt, & ſanguinem eis dediſti bibere, digni enim ſunt.* Et hæc fuit prima Aegypti plaga, quæ licet integra dierum hebdomada perdurauerit, non tamen mouit Regem ad attendendum petitioni Moyſi: quoniam viderat magos quoque ſuis incantationibus ſimile quid feciſſe, ſiue in aqua pura, eis derepentè à dæmonibus allata, vt quidam putant; ſiue, vt alij, in aqua maris proximi, quæ non fuerat verſa in ſanguinem; ſiue in ea, quam de ſub terra puriorem haurire potuerunt. Verumtamen, ne ob nimiam Regis obſtinationem vniuerſa periret Aegyptus, placuit Domino, eidem aquas ſanare, & flagella quidem non auferre, ſed mutare, vt proximè dicemus. hæc tradita inuenies Exod. cap. 7. verſ. 15. vſque ad finem capituli.

7. Die circiter eiufdem menſis Adar vigefima ſecunda, manè rurfum venit Moyſes à Deo miſſus ad Pharaonem, poſtulans vt dimitteret populum: & quia id facere contempſit, ſtatim iubente Domino per Moyſen, extendit manum Aaron ſuper aquas, & protinus exorta eſt infinita ranarum omnis generis multitudo, quæ totam Aegyptum moleſtiſſimè infeſtauit: ſiquidem ſaltantes vbique penetrabant, & cuncta fœdabant, domos, cubilia, menſas, veſtimenta, & quidquid ad vſus hominum pertinebat: omneſque Aegyptiorum ſenſus perturbabant; viſum, figuræ colorisque deformitate; auditum, aſſidue moleſtiſſimæque coaxando, diu noctuque nullam hominibus quietem concedentes; guſtum, eſt ulenta omnia ac poculenta conſpurcantes; odoratum, intolerabilem exhalantes fœtorem; quin etiam ipſe huiuscemodi abominabiliù ranarum contactus, qui frequens & ineuitabilis erat, non ſine magno horrore ferri poterat. Denique tanta fuit & tam moleſta huiuscemodi plaga, vt vix vno die eam ſuſtinere potuerit Pharaon: nam cum rogafſet Moyſen pro remotione ranarum, promittens ſe diſmiſſurū Hebræos, interrogafſetque eum Moyſes, quando vellet abigi ranas, illeque Cras reſpondiſſet, in craſtinum id quantocyùs fieri curauit. Igitur orante Moyſe mortuæ ſunt omnes ranæ, ſtatimque eas Aegyptij in imenſos quosdam aggeres congregarunt. Videns verò Deus infidelitatem Pharaonis, qui ranarum infeſtatione liberatus, quod promiſerat, præſtare neglexit; mandauit Moyſi vt iuberet Aaronem extendere manum, ac percutere virga puluerem terræ, qui ſtatim verſus eſt in ſciniphes, multitudine innumerabiles, vt ex Sacro textu colligitur, qui Exodi cap. 8. v. 17. poſtquā dixit: *Et extendit Aaron manum, virgam tenens; percuſitque puluerem terræ, & facti ſunt ſciniphes in hominibus; & in iumentis*, protinus addit: *Omnis puluis terræ verſus eſt in ſciniphes.* Quid autem per ſciniphes Scriptura intelligat, controuerſum eſt apud Auctores. Hebræi namque & quidam ex Latinis putant fuiſſe pediculos. Quibus non poſſum aſſentiri; quoniam pediculi non ex puluere, ſed ex carne præſertim humana naſcuntur. Alij verò dicunt fuiſſe culices, hoc eſt, muſcas illas paruulas, quas hodie Romani vulgò zampanas vocant. Sed mihi magis probabile videtur, quòd fuerit illa pulicum ſpecies quæ ex puluere gignitur, & vnde alia etiam nomen acceperunt: iſtiusmodi enim pulices ſunt hominibus & iumentis aliſque animalibus omnium ſui generis infeſtiſſimi; ita vt præ nimia moleſtia quam eis inferunt, aliquando etiam leones ad ſe in aquis præfocandos adigiſſe dicantur. Porro ad ſic fontiendum hæc me mouent: Primò, quia culices ad muſcarum genus, & conſequenter ad quartam plagam, quæ fuit omnis generis muſcarum, pertinere noſcuntur. Secundò, quia culices non modò non ex puluere, vt pulices, ſed e contrariò in locis paluſtribus & humidioribus, & iuxta aquas, præſertim ſtagnantes, gigni ſolent, quemadmodum experimento videmus, & teſtatur Albertus Magnus lib. 26. de Animalibus, vbi licet ſub nomine ſciniphum deſcribat ipſas zampanas, facit tamen eas à culicibus

DE SECVN-
DA PLAGA,
QVÆ FUIT
RANARVM.

TERTIA
PLAGA, SCZ-
NIPHVM.

diuerſas ratione aculei, quem in culice ait eſſe acutiſſimum, & ad terebrandam penetrandamque duriorem animalium pellem aptiorem. Ex quo videtur colligi poſſe, ipſum ibi per culices intelligere voluiſſe muſcas quas vocant caninas, vel equinas, quæ proculdubio habent aculeum multò fortiorem quàm zampanæ. Tertiò, quia Scriptura ſacra nullibi innuit, ſciniphes habuiſſe alas, aut volaſſe, vt faciunt culices, ſed quòd facti ſunt, inquit, ex puluere, & erant in hominibus & iumentis, nimirum eo modo, quo in iſpis reperiuntur pulices. Quartò, quia de hac ſciniphum plaga Philo lib. 1. de Vita Moyſis, ſcribit in hæc verba : *Qui (ſubaudi Aaron) vbi terram virga percuſit, tot ſciniphes ex ea profuſi ſunt, vt velut extenſa nubes totam obtineret Aegyptum, id animal eſt moleſtiſſimum, quamvis minutum admodum : nam non ſolam ſuperficiem cutis ladit pruritu noxio, verum etiam interiora per aures naresque penetrat. inuolat & in oculos, niſi quis caueat, ſed qui cauere poterant tot dira examina?* hæc Philo. Quæ quidem non magis videntur competere poſſe culicibus, quàm pulicibus, qui ex puluere virga percuſſo & commoto egredientes, & ſaltibus commiſtiſim & conſuſe inter ſe colluctantes, primò quidem, veluti quadam nube atra & extenſa, totam terræ Aegypti operire ſuperficiem videbantur; mox verò ſtatim ſic auidè in omnes hominum iumentorumque corporum partes ſeſe inſigere cœperunt, quaſi diuturnam famem explere cupientes, & licet ordinariè pulices non ſoleant ſuis ſaltibus in oculos inuolare; tunc tamen præ iſporum multitudine (vt poſtrema Philonis verba indicant) id etiam feciſſe credendum eſt. Denique, quia neque Scriptura ſacra neque Philo in ipſa ſciniphum deſcriptione quidquid innunt de illo exili quidem, ſed proportionè corporis magno, & aliquantulum formidoloſo culicum ſono, ſiue fuſſurru, quo non mediocriter terrent moleſtantiſque homines; quod vtique non vidèretur omnino præteriri debuiſſe, ſi ſciniphum vocabulo culices, non autem pulices, qui nullum proſuſ edunt ſonum, accipi debere voluiſſent. Ex his ergo omnibus ſatis conſtare putamus, noſtram hanc opinionem, tamquam probabiliorem, aliis eſſe præferendam. Quidquid ſit, conſtat hos ſciniphes (quæ fuit tertia Aegypti plaga) fuiſſe tum hominibus tum iumentis moleſtiſſimos, ac pænè intolerabiles. Sed & illud mirabile fuit, quòd hoc prodigium magi, qui & ipſi cetera pariter ediderant, ſuis incantationibus efficere non valentes, compulſi ſunt, ad maiorem Pharaonis conſuſionem, inſirmiorumque in fide confirmationem, illis verbis, *Digitus Dei eſt hic*, fateri diuina tantum vi id eſſe factum. Qua in re, mira Dei tum potentia tum prouidentia demonſtratur. Potentia; quòd ei ab inimicis quoque ſuis vel inuitis teſtimonium perhiberi cernimus. Prouidentia; quia permittendo magos maiora facere, nempe ranas ac ſerpentes, non autem minora, nimirum ſciniphes, animalia pænè omnium minutiſſima, admodumque imperfecta, & ex putri materiæ gigni ſolita; ſuperborum dæmonum, qui mirabilia Dei opera aliquomodo æmulari conantur, imbecillitatem detegit. Nam ſi ipſi ne minima quidem fine Dei permiſſu facere valent; proculdubio, quando maiora faciunt, non niſi Deo permittente ea facere poſſe conuincuntur. Permittit autem eos diuina prouidentia interdum ſigna quædam apparentia facere, veris miraculis ſimillima; ſicuti etiam hæreticos falſas doctrinas tradere, licet prima fronte valdè plauſibiles, vt iuſto Dei iudicio in errorem inducantur reprobi, & iuſtorum fides magis exerceatur ac probeatur, iuxta illud Apoſtoli 1. Cor. cap. 11. verſ. 19. *Oportet & hæreſes eſſe, vt & qui probati ſunt, maniſeſti ſiant in vobis.* Sed hoc proſequi argumentum, non eſt præſentis negotij. Ceterum Pharaon nec magis quidem ſuis fidem adhibens, ſed in obſtinatione ſua perſeuerans, meruit à Domino quarta plaga puniri; propterea enim Moyſes, iubente Deo, comminatus eſt ei immittere altera die in omnem terram Aegypti, præterquam in terram Geſſen, vbi habitabant Hebræi, omne genus muſcarum. quod & ſequenti die factum eſt. Neque verò leuis fuit hæc plaga. nam præter intolerabilem quodammodo moleſtiam, quam ſolent hominibus inferre communes muſcæ; quis neſciat eſſe quaſdam, quas cœnomyias, hoc eſt caninas vocant, quæ aculeos adeò acriter inſigunt, vt non teneiorem hominum tantum, ſed duriorem quoque canum iumentorumque pellem penetrare valeant, & ſanguinem cum ingenti patientis dolore fugere: harum veluti per antonomāſiam meminit Regius Propheta in Pſal. 104. verſ. 31. illis verbis: *Dixit, & venit cœnomyia, & cinifes in omnibus ſinibus eorum.* Sed & alias aiunt reperiiri magis noxias, quæ non modo feriunt aculeo, verum etiam venenofa quadam vi perimunt. In ſumma, non otioſè hæc muſca Exodi cap. 8. verſ. 24. vocatur grauiffima. Quare dubium non eſt, plagam quoque iſtam in populo fuiſſe grauiffimam; nec mirum eſſe, ſi hæc (quod prima ac tertia non feceraſt) cœgerit Pharaonem promittere Hebræis petitam diſcedendi licentiam, ſi à muſcis liber fieret. quam tamen, his ſublatis, non conceſſit. Propterea

pterea posttridie quinta plaga plexus est, nimirum pestilentia valde graui in animalibus, equis scilicet, asinis, bobus, camelis, & ouibus, quæ pascebantur in agris totius terræ Aegypti, quorum maior pars periit; reſeruatis omnibus quæ erant filiorum Israël. quod etſi poſtea Pharaonem non latuit, non tamen dimiſit populum: Exod. cap. 8. & 9. vſque ad verſ. 13. Quibus peractis, neceſſe eſt Moysen & Aaron eadem die, quam credimus fuiſſe memorati menſis Adar poſtremam, profectos eſſe de vrbe Tanim, in qua reſidere ſolebat Rex, in terram Geſſen, vbi manebant Hebræi: quandoquidem

QVINTA,
PESTILEN-
TIAE IN
ANIMALI-
BUS.

8. Circa initia menſis Niſan, vt colligitur Exodi cap. 12. verſ. 2. & 3. qui menſis tunc dicebatur menſis primus verni temporis, Deut. cap. 16. verſ. 1. & Exod. cap. 34. verſ. 18. & menſis nouorum, Exod. cap. 23. verſ. 15. & cap. 34. verſ. 18. hoc eſt, menſis nouarum frugum, vt clariuſ explicatur Exod. cap. 13. verſ. 4. & Deut. cap. 16. verſ. 1. eò quòd circa illum menſem in illis regionibus, vtpote calidioribus, ſegetes matureſcere incipiunt. Circa initia, inquam, huius menſis præcepit Dominus per Moysen & Aaron filiis Israël, vt deinceps ab hoc menſe annum ſuum inciperent. Ex quo perſpicue inferitur, eos priuſ ab alio menſe annum ſuum exordiri conſueuiſſe. Et hinc Arias Montanus in libello de Sæculis, quem in ſuo Appaſatu Bibliortum Regionum inſeruit, & alij nonnulli, deſumunt famoſam illam anni Hebræorum diſtinctionem, ſacri, & profani; dicentes, primum inchoari ſolitum fuiſſe in Vere, alterum in Autumno. & de primo quidem nemo dubitat; de altero autem inquirunt, Hebræos etiam vſque nunc vulgariter incipere annum ſuum à menſe, quem vocant Tyſri, qui ex parte noſtro reſponder Septembri. Quamuis autem poſſet quis ſuſpicari, Moysen fortaſſe illo præcepto reuocare voluiſſe Iſraëlitas ad propriam maiorum ſuorum conſuetudinem; quoniam ex longa mora in Aegypto, ad Aegyptiorum morem in anno exordiendo declinaſſent; qui, vt ſcribit Iſe-phus 1. Antiq. cap. 4. annum ſuum à menſe Septembri inchoabant. in cuius rei confir-mationem Cicero quoque lib. 2. de Natura deorum, & Laëtantius lib. 1. Diuinarum Inſtitutionum cap. 6. referunt, Mercurium, qui leges ac litteras Aegyptiis tradidiſſe fer-tur, appellatum fuiſſe lingua Aegyptiaca *Thooth*, eademque voce, in honorem ipſius, nominatum eſſe ab Aegyptiis primum ipſorum anni menſem, qui noſtro reſponder Septembri. Vnde non mirum eſt, ſi hæc vox *Thooth*, ad ſignificandum primum anni menſem poſtea frequenter vſurpata eſt à Ptolemæo in libris ſui Almageſti, & ab aliis huius generis Scriptoris. Attamen, quia conſtat item auctoritate Solini cap. 35. eoſdem Aegyptios quandoque etiam inchoare conſueuiſſe annum ſuum ab eo tempore, quo ſol ſignum Leonis ingreditur; & certum eſt, Hebræos quoque poſt exitum inter-dum ab Autumno annum renouare ſolitos fuiſſe, vt euidenter colligitur Exodi cap. 23. verſ. 16. & cap. 34. verſ. 22. & probari non poteſt, eos vſlo vmquam tempore ante exitum de Aegypto conſueuiſſe à Niſan inchoare annum ſuum: propterea cum Aria & aliis, hoc Moyſaico præcepto introductam puto fuiſſe memoratam Hebraici anni diſtinctionem, in ſacrum, & vulgarem ſeu communem; quando ſcilicet Moyſes Dei iuſſu præcepit Iſraëlitis, vt in poſterum ſemper ab initio menſis Niſan inchoarent annum ſuum; ita vt iſte menſis Niſan, eſſet primus in menſibus anni. quòd proculdubio factum fuit, quia in eodem menſe volebat eos Dominus educere de ſeruitute Aegyptiaca; & vt tanti beneficii memoriam perpetuò conſeruarent, inter cetera eadem de cauſa eo-demmet menſe peragenda, & quotannis repetenda, de quibus infrà num. 14. agemus, etiam nouum hoc anni principium ab ipſis celebrandum inſtituit.

9. Verumtamen quoniam hîc primum inſtitutionis Anni ſacri fecimus mentionem; operæpretium quoque erit, aliqua de ipſo diſſerere; nempe, qualis eſſet, Lunarisan So-laris, A quonam anni communis tempore initium ſumeret, Quæ eſſent nomina menſium eius, Et quis ordo, & ſi quid eſt aliud huiusmodi: hæc enim & ſimilia præcogno-uiſſe, non erit inutile, ad ea quæ in progreſſu Operis dicentur facilius capienda. Itaque primò ſupponere debemus, & pro certo habere, quòd Annus ſacer erat Solaris, aut So-lari coæquatus; alioqui præceptum illud, quod traditur Deuter. cap. 16. verſ. 1. de feſto Paſchatis in menſe nouarum frugum, qui erat primus verni temporis, celebrando, non ſemper potuiſſet obſeruari; ſiquidem illud Feſtum paulatim retrocedens, aliquando incidifſet in hieme, & in aliis anni temporibus: annus namque Lunarisan, cum vndecim diebus & quadrante, Solari ſit minôr; neceſſariò temporis ſucceſſu huiuscemodi Paſchatis mutationes induxiſſet. Quare, tametſi nemini dubium ſit, quin menſes Hebraici eſſent Lunares; quippe qui proculdubio ſemper inciperent à Neomenia ſive Nouilunio, hoc eſt, ab eo die quo primum apparere incipiebat noua Luna; & conſequenter conſtabant ſinguli viginti nouem diebus naturalibus eum dimidio; (tanto enim tem-

NVM LV-
NARIS ES-
SET, AN
SOLARIS.

poris interuallo Luna communiter cursum suum peragit, ab vna scilicet Solis coniunctione, vel potius ab vna eius renouatione ad alteram) & hanc diei medietatem alter-natum computabant, ponentes vnum mensem vigintinouem dierum, & alterum tri-ginta. Attamen, quia videbant quòd duodecim Lunationes fuis-
menses Lunares, effi-
ciebant annum continentem dies tantummodò trecentos quinquaginta quattuor, qui
propterea Lunaris annus dicitur, vt ipsum cum Solari adæquarent, addebant certis
temporibus mensem vnum, qui erat decimustertius, & ab ipsis appellabatur veAdar,
quasi alter Adar, à nostris autem Embolismus. Quomodo autem fieret hæc additio,
non conuenit inter omnes Scriptores; siquidem Carolus Sigonius lib. 3. de Repub. He-
bræorum cap. 1. dicit, quòd secundo & quarto quoque anno addebant anno Lunari
prædictum mensem decimumtertium, qui tamen continebat tantummodò viginti-
duos dies, & alternatis vicibus vigintitres, habita ratione quadrantis, vt scilicet illos vn-
decim dies cum quadrante, qui in anno Lunari deficiebant, supplerent, & sic eum an-
no Solari cõquarent. Sed hoc non videtur posse admitti; quoniam sequeretur, eos-
dem Hebræos non semper potuisse inchoare annum suum à Nouilunio; numquam
enim contingere potest, vt Luna cursum suum vigintiduorum aut vigintitrium dierum
spatio conficiat. Vnde aliter & multò melius dicit Genebrardus in calce libri 2. suæ
Chronologiæ, quòd scilicet Hebræi vsque in hodiernum diem tertio quoque anno, &
nonnumquam secundo, prout vsus postulat, vnum mensem Lunarem addere solent,
vt motus Lunæ cum Solari concordent; illumque tertium aut secundum annum, tre-
decim mensium seu Lunationum efficiunt, siue Adar postremo mense repetito, cum
hac copula veAdar, siue primo-mense iterato, cum eadem copula veNisan: ita enim
veteres dicere solitos fuisse, asserunt Talmuditæ, vt ibidem citatus Auctor refert. Sed
qui exactius clariusque scire cupit, quomodo ista adæquatio anni Lunaris cum Solari
fieret, scire debet, quòd cum annus Solaris, vt dictum est, maior Lunari sit vndecim
diebus, Hebræi per annos decem & octo continuos vnoquoque tertio anno Lunari in-
tegram addebant Lunationem, sicque fiebat tertius quisque annus tredecim mensium
Lunarium; & nihilominus aliqui semper reliqui erant dies. Nam in fine primi trien-
nii (quoniam vndecim ter ducti, faciunt triginta tres) relictis triginta pro illa Lunati-
one addita, rest ibint dies tres; & in anno sexto supererant dies sex, & in nono, nouem;
& in duodecimo, duodecim; & in decimoquinto, quindecim; & in decimo octauo,
decem & octo: in decimonono autem anno addebant aliam Lunationem viginti no-
uem dierum, quæ refulabat ex illis decem & octo diebus, qui in anno decimooctauo
remanferant, & illis vndecim qui in eodem anno decimonono pariter exuberabant; &
sic etiam annus decimusnonus tredecim menses continebat Lunares; & in eius fine, ac
initio vigesimi, desinebant pariter simulque inchoabant anni Solares ac Lunares. Et
eadem ratione, in singularis alii decennouennalibus cyclis, addito septies vno mense
Lunari, modo proximè exposito, anni Lunares cum Solaribus æquabantur. Patet ergo,
decipi plurimos ex antiquis Scriptoribus, in quorum numero Genebrardus in calce li-
bri 2. suæ Chronologiæ refert Iulium Africanum & Eusebium Cæsariensem, qui quòd
Hebræi mensibus Lunaribus vterentur, existimarunt eosdem per annos quoque Luna-
res tempora sua metiri consueuisse.

A QUO NO-
VIL/NIO
INCIPERET
ANNVS SA-
CER.

10. Initium verò sumebat Annus sacer in Vere, hoc est circa Æquinoctium vernale:
nam cum Hebræi annum suum per Lunationes distinctum reducere solerent, ratione
numero precedenti exposita, ad mensuram anni Solaris, semper inchoabant primum
Anni sacri mensem, & consequenter ipsum Annum sacrum, ab eo Nouilunio, cuius
decimaquarta dies incidebat in diem verni Æquinoctij, vel propius ipsum sequebatur,
vt dicitur in Calendario Gregoriano can. 6. qui est de Festis mobilibus. Ex quo necessa-
riò inferitur, quòd initium primi mensis non poterat præcedere vernum Æquinoctium,
nisi ad summum per dies tredecim, nec subsequi vltra dies quindecim: nam ille mens-
is, cuius Neomenia, hoc est prima luna, dictum Æquinoctium plus tredecim diebus
præcedebat, puta quattuordecim, vel amplius; necessariò oportebat quòd etiam eius de-
cimaquarta dies præcederet ipsum Æquinoctium vno die, vel pluribus: & propterea
ille non poterat esse mensis primus Anni sacri, sed vltimus, nempe Adar, non autem
Nisan. Ille verò mensis, cuius Nouilunium incidebat post memoratum Æquinoctium
plus quindecim diebus; proculdubio necessarium erat, quòd eius decimaquarta dies
distaret a dicto Æquinoctio diebus saltem viginti nouem, vel amplius; & consequen-
ter, quòd altera dies decimaquarta mensis præcedentis, incidisset vel in ipsomet Æqui-
noctij die, vel post. vnde non mensis posterior, sed prior erat primus Anni sacri, iuxta
regulam

regulam ex Calendario Gregoriano proximè petitam. Cùm igitur illà Neomenia, quæ erat principium Anni sacri, semper non multò ante vel post memoratum incideret Aequinoctium; utique sequebatur, quòd Nisan, qui erat primus Anni sacri mensis, esset etiam primus verni temporis, & semper aliquatenus concurreret cum nostro Martio, vel Aprili; & propterea Exodi cap. 34. vers. 18. & clariùs Deuter. cap. 16. vers. 1. ipse Nisan meritò appellatus fuit, mensis nouarum frugum, & primus verni temporis. Quæ circumstantiarum cõpulatione Scriptura sacra apertissimè indicat, quod nos suprà n. 8. adnotauimus, nempe fruges in illis regionibus verno circiter tempore ad maturitatem accedere consueuissè. Et licet initium mensis Nisan, non esset fixum & stabile, sed (vt ex paulò antè dictis consequitur) aliquando maturiùs, aliquando tardiùs inciperet; & vsque ad dies viginti octo interdum anticipare, aut postponere posset: non tamen propterea sequebatur, ipsum haud posse dici vereque esse mensem nouarum frugum; quia semper circa eius medietatem aliquæ fruges, vel quæ dicuntur temporaneæ, vt hordeum, vel serotinæ, vt triticum & far, (Exodi cap. 9. vers. 31. & 32.) pænè iam maturæ erant. Quo fit, vt commodè postea possent Hebræi die 16. eiusdem mensis offerre primitias messis suæ Domino, manipulum spicarum, vt præcipitur Leuit. cap. 23. v. 16. spicarum, inquam, vel hordei, quando Pascha citiùs incideret; vel tritici, quando ferius. Et hinc colligitur, decipi Sanctem Pagninum, qui pro eo quod in editione Vulgata Exod. cap. 13. vers. 4. legimus, *Hodie egredimini mense nouarum frugum*; ipse transtulit, *In mense Iulio*. & loco Deuteronomij proximè adducto, vbi dicitur, *Obserua mensem nouarum frugum, & verni primum temporis*; ipse interpretatur, *Obserua mensem Iulij*. Cuius valde erroneam opinionem optimè confutat Franciscus Ribera super Aggæi cap. 2. vbi num. 2. pluribus tum rationibus tum auctoritatibus euidentissimè probat, quòd mensis Nisan non in æstate incipiebat, sed circa Aequinoctium vernale, quemadmodum ex loco Deuteronomij citato ostensum est.

11. Ex dictis quoque sequitur, menses Hebræorum non potuisse semper ex æquo respondere nostris: quoniam sicuti Nisan ferè semper habebat habetque tempus nostri Martij & partem nostri Aprilis, vt ex paulò post dicendis palàm fiet; ita & qui illum sequuntur, puta Iar, partem nostri Aprilis & partem nostri Maij; & sic de aliis. Cuius rei ratio est, quia, vt diximus, menses Hebræorum cum essent Lunares, necessariò erant mobiles & instabiles: primus namque, vt num. præcedenti dictum est, interdum ante, interdum verò post verum exordiebatur Aequinoctium: (vt omitamus quòd ipsa quoque Aequinoctia variare, hoc est spatio vnus & centum triginta annorum, vno die retrocedere perhibentur.) vnde ad mutationem primi, ceteros quoque menses mutari necesse erat. At nostri menses, fixi sunt & stabiles; semper eodem anni tempore incipientes ac desinentes. Deinde menses Hebraici, vt diximus, alternatim habebant, vnus viginti nouem dies, alter verò triginta: nostrorum autem mensium, vnus habet dies viginti octo, alij triginta, alij triginta & vnum: propterea ferè numquam possunt cum illis prorsus coincidere. Nam licet aliquando, ante postremam Kalendarij nostri emendationem, Gregorio XIII. Pontifice Max. præstitam, quando scilicet Aequinoctium vernale cadebat in die decimaquarta nostri Martij; quotiescumque Plenilunium ipsius mensis Nisan in eodem die incidisset, tunc totus Nisan cum nostro concurrebat Martio: quia tamen noster Martius semper habet vnum aut alterum diem supra eos quos habebat Nisan, propterea non poterat postea totus Iar concurrere cum nostro Aprili: siquidem primus dies mensis Iar necessariò concurrebat cum vltimo aut pænultimo nostri Martij; & sic aliquam habebat nostri Martij partem, & reliquum Aprilis; quod etiam in aliis sequentibus adhuc magis vsuuenire necessarium erat. Similiter post dictam Kalendarij nostri correctionem, in qua verum Aequinoctium incidit in die vigesima prima Martij; cùm primus Anni sacri mensis apud Hebræos non possit (vt ex num. 10. iam dictis, necessariò deduci potest) citiùs exordiri, quàm die octaua nostri Martij, nec tardiùs quàm die quinta nostri Aprilis; & ideo mensis Nisan etiam nunc vt plurimum concurrat partim cum nostro Martio, & partim cum Aprili, plus minùsve, prout Nouilunium eius magis aut minùs præcedit vel subsequitur Aequinoctium: licet, inquam, etiam nunc possit quandoque totus Nisan coincidere cum nostro Aprili, nimirum quando Nouilunium ipsius Nisan incidit in die primo Aprilis, supposito, quòd tunc contingat ipsi in Nisan habere triginta dies, quemadmodum habet Aprilis: attamen hoc non potest sequi in aliis posterioribus mensibus; quoniam etsi Iar cum Maio pariter incipit, non tamen poterit cum ipso pariter terminare; quia Maius habet dies triginta & vnum, Iar verò solum viginti nouem, vel ad summum triginta. Quare nec

MENSES
HEBRAEO-
RVM NON
POSSVNT
EX AEQVO
RESPON-
DERE NO-
STRIS.

ipse Iar, & multò minùs reliqui Hebræorum menses poterunt penitus cum vllò ex nostris coincidere. Propter eà probare non possumus quorundam Scriptorum, ac præcipuè Chronographorum consuetudinem, qui singulos Hebræorum menses propriis nostrorum mensium nominibus appellare seu interpretari non verentur; puta pro Nisan, Martium transferentes; pro Tyfri, qui erat septimus, Septembrem; pro octauo, Octobrem; & sic de aliis. Quæ res errores confusionisve plurimas parere potest: præsertim cum, ex quo, iuxta memoratam nostri Kalendarii emendationem, Equinoctium vernum incidit die vigesimaprima Martij, fieri potest, vt aliquando Nisan nihil prorsus concurrat cum nostro Martio, sed vel totus cum Aprili, puta quando Neomenia ipsius Nisan concurrat cum prima die Aprilis, vel pro maiori parte cum Aprili, & pro reliqua cum Maio; quod proculdubio euenire necessarium est, quandocumque Nouilunium ipsius Nisan incidit in die secunda, tertia, quarta, vel quinta Aprilis: tunc enim Nisan desinet in die secunda, tertia, quarta, vel quinta Maij, & maior adhuc successiue insequentibus mensibus continget varietas. Atque in omnibus hisce casibus non poterit etiam illud verum esse, quod communiter dicitur, Nisan partem habere nostri Martij, & partem Aprilis; & Iar partem Aprilis, & partem Maij; & sic de reliquis. Itaque cum de mensibus Hebraicis loquimur, ipsorum quoque vocabulis vti debemus, si non errare ac tempora confundere paruipendimus.

MENTIUM
ANNI SACRI
NOMINA
ORDINATIM
RE-
CENSITA.

12. Sanè ordo nominaque mensium Anni sacri apud Hebræos, hæc erant. Primus dicebatur Nisan; Secundus, Iar, seu Tiar, qui & aliquando dictus est Zio, siue Zin; Tertius, Siuan, aut Sinan, vel Siban; Quartus, Tamuz, Quintus, Ab, Sextus, Elul, Septimus, Tyfri, alias Ethauin, vel Ethanim; Octauus, Methasuan, & Bul, & Marfonane, sic quippe eum vocat Iosephus 1. Antiq. cap. 4. Nonus, Chisleu, vel Casleu; Decimus, Tebeth, seu Thobeth; Vndecimus, Sebeth, siue Sabath; Duodecimus, Adar, & quandoque Adar anterior, ad differentiam alterius Adar, qui ve Adar, hoc est Adar posterior dicebatur, quandocumque (vt num. 9. diximus) addere opus erat anno mensem decimumtertium. Aduertendum verò est, ista mensium nomina posterioribus temporibus apud Hebræos fuisse introducta: nam olim menses numeris tantummodò notari solebant, vt patet Genes. cap. 8. vbi fit mentio mensis primi, secundi, septimi, & decimi. Quæ verò prius mensium nomina retulimus, Chaldaica potius quàm Hebraica extitisse creduntur, & non nisi post captiuitatem Babylonicam vtitata: cuius rei signum est, quòd in Sacris libris post ipsam conscriptis passim reperiuntur, videlicet in libris Esdræ, Esther, Zachariæ, & Machabæorum; in aliis autem non item, præterquam 3. Reg. cap. 6. vers. 1. & 38. & cap. 8. vers. 2. vbi memorantur Zio mensis secundus, & Ethanim mensis septimus, & Bul mensis octauus: quæ tamen nomina in antiquissimis codicibus nequaquam extitisse arbitror; sed post captiuitatem, ab Esdra, in sua Sacrorum librorum recognitione diuino instinctu fuisse adiecta, ad tollendam æquiuocationem, hoc est, vt sic declararet, menses illos, videlicet secundum, septimum, & octauum, non fuisse tales in ordine ad Annum communem, sicuti erant illi, quorum mentio facta fuerat Gen. cap. 8. sed in ordine ad Annum sacrum, cuius menses suo tempore talibus iam nominibus nuncupari cœperant.

SCRIPTURA
INDIFFE-
RENTER
NOTATAS
GESTAS PER
MENSES
ANNI SACRI.

13. Est etiam hoc loco valdè notandum, quòd licet Iosephus 1. Antiq. cap. 4. dixerit, Moysen ordinasse, vt mensis Nisan esset exordium anni, in his quæ ad rem diuinam pertinent; quo verò ad nundinationes rerum venalium, & ad reliquam dispensationem anni, nihil de pristino ritu immutasse: nihilominus Scriptura sacra etiam post eiusdem Anni sacri institutionem, in rebus gestis per tempora notandis, nullam ferè videtur habuisse huiusmodi distinctionis rationem: nam præter vnum atque alterum locum, nempe Exod. cap. 23. vers. 16. & cap. 34. vers. 22. vbi de nonnullis sollempnitatibus festisque diebus celebrandis agens, non Anni sacri, sed communis mentionem facit; fortè quia tunc Annus sacer, licet paulò antè iam fisset institutus, nondum tamen adhuc in vsum omnino erat introductus. De cetero, videmus eandem Scripturam indifferenter etiam ea quæ ad festiuitates cultumque diuinum non pertinent, per Anni sacri menses adnotare consueuisse, vt manifestum fiet exemplis continuò proferendis; in quibus omnibus, tum ex ipsorum mensium nominibus, tum ex eorumdem numeris, clare perspicitur, citari semper menses Anni sacri, non communis. De primo mense, legimus Esther cap. 3. vers. 7. *Mense primo, cuius vocabulum est Nisan.* vbi & vers. 12. & cap. 11. vers. 2. & lib. 2. Esdræ cap. 2. vers. 1. plura notantur, nihil ad festiuitates spectantia. Similiter de secundo mense, 3. Reg. cap. 6. vers. 1. habemus; *Mense Zio, ipse est mensis secundus;* & quæ sequuntur. De tertio, dicitur Esther cap. 8.

cap. 8. vers. 9. *Erat autem tempus tertij mensis, qui appellatur Siban.* De quarto & quinto nullum reperi Scripturæ locum, in quo nominatim recensentur. De sexto, habetur mentio 2. Esdræ cap. 6. vers. 15. & 1. Machab. cap. 14. vers. 27. De septimo, 3. Regum cap. 8. vers. 2. sic traditur: *In mense Ethanim, ipse est mensis septimus, &c.* De octauo, in eiusdem lib. cap. 6. vers. 38. *Mense Bul, ipse est mensis octauus.* De nono Zachariæ cap. 7. versic. 1. & 1. Machabæorum cap. 4. vers. 52. mensis nonus dicitur appellari Casleu. De mensē decimo, Esther cap. 2. versic. 16. *Mense decimo, qui vocatur Tebeth.* De vndecimo, Zachar. cap. 1. vers. 7. *In die vigesima quinta vndecimi mensis Sabath.* & 1. Machab. cap. vlt. vers. 14. *Mense vndecimo, ipse est mensis Sabath.* Postremò de mensē duodecimo, qui dicitur Adar, cap. libri Esther 3. non semel fit mentio, & sæpius cap. 9. Vide omnia quæ adduximus loca, & inuenies, plurima ex his quæ sub eisdem mensibus acta fuisse dicuntur, nullatenus ad sacras solemnitates cultumve diuinum pertinere; & tamen per Anni sacri menses esse notata. vt hinc discamus, Scripturam sacram post Anni sacri institutionem per eundem, non autem per Annum communem, sua metiri tempora maluisse. Quod semel hic obiter aduertisse sufficiat. Et hæc de Anno sacro eiusque mensibus, quantum huic Operi deferuire posse videatur, dicta sint; nam eiti eadem clariùs etiam innotescere possent, si hîc Kalendarium vetus Hebræorum subiungeremus: parcius tamen id facere, quia infra sub anno mundi 2545. num. 26. illud opportuniùs intexendum erit, & ad illum locum facile fuerit Lectorem quandocumque placuerit protinus transcurrere. Nunc ad id vnde digressi sumus redeamus.

14. Eodem tempore, quo Moyses iubente Deo præcepit filiis Israël, vt inchoarent Annum sacrum ab initio mensis nouarum frugum, in monumentum æternum magnæ illius ipsorum liberationis de seruitute Aegyptiaca, quam idem Dominus eodem mense transiens, ac Aegyptios percutiens, mirabiliter operari intendebat: vt eosdem Hebræos ad tantam gratiam dignè recipiendam aliquatenus præpararet, & vt gratam deinceps tanti beneficij memoriam sacratiùs recolerent, docuit illos ritum celebrandi primum Pascha, quod transitum illum Domini significabat; ad cuius similitudinem alia postmodum singulis annis perpetuò celebrarent. Igitur cum præmonuisset Hebræos Moyses, quòd in eiusdem mensis primi medietate eduçturus erat eos Dominus de Aegypto: mandauit, vt decima die illiusmet mensis, per domos ac familias suas, præpararent sibi tot agnos, siue (vt paulò post ostendemus) hædos, masculos, anniculos, nullum prorsus vitium habentes, quot opus esse viderentur, pro numero animarum quæ sufficere possent ad esum agni siue hædi, hoc est (quemadmodum ex Iosepho colligitur 1. de Bello cap. 17.) pro singulis circiter comedentium denariis vnum, seruarentque eos vsque ad decimamquartam eiusdem mensis diem; & vt ad vesperam illius diei, nimirum sole ad occasum appropinquante, siue, vt idem Iosephus ibidem exponit, ab hora nona vsque ad vndecimam, in vnaquaque domo seu familia, aut vicinorum coadunatione, agnum suum siue hædum ad hoc delectum ac præparatum, immolarent; intingentesque in eius sanguine pugillum hyssopi, ex eo aspergerent super vtrumque postem, & in superliminibus domus: futurum enim erat, vt sequenti nocte pertransiens Angelus Domini occideret vniuersa Aegyptiorum primogenita, tam iumentorum quàm hominum, illæsaque tantummodò relinqueret domos, quarum fores prædicto sanguine aspersas offenderet. In reliquo autem tempore, quod supererat ante solis occasum, videlicet ab hora vndecima ad duodecimam, volebat Dominus vt prædictas agni hædive carnes igni assarent, quas postea, sole sub horizonte delapso, quando scilicet iam cœpisset dies decimaquinta, solebant enim Hebræi inchoare ac metiri suos dies naturales ac festiuos, ab vno solis occasu ad alterum; ederent cum azymis panibus & lactucis agrestibus, ita vt nihil ex eis relinquerent, nec ossa villo modo confringerent, sed quod residuum esset, igne cremarent; nullusque alienigena comederet ex eis, nisi priùs fuisset circumcissus; Exod. cap. 12. vers. 43. vsque ad 50. Præcepit item; vt ederent festinanter, accincti renes, & calceati pedes; tenentes baculos in manibus, tamquam ad iter agendum peregrinandumque parati: ibid. vers. 3. vsque ad 15. Sunt qui putant, tunc quoque Hebræis præceptum fuisse, vt agnum comederent stantes; sed licet ipsi fortè prima vice, quòd essent in procinctu exeundi de Aegypto, stantes comederint Pascha, vt asserit B. Chrysostomus Hom. 60. ad populum Antiochenum: atramentum ex Sacris libris non apparet, quòd tale præceptum habuerint. Quin oppositum legimus à Christo, diuinæ Legis obseruantissimo, Lucæ cap. 22. fuisse factum: nam post illa verba vers. 13. *Et parauerunt Pascha.* statim subiungitur: *Et cum facta esset hora*

RITVS CE-
LEBRANDI
PASCHÆ.

hora (subaudi, illud manducandi) *discubuit, & duodecim Apostoli cum eo, & ait illis: Desiderio desideravi hoc Pascha manducare vobiscum, &c.* Ad recentitas leges in edendo Phase obseruandas, adiunctæ postea fuere aliæ, puta illa quæ Numer. cap. 9. vers. 10. præcipit, vt qui ob legalem aliquam immunditiam, vel quia tunc essent in itinere, non poterant facere Pascha in primo mense, illud deinde facerent in secundo; de qua nos sub anno insequente num. 37. agemus, & eamdem legem postea Ezechix Regis temporibus obseruatam fuisse, infra sub anno mundi 3315. num. 4. ex 2. Paralip. cap. 30. ostendimus. Alia item addita est lex Deuter. cap. 16. vers. 5. quæ cauetur, ne in quacunque vrbe, sed in loco, quem postea elegisset Dominus, conuenirent ad comedendum Pascha. Sed hæc postrema lex obligabat tantummodò, quando populus iam esset in Terra promissionis, non autem prius. Sanè quod diximus de optione seu facultate immolandi hædum loco agni, colligitur ex illis verbis Exod. cap. 12. vers. 5. *Iuxta quem ritum tollitis & hædum.* est enim sensus, ac si dictum esset: Iuxta quem ritum poteritis etiam, si placuerit, pro agno fumere hædum. Et hunc sensum confirmat sancta Romana Ecclesia, quæ in Officio sanctissimi Sacramenti canit primum Responsorium in hæc verba: *Immolabit hædum multitudo filiorum Israël ad vespæram Paschæ, & edent carnes, & azymos panes, &c.*

CVR PRÆ-
CEPERIT
MOYSES VT
HEBRÆI
MANERENT
IN DOMI-
BVS SVIS VS-
QVE MANE.

PRÆCIPIT
VR ESVS
AZYMO-
RYMO.

5. Ceterum, quia benè nouerat Moyses, non esse diuinæ voluntatis, quòd Hebræi discederent inuitis Ægyptiis, quos propterea tot successiuè plagis percutiebat, vt ad dandam Hebræis liberam exeundi licentiam prouocaret: ne fortè ipsi Hebræi, præ proprio libertatis vrgente desiderio, tempus à Deo præstitutum anticiparent, præcepit eis Moyses, vt se in domibus suis continerent vsque manè, Exod. cap. 12. num. 22. probabiliter ratus, non nisi tunc ab Ægyptiis fore dimittendos. Verum contrà accidit: nam percussis à Deo nocte primogenitis eorum, tantus irruit super eos timor Hebræorum, quorum causa id patiebantur, vt non sustinentes diem expectare, confesam surgentes Ægyptij, Hebræos à se abire compellerent. Quare licet ipsi postea Hebræi (vt infra numero 18. dicemus) aliquantò ante lucem egredi cõpisse videantur; non idèò tamen contrà Moyli intentionem fecisse censendi sunt. Et quoniam præuidebat Dominus futurum, vt filij Israël, vrgentibus Ægyptiis eorum discessum, præ instantia & angustis temporis non possent prius fermentare ac coquere sibi panes pro viatico, sed cogerentur adferre secum farinam iam conspersam, ex qua deinde, quocumque eos deuenire contingeret, subcinericios sibi panes azymos parare valerent, eisq; per plures dies (quemadmodum infra num. 28. dicitur) sustentati: vt huius quoque rei non obliuiscerentur, præcepit eis per Moysen Dominus, vt ad modum sui exitus, afflictionemq; in eo latam perpetuis postea temporibus rememorandam, deinceps singulis annis per septem dies continuos, à die Paschæ inclusiuè auspicandos, velerentur azymis; quemadmodum expressè traditur Exodi cap. 12. vers. 15. vsque ad 21. & Levit. cap. 23. vers. 6. & Numer. cap. 28. versic. 16. Cuius institutionis causa superius tacta, disertè exprimitur Deuter. cap. 16. versic. 3. illis verbis: *Non comedes in eo* (hoc est in Phase, de quo ibidem loquitur) *panem fermentatum. septem diebus comesdes absque fermento afflictionis panem, quoniam in pauore egressus es de Ægypto; vt memineris diei egressionis tuæ de Ægypto omnibus diebus vitæ tuæ.* Ex quo loco manifestè colligitur, quòd panis azymus dicebatur panis afflictionis, non solum quia ob eius grauitatem aptus erat affligere stomachos, præsertim debiliores; sed inprimis quia erat signum rememorationis afflictionis in exitu de Ægypto toleratæ. Constat enim, quòd quemadmodum (vt infra suo loco dicitur) festum Tabernaculorum septem pariter diebus celebrandum institutum postea fuit, ad recolendam continuandamq; memoriam peregrinationis quadraginta annorum per desertum, & incommoditatis eo tempore susceptæ, in quo numquam in domibus, sed sub tabernaculis seu tentoriis habitauerant: ita nunc festum Azymorum inditum fuit, ad rememorandam tum afflictionem, quam tempore egressionis de Ægypto per dies triginta edendo panes azymos passi fuerant, tum etiam pauorem per idem pariter tempus ipsis incussum, de quo infra num. 21. agemus. Ex dictis item colligitur, non facile probandam recipiendamq; esse opinionem Francisci Suarez, qui in 3. parte S. Thomæ quæst. 50. art. 6. disput. 40. Sect. 2. non procul à principio, dicere non dubitauit, præceptum de azymis præcipuè videri fuisse negatiuum; ita vt sufficeret ad eius implementum, vt abstinere à pane fermentato. quia, inquit, præcipiebatur vsus azymi panis non simpliciter & absolute, sed si quis panem vti veller. Nam si posset aliquis & veller illis diebus à pane abstinere, & aliis vti cibis, quantum ex vi huius præcepti, non pec-

peccaret, dummodò fermentatum non comederet. Sic ille. Cuius sententiæ videtur expresse contrariari Sacer textus, qui cap. Exod. 12. proxime adducto non solum vetat fermentatum, sed etiam affirmatiue, simpliciter & absolute non semel præcipit, vt vescantur azymis: nam vers. 8. ait: *Et edent carnes nocte illa assas igni, & azymos panes.* & vers. 15. *Septem diebus, inquit, azyma comedetis.* item vers. 17. *Et obseruabitis azyma.* & vers. 18. *Primo mense, quartadecima die mensis, ad vesperam comedetis azyma usque ad diem vigesimam primam eiusdem mensis ad vesperam.* & vers. 20. *In cunctis habitaculis vestris edatis azyma.* Quid clarius & sine ulla limitatione simplici, ac magis absolute præcipi poterat? & quis non videt, quòd quemadmodum in festo Tabernaculorum, si non habitassent filij Israël septem diebus in tabernaculis, non satisfecissent præcepto celebrandi dictum festum in memoriam quadraginta annorum, quibus olim sub tentorii habitauerant, peregrinantes per desertum: sic si in festo ac diebus Azymorum reuera non comedissent azyma, non impleuissent diuinum præceptum de esu azymorum in rememorationem prædicti pauoris & afflictionis passæ quando egressi sunt de Aegypto? Sed hæc obiter sint adnotata.

16. His per Moysen & Aaron in terra Gessen ordinatis, oportet eos confestim inde ad urbem regiam rediisse, nimirum secundo vel tertio eiusdem mensis die, & quarto rursum, iubente Domino, adiiisse Pharaonem, & coram eo sparsisse in cælum cinerem de camino allatum, quo factò, statim orta sunt in hominibus & iumentis vlcera vesicarum turgentium in omni terra Aegypti, & præsertim in ipsismet magis, qui propterea coram Pharaone permanere non poterant. quæ fuit sexta Aegyptiorum plaga. Post quam increpauit die quinto (vt arbitror) per Moysen Dominus acriter Pharaonem hisce vel similibus verbis: Hæc dicit Dominus: Quia noluit dimittere populum meum, possem hac vice mittere omnes plagas meas super cor tuum, & super seruos tuos, & super populum tuum, & percutere simul omnes pestilentia, vt cognoscant ceteri hominum omnipotentiam meam: verumtamen id non statim faciam, sed prius mittam successiue alias plagas meas, vt manifesta magis fiat patientia mea, & obstinatio tua, & vt discant homines, quàm lento gradu diuina procedit ira, vt peccatores ad poenitentiam expectet, sed demum super impœnitentes diuturnitatem vindictæ grauitate compenset. Adhuc retines populum meum? En pluam cras hac ipsa hora grandinem multam nimis, &c. Igitur sequenti die, qui erat dicti mensis primi sextus, extendente Moysse virgam in cælum, dedit Dominus tonitrua, & grandinem, & fulgura discurrentia; tantoque impetu & copia grando & ignis mixta pariter ferebantur, vt numquam tale quid ab ipsa Aegyptiorum origine visum fuerit. Percussit ergo ista tempestas omnia quæ in agris reperta sunt, præterquam in terra Gessen. & hæc fuit septima Aegypti plaga, cuius etiam meminit Regius Propheta in Psalmo 77. vers. 47. dicens: *Et occidit in grandine vineas eorum, & moros eorum in pruina; & tradidit grandini iumenta eorum, & possessiones eorum igni.* & in Psalmo. 104. vers. 32. *Posuit pluuias eorum grandinem, ignem comburentem in terra ipsorum. & percussit vineas eorum, & ficulneas eorum, & contriuit lignum finium eorum.* Vbi aduertendum est, per illud & moros eorum in pruina, & illud item, & possessiones eorum igni, nihil diuersum ab hac plaga indicari; siquidem iam dictum est, in ea ignem simul cum grandine cecidisse: & vox Hebræa, quam Latinus Interpres transtulit in pruina, speciem quoque grandinis significare potest, vt aiunt Hebraicæ linguæ professores. Sanè Pharaò tam ingenti tempestate perterritus, vocauit Moysen & Aaron, promittens dimittere populum, si obtinuissent à Domino pristinam aëris tranquillitatem; quod tamen suo more postea facere recusauit. Quamobrem insequente (vt arbitror) die, qui erat dicti mensis septimus, iterum venerunt missià Domino Moyses & Aaron ad Pharaonem, denuntiantes ei, quòd si non dimitteret populum, expectaret die proximo à Domino octauam plagam, nempe infinitam locustarum multitudinem: & his dictis, redeuntibus egressi sunt à Pharaone; qui rogatus à seruis suis tantum malum pertimescentibus, reuocauit eos, dicens vt irent; verumtamen statim subiungens, interrogauit, quinam essent ituri; & vt audiuit, quòd omnes cum paruulis & armentis proficisci volebant; indignatus negauit quòd eis concessisse visus fuerat. Eiecti ergo de conspectu Regis, cum ad iussum Domini extendisset virgam suam Moyses, confestim ventus vrens exortus est, flansque tota die illa & nocte, attulit manè plagam in ordine octauam, videlicet immensas quasdam locustarum veluti nubes, quæ vbique per Aegyptum sparsæ, operuerunt omnia, vastantes quidquid residuum fuerat post grandinem, nihilque vrens relictum est in terra Aegypti. Et hoc est quod significatur in Psalmo 77. vers. 46. illis verbis: *Et dedit erugini fructus eorum,*

SEXTA AEGYPTI PLAGA, VESICARVM ET VULSERVM.

SEPTIMA PLAGA, GRANDINIS

OCTAVA PLAGA, Videlicet locustarum.

& labores eorum locusta. nam nomen Hebraicum, quod ibi Latinus Interpres vertit ærugini, in Psal. 104. vers. 34. translulit *bruchus*, qui est species locustæ, dicens: *Dixit, & venit locusta, & bruchus, cuius non erat numerus.* Quamquam credibilis videatur, hanc octauam Aegypti plagam eò fuisse mirabiliorem, quod quæ singula raro fruges deuastare solent, illa tunc simul omnia euenerint; illa, inquam, quæ Ioël cap. 1. vers. 4. memorat, dicens: *Residuum eruca comedit locusta, & residuum locusta comedit bruchus, & residuum bruchi comedit rubigo.* Nam quia iuxta varias versiones, vt diximus, vbi in Sacris libris agitur de hac Aegypti plaga, fit mentio locustæ, & bruchi, & æruginis; sicuti hic ærugo, siue aurugo, idem videtur significare quod apud Ioëlem rubigo, quâ nos vredinem dicimus, quod fruges ita adurat & corrumpat, vt contrectatæ quasi in cinerem redigantur; de qua dicebat Amos cap. 4. vers. 9. *Percussi vos in vento vrente, & in aurugine.* Ita vocabulis locustæ & bruchi, quæ sunt animalia plantis noxia, videtur etiam comprehendi posse eruca, quæ est genus vermium plantas erodentium; & de qua ibidem Amos profecit, dicens: *Oliueta vestra & ficeta vestra comedit eruca.* Sed vtcumq; res fuerit, certum est, hanc plagam fuisse grauissimam: siquidem Rex, vt tanto occurreret malo, accersitis protinus Moyse & Aarone, deprecatus est eos vt rogarent Dominum pro locustarum propulsatione. Postero igitur die, qui fuit eiusdem mensis nonus, orante Moyse, venit ventus ab Occidente vehementissimus, qui arreptas locustas proiecit in Mare rubrum, nec vnâ quidem in Aegypto reliquit, Exod. cap. 9. & 10. vsque ad vers. 20.

17. Sed quia nunc primum ex Sacro textu in Maris rubri mentionem incidimus, haud ingratum Lectori fore existimauius, hic germanam adferre causam, cur hoc Mare, rubrum fuerit appellatum; cum nihilominus constet, eius aquas eiusdem prorsus naturæ & coloris esse, cuius sunt aquæ maris Oceani; immò easdem omnino esse, quæ ab Indico Oceano in Arabicum hunc sinum influunt. Neque enim admittenda videntur, quæ ex antiquorum opinionibus refert Strabo lib. 16. nempe, Mari rubro esse nomen à colore propter reflexionem radiorum apparente; vel à sole cum supra verticem est; vel à montibus ex adustione rubentibus; vel à fonte quodam, qui aquam rubicundam ac minio plenam in mare emittit, vel à quodam Erythra natione Persa, qui in insulam dicti maris se recepit; vel ab alio Erythra seu Erythræo, Persei & Andromedes filio, qui olim illic dominabatur, & cuius nomen Græcè idem significat, quod Latine, rubrum: quam postremam opinionem sequitur etiam Arrianus Gestorum Alexandri lib. 8. Neque item dici potest (vt alij putarunt) videri aquam illam rubram, propter terram, quæ circa eius littora est, rubram: quia Lusitani (Auctore mox citando teste) qui oras illas accuratè peruestigarunt, ac propriis oculis inspexerunt, asseueranter negant terram illam esse notabiliter rubram, ita vt tale quid efficere possit. Et si ibidem adessent montes admodum rubri, aut memoratæ solis reflexiones, aut dictus fons minio plenus, aut quid simile; proculdubio id ipsi, tamquam huius rei, de qua agimus, valde curiosi, facile obseruassent, & memorandus Auctor silentio non inuoluisset. Huc accedit, longè credibilius esse, econuersò, dictos Erythræos, à dominio quod in Mari rubro eiusque oris habuisse dicuntur, nomina fuisse sortitos; præsertim si naturalem dictæ rubedinis causam proximè adducendam consideremus; ex qua colligi posse videtur, longè ante dictos Erythræos, & non solum vsque à Moyse temporibus, vt scripta eius indicant; sed etiam ab ipso mundi exordio, vel saltem ab eius post vniuersale Diluuium reparatione, idem mare sic fuisse nuncupatum. Quid igitur? Dicamus prius quomodo dicti maris aqua videatur rubra; mox causam aperiemus. Non enim vbique talis videtur, sed quibusdam in locis; neque semper in eisdem, verum modò hic modò illic magis quædam rubri coloris maculæ conspiciuntur, aliæ quidem longiores, aliæ magis latæ, ac diuersarum figurarum, tamquam si grandia quædam sanguinis vasa ibi sparsim effusa fuissent. Vnde Ioannes de Barros, qui de Regum Lusitaniæ rebus in India gestis, duas librorum Decades Hispano scripsit idiomate, easq; Asia inscripsit, Decad. 2. lib. 8. cap. 1. refert de Alphonsò Dalboquerque, primario Lusitani Regis in India classium duce, & illarum regionum Gubernatore, quòd cum ostia dicti maris ingressus esset, vidit in eo rubentem quamdam maculam non admodum latam, sed quantum ipsa oculorum acies pertingere poterat, in longum protensam: & addit, quòd cum eius naues intus valde progressæ essent, plurimæ eiusmodi maculæ latiores multoq; breuiiores sparsæ vndique videbantur; & nihilominus de dictis maculis aqua in vasis hausta, nequaquam rubra, sed limpidissima erat. Quo experimento manifestè conuincitur error quorundam, qui dictas maculas ex balænarum sanguine, in ipsarum partibus effuso, fieri credebant. Quamobrem admirati, causamq; rei diligenter perquirentes Lusitani,

CVR SINVS
ARABICVS
VOCETVR
MARE RV-
BRVM.

ni, postea tum ab illarum regionum incolis, tum etiam proprio experimento didicerunt, fundum illius maris naturaliter ferre magnam vim cuiusdam plantæ seu fruticis rubri, ramos proferentis solidos ac graues, instar coralij, ita vt etiam à solo euulsi, in aquis supernatare nequeant : qui maxima inundantium aquarum vi eradicari seu à stipite abrupti sæpe solent, ac præcipue prope ostia dicti maris, vbi fluxus atque refluxus aquarum ingredientium & egredientium maiori fertur impetu; quo fit, vt eorundem virgultorum rubra stramenta per longos quosdam aggeres in ipso maris fundo congerantur; qui deinde, vbi latior sinus est, à variis inundationibus dissipati, & huc atque illuc acervatim translati, ex coloris dictorum acervorum reflexione, reddunt mare illud variis, vt dictum est, rubentibus maculis respersum; præsertim vbi vnda minùs alta est. Et inde iste potissimum sinus, & illa item Oceani pars, quæ ab eiusdem sinus angustiiis ad sinum vsque Persicum extenditur, Maris rubri nomen accepit. Redeamus ad id vnde digressi sumus.

18. Post ablata[m] locustarum plagam, cum nec propterea Pharaon Rex dimitteret populum, mandauit Dominus Moyse vt extenderet manum suam in cælum. Quod cum postero die, qui erat huius mensis decimus, (circa meridiem, vt reor, quò clariùs pateret miraculum tenebrarum à Deo patrandum) Moyses fecisset; illico subsecuta est nona ac penultima plaga, quæ cum tribus aliis præcedentibus describitur Exodi cap. 9. vers. 8. vsque ad initium capitis vndecimi; nimirum, factæ sunt tenebræ horribiles ac panè palpabiles in vniuersa terra Ægypti, excepta dumtaxat terra Gessen: integroque triduo perdurarunt. Oportet autem in eadem die mensis decima, in qua cæpit plaga tenebrarum Ægyptiis, filios Israël, apud quos, vbicumque habitabant, lux erat, præparasse sibi hœdos agnôve Paschales, prout eis præceperat Moyses de mandato Domini, quemadmodum suprà num. 14. dictum est.

19. Die decimatertia post meridiem, nimirum post cor porales ab Ægyptiis depulsas tenebras, ac solarem lucem restitutam, vel manè insequente, placuit Pharaoni concedere Moyse & Aaroni, vt educerent populum cum paruulis; ita tamen vt greges in Ægypto relinquerent. Quibus non acquiescentibus, iratus Pharaon eiecit eos à se, dicens, ne amplius in conspectum suum venire auderent; alioquin scirent se morituros. At verò Moyses cum audacter ac libere prædixisset Pharaoni postremam plagam, hoc est, subitum atque improvisum omnium primogenitorum interitum media nocte subsecuturum, & quòd propterea, velint nolint, ipse Rex & serui eius vltro dimissuri essent Hebræos, statim valde commotus, ab aula Pharaonis exiuit: Exodi cap. 10. vers. 22. vsque ad vers. 10. capitis sequentis. Quibus peractis, etiam prænuntiavit populo Moyses, Dominum decrevisse adhuc vna plaga percutere Ægyptum, subito nimirum atque inopinato primogenitorum omnium interitu; atque hoc pacto cogere Regem ceterosque Ægyptios, non solum vltro vt dimitterent Hebræos, sed etiam compellerent eos exire. Et quoniam Hebræi in multis offensi, ac præter omne ius fasque grauati ab Ægyptiis fuerant; quò damna ab eis illata rescire quoquomodò possent, monuit eos vt peteret vnusquisque ab amicis aut vicinis suis vasa argentea & aurea, & vestes: sic enim mandauerat eidem Moyse iustus & supremus omnium Dominus, Exod. cap. 11. vers. 2. pollicitus se daturum eis gratiam in conspectu Ægyptiorum, vt commodarent omnia quæ petissent: & hoc tum in illamet die, tum in ea quæ proximè secuta est, executioni mandatum putamus: quemadmodum & illud quoque quod Israëlitis præceptum fuerat, de agnis Paschalibus ad vesperam diei decimæ quartæ immolandis, vt colligi potest Exodi cap. 12. vers. 28.

20. Die autem decimaquinta circiter inchoante, quæ post solis occasum diei decimæ quartæ (vt suprà num. 14. dictum est) incipiebat, cum manducaissent Hebræi agnos Paschales, ritu eis à Moyse præscripto; ecce media nocte, facta sunt derepentè in Ægypto magna illa duo prodigia, quæ prædixerat Moyse Dominus Exodi cap. 11. vers. 4. & cap. 12. vers. 12. quorum Alterum creditur fuisse illud, quod Hebræi colligunt ex citato Exodi cap. 12. vbi prædicit Deus, in cunctis Ægypti diis se facturum iudicia, & ex Numer. cap. 33. vers. 4. vbi dicitur Deus in diis Ægypti exercuisse vltionem: nimirum collapsa esse vniuersa idola templaque Ægypti, quemadmodum refert B. Hieronymus in epistola ad Fabiolam, quæ est 127. de 42. Mansionibus, Mansionem prima. Alterum fuit, repentina atque inopinata omnium primogenitorum interfectio, à primogenito Pharaonis vsque ad primogenitum vilioris ancillæ, quæ vel carceribus, vel ad molam deferuiret. Neque hominum tantum, sed & iumentorum primogenita, magno spiritus impetu interfecit Angelus Domini eodem tempore in vniuersa Ægypto, ita vt nulla

NONA ÆGYPTI PLAGA, NEMPE TENEBRARVM.

PRÆDICTA TVR HEBRÆORVM EXITVS DE ÆGYPTO CVM VASIS AVREIS ATQUE ARGENTEIS MVTO ACCEPTIS.

HEBRÆI FACIUNT PRIMVM PASCHA. IDOLA IN ÆGYPTO COLLAPSA.

PRIMOGENITORVM REPENTINVS INTERITVS.

esset domus, in qua non plangerent Aegyptij mortuum suum; Iudaeis interim in cunctis habitaculis suis pacifice quiescentibus. Qua subita calamitate perterriti Pharaon & omnes serui eius, probe intelligentes eam euenisse propter negatam Hebraeis abeundi licentiam; clamoribus item atque euilatibus, qui in tota ciuitate audiebantur, permoti; surgentes eadem hora, confestim mandauerunt Moyli & Aaroni, vt velociter educerent populum suum, cum paruulis & gregibus, prout petierant. Certatim ergo Aegyptij, morae impatientes, ad domos Hebraeorum accurrebant, eosque vt quantocyus exirent, compellebant: verebantur enim, ne si illi aliquantisper exitum protraherent, ipsi quoque à Deo percussi, omnes perirent; & propterea, de propria tantum salute solliciti, nihil minus cogitabant, quam de vasis argenteis aureisque, quae eis commodauerant, recuperandis; sacis superque sibi ipsis consuluisse existimantes, si Hebraeos protinus à se discedere curassent. Et hoc est quod in Psalmo 104. v. 38. innuitur illis verbis: *Latata est Aegyptus in profectioe eorum, quia incubuit timor eorum super eos.* Itaque non multo post mediam noctem, peruulgata illico vbique Regis licentia, Hebraei, qui antea prae-moniti sese in Ramesse omnes receperant, coeperunt turmatim se ad exitum colligere, prout à Moyse bene instructi prius fuerant, vt testatur Iosephus 2. Antiq. cap. 5. prope finem. & ex Sacro quoque eloquio certum est, quod Moyse diuini monitu praedicebat populo successiue omnia, quae ventura erant, vt statuto tempore ad exitum prompti paratique inuenirentur. Facto autem mane, in modum magni cuiusdam exercitus, iam conglobati egrediebantur cum gregibus armentisque suis, & omnibus quae ad se pertinebant. Igitur de nocte coepta est ista egressio, & die iam illucescente, peracta; quemadmodum ex collatione quorundam Scripturae locorum aperte colligitur: siquidem Exodi cap. 12. vers. 42. & Deuter. cap. 16. vers. 1. & 6. dicitur, eos nocte illa exisse; quia nimirum exire coeperunt, vt dictum est: at verò Numer. cap. 33. vers. 3. legimus, eosdem egressos esse videntibus cunctis Aegyptiis, ac sepelientibus primogenitos suos; quos proculdubio non statim ea nocte, quando percussi sunt; sed facto mane sepeliendos curasse, credendum est. Porro filij Israel omnes sani ac diuites valde in argento & auro, quod ab Aegyptiis acceperant, exhibant, vt dicitur in Psal. 104. vers. 37. *Et eduxit eos cum argento & auro, & non erat in tribubus eorum infirmus.* Ascenderunt quoque armati de terra Aegypti, vt traditur Exod. cap. 13. vers. 18. & non panes secum pro viatico, sed farinam dumtaxat conuersam, ac praer angustias temporis necdum fermentatam deferre potuerunt. Sed & ossa Iosephi, (vt ibidem vers. 19. legimus) prout ipse morti proximus Genes. c. 50. vers. 24. adiurauerat filios Israel, asportarunt; & vt creditur, cum ipsis etiam ossa aliorum Iosephi fratrum, quae postmodum simul omnia sepelierunt in Sichem, vt nos sub anno mundi 2589. num. 1. probabimus. Fuit autem numerus Hebraeorum, qui exierunt de Aegypto, sexcenta fere millia peditum, absque paruulis ac mulieribus, & praeter innumerabile vulgus promiscuum, Exodi cap. 12. vers. 37. subadii Aegyptiorum omnis aetatis, & sexus, & conditionis, qui ex longa cum ipsis consuetudine ad Iudaicum conuersi, ipsos Hebraeos, quocumque eos Deus perduceret, sequi maluerunt, quam cum idololatri in patria remanere. Vnde non improbabili ter quidam arbitrati sunt, totam summam eorum qui exierunt, ad terdecies centena millia hominum accedere potuisse. Neque verò cuiquam incredibile videatur, quod tam exiguo tempore, puta sex aut septem horarum interuallo, tot hominum millia exire potuerint: siquidem diuina prouidentia factum putamus, vt omnes statuto tempore praesto fuerint, & nullus eorum exire cunctatus sit; ne ab Aegyptiis, quos emisisse Hebraeos non multo post poenituit, ibidem permanere compellerentur.

HEBRAEI
EXEUNT DE
AEGYPTO.

NUMERUS
EXEUN-
TIUM DE
AEGYPTO.

EXITUS IS-
RAELIS DE
AEGYPTO,
QUO ANNO
AC DIE PA-
CTVS.

21. Iste fuit famosissimus ille Israelitarum exitus de Aegypto, tantopere in Sacris libris celebratus, quem iam satis superque sub anno mundi 2329. num. 13. & sequentibus probatum est, contigisse post annos quadringentos triginta à diuinis promissionibus Abraham factis: post annos verò quadringentos peregrinationis seminis eiusdem Abraham, ab eiccto Ismaele computandos, vt videre est in tabulis. His adde, eundem egressum Israelitarum de Aegypto, & consequenter primum Phasae eodemmet die ante exitum ab ipsis celebratum, incidisse pridie Sabbati, hoc est Feria sexta, quam vulgò diem Veneris appellamus; eodem scilicet tempore, quo postea Christus Dominus noster, sacratissima instante sua passione, vetus illud Pascha postremò comedit, ac noui institutione antiquauit. Quod sic colligo: Hebraei trigesimo die ab exitu de Ramesse, vt infra num. 31. probabitur, fecerunt octauam mansionem in Sin, vbi deficiente farina quam de Aegypto tulerant, desierunt vesci azymis, & dedit eis Dominus in crastinum manna de caelo; quemadmodum infra num. 32. dicemus: vbi etiam ex B. Augustino adnota-

bimus,

himus, ipsum man descendere cœpisse die primo Sabbati, quem nos diem Dominicum dicimus; & id litteræ etiam Sacri textus fati consonum esse ostendemus. Si ergo dies trigesima prima ab exitu, fuit dies Dominica; necesse est (vt quisque apud se supputare poterit) quod dies exitus, fuerit dies Veneris; in cuius initio (quod à solis occasu præcedentis diei sumi debere iam diximus) Hebræi comederunt agnum Paschalem. Idem ipsorum quoque Hebræorum testimonio confirmari potest: nam si (quemadmodum Auctor Chronologiæ maioris Hebræorum in calce capitis quinti asserit) dies vigesimus tertius mensis Iar, erat primus hebdomadæ, quem Hebræi primam Sabbati, nos verò diem Dominicam appellamus; & dies sextus mensis tertij, quando data est Lex, erat Sabbatum; vtique necessariò consequitur, quod dies exitus populi de Aegypto, qui fuit decimus quintus primi mensis, esset sexta Sabbati, quam nos diem Veneris nuncupamus; vt in Calendario Hebræorum, quod nos correctum loco inferius notando inferemus, computari & videri poterit. Sed huic positioni duo obstat videntur. Alterum est, quod si hoc esset, videretur consequi, Legem postea datam fuisse non die sexta tertij mensis, quemadmodum communiter creditur, & nos infra num. 39. probabimus; sed die septima. Nam quando Sabbatum incidebat in die decimosexto mensis primi, vt contigit in hoc anno de quo nunc agimus; inchoatio septem hebdomadarum pro die Pentecostes inueniendo, differebatur (vt infra numero trigesimo nono ostendemus) in diem sequentem, qui erat decimusseptimus; à quo ad diem septimum tertij mensis inclusiue, computantur quinquaginta dies, nempe reliqui tredecim primi mensis, & triginta secundij, & septem tertij. Verum huic obiectioni facile est respondere, id non fuisse factum hoc anno, quia illa lex de septem hebdomadis à decimosexto vel decimosexto primo die mensis primi dinumerandis, necdum lata fuerat, nec postea vmquam obligare aut obseruari cœpit, nisi post introitum populi in Terram promissionis. Cur autem illa vnus diei dilatio esset facienda, infra num. 39. dicemus. Altera obiection est, quod in Calendario Hebræorum apud Sigonium lib. 3. cap. 18. de Rep. Hebræorum registrato, in die decimoquinto primi mensis, non sexta, sed prima Sabbati ponitur. Ad hoc dicimus, dictum Calendarium siue à Rabbiniis, siue ab ipso Sigonio sic digestum, falsò supponere, quod primus Anni sacri mensis inceperit à prima Sabbati: at hoc probandum erat: & quia probari non potest, quin etiam ex ipsismet Hebræis, vt dictum est, apertè constet de opposito; propterea prædictis non obstat, sed potius corrigi debet dictum Calendarium: quod nos non in hac re tantum, verum & in aliis, sub anno mundi proximo num. 27. & sequentibus, præstabimus. Ceterum, quod Deuter. cap. 16. vers. 3. legimus, filios Israël exisse de Aegypto in pauore; & contrà in Psal. 104. vers. 43. Dominum eduxisse populum suum in exultatione, & electos suos in lætitia: non tam ad istum exitum de Ramesse, in quo nihil Hebræis timendum occurrisset apparet, quam ad exitum de finibus Aegypti, pertinere videtur: tunc enim primum maximo concussus fuit pauore, quando ad Mare rubrum derepentè superuenit eis Pharaon armatus. Et licet Domino aperiente eis mirabiliter mare, per medium eius siccis vestigiis incederent; non tamen sine metu esse poterant, propter Aegyptios eadem via insequentes. At quando mari feliciter transuadato viderunt Aegyptios fluctibus obrutos, & cadauera eorum ad litus eiecta; tunc magna cum exultatione ac lætitia inde eduçti, iter suum prosecuti sunt, quemadmodum infra suis locis ostendemus. Quare vtrumque verum est, nimirum, quod & cum pauore & cum gaudio de Aegyptiaca seruitute exierunt; si diuersa illius exitus tempora spectemus. Ab isto exitu de Aegypto institutam postea fuisse apud Hebræos Æram, vnde annos suos deinceps metirentur, vel ex eo patet, quod Salomonis temporibus, templi eius fundamenta dicuntur iacta anno quadringentesimo octogesimo ab exitu Israël de Aegypto, 3. Reg. cap. 6. vers. 1.

22. Et quoniam Exodi cap. 12. vers. 37. Hebræi dicuntur profecti de Ramesse in Socoth; sciendum est, Ramesse olim nomen fuisse regionis seu agri, in optimo terræ Gessen loco existentis, vbi Pharaon in gratiam Iosephi habitare fecerat filios Israël, qui post multo deinde tempora coacti sunt quasdam adificare vrbes Pharaoni; quarum vna in dicto loco extructa, ab eadem regione denominata est Ramesse, vt sub anno mundi 2438. num. 2. diximus. & hanc puto esse urbem, de qua primò Hebræi turmatim exisse feruntur. Vnde posset inferri, ipsam Ramesse, propriè loquendo, inter mansiones itineris Hebræorum non esse numerandam: siquidem prima mansio videtur potius dici ea quam fecerunt in Socoth. Verum tamen quia B. Hieronymus in epistola ad Fabiolam, superius num. 18. citata, & alij ipsum secuti, ponunt primam mansionem in Ramesse, parumque refert, si vel excludendo huius itineris terminos, à quo scilicet, & ad quem,

13
30
7
—
50
DILVNTVR
OBIECTA..

QVOMODO
ISRAELI-
TAE EXIE-
RINT CVM
PAVORE ET
LÆTITIA.

ÆRA HE-
BRÆORVM
AB EXITV
DE AEGY-
PTO.

DE RAMES-
SE.

CVR INTER
MANSIONES
PONATVR
PRIMA.

quadraginta tantum mansiones faciamus, vel eos includendo, quadraginta duas numeremus: ne nouam in hisce mansionibus recensendis rationem inire voluisse videamur, nos quoque cum B. Hieronymo & aliis, hic & in tabella mansionum infra sub anno mundi 2583. num. 16. inferenda, ponemus primam mansionem in Rameffe; præsertim cum illuc primum ex aliis quoque Ægypti vrbibus plurimos Iudæorum confluisse credendum sit: secundam verò in Socoth, & ceteras eodem ordine, quo pariter describuntur Numer. cap. 33. per totum. Illud tantum hic adnotantes, non omnes, quæ in illo itinere fieri contingebant, memoras, appellari mansiones; sed illas dumtaxat, in quibus figebant tentoria, vt ibidem aliquamdiu morarentur. Nam aliquo constat eos de quarta mansione ad quintam, itinere trium dierum, profectos esse per desertum Etham, vt legitur Numer. cap. 33. vers. 8. intra quod tempus, necesse est ipsos bis saltem in die aliquantis per in dicta solitudine constitisse, vt se saltem necessarij debitjs temporibus cibo somnoque reficerent: quæ tamen morula, quia sub dio, non autem in tabernaculis fiebant, mansionum nomine non designantur. Cum igitur emisisset Pharaos Israelitas, Dominus, qui, vt infra num. 24. probabitur, ex tunc & deinceps præcedebat eos semper in columna nubis per diem, & ignis per noctem; non duxit ipsos per viam terræ Philisthinorum, quæ breuior ac magis plana erat, admodumque visitata; sed ad dexteram flectens, circumduxit eos itinere magis dispendioso ac difficili, per viam deserti, quæ est iuxta Mare rubrum, Exodi cap. 13. vers. 18. id est (vt exponit Iosephus 2. Antiq. cap. 5. prope finem) per Latopolim tunc desertam, in qua postmodum, Cambyse Ægyptum vastante, Babylon, quæ modò Cayrus magna dicitur, condita est. Ibi enim erat via, quæ ducebat ad desertum Ethan, secus Mare rubrum existens, & inde ad montem Sinai, vt videre est in tabella Geographica, quam infra num. 27. ponemus. Diuino autem consilio facta est eiusmodi circumductio pluribus de causis; nimirum imprimis, vt tangitur loco Exodi citato, ne populus, bello tentationeue aliqua ingruente, de facili redire posset in Ægyptum: nouerat enim Dominus illius gentis instabilitatem & modicam fidem. Deinde etiam, quemadmodum bene aduertit Iosephus 2. Antiq. cap. 6. ne Palæstini, quos ob veterem similitudinem Hebræi in sensos habebant, de hac protectione certiores fieri possent. Et item, vt Ægyptij, si mutata sententia abeuntes persequi decreuissent, (quod postea accidit) malitiæ suæ violatiq; pacti debitas in mari pœnas luerent. Et denique, vt ipse Moyses ad Terram promissionis perducens populum, posset immolare victimas Domino in monte Sina, quemadmodum sibi idem Dominus imperauerat, futurumque prædixerat Exodi cap. 2. vers. 12.

23. Cum autem ex itinere fessi, longiori quiete, præsertim propter paruulos & greges, opus haberent; vidissentque columnam, etiam post visitatum diurnæ nocturnæque quietis tempus, adhuc in eodem loco moram trahere; fecerunt ibi secundam mansionem, erigentes figentesque tentoria, vt commodius conuiescere valerent, donec Domino placuisset, ad cuius imperium exinde semper figebant mouebantque tabernacula sua. Locus autem ille deinceps Socoth est appellatus, quod ibi primum tabernacula seu tentoria figere cœpissent. Socoth enim idem Hebraicè significat, quod Latine Tabernacula. In hac secunda mansione, ex farina quam dudum de Ægypto conuersam attulerant, & fermentare præ temporis angustijs non potuerant, fecerunt sibi subcinericios panes azymos, iisque tantummodò se sustentabant, nihil aliud ad cibum pertinens in via, quæ deserta erat, inuenientes. In eodem quoque (vt arbitror) loco, Dominus, qui Israelitas non de seruitute Ægyptiaca tantum liberare, sed simul etiam ad Legem suam recipiendam præparare, atque in præceptis ac cærimonijs suis per Moysen sensim suauiterque erudire intendebat: cœpit paulatim in eo itinere, pro temporum locorumve opportunitate, quando scilicet mansiones faciebant, aliqua eis per eundem Moysen suggerere atque intimare, ac veluti per partes Legem suam ipsis tradere: quippe qui optimè nouerat, homines carnales ac rudes non omnia simul capere posse, iuxta illud quod postea dicebat Dominus Iesus discipulis suis: *Adhuc multa habeo vobis dicere, sed non potestis portare modo.* Ioan. cap. 16. vers. 12. propterea, inquam, cœpit sensim eos de his quæ postmodum facienda erant, præmonere & instruere. Et hoc est, quod deinde anno huius itineris quadragesimo, ipse Moyses eidem populo ad memoriam reducebat, hortabaturque eum (Deuter. cap. 8. vers. 5.) vt recogitaret in corde suo; quia sicut, ait, erudit filium suum homo, sic Dominus Deus tuus erudit te, vt custodias mandata Domini Dei tui, & ambules in vijs eius, & timeas eum. Itaque, vt diximus, moram faciente populo in Socoth, cum benè nosceret Dominus, illud ante omnia eidem populo valde profuturum ad Legem diuinam promptis animis recipiendam atque obseruandam, si diuina imprimis

QVÆ PRO-
PRIAE MAN-
SIONES DI-
CENDÆ.

CVR DOMI-
NVS DV-
XERIT PO-
PVLVM VIA
LONGIORI
ET MINVS
COMMODA.

DE ACTIS
IN SECVN-
DA MAN-
SIONE.

inprimis beneficia non obliuisceretur, sed ea frequenter deuoteque recoleret, & præsertim venerandam illam eius de miserrima Ægyptiorum seruitute liberationem, modisque admirabiles, quos in eo inde educendo Dominus tenuerat: idcirco, præter ea quæ ad dictæ liberationis recognitionem in Ægypto iam instituerat, nempe, vt deinceps à mense sui exitus, annum inchoarent, & eodem exitus die quotannis Pascha ritibus iam indicatis celebrarent, septemque diebus continuis azyma comederent; nunc sumpta occasione, quod subcinericijs panes azymos in hac mansione comedere cogentur, eandem azymorum sollempnitatem, iam in Ægypto indicatam, eis denuò commendat & replicat; præcipiens insuper vt de eiusmodi cultus ratione etiam filios suos edocere curent, Exod. cap. 13. vers. 3. vsque ad 11. Deinde aliud institutum adiungit: nam cum tunc apud ipsos recens adhuc esset memoria repetitæ illius omnium primogenitorum occisionis, quæ fuit decima Ægyptiorum plaga, ob quam quodammodo coacti sunt dimittere Hebræos, quod antea, tametsi nouem aliis successiue calamitatibus afflicti, facere recusauerant: ad tanti prodigij memoriam perpetuò conseruandam, instituit, Vt cum primum ad Terram promissionis peruenissent, sanctificarent cuncta primogenita sua, tam hominum quam animalium cunctorum; Domino; ita vt tenerentur, mundorum quidem, puta boum, ouium, aliorumque similibus primogenita omnia, octauo ortus die Sacerdotibus dare; immundorum verò commutare, dantes pro primogenito asini, ouem; & his similia: hominum autem primogenita pretio redimere: Exod. cap. 13. vers. 2. & 11. vsque ad 17. Porro hanc primogenitorum legem aliis quoque in locis repetitam, clariusque explicatam inuenis; nimirum Exodi cap. 22. vers. 29. & cap. 34. vers. 19. & Leuit. cap. vlt. vers. 26. & Numer. cap. 3. vers. 13. & cap. 8. vers. 16. & alibi non semel.

LEX AZYMORVM.

DE PRIMOGENITIS DOMINO OFFERENDIS AC REDIMENDIS.

24. Profecti de Socho, venerunt in Etham, in extremis finibus solitudinis, id est (vt sentire videtur B. Hieronymus in citata eius epistola ad Fabiolam, mansione tercia) in quemdam locum nomine Etham, inter Ægypti & magnæ illius solitudinis ad Arabiam spectantis confinia existentem; qui locus vel eidem solitudini nomen Etham dedit, vel ab ea accepit. In Etham ergo tertiam fecerunt mansionem, de qua ibidem agens B. Hieronymus ait, ibi primum visam fuisse à filiis Israël columnam nubis per diem, & ignis per noctem. Quod fortè ideò dixit, quoniam Scriptura sacra Exodi cap. 13. vers. 21. non nisi post dictæ mansionis mentionem, meminisse videtur eiusdem columnæ: sed nobis magis placet, quod suprà num. 20. indicauimus, & alij quoque senserunt, nimirum, prædictam columnam fere ab initio exitus populi de Ægypto apparuisse; sed eius narrationem, per recapitulationis figuram, aliàs in Sacro eloquio sapissimè visitatam, fuisse postpositam, quemadmodum & illud quod ibidem præmittitur, de translatione ossium Iosephi: sicuti enim hæc ossium translatio necessariò referenda est ad tempus non secundæ aut tertię mansionis, sed exitus populi de Ægypto, cuius paulò antè, videlicet vers. 17. mentio facta fuerat illis verbis: *Igitur cum emisisset Pharaon populum, &c.* ita & illud quod ibidem de memorata columna subiungitur; vt ex iisdemmet Scripturæ verbis satis aperte elici posse videtur, quæ sic habent: *Cum emisisset Pharaon populum, non eos duxit Deus per viam terræ Philistinim, &c. Sed circumduxit per viam deserti, subaudi Etham, quæ est iuxta Mare rubrum.* Quomodo autem circumduxit eos Deus per viam ducentem ad illud desertum, nisi præcedens illos in dicta columna? oportet igitur eos statim ac de Ramesse exierunt, vidisse præeuntem columnam, illamque esse secutos de via consueta declinantem, ac circumducentem eos ad dictum desertum. Sanè ex quo hic in huius columnæ mentionem incidimus, operæpretium erit aliqua breuiter de eadem agere; qualia sunt, non fuisse duas columnas, vnam nubis, alteram ignis, sibi inuicem succedentes, vt Hebræi existimarunt; sed vnam tantum, quæ interdiu nubis, noctu verò ignis speciem præseferebat; vt bene colligunt Caietanus & alij, ex Exod. cap. 14. vers. 20. vbi eadem columna dicitur Ægyptiis fuisse nubes tenebrosa, Hebræis verò ignis illuminans noctem: & vers. 24. vocatur columna ignis & nubis. Igitur illa nec fuit simplex nubes naturalis, nec ignis nostro similis, quandoquidem ignis proprium est calefacere, & sursum ferri; nubis verò continere ac demittere pluuias super terram; horum autem nihil tunc opus esse videbatur: sed erat corpus quoddam ex aëre condensato mirum in modum ab Angelo præparatum, ad vsum illum particularem deducendi populum per illas solitudines; ac propterea in modum magnæ cuiusdam columnæ configuratum, quæ per diem veluti nubes, per noctem verò tamquam ignis esse videbatur; & non vi ventorum huc atque illuc inordinatè mouebatur, vt ceteræ nubes; neque alio impetu naturali ad vnum tantum modò

DE ETHAM.

DE COLUMNÆ NUBIS, QUANDO APPARERE COEPPERIT.

QVOD FERIT VNANTVM.

CVIVS NATVRÆ ESSET.

locum: sed indifferenter ad omnes loci differentias, prout opus erat, nunc pergens, nunc quiescens, modò recta incedens via, modò ad dexteram aut laeuam deflectens, & quandoque etiam retrocedens, ad nutum Angeli, qui Hebræis à Deo ductor datus, memoratam columnam, tamquam antesignanus vexillum præferebat; atque hoc signo illis, non secus ac postmodum stella Magis, viam præmonstrabat. Oportet autem eandem columnam fuisse adedò excelsam, & à terra eleuatam, vt ab vniuerso populo, qui præ multitudine pluræ terræ milliaria occupasse creditur, commode videri posset. Huius columnæ meminir Scriptura non solum locis Exodi cap. 13. & 14. citatis, sed etiam in fine eiusdem libri, & Numer. cap. 9. vers. 15. vsque ad finem capitis, & item cap. 14. vers. 14. nec non in Psalm. 77. versic. 14. & Psalm. 104. vers. 39. & Sapientie cap. 18. vers. 3. Vtrum autem eadem columna non solum ad viæ directionem, sed etiam pro vmbraculo ab æstu deseruiet Hebræis; non vsquequaque exploratum habemus: nam licet id videatur posse colligi ex illis verbis Psalmi 104. vers. 39. *Expandit nubem in protectionem eorum, & ignem, vt luceret eis per noctem.* & Psalm. 120. vers. 5. *Dominus custodit te, Dominus protectio tua.* & vers. 6. *Per diem sol non uret te, neque luna per noctem.* & Sapientie cap. 10. vers. 17. *Et deduxit illos in via mirabili, & fuit illis in velamento dici, & in luce stellarum per noctem.* & cap. 18. vers. 3. *Propter quod ignis ardentem columnam ducem habuerunt ignote viæ, & solem sine lesura boni hospitij præstitisti.* & cap. 19. vers. 7. *Nam nubes castra eorum obumbrabat.* Attamen, quoniam neque motus neque figura columnæ videntur protectioni atque obumbrationi tanti exercitus conuenire: siquidem ad hoc non nubes gracilis & longa, qualis esse solet columna, sed magis nubes admodum lata & expansa requirebatur: & præterea, ad eandem obumbrationem iugiter præstandam, necessarium fuisset, quòd semper inter solem & exercitum fuisset obtenta; & consequenter, vt iuxta solis motum & viæ flexiones, nunc ante, nunc post exercitum moueretur, & quandoque etiam ad latera eius incederet: atqui certum est, quòd ipsa ordinariè præibat exercitum; quare eundem non semper obumbrare poterat: propterea probabilior videtur opinio illorum, qui putant duas fuisse nubes exercitum illum comitantes; alteram in forma columnæ, quæ ducebat exercitum; & hanc ferè semper præeuntem aut stantem videbant: alteram instar magni cuiusdam vmbraculi superexpansam, ac radiis solaribus oppositam, quæ non semper apparebat, sed æstius præsertim temporibus, & cum opus esset, populum ab æstu protegere consueuerat. & hoc quodammodò videtur indicari Numeri cap. 14. vers. 14. illis verbis: *Et nubes tua protegat illos: & in columna nubis præcedas eos.* Vbi videtur Scriptura distinguere inter nubem protegentem, ac dirigentem: priorem namque appellat absolutè nubem, hoc est, in modum nubis longè lateque expansam; posteriorem verò, columnam nubis, tamquam non in latum, sed tantummodò in altum porrectam.

25. De loco illo Etham, in confinio solitudinis Etham existente, vbi terram fecerant mansionem, reuerfi, hoc est nonnihil ad Occasum; postea ad Meridiem flecentes, venerunt ad loca quædam Aegypti, feceruntque Israëlitarum quartam mansionem in regione Phihahiroth, inter Magdalum & Mare rubrum, contra Beelsèphon, ponentes castra prope ipsum mare: ita enim præceperat Dominus Moyfi, quem etiam præmonuerat de his quæ euentura erant: nimirum Pharaonem Aegyptiosque pœnituisse, quòd Hebræos dimisissent, ac propterea illuc cum omni bellico apparatu venturos, vt eos reducerent in Aegyptum; verumtamen id in eorumdem perniciem cessurum. Itaque moram faciente populo in quarta mansionè, ecce Pharaò armatus cum omni exercitu suo, qui præcedentium vestigia infecutus, tandem quadam die ad vesperam inclinante, reperit eos iuxta mare. Vbi ex vna parte mons præruptis rupibus & omnino inuius ad littus vsque excurrebat, ex alia verò, ipsum mare. Cumque confestim omnes obsedisset vias, quibus effugium Hebræis esse posset, eosdem inter montem ac mare conclusit. Pepercit autem eos statim aggredi, quòd esset exercitus eius in persequendo defatigatus; ratus facile in crastinum se posse illos aut spontanea deditioe, aut armorum vi in pristinam redigere seruitutem. Hæc vt primùm cognouerunt Israëlitarum, protinus trepidare, ac de salute desperantes, lamentis cuncta implere cœperunt, grauissimisque Moysen verbis incusare, quòd eos in tantum discrimen impulsisset: illè verò ne animos desponderent placidè hortabatur, sed magis vt bono essent animo, & confiderent in eum, qui tot tantisque portentis eosdem de Aegypto eduxerat, potensque erat de manibus Aegyptiorum liberare. Denique Moyses pollicitus populo opportunum atque indubitatum à Deo auxilium, seditione tandem sedata, perrexit iubente Domino ad littus maris nocte iam incipiente, percussioque virga mari, statim, tamquam in vitro facta scissura, illud mirabiliter

QVOD DVAE
NUBES EXER-
CITVM CO-
MITAREN-
TVR.

DE HIS
QVAE ACCE-
DERVNT IN
QVARTA
MANSIONE.

PRIMA PO-
PVLIVS
MVR-
MVRATIO
POSTEGRES-
SYM DE AE-
GYPTO.

liter diuisum est in duas partes vsque in oppositam ripam, (& hoc est quod exprimitur in Psalmo 105. vers. 9. illis verbis: *Et increpuit Mare rubrum, & exiccatum est, &c.*) reliquitque in medio solidam latamque admodum ac spatiosam viam, quam continuo ingressi filij Israël, pedites proficiscebantur per medium sicci maris, habentes ab vtroque latere aquas, tamquam muros in altum eleuatas. Porro Ægyptij cum præter opinionem abeuntes persequi decreuissent, confestim Angelus Domini, qui præcedebat Israëlitas, ne quidquam mali ab Ægyptiis paterentur, tollens se de loco anteriori, interposuit se columnamque ignis inter castra Ægyptiorum & Israëlitis, ita vt ad se inuicem toto noctis tempore propius accedere non valerent; manens quippe nubes illa versus Hebræos luminosa, exhibebat se valde tenebrosam ab ea parte qua respiciebat Ægyptios Hebræorum terga insequentes. Igitur flante tota nocte vento vrente, hoc est calido & sicco, qui vapores crassos ex tanta aquarum à dextris & à sinistris existentium multitudine, nocturno præsertim tempore eleuari solitos, dissipabat, nimiamque aëris humiditatem, ne Hebræis molesta, vel etiam eorum paruulis noxia esset, ad temperiem reducebat: decem circiter horarum spatio sinum illum festinanter feliciterque transmiserunt; qui, vt in Geographorum tabulis intueri licet, pænè in acutum definit, & vbi à Moyse diuisus fuit, ad nouem millia passuum latitudinis habuisse dicitur, quemadmodum ex Orientalibus Lusitanorum navigationibus asserit Ioannes de Barros in suis Historiis, Asia inscriptis, Decade 2. lib. 8. cap. 1. vbi accuratam sanè Maris rubri descriptionem tradit, additque dictam maris diuisionem fuisse factam contra oppidum in Arabico littore positum, quod ipse vocat Tor, siue Tauris, communiter autem in Chronographorum tabulis appellatur Eltor; cui nunc rectà opponitur in ora Ægyptiaca aliud oppidum nomine Grondol, vt videre est apud Abrahamum Ortelium, speciatim in tabula Turcici Imperij, quæ in ordine 96. est. Duabus ergo circiter horis ante diem, nimirum currente vigilia matutina, cum iam Hebræi totum mare traiecissent, & Ægyptij non longe essent ab Arabico littore: ecce Dominus respiciens per columnam ignis super castra Ægyptiorum, cœpit interficere eos, non ferro, sed vt arbitror, quemadmodum exponit Iosèphus 2. Antiq. cap. 7. sæuissima quadam tempestate eis immissa: siquidem ad obscurissimas illius noctis tenebras, derepente ventis validissimis impellentibus, cœperunt de cælo ruere cum ingenti fragore magni quidam atque impetuosus imbres, horrendis associati tonitruis & fulgoribus coruscantibus, crebrisque fulminum ictibus cuncta miserimè exterminantibus, vt nihil omnino deesse videretur eorum, quæ ab irato Deo hominibus ad perniciem immitti solent. Quamobrem perterrefacti mirandum in modum Ægyptij, ad locum vnde venerant præcipites reuertebantur, exclamantes ac dicentes: *Fugiamus Israël; Dominus enim pugnat pro eis contra nos.* Diluculo autem, cum extendisset Dominus imperante Moyse manum contra mare, illico cœpit extendere se, & operire viam quæ per ipsum excurrerat. Oportet autem hanc huius viæ repletionem cœpisse ab eo loco, quo primum cœperat aperiri, nimirum à littore Ægyptiaco; siquidem ad ipsum confugientibus Ægyptiis occurrerunt aquæ, inuolueruntque Pharaonem cum vniuerso exercitu suo, ita vt ne vnus quidem euadere potuerit; iactaueruntque cadauera eorum super littus Arabicum, in quo iam morabantur Hebræi. Quamquam autem Moyse non videatur expressisse, quòd etiam ipse Pharaon submersus fuerit in Mari rubro, id tamen ex eius verbis liquido colligi potest: nam Exodi c. 14. vers. 28. dicit, quòd *currus & equites cuncti exercitus Pharaonis, qui sequentes ingressi fuerant mare, operiti sunt ab aquis, nec vnus quidem superfuit ex eis.* & cap. 15. vers. 4. inquit, quòd *electi principes eius* (illi nimirum, qui ipsius Pharaonis personam comitari solebant) *submersi sunt in Mari rubro.* & denique vers. 19. ait: *Ingressus est enim eques Pharaon cum curribus & equitibus eius in mare: & reduxit super eos Dominus aquas maris.* Quid clariùs dici poterat? Puto autem Pharaonem maluisse equo ferri per illud iter, quàm curru vehi, quòd promptior esse posset atque expeditior, si forte opus fuisset citius retrocedere, ac veloci fuga se de aquarum periculo subtrahere. Sed eum spes ac prouidentia sua fefellerit. Etenim si ex verbis Sacris constat, ipsum cum principibus & omni exercitu suo ingressum esse in mare, & nullum ex his qui ingressi sunt euasisse, vt etiam traditur in Psal. 105. vers. 11. illis verbis: *Et operuit aqua tribulantes eos, vnus ex eis non remansit.* Vtique fatcri necesse est, quòd etiam ipse Pharaon cum toto suo comitatu verè in aquis præfocatus interierit: alioquin sancta Ecclesia in improprio quod canitur Feria sexta in Parasceue, non diceret: *Ego eduxi te de Ægypto, demersa Pharaone in Mare rubrum.* Denique non est quòd de hac Pharaonis submersione quis ambigere debeat: quandoquidem etiam in Psal. 135. vers. 15. aperte legimus: *Et excussit Pharaonem & virtutem eius in Mari rubro.*

MOYSES DIXIT POTVLVM PER MEDIVM SICCI MARIS.

LATITUDO MARIS VBI A MOYSE FUIT DIUISVM.

AFFLICTIO ET INTERITVS ÆGYPTIORVM IN MARI.

Quo sanè loquendi modo Scriptura sacra videtur insinuare, quòd quemadmodum de pallio virga pulvis in terram excutitur; ita Dei vindicta de equo excutitus fuit Pharaon in mare. Alia lectio ibidem clariùs habet: *Et conuoluit, seu innoluit Pharaonem & exercitum eius in mari.* Et adhuc clariùs Chaldaica Paraphrasis (vt videre est in Bibliis Regiis) legit: *Et demersit Pharaonem & exercitum eius in Mari rubro.* Oportet igitur deceptum esse Manethonem, qui (vt refert Iosephus lib. 1. contra Apionem, ante medium) dicit, quòd Tethmosis post emissos Hebræos regnavit in Ægypto annis viginquique & mensibus quattuor. Fallitur, inquam, Manethon, quia oportet dictum Tethmosim vel absorptum fuisse in aquis, & non post, sed ante emissos Hebræos, tot annis regnasse; vel diuersum fuisse ab illo Ægypti Rege, qui de suo regno eosdem Hebræos abire permisit: quandoquidem de proprio dicti Pharaonis nomine, valde inter se discrepant Auctores; nam, vt dixi, Iosephus ex Manethone appellat eum Tethmosim; Cornelius Tacitus circa initia lib. 1. suorum Annalium, vocat Bocchorim; Eusebius in Chronicis, Chencrem; Iustinus Martyr in Oratione ad Gentes, Amasim. Sed quomolibet nominatus fuerit, certum est, ipsum cum exercitu suo in Mari rubro, iusto Dei iudicio absorptum interiisse, quemadmodum ex adductis Scripturæ sacre locis ostensum est; & expressè etiam tradiderunt Eusebius vbi suprâ, & Genebrardus lib. 1. suæ Chronologiæ, & alij, & præsertim omnes ferè Psalmi 73. Expositores, qui declarantes verba illa vers. 14. *Tu confregisti capita draconis,* &c. dicunt, ibi per draconem & capita eius, figuratè significari Pharaonem cum principibus suis in Mari rubro demersum, sicuti etiam Isaiæ cap. 51. vers. 9. illis verbis: *Numquid non tu percussisti superbum, vulnerasti draconem?* vt tradunt illius loci Expositores. Nam & Ezechiel cap. 29. vers. 3. Pharaonem apertè vocat draconem, dicens: *Ecce ego ad te Pharaon rex Ægypti, draco magne, qui cubas in medio fluminum tuorum.* Et ad huius intelligentiæ confirmationem, addunt, quòd sequitur, *Et dedisti eum escam populis Aethiopum,* indicare, vel quòd dicti Pharaonis cadauer postea ab vndis ad Arabicum littus eiectum, factum sit esca coruis, qui ob nigredinem nuncupantur Aethiopes: vel (vt alij existimant) quòd idem cadauer spoliatum fuerit ab Arabibus, qui paritèr dicuntur Aethiopes, quòd confines vel etiam mixti essent Aethiopibus, vt nos sub annis mundi 2545. num. 59. & 3093. num. 2. probabimus: vel denique (vt Græci Expositores tradunt) quòd regnum eiusdem Pharaonis, audita Regis eiusque exercitus submersione, reuerà ab Aethiopibus Africanis tamquam Ægypto proximis fuerit deprædatum. Porro filij Israël videntes Ægyptios mortuos super littus maris, tulerunt spolia ipsorum, vt dicitur Sapientiæ cap. 10. vers. 19. & crediderunt Domino; & Moysi seruo eius, qui ad exoluendas Deo debitas pro tanto beneficio gratiarum actiones, composuit cecinittque cum suis Canticum illud, quòd incipit: *Cantemus Domino, gloriosè enim magnificatus est,* &c. idemque seorsum faciebant Maria soror eius, & reliquæ mulieres, cum tympanis & choris præcinentes ac laudantes Dominum: Exodi cap. 14. per totum; & 15. vsque ad vers. 22. & Numer. cap. 33. versic. 7. Atque hoc pacto Moyses Iacobi adnepos ex tribu Leuitica, Deo auctore & adiutore, Israelitas Ægyptiorum seruitute liberauit. Et hæc sunt quæ paucis descripta habentur in Psal. 105. à vers. 7. vsque ad 14. illis verbis: *Et irritauerunt ascendentes in mare, Mare rubrum. Et saluauit eos propter nomen suum, vt notam faceret potentiam suam. Et increpuit Mare rubrum, & exiccatum est; & deduxit eos in abyssis sicut in deserto. Et saluauit eos de manu odientium, & redemit eos de manu inimici. Et operuit aqua tribulantes eos, vnus ex eis non remansit. Et crediderunt verbis eius, & laudauerunt laudem eius.*

26. Ceterum in præfata transitus Maris rubri historia, reiiciendas duximus quattuor Hebræorum præsertim opinionones, quas ipsi veterum traditiones appellant. Primam referunt inter alios Lyrampus super Exodi cap. 14. & in Canticorum cap. 6. super illa verba: *Anima mea conturbauit me propter quadrigas Aminadab.* inquit enim, quòd aperto mirabiliter per Moysen mari, cum filij Israël non auderent illud ingredi, Aminadab dux tribus Iudæ, magno animo cum suis omnium primus intrauit, aliisque insequendi exemplum præbuit; ac propterea tribus illa principatum super reliquas promeruit, à Iacob Genetis cap. 49. vers. 8. prophetatum. Idem ferè refert S. Hieronymus super postrema verba capitis 11. Osee, sed sub titulo fabulæ. ita enim ait: *Tradunt Hebræi huiusmodi fabulam: In exitu Israël de Ægypto, quando ex alia parte mons, ex alia Rubrum mare, & ex alia Pharaonis cingebat exercitus, & inclusus populus tenebatur, ceteris tribubus desperantibus salutem, & aut reuerti in Ægyptum, aut bellare cupientibus, solus Iuda ingressus fideliter est mare; vnde & regnum meruit accipere. & hoc esse quòd nunc dicatur: Iudas testis sermonum Dei, & astipulator ac vindex, descendit cum Deo in mare, & inter sanctos fuit fidelissimus,*

HEBRAEO-
RVM EXV-
TATIO.

REITICITVR
OPINIO
HEBRAEO-
RVM DE
AMMINA-
DAB, QVOD
PRIMVS IN
GRESSVS SIT
MARE.

simus, ut verbis iubentis crederet Dei. Hoc illi dicunt, inquit B. Hieronymus. Cui asserenti hanc esse fabulosam Hebræorum narrationem, non autem veram traditionem, credendum putamus, tum propter viri auctoritatem, maximamque traditionum Hebraicarum peritiam, tum quia quæ isti dicunt, probare non possunt: nam citata Canticorum scilicet & Osee loca, multò aliter à sacris Doëtoribus exponi solent, ut eisdem peruoienti constare poterit: & Iosephus, tamen si Hebræus, & suarum traditionum non ignarus, 2. Antiq. cap. 7. oppositum testatur, apertè dicens, Moysen primum intrasse in mare, hortatumque reliquos ut se sequerentur. Quare cum probabile sit, Leuitas immediate post Moysen tribus suæ principem esse subsecutos: si aliquam super ceteros prærogatiuam seu præminentiā meruerunt qui primi ingressi sunt mare; potius dici posset, hac de causâ tribum Leuiticam postea aliis in diuino cultu fuisse prælatam.

27. Altera opinio est, quam non Hebræi tantum, sed & nonnulli ex Latinis defendere nituntur: videlicet, Filios Israel non totum Mare rubrum transfussisse, nimirum ab Aegypto littore ad Arabicum; sed ducto intra mare longo circuitu, seu semicirculo, demum ad littus vnde ingressi fuerant, videlicet Aegyptium, rediisse: quia, inquit, non necessarius fuit ipsorum ingressus in mare, nisi ut Pharaonis exercitus, qui eos inlequebatur, mergeretur; nam alioqui, cum Mare rubrum non omnino separet Aegyptum à terra Chanaan, sed tantummodò partes Aegypti superiores, aliasque regiones super Aegyptum existentes, ab Arabia; utique poterant Hebræi transire de Aegypto ad Terram promissionis absque transitu Maris rubri. Præterea certum est, quòd tam ante, quàm post ingressum exitumque de Mari rubro, Hebræi ambulauerunt per desertum Etham, ut manifestè colligitur ex collatione eorum quæ dicuntur Exodi c. 13. vers. 20. cum his quæ habentur Num. cap. 33. vers. 8. ergo signum est, quòd ad idem littus reuersi sunt; siquidem non est credibile, desertum illud fuisse tam magnum, ut intra se includeret ipsum mare. Attamen, quidquid dicant Abulenſis super Exodi cap. 14. quæst. 9. & Paulus Burgenſis ibidem, qui pro Hebræorum opinione acriter pugnant; proculdubio cum primariis eorumdem Hebræorum Scriptoris, Iosepho scilicet & Philone, item cum Gregorio Nysseno, Lyrano, Caietano, & aliis, credimus, ipsos Hebræos totum illum maris sinum traieciſſe, ut liquidò colligi potest loco Numer. proximè adducto, ubi sic legimus: *Profectiſq; de Phihahiroth, transferunt per medium mare in solitudinem.* quod etiam clariùs indicat liber Sapientiæ cap. 10. vers. 18. ubi non ait, *Circumduxit*, sed, *Transſtulit illos per Mare rubrum, & tranſiit illos per aquam nimiam.* & Apostolus 1. ad Cor. cap. 10. vers. 1. de iisdem Hebræis verba faciens, ait: *Et omnes Mare tranſerunt:* & ad Heb. cap. 11. vers. 29. de ipsiſmet dicit: *Fide tranſierunt Mare rubrum.* Quæ Apostoli & Sapientiæ verba perspicuè attestantur, non aliquam in mari circuitionem, sed totius maritimi illius tractus transmissionem esse factam; quemadmodum adhuc manifestiùs explicant citati Auctores, Iosephus 2. Antiq. cap. 7. Philo non procul à fine lib. 3. de Vita Moysi; Gregorius Nyssenſus non longè à principio libelli de Vita Moysi; Lyranus, & Caietanus, & alij super allegato Exodi cap. 14. Neque obstant argumenta superiùs adducta: siquidem secundum (ut ab eo incipiamus) supponit, Phihahiroth fuisse in deserto Etham, quod Scriptura non dicit: & nos credimus, quòd dictum desertum initium sumeret à capite seu lingua Maris rubri Mediterraneum respiciente, ac sese admodum extenderet secus latus Arabicum eiusdem Maris rubri; & quòd filij Israel, quando primò venerunt in Etham, putabant se posse per illud desertum transire in Arabiam, absque transitu Maris rubri, sicuti iam bis fecerat Moyses, quando scilicet de Aegypto fugiens perrexerat in tertiam Madian, ut habetur Exodi cap. 2. vers. 15. & iterum quando inde, iubente Domino, rediit in Aegyptum, ut traditur cap. 4. vers. 20. & Aaron similiter, quando missus à Domino, venit in occursum Moysi in montem Sinai, & cum eo reuersus est in Aegyptum, ut patet ibidem vers. 27. quibus in locis neque Scriptura sacra, neque Iosephus, aut Philo, aliæ Scriptores, ubi de hoc agunt, vllum faciunt verbum de transitu Maris rubri, sed tantummodò de itinere per desertum facto. Verumtamen Israelitis multò aliter accidit: nam posteaquam fecerunt tertiam mansionem in Etham, hoc est in introitu illius deserti; coacti sunt (ut suprâ num. 22. dictum est) ad imperium Domini, qui disposuerat aperire mirabiliter aquas Hebræis, & in illis mergere Aegyptios; coacti, inquam, sunt columnam præeuntem sequi, & non ampliùs progredi ad Orientem, per desertum illud quo tendebant; sed illo post se relicto, iter suum Meridiem versus conuertere ad littus eiusdem maris Aegyptiacum, ut venirent in Phihahiroth, sicuti præceperat Dominus Moysi Exod. cap. 14. vers. 1. quem locum nequa-

AN HE-
BRAEI TO-
TUM MARE
RUBRYM
TRANSIE-
RINT.

nequaquam credimus fuisse in deserto Etham, sed in terra Ægypti iuxta mare, quemadmodum in figura paulò post ponenda spectare licebit: & per consequens, non valet argumentum adductum, quòd scilicet ad idem littus Hebræi redierint, per quod ingressi fuerant mare. Quòd si quis obstinatiùs contendat, potuisse desertum Etham pertingere vsque ad Phihahiroth; etiam hoc posito, non procedet argumentum, quia tunc dicendum esset, desertum illud fuisse aded magnum, vt illius maris linguam fatis arctam à tribus ferè partibus per aliquot milliaria circuiret, ac propterea potuisse populum ab vna illius maritimæ linguæ ripa ad oppositam in eodem deserto peruenire.



Ex hac figura benè percepta, facile etiam erit omnia Abulensis argumenta diluere. Ad aliud argumentum quòd primo loco adduximus, dicimus, quòd ex quo placuit Domino, vt Israëlitarum venirent in Phihahiroth, volebatque eos inde venire ad montem Sinai, qui est in Arabia, vt testatur Apostolus ad Galat. cap. 4. vers. 25. multò melius fuit, eos de littore Ægyptiaco transire in Arabicum ei ex aduerso oppositum, per quod compendiosior erat via ad Sinai, quàm semicirculo in mari facto, redire ad littus Ægyptiacum, vnde coacti essent longo admodum itinere iterum circuire ipsum Mare rubrum, antequam potuissent ad memoratum littus Arabicum peruenire. Itaque ingressus Israelitarum in Mare rubrum, non fuit tantum vt Ægyptij in eo perirent; sed etiam vt inde breviori itinere Hebræi ad Arabiam pertransirent.

VTRVM
VNI TAN-
TVM, AN
XI. VIAE
IN MARI
FACTAE
FVERINT.

28. Tertia Rabbiorum opinio fuit, non vnicam in Mari rubro viam diuinitus populo fuisse patefactam, sed duodecim, vt singulae tribus separatim per singulas vias incederent. Et præterea addunt, vias illas mirabiliter factas esse floridas ac virentes, adinstar campi germinantis. Et item, terrestria quæ secum ducebant Israelitarum animalia, transmutata fuisse in aquatica. Et hæc colligunt ex Sapientia cap. vlt. vbi vers. 7. legimus: *Et campus germinans de profundo nimio.* & vers. 18. subditur: *Agrestia enim in aquatica conuertebantur.* Sed quòd attinet ad maris diuisiones, non miror Rabbinos id coniunxisse: fuerunt enim in huiusmodi adinventionibus admirabiles: sed miratum sum magis, aliquot ex Catholicis Scriptoribus, alioqui eruditissimos, nempe Origenem Homil. 5. in Exodum; S. Epiphanium Hæresi 64. prope finem, vbi obiter recenset miracula Moyfi; Abulensem super Exod. cap. 14. quæst. 7. Genebrardum lib. 1. suæ Chronologiae, & super Psal. 135. vers. 13. non solum recipere huiusmodi commentum, sed & niti illud rationibus confirmare. Equidem, quidquid isti dixerint, mihi absque vlla hæsitacione asserendum videtur, vnicam tantummodò in mari viam diuinitus fuisse factam; quando nusquam apparet tribus Israeliticis tunc aded ab inuicem fuisse seiunctas, vt non possent simul per eandem viam maritimam, quemadmodum antea per terrestrem ambulauerant, proficisci. Quòd si duodecim fuissent viæ, vique

opor-

oportere etiam Pharaonis exercitum in duodecim partes fuisse distributum; & columnam ignis, quæ se tunc dicitur posuisse inter castra Aegyptiorum & Israelis, ita vt toto noctis tempore ad se inuicem accedere non possent, in duodecim columnas esse multiplicatam: hæc verò ex Sacro textu non modò deduci non possunt, sed & eidem omnimodis aduersari certum est. Huc accedit, quòd nulla ratio suadet debuisse fieri tot vias; neque par est multiplicare miracula sine necessitate, præsertim cùm in Psal. 76. vers. 20. apertè legatur: *In mari via tua, & semite tue in aquis multis.* Et Sapientia cap. vlt. vers. 7. *Et in Mari rubro via sine impedimento.* via inquam vna, & non plures. Nec refert, quòd in Psal. 135. dicatur, *Qui diuisit Mare rubrum in diuisiones.* quia ibi Scriptura, vt interdum solet, numerum pluralem pro singulari vsurpat, nisi fortè ille sit Hebraismus, idem significans, ac si dictum esset: Qui diuisit Mare rubrum in duas partes, per Metonymiam, accipiens diuisiones pro partibus diuisis, quemadmodum 3. Reg. cap. 11. vers. 31. dicitur: *Tolle tibi decem scissuras.* hoc est, partes pallij scissi. Porro quòd dictum est de campo germinante, herbamque virentem proferente, benè exponit Iansenius super eo Sapientia loco dicens, debere accipi tamquam hyperbolicè prolatum, ad infinituandum, quòd Hebræi tanta cum facilitate ac suauitate per viam illam incedebant, quanta per campum herbis floribusque refertum progredi potuissent. Et eodem ferè modo dici potest de illis alijs Sapientia verbis: *Agrestia in aquatica conuerterebantur.* id est (vt ibidem exponit Dionysius Carthusianus) Animalia, quorum natura est, super terram deambulare, modum quodammodò & proprietatem piscium assumpserunt, eundo per fundum Rubri maris, in quo pisces natare solent. Rectè ergo Iansenius, & ante ipsum Lyranus & alij crediderunt, Sapientem non minùs in prioribus verbis citati capitis, quàm in posterioribus figuratè locutum esse; non autem in posterioribus quidem figuratè, in prioribus verò propriè, quemadmodum putat Ioannes de Pineda in Iob cap. 26. vers. 5. & lib. 4. de Rebus Salomonis cap. 13. Nam etsi (vt ipse ait) quidam Scriptores, & noui Orbis repertoires narrent, Parium mare quibusdam herbis floribus longissimisque, nimirum à radice ad summum cacumen palmorum sexaginta, ita esse refertum & implicitum, vt nauigare nequeat: & Plinius lib. 13. cap. vlt. de alijs maribus, ac speciatim de Mari rubro asserat, eius fundum siluarum arborumque esse feracem, ac producere lauros, oleasque, & alios frutices magnitudine ternorum cubitorum, licet ab ijs qui in terra gignuntur non nihil differentes. Ex quibus videtur posse colligi, prænarata Sapientis verba ad litteram esse accipienda; & per campum germinantè indicare voluisse, quòd Hebræi gradientes per viam sicci maris inuenerint fundum eius ad modum campi plantas naturaliter producentis. Nihilominus omnia hæc nihil Lyrani Ianseniique dictis aduersantur, immò eorum sententiam magis confirmare videntur: nam si talis fuisset dicti maris fundus quàm transferunt Hebræi, qualem naturaliter esse describit Plinius; vtique frutices illi, præsertim in siluæ modum densi, maximo gradientibus impedimento fuissent. Atqui Scriptura sacra apertè contestans, viam illam fuisse sine impedimento, & adinstar campi, nimirum plani, herbas floresque germinantis; profectò videtur non naturalem illius fundi qualitatem significare voluisse, sed potius figurata illa locutione exprimere facilitatem cum quadam amœnitate coniunctam, quam seruis suis in illo itinere Deus mirabiliter præstitit, vt dictum est.

MARIS RV-
BRI EVN-
DVS PLAN-
TAS PRO-
FERT.

29. Quarta demum opinio Rabbinorum, superioribus multò (vt sic dixerim) exorbitantior, fuit illa quam refert Lyranus super Exodi cap. 15. vers. 2. vbi exponens illa verba: *Iste Deus meus,* &c. ait: *Dicunt Hebræi, quòd illud pronomen, Iste, facit demonstrationem ad sensum; quia tunc videbant Indei Deum, & ostendebant eum digito super Mare rubrum, in aliqua tamen similitudine visibili, puta (vt alij explicant) hominis armati, ac pro ipsis bellantis, iuxta illud quòd ibidem subditur: Dominus quasi vir pugnator, &c. (Deitas enim sensibiliter videri non potest.) Vnde addunt aliud absurdius, nimirum, quòd clariùs tunc vidit populus Deum, quàm postea Prophetæ.* Hæc autem tamquam signenta, sine vlla Scripturæ sacrae auctoritate asserta, ea facilitate qua fuerunt prolata, contemni debent, vt idem Auctor ibidem affirmat; subiungens, non esse verisimile, quòd Deus populo illi ad eò carnali, qui paulò antè acriter aduersus Moysen murmurauerat, tantam sui ipsius ostensionem præstiterit; & si præstitisset, non eam Scriptura silentio præterisset. Illud ergo pronomen, *Iste*, non demonstrationem sensibilem indicabat, sed intellectualem, ex effectu tamen visibili causatam; non illo quem nimis audacter (vt solent) confinxerunt Rabбини, sed eo quem Scriptura cap. præcedenti vers. 24. narrauerat dicens: *Iamq; aduenerat vigilia matutina, & ecce, respiciens Dominus super castra Aegyptio-*

EXPONVN-
TVR VERBA
EXODI CAP.
15. VERS. 2.

rum per columnam ignis & nubis, interfecit exercitum eorum, &c. Ex hoc ergo effectu sensibili, nimirum ex mirabili illa Ægyptiorum interfectione, non immediatè à Deo facta, sed per Angelum; non in forma viri armati, sed de columna nubis & ignis (vt supra num. 22. dictum est) ventos, & imbres, & tenebras, & tonitrua, & fulgura, & fulmina super Ægyptios iaculantem; intellexerunt Hebræi, Deum ipsis singulari protectione præstò fuisse. hæc autem non humanam excedebant intelligentiam, quemadmodum multa quæ Prophetæ in suis visionibus, humanum captum superantia, singulari quodam Dei beneficio supernaturaliter intelligere meruerunt: vnde Prophetarum mentes multò magis à Deo fuisse eleuatas, & longè maiori lumine illustratas, dubitare nemo debet. Sed iam tempus est, vt ad inchoatam Hebraici populi peregrinationem redeamus.

30. Actis Deo gratis pro admirabili illo maris transitu, & omnimoda ipsorum ab Ægyptiis liberatione, filij Israël de Arabico Rubri maris littore discedentes, columna nubis ducè, triduo ambulauerunt per desertum Sur, vt dicitur Exodi cap. 15. vers. 22. siue per desertum Etham, vt habemus Num. cap. 33. vers. 8. Ex quibus locis datur intelligi, aut desertum illud duplici nomine fuisse nuncupatum; aut viam illam per quam proficiscebantur, in vtriusque deserti confinio extitisse; aut (quod magis reor) Etham fuisse nomen totius deserti, Sur autem cuiusdam partis, vel contrà, illius inquam partis, per quam gradiebantur Israëlitarum post transitum maris. Igitur die quarta post discessum de mari, fecerunt quintam mansionem in quodam illius deserti loco, quem propter aquarum amaritudinem vocauerunt Marà, id est Amaritudinem; vbi murmurauit populus contra Moysen, dicens: Quid bibemus? At ille clamauit ad Dominum. qui ostendit ei lignum: quod in aquis positum, illicò dulcorauit eas. In hac mansione dicitur Dominus, nimirum per Moysen, constituisse præcepta atque iudicia populo, eumque tentasse, hoc est egisse cum populo eo modo, quo solet quis quandoque tentare seu explorare intentionem siue internam dispositionem alterius hominis. Quæ autem fuerint ista præcepta ac iudicia, non exprimitur. Verùm quia quod grati à Rabbi Salomone asseritur, scilicet tunc data fuisse duo præcepta, alterum de sanctificatione Sabbati, alterum de cineribus vitulæ ruscæ cum aqua miscendis, ad legales quasdam contaminationes abluendas; pluribus ab Abulense rationibus optimè refellitur; neque quamnam fuerint tunc data præcepta sciri potest: idcirco non improbabilius crediderim, cœpisse tunc Moysen de mandato Domini generaliter disserere in populo de præceptis Decalogi, aliisque à Deo promulgandis; vt vniuersali quadam præcognitione eos disponderet ad leges libenter à Domino accipiendas. Possumus autem verisimiliter conicere, Moysen huiusmodi sermones ad populum habuisse: Videtis quomodo Dominus Deus vester, in promissis suis fidelissimus, mirabiliter vos eripuerit de seruitute Ægyptiaca, & interfecitis in conspectu vestro hostibus vestris, vos omnes in pristina patrum vestrorum libertatem vindicauerit. cogitat maiora insuper vobis bona conferre: statuit eligere vos sibi in populum peculiarem, vt sit ipse solus Deus vester, & vos populus eius, & tamquam oues pascuæ eius: propter eà daturus est vobis sacrosanctas Leges suas, morales ac cærimoniales, quæ vos dirigant in his quæ pertinent ad diuinum cultum, & ad bonam consuetudinem inter vos retinendam; & item iudiciales, pro bona reipublicæ vestræ conseruatione ac regimine. Præparate ergo corda vestra ad eas deuotè suscipiendas, diligenterque custodiendas; ne fortè postea, propter inobedientiam obstinationemque vestram, inducat super vos Dominus mala, quæ ipsi vidistis cum super Ægyptios iussionibus suis rebelles induxisset. Hæc aut his similia dixisse Moysen, probabile fit ex his quæ breuiter tanguntur Exod. cap. 15. prope finem. & his actis, de Mara venerunt ad alium illius deserti locum, qui dicebatur Elim; vbi erant duodecim fontes aquarum, & septuaginta palmæ, ibique fecerunt sextam mansionem: Exod. cap. 15. Inde postmodum egressi, fixerunt tentoria super Mare rubrum, hoc est, iuxta sinum quemdam illius maris, qui ibidem ingrediebatur dictum desertum. & hæc fuit septima mansio, quæ Exodi cap. 16. vers. 1. præterita est; sed postea recensita fuit Numer. cap. 33. vers. 10. inter Elim & Sin.

31. Mense secundo ab exitu de Ægypto, die decimaquinta mensis, id est, vt paulò post demonstrabitur, die ab eodem exitu trigesima, venerunt Israëlitarum, feceruntque octauam mansionem in deserto Sin, quod erat inter Elim & Sinai: Exod. cap. 16. vers. 1. Vnde patet, quinque mansiones, quæ numerantur ab Elim ad Sinai, videlicet septimam, octauam, nonam, decimam, & vndecimam, factas esse in diuersis locis eiusdem deserti Sin; quarum prima nec proprio nec communi vocabulo, sed à maris dumtaxat propin-

DE DESERTO
ETHAM ET
SVR.

DE ACTIS
IN QUINTA
MANSIONE.

SECUNDA
POPULI
MVRMURA
TIO IN DE
SERTO.

DE VI. ET VII
MANSIONE.

DE DESERTO
SIN.

propinquitate signatur: altera communi totius deserti nomine, Sin dicitur: tres verò reliquæ propriis quibusdam nominibus notatæ sunt; nempe Daphca, Alus, & Raphidim. Oportet autem hoc desertum Sin fuisse longè diuersum ab eo, in quo infra sub anno mundi 2583. num. 1. dicemus factam fuisse trigessimam tertiam mansionem, vt aduertit B. Hieronymus ad Fabiolam mansione 33. & idèd ait, primum appellari Sin, alterum verò debere dici Zin. & ita habent plurima Sacri codicis exemplaria. Verùm quia quæ magis probata sunt, videlicet Lxx. Interpretum & Vulgata, vtrouque legunt Sin; cogimur dicere, duo hæc deserta, tametsi inter se diuersa, eiusdem nominis extitisse: & propterea hic addita esse illa verba, *quod est inter Elim & Sinai*, ad differentiationem alterius deserti, quod erat vltra Sinai in Cades. Neque mirum est, fuisse duo deserta eodem vocabulo nuncupata; quandoquidem multas quoque vrbes & pagos iisdem prorsus nominibus appellari, tum apud veteres, tum apud recentiores adèd notum est, vt probatione non indigeat. In hac octaua mansione hæc capite Exodi citato acta fuisse describuntur: Primò, cùm iam defecisset farina, quam tantummodò conspersam, ac needum fermentatam tulerant de Ægypto, nec quidquam aliud quod alerent habere, aut in illo deserto admodum sterili reperire possent; populus, qui tum nolebat pecora & armenta interficere, ne breuì, iis quoque deficientibus, fame omnino interiret, cùm in talibus angustiis positus, debuisset clamare ad Dominum, qui dat escam omni carni in tempore opportuno, & implet omne animal benedictione; econtrariò murmurare cœpit aduersus Moysen & Aaron. Et nihilominus murmurantium insipientiæ atque imperfectioni indulgens miserator & misericors Dominus, promissit dare eis ad vesperam carnes, & manè insequenti panes, idque protinus opere adimpleuit. Etenim eodem die aduesperascente, ecce innumera pænè coturnicum multitudo volitans, & tamquam valde fessa, super castra conqueiens, cuncta operuit, ita vt commodè eas capere, hisque saturati cuncti potuerint. In crastinum autem surgentes Israëlita, aliud grande prodigium ante omnium oculos positum inspexerunt, nimirum terræ superficiem longè lateque manna coopertam. Et hoc est quod dicitur in Psalm. 104. vers. 40. *Petierunt, & venit coturnix, & pane calisaturauit eos*. Verumtamen hic prætereundum non est, quod Iosephus 2. Antiq. in calce capitis 5. asserit, filios Israël ab exitu ad hanc mansionem macerata farina modico calore in panis speciem solidata, hoc est azymis, parçè, ad necessitatem potius quàm ad satietatem sumptis, per dies triginta fuisse sustentatos. Quod si verum est, vt credimus, vtique oportet supponere, primum primi Anni sacri mensẽ habuisse non triginta, vt ponunt Hebræorum Rabbinì in suis Kalendaris, sed viginti nouẽ dumtaxat dies; & secundum mensẽ, triginta; & sic deinceps reliquos alternatim: alioquin ab exitu ad octauam hanc mansionem fluxissent dies non triginta, vt dictum est, sed vnus & triginta. totidem enim à decimaquinta mensis primi die, in cuius initio exire cœperant de Rameffe, ad decimumquintum secundi mensis diem, in quo fecerunt octauam mansionem in Sin, terminis computatis inuenirentur; nempe sexdecim primi mensis, & quindecim secundi. Et quidem melius est ponere, primum Anni sacri mensẽ Lunarem habuisse viginti nouẽ tantum dies; & secundum, triginta; & sic de reliquis; quàm primum, triginta; & secundum, viginti nouẽ, &c. tum quia etiam ante Sacri anni institutionem, quando anni ducebantur ab orbe condito, menses ita fuisse ordinatos, satis probabiliter colligi potest ex his, quæ sub annò mundi 1656. num. 25. diximus; tum verò maximè, quoniam cùm Luna (vt suprà num. 9. dictum est) viginti nouẽ diebus cum dimidio cursum suum impleat ab vna eius renouatione ad alteram; multò conuenientius videtur, particulam temporis, quæ ad secundum mensẽ pertinebat, non debuisse addi primo; sed potius e conuerso, in mensẽ secundo suppleendam fuisse illam quæ deerat in primo; sicuti videmus fieri in annis Solaribus, qui cùm singuli constent trecentis sexaginta quinque diebus & quadrante, in quarto quoque anno additur vnus dies, vt quadrantes qui in præcedenti quadriennio defecerant, suppleantur. Cùm igitur Israëlita exeuntes de Rameffe die decimaquinta primi mensis (vt paulò antè, & suprà num. 20. dictum est) nihil aliud præ temporis angustiis secum pro victico deferre potuissent nisi farinam conspersam, & adhuc minimè fermentatam, ex qua postmodum, quocumque eos deuenire contingebat, faciebant sibi subcinericios panes azymos, vt apertè dicitur Exodi cap. 12. vers. 39. die verò decimaquinta mensis secundi, vt paulò antè diximus, defecisset farina de Ægypto allata; consequitur, ipsos triginta diebus continuos alitos fuisse azymis, nimirum quindecim diebus primi mensis, qui à die decimaquinta inclusiue ad finem mensis defluerant, & totidem ab ini-

DEACTIS IN
OCTAVA
MANSIONE.

TERTIAPRO-
PVLI MYR-
MYRATIO.

PRIMA CO-
TVRNICVM
LARGITIO
CAELITVS
FACTA PO-
PVLO.
MAN PRIMO
DATVM
POPVLO.

PRIMUM
PRIMI AN-
NI MENSEM
FVISSE 29.
DIARYM.

ratio secundi mensis vsque ad diem decimam quintam inclusiuè decursis. Hinc item apparet verissimum esse, quod omnes ferè Theologiæ mysticæ Scriptores affirmant, non priùs datum fuisse populo panem de cælo, quàm defecisset ille, quem de terra Aegypti detulerant.

32. Itaque cùm die decimasexta mensis secundi ab exitu, vt dictum est, manè surgentes filij Israël, vidissent per circuitum castrorum in solitudine terram in modum pruinæ coopertâ manna; nescientes quid esset, dicebant ad inuicem: *Manhu? quod significat: Quid est hoc? Quibus ait Moyses: Iste est panis, quem Dominus dedit vobis ad vescendum.* propterea Hebræi nuncuparunt illum Man. Et continuò Moyses tradidit eis leges in eo colligendo obseruandas: vt scilicet in singulos priores quinque dies colligerent tantummodò quantum eis pro illa die sufficeret, nimirum ad rationem vnus mensuræ gomor, quæ decima pars est ephi, per singula capita: die verò sexto duplum, vt haberent etiam pro die septimo, in quo non pluebat Man; quia volebat Dominus vt eo die sabbatizarent, abstinentes ab operibus seruilibus, quò possent accuratius diuino cultui vacare. Igitur qui hæc leges obseruare neglexerunt, præterquam quòd à Moyse grauius obiurgati sunt, insuper etiam experimento didicerunt, nihil sibi profuisse inobedientiam suam: quandoquidem, & qui plus minùsve collegerant, neque minus neque amplius habuerunt; & qui illud præ diffidentia seruare vulerant, in crastinum scaterere vermibus, ac computruisse experti sunt, præterquam in die septima; & denique, qui die Sabbati ad colligendum exierant, nihil omnino quod colligerent inuenerunt. Erat autem Man quali semen coriandri, album, siue coloris bdellij: & licet crudum gustui non esset insuaue; (siquidem, vt dicitur Exod. cap. 16. vers. 31. habebat saporem quasi similæ cum melle commixtæ;) attamen à maiore gratiam ei conciliandam, solebant præparare illud frangentes primò mola ad modum tritici, vel terentes in mortario; deinde coquere in olla, & facere ex eo tortulas saporis quasi panis oleati, hoc est cum oleo in sartagine cocti, Num. cap. 11. vers. 7. Quamquam præter dictum saporem, qui erat ei naturalis, alium quoque habebat supernaturaliter ei ad singularem illius populi delectationem inditum, quo cuiusvis comedentium desiderio appetitiue plene satisfacere poterat; cuius rei præclarum Sapientia cap. 16. vers. 20. habemus testimonium illis verbis: *Pro quibus Angelorum esca nutriuisti populum tuum, & paratum panem de cælo prestuisti illis sine labore, omne delectamentum in se habentem, & omnis saporis suauita em: substantia enim tua dulcedinem tuam, quam in silicis habes, ostendebat, & de seruientis vnus cuiusque voluntati, ad quod quisque volebat, conuertebatur.* hæc tenus verba Sapientia. Neque paucis tantum diebus hoc tam excellenti cibo cælitus altij sunt Israëlita; sed deinceps quotidie, vsquequò ad fines terræ Chanaan peruenerunt, spatio scilicet annorum quadraginta. In cuius facti memoriam mandauit Dominus Moyli, Moyses verò Aaroni, vt gomor plenum Man loco apto reponeret, postea in Tabernaculo fœderis, cùm extructum foret, coram Domino perpetuò asseruandum, vt scirent posterij, quo cibo paussset Dominus patres ipsorum tot annis in deserto. Sed & illud quoque mirabile fuit, quòd Man de mandato Domini sic repositum, tanto tempore illæsum atque incorruptum permanferit, cùm alioqui neque in alterum diem à putredine præseruari posset, vt cognoscamus quanta sit diuini præcepti vis, & sanctæ obedientiæ virtus. Ceterum, si Manna dari cœpit Hebræis in prima Sabbati, quam nos diem Dominicam appellamus, vt testatur S. Augustinus in Serm. 154. de Tempore, vbi plura alia eademque mirabilia à Deo opera in hac die patrata recenset; & non obscurè item videtur comprobari posse ex cap. 16. Exodi, vbi à vers. 17. ad 31. accuratè legentibus apparet, Hebræos aliquot vicibus seu diebus antequam veniret sexta & septima dies, collegisse ac comedisse Manna: vtique necessariò consequitur, verum esse quod suprà num. 21. adnotauimus, videlicet primum Pascha ab Hebræis in exitu de Aegypto celebratum, incidisse in die Veneris, qui incipiebat immediatè post solis occasum diei præcedentis, quemadmodum præcisè etiam contigit post bis mille annos, & amplius imminente Passione Christi; & consequenter constat, ipsum Christum celebrasse Pascha cum discipulis suis non modò eodemmet tempore, quo secundum Legem celebrari debebat; sed etiam eodemmet currentis hebdomadæ die, quo olim fuerat institutum, ac prima vice ab Hebræis celebratum; quod hic obiter notatum sit. Prænotatam Mannæ historiam descriptam inuenies Exodi cap. 17. per totum.

MAN QVA-
LE.

DYPLEX
EIVS SAVOR

QVAMDIU
HEBRAEI
MANNA
ALTI.

33. Egressi de octaua mansione facta in Sin, fecerunt nonam in Daphca, decimam in Alus, & vndecimam in Raphidim, Numer. cap. 33. vers. 12. & Exodi cap. 17. vers. 1. Ibi non inuenta aqua, non solum murmuraui populus contra Moysen; sed & ausus est

MANSIO 9.
10. ET 11.

est tentare Deum, ac dubitare de prouidentia eius, dicens: *Esne Dominus in nobis*, an non? Fuit autem hoc eò maius peccatum, quòd maiora atque euidentiora viderant signa diuinæ erga ipsos prouidentia ac paternæ gubernationis. Vnde magis elucet admirabilis Dei tolerantia, qui nihilominus (vt dicitur in Psalm. 104. vers. 42. *memor verbi sancti sui, quod habuit ad Abraham puerum suum*. id est, memor promissionis factæ ipsi Abraham seruo suo, de eius progenie ab Aegypto in terram Chanaan reducenda; non eos (quemadmodum ipsorum perfidia ac diffidentia postulare videbatur) in deserto deleuit, q̃tin potius præcepit Moysen, vt percuteret petram Horeb virga, qua dudum percussisset fluuium Aegypti; quò factò festum exiuit aqua, bibitque populus, & cessauit murmuratio eius. Et hæc fuit primaeductio aquæ de petra, quæ describitur Exod. cap. 17. à vers. 2. vsque ad 8. nam altera traditur Num. cap. 20. vers. 1. vsque ad 14. Patet autem ex vtriusque narratione, has fuisse inter se valde diuersas: quandoquidem prima facta est mansione 11. in Raphidim, secunda verò mansione 33. in Cades, In prima legimus, populum non modò murmurasse aduersus Moysen; sed & tentasse Deum, vt dictum est: in secunda, eundem populum tantummodò versum in seditionem contra Moysen & Aaronem. In prima habemus, solum Moysen clamasse ad Dominum, nulla facta tabernaculi mentione, quod adhuc factum non erat: in secunda specialiter dicitur, Moysen & Aaronem ingressos tabernaculum fœderis corruisse pronos coram Domino. Prima dicitur facta coram senioribus, secunda autem coram omni Israëlitarum multitudine. Prima commissâ fuit soli Moysi, secunda Moysi & Aaroni. Prima in petra montis Horeb semel percussa, secunda in alia petra existente in Cades bis percussa. In prima nihil innuitur, quòd Moysen in fide hæsitauerit, & quòd vllam meruerit a Deo castigationem: in secunda verò hæc expresse legimus: *Dixitq̃, Dominus ad Moysen & Aaron, Quia non credidistis mihi, vt sanctificaretis me coram filiis Israël, non introducetis hos populos in terram, quam dabo eis*. Denique locus primæ, nuncupatus est Tentatio: at secundæ, vocabulo Aquæ contradictionis designatur. Vtriusque huius miraculi indistinctè fit mentio in Psalm. 77. vers. 15. & Psalm. 104. vers. 41. illis verbis: *Interrupit petram in cremo, & adaquauit eos velut in abyssu multa. Et eduxit aquam de petra, & deduxit tamquam flumina aquas. Dirupit petram, & fluxerunt aque, abierunt in sicco flumina*. & 1. ad Corinth. cap. 10. vers. 4. vbi Apostolus indicat, petram illam quæ percussa dedit aquas, significasse Christum, qui in sua passione pro nobis à Deo percussus, obtinuit populo Christiano abundantiam diuinæ gratiæ. inquit enim: *Bibebant autem de spiritali consequente eos petra; petra autem erat Christus*.

QUARTA PO-
PVLI MVR-
MVRATIO.

PRIMA A-
QVÆ EDV-
CTIO DE PE-
TRA.

QVOMODO
FVERIT DI-
VERSA AB
ALTERA.

MONS HO-
REB ET SI-
NAI, AN
IDEM, VEL
DIVERSVS.

34. Sed hic dubium occurrit. Si à Raphidim ad Sinai, Sacra attestante historio, tantum intercedebat itineris, quantum ab vndecima mansione ad duodecimam; & idem mons creditur fuisse Horeb cum monte Sinai; quæ fieri potuit, vt Moyses in Raphidim manens percussisset petram montis Horeb? Ad hoc antequam respondeamus, oportet prius videre quomodo verum sit quod supponitur, nimirum, eundem fuisse montem Horeb & Sinai. Nam licet B. Hieronymus in lib. de Locis Hebraicis, verbo Choreb, posteaquam Eusebij, illius libri Auctoris, verba transtulit, dicens: *Choreb mons Dei in regione Madian, iuxta montem Sina, supra Arabiam in deserto*, &c. mox ex propria sententia subiungit: *Mihi autem videtur, quòd duplici nomine idem mons, nunc Sina, nunc Choreb vocetur*. attamen huius S. Doctoris sententiam nos sic interpretandam censemus, vt reverà non fuerint duo montes sibi inuicem proximi, quemadmodum putauit Eusebius; sed vnus dumtaxat mons in longum valde porrectus, & duplici vocabulo nuncupatus, non quidem secundum se totus, sed secundum partes; ita vt pars eius Occidentalis, quæ radices suas vsque prope Raphidim extendebat, propriè diceretur Horeb; & sic benè potuit Moyses prope Raphidim percutere petram montis Horeb: Orientalis verò pars, quæ intra desertum Sinai excurtebat, ab eiusdem deserti nomine, mons Sina vel Sinai denominaretur: alioqui oporteret locum in quo percussa est petra, non semper Horeb, sed quandoque, & Sinai fuisse appellatum; quod nusquam inuenimus. Cur autem tantummodò locus vbi fecit populus duodecimam mansionem, & vbi data est Lex, interdum vocetur Horeb, interdum verò Sinai, quemadmodum ex locis proximè adducendis constabit: hanc credimus extitisse causam; quia scilicet ibi tum in ipso montis cacumine; vbi data fuit Lex, tum inferius vbi stabat populus, terminabant dictæ illius montis partes, Occidentalis videlicet, & Orientalis: quare non mirum est, si ille locus tantum vtroque nomine deprehenditur appellatus; & quæ ibi facta sunt, aliquando in Sinai, aliquando in Horeb facta esse dicuntur, propter vtriusque partis confinia ibidem inuicem concurrentia. De duplici autem eiusdem loci

appellatione, possent hic plura Scripturæ adferri testimonia; sed breuitatis ergo paucis contentus ero. Et primò legimus Exodi cap. 3. vers. 1. Deum apparuisse Moyfi in rubo in monte Horeb; & cum vellet eum mittere ad Pharaonem, dixisse ei vers. 12. *Ego ero tecum, & hoc habebis signum, quòd miserim te, cum eduxeris populum meum de Aegypto, immolabis Deo super montem istum.* Atqui ex Exod. cap. 24. vbi hæc immolatio describitur, apparet, præcipue vers. 16. eam fuisse factam in monte Sinai. Item ex postremis verbis Exodi cap. 31. & ex toto capite sequenti, manifestum sit, Israëlitas fecisse adorasseque vitulum aureum ad radices montis Sinai, vbi morabatur populus eo tempore, quo mansit Moyses in vertice eiusdem montis quadraginta diebus, vt Legem Domini mereretur accipere: & tamen in Psalm. 105. vers. 19. dicitur: *Et fecerunt vitulum in Horeb, & adorauerunt sculptile.* Denique vide Exod. cap. 19. præcipue vers. 11. 18. & 20. item cap. 24. vers. 16. & c. 31. vers. 18. & cap. 34. vers. 2. 4. 29. & 32. Ex his enim & aliis plerisque sacræ Scripturæ locis aperte colligitur, Legem datam fuisse in monte Sinai: quod etiam testificantur Apostolus ad Galatas cap. 4. vers. 24. illis verbis: *Hæc enim sunt duo testamenti, vnum quidem in monte Sina, &c. & S. Ecclesiâ in festo S. Catharinæ, dicens: Deus, qui dedisti Legem Moyfi in summitate montis Sinai, &c.* Et nihilominus, si attendas quæ dicuntur Deuter. cap. 4. præsertim vers. 10. & 15. & cap. 5. vers. 2. & deinceps; proculdubio inuenies, Legem datam fuisse in monte Horeb. quod etiam manifeste colligitur 3. Reg. cap. 8. vers. 9. & lib. 2. Paralip. cap. 5. vers. 10. quibus in locis legimus, quòd in Arca nihil aliud erat, nisi due tabule, quas posuerat Moyses in Horeb, quando Legem dedit Dominus filiis Israël. & Malach. cap. 4. vers. 4. *Memento* (inquit Dominus) *Legis Moyfi serui mei, quam mandavi ei in Horeb ad omnem Israël.* Optime igitur Ecclesiastici c. 48. vers. 7. vbi memoratur locus, in quo data fuerat Lex, ponuntur hæc duo nomina, Sina & Horeb. Sic enim dicitur: *Qui audis in Sina iudicium, & in Horeb iudicia defensionis.* Et hoc idem factum putamus, vt clarius fieret, pro vno eodemque loco debere accipi Sina seu Sinai, & Horeb, ob causam superius adductam: & consequenter, quotiescumque legimus Israëlitas profectos esse de Horeb, (vt speciatim dicitur Deuter. cap. 1. vers. 2. & 19.) debere intelligi eos profectos esse de Sina, hoc est de duodecima mansionem, quæ ibi supponitur facta in Horeb: Exodi autem cap. 19. in principio, & Num. cap. 33. vers. 16. dicitur facta in Sina seu Sinai.

35. In Raphidim faciente populo vndecimam mansionem, ecce Amalecitarum, de quorum progenie atque inhumanitate sub anno mundi 2319. num. 9. diximus; veriti ne oppida ipsorum, ab illo deserto non valde distantia, ab Israelitis occuparentur; vt erant admodum audaces, tempus præripientes, derepente eos iniuadunt; & extremos agminum Israel, nihil mali à fratribus suspicantes, cedere aggrediuntur (erant enim Amalecitarum, vt anno proximè citato docuimus, posterii Esau fratris Iacob, à quo ipsi Israelitarum descenderant.) Quamobrem præcepit Moyses ministro suo Iosue, vt confestim deligeret sibi viros ad bellum expeditos, ac sequenti die pugnaret aduersus Amalecitas. Ipse verò in crastinum, tenens virgam in manu sua, & ascendens cum Aaron & Hur in proximum collem, vnde præliantes spectari poterant, orabat assidue pro populo Israel. Accidit autem, vt orante Moyse, quandocumque manus attolleret, superarent Hebræi; quando verò tantisper eas remitteret, vincerent Amalecitarum. Ad quod aduerterentes Aaron & Hur, supponentes ei lapidem, in quo sedit, ipsi vtrique sustentabant manus Moyfi graues & lassas vsque ad solis occasum. Itaque tandem, Deo benè fauente, victor euasit Israel, & Iosue Moyfi orationibus adiutus, profligauit hostes. Vsque adeo autem displicuit Domino iste Amalecitarum ausus, vt statim mandauerit Moyfi, vt rem gestam in libro describeret, ad ipsius Iosue, qui Moyfi successurus erat in ducem populi, & posterorum eius memoriam; tum vt dicerent se non tantum armis, quàm deuota suorum ducum supplicatione, de hostibus suis victoriam consecutos, & in posterum quoque consecuturos; tum verò præcipue, vt certò scirent, se diuino mandato teneri, pro temporis opportunitate de Amalecitis vindictam sumere, & eos de terra delere. Quare non mirum est, si postea Moyses morti proximam, in libro Deuteronomij, in quo diuina mandata collegit, hæc ad verbum scripta reliquit cap. 25. vers. 17. *Memento qua fecerit tibi Amalec in via quando egrediebaris ex Aegypto; quomodo occurrerit tibi, & extremos agminis tui, qui lassè residebant, ceciderit, quando tu eras fame & labore confectus, & non timuerit Deum. Cum ergo Dominus Deus tuus dederit tibi requiem, & subiecerit cunctas per circuitum nationes, in Terra quam tibi pollicitus est: delebis nomen eius sub celo. Caue ne obliuiscaris.* Hæc cum multis postea elapsis temporibus in eodem Legis libro scripta reperisset Samuel Propheta, bonam nactus occasionem, rem

per Saulem Regem adimpleri curauit, vt infra suo loco dicitur. Atque ita tunc, iubente ac iuuante Domino, funditus euerſi prorsuſque deleti ſunt populi Amalecitarum; vt numquam poſtea caput leuare, aut ruinas reparare potuerint. Hunc etiam ipſorum interitum, cuiuſque cauſam; longè antè præuiderat prophetaueratque Balaam arioluſ Numer. cap. 24. verſ. 20. dicens: *Principium gentium Amalec, cuius extrema perdentur.* ſiue, vt alia habet tranſlatio, *ſinis eius ſempiterna perditio.* ſignificare volens, Amalecitas idèò diuina vltione penitus interituros, quoniam primi fuerunt ex illis gentibus, qui Iſraelitas ad Terram promiſſionis pergentes inuadere atque oppugnare conati ſunt. Ceterum Moÿſes, fugatis per manus Ioſue Amalecitis, ædificauit altare Domino, ſuper quo etiam creditur immolaſſe victimas pro gratiarum actione; victoriam illam, exaltationemque ſuper inimicos ſuos, à ſola Dei benignitate recognoſcens, & ſimul etiam ſpiritu prophætico intelligens, diuinæ voluntatis eſſe, ne vniquam Hebræi cum Amalecitis pacem componerent; ſed vt hoſtes perpetuò haberent, donec eos tandem aliquando omnino delere poſſent: Exodi cap. 17. verſ. 8. vſque ad finem capitis.

36. Quoniam autem ſuperius diximus, Moÿſen aſcendiſſe in collem cum Aarone & Hur; ſi quis quaerit de iſto Hur, cuius nunc primùm fecimus mentionem, quiſnam fuerit; dicimus ipſum fuiſſe filium Caleb filij Heſron, filij Phares, filij Iudæ, vt apertè colligi poteſt 1. Paralip. cap. 2. vbi verſ. 4. traditur, quòd Thamar nurus Iudæ genuit eidem Iudæ Phares & Zaram, & verſ. 5. quòd Phares genuit Heſron, & verſ. 9. inter filios Heſron connumeratur quoque Caleb, & verſ. 18. & 19. quòd Caleb filius Heſron de altera ſua vxore Ephrata genuit Hur, & verſ. 20. quòd Hur genuit Uri, & Uri genuit Beſeleel. Quæ poſteriora verba etiam omnino conſonant cum his quæ legimus Exodi cap. 3. 1. verſ. 2. videlicet, *Ecce, vocaui ex nomine Beſeleel filium Uri, filij Hur.* Non benè ergo videtur procedere Abulenſis ſuper Exod. cap. 17. quaerit. 5. vbi in reſellenda opinione quorundam exiſtimantium quòd iſte Hur fuerit filius Caleb & Mariæ ſororis Moÿſi, pluribus nititur oſtendere, ipſum Caleb tunc triginta nouem ad ſummum fuiſſe annorum, quando Maria nonaginta annos vel ampliùs nata erat, & propterea non eſſe veriſimile, quòd vir adèò iuuenis ducere voluerit mulierem adèò grandæuam, vel quòd mulier adèò vetus duxerit virum tam integræ ac ſpectatæ ætatis. Hæc enim & eiufmodi argumenta non militant in Caleb filio Heſron, ſed in Caleb filio Iephone, qui fuit illo longè poſterior, vt ſub anno mundi 2545. num. 67. dicemus; & erat triginta octo annorum, quando Maria agebat annum vitæ octogefimum octauum, vt patet in tabulis. Fallitur ergo loco citato Abulenſis, accipiens pro Caleb filio Heſron, Caleb filium Iephone: nam alioquin potiùs debuiffet econuerſo dicere, Caleb filium Heſron non potiùs ducere dictam Mariam, quia ipſe erat nimis ſenex reſpectu Mariæ: ſiquidem (vt idem Auctor benè probat ſuper 1. Paralip. cap. 2. quaerit. 9.) oportet Caleb filium Heſron fuiſſe octoginta nouem annorum, quando nata eſt Maria. Vnde vix credibile eſt, quòd ipſe adhuc ſuperſtes eſſet, quando ipſa ad ætatem nubilem peruenit. Et præterea probari non poteſt, quòd eadem Maria Ephratæ etiam nomine vniquam fuerit appellata. Itaque neceſſe eſt, quòd prædictus Hur non fuerit filius Caleb filij Iephone, (quod & ipſe quoque Abulenſis ſuper Exod. cap. 35. quaerit. 3. quaſi ſe ipſum corrigens, pluribus demonſtrauit) ſed quòd, vt diximus, fuerit filius Caleb filij Heſron; & quòd mater eius Ephrata, quam dictus Caleb poſt obitum Azubæ prioris ſuæ vxoris loco Paralip. citato duxiſſe, & ex ea Hur genuiſſe dicitur, longè diuerſa fuerit à Maria ſore ſorore Moÿſi. Quare multò probabiliùs dici poteſt, eundem Hur non filium fuiſſe, ſed maritum eiufdem Mariæ; quæ quando exiuit de Ægypto, agebat vitæ annum octogefimum octauum, vt patet in tabulis. Poterat enim Hur tunc eſſe eiufdem pænè ætatis, vel etiam aliquanto quàm ipſa ſenior: nam ab anno quadrageſimo introitus Iſraelis in Ægyptum, in quo tum ex loco Abulenſis proximè adducto, tum etiam ex noſtris tabulis, patet natum eſſe patrem eius Caleb, vſque ad annum de quo nunc agimus, interſunt anni centum ſeptuaginta ſex, vt dinumerari poteſt in eiſdem tabulis. quare potuit Caleb fuiſſe annorum octoginta, vel octoginta ſex, quando genuit Hur; & ipſe Hur hoc tempore, vel nonaginta, vel ſex & nonaginta. Cui poſitioni ſuffragari poteſt, quòd per hæc tempora Hur habebat ex filio Uri nepotem nomine Beſeleel, qui iam erat vir in multis valdè peritus & ſapiens: fuit enim vnus ex duobus illis architectis à Domino non multò poſt electis ad tabernaculum fœderis, & omnia ad ipſum pertinentia apte ornateque conſcienda, vt ſub hoc eodem mundi anno num. 7. dicemus. Itaque tum propter rationes proximè adductas, & paulò poſt adducendas; tum verò maxime propter auctoritatem Joſephi Auctoris antiquiſſimi, & Hebraicarum rerum

peritissimi, qui bene potuit vidisse aliquos saltem illorum vetustiss. morum Scriptorum libros in sacra Scriptura memoratos, & iam diu temporum iniuria deperditos, quorum nos breuem catalogum sub anno mundi 2583. num. 12. conficiemus; credimus quòd dictus Hur fuerit memoratæ Mariæ vir, quemadmodum aperte tradit ipse Iosephus 3. Antiq. c. 2. & idem repetit confirmatque cap. 4. Et hoc etiam tenent Abulenſis super Exod. cap. 3. i. quæst. 1. & super cap. 35. quæst. 3. & Cardinalis Baronius in Apparatu ad suos Annales, & Suarez Tomo 2. in 3. Par. S. Thomæ quæst. 23. art. 4. disp. 6. sect. 3. tamen Iosephus cap. 4. & Baronius ubi suprâ, memoriæ (vt reor) lapsu fallantur in eo quòd addunt, ipsum Hur ex eadem Maria genuisse Beseleel: quandoquidem Beseleel non filius dicti Hur fuit, sed nepos, vt patet ex locis Paralip. & Exod. paulò superius adductis. Ceterum de isto Hur nihil aliud certò affirmare possumus, nisi quòd (vt ex dictis colligi potest, & aperte traditur Exod. c. 31. vers. 1.) erat de tribu Iudæ, (quam tribum aliàs quoque cum tribu Leuitica iungere connubia consueuisse constat Exodi cap. 6. vers. 23. & 2. Paralip. cap. 22. vers. 11.) & quòd erat valde honoratus & sapiens: siquidem videbatur Moyſes ipsum quodammodò æquiparare Aaroni, nam ambos solòque secum duxit in memoratum collem, & ipsi pariter sustentabant manus Moyſi in oratione positi, vt dictum est; & postea etiam Moyſes montem Sinai ascensurus, eodem reliquit, qui interim sui vicem supplerent in diiudicandis populi quæſtionibus, vt patet Exod. cap. 24. vers. 13. ubi sic legimus: *Ascendensque Moyſes in montem Dei, senioribus ait: Expectate hic donec reuertamur ad vos. habetis Aaron & Hur vobiscum; si quid natum fuerit quæſtionis, referetis ad eos.* Ex quibus quoque omnibus satis verisimiliter confirmari potest, quòd Hur fuerit cognatus, vel potius affinis Moyſi & Aaronis, hoc est maritus Mariæ sororis eorum; & propterea ab eis adeò dilectus & honoratus. Nec quemquam mouere debet, quòd aliqui putauerint dictam Mariam fuisse virginem; inter quos referuntur S. Gregorius Nyſſenus, & S. Ambrosius locis proximè citandis: tum quia dicti Auctores nullo solido videntur niti fundamento; neque pro se vllum ex antiquioribus probatiffque Scriptoribus adferunt, aut vnde id sumperint; dicunt; neque Iosepho Iudæo, Sacerdoti, & Hebraicarum antiquitatum scriptorumque veterum, vt diximus, litteratè peritissimò oppositum disertis verbis non semel asserenti, & mariti Mariæ nomen proferenti, quidquam respondent: tum etiam quia eorum opinio rectæ rationi repugnare videtur; nam non est verisimile, quòd illis temporibus, in quibus abstinentia à liberorum propagatione communiter probro dari solebat tam viris quàm mulieribus, Maria numquam nubere voluerit. Sed neque dicere possumus, ipsam fuisse virginem quando transiuit per Mare rubrum, postea verò nupsisse; quia hoc non videtur credibile: quandoquidem ipsa, vt dictum est, iam ingressa erat annum vitæ octogessimum octauum quando exiuit de Ægypto. Quis autem credat, ipsam tot annis mansisse innuptam, ac postea in tali ætate nubere voluisse? Sed (vt etiam speciatim dictis Auctoris respondeamus) certè Nyſſenus lib. de Virginitate cap. 19. quibusdam tantum videtur duci coniecturis, quæ nullam faciunt certitudinem: nam quòd tympanum à Maria sumptum, fuerit typus virginitatis, non videtur admittendum; alioquin & alias mulieres, quæ ipsam sequebantur, dici posset fuisse virgines (ferebant enim & ipse in manibus tympana) & tamen omnes dicuntur mulieres, non autem virgines. Ex quo (si coniecturis agendum esset) potius elici posset, ipsam quoque Mariam fuisse mulierem, non autem virginem: nulla enim ibi virginum, vel virginis fit mentio. Sed neque quòd ipsa fuerit Prophetissa, deduci potest quòd fuerit virgo; quia in Scripturis sacris aliæ dicuntur Prophetissæ, quæ habebant virum; sicuti Debhora, cuius vir erat Lapidoth, Iudic. cap. 4. vers. 4. & Olda Prophetis, vxor Sellum, 4. Reg. cap. 34. vers. 12. & aliæ huiusmodi. Sed hæc & similia argumenta (vt ipsemet S. Doctòr ibidem fatetur) nullam certim faciunt demonstrationem. Altera eius coniectura est, quòd in nullis, inquit, *historiarum monumentis de dictæ Mariæ matrimonio aut liberorum propagatione proditum sit.* Quibus verbis aperte declarat, se non vidisse, quæ de ipsa scriptum reliquit Iosephus locis proximè citatis: quæ si vidisset, vtique credendum est, quòd antiquissimo huic & probatissimo Auctori indubitatam hac in re fidem habendam esse censuisset. Denique ad id quod de eadem Maria idem Nyſſenus subdit: *Alioquin non à fratre eius Aaron, si virum habuisset, nominata esset; quia non frater, sed vir uxoris caput nominatur.* Respondet Suarez ubi suprâ, dicens, dictam Mariam potius à fratre seu à fratribus, quàm à marito in Scriptura sacra nominari, non quia marito caruerit, sed propter eximiam fratrum dignitatem & auctoritatem. Quod attinet ad S. Ambrosium, dubium non est, quin ipse putauerit Mariam sororem Moyſi fuisse virginem, vt ex eius scriptis

scriptis colligitur, nempe lib. 1. de Virginibus, non longè à principio, & in Exhortatione ad Virgines, prope finem; & in epistola 81. quæ est ad incitium Papam; & adhuc clariùs circa initium capitis vltimi, libri Institutio virginis inscripti, vbi ait, quòd diuino munere cum sanctis Moyse & Aaron virgo pedes per fluctus duxit Hebræorum exercitum. Quod quidem creditur accepisse ex Michæa cap. 6. vers. 4. vbi ex persona Domini dicitur: *Et misi ante faciem tuam Moysen, & Aaron, & Mariam.* Hoc est, vt exponit Chaldaica Paraphrasis, *tres Prophetas, Moysen, vt doceret iudiciorum traditionem, Aaron, vt expiaret populum, & Mariam, vt instrueret mulieres.* Verumenimuerò, quia certum est quòd neque ex Michæa textu, neque ex dicta Paraphrasi colligi potest, memoratam Mariam fuisse virginem; neque ipse S. Doctor id vlla ratione aut auctoritate confirmat; immò nec ipse creditur vidisse Iosephum oppositum asserentem (alioquin vel sententiam mutare, vel obiectioni aliquo modo satisfacere debuisset) certè dicta eius opinio, in re præsertim historica, & adeò antiqua, non videtur Auctoribus ac rationibus in contrarium adductis esse preferenda. Et si fortè (quod non est improbabile) id non aliunde quàm ab ipso Nysseno didicit, satisque ab ipso probatum credidit (non enim apud vllum alium ex veteribus Catholicisque Doctoribus tale quid scriptum reperiri arbitror) vtique dilutis Nysseni argumentis, pariter & S. Ambrosij opinionem ruerè necesse est. Denique non est quòd quis ad eluendam auctoritatem Iosephi, dicat ipsum, vti & Iudæos in veteri Testamento, paucis exceptis, virgines & virginitatem non agnouisse; quia quidquid sit de aliis, certè de Maria sorore Moysi nihil dubitare potuit Iosephus credere quòd non fuerit virgo, quando eam ex vetustissimis scripturis, vel probatis traditionibus (aliter enim id scire non potuit) didicit, ipsam non solum habuisse virum, sed talem virum, & ex ipso filium genuisse, vt suprà notatum est.

37. Mense tertio egressionis filiorum Israel de Ægypto, qui erat mensis tertius primi Anni sacri, venerunt filij Israel in solitudinem Sinai, prope eiusdem nominis montem, vbi fixerunt tentoria, feceruntque duodecimam mansionem, Exod. cap. 19. in principio. Est autem Sinai siue Sina, mons in Arabia, coniunctus ei quæ nunc est Ierusalem, vt dicitur ad Galat. cap. 4. vers. 25. Quamuis ista coniunctio non sic accipienda est, quasi ita se inuicem contingerent, vt nihil inter ipsos medium esset; quandoquidem à monte Sinai ad eum in quo erat Ierusalem, intercedit iter circiter quindecim dierum: nam à Sinai ad Cadesbarne erant vndecim diætæ, vt sub anno mundi 2545. num. 52. probabimus: Cadesbarne autem à Ierusalem non poterat abesse plus quattuor dierum itinere: siquidem erat in confinio Australi tribus Iudæ, vt colligitur Iosue cap. 15. vers. 3. nam & Bersabee (quæ erat terminus Australis terræ Chanaan, quemadmodum Dan Aquilonaris, iuxta vulgatum illud dictum, *A Dan usque Bersabee*, quod habetur Iudic. cap. 20. vers. 1. & in libris Regum & Paralip. non semel repetitur) vix trium dierum itinere distabat ab Ierusalem, vt colligi potest Genes. cap. 22. vers. 4. Itaque hæc coniunctio Sinai ad Ierusalem, latiori quodam modo sumi debet, mediante scilicet longa quadam montium sibi cohærentium successione, quemadmodum de Apenninis montibus, qui totam Italiæ longitudinem excurrunt, dicere quis posset, montem prope Ianuam incipientem, coniunctum esse ei qui in Calabria definit. Sanè sicuti certum est, Israelitas venisse ad montem Sinai tertio Anni sacri mense, ita non omnino exploratum habemus, quoniam die dicti mensis, & consequenter, quòt diebus ab exitu, eò peruenerint; aliis existimantibus quadraginta quinque dies, aliis quadraginta septem in hoc itinere decurrisse, computatis scilicet mansionum temporibus; & utramque sententiam tamquam probabilem scriptam reliquit S. Hieronymus, nimirum primam super Osee c. 3. posteriorem verò in epistola ad Fabiolam, mansione 12. Pendet autem hæc difficultas ab ea quam proximè tetigimus; videlicet, Quonam tertij mensis die venerint in Sinai; quod obscure admodum in Sacro textu Exodi cap. 19. vers. 1. traditur illis verbis: *In die hac.* quæ verba quidam ita intelligunt, ac si dictum esset: In die prima mensis. & hinc inferunt, Israelitas quadragesimo quinto die ab exitu de Ægypto venisse in Sinai. Nam, inquiunt, die decimaquinta primi mensis profecti sunt de Ramesse, Numer. cap. 33. vers. 1. restabant igitur, secluso die exitus, alij dies quattuordecim cum dimidio eiusdem primi mensis, & viginti nouem cum dimidio secundi, qui faciunt quadraginta quattuor: ergo prima dies tertij mensis, fuit quadragesima quinta à die exitus: diximus enim Hebræos vti consueuisse mensibus Lunaribus, qui continent singuli dies viginti nouem cum dimidio, quos computabant attribuentes alternatim vni mensi dies viginti nouem, alteri verò triginta. Alij autem exponunt illud, *In die hac*, id est in die tertia, vt illud hæc referatur ad numerum proximè

DE ACTIS
IN XII.
MANSIONE.

DE MONTE
SINAI.

QVO DIE
MENSIS TER
TII POPV
LVS PERVE
NERIT IN
SINAI.

antè notatum, & idem significet, ac si dictum esset, In die eadem, seu eiusdem numeri; & sit sensus: Mense tertio, & die pariter tertia mensis. Et sic deducunt, à die exitus exclusiue, ad diem aduentus populi in Sinai inclusiue, fluxisse dies quadraginta septem. quæ opinio nobis etiam magis placet, quamuis altera quoque probabilis sit. Verumtamen quia communis opinio est, Legem datam fuisse die quinquagesima à die exitus exacta, hoc est (vt multi opinantur, & nos num. 40. probabimus) die sexta mensis tertij: si ad Sinai peruenerunt die prima, oportet id ad vesperam contigisse, & non nisi die secundo ipsos erexisse tabernacula, quando scilicet viderunt columnam nubis, hora quietis transacta, nihilominus fixam permanere, & die tertia Moysen prima vice ascendisse in montem, ac descendisse; & die quarta iterum ascendisse ac descendisse, imperasseque populo vt lauarent singuli vestimenta sua, & essent parati in diem tertiam, quæ erat mensis sexta. Si verò (quod magis credimus) venerunt in Sinai tertia die mensis, probabile est, ipsos eodem peruenisse hora prandij, quo expleto, & columna nubis non recedente, continuo erexisse tabernacula, ac interim Moysen eadem die ascendisse ac descendisse de monte, rursusque die quarta idem fecisse, dixisseque populo vt prepararet se ad Legem diuinam: diè tertio recipiendam; diè inquam tertio, non illius mensis, sed à quarta illius mensis incipiendo, ac in sexta terminando. Dixi, oportere populum venisse in Sinai vel hora prandij, vel cœnæ, non autem summo manè, quia non solebat noctu iter facere, & columna nubis quæ præbat exercitum, ordinariè prædictis tantummodò horis cursum suum sistere consueuerat.

38. In hac mentione facta in Sinai, moratus est populus anno vno, demptis decem vel duodecim diebus, mansit enim ibi vsque ad diem vigesimam mensis secundi anni secundi ab exitu de Ægypto, vt sub anno mundi 2545. num. 51. patebit. Intra quod tempus gesta sunt omnia quæ narrantur ab initio cap. 19. Exod. vsque ad finem eiusdem libri, & in toto Leuitico, & vsque ad 10. caput libri Numer. vt suis locis consequenter adnotabimus. Igitur in primis quinque diebus huius tertij mensis, vel potius, in tertia, quarta, & quinta eiusdem mensis die, hæc in Sinai facta sunt: Primò erexit populus tabernacula sua, & Moyses functus officio internuntij inter Deum & populum, eadem die, vt putamus, à Domino vocatus, cum ascendisset in montem, audissetque pactum quod inire intendebat Dominus cum populo, nimirum vt ipse mandata eius susciperet obseruaretque, Deus autem susciperet eum sibi in populum præ cunctis peculiarem, faceretque in Regnum Sacerdotale, & gentem sanctam ac honorabilem: descendit, aperuitque consilium Domini maioribus natu, & per ipsos vnuerſo populo; qui promptis animis se paratum exhibuit ad omnia quæ præciperet ei Dominus. Itaque altera die iterum ascendit Moyses in montem, retulitque verba populi ad Dominum, qui iussit eum descendere, & sanctificare populum, & mandare, vt in eadem & crastina die lauarent cuncti vestimenta sua, & non appropinquarent vxoribus suis, ac parati essent die tertia suscipere Legem Domini; die inquam tertia, à die quarta mensis incipienda. Itaque

39. Die sexta eiusdem tertij mensis, quæ, vt dictum est, erat tertia à die prædictæ iussione, & quinquagesima ab elapso die exitus populi de Ægypto, vt ex suprà dictis & infra dicendis manifestum fiet; post quadringentos triginta annos à promissione facta Abraham (quem admodum dicitur ad Galat. cap. 3. vers. 17. & infra nos num. 41. comprobabimus) data est Lex per *Angelos in manu mediatoris*, vt tradit idem Apostolus ibidem vers. 19. siue, *in dispositione Angelorum*, vt dicitur Actorum cap. 7. vers. 53. Et quoniam ille populus valde carnalis erat & imperfectus, ac spiritu timoris prius erudiri opus habebat, vt vel sic facilius à transgressionibus se contineret; propterea (sicut etiam innuitur Exod. cap. 20. vers. 20. illis verbis: *Vt enim probaret vos, venit Deus, & vt terror illius esset in vobis, & non peccaretis*, admodum conueniens fuit, ipsam Legem dari eo terrifico ac formidabili modo, qui describitur Exod. cap. 19. vers. 16. vsque ad 20. & cap. 20. vers. 18. & 19. vbi traditur, quòd cum descendisset in igne Dominus super verticem montis, illicò cœperunt audiri tonitrua & fulgura, & clangor buccinæ paulatim crescens, videbantque Israelitæ montem densissima coopertum nube, & quali fornacem longè lateque fumigantem, ac veluti sese crebris terræ motibus concutientem; quæ omnia simul iuncta, maximum cunctis incutiebant timorem; præsertim verò quando inter hæc ipsammet audire cœperunt vocem Domini, verba Decalogi terribiliter proferentem: tunc enim tanto sunt pauore percussi, vt præ nimio metu, non sustinentes ampliùs audire vocem Domini, de longè stantes exclamarent, dicentes Moyſi: *Loquere tu nobis, & audiemus: non loquatur nobis Dominus, ne forè moriamur.* Cuius historię meminit etiam Apostolus ad Hebr. cap. 12. vers. 18. & sequentibus. Itaque

QVAMDI
MORAM FE
CERIT PO
PVLVS IN
SINAI.

PRAEPA
RAT MOY
SES POPV
LVM AD LE
GEM DEI
SVSCIPIEN
DAM.

LEX DECA
LOGI QVAN
DO ET QVO
MODO DA
TA.

Itaque Dominus, expletis Decalogi præceptis, quæ Exod. cap. 20. enucleatè traduntur, cetera deinde, nimirum cærimonialia & iudicialia, per Moysen dare constituit, quem propter eam ad caliginem, in qua ipse erat, accedere fecit, eumque de his omnibus plenè edocendum curauit, vt nos infra num. 43. dicemus. Porro quod dictum est, Dominum terruissè populum non tonitruis solùm ac fulgoribus, sed validis quoque terræmotibus, colligunt nonnulli ex illis verbis Sacri textus Exod. 19. vers. 18. *Eratq; mons terribilis*, &c. quæ sic exponenda putant, ac si diceretur: *Eratq; mons valde tremens. eamdemque confirmat expositionem ex Psal. 67. vers. 9. vbi legimus: Terra mota est, etenim celi distillauerunt à facie Dei Sinai, à facie Dei Israel.* & ex Psal. 113. vers. 7. vbi dicitur: *A facie Domini mota est terra*, &c. Quæ verba ad tempus datæ Legis ritè referri posse videntur.

40. Diximus item Legem datam fuisse die sexta mensis tertij ab exitu de Ægypto, vt asserunt Auctor Chronologicæ maioris Hebræorum cap. 5. & Caietanus, & Rabbi Salomon, & Lyranus super Exod. cap. 19. & alij plures, non autem die tertia eiusdem mensis, vt sentiunt B. Augustinus quæst. 70. in Exod. & in Epistola 119. cap. 16. & qui eum sequuntur, Rupertus, & Abulensis super Exod. cap. 19. quia omnes communiter Doctores admittunt, ab exitu populi (hoc est, secluso die exitus, vt ex sequentibus patet) ad Legem fluxisse dies quinquaginta; & quemadmodum olim Paschæ festum celebrabatur in memoriâ Ægyptiacæ liberationis eodem die factæ; ita festum Pentecostes, siue quod idem est, Hebdomadarum, in recognitionem Legis tali die latæ: hæc si vera sunt (quemadmodum verissima esse credimus, & ex his quæ nos sub anno mundi 2545. num. 40. dicemus, comprobari poterunt,) proculdubio sequitur, latationem Legis non die tertia, sed sexta tertij mensis contigisse: nam cum certum sit, quoddam festum Paschæ inciperet à die decimaquarta mensis primi desinente, pertinebatque ad decimam quintam, quæ prima Azymorum dicebatur, in qua egressus est populus de Ægypto; vtique ab hac die minimè computata, si numerentur quinquaginta dies, necesse erit eos terminari non in tertio, sed in sexto die mensis tertij: nam reliqui remanent quattuordecim primi mensis, & triginta secundi, & sex tertij, qui faciunt quinquaginta. Quare B. Augustinus locis proximè citatis (quemadmodum benè probat Cardinalis Bellarminus Controuersia 7. lib. 3. qui est de Cultu Sanctorum, cap. 13.) non rectè visus est dinumerasse hos dies: accipit enim ex primo mense dies decem & septem; ex secundo, triginta; & ex tertio, tres; & sic efficit quinquaginta. videtur ergo iste Sanctus supponere, vel menses Hebræorum non fuisse Lunares, vel ipsos Hebræos exisse de Ægypto die decimaquarta mensis primi, quorum neutrum est verum. Vnde non potuit accipere de primo mense dies septemdecim: nam menses Lunares, quales erant Iudæorum, non omnes constant ex triginta diebus, sed vnus ex vigintinouem, alter ex triginta, & sic deinceps vicissim. Ergo si voluit accipere B. Augustinus ex primo mense dies septemdecim, & ex secundo dies viginti nouem; vel potius ex primo dies sexdecim, debuit ex secundo sumere dies triginta, & ex tertio tres, & sic non efficiuntur quinquaginta, sed quadraginta nouem. Adde etiam quod Scriptura Exodi cap. 19. vers. 1. dicit: *Mense tertio egressiois Israel de terra Ægypti.* ex quo loquendi modo videtur insinuari, dictum tempus metiendum esse ab egressu populi, die tamen egressionis minimè computata, vt consequenter ostendemus. Atqui egressio non fuit decimoquarto die, sed decimoquinto, vt patet Numer. cap. 33. vers. 3. Præterea idem euidenter probatur ex regula inueniendi diem veteris Pentecostes, quæ traditur Leuitici cap. 23: quandoquidem ibi vers. 6. dicitur, quoddam decimaquinta die mensis primi incipiebat solemnitas Azymorum, & vers. 11. præcipitur collectio & delatio primitiarum messis ad Sacerdotem, & eleuatio fasciculis spicarum coram Domino facienda altero die Sabbati, id est (vt exponunt Lyranus, Abulensis, Caietanus, & alij) die secunda Azymorum, quæ erat primi mensis dies decimafexta: in hac siquidem die, spicarum manipulum igni torrere, hordeum deinde pinsare, atque ita in alicuiusmodi fracti asaronem (erat autem asaro pondus quoddam, siue mensura tunc temporis vsitata) ad aram offerre consueuerant, vt testatur Iosephus 3. Antiq. cap. 10. cui, cum esset Sacerdos, & in huiuscemodi ritibus apprime versatus, magis quam alicui alij credendum est. Ab hac igitur altera die Sabbati, in qua obtulerant manipulum primitiarum, iubet Dominus vers. 15. capitis Leuitici præcitati, vt numerarent septem hebdomadas plenas, id est quadraginta nouem dies, vsque ad alteram diem expletionis hebdomadæ septimæ, hoc est vsque ad diem qui immediatè sequebatur postremum hebdomadæ septimæ; ille enim erat quinquagesimus, in quo celebranda erat vetus Pentecostes, quæ etiam

QVOD LEX
DATA SIT
DIE VI.
MENSIS IIII.
AB EXITV.

14
30
6
50

16
30
3
49

REGVLA
INVENIEN-
DI FESTVM
HEBDOMA-
DARVM.

ob prædictam hebdomadarum dinumerationem dicebatur festum Hebdomadarum. Ex hac regula inueniendi diem Pentecostes in Sacro eloquio tradita, manifestè infer-
tur, Legem non die tertia, sed sexta mensis tertij fuisse traditam. Nam si à secunda die
Azymorum, quæ semper incidebat in die decimasexta mensis primi, inclusiue nume-
res septem hebdomadas, hoc est dies quadraginta nouem; proculdubio peruenies ad
diem quintam mensis tertij: siquidem in hoc numero comprehenduntur dies quar-
tuordecim primi mensis, & triginta secundi, & quinque tertij; ergo dies quinquagesi-
ma, erat sexta mensis tertij, in qua olim data fuerat Lex, vt aperte videre est in veteri
Hebræorum Calendario, quod infra sub anno mundi 2545. num. 27. ponendum erit.
Sed dicit aliquis: Si hebdomadarum dinumeratio auspicanda erat à secunda die Azy-
morum, cur Moyses loco Leuit. adducto dixit esse auspicandam ab altera die Sabbati,
cum clariùs dicere potuisset, ab altera die Azymorum? Respondeo, id non sine optima
causa esse factum: nam cum præcepisset Dominus, prædictas hebdomadas numerari
debere ab illa die in qua offerebatur manipulus primitiarum messis, quæ dies tameris
ordinariè erat, vt dictum est, secunda dies Azymorum; nonnumquam tamen in ea
concurrere poterat dies Sabbati; in quo non licebat metere nec torrare spicas, & de-
ferre ad Sacerdotem, nec alia huiusmodi opera seruilia facere, utpote in die festo
prohibita; propterea maluit Legislator dicere, *Ab altera die Sabbati.* per Sabbatum in-
telligi volens non solum primam diem Azymorum, quæ, vt ibidem vers. 7. dixerat, ce-
leberrima esse debebat, & consequenter sabbatizanda; sed etià ipsum Sabbati festum,
si in die secundo Azymorum incidisset; (nullum enim aliud festum in illo die incidere
poterat) quo casu differenda erat manipuli oblatio in sequentem diem, atque ita heb-
domadarum dinumeratio inchoanda erat non à secunda, sed à tertia Azymorum die,
tamquam festo non impedita, vt probè notat Cardinalis Bellarminus vbi suprà. Et hoc
non sine admirabili diuinæ sapientiæ consilio factum est in anno Passionis Christi, vt
scilicet dies festus Hebrææ Pentecostes, in quo, vt habemus Actorum cap. 2. vers. 1.
descendit Spiritus sanctus, incideret in Dominica die; & consequenter non in quinquage-
sima ab Hebræo Paschate, sed præcisè in quinquagesima die à Paschate Dominicæ
resurrectionis; atque ita etiam inter hæc duo celeberrima nouæ Legis festa mysticus
ille quinquagenarius numerus inueniretur. Vt vel hinc etiam liceat intueri, quomodo
ea quæ veteris Testamenti erant, ad ea quæ noui sunt, ordinata fuerint, eidemque de-
seruiant. Hic non me latet, proximè relatam de antiqua Hebræorum consuetudine
transferendi oblationem manipuli post sabbatum sententiam, quam præter Bellarmi-
num, etiam Baronius sub anno Christi 34. vbi agit de aduentu Spiritus sancti, & ante
ipsum S. Epiphanius Hæres. 71. ab eo citatus, & item Sigonius lib. de Repub. Hebræo-
rum 3. cap. 10. & Ribera de Templo lib. 5. cap. 7. & Emanuel Saï in suis Annotationibus
super Leuit. cap. 23. vers. 15. & super Actorum cap. 2. vers. 1. & alij tenuerunt, à Francisco
Suarez tomo 2. super 3. part. S. Thomæ quæst. 53. art. 2. disput. 45. in fine sectionis 1. non
esse receptam; tum quia, inquit, nulla auctoritate sufficientique ratione nititur, & cum
probari non valeat, à nemine affirmari potest nisi diuinando; tum quia licet Lege pro-
hibitum esset metere segetes, tamen religionis causa aliquem manipulum metere, non
erat vetitum etiam in die Sabbati, quia non erat opus seruale, sed religionis; tum etiam
quia non videtur necessarium vt eodem meteretur die: hoc enim in Lege non erat præ-
scriptum. Poterat ergo pridie ante Sabbatum meti, & consueto die secundo Azymo-
rum offerri. Ita ad verbum Suarez. Cui nos dicimus, Non esse credendum, quòd citati
Auctores, utpote qui non infimæ notæ sint, sed admodum graues & magni nominis, id
sine rationabili fundamento, & quasi diuinando asseruerint. Deinde, falsum esse quod
supponit Suarez, videlicet, Legem non præcipere vt eadem die manipulum meterent,
& offerrent: nam septem illæ hebdomades, quæ Leuit. cap. 23. vers. 15. præcipiuntur
numerandæ à die quo facta fuerat oblatio manipuli primitiarum, pariter numerandæ
erant à die qua falcem in segetem miserant, vt expresse præcipitur Deuter. c. 16. vers. 9.
ergo euident est, quòd ex vi Legis tenebantur non solum metere, sed & componere, &
ligare, & igni torrare manipulum spicarum eodemmet die, quo erat offerendus. Et
item admodum credibile est, quòd Hebræi, qui (vt ipse Suarez admitit) in eiusmodi
rituum, & maxime Sabbati obseruatione erant valdè superstitiosi, nihil horum aude-
rent facere in die Sabbati, ne (vt ipsi putabant) violarent Sabbatum. Sed & prædictam
manipuli oblationem specialiter anno Passionis Christi dilatam fuisse in diem tertium
Azymorum, sic ostendi potest. Nam si verum est, quod omnes concedunt, nimirum à
Christi resurrectione (quæ tum incidit tertia die Azymorum: siquidem in prima ipse
mortuus

EXPOSITVR
TEXTVS LE-
VIT. CAP. 23.
VERS. 15.

REFELLI-
TVR OPI-
NIO SVA-
REZ.

mortuus est, & in tertia resurrexit) ad aduentum Spiritus sancti fluxisse dies quinquaginta; certum namque est ex Actorum cap. 2. vers. 1. quod Spiritus sanctus venit *cum complerentur dies Pentecostes*, hoc est, die ultimo seu quinquagesimo ipsius: (& loquitur ibi S. Lucas de Pentecoste Hebraica, ut idem Suarez affirmat. (ergo alterum de duobus fateri necessarium est; vel eo anno Hebræos obtulisse manipulum non secunda, sed tertia Azymorum die, id est die Dominico, propter religionem Sabbati præcedentis, & ab ipsa die tertia Azymorum cœpisse numerare dies quinquagesimæ; & consequenter memoratorum Doctorum opinionem non solum esse rationabilem, sed etiam veram, quippe quæ ex ipsa quoque met sacra Scriptura deduci possit: vel citatum S. Lucæ textum cum ipso Suarez esse nimis violenter, ut arbitror, exponendum; ut scilicet illa verba, *cum complerentur*, idem significant, ac si dictum esset, Cum completi essent dies Pentecostes, hoc est, die proximo post illud festum; quemadmodum ipsemet ibi declarat. Quæ expositio quàm dura sit & extorta, atque ab eo sensu, quem verba ipsa planè indicant, aliena, iudicet prudens Lector; præsertim cum communior Doctorum sententia supponat, Spiritum sanctum in ipsomet die veteris Pentecostes, non autem in sequenti post festum, aduenisse. Itaque multò rationabilius, meo iudicio, videtur, suprà relatum positionem sequi, iuxta quam (ut ipse quoque Suarez fateatur) omnia conciliantur; quàm aded duram atque distortam verborum S. Lucæ expositionem ab ipso Suarez allatam recipere.

41. Porro ad magis stabiliendum quod suprà asseruimus, videlicet Legem datam fuisse die sexto mensis tertij, restat adhuc & aliud dubium diluendum. est autem tale: Si Lex data fuit die sexto mensis tertij, & consequenter die quinquagesimo à die exitus Israël de Aegypto; quomodo verum est, quod sæpius ex Apostolo replicauimus, eandem Legem datam fuisse post quadringentos triginta annos à diuini reipromissionis Abraham factis? nam si ipsæ promissiones (quemadmodum sub anno mundi 2108. num. 1. & sub anno 2113. num. 1. & 2. ostensum est) factæ sunt circa initia anni vitæ Abrahami septuagesimi quinti: utique ab hoc tempore ad Legem, inueniuntur anni ferè quadringenti triginta duo, ut supputari potest in tabulis. Siquidem ab initio anni septuagesimi quinti ætatis Abraham ad ortum Isaac, computantur anni viginti sex; ab ortu Isaac ad ortum Iacob, anni sexaginta: ab ortu Iacob ad ingressum eius in Aegyptum, anni centum triginta: à dicto ingressu ad exitum, anni ducenti quindecim mansionis filiorum Israël in Aegypto, ut sigillatim sub anno mundi 2329. num. 16. probatum est. Sanè omnes hi anni simul subducti faciunt summam quadringentorum triginta & vnius annorum, quibus si addas dies quinquaginta anni primi exitus de Aegypto, tota summa temporis fluxi à reipromissionibus ad Legem, attinget annū quadringentesimum trigesimum secundum. Ad hoc tripliciter respondere possumus; Primò, dicentes fieri posse ut Isaac natus sit non in fine, sed circa medietatem anni centesimi patris sui Abraham; & similiter Iacob circa medietatem anni sexagesimi patris sui Isaac. licet enim id in Scripturis expressum non habeatur, non tamen explicitè habemus contrarium: & quod Scriptura dicit Abraham fuisse centum annorum quando genuit Isaac, & Isaac sexagenarium quando nati sunt ei paruuli, nimirum Iacob & Esau, videtur satis commodè prædictum sensum posse recipere: quod si verum esset, profectò à promissionibus ad Legem, computarentur tantummodò anni quadringenti triginta. Sed etiam posito, quod Abraham expleuerit centesimum vitæ annum quando genuit Isaac, & Isaac sexagesimum quando genuit Iacob, ut supposuimus in tabulis, rectè potuit dicere Apostolus, à promissionibus ad Legem fluxisse annos quadringentos triginta, accipiendo dictum illud iuxta sensum in Scripturis sacris vsitatum; quæ (ut pluribus exemplis sub anno mundi 1659. num. 2. docuimus) sæpè solent in suis supputationibus minutos quosdam numeros præterire, & numeros perfectos pro imperfectis vsurpare. Et hæc sit secunda responsio. Tertia est, nihilominus verissimum esse, quod à promissionibus ad Legem præcisè computantur anni quadringenti triginta, computatione nimirum, ut aiunt, terminorum exclusiua: nam inter annum septuagesimum quintum vitæ Abraham, in quo diximus factas ei fuisse reipromissiones; & annum primum exitus Israël de Aegypto, in quo data est Lex, proculdubio medij præcisè inueniuntur anni quadringenti triginta, ut patet in tabulis.

42. Diximus, Legem datam fuisse post quadringentos triginta annos à promissionibus Abraham factis, & quinquaginta diebus post exitum populi de Aegypto, & die sexta mensis tertij ab eodem exitu. Vtrum verò etiam verum sit, quod Auctor Chronologiæ maioris Hebræorum in calce capitis 5. sine vlla probatione absolute asserit,

DVBII ENO-
DATIO.

26
60
130
215
—
431

QVOD LEX
DATA FVE-
RIT DIE
SABBATI.

nampe, eandem Legem datam fuisse in die Sabbati: Dicimus, id quoque affirmari posse: nam si verum est, quod suprà num. 32. ex S. Augustino docuimus, videlicet, manna in deserto cadere primum cœpisse in prima Sabbati, quam nos diem Dominicam nuncupamus: utique consequitur, diem sextum mensis tertij in die Sabbati incidisse: quandoquidem ibidem probauimus, manna de cælo primum cœpisse Hebræis dari die decimasexta mensis secundi ab exitu, restabant igitur adhuc dies quattuordecim eiusdem mensis, & sex tertij, qui faciunt dies viginti, quique pariter per hebdomadarios ducti dies, in Sabbato terminari comperiuntur.

PRÆCEPTA
IUDICIALIA,
CAERIMONIALIA,
ET MORALIA.

43. Post latam Decalogi Legem à Domino, cunctis de longè ad radices montis non sine maximo timore, ut dictum est, audientibus, Moyses breui quidem, sed admodum graui oratione ad leuandum populi timorem adhibita, confestim ascendens montem, accessit ad caliginem in qua erat Deus, Exodi cap. 20. vers. 20. & 21. & ibi accepit à Domino plura præcepta iudicialia, & quædam item caerimonialia, ac moralia, populo mox tradenda, quæ promiscuè describuntur Exod. cap. citato vers. 22. vsque ad finem cap. 23. Insuper ibidem Moyses plenè ab ipso Deo edoctus fuit de ritu, quo Lex à populo solemniter acceptanda erat; & de iis qui postea à populo ad Deum ascensuri erant, pro eiusdem Legis confirmatione à Deo obtinenda. Et his actis, descendit Moyses, narrauitque omnia quæ agenda erant, populo: quo vnanimiter respondente, se facturum omnia, scripsit Moyses vniuersos sermones Domini, hoc est, vniuersa præcepta quæ à Domino acceperat: Exod. cap. 24. vers. 1. vsque ad 5.

QVO RITV
ACCEPTATA
A POPVLO
LEX.

44. Sequenti verò die, quæ erat septima eiusdem mensis tertij, manè confurgens Moyses, edificauit altare ad radices montis, & circa ipsum erectis duodecim titulis, iuxta numerum ac nomina singularum trium Israel, obtulit iuuenum ministerio holocausta Domino, immolauitque victimas. Dein post lectionem mandatorum Domini audiente populo, & post omnimodam eiusdem populi obedientiam publicè solemniterque professam; idem Moyses, fusa dimidia parte sanguinis hostiarum super altare, alteram in crateras missam, cum aqua, & lana coccinea, & hyssopo, aspersit ipsum fœderis volumen, hoc est super scripturam mandatorum Domini, quam fecerat legeratque, & super omnem populum, dicens: *Hic est sanguis fœderis, quod pepigit Dominus vobiscum super cunctis sermonibus his*, Exod. cap. 24. vers. 1. vsque ad 9. siue ut dicitur ad Hebræos cap. 9. vers. 20. vbi hæc eadem historia refertur: *Hic sanguis testamenti, quod mandauit ad vos Deus*. Post quæ ibidem Apostolus continuo subiungit, eandem sanguinis asperersionem iterum postea in Tabernaculi sanctificatione fuisse iteratam, quemadmodum nos infrà suo loco dicemus. Icto autem fœdere inter Deum & populum modo proximè exposito, iterum Moyses, sicuti hesternæ die præceperat ei Dominus, ascendit in montem cum Aaron & filiis eius Nadab & Abiu, & septuaginta de senioribus Israel, tamquam ad obtinendam à Domino supremam absolutamque memorati fœderis confirmationem; vbi reliquis procul adorantibus, solus Moyses altius propiusque ascendit ad Dominum. Et nihilominus omnes dicuntur vidisse Deum Israël, & sub pedibus eius quasi opus lapidis sapphirini, & quasi cælum cum serenum est; Exod. cap. 24. vers. 1. vsque ad 4. & vers. 9. vsque ad 12. Non est autem putandum, quòd viderint Deum in seipso, ut benè notat Caietanus, (id enim proprium est Beatorum, quemadmodum nos infrà num. 46. fusiùs ostendimus): sed sub aliqua visibili specie, puta magni cuiusdam Iudicis aut Regis, super alto quodam atque eminenti throno, in aula amplissima lapidibus sapphirinis mirabiliter strata collocato, sedentis; aut in triumphali curru, ab ea parte ad quam profecturus erat populus, nimirum à montibus Seir & Pharan venientis, ac mira quadam cælestium Angelorum multitudine stipati, ut quodammodò secundum aliquos colligi posse videtur ex illis verbis Deuter. cap. 33. vers. 2. *Dominus de Sinai venit, & de Seir ortus est nobis: apparuit de monte Pharan, & cum eo sanctorum millia. In dextera eius ignea lex.* & ex Psalm. 67. vers. 18. vbi legimus: *Curru Dei decem millibus multiplex, millia letantium: Dominus in eis in Sina in sancto*. Subditur autem loco Exodi citato, eos qui ad montem ascenderant, ex tam grandi visione nihil mali à Domino pertulisse, quin potius lætantes comedis se ac bibisse; hoc est, siue ibidem diuina illa visione mirabiliter fuisse refectos ac saturatos, siue postea, cum descendissent, ex eius recordatione cum ingenti gaudio epulatos esse. Et hoc pro re quadam illis temporibus inusitata, hic memoratur: siquidem hi quibus olim talia videre continebat, tanto affici stupore solebant, ut se breui morituros putarent. Vnde non immeritò dicebat populus ad Moysen Exodi cap. 20. vers. 19. *Loquere tu nobis, & non loquatur nobis Dominus, ne forte moriamur*. Et Manue, Iudi-

EXPONVN-
TVR LOCA
DEVT PSAL.
ET EXODI.

Iudic. 13. vers. 22. *Morte moriemur, inquit, quia vidimus Deum.* & Isaias cap. 6. vers. 5. post magnam illam visionem ibi narratam, protinus addit: *Vae mihi quia taciui, &c. & regem Dominum exercituum vidi oculis meis.* Porro facile crediderim, memoraram prædictis populi primatibus visionem à Deo fuisse demonstratam, vt ipse populus tot etiam grauissimorum virorum testimoniis de visu attestantium, certior fieret, quòd verè is erat Deus cali & terræ, qui partim per semetipsum cunctis eum audientibus, partim per Moysen seruum suum, dederat eis illas Leges planè diuinas, quas ipsi eodem die, ritu admodum sollemni acceptauerant: atque ita magis ac magis ad eas accuratius obseruandas incenduntur. Vt vel hinc etiam liceat intelligere, nihil non facere Deum pro bona sua voluntate, quòd homines (salua semper humani arbitrij libertate) non solum ad veram sui cognitionem atque obedientiam (quæ ipsorum supremæ sunt causa felicitatis) fortiter suauiterque perducatur; verum etiam eisdem in semel tradita eis veritate ac disciplina, modis omnibus naturæ captiuique ipsorum conuenientibus, confirmare ac stabilire curet.

CVR PRAE-
DICTA VI-
SIO PRIN-
CIPIBVS A
DEO OSTEN-
SA.

45. Ceterum ex quo hic primùm de veteri Lege, partim immediatè à Deo, vel potius, vt suprà num. 35. probatum est, per Angelos; partim per Moysen data, & ab Israëlitis acceptata, actum fuit, non abs re videtur, aliquid etiam de eius præceptis in vniuersum hoc loco annexere. atque illud in primis, quòd tametsi omnia Dei præcepta ad vnum tantum reduci posse videntur, quia, vt ait B. Gregorius Homil. 27. in Euangelia, *omne mandatum de sola dilectione est, & omnia vnum præceptum sunt; quia quidquid præcipitur, in sola charitate solidatur.* Nihilominus cum duo præcipui sint actus charitatis, Dei scilicet amor, & proximi; vtique necessariò consequitur, hoc quòd memorauimus vniuersale præceptum, in duo protinus esse diuidendum; nempe in id, quo præcipimur diligere Deum super omnia, quòd est maximum & primum mandatum, Matthæi cap. 22. vers. 38. & in alterum, quo iubemur diligere proximum sicut nos ipsos: *In his duobus mandatis vniuersa Lex pendet & Propheta*, ait ibidem vers. 40. Dominus. ex cuius dicto fit consequens, reliqua omnia præcepta, siue moralia, siue caerimonialia, siue iudicialia, ad prædicta duo capita esse redigenda. Vnde non immeritò Lex Decalogi, in duabus tabulis digito Dei scripta traditaque perhibetur; quarum prior tabula, tria præcipua quæ ad Dei cultum; posterior, septem quæ ad proximi charitatem maximè pertinent, complectitur: quo sunt decem præcepta Decalogi, ad quæ etiam omnia moralia reduci posse docet S. Thomas 1. 2. quæst. 100. art. 3. vbi quatuor ponit genera præceptorum: Primum eorum, quæ sunt prima & communia, ac veluti in ipsa ratione naturaliter impressa, & per se nota; sicuti, quòd homo nulli debet malefacere, & eiusmodi. Secundum eorum, quæ statim ex primis communibus principiis cognosci possunt. Tertium eorum, quæ statim ex fide diuinitus infusa innotescent. Quartum eorum, quæ non nisi per diligentem sapientum inquisitionem inueniuntur rationi conuenire. *Horum autem duo media genera, inquit, propriè ad Decalogum pertinent, talia namque sunt, quæ Deus per se ipsum populo proposuit: reliqua verò duo, & ipsa quidem in Decalogi præceptis quodammodo continentur, sed diuersimodè: nam quæ sunt prima & communia, continentur in eis sicut principia in conclusionibus proximis, illa verò quæ per sapientes cognoscuntur, continentur in eis conuersò, sicut conclusiones in principiis.* Rectè ergo B. Gregorius vbi suprà, cum comparasset arbori virtutum originem, dixisset quòd *sicut multi arboris rami ex vna radice prodeunt, sic multe virtutes ex vna charitate generantur, nec habet aliquid viriditatis ramus boni operis, si non manet in radice charitatis;* protinus concludit dicens: *Præcepta ergo Dominica, & multa sunt, & vnum; multa per diuersitatem operis, vnum in radice dilectionis.*

DE DIUI-
NIS PRAE-
CEPTIS.

QUINQUE
NOMINA
MANDATO-
RYM DEL

46. Sed illud magis hic notandum videtur, quòd præfata diuinarum iussionum diuersitas, in Sacro eloquio variis solet nominibus explicari, præsertim verò quinque; quæ sunt, Præcepta, Mandata, Iustificationes, Iudicia, & Testimonia. hæc siquidem voces assidue in sacris Scripturis replicatè inueniuntur; & licet fortè interdum eas vniuersaliter pro quibuscumque præceptis accipi, vel alteram pro altera vsurpari contingat; creduntur nihilominus singulæ proprias habere significationes, in quibus tamen assignandis variant Auctores. Nam Sigonius lib. 1. de Repub. Hebræorum cap. 4. putat Mandatorum Præceptorumque vocabulis signari quidem iussa ad Deum pertinentia, sed cum hac distinctione, quòd Mandata dicantur ea, quibus aliquid iubetur aut vetatur, ad ipsum præcipuè Deum spectans, puta quòd Deus colatur, & quòd dis honor non adhibeatur, & eiusmodi. Præcepta verò sint, quæ ad rationem seu modum obseruandi Mandata deferuiunt; qualia sunt præcepta omnia caerimonialia, quibus

iubentur quæ ad Dei cultum pertinent, & prohibentur quæ eidem quoquomodo aduersari videntur. Iustificaciones autem & Iudicia, putat præfatus Auctor iussa fuisse diuina ad proximum spectantia, quæ vocant Iudicialia, sed ita inter se distingui, vt Iustificaciones ea dumtaxat iussa complecterentur, quibus docet Lex, quando & quomodo in iudiciis absolueudus esset proximus: Iudicia verò, quæ ad condemnationis sententiam ferendam spectabant. Horum exempla peti poterunt Exod. cap. 22. vbi de absolueudo eo, qui furem noctu effringentem aut suffodientem domum occiderit; & de condemnando illo, qui diurnum furem interemerit; & alia his similia decernuntur. At Testimonia, putat diuina indicare testificaciones, quibus sæpe in Scripturis sacris reperimus Deum contestari ac prædicere mala & castigaciones transgressoribus Mandatorum, Præceptorum, Iustificacionum, & Iudiciorum eius; & conuerso bona & retributiones, eorumdem obseruatoribus euenturas. Vide talium contestationum exempla, Leuit. cap. 26. & Deuter. cap. 27. & 28. & alibi. Sic explicat citatus Auctor hæc diuinarum iussionum vocabula; quæ quia B. Thomas loco proxime notato aliter etiam & benè interpretatur, vt quilibet ibidem videre poterit: dicere oportet, eadem (vt cetera Sacri voluminis verba) singulari quodam Dei munere, apta esse varias recipere significaciones, ad varios Spiritus sancti sensus ritè explicandos accommodatas.

47. Die, vt arbitror, eiusdem tertij mensis octaua, vocatus à Domino Moyse vt scanderet montem, admonito priùs hac de re populo, ac relictis interim ad regimen eius Aaron & Hur, ipse cum ministro suo Iosue ascendit in montem: quò cum peruenisset, ecce gloria Domini statim apparuit super Sinai, in specie nubes operientis illum sex diebus; in vertice autem montis aderat quasi ignis ardens in conspectu filiorum Israel. Die verò septima, quæ erat eiusdem mensis decimaquarta, vocauit Deus Moysem; qui ingressus medium nebulæ (quod antè non ausus fuerat) ascendit in verticem montis; fuitque ibi quadraginta diebus & quadraginta noctibus sine cibo & potu, diuinis nimirum contemplationibus iugiter vacans: Exodi cap. 24. vers. 12. vsque ad finem capituli, & Deuter. cap. 9. vers. 9. Igitur

MOYSES A
DOMINO.
VOCATVS
ASCENDIT
IN MONTEM

PRIMA MOY
SIS QVA-
DRAGESI-
MA IN MON-
TE SINAI,
ET QUID IBI
EGERIT.

48. Die decimaquarta mensis tertij ab exitu, cœpta est prima quadragesima, quam fecit Moyse in monte Sinai; vbi didicit Domino reuelante, quæ offerre deberet populus pro Tabernaculo fœderis plenè conficiendo; & formam item ac mensuras ipsius Tabernaculi, partiumque, & operimentorum eius. Insuper & quæ in ipso collocanda essent, nempe, Arca fœderis, Mensa propositionis, Candelabrum, Lucernæ, Altaria, & si quæ erant eiusmodi alia: Vasa itidem ad vsum ipsius, & Sacerdotalia vestimenta. Didicit quoque rationem consecrandi Sacerdotes, ritumque offerendi pro eis; necnon compositionem olei sanctæ Vnctionis, & Thymiamatis aromatum, & huiusmodi reliqua: & nomina item artificum, quos ad prædicta omnia fabricanda Deus ipse delegerat. Postremò dedit Dominus Moyse duas tabulas lapideas, digito Dei scriptas. Quæ omnia fusiùs traduntur, accuratiusque explicantur septem integris Exodi capitibus, nimirum à 25. ad 31. inclusiue. Sed & inter hæc, duo alia præcepta dedit Dominus populo per Moysem; Alterum de dimidio siclo à singulis masculis exigendo, statim ac ad vigesimum annum peruenissent, atque in albo militari fuissent recensiti, Exod. cap. 30. vers. 11. vsque ad 17. Alterum de Sabbato sanctificando, Exod. cap. 31. vers. 13. vsque ad 18. Quamquam hoc postremum verè non fuerit nouum præceptum, sed potius repetitio, & veluti quædam, vt ita dixerim, inculcatio eius, quod in Decalogo iam datum fuerat Exod. cap. 20. vers. 9. vsque ad 12. cum noua ad eius obseruantiam instantia & contentione.

INTERIM
POPVLVS
ADORAT
VITVLVM
AVREVM.

ÆGYPTII
COLEBANT
BOVEM NO-
MINE APIS.

49. Moram autem faciente in monte Moyse, eamque diutiùs quàm quisque credidisset protrahente; nimirum sub finem dictæ eius quadragesimæ, ecce inferiùs in castris populus, qui non multò antè, ex longa cum Ægyptiis consuetudine interdu in Ægypto idola coluerat, vt apertè traditur Iosue cap. vlt. vers. 14. & propterea ad eandem idololatram etiam nunc propensum erat; suspicatus Moysem aut casu aliquo interiisse, aut vltro ab eis aufugisse, quasi desperans se posse eos ad terram repromissam perducere; oblitus insuper omnium prodigiorum ac beneficiorum Dei, & obedientiæ quam eidem paulò antè, in publica illa Legis acceptione, communi omnium consensu præstiterat: induxit Aaronem, vt ad imitationem ac similitudinem Ægyptiorum, qui inter cetera plurima animalia, quemdam inprimis bouem nomine Apis colere consueuerant; ipsi quoque faceret vitulum aureum, quem pro Deo coleret, & qui eum in terram ad quam tendebat, fospitem perduceret. Sanè Aaron, licet inuitus, (vt arbitror)

tamen

tamen videns populi conſpirationem contra ſe commotam; humano percuſſus timore, acquieuit petitioni eius, exactiſque à populo inauribus aureis, confecit ex eis opere fuſorio vitulum conſtatilem. Quem intuentes Iſraelitæ, læti exclamare cœperunt: *Hi ſunt dii tui Iſrael, qui te eduxerunt de terra Aegypti.* ædificatoque per Aaronem altari, ac intimata in craſſimum ſollemnitate, poſtridie manè ſurgentes, obtulerunt idolo holocausta, & hoſtias pacificas; & cùm manducaſſent ac bibiſſent, ſurrexerunt etiam ludere, Gentilium more, coram eo. Atque ita ingratiſſimus ille omnium gentium populus, in Aegyptiacam (vt ait ſanctus Baſilius Homil. 1. de Ieiunio, ante medium) idololatriam turpiſſimè deuolutus eſt, & diuinum honorem maximaque Dei beneficia muſo illi ſimulacro tribuens & accepta ferens, diuinam meruit offenſam: Exod. cap. 32. verſ. 1. vſque ad 7. Et hoc eſt quod merito eiſdem Iſraelitis poſtmodum exprobrabat Dauid in Pſal. 105. verſ. 19. & ſequentibus, dicens: *Et fecerunt vitulum in Horeb, & adorauerunt ſculptile,* (quod hic pro conſtatili acceptum credimus) *& mutauerunt gloriam ſuam in ſimilitudinem vituli comedentis ſenum. Obliti ſunt Deum qui ſaluauit eos, qui fecit magnalia in Aegypto, mirabilia in terra Cham, terribilia in Mari rubro.* Cùm autem reuelaiſſet Moyſi Dominus peccatum populi, minitatusque eſſet eum interficere illis verbis: *Cerno quod populus iſte dura ceruicis ſit: dimitte me vt irascatur furor meus contra eos, & deleam eos, faciamque te in gentem magnam:* Exod. cap. 32. verſ. 9. & 10. orabat Moyſes Dominum, vt ſaltem propter Abraham, Iſaac, & Iacob, quibus iurauerat multiplicare ſemen eorum, & dare ei Terram promiſſionis poſſidendam, parceret populo ſuo, ne daretur Aegyptiis anſa blaſphemandi, ac dicendi, idcirco ipſum callide Iſraelitas de Aegypto eduxiſſe; vt eoſdem interficeret in deſerto. Et hoc eſt, quod in Pſal. 105. verſ. 23. legimus: *Et dixit vt diſperderet eos, ſi non Moyſes electus eius ſteriſſet in conſractione in conſpectu eius, vt auerteret iram eius ne diſperderet eos.* Quibus verbis eleganti quadam Metaphora Regius Pſaltes comparat iram Domini valido cuidam hoſtium cuneo, qui diſiecta muri parte, in tuitionem penetrare, atque in neces ciuium irruere ſeſtinat: Moyſen verò aſſimilat ſtrenuo duci, qui inſpecto ſuerum periculo, protinus ad ipſam muri conſractionem accurrit, ibique ſtans ac fortiter dimicans, auertit hoſtem, & ciuitatem ab interitu ſeruat.

MOYSES
ORAT PRO
POPULO.

DESCENDIT
DE MONTE.

CONFIRM-
GIT TABU-
LAS, ET VI-
TULUM IN
PVLVEREM
REDIGIT.

CVR VOLUIT
VT POPU-
LVS DE IDO-
LI PVLVERE
BIBERET.

50. Die vigefimo quinto menſis quarti illuſcente, expletis quadraginta diebus incolatus ſui in monte, qui die decimoquarto menſis tertij (vt ſuprà num. 48. dictum eſt) cœperat; Moyſes, placato aliquantiſper Domino, deſcendit de monte portans memoratas duas teſtimoniij tabulas, quas à Deo acceperat. Vt autem appropinquans caſtris vidit vitulum aureum in conſpectu multitudinis poſitum, diuino inſtammatus zelo, tabulis ad radicem montis repente conſractis, & ad ipſum accurrens, diſciet, combuſſit, contriuitque eum vſque ad puluerem, quem in aquam torrentis, qui deſcendit de monte, & de quo bibebant omnes, proiecit, dedit ex eo potum filiis Iſrael: Exod. cap. 32. verſ. 7. vſque ad 21. & Deuter. cap. 9. verſ. 12. vſque ad 22. Quoniam verò ordinariè videmus, aurum in igne poſitum liquari, non autem in puluerem redigi; oportet hic ſubintelligere, id tunc occulta quadam arte protinus fuiſſe praſtitum: nàm aliqui ad illud idolum in braſteolas tenuiſſimas producendum, quales ſunt quibus medicamenta, & alia quædam comediſtabilia inaurari ſolent, multo vtiq; labore ac tempore opus fuiſſet. Poſſe autem aurum etiam puluerari, facile credimus; quandoquidem publica atteſtante fama audiuius de quodam famoſo noſtri temporis Alchimista, qui paucis ab hinc annis, nescio quo modo, aurum ad cineris formam clam reducebat; de quo plurimum in modica fuſi argenti portione palam immittens, callide Principes decipiebat, certò exiſtimantes (quemadmodum oculis ipſis intueri videbantur) puluerem illum habere vim conſciendi aurum de argento: & pro eodem puluere alium ſuppoſitum magno pretio diuendebat. Qua tandem fraude detecta, merito Bauariæ Dux aſtutiſſimum latronem furæ ſuſpenſum interemit. Sed ad quid, obſecro, voluit Moyſes, vt filij Iſrael de illo idoli puluere biberent? Cajetanus putat, vt ſic illud omnimodis deperiret. Hieronymus Oleaster, vt ſic, inquit, magis idololatræ confunderentur, videntes idolum ſuum ab ipſiſmet in ſterquilinum egerendum. Iudæorum verò Rabbini (quemadmodum referunt Auctor Gloſſæ Ordinariæ, & Lyranus, & Abulenſis, & alij) crediderunt per hoc voluiſſe Moyſen fecernere idololatræ à ceteris; vt maniſeſto ſigno agniti, poſſent à Leuitis puniri, ſicuti paulò poſt dicemus. Quamquam iidem Rabbini nonnihil de modo, quo idem puluis reos proderet, inter ſe diſſentiant. Quidam enim dicunt, quod ille mirabiliter inducebat in idololatrarum pilis colorem aureum; Alij, quamdam in eorum corporibus infirmitatem, qua vel inuiti, deliquiſſe

manifestabantur. Quidquid fuerit, (non enim illud ex Sacro textu elici potest) cum credendum non sit, Moysen virum iustum voluisse contra omne ius fasque fontes pariter ac infantes à Leuitis interfici, non videtur inconueniens arbitrari, ipsum diuini consilio dedisse populo dictum puluerem aqua mixtum, certo prænoscens, quod sicui dispensatione diuina, mulieres de fornicatione suspectæ, hausta zelotypiæ aqua, cui admixtum erat pauxillum terræ de pauimento Tabernaculi sumptum, si pollutæ erant, ventris inflatione dignoscebantur; sin autem, nil ea potione lædebantur, vt patet Numer. cap. 5. vers. 12. vsque ad finem capitis: ita aqua prædicto idoli puluere superspersa, & ab vniuerso populo ebibita, iustis quidem nihil nocitura erat; reis autem talem illaturæ languorem, quo postea irruentium super se Leuitarum gladios effugere, sicut ceteri, nullo modo possent. Nec his contentus Moyses, ipsum quoque Aaronem, quod tanti sceletis particeps fuisset, acriter obiurgauit. Mox videns populum solitis inauribus aureis magna ex parte priuatum (euidens profecto signum contributionis factæ & concursus ad conflationem aurei simulacri) & fortè insuper aduertens eundem populum tunc esse prorsus inermem, quod (vt probabile est) Aaron in publico illo vituli cultu, pro communi bono cunctis arma prohibuisset, ne tumultus oriretur in populo, & ne idololatriæ illius auctores, tamquam audaciores ac potentiores, in ceteris sordidas atque ignominiosas insultationes exercerent, vel fortè etiam idololatrare recusantes percuterent. Hinc quoque Moyses pro officij sui munere (supremam enim tunc potestatem in illo populo non solum Ecclesiasticam, sed etiam sæcularem habebat) commodam arripuit occasionem puniendi idololatrarum capita, vt vel sic facilius posset reliquis à Domino veniam impetrare. Itaque stans in porta castrorum Moyses, exclamauit dicens: *Si quis est Domini, iungatur mihi.* Qua voce audita, congregati sunt ad eum omnes Leuitæ, qui iubente Moysæ protinus accincti gladiis, per media castra excurrentes, interfecerunt de idololatræ ad viginti tria milia: Exod. cap. 32. vers. 21. vsque ad 30. & Deuter. cap. 9. vers. 12. vsque ad 22. Sanè inter hos Leuitas, dubium non est extitisse etiam ipsum Aaronem, strenuæque præ ceteris hac in cæde operam suam nauasse: quamuis enim constet, ipsum veniam peccati sui obtinuisse ad orationem Moyli pro ipso fusam, vt dicitur Deuter. cap. 9. vers. 20. credendum tamen est, ad id quoque non mediocriter valuisse eius pœnitentiam, cum hac ultione de idololatræ sumpta coniunctam; & fortè etiam quod ipse insuper ob id promeruerit fieri antiquæ Legis Sacerdos, & vt talis dignitas in sola deinceps stirpe ac posteritate sua permaneret, quemadmodum postea nepos eius Phinees, zelando zelum Domini, obtinuit à Deo sibi & semini suo eiusdem Sacerdotij confirmationem, & pactum sempiternum, vt dicitur Num. cap. 25. vers. 7. vsque ad 14. & refertur 1. Machab. cap. 2. vers. 54. Eadem de causa, credimus ceteros Leuitas meruisse postmodum segregari ab aliis tribubus in hereditatem Domini, addicque ministerijs tabernaculi & templi, toto tempore veteris Legis; quod manifestè colligi posse videtur ex illis verbis, quæ statim à patrata cæde locutus est eis Moyses Exod. cap. 32. vers. 29. dicens: *Consecratis manus vestras hodie Domino, unusquisque in filio, & in fratre suo, vt detur vobis benedictio.* Quid est enim, *Consecratis manus vestras hodie Domino*: nili, vt bene exponit Abulensis, Ex hac die consecratae sunt manus vestrae in sanguine propinquorum vestrorum, quos pro Dei honore occidistis, vt exinde reddita sint aptæ ad ministrandum Domino, & *vt detur vobis benedictio*, id est, & vt sitis pars benedicta à Domino, & electa in sortem eius. Quamquam hæc Leuitarum separatio non continuò per Moysen facta fuit, sed multò post, nimirum mense primo anni subsequens, vt nos sub anno mundi 2545. num. 7. dicemus; oportuit enim prius conficere Tabernaculum, & quæ ad ipsum pertinebant, quàm deputare illi ministros. Ceterum quod attinet ad præfatam tabularum contractionem, credunt B. Hieronymus super Zachar. cap. 8. & Rupertus, & alij, propterea deinde institutum fuisse in Hebraismo ieiunium quarti mensis, eò quod in eodem, vt diximus, mense olim illa contracta fuerant. quod si verum est, facit ad comprobendam nostram hanc horum temporum seriem.

OCCASIONE
ARREPTA
IDOLOLA-
TRAS IN-
TERFICIT.

CVR AARON
POSTEA FA-
CTVS SIT
SVMMVS
SACERDOS.

CVR LEVITAE
POSTEA SE-
GREGATI
SINT IN
MINISTERI-
IVM DI-
VINI CVL-
TVS.

IEIYNIYM
QVARTI
CVR INSTI-
TVTM.

MOYSES
ACRITER
REPREHEN-
DIT POP-
LYM.

51. Altera die, quæ fuit vigesima sexta eiusdem mensis quarti, congregata multitudine habuit Moyses concionem ad populum, in qua primò valdè eum reprehendit, quod contra fœdus ictum cum Domino fecissent, adorassentque vitulum aureum; & tot ac tantis Dei beneficiis ingrati, eadem ab idolo muto & insensibili recognouissent; ac propterea sese indignos reddidissent, qui plures alias easdemque præclaras ipsius re-promissiones assequerentur. Postremò, ne desperandi occasionem populo relinqueret, promissit se ascensurum denudò in montem, ad deprecandum Dominum, si fortè posset eis

eis veniam impetrare. Et his dictis, reuersus ad Dominum, orabat pro populo, obsecrans ut vel eis indulgeret, vel ipsummet Moysen deleteret de libro vitæ, Exod. cap. 32. vers. 30. vsque ad finem. Quia in oratione credunt Rabbinii, & nonnulli etiã ex Latinis Scriptoribus, Moysen perseuerasse aliis quadraginta diebus continuis: sed hoc admitti non potest, quandoquidem certum est, ab hac die ad initium postremæ quadragesimæ, in qua Moyses de Sinai secundas detulit tabulas, non nisi ad triginta quinque dies intercessisse, quemadmodum ex num. proximo dicendis, vbi quæ intra hos triginta quinque dies acta fuerint, explicabimus: & clarius num. 5. vbi de quadragesimis à Moysæ factis filiis agemus, manifestum fiet. Ceterum Moyses in memorata oratione non potuit obtinere populo omnimodam veniam pro reatu vituli, sed tantummodò ultionis dilationem: quando autem postea, & quomodo hæc facta fuerit, in Sacro textu non exprimitur. Creditur tamen quòd ultio hæc fuerit pestis quedam, quæ paulò post in eadem statione grassari cœperit inter reliquos idololatrias, quos Leuitarum gladius non consumpserat. Sed illud magis contristauit Moysen, ac deinde etiam populum vniuersum quòd Deus, qui antea promiserat, Exod. c. 29. ad calcem, velle habitare in medio filiorum Israel, & manere ac proficisci inter eos; nimirum per specialem quamdam sui præsentiam, in Tabernaculo testimonij mox conficiendo, exhibendam; quique iam Exod. cap. 25. & sex sequentibus diligenter admodum instruxerat Moysen, quomodo ipsum Tabernaculum, & sigillatim omnia ad ipsum pertinentia, fabricanda ordinandaque forent: nunc iubere ipsum Moysen proficisci cum populo ad Terram promissionis, comite dumtaxat Angelo, qui in columna nubis præcedere solitus erat: quin & paulò post apertè subiunxerit, se nolle proficisci cum ipsis; nimirum per memoratam sui præsentiam. Hæc quippe, cum de monte descendens Moyses populo renuntiasset, meritò magnum in eo luctum excitarunt. quem videns Dominus, & aliquantulum ad miserendum inclinatus; primò iussit Moysen aperire multitudini causam cur recusaret habitare & ire cum eis; ne scilicet (quia sciebat eos duræ esse ceruicis) cogeretur ob eorum inobedientiam & contumaciam illos interficere: deinde, ut eosdem ad poenitentiam prouocaret, humano more loquens, subiunxit, velle se, priusquam ire cum eis deliberet, de ipsorum obedientia periculum facere. Iussit itaque cunctos deponere ornatum suum, & in cœpta iam poenitentia perseuerare; mandauit etiam Moysi vt transferret tabernaculum suum, quod in medio castrorum aliàs figi solebat, extra castra, vt ibi loqueretur ei; non enim volebat id facere inter ipsos Israëlitas, vt vel se eos magis humiliaret, Exod. cap. 33. vers. 1. vsque ad 6.

§ 2. Igitur deposito protinus à populo omni pretiosiori cultu, & in signum poenitentiae, vilioribus omnes induti vestimentis, post translatum Moysen tabernaculum extra castra, quod ipse pro tunc vocauit Tabernaculum fœderis, intra memoratos triginta quinque dies aliquando quidem de castris exibant, veniebantque ad ipsum Moysen qui habebant quæstionem; aliquando autem ipse Moyses de suo Tabernaculo fœderis veniebat ad castra, prout ei sese occasio offerebat; relicto tamen semper ministro suo Iosue ad custodiam Tabernaculi. Quandocumque autem exibat de castris Moyses, vt rediret ad Tabernaculum suum, ecce vniuersa plebs accurrens ad ostia tentorium suorum intuebatur tergum Moysi, obseruabatque donec ingrederetur Tabernaculum fœderis: siquidem tunc descendere solebat columna nubis, & loqui cum eo Dominus, cunctis videntibus eamdem columnam ante ostium Tabernaculi stantem, & de foribus papilionum suorum adorantibus Dominum, Exod. cap. 33. vers. 6. vsque ad 12. Et quoniam ibi vers. 11. Scriptura sacra testatur, quòd Dominus cum Moysæ loquebatur facie ad faciem, sicut solet loqui homo ad amicum suum; subiungitque ibidem vsque ad finem capitis, admirabilem quemdam dialogum inter ipsos habitum, quem in eodem tabernaculo, & sub finem prædictorum triginta quinque dierum fuisse factum, inde constat, quòd in fine eiusdem dialogi præcepit Dominus Moysi, vt pararet duas tabulas, & cum illis ascenderet in montem, vt paulò post dicemus. Sanè ex dicto dialogo, & item ex his quæ cap. sequenti vers. 5. & deinceps narrantur acta in monte, colligunt nonnulli SS. Patrum, videlicet S. Basilius Hom. 1. in Hexaëmeron, & S. Ambrosius lib. 1. in Hexaëmeron cap. 2. & alij, tunc Moysen verè Deum vidisse. Quod tamen, vt notat Caietanus, ex littera non videtur necessariò posse inferri: nam potest quis facie ad faciem loqui cum altero, & non videre illum, vt patet de iis, qui in tenebris colloquuntur. Præterquam quòd cõmuniter ceteri Patres ac Theologi sentiunt eundem Moysen non vidisse Deum oculis corporalibus: nam vt ait S. Augustinus tract. 24. in Ioan. *Ille non est talis substantia, quæ videri oculis possit.* Sed neque spiritalibus

ET PRO IP-
SO ORAT.

REFELLI-
TUR RAB-
BINORVM
OPINIO DE
HVIVS ORA-
TIONIS DV-
RATIONE.

POPULO
POENITEN-
TIAM AGEN-
TE QUID
AGERET
MOYSES.

AN MOYSES
VIDERIT
DEVM.

libus hic videri potest in sua essentia : quandoquidem extant multa , eademque valde aperta Scripturæ testimonia , asserentia Deum neque sic ab illo umquam in hac vita visum fuisse . quale est illud in Euangelio . Ioannis cap. 1. vers. 18. & in Epistola eiusdem 1. cap. 4. vers. 12. *Deum nemo vidit umquam.* Quin & Apostolus 1. ad Timoth. cap. 6. vers. 16. de Deo ait : *Quem nullus hominum vidit.* & insuper addit : *sed nec videre potest.* Cui adstipulari videtur ipsa Dei responsio , in præcitato dialogo data Moyſi obsecranti , ut ostenderet ei gloriam suam : *Non poteris* , inquit , *videre faciem meam* ; non obscure insinuans eiusmodi impotentiam homini in hac vita esse , ut ita loquar , naturalissimam : quamquam in alia , Dei beneficio , de ipsa Dei visione perpetuo vivere queat . vnde & sequitur : *Non enim videbit me homo* (subaudi , hic) *& vivet.* hoc est , me videns in patria . Propterea sanctus Leo Papa , huius nominis Primus , in Homil. de Transfiguratione Domini , ait , tres Apostolos à Domino ductos in montem Thabor vidisse filium hominis venientem in regno suo , id est in regia claritate , spiritaliter ad naturam suscepti hominis pertinenste . *Nam illam* , inquit , *ipsius Deitatis ineffabilem & inaccessibleem visionem , quæ in æternam vitam mundis corde servatur , nullo modo , mortali adhuc carne circumdati , intueri poterant , & videre.* sic sanctus iste Pontifex . Quare licet S. Basilii Hom. 1. de Ieiunio , ante medium , dicat , Eliam meruisse videre Deum : non tamen id absolute pronuntiat , sed cum hac limitatione , videlicet : *Quantum fas est homini.* subintellige , in hac vita . Ratio autem cur diuina essentia hic videri non possit , est , quia nemo potest potuitve umquam simul esse comprehensor & viator , nisi solus Christus , ut ipsemet testatur Ioan. cap. 6. vers. 46. dicens : *Non quia Patrem vidit quisquam , nisi is qui est à Deo* , (seipsum significans) *hic vidit Patrem.* Quod ergo dictum est , Deum cum Moyſe locutum esse facie ad faciem , debet accipi (ut exponit B. Thomas 1. 2. quæst. 98. art. 3. ad 2.) iuxta opinionem Hebraici populi , qui sic putabat : vel potius ut idem S. Doctor ibidem subiungit , *Per visionem faciei , debet intelligi eminens quadam & familiaris contemplatio , infra tamen diuinæ essentia visionem.* Ad quam Angelici Doctoris expositionem videntur alludere verba illa Domini de Moyſe , & Aaron , & Maria , Numer. cap. 12. vers. 6. quæ sic habent : *Si quis fuerit inter vos propheta Domini , in visione apparebo ei ; vel per somnium loquar ad illum . At non talis seruus meus Moyſes , qui in omni domo mea fidelissimus est : ore enim ad os loquor ei : & palam , & non per anigmata & figuras Dominum videt.* Ac si inferre voluerit : Sed longè perfectiori modo quam ceteri Propheta . Itaque

53. Die , ut arbitror , vigesimo octauo mensis quinti , mandat Dominus Moyſi ut præcideret sibi duas tabulas lapideas , prioribus haud absimiles , velle etenim denuò scribere in eis verba , quæ in iam contractis exarauerat : eidem quoque iniunxit , ut esset paratus manè protinus ascendere cum illis solus in montem Sinai , & stare secum super eiusdem montis verticem , & interim prouideret , ne quisquam eo tempore in eodem monte , ob loci reuerentiam , versari auderet ; nèue oues aut boues è regione montis pasci permetterentur . Igitur paratis tabulis , datisque (ut necessariò supponendum videtur) Aaroni mandatis , ne ipso absente quemquam monti approximare pateretur ; sequenti die , qui erat illius mensis vigesimus nonus & vltimus , ante lucem surgens , cum tabulis ascendit solus in montem , relicto nimirum , vt consueuerat , Iosue ministro suo ad Tabernaculi sui custodiam . Quodd autem iste , postremus dies mensis quinti ab exitu , fuerit primus secundæ quadragesimæ à Moyſe in monte Sinai factæ , ex his quæ infra num. 58. in fine dicenda sunt , manifestum fiet . Cum itaque Moyſes in montem peruenisset , descendissetque in nube Dominus ; statim ipse Moyſes in altissima contemplatione diuina eleuatus , meruit videre Deum , quatenus homini in hac vita fas esse potuit , nimirum eo modo , quo præcedenti numero exposuimus , & eidem Moyſi Dominus in memorato colloquio secum habito pollicitus fuerat , illis præsertim verbis Exodi cap. 33. in fine : *Videbis posteriora mea , faciem autem meam videre non poteris.* Vidit , inquam , Moyſes speciali quodam Dei fauore , non ipsam Dei essentiam , quam certum est (inquit S. Augustinus Meditationum cap. 28.) à nemine conspici posse in hac vita ; & cap. 29. ait , eandem diuinam essentiam à nullo mortalium aliquando potuisse videri . Cuius sententiæ subscribit quoque Theodorus Ancyra Episcopus Homil. de Natiuitate Domini , quæ refertur in Concilij Ephesini tom. seu lib. 6. cap. 10. vbi agens de Moyſe , quomodo viderit Deum : *Certe* , inquit , *naturam inaccessibilem non est conspicius : eam enim humana mens assequi non potest.* sic ille . Non ergo propriè ac simpliciter Moyſes vidit ipsum Deum ; sed lumine suo intellectu tunc à Deo mirabiliter illustrato , eximia quædam illius attributa percepit , quæ illis Exodi cap. 34. vers.

DEVS IUBET
MOYSEN
NOVAS TA-
BULAS PA-
RARE.

MOYSES A-
SCENDIT
CVM TABU-
LIS IN MON-
TEM , IBIQ-
SECUNDAM
AGIT QUA-
DRAGESI-
MAM.
QVOMODO
DEVM VI-
DERIT.

vers. 6. verbis continentur: *Dominator Domine Deus, misericors & clemens, patiens, & multe miserationis, ac verax, qui custodis misericordiam in millia; qui auferis iniquitatem, & scelera, atque peccata, nullusq; apud te per se innocens est. Qui reddis iniquitatem patrum filius ac nepotibus in tertiam & quartam progeniem.* Quæ Exodi verba tamen si videantur non à Deo Moyfi fuisse indicata, sed contrà ab ipso Moyse coram Deo fuisse prolata; certum tamen est, quòd ipsi Moyfi fuerant prius à Domino inspirata & reuelata, quem admodum idemmet Moyse aperte testatur Numer. cap. 14. vers. 17. & deinceps, vbi eadem ferè verba refert, tamquam sibi à Domino dicta; vtiq; alludens ad Exodi locum proximè citatum. Diuina autem attributa quæ Dominus Moyfi in monte Sinai manifestauit, hæc sunt: Quòd ipse est Deus ac Dominus omnium, qui non solum per omnipotentiam infinitamque sapientiam suam in cunctis actualiter dominatur, omniæq; gubernat; verumetiam per suam bonitatem est in condonandis poenis admodum misericors, quemadmodum & in culpis remittendis valdè clemens; quin etiam & patiens in offensis tolerandis, vltionibusq; ad poenitentiam expectandam differendis, & multus in miserando & compariendo iis qui ignorant & errant; & item verax ac fidelissimus in suis pollicitationibus adimplendis; quæ quidem, in tanto præsertim Principe, quàm magna & mirabilia sint, nemo est qui non videat. Denique cum nullus omnino per se sit innocens apud ipsum, qui (vt dicitur Iob cap. 4. vers. 18.) *& in Angelis suis reperit prauitatem*: nihilominus ipse est qui iustificat impios, & cunctas auferit iniquitates atque peccata. Quanta autem res sit iustificatio impij, docet B. Augustinus tract. 72. in Ioan. post medium, dicens, quòd maius opus est vt ex impio iustus fiat, quàm creare calum & terram. Et non procul à fine subiecit: *Iudicet qui potest, vtrum maius sit, iustos Angelos creare, quàm impios iustificare: certè si æqualis est vtrumque potentia, hoc maioris est misericordie.* Quæ loca quomodo intelligenda sint, optimè declarat S. Thomas 1. 2. quæst. 113. art. 9. Denique non minùs verum est quàm admirabile, quod in quadam Collecta, diuino edocta Spiritu, canit sancta mater Ecclesia: *Deus qui omnipotentiam tuam parcendo maximè, & miserando manifestas, &c.* Quibus sanè verbis aperte declarat, iustificationem peccatoris non solum esse solius diuinæ omnipotentia, sed etiam inter alia eiusdem opera præcipuum & maximum. Etenim longè maiorem in quouis intellectu creato parit admirationem, quòd Deus pro impijs iustificandis homo fieri, & tot tantaque ac tam indigna pati voluerit, quàm quòd solo iussu cuncta creare potuerit. Ad eandem quoque infinitam Dei misericordiam euidentius & tamquam visibili experimento demonstrandam, facit, quod citato Exodi cap. 34. vers. 7. testatur Moyse, asseuerans, quòd ipse Deus, iustus cum sit, reddit iniquitates patrum filiis ac nepotibus vsque ad quartam generationem; & bonorum merita remunerat in millia, (subaudi, generationum.) Quòd specialiter & inprimis de Christo accipiendum videtur, ob cuius infinita merita misericordiam consequuntur Christiani successiue per infinitas propemodum generationes. Videtur ergo Deus tunc reuelasse Moyfi altissima quadam eius arcana & mysteria, præsertim verò Dominicæ incarnationis, prædicationis, & passionis, pro redemptione mundi posterioribus implenda temporibus. Ipsa namque sunt mirabilia, eademque pariter illustissima diuinæ miserationis, clementia, patientia, ac iustitiæ opera, per quæ disposuerat Dominus, sine vllò æternarum suarum Legum detrimento, auferre iniquitates, condonare peccata, & iustificare impios, iuxta Danielis prophetiam, de qua cap. eius 9. vers. 24. legimus: *Vt consummetur præuicatio, & finem accipiat peccatum, & deleatur iniquitas, & adducatur iustitia sempiterna, & impleatur visio, & prophetia, & ungatur Sanctus sanctorum.* Hæc & eiusmodi sunt, vt arbitror, posteriora Dei, quæ vidit Moyse in monte Sinai: faciem namque Dei in hac vita videre non potuit, quòd id Beatorum tantum in cælo sit. . *Illa enim summa & incommutabilis essentia* (vt ait S. Augustinus Meditationum cap. 28.) *à nemine conspici valet in hac vita, quòd solum premium sanctis reservatur in celesti gloria.* Ceterum liceat hîc ex dictis obiter inferre, quoniam supra Deum nihil est, rectè omnia respectu Dei dici posse vel inferiora, vel posteriora, vel anteriora; nulla superiora. Inferiora Dei videre dicuntur, qui naturæ; posteriora, qui gratia; anteriora, qui gloriæ eius opera speculantur.

54. Sanè Moyse de hisce diuinis mysteriis à Deo edoctus, non in superbiam elatus, sed maiori erga suos charitate inflammatus, confestim in terram corruius, & adorans Deum, rogare cepit eum pro populo suo; cum quo licet ipse Dominus se mansurum iam eidem Moyfi pollicitus fuisset in eo colloquio, quòd prius secum ad ostium Tabernaculi sui habuerat, vt patet Exod. cap. 33. vers. 16. & 17. verumtamen quia sciebat

MOYSES DIVINIS CON-
TEMPLATIONIBUS A
DEO EXALTATUS MAN-
GIS SE HUMILIAT.

ORAT PRO
FORTVLO.

scribat Moyses, populum duræ admodum esse ceruicis, verebaturq; ne ob eius inobedientiam aliquando iuste eundem Dominus defereret; iterum enixe diuinam implorat elementiam, obsecrans ne deinceps illius populi demerita attendat, sed potius (ex quo dixit se eum esse qui aufert iniquitates hominum) ipse deleat peccata eius, & ne vlla vinquam de causa eum diuina sua præsentia destitui permittat. Cui Dominus benigne annuens, subiunxit, se de hac re pactum cum ipso initurum, & talia facturum signa cunctis videntibus, tum admirabilia, tum etiam terribilia, & numquam ampliùs visa aut audita, vt de eius diuina præsentia & assistentia nullus dubitandi relinquendus esset locus. Hæc autem signa, vt arbitror, fuerû, mirabilis ille fulgor, qui postea in facie Moysi resplenduit; item diuina illa sermocinatio, vocibus articulis de Propitiatorio cum ipso Moyse, quamdiu mox vixit, & quodcumque opus fuit, habita: necnon admiranda illa primi holocausti ab Aaron, Moyse iubente, oblatis consumptio, igne cælitus demisso: & denique terribiles illæ ac subitanæ punitiones Nadab, & Abiu, & Darhan, atque Abiron, & Core, ac multa eiusmodi alia, quæ suis locis notabuntur. Dedit deinde Dominus Moysi præcepta illa ab eodem conscribenda ac tradenda populo, quæ habentur in eodem Exodi cap. 34. à vers. 11. vsque ad 28. Et denique ipsemet Dominus scripsit in tabulis à Moyse paratis verba Decalogi, eo prorsus modo, quo in aliis iam contractis priùs conscripserat: vt loco Exodi citato vers. 28. habemus, nam quod ibi intelligere debeamus, Dominum, non autem Moysen, scripsisse, colligitur ex eiusdem capituli vers. 1. vbi Dominus promittit se scripturum, & quod ipse scripserit, apertius traditur Deuter. cap. 10. vers. 4. Igitur in hisce sanctis actionibus & contemplationibus commoratus est in monte Moyses quadraginta dies naturales perpetuos, non manducans, neque bibens; sed tantummodò viuens ex omni verbo, quod procedebat de ore Dei, Exodi loco citato, & Deuter. cap. 9. vers. 18. & cap. 10. vers. 10.

DOMINVS
DAT QVA-
DAM PRÆ-
CEPTA PER
MOYSEN.SCRIBIT IN
TABVLIS
DECALO-
GVM.QVOT QVA-
DRAGESI-
MAS GERIT
IN MONTE
MOYSES.QVOD EVE-
RINT DVAE
TANTVM IN
MONTE SI-
NAI.

55. Et hæc fuit secunda postremaque Moysi quadregesima in Monte Sinai facta, secundum communioem Catholicorum Expositorum sententiam, secus autem iuxta Hebræorum Rabbinos, qui (vt testatur Lyranus super Deuter. cap. 9.) putabant, Moysen tres in dicto monte quadregimas egisse; nimirum duas iam memoratas, & in super aliam inter has mediam, quando scilicet post contritum vitulum aureum, idololatræque Leuitarum auxilio interfectos, locutus est populo, dicens: *Peccastis peccatum maximum; ascendam ad Dominum, si quo modo quinero eum deprecari pro scelere vestro.* & quæ sequuntur, Exod. cap. 32. vers. 30. vsque ad finem. Sed hæc opinio, quam etiam sequitur Caietanus super Deuter. cap. 10. nullo modo videtur probanda: quia licet ibi dicatur, Moysen ascendisse orasseque pro peccato populi, non tamen ibi neque alibi Scriptura asserit, ipsum illa vice moratum esse in monte quadraginta diebus. Vnde cum certum sit, Moysen, quamdiu mansit populus in Sinai, pluries ascendisse descendisseque de monte vt oraret pro populo, certè quemadmodum ridiculum esset opinari, eundem, quotiescumque ascenderet orationis causa, consueuisse ibidem morari quadraginta diebus continuis: ita rationi consonum est credere, huiuscemodi tam longam moram non nisi toties contigisse, quoties in Sacro textu reperitur expressum: alioqui non maior videretur ratio tale quid asserendi de vna vice, aut duabus, aut tribus, quàm de ceteris omnibus. Cum igitur duas tantùm quadregimas à Moyse super montem Sinai traductas, in sacra Scriptura expressas inueniamus, primam videlicet Exodi cap. 24. in fine notatam, cuius etiam meminit Deuter. cap. 9. vers. 9. Alteram verò Exodi cap. 34. vers. 5. vsque ad 28. de qua item fit mentio Deuter. cap. 9. vers. 18. & cap. 10. vers. 10. vt ceteri notant Expositores: proculdubio periculosum nimis videretur, addere tertiam; præsertim cum (quidquid verba illa Deuter. cap. 10. vers. 10. super quæ se fundat Caietanus, iuxta Textum quem ipse sequitur, innuere videantur de media illa quadregesima) videamus, quòd textus Vulgatæ editionis, qui multò maioris est auctoritatis, si bene perpendatur, magis indicat, Moysen ibi per recapitulationem loqui de secunda eademque postrema eius quadregesima in illo monte transacta; non autem de media illa, à prædictis introducta; quæ quidem alio item argumento ex Chronologia petito perspicuè reici posse videtur. Nam (quemadmodum suprà num. 51. tetigimus) à fine prioris quadregimæ ad initium postremæ, triginta quinque tantùm dies intercessisse inueniuntur: siquidem vitulus aureus contractus fuit die 24. mensis quarti, vt suprà num. 50. dictum est; & postrema quadregesima cœpit die vltimo mensis quinti, vt ex his quæ sup. num. 53. dicta sunt, & adhuc magis ex his, quæ infrà num. 58. dicemus, perspicuum fieri poterit. Restabant igitur dies septem mensis

menſis quarti, & viginti octo menſis quinti, qui faciunt dies triginta quinque inter
vtramque quadrageſimam medius: non ergo potuit fieri alia quadrageſima, inter me-
moratas media. Neque verò huic noſtræ poſitioni obſtat illa horum dierum compu-
ratio, quam facit Lyranus ſuper Deuter. cap. 9. probans poſſe dari tres quadrageſimas,
à Lege lata ad diem vltimum poſtremæ Moysi quadrageſimæ: quia (inquit) certum
eſt, quòd ab exordio primi menſis, ad diem Expiationis, quæ cadebat in die decima
menſis ſeptimi, (in qua, de comuni, inquit, omnium tum Catholicorum tum Rab-
binorum conſenſu, expleta fuit in monte Sinai poſtrema Moysi quadrageſima, quòd
nos quoque num. 58. comprobabimus) fluxerunt menſes Lunares ſex, & dies decem,
qui ſimul ducti, faciunt dies centum octoginta ſeptem: à quibus ſi excipias dies
quattuordecim primi menſis (populus enim exiuit de Aegypto die decimaquinta eiuf-
dem primi menſis) & dies quinquaginta, ab exitu ad Legem decurſos; proculdubio
remanebunt, à Lege ad diem Expiationis dies centum viginti tres; intra quos euident
eſt, potuiſſe fieri tres quadrageſimas. Non (inquam) hæc obſtant hiſ quæ ſuprà dixi-
mus, quoniam Lyranus diſtribuit ferè totos illos centum viginti tres dies in tres qua-
drageſimas; quaſi nihil aliud toto illo tempore Moyses egerit, ſed ſemper in monte
cum Domino fuerit occupatus, & nullos propemodum dies inferius cum populo tra-
duxerit: nullam ergo habuit rationem Lyranus ſeptem illorum dierum, qui à die Le-
gis late ad initium primæ quadrageſimæ interfluxerunt, quorum meminit Scriptura
Exod. cap. 24. ex quo capite nos, quæ in illis diebus facta fuerint, ſuprà num. 47. expli-
cauimus. Præterit quoque in ſua computatione Lyranus dies, qui ab extremo prioris
quadrageſimæ ad primum poſtremæ fluxerunt, quos paulò antè triginta quinque fuiſ-
ſe diximus; & certè plurimos extitiſſe necèſſe eſt, ſi attendamus quæ in illis à Moſe
cum populo facta fuerunt, quemadmodum ex Exodi cap. 32. & 33. nos ſuprà num. 51.
& 52. retulimus. Itaque ſi memoratos hos quoque dies à Moſaïcis quadrageſimis, vt
oportet, ſubtrahamus, manifeſtum fiet, concedi nullo modo poſſe, quòd Moſes tres
in Sinai quadrageſimas cum Domino fecerit, ſed duas tantum.

56. Notandum tamen hiſ eſt, non incongruè fortaiſſis poni poſſe, Moſen tres egiſſe
quadrageſimas; non quidem omnes in monte Sinai, vt putant Hebræi, ſed duas tantum
in Sinai, tertiam verò in Cadesbarne: quod videtur colligi poſſe ex Deut. c. 9. verſ. 25.
vſque ad finem capitis: in eo namque capite, Moſes cum cœpiſſet verſ. 7. breuiter re-
colere præuarias nationes populi, ex die qua exierat de Aegypto; & præcipue illas quæ acci-
derant in Horeb, (quod idem eſt, ac ſi dixiſſet in Sinai, iuxta ſuperius num. 34. notata)
refert verſ. 9. ſe aſcendiſſe in montem, vt acciperet à Domino tabulas Legis, ibidemque
manſiſſe quadraginta diebus & quadraginta noctibus ſine cibo & potu: poſteà deſcen-
diſſe, ac contriuiſſe vitulum aureum: deinde verſ. 18. ſubdit, ſe iterum ieiuaiſſe ſicut
priùs, ac prociſiſſe ante Dominum aliis quadraginta diebus & totidem noctibus, *pro-
pter omnia*, inquit, *peccata veſtra quæ geſiſtiſ contra Dominum*, &c. & item pro peccato
Aaronis: mox verſ. 22. proſequitur recolendo aliquot populi murmurationes, poſt
egreſſum eius de Sinai ſubſecutas, nempe ad Sepulchra concupiſcentiæ, ac poſtremò
in Cadesbarne; ſubiungens verſ. 25. ſe iacuiſſe coram Domino quadraginta diebus ac
noctibus, ipſumque ſuppliciter deprecatum fuiſſe, ne deleter eos, vt fuerat commina-
tus; & ponit ibi quædam illius orationis verba, vſque ad finem capitis. Apparet igitur
in eo capite tres Moysi quadrageſimas ſucceſſiue fuiſſe recapitulatas; duas nimirum in
Sinai, tertiam verò in Cadesbarne peractas. Et quidem fateor, poſtremos illos qua-
draginta dies verſ. 25. citati capitis commemoratos, conuenienter poſſe accipi, fuiſſe
illoſmet ſecundæ quadrageſimæ, quorum paulò antè, videlicet verſ. 18. meminerat,
quemadmodum etiam arbitrantur Hugo Cardinalis & Caietanus, & alij multi, ſuper
eodem Deuter. cap. 9. dicentes, Scripturam ibi non ſeruaiſſe ordiſtem temporum, vt
aliàs ſæpè; ſed poſteaquam verſ. 18. mentionem fecerat ſecundæ quadrageſimæ factæ in
monte Sinai, interpoſuiſſe verſ. 22. breuem illam recapitulationem eorum quæ accide-
rant ad Sepulchra concupiſcentiæ, & in Cadesbarne; mox iterum verſ. 25. rediſſe ad
eamdem ſecundam Moysi quadrageſimam commemorandam, adiiciens ei oratio-
nem, quam eo tempore fecerat in Sinai. Verùm nobis multò conuenientius videtur,
poſtremos illos quadraginta dies, verſ. 25. notatos, eſſe accipiendos de tertia Moysi
quadrageſima, quam diximus factam fuiſſe in Cadesbarne, non autem de ſecunda facta
in Sinai. Primò, quia ibi manifeſte præcedentia pertinent ad acta in Cadesbarne, & de
eiſdem videtur continuare ſermonem. Secundo, quoniam ibidem dicitur, Moſen ex-
oraſſe Dominum ne deleter populum, vt fuerat comminatus; perſpicue alludens ad il-
lam

TOLLITUR
OBJECTION.

QVOD MOY-
SES TER-
TIAM FECE-
RIT QVA-
DRAGEſI-
MAM IN
CADESBAR-
NE.

lam comminationem, quæ facta fuit in Cadesbarne, quando scilicet Numer. cap. 14. vers. 12. dixit Dominus Moyſi: *Feriam igitur eos peſilentia, atque conſumam.* Tertiò, quia verba ipſa Moyſaica orationis, Deuter. cap. 9. ad finem relata, ſatis conueniunt cum hiſ quæ referuntur capite Numer. allegato verſ. 13. & ſequentibus; ex quo apparet, eamdem Moyſi orationem actionemque in Cadesbarne peractam, vtròque deſcribi. Quartò, quoniam certum eſt, debere ſupponi, Scripturam ſacram in rebus geſtis deſcribendis ſemper ordinem temporum obſeruaffe, niſi quando euidenter conſtat de oppoſito, (quod in caſu noſtro non militat;) aliqui nihil certi ad ſacram Chronologiam pertinens, ex Sacris libris habere poſſemus. Cum igitur hiſtoria capite Deuter. adducto relata, vero ac legitimo temporum ordini conſentanea eſſe videatur; neque vila neceſſitas cogat nos aliter opinari; proculdubio credendum videtur, poſtremam illam Moyſi quadrageſimam, quæ ad calcem illius capitis breuiter tangitur, non fuiſſe ſecundam, ſed tertiam, neque factam in Sinai, ſed in Cadesbarne, vt dictum eſt: præſertim cum ex hac opinione nullum ſequi videatur inconueniens; & nos inferius ſub anno mundi 2545. num. 66. oſtendemus, Moyſen poſt peſſimam illam populi deſperationem in Cadesbarne ſecutam, manſiſſe ibidem ad duos ferè meſes, intra quos tertiam hanc cum Domino quadrageſimam peragere potuiſſe certum eſt. Sed nunc ad hiſtoriæ ſeriem reuertamur.

57. Die decimo menſis ſeptimi illuſcente, Moyſes expleta cum Domino in Sinai ſecunda quadrageſima, quam (vt diximus) die vltimo menſis quinti inchoauerat; deſcendit de monte, portans duas tabulas teſtimonij, ignorans quòd cornuta eſſet facies eius ex conſortio ſermonis Domini. Occurrentes autem ei Aaron & principes filiorum Iſraël, & videntes cornutam faciem eius, hoc eſt, ſplendorum radiſ veluti cornibus hinc inde prominentibus coruſcantem; timentesque ad ipſum accedere, retrocedere cœperunt ab eo; ipſe autem vocauit eos, & locutus eſt cum eis. Deinde conuocata omni multitudine, manifeſtauit ei quæ à Domino in monte obtinuerat, nimirum veniam maximi illius peccati, quod populus cum Aarone in vituli adoratione perpetrauerat. Cuius rei cauſa inſtitutum poſtea fuit feſtum Expiationis; ſeu Propitiationis, tali die quotanni celebrandum, vt numero ſequenti dicemus. Vt primùm autem intellexit Moyſes, quòd non poterant filij Iſraël intendere acies in faciem eius, propter gloriam vultus ipſius, vt dicitur 2. ad Corinth. cap. 3. verſ. 7. id eſt propter cœleſtem ſplendorem, qui inde mirabiliter fulgurabat: exinde cœpit ponere velum ſuper caput ſuum, quotieſcumque cum eo populo loqui oporteret; quod poſtea auferre ſolebat, quando redibat ad Tabernaculum ſœderis, & loquebatur cum Deo: Exodi. cap. 34. verſ. 29. vſque ad finem. In eodem quoque conuentu manifeſtauit Moyſes populo, ſe tandem obtinuiſſe à Domino gratiam, quam omnes tantopere exoptauerant, & ipſe admodum enixè poſtulauerat, videlicet, vt dignaretur Dominus habitare atque ambulare cum eis in Tabernaculo mox conficiendo, prout ipſemet Dominus, antequam peccaſſet populus, vltro eidem Moyſi in monte promiſerat; eumque de modo eiufdem Tabernaculi conficiendi diligentiffimè edocuerat. Tradidit etiam Moyſes populo præcepta, quæ dederat ei Dominus in monte, & hortatus eſt cunctos, vt offerrent Domino aurum & argentum, & cetera quæ memorantur Exodi cap. 35. verſ. 5. vſque ad 10. ad conficienda quæ Dominus imperauerat; nempe Tabernaculum, indumenta pontificalia, & alia, quæ recensentur Exod. cap. 31. verſ. 7. vſque ad 12. & cap. 35. verſ. 11. vſque ad 20. Egreſſa ergo omnis multitudo, offerebat omnia libentiſſimè, neque vſquam ceſſatum eſt ab oblationibus, niſi quando poſtea Moyſes voce præconis id vetuit. Porro omne auri & argenti & æris pondus, quod oblatum fuit & expenſum in opere Sanctuarij, deſcribitur Exodi cap. 38. verſ. 24. vſque ad finem capitis; vbi aurum dicitur fuiſſe pondo talentorum viginti nouem, & inſuper ſiclorum ſeptingentorum triginta, ad meſuram Sanctuarij. Argentum verò talentorum centum, & ſiclorum mille ſeptingentorum ſeptuaginta quinque. Æris denique oblata fuiſſe talenta ſeptuaginta duo millia, & ſiclos quadringentos. Verùm quod attinet ad memoratum argenti pondus, duo ſunt aduertenda. Alterum, quòd tamenſi in editione Vulgata, poſt pondus auri non ſtatim exprimentur dicta centum argenti talenta, & mille ſeptingenti ſeptuaginta quinque ſicli, vt fit in LXX. Interpretum codicibus, & in Paraphraſi Chaldaica; tamen hæc ſatis clare indicantur etiam in textu Vulgato ibidem paulò poſt, vbi ſubiungitur, quòd ex centum argenti talentis factæ ſunt baſes centum, & de mille ſeptingentis ſeptuaginta quinque (ſubaudi ſiclis, vt ibi exprimunt textus Vulgatus Bibliorum Regionum, & LXX. Interpretes, & Chaldaica Paraphraſis) contecta fuerunt capita columnarum. Alterum eſt,

MOYSES DE
MONTE DE
SCENDENS,
SPLENDO-
REM DEFA-
CIE EMIT-
TIT.

LOQUITUR
OPERTA
FACIE AD
POPULUM.

est, non facile determinari posse, num tota illa argenti summa, an verò pars eius tantum (id enim in Sacro eloquio non plenè exprimitur) collecta fuerit ex illis semisiclis, quos offerre tenebantur illi qui transibant ad nomen siue ad numerum viginti annorum, quando inter pugnatores recensebantur, iuxta Legem Exod. cap. 30. vers. 13. laram. Et quidem si singula talenta Hebraica (de his enim nunc loquimur: nam de aliarum nationum talentis, scimus ea pro diuersitate nationum varij inter se ponderis extitisse) si, inquam, singula talenta Hebraica ad mensuram Sanctuarij (vt Sacer textus loquitur) pendissent tantummodò ter mille siclos, quemadmodum nonnulli arbitrantur ex hoc loco Exod. c. 38. posse colligi; proculdubio centum talenta facerent trecenta siclorum millia, quibus si adderentur alij prædicti mille septingenti septuaginta quinque sicli, fieret totum argenti pondus 301775. siclorum; quæ præcisè esset medietas numeri bellatorum 603550. in eodem Exod. cap. 38. vers. 25. & Numer. cap. 1. vers. 46. notati. Verùm, ni fallor, ex textu Exodi proximè citato non videtur necessariò posse inferri, quòd talentum Hebraicum sacrum tam parui esset ponderis: nam sic argenti talentum fuisset valoris tantummodò mille circiter aureorum; (siquidem ter mille sicli faciunt sex mille libras Imperiales) quod neque ex vllò alio Sacro textu, aut antiquo probatoque Scriptore comprobari potest. Quin potiùs ex Iosepho, qui fuit Hebraicarum rerum peritissimus, & ex Didaco Couarruua, huiuscemodi ponderum inuestigatore diligentissimo, constat, (vt sub anno mundi 3043. num. 4. probabitur) singula talenta Hebraica sacra pendisse minas centum; & certum est, singulam minam pendisse siclos sexaginta, vt apertè tradit Ezechiel c. 45. vers. 12. & ibidem confirmant S. Hieronymus, & alij illius loci Expositores. Igitur si hæc vera sunt, vt credimus, vtique oportet quòd singula talenta penderent sex mille siclos, & centum talenta facerent sexcenta millia siclorum; quibus si addantur alij prænotati mille septingenti septuaginta quinque sicli, necesse est totam illam argenti summam fuisse siclorum non 301775. sed 601775. & consequenter ferè duplo fuisse maiorem illa siclorum summa, quæ à transuentibus ad nomen collecta fuerat. Et hoc etiam fit credibilius, quoniam alioquin oporteret supponere, totum argentum in Sanctuario expensum, non vltro fuisse oblatum, sed vigore dictæ Legis persolutum. Quod non est credibile, quia tamen ex capite Exod. 38. vers. 25. constat, inter ea quæ expensa fuerunt in opere Sanctuarij, computari etiam argentum solum ab iis qui transibant ad nomen; tamen ex his, quæ traduntur in toto præne Exod. cap. 35. manifestum fit, quòd ea quæ ad conficiendum Tabernaculum attulit populus, vniuersaliter loquendo, sponte oblata fuerunt, vt patet ex illa promulgatione diuinæ voluntatis facta à Moysè Exod. capite proximè citato vers. 5. vbi neminem coëgit ad quidquam omnino tradendum, sed tantummodò edixit, vt vnusquisque voluntarius & prompto animo ex rebus ibidem enumeratis, quid & quantum placeret, offerret. Et ita re ipsa factum fuisse, describitur in eodem capite à vers. 20. ad 30. Vnde alterum de duobus necessariò asserendum videtur: Vel argentum diuitaxat ex vi dictæ Legis, reliqua verò omnia, nempe aurum, æs, &c. sponte fuisse oblata: quòd nullatenus est admittendum; quia capite Exodi adducto vers. 5. inter vltro offerenda; & vers. 24. inter sponte oblata expressè connumeratur etiam argentum. Vel (quod potiùs reor) inter vltro nec oblata extitisse etiam magnam argenti vim, quæ simul computata cum argento ab iis qui transibant ad nomen legaliter soluto, faciebat prædictam argenti summam siclorum 601775. Quare tutius videtur dicendum, ex dicto numero siclorum 601775. argenti, qui oblati dicuntur, solos 301775. ab iis qui transibant ad nomen vi memoratæ Legis fuisse collectos; reliquos autem omnino sponte fuisse oblatos tum ab iisdem synagogæ viris, tum etiam à mulieribus (quemadmodum colligi potest ex citato Exod. cap. 35. vers. 22. vsque ad 26.) præsertim verò ab ipsis viris, quos probabile est etiam aliud argentum, præter illud quod ex dicta Legge debebant, vltro in donariis Domini offerre voluisse. Quod & comprobari potest ex magna illa propensione, quam in eiusmodi oblationibus faciendis ostenderunt Israelitæ; à qua postea non nisi publico ipsius Moysi edicto cohiberi ac reuocari potuerunt, vt patet Exod. cap. 36. vers. 3. vsque ad 8. Elegit præterea Moyses Beseleel & Ooliab, artifices habentes spiritum Domini, qui omnia fabricarent, hisce prorsus modis & formis, quæ Dominus imperauerat Exod. cap. 35. Quomodo autem prædicta omnia executioni mandata fuerint, latè descriptum inuenies Exod. cap. 36. vsque ad 40. & nos infra num. 59. & deinceps fusiùs de singulis differemus.

301775
301775
603550

58. Sanè memoratum hunc Moysi descensum de monte, vel potiùs primam con-

QVOD ME-
MORATA
MOYSICON-
CIO HABITA
PVERIT DIE
10. MENSIS 7

cionem quam ipse tunc habuit ad populum, contigisse die decima mensis septimi, traditio vetus est Hebræorum, communiter etiam à Catholicis Scriptoribus approbata ac recepta, ut testatur Lyranus super Deuter. cap. 9. Et ratio est, non quia illomet celebrasset Moyses cum vniuerso populo festum Expiationis; quam opinionem Abulensis super Exod. cap. 33. quæst. 3. quibusdam Hebræis imponit, eamque bene pluribus confutat argumentis: sed quia, cum Dominus postea Leuit. cap. 23. vers. 27. præceperit festum Expiationis debere celebrari die decima mensis septimi, nimirum à vespere diei nonæ, ad vespem diei decimæ; & B. Thomas 1. 2. q. 102. art. 4. ad 10. dicat, idem Festum fuisse institutum in memoriam illius beneficii, quo Deus ad preces Moysi propitiatus fuerat peccato populi, in adoratione vituli patrato: rationabile admodum est credere, quod quemadmodum alia Festa, quæ pro aliis beneficiis à Deo acceptis ex diuina institutione celebrari solebant in illismet anni diebus, in quibus beneficia illa olim populo collata fuerant: ut festum Paschæ, quintadecima die mensis primi, quia tali die populus de seruitute Ægyptiaca liberatus exierat; & festum Pentecostes die sexta mensis tertij, quoniam tali die data fuerat Lex in monte Sinai; ita festum Propitiationis, die decima mensis septimi, propterea quod tali die populus peccati sui propitiationem se accepisse intellexerat; quod nimirum, ut aiunt Lyranus & Carthusianus super citato Leuit. loco, & Hugo Cardinalis super Deuter. cap. 10. tunc accidit, quando Moyses descendit de monte, portans secundas fœderis tabulas, & verba habuit ad populum. Licet enim reverà hac propitiatio aliquantò antè facta fuisset; convenientius tamen postea visum est, Festum eo die instituere, quo ea populo à Moysè promulgata fuerat. Itaque si mense septimo primi Anni sacri, die decimo mensis, Moyses expleta secunda sua cum Domino quadagesima de monte descendit, ut probatum est; manifestè inferitur, verisimum esse quod supra num. 53. dicebamus, eandem quadagesimam ab ipso Moysè cœptam fuisse die postremo mensis quinti eiusdem anni, & simul etiam vsque adeò tota ratio temporum hucusque post Legem latam à nobis ini- ta comprobatur, ut de ea dubitari amplius non possit. Siquidem memoratus mensis septimus non potest accipi de vllò alio anno, quàm de primo ab exitu; certum namque est, populum exisse de Sinai mense secundo anni secundi eiusdem exitus, ut nos sub anno mundi proximo, num. 51. dicemus.

DE HIS
QVARISSA
SVNT FIERI
AD DEICVL
TVMPERTI-
NENTIBVS.

59. Et quoniam supra num. 57. diximus, Moysen mandasse artificibus à Deo delectis, ut facerent Tabernaculum, & alia ad ipsum pertinentia; & scire qualiter singula fabricata dispositaque fuerint, admodum expedit, tum ad multa sacra Scripturæ loca, tum ad ea quæ in progressu Operis dicuntur probè intelligendâ; operæpretium visum est, antequam ad vltiora procedamus, aliquid hoc loco de ipso Tabernaculo, & partibus eius; deinde de aliis, breuiter distincteque differere, ac veluti singula ante oculos ponere; ut quotiescumque de his mentio inciderit, ex hac præcognitione cetera quæ de ipsis dici contigerit, postmodum melius faciliusque capi queant.

DE TABER-
NACVLO
FœDERIS.

60. Porro Tabernaculum testimonij siue fœderis, iussu Dei à Moysè fabricatum, describitur Exod. cap. 26. & lapsus 36. per totum; & item apud Iosephum lib. 3. Antiq. cap. 5. Erat autem veluti templum quoddam portatile, ad peregrinantis populi commodum, ex quibusdam tabulis ligni setim deauratis compactum, habentibus suas utrumque incastraturas, ut possent altera alteri à summo vsque deorsum simul firmiter compaginari & connecti; habebantque singulæ tabulæ longitudinis decem cubitos, latitudinis verò vnum cum dimidio, præter modicam illam ipsarum portionem, quæ in ipsis incastraturis occultabatur: exceptis item duabus tabulis angularibus, quæ aliquantò strictiores erant, ut paulò post dicitur. Crassitudo autem tabularum, ut ait Iosephus, quattuor digitorum erat. Quod si quis scire cupit, quanam ligna hæc essent; consulat B. Hieronymum, accuratum illarum regionum & rerum in ipsis pronenientium indagatorem, super Isaia cap. 41. & Ioëlis cap. 3. vbi de Seta, quæ in numero plurali dicitur Setim, bene differit. Ex his namque locis habemus, quod Seta genus arboris est, in sola Arabiæ eremo nascentis, colore & foliis Spinæ albæ similis, ut propterea Theodotion pro, Setim verterit Spinam; magnitudine verò valde dissimilis; siquidem constat, Spinam albam, paruulam esse arbusculum, Setim verò tantæ proceritatis erant, ut ex eis asseres latitudinis plusquam cubiti vnus & semis secari possent. Et quoniam harum arborum ligna non solum læuitate, nitore, ac pulchritudine, sed etiam robore, soliditate, ac duratione ceteris antecellere videbantur; propterea Lxx. Interpretes pro lignis Setim, ligna imputribilia, transfulerunt.

Itaque

DE LYONIS
SETIM.

Itaque ex hisce tabulis sursum erectis, & modo iam exposito copulatis, tria tabulata conficiebantur: ac Primum quidem tabulis constabat viginti, super quadraginta bases argenteas firmatis, ita ut binæ bases singulis tabulis subiectæ essent: & hoc tabulatum in latere Meridiano erigebatur. Alterum eiusdem prorsus mensuræ ac formæ in parte Aquilonari. Tertium tabulatum, quod Occidentalem posterioremque Tabernaculi partem claudebat, in hoc tantum à memoratis diffidebat, quod sex dumtaxat tabulis compactum fuerat: quamvis ei dein singulæ utrimque tabulæ essent adiectæ, sicque octo simul iunctæ tabulæ efficiebantur, super sexdecim bases argenteas locata.

61. Porro ex dictis desumi possunt totius Tabernaculi dimensiones. Et primò, si tabulæ omnes erectæ habebant altitudinis decem cubitos, necesse est ipsam Tabernaculi altitudinem, decem dumtaxat fuisse cubitorum. Si verò tabulata lateralìa habebant singula viginti tabulas, vno tantum cubito & semis latas, proculdubio tota ipsius Tabernaculi longitudo resultabat triginta cubitorum. De eiusdem autem Tabernaculi latitudine, quam Scriptura sacra non tam clarè expressit, dubium est: quia Iosephus ubi supra, dicit eam fuisse cubitorum duodecim; quoniam Scriptura tradit, tabulatum Occidentale ex octo tabulis fuisse compactum; quod utique admittendum esset, si omnes & singulæ dicti tabulati asseres, æqualis fuissent latitudinis, vnius videlicet cubiti cum dimidio. Verùm Sacri textus Expositores, ponderantes Scripturam ubi de Occidentali tabulato agit, non prius simpliciter pronuntiasse, quod esset ex octo tabulis compaginatum, sed ex sex; mox addidisse duas alias angulares, de quibus postea videtur seorsum agere, coniectati sunt, id non sine causa factum esse, sed præcipuè ad insinuandum, quod duæ illæ tabulæ, retrò in angulis collocandæ, non essent omnino aliis similes, sed semicubito dumtaxat habuerint latitudinis; vel, vtego arbitror, insuper etiam quattuor digitos, ita ut tantò latiores semicubito existerint, quanta erat lateralium tabulatum crassitudo, & insuper non habuerint utrimque incastraturas in ipsa asserum crassitie, quemadmodum aliæ ferè omnes, sed in ea parte tantum, qua cum ceteris eiusdem tabulati asseribus connectebantur: ab altera verò, incastratas fuisse non in propria crassitudine, sed in ora suæ latitudinis, ut sic retrò apponi, & cum tabulatis lateralibus in ipsorum angulis firmiter copulari possent, atque hoc pacto tota Tabernaculi latitudo decem tantummodò esset cubitorum. Et hoc duplici comprobant argumento: Nam & saga cilicina, inquirunt, ideò iussa sunt fieri longa cubitis triginta, ut transversaliter superextensa, utraque Tabernaculi latera rectumque eius simul operire possent vsque ad terram; quod & Iosephus admittit, & paulò antè dixerat, quod aula (sic enim cortinas vocat) viginti octo cubitis longa, & transversaliter superextensa, obtegebant supernè fanum & latera eius, vno cubito minùs vsque ad terram; ex quo ipse quoque fateri cogitur, Tabernaculi latitudinem, quemadmodum & ipsius altitudinem, non excessisse decem cubitos: & addunt, Salomonem diuino instinctu templum suum non quidem ad mensuram Tabernaculi, sed ad illius proportionem extruxisse: nam sicuti in Tabernaculo tripla fuit tota longitudo ad eius latitudinem; (siquidem illa erat triginta cubitorum, hæc decem:) ita & in templo, quod erat longitudinis sexaginta cubitorum, latitudinis verò viginti: fuit namque (aiunt) tum longitudo, tum latitudo templi, dupla ad ipsam Tabernaculi latitudinem ac longitudinem. Et hanc nos quoque libenter sequimur opinionem. Quamquam posset fortassis etiam utraque opinio conciliari, si diceremus, sacros Expositores de interna loqui latitudine; Iosephum verò intelligendum esse de externa, quatenus scilicet præter internam Tabernaculi latitudinem, etiam continebat tum lateralium tabulatum crassitiem, tum etiam extrinsecam utrimque basium prominentiam, quam vnius propè cubiti extitisse, faciliè credendum est; ut sic ipsa tabulatum erectio firmius retineri posset. Ad eadem item tabulata magis munienda, extrinsecus in vnoquoque affixi erant quinque ordines circulorum aureorum, per quos quinque vectes pariter inaurati immittebantur: & insuper eadem de causa, alius vectis per mediam tabularum crassitudinem, ab angulo vsque ad angulum pertransibat. Ex quo apparet, ipsas tabulas non potuisse minùs crassas esse quattuor digitis, ut ex Iosepho adnotauimus. Oportet autem hic supponere, (quod fortè Sacer textus, tamquam ex rei euidentia necessariò subintelligendum, exprimere non curauit) prædictos vectes in ipsorum capitibus, alios quidem habuisse foramina quædam, alios verò quosdam veluti vncinos eo artificio fabricatos & annexos, ut cum opus esset,

TABERNA-
CVLI DI-
MENSIONES

commode in dictis foraminibus induci & educi possent, vt sic tabulata lateralialia cum tabulato posteriori, in posterioribus Tabernaculi angulis (quando erigebatur) arctius conducerentur: alioquin ipsum Tabernaculum non satis firmiter stare potuisset. In anteriori autem Tabernaculi parte, quæ nullum habebat tabulatum; oportet ipsa tabulata lateralialia, mediante illo vecte super columnas ibidem existentes transfuersaliter extenso, de quo pendebat velum claudens ipsum Tabernaculum, eodem, vel alio simili modo inuicem fuisse copulata & firmata, ne vlla in parte flecti ac labare possent. Sanè totam Tabernaculi longitudinem intus, velum quoddam quattuor columnis appensum distinguebat in duas partes; videlicet in anteriorem, quæ communiter Sancta dicebatur; & posteriorem; quæ magis intima erat, & propriè Sancta Sanctorum dici consueuerant: quamuis ipsa quoque nonnumquam in Sacris libris Sancta nuncupetur, vt Leuitici cap. 16. vers. 12. & ad Hebræos cap. 9. vers. 12. & 25. & alibi non semel: soler item aliis nominibus significari, puta Sanctuarii, Oraculi, & huiusmodi: Iosephus eam Adytum appellat. Ex his duabus Tabernaculi partibus, prior in ingressu, viginti cubitos habebat longitudinis; posterior verò decem: eratque hæc ex omni parte quadrata, nimirum decem pariter cubitis lata, & totidem alta.

DE VELIS QVIBVS TABERNACVLVM DISTINGVEBATVR, ET CLAVDEBATVR. 62. Porro præfatum velum, quo ambæ istæ partes distinguebantur, de hyacintho, & purpura, coccoque bis tincto, & bysso retorta, mira varietate contextum erat, opere plumario, vt dicitur Exodi cap. 26. versic. 1. & 31. siue poly-mitario, vt ibidem habetur capite 36. versic. 35. Vbi aduertendum est, quòd LX X. Interpretes, ad illa Exodi cap. 26. verba, *De bysso retorta, & hyacintho, & purpura, co còquebis tincto*, addunt, *Cherubim opere textoris*, &c. Vnde multi putant, ex hisce filis varij coloris fictas seu quodammodò veluti pictas fuisse plurimas in prædictis velis figuras Cherubim: & huius sententiæ videtur etiam fuisse sanctus Augustinus quæst. 107. in Exod. & clariùs ibidem circa initia quæstionis vltimæ, dicens: *Opere ergo textili Cherubim insit in aulæis fieri*. At verò S. Hieronymus sub finem epistolæ 130. quæ est ad Marcellam, *In Exodo*, inquit, *ceterisq; locis vbi describuntur vestes plumaria arte contextæ, opus Cherubim, id est varium atque depictum, factum esse describitur; ita tamen, vt vau litteram Cherubim non habeant, quia ubicumque cum hac littera scribuntur, animalia magis quàm opera significant*. Quam sententiam, tamquam ex fontibus Hebraicæ scriptiõis, ac linguæ proprietatis, cuius idem S. Doctor peritissimus extitit, elicitam, nos libenter amplectimur: idèoque prædicta vela siue aulæa, in nostris typis opere quidem variato, sed sine figuris Cherubim effigiari curauimus: Columnæ verò memoratum velum fulcientes ex memoratis lignis Setim inauratæ, & super bases argenteas firmatæ erant, & cum suis capitibus aureis fabrefactæ. Sanè alio simili velo, ante quas columnas materix figuræque columnas appenso, claudebatur anterior ipsius Tabernaculi pars, quæ sine vlla tabulatione erat: totam verò superiorem eius partem, necnon & latera ipsa, quattuor operimenta tegebant. Nam ex decem cortinis eiusdem materix, eodemque quo præfata vela opere contextis, quarum singulæ viginti octo cubitos habebant longitudinis, & quattuor latitudinis, componebatur primum & immediatum Tabernaculi operimentum. Quod vt citius commodiusque desuper extendi posset & detrahi, in duas cortinas magnas erat distinctum: siquidem quinque cortinæ latitudinis quattuor cubitorum inuicem affutæ, & aliæ quinque similiter coniunctæ, efficiebant duas cortinas grandes, singulas viginti cubitorum latitudinis, & longitudinis viginti octo, vt iam dictum est. Quæ, vt cum opus esset, inuicem copulari possent, quinquaginta ansis hyacinthinis, siue (vt ait Iosephus) quinquaginta vncinis in ora vnius cortinæ, & totidem anulis aureis in ora alterius connectebantur. Modus autem operiendi Tabernaculum hic erat: prima ex grandioribus cortina, transfuersaliter, vt dictum est, superextensa, totam priorem eius partem, quæ communiter Sancta dicebatur, tegebat: etenim eiusdem cortinæ latitudo, à summitate quinque columnarum ac veli in introitu tabernaculi existentium, Occasum versus retracta, pertingebat vsque ad summitatem alterius veli & quattuor columnarum, quæ primum tabernaculum à secundo, quod Sancta Sanctorum dicebatur, determinabant. Altera verò eiusdem latitudinis cortina, ab huius septi summitate, vbi vncinis anulisque, vt dictum est, cum priori connectebatur, vltius ad Occasum extensa, reliquum Tabernaculi rectum pro sua medietate, pro altera verò totum tabulatum Occidentale vsque ad terram demissa operiebat; & à lateribus ambæ simul iunctæ

PRIMUM
TABERNA-
CVLI OPE-
RIMENTVM.

DE MODO
QVO TABER-
NACVLVM
OPERIEBA-
TVR.

iunctæ ac descendentes, vtrâmq; tabulationem, Australem scilicet & Aquilonarem, tegebant, vno cubito minùs vsque ad terram. Vtrûm autem istæ cortinæ ad Tabernaculi latera, intus, an extrâ, descenderent, in Sacro textu non videtur expressum. Et quidem de ceteris Tabernaculi operimentis, certum est quòd totum extrinsecus ipsum vestiebant, atque à pluuiis, rore, æstuq; protegabant; & idem de prædictis cortinis sensisse videtur Auctores, qui de hoc Tabernaculo scripserunt: verumtamen quia istæ, materia opereq; admodum pretiosæ erant, ac non nisi ad ornatum pertinere videbantur; non videtur verisimile, quòd foris super tabulata extenderentur; sic enim ipsæ pariter sagis desuper extentis opertæ remanissent, & neque extra Tabernaculum villo modo, neque intus (nisi sub tecto) videri potuissent. Vnde (si non mystica aliqua de causa aliter factum est) rationabilius videtur, quòd à tecto ad latera intus descenderent, & omnia tabulata intrinsecus vestirent: ita vt internæ omnes Tabernaculi partes, præter pauimentum, dictis cortinis vniformiter contextæ decenterq; paratæ conspicerentur. Hoc si verum est, oportet quòd præter illos quibus inuicem hæ cortinæ copulabantur, alij insuper vncini certis locis aptè dispositi essent; qui anulis circa tabulatum summmitatem affixis hænecti commodè possent ac detrahi.

DE OPERE
PLVMARIO
ET POLYMI-
TARIO.


63. Ceterum, quia diximus primum Tabernaculi operimentum ex eadem materia eodemq; artificio, quo vela Tabernaculi partes dirimentia, ac claudentia, fuisse factum, videlicet opere plumario, vt dicitur Exod. cap. 26. vers. 1. seu opere polymito, quemadmodum traditur cap. 36. eiusdem libri vers. 8. de quibus operibus sæpe in Sacris libris fit mentio: videtur hic opportunè notandum, ex dictis manifestè consequi, plumariam & polymitam, vel vnam eandemq; fuisse artem, vel duas inter se adeò similes, vt communiter altera pro altera vsurpari facillè consueuerit: quandoquidem vtriusq; exercitatio in eo posita erat, vt ex filis diuersorum colorum pannos intexerent conficerentq; variis figuris picturasq; repræsentarent. Quamuis, vt arbitrator, ars polymita magis propriè sumpta, pannos colore quidem varios, sed in superficie læues conficeret; plumaria verò villosos, vt sunt tapetia fragula. Fortè autem inde plumaria opera dicuntur, quòd ad similitudinem illorum sint facta, quæ ex variis tenuissimisq; volucrum plumulis, vel potius plumarum summmitatibus effici solent in Mexicanis regionibus, vnde aduecta quædam non semel inspeximus; sunt enim ad modum serici panni variè picti ac villosi. Ab iis autem vtrisque, polymitariis scilicet & plumariis operibus, valde differunt ea quæ Latine Phrygiara, Italice verò Ricamata dicuntur, quippe quæ non textura, sed acu pingi soleant. Quare falluntur qui hæc cum illis confundunt. Sed vt ad rem redeamus,

DE TRIBUS
ALIIS TA-
BERNACULI
OPERIMEN-
TIS.


64. Secundum Tabernaculi velamentum, quod immediatè super præfatas cortinas ponebatur, erat cilicinium, videlicet ex quibusdam sagis seu pannis de pilis caprarum tam arctè contextis, & tali arte fabricatis, vt aquam etiam continere possent; sicuti sunt etiam nunc quidam eiusmodi panni, ex quibus pallia pluuiæ tempore ferenda fieri solent. Et hoc quoque velamentum in duas partes erat distinctum, non tamen æquales, vt prius: nam vna pars ex sagis quinque, altera ex sex inuicem benè confutis constabat; & vnumquodque sagum habebat latitudinis cubitos quattuor, longitudinis verò triginta; quo fit vt altera pars lata esset cubitis viginti, altera vigintiquattuor, & consequenter totum hoc velamentum simul connexum (connectebatur autem quinquaginta fibulis æneis ad similitudinem prioris) haberet latitudinis cubitos triginta, & longitudinis quadraginta quattuor; essetq; quattuor cubitis priore velamento longius, & duobus latius; ac proinde sua latitudine totum Tabernaculi tectum atque vtraque eius latera pariter operiret vsque ad terram, longitudine verò totum Tabernaculi tectum, & item totam posteriorem eius partem; ac præterea de ipso velamine quattuor cubiti supereffent; nempe duo primi medietatis primi sagi, qui in Orientali fronte Tabernaculi ita sursum replicabantur, vt ibidem vnus dumtaxat cubiti latitudo duplicata penderet; & alij duo cubiti primæ medietatis noni sagi, qui in fronte Occiduo eodem modo conduplicati erant; ita tamen, vt sub ipsis reliqua medietas, & alia duo saga, decimum scilicet & vndecimum, descenderent vsque ad terram. Et quoniam secunda medietas primi sagi incipiebat extendi à fronte Tabernaculi ad reliquum eius tectum contendendum; hinc fit quòd neque connexio secundi huius velamenti, neque futura sagorum, incidere poterant directè super connexionem primi velamenti, & super futuris cortinarum eius; sed alternatim cadebant iuncturæ cortinarum in medietate sagorum, & iuncturæ sagorum in medietatè cortinarum. Tertium

Tabernaculi operimentum prioribus superextendendum, erat de pellibus arietum rubricatis. & Quartum, quod omnibus superponebatur, de pellibus hyacinthinis confectum: de quorum longitudine ac latitudine nihil in Sacro eloquio habemus; neque si singula in duas partes, ut priora, essent diuisa, necne. Verumtamen, quoniam ad imbres præcipuè primò arcendos hæc parata esse videbantur; probabile admodum est, singula non bipartita, sed continuata, & item eiusdem mensuræ cum operimento cili-cino extitisse, nisi fortè etiam illo fuerint aliquantò longiora, ut pluuio saltem tempore, anteriorem quoque Tabernaculi faciem pro maiori parte tegere possent: nam si totum aliquando clausum fuisset, non potuissent in eo lucernæ candelabri perpetuò accensæ conseruari. De huius verò Tabernaculi pauimento, tametsi nihil in Sacro textu expressum sit, probabile tamen videtur, ipsum setinis tabulis desuper inauratis tali structura sterni consueuisse, quæ faciliè, cum opus esset, tum dissolui, tum denuò compingi posset: non enim Arca fœderis, Altare incensæ, Mensa propositionis, & Candelabrum, quæ omnia præstiosa erant, nimirum vel aurea, vel auro tectæ, videntur in puluere nudòve solo decenter collocari potuisse. Et hæc de Tabernaculo testimonij sint dicta.


Sanè omnia hæc quæ de sacro Tabernaculo hætenus dicta sunt, ex tribus hisce figuris hîc continuò subiungendis clariùs dignosci poterunt. Quarum prima demonstrabit eiusdem Tabernaculi vestigium, & pariter interiorem tabulatum eius aspectum: Altera exteriorem: Tertia verò quattuor ipsius operimenta veluti ante oculos ponet. His item addenda erit alia Atrij sancti, in quo dictum Tabernaculum locari debebat, imago; ad faciliorem intelligentiam eorum, quæ de eodem Atrio consequenter dicenda erunt.




EXTERIOR TABERNACULI EIVSQ. TABVLARVM, VECTIVM, AC BASIVM ASPECTVS.



QVATTVOR TABERNACVLI OPERIMENTORVM ADVMBRATIO.





DE ATRIO
SANCTO.

65. Sanè in circuitu Tabernaculi, tentoriis quibusdam byssinis per quattuor eius latera deductis, includebatur Atrium sanctum, cuius descriptio habetur Exod. cap. 27. vers. 9. vsque ad 19. & cap. 38. vers. 9. vsque ad 20. & apud Iosephum 3. Antiq. cap. 5. Ac primum quidem tentorium, ad latus Tabernaculi Meridionale, centum cubitorum intervallo excurrebat, viginti suffultum columnis, per æqualia inter se spatia dispositis: & ex aduerso aliud tentorium, primo prorsus simile, totidemque fulcitum columnis tendebatur ad Aquilonem: tertium verò inter vtrumque, non longè à posteriore Tabernaculi parte, quinquaginta cubitis transuersaliter ab Occasu ductum, cum vtroque lateralium tentoriorum capite iungebatur, decem sustentatum columnis, iis quæ in angulis erant computatis. Ab Ortu autem spatium illud quinquaginta pariter cubitorum, quod erat in fronte Atrij, non vnico tentorio, sed tribus in eadem linea extensis claudebatur. Primum tentorium ab angulo Australi quindecim tantummodò cubitis excurrebat, tribus appensum columnis, angulari scilicet computata: & similiter tertium tentorium ab angulo Aquilonari veniebat contra primum. Secundum autem inter præfata medium, quod erat veluti lata quædam ipsius Atrij ianua, cubitos viginti habebat longitudinis, & quattuor fulciebatur columnis. Erant igitur omnes Atrij columnarum numero quinquaginta sex, eiusdem prorsus mensuræ, operis, ac materiæ, nimirum ænear, argenteoque vestitæ, cum basibus æneis, & capitibus ac cælaturis argenteis, & quinque dumtaxat cubitis altæ. Tentoria item omnia, erant quinque cubitorum altitudinis, & de bysso tantum contexta, non simplici, sed duplicata ac retorta, ad maiorem eius firmitatem: excepto tamen tentorio viginti cubitorum, quod ante Atrij introitum pendebat; siquidem hoc de hyacintho, purpura, vermiculo, ac bysso retorta opere plumario seu polymitario confectum fuerat. Itaque tota Atrij figura quadrangularis quidem erat, sed duplo latitudine longior: habebat enim longitudinis cubitos centum, latitudinis verò quinquaginta. Atque eius capacitas pro maiori parte ante ipsius Tabernaculi faciem expandebatur; quoniam Altare holocausti, aliaque ibidem collocanda erant, & munia plurima obeunda, vt infra suis locis dicemus, & in ipsa Atrij graphide hîc paulò superius posita intueri licebit.

DE ARCA
FOEDERIS,
SIVE TESTA-
MENTI, ATQUE
TESTIMONII.

66. Præter Tabernaculum & Atrium eius, de quibus hætenus dictum est, mandauit quoque Deo iubente Moyses multa alia fieri, quæ in vtraque Tabernaculi parte, & item in ipso Atrio ponenda erant: & præterea, quæ ad sacra Pontificis Sacerdotumque indumenta, ac diuini cultus usum pertinebant. Vt autem à dignioribus, hoc est, ab iis quæ in Sanctuario poni asseruarique debebant, incipiamus; ante omnia occurrit omnium dignissima, pariterque sanctissima Arca, cum suo Propitiatorio, & duobus Cherubim; quorum descriptio traditur Exodi cap. 25. vers. 10. vsque ad 22. & ab initio capitis 37. vsque ad vers. 10. & apud Iosephum 3. Antiq. cap. 6. Hæc verò non simpliciter Arca, sed Arca testimonij dicebatur, quia ad Legis tabulas continendas parabatur, in quibus testatum reliquerat Deus, quæ ab illo populo requirebat, videlicet datæ Legis obseruantiam, iuxta illud Exod. cap. 25. vers. 16. *Ponesq; in arca testimonio- nem*; hoc est, Legem. Dicitur item Arca foederis seu testamenti, quia mediante illa Lege, foedus siue pactum pepigerat Deus cum filiis Israël reciprocum, vt scilicet ipsi eam obseruarent; ipse verò eis multa bona conferret, vel debitas de transgressoribus pœnas sumere. Foedus autem & pactum, etiam testamenti nomine in Scripturis sacris significari, constat vel ex illo Psal. 82. versu: *Simul aduersum te testamentum disposuerunt tabernacula Idumæorum, & Ismaëlitarum*, id est, quemadmodum communiter exponitur, Simul aduersum te foedus inierunt Idumæi & Ismaëlites. Ceterum hæc Arca, si materiam spectes, erat de lignis Setim, auro vsquequaue intrinsecus forinsecusque vestita: si figuram, erat quadrangularis; sed nonnihil oblonga, nimirum vno cubito propria latitudine longior: habebat enim latitudinis cubitum vnum & semis, & tantumdem altitudinis, in longitudine verò duos cum dimidio, quam per gyrum cingebat corona, vel potius (vt ex infra num. 71. dicendis apparebit) coronæ aureæ, & sub ea in quattuor angulis ad latera inserti erant quattuor circuli aurei, per quos duo eiusdem ligni vestes desuper inaurati mitterentur, vt posset Arca portari; quæ licet desuper aperta esset, habebat tamen operculum non ligneum, sed ex auro purissimo in laminam eiusdem longitudinis ac latitudinis productum, quo tegebatur; & hoc communiter Propitiatorium vocabant, quoniam cum de ipso postea loqui solet Dominus Moysi, vt promittitur ei Exod. c. 25. vers. 22. & traditur Num. c. 7. in fine; ab ipso quodammodò propitiatio- nis populo impetrari ac reportari videbantur. Et hac eadem de causa nonnumquam Oraculi nomine signari consueuerat, quòd ab ipso oracula, hoc est, diuina responsa habe-
rentur.

rentur. In huius Propitiatorij summitate erant duo Cherubim, ex auro ductili fabricati, in vitroque latere vnus, qui se mutuo Propitiatoriumque respicientes, atque alas suas contra se inuicem extendentes, ita vt ala dextra vnus, alam sinistram alterius tangeret, & laua dexteram, totum Propitiatorium reuerenter operirent, quemadmodum in Arce typo infra num. 73. ponendo, intueri licebit. Et hac præcipua sunt, quæ in Sanctuario, hoc est intra velum, in sacratione magisquæ intima Tabernaculi parte habebantur; nimirum Arca cum suis vectibus, Propitiatorio, & Cherubim, ad Legis tabulas continendas. Quamuis postea etiam alia quædam in Sancta Sanctorum posita fuisse dubitandum non est, nimirum urnam auream manna repletam, vt colligitur Exod. cap. 16. vers. 34. & virgam Aaronis, quæ mirabiliter fronderat, Num. cap. 17. vers. 10. & Legis Moysaica volumen, quod Deuteronomium inscribitur, Deut. c. 31. vers. 26. Verum hæc, quæ infra sub anno mundi 3030. num. 16. non in Arca, sed in Sanctuario extitisse probabimus, non perpetuo ibidem mansisse, tamquam ad aliquem diuini cultus usum, vt reliqua superius commemorata, sed tantummodo ibidem ad tempus, veluti in quodam sacratio, reposita fuisse creduntur, donec postmodum extructo per Salomonem templo, eadem in superioribus eiusdem templi cœnaculis, inter thesauros domus Domini relata atque asseruata fuerunt. quod etiam loco proximè allegato indicabimus.

67. Transeamus nunc ad ea quæ in Sancta, hoc est in priori Tabernaculo, collata erant; & primò ad Altare thymiamatis. Sed prius tollenda est dubitatio, quæ de loco ipsius extitisse videtur: quandoquidem non defuerunt ex antiquis Doctoribus, qui ipsum non in Sancta, sed in Sancta Sanctorum locatum fuisse crediderunt. Huius opinionis fuit Origenes Hom. 9. in Exod. & pariter Hom. 9. in Leuit. & S. Augustinus quæst. 173. in Exod. & alij nonnulli. Nec defunt etiam aliquot Scripturæ loca, quæ id videntur indicasse: nam Exod. cap. 40. vers. 4. sic legimus: *Candelabrum stabit cum lucernis suis, & altare aureum, in quo adoletur incensum, coram Arca testimonij.* Igitur si altare hoc stabat coram Arca, videtur sterisse in Sancta Sanctorum; ibi enim manebat Arca. Idem insinuat Leuit. cap. 16. vers. 18. vbi Scriptura de summo Sacerdote verba faciens, ait: *Cum autem exierit ad altare, quod coram Domino est.* ecce quòd hoc altare dicitur fuisse coram Domino, id est (vt textus Exod. proximè citatus exponit) coram Arca Domini; ergo in Sancta Sanctorum, ad quam solus Pontifex semel in anno accedere poterat. Et confirmatur, quia de ipso summo Pontifice, eodemque altari, Exod. cap. 30. vers. 10. legimus: *Et deprecabitur Aaron super cornua eius semel per annum.* videlicet, quando semel in anno ingrediebatur in Sancta Sanctorum. videtur ergo ibidem fuisse hoc altare. Et propterea B. Augustinus vbi suprà, benè videtur exposuisse verba illa eiusdem capituli vers. 6. *Pone, altare contra velum, quod ante Arcam pendet testimonij.* id est, inter velum & Arcam in ipso Sanctuario. His adde quòd 3. Reg. cap. 6. vers. 22. dicitur: *Sed & totum Altare oraculi textit auro.* Vides quòd Altare incensi (non enim de alio accipi potest) vocatur Altare oraculi: signum est ergo, quòd erat in ipso Oraculo, hoc est in Sancta Sanctorum. Præterea ad Hebr. cap. 9. vers. 4. traditur, Sancta Sanctorum habuisse thuribulum aureum, & Arcam testamenti, &c. & ibi per thuribulum, meritò Apostolus creditur intellexisse ipsum Altare incensi, quemadmodum etiam liquiddò constat, Iosephum lib. 6. de Bello cap. 6. vltra medium, thuribuli vocabulo idem altare significasse; fortassis, quia illud erat veluti thuribulum quoddam mabungum, in quo cremabantur thymiamata; & cum totum Tabernaculum templumve incensi odore replet, ipsum quodammodo thurificare videbatur. Neque enim audiendi sunt, qui putant Apostolum loco citato loqui de thuribulo illo, quo summus Sacerdos semel in anno ingrediens in Sancta Sanctorum, thurificabat ea; tum quia isti supponunt falsum, videlicet quòd thuribulum illud intra velum asseruari soleret; cum tamen contrarium liquiddò colligatur Leuit. cap. 16. vers. 12. vbi dicitur, quòd Pontifex assumpto thuribulo intrabat vltra velum; ergo thuribulum illud manere consueuerat extra, non intra velum: tum quia, si non thuribuli nomine Apostolus & Iosephus locis citatis significare voluerunt Altare incensi, fateri oportet, ipsos in recensendis his quæ erant in Tabernaculo, vel templo, dictum Altare præteruisse; quod tamen pro sua dignitate nullatenus credendum est fuisse prætermisum. Ex quibus omnibus videtur posse inferri, Altare incensi, etiam iuxta dictum Apostoli, fuisse in Sancta Sanctorum. Denique S. Ambros. super cap. 1. Luc. & S. Augustinus tract. 49. in Ioan. & B. Chrysost. Hom. 2. de Incomprehensibili Dei natura, quem secuti sunt Theophylactus & Euthymius, tenent (vt refert Card. Toletus super Ioan. cap. 18. Annot. 1. & super Luc. cap. 1. Annot.

ALTARE INCENSI IN QVATABERNAculo PARTI MANERET. QVOD ESSET IN SANCTA SANCTORVM.

Annot. 3.) Zachariam patrem S. Ioannis Baptistæ fuisse summum Sacerdotem, eo tantum moti argumento, quod adolere incensum in domo Domini (quemadmodum ipse faciebat) solius esset summi Sacerdotis, idque semel in anno quando ingrediebatur in Sancta Sanctorum; pro certo supponentes, Altare incensi in ipsa Sancta Sanctorum extitisse, alioqui fundamentum ipsorum rueret.

QUOD EV-
RIT IN SAN-
CTA.

68. Verumtamen, his non obstantibus, dicimus, dictum Altare non in Sancta Sanctorum, sed in Sancta, hoc est, in anteriori parte Tabernaculi seu templi, inter Candelabrum & Mensam propositionis manere consuevisse, ut habet communior Doctorum sententia: ita enim sentiunt Iosephus lib. 3. Antiq. cap. 7. & lib. 8. cap. 2. & lib. 6. de Bello cap. 6. & Beda in lib. de Templo. & B. Thom. 1. 2. quæst. 102. art. 4. ad 6. Lipomanus super Exod. cap. 30. & Caietanus ibidem, & super 3. Reg. cap. 6. Lyranus etiam super hisce locis, & super cap. 9. ad Hebr. & Abulensis super Exod. cap. 30. quæst. 6. & super 3. Reg. cap. 6. quæst. 16. ubi fusi de hac re disputat, & Franciscus Ribera lib. 2. De iis quæ erant in templo, cap. 8. & Cardinalis Toletus locis proximè citatis, & alij multi. Hoc idem ex aliquot Scripturæ locis apertissime demonstrari potest; nam Exod. cap. 40. vers. 3. præcipit Dominus Moysi, ut posita Arca in Tabernaculo, demittat ante illam velum. & deinceps præsequitur docendo, qualiter disponenda essent reliqua, scilicet Mensa, Candelabrum, & Altare incensi, extra ipsum velum. Et clariùs vers. 19. eiusdem capitis legimus, quod Moyses, cum intulisset Arcam in Tabernaculum, appendit ante eam velum, ut expleret Domini iussuionem; & deinde vique ad vers. 26. describitur, quomodo idem Moyses collocavit extra velum Mensam cum panibus, in latere Septentrionali, & Candelabrum in parte Australi, & Altare incensi in medio contra ipsum velum. Vnde euidenter apparet, inter Arcam & tria prædicta, medium fuisse ipsum velum, quod distinguebat Sancta à Sancta Sanctorum; & consequenter infertur, Altare incensi extitisse in Sancta, non autem in Sancta Sanctorum. Quod si, ut probauimus, certum est, Moysen posuisse hoc Altare in ea Tabernaculi parte, in qua posuerat Mensam propositionis, & Candelabrum; cum hæc locata fuisse in anteriori parte Tabernaculi, id est extra velum, constet tum ex locis citatis, tum etiam ex Exod. cap. 26. vers. 35. & cap. 27. vers. 21. & Leuit. cap. 24. vers. 2. vtiq; euidenter consequitur, etiam ipsum Altare incensi ibidem fuisse collocatum. Idem confirmatur ex Leuit. cap. 16. vers. 18. ubi, cum præcepisset Dominus, ut nullus hominum ingrederetur in Sanctuarium cum Pontifice, statim hæc subiungit: *Cum autem exierit* (scilicet Pontifex de Sanctuario) *ad altare quod coram Domino est, oret,* &c. ergo patet ipsum Altare incensi fuisse extra Sanctuarium. Denique omnes fateantur, quod in Sancta Sanctorum solus Pontifex ingredi poterat, idque semel dumtaxat in anno, videlicet in die Expiationis, quæ celebrari solebat die decima mensis septimi, ut traditur Leuit. cap. 16. vers. 29. & 34. ad quem locum alludit Apostolus ad Hebr. cap. 9. vers. 25. At super Altare incensi tenebantur quotidie Sacerdotes adolere thymiamata, manè scilicet & vespere; eodemque tempore concinnare lucernas, ut præcipitur Exod. cap. 30. vers. 7. 8. & 20. Quod autem ad minores quoque Sacerdotes postrema hæc munia pertinerent, colligitur ibidem vers. 19. ubi præcipitur non solum Aaroni, sed etiam filiis eius, ut lauarent manus suas & pedes, quando ingressuri erant Tabernaculum, ut offerrent incensum super Altare thymiamatis. Et hoc item colligi potest Lucæ cap. 1. vers. 5. 8. & 9. ubi describitur introitus Zachariæ in templum, ut adoleret incensum; nam ad insinuandum quod ipse non esset summus Sacerdos, appellatur ibi Sacerdos quidam; & de vice Abiæ, quæ erat octaua in ordine, ut patet 1. Paralip. cap. 24. vers. 10. & additur, quod *sorte exiit, ut incensum poneret ingressus in templum Domini.* quæ omnia summo Sacerdoti, qui vnus erat, nullatenus conuenire posse videntur, (ut etiam bene probat Cardinalis Toletus ubi supra:) sed alicui ex minoribus Sacerdotibus, qui cum plurimi essent, nec simul ministrare possent, fungebantur ministerio suo, vnusquisque in ordine fortis ac vicis suæ, iuxta distributionem olim à Davide factam, & cap. Paralip. citato descriptam. Nec obstat, quod Messias temporibus plures viderentur fuisse summi Sacerdotes seu Pontifices, iuxta illud Luc. cap. 3. vers. 2. *Sub principibus Sacerdotum Anna & Caipha*; quia ad hoc vel dici potest, quod singulis annis vnus ex illis tantum reverà erat Pontifex, ut videtur posse colligi Ioan. cap. 18. vers. 13. ubi exprimitur, quod Annas erat socer Caipha, qui erat Pontifex anni illius. vel melius dicendum est, Annam & Caipham fuisse Pontifices successiuè, vnum post alterum, quando prædicabat Ioan. Baptista, eo modo quo infra sub anno mundi 4069. num. 2. explicabitur.

69. Sed quid respondemus ad rationes locaque Scripturæ in contrarium adductæ? dicimus Primò, quòd illa verba, *Coram Arca testimonij*, & illa, *Coram Domino*, non conuincunt, Altare incensi fuisse in Sancta Sanctorum; quinimò cor:uenienter dictum putamus, Altare hoc fuisse coram Domino, seu coram Arca Domini, tametsi esset in Sancta; quoniam erat prope Sancta Sanctorum, ita vt inter prædictum Altare & ipsam Arcam, super quam credebant sedere Dominum, nihil aliud esset nisi velum, quod posterius tabernaculum à priori separabat. Et hoc confirmant verba: *Leuitici* pro priori opinione citata, si cum præcedentibus coniungantur, ibi enim v. 17. hæc habentur: *Nullus hominum sit in tabernaculo, quando Pontifex Sanctuarium ingreditur, vt roget pro se, & pro domo sua, & pro vniuerso cætu Israel, donec egrediatur.* deinde v. 18. hæc quæ superius adduximus illicè subiunguntur: *Cum autem exierit ad altare quod coram Domino est, &c.* Ecce quòd ibi Scriptura loquitur de summo Pontifice prius ingrediente in Sanctuariũ, postea inde egrediente ad Altare incensi: ergo manifestum est, ipsum Altare, super cuius cornua deprecabatur Aaron, quando exibat de Sanctuario, fuisse extra velũ, & consequenter extra Sanctuarium, & nihilominus verè dici coram Domino. Ex his pariter conuincitur, quòd verba illa *Exod. c. 30. vers. 6. Ponesq; altare contra velum, quod ante Arcam pendet testimonij*, &c. nullo pacto debent intelligi eo modo, quo ea exponit S. Augustinus, videlicet, quòd Altare incensi deberet poni in ipso Sanctuario, inter velum & Arcam, sed potius (vt dictum est) extra Sanctuarium, contra velum quod pendebat ante Arcam, ita vt Altare non esset inter velum & Arcam, vt sanctus ille Doctor credidit; sed velum esset inter Altare & Arcam, quemadmodum ex ipsamet sacra Scripturam probatum est. Ad illud 3. Reg. breuiter respondemus, Altare incensi eo loco appellari altare Oraculi, non quia esset in Oraculo, sed quia erat prope ipsum: & hoc ad differentiam Altaris holocausti, quod longius aberat ab Oraculo. Et huic expositioni optimè consonat lectio LXX. Interpretum, quæ sic habet: *Et fecit altare ad faciem Dabir.* siue (vt alia eorumdè lectio clariùs explicat,) *Et fecit altare ante faciem Oraculi.* Ad locum Apostoli ad Hebræos, concedimus ipsum Apostolũ, & pariter Iosephum lib. 6. de Bello c. 6. nomine Thuribuli, intellexisse Altare incensi, quemadmodum ex infrà numero proximo dicendis comprobari potest, & etiam videtur sensisse Origenes Hom. 9. in *Exod.* & benè probat Abulenſis locis suprà citatis: quandoquidem, vt benè aduertit Ribera, alterum illud thuribulũ, quo Pontifex ingrediens in Sancta Sanctorum Sanctuarium thurificabatur, non in ipso Sanctuario asseruabatur, vt nonnulli putarunt; sed extra, quemadmodum paulò antè, scilicet n. 62. probatum est. Verumtamen non propterea sequitur, Altare incensi fuisse in Sancta Sanctorum; non enim hoc dicit Apostolus, sed ait: *Post velamentum autem, secundum tabernaculum, quod dicitur Sancta Sanctorum, aurum habens thuribulum, & Arcam, &c.* Quis verò nesciat aliud esse, dicere secundum tabernaculum habuisse thuribulum & Arcam: & aliud asserere, idem thuribulum fuisse intra ipsum secundum tabernaculum: præsertim cum perspicuè constet, verbum *habere* multis modis dici, vt docet Philosophus sub finem Prædicamentorum. Igitur sicut rectè dicemus, verbi gratia, Ecclesiam S. Iacobi habere altare, & cæmeterium; & huiusmodi alia ad eius vsum pertinentia; tametsi altare sit intra ipsam Ecclesiam, cæmeterium verò foris ante ipsam: ita rectissimè potuit Apostolus dicere, secundum tabernaculum habuisse thuribulum siue Altare incensi, & Arcam; quæuis Arca intus esset posita, Altare autem incensi extra ipsum, videlicet in facie ipsius; quia nimirum ipsi potissimum Sanctuario dictum Altare deferuebat, perfundens ipsum iugiter odore suauissimo, qui ab ipso egrediebatur, & per proximum velum intrò transibat: & quia dictus odor non potuisset perpetuari, nisi quotidie super dicto altari prunæ de altero altari, quod holocaustotum dicebatur, desumptæ, ac super ipsas statuta imponerentur aromata: propterea necesse fuit, dictum altare non intra Sanctuarium, quòd solus Pontifex semel tantum in anno introire poterat; sed in anteriori domo collocare, in qua quotidie Sacerdotes bis, manè scilicet & vespere, tum pro dictis aromatibus cremandis, tum etiam pro lucernis ibidem existentibus concinnandis, ingredi consueuerant. Et hæc fuit causa, cur Apostolus loco citato, vbi tametsi videatur voluisse contradistinguere ea quæ erant in primo tabernaculo, ab his quæ erant in secundo; maluit tamen computare thuribulũ aureum, id est, Altare incensi inter ea quæ erant in secundo tabernaculo: non quia reuerà in eo esset, (sibi namq; ob causam proximè adductam locari non debuit;) sed quia, vt dictum est, eidem secundo tabernaculo potissimum deferuebat. Postremò, ad opinionè S. Ambrosij & aliorum superius num. 67. relatam, quòd scilicet Zacharias pater S. Ioan. Baptistæ esset summus Sacerdos; dicimus, quòd ex quo iam satis superq; pluribus Scripturæ testimoniis ostensum est, Altare incensi stare consueuisse in anteriori parte Tabernaculi

naculi seu templi, cessat fundamentum ipsorum, quod erat huic positioni contrarium; & consequenter etiam eorum opinio de Zacharia, quod fuerit summus Sacerdos, sustineri nullo modo potest; præsertim cum Evangelicæ narrationi ex Luca allegata, satis, ut num. 68. probauimus, repugnare videatur.

DE STRV-
CTVRA AL-
TARIS IN-
CENSI.

70. Stabilito Altaris incensi loco, dicendum est aliquid de eius structura, quæ breuiter describitur Exodi cap. 30. vers. 1. vsque ad 6. & cap. 37. vers. 25. vsque ad finem; & apud Iosephum lib. 3. Antiq. cap. 7. sub eodem vocabulo Græco (ut notat Ribera lib. 2. de Templo cap. 8. num. 14.) quo vsus est Apostolus ad Hebr. cap. 9. vers. 4. Quamuis Iosephi Interpres, pro illo ibi reddiderit Aram suffumigatoriam, Interpres autem Apostoli, verterit thuribulum: unde apparet, idem esse thuribulum cuius meminit Apostolus ad Hebr. & Iosephus lib. 6. de Bello cap. 6. cum ara suffumigatoria, quam idem Iosephus describit 3. Antiq. c. 7. & quam Scriptura sacra vocat Altare incensi, ut superius probatum est. Itaque hoc altare de lignis setim factum fuit, sed auro purissimo omni ex parte contextum: ipsius longitudo tanta erat, quanta & latitudo; nimirum vnus dumtaxat cubiti; altitudo verò duorum: talis namque magnitudo ad eius vsus satis esse videbatur. Ad maiorem autem ipsius ornatum, habebat in circuitu coronam seu coronicem auream, & in quattuor angulis cornua quædam auro tecta, non quasi addititia, sed ex ipsismet lignis, quæ ipsum Altare sustentabant, procedentia: quæ cornua qualia fuerint, non facile est determinare, nam ad mentem Caietani & Lipomani super Exod. cap. 27. & 30. & aliorum, videntur fuisse veluti quidam radij ad parui cuiusdam obelisci, vel potius balauftij acuminati similitudinem, torno eleganter elaborati, atque in singulis quattuor angulis decenter erecti. Arias autem Montanus putat fuisse ipsosmet superiores Altaris angulos in acutum extrà aliquantulum prominentes, quemadmodum figura in calce num. 73. ponenda indicabit. Vt cumque res se habuerit, sub dicta corona quattuor circuli aurei ad latera inerant, per quos duo vestes pariter inaurati traicerentur, ut cum opus esset, portari commodè posset. Porro in superna Altaris planitie, craticula quædam coaptata erat, seu lamina ferrea, siue (ut magis reor) ærea, pariter inaurata; quæ aequaliter concava, & subtiliter perforata esse debuit, ut prunas commodè contineret, & qui superfluerent cineres, deorsum emitteret. Ceterum peculiaris thymiamatum compositio in dicto Altari cremanda, signanter decernitur Exodi cap. 30. vers. 34. vsque ad finem capituli. vbi etiam sub pœna vocat cauetur, ne quisquam tale thymiamata ad proprios vsus adhibeat.

DE MENSA
PROPOSITI-
ONIS.

71. Sequitur de Mensa panum propositionis, cuius descriptio habetur Exodi cap. 25. vers. 23. vsque ad 29. & cap. 37. vers. 10. vsque ad 16. & apud Iosephum 3. Antiq. c. 7. Atque hæc quoque de lignis setim compacta erat, & vndique laminis aureis cooperta; vno tantum cubito lata, & duplo longior, alta verò cubito vno & semis. Superior pars, quæ quod in circuitu eius aliquantulum repanda esset, labij nomine designatur, corona duplici circumdata erat: altera altitudinis quattuor digitorum, quæ & interassilis fuisse perhibetur, eò quod planum quoddam inter sculpturas concluderet. super hanc altera, quæ humilior minusque proiecta fuisse creditur. Et hic, ad clariorem ornamentationem huius Mensæ, aliorumque huiusmodi operum notitiam, obiter adnotandum est, coronæ vocabulum apud Architectos propriè sumi vel pro coronice, vel pro illa coronicis parte, quam Italice vocant *gocciolatoio*. At in Sacro eloquio, vbi de fabricis agitur, puto vniuersaliter accipi pro quocumque ornamenti genere, quod opus aliquod in summitate complectitur atque absoluit, siue opus illud rotundum sit, siue quadrum, aut alterius figuræ. Et propterea fieri potest, ut nonnumquam integram significet, quam vocant, trabecationem, quæ coronicem cum suo pariter zophoro & epistilio comprehendit, ut figura in fine num. 73. inferenda demonstrabit; interdum verò solam coronicem, quæ summa trabecatio dicitur; aliquando etiam fortassis aliquod dumtaxat coronicis membrum, seorsum ab aliis positum, puta scimam, aut cimatum, aut quid simile. Et quoniam nullam videtur gratiam elegantiamve præferre, si quis duas coronas propriè sumptas, seu coronices, alteram alteri immediatè imponeret: ratio dicitur credendum esse, primam huius mensæ coronam, quæ quattuor digitis alta & interassilis fuisse dicta est, elegantem aliquam trabecationem altitudinis quattuor digitorum signare, ex coronice nimirum cælata, zophoro plano, & epistilio aequaliter cælato compactam: nisi fortè astralogus aliquis apprimè scalptus, epistilij locum suppleret, ut quoquomodo in capitibus columnarum Doricarum, & in quibusdam stylobatis, nimirum Corinthiis & compositis, graphice fieri videmus. Pro altera verò corona primæ superimposita, conuenienter accipi posse putamus regulam aliquam decenti aliquo cimatio exornatam, quæ etiam mensam ipsam circumquaque muniret, ne quid facile ab ea posset in terram deci-

QVID PER
CORONAM
INTELLI-
GANT AR-
CHITECTI.

decidere, vt in typo infra sub num. 73. ponendo patebit. Sub memoratis coronis ad mensæ pedes annexi erant quattuor circuli aurei, per quos vestes deaurati transmitti, mensæque portari posset. De horum pedum structura nihil in Sacris scripturis habemus. Iosephus tamen scribit, quòd pedes hanc mensam sustinentes, supernè erant quadrangulares; dimidia verò sui parte inferiore, per omnia similes pedibus quos Dorienses lectis supponere solent. Quales autem essent eiusmodi pedes, adhuc explorare non potuimus. Situs mensæ erat ad Aquilonarem anterioris Tabernaculi partem, vt traditur Exodi cap. 40. vers. 20. non longè à Sanctuario.

72. Vfus autem ipsius, quemadmodum legimus Exodi capit. 25. versic. 30. fuit, vt super eam perpetuò inanerent in conspectu Domini Panes propositionis, qui describuntur Leuit. cap. 24. vers. 5. vsque ad 10. his verbis: *Accipies quoque simlam, & coques ex ea duodecim panes, qui singuli habebunt duas decimas; quorum senos alitrinsecus super mensam purissimam coram Domino statues; & pones super eos thus lucidissimum, vt sit panis in monumentum oblationis Domini. Per singula sabbata mutabuntur coram Domino, suscepti à filiis Israel federe sempiterno: eruntq; Aaron & filiorum eius, vt comedant eos in loco sancto; quia Sanctum Sanctorum est de sacrificiis Domini iure perpetuo.* haec enim ex Leuitico. Similia ferè scribit Iosephus 3. Antiq. c. 7. dicens: *Et in ea (videlicet mensa) disponebantur duodecim panes non fermentati, seni è regione sibi duobus ordinibus oppositi, mundissimi, confecti è farina duorum assaronum, qua mensura Hebræorum, septem cotylas Atticas continet. super panes autem ponebantur duæ phialæ aureæ thure plene. post septem verò dies, alij panes inferebantur, die quem nos vocamus Sabbatum.* & cap. eiusdem libri 10. idem Iosephus ait: *Ex publico præbatur panis non fermentatus, ex farinæ assaronibus vigintiquatuor. Coquantur autem bini pridie sabbati, & sabbato manè proponuntur in sacra mensa, duobus ordinibus seni ex aduerso sese respicientes; atque ita duabus lancibus thure plenis superimpositis, permanent vsque in proximè sequens sabbatum: tunc alij pro illis recentes supponuntur, & hi priores Sacerdotibus in cibum dantur: thus item igne sacro adoletur, quo ad holocaustum a vti solent; & pro eo quoque aliud thus panibus imponitur.* huculique Iosephus. Ex quibus omnibus tria videntur posse colligi: Primò, quòd isti panes fiebant in modum placentarum; alioqui non satis commodè inuicem superponi potuissent. Deinde, quòd erant valde magni: si enim singuli fiebant ex quattuordecim farinæ cotylis Atticis, quæ singulæ, vt aiunt, pendebant vncias nouem, oportet singulos panes fuisse vnciarum centum viginti sex. Tertiò colligitur, non esse recipiendas illas Hebræorum traditiones, quarum meminit B. Hieronimus super Malachiæ cap. 1. dicens, quòd panes propositionis, iuxta traditiones Hebraicas, ipsi Sacerdotes ferere, ipsi demetere, ipsi molere, ipsi coquere debebant. Nam et si fortassis admitti possit, prædictos panes à Sacerdotibus parari coquique debuisse: verum tamen si verum est, vt ait Iosephus, quòd ex publico præbatur iste panis, hoc est simla, ex qua confici solebat; cui etiam consonant citata Leuitici verba, *Accipies quoque simlam* (nimirum à filiis Israel) quemadmodum paulò antè de oleo pro lucernis dictum fuerat; & etiam indicant, quæ ibi non multo post subiunguntur, videlicet: *Per singula sabbata mutabuntur, suscepti à filiis Israel.* profectò nullo pacto videtur posse concedi, quòd pro his panibus conficiendis, ipsi Sacerdotes frumentum ferere, colligere, ac molere tenerentur. Ceterum ad diuersos quoque vsus mensæ, fecit Moyses vasa plurima, diuersi generis & formæ; nimirum acetabula, & phialas, & cyathos, & thuribula, ex auro puro, in quibus offerenda erant libamina: Exodi cap. 25. vers. 29. & cap. 37. vers. 16.



DE PANIBUS PROPOSITIONIS.

HEBRAEORUM TRADITIO DE HISCE PANIBUS REPERTATUR.


73. In eadem anteriori parte Tabernaculi, ex aduerso Mensæ, hoc est, ad latus Meridianum, poni debebat Candelabrum, cum suis pariter lucernis, & emunctoriis, & vasis, in quibus emuncta extinguerentur; omnia ex auro purissimo non fuso, vt perperam ait Iosephus 3. Antiq. cap. 7. sed ductili, vt apertè traditur Exodi cap. 25. vers. 31. & cap. 37. vers. 17. hoc est, malleis extenso. Ex quibus locis, vbi candelabrum ipsum & singulæ eius partes describuntur, apparet, quòd candelabri huius forma sic se habebat: De basi (cuius tamen figura non exprimitur) surgebat hastile rectum, quod deinde per quædam intervalla distinguebatur quattuor scyphis, in nucis modum fabrefactis; putò autem illud *in nucis modum*, per Synecdochen dictum, ibique totum pro parte vsurpari, ac si diceretur, Ad similitudinem seminucis nucleo vacuæ, siue de nuce amygdalina, vt multi putant, siue de quauis alia aut communi intelligas, nihil refert. Nam cum scyphus vas esset ad bibendum paratum, vt apertè colligitur Genes. cap. 44. vers. 5. quis non videt, illud dimidiatæ, quàm integræ nuci commodius posse assimilari? Fortè autem memorati scyphi non vacui, sed veluti malis Puniceis (vt obscurè satis tangere videtur Iosephus, memòrans ibi mala Punica; quæ alioqui memòranda

DE CANDELABRO.


non erant) aliisque malorum generibus ac floribus referti videbantur. Sic enim nunc quoque in candelabris nostris maioribus, quæ vulgò ceroferaria dicimus, ex lignis vt plurimum auro tectis fabrefacta, eiusmodi vasa peruenuisse fingi solent. Sed quia de hoc nihil certi affirmare possumus, idè id in typo exprimere non curauimus. Porro inter singulos huiusmodi scyphos, sphærulæ simul & lilia idem exornabant hastile; à quo super singulas tres sphæulas inferiores procedebat vtrique calamus vnus, siue ramus, ad fere semicirculi similitudinem: ita vt hi tres rami gradatim ab vna parte, & tres similiter ab altera prodeuntes, veluti quædam brachia sursum hinc inde porrecta viderentur, eodem quo hastile ornamentigenere decorata; siquidem singuli rami tribus pariter scyphis, & totidem sphæulis ac liliis distincti erant: & non modò ipsum hastile, sed & singuli eius rami habebant in summitate lucernam concinnè admodum coaptatam. Erant igitur lucernæ numero septem: scyphi verò, & sphærulæ, ac lilia, simul computata, non, vt ait Iosephus, septuaginta, sed tantummodò sexaginta sex, vt dinumerari potest in eis typo mox subiiciendo. Vtrum autem singula calamorum seu ramorum capita æqualis essent altitudinis cum ipso hastilis capite, ita vt lucernæ omnes veluti in eadem linea transuersaliter ductæ positæ viderentur; an verò quæ erat in summitate hastilis, ceteris altior esset, aliæque ex vtraque parte humiliores singulæ veluti per gradus hinc inde descendere viderentur; non omnino exploratum habemus, tamen prior opinio communior esse videatur. Quòd si quis fortè de forma candelabri à nobis ex Sacris codicibus descripta hæsitet, propterea quòd illa, quæ adhuc Romæ in arcu Titi insculpta vultur, cuius typum nos sub anno mundi 3885. num. 10. ponemus, aliquantulum à prædicta discrepet; quippe quæ tres illos scyphorum, sphæularumque, ac liliorum ordines in singulis ramis non habeat: recolat quæ scribit Iosephus lib. 7. de Bello cap. 24. videlicet, candelabrum illud, quod Romæ in triumpho Titi asportatum fuit, cuius & similitudo in arcu illo ficta est, fuisse quidem ex auro factum; sed opere, inquit, commutato ab vsus nostri consuetudine. Ceterum, forma lucernarum, quemadmodum & emunctoriorum, & vasorum item in quibus emuncta extinguí absque vlla malevolentia possent, neque in Sacris libris, neque à Iosepho descripta inuenitur: fortè quia ad formas talium rerum eo tempore visitatas hæc facta fuerint; quales verò essent, certò sciri non potest. Dimensiones quoque ipsius candelabri & ramorum eius, nimirum altitudo & latitudo, nequaquam descriptæ comperiuntur: sed ex auri pondere, quod in ipso candelabro, & memoratis instrumentis ad vsum eius pertinentibus insumptum traditur, licet coniecere, ipsum (nisi fortè ex lignis auro tectis compactum fuisset, quod tamen ex Scriptura sacra elici nullo modo potest) non ad modum grande altumve extitisse: & ita expediebat, ne fumus lucernarum cortinam super Tabernaculum extensam sua propinquitate inficeret: quandoquidem omnia hæc ex vno tantum auri talento confecta perhibentur. pendebat autem vnum Sanctuarii talentum minas centum; singula verò mina vncias triginta, vt nos sub anno mundi 3043. num. 4. probabimus. quo fit, vt totum candelabrum cum prædictis ad ipsum spectantibus, non plus tribus millibus auri vnciis penderet. Sanè ad easdem lucernas à vespere vsque ad manè, vt præcipitur Exod. cap. 27. vers. 21. & Leuit. cap. 24. vers. 3. perpetuò accensas in Tabernaculo conseruandas, oleum de oliuis purissimum ac lucidissimum Sacerdotibus à populo iugiter suppeditari debebat, vt iussum fuerat eodem Exod. cap. vers. 20. & cap. Leuit. citato vers. 1. Visum est autem hic ponere ipsius candelabri graphidem nonnihil ab aliis quidem quas vidimus diuersam; sed tamen, ni fallor, descriptioni in Sacro textu Vulgato traditæ congruentiorem, vtpote in qua distinctius intueri licet omnes & singulas eius partes ibidem commemoratas, nimirum basim, hastile, calamos, scyphos, sphæulas, & lilia. Fortè autem tali ratione candelabrum, & non aliter fieri iussum est, vt sic aptius præfiguraret, quales postea esse deberent, qui in sancta Dei Ecclesia ceteris vel dignitate vel euangelizandi munere præfulgent. Etenim lilia symbolum sunt castitatis & innocentie; sphæulæ verò, perfectionis; scyphi autem, benè possunt aquam sapientie salutaris, ac vinum doctrinæ spiritualis significare; quemadmodum certum est septem lucernas fuisse typum septem donorum Spiritus sancti, quæ in sanctis Præfulibus, ac verbi Dei prædicatoribus potissimum præfulgere debent: qui etiam tamquam in oculis omnium positi, magis studere tenentur, castitatem & innocentiam, & super omnia charitatem (quæ est vinculum perfectionis) in auro illo purissimo, ex quo totum factum est candelabrum, præfiguratam, sectari; vt non solum per doctrinam ceteris propinquant lucere, sed & bonis vitæ exemplis cunctos edificare valeant.



MENSA PANVM PROPOSITIONIS.



TRABEATIONIS PARTES



- A. Coronis, Italice Cornifone.
- B. Zophorus, Italice Freggio.
- C. Epistilium, Latine Trabs.
- a. Scima.
- b. Cymatium Coronae.
- c. Corona, Italice Gocciolatoio.
- d. Cymatium Zophori.
- e. Cymatium Epistilij.
- f. Prima fascia Epistilij.
- g. Secunda.
- h. Tertia.

74. Dicamus nunc aliquid de iis, quæ in Atrio collocari consueverant, & primò de Altari holocaustum, quod cur sic nuncuparetur, infra num. 76. dicemus. Huius Altaris descriptio breuiter tangitur Exodi cap. 27. vers. 1. vsque ad 9. & cap. 38. vers. 1. vsque ad 8. & apud Iosephum lib. 3. Antiq. cap. 7. Et quoniam dicitur factum de lignis fetim, & laminis æreis vndique opertum; quæret fortasse aliquis, quomodo hoc coherere possit cum eo quod præceperat Dominus Exodi c. 20. vers. 24. nimirum altaria fieri debere de terra, id est de lateribus, vel saxis impolitis. Richardus in Expositione Tabernaculi, cap. 11. & Abulenſis quæst. 6. super Exod. cap. 27. & Petrus Comestor in Historia Scholastica Exod. cap. 59. & alij nonnulli dixerunt, quòd hoc altare Moysaicum, licet ex tabulis ære tectis esset, nihilominus quandocumque in aliquo loco sistebatur, terra, siue lateribus, aut saxis impleri consueuerat, sicque ipsum quoque terreum aut saxum dici poterat. Quæ opinio, tametsi non sit irrationabilis, mihi tamen non videtur probanda: nam in Textu sacro expressum habemus, hoc Altare non fuisse solidum, sed cauum, & intus vacuum; signum est ergo quòd non implebatur lapidibus aut terra. Insuper in eodem Textu traditur, quòd habebat arulam (erat autem arula vas quoddam expansum, æreum siue ferreum, quo uti solebant ad continendas prunas in domibus tempore hiemis, vt clarè colligitur Ierem. cap. 36. vers. 22.) quòd si intra altare æneum construi consueuisset aliud terreum, superflua profectò fuisset huiuscemodi arula. Denique nusquam legimus, quòd in mansionum mutationibus, memorata altaria terrea villo in loco aut relictà, aut demolita fuerint. Quòd autem ad prædictæ opinionis confirmationem adducunt de Iuda Machabæo, qui altare à gentibus profanatum destruxit, & lapides eius inde sublatis seorsum reposuit, nouumque altare ex integris lapidibus iuxta Legem erexit, secundum illud quod fuerat prius, vt dicitur 1. Machab. cap. 4. vers. 46. nihil pertinere videtur ad hoc Altare, de quo nunc agimus; quod certum est, post extructum à Salomone templum, numquam amplius in vñ fuisse. Et licet altare illud à Salomone olim in templo factum, dicatur fuisse æreum, hoc est extrinsecus ad decorem laminis æreis circumdatum; intus autem, credibile sit, solidum lapideumque fuisse: tamen illud quòd postea in secundo templo extructum fuit, credibilius est fuisse lapideum totum, nulloque forinsecus ære exornatum; attenta maximè populi, qui tunc de exilio venerat, paupertate; quod etiam ex loco Machab. proximè adducto deduci posse videtur: siquidem ibi dicitur, quòd Iudas edificauit altare nouum de lapidibus integris secundum Legem, hoc est, impolitis, nulla prorsus facta aris mentione; & statim subditur: *Secundum illud quod fuit prius.* ergo illud quod fuit prius, id est, quod fecerant Iosue filius Iosedec & Zorobabel filius Salathiel, vt dicitur 1. Esdræ cap. 3. vers. 2. non erat æneum, sed, vt dixi, omnino lapideum. & hoc est, quod postea à Machabæo demolitum fuit. Melius igitur, meo iudicio, alij ad quæsitum respondentes, dixerunt, Dominum præcepisse vt altaria fierent de terra, vel de lapidibus impolitis, ad differentiam altarium, quæ Gentiles diis suis ex marmore multis cælaturis exornato erigere solebant: vnde videtur Dominus illud solum generali illo mandato cauere voluisse, ne altaria Hebræorum altaribus Gentium assimilerent; ne scilicet ex hac occasione Hebræi, tamquam ad idololatriam procliuēs, faciliè adorarent etiam sculptilia, quæ in altaribus ficta conspicerent. Sed & adhuc melius dici posse videtur, præceptum illud vniuersale habuisse respectum potius ad altaria stabilia, quæ postmodum in Terra promissionis fabricanda erant: de portatili verò, quo vti debebant in via quæ ad ipsam ducebat, datum fuisse. speciale mandatum Exodi cap. 27. vers. 1. vt scilicet fieret de lignis, vt commodè portari; & ære contextis, ne ab igne lædi posset. Scimus autem præcepta specialia derogare vniuersalibus, vel eadem limitare. Simile quid sub nouo Testamento accidisse, colligi potest ex Lectionibus, quæ habentur in Breuiario Romano die 9. Nouembris, in Dedicatione Basilicæ Saluatoris; nimirum, quòd persecutionum temporibus Romani Pontifices, cum certo loco consistere non possent, quocumque eos necessitas compulset, siue in cryptas, siue in cœmeteria, siue in aedes piorum, super altari ligneo, ad arcæ similitudinem concauo, Sacra faciebant: at reddita Ecclesiæ pace, sancitum est, vt deinceps nisi ex lapide altaria non edificarentur: can. Altaria si non. De consecratione. & in illo ligneo, honoris causa Principis Apostolorum, & aliorum Pontificum, qui ad mysteria conficienda eo vfi fuerant; non nisi Romanus Pontifex celebrare posset. Verum vt ad altare Moysaicum redeamus, si de forma eius quis interroget, dicimus fuisse in quadro positum; habens longitudinis cubitos quinque, & totidem latitudinis, altitudinis vres tres, ac in circuitu coronicem siue coronam, cuius licet Vulgata lectio nihil tetigerit, meminit tamen Textus lxx. Interpretum circa initia capitis 27. Exodi. Ex quattuor autem angulis exibant in sum-

summitate altaris quattuor cornua, similia, vt arbitror, his quæ suprà num. 60. in Altari thymiamatis exetisse diximus. Ipsum verò altaris corpus non erat solidum, sed cauum, de tabulis videlicet lignis ære contectis fabrefactum, & intus vacuum, vt facile portari posset; ferebatur enim duobus magnis vectibus ære similiter obductis, qui per quattuor circulos æneos, ad altaris latera annexos, traiciebantur.

75. Et quoniam Altare hoc dicitur habuisse Craticulam quamdam æneam in modum retis fabricatam, quæ propterea etiam aliquando retiaculum appellatur, & ipsa proprios quoque anulos in angulis habebat, & duos vectes, quibus separatim ab altari, cum opus esset, deferri valeret: dubium valde est, in quam Altaris parte hæc Craticula collocari solet. Fuerunt enim de hoc variæ Doctorum opiniones, ex obscuritate Sacri textus exortæ. Prima ponit huiuscemodi craticulam extrinsecus in circuitu altaris à terra surgentem vsque ad medietatem altitudinis ipsius, id est cubito vno & semis altam: & hæc opinio fuit multorum Rabbiorum, & Lyrani, & Abulensis, & Caietani in cap. 27. Exod. Quamquam isti, in vsu eidem craticulæ assignando, quem admodum etiam in forma ipsius altaris, non nihil inter se dissentiant. Etenim Hebræi ponentes altare in lateribus clausum, putauerunt prædictam craticulam fuisse ad modum cuiusdam cancelli vel sepimenti, ad ipsius altaris custodiam circumquaque appositam, ne scilicet quisquam ad illud, præter Sacerdotes & ministri, accedere valeret. Abulensis verò putat, non ad necessitatem, sed ad decorem & pulchritudinem fuisse altari affixam, ita vt superior medietas altitudinis eius esset, vt dictum est, etiam extrinsecus operta laminis æreis minimè perforatis, inferior autem medietas clauderetur tantummodò aliis laminis æreis, in retis modum fabrefactis. At Caietanus ratus ipsum altare non solum intus fuisse vacuum, sed etiam in cunctis quoque lateribus suis apertum, ac veluti ex duodecim dumtaxat trabibus in quadro positis, æreque obductis compactum, vt videre est in eius figura ad calcem huius numeri ponenda; inclusumque in se habuisse aliud altare lateritium siue lapideum, semicubito dumtaxat altum: putauit prædictam craticulam idè in circuitu altaris, vt dictum est, fuisse erectam, vt ignem in illo altari lateritio seu lapideo accensum quoquomodo protegeret, ne à ventis dispergi ac in diuersa transferri posset; & simul etiam, vt per vacuitatem illam quæ inter craticulæ altarisque ænei summitatem remanebat, tum ligna super altare lapideum, tum super ligna carnes afflandæ, aliæque in holocaustum comburenda collocari, ceteraque, prout opus esset, circa ipsum altare ministrari cõmodè possent. Et hæc sit secunda opinio. Tertia fuit Iosephi, qui supponit memoratum altare fuisse quidem intus omnino vacuum, sed omni ex parte clausum, cui craticula ærea erat superimposita vel loco mensæ, vel pro foculo, in ipsius mensæ medio collocata; vt per eius foramina cineres, & quidquid ignitum deciderit, terra posset suscipere. Quarta sententia est Hieronymi Oleaster super Exod. c. 27. ad litteram, & Ariæ Montani in libello de Sacris fabricis, quem in suo Apparatu Bibliorum Regiorum inseruit in cap. De altari holocaustarium, & aliorum, qui ponunt craticulam istam non in summitate altaris, sed intus in media ipsius altitudine extensam, ita vt ipsa altaris latera supra craticulæ planum spatio sesquicubiti attollerentur, & tantumdem subter ipsam descenderent, (diximus enim altare tribus cubitis fuisse altum.) Verùm eandem craticulam Arias Montanus quattuor pedibus ait fuisse fulcitam, nimirum in terra positam, & insuper habuisse quattuor anulos, quorù adminiculo in aram inferri & efferri valeret. At Oleaster dicit, quòd hæc craticula quattuor anulis ad quattuor cornua altaris suspensa descendeat intra cauitatem altaris, vsque ad medium; atque hoc pacto, inquit, dimidia altaris vacuitas super craticulam existens, ad carnes à parte superiori imponendas; altera verò medietas, quæ subter craticulam remanebat, ad ligna ignemque supponendum deferuire poterat. Quod si verum esset, necessariò sequeretur, ipsum altare vel in parte inferiori atque anteriori fuisse apertum, vel saltem ostiola quædam habuisse, per quæ ligna ignisque submitti possent. Verumtamen istæ opiniones non videntur admittendæ; quoniam cum sacro Vulgatæ editionis textu, qui sine vlla controuersia ceteris præferendus est, non prorsus conuenire probantur: nam Exod. c. 38. v. 4. expressè dicitur, quòd subter craticulam erat arula in medio altaris, hoc est in medio altitudinis eius: atqui Prima opinio ponit craticulam non super arulam intra altare existentem, sed extra ipsum, nempe in circuitu eius. Secunda sententia apertè nullam supponit arulam, sed ignis locum in fundo altaris, hoc est in terra ignem accendi consueuisse putat. Tertia autem nullam arulæ mentionem facit, sed tantum cratem pro foculo altari superpositam dicit. Præterea loco Exodi proximè citato vers. 5. legimus, quattuor anulos in totidem retiaculi siue craticulæ summitatibus, hoc est (vt hic notat Emanuel Sa, & ex paulò infra di-

DE ALTARIS
CRATICV-
LA.

PRIMA OPI-
NIO.








SECUNDA
SENTEN-
TIA.

TERCIA O-
PINIO.


QUARTA
SENTENTIA

cendis elicitur) in angulorum extremitatibus positos, non ad ipsam craticulam altaris cornibus suspendendam, fuisse factos; sed ad immitrendos veſtes, quibus ipsa portari posset: quod quarta, nimirum Oleastri sententiæ, manifestè aduersatur. Et ex nullo Sacro textu colligi posse videtur, quòd altare hoc in parte anteriori & inferiori fuerit apertum, vllàve ostiola habuerit. Itaq; alij, pro Quinta opinione, excogitauerunt opus quoddam æneum, ab altari seiunctū, & ex craticula arulaq; ita compactum, vt craticulam magis propriè sumptam, desuper extensam haberet, quattuor pedibus trium cubitorum altitudinis subnixam, & subter ipsam, sesquicubiti spatio, arulam intra altaris parietes absconsam, iisdem craticulæ pedibus annexam atque fulcantem; ad cuius operis quattuor angulos, aiunt annexos fuisse subter arulam, vt exprimitur Exod. cap. 27. v. 5. quattuor anulos æneos, vt duobus veſtibus per eos immisſis, seorsum ab altari portari posset. Erant igitur, vt dictum est, isti anuli non in summatibus craticulæ, sed in extremitatibus angulorum eius, subter arulam. Porro totū hoc opus (quod modò retiaculi, modò craticulæ vocabulo, ab ea scilicet parte quæ extrinsecus apparebat, per Synecdochē significari crediderunt) in ipso altari, quod intus vacuum, & in lateribus clausum, superius verò apertum erat, pro opportunitate immitti extrahique putabant. Et hæc quidem opinio videtur satis esse, consentanea his, quæ de hoc altari habemus Exodi c. 27. & 38. suprà citatis: nam vtrobique altare intus vacuum ponitur. Et de craticula seu retiaculo, tamquam de quadam re ab altari separatim fabricata, & seorsum deferri solita, Moyses tum locis citatis, tum etiam Exo. c. 39. v. 39. meminisse videtur. Et subter ipsam craticulam asserit positam fuisse arulam in altaris medio, id est in media ipsius altaris altitudine: & per quattuor craticulæ angulos subter arulam, hoc est in ipsius craticulæ pedibus, quattuor anulos extitisse, ad immitrendos veſtes, quibus portari posset: quod non de craticula propriè accepta, sed de opere ex craticula arulaque composito, accipiendum est; quemadmodum & illud quod Exod. c. 27. v. 5. habetur in hæc verba: *Eritq; craticula vsque ad altaris medium*. siquidem arula, quæ huius craticulæ inferior pars erat, in media altaris altitudine stabat, vt dictum est. Et denique admodum rationabile videtur opinari, dictum altare modò proximè exposito fuisse fabricatum: sic enim non ad hostias tantum super eo cremandas, sed etiam ad eius gestationem satis commodum euadere videbatur: siquidem ferè pro ipsius medietate duobus veſtibus, & pro alia medietate aliis duobus gestari poterat; cum alioqui præ nimia eius grauitate aut nullatenus, aut non sine magna difficultate & incommodo duobus tantum veſtibus totum simul baiulari potuisse videretur. Vnum adhuc hîc restat discutiendum, Quomodo scilicet super arulam intra altare existentem, poterant ignis lignaque componi, & de ea cineres extrahi, si superiorem altaris partem craticula, laterales verò ipsius altaris parietes vndique clauderant? Ad hoc aliqui vt respondeant, ostium in altaris latere extitisse contendunt. Hi sunt Beda lib. 2. de Tabernaculo cap. 12. & Richardus pariter in Explanacione Tabernaculi c. 11. & Auctor Historiæ Scholasticæ, Exodi c. 59. ex auctoritate Cassiodori. Alij contrà, quibus magis assentior, negant, dicentes, non esse necessarium eiusmodi ostium ponere, cuius neque Scriptura sacra neque Iosephus quidquam meminerunt: cum præsertim super altaris craticulam possent ligna carneſque componi, quemadmodum docuit Dominus Leuit. cap. 1. v. 8. & fecisse Abrahamum in immolatione filij, apertè legimus Genes. c. 22. v. 9. & Eliam 3. Reg. c. 18. v. 33. & cineres in arula colligerentur, donec ipsa de altari cum suo pariter retiaculo extracta purgaretur. Ceterum, num craticulæ opus totam altaris mensam, an verò (quod magis reor) aliquam tantum eius partem in medio occuparet, & quantum, certò definire non possumus: tantquam satis probabile videatur, eandem craticulam fuisse in vtroque latere latam cubitos tres aut quattuor, ita vt ab extremitatibus eius ad extremitates altaris, cubitus vnus tantum vel semis vbique intercederet. Et hæc de tota huius altaris structura sufficiant: illud tantum modò hîc veluti obiter Lectorem monentes, Scripturam sacram, vt credimus, in tradendis memorati altaris mensuris accepisse (quemadmodum Deut. cap. 3. vers. 11.) cubitos ad mensuram cubiti virilis manus: & propterea non esse necessarium querere, (vt multi faciunt) quomodo sine gradibus Sacerdotes super hoc altari tribus cubitis alto ministrare possent: nam cum constet, humanum corpus, si sit proportionatum, habere altitudinem quattuor brachij sui cubitorum; vtique satis commodè poterant Sacerdotes, sine gradibus aut scabello ministeria sua obire super altare, quod quarta saltem parte ipsorum staturæ erant humilior. Ceterum, quæ hæcenus tum de ipso altari, tum de eius arula & craticula diximus, ex variis dicti altaris figuris hîc inferendis facilius capi poterunt.

ALTARIS HOLOCAVSTI
VARIA EXEMPLA,
AD MENTEM



Sine Graticula et Arula.



Cum sua Graticula et Arula.

AD QVEM
VSVM PVE-
RIT HOC
ALTARE RE-
BRICATVM.

76. Sanè vsus eius fuit, non solum vt super eo immolarentur holocausta, sed & alia quoque sacrificia fierent: tamen à nobiliori sacrificiorum genere obtinuit, vt Altare holocausti seu holocaustum appellaretur. Erant autem in vniuersum genera sacrificiorum tria; videlicet, Holocaustum, Hostia pro peccato, & Hostia pacifica, de quibus singulis infra sub anno mundi 2545. num. 21. & sequentibus dicitur. Illud tamen hic prætereundum non est, quòd regulariter & ordinariè omnes victimæ super hoc altari immolari debebant; aut super eo, quòd loco huius in templo extruendum erat, vt colligi potest Deuter. cap. 12. vers. 13. vbi prohibentur fieri sacrificia, nisi in loco quem elegerit Dominus, id est, in loco vbi Tabernaculum testimonij & hoc altare fuerint collocata. Et melius Leuit. cap. 17. vers. 3. vsque ad 10. vbi sub pœna mortis præcipitur, ne quisquam immolet offeratvæ victimam, nisi ad ostium Tabernaculi, fundatque sanguinem super hoc altare; quòd non procul ab ostio Tabernaculi stabat. Et hoc est, de quo Scriptura frequenter in libris Reg. postea reprehendebat omnes ferè Reges Iuda, alioquin veri Dei cultores, quòd scilicet excelsa non abstulissent; sed permitterent populum, contra memoratum Dei præceptum, sacrificare Deo in excelsis montibus extra templum Ierosolymitanum, vbi erat locus quem elegerat Dominus: & e converso laudat Ezechiam 4. Reg. cap. 18. vers. 4. quòd ipse destruxerit excelsa. Dixi, *regulariter*: quia extraordinariè & certis de causis, constat sanctos viros nonnumquam, Deo vel præcipiente vel inspirante, alia alibi extruxisse altaria, & super his Domino victimas immolasse, quemadmodum legimus de Iosue, qui ædificauit altare lapideum in monte Hebal, & obtulit super eo holocausta, & victimas pacificas Domino, Iosue cap. 8. vers. 30. hoc enim specialiter præceperat Dominus Deuter. cap. 27. vers. 4. & de Samuele, qui obtulit holocaustum in Masphath, 1. Reg. cap. 7. vers. 6. & 9. & aliud altare ædificauit in Ramatha, vt in calce eiusdem capitis legimus: & item iubente Domino sacrificauit in Bethleem, quando vixit Dauidem, 1. Reg. cap. 16. vers. 5. Scimus etiam ipsum Dauidem, monente Gad Propheta, extruxisse altare Domino in arca Arcuna Iebusæ, & ibidem sacrificiis placasse Dominum, ab eoque obtinuisse cessationem pestilentie grassantis in populo, vt habetur in calce libri 2. Regum. Elias quoque in monte Carmeli extructo altari, obtulit super eo bouem, & exaudiuit eum Dominus, qui misso igne de cælo, holocaustum mirabiliter consumpsit, 3. Reg. cap. 18. vers. 32. Hæc, inquam, & si quæ sunt eiusmodi alia, ex diuina dispensatione contigisse credendum est.

DE VASIS
ALIISQUE
EIVSDEM
ALTARIS
VTENSILI-
BUS.

77. De vasis autem aliisque instrumentis, ad vsus prædicti altaris ex ære similiter factis, agitur Exodi cap. 27. vers. 3. & cap. 38. vers. 3. vbi specialiter quinque huiusmodi vasorum genera dinumerantur, nimirum Lebetes, ad fuscipiendos cineres, vt in littera exprimitur. Forcipes, ad componendum ignem, siue ad carbones vel quid aliud ab altari capiendum, iuxta illud Isai. cap. 6. vers. 6. *Et in manu eius calculus, quem forcipe tulerat de altari.* Fuscinulæ tridentes, quibus pueri Sacerdotum; vt dicitur 1. Reg. cap. 2. vers. 13. leuare solebant carnes de ollis, siue cacabis, victimas pacificas offerendum. Vincini, (vt arbitror) alia erant instrumenta, quibus carnes quas de caldariis fuscinula leuauerant, vincinis appensas auferebant. Ignium receptacula, quibus prunas de altari holocaustum acceptas ad altare thymiamatis deferebant. Quòd si quis quærat, cur hic nulla facta sit mentio illorum lebetum, caldarium, ollarum, & cacaborum, in quibus carnes Deo oblata coqui solebant, vt legimus 1. Reg. cap. proxime citato: Responderi debet, quòd carnes hostiarum pacificarum non in Sacerdotum, sed in laicorum atrio, ab ipsismet laicis offerentibus coqui consueuerant. Siquidem, vt ibidem dicitur, coctis carnibus veniebat puer Sacerdotis habens fuscinulam tridentem in manu sua, & mittebat eam in lebetem, vel in caldariam, aut in ollam, siue in cacabum, vt sibi acciperet partem Sacerdoti debitam, videlicet aurum dextrum, vt sanctum fuerat Leuit. cap. 7. vers. 32. Porò prædicta vasa ad coquendas huiusmodi carnes, non pertinebant ad Altare holocausti, sed ab ipsismet laicis illuc deferebantur: qui peracta coctione, quoniam ex contactu carnum sanctificarum ipsa quoque vasa sanctificationem contrahebant, nec ad profanos vsus deinceps adhiberi poterant; propterea si erant fuscilia, eadem protinus confringere; si autem ænea, illa defricare & aqua lauare tenebantur, vt præcipitur Leuit. cap. 6. vers. 27. Credimus tamen in atrio Sacerdotum extitisse alias ollas, aut eiusmodi vasa oleo sancto inuncta & sanctificata, ad coquendas carnes victimarum pro peccato oblatarum destinata, quas soli masculi de genere Sacerdotali, in loco sancto comedere iuebantur Leuit. c. 7. vers. 6. De quibus vasis, tamen si nulla facta sit mentio locis Exodi citatis: meminit tamen ipsorum Auctor 4. Reg. cap.

cap. 25. vers. 14. dicens, quòd Chaldaei in maxima illa Ierosolymorum vastatione ollas, & alia huiusmodi vasa aenea de templo abstulerunt.

78. Præter prædicta vasa aenea ad vsus ac ministeria Altaris holocausti, & ipsius Tabernaculi fabricata, vnum præ ceteris insigne fudit Beseleel, iubente Moysè, quod in Scripturis sacris Labrum nuncupari solet; de quo Exod. cap. 30. vers. 18. sic legimus: *Facies & labrum æneum cum basi sua ad lauandum, poness; illud inter tabernaculum testimonij & altare. Et missa aqua, lauabunt in ea Aaron & filij eius manus suas ac pedes, quando ingressuri sunt tabernaculum testimonij, & quando accessuri sunt ad altare, vt offerant in eo thymiamina Domino, ne fortè moriantur.* Quibus verbis describitur tum huius labri vsus, tum etiam locus in quo poni debebat, nimirum in atrio Sacerdotum, inter ostium Tabernaculi & Altare holocaustorum: & nonnihil insuper tangitur ad materiam formamque ipsius pertinens, in eo quòd dicitur habuisse basim, & fuisse æneum. Quamquam eiusdem materia adhuc magis speciatim exprimitur Exod. cap. 38. vers. 8. vbi ad prædicta additur, quòd de speculis mulierum, quæ excubabant ad ostium Tabernaculi, factum fuerat. Quem locum non desunt qui accipiendum putant de illis mulieribus, quæ se Deo dicare solebant; ac perpetuò, deuotionis gratia, iuxta Tabernaculum fœderis manere. Quod etiam sensisse videtur Cardinalis Baronius in Apparatu ad suos Annales, vbi profectur ostendere, quòd etiam posterioribus deinde temporibus eiusmodi mulieres habitare solerent in templo; quod verissimum esse putamus. Verum enimverò, si olim iuxta Tabernaculum fœderis mulieres, eo modo quo dictum est, excubare perpetuò consueuerant, profectò credibile est eas fuisse admodum paucas, ita vt non videatur ex ipsorum speculis vas tam grande fieri potuisse. Quare multò probabilius videtur, hoc vas fuisse factum de speculis, quæ ad illud conficiendum vltro offerrebant mulieres, quando de tabernaculis suis veniebant, vt orantes excubarent ante ostium Tabernaculi fœderis. Itaque cum de huius labri forma nihil aliud expressum sit, nisi quòd super basi situm erat; proculdubio datur intelligi, nihil singulare, quod ad figuram eius attinet, in eo exitisse; sed ad communem vtitatamque illius temporis laborum formam fuisse fabricatum. Quamquam non desunt qui putant illud fuisse veluti opus quoddam ex duplici vase compactum, ita vt basis, quæ ipsum sustentabat, de alio latiori vase surgeret, in quod aqua posset defluere per syphones eo artificio fabricatos, vt veluti cardine quodam voluulo facile aperiri ocludive possent; & sic non in superiori labro (quod fieri nullo modo potuisse videtur) sed in inferiori Sacerdotes commodè pedes lauare valerent. Verum huic opinioni primò obstat videtur illud, & *lauabunt in ea.* quod certè non ad labrum, sed ad aquam de labro educendam referri debet. Deinde, quòd illa ablutio in aliis vasis ad hoc paratis commodius fieri poterat, alioquin aqua inferioris labri nimis frequenter mutanda fuisset. Et denique, quòd Scriptura sacra vnus tantum labri meminit. Quod verò adiungitur, *De speculis mulierum,* &c. indicat illud labrum non ex quocumque ære, sed ex valde pretioso fuisse constatum. Etenim olim specula non ex vitro, quemadmodum nostris temporibus; sed ex stanno purissimo, argentove ære admixto, ac deinde redacto in laminas exquisitissima absterfione lauigatas, accuratissimeque deterfas, vt sic optimè imagines redderent, fieri consueuisse, scribit Plinius lib. 33. cap. 9. Neque enim labrum hoc minus dici potuisset factum ex ære, etiamsi aliquid stanni argentive in eo fuisset; quandoquidem æs Corinthium non desit ære appellari, quòd auro argentoque mixtum esset. Patet igitur hallucinari eos, qui falsò existimantes specula illa fuisse vitrea, prout hodie fieri solent, memoratum Scripturæ sacræ locum ita exponunt; tamquam si labrum illud non verè de speculis, sed de æneis speculorum integumentis ornamentisve factum fuerit; quod sane Sacri textus verbis manifestè aduersatur. Eadem de causa probare non possumus quorundam opinionem, qui pro certo supponentes, hoc labrum non de speculis mulierum fuisse factum, sed iisdem extrinsecus vndique exornatum, vt ad ipsum accedentes, ac in illis aspicientes, proprias dignoscere maculas possent; inde postea sensus quoddam spirituales siue morales nituntur elicere: quos, sublaro fundamento, tamquam Sacro textui non consentientes, prorsus rueri necesse est. Sanè de vsu dicti labri, præter ea quæ paulò antè ex littera Exodi adducta diximus, nimirum quòd erat ad continendas aquas pro Sacerdotibus, vt iuxta præceptum Domini ibidem traditum, possent lauare manus suas ac pedes, quotiescumque eos ingredi oporteret in Tabernaculum, siue ad concinnandas lucernas, siue ad incensum in Altari thymiamatis adolendum, siue ad quoduis aliud ministerium in eo præstandum: (nudis namque pedibus in eo ministrare consueuerant.) Insuper etiam creditur, labrum hoc ad hunc quoque vsus fuisse paratum,

tum, vt scilicet ex eius aqua, sacrificiorum carnes ablui possent, antequam altari superponerentur, quemadmodum super citato Exod. capitulo asserunt Abulensis & Aloisius Lipomanus. Et hinc colligitur, labrum illud fuisse satis amplum & capax; tamen eius amplitudo nusquam expressa habeatur. Huius labri graphidem hic non ponimus, quoniam satis bellè videri poterit in typo Atrij sancti sub anno proximo num. 1. inferendo.

QVAE ES-
SENT INDY-
MENTASA-
CERDOTA-
LIA.

DE FEMO-
RALIBVS.

79. Fecit præterea Beseleel vestimenta Pontificalia ac Sacerdotalia, de quibus hic dicendum est aliquid per singula. Ac primò quidem supponendum est, quòd indumenta sacra cunctis Sacerdotibus communia, quibus scilicet tunc tantum vestiri debebant, quando sacra ministeria exercere tenebantur, hæc erant: Primò, Feminalia seu Femoralia, vt in LXX. Interpretibus Exod. cap. 28. & in Vulgata Ecclesiastici cap. 45. vers. 10. legimus. Secundò, Tunica linea stricta. Tertiò, Zona siue Balteus. Quartò & vltimò, Tiara seu Mitra. De his meminit Scriptura Exod. cap. 28. vers. 40. & 42. & cap. 39. vers. 25. vsque ad 29. & Iosephus 3. Antiq. cap. 8. Itaque vt à feminalibus, ordine quo indui consueuerant, incipiamus: hæc ad verenda femoraque ipsorum contengenda parabantur; ne scilicet si vel mactando tauros, vel quid aliud simile peragendo, Sacerdotes cadere contigisset, reuelaretur turpitude eorum, vt in ipso Textu sacro exprimitur. Erant enim veluti caligæ quædam, quas pedibus inferis (vt ait Iosephus) velut dimidiatas braccas, ad ilia constringebant. Quare nescio vnde desumpserit B. Hieronymus in epistola 128. ad Fabiolam, de Veste Sacerdotali, quòd ipsa feminalia vsque ad genua demitterentur; præsertim cum Sacer textus dicat, *vsque ad femora*. Ceterum hæc, quemadmodum testatur Iosephus testis oculatus, de bysso retorta, hoc est primò duplicata, ac deinde etiam retorta, ad maiorem firmitatem, fieri consueuerant.

DE TYNICA
SACERDO-
TALI LI-
NEA.

80. Super feminalia induebantur Sacerdotes Tunica linea, siue, vt ait Iosephus, linea interula byssina, quæ Exodi cap. 28. vers. 4. appellatur linea stricta; non enim erat ampla, plicisquæ ac rugis plurimis crispata, quo modo nunc fieri solent alba, & superpellicia Sacerdotalia: sed erat quædam tunica talaris, ad corporis ferè magnitudinem facta, manicis similiter non latis, sed ad brachia quodammodo adstrictis; ad similitudinem tunicæ Ioab, de quo dicitur 2. Reg. cap. 20. vers. 8. quòd *vestitus erat tunica stricta ad mensuram habitus sui*, id est, ita corpori eius adaptata, vt ad omnes motus corporis liberè exercendos nullius eidem esset impedimenti. Sunt qui hanc tunicam non omnino albam; sed quibusdam veluti oculis, colorum varietate distinctam fuisse colligunt ex Hebraica voce *cofymbotam*, quæ habetur Exod. cap. 28. vers. 4. quam ipsi interpretantur *ocellatam*, siue *oculata*: quam interpretationem minimè sequendam putamus; quandoquidem apud alios Hebraici idiomatis apprimè gnaros, constat Hebraicum illud verbum idem significare, quod Latine *strictam*. & sic habet loco allegato Vulgata Sacri codicis editio, quam fideliter Interpretem transulisse, nemo dubitare debet. Et præterea certum est, quòd neque ex Philone lib. 3. de Vita Moysis, vbi de hisce sacris vestibus agit, qui Iudæus fuit, & Iudaicarum rerum peritissimus; neque ex Iosepho, qui insuper etiam Sacerdos extitit, & consequenter eadem tunica aliquando indutus, & in ea describenda satis accuratus fuit, colligi potest, illam tunicam coloribus fuisse variatam: & ratio quoque dicat, eam esse debuisse omnino albam, vt sæpius lauari posset. probabile enim est, quòd Sacerdotes in cadendis victimis, frequenter eorum sanguine aspergerentur. Nisi fortè byssinæ illæ tunicæ ea arte essent intextæ, qua solent panni illi serici, quos Italicè *Damascos* vocamus; qui licet sint vnicolores, picturas tamen quædam demonstrant. Cuiusmodi etiam vidimus pannos quosdam lineos subtilissimos, ac valde pretiosos, qui ex Flandria, siue ex Hollandiæ insulis deferri perhibentur: hi namque tamen omnino albi sint, multas tamen eiusdem coloris figuras referre conspiciuntur. Sed vtrum ex talibus lineis essent apud Hebræos tunicæ Sacerdotes, an fortè ex his quibus nostra mantilia seu mappæ communiter fieri solent, (quodammodo enim ocellatæ esse videntur) nihil certi affirmare possumus.

DE ZONA
SACERDO-
TALI.

81. Sequitur Zona siue Balteus, quo sese Sacerdotes super prædicta tunica sub mammis cingebant. Zonam hanc accuratiùs describit Iosephus loco citato, vbi de tunica agens, subiungit: *Qua accingitur circa pectus, paulò axillis inferius, zona lata digitos quattuor, intus inani; ita contexta, vt serpentis exunium videri possit; floribus etiam picturatur puniceis, purpureis, hyacinthinis, & byssinis; stamen verò ex sola bysso constat; quæ semel atque iterum circa pectus reuoluta ad talos vsque defluit, tantisper dum Sacerdotes à sacris feriantur, cum verò sacris est ministrandum, ne ventilata sit impedimento, super humerum laeuum reicitur. Hanc zonam Moyses nominauit Abaneth; nos vocabulo à Babiloniis mutuato, Emiam dicimus.* hæc Iosephus. Eadem ferè scribit B. Hieronymus in epistola

stola ad Fabiolam suprà num. 79. citata, dicens: *Hoc cingulum in similitudinem pellis colubri, qui exiit senectutem, sic in rotundum textum est, ut marisupium longius putes: textum est autem subtegmine coci, purpure, hyacinthi, & stamine byssino, ob decorem & fortitudinem; atque ita polymita arte distinctum, ut diuersos flores ac gemmas artificis manu non textas, sed additas arbitreris. Lineam tunicam inter umbilicum & pectus hoc stringunt balteo. hucusque S. Hieronymus. Ex dictis ergò, & ex his quæ habentur Exodi cap. 39. vers. 28. patet, materiam zonæ huius seu cinguli fuisse fila quædam, alia byssina, alia purpurea & hyacinthina, & alia cocco bis tincta, eaque adeò inter se polymita seu plumarum arte intexta, ut picturas varias repræsentarent: formam autem eiusmodi, ut longissimi ensis vagina videri posset: denique vsum, ut ad pectus bis reuoluta tunicam stringeret, & reliqua eius pars ad talos in anteriori parte descenderet, quâ tamen inter ministrandum, ne ipsis esset impedimento, super humerum lauum reicere solebant.*

82. Postremum Sacerdotalis indumenti genus, erat Tiara, quæ & Cidaris, & Mitra quandoque dicitur. cuius pariter forma, materia, & vsum, ex iisdem Auctoribus desumi potest, quorum primus eam ita describit: *Super caput autem, gestat (nimirum Sacerdos) pileum non fastigiatum, neque totum caput comprehendentem, sed paulo plus quam medium. hic vocatur Masnaemphibes. est autem tali paratu, ut videatur crassa vitta linea supè in orbem replicata & consuta, quam superne alia tela integit vsque ad frontem descendens, & per superficiem verticis suturarum deformitatem occultans. adaptatur autem accurate, ne inter sacrificandum delabatur.* hæc Iosephus. Cui similia scribit S. Hieronymus, inquit: *Quartum genus vestimenti est rotundum pileolum, quale pictum in Vlyssæo conspiciamus; quasi sphaera media sit diuisa, & pars una ponatur in capite. Hoc Græci & nostri Tiaram, nonnulli Galerum vocant, Hebræi Miznepheth, non habet acumen in summo, nec totum vsque ad comam caput tegit: sed tertiam partem à fronte inopertam relinquit, atque ita in occipitio vitta constrictum est, ut non facile labatur ex capite. est autem byssinum, & sic fabre operum linteolo, ut nulla acus vestigia extrinsecus appareant.* hæc S. Hieronymus. Ceterum hæc Tiaras habuisse corollas suas de bysso, ex Exod. cap. 39. vers. 26. manifestum est. Verum tamen quæ & quales essent istæ corollæ, nequaquam certò scire possumus: nam quòd quidam putauerunt, corollas dici suturas illas in orbem replicatas, quarum meminit Iosephus, non admodum videtur probabile: quoniam hæ corollæ ad ornatum decoremque Mitrarum pertinuisse videntur, & per consequens conspicuo loco posite; at suturas illas orbiculares alia tela siue linteolo operatas fuisse, idem Auctor asseruit. Quare probabilius puto, corollarum vocabulo hic significari aliquod ornamentum genus, Tiaræ oram circumdans in modum vittæ, ex filis byssinis acu fabre elaboratum, habens in superiori parte eminentias quasdam in acutum ascendentes, cuiusmodi sunt quos Italice vocamus, *Lauore fatti à picetti*. Quòd autem loco Exodi citato dicitur, Mitras habuisse corollas suas ex bysso, non ita accipiendum reor, quasi singulæ Mitræ plures corollas haberent, sed quòd singulæ singulas. Et hæc de indumentis Sacerdotalibus satis sint dicta.

83. Pontifex autem supra vestes Sacerdotalis, etiam aliis quæ Pontificiæ dicebantur, quemadmodum nunc quoque Pontifices nostri solent, induebatur, quotiescumque munia sua obire debebat, ut patet ex Iosepho, & B. Hieronymo, & Leuit. cap. 8. vers. 7. & Ecclesiastici cap. 45. vers. 10. & Exod. cap. 39. vers. 25. & sequentibus. ubi indumenta Sacerdotalia quæ superius recensuimus, dicuntur facta ipsi Aaron & filiis eius; id est fuisse communia tum Sacerdotibus, tum etiam Pontifici. quo signo fortassis indicabatur, quòd tunc quoque, sicut & hodie, Pontifices omnia facere poterant quæ minores Sacerdotes, & amplius etiam multò plura. De Pontificalibus indumentis, quæ sunt Tunica hyacinthina, Superhumeralis cum suo Rationali, Balteus & Cidaris, à Balteis & Tiaris Sacerdotalibus nonnihil differentes, agunt Moyse Exod. c. 28. & 39. ab initio capitis vsque ad vers. 31. Iosephus 3. Antiq. cap. 8. & B. Hieronymus in citata epistola 128. ad Fabiolam. Vt autem de singulis aliquid nos quoque hoc loco differamus, à Tunica auspiciatè, dicimus, quòd ex Scriptura sacra nihil aliud habemus ad materiam spectans, nisi quòd erat tota hyacinthina, id est, ex filis subtilissimis hyacinthino colore pretiosissimo tinctis contexta. Quòd verò ad formam, quòd habebat in medio supra capitium, hoc est aperturam, in quam imitari posset caput, cuius capitij ora, textili panno, aut vitta, simbrivæ per gyrum muniebatur, ut fieri solet in vestium limbis, ne facile rumpantur. Deorsum verò ad pedes eiusdem tunicæ, per circuitum pendebant quasi mala Punica, ex bysso retorta, vermiculo, purpura, hyacinthoque confecta; & inter singula mala, alternatim singula tintinnabula aurea. Quòd autem ad

DE TIARÆ
SACERDO-
TALIS.



TIARÆ
LINTEOLÆ
CORONÆ-
QVETYP.



SACERDO-
TALIA IN-
DUMENTA
CVR ETIAM
PONTIFICI
ESSENT COM-
MVNIA.

INDVME-
NTA PONTI-
FICALIA
QVÆ.

DE TVNICA
PONTIFI-
CALI.

vsum spectat, additur: *Vt vestiatur ea Aaron in officio ministerij sui, & audiat sonitus, quando ingreditur & egreditur Sanctuarium.* Iosephus, qui eiusmodi tunicam non semel vidisse creditur, addit eam fuisse talem; & non e duobus segmentis, vt futuras haberet in humeris ac lateribus, sed vnica tela in longum fuisse intexam; atque aperturam in summo habuisse, non transversam, vt nostræ habent Dalmaticæ, sed in longum descendentem à tergo, & ante vsque ad medium pectus, quemadmodum nostræ Casula siue Planetæ: cui aperturæ, decoris causa, assutus est limbus, ne scissura appareret. & eodem modo (subiungit) *quæ manus exeruntur, est scissa.* Quibus Iosephi verbis planè reluctari videtur B. Hieronymus, in eo quod ait, eandem tunicam assutas habuisse manicas eiusdem coloris. Quod vnde acceperit, ignoramus: quemadmodum & illud, quod tam ipse quàm etiam S. Isidorus lib. 1. Etymologiarum cap. 2. 1. asserunt, nimirum tintinnabula fuisse septuaginta duo, & totidem malogranata.

DE EPHOD
PONTIFICI-
CIO.

84. Tunica huic hyacinthinæ aliud vestimenti genus multò breuius, nempe (vt refert Iosephus) cubitali longitudine, superinduere solebat Pontifex; & hoc Ephod siue Superhumeralis in Scripturis sacris nuncupatur, quia ad humeros præcipuè pectusque honorificentius vestiendos exornandosque paratum erat. Nec quisquam putet, genus hoc vestimenti non folius fuisse summi Pontificis, sed commune etiam aliis, propterea quòd 1. Reg. cap. 2. vers. 18. legimus Samuelem, qui erat Leuita, adhuc puerum fuisse accinctum Ephod lineo. Et idem de Dauide, qui erat de tribu Iuda, refertur 2. Reg. cap. 6. vers. 14. Aliud est enim, vt ait S. Hieronymus, ferre Ephod ex variis coloribus auroque contextum, quod proprium erat summi Pontificis: aliud est, ferre ipsum simplex & lineum, vt de prædictis est proditum. Sanè materia Ephod Pontificalis, fuit pannus ex auro subtilissimè extenuato ac filis intorto, & item ex purpura, hyacintho, coccoque bis tincto, ac bysso retorta, mirabiliter arte polymita fabricatus; ac certis locis, vt paulò post dicemus, eleganti gemmarum pretiosissimarum appositione decoratus. Verùm quod attinet ad huius Ephod formam vsumque, nihil ferè in Sacro eloquio expressum habemus, nisi quòd oræ summitatum eius duæ in vtroque latere ita iunctæ erant, vt in vnum redirent: & in vtroque Superhumeralis latere fabrè appositus erat lapis onychinus, auro inclusus, & nominibus sex filiorum Israël arte gemmaria insculptus. vnde oportet huiusmodi lapillos fuisse satis magnos, & valdè pretiosos. est autem onyx, gemmæ species, humani vnguis candorem referentis, vt scribit Plinius lib. 37. cap. 5. Lxx. Interpretes pro lapillis onychinis, smaragdos transulerunt. Quidquid sit, subdit Scriptura, hoc fuisse memoriale filiis Israël; vt scilicet portaret Aaron nomina eorum coram Domino super vtrumque humerum, ob recordationem. Iosephus eiusdem Superhumeralis formam magis explicare volens, ipsum breui tunica similem facit. At Philo lib. 2. de Monarchia, thoracis speciem habuisse commemorat: vt hinc conicere liceat, medium quid inter breuiorem tunicam thoracemque exitisse. B Hieronymus illud in modum caracallarum sine cucullis fuisse tradit. Erant autem caracalla, vestes quædam talaris, populo Romano præscriptæ ab Antonino Imperatore, qui propterea Caracalla cognomen accepit. Verumtamen Superhumeralis 7de quo hic agimus, longè breuius erat, vt ex Iosepho diximus. Et quidem certum est quòd vsque ad cingulum protendebatur, quemadmodum colligitur Exod. cap. 39. vers. 19. vbi dicitur, quòd Superhumeralis ac Rationale stricta erant ad balteum. & clariùs ex Leuit. cap. 8. vers. 7. vbi legimus quòd Moyse Aaroni Superhumeralis astringens cingulo, Rationali aptauit. Vtrum autem etiam sub ipsa zona descenderet inferior ipsius Superhumeralis pars, in dubium vocatur: aliis id negantibus, aliis verò contrà affirmantibus, quos potiùs sequendos putamus; tum quia procubditiò maiorem videtur elegantiam præferre aliquis illa sub cingulum prominentia; tum etiam, quia si, vt probatum est, longitudo eius erat vnus cubiti, non videtur ab humero ad balteum dumtaxat pertingere potuisse, sed sub eo quoque aliquantulum descendisse, præsertim cum ex his, quæ de zona Sacerdotali superius ex Iosepho & B. Hieronymo dicta sunt, constet, non ad renes, sed sub mamillis, inter pectus & umbilicum, olim balteos accingi consueuisse. De huius indumenti manicis Scriptura facit non meminit: Iosephus verò eidem Superhumerali manicas siue maniculas attribuit: quo diminutiùs loquendi modo fortassis non integras, sed ferè dimidiatas manicas, ad cubitum vix pertingentes, indicare voluit, vt vel sic expeditior in suo ministerio esse posset Pontifex.

DE RATION-
NALI.

85. Sequitur Rationale, quod apud Iosephum vocatur Esfen; de quo licet Auctores, clarioris doctrinæ gratia, seorsum à Superhumerali agant: non tamen existimandum

dum est, fuisse aliud vestimenti genus ab eo diuersum, & omnino separatum; sed potius additamentum quoddam, ad maiorem ipsius Superhumeralis ornatum pertinens: erat enim ita firmiter ei copulatum atque annexum, vt non immerito ipsum quodque Rationale, Superhumeralis siue Ephod nomine, in Scripturis sacris non semel significatum inueniatur, vt paulò post num. 87. comprobabimus. Porro Rationale hoc nihil aliud erat, nisi pannus quidam ad maiorem sui firmitatem duplicatus, ne, si simplex esset, ex annexis lapillis facîle rumperetur: eiusdem prorsus materiæ, eodemque artificio quo ipsum Superhumemale, contextus: figuram habebat quadrangularem, longitudine pariter ac latitudine palmi; eo ferè modo fabrefactis, quo nunc sacculi seu bursæ Corporalium fieri solent. annexos verò habebat in singulis quattuor angulis singulos anulos aureos, quibus in superiori quidem parte annectebantur duæ catenulæ aureæ, quæ vncinis aureis vtrimque ad eminentiora Superhumeralis latera copulatæ erant: deorsum verò duæ vitte hyacinthinæ, ad balteum in vtrisque ilibus adstrictæ, ipsum Rationale ante Pontificis pectus rectum tenebant: atque hoc pacto ita per quattuor angulos ipsi Superhumerali erat coniunctum, vt neque ab eo separari, neque inter ministrandum, ad vllam partem deflecti posset. Sanè in externa ipsius Rationalis facie, fabre affixi conspicebantur lapilli pretiosissimi diuersorum generum, numero duodecim, singuli auro inclusi, & terni quattuor ordinibus dispositi: nimirum in primo ordine, sardius, topazius, & smaragdus; quorum primus (si Plinio credimus) ignis speciem refert; duo reliqui colorem viridem, nonnihil inter se differentem; quare constat, topazium ab antiquis appellatum, valde esse diuersum ab eo qui nunc tali nomine nuncupatur. In secundo ordine, carbunculus, ardentis inter gemmas principatum tenens, sapphirus, caelesti colore præditus, & iaspis subuiridi. In tertio, ligurius, quem B. Hieronymus suspicatur esse hyacinthum; alij aliud carbunculi genus à memorato diuersum; achates, nigro alboque colore eleganter variatus; & amethystus, coloris quodammodò rubri ad violaceum vergentis. In quarto, chrysolithus (qui fortassis ille est, qui nunc topazius dicitur aureo colore fulgēs; (onychinus, humani vnguis colorem repræsentans; & beryllus, viridem, ab aliis tamen eiusdem coloris dissimilem. De hisce gemmis vide Plinium lib. vlt. cap. 5. & sequentibus. Esse autem plura gemmarum genera eiusdem coloris, intensiori tantum vel remissiori colore, claritateve aut perspicuitate inter se differentia, apud ipsum Plinium & gemmarum artis professores certissimum est. In his duodecim lapillis sculpta erant nomina duodecim filiorum Israël, natiuitatis ipsorum ordine vt plurimum seruato; qui duodecim tribus, quarum ipsi capita fuerant, repræsentabant. In sardio, scriptus erat Ruben; in topazio, Simeon; in smaragdo, Iudas; in carbunculo, Dan; in sapphiro, Nephthalim; in iaspide, Gad; in ligurio, Aser; in achate, Issachar; in amethysto, Zabulon; in chrysolitho, Ephraim; in onychino, Manasses; in beryllo, Benjamin. Horum conuenientias tangit Ribera lib. 3. de Templo cap. 11. Ab iis excepti sunt duo, Leui scilicet, ob causam mox tangendam, & Ioseph, qui cum esset vndecimus, loco eius positi sunt duo filij ipsius, Ephraim & Manasses, tamquam duarum tribuum auctores, vt testatur Iosephus 3. Antiq. cap. 11. ipsi namque adoptati fuerant à Iacob, vt essent sicut Ruben & Simeon; quemadmodum legimus Genes. cap. 48. vers. 5. vbi etiam describitur, quomodo ab eodem Iacob, Ephraim præpositus fuit ipsi Manasse primogenito: Non fuit autem necesse in Rationali scribere nomen Leui, tum quia tribus eius segreganda erat ab aliis in sortem Domini, vt sub anno mundi 2548. num. 7. dicemus, tum etiam, quia sicuti Ioseph conuenienter in filiis, ita Leui repræsentabatur in persona ipsius Pontificis, qui semper de tribu eius esse debebat. Hæc eadem duodecim Patriarcharum nomina, vt superiori numero adnotauimus, eodem ordine sculpta erant in duobus illis lapillis onychinis, qui super latera Ephod humerosque Pontificis collocati fuerant: ita tamen, vt in dextro essent sex natu maiores, in læuo autem alij sex minores.

86. Ceterum, horum omnium lapillorum, ac præcipuè illorum qui erant in Rationali, triplex fuit vsus. Primus, vt dictum est, ad maiorem ipsius Ephod ornatum. Secundus, quemadmodum tangitur Exodi cap. 28. vers. 12. ob recordationem: vt scilicet Pontifex, sicuti gestabat in humeris & in pectore nomina filiorum Israël, sic recoleret, debere se eorum peccata portare, eosdemque in corde semper habere, atque ex corde pro eis Dominum deprecari. Tertius, ad consulendum Dominum. Pro qua remelius capienda, quædam hîc altius repetere oportet: nimirum quòd Moyses, præ aliis veteris Testamenti Sanctis, singulari priuilegio gaudebat: siquidem ei Dominus non per signa, sed per vocem de Propitiatorio respondebat, vt patet Numer. cap. 7.

DE XII LAPILLIS PRÆTIOSIS.

VSVS LAPILLORVM SUPERHUMERALIS ET RATIONALIS.

vers. 89. & Prophetis quidem in visione apparere, vel per somnia loqui solebat, Moyſi autem, qui erat fidelissimus, ore ad os loquebatur: & ipse palam, & non per ænigmata & figuras, videbat Dominum, vt ipsemet testatur Numer. cap. 12. vers. 6. & sequentibus; quod quomodo intelligendum sit, suprà num. 52. exposuimus. Appropinquante verò morte ipsius Moyſi, præcepit ei Dominus, vt pro se substitueret ministrum suum Iosue, in ducem populi, daretque ei præcepta cunctis videntibus, & partem gloriæ suæ, Numer. cap. 27. vers. 18. vsque ad finem capituli. Inter alia autem præcepta, quæ Deo mandante reliquit Moyſes ipsi Iosue, illud fuit, vt quotiescumque quid magni momenti agendum esset, recurreret ad Eleazarum Sacerdotem & Pontificem maximū, qui Aaroni successerat, & per ipsum consuleret Dominum, & ad verbum eius ingrederetur & egrederetur ipse, & omnes filij Israël cum eo, & cetera multitudo (sic enim loco proxime citato expressum est) id est, vt tam ipse Iosue, quàm ceteri de populo, nihil difficile aggredi auderent, nisi prius consulto per Pontificem Domino. Ex quibus apparet (vt hoc quoque hic obiter adnotemus) longè maiorem fuisse gloriam Moyſi, quàm Iosue: illum namque Dominus per semetipsum de agendis edocebat, hunc verò per Eleazarum: vt propterea non otiose dictum sit Moyſi: *Et dabis ei partem gloria tue.* Fuit etiam maior gloria Moyſi, quàm Aaronis & posterorum eius; quia illi per vocem, istis per signa respondere consuevit Dominus, vt non multò post ostendemus. Quæ omnia myſticè præmonstrabant eminentiam gloriæ Christi, super omnes eius Vicarios, Ecclesiæ prælatos, quibus tamen partem gloriæ suæ dare solet, ad ipsius Ecclesiæ regimen, sanctamque directionem. Exinde ergo, videlicet post dictum Moyſi mandatum successori suo Iosue relictum, inualuit apud Hebræos consuetudo, vt non solum Reges ipsorum, Duces ac Principes, sed etiam multi de populo, in rebus gravibus dubiisque ad Sacerdotem seu Pontificem recursum haberent, vt pro eis Dominum consuleret. Extant de hoc nonnulla in Scripturis sacris exempla, quæ hic adferre necessarium est. Legimus 1. Reg. cap. 22. vers. 10. & 15. de Achimelech, qui delatus ad Saulem, quòd pro Dauid consuluisset Dominum, respondit Regi: *Num hodie capi pro eo consulere Deum?* & cap. 23. habemus, eundem Dauidem non semel consuluisse Dominum per Abiathar Sacerdotem filium dicti Achimelech; qui post occisum à Saule patrem suum aufugerat ad Dauidem, secumque asportauerat Ephod Pontificale, vt ibidem vers. 6. traditur. item ex cap. 28. vers. 6. colligitur, Saulem Regem consuluisse Dominum per Sacerdotes. sed & cap. 30. vers. 7. dicitur, quòd Dauid per memoratum Abiathar consuluit Dominum, num persequi deberet latrunculos. Et hæc pro nunc exempla sufficiant.

QUOMODO
OLIM CON-
SULERE SO-
LERENT DO-
MINVM.

87. Quomodo autem fieri soleret ista consultatio, videtur ex Iosepho manifestè colligi posse; is enim 3. Antiq. c. 9. ita scribit: *Nunc illud succurrit, quod in mentione Sacerdotalis oratus omissum non oportuit: nam ea vestis omnem sub prophetia prætextu imposturarum occasionem ademit his qui illa vtebantur, liberumq. Deo vel adeste Sacerdotibus, vel non, omnibus & popularibus demonstravit, & exteris, si qui forè huic spectaculo interuenerent. Ex lapillis enim, quos Pontifex in humeris gestabat (sardoniches erant, quorum naturam nulli non notam narrare supernacuum puto) micabat alter, quoties litatum esset, is qui dextrum humerum occupabat; tantumq. fulgorem emittebat, vt procul etiam intuentibus conspiceretur: idq. præter naturam suam & consuetudinem: quod cerè admirationem meretur apud omnes, nisi si qui ex contemptu religionis, sapientiæ opinionem aucupantur. Sed mirabilis est quod nunc dicturus sum: Per duodecim gemmas, quas in pectore Pontifex insutas Essen gestat, in bello victoriam prænuntiare Deum solebat. Nam priusquam exercitus se moveret, tantus fulgor ex eis emicabat, vt toti populo facile innotesceret, adeste Deum, opemq. & auxilium suum innocantibus esse allaturum. Quapropter Græci, quotquot à nostra religione non abhorrent, cum hoc miraculum pro compertissimo habeant, ita vt negari non possit, Essenæ vocant λόγιον, hoc est Oraculum. Desit autem tam Essen quàm sardonix fulgorem emittere annis ducentis antequam hæc commentaremur, irato Deo propter Legum suarum violationem. hucusque Iosephus. Ex cuius verbis manifestum est, quòd per hos lapillos consueuerat Deus occulta pandere, & futuros rerum euentus prænuntiare. Etenim, quando post oblata sacrificia lapillus qui in dextro Pontificis humero positus erat, fulgentius solito micabat, indubitabile signum astantibus præbebat, quòd Deus sacrificia illa accepta habuerat, & per illa placatus sese ostendebat erga populum. Quando verò in rebus dubis; puta, an bellum esset suscipiendum, seu cum hoste pugnandum, aut quid aliud arduum & periculosum foret aggrediendum, consulebat Pontifex Dominum, indicabat ei per signa ex lapillis in Rationali existentibus mirabiliter predeuntia,*

deuntia, quid agere deberent. Quandoquidem, quotiescumque videbantur extraordinaria quædam ac præternaturales ex lapillis micare consulationes; intelligebant, Deum petitionibus ipsorum annuere, atque eis prospera prænuntiare: contrà verò, si eos minus obscuriusve consuetò fulgere aduertebant, aduersà: sin autem solitum dumtaxat ac naturalem splendorem emittere; dubia atque omnino incerta: talique signo indicabat Dominus, se nolle respondere; & sic credimus accidisse, quando Saul consuluit Dominum per Sacerdotes, vt paulò post dicemus. Sanè quòd sic fieri solet ista consultiò, nimirum per obseruationem radiationis gemmarum in Rationali existentium, etiam ex quibuscumque sacra Scripturæ locis quodammodò elici ac deduci posse videtur: nam 1. Reg. cap. 23. vers. 9. & cap. 30. vers. 7. vbi utrobique exprimitur, quòd quando Dauid volebat consulere Dominum per Abiathar Sacerdotem, dicebat ei: *Applica Ephod*. Quid est enim dicere, *Applica Ephod*: nisi, Indue citò Superhumeralè pontificium, quòd annexum habet Rationale, vt eo mediante intelligere valeamus sensum Domini, in re de qua nunc ambigimus. Ecce quòd suprà num. 85. dicebamus, nonnumquam in Sacris libris nomine Ephod significari etiam Rationale. Præterea in eiuſdem libri cap. 28. vers. 6. vbi dicitur, Dominum non respondisse Sauli ipsum multis modis consulenti, *neque per Sacerdotes*; Chaldaica Paraphrasis habet, *neque in luminibus*, vt videre est in Bibliis Regiis: & in textu Hebraico (vt notant Glossa Ordinaria & Caietanus, & alij) habetur, *Pha'irim*, hoc est, *neque per Vrim*, quòd erat in Rationali. Hoc si verum est, oportet supponere, Saulem post fugam Abiathar Sacerdotis ad Dauid: m, aut iussisse fieri aliud Ephod pontificium cum suo pariter Rationali, & per alium Sacerdotem in eo consuluisse Dominum; aut fortè hoc non contentum, insuper etiam misisse clam amicos, nempe quosdam de Sacerdotibus ad Abiathar, qui secum tulerat Ephod olim à Moysè factum, rogantes, vt si non pro salute Saulis, qui patrem suum occiderat, saltem pro communi totius populi Israelitici bono, consuleret etiam in Ephod Moysaico, quòd in maiori habebatur honore ac reuerentia, Dominum; quo annuente, ac coram ipsismet id faciente, nihil à Domino fuisse obtentum: & propterea dici, quòd neque per Sacerdotes respondere voluit Dominus Sauli. Porrò voce *Vrim* significari pretiosos Rationalis lapillos, testatur Lyranus, qui exponens illud Exod. cap. 28. vers. 30. *Pones autem in Rationali iudicij Vrim & Tumim* (sic enim habet lectio Hebraica, siue, quemadmodum interpretatur editio Vulgata) *Doctrinam & Veritatem*. ait, per hæc verba intelligendos esse dictos lapillos, quatenus per ipsorum fulgorem manifestabatur doctrina & veritas, id est vera indicatio eorum quæ agenda erant secundum Dei beneplacitum. Et reverà, non videtur aliud posse dici: nam qui fieri potest, vt doctrina & veritas, quæ supponunt subiectum intelligibile, in insensibili panno reponi præcipiantur? Oportet igitur per *Vrim & Tumim*, siue per *Doctrinam & Veritatem*, hoc loco materiale aliquid accipere. vnde non defuerunt qui arbitrati sunt, scripturam aliquam, seu picturam, vel laminas aliquas perlucidas, aut quid aliud simile instar speculi tersum, intra duplicatum illum Rationalis pannum fuisse repositum, quòd doctrinam quoquomodo ac veritatem intuenti Sacerdoti indicare posset. Sed hoc falsum putamus: quandoquidem nihil aliud præter memoratas gemmas in Rationali extitisse, Sacra eloquia Iosephusque commemorant; neque quòd Pontifex quidquam de Rationali deprecaretur intuumdum, quando Dominum consulebat, vsquam insinuant. Quocirca proculdubio tenendum putamus, ipsasmet gemmas nomine *Vrim & Tumim*, seu *Doctrinæ & Veritatis*, esse significatas, & Scripturam sacram loco citato figuratè ac metaphoricè loqui, translatione nimirum deducta à re significante ad rem significatam. Sicuti enim quandoque cibum & potum vocare solemus victum, & (vt vulgò dicitur) victualia, quia cibo & potu viuimus: ita Moyses appellauit *Doctrinam & Veritatem* lapillos illos, per quos agendorum doctrina & veritas manifestanda erant. Et eadem ratione ibidem quoque pannum gemmis decoratum, pariter ab effectu nuncupare voluit, Rationale iudicij: quoniam illo mediante, vt dictum est, dirigebat Dominus rationem iudiciumque Pontificis, vt de rebus incertis atque occultis interrogatus, sine vllò errore posset respondere, & fideliter quid faciendum esset indicare.

88. Ceterum non ignoramus, Abulenſem super 1. Reg. cap. 23. quæst. 7. aliquantè prædictis aduersari: nam licet, vbi disputat de modo quo quæstiones dissoluendæ à consulentibus Dominum proponerentur, optimè impugnet ac reiiciat opinionem cuiusdam Rabbini, arbitrantis quòd quæſita scripto proponi solet, & eiuſdem scripti schedula mitteretur in Rationali; & quòd quando postea educebatur, in ea reperiretur

ABULENSIS
OBIECTA
DILVNTUR


periretur responſio mirabiliter ſubſcripta: tamen ipſe Abuleniſis tenet, quòd per illam gemmarum radiationem propoſitis quaſtionibus reſponderi non poſſet. Mouebatur autem iſte Auctòr ad ſic opinandum, quia putabat, quòd olim Hebræi, variis in occaſionibus ac difficultatibus, indiſtinctè Dominum conſulerent, poſtulantes quidnam factò opus eſſet, & qua ratione ingruentibus malis ac periculis occurrere deberent. Quod ſi verum eſſet, proculdubio non per ſolum gemmarum fulgorem reſponſa dari potuiſſent; ſed aut ſcriptura, aut humana voce opus fuiſſet, ad ea quæ agenda eſſent articulatiſimè proferenda; vel certè interna quadam Dei inſpiratione ac ſuggeſtione eidem Pontifici facta, de qua nihil certi aſtruere poſſumus. Verumenimuerò, non ſic putamus Deum olim Hebræorum quaſitis reſpondere conſueuiſſe; quin potiùs voluiſſe, vt in rebus dubiis ac diffiſſimis priùs ipſi quod in ſe eſſet facerent; nimirum, tamquam homines ratione præditi, vt naturali lumine atque humano iudicio conſilioque vterentur, prudentiores interrogarent, de agendis inter ſe conſultarent, diſquirerent, ac deliberarent: poſteà verò, ſcientes veriſſimum illud eſſe, quod Sapientiæ cap. 9. verſ. 14. dicitur: *Cogitationes hominum timida, & incerta providentia noſtra.* quia nimirum, etiam poſt prædictas conſultationes, non ſemper ſcire poterant, num quod ipſis faciendum videbatur, puta, bellum indicere, aut oblatum ſuſcipere; cum hoſte pugnare, aut ad tempus cedere; vel quid ſimile aggredi ſeu moliri omnino expedire; & ſi id facerent, an res ex ſententia eis ſuccederet; propterea volebat Deus, vt præmiſſis quæ diximus, per Sacerdotem Ephod pontificio indutum, quod Rationale adiunctum habebat, conſulerent Dominum, interrogantes, num quæ ipſis facienda videbantur, exequi deberent, an non; id eſt, ſi conſilia ipſorum probaret, nec ne: quod vtique nihil repugnat, prædictò gemmarum conſultationis ſigno indicari potuiſſe. Quin etiam talis edocendi ac perſuadendi ratio videtur fuiſſe ingenio illius nationis valde accommodata, vt pote quæ, tamquam incredula, ſignis potiſſimum delectari ſoleret, iuxta illud Apoſtoli 1. ad Corinth. cap. 1. verſ. 22. *Iudei ſigna petunt.* Neque verò prædictis reluctatur, quòd quando (vt traditur 1. Reg. cap. 23. verſ. 2. & 4.) conſuluit David Dominum, dicens: *Num vadam, & percutiam Philiſthæos iſtos,* & (quod ibidem ſubintelligendum eſt) ſaluabo Ceilam? reſponderit Dominus: *Vade, & percuties Philiſthæos, & Ceilam ſaluabis;* & poſt pauca, iterùm ſciſcitant reſponderit Dominus: *Surge, & vade in Ceilam,* &c. Siquidem hæc & ſimilia, quæ in eodem capite leguntur reſponſa, non immediatè à Domino per eiſmodi voces, ſed per præfata lapillorum ſigna facta fuiſſe putanda ſunt, voces autem illas, viſis ſignis, à Sacerdote tamquam Domini interprete, in perſona eius fuiſſe prolatas: alioqui ſequeretur; (contra ea quæ ex aliquot ſacræ Scripturæ locis ſuprà num. 86. probauimus) nihil inter Moſen, cui Dominus non per alia ſigna, ſed per verba loquebatur, & ceteros Dominum conſulentes, fuiſſe diſcretum. Sed neque in hiſce exemplis de Davide adductis, neceſſarium eſt credere, ipſum per ſe conſuluiſſe Dominum, ſed per Abiathar Sacerdotem, quem admodum cap. Regum proximè citato verſ. 9. explicatur illis verbis: *Dixit David ad Abiathar Sacerdotem: Applica Ephod.* Ex quibus, idem quoque in ſuperioribus eiſmodi exemplis dictum fuiſſe, ſubintelligi debere colligi poſſe videtur. Neque item obſtat, quòd ibidem & ipſa interrogatio in perſona Davidis, & eidem Davidi diuina reſponſio facta eſſe deſcribatur: quia conſtat, quod quæ quis per alium facit, per ſe ipſum facere videtur; & quæ quis alicui per alterum loquitur, tamquam per ſe ipſum loqui cenſetur. Sic Matthæi cap. 8. verſ. 5. dicitur Centurio acceſſiſſe ad Chriſtum, & Chriſtus Centurioni locutus: cum tamen & Centurio per amicos acceſſerit, & Chriſtus per eoſdem Centurioni reſponſiſſe dicatur, Lucæ cap. 7. verſ. 6. Niſi fortè quis dixerit, non eſſe inconueniens admittere, Dauidem, tamquam Prophetam Domini, interdum non per Sacerdotem, ſed per ſeipſum conſuluiſſe Dominum; & ab eo immediatè reſponſa accepiſſe, vt videtur colligi poſſe 1. Reg. cap. 30. verſ. 7. vbi legimus, quòd David dixit ad Abiathar Sacerdotem: *Applica me ad Ephod. & applicauit Abiathar Ephod ad David; & conſuluit David Dominum, dicens,* &c. Et hæc de Rationali dicta ſufficiant; ſi tamen adhuc vnum addiderimus. Quòd ſi quis contendat, Dominum aliquando etiam non per præfata in Rationali micantia ſigna, ſed per internas inſpirationes vel Sacerdoti factas, & per ipſum conſulenti explicatas, vel ipſimet conſulenti inditas, quemadmodum poſteà ſanctæ Iudith pro populo ſuo Dominum deprecanti cap. libri eius 9. eueniſſe credimus; aut aliter ſeruis ſuis voluntatem ſuam manifeſtaſſe: certè id negare neque volumus, neque valemus. Sed neque, ſi hoc quandoque accidit, vllatenus præmiſſis aduerſatur: nam quæ haſtenus de fulgore gemmarum in Ra-

rionali existentium dicta sunt, ad communio rem magisque olim usitatū modum consulendi Dominum, & ab eo responsa dandi & accipiendi pertinere censenda sunt.

89. Restat hic aliquid subiungere de Balteo & Tiara Pontificia, quæ Balteis ac Tiari-
DE BALTEO
PONTIFICI-
CALI.
 ris Sacerdotalibus similia fuisse creduntur; excepto quod zona Pontificis non solum variis coloribus, ut zonæ Sacerdotes, sed insuper atque quoque, ut ait Iosephus, distincta erat, quemadmodum de superhumerali & Rationali dictum est. quod etiam quoquomodo videtur indicasse Scriptura Exod. cap. 39. vers. 2. illis verbis: *Fecit igitur superhumerale de auro, hyacintho, &c. & vers. 5. Et balteum ex iisdem coloribus, sicut præceperat Dominus.* Habebat præterea Balteus Pontificius in utraque summitate, ad maiorem ipsius ornatum, fimbrias quibusdam veluti fistulis aureis inclusas, ut idem refert Iosephus, cuius verba sunt hæc: *Esseni (hoc est Rationali) affuta erat zona, iam dictis coloribus & auro distincta, quæ totum complexa, rursumque supra suturam nodata, deorsum propendere sinebatur: omnes autem fimbriæ aureis fistulis ab utroque capite includebantur.* hæc Iosephus. Ex cuius verbis apparet, decipi Ariam Montanum & alios, qui Pontificalem zonam ad pectus Pontificis una tantum vice circumductam, & in parte anteriori, fibula aurea constrictam, & item parumper ab ipsa fibula prominentem picturis fingunt: cum potius (quemadmodum ex adducto Auctore, teste oculato, patet) esset circa Pontificem duplicata; & non fibula, sed nodo adstricta, ac denique sub nodo admodum longa, ut propendere sineretur.

90. Tiara autem Pontificia in multis à Sacerdotalibus diffidebat, nimirum in lamina aurea, & in vitta hyacinthina, qua ad caput alligabatur, ut traditur Exod. cap. 28.
DE TIARA
PONTIFICI-
CIS,
 vers. 36. & sequentibus; & præterea in magnitudine, in colore, in corona, & in calyculis super ipsam existentibus, ut ex Iosepho manifestum est, qui accuratius Pontificalem describens Tiaram, ait: *Porrò pilco, quali ceteri Sacerdotes, (& loquitur de Pontifice) utebatur: super quem extabat alius consutis, ex hyacintho variatus. hunc aurea corona triplici ordine circumdabat; in qua spectabatur calyx aureus, qualem videmus in herba, quæ apud nos vocatur dactylus, apud Græcorum Herbarios hyoscyamus.* Et post huius herbæ descriptionem, quam nos tamquam notam, & apud Andream Matthiolum effigiatam hic omittimus, subiungit: *Eiusmodi corona ab occipitio circum tempora utraque procedebat: nam frontem limbus non ambiebat, (sic enim vocetur calyx) sed lorum quoddam latum aureum, quod sacris characteribus Dei nomen incisum habebat.* sic Iosephus. Fuit igitur Cidaritis Pontificia à Sacerdotalibus diuersa in hoc, quod istæ erant parvæ, & totæ byssinæ; illa verò super pileum Sacerdotalem habebat alium consutilem, & hyacintho variatum, qui prioris augebat magnitudinem. Item, coronæ Sacerdotes erant simplices, & byssinæ; Pontificia verò, aurea, & triplicata, & insuper circum tempora & occiput nonnullis calyculis aureis ornata; in fronte autem auream habens laminam, in qua insculptum erat, ut ait B. Hieronymus, nomen Dei Hebraicis quattuor litteris, quæ sunt Iod, He, Vau, He; quod apud illos ineffabile nuncupatur. Denique in posteriori parte habebat vittam non albam, ut Sacerdotes, sed hyacinthinam, qua ad caput ipsa Cidaritis adstringebatur, ut decidere nullo modo posset. Et hætenus de indumentis Sacerdotalibus ac Pontificiis, quorum insertum hic typum contemplari quicque poterit, differuisse sat sit.

PONTIFICVM ET SACERDOTVM
AARONICI ORDINIS
SACER HABITVS.



91. Vnum adhuc tantum remanet ex omnibus ad diuinum cultum pertinentibus, quæ facienda mandauit Moyses præfato Beseleel, videlicet, Oleum sacræ vnctionis, quo cuncta superius recensita, à Moysse postmodum inungenda erant, ac Domino consecranda, vt infra suo loco indicabimus. Huius olei compositio describitur Exodi cap. 30. vers. 22. & sequentibus, vbi etiam de prædicta vnctione facienda fit mentio, & insuper sub exterminationis pœna cauetur, ne quis eiusmodi olei compositionem sibi ad proprios vsus parare adhibere audeat, nec alieno tradere. Ceterum Tabernaculi, & aliorum quæ iussit Dominus per Moysen in eo fieri, rationes, tum litterales, tum mysticas, vide, si libet, apud S. Thomam 1. 2. quæst. 102. art. 4. per totum.

92. Sub finem eiusdem anni primi exitus populi de Aegypto, cum sex ferè mensium spatio prædicta omnia à delectis artificibus perfectæ absolutæque fuissent, præcepit Dominus Moysi, vt die prima anni secundi erigeret Tabernaculum, poneretque in eo Arcam, & ante eam velum; deinde Mensam propositionis, & Candelabrum cum suis lucernis, & Altare incensi, & tentorium in introitu Tabernaculi, & ante ipsum, Altare holocausti, & Labrum, clauderetque tentorio Atrium: & vt applicaret Sacerdotes lotos aqua, & indutos vestibus sanctis, ad fores Tabernaculi, vt ministrarent Domino; ac demum, vt omnia vnctionis oleo consecraret: Exod. cap. vlt. vers. 1. vsque ad 15.

DE OLEO
SACRAE VN
CTIONIS.

MANDA-
TVM DE E-
RECTIONE
TABERNA-
CVLI, ET A-
TRII SAN-
CTI.

AB ORBE CONDITO

QVARTÆ MVNDI ÆTAT.

ANNVS 2545.


ANNVS 2.

I ANNO igitur secundo exitus de Aegypto, die prima mensis primi, vt dicitur Exodi cap. vlt. vers. 15. & tradit etiam Iosephus 3. Antiq. cap. 9. erexit Moyses Tabernaculum testimonij, & Atrium sanctum, intulitque in illud omnia, & singula suis locis collocavit ac disposuit, prout iusserat Dominus. Inprimis verò Arcam testamenti in qua posuit testimonium, hoc est tabulas Legis quas à Domino accepit, vt dicitur etiam 3. Regum cap. 8. vers. 9. Puto autem tunc quoque Aaronem posuisse in Sancta Sanctorum coram Domino vas illud manna repletum, quod apto loco reposuerat, sicuti præceperat ei Moyses Exodi cap. 16. vers. 33. & nos sub anno mundi 2544. num. 32. adnotauimus. His ergo omnibus aptè compositis, quemadmodum aliquatenus in graphide hic subiungenda conspici potest, Moyses Tabernaculum ipsum, & cuncta in eo contenta, videlicet Arcam, Altare incensi, Mensam, Candelabrum; & similiter extra ipsum existentia, Altare holocausti, Labrum; ipsos quoque Sacerdotes, & vniuersa vasa, vtenilia, ac supellestilia ad Dei cultum parata, sanctificauit, vnxitque oleo illo sanctissimo, cuius in præcedenti anno num. 91. meminimus: quibus peractis, statim operuit nubes Tabernaculum testimonij, & gloria Domini impleuit illud, nec poterat Moyses ingredi tectum fœderis, nube operiente omnia, & maiestate Domini coruscante, quia cuncta nubes operuerat; à vespere autem vsque manè, super tentorium erat quasi species ignis: & ita deinceps interdium nubes, nocturno verò species ignis iugiter super ipsum à cunctis conspiciebatur. Manebant ergo Israëlites semper in eodem loco, donec videbant nubem, vt dictum est, pendentem super Tabernaculum, ipsumque protégentem: quandocumque autem illa deferebat Tabernaculum, tunc proficiscebantur per turmas suas: & quandocumque illa redibat ad Tabernaculum, & super ipsum stabat, tunc & ipsi, figentes tentoria, morabantur: Exodi cap. vlt. vers. 15. vsque ad finem, & item Numer. cap. 9. vers. 15. vsque ad finem.

DE ATRII
TABERNA-
CVLIQUE
SANCTI RE-
CTIONE ET
SANCTIFI-
CATIONE.

MOYSES
CONSTITVIT
AARONEM
ET FILIOS
EIVS SACER-
DOTES.

ATRII SANCTI, AC TABERNACULI FOEDERIS ORTHOGRAPHIA



2. Eodem die primo anni secundi, Moyses erecto Tabernaculo, dispositisque & ritè compositis in eo omnibus quæ mandauerat Dominus, ante omnia (vt arbitror) segregauit Aaronem fratrem suum, filiosque eius, Nadab, & Abiu, & Eleazar, & Ithamar, ab omni populo, & constituit eos Sacerdotes Domini, quemadmodum præceperat ei Dominus Exodi cap. 28. vers. 1. applicauitque omnes cultui diuino. & consequenter (vt bene probat Abulensis super Leuit. cap. 1. qu. 8. & fortius super eiusdem libri cap. 9. quæst. 1.) cœpit Moyses coram omni multitudine sollempniter celebrare expiationem Altaris holocausti, & consecrationem Aaron & filiorum eius in Sacerdotes Domini; quæ expiatio & consecratio, vt dicitur Leuit. cap. 8. vers. 33. septem diebus continuis perfecta fuit, hisce ritibus & cærimoniis, quas docuerat Dominus eundem Moysen, quando prima vice stetit cum eo in monte quadraginta diebus & totidem noctibus. Has accuratius describit inuenies Exod. cap. 29. & Leuit. cap. 8. Item eademmet prima die (vt apertè traditur Num. cap. 7. vers. 1. & 10. & 88.) duodecim principes tribuum Israel obtulerunt munera Domino; primò omnes simul, plaustra testæ sex, & boues duodecim, nimirum singuli bouem vnum, & bini plaustrum vnum; quæ iubente Domino suscepit Moyses, ac postea dedit Leuitis, vt suo loco dicemus. Deinde iidem principes ipsa die cœperunt offerre alia munera Domino per duodecim dies, singuli in die sua. quæ autem obtulerint, & quomodo, & quo ordine, fusi per recapitulationem capite proximè citato describuntur. Puto etiam Moysen eadem die, post holocausta & sacrificia in Altari holocaustum, vt exprimitur Exodi cap. 40. vers. 27. oblata, ipsum Tabernaculum, & omnia vasa ministerij, sanguine vitulorum & hircorum, cum aqua & lana coccinea & hyssopo aspersisse, quemadmodum breuiter tangitur ad Hebr. cap. 9. vers. 21. & nos sub anno mundi 2544. num. 42. prænotauimus.

MOYSES
CONSTITUIT
AARONEM
ET FILIOS
EIVS SACER-
DOTES.

DE ALTARIS
HOLOCAU-
STI ET SA-
CERDOTVM
CONSECRAT-
TIONE.

3. Die eiusdem primi mensis octaua, consecratione Altaris Sacerdotumque abfoluta, cœperunt nouelli Sacerdotes, Aaron & filij eius, iubente Moysè, munia exercere Sacerdotalia in Tabernaculo, accendentes & concinnantes lucernas, vt dicitur Exodi cap. vlt. vers. 23. & clarius Numer. cap. 8. vers. 1. vsque ad 6. & ponentes panes in Mensa propositionis, adolentesque thymiam super Altare incensi, vt tangitur Exodi cap. vlt. vers. 24. & 25. item extra Tabernaculum offerentes victimas Domino. Prima autem sacrificia pro peccato, & pacifica, & in holocaustum, quæ obtulerunt, & oblationum modus, accuratè describuntur Leuit. cap. 9. per totum; vbi in fine additur, quòd ad confirmationem (vt creditur) diuinæ ipsorum electionis in Sacerdotes, placuit Deo manifestare gloriam suam omni multitudini, in igne, qui mirabiliter egressus à Domino, deuorauit holocaustum, & adipēs qui erant super altare, quod cum vidissent turba, laudauerunt Dominum, ruentes in facies suas. Exinde verò Moyses creditur numquam ampliùs Sacerdotis officio functus, sed id muneris reliquisse Aaroni & posteris eius, tamquam ad id specialiùs à Deo electis. Ipse tamen cum esset totius populi princeps, ac propterea teneretur eidem providere de cunctis quæ ad bonam eius directionem pertinerent: & item, quia de pluribus ab eodem populo interrogari solitus erat, quæ non nisi ipsius Domini oraculo discere poterat: idè quotiescumque opus esset consulere Dominum, ipse qui non solùm erat Sacerdos, sed etiam Propheeta, ingrediebatur (vt priùs consueuerat) Tabernaculum fœderis in Sancta Sanctorum; vbi de Propitiatorio, quod erat super Arcam testimonij inter duos Cherubim, loquebatur ei Dominus, atque ad eius postulata respondebat, vt apertè colligitur Num. cap. 7. in fine.

AARON ET
FILII EIVS
INCIPIUNT
MYNIA EX-
ERCERE SA-
CERDOTA-
LIA.

PRIMA SA-
CERDOTVM
HOLOCAU-
STA, IGNE
CAELITVS
DELAISO,
ASSUMPTA.

4. Eadem die octaua (vt asserit Abulensis super Leuit. cap. 9. & ex eodem capite nos quoque paulò post probabimus) accidit miraculosa illa combustio Nadab & Abiu filiorum Aaron, qui cum ausi essent contra præceptum Domini ponere in thuribulis ignem alienum, id est non sacrum, & non sumptum ex illo igne caelitus dato, qui, vt num. præcedenti dictum est, holocaustum in altari mirabiliter deuorauerat; de quo etiam creditur Dominus præcepisse Leuit. cap. 6. vers. 12. vt iugiter nutrirer eum Sacerdos, subiiciens ligna manè per singulos dies; ita vt esset perpetuus, & numquam in altari deficeret: cum (inquam) non ex hoc igne, qui sacer erat; sed ex igne alieno & profano, quo vtebantur laici ad coquendas carnes hostiarum pacificarum, posuissent in thuribulis, vt adolerent in eo thymiam super Altare incensi: egressus mirandum in modum ignis à Domino, statim interfecit eos. Quod vt audiuit Moyses, confestim iussit efferri corpora ipsorum extra castra; præcepitque Aaroni & reliquis filiis eius, Eleazaro & Ithamar, ne lugerent eos, & ne egrederentur fores Tabernaculi; & ita fecit.

NADAB ET
ABIV IGNE
MIRABILI-
TER CON-
SUMPTI.

PRAECE-
PTVM ABS-
TINENDI A
VINO, CVR
DATVM SA-
CERDOTI-
BVS.

ELISABETH
VXOR AAR-
ONIS.

MOYSES MO-
NET POPV-
LVM, VT PA-
RET AGNOS
PASCHALES.

DOCETVR
RITVS EX-
PIATIONIS
SANCTVA-
RII.

DE LEVITA-
RVM SEGRE-
GATIONE,
ET CONSE-
CRATIONE.

fecerunt. Interim autem Aaron in tanto mœrore positus, accepit per diuinam reuelationem præceptum sempiternum à Domino, ne ipse & posterì eius biberent vinum neque aliquid aliud quod inebriare posset, quando ingressuri essent in Tabernaculum ad munera sua ibidem exercenda, ne & ipsi ibidem interficerentur. ex quibus verbis quidam (quidquid contradicere Abulensis non ineptè colligunt, quòd Nadab & Abiu excesserant bibendo; & propterea immemores diuini præcepti, quod ipsis prius datum fuisse, non debemus ambigere, illud transgressi, & à Domino percussi, occubuerunt. Docuit postea Moyses nouellos Sacerdotes, Eleazarum & Ithamar, qui ab incendio remanserant, vt portionem victimarum pacificarum ipsis à Domino assignatam, nimirum pectus & armum, comederent sine fermento in loco sancto. Ac deinde, cum acriter reprehendisset Aaronem, quòd hircum pro peccato eadem die oblatum non comedisset, sed comburi iussisset; ille sese purgauit, dicens se non potuisse comedere ob nimium mœrorem, quem illa die fenserat ex inopinata filiorum amissione. ex quo satis manifestè inferitur, vt paulò antè dicebamus, Nadab & Abiu eademmet die fuisse interfectos, quo prima Deo sacrificia obtulerant. Porro, si quis quærat de matre memoratorum quattuor filiorum Aaronis; meminerit quæ Exod. cap. 6. vers. 23. habentur in hæc verba: *Accipit autem Aaron uxorem Elisabeth filiam Aminadab, sororem Nethan, quæ peperit ei Nadab, & Abiu, & Eleazar, & Ithamar.*

5. Per idem tempus oportet Moysen, Deo mandante, Numer. cap. 9. versic. 1. monuisse populum, vt pararent Agnos Paschales, & cetera quæ opus erant pro Phasæ celebrando die decimaquarta huius primi mensis, iuxta ritum à Deo traditum Exodi cap. 12. Nam si dictos agnos tollere tenebantur die decima mensis, & seruare eos vsque ad diem decimaquartam: proculdubio oportet, vt saltem biduo antè monerentur.

6. Probabile item est, eodem quoque circiter tempore, videlicet post mortem prædictorum duorum filiorum Aaron, vt dicitur Leuit. cap. 16. vers. 1. mandasse Dominum Moyse, vt præscriberet Aaroni recenter initiato & successoribus eius, quando, & quomodo, & quibus caerimoniis ingredi deberent in Sanctuarium, hoc est in Sancta Sanctorum, ne & ipsos mori contingeret, docuissetque ritum expiandi ipsum Sanctuarium, & Tabernaculum, & Altare, ac dimittendi caprum emissarium in deserto, celebrandique festum Expiationis. quæ omnia latius describuntur in toto Leuit. capite proximè allegato.

7. Post Sacerdotes, vt dictum est, initiatos, atque in officium introductos, & incendio interemptos Nadab & Abiu, credimus segregatos à populo fuisse Leuitas, & ad inseruiendum Sacerdotibus in cultu diuino deputatos, vt colligi potest Numer. cap. 3. vers. 5. vbi post prædicta ibidem breuiter repilogata, subiungitur Domini præceptum de ipsorum Leuitarum separatione facienda: & cap. 8. vers. 5. vbi post Sacerdotales quasdam functiones, ab Aarone tunc primum exerceri cœptas, repetitur idem Domini præceptum Moyse factum, de Leuitis à reliquo populo segregandis, atque ad Tabernaculi ministeria applicandis. Quod & re ipsa factum fuisse traditur ibidem vers. 20. 21. & 22. & ratio quoque ipsa dicit, post Sacerdotum consecrationem, ipsam item electionem & consecrationem Leuitarum, qui pariter in multis ad Sacerdotum imperia diuino cultui deferuire debebant, non fuisse dilatatam. Nec obstat, quòd memorata Leuitarum segregatio, post totius populi Israëliti dinumerationem, quæ Numer. cap. 1. cœpta dicitur die primo mensis secundi anni secundi, scripta reperiatur: quia quemadmodum quæ in toto cap. 7. narrantur de oblationibus, quæ fecerunt principes tribuum, certum est, ibidem per recapitulationis figuram, vt suprà num. 2. diximus, esse narrata; ita & quod de separatione Leuitarum in cap. 4. & 8. describitur, quemadmodum rationes adductæ probant. Non est etiam, quòd quis in dubium vocet quæ diximus de tempore segregationis Leuitarum, ex eo quòd (vt quidam Hebræi ex Deuter. cap. 10. vers. 8. colligunt) non nisi post Aaronis obitum ipsa Leuitarum separatio facta esse videatur: quoniam illa Deuteronomij verba, *Eo tempore separauit tribum Leui.* & quæ sequuntur, non sunt referenda ad immediatè præcedentia, vbi de quibusdam locis, ad quæ profectus fuerat populus post egressum de Sinai, & de obitu Aaronis, & de Eleazaro eidem suffecto fit mentio (hæc enim ibi quodammodo obiter interposita videntur, sicuti sæpè aliàs solet Scriptura sacra eiusmodi interpositiones facere, quod nos alibi non semel adnotauimus:) sed referri debent ad ea, quæ paulò superius in eodem cap. vers. 5. dicta fuerant, de tabulis Decalogi per Moysen in Arca repositis; quod proculdubio inter Tabernaculi erectionem, & Altaris Sacerdotumque consecrationem

nem contigisse dubium non est, ut nos suprà num. 1. posuimus. Eo quippe tempore, post erectum Tabernaculum, repositasque in Arca tabulas, paucis quibuldam expeditis, quæ nos à num. 2. ad 7. retulimus, statim fieri cœpit segregatio Leuiticæ tribus à reliquis, & Leuitarum consecratio atque applicatio diuinis ministeriis, prout iusserat Dominus. Et hoc pro indubitato supponendum est; alioqui sequeretur absurditas maxima, nimirum, eisdem Leuitas munia sua exercuisse per annos triginta & octo priusquam ad ipsa delecti, consecrati, applicatiq̃ue fuissent: siquidem certum est, Aaronem obiisse anno ab exitu de Ægypto quadragesimo; Leuitas autem vsque ab eo tempore quo profectus est populus de Sinai, nempe anno dicti exitus secundo, die vigesima mensis secundi, deferre cœpisse, ac deinceps per illas solitudines tulisse Tabernaculum fœderis, & omnia ad ipsum pertinentia, ut suis locis dicemus: quod proprium erat ipsorum munus, eis à Moyse assignatum.

8. Porro memoratum Dei præceptum de Leuitis à populo segregandis, hoc (ut reor) ordine executioni mandatum fuit. Nam post renuntiatam populo diuinam ipsorum Leuitarum electionem, loco primogenitorum totius populi Israel, quos idem Dominus in exitu Israelis de Ægypto sibi reseruauerat, quemadmodum traditur Exodi c. 13. eò quòd ad Israelitarum fauorem cuncta Ægyptiorum primogenita occidisset: continuo recensita est tribus Leui, ab vno mense & supra; inuentiq̃ue sunt Leuitæ viginti duo millia. Deinde pariter ab vno mense & supra, collecta fuit summa omnium primogenitorum populi Israel: quæ quia ad viginti duo millia ducenta septuaginta tria ascendere deprehensa est, pro æqualitate constituenda, protinus redempta fuerunt ducenta septuaginta tria primogenita, pretio siclorum quinque per singula capita; & tota hæc pecunia data fuit Aaroni & filiis eius. Quibus peractis, ventum est ad eorundem Leuitarum lustrationem ac consecrationem, ritu cærimonisq̃ue Num. cap. 8. registratis, & successiue traditi sunt ipsi Aaron & filiis eius, ut ad ipsorum iussa, functiones suas exercerent. Ac denique, facta triplici distinctione ac denominatione, à tribus ipsorum primogenitoribus filiis Leui, Caath, Gerson, & Merari deducta; singulis onera sua & munia, de quibus infrà num. 15. fusius agemus, partita atque assignata fuerunt; ea nimirum lege, ut quisq̃ue à vigesimo quinto ætatis suæ anno ad quinquagesimum deferuere teneretur: quamuis prima vice ad onera ferenda delecti fuerint tantummodò à triginta annis & supra. Itaque Caathitis, tamquam nobilioribus, propter Moysen & Aaronem, qui pariter & ipsi (ut patet Exod. cap. 6. vers. 18. & 20.) de Caath descendebant, data est cura ferendi nobiliora & sanctiora, videlicet Arcam fœderis, Mensam propositionis, Candelabrum aureum, & Altare incensi, cum omnibus ad singula pertinentibus; hæc tamen conditione, ut illa non tangerent, sed nec vlla curiositate inspicere attentarent, quæ in Sanctuario erant, antequam inuoluta essent; alioqui scirent se morituros. Propterea namque mandatum fuerat Sacerdotibus, id est, Aaroni & filiis eius, ut quotiescumque mouenda forent castra, ipsi dumtaxat ingrederentur Tabernaculum, & singula concinnè composita velamentis inuoluerent, mitterentq̃ue vestes, & efferrent; deinde filij Caath, ad mandata Eleazari filij Aaron, eadem baiularent, (accipimus hic nomine filiorum Caath, omnes eius posteros, præter Aaron & filios eius, qui erant Sacerdotes, & propterea à Leuitis distincti. Moyses item, tamquam omnium princeps, hic excipitur; sed non filij eius, qui & ipsi numero Leuitarum stirpis Caath comprehendebantur, ut aperte colligitur 1. Paralip. cap. 23. vers. 14.) Gersonitis verò assignatum est munus asportandi cortinas Tabernaculi, & alia eius operimenta; & item cortinas Atrij, & omnia quæ ad Altare holocausti pertinebant. Et his, quemadmodum & Meraritis, præfectus fuit Ithamar, alter filius Aaronis. Onus autem Meraritarum erat deferendi tabulas Tabernaculi, & vestes eius, & columnas, earumq̃ue bases; item Atrij columnas, cum basibus, & paxillis, & funibus suis. Porro numerus Leuitarum omnium, à triginta annis & supra, vsque ad quinquagesimum, ascendit ad octo millia quingenta octoginta: siquidem de filiis Caath inuenti sunt duo millia septingenti quinquaginta; de filiis Gerson, duo millia sexcenti triginta; de filiis Merari, tria millia ducenti. Quæ omnia promiscue traduntur Num. cap. 3. 4. & 8. Et quia filij Caath, quibus sacrorum, eademq̃ue leuiora onera obtigerant, propriis ea humeris baiulare debebant, onera verò filiorum Merari duplo grauiora erant oneribus filiorum Gerson: propterea Moyses, de sex illis plaustris, & duodecim bobus, quæ (ut suprà numero 2. diximus) principes tribuum obtulerant, nihil dedit Caathitis; sed Gersonitis duo tantum plaustra, & quattuor boues; Meraritis verò plaustra quattuor, & octo boues: Numer cap. 7. vers. 1. vsque ad 10.

QUOMODO
ET QUO OR-
DINE FA-
CTA.

2750
2630
3200
8580

SECUNDVM
PASCHA AB
ISRAELITIS
CELEBRA-
TYM.

DE SOLLEM-
NITATE AZ-
ZYMORVM.

9. Die eiusdem mensis decima, oportet filios Israël præparasse sibi ritu præscripto agnos Paschales, prout paulò antè à Deo per Moysen fuerat moniti: die autem decima-quarta ad vesperam, eisdem agnos immolarunt: & ipsorum carnes igni afflas, post solis occasum, cum azymis panibus & lactucis agrestibus, ceterisque legalibus obseruantis, manducarunt. Atque ita secundum Pascha factum fuit in Sinai (primum namque in exitu de Ægypto celebratum fuerat) Numer. cap. 9. vers. 1. vsque ad 6. De sollemnitate autem Azymorum, quæ festo Paschæ iuncta erat, & septem consequentibus diebus celebrari debebat, nihil hic Scriptura sacra meminit, fortassis quòd tunc communiter fieri non potuerit: siquidem populus, loco panis, man comedere cogebatur. Quamuis necessarium videatur supponere, aliquam etiam tunc in populo, præsertim apud ditiores, triticam extitisse farinam; siue ex ea, quam de Ægypto tulerant (quòd enim illa defecisse dicatur, quando cælitus datum est man; id non omnino, sed quòd ferè apud omnes defecerit, ritè accipi posse videtur:) siue ex ea, quam postèà ab Amalecitis, aut Madianitis, aliisque propinquioribus populis, aut in bello acquisierint, aut pretio comparauerint: alioqui non potuissent in illo deserto facere panes propositionis, coram Domino per singula Sabbata renouandos; nec collyridas, ac laganas, & libamentum de simila oleo conpersa, quæ tamen in consecratione Sacerdotum & Leuitarum oblata fuisse dicuntur, Leu. cap. 8. vers. 26. & Num. cap. 8. vers. 8. Sed neq; potuissent edere agnos Paschales cum panibus azymis: & tamen iussi sunt facere Phasè iuxta omnes cærimonias eius, Numer. cap. 9. vers. 3. Itaque necesse quidem est, populum illum habuisse triticam farinam in deserto, ad faciendâ quæ diximus; sed non est credibile, eos tantam habuisse, vt posset vniuersus populus septem diebus continuis vesci panibus azymis, & propterea probabile est, dictam sollemnitatem hîc in Sacro textu fuisse præteritam; quòd ob farinæ defectum seu penuriam, à nemine hoc anno, vel à paucis tantum fuerit celebrata. Et idem credi potest contigisse in toto reliquo tempore quo populus mansit in deserto.

QUAE A DOMINO
DICERIT
MOYSES
MENSE I.
ANNI 2. AB
EXITV.

10. Per eadem circiter tempora, nimirum intra totum primum anni secundi mensẽ, oportet Moysen sæpius & interpolatis vicibus ac diebus cum Domino esse locutum in Tabernaculo testimonij, ab eoque multa, præter illa quæ hætenus tetigimus, didicisse; & præsertim ea, quæ habentur Numer. cap. 5. & 6. videlicet De leprosis aliisque immundis extra castra eiiciendis: De lege peccantium per negligentiam, quomodo satisfacere deberent: De primitiis offerendis: De legibus zelotypiæ: De lege ac consecratione Nazaræorum, ac Sacerdotali populorum benedictione: Item omnia præcepta cærimonialia, & quæcumque alia, quæ ipse Moyses postèà collegit ac scripsit in toto libro Leuitici: nam ex principio & fine eiusdem libri manifestè colligitur, quòd cuncta quæ in ipso Leuitici libro traduntur, audiuit Moyses à Domino in monte Sinai de Tabernaculo testimonij; ergo non ante primum mensem anni secundi: siquidem certum est, vt dicitur Exod. cap. vlt. vers. 15. quòd non nisi prima die eiusdem anni secundi erectum fuit Tabernaculum. Scimus etiam, historiam libri Numeri ordinari à prima die mensis secundi anni secundi; ergo quæ habentur in Leuitico, qui medius est inter finem Exodi & principium Numeri, acta sunt in toto primo mense; non continuatè, sed interpolatè, vt dictum est, quoniam in eodem mense plura alia, & præsertim ea quæ hucusque descripsimus, gesta fuisse, dubitare nemo potest.

DE LIBRO
LEUITICI,
CVR SIC IN-
SCRIPTVS.

11. Et quoniam ad Leuitici librum peruenimus, operæpretium videtur, hîc aliqua ad ipsum pertinentia præmittere. Inscribitur verò liber iste, Leuiticus: quòd præcipuè ad tribum Leui, quatenus scilicet Sacerdotes & Leuitas complectebatur, directus esset. Nam cum illa esset à reliquis segregata, & diuino cultui specialius dedicata, vt suprà num. 2. & 7. dictum est; decebat eandem præ ceteris esse sacrorum rituum & cærimoniarum benè peritam, & omnes obseruantias legales adamussim callere, vt & officia sua ritè præstare, & alias tribus de his quæ ad Deum pertinerent, cum opus esset, instruere posset: idcirco ad instituendos ipsos Leuitas, qui quodammodò futuri erant Legis, ac præcipuè cærimoniarum Magistri, vt colligi potest 2. Paralip. cap. 17. vers. 8. vbi Sacerdotes & Leuitæ mittuntur à Rege Iosaphat ad docendum populum; & cap. 19. vers. 11. vbi Leuitæ Magistri appellantur, prædictum librum Moyses scribere voluit, & Leuiticum inscribere, vt vel solo titulo admonerentur, debere illos hunc semper ad manus habere. Cum igitur præcipua Sacerdotum ac Leuitarum munia respectuè essent, Sacrificia offerre, expiationes consecrationesque peragere, sacrorum locorum ac rerum curam gerere, eandemque cum opus esset deferre, & populorum Leges diuinas atque omnia ad Dei cultum pertinentia docere; rectè in primis septem Leuitici capitibus, va-
rij

rij ritus, & plurimæ sacrificiorum oblationumque differentiarum, pro diuersitate causarum, præscribuntur: in octauo autem cap. & 9. 10. 16. 21. & 24. spectantia ad consecrationes & vnctiones sacras Sacerdotum, Tabernaculi, & suppellectilis eius; & item quando quomodo ve Sacerdotes in Sanctuarium ingredi, quæ in eo agere, quales ipsi esse, & à quibus abstinere deberent, & quam curam habere lucernarum, panum propositionis, & huiusmodi: in 12. verò, & tribus sequentibus capitibus, instruuntur qualiter expiationes quasdam facerent, puta, puerperij & puerperæ, hominis, domus, ac vestitus leprosi; viri feminis fluxum, ac mulieris menstrua patientis, & his similia: at in cap. 11. 17. 18. & 22. monentur à quibus abstinere teneretur vniuersus populus, nempe ab animalibus immundis, à sanguine, & morticinis, & ab illicitis ac vetitis coniugij gradibus: sanè in 19. 20. 24. & 27. habentur quæ agenda forent circa obseruantiam præceptorum Moralium, Cærimonialium, & nonnullorum quoque Iudicialium, nec non circa decimarum votorumque persolutiones, & eorundem commutationes, redemptiones, ac estimationes: in 23. autem & 25. Festa perpetuò obseruanda celebrandaque declarantur, videlicet Sabbati, Paschæ, Pentecostes, Tubarum, Expiationis, Tabernaculorum, Cætus seu Collectæ, necnon anni septimi Sabbatismus, & quinquagesimi Iubileus. Denique, vt validius Leuitæ, maximè verò Sacerdotes, populum ad prædicta omnia exequenda obseruandaque inducere valerent, cum benedictiones Legem obseruantibus, tum maledictiones illam transgredientibus intentatæ, in cap. 26. proponuntur. Constat igitur, librum Leuitici ferè totum circa præcepta quæ vocant Cærimonialia versari: pauca enim admodum sunt, quæ in eo de Moralibus ac Iudicialibus habentur, aut ad Historiam pertineant: quemadmodum contrà liber Deuteronomij in mandatis Moralibus Iudicialibusque tradendis sese magis extendit; vt propterea Lex Moysaica, seu Moysaicæ Legis volumen, nuncupari soleat.

QVÆ IN
EO CONTI-
NEANTVR.

12. Cum itaque, sicuti supra diximus, liber Leuitici ad eos inprimis pertinere videretur, qui vel diuini cultus ministri erant, vel ad diuinum cultum in populo propagandum augendumque studiosius vacare profitebantur: postulat hic locus, vt primò in vniuersum de personarum generibus apud Hebræos diuino cultui præfectis, aut quomodolibet destinatis, Deinde specialiter de Sacerdotibus ac Leuitis, Tertiò demum de ipsorum officijs, necnon de quibusdam ad illorum officia spectantibus, præcipuè verò de sacrificijs offerendis, de sollempnitatibus celebrandis, & præterea de legalibus immunditijs, earumque expiationibus, aliqua præmittamus: ad hæc namque capita omnes ferè cærimoniales Legis obseruantia aliquo modo reduci posse videntur. De Moralibus autem ac Iudicialibus præceptis, vbi ad librum Deuteronomij deuenerimus, opportuniùs aliquid agemus. Hæc verò quæ nunc dicturi sumus, aliquatenus hic præcognouisse, admodum vtile erit ad ea, quæ in ipso Leuitici libro aliisque Scripturæ locis traduntur, & quæ in huius Operis progressu dicenda sunt, melius percipienda.

DE PERSO-
NARVM GE-
NERIBVS
SPECIATIM
CVLTV DI-
VINO MAN-
CIPATIS.

13. Scire ergo oportet, plurà fuisse personarum genera, quæ diuinum cultum in populo Israelitico, tamquam ex officio, procurare adiuuareve satagebant: inter quæ primum locum tenebant Sacerdotes, deinde Leuitæ, tertio loco postmodum additi sunt Nathinæi: & hi omnes ministeria sua habebant pertinentia prius ad Tabernaculum, postea ad templum, singuli munia sibi assignata exercentes. Præter hos introducti quoque fuere alij hominum ordines, qui quidem licet nullum haberent proprium in Tabernaculo aut templo ministerium, vacare tamen & ipsi specialiter Dei seruitio profitebantur, seipso aliosque morum sanctitate aut doctrina ædificare studentes: tales inprimis erant, qui Nazaræi dicebantur, sanctitate celeberrimi: qui quodammodò erant in populo Iudaico, quales nunc sunt qui inter Christi cultores, Religiosi seu Regulares dicuntur, excepto quòd vitam cœnobiticam, quemadmodum isti, non ducebant: siquidem illi quoque Deo, quidam ad tempus, quidam verò in perpetuum se deuouere consueuerant: & à quibusdam abstinebant, puta à vino & siccæ, & cæteram numquam tondebant, nisi in casu legalis pollutionis; aliaque præstabant, secundum regulas ipsis à Domino præscriptas. Horum consecratio, legesque, & expiationis eorundem ritus, descripti habentur Numer. cap. 6. per totum. Aliud eiusmodi hominum genus, quod postea Esdræ temporibus surrexisse creditur, fuit ordo Scribarum, Doctrinæ sacræ potissimum additus; quoquomodò similis ei qui nunc dicitur Theologorum: erant enim Scribæ, homines in diuina Lege doctissimi. Post multa verò tempora, tres alia item prodierunt Rabbiorum, seu veluti Philosophorum sectæ, quibusdam inter se dogmatibus differentes, nempe Phariseorum, qui mortuorum resurrectionem admittebant; Sadducæorum, qui illam negabant; & Essenorum siue Assidæorum, qui pietate ac

SACERDO-
TES,
LEVITÆ,
NATHI-
NÆI.

NAZARÆI,

SCRIBÆ.

PHARISÆI
SADDUCÆI.
ESSENTI.
ASSIDÆI.

sanctitate ceteris præstare studebant: Assidæ enim qui 1. Machab. cap. 7. vers. 13. & 2. Machab. cap. 14. vers. 6. memorantur, ab Essenis nomine tenus discreti fuisse creduntur, quemadmodum pluribus, & præsertim ex Iosepho Gorione Hebræo, probat Nicolaus Serarius, super locis Machabæorum citatis. De prioribus duabus sectis siue hæresibus, non semel mentio reperitur in Euangelio, & in Actis Apostolorum. De iisdem quoque, ac de tertia pariter, latè meminit Flavius Iosephus lib. 2. de Bello, cap. 7. & lib. 13. Antiq. cap. 9. & lib. 18. cap. 2. & alibi. Porro inter hæc Scribarum, Phariseorum, Sadducæorum, & Essenorum ordines, credimus extitisse plures ex Sacerdotibus & Leuitis. Nam de ordine Pharisaico id pater Ioan. cap. 1. vers. 19. & 24. vbi primò legimus, quòd miserunt Iudæi Sacerdotes & Leuitas ad Ioannem, &c. & postea dicitur: *Et qui missi fuerant, erant ex Phariseis.*

PROPHETAR 14. Verumenimverò, ex hisce omnibus personis diuino cultui speciatim, vt dictum est, mancipatis, quidam dicebantur erantque Prophetæ, quia spiritum propheticum quandoque habentes. Quamquam horum duplex genus habebatur: Alterum ac præcipuum erat eorum, qui diuinis potissimum reuelationibus præfulgebant, futura prædicebant, Reges arguebant, populis prædicabant, miracula perpetrabant, & denique tamquam oracula, & spirituales populorum patres, ab omnibus communiter habebantur. Eiusmodi fuerunt inprimis Moyse & Aaron, dein Iosue & Samuel, postea verò per singulas propemodum generationes, ferè vsque ad tempora Machabæorum, Gad, Nathan, Ahias Silonites, Michæas, Elias, Eliseus, Isaias, Ieremias, Ezechiel, Daniel, & qui duodecim Prophetæ minores appellantur, & alij multi. Quorum temporibus plurimos item non defuisse pseudopphetas, qui ipsis per omnia aduersabantur, infra suis locis ostendemus. Alterum genus illorum, qui licet futura non prædicerent, nec alia mirabilia facerent, nihilominus ipsi quoque dicebantur Prophetæ, seu filij Prophetarum, & quandoque etiam cunei gregesque Prophetarum, quòd gregatim conuiuentes, ac certis quoque horis simul conuenientes, vt de rebus diuinis differerent, mira quadam mentis illustratione cælitus affecti, arcanos Scripturarum sensus ad spirituale ipsorum ceterorumque progressum aperirent explicarentque, non secus ac postmodum in primitiua Ecclesiâ fieri consuevit, quemadmodum ex 1. ad Cor. cap. 14. manifestè colligi potest; vbi Apostolus, prophetiam præferri debere dono linguarum, pluribus demonstrare conatur. Idem quoque stans temporibus diuinis laudibus vacabant, hymnis, psalmis, & canticis spiritualibus, musicisque diuerforum generum instrumentis suauiter personantes; eo ferè modo, quo solent nostri temporis Ecclesiastici homines in Ecclesiis, vel etiam aliquando per vias, quando scilicet ordinatè exeunt ad Processiones publicè celebrandas. Duas horum Prophetarum congregationes tempore Samuelis in populo Israël extitisse certum est; quarum vna venit cum canticis & organis obuiau Sauli, posteaquam à Samuele in Regem vnctus fuit, vt traditur 1. Reg. cap. 10. vers. 5. & 10. & hæc manere solebat in Gabaa Beniamin, quemadmodum latè probat Abulenensis super cap. Reg. citato quæst. 4. vltra medium. Altera, cui præsidebat Samuel, morabatur in Ramatha; ad quam cum venissent nuntij Saulis quærentes Dauidem, & post ipsos ipsemet Saul, illicò omnes cum ceteris prophetare cœperunt, vt accuratius describitur 1. Reg. cap. 19. vers. 20. vsque ad finem capituli. Ad hoc quoque gentis Prophetarum pertinere videntur Cantores à Dauide instituti, qui coram Arca Domini, ac postea in templo, per vices suas prophetarent; de quibus latè agitur 1. Paralip. cap. 15. vers. 22. & 27. & clariùs cap. 25. vers. 1. 2. & 3. vbi iidem cantes coram Domino ac personantes, prophetare dicebantur; forte quòd non quascumque, sed propheticas dumtaxat cantiones præcinerent. Post ædificatum quoque templum, non in ipso solum templo, vt dictum est; sed & alibi etiam in aliis vrbibus & locis extitisse huiusmodi Prophetarum congregationes, colligi potest 3. Reg. cap. 18. vers. 4. & 13. vbi legimus, quòd cum impia Iezabel interficeret Prophetas Domini, Abdias qui tunc erat dispensator domus regis Achab, & vir timens Dominum, tulit centum Prophetas, & abscondit eos quinquagenos & quinquagenos in speluncis, & pavit eos pane & aqua. Item 4. Reg. cap. 2. vers. 3. dicitur, quòd in Bethel erant filij Prophetarum. & ibidem vers. 5. 7. & 15. traditur, etiam in Iericho extitisse filios Prophetarum. & cap. 4. in principio fit mentio vnus de vxoribus Prophetarum. & vers. 38. legimus, quòd filij Prophetarum habitabant in Galgalis coram Eliseo. & ibidem vsque ad finem capituli, atque in super in cap. 6. vers. 1. vsque ad 8. narrantur quædam eiusdem Elisei miracula, ad fauorem vtilitatemque eorundem Prophetarum facta. Quibus temporibus, non greges Prophetarum Domini tantum reperiebantur

in terra Israël, sed & Prophetarum Baal, & lucorum, vt patet 3. Reg. cap. 18. vers. 19. PSYDOPROPHETAE. vbi dicitur, quòd prophetæ Baal erant quadringenti quinquaginta, & Prophetæ lucorum quadringenti comedebant de mensa Iezabel. Neque verò viros tantum, verum etiam mulieres aliquot prophetiæ dono prædicas fuisse reperimus: nam & Maria soror Moysi, Exod. cap. 15. vers. 20. Prophetissa nuncupatur. & Debbora vxor Lapidoth, Iudic. cap. 4. vocatur Prophetissa. item 4. Reg. cap. 22. vers. 14. legimus de Holda Prophetide, quæ erat vxor Sellum, & habitabat in Ierusalem. Denique notum est, Annam filiam Phanuel fuisse Prophetissam, vt patet Lucæ cap. 2. vers. 36. PROPHETISSAE.

15. Ceterum, vt ad rem redeamus, notandum est, quòd omnes memorati virorum ordines de qualibet tribu esse poterant, præter Sacerdotes & Leuitas, qui necessariò de tribu Leui esse debebant, & Nathinaos, qui de genere fuerant Chanaanæorum, olimque Gabaonitæ dicebantur: at Iosue temporibus, actu se Israëlitis iungentes, cum (deprehensa fraude) ab ipso Iosue primùm deputati fuissent ad opus cædendi ligna, aquasque ad vsum Tabernaculi comportandas, vt habetur Iosue cap. 9. vers. 23. & postea iterum à Dauide, ad inseruiendum Sacerdotibus ac Leuitis applicati essent, quemadmodum traditur 1. Esdr. cap. 8. vers. 20. inde Nathinai sunt appellati, hoc est (vt explicat B. Hieronymus in Traditionibus Hebraicis libri Paralip.) Donati; nimirum Leuitis ac Sacerdotibus ad memorata ministeria gratis dati. Vnde quemadmodum olim Leuitæ Clericis nostri temporis, ita Nathinai Regularium Conuersis quoquomodò respondere videntur. Verum de omnibus hisce hominum ordinibus fusiùs agere, non est præsentis negotij, sed tantum modò de Sacerdotibus & Leuitis, ad quos præcipuè memoratus Leuitici liber directus fuit, vt iam dictum est. AD QVAS TRIBVS PERTINERENT.

16. Vt igitur aliquid hîc de Sacerdotibus antiquæ Legis proferamus; sciendum priùs est, quòd inter ipsos, qui omnibus præerat, dicebatur magnus summusve Sacerdos, vel Pontifex: ex aliis verò, quidam maiores, aut secundè ordinis Sacerdotes, & isti, quòd essent præfecti classibus Sacerdotalibus, ordinariè & communiter Principes Sacerdotum nuncupabantur; nonnumquam verò etiam, summi Sacerdotes, & Pontifices, id est Pontificij, quòd aliquando & ipsi Pontificatum tenuissent. Ceteri autem simpliciter Sacerdotes, seu Sacerdotes minores appellabantur. Et horum omnium primi ac primarij fuerunt Moyses & Aaron. Quòd si quis fortè de ipso Moysè hæsitet, num verè fuerit Sacerdos; recolat illud Psal. 98. vers. 6. *Moyse & Aaron in Sacerdotibus eius.* & præterea consulat Cardinalem Bellarminum, qui ex aliis etiam Scripturæ locis, & Patrum testimoniis, euidentissimisque argumentis id ipsum confirmat, Controversia 1. lib. 3. qui est de Verbi Dei interpretatione, cap. 4. & aliis in locis. Porro inter Moysen & Aaron ista extitit subordinatio; quòd Moyses immediatè à Deo electus, & inuisibiliter ordinatus fuerat; Aaron verò, Deo præcipiente, per Moysen visibiliter constitutus & consecratus, & quodammodò eiusdem Moysei vicarius fuit. Atque hoc pacto Moyses præfigurabat Christum, qui est verus ac summus Pontifex, sempiternusque Sacerdos, vt dicitur ad Hebr. cap. 7. vers. 2. vsque ad finem, *sanctus, innocens, impollutus, segregatus à peccatoribus, & excelsior calis factus, qui cò quòd maneat in æternum, sempiternum habet Sacerdotium; vnde & saluare in perpetuum potest accedentes per semetipsum ad Deum, semper viuens ad interpellandum pro nobis.* Aaron autem, in cuius successione postea permanit Sacerdotium & Pontificatus, præsignabat Petrum, cui specialiter Christus dedit clausas regni cælorum, gregemque suum, hoc est sanctam Ecclesiam pascendam commendauit; & cuius successores, Summi Pontifices dicuntur, ipsiusque Christi vices in terris gerunt. Sicuti enim Moyses facie ad faciem loquebatur cum Deo, & quæ à Deo acceperat, Aaroni exequenda mandabat: ita, & multò præstantius ipse Christus, quæcumque audiuit à Patre, nota fecit Apostolis, & maxime Petro, ac per ipsum primò, deinde etiam per successores eius, executioni mandanda curauit, curat, curabitque vsque ad consummationem sæculi. Sed vt ad rem redeamus, Ordo Sacerdotum veteris Legis, totam ac solam Aaronis prosapiam complectebatur, & extra ipsam non exibat, vt colligi potest Numer. cap. 3. vers. 10. & cap. 18. vers. 1. & 7. & 1. Paralip. cap. 23. vers. 13. ita vt primogeniti de recta ipsius Aaronis linea propagati, successiuè vnus post alterum ordinariè Pontificatum tenerent: (nisi aliqua deformitate maculæ affecti essent ex his, quæ notantur Leuit. cap. 21. vers. 17. vsque ad finem capitis.) quamquam aliquando iustis grauibisque de causis, & interdum etiam impiorum Regum potentia, iste ordo non fuerit obseruatus. Quotquot autem alij de stirpe Leuitica propagati erant, intra Leuitarum ordinem computabantur, etiam filij ipsius Moysi, vt patet 1. Paralip. cap. 23. vers. 14. vsque ad 25. Quo fit, vt omnes DE PONTIFICIBVS ET SACERDOTIBVS. DE MOYSE ET AARONE SACERDOTVM LEGALIVM GENVS.

nēs Sacerdotes effient etiam Leuitæ; non autem econuersò, omnes Leuitæ, Sacerdotes dici esséve possent.

17. Sane proprium summi Sacerdotis siue Pontificis munus, quod ipse solus præstare poterat, triplex erat. Primum, introire in Sancta Sanctorum semel dumtaxat in anno, in sollempni scilicet die Expiationis seu Propitiationis, quæ celebrari solebat die decimo mensis septimi; & ibi peragere ea, quæ in toto Leuitici cap. 16. describuntur. Alterum Pontificis officium erat, initiare seu consecrare Sacerdotes & Leuitas, ritu à Domino locis infra num. 19. citandis præscripto. Tertium denique fuit, in rebus dubiis & grauib; (vt sub anno præcedenti num. 83. dictum est) consulere Dominum in Ephod & Rationali, quod vt ibidem declarauimus, erat proprium sacrumque summi Sacerdotis indumentum. Officia autem Sacerdotum minorum plura erant, neque ex vno aut altero Scripturæ sacræ loco, sed sparsim ex pluribus colligenda sunt. Et in summa, saltem quæ magis ordinaria erant, ad quinque reduci posse videntur. Primum erat, sacrificia cuiusuis generis facere super Altare holocaustorum, quod in Atrio Sacerdotum, ante Tabernaculi templi vestibulum stabat; & libamina à populo accipere, eademque offerre coram Domino, vt ex primis tribus Leuitici capitibus; & septimo, necnon ex omnibus panē veteris Testamenti libris legalibus desumi potest. Porro in diebus festiuis non alij dumtaxat Sacerdotes, sed & cum eis Pontifex, ad sacrificia in templo peragenda conuenire solitus erat, vt testatur Iosephus lib. 6. de Bello, sub finem sexti capitis ita scribens: *Pontifex autem cum ipsis* (subaudi, Sacerdotibus) *non tamen semper ascendebat; sed diebus quibusque septimis, & per singulos menses Kalendis, vel si quando patria festiuitas, atque annua, ab omni populo agebatur.* Annexa verò huic munerī, quæ pariter ad eosdem pertinebant Sacerdotes, erant, hostias diligenter inspicere, scrutari, peruestigare, disquirere, & si quid in eis vitij deprehendissent, reicere; immaculatas verò mactare, excoriare, in partes secare, abluere, cremare, & nonnullas etiam coquere atque comedere; & si quid eiusmodi aliud erat ad sacrificia pertiniens, ritè decenterque peragere. Alterum Sacerdotij munus erat, ignem sacrum alere ac nutrire, subiiciendo ei quoti die ligna, vt iugiter perpetuoque arderet super Altare holocaustorum: sic enim ipsis iniunctum fuerat Leuit. cap. 6. vers. 12. Tertium erat, bis quoti die, quando scilicet iuge sacrificium faciebant, nempe matutinum & vespertinum, introire in anteriorem Tabernaculi templi partem, quæ Sancta dicebatur, vt ponerent thymiama super Altare incensi, & lucernas super candelabro aureo existentes concinnarent. Hæc enim duo, videlicet, adolere incensum, & concinnare lucernas, licet reuerà essent munia inter se diuersa, tamen quia ab iisdem Sacerdotibus, & ferè eodem tempore præstari consueuerant, ad idem caput reducenda duximus. Quartumerat, singulis Sabbatis, hoc est septima quaque die, duodecim panes calidos, ab ipsismet Sacerdotibus paratos, ponere super Mensam propositionis in Sancta locatam, veteresque inde remouere, & comedere. Et quidem de panibus renouandis, & incenso adolendo, quoddam ad minorum quoque Sacerdotum munus pertineret, colligi potest Leuit. cap. 21. vers. 6. vbi de Sacerdotibus minoribus (quemadmodum ex initio capituli manifestè apparet) verba faciens Scriptura ait: *Incensum enim Domini, & panes Dei sui offerunt; & idèò sancti erunt.* Et idem patet exemplo Zachariæ patris S. Ioannis Baptistæ, quem sub anno mundi 2544. num. 68. probauimus, non fuisse summum Sacerdotem, & tamen Lucæ cap. 1. vers. 9. de ipso legimus, *quoddam sorte exiti vt incensum poneret, ingressus in templum Domini.* De lucernis verò quotidie concinnandis, quæ etiam ad Sacerdotes minores spectaret, pluribus probat Abulenſis super Numer. cap. 8. quæst. 2. & præcipuè, quia, inquit, si id muneris solius summi Sacerdotis fuisset, vtique sequeretur, ipsi procreare filios numquam potuisse: quandoquidem introeuntes in Sancta oportebat mundos esse à mulieribus vno saltem integro naturali die; alioquin ipsum polluisſent Tabernaculum, siue templum, vt idem Auctor colligit ex Leuit. cap. 15. & Numer. cap. 19. Vnde nescio quomodo sustineri possit dictum S. Ambrosij lib. 7. in Lucam, vbi super illa sancti Euangelij verba: *Nemo accendit lucernam, & ponit eam sub modio;* ait: *Denique lucerna illa, quam matutinis vespertinisque temporibus, ritu veteri Iudæorum, Princeps sacerdotum solebat accendere, &c.* Nam si per Principem Sacerdotum intelligit summum Iudæorum Pontificem, vtique contra hoc militat ratio ex Abulenſe proximè adducta; & non absolute dicere debuisset: *Solebat accendere; sed, poterat;* vel, *aliquando, licet admodum raro, solebat accendere.* Si autem intelligit aliquem ex principibus turmarum sacerdotium; magis dicendum erat: *Quam Principes Sacerdotum aliquando solebant accendere.* Non enim hoc erat munus particulare vnus tantum

ex ipsis, sed omnium ipsorum; immò etiam ordinariè omnium (vt dictum est) Sacerdotum, nimirum vnus cuiusque in ordine vicis suæ, vt sub anno mundi 3020. num. 5. explicabimus. Quintum denique Sacerdotale officium erat, olea sacra, tum quæ pro alendis lucernis, tum quæ pro sacris vñctionibus vsui erant, conseruare; & item thymiana seu compositionis incensum, & vasa Sanctuarij, & quidquid ad vsum Tabernaculi seu interioris templi pertineret, Numer. cap. 4. vers. 16.

18. Quæ verò minùs ordinaria videbantur Sacerdotum minorum munia, hæc ferè esse poterant; inuoluere velaminibus Arcam aliasque res sacras, easque tradere Leuitis portandas, quando mouenda erant Tabernaculum & castra, Numer. cap. 4. vers. 5. Sed hoc munus postea, absolutò templo, penitus cessauit: nusquam enim deinceps, nisi rarissimè, opus fuit eiusmodi sacra transferre. Præterea, certis diebus & occasionibus clangere buccinis tubisve, interdum corneis, ordinariè verò argenteis, Numer. cap. 10. vers. 1. vsq; ad 11. & præsertim vers. 8. vbi decernitur hoc pertinere ad Sacerdotes. Item, adiurare mulieres in casibus zelotypiæ, Num. cap. 5. vers. 11. vsque ad finem capituli. Discernere inter lepram & lepram, & inter mundum ac leprosum: vnde Leuitici cap. 13. vers. 2. præcepit Dominus, vt qui habuerit plagam lepræ, adduceretur ad Aaron Sacerdotem, vel ad vnum quemlibet filiorum eius. Et in Euangelio Lucæ cap. 17. vers. 14. dicebat Iesus leprosis quos mundauerat: *Ite, ostendite vos Sacerdotibus*. Insuper, expiationes seu purificationes facere leproforum, puerperarum, menstruosæ mulieris, & viri feminisui, & aliorum huiusmodi, de quibus vide Leuit. cap. 12. vsque ad 16. His adde alia duo Sacerdotum munia, omnium ferè præcipua; nimirum, in omnibus memoratis ipsorum functionibus, Dominum pro vniuerso populo, vel pro particularibus deprecari, vt ex locis citatis colligi potest, vbi verba illa sæpius repetita inueniēs: *Orabique pro eo, vel pro ea, Sacerdos*. vel alia huiusmodi. Et ex vulgari illa, Osee. cap. 4. vers. 8. sententia: *Peccata populi mei comedent*. iuxta expositionem Alexandri Pontificis, huius nominis I. epistola secunda, quæ refertur in Decreto caus. 1. quæst. 1. can. *Ipsi Sacerdotes*. ibi enim: *Peccata, inquit, populi comedent; quia precibus suis & oblationibus ea delent atque consumunt*. quæ expositio ex aliis Scripturæ locis comprobari potest; vbi verbum hoc comedere, vsurpari solet pro consumere, vt in Psalm. 78. vers. 7. *Quia comedunt Iacob, & locum eius desolauerunt*. & Ierem. cap. 10. in fine: *Quia comederunt Iacob, & deuorauerunt eum, & consumpscrunt illum*. Alterum est, scire quæ ad Legem Dei Altumque eius pertinebant; vt possent docere populum. Et hoc est quod ipsis Sacerdotibus dicitur Leuit. cap. 10. vers. 10. *Vt habeatis scientiam discernendi inter sanctum & profanum, inter pollutum & mundum; doceatisque filios Israël omnia legitima mea, quæ locutus est Dominus ad eos per manum Moysi*. & Malach. cap. 2. vers. 7. *Labia enim Sacerdotis custodient scientiam, & Legem requirent ex ore eius*. & Aggæi cap. 2. vers. 12. *Interroga Sacerdotes Legem*. Vnde non immeritò, eam ignorantibus, vel scire negligentibus, comminatur Dominus Osee cap. 4. vers. 6. dicens: *Quia tu scientiam repulisti, repellam te, ne Sacerdotio fungaris mihi*. Sed postrema hæc duo munia, nempe docendi populum, & orandi pro eo, videntur etiam Leuitis fuisse communia: nam & Numer. cap. 8. vers. 19. de Leuitis dicitur, quòd Deus tradidit eos Sacerdotibus, vt seruiant pro Israëlitis in Tabernaculo fœderis, & orent pro eis, ne sit in populo plaga, &c. & 2. Paralip. cap. 17. vers. 7. vsque ad 10. legimus, quòd Iosaphat Rex misit Sacerdotes & Leuitas in ciuitate Iuda, habentes librum Legis Domini, vt docerent erudientque populum. Ceterum omnia hæc, & si quæ erant alia Sacerdotum minorum officia, poterat similiter summus Sacerdos & Pontifex exercere. Est enim hæc etiam nunc in sancta Ecclesia, vniuersalis regula, vt quæcumque possunt facere minores, possint & maiores; sed non econuersò. Ad filios autem Sacerdotum spectabat, vnguenta ex aromatibus conficere, vt colligitur 1. Paralip. cap. 9. vers. 30.

19. Leuitarum verò munus in vniuersum erat, seruire Deo, & Sacerdotibus præstò esse in ministeriis Tabernaculi, pro filiis Israël. Propterea enim Numer. cap. 18. vers. 14. vsque ad 19. præceperat Dominus Moysi, vt separaret Leuitas de medio filiorum Israël, vt essent ipsius Domini. Et rationem subiungens, ait, quòd ex quo percussisset omnia primogenita Egypti, sanctificauerat sibi omnia primogenita filiorum Israël: pro quibus acceperit sibi dono Leuitas, tradiditque eos Aaroni & filiis eius, vt seruiant ei in Tabernaculo fœderis. Et cap. 18. vers. 2. ait Dominus Aaroni: *Sed & fratres tuos de tribu Levi, & sceptrum patris tui sume tecum, præstòque sint, & ministrent tibi*. Particularia autem officia ipsis a Moyse assignata, hæc ferè sunt. Primò, portare, quando mouenda erant castra, Tabernaculum, & cuncta in eo contenta, seu ad ipsam pertinentia,

MINVS ORDINARIA.

MVNIA LEVITARVM IN VNIVERSUM.

PARTICVLARIA.

iuxta distributionem & modum eis præscriptum Numer. cap. 4. per totum. Item, deponere erigereque ipsum Tabernaculum, Numer. cap. 1. vers. 51. Denique, excubare ad custodiam Sanctuarij & ad omnia opera eius, iuxta Sacerdotum mandata, Numer. cap. 18. vers. 1. vsque ad 7. propterea cap. 1. vers. 50. ubi assignatur locus Leuitis, dicitur: *Ac per gyrum Tabernaculi metabuntur.* Quæ verò munia eisdem Leuitis postea à Davide assignata ad distributa fuerunt, habentur 1. Paralip. cap. 23. per totum, de quibus nos infra sub anno mundi 3020. num. 3. dicemus. Et hæc de Sacerdotum Leuitarumque officiis hoc loco præmisisse sufficiat: si tamen illud addiderimus, quòd non omnes, quos Sacerdotalis aut Leuitici generis esse constabat, poterant Sacerdotalia Leuiticæ officia exercere; sed ij tantum, qui præscriptis ritibus ac cærimoniis initiati erant: & hoc certè (vt bene notat Franciscus Ribera lib. 3. de Templo, cap. 1.) conuincere potest hæreticos nostri temporis, qui cunctos Christianos, etiam nullo sacro Ordine suscepto, Sacerdotes esse, & statim ac baptizati sunt, Christi corpus consecrare conficerè posse, perperam contendunt. Etenim si cærimonialia, & prorsus typica illa veteris Legis munia, obire nequibant legales Sacerdotes & Leuitæ, nisi prius legitimis ritibus initiati: quanto magis nunc mytica & sacrosancta noui Testamenti mysteria (quæ ab illis, non secus ac verum corpus à propria vmbra, differre certissimum est) nemini absque præuijs Ordinibus sacris, debitisque consecrationibus, exercere fas erit? Ceterum, ritus initiandi Pontifices & Sacerdotes, traditur Exod. cap. 29. vers. 1. vsque ad 37. & Leuit. cap. 8. per totum. Leuitarum verò initiandorum forma, habetur Numer. cap. 8. vers. 6. vsque ad finem capituli.

SACERDOTES AC LEUITAE NON NISI POST IPSORVM CONSECRATIONEM MUNIA SVA EXERCERE POTERANT.

DE SACRIFICIIS LEGALIBVS, ET HOSTIIS.

20. Quoniam autem diximus inter alia Sacerdotum officia, præcipuum & valde vtitatum fuisse munus sacrificandi; non abs re fuerit, iuxta superius propoſita, aliquid hîc de sacrificiorum veteris Legis notitia prælibare. Et primò, tametsi constet, sacrificij nomine generaliter significari quidquid Deo offertur, quod ei gratum fore credatur; ita vt actus etiam humani, non solum externi, sed & interni, ad honorem Dei elicit, siue Deo dicati, sacrificia interdum appellari consueuerint; iuxta illud quod legimus in Psalm. 49. vers. 14. *Immola Deo sacrificium laudis.* & in Psalm. 50. vers. 19. *Sacrificium Deo spiritus contribulatus.* & vers. 21. *Tunc acceptabis sacrificium iustitia.* Verumtamen magis propriè loquendo, sacrificij vocabulum videtur communiter sumi pro quacumque oblatione Deo facta rerum corporearum, siue animalium, siue fructuum: vnde legimus Genes. cap. 4. de duobus primis Adæ filiis, alterum de gregibus ouium sacrificia obtulisse, alterum verò de frugibus terræ. Nihilominus, quia fructuum & aliarum rerum insensibilium oblationes, Scriptura sacra sæpenumero libaminum, vel primitiarum, vel oblationum nomine indicare solet; & vt plurimum sacrificiorum appellatione, animalium immolationes intelligit: idcirco dicere possumus, primariam sacrificiorum materiam fuisse animalia; non cuiusvis generis, sed ea dumtaxat, quæ in Lege dicebantur munda: neque omnia hæc, sed ex volucribus quidem duo tantum genera, nimirum, columbas & turtures, (siquidem duo illi passeris, quorum fit mentio Leuit. cap. 14. vers. 4. ad nullum sacrificij genus pertinuisse videntur, sed tantummodò ad quamdam cærimoniam, in purificatione leprosi faciendam; vt latè probat Abulenſis super citato Leuit. cap. quæst. 5.) de quadrupedibus verò, tria; videlicet, boues, & oves, & capras: piscium autem, siue aquatilium, genus nullum. Sanè huiusmodi animalium delectus ratio hæc à Philone in libello de Victimis, & ab alijs quoque assignari solet: Quia, inquiunt, columba inter naturâ mansuetas aues & gregatim volitantes mitissima est, & turtur inter solitarias cicuratu facilissima. Boues item, ouesque, & capræ, cum sint etiam ipsæ natura valde mites, videntur fuisse ad diuina mysteria significanda admodum idoneæ. Et præterea omnia hæc, cum sint hominum vîbibus adeò necessaria, ab ipsisque hominibus passim alantur; faciliè ad manus haberi, & quocumque deferri commodè possunt: contra verò, omne ferarum genus naturaliter immite est, ac difficilè capi potest: & similiter pisces, præterquam quòd nullum prorsus mansuetudinis typum gerunt, haud facile semper & vbique, in ficis præsertim regionibus, in promptu haberi, aut viui diutius conseruari valebant, vt ad Altare holocaustum delati, ibidem de more à Sacerdotibus mactarentur. Etenim morticina cuiusvis generis non solum pro sacrificijs apta non erant, sed neque à quoquam comedi tangive poterant sine immunditie contractu, vt patet Leuit. cap. 11. vers. 31. & 39. & cap. 17. vers. 15. Ceterum illa animalia, quæ in sacrificijs assumi licitum erat, integra prorsus & illæsa esse debebant, quemadmodum præcipitur Leuitici cap. 22. vers. 18. vsque ad 25. & Deuter. cap. 17. vers. 1. & propterea, vt ait Philo ubi supra, solebant Sacerdotes

tes magna uti cautela in scrutandis victimarum corporibus antequam immolarentur, num in ipsis aliquod vel leue vitium deprehenderetur. Sed neque solum victimas, quin etiam ipsos pariter Sacerdotes sacrificia immolantes, mundos atque immaculatos esse oportebat, id est sine vlla prorsus corporali deformitate aut vitio, ut cauetur Leuit. cap. 21. vers. 17. vsque ad finem capitis, ubi signanter plurimæ eiusmodi maculæ recensentur illis verbis: *Si cæcus fuerit, si claudus, &c.* Et hæc de hostiarum & sacrificantium conditionibus dicta sint.

21. Porro ex triplici ritu seu forma sacrificandi, ipsorumque sacrificantium intentione seu fine, tria resultabant sacrificiorum genera: nam (ut ait B. Thomas 1.2. qu. 103. art. 3. ad 8.) sacrificium quod specialiter offerebatur Deo ad reuerentiam maiestatis suæ, & amore bonitatis eius, dicebatur holocaustum, quia in eo tota victima comburebatur. (idem enim ferè significat Græcè Holocaustum, ac si Latine diceremus, Totum combustum.) Quod autem immolabatur ad remissionem peccati, vocabatur hostia vel sacrificium pro peccato; cuius una pars comburebatur, altera cedebat in usum Sacerdotum, in loco sancto comedenda, ut colligi potest Leuit. cap. 10. vers. 17. nisi quando offerebatur pro peccato totius populi, vel pro peccato Sacerdotis, tunc enim totum cremabatur, sed non super altare. At quod offerebatur pro gratiarum actione, vel pro salute & prosperitate offerentium, id est ratione beneficij accepti vel accipiendi, dicebatur hostia pacifica. Et huius una pars super altare incendebatur, nimirum adeps qui vitalia operit, & quidquid pinguedinis est intrinsicus, duo renes cum adipe quo teguntur illa, & reticulum iecoris cum renunculis, Leuit. cap. 3. vers. 3. Alia erat Sacerdotis (illius scilicet qui obtulerat sanguinem & adipem) videlicet pectusculum & armus dexter, ut habetur Leuit. cap. 7. vers. 31. vsque ad 35. Tertia pars, hoc est quod reliquum erat hostiæ, offerentibus in loco sancto comedendum relinquebatur. Ceterum huiusmodi victimæ, quæ in plures partes diuidendæ erant, non de volatilibus (quæ cum paræ essent, non commodè tales partitiones admittebant) sed de quadrupedibus offerri consueverant. Illud autem generaliter in omnibus sacrificiis commune erat, quod sanguis & adeps non poterant cedere in usum neque Sacerdotum, neque offerentium: sed sanguis effundebatur ad Altaris crepidinem, in honorem Dei: adeps verò pariter Deo dicatus, igne cremari debebat propter multiplices rationes, quas adducit B. Thomas 1.2. quæst. 102. art. 3. ad 8.

DE TRIBUS
SACRIFICIO-
RUM GENE-
RIBUS.
HOLOCAU-
STVM.

HOSTIA PRO
PECCATO.

PACIFICA.

22. Ut autem ad singula hæc hostiarum seu sacrificiorum genera descendamus: Ritus holocausti, quando specialiter fiebat de bobus, & item quando de ouibus, siue de capris, ac demum tertio quando de auiibus, distinctè accurateque describitur Leuit. cap. 1. vers. 3. vsque ad finem capitis. De hostiæ verò seu sacrificij pacifici, siue pacificorum ritu, agitur Leuit. cap. 3. per totum, & cap. 7. vers. 11. vsque ad 22. De sacrificiis autem pro peccato & pro delicto, quia non semper eodem modo fieri debebant; sed aliter si peccatum delictumve erat Pontificis, aut totius populi, vel Principis, aut plebeij, per ignorantiam, aut scienter commissum: propterea non vno loco tantum, sed pluribus, separatimque de singulis in libro Leuit. agitur, ut paulò post dicemus. Verumtamen prius hic notandum est, quod tametsi sæpè in Sacro eloquio peccatum ac delictum pro eodem accipiantur, hic tamen diuersimodè sumi necesse est, ut expressè colligitur Leuit. cap. 7. vers. 7. ubi dicitur: *Sicut pro peccato offertur hostia, ita & pro delicto, vtriusque hostiæ lex una erit.* Quomodo autem inter se differant, non eadem est omnium sententia: quidam enim peccati voce commissionem, delicti verò omissionem intelligi volunt: aliqui appellatione peccati, grauiora; delicti autem, leuiora significari: alij peccatum in opere ponunt, delictum in cogitatione; alij aliter. Et denique, nonnulli peccatum esse putant, quod quis prudens sciensque perpetraverit; delictum verò, quod per errorem ignorantiamve commiserit: quæ opinio probabilior videtur, ut latè probat Ribera lib. 4. de Templo cap. 6. ubi agit de Hostia pro delicto. Ceterum in libro Leuit. traduntur ritus sacrificandi: pro delicto quidem cap. 7. vers. 1. vsque ad 11. pro peccato autem vniuersaliter, cap. 6. vers. 25. vsque ad finem capitis: at pro peccato per ignorantiam commissio, si illud erat Sacerdotis, cap. 4. vers. 1. vsque ad 13. si populi, à vers. 13. ad 22. si principis, à 22. ad 27. si alicuius de plebe, siue (ut Scriptura loquitur) de populo terræ, à vers. 27. vsque ad finem capitis, & cap. 5. per totum; ubi distinguuntur quædam particularia peccata, & ponuntur ritus sacrificandi pro singulis. Quomodo autem sacrificandum esset pro peccato ex certa scientia perpetrato, docemur cap. 6. vers. 1. vsque ad 8. Porro ad hoc sacrificij genus quod pro peccato dicitur, reduci potest (quæ admodum probat Abulensis quæst. 5. super Leuit. cap. 14.) ritus ille

DE RITU
SINGULO-
RVM.

QUOMODO
DIFFERAT
A PECCATO
DELICTVM.

SACRIFICIA
ORDINA-
RIA.

EXTRAOR-
DINARIA,
QUAE

DE LIBAMI-
NIBUS, ET
OBLATIONI-
BUS.

ille immolandi & comburendi vaccam rufam, ex cuius cineribus aquæ admixtis conficiebatur aqua lustrationis, cuius aspersione uti solebant ad legales immunditias ab hominibus alijsque rebus auferendas, ut videre est in toto Numer. cap. 19. Sanè memoratorum omnium sacrificiorum aliqua erant ordinaria, nimirum quæ statis temporibus per annum fieri consueuerant. Eiusmodi sunt, quæ iugiter singulis diebus, manè scilicet & vespere offerebantur, ut mandauerat Dominus Exod. cap. 29. vers. 38. vsque ad 43. & Numer. cap. 28. vers. 3. vsque ad 9. & hoc Iuge sacrificium dicebatur, siue Sacrificium matutinum & vespertinum. Talia item sunt, quæ in singulis sollempnitatibus Lege præcipiebantur offerri, de quibus vide Leuit. cap. 23. & Num. cap. 28. & 29. Alia erant extraordinaria, videlicet quæ ex voto, vel spontaneè, particulares personæ pro se suisque offerri curabant.

23. Quoniam verò, ut supra num. 20. dictum est, in sacrificiis non semper animalia, sed & aliæ res insensibiles offerri consueuerant: si quis quærat, quænam hæc essent, dicimus fuisse, thus, myrrham, aromata, & eiusmodi, ad suffitus in Altari thymiamatis adolendos. Potissimum verò etiam offerebantur comestibilia, nempe panes, vina, oleum, & sal, cum sacrificiorum carnibus sumenda, & nonnumquam spicæ virentes igni tostæ, & in morem faris contritæ, item farina, similave, quæ pinguior farinæ pars est, aliquando quidem conspersa oleo, quandoque autem diuersimodè parata, modò in clibano cocta, modò in sartagine frixa, interdum in laganas oleo litas, siue in collyridas, placentasve, aut tortas redacta. Et hæc ac similia, generaliter libamenta, seu libamina, libave, dicebantur. Quamquam arida, puta thus, sal, similia, & eiusmodi, nonnumquam communi vocabulo sacrificia, vel oblationes, aliquidavè verò, puta oleum & vinum, speciatim libamina nuncupari solebant. Denique omnia hæc nihil aliud erant, nisi accessoria quædam, siue additamenta, quæ cum victimis offerre oportebat, ut colligitur 1. Paralip. cap. vlt. vers. 21. ubi post enumeratas quasdam victimas subiungitur: *Cum libaminibus suis.* Erant autem hæc libamina non semper eodem modo, eademve mensura aut numero offerenda; sed diuersimodè, iuxta varios victimarum immolandarum ritus, & pro diuersitate mandatorum quæ in Lege habebantur, quorum plurima reperiuntur Numer. cap. 15. 28. & 29. & alibi sæpè. In vniuersum de huiusmodi oblationibus agit Leuit. cap. 2. ubi etiam cauetur, ne quidquam fermenti aut mellis adoleri deberet in sacrificijs Domino. Et illud item præcipitur, ut omnia offerenda sale condirentur. quod ibidem paucis verbis ter Scriptura sacra replicat & inculcat, dicens: *Quidquid obtuleris sacrificij, sale condies, nec auferes sal fœderis Dei tui de sacrificio tuo. In omni oblatione tua offeres sal.* Et hæc pauca de sacrificijs præmissæ sit, ut illud tantum addiderimus, omnium harum legalium hostiarum differentias sub vnico nouæ Legis sacrificio comprehendendi, ut sancta contestatur Ecclesia in Collecta quæ secretò recitari solet in Missa Dominicæ septimæ post Pentecosten. Tot enim ac tanta sunt mysteria, quæ in sacrosancto Corporis ac Sanguinis Christi Sacrificio continentur, ut ad ea in Lege veteri præfiguranda, multas ac varias hostiarum oblationumque differentias & diuersitates instituire necessarium fuerit. Ceterum de rationibus, tum mysticis tum literalibus, sacrificiorum veteris Testamenti, fusiùs disserit B. Thomas 1. 2. quæst. 102. art. 3.

DE HEBRAI-
CIS SOLLEM-
NITATIBUS
ANTE BA-
BYLONI-
CAM CAPTI-
VITATEM
INSTITU-
TIS.

IUGE SA-
CRIFICIUM,
SABBATUM.

NEOMENIA,
PASCHA.

DIES AZY-
MORVM.

PENTECO-
STES

24. Verum quia potissimum in diebus festis tum sacrificia offerri, tum aliæ Sacerdotales functiones sollempniùs exerceri solebant; ratio postulat, ut hîc quoque aliquid de Hebraicis sollempnitatibus adiungamus. Igitur quæ ante Babylonicam captiuitatem obseruari consueuerant, & ab ipso Moyse, Deo mandante, olim instituta fuerant Leuit. cap. 23. & Numer. cap. 28. & 29. & Deuter. cap. 16. reduci possunt ad octo, quemadmodum ex citatis Numer. capitibus colligit S. Thomas quæst. proximè citata art. 4. ad 10. videlicet, vna quæ erat quodammodò continua, nimirum quotidiana, quam oblatione Iugis sacrificij, manè scilicet & vespere singulis diebus celebrabant: & septem reliquis quibusdam statutis temporibus, quarum prima fiebat semel in hebdomada, hoc est septimo quoque die, & dicebatur Sabbatum: altera singulis mensibus, in cuiusque Kalendis, & hanc vocabant Neomeniam seu Nouilunium: ceteræ quinque semel in anno, singulæ statis diebus. Et primò Paschæ festum in omnium ordine quartum, fiebat die decimaquarta mensis primii ad vesperam. Quoniam autem eidem iungebatur festiuitas Azymorum, quæ septem consequentibus diebus celebrari consueuerat, propterea duo hæc Festa ferè semper pro vno tantum reputabantur, & alterum pro altero usurpari solebat, ut nos infra num. 41. manifestè ostendemus. Quinta festiuitas dicebatur Pentecostes siue Hebdomadarum, quia post septem dierum hebdomadas, nempe

nenipe die quinquagesimo à Paschate, qui vt plurimùm erat sextus mensis tertij, celebrabatur. Tres verò postremæ sollemnitates in mense septimo agebantur: etenim primus dicti mensis dies, erat festum Tubarum; decimus, Expiationis seu Propitiationis; & decimusquintus, Tabernaculorum vel Scenopegia: nam quod in octaua eiusdem Scenopegia, dicebatur festum Cœtus seu Collecta, quodammodò pertinere videbatur ad complementum sollemnitatis dictæ Scenopegie. Hic consultò præterimus mentionem facere festi Encæniorum Templi Salomonis; quoniam nusquam in Sacro textu reperimus fuisse sancitum vel à Salomone, vel ab vlllo alio, ante Babylonicam captiuitatem, vt illud postea quotannis celebraretur; neque quòd in toto illo tempore post primum annum vmquam fuerit celebratum: vnde puto, dictam festiuitatem posterioribus deinde temporibus in Hebræorum Calendario à Rabbinis fuisse relatum sub die vigesimo tertio mensis septimi. Et quidem in tali mense dicta Encæniam primum à Salomone fuisse celebrata, colligitur 3. Reg. cap. 8. vers. 2. Vnde autem Rabbini desumpserint, id in eo die contigisse, nos latet. Post prædictos festos dies, hic addere possumus etiam annos quosdam, qui erant & ipsi aliquo modo festiui; nempe annus septimus, & quinquagesimus: de quorum obseruantia agitur Leuit. cap. 25. Sed & de eisdem annis nos quoque sub anno mundi 2584. num. 2. vsque ad 6. plenius agemus. Et hæc quæ hætenus recensimus Hebræorum Festa, ex diuino præcepto agebantur. quo fit vt nos hic missum fecerimus Festum, vel potius Planctum illum sollempnem, qui (vt traditur Iudic. cap. 11. in fine, & nos sub anno mundi 2849. num. 3. dicemus) olim fieri solebat à mulieribus in vnum congregatis, in exitu cuiusque anni, ob immolatam Deo filiam Iephthe Galaaditis: id enim non diuina, sed humana institutio, vel potius consuetudine fuerat introductum. vnde nec in Hebræorum Calendarij registratum reperitur; quòd fortassis ad mulieres tantum, non etiam ad viros ille planctus pertineret. Quæ autem subiungemus Festa, licet ipsa quoque non à Deo, sed ab hominibus indita essent: quia tamen vniuersalia erant, & communiter recepta, atque à cunctis celebrari consueuerant, præteriri nullatenus debuerunt.

FESTVM TV-
BARVM.
EXPIATIO-
NIS.
SCENOPE-
GIAE.
CŒTUS SEV
COLLECTAE.

ANNVS SAB-
BATICVS.
IUBILEVS.

POST BABY-
LONICAM
CAPTIVITA-
TEM:
DIES VICTO-
RIÆ IV-
DITH.
DATI IGNIS.
ENCÆNIO-
RVN.

PHVRIM
SEV SOR-
TIVM.

CELEBRI-
TAS OB CÆ-
DEM NICA-
NORIS.

FESTVM A
SIMONE MA-
CHABÆO
INSTITV-
TVM.

25. Itaque post Babylonicam captiuitatem, paulatim, succedentibus temporibus, nonnullæ alia item indita atque introducta sunt festiuitates quotannis celebranda: Eiusmodi sunt, Dies victoriæ Iudith, de quo sub anno mundi 3572. num. 7. mentionem facimus: & Dies dati ignis, cuius historiam describit Auctor lib. 2. Machab. c. 1. vers. 18. vsque ad 33. & nos de eius institutionis occasione, sub anno mundi 3610. num. 8. & 9. agemus. Sanè hæc duo festa, nimirum Victoriæ Iudith, & Dati ignis, pariter agebantur cum festo Encæniorum Iudæ Machabæi die vigesimo quinto mensis novii, qui dicitur Casleu, vt videre est in veteri Hebræorum Calendario, quod numero proximo subiungemus. Et hoc quidem festum Encæniorum, de quo paulò post agendum erit, (vt colligitur 2. Machab. cap. 1. vers. 18.) dicebatur etiam Scenopegia, tametsi diuersa esset ab ea, cuius numero præcedenti meminimus; quemadmodum ex sub anno mundi 3890. num. 9. & 10. dicendis constabit. Item dies Phurim seu Sortium, vel festum Mardochei; de cuius institutione & celebritate, quæ fiebat die decimo quarto & decimo quinto mensis duodecimi, qui est Adar, agitur Esther cap. 9. vers. 18. vsque ad finem capituli, vt sub anno mundi 3661. num. 3. videbimus. Quarto loco, dies Encæniorum proximè memoratus, & à Iuda Machabæo institutus, vt deinceps singulis annis die vigesimo quinto mensis Casleu celebrari deberet, quemadmodum traditur 1. Machab. cap. 4. vers. 59. & 2. Machab. cap. 10. vers. 5. & apud Iosephum 12. Antiq. cap. 11. de quo etiam Festo fit mentio in Euangelio Ioan. cap. 10. vers. 22. vt nos sub anno mundi 3890. num. 9. & 10. dicemus. Nam de Encænij eiusdem templi, prius sub Zorobabele celebratis, quorum mentio habetur 1. Esdr. cap. 6. vers. 16. & 17. & item de his quæ postremò ab Herode, quando (vt tradit Iosephus in calce libri 15. Antiq.) templo illo funditus demolito, aliud longè magnificentius exædificauit, celebrata sunt, quòd postea quotannis celebranda essent, nullibi scriptum reperimus; nisi de Encænij templi Zorobabelis, in Calendario Rabbiorum: quod vndènam ipsi desumpserint, ignoramus. Quinto, celebratis ob cædem Nicanoris sub eodem Iuda Machabæo instituta, & iussa fieri pridie festiuitatis Mardochei, hoc est tertio decimo die mensis Adar, vt habemus 1. Machab. cap. 7. vers. 48. & 2. Machab. cap. vlt. vers. 36. & apud Iosephum 12. Antiq. cap. 17. de qua celebritate etiam mentio fiet anno 3893. num. 7. Denique festum à Simone Machabæo institutum, quando eiectis ab arce Ierosolymitana Gentibus, ingressus est in eam cum iubilo, vt nos sub anno mundi 3913. num. 1. dicemus; & fiebat die vigesimo tertio mensis secundi, quemadmodum ibidem patebit.

KALENDA-
RIVM VE-
TVS HE-
BRAEORVM
CVR HIC
INSEREN-
DVM.

26. Vt autem omnia hæc ordine disposita inspicere quisque possit, operæpretium duximus hic vetus Hebræorum Kalendarium intexere, in quo non hi tantum dies festi ac profesti, quorum in sacris Scripturis fit mentio; sed & Ieiuniorum quoque dies, qui olim obseruari consueverant, & de quibus infrà num. 44. agemus, suis quique locis notati inveniuntur. Nam alia quædam Festa, plurimæque ieiunia, posterioribus deinde temporibus à Rabbini instituta, vel quomodolibet introducta, videre poterit, qui voluerit, in eo Hebræorum Kalendario; quod Genebrardus suis Psalmorum Commentarijs præponere, & cum ipsis pariter imprimi curauit. Ceterum nos, ob rationes sub anno præcedenti num. 31. adductas, non assignabimus primo mensi dies triginta, & secundo viginouem, & sic deinceps alternatim, vt solent Hebræorum Rabbini, & qui ex Latinis Scriptoris ab illis mutuati sunt, sed econuersò dabimus primo mensi dies viginti nouem, & secundo triginta, & sic vicissim reliquis. Insuper, non auspicabimur primum Anni sacri mensem (vt gratis ac sine vlla probatione fit in Kalendario Hebræorum apud Sigonium relato) à prima, sed potius à sexta Sabbati; propter causas à nobis sub anno præcedenti num. 21. allatas.

27.

N I S A N.

ANNISACRI
EXORDIUM.

Anni sacri mensis primus habet dies 29.

NEOMENIA.
IVGESACRI-
FICIVM.

SABBATVM.

PARASCE-
VES.

Primo die celebrabant festiuitatem Neomeniæ, in qua præter sacrificium quotidianum, matutinum scilicet & vespertinum, de quo agitur Numer. cap. 28. vers. 3. vsque ad 9. fiebant etiam sacrificia ipsius Neomeniæ seu Kalendarum propria, quæ pariter cap. citato describuntur à vers. 11. vsque ad 16.

2. die fuit Sabbatum, in quo iuebantur cessare ab omni opere seruilis, etiam ab accendendo igne pro parandis cibis, quod facere tenebantur præcedenti die, qui propterea dicebatur Parasceues: & præter sacrificium quotidianum, quod numquam omittebatur, fiebat quoque illud Sabbati proprium, quod capite Numer. proximè adducto traditur vers. 9. vsque ad 11.

3. die	} fiebat	{	sacrif. quotid.
4. die			sacrif. quotid.
5. die			sacrif. quotid.
6. die			sacrif. quotid.
7. die			sacrif. quotid.
8. die			sacrif. quotid.

9. die, Sabbatum, sacrific. quotid. & Sabbati, & cessatio ab operibus.

10. die	} fiebat	{	sacrif. quotid. & præparatio agni Paschalis.
11. die			sacrif. quotid.
12. die			sacrif. quotid.
13. die			sacrif. quotid.

PASCHA. 14. die, præter sacrific. quotid. immolabant ad vespem comedebantque agnum Paschalem (tunc enim incipiebat festum Paschæ Leuit. cap. 23. vers. 5.) cum azymis, & aliis ritibus Exod. cap. 12. ab initio capitis vsque ad vers. 21. descriptis.

DIES AZYMORVM. 15. die, qui erat primus Azymorum, cessabant ab operibus seruilibus, & præter esum azymorum & sacrific. quotid. offerebant etiam illud, quod describitur Num. cap. 28. vers. 18. vsque ad 25.

OBLATIO MANIPVLI SPICARVM SEV PRIMITIARVM. 16. die, Sabbatum, vefcebantur azymis, & præter sacrific. quotid. & Sabbati, & proprium huius hebdomadis, præcedenti die indicatum, offerebant etiam quotannis in hoc huius mensis die (quando in eo Sabbatum non incidebat) manipulum spicarum seu primitiarum messis, quam tunc inchoabant, & incipiebant numerare septem hebdomadas plenas, id est quadragintanovem dies, messi faciendæ, & diei Pentecostes, qui immediatè sequebatur inueniendo, destinatos. Dixi, Nisi Sabbatum incidisset, quia cum non liceret eis colligere spicas in Sabbato, differebant in postero diem illam manipuli oblationem, & hebdomadarum inceptionem, vt sub anno præcedenti num. 40. probatum est.

17. die	} vefcebantur	{	sacrif. quotid.	} offere-	} proprium vt suprà.			
18. die			sacrif. quotid.			proprium.		
19. die			azymis, &			sacrif. quotid.	bant &	proprium.
20. die			præter			sacrif. quotid.	proprium.	

21. die, qui erat vltimus Azymorum, & sanctior primo; præter esum azymorum & sacrific. quotid. & proprium huius hebdomadis, insuper fiebat Cærtus seu Collecta. COERTVS SEV COLLECTA.
22. die sacrific. quotid.
23. die, Sabbatum, sacrific. quotid. & Sabbati; & initium secundæ hebdomadis.
24. die } sacrific. quotid.
25. die } sacrific. quotid.
26. die } sacrific. quotid.
27. die } sacrific. quotid.
28. die } sacrific. quotid.
29. die } sacrific. quotid.

28.

I A R.

Anni sacri mensis secundus habet dies 30.

Primo die, Neomenia, & Sabbatum, sacrific. quotid. & Neomeniæ, & Sabbati, & cessatio ab operibus, & initium tertiæ hebdomadis.

2. die } sacrific. quotid.
3. die } sacrific. quotid.
4. die } sacrific. quotid.
5. die } sacrific. quotid.
6. die } sacrific. quotid.
7. die } sacrific. quotid.
8. die, Sabbatum, sacrific. quotid. & Sabbati; & initium quartæ hebdomadis.
9. die } sacrific. quotid.
10. die } sacrific. quotid.
11. die } sacrific. quotid.
12. die } sacrific. quotid.
13. die } sacrific. quotid.
14. die } sacrific. quotid.
15. die, Sabbatum, sacrific. quotid. & Sabbati; & initium quintæ hebdomadis.
16. die } sacrific. quotid.
17. die } sacrific. quotid.
18. die } sacrific. quotid.
19. die } sacrific. quotid.
20. die } sacrific. quotid.
21. die } sacrific. quotid.
22. die, Sabbatum, sacrific. quotid. & Sabbati; & initium sextæ hebdomadis.
23. die, Festum arcis mundatæ à Simone Principe, & sacrific. quotid.
24. die } sacrific. quotid.
25. die } sacrific. quotid.
26. die } sacrific. quotid.
27. die } sacrific. quotid.
28. die } sacrific. quotid.
29. die, Sabbatum, sacrific. quotid. & Sabbati; & initium septimæ hebdomadis.
30. die sacrific. quotid.

FESTVM AR-
CIS MVN-
DATAE SI-
MONE MA-
CHABEO.

29.

S I V A N.

Anni sacri mensis tertius habet dies 29.

Primo die, Neomenia, sacrific. quotid. & Neomeniæ.

2. die } sacrific. quotid.
3. die } sacrific. quotid.
4. die } sacrific. quotid.
5. die } sacrific. quotid.
6. die, Sabbatum, & Festiuitas hebdomadarum seu Pentecostes celeberrima; in qua præter sacrific. quotid. & Sabbati, & cessationem ab omni opere, tenebantur offerri panes primitiarum, & ea sacrificia, quæ describuntur Leuit. cap. 23. vers. 17. vsque ad 22. & Numer. cap. 28. vers. 26. vsque ad finem capitis. PENTECOSTES SIVE
HEBDOMA-
DARVM.
PANES PRI-
MITIARVM.

7. die	fiebat	sacrif. quotid.
8. die		sacrif. quotid.
9. die		sacrif. quotid.
10. die		sacrif. quotid.
11. die		sacrif. quotid.
12. die		sacrif. quotid.
13. die, Sabbatum,		sacrif. quotid. & Sabbati.
14. die	fiebat	sacrif. quotid.
15. die		sacrif. quotid.
16. die		sacrif. quotid.
17. die		sacrif. quotid.
18. die		sacrif. quotid.
19. die		sacrif. quotid.
20. die, Sabbatum,		sacrif. quotid. & Sabbati.
21. die	fiebat	sacrif. quotid.
22. die		sacrif. quotid.
23. die		sacrif. quotid.
24. die		sacrif. quotid.
25. die		sacrif. quotid.
26. die		sacrif. quotid.
27. die, Sabbatum,		sacrif. quotid. & Sabbati.
28. die		sacrif. quotid.
29. die		sacrif. quotid.

30.

T A M V Z.

Anni sacri mensis quartus habet dies 30.

Primo die, Neomenia, sacrif. quotid. & Neomeniæ.

2. die	fiebat	sacrif. quotid.
3. die		sacrif. quotid.
4. die		sacrif. quotid.
5. die, Sabbatum,		sacrif. quotid. & Sabbati.
6. die	fiebat	sacrif. quotid.
7. die		sacrif. quotid.
8. die		sacrif. quotid.
9. die		sacrif. quotid.
10. die		sacrif. quotid.
11. die		sacrif. quotid.
12. die, Sabbatum,		sacrif. quotid. & Sabbati.
13. die	fiebat	sacrif. quotid.
14. die		sacrif. quotid.
15. die		sacrif. quotid.
16. die		sacrif. quotid.
17. die		sacrif. quotid.
18. die		sacrif. quotid.
19. die, Sabbatum,		sacrif. quotid. & Sabbati.
20. die	fiebat	sacrif. quotid.
21. die		sacrif. quotid.
22. die		sacrif. quotid.
23. die		sacrif. quotid.
24. die		sacrif. quotid.

IEIUNIVM
QUARTI.

25. die præter sacrif. quotid. poni debet Ieiunium quarti, de quo meminit Zacharias cap. 8. vers. 19. ob fractas nimirum tali die Legis tabulas à Moyse, vt infra num. 44. probabitur.

26. die, Sabbatum,		sacrif. quotid. & Sabbati.
27. die	fiebat	sacrif. quotid.
28. die		sacrif. quotid.
29. die		sacrif. quotid.
30. die		sacrif. quotid.

31.

A. B.

Anni sacri mensis quintus habet dies 29.

Primo die, Neomenia, sacrific. quotid. & Neomenia.

- | | | |
|---------|--------|---|
| 2. die | | sacrif. quotid. |
| 3. die | | Sabbatum, sacrific. quotid. & Sabbati. |
| 4. die | fiebat | sacrif. quotid. |
| 5. die | | sacrif. quotid. |
| 6. die | | sacrif. quotid. |
| 7. die | | sacrif. quotid. |
| 8. die | | sacrif. quotid. |
| 9. die | | sacrif. quotid. |
| 10. die | | Sabbatum, sacrific. quotid. & Sabbati. |
| 11. die | fiebat | sacrif. quotid. |
| 12. die | | sacrif. quotid. |
| 13. die | | sacrif. quotid. |
| 14. die | | sacrif. quotid. |
| 15. die | | sacrif. quotid. |
| 16. die | | sacrif. quotid. |
| 17. die | | Sabbatum, sacrific. quotid. & Sabbati. |
| 18. die | fiebat | sacrif. quotid. |
| 19. die | | sacrif. quotid. |
| 20. die | | sacrif. quotid. |
| 21. die | | sacrif. quotid. |
| 22. die | | sacrif. quotid. |
| 23. die | | sacrif. quotid. |
| 24. die | | Sabbatum, sacrific. quotid. & Sabbati. |
| 25. die | | sacrif. quotid. |
| 26. die | | præter sacrific. quotid. poni debet Ieiunium quinti, cuius meminit Zacharias ^{IEIUNIUM}
cap. 8. vers. 19. olim institutum, eò quòd in tali die populus, ob seditionem in eo ^{QUINTI.}
excitatam, prohibitus fuerit rectà de Cadesbarne ire in terram Chanaan, ut ex
infra num. 44. dicendis planum fiet. |
| 27. die | fiebat | sacrif. quotid. |
| 28. die | | sacrif. quotid. |
| 29. die | | sacrif. quotid. |

32.

E L V L.

Anni sacri mensis sextus habet dies 30.

Primo die, Neomenia, sacrific. quotid. & Neomenia.

- | | | |
|---------|--------|--|
| 2. die | | Sabbatum, sacrific. quotid. & Sabbati. |
| 3. die | fiebat | sacrif. quotid. |
| 4. die | | sacrif. quotid. |
| 5. die | | sacrif. quotid. |
| 6. die | | sacrif. quotid. |
| 7. die | | sacrif. quotid. |
| 8. die | | sacrif. quotid. |
| 9. die | | Sabbatum, sacrific. quotid. & Sabbati. |
| 10. die | fiebat | sacrif. quotid. |
| 11. die | | sacrif. quotid. |
| 12. die | | sacrif. quotid. |
| 13. die | | sacrif. quotid. |
| 14. die | | sacrif. quotid. |
| 15. die | | sacrif. quotid. |
| 16. die | | Sabbatum, sacrific. quotid. & Sabbati. |
| 17. die | | sacrif. quotid. |

18. die	} fiebat	{ sacrif. quotid.
19. die		{ sacrif. quotid.
20. die		{ sacrif. quotid.
21. die		{ sacrif. quotid.
22. die		{ sacrif. quotid.
23. die, Sabbatum,		sacrif. quotid. & Sabbati.
24. die	} fiebat	{ sacrif. quotid.
25. die		{ sacrif. quotid.
26. die		{ sacrif. quotid.
27. die		{ sacrif. quotid.
28. die		{ sacrif. quotid.
29. die		{ sacrif. quotid.
30. die, Sabbatum,		sacrif. quotid. & Sabbati.

33.

T I S R I.

Anni sacri mensis septimus habet dies 29.

FESTIVITAS Primo die, Neomenia, & festiuitas Tubarum seu Clangoris, in qua cessabant ab opere, & præter sacrif. quotid. & Neomeniæ, offerebant sacrificia Leuit. cap. 23. vers. 24. & 25. & latius Numer. cap. 29. vers. 1. vsque ad 7. notata. Ab hoc mense Hebræi auspicabantur annum suum vulgarem seu communem, quod in eo mense mundum creatum fuisse crederent.

TEIUNIVM 2. die sacrif. quotid.
OB CAEDEM 3. die, præter sacrif. quotid. ponunt Hebræi Ieiunium ob eadem Godoliæ institutum.
GODOLIAE.

4. die } sacrif. quotid.
5. die } fiebat { sacrif. quotid.
6. die } { sacrif. quotid.
7. die, Sabbatum, sacrif. quotid. & Sabbati.
8. die sacrif. quotid.
9. die sacrif. quotid.

FESTVM EX- 10. die, Festum Expiationis seu Propitiationis; cum Ieiunio & cessatione ab operibus
PIATIONIS. celebrandum ritu Leuit. cap. 16. vers. 30 vsque ad finem capitis, & cap. 23. vers. 27. vsque ad 33. & Numer. cap. 29. vers. 7. vsque ad 12. descripto. Quo etiam die præter sacrif. quotid. offerenda item erant ea, quæ loco Numer. citato præcipiuntur. In hoc quoque die singulis septenniis indicebatur incipiebatque Sabbatissimus anni septimi, & Iubileus anni quinquagesimi.

ANNI SAB- 11. die } sacrif. quotid.
BATICI, ET 12. die } fiebat { sacrif. quotid.
IVBILIO 13. die } { sacrif. quotid.
RVM VNDE 14. die, Sabbatum, sacrif. quotid. & Sabbati.
AVSPICAN-

DI. 15. die, Festum Tabernaculorum seu Scenopegiæ celebrandum ritibus Leuit. cap. 23. vers. 34. vsque ad finem capitis, & Num. cap. 29. vers. 12. vsque ad 39. præscriptis. In quo die cessabant ab operibus, & habitabant in tabernaculis per totam octauam; & præter sacrif. quotid. offerebant etiam illa, quæ præcipiuntur Num. cap. citato, vers. 13. vsque ad 17. vbi deinceps describuntur singula sacrificia singulis dictæ octauæ diebus offerenda.

16. die, qui erat Tabernaculorum 2. sacrif. quotid. & illius diei proprium.

17. die, Tabernaculorum 3. sacrif. quotid. & proprium.

18. die, Tabernaculorum 4. sacrif. quotid. & proprium.

19. die, Tabernaculorum 5. sacrif. quotid. & proprium.

20. die Tabernaculorum 6. sacrif. quotid. & proprium.

21. die, Tabernaculorum 7. Sabbatum, sacrif. quotid. & Sabbati, & proprium.

COETVS SEV 22. die, Tabernaculorum 8. & celeberrimo, cessabant ab opere, & offerebant sacrif. quotid. & ipsius octauæ proprium; & fiebat Coetus seu Collecta.
COLLECTAE.

RABBINO- 23. die, sacrif. quotid. Et hic Rabbinii ponunt Encæniam templi Salomonis; quæ tamen
RVM OPI- quod vmquam iussa fuerint quotannis celebrari, nusquam in Sacris libris reperi-
NIO DE EN- mus scriptum.
CAENIIS
TEMPLI SA-
LOMONIS.

24. die

24. die	fiebat	{	sacris. quotid.
25. die		{	sacris. quotid.
26. die		{	sacris. quotid.
27. die		{	sacris. quotid.
28. die, Sabbatum,			sacris. quotid. & Sabbati.
29. die			sacris. quotid.

34.

M A R E S H V A N.

Anni sacri mensis octauus habet dies 30.

Primo die, Neomenia, sacris. quotid. & Neomenia.

2. die	fiebat	{	sacris. quotid.
3. die		{	sacris. quotid.
4. die		{	sacris. quotid.
5. die		{	sacris. quotid.
6. die, Sabbatum,			sacris. quotid. & Sabbati.
7. die	fiebat	{	sacris. quotid.
8. die		{	sacris. quotid.
9. die		{	sacris. quotid.
10. die		{	sacris. quotid.
11. die			sacris. quotid.
12. die			sacris. quotid.
13. die, Sabbatum,			sacris. quotid. & Sabbati.
14. die	fiebat	{	sacris. quotid.
15. die		{	sacris. quotid.
16. die		{	sacris. quotid.
17. die		{	sacris. quotid.
18. die			sacris. quotid.
19. die			sacris. quotid.
20. die, Sabbatum,			sacris. quotid. & Sabbati.
21. die	fiebat	{	sacris. quotid.
22. die		{	sacris. quotid.
23. die		{	sacris. quotid.
24. die		{	sacris. quotid.
25. die			sacris. quotid.
26. die			sacris. quotid.
27. die, Sabbatum,			sacris. quotid. & Sabbati.
28. die	fiebat	{	sacris. quotid.
29. die		{	sacris. quotid.
30. die		{	sacris. quotid.

35.

C A S L E V.

Anni sacri mensis nonus habet dies 29.

Primo die, Neomenia, sacris. quotid. & Neomenia.

2. die			sacris. quotid.
3. die			sacris. quotid.
4. die, Sabbatum,			sacris. quotid. & Sabbati.
5. die	fiebat	{	sacris. quotid.
6. die		{	sacris. quotid.
7. die		{	sacris. quotid.
8. die		{	sacris. quotid.
9. die			sacris. quotid.
10. die			sacris. quotid.
11. die, Sabbatum			sacris. quotid. & Sabbati.
12. die	fiebat	{	sacris. quotid.
13. die		{	sacris. quotid.

14. die	} fiebat	{ sacrif. quotid.
15. die		{ sacrif. quotid.
16. die		{ sacrif. quotid.
17. die		{ sacrif. quotid.
18. die, Sabbatum,		sacrif. quotid. & Sabbati.
19. die	} fiebat	{ sacrif. quotid.
20. die		{ sacrif. quotid.
21. die		{ sacrif. quotid.
22. die		{ sacrif. quotid.
23. die		{ sacrif. quotid.
24. die		{ sacrif. quotid.
25. die, Sabbatum, & præter sacrif. quotid. & Sabbati,		tria Festa agebantur; nempe, dies Victoriæ Iudith, & dies Dati ignis siue luminum, & dies Encæniorum Iudæ Machabæi, qui etiam dicebatur Scenopegia, eò quòd in modum Scenopegiæ celebrari iussus esset, quemadmodum sub anno mundi 3890. num. 9. declarabitur. Quæ autem sacrificia ratione prædictarum festiuitatum speciatim facienda essent, nullibi notatum inuenimus.
26. die	} fiebat	{ sacrif. quotid.
27. die		{ sacrif. quotid.
28. die		{ sacrif. quotid.
29. die		{ sacrif. quotid.

FEIVNIUM VI-
CTORIAE IV-
DITH, IGNIS
SIVE LVMI-
NVM, EN-
CAENIORVM
IYDAR MA-
CHABAEI.

36.

T H E B E T .

Anni sacri mensis decimus habet dies 30.

Primo die, Neomenia, sacrif. quotid. & Neomeniæ.

2. die sacrif. quotid.

3. die, Sabbatum, sacrif. quotid. & Sabbati.

4. die sacrif. quotid.

FEIVNIUM
DECIMI.

5. die præter sacrif. quotid. poni debet Ieiunium decimi, cuius meminit Zacharias cap. 8. vers. 19. vt nos infra num. 44. probabimus.

6. die { sacrif. quotid.

7. die } fiebat { sacrif. quotid.

8. die { sacrif. quotid.

9. die } { sacrif. quotid.

ALIYD IE-
IYNIYV A
RABBINIS
POSITVM.

10. die, Sabbatum, & præter sacrif. quotid. & Sabbati, ponunt Rabbini loco Ieiunij proximè memorati aliud Ieiunium in memoriam obsidionis Ierusalem cœptæ à Nabuchodonosor tali die, vt dicitur Ieremiæ cap. vlt. vers. 4.

11. die { sacrif. quotid.

12. die } fiebat { sacrif. quotid.

13. die { sacrif. quotid.

14. die } { sacrif. quotid.

15. die { sacrif. quotid.

16. die } { sacrif. quotid.

17. die, Sabbatum, sacrif. quotid. & Sabbati.

18. die { sacrif. quotid.

19. die } fiebat { sacrif. quotid.

20. die { sacrif. quotid.

21. die } { sacrif. quotid.

22. die { sacrif. quotid.

23. die } { sacrif. quotid.

24. die, Sabbatum, sacrif. quotid. & Sabbati.

25. die { sacrif. quotid.

26. die } fiebat { sacrif. quotid.

27. die { sacrif. quotid.

28. die } { sacrif. quotid.

29. die { sacrif. quotid.

30. die } { sacrif. quotid.

37.

SEBATH.

Anni sacri mensis undecimus habet dies 29.

Primo die, Neomenia, & Sabbatum; sacrif. quotid. & Neomenia, & Sabbati.

2. die	fiebat	{ sacrif. quotid.
3. die		{ sacrif. quotid.
4. die		{ sacrif. quotid.
5. die		{ sacrif. quotid.
6. die		{ sacrif. quotid.
7. die		{ sacrif. quotid.

8. die, Sabbatum, Sacrif. quotid. & Sabbati.

9. die	fiebat	{ sacrif. quotid.
10. die		{ sacrif. quotid.
11. die		{ sacrif. quotid.
12. die		{ sacrif. quotid.
13. die		{ sacrif. quotid.
14. die		{ sacrif. quotid.

15. die, Sabbatum, & sacrif. quotid. & Sabbati.

16. die	fiebat	{ sacrif. quotid.
17. die		{ sacrif. quotid.
18. die		{ sacrif. quotid.
19. die		{ sacrif. quotid.
20. die		{ sacrif. quotid.
21. die		{ sacrif. quotid.

22. die, Sabbatum, sacrif. quotid. & Sabbati.

23. die	fiebat	{ sacrif. quotid.
24. die		{ sacrif. quotid.
25. die		{ sacrif. quotid.
26. die		{ sacrif. quotid.
27. die		{ sacrif. quotid.
28. die		{ sacrif. quotid.

29. die, Sabbatum, sacrif. quotid. & Sabbati.

38.

A D A R.

Anni sacri mensis duodecimus habet dies 30.

Primo die, Neomenia, sacrif. quotid. & Neomenia.

2. die	fiebat	{ sacrif. quotid.
3. die		{ sacrif. quotid.
4. die		{ sacrif. quotid.
5. die		{ sacrif. quotid.
6. die		{ sacrif. quotid.
7. die		{ sacrif. quotid.

8. die, Sabbatum, sacrif. quotid. & Sabbati.

9. die	fiebat	{ sacrif. quotid.
10. die		{ sacrif. quotid.
11. die		{ sacrif. quotid.
12. die		{ sacrif. quotid.
13. die		{ sacrif. quotid.
14. die		{ sacrif. quotid.

13. die, præter sacrif. quotid. agebatur. celebritas ob eandem Nicanoris, ut expressè tradunt Auctores 1. & 2. Machab. & Iosephus locis suprà num. 2. citatis. Quæ autem FESTIVITAS OB CAUSEM NICANORIS.

14. die, Sabbatum; & præter sacrif. quotid. & Sabbati, fiebat Ieiunium Esther, & festum Mardochei, quod dicebatur Sortium minus. Ieiunium ESTHER. FESTUM MARDOCHAEI, SIVE PHVRIM, HOC EST SORTIVM.

15. die, præter sacrif. quotid. celebrabant festum Sortium maius.

16. die	fiebat	{ sacrif. quotid.
17. die		{ sacrif. quotid.

18. die } { sacrif. quotid.
 19. die } { sacrif. quotid.
 20. die } { sacrif. quotid.
 21. die, Sabbatum, sacrif. quotid. & Sabbati.
 22. die sacrif. quotid.

DE ENCARNATIONE
 TEMPLI ZOROBABELIS.

23. die, præter sacrif. quotid. ponunt Rabbini Encarnia templi Zorobabelis: quod tamen templum 1. Esdr. cap. 6. vers. 15. dicitur fuisse completum die huius mensis tertio; & ibidem subiungitur eius dedicationis historia. Nec vspiam in Sacris libris vllum verbum reperitur, de indicta eius annua festiuitate celebranda.

24. die } { sacrif. quotid.
 25. die } { sacrif. quotid.
 26. die } { sacrif. quotid.
 27. die } { sacrif. quotid.
 28. die, Sabbatum, sacrif. quotid. & Sabbati.
 29. die sacrif. quotid.
 30. die sacrif. quotid.

HEBRAEO-
 RVM FESTI-
 VITATES AD
 DIVINA BE-
 NEFICIA RE-
 COLENDI
 INSTITUTE
 TAE.

39. Illud autem commune fuit omnibus hisce festiuitatibus, quod omnes & singula ad diuina beneficia recolenda instituta fuerunt, siue vniuersalia toto humano generi exhibita, siue particulariter ipsi populo Israëlítico collata. Nam, vt ex B. Tho. 1. 2. quæst. 102. art. 4. ad 10. apparet, primæ tres festiuitates tria beneficia vniuersalia cunctisque communia colebant: Iugis namque sacrificij cultus repræsentabat diuinæ beatitudinis perpetuitatem, cuius cognitio manifestata est hominibus, vt ad ipsum Deum ardentius amandum colendumque prouocarentur: Sabbati sollemnitas, mundi creationem; qua sex diebus absoluta, cessauerat Deus die septima ab omni opere, diemque illum in memoriam tanti huius beneficii sanctificauerat: Neomenia, diuinam eiusdem mundi, præcipue sublunarium, gubernationem. Reliqua verò Festa, commemorabant particularia quædam beneficia valde insignia illi populo exhibita: nimirum Pascha, liberationem exitumque de seruitute Ægyptiaca: Pentecostes, Moyseicam Legem cælitus datam: Festum Tubarum, liberationem Isaac de manu Patris sui illum immolare volentis: Expiationis, propitiationem peccati, quod populus in adoratione vituli commiserat: Tabernaculorum Cætusque, diuinam protectionem, quam prius experti fuerant Israëlita quadraginta annis in deserto ambulantes, ac subtentoris habitantes; deinde etiam in Terra promissionis adunati, ac mirabiliter introducti: præterquam quod hoc Festum fiebat etiam in recognitionem fructuum de arca & de torculari collectorum, quemadmodum colligi potest Deuteronomij cap. 16. vers. 13. Similiter festum Iudith ob Holofernem ab ea occisum, & Iudæam ab eius expugnatione liberatam; & Dies dati ignis rememorabat admirandam illam sacri ignis accensionem, ex aqua illa crassa super Altare holocausti diuinitus exortam: Dies autem Phurim, hoc est Sortium, liberationem populi ab interitu, quem ei procurauerat impius Aman. Encarniorum verò celebritas, templi à Gentibus profanati purificationem dedicationemque relegebat. Et Festum ob eadem Nicanoris, populi templique liberationem à subuersione & vastitate quam ipse Nicanor minitatus fuerat. Denique Simonis celebritas, eiectionem Gentium de arce Ierosolymitana.

40. Sed hic antequam vterius progrediamur, aduertendum est, quod Cardinalis Toletus super Ioan. cap. 2. Annot. 2. vbi agit de Festis Iudæorum, in assignandis causis institutionis festorum Pentecostes, Tubarum, & Expiationis, non nihil dissentit à communi Hebræorum ac Latinorum sententia, quam nos paulò antè secuti retulimus. Et primò quod attinet ad Pentecosten, putat eum non in memoriam datæ Legis fuisse institutam; sed ad agendas Deo gratias pro tæ fructibus acceptis. Et hoc tribus potissimum probare nititur argumentis. Primo, quia Scriptura sacra, vbi de tali Festo agit, nihil de data Lege exprimit. Secundo, quia Deuter. cap. 16. vers. 10. illis verbis: *Celebrabis diem festum Hebdomadarum Domino Deo tuo, oblationem spontaneam manuum tuarum, quam offeres iuxta benedictionem Domini Dei tui*; videtur Scriptura indicare, hanc sollemnitatem fuisse institutam, vt dictum est, pro ipsa frugum acceptarum recognitione. Et hoc comprobare conatur auctoritate Iosephi, qui 3. Antiq. cap. 10. ait: *Aequum rati, Deum huius vbertatis auctorem per gratitudinem honorari; hordei primitias offerunt, &c.* & Philonis non procul à fine lib. Decalogi, vbi non dissimilia verba habet. & S. Ioan. Chrysostomi, qui Homil. 4. in Acta idem videtur sensisse, dicens: *Quæ est hæc Pentecoste? cum falx mittenda esset in messem, cum fructus essent colligendi, &c.* Ter-
tio

tio demum , quia, inquit, Doctores antiqui illud tantum affirmare videntur , scilicet, Legem datam die à Paschate quinquagesimo : citatque in hanc sententiam SS. Cyprianum, Hieronymum, Augustinum, & alios. Verumenimvero ad hæc argumenta sic respondere possumus. Ad primum, dato quod festum Pentecostes , ratione alterius festi Primitiarum, quod (vt infra num. 43. dicemus) ei erat adiunctum, quodammodo dici possit fuisse institutum ad agendas Deo gratias pro serotinis frugibus acceptis ; sicuti secunda die Azymorum celebrabatur alterum quoque festum Primitiarum pro frugibus temporaneis , (de quo festo, & non de Pentecoste, loquuntur Iosephus & Philo locis citatis, vt legenti clarum fiet;) attamen nihil prohibet, quin festum Pentecostes in recognitionem Legis datæ principaliter fuerit institutum . Nam & hoc quoque Scriptura sacra videtur aliquatenus indicasse Deuter. cap. 16. vbi de hac sollempnitate agens, post illa verba quæ pro se Toletus in suo 2. argumento citat, hæc vers. 12. subdit: *Custodisti, ac facies quæ præcepta sunt*. Quibus verbis adeo vniuersalibus, vtique videtur in eodem specialiter Festo hortari populum ad obseruanda præcepta Decalogi olim tali die data, & consequenter insinuare, Festum illud in memoriam dictæ Legis fuisse institutum . Sed etiam si Scriptura sacra nihil profus de causâ institutionis dicti Festi indicasset, non ideo tamen esset mirandum; tum quia sufficit, quod nullibi contrarium exprefferit; tum quia ipsa solet interdum eiusmodi causas reticere, & sacris Doctoribus indagandas explicandasque relinquere; quemadmodum signanter patet de quibusdam aliis huiuscemodi Festis, nempe Tubarum, & item Cætus & Collectæ; quorum institutionis causas præterit . Ad illud verò quod Toletus tertio loco dicit, Doctores antiquos id tantum affirmasse, Legem datam die à Paschate quinquagesimo ; idque fuisse figuram aduentus Spiritus sancti, & promulgatæ Legis Euangelicæ; non autem indicasse, quod hoc Festum fuerit institutum in memoriam beneficii acceptæ Legis . Nos econtrariò dicimus, antiquos Patres vtrumque docuisse : nam S. Cyprianus in Serm. de Spiritu sancto hæc ad verbum habet: *Lex igitur in Paschalis agni immolatione die quinquagesimo datur; (ecce primum:)* & *Pentecostes nomen tantæ rei sollempnitas ex Lege accepit.* (ecce alterum:) & S. Hieronymus in epistola ad Fabiolam, quæ est 127. Mansionem 12. *Supputemus, inquit, numerum, & inueniemus quinquagesimo die egressionis Israël ex Aegypto in vertice montis Sinai Legem datam; unde & Pentecostes celebratur sollempnitas* (subaudi, Hebraica: nam de Christiana illic subiungit) & *postea Euangelij sacramentum in Spiritus sancti descensione completur*. Quid clarius dici potuit? Sanctus quoque Augustinus in calce quæstionis 95. ex nouo Testamento causam institutionis antiquæ Pentecostes in hæc verba concludit: *Igitur dedicatio Legis est Pentecoste*. Præterea iidem sancti Doctores, & item SS. Ioannes Chrysostomus & Leo Papa in suis de Pentecoste Sermonibus, & alij, in eo quod aperte asserunt ac supponunt, veterem Pentecosten fuisse figuram nouæ; & in veteri quidem promulgatam esse Legem Moysaicam; in noua verò Euangelicam; vtique etiam supponunt tamquam verissimum atque indubitatum, quod quemadmodum nos in nostra Pentecoste recolimus gratiam promulgatæ Legis Euangelicæ; ita & Hebræi in sua recolent beneficii acceptæ Legis Moysaicæ; alioquin (vt bene ait Cardinalis Bellarminus Controuersia 7. lib. 3. cap. 13.) periret pulcherrima hæc nostræ Pentecostes figura . Denique in Calendario Hebræorum, quod Latine edidit in suis Psalmorum Commentariis Genebrardus, expressè ponitur die 6. mensis Sivan, qui erat anni Sacri tertius, *Dies Pentecostes in memoriam datæ Legis*. quod sanè arguit existisse antiquam de hac re Hebræorum traditionem. Quod attinet ad festum Tubarum, tamen si Toletus non improbabilem putet communem opinionem, quod scilicet institutum fuerit ob liberationem Isaac: tamen magis probare videtur alteram, quam dicit esse SS. Basilij & Theodreti super illa verba Psalm. 80. *Buccinate in Neomenia tuba*. nimirum, fuisse institutum propter illam vocem buccinæ, quæ audiebatur, quando data fuit Lex Moysaica . Verum Toletus (vt ipsèmet ibidem fatetur) in hanc posteriorem sententiam magis inclinatur, quia putat Pentecosten non fuisse institutam ob memoriam datæ Legis . At nos, qui oppositum probauimus, meritò in priorem potius inclinare debemus: præsertim cum festum hoc Tubarum prima die septimi mensis celebrari solet, (vt ex ipso Hebræorum Calendario patet) ille autem buccinæ sonitus die sexta mensis tertij auditus fuerit; & nulla possit rationabilis assignari causa, cur hæc tantum sollempnitas præter ritum aliarum, in aliud tempus transferri debuerit. Præterquam quod non videtur credibile, quod propter dictum tubæ sonum sollempnitas quotannis celebranda fuerit instituta, & propter Legem olim datam (quæ res multò maioris recognitionis ac perpetuæ memoriae

moræ digna erat) nihil tale, si Toletum sequamur, inueniatur sancitum. Porro SS. Ba-
silius & Theodoretus locis citatis, non tam de hoc particulari Festo, quàm de vniuer-
sali tubarum vsu loqui videntur; quòd scilicet in Lege veteri fuerit introductus, vt ho-
mines admonerentur sonitus buccinæ olim mirabiliter in monte Sinai auditi. Denique
de festo Expiationis seu Propitiationis (vtrouque enim vocabulo nuncupatur Leuit.
cap. 23. vers. 27. & 28. quòd in eo specialiter niti deberent, vt & peccatorum suorum
veniam impetrent, & Deum sibi propitium redderent) tamen si videatur institutum,
vt sollempniter orarent pro totius populi peccatis semel in anno, quemadmodum ex-
primitur Leuit. cap. 16. in fine: hoc tamen nihil obstat opinioni communi; quia vel ex
hoc quòd Festum istud statutum fuit debere celebrari die decimo mensis septimi, in
quo constat veterem illam expiationem adorationis vituli (vt nos sub anno mundi
2544. num. 57. probauimus) fuisse promulgatam; proculdubio, vt ibidem diximus, in-
finuatur, eamdem festiuitatem ideò fuisse institutam, vt in eà specialiter propitiationem
illam patribus eorum olim factam deuotè recolerent, ac pro ea debitas gratiarum actio-
nes Deo exoluerent; & pariter ex hac recordatione & occasione sibi ipsi quoque con-
sulerent, nimirum ieiuniis, orationibus, sacrificiis, aliisque eiusmodi ritibus eodem die
à Lege statutis operam dantes, vt vniuersalem etiam omnium illius anni peccatorum
suorum expiationem ac propitiationem obtinerent. Sed iam tempus est, vt sublati
hiscè narrationis nostræ obstaculis, ad eandem profequendam accedamus.

A VESPERA
AD VESPER-
AM CELE-
BRANDAE.

41. Commune item fuit omnibus Hebræorum festiuitatibus, quòd à vespere ad
vesperam celebranda erant, vt præcipitur Leuit. cap. 23. vers. 32. vbi illud à *vespera*
vsque ad vesperam, non est annexendum (vt plura habent exemplaria) verbis antece-
dentibus, quæ loquuntur specialiter de festo Expiationis, tamquam si illud Festum
tantummodò à vespere vsque ad vesperam esset celebrandum: sed à superiori clausula
punctis est separandum, & littera maiuscula inchoandum, quemadmodum videre est
in codicibus Vulgatæ editionis Romæ anno salutis 1593. impressis, quos sequimur,
cum quibus concordant Textus LXX. Interpretum & Paraphrasæ Chaldaicæ, in Bibliis
Regiis excusi. Datur itaque ibi (obiter occasione sumpta à festo Expiationis) regula
vniuersalis, in Festorum sollempnitatibus obseruanda; vt scilicet à vespere præcedentis
diei inchoari deberent, & in proxima sequenti vespere terminari: ac per hoc tacitæ
quodammodò occurrit obiectioni, Cur Scriptura ibidem præcipiat festum Expi-
ationis esse incipiendum die nona mensis septimi, cum paulò antè, hoc est vers. 27. di-
xisset, eandem festiuitatem incidere in diem eiusdem mensis decimam: Quia nimi-
rum omnia Festa à vespere vsque ad vesperam celebranda erant. Quæ regula etiam
nunc in sancta Ecclesia, quoad diuina Officia recitanda, obseruari solet: non propter
vetus illud præceptum, quod antiquatum omnino esse nemo dubitat; sed quoniam sic
postea sancitum fuit in Decretalibus c. 1. de Ferijs. Quamquam non vbique tempus
Vesperarum ita præcisè ab ortu stellæ Veneris, quam Hesperum vocant, incipere so-
leant Christi cultores, vt solebant Hebræi; sed communiter multò antè, nimirum ab
expleta circiter hora prima post meridiem.

SPECIALI-
BUS SACRI-
FICIIS HO-
NORANDAE.

42. Sanè veteres Hebræorum festiuitates singulæ particularibus quibusdam sacri-
ficijs, & oblationibus, ac carimonijs in Lege determinatis celebranda erant; de quibus
vide Leuitici cap. 23. & Numer. cap. 28. & 29. Et si quando duæ pluresve vno eodem-
que die concurrerent, puta Neomenia & dies Tubarum, quæ semper eodem incide-
bant die, & nonnumquam etiam Sabbatum; tunc singula sacrificia, singulis illis diebus
festis assignata, eodem die, præter luge sacrificium, matutinum videlicet & vespertinu-
m, quod nulla die prætermitti poterat, immolanda erant; vt ex citato Num. cap. 28.
vers. 23. & 30. & cap. 29. pluribus in locis euidenter colligi potest, & in Calendario
paulò superius notato expressum est. Licet autem, vt diximus, omnia Hebræorum Fe-
sta antiquitus instituta, proprijs tum sacrificijs tum obseruationibus celebranda essent;
non tamen in omnibus ac singulis iubebantur Hebræi absolute ab omni opere, siue ab
operibus seruilibus abstinere: sed tantummodò in quibusdam diebus sollempnioribus.
Et quidem in Sabbato, quia simpliciter ab omnibus operibus cessare mandatum fuerat
Leuit. cap. 23. vers. 3. propterea etiam quæ ad cibos pertinebant prohibita esse intelligen-
bantur; vnde neque ignem pro victu accendere, neque villos parare cibos licebat in die
Sabbati; sed id facere cogebantur die præcedenti, quæ propterea Parasceue, hoc est
Præparatio, & Ante Sabbatum, dicebatur. Eandem simpliciter cessationem ab omni
prorsus opere etiam in die Expiationis fuisse præceptam, credidit Ribera lib. 5. de Tem-
plo cap. 5. num. 3. fecutus Abulensem super Leuit. cap. 23. quæst. 7. Et ratio est, inquit,
quia

QUANDO
AD OPERI-
BUS SERVI-
LIBUS ABS-
TINENDVM.

RIBERAE
OPINIO RE-
FELLITVR.

quia in eodem Leuit. capite vers. 30. dicitur: *Anima quæ operis quippiam fecerit in die illa, (& loquitur de festo Expiationis) delebo eam de populo suo.* Ex quibus verbis infert citatus Auctor, quod vers. 28. citati capitis, vbi de eadem sollempnitate dictum fuerat, *Omne opus seruile non facietis in tempore diei huius*, oblitтерandum sit illud *seruile*, tamquam redundans. Sed quoniam in Vulgata editione num. præcedenti à nobis citata, quæ merito reliquas omnes auctoritate præcellit, non solum loco Leuit. proximè adducto, sed etiam Numer. cap. 29. vers. 7. vbi de eadem sollempnitate eadem verba repetuntur, utrobique habetur illa particula *seruile*, idcirco tutius videtur asserere, Hebræos in Sabbatis dumtaxat à ciborum præparatione cessare iussos esse; & consequenter, vbi in Leuitico de die Expiationis subiungitur, *Anima quæ operis quippiam fecerit*; & post pauca, *Nihil ergo operis facietis in eo*, debere intelligi de operibus seruilibus non necessarijs, quemadmodum ibidem paulò superiùs indicatum fuerat illis verbis: *Omne opus seruile non facietis in tempore diei huius*. multò namque conuenientius videtur sacram Scripturam rationabiliter exponere, quàm corrigere codices eius audere. Igitur, ut dictum est, in Sabbatis tantum ab omni opere, etiam ad cibi apparatus necessario, abstinere tenebantur Hebræi: in prima verò & septima die Azymorum, ab alijs dumtaxat operibus seruilibus (his quæ ad cibum pertinent exceptis) vt signanter exprimitur Exodi cap. 12. vers. 16. & eodem modo in die Pentecostes, Tubarum, Expiationis, ac in die prima & octaua Tabernaculorum, quando fiebat Cætus atque Collecta. At in Neomenijs, & alijs Azymorum & Tabernaculorum diebus, nullum de abstinendo ab operibus seruilibus præceptum habebant; sed tantummodò tenebantur sacrificia carmonasque illis diebus statutas adimplere.

43. Illud præterea inter memoratas intererat Festiuitates, quod aliquæ, videlicet tres, inter ceteras omnes erant celeberrimæ, scilicet Pascha, Pentecostes, & Scenopegia, quæ erat festiuitas Tabernaculorum: ita vt in hisce sollempnitatibus, & non in alijs, omne masculinum (vt præcipitur Exod. cap. 23. vers. 17. & clariùs Deuter. cap. 16. v. 16.) teneretur apparere in conspectu Domini, id est, vbi esset Tabernaculum siue templum Domini; & ibidem in die Paschatis immolare Phasæ. (etenim ne alibi facerent Phasæ, cauetur in eodem Deuter. cap. vers. 5.) In alijs verò duobus Festis, sicut & in primo, aliquid pro viribus offerre Domino, quemadmodum Deuter. cap. citato vers. 16. vsque ad 18. præceperat idem Dominus, prohibens ne quisquam appareret ante Dominum vacuus. Huc accedit, quod ex priscis Hebræorum sollempnitatibus aliquæ vno die naturali, hoc est viginti quattuor horarum spatio complebantur; puta Sabbatum, Neomenia, Pentecostes, dies Tubarum, & Expiationis: aliquæ verò pluribus, nempe Scenopegia, & Pascha, cum diebus Azymorum coniunctum. quod enim illi cum Pascha festo comprehenderent, liquidò colligitur ex Euangelio Marci cap. 14. vers. 1. vbi dicitur: *Erat autem Pascha, & Azyma post biduum.* & apertius Lucæ cap. 22. vers. 1. vbi legimus: *Appropinquare autem dies festus Azymorum, qui dicitur Pascha.* & vers. 7. *Venit autem dies Azymorum, in qua necesse erat occidi Pascha.* & Actorum cap. 12. vers. 3. vbi dicitur, quod quando Herodes apprehendit Petrum, erant dies Azymorum: & vers. sequenti subiungitur: *Volens post Pascha producere eum populo.* id est post dies Azymorum. Ratio autem memoratæ sollempnitatum differentia hæc assignari solet, quod illæ sollempnitates, quæ fiebant in memoriam alicuius beneficij vno die collati, seu rei vnica die gesta, vnico pariter die absoluebantur: quæ verò plurimis, septenario dierum numero, qui in Sacro eloquio pro vniuersitate accipi solet, celebrari debebant; propterea, quia populus ille triginta diebus (vt sub anno præcedenti num. 31. monstratum est) azymis alitus fuerat, & per quadraginta annos in tentorijs habitauerat; septem diebus durabant festiuitates Azymorum & Tabernaculorum; reliquæ verò singulæ vno tantum die. Item inter se diffidebant prædictæ sollempnitates, quod aliquæ erant simplices, & quibusdam diebus ferialibus intermedijs ab inuicem separatæ, vt Sabbata, Neomenia, dies Tubarum, & Expiationis: aliquæ simul iunctæ & connexæ, vt Pascha cum diebus Azymorum, & Primitiarum, & Collecta: hæc enim quattuor sollempnitates partim erant inter se mixtæ, partim altera post alteram continuatæ: quandoquidem mense primo, quartadecima die mensis ad vesperam, Pascha Domini erat; quemadmodum dicitur Leuit. cap. 23. vers. 5. & Deuter. cap. 16. vers. 6. Et quintadecima die mensis huius, sollempnitas Azymorum, Leuit. cap. citato vers. 6. Altera autem dies Azymorum, quæ erat decimafexta dicti mensis, simul erat dies Primitiarum; in qua, vt ibidem vers. 10. 11. & 15. legimus, offerri debebant Domino manipuli spicarum primitiæ messis, quandoque quidem frugum temporaneorum, quandoque verò serotinarum, vt sub anno mundi

FESTA
PRÆCIPUA
QUAE, ET
QUID IN
IPSIS AGE-
RE TENE-
RENTUR.

QUAE VNI-
CO DIE, ET
QUAE PLU-
RIBUS AGE-
BANTUR.

QUAEDAM
SEIUNGTA,
QUAEDAM
ALIIS CO-
PVLATA.

DIES COE-
TVSET PRI-
MITIARVM
DVPLICIS,
ET CVR.

mundi 2544. num. 10. dictum est; quas fruges igni torrere confueuerant, vt traditur Leuit. cap. 2. vers. 14. & apud Iosephum 3. Antiq. cap. 10. In septimo item die Azymorum fiebat quedam hominum coadunatio, quæ dicebatur Cœtus seu Collecta, cuius fit mentio Deuter. cap. 16. vers. 8. Ecce quot Festa cum Paschali sollemnitate copulabantur. Similiter dies Pentecostes continebat aliam Primitiarum sollemnitatem, cuius fit mentio Numer. cap. 28. vers. 26. In hac primitiuorum die offerebantur primitiæ messis triticeæ, vt expressè habemus Exod. cap. 34. vers. 22. & fortassis aliarum quoque frugum serotinarum, vt videtur posse colligi Numer. cap. 28. vers. 28. vbi supponitur, Leuitas de vniuersis primitias accepisse. Et præterea duo panes primitiarum, de quibus præcipitur Leuit. cap. 23. vers. 17. In diebus quoque Tabernaculorum, qui erant septem, adiungebatur octauus, qui & ipse dicebatur dies Cœtus seu Collectæ, eratque sollemnis: Leuit. cap. 23. vers. 36. & Numer. cap. 29. vers. 35. Quare duplex fuit apud Hebræos celebritas Cœtus siue Collectæ: altera quæ fiebat in septima die Azymorum, altera immediatè post septem dies Tabernaculorum: fortassis, vt sic bis in anno simul collecti & coadunati coram Domino, gratias agerent pro collectis frugibus temporaneis & serotinis: vel (vt alijs magis placet) vt prima vice, septima scilicet die Azymorum, in vnum congregati, gratias Deo rependerent, quodd (ex quo sparsim per turmas de Ægypto exierant, ita exigente magna illa festinatione qua ab Ægyptijs exire compellebantur, quam festinationem Azymorum comestione recolebant) eos postea Dominus in vnum collectos, per Marc rubrum mirabiliter traduxisset: altera verò vice, videlicet octaua Tabernaculorum die, vt pariter vnanimis Deo debitas gratiarum actiones exoluerent, quodd post quadraginta annorum peregrinationem in deserto, quam septem diebus præcedentibus in tabernaculis habitantes commemorauerant, omnes tandem in Terra promissionis incolumes congregasset. Vtrum autem quemadmodum postea Apostolorum temporibus in Ecclesijs Christianorum Gentilium colligi solebant per vnam Sabbati eleemosynæ Ierosolymam transmittendæ pro pauperibus fratribus ibidem sustentandis, vt patet 1. ad Corinth. cap. 16. vers. 1. & 2. vbi Apostolus mandat, de collectis eodem modo esse faciendum in Corinthiorum Ecclesijs, sicuti ipse ordinauerat Ecclesijs Galatiæ: ita etiam olim apud Hebræos in illismet diebus Cœtus, & non in alijs, fierent quoque (vt multi crediderunt) nummorum collectæ, pro expensis in Tabernaculo templorū faciendis; vsque adhuc exploratum non habemus: nisi quodd Cardinalis Toletus super Ioannis cap. 7. Annot. 2. titulo De Collectis, id sine vlla hæsitacione affirmat, quamuis nulla veteris Testamenti Patrūve testimonia de hac re proferat. Et hæc de Hebræorum Festiuitatibus sint dicta.

DE IEIUNI
DIEBUS.

44. Quoniam verò Festis diebus annexi admodum esse videntur dies Ieiuniorum, vtpote qui & ipsi aliquam habeant sollemnitatem, & sæpè Festa præcedere soleant, ad animos pro illis deuotius celebrandis præparandos; videretur hic etiam de sollemnioribus Hebræorum Ieiunijs aliquid subiungendum. Verum quia non solum in Leuitico, sed in alijs quoque Sacris libris, pauca admodum de ipsis habentur: ex quo inferri potest, non plura olim Hebræis indicta fuisse Ieiunia, & plurima illa quæ nunc ab ipsis obseruari dicuntur, (paucis dumtaxat exceptis) potius ab ipsorum Rabbinis, & posterioribus valde temporibus introducta fuisse, quàm olim à Deo instituta: propterea hic tantummodò ea, quæ in Sacris libris notata reperiuntur, breuiter commemorabimus. Qui verò de alijs quoque curiosius edoceri exoptauerit, videre poterit Kalendarium Hebraicum, quod Genezardus Latinum fecit, & cum suis in Psalmos Commentarijs edidit: ibi enim omnia diligenter collecta, proprijsque mensibus ac diebus adnotata inueniet, adiunctis etiam breuiter causis, cur singula fuerint instituta. Quæ ergo in sacris Scripturis memorantur ieiunia, non semper explicitè Ieiunij, sed interdum etiam Animorum afflictionis vocabulo significata fuisse, colligi potest ex Leuit. cap. 16. vers. 29. & cap. 23. vers. 27. 29. & 32. & Numer. c. 29. vers. 7. quibus in locis loquitur Scriptura de die Expiationis; in qua, vt ibidem tradunt Expositores, etiam ieiunij præceptum à Deo datum fuerat. Quamquam autem eadem Scriptura sacra frequenter memoret, plurimos extraordinarijs varijs de causis ieiunasse, & nonnumquam item, ob ingruentes calamitates communiter prædicata indictaque pro tunc fuisse ieiunia: nescio tamen an vmquam de villo alio sollemni & ordinario meminerit, præterquam de illis quattuor, quos paucis perstringit Zacharias cap. 8. vers. 19. dicens: *Hæc dicit Dominus exercituum: Ieiunium quarti, & ieiunium quinti, & ieiunium septimi, & ieiunium decimi erit domui Iuda in gaudium & letitiam, & in sollemnitates præclaras.* Nam etsi Ieremiæ cap. 36. vers. 9. legimus, prædicatum fuisse ieiunium in mense nono anni quinti Regis Ioakim: non satis

fatis tamen exploratum videtur, vtrum illud fuerit ordinarium, & quotannis prædicari solitum; an verò extraordinarium, atque ex particulari aliqua tunc occurrente causa prædicatum. Licet enim videri possit fuisse ordinarium, quia in præfato Hebræorum Calendario, Ieiunium, ob combustum à Rege Ioakim volumen, quod Baruch dictante Ieremia conscripserat, reperitur notatum die septima mensis Calæu, qui erat Anni sacri mensis nonus: nihilominus, si ieiunium in dicto Calendario notatum, expressa ibidem de causa fieri consueuerat; proculdubio oportet, quòd ante memoratum Regis Ioakim annum non fuerit in vlu, sed quòd postea à Rabbinis fuerit institutum. Quin etiam addimus, quòd Ieiunium illud de quo Ieremias vbi supra loquitur, asseritque memorato mense annoque fuisse prædicatum, non videtur potuisse prædicari ob dicti voluminis combustionem: quandoquidem ex continuato Sacri textus ordine apparet, dictum volumen eodem quidem anno ac mense fuisse combustum, sed post illius ieiunij prædicationem. Quod si ita est, vti que oportet illud alia de causa nobis incognita tunc fuisse prædicatum; nec tamen propterea sequitur, quòd fuerit annuum & ordinarium, tamquam olim à Deo institutum: quia si sic esset, fuisset etiam cum sua pariter causa in dicto Hebræorum Calendario registratum. Quod verò attinet ad Ieiunia loco Zachariæ citato memorata, B. Hieronymus veteres secutus Hebræos, exponit has ob causas fuisse instituta; videlicet Ieiunium quarti mensis, quoniam tunc Moyses de monte descendens, visa populi in cultu vituli idololatria, confregit tabulas Legis quas à Domino acceperat. Ieiunium quinti mensis, quia tunc Hebræi propter seditionem inter ipsos concitatam, prohibiti sunt rectè ire in Terram promissionis, sed circumducti sunt quadraginta annis per desertum: & quia eodem postea etiam mense Ierusalem templumque à Chaldæis (vt suprà anno mundi 3447. num. 1. dicemus) exulta sunt. Ieiunium mensis septimi, propter eadem Godoliam, quæ fuit Hebræis valde perniciofa, quamquam fortè melius dici posset, ob diem Expiationis, quem cum ieiunio, vt dictum est, celebrabant die decimo mensis septimi. Denique Ieiunium mensis decimi, quoniam Ezechiel & qui cum eo erant in Babylone captiui, in tali mense audierunt, templum vrberumque fuisse desolata. Neque verò est quòd B. Hieronymo hac in parte minus credendum quis putet, quòd aliquos habuerit contradictores; quandoquidem etiam strenuum habuit defensorem Riberam super loco Zachariæ paulò supra citato: & præterea eadem B. Hieronymi sententia comprobari potest, de quarto quidem mense, ex his quæ nos sub anno mundi 2544. num. 48. diximus: de alijs verò tribus, ex his quæ infra suis locis dicemus. Aduertendum verò est, Hebræos Ieiunium decimi mensis, quod die quinto institui debuerat (tali enim die, vt patet Ezechielis cap. 33. vers. 21. qui erant captiui in Babylone nuntium acceperunt de Ierosolymorum templique subuersione) in suo Calendario, nescio quam ob rem, præterijisse, & eius loco alterum alia de causa in decimo eiusdem mensis die posuisse, quòd nimirum tunc Nabuchodonosor Ierosolymam (vt 4. Reg. cap. vlt. vers. 1. traditur) obsidere cœpisset. Insuper ipsi Hebræorum Rabbin, in dictis quarti & quinti mensis Ieiunijs notandis, non rectam videntur dierum rationem inijsse: siquidem Ieiunium quarti ob fractas Legis tabulas, posuerunt in decimoseptimo dicti mensis die, cum debuissent illud ponere in vigesimo quinto, quòd die confractas fuisse tabulas, ex his quæ sub anno numeroque proximè citatis diximus, perspicue colligitur. Item Ieiunium quinti, quòd prohibiti fuissent Hebræi rectè de Cadesbarne in proximam transire Terram promissionis, ponunt die nono, cum id die circiter illius mensis vigesimosexto contigisse, ex infra num. 65. dicendis constare possit. Sed non mirum est, Rabbinos in huiusmodi diebus aliquando hallucinari; cum in annis quoque totam fere ipsorum Chronologiam valde mendosam esse certissimum sit, quemadmodum in Procemio huius Operis num. 8. ostensum est. Cæterum, hæc Ieiunia nos in nostro Hebræorum Calendario, quod supra num. 27. vsque ad 39. posuitum fuit, singula proprijs locis adnotare maluimus.

REDA R-
GVNTR
QVAEDAM
RABBINO-
RVM POSI-
TIONES.

45. Veniamus nunc ad legales immunditias & pollutiones, earumdemque expiationes seu purificationes, de quibus etiam hoc loco agere proposueramus. Oportet autem ante omnia recolere, quòd, vt optimè docet B. Thomas 1. 2. quæst. 102. art. 5. ad 4. Dei cultus, siue spiritalis, qui consistit in deuotione mentis ad ipsum; siue corporalis, qui in quibusdam actibus humanis exterioribus ad Dei honorem directus positus esse videtur; quales olim erant, sacrificia facere, sanctificata comedere, sancta, hoc est munda tangere, ire ad templum, & cetera huiusmodi; poterat legalibus quibusdam obstaculis impediri: nam à cultu spiritali impediabant peccata, nempe idololatria, homicidium, adulterium, incestus, & similia; quæ proculdubio animam maculant: & ab illis pollutionibus

DE LEGALI-
BUS IMMUN-
DITATIBUS, ET
EARVM EX-
PIATIONI-
BUS.

tionibus spiritualibus purificabantur homines illo sacrificij genere, quod Pro peccato diximus appellari, & vel pro peccato multitudinis, vel particularium offerri consueverat: non quòd sacrificia illa carnalia ex se ipsis virtutem haberent expiandi peccata, sed quia significabant expiationem peccatorum, quæ fieri debebat in Passione Christi, cuius participes erant etiam illi, qui sub veteri Testamento debebant, protestantes fidem Redemptoris in illorum sacrificiorum figuris. A corporali verò siue exteriori cultu, impediebant olim legales quædam immunditiæ, seu veluti quædam irregularitates, quæ principaliter quidem contrahebantur in hominibus, consequenter autem in alijs quoque rebus, ad ipsorum hominum vel diuini cultus usum pertinentibus; puta in animalibus, in vestimentis, in domibus, & in vasis. Itaque dupliciter homines huiuscemodi immunditias seu irregularitates contrahere poterant: Vno modo, quotiescumque in se haberent aliquid corruptum, vel corruptioni expositum; vnde quia mors est quædam corruptio, omnia cadauera reputabantur immunda: & item omnes leprosi, quoniam lepra ex corruptis humoribus erumpit: & similiter omnes mulieres sanguinis fluxu laborantes, siue ex aliqua infirmitate, siue naturaliter, vt fit temporibus menstruis, & partus: eadem ratione omnes viri feminis fluxum patientes, vel ob infirmitatem, quam gonorrhœam vocant; vel ob nocturnam pollutionem, aut coitum: nam omnis huiuscemodi humiditas, prædictis modis ab homine egrediens, immundam quamdam habet infectionem. Altero modo legalis immunditia contrahebatur per contactum rerum immundarum; puta cuiuscumque cadaueris, item leprosi hominis, aut vestis, aut domus, item ex contactu alicuius vasis immundi; (quòd enim vasa quædam reputari deberent immunda, patet Leuit. cap. 9. vers. 32. & Num. cap. 19. vers. 15.) item per comestionem animalium immundorum; pro quibus discernendis dantur regulæ Leuit. c. 11. per totum, & Deuter. cap. 14. vers. 3. vsque ad 21. item ob esum sanguinis, & consequenter suffocatorum; quoniam in ipsis à carne sanguis non est separatus. Extat de sanguine generalis prohibitio Genes. cap. 9. vers. 4. Leuit. cap. 7. vers. 26. & fusiùs cap. 17. vers. 10. vsque ad 15. & Deuter. cap. 12. vers. 23. & sequentibus, & Actorum cap. 15. vers. 20. & 29. & cap. 21. vers. 25. Et quidem Leuit. cap. 17. vers. 13. & loco Deuter. adducto signanter quoque præcipitur, vt animalium sanguinem in terram effunderent quasi aquam, ex quo patet, ibidem etiam implicite prohiberi suffocata; locis verò Actorum citatis, explicite eadem suffocata vetita fuisse declarantur. Contrahebatur item legalis immunditia ex comestione adipis bouum, ouium, & caprarum; nam id vetitum erat Leuit. c. 7. vers. 23. & 25. Denique abstinebant quoque Hebræi ab esu neruorum, non omnium, sed illorum qui femora animalium cum spina dorsii coniungunt; quoniam huiusmodi neruus læsus fuerat ab Angelo in Iacob, quando luctauit cum eo, vt legimus Genes. cap. 32. vers. 25. & 32. Sed nescio an esus talis nerui legalem induceret immunditiam, quia id nulla erat Lege vetitum, sed voluntaria tantum religione ac reuerentia introductum: quamquam dici possit, quòd vetus consuetudo transierit in legem. Neque verò solum homines ex contactu rei immundæ polluebantur, sed aliæ quoque res: siquidem Leuit. cap. 7. vers. 19. dicitur: *Caro, qua aliquid tetigerit immundum, non comedetur.* & cap. 11. vers. 32. *Super quod ceciderit quidquam de morticinis eorum, polluetur.* & ibidem vers. 35. non solum vestes & vasa, omniæque in eis contenta, sed & clibani, & chytropodes siue foci, vel potius tripodes quidam lutei, ad sustinendos lebetes aliæque eiusmodi vasa super prunas parata, si quid immundum super eis ceciderit, destrui iubentur ob contractam immunditiam: & Numer. cap. 19. vers. 22. vniuersaliter pronuntiatur: *Quidquid tetigerit immundus, immundum faciet.* Reatus verò pœnæ, quam incurrebant se huiusmodi immunditijs polluentes, & qui polluti nihilominus ab actibus vetitis non abstinebant, (intellige, nisi priùs fuissent expiati, vt declaratur Numer. cap. 19. vers. 20.) colligi potest Leuit. cap. 7. vers. 21. & 27. vbi dicitur, quòd qui comederit adipem vel sanguinem, peribit de populo suo, & vers. 20. eadem infligitur pœna quouis modo pollutis, qui carnes pacificorum comedere ausi fuerint. Cur autem Deus in Lege illa veteri memoratas induxerit prohibitiones seu irregularitates, optimè explicat B. Thomas 1.2. quæst. 102. art. 5. ad 4. & art. 6. ad 1. vbi singularum causas litterales, morales, figuralesque adducit. Ceterum, pollutiones primo modo contractæ, quia maiores erant, non certis solum lustrationibus, sed & quibusdam sacrificijs expiandæ erant; vt patet Leuit. cap. 12. 14. & 15. vbi ritus expiandi puerperas, leprosos, viros seminifluos, & mulieres menstruofas traduntur. Quæ autem secundo modo contrahebantur, nimirum ex solo contactu rerum immundarum, quoniam minores erant, faciliiori ritu purificabantur, videlicet per solam aquæ lustrationis asperersionem, quæ aqua

LEGALES
IMMUNDI-
TIAE DV-
PLICITER
CONTRA-
HEBANTUR.

POENA IM-
MUNDORVM

DEEORVM
EXPIATIO-
NIBVS.

aqua quomodo ex commixtione cinerum vaccæ rufæ fieret, & quibus ritibus, accuratè describitur Num. cap. 19. per totum, & exponitur à B. Thoma quæst. citata art. 5. ad 5. Verùm quia in hisce purificationibus procurandis multi siue per negligentiam, siue per ignorantiam delinquebant; ne talibus vinculis perpetuò irretracti permanerent, fiebant semel in anno (nempe in festo Expiationis, quod die decima mensis septimi celebrabatur) quædam sacrificia, ritu quodam speciali instituta, ad expianda peccata, purificandasque omnes sacerdotum & totius populi pollutiones, vt habetur Leuit. cap. 16. per totum. Et huius pariter ritus rationes, tum litterales tum figurales, diligenter valde explicat idem sanctus Doctor ibidem ad 6. Sed iam tempus est vt ad historię cursum redeamus.

46. Per hæc tempora, nimirum quando dabantur à Domino Moysei præcepta in Leuitico contenta, arbitror accidisse memorabilem illam blasphemii lapidationem, quæ describitur Leuit. cap. 24. vers. 10. vsque ad finem capitis. Puto autem eam ibi inter illas leges obiter quocummodò fuisse interpositam; quod tunc improvisò contigerit, quando Moyses scriberet præceptum à Domino acceptum, De panibus propositionis per singula Sabbata renouandis: id enim etiam indicant illa loci citati verba: *Ecce autem egressus filius mulieris*, &c. quæ nimirum rem veluti inopinatam, & tunc de repente exortam insinuant videntur.

DE BLAS-
PHEMII LA-
PIDATIONE.

47. Per eadem quoque tempora, nimirum circa medietatem primi mensis anni secundi ab exitu Israëlitarum de Ægypto, vt num. 49. probabitur, oportet acta esse ea, quæ per anticipationis figuram describuntur in toto Exodi cap. 18. videlicet, De Iethro Moysei socero: qui cum audisset quod Dominus eduxerat generum suum cum vniuerso Hebræorum populo de terra Ægypti, venit ad eum cum Sephora vxore, & duobus filiis ipsius Moysei, in desertum, vbi castrametatus erat iuxta montem Dei. Ex quo perspicue inferitur, verissimum esse quod nos sub anno mundi 2544. num. 3. diximus, nempe Moysen, quando missus à Domino de Madian in Ægyptum, cum vxore sua & filiis proficiscebatur, ab Angelo perterritum, remisisse vxorem & filios ad socerum suum, vt hisce domesticis solutus impedimentis, expeditius Domini mandata exequi posset. Nam quod Exod. cap. 4. vers. 26. Scriptura reticuit, id Exod. cap. 18. vers. 2. explicauit, dicens: *Tulit Sephoram vxorem Moysei quam remisit, & duos filios eius*, &c. Porro, vt primùm audiuit de aduentu soceri sui Moyses, egressus est in occursum eius, & honorificè susceptum introduxit in tabernaculum suum, narrauitque ei omnia mirabilia, quæ fecerat Dominus Pharaoni & vniuersæ terræ Ægypti, vt inde Israëlitas educeret. Quamobrem lætatus Iethro est valdè, & benedixit Domino Deo Israël; ac deinde obtulit ei holocausta & hostias pro gratiarum actione. Altera verò die, videns Iethro Moysen à mane vsque ad vespèram in diiudicandis populi quæstionibus plus iusto occupatum, optimum ei consilium dedit, vt scilicet constitueret Tribunos & Centuriones, Quinquagenarios & Decanos, qui faciliora iudicarent, grauiora autem dumtaxat ad ipsum referrent. Placuit ergo Moysei consilium, nec distulit illud executioni mandare. Eximium certè humilitatis ac prudentiæ indicium: quod scilicet tantæ sapientiæ vir, post tot tamque admirabiles calitus habitas reuelationes, ethnici etiam hominis consilium non sit aspernatus. Vtrique non ignorabat iste Sanctus, Deum quandoque viros præstantis ingenij ac sublimioris status, per alios inferioris conditionis & scientiæ, ritè docere consueuisse: vt (quem admodum dicebat Apostolus) sublimitas sit virtutis Dei; id est, vt omnes intelligant recta consilia, sicuti & cetera bona à Deo esse, qui per quoscumque mauult, ea dare ac proferre potest. Quo factum est, vt non ineptè postea apud Gentiles versus ille vice Prouerbij admodum celebratus sit, quem Græce refert A. Gellius Noctium lib. 2. cap. 6. & Latine sic redditur:

IETHRO
CUM SEPHO-
RA ET FI-
LIIS VE-
NIUNT AD
MOYSEN.

MOYSES OC-
CURRIT SO-
CERO, EVAN-
GELICE EX-
CIPIT,

ET ITHRO
CONSILIO
ACQVIESCIT

Sæpe etiam est olitor valde opportuna locutus.

48. Verum enim verò, quia pro certo supponendum videtur, præfatum Iethro de terra sua Madian, & non aliunde, ad Moysen properasse; posset forsitan hic aliquis dubitare, quomodo, qui habitabat inter Madianitas Moabitibus finitimos, & consequenter à monte Sinai valdè remotos, potuerit audire de aduentu Moysei ad dictum montem, & adducere ei vxorem & filios de terra tam longinqua, ad quam postea Israëliticus populus non nisi multo tempore peruenire valuit. Huic tacitæ obiectioni vt occurramus, dicere possumus, admodum probabile esse, quod eo tempore quo Moyses morabatur in Sinai, & multò etiam antè, terra Madian magis se extenderet versus Ægyptum, & ideo fines eius non valdè distarent à monte Sinai: nam & quando Moyses pascibat gregem soceri sui in terra Madian, ducebat illum (vt dicitur Exod. cap. 3.

TOLLITVR
OBJECTION.

verf. 1.) ad montem Dei Horeb, quem nos sub proximè præcedenti anno mundi num. 34. ostendimus eundem esse cum Sinai. Ratio autem assertæ vicinitatis est, quia tunc, & donec superuixit Iob, omnes Idumæi, vel maior ipsorum pars, adhuc incolebant regionem monti Galaad proximam (vt nos sub anno mundi 2319. num. 7. ostendimus) & necdum venerant ad illum montem Seir, qui inter duo maria, Mortuum scilicet & Rubrum, erat positus; aut si quidam ipsorum sese iam illic transfulerant, modicam sanè partem illius regionis obtinebant. Quare maior eiusdem regionis ad dictum Sinai montem vergentis pars, quæ postmodum Idumæa dicta est, prius ad Madianitas pertinuisse creditur. Post aliquot verò annos, Idumæi de Galaad omnino pulsi, & in memorata regione recepti, deincepsque admodum aucti, dilatauerunt ibi valde fines suos: quandoquidem exterminatis inde Horrhæis, vt obiter dicitur Deuter. cap. 2. verf. 22. non solum incoluerunt pro eis montem Hor & loca ei proxima; sed etiam partem regionis Madianitarum occuparunt, vt colligi potest ex cap. Genes. 36. verf. 35. vbi post recensitos aliquot Reges posteritatis Esau, aperte traditur, quod Adad, qui secundus post obitum S. Iob regnauit in Idumæa, percussit Madian in regione Moab. hoc est, (quemadmodum ibidem exponit Abulenſis) vicit Madianitas etiam, postquam ad proximæ pro auxilio Moabitas confugerant. Et tunc credibile est, quod idem Adad ablatam à Madianitis partem terræ ipsorum vergentem ad montem Sinai, eandem adiunxerit Idumææ, relictaque sit Madianitis altera tantum pars, quæ Moabitis contermina erat, & à monte Sinai longius distabat, ad quam postea Israëlita, non nisi post mortem Aaron, videlicet anno quadagesimo ab exitu de Egypto, peruenire potuerunt, quia prius coacti fuerant circuire montem Seir longo tempore, vt expresse dicitur Deuter. cap. 2. verf. 1. Credimus tamen, præscam illam Madianitarum terram, in qua olim habitabat Iethro, non adeò fuisse propinquam monti Sinai, quin duæ vel etiam tres diætæ intercederent: certum namque est, quod olim pastores procul admodum solebant interdum ducere greges suos, in regionibus præsertim aridis, vt pascua eis inuenirent. vnde Genes. cap. 30. verf. 36. Laban in Mesopotamia dicitur separasse gregem suum, & posuisse spatium itineris dierum trium inter gregem varium, & vnicolorem. & cap. 31. verf. 19. & 22. legimus, eundem Laban iussisse ad tondendas oues, & non nisi die tertio habuisse nuntium de fuga Iacob generi sui. & cap. 37. verf. 12. vsque ad 15. habemus, quod filij Iacob de valle Hebron perrexerant ad pascendos greges suos vsque in Sichimis, & inde in Dothain, quæ loca ab Hebron non minùs distita fuisse videntur.

QUANDO
VENERIT
IETHRO AD
MOYSEN.

49. Dixi, hæc contigisse circa medietatem primi mensis anni secundi ab exitu, hoc est vno circiter mense, aut paulo plus, antequam proficisceretur Israëlita de monte Sinai; quod ex his quæ consequenter subiungemus, manifestum fiet. Et primò, certum est ex citato Exodi capite 18. quod Iethro non venit ad Moyſen in Raphidim, (vt prima fronte ex continuatione eorum, quæ in præcedenti capite narrata fuerant, videtur indicari) sed in Sinai: dicitur enim verf. 5. venisse Iethro ad Moyſen, vbi erat castrametatus iuxta montem Dei; quo montis nomine proculdubio significatur mons Sinai, vbi data fuerat Lex: nam idem mons iisdem præne verbis denotatur Num. cap. 10. verf. 33. vbi, quando describitur profectio populi de duodecima mansione facta in Sinai, dicuntur Israëlita *profecti de monte Domini*, siue (vt habet editio LXX. Interpretum) *de monte Dei*. Vnde patet, aduentum istum Iethro ad Moyſen, sibi per anticipationem, vt dictum est, fuisse narratum. Deinde, quod Iethro non venerit ad Moyſen ante datam Legem, imò nec ante decimam diem mensis septimi, quando descendit Moyſes de monte, portans secundas Legis tabulas, probat Abulenſis super Exod. cap. 18. quæst. 2. multis argumentis. Et reuerà, si quis diligenter attendat quæ nos sub anno præcedenti à num. 37. ad 58. diximus; inueniet, Moyſen, ex quo Israëlita tentoria fixerant in Sinai, vsquequod ipse descendit secundò cum tabulis de monte, semper adeò fuisse occupatum, partim in frequenti ascensu & descensu de monte, quando vicem gerebat internuntij inter Deum & populum, partim in ipso monte, quando bis mansit ibi cum Domino quadraginta diebus continuis; vt non videatur tunc vacare potuisse aut in focero suscipiendo, comiterque eum tractando, ac detinendo; aut in audiendis ac dijudicandis tota die populi quæſtionibus, præsertim leuioribus; aut in exquirendis constituendisq; super populum Tribunis, Centurionibus, Quinquagenarijs, ac Decanis. Præterea, si ante vel non multò post secundum Moyſis descensum cum tabulis de monte Sinai, venisset Iethro ad Moyſen, oporteret ipsum postea cum Moyſe ad minus septem mensium spatio mansisse; siquidem certum est, quod quando Moyſes die

die vigesima mensis secundi anni secundi volebat cum populo proficisci de Sinai, inuitavit locerum suum vt & ipse secum veniret ad Terram promissionis, vt patet Numer. cap. 10. vers. 29. vsque ad 33. Atqui non est verisimile, quod Iethro, qui satis magnam creditur domi habuisse familiam, & greges plurimos, tamdiu à propria domo abesse potuerit. Denique ex Deuter. cap. 1. vers. 6. vsque ad 18. aperte colligitur, Moysen constituisse prædictos Tribunos & Centuriones, non multò antequam populus de duodecima statione discederet. sic enim ibi legimus: *Dominus Deus noster locutus est ad nos in Horeb* (hoc est Sinai, vt sub anno mundi 2544. num. 34. probauimus) *dicens: Sufficit vobis quòd in hoc monte mansistis, reuertimini, & venite ad montem Amorrhæorum.* & post pauca, videlicet vers. 9. subditur: *Dixi, vobis illo in tempore: Non possum solus sustinere vos, &c.* deinde vers. 15. sequitur: *Tulique de tribubus vestris viros sapientes & nobiles, & constitui eos Principes, Tribunos, & Centuriones, & Quinquagenarios, & Decanos.* ac deum vers. 19. narratur profectio populi de duodecima mansione, illis verbis: *Profecti autem de Horeb, transiimus per eremum terribilem & maximam, quam vidistis, per viam montis Amorrhæi.* Ex quibus omnibus perspicue infertur, non potuisse Iethro venire ad Moysen, nisi vno circiter mense, vel paulò plus, antequam discederet populus de Sinai.

50. Nec obstat prædictis, quòd Exod. cap. 18. vers. 12. legimus, ipsum Iethro obtulisse holocausta & hostias Domino: vnde infert Caietanus, oportere eumdem Iethro venisse ad Moysen priusquam consecrati essent Aaron & filij eius, & Altare holocausti, alioquin, inquit, non fuisset externum Sacerdotem immolare Domino coram Tabernaculo fœderis. Non, inquit, hoc obstat: quia si Hebræi, vt honorarent focerum Moysi Sacerdotem, iam conuersum ad Dominum, permiserunt ipsum offerre Hebraico more sacrificia Domino; non est valde mirandum: scimus enim obseruantias legales tunc, & toto tempore quo fuit populus in deserto, nondum plenè in vsu fuisse; sed faciebat vniuersusque quod ei rectum videbatur, vt expressè habemus Deuter. cap. 12. vers. 8. Vel etiam dici potest, quòd Iethro non per seipsum, vt vult Caietanus, sed per Sacerdotes Domini, Aaronem scilicet & filios eius, obtulerunt sacrificia Domino; quod etiam magis placet Oleastro. Non etiam obstat his quæ suprà diximus, quòd ille, quem Moyses inuitauit vt secum pergeret ad Terram promissionis, non Iethro appellatur, sed Hobab filius Raguel; nec dicitur focer, sed cognatus Moysi, vt patet Numer. cap. 10. vers. 29. vnde videtur esse alter ab illo: non, inquam, obstat; quia focer Moysi erat trinominis: ille enim qui tam in editione Vulgata quàm in LXX. Interpretibus Exod. cap. 2. vers. 18. vocatur Raguel, idem Exod. cap. 3. vers. 1. & cap. 4. vers. 18. & cap. 18. vers. 1. 6. 9. & 11. dicitur Iethro, siue (quod idem est) à LXX. Interpretibus Iothor: & Numer. cap. 10. vers. 29. appellatur Hobab. Et si singula hæc loca diligentius pendere volueris, proculdubio inuenies, Scripturam sacram in singulis de vno eodemque homine, sub diuersis tamen nominibus, agere; eo modo quo Principem Apostolorum quandoque vocat Petrum, quandoque Simonem, & quandoque Bar-Iona. Nec refert quòd aliquando dicatur focer, aliquando cognatus Moysi: quia reverà erat focer; dederat enim Sephoram filiam suam Moysi in vxorem. Quando autem dicitur cognatus, non specificè & propriè est accipiendum, ac si non pater, sed frater Sephoræ fuisset; sed generaliter & impropriè, quatenus deriuatur à cognatione, quæ sese extendit etiam ad affines. Quandoquidem illemet, qui in Vulgata editione Exod. cap. 3. vers. 1. & cap. 4. vers. 18. dicitur focer Moysi; idem deinde in cap. 18. vers. 1. 6. 7. 8. & 11. & Numer. cap. 10. vers. 29. appellatur cognatus eiusdem Moysi: & idemmet, qui in editione Vulgata locis proximè citatis dicitur cognatus; in Textu LXX. Interpretibus semper nuncupatur focer. Vnus ergo erat, non plures. Nec mireris quòd Hobab Numer. loco citato dicatur filius Raguel; quia non inconuenit, quòd qui triplici nomine, Iethro, Hobab, & Raguel appellabatur, filius alterius Raguelis fuerit, sicuti Tobias iunior Tobiae senioris, & alij multi: nam & notum est, quòd cognati S. Ioannis Baptistæ, iuxta morem illorum temporum, volebant vocare eum nomine patris sui, Zachariam. Atque hîc obiter non videtur prætereundum, quòd iste focer Moysi non modò trinominis, vt dictum est, sed & (vt ita dixerim) quadrinominis à nonnullis fuisse creditur; quòd insuper appellatus quoque fuerit Cinæus: sed hoc non nomen proprium fuit cognati Moysi, sed cognomen, commune ei & omnibus de familia sua, qui Cinæi dicebantur, quòd à quodam Cin nomen originemque duxissent, de quibus dicemus infrà sub anno mundi 2583. num. 23.

51. Die prima mensis secundi anni secundi ab exitu de Ægypto, appropinquante iam tempore exeundi de Sinai, Moyses vocatis ad se de mandato Domini Aaron &

TOLIVNTVR
OBIECTA.

LETHRO
SOCER
MOYSI QVOT
QVIBVSQVE
NOMINIBVS
IN SCRIP-
TVRIS ME-
MORATVS.

RECENSEN-
TYR APTI
AD PYGNAM
PRIMA VI-
CE.


ASSIGNAN-
TYR LOCA
TRIBVBY
INCIRCVI-
TV TABER-
NACVLI.

RECENSEN-
TYR LEVI-
TAE, EISQVE
LOCVS ASSI-
GNATVR.

duodecim Principibus tribuum Israel, quorum nomina recensentur Numer. cap. 1. v. 5. ut instrueret exercitum aduersus hostes, qui ipsis in via superuenire possent; coepit cum eis nominatim recensere aptos ad pugnam, à viginti annis & supra; & inuenta sunt sexcenta tria millia quingenta quinquaginta, præter Leuitas: Num. cap. citato per totum. Deinde, quia adhuc assignata non erant loca stabilia singulis tribubus in circuitu Tabernaculi: ne deinceps in mansionibus faciendis aliqua oriretur confusio, sed scirent singulae tribus ad quam partem Tabernaculi erigere tentoria sua deberent; distinxit duodecim tribus in quattuor castra, habentia singula tres tribus sub vnico insigniori vexillo. Prima appellauit castra Iudæ: secunda, Ruben: tertia Ephraim: quarta, Dan. Sub primo vexillo cum tribu Iuda, erant tribus Issachar & Zabulon: sub secundo cum Ruben, erant Simeon & Gad: sub tertio cum Ephraim, Manasses & Benjamin: de- mum sub quarto cum Dan, Aser & Nephtholim. Priora castra collocauit ad Orientalem Tabernaculi partem: secunda, ad Meridiem: tertia, ad Occidentem: quarta, ad Septemtrionem; Num. cap. 2. per totum: vbi etiam numerus virorum, & capita seu principes singularum tribuum sigillatim recensentur. Voluit tamen, ut inter singula castra & Tabernaculum intercederet tantum spatij, quod sufficeret pro castrametatione Leuitarum, quemadmodum traditur Numer. cap. 1. vers. 53. Quod si quis quærat, quisnam locus assignatus fuerit Ægyptijs, qui secuti fuerant Hebræos; dicimus eos inter Israelitas fuisse commixtos, & vnumquemque ipsorum adhæsisse illis, qui causa fuerant conuersionis eius ad Iudaismum. Numerarunt quoque Moyses & Aaron, iubente Domino, seorsum à ceteris filijs Israel Leuitas masculini generis, ab vno mense & supra, qui inuenti sunt viginti duo millia; quos in tres partes distinxerunt, iuxta triplicem ipsius Leui progeniem, videlicet in Caathitas, Gersonitas, & Meraritas: posueruntque omnes immediatè circa Tabernaculum: nimirum Caathitas ad Meridiem, Gersonitas ad Occidentem, Meraritas ad Septemtrionem; Orientalem verò partem pro ipso Moyse ac Sacerdotibus reseruauerunt: Numer. cap. 3. Hæc omnia, qui hic subiicitur castrametationis typus, clariùs demonstrabit. Cui subijciemus alterum exercitus ordinatim per desertum proficiscentis, ad dilucidationem eorum quæ consequenter dicenda sunt.

TYPVS CASTRAMETATIONIS IN DESERTO
PER MOYSEN PRÆSCRIPTÆ.

Occidens.




Oriens.

EXERCITVS HEBRÆORVM

ORDINATE, VT MOYSES PRÆCEPERAT, PER DESERTVM PROCEDENTIS

ORTHOGRAPHIA.



52. Die decimaquarta dicti mensis, Moyses, consulto prius Domino super his, qui ob immunditiam non potuerant facere Phasē cum aliis mense primo, iussit eos illud facere mense secundo, iisdem ritibus, quibus illud fecerant alij mense præcedenti: Numer. cap. 9. vers. 6. vsque ad 15. Quo exacto, cœpit Moyses disponere quæ ad ordinatè proficiscendum opus erant: & primò quidem, præcipiente Domino, iussit fieri duas tubas argenteas ductiles, quibus clangerent Sacerdotes tempore proficiscendi, & in aliis occasionibus: deinde disposuit ordinem totius populi in proficiscendo, vt scilicet primi ante omnes, tamquam belli capita, pergerent per turmas suas sub principe suo filij Iuda, & post ipsos eodem modo filij Issachar & Zabulon, qui constituebant prima castra: insequerentur postmodum secunda, videlicet tribus Ruben, & Simeon, & Gad. Probabile autem est, quòd inter duo hæc prima castra, turmatim incederent senes, mulieres, cum paruulis, famulis, gregibus, & armentis ad bina eadem castra pertinentibus, tamquam tutiori loco positi. & similiter alia huiusmodi ceterarum sex tribuum, inter duo posteriora castra. Post bina verò priora sequebantur Leuitæ portantes Tabernaculum, & vasa eius distributa singulis ipsorum ordinibus, prout supra num. 8. dictum est. Post Leuitas, alia duo castra, videlicet Ephraim & Dan, eodem ordine, ita vt Leuitæ in medio totius processionis incederent, exceptis paucis illis de familia Caath, quibus assignatum fuerat onus deferendi Arcam: hi namque ante omnem populum cum ipsa proficiscebantur sub columna nubis, quæ semper perpendiculariter super Arcam mouebatur. Vnde, quod prius attribuebatur nubi in qua Angelus Domini esse credebatur, nimirum dirigere viam populo, & prouidere loca castrorum, nunc meritò attribui cœpit Arcæ, de qua Deum loqui minimè dubitabant, quem ductorem protectoremque habere gaudebant. Et propterea non in medio castrorum, sed ante omnia castra portabatur Arca, quòd nulla indigeret protectione, sed ipsa magis, vel potius Deus in ipsa, populum protegeret dirigeretque. Sanè cum Arca, præter Leuitas qui eam portarent, debuissent proficisci etiam Moysen, & Sacerdotes, Aaron scilicet & filios eius, admodum credibile est, vt pluribus rationibus probat Abulensis super Numer. cap. 10. quæst. 68. Et hæc omnia colliguntur ex cap. Numer. 10. & dilucidè magis videri poterunt in ordinati exercitus orthographia num. præcedenti posita.

53. Die vicesima eiusdem mensis secundi anni secundi ab exitu de Ægypto, eleuata est nubes de Tabernaculo fœderis, quod erat signum proficiscendi, vt pater Exod. cap. vlt. vers. 34. & Numer. cap. 9. vers. 17. vsque ad finem capituli. Hoc vt vidit populus, confestim omnes sublati tabernaculis suis, sese ad iter agendum præparabant. Similiter & Sacerdotes, inuoluentes vasa sanctuarij, prout eis à Domino præceptum fuerat, tradiderunt ea Caathitis ferenda, & ceteri pariter Leuitæ, deponentes Tabernaculum fœderis, componebant omnia in plaustris, & ita exire cœperunt, his modis & formis, atque eo prorsus ordine, qui eis à Deo per Moysen præscriptus fuerat, præcedente omnem exercitum Arca Domini; quam cum eleuare inciperent, dicebat Moyses: *Surge Domine, & dissipentur inimici tui, & fugiant qui oderunt te, & facie tua:* Numer. cap. 10. vers. 35. Eodem tempore inuitauit sedulò Moyses Hobab filium Raguël Madianitam, cognatum suum, (quem supra num. 30. probauimus fuisse eundem cum Iethro, ipsius Moysis socero) vt pergeret secum, multa bona ei pollicitus: sed ille recusauit, vt subobscurè insinuat Numer. cap. 10. vers. 30. & apertè traditur per anticipationem Exod. cap. 18. in fine illis verbis: *Dimisitq; cognatum suum, qui reuersus abiit in terram suam.* Et hæc sunt, quæ de cap. Num. 10. delumpsumus.

54. Ceterum, Hebræi profecti de monte Domini, hoc est de Sinai, seu (quod idem est) de Horeb, ibant recto tramite ad Terram promissionis, prout præceperat eis Dominus in Horeb, quemadmodum dicitur Deuter. cap. 1. vers. 6. vsque ad 10. transeuntēque per eremum terribilem & maximam, vt ibidem traditur vers. 19. tandem ad Cadesbarne, in confinio terræ Chanaan (vt ex sequentibus constabit) existentem, perueniunt itinere vndecim dierum, vt colligitur Deuter. capitulo citato, vers. 2. & nos paulò infra demonstrabimus (demptis tamen plurimis diebus, quos in quibusdam mansionibus intermediis traduxerunt, vt ex his, quæ deinceps dicemus, manifestum fiet.) Quare credimus hallucinari Abulensem; qui exponens illa verba citati capituli, *Vndecim diebus de Horeb per viam montis Seir vsque ad Cadesbarne;* sub finem questionis 3. ait: Moysen dicere voluisse, quòd à campestribus Moab, vbi ipse Moyses morabatur quando tradebat populo Deuteronomium, vsque ad montem Sinai, vndecim tantum dietz intercedebant; quamuis ipsi per varios circuitus ducti, longè plures fecerint.

FACIUNT
PHASE IN
MENSE SE-
CVNDO QUI
IMPEDITI
FVERANT
IN PRIMO.
TVBÆ AR-
GENTÆÆ.
ORDO PO-
PVLI IN
PROFICI-
SCENDO PER
DESERTVM.

PROFICI-
SCITVR PO-
PVLS DE
MONTE SI-
NAI.

SOGER MOY-
SI INVITA-
TVS, RECV-
SAT IRE
CVM EO.

ITINERE
VNDECIM
DIERVM
TENDIT AD
TERRAM
PROMIS-
SIONIS.

LOCVS DEV-
TER. EXPO-
NITVR, IT
REFELLI-
TVR EXPO-
SITIO ABV-
LENSIS.

rint. Fallitur inquam Abulensis: nam si Geographorum tabulis credimus, multò breuior est via, quæ ducit de Bersabee ad montem Dei Horeb, quàm quæ de Horeb ad campestria Moab. Igitur si Elias (quemadmodum legimus lib. 3. Regum cap. 19. vers. 3. vsque ad 9.) ambulauit quadraginta & vno diebus de Bersabee vsque ad montem Dei Horeb; quò fieri potest, vt ab eodem Horeb ad campestria Moab, vndecim dumtaxat dierum iter intercederet? Sed dices, Eliam tunc, quoniam fugiebat à facie Iezabel, non recto itinere ambulasse, ne à lictoribus eius comprehenderetur; sed huc atque illuc, quocumque eum ferebat voluntas, vt ibidem innuitur, per varios circuitus ad Horeb peruénisse. Concedo: sed tamen non est verisimile, ipsum tantopere viam suam elongasse, ad locum minùs vndecim communibus dietis distantem, non nisi per plussquam quadraginta peruenire potuerit. Quòd si ponamus, vndecim saltem dietas extitisse ab Horeb ad Bersabee existentem in finibus Australibus terræ Chanaan; proculdubio oportet plures ponere ab Horeb ad campestria Moab existentia prope Iordanem, qui erat terminus Orientalis eiusdem terræ Chanaan: constat enim Horeb fuisse ad Austrum respectu terræ Chanaan. Deinde si ad verba Sacri textus attendamus, manifestum est, quòd non ab Horeb ad campestria Moab, sed ab Horeb vsque ad Cadesbarne, ponunt iter vndecim dierum. Quare cum Textus ipse aperte indicet, populum itinere vndecim dierum venisse de Horeb in Cadesbarne, non est quòd ab ipso alios sensus extorquere moliamur. Sed, dicit aliquis: Ad quid ibi docere, quòd ab Horeb ad Cadesbarne populus venerit vndecim diebus? Respondeo, id obiter fuisse factum, quod quidem non est nouum aut inusitatum in Scripturis sacris: solent enim interdum aliqua alibi transponere, & quædam alicubi non benè expressa, aut omnino prætermissa, alibi supplere, obiterque aliis rebus interponere. Possem hîc plura exempla proferre, sed paucis contentus ero. Sapius in Pentateucho mentionem fecerat Moyses de Heuaris, & tamen non nisi Deuteronomij cap. 2. vers. 23, quodammodò præter rem, interfert eos à Cappadocibus fuisse pulsos. Similiter pluries nominauerat urbem Hebron, & nihilominus numquam nisi Numer. cap. 13. vers. 23, addidit, ipsam septem annis ante Thanin Ægypti urbem fuisse conditam. Et 4. Regum cap. 9. vers. 29, legimus: *Anno vndecimo Ioram filij Achab, regnauit Ochozias super Iudam.* Quæ verba neque cum præcedentibus, neque cum sequentibus vllam habere videtur connexionem, sed per recapitulationem (vt aiunt) ibi quodammodò accidentèliter intexta, vt nos infra sub anno mundi 3149. num. 1. probabimus. Simile est illud quod habemus in Euangelio Ioannis cap. 18. vers. 24. *Et misit eum Annas ligatum ad Caipham Pontificem.* quæ verba ibidem per recapitulationem obiter interiecta esse, probant Iansenius in sua Concordiâ Euangelica, & Toletus in Ioannem. Plurima huiusmodi alia inuenient, in sacris Scripturis vel mediocriter versati, quæ hîc recensere superfluum videtur, cum ex his satis constare possit, nemini mirum videri debere, si hîc quæque distantia ab Horeb ad Cadesbarne, quodammodò obiter inserta fuerit: quamquam Caietanus etiam huius interpositionis causam adferat particularem, dicens, Rationi consentaneum fuisse, vt descripto loco in quo Moyses Legem populo iterauit, ad quem locum à monte Sinai longis admodum itineribus, & non nisi triginta nouem ferè annorum spatio peruenerant, etiam describeretur breuitas viæ, quam consecrerant à Sinai ad Cadesbarne, quæ erat iuncta terræ Chanaan: vt vel hinc pendere possent Israëlitar, quàm magnam iacturam fecissent, quando de Cadesbarne, anno secundo sui exitus de Ægypto, ad terram Chanaan, quam tunc habebant proximam, insano timore correpti ascendere recusarunt. Igitur pro certo supponentes, quemadmodum dicebamus, filios Israël de Sinai ad Cadesbarne vndecim diebus itineris peruénisse, quæ interim contigerint, tradere prosequamur.

SCRIPTURA
INTERDUM
QUAEDAM
OBITER IN-
TERPONIT.

DE MANSIO-
NE 13.
INCENSTO.
SEPULCHRA
CONCEPI-
SCENTIAE.

QUINTA PO-
PULI MUR-
MYRATIO.

55. Die vigesimatertia eiusdem mensis secundi, triduo itinerantes, peruenerunt ad quamdam solitudinem pertinentem ad desertum Pharan, feceruntque decimamtertiam mansionem in quodam illius loco, qui prius à Moysè, vt paulò post dicitur, nuncupatus fuit Incensio, postea verò Sepulchra concupiscentiæ; Numer. cap. 10. vers. 12. & 33. & cap. 33. vers. 16. ibi namque primò diutius recubuit nubes, quod erat castrametandi signum, Exod. cap. vlt. vers. 34. & Numer. cap. 9. vers. 17. vsque ad 23. Cumque deponeretur Arca, dicebat Moysès: *Reuertere Domine ad multitudinem exercitus Israël.* Numer. cap. 10. vers. 36. In hac mansionem, duo grauius peccata commisit populus; propter quæ debitas à Domino accepit punitiones. Primum fuit grauis quædam murmuratio contra Dominum pro labore itineris. Festinabat Dominus educere illos de eremo illa aspera, & quantocyùs perducere ad terminos Terræ promissionis; ipsi

verò

verò ingrati murmurare cœperunt. Quamobrem iratus Dominus, percussit incendio extremam castrorum partem. Veriti ergo ne flamma magis ac magis dilaretur, omnesque confunderet, clamauerunt ad Moysen; quo orante, extinctus est ignis; & propterea vocauit tunc Moyses nomen loci illius, *Incensio*; quòd incensus fuisset contra eos ignis Domini Numer. cap. 11. vers. 3. Alterum peccatum fuit, altera ingratitudo, videlicet notabile quoddam cibi celestis fastidium, & inordinata nimis concupiscentia carnalium aliorumque ciborum sensualium, in illa præsertim tam sterili eremo: quæ quidem exorbitantia, licet in Ægyptiis cœperit; quia tamen Hebræi non solum illos compescere, atque ab hac stultitia remouere non curarunt, sed potius cum illis flere & contristari non erubuerunt, nauseantes man, tamquam cibum leuissimum & ingrati, & flagrantis desiderio carni ac piscium, aliorumque ciborum, quos comederant in Ægypto: displicuit hoc valde etiam ipsi Moysi, qui videns se populo satisfacere non posse, radio affectus super adedò molesta illius populi gubernatione, cœpit clamare ad Dominum: ille verò, vt seruo suo aliqua saltem ex parte onus alleuaret, iussit illum deligere ac describere septuaginta senes valde probatos de Israël, & congregare eos ad Tabernaculū fœderis: velle enim partiri cum eis spiritum ipsius Moysi, vt essent ei veluti coadiutores in administratione ac regimine populi, & possent illum subleuare in causis grauib; quæ referebantur ad ipsum Moysen; nam leuiore referri solebant ad Tribunos, & Centuriones, Quinquagenarios, & Decanos, vt suprā num. 47. dictum est. Insuper promisit Dominus Moysi, se daturum populo carnes ad satietatem, non vno die tantum, sed pro integro mense. Itaque cum retulisset Moyses verba Domini populo, delegissetque septuaginta senes, ac descendens Dominus per nubem circa Tabernaculum, dedisset eis de spiritu Moysi, illicò omnes prophetare cœperunt; non tantum ij qui tunc ibi aderant, sed & alij duo, nomine Eldad & Medad; qui licet & ipsi in dicto numero descripti essent, non tamen, nescio qua de causa, venerant cum alijs ad Tabernaculum. Quo exemplo appositè vtuntur nonnulli, ad redarguendum hæreticos quosdā, negantes S. Thomam & item S. Matthiam Apostolos, accepisse à Domino facultatem remittendi peccata, eò quòd non essent cum alijs Apostolis, quando dedit illis Christus talem potestatem, vt patet Ioan. cap. 20. vers. 23. siquidem sufficit quòd ipsi quoque essent de numero & collegio Apostolorum; nec requirebatur præsentia corporalis coram eo, qui vnico intuitu omnia videt, præterita, præsentia, & futura. Propterea, cum nuntiatum esset Moysi, quòd Eldad & Medad prophetarent in castris; non solum noluit (quemadmodum suggerebat ei Iosue) eos prohibere, sed magis zelum ipsius Iosue, tamquam indiscretum, prudenter redarguit. Ceterum, Dominus memor promissionis suæ, eodemmet die, atque item altero, arreptas vento coturnices detulit per circuitum castrorum tanta copia, vt nemo minùs ex ipsis quàm decem coros sibi congregauerit, ac siccauerit, vt ad multos dies sibi sufficerent. Sed nec immemor Dominus vindictæ in delinquentes; sub finem illius mensis, cum iam carnibus ad satietatem saturati essent, & adhuc illæ hærent dentibus ipsorum; ecce furor Domini percussit eos plaga magna nimis: vt propterea Moyses, qui priùs vocauerat locum illum *Incensio*, mox eundem *Sepulchra concupiscentiæ* voluerit appellari, quòd ibidem sepelissent eos, qui carnes tam inordinate appetuerant: Numer. cap. 11. per totum. De hac secunda mirabili coturnicum prouisione (nam prima facta fuerat in octaua mansionē, vt sub præcedenti anno mundi num. 31. ostendimus) dicitur in Psalm. 77. vers. 26. *Transsulit Austrum de calo, & induxit in virtute sua Africum. Et pluit super eos sicut puluerem carnes, & sicut arenam maris volatilia pennata. Et ceciderunt in medio castrorum eorum circa tabernacula eorum. Et manducaverunt, & saturati sunt nimis, & desiderium eorum attulit eis, non sunt fraudati à desiderio suo. Adhuc esca eorum erant in ore ipsorum, & ira Dei ascendit super eos: & occidit pingues eorum, & electos Israël impediuir.* Causa autem huius diuinæ punitionis creditur fuisse; quia ipsi non ad ordinarium victum necessaria petierunt, neque vt naturali cuidam appetitui vescendi carnibus satisfacerent: quandoquidem ipsis etiam communes non deerant carnes; secum enim ducebant multos pecorum armentorumque greges, ex quibus agnos, arietes, hœdos, vitulosque sumere, occidere, & sine culpa comedere poterant: sed concupierunt exquisitiores ciborum delicias, vt possent gulæ plus iusto indulgere, & opipare epulari, ad satietatem edentes etiam coturnicum & eiusmodi volatiliū carnes gustu suauiores. Quod fuit vitium gulæ maximum; præsertim ratione circumstantiarum, loci, temporis, & modi quo dictas carnes appetuerunt, nimirum murmurantes, flentes, manna nauseantes, & mundanas delicias in deserto & in peregrinatione tanta cum anxie-

EIVSDEM
CONCVPI-
SCENTIA
CARNIVM,
QVAE FVIT
SENTA MVR-
MVRATIO.

ELIGVNTVR
70. SENES
TAMQVAM
MOYSI CON-
SILIARIJ,
QVISTATIM
PROPHETARE COE-
PERVNT.

SECUNDA
COTVRNICVM
LARGITIO CAE-
LITVS IN-
DVLTIA PO-
PVLO.
PVNITIO
EORVM QVI
CARNES AP-
PETIVERANT.

tate atque importunitate quærentes. Propterea mirum non est, si eos Dominus corporali multorum morte puniuit, & occidit pingues eorum, id est, eos qui se magis eiusmodi crapula impingauuerant; ut scilicet per hanc, quæ in ipsis præcefferat, figuram nos intelligeremus, huiusmodi gulæ vitium meritò inter peccata mortifera computari, quòd non solum corpus multis variisque infirmitatibus notabiliter laedat, ac citius intermar, verum etiam animæ ipsi valde sit noxium. Corpus enim quod talibus epulis studiosè repletur, grauat animam, mentis aciem hebetat ne ad cælestia desideria eleuari valet, & denique paulatim spiritum omnino extinguit.

DE ELDA
ET MEDAD.
QUOD NON
FUERINT
FRATRES
MOYSI.

56. Quoniã autem hic mentionem fecimus de Eldad & Medad, ac reliquis septuaginta senibus, necessarium videtur, antequam progrediamur, prius refellere quorundam erroneam opinionem, dicentium, eosdem Eldad & Medad fuisse fratres, non tamen vterinos, ipsius Moysei: deinde videre, num magistratus ille septuaginta senum deinceps perdurauerit apud Hebræos vsque ad Herodis tempora, ut quidam prodiderunt. Et quidem, quod spectat ad Eldad & Medad, qui putant ipsos fuisse fratres Moysei, adducunt pro se B. Hieronymum in Quæstionibus Hebraicis 1. Paralip. ita scribentem: *Traditur autem, Moysen post acceptam Legem patri iniunxisse, ut matrem suam dimitteret, eo quòd illius amita esset: fuit enim filia Leui; post cuius disidium, duxisse aliam uxorem Amram; ex qua suscepit duos filios hos, Eldad & Medad.* hæc S. Hieronymus. Verumenimverò, his non obstantibus, dicimus fieri nullo modo posse, ut prædicti Eldad & Medad fratres fuerint Moysei: nam sub anno mundi 2464. num. 3. ostendimus, B. Hieronymum loco citato (si tamen ille liber ab ipso fuit conscriptus) non propriam, sed quorundam Hebræorum retulisse sententiam; quod etiam patet ex illo loquendi modo: *Traditur autem,* &c. & item ibidem probauimus, matrem Moysei nequaquam fuisse veram naturalemque Leui filiam, neque amitam mariti sui Amram: sed fuisse eius patrualem, hoc est filiam fratris Caath, qui fuerat pater ipsius Amram; & consequenter, non fuisse necessarium ut Amram illam dimitteret post latam Legem, quæ huiusmodi coniugia non prohibet, ut videre est Leuit. cap. 18. Sed & si daremus, ipsum Amram post datam Legem dimisisse uxorem suam Iochabed, ex qua genuerat Moysen, & eius loco duxisse aliam; non tamen fieri posset, ut prædicti Eldad & Medad fuerint fratres Moysei: nam illi ab ipso Moyse conscripti fuerunt inter septuaginta senes, sub finem anni primi à Lege lata, quo tempore vix nati, nedum senes, & ad tam graue ministerium idonei esse potuerunt. Et præterea non est verisimile, quòd Iosue eos à Moyse prohiberi, ne prophetarent, procurare vique ausus esset, si illi fuissent fratres Moysei. Denique non modò concedendum non est, Amram, posteaquam lata fuit Lex, dimisisse uxorem suam, aliamque duxisse, atque ex ea filios procreasse; sed neque admittere debemus, ipsum Amram tunc fuisse superflitem: quandoquidem sub anno mundi 2386. num. 2. probauimus, Amram natum esse anno quinquagesimo octauo introitus Israël in Ægyptum; & consequenter, decessisse sub finem anni eiusdem introitus centesimi nonagesimi quarti: certum est enim, ipsum vixisse tantummodò annis centum triginta septem, ut patet Exod. cap. 6. vers. 20. ergo si obiit ante exitum de Ægypto, non potuit superesse post datam Legem.

DE MAGI-
STRATV
70. SENVM

57. Quod verò attinet ad prædictum Magistratum septuaginta senum hoc tempore ab ipso Moyse, Dei monitu, constitutum: sciendum est, quòd Paulus Burgensis super Numer. cap. 11. & Galatinus lib. 4. de Arcanis fidei, & Ioan. Annii in suo Breuiario temporum, Philoni adscripto, ut refert Pererius in lib. de Benedictionibus duodecim Patriarcharum, num. 83. putant omnes hosce septuaginta senes fuisse electos de tribu Iuda, asseruntque hoc idem seniorum Collegium, (quod Ioannes Mirandulanus arbitratur fuisse quale nunc est Collegium Cardinalium) ab Hebræis vocari Sanedrim; ac penes ipsum, vsque ad Herodis Ascalonitæ tempora, mansisse supremam auctoritatem in his quæ pertinebant ad vniuersam Legem Moysei, siue Moralia essent, siue Cærimonialia, vel etiam Iudicialia: quippe quod ipsi soli veram altiorisque Scripturæ sacræ intelligentiam, per secretas quasdam ac successiuas traditiones acciperent: vnde & ipsorum scientia, dicebatur Cabalistica, siue Cabala; quod verbum inquit significare receptionem: adduntque, omnem ab hoc Collegio auctoritatem, paulò ante Christi ortum, fuisse à prædicto Herode sublatam; & tunc impletam esse Prophetiam Patriarchæ Iacob de Christo: *Non auferetur sceptrum de Iuda,* &c. At verò Abulensis super Numer. cap. 11. quæst. 29. existimat, hunc Magistratum eundem esse cum illo Pontificis Senatu, cuius meminit Iosephus lib. 4. Antiq. cap. 3. ubi ait: *Quòd si Indices, qui in singulis oppidis constituti erant, nescirent de negotio sibi delato pronuntiare, deberent* inte-

integram causam relegare in Vrbe sancta, hoc est in Ierusalem, ad Pontificem, qui cum Propheta & Senatu decerneret. Et hoc videtur Iosephus sumptisse ex Deuter. cap. 17. vers. 8. vbi simile quid à Moyse præcipitur. Putat quoque Abulensis, prædictum Magistratum mansisse etiam post memoratum Herodem: nam Matthæi cap. 26. vers. 59. & cap. 27. vers. 1. & Marc. cap. 14. vers. 55. & cap. 15. vers. 1. & Luc. cap. 22. vers. 66. legimus, extitisse tempore Pasionis Christi Concilium quoddam Ierosolymis, in quo conuenire solebant Sacerdotes, & Scribæ, ac Seniores populi, quibus omnibus præerat Pontifex, seu summus Sacerdos. Quod autem Concilium illud magnam haberet auctoritatem, inde fit clarum, quod Marci cap. 14. vers. 64. de his qui erant in eo, legimus: *Qui omnes condemnauerunt eum* (id est Iesum) *essere eum mortis*. Sed si hoc Concilium, idem erat cum illo septuaginta senum Magistratu, dicere possumus, ipsum perdurasse etiam post obitum Christi: siquidem de eodem quoque fit mentio Actuum cap. 4. vers. 15. & cap. 6. vers. 12. Et probabile admodum est, quod perseuerauerit vsque ad interitum ciuitatis, & consequenter, quod non fuerit ab Herode sublatum. Verum quidquid de hoc sit, illud omnino falsum puto, quod omnes illi septuaginta senes essent de tribu Iuda: nam si ex illis aliqui erant Sacerdotes, & omnium caput erat Pontifex; proculdubio certum est, quod non erant omnes de tribu Iuda; præsertim cum soleret Moyles in huiusmodi electionibus, ad pacem in vniuerso populo conseruandam, semper deligere aliquos ex singulis tribubus, vt patet Num. cap. 13. quando elegit exploratores terræ Chanaan; & quando, consulente Iethro socero eius, elegit Tribunos, & Centuriones, Quinquagenarios, & Decanos de cuncto Israël, vt dicitur Exod. cap. 18. vers. 25. & ratio dicat, eodem quoque modo factam esse electionem septuaginta senum; nec potest probari contrarium. Falsum item exillimo, quod dictus Magistratus semper eodem modo perseuerauerit vsque ad Herodem, vel vsque ad desolationem Ierusalem à Romanis factam, quantum ad numerum, & qualitatem, ac supremam illorum virorum auctoritatem: nam neque ex Scriptura sacra, neque ex probatis Historiis probari potest, perpetuò extitisse in populo Hebraico Magistratum septuaginta senum, ita vt neque plures neque pauciores esse possent, qui omnes haberent spiritum propheticum, & supremam in populo potestatem. Quin potius oppositum perspicue colligi posse videtur: nam suprema potestas tempore Iudicum, apud ipsos Iudices; Regum verò, penes ipsos Reges erat: & temporibus Iudæ Machabæi, scimus nullum in illo populo extitisse Prophetam, vt aperte colligitur 1. Machab. cap. 4. vers. 46. vbi dicitur, quod reposerunt lapides altaris profanati, donec veniret Propheta qui responderet de eis. Ceterum illud valde probabile crediderim, post Moysem apud Hebræos semper, aut ferè semper, extitisse imaginem quamdam illius Magistratus, quem iubente Deo Moyse constituerat; qui Magistratus cum Pontifice responderet de quæstionibus Legis, quemadmodum colligi potest ex citato Deuter. cap. 17. & hunc temporum iniuria labefactatum, aut fortè panè abolitum, videtur restituisse Iosaphat Rex Iudæ, vt describitur 2. Paralip. cap. 19. vers. 8. vsque ad 11. Credimus tamen, quod prædictus Magistratus non semper fuerit septuaginta virorum, neque prophetico spiritu afflatorum: sed pro diuersa temporum vicissitudine variatus, & quandoque maioris, quandoque verò minoris in populo auctoritatis. Nunc ad id vnde digressi sumus reuertamur.

58. In hac tertiadecima mansione necesse est populum plus vno mense moratum esse: nam & per mensem integrum comedit carnes, vt patet Numer. cap. 11. vers. 20. & paulò antè in eodem loco, murmurauerat pro labore itineris, & propterea incendio percussus fuerat; & deinde iterum murmurauit pro carnibus, & ferè biduo coturnices congregauit; & post esum illarum, denuò maiori plaga punitus fuit: vnde videtur ibidem ad minus mansisse diebus quattuor supra mensem vnum, hoc est in summa, diebus circiter triginta tribus. Igitur

59. Die circiter vigesima sexta mensis tertii, de Sepulchris concupiscentiæ egressi sunt, & die circiter prima mensis quarti, (nimirum quattuor dierum itinere, vt infra num. 61. probabimus) peruenierunt in Haseroth, Numer. cap. 11. in fine, & cap. 33. vers. 17. vbi fixerunt tentoria, feceruntque decimam quartam mansiōem: & quemadmodum in præcedenti mansione, quia propter populi murmurationem promiserat Dominus alere eos carnibus vno mense, oportuit populum ibidem manere integro mense, & aliquid ampliùs; ita hîc, quoniam Maria soror Moyse, cum de fratre murmurasset, percussa est lepra septem diebus, quibus iubente Domino à cunctis separata mansit extra castra, necesse quodammodò fuit, populum toto illo tempore morari in

CVR MARIA
DE MOYSE
FRATRE
MYRMVRA
VERIT.

Haseroth. Quòd si quis quærat, quænam fuerit Mariæ occasio murmurandi de fratre, (quidquid Rabbini nimis carnaliter & indecorè comminiscantur, quos benè redarguit Abulensis super Numer. cap. 12. quæst. 8.) probabilius cum eodem Auctore credimus fuisse talem: Viderat Sèphora, quæ & quanta mirabilia fecerat Dominus per matrum viri sui Moyfi, vifaque est propterea de primatu velle cum Maria sorore eiusdem Moyfi contendere; sapius cum ea extollens virum suum, quòd præsertim tam familiariter cum Deo loqueretur; quæ erat dignitas maxima: econtrariò Maria, indignè ferens sibi illam præferri, cœpit vehementius detrahère fratri suo Moyfi, ac eius excellentiam quantum poterat diminuere; dicens, Deum similiter sibi (erat enim & ipsa Prophetis, vt patet Exod. cap. 15. vers. 20.) & alteri fratri suo Aaroni locutum esse, ac Moyfi; & propterea (quod ad hoc spectat) nihil esse, quòd illi cedere deberet, nedum vxori suæ; præsertim cum illa non esset de populo Israëlito, sed Æthiopissa; quod per modum conuitij dictum videtur, quia nimirum terra Madian & finitimæ regiones Æthiopibus referta essent: inde enim creditur posterioribus temporibus venisse Zaram Æthiops cum exercitu suo contra Asa Regem Iuda, vt describitur 2. Paralip. cap. 14. vers. 9. & sequentibus, & nos infra sub anno mundi 3093. num. 2. ostendemus. Porro Dominus videns, quòd Aaron muliebres huiuscemodi contentiones non solum vt debebat compescere non curauerat, sed magis fouere visus fuerat, & fauere sorori suæ, comprobans eius dictum, quòd scilicet eodem modo Deus & sibi & Mariæ locutus esset ac Moyfi, & per hoc quodammodò videbatur sese illamque æquare fratri; ex alia verò parte idem Deus delectatus humilitate Moyfi, qui vt erat omnium mitissimus & humillimus corde, nihil prorsus pro se dicere auderet; dixit ad eum, & ad Aaron ac Mariam, vt tres simul quantocumque ad Tabernaculum fœderis egredirentur; ibique ipsis audientibus, cum declarasset se peculiari quodam ac longè altiori modo loqui solere cum Moyse quàm cum aliis Prophetis, & idcirco ipsum cunctis aliis esse præferendum; acriter increpauit Aaronem & Mariam, quòd ei detrahère ausi essent, falsò affirmantes quòd simili modo etiam cum ipsis locutus esset Deus, vt cum Moyse confueuerat: & his dictis, iratus confestim de Tabernaculo, cum nube quæ eius præsentiam indicabat, ab eis recessit; statimque Maria inuenta est plena lepræ. Quod vt vidit Aaron, perterritus ac pœnitentia ductus obsecrare cœpit Moysem, vt oraret pro ipsis Dominum, vt dimitteret eis hanc culpam, & sanare dignaretur sororem suam; qui protinus orans, obtinuit eis veniam; ita tamen, vt Maria, quæ multò grauius peccauerat, & fortasse molesta fuerat Aaroni vt causam suam defenderet, maneret separata septem diebus extra castra; antequam reuocaretur. Et ita factum est, populique non est motus de loco illo, donec, adepta sanitate, Maria reuocata est ad castra: Numer. cap. 12. per totum.

DEVS PRÆ-
FERT MOY-
SEN ALIIS
PROPHETIS.

PVNIT MA-
RIAM LE-
PRA.

DESSMAN
SIONE.

60. Die circiter nona mensis quarti, quemadmodum ex prædictis infertur, recesserunt filij Israël de Haseroth, ambulaueruntque quattuor diebus (vt paulò inferius num. proximo ostendemus) per desertum: & die decimatertia eiusdem mensis venerunt in desertum Pharan, Numer. cap. 13. vers. 1. id est in loco illius deserti, qui dicebatur Rethma: sic enim specialiter exprimitur in Catalogo Mansionum, Numer. cap. 33. vers. 18. vbi asseritur, quòd *de Haseroth venerunt in Rethma*, quæ fuit decima quinta mansio.

DE CADES-
BARNE,
QUODEVE-
RIT PROXI-
MA RETH-
MAE, VEL
EADEM CVM
EA.

61. Non longè ab hac mansionem sitam fuisse Cadesbarne, satis apertè insinuari videtur Numer. cap. 13. vers. 1. vsque ad 4. ex modo loquendi, quem ibidem Scriptura tenet, dicens: *Profectus est populus de Haseroth, fixis tentoriis in deserto Pharan: ibiq. locutus est Dominus ad Moysem, dicens: Mitte viros, qui considerent terram Chanaan, &c.* & post pauca, nimirum vers. 4. subditur: *Fecit Moyse quod Dominus imperauerat, de deserto Pharan mittens principes viros, &c.* & subsequenter tota huius missionis historia subtextitur. Atqui hos viros de Cadesbarne fuisse missos, apertè dicitur Deuter. cap. 1. vers. 19. & Iosue cap. 14. vers. 7. ergo Rethma & Cadesbarne aut eundem locum diuersimodè appellatum significabant, aut erant duo loca inuicem proxima. Ab hac opinione non alienus fuisse videtur B. Hieronymus, qui in Epistola 127. ad Fabiolam de 42. Mansionibus, vbi agit de mansionem decimaquinta in Rethma, inter recensendum ea, quæ conclusiue ab hac mansionem ad trigessimam secundam facta sunt, primò ponit missionem exploratorum; per hoc insinuans, illos de Rethma, vel de loco ei proximo, fuisse missos. Hoc si verum est, (vt credimus) oportet populum, qui tribus diebus venerat de Sinai ad Sepulchra concupiscentiæ, quattuor diebus inde in Haseroth venisse, & totidem de Haseroth in Rethma, vt supra num. 59. & 61. supposuimus: quandoquidem iam

iam num. 54. probatum est, eundem populum de Horeb vsque ad Cadesbarne, vnde decem dierum itinere peruenisse. Illud præterea eandem comprobatur positionem, quod conuenit etiam tempus aduentus populi in Rethma, cum eo in quo ex alijs Scripturæ locis colligimus eum peruenisse in Cadesbarne. Nam diximus venisse filios Israel in Rethma, die circiter decimatertia mensis quarti anni secundi ab exitu de Ægypto: & eodem tempore eos venisse in Cadesbarne, colligi potest ex pluribus Scripturæ locis inuicem collatis. nam certum est, quod quando populus venit ad torrentem Zared, vt dicitur Numer. cap. 21. vers. 12. tunc agebatur annus quadragesimus ab exitu de Ægypto: siquidem iam paulò antè obierat Aaron in monte Hor, vt ibidem in calce præcedentis capitis describitur. Si ergo verum est, vt traditur Deuter. cap. 2. vers. 14. fluxisse triginta & octo annos ab exitu populi de Cadesbarne ad transitum dicti torrentis, vtique consequitur, populum venisse in Cadesbarne, & inde memoratos misisse exploratores, anno secundo exitus de Ægypto. Quod autem ijdem mense eiusdem anni quarto missi fuerint, manifestè colligitur Numer. cap. 13. vers. 21. vbi expressè traditur, quod quando missi sunt dicti exploratores, erat tempus in quo præcoquæ vuar vesci possunt; quod in calidioribus illis regionibus circa medietatem mensis Hebræorum quarti, qui partim nostro respondet Iulio, partim Iulio, contingere posse, nemo est qui dubitet. Ex his ergo coniecturis & conuenientijs, satis probabiliter posuimus, mansionem populi factam in Cadesbarne, cuius meminit Moyses Deut. cap. 1. eandem fuisse cum decimaquinta, quam idem Moyses Numer. cap. 33. vers. 18. dicit factam in Rethma. Neque verò quisquam miretur, quod in Catalogo mansionum capite Numer. proximè citato nulla prorsus Cadesbarne mentio habeatur: quia hinc fit manifestum, quod ibi sub alio nomine fuerit recensita, & consequenter, sub nomine Rethma, vt iam probatum est; nulla enim mansio ibi præterita fuit. Scimus autem, consueuisse Scripturam sacram personas & loca nonnumquam communi vocabulo designare, nonnumquam proprio; & quæ plura propria habent nomina, aliquando vno ex illis, aliquando altero. Sic socr Moysi aliquando communiori vocabulo dicitur cognatus eius, & Cinæus; aliquando propriè nuncupatur Iethro, aliquando Hobab, aliquando Raguel, vt num. 51. ostendimus. Sic mons Sinai, qui etiam propriè Horeb dicebatur, interdum genericè vocatur Mons Dei, siue Mons Domini; interdum vno ex proprijs nominibus, puta Sinai, vt frequenter in Leuitici ac Num. libris; interdum Horeb, vt ferè semper in libro Deuteronomij. Sic etiam hæc mansio decimaquinta, quandoque nomine generico Deserti Pharan notata reperitur, vt Numer. cap. 13. vers. 1. quandoque specifico Rethmæ vocabulo, vt Numer. cap. 33. vers. 18. & quandoque item alio speciali nomine, Cadesbarne appellari solet, vt non semel Deuter. cap. 1.

QUANDO
POPVLVS
VENERIT
IN CADES-
BARNE SIVE
IN RETH-
MA.

MANSTOIN
CADESBAR-
NE ET IN
RETHMA,
EADDEM EST.

CADESBAR-
NE VALDE
DIFFERT A
CADES.

62. Sed posteaquam hic de Cadesbarne mentionem fecimus, sciendum est, iuxta saniorum Doctorem sententiam, eam fuisse valde diuersam ab illa Cades, in qua dicitur Numer. cap. 20. vers. 1. obiisse Maria soror Moysi. Nam, vt dictum est, in Cadesbarne fecit populus mansionem decimaquintam; in Cades verò, vt patet Numer. cap. 33. vers. 36. trigessimam tertiam. In Cadesbarne venerunt circa medietatem mensis quarti anni secundi ab exitu Ægyptiaco, vt iam sæpius dictum est: in Cades verò, mense primo anni quadragesimi, vt sub anno mundi 2583. num. 1. probabimus. Præterea certum est ex supradictis, de Cadesbarne missos fuisse exploratores, & postea contigisse omnia, quæ narratur à Numer. cap. 13. vsque ad 20. atqui in ipso vigesimo capitis initio dicitur, quod post prædicta venit populus in Cades; ergo non eadem est Cades & Cadesbarne. His adde, quod quando filij Israel in Cadesbarne, auditis quæ retulerant exploratores de terra Chanaan, nimirum vrbes esse valde munitas, & homines de genere giganteo, admodum robustos & fortes, desperarunt se posse obtinere terram illam, & murmurantes contra Dominum, volebant redire in Ægyptum: scimus tunc Deum contra ipsos iratum, iussisse vt reuerterentur in solitudinem per viam quæ ducebat ad Mare rubrum, vt dicitur Numer. cap. 14. vers. 25. & sequentibus; & insuper prædixisse ac iurasse, (quemadmodum traditur Deuter. cap. 1. vers. 34. vbi eadem historia repetitur) quod omnes qui murmurauerant morituri erant in illa solitudine, ac filij eorum vagaturi erant in illo deserto quadraginta annis, id est vsque ad complementum quadraginta annorum ab exitu de Ægypto. oportet igitur eos vagatos esse panè toto illo tempore in ea solitudine, quæ protendebatur à Cadesbarne ad Mare rubrum, à quo non longè aberat Cades; siquidem Afiongaber, quæ erat in littore Maris rubri, vt patet 3. Reg. cap. 9. vers. 26. vna tantum mansione distabat à Cades, quemadmodum traditur Numer. cap. 33. vers. 36. ergo valde remotæ erant ab inuicem Cadesbarne &

Cades. Idem argumentum confirmari potest ex Deuter. cap. 2. vers. 1. vbi dicitur, quòd profecti inde (hoc est de Cadesbarne, cuius meminerat in calce capitis præcedentis) venerunt in solitudinem, quæ ducit ad Mare rubrum, & circumierunt montem Seir longo tempore: & paulò post, videlicet vers. 7. prosequitur dicens, eos transisse solitudinem hanc magnam per quadraginta annos; insinuans, magnam horum partem in circumiendo montem Seir fuisse consumptam. & ibidem continud subiungitur: *Cumq; transissemus fratres nostros filios Esau, qui habitabant in Seir, per viam campestram de Elath, & de Afiongaber, venimus ad iter, quod ducit in desertum Moab.* Sed certum est, quòd de Afiongaber primò venerunt in Cades, vt patet ex Catalogo mansionum iam sapius allegato; ergo Cades longè admodum distabat à Cadesbarne.

63. Verum hîc suspicari quis posset, populum, post egressum de Cadesbarne, vbi decimam quintam fecerat mansionem, per longas illas circuitiones iterum tandem rediisse in Cadesbarne, ibique fecisse etiam trigessimam tertiam; & consequenter, eandem esse Cadesbarne & Cades; sic enim videntur sensisse Abulenſis & Andreas Mafius in Iosue, & alij multi. Sed neque hoc concedi potest: quia certum est, Cadesbarne existisse in confinio Australi terræ Chanaan, vt patet Num. cap. 34. vers. 4. & Iosue cap. 15. vers. 3. vbi ponitur in forte tribus Iudæ: at Cades longè aberat à terra Chanaan; erat enim posita in extremis finibus Idumææ ad Austrum vergentibus, vt clarè habemus Num. c. 20. vers. 16. non valdè procul à Mari rubro; siquidem, vt dictum est, vnus tantum mansio- nis itinere de Mari rubro, id est de Afiongaber in eius litore existente, venerunt in Cades: videtur autem naturaliter fieri nullo modo, posse, vt tantus populus, nulla inter- media mansione, potuerit de Mari rubro redire in Cadesbarne: quandoquidem à Mari rubro ad confinia terræ Chanaan, valdè magna intercedit distantia. Præterea, de Cadesbarne poterat ascendere populus in terram Chanaan, absque vllò transitu per Idumæam; dictum est enim, ipsam Cadesbarne recenseri inter fines Iudææ; & de his qui missi sunt de Cadesbarne ad explorandam terram Chanaan, nihil dicitur, quòd trans- ierint per Idumæam. Quin etiam ipse populus, quando contra præceptum Domini voluit de Cadesbarne ascendere in terram Chanaan, neque transitum petiisse ab Idumæis, neque cum ipsis, sed tantummodò cum Amalecitis, & Chanaanais, & Amor- rhæis infeliciter pugnaſſe traditur Numer. cap. 14. in fine, & Deuter. cap. 1. prope finem: econuersò autem, de Cades non poterant proficisci in terram Chanaan, nisi transeun- do per Idumæam, nimirum, vel per mediam Idumæam, si volebant ingredi in terram Chanaan à parte eius Australi, per viam magis rectam & breuem; vel per fines Ori- entales ipsius Idumææ, si longiori via volebant intrare in Chanaan, à parte eius Orientali, sicuti postea fecerunt, quando de Cades, cum misissent nuntios ad Regem Edom, vt concederet eis transitum per terram suam (hoc est per mediam Idumæam) quemad- modum describitur Numer. cap. 20. vers. 14. illeque noluisse acquiescere, vt ibidem vers. 18. & 20. exprimitur; coacti propterea sunt longiori via transire per terminos eius Orientales, pecunia cibos ab eisdem Idumæis ementes, vt narratur Deuter. c. 2. vers. 4. & sequentibus, & colligi potest Numer. cap. 20. vers. 22. vbi dicitur, quòd de Cades venerunt in montem Hor, qui est in finibus terræ Edom. & deinde oportuit eos etiam transitum facere per Moabitum Ammonitarumque fines, vt tandem transuadato Iordane, ingrederentur terram Chanaan à latere eius Orientali, vt infra suo loco dice- mus. Ex his ergo fit manifestum, ipsam Cadesbarne non modò diuersam fuisse à Ca- des; sed etiam, tamen ambæ essent in finibus Idumææ, alteram ab altera fuisse admo- dum distantem, & inuicem quodammodò penitus oppositas: quandoquidem respectu Idumææ, Cadesbarne respiciebat ad Occidentem, & aliquatenus etiam ad Septem- trionem; Cades autem contra ad Austrum, & nonnihil quoque ad Orientem, vt in tabella Mansionum, infra sub anno mundi 2583. num. 16. inferenda, videri poterit. Redeamus nunc ad historiam.

64. Circa medietatem ergo dicti mensis quarti anni secundi ab exitu de Ægypto, vt dicebamus, misit Moyses de Cadesbarne exploratores, ad considerandam terram Chanaan, & habitatores eius: quæ historia fusiùs describitur Numer. cap. 13. & 14. & breuiter repetitur Deuter. cap. 1. vers. 20. vsque ad finem capitis, & tangitur item Iosue cap. 14. vers. 6. Porro qui missi sunt, fuerunt duodecim viri de optimatibus po- puli, & singuli de singulis tribubus Israël electi, interquos fuit etiam Osee, quem Moy- ses mutato nomine vocauit Iosue. Profecti sunt ergo isti ad Meridiem, id est à termi- no Australi terræ Chanaan, qui erat Cadesbarne, contra Aquilonem, vsque ad introi- tum Emath, qui erat terminus Aquilonaris eiusdem: & perambulantes primò plagam magis

REFELLI-
TVR OPINIO
ABVLENSIS
ET MASII.

MITTVN-
TVR EXPLO-
RATORES IN
TERRAM
CHANAAN.

magis Orientalem, deinde redeuntes per partem Occidentalem usque ad eandem Cadesbarne, quadraginta diebus lustrauerunt totam terram Chanaan.

56. Die autem circiter vigesima sexta mensis quinti eiusdem anni secundi ab exitu de Ægypto, nimirum post memoratos quadraginta dies, cum venissent exploratores ad Moysem & Aaron, conuocata confestim omni multitudo, ostenderunt fructus terræ Chanaan quos secum attulerant; & terram quidem valde commendabant, tamquam reuera fertilissimam & vberissimam, ut ex allatis fructibus, qui optimi erant, apertissime constare poterat: verumtamen omnes, præter Iosue & Caleb, retulerunt eandem terram esse penitus inexpugnabilem; exaggerantes vrbium eius amplitudines ac munitiones, & virorum fortitudinem ac proceritatem; quibus comparati, dicebant, veluti locustæ videbamur: Numer. cap. 13. vers. 26. usque ad finem capituli. Hæc & huiusmodi alia perorantes atque amplificantes ut audiuit populus, abiecta protinus omni spe, & omnino desperans rebus suis, in lamentis ac luctu iacere, vociferari, cunctaque querelis implere cœpit aduersus Moysen & Aaron. Et alij quidem sibi metipsis suisque interitum imprecabantur in illa solitudine, ne Chananæorum gladiis interirent, ac ne filij vxoreque suæ ab illis in seruitutem redigerentur. Alij quærebant sibi constituere ducem, ac redire in Ægyptum. Alij in furore versi, tentabant lapidibus opprimere Calebum & Iosue, qui tumultum sedare quantum poterant moliebantur. Itaque cum in hac pessima populi seditione, ingens quoque murmur exortum esset contra Dominum, ecce apparuit gloria Domini super tectum fœderis cunctis filiis Israël, minitatusque est Dominus delere omnes pestilentia; verumtamen oratione Moysi flexus, iustam mitigauit distulitque ultionem. Quin etiam opportunè admodum eos monuit, ut in crastinum mouerent castra, & reuerterentur in solitudinem per viam Maris rubri, ne Amalecitarum & Chananæi, qui tum non procul aberant, impetu facto, derepente in ipsos irruerent. Interim tamen prædixit Deus Moysi, neminem illorum qui numerati fuerant à viginti annis & supra, & viderant maiestatem eius in columna nubis & ignis, & signa quæ fecerat in Ægypto & in solitudine, & nihilominus decies, id est (ut exponit Abulensis) multoties aduersus ipsum murmurauerant, inobedienterque se gesserant, visurum Terram promissionis, duobus dumtaxat, videlicet Iosue & Calebo, exceptis. Et insuper præcepit Moysi, ut increparet populum de querimoniis contra ipsum Dominum temere effutitis, & ut prædiceret palamque faceret, murmuratores vti que, quæ sibi ipsis imprecati fuerant, euentura, nimirum quod illi qui numerati fuerant à viginti annis & supra, proculdubio in illa solitudine interituros: filios autem ipsorum, quos ab hostibus fore capiendos conquesti fuerant, in terram, quæ eorum patribus displicuerat, ingressuros; non quidem breui, sed multo post tempore: velle etenim eos prius, in poenam transgressionis parentum suorum, errabundos circumduci per desertum quadraginta annis; ut vel sic portarent fornicationem patrum suorum: Numer. cap. 14. vers. 1. usque ad 36. & Deuter. cap. 1. vers. 20. usque ad 42. vbi tamen nulla iurisiurandi mentio habeatur, attamen quod Dominus tunc etiam iurauerit velle murmuratores à viginti annis & supra perdere in deserto, habemus in Psalm. 105. vers. 26. illis verbis: *Et eleuauit (supple. Deus) manum suam* (id est, sublatam manu sua iurauit) *super eos, ut prosterneret eos in deserto.* Quod verò eiusmodi manus eleuatio esset iurandi actus, iam sub anno mundi 2118. num. 10. ostensum est. significabant autem diuina hæc iuramenta determinationes quasdam Deo irrevocabiles. Ex dictis ergo non obscure indicatur, omnes illos qui Numer. cap. 1. numerati fuerant, & ibidem vers. 46. inuenti sexcenta tria millia quingenti & quinquaginta, fuisse participes dictæ murmurationis, præter Iosue & Caleb: alioqui frustra facta videretur ista exceptio; quia certum erat, eos non modò non murmurasse, sed aliorum murmuraciones compescere studuisse. Et consequenter patet, nullum eorum qui numerati fuerant (duobus illis tantum exceptis) postea in Terram promissionis esse ingressum: quod & comprobant illa Ecclesiastici cap. 46. vers. 10. verba, quæ de iisdem Iosue & Calebo sic habent: *A periculo liberati sunt à numero sexcentorum millium peditum, inducere illos in hereditatem, &c.* tamen ibidem Scriptura sacra more suo vsurpauerit numerum perfectum pro imperfecto. Porro, in dicto numero certum est non fuisse comprehensos senes, neque mulieres, neque minores viginti annis, quòd hi non apti essent ad prælum; neque item vrillos Leuitici generis, quoniam de ipsis legimus Numer. cap. 1. vers. 47. quòd quando memorata populi dinumeratio facta est, ipsi Leuitæ, Domino sic præcipiente, non sunt numerati cum filiis Israël. Et tamen probabile admodum fit, plures quoque ex his omnibus in prædicto numero non conten-

REDEUNT
EXPLORA-
TORES AD
CASTRA.

SEPTIMA
POPULI
MYRMURA-
TIO.

IRATVS DO-
MINVS CON-
TRA POPU-
LVM, MOYSE
ORATIONE
PLACATVR.

PRÆDICT
MOYSE MYR-
MURATO-
RES IN DE-
SERTO IN-
TERITVROS.

PRÆCIPIT
EI, VT HAC
INDICET
POPULO.

tis murmurasse, ac propterea in eisdem solitudinibus interiisse: siquidem ille in deserto interitus, eorum scilicet qui naturaliter supra illos quadraginta annos viuere potuissent, videtur fuisse poena quædam vniuersè iis omnibus, qui ibidem murmurauerant, diuinitus inflata. In quorum numero, vt probatum est, constat extitisse omnes illos (præter Iosue & Caleb) qui à viginti annis & supra recensiti fuerant. Quot verò etiam ex aliis perierint, Scriptura sacra non exprimit.

QVOMODO
HEBRAEI
40. ANNIS
PER DESER-
TUM CIR-
CUMDVEN-
DIDICAN-
TVR.

¶ 66. Oportet autem hic aduertere, illud *quadraginta annis* esse accipiendum, perinde ac si dictum esset *propè quadraginta annis*: quandoquidem constat, populum non plus quadraginta annis ab exitu de Ægypto mansisse in deserto, quemadmodum nos sub anno mundi 2583. num. 34. probabimus. Quare ab ista murmuratione ad introitum in terram Chanaan, necesse est fluxisse tantummodò annos triginta octo & menses circiter septem: & consequenter, vel ad illa verba *quadraginta annis* subaudire oportet, computatis scilicet duobus ferè annis iam in deserto traductis, vel dicere, hic accipi numerum perfectum pro imperfecto, vt aliàs fieri consueuisset, sub anno mundi 1659. num. 2. ostensum est. Sed neque hic tantum isti triginta octo anni & menses septem, in sensu iam exposito, appellantur anni quadraginta; verum etiam apud Prophetam Amos cap. eius 5. vers. 25. vbi illud quoque adicitur, quòd intra hos quadraginta annos sic acceptos, Israëlita in deserto non obtulerunt sacrificia Domino, sed idolis. Ponam hic verba Prophetæ, vt quod dicimus, clariùs innotescat: *Numquid* (in persona Domini inquit) *hostias & sacrificium obtulistis mihi in deserto quadraginta annis, domus Israël? & portastis tabernaculum Moloch vestro, & imaginem idolorum vestrorum sidus dei vestri, quæ fecistis vobis.* Quem locum citat B. Stephanus Actorum cap. 7. vers. 42. vbi cum præmississet, quòd Israëlita fecerant vitulum, & obtulerant hostias simulacro, & lætabantur in operibus manuum suarum, subiungit: *Conuertit autem Deus, & tradidit eos seruire militia calæ, sicut scriptum est in libro Prophetarum: Numquid vicimas & hostias obtulistis mihi annus quadraginta in deserto, domus Israël? Et suscepistis tabernaculum Moloch, & sidus dei vestri Rempham, figuras quas fecistis, adorare eas.* Ex quibus locis duo inferri posse videntur: Alterum est, prædictos quadraginta annos (quemadmodum dictum est) necessariò esse accipiendos pro prædictis triginta octo annis & septem mensibus, qui à reditu exploratorum in Cadesbarne vsque ad introitum Israël in terram Chanaan computantur; alioqui non posset vera reperiri sententia Prophetæ dicentis: *Numquid hostias & sacrificium obtulistis mihi in deserto quadraginta annis?* quasi dicat, Non. Et tamen, nisi hos quadraginta annos à memorato exploratorum reditu supputemus, falsa erit sententia: quandoquidem certum est, quòd antequam Israëlita venissent in Cadesbarne, nimirum quando morabantur in Sinai, plures obtulerunt in deserto hostias Domino in Altaris dedicatione, & Sacerdotum ac Leuitarum consecratione, vt nos supra num. 2. & 3. diximus. Quin etiam aliquanto antea, nimirum die insequenti post acceptam in monte Sinai Legem, scimus Moysen ministerio iuuenum sollemnes obtulisse hostias Domino, quemadmodum sub anno præcedenti num. 44. diximus: non enim plenè satisfacit illa S. Hieronymi expositio super loco Amos citato, quæ habet, Israëlitas ex quo adorauerunt vitulum aureum, omnia quæ in deserto fecerunt sacrificia, non Deo, sed idolis fecisse: & quæ legimus ipsos ibidem Domino obtulisse, non voluntate, sed metu poenarum (visa nimirum interfectione eorum qui propter idola conuerant) fecisse, Dominum autem non ea quæ offeruntur, sed voluntatem respicere offerentium. Non (inquam) hæc expositio, licet à multis recepta, sustineri posse videtur: quandoquidem, tametsi negari non possit, plures in illo populo fuisse idololatriæ deditos; certum tamen est, plures quoque alios veri Dei fuisse cultores. Neque probari potest, quòd quæ legimus eos postea communiter obtulisse sacrificia Domino, puta quando in Sinai fecerunt secundum Phasè iuxta omnes caerimonias eius, vt dicitur Numer. cap. 9. à vers. 1. vsque ad 15. & item quando paulò antè fecerant, vt dictum est, consecrationem Sacerdotum & Leuitarum; quòd ea non animo colendi Deum, sed solum timore poenæ fecerint: præsertim cum sacrificia ab ipsis eodem ferè tempore in consecratione Altaris oblata constet fuisse Deo gratissima. Id enim ipsemet declarauit signo illo admirabili & omnibus conspicuo, quòd describitur Leuit. cap. 9. in fine, illis verbis: *Et ecce egressus ignis à Domino deuorauit holocaustum & adipem, qui erant super altare. Quod cum vidissent turbe, laudauerunt Dominum ruentes in facies suas.* Sic ibi. Perpicue ergo, ni fallor, apparet, memoratorum Prophetæ & S. Stephani dictum, quòd scilicet Israëlita in deserto nulla obtulerint sacrificia Domino, si vniuersaliter (vt verba ipsa indicant) accipiatur, nullatenus posse intelligi de toto illo

tempore quo fuerunt in deserto; sed de illo tantum, quod fluxit à murmuratione ipsorum facta in Cadesbarne. ex quo enim reuerſi sunt exploratores in Cadesbarne, vsque ad introitum populi in terram Chanaan, numquam legitimus Israëlitas vlla in deserto obtulisse sacrificia Domino. Et totum hoc tempus intermedium rectè dici potest fuisse quadraginta annorum, eo modo quo suprà expositum est. Alterum quod ex citatis eiusdem Prophetæ & Actorum locis (posteaquam in ea nunc incidimus) inferendum dicebamus, est; quòd tametsi Moyses nusquam in Exod. Leuit. Numer. ac Deuter. libris prodiderit, Israëlitas in deserto adorasse militiam cæli, & idolum Moloch; id tamen vtique factum fuisse, procudubio tenendum est: quia quod Scriptura sacra in libris Moyſi præterit, in allegatis postea Amos Actorumque locis supplere voluit; sicuti aliàs solet quadam propriis omiſſa locis, alibi quodammodò obiter narrare: quemadmodum iam non semel aliàs adnotauimus; & deinceps quoque, vbi occurrerit, adnotare non omittemus. Quando autem & vbi Israëlitas in deserto, post exitum de Cadesbarne, adorauerint militiam cæli & idolum Moloch, certò demonstrare non possumus; nisi quòd, licet id etiam in aliis mansionibus facere potuerint, admodum tamen probabile videtur, hoc præsertim accidisse in postrema ipsorum mansionem, quando à Madianitarum, Moabitarum, atque Ammonitarum mulieribus decepti fuerunt: tunc enim legimus Numer. cap. 25. vers. 2. quòd illæ vocauerunt eos ad sacrificia sua, & illi comederunt, & adorauerunt deos earum; inter quos vtique credendum est fuisse etiam Moloch (erat quippe Moloch deus Ammonitarum, vt ter repetitum habemus 3. Reg. cap. 11. vers. 5. 7. & 33.) & militiam cæli, hoc est, alia quoque idola referentia astra cæli, Solem, Lunam, & Stellas: ac propterea Moysen in eadem postrema mansionem speciatim monuisse eos (Deuter. cap. 4. vers. 19.) vt custodirent animas suas, ne fortè adorarent Solem, & Lunam, & omnia astra cæli. & cap. 17. vers. 3. vsque ad 6. iussit lapidibus obruendos esse omnes, qui deinceps reperti fuissent seruire diis alienis, & adorare eos, Solem, & Lunam, & omnem militiam cæli. hoc enim idem est, ac illud quod prius dixerat: *Omnia astra cæli*. Quo præcepto non obstante, posterioribus quoque temporibus hæc ab Hebræis diuino honore fuisse culta, colligi potest ex pluribus aliis Scripturæ locis, nempe 4. Reg. cap. 17. vers. 16. & cap. 21. vers. 3. & cap. 23. vers. 4. 5. & 11. & 2. Paralip. cap. 33. vers. 3. & Ierem. cap. 19. vers. 13. & Sophon. cap. 1. vers. 5. Ceterum de idolo Moloch, & horribili quo colebatur ritu, opportunius sub anno mundi 3406. num. 2. agemus. Nunc ad huiusmodi seriem reuertamur.

QUANDO
HEBRAEI
IN DESERTO
ADORAV-
ERUNT IDO-
LYM MO-
LOCH, ET
MILITIAM
CÆLI.

67. Eodem (vt arbitror) die, exploratores, qui sinistra sua relatione murmurare fecerant populum, subitanea morte percussi, in ipsomet conspectu Domini omnes interierunt, præter Iosue & Caleb filium Iephone, qui ceteris reluctantes, murmur populi compescere conati fuerant: Numer. cap. 14. vers. 36. vsque ad 39. Dicitur autem iste Caleb, filius Iephone, ad differentiam alterius Caleb, qui fuerat filius Hefron filij Iaphis filij Iudæ, cuius fit mentio 1. Paralip. cap. 2. vbi vers. 9. vocatur Calubi; vers. autem 18. 24. & 42. appellatur Caleb: iste enim filius Hefron, natus est anno circiter quadragesimo ab ingressu Israelis in Ægyptum, vt bene colligit Abulensis super capite citato quæst. 9. filius autem Iephone, ortus est anno circiter trigesimo octauo ante exitum populi de Ægypto; qui concurrit cum anno centesimo septuagesimo octauo à prædicto ingressu, vt patet in tabulis: erat quippe iste Caleb annorum quadraginta, quando anno secundo exitus, missus est ad explorandam terram Chanaan, vt ipsemet fatetur, Iosue cap. 14. vers. 7. Sanè filij Israel, videntes terribilem ultionem quam exercuerat Dominus aduersus detractores terræ Chanaan, & insuper audientes infaustas admodum eiusdem Domini prædictiones, suprà num. 65. relatas, & ipsis à Moysè intimatas, fleuerunt vehementer tota nocte: verum tamen primo manè surgentes, voluerunt ascendere ad Terram promissionis inuito Moysè, & quantum poterat illis reluctante, ac prædicente ruinam; cumque sine ipso Moysè, & sine Arca Domini in proximum ascendissent montem, ab Amalecitis, Chananæis, atque Amorrhæis percussi fugatique sunt. Et quoniam præceperat eis Dominus vt posttridie mouerent castra, ipsi verò tanta clade accepta manserunt in Cadesbarne multo tempore, vt dicitur Deuter. cap. 1. in fine, id est diebus multis; nec eos de hac re Scriptura sacra reprehendit: cogimur suspicari, illos non voluntarie, sed necessitate cogente (vt scilicet plurimi in illo prælio grauitè sauciati curari possent) ibidem permanſisse. Ceterum, ob maximam hanc Hebræorum seditionem & calamitatem, apud ipsos postea institutum fuisse Ieiunium mensis quinti, ex his quæ superius num. 44. dicta sunt, satis constare posse videtur.

EXPLORA-
TORES SVBI
TANEA MOR-
TE INTER-
EVNT.

DE DVPLI-
CIBUS CALEB.

FILII IS-
RAEL PRO-
RANT, ET
INVITO
MOYSE PV-
GNANTES
PERCV-
TIVNTVR.

68. Eodem anno secundo exitus de Ægypto, sub finem mensis septimi, egressus est

POPVLVS
EGREDITVR
DE CADES-
BARNE, SIVE
DE RETH-
MA, VBI
FECE RAT
IS. MAN-
SIONEM.

populus de Rethma seu de Cadesbarne, vt colligi potest ex Deuter. cap. 2. vers. 14. vbi habemus, quòd tempus quo ambulauerunt Israelitæ de Cadesbarne vsque ad torrentem Zareth, fuit triginta & octo annorum: nos autem infra sub anno mundi 2583. num. 10. probabimus, populum peruenisse ad dictum torrentem, illumque transuadasse sub finem septimi mensis anni quadragiesimi ab exitu de Ægypto. Ex quo duo hîc videntur posse inferri: Alterum est, toto cælo, vt aiunt, aberrare Hebræorum Rabbi- nos, nempe Rabbi Abenazra & Rabbi Salomonem, apud Abulensem super Deuter. cap. 1. quæst. 12. relatos; quorum primus putat populum triginta octo annis continuis mansisse in Cadesbarne, secundus verò, annis decem & nouem: hos namque euidenter redarguit Sacer textus Deuteronomij proximè citatus. Alterum est, ex dictis consequi, quòd à reditu exploratorum de terra Chanaan, ad exitum populi de Cadesbarne, fluxe- runt ferè duo menses, intra quos benè potuit Moyses fecisse tertiam illam cum Domi- no quadragiesimam, quam sub anno mundi 2544. num. 56. poni posse probauimus. Profecti igitur de Cadesbarne, siue de Rethma, vbi decimam quintam fecerant man- sionem, reuersi sunt in solitudinem, quæ ducebat ad Mare rubrum, Deuter. cap. 1. in fine, & cap. 2. in principio, quemadmodum eis præceperat Dominus Numer. cap. 14. vers. 25. & circuierunt montem Seir longo tempore, hoc est triginta octo ferè annorum interuallo, siue vsquequò discesserunt de monte Hor: tunc enim relictis Idumæorum finibus, direxerunt iter ad desertum Moab, vt suo loco dicitur.

SANCTVS
IOB MOR-
TVR.

69. Sub finem eiusdem anni secundi ab exitu Israel de Ægypto, oportet obiisse sanctum Iob: hoc siquidem tempore (vt apparet in tabulis) complentur ducenti de- cem & septem anni, quibus ipsum vixisse, nos sub anno mundi 2399. num. 1. ostendi- mus. Dixi, Sanctum Iob; quia eundem Sanctum ac Beatum appellat Scriptura sacra, Tobia: cap. 2. vers. 12. & 15.

AB ORBE CONDITO

QVARTÆ MVNDI ÆTAT.

ANNVS 2546.

ANNVS 3.

IDVMAEI
DE MONTE
GALAAD
AB AMOR-
RHÆIS
FVLII.

I. **A** NNO proximo (vt arbitror) id est non multò post obitum dicti sancti Iob, cre- dimus Idumæos posteros Esau, ab Amorrhæis omnino de monte Galaad ac de regionibus illi proximis, in quibus à tempore ipsius Esau habitauerant, fuisse pulsos; ac sese recepisse, deincepsque habitasse in montibus, inter Mare mortuum & Mare rubrum positis; quemadmodum nos sub anno mundi 2319. num. 7. diximus.

AB ORBE CONDITO

QVARTÆ MVNDI ÆTAT.

ANNVS 2547.

ANNVS 4.

CECROPS
RLX ATHE-
NIENSIVM
MORITVR.

I. **A** NNO vitæ Moysei octogesimo quarto (vt patet in tabulis) necesse est mortuum esse Cecropem, primum Atheniensium Regem; siquidem ipse regnare cœpe- rat anno vitæ Moysei trigesimo quinto, vt sub anno mundi 2498. num. 1. di- ctum est; & regnavit annis quinquaginta, vt videre est apud Eusebium in Chronicis. Et huic opinioni consonant, quæ tradit S. Augustinus lib. 18. de Ciuit. initio capitis 11. di- cens, quòd *Moyſes eduxit populum Dei de Ægypto, nouissimo tempore Cecropis Athe- nienſium Regis, id est circa poſtremos regni eius annos, cum apud Aſſyrios regnaret Aſcades.*

GRÆCO-
RYM DII
QVO TEM-
PORE VIXIT.

2. Post Cecropem (inquit Genebrardus lib. 1. suæ Chronologiæ, vbi de externis Moyſi tempore gestis agit) dii Græcorum nati feruntur, ante bellum Troianum annis supra trecentis. Quamquam autem idem Auctor ibidem post pauca subiungat, deo- rum istorum sæculum idèd non satis definitè annotari posse, quia trecentis hisce annis multi fuerunt Saturni, Ioues, Mercurij, Apollines, & quidem omnes illustres: artamen infra, vbi agit de profanis ætate Aod, ponit ætatem prædictorum deorum, Iudicum temporibus incidisse, non longè scilicet ante bellum Thebanum & Troianum. idque eo probat argumento, quòd ipsorum deorum sæculo, quo terras deseruerant, idem bellum gestum Historia: profanæ tradant, deorum liberis in eo occisis: (prædictos enim deos ex hominibus natos esse, probat ibidem testimonijs tum Herodoti lib. 1. tum Ci- ceronis lib. 1. Tusculanarum quæstionum.) & confirmari potest ex eo quod supra dixe- rat, nempe, quia Saturnus, qui ex dijs antiquioribus fuit, non nisi centum annis ante prædictum bellum, in Italia regnavit. Sed esto, Iudicum Hebræorum tempestate pos- sissimum

tissimùm plurimos ex dijs Græcorum floruisse; non tamen constat, nullos antea ijs multo antiquiores extitisse: quin potius ex his, quæ nos sub annis mundi 2092. num. 1. & 2498. num. 1. adduximus, videtur planè oppositum posse colligi. Quod & comprobari item potest ex Arnobio; qui lib. 2. Contra gentes (vt citatus ibidem refert Genebrardus) *Ad dijs ad Romam conditam*, ait, *mille prope anni, & ad Christum, mille septingenti numerantur*. Quod si verum est, utique oportet deos cœpisse plus centum sexaginta annis ante hunc mundi annum 2547. de quo hic agimus, quemadmodum faciliè in tabulis supputari ac dignosci potest.

AB ORBE CONDITO QVARTÆ MVNDI ÆTAT.

• ANNVS 2548.

ANNVS 5.

1. **A** NNO quinto exitus Hebræorum de Ægypto, vt notat Eusebius in Chronicis, institutus fuit Athenis Areopagus ille, cuius fit mentio Actorum c. 17. vers. 19. Fuit autem primò Areopagus aliquamdiu quidam iudicij locus, in quo conueniebant Iudices & Legum Doctores, ad agendas terminandasque causas capitales seu iudiciales, vt colligi potest tum ex Plinio, qui lib. 7. cap. 56. ait, iudicium capitũ primũ in Areopago fuisse actum: tum ex B. Augustino lib. 18. de Ciuit. cap. 10. vbi ex Varrone de ipsius Areopagi denominatione plura disserit. Posterioribus verò temporibus videtur idem iste locus etiam veluti insignis quidam conuentus & schola Philosophorum aliorumque eruditissimorum virorum ac sapientum extitisse, in qua de scientiarum quoque dogmatibus disseri ac diiudicari solebat, vt ex cap. Actorum citato vers. 18. videtur posse colligi, vbi traditur, quòd quidam Stoici & Epicurei Philosophi, cupientes scire quænam esset doctrina quam prædicabat Apostolus, quamque ipsi nouam atque inauditam censebant, duxerunt illum ad Areopagum: ipse verò stans in medio Areopagi, luculentam apud illos sapientes habuit concionem, qua nonnullos conuertit ad fidem Christi; inter quos fuit magnum illud S. Ecclesiæ lumen, Dionysius Areopagita, qui postea verbo atque exemplo, & insuper scriptis panè diuinis; ac demum illustri martyrio eandem Ecclesiam maximè exornauit. Quamquam de Areopago tutius dici possit, quòd etiam Apostoli tempore fuerit iudicij locus, & quòd ibidem Apostolus non tamquam ad concionandum, seu veluti in schola, de noua sua doctrina differendum, sed potius ad causam pro se dicendam, rationemque prædicationis suæ reddendam, fuerit adductus, vt planè indicare videntur illa verba ibidem vers. 19. posita: *Et apprehensum eum ad Arcopagum duxerunt, &c.*

DE AREOPAGO, ET QUANDO ATHENS INSTITVTVS

MANSIONES 17. FACTÆ IN ARABIAE SOLITVDINIBVS ACADESBARNEAD MARE RVBRVM.

2. Interèa Hebræi, propter peccata quæ fecerant in Cadesbarne, per illas Arabiæ solitudines, Deo ita disponente, huc atque illud ambulantes atque vagantes, fecerunt illas mansiones, quæ ordinatim recensentur Numer. cap. 33. vers. 19. vsque ad 37. videlicet mansionem decimam sextam, in Remmon Phares; decimam septimam, in Lemna; decimam octauam, in Resla; decimam nonam, in Ceelatha; vigesimam, in monte Sepher; vigesimam primam, in Arada; vigesimam secundam, in Mateloth; vigesimam tertiam, in Thahat; vigesimam quartam, in Thare; vigesimam quintam, in Methca; vigesimam sextam, in Helmona; vigesimam septimam, in Moseroth; vigesimam octauam, in Beneiaacan; vigesimam nonam, in monte Gadgad; trigessimam, in Itebatha; trigessimam primam, in Hebrona; trigessimam secundam, in Asiongaber; quæ erat iuxta Ailath, in littore Maris rubri, vt dicitur 3. Regum cap. 9. vers. 26. & lib. 2. Paralip. cap. 8. vers. 17. Ex quo deducitur, prædictas mansiones omnes fuisse in solitudine illa, quæ ducebat à Cadesbarne ad Mare rubrum, vt dicitur Deut. cap. 2. vers. 1. & in nostro Mansionum typo sub anno mundi 258; num. 17. videri poterit. Quòd verò hæc decem & octo mansiones, à Rethma ad Asiongaber inclusiue, in deserto Pharan continerentur, tradit B. Hieronymus ad Fabiolam, Mansionem 15. Aduertendum tamen hic est, quòd illa duo loca, in quibus ex cap. Numer. 33. diximus factas fuisse mansiones vigesimam nonam & trigessimam, nimirum Gadgad & Itebatha, valde erant diuersa ab illis eiusdem nominis, quæ memorantur Deuter. cap. 10. vers. 7. siquidem priora, erant in deserto Pharan, à latere Occidentali Idumæ: hæc autem ab Orientali, non longè à Mari rubro: ad illa peruenit populus ante obitum Mariæ & Aaronis, ad hæc autem, post. Insinuari quoque videtur in Sacro textu hæc diuersitas: nam primus Gadgad dicitur fuisse mons, secundus autem nequaquam: item prima Itebatha, sine vlla additione notatur; secunda autem dicitur fuisse in terra aquarum atque

atque torrentium, quia nimirum erat prope mare; quod non potest conuenire priori
existanti in deserto Pharan, admodum arenoso & siccò.

QVÆ IN
PRÆNOTA-
TIS MAN-
SIONIBVS
SINT GESTA.

LIBAMINA
CVM VICTI-
MIS OFFER-
RI MAN-
DANTVR.

PRIMITIÆ
DOMINO
OFFEREN-
DÆ.

QVÆ SACRI-
FICIA PRO
PECCATIS
PACIENDA.

SABBATI
VIOLATOR
LAPIDIBVS
OBRETVR.

FIMBRIÆ
HYACINTHI-
NÆ CVR
GESTARI
PRÆCE-
PTÆ.

SEDTIO
CORE, DA-
THAN, ET
ABIRON DE-
SCRIBITVR.

3. Puto autem, in prænotatis solitudinibus interim acta esse omnia, quæ Numer. cap. 15. & quattuor sequentibus traduntur: quæ quoniam Scriptura sacra per proprias mansiones non distribuit, nec eis propria assignat tempora; idcirco nos quoque ac hic seorsum breuiter adnotabimus, eo ordine quo in præfatis capitibus tradita inueniuntur. Quod enim in memoratis mansionibus fuerint gesta, etiam affirmat B. Hieronymus loco proximè allegato. Primò igitur dat Dominus per manum Moysi populo præcepta quædam Cærimonialia, obseruanda quando perueniret & habitauerit in terra Chanaan; docens quomodo, quandocumque offerre voluerit hostias Domino, siue pacificas, siue in holocaustum, & siue ad exoluenda vota Domino facta, siue sponte & ex propria deuotione, siue item quæ in sollempnitatibus offerri præceptæ erant, semper cum victimis quædam etiam offerre deberent libamenta; nimirum similæ oleo conspersæ, & vini. Et ibidem statuitur conueniens horum mensura, iuxta qualitatem victimarum offerendarum. Item præcipiunt, vt de cibis quos postea comedent in Terra promissionis, semper prius separent dentque primitias Domino, hoc est Sacerdotibus Domini, tam de frugibus in area collectis, quàm de pulmentis in mensa apponendis. Insuper mandans ac decernens, quænam sacrificia offerenda sint pro peccatis siue inobseruantis quas tum per ignorantiam errorè mve committi contingerit, tum etiam per superbiam & contemptum. Per hæc quoque circiter tempora, quando scilicet dabat eis Dominus memorata præcepta, cum essent filij Israël in solitudine, vt expressè notatur Numer. cap. 15. vers. 32. accidit, vt quidam inuentus sit colligans ligna in die Sabbati, in quo cessatio ab omni opere obseruanda erat: qui cum ad Moysen fuisset delatus, illeque super hac re Dominum consulisset; responsum accepit Moyses, vt diuini præcepti transgressor lapidibus extra castra à multitudine opprimeretur; atque ita factum est. Ex citatis autem Numer. verbis, *Cum essent filij Israël in solitudine*, colligitur comprobaturque quod diximus, nimirum omnia Moysi gesta hætenus in hoc numero relata, & quæ infra vsque ad annum mundi 2571. referenda erunt, contigisse non in Cadesbarne (vt nonnulli perperam existimarunt) sed in posterioribus mansionibus per illam solitudinem factis. Addidit deinde Dominus per Moysen aliud præceptum Israëlitis, videlicet, vt facerent sibi fimbrias, ponentes in angulis palliorum vitæ hyacinthinas, quas frequenter videntes, recordarentur celestium mandatorum, reuocarentque oculos & cogitationes suas à variis mundi distractionibus, ad exactam mandatorum Dei obseruantiam. Et hæc sunt quæ habentur Numer. cap. 15.

4. Sequitur famosa illa seditio Core & Dathan atque Abiron cum socijs, aduersus Moysen & Aaron pro Sacerdotio & primatu. Horrendum profecto exemplum, ijs præsertim, qui ex præsumptione spiritus, sese per ambitionem ad Ecclesiasticas ingerunt dignitates, contra præceptum Apostoli ad Hebræos cap. 5. vers. 4. exclamantis: *Nec quisquam sumit sibi honorem, sed qui vocatur à Deo, tamquam Aaron. Sic & Christus non semetipsum clarificauit vt Pontifex fieret; sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es Sacerdos in æternum secundum ordinem Melchisedech.* Fuit ergo seditio Core & sociorum eius, eiusmodi: Erat Core Leuita inter posteros Caath honorabilis, qui non contentus ministerio sibi à Deo per Moysen assignato, volebat sibi quoque Sacerdotium vindicare. quamobrem conspiratione facta cum Dathan & Abiron & Honi, primarijs inter Rubenitas, qui & ipsi primatum ambiebant in populo, & item cum ducentis quinquaginta ex proceribus filiorum Israel, qui in negotijs grauioribus deliberandis, ad Concilium nominatim aduocari consueuerant: venit ipse stipatus hisce ducentis quinquaginta viris ad Moysen & Aaron, cœpitque arroganter exprobrare, quod sufficere eis poterat, æquales haberi cum ceteris; neque par esse vt velint cunctis præesse, alter tamquam omnium Princeps, alter verò vt summus Sacerdos: quandoquidem non magis ipsis, quàm alijs, Deus Legem dederat, ceteraque beneficia multa contulerat. Sane Moyses, qui certus erat non à se ipso, sed à Deo accepisse prælationem; & non affectu cognationis, sed Deo mandante, consecrassè Aaronem fratrem suum in summum Sacerdotem; hæc audiens, protinus cecidit in faciem suam, orans Dominum, vt ei quid factò opus esset indicaret, paratus ad nuntium eiusdem Domini (quemadmodum postea fecit Samuel) renuntiare prælationi, & constituere in populo Principem ac Pontificem, quos eligeret Dominus. Verum longè diuersa erat voluntas Domini: qui cum benè nosceret humilitatem serui sui ac rectitudinem cordis, & econuersò, arrogantiam & superbiam Core ac sociorum eius;

eius; edocuit tacitus Moysen de omnibus quæ per ipsum facturus erat. Surgens ergo Moyses, dixit Core, vt in crastinum ipse & qui eum sequebantur parati essent venire cum thuribulis suis, & (quod erat munus Sacerdotale) offerre incensum Domino; idem quoque facturum ex altera parte Aaronem, vt ostendat Dominus à quonam velit huiusmodi officium exerceri: sed neque omisit in hac occasione eundem Core grauitèr modestèque corrigere, quòd non vocatus talem dignitatem affectaret. Misit deinde Moyses, qui vocarent Dathan & Abiron, vt eos etiam paternè admoneret, ne & ipsi contra Dei voluntatem sese extollerent. Verumtamen illi nimia tumentes arrogantia, non modò venire contempserunt; sed nec parcere linguæ à detractionibus & subfana- tionibus contra Moysen potuerunt. Quamobrè iuste iratus Moyses, orauit Do- minum ne eorum vota sacrificiæ suscipere. Postridie autem, stantibus Moysè & Aaron ad ostium Tabernaculi fœderis, cum ibidem, iuxta conditum, ducenti quo- que illi quinquaginta proceres conuenissent; concurrissetque simul magna hominum multitudo, ab eisdem, maxime verò à præcipuis dictæ seditionis auctoribus contra Moysen & Aaron commota, admodumque concitata: ecce apparuit cunctis videnti- bus gloria Domini dicentis Moysi & Aaroni: *Separamini de medio congregationis huius, vt eos repente disperdam.* Qui ceciderunt pròni in facies suas, orantes Dominum vt parceret multitudini. Deinde Moyses, relictis ibi Aaronè & illis ducentis quinquaginta viris, abijt iubente Domino ad Dathan & Abiron, sequentibus eum senioribus Is- rael; nimirum septuaginta illis, quibus dederat Dominus de spiritu Moysi: quòd cum peruenisset, dixit turbæ vt recederet à tabernaculis hominum impiorum, & nihil eo- rum tangeret, sed obseruaret imminetent eis ultionem: & si quidem illos Dominus communi quadam & non insolita castigatione plecteret, scirent se non esse missum à Deo; sin autem nouo atque horrendo miraculo deuoraret eos terra; cèrti essent, illos contra omne ius fasque seditionem illam excitasse, ac blasphemasse Deum. Quibus di- ctis, repente aperta est terra sub pedibus eorum; & absorbit eos cum tabernaculis, & omnibus ad se pertinentibus, circumstante atque inspectante omni Israele, atque à cla- more pereuntium fugiente, ne ipsum quoque terra deglutiret. Et quod hic dictum est de Dathan & Abiron, accipiendum quoque est euenisse Hon, & item ipsi Core, qui & ipse creditur noluisse venire ad ostium Tabernaculi cum aliis ducentis quinquaginta, sed mansisse in tabernaculo suo, quemadmodum fecerant Dathan & Abiron; atque ibidem in illo admirabili terræ hiatu fuisse sepultum, vt aperte traditur Numer. cap. 26. vers. 10. vbi etiam subiungitur, tunc factum fuisse grande miraculum, *vt Core percunte, filij illius non perirent*, ad differentiam Dathan & Abiron, qui (vt dictum est) cum libe- ris, & vxoribus, & omni substantia eorum ad inferos descenderunt. Aliud quoque por- tentum eodem tempore accidit ad ostium Tabernaculi fœderis: vbi relictus fuerat Aaron: nam vt primum ducenti illi quinquaginta proceres ausi sunt accipere de Altari holocaustorum prunas, vt ponerent eas in thuribulis suis, offerrentque thymiama Domino: egressus derepente mirabiliter ignis de Altari, interfecit eos. Quod vt audi- uit Moyses, præcepit Eleazaro Sacerdoti, vt colligeret ducenta illa thuribula ænea, pro- duceretque ea in laminas, quas Altari affigeret, in memoriam filijs Israel, ne quis non Sacerdos incensum deinceps offerre auderet. Exorta deinde est sequenti die alia mur- muratio & seditiò multitudinis aduersus Moysen & Aaron, quasi ipsi occidissent po- pulum Domini; adeoque increuit tumultus, vt ab impetu ac furore insurgentium ad- uersus eos, coacti sint fugere in Tabernaculum fœderis: vbi apparuit iterum gloria Domini protegens eos, & mittens validum in populo incensum, quo cuncti delicti essent, nisi protinus Aaron iubente Moysè cucurrisset in medio multitudinis, atque inter mortuos ac viuentes stans, obrulisset thymiama Domino, orassetque pro eis: tunc enim cessauit plaga, interfectis tamen prius quattuordecim millibus hominum ac se- ptingentis, absque his qui perierant in seditione Core. Et hæc sunt, quæ per occasionem dictæ seditionis acta describuntur Numer. cap. 16. per totum; & breuiter tanguntur in Psal. 105. vers. 16. 17. & 18. illis verbis: *Et irritauerunt Moysen in castris*, (subaudi, &) *Aaron Sanctum Domini. Aperta est terra, & deglutit Dathan, & aperuit super congrega- tionem Abiron. Et exarsit ignis in synagoga eorum, flamma combussit peccatores.*

HORREN-
DVS SEDI-
TIONIS
INTERITVS

OCTAVA
POPULI
MYRMURA-
TIO, ET
EIVS PVN-
TIO.

AARON IN
PONTIFICA-
TV CONFIR-
MATVS SI-
GNO VIRGAE
EIVS, QUAE
MIRABILI-
TER FLO-
REUIT.

5. Alio item postea signo placuit Domino sacerdotium Aaronis, eiusdemque ele- ctionem tamquam diuinitus factam, confirmare; vt nemo deinceps eam ampliùs in dubium vocare posset, aut cum tanto vitæ discrimine illud sibi usurpare attentaret. Iussit ergo Moysen accipere à singulis principibus tribuum Israel singulas virgas, pro- prijs notatas nominibus, nimirum duodecim; & insuper virgam Aaronis pro tribu

Leui,

Leui, quæ erat tertiadecima, ponereque eas coram Domino in Tabernaculo testimonij: die verò sequenti easdem proferre, & quam floruisse viderent, scirent signum esse certissimum diuinæ electionis illius, qui in ea scriptus esset, in summum Sacerdotem. Quod cum factum fuisset, ceteris in pristino statu suo remanentibus, sola Aaronis virga inuenta est germinasse, ac turgentibus gemmis emisisse flores, qui dilatatis folijs in amygdalas iam deformati videbantur: quæ causa fuit, vt tunc omnes acquiescerent. Nihilominus ad perpetuam facti memoriam, & vt hoc visibili signo, etiam futuris temporibus, querimonia contra Aaronem & posteros eius pro Sacerdotio penitus tolli possent; præcepit Dominus, virgam illam Aaronis quæ mirabiliter floruerat, iugiter in Tabernaculo testimonij esse asseruandam, quod per Moysen protinus executioni mandatum fuit: Num. cap. 17.

6. Quoniam autem in calce capitis Numer. proximè allegati satis modestè conquesti fuerant filij Israel apud Moysen, quod iam perierat maxima ipsorum multitudo; & iam experimento didicerant, quod omnes qui ad Tabernaculum testimonij accedebant, moriebantur; & per hoc tacitè (non enim liberius loqui audebant, tantis calamitatibus paulò antè propter ipsorum murmuraciones percussi) requirere videbantur, aliquo modo prouidendum esse, ne paulatim omnes interirent: propterea volens Dominus tanto huic malo in posterum prospicere, maluit id per Aaronem & eius filios præstare; vt quorum occasione tot principes populi ob inuidenciam perierant, eos deinde eidem multitudini magis gratos redderet. Itaque quia ipsi Aaroni primò, tamquam summo Sacerdoti, & deinde filijs suis Sacerdotibus minoribus, ac demum etiam vniuersæ domui patris sui Leui, hoc est cunctis Leuitis, commiserat Dominus curam Sanctuarij sui, & omnium ad cultum Dei pertinentium, iuxta ministeriorum distributionem aliàs factam: nunc commendat ipsis respectuè diligentem rerum omnium custodiam & administrationem; mandans in primis Aaroni ac filijs eius, vt officia Sacerdotalia intra Sanctuarium & circa Altare holocausti accuratè exercent, & Leuitarum opera vtantur, quibus item præcipit ad iussu Sacerdotum præstò esse, & excubare in custodia Sanctuarij, & in omnibus operibus Tabernaculi; ita tamen, vt ad vasa Sanctuarij, & ad Altare non accedant, ne moriantur. Atque hæc omnia vt diligentius peragantur, & consequatur optata populi præseruatio ab interitu; declarat Dominus, ipsum Aaronem & filios eius & Leuitas, non autem alios de populo, deinceps fore puniendos; pro iniquitatibus seu transgressionibus quas fieri acciderit circa Sanctuarium; puta, si quis ipsorum incuria illicitè ad ipsum accesserit; si illud, vel aliquid eius tetigerit; si ministerium aliquod in ipso exercere præsumperit; aut quid aliud vetitum ibidem perpetratum fuerit: ad ipsos namque spectare eiusmodi omnia præhibere, ne indignatio aliqua vel plaga oriatur in populo. Et insuper admonuit Aaronem, quod ipse & filij eius subituri essent punitiõnem pro peccatis, quæ in officio Sacerdotali ipsorum culpa committi contigisset: Numer. cap. 18. vers. 1. vsque ad 8.

7. Post officia oneraque Sacerdotibus ac Leuitis iniuncta, admodumque commendata, vt in rerum temporalium cura minùs solliciti, diligentius diuinis seruitiis incumbere possent, decreuit Dominus, ipsos nullam partem possessionemve in terra Chanaan inter alias tribus habituros; sed ipsum Dominum fore ipsorum fortem hereditatemque in medio filiorum Israël. Pro ipsorum ergo victu, stipendia eis temporalia erant assignanda. Itaque primò Sacerdotibus iure perpetuo attribuit omnia, quæ sanctificantur Domino; videlicet vota, & oblationes, & sacrificia quæ Pro peccato dicebantur, & Sacerdotibus hostiarum pacificarum partes, nimirum pectuscula & armos dextros: hac tamen lege, vt mares tantum de familia Sacerdotum his vesci possent. Et præterea omnes frugum aliarumque rerum primitias; & has non filij dumtaxat, sed & filiae pariter Sacerdotum (nisi legali aliqua detinerentur immundicia) edere poterant. His adde (quæ ad primitias reducebantur) primogenita omnia, quæ sibi Deus in exitu populi de Ægypto (Exod. cap. 13. vers. 2. & 12. vsque ad 16. & cap. 34. vers. 19. & 20.) reseruauerat; siue hominum, siue aliorum animalium, tam mundorum quam immundorum; taxauitque pretium quinque sistorum argenteorum, quibus post mensẽ à natiuitate singula hominum primogenita redimi oporteret: nam animalia immunda communi pretio æstimanda erant, aut cum mundis commutanda, iuxta illud locis proximè citatis notatum: *Primogenitum asini mutabis eue, quod si non redemeris, interficies*. Munda verò nullatenus redimenda esse statuit, sed ipsamet Domino consecranda. Leuitis autem pro temporali mercede ministeriorum suorum, in perpetuum assignauit decimas omnium rerum ab vniuerso Israëlè soluendas: eo tamen modo & forma,

CVR DECLA
RAVERIT
DOMINVS,
DEINCEPS
PVNITVM
IRISACER-
DOTES ET
LEVITAS
PRO TRANS-
GRESSIONIBVS
PO-
PVLI CIRCA
TABERNA-
CVLYM.

DE SACER-
DOTVM LE-
VITARVM
QVE STI-
PENDIIS:

& forma, quæ infra num. 10. explicabitur. Numer. cap. 18. versic. 8. vsque ad finem capitis.

8. Verum, quoniam de his quæ sanctificabantur Domino, & templi ministris ab eodem Domino iure perpetuo tradita fuerunt, aliàs quoque nonnumquam mentionem facere occurret; ad maiorem ipsorum intelligentiam, operæpretium duximus, nonnulla hic de eisdem præmittere, tum in vniuersum, tum etiam sigillatim, prout opus fuerit. Et primò quidem sciendum est, omnia quæ offerebantur Domino, in duplici fuisse differentia. Quædam enim erant purè voluntaria, & ex mera dabantur deuotione, de qua re assidue meminit Scriptura, nempe Leuitici cap. 7. vers. 16. & cap. 22. vers. 2. 1. & cap. 23. versic. 38. & Numer. cap. 15. vers. 3. & 4. Reg. cap. 12. vers. 4. & alibi sæpius. Alia erant Lege sancita; cuiusmodi decimæ, primitiæ, & quæcumque ex voto debebantur; quibus adici potest exactio quædam dimidij scli per singula viro-
rum capita, de qua paulò infra mentionem faciemus. Etenim de soluendis decimis, præceptum habebant diuinum Israëlita Leuitici cap. vltimo, vers. 30. huiusmodi: *Omnēs decima terræ, siue de frugibus, siue de pomis arborum, Domini sunt, & illi sanctificantur.* & paulò post: *Bonis, & onis, & capræ, quæ sub pastoris virga transiunt, quidquid decimum venerit, sanctificabitur Domino.* Similiter de primitiis, Exodi cap. 23. vers. 19. *Primitias frugum terræ tuæ deferres in domum Domini Dei tui.* Et de vtrisque simul, legimus Exod. cap. 22. vers. 29. *Decimas tuas & primitias tuas non tardabis reddere.* vbi etiam inter primitias primogenita computans, Scriptura subiungit: *Primogenitum filiorum tuorum dabis mihi.* Et quòd idem intelligendum sit de primogenitis cunctorum pecorum & animalium, apertè colligitur Exod. cap. 13. vers. 2. & 12. vsque ad 16. & cap. 34. vers. 19. & 20. & Numer. cap. 18. vers. 15. De votis quoque soluendis extabat lex Deuter. cap. 23. vers. 21. in hæc verba: *Cum votum voveris Domino Deo tuo, non tardabis reddere: quia requirit illud Dominus Deus tuus. & si moratus fueris, reputabitur tibi in peccatum.* Denique Exod. cap. 30. vers. 11. præceperat Dominus Moyli, dicens: *Quando tuleris summam filiorum Israël, iuxta numerum, dabunt singuli pretium pro animabus suis Domino.* & post pauca, *Hoc, inquit, dabis omnis qui transit ad nomen, dimidium scli.* & paucis interpositis: *Dives non addet ad medium scli, & pauper nihil minuet.* Sed quoniam ibidem subiungitur: *Susceptamq; pecuniam, quæ collata est à filiis Israël, trades in usus Tabernaculi testimonij.* ex quo patet, eam non ministris, sed potiùs fabricæ, aut aliis templi vbius fuisse destinatam, vt etiam sub anno mundi 3172. num. 2. dicemus: propterea hoc loco de hac pecunia nihil aliud dicendum videtur.

9. De primitiis verò scire oportet, tria ipsarum fuisse genera, vt benè notat Abulensis super Leuitici cap. 23. Primum erat oblatio illa manipulorum, quæ præcipitur in eodem Leuitici capitulo vers. 10. Quod tamen præceptum, vt ibidem citatus Auctor ait, non erat generale, ita vt obligaret omnes ac singulos, ad portandos Sacerdoti dictos spicarum manipulos die secunda Azymorum; sed sufficiebat, vt de manipulis qui pro personarum deuotione deferrebantur, Sacerdos vnum eleuaret coram Domino, ritu Leuitici cap. 2. vers. 14. vsque ad finem capitis descripto; ceteros verò, siue pauci siue plures essent, pro se retineret. Dicebantur autem isti manipuli, primitiæ messis, quia primi & adhuc virentes de segetibus collecti erant; & dies dictæ oblationis, dies primitiarum nuncupabatur; & ante eam nemini licebat quidquam de nouis segetibus comedere, neque panem, neque polentam, neque pultes, quemadmodum expressè traditur Leuitici cap. 23. vers. 14. Alterum genus primitiarum, erant duo illi panes primitiarum de duabus decimis similæ fermentatæ cocti, qui de singulis Israëlitarum habitaculis in festo Pentecostes Sacerdotibus dari debebant, iuxta præceptum Leuitici cap. citato vers. 17. traditum; de quibus panibus nihil prorsus coram Tabernaculo fœderis offerebatur, sed toti cedebant in usus Sacerdotum; quia, vt traditur Leuitici cap. 2. vers. 11. omnis oblatio quæ offerebatur Domino, sine fermento esse debebat. Porro hoc præceptum de prædictis panibus offerendis, obligabat omnes; ita vt singulæ domus siue habitacula filiorum Israël, tenerentur tali tempore dare Sacerdotibus prædictos panes. Tertium denique genus primitiarum erat, eisdem Sacerdotibus dare quotannis de omnibus terræ frugibus, puta hordeo, frumento, vino, & oleo, ceterisque quibuscumque, partem quamdam, non maiorem quadragesima, nec minorem sexagesima; quam partem, hos inter terminos, offerentium arbitrio metiri consueuerant, vt testatur B. Hieronymus super Ezechielis cap. 45. De primogenitis autem Domino consecrandis ac pretio redimendis, vide Exod. cap. 13. vers. 12. vsque ad 16. & cap. 34. vers. 19. & 20. & Numer. cap. 3. vers. 12. & 13. & 40. vsque ad finem capitis; vbi etiam

OBLATIO-
NES VOLUN-
TARIÆ.

LEGALES.

DE DECI-
MIS.

DE PRIMI-
TIIS.

DE VOTIS.

DE DIMI-
DIO SICLO
A SINGVLIS
SOLVENDO.

DE PRIMI-
TIARVM GE-
NERIBVS.

traditur, quomodo iubente Domino primogeniti filiorum Israël, qui inuenti sunt excedere numerum Leuitarum, redempti fuerunt quinque siclis argenti per singula capita; & tradita est eiusmodi pecunia Aaroni & filiis eius. De ipsis quoque primogenitis prædicto pretio redimendis disertè agitur Num. cap. 18. vers. 15. vsque ad 18.

DECIMA-
RVM GENE-
RA.

10. Quod verò attinet ad decimas, sciendum est, tria pariter vel etiam quattuor apud Hebræos fuisse decimarum genera, vt ex Sacris libris apparet. Prima decimā fuit, quam de mandato Domini ceteræ tribus, Leuiticæ tribui quotannis pendere tenebantur; de qua Num. cap. 18. agitur à vers. 20. ad 25. Altera, quam vnusquisque singulis annis penes se seruare iussus fuerat, Deuter. cap. 14. vers. 22. vsq; ad 28. vt eam postea comederet, non in propriis oppidis; id enim prohibetur ibidem cap. 12. vers. 17. sed coram Domino, vt præcipitur versic. proximo; & cum Leuitis, nimirum huius tribus anni temporibus, quibus singuli tenebantur conuenire ad Tabernaculum fœderis, siue ad templum. Tertia demum decima, illa erat, quam tertio quoque anno singuli separare debebant propriis in domibus, postea cum Leuitis, & proselytis, & pupillis, ac viduis, pauperibus communicandam; quemadmodum præceperat Dominus Deuter. cap. 14. vers. 28. De hac meminit liber Tobia cap. 1. vers. 7. dicens, quòd ipse Tobias *in anno*

QVOMODO
DISPERTI-
RI SOLE-
RENT.

tertio proselytis & aduenis ministraret omnem decimationem. Itaque Leuitæ, tamen si omnium trium prædictarum decimarum aliquo modo, vt dictum est, participes essent, prima tamen potissimum sustentabantur; quæ primò quidem inter omnes posteros Leuitæ quis portionibus, tam eos qui communiter Leuitæ dicebantur, quam qui Sacerdotes erant, diuidebatur, vt colligi potest 2. Esdræ. cap. 10. vers. 38. & clariùs ex Iosepho 4. Antiq. cap. 4. & ex B. Hieronymo super Ezechiel. cap. 45. Deinde ipsi Leuitæ ex sua portione decimam partem, hoc est decimam decimæ, Aaroni persolvere tenebantur, vt præcipitur Num. cap. 18. vers. 26. videlicet summo Sacerdoti. Et hæc dici potest quarta species decimarum. Posterioribus verò temporibus tenebantur Hebræi, omnes decimas ad Gazophylacium deferre in domo thesauri, vt traditur Esdræ loco citato: nimirum inter Leuitas & Sacerdotes priùs dispartendas, & mox decimæ decimarum inter ipsum Pontificem ac reliquos Sacerdotes distribuendæ erant, vt ex Iosepho & B. Hieronymo locis proximè adductis, & in eiusdem S. Doctoris epistola 126. ad Fabiolam colligitur, qui asserunt, Leuitas consueuisse decimas decimarum dare non Pontifici tantum, sed etiam Sacerdotibus. Et hinc patet, Sacerdotes, tamquam Leuitis digniores, largiùs etiam, vt par erat, fuisse prouisos: quandoquidem præter partem decimarum, quas alia tribus tribui Leuiticæ pendebant, aliam quoque ab ipsis Leuitis, nempe decimam decimarum accipiebant: & insuper à populo primitias, vota, & spontaneas oblationes, & sacrificiorum partes illis assignatas, & in summa, quidquid Domino sanctificabatur à filiis Israël, vt patet Numer. cap. 5. vers. 9. & cap. 18. vers. 8. vsque ad 20. Vnde illud etiam rationi consentaneum videtur credere, de prædictis omnibus, Pontifici, tamquam omninè digniori, portiones saltem duplices pro sua dignitate tuenda dari consueuisse, quamquam id neque ex Scriptura sacra, neque ex Iosepho habeamus.

DE VOTIS.

11. Restaret hic aliquid dicere de votis, quæ de anima, hoc est de vita propria aut filiorum fieri poterant; vt Nazaræi, qui se ad tempus, vel in perpetuum, Deo deuoue- bant: item de animalibus mundis vel immundis; de domo, vel de agro, aut eius fructibus, & huiusmodi, vt videre est in toto postremo Leuit. capite. Sed quia ibidem quoque sigillatim de singulis, quo modo reddi aut redimi possent, accuratè traditur; satius visum est, Lectorem ad eum locum remittere. Et hæc hætenus de Sacerdotum Leuitarumque stipendijs ac redditibus, loco possessionum quas postea ceteræ tribus in terra Chanaan acceperunt. Nam de vrbibus earumque suburbij, eisdem Dei ministris postmodum assignatis, loco magis congruo, nempe sub anno mundi 2591. num. 7. & 8. agendum erit. Nunc ad historiam redeamus.

DE AQUA
LUSTRA-
CIENDA. ET
EIVS VSV.

12. Post hæc docuit Dominus Moysen & Aaronem ritum aquæ Lustrationis seu expiationis faciendæ, cum cineribus vitulæ seu vaccæ ruscæ immolatæ ac combustæ extra castra; & item vsum eius, ad mundandos sanctificandosque legalibus quibusdam immunditijs inquinatos. Quæ quia fusiùs describuntur in toto Numer. cap. 19. libenter Lectorem ad illum locum aulegamus; & item ad B. Thom. 1. 2. q. 102. art. 5. ad 5. vbi eandem carimoniam optimè exponit. Huius etiam cineris meminit Apostolus ad Hebræos cap. 9. vers. 13. hisce verbis: *Si enim sanguis hircorum & taurorum, & cinis vitulæ aspersus, inquinatos sanctificat ad emundationem carnis, quanto magis, &c.* Hæc sunt memorabilia, quæ in populo Israelitico post eius egressum de Cadesbarne vsque ad initium anni quadragesimi ab exitu de Ægypto, acta fuisse reperimus.

AB ORBE CONDITO QVARTÆ MVNDI ÆTAT.
ANNVS 2571. ANNVS 27.

I. INTRA memoratum quoque tempus, hoc est anno circiter vigesimo septimo ab exitu Israelis de Ægypto, necesse est quod Naasson anno vitæ suæ quinquagesimo octavo, ut apparet in tabulis, genuerit Salmon. Nam licet in genealogia Saluatoris Matthæi cap. 1. vers. 4. id sine vlla temporis notatione proferatur; potest tamen inferri ex his, quæ nos sub anno mundi 2748. dicemus: ibi enim num. 3. probabimus necessarium esse, quod prædictus Salmon fuerit quattuordecim circiter annorum, quando circa initia anni primi introitus Israelis in Terram promissionis, qui erat quadragesimus primus à dicto exitu, ipse Salmon duxit Raab in vxorem. Quot verò annis Naasson post genitum Salmonem superuixerit, certò definire non possumus; tametsi credamus ipsum mortuum esse in deserto, antequam populus perueniret in Terram promissionis. Cum enim ipse Naasson fuerit inter eos, qui anno secundo exitus de Ægypto recensiti sunt à viginti annis & supra, ut expresse traditur Num. cap. 1. vers. 7. proculdubio oportet ipsum in deserto obiisse, iuxta sententiam Domini ibidem cap. 14. vers. 29. latam in hæc verba: *Omnes qui numerati estis à viginti annis & supra, & murmurastis contra me, non intrabitis in Terram, super quam leuaui manum meam, ut habitare vos facerem, præter Caleb filium Iephone, & Iosue filium Nun.*

NAASSON
GENVIT
SALMON.

AB ORBE CONDITO QVARTÆ MVNDI ÆTAT.
ANNVS 2575. ANNVS 32.

I. ANNO vitæ Moyfi centesimo duodecimo propè expleto defunctus est Ascades Assyriorum Rex, post exactos regni sui annos quadraginta, ut scribit Eusebius in Chronicis: Vbi notandum est, quod confectus ab Annio Berofus, in isto Ascada, qui fuit à Nino Assyriorum Rex xvi. à Nemrod verò, ut ipse putat, xviii. finem facit recensendi Reges Assyriorum, reliquos autem ipse Annus & eius asseclæ mutantur ex Manethone Ægyptio, & Metasthene Persa; tamquam si reverà Berofus nullam de Regibus, qui post Ascadam in regno Assyriorum existerunt, mentionem fecerit. Quod etiam comprobant ex Metasthene Anniano, qui aperte testatur se Historiam suam exordiri, ubi Berofus ipse desierat, & proinde prædictis decem & octo Regibus à Beroso commemoratis, ipse quattuordecim alios posteriores adiungit. Sed id falsum esse, vel ex ipso Metasthene Anniano conuincitur; qui cum triginta & octo Reges Assyriorum à Saturno ad Sardanapalum enumerasset, & cuique proprios regni annos subdidisset; in his omnibus se Berosum sequi, & eius verba describere proficitur. Ecce quomodo suppositi isti Auctores sibi ipsi inuicem aduersantur, & Ioannis Annij, qui eos edidit, imposturam ipsimet produnt. Sed hos, obsecro, omittamus. Certè ex Iosepho lib. 1. Contra Appionem, scimus, verum legitimumque Berosum ab ipso citatum commemorasse Reges longè memoratis posteriores; nimirum Nabuchodonosor Nabolassari filiù, & ceteros qui post ipsum regnarunt vsque ad Cyrum Regem Persarum, ergo multò magis potuit meminisse eorum, qui à præfato Ascada ad Sardanapalum in Assyria regnauerunt. Non igitur Berofus Annianus verus est, sed fictitiùs & falsus.

ASCADAS
SYRIORVM
REX MORI-
TVR.
BEROSVS
ANNI A-
NVS ET ME-
TASTHENE
SVPPOSITI-
TII ESSE
CONVIN-
CVNTVR.

AB ORBE CONDITO QVARTÆ MVNDI ÆTAT.
ANNVS 2576. ANNVS 33.

I. ANNO proximè sequenti regnauit apud Assyrios Amyntas, fuitque Rex Assyriorum decimus septimus, ut ibidem notat Eusebius. Et addit, quod anno huius Regis primo, Dardanus condidit Dardaniam; cuius incolæ postea à alio ipsoform Rege, cui nomen fuit Tros, Troiani sunt nuncupati. Aduertendum verò est, quod S. Cyrillus Alexandrinus circa initia libri 1. Contra Iulianum, ponit, Dardanum ædificasse Dardaniam, non anno vitæ Moyfi 113. ut facit Eusebius; sed anno eiusdem Moyfi 120. & tamen concordat cum Eusebio dicens, id accidisse regnantibus apud Assyrios Amynta, apud Ægyptios Rameffe, qui etiam vocabatur Ægyptius, & apud Argiuos Schenelo siue Steleno. Quamobrem puto Cyrilli codicem fuisse corruptum, & pro anno Moyfi 120. debere corrigi, ut dicat 113. Nam anno Moyfi 120. non Stele-num sed Danaum Argis regnasse habemus in eodem Eusebij Chronico.

AMYNTAS
REGNAT IN
ASSYRIA.
DARDANVS
DARDA-
NIAM CON-
DIT.

DE MAN-
SIONE 32.DEUTERO-
NOMII LO-
CVS EXPLI-
CATVR.ELATH ET
ASIONGA-
BER OLIM
NON FVISSE
IDVMÆO-
RYM.

I. **C**IRCA postremos anni trigefimi noni ab exitu de Ægypto menses, (vt sub anno mundi proximo, num. 1. probabitur) credimus Israelitas, post multas valdeque molestas in illis solitudinibus circuitiones, secus Occidentale montis Seir latus factas, tandem relicto monte venisse per viam campestram in Elath, siue Ailath; & illo præterito confedis- se, fecisseque trigefimam secundam mansionem in Asiongaber, in litore Maris rubri existentem: & ibi (quod iam perierat maxima pars eorum qui in Cadesbarne murmurauerant) Dominum dixisse Moy- si, satis esse quod in poenam dictæ murmurationis populus circumisset montem Seir tam longo tempo- re, tantoque labore; & hætenus semper ad Austrum Orientemque perrexisset, elon- gando se iugiter à terra Chanaan, quæ erat eis ad Aquilonem; ac proinde præcepisse ei, vt deinceps verso itinere irent ad Aquilonem, redirentque versus Terram promissio- nis. Et quoniam transituri erant per terminos filiorum Esau, voluit etiam vt Moy- ses præmoneret populum, ne villo modo auderet pugnare cum illis, quia nihil omnino de terra illorum daturus erat ei: quin potius mandauit, vt transeundo nihil damni eis in- ferret, sed sibi cibos ab ipsis pecunia compararet. Et hæc sunt quæ traduntur Deuter. cap. 2. vers. 2. vsque ad 7. Quod si quis suspicetur, hæc non in Asiongaber, sed in ali- qua præcedentium mansionum dicta fuisse, propter ea quæ ibidem subiungit Moy- ses, dicens: *Cumq; transissemus fratres nostros filios Esau, qui habitabant in Seir, per viam campestram de Elath, & de Asiongaber, venimus ad iter, quod ducit ad desertum Moab.* ex quibus verbis quodammodo videtur, quod post prædicta venerint in Asiongaber: Di- cimus, fieri non posse, vt antequam venissent in Asiongaber, præceperit eis Dominus ire ad Aquilonem; quia oporteret fateri, Moysen populumque noluisse obedire Deo; nam certum est, quod de Cadesbarne vsque ad Mare rubrum in Asiongaber, semper ibant ad Austrum, nonnihil interdum flectentes ad Orientem: ab Asiongaber autem, recedendo à Mari ad Cades, tunc primum cœperunt progredi contra Aquilonem; ergo signum est, id eis ibi fuisse imperatum. Deinde certum quoque est, & ab alijs item Scriptoribus obseruatum, quod Scriptura sacra, vt sæpe aliàs adnotauimus, præ- fertim verò Moyses in libro Deuteronomij, non semper refert quæ antè acciderant, seruato temporum ordine; sed prout ei Spiritus sanctus suggerebat, habito respectu ad alia ibidem intenta; non ignorans, quod ipse ordo temporum ex alijs eius locis colligi poterat. Quare non mirum est, si in proximè citatis verbis, *Cumq; transisse- mus*, &c. summatim repetit aliqua priùs facta, vt postea ad vltiora progrediat. re- petit (inquam) quod relicto monte Seir venerunt in Elath, & in Asiongaber, vt post- eà transuolet ad narrandum, quod profecti sunt ad iter ducens ad desertum Moab; nihil curans de his quæ interim acta sunt, nimirum quod de Asiongaber primò vene- rint in Cades, postea iterum declinantes ad Mare, venerint in montem Hor, circue- rintque partem Idumæ in latere eius Orientali, ac demum illam relinquentes, direxe- rint iter suum per viam quæ ducebat ad desertum Moab: quoniam omnia hæc fusiùs ordinatimque narrata fuerant Numer. cap. 20. per totum, & 21. vers. 4. & breuiter re- capitulata cap. 33. vers. 35. & sequentibus.

2. Ceterum ex quo hîc mentionem fecimus de Elath & de Asiongaber, arbitror hæc loca tunc temporis non fuisse filiorum Esau; quia ipsi tunc tantummodo di- cuntur habitasse in monte Seir, non autem in planitie, quæ sese inde extendebat ad Mare; vt videtur posse colligi ex memoratis Deuter. verbis, quibus indicatur, quod filij Esau habitabant in Seir, & quod illis pertransitis venit populus in Asiongaber; & consequenter insinuat, eosdem Idumæos non habitasse in Asiongaber. Item quia in Asiongaber, vt dictum est, prædictum fuerat Israelitis, quod postea transituri erant per terminos Idumæorum; ergo signum est, quod tunc non erant in Idumæa. Et de- nique Numer. cap. 20. vers. 16. & 22. dicuntur Cades & Hor fuisse in finibus Idumæo- rum; quæ tamen erant procul à Mari intra terram; vnde consequitur, Idumæam tunc temporis non sese extendisse vsque ad Mare, vbierant Elath & Asiongaber. Nec refert quod 3. Reg. cap. 9. vers. 26. & 2. Paralip. cap. 8. vers. 17. dicantur Ailath & Asiongaber esse in terra Edom; quia fieri potest, quod Idumæi posterioribus aucti temporibus, pro- tulerint deinde fines suos vsque ad Mare.

1. **A** NNO quadragesimo ab exitu populi de Ægypto, vt paulò pòst probabitur, de Afiongaber venerunt filij Israël mense primo in desertum Zin; vel (vt habet editio Vulgata) in desertum Sin; in locum qui dicebatur Cades: Num. cap. 20. vers. 1. & cap. 33. vers. 36. & Deuter. cap. 2. vers. 8. qui locus alio nomine dicebatur Berroth filiorum Iacan, vt legimus Deuter. cap. 10. vers. 6. Drimix autem sub anno mundi 2544. num. 31. hoc desertum valde diuersum remotumque fuisse ab eo eiusdem nominis, in quo facta fuerat sexta mansio: & sub anno mundi 2545. num. 62. probauimus, istam quoque Cades non eandem esse cum ea, quæ dicitur Cadesbarne; licet & hæc quandoque (puta Numer. cap. 13. vers. 27.) simpliciter Cades nuncupetur, sed hæc fuisse inter se admodum diuersas ac distantes. Porro, quòd dictum est populum venisse in Cades anno quadragesimo, licet loco Numer. cap. 20. superius allegato non exprimitur, sed solum quòd eò venerunt filij Israël mense primo; nihilominus, mensem istum fuisse anni quadragesimi, satis probabiliter creditur: nam cum in prioribus capitibus nullius alterius anni facta sit mentio, nisi in cap. 14. de quadraginta illis annis, quibus prædixerat Dominus Israelitas in solitudine vagaturos; ratio dicat, quòd ille primus mensis, cuius ibidem meminit Scriptura in principio capitis vigesimi, debeat intelligi fuisse primus anni quadragesimi prius commemorati. Sed & hoc idem adhuc efficacius probant Caietanus super loco Numer. citato, & alij hac ratione; quòd in mansione immediatè sequenti, quæ est trigesima quarta, facta in monte Hor, mortuus est Aaron, anno exitus quadragesimo, mense quinto, prima die mensis, vt expressum habemus Numer. cap. 33. vers. 38. ergo verisimile admodum est, ad hanc mansionem, quæ in ordine est trigesima tertia, populum appulisse in mense primo eiusdem anni quadragesimi; & ex consequenti, in anno trigesimo nono eundem populum peruenisse ad præcedentem mansionem, hoc est trigesimam secundam, factam in Afiongaber, quem admodum sub anno mundi 2582. num. 1. hic probandum supposuimus.

2. In Cades faciente populo trigesimam tertiam mansionem, hæc gesta esse compertimus: Primò, ibi mortua est Maria soror Moyse, & sepulta in eodem loco, Numer. cap. 20. vers. 1. Vnde si verum est, ipsam fuisse septem dumtaxat annis ipso Moyse seniores, quem admodum sub anno mundi 2547. num. 1. ostendimus, cum ex loco Numer. adducto appareat eam obiisse circa initia anni quadragesimi ab exitu Ægyptiaco, id est anno ferè vno ante obitum Moyse, quem eodem anno propè desinente mortuum esse, infra suo loco dicemus, consequitur, eandem decessisse annos natam circiter centum viginti sex. Postea, murmurante iterum populo ob aquæ indigentiam, & seditione aduersus Moysem & Aaron concitata, confestim ambo in Tabernaculum foederis ingressi, ibique prostrati, orabant Dominum vt dignaretur prouidere multitudini, qui exaudiuit eos: perrexitque Moyse præcipiente Domino, & bis percussit virga petram coram populo, statimque ex ea fluxerunt aquæ largissimæ, biberuntque populus & iumenta eius ad satietatem. Et hæc fuit secunda aquæeductio de petra; nam prima, facta fuerat mansione vndecima in Raphidim, vt sub anno mundi 2544. num. 33. dictum est. Quoniam autem ante istam aquæductionem Moyse & Aaron nonnihil in fide titubauerant, vt planè indicant verba illa Domini, Numer. cap. 20. vers. 12. *Quia non credidisti mihi, vt sanctificaretis me coram filiis Israel.* &c. Quamquam credibilis videretur, eos non de potestate, sed magis de voluntate Domini, propter incredulitatem populi, dubitasse, tunc præsertim, quando ad primam petræ percussionem viderunt non fluxisse aquas. Itaque quia non simpliciter & absolute, vt par erat, crediderant verbis Domini, qui dixerat eis: *Loquimini ad petram coram eis, & illa dabit aquas;* propterea prædixit Dominus, eos non introducturos populum in terram quam daturus erat ei; & exinde hæc appellata fuit Aqua contradictionis, Numer. cap. 20. vers. 2. vsque ad 14. Puto autem Dominum adeò grauiter tulisse castigasseque hanc Moyse & Aaronis hæsitacionem, quoniam iam alias sæpius in huiusmodi occasionibus experti fuerant diuinam miserationem ac prouidentiam, & insuper aliud quoque prorsus huic simile miraculum viderant; ac proinde nihil omnino vereri debebant, nec tantisper de diuina promissione ac prouidentia dubitare.

3. Post hæc, volens Moyse recto itinere quantocyus properare cum populo suo ad terram Chaman, de Cades misit nuntios ad Regem Edom, postulans vt liberum eis

DE MAN-
SIONE 33.

LOCVS NY-
MER. EXPO-
NITVR.

MARIA SO-
ROR MOY-
SIS OBITU.

NONA PO-
PULI MYR-
MURATIO
IN DESER-
TO.

SECUNDA
AQVÆDUCTIO
DE PETRA.

CVR MOY-
SES ET AA-
RON AD
AQVAM
CONTRA-
DICTIONIS
A DOMINO
REPREHEN-
SI, AC
POSTEA CA-
STIGATI.

EDOM NE-
GAT IS-
RAELITIS
TRANSI-
TVM.

DUBITATIO

ABULENSIS
RESPONSIO
REFELLI-
TVR.AVCTORIS
RESPONSIO
AD PROPO-
SITAM DV-
BITATIO-
NEM.

præberet transitum per terram suam, promittensque se nullum ipsi damnum allatu-
rum; sed si quid ab ipso acciperet, pecunia, sine vlllo pretij litigio, cumulatè satisfactu-
rum: at ille non modò deprecantibus acquiescere noluit, verum etiam cum exercitu
obuiam venit Israël, vt impediret ei transitum. Quamobrem populus, vtpote cui præ-
ceperat per Moysen Dominus, ne pugnaret cum Idumæis, coactus est declinare ab eis:
¶ Numer. cap. 20. vers. 14. vsque ad 22. & Iudic. cap. 11. vers. 17. Sed hic occurrit dubita-
tio, Quomodo verum sit quòd Idumæi negauerint transitum Israël, cùm Deuter.
cap. 2. vers. 4. dixerit Dominus Moyse: *Transibitis per terminos fratrum vestrorum filio-
rum Esau, qui habitant in Seir, & timebunt vos; videte ergo diligenter ne moueamini con-
tra eos, &c.* & post pauca præcipit, vt cibos aquamque pecunia ab eis emerent. quin
etiam ibidem vers. 8. subditur, quòd filij Israël, cùm transissent filios Esau, venerunt de
Elath & de Asiongaber, ad iter quod ducit ad desertum Moab: ergo videtur Rex Idu-
mæus eis transitum concessisse. Sed quid de hoc ambigimus? cùm id apertè traditum
habeamus in eodem Deuteronomij capite vers. 29. vbi cùm misisset Moyses nuntios
ad Sehon Regem Hefebon, petens transitum per terram suam; post pauca subiungi-
tur: *Sicut fecerunt filij Esau, qui habitant in Seir; & Moabite, qui morantur in Ar, &c.*
Quid ergo dicemus? Respondet Abulensis, quòd Rex Edom aliquando concessit, ali-
quando negavit. Et quidem ex sacra Scriptura quodammodò vtrumque fateri necesse
est: verumtamen si quis exactius percontetur quando concesserit, & quando negaue-
rit, & quid præcesserit; concessione, an prohibitio? idem Auctor super Deut. cap. 2.
sub finem quæstionis 7. dicit, quòd licet à principio Idumæi negauerint transitum Is-
raéli, vt ipse colligit ex allegato Numer. cap. 20. & idèò (inquit) *coactus est Israël circuire
montem Seir longo tempore: tamen post circuitum dicti montis, Deo mandante, it: rum deue-
nit ad eos, qui permiservunt eum transire per terram suam.* sic Abulensis. Pro cuius respon-
sione bene intelligenda, tria ad eius mentem supponere oportet. Primò, quòd Cades
eadem esset cum Cadesbarne, quod ipse alibi non semel affirmat. Deinde, quòd bis
venerit populus in Cades, feceritque ibi mansionem decimam quintam & trigessimam-
tertiam. Tertiò demum, quòd illa legatio missa ad Regem Edom, & illa transitus pro-
hibitio, quæ describitur Numer. cap. 20. facta fuerit à principio, hoc est quando facie-
bat populus mansionem decimam quintam in Cadesbarne, siue in Cades, quam ipse pro
eodem loco reputat; tunc enim nondum circuierat montem Seir: sed negante sibi
Edom transitum, coactus postea est (inquit) populus circuire montem Seir. Verum-
enimuerò nos satis superque sub anno mundi 2545. num. 62. & 63. demonstrauimus,
vrhem Cades fuisse valde diuersam ac distantem à Cadesbarne, & semel dumtaxat
Israëlem venisse in Cades, vt comprobari etiam potest ex ipso mansionum Catalogo,
qui habetur Numer. cap. 33. Præterea ex cap. Numer. 20. satis manifestè apparet, lega-
tionem illam, & transitus prohibitionem, factam fuisse non in mansione decima quin-
ta, sed trigesimaltertia, quando iam Israël ita circuierat montem Seir. Quare tota ruit
Abulensis assertio ac responsio. Neque verò etiam dicere possumus, Regem Edom
nuntiis de Cades, hoc est de trigesimaltertia mansionem missis, primò negasse transitum,
postea verò concessisse: nam hoc euidenter repugnare videretur locis Numer. ac
Iudicum citatis, vbi apertè traditur, Regem Idumæum semper perstitisse in negando
transitum Israël; & insuper cum instructo exercitu venisse contra eum, & denique
quòd diuertit ab eo Israel. Nec post eius discessum, in libro Numer. vbi tota hæc
historia describitur, vsquam legimus, Idumæos pœnituisse, postea, quod prius nega-
uerant, concessisse: quin potius, non videtur Israel, ex quo diuertit ab eis, postmodum
amplius tali concessione eguisse; quoniam, vt dictum est, inde postea venerunt ad iter,
quòd ducebat ad desertum Moab. Itaque quidquid alij dixerint, credimus multò me-
lius propositam solui posse dubitationem, si dixerimus, (quemadmodum sub anno
mundi 2545. num. 63. tetigimus) semel tantummodò Moysen petiisse transitum ab
Idumæis, idque tunc quando faciebat populus trigesimaltertiam mansionem in Ca-
des, & eodem tempore Regem Edom negasse transitum, quem nuntij petebant per
mediam Idumæam, vel saltem per eam partem quæ cum Moabitis terminabat, vt
possent compendiosiori via intrare in terram Chanaan, per partem eius Australem;
(hæc enim erat Israël intentio:) concessisse autem, vt terram ipsorum, quæ cum de-
serto terminabat, circuire; & per extremitates eius pertransire possent. Cuius rei eui-
dens signum est, quòd postea permiservunt eos de Cades ire, & moram facere in monte
Hor, qui pariter ad Idumæorum fines pertinebat, vt patet Numer. cap. 20. vers. 22. &
clarius Deuter. cap. 2. vers. 12. & 22. Et hoc est quod prædixerat Domini-
us Deuterom. cap. 2.

cap.2. vers.4. dicens: *Transibitis per terminos* (hoc est fines) *fratrum vestrorum filiorum Esau, & timebunt vos.* idè namque noluerunt Idumæi quòd Israëlæ transirent per mediam terram ipsorum, quia timebant ab eis: & idem fecerunt Moabitæ, vt suo loco dicemus; & de vtriusque traditur Iudic. cap. 11. vers. 18. vbi de Israëlè dicitur: *Et circumiit ex latere* (nimirum Australi & Orientali) *terram Edom, & terram Moab; veniitque contra Orientalem plagam terre Moab.* Et sic patet, quomodo Idumæi negarunt Israëlitis transitum per terram suam, & quomodo permiserunt eos transire per extremitates eiusdem terræ, præbentes eis iusto pretio alimenta in Cades & in monte Hor, & fortè etiam in aliis locis ad ditionem suam pertinentibus.

4. Post repulsam à Rege Edom habitam, Moyses abbreviare cupiens populo quantum posset iter ad Terram promissionis, misit de Cades ad Regem Moab, vt ex quo non poterat per Idumæam, saltem posset per Moabitidem, aliquanto licet longiori via, ad eam peruenire (Iudic. cap. 11. vers. 17. vsque ad 19.) qui & ipse tunc per mediam terram suam transitum præbere contempsit. Quamobrem coactus est Israel circuire, vt dictum est, ex latere, primò residuum terræ Edom, pergendo de Cades ad montem Hor, & deinde successiue ad Salmonà, & ad Phuon, & ad Oboth, & demum ad Ica-barim, quæ erat in finibus Moabitarum, vt dicitur Num. cap. 33. vers. 44. hoc est, vbi designebant fines Idumæorum, & incipiebant confinia Moabitarum; & exinde, Moabitibus pariter consentientibus, ipsorum quoque terram circumdare, ambiendo fines eius Orientales. Fuit autem hæc particularis quædam diuini iudicij dispositio, quemadmodum obiter indicatur 2. Paralip. cap. 20. vers. 10. vt neque Idumæi neque Moabitæ concesserint Israëlitis transitum, quem petebat, per terras suas; vt sic (in poenam fortè etiam postremæ illius murmuræ in Cades factæ) cogeretur elongare viam, & maiori suo labore ac tempore ad Iordanem pergere, atque eo transiitio ingredi in Terram promissionis à parte eius Orientali, sicuti postea factum fuit.

MOAB NEGAT ISRAELITI TRANSITUM.

ISRAEL CIRCVIT TERRAM EDM ET MOAB ORIENTALEM.

MANSTIO 34

AARON MORITVR.

AARONIS ENCOMIUM EX LIBRO ECCLESIASTICI.

5. Eodem anno, ab exitu, quadragesimo, sub finem (vt arbor) mensis quarti, egressus Israel de Cades, venit in montem Hor, à quo denominati fuerant Horrhæi populi, qui olim incoluerant dictum montem, quos postea expulerant deleuerantque filij Esau, & terram eorum iure belli acquisitam possidebant, vt traditur Deuter. cap. 2. vers. 12. & 22. Erat autem iste mons Hor in finibus terræ Edom (intellige Australibus atque Orientalibus) Numer. cap. 20. vers. 22. Et hæc fuit mansio trigesima quarta: Numer. loco proximè citato, & cap. 33. vers. 37. vbi etiam subiungitur, quòd mense eiusdem anni quinto, prima die mensis, Aaron cum esset annorum centum viginti trium, iubente Domino mortuus est in dicto monte; & (vt dicitur Deuter. cap. 10. vers. 6.) pro eo; Sacerdotio functus est Eleazar filius eius. Credimus autem cum Abulense super Deuter. cap. citato, quæst. 3. locum illum dicti montis particularem, in quo defunctus est Aaron, proprio nomine nuncupatum esse Mosera: siquidem Scriptura sacra ibi dicit, Aaronem decessisse in Mosera. Valdè ergo hallucinantur quidam Hebræorum Rabbinii, qui perperam existimantes eundem locum fuisse Mosera, & Moseroth, vbi (quemadmodum sub anno mundi 2548. num. 2. diximus) facta fuit mansio vigesima-septima; putauerunt in eadem mansionem vigesima-septima, non autem in trigesima-quarta, mortuum esse Aaronem: quod quàm absurdum sit, ex supradictis, & ex his quæ in toto Numer. cap. 20. traduntur, conici potest. Porro ipsius Aaronis obitus ibidem à vers. 23. vsque ad finem capitis accuratius describitur, vbi etiam tangitur causa, cur eum Dominus mori voluerit ante ingressum populi in Terram promissionis; nimirum quia incredulus fuerat verbis Dei ad Aquas contradictionis: & additur, quòd priusquam moreretur, duxit eum Moyses iubente Domino in montem Hor, exiitque cum ibi vestibus Sacerdotalibus coram omni multitudine, quibus continuò induit Eleazarum filium eius; & quòd Aaron in supercilio montis mortuo, planxit eum omnis Israel triginta diebus, hoc est vsque ad illius mensis finem. Ceterum, ornamenta Sacerdotalia, amplissimaque priuilegia, quibus à Deo per Moysen insignitus ac decoratus fuerat Aaron, breuiter eleganterque recensentur in præclaro illo huius viri encomio, quod habetur Ecclesiastici cap. 45. vers. 7. vsque ad 28. Quod quidem hic referre non grauabor, vt cum Apostolo 2. ad Corinth. 3. vers. 7. & sequentibus, ex comparatione dignitatis ac splendoris olim collati Sacerdotio Aaronico vmbatili ac temporali, arguere possimus Sacerdotij regalis & æterni ipsius Christi & Vicariorum eius quanta sit dignitas, maiestas, & gloriæ, & consequenter, ad debitam ipsis obedientiam, obseruantiam, ac reuerentiam præstandam magis magisque incendamur. *Excelsum* (inquit Ecclesiasticus loco citato) *fecit Aaron fratrem eius, & similem sibi de tribu*

Leui: statuit ei testamentum æternum, id est pactum Sacerdotij quodammodò æternum, vel quia duraturum erat in eius stirpe toto tempore Legis Moyſaicae, vel quia significabat præfigurabatque Sacerdotium Christi, quod veraciter erat æternum. Et dedit illi Sacerdotium gentis (ſubaudi, ſuæ) & beatificauit illum in gloria, & circumcinxit eum zona gloriæ, & induit eum ſtolam gloriæ, (hoc eſt, glorioſam,) & coronauit eum in vasis virtutis, nimirum ornamentis, auctoritatem eius poteſtatemque præmonſtrantibus, quæ ſucceſſiue ſigillatim recenſentur. Circumpedes, & femoralia, & humerale poſuit ei, & cinxit illum tintinnabulis aureis plurimis in gyro, dare ſonitum in inceſſu ſuo, auditum facere ſonitum in templo in memoriâ gloriæ ſuæ. Stolam ſanctam, auro, & hyacintho, & purpura, opus textile, viri ſapientis, iudicio & veritate præditi: torto coco opus artiſticis, gemmis pretioſis figuratis in ligatura auri, & opere lapidarij ſculptis, in memoriâ ſecundum numerum tribuum Iſrael. Corona aurea ſuper mitram eius expreſſa ſigno ſanctitatis (hoc eſt nomine ſancto tetragrammaton) & gloria honoris: opus virtutis, & deſideria oculorum ornata. Sic pulchra ante ipſum non fuerunt talia uſque ad originem. Non eſt indutus illa alienigena aliquis, ſed tantum filij ipſius ſoli, & nepotes eius per omne tempus. Sacrificia ipſius conſumpta ſunt igne quotidie. Compleuit Moyſes manus eius, & unxit illum oleo ſancto. Factum eſt illi in teſtamentum æternum, & ſemini eius ſicut dies calis, fungi Sacerdotio, & habere laudem, & glorificare populum ſuum in nomine eius. Ipſum elegit ab omni viuente, offerre ſacrificium Deo, incenſum, & bonum odorem, in memoriâ placare pro populo ſuo: & dedit illi in præceptis ſuis poteſtatem, in teſtamenti iudiciis, docere Iacob teſtimonia, & in lege ſua lucem dare Iſrael. Quia contra illum ſeterunt alieni, & propter inuidiam circumdederunt illum homines in deſerto, qui erant cum Dathan & Abiron, & congregatio Core in iracundia. Vidit Dominus Deus, & non placuit illi, & conſumpti ſunt in impetu iracundia. Fecit illis monſtra, & conſumpſit illos in flamma ignis. Et addidit Aaron gloriâ, & dedit illi hereditatem, & primitias frugum terre diuiſit illi. Panem ipſis in primis parauit in ſatietatem: nam & ſacrificia Domini edent, quæ dedit illi & ſemini eius. Ceterum in terra gentes non hereditabit, & pars non eſt illi in gente: ipſe eſt enim pars eius, & hereditas. hucusque Eccleſiaſticus.

AARON PRIMVS MOYSAICAE LEGIS PONTIFEX, QUOT ANNIS PONTIFICATVM GESSERIT.

PONTIFICVM SVCCES- SION IN SACRIS LIBRIS NON ITA EXPRESSA SICVTI DVCVM REGVMQVE.

6. Fuit ergo Aaron primus Moyſaicae Legis Sacerdos, geſſitque ſummum Sacerdotium ſeu Pontificatum in populo Iſraelitico annis triginta & octo, & menſibus quatuor. Siquidem, vt ſub anno mundi 2545. num. 2. dictum eſt, conſecratus à Moyſe fuit, iubente Domino, ineunte anno ſecundo exitus Iſraelis de Aegypto, & mortuus eſt (vt num. præcedenti diximus) initio quinti menſis anni euſdem exitus quadrageſimi. Quamquam autem ſummorum Sacerdotum ſeu Pontificum ſucceſſio, ab Aaron uſque ad Iſedec, qui (vt dicitur 1. Paralip. 6. verſ. 15.) tranſlatus fuit in Babylonem, recenſeri videtur ibidem à verſ. 3. uſque ad 16. & quæ ducitur à Iſue filio dicti Iſedec, uſque ad Ieddo ſiue Iaddum, qui Alexandro Magno Ieroſolymam venienti dicitur occuſſiſſe, deſcribitur 2. Eſdr. cap. 12. verſ. 10. & 11. & qui poſt dictum Ieddo ſucceſſerunt, uſque ad Ioannem Hircanum, in cuius Sacerdotij Principatusque initio ſacra deſinit Machabæorum Hiſtoria; partim ex ipſis Machabæorum libris, partim ex Iſeſpho colligi poſſunt: nihilominus, loco Paralipomenon citato, Aaronis potiùs genealogia ſeu poſteritas per Eleazar lineam recenſetur, quæ vix continuataque ſummorum Sacerdotum ſucceſſio. Conſtat enim, eam non in ſola neque in omni euſdem Eleazari poſteritate ſemper manſiſſe, ſed interdum quoque ad ſobolem fratris ſui Ithamar, cuius loco Paralip. proximè adducto nullus memoratur, tranſiſſe, quemadmodum nos ſub anno mundi 2900. num. 2. probabimus. Et præterea in eodem Paralip. loco nulla fit mentio Ioiadæ, neque filij eius Zachariæ, neque aliorum, quos conſtat fuiſſe Pontifices, vt nos plenius ſub anno mundi 3020. num. 14. oſtendimus. Quare cum (vt ibidem magis patebit) neque omnia ſummorum Sacerdotum nomina ex ſaceris Scripturis haberi poſſe videantur; & multò minùs ſciri queat, quot quiſque annis Sacerdotio functus ſit, (præter paucos qui propriis locis notabuntur,) mirari nemo debebit, ſi poſthac noſtra hæc temporum ratio non per Pontificum, vt pote incertos, ſed per Ducum Regumque annos, qui ferè omnes in ſacro eloquio ſignati inueniuntur, potiſſimum deducenda erit.

ELEAZAR SVCCEDIT AARONI IN PONTIFICATV.

7. Poſt Aaronis itaque obitum, ſucceſſit continuò ei in Pontificatu Eleazar filius eius natus maior, quemadmodum ſuprà num. 5. dictum eſt, & ſignanter quoque traditur Deut. cap. 10. verſ. 6. Igitur ab hoc tempore numerandi ſunt anni Pontificatus dicti Eleazar, vt notatum eſt in tabulis. Ceterum, populo in eadem manſione adhuc commorante, Arad Rex Chanaanæus, qui non procul à monte Hor habitabat ad Merididem,

ARAD PRÆ
LIO VICIT
HEBRÆOS,
QUI MOX
OMNES VR-
BES EIVS.
SVB VER-
TVNT.

ridiem, audiens venisse Israelcem, velleque transire per fines suos, ac propterea misisse exploratores ad recognoscendam viam; confestim coacto exercitu, venit obuiam ei per exploratorum viam, & impetu in eum facto, partaque victoria, duxit ex eo prædas. At Israël resumptis viribus, fulsisque coram Domino precibus, vouit (si ipso fauente hostes superaret) se deleturum vrbes eorum: atque ita rursus cum illis congressus, victor euasit; & excursionem facta per totam terram illam, incendit subuertitque vniuersas vrbes eius; & vocauit nomen loci illius Horma, id est Anathema: Numer. cap. 21. vers. 1. vsque ad 4. Fortè autem Dominus (quem nulla cordium secreta latere possunt) viderat, quòd Israelitæ omnes, vel saltem eorum plurimi, vt primùm audierunt, se iam Regi Chanaanæorum appropinquasse, tam longo fessi itinere, ac laboris impatientes, de illius terra acquirenda pariterque inhabitanda stultè cogitare ac deliberare cœpissent, & idèd permisit eos prius à dicto Rege inuadi ac superari, vt simul & hanc eorum audaciam ac temeritatem retunderet castigaretque, vel hinc ipsi intelligerent, illam non esse terram eis cælitus repromissam, & in qua conuiescere deberent. Itaque hac eruditus plaga Israël, illicò, vt dictum est, vouit (si de illo Rege victoriam reportaret) vrbes eius omnes subuertere, & ab ipsis tamquam à Deo anathematizatis, protinus abscedere, iterque suum alacriter proficisci; quòd & postea peregit, vt num. sequenti dicemus. Ceterùm, quis fuerit iste Rex, & num Arad, nomen eius proprium esset, an terræ gentisve ei subdite, adhuc incompertū habeo. Quamquam certum sit, inter filios Chanaanæ connumerari etiam Aradum, à quo prodire Aradij populi, qui olim quamdam Phœnicæ insulam incoluerunt, Aradumque; appellarunt, vt sub anno mundi 1931. num. 40. diximus: neque absurdum videatur suspicari eosdem Aradios aliquando magis auctos quàm insula illa capere posset, emisisse inde plurimos, qui sibi alias sedes quærerent, eosque diuersis peragris regionibus, in hac tandem confedisse, ac nomen suæ gentis retinentes, terram quoque istam Arad nuncupasse. Ad quod credendum, præter proprium gentis terræque nomen, illud quoque suadere videtur, quòd iste populus Chanaanæus vocatur Numer. cap. citato vers. 1. & 3. vbi hac historia describitur. Sed quidquid sit, certè necessarium est fateri, hos Chanaanæos, qui parebant regi Arad, non fuisse contiguos reliquis Chanaanæorum Regibus ac regnis existentibus in terra Israelitis repromissâ, sed omnino ab eis seiunctos: (media quippe erat ex parte regio filiorum Esau, & ex parte terra Moabitarum, necnon (vt arbitror) Madianitarum, qui ex Numer. cap. 22. vers. 1. vsque ad 8. videntur cum Moabitis admodum fuisse coniuncti) alioquin, si terra Regis Arad fuisset vnita terræ Chanaan; vtique potuissent Israelitæ, subuersis vrribus Arad, eas non deserere, sed retinere, quemadmodum postea possederunt terram Sehon & Og Regem Amorrhæorum, quoniam solo Iordanis alueo determinabatur à terra Chanaan; vel si voti causa eam in eoletare vetabantur, profectò inde in terram à Domino eis promissam sine vllò impedimento intrare potuissent.

DE REGEA-
RAD CHA-
NANÆO.

8. Atqui econtrariò ipsi, ea regione prorsus derelicta, cum iam eis Idumæi Moabitæque transitum denegassent, & Deus prohibuisset ne pugnarent cum illis, *profecti sunt de monte Hor, per viam* (inquit Scriptura) *quæ ducit ad Mare rubrum*. Quæ verba Antonius Fonseca Lusitanus, in suis Annotationibus ad marginem super Commentaria Caietani libri Numer. cap. 21. sic exponit, ac si dictum esset, *Per viam quæ habet à latere Mare rubrum*. sed verba Sacri textus, meo iudicio, non sic sunt extorquenda; quandoquidem mons Hor & finitimæ eius regiones, habent Mare rubrum non solum à Meridie, sed etiam ab Oriente; vt colligi aliquo modo potest Deuter. cap. 1. vers. 1. & videre est in magis probatis Chorographorum Tabulis. Igitur absolute dicendum est, quòd Israelitæ de monte Hor profecti sunt primò aliquantulum per viam quæ ducebat ad Mare rubrum, Orientem versus; postea nonnihil ad læuam flecti cœperunt, contra Aquilonem, vt circuirent terram Edom; Numer. cap. citato vers. 4. feceruntque trigessimam quintam mansionem in Salmona; Numer. cap. 33. vers. 41. Qui locus alio nomine dicebatur Gadgad, vt colligitur Deuter. cap. 10. vers. 7. & erat valde diuersus ac remotus ab eo eiusdem nominis, in quo prius fecerant mansionem vigesimamnonam. Fecerunt deinde trigessimam sextam in Phuon; qui loco Deuter. proxime adducto appellatur etiam Ietebatha, & Terra aquarum atque torrentium; quòd fortè non procul admodum esset à mari, in quo dicti torrentes exonerari solebant, & nonnumquam ob maris inundationes regurgitare. Porro in hac mansionem confiderans populus, quòd in prædicto circuitu viam sanè multum elongare cogebatur, nimio cœpit tædio affici ob itineris laborem, & murmurare contra Dominum & Moysen.

MANSIO 35.

MANSIO 36

DECIMA
POPULI
MVRVRA-
TIO,

Quam-

ET FIVS
PVNITIO.
SERPENTIS
AENEI RE-
CTIO.

MANSIO 37

MANSIO 38

OSPECTIO.

RESPONSIO.

MANSIO 39

Quamobrem ab ignitis percussis serpētibz, plurimi moriebantur: sed erecto per Moy-
sen, iubente Domino, serpente aneo, in eum aspicientes sanabantur: Numer. cap. 21.
vers. 4. vsque ad 10. Quæ præclara fuit figura Christi in Cruce exaltandi, vt ipsemet
testatur in Euangelio Ioannis cap. 3. vers. 14. Dixi, prædicta contigisse in trigesima sexta
mansione facta in Phouon: quia licet id Scriptura sacra non exprimat, satis tamen aper-
tè insinuare videtur loco Numer. proximè allegato, vbi post allegatam serpentum
plagam, continuò subiungit, quòd inde profecti Israëlitz castrametati sunt in Oboth,
quæ fuit mansio trigesima septima, vt dimumerari potest in mansionum Catalogo
Numer. cap. 33. ergo serpentum percussio contigit in præcedenti mansione, hoc est in
Phouon. De Oboth postea egressi, fecerunt trigessimam octauam mansionem in liea-
barim, quæ erat in finibus Moabitarum, vt dicitur Numer. cap. 33. vers. 44. & in soli-
tudine, quæ respicit Moab contra Orientalem plagam: Numer. cap. 21. vers. 11. vel (vt habet
textus LXX. Interpretum) quæ erat in deserto, quod est in conspectu Moab ad Orientem
solis. quæ versio clariùs consonat cum his quæ dicuntur Iudic. cap. 11. vers. 18. videli-
cet, quòd quia Moabitæ negauerant Israëliti transitum per medium terræ suæ, ipse cir-
cuiuit ex latere terram Moab, venitque ad Orientalem plagam eius. Porro de lieaba-
rim venerunt in Dibongad, vbi fecerunt trigessimam nonam mansionem; dein qua-
dragesimam in Helmondeblathaim, & quadragesimam primam in montibus Abarim;
ac postremam, quæ fuit quadragesima secunda, in campēstribz Moab, vt in mansio-
num Catalogo iam sæpius citato apparet, & infrà suis locis dicemus.

9. Sed quid dicemus, quòd Numer. cap. 21. vers. 12. vbi hæc eadem historia fusiùs
narratur, nulla sit mentio neque ipsius Dibongad, neque Helmondeblathaim, neque
montium Abarim; sed loco istorum memorantur alia loca, quæ à prædictis omnino di-
uersa esse videntur? Respondeo, vt sub anno mundi 2544. num. 31. tetigimus, & clariùs
sub anno 2545. num. 61. declaratum est, mansionum loca in Sacris libris aliquando
quidem nominibus regionum generalibus designari, puta, in Deserto Ethan, Sin, Pha-
ran, & similibus; aliquando autem nominibus locorum proprijs, vt, in Elim, quæ erat in
Deserto Ethan; in Rethma, existente in Deserto Pharan; in Cades, posita in Deserto
Sin, & huiusmodi alia. Quare non mirum est, si Numer. cap. 21. & 33. eadem loca diuer-
sis vocabulis significantur: nam quando in cap. 21. dicitur, populum de lieabarim venisse
ad torrentem Zared; cum hunc torrentem per multa loca transire credibile sit, idèd in
cap. 33. pressius explicatur, eundem populum venisse in Dibongad, hoc est, accessisse
ad dictum torrentem in eo loco qui dicebatur Dibongad. Et cum cap. 21. subditur, Is-
raelem relicto torrente Zared, castrametatum contra Arnon, tacito loci vocabulo par-
ticulari dictæ castrametationis; oportet fateri illum fuisse appellatum Helmondebla-
thaim; siquidem in c. 33. dicitur, quòd de Dibongad venerunt in Helmondeblathaim:
contra verò, quod cap. 33. communiori termino traditur, mansionem quadragesimam
primam fuisse factam in montibus Abarim; in cap. 21. versic. 20. specialius describitur
illis verbis, in vertice montis Phasga; qui mons proculdubio computabatur inter montes
Abarim, vt infrà num. 13. ostendimus. Tria autem illa loca, quæ cap. 21. vers. 19. memo-
rantur, videlicet, Matthana, & Nahaliel, & Bamoth, non sunt inter mansiones compu-
tanda, sed horum ea tantum de causa mentio facta est, quòd populus de quadragesima
mansionē pergens ad quadragesimam primam, in transitu eadem loca lustrauerit.

10. Itaque eodem anno quadragesimo exitus de Egypto, sub finem (vt paulò post
probabitur) mensis septimi, venerunt Israëlitz (quemadmodum suprà num. 8. dictum
est) de lieabarim ad torrentem Zared, ibique fecerunt trigessimam nonam mansionem
in loco qui dicebatur Dibongad. Et tunc, quando scilicet transierunt dictū torrentem,
complebatur annus trigessimus octauus, ex quo profecti erant de Cadesbarne, vt expri-
mitur Deuter. cap. 2. vers. 14. vbi etiam assignatur causa tam longi temporis in itinere
illo consumpti: Donec, inquit, consumeretur omnis generatio hominum bellatorum (id est
eorum qui recentiti fuerant à viginti annis & supra aptæ ad bellum) de castris, sicut iura-
uerat Dominus, cuius manus fuit aduersum eos, vt interirent de castrorum medio. nimirum
quia desperauerant consequi terram eis à Domino promissam. Credimus verò, dictam
mansionem & dicti torrentis transitum contigisse sub finem septimi mensis anni qua-
dragesimi ab exitu; quia (sicuti suprà num. 5. dictum est) quintum mensem in luctu Aa-
ronis consumpserunt, sextum autem ac ferme septimum, in duplici illa pugna aduersus
Chanaanxos Aradios, & in urbium ipsorum subuersione, atque etiam in itineribus &
mora contracta in prædictis quattuor mansionibus, inter montem Hor ac torrentem
Zared

Zared factis: non enim minori temporis intervallo omnia hæc agi potuisse credendum est.

11. Eodem anno quadragesimo, mense octavo circiter inchoante, filij Israël de Dibongad, relicto torrente Zared, venerunt castrametati que sunt in Helmondeblathaim: Numer. cap. 33. vers. 46. Et hæc fuit mansio quadragesima. Erat autem Helmondeblathaim, ut arbitror, non ciuitatis aut pagi nomen, sed loci cuiusdam in deserto existentis, qui respiciebat contra Arnon, ut colligitur Numer. cap. 21. vers. 13. vbi dicitur, quod relinquentes torrentem Zared, castrametati sunt contra Arnon, quæ est in deserto, & prominet in sinibus Amorrhæi. Neque huic loco repugnant ea quæ postea retulit Iephte Iudic. cap. 11. vers. 18. illis verbis: *Et castrametatus est trans Arnon, nec voluit intrare terminos Moab*. quia illud, *trans Arnon*, accipi debet respectu regionis in qua loquebatur Iephte, quæ erat terra Galaad: habebat liquidem torrentis Arnon prædicta castra ad Meridiem, terram verò Galaad ad Aquilonem. Et ad illud quod ibidem sequitur, Israëlẽm noluisse intrare terminos Moabitarum, subaudire oportet, sine licentia ipsorum, ut bene ibi exponit Abulenſis. Et verba illa quæ in eodem Sacro textu subiunguntur, *Arnon quippe confinium est terre Moab*, non sunt accipienda, tamquam velint innuere, quod inter Israëlitarum castra, & terram Moab tunc medius esset torrentis Arnon: nam Israëlitz tunc habebant dictum torrentem coram ipsis, Moabitem autem ad læuam; potuissent quæ (si Moabitis placuisset) in eam ingredi, absque transitu torrentis. Sed volunt illa verba illic obiter interposita significare, quod Arnon erat confinium terræ Moab; quia ibi in illa sua prominentia diuidebat Moabitas ab Amorrhæis, ut clarius dictum fuerat Numer. cap. 21. vers. 13. Porro memoratum desertum appellabatur solitudo Cademoth: de illa enim misit Moyses nuntios ad Sehon Regem Amorrhæorum, antequam transuadaro torrente Arnon, intraret in terram ipsorum, ut dicitur Deuter. cap. 2. vers. 26. Ex dictis ergo apparet, quod Israëlitz, ex quo (ut supra num. 3. & 4. dictum est) de Cades miserant legationes ad Reges Edom & Moab, illique noluerant concedere eis transitum per medias regiones suas, hætenus eas ad Orientem circuierunt: nunc verò, quando scilicet ad quadragesimam mansionem ventum est, quia non poterant ingredi terram Amorrhæorum, nisi transirent per Ar virbem Moabitarum, ac territorium eius, nec volebant id moliri ipsis inuitis, (alioqui oportuisset, contra præceptum Domini, pugnare aduersus eos:) propterea ab eisdem Moabitis petierunt, ut saltem per angulum illum terræ ipsorum eis transire liceret, idque impetrarunt. Et hoc absque dubio hic supponere oportet; quia licet in Numer. libro non exprimat, aperte tamen colligitur Deuter. cap. 2. vers. 29. & quod transitori essent per terminos Moabitarum, iam prædixerat Moysi Dominus ibidem vers. 18. quin etiam ipsos re ipsa transisse per regionem Moabitem, aperte traditur Numer. cap. 21. vers. 20. vbi dicitur, eos venisse in Bamoth, quæ erat vallis in regione Moab.

12. In hac mansione quadragesima hæc acta sunt: Primò, quoniam transitus proximi torrentis erat, tanto præsertim populo, admodum difficilis, propter multas rupes & scopulos qui viam arctabant, ac varios in calles, eosdemque tortuosos & asperos diuidebant; ut populum ab huiusmodi timore liberaret, Moyses inter loquendum hac de re cum Principibus populi, reuocauit eis in memoriam quemdam propheticum sermonem, qui reperiebatur in quodam libro magnæ tunc auctoritatis, cuius erat titulus: Liber bellorum Domini. in quo inter cetera, hæc scripta habebatur sententia: *Sicut fecit (supple, Dominus) in Mari rubro, sic faciet in torrentibus Arnon*: Numer. cap. 21. vers. 14. vbi vel ponitur numerus pluralis pro singulari, ut aliàs non semel, & econuersò, in Sacris libris fieri solet; vel (ut magis reor) indicatur, quod illè torrentis ibi plures habebat alueos. Est autem huius prophetiæ sensus; quod quemadmodum fecerat Dominus Hebræos, mirandum in modum omni difficultate sublata, transire Mare rubrum: ita facturus erat in transitu torrentis Arnon, cuncta mirabiliter obstacula impedimenta que remouendo, & aspera in vias planas faciendo. Vnde oportet miraculum aliquod in transitu dicti torrentis ad fauorem Israëlitarum accidisse, siue quia illæ rupes subito terræ motu ceciderint, viamque satis planam latamque reddiderint: siue (ut quidam dicunt) etiam Amorrhæos ibidem in insidiis latitantes oppræsserint, & cadauera ipsorum à fluuij aquis, sicut olim Egyptiorum inter vndas Rubri maris deferri visa fuerint, siue quid aliud simile euenierit: non enim quidquam certi, in re præsertim in Sacro eloquio præterita, affirmare possumus. Ceterum prædictus Liber

MANſIO 40.

DVO SCRIP-
TVRÆ IO-
CA CONCI-
LIANTVR.

LOCVS IV-
DICVM EX-
PONITVR.

DE MIRACV-
LO QVOD
ACCIDIT IN
TRANSITV
TORRENTIS
ARNON.

LIBRI SA-
CRI OLIM
DEPERDITI.

LIBRI MAN-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

LIBRI OLI-

bellorum Domini, iniuria temporum postea deperditus est, sicuti & alij plures, qui in Scripturis sacris memorantur, & nunc minimè reperiuntur. Eiusmodi sunt Liber Infortiorum, cuius fit mentio Iosu. cap. 10. vers. 13. & 2. Reg. cap. 1. vers. 18. & libri Nathan prophetae, qui scripsit gesta Davidis (vt dicitur 1. Paralip. cap. 29. vers. 29. & acta Salomonis, quemadmodum traditur 2. Paralip. cap. 9. vers. 29. & libri Gad Videntis, qui & ipse scripsit gesta Davidis, vt patet 1. Paralip. cap. 29. v. 29. & libri Ahia Silonitis, in quibus habebantur acta Salomonis, vt dicitur 2. Paralip. cap. 9. vers. 29. & libri Addo Videntis, qui pariter res à Salomone gestas scriptis mandauit in visione quam edidit contra Ieroboam filium Nabat, cuius fit mentio 2. Paralip. cap. 9. vers. 29. & gesta quoque Roboam filij Salomonis, ibidem cap. 12. vers. 15. & acta Abia filij Roboam, cap. 13. vers. 22. & libri Semeia, qui conscripsit opera dicti Roboam, vt notatum habetur 2. Paralip. cap. 12. vers. 15. & libri Iehu filij Hanani, qui digessit gesta Iosaphat Regis Iuda in libros Regum Israel, vt expressè traditur 2. Paralip. cap. 20. vers. 34. Præterea liber Isaia filij Amos Prophetae, quem scripsit de gestis Ozia regis Iuda, vt traditur 2. Paralip. cap. 26. vers. 22. item liber sermonum Hozai, qui scripsit orationem & exauditionem Regis Manasse, & cuncta peccata quæ prius fecerat, vt traditur 2. Paralip. 33. vers. 19. & item liber, Descriptiones Ieremiae Prophetae, inscriptus, cuius meminit liber 2. Machab. initio capitis 2. & etiam alij eiusdem Prophetae libri, de quibus nos sub anno mundi 3448. num. 6. agemus. Horum omnium scripta hæcenus memorata, temporum iniuria perierunt, & cum ipsis alij quoque libri, qui sine vlllo Auctoris nomine in Regum & Paralipomenon codicibus citari solent. Eiusmodi sunt Liber verborum dierum Salomonis, qui citatur 3. Reg. cap. 11. vers. 41. & Liber verborum dierum Regum Israel, qui allegatur 3. Regum cap. 14. vers. 19. & alibi in eodem ac sequenti libro sæpius. & Liber sermonum dierum Regum Iuda, cuius etiam 3. Reg. cap. 14. vers. 29. & aliàs in eodem ac sequenti libro frequens mentio habetur. Et item Liber Regum Israel & Iuda, siue Iuda & Israel (vtroque enim modo allegari solent 1. Paralip. cap. 9. vers. 1. & 2. Paralip. multis in locis.) & denique Liber ille Regum, qui absolute & sine vlla specificatione citatur 2. Paralip. cap. 24. in fine; & fortè idem est cum eo, qui ibidem supra cap. 20. vers. 34. dicitur scriptus à Iehu filio Hanani. Quidquid sit, certum est, hunc librum Regum, & alios superius sine Auctoris nomine memoratos, omnino esse diuersos ab illis, quos nunc sub eodem Regum titulo, in sacro Canone habemus (quemadmodum nos sub anno mundi 3610. num. 25. demonstrabimus) & consequenter inter deperditos esse computandos. His adde multos ex libris Salomonis, videlicet librum trium millium Parabolarum, & quinque millia carminum; & libros de Plantis, de Iumentis, de Volucris, de Reptilibus, & de Piscibus, quos ipsum scripsisse traditur 3. Reg. cap. 4. vers. 32. & sequenti. Et denique librum Enoch ab Adam septimi, quem citat Iudas Apostolus in sua Catholica vers. 14. quos omnes cum aliis constat iam à multis retrò sæculis non reperiri, aut si qui sub hisce titulis habentur, non esse legitimos.

13. In eadem mansione populo commorante, vt colligitur Deuter. cap. 2. vers. 18. & 24. post mortem omnium pugnatorum, vt ibidem vers. 16. dictum fuerat, hoc est omnium qui ad bella recensiti fuerant à viginti annis & supra, prænuntiauit Dominus Moysi, quòd esset transiturus terminos Moabitarum, & transiisso torrente Arnon, venturus ad urbem nomine Ar, quæ quidem quia non longè aberat à terra Ammonitarum, præcepit ne vlllo modo pugnaret cum eis; siquidem terram illam olim à gigantibus inhabitatam, ipsis expulsis, dederat eisdem Ammonitis filiis Lot. Deinde prædixit se daturum Israeli terram Amorrhæorum, & exinde immisurum eisdem atque etiam cunctis finitimis nationibus maximum in aduentu eius timorem ac tremorem; & propterea præcepit, vt confidenter dimicaret cum ipsis Amorrhæis. Igitur Moyses præuidens illos ex diuina dispensatione sibi transitum negaturos, vt honestam etiam coram hominibus præliandi occasionem arriperet, misit de solitudine Cade-moth, in qua tunc erant castra, nuntios ad Sehon Regem Amorrhæorum habitantem in Hesebon, postulans vt populo transitum daret per terram suam: quo renuente, præcepit Dominus Moysi, vt confestim transirent torrentem Arnon, ingrederenturque & inciperent possidere terram Amorrhæorum; iterum promittens se illam eis certissimè daturum. Quæ omnia habentur Deuter. cap. 2. vers. 16. vsque ad 32. & Numer. cap. 21. vers. 21. & Iudic. cap. 11. vers. 19. Itaque

14. Die, vt arbitror, circiter octaua prædicti mensis octauæ, egressus Israel de qua-

PRAECIPIT
DOMINVS
ISRAELI NE
PUGNET
CVM AMMO-
NITIS.PRAEDICIT
EIDEM SE
DATVRVM
TERRAM A-
MORRHÆO-
RVM.

dragesima mansione, pertransitoque feliciter (Deo nimirum, vt suprà num. 12. dictum est, mirabiliter adiuuante) torrente Arnon, ingressus est terram Amorrhæorum; ac primò quidem, cum deuenisset ad quamdam solitudinem omnino omnis aquæ expertem, miro quodam modo ostendit Dominus Moyfi locum; in quo principes multitudinis conuocati, non sarculis ac lignibus, sed baculis dumtaxat quos habebant in manibus, terram excauantes, inuenērunt aquas ad populi indigentiam opportunas.

Quamobrem cœperunt canere Domino pro gratiarum actione carmen, cuius initium est: *Ascendat puteus*, &c. Deinde progredientes venerunt in solitudinem Marthana, & in Nahaliel, postea in Bamoth, quæ erat vallis existens in regione Moab, vnde ascenderunt in verticem montis Phasga, Numer. cap. 21. vers. 13. vsque ad 21. & fecerunt quadragesimam primam mansionem, vt dicitur Numer. cap. 33. vers. 47. in montibus Abarim; qui licet aliquando omnes & toti pertinerent ad terram Moab: postea tamen quàm Amorrhæi partem regionis Moabitarum occuparunt, distinguebant ferè totum latus Australe ipsorum Amorrhæorum; ab Aquilonari Moabitarum, excepta aliqua dicti lateris portione ad Orientem vergente, in qua prominebat torrens Arnon in finibus Amorrhæorum; separabatque ibi eos à Moabitis, vt dicitur Numer. cap. 21. vers. 13. & videre est delineatum in Tabella inferius num. 17. ponenda. In reliqua autem parte, quæ respiciebat ad Occidentem, terminabant has duas nationes dicti montes, ita vt pars ipsorum quæ descendebar ad Aquilonem, vbi nunc Israelitæ castra posuerant, pertineret ad Amorrhæos; altera verò, quæ respiciebat contra Austrum, ad Moabitas. Et inter montes Abarim computabantur Phasga, Phogor, Nebo, & si qui erant alij aliis nominibus nuncupati, vt de Nebo colligitur Deuter. cap. 32. vers. 49. de Phasga, Numer. cap. 23. vers. 14. de vtroque, Deuter. cap. vlt. vers. 1. de Phogor, Numer. cap. 23. vers. 28.

15. Ceterum, locus in quo Israelitæ castra fixerunt, maxime tunc opportunus videbatur, eò quòd esset valde tutus; non solum quia vallatus erat, & in altissimo loco positus; sed etiam quoniam habebat à Meridie & ab Oriente Moabitas, à quibus, tamquam ab amicis, nihil timendum erat; & ab Occasu Mare mortuum, & Iordanem in illud influentem (nam Deuter. cap. 3. vers. 17. habemus, dictum Mare, quod ibi falsissimum appellatur, habuisse ad Orientem radices montis Phasga) ita vt ab Aquilone tantum, vbi sese extendebat terra Sehon Regis Amorrhæorum, tutari castra deberet. His ergo castris, ad custodiam senum, paruulorum, ac mulierum, benè compositis ac munitis, Moyses cum exercitu progrediebatur. Interea autem Sehon, congregatis vndique bellatoribus suis, vt audiuit quòd Israelitæ iam ingressi erant terram suam, venit obuiam illis cum manu forti; & commisso prælio in quodam loco qui dicebatur Iasa, contritus est ab eis; ceciditque ipse, & filij eius, & omnis populus qui cum ipso venerat. Hebræi verò tam grandi parta victoria, confestim propere cœperunt ad ciuitates regni eius, quas ob eladem proximè acceptam timore perterritas facillimè omnes in potestatem redegerunt, & cunctis vtriusque sexus & cuiusvis ætatis sine vlla miseratione interfecit, possederunt omnem terram, ab Ar vsque Galaad, siue à torrente Arnon vsque ad torrentem Iaboc; exceptis dumtaxat vrbibus Ammonitarum, in finibus regni Sehon existentibus; quas, vt præceperat Dominus, omnino intactas reliquerunt. De Amorrhæis autem tulerunt prædam multam valde, iumentorum, armentorum, & spolia omnis generis. Neque his contenti, missis quoque exploratoribus in regnum Og, qui regnabat super alios Amorrhæos magis Aquilonares, ascenderunt per viam ducentem ad Basan, quæ erat potior primariaque regni eius pars; quibus cum occurrisset Og Rex cum omni populo suo in quodam loco, qui ab vrbe eiusdem nominis proxima denominabatur Esdrai; protinus inito certamine, cæsus est Og cum filiis suis ac toto exercitu suo. Et successiue postmodum captæ sunt omnes vrbes eius, interemptis cunctis habitatoribus earum, sicuti factum fuerat in regno Sehon: Numer. cap. 21. vers. 23. vsque ad finem capitis, & Deuter. cap. 2. vers. 32. vsque ad finem; & cap. 3. vers. 1. vsque ad 13. & Iudic. cap. 11. vers. 21. vsque ad 24. Atque hoc pacto toto illa regio, quæ olim primò ab Emim, & Zuzim siue Zomzommim populis de genere Giganteo culta fuit, vt traditur Deuter. cap. 2. vers. 10. & 20. quos percussit Chodorlahomor, & Reges qui cum eo venerant, Genes. cap. 14. vers. 5. & deinde tradita fuit Moabitis & Ammonitis, quemadmodum dicitur locis Deuter. citatis; & ex parte etiam filijs Esau, vt nos sub anno mundi 2319. num. 7. ostendimus: postea autem ab Amorrhæis fuerat occupata; vt dicitur Numer. cap. 21. vers. 25. vsque ad 32. &

ISRAEL IN-
GREDITVR
TERRAM
AMOR-
RHÆORVM

PRO AQUA
INVENTA
CANIT CAR-
MEN DOMI-
NO.

MANSIO 41.

DEFINIVS
AMOR-
RHÆORVM
ET MOABI-
TARVM.

ISRAELITÆ
CASTRA FI-
GUNT IN
LOCO VALDE
TVTO ET OP-
PORTVNO.

FELICITER
PVGNANT
CVMS SEHON
REGE AMOR-
RHÆORVM

OCCVPANT
OMNES VR-
BES EIVS.

VICTO QVO
QVE OG A-
LIO REGE
AMOR-
RHÆO, CA-
PIVNT CVN-
CTAS VRBES
EIVS.

REGIO A-
MORRHÆO-
RVN QVO-
TIES ET A
QVIBVS OC-
CVPATA.

colligitur etiam Iudic. cap. 11. vers. 12. & sequentibus: nunc tandem ad Hebræos deuenit; qui ut infrà num. 24. dicemus, eam Rubenitis, Gaditisque, & dimidiæ tribui Manasse possidendam tradiderunt.

DE 42. POSTREMAQUE
MANSSIONE.

16. His itaque fortiter gestis, mouerunt castra filij Israël; & de montibus Abarim descendentes, fecerunt quadagesimam secundam eandemque postremam mansiōem in campestribus Moab, ubi trans Iordanem Iericho sita erat: Numer. cap. 22. vers. 1. & cap. 33. vers. 48. id est in loco, qui directè respiciebat contra urbem Iericho trans Iordanem positam. Dicuntur autem hic campestria Moab, non quòd tunc essent, sed quia quondam fuerant ditionis Moabitarum, & nihilominus etiam, posteaquam ea Amorrhæi occupauerant, pristinum nomen retinebant. Sanè licet populus ibidem, ad plura loca sese extenderet, nimirum à Bethsimoth usque ad Abelsitim, in planioribus locis (aliàs) Moabitarum, ut dicitur Numer. cap. 33. vers. 49. videtur tamen maior ac nobilior populi pars habitasse in Settim, ut colligitur Numer. cap. 25. vers. 1. ubi aperte dicitur, quòd populus tunc morabatur in Settim, & Iosue cap. 2. vers. 1. ubi habemus, quòd de Settim misit Iosue exploratores in Iericho, & de nullo alio loco legimus exisse populum, quando venit ad Iordanem, nisi de Settim, ut expresse traditur Iosue cap. 3. vers. 1. Putat autem Abulensis, eundem fuisse locum qui locis allegatis dicitur Settim, cum eo, qui Numer. cap. 33. vers. 49. appellatur Abelsitim.

17. Verum, antequam ad ea quæ in hac vltima mansione gesta sunt, deueniamus; ut omnium mansionum, quæ ab Ægypto ad Iordanem factæ sunt, ordinem situmque hætenus ex Scriptura sacra descriptum, clariùs intueri possimus, operæpretium duximus, eisdem hic in tabella delineatas veluti ante oculos ponere, rudiori quidem schemate, & sine iustis omnino Geographiæ mensuris; quippe quæ ex Sacris libris adamussim haberi non possint: sed tamen tali orthographia, quæ ad Scripturæ sacræ loca hætenus in hoc genere allegata clariùs capienda, non mediocriter (ni fallor) iuuare poterit.

TABVLA XXXXII. MANSIONVM
POPVLI ISRAELITICI
IN DESERTO.



DE GESTIS
IN POSTRE
MA MAN-
SIONE.
BALAC CON-
DUCIT BAL-
LAAM ARIO-
LYM, VT MA-
LEDICAT
ISRAELI.

ASTINA BAL-
LAAM MIRA-
BILITER LO-
QUITUR.

BALAAM
BENEDICIT
POPULO IS-
RAEL, ET
MULTA ALIA
DE ALIIS PO-
PULIS VATI-
CINATUR.

IN SVO RE-
DITV DAT
REGI BALAC
CONSILIUM
ADVERSVS
ISRAELI-
TAS.

18. In eadem vltima mansione facta in campestribus Moab, ad quam credibile est populum circa medietatem noni mensis peruenisse, multa eademque valde memora-
bilia gesta sunt. Et primò quidem, videns Balac Rex Moabitarum, Israelitas tam facili-
superaisse duos Reges Amorrhæorum adeò potentes, ac cæsis omnibus, terras ipsorum
occupasse; aduertensque populum suum ab illis admodum formidare, ne ipsum quo-
que eodem modo delerent: conuocauit principes Madianitarum, qui creduntur vel
etiam ipsi fuisse aliquo modo eidem Regi Balac subditi, vel quemadmodum erant
regione coniuncti, ita etiam amicitia confederati. Cumque super hac re cõsultauissent,
& manifestè viderent se Israeli viribus impares esse, atque armis, illius potentia resistere
nullo modo posse: statuit Rex, de Madianitarum consilio, ad ariolos confugere, si
quo modo posset ipsis mediantibus aut percutere populum Israëliticum, aut de con-
finio suo longius eicere. Audiuit autem reperiri vnum insignem valdeque famosum,
nomine Balaam, ex Bosor, vt dicitur 2. Petri cap. 2. vers. 15. qui tunc habitabat super
flumen terræ filiorum Ammon, Numer. cap. 22. vers. 5. hoc est trans flumen Euphra-
ten, quod non longè aberat à terra Ammonitarum, videlicet in vrbe Aram, in Meso-
potamia Syriæ existentem, vt clariùs exprimitur Numer. cap. 23. vers. 7. & Deuter.
cap. 23. vers. 4. ex quo Deuter. loco insuper manifestè colligitur, etiam Ammonitas,
quorum verliculo præcedenti meminerat, conspirasse cum Moabitis in conductione
Balaam, vt malediceret Israeli. Ad hunc ergo Balaam cum Balac aliquot de Moabita-
rum Madianitarumque optimatibus misisset, isque à Deo admonitus eosdem vacuos
remisisset; denuò Rex multò plures ac nobiliores misit, multis sollicitationibus rogans
vt veniret ad maledicendum populo Israel: qui iterum consulto Domino, ire permis-
sus est; ea tamen lege, vt nihil aliud, quàm quod ei præciperet Dominus, facere dicere ve
auderet. Cum ergo iret, & fortè auaritiæ stimulis sollicitatus, de diuino præcepto,
si opus esset, transgrediendo cogitaret; ecce Angelus Domini districto gladio stetit co-
ram asina cui Balaam insidebat, quæ perterrita auerterat se ab itinere, illo contrà
quantum poterat verberibus & omni conatu eam reuocare adnente. Denique fessa
cecidit, & dum ampliùs à suo domino verberaretur; mirabiliter Deo concedente lo-
cuta est, & conquesta quòd immeritò caderetur. Et tunc, Deo oculos eius aperiente,
vidit Balaam Angelum se increpantem, atque iterantem ei præceptum antea datum,
nimirum, ne quidquam faceret loquereturve, quàm quod eidem à Domino manda-
tum esset. Quibus auditis, profecutus est Balaam iter suum, ac demum à Rege Moa-
bitarum honorificè exceptus, & postmodò ductus ad excelsa Baal, vnde populus Israel
videri poterat, post immolatas victimas coram Rege & principibus; assumpta para-
bola, loco maledictionis, cepit benedicere populo Israel. Et idem fecit secundò, du-
ctus in verticem montis Phalga; ac tertio, in cacumen montis Phogor; semper excu-
sans se, quòd aliud non posset loqui, nisi quod suggerebat ei Dominus. Verumtamen
vt vidit Regem iratum, veritus ne sine honore, vel potius cum ignominia remitteretur;
promisit se ad suos non rediturum, nisi priùs daret Regi consilium valde opportunum.
Atque ita, posteaquam vaticinando multa raptim tetigisset de Aduentu Christi, de in-
teritu Amalecitarum & Cinæorum, de Romanorum victoriis aduersus Assyrios &
Hebræos, ac demum de ipsius Romani Imperij ruina; reuersus est in locum suum: Nu-
mer. cap. 22. 23. & 24. per totum. Fuit autem consilium, quod abiens Balaam reliquit
Regi, valde diabolicum; vt scilicet per blandas Moabitarum Madianitarumque mu-
lieres suasiones & consuetudines, curaret induci Israëlitas ad conuiuia, ad crapulas,
saltationes, fornicationes, atque idololatriam; sic enim proculdubio amissuros gratiam
Dei sui, & consequenter omnem fortitudinem suam; atque ita, & non aliter, à Moabi-
tis superari expellere posse. Quod quidem consilium licet capitibus Numer. citatis
non exprimitur, colligitur tamen haud obscurè ex multis aliis Scripturæ locis, nimi-
rum Numer. cap. 25. vers. 1. & 18. & magis apertè cap. 31. vers. 16. vbi de Madianitis
mulieribus dicitur: *Nõne istæ sunt, quæ deceperunt filios Israel, ad suggestionem Balaam;*
& *prauaricari vos fecerunt in Domino, super peccato Phogor?* & adhuc clariùs Apocal.
cap. 2. vers. 14. vbi traditur quòd *Balaam docebat Balac mittere scandalum coram filiis Is-*
raël, edere & fornicari. Quòd autem id fecerit Balaam ex auaritia, testantur principes
Apostolorum Petrus, & Iudas Apostolus, quorum primus in secunda sua Epistola
cap. 2. vers. 15. de ipso ait: *Qui mercedem iniquitatis amauit.* & alter in sua Catholica
vers. 11. apertè insinuat, eundem mercede effusum errasse.

19. Placuit ergo consilium illud execrabile Regi, simulque Moabitis Madianiti-
que principibus, qui omnes vnanimiter illud quamprimùm experiri, atque in vsum in-
duci

duci curant. Filij autem Israel, mulierum deliniti blanditijs, ac diuinum exuti timo-
rem, non solum cum illis ludere ac fornicari, sed etiam, quod peius erat, illorum deos
colere, ac sacris illorum initiari non erubuerunt: creuissentque in immensum tum
præuicatio, quæ iam valde Deum ad iracundiam prouocauerat; tum etiam morta-
litas, quam propterea Dominus in populum immiserat; nisi tam graui malo pro-
tinus occurrissent Moyſes & Phinees filius Eleazari filij Aaron Sacerdotis: quorum pri-
mus iubente Domino præcepit principibus ac iudicibus populi, vt diligenter inquire-
rent, ac sine vlla miseratione, personarumve acceptione, suspenderent in patibulis eos
qui initiati erant Beelphegor, hoc est, qui sese deuouerant, seu dedicauerant, vel conse-
crauerant cultui cuiusdam idoli, quod dicebatur Beelphegor, seu Beelphegor, id est, vt
dicitur Num. cap. 25. vers. 18. idolum Phogor: Bel siquidem erat nomen idoli Baby-
loniorum & Assyriorum, quod postea apud alias etiam nationes, præsertim Orienta-
les, coli cœpit, & pro varietate linguarum ac locorum diuersimodè nuncupari, quem
admodum sub anno mundi 1997. num. 2. diximus. Hic autem dicitur Beelphegor,
quia idolum Belis, hoc est statua eius, colebatur in quodam fano posito in monte
Phogor, quod fanum non multum distabat à castris Hebræorum, vt colligitur Deuter.
cap. 3. in fine, vbi Moyſes de postrema hac mansione verba faciens, ait: *Manſimusque in
valle contra fanum Phogor.* & idem ferè repetitum habemus cap. 4. vers. 46. & cap. vlt.
vers. 6. dicitur, quod Moyſes, qui mortuus erat in vertice montis Phasga, sepultus fuit in
valle contra Phogor. De hoc idolo dicit Auctor Glossæ ordinariæ, quod quamdam
turpitudinis speciem representabat, & præcipuè colebatur à mulieribus. Puto autem
cultum istum in eo fuisse positum, vt mulieres illuc conuenientes, de carnibus idolo
oblatis in honorem eius, cum viris latanter ederent, & post epulas, cum eisdem forni-
cationes exercerent: siquidem ad hoc ibidem lupanaria extitisse, manifestè colligitur
Numer. cap. 25. vers. 8. vbi etiam describitur, quid fecerit præfatus Phinees, vt auer-
teret iram Domini à populo Israel. Hic namque cum vidisset ducem Zambri, de
tribu Simeon, cum Cozbi filia principis Madianitarum introeuntem lupanar cum
maximo fratrum suorum scandalo, confestim sancto commotus zelo, illos insecutus,
ambos in genitalibus pugione confodit. Quod illustre factum vsque adeo placuit
Domino, vt statim illud coram Moyſe admodum commendauerit, protestatusque sit,
ab ipso Phinees tum scelus populi fuisse expiatum: in cuius rei signum illic cessauit
memorata illa mortalitas, quæ tunc in eodem populo admodum grassabatur. Et
addidit Dominus Moyſi, vt nuntiaret ipsi Phinees, quod propterea statuerat illi testa-
mentum pacis, vt esset illi & femini eius Sacerdotij dignitas in æternum. Quod sapius
ad laudem dicti Phinees in Scripturis sacris repetitum habemus, nimirum Numer.
cap. 25. vers. 12. & in Psal. 105. vers. 30. & Ecclesiastici cap. 45. vers. 30. & 1. Machab.
cap. 2. vers. 54.

ISRAELI-
TAE PER
MULIERES
AD IDOLA
COLENDA
INDVCN-
TVR.

ILLVSTRE
FACTVM
PHINEES
SACERDO-
TIS.

20. Verum hic, antequam vlterius progrediamur, silentio prætereundum non est,
quod B. Petrus Damiani lib. 1. epistola 6. quæ est ad Nicolaum Romanum Pontificem
huius nominis II. scribit Deum voluisse vt deinceps ipse Phinees, in præmium præclari
huius facinoris, viueret vsque ad finem mundi; putatque ipsum Phinees fuisse eum-
dem, qui postea dictus est Eliàs. Ponam hic ad verbum totam eius sententiam, vt vnus-
quisque intelligat, quibus fundamentis paradoxum hoc fulcire nitatur. Ibi namque
exponens illa Numer. cap. 25. vers. 12. verba, quæ sic habent, *Ecce do ei pacem fæderis
mei, & erit tam ipsi quam semini eius pactum Sacerdotij sempiternum, quia zelatus est pro
Deo suo, & expiauit scelus filiorum Israel*, sic ait: Pacem quippe Dominus illi sui fæderis de-
dit, quia sedata omni carnis molestia, viuere illum vsque in finem mundi in paradisi ame-
nitate constituit. Ipse siquidem est, nisi fallor, Elias propheta, qui videlicet igneis equis &
curru, Eliseo suspensus, est translatus in celum. Vnde me quisquis mentiri autumat, diuinæ
Legis interpretem Hieronymum, qui hoc in Hebraicâ Quæstionum (subaudi, in 1. Paralip.)
libro testatur, potius reprehendat. Porro autem & tempore Dauid Regis hic Phinees super-
esse, ac sacerdotale officium gerere, perspicuè reperitur, dicente Scriptura (nimirum 1. Para-
lip. cap. 9. vers. 19. & 20.) *Hi sunt, inquit, Coritæ super opera ministerij, custodes vestibulo-
rum tabernaculi: & familie eorum per vices castrorum Domini custodientes introitum.* Phinees autem filius Eleazari, erat dux eorum coram Domino. Cui nimirum Phinees nomen est
à parentibus inditum, Elias verò agnomen est accidens per euentum. Elias siquidem inter-
pretatur Deus Dominus; quod ex hac sibi occasione impositum fuisse creditur, quia cum lega-
tionis officio fungeretur missus ab Israelitico populo ad duas & semis tribus, Ruben videli-
cet, & Gad, & dimidiam tribum Manasse, quæ enormis magnitudinis altare construxerant,

AN IDEM
FVERIT
PHINEES ET
ELIAS.

hoc ab eis responsum excusationis accepit: Fortissimus, inquit, Deus Dominus, ipse nouit si prauaricationis animo hoc altare construximus. Ab his itaque rationem reddentium verbis, Elias nuncupatus asseruit, qui Phinees ememus dicebatur, ut illorum responsum, huius videatur esse vocabulum. Hactenus B. Petri Damiani verba. Cuius opinio nequaquam videtur recipienda: quia si vera esset, certè qui Phinees Eliæque vitam scripserunt, aliquid saltem de hac re tetigissent. Atqui neque S. Epiphanius in historia de Prophetarum vita & interitu, vbi de Eliæ Prophetæ vita agit, neque S. Isidorus in libro de Vita & morte Sanctorum, vbi de Phinees, & item vbi de Elia disserit, neque alij quos viderim, quidquam vel modicum, quòd idem fuerit Phinees & Elias, indicarunt. immò S. Isidorus apertè de singulis seorsum, tamquam de viris inter se & tempore & professione diuersis egisse videtur. Et præterea scimus, Eliam 3. Reg. cap. 17. vers. 1. & alibi non semel in Sacro eloquio vocari Thesbitem, hoc est, vt declarat S. Epiphanius, ex Thesbis è continente Arabum: de Phinees autem, quòd vniquam habitauerit in Thesbis, nullibi reperimus scriptum. Neque verò locus libri Paralip. à B. Petro Damiani adductus, si benè intelligatur, eius opinionem confirmat; quin potius illam omnino destruit. Non enim loquitur de his qui vivebant temporibus Moyssi, neque de his qui supererant tempore Dauidis, vt ipse B. Petrus Damiani, nescio quomodo deceptus, existimauit; sed de his qui redierant de Babylonica captiuitate, vt ibidem probat Abulensis ex initio illius capitis, vbi id conceptis verbis exprimitur. Quare ille Phinees filius Eleazari, qui ibidem dicitur fuisse Dux Coritarum, valde diuersus fuit ab eo qui fuerat Aaronis nepos: siquidem iste erat Sacerdos, ille Leuita; iste de progenie Aaronis, illè de familia Core, quem fuisse Leuitam patet Numer. cap. 16. vbi etiam eius, ob affectatum Sacerdotium, interitus describitur; & cap. 26. vers. 10. additur, quòd illo pereunte, filij eius mirabiliter præseruari sunt. Primus Phinees fuit vniuersalis Dux & princeps omnium Ducum familiarum Leuitarum, vt apertè colligitur Num. cap. 3. vers. 32. & cap. 8. vers. 19. Alter autem particularis Dux familiæ Coritarum, vt benè probat Abulensis super 1. Paralip. cap. 9. quæst. 11. His adde, quòd Phinees Aaronis nepos vixit temporibus Moyssi, Iosue, & seniorum, qui Othonielem primum Hebræorum Ducem præcesserant; qui verò in citato Paralipom. capitulo memoratur, post reditum Babylonicæ captiuitatis. Vnde euidenter consequitur, etiam Eleazarum dicti Phinees patrem longè fuisse diuersum ab eo, qui fuerat Aaronis filius. Non enim mirum videri debet, posse reperiri duos eiusdem nominis filios, diuersis præsertim sæculis natos, quorum patres in alio pariter nomine conueniant, quandoquidem alia huminodi exempla peti poterunt ex his quæ nos sub annis mundi 3208. num. 4. & 3322. num. 5. dicemus. Si ergo Phinees qui de captiuitate Babylonica rediit, idem fuisset qui nepos fuerat Aaronis, oporteret ab obitu Eleazari filij Aaronis, & patris dicti Phinees, vsque ad reditum populi de Babylone, vel saltem vsque ad Eliæ raptum, nullum alium extitisse apud Hebræos summum Sacerdotem, nisi ipsum Phinees; siquidem ab Aaronè vsque ad dictum raptum, vel etiam vsque ad dictum reditum, nusquam legimus vllum Pontificem, nisi per mortem, Pontificatu fuisse priuatum; vno dumtaxat Abiathar excepto, ob causam sub anno mundi 3020. num. 13. afferendam. Atqui ab ipso Phinees, tertio post Aaronem Pontifice ad raptum Eliæ, immò ad reditum Iudæorum de Babylone & deinceps, plurimos sanè alios successiue Pontifices extitisse, tum ex sacris Scripturis, tum ex Iosepho aliisque Auctoribus, qui eorum indices tenuerunt, certissimum est, vt etiam ex his, quæ nos suprà num. 8. diximus, & infra sub anno mundi 2900. num. 2. & 3. & item sub anno 2974. num. 9. & 3020. num. 15. & 16. dicemus, manifestum fieri poterit. Sed & illud quoque euidenter est, quòd si Phinees idem cum Elia fuisset, vtique non potuisset recenseri inter eos qui de Babylonica captiuitate redierunt: constat enim Eliam multis antea sæculis in cælum fuisse translatum. Denique si Phinees loco Paralip. adducto memoratus, fuit Leuita de familia Core, & eiusdem caput, vt iam probatum est: proculdubio non potuit esse Elias, quem S. Isidorus vbi suprà, Sacerdotem; & S. Epiphanius, de tribu Aaronis, quod in idem incidit, fuisse testantur. Ergo luce meridiana fit clarius, eundem Phinees & ab Aaronis nepote, & ab Elia omnino fuisse diuersum. Merito igitur Origenes tomo 7. in Ioannem, vbi & ipse obiter huius meminit opinionis, quòd scilicet Phinees idem fuerit cum Elia, quæ etiam fuerat veterum quorundam Hebræorum: *Nescio (inquit) unde veluti in apocryphis moti Hebræi tradant Phinees illum, qui etiam Eleazari filius, ipsum esse Eliam.* Quamquam ibidem ipse Origenes fallatur subiungens, ipsum Phinees proculdubio protulisse vitam vsque ad multos Iudices: quemadmodum nos sub anno mundi 2594.

num. 3. manifestè ostendemus. Neque verò prædictis officit B. Hieronymi auctoritas in libro Quæstionum Hebraicarum in Paralip. in contrarium adducta, ubi de Phinees ibidem memorato ait: *Hic monstratur Phinees adhuc eo tempore viuere.* Quoniam vel ille liber falsò ipsi S. Hieronymo tribuitur, vt nonnulli suspicati sunt: vel necesse est dicere, S. Doctorem quædam in eo libro non ex propria, sed aliorum sententiam retulisse, cuiusmodi etiam videntur esse ea, quæ ibidem traduntur de matre Moyse, quòd fuerit amita viri sui, & quòd Moyse post Legem latam mandauerit patri vt eam dimitteret, & quòd ipse postmodum de alia genuerit Eldad & Medad fratres Moyse, licet non verò. Quæ omnia nos sub an. mun. 2545. num. 56. demonstrauimus sustineri nullo modo posse. Itaque relicta B. Petri Damiani opinione superius commemorata, nostram prosequamur historiam.

21. De numero autem eorum, qui in memorata Hæbræorum plaga (siue pestilentia) fuerit, siue aliud exitiale morbi genus, aut quid aliud supra naturā, id namque Scriptura sacra non exprimit) perierunt, dubium esse potest, quia Numer. cap. 25. vers. 9. dicitur interiisse viginti quatuor millia hominum: 1. autem ad Corinth. cap. 10. vers. 8. de iisdem fornicatoribus legimus; *Et ceciderunt vna die viginti tria millia.* Verumtamen ista diuersitas sic faciliè videtur posse conciliari: Vel enim defunctorum numerus reuerà fuit quodammodò medius inter duas summas; ad quod indicandum, Scriptura tali vsa est diuersitate, vsurpans nimirum numeros perfectos pro imperfectis, quemadmodum aliàs eam facere consueuisse, nos sub anno mundi 1659. num. 2. probauimus. Vel si mortuorum numerum præcisè protulit, eos tantummodò Apostolus notauit, qui in illa plaga vnico die ceciderunt: non enim frustra addidit, *vna die*, Moyse autem vniuersaliter, & sine illa vnus diei circumstantia loquens, voluit simul comprehendere omnes, qui propter illam populi fornicationem quomodolibet mortui sunt, includendo etiam illos, qui ea de causa in patibulis suspensi, vel aliter occisi fuerant, prout Moyse mandauerat Numer. cap. citato vers. 5. dicens: *Occidat vnusquisque proximos suos, qui initiati sunt Beelphegor*; vel eos quoque, qui in dicta plaga die præcedente perierant. Fieri enim potest, quòd illa saltem biduo perdurauerit; & quoniam primo die non cessatum est à scelere, meritò postridie multò acrius debacchata fuerit. Non est etiam hic prætereundum, quòd Hebræi putant, in prænarrata fornicatorum plaga cecidisse magnam partem tribus Simeonis. Quæ opinio valdè rationalis est; tum quia, cum ex eadem tribu esset ille Dux Zambri, qui cum scorto Madianitide à Phinees occisus fuerat; verisimile admodum sit, illam tribum magna ex parte secutam esse dicti Principis exemplum: tum etiam quia in priori censu populi, qui actus fuerat anno secundo exitus de Ægypto, & describitur Numer. cap. 1. in tribu Simeonis recensiti inueniuntur 59300. apti ad pugnam, vt patet ibidem vers. 23. In altero autem censu, anno hoc quadragesimo eiusdem exitus, & paulò post dictam fornicationem acto, qui narratur Numer. cap. 26. & cuius nos num. proximo mentionem faciemus, disertè traditur, quòd omnis numerus pugnatorum dictæ tribus fuit 22200. Probabile ergo est, vt diximus, hanc tantam eiusdem tribus imminutionem, maiori saltem ex parte, occasione dictæ fornicationis plagæque accidisse. Ex eo autem tempore præcepit Dominus Moyse, vt hostiliter se gereret contra Madianitas, eò quòd induxissent Israëlitas ad cultum idoli Phogor, Num. cap. 25. per totum. Qui quando & quomodo tantum scelus haud impunitum reliquerit, nos infra num. 25. & 26. dicemus. Quòd autem Hebræi eodem tempore, quo mulierum suasu coluerunt Beelphegor, etiam coluerint idolum Moloch, & militiam cæli, hoc est simulacra Mercurij, Iouis, Veneris, &c. iam sub anno mundi 2545. num. 66. probauimus.

22. Occisis fornicatoribus, quoniam breui volebat Dominus introducere Israëlitas in Terram eis repromissam, & oportebat ipsos multis præliis illam subicere, ac eandem postea conuenienter inter singulas tribus familiarisque disperiri; propterea opportunum videbatur; prius dinumerare populum ad bella idoneum. Præcepit ergo Dominus Moyse & Eleazaro summo Sacerdoti, vt recensitis omnibus, tollerent summam filiorum Israel à viginti annis & supra; quod cum fecissent, inuenta sunt sexcenta millia, & mille septingenti triginta, præter Leuitarum viginti tria millia, generis masculini, ab vno mense & supra, qui seorsum ab aliis numerati sunt, & inter Israëlitas minimè computati, quia inter ipsos terra non erat diuidenda. Et in hac secunda Israelitarum dinumeratione facta anno quadragesimo exitus de Ægypto, quæ distinctè accurateque describitur Numer. cap. 26. per totum, ne vnus quidem extitit eorum qui primo recensiti fuerant, anno scilicet secundo dicti exitus, & descripti inueniuntur Num. cap. 1.

DVORVM
SACRAE
SCRIPTV-
RAE LOCO-
RVM CON-
CILIATIO.

RECENSEN-
TVR SECVN-
DO APTI
AD PVGNAM

LEGTS TER-
RAE PRO-
MISSIONIS
DIVIDEN-
DAE.
FILIAESAL-
PHAAD OB-
TINENT
NON PRAE-
TERIRIN
DISTRIB-
TIONETER-
RAE.

LEX VT DE-
FUNCTI HE-
REDITAS
TRANSEAT
AD PROXI-
MIOS.

MOYSES NON
OBTINET
POSSE IN-
GREDITER-
RAM PRO-
MISSIONIS

IOSUE SVB-
STITVITVR
MOYSI IN
PRINCIPA-
TV.

PRAECEPTA
QUAEDAM
CAERIMON-
IALIA
PER MOY-
SEN DATA
IN VLTIMA
MANSIONE.

ISRAELITAE
DEI MONI-
TV PARANT
BELLVM
CONTRA
MADIANI-
TAS.

præter Iosue & Caleb; quemadmodum prædixerat Dominus, Num. cap. 14. vers. 30. Quoniam autem facta hac Israelitarum descriptione, præscriptis Dominus Moyse vniuersales quædam terræ diuidendæ leges; vt scilicet sorte inter tribus & familias fieret partitio; vt pluribus maiores possessiones, paucioribus verò minores traderentur; & vt non aliis quàm nominatim recensitis, inter quos nullæ erant feminae, distribui terra deberet; propterea quinque filia Salphaad, qui fuerat abnepos Manasse filij Ioseph, & sine filiis masculis decesserat, venerunt ad ostium Tabernaculi fœderis, coram Moyse & Eleazaro & cunctis Principibus, postulantes ne præterirentur in distributione terræ; sed vt daretur eis possessio inter patris ipsarum cognatos: quarum occasione Moyses, consulto Domino, promulgauit legem de successione feminarum deficientibus masculis; & vt feminis quoque non existentibus, succederent defuncti fratres; & si fratres non habuerint, hereditas tranfiret ad patruos; & in summa ad proximiores: Num. cap. 27. vers. 1. vsque ad 12.

23. Quando autem Dominus Num. cap. citato, vers. 6. dixit Moyse: *Dacis* (hoc est, filiabus Salphaad) *possessionem inter cognatos patris sui*; credunt aliqui, Moysen occasionem arripuisse precandi Dominum, vt liceret ei transire Iordanem, & ingredi Terram illam optimam Israeli promissam. Quod cum fecisset, vt ipsemet refert Deuter. cap. 3. vers. 23. non exaudivit eum Dominus; sed iratus præcepit ei, ne amplius ipsum de hac re interpellare auderet: quin potius ascenderet in montem Abarim, hoc est in vnum de montibus Abarim, vt inde, tamquam de eminentissimo loco, vndique circumspiciens, contempleretur vniuersam terram Chanaan. quam daturus erat Dominus Israeli; & ea inspecta, ibi moreretur, quemadmodum mortuus erat Aaron frater eius in monte Hor, vt adimpleretur quod prædixerat Dominus Num. cap. 20. vers. 12: videlicet quod neuter ipsorum ingressurus erat Terram promissionis; quoniâ in Cades ad Aquas contradictionis in fidē titubauerant. Audiens igitur Moyses, in proximo esse diem mortis suæ, veluti de se parum, de populo autem valde sollicitus, miro charitatis affectu erga illum, cuius causa iram Domini promeruerat, iterum precatus est Dominum, vt prius providere dignaretur idoneum Ducem, qui populum in omnibus benè dirigere ac gubernare posset. Placuit ista deprecatio in oculis Domini, qui continuò docuit eum quomodo constituere deberet Iosue Ducem populi, & quæ ei præcepta dare. Ipse verò Moyses adamussim cuncta exequi non distulit, sed accersit Iosue filio Num, statuit eum coram Eleazaro summo Sacerdote, & coram omni multitudine; impositisque capiti eius manibus, designauit elegitque eum in Principem super populum Domini; deditque ei præcepta, quæ ipse à Domino acceperat, inter quæ illud præcipuum fuit, vt in omnibus quæ agenda essent, consulere per Eleazarum Sacerdotem Dominum, & ad eius verbum cuncta faceret ipse, & omnis populus eius. Deinde corroborauit eum, prædicens, quod ipse proculdubio præcessurus erat populum, & introducturus illum in Terram eis promissam, & diuisurus eam illis; & propterea ne timeret Reges terræ Chanaan, sed confideret in Domino, qui certissime pugnaturus erat pro eo, & facturus Regibus illis, quemadmodum nouissimè fecerat duobus Regibus Amorrhæorum. Et hæc omnia partim tradita inuenies Num. cap. 27. vers. 12. vsque ad finem capitis, partim Deut. cap. 3. vers. 7. vsque ad 9. vbi licet quæ postremo loco retulimus, ante superius narrata referantur, per anticipationis figuram id factum fuisse fateri necesse est; alioqui sequeretur absurdum, videlicet quod iussionem Domini ipsa eius executio præcessisset.

24. His peractis, dedit etiam Dominus per Moysen alia quædam præcepta carimoniaia populo, quæ in Leuitico vel præterita, vel non adeò clarè explicata fuerant. Sunt autem hæc veluti catalogus quidam sacrificiorum, oblationum, ac carimoniæ, quæ per annum singulis diebus & in singulis sollempnitatibus fieri deberent; & hæc omnia dilucidè traduntur in toto Num. cap. 28. & 29. In trigesimo autem capite adluntur quædam alia præcepta pertinentia ad vota ac iuramenta personarum, præsertim aliis subditarum; puta vxorum, & filiorum ac filiarum in ætate adhuc puellari existentium. Quod autem memorata præcepta in hac postrema populi mansionis data fuerint, satis apertè indicatur in calce libri Numer. illis verbis: *Hæc sunt mandata atque iudicia, quæ mandauit Dominus per manum Moyse ad filios Israel, in campestribus Moab super Iordanem contra Iericho.*

25. Promulgatis hisce legibus, Moyses cum præpararet se (quemadmodum credibile est) ad ascensum montis, vt Domini iussionem impleret, ibique moreretur; monitus fuit à Domino, vt prius vlcisceretur populum de Madianitis: qui confestim iussit armari

armari duodecim mille viros, mille scilicet de singulis tribubus, quos mitteret contra Madianitas. Sed prius creditur misisse ad domum soceri sui, quæ erat in terra Madian, rogans Cinæos ne tardarent omnes venire ad se, priusquam bellum eos perurgeret. Et tunc oportet eos venisse ad Moysem: siquidem Iudicum cap. 1. vers. 16. legimus, filios Cinæi cognati Moysi ascendisse de Ciuitate palmarum, cum filiis Iuda, in desertum fortis eius, quod est ad Meridiem Arad. Ex quibus verbis patet, Cinæos ingressos esse cum filiis Israel in terram Chanaan, & habitasse aliquamdiu in Iericho, quæ dicebatur Ciuitas palmarum, hoc est in agro eius; (ciuitas enim à Iosue destructa fuerat:) postea verò inde transisse in sortem tribus Iudæ, ad Meridiem, non procul à terra Amalecitarum. Idem comprobari potest ex 1. Reg. cap. 15. vers. 6. vbi describitur, quòd Rex Saul missus à Deo ad perdendos Amalecitas, cum intellexisset aliquos de Cinæis ex vicinitate loci transulisse domicilia sua de regione tribus Iudæ ad terram Amalecitarum, dixit Cinæo: *Abite, recedite, atque descendite ab Amalec, ne forte inuoluam te cum eo.* Legimus item Iudic. cap. 4. vers. 11. quòd *Haber Cineus recesserat quondam à ceteris Cineis fratribus suis filiis Hobab cognati Moysi*, (quos diximus primò habitasse in tribu Iuda) & *retenderat tabernaculum usque ad vallem quæ vocatur Sennim, iuxta Cedem.* erat autem Cedem in tribu Nephthali, vt patet Iosue cap. 19. vers. 37. Ex quibus omnibus manifestum est, vt diximus, Cinæos venisse in terram Chanaan cum filiis Israel. Quòd autem ante hunc annum ab exitu de Ægypto quadragesimum, & alia aliqua de causa seu occasione, non autem ob eam quam prædiximus, iunxerint se Cinæi Hebræis; probari non potest: nam licet Exod. cap. 18. habeamus, quòd morante populo in Sinai, venit ad Moysem Iethro socer eius, cum vxore & filiis ipsius Moysi; & hoc accidisse anno secundo dicti exitus, nos sub anno mundi 2545. num. 49. & 50. demonstraerimus; attamen, nulla omnino ibi fit mentio filiorum dicti Iethro. vnde probabile admodum est, eos tunc nequaquam venisse cum patre suo, aut si qui ipsum venerunt, cum eodem pariter ad terram suam rediisse, præsertim cum etiam Num. cap. 10. vers. 29. vbi traditur, quòd Moyses inuitauit rogauitque socerum suum, vt secum proficisci vellet ad terram Hebræis promissam, illeque recusauit, & maluit redire in terram suam Madian: nullum prorsus verbum fit de filiis suis, nec quòd ibi tunc cum patre essent, nec quòd cum Moyse ipsi remanserint, aut ab eo inuitati fuerint, quin etiam nusquam legimus, nec probari vllò modo potest, quòd postea alia de causa ad eundem Moysem sponte & non inuitati venerint. Nam quod aliqui dicunt, vel potius imaginantur, eos venisse statim ac mortuus est Iethro, quem aiunt præ senectute patriam suam relinquere renuisse, quando inuitauit eum Moyses; sed tamen præcepisse filiis suis, vt post ipsius mortem non differrent se transferre ad Israelitas, qui proculdubio in gratiam Moysi benefacere eis minimè recusassent: obscura & incerta res est, & potius probanda, quàm asserenda videtur: vt omitam, quòd quemadmodum ignoratur tempus mortis Iethro, ita & aduentus posterorum eius ad Hebræos. Illa item quorundam opinio, quæ habet, eosdem Hebræos, in bello quod iubente Moyse gesserunt aduersus Madianitas, fecisse misericordiam cum domo dicti Iethro sacerdotis Madian, eò quòd fuisset socer Moysi, licet aliquam habere videatur probabilitatem, non tamen recipienda videtur, tamquam quodammodò aduersa Scripturæ sacræ, quæ Numer. cap. 31. vbi dictum bellum describitur, vers. 17. asserit, Hebræos nemini, præterquam mulieribus virginibus, parcere iussos esse. Quare ex omnibus opinionibus multò probabilior videtur illa, quam supra retulimus, nimirum Cinæos tunc ad Moysem venisse, quando eos ad se ipse acceperit, ne in bello, quod contra Madianitas parabat, interirent. Quo fortè exemplo commonitus postea Saul, etiam ipse antequam expeditionem susciperet aduersus Amalecitas, Cinæos præmonendos curauit, vt ab Amalecitis recederent, ne cum ipsis percuterentur.

26. Posteaquam igitur vocati venerunt Cinæi ad castra Israelitarum, misit Moyses Phinees filium Eleazar Sacerdotis cum exercitu quem instruxerat, in terram Madian: qui cum Madianitis adeò feliciter pugnavit, vt ne vnus quidem de suis desideratus sit: de hostibus autem interfecerit omnes masculos, paruulis dumtaxat exceptis, & quinque Reges seu Principes ipsum, & ipsum quoque Balaam ariolum, quem necesse est credere, ad preces fortè Madianitarum, venisse ad habitandum in terra eorum. Vrbibus deinde ac viculis igne consumptis, mulieres, & paruulos, ac pecora omnia, omnemque supellestem abstulerunt Israelitæ. Quibus ad castra redeuntibus, cum obuiam processissent Moyses & Eleazar, & omnes Principes Synagogæ; iratus Moyses quòd feminas reseruassent, cum ipse decepsissent populum ad suggestionem

Balaam:

MOYSES.
CREDITUR
PRIUS RE-
VOCASSE DE
MADIAN CI-
NAIOS SO-
CERI SVI
COGNATOS.

PHINEES
FELICITER
PVGNAT
CVM MA-
DIANITIS.

MVLIERES
CVR IVSSAE
OCCIDI.

PRAEDAE
EXPIATIO
AC DIVISIO.

Balaam : iussit illic eo eas omnes (præter puellas virgines) cum paruulis maribus quos reseruauerant, interfici. Deinde præcepit his qui pugnaverant, ut septem diebus manerent extra castra, donec ipsi omnisque præda, modo ibidem exposito, expiantur. Ad demum, ut omnem prædam animatam, videlicet puellarum, ouium, bouum, asinorum, & huiusmodi diuiderent in duas partes æquales, quarum alteram distribuerent his qui pugnaverant, alteram verò inter reliquam multitudinem. & ut de qualibet illarum duarum partium separarent primitias Domino, hoc modo: De parte pugnantium, unam animam de singulis quingentis, tam in puellis, quam in gregibus cuiuscumque generis, dandam Eleazaro Sacerdoti, qui daret aliis quoque Sacerdotibus partes suas. De parte verò reliquæ multitudinis, quinquagesimum caput, tam de puellis, quam aliorum animantium. & hæc distributa sunt inter Leuitas, qui custodiebant Tabernaculum fœderis. Principes autem exercitus, pio quodam motu spiritu, sponte obtulerunt Domino omne aurum in præda illa inuentum, pro gratiarum actione, quòd ne vnus quidem de filiis Israel in eo bello cecidisset; atque illud Moyses & Eleazar accipientes, in Tabernaculum testimonij intulerunt: Numer. cap. 3. per totum. Sed hic quæret fortasse aliquis, cur Deus ultionem sumi vulerit de Madianitis tantum, non etiam de Moabitis & Ammonitis, qui pariter contra Israël (ut supra num. 17. & 18. dictum est) deliquisse videbantur. Ad hoc responderi potest, duplici de causa id esse factum: Primo, quoniam Madianitæ magis erant culpabiles, quippe qui primarij fuerant auctores suorumque Regi Balac, ut accerseret Balaam ariolum, ad maledicendum Israeli; & ut iuxta pessimum illius consilium iuberet prostitui mulieres Israelitis, quæ eos ad fornicationes, tum corporales tum spirituales, allicerent; & propterea ipsi Madianitæ citius grauiusque puniti fuerunt. Deinde etiam, quia placuit Deo propter Lot seruum suum, cuius Moabitæ Ammonitæque filij ac posterij erant, disferre mitigareque eis ultionem, quam postea eisdem intulit Deuter. cap. 2. 3. vers. 3. ubi mandauit per Moysen Israeli, ut excluderet ab Ecclesia Ammonitas & Moabitas, etiam post decimam generationem, & vsque in perpetuum, ac numquam cum eis pacem haberet: quia (inquit) noluerunt vobis occurrere cum pane & aqua in via, quando egressi estis de Aegypto: & quia conduxerunt contra te Balaam filium Beor de Mesopotamia Syria, ut malediceret tibi, &c.

CVR MADIANITAE TAN-
TVM A IV-
DAEIS IVSSI
SINT IN-
TERFICI.

RUBENI-
TAE, ET GA-
DITAE, ET
DIMIDIA
MANASSEN-
SIVM PARS,
OBTINENT
PARTES SVAS
TRANS IOR-
DANEM.

MOYSES DI-
VIDIT TER-
RAM AMOR-
RHAEORVM
DICTIS TRI-
BVBVS.

DIFFEREN-
TIA INTER
DVOS LAIR
INSCRIPTV-
RA NOMI-
NATOS.

27. Post hæc filij Ruben & Gad, quibus postmodum adiuncta est dimidia tribus Manasse, cum aduersissent, quòd terra duorum Regum Amorrhæorum, quam illis interfectis iam Israelitæ occupauerant, valde esset appositâ animalibus alendis, quibus ipsi admodum abundabant; venientes ad Moysen petierunt dari sibi eam in possessionem, renuntiantes (si ea ipsis traderetur) omni iuri suo, quod sibi competere posset in Terra Israeli repromissâ, quæ tunc ipsis & reliquo populo erat trans Iordanem. Et post multa tandem obtinuerunt intentum, hac conditione, ut ipsi, transito Iordane, primi procederent pugnantique contra Chanaanæ, donec subiecta esset Israeli omnis terra Chanaan. Numer. cap. 32. vers. 1. vsque ad 33. Diuisit itaque Moyses dictis tribubus omnem terram quæ fuerat Sehon Regis Hesebon, & Og Regis Basan, ut ibidem subditur, & aliquanto fusiùs repetitur Deuter. cap. 3. vers. 12. vsque ad 18. & Iosu. cap. 13. vers. 8. vsque ad finem capituli; & continuò, de licentia ipsius Moysi, vnusquisque in sortibus sibi assignatis fabricare cœpit caulas pecoribus suis, & stabula iumentis, & aliquas ex vrbibus Amorrhæorum, quas paulò antè vastauerant, aliqualliter rescicere ac munire, pro mulieribus & paruulis suis, ut tutò in illis permanere possent, donec ipsi de bello reuenterentur, & interim expediti ac sine vllò impedimento præcedere fratres suos, & bella Domini fortiter gerere valerent, quemadmodum Moysi promiserant. Numer. cap. 32. vers. 33. vsque ad finem capituli. Et quia ibidem vers. 41. subditur, quòd *Lair filius Manasse abiit, & occupauit vicos eius, quos appellauit Hauoth Lair, id est Villas Lair;* & idem repetitum habemus Deuter. cap. 3. vers. 14. & tangitur etiam Iosue cap. 13. vers. 30. notandum est, quòd iste Lair non est idem cum eo, de quo agitur Iudic. cap. 10. vers. 3. licet ibi de ipso quoque dicatur, quòd ipsius ciuitates ex nomine eius sunt appellatæ Hauoth Lair, id est Oppida Lair, ut nos sub anno mundi 2827. num. 1. probabimus; sed credimus fuisse illum, cuius fit mentio 1. Paralip. cap. 2. vers. 21. qui (ut ibidem dicitur) fuit filius Segub filij Hefron filij Phares filij Iuda: nam de eodem Lair ibidem subiungitur, quòd possedit viginti tres ciuitates in terra Galaad; & bene potuit ad hæc vsque tempora peruenisse; quandoquidem, ut ibidem legimus, sexaginta annorum erat Hefron quando duxit uxorem filiam Machir, ex qua poruit multò post, nimirum anno eius octogesimo quinto, gignere Segub, qui eodem circiter ætatis suæ anno

anno potuit procreare hunc Iair, quem hoc tempore pariter oportet fuisse annorum ad minus octoginta quinque; iste enim numerus ter ductus, facit summam annorum ducentorum quinquaginta quinque, quos ab ortu ipsius Hefron ad hunc vsque annum fluxisse apparet in tabulis. Nec quisquam miretur, quòd tam serò generare potuerint; quandoquidem illis temporibus homines ad centum & triginta ætatis annos perueniebant, & ampliùs, vt patet de Caath, qui vixit annos centum triginta tres; & Amram, centum triginta septem: Exod. cap. 6. vers. 18. & 20. Erantque in senectute sua admodum robusti & fortes, vt de seipso testabatur Caleb, Iosue cap. 14. vers. 10. dicens: *Hodie octoginta quinque annorum sum, sic valens, vt eo valebam tempore, quando ad explorandum missus sum; illius in me temporis fortitudo vsque hodie perseverat, tam ad bellandum quam ad gradiendum.* Sed dicit aliquis: Quomodo iste Iair locis citatis dicitur filius Manasse, hoc est nepos, nimirum filius Machir filij Manasse, si, vt diximus, fuit filius Segub, qui fuit pronepos Iudæ? quomodo regnum Og datum fuit dimidiæ tribui Manasse, si partem eius habuit Iair de tribu Iuda? Ad hoc dicimus, necessarium esse fateri cum Abulense super 1. Paralip. cap. 2. quæst. 10. & 11. quòd Segub & tota eius posteritas adoptata fuerit ad Machir filio Manasse, eò quòd Hefron genuisset ipsum Segub ex filia ipsius Machir, quemadmodum loco Paralip. citato traditur: & propterea ibi, licet agatur de posteris Iuda, nihilominus vers. 23. subiungitur: *Omnes isti (nempe Segub & Iair, quos recensuerat, & posterii eorum) filij Machir patris Galaad.* id est, deinceps vi memoratæ adoptionis reputati sunt inter filios Machir, & consequenter in tribu Manasse: necdum enim tunc lata erat lex prohibens viros ac mulieres extra propriam tribum nubere, de qua nos infra num. 29. agemus.

28. Sub finem mensis decimi, diuisa terra, quæ fuerat duorum Regum Amorrhæorum duabus tribubus Ruben & Gad, & dimidiæ tribui Manasse, intruxit per Moysen Dominus populum de his, quæ transito Iordane agere deberent: & ante omnia præcepit, vt antequam terram illam possiderent, occiderent omnes habitantes in ea, nimirum Chanaanos: alioqui, inquit, erunt vobis aduersarii, & quasi clauj in oculis, & lancee in lateribus, & quidquid illis cogitaueram facere, vobis faciam. Iussit pariter vt cuncta idola destruerent, statuas titulosque comminuerent, & excelsa omnia deuastantes, terram à cunctis illorum contaminationibus mundatam, postea inter se diuiserent, iuxta regulas Numer. cap. 26. vers. 53. traditas, & cap. 33. vers. 54. repetitas. Deinde præfinituit eis terminos terræ Chanaan, quam eis traditurus erat possidendam; terminos inquam Australes, Occidentales, Aquilonares, & Orientales. Australes ita describuntur Numer. cap. 34. vers. 3. vsque ad 6. & aliquantò accuratius Iosue cap. 15. vers. 1. vsque ad 5. nimirum ducta linea ab Australi extremitate Maris mortui, quod & falsissimum appellatur, siue (quod in idem incidit) ab ea parte solitudinis Sin, quæ tangit terminos Idumææ Orientales; quæ linea per quemdam circuitum ascendat ad quemdam locum eminentem, qui dicebatur Ascensus Scorpionis; mox descendat ad alium locum nomine Senna, siue Sina; postea iterum saliat ad Cadesbarne, descendatque in Esron, & rursum ascendat in villam vocabulo Adar, circueins Carcaa; ac inde pertranseat in Asemona per gyrum, perueniatque ad torrentem Ægypti, vsque ad mare Mediterraneum. hi sunt fines Meridionales terræ Chanaan. Occidentales verò eius plaga, tota terminabatur ab eo tractu maris Mediterranei, qui à dicto Ægypti fluuio ad montem Libanum excurrebat; (Mediterraneum namque Scriptura vocat mare magnum, & Libanum, montem altissimum, respectu montium terræ Chanaan, & lacuum quos Hebræi vocant maria.) Sanè pro termino Aquilonari ponitur linea ducta ab ora maris Mediterranei ad montem Libanum ei proximum, & inde in Emath; postea vsque ad terminos Sedada, & tandem vsque ad Zephrona, & villam Eman. Denique confinia Orientalia describuntur progrediendo à prædicta villa Eman ad Sephama; & inde descendendo in Rebla contra fontem Daphnim; mox ad mare Cenerethi, quod est Galilææ, ad partem eius quæ respicit contra Orientem, continuando progressum secus littus dicti maris, vsque ad Iordanem ab ipso prodeuntem, deinde secus ipsum Iordanem vsque ad Mare falsissimum; & denique, vsque ad extremitatem dicti maris Australem.

29. Quoniam autem tota longitudo terræ Chanaan hic & alibi non semel ponitur, ab introitu Emath vsque ad torrentem Ægypti, & quisham esset iste torrens Ægypti, iam sub anno mundi 2118. num. 14. dictum fuit; videndum modò est, quidnam per introitum Emath intelligere debeamus; & cur Aquilonaris terminus, qui Genes. cap. 15. vers. 18. extenditur vsque ad Euphraten, nunc tantummodò vsque ad Emath pro-

QUOMODO
IYDAEABNE
POS POTVIT
APPELLARI
FILIVS MA-
NASSE.

CVR CHA-
NANAEI AB
HEBRAEIS
OCCIDI
IYSSI SINT.

CHANA-
NAEORVM
IDOLA DE-
STRVI MAN-
DANTVR.

TERMINI
TERRAE
CHANAAM
PRAEFI-
NIYNTVR.
AVSTRALES.

OCCIDEN-
TALES.

AQUILONA-
RES.

ORIENTA-
LES.

DEINTROI-
TV EMATH.

protrahatur. Dicimus ergo (quidquid alij senserint) quòd ex B. Hieronymo pluribus in locis, nimirum in Traditionibus Hebraicis in Genes. cap. 10. & in lib. de Locis Hebraicis, vocabulo Emath, in *Isaia Damasci ciuitas*, &c. & super Amos cap. 6. in principio, & super Zacharia cap. 9. & in Epistola 129. ad Dardanum, duplex erat Emath, alia quæ dicebatur Emath Rabba, quod idem sonat ac si diceretur Emath magna, quæ postea ab Antiocho Rege huius nominis primo, ex nomine eius appellata est Antiochia, quam Iosephus de Bello Iudaico lib. 3. cap. 1. dicit fuisse Metropolim Syriæ, ac tertium locum obtinuisse inter omnes vrbes quæ in Romano orbe sunt, & hæc est, in qua primò Apostolorum discipuli vocati sunt Christiani, vt dicitur Actorum cap. 11. vers. 26. & propterea in ea primùm B. Petrus, primus Christi Vicarius, Episcopatum septeanio tenuit. Altera est respectu prioris parua, quæ absolute & sine vlla additione dicitur Emath. Vtriusque meminit Amos cap. 6. videlicet primæ, vers. 2. alterius, in fine capitis, quæ postea ab Antiocho Epiphane dicta est Epiphania. His possumus addere tertiam Emath, quæ erat in tribu Nephtholim, vt patet Iosu. cap. 19. vers. 35. Sanè Emath, quæ ponitur pro termino Aquilonari terræ Chanaan, non fuit ex tribus enumeratis prima, quæ longè admodum à finibus Chananæ aberat; neque tertia, quæ intra ipsam continebatur, sed secunda, quæ erat in Syria Damasci, vt tradit B. Hieronymus loco de Locis Hebraicis proximè citato. videlicet, vt arbitror, inter Damascum & Chananæam, quemadmodum colligi potest Ierem. cap. 49. vers. 23. ex illis verbis: *Ad Damascum: Confusa est Emath & Arphad.* & clariùs ex 2. Reg. cap. 8. vers. 9. & 1. Paralip. cap. 18. vers. 9. vbi fit mentio Thou regis Emath, qui misit legatos ad Dauid, vt congratularetur ei de victoria quam tulerat de Adareze Rege Soba regionis Emath, vt dicitur in cap. Paralip. citato, vers. 3. ex quo patet, Emath non vrbs tantum nomen extitisse, sed etiam regionis, agro Damasceno proximæ. Vnde quod sæpè in Sacro eloquio legimus, *Ab introitu Emath*, non pro vrbe, sed pro regione accipiendum videtur; ac si diceretur: Ab introitu regionis Emath. Quæ regio (vt ait B. Hieronymus super initia capitis 6. Amos superius allegati) postmodum etiam Reblatha dicta est, ex nomine fortassis, vt arbitror, vrbs Reblathæ in eadem regione Emath existentis, vt satis clarè traditur 4. Reg. cap. 25. vers. 21. vbi de viris, quos Nabuzardan duxit ad Nabuchodonosor in Reblatha, dicitur, quòd interfecit eos Rex Babylonis in Reblatha, in terra Emath, & item Ierem. cap. 29. vers. 5. vbi dicitur, quòd Chaldæi comprehensum Sedeciam adduxerunt ad Nabuchodonosor Regem Babylonis in Reblatha, quæ est in terra Emath, qui occidit filios Sedeciæ in oculis eius, & oculos quoque Sedeciæ eruit.

Cf. MOYSES
NON EXTEN
DERIT TER
MINVM TER
RAE CHA
NAAN AQVI
LONAREM
VSQVE AD
EYPHRA
TEN.

30. Dicamus nunc aliquid de eo quod secundo loco proposueramus; nimirum, cur Moyse Num. cap. 34. vers. 8. extenderit lineam Aquilonarem terræ Chanaan tantummodò ad Emath, & non magis vsque ad Euphraten, sicuti promiserat Domihus Abraham Genes. cap. 15. in fine. Certè admodum conuenienter id factum esse quisque intellegit, si meminerit Deum omnia promissa sua debit temporibus implere consueuisse, & verissimum esse quod de Sapientia legimus, Sapientia cap. 8. vers. 1. *Attingit à fine vsque ad finem fortiter, & disponit omnia suauiter.* Enimuero præuidebat Deus, semen Abraham aliquando talia habiturum incrementa, vt vsque ad Euphraten dominari potens foret; & idèd promissit Abraham daturum semini eius terram vsque ad Euphraten; quod etiam suo tempore præstitit, vt paulò post dicemus. Nunc autem, quia Israëlitis in Terram promissionis ingressi sunt, non tam multi erant, vt tantam terræ amplitudinem occupare possent; aliquantò angustiores eis terminos præfinit; non quidem priorem retractans promissionem; nam & eandem postea confirmauit Iosue cap. 1. vers. 4. sed præsentì, atque etiam ad multos annos, ipsorum statui consulens (vt sub anno mundi 2591. num. 5. ex ipsamet sacra Scriptura declarabimus) eam terræ longitudinem inter eos distribuendam designauit, quæ ipsis & posteris eorum abundè admodum sufficere posset, donec veniret tempus dilatandi imperium suum vsque ad Euphraten; quod postmodum regnante in Israel Dauide fieri cœpisse, manifestè traditur 2. Reg. cap. 8. vers. 3. & 1. Paralip. cap. 18. vers. 3. idque adhuc perfectius firmiusque factum fuisset, si populus ille cum suis Regibus in Dei cultu, quantum ab ipsis Deus exigebat expectabatque, profecissent. Quoniam autem econuersò temporibus Salomonis, qui & ipse dominabatur vsque ad Euphraten, vt apertè dicitur 2. Paralip. cap. 9. vers. 26. cœperunt ad idola desfluere; propterea non permisit Dominus Israelitas diu dominari vsque ad Euphraten, neque vt, Syris prorsus exterminatis, extendere possent colonias suas vltra introitum Emath. Quare mirum est, si etiam regnante Salomone vsque ad Euphra-

Euphraten, ponuntur termini Israelitarum à Dan vsque Bersabee, & ab introitu Emath vsque ad Riuum Ægypti. Legimus enim 3. Reg. cap. 4. vers. 25. Iudam & Israellem habitasse absque timore vllò à Dan vsque Bersabee cunctis diebus Salomonis. & cap. 8. vers. 65. dicitur Salomon fecisse festiuitatem cum toto Israele, ab introitu Emath vsque ad Riuum Ægypti. Quamuis enim Dauid & Salomon imperarent Syris, & ab eis tributa acciperent; non tamen eos vmquam de sedibus suis expulerunt, neque Israelitarum colonias ad ipsorum vrbes inhabitandas transmiserunt; & propterea non opus fuit Hebræis duplicare ciuitates refugij, quemadmodum præceperat eis Dominus Deuter. cap. 19. vers. 8. illis verbis: *Cum autem dilatauerit Dominus Deus tuus terminos tuos, sicut iurauit patribus tuis, & dederit tibi cunctam terram, quam eis pollicitus est (si tamen custodieris mandata eius, & feceris quæ hodie præcipio tibi, ut diligas Dominum Deum tuum, & ambules in viis eius omni tempore) addes tibi tres alias ciuitates, & supradictarum trium urbium numerum duplicabis.* Non, inquam, opus fuit duplicare dictas vrbes, quia plena illa dilatio sub conditione promissa fuerat, qua imperfectè seruata, imperfectè etiam iusto Dei iudicio impleta promissio fuit.

31. Præfinitis terminis terræ Chanaan, eligit Moyses nominatim, ac determinat & promulgat, qui eam inter nouem tribus & dimidiam diuidere debeant: nam aliarum duarum tribus & dimidia iam ab ipso Moysse possessionem suam acceperant trans Iordanem, Numer. cap. 34. vers. 13. vsque ad finem capitis. Deinde præcepit Moyses filiis Israel, ut cum fuisset diuisa inter ipsos terra, darent Leuitis quadraginta octo vrbes, ad ipsorum habitationem; & suburbana item, à muris sese ex omni parte ad mille passus, hoc est cubitis duobus millibus extendentia, pro pascuis pecorum iumentorumque suorum. Quæ vrbes à singulis tribubus, habita ratione hereditatum suarum, separari deberent; ita ut ab his, quæ plus haberent, plures essent auferendæ, & quæ minus, deputatiores. Item ex hisce quadraginta octo urbibus, sex ad refugia fugitiuorum deputandas statuit: nimirum tres cis, & alias tres trans Iordanem, quas voluit esse tamquam asyla quædam, ad quæ confugere possent, qui non animo deliberato, sed in rixa vel casu aliquo homicidium perpetrassent, siue aduenæ essent, siue indigenæ; & ibi tutò morari, donec Pontifex pro tempore existens superuideret; illo autem defuncto, ad propria impune reuerti valeret. Et subsequenter tulit quasdam leges, ad homicidia tum diiudicanda, tum etiam puniendâ pertinentes: inter quas illud præcipuè cauetur, ne ad vnus testimonium vllus condemnetur: Numer. cap. 35. per totum. Postremò, occasione cuiusdam petitionis sibi factæ à principibus familiarum Galaad filij Machir, tribus Manasse, super possessione assignata filiabus Salphaad, statuit, ne vir accipiat uxorem, aut femina virum, nisi de tribu sua, ut hereditates permanerent in familiis, hoc est in tribubus, & non confunderetur Sortium distributio. Ex qua dictæ legis ratione inferitur, ipsam non comprehendisse Leuitas, qui cum nullas haberent possessiones, & nullius essent capaces hereditatis, poterant pro libito dare filias suas viris, & accipere filios suis vxores de quauis alia tribu. Aliæ autem tribus id facere prohibebantur, quia tametsi femina aliqua habuisset fratres aut filios quibus dederatur successio; tamen si nuberet viro alterius tribus, potuisset illis defunctis repetere hereditatem, eamque transferre in tribum viri sui, & sic secuta esset possessionum confusio; ad quam vitandam lata lex ista fuit: Num. cap. ultimo.

32. Eodem anno quadragesimo ab exitu, mense vndecimo, prima die mensis, ut videre est Deuter. cap. 1. vers. 3. cœpit Moyses Legem, quam hætenus in aliquot itineris stationibus per partes populo denuntiauerat, nunc denuò in campis Moab prope Iordanem, antequam moreretur, latius repetere, & clariùs explicatam in volumen redigere, quod Deuteronomium inscripsit, hoc est Legis iterationem, quemadmodum interpretatur S. Augustinus lib. 1. de Mirabilibus sacræ Scripturæ cap. 35. Differt autem à Leuitico Deuteronomium, quòd licet in vtroque Legalia aliàs concisim populo tradita, simul collecta esse videantur; tamen Leuiticus Cærimonialia præcipuè continet, quæ ad Leuitici generis ordinem, peculiariter diuino cultui mancipatum, magis pertinere videbantur, (quandoquidem illius temporis cultus, populo illi carnali præscriptus, ferè totus erat exterior, & in externis quibusdam cærimoniis positus.) propterea liber ille, Leuiticus prænotatur, quemadmodum sub anno mundi 2545. num. 11. & 12. dictum est. Deuteronomij verò liber, tametsi cærimonias etiam vniuersaliter, & quasdam item particulares complectatur; magis tamen ac principalius Moralia ac Iudicialia præcepta continere videtur, & consequenter, ad internum Dei cultum ab omnibus & singulis Deo inprimis exhibendum, & præterea etiam ad Rempublicam

P R A E F I -
C I V I T V R Q V I
T E R R A M
C H A N A A N
I S R A E L I T I S
D I V I S V R I
E R A N T .

I V E N I V R
S E P A R A R I
C I V I T A T E S ,
E T S V B V R -
B A N A L E V I -
T I S .
I T E M C I V I -
T A T E S R E -
F V G I I .

LEGES PRO
HOMICIDIO
DIIUDICAN
DO, ET PV
NIENDO.

CVR PRO
HIBENTVR
FEMINAE
AC VIRI NV
BERE EXTRA
PROPRIAM
TRIBVM.

DE LIBRO
DEUTERO
NOMII.

optimè instituendam, ciuilemque statum ritè gubernandum ac custodiendum, magis deferuire videbatur: ideò non specialiter Leuitis Sacerdotibusque directus fuit, sed communiter omnibus, maximeque Regibus & Principibus, qui sunt veluti Reipublicæ capita. Vnde Deuter. cap. 17. vers. 18. præcipitur, vt Rex qui pro tempore fuerit, *quam fecerit in folio Regni sui, describat sibi Deuteronomium Legis huius in volumine, accipiens exemplar à Sacerdotibus Leuiticæ tribus, & habeat secum, legetq. illud omnibus diebus vite sue, vt discat timere Dominum Deum suum, & custodire verba & caerimonias eius, quæ in Lege præcepta sunt.* Nec eleuetur cor eius in superbiam super fratres suos, neque declinet in partem dexteram vel sinistram, vt longo tempore regnet ipse, & filij eius, super Israel. Et cap. 31. vers. 10. præcipitur Sacerdotibus, vt septimo quoque anno, qui erat remissionis, & Sabbaticus, in conuentu vniuersæ multitudinis, qui fieri solebat ad festum Tabernaculorum, legerent librum hunc coram omnibus vtriusque sexus atque ætatis: *Vt, inquit, audientes discant, & timeant Dominum Deum vestrum; & custodiant, impleantq. omnes sermones Legis huius.*

33. Sanè ista Legis explanatio, quæ describitur à capite Deuter. 1. vsque ad 31. creditur recitata coram omni populo per partes, interpolatis vicibus; ita vt hæc recitatio toto ferè illo mense vndecimo perdurauerit. Nam sub finem illius mensis, expleta Deuteronomij prædicatione, tradidit Moyse volumen eius quod scripserat, Sacerdotibus, præcians vt illud reponerent asseruarentque ad latus Arcæ fœderis Domini. Et consequenter disponens se ad mortem, quam sibi proximam esse intelligebat, animauit populum ne timeret Reges Chananæos, denuò pollicitus Deum facturum eis, sicut fecerat duobus Regibus Amorrhæorum. Deinde accessit Iosue filio Nun, quem vt iusserat Dominus Num. cap. 27. vers. 18. iam sibi in Principatu successorem delegerat, ipsum quoque, tamquam Ducem populi, coram omni Israele excitare, corroborare, atque animare non destitit illis verbis: *Confortare, & esto robustus: tu enim introduces populum istum in Terram quam daturum se patribus eorum iurauit Dominus, & tu eam sorte diuides. Et Dominus qui ductor est vester, ipse erit tecum: non dimittit, nec derelinquet te, noli timere.* Mox, Deo præcipientem, perrexerunt Moyse & Iosue ad Tabernaculum fœderis, vbi statim apparuit columna nubis, de qua locutus est Dominus Moyse, prædicans, quòd post obitum eius, populus à diuino cultu recedens, ad idola reuersurus erat, multisque propterea malis ac calamitatibus à Deo affligendus. Scripsit ergo Moyse dictante Domino Canticum illud quod incipit: *Audite celi quæ loquor, &c.* & conuocatis coram se, Iosue Duce designato & cunctis maioribus natu atque Doctõribus, recitauit illud cunctis audientibus; iussitque deinceps ad disci communiter ac decantari à filiis Israel per generationes suas, vt postea, aduenientibus malis à Domino prænuntiatis, Canticum illud esset in testimonium illis, quòd iuste mala illa propter præuaricationes suas perpeti meruissent: Deuter. cap. 31. per totum, & cap. 32. vsque ad vers. 48.

34. His expletis, Moyse monitus à Domino vt montem moriturus ascenderet, prius benedixit singulis tribubus Israel benedictionibus propriis, quæ habentur in toto Deuter. cap. 33. excepta tamen tribu Simeonis, quam ideò credimus fuisse præteritam, quia non multò antea Princeps illius, nomine Zambri, fornicatus erat cum Cozbi filia Principis Madianitæ, cum magno totius populi scandalo ac iactura, necnon Dei ac aliorum Israelis Principum indignatione, vt suprà num. 19. dictum est. Postremò Moyse, expletis benedictionibus, de campestribus Moab ascendit ad montes Abarim; cumque venisset super montem Nebo, & in vertice Phasga, qui erat locus eminentissimus contra Iericho, inde circumspècta considerataque omni Terra promissionis, prout præceperat ei Dominus Numer. cap. 27. vers. 12. & Deuter. cap. 3. vers. 27. & cap. 32. vers. 49. ibidem mortuus est, in calce vt num. insequenti probabitur. dicti mensis vndecimi, cum esset annorum centum viginti; & sepeliuit eum Dominus in valle terræ Moab, contra Phogor; ita vt nemo postea cognoscere potuerit locum sepulture eius, fleuitque eum omnis Israel in campestribus Moab triginta diebus, hoc est toto mense illius anni duodecimo: Deuter. cap. vlt. vers. 1. vsque ad 9. Et tunc (Moyse nimirum moriente) facta fuit altercatio illa Michaelis Archangeli cum diabolo de Moyse corpore, quæ memoratur in Epistola Catholica Iudæ Apostoli vers. 9. quia nimirum (vt ibidem exponit Lyranus) diabolus volebat manifestare Iudæis vbinam esset corpus Moyse, vt eos tamquam satis ad idololatriam pronos, ad illud pro Deo adorandam induceret; at Michael (tunc Princeps Synagogæ Hebræorum, vt colligitur Danielis capite 10. versic. 13. & clarius in fine capitis, & in principio

LEX RECITATA CORAM POPULO.

LEGIS VOLUMEN ASSERVATVR AD LATVS ARCÆ FœDERIS.

MOYSES DISPONENS SE AD MORTEM, ANIMAT SVCESSOREM.

CVRScripserit et decantari iusserit, canticvm, audite celi quæ loquor, &c.

BENEDIXIT TRIBVSVS ISRAEL.

DE OBITU ET SEPULTVRA MOYSE, ET PLACVTV POPVLI.

ALTERCATIO MICHAELIS ARCHANGELI CVM DIABOLO DE MOYSE CORPORE.

capio capitis 12.) prohibuit eum illis verbis : *Imperet tibi Dominus ; &c.*

35. Non me latet, Auctorem Chronologiæ maioris Hebræorum, quæ Seder Olam rabba inscribitur, cap. 10. asserere, Moysem natum esse die septima mensis Adar, qui erat Anni sacri duodecimus, & eadem die post centum viginti annos è vita abiisse: quod etiam comprobare nititur Andreas Masius super Iosue cap. 1. auctoritate Talmudicorum, ubi de Sponsaliis agunt. Hoc si verum esset, utique oporteret luctum Moyfi, qui diebus triginta continuis perdurauit, non nisi sexta aut septima die mensis primi, qui dicebatur Nisan, fuisse expletum, & die septima vel octaua ipsum Iosue misisse exploratores in Iericho. Non enim missi sunt ante expletum Moyfi luctum; quandoquidem ex Deuter. cap. vlt. vers. 8. & 9. apparet, dictum Iosue suum non prius exercere cœpisse Principatum. Sed hæc opinio non videtur posse cum Sacro textu conuenire, qui Iosue cap. 4. vers. 19. expressè ponit, populum transisse Iordanem die decima dicti mensis primi. Vnde sequeretur, eundem transitum contigisse post duos aut tres dumtaxat dies à prædicta exploratorum missione. Atqui tam in editione Vulgata quàm LXX. Interpretum, Iosue cap. 2. vers. 16. & 22. patet, dictos exploratores in suo reditu de Iericho, mansisse in monte tribus diebus absconditos, ne in manus apparitorum regis Iericho, à quibus ad necem conquirebantur, inciderent; & deinde venerunt ad Iosue in Sertim, qui audita ipsorum relatione, mouit inde castra de nocte confurgens, ut dicitur in tertij capitis initio, venitque ipse & omnes filij Israel ad Iordanem, ubi morati sunt tres dies; quibus euolutis (inquit Scriptura) hoc est sequenti die, transierunt Iordanem, ut ex ibidem consequentibus colligitur. Igitur manifestum est, quod ab exploratorum missione ad dictum Iordanis transitum, interfuxerunt saltem sex vel septem dies, & consequenter nonnisi decimaquarta vel decimaquinta die primi mensis fieri potuisset dictus transitus: quod omnimodis refragatur his, quæ loco Iosue adducto dicuntur de transitu populi facto die decima mensis primi. Propterea reiiciendam putamus memoratam Hebræorum opinionem; præsertim cum, eodem Masio ubi suprà teste, ipsi etiam Talmudici de die excessus Moyfi inter se dissentiant, multique eum, non mense Adar, qui proximè præcedit ipsum Nisan; sed in mense Sebeth, qui ante Adar est, è vita migrasse putent. Ponamus ergo, Moysem, ut diximus, vel in fine mensis vndecimi, vel in principio duodecimi obiisse: sic enim omnia fient consona, ut ex his quæ sub anno mundi proximo num. 7. & sequentibus dicemus, manifestum erit.

36. Ex eo autem quod suprà num. 34. dictum est, Moysem fuisse centum viginti annorum quando mortuus est, (ut etiam expressè traditur Deuter. cap. vlt. vers. 7. & ipsemet Moyses paulò ante obitum suum coram vniuerso populo contestatus fuerat cap. 31. vers. 2.) inferri potest, Israelitas ab exitu ipsorum de Ægypto peregrinatos esse per desertum annis quadraginta, & non amplius: Quod sic colligi potest. Nam si Moyses octoginta erat annorum, & Aaron octoginta trium, quando locuti sunt ad Pharaonem ut dimitteret populum, quemadmodum conceptis verbis habemus Exod. cap. 7. vers. 7. & vterque hoc eodem anno ab exitu quadragesimo mortuus est, nimirum Aaron mense dicti anni quinto, die prima mensis, cum ipse esset annorum centum viginti trium, ut dicitur Num. cap. 33. vers. 38. Moyses verò in fine mensis vndecimi eiusdem anni, cum esset annorum centum viginti, ut suprà dictum est: & post obitum luctumque eiusdem Moyfi, videlicet mense Nisan, qui erat primus Anni sacri, paulò antè inchoato, ingressus est populus in Terram promissionis, ut numero præcedenti probauimus: profectò necesse est, ab exitu de Ægypto ad dictum introitum in terram Chanaan, non plus quadraginta annis interfuxisse, sed potius ad anni quadragesimi complementum defuisse dies quinque: quandoquidem die decimaquinta mensis Nisan exierant Israelitæ de Ægypto, quemadmodum sub anno mundi 2544. num. 20. ostendimus; & anno, ut diximus, quadragesimo, die eiusdem mensis decima, ascenderunt de Iordane, & ingressi sunt in terram Chanaan. Vnde inferri potest, non esse in hac parte recipiendam lectionem LXX. Interpretum Iosue cap. 5. quæ habet, populum quadraginta duobus annis conuersatum esse in deserto; licet sic quoque referat locum illum S. Augustinus quæst. 6. in Iosue. Nam præterquam quod manifestè repugnat rationi ex alijs Scripturæ sacræ locis adductæ, aduersatur etiam lectioni Hebraicæ & Latinæ Vulgatæ, & Paraphrasi Chaldaicæ, ut videre est in Bibliis Regiis; quin etiam illi eorumdem LXX. Interpretum lectioni, quæ in iisdem Bibliis Regiis habetur, omnes enim citati codices, in eodem Iosue loco, pro *annis quadraginta duobus*, habent *quadraginta*. & huic lectioni concordant plures alij sacræ Scripture loci, nimirum Exod.

ISRAELITAS NON AMPLIUS QUADRAGINTA ANNIS PERMANISSE IN DESERTO.

cap. 16. vers. 35. vbi dicitur, quòd *filij Israel comederunt man quadraginta annis, donec rangerent fines terræ Chanaan*: & idem aliis quoque verbis refertur Iudith cap. 5. vers. 15. Præterea Numer. cap. 32. vers. 13. legimus, Dominum circumduxisse Israelitas per desertum annis quadraginta; & idipsum repetitur Deuter. cap. 8. vers. 2. & cap. 29. vers. 5. & Amos cap. 2. vers. 10. Insuper habemus Deuter. cap. 2. vers. 7. quòd Israel transiit solitudinem magnam per annos quadraginta. Item 2. Esdr. cap. 9. versic. 21. legimus: *Quadraginta annis paupisti eos in deserto, nihilq. eis defuit*. In Psalmo quoque 94. vers. 10. *Quadraginta annis* (inquit Dominus) *offensus fui generationi huic*. quòd & repetit Apostolus ad Hebr. cap. 3. vers. 10. Vix enim de Ægypto exierant, quando ad Mare rubrum murmurare cœperunt contra Dominum: & idem deinceps ex qualibet occasione faciebant. Vnde etiam Actorum cap. 13. vers. 18. benè dicebat Apostolus, quòd Deus *per quadraginta annorum tempus mores eorum sustinuit in deserto*. & denique cap. 7. vers. 36. asserbat S. Stephanus, quòd Deus fecit prodigia in deserto annis quadraginta. Ex quibus locis omnibus luce meridiana clariùs apparet, Israelitas quadraginta tantum annos moratos esse in deserto. Nec valet argumentum huic assertioni contrarium, quod quidam ex Num. cap. 14. vers. 33. desumunt, dicentes, ibi Deum anno secundo exitus de Ægypto dixisse Hebræis: *Filij vestri erunt vagi in deserto annis quadraginta, & portabunt fornicationem vestram*. & post pauca, idem confirmans, *Et quadraginta annis*, inquit, *recipietis iniquitates vestras*. Siergo (arguunt) à dicto tempore manserunt Israelitæ in deserto annis quadraginta, profectò necesse est eos ab exitu de Ægypto moram in deserto traxisse per annos ferè quadraginta duos. Non, inquam, valet hoc argumentum; quia reuerà post illam Domini sententiam contra filios Israel latam, ipsi non annos quadraginta errauerunt per illas solitudines, sed tantummodò annos triginta octo & menses circiter septem, vt ex tempore ferè haec notata colligi potest, & clariùs videre est in tabulis: Scriptura autem sacra loco Num. citato, vsurpans numerum perfectum pro imperfecto, appellauit eos quadraginta, quemadmodum à nobis sub anno mundi 2545. num. 66. probatum est. Quòd si quis adhuc replicet: Cur non potiùs hæc expositio applicanda est ceteris Scripturæ locis suprà alligatis, accipiendo illos quadraginta annos pro quadraginta duobus, sicuti communiter dicimus septuaginta Interpretes, licet fuerint septuaginta duo? Ad hoc respondemus, quòd regula vsurpandi numerum perfectum pro imperfecto, nullatenus potest dictis Scripturæ locis adaptari, propter argumentum superius deductum ab ætate Moysi & Aaronis, quando locuti sunt ad Pharaonem, & quando vterque vita functus est: quod quidem argumentum euidenter probat, Hebræos non plus quadraginta annis in deserto morari potuisse. & nos iam sub anno mundi 131. num. 4. vsque ad 8. multis demonstrauius, textum LXX. Interpretum, vbi cumque in numeris à Vulgato differt, censi fuisse corruptum.

37. Sed vt ad Moysen nostram redeat narratio, ex his quæ de ipso haec tenus dicta sunt apparet, totam eius vitæ seriem æqualiter in tres annorum quadragenas fuisse tripartitam, in quibus singulis plura circa ipsum memorabilia euenerunt. Nam in prima, vix natus sanctus iste vir, ab impiissimo illo Pharaonis edicto de pueris Hebræorum in flumen demergendis, mirabiliter præseruatus fuit. Deinde in aula regie nutritus ac educatus, liberalibus quoque Ægyptiorum disciplinis imprimè instructus atque institutus, tandem generosè aulam regiam vltro reliquit; magis eligens affligi cum populo Dei, quàm regis frui deliciis, maioresq. diuitias æstimans thesauro Ægyptiorum, improprium Christi, vt testatur Apostolus ad Hebr. cap. 11. vers. 25. hoc est, magis eligens, in typum Christi venturi, multa pati pro populo suo, vt eum de Ægyptiaca seruitute liberaret, quàm regis ipse affluens deliciis, relinquere in tribulationibus fratres. Denique, in signum quòd eum elegisset Dominus, per quem gentem suam ab Ægyptiorum oppressionibus liberam faceret, non timuit Ægyptium occidere, vt iniuriam Hebræo iniuste illatam vlcisceretur. Quamobrem coactus postea fuit ad terram Madianitarum aufugere, & ibidem multo tempore pauperem vitam ducere, vt consequenter dicemus. Secundam ætatis suæ quadragenam traduxit totam in regione Madian, vbi Sephoram, filiam Iethro Sacerdotis Madian, duxit uxorem, & ex ea duos filios genuit, Gersen scilicet & Eliezer; & ibidem creditur scripsisse sacram Genesim, vt Hebræos ad vestigia maiorum suorum, Abraham, Isaac, & Iacob sequenda prouocaret, eosq. pariter consolaretur, redigendo ipsos ad memoriam diuinas de illorum semine ab Ægyptiaca seruitute liberando repromissiones, eisdem patribus suis factas, ac iureiurando confirmatas. Sunt etiam qui in eadem terra Madian librum Iob ab eodem

VITA MOYSI
IN TRES
ANNORVM
QVADRA-
GENAS PAR-
TITA.
QVAE IN
PRIMA EYE
NERINT.

LOCVS APO-
STOLI EX-
PLICATVR.

QVID EGE-
RIT IN SE-
CVNDA.

eodem Moyse confcriptum putent : quamvis probabilius videatur , id factum fuisse post eductum iam de Ægypto Israellem , vt nos sub anno mundi 2503. num. 3. ostendimus . Denique diuina illa rubi ardentis & minimè deficientis visione in monte Horeb dignatus , inde ad Pharaonem à Deo missus fuit , vt cum illo de Israele à se dimittendo ageret . In tertia autem eademque postrema annorum vitæ suæ quadragesima , cum in signis mirabilibus magnisque portentis Israeliticum populum de Ægypto eduxisset , diuinasque Leges ab ipso tempore Deo acceptas docuisset , eundem populum toto reliquo vitæ suæ tempore rexit , duxitque per desertum , vt iret ad Terram promissionis : quo tempore Moyse non modò librum Iob , & fortè etiam librum Genesim scripsisse creditur , vt sub anno mundi 2503. n. 3. ostendimus ; sed etiam scripsit alios quattuor Pentateuchi libros , videlicet , Exodi , Leuitici , Numerorù , & Deuteronomij . Nam quem admodum ex sub anno mundi 2545. num. 10. dictis apparet librum Leuit. scriptum ab ipso esse in Sinai , mense 1. anni 2. ab exitu populi de Ægypto ; & ex his quæ sub hoc anno mundi 2583. num. 32. diximus , constat Deuteronomium ab eodem fuisse scriptum in postrema populi mansione facta in campestribus Moab , mense vltimo vitæ ipsius Moyfi ; ita credendum est , cetera quæ in aliis duobus eius libris , nempe Exodi & Numerorù continentur , scripta fuisse in deserto singillatim , prout ea ibidem agi contingerat . Demum Moyse deuictis deletisque Amorrhæis , & populo ad Chanaanæ fines feliciter perducto , suffectoque sibi Iosue in Ducem , gloriosè diem suum clausit . Cuius celeberrimi viri , simul & præstantissimi Prophetæ , ac primi Israelitarum Ducis , sanctitas quanta fuerit , optimè declarat breuis illa quidem , sed valdè præclara eius laudatio , quæ habetur Ecclesiastici cap. 45. vers. 1. in hæc verba : *Dilectus Deo & hominibus Moses , cuius memoria in benedictione est ; similem illum fecit in gloria sanctorum* (subaudi Patriarcharum , Abraham , Isaac , & Iacob) *& magnificauit eum in timore inimicorum , & in verbis suis monstrâ placauit* (hoc est , multas portentosasque populi seditiones sedauit , plagasque sanauit) *glorificauit eum in conspectu Regum , & insuit illi coram populo suo* (nimirum quando loquebatur ei de columna nubis , cunctis eamdem columnam videntibus , vt sub anno mundi 2544. nu. 52. dictum est) *& ostendit illi gloriam suam . In fide ipsius (erga Deum) & lenitate (erga proximū) sanctum fecit illum , & elegit eum ex omni carne ; audiuit enim eum , & vocem ipsius , & induxit illum in nubem , & dedit illi coram præcepta , & legem vitæ & discipline , docere Iacob testamentum suum , & iudicia sua Israel .* hæc tenus verba Ecclesiastici . Quibus adde , si placet , ea quæ Spiritus sanctus , pri-

QVID IN
TERTIA.

LIBRI AB
EO SCRIPTI,
QUANDO ET
VBI.

MOYSIS LAU-
DATIO A-
PVD ECCLE-
SIATICVM.

EX ABIE-
CTIS IN
CALCE DEU-
TERONO-
MII.

38. Verum præter ea quæ ex Sacro eloquio dicta sunt , plura etiam de Moyse tradiderunt Iosephus & Philo , præcipui Iudæorum Scriptores ; ille in suis Antiquitatum libris , præsertim 2. 3. & 4. lib. 2. Contra Apionem , & alibi : hic verò in his tribus quos de Vita Moyfi inscripsit , & in alio item cui titulus est , de Decalogo . Quin etiam antiquissimi Ethnicorum in suis scriptis tanti viri mentionem facere non neglexerunt , licet in multis (vt solent) à veritate in Sacris libris tradita discordent . Quamquam autem nonnulli (nescio num ex falsa relatione decepti , an propria acti malitia , vel potius dæmone inprimis suggerente , vt salutaria tanti viri monita , & aliorum sanctorum , quorum gesta ipse commemorat , Gentibus exosa facerent) quædam indigna eidem Moyfi eiusque populo perperam falsoque adscribere non sunt veriti , vt Manethon Ægyptiacæ historiae Scriptor , qui Moysen vnum ex Heliopolitanis Sacerdotibus facit , illuc ob lepram fugatum ; cuius mendacia redarguuntur à Iosepho sub finem libri 1. Contra Apionem : & Trogus Pompeius apud Iustinum lib. 36. qui de Moyse ait , quòd cum scabiem Ægyptij & pruriginem paterentur , responso moniti , eum cum ægris , ne pestis ad plures serperet , terminis Ægypti pellunt : & quòd Dux exulum factus , sacra Ægyptiorum furto abstulit ; quæ repetentes armis Ægyptij , domum redire tempestatibus compulsi sunt : & item Iudæos , quoniam metu contagionis pulsos se ab Ægypto meminerant , ne eadem causa inuisi apud incolas forent , capisse ne cum exteris communicarent . Plura eiusmodi alia eleganter mentitur Cornelius Tacitus lib. Anna-
lium 2. ubi agit de Iudæis , & plurimos quoque alios Auctores sibi consentire asserit , nimirum sibi similes , ac veræ religioni aduersantes .

EX IOSEPHO
ET PHILO-
NE.

CVR QVI-
DAM GEN-
TILIUM IN-
DIGNA DE
MOYSE SCRIP-
SERINT.

GENTILIVM
AVCTORES
QVI HONO-
RIFICENT DE
MOYSE LO-
CVTISVNT.

39. Verumtamen non defunt alij Gentilium Scriptores, præcipuè Græci, qui honorificè admodum de ipso Moyse locuti sunt; nempe Clearchus Peripateticus, Megasthenes, Numenius Pythagoricus, & alij à Iosepho in libris Contra Apionem, & ab Eusebio de Præparatione Evangelica lib. 9. cap. 3. specialiter relati, quorum Numenius asseruit, Platonem atque Pythagoram Moylis dogmata fuisse sectatos; & nihil aliud esse Platonem, quàm Moysen Attica lingua loquentem. His adde Eupoleum & Artapanum, qui (eodem Eusebio cap. 4. citati eius libri referente) aiunt, Moysen Ægyptiis litteras tradidisse, aliaque ibidem commemorata ad commune bonum instituisse; & propter Sacrarum litterarum interpretationem, Mercurium appellatum, indeque factum esse, ut ab ipsis quasi Deus coleretur. S. Cyrillus Alexandrinus lib. 1. contra Iulianum attestatur, Moysen Græcorum Historicis fuisse notissimum, aliaque ipsorum de ipso Moyse illustria profert testimonia, nempe Polemonis, & Ptolemæi Mendesi, & Hellanici, & Philocori, Castorisque, ac præsertim Diodori asserentes eundem Moysen virum magnæ mentis, & vitæ celeberrimum, etiam Deum fuisse nuncupatum. Demetrius quoque Phalereus, & ipse Peripateticus, Moylis libros coram Philadelpho Ægypti Rege plurimum commendavit; & eius suasu Rex eisdem & reliquos Iudæorum Sacros libros à LXX. Interpretibus in Græcum sermonem verti, atque in Bibliotheca sua toto orbe celeberrima reponi curavit, ut in Aristæ Historia legimus, non procul ab initio. Libet hic etiam ad verbum adferre, quæ de ipso Moyse scriptum reliquit Strabo, Geographiæ suæ lib. 16. *Moyse*, inquit, *vnus ex Ægyptiis Sacerdotibus, cum partem quamdam regionis haberet, ac molestè ferret præsentem statum, inde huc (hoc est in Iudæam) commigravit, multis cum comitantibus, quibus diuina cura erant. Affirmabat enim docebatque Ægyptios non rectè sentire, qui bestiarum ac pecorum imagines Deo tribuerent; itemq. Afros & Græcos, qui diis hominum figuram assignerent. Id verò solum esse Deum, quod nos, & terram ac mare continet, quod celum & mundum, & rerum omnium naturam appellamus. Cuius profectò imaginem, nemo sane mentis, alicuius earum rerum quæ penes nos sunt, similem audeat fingere. Proinde omni simulacrorum effigione repudiata, dignum ei templum ac delubrum constituendum, ac sine aliqua figura colendum. Qui castè ac iuste viuunt, eis bona somnia offerri. Debere itaque & pro se & pro aliis dormire in templo, & à Deo subinde aliquid doni atque iudicij expectare, ceteris nihil sperandum. Talia Moyses dicens hominibus bonis fidem fecit, inq. ea loca deduxit, vbi nunc condita sunt Ierosolyma, quæ facile obriquit, & post pauca: Interim loco armorum sacra & Deum prætendebat, cui se dicebat sedem querere, & eiusmodi cultum & sacrificia traditurum pollicebatur, quæ nec impensa, nec furoribus, neque re vlla absurda cultores perturbarent. Hæc ille cum suis probasset, non contemnendum est adeptus imperium. Facile enim Gentes omnes finitima, tanta proposita spe, & huiusmodi consuetudine ductæ, se adiunxerunt. hætenus Strabo. Cui postulus Diodorum Siculum attexere, penes quem quantæ existimationis fuerit Moyses, vel ex eo colligi potest, quòd libro Rerum Antiquarum secundo, sub finem capituli 5. eundem inter præcos ac primarios variarum Gentium Legislatores connumerat, & ait, quòd apud Iudæos Moyses ab Iao, quem Deum vocant, acceptas leges præseferebat.*

EXPOSITVR
DICTVM
ORIGENIS
DE MOYSE.

CVR DE LE-
GE MOYSAT
CA GENTI-
LES NON ME-
MINERINT.

ALIAE MOY-
SI LAVDÆ
EAB ALIIS
AVCTORI-
BVS ATTRI-
BVTÆ.

40. Ex his omnibus inferri posset, hallucinari Origenem Homilia 1. in Cantica Canticorum, vbi ait, neminem Græcorum, aut vllam Gentilium litterarum Historiam, ante Christi aduentum, Moylis meminisse. Nisi fortè ibi Origenes, Moyli nomine, (quemadmodum fit Actorum cap. 15. versic. 21.) libros eius intelligi maluit, alludens ad dictum Ptolemæi Regis, qui audita Lege Moylis, valde admiratus Legislatoris mentem, dixit ad Demetrium: Quare tanti operis nullus Historiographorum aut Poëtarum aggressus est mentionem facere? Cui ille: Quia ista Lex est sacrosancta, & diuinitus lata; tum quia nonnulli aggressi, diuina plaga terri, ac instituto destiterunt. Atque illic exempla subiungit de Theopompo Historico, & Theodecte Tragico Poëta, quorum alter cum vellet in suam Historiam, alter verò in quamdam suam fabulam, quædam ex dicta Lege inferere: ille, Dei providentia, sanitatem, hic visum amisit, donec vtrumque, agnita audaciæ ac temeritatis suæ culpa, facti attentati poenituit. Quæ latius narrat Aristas sub citata Historiæ suæ finem. Alias item, cur libri Moylis numquam aut rarò ab Ethnicis Scriptoribus allegati inueniantur, causas addit Genebrardus libro suæ Chronologiæ primo; vbi etiam Moysen Poëtis omnibus præluxisse demonstrat. Denique Iosephus in Proœmio librorum Antiquitatum, ipsum Moysen ante omnes Græciæ deos, eorumque ætates extitisse ait. (quod tamen probari non

non posse, colligi potest ex his, quæ nos sub annis mundi 2092. num. 1. & sub anno 2458. num. 2. diximus;) & libro 2. Contra Apionem, cunctis mundi Legiflatoribus Moysen vetustiore facit. Et Eusebius lib. 10. de Præparatione Evangelica cap. 3. & in Præfatione sui Chronici, & item nouissime Pererius in Præfatione Commentariorum suorum in Genes. & in cap. 2. Exod. disput. 3. pluribus probant, Moysen Lino, Orpheo, Musæo, Homero, Pythagora, Anaxagora, Democrate, Hippocrate, Socrate, Platone, Aristotele, aliisque vel Theologicæ, vel Philosophicæ; vel Astrologicæ, vel Poëticæ, vel Oratoriæ, vel Medicæ, vel Historicæ facultatis laude inter Græcos maximè celebratis, multò fuisse antiquiorem; & in summa, omnium quorum nunc extant scripta, vel quorum nomen in Gentilium scriptis proditum sit, primum fuisse Theologum, Philosophum, Poëtam, & Historicum. Et hæc de Moysæ dicta sufficiant.

AB ORBE CONDITO QVARTÆ MVNDI ÆTAT.

ANNVS 2584.

ANNVS 41.

A NNO ab exitu Israël's de Ægypto quadragesimo primo inchoante, Iosue filius Nun, qui, vt dicitur Num. cap. 13. vers. 9. erat de tribu Ephraim, exerce-
re cœpit Principatum in populo Israel, loco Moysi; & repletus est spiritu sapientiæ; quia Moyses posuerat super eum manus suas: & obediens ei filij Israel, feceruntque sicut præceperat Dominus Moysi, Deuter. cap. vlt. vers. 9. Oportet autem hunc annum cœpisse à mense Nisan, qui erat primus Anni sacri, vt sub anno mundi 2544. num. 12. dictum est: nam Iosue cap. 4. vers. 19. dicitur populus ascendisse de Iordane decima die mensis primi: & cap. 3. vers. 15. legimus, quòd quando populus transiuit Iordanem, erat tempus messis: messem autem frugum temporalium vel etiam serotinarum in illis regionibus incipere quodammodò consueuissè in mense Nisan, iam sub anno mundi proximè adducto num. 10. probauimus. Quamquam non semper eodem modo id euenire consueuerat, propter festum Paschæ, quod (iuxta sub dicto mundi anno num. 10. declarata) quandoque nonnihil præcedebat, quandoque subsequabatur Æquinoctium vernale. Nam quando incidebat quindecim ferè diebus post dictum Æquinoctium (vt in hoc ipso, de quo nunc agimus, anno euenissè credimus) tunc proculdubio segetes circà medietatem dicti mensis primi vt plurimum maturæ erant & aridæ, ac reuerà messis incipiebat. Quando autem Pascha præcedebat tredecim panè diebus ipsum Æquinoctium, tunc quoque quodammodò, & minùs propriè, primus mensis dicebatur tempus messis: tum quia, licet tunc spicæ adhuc essent virides, & nondum prorsus aptæ ad messem, tamen cogebantur, pro manipulis die decimasexta eiusdem mensis (vt præcipitur Leuit. cap. 23. vers. 10.) offerendis, tunc primum falcem mittere in segetem; vt colligitur Deuter. cap. 16. vers. 9. & eo casu tenebantur spicas priùs igni torrere quàm deferre ad Sacerdotes, quemadmodum sub anno mundi 2545. num. 43. ex Iosepho diximus, & expresse traditur Leuit. cap. 2. vers. 14. Tum etiam, quia tunc messis erat valdè proxima: solebat enim reuerà incipere vel sub finem mensis primi, vel circa initia secundi. Etenim rationi consonum est credere, quòd si spicæ secunda Azymorum die maturitati adèdò appropinquabant, vt ad ignem aliquantulum tostæ, suauiter edi. possent; vtique etiam post dies quindecim, in illis præsertim regionibus valdè calidis, maturæ prorsus essent ad messem, quæ deinceps perdurabat saltem vsque ad initia mensis tertij, id est, vsque ad Pentecosten, in qua secundum Legem offerendi erant panes primitiarum, quemadmodum præcipitur cap. Leuitici 23. versic. 15. vsque ad 18. Fieri etià potest, vt messis frugum serotinarum quandoque ob temporum varietates, non nisi circa festum Pentecosten inciperet, quemadmodum supponere videtur S. Ioan. Chrysostomus initio Homil. 4. in Acta; dicens: *Quæ est hac Pentecoste? cum falx mittenda esset in messem, cum fructus essent colligendi, &c.* Igitur, vt diximus, ab hoc primo mense Anni Hebræorum sacri, initium sumpsit annus primus principatus Iosue, qui pariter fuit primus annus ab introitu Israelitarum in Terram promissionis, vt videre etiam in tabulis.

2. Ab hoc eodem anno, annos remissionis, quos vocant Sabbaticos, & item Iubileo-
rum dinumerandos esse, præceperat Dominus Leuit. cap. 25. vers. 2. & sequentibus. Quod & colligi potest ex Deuter. cap. 31. vers. 10. vbi Moyses, paulò antequam ipse moreretur, populūque terram Chanaan ingrederetur, indicauit annum remissionis

INITIUM
PRINCIPA-
TVS IOSVE,

INCHOAN-
TE MENSE
NISAN.

SABBATICI,
ET IUBI-
LEORVM AN-
NI VNDEN-
NARIANDI.

siue Sabbaticum, post septem ab eo tempore annos fore celebrandum, id est, septimo anno introitus populi in Terram promissionis. Vnde miror, Eusebium in Chronicis supponere, Hebræos à creatione mundi Iubileos supputari consueuisse, & Iubileum quadragesimum primum ab anno vitæ Abraham quinquagesimo primo exordiri. Nam etsi constet aliqua ex his, quæ postea in Lege præcepta sunt, prius quoque in usu fuisse, ut patet de circumcisione Genes. cap. 17. vers. 10. & Leuit. cap. 12. vers. 3. & de suscitando fratris defuncti semine Genes. cap. 38. vers. 8. & Deuter. cap. 25. vers. 5. attamen de obseruantia annorum remissionis, nihil tale ex Sacris libris probare possumus. Et quidem si annorum Sabbaticorum Iubileorumque ritus semper apud Hebræos, vel ab orbe condito, vel saltem ab ipsorum introitu in terram Chanaan, iugiter fuisset in usu, magnum profecto adiumentum asferret ad rationem temporum ritè dimetiendam, certiusque comprobendam. Nam quemadmodum apud Græcos Olympiades, quarum vnaquæque quattuor annorum spatio distendebatur, & apud Romanos olim Lustra, quæ singula quinque annos continebant, & si quæ penes ceteras nationes aliæ eiusmodi temporum mensuræ usitatæ fuerunt; ad ipsa tempora facilius accuratiusque dimetienda, plurimum contulisse certissimum est: quemadmodum apud nos etiam nunc Indictiones, quæ ex quodam numerorum circuitu, ab vno usque ad quindecim semper deinceps repetito, resulant, & quarum frequens admodum est usus in Diplomatis, & scripturis publicis, plurimum conferunt ad fidem annorum à Christo nato faciendam roborandamque: ita etiã apud Hebræos illa temporum partitio per annos septenarios & quinquagenarios, valde admodum præcorum illam temporum seriem cognitionemque illustraret, si inquam iugiter obseruata fuisset: sed id non facit, quoniam illa, sicut & aliæ multæ legales obseruantie, tum propter frequentem Israëlitarum ad idola declinationem, tum ob bella & captiuitates quæ illis contigerunt, & aliquando item ob Legis ignorantiam, ac ipsorum negligentiam, vel sapissimè relicta intermissæ fuit, vel fortè etiam ferè numquam ante Babylonicam captiuitatem usu retenta. Quod videtur prænuntiaturum fuisse Leuit. cap. 26. vers. 34. vbi legimus: *Tunc placebunt terra sabbata sua cunctis diebus solitudinis sue; quando fueritis in terra hostili, sabbatizabit, & requiescet in sabbatis solitudinis sue, eò quod non requiesceritis in sabbatis vestris quando habitabatis in ea.* & est ac si dictum fuisset: Quando propter peccata vestra ducti eritis in terram hostilem, hoc est in Babylonem captiui; tunc terra Israel sabbatizabit & requiescet, & quodammodò complacebit sibi de solitudine & quiete sua. quare hoc? quia (inquit) vos quando habitabatis in ea, propter inobedientiam & auariciam vestram non permisistis eam in Sabbaticis ac Iubileorum annis requiescere, quemadmodum vobis mandatum fuerat. Et hoc idem colligi ac confirmari potest ex 2. Paralip. cap. vlt. vers. 21. vbi fit mentio Babylonicæ seruitutis duraturæ, donec celebraretur terra sabbata sua. & statim subiungitur, quòd tunc ipsa terra Israel egit sabbatum cunctis diebus desolationis sue, usque dum complerentur septuaginta anni, id est, quòd toto illo septuaginta annorum tempore mansit inculta: nam licet Nabuzardan reliquisset in Iudæa pauperes vinitores & agricolas qui exercerent terram, tamen non multò post occiso ipsorum Præfecto Godolia, fugerunt omnes in Ægyptum; ut videre est 4. Reg. cap. vlt. vers. 12. & 25. & tunc terra illa sine villo prorsus cultore relicta est. Videtur ergo ex dictis quodammodò colligi posse, præfatum terræ Sabbatismum, quòd per annos septuaginta continuos perdurasse dicitur, fuisse etiam à Deo permillum, in supplementum, pro Sabbaticis à Iubileorum annis sine Sabbatismo antea transactis. Quod si ita est, possumus insuper satis probabiliter colligere, ex decem & septem Iubileis, & centum viginti tribus annis Sabbaticis, qui (ut in fine tabularum Quintæ mundi ætatis apparet) ante captiuitatem Babylonicam celebrari debuerant, septuaginta sparsim annos, sine cessatione à cultura terræ, fuisse præteritos: non quidem, ut arbitror, omnes successiuè, sed interpolatis vicibus, prout ferebant tempora, in quibus quandoque magis, quandoque minus vigere videbatur Dei cultus, aut idolorum seruitus; eosque postea in iugi illa septuaginta annorum captiuitate fuisse suppletos.

RATIONI
TEMPORVM
PLVRIMVM
CONDVCE-
RENT, SI
SEMPER
EVISSENT
IN VSU.

FORVMDEM
OBSERVAN-
TIA SÆPES
INTERMIS-
SA.

CVR IN SA-
CRIS LI-
BRIS, ET A-
PVD IOSE-
PHVM RARO
COMMEMO-
RATA.

3. Itaque si non iugiter viguit Iubileorum annorumque Sabbaticorum obseruatio, non mirum est si raro admodum, nempe bis tantum, eiusdem actualis obseruantie Scriptura sacra meminerit, nimirum semel Ieremiæ cap. 34. vers. 9. usque ad 17. & iterum 1. Machab. cap. 6. vers. 53. Et similiter, si Iosephus ter dumtaxat (quòd ipse obseruauerim) videlicet 12. Antiq. cap. 14. & lib. 13. cap. 15. & lib. 14. cap. 28. illius mentionem fecerit, ut nos sigillatim sub annis mundi 3444. num. 8. & 3892. num. 4. & 3920. num. 1.

num. 1. & 4018. num. 2. adnotabimus. Iubilei autem actu celebrati, nusquam (quod ego aduerterim) neque Scriptura sacra neque Iosephus expresse meminerunt: nisi quod Iosue cap. 6. vers. 4. & 13. obiter fit mentio de septem buccinis, quarum, inquit, usus est in Iubileo. Quibus verbis videtur non obscure insinuari, ipsius Iubilei obseruantiam fuisse usu receptam, saltem à temporibus Iosue, vsque ad tempus, quo liber & gesta eius postmodum siue à Samuele, siue ab aliquo alio, (vt sub annis mundi 2590. num. 4. & 2593. num. 3. probabimus) fuisse conscripta: ad quod tempus memorata libri Iosue verba necessariò sunt referenda. Nam quæ ibidem narrantur, gesta sunt anno hoc primo introitus Israelis in terram Chanaan, quemadmodum infra num. 12. patebit: quo tempore proculdubio non poterant dictæ buccinæ in usu esse pro anno Iubilei, quandoquidem certum est, primum Iubilei annum fuisse à memorato introitu quinquagesimum, vt numero præcedenti ostensum est. Igitur, quamuis clarum sit, ab eiusmodi Sabbaticis Iubileorumque annis parum adiumenti ad sacram Chronologiam confirmandam posse desumi, nihilominus, ne quidquam prætermisum videatur, quod ad sacrorum temporum rationem quoquomodò pertinuisse videri possit, ab hoc eodem anno primo introitus Israelitarum in Terram promissionis, Æram in nostris tabulis deducendam duximus; ex qua facile erit, omnes & singulos Sabbaticos Iubileorumque annos propriis temporibus locisque assignare, ibidemque notatos adinuenire; non quos Hebræi semper obseruauerint; sed quos, ad formam Moyseicæ Legis, obseruare debuissent. Neque id omnino erit superfluum atque inutile: quandoquidem nostram quoque temporum rationem hisce Annalibus initam, nonnihil illustrare ac confirmare poterit, si (vt res ipsa docebit) paucos illos remissionis annos, in sacra Scriptura & apud Iosephum (vt diximus) memoratos, ab ordine aliorum, qui in eadem Æra notati sunt, non discrepare, sed cum ipsorum continuata serie adamussim conuenire, ac propriis locis competere comperiemus.

AERA AN-
NORVM SAB-
BATICORVM
AB HOC AN-
NO DEDUCEN-
DA.

4. Sed hæc, posteaquam de Sabbaticis Iubileorumque annis agere cœpimus, dicamus aliquid de ratione qua putari consueuerant; deinde, quonam anni tempore incipere compleri que solent; & demum, quænam in ipsis obseruanda essent: ad hæc enim tria capita videtur posse reduci fere omnia ad ipsos pertinentia. Quod attinet ad primum, Tribus modis Sabbatici Iubileorumque anni videntur potuisse computari: Vno modo, ita vt annus Iubileus semper coincideret cum septimo anno Sabbatico, dicereturque quinquagesimus, computato præcedentis Iubilei anno, quemadmodum dies Dominicus dicitur octauus, computato præcedentis Dominicæ die. Altero modo, ita septimus annus Sabbaticus, qui erat quadragesimus nonus, semper transferri soleret in annum sequentem, qui erat quinquagesimus & Iubileus, & consequenter, annus quinquagesimus septimus semper esset primus annus Sabbaticus post Iubileum; ac sic singulæ annorum centuriæ, quattuordecim præcisè annos Sabbaticos complecterentur, & verbi gratia, septem Iubilei, hoc est anni trecenti quinquaginta, quadraginta nouem dumtaxat annos Sabbaticos continerent. Tercio denique modo, ita vt iugiter anni Sabbatici per annorum hebdomadas, & anni Iubilei seorsum per singulos annos quinquagenarios computarentur, atque hoc pacto septem Iubilei non quadraginta nouem, sed quinquaginta annos Sabbaticos complecterentur: Primus modus non leues patitur difficultates; nam sic annus quinquagesimus semper bis in supputatione assumeretur; & partitio temporum per Iubileos, non esset per annos quinquagenarios, sed per quadragenarios ac nouenarios, quod à communi sensu videtur valde alienum. Deinde ista computandi ratio videtur aduersari Scripturæ sacre, quæ manifestè distinguunt annum quadragesimum nonum ab anno Iubilei, quem dicit esse quinquagesimum. Nam Leuit. cap. 25. cum vers. 8. dixisset: *Numerabis quoque tibi septem hebdomadas annorum, id est septies septem, quæ simul faciunt annos quadraginta nouem.* post pauca, videlicet vers. 10. subiungit: *Sanctificabisque annum quinquagesimum, &c. ipse est enim Iubileus.* vnde patet, non annum quadragesimum nonum, sed quinquagesimum fuisse annum Iubilei. Idem colligitur ex eodem Leuitici capite, vbi cum vers. 4. præcepisset Hebræis Dominus, ne in anno septimo, qui erat Sabbaticus, agros fererent vineasve putarent; postea vers. 11. iubet idem esse obseruandum in anno Iubilei: quod si annus Iubilei semper incidisset in annum Sabbaticum, superflua profectò fuisset huius præcepti repetitio: ex hac ergo noua quietis indictione apparet (inquit Caietanus) annum Iubilei non fuisse septimum septimæ annorum hebdomadæ annum, hoc est quadragesimum nonum, sed ab exacto præcedenti Iubileo quinquagesimum. Contra secundum supputandi modum faciunt tria loca Iosephi superius num. 3. citata, in quibus

QVOT MO-
DIS SABBA-
TICI IUBI-
LEORVMQUE
ANNI SVP-
PV TARI
POSSINT.

EXPENDI-
TVR PRI-
MVS SV-
PV TANDI
MODVS.

EXPENDI-
TVR SECVN-
DVS.

fit

REFUTATIS
PRIMIS
DVORVS RE-
CIPITVR
TERTIVS.

fit mentio de tribus annis Sabbaticis, diuersis temporibus celebratis; & constat (vt in nostris tabulis supputari potest) à primo anno Sabbatico ad secundum qui ibidem memorantur, fluxisse annos vigintiocto; & à secundo ad tertium, annos nonaginta octo, qui omnes per septem diuisi nihil relinquunt. Ex quo fit manifestum, quod anni Sabbatici semper eodem modo per integras annorum hebdomadas computabantur, nulla Iubileorum habita ratione: non igitur, verbi gratia, septem Iubilei, hoc est anni trecenti quinquaginta, quadraginta nouem tantummodò annos Sabbaticos continebant, sed quinquaginta. Restat itaque tertius computandi modus, quem putamus fuisse legitimum, & olim vñtatum, vt ex citatis Iosephi locis satis euidenter comprobari potest. Et hinc inferitur, aliud esse metiri tempora per annos Sabbaticos, hoc est per annorum hebdomadas; & aliud per Iubileos, id est per annos quinquagenarios. Nam licet in septimo quoque Iubileo, qui trecentesimo quinquagesimo quoque anno incidebat, semper ipse Iubileus coincideret cum anno Sabbatico, de cetero numquam talis concursus occurrebat; quia primus Iubileus incidebat in primo anno, qui immediate sequebatur ad septimum annum Sabbaticum; & secundus in secundo anno, post decimumquartum annum Sabbaticum; & tertius in tertio, post vigesimum primum annum Sabbaticum; & sic de aliis vsque ad septimum Iubileum, qui, vt dictum est, concurrebat cum quinquagesimo anno Sabbatico. Et deinde rursus ordine repetit, eodem modo in secundo, & in reliquis Iubileorum septenniis, quemadmodum successiue in nostris tabulis adnotatum videri poterit. Vnde consequitur, Hebræos aliquando debuisse frequentius cessare à cultura terræ, quàm septimo quoque anno, nimirum quando annus Iubileus incidebat intra duos annos Sabbaticos: tunc siquidem octo annorum spatio, tres anni erant sabbatizandi; videlicet primus & octauus, qui erant Sabbatici; & vnus ex medijs, qui erat Iubileus. Neque obstat quod dicitur Exod. cap. 23. vers. 10. & Leuitici cap. 25. vers. 3. *Sex annis seres agrum tuum, & sex annis putabis vineam tuam, colligesq; fructus eius, septimo autem anno Sabbatum erit terræ, requietionis Domini, agrum non seres, & vineam non putabis.* nam hoc intelligi debet ordinariè, nò autem quando inter duos annos Sabbaticos incideret Iubileus. Siquidem de anno Iubilei simile præceptum, nimirum sabbatizandi, dedit Dominus ibidem vers. 11. Non item his quæ dicta sunt officit, quòd neque in Sacris libris, neque apud Iosephum aut Philonem, aliòve ex antiquis, qui de rebus Iudaicis scripsere, reperiatur, Hebræos vmquam vel duobus annis continuis, vel tribus interpolatè, intra vnicum (vt ita dixerim) octennium sabbatizasse: quia quemadmodum suprà num. 2. probatum est, rarissimè Hebræi hanc annorum Sabbaticorum Iubileorumque legem obseruauerunt, & fieri potest, vt fortasse numquam bis aut ter vnicò octennio à cultura terræ cessare voluerint, ideoque nulla de hoc à Scriptoribus facta sit mentio.

A VERE AN
AB AUTVM-
NO INCHOA-
RI SOLE-
RENT AN-
NI REMIS-
SIONIS.

5. Ad id quod secundo loco discutiendum proposueramus, Primò quidem videtur dicendum, Sabbaticos Iubileorumque annos non ab Autumno, sed à Vere fuisse inchoandos: nam Iosephus 1. Antiq. cap. 4. ait Moysen ordinasse, vt Nisan, qui erat primus mensis verni temporis, esset exordium anni in his quæ ad rem diuinam pertinerent; atqui obseruatio annorum Iubilei & Sabbaticorum, qui erant veluti quidam anni festiui, proculdubio ad rem diuinam pertinebant, ergo iuxta morem anni sacri, à Nisan initiu fumere debebant, & ad ipsum terminari. Præterea Leuitici cap. 25. v. 20. promissit Dominus, pro anno septimo dare in anno sexto fructus triplicatos, dicens: *Quòd si dixeritis: Quid comedemus anno septimo, si non seuerimus, neque collegerimus fruges nostras? Dabo (subdit) benedictionem meam vobis anno sexto, & faciet fructus trium annorum, seretisq; anno octauo, & comedetis veteres fruges vsque ad nonum annum, donec noua nascantur, edetis vetera.* hucusque verba Sacri textus. Ad quid igitur, obsecro, pro vnus anni Sabbatismo promittit Dominus dare fructus trium annorum? nam si annus Sabbaticus inchoari debuisset ab Autumno; nòne satis fuisset promittere ac dare anno sexto fructus duorum annorum, hoc est pro anno septimo & octauo? Ita est profectò; siquidem expleto anno septimo qui erat Sabbaticus, statim potuissent serere fructus suos inchoante anno octauo, & eisdem sub finem eiusdem met anni colligere. Ex illa ergo promissione fructuum trium annorum, videtur posse inferri, annos Sabbaticos non ab autumnali, sed à verno tempore inchoari debuisse: ac propterea necessarium fuisse, vt possent sabbatizare totum annum septimum, quòd Dominus promitteret dare eis in Autumno anni sexti tantam fructuum vbertatem, quæ sufficere posset pro reliqua medietate eiusdem anni sexti, & pro toto anno septimo & octauo, & pro prima medietate anni noni, nimirum vsque ad primam messem vindemiamque in Au-

Autumno anni noni colligendam; & ratio est, quia in Autumno anni sexti, post collectionem fructuum, non opus erat serere agros, vineasve putare, quoniam in anno septimo prohibebantur metere aut vindemiare: & quia in eodem quoque anno septimo non poterant serere aut colere terram, nihil remanebat in octavo anno metendum aut vindemiandum, nisi sponte nata, quæ vers. 5. & 11. citati capituli, meti aut vindemiari verita erant, sed ad quotidianos tantum necessariosque usus, præcipue pauperum, à quocumque paulatim colligi permittebantur. Igitur post elapsum annum septimum, tempus ordinarium ferendi nouas fruges, & colendi vineas, non incidebat nisi in Autumno anni octauæ: & tempus easdem colligendi, nisi appropinquante Autumno anni noni; & consequenter oportebat eos edere de fructibus anni sexti, ferè vsque ad medietatem anni noni. His tamen non obstantibus, Iosephus Scaliger lib. 5. de Emendatione temporum in cap. De primo anno Sabbatico, eundem ab Autumno aufpicandum censet; & Caietanus super Leuitici cap. 25. idem sentit de anno Iubilei, quòd scilicet inciperet ab anno, vt ipse ait, agriculturæ, hoc est à tempore arandi ac seminandi terram, nempe ab Autumno. Pererius quoque lib. 1. in Genes. vbi disputat, An mundus verno tempore fuerit conditus; vtrosque nimirum tum Sabbaticos tum Iubileorum annos (idem enim de vtrisque iudicium ferri debet) ab Autumno exordiendo esse affirmat. Quibus aliisque eamdem sententiam sequentibus, nos quoque assentiri cogimur; non propter rationem Pererij, ne scilicet (vt ipse ait) fruges & prouentus terræ sexti anni, quæ mense Nisan in Palæstina maturæ ad messem non erant, prorsus perirent. Quia dato quòd dicti anni à Vere cœpissent, Hebræi post messem anni sexti non seuisissent; non quia tunc id vetitum esset, sed quia frustra quodammodò id fecissent: quandoquidem anno sequenti prohibebantur metere fructus ex satione prouenientes. Verum ad prædictorum Auctorum opinionem sequendam, duæ potissimum rationes me mouent. Altera est, quòd Leuit. cap. citato vers. 9. præcipit Dominus, vt mense septimo anni quadragesimi noni decima die mensis clangenter buccinis in vniuersa terra Israel, pro Iubilei denuntiatione: non enim assentire possum Abulensi & aliis dicentibus clangorem illum fuisse institutum ad lætitiæ Iubilei post sex menses incepturi exprimendam; siquidem nimis præpropere videretur fuisse ista denuntiatio: sed magis reor, dictum clangorem fuisse veluti sollemnem quamdam proclamationem Iubilei, tunc primum vel proximè incipientis, nimirum post festum Scenopegia, quod in exitu anni communis incidebat, vt patet Exod. cap. 23. vers. 16. & die decima quinta eiusdem mensis celebrabatur, in recognitionem frugum de area & de torculari collectarum, vt colligi potest Deuter. cap. 16. versic. 13. tunc etenim probabile est, quòd, reconditis fructibus anni præcedentis, inciperent annos Iubilei & Sabbaticos. Altera ratio est, quia si isti anni à mense Nisan cœpissent, sequeretur, Dominum debuissè aliquando dare Hebræis in vno anno fructus quinque annorum; idque quotiescumque annus Iubileus incidisset duobus annis ante vel post annum Sabbaticum: nam, verbi gratia, si propter annum Sabbaticum, qui erat septimus, non nisi prope Autumnus anni noni poterant metere aut vindemiare, vt paulò antè probatum est; vtique si in ipso anno nono incidisset Iubileus, non potuissent metere & vindemiare, nisi in Autumno anni vndecimi; & sic ab Autumno anni sexti vsque ad Autumnus anni vndecimi, nimirum quinque annorum interuallo, necesse fuisset eos viuere de fructibus anni sexti, & de sponte natis: atqui numquam Dominus promissit dare vno anno fructus pro annis quinque, sed tantummodò pro tribus, vt supra probatum est. Insuper post duos annos iterum debuissent cessare à cultura terræ, propter alterum annum Sabbaticum in anno decimoquarto superuenientem, & expectare nouos fructus vsque ad tertium annum; quod Hebræis visum esset nimis durum, satisque probabiliter vereri potuissent, ne si terra illa tam sæpè diuque inculta relinqueretur, tandem sterilis aut minùs fecunda reddi posset: præsertim vineæ, quæ nisi putentur & colantur, labrufcas reddunt. Sed quid dicemus ad ea quæ in contrarium adduximus? Ad dictum Iosephi respondere possumus, quòd tametsi regulariter illud verum sit, nihilominùs fallit quandoque ista regula: nam constat, Scripturam sacram interdum particulari quadam de causa, & fortasse ea quam nos sub anno mundi 2544. num. 13. adduximus, metiri festum Scenopegia seu Tabernaculorum (quod proculdubio ad rem diuinam pertinebat) iuxta morem Anni communis, non autem sacri, vt patet Exod. cap. 23. vers. 16. vbi dictam sollemnitatem dicit esse celebrandam in exitu anni. Et ne quis hæsitaret de quo anno intelligeret, communine an sacro; protinus subiungit: *Quando congregaueris omnes fruges tuas de agro.* per hoc significans annum communem, qui post colle-

ANNISABBATICI ET IUBILEORVM AB AUTUMNO INCIPIENTI.

SOLVUNTUR IN CONTRARIUM ADDUCTA.

collectionem omnium fructuum terræ, in Autumno desinebat inchoabatque. Et idem (licet aliis verbis) traditur in eiusdem libri cap. 34. vers. 22. vbi de eodem festo dicitur: *Et sollempnitatem, quando redeunte anni tempore cuncta conduntur.* Non igitur mirum videri debet, quod eadem Scriptura sacra etiam annos Iubileorum atque Sabbaticos pariter ad rem diuinam pertinentes, ad formam mensuramque anni communis metiri voluerit, necessitate præsertim quodammodo cogente, ob causas à nobis superius allegatas. Ad locum Leuitici superius adductum, vbi promittit Dominus pro Sabbatismo anni septimi dare in anno sexto fructus trium annorum: dicimus eiusmodi promissionem non de quolibet anno Sabbatico esse accipiendam; sed de illo tantum, qui immediate ante vel post Iubileum incidebat: tunc enim duo anni successiuè erant sabbatizandi, & fructus in tertij anni initio ferendi, non nisi sub eius finem colligi poterant. Et hæc illius loci intelligentia inde etiam confirmari potest, quod promissio illa in Sacro textu non reperitur facta vbi agitur solum de anno Sabbatico, sed posteaquam cœptum est agi etiam de Iubileo, vt patet in littera: ex quo videtur insinuari, eam ad vtrumque esse referendam, eo modo quo dictum est.

OBSERVAN-
DA IN AN-
NIS REMIS-
SIONIS.

6. Tertium caput supra propositum, erat de his quæ in horum annorum, qui etiam Anni remissionis dicebantur, celebratione potissimum obseruari debebant. Et videntur ea, quæ in singulis annis Sabbaticis fieri præcepta erant, ad quattuor reduci posse: videlicet Primò, vt non sererent terram, neque fruges meterent, vineasve putarent vindemiarentque, neque arborum fructus semel omnino colligerent; sed quæ sponte gigneret humus, in gratiam pauperum toto illo anno omnibus essent communia; ita vt vnusquisque, siue indigena siue aduena, tam liber quàm seruus, & tam alienus quàm fundi dominus, liberè posset his vesci, & paulatim ad victum quotidianum quæ opus essent colligere, & iumenta pecoraque sua ad quorumcumque pascua ducere. Et hæc omnia colliguntur ex Exod. cap. 23. vers. 11. & Leuit. cap. 25. vers. 4. vsque ad 9. Secundò, vt in eodem anno dimitterent seruos (si quos haberent ex Hebræis) liberos, quemadmodum præcipitur Exod. cap. 21. vers. 2. & sequentibus. Dixi, ex Hebræis: quia alienigenas seruos retinere poterant ac possidere in perpetuum, vt patet Leuit. cap. 25. vers. 44. vsque ad 47. Tertiò, vt remitterent debitoribus Hebræis debita, aduenis autem remittere non tenebantur: sic enim Deuter. cap. 15. vers. 1. legimus: *Septimo anno facies remissionem.* & post pauca sequitur: *Cui debetur aliquid ab amico vel proximo ac fratre suo, repetere non poterit, quia annus remissionis est Domini. A peregrino & aduena exigens, cinem & propinquum repetendi non habebis potestatem.* Qualiter autem hæc debitorum seruorumque remissio facienda esset, consule citatum Leuit. caput, vbi multa in hoc genere constituuntur. Quartò demum, vt in ipsius anni septimi festiuitate Tabernaculorum, quæ celebrari incipiebat diedecimaquinta mensis septimi, & ad quam conuenire tenebatur omnis Israel, legi deberet Lex Moysaica, id est liber Deuteronomij, coram omnibus vtriusque sexus & cuiusvis ætatis, quemadmodum præceperat Moyses Deuter. cap. 31. vers. 10. vsque ad 14. Porro annus Iubilei super omnes Sabbaticos erat celeberrimus, & perfectioris remissionis. Nam etsi, quod attinet ad terræ Sabbatismum, nulla videatur inter eos fuisse differentia, vt patet conferenti præceptum de cessatione à rusticis operibus in anno Sabbatico, quod traditur Leuit. cap. 25. vers. 4. cum eo quod similiter de anno Iubilei ibidem vers. 11. iisdem pænè verbis repetitum habemus: attamen quoad alia, maior in anno Iubilei fiebat remissio; quandoquidem in Sabbatico non redibant res immobiles iam venditæ ad venditorem, nisi eas pretio redimeret: in anno autem Iubilei sine pretio redibant agri & possessiones alienatæ ad pristinos dominos, vt præcipitur in eodem Leuit. cap. vers. 10. vsque ad 17. Quod ea potissimum de causa statutum fuisse creditur, ne sortes atque hereditates singulis tribubus distributæ ac assignatæ, inter se vnumquam permisceri confundive possent. Alienatio autem sub conditionibus Leuit. cap. 25. vers. 14. vsque ad 17. contentis, quæ ad temporalem fructuum potius quàm fundorum distractionem reduci videtur, permissa fuit in gratiam pauperum, vel eorum quos ad inopiam deuenire contingeret; vt scilicet propriæ possent egestati consulere. Item fieri poterat, vt in anno Sabbatico aliquis seruus Hebræus non manumitteretur, quia ipse nollet relinquere vxorem sibi à domino traditam, & filios ex ea genitos; vt in casu qui excipitur Exod. cap. 21. vers. 5. Qui tamen seruus in anno Iubilei, cum vxore & filiis liberi omnino dimitti debebant, si Riberæ credimus, qui lib. 5. de Templo cap. 24. num. 4. ait, quod illa verba, quæ habentur loco Exod. citato vers. 6. *Et erit ei seruus in seculum.* interpretati debent, ac si dictum esset: *Et erit ei seruus vsque ad annum Iubilei.* quia (inquit) vox Hebraica

IN QUIBUS
CONVENI-
RET AC DIF-
FERRET CE-
LEBRITAS
IUBILEI ET
ANNI SAB-
BATICI.

braica Holam, quemadmodum notat B. Hieronymus in Epistola ad Galat. cap. 1. super illud, *Vt nos eriperet de presenti seculo nequam.* si scribatur sine littera vau, vt fit loco Exodi allegato, significat annum quinquagesimum; quando verò cum illa scribitur, vt in dicta Epistola, significat sæculum siue æternitatem. Præterea, ad ostendendum quòd annus Iubilei esset (quemadmodum reuera erat) longè celebrior & sanctior annis Sabbaticis, iussit Dominus Leuit. cap. 25. vers. 9. vt sub finem anni quadragesimi noni, in festo Propitiacionis, publicè sollempniterque tubarum clangore instantem Iubilei annum denuntiarent proclamarentque in vniuersa terra Israël; vt omnes sese accingerent ad sollempnitatem celebrandam, & ad legales remissionis gratias consequendas: quæ res extraordinariam excitare solebat in populis, maximè verò pauperibus, lætitiâ. Et hæc proclamatio non fiebat in annis Sabbaticis, tamquam minùs sollempnibus. Erant autem istæ tubæ seu buccinæ (vt colligi potest Iosue cap. 6. vers. 6. & 13.) numero septem, & ex argento, in hunc præcipue Iubilei vsu de mandato Moyli in deserto fabricatæ. Ceterum, de anni Iubilei legibus, vide Iosephum 3. Antiq. cap. 10. in fine.

7. Redeamus nunc ad historiam, & videamus quæ gesserit Iosue in primis sex annis sui principatus, pro adipiscenda subigendaque Terra promissionis, quemadmodum describitur à capite 1. libri Iosue vsque ad 14. Igitur prima die mensis Nisan (vt ex sequentibus manifestum fiet) locutus est Dominus ad Iosue, præcepitque ei, vt transmissio Iordane cum omni populo suo transfret ad Chanaan, promittens se daturum eis omnem terram ad quam pergerent possidendam, intra tamen fines aliàs descriptos; nimirum à deserto Ægypti vsque ad montem Libanum (quæ erat longitudo terræ Chanaan) & aliquando etiam vsque ad Euphraten; & (quæ erat latitudo eius) à loco in quo tunc morabantur prope Iordanem, vsque ad mare Mediterraneum; idque tanta facilitate ac felicitate, vt nullus ei resistere valeret toto tempore vitæ suæ. Insuper promissit Dominus se ipsi Iosue in omnibus affuturum, quemadmodum cum Moyse fecerat, & numquam eum derelicturum: propterea non semel excitat, hortaturque ipsum, vt excusso de corde suo omni timore, viriliter agat, recolatque se esse à Deo electum, qui terram Israël promissam non solum vi capiat, sed etiam eandem populo distribuat. Vt autem optimè ab ipso omnia dirigantur, & cuncta eidem prosperè cedant; grauius ipsum monet, vt super omnia, Legem à Moyse latam diligenter custodire, & nullatenus ab ea declinare fatagat; atque hac de causa volumens eius iugiter ad manus habere, illamque meditari die ac nocte curet: Iosue cap. 1. vers. 1. vsque ad 10. Hæc atque eiusmodi monita salutis, si omnes & singuli populorum Rectores hoc exemplo sibi quoque à Domino dari intelligerent, eaque accuratiùs, vt par esset, exequi studerent; profectò multò meliùs & cum ipsis, & nobiscum pariter ageretur.

LOQUITUR
PRIMO DO-
MINVS AD
IOSVE.

8. Eadem die necesse est ipsum Iosue clàm misisse duos exploratores in Iericho: qui ad illius vrbs Regem delati, & ab eo diligenter conquisiti, Dei prouidentia inueniri minimè potuerunt; quoniam eos Rahab meretrix, calitus inspirata, absconderat in domo sua, & regiis apparitoribus persuaserat, vt extra ciuitatem abeuntes insequerentur. Interim verò eosdem, de metu ciuitatis ac de communi animorum confectione edoctos, cum adiurasset pro salute domus suæ, accipissetque ab eis funiculum coccineum, ad fenestram domus suæ pro signo appendendum, illos occultè per muros vrbs demissos in pace dimisit: qui de consilio ipsius Rahab ad montana pergentes, latitauerunt ibi tribus diebus, atque ita inquirentium indagatione delusa, tandem incolumes die quinta mensis ad vespèrū redierunt ad Iosue, narraueruntque ei omnia quæ sibi acciderant; & quòd præ nimio timore prostrata erat ciuitas, ita vt facile esset eam occupare. Quæ omnia non secundum naturalem historiæ ordinem, sed per figuram recapitulationis, frequenter in Sacris libris vñtatam, descripta esse in cap. 2. Iosue, necessariò fateri debemus; ne cum B. Augustino quæst. 2. in Iosue, & Petro Comestore cap. 2. in Historia Iosue, cogamur dicere, quòd idem Iosue, qui erat Propheta, & cui paulò antè Dominus assistentiam suam pollicitus fuerat, humano ductus consilio errauerit, prædicens populum post tres dies transiturum Iordanem. Quam opinionem alij Doctores non immeritò, vt arbitror, admittere reuñunt.

MITTUN-
TUR EXPLORATORES IN
IERICHO.

9. Igitur, non die prima mensis antequam missi essent exploratores, sed sequenti die post reditum ipsorum, quæ erat sexta eiusdem primi mensis, Iosue, audita eorundem relatione, mandauit Principibus, vt transcentes per medium castrorum, iuberent populum parare sibi cibaria, quoniam post diem tertium transaturi erant Iordanem,

QUANDO
DE NVNTIA-
TIVS SIT PO-
PVLVS TRANS-
ITVS IORDANIS POST
DIEM TERTIUM
FV-
TVRS.

& ingressuri Terram promissionis. Præcepit item Rubenitis & Gaditis, & dimidia tribui Manasse, vt iuxta promissionem ipsorum Moyſi factam, relictis in terra possessionis sibi iam assignatæ mulieribus & paruulis ac gregibus suis, ipsi armati atque expediti transire deberent primi, & præcedere fratres suos ad bella quæ gerenda erant, donec terra Chanaan ab ipsis subacta fuisset; qui promptis animis omnes sese obtulerunt parati, ad obediendum in omnibus ipsi Iosue, sicuti fecerant Moyſi, Iosue cap. 1. vers. 10. vsque ad finem capit. In crastinum ergo Iosue ante lucem confurgens, mouit castra, venitque cum populo, breui itinere, ad Iordanem, hoc est prope Iordanem, nempe in loco qui saltem ad bis mille cubitos aberat à Iordane, vt necessariò colligitur Iosue cap. 3. vers. 4. & in dicto loco triduo moratus est, (computata nimirum die sexta qua de Settim venerat ad Iordanem, vtpote non tota, sed modica tantum eius parte in itinere illo insumpta) intra quod triduum, credibile est ipsum Iosue à Domino fuisse edoctum de his omnibus quæ agenda erant in transitu Iordanis, quæ breuiter commemorantur Iosue cap. 3.

VENIT PO-
PVLVS PRO-
PE IORDA-
NEM, IBI-
QVE TRI-
DVO MA-
NET.

LOQVITVR
SECUNDO
DOMINVS
IPSI IOSVE

IORDANIS
IN TRANS-
ITV POPV-
LI MIRAB-
ILITER
EXICCA-
TVR.

10. Euolutis ergo tribus illis diebus, quos prædixerat Iosue, hoc est, die mensis nona, summo manè (vt arbitror) dixit Dominus ad Iosue: *Hodie incipiam exaltare te coram omni Israël.* qui probè intelligens consilium Domini, prædixit exiccatum iri à Domino mirabiliter Iordanem, quæ populus eum erat transiturus; iussitque Sacerdotes præire populum cum Arca Domini, itinere cubitorum bis mille, id est passuum mille, (vt colligitur Numer. cap. 35. vers. 5. vbi bis mille cubiti, mille passibus æquiparantur) & vt starent in medio Iordanis cum Arca Domini, donec vniuersus populus ipsum pertransisset. Populo autem præcepit, ne in via appropinquarent Arcæ, sed eam præcuntem, viamque monstrantem, de longè aspicientes sequerentur; & vt pararent duodecim viros, singulos de singulis tribubus, qui sibi præsto essent. Igitur egressus est populus de tabernaculis suis post Arcam Domini. Statim autem ac Sacerdotes, qui portabant eam, cœperunt pedibus attingere aquas Iordanis; quæ superiores erant, mirandum in modum steterunt valdè intumescentes instar montis, qui procul admodum videri poterat: inferiores verò ad Mare solitudinis decurrentes, reliquerunt alueum siccum: quem ingressi Sacerdotes vsque ad medium, ibidem morati sunt cum Arca, donec populus transiret. Cunctis verò transgressis, misit Iosue duodecim viros quos elegerant, vt singuli tollerent in humeris suis singulos lapides de medio Iordanis vbi steterat Arca Domini, collocandos in loco vbi primò postea figerent tabernacula, in monumentum posteris suis, siccati à Deo fluminis ad transitum populi sui. Fuit autem hoc miraculum eò illustrius, quòd, vt diximus, factum est tempore messis, quando vt dicitur Ecclesiastici cap. 24. vers. 36. solebat Iordanis admodum intumescere; quod etiam hoc eodem anno contigisse, apertè traditur Iosue c. 3. vers. 15. Alios quoque duodecim lapides posuit Iosue in medio Iordanis alueo, vbi steterant Sacerdotes cum Arca Domini, quos Scriptura ait esse ibi vsque in præsentem diem; vt denotet aliud miraculum à Deo factum, quòd neque postea maximus ille decrescens aquarum cumulus, neque aliarum inundationum impetus, dimouere illos potuerit. His peractis, cum transisset omnis populus Iordanem, transiuit etiam Arca Domini, præcipiente Iosue Sacerdotibus, vt eam de Iordanis alueo deferrent; qui vt primùm pedibus aridam humum calcare cœperunt, cœperunt quoque Iordanis aquæ, quæ priùs mirabiliter erectæ stabant, deinceps per alueum suum defluere sicut antea consueuerant. Quæ omnia traduntur Iosue cap. 3. & 4.

INGREDI-
TVR ISRAEL
TERRAM
PROMIS-
SIONIS.

11. Die proxima (quæ erat decima eiusdem mensis primi, quemadmodum expressum habemus Iosue cap. 4. vers. 19.) ascenderunt filij Israël de Iordane, sequentes Arcam Domini, quam præferebant Sacerdotes, vt colligitur cap. proximè citato vers. 11. Filij quoque Ruben & Gad, & dimidia tribus Manasse, armati, quadraginta millia pugnatorum, per turmas & cuneos præcedebant reliquum populum, incedentes per plana atque campeltria vrbis Iericho, vt ibidem per anticipationem dictum fuerat; ac demum castrametati sunt in agro vrbis Iericho, qui respiciebat contra Orientalem plagam ipsius. qui locus postmodum, ex causâ paulò post assignanda, dictus est Galgala. Atque hoc pacto, post quadraginta annos itineris ab exitu de Ægypto, introduxit Dominus Israëlitas in terram patribus eorum toties repromissam, in multis signis ac prodigiis, prout suis locis hucusque retulimus. Inter quæ illud quoque non videtur prætermittendum, quòd tam longo temporum intervallo, quo per desertum circumducti fuerunt, non sunt attrita vestimenta eorum, nec calcamenta pedum vetustate consumpta, vt testatur Scriptura sacra Deuter. cap. 29. vers. 5. & 2. Esdr. cap. 9. vers. 21. vbi legi-

legimus: *Quadragesima annis pausti eos in deserto, nihilque eis defuit* (intellige, quod ad vitam necessarium esset) *vestimenta eorum non inueterauerunt, & pedes eorum non sunt attriti.* (Scriptura ibi sumit contentum pro continente, pedes inquam pro calcicis.) Ceterum in Galgalis hæc acta sunt; Primò, iussit Iosue ibidem collocari duodecim illos lapides, quos de Iordanis alueo sumperant, ut essent memoriale filiis Israel, & posteris eorum, quod siccaisset Dominus fluuium ad transitum populi, quemadmodum antea siccauerat aquas Maris rubri, atque ita tum ipsi, tum etiam ceteri omnes terrarum populi mirabilia hæc audientes, addiscerent diuinam omnipotentiam omni tempore pertimescere: Iosue cap. 4. vers. 19. vsque ad finem. Hos lapides vsque ad sua tempora ibidem permanisse asserit B. Hieronymus in Epitaphio Paulæ, & ab ipsamet Paulâ in Galgalis visos fuisse testatur. Iussit postea Iosue, Domino mandante, circumcidi cultris lapideis populum qui natus erat in deserto; siquidem per totos quadragesima itineris annos nemo circumcisus fuerat. *Excusabatur autem* (inquit S. Thomas par. 3. q. 70. art. 4. ad 3.) *Hebraicus populus in deserto prætermittens circumcisionis mandatum; tum quia nesciebat quando mouenda essent castra; tum quia, ut Io. Damascenus dicit, non necesse erat eos aliquod signum distinctionis habere tunc, quando seorsum ab aliis populis soli per desertum ambulabant. Et tamen, ut ait S. Augustinus quest. 6. in Iosue, inobedientiam incurrabant, qui ex contemptu prætermittebant circumcisionem.* hætenus S. Thomas. Sanè peracta in Galgalis populi circumcissione, dixit Dominus ad Iosue: *Hodie abstuli opprobrium Aegypti à vobis.* Ideoque vocatum est nomen loci illius Galgala, quod ablationem significare perhibent: Iosue cap. 5. vers. 2. vsque ad 10.

QVAE ACTA
SINT IN
GALGALIS.

POPVLVS
CIRCVMCI-
DITVS.

GALGALAE
ETYMOLO-
GIA.

GALGALA
PRVS SAN-
CTITATE
CELEBRIS,

12. Porro iste locus, qui dictus est Galgala, deinceps multo tempore apud Israëlitas valde celebris fuit, non solum ob ea quæ diximus de duodecim illis lapidibus ab alueo Iordanis mirabiliter excicco sublatis, & ad perpetuam rei memoriam in dicto loco collocatis; & de vniuersali illa totius ferè populi circumcissione ibi facta; sed etiam propter alia memorabilia, quæ postea ibidem contigissent intra suis locis narrabimus, videlicet, de prima triticeï panis aliarumque terræ frugum comestione post esum manna per annos quadragesima continuatum; item de tertio Paschate ibi celebrato, quod fuit primum in Terra promissionis factum; & præterea de illius Angeli apparitione, qui dixit ad Iosue: *Solue calceamentum tuum de pedibus tuis: locus enim in quo stas sanctus est.* Quæ verba, utpote cælitus reuelata, haud immeritò sanctitatis opinionem eidem loco auxisse proculdubio credendum est: ut fortassis hac de causa populus castra cum Tabernaculo testimonij (licet ob rationem sub anno mundi 2591. n. 1. adducendam, adhuc inuoluta & non erecto) non alibi transferenda, sed in Galgalis, tamquam in loco sancto & sub Dei protectione posito, per aliquot annos retinenda & custodienda curauerit, donec ipse sibi Chananæam subiiceret; & post multa tempora, quando scilicet coram vniuersa Israele innouatum est regnum Saulis, magna illa celebritas, iubente Samuele, non vsquâ alibi quàm in Galgalis, potissimum ob loci sanctitatem, facta sit. Verumenimurò posterioribus deinde temporibus inuidia diaboli factum est, ut (quemadmodum tradit S. Hieronymus super Osee cap. 4) aduersæ religionis in loco celebri error inoleuerit, id est, ut ob loci celebritatem cœperint perueri homines diabolico acti spiritu, ibi multa idola colere, ita ut ubi abundauerat sanctus veri Dei cultus, postea abominabilis superabundauerit idololatría. Est enim hoc proprium diaboli, ut semper Deo aduersari, & diuinis honores quantum potest ab illo auertere, & sibi usurpare, atque vbiicumque diuinum cultum magis vigere aduertit, illic maiores abusus ac peiores abominationes sensim introducere molitur. Et quia in locis Deo dicatis, præsertim insignioribus, ipse potissimum coli exoptat, iuxta illud quod de eius primogenito, hoc est, de Antichristo, dicebat Apostolus 2. ad Thessalon. cap. 2. vers. 4. *Qui aduersatur, & extollitur supra omne quod dicitur Deus, aut quod colitur, ita ut in templo Dei sedeat, ostendens se tamquam sit Deus.* propterea quæ in mundo sanctiora sunt loca, ea in primis ad maiorem sui gloriam, & Dei iniuriam, bonorumque perniciem polluere, profanare, & ut sibi magis quàm Deo deferuiant, per sui similes efficere numquam destitit. Possent hîc plurima adduci exempla; sed quia res admodum clara est, vno tantum aut altero ex illustrioribus contenti erimus. Recolat prudens Lector venerabilem illum locum, in quo olim Iacob cum vidisset admirabilem illam scalam pertingentem à terra vsque ad cælum, & Angelos Dei ascendentes ac descendentes, & Dominum innixum scalæ, confirmantem sibi promissiones auctoris suo Abraham primò factas, de semine eius multiplicando, de tradenda ei terra Chanaan, & (quod caput est omnium) de benedicendis in eo cunctis terræ tribubus, statim dixit:

MOX FACTA
EST IDOLO-
LATRARVM
SENTINA.

Dominus est in loco isto, & ego nesciebam. Quam terribilis est locus iste: non est hic aliud nisi domus Dei, & porta cali. & ideo appellauit nomen loci illius Bethel, hoc est domus Dei: Genes. cap. 28. vers. 12. & sequentibus. Nōnne hunc locum sancti Patriarchæ præconio adeo celebratum, ac Dei præsentia sanctificatum, postea diabolus per sacrilegum illum Ieroboamum primum Israelis Regem, ita ex sacro profanum reddidit, ut merito deinde non amplius Bethel, sed Bethauen, hoc est (vt exponit S. Hieronymus super Osee cap. 4.) domus idoli dicta sit? Sed & templum Ierosolymitanum à Deo electum & sanctificatum, de quo 2. Paralip. cap. 7. vers. 12. Dominus dicebat: *Et elegi locum istum mihi in domum sacrificij.* & vers. 16. *Elegi enim & sanctificavi locum istum, ut sit nomen meum ibi in sempiternum, & permaneant oculi mei, & cor meum ibi cunctis diebus.* nōnne mox (Deo permittente propter peccata populi) per aliquot impios Iudæ Reges non semel profanatum fuit, & deinde per Antiochum Epiphanem impiissimum Syriæ Regem versum est in templum diaboli, in quo iugiter impia sacrificia per aliquot annos idolis offerebantur? Idem diximus contigisse Galgala. Quare non mirum est, si Osee cap. 4. vers. 15. Dominus præcipiebat Hebræis, *Nolite (inquiens) ingredi in Galgala, & ne ascenderitis in Bethauen.* Ratio verò cur Dominus non minùs prohibuerit ne irent in Galgala, quàm ne ascenderent in Bethauen vbi adorabatur vitulus aureus, colligi potest ex eiusdem Prophetæ cap. 9. vers. 15. vbi de idololatriis loquens, ait: *Omnes nequitia eorum in Galgal.* ac si dicere voluisset, quòd iam tum Galgal, non secus ac Bethauen, facta erat veluti sentina omnium idololatrarum. & cap. 12. vers. 11. dicitur, quòd *erant in Galgal bobus immolantes*, id est (vt ibi explicat S. Hieronymus) idololatræ, qui non diis boues, sed bobus sacrificia immolabant. Porro quod diximus factum fuisse in Galgalis, nimirum, vbi aliquando vigerat veri Dei cultus, postea diaboli inuidia culta fuisse idola; dicendum quoque est de Bersabee, in qua (vt sub anno mundi 2144. num. 3. dicebamus) olim Abraham summi rerum Conditoris cultum prædicabat: nam ibidem postea temporibus Amos Prophetæ coli etiam idola consueuissent, iam nos sub anno mundi proximè adducto docuimus. Redeamus ad historiam.

TERTIUM
PASCHA AB
ISRAELITIS
CELEBRATUM.

CESSAT
MANNA.

CHANA-
NAEI AV-
DITO HE-
BRAEORVM
ADVENTV
VALDE PER-
TERRITI.

13. Die verò decimaquarta eiusdem mensis primi, fecerunt filij Israel Phase ad vesperam in campestribus Iericho: quod fuit tertium. Nam primum fecerant in exitu de Ægypto; alterum in Sinai anno secundo exitus, quemadmodum sub anno mundi 2544. num. 20. & sub anno 2545. num. 9. dictum est: postea verò nullum aliud Phase legimus fuisse celebratum, nisi hoc quod fecerunt in Galgalis. Altera autem die quæ erat decimaquinta mensis, nimirum in illamet die, in qua ante annos præcisè quadraginta exierant de Ægypto, tamquam realem, vt dicitur, Chanaanæ possessionem capientes, cœperunt edere de frugibus terræ ipsius, panes azymos, & polentam illius anni; erat enim tunc, vt diximus, tempus messis: statimque ac comederunt de frugibus terræ Chanaan, cessauit manna, nec deinceps amplius vñ sunt cibo illo filij Israel: Iosue cap. 5. vers. 10. vsque ad 15. Ex quo patet, ipsos non annis quadraginta integris, sed vno mense minùs, comedisse man: siquidem illud à Domino dari cœperat non in ipso exitu populi de Ægypto, die scilicet decimaquinta mensis primi; sed die decimaquinta mensis secundi eiusdem exitus, quando nimirum defecit farina, quam de Ægypto tulerant, vt nos sub anno mundi 2544. num. 31. adnotauimus: cessauit autem pluiere de celo man, vt diximus, die decimaquinta mensis primi huius anni, de quo nunc agimus, qui erat quadagesimus primus à dicto exitu, & primus ab ingressu Israelis in terram Chanaan, vt patet in tabulis. Interea exiuit fama aduentus Hebræorum in vniuersam terram Chanaan: & cum audissent cuncti Reges qui illam & finitimas ei regiones incolebant, quòd Israelitæ non solum iam ingressi essent in eam, sed etiam quòd ad transitum ipsorum siccaisset Dominus fluens Iordanis; perterriti sunt valdè, ac veluti de propria salute desperantes, verebantur, prælagiebantque, atque expectabant quæ postea eis euenerunt; nimirum ciuitatum suarum vastationem, bonorum omnium spoliationem, & denique extremum gentis suæ interitum. Et hoc est quod prophetico spiritu Moyses in suo Cantico, quod habetur Exod. cap. 15. prædixerat, imprecatusque fuerat versic. 14. dicens: *Ascenderunt populi, & irati sunt: dolores obtinuerunt habitatores Philisthiim. Tunc conturbati sunt principes Edom, robustos Moab obtinuit tremor: obriguerunt omnes habitatores Chanaan. Irruat super eos formido & paor in magnitudine brachij tui, &c.*

14. Die, vt probabile est, eiusdem mensis circiter vigesima, cum iam conualuissent (vt dicitur Iosue cap. 6. vers. 6.) qui circumcisi fuerant, accidit, vt existens Iosue extra castra

castra in agro Iericho, hoc est in Galgalis, videret virum stricto gladio contra se stantem: ad quem cum accessisset, & cognouisset esse Angelum Domini, illico cadens pronus in terram, adorauit; & cum ad eius imperium soluisset calceamenta de pedibus suis, ab eodem plenè edoctus fuit de modo quo capienda esset vrbs Iericho. Ita- que protinus, finita visione, præcepit Iosue Sacerdotibus, vt tollerent Arcam fœderis Domini, & septem alij ex iplis cum septem Iubileorum buccinis incedentes ante Arcam clangerent. Populo autem mandauit, vt armati omnes bellatores præcederent Arcam Domini, reliquum verò vulgus eam sequeretur; & vt taciti, ita vt neque clamor, neque verbum vllum inter ipsos audiretur, accederent ad ciuitatem, (erat autem vrbs adeò benè clausa & munita, vt nemo posset in eam ingredi vel egredi) & denique, vt clangentibus tubis circuirent eam semel, mox redirent ad castra, quæ inde non longè aberant. Quod cum quotidie sex diebus continuis fecissent; die septimo, diluculo confurgentes, & à Iosue de omnibus quæ ventura erant præmoniti, iterum non semel tantum, vt antea, sed sex vicibus circuiuerunt ciuitatem; deinde proclamauit Iosue traditam esse à Domino ciuitatem, & omnia quæ in ea essent, (præter Rahab meretricem, & ad eam pertinentia) in exterminium & anathema filiis Israel; & propterea grauitè & sub interminatione diuinæ vindictæ præcepit, ne quisquam de rebus illis quidquam sibi assumere auderet, sed reliquis omnibus consumptis, quidquid auri, argenti, ærisve aut ferri reperirent, Domino consecrarent. In septimo autem ciuitatis circueitu, ad tubarum clangorem cum, iubente Iosue, ingens quoque totius exercitus vociferatio accessisset, ecce (ô prodigium, ô miraculum!) muri ciuitatis illico vndeque corruerunt, ascendentesque vnusquisque per locum contra se positum & apertum, ceperunt ciuitatem; & cuncta exterminantes, occiderunt non homines tantum vtriusque sexus, & cuiuscumque ætatis, sed & iumenta ac pecora omnia, & ipsam quoque vrbe incedentes subuerterunt; ablato dumtaxat omni auro, argento, ære, & ferro, quæ in arario Domini sunt reposita: educta inde dumtaxat Rahab meretrice sospite cum omnibus in domo sua existentibus; quæ postea cum omni domo patris sui, & cuncta substantia eorum, Iosue concedente, eò quod exploratores ipsa seruasset, læta vixit, habitauitque inter filios Israel. Et tunc Iosue maledixit viro, qui ipsam deinceps vrbe Iericho reedificare vnumquam ausus esset; imprecans mortem primogenito, ac nouissimo filiorum eius, Iosue cap. 5. vers. 8. vsque ad finem, & cap. 6. per totum. Sanè ista maledictio, vel potius prophetica Iosue prænuntiatio, impleta fuit in diebus Achab Regis Israel, quemadmodum traditur 3. Reg. cap. 16. in fine; & nos sub anno mundi 3124. num. 2. dicemus. Et his actis, credimus Israelitas ad castra rediisse in Galgalis.

LOQUITUR
TERTIO DO
MINVS IO-
SVE PER AN-
GELVM.

MODVS QVO
MIRABILIT-
ER CAPTA
EST IERI-
CHO.

15. Eodem anno, oportet Salmon filium Naasson duxisse Rahab meretricem in vxorem, cum essent ambo annorum dumtaxat quattuordecim, vt sub anno mundi 2571. num. 1. tēgimus, & ex his quæ infra sub anno mundi 2748. num. 3. 4. & 5. dicemus, apparebit. Quod si alicui fortè, non immeritò, durum videatur, ipsam Rahab quattuordecim tantum fuisse annorum, cum appelleret meretrix; & tanta (quæ Iosue cap. 2. narrantur, & nos suprà num. 8. breuiter retulimus) cum Israeliticis exploratoribus agere ausa sit; quæ in huiusce ætatis adolescentula, minùs verisimilia videri possunt: meminerit, facile fieri potuisse, quod paucis dumtaxat antè mensibus ipsa scortari cœperit; & quod secum habuerit (vt solet, lenocinij causa, huiuscemodi feminarum genus) vel propriam matrem, vel aliam vetulam astutamque mulierem, quæ ipsam de hisce omnibus, vt ipsarum saluti consuleret, instruere curauerit. Nam alioqui necessarium videtur ponere, ipsam Rahab eiusque virum Salmon hoc tempore non prouectionis fuisse ætatis, si volumus saluare numerum earum generationum, quæ inter dictos coniugatos & ortum Dauidis in genealogia Saluatoris recensentur; quemadmodum ex his, quæ sub anno mundi numerisque proximè citatis dicenda erunt, quilibet intelligere poterit. Diximus Rahab fuisse meretricem, quia id apertè testatur sacra Scriptura Iosue cap. 2. vers. 1. & cap. 6. vers. 22. & 25. & ad Hebræos cap. 11. vers. 31. & in Epistola Catholica S. Iacobi cap. 2. vers. 25. & idem sentiunt præcipui S. Ecclesiæ Doctores; nimirum SS. Hieronymus in Proœmio Commentariorum suorum in Osee ad Pamachium, & Chrysostomus Homil. 5. de Penitentia, Augustinus quæst. 2. in Iosue, Ambrosius lib. 2. de Virginibus, & alij. Vnde quod quidam aiunt, verbum Hebraicum *zonah*, Latine & meretricem significare, & cauponariam, seu ciborum venditricem, nihil obstat; cum & meretrix simul esse potuerit, & cauponaria; & magis sequenda sit versio editionis Vulgatæ, quæ semper locis citatis vocat eam me-

SALMON
DVCIT RA-
HAB IN VXO-
REM.

RAHAB FVIT
SE MERET-
TRICEM.

rettricem, quàm Pagnini, qui vertit cauponariam. Et hinc manifestum est, falli Lyranum, & Titelmanum, & alios, qui putauerunt eam non fuisse meretricem, contra tot expressè sacræ Scripturæ textus, & tot SS. Doctorum, quos citauimus, auctoritatem. Nec mirari quisquam debet, quòd Salmon, diuino vt creditur instinctu, meretricem duxerit: id enim factum putamus, vt in ipso Christi desponsario cum Gentilitate, quæ spiritualiter cum idolis fornicata fuerat, præsignaretur: quandoquidem scimus, quòd postea Dominus ad tale quid præfigurandum, præcepit Osee, vt & ipse meretricem duceret: Osee cap. 1. vers. 2. & 3. Ex his ergo inferri potest, Salmonem in dicto actu non peccasse. Nam licet Deuter. cap. 7. vers. 3. cautum esset, ne Hebræi cum Chanaanais connubia sociarent; certum tamen est, quòd illa Lex intelligenda erat de Chanaanais in idololatria permanere volentibus, vt planè indicant illa verba, quæ ibidem subiunguntur: *Quia seducet filium tuum ne sequatur me, & ut magis seruias diis alienis.* non autem de his qui ad Iudaismum conuerti vellent, aut iam conuersi essent, qualis fuit Rahab, quæ præterquam quòd de Hebræis erat valdè benè merita, etiam ipsorum religionem susceperat, aperè confitens, Deum ipsorum esse verum Deum in cælo sursum, & in terra deorsum, vt patet Iosue cap. 2. vers. 11. Ac deinceps mutata religione, mores quoque & vitam emendauit suam, casteque in matrimonio vixit. nusquam enim postea ipsam Scriptura reprehendit de matrimoniali castitate violata.

16. Post hæc misit Iosue viros qui explorarent urbem Hai existentem iuxta Bethauen, ad Orientalem plagam oppidi Bethel; de quorum consilio cum misisset Iosue tantummodò tria millia pugnatorum ad capiendam ciuitatem, perculsi à viris vrbis Hai, ceciderunt ex ipsis triginta sex, ceteri verò turpiter fugientes, ad castra reuersi sunt. Quæ res valdè admodum perterrefecit populum, & ipsum quoque Iosue: qui statim scissis vestibus pronus cecidit ante Arcam Domini, & omnes senes Israel cum eo, vsque ad vesperam, habentes capita sua puluere conspersa. cumque orasset ad Dominum Iosue, audiuit ab eo, plagæ causam fuisse, quòd aliquis de populo clamauerat de anathemate vrbis Iericho: nec posse Israëllem præualere hostibus suis, donec de medio tolleretur qui huius erat reus sceleris. Itaque, iubente Domino, applicuit Iosue Israëllem, & datis sortibus per tribus primò, deinde per familias, & domus, & singulos domus viros; inuentus est Acham filius Charmi, filij Zabdi, filij Zare, de tribu Iuda; qui falsus est se abscondisse ducentos argenti sicanos, & auream regulam, & pallium coccineum; quæ omnia contra præceptum Domini concupierat abstuleratque. Iussit igitur Iosue adferri ablata, & filios ac filias, omnemque substantiam eius, & lapidauit eos populus; & cuncta quæ illius erant, prout præceperat Dominus, igne consumpta sunt: sicque auersus est furor Domini ab eis: Iosue cap. 7. per totum.

17. His peractis, Iosue, Domino imperante, ascendit cum omni exercitu suo ad oppidum Hai; & positis post ciuitatem insidiis, ipse & qui cum eo erant fugam simulates, Regem Hai cum omni populo suo contra se properantem, longius à ciuitate trahentes detinuerunt, donec qui à tergo ciuitatis latitabant, eamdem ingressi succenderunt. Vt primùm autem vidit Iosue fumum de vrbe ascendentem, acriter aggressus est hostes cognita fraude perterritos; contra quos etiam illi, qui incenderant ciuitatem, egressi pugnare cœperunt; atque ita ex vtraque parte perculsi, ne vnus quidem effugere potuit. Itaque interfectis omnibus, nimitum duodecim millibus viris Hai, & suspenso Rege eius in patibulo, & vrbe incensa, Israelitæ prædam, de licentia Domini, inter se diuiserunt: Iosue cap. 8. vers. 1. vsque ad 3.

18. Post captam ac directam subuersamque urbem Hai, Iosue memor mandati quod acceperat populus à Moysè, Deuter. cap. 11. vers. 29. & cap. 27. ac 28. de diuinæ Legis acceptione sollempniter confirmanda in monte Hebal & Garizim, cum proclamatione coram populo, benedictionum illam obseruantibus, & maledictionum eamdem transgredientibus, appositarum; & in summa, ad formam citatis locis traditam: bonam hanc nactus occasionem, quòd scilicet aduertisset tunc maximè populum benè affectum esse erga Deum, & memorem beneficiorum eius, quæ nuper ipsis præstiterat, tot tamque mirabilia in gratiam ipsorum perpetrando ad Iordanem, in Iericho, & in Hai. Arrepta (inquam) temporis opportunitate, conuocauit omnem multitudinem, tam Hebræorum quàm aduenarum, qui cum ipsis venerant de Ægypto, & eorum qui postea sese eis quomodolibet adiunxerant, puta Cinæorum, de quibus sub anno mundi 2583. num. 22. dictum est, & Ierichuntinorum, qui cum Rahab meretrice in domo eius saluati fuerant; & si qui alij similiter ad Iudaismum conuersi, inter Hebræos morabantur: omnes, inquam, viros ac mulieres, cuiuscumque ætatis, ad Le-

CVR ISRAEL
LITAE AVI
RIS HAI EV
GATI.

LOQVITVR
QVARTO
DOMINVS
IOSVE.

ACHAM PRO
ABLATO A
NATHEMA
TE LAPIDA
TVR, ET EXV
RITVR CVM
OMNI DO
MO SVA.

VRBS HAI
CAPTA ET
INCENSA.

MOYSATCAE
LEGIS AC
CEPTATIO
NEM POPV
LVS SOLLEM
NI RITV RA
TAM FACIT.

gis obseruantiam obligatos, aduocauit Iosue de Galgalis ad montem Hebal, in quadam planitie inter duo eiusdem montis iuga existentem, quorum alterum ex ipso montis nomine Hebal, alterum verò Garizim dicebatur. Et diuiso populo pro medietate, posuit Ruben, Gad, & Aser, Zabulon, Dan, & Nephthali, secus montem Hebal; alteram verò medietatem, nimirum Simeon, Leui, Iudam, Issachar, Ioseph & Benjamin, secus montem Garizim; aduenis indistinctè inter auctores conuersionis suæ existentibus. In medio autem dictæ conuallis ad modum theatri naturaliter conformatæ, Iosue cum Sacerdotibus altari (ad normam Exod. cap. 20. vers. 24. & Deuteronom. cap. 27. vers. 5. traditam) de lapidibus impolitissimis ædificato, obtulit super eo holocausta & victimas pacificas Domino. Deinde iussit ibidem erigi ingentes lapides, & super eos prius calce læuigatos scribi Deuteronomium Moyse. Atque hos quidem lapides fuisse duodecim, pro numero tribuum Israel, satis probabiliter inde conicit Masius, quod Moyse huius cærimoniarum præmonstrator, totidem ad radices montis Sinai stauerat, quando Legem scriptam populo erat recitaturus; quemadmodum nos sub anno mundi 2544. num. 44. tradidimus. Post hæc benedixit Iosue populo, illa, ut probabile est, benedictione, quam dederat Dominus Moysen, Numer. cap. 6. in fine, dicens: *Loquere Aaron & filiis eius: Sic benedicetis filiis Israel, & dicetis eis: Benedicat tibi Dominus, & custodiat te. ostendat Dominus faciem suam tibi, & misereatur tui. conuertat Dominus vultum suum ad te, & des tibi pacem.* Postremò mandauit Iosue Leuitis, ut clara & alta voce, quæ à populo exaudiri posset, pronuntiarent singulas maledictiones locis Deuteronomij citatis registratas, & in fine vniuscuiusque, qui erant ad latus montis Hebal, omnes vna voce responderent: Amen. & deinde eodem modo benedictiones; ad quarum singulas, qui erant ex parte montis Garizim, pariter approbantes, responderent: Amen. Atque ita adamussim, ut præceperat Moyses, Iosue procurante, denuò instaurata, stabilita, confirmata ratificatæque fuit ab vniuersa multitudine Moysaica Legis acceptatio; illius inquam Legis quæ ibidem prius ad totius populi commodum dilucide patenterque in lapidibus descripta fuerat: Iosue cap. 8. per totum. Et his expletis, oportet ipsum Iosue cum vniuerso populo rediisse ad castra in Galgalis, ut colligi potest cap. eiusdem libri 9. vers. 6. & cap. 10. vers. 6. & 43.

19. Vt autem auditum est & vulgatum in terra Chanaan, quod Hebræi iam cepissent duas vrbes Chanaanorum, Iericho scilicet & Hai, & omnes habitatores earum cum suis Regibus occidissent: cuncti reges Chananæi cis Iordanem, vbi tunc etiam erant Israelitæ, existentes, tam qui in montanis regnabant, quàm qui in campestribus & in littore maris Mediterranei, & prope montem Libanum, omnes inquam cum suis populis Hethæis, Amorrhæis, Pherezzæis, Heuæis, Iebusæis, & ceteris, per litteras & nuntios, ut bene notat Abulensis, conspirarunt, ut pariter congregati pugnarent aduersus Iosue & Israelæm: Iosue cap. 9. vers. 1. & 2. Sed, Deo ad maiorem Hebræorum ita disponente, nescio qua particulari de causa, vel quoniam impedimento dissentii, huius conspirationis executionem aliquamdiu distulerunt; nisi fortè, quia qui longius aberant, tamquam à periculo magis remoti, ut fit, segniores fuerunt; quod sæpenumerò accidit iis, qui non nisi ex propria præsentique vtilitate res metiri solent. Interim autem Gabaonitæ, quibus tamquam Israeli vicinioribus, meritò magis timendum erat, ut rebus suis quantocyus confunderent, miserunt ad Iosue in Galgalis legatos, qui calidè simulantes se de regione admodum remota venire, petentes pacem, & inire fœdus cum populo Israel, ita prudenter se gesserunt, ut quod præcipue quærebant, ac sibi cuiuslibet, suis maximè exoptabant, nimirum saltem vitæ securitatem, ab ipso Iosue iurata principum pollicitatione firmatam obtinuerint. At verò detecta triduo post fraude, & cognita vrbium ipsorum vicinitate, Iosue, audita eorundem excusatione, quod scilicet timore compulsi, ut animabus suis prospicerent, ita cum eo agere coacti fuerant; recepit quidem eos in deditionem, & vitam iureiurando promissam eisdem conferuandam statuit: verumtamen, ut murmur populi compeceret, in pœnam deceptionis eos ad ligna cædenda, aquasque Israelitarum vice in domum Domini comportandas, perpetuo famulatu condemnauit: Iosue cap. 9. per totum. Et hi sunt, qui postea Nathinæi appellati fuerunt, quorum nos sub anno mundi 2545. num. 13. & latius num. 15. meminimus.

20. Hæc cum audisset Adonisedec Rex Ierusalem, scilicet Hebræos non solum cepisse subuertisseque duas Chananæas vrbes, Iericho & Hai (quod antea cognouerat) sed etiam nouissimè in deditionem accepisse Gabaonitas & vrbes eorum, videlicet Gabaon, quæ erat primaria, & Caphira, & Beroth, & Cariathiarim (istæ enim vrbes

REGES CHANANÆI
CONSPI-
RANT CON-
TRA ISRAE-
LITAS.

GABAONI-
TÆ AB IS-
RAELITIS
CALLIDE
PACEM IM-
PETRANT.

DE NATHI-
NÆORVM
INSTITV-
TIONE.

non valde distabant ab Ierusalem, vt colligi potest Iosue cap. 18. vers. 14. & sequentibus, vbi prædictæ vrbes cum vrbe Ierusalem ponuntur in tribu Benjamin, excepta Cariathiarim, quæ licet esset in tribu Iuda, erat tamen in confinio Benjamin; quemadmodum econuersò Ierusalem, licet esset in tribu Benjamin, erat tamen confinis tribui Iuda (propterea sibi suisque timens Adonisedec, iuxta illud quod postea Lyricus Poëta Epistolarum lib. 1. epistola ad Lollium eleganter mello cecinit, inquires:

Nam tua res agitur paries cum proximus ardet. cogitauit appropinquans, si posset, incendium extinguere. Itaque conuocatis in auxilium quattuor aliis Regibus, nempe Oham Rege Hebron, & Pharam Rege Ierimoth, & Iaphia Rege Lachis, & Dabir

Rege Eglon, cœpit oppugnare Gabaon. At verò Iosue admonitus rogatusque à Gabaonitis, assumpto fortissimorum virorum exercitu, & cum eo tota nocte ascendens de Galgalis, vbi reliquerat qui castra gentemque imbellem custodirent; derepente hostes aggressus, irruit aduersus prædictos quinque Reges; & dissipatis eorum exercitibus, solutaque obfidiōne, persecutus est illos vsque Maceda; vbi cum audisset latitare dictos Reges in quadam spelunca, præcepit aduolui saxa ingentia ad os speluncæ, & relicta ibi custodia, iussit exercitum persequi fugientes, donec ad interuicem confunderentur. Qua in pugna, duo mirabilia fecit Dominus ad Israelitarum fauorem.

Primò namque pluit magnos crebrosque lapides de cælo super hostes Israel; ita vt plures fuerint quos interfecit illa horribilis grando, quæ ventis glomerata magno impetu super eos agebatur, quàm quos vorauit Israelitarum gladius. Alterum, idque multò mirabilius, quòd ad imperium Iosue steterunt Sol & Luna in medio cæli, spatio vnus dici, donec vlcisceretur se Israel de inimicis suis: *Obediente* (inquit Scriptura) *Domino voci hominis, & pugnante pro Israel.* Dicitur autem Deus obedisse voci hominis; quia (vt benè locum istum exponit Card. Bellarminus in libello de Ascensione mentis in Deum Gradu 11.) fecit vt voci hominis dicta obedirent luminaria.

Nam non propriè illis locutus est Iosue, qui utique sciebat, ipsa mandatum suum audire non posse; sed precatus est Dominus, & subinde tamquam de ipsius Domini mandato dixit: *Sol contra Gabaon ne mouearis, & Luna contra vallem Aialon.* & sic dicitur Deus obedisse voci hominis, id est, exaudisse orationem Iosue, & fecisse vt dicta luminaria obedirent voci hominis. Sæpè enim in Sacro eloquio dicitur Dominus facere ea, quorum causa est vt fiant. sicuti quando Genes. cap. 22. vers. 12. dixit ad Abraham: *Nunc cognoui quòd times Deum*, id est; Nunc feci vt cognosceretur à te & ab aliis; quòd verè timeas Deum. Tale portentum aliàs item accidisse in gratiam vnus ex posteris Selæ filij Iudæ; iam sub anno mundi 2300. num. 1. adnotatum est; & aliud item in signum Ezechie Regi Iudæ, sub anno mundi 3322. num. 6. dicemus. His quodam modo contrarium, sed non minùs admirandum prodigium accidit tempore passionis Christi, quando (vt nos sub anno mundi 4084. num. 22. dicemus) *factæ sunt tenebræ super vniuersam terram.* Tunc enim Luna, quæ erat maximè distans à Sole, non quidem mirabiliter stetit; sed rapidissimo cursu, sub sole mirabiliter cucurrit, vt tenebras in terra faceret. Et post tres horas, eadem mirabili velocitate, illicò ad locum vnde venerat, rediit; quemadmodum se obseruasse tradit S. Dionysius Areopagita in Epistola ad Polycarpum. Porro priora duo quæ retulimus mirabilia ad fauorem ipsius Iosue facta, honorificè etiam memorantur Ecclesiastici cap. 46. versic. 5. illis verbis: *An non in iracundia eius impeditus est Sol* (nimirum à cursu suo) *& vna dies facta est quasi duo? Inuocauit Altissimum potentem in oppugnando inimicos undique, & audivit illum magnus & sanctus Deus in saxis grandinis, virtutis valdè fortis.* hæc citatus liber. Postremò, cum reuersus esset populus ad castra bellatorum, quæ posuerat Iosue prope Maceda, recordatus quinque Regum, quos in spelunca concluderat, iussit eos Iosue adduci coram se, & colla eorum, toto exercitu inspectante, principum pedibus calcari; mox eosdem in patibulis suspendi, ac demum occumbente Sole deponi, atque in eadem spelunca, in qua latitauerant, proiici, & os speluncæ saxis ingentibus obstrui: Iosue cap. 10. v. 1.

vsque ad 28. Verùm quòd attinet ad tria illa, vix in Sole diximus accidisse portenta; sciendum est, illud inter ipsa dissidere, quòd in primo & secundo Sol stetit dicitur, in tertio autem, retrocessisse. Item, quòd viuente innotato illo Selæ postero, num Sol parum multùmve steterit, scire non possumus, Scriptura sacra nihil indicante, nisi quòd ipse stare fecit Solem: 1. Paralip. cap. 4. vers. 21. Temporibus autem Ezechie, constat diem decem horarum spatio fuisse productum: siquidem 4. Reg. cap. 20. vers. 11. & Isaie cap. 38. vers. 8. legimus, vmbra in horologio (subintellige solari) Achaz decem lineis seu gradibus retrocessisse. At verò imperante Iosue, oportet aliquanto lon-

IOSVE PRO
GABAONI-
TIS FELI-
CITER PV-
GNAT CON-
TRA QVIN-
QUE REGES.

MIRABILIS
GRANDO
DESCENDIT
SUPER HO-
STES IS-
RAELIS.
IOSVE SOLIS
AC LYNÆ
CYRVSVM MI-
RABILITER
SISTIT.

longiori tempore Solem à suo cursu fuisse impeditum ac firmatum : nam Iosue cap. 10. vers. 13. expressè traditur, quòd non fuit antea nec postea tam longa dies. Et ibidem paulò supra iam dictum fuerat : *Sterit itaque Sol in medio cali, & non festinauit occumbere* (hoc est, motum suum retinuit) *spatio vnus diei*. Quod etiam confirmant citata Ecclesiastici verba, attestantia diem illum factum esse quasi duo. Ex quibus omnibus planè elicitur, mendum, nescio quo modo, apud Ludouicum Granatensem, in Introductionis suæ ad Symbolum parte 3. dialogo 4. vltra medium, irrepsisse, vbi ait, quòd Iosue Solem in medio cali trium horarum spatio stare fecit. Herodotus lib. 2. aliquantò ante finem, aliàs in Sole eiusmodi prodigia visa esse narrat, dicens, Quater Solem præter consuetudinem fuisse ortum : bis quidem illinc exortum vbi nunc occidit; bis autem vnde nunc oritur, illic occidisse, nec tamen sub hæc aliquid in Ægypto esse immutatum : non ea quæ è flumine ipsi proueniunt, non ea quæ circa morbos, aut quæ circa mortes eueniunt. Hæc ille. Sed vtrum huic Auctori, qui multa fabulosa in suis Historiis (vt nos sub anno mundi 3456. num. 3. probabimus) intexere solet, hac in re plena fides adhiberi debeat, iudicium sit prudentis Lectoris. Redeamus ad institutum.

21. Occisis hisce Regibus, & contritis eorum exercitibus, conuertit se Iosue ad oppugnandas vrbes, ad quas nonnullos ex fuga euasisse intellexerat; opportunum ducens eas quantocyùs inuadere, priusquam se colligerent, nimirum certus, eas tunc tanta fuorum clade admodum esse perterritas, atque ideo ad resistendum minùs audaces. Itaque primò aggressus Macedam, tamquam sibi magis proximam, eam vnico die expugnauit, & omnes cum Rege eius interfecit. De Maceda postmodum transiuit cum omni exercitu suo in Lebnà, & oppugnabat eam : quam cum tradidisset Dominus in manu Israel, interemerunt Regem eius, & omnes in ea habitantes, nemine penitus referuato. Duxit deinde copias in Lachis, quam biduo oppugnatam cepit, percussitque omnes quos reperit in ea. Et insuper interfecit Horam Regem Gazer cum omni populo suo, qui venerant in auxilium Lachis. Quibus deletis, venit Iosue in Eglon, & circumdata vrbe, vno die expugnauit eam; & occisis cunctis habitatoribus eius, ascendit in Hebron, & capta vrbe, cunctisque oppidis regionis illius, omnes quos reperit, gladio peremit : mox reuersus in Dabir, fecit similiter, vastata vrbe, & ad solitudinem tota illa regione redacta : Iosue cap. 10. vers. 28. vsque ad 40. Et quod hîc dicitur de expugnatione Hebron & Dabir, per recapitulationem repetitum habemus cap. 11. vers. 21. vbi additur, quòd idem Iosue interfecit Enacim de montanis Hebron & Dabir, &c. & post pauca subiungitur, quòd ipse Iosue nullum de stirpe Enacim reliquit in terra filiorum Israel, exceptis his qui in Gaza, Geth, & Azoto relictî sunt : siquidem hæ ciuitates, viuente Iosue, ab Israelitis non fuerunt expugnatae : & credendum est, ad has transfugisse tres illos de stirpe Enacim, quos postea interfecit Caleb, vt infra sub anno mundi 2590. num. 4. dicemus. *Percussit ergo Iosue, pugnante Deo pro Israel, omnem terram montanam, & meridianam, atque campestrem, & Asedoth cum Regibus suis, à Cadesbarne vsque Gazam; & omnem terram Gosen vsque Gabaon; vniuersosque Reges, & regiones eorum, vno impetu cepit, atque vastauit*: Iosue cap. 10. vers. 40. vsque ad finem capituli. Quæ postrema verba, nimirum *vno impetu*, non ita accipienda sunt, ac si breuitatem temporis, quo hæc omnia acta sunt, importare velint: quandoquidem capite sequenti vers. 18. legimus, quòd *multo tempore pugnauit Iosue contra Reges istos*. Et loquitur ibi vniuersaliter, & breuiter repetendo, de omnibus Regibus terræ Chanaan non tantum Aquilonaribus, de quibus paulò pòst dicemus; sed etiam de Australibus, quorum hucusque meminimus, vt planè indicant illa verba, quæ ibidem subiunguntur: *Non fuit ciuitas que serraderet filiis Israel, præter Henaim, qui habitabat in Gabaon*, &c. certum est autem, quòd Gabaon magis ad Australes Chananæorum ciuitates pertinebat. Præterea, non videtur credibile, neque fieri potuisse, vt tot vrbes, atque adeò inter se distantes, vnico impetu ab eodem duce exercituque capi potuerint. Quare illud, *vno impetu*, vel hyperbolicè dictum est; vel idem significat, ac si diceretur, Eodem impetu, hoc est, eadem virtute, eadem vi atque strenuitate; vel etiam, vt alij interpretantur, vnica & quodammodò continuata excursionem seu expeditionem, sine vlla vllo in loco longioris moræ interpolatione. Et his gestis reuersus est Iosue cum omni exercitu ad locum castrorum in Galgala, vt habetur Iosue cap. 10. in fine.

22. Post hæc Iabin Rex Asor, quæ erat ciuitas munitissima, & principatum tenens inter omnes alias vrbes & regna illius regionis, cum audisset quæ fortiter gesserat Iosue in tota Meridionali plaga terræ Chanaan, misit ad omnes Reges Aquilonares in cunctis

EXPUGNAT
PERMVL-
TAS CHANA-
NAEORVM
VRBES, VI-
DELICET
MACEDAM,

LEBNAM,

LACHIS,

GAZER,

EGLON,

HEBRON,

DABIR.

VERBALI-
BRI IOSVE
EXPLICAM-
TVR.

ctis Chanaanæ regionibus, tam montanis quàm campestribus, & ad mare Mediterraneum, & ad lacum Cenereth, qui postea Mare Galilææ dictus est, habitantes; & vsque ad radices montis Hermon in terra Maspha; & in summa, omnes qui tunc supererant in tota terra Chanaan Reges, iuxta conspirationem inter ipsos antea factam, congregauit in vnum, cum curribus & equitibus, & prope infinita militum multitudine, ad aquas Merom, vt pugnarent contra Israel. Quæ audiens Iosue, confortatus à Domino, venit cum omni exercitu suo aduersus memoratam Chanaanæorum multitudinem, & continuò irriti super eos; tradiditque illos Dominus in manus Israel, qui percussit eos plaga magna, & fugientes persecutus est vsque ad terminos Aquilonares terræ Chanaan, videlicet vsque ad Sidonem magnam in littore Mediterranei existentem, & vsque ad aquas Maserephoth, campumque Maspha, qui erat ad Orientalem illius partem; & occisis omnibus, equos quoque ipsorum subnerauit, currusque combussit, quemadmodum præceperat Dominus. Reuersus deinde, cepit Asor, & Regem eius cum populo suo interfecit; & omnes per circuitum ciuitates, Regesque ipsarum, vi captos percussit atque deleuit: omnem verò prædam urbium prædictarum Israelitæ inter se diuiserunt: Iosue cap. 11. vers. 1. vsque ad 19. atque hoc pacto totam terram Chanaan subdiderunt sibi, cunctis habitatoribus interfecit (sicui præceperat eis Dominus Deuter. cap. 7. vers. 2. & cap. 25. in fine) præter Gabaonitas, quos, vt supra num. 17. dictum est, in deditionem receperant. Vnde patet, Iosue cap. 11. vers. 19. non esse legendum, vt plurima habent exemplaria, *Non fuit ciuitas quæ se non traderet filiis Israel, præter Heueum qui habitabat in Gabaon*: sed oportet legere (vt habet editio Vulgata Romæ anno salutis 1593. edita) *Non fuit ciuitas quæ se traderet, &c.* alioqui non bene possent illa verba cohærere cum sequentibus: nam continuò subditur, *Omnes enim bellando cepit. Domini enim sententia fuerat, vt indurarentur corda eorum, & pugnarent contra Israel, & caderent, & non mererentur ullam clementiam, ac perirent, sicut præceperat Dominus Moysi.* hucusque Sacer textus. Ex quo manifestè inferitur, quòd si reliquæ vrbes bellando capte sunt, ergo non se vltro tradiderunt; & consequenter non possumus dicere, alias vrbes se tradidisse Israeli, præter Gabaon; cum econtrariò constet, solos Gabaonitas sese dedisse in potestatem Hebræorum, ceteras verò Chanaanæorum vrbes omnes ab Hebræis vi captas subuersasque fuisse, vt supra dictum est, & attestatur catalogus Regum sub Iosue occisorum, qui habetur Iosue cap. 12. vers. 7. vsque ad finem. Ceterum, subacta à filiis Israel vniuersa terra Chanaan, cessatum esse à præliis, expresse traditur Iosue cap. 11. in fine.

IOSVE PV
GNAT FELI-
CITER CON-
TRA CHA-
NANAOS,

ET OMNEM
TERRAM
CHANAN
SIBI SVBI-
GIT.

QVAEDAM
IOSVE EXEM-
PLARIA
QVOMODO
CORRIGEN-
DA.

CVR DEVS
NON VNICO
PRAELIO
SED VLTIS
CHANANA-
NAOS AB
HEBRAEIS
CONTERI
VOLVERIT.

23. Sed antequam progrediamur, liceat obsecro nobis hic tantisper immorari, & intueri diuinam in tradenda Hebræis terra Chanaan rerum dispositionem, & modum ordinemque procedendi, humanæ imbecillitati subleuandæ ac prouehendæ valde accommodatum. Nam quis nesciat, potuisse illicò Deum (si ita expediens fuisset) vno, vt sic dixerim, temporis momento cunctos exterminare Chananæos, & terram eorum omnino vacuum liberamque Israëlitis possidendam relinquere? Placuit nihilominus Domino id paulatim & per aliquot incrementa præstare: nimirum, vt per crebras Chanaanæorum clades quotidie augescerent, illos ad penitentiam prouocaret; & per successiuas Hebræorum victorias, manifesto Dei auxilio partas, eosdem ad ipsius Dei amorem cultumque ipsis præstitutum, magis magisque inflammaret. Non vnica igitur congressione Chananæos Dominus propria regione spoliavit, & Hebræos promissa hereditate donauit: sed quemadmodum aquila prouocat ad volandum pullos suos, sic complacuit Domino ad præliandum erudire populum suum, & ad maiores indies progressionem faciendas excitare atque animare. Propterea prius aduersus singulares quosdam Reges ipsum dimicare fecit, quibus sigillatim superatis, eundem contra plures simul collectos bellare feliciter voluit; & denique ei de reliquis omnibus Chanaanæorum Regibus in vnum conglobatis, vno prælio gloriosam valde contulit victoriam. Volens per hoc cunctis innòtescere, quòd & impios Deus non sine clementia punit, (lento etenim gradu diuina procedit ira) & pios, non nisi per multos labores diuino fauore directos, de virtute in virtutem progredientes, ad perfectionis statum perducit, ac per quosdam veluti saltus exaltare solet. Quod etiam quodammodò indicare voluisse videtur Apostolus ad Rom. cap. 8. vers. 30. illis verbis: *Quos prædestinauit, hos & vocauit; & quos vocauit, hos & iustificauit; quos autem iustificauit, illos & glorificauit.* Vtinam quod cum Hebræis illis typicè actum est (hec enim, vt dicitur 1. ad Corinth. cap. 10. vers. 11. in figura contingebant illis) id nobiscum spiritualitèr agatur; vt per multos vitæ præsentis agones, & per crebras de nostris vitiis ac de maligno humani generis hoste

hoste victorias, illam viuēptium terram, hoc est cælestem hereditatem, nobis Dei gratia repromissam, ipso adiuuante consequi valeamus.

24. Ceterum Iosue, cum aduersus Chanaanæorum Reges populosque multo tempore decertasset, ut dicitur Iosue cap. 11. vers. 18. id est sex circiter annorum interuallo, quemadmodum nos sub anno mundi 2590. num. 1. ostendemus; essetque senex, nimirum iam ingressus centesimum septimum vitæ annum, ut apparet in tabulis; accepit à Domino præceptum de diuidenda terra, quæ erat cis Iordanem, nouem tribubus, & dimidiæ tribui Manasse: Iosue cap. 13. vers. 1. vsque ad 8. nam tribui Ruben & Gad, & alteri dimidiæ tribui Manasse, iam Moyses assignauerat possessionem trans Iordanem, quemadmodum sub anno mundi 2583. num. 24. dictum est. Sed antequam de distributione à Iosue facta aliquid dicamus; quoniam de prænotatis Hebræorum victoriis, ac de ipsa terræ diuisione vniuersaliter breuiterque meminit Psalm. 77. illis verbis: *Et eiecit à facie eorum gentes, & sorte diuisit eis terram in funiculo distributionis.* & S. Lucas Actorum cap. 13. vers. 19. referens verba S. Pauli dicentis: *Et destruens gentes septem in terra Chanaan, sorte distribuit eis terram eorum.* videndum est, quid septem gentium significatione accipiendum sit. Nam licet septenario numero (ut scribit B. Gregorius Homil. 33. in Euangelia) nonnumquam in Sacro eloquio vniuersitas designetur, ideoque per septem illas gentes, viderentur quodammodo posse intelligi omnes illæ nationes, quæ ex progenie Chanaan, cui maledixerat Noë, descenderunt, ab Israëlitis fuisse destructas: attamen quia constat, Hebræos, ut etiam asserunt Eusebius & B. Hieronymus in lib. de Locis Hebraicis, numquam potuisse exterminare Sidonios, qui à Sidone primogenito ipsius Chanaan exorti erant, quemadmodum sub anno mundi 1931. num. 34. diximus; habitabantque (ut colligitur Iosue cap. 19. vers. 28.) in confinio tribus Aser: neque vsquam legimus, quòd Hebræi destruxerint Aracæos, Sinæos, & Amathæos, qui pariter erant de stirpe Chanaan, ut à nobis loco citato ostensum est: idcirco necesse videtur fateri, vel per septem illas gentes vniuersaliter accipiendas esse, non omnes nationes ex Chanaan progenitas, sed omnes illas, quæ habitabant terram Israelitis à Domino promissam: vel tantummodò illas septem, quæ commemorantur Deuter. cap. 7. vers. 1. & Iosue cap. 3. vers. 10. & cap. vlt. vers. 11. nempe Chanaanæos, Hethæos, Heuæos, Pherezeos, Gergezæos, Amorrahæos, & Iebusæos, tamquam inter ceteros Chanaanæ habitatores primatum tenentes; de quibus singulis sub anno mundi proximè allegato egimus à num. 34. vsque ad 43. vbi etiam, videlicet num. 42. diximus, Chanaanæorum vocabulo (quod aliàs nomen est genericum, & commune cunctis nationibus à Chanaan propagatis) necessariò debere accipi vnā particularem & præcipuam gentem ab aliis distinctam, quæ ab aliquo alio filio Chanaan innominata progenita sit, & speciali aliqua de causa, nobis occulta, ab ipso Chanaan denominata fuerit: nisi fortè Chanaanæorum nomine quis mallet accipere Philisthæos, ut fieri videtur Iosue cap. 13. vers. 3. vbi hæc habentur: *Aflunio turbido qui irrigat Aegyptum, vsque ad terminos Accaron contra Aquilonem; terra Chanaan, qua in quinque Regulos Philisthiim diuiditur, Gazæos, & Azotios, Ascalonitas, Gethæos, & Accaronitas.* Verum isti potius Chamei dicèdi essent, eò quòd non de Chanaan, sed de Cham, ex filio eius Mesraim, eos esse exortos, nos sub anno mundi paulò antè citato num. 32. probauerimus: vnde loco Iosue proximè adducto non ipsi appellantur Chanaanæi, sed terra quam ipsi habitabant, dicitur terra Chanaan; nimirum quia eam priùs incoluerant Heuæi, qui inde postea à Philisthæis, quos Scriptura sacra Cappadocei appellat, pulsati fuerant, ut dicitur Deuter. cap. 2. vers. 23.

IOSVE ACCIPIT PRÆCEPTVM DE TERRA ISRAELITIS DIUIDENDA.

DE SEPTEM GENTIBVS IN TERRA CHANAAN AB ISRAELITIS DESTRYCTIS.

AB ORBE CONDITO

QVARTÆ MVNDI ÆTAT.

ANNVS 2589.

ANNVS 46.

I V B finem anni sexti introitus Hebræorum in terram Chanaan, ut primùm (sub-

acta terra) cessatum est à præliis, antequam cœpisset fieri terræ diuisio, quam sequenti anno factam esse paulò post ostendemus; credimus Israelitas ante omnia sepelire voluisse in Sichem ossa Iosèphi, quæ de Aegypto asportauerant, ut notatur Iosue cap. vlt. vers. 32. ibique exequias ritu tunc temporis visitato, ac sollempni admodum pompa celebrasse. Nam licet neque loco Iosue citato, neque alibi in Sacro eloquio dictæ humationis exequiarumve tempus notatum inueniatur: probabile tamen videtur, huiuscemodi pietatis officium, ad quod etiam iureiurando adstricti fuerant, statim post

DE HVMA-TIONE OSSIVM IOSÈPHI, QVANDO ET VBI FACTA.

post terrę acquisitionem, non fuisse neglectum aut dilatum, sed cõmuni õmnium consensu & magna animorum promptitudine fuisse prestitum. Puto etiam eadem Iosephi ossa in ea Sichimorum agri parte condita esse, vbi erat prædium illud, quod olim ante partem dederat Iacob eidem filio suo Ioseph, vt habemus Genes. cap. 48. in fine, & in Euangelio Ioan. cap. 4. vers. 5. Solebant enim veteres suorum cadauera in suis met possessionibus humare. Nec refert, quòd tunc nondum facta esset terrę diuisio, & consequenter adhuc incertũ esset, cui tribui Sichem obuenire posset: quia, vt bene notat Masius in calce Commentariorum suorum in Iosue, licet Iosephi posteris alia regio obtigisset, nihilominus hunc etiam illi agrum omnimodis habuissent, tamquam ipsi ante fortes vt testamenti paterni debitum. Credibile item est, (vt multis placet, & colligi potest Actorum cap. 7. vers. 16. & ex B. Hieronymo in Epistola 101. ad Pammachium De optimo genere interpretandi) Israelitas eodem quoque tempore ibidem, hoc est in Sichem, simul sepelisse ossa reliquorũ duodecim Patriarcharum, quę pariter à filiis Israel in exitu Aegypti asportata fuisse, sub anno mundi 2544. nu. 20. diximus. Nam licet Iosephus 2. Antiq. in calce capitis 4. scriptum reliquerit, illa in Hebron fuisse condita: attamen cum Pererio super Genes. cap. 23. satis rationabiliter putamus, prius humata in Sichem, postea verò de Sichem in Hebron esse trãsata: nec propterea defuisse etiam deinceps in honore haberi primum eorum sepulchrum, quod diximus fuisse in Sichem, & vsq; ad tempora B. Hieronymi (vt ipsemet vbi suprã asserit) honorabatur: non quidem quòd ibi etiam tunc illa corpora condita essent, quemadmodum idem S. Doctor credidisse videtur, sed quòd aliquamdiu ibidem permanissent. Sic nunc quoque Mediolani videmus apud S. Eustorgium coli sepulturam sanctorum trium Magorum, qui ad Christum infantem in Bethlehem adorandum stella duce venerunt: tamen constet eorundem corpora inde Coloniã postea fuisse translata.

DE SEPVLTURA
FRATRIUM IOSEPHI.

AB ORBE CONDITO

ANNVS 2590.

QVARTÆ MVNDI ÆTAT.

ANNVS 47.

DIVISIO
TERRÆ
PROMISSÆ
QVANDO
FIERI COE-
PERIT.

ANNO septimo ab introitu Israelitarum in terram Chanaan, circa medietatem mensis quarti, oportet cœptam esse diuisionem terrę cis Iordanem, notuem tribubus & dimidiã à Iosue factam: nam, vt legimus Iosue cap. 14. vers. 6. vsque ad finem capitis, Caleb annos natus octogintaquinque, post annos quadragintaquinque ex quo à Moyse missus fuerat de Cadefbarne ad explorandam terram, accessit cum filiis Iuda ad Iosue in Galgalis, petitque & obtinuit ab eo Hebron in possessionem. Oportet autem hos annos quadragintaquinque expletos esse circa medietatem mensis quarti huius anni septimi eiusdẽ introitus: nam sub anno mundi 2545. num. 64. diximus missos fuisse dictos exploratores circa medietatem quarti mensis anni secundi ab exitu de Aegypto, & tunc erat Caleb annorum quadraginta, vt ipsemet testatur capite Iosue citato vers. 7. Vnde illud quod ex hoc Scripturæ loco colligit Auctor Chronologiæ maioris Hebræorum cap. 11. videlicet, ipsum Iosue septem insumpsisse annos in subiicienda terra Chanaan; saluari non potest, nisi accipiendo septem annos incompletos, nimirum quòd sex annis & tribus circiter mensibus cum dimidio illam subiecerit. Quamquam ego potius crediderim, sex ferè annis eam fuisse subiugatam, & quattuor postremos menses vsque ad tempus memoratę petitionis à Calebo factę, partim in exequiis duodecim Patriarcharum, de quibus sub anno mundi præcedente num. 1. egimus; partim in reducendo exercitu in Galgalis, & tot Regum tantarumq; vrbium spoliis ad castra comportandis, & partim item in tam ingenti præda inter ipsos diuidenda, fuisse insumptos. Fallitur itaque Iosephus lib. 5. Antiq. cap. 1. vbi ait diuisionem terrę cœptam esse exacto quinto anno post transfmissum Iordanem. Enimuero Iosepho imposuit diuina illa comminatio, vel potius sententia ab eodem non bene percepta, quæ lata fuerat Num. cap. 14. vers. 33. & sequentibus, contra Israëlitas, in pœnam pessimæ illius murmurationis quæ facta est in Cadefbarne, quando (vt patet ex his quæ sub anno mundi 2545. num. 65. dicta sunt) iam transierat annus vnus & menses ferè quinque ab exitu de Aegypto: tunc enim dixit Dominus populo: *Filij vestri erunt vagi in deserto annis quadraginta.* & post pauca: *Et quadraginta annis recipietis iniquitates vestras.* Si enim reuera ab hac condemnatione ad introitum Israël in terram Chanaan, transissent anni quadraginta integri, proculdubio sequeretur, terrę diuisionem cœpisse post quinque annos à transfmissio Iordane, & insuper item consequeretur, Israëlẽ mansisse in deserto annis ferè quadraginta duobus.

duobus. At nos sub anno mundi 2583. num. 36. ex pluribus Scripturæ locis demonstrauimus, populum non nisi quadraginta præcisè annis moratum esse in deserto: & loco Numer. citato, ubi dicitur filios Israël vagaturos annis quadraginta in deserto, Scripturam sacram, vt aliàs non semel, vsurpasse numerum perfectum pro imperfecto, nimirum quadraginta pro trigintanouem incompletis. Itaque certissimum est, diuisionem terræ ceptam esse anno septimo principatus Iosue, qui pariter erat septimus ab introitu Israël in terram Chanaan, vt videre est in tabulis, id est, quasi post quadringentos quinquaginta annos ab electione patrū populi Israëliti, vt dicitur Actorum cap. 13. vers. 17. & 20. hoc est ab electione seminis Abrahæ in filio suo Isaac. Vnde Glossa ordinaria super Actorum loco citato, & Lyranus ibidem, & Naclantus in lib. Arcanorum Christi, ubi agit de Quarta mundi ætate, & alij permulti, dicunt prædictos quadringentos quinquaginta annos numerandos esse ab ortu ipsius Isaac. Quamuis etiam numerari meritò possint ab electione Ismaëlis: tunc enim videtur facta visibilis quædam reprobatio & electio patrum ex semine Abrahami, quando diuiso semine electus est de paterna domo Ismael, & in ea retentus fuit Isaac, de quo iam prædictum fuerat Genes. cap. 17. vers. 19. *Vocabisq. nomen eius Isaac, & constituam pactum meum illi in sædus sempiternum. & semini eius post eum.* & vers. 21. *Pactum verò meum statuam ad Isaac.* & cap. 21. vers. 12. *Quia in Isaac vocabitur tibi semen.* Siue igitur ab ortu Isaac, siue ab electio Ismaële ad diuisionem terræ, inuenies plus minúsve quasi quadringentos quinquaginta annos: nam ab ortu Isaac, numerantur quadringenti quinquaginta duo; ab electio autem Ismaële, quadringenti quadraginta septem, vt patet in tabulis.

2. Vt autem hic aliquid in vniuersum de ipsa terræ Chanaan diuisione dicamus, de qua integrum libellum scripsit Arias Montanus in suo Apparatu Bibliorum Regionum, sub titulo Caleb, hoc est, de Terræ promissæ partitione: sciendum est, non totam simul, neque vno eodemque tempore continuato, sed interpolatè tribus vicibus fuisse peractam. Nam cum adhuc viueret Moyses, & castra Hebræorum essent in campibus Moab, anno scilicet quadragesimo exitus de Ægypto, deuictis duobus Amoræorum Regibus, Sehon videlicet Rege Hesebon, & Og Rege Basan; terra eorum, quæ tota erat trans Iordanem, ab ipso met Moysè designata tradita fuit duabus tribubus, Ruben & Gad, & dimidiæ tribui Manasse, quemadmodum sub anno mundi 2583. num. 27. dictum est, & hæc fuit prima diuisio. Altera facta est hoc eodem anno septimo introitus populi in terram Chanaan, ab ipso Iosue, qui cum Reges & regna Chanaanæorum eis Iordanem existentia premisserit subiugassetque, coepit, Domino præcipiente, terram eorum diuidere. Visum est autem ei prius rudiori quodam modo assignare possessionem tribui Iuda, & filiis Ioseph, nimirum tribui Ephraim, & alteri medietati tribus Manasse: hi namque dignitate, viribus, atq. hominum multitudine ceteras tribus antecellere videbantur, vt colligi potest Num. cap. 26. ubi singula recensentur. Porro filii Iuda obtigit Australis pars totius terræ Chanaan; quæ verò filiis Ioseph data est, Aquilonaris quidem erat respectu possessionis Iudæ, sed ferè in medio totius terræ Chanaan, vt infra sub anno mundi 2591. num. 1. patebit.

3. De tertia partitione reliquis septem tribubus facta, quando cepta absolutaque fuerit, non facile est determinare, quoniam de hac re nihil certū habemus in sacris Scripturis. Auditor Chronologia maioris Hebræorum cap. 11. putat terram septem annis esse subiectam, & septem aliis à Iosue fuisse diuisam, idque probat tribus suppositionibus. Prima est, quod Israëlita manserint in Terra promissionis præcisè octingentis quinquaginta annis, qui faciunt septemdecim Iubileos. Secunda suppositio est, quod ille annus decimusquartus à subuersa Ierosolyma, in quo Ezechiel vidit longam illam visionem, quæ describitur Ezechielis cap. 40. & sequentibus, fuerit annus Iubilei. Tertia demum, quod tota hæc terræ diuisio à Iosue facta fuërit in Galgalis. Ponam hæc verba ipsius, quæ sic habent: *Si queras (inquit) vnde liqueat, quod septem aliis annis terram sortitū diuiserint, priusquam inciperent numerare decimas, & annos remissionum, & Iubileos: respondeatur, Ex eo quod octingentis quinquaginta consederunt Israëlita in sua terra, ab eo die quo in illam ingressi sunt, donec ex ea sunt eiectiones, per integros & plenos Iubileos septemdecim. Et quidem id declarat Ezechiel: Vigesimoquinto anno (inquit) exilij nostri, in exordio anni, decima mensis, quartodecimo anno postquam percussa est ciuitas, facta est super me manus Domini. quod ipsi dictum est initio Iubilei. At (inquier) si septemdecim Iubilei pleni perfecti, extiterunt, quo pacto redundarunt anni quattuordecim? Nempe quattuordecim hi anni sunt, quos transegerunt Israëlita in Galgal, septem quibus subegerunt terram, & septem quibus eandem diuiserunt: postea enim congregata est omnis multitudo Israel in Annal. Sac. Tom. I. Fff Silo;*

Silo, atque tum captum est numerare decimas, remissionis annos, & Iubileos. hæc ille. Qui profecto multa gratis asserit, & incerta pro certis, & falsum pro vero supponere non erubescit. Nam vnde colligat, Hebræos mansisse in terra sua octingentis quinquaginta dumtaxat annis, nescio; præfertim cum ex nostris tabulis, ab ingressu populi in terram Chanaan ad captiuitatem Babylonicam, liquidò colligantur fere octingenti sexaginta tres: & ex Scriptura sacra probari non potest, annum prædictæ visionis factæ Ezechieli incidisse in anno Iubilei. Et præterea incertum quoque est, & probari non potest, Israëlitas cepisse numerare Iubileos remissionisq; annos, ab anno decimoquarto introitus ipsorum in terram Chanaan; quin potius ex his quæ nos sub anno mundi 2584. num. 2. diximus, apparet, eosdem ab anno primo dicti introitus debuissent numerari. Et denique certissimum est, tertiam eamdemque postremam terræ diuisionem non fuisse factam in Galgalis, quemadmodum ipse supponit, sed in Silo. Ibi enim Iosue increpauit reliquas septem tribus, quòd eoulsque de terra ipsis diuidenda non curassent: & inde missi sunt, qui eam circumeuntes lustrarent ac describerent. Quibus in Silo reuerfis, ibidem coram Domino datis sortibus facta est partitio, vt patet legenti cap. 18. Iosue à vers. 1. vsque ad 11. Quare non est quòd de assertis hic ab isto Auctore curandum sit. Masius super cap. Iosue 18. tamen si non videatur præfati Auctoris opinione probare, nihilominus putat ab inchoata secunda diuisione cessatum esse longo tempore, nempe annis propè septem, priusquam cœpta sit tertia in Silo; & quasdam huius cessationis causas adfert: Nimirum (inquit) diutino bello fessus populus, cum collocatis vtriusque Iudæis & Iosephitis, quasi præsidii, sibi tutus videretur; otio se dedit: & communem illam in castris statuius vitam potiore duxit, quam vt peculiarium possessionum gratia nouas rursus molestias subire luberet. Facile enim existimabat, reliquos passim hostes, etsi bellum non esse facturi viderentur, tamen de suis sedibus nisi per vim depulsum non iri & eliminatum. Et hanc insuper focordiam atque ignauiam mirifice fouebant (vt est credibile) mille commoditates, quas sibi in tam diutina statione omnes comparauerant. Hanc igitur segnitiam atque desidiam vt castigaret Imperator, prudenter aliò mouenda esse castra putauit, aut dissipanda potius, & quemquam ad suas possessiones extrudendum. hæc Masius. Sed ego eius sententiæ subscribere minimè possum: Primò, quia clarum est, postremâ partitionem septem tribubus fuisse factam ab ipso Iosue, post translationem Tabernaculi fœderis de Galgalis in Silo, vt iam probatum est. Atqui sub anno mundi 2591. num. 12. probabimus ipsum Iosue mortuum esse anno decimo sui Principatus exacto: non ergo potuit ipse diuidere terram anno decimoquarto. Deinde, quia licet illa increpatio, *Vsq; quòd marcescit ignauia?* &c. quæ habetur cap. 18. vers. 3. quoquomodo videatur posse indicare, illos aliquamdiu præ ignauia non curasse sibi proprias assignari possessiones; non tamen inde fit consequens, neque videtur verisimile, quòd septem annorum spatio, aut ipsi in tali vecordia ac desidia perseuerauerint, aut Iosue iam senex prouectaq; ætatis, vt dicitur cap. 13. vers. 1. tanto tempore distulerit eos increpare, & sollicitare ad id peragendum, quod ei Dominus ibidem imperauerat: præfertim cum, etiam si vno dumtaxat anno in tali focordia perstitissent, iure meritoque ab ipso reprehendi meruissent, quippe qui statim post assignatas Iudæis ac Iosephitis possessiones, vel saltem non multò post, sibi quoque dari partes suas non solum petere sed etiam contendere debuissent. Denique, si per annos septem præfata septem tribus non curassent sibi assignari vrbes à Chananæis acceptas, easq; inhabitare, proculdubio Chananæi qui (vt numero proximo probabitur) remanserant, easdem denuò occupassent, oportuissetque illas postea rursus ab Hebræis multo labore expugnari. Itaque longè probabilius videtur, supponere, quòd post secundam partitionem, propter reliquarum tribuum negligentiam, dilata sit tantummodò per annum circiter vnum tertia terræ partitio; de qua nos sub anno mundi proximo num. 1. agemus.

QVOD GI-
GANTES ET-
IAM TEM-
PORE DI-
VISIONIS TER-
RAE ESSENT
IN HEBRON

4. Eodem tempore quo data est hereditas tribui Iuda, morabantur Enacim in Hebron, vt apertè dicitur Ios. cap. 14. vers. 12. ibi enim legimus, quòd in partitione terræ, quando Caleb petijt à Iosue partem suam, dixit: *Da mihi montem istum, quem pollicitus est Dominus te quoque audiente, in quo Enacim sunt, & vrbes magna atque munita: si forè sit Dominus mecum, & potuero delere eos,* (intellige Enacinos) *sicut promisit mihi.* & deinde profequitur Sacer textus: *Benedixitq; ei Iosue, & tradidit ei Hebron in possessionem,* &c. Vnde necessarium videtur fateri, quòd post captas à Iosue vrbes Hebron & Dabir, & ab eodem occisos in hisce vrbibus & locis gigantes de stirpe Enacim, vt sub anno mundi 2584. num. 20. dictum est, aliqui ex his, qui tum transfugerant ad vrbes Philisthinorum proximiores, & euaserant gladium Iosue, postea, quando intellexerunt quòd ipse

Iosue

Iosue totusque Israel occupatus erat in bello gerendo contra Reges Aquilonares terræ Chanaan, & in urbibus eorum euertendis; reuersi sunt ad habitandas reficiendasque prædictas vrbes, & præsertim ipsam Hebron. Nam si Iosue iam ceperat Hebron, & interfecerat Regem eius, & non reliquit vllum de stirpe Enacim in terra filiorum Israel, præter eos qui in Gaza, Geth, & Azoto relictæ sunt; vt dicitur Iosue cap. 10. vers. 36. & sequentibus, & cap. 11. vers. 21. & cap. 12. vers. 10. tempore autem distributionis terræ, adhuc erant Enacim in Hebron & urbibus ac montanis eius, vtique concedere oportet, aliquos prius de manu Iosue transfugisse, postea verò ad proprias vrbes occupandas remeasse, quemadmodum nos sub anno mundi proximè citato tetigimus. Idem confirmari potest ex Iosue cap. 15. vers. 13. & sequentibus, vbi dicitur, quòd posteaquam dedit Iosue Hebron Caleb filio Iephone, ipse deleuit ex ea tres gigantes de stirpe Enac, ibidem nominatim recensitos: quamquam arbitror id multò post Iosue obitum contigisse, vt sub anno mundi 2594. num. 2. fusiùs ostendemus, quoniam eadem historia de Hebron à Caleb expugnata, de occisis in ea tribus illis gigantibus, & de promissa datæque filia sua Axa expugnatori vrbi Dabir, qui postea fuit Othoniel nepos eius, iisdem parè verbis repetita legitur Iudic. cap. 1. vers. 10. & sequentibus, inter alia ibidem relata, quæ tunc (videlicet post mortem Iosue) tribus Iuda, duce ipso Calebo, contra Chananæos fortiter gessit, vt partem terræ sibi assignatam, & ab illis occupatam, recuperaret. Vnde hîc obiter inferri potest, librum Iosue non ab ipso Iosue, sed post mortem eius ab aliquo alio (eodem fortè circiter tempore, quo liber Iudicum) fuisse conscriptum: siquidem in eo etiam quædam post obitum Iosue facta narrantur, vt dictum est: & comprobari item potest ex eo, quòd Iosue c. 19. vers. 47. memoratur occupatio & subuersio vrbis Lefem, quæ & Laïs, à Danitis facta; quæ proculdubid cõtigit post mortem Iosue, quando scilicet non erat Dux siue Rex in Israël, vt apertè dicitur Iudic. c. 18. vers. 1. in quo toto capite prædicta pugna & vrbis occupatio describitur. Ceterum, nemini mirum videri debet, quòd in sorte tribus Iudæ, aliquot vrbes priùs à Iosue expugnata, de nuò à Chananæis captæ tentæque essent: quandoquidem id quoque in sortibus aliarum tribuum contigisse, ex Iudic. cap. 1. colligi, ac ferè de singulis exempla proferri possent.

LIBRUM IOSUE AB ALI-
QVO ALIO
POST EIVS
MORTEM
FVISSE CON-
SCRIPTUM.

5. Eodem anno memorati introitus septimo, ex his quæ sub anno mundi 2584. n. 2. diximus, consequitur, filios Israel celebrasse, vel celebrare debuisse primum annum remissionis siue Sabbaticum. Nec refert quòd Abulensis super Leuitici cap. 25. & alij nonnulli existimauerint, Hebræos cœpisse metiri annos remissionis & iubileo ab eo tempore quo ipsi cœperunt pacificè possidere Terram promissionis: nimirum, vt ipsi credunt, ab anno sui introitus decimoquarto: quoniam si benè perpendantur Scripturæ loca, quæ sub anno mundi proximè adducto citauimus, proculdubid videtur inde magis posse inferri, quòd tenerentur dinumerare prædictos annos ab ingressu, quàm à pacifica terræ illius possessione. præterquam quòd pacifica terræ possessio, necessaria quidem erat celebrationi & obseruantia anni Sabbatici; non autem exordio metiendi annos eius. Atqui Hebræos hoc anno septimo pacificè terram illam possedisse, vel illud apertè declarat, quòd eamdem mense quarto eiusdem Anni sacri, vt dictum est, inter se diuiserunt; annus autem Sabbaticus ab Autumno, hoc est à mense septimo, vt sub anno mundi 2584. num. 5. probatum est, incipiebat; vnde benè potuissent illi, si voluissent, celebrare. Sed vt cum sese res habuerit, nolimus in hoc diutiùs immorari: quandoquidem, etiam si quis maluerit alteram modicis defendere, quàm nostram sequi opinionem, nihil parè aliud efficiet; quàm quòd de numero annorum Sabbaticorum, vnum aut alterum excipiendum esse contendet; quod ipsorum ordini, & temporum rationi à nobis initæ, nihil incommodi adferre potest, & nostræ sententiæ non omnino aduersatur: iam enim sub anno mundi paulò antè allegato num. 2. ostendimus, Hebræos non valde accuratos fuisse huius præcepti obseruatores, quin etiam rarò admodum huiusmodi annorum obseruantiam in vsum induxisse.

DE PRIMO
ANNO SAB-
BATIO.

6. Eodem anno ab introitu Israelis in terram Chanaan septimo, mense pariter eius septimo, eo scilicet tempore, quo celebrabatur festiuitas Tabernaculorum, oportet legi cœptam fuisse Legem Domini, vniuerso audiente populo, quemadmodum præceptum fuerat Deuter. cap. 31. vers. 10. & nos sub annis mundi 2583. num. 32. & 2584. num. 6. præmonuimus. Quod quidem laudabile institutum, ad eruditionem populi, aliquamdiu postea singulis septenniis obseruatum fuisse credibile est: tamen si deinde, siue ob bella ac seruitutes, quæ eidem populo superuenerunt, siue aliis de causis intermissum creditur, ita vt temporibus Iosaphat pij Regis, necessarium fuerit mittere quosdam Principes cum Sacerdotibus & Leuitis, qui habentes librum Legis Domini, circumirent cunctas vrbes Iuda, & erudirent populum, vt traditur 2. Paralip. cap. 17. vers. 7. vsque

LEX INCI-
PIT REGI-
TARI CO-
RAM VNI-
VERSO PO-
PYLO CELE-
BRANTE FE-
STVM SCE-
NOPAGIAN.

ad 10. & mortuo Iosaphat, paulatim mox denuò res eò negligentiae & obliuionis deuenit, vt ipsius quoque Legis volumen aliquo tempore deperditum remanserit, donec, Iosia regnante, casu inuentum est in templo, dum instauraretur, ab Helcia summo Sacerdote, vt describitur 4. Reg. cap. 22. vers. 8.

AB ORBE CONDITO

ANNVS 2591.

QVARTÆ MVNDI ÆTAT.

ANNVS 48.

IOSVE
TRANSFERT
CASTRÀ DE
GALGALIS
IN SILO.

IN SILO
PRIMUM
FIGITVR
TABERNA-
CVLVM TE-
STIMONII.

PRÆCEPTO
RVM CAERI-
MONIALIVM
OBLIGATIO
QVANDO
CØPERIT.

IOSVE MIT-
TIT QVI
DESCRI-
BANT TER-
RAM SE-
PTEM RE-
QVIS TRI-
BVVS DIS-
TRIBVEN-
DAM.

DIVISIO
TERRAE AB
SOLVITVR.

A NNO introitus populi in terram Chanaan octauo (quemadmodum ex his, quæ sub anno præcedenti num. 3. ad finem diximus, inferri potest) Iosue transfulit castra Israel de Galgalis in Silo, hoc est in tribum suam: erat enim Silo in sorte Ephraim, nimirum sita ad Septemtrionem vrbs Bethel, & ad Orientalem plagam viæ, quæ de Bethel tendebat ad Sichimam, & ad Meridiem oppidi Lebona: Iudicum cap. ult. vers. 19. Ibi ergo, nimirum in Silo, tunc primum fixerunt Tabernaculum testimonij, quod neque in Galgalis, neque vllò alio in loco terræ Chanaan prius erectum fixumque fuisse vsquam legimus: sed neque prius tali erectione opus fuisse videtur, eò quòd Iosue cum vniuerso pænè populo in bellis contra Chananæos gerendis, & in terra eorum sibi subiicienda, atque ex parte etiam diuidenda hætenus fuerit occupatus. Hunc itaque primum locum elegit Deus in Terra promissionis, in quo sacrificia aliaque ad diuinum cultum pertinentia fieri exerceri que voluit. Et exinde cœperunt præcepta caerimonialia à Deo per Moysen data, obligare Israelitas ad ipsorum obseruantiam, vt colligi potest ex his, quæ traduntur Deuter. cap. 12. vers. 5. vsque ad 15. Porro Iosue, post erectum Tabernaculum, cultumque Dei aliquo modo initiatum, cupiens priusquam moreretur (erat enim valde senex) perficere opus sibi à Deo demandatum, partitionem scilicet totius terræ Chanaan; conuocata multitudi- ne, increpauit ignauiam septem illarum tribuum, quæ proprias nondum acceperant neque procurauerant hereditates, iussitque ternos viros de singulis tribubus deligi, qui terram hætenus non distributam lustrantes diligenter considerarent, describerentque prout ipsis visum esset, ita tamen, vt relinquerent tribum Iuda in parte Australi, & filios Ioseph in Aquilonari eis assignata, mediam autem inter ipsos (subintellige, simul cum reliqua adhuc magis Aquilonari quàm illa quæ filiis Ioseph obtigerat) in septem partes distribuerent: ac deinde redeunt, distributionem ab ipsis factam in scriptis referrent ad ipsum Iosue, qui cum aliis quos elegerat Dominus Numer. cap. 34. vers. 17. vsque ad finem capitis, super ea consulere ac deliberare posset, & post approbationem fortes dare: Iosue cap. 18. vers. 1. vsque ad 9. Oportet autem hic subintelligere, quòd prædicti ad reliquam terram describendam & in septem partes dispartendam delegati, in sui muneris executione aduerterint, eam esse angustiores, quàm vt ex ea tot partes constitui possent: contra verò illam quæ Iudæis data fuerat, esse pro vna tribu nimis latam atque expanfam: & propterea operæpretium duxerint, de ea quoque portionem quamdam Australem describere, quæ pro vna parte sufficeret. Et hæc est, quæ postea obtigit tribui Simeonis. Et insuper alias quasdam Iudæ vrbes describere, alteri parti nimis modicæ applicandas, quæ postmodum obuenerint tribui Dan, vt infra num. 4. dicemus.

2. Mense eiusdem anni septimo (si Iosepho credimus lib. 5. Antiq. cap. 1. qui tamen ibidem, sicuti & aliàs sæpè, quædam à Sacro textu admodum diuersa asserere non veretur, vt conferenti liquere poterit,) qui missi fuerant, peragrata descriptaque terra, redierunt in Silo, vbi ab ipso Iosue, & aliis ad hoc electis, omnibus consideratis accurateque discussis, exactiori quodam modo quàm antea, facta est tribuum partitiō. Et datis fortibus coram Domino inter septem tribus, prima fors quæ de vna fuit extracta, obtigit tribui Benjamin, secunda, tribui Simeon; tertia, tribui Zabulon; quarta, tribui Issachar; quinta, tribui Aser; sexta, tribui Nephtholim; septima, tribui Dan: Iosue c. 18. & 19. Porro termini vrbesque Beniamitarum recensentur cap. 18. vers. 11. vsque ad finem capitis: Simeonitarum verò, cap. 19. vers. 1. vsque ad 10. & 1. Paralip. c. 4. vers. 24. vsque ad finem: reliquarum autem quinque tribuum successiue in dicto Iosue cap. 19. vers. 10. vsque ad finem capitis. Atque hoc pacto expleta absolutaque fuit diuisio totius terræ Chanaan duodecim tribubus, iuxta numerum filiorum Israel: nam pro filiis Leui, qui non sunt recensiti inter filios Israel, nec eis cum ceteris data est possessio, vt dicitur Numer. cap. 26. vers. 62. quia possessio eorum erat Dominus, quemadmodum legimus Deuter. cap. 10. vers. 9. in eorum successerunt locum filij Ioseph in duas diuisi tribus, Manasse & Ephraim, Ios. cap. 14. vers. 4. iuxta decretum quod fecerat Iacob, Genes. cap. 48. vers. 5. quando morti proximus, adoptauit sibi in filios Ephraim & Manasse, de ipsis dicens: *Mei erunt, & sicut Ruben & Simeon reputabuntur mihi.* Et ita constituta

stituta sunt duodecim tribus Israel, præter tribum Levi. Facta igitur fuit memorata terræ diuisio, vt dicitur Iosue cap. 14. vers. 1. ab Eleazaro Sacerdote & Iosue filio Nun, tum alijs decem tribuum principibus Numer. cap. 34. vers. 16. recensitis: inter quos nullus nominatur de tribu Ruben & de tribu Gad, quia duæ illæ tribus iam acceperant possessiones suas trans Iordanem. Locus autem dictæ diuisionis dicitur fuisse in Silo, coram Domino, ad ostium Tabernaculi testimonij: Iosue cap. 19. in fine. Quibus peractis dederunt filij Israel ipsi Iosue possessionem in medio sui, urbem quam postulatuit nomine Thamnath Saraa in monte Ephraim; qui illam reædificauit, & deinceps habitauit in ea: Iosue cap. 19. vers. 49. Eodem quoque tempore credimus, Hebræos memores largæ illius oblationis quam olim fecerat Moyses Iethro focero suo, si vellet secum pergere in Chanaanem, nimirum dandi ei quidquid optimum esset ex opibus quas Dominus daturus erat Israël, vt habetur Numer. cap. 10. vers. 32. hanc humanitatem ac beneficentiam ostendisse erga Cinæos posteros dicti Iethro, vt darent eis optionem habitandi vbicumque eis magis placeret inter filios Israel, illosque pro tunc elegisse sibi domicilia in Iericho, quæ erat in forte Benjamin, & Deuter. cap. 34. vers. 3. dicitur ciuitas Palmarum, hoc est, in agro eius, qui erat omnium fertilissimus: nam ipsa vrbs à Iosue iam funditus destructa fuerat. Quod autem ibi habitauerint Cinæi, apertè colligitur Iudic. cap. 1. vers. 16. vbi dicitur quod postea ascenderunt de ciuitate Palmarum, & transfulerunt se in fortium Iudæ, vt nos sub anno mundi 2594. num. 7. dicemus.

POSSESSIO
IOSVE VBI.

CINÆORVM
HABITATIO
VBI.

DEPOSITIO
NE TERRÆ
CHANAAN,
ET SINGV-
LARYM TRI-
BYVM.

SORS TRI-
BUS IUDÆ,

SIMEONIS,

DAN,
BENIAMIN,
EPHRAIM,
MEDIAE
TRIBVS
MANASSE,
ISSACHAR,
ASER,
ZABVLON,
NEPHTHALIM,
ALTERVS
MEDIETATIS
TRIBVS
MANASSE,
GAD,
RYBEN.

3. Vt autem positionis dictarum sortium aliquam saltem cognitionem habeamus, quando omnino exactam habere non possumus, propter nimis vetusta vrbium terminorumque vocabula, quæ magnam in discernendis sortium finibus pariunt obscuritatem: scire oportet, quod (vt aliàs diximus) tota terra Chanaan cis Iordanem in sua longitudine ab Austro ad Aquilonem, sese extendebat ab Ægypti confinio vsque ad montem Libanum: in latitudine verò, ab Oriente in Occidentem, claudabatur duabus lineis, quarum Occidentalis excurrerat secus Mediterranei maris litus, Orientalis autem ab initio Iordanis vsque ad Meridionalem Maris mortui linguam. Porro tribus Iudæ sortita est partem suam in plaga magis Australi, habuitque totam terræ latitudinem, nimirum à Mari mortuo ad Mediterraneum; contra Aquilonem verò protendebatur vsque ad Ierusalem exclusiue; quamquam in medio sui, contra Austrum, vt mox dicemus, data est hereditas tribui Simeon. Post Iudam contra Aquilonem, data est possessio duabus tribubus, videlicet filiis Dan & Benjamin, istis ad Orientem, illis Occidentem versus. Deinde magis adhuc progrediendo ad Aquilonem, sequebatur hereditas Ephraim, quæ à Iordane ad Mediterraneum excurrerat. Tribui Ephraim immediatè succedebat media tribus Manasse. Postea vltèrius tendendo contra Aquilonem, reperiebantur à dextris quidem Issachar, à læua autem Aser, quibus Aquilonaris erat immediatè fors Zabulon, Zabuloni verò Nephthalim. At verò trans Iordanem, ab Aquilone eundo contra Austrum, primò occurrebat altera medietas tribus Manasse, deinde Gad, postremò Ruben. Hæc est dispositio duodecim tribuum Israel in terra Chanaan, quæ vt melius perciperetur, in mentem venerat, aliquam ex his quæ circumferuntur eiusmodi diuisionis tabulam hinc inferere: sed quoniam illæ vel sacræ Scripturæ non prorsus conformes, vel nimis confusæ videbantur, eò quod illarum auctores non solam terræ partitionem à Iosue olim factam, nec solas vrbes in Scripturis sacris eo tempore memoratas, sed alias quoque mox ædificatas, & multa alia quæ postmodum variata sunt, in illis simul repræsentare voluerunt: propterea ne magis ingenia confundi contingeret, illis omisissis, opportunius visum est, hoc loco clarioris doctrinæ gratia nouam tabellam ponere, licet rudiori quodam modo à nobis delineatam, quæ tantummodò eum dictæ diuisionis statum aliquo modo referat, quem superius descripsimus, & qui ipsius Iosue temporibus extitisse, in Sacris libris traditur; quemadmodum ex infra quoque dicendis comprobari poterit. Peperimus autem vrbes tribuum in Iosue cap. 15. vsque ad 20. nominatim recensitas, propriis locis in tabella signare; tum quod singularum situs & distantia ex Sacris libris plenè haberi posse non videantur; & plurimæ ex vetustioribus, apud alios quoque Auctores, vbinam fuerint, traditum non reperiatur; tum etiam, quia tamen Iosue cap. 15. ad centum quadraginta propè vrbes tribus Iudæ recensitæ inueniantur; nihilominus Scriptura sacra, in capitibus ibidem subsequenter, vbi de aliarum tribuum ciuitatibus agit, paucas admodum, & ferè illas tantum memorat, quæ in circuitu singularum tribuum, & quasi earum fines terminive esse videbantur: tum denique, quia ad id quod nos hinc intendimus, satis esse possit, tribuum tantummodò partitiones, sortiumque ipsarum positiones quibusdam veluti inter se funiculis distinctæ, præ oculis habere, vt in subiecta figura intueri licet.



4. Quòd autem nostra hæc tribuum Israel descripta distinctio ac situatio sacrae Scripturae sit consona, probari potest Inductione. Nam de duabus tribubus, Ruben & Gad, & dimidia tribu Manasse, manifestum est eas sortitas esse terram trans Iordanem, quæ fuerat Schon & Og, duorum Regum Amorrhæorum: id enim ex aliquot Scripturae locis sub anno mundi 2583. num. 25. demonstrauimus: & Deuter. cap. 3. vers. 12. vsque ad 18. aperte traditur, mediæ tribui Manasse datam fuisse dimidiam partem montis Galaad magis Aquilonarem; nimirum quæ à torrente Ieboc excurreret vsque ad terminos Gesluri & Machati, & in qua erat regio Argob & Bafan, aliàs regni Og. Reliquis verò duabus tribubus assignatam traditamque fuisse reliquam medietatem dicti montis, quæ ad Austrum tendit, à dicto Ieboc vsque ad torrentem Arnon; positis Rubenitis ad latus Australe, quod respicit torrentem Arnon, Gaditis verò, in latere vergente ad Ieboc. Quòd autem fors Iudæ fuerit cis Iordanem, essetque pars magis Australis totius terræ Chanaan, inde sit clarum, quòd termini Australes ipsius Iudæ, qui describuntur Iosue cap. 15. vers. 1. vsq; ad 5. iidem prorsus inueniuntur cum finibus Australibus totius terræ Chanaan, Numer. cap. 34. vers. 3. vsque ad 6. descriptis. De tribu Simeon, quòd in medio siue in funiculo possessionis Iudæ accepit hereditatem, aperte traditur Iosue cap. 19. vers. 2. & 9. Vbi obiter nota, quòd in littera videtur numerari quattuordecim ciuitates; & tamen ibidem in summa dicuntur fuisse tantummodò tredecim; quia nimirum Bersabee & Sabeæ sunt veluti nomina synonyma; & vbi dicitur, *Bersabee & Sabeæ*, debet accipi, ac si dictum esset, *Bersabee, quæ & Sabeæ*: vel (vt exponit Auctor Concordantiæ Bibliorum in verbo Bersabee, vbi eadem Iosue verba refert) *Bersabee*, inquit, *id est, Sabeæ*. Et hoc idem colligi potest ex 1. Paralip. cap. 4. vers. 28. vsque ad 32. vbi Scriptura sacra easdem tredecim ciuitates iterum nominatim recenset, omiſſa Sabeæ, tamquam Bersabee nomine comprehensa. Quòd etiam Simeon sortitus sit hereditatem in medio Iudæ, confirmari potest ex aliquot vrbium eius nominibus ibidem recensitis, puta Bersabee, Siceleg, & aliarum, quæ pariter recensitæ fuerant in catalogo vrbium Iudæ; Iosue cap. 15. vers. 26. 28. & 31. Hoc autem diuina providentia factum est, quia hereditas Iudæ admodum lata erat respectu ceterarum, vt Iosue cap. 19. vers. 9. innuitur; & numerus Simeonitarum minor erat aliarum cunctarum tribuum, vt colligi potest Numer. cap. 26. vbi singulæ tribus recensentur; ideò opportunè eis obigit parua portio, à tribu Iudæ rescacata. Porro tribum Benjamin possedisse terram existentem inter filios Iuda & filios Ioseph, expresse habemus Iosue cap. 18. vers. 11. vbi etiam ponitur Iordanis pro termino ipsorum Beniamitarum, (intellige Orientali.) Tribum quoque Dan fuisse positam in confinio tribus Iudæ, & ad plagam quæ respiciebat ad mare Mediterraneum; colligi potest ex Iosue cap. 19. vers. 41. vbi intra terminos possessionis eius numerantur vrbes quædam, nempe Themna siue Thamna, Sara siue Saraa, Esthaol, & alia, quæ prius in catalogo sortis Iudæ, Iosue cap. 15. vers. 33. & 57. recensitæ fuerant, eò quòd aliquæ illarum erant in confinio vtriusque tribus positæ, & aliquæ prius erant assignatæ tribui Iudæ, sed deinde in postrema partitione detractæ ab ea sunt, & sorti, quæ postea obigit tribui Dan, applicatæ; cuiusmodi sunt Saraa & Esthaol; quæ quòd postmodum fuerint vrbes sortis Dan, patet Iudic. cap. 16. in fine, vbi Samson, qui erat de tribu Dan, dicitur sepultus inter Saraa & Esthaol, in sepulchro patris sui Manue; & cap. 18. vers. 2. dicuntur filij Dan misisse quinque viros de Saraa & Esthaol, vt explorarent terram; qui vers. 8. dicuntur reuerſi in Saraa & Esthaol: & vers. 11. de eisdem vrbibus sexcenti viri cognationis Dan profecti referuntur. Quòd autem fors tribus Dan non solùm esset in confinio tribus Iuda, sed etiam in parte Occidentali, ac sese extenderet prope Mediterraneum, manifestè inferitur ex Iosue cap. 19. vers. 46. vbi dicitur, quòd terminus eius (nimirum Occidentalis) respiciebat Ioppen, quæ proculdubio in littore Mediterranei maris erat posita. Igitur, vt dictum est, tribus Benjamin ad Orientem, & Dan ad Occidentem, ambæ erant inter Iudeos & Iosephitas, habebantque Iudæos ad Austrum, & filios Ioseph ad Aquilonem. De ipsis autem Iosephitis, hoc est de tribu Ephraim, & dimidia tribu Manasse, legimus Iosue cap. 17. vers. 10. quòd possessio Ephraim erat ab Austro, & Manasse ab Aquilone, & vtramque tribum claudebat mare, (intellige, ab Occidente Mediterraneum) & iungebantur sibi in tribu Aser ab Aquilone, & in tribu Issachar ab Oriente. Ephraim autem etiam ex parte excurreret vsque ad Iordanem, vt colligitur Iosue cap. 16. vers. 1. Quòd si quis quærat, Si Ephraim pertingebat à Mediterraneo ad Iordanem, eratque ei ab Aquilone ipsa tribus Manasse; qui fieri poterat, vt Ephraim & Manasse iungerent in tribu Aser ab Aquilone? Respondeo, quòd Eph-

QVOD MEMORATA TRIBVVM POSITIO CVM SACRA SCRIPTVRA CONSENTIAT. SITVS TRIBVVM RVBEN ET GAD, ET DIMIDIAE TRIBVS MANASSE, SORTIS IVDAE,

SIMEONIS,

BENIAMINITARVM,

DANITARVM,

IOSEPHITARVM,

raim habebat etiā ciuitates in medio vrbium Manasse, vt apertè traditur Iosue cap. 16. vers. 9. & cap. 17. vers. 9. id est, habebat portionem quamdam suæ hereditatis, quæ ingrediebatur fortem Manasse, secus illum alueum torrentis Cifon, qui fluit ad mare Mediterraneum; & ita in ea parte, Ephraim diuidebat Manassem, quemadmodum in delineatione expressum est, & sic vterque contingebat ab Aquilone fines Afer Australes. Quomodo autem iungerentur in Issachar ab Oriente, facilius erit in tabella delineatum intueri, quàm verbis exprimere. Tribum verò Afer habuisse terminos suos Occidentales in finibus Tyri & Sidonis, & ab Aquilone tribum Zabulon, satis apertè colligitur Iosue cap. 19. vers. 27. vsq; ad 30. quin etiam ipsam Sidonem aliquomodo pertinuisse ad eandem tribum Afer, videtur colligi posse Iudicum cap. 1. vers. 31. & ipsum Afer habitasse in littore maris, apertè traditur in eiusdem libri cap. 5. vers. 17. Siue quia, vt dictum est, etiam ipsa Sidoniorum regio, quæ maritima erat, in Aferis forte comprehenderetur, siue potius, quia, etiam, seclusa Sidoniorum terra, quam constat ab Aferitis numquam fuisse possessam, certum est quòd exitus terræ dicti Afer pertinebant ad mare, in Achziba, vt expressè habemus Iosue cap. 19. vers. 29. Erat autem Achziba, teste B. Hieronymo de locis Hebraicis, quæ postmodum Dipia dicta fuit, in nono milliario à Ptolemaida euntibus Tyrum, in littore nimirum Mediterranei, non longè à promontorio Albo. Hanc Iosephus lib. 1. de Bello cap. 11. vocat Ecdippon; Plinius verò lib. 5. cap. 19. & Ptolemæus Geographiæ libro 5. Tabula Asiæ quarta Ecdippam.

ASERITA-
RYM,

ISSACHA-
RITARVM,

ZABVLONI-
TARVM,

NEPHTHA-
LITARVM.

5. Porro sortem Issachar sese extendisse Orientem versus vsque ad Iordanem, & item ab eadem parte Orientali (subaudi, non procul à Iordane) fuisse contiguam fortibus Ephraim & Manasse, traditur Iosue cap. 17. vers. 10. & cap. 19. vers. 22. De tribu autem Zabulon, quoniam termini eius, Iosue cap. 19. vers. 10. vsque ad 17. nominibus peruetustis subobscure indicantur, non facile definiiri posse videtur, num tota esset Australis, an Aquilonaris, respectu Aferitarum; & utrū à mari Galilææ vsque ad Mediterranei littora, vt quidam existimarunt, excurreret, an non. Nobis magis placet, Aferitas ex vna parte fuisse Zabulonitis multò magis Australes, ex alia verò ferè æquales; vt in tabella nostra delineatum videri potest. Et ratio est, quia, si Scriptura sacra quandoq; ait, quòd terra Afer, vt dictum est, habebat ab Aquilone tribū Zabulon; & quandoque, quòd tangebatur terram Nephthalim ad Occidentem, quemadmodum paulò post ostendimus: vtique oportet, quòd eadem terra Afer alicubi haberet Zabulonitas ad Aquilonem, alicubi verò ipsa contra Aquilonem non minùs ascenderet quàm terra Zabulon, quæ ibidem pariter erat confinis terræ Nephthalim: & consequenter, quòd funiculus Zabulonitarum non pertingeret vsque ad mare Mediterraneum; sed inter ipsum mare & terminos Zabulonitis Occidentales, media esset pars fortis Afer, vel etiam regio Sidoniorum, vt in tabella expressum est. Ceterum, quoniam in Iacobi prophetia Genes. cap. 49. vers. 13. legimus: *Zabulon in littore maris habitabit, & in statione nauium, pertingens vsque ad Sidonem.* Quæ verba manifestè videntur exprimere loca habitationis Zabulonitarum, non autem (vt exponit Malus) loca negotiationis ipsorum: & præterea, quia Matthæi cap. 4. vers. 13. traditur, Capharnaum urbem in littore maris Galilææ positam extitisse in finibus Zabulon & Nephthalim; prof: & d ex hisce duobus Scripturæ locis videtur quidem posse colligi, Zabulonios habitasse in littore maris Galilææ; sed non necessariò inferri, quòd ipsorum fors porrecta esset vsq; ad mare Sidoniorum, neque omnino vsque ad fines Orientales ipsorum, cum illud *pertingens vsque ad Sidonem*, rectè etiam videatur posse accipi, ac si diceretur, *pertingens ferè vsque ad regionem Sidonis*: alioqui quomodo terra Nephthalim (quæ magis erat Aquilonaris quàm terra Zabulon) potuisset attingere terram Afer ab Occidente? & tamen id apertè asseritur Iosue cap. 19. vers. 34. Denique, quòd etiā fors tribus Nephthalim haberet confinia sua ad mare Galilææ, ex loco Matthæi proximè adducto deduci potest; & confirmari ex Iosue cap. 19. vers. 35. vbi inter vrbes eius connumeratur quoq; Cenereth, quæ posita erat in littore dicti Maris; & ab ea olim illud denominabatur mare Cenereth, sicuti postea, temporibus Tiberij Cæsaris, mare Tiberiadis dictum fuit, eò quòd Herodes eandem urbem, in honorem dicti Imperatoris, Tiberiam appellasset. Propterea, id quod de tribu Nephthalim Deuter. cap. 33. vers. 23. legimus: *Mare & Meridiem possidebit.* rectè, iuxta Lyranum & alios, de mari Galilææ potest accipi: nam & Abulenlis ibidem exponit, id est, à Meridie habebit mare Galilææ. Cui expositioni fauet etiam Chaldaica Paraphrasis, quæ eo loci exprimit mare Genesar, vt videre est in Bibliis Regiis. Est autem idem mare Genesar siue Genesareth, quod mare Galilææ.

Galilææ. Protendebantur verò confinia Nephthalim secus Iordanem, vbi colligitur Iosue cap. 19. vers. 33. intellige, supra mare Galilææ contra Aquilonem, vsque ad eam regionem, quæ postea à Danitis occupata fuit. Ad Meridiem autem, termini Nephthalim pro maiori parte contingebant Zabulonitas, & terram Aseritarum ad Occidentem, vt cap. Iosue citato vers. 34. exprimitur. Quomodo autem (vt ibidem subiungitur) terminus Nephthalitarum pertransiret etiam in Iuda ad Iordanem contra ortum solis, vix capi potest, præsertim cum inter Nephthalitas & Iudæos plurimæ tribus essent interpositæ; ita vt illi, quod attinet ad eorum hereditates, inuicem se contingere nullo modo possent. Nisi fortè illud Iudæ, ibi non tribum Iudaicam, sed urbem aliquam, vel locum sic appellatum significet, qui ad Orientalem Nephthali plagam tunc esset positus. Verumtamen de hoc nihil certi asserere possumus. Certè in LXX. Interpretum editione, nulla ibidem Iudæ mentio reperitur: cur verò in Vulgata positum sit, hæcenus incompertum habemus.

6. Ceterum, in præfata nostra diuisionis terræ Chanaan descriptione, duo sunt aduertenda. Alterum est, eam non semper postea eo prorsus modo quo à Iosue præfinita fuerat, perseverasse; sed precedentibus temporibus nonnihil, vt fit in rebus humanis, fuisse variatam: nam clarum est, Danitas mox alias sibi sedes quæsiuissè, vt tangitur Iosue cap. 19. vers. 47. & latè describitur Iudic. cap. 18. per totum. & Simeonitas Davidis vel potiùs Roboami temporibus à Iudæis pulsos (vt præcipui Hebræorum Rabbini opinantur) aliò transmigraßè, vel regnante Ezechia, tamquam emissis coloniis, ad vberiora pascua profectos esse, vt colligitur 1. Paralip. cap. 4. vers. 39. Scimus etiam quòd Ierusalem, quæ in possessione Beniamitarum continebatur, postea in sorte Iudæorum reputata fuit, quoniam Iebusæos in ea habitantes, quos priùs neque Iudæi, vt dicitur Iosue cap. 17. in fine, neque Beniamitæ, vt habetur Iudic. cap. 1. vers. 21. superare potuerant; demum Dauid Iudæus inde expulit. & Siceleg, quæ in parte Simeonis concesserat, mox pariter in partem Iudææ redacta fuit. Alterum est, quòd non omnis terra singulis tribubus assignata, statim ab ipsis acquisita possessa quæ fuit: nam de Iuda legimus Iudic. cap. 1. vers. 19. *Nec potuit delere habitatores vallis, quia falcatis curribus abundabant.* Et de Ephraim Iosue cap. 16. in fine, & Iudic. cap. 1. vers. 29. dicitur: quòd non interfecit Chananæum, qui habitabat in Gazer. De Manasse item Iosue cap. 17. versic. 12. hæc habentur: *Nec potuerunt filij Manasse has ciuitates subuertere, sed cepit Chananæus habitare in terra sua.* & Iudic. cap. 1. vers. 27. *Manasses quoque non deleuit Bethsan, & Thana cum viculis suis, & habitatores Dor, & Ieblaam, & Mageddo cum viculis suis, cepitque Chananæus habitare cum eis.* Et filius Ioseph conquerentibus quòd terra eis data, esset angusta, respondit Iosue dicens: *Si populus multus es; ascende in siluam, & succide tibi spatia in terra Perezæi & Raphaim,* Iosue cap. 17. vers. 15. De Beniamin verò sic dicitur Iudic. cap. 1. vers. 21. *Iebusæum autem habitatorem Ierusalem non deleuerunt filij Beniamin, habitauitque Iebusæus cum filiis Beniamin in Ierusalem.* De aliis etiam tribubus ibidem vers. 30. legimus: *Zabulon non deleuit habitatores Cetron, & Ngolol; sed habitauit Chananæus in medio eius, factusque est ei tributarius. Aser quoque non deleuit habitatores Accho, & Sidonis, Ahalab, & Achazib, & Helba, & Aphec, & Robob: habitauitque in medio Chananæi habitatoris illius terræ, nec interfecit eum. Nephthali quoque non deleuit habitatores Bethjames, & Bethanath; & habitauit inter Chananæum habitatorem terræ, fueruntque ei Bethsamita & Bethanita tributarij. Arctauitque Amorrhæus filios Dan in monte, nec dedit eis locum vt ad planiora descenderent.* Item Iosue cap. 13. vers. 13. legimus: *Nolueruntque disperdere filij Israel Gessuri & Machati, & habitauerunt in medio Israël vsque in presentem diem.* Præterea Iudic. cap. 3. vers. 3. & 5. recensentur gentes relicte à Domino in terra Chanaan; nimirum Philisthim, Sidonij, Chananæi, Hetthæi, Amorrhæi, Perezæi, Heuæi, & Iebusæi, in quorum medio habitauerunt filij Israël.

7. Causa autem cur reliquerit Dominus has gentes inter filios Israël, fuit quadruplex. Primam tetigit Angelus Iudic. cap. 2. vers. 2. Quia nimirum Hebræi, contra præceptum Domini quod habetur Numer. cap. 33. vers. 51. & Deuter. cap. 7. vers. 1. vsque ad 6. inierunt fœdus cum Chananæis. Propterea (inquit ibi Angelus) *nolui delere eos à facie vestra, vt habeatis hostes, & dij eorum sint vobis in ruinam.* Simile quid legitur in eodem Iudic. cap. 2. vers. 20. vsque ad finem capituli. Altera causa indicatur Exod. cap. 23. vers. 29. illis verbis: *Non eiiciam eos à facie tua anno vno, (id est in prioribus annis ab adepta terræ possessione, vsurpato videlicet numero singulari pro plurali) ne terra in solitudinem redigatur, & crescant contra te bestia: paulatim expellam eos de conspectu tuo, donec augearis, & possideas terram.* Et idem ferè habetur Deuter. cap. 7. vers. 22.

MEMORATA
TERRÆ
PARTITIO
MOX NON-
Nihil MY-
TATA.

SINGULAS
TRIBUS NON
STATIM POS-
SIDERE PO-
TUISSE TO-
TAM TER-
RAM IPSIS
ASSIGNA-
TAM.

CVR RELI-
QUERIT DŌ
MINVS CHA-
NANÆOS
INTER IS-
RAELITAS.

vers. 22. Ac si dicere voluisset: Terra Chanaan multò latior est, quàm vt à vobis tota inhabitari colive queat; cum non tam multi sitis, qui eam replere valeatis. Quamobrem, si statim in ingressu vestro ego disperderem omnes illas gentes, quæ nunc eam incolunt; proculdubio terra illa remaneret magna ex parte deserta, augeturque in ea multitudo ferarum, quæ vobis non parum molesta ac noxia esset: propterea gentes illas paulatim eiiciam, ad incrementi vestri proportionem; ita vt quantum vos indies multiplicari contingerit, ac dilatari oportuerit, tantum illos sensim à vobis exterminari permittam. Tertia causa proditur Iudic. cap. 3. vers. 1. *Vt scilicet erudiret in eis Israel, & omnes qui non nouerant bella Chananeorum; vt postea discerent filij eorum certare cum hostibus, & habere consuetudinem preliandi.* Quibus verbis aperte insinuat, Dominum reliquisse hostes Israeli, non vt ei malefaceret; sed magis vt eum ad maiora bona prouheret, atque ab eo impedimenta maioris boni consequendi amoueret; nimirum, vt hac ratione occasiones valde salutares eisdem daret, perniciofa à filiis suis otia arcerendi, & exercendi eos ad prælia, gloriosasque victorias de hostibus reportandas. Vide quanta fuerit Dei benignitas ac prouidentia erga populum illum adhuc carnalem, & disce non minora ab eodem sperare, in his præsertim quæ ad spiritum pertinent; vt intellegas, non otiose, etiam post spiritualem regenerationem & veram in Deum conuersionem, in nobis relictum esse fomitem peccati, variasque tentationes; vt earum punishmentibus excitati, acrius prouocemur ad cõtinuam luctam aduersus principes tenebrarum, & aduersus carnem & sanguinem, hoc est proprias cõcupiscentias, quæ militant in membris nostris; & denique ad vitia prauasque consuetudines, quarum typum illæ gentes in populo Israelitico gerebant, de cordibus nostris, Deo bene iuuante, exterminandas. Quarta demum causa, cap. Iudicum citato vers. 4. subiungitur illis verbis: *Dimisitq; eos (subaudi Chananeos) vt in ipsis experiretur Israel, utrum audiret mandata Domini, quæ præceperat patribus eorum per manum Moysi, an non. id est, vt sic apertius se proderent inter Israelitas, quinam verè in diuino cultu & Moysaica Legis obseruantia essent stabiles, & qui inconstantes & leui corde, ac facili ex Chananeorum consuetudine ad idola colenda defluerent.* Simile illud est quod dicebat Apostolus 1. ad Cor. cap. 11. vers. 19. *Oportet & hereses esse, vt & qui probati sunt, manifesti fiant in vobis.* Prima ergo causa cur non deleuerit Dominus de terra Chanaan ad introitum Israelis omnes gentes in ea prius existentes, fuit quidem, vt dictum est, Hebræorum prauaricatio: sed pius Dominus, qui (vt dicebat S. Augustinus Enchiridij cap. 27.) *melius indicauit de malis bene facere, quàm mala nulla esse permittere.* dixit Israelitarum transgressio- nis pœnam vertit eis in bonum; vt scilicet terra illa non remaneret magna ex parte inculta & inhabitata, ferisq; magno cum Hebræorum detrimento obnoxia. Et item, vt in eis erudiret exerceretq; Israel ad prælia; ab eisdemque otia, malorum omnium incentiua, tolleret. Et denique, vt per hoc manifesti fierent, qui ex Hebræis Deo veraciter adhærent; & qui ab eo facili averti se sinnerent, vt paulò antè latius explicatum est.

DE SEX RE-
FUGII CIVI-
TATIBVS.

8. Diuisa duodecim tribubus Terra promissionis, Iosue in eodem loco, nempe in Silo manens, separauit constituitque iubente Domino sex refugij ciuitates, quæ essent iis qui casu aliquo proximum percussissent, veluti Asyla quædam, ad quæ tutò confugere possent, & ibidem impunè morari, donec causa esset cognita, quemadmodum iusserat Dominus Moysi Numer. cap. 35. vers. 9. & sequentibus. Fuerunt autem istæ vrbes, ad commoditatem vniuersi populi, delectæ, tres citra Iordanem, locis opportunioribus; vna videlicet nomine Cedes, in tribu Nephtholim; altera vocabulo Hebron, in tribu Iuda; quæ duæ tribus pænè erant in extremitatibus terræ Chanaan positæ; tertia verò Sichem, in tribu Ephraim; quæ in medio ferè totius Chanaanæ locata erat. Et similiter alix tres ciuitates trans Iordanem; illæ nimirum, quas constituerat Moyses Deuter. cap. 4. vers. 41. vsque ad 44. videlicet Bosor, in tribu Ruben; & Ramoth, in tribu Gad; & Golan siue Gaulon, in tribu Manasse: Iosue cap. 20. per totum; vbi etiam ponuntur quædam circumstantiæ, quibus discerni possent, quinam tali priuilegio gaudere deberent.

CIVITA-
TES 48. LE-
VITIS ASSI-
GNATÆ.

9. His constitutis, Iosue ad petitionem principum familiarum Leui eadem in Silo factam, iussit separari ab omnibus tribubus Israel quadraginta duas vrbes cum subur- banis suis, quas simul cum prædictis sex refugij ciuitatibus, (quæ faciunt summam quadraginta octo urbium) sorte distribuit vniuersæ tribui Leui, prout præceperat Dominus per Moysen, Num. cap. 35. vers. 2. vsque ad 9. Erant autem familiæ Leuiticæ tres primariæ iuxta numerum filiorum Leui, qui fuerunt Gerson, Caath, & Merari, à quibus

quibus prodierunt familiae Gersonitarum, Caathitarum, & Meraritarum, ut dicitur Num. cap. 26. vers. 57. Aaron verò fuerat de familia Caath, ut patet ibidem vers. 59. & 1. Paralip. cap. 6. vers. 3. Igitur prima fors egressa est in familiam Caath filiorum Aaron Sacerdotis; & propterea ipsi filii Aaron, qui omnes erant Sacerdotes, ante omnia datae sunt tredecim ciuitates de tribubus Iuda, Simeon, & Benjamin. Et in hoc quoque diuina eluxit prouidentia, disponens ut Sacerdotibus, magna saltem ex parte, obuenirent vrbes non valde remotae à Ierusalem, in qua postea construendum erat templum, ut commodius deinde praestò esse possent in eo sacra facere. Reliquis verò filiis Caath inferioris gradus (sic enim Scriptura sacra loquitur) id est, qui non erant de stirpe ipsius Aaron, & consequenter non erant Sacerdotes, sed tantummodò Leuitae, assignatae fuerunt vrbes decem, acceptae à tribubus Ephraim, Dan, & dimidia tribu Manasse cis Iordanem. Gersonitis postea distributae sunt aliae vrbes tredecim, de tribubus Issachar, Aser, Nephthalim, & altera medietate tribus Manasse existente in Basan trans Iordanem. Postremo, Meraritis applicatae sunt vrbes duodecim, in tribubus Ruben, Gad, & Zabulon, Iosue cap. 21. vers. 4. vsque ad 41. & ibidem quoque nominatim recensentur singula praedictarum omnino vrbium nomina. Atque haec fuit portio, non modica sanè, quin potius copiosa valde & optima filiorum Leui, si numerum & qualitates ceterarum vrbium, quae singulis aliis tribubus obtigerunt, attendamus. Cur autem tribus Leui non fuerit ab aliis segregata, sicut & reliquae ab inuicem; duplex ratio assignari solet: Vna est, quoniam cum tribus Leuiticis munus esset, erudire populum in his quae ad Dei cultum pertinerent, quemadmodum nos sub anno mundi 2545. num. 18. probauimus, ut id commodius praestare possent, necessarium quodammodò fuit eos sparsim inter alias tribus fuisse distributos. Altera, ut Iacobi prophetia adimpletur, Genes. cap. 49. vers. 5. descripta, vbi de ipsius Leui & Simeonis posteritate vaticinans, ait: *Diuidam eos in Iacob, & dispergam eos in Israel.* Quomodo autem etiam filij Simeon diuisi sint in Israel, aliàs dicendum erit.

10. Nunc, quod attinet ad ciuitates Leuitis attributas, aduertere oportet, nihil ipsos Leuitas de ditione ipsarum accepisse, nisi tantummodò suburbana, quae foris ab vnaquaque ciuitate parte bis mille cubitorum, hoc est mille passuum spatio dumtaxat tendebantur; vrbes namque ad habitandum, suburbia verò ad pecora iumenta quae sua pascenda data sunt, quemadmodum exprimitur Num. cap. 35. vers. 2. vsque ad 6. reliqui verò dictarum vrbium agri illis tribubus remanserunt, in quibus dictae ciuitates erant sitae. Etenim Leuitis praecceptum fuerat Num. cap. 18. vers. 20. ut nihil in Terra promissionis possiderent, nec partem haberent inter filios Israel, quoniam Dominus ipse pars & hereditas ipsorum erat. Ad victum autem & sustentationem ipsorum, ut ibidem subiungitur, dedit eis Dominus omnes decimas Israelis, pro stipendio ministerij quo ei in Tabernaculo foederis deferuebant; praecipitque eis, ut decimarum essent oblatione contenti. De quibus sanè decimis satis superque pro instituti nostri ratione, sub anno mundi 2548. num. 10. dictum est.

11. Absolutis omnibus, quae circa partitionem terrae duodecim tribubus, & distributionem vrbium tribui Leuiticis, quae erat tertiadecima, factam pertinebant; videns Iosue, quòd Deus iam tradidisset Israeli omnem terram, quam se traditurum olim iurauerat; & quòd iam pacifice illam possiderent; vocatis ad se Rubenitis, Gaditis, & dimidia tribu Manasse, commendauit eos, quòd opere implescent quae promiserant Moyse, quando assignauit eis partes trans Iordanem; nimirum quòd haecenus multo tempore fortiterque bellassent pro fratribus suis. Deinde dimisit eos cum benedictione Domini, & cum argento & auro, aere & ferro, vesteque multiplici, ut irent in pace, vnusquisque ad tabernacula sua, praeciens eis, ut memores essent Domini Dei sui, & ambularent in omnibus viis eius, custodientes praeccepta, quae per Moysen dederat eis; & in summa, ut diligenter Deum, eique perpetuò deferuirent in toto corde suo. De cetero, monuit eos, ex quo spoliis valde opimis onusti redibant ad sedes suas; ne recusarent diuidere praedam cum fratribus suis, qui domi ad custodiendas res familiares remanserant. Contigit autem, ut redeuntibus, cum petuissent ad Iordanem, vnanimis aedificaret altare immensae magnitudinis. Quamobrem suspicantes reliquae tribus, illos defecisse à cultu Domini Dei sui, cogitabant dimicare contra eos; sed missa legatione, cum audissent non iniustas magni illius aedificij causas, & quòd altare illud non extructum fuerat ad holocausta victimarum super eo offerendas, sed tantummodò, ut illud esset in testimonium posteris, quòd licet seorsum ab aliis trans Iordanem habitarent, nihilominus ipsi quoque haberent partem in Domino, & ius veniendi ad Tabernacu-

CAATHITIS
FILIIIS AA-
RON CIVI-
TATES 13.

RELIQVIS
CAATHITIS
VRBES 10.

GERSONI-
TIS VR-
BES 13.

MERARITIS
VRBES 12.

CVR TRIBVS
LEVINON
EVIT AB A-
LITIS SEGRE-
GATA.

LEUITIS NVL-
LAE POSSES-
SIONES, SED
DECIMAE
TANTVM AS-
SIGNATAE.

IOSVE DI-
MITTIT RV-
BENITAS,
GADITAS, ET
DIMIDIAM
TRIBVM MA-
NASSE IN
TERRAM
ALIAS IPSIS
A MOYSE
ASSIGNA-
TAM.

CVR DICTAE
TRIBVS AD
IORDANEM
EREXERINT
ALTARE.

QVANTA
FVLKIT DI-
VINA BENE-
FICENTIA
ERGAPOPV-
LVM SVVM,
ET ECON-
VERSOEIVS
DEM POPV-
LI INGRA-
TITVDO.

lum Domini, & offerendi super Altare in eo existente holocausta & hostias Domino, sicut & illi qui eis Iordanem habitabant: hæc, inquam, cum audissent qui ab Israele missi fuerant, accepta satisfactione, acquieverunt omnes, & redierunt cum pace singuli ad possessiones suas; Iosue cap. 21. vers. 41. vsque ad finem, & cap. 22. per totum. Ceterum, quanta à promissionibus Abrahæ factis populo suo Deus beneficia hucusque contulerit, breui compendio, per modum laudis repetita, pius Lector inueniet in toto Psalmo 104. vbi post multa deuote enumerata, sanctus Propheta rem tandem Psal- mumque concludit illis verbis: *Et dedit illis regiones gentium, & labores populorum pos- sederunt: vt custodiant iustificaciones eius, & legem eius exquirant.* Quod quia neuti- quam fuit præstitum, propterea idem B. Psaltes ibidem in proximo Psalmo prosequit- ur commemorare, quanta quoque hætenus & deinceps fuerit eiusdem populi ingra- titudo, multis sanè interim & frequentibus manifestata præuaricationibus ibidem re- censitis; ob quas variis item tribulationibus paternisque castigationibus ab eodem Do- mino affligi promeruit. Et denique in Psalmo 106. consequenter pluribus ostendit, quanta nihilominus fuerit erga eundem populum diuina bonitas, quæ non semel at- que iterum ac tertio, sed semper & quotiescumque filij Israel verè conuersi sunt ad Dominum, exaudiuit eos, & de cunctis eorum calamitatibus clementer eripuit; vt pro- ximis Iudicum præcipuè temporibus manifestè intueri licebit.

12. Quoniam autem quæ sequuntur in gestis Iosue, paulò ante eius obitum acta esse, ex infra sub anno mundi 2593. num. 1. & sequentibus dicendis apparebit, vt eadem sub anno proprio collocare possimus, necessarium prius est disquirere ac determinare, quot annis à subacta terra Chanaan superuixerit Iosue, seu quot annis imperauerit Israeli: id enim hætenus apud Scriptores valde perplexum fuit, & si benè discussum ac decisum fuerit, non solum facile erit determinare, quam longum fuerit illud tempus, quod Iosue cap. 23. in principio capitis indefinite pronuntiatur fluxisse à subiugatis Chana- næis ad ea quæ ibidem subiunguntur: sed etiam, quod admodum optabile est, multa ad sacram Chronologia pertinentia adhuc valdè obscura, dilucidari poterunt, & multi aliorum Scriptorum errores detegi & vitari, quemadmodum ex dicendis, Deo fauente, planum fiet. Sciendum igitur primò est, varias admodum de annis Principatus Iosue Scriptorum fuisse sententias: nam Iosephus lib. 5. Antiq. cap. 1. prope finem, di- cit Iosue populo præfuisse annis viginti quinque, Auctor Chronologiæ maioris Hebræo- rum cap. 12. annis vigintiocto; Eusebius in Chronico, annis vigintiseptem; Andreas Masius super versu 31. postremi capitis Iosue, ait, Iosue Ducatū perdurasse, vel vt habet citata Hebræorum Chronologia, annos vigintiocto; vel vt ipse putat, annos vigintifex; Maimonius ibidem à Masio allegatus, numerat eiusdem Iosue Ducatus annos quat- tuordecim; Io. Lucidus lib. 2. de Emendatione temporum cap. 8. annos decem & se- ptem; Caietanus super cap. Actorum 13. annos decem (tribuit enim Moyse & Iosue si- mul annos quinquaginta.) Hæc opinionum tanta varietas ortum habuit, vt arbitror, ex diuersimoda ratione computandi annos ab exitu Israel de Ægypto ad prima Templi fundamenta decursos, vt mox ostendemus. Solent autem ista tempora in vniuersum dupliciter supputari: Vno modo, dinumerando annos singulis Iudicibus attributos seorsum ab annis Interregnorum seu seruitutum, qui in lib. Iudicum inueniuntur ex- pressi. Altero modo, omisis Interregnorum annis, tamquam in annis Iudicum com- prehensis. Et iste secundus supputandi modus videtur magis congruere cum his quæ dicuntur 3. Reg. cap. 6. vers. 1. vbi expressè asseritur, quod Salomon iecit fundamenta Templi anno quadragesimo octogesimo, ex quo exierat populus de Ægypto. quæ annorum subductio necessariò supponere videtur, annos Interregnorum nequaquam annis Iudicum fuisse additos, sed in ipsis inclusos, vt mox patebit. Quamquam neque omnes Auctores in alterutro supputandi modo semper vniformes extiterunt, vt infra videbimus; vnde non mirum est, si etiam in assignandis Principatui Iosue annis tam varij inueniantur.

ANNI AB
EXITV DE
ÆGYPTO
AD TEMPLI
FVNDAMEN-
TA BIFA-
RIAM PVTA-
TI.

PRIMASVP-
PVTANDI
RATIO.

13. Primum supputandi modum secutus est Iosephus, qui 8. Antiq. cap. 2. non longè ab initio capitis (vt videre est in codicibus eius incorruptis) colligit, ab exitu ad funda- tionem Templi, summam annorum quingentorum nonaginta duorum. Dixi, In codi- cibus incorruptis: quia ipsemet Iosephus, idem implicite repetens 10. Antiq. cap. 11. non procul à principio, ait, Templum fuisse incensum post annos quadringentos se- ptuaginta ex quo extrui cœperat; & ab egressu populi de Ægypto, annis mille ac sexa- ginta duobus: à quibus si excipias annos quadringentos septuaginta status Templi, vti- que remanebunt ex Iosephi sententia, à dicto exitu ad initium fabricæ eiusdem Tem- pli,

pli, vt diximus, anni quingenti nonaginta duo. Vnde patet, falsos esse illos Iosephi codices, quos secutus est Abulensis super cap. 6. lib. 3. Reg. quæst. 4. qui 8. Antiq. cap. 2. habent, Templi fabricam fuisse inchoatam post annos sexcentos duodecim ab exitu Egyptiaco, & pariter alios Iosephi codices ex versione Rufini, qui eodem loco dicunt, eandem fabricam cœpisse post annos quingentos & duos: & hos secuti sunt Carthusianus super loco Reg. proximè citato, & Hugo Cardinalis ibidem, & Sabellicus Enneadis 1. lib. 9. non aduertentes eiusmodi codices vel ab aliquo de industria fuisse corruptos, vel librarium incuriam deprauatos: alioqui, vt probauimus, secum ipse pugnaret Iosephus. Aduertendum verò est, eundem Iosephum recessisse à Textu sacro in anno vno: nam præter annos aliorum Iudicum, numerat etiam annum ferè vnum ipsius Samgar. Nonnulli autem, annum illum incompletum ipsius Samgar, in illis annis octoginta Aod includendum putant, vt nos sub anno mundi 2720. num. 1. dicimus; quod certè Sacro textui magis consentaneum videtur. Propterea Iosephus collegit ab exitu ad Templum annos quingentes nonaginta duos, alij autem quingentes nonaginta vnum: sed hoc parum refert; non enim in tanta annorum summa, de vnus anni differentia curandum est. Alteram supputandi rationem inierunt ferè omnes præcipui Scriptores Catholici, & plurimi item Hebræorum, secuti exemplum Scripturæ sacræ loco Reg. superius citato. Verumenimverò, in colligenda illa quadringentorum octoginta annorum summa diuersimodè procedentes, & multi à recto tramite diuantes, in variis errores absurditateque inciderunt. Quamobrem probare non possumus modum, quem tenuit Abulensis super cap. 3. Iudic. quæst. 12. & super cap. 1. Ruth, quæst. 3. tum quia sine causa annos Principatus Iosue comprehendi putat in annis quadraginta Ducatus Othonielis, tum etiam, quia decem & octo annos afflictionis, quam populus inter Iair & Iephte (vt ipse asserit) ab Ammonitis perpeffus est, connumerandos putat, reliqua verò Interregna nequaquam; cum tamen nulla maior ratio habenda sit de his quam de alijs, nec ipse aliam de hac re causam adducat, nisi quia (inquit) si prædicti anni decem & octo non computentur, non poterit compleri summa quadringentorum octoginta annorum in Sacro eloquio notata: quasi pro summa hac adinuenienda, nulla commodior iniri ratio posset. Iisdem ferè de causis admittere non possumus computum Masij in postremo Iosu. capite iam citato, quoniam numerat duo Interregna, nimirum illud Seniorum post obitum Iosue, quod dicit fuisse duorum vel quattuor annorum, & aliud in quo seruierunt Israelitæ Regi Mesopotamiæ octo annis; cetera verò Interregna præterit. Et item, quia dinumerare omittit viginti annos Samsonis, quem non iudicasse Israellem existimat, contra expressum Scripturæ sacræ textum, Iudic. cap. 11. vers. 20. Superuacaneum puto, reliquos huiusmodi supputationum modos variè ab alijs adinueniunt, & pro libito suo ad proprios ipsorum sensus accommodatos, hinc sigillatim recensere ac confutare; præsertim cum ex vno alteròve exemplo cetera discere liceat. propterea ne longiores simus, ad vltiora procedendum erit.

ALTERA
SUPPUTAN-
DI RATIO.

REFELLI-
TYR ABV-
LENSIS SUP-
PUTATIO.

ITEM ALIA
MASIJ.

14. Quoniam igitur (vt dicebamus) in vtraque supputandi ratione non omnes eandem viam tenuerunt, neque omnes item prædictorum annorum supputatores, tum sacræ Scripturæ tum Iosephi codices emendatores habuerunt; hinc factum est, vt in assignandis Præfecturæ annis trium illorum Iudicum, quorum tempora in Sacris libris minimè notata reperiuntur, nimirum Iosue, Samgar, & Samuelis, non omnes conuenerint. Nos ergo, vt in re tam varia, obscura, & controuersa, quod nobis tum rationi tum sacræ Scripturæ magis consentaneum videtur, proferamus, dicimus, quòd ex quo communior opinio est, Præfecturam ipsius Samgar minus vno anno perdurasse, eamque in octoginta illis Ducatus Aod annis esse includendam: & item, quia licet in Veteri Testamento nulla fiat determinatio annorum Principatus Samuelis & Saulis, tamen in Nouo, videlicet Actorum cap. 13. vers. 21. in illis quadraginta annis, qui ibidem tribuuntur Sauli, comprehenduntur etiam anni Præfecturæ Samuelis, vt nos sub anno mundi 2779. num. 10. fusiùs probabimus: & præterea, quoniam, si sequamur probatos codices, in vtroque memorato subducendi modo non videntur (secluso tempore Ducatus Iosue) ad prædictas annorum summas conficiendas deficere, nisi tantummodò anni decem & septem, vt ex subiectis supputationibus manifestè apparebit: propterea Ducatui ipsius Iosue non plusquam septemdecim annos assignandos esse censemus. Quamquam dupliciter possunt isti anni, Præfecturæ ipsius Iosue attribui: Vno modo, vt intelligamus, ipsum Iosue toto illo tempore vixisse in suo Principatu; illud autem longum tempus indeterminatum, in quo post mortem Iosue superuixerunt Seniores Israel, & populus seruiuit Domino, quemadmodum dicitur Iosue cap. vlt. vers. 31. &

AVCTORIS
SENTENTIA

Iudic. cap. 2. vers. 7. intelligatur in annis Ducatus Othonielis debere comprehendi. Altero modo, vt septemdecim illi anni, inter Præfecturam Iosue & tempus Seniorum sint dispartendi; ita vt decem tantummodò primis annis superfuerit Iosue, septem verò reliquis superuixerint prædicti Seniores; & nihilominus omnes illi decem & septem anni tribuantur Ducatui ipsius Iosue, eò quòd illi Seniores, qui fuerant consiliarij eius, & participes regiminis illius, illo mortuo, idem regimen sine Duce continuarunt. Et hoc nobis longè magis placet; tum quia regimen Seniorum conuenientiùs tribui debet Principatui Iosue, qui & ipse erat senior, quàm Ducatui Othonielis, qui fuit omnibus illis valdè iunior; tum etiam, quia Iosue cap. 13. vers. 1. satis clarè insinuari videtur, ipsum Iosue iam propè ad extremam peruenisse senectam, priusquam diuideret terram; ibi enim sic legimus: *Iosue senex, prouectusq. atatis erat, & dixit Dominus ad eum: Senuisti, & longæus es, terraq. latissima derelicta est, quæ necdum sorte diuisa est,* &c. deinde vers. 7. subditur: *Et nunc diuide terram,* & quæ sequuntur. quasi diceret: Noli amplius differre diuisionem terræ, quia iam valdè senex es, & consequenter pauci admodum adhuc tibi restant vitæ anni. Quare multò probabilius credendum est, quòd Iosue, qui septimo sui Principatus anno, vt dictum est, cœpit diuidere terram, post illius diuisionem tres tantummodò annos superuixerit, quàm decem; & per consequens, quòd præfuerit populo decem dumtaxat annis, vt sentiunt Caietanus & Naclantus locis suprà citatis, & alij; quàm decem & septem, vt crediderunt Io. Lucidus & alij. Ad Iosephum autem & alios, qui multò plures Ducatui Iosue annos assignarunt, dicimus primò, posse nos satis rationabiliter suspicari, vel Iosephi textum, vbi dicit, Iosue populo imperasse annis viginti quinque, esse corruptum; vel eundem Iosephum in recensendis aliorum Iudicum Interregnum quæque annis, non omnino secutum fuisse Sacrum textum; sed, nescio quomodo, octo annos minus subduxisse, eosque, vt suppleret, ipsius Iosue Principatui addidisse, sicuti etiam (vt notat Lucidus vbi suprà) Eusebium fecisse comperimus: nam cum in serie Iudicum prætermisisset Ahialon, qui & Aelom, quem in suo LXX. Interpretum codice non inuenerat, ob idque prædictam quadringentorum octoginta annorum summam 3. Reg. cap. 6. collectam conficere non posset; decem illos Principatus Aelom annos à se prætermisissos Ducatui Iosue addidit, eumque non decem & septem, sed viginti septem annis imperasse scriptum reliquit. Idem credimus contigisse aliis Scriptoribus, qui in suis supputationibus, vel Sacrorum codicum deprauatione, vel aliquo alio errore decepti, quot annos in summa minus inuenerunt, tot ipsius Iosue Ducatui addendos putarunt. Atque ita proposita difficultati satisfactum sit; si tamen ad maiorem dictorum euidentiā, vtrumque supputandi modum hactenus à nobis sapius memoratum, hic ex Sacro textu collectum seorsum describere, & quissam eorum legitimus sit, determinare non neglexerimus.

RECTA
PRIORIS
SYNPTA-
TIONIS IN-
EVNDA RA-
TIO.

15. *Prima supputatio, in qua annis Iudicum, Interregnum quoque seu seruitutum anni adduntur.*

Moyſes (vt ſub anno mun. 2 ſ83. num. 34. probauimus) præfuit populo annis	40.
Iofue	
Seniores	
Interregnum, in quo Iſraelitæ ſeruierunt Regi Meſopotamiæ (Iudic. capit. 3. verſ. 8.)	
fuit annorum	8.
Othoniel (vt patet Iudic. cap. 3. verſ. 11.) rexit populum annis	40.
Interregnum quod accidit, quando ſeruierunt Regi Moabitarum, cuius fit mentio	
Iudic. cap. 3. verſ. 14. perdurauit annos	18.
Aod, computato vno circiter anno Ducatus Samgar, vt habetur in calce citati	
capitis, iudicauit Iſraelem annos	80.
Tempus quo ſeruierunt Regi Chanaan (Iudic. cap. 4. verſ. 3.) fuit annorum	20.
Præfectura Debboræ & Barac (Iudic. cap. 5. verſ. 32.) perſeuerauit annis	40.
Seruitus ſub dominio Madianitarum (Iudic. cap. 6. verſ. 1.) fuit annorum	7.
{ Gedeonis (Iudic. cap. 8. verſ. 28.) annorum	40.
Ducatus { Abimelech (Iudic. cap. 9. verſ. 22.) annorum	3.
{ Tholæ (Iudic. cap. 10. verſ. 2.) annorum	23.
{ Iair (ibidem verſ. 3.) annorum	22.
Interregnum ſub ſeruitute Philiſthinorum & Ammonitarum (Iudic. cap. 10.	
verſ. 8.) fuit annorum	18.
	Prin-

Principatus	{ Iephthe (Iudic. cap. 12. vers. 7) annorum	6.
	{ Abefan (ibidem vers. 9.) annorum	7.
	{ Ahialon (ibidem vers. 11.) annorum	10.
	{ Abdon (ibidem vers. 14.) annorum	8.
Aliud Interregnum sub Philisthæis (Iudic. cap. 13. vers. 1.) annorum		40.
Præfectura	{ Samsonis (Iudic. cap. 15. in fine) annorum	20.
	{ Heli (1. Reg. cap. 4. vers. 18.) annorum	40.
	{ Samuelis & Saulis (Actorum cap. 13. vers. 21.) annorum	40.
Regnum	{ Davidis (2. Reg. cap. 5. vers. 4. & 1. Paralip. cap. 3. vers. 4.) annorum	40.
	{ Salomonis (3. Reg. cap. 6. vers. 37.) annorum	4.

In summa an. 574.
17.

Quibus si adicias annos

videlicet decem Ducatus Iosue, & septem regiminis Seniorum, in propriis lineis de industria prætermisissos, resultabit summa annorum 591.

16. Altera supputatio, in qua Interregna in Iudicum annis includi censentur.

Moyse præfuit annos	40.	ALTERA SUPPUTA- TIO PRO- POSITA.
Iosue		
Seniores		
Othoniel, in cuius Principatu includuntur anni octo seruitutis sub Rege Mesopotamiæ, annos	40.	
Aod, computatis annis decem & octo seruitutis, quæ contigit sub Rege Moabitarum, & anno incompleto Samgar, annos	80.	
Debbora & Barac, comprehentis annis viginti quibus seruierunt Israelitæ Regi Chanaan, annos	40.	
Gedeon cum Interregno septem annorum sub Madianitis, annos	40.	
Abimelech, annos	3.	
Thola, annos	23.	
Iair, computata seruitute decem & octo annorum sub Philisthæis & Ammonitis, annos	22.	
Iephthe, annos	6.	
Abefan, annos	7.	
Ahialon, annos	10.	
Abdon, annos	8.	
Samson, in cuius & præcedentium quattuor Iudicum temporibus computanda est seruitus quadraginta annorum sub Philisthæis transacta, iudicauit Israellem annos	20.	
Heli, annos	40.	
Samuel & Saul, annos	40.	
Dauid, annos	40.	
Salomon, annos	4.	

In summa an. 463.
17.

His adde annos

decem videlicet ipsius Iosue, & septem memoratorum Seniorum, suis locis vltro præteritos, & inuenies summam annorum 480.

Ecce quomodo, vt dicebamus, ex vtraque subductione ritè collecta, necessariò inferitur, ipsi Iosue & Senioribus dandos esse septemdecim annos, nimirum decem Ducatui Iosue, & septem regimini Seniorum, vt suprà dictum est; quamuis nihil horum Scriptura sacra expresserit.

17. Verùm dicit hîc aliquis, Ergone vtraque supputandi ratio probanda est? Nequaquam. cum enim tantum inter eas intersit, vt differentia sit centum & vndecim annorum; profectò necesse est alteram ipsarum esse falsam. Quænam igitur ea est?

PRIOREM
SVPPVTA-
TIONEM ES-
SE REII-
CIENDAM,
ALTERAM
VERO RE-
CIPIENTIEN-
DAM.

Dicimus, confidenterque asserimus, priorem omnino esse reiiciendam, tamquam erroneam, & ex Sacro quidem textu, sed malè percepto, desumptam, ac non sine magno sacræ Chronologiæ detrimento concinnatam. Alteram autem esse verissimam, & ab omnibus sine vlla hæsitatione acceptandam, tum quia communior est, & in ipsomet Sacro textu expressa: tum quia Interregnum seu seruitutum tempora in annis Iudicum contineri, probant Hebraicæ Traditiones, Eusebio teste in Chronico, & Petro Comestore in Historia libri Iudic. cap. 5. & sentiunt Lyranus & Carthusianus super Iudic. cap. 3. & super 3. Reg. cap. 6. item Hugo Cardinalis super loco Iudicum citato, & ibidem Abulensis quæst. 12. Eiusdem sententiæ sunt & Genezbrardus libr. 1. suæ Chronologiæ pag. 38. & 39. & alij multi, Naclantus quoque, in libro Arcanorum Christi, vbi agit de Quarta mundi ætate, non solum eandem sequitur opinionem, sed etiã ait eam comprobari consensu ferè omnium, nedum Scripturam sacram exponentium, verum etiam Philonis, Eusebij, Bedæ, Isidori, & aliorum tempora ex Sacris libris computantium. Idem confirmari potest ex ipsamet sacra Scriptura Iudic. cap. 4. vers. 4. vbi cum dixisset, filios Israel à labin Rege Chanaan & Sisara principe exercitus eius, per viginti annos vehementer fuisse oppressos, protinus subdit, quòd *in illo tempore*, id est durante illa seruitute, *Debbora indicabat populum.* & apertius cap. 15. in fine dicitur, quòd *Samson indicauit Israel viginti annis in diebus Philistiim*, hoc est quando Philistiæi dominabantur Hebræis, vt in eodem capite vers. 11. apertius expressum fuerat, vbi Iudæi dixerant Samsoni: *Nescis quòd Philistiim imperent nobis?* & cap. 14. vers. 4. vbi legimus, quòd *eo tempore Philistiim dominabantur Israeli.* Huc accedit, quòd si Interregnum seu seruitutum tempora annis Iudicum addenda essent, vt sit in priori supputatione, pròculdubio fateri necesse esset, ab introitu Israël in terram Chanaan ad natiuitatem Dauidis, fluxisse annos quadringentos septuaginta septem; quibus si adiunxeris annos saltem quattuordecim vitæ Rahab (non enim minor esse poterat, cum iam ex tunc esset meretrix, vt patet Iosue cap. 2. vers. 1.) fient ab ortu Rahab ad ortum Dauidis, anni quadringenti nonaginta & vnus. Atqui videtur impossibile tot annos posse disperiri inter quattuor illas generationes, quæ habentur Matthæi cap. 1. illis verbis: *Salmon autem genuit Booz de Rahab, Booz autem genuit Obed ex Ruth, Obed autem genuit Iesse, Iesse autem genuit Dauid Regem.* siquidem oporteret ipsum Salmon fuisse centum viginti duorum annorum & amplius, quando genuit Booz; & reliquos tres eiusdem fuisse ætatis, quando genuerunt, & (quod maius est) sequeretur, ipsam quoque Rahab annos ætatis suæ centesimo vigesimo secundo, vel etiam aliquantò post, de viro sibi coætaneo concepisse, ac peperisse ipsum Booz; quod prorsus videtur incredibile. Non esse autem ponendos plures Booz, (vt nonnulli faciunt) inter Salmon & Obed, infra sub anno mundi 2748. num. 4. probabitur. Hinc ergo inferitur, primam de qua hic agimus supputationem esse omnino falsam. Denique idipsum magis patet; quia si ab exitu ad Templum fluxissent anni quingenti nonaginta & vnus, vt prior continet supputatio; vtique dicere oporteret (quod nefas esset) Scripturam sacram errasse 3. Reg. cap. 6. vers. 1. vbi disertis verbis asserit, Templum fundatum fuisse quadringentesimo octogesimo anno, ex quo Israel de Ægypto exierat.

MELCHIORIS CANI
OBIECTA
DILVVN-
TVR.

18. Sed quid dicemus ad ea, quæ Melchior Canus lib. 11. Locorum Theologicorum cap. 5. in responsione ad argumentationem 12. tam diffusè disputat contra prædictum numerum quadringentorum octoginta annorum? ibi namque demonstrare contendit, textum 3. Reg. cap. 6. vers. 1. iam citatum, vel errore Scripturam fuisse immutatum; vel istius libri Auctorem non curasse ibi exprimere verum numerum annorum, qui fluxerant ab exitu Israel de Ægypto ad initium ædificationis Templi: sed de industria computasse in illa summa quadringentorum octoginta annorum, tantummodò annos Iudicum & Regum, relictis Interregnum temporibus. Respondetur, nullam posse rationabilem subesse suspensionem, quòd textus ille fuerit immutatus: quia ipsemet Canus loco citato fatetur, quòd cuncta exemplaria sacra, Latina scilicet, Græca, & Hebraica, & vniuersi illius loci Expositores, vno omnium consensu prædictum textum numerumque confirmant; vnde nullatenus in hoc recipi posse videntur quidam Lxx. Interpretum codices, qui ibidem pro anno *quadringentesimo & octogesimo*, legunt, *quadragesimo & quadringentesimo*; quæ lectio tum sententiæ Cani, tum nostræ & communi omnibus modis aduersatur. Sed neque valde operosum erit, cetera Cani argumenta dissoluere. Nam ad auctoritates Iosephi & Sabellici, quos ait longè plures annos posuisse ab exitu de Ægypto ad fundationem Templi Salomonis, breuiter

breuiter dicimus, longè maiorem fidem habendam esse sacræ Scripturæ, quàm quibuslibet aliis Scriptoris. Ad illam verò rationem, quam desumit ab illis quadringentis quinquaginta annis, quorum fit mentio Actorum c. 13, vers. 20. respondemus, argumentum illud fundatum esse super interpretatione illius loci facta ab Erasmo & Pagnino, quæ valde diuersa est ab ea quam legimus in editione Vulgata: nam hæc terminat illos quadringentos quinquaginta annos ad diuisionem terræ Chanaan; illa verò perperam numerat eos à diuisione terræ, ad Samuelem. Cum igitur certum sit, sequendam potius esse editionem Vulgatam, quæ sine dubio maioris est auctoritatis; cessat Cani argumentatio, tamquam ex Textu minus probato deducta. Quod autem obiicit Canus, eos qui nostram communemque sententiam sequuntur in hac quadringentorum octoginta annorum supputatione, quædam absurda protulisse; hoc non negamus: sed aliud est dicere, prædictum numerum non esse verum; & aliud, ab aliquibus non ritè fuisse deductum, quod nos quoque suprâ num. 11. reprehendimus, & quomodo rectè ac sine vlla absurditate deduci possit, indicauimus. Neque verò irridentur, qui omnia Interregna in annis Iudicum includenda esse affirmant; quandoquidem nititur antiquissima Hebræorum traditioni, de qua Eusebius, grauis Auctor, in Chronico fidem facit: neque par est de tanto Auctore suspicari, quòd non fideliter huiuscemodi traditiones allegauerit, ne ipse primus rei absurdæ auctor haberetur; vt ei perperam imponit Canus, præsertim cum eadem traditiones admodum consentaneæ sint cum ipsamet sacra Scriptura, ex qua non obscurè elici potest, prædicta Interregna in annis Iudicum debere comprehendi, quemadmodum nos suprâ numero 15. demonstrauimus. Aliud verò argumentum desumptum à trecentis illis annis, quibus Iudic. cap. 11. vers. 26. dicuntur filij Israel possedisse terram Galaad; potest bellè aduersus ipsum Canum retorqueri. Nam licet à deuicto Sehon Rege Amorrhæorum ad tempora Iephthe, (seclusis Interregnorum temporibus) non inueniantur trecenti anni, sed tantummodò ducenti sexaginta septem, vt in nostris tabulis dinumerari potest: tamen neque etiam si ipsa Interregna computentur, resultabunt præcisè anni trecenti, sed multò plures, nimirum trecenti triginta septem. Quare argumentum inde deductum, simpliciter consideratum, non magis pugnat contra nostram quàm contra Cani sententiam: si verò accuratius ille locus perpendatur, magis fauet nobis quàm Cano: siquidem ibi creditur Iephthe, quando respondens Ammonitis dixit, Israëlitas possedisse terram Galaad trecentis annis, non curasse tunc exprimere præcisum numerum, sed per exaggerationem, vt fit, in fauorem propriæ causæ, dixisse aliquid amplius, & vsurpasse numerum perfectum pro imperfecto; quia tamen adhuc trecenti non essent, ad trecentissimum tamen iam accedere incipiebant: quòd si reuerà tunc Israeliam possedisset terram Galaad plusquam trecentis annis, nimirum trecentis triginta septem, non contentus fuisset Iephthe dicere trecentis, sed dixisset quadringentis annis, vel saltem trecentis quinquaginta. Simile quid legimus in Euangelio Ioan. cap. 8. vers. 56. fecisse Iudæos, quando altercantes cum Christo, dixerunt ei: *Quinquaginta annos nondum habes, & Abraham vidisti?* sufficere enim eis poterat dicere, *Trigintaquinque*, vel *Quadraginta annos nondum habes.* & tamen exaggerantes dixerunt, *Quinquaginta.* Puto etiam falli Canum in eo quòd asserit, Samuelem in illis viginti annis, quibus mansit Arca Domini in Cariathiarim, non fuisse Iudicem populi, sed tantummodò Prophetam: quia hoc posito, necessarium esset, inter Principatum He-li & Samuelis, ponere aliud Interregnum, de quo tamen neque in Sacris libris, neque alibi vlla fit mentio. Et hæc ad sacram horum temporum Chronologiam à Iosepho & eius asseclis non modicum labefactatam, in pristinum restituendam, magisque confirmandam, dicta sufficiant. Redeamus ad historiam.

AB ORBE CONDITO

QVARTÆ MVNDI ETAT.

ANNVS 2593.

ANNVS 50.

ANNO introitus Israëlitarum in terram Chanaan decimo (quemadmodum ex his, quæ sub anno mundi 2591. num. 12. dicta sunt, & ex infrâ dicendis inferri potest) circa medietatem (vt arbitror) anni, res valde mirabilis accidit in populo Israel: nimirum apparuit Angelus Domini in forma humana ascendens de Galgalis vsque ad quemdam locum, qui postea ab euentu, vt dicemus, nomen sortitus est: quod vt vulgatum fuit, statim ad eum conuenit populus cum Principe suo Iosue. Ad quos loqui cœpit Angelus ex persona Domini, cunctis audientibus. Et cum obiur-

gasset eos, quòd post tot tantaque beneficia à Deo accepta, post adeptam possessionem Terræ patribus eorum promissæ, contra præceptum Domini iniissent fœdus cum Chananæis; illicò subiunxit: *Quamobrem nolui delere eos à facie vestra, vt habeatis hostes, & dyeorum sint vobis in ruinam.* Quæ audientes Israëlita, partim dolentes pro culpa, partim prænuntiatam timentes ultionem, in planctum erumpere cœperunt; vnde postea locus ille, Locus fletuum appellatus est; nec vbi esset, adhuc compertum habemus. Vt autem disparuit Angelus, ibidem immolatis hostiis, & à Iosue dimissi, abierunt unusquisque in possessionem suam, vt obtinerent eam; id est, inde hac intentione discesserunt, vt rupto fœdere cum Chananæis, illos à se reicerent, ac singuli regiones sibi assignatas, ac magna ex parte hætenus possessas, plenè obtinere curarent. Et hæc sunt, quæ per recapitulationem breuiter describuntur Iudicum cap. 2. vers. 1. vsque ad 7. vbi etiam, paucis interpositis, recapitulatur obitus Iosue, tamquam non multò post prædicta subsecutus. Ex quibus omnibus colligi posse videtur, memoratam oburgationem paucis mensibus ante mortem Iosue, vt dicebamus, contigisse; quando scilicet singulæ tribus, post acceptas & aliquamdiu possessas hereditates, non curauerant Chananæos à se omnino expellere, sed pacificè inter eos habitare iam cœperant.

2. Sub finem eiusdem anni, euoluto scilicet iam multo tempore postquam pacem dederat Dominus Israël, id est à subiecta terra Chanaan, & inchoata diuisione eius; annis ferè quattuor, vt ex suprà anno mundi 2550. num. 1. dictis consequitur, Iosue cum esset adedò decrepitu, vt se morti proximum crederet, vocauit ad se cunctos seniores ac Principes populi, vt eis, sicuti par erat, antequam moreretur, monita salutis daret. Breuiter itaque prius commemoratis aliquot beneficiis Domini, qualiter nimirum eis subdidisset Chananæorum nationes, & terram earum ipsis forte distribuisse, hortatus est eos, vt sollicitè custodirent omnia quæ scripta erant in Lege Moyse, & præcipuè aduerterent, ne vmquam iurarent in nomine deorum Gentium, aut illis vllum cultum adhiberent, sed seruire iugiter Domino, ipsumque super omnia diligere studerent; & hoc agentes non dubitarent, quin potiùs pro certo haberent, ipsum Dominum pugnaturum pro ipsis contra reliquos Chananæos, donec haberet illos. Sin autem voluissent Gentium illarum errores sequi, & cum eis miscere connubia: sine dubio expectarent à Domino easdem Gentes non modò non esse delendas, sed potiùs diuina permissione ipsis adedò infestas ac noxias fore reddendas, vt eis in foueam, laqueum, & offendiculum, ac veluti fudes in oculis essent futuræ. Hæc & huiusmodi quæ locutus est eis Iosue, vt arctiùs in audientium cordibus imprimere, ac diutius permanerent, conclusit sermonem suum, rogans eos vt memores essent, se morti proximum hæc eis prædixisse; certoque scirent, Deum non minùs in memoratis comminationibus fulminandis, quàm in bonis promissis conferendis, esse veracem: & propterea, quemadmodum in Terra patribus eorum repromissa eis tradita, experimento didicerant Domini fidelitatem; ita eandem certissimis experimentis probaturos, in eiusdem terræ quam acceperant amissione, & aliorum perpeffione malorum, quæ eis inuitabiliter euentura erant, si à Dei obedientia recessissent: Iosue cap. 23. per totum.

3. Quoniam autem contigit post hæc ipsum Iosue aliquantò ampliùs superuivere quàm crederat, non contentus paterna monitione iam facta, operæpretium duxit, conuocare etiam omnes tribus Israel in Sichem, & ad exemplum prædecessoris ac magistris sui Moyse, longiorem coram eis postremamque habere concionem. Igitur congregatis omnibus, cœpit Iosue, repetens ab origine educcionem Abraham de terra Chaldæorum, & multiplicationem seminis eius ex Isaac & Iacob, deinceps recensere plurima potioraque beneficia Domini, per singulas temporum successiones facta, vsquequò tandem peruenit ad postrema, tamquam ex persona ipsius Domini dicens: *Dedique vobis terram in qua non laborastis, & vrbes quas non edificastis, vt habitaretis in eis: vineas & oliueta, qua non plantastis.* Deinde iterum cœpit hortari eos, vt in animum inducerent timere Dominum, & perfecto corde seruire ei soli, & auferre à se deos alienos. Quòd si hoc graue videatur, dat eis optionem, vt declarent se, & eligant cui seruire malint. Quibus respondentibus, se omnino velle seruire Domino, à quo tot tantaque beneficia acceperant; vt exploraret Iosue, num ex corde ita respondissent, subiunxit: *Non poteritis seruire Domino: Deus enim sanctus, & fortis amulator est, nec ignoscet sceleribus vestris atque peccatis, &c.* Cui populus: *Nequaquam ita vt loqueris, eris, sed Domino seruiemus.* Videns ergo Iosue populum benè affectum atque dispositum, iussit

IOSUE SE-
NEX MONI-
TA SALVTIS
DAT PRIN-
CIPIBVS
HEBRAEO-
RVM.

CONVOCAT
POPVLVM
IN SICHEM,
ET FOEDVS
PERCVTIT
CVM DO-
MINO.

iussit eos auferre à se deos alienos, percussitque fœdus cum Domino, proponens populo præcepta atque iudicia quæ obseruare debebant, & sponsam ab eo obedientiam offerens Domino. Quod ut factum est, scripsit Iosue, ad æternam rei memoriam, in volumine Legis Domini totam hanc actionem, & insuper, in signum ac monimentum posteris idci cum Domino fœderis, erexit ibi sub quercu lapidem grandem; atque his actis dimisit populum, singulos in possessionem suam: Iosue cap. vlt. vers. 1. vsque ad 29.

4. Ipse autem Iosue, muneris sui functionibus gloriose expletis, nimirum Israëlitis ad destinatam sedem Iordane siccato perductis, & Palæstina, victis cæsisque incolis, tributum Hebræis diuisa, pauld post, nempe eodemmet anno circiter desinente, exacto scilicet sui Principatus decennio, ut sub anno mundi 2591. num. 12. probatum est, vitæ verò expletis annis centum ac decem, mortuus est, & sepultus in monte Ephraim, in finibus possessionis suæ in Thamnathasare, à Septemtrionali parte montis Gaas: Iosue cap. vlt. vers. 29. & Iudic. cap. 2. vers. 8. Huius eximie laudes celebrantur Ecclesiastici cap. 46. vers. 1. vsque ad 11. Visum est autem hic ipsa Ecclesiastici verba intexere, quòd egregia quæque ipsius Iosue gesta breuiter perstricta contineant, quæ sic habent: *Fortis in bello Iesus Naue, successor Moysi in Prophetis, qui fuit magnus secundum nomen suum, maximus in salutem electorum Dei* (id est, sicut nomen sortitus est magnum, quod Saluatorem significat; ita in præstanda populo salute egregiam sanè operam nauauit) *expugnare insurgentes hostes, ut consequeretur hereditatem Israel. Quam gloriam adeptus est in tollendo manus suas*, (nimirum ut fecit contra habitatores Hai, Iosue cap. 8. vers. 18. 19. & 26.) *& iactando contra ciuitates* (subaudi Chananæorum) *rhompheas? Quis ante illum sic restitit? Nam hostes ipse Dominus perduxit*, (hoc est, in potestatem eius reduxit, siue redegit.) *An non in iracundia eius impeditus est Sol, & una dies facta est quasi duo? Inuocauit Altissimum potentem in oppugnando inimicos undique, & audiuit illum magnus & sanctus Deus in saxi grandinis virtutis valde fortis. Impetum fecit contra gentem hostilem, & in descensu perdidit contrarios, ut cognoscant gentes potentiam eius, quia contra Deum pugnare non est facile. Et secutus est à tergo potentis* (id est, ductum Dei potentis: & in diebus Moysi, misericordiam fecit ipse & Caleb filius Iephone, stare contra hostem, & prohibere gentem à peccatis, & perfringere murmur malitiæ. Et ipsi duo constituti, à periculo liberati sunt à numero sexcentorum millium pedum inducere illos in hereditatem, & in terram quæ manat lac & mel. hætenus verba Ecclesiastici.

5. Ceterum ex memoratis verbis, quæ habentur Iosue cap. vlt. versic. 26. videlicet: *Scripsit quoque* (supple, Iosue) *omnia verba hæc in volumine Legis.* Arias Montanus ibidem, & Io. Driedo lib. 1. de Dogmatibus Ecclesiasticis cap. 1. colligunt, librum, Iosue inscriptum, ab ipsomet Iosue fuisse conscriptum. Idem sensisse videtur S. Isidorus lib. 6. Originum cap. 2. ex Hebræorum opinione in suo Talmude, quæ reicit Andreas Masius in Præfatione Commentariorum suorum in Iosue. Sed proculdubio memorati Auctores falluntur: nam illa verba conuenientiùs accipi debent de fœdere inito in Sichem, quod registratum fuisse dicitur in volumine Legis, ut sentiunt Caietanus & Abulensis. Sed & S. Theodoretus à Sixto Senense lib. 1. suæ Bibliothecæ sanctæ citatus, putat librum Iosue, longè post tempora ipsius, ab aliquo alio fuisse collectum ex quodam libro antiquo, cui titulus erat, Liber iustorum, & in eodem Iosue cap. 10. vers. 13. allegatur. Abulensis verò, licet super cap. 15. Iosue in expositione textus post quæst. 4. dixerit Samuelem fuisse auctorem libri Iosue; tamen super cap. 1. Iudic. indeterminatè dicit, aliquem alium, ipso Iosue multò posteriorem, scripsisse librum illum; quod & nos credimus, tum propter ea quæ sub anno mundi 2590. num. 4. obiter adnotauimus, quæ etiam vsui esse poterunt ad ea, quæ infra sub anno mundi 2594. num. 5. dicenda sunt de expugnatione vrbis Dabir, & num. 10. tum etiam quia Auctor lib. Iosue cap. 6. v. 4. & 15. memorat *septem buccinas, quarum, inquit, vsus est in Iubileo.* Oportet igitur dictum librum fuisse conscriptum post plures iam transactos Iubileos; non enim ex vno aut altero actu, sed ex pluribus fieri debuit ille vsus. Quòd autem ab anno primo introitus Israelis in terra Chanaan, dinumerandi essent Sabbatici Iubileorumque anni, iam sub anno mundi 2584. num. 2. probatum est. Eandem sententiam, nempe quòd Iosue non fuerit scriptor suæ historiæ, aliis quoque argumentis tuetur Masius, non solum loco eius citato, sed etiam super Iosue cap. 10. vers. 13. & super cap. 19. vers. 28. & 47.

IOSUE OB-
TVS.EIVS LAV-
DES EX EC-
CLESIASTI-
CO.LIBER IO-
SUE QUAN-
DO SCRIP-
TIVS.

AB ORBE CONDITO

QUARTÆ MVNDI ÆTAT.

ANNVS 2594.

ANNVS 51.

DE INTER-
REGNO RE-
GIMINIS
SENIORVM.

QVOT AN-
NIS PER-
DVRAVE-
RIT.

QVÆ INTE-
RIM GESTA.

ELEAZARI
PONTIFICIS
OBITVS.

CALEB DVX
BELLII CON-
STITVTVS.

ANNO immediatè sequenti post mortem Iosue, cœpit Interregnum sub regimine Seniorum, de quo fit mentio Iosue cap.vlt.verf.31.& Iudic. c.2. verf.7. Quibus in locis legimus, quòd filij Israel post mortem Iosue seruierunt Domino longo tempore, nimirum donec vixerunt Seniores; qui viderant omnia opera Domini quæ fecerat cum Israel. Quot verò annos complexum sit prædictum longum tempus, in Scripturis sacris expressum non habemus; quo fit vt alij plurimum annorum; alij pauciorum, illud faciant: sed ex his quæ nos sub anno mundi 2591. num. 14. diximus, infertur, fuisse septem annorum. Quo in tempore *non erat Rex in Israel; & vnusquisque quod sibi rectum videbatur, hoc faciebat*, vt expressè traditur Iudic. cap.17. verf.6. & cap.18. verf.1. & cap.21. in fine. Quæ verba vniuersaliter sunt accipienda; hoc est, non solum de Rege propriè accepto, sed etiam de Iudice, siue Duce, Principe, aut Re-tore, qui posset delinquentes punire. Sic etiam vsurpatur nomen Regis Iudic. cap.9. verf.22. vbi dicitur, Abimelech regnasse super Israel, hoc est iudicasse Israelem; & Matthæi cap.2. verf.22. dicitur, quòd Archelaus regnabat in Iudæa; cum tamen reverà numquam Regis titulum à Cæsare obtinere potuerit, vt suo loco dicitur.

2. Quæ autem intra hoc septennij tempus gesta sint, breuiter tanguntur sub finem libri Iosue, & in toto cap.1. lib. Iudic. vbi inter alia primò notatur mors Eleazari summi Sacerdotis; ex quo videtur quoquomodò insinuari, quòd non multò post mortem Iosue obierit. Deinde describitur, quòd considerantes filij Israel, id est vniuersæ tribus Israeliticæ, necessarium fore ante omnia, sufficere alicum Ducem loco Iosue, qui in omnem belli euentum omni populo imperare, acies dirigere, & reliqua ad bella gerenda spectantia providere, disponere, atque ordinare posset: consuluerunt Dominum (vtique, vt creditur, quemadmodum imperauerat Moyses Numer. cap.27. verf.21. per summum Sacerdotem, qui tum fortè erat, non Eleazar, sed filius eius Phinees) cui nam hoc munus demandare deberent: & acceperunt diuinum responsum, vt Iudam constituerent belli Ducem. Non, vt quidam opinati sunt, totam tribum Iuda, sed, vt probabilius puto, Principem tribus Iuda, qui tunc erat Caleb, vt patet Num. cap.34. verf.19. & hoc comprobari potest ex Iudic. cap.1. verf.12. vbi Caleb, tamquam primarius belli Dux, proponit edictum in hæc verba: *Qui percussisset Cariathsepher, & vastauerit eam, dabo ei Axam filiam meam uxorem.* & suprà verf.10. dictum fuerat, quòd *pergens Iudas contra Chanaanem qui habitabat in Hebron, percussit Sesai, & Ahiman, & Tholmai*; quos ab ipso Caleb interfectos fuisse legimus ibidem verf.20. & Iosue cap.15. v.14. vbi eadem historia per recapitulationem descripta ponitur. Neque huic sententiæ obstat, quòd tunc Caleb esset valdè senex, videlicet propè nonagenarius, & consequenter videretur ad belligerandum minus aptus: quia erat robustæ ætatem habitudinis, vt ipsemet quinquennio antè protestatus fuerat, Iosue cap.14. verf.10. dicens, quòd licet eo tempore octoginta quinque esset annorum, erat tamen sic valens, sicuti quando quadraginta quinque annos natus, ad explorandam Chanaanem missus fuerat. Et prætereà scimus quòd Iosue, quando factus est Dux populi, multò senior erat ipso Caleb; nimirum centenarius, vt patet in tabulis; & tamen multa bella postmodum gessit. Quod mirari nemo debet: supremi namque bellorum Duces, non proprii corporis, sed animi viribus pugnare consueuerunt. Patet igitur, quòd locis Iudicum citatis, pro Iuda, accipere debemus non tribum Iuda, sed Caleb Principem tribus Iuda. Et in eodem sensu accipiendum puto, quòd dicitur Iudic. cap.20. verf.18. vbi cum reliquæ tribus in vnum collectæ interrogassent Dominum, quis in ipsorum exercitu constituendus esset princeps contra filios Benjamin, respondit Dominus: *Iudas sit Dux vester.* hoc est, non vniuersa tribus, sed Princeps qui tunc erat tribus Iudæ. Ex quo inferri potest, quòd illo tempore, de quo agitur cap. Iudic. proximè citato, vel iam mortuus erat Caleb, vel præ extrema senectute ad bellum iam redditus erat omnino inhabilis: alioqui non opus fuisset noua Ducis electione. Est etiam rationi valdè consona memorata expositio: nam cum singulæ tribus singulos haberent Principes, vt sæpius Scriptura sacra testatur; proculdubio, quotiescumque vna tribus appellatur Dux belli, debet intelligi de Duce illius tribus: alioqui oporteret admittere, quòd omnes illius tribus essent Duces belli; & consequenter irrationabile esset, plures ponere Duces inter se minimè subordinatos. Sed neque prædictis officit, quòd Caleb non numeretur inter Iudices populi,

CVR INTER
IUDICES
POPULI
NON SIT
CONVULSUS
RAIVS.

populi; quia Principatus ei demandatus fuit tantummodò in his quæ pertinerent ad belli administrationem, vt patet ex initio libri Iudicum, & idèò nusquam legitur de eo, quòd iudicauerit Israel, sed potiùs oppositum, nempe quòd in toto hoc tempore, de quo nunc agimus, videlicet ab obitu Iosue ad mortem Seniorum, non erat Rex neque Iudex in Israel, & vnusquisque quod sibi rectum videbatur, hoc faciebat, vt numero præcedenti dictum est. Denique vnus tribus appellatione, nonnumquam in Sacro eloquio debere accipi non propriè ipsam tribum, sed per Synecdochen, Principem aliquem de illa tribu, colligi etiam potest ex 2. Reg. cap. 7. vers. 7. vbi Dominus per Nathan Prophetam dicit Dauidi: *Numquid loquens locutus sum ad vnā de tribubus Israël, cui præcepi vt pasceret populum meum Israël, dicens: Quare non edificastis mihi domum cedrinā?* Ibi enim sacri Expositores per vnā de tribubus Israël, non ipsam tribum, sed aliquem totius populi Israelitici Rectorem intelligunt de vna tribu assumptū; tum quia ibidem Chaldaica Paraphrasis habet: *Num verbum locutus sum ad quempiam ex tribubus Israël, quem iusserim pascere populum meum, dicendo: Quare, &c. & Sacer textus 1. Paralip. cap. 17. vers. 6. vbi hoc idem repetitur, ait: Numquid locutus sum saltem vni Iudicum Israël, quibus præceperam vt pascerent populum meum, & dixi: Quare, &c.* tum etiam quia nusquam reperiunt, Dominum præcepisse alicui tribui, vt pasceret, hoc est regeret ac gubernaret alias tribus, sed commississe quibusdam particularibus viris ex aliqua tribu pro tempore electis, puta Moyfi, Aaroni, Iosue, Othonieli, aliisque Iudicibus ac Regibus. Nisi fortè memoratū Scripturæ locum quis exponendum putaret de vniuersa tribu Levitica, cuius officium erat pascere populum Israeliticum spiritualiter, nempe docendo quæ ad Dei cultum pertinerent. Verum hæc expositio (præterquam quòd valdè dissidet à communi ceterorum Expositorum sententia, & ab allegata Paraphrasi, & quod magis vrget, à citato textu Paralip.) non omnino etiam videtur adaptari posse dicto textui 2. Regum, in quo non de paucis spiritualibus agi videtur, sed magis de temporalis regimine, per quod scimus Deum aliquando voluisse, vt materialia sibi templa construerentur; quemadmodum pater de Salomone, Herode, & aliis. Et hic quoque ex allegatis Sacri textus verbis obiter nota, quòd Principes à Deo præpositi populi sunt, vt sint tamquam pastores, qui sedulam ipsorum curam gerant, non tamquam lupi, qui nihil aliud auent, nisi vt ex eorum carnibus ipsi pascantur. Ceterum, si cupis scire quanta sit inter pastores ouium & populorum Rectores similitudo atque proportio, consule Philonem lib. 1. de Vita Moyfis, non longè ab initio.

3. Sanè, cum ex his quæ circa initia numeri præcedentis diximus, probabile admodum fiat, Eleazarum summum Sacerdotem hoc circiter anno decessisse, si id verum est, vtique oportet ipsum annos dumtaxat fermè duodecim in Pontificatu exegisse, vt planum facile fieri poterit in tabulis. Verum quia certum est, quòd ei in eadem dignitate proximè successit filius eius Phinees, iuxta diuinam pollicitationem ipsi tunc factam, quando vt dicitur 1. Machab. cap. 2. vers. 54. zelando zelum Dei, Iudæum cum Madianitide scortantem pugione confodit, quemadmodum descriptum fuerat Num. cap. 25. vers. 7. vsque ad 14. & nos sub anno mundi 2583. num. 19. retulimus: si quis quærat, quot nam annis ipse Phinees & singuli successores ac posteri eius Pontificatum tenuerint, dicimus, id certò sciri non posse; tum quia nusquam in Sacris libris illud notatum reperitur; tum etiam, quoniam, quod attinet ad ipsum Phinees, probanda vllomodo non est illatio illa Sigonij, qui (lib. 5. de Repub. Hebræorum cap. 2. vbi nomina seriemque Pontificum recenset) ex illis Iudic. cap. 20. vers. 27. verbis, *Eo tempore ibi erat Arca fœderis Dei, & Phinees filius Eleazari filij Aaron præpositus domus*, subinfert, dicens: Ex hoc apparet, dictum Phinees vixisse vsque ad tempora Samsonis Iudicis. & paucis interpolitis ait, quòd Scriptura eiufdem Phinees ætatem producit vsque ad tempora Heli. Sed fallitur proculdubio Sigonius; tum quia bellum illud reliquarum tribuum aduersus tribum Beniamin, quod capite Iudic. citato post historiam Samsonis, cui proximè in Iudicatu successit Heli, describitur, & in quo fit mentio dicti Phinees, non gestum fuit temporibus Samsonis, aut Heli, aut alterius Iudicis, sed tempore Seniorum ante Othonielem, qui primus numeratur inter Iudices; quando scilicet non erat Rex neque Dux in Israel, sed vnusquisque quod sibi rectum videbatur, hoc faciebat: vt nos infra num. 14. pluribus demonstrabimus. Denique, si poneremus ipsum Phinees peruenisse ad postrema Samsonis, vel primā Heli tempora; sequeretur, dictum Phinees gessisse Pontificatum per annos plusquam trecentos; (quod certè videtur incredibile;) totidem enim numerantur ab hoc anno ad obitum Samsonis, vt recenseri potest in tabulis. Ex his quoque elicitur, decipi Origenem tomo 7. in Ioannem, vbi de

QUOT AN-
NISELEA-
ZAR PON-
TIFICATVM
GESSERIT
POSTAARO-
NEM PA-
TREM.
PHINEES
ELEAZARO
SVCCEDIT.
QVAMDIV
IN EA DIG-
NITATE VI-
XERIT.

SIGONII O-
PINIO RE-
FELLITVR.

POSTERI
PHINEES
QVAMDIU
PONTIFICA
TVM SVC-
CESSIVE
TEN V-
RINT.

isto Phinees verba faciens, ait: *Qui absque dubio produxit vitam usque ad multos Iudices, sicuti legimus in libro Iudicum.* sic ille. Vides quam facile decipiuntur, qui minus accuratam operam in ratione temporum probè callenda navant. Quod verò spectat ad posterios dicti Phinees; tametsi constet, (quemadmodum sub anno mundi 2900. num. 2. declarabitur) Pontificatum de stirpe Eleazar filij Aaron postea fuisse translatum ad Heli posterum Ithamar fratris dicti Eleazar, vt colligunt tam Hebræi quàm Catholici Doctores ex 3. Reg. cap. 2. vers. 27. & expressè tradit Iosephus in calce lib. 5. Antiq. & lib. 8. cap. 1. non tamen omnino certum videtur, quando iste transitus acciderit; quoniam Iosephus locis citatis sibi met non constat: in priori enim loco dicit, Pontificatum post Ozi filium Bocci, filij Abisue, filij Phinees, filij Eleazar, transisse ad Heli primum Pontificem de familia Ithamar: loco autem posterius adducto, inter Phineenses Eleazar posteros, qui priuatam vitam egerunt eo tempore quo stetit Pontificatus in domo Ithamar, ponit Bocci, & quinque alios eius posteros, vsque ad Sadoc, in quem postea rediit summum Sacerdotium ad familiam Eleazar. Ex qua posteriori positione sequeretur, Phinees, & filium eius Abisue, successivè Pontificatum tenuisse per annos amplius quàm trecentos, qui, vt diximus, fluxerunt à tempore quo creditur obiisse Eleazar pater dicti Phinees, vsque ad initia Principatus Heli, quod non est verisimile. Quare, si placet priorem potius Iosephi sententiam sequi, tamquam posteriore multò probabiliorem, possumus dictos annos trecentos inter ipsum Phinees, & filium eius Abisue, & nepotem Bocci, & pronepotem Ozi, commodius distribuere; & ponere, singulos tenuisse Pontificatum annis circiter septuaginta quinque, vel saltem septuaginta, si fortè (quod non est improbabile) ipse Heli Pontificatum suscepit tenuitque per annos viginti priusquam Iudex etiam populi fuerit destinatus & electus.

QVATTVOR
BELLIA AB
ISRAELITI-
S, DVCE
CALEB GE-
STA.
PRIMUM
CONTRA A-
DONIBEZEC

4. Constituto itaque in Israele, vt dictum est, belli Duce, consequenter deinde in eodem 1. Iudicum capite summatim recensentur aliquot bella, ab Israelitis suscepta ac feliciter confecta; quorum quattuor priora ad sortem tribus Iudæ magis pertinuisse videntur, reliqua ad alias. Primum ergo bellum gestum fuit in Bezec. erat autem Bezec ciuitas illa, in qua deinde post multa tempora Saul congregauit exercitum, quò suppetias ferret viris Iabes Galaad ab Ammonitarum exercitu obsessis, vt traditur 1. Reg. cap. 11. vers. 8. Sanè in hoc primo prælio Iudæi à Simeonitis adiuti, occiderunt de Chananæis & Pherezais decem millia virorum, & fugientem Adonibezec comprehenderunt viuum, atque amputatis ei manuum ac pedum summitatibus, sicuti ipse aliàs fecerat septuaginta Regibus à se victis, quos sic mutilatos coegerat micæ colligere sub mensa sua, adduxerunt eum in Ierusalem, ibique mortuus est: Iudic. cap. 1. vers. 7. Et quia ibidem Sacer textus continuò subiungit expugnationem ipsius Ierusalem, (quod fuit alterum prælium) necesse est prædicta verba, *Adduxeruntq; eum in Ierusalem*, vel per recapitulationis figuram fuisse dicta; vt sit sensus, quòd prius tenuerint eum in exercitu suo captiuum, & postea cum cepissent Ierusalem, adduxerint illum in eam, vbi & mortuus est: vel oportet prius expugnata fuisse Ierusalem quàm urbem Bezec; sed per dictam recapitulationis figuram, posterius narratam. Quidquid sit, constat hæc fuisse priora duo prælia post mortem Iosue à Iudæis gesta, alterum in Bezec, & in Ierusalem alterum.

BELLYM AL-
TERVM CON-
TRA IERV-
SALEM.

TERTIVM
BELLVM IN
MONTANIS
MERIDIO-
NALIBVS.

5. Sequitur tertium bellum, quod postea iidem Iudæi gesserunt contra Chananæos qui habitabant in montanis, & ad Meridiem in campestribus. In quo bello, vt capite citato legimus, Caleb primò cepit Hebron, quæ olim dicebatur Cariath Arbe; & delevit ex ea tres gigantes de stirpe Enac progenitos. Inde abiit in Dabir, quæ olim vocabatur Cariathsepher, id est Ciuitas litterarum; siue quia ibi essent Scholæ scientiarum, siue quia in ea primùm in illis regionibus inuentæ fuissent litteræ seu characteres, quibus illæ Chananæorum gentes vti solebant, vt aiunt Lyrano & alij: ibique Caleb publicari iussit huiusmodi edictum: *Qui percusserit Cariathsepher, dabo ei Axam filiam meam uxorem.* Erat autem in illo exercitu Othoniel filius Cenez, frater Caleb minor; hoc est (quidquid cōtradicit Abulensis super Iosue cap. 15. quæst. 7.) nepos eius: dicitur enim *frater* more Hebraico, & *minor*, ad denotandum quòd ipse Othoniel erat nepos dicti Caleb, non autem contrà. Cum ergo Othoniel, audito Ducis edicto, cepisset Dabir, dedit ei Caleb Axam in uxorem, quæ postea obtinuit à patre fontes seu aquæductus superiores & inferiores, ad irrigandos agros eidem in dotem datos. Quoniam autem hæc eadem historia descripta legitur non solum Iudic. cap. 1. vers. 10. vsque ad 16. sed etiam Iosue cap. 15. vers. 16. vsque ad 20. non immerito à quibusdam dubitatum fuit de tempore, quo hæc & eiusmodi alia, quæ in dicto Iudic.

OTHONIEL
NEPOS CA-
LEB FIT E-
IVS GENER.

QVANDO
HÆC HI-
STORIA SIT
GESTA.

dic. cap. describuntur, acta sint; vtrum Iosue adhuc viuente, an post mortem eius. Nam etsi Auctor libri Iudic. in suo exordio satis aperte videatur indicare, se velle describere ea quæ gesta sunt post obitum Iosue, ac propterea incipiat ab electione Ducis belli, quæ utique supponit iam defunctum fuisse ipsum Iosue, ac deinceps prosequatur narrare ea, quæ sub illo Duce electo acta fuere: attamen in oppositum, Iosue cap. 10. vers. 36. vsque ad 40. manifestè asseritur, ipsum Iosue cepisse Hebron & Dabir, & Reges earum, & non dimisisse in eis vllas reliquias. & cap. 11. vers. 21. legitur, quòd *illo tempore venit Iosue, & interfecit Enacim de montanis Hebron & Dabir*: & quòd *non reliquit vllum de stirpe Enacim in terra filiorum Israel, præterquam in ciuitatibus Gaza, Geth, & Azoto*. & cap. 12. vers. 10. & 13. inter alios Reges à Iosue occisos, connumerantur Rex Hebron, & Rex Dabir, & Rex Ierusalem. Et demum cap. 15. vt dictum est, iisdem ferè verbis quibus in cap. 1. Iudic. describitur, quòd Caleb cepit Hebron, & deleuit ex ea tres de posteris Enac; & proposuit dare Axam filiam suam vxorem ei qui cepisset Dabir; & quòd Othoniel, capta vrbe Dabir, duxit eandem Axam, &c. Ex quibus omnibus alij arbitrati sunt, hæc accidisse dum adhuc viueret Iosue, meritoque ei fuisse attributa, non quia eadem ipse actualiter gesserit; sed quia sub Ducatu eius, & ipso mandante acta fuerint. His tamen non obstantibus, quod attinet ad memoratam Caleb, Othonielis, & Axæ historiam, quæ vtroque, in libris scilicet Iosue & Iudic. descripta est: dicimus, quòd si vera esset opinio superius relata, eorum qui tenent librum Iosue ab ipsomet fuisse conscriptum, sine dubio fateri oporteret, dictam historiam, & occisionem trium filiorum Enac, Iosue temporibus contigisse: alioqui, quomodo ipse potuisset scribere res post obitum suum gestas? Cùm autem verior altera sit opinio dicentium, Librum Iosue inscriptum, multo tēpore post mortem eius ab alio fuisse conscriptum, quemadmodum nos pluribus argumentis sub mundi anis 2590. num. 4. & 2593. num. 5. comprobauimus: utiq; multò probabilius videtur dicendum, res in ea historia contentas, sicuti & alia in cap. 1. Iudic. narrata, accidisse post obitum Iosue, & post constitutum Caleb supremum belli Ducem: tum quia, nisi Caleb tunc fuisset in ea dignitate constitutus, nō potuisset illud edictum facere, tum etiam, (quod magis vrget) quia illa historia in libro Iosue veluti obiter interposita est; in libro autem Iudic. appositè continuatur ad præcedentia, quæ ex initio eiusdem libri constat acta esse post obitum Iosue.

6. Nec huic sententiæ quidquam obstat, quòd in prenotato cap. 11. Iosue dictum sit, eundem Iosue interfecisse Enacim, &c. quia bene potuit Iosue plurimos, vel etiam omnes stirpis Enacim occidisse, quos reperit in Hebron & in Dabir, & reliquos fugasse in Gazam, Geth, & Azoto; qui postea, ipso Iosue in alijs bellis occupato, potuerunt ad easdem vrbes redire, easque denuò occupare, quemadmodum sub annis mundi 2584. num. 20. & 2590. num. 4. diximus. Illud namque certissimum puto, Hebron & Dabir, plurimasque alias Chananæorum vrbes, non semel ab Israëlitis fuisse captas. Nam quòd captæ incensæque fuerint viuente ac belligerante Iosue, satis loca libri Iosue superius citata demonstrant: quòd verò illæ etiam, postquam defecit Iosue, iterum à Caleb oppugnatae atque expugnatae sint, docet liber Iudic. cap. 1. Et ratio quoque ipsa suadet, Israëlitas Iosue temporibus expugnasse omnes ferè munitiores Chananæorum vrbes, Regesque earum cum exercitibus suis percussisse, vt latè traditur in libro Iosue; alioqui non potuissent Hebræi pacificè sibi sumere ac inter se diuidere totam terram Chanaan. Verumtamen, quia ob causas à nobis sub anno mundi 2591. num. 7. allatas, permisit postea Deus Chananæos, licet iam valde humiliatos ac debilitatos, paulatim redire ad plures ex vrbibus suis ab Hebræis subuersas atque vastatas, illasque sensim instaurare atque inhabitare; propterea, succedentibus postea temporibus, crescente Hebræorum numero, cùm dilatari indigerent, coacti denuò sunt easdem vrbes expugnare, & Chananæos delere, aut sibi tributarios reddere, prout magis opportunum eis videbatur. Et hoc est quod summatim describitur Iudic. cap. 1. Et sic tolli possunt multæ difficultates, cuiusmodi sunt: Cur opus fuerit Iudæis, post mortem Iosue iterum expugnare Hebron, & Dabir, & Ierusalem; & Iosephitis capere Bethel; & quomodo Manassenses non potuerint delere Bethan, & Thanac, & Dor, & Ieblaam, & Mageddo; & quomodo potuit Chananæus habitare in Gazer, & in Aphec, vt in cap. Iudic. citato legimus; & item, Qui fieri potest, vt Rex Asor, temporibus Debboæ & Barac opprimere valuerit Israëlém per annos viginti, vt traditur Iudic. cap. 4. si vrbs Asor vastata, & Reges prædictarum vrbium extincti à Iosue perhibentur, Iosue cap. 12. & terræ ipsorum inter Iudæos distributæ iam fuerant? Hæc, & si quæ sunt alia eius-

modi dubia, per superius dicta facile dilui ac conciliari poterunt.

CINAEI DE
IERICHO
SESE TRANS
FERUNT IN
SORTEM
TRIBVS IV-
DAE.

7. Per hæc quoque tempora, filij Cinai cognati Moyſi; qui hætenus cum Beniamitis habitauerant in ciuitate Palmarum, hoc est in Iericho, seu in territorio aut viculis eius, (nam ciuitas ipsa iam à Iosue funditus euersa fuerat) inde profecti, sese suaque omnia transfulerunt in desertum sortis Iudæ, quod erat ad Meridiem Arad: Iudic. cap. 1. vers. 16. id est, vt benè notat Abulensis, in desertum, cuius pars quædam Meridiana respiciebat Arad; alioqui sequeretur, ipsam terrâ Arad fuisse in terra Chanaan, quod falsum est: nam terra Regis Arad, quam deleuit Moyses Numer. cap. 21. erat Meridiana respectu terræ Chanaan, vt ibidem traditur, non tamen terra illa quam possidebat, erat pars terræ Chanaan; alioqui illam Hebræi tamquam ad se pertinentem occisis eius habitatoribus non deseruissent: sed neque erat immediatè iuncta terræ Chanaan; sed media erat inter eas Idumæa, & propterea Israëlita tunc petierunt transitum ab Idumæis; & illo non obrento, circueiunt terram eorum ab Oriente, quemadmodum sub anno mundi 2583. num. 6. & 7. dictum est. Itaq; Cinai de terra Beniamitarum transfulerunt se in sortem Iudæ, & habitauerunt cum Iudæis in parte Meridiana deserti, quod proximum erat Amalecitis, ad quos postea aliqui ipsorum transmeauerunt; & vnus ex eis Håber nomine, à ceteris discedens, sese cum familia sua contulit in tribum Nephtholim iuxta Cedès, vt sub anno mundi 2583. num. 23. diximus.

QUARTVM
BELLVM IN
SEPHAATH.

DEGAZA
NOVA ET
VETERI.

8. Quartum bellum fuit illud, quod filij Iuda cum filiis Simeon gesserunt aduersus Chananæum, qui habitabat in Sephaath, quo percusso, & vrbe omnino deleta, filij Iuda ceperunt tres Philisthinorum vrbes primarias, nimirum Gazam, Ascalonem, & Accaron, cum territoriis suis; intellige Gazam veterem, quæ, vt ait Strabo lib. 16. distabat à mari Mediterraneo stadiis septem, eratq; in confinio Meridionali sortis Iudæ: nam Gaza noua dicitur fuisse constructa tēporibus Constantini Magni, in littore eiusdem maris. Porro dictæ tres vrbes neque à Iosue, neque ab Hebræis prius vmquam capte fuerant, vt manifestè colligitur Iudic. c. 3. vers. 3. vbi inter Gentes, quas Dominus reliquisse dicitur in terra Chanaan, vt erudiret in eis Israël, connumerantur etiam quinque Satripiæ Philisthinorum; in quas proculdubio erant Gazæ, Ascalonitæ, & Accaronitæ, vt patet Iosue cap. 13. vers. 3. Isti ergo relictī sunt vsque ad hoc tempus, quando scilicet capti sunt à Iuda, hoc est à Caleb, Principe tribus Iudæ: de quo etiam dicitur, quod ipse montana possedit, sed non potuit delere habitatores vallis, quia falcatis curribus abundabant. & quod ex quo deleuerat tres filios Enac, pacificè possedit Hebron: Iudic. cap. 1. vers. 17. vsque ad 21.

DVBIA
QVAEDAM
EXCITAN-
TVR.

SOLVTN-
TVR.

9. Sed illud mirabile est quod ibidem subiungitur, *Iebuseam autem habitatorem Ierusalem non deleuerunt filij Benjamin; habitauitq; Iebuseus cum filiis Benjamin, vsque in presentem diem.* Ex quibus verbis videtur posse inferri, Beniamitas pugnasse cum Iebusæis, sed omnino præualere non potuisse: illud enim indicant illa verba, *non deleuerunt.* Sed si Ierusalem (vt ex Iudic. cap. 1. vers. 8. patet) iam capta incensaque fuerat à Iudæis: quomodo hîc subditur, Iebuseos habitasse in ea cum Beniamitis? & cur non magis cum Iudæis, qui eam ceperant? sicuti per recapitulationis figuram dicitur Iosue cap. 15. in fine, vbi quod hîc de Beniamitis dictum est, idem prorsus de Iudæis legimus in hæc verba: *Iebuseum autem habitatorem Ierusalem non potuerunt filij Iudæ delere; habitauitq; Iebuseus cum filiis Iudæ in Ierusalem, vsque in presentem diem.* Sed quomodo non potuerunt filij Iudæ desere Iebuseum habitatorem Ierusalem, si ipsam ciuitatem expugnarunt, incendioque tradiderunt? Rursus quæri potest, cur Iudæi ceperint Ierusalem, atque in ea habitauerint, cum illa ad ipsos nullatenus pertineret: erat enim in sorte Benjamin, non Iudæ. Hæc & his similia, quæ prima fronte, nequaquam inter se coherere posse videntur, facile conciliari poterunt, si dixerimus, Ierusalem positam quidem fuisse in confinio tribus Iudæ & Benjamin, sed tamen verè pertinuisse solum ad tribum Benjamin: nam funiculus sortis Iudæ transibat ex latere Iebusæi, id est Ierusalem, Meridiano, vt dicitur Iosue cap. 15. vers. 8. vnde proculdubio relinquebat ipsam Ierusalem extra sortem Iudæ ad Aquilonem ipsius, & consequenter in sorte Benjamin; & propterea meritò numeratur inter vrbes Beniamitarum Iosue cap. 18. vers. 28. Inter vrbes verò Iudæorum nequaquam ponitur. Verum quia Iebusæi habitantes in Ierusalem, erant viri fortissimi, vtrique credendum est, Beniamitas non ausos esse solos dimicare cum eis, sed simul cum Iudæis oppugnasse Ierosolymam; & planiorem quidè ac debiliorem vrbis partem expugnasse, eminentiorem verò magisque munitam, quam etiam alio nomine appellabant Arcem Sion, numquam capere potuisse, vsque ad tem-

pora Dauidis, qui postea eam expugnauit, ac ex nomine suo vocauit Ciuitatem Dauid, vt traditur 2. Reg. cap. 5. vers. 6. & 1. Paralip. cap. 11. vers. 5. Non mirum est igitur, si tam de Iudæis quàm de Beniamitis Scriptura testatur, quòd non potuerunt delere Iebusæum habitatorem Ierusalem, sed habitauerunt cum eo in Ierusalem. Neque suspicari debemus, Iudæos sine consensu Beniamitarum inuasisse aut habitasse Ierosolymam: non enim probabile est, eos aut vim inferre voluisse fratribus suis, aut tam citò confundere partitionem terræ Chanaan, à Iosue factam; sed (vt diximus) par est credere, Beniamitas vtrò concessisse Iudæis, vt secum habitaret in Ierusalem, siue quia sine ipsis capi non potuerat, siue etiam fortassis, quia sine ipsorum auxilio teneri defendique non posset. Dicuntur autem Iebusæi habitasse cum Iudæis & cum Beniamitis in Ierusalem, non quia promiscuè mixtinue simul omnes habitarent, sed quia Iebusæi manebant in arce, quæ ipsa quoque erat pars vrbs; Iudæi autem & Beniamitæ in inferiori vrbs parte, vt dictum est. Eodem modo post multa tempora, nimirum regnante Antiocho Epiphane, Iudas Machabæus cepit Ierosolymam à Gentibus occupatam, & tamen deinceps in arce Sion manserunt Gentiles vsque ad tempora Principatus Simonis fratris dicti Iudæ, vt ex his quæ nos sub annis mundi 3890. num. 2. & 3892. num. 1. & 2. & 3913. num. 1. dicemus, manifestum fiet.

10. Sed hic obiter non videtur prætereundum, quòd ex quo diximus haberi tum in calce capituli 15. Iosue, tum Iudic. cap. 1. vers. 21. Iudæos & Beniamitas habitasse cum Iebusæis in Ierusalem vsque in præsentem diem: ex hisce postremis verbis, *vsque in præsentem diem*, videtur perspicuè colligi posse, vtrosque hos libros, Iosue scilicet & Iudicum, fuisse conscriptos multò postquam gesta fuerant res in ipsis contentæ; non tamen post captam à Dauide arcein Sion; alioqui illa verba vera esse non possent. Quòd si quis dixerit, illud *vsque in præsentem diem*, non à propriis librorum Auctoribus, sed multo post tempore ab aliquo alio fuisse adiectum: dicimus Primò, de hoc nihil omnino constare. Deinde, si tale quid suspicari possemus, certè de nullo alio quàm de Esdra probabilius id credi posse videretur, siquidem ipse, diuino actus Spiritu, Sacros libros, suo tempore iam dispersos ac pænè deperditos, vndique conquisiuit, collegit, & corruptos emendauit, restituit, ordinauitque; vt suo loco dicemus. Atqui patet, Esdræ talia verba addere non potuisse, quippe qui longè post Dauidis tempora floruit, quando vix vlla Iebusæorum in Ierusalem memoria habebatur. Idcirco tutius videtur dicendum, libros illos vel à Samuele, vt sentit Abulensis, vel ab aliquo alio circa eiusdem Samuelis tempora fuisse compilatos; siue ex libro Iustorum, qui citatur Iosue cap. 10. vers. 13. vt putat B. Theodoretus; siue ex aliis veterum monumentis, vt nos sub anno mundi 2593. num. 5. tetigimus.

11. Diximus hucusque de bellis quæ gessit tribus Iuda cum Chananæis, partim adiuta à tribu Simeon, & partim iuncta cum tribu Benjamin. Porro de his quæ gesta sunt ab aliis tribubus, breuiter agitur in eodem Iudic. cap. 1. vers. 22. vsque ad finem capituli, vbi legimus, quòd cum Iosephitæ ascendissent in Bethel, quæ antequam à Iacob, ob mirabilis illius scalæ visionem ibi habitam, sic appellata fuisset, prius Iuza vocabatur, obsederunt eam; ac demum à quodam illius ciuitatis viro directi, ceperunt vrbein, & percusserunt eam in ore gladij: hominem autem illum qui eis aditum monstauerat, illæsum cum tota cognatione sua dimiserunt. Ille verò relicta terra Chanaan, perrexit in Hetthim, ædificataque ibi ciuitate, antiquum patriæ suæ nomen indidit ei, appellauitque eam Iudam. Reliquæ autem tribus nihil memorabile per hæc circiter tempora gesserunt: sed cum non possent delere Chananæos, qui in fortibus suis remanserant, pacificè habitabant cum eis. At verò tribus Dan, ab Amorrhæis terras sibi assignatas magna ex parte occupantibus, arctioribus terminis continebatur; quod fuit in causa, vt pars Danitarum alias sibi sedes, procul valdè à suis contri-
butibus, quæsierit atque occupauerit, vt infra num. 15. dicemus. Quando autem Israëlitarum numero aucti animoque magis confortati sunt (nimirum post mortem Seniorum, vt ex infra dicendis apparebit) cum faciliè possent delere Chananæos, prout præceperat eis Dominus Numer. cap. 33. vers. 51. & Deuter. cap. 7. vers. 1. vsque ad 6. noluerunt id facere; sed maluerunt permittere vt inter ipsos habitarent, eisque tributa penderent. Quare non mirum est, si postea fuerunt ipsis in laqueum, & in foueam, & offendiculum, & tanquam sudes in oculis, quemadmodum ad vnguem prædixerant eis Moyses locis citatis, & Iosue in libro ex eius nomine inscripto cap. 23. vers. 13. siquidem illi sensim perduxerunt Israelitas ad cultum idolorum suorum: & hæc fuit causa, propter quam iratus Dominus permisit eos deinceps sæpius ab eisdem Chananæis aliisque

LIBRARIO-
SVE ET IV-
DICVM
QVAND
CONSCRI-
PTI.

IOSEPHI-
TÆ OC-
CVPANT
BETHEL.

RELIQVÆ
TRIBVS NI-
HIL MEMO-
RABILE GES-
SERVNT.

ISRAELITÆ
NUMERO ET
VIRIBVS AV-
CTI, QVIA
NON DELE-
VERVNT
CHANANÆOS, AB
IPSIS MVLT-
TA PASSI
SVNT.

finitimis populis in feruitutem redigi, ac vehementer affligi: tamen quando redibant ad poenitentiam, mittebat eis Iudices & saluatores, qui cruerent ac liberarent eos de manibus inimicorum suorum, vt infra suis locis dicitur.

DE SYNA-
GOGARVM
ORIGINE.

SYNAGOGAE
VOCABU-
LVM QVID
SIGNIFI-
CET.

12. Per hæc circiter tempora, videlicet non multo postquam, distributa prius terra Chanaan singulis tribubus Israël, obierat Iosue, & postrema quædam Israelitarum bella, paulò antè narrata, contra Chanaanos feliciter confecta fuerant, Terræque promissionis à filiis Israel pacifice iam habitari ac possideri cœperat; satis probabiliter, vt infra ostendemus, credi potest, cœpisse ædificari ædes illas quodammodo sacras, quæ postmodum Synagogæ appellatæ sunt. Nam etsi Synagoga propriè idem sit quod congregatio, & Moysi temporibus significaret congregationem siue ecclesiam Israelitarum, vt Exod. cap. 34. vers. 31. & Num. cap. 4. vers. 34. & cap. 16. vers. 2. & alibi non semel colligi potest. (dixi, Israelitarum, quia licet Christianorum quoque adunatio, Ecclesia dicatur, numquam tamen Synagogæ nomen recepit, quòd ex quo Iudæi Messiam recipere recusarunt, in malam potius partem accipi consueuerit.) Et quamuis item ex allegatis aliisque Scripturæ sacre locis etiam manifestum sit, quòd Synagoga non solum pro totius Israelitici populi conuentu, vt Num. cap. 27. vers. 20. & Ecclesiastici cap. 50. vers. 15. accipiebatur, sed etiam interdum cum aliqua limitatione, vt in Psal. 81. vers. 1. pro conuentu aliquo bonorum, interdum verò malorum vsurpari soleat, vt in Psal. 85. vers. 14. & Ecclesiastici cap. 3. vers. 30. & cap. 16. vers. 7. & cap. 21. vers. 10. & Apocalypf. cap. 2. & 3. vers. 9. Attamen nemini dubium est, idem Synagogæ vocabulum (sicut apud nos, Ecclesiæ) postea translatum fuisse ad significanda particularia quædam ædificia, specialiter exstructa & deputata, vt in ipsis plurimi ad orandum ac verbum Dei audiendum singulis sabbatis conuenirent; quemadmodum ex multis SS. Euangelistarum Actorumque locis, quæ hic breuitatis causa prætereo, constare potest. Cum enim olim Tabernaculi, Arcæque, ac postea Templi locus, qui solus sacrificiis aliisque eiusmodi diuinis cultibus potissimum destinatus erat, & ad quem tunc tantum in anno statis temporibus omnes masculi conuenire tenebantur, tanto populo minùs esset commodus, quàm vt ad ipsum frequentius pro Lege Dei ritè addiscenda, precibusque coram Deo fundendis, omnes & plurimi de longinquo accedere possent; propterea oportuit, huius rei gratia, quædam veluti Oratoria Scholæve quibusdam in locis ad populi commodum ædificare; & hæc Synagogæ dictæ sunt.

DVPLEX DE
SYNAGOGA-
RVM ORI-
GINE OPI-
NIO.
PRIMA SI-
GONII, AL-
TERA CAR-
DINALIS
TOLETI.

13. Quando autem ista Synagogarum introductio originem habuerit, non omnino exploratum certumque est. Sigonius lib. 2. de Repub. Hebræorum cap. 8. putat, eas non nisi Babylonico in exilio primum construi cœpisse. Contrà verò Cardinalis Toletus in Ioan. cap. 16. Annotatione 2. cum quibusdam Rabbinis, existimat, Iudicum tempore circiter incipiente, quando scilicet Terra promissionis pacifice ab Hebræis habitari cœpta est, huiusmodi quoque loca sacra domusve, in quibus ad orandum, lectiones concionesque sacras audiendas, aliæque negotia religionis pertractanda, populus sese recipere posset, erigi cœpisse; ac deinceps paulatim fuisse multiplicatas; & has significari à Davide in Psal. 25. vers. 12. illis verbis: *In Ecclesiis benedicam te Domine.* & in Psalm. 67. vers. 27. *In Ecclesiis benedicite Deo Domino.* & à Salomone Ecclesiastici cap. 24. vers. 2. *Et in Ecclesiis Altissimi aperiet os suum.* Putat quoque eandem Synagogarum antiquitatem insinuari Actorum cap. 15. vers. 21. vbi dicitur: *Moses enim à temporibus antiquis habet in singulis ciuitatibus qui cum prædicent in Synagogis, ubi per omne sabbatum legitur.* Et certè illa verba, à temporibus antiquis, non potius ea tantum tempora quæ post Babylonicam fluxerant captiuitatem, quàm etiam multa eorum quæ præcesserant, comprehendisse videntur. Porro ex hisce duabus opinionibus, licet neutra sit ex toto improbabilis, videtur tamen prima minorem præferre probabilitatem, utpote quæ nullo stabili fundamento, sed sola quadam haud improbabili coniectura niti videatur: quòd scilicet qui tunc templo carerent, in quo orare possent ac docere, locum aliquem siue ædem vice templi extruere sibi tunc primum curauerint. Altera autem opinio longè probabilior est: tum quia non videtur credibile, quòd ante Babylonicam captiuitatem, per tot annorum centurias, numerosissimus ille populus longè lateque diffusus, vno tantum in loco, videlicet vbi prius stabat Tabernaculum, & postea in Templo dumtaxat, quod in toto Hebraismo vnicum erat, & consequenter non facile ab omnibus adiri frequentarique poterat, de Lege aliisque ad salutem necessariis edoceri consueuerit: tum etiam, quia de opposito constare videtur. Nam præter ea quæ Davidis Salomonisque tempore ex Psalmis & Ecclesiastico testimonio adduximus, legimus quoque 2. Paralip. cap. 17. quòd Iosaphat Rex Iudæ, cum esset valde pius,

SECUNDA
PROBABI-
LIOR.

pius, mittere solebat per singulas ciuitates, qui populos in Lege Dei instruerent; quod proculdubio credendum est, in ædibus ad id specialiter deputatis, nempe in Synagogis, præstari consueuisse. Sed & ipsi Leuitæ in toto Israel, non videntur munus suum docendi populum commodè absque Synagogis obire potuisse. Quin etiam multò antea, videlicet Iudicum temporibus, erant loca quædam à ceteris segregata, in quibus Prophetæ, de his quæ ad Legis intelligentiam obseruantiamque spectabant, inter se, & interdum coram aliis discebant, (& hoc tunc temporis dicebatur *prophetare*) quemadmodum ex his, quæ nos sub anno mundi 2545. num. 14. diximus, colligi potest. Denique Iudic. cap. 20. vers. 2. fit mentio cuiusdam loci in Maspha existentis, (subaudi, in ea quæ erat in tribu Benjamin) vbi Israelitæ conuenisse dicuntur, qui locus ibidem conceptis verbis appellatur Ecclesia populi Dei. Quibus verbis non videtur aliud posse significari, quàm domus aliqua Deo dicata, & longè diuersa ab ea, in qua erat Tabernaculum fœderis, & Arca Dei: siquidem hæc non in Maspha, sed in Silo tunc manebant, vt ibidem vers. 18. manifestè apparet. Et hinc colligunt Rabbini, & cum ipsis Toletus, dictam Ecclesiam populi Dei in Maspha tunc existentem, & iam tum, licet non multò antea edificatam, fuisse primam omnium Synagogam, & ceteris antiquiorem, ideoque locum illum, post eum in quo stabat Tabernaculum & Templum, in magna veneratione fuisse apud Hebræos, vt propterea mirum non sit, si non illa vice tantum, sed & aliàs quoque pro temporum occasionumque opportunitate, ille populus in Maspha conuenire solitus erat, vt probari potest ex Iudic. cap. 11. vers. 11. & 1. Reg. cap. 7. vers. 5. & cap. 10. vers. 17. & 1. Machab. cap. 3. vers. 46. vbi etiam subiungitur, quòd *locus orationis erat in Maspha antè in Israel.* hoc est, ab antiquo tempore.

PRIMA OMNIVM SYNAGOGA.

14. Posterioribus verò temporibus, aucta nimirum valdè Legis Moysaicæ obseruantia, & populo pariter admodum multiplicatò, ac etiam in varias mundi partes disseminato, eouque multiplicatæ sunt Synagogæ, vt Christi Apostolorumque tempestate, non in singulis penè ipsius Iudææ ciuitatibus tantum, verum etiam in aliis orbis regionibus, vbi cumque plures Iudæi habitabant, extructas quoque fuisse Synagogas, ex multis SS. Euangelistarum Actorumque locis, quæ hic adferre nimis longum esset, probari facile possit; sed & in ipsamet Ierosolyma, excidij eius tempore, ad quadringentas octoginta Synagogas extitisse, tradunt citati Auctores, Sigonius, ac Toletus, & item ex Rabbi Manahem Genebrardus lib. 2. suæ Chronologiæ, vbi de rebus sub Ioachim summo Sacerdote gestis agit. Sanè dictarum Synagogarum vsus triplex fuisse perhibetur. Primus idemque præcipuus erat, erudiendi populum de his quæ in Lege & Prophetis habebantur, vnde & prima functio versabatur in lectione Legis & Prophetarum: & post lectionem, qui doctiores erant, vel ex officio, vel inuitati, obscuriora quæque interpretabantur explicabantque, & concionem pariter sermonemve exhortationis habebant ad plebem, quemadmodum apertè colligitur Actorum cap. 13. vers. 15. Alter Synagogarum vsus erat orandi, vt fit etiam hodie apud nos in Scholis doctrinæ Christianæ, singulis diebus festis, vbi post doctrinam recitantur Litanix aut aliæ preces, & laudes item Deo à pueris & puellis dulciter suauiterque decantantur. Tertius demum, qui fortè circa postrema tempora introductus videtur, erat castigare quosdam à Legis doctrina pertinaciter aberrantes: nam vt ait Glossa interlinearis super Matthæi cap. 10. vers. 17. *Ille correctiois erat locus.* Et hæc quidem correctio quandoque eiusdem loci interdictione fiebat, iuxta illud Ioan. cap. 16. vers. 2. *Absque Synagogis facient vos.* interdum verò etià flagellis, Matthæi loco proximè allegato: *Et in Synagogis suis flagellabunt vos.* Ceterum, sicut in templo Pontifices & Sacerdotes, ad quos sacrificia facere, thus cremare, & alia ibidem pro officij sui functione præstare pertinebat, primatū tenebant: ita in Synagogis, quæ (vt diximus) erant veluti scholæ quædam Ecclesiasticæ, præsidebant Scribæ & Pharisei; qui cum essent in Lege doctissimi, munus habebant instruendi populum: vnde de ipsis benè dicebat Dominus Matthæi cap. 23. vers. 2. *Super cathedram Moysi sederunt Scribæ & Pharisei; omnia ergo quaecumque dixerint vobis, seruate & facite,* &c. vbi B. Hieronymus, *Per cathedram,* ait, *doctrinam Legis ostendit.* Qui verò istis præerat, dicebantur Archisynagogi, siue Principes Synagogæ. Sed iam tempus est, vt ad historix ordinem prosequendum redeamus.

SYNAGOGA RVM MVLTIPLICATIO

SYNAGOGA RVM VSUS.

15. Ad hæc eadem quoque tempora pertinent illæ tres historix, quæ per recapitulationis figuram describuntur Iudic. cap. 17. & deinceps vsque ad finem libri, quemadmodum numero sequenti probabitur. Prima ergo fuit, de viro quodam nomine Micha, qui habitabat in monte Ephraim, fecitque sibi idolum argenteum, & ephod, & theraphim, id est vestem sacerdotalem; quæ posuit in ædícula, quam Deo separauerat

HISTORIÆ TRES.

PRIMA, IDOLI MICHA.

SECUNDA,
DANITA-
RYM, QUI
NOVAS SIBI
SEDES QVAE
SIE RVNT ET
OCCVPA-
RVNT.

ac dicauerat in domo sua; & insuper mercede conduxit Leuitam, qui ibidem sacerdotio fungeretur. Altera est de filiis Dan, qui licet ius fortis suæ iam acceperant, nondum tamen plenam liberamque eius possessionem adhuc accipere potuerant; (sic enim exponendus est textus Iudic. cap. 18. vers. 1. ne omnino contrarius sit his quæ dicta sunt Iosue cap. 19. vers. 40. & sequentibus) quoniam angustauerat eos Amorhæus in monte, nec sinebat eos ad planiora descendere, ut dicitur Iudic. cap. 1. vers. 34. & propterea alias sibi sedes querere compulsi, præmissis exploratoribus ascenderunt sexcenti viri ex eis armati de Saraa & Esthaol: cumque transissent ad montem Ephraim, abstulerunt de domo Michæ idolum ac Sacerdotem; & ut venerunt in Lais, ex improvisò aggressi ciuitatem nihil de hac re suspicantem, ceperunt eam, & occisis habitatoribus eius manserunt ibi, vocantes eam ex nomine patris sui Dan. Erat autem hæc ciuitas, quæ Iosue cap. 19. vers. 47. appellatur Lefem, Iudic. verò cap. 18. vbi hæc historia traditur, Lais, in regione Rohob, ut dicitur ibidem vers. 28. non procul ab vno ex fontibus Iordanis, in confinio Aquilonari totius terræ Chanaan, ad radices montis Libani: vnde quando Scriptura metiri vult longitudinem ipsius terræ Chanaan, dicere solet, *A Dan vsque Bersabee*, ut patet Iudic. cap. 20. vers. 1. & alibi sæpè. Et hæc est illa ciuitas, quæ postea temporibus Tiberij Cæsaris, à Philippo Herodis Ascalonitæ filio, & Tetrarcha Ituræ ac Trachonitidis regionis, cuius sit mentio Luc. cap. 3. vers. 1. instaurata & aucta, in honorem ipsius Tiberij Cæsaris, Cæsarea appellata est: & ad differentiam alterius Cæsareæ, quæ ab Herode patre eius in littore Mediterranei fuerat ædificata, Cæsarea Philippi dicta est. Et hæc memoratur in Euangelio Matthæi cap. 16. vers. 13. & Marc. cap. 8. vers. 27. De eadem vrbe vide plura apud Abulensem super Matthæi cap. 16. quæst. 35.

TERTIA,
DE BELLO
INTER BEN
IAMITAS
ET RELI-
QVAS TRI-
BUS ISRAEL

16. Tertia demum historia ad hæc tempora pertinens, est illa quæ in postremis tribus Iudic. capitibus describitur, de vxore cuiusdam Leuitæ violenter oppressa, & illusa à filiis belial tribus Benjamin. Propter quod scelus, exortum est sæuum illud bellum inter Israelem & Beniamitas, in quo bello tribus Benjamin, post tres victorias successiue de aliis tribubus partas, ipsa tandem pænè extincta est. Item, de iureiurando quo se astrinxerant filij Israel, ne darent filias suas vxores reliquis filiorum Benjamin, quod iurisiurandi vinculum ceteræ tribus in odium Beniamitarum, diuinæ Legi prohibenti ne qua mulier extra tribum suam nuberet, super se addiderant. Et denique, quomodo postea sine Legis ac iuramenti transgressione prouisum sit de vxoribus Israeliticis, his paucis qui in bello superfuerant de tribu Benjamin. Quod autem memoratæ tres historie acciderint inter obitum Iosue & Seniorum, patet, quia in cap. 17. vbi agitur de idolo Michæ, vers. 6. dicitur, quod *in diebus illis non erat Rex in Israel; sed unusquisque quod sibi rectum videbatur, hoc faciebat.* & idem legimus in principio cap. 18. in quo describitur ascensus filiorum Dan in Lais: & in fine libri Iudicum, vbi concluditur narratio belli gesti contra filios Benjamin, eadem quoque verba repetuntur: & præterea Iosephus 5. Antiq. cap. 2. hæc quæ supra retulimus, refert ad tempora quæ fluxerunt inter mortem Iosue & Ducatum Othonielis. Iosephum etiam sequuntur Auctor Historiæ Scholasticæ in lib. Iudic. cap. 22. & alij plures. Sed & quod attinet ad historiam tertio loco memoratam, idem confirmari potest duobus aliis argumentis ex eademmet Historiæ sacra desumptis: Alterum est, quia Iudic. cap. 19. vers. 29. legimus, Leuitam illum tanta affectum iniuria, non ad Iudicem aliquem, qui eam vindicaret, confugisse; sed cadauer violatæ vxoris, quæ in ea iniuria mortua erat, in partes duodecim sectum, ad omnes terminos Israel transmississe, ut vel sic patratum facinus cunctis innotesceret; & in commune, quid facto opus esset, decerneretur. Cur hoc? nisi quia tum non erat Rex siue Reçtor in Israel, qui talia punire delicta posset. Propterea præfatus Leuita coram omni multitudine, quæ, viso tali spectaculo, in Maspha protinus congregata est, reos criminis accusauit, ut patet cap. eiusdem lib. 20. vers. 4. vsque ad 8. Alterum est, quia posteaquam vniuersus populus lanciuit, eosdem facinorosos omnino esse plectendos, & intellexit id, nisi suscepto aduersus Beniamitas bello, fieri non posse; consuluit (ut ibidem vers. 18. subiungitur) in Silo Dominum de belli Duce constituendo, eo prorsus modo quo fecerat, quando mortuo Iosue non erat Rex in Israel, ut videre est in principibus libri Iudicum. Signum est ergo, quod tempore memorati belli nullus erat supremam habens auctoritatem in populo Israel.

QVOD TRES
MEMORA-
TAE HISTO-
RIÆ PER
HÆC TEM-
PORA SINT
GESTÆ.

ANNO post defunctum Moysen, siue ab introitu Israelis in terram Chanaan, decimo octauo, elapsis videlicet septem annis ab obitu Iosue, defunctis vniuersis Senioribus Israël, qui viderant mirabilia Domini; surrexerunt alij nescientes Dominum, qui ex Chanaanorum, quibuscum habitabant, consuetudine, paulatim primò, deinde passim ac publicè cum ipsis miscere connubia, & ad colenda ipsorum idola declinare cœperunt. Quamobrem iratus Dominus, tradidit postea eos sæpius in manus hostium, qui eos valde affligebant atque opprimebant, & quidem certis temporibus suscitabat eis Dòminus Iudices, per quos liberabat eos; sed Iudicibus defunctis, ad cultum idolorum reuertebantur, & peiora prioribus perpetrabant, vt dicitur Iudic. cap. 2. vers. 10. vsque ad 5. capitis tertij, & nos deinceps sigillatim ostendemus. Porro hanc Hebræorum Deique mutuam sæpiusque repetitam vicissitudinem præuaricandi, puniendi, resipiscendi, ac miserèdì, paucis quidem, sed enucleatiùs expressit in Psal. 105. Regius Propheta, dicens: *Et commixti sunt inter gentes, & didicerunt opera eorum, & seruiuerunt sculpsilibus eorum. & factum est illis in scandalũ. Et immolauerunt filios suos & filias suas demoniis, & effuderunt sanguinem innocentem, sanguinem filiorum suorum & filiarum suarum, quas sacrificauerunt sculpsilibus Chanaan. Et infecta est terra in sanguinibus, & contaminata est in operibus eorum, & fornicati sunt in adinventionibus suis. Et iratus est fure Dominus in populum suum, & abominatus est hereditatem suam. Et tradidit eos in manus gentium, & dominati sunt eorum qui oderunt eos, & tribulauerunt eos inimici eorum, & humiliati sunt sub manibus eorum; sæpe liberauit eos. Ipsi autem exacerbauerunt eum in consilio suo, & humiliati sunt in iniquitatibus suis. Et vidit cum tribularentur, & audiuit orationem eorum. Et memor fuit testamenti sui, & pœnituit eum secundum multitudinem misericordie sue. Et dedit eos in misericordias in conspectu omnium qui ceperant eos.* hæc tamen verba Prophetæ. Prima ergo punitio & calamitas eis à Domino inflicta, fuit, quando cum fecissent malum in conspectu Domini, seruientes Baalim & Astaroth, traditi sunt in seruitutem Regis Mesopotamiæ, cui nomen erat Chusan Rasathaim, cœto annis; quemadmodum traditur Iudic. cap. 3. vers. 5. vsque ad 12. de qua tandem seruitute Othoniel, qui primus inter Iudices recenseri solet, resipiscens eum populum in libertatem vindicauit, vt ibidem vers. 9. exprimitur illis verbis: *Et clamauerunt ad Dominum, qui suscitauit eis saluatorem, & liberauit eos Othoniel, &c.* & post pauca: *Fuitq; in eo Spiritus Domini, & iudicauit Israel, egressusq; est ad pugnam, & tradidit Dominus in manus eius Chusan Rasathaim Regem Syriæ, & oppressit eum.* Erat autem Othoniel de tribu Iuda, vt colligitur 1. Paralip. cap. 4. vers. 13. qui cum iudicasset Israelem vsque ad finem vitæ suæ, quieuit (inquit Scriptura loco Iudic. citato) *terra quadraginta annis.*

PRIMA PO-
PULI PRÆ-
VARICA-
TIO, OB
QVAM SER-
UIERVNT
REGI MESO-
POTAMIAE
ANNIS 8.

OTHONIEL
PRIMVS HE-
BRAECVM
IUDEX AN-
NIS 40 COM-
PVSTATIS
OCTO PRÆ-
DICTAE
SERVITU-
TIS.

EXPLICAN-
TVR VERBA
IUDIC.

PRIMA EX-
POSITIO
REFELLI-
TVR.

2. Sed quoniam hæc & eiusmodi verba, quæcunque terra tot annis, aliquoties in libro Iudicum repetita, multipliciter accipi posse videntur; de legitima ipsorum intelligentia aliquid hoc loco differere necessarium est. etenim non benè intellexit, plurimum sacræ Chronologiæ officient. Et primò quidem, apparet esse accipienda præcisè solùm de illo tempore, quo cessatum est à præliis; quatenus scilicet distinguitur ab idololatriæ, seruitutis, & præliorum temporibus: nam iste est sensus, quem prima fronte dicta verba videntur exprimere. quid enim eo in loco sibi vult terram quiescere, nisi à præliis? præsertim cum illud ipsum in calce capitis 3. Iudic. conceptis verbis expressum reperitur in aliquot Sacris exemplaribus, licet non correctioribus. Igitur idem videtur esse, terram tot annis quieuisse, ac si diceretur, populum illum tot annis in summa pace ac tranquillitate, sine vlla hostium incursione ac perturbatione, mansisse. Sed si hoc posuerimus, ruerè omnino necesse est ea quæ sub anno mundi 2591. num. 12. & sequentibus diximus; nimirum, ab exitu Israelis de Ægypto ad inchoatam templi Salomonis adificationem; inueniri annos quadringentos octoginta, quemadmodum expressè testatur Scriptura 3. Reg. cap. 6. vers. 1. Nam non annos dumtaxat quadringentos octoginta; quin etiam neque tantummodò quingentos nonaginta duos, vt Iosephus credit; sed plusquam sexcentos, intra memoratos terminos fluxisse oporteret, eosque incertos & indeterminabiles: quoniam etsi in Sacro eloquio anni seruitutis expressi reperiuntur; non tamen durationes idololatriæ, ob quam sæpius in seruitutem redigi meruerunt; neque item tempora, quæ inter obitum vnus Iudicis & reditum populi ad idololatriam transierunt; sed neque etiam tempora, quibus contra hostes bellatum est. Vnde tota ferè ho-

rum temporum chronologia confunderetur, ac prorsus interiret. Præterea obstant quoque illa verba, quæ Iudic. cap. 8. vers. 28. habetur: *Sed quicquid terra per quadraginta annos quibus Gedeon præfuit.* non ergo quibus cessatū est à præliis: nam clarum est, Gedeonem præfuisse populo, etiam toto illo tempore quo bellum gerebat contra Madianitas; alioqui non potuisset clangere buccina, & mittere nuntios ad plures tribus, & conuocare populos ut se sequeretur ad bellum, quemadmodum fecisse legitur Iud. cap. 6. vers. 34. & item pariter præfuisse Israeli toto tempore, quo deuictis Madianitis superuixit, ut ex hoc Iudic. cap. 8. superius citato patet. Nec refert, quod ibidē vers. 22. parla de Madianitis victoria, dixerint ei omnes filij Israel: *Dominare nostri tu, & filius tuus, & filius filij tui, quia liberaſti nos,* &c. quibus verbis videntur fecisse eum Iudicem post deuictos hostes; sed non ita est: non enim tunc volebant eum facere Iudicem, sed Dominum absolutum, id est Regem, ita ut ius Regni eius etiam transfiret ad posteros suos; & hoc ipse reculauit, dicens: *Non dominabor vestrī, nec dominabitur in vos filius meus; sed dominabitur vobis Dominus.* Manifestum est ergo, ipsum non recusasse Iudicis dignitatem & præfecturam, quam tenuit quadraginta annis; sed dominium absolutum, quod solis debebatur Regibus. Itaque si Gedeon præfuit populo annis quadraginta, computatis belli ac pacis temporibus; idem videtur posse dici de alijs Iudicibus: & consequenter apparet, quod illa verba, *Et quicquid terra tot annis,* non possunt nec debent accipi pro solo illo tempore quo cessatum est à præliis.

ALTERA
ITEM EX-
POSITIO
REHICITUR

3. Quod si quis ex præcitato textu Iudic. cap. 8. vers. 28. deducendum putet, intentionem sacræ Scripturæ esse, per verba de quibus modò agimus, explicare tantummodò numerum annorum, quos singuli Iudices in sua præfectura exegerunt: dicimus, neque hoc posse omnino subsistere. etenim si diligenter attendamus quæ traduntur in libro Iudicum, perfectò videbimus obscurum relinqui, num singuli Iudices, à Iosue seu ab obitu Seniorum vsque ad Abimelech, statim post mortem præcedentium constitui solerent, nec ne: & videtur potius colligi posse, quod non. nam de Othoniele nullibi legimus, quod iudicauerit populum illicò post defunctos Seniores, quorum temporibus Israëlita iugiter seruierunt Domino, ut Scriptura testatur Iosue cap. vlt. vers. 31. sed post illa tempora, in quibus filij Israel ad idololatriam iam declinauerant; & item, posteaquam ob eamdem idololatriam iam seruierant Regi Mesopotamiæ seu Syriæ octo annis, ut dicitur Iudic. cap. 3. vers. 8. tunc enim (quemadmodum ibidem subditur) *clamauerunt ad Dominum, qui suscitauit eis saluatorem*, videlicet Othonielem, & liberauit eos. Ecce quod Othoniel non nisi post prædictos seruitutis annos populo præfuisse indicatur. Idem possumus colligere ex eodem Iudic. cap. vers. 12. ubi post descriptam Othonielis mortem adiungitur: *Addiderunt autem filij Israel facere malum in conspectu Domini, qui confortauit aduersus eos Eglon Regem Moab,* &c. & post pauca, videlicet vers. 14. sequitur: *Seruieruntque filij Israel Eglon Regi Moab decem & octo annis; & postea clamauerunt ad Dominum, qui suscitauit eis saluatorem vocabulum Aod;* &c. Vides quod etiam huius suscitatio dicitur facta post aliud decursum idololatriæ tempus indeterminatum, & item post alios decem & octo seruitutis annos. Idem ergo videtur etiam dici posse de alijs Iudicibus. Et consequenter, si dixerimus, verba illa, *Quicquid terra tot annis*, significare annos præfecturæ cuiusque Iudicis; eadem prorsus absurda & inconuenientia sequi necesse erit, quæ præcedenti numero retulimus; nimirum sacræ Chronologiæ confusionem, & Sacri textus 3. Reg. cap. 6. vers. 1. falsitatem: quandoquidem summæ annorum ibidem expressæ addere oportebit alios annos, inter obitum prioris Iudicis & subsequenter creationem decurfos, quos Scriptura sacra indecisos relinquit.

TERTIA
ITEM EX-
POSITIO
REFUTATUR.

4. Non defuerunt qui opinati sunt, Scripturam sacram in prædictis verbis (ut aliàs quandoque) vsurpare numeros quos vocant cardinales pro ordinalibus: dicuntur autem, ut isti aiunt, numeri cardinales, qui propriè communiterque numeri appellantur; puta, vnus, duo, tres, & reliqui similes: ordinales verò, qui magis ordinem significant; veluti cum dicimus, primus, secundus, tertius, &c. Putant igitur, quod ubi dicitur, *Quicquid terra quadraginta vel octoginta annos*, idem sit ac si diceretur, eam quicquid se à præliis quadragesimo vel octogesimo anno, à tempore nimirum suprà notato. Sed neque ista expositio videtur hoc loco posse defendi. Primò, quia certum est, bella illa ab eorum initio non tamdiu perdurasse: nam Rex Mesopotamiæ exacto anno octauo superatus est; & Rex Moab, decimo octauo; & Iabin Rex Chanaan, vigesimo; & Madianita, septimo oppressi humiliatique fuerunt. Deinde constat, Iudices non statim post reportatum de hostibus triumphum obisse: & tamen ex Sacro textu apparet, eosdem

dem Iudices in fine illorum annorum quibus dicitur terra quieuisse, defunctos esse. Denique, non semper locis citatis Scriptura dicit, terram quieuisse tot annis, sed, per tot annos: sic enim habet editio Vulgata Iudic. cap. 5. in fine, & cap. 8. vers. 28. cui loquendi modo prædicta expositio nullatenus adaptari posse videtur.

5. Itaque ad tollendas omnes eiusmodi difficultates, multò meliùs dicendum est (vt ferè omnes Expositores & Catholici Doctores, quorum aliquot fub anno mun. 2591. num. 17. citauimus, sensisse videntur) Auctorem libri Iudicum illis verbis quater repetitis, *Quieuit terra tot annis, vel per tot annos*, proculdubio tria simul indicare voluisse: Primò, præcisum annorum numerum, qui ab vna populi præuaricatione ad alià, seu (quod in idem recidit) ab obitu præcedentis Iudicis ad obitum subsequens, intercesserat; nulla habita ratione, quòd posterior Iudex statim, aut multò pòst delectus fuerit: hoc enim exprimere, ad continuandam chronologiam non videbatur necessarium, illud autem ad seriem temporum colligendam, scire omnino oportebat. Secundò, quòd in dicto annorù numero etiam idololatriæ, seruitutis, & belli tempora comprehendebantur, vt iam dictum est, & infrà ostendemus. Tertiò, quòd Israëlita maiorem, vel magnam saltem illius temporis partem, in summa pace ac tranquillitate traduxerunt: non enim in Scripturis sacris nouum est, aliquando totum pro parte vsurpari consueuisse. Illustre habemus huius rei exemplum Gen. cap. 15. vers. 13. vbi prædicit Dominus Abrahamo, semen eius peregrinum futurum, & subiectum afflictumq; iri quadringentis annis; cum tamen satis constet, peregrinationem, subiectionem atque afflictionem ibidem prædictas, non totos illos quadringentos annos continuasse, sed intra illud tempus Israëlitas interpolatis vicibus graues aliquot admodumque molestas peregrinationes ac plurium annorum subiectiones afflictionesque sustinuisse, vt sub anno mundi 2118. num. 16. dictum est. Patet igitur, quòd quando Iudic. cap. 3. vers. 11. post descripta hæc omnia, nimirum declinationem populi ad cultū idolorum, seruitutem octo annorum Regi Syriæ, bellum cum eo ab Othoniele gestum, & tandem dicti Regis oppressiōnem, subiungitur, *Quieuitq; terra quadraginta annis, & mortuus est Othoniel*, non vult dicere, Othonielem decessisse statim ac oppressit Regem Syriæ; sed post illos quadraginta annos, vtique computandos ab initio prius memoratæ præuaricationis, seu (quod idem est) à morte Seniorum, qui post obitum Iosue erant simul veluti Duces & Rectores populi, eumq; donec superflites fuerunt, in vero Dei cultu continuerant. Et consequenter, ex eisdem Scripturæ verbis perspicue datur intelligi, præ narrata omnia, nempe idololatriam, seruitutem, Iudicis suscitacionem, bellum, & si quid aliud eiusmodi est, intra illos quadraginta annos contigisse: & nihilominus terram illis quadraginta annis quieuisse, hoc est, Israëlitas magnam illius temporis partem in pace traduxisse, quod est dicere, à præliis cessasse; id enim ibi significare videtur verbum illud *quieuisse*, quemadmodum Genes. cap. 2. vers. 2. dicitur Deus die septima requieuisse, id est cessasse ab illo opere. & Isaia cap. 1. vers. 16. *Quiescite* (inquit) *agere peruersè*. hoc est, cessate. & Apocalyp. cap. 4. vers. 8. de quatuor illis animalibus legimus: *Et requiem non habebant die ac nocte, dicentia: Sanctus, Sanctus, &c.* id est, non cessabant. Similiter in citato Iudic. cap. 3. vers. 30. vbi post descriptam alteram populi præuaricationem, alteramque seruitutem decem & octo annorum factam Regi Moab; item eiusdem Regis occisionem, & bellum contra Moabitæ Aod Duce feliciter gestum; cum deinde subditur, *Et quieuit terra octoginta annis*. vtique debemus subtiliter intelligere, à fine prædictorum quadraginta annorum, in quo obierat Othoniel; seu (quod idem est) ab initio secundæ præuaricationis numerandos; & per consequens, memoratam populi præuaricationem, seruitutem, Regis interfectionem, & Moabitarum cladem, acta esse intra illos octoginta annos, quos sub anno mundi 2720. num. 1. dicimus, non multò post mortem Aod, hoc est in obitu Samgar, fuisse terminatos. & sic de reliquis temporibus ac Iudicibus, vsque ad defunctum Gedeonem: nam deinceps Iudicum initia anni que magis clarè tradi videntur.

QVARTA
DEMVMEX-
POSITIO
REGIPI-
TVR.

AB ORBE CONDITO

QVARTÆ MVNDI ÆTAT.

ANNVS 2616.

ANNVS 73.

1. **A** NNO ab introitu Israelis in terram Chanaan trigésimo tertio, & regni Amynthæ Regis Assyriorum quadregésimo primo, qui iuxta Eusebij computum concurrunt cum anno sexto, iuxta nostrum verò (vt patet in tabulis) cum anno decimosexto Othonielis, primi post Iosue Iudicis Hebræorum, creditur condita à Sisy-

CORINTHVS
QVANDO
CONDITA.

pho fuisse Corinthus, Ephira prius dicta, vt tradit Eusebius in Chronicis. Vrbs in Achaia olim ditissima, in medio fere Isthmi Peloponnesiaci posita, cuius memoria etiam post illius interitum multis nominibus fuit celeberrima, sed præcipuè, tum propter æs illud Corinthium inde appellatum, quod ex auro, argento, aliisque metallis mira quadam commixtione in eiusdem vrbs incendio simul fusis, inopinato casu conflatum est, & apud Romanos postea magno in pretio fuit, cuius meminit Plinius lib. 34. cap. 2. tum verò maximè, ob sacras Apostoli Epistolas ad Corinthios scriptas, quæ etiam nunc in sacro Bibliorum volumine registratæ habentur. Ratio autem differentiæ decem annorum inter Eusebij supputationem & nostrâ, quæ perseuerabit vsque ad finem Ducatus Abesani, inde orta est, quòd Eusebius in colligenda quadringentorum octoginta annorum summa, ab exitu de Ægypto ad fundationem templi Salomonis, secutus codicem LXX. Interpretum, quem præ manibus habebat antiquum, sed in hac parte diminutum, prætermisit decem annos Ducatus Ahialon; quos postea, vt prædictam summam conficeret, Ducatui Iosue addidit, vt nos sub anno mundi 2591. num. 14. demonstrauimus.

RATIO DIF-
FERENTIAE
INTER EV-
SEBIUM ET
AVCIOREM.

AB ORBE CONDITO

A N N V S 2624.

QVARTÆ MVNDI ÆTAT.

A N N V S 77.

AMYNTHAE I
REGIS AS-
SYRIORVM
ONITVS.

A NNO dicti introitus trigesimo septimo, qui secundum Eusebium in Chronicis coincidit cum anno Ducatus Othonielis decimo, iuxta nostrâ verò computum, cum anno eiusdem Othonielis vigesimo, mortuus est Amyntas Rex Assyriorum, cum regnasset annis quadraginta quinque, vt loco citato testatur Eusebius.

AB ORBE CONDITO

A N N V S 2621.

QVARTÆ MVNDI ÆTAT.

A N N V S 78.

BELOTHVS I
REGNAT IN
ASSYRIA.

A NNO qui proximè sequebatur circiter inchoante, regnauit in Assyria Belothus, fuitque Rex Assyriorum decimus octauus, vt ibidem Eusebius. Huius Regis anno primo, aiunt Cadmus ex Phœnicia in Græciam detulisse quasdam litteras seu characteres, qui ibidem recepti, in vsum deinde induci sunt; quibus postea alij alios addiderunt, donec Alphabetum Græcum tandem completum est. Fuit autem Cadmus Agenoris Phœnicum Regis filius, qui ad recuperandam Europam forem à Ioue raptam, missus à patre ea conditione, vt sine ipsâ redire non auderet, venit in Græciam; & cum videret se iussa patris implere non posse, statuit ibidem permanere. Itaque in Bœotia confedens, ibi Thebas condidit; quæ vrbs à suo conditore aliquando etiam Thebes Cadmea appellata est, iuxta illud Propertij lib. 1. Elegia 7.

CADMVS IN
BOEOTIA
THEBAS
CONDIDIT.*Dum tibi Cadmea dicuntur Pontice Theba.*

Verum postea à Zetho & Amphione Cadmus regno pulsus, ad Illyrios cum vxore Hermiones se contulisse fertur; vbi ambos, deorum miseratione, in serpentes conuersos esse fabulantur, relictis quinque filiabus; ex quarum prima, nomine Semele, Iupiter Bacchum genuisse traditur. Porro prædictæ vrbs incolæ, qui communiter Thebani sunt appellati, succedentibus temporibus vsque adeò creuerunt, præsertim viuentis Examinda strenuo ipsorum Duce, vt etiam Lacedæmoniis, aliquin valdè potentibus, aliquando præualere potuerint, vt videre est apud Xenophontem, Rerum Græcarû lib. 7.

AB ORBE CONDITO

A N N V S 2633.

QVARTÆ MVNDI ÆTAT.

A N N V S 90.

PRIMVS IV- I
NILEVS.

A NNO Præfecturæ Othonielis, vel meliùs, à morte Seniorum trigesimo tertio, incidit primus Iubileus, iuxta ea quæ sub anno mundi 2584. num. 3. diximus: iste enim est annus quinquagesimus ab introitu filiorum Israel in terram Chanaan, vt patet in tabulis.

AB ORBE CONDITO

A N N V S 2640.

QVARTÆ MVNDI ÆTAT.

A N N V S 97.

OTHONIEL I
PRIMVS HI-
BRAEORVM
IYDEX MO-
RIIVR.

A NNO quadragesimo à morte Seniorum desinente, iuxta superius exposita, mortuus est Othoniel filius Cenez, qui primus post Iosue iudicauit Israel: Iudic. cap. 3. vers. 10. & 11. Cui successit Aod ambidexter, & Eglonis interfe-ctor, quemadmodum sub anno proximo dicemus.

AB ORBE CONDITO
ANNVS 2641.

QVARTÆ MVNDI ÆTAT.
ANNVS 98.

AB anno proximo incipiunt numerari anni Ducatus Aod, computatis nimirum secundæ Hebræorum præuaricationis & seruitutis ac belli annis: nam cum addidissent filij Israel facere malum in conspectu Domini, confortauit aduersus eos Eglon Regem Moab, qui conductis etiam secum Ammonitis & Amalecitis, percussit Israel, & possedit urbem Palmarum, hoc est Iericho, coëgitque Israelitas seruire sibi decem & octo annis: quibus elapsis, cum clamassent ad Dominum, misericordia motus, excitauit eis saluatorem nomine Aod, filium Gera, filij Iemini, id est de tribu Benjamin. Hic erat ambidexter, feceratque sibi gladium ancipitem. Misit deinde ab Israele ad Regem cum muneribus; his oblatis, rediit paulò post callidè ad Regem, & interfecit eum, ac fugit in montem Ephraim, ubi cecinit buccina: conuocatisque ad se Israelitis, misit occupare vada Iordanis, ne quis effugere posset, & aggressus Moabitis cis Iordanem existentibus, percussit eos, occisis circiter decem millibus virorum fortium, atque hoc pacto humiliauit Moabitas sub manu Israel: Iudic. cap. 3. vers. 11. vsque ad 30. Et quoniam ibidem continuò subiungitur, *Et quieuit terra octoginta annis.* ex his, iuxta sub anno mundi 2601. num. 5. declarata, datur intelligi, ipsum Aod post subiugatos Moabitas iudicasse Israel, & usque ad annum octogesimū ab obitu Othonielis: & eodem anno circiter inchoante (vt sub anno mundi 2720. num. 1. dicemus) è vita excessisse: nam illic sequitur, *Post Aod fuit Samgar, &c.*

AOD S. HE-
BRAEORVM
IUDÆ AN-
NIS PÆ-
NE 80.
SECVNDA
POPVLII
PRÆVARTI-
CATIO IN
TERRA CHA-
NAAN, OB
QVAM SER-
VIT REGI.
MOAB PER
ANNOS 13.

AB ORBE CONDITO
ANNVS 2645.

QVARTÆ MVNDI ÆTAT.
ANNVS 102.

ANNO ab introitu Israel in Terram promissionis sexagesimo secundo, qui iuxta Eusebij computum concurret cum trigésimo quinto Othonielis, iuxta nostrum autem cum quinto Ducatus Aod, mortuus est Belothus Rex Assyriorum, post exactos regni annos viginti quinque, vt notat Eusebius in Chronicis.

BELOTHVS
REX ASSY-
RIORVM
MORTVVS.

AB ORBE CONDITO
ANNVS 2646.

QVARTÆ MVNDI ÆTAT.
ANNVS 103.

ANNO insequente circiter ineunte, regnavit super Assyrios Bellepares ipso-
Rex decimus nonus, vt ibidem tradit Eusebius.

REGNAT IN
ASSYRIA.
BELLEPA-
RES.

AB ORBE CONDITO
ANNVS 2665.

QVARTÆ MVNDI ÆTAT.
ANNVS 121.

ANNO ab ingressu Israelis in terram Chanaan octogesimò primo, credimus quòd Salmon, anno vitæ suæ, vt apparet in tabulis, nonagesimo quinto, de Rahab genuerit Booz, quemadmodum dicitur Matthæi cap. 1. vers. 5. Quòd autem hoc anno genitus sit Booz, constare poterit ex his quæ sub anno mundi 2748. num. 3. dicemus. Quòt autem annis ab ortu Booz superuixerit pater eius Salmon, incertum est.

SALMON
GENVIT
BOOZ.

AB ORBE CONDITO
ANNVS 2675.

QVARTÆ MVNDI ÆTAT.
ANNVS 132.

ANNO memorati introitus nonagesimo secundo, qui secundum Eusebium incidit in annum vigésimum quintum Ducatus Aod, secundum nostras vero tabulas, in annum eiusdem Aod trigésimum quintum, mortuus est Bellepares, exactis in regno annis triginta, vt scribit Eusebius in Chronicis.

BELLEPA-
RES REX AS-
SYRIORVM
MORTVVS.

AB ORBE CONDITO
ANNVS 2676.

QVARTÆ MVNDI ÆTAT.
ANNVS 133.

ANNO immediatè succedente, regnavit in Assyria Lamprides Rex Assyriorum
vigésimus: Eusebius ubi supra.

LAMPRIDES
REGNAT IN
ASSYRIA.

AB ORBE CONDITO
ANNVS 2683.QVARTÆ MVNDI ÆTAT.
ANNVS 140.IUBILEVS
SECYNDVS.

I ANNO quadragesimo tertio Ducatus Aod, siue à defuncto Othoniele, contigit secundus Iubileus: erat enim annus centesimus ab introitu Israëlitarum in Terram promissionis, vt patet in tabulis.

AB ORBE CONDITO
ANNVS 2707.QVARTÆ MVNDI ÆTAT.
ANNVS 164.LAMPRI-
DES REX AS-
SYRIORVM
MORITVR.

A NNO dicti introitus centesimo vigesimo quarto, qui secundum Eusebium concurrit cum anno quinquagesimo septimo Ducatus Aod, iuxta verò supputationem nostram, cum anno eiusdem Aod sexagesimo septimo: cessit è vita Lamprides Assyriorum Rex, cum regnasset annos triginta duos, vt apparet ex Eusebio in Chronicis.

AB ORBE CONDITO
ANNVS 2708.QVARTÆ MVNDI ÆTAT.
ANNVS 165.SOSARES
REGNAT IN
ASSYRIA.

I ANNO proximo ineunte regnauit in Assyria Sofares Rex Assyriorum vigesimus primus, vt notauit Eusebius loco citato.

AB ORBE CONDITO
ANNVS 2720.QVARTÆ MVNDI ÆTAT.
ANNVS 177.SAMGAR
TERTIVS
HEBRAEO-
RVM IVDIX
PER ALI-
QVOT MEN-
SES.

A NNO centesimo trigesimo septimo introitus Israelis in terram Chanaan, qui fuit Ducatus Aod, vel potius à morte Othonielis annus octogesima, circa initia anni, vt sub anno mundi 2641. num. 1. dictum est, & paulò post confirmabitur, mortuus est Aod secundus ab Othoniele Hebræorum Dux siue Iudex, cui immediate successit Samgar, de quo nihil aliud legimus, nisi quod percussit de Philisthæis sexcentos viros vomere, & ipse quoque defendit Israel: Iudic. cap. 3. in fine. ex quo apparet, ipsum fuisse virum fortissimum, ac defendisse Israelitas à Philisthinorum incurfionibus. Et quoniam Scriptura sacra, breui ipsius Samgar facta mentione, ad alia progreditur, neque tempus quo iudicauerit Israellem exprimere curauit, immò quæ post ipsum facta sunt, tamquam post mortem Aod, in ipso capitis 4. initio, gesta prosequitur; propterea communis Doctorum sententia est, quemadmodum etiam testatur Abulensis super Iudic. cap. 3. quæst. 31. dictum Samgar per aliquot dumtaxat menses populo præfuisse. quod etiam aperte asserit Iosephus in calce capitis 5. lib. 5. Antiq. dicens, ipsum Samgar vix toto vertente anno vitam finisse. Et licet idem Iosephus in colligenda annorum summa, quæ fluxit ab exitu populi de Ægypto ad prima Templi fundamenta, vt nos sub anno mundi 2591. num. 13. notauimus, videatur computasse annum Præfecturæ Samgar seorsum ab annis aliorum Iudicum: attamen multò melius, & ad Sacri textus seriem sensumque longè accommodatiùs, Catholici Doctores eundem annum in illis octoginta Aod annis computandum esse censuerunt; vnde Historia Scholastica lib. Iudicum cap. 6. cum dixisset, Aod mortuum esse octogesimo anno, subdit, Samgar quoque eodem anno vitam compleuisset; perspicue innuans, Aod mortuum esse circa initia illius anni octogimesimi, Samgar verò in fine. Et huic Debbora Prophetis successit. Qua imperante, Barac dux exercitus insignem de hostibus victoriam reportauit, vt consequenter narrabimus.

AB ORBE CONDITO
ANNVS 2721.QVARTÆ MVNDI ÆTAT.
ANNVS 178.DEBBORA
ET BARAC
QVARTO
LOCO IVDI-
CANT PO-
PVLVM AN-
NIS 49.

POST mortem Aod & Samgar, elapsis nimirum octoginta annis ab obitu Othonielis, à quo incipiunt numerari anni, qui tribuuntur Principatui Debboræ & Barac, præuicari tertio cœperunt Israelitæ: ideoque tradidit eos Dominus in manum Iabin Regis Chanaan, qui tunc temporis regnabat in Asor; & oppressit eos

vche-

vehementer per annos viginti: quibus compleri incipientibus, conuersi ad pœnitentiam Hebræi, clamauerunt ad Dominum. Erat autem eo tempore Debbora Prophetis, vxor Lapidorth, quæ iudicabat populum ad se venientem, sub palma in monte Ephraim. Hæc quodam die, prophetico acta spiritu, accersito Barac filio Abinoëm, de tribu Nephtholim, iussit eum cogere exercitum decem millium pugnatorum, de filiis Nephtholim & Zabulon, (erant enim istæ duæ tribus inter se finitimæ) & vt eos duceret in montem Thabor, prope torrentem Cifon; prædicens ei à Domino victoriam de Sisara principe exercitus Iabin; quæ mox eodem profus modo, quo Debbora prænuntiauerat, subsecuta est. Nam & exercitus Sisaræ profligatus est, & ipse Sisara fugiens, admodum lassus peruenit ad tabernaculum Iahel vxoris Haber Cinæi, non procul ab vrbe Cedes; quæ primò quidem ipsum benignè excepit, postea verò calidè interfecit, dormienti namque clauum malleo percutiens in tempora eius defixit, ac non multò post, Baraco illum insequenti mortuum demonstraui; sicque ad vnguem impleta est prophetia Debboræ, quæ Baraco, præ timore recusanti ire ad illud bellum nisi secum pergeret Prophetissa, illa eidem respondens dixerat: *Ibo quidem tecum, sed in hac vice victoria* (hoc est, occisio Sisaræ Principis) *non reputabitur tibi; quia in manu mulieris* (hoc est prædictæ Iahel) *tradetur Sisara*. Atque hoc pacto humiliavit Deus Iabin Regem Chanaan coram filiis Israel, qui deinceps quotidie magis præualebant dicto Regi, donec tandem eum perderent. Cecinit autem post victoriam Debbora canticum Domino, & quieuit terra per annos quadraginta, intellige ab obitu Samgar, iuxta superius explicata. Et hæc omnia Iudicum cap. 4. & 5. fusiùs tradita habentur.

TERTIA PO-
PULI PRÆ-
VARICATIO,
ET SERVI-
TVS 20. AN-
NORVM RE-
GI IABIN.

AB ORBE CONDITO

QVARTÆ MVNDI ÆTAT.

ANNVS 2722.

ANNVS 179.

A NNO circiter proximo, qui erat Ducatus Debboræ & Barac secundus, oportet cepisse regnum Italiæ sub primo eius Rege Iano, si verum est quod tradit Eusebius in Chronicis, nimirum quinque Reges, videlicet Ianum, Saturnum, Picum, Faunum & Latinum successiue per annos centum quinquaginta, ante Æneam, in Italia regnasse. Etenim hinc ad primum regni Ænææ annum, totidem anni computantur, vt dinumerari potest in tabulis.

REGNI ITA-
LIÆ ORI-
GO.

AB ORBE CONDITO

QVARTÆ MVNDI ÆTAT.

ANNVS 2727.

ANNVS 184.

A NNO introitus Hebræorum in Terram promissionis centesimo quadagesimo quarto, qui secundum Eusebium coincidit cum anno septuagesimo septimo Ducatus Aod; iuxta verò nostrum computum, cum anno septimo Ducatus Debboræ & Barac; decessit Sosaes Assyriorum Rex, cum regnasset annos viginti, vt testatum reliquit Eusebius in Chronicis.

SOSAES
REX ASSY-
RIORVM
MORTVVS.

AB ORBE CONDITO

QVARTÆ MVNDI ÆTAT.

ANNVS 2728.

ANNVS 185.

A NNO proximo circiter ineunte, regnavit super Assyrios Lampares Rex ipsorum vigesimus secundus, vt est apud eundem Eusebium ibidem.

REGNAT IN
ASSYRIA
LAMPARES.

AB ORBE CONDITO

QVARTÆ MVNDI ÆTAT.

ANNVS 2733.

ANNVS 190.

A NNO ab obitu Samgar decimotertio, oportet incidisse tertium Iubileum; quandoquidem ille erat annus centesimus quinquagesimus ab ingressu Israëlitarum in tertiam Chanaan, vt mani festè videri potest in tabulis.

IVBILEVS
TERTIVS.

DE TEMPO-
RE HISTO-
RIÆ LIBRI
RVTH QVAT-
TVOR OPI-
NIONES.

QVOD RVTH
NON EVE-
RIT FILIA
EGLON RE-
GIS MOAB.

PRIMA OPI-
NIO REFFV-
TATVR.

QVARTA O-
PINIO RE-
FELLITVR.

ANNO circiter vigesimo octauo ab obitu Samgar, credimus cœpisse historiam libri Ruth: tamen si non ignoramus, quattuor extitisse de eius tempore Docto- rum opiniones. Nam quia in initio libri Ruth satis obscurè notatur tempus illis verbis, *In diebus vnius Iudicis, quando Iudices præerant*, &c. neque ibi exprimitur, quis fuerit ille Iudex; quidam arbitrati sunt fuisse Aod, alij Barac, vel Gedeonem, nonnulli Abesan, & aliqui etiam Heli. Prima opinio fuit Auctoris Chronologiæ maioris Hebræorum, qui cap. 12. ait, Historiam Ruth accidisse in diebus Eglon Regis Moab, quem interfecit Aod. Et hinc fortè quidam deduxerunt, ipsam Ruth, quoniam Moabitibus erat, fuisse filiam prædicti Regis Eglon; quod tamen probare non possunt: quin potius ex Scriptura sacra videtur oppositum satis manifestè colligi posse: nam ex cap. 1. lib. Ruth certum est, Elimelech focerum Ruth fuisse Iudæum, & in terra Moab aliquamdiu moram traxisse, tamquam alienigenam & pauperem: etenim ad declinandam famem, recesserat de patria sua Bethleem Iudæ. vnde non fit verisimile, quòd Rex Moab voluisset dare filiam suam in vxorem filio viri aduenæ & pauperis. Et hoc idem magis confirmatur; quia adhuc minùs probabile est, quòd mortuo viro ipsius Ruth, nomine Mahalon, vt dicitur Ruth cap. vlt. vers. 10. pater eius Rex, vel eius mater Regina, permisissent filiam suam valdè iuuenem ire cum focru sua pauperrima in Israel, hoc est in terram alienam, ibique ad eò pauperem vitam agere, vt cogeretur pro victu suo tota die per agros errare, ad colligendas spicas à messoribus relictas. Et præter eà, ex infrà num. 6. dicendis manifestum fiet, tempora ipsius Ruth nullo modo conuenire posse cum temporibus dicti Eglon Regis Moab. Addit etiam prædictus Chronologiæ Hebræorum Auctor loco citato, quòd Elimelech maritus Noëmi, & focer Ruth, fuit frater Salmonis, qui genuerat Booz de Rahab, de quo postea natus est Obed ex Ruth; sed de hoc in Sacro eloquio nihil habemus, & consequenter nihil certi astruere possumus. Secunda opinio est Abulensis super cap. 1. Matthæi quæst. 14. vbi diffusè admodum disputat contra Lyranum, ponentem tres Booz inter Salmon & Obed; de qua re infrà num. 4. agemus. Tertia fuit plurium Hebræorum, & Genebrardi in sua Chronologia; fueratque priùs etiam Abulensis super cap. 1. Ruth quæst. 2. qui postea super Matthæi capite citato sententiam mutauit. Quarta demum opinio est Iosephi 5. Antiq. cap. 11. quem sequitur Petrus Comestor in Historia Scholastica libri Ruth; & eandem supponere visus est Lyranus super Matthæi cap. 1.

2. Verumenimuerò, ex prædictis quattuor positionibus, prima & postrema videntur faciliè atque euidenter posse reiici. Nam vt à prima exordiamur, constat, quòd à morte Aod ad natiuitatem Dauidis fluxerunt anni ducenti triginta, vt liquidò colligi potest in tabulis: atqui à peregrinatione Elimelech in terram Moab, quæ ponitur contigisse temporibus Aod, ad natiuitatem Dauidis, non possunt colligi tot anni; siquidem illa peregrinatio perdurauit annis decem tantum, vt patet Ruth cap. 1. vers. 5. post quos ipsa Ruth venit cum focru sua in Bethleem Iudæ, & nupsit ipsi Booz, atque ex eo genuit filium nomine Obed, qui postea genuit Isai, qui & Iesse, patrem Dauidis. vnde etiam supposito quòd dicta peregrinatio cœpisset anno postremo Ducatus Aod, terminassetque anno decimo Ducatus Barac; si Obed, (vt credimus) natus est anno primo reditus Noëmi in Bethleem, qui (vt diximus) erat annus decimus Præfecturæ Barac; oporteret ipsum Obed fuisse centum decem annorum quando genuit Isai, & pariter ipsum Isai centesimo decimo vitæ suæ anno genuisse Dauidem; quod non est credibile, illis præsertim temporibus, in quibus vix reperiebantur qui ad eam ætatem peruenire, nedum in ea filios procreare possent. Quòd si dixeris, Booz quidem anno circiter decimo Ducatus Barac duxisse Ruth in vxorem, sed non nisi post plures annos genuisse Obed: dico id fieri non potuisse, quia Booz tunc erat valdè senex, nimirum nonaginta quinque annorum, vt necessariò infertur ex his quæ infrà num. 3. dicemus, & videre est in tabulis; quare si non genuit anno vitæ suæ nonagesimo quinto, minùs verisimile est quòd post plures annos genuerit. Sed & si daremus, ipsum Booz centenarium genuisse Obed, oporteret quòd postea, tum Obed, tum Isai, vterque post centesimum septimum vitæ annum genuisset; quod adhuc magis à credulitate alienum videtur. Quarta verò opinio duabus suppositionibus euidenter refellitur. Primum suppositum est, Ab initio Ducatus Heli ad ortum Dauidis, interfunt tantum modò anni quin-

quinquaginta, vt in eisdem tabulis apparet, & sic etiam euidenter colligi potest: Etenim David triginta erat annorum, quando mortuo Saule regnare cepit in Hebron, vt dicitur 2. Reg. cap. 5. vers. 4. restabant igitur ante ortum Davidis decem dumtaxat anni, ex illis quadraginta qui simul tribuuntur Samueli & Sauli; qui decem anni iuncti cum quadraginta Ducatus Heli, faciunt quinquaginta. Alterum suppositum sit, quod temporibus Saul, quando Goliath exprobrabat agminibus Israel, Isai pater Davidis iam erat senex & grandæuus inter viros, vt expresse traditur 1. Reg. cap. 17. vers. 12. ergo ad minus tunc sexaginta erat annorum; alioqui non potuisset dici senex & grandæuus: necesse est igitur, ipsum Isai fuisse saltem octo & triginta annorum quando genuit Davidem: erat enim David viginti duorum circiter annorum, quando monomachiam iniit cum Goliath, ipsumque occidit, vt sub anno mundi 2971. num. 1. dicitur. His duobus suppositis, si de quinquaginta annis, quos diximus fluxisse ab exordio Præfecturæ Heli ad ortum Davidis, excipias triginta octo annos vitæ Isai, & decem peregrinationis Noëmi in terram Moab, & propè vnum à reditu Noëmi in Bethleem ad natiuitatem Obed, proculdubio remanebit vnus dumtaxat annus inter natiuitatem Obed, & ortum filij eius Isai. Ecce quomodo ex recta temporum supputatione, apertissime ruunt extremæ istæ positiones, prima scilicet & quarta.

3. Examinemus modò reliquas duas, nimirum secundam & tertiam, quæ etiam ipsæ non carent difficultate. Et quidem quod attinet ad secundam, non facile videtur admittenda; quoniam oporteret simul etiam concedere rem dictu audituque mirabilem; nempe, Salmon anno vitæ suæ nonagesimo quinto ex Rahab eiusdem ætatis genuisse Obed. probatur sequela: Nam cum certum sit ex Matthæi cap. 1. vers. 5. quod Salmon genuit Booz de Rahab, & Booz genuit Obed ex Ruth, & Obed genuit Iesse, Iesse autem genuit David regem; si Rahab mater Booz, fuit illa quæ abscondit in domo sua exploratores à Iosue missos in Iericho, vt communiter creditur; (de nulla enim alia Rahab in Scripturis sacris fit mentio:) necesse est ipsam tunc saltem quatuordecim circiter annorum extitisse: erat quippe meretrix, vt dicitur Iosue cap. 2. vers. 1. Supponamus ipsum quoque Salmon eiusdem ferè tunc ætatis fuisse: non enim minor esse poterat. Porro à ingressu Israël in terram Chanaan ad natiuitatem Davidis, computantur anni trecenti sexaginta sex, vt habetur in tabulis, & etiam sic probari potest. Nam si de annis quadringentis octoginta, quos diximus fluxisse ab exitu populi de Aegypto ad templi Salomonis foundationem, excipiamus quadraginta annos peregrinationis eiusdem populi in deserto, remanebunt anni quadringenti quadraginta, ab introitu Israël in terram Chanaan ad eandem templi foundationem: & si rursus de hac summa annorum quadringentorum quadraginta, detraherimus annos septuaginta vitæ Davidis, nempe quadraginta regni, & triginta quos iam natus erat quando in Hebron primò factus est Rex, & præterea quattuor Salomonis; quarto namque anno regni sui fundamenta templi iecit, certè à memorato introitu ad ortum Davidis remanebunt anni trecenti sexaginta sex, vt dictum fuit: quibus si addiderimus alios quatuordecim annos vitæ Rahab & viri eius Salmon; proculdubio ab ortu istorum ad ortum Davidis, colliguntur anni treceti octoginta, dispersiendi inter quattuor tantum generationes, videlicet Salmon, Booz, Obed, & Isai: & sic necesse erit ponere, quod Salmon esset annorum nonaginta quinque quando genuit Booz, & Booz totidem quando genuit Obed, & similiter Obed quando genuit Isai, & Isai quando genuit Davidem; quandoquidem nonaginta quinque anni quater ducti, faciunt prædictam trecentorum octoginta annorum summam. Et quot vii eorum detrahere volueris, totidem necesse erit alij vel aliis addere; & fateri, quoddam ipsorum in prouentiori adhuc ætate genuisse. Ecce quomodo ad euitandas sequelas minus credibiles, necessarium erit concedere, Salmonem nonaginta quinque annorum, de Rahab eiusdem ætatis, filium procreasse. Nam de aliis non est adeò mirandum: scimus enim Booz de Ruth (quæ, vt colligitur Ruth cap. 3. vers. 10. & cap. 4. vers. 12. erat valde iuuenis) genuisse, quod facilius euenire potest; & idem quodammodò credere possumus de Obed & Isai, quod scilicet ipsi in suo senio de iunioribus feminis genuerint, cum non constet de opposito. Neque verò prorsus admirationem tollit exemplum Saræ, quæ nonagenaria de Abrahamo centenario concepit, ac peperit Isaac; quia illis temporibus homines diutius viuere solebant, & consequenter tardiùs generare poterant: & nihilominus Sara nonaginta dumtaxat erat annorum, Rahab verò nonaginta quinque: & præterea conceptio Isaac fuit quodammodò miraculosa, ideoque valde celebrata; hæc autem nequaquam. Sed nec attendenda est responsio Abulensis di-

SECUNDA
OPINIO
EXAMINA-
TUR.

	480
excipe	40
restant	440
ab his	440
excipe	70
	4
restant	366
his	366
adde	14
fiunt	380

DE TERTIA
OPINIONE.

centis, mirum fuisse quòd Sara conceperit ; non quia esset nonagenaria , sed quoniam iam ei cessauerant fieri muliebria : clarum namque est , etiam multò ante illam aetatem , in feminis posteriorum temporum muliebria communiter cessare consueuisse .

4. Dicamus nunc aliquid de tertia opinione , & postea quid sentiendum sit , aperiemus . Videtur prima fronte tertia opinio satis plana : nam cum ponat , famem illam , cuius fit mentio in principio libri Ruth , & protectionem Elimelech ac Noëmi de Bethleem Iuda in terram Moab , contigisse anno circiter ultimo Præfecturæ Abesani ; necesse etiam est , vt ponat , reditum Noëmi in Bethleem incidisse anno postremo Ducatus Ahialon , qui præfuit Istaëli annis decem ; totidem enim mansit Noëmi in terra Moab . Porro ab anno primo Abdon , qui ipsi Ahialon successerat , in quo ponunt natum esse Obed , vsque ad ortum Dauidis , colliguntur anni septuaginta octo , vt computari potest in tabulis , qui anni benè dispartiri possunt inter Obed & Isai , posito quòd Obed quadraginta esset annorum quando genuit Isai , & Isai triginta octo quando genuit Dauidem , vt suprà numero 2. dictum est . Sed adhuc insurgit maxima difficultas , Quomodo scilicet Booz de Salmon & Rahab natus , potuit gignere Obed ex Ruth anno primo Ducatus Abdon , si ab anno primo Abdon ad introitum Istraëlis in terram Chanaan , ex tabulis colliguntur anni ducenti octoginta octo , & tempore dicti introitus iam Salmon & Rahab , quemadmodum suprà numero 3. probatum est , quatuordecim ad minus erant annorum , qui iuncti cum illis ducentis octoginta octo , faciunt summam annorum trecentorum duorum , ab ortu Salmon & Rahab ad ortum Obed ipsorum nepotis : oporteret enim vtrumque , Salmon scilicet & Rahab , anno vitæ suæ centesimo quinquagesimo primo genuisse filium suum Booz ; & pariter ipsum Booz fuisse annorum centum quinquaginta & vnus quando genuit Obed ; quod prorsus videtur incredibile . Huic difficultati vt occurrant Lyranus & Genebrardus , aliique nonnulli , dixerunt , quòd ille Booz quem genuit Salmon de Rahab , non fuit ille qui genuit Obed ex Ruth , sed fuerunt tres eiusdem nominis Booz ; primus , Salmonis & Rahab filius ; alter , ipsorum nepos , tertius , pronepos ; & iste vltimus (inquit) genuit Obed ex Ruth , duos verò intermedios præterit Scriptura , quemadmodum in genealogia Christi tres illos Reges , inter Ioram & Oziam . Verum ista responsio nullatenus admittenda est ; quandoquidem constat , vt sæpe aliàs docuimus , sacram Scripturam , quod alicubi consultò præterit , id alibi vel obiter supplere consueuisse ; vt patet etiam in exemplo proposito : nam tres illi Reges , quos prætermisit sanctus Matthæus , non sunt præteriti in libris Regum & Paralipomenon . At vbi Scriptura sacra semper eodem modo loquitur , valdè periculosum est , ne dicam temerarium , aliquid ei addere ; præsertim cum id vetitum sit Deuteronomij cap. 4. vers. 2. Vnde cum ipsa Scriptura sacra numquam mentionem faciat nisi de vno tantum Booz inter Salmon & Obed , vt patet vbicumque ipsa de eiusmodi generationibus meminit , nimirum Matthæi cap. 1. vers. 5. Lucæ cap. 3. vers. 32. item in calce libri Ruth , & 1. Paralipom. cap. 2. vers. 11. quibus in locis semper idem iisdem parè verbis repetitum habemus , videlicet quòd *Salmon genuit Booz de Rahab , & Booz genuit Obed ex Ruth* ; neque vllò alio prorsus in loco quidquam innuitur , alium inter ipsos medium extitisse : profectò sine vlla hæsitacione credere debemus rem ita esse , prout in Sacro eloquio toties expressa reperitur ; nempe vnum eundemque Booz & habuisse patrem nomine Salmon , & filium vocabulo Obed : alioqui omnes sacræ genealogiæ redderentur incertæ , possetque meritò quiuis suspicari , aliquos in ipsis mediis fuisse præteritos . Eadem responsione redargui potest opinio Siluestri Steier Leouallæ , qui in suis de Genealogia Christi libris , præter tres Booz , etiam tres Salmon , sine vllò sacrarum Scripturarum fundamento ponere non dubitauit .

SECUNDAM
AVCTOR
RECIPIT
OPINIO-
NEM .

5. Itaque , vt tandem rem absoluamus , dicimus quòd historia libri Ruth , omnibus circumspèctis , sub nullo alio Iudice rectius poni posse videtur , quàm sub Barac , quemadmodum in secundæ opinionis examine superius num. 3. dictum est : ceteræ enim opiniones , vt probatum fuit , cum ratione temporum conuenire nullo modo possunt , magis autem rectæ rationi reluctatur , audere aliquid addere Scripturæ sacræ , & sine vlla veteri traditione aut Ecclesiastica auctoritate ponere tres Booz , contra tot expressos eiusdem Scripturæ textus sibi inuicem adstipulantes ; quàm concedere , aliquando contingere potuisse , vt senex quinque ac nonaginta annorum de eiusdem ætatis vxore filium genuerit , præsertim cum certum sit , nonnumquam , licet rarò , quædam præter ordinarium naturæ cursum accidere , quæ tamen miranda admodum videantur , non tamen falsa sunt , aut incredibilia : nam si (quemadmodum sub anno mundi 1656.

num. 3. & sequentibus, retulimus) plurimi, etiam post Caroli Magni Imperatoris tempora inuenti sunt, qui trecentis annis & amplius vixerunt; quis dubitet accidere potuisse, ut prisco illo tempore, quando ut plurimum homines diutius multo quam posterioribus temporibus viuere consueuerant. Salmon alique nonnulli tamdiu vixerint, ut etiam nonagesimo quinto ætatis suæ anno generare potuerint? Item, si in Tertia mundi ætate Abraham anno circiter vitæ suæ centesimo quadragesimo duxit uxorem Ceturam, ex qua postea sex filios procreauit, ut nos sub anno mundi 2179. num. 2. & 3. diximus: & Iacob annum agens centesimum septimum, genuit filium nomine Beniamin, quem admodum sub anno mundi 2305. num. 1. dictum est; & de Aser filio dicti Iacob legimus Deuter. cap. 33. vers. 25. *Sicut dies iuuentutis tue, ita & senectus tua.* Si, inquam, hæc & alia mirabilia aliàs contigisse certissimum est; quid miramur, quod in hac Quarta mundi ætate, videlicet circa annum mundi 2646. potuerit Salmon nonaginta quinque annorum natus gignere filium suum Booz: præsertim cum ipsiusmet Salmon temporibus, Caleb cum octoginta quinque esset annorum, de seipso testatum reliquerit, quod tunc se sentiebat adeo fortem ac robustum, sicuti olim erat, quando quadragenarius ad explorandam terram missus fuerat, ut patet Iosue cap. 14. vers. 10. & Ecclesiastici cap. 46. vers. 11 de eodem legimus: *Et dedit Dominus ipsi Caleb fortitudinem, & usque in senectutem permansit illi virtus*, subaudi, præter ordinariam naturæ cursum valida: alioqui id ibidem pro re admodum singulari non fuisset adnotatum. Et denique si constet, quosdam nonnumquam consuetum generandi tempus notabiliter præuenisse, ut sub anno mundi 3285. num. 1. dicemus; non erit etiam incredibile, aliquando feminam aliquam, etiam post ordinariam concipiendi ætatem, concipere potuisse.

6. Dicamus igitur, quod anno ab obitu Samgar circiter vigesimo octauo, ut superiorius num. 1. notauimus, sub Iudice Barac facta est fames in terra Israel, ob quam Elimelech cum uxore sua Noëmi & duobus filiis, Mahalon scilicet & Chelion, peregrinati sunt de Bethleem Iuda ad terram Moab; ibique mortuo Elimelech, filij eius acceperunt uxores Moabitidas, quarum vna vocabatur Orpha, altera Ruth, & manserunt ibi decem annis; & filij Elimelech ambo mortui sunt, mansitque Noëmi orbata duobus filiis & marito, Ruth cap. 1. vers. 1. vsque ad 6. Vtrum autem prædictus Elimelech sit ille vir innominatus, de quo in genealogia Selæ 1. Paralip. cap. 4. vers. 22. dicitur, *Qui stare fecit Solem*, &c. ut sentiunt ibidem Rabanus, & Glossa ordinaria, & alij plures illius loci Expositores; non facile est demonstrare, propter ea quæ differit Abulensis super dicto Paralip. capite quæst. 18. Nos verò nihil aliud habemus, quod his quæ sub anno mundi 2300. num. 1. de hac re diximus, hic addere possimus.

DE FAME
QVÆ CON-
TIGIT NOE-
MI TEMPO-
RIBVS.

AB ORBE CONDITO
ANNVS 2757.

QVARTÆ MVNDI ÆTAT.
ANNVS 214.

1 **A** NNO introitus filiorum Israel in terram Chanaan centesimo septuagesimo quarto, qui secundum Eusebium concurret cum anno Ducatus Debboræ & Barac vigesimo septimo, iuxta verò supputationem nostram, cum anno eorundem Iudicum trigesimo septimo; mortuus est Lampares Assyriorum Rex, expletis regni sui annis triginta, ut tradit Eusebius in Chronicis.

LAMPARES
ASSYRIO-
RVM REX
MORITVR.

AB ORBE CONDITO
ANNVS 2758.

QVARTÆ MVNDI ÆTAT.
ANNVS 215.

1 **A** NNO qui proximè sequebatur circiter inchoante, regnauit Pannias in Assyria, fuitque Rex Assyriorum vigesimus tertius, ut ibidem Eusebius.

REGNAT
PANNIAS
IN ASSY-
RIA.

AB ORBE CONDITO
ANNVS 2759.

QVARTÆ MVNDI ÆTAT.
ANNVS 216.

1 **E** XACTIS decem peregrinationis suæ annis, hoc est anno Principatus Debboræ & Barac penultimo, Noëmi orbata viro & filiis, mœrens reuersa est de terra Moabitarum, ut rediret in patriam suam cum duabus nuribus suis, quas cum obnixè rogasset ut redirent ad populum suum, Orpha reuersa est; Ruth verò discedere noluit à socro sua, sed venit cum ea in Bethleem Iuda. Cum autem quadam

RVTH MOA-
BITIS VE-
NIT CVM
SOCRY SVA
IN TERRAM
ISRAEL.

die, de licentia ipsius Noëmi, exisset Ruth ad legendas spicas à messoribus præteritas, contigit eam venisse ad agrum Booz viri valde diuitis, inuenitq; gratiam in oculis eius; ita vt ipsemet Booz, sciens eam esse mulierem honestate ac virtute conspicuam, commendauerit eam messoribus ac puellis suis, iusseritq; eam cum illis cibum fumere, & ne ad alios agros declinaret. Quod cum illa nuntiaffet socru suæ, de consilio ipsius reuerfa est Ruth altera die in agrum Booz, recubuitq; ad pedes ipsius dormientis: qui expergefactus remisit eam grano onustam, pollicitusq; est iure propinquitatis (erat enim consanguineus Elimelech) accipere eam vxorem, quod non multo post re ipsa compleuit; & illa sub finem (vt creditur) eiusdem anni, peperit ei, licet grandæuo, (erat namque tunc quinq; ac nonaginta annos natus) filium, quem appellarunt Obed, qui postea fuit auus Dauidis. Quæ latius explicata traduntur Ruth cap. 1. vers. 6. vsque ad finem libri. Igitur, vt diximus,

BOOZ DV-
CIT RVTH
IN VXOREM

BOOZ GE-
NVIT OBED
EX RVTH.

2. Sub finem eiusdem anni, oportet quodd Booz anno vitæ suæ nonagesimo quinto propè expleto (vt videre est in tabulis) genuerit Obed ex Ruth, quemadmodum necessariò colligitur ex his, quæ sub anno mundi 2748. numero 3. dicta sunt. Quare annus primus vitæ Obed ferè totus concurrit cum anno sequenti, vt notatum est in eisdem tabulis.

AB ORBE CONDITO
ANNVS 2760.

QVARTÆ MVNDI ÆTAT.
ANNVS 217.

DEBBORA
ET BARAC
MORIVN-
TVR.

QVARTA
POPVLII
PRAEVARI-
CATIO, ET
SERVITVS
ANNORVM
SEPTEMA
DIANITIIS.

I S V B finem anni quadragesimi ab obitu Samgar, oportet (quemadmodum ex prædictis infertur) mortuos esse Debboram & Barac, quos post victoriam de Chananais habitam, nihil aliud memorabile gessisse credimus; & propterea Scriptura sacra, post descriptum Canticum Debboræ, statim Iudic. cap. 6. aggreditur narrare quartam populi præuaricationem; quod euidens est argumentum, iam tunc defunctos fuisse priores Iudices: siquidem de Israelitis, Iudic. cap. 2. vers. 19. dicitur, quod *postquam mortuus esset Iudex, reuertebantur* (subintellige, ad cultum idolorum,) & *multò faciebant peiora*. Quod hucusque saltem obseruatū fuisse credimus, nam posterioribus temporibus, nonnumquam etiam adhuc viuente Iudice ad idololatriam Hebræos declinasse, infra sub annis mundi 2831. num. 1. & 2860. num. 1. & 2. apparebit.

AB ORBE CONDITO
ANNVS 2761.

QVARTÆ MVNDI ÆTAT.
ANNVS 218.

DE GEDEON-
NE HE-
BRAEORVM
IYDICE V.
PER AN. 40.
COMPTA-
TIS 7. PRAE-
DICTÆ RES
VIIVTIS.

I A N N O proximo post obitum Debboræ & Barac, inchoari debent anni qui tribuunt Præfecturæ Gedeonis. Fuit autem Gedeon de tribu Manasse, vt patet Iudic. cap. 6. vers. 15. & iudicauit Israël per annos quadraginta, vt subditur cap. 8. vers. 28. eumdemque de iugo Madianitarum liberauit. Nam cum iam quartò populus ad idola declinasset, ideoque tradidisset eum Dominus in manū Madian septem annis; demum ad pœnitentiam reuersus, meruit à Domino pro ipsū Gedeonem liberari. Quomodo autem Gedeon prius ab Angelo fuerit salutus, & iubente Domino euerterit aram Baal, proptereaque deinceps dictus sit Ierobaal; & item quo signo, nimirum roris ac velleris, confirmatus, missusq; à Deo fuerit contra Madian; & qualiter diuino actus spiritu conuocauerit exercitum, electosq; probauerit ad aquas, ac cum trecentis dumtaxat viris, lampadibus tubisque armatis, hostium castra noctū quam tumultuosissimè aggressus, Madianitas Amalecitis iunctos profligauerit, principesq; eorum, Oreb, & Zeb, & Zebec, & Salmana interfecerit; & se de viris Sochoth & Phanael vindicauerit, eò quod sibi exercituique suo com meatum præbere recusauerant; & denique quomodo parta tandem victoria, populoque suo in libertatem vindicato, de hostium exuiis in aures aureas ab eodem populo obtinuerit, feceritque ex eis ephod, in quod postea fornicati sunt filij Israel; fuisse traditum quiuis videre poterit Iudic. cap. 6. 7. & 8. per totum. Ceterum hic obiter adnotandum videtur, communiter credi, trecentos illos, qui non curuati commodè aquas biberant, sed manu ad os proiciente eas lambuerant, fuisse viros totius exercitus fortiores, vt pote qui propriis commoditatibus minùs dediti esse viderentur: & tamen econuersò Iosephus 5. Antiq. cap. 8. oppositum asserit, narrans, Deum mandasse Gedeoni vt exercitum duceret ad flumen, & quotquot procumbentes biberent, eos viros fortes crederet, quotquot autem trepidè ac tumultuariè potum fumerent, existimaret eos ignauia ac metu hostium sic facere: & nihilominus, vt sciret rem totam pendere ab ipsius Dei auxilio, iussit ipsum cum solis

trecent-

trecentis viris, qui cum perturbatione aquam sumperant, hostem inuadere. Quod & factum est, & vim diuinæ virtutis euidentius declarauit.

AB ORBE CONDITO QVARTAE MVNDI AETAT.
ANNVS 2783. ANNVS 240.

I AN NVS Præfecturæ Gedeonis vigesimus tertius fuit Iubilei quarti annus; erat ^{IVBILEVS} quippe ducentessimus ab ingressu Israelis in terram Chanaan, vt videre est in ^{QVARTVS} tabulis.

2. Eodem anno conditam fuisse Tyrum, inclytam olim Phœniciæ urbem, nimirum ^{TYRVS} ducentis quadraginta annis ante templum Salomonis, tradunt Iosephus lib. 8. Antiq. ^{QVANDO} cap. 2. & Eusebius in Chronicis ex ipso Iosepho. ^{CONDITA}

AB ORBE CONDITO QVARTAE MVNDI AETAT.
ANNVS 2800. ANNVS 257.

I DESINENTE anno Ducatus sui quadregesimo, Gedeon mortuus est, relictis ^{GEDEONIS} septuaginta filiis, quos de pluribus vxoribus & vna concubina procreauerat; & ^{OBITS.} sepultus est in Ephra, in sepulchro Ioas patris sui: Iudic. cap. 8. vers. 30. vsque ad 33.

AB ORBE CONDITO QVARTAE MVNDI AETAT.
ANNVS 2801. ANNVS 258.

I ANNO insequenti, Israelitæ quintò recesserunt à Domino, nec fecerunt misericordiam cum domo Gedeonis: etenim cum, ipso mortuo, Abimelech filius ^{ISRAELITAE} eius ex ancilla, occidisset omnes fratres suos legitimos, præter Ioatham natu ^{QVINTO RE} minum, qui clam aufugerat, non modò causam ipsius Ioatham adeò iustam suscep- ^{CEDVNT A} runt vindicaueruntve, sed hostem eius Abimelech sibi Regem seu Ducem constituere ^{DOMINO.} non sunt veriti. Quod videns Ioatham, quadam die stans in vertice montis Garizim, ^{ABIMELECH} proposita parabola plantarum de Rege super se constituendo deliberantium, exprobra- ^{HEBRAEO-} uit Sichimitis ingratitude, imprecatusque est eis & ipsi quoque Abimelech interi- ^{RYM IVDIX} tum; & exaudiuit eum Dominus, venitque super eos maledictio Ioatham, vt latè descri- ^{SEXTVS AN-} bitur in toto Iudic. cap. 9. & nos infra suis locis dicemus. ^{NISTRIEVS}

AB ORBE CONDITO QVARTAE MVNDI AETAT.
ANNVS 2802. ANNVS 259.

I ANNO introitus Israelitarum in Terram eis promissam ducentesimo decimo- ^{PANNIAS} nono, qui secundum Eusebium fuit annus trigessimus secundus Præfecturæ ^{ASSYRIO-} Gedeonis, iuxta verò computū, quem nos hîc & in tabulis sequimur, coincidit ^{RYM REX} cum anno secundo Principatus Abimelech, mortuus est Pannias Rex Assyriorum, tra- ^{MORITVR} ductis in regno annis quadraginta quinque, vt scribit Eusebius in Chronicis.

2. Eodem (vt arbitror) anno, iustus malorum atque iniuriarum vindex Dominus, ^{SICHEM AB} immisit spiritum pessimum discordiarum inter Abimelech & Sichimitas; qui cum ^{ABIMELE-} bellassent, tandem ab ipso victi interfectique fuerunt, & vrbs eorum funditus euer- ^{CHO FVN-} sita est, ac ne germen in ea oriretur, sale seminata: Iudic. cap. 8. vers. 22. vsque ad 30. ^{DITVS E-} ^{VERSA.}

AB ORBE CONDITO QVARTAE MVNDI AETAT.
ANNVS 2803. ANNVS 260.

I ANNO qui proximè sequebatur circiter ineunte, regnauit in Assyria Sosarmus ^{REGNAT IN} Rex Assyriorum vigesimus quartus, vt vbi suprà scribit Eusebius. ^{ASSYRIA} ^{SOSARMVS.}

2. Eodem, vt reor, anno ad finem appropinquante, Abimelech, dum op- ^{ABIMELECH} pugnare nititur oppidum Thebes, infeliciter admodum, per manum mulieris frag- ^{INTERF-} men molæ desuper iacientis, penè interfectus est; qui adhuc animam agens, præcepit ^{ECTVR.} armigero suo vt eum percuteret, ne diceretur quòd à femina fuisset occisus; qui iussa perficiens, interemit eum, cum regnasset tribus annis: Iudicum cap. 9. vers. 22. & vers. 30. vsque ad finem capituli.

AB ORBE CONDITO
ANNVS 2804.QVARTÆ MVNDI ÆTAT.
ANNVS 261.THOLADVX
SIVE IVDEX
HEBRAEO-
RVM SEPTI-
MVS AN-
NIS 23.

I POST Abimelech surrexit in Israel Dux nomine Thola, de tribu Issachar, qui habitauit in Samir montis Ephraim; & cum iudicasset Israëlem viginti tribus annis, mortuus est: Iudicum cap. 10. versic. 1. & 2. Vbi ex illis verbis, *in Samir montis Ephraim*, videtur insinuari fuisse aliam Samir in Israel, ad cuius distinctionem additum sit *montis Ephraim*. Sub hoc Iudice, seu in toto hoc viginti trium annorum tempore quid actum sit, Scriptura sacra non refert, fortè quia nihil memorabile acciderit.

AB ORBE CONDITO
ANNVS 2821.QVARTÆ MVNDI ÆTAT.
ANNVS 278.SOSARMVX
REX ASSY-
RIORVM
MORITVR.

A NNO introitus Israelis in terram Chanaan centesimo trigesimo octauo, qui secundum Eusebium concurret cum anno octauo Ducatus Tholæ, secundum vero nostram supputationem, cum decimooctauo, defunctus est Sosarmus, cum regnasset in Assyria annis decem & nouem, vt est apud Eusebium in Chronicis.

AB ORBE CONDITO
ANNVS 2822.QVARTÆ MVNDI ÆTAT.
ANNVS 279.MITREVS
REGNAT IN
ASSYRIA.

I NNO proximo inchoante, regnauit super Assyrios Mitreus Rex ipforum vigesimus quintus, vt ibidem Eusebius.

AB ORBE CONDITO
ANNVS 2826.QVARTÆ MVNDI ÆTAT.
ANNVS 283.THOLAE
OBITVS.

I NNO post occisum Abimelech vigesimo tertio desinente, oportet mortuum esse Tholam: siquidem ipse iudicauit Israëlem annis dumtaxat viginti tribus, vt sub anno mundi 2804. num. 1. dictum est.

AB ORBE CONDITO
ANNVS 2827.QVARTÆ MVNDI ÆTAT.
ANNVS 284.DE LAIR
OCTAVO HE
BRAEORVM
IVDICE AN
NIS 22.QVOD ISTE
SIT DIVER-
SUS AB ALIO
LAIR.

A NNO insequente circiter ineunte, prædicto Tholæ successit lair Galaadites, qui iudicauit Israëlem per annos viginti duos; habuitque triginta filios principes triginta ciuitatum in terra Galaad, quæ ex nomine eius Hauoth lair, id est oppida lair, sunt appellata: Iudic. cap. 10. versic. 3. & 4. Vbi aduertendum est, quòd iste lair valdè diuersus est ab eo, cuius fit mentio Numer. cap. 32. versic. 41. & Deuter. cap. 3. versic. 14. & Iosue cap. 13. versic. 30. & 1. Paralip. cap. 2. versic. 21. nam ille fuit filius Segub filij Hesron, ex filia Machir filij Manasse, vt aperte dicitur loco Paralip. citato: & fuit ex his, qui sub Moysse percusserunt Sehon & Og Reges Amorrhæorum, & quibus ipse Moyses dedit terram Basan, quæ fuerat Regis Og, & partem montis Galaad in possessionem, vt ex locis Numer. Deuter. & Iosue citatis apparet: iste verò lair, qui Tholæ successit, longè posterior illo fuit; etenim ab eo tempore, quo primus lair accepit possessionem à Moysse, ad Præfecturam huius lair, fluxerunt plusquam ducenti & quadraginta anni, vt manifestè colligi potest ex tabulis. Vnde cum de priori lair, Numer. cap. paulò antè adducto versic. 41. dicatur, quòd tempore Moyfi occupauit vicos terræ Galaad, hoc est (vt clariùs explicatur loco Paralip. allegato) viginti tres ciuitates; proculdubio innuitur, ipsum lair tunc non fuisse puerum, sed in ætate virili iam constitutum, vt puta annorum circiter triginta; & consequenter, si ille idem esset cum eo de quo nunc agimus, oporteret ipsum fuisse trecentorum propè annorum, quando factus est Iudex; quod non est credibile, illis præsertim temporibus, in quibus vita hominum vix ad centum viginti annos produci consueuerat. Credimus tamen istum lair, qui post Tholam iudicauit Israëlem, ex cognatione seu linea prioris illius lair produisse, nomenque & oppida illius hereditario iure possedisse, auxisseque;

& in.

& insuper ipsorum fortè oppidorum nomenclaturam, temporum vetustate iam pænè abolitam, ex proprio nomine renouasse; & hoc esse quodd dicitur, triginta ciuitates, quibus singulis singuli filij eius præerant, ex nomine ipsius appellatas esse Hauoth Iair. Ceterum, si verum est, hunc Iair à priori illo Iair originem duxisse, oportet etiam fateri, istum quoque, licet reuerà dici possit fuisse de tribu Iuda, quia descendit ab Herson, qui fuerat nepos Iudæ; nihilominus ipsum, vniuersamque familiam eius, dici reputatamque fuisse de tribu Manasse, quoniam olim Machir filius Manasse adoptauerat sibi in filium Segub patrem prioris Iair, & omnes posteros eius, eò quodd ex filia ipsius Machir progeniti essent, vt sub anno mundi 2583. num. 25. docuimus.

AB ORBE CONDITO

ANNVS 2831.

QVARTÆ MVNDI ÆTAT.

ANNVS 288.

I ANNO Ducatus Iair circiter quinto incipiente, vt paulò post probabitur, oportet cœpisse sextam illam Hebræorum præuaricationem, quæ describitur Iudic. cap. 10. vers. 5. vsque ad finem capituli, vbi legimus, quodd filij Israel veteribus peccatis noua iungentes, ad idola quoque declinare cœperunt; quamobrem traditi sunt in manu Philisthinorum & filiorum Ammon; à quibus cum vehementer per annos decem & octo fuissent oppressi, tandem ex illa graui diuturna que vexatione resipiscentes, clamauerunt ad Dominum; qui primò illos audire renuit, quodd alias non semel de manu hostium ab ipso erepti, nihilominus eum deferere non erubuissent. Verumtamen, vt vidit eos proiecisse de finibus suis deos alienos, atque in sua precatione ac veri Dei cultu perseverantes; misericordia motus, liberauit eos per manum Iephte Galaaditæ, quemadmodum infra sub anno mundi 2849. num. 3. dicemus. Sanè quodd paulò antè, & item sub anno mundi 2591. num. 14. diximus, tempora prædictæ Hebræorum præuaricationis, & afflictionis per annos decem & octo toleratæ, includenda esse in annis Ducatus Iair, non autem Iephte, necessariò videtur admittendum; quoniam constat Iudic. cap. 12. vers. 7. ipsum Iephte annis dumtaxat sex iudicasse populum; & ex his quæ habentur in toto cap. 11. satis probabiliter indicatur, ipsum Iephte anno sui Principatus primo vicisse Ammonitas, & Israëlẽ de manu ipsorum liberaffe.

ISRAELITÆ SEXTO AD IDOLA DECLINANT, OB ID QVETRADVN-
TVR IN MANU PHILISTHINORVM ET AMMONITARVM ANNIS 18.

AB ORBE CONDITO

ANNVS 2833.

QVARTÆ MVNDI ÆTAT.

ANNVS 290.

I ANNO Præfecturæ dicti Iair septimo, necesse est incidisse quintum Iubileum; nam iste annus coincidit cum anno ducentesimo quinquagesimo ab introitu Israëlitis in terram Chanaan, vt videre est in tabulis.

IVBILEVS QVINTVS.

AB ORBE CONDITO

ANNVS 2842.

QVARTÆ MVNDI ÆTAT.

ANNVS 299.

I ANNO Ducatus Iair decimosexto, natus est Heli, qui postea fuit Iudex populi & Sacerdos, quemadmodum sub anno mundi 2900. num. 1. dicemus: quodd inde fit clarum, quia (vt dignosci potest in tabulis) hinc ad tempus mortis eiusdem Heli, colliguntur nonaginta & octo anni, quibus ipsum vixisse constat ex 1. Reg. cap. 4. vers. 15.

ORTVS HELI, QVI POST EA FVIT SACERDOS ET IVD EX.

AB ORBE CONDITO

ANNVS 2848.

QVARTÆ MVNDI ÆTAT.

ANNVS 305.

I SVB finem anni vigesimi secundi Ducatus sui, Iair mortuus est, & sepultus in quodam loco, qui olim dicebatur Camon: Iudic. cap. 10. vers. 5. Nec quidquam ab eo gestum Scriptura sacra commemorat, quodd fortè nihil memoria dignum egerit.

IAIR OB-
ITVS.

2. Eodem quoque anno circiter desinente, qui fuit ducentessimus sexagesimus quintus ab ingressu Israel in Terram promissionis, & concurrit iuxta Eusebij computum, cum anno Ducatus Iair decimotertio; iuxta nostrum verò, cum vigesimo secundo; mortuus est Mitreus Assyriorum Rex, exactis regni annis viginti septem, vt notar Eusebius.

MITREVS REX ASSYRIORVM MORITVR.

CVR AV-
CTOR IN
RATIONE
TEMPORVM
AB EUSEBIO
RECENS-
BIT.

sebius in Chronicis. Vbi aduertendum est, quòd iste annus Mitrei postremus, vt diximus, in Eusebij Chronico concurret cum anno Principatus Iair decimotertio; quia ipse Eusebius, secutus (vt arbitror) deprauatos quosdam LXX. Interpretum codices, numerauit annos Ducatus Tholæ duos dumtaxat & viginti: si enim fecisset eos viginti tres, quemadmodum omnes Sacri textus magis probati Iudic. cap. 10. vers. 2. habent; proculdubio annus præfati Mitrei postremus ibidem concurrisset non cum decimotertio, sed cum duodecimo Principatus dicti Iair, vt in ipsis Chronicis experiri quisque poterit. Ex hoc ergo errore deinceps, in eisdem Eusebij codicibus, emanauit in singulis annorum concurrentiis Regum Assyriorum cum annis Iudicum Hebræorum, vnus anni transpositio, vsque ad annum quintum regni Ioram Regis Iuda: & propterea, inter Eusebij supputationem & nostram in hisce concurrentiis, vsque ad finem Ducatus Abefan, quem Eusebius vocat Hesebon, reperietur differentia vndecim annorum; vnus quidem, ob prædictam vnus anni transpositionem; & insuper aliorum decem, propter alteram decem annorum translationem, de qua sub anno mundi 2616. num. 1. egimus. Post prædicti verò Abefan tempora, vsque ad quintum annum regni Ioram filij Iosaphat Regis Iuda, vnus tantum anni differentia remanebit. Exinde autem in alijs quoque differt Eusebij Chronologia à nostra, propter ea quæ suis locis, ac præcipuè sub anno mundi 3234. num. 1. adnotabimus.

AB ORBE CONDITO

QVARTÆ MVNDI ÆTAT.

ANNVS 2849.

ANNVS 306.

DE IEPHTE
NONO HE-
BRAEORVM
DVCE VEL
IYDICE AN-
NIS 6.

TAVTANES
REGNAT IN
ASSYRIA.

DE BELLO
TROIANO.

DVPLEX
DIODORI
IN CHRO-
NOLOGIA
ERRATVM.

A NNO proximo circiter ineunte, post obitum Iair, electus fuit Princeps populi Iephthe Galaadites; qui, quòd de meretrice natus esset, à fratribus legitimis eiectus fuerat, habitabatque in terra Tob, quæ creditur fuisse regio quadam particularis ipsius terræ Galaad, vbi, quoniam strenuus vir erat atque fortissimus, quorundam virorum latrocinantium caput fuerat constitutus: nunc verò à maioribus natu Galaad rogatus, vt pro ipsis pugnaret contra Ammonitas terram ipsorum inuadentes, hac lege consensit, si deuictis Ammonitis, ipsum in Principem totius populi reciperent. Quod & factum est, vt traditur Iudic. cap. 11. vers. 1. vsque ad 12.

2. Per idem tempus, iuxta nostrum computum in tabulis exaratum, regnare cœpit in Assyria Tautanes siue Theutamus, Rex Assyriorum vigesimus sextus; licet eius regni exordium, (ob causas à nobis sub anno præcedenti num. 2. commemoratas) apud Eusebium in Chronicis reperiat positum in anno decimoquarto Ducatus Iair. Sub hoc Assyriorum Rege bellum Troianum fuisse gestum, testatur Diodorus Siculus Rerum antiquarum lib. 3. cap. 6. his verbis: *Theutamo in Asia regnante, qui vigesimus à Nino atque Semiramide descendit, Agamemnonem tradunt aduersus Troiam cum Græcis bellum mouisse, cum Assyrij amplius mille annis Asia imperassent. Cum verò Priamus bello oppressus, ab Rege Theutamo presidium, utpote Assyrijs subditus, per legatos postulasset, ille decem millia Aethiopum, totidemq. Susianes, cum ducentis curribus, ducem Memnone, ad Troiam misit.* hucusque Diodorus. Cuius tamen in verbis obseruare licet duplex in Chronologia erratum; alterum in Regum numero, & in annorum summis alterum; nam & in altero quidem deficit, in altero autem redundat: ponit enim hunc Theutamum fuisse à Nino vigesimum Regem; quemadmodum & paulò antè ex Ctesia ait, ab eodem Nino ad Sardanapalum successisse triginta Reges; quod & initio capitis septimi confirmat dicens, Sardanapalum fuisse trigessimum, vltimumque Assyriorum Regem: cum tamen constet, ab Eusebio in Chronicis, & ab alijs item Auctoribus, ante Theutamum nominatim recenseri viginti quinque Assyriorum Reges, ipsumque, propterea Theutamum fuisse non vigesimum, sed vigesimum sextum; Sardanapalum verò non trigessimum, vt etiam putat Diodorus, sed trigessimum sextum. Addit deinde idem Diodorus, bellum Troianum cœpisse, cum iam Assyrij amplius mille annis Asia imperarent. Atqui ab initio Monarchiæ Assyriorum ad obitum Theutami, non plures octingentis sexaginta quinque annis inueniuntur, vt patet in tabulis. Sed & ex recta annorum totius regni Assyriorum subductione vsque ad mortem Sardanapali, non annos mille trecentos, vt ponit Diodorus, sed tantummodò mille ducentos decem & nouem fluxisse, in eisdem tabulis reperies. Quòd autem etiam eodem Theutamo in Asia regnante, & eurrente anno regni eius vigesimo quarto, Troia fuerit capta, nos infra sub anno mundi 2872. num. 2. ex Eusebij Chronicis ostendemus.

3. Eodem anno primò Iephthe, nimirum statim ac constitutus fuit Israelitici populi Prin-

Princeps coram Domino in Maspha, misit legatos ad Regem Ammonitarum, qui cum eo exposcularent, cum terram Israelitarum vastare moliretur. Quibus cum ille responderet, se non alienam, sed propriam ab Israelitis olim vsurpatam terram recuperare velle: per eosdem replicauit Iephte, terras illas non esse Ammonitarum, sed Hebræorum: utpote qui casiamdudum ab Amorrhæis iure belli aquisitas, per annos iam trecentos pacifice possederant. Hoc autem tamquam per modum amplificationis dictum intelligi debet, ut sub anno mundi 2591. num. 16. docuimus; ac si diceretur, per annos ferè trecentos: nam reuèrè, ab extremo anno vitæ Moysi, in quo Hebræi pulsus Amorrhæis terram illam acquisierant, vsque ad annum primum Ducatus Iephte, computantur tantummodò ducenti sexaginta sex anni; ut ex tabulis facile colligi potest. Dixit verò, per annos trecentos, vsurpans numerum perfectum pro imperfecto; & magis trecentos quàm ducentos, quia verus numerus trecentis magis quàm ducentis appropinquabat. Ut autem vidit Iephte, quòd Rex Ammonitarum veritati ac rationi noluisset acquiescere, confestim, diuino actus spiritu, mouit exercitum contra filios Ammon; & emissio voto offerendi in holocaustum Domino, quem primò post victoriam de domo sua obuium habuisset, audacter inuasit hostes, ac percussit plaga magna valdè, abstulitque ab eis viginti ciuitates, & humiliavit eos. Cum autem reuertenti de prælio occurrisset ei ante omnes vnigenita filia sua, ingemuit, recolens votum quod vouerat, nihilominus indulto deprecanti duorum mensium spatio, postea eandem Domino immolauit. Quamobrem inoleuit deinceps consuetudo in Israel, ut mulieres singulis quibusque annis conuenirent ad celebrandum filia Iephte planctum, per quattuor dies continuos: Iudic. cap. 11. vers. 12. vsque ad finem capituli.

IEPHTE
POST LEGA-
TIONES RE-
GI AMMO-
NITARVM
TRANSMIS-
SAS CVM EO
FELICITER
PVGNAT.

LIBERAT
ISRAELEM
DE PRÆ-
CEDENTI
SERVITVTÈ
18. ANNO-
RVM.
IMMOLAT
VNICAM
FILIAM DO-
MINO.

AB ORBE CONDITO

QVARTÆ MVNDI ÆTAT.

ANNVS 2850.

ANNVS 307.

I ANNO, ut arbitror, subsequente, seditio grauis exorta est virorum Ephraim contra Iephte; quam cum ipse, ut moliebatur, compescere non potuisset, quin potius videret eos paratos ad confurgendum contra se in prælium, coactò Galaaditarum exercitu pugnavit cum eis, & parta victoria occupauerunt Galaaditæ vada Iordanis, & passim ad ea fugientes comprehendebant, atque ex cuiusdam vocis pronuntiatione conuictos, quòd essent Ephrathæi, interficiebant: sicque ceciderunt de Ephraimitis ad quadragintaduo millia virorum: Iudic. cap. 12. vers. 1. vsque ad 8.

VICTIS
EPHRA-
THÆIS, ET-
IAM FUGI-
ENTES IN-
TERFICIT.

AB ORBE CONDITO

QVARTÆ MVNDI ÆTAT

ANNVS 2854.

ANNVS 311.

I ANNO Principatus sui sexto desinente, Iephte mortuus est, & sepultus in ciuitate sua Galaad: Iudic. cap. 12. vers. 7. Quòd si quis percontetur de qua tribu fuerit, dicimus, non esse omnino certum: nam Caietanus super Genes. cap. 49. putat fuisse Gaditam; quia Iephte fuit filius Galaad, ut dicitur Iudic. cap. 11. vers. 2. & Galaad, inquit, erat de tribu Gad. Et confirmari potest ista positio, ex eo quòd certum est, Gaditas habitasse in terra Galaad, & in Basan, ut legimus 1. Paralip. cap. 5. vers. 16. Ex aduerso autem probabilius videtur Pererio & alijs, quòd fuerit de tribu Manasse; quoniam (ut dictum est) erat de terra Galaad, quæ olim à Moyle data fuerat dimidiæ tribui Manasse, ut traditur Num. cap. 32. vers. 39. Sed hæc ratio non videtur intentum conuincere; quandoquidem certum est, terram Galaad diuisam fuisse Manassensibus & Gaditis, ut patet Deuter. cap. 3. vers. 12. & Iosue cap. 13. vers. 25. & 31. & videtur Iephte potius à Gaditis quàm à Manassensibus fuisse requisitus, quia Gaditæ propinquiore erant filiis Ammon, & propterea magis ab ipsis infestabantur: nam ut dicitur loco Iosue citato vers. 25. Gaditis olim data fuerat dimidia pars terræ Ammon; illa nimirum quam Amorrhæi prius ab Ammonitis vi abstulerant, & quam postea ipsi Ammonitæ temporibus Iephte recuperare moliebantur: & præterea probabilius videtur, Gaditas quæsiuissè virum de tribu sua, quàm de aliena, qui pro eis pugnaret. Nec obstat, quòd Iephte dicatur filius Galaad, & 1. Paralip. cap. 7. vers. 17. Galaad dicatur filius Machir filij Manasse; quia certum est, ut benè probat Abulenſis super Iudic. cap. 11. quæst. 6. quòd Iephte non potuit esse filius illius Galaad, qui fuit filius Machir filij Manasse; sed necesse est quòd fuerit filius alterius Galaad, illo longè posterioris, qui etiam potuit esse de tribu Gad. Sed de hoc satis.

IEPHTE
OBITU.
DE QVATRI-
BUS FVERIT.

DE ABESAN
DECIMO HE
BRAEORVM
IUDICE
ANNIS 7.

I NNO proximo circiter ineunte, prædicto Iephthe successit Abesan de tribu Iuda Bethleemites, qui iudicauit Israël septem annis, habuitque triginta filios, & totidem filias, quas maritis dedit, & eiusdem numeri vxores accepit filiis suis: Iudic. cap. 12. vers. 7. vsque ad 11. De hoc Iudice nihil aliud in Sacris voluminibus legimus, neque quidquam nobis dicendum restat, nisi quod Rabbi Salomon, istum Abesan arbitratur esse illum, qui alio nomine dictus est Booz, cuius nos sub anno mundi 2759. num. 1. meminimus: ad quod asserendum non alio videtur ductus argumento, nisi quod ambo dicuntur fuisse de Bethleem Iuda, & diuites. Verumtamen, ex his quæ sub anno mundi proximè citato, & item sub anno mundi 2748. num. 3. diximus, manifestum est, præfatum Auctorem falli: nam si annus vitæ Booz nonagesimus quintus, in quo diximus ipsum genuisse Obed, concurrat ferè totus cum anno postremo Principatus Barac, vt patet in tabulis, proculdubio (quemadmodum ibidem videre est) ab anno ultimo Barac ad initium Præfecturæ Abesan, inueniuntur anni nonaginta quinque. Quare si Booz idem fuisse cum Abesan, oporteret ipsum fuisse centum nonaginta annorum quando factus est Iudex populi, quod nullatenus credibile est.

OBED GE-
NUIT IESSE,
QVI ET
ISAI.

ISAI TRI-
NOMINIS.

2. Eodem anno circiter inchoante, necesse est quod Obed, anno vitæ suæ nonagesimo sexto incipiente, vt apparet in tabulis, genuerit Isai, qui postea fuit pater Davidis, quemadmodum infra suo loco dicitur. Quod autem hoc anno genitus fuerit ipse Isai, necessariò consequitur ex his quæ nos sub anno mundi 2748. num. 3. disputauimus. Aduertendum verò hic est, quod iste Isai Davidis pater, videtur fuisse trinominis; siquidem 1. Reg. cap. 16. multoties, & in alijs item libris Reg. Paralipom. & Ruth (vt videre est in Bibliorum Concordantia) frequenter vocatur Isai: in pluribus verò alijs vtriusque Testamenti libris, videlicet Psalmorum, Ecclesiastici, Isaïæ, Matthæi, Lucæ, Actorum, & ad Romanos, appellatur Iesse: nonnumquam etiam videtur dictus fuisse Naas, vt colligitur 2. Reg. cap. 17. vers. 25. vbi legimus quod Amasa fuit filius Abigail filiæ Naas, & sororis Saruix: atqui ex 1. Paralip. cap. 2. vers. 16. patet, quod Abigail & Saruia fuerunt sorores Davidis, & filiæ Isai; ergo Isai etiam vocabatur Naas. Quod pluribus quoque alijs argumentis confirmat Abulensis super 2. Reg. cap. 17. quæst. 27.

DE SEPTI-
MA POPVLI
PRAEVARI-
CATIONE
IN TERRA
CHANAAN
OB QVAM
SERVIT
PHILI-
THAËIS
PER AN-
NOS 40.

PRAENVN-
TIATUR OR-
TVS SAM-
SONIS.

I NNO Iudicatus prædicti Abesan quarto inchoante, (vt paulò post probabimus) oportet cœpisse septimam illam populi præuariationem, propter quam traditus fuit in manu Philisthinorum quadraginta annis, vt dicitur Iudic. cap. 13. vers. 1. & item acta est alia, quæ ibidem subiunguntur vsque ad vers. 24. nimirum de viro illo stirpis Dan, vocabulo Manue, qui habebat vxorem sterilem, cui apparuit Angelus Domini, præcipiens ei vt abstinere à vino & siceris, & ab omni immundo, eò quod paritura esset filium, qui ex utero matris, inquit, Nazaraus Dei erit, & ipse incipiet liberare Israël de manu Philisthinorum (intellige, qui iam ex tunc cœperat Hebræos opprimere.) Quæ cum illa nuntiasset viro suo, ad preces eius iterum misit Dominus Angelū suum, qui eis denuò prædicta omnia confirmauit, præcepitque vt, si placeret, holocaustum Domino offerrent hæcūm illum, quem ei in cibum parare sponponderant, nescientes quod Angelus esset. Itaque cum holocaustum obtulissent Domino, ipse Angelus, cum flamma quæ de altari ascendebat, pariter ascendit in cælum. Quod illi videntes, confestim proni ceciderunt in terram, & tunc cognouit Manue illum esse Angelum Domini, ac præ magno timore quem in illa visione senserat, existimans se breui moriturum, dixit vxori suæ: *Morte moriemur, quia vidimus Deum.* illa verò, ex fauore & beneficio quod à Domino acceperant, arguere cœpit oppositum, nimirum salutem ac prosperitatem, & felicem euentum eorum quæ prædixerat eis Angelus.

PROBAN-
TVR PRAE-
DICTA HOC
ANNO CON-
TIGISSE.

2. Porro hæc prænotato circiter tempore accidisse, sic deduci potest. In citati capituli initio, vbi describitur prænuntiatio ortus Samsonis, meritò præmittitur brevis compendiosaque narratio seruitutis, quam deinceps per annos quadraginta Hebræi, propter peccata sua, à Philisthæis passi sunt; nimirum vt per hoc Scriptura indicaret, illam seruitutem vel tunc, vel paulò antè iam esse inchoatam; quod etiam confirmatur ex eo, quod ibidem

ibidem vers. 5. Angelus de Samfone mox nascituro prænuntiavit, dicens: *Ipse incipiet liberare Israel de manu Philisthinorum.* quæ verba supponunt, servitutem iam cœpisse. Oportet autem eandem servitutem toto Samfonis tempore perdurasse, & non nisi in morte eius fuisse sublatam: tum quia in calce Iudic. capitis 15. legimus, Samfonem iudicasse viginti annis Israel in diebus Philisthiim, hoc est, quando Philisthæi dominabantur Hebræis, vt ipsimet Iudæi in eiusdem capitis vers. 11. dicebant Samsoni: *Nescis quòd Philisthij imperent nobis?* & cap. 14. vers. 4. apertè dicitur: *Eo enim tempore Philisthiim dominabantur Israeli.* tum etiam quia in fine capitis 16. dicitur, quòd Samson *multo plures* (subintellige, Philisthæorum) *interfecit moriens, quàm antea vivus occiderat:* quibus verbis profectò insinuat, tunc Philisthæos ea clade, in qua omnes principes ipsorum perierant, adeò fuisse debilitatos, vt deinceps non potuerint amplius (vt confueverant) dominari Hebræis, vsque ad postrema Ducatus Heli tempora, quando rursus roborati intulerunt bellum Israeli, & prælium cum eo inituri, excitabant se ipsos 1. Reg. cap. 4. vers. 9. dicentes: *Confortamini, & estote viri, Philisthiim: ne seruiatis Hebræis, sicut & illi seruiunt vobis.* vtique per hoc indicantes præteritam illam quadraginta annorum servitutem, quæ (vt dictum est) in obitu Samfonis desierat: si enim etiam post obitum Samfonis illa perseverasset, nullatenus verum esse posset id, quod de ipso Angelus antea prædixerat. Nec refert, quòd non absolute Angelus dixerit, *Ipse liberabit;* sed, *Ipse incipiet liberare Israel de manu Philisthinorum:* quandoquidem hoc loquendi modo insinuare voluit, quòd post liberationem à Samfone faciendam, Philisthæi non semel deinceps insurrecturi erant contra Israel, donec tandem omnino à Davide subacti, ipse penitus ab eis liberaret Israël. Igitur si prædicta quadraginta annorum servitus cœperat paulò ante conceptionem Samfonis, & desit in morte eius, vt dictum est; proculdubio sequitur, prædicta de prænuntiatione conceptionis ortusque Samfonis, accidisse anno sexto Ducatus Abesan inchoante; inde enim ad obitum eiusdem Samfonis computantur anni quadraginta, vt constare poterit in tabulis. Vnde etiam fit manifestum, omnia quæ in Iudic. cap. 13. habentur, ibidem per recapitulationis figuram esse narrata, & Samfonem vix quadragesimum vitæ annum attingere potuisse, quod & in tabulis perspicui poterit.

ABORBE CONDITO
ANNVS 2861.

QVARTÆ MVNDI ÆTAT.
ANNVS 318.

A NNO proximo circiter ineunte, vt ex prædictis inferitur, necesse est natum esse Samfonem, qui (vt colligi potest ex Glossa interlineari, & ex Paraphrasi Chaldaica, & dunt Lyranus & Abulensis, & alij) 1. Reg. cap. 12. vers. 11. appellatur etiam in codicibus Latinis, Badan; in Hebraicis verò, Bedan, per eclipsim, hoc est BenDan, quod interpretatur filius Dan; quia ipse fuit de tribu Dan, vt patet ex dictis sub anno præcedenti num. 1. Porro huic Samsoni benedixit Dominus, deditque gratiam vt esset Nazareus Dei, hoc est consecratus Deo, & sanctus ab infanzia vsque ad diem mortis suæ; abstinuit enim à vino & sicera, & ab omni re immunda, & numquam tonsus est, vt olim solebant qui dicebantur Nazarei. Sic autem decuit sanctum esse Samfonem, qui ad nihil aliud videtur natus in hoc mundo, nisi vt in vita & in gestis suis (quemadmodum ex his quæ sub annis mundi 2881. num. 2. & 2899. num. 1. patebit) multa de Christo præfiguraret, & quodammodò præadumbraret. Nam sicuti Samson primogenitus matris suæ, vt quæreret occasionem contra Philisthiim, qui tunc dominabantur populo suo Israel, noluit ducere vxorem de gente & cognatione sua, sed duxit vnam natione Philisthæam, cuius rei nullam aliam reddidit causam, nisi quia, inquit, *hec placuit oculis meis:* vt legimus Iudic. cap. 14. vers. 3. & 4. ita Dominus noster vnigenitus Dei Filius, vt occasionem nancisceretur debellandi principes tenebrarum harum, qui sibi dominium generis humani usurpauerant; non Angelicam naturam patriæ cælestis incolam, & sibi dignitate & gratia magis propinquam, sed humanam quasi alienigenam assumpsit, cui vnione hypostatica copularetur; & hoc, quia sic beneplacitum fuit in conspectu suo. Et sicut enim Samson sapius fortiter pugnavit contra Philisthæos hostes & oppressores populi sui, plurimosque ex ipsis stravit: ita Dominus noster Iesus Christus non cessavit diuina virtute fugare malignos spiritus, & cælesti doctrina suâ diaboli membra, homines inquam peruersos, & salutem fidelium aduersantes confutare atque confundere. Et denique quemadmodum Samson à Dalila, quam postea ardentem adamauit, traditus fuit in manus inimicorum

SAMSONIS
NATIVITAS

CVR SAM-
SON SAN-
CTVS.

corum suorum, à quibus captus, ligatus, & illusus fuit, ac demum multò plures ex inimicis suis vltro moriens interfecit, quàm antè viuus occiderat: Iudic. cap. 16. vers. 21. vsque ad finem capitis. sicque populum suum à Philisthinorum seruitute vindicauit, vt nos sub anno mundi 2899. num. 1. ostendemus: ita Christus à Synagoga, quam tantopere dilexerat, traditus fuit in manus peccatorum, à quibus multa atque indigna pertulit, vincula, sputa, carcerem, flagella, opprobria, & tandem voluntariam mortem: (ipse enim, vt prædixerat Isaias cap. 53. vers. 12. *tradidit in mortem animam suam.*) In qua tamen morte, parta de hostibus victoria, Ecclesiam suam de captiuitate diabolica, hoc est de principe huius mundi, liberauit, iuxta illud Ioan. cap. 12. vers. 31. *Nunc iudicium est mundi, nunc princeps huius mundi eiicitur foras.*

2. Sub finem eiusdem anni, qui (vt patet in tabulis) erat ducentessimus septuagesimus octauus ab introitu Israelitarum in terram Chanaan, necesse est obiisse Abesā Hebræorum Ducem. Hoc siquidem tempore complentur anni septem, quibus dicitur iudicasse Israel, Iudic. cap. 12. vers. 9.

ABESAN
MORTIVR.

AB ORBE CONDITO QVARTÆ MVNDI ÆTAT.
ANNVS 2862. ANNVS 319.

AHIALON XI
HEBRAEO-
RVM IVDIX
PER ANNOS
DECEM.

I NNO insequente, prædicto Abesā successit Ahialon, siue Ælon, Zabulonites, qui iudicauit Israel annis decem: Iudicum cap. 12. vers. 11. Hunc Eusebius in Chronicis vocat Adon, & ait in libro Hebræorum dici, quòd rexerit populum decem annis, sed eos ipse computare noluit, quia, inquit, non habetur præfatus Iudex apud LXX. Interpretes; & propterea (quemadmodum notat venerabilis Beda in lib. de Sex ætatibus mundi, & item in lib. Retractionū super Actuum cap. 13.) vt conficere posset summam quadringentorum octoginta annorum, qui fluxisse dicuntur ab exitu populi de Ægypto ad prima fundamenta templi Salomonis; ipse Eusebius, annis, quos Iosephus tribuit Iosue, Samueli, Sauli, & Salomoni, addidit, primo quidem & postremo, vnum; mediis autem, reliquos octo. Sic Beda. Sed melius dicendum videtur cum Io. Lucido lib. 2. de Emendatione temporum cap. 8. ipsum Eusebium decem illos Ducatus Ælon annos à se præteritos addidisse Ducatui Iosue, simul & Seniorum regimini, vt sub anno mundi 2591. num. 12. dictum est. Verum hac nostra tempestate in LXX. Interpretum codicibus, qui passim circumferuntur, & præsertim qui habentur in Bibliis Regiis, & qui Romæ anno salutis 1588. quàm emendatè excusi sunt, certum est in cap. Iudic. 12. post Abesā poni, Ælon præfuisse populo annis decem: vnde necesse est fateri, Codicem illum sacrum, quo utebatur Eusebius, in hac parte fuisse mancum.

AB ORBE CONDITO QVARTÆ MVNDI ÆTAT.
ANNVS 2871. ANNVS 328.

AHIALON
MORTIVR.

I NNO sui Principatus decimo desinente, vt ex prædictis consequitur, Ahialon siue Ælon mortuus est, & sepultus in Zabulon: Iudicum cap. 12. vers. 12.

AB ORBE CONDITO QVARTÆ MVNDI ÆTAT.
ANNVS 2872. ANNVS 329.

ABDON XII.
HEBRAEO-
RVM IVDIX
ANNIS 8.

VITA functo Ahialone, iudicauit Israel Abdon filius Illel Pharathonites: Iudic. cap. 12. vers. 13. fuit ergo iste Iudex de tribu Ephraim; Pharathon enim erat in terra Ephraim, vt ibidem dicitur in fine capitis. De hoc Iudice nihil aliud legimus, nisi quòd habuit quadraginta filios, & triginta ex eis nepotes; & quòd præfuit Israël octo annis, vt patet loco citato.

TROIA HOC
ANNO CAPTA
ATQVE
INCENSA.

2. Eodem anno, qui erat regni Theutami Assyriorum Regis vigesimus quartus, & ab ortu Moyfi quadringentesimus octauus, vt dinumerari potest in tabulis, oportet captam à Græcis subuersamque fuisse Troiam, si Eusebio in Chronicis credimus; & si verum est quod ipse non semel ibidem asserit, nempe ab exordio regni Atheniensium Cecropisq; primi ipsorum Regis, seu ab anno trigésimo quinto vitæ Moyfi, ad Troiam captam, fluxisse annos trecentos septuaginta quinque: totidem namque inde ad hunc annum, etiam in nostris inuenies tabulis. Ab hac opinione parum abest Cyrillus Alexandrinus lib. 1. Contra Iulianum, non longè à principio, vbi ait, quòd à natiuitate Moyfi

Moyſi vſque ad deſtructam Troiam colliguntur quadringenti decem anni. Et ſub anno mundi 2849. num. 2. ex Diodoro probauimus, bellum Troianum ſub dicto Theutamo accidiſſe. Quod etiam confirmat B. Cyrillus Alexandrinus lib. 1. Contra Iulianum ſerè in principio, & S. Auguſtinus lib. 18. de Ciuit. cap. 19. Quoniam autem à Troiæ interitu ad primam Olympiadem, quidam ponunt decurriſſe annos quadringentos, quidam verò quadringentos ſex, vt teſtatur idem Euſebius ibidem, vel quadringentos ſeptem (vt colligi poteſt ex antiqua Eratoſthenis tabula, quæ videtur anticipaſſe tempus dicti interitus anno vno) alij autem quadringentos nouem, quemadmodum ex Varrone, Catone, & Dionyſio tradit Onuphrius Panuinius in ſuis Commentariis lib. 1. Faſtorum cap. de Olympiade: noſ ex hiſce opinionibus, relictis duabus extremis, mediam ſequendam deligemus, tum quia tutior eſſe, & minus errandi periculum aſſerre videtur; tum verò maximè, quia poſt ſex & quadringentos ab hinc annos, vt patet in tabulis, incidit annus primus regni Ioathan Regis Iuda, in quo cœpiſſe Olympiades, noſ ibidem pluribus aliis argumentis oſtendemus.

3. Poſt captam Troiam atque deletam, Aeneas cum viginti nauibus, quibus portabantur reliquæ Troianorum, in Italiam venit, regnante ibi Latino, & apud Athenienſes Mneſtheo, apud Sicyonios Polyphide, apud Aſyrios Tautane, apud Hebræos autem Iudex Labdon fuiſſe ad verbum S. Auguſtinus lib. 18. de Ciuit. cap. 19. Et hæc omnia tunc concurriſſe, perſpicuè videri poteſt in Euſebij Chronico, vbi etiam apparet, quòd præſatus Latinus erat à Iano v. Italia Rex, Mneſtheus verò x1. Athenienſium, Polyphides autem Sicyoniorum xxiv. & Tautanes Aſyriorum xxvi. At verò Labdon, qui & Abdon, ab Othonielè primo Hebræorum Iudice fuiſſe x11. vt in Sacro Iudic. textu dinumerari poteſt; quamuis Euſebius eum faciat vel x1. quia omiſit recensere Samgar, vel x. quia ſecutus corruptum quemdam lxx. Interpretum codicem, vt noſ aliàs quoque notauimus, præterire etiam voluiſſe videtur Ahialon, qui in eodem Sacro textu x1. eſt. Creditur autem Aeneas claſſe in Italiam appuliſſe anno regni ipſius Latini circiter trigefimo quinto, & duxiſſe filiam eius, Lauiniam nomine, vxorem, ex qua poſteà filium procreauit, de quo paulò poſt dicemus.

AENEAS
VENIT IN
ITALIAM.

LATINI
ITALIA RE
GIS FILIAM
DVXIT Vxo
REM.

AB ORBE CONDITO

QVARTÆ MVNDI ETAT.

ANNVS 2875.

ANNVS 332.

TR E N N I O poſt Troiæ interitum (vt tenet Euſebius in Chronicis, non autem anno quinto, vt ſcribit S. Cyrillus lib. 1. Contra Iulianum non procul à initio, neque vt alij putarunt, poſt annos octo) è vita migravit Latinus Rex; cui gener ſuceſſit Aeneas, regnauitque tribus annis, vt tradunt B. Auguſtinus & Euſebius vbi ſuprà. Quo ex humanis ſublato, quidam putant penes Lauiniam tum de Aenea grauidam remaſiſſe regnum; quod illa, inquiunt, filio quem poſteà peperit, vt primum per ætatem licuit, reſignauit: attamen probabilius videtur, quod Euſebius aliiſque tenuerunt, nempe Aſcanium, quem Aeneas ex Creuſa, Priami & Hecubæ filia, cum adhuc ſtaret Ilium genuerat, & ſecum in Italiam adduxerat, patre mortuo, ſtatim regni habenas moderandas ſuſcepiſſe, & in Latio regnaſſe per annos triginta & octo, tamenſi ex Lauinia, cuius nomine regnum illud ad Aeneam peruenerat, ipſe natus non eſſet: hoc, tum quia Lauinia filium de Aenea conceptum necdum pepererat, tum etiam, quia bellum ſatis difficile, quod tunc cum Hetruſcis, duce Mezentio illorum Rege & Lauſo eius filio, Latini gerebant, per feminam ritè adminiſtrari poſſe non videbatur. Vnde aiunt, Lauiniam, vt vidit priuignum imperantem, in rura ſceſſiſſe, atque in ſiluis extructa domo, ibidem edidiſſe filium, eundemque Siluium, quod in ſiluis, & Poſthumum, quod patre mortuo natus eſſet, appellaiſſe; quem deinde cum nouerca ex ſiluis eductum, ſerunt Aſcanium ambos apud ſe liberaliter habuiſſe; quin etiam, cum morti appropinquaſſet, eidem Siluio regnum reliquiſſe, quod Iulus Aſcanij filius adhuc eſſet paruulus, & nondum rebus regni adminiſtrandis idoneus. Sed alij putant, inter Iulum & Siluium eius patruum ortam de regno controuerſiam, à populo ea lege fuiſſe diremptam, vt Siluius, quoniam natu maior erat, & Lauinia regni heredis filius, ipſe regnaret, & penes Iulum (à quo Iuliorum familia prodidiſſe proditur) ſacrorum poteſtas eſſet, quæ ſecunda erat à regia. Quidquid ſit, conſtat poſt Aſcanium regnaſſe Siluium Poſthumum, ex cuius nomine poſteà duodecim eius ſucceſſores, vſque ad Romulum Urbis conditorem, & primum Regem Romanorum, Siluij ſunt nuncupati, vt tradit S. Auguſtinus lib. 18. de Ciuit. cap. 20. & videre eſt apud Euſebium,

LATINO
DEFUNCTO
SVCCEDIT
IN REGNV
ANNIS
TRIBVS.

ASCANIVS
AENEAE
SVCCEDIT
IN LATII
REGNO.

qui singulos nominatim, & singulorum regni annos successiue in Chronicis digestos reliquit. De iis autem qui post Romulum in Vrbe fuerunt, Reges, Consules, Dictatores, ac postremo Imperatores, vide plura apud T. Liuium ceterosque Romanarum rerum Scriptores. Sufficit enim hic, quæ fusiùs prosequi nostri instituti non est, paucis indicasse. Nunc ad rem redeamus.

AB ORBE CONDITO

ANNVS 2879.

QVARTÆ MVNDI ÆTAT.

ANNVS 336.

ABDON MORITVR.

ISVB finem anni octauum, ex quo cœperat iudicare Israëlẽm, Abdon mortuus est, & sepultus in Parathon terræ Ephraim, in monte qui dicebatur Amalec: Iudic. cap. 12. in fine.

AB ORBE CONDITO

ANNVS 2880.

QVARTÆ MVNDI ÆTAT.

ANNVS 337.

SAMSON HERRAEORVM IVDEX XIII. PER ANNOS 20.

EIVSPRÆFECTVRÆ ANNI NON INCLVDVNTVR IN ANNIS HELI.

ANNO proximo circiter inchoante, Samson filius Manue, de tribu Dan, cuius nos supra sub annis mundi 2860. num. 1. & 2861. num. 1. mentionem fecimus, cœpit præesse Israëlĩ: complebat autem tunc Samson annum vitæ decimum nonum, ingrediebaturque vigesimum, vt ex his quæ locis proximè citatis dicta sunt, perspicue infertur, & apparet in tabulis. iudicauit verò populum viginti annis, Iudic. cap. 15. in fine: quod & sacra repetit Scriptura in calce capitis 16. Vnde meritò Genebrardus lib. 1. suæ Chronologiæ, *Miror*, inquit, *Masium doctissimum Iosue Interpretẽ maluisse expungere Samsonem de numero Iudicum, & eius viginti annos, quibus iudicasse Israëlẽm memoratur, adscribere dimidiato Pontificatui Heli, quàm in ceterorum Chronographorum sententia, aut potius disertis Scripturæ verbis permanere Iudic. 16. Fortasse voluit partim redundantem Iudeorum traditionem de viginti octo annis Iosue, partim corruptam Græcorum editionem tueri pertinacius.* hæc Genebrardus. Qui meritò (vt arbitror) reprehendit Masium, quòd ausus sit delere Samsonem de catalogo Iudicum, contra duo expressa libri Iudic. loca proximè citata, in quibus tam in editione LXX. Interpretum, quàm in Vulgata, & in Paraphrasi Chaldaica apertissimè asseritur, Samsonem iudicasse Israëlẽm annis viginti. Et meritò item putat Genebrardus corruptos esse codices LXX. Interpretum, qui 1. Reg. cap. 4. non procul à fine habent, Heli iudicasse Israëlẽm annis viginti. debent enim corrigi, vt dicant, quadraginta, quemadmodum nos sub anno mundi 2900. num. 1. probabimus. Vnde patet decipi eos, qui putant editionem Vulgatam, vbi dicit, Heli iudicasse quadraginta annis, voluisse in eo numero includere etiam annos Samsonis, tamquam si reuera Heli iudicasset tantummodò per annos viginti, vt habent aliqua LXX. Interpretum exemplaria. quod nullatenus recipi debet: Primò, quia si sic esset, ipsa editio Vulgata non priùs in libro Iudic. expressisset annos Samsonis, satis enim fuisset eos mox in annis Heli includere. Immo quia eos signanter loco proprio expresserat, signum est quòd noluit eosdem postea cum annis Heli coniungere: non enim credendum est, quòd eos voluerit his computare, cum nulla ratio videatur assignari posse, cur ita faciendum esset. Deinde videmus Iosephum quoque lib. 5. Antiq. in calce capitis 10. exprimere, Samsonem obiisse anno Principatus sui vigesimo exacto; (vocat namque Iudicum præfecturas vocabulo Principatus;) & nihilominus postea cap. 12. in fine ponere, obitum Heli incidisse anno Principatus sui quadagesimo; & dubium non est, quin hæc eadem ex antiquissimis valdeque probatis Codicibus sacris desumpserit. Quòd si his non obstantibus, pertinaci adhuc concertatione quis contendere voluerit, annos Samsonis in annis Heli fuisse inclusos, is nihil aliud efficiet, quàm quòd sacram horum temporum Chronologiam, quantum in se erit, confundere tentabit: siquidem eodem modo poterit quis dicere, etiam annos 40. Orthonielis in illis 80. Aod fuisse computatos, & sic de aliis. Denique si ponamus, Heli viginti dumtaxat annis iudicasse Israëlẽm, vtique deficient alij viginti ad explendam summam illam 480. annorum, quæ 3. Reg. cap. 6. vers. 1. decernitur fluxisse ab exitu Israëlĩs de Aegypto ad prima Salomonici templi fundamenta. de qua summa nos sub anno mundi 2591. num. 12. vsque ad 18. fusiùs disputaui. Porro Samson fuit vir omnium fortissimus, quemadmodum ex his quæ de ipso dicuntur planum fiet: vnde non immeritò, teste B. Augustino lib. 18. de Ciuit. cap. 19. putatus est Hercules. Quoniam autem Samsonis res gestæ, sine vlla temporum notatione, in

ne, in sacra Historia traduntur, antequam ad ea referenda deueniamus, prius hîc subiungere visum est, quod

2. Sub finem eiusdem anni, qui erat ducentessimus nonagesimus septimus ab ingressu Hebræorum in Terram promissionis (vt videre est in tabulis) & concurret iuxta Eusebij computum cum anno Samsonis secundo, iuxta nostrum verò (ob causam à nobis sub anno mundi 2848. num. 2. assignatam) cum anno dicti Samsonis primo, mortuus est Tautanes rex Assyriorum, exacto regni sui anno trigésimo secundo, vt ait Eusebius in Chronicis.

TAVTANES
REX ASSY-
RIORVM
MORTVVS.

AB ORBE CONDITO

ANNVS 2881.

QVARTÆ MVNDI ÆTAT.

ANNVS 338.

1 **A** NNO subsequente circiter inchoante, regnavit in Assyria Tanteus, fuitque Assyriorum Rex vigésimus septimus, vt ibidem Eusebius.

REGNATVS
ASSYRIA
TANTEVS.

2. Vt autem hîc ad nostrum Samsonem redeamus, hæc ferè sunt quæ in prædictis viginti Præfecturæ suæ annis gessit, vt populum suum à Philisthæorû seruitute liberaret (eo enim tempore Philisthæi dominabantur Israeli, vt dicitur Iudic. c. 14. vers. 4. & colligitur etiam ex cap. 15. vers. 11. & 20.) Primò igitur, vt iustas nancisci posset causas pugnandi contra Philisthæos, Deo inspirante, duxit vxorem Philisthæam, & in diebus conuiuij, arrepta occasione ex quodam mellis fauo, in ore leonis quem ipse paulò antè occiderat, inuento, proposuit problema triginta sodalibus suis Philisthæis, ea conditione, vt si illud soluere intra septem dies nequirent, darent ei triginta sindones, & totidem tunicas; vel si soluerent, ipse eiusdem numeri sindones ac tunicas eis tradere teneretur. Cum ergo illi die septimo solutionem problematis, precibus sponæ ab ipso Samfone extortam, eisque ab eadem indicatam, pronuntiaissent, actus Samson Spiritu Domini, descendit in Ascalonem urbem Philisthinorum, occiditque ibi triginta viros Ascalonitas, ablatisque eorum vestibus, dedit eas ijs qui problema dissoluerant, & iratus valde vxori suæ, quæ secretum propalauerat, rediens ad parentes suos, eam ad tempus deseruit, illa verò interim nupsit vni de pronubis suis. Samson autem, cum post aliquantulum temporis instante messe triticea, ad vxorem suam rediens, inuenisset eam traditam alteri viro; iustam prætendens se habere causam nocendi Philisthæis, abiens cœpit trecentas vulpes, & facibus accensis ad earum caudas alligatis, emisit in segetes Philisthinorum, easque combussit: quod audientes Philisthiim, & facti causam intelligentes, vt Samsonem placarent, eam quæ vxor eius fuerat cum patre suo qui eam alteri tradiderat, combusserunt. Sed ille nihilo placatior factus, percussit eos plaga magna; & inde recedens, habitauit in spelunca petræ Etam. Quamobrem Philisthiim coacto exercitu venerunt contra Iudæos; qui vt sedarent iram eorum, perrexerunt ad Samsonem, vt ligatum traderent Philisthæis: permisit autem se ligari Samson, habita prius ab eis iuratoria cautione ne ipsum occiderent. Sed cum duceretur ad Philisthæos, illosque contra se conelamantes esset intuitus; confestim facto super eum Spiritu Domini, ruptis vinculis, arreptaque mandibula asini, casu ibidem inuenta, percussit in ea mille viros, reliquis in fugam actis. mox cum breue canticum cecinisset, & locum illum Ramathlechi, quod interpretatur Eleuatio maxillæ, appellasset, & valde sitiens clamasset ad Dominum; ipse exaudiuit eum, & eduxit illic mirabiliter aquas de molari dente illius maxillæ, quibus refocillatus est; casu postea abiit in Gazam, vbi à Philisthæis conclusus, ipse media nocte non solum portas ciuitatis aperuit, sed etiam ambas portæ fores cum postibus suis & sera in humeris sublatas detulit in verticem montis, qui respicit Hebron: Iudic. c. 14. & 15. per totum, & 16. vers. 1. vsque ad 4.

SAMSONIS
HISTORIA.

AB ORBE CONDITO

ANNVS 2883.

QVARTÆ MVNDI ÆTAT.

ANNVS 340.

1 **A** NNO Præfecturæ Samsonis quarto, incidit Iubileus sextus; erat enim annus trecentessimus ab introitu Israelis in terram Chanaan, vt videre est in tabulis.

IVB ILEVVS
SEXTVS.

AB ORBE CONDITO

ANNVS 2899.

QVARTÆ MVNDI ÆTAT.

ANNVS 356.

1 **A** NNO Ducatus vitæque suæ (vt arbitror) postremo, Samson adamauit mulierem nomine Dalilam: quæ vt ingentem pecuniam à Principibus Philisthinorum sibi repromissam consequi posset, tamdiu molesta importunaque fuit Samsoni,

soni, donec tertio decepta, tandem ab eo didicit in quo tanta eius fortitudo consisteret; nimirum, quia more Nazaræorum numquam tonsus esset; quo cognito, Dalila blanditijs delinitum dormire fecit super genua sua, & rasis per tonsorem crinibus eius, tradidit eum in manibus Philisthinorum, à quibus illic excæcatus, & in carcerem trusus fuit. Verum aliquantò post, nimirum sub finem illius anni, qui (vt diximus) erat Præfecturæ eius vigesimus, renatis iam capillis, cum quadam die fuisset eductus, & positus inter duas columnas, quæ totam domum quandam valde amplam fulciebant, ad quam populus & omnes Principes Philisthinorum conuenerant, vt eum ibi ludentem viderent, ipse inuocato Domino apprehendit dextera læuâque vtramque columnam, iisque valide concussis, cadens tota domus cunctos oppræssit: atque hoc pacto moriens multò plures interfecit, quàm antea viuus occiderat: Iudic. cap. 16. per totum. Et tunc (iuxta ea quæ sub anno mundi 2860. num. 2. diximus,) necessarium videtur fateri, quòd Israelitæ audita hac Philisthinorum clade, & obitu omnium ferè Principum ipsorum, excusserint à se iugum seruitutis, quo ab ipsis premebantur. Nam & tunc implebantur anni quadraginta, quibus seruitutem illam Scriptura sacra perdurasse testatur Iudic. cap. 13. vers. 1. Et exinde in toto Ducatus Heli tempore, nullibi Scriptura innuit Hebræos subditos fuisse Philisthæis, sicuti prius fuerant: quin potius oppositum ex eo conuincitur, quòd circa postremos Heli annos, mouentibus denuò Philisthæis bellum Israeli, ipse direxit contra eos exercitum, & egressus esset obuiam eis in prælium, quod numquam facere ausus fuerat temporibus Samsonis.

SAMSON
MORIENS
PLURES
OCCIDIT,
QVAM VI-
VENS OCCI-
DERAT.

HEBRAEI
SVBTRA-
HVNT SE A
PHILISTHI
NORVM SER-
VITVTI-
NO EIVS-
DEM 40. EX-
ACTO.

AB ORBE CONDITO

ANNVS 2900.

QVARTÆ MVNDI ÆTAT.

ANNVS 397.

HELI IV-
DEX POPV-
LI XIV PER
ANNOS
QVADRA-
GINTA.

ANNO insequenti, vita functo Samson, Heli de tribu Leuitica cœpit præesse populo, annum ætatis agens quinquagesimum octauum, vt patet in tabulis; iudicauitque Israelem quadraginta annis, vt traditur 1. Reg. cap. 4. vers. 18. in editione Vulgata, quam sequimur: nam licet in LXX. Interpretum codicibus, tum vetustis (quemadmodum testatur Eusebius in Chronicis,) tum recentioribus, Romæ anno salutis 1588. Latinè editis, legamus, Heli iudicasse populum viginti annis (quam opinionem sequitur Andreas Masius super Iosue cap. vlt. num. 3.) quia tamen alij eorumdem LXX. Interpretum codices Græcè excusi, habent annos quadraginta, vt testantur Scholia, quæ super eadem editione Latina habentur; & idem videre est in textu, tum Græco tum Latino, eorumdem Interpretum in Biblijs Regijs, & ibidem in Chaldaica Paraphrasi, & apud Iosephum in calce libri 5. Antiq. idcirco correctiores eò loci arbitramur esse illos codices, qui cum editione Vulgata concordant, eosque cunctis alijs esse præferendos; præsertim cum iam sub anno mundi 2880. num. 1. probauerimus editionem Vulgatam nequaquam voluisse annos Samsonis includere in annis Heli.

SVITVTIAM
PRIMVS
PONTIFEX
DE POSTE-
RIS ITHA-
MAR.

2. Porro Heli fuit non solum Iudex populi, sed etiam Sacerdos, vt patet 1. Reg. cap. 1. vers. 9. Quin item (vt testatur Iosephus in calce lib. 5. Antiq. & lib. 8. cap. 1.) idem Heli fuit primus, qui de stirpe Ithamar filij Aaron fuerit summus Sacerdos: nam antea supremum Sacerdotium successiue perseverauerat in progenie Eleazar, qui fuerat frater natu maior dicti Ithamar. Primus namque Pontifex fuit Aaron; secundus, Eleazar filius Aaron; tertius, Phinees filius Eleazari; quartus, Abisue filius dicti Phinees; quintus, Bocci filius Abisue; sextus, Ozi filius Bocci, qui omnes nominatim recensentur in Aaronis posteritate, quæ describitur 1. Paralip. cap. 6. vers. 3. vsque ad 16. & item repetuntur ibidem vers. 50. & 51. Post Ozi (vt tradunt loco prius citato Iosephus, & super 1. Reg. cap. 2. alij Hebræi, ibidem referente Lyrano, & Abulense super 1. Paralip. cap. 6. quæst. 3.) transiit Pontificatus ad posteros Ithamar, hoc est ad ipsum Heli. Et hoc ideo factum putat eodem loco, de eorumdem Hebræorum sententia, Lyranus, quia dicta Eleazari posteritas, cui ex diuina ordinatione (nimirum habita primogenitorum ex Aarone succedentium ratione) Sacerdotium seu Pontificatum debebatur, ante tempora ipsius Heli fuerat admodum negligens in erudiendo Israeliticum populum; de his quæ ad Dei Legem obseruandam pertinebant; & item in eodem arguendo & increpando, quandomque eum ad idololatriam declinare, aliaque enormia peccata committere animaduertebat: propterea, inquiunt, Dei iudicio ac providentia translatum fuit summum Sacerdotium à filiis Eleazar ad filios Ithamar. Etenim, quod dicitur Ecclesiastici cap. 10. vers. 8. *Regnum à Gente in Gentem transferri propter iniustitias, & iniurias, & contumelias, & diuersos dolos*; & item quod legimus Daniel. cap. 2. vers. 21. *ne mpe*

nempe Deum aliquando propter eiusmodi causas mutare tempora & ætates, & transferre regna, aliæque constitutere; idem intelligendum quoque putant de Sacerdotio, alijsque dignitatibus. Verissimum namque illud est, quod postea etiam ipsi Heli prædixit Dominus 1.Reg.cap.2.verf.30. *Quicumque glorificaverit mei, glorificabo eum: qui autem contemnunt me, erunt ignobiles.* Mansit verò deinceps Pontificatus in familia Heli, usque ad tempora Salomonis, qui (quemadmodum traditur 3.Reg.cap.2.verf.27.) eiecit Abiathar posterum ipsius Ithamar ne esset Sacerdos, vt impleretur sermo Domini, quem locutus fuerat 1.Reg. cap.2. verf.30. usque ad finem cap. super domum Heli in Silo: & tunc rursus redit summi Sacerdotij dignitas ad progeniem Eleazar, nimirum ad Sadoc & Achimaas, & eorum successores, vt colligitur 1.Paralip. cap.6. verf.8. & 53. & hoc etiam propter peccata Heli & filiorum eius, quemadmodum ex loco 1. Regum proximè citato manifestum est.

QVOT ANNIS PONTIFICATVM TENVERIT.

3. Verum si quis hoc loco forsitan percontaretur, quot annis ipse Heli Pontificatum tenuerit; (id enim nullibi in Sacro eloquio expressum reperimus:) dicimus, probabilis videri, quòd illud retinuerit toto eo tempore quo etiam tenuit Principatum, nempe annis quadraginta, & fortè item antea per alios viginti annos, vt sub anno mundi 2594.num.3. tetigimus. Nam etsi intra tempus Præfecturæ suæ (quæ forsitan filiis suis Ophni & Phinees occasione præbuit elationis, & impunè peccandi) ipse Heli, tamquam aliis distentus occupationibus, videatur reliquisse eisdem filiis suis ipsam Sacerdotij administrationem; & tum hac de causa, tum etiã quia; vt postea audiuit pessima ipsorum facinora quæ in tali ministerio perpetrabant, eosdem à Sacerdotio, vt par erat, amouere neglexit; non semel à Deo acriter admodum increpatus fuit: primò per Prophetam quemdam innominatum, mox etiam per Samuelem; quem (ne vllam haberet tergiversandi occasionem) ad hoc specialiter à Domino vocatum ipsemet nouerat, vt legimus 1.Reg. cap.2.verf.3. Verumtamen satis probabiliter credendum est, quòd ipse supremam, quoad vixit, Sacerdotij auctoritatem numquam deposuerit; sed functiones dumtaxat delegauerit. Quis autem ei in ea dignitate successerit, nos sub anno mundi 2940. num.2. dicemus.

ANNA STERILIS Vxor ELCANAE ORANDO IMPETRAT FILIUM.

4. Eodem anno Præfecturæ Heli primo, (vt ex dicendis sub anno subsequenti num. 1. perspicuum fiet) necesse est contigisse ea quæ describuntur 1.Reg. c.1. verf.1. usque ad 20. de Anna vxore Elcanæ; quæ cum esset sterilis, & æmulæ improprie valde afflictæ, fens largiter in Silo, votum vouit Domino pro suscipienda prole, & prolixius orans, tanta animi corporisque intentione coram eodem Domino puerum tacita postulabat, vt eam Heli Sacerdos obseruans, primò quidem ebriam reputarit; mox verò, pio eius desiderio ac sancta deuotione agnita, eandem in pace dimiserit, Dominum precatus vt illam voti compotem faceret: quod & exitus comprobauit. Etenim illa rediens in domum suam, de viro suo concepit filium, quem vocauit Samuelem.

AB ORBE CONDITO

ANNVS 2901.

QVARTÆ MVNDI ÆTAT.

ANNVS 358.

1. **A** NNO itaque proximo, circa initia (vt arbitror) anni, credimus natum esse Samuelem; pro cuius natiuitate pater eius ascendit in Silo, vt immolaret hostiam sollempnem, & votum suum Domino redderet: 1.Reg. cap.1. verf.20. Non ignoramus, quòd iuxta computum Abulensis super 1.Reg. cap.8. quæst. 2. oporteret Samuelem natum fuisse anno circiter octauo Ducatus Heli: supponit enim Abulensis, Samuelem vixisse annis circiter septuaginta; nimirum triginta duobus cum ipso Heli, & triginta octo post obitum Heli: quia, inquit, iudicauit Samuel populum viginti annis antequam regnaret Saul, & postea superuixit decem & octo annis regnante Saul; obiit namque duobus annis ante mortem Saulis. Verumenimverò, licet admittendum censeamus, Samuelem vixisse annos triginta & octo post mortem Heli; non tamen ex Sacris libris scire possumus præcisè, quot annis vixerit cum ipso Heli. Et præterea ex positione Abulensis sequeretur, Samuelem anno sui Principatus postremo, quando scilicet Israëlita petierunt ab eo vt constitueret super eos Regem, fuisse quinquaginta duorum dumtaxat annorum; & consequenter non potuisse de ipso verè dici, quòd tunc esset senex; præsertim cum illis temporibus possent homines peruenire ad centesimum propè ætatis annum, vt patet de ipso Heli, qui non naturali sed violenta morte obiit anno vitæ suæ nonagesimo octauo: contra verò, quia certum est quòd tunc Samuel verè erat iam senex, & præ senectute iam incanuerat, quemadmodum

DE TEMPORIS ORTVS SAMUELIS.

testatur Scriptura 1.Reg.cap.8. vers. 1.& 5.& cap. 12.vers.2. Et confirmari potest, quia cum, ætate iam ingrauescente, non posset amplius commodè certis temporibus proficisci ad ea loca, quæ prius adire consueuerat, vt iudicaret populum; iam substituerat sibi duos filios suos Iudices populi, vt dicitur 1.Reg.cap.7.vers. 15. vsque ad vers. 3. capit. 8. Idcirco visum est rationi & Sacro textui magis consentaneum, ponere ortum Samuelis in anno secundo quàm in octauo Præfecturæ Heli: sic enim poterat Samuel esse propè sexagenarius, quando constituit filios suos Iudices, & populus petit ab eo Regem, vt patet in tabulis, & propterea verè tunc dici potuit senex & canus.

PROSAPIA
SAMUELIS
ET HELI
QMOMODO
DIVERSA.

2. Porro Samuel fuit ipse quoque, sicut & Heli, de tribu Leuitica, sed non sicut ille, de genere Sacerdotali: nam licet vterque fuerit de familia Caath filij Leui, tamen Heli ortus est per lineam Amram & Aaronis filij eius, in cuius sola progenie remansit genus Sacerdotale, quemadmodum sub anno mundi 2545. num. 16. probatum est. At verò Samuel prodijt per lineam Isaac filij Caath, & fratris dicti Amram, vt colligitur 1. Paralip. cap. 6. vers. 2. & 33. vsque ad 39. vbi genealogia cuiusdam Hemam, qui fuit cantor, & nepos Samuelis, sursum deducitur vsque ad Leui, & concordat cum ea genealogia Elcanæ patris Samuelis, quæ describitur initio libri 1.Regum.

AB ORBE CONDITO

ANNVS 2904.

QVARTÆ MVNDI ÆTAT.

ANNVS 361.

SAMVEL
PVERVLVS
OBLATVS
EST DOMI-
NO.

I ANNO Ducatus Heli quinto circiter inchoante, vitæ verò Samuelis tertio iam exacto, Anna, cum ablactasset Samuelem filium suum, (solebant enim olim matres filijs lac triennio saltem dare, vt colligitur 2. Machab. cap. 7. vers. 27.) adduxit eum cum viro suo Elcana in Silo, vbi erat Tabernaculum Domini, & immolatis ibi victimis, obtulerunt eum Domino, & Sacerdoti eius Heli, vt maneret iugiter in conspectu Domini, prout mater eius Anna vouerat, quæ etiam præ gaudio cecinit ibi Canticum illud Domino, quod incipit, *Exultauit cor meum in Domino*, &c. & reuersa est cum viro suo in domum suam, in Ramatha. Puer autem Samuel proficiebat atque crescebat, & placebat tam Domino quàm hominibus; cœpitque à puerili vsque ætate, accinctus ephod lineo, ministrare in conspectu Domini ante faciem Heli Sacerdotis; & tunicam parua faciebat ei mater sua, quam afferebat ei, quando statutis diebus ascendebat cum viro suo ad immolandum hostiam sollempnem, & benedixit eis Heli, deprecans Dominum vt redderet illis semen pro Samuele, quem dedicauerant seruire in ministerio Domini. Vnde factum est vt postea, Deo fauente, Anna de viro suo genuerit tres filios, & duas filias. Ceterum filij Heli, Ophni & Phinees, multa mala perpetrantes in domo Domini, retrahebant homines à sacrificio Domini: 1.Reg.c.1. vers. 24. vsque ad finem capit. & cap. 2. vers. 1. vsque ad 27.

MINISTRAT
IN TABER-
NACULO AD
VSVM HE-
LI SACER-
DOTIS

ANNA MA-
TER SAMVE-
LIS ALIOS
OIGNIT LI-
BEROS.
FILII HELI
MALE SE
GERVNT IN
DOMO DO-
MINI.

AB ORBE CONDITO

ANNVS 2909.

QVARTÆ MVNDI ÆTAT.

ANNVS 366.

HELI A
DOMINO
GRAVITER
INCREPA-
TVR.

I ANNO Ducatus sui circiter decimo, vt arbitror, Heli, cum esset iam valdè senex, nimirum propè septuagenarius, vt videre est in tabulis, audissetque quòd filij sui dormirent cum mulieribus quæ obseruabant ad ostiū Tabernaculi; & quòd pessima alia facinora quæ perpetrabant in domo Domini, iam essent diffamata per vniuersum populum; & nihilominus eos nimis leniter reprehendisset, ac præ nimia indulgentia, illos vocem eius minimè audientes, à sacro ministerio, vt par erat, amouere non curasset: ipse acriter admodum à Domino increpatus fuit per virum Dei, cuius nomen in Sacro eloquio reticetur; qui primò quidem cœpit commemorare & obiicere ei beneficia à Deo olim præstita domui suæ, & præcipue duo illa insigniora, quæ leguntur facta Moyse & Aaroni maioribus ipsius Heli; alterum, quando manente populo Israël in Ægypto in domo, hoc est, in dirione Pharaonis, manifestauit se Deus illis, mandans vt ipsi educerent eundem populum de Ægypto, quemadmodum legimus, de Moyse quidem in toto Exod. cap. 3. de vtroque verò c. 4. & specialiter à vers. 14. ad 17. & vers. 27. ad finem capit. alterum, quando postea singulariter elegit de vniuerso populo tribū Leui, & de illa Aaronem & filios eius, vt ipsi & posterij eius soli essent Sacerdotes in Tabernaculo & in Templo Domini perpetuis futuris temporibus, nimirum vsque abrauit eidem Heli ingratitudinem ipsius & filiorum eius, quòd malè se gerentes in offi-
cio

cio sacerdotali, auerterent populum à sacrificijs Domini. Ac demum minitatus est multa mala deinceps vniuersæ posteritati eius euentura, præsertim verò interitum, in vna eademque met die, duobus filiis eius, 1. Reg. cap. 2. vers. 22. vsque ad finem capitis. Ne-
mini autem mirum videatur, quòd has minas Dominus implere distulerit post annos
triginta, nempe vsque ad finem vitæ ipsius Heli: quandoquidem notum est, sæpe Do-
minum vindictas libenter differre consueuisse, vt aut homines ad penitentiam expe-
ctet, aut ipsi inexcusabiles fiant: propterea quando comminatus est Diluuiū, adhuc post-
eā indulsit hominibus moram centum viginti annorum, vt sub anno mun. 1537. n. 1.
& sequentibus dictum est, & Saulem (quem secundo anno regni exacto reprobaucrat
ne regnaret super Israel) nihilominus permisit postea etiam regnare vsque ad comple-
mentum viginti annorum. Possent hic plurima huiusmodi alia exempla proferri, sed
ne longiores simus, in re præsertim omnibus manifesta, pro nunc ista sufficiant.

CVR DOMI-
NVS INTEN-
TAS DIS-
FERRE SO-
LEAT VIN-
DICTAS.

AB ORBE CONDITO QVARTÆ MVNDI ÆTAT.
ANNVS 2913. ANNVS 370.

ANNO vitæ suæ decimotertio circiter incipiente, Samuel (tunc enim iam ex-
pleuerat duodecimum ætatis annum, vt scribit Iosephus 5. Antiq. cap. 11. ver-
sus finem capitis) cum quadam nocte in templo dormiens, quater à Domino
vocatus fuisset, diuinam tandem meruit audire reuelationem, & fieri Propheta Domi-
ni, qui certò prædiceret ipsi Heli, quòd cuncta aduersa quæ comminatus fuerat ei Do-
minus per virum Dei, proculdubio ventura erant super domum eius, eò quòd non cor-
ripuisset, vt debuerat, filios suos. Memorandū sanè cunctis parentibus documentum,
ne passim filiorum delicta corrigere castigareve negligant, alioqui certò sciant, Deum
ipsis & posteris suis aduersitates plurimas immisurum. Oportet autem memoratam
Domini reuelationem fuisse factam Samueli non multò ante initium diei, vt planè
insinuare voluisse videtur Scriptura 1. Reg. cap. 3. vers. 3. illis verbis, quæ in correctio-
ribus codicibus sic habent: *Lucerna Dei antequam extingueretur, Samuel dormiebat in Tem-
plo* (hoc est iuxta Templum) Domini, & vocauit Dominus Samuel, &c. Illud enim, *ante-
quam extingueretur*, idem importat, ac si dictum esset: antequam dies elucesceret. &
hoc ad denotandum tempus dictæ reuelationis, vt ait Lyranus ibidem. Sed & in cita-
tis verbis aliud obiter aduerte, nimirum, Scripturam sacram (sicuti aliàs non semel)
vsurpasse numerum singularem pro plurali: nam ex septem candelabri lucernis, quæ
omnes noctu semper ardebant, manè non vna tantum, sed quattuor extingui solebāt,
vt apertè colligitur ex Iosepho 3. Antiq. cap. 9. Cui, tamquam testimonio omni exce-
ptione maiori, (quippe qui cum esset Sacerdos, etiam id muneris aliquando exercuisse
credendus sit) meritò plena fides habenda esse videtur. Porro Samuel, factò manè, ve-
rebatur manifestare visionem: verumtamen ab ipso Heli requisitus, indicauit ei om-
nia. Hæc & alia, quæ denuò postmodum reuelauit Dominus Samueli in Silo (ipso pa-
riter Deo ad exaltationem Samuelis sic disponente) vulgata deinde sunt in toto popu-
lo Israel, qui postea, quando eadem vidit ad vnguem fuisse impleta, cognouit quòd
Samuel fidelis Propheta esset Domini: 1. Reg. cap. 3. per totum.

DOMINVS
LOQVITVR
SAMVELI,
ET FACIT
EVM PRO-
PHETAM.

CONTRA
PARENTES,
QUI NEGLI-
GVNT COR-
RIPERE ET
CASTIGARE
FILIOS SVOS

AB ORBE CONDITO QVARTÆ MVNDI ÆTAT.
ANNVS 2920. ANNVS 377.

ANNO centesimo trigesimo septimo introitus filiorum Israel in terram Cha-
naan, qui annus secundum Eusebium concurret cum vigesimo secundo, seu vt
sæpe dictum est, iuxta nostrum computum, cum vigesimo primo Ducatus
Heli, mortuus est Tanteus Assyriorum Rex, cum regnasset annis quadraginta, vt scri-
bit Eusebius in Chronicis.

TANTEVS
REX ASSY-
RIORVM
MORTVVS.

AB ORBE CONDITO QVARTÆ MVNDI ÆTAT.
ANNVS 2921. ANNVS 378.

ANNO proximo inchoante regnauit Thineus in Assyria, & fuit Rex Assyrio-
rum à Nino vigesimo octauus, vt notat Eusebius vbi suprà. Hunc S. Augusti-
nus lib. 18. de Ciuit. cap. 19. vocat Æneum, quem dicit fuisse vigesimum no-
num, subaudi à Belo Nini patre.

THINEVS
REGNATVS
IN ASSYRIA.

AB ORBE CONDITO.

ANNVS 2925.

QVARTÆ MVNDI ÆTAT.

ANNVS 382.

BERZELLAI
GALAADI-
TIS ORTVS.

ANNO Ducatus Heli vigesimo sexto, oportet natum esse Berzellai Galaaditem, qui postea fuit valde amicus Davidis, providitque ei & exercitui eius annonam, quando ipse David ab Absalom pulsus morabatur in Manahaim, ut dicitur 2. Reg. cap. 17. vers. 27. Etenim iste Berzellai, anno regni Davidis vigesimo quinto (ut infra sub anno mundi 3004. num. 5. ex 2. Reg. cap. 19. vers. 32. & 35. dicemus) iam erat octogenarius: vnde necesse est ipsum hoc circiter anno esse natum, quemadmodum liquet ex subductione in tabulis notata.

AB ORBE CONDITO

ANNVS 2928.

QVARTÆ MVNDI ÆTAT.

ANNVS 385.

REGNI SI-
CYONIO-
RVMEINIS.

ANNO Ducatus Heli vigesimo nono desisse regnum Sicyoniorum, expresse tradit Eusebius in Chronicis. & hoc videtur admodum probabile; quia hoc eodem anno finiunt illi 962. anni, quibus dictum regnum (iuxta aliquos) perdurasse nos sub anno mundi 1966. num. 1. diximus. Nec ab hac opinione multum distat S. Augustinus lib. 18. de Ciuit. cap. 19. vbi triennio ante id accidisse existimat, nimirum post annos 959. ab eius exordio. Ex quibus colligere licet, dicti regni interitum proculdubio ad hæc circiter tempora pertinere: præsertim cum S. Augustinus ibidem subiungat, quod tunc iudicabat Heli Sacerdos Israel, & in Italia regnabat Siluius Posthumus, in Assyria verò Æneus decimus nonus Assyriorum Rex, quem diximus ab Eusebio vocari Thineum decimum octauum. Quæ omnia cum istis de quibus nunc agimus temporibus adamussim congruere, patet ex Eusebij Chronicis, vbi prædicta eodem pariter tempore concurrisse inueniuntur. Vnde inferri potest, falsas omnino esse alias de tempore durationis dicti regni opiniones sub anno mundi proximè citato relatas: quandoquidem illæ annorum summæ nullatenus dicti Iudicis & memoratorum Regum temporibus terminare possunt.

2. Eodem tempore cepit regnum Lacedæmoniorum, ut videre est apud Eusebium in Chronicis, vbi successiue ponit nouem ipsorum Reges, & singulorum annos recenset.

AB ORBE CONDITO

ANNVS 2933.

QVARTÆ MVNDI ÆTAT.

ANNVS 390.

IVBILEVS
SEPTIMVS.

ANNO Ducatus Heli trigesimo quarto, necesse est incidisse Iubileum septimum, coincidit enim cum anno introitus filiorum Israel in terram Chanaan trecentesimo quinquagesimo, ut patet in tabulis.

AB ORBE CONDITO

ANNVS 2939.

QVARTÆ MVNDI ÆTAT.

ANNVS 396.

HEBRAEI
A PHILI-
STHÆIS
BIS PRÆ-
LIO VICTI,
ET ARCA
DEI CAPTA,
ET DVO FI-
LII HELI
CAESI, ET
IPSE HELI
MORTVVS
EST.

ANNO Ducatus Heli quadragesimo circiter inchoante, exortum est graue inter Philisthæos ac Israelitas bellum: & cum in primo certamine Iudæi terga vertissent, cecidissentque de ipsis ad quattuor millia virorum; iterum resumptis viribus congregati, tulerunt Arcam fœderis Domini de Tabernaculo, quod remansit in Silo, & asportauerunt eam in castra; rati illius præsentia ac ope proculdubio vel victoriam se de hostibus consecuturos, vel saltem ab ea protectum iri, & ab interitu liberandos. Sed contrà accidit: nam inito cum Philisthæis prælio, triginta millia peditum de Israel cæsa sunt, & Arca Dei capta est, & duo filij Heli, Ophni & Phinees mortui sunt, & ipse Heli annum nonagesimum octauum agens, his auditis, præ stupore & terrore illico de sella retrorsum cecidit, fractisque ceruicibus interijt; nurus autem eius, vxor Phinees, grauida, tali nuntio perterrita, statim magnis correpta doloribus peperit filium, quem vocauit Ichabod, quod Latine interpretatur, Inglorium. per hoc indicare volens, quod capta Arca Dei, translata esset gloria Domini de Israel: 1. Reg. cap. 4. per totum. Oportet autem captam fuisse Arcam mense huius anni circiter septimo; nam septem dumtaxat mensibus mansit in regione Philisthinorum, ut aperte traditur 1. Reg. cap. 6. in principio capituli: & quando remissa fuit in terra Israel, Bethfamitæ met-

m etebant triticum, vt dicitur cap. citato verf. 13. Atqui conſtat, meſſem in terra Chanaan & finitimis regionibus, meſe Anni ſacri primo circiter deſinente, vſque ad initia tertij, nimirum inter Paſcha & Pentecoſten, fieri conſueuiſſe, vt nos ſub anno mundi 2984. num. 1. docuimus. Notandum quoque eſt, quòd præcedentia hæc duo prælia (vt colligitur 1. Reg. cap. 4. verf. 1. & cap. 5. verf. 1.) dicuntur facta iuxta Lapidem adiutorij: qui tamen poſt annos viginti à Samuele erectus ac ſic denominatus fuit, vt nos ſub anno mundi 2959. num. 1. oſtendemus. Ex quo patet, quod aliàs quoque notauiſſus, nempe, quæ in libris Regum, præſertim prioribus, traduntur, poſt plures valdè annos ex quo geſta fuerant, fuiſſe conſcriptæ; & eorum Auſtorem vti locorum nominibus ſuo tempore vſitatis; licet interdum, quando res gerebantur, nondum talia locis illis nomina fuiſſent impoſita.

PRIORIS
REGVM LI-
BROS LONGE
POST
EORVM GE-
STA FUIſſE
CONSCRI-
PTOS.

QUOMODO
HEBRAEI
SVBIDI
FVERINT
PHILIS-
THÆIS.

2. Sanè in memorata Philiſthinorum victoria, probabile eſt eoſdem Philiſthæos abſtulſiſſe etiam Iſraelitis plures vrbes, illas nimirum, de quibus paulò poſt mentionem faciemus; & inſuper impoſuiſſe eis tributa; & vt à ſe ampliùs deſicere non valerent, prohibuiſſe illos ne poſſent arma cuiuſvis generis penes ſe habere, vllàsve inter ſe congregaciones celebrare, quemadmodum ex infrà dicendis apparebit. Credimus item Hebræos, poſt prædictam ipſorum cladem, numquam fuiſſe omnino liberos à Philiſthinorum imperio, vſque ad tempora Dauidis, de quo dicitur 2. Reg. in principio capitis 8. quòd ipſe percuiſit Philiſthæos, & tulit frænum tributi de manu eorum; ſed ſemper eis aliquomodò fuiſſe ſubiectos, licet quandoque magis, & quandoque minùs, prout tempora occaſionesque ferebant, quemadmodum patere poteſt diſcurrendo per ea, quæ hinc ad ipſum Dauidem geſta in Scripturis traduntur: nam iudicante Iſraelem Samuele, certum eſt quòd Philiſthiim dominabantur Hebræis; alioqui Samuel, quando (vt habetur 1. Reg. cap. 7. verf. 3.) hortabatur Iſraelitas vt proiicerent à ſe deos alienos, & ſeruiret ſoli Deo; non ſubdiſſet, *Et eruet vos de manu Philiſthiim*. Et quamquam ſub finem Præfecturæ ipſius Samuelis, Philiſthiim ab Iſraele victi, eidem vrbes quas antea abſtulerant, reddere coacti fuerint, vt cap. Reg. citato verf. 14. legimus: attamen, quòd deinceps quoque à Philiſthæis aliquam ſeruitutem ſubiecti-
onemve ſuſtinerent, inde fit manifeſtum, quòd quando Saul vnctus eſt in Regem ſuper Iſrael, & quando innouatum eſt regnum eius in Galgala, etiam tunc manebat præſidium ſeu ſtatio Philiſthinorum in Gabaa Benjamin, vt dicitur 1. Reg. cap. 10. verf. 5. & clariùs cap. 13. verf. 3. & ibidem verf. 19. vſque ad 22. ſubditur, quòd faber ferrarius non inueniebatur in omni terra Iſrael: cauerant enim Philiſthiim, ne fortè facerent Hebræi gladium & lanceam; & propterea deſcendebat omnis Iſrael ad Philiſthiim, vt acueret vnusquisque vomerem ſuum, & ligonem, & ſecurim, & ſartulum, & tridentem, & vſque ad ſtimulum quo pungi ſolent boues. Quamvis autem crediderim, euſmodi legem Hebræis adeò oneroſam primò Samſonis temporibus fuiſſe introductam, quando Philiſthæi omnimodam poteſtatem habebant ſuper Iſraelitas: (quandoquidem neque ipſe Samſon, qui princeps erat in populo, legitur habuiſſe arma, ſed cum maxilla aſini percuiſſiſſe Philiſthæos:) nihilominus probabile eſt, eamdem legem ab ipſis Philiſthæis fuiſſe renouatam poſt grandem illam victoriam, quam in fine Ducatus Heli de Hebræis conſecuti ſunt; vt ex citatis locis apparet, vbi ſubiungitur, quòd idcirco, id eſt propter eamdem legem, *cum veniſſet dies prelij, non eſt inuentus cuiſ & lancea in manu totius populi, qui erat cum Saule & Ionatha, excepto Saul & Ionatha*. Ex quibus omnibus neceſſariò videtur inferri, quòd quando Philiſthæi compoſita pace ſub Samuele reddiderunt prædictas vrbes Iſraeli, id fecerunt hiſce conditionibus, vt ſcilicet perfeueraret prædicta lex, ne vllus faber ferrarius maneret in Iſrael, qui fabricare poſſet arma bellica, & ideò tenerentur ire Hebræi ad Philiſthæos pro inſtrumentis ruſticis confeſcendis, aut acutendis: & item, vtlicerent Philiſthæis tenere præſidium in Gabaa Benjamin, vt fortè ibi cum Philiſthæis tutò morari poſſent prædicti fabri, ad commodum totius populi Iſraelitici; & item, vt Philiſthiim ibidem commorantes, commodiùs ab ipſo tributa exigere poſſent, & proſpicere ne noui quidquam moliri, aut ne contra eos denudò Hebræi inſurgere tentarent. Licet autem regnante Saule, bis percuiſa fuerit prædicta ſtatio Philiſthinorum à Ionatha, vt dicitur 1. Reg. cap. 13. & 14. redierintque fabri Hebræi ad populum ſuum, vt habetur in eodem c. 14. verf. 21. & præterea multoties euentu vario bellatum ſit inter Iſraelem & Philiſthæos, vt videre eſt in toto lib. 1. Regum: attamen, quia in fine regni Saulis, ipſe Saul & Ionathas filius eius cum toto exercitu ſuo à Philiſthæis percuiſi ſunt, propterea etiam Dauidis temporibus pendebant Hebræi Philiſthæis tributa, vſquequò ipſe Dauid eos humi-

humiliauit, & Israëlẽ ab eorum subiectione penitus exemit. Patet ergo, (quod prius dicebamus) Hebræos ab obitu Heli semper fuisse quoquomodo subditos Philisthæis, donec tandem à Dauide omnino liberati sunt.

AB ORBE CONDITO

ANNVS 2940.

QVARTÆ MVNDI ÆTAT.

ANNVS 397.

ANNVS proximus, intra cuius primos menses Arca Dei ad Hebræos rediit, & in Cariathiarim collocata est, fuit primus Præfecturæ Samuelis. Porro quemadmodum Heli fuerat simul Iudex & Sacerdos, ita Samuel Iudex pariter & Propheta, ipsi namque omnia quæ acciderant domui Heli, à Deo multò antea reuelata fuerant, ut dictum est. Erat autem Samuel de tribu Leui (ut sub anno mundi 2901. num. 2. ostensum est) & propè quadragenarius, quando cœpit iudicare populum, ut ex sub anno mundi 2901. num. 1. dictis colligitur, & pater in tabulis. Quare arbitror, admodum falli Dionysium Carthusianum, & Abulensem, quorum primus super 1. Reg. cap. 13. dicit Samuelem fuisse adhuc adolefcentem, quando statim post obitum Heli cœpit iudicare Israëlẽ: alter super 1. Reg. cap. 7. quæst. 23. dicit, quòd quando mortuus est Heli, Samuel non erat magnæ ætatis, hoc est tantæ, ut deberet fieri Iudex populi; sed quia erat Propheta Domini, & pro tali habitus in tota terra Israël, ut dicitur 1. Reg. cap. 3. vers. 20. idèò, inquit, delectus fuit in Iudicem. Sed hos omittamus, qui proculdubiò aliter dixissent, si tempora accuratiùs metiri studuissent. certum verò est, quòd non annorum diuturnitas, sed virtus præcipuè requirebatur ad constituendos Iudices; alioqui numquam delegissent aut habere consensissent Samsonem in Iudicem, qui ut sub anno mundi 2880. num. 1. probatum est, decem & nouem dumtaxat erat annorum, quando cœpit iudicare populum.

2. Verùm quia dictum est, Samuelem successisse dicto Heli in Principatu; quæret fortasse aliquis, quisnam eidem Heli successerit in Sacerdotio seu Pontificatu. Ad quod dicendum est, id in Sacro quidem eloquio expressum non reperiri: verumtamen, si verum est quod sub anno mundi 2900. num. 2. probauimus, videlicet Pontificatum, ex quo transiuit ad Heli, mansisse deinceps in familia Ithamaris vsque ad initia regni Salomonis; videtur nullus alius potuisse dicto Heli legitimè succedere; nisi Achitob, qui fuit nepos eius, frater nimirum Ichabod filij Phinees, filij eiusdem Heli, ut apertè traditur 1. Reg. cap. 14. vers. 3. nam filij Heli ante patrem mortui sunt, & Ophni nullum legitur filium reliquisse, & alter filius dicti Phinees nomine Ichabod, cum esset posthumus, & propterea infantulus tempore mortis aui sui, ut patet 1. Reg. in calce capitis quarti, non potuit eidem proxime in Sacerdotium succedere. Relinquitur ergo, dicto Heli successisse ipsum Achitob, qui in sacris Scripturis tamquam summus Sacerdos non commemoratur, quòd forte inter alios fuerit valde obfcurus, & nihil scitu dignum gesserit, præsertim cum vixerit temporibus Samuelis, qui non solum ut Dux & Iudex populum in temporalibus regebat atque iudicabat, verùm etiam tamquam Propheta valde clarus, quem omnes libenter auscultabant, ea quoque quæ ad religionem pertinebant, pænè solus administrabat. Ceterùm, quia dictus Achitob (ut colligitur ex collatione eius quod dicitur 1. Reg. cap. 14. vers. 3. cum his quæ habentur cap. 22. vers. 9. 11. & 20.) duos filios habuit, nempe Achiam & Achimelech; qui, quemadmodum ex consequentibus apparebit, ambo vnus post alterum Sacerdotio functi sunt (ex quo obiter inferri potest, Sigonium perperam in suo Pontificum catalogo, qui habetur lib. 5. de Repub. Hebræorum cap. 2. Achiam præterisse) si quis quærat, quot annis ipse Achitob, & singuli eius filij Pontificatum tenuerint; dicimus id certò sciri non posse. Nam licet ex 1. Reg. cap. 14. vers. 3. 18. & 19. apertè colligatur, quòd anno regni Saulis secundo, Achias Sacerdotio fungebatur; & ex cap. 21. quòd anno regni eiusdem Saulis decimoquinto, Achimelech frater dicti Achias summum gerebat Sacerdotium; & quòd eodem anno (ut arbitror) circiter desinente, iussu Saulis octoginta Sacerdotibus cum dicto Achimelech pariter occisis, Abiathar filius eius, de sacrilega illa internecione cum ephod elapsus, venit ad David, & Sacerdotium summum exercuit à dicto Saulis anno exclusiue vsque ad primum regni Salomonis: non tamen vpsiam legimus, quot annos in Pontificatu seorsum exegerint dicti Achitob, Achias, & Achimelech. Quamquam non procul à vero illum aberrare crediderim, qui illos triginta quinque annos, ab obitu Heli ad initium Sacerdotij Abiathar decursos, ita inter tres medios Pontifices dispertiret, ut ipsi Achitob annos viginti,

Achiaz

SAMUEL
IUDEX HE-
BRAEO-
RVM XV. ET
VLTIMVS
PER AN-
NOS 20.

QUI SVCCES-
SERIT HELI
IN PONTIFI-
CATV.

CVR ACHI-
TOB INTER
PONTIFI-
CES NON
SIT COMME-
MORATVS.

QVOT AN-
NIS POSTE-
RI HELI
PONTIFICA-
TVM SIN-
GVLI GES-
SERINT.

Achie decem, & Achimelech quinque circiter tribuendos censeret : quandoquidem talis annorum illorum distributio Sacro textui, si ritè expendatur, admodum quadrare comperietur. Sed iam redeamus ad id vnde digressi sumus, & susceptam historię continuationem prosequamur.

3. Eodem anno non multò antè iam inchoato, quando scilicet Bethsamitæ metebant triticum, quemadmodum sub anno mundi 2939. num. 1. declarauimus, Philisthæi, cum vidissent plurima eademque grauissima, quæ ipsis ac regioni eorum euenierant mala, propter Arcam Dei Israel; nimirum corruisse truncumque iacuisse Dagon deum suum, scedè nimis populum mariscis percussum, & à muribus mirum in modum natis demolitam fuisse terram ipsorum; diuinis ac sacerdotibus idolorum suorum consultis, Arcam Dei Israel post septem menses ex quo capta fuerat, in plauastro nouo imposuerunt, cum quinque anis & totidem muribus aureis, iuxta numerum provinciarum Philisthinorum, pro voto in capsella exolutis; & iunctis plauastro duabus vaccis lactentibus, atque (vt ait Iosephus 6. Antiq. cap. 1.) in truiuo deductis, eas quocumque vellent ire permiserunt, quæ recto itinere venerunt ad terminos Bethsames, stetitque Arca in agro Iosue Bethsamitæ: vbi à Leuitis deposita est; & in eodem loco super lapidem grandem locata, vaccæque super plaustris lignis impositæ, in holocaustum. Domino crematæ sunt, & ibidem victimæ à Bethsamitibus oblata: 1. Reg. cap. 5. per totum, & 6. vsque ad vers. 19. Hanc redditionem Arcæ graphicè refert S. Augustinus lib. 10. de Ciuit. cap. 17. his verbis: *Deinde ipsi (nimirum Philisthæi) prodigijs acti, deformisq; puniti, Arcam diuini testimonij populo, vnde ceperant, reddiderunt. Ipsa autem redditio qualis fuit? Imposuerunt eam plauastro, eiq; inuenetas, à quibus vitulos sugentes abstraxerant, subiunxerunt, & eas quò vellent ire suerunt; etiam hinc vim diuinam explorare cupientes. At illa sine homine duce atque rectore, ad Hebræos viam pertinaciter gradientes, nec reuocata mugitibus efurientium filiorum; magnum sacramentum eius cultoribus reportarunt.* sic S. Augustinus.

4. Cum autem paulò post percussisset Dominus populum plebemque Bethsamitam plaga magna, eò quòd vidissent Arcam Domini, id est quia eam discoopertam curiosè atq; irreuerenter videre ausi essent; quod sub pœna mortis discopertam fuerat Numer. cap. 4. vers. 20. reducta est à viris Cariathiarim in domum Abinadab in Gabaa, & sanctificauerunt Eleazarum filium eius, vt custodiret Arcam: 1. Reg. cap. 6. vers. 19. vsque ad finem, & cap. 7. vers. 1. Erat autem iste Abinadab (vt scribit Iosephus 6. Antiq. cap. 2.) Leuita, opinione religionis ac iustitiæ celebris; vnde idoneum sacrario locum existimant, vbi vir iustus haberet domicilium. Quòd verò dictum est, in Gabaa, non est accipiendum, quatenus Gabaa nomen est vrbs tribus Benjamin, vt patet Iosue cap. 18. vers. 24. nam quæ ibi in editione Vulgata appellatur Gabee, in editione LXX. Interpretum dicitur Gabaa; neque quatenus eadem esset cum Gabaon, quæ est alia vrbs eiusdem tribus Benjamin, à Gabaa diuersa, vt ex loco Iosue citato constat; sed hic accipi debet Gabaa, prout vniuersaliter significat collem fidei celsitudinem; & est ac si dixisset, quæ domus Abinadab erat in colle, seu in altiore parte vrbs Cariathiarim, vt apertè conuincitur ex 1. Paralip. cap. 13. vers. 6. vbi dicitur, quòd *Dauid cum vniuerso Israele ascendit ad collem Cariathiarim, qui est in Iuda, vt asserret inde Arcam Domini Dei*, &c. Ex quibus verbis manifestè infertur, decipi Lyranum, qui putat domum dicti Abinadab fuisse in vrbe Gabaa; & Arcam non tunc immediate de Bethsames ductam fuisse in domum Abinadab, sed post multum temporis. Nam primò quidem, inquit, de Bethsames ducta est in Cariathiarim, inde in Masphath, postea in Galgalis, innox in Nobe, ac postremò in Gabaa, in domum Abinadab: cuius opinionem late efficaciterque confutat Abulensis super 1. Reg. cap. 7. quæst. 10. vsque ad 18. Mansit ergo Arca Dei in domo Abinadab, quæ erat in Gabaa, hoc est in quadam colle vrbs Cariathiarim, annis circiter sexaginta, donec scilicet Dauid vndecimo regni sui anno (vt infra sub anno mundi 2990. num. 1. dicemus) eam inde transtulit, primò in domum Obededom Gethæi, postea in ciuitatem suam, id est in Arcem Sion, quemadmodum fusiùs describitur 2. Reg. cap. 6. per totum, & 1. Paralipom. cap. 13. 15. & 16. tot autem annos inueniri à postremo anno Heliad vndecimum regni Davidis, constare poterit in tabulis. Sanè intra hos annos, non est credendum, Arcam ita iugiter mansisse in domo Abinadab, vt numquam inde mota fuerit: nam ex 1. Reg. cap. 14. versic. 18. certum est, eam fuisse in castris cum Saule, quando Ionathas secundò percussit stationem Philisthinorum. Sed supponere debemus, eamdem aliquando quidem, vrgenti aliqua de causa, de Cariathiarim aliò fuisse allatam: verumtamen semper, causâ cessante, ibi-

CVR ET QVO-
MODO PHILISTHÆI
REMISERINT AR-
CAM DEI IN ISRAEL.

PERCVITIT
DOMINVS
BETHSAMITAS,
QVOD
AVSI SINT
VIDERE AR-
CAM DISCO-
OPERTAM.
REDVCITVR
ARCA IN
GABAA CAR-
IATHIARIM.
QVIS ESSET
ISTE ABINADAB.
QVID NOMINE GABAA
ACCIPIENT-
DVIM.

REFELLITVR
OPINIO LYRANI.

QVAMDIU
MANSERIT
ARCA IN
GABAA CAR-
IATHIARIM.

ibidem tamquam ad locum ordinariæ mansionis suæ fuisse reportatam.

QVOD TA-
BERNACU-
LVM FOE-
DERIS NVM-
QVAM DEVE-
NERIT IN
MANVS PHI-
LISTHINO-
RV M.

5. De Sanctuario autem, seu Tabernaculo fœderis, quod erat in Silo tempore mor-
tis Heli, S. Augustinus, & Euthymius, & alij, super Psalm. 77. exponentes versiculum
illum, *Et replevit tabernaculum Silo; tabernaculum suum, ubi habitavit in hominibus.* pu-
tant, Deum tunc repulisse Tabernaculum illud, quando capta fuit Arca à Philisthæis.
Quorum quidem expositio non sic est accipienda, quasi voluerint indicare, quòd tunc
etiam Tabernaculum ipsum cum Arca & alijs ad ipsum pertinentibus, in Philisthino-
rum deuenierint potestatem; sed potius, quòd tunc, vel non multò post, Hebræi, Deo
per Samuelem præcipiente, qui nolebat Tabernaculum amplius permanere in Silo,
inde illud aliò transfulerint. Quo fit, vt neque quæ in eodem Psalmo subiunguntur, *Et
tradidit in captiuitatem virtutem eorum, & pulchritudinem eorum in manus inimici.* acci-
pienda sint (vt quidam malè exponunt) de virtute & pulchritudine Tabernaculi, sed
ipsius Arcæ: nam nusquam reperimus, Philisthæos cepisse Tabernaculum, sed tan-
tummodò Arcam, quam Hebræi paulò antè de Tabernaculo acceptam in castra de-
tulerant: neque item vsquam legimus, Philisthæos tunc, aut aliàs, vsque in Silo excur-
risse, indeque aliquid asportasse: & si ipsum quoque Tabernaculum Philisthæi abstulif-
sent, probabile est opinari, quòd illud alicubi tetēdissent, & in eo, non autem in templo
Dagon, Arcam posuissent; præsertim posteaquam viderunt Dagon cecidisse coram
ea, & plagas grandes quas eis Dominus immittebat. Et præterea (quod etiam magis
vrget) necessarium esset fateri, eosdem Philisthæos vel tunc quando reddiderunt Ar-
cam, vel aliàs postea etiam Tabernaculum Hebræis reddidisse; alioqui non potuissent
illud idem esse in excelsu Gabaon temporibus Dauidis, quemadmodum expresse tra-
ditur 1. Paralip. cap. 21. vers. 29. his verbis: *Tabernaculum autem Domini, quod fecerat
Moses in deserto, & Altare holocaustorum, ea tempestate* (id est, quando Dauid viderat
Angelum percutientem pestilentia populum) *erat in excelsu Gabaon.* quin etiam tem-
pore Salomonis; qui, vt legimus 2. Paralip. cap. 1. vers. 3. *abijt cum vniuersa multitudine
in excelsu Gabaon, ubi erat Tabernaculum fœderis Dei, quod fecit Moses famulus Dei in
solitudine.* Cum ergo satis constet, ipsum Tabernaculum nequaquam cum Arca fuisse
restitutum; (non enim vnico plauistro, neque à duabus dumtaxat vaccis vehi potuif-
set:) neque vllò alio in loco Scriptura sacra de eiusdem Tabernaculi redditione me-
minerit; manifestum relinquitur, ipsum numquam deuenisse in manus inimici, hoc
est Philisthinorum; sed de Silo vbi fixerat illud Iosue, ab ipsismet postea Hebræis, Deo
sic disponente, aliò (vt consequenter dicemus) fuisse translatum.

QVONAM
DE SILO
FVERIT
TRANSLA-
TVM.

6. Quòd autem primò fuerit de Silo transportatum, non vsquequaque certum est:
quamquam mihi profectò illud videtur admodum credibile, quod tradunt Abulen-
sis super 1. Reg. cap. 7. quæst. 18. & 19. & Franciscus Ribera lib. 1. de Templi fabrica
cap. 2. num. 6. nimirum, de Silo Tabernaculum primò, ob causam à nobis infra sub an-
no mundi 2974. n. 4. adducendam, translatum fuisse in Nobæ, vbi postea Achimelech
Sacerdos dedit Dauidi esurienti, atque à facie Saulis fugienti, panes propositionis, vt
describitur 1. Reg. cap. 21. vers. 6. Nobæ autem vrbe Sacerdotum à Saule destructa, de-
portatum fuisse, ipso fortassis iubente Saule, qui erat de tribu Beniamin, in excelsu
Gabaon, in eadem tribu existens; vbi, vt supra probatum est, postea mansit vsque ad
tempora Salomonis; à quo creditur inde trāslatum fuisse in templum à se constructum
in Ierusalem, vt colligi potest ex 3. Reg. cap. 8. vers. 4. & ibidem asserit Abulensis quæst. 2.
Quamquam non propriè in templo, vbi erat Arca, positum fuerit; sed in vno ex su-
terioribus templi cœnaculis, cum altero tabernaculo quod postea fecerat Dauid, &
cum virga Aaronis quæ mirabiliter floruerat, & vna aurea plena Man, & eiusmodi
alijs asseruatum, donec demum, in eiusdem templi à Chaldeis conflagratione, omnia
combusta consumptaque sunt.

ISBOSETH
FILIVS SA-
VLIS NASCI-
TVR.

QVID AGE-
RET SAMVEL
PRAEFEC-
TVR AE
SVAE TEM-
PORIBVS.

7. Eodem anno primo Ducatus Samuelis, oportet Saulem genuisse filium suum
Isboseth, qui eidem in regno successit: erat enim Isboseth quadraginta annorum
quando regnare cœpit post Saul patrem suum, vt dicitur 2. Reg. cap. 2. vers. 10. tot
autem anni computantur in tabulis à primo Ducatus Samuelis ad primum regni Isbo-
seth: si tamen vera est opinio Abulensis, quam sequimur, quòd scilicet ipse Isbo-
seth statim post mortem patris regnare cœperit; non autem post aliquot annos, vt
putat Caletanus.

8. Ceterum Samuel, intra totum ferè tempus Praefecturae suæ, hoc est intra primos
decem & nouem annos, seu vsque ad initium vigesimi anni, ex quo mansit Arca Dei
in Cariathiarim, cupiens liberare populum suum de seruitute Philisthinorum, & probè
intel-

intelligens id nullo modo fieri posse, nisi prius remota causa, quæ erat præuicatio & auersio eiusdem populi à cultu Dei sui, non cessabat omni sollicitudine ac totis viribus vacare his quæ pertinebant ad salutem populi, præsertim verò ut eum ab idolis reuocaret, & ad veri Dei cultum perduceret: & propterea discurrebat per singulos annos de vrbe sua Ramatha in Bethel, & in Galgala, & in Masphath, atque in singulis hisce locis, in quibus ad commodiores populi opportunitates solebat iudicare Israelitas, & eorum causas decidere, hortabatur, & nihil non faciebat, ut ipsi in animum inducerent auferre à se deos alienos, & seruire Deo soli, pollicebaturque si id facerent, quòd proculdubio erueret eos Dominus de manu Philisthinorum. Atque hoc pacto populus huiusmodi cohortationibus Principis ac Prophetæ sui permotus, paulatim ab idololatria discedebat, & ad Deum suum conuertebatur: ita ut tandem, anno vigesimo circiter incipiente, requieuerit omnis domus Israel post Dominum, ut dicitur 1. Reg. cap. 7. vers. 2. vbi deinceps per recapitulationem, quæ prius fecerat Samuel pro Israelitarum conuersione, subiunguntur. Quoniam autem quodammodò ad proportionem conuersionis populi, fiebat quoque manus Domini (subintellige, in malum) super Philisthæos cunctis diebus Samuelis, ut cap. citato vers. 13. dicitur; contigit etiam, inchoante prædicto anno vigesimo, quando scilicet omnis pænè Israel conuersus est ad Dominum, ut ipsi etiam Philisthæi pænè omnino deuicti fuerint, & quasi à tota terrâ Israel profligati, quemadmodum infra sub anno mundi 2959. num. 1. dicemus. Et hæc quidem omnia, licet subobscure, & quodammodò promiscue, in dicto Reg. capite descripta inueniantur; tamen hoc, quo nos tradidimus, ordine acta fuisse, accipienda sunt: alioqui multa sequerentur absurda, quæ nunc breuitatis studio prætereunda esse duximus.

AB ORBE CONDITO

ANNVS 2950.

QVARTÆ MVNDI ÆTAT.

ANNVS 407.

I NNO vndecimo ab obitu Heli, siue ab initio Ducatus Samuelis, inchoante, natus est Dauid filius Isai, seu Iesse, ut colligitur ex 2. Reg. cap. 5. vers. 4. vbi dicitur, quòd triginta annorum erat Dauid cum regnare cœpisset: totidem verò inueniri ab hoc anno ad primum regni Dauidis, liquet ex tabulis. Expleuerat autem Isai tunc annum ætatis suæ nonagesimum quintum, quando natus est ei Dauid, ut patet in tabulis, & sub anno mundi 2748. num. 3. probatum est.

IESSE GEN-
NIT DA-
VIDEM.

2. In fine eiusdem anni, qui iuxta Eusebium fuit à morte Heli duodecimus, iuxta nostrum verò computum, vndecimus, necesse est mortuum esse Thineum Assyriorum Regem: siquidem in fine huius anni, expleuntur triginta anni, quibus ipse regnasse perhibetur, quemadmodum videre est apud Eusebium in Chronicis.

THINEVS
ASSYRIO-
RVM REX
MORITVR.

AB ORBE CONDITO

ANNVS 2951.

QVARTÆ MVNDI ÆTAT.

ANNVS 408.

I NNO immediatè sequenti circiter inchoante, regnauit in Assyria Dercilus, qui fuit Rex Assyriorum vigesimus nonus, ut ibidem scribit Eusebius.

REGNAT IN
ASSYRIA
DERCILVS.

AB ORBE CONDITO

ANNVS 2959.

QVARTÆ MVNDI ÆTAT.

ANNVS 416.

I NCHOANTE anno vigesimo, ex quo mansit Arca Dei in Cariathiarim, siue (quod idem est) ab initio Ducatus Samuelis, videns Samuel quòd iam pænè omnis domus Israel requieuisset post Dominum, ut dicitur 1. Reg. cap. 7. vers. 1. congregauit vniuersum Israel in Masphath, vbi Israelitæ proiectis à se omnino dijs alienis, Baalim & Astaroth, effusaque aqua in conspectu Domini, in signum siue submissionis, ut exponunt Rabbinii; siue contritionis, ut putat Abulensis; siue perfectæ abdicationis idololatriæ, ut Caietanus; ieiunantes & orantes, veniamque transgressionum suarum postulantes, conuersi sunt ad Dominum. Cumque ibi ex improviso Philisthæi cum principibus Tyriorum (quemadmodum aperte colligitur Ecclesiastici c. 46. vers. 2. 1.) conglobati, & magno impetu factò irruissent in eos; ipsique statim rogassent Samuelem ut pro ipsis Dominum deprecaretur; & ille protinus lactentem vitulum Domino in holocaustum obtulisset: ecce, ipso Samuele orante, & Domino tonitruis, tempesta-

HEBRAEI A
SAMVELE IN
MASPHATH
CONGREGA-
TI PROI-
CIUNT ASE
IDOLA.

MAGNAM
REPORTA-
TANT DE
PHILISTHÆIS
VICTORIAM,
ET AMISSAS
VRBES RE-
CUPERANT.

tibus, ac terræmotibus horribilibus hostes mirabiliter perterrente, grandem Hebræi de Philisthæis consecuti sunt victoriam, inter Masphath & Sen, vbi ad perpetuam rei memoriam magnum Samuel erexit saxum, quem vocauit Lapidem adiutorij Et denique rebus cum hoste compositis, recuperauerunt Israelitæ omnes vrbes quas prius amiserant, ab Accaron vsque Geth: 1. Reg. cap. 7. vers. 4. vsque ad 15. nam quæ ibidem vsque ad finem capitis subiunguntur de Samuele, quod scilicet iudicabat Israelæm circueins per singulos annos Bethel, & Galgala, & Masphath, ac rediens in Ramatha vbi habitabat, erexeratque altare Domino, hæc, inquam, quæ ante dictam victoriam à Samuele fieri solebant, per recapitulationis figuram posterius transposita sunt. Nam alioqui constar, quod non multo post memoratam victoriam, Samuel, electo Saule in Regem, deposuit Principatum, vt numeris insequentibus dicemus.

SAMUELSE-
NEX SVBSTI-
TVIT SIBI
FILIOS.

2. Eodem anno, non multo (vt arbitror) post prædicta, Samuel, cum iam seniuisset, (erat enim tunc propè sexagenarius, vt videre est in tabulis) aduertissetque se amplius præ senectute non posse singulis annis ad prædicta loca, quemadmodum prius consueuerat, discurrere, vt iudicaret populum, substituit sibi duos filios suos Iudices populi in Bersabee: 1. Reg. cap. 8. vers. 1. Nemini autem mirum videatur, quod Samuel ante electionem Saulis in Regem dicatur senex, qui ex quo Saul regnare cœperat, etiam decem & octo annos superuixit: quandoquidem etiam Abraham & Sara dicuntur fuisse senes quando genuerunt Isaac, & tamen vterque superuixit multis annis; nimirum Abraham septuaginta, & Sara septem & triginta, & Isaac erat senex centum & quadraginta octo annorum (vt patet in tabulis) quando benedixit filio suo Iacob; & tamen deinceps etiam vixit triginta duobus annis, videlicet vsque ad annum 180.

HEBRAEI
POSTVLANT
CONSTITVI
SVPER SE
REGEM.

3. Sub finem eiusdem anni (videlicet mense circiter nono, aut decimo ineunte, vt ex sub anno mundi proximo num. 1. dicendis patebit) videntes Israelitæ quod filij Samuelis non ambulant in vijs patris sui, sed declinassent ad auaritiam, & mûnera accipientes peruerterent iudicia: ex alia verò parte audientes quod Naas Rex Ammonitarum aduersus ipsos bellum suscipere pararet, vt colligitur 1. Reg. cap. 11. vers. 1. & c. 12. vers. 12. venerunt vniuersi seniores populi ad Samuelem in Ramatha, postulantes vt constitueret super Israel Regem. Quæ petitio, primò quidem ex humana infirmitate, displicuit Samueli; quod ad sui filiorumque suorum submissionem redundaret: verumtamen cum esset vir sanctus, & Deo in omnibus obtemperare paratus; illicò ad ipsum Dominum precandum consulendumque occurrit, vt quid magis ei placitum esset intelligeret: à quo edoctus, senioribus quidem, in eo quod petierant, obsequi non recusauit; verumtamen prius operæpretium duxit, contestari eis ius Regis, id est, ipsis ante oculos ponere aliqua eorum, quæ quasi in ius proprium vindicare sibi per potentiam solebant Reges; vt ex paucis plura discere liceret: sunt autem eiusmodi; puta, subditos in suam pæne omnino redigere seruitutem, & habere tamquam seruos; eorum filios & filias, seruos & ancillas, pro libito ad sua suorumque seruitia & commoda destinare; agros, & vineas, & oliueta, & optima quæque eorumdem sibi accipere, & in proprios vsus conuertere, & alia his similia facere: non quod verè Reges tale ius haberent, aut quidquam licitè possent moliri contra ius diuinum ac naturale, sicuti ea quæ proximè retulimus, proculdubio esse manifestum est; sed, quia omnia sibi licere putarent. Nam alioqui esto, quod interdum plura pro communi bono, & iusta vigente necessitate, à subditis etiam inuitis extorquendi ius habeant; certè, non ad propriam tantum vilitatem & commodum, vt latè probat Abulenſis super 1. Reg. cap. 8. quæst. 19. vsque ad 24. Quare, quod hic Scriptura sacra vocat *Ius Regis*, tamquam improprie vsurpatum, nimirum quia ipsi Reges sic putabant; vel etiam, vt vulgò (quod iste abusus iam quasi pro vsu probato ac iuridico inoluisse) credebatur, accipiendū est. De his ergo potissimum malis, quibus subditi à propriis Regibus valde opprimi solebant, placuit Samueli annuente Deo populum præmonere, si fortè horum consideratione eum à proposito deterterri contingeret. At verò, vt vidit Samuel quod illi nihilominus in sententia persistenterent, iterum consulto Domino, intellexit petitioni eorum omnino esse indulgendum: quod & paulò post haud cunctanter præstitit, vt infra num. 5. dicemus.

SAMUEL
CLAM VN-
GIT SAULEM
REGEM SV-
PER ISRAEL.

4. Interèa contigit vt Saul, missus ad perquirendas afinas patris sui, declinaret ad consulendum de ipsis Samuelem: de quo communis opinio erat apud omnes, quod quidquid ipse futurum prænuntiaret, sine vlla dubitatione eueniret. Vt primùm ergo Saulem vidit Samuel, Dei monitu honorificè eum suscepit ad prandium, & altera die clam vixit in Regem super Israel, ac dimisit, prædicens omnia quæ ventura ei erant in itinere, vt ex eorum euentu firmiter quoque posset arguere, omnino etiam fore im-
plenda,

plenda, quæ eidem de regno vaticinatus fuerat: 1. Reg. cap.9. per totum, & cap.10. vers.1. vltque ad 17. Porro inter cetera quæ prædixit Samuel Sauli, illud admodum memorabile videtur, quod cap.10. proximè citato vers.5. refertur his verbis: *Post hæc venies in collem Dei, ubi est statio Philisthinorum; & cum ingressus fueris ibi urbem* (hoc est Gabaa Benjamin, vt paulò pòst probabitur) *obuium habebis gregem Prophetarum descenduntium de excelsu, & ante eos psalterium, & tympanum, & tibiam, & citharam, ipsosque prophetantes* (id est laudes Deo canentes, vt sub anno mundi 2545. num. 14. probatum est,) *& insiliet in te Spiritus Domini, & prophetabis cum eis, & mutaberis in virum alium.* quæ omnia adamussim euenisse, ibidem infra vers.10. narrantur. Dixi, urbem, in qua Saul obuium habuit prædictum cuneum Prophetarum, fuisse eam quæ dicebatur Gabaa Benjamin, eratque patria eiusdem Saul, vt colligitur ex eodem cap. vers.26. vbi dicitur, quòd Saul abiit in domum suam in Gabaa: nam & ibi erat statio Philisthinorum, vt patet cap.13. vers.3. & ibidem (quemadmodum subiungitur 1. Reg. cap.10. vers.11.) qui nouerant Saulem heri & nudius tertius, id est eius cōciues, videntes quòd Saul esset cum Prophetis, & prophetaret, admirati dixerunt ad inuicem: *Quanam res accidit filio Cis?* Numquid & Saul inter Prophetas? Vbi etiam Scriptura sacra profectur narrans, quòd cum Saul cessasset prophetare, venissetque ad excelsum, hoc est, ascendisset prædictum collem, interrogauit eum patruus eius, *Quòd ipse puerque eius abiissent?* cui responderunt: *Quærere asinas, quas cum non reperissemus, venimus ad Samuelem.* Rursus ille Sauli: *Quid dixit tibi Samuel?* Ipse verò: *Indicauit, inquit, nobis, quia inuentæ essent asinæ.* Ex his ergo cum Abulense inferri potest, dictam ciuitatem verè fuisse patriam Saulis, in qua patruus, & reliqua cognatio eius, & cōciues habitabant; alioqui non esset verisimile, quòd ibi patruus eius interrogasset: *Quòd abiisset?* potius enim dicere debuerat: *Ad quid huc venisti?* si ibidem ipse quoque Saul manere non consueuisset: neque illius urbis homines tam benè potuissent nosse Saulem quòd non esset Propheta, & mirari quòd cum Prophetis graderetur prophetaretque.

5. Post paucos (vt arbitror) dies, Samuel, conuocato populo in Maspha, comitiorum; hoc est creandi Regis causa, primò quidem exprobrauit eidem populo peccatum ab eodem in Regis petitione commissum. Vel potius exprobrauit Samuel populo peccatum, non quod contra se, sed contra Dominum commiserat, subrahendo se ab illo peculiari regimine, quo ab ipsomet Deo gubernari consueuerat, ex quo post datam ab ipso, acceptatamque ab Israelitis Moysaicam Legem, Deus singulari quadam dilectione elegerat eos sibi in populum peculiarem de cunctis Gentibus, vt dicitur Deuter. cap.7. vers.6. & repetitur cap.14. vers.2. & cap.26. vers.18. siquidem ab eo tempore Hebræi, non vt ceteræ nationes, à mundanis Regibus plenum in eos dominium habentibus regebantur, sed principaliter quidem ab ipso Deo supremo omnium Rectore, ac speciali etiam ipsorum Principe: secundariò autem à Iudicibus, qui non habebant regiam potestatem, vt paulò pòst probabitur, sed erant veluti Reipub. Moderatores, & diuinæ voluntatis Interpretes, & tamquam ministri ac vicarij ipsius Dei supremi Hebræorum Regis. Inter quos speciales Dei ministros computamus etiam Moysen & Iosue, non tamen sub nomine Iudicum; quia licet ipsi quoque eodem pænè modo quo Iudices populum regerent, erant tamen longè maioris auctoritatis, quàm vmqum fuerint qui postea dicti sunt Iudices. Quòd autem ipse Deus, qui est super omnes Rex regum & Dominus dominantium, speciali quadam ratione tunc diceretur dominari Hebræis, & regnare super eos, non obscurè colligi potest ex his quæ Gedeon, quando (vt sub anno mundi 2601. num.2. probatum est) volebant Israelitæ constituere eum Regem, respondit dicens: *Non dominabor vestri, neque dominabitur in vos filius meus; sed dominabitur vobis Dominus:* Iudic. cap.8. vers.23. & item ex his quæ Samuel 1. Reg. cap.12. vers.12. dicebat coram vniuerso populo non sine admiratione quòd peterent Regem qui imperaret eis: *Cum Dominus Deus vester* (inquiens) *regnaret in vobis.* Et adhuc clariùs ex verbis ipsiusmet Domini, quæ 1. Reg. cap.8. vers.7. dixerat Samueli: *Non enim te abiecerunt, sed me, ne regnem super eos.* aperte contestans, quòd in illa Regis humani petitione, abiecerant Deum ne eo speciali quo diximus, & infra magis explicabimus, modo regnaret super eos, & insipienter, ne dicam impiè, tam sancto atque honorato regimini, quod propriæ ipsorum libertati nihil prorsus præiudicabat, renuntiantes, mallent habere Regem sicut ceteræ habebant nationes, qui more aliorum terræ Regum, id est iuxta regni legem suprà num.3. relatam, ipsis omnino dominaretur, atque in seruitutem eos redigeret. Et hoc arbitror esse peccatum, quod exprobrauit populo Samuel, quod Dominus sola dictæ petitionis concessione puniuit. Vel ingrati-

CVR PRÆ-
DIXERIT
OMNIA,
QUAE VEN-
TURA BI-
ERANT IN
ITINERE.

QVOD SAVI
IN PATRIA
SVA PRO-
PHETAVER-
IT INTER
ALIOS PRO-
PHETAS.

DE PECCATO
HEBRAEO-
RVM IN RE-
GIS PETI-
TIONS COM-
MISSO.

dinis erga ipsum Samuelem, à quo fuerant (vt suprà num. 1. dictum est) ab idolis ad veri Dei cultum reducti, & panè à Philisthæis ipsorum hostibus liberati. De quo peccato videnda sunt quæ latè differit Abulensis super 1. Reg. cap. 8. quæst. 9. & sequentibus. Deinde applicuit Samuel omnes tribus Israel, ceciditque fors in tribu Benjamin, quam cum per cognationes & domos virosque successiuè applicuisset, peruenit fors vsque ad Saul filium Cis. Quem cum in vniuersali illo conuentu non comperissent, consulto Domino, vt cognouerunt quòd domi lateret, confestim ad eam accurrentes, tulerunt eum inde, & adductum in medio populi constituerunt Regem super Israel. Samuel autem scripta ac publicata lege regni, dimisit populum; abiitque Rex cum parte exercitus & ipse in domum suam in Gabaa, dissimulans audire quosdā qui eum despexerant, & munera eidem adferre neglexerant: 1. Reg. cap. 10. vers. 17. vsque ad finem capituli. Igitur cum res Hebræa ab initio Præfecturæ Othonielis, iam per annos fermè trecentos sexaginta, vt dinumerari potest in tabulis, à Iudicibus administrata fuisset; tandem diuinitus, vt relatum est, per Samuelem postremum Iudicem Saul primus Hebræorum Rex creatus fuit, sub finem postremi, hoc est vigesimi anni Præfecturæ Samuelis. Vnde annus regni Saulis primus, ferè totus concurret cum anno sequenti, vt videre est in tabulis. Hoc autem diffidebat inter statum Reipub. Hebræorum sub Iudicibus, ab eo qui mox fuit sub Regibus; quòd tamen si vterque status sub Monarchis fuisse quodammodò dici possit; (quia Iosephus 11. Antiq. cap. 4. Iudices appellat Monarchas, quòd fortè ab illorum sententia appellare non fas esset,) attamen verè ipsi Iudices, vt dictum est, non erant Reges aut Monarchæ; nec eorum potestas in populo tanta erat, quanta postmodum fuit Regum: quandoquidem Iudices neque diadema, proprium supremæ potestatis insigne, sibi vique imponuisse legimus; neque hereditario iure sibi inuicem succedebant, vt Reges; sed speciatim diuino quodam fauore excitabantur, vt à populo ad sui commodum eligerentur vel reciperentur. Et item ipsi non imperabant exigebantque à populis tributa, sicuti postea solebant Reges; sed tantummodò subditorum quæstiones dirimere, & ipsos ab hostibus, cum opus esset, defendere, & alia eiusmodi, ad publicam ipsorum vtilitatem spectantia, agere ac perficere sedulò curabant; non quæ sua essent quærentes, sed quæ comuni bono ipsius populi magis conducere viderent. Itaque Iudicum potestas nihil violentum, nihil tyrannicū in se habebat; sed tota ciuilis erat, & ad bonum communis directæ atque instituta. Ex quo apparet, quantum differret à regia mundanaque dominatione, quæ sæpius, propter peccata populorum (Deo sic permittente) ad propria magis quàm subditorum commoda deflexisse videtur; & interdum quoque (in Principibus à fide Catholica alienis) ad manifestam peruenisse tyrannidem. Erant igitur Iudices non veluti Reges terreni, merum & mistum imperium in subditos exercentes, & cuncta ex propria libidine moderantes; sed tamquam particulares quidam diuini Regis ministri, seu vice gerentes, vt suprà dictum est. Vnde non modica fanè rerum mutatio tunc temporis facta est, quando abrogato Iudicum regimine, constitui cœperunt Hebræorum Reges. De quibus antequam dicere incipiamus, illud hoc loco obiter adnotandum duximus, quòd prædictorum Iudicum temporibus in Græcia floruisse dicuntur Linus & Orpheus Poëtæ, & Musici antiquissimi, quorū meminit Virgilius Ecloga 4. dicens:

Non me carminibus vincat nec Thræcius Orpheus,

Nec Linus —

LINUS ET
ORPHEVS.

QVOT AN-
NOS ESSET
NATVS
QVANDO
AD REGNVM
FVIT AS-
SVMPTVS.

6. Quoniam autem 1. Reg. cap. 13. vers. 1. legimus, quòd *filium vnius anni erat Saul cum regnare cepisset*, (quæ utique verba perspicuum est, non esse accipienda prout sonant ad litteram, quandoquidem capite 10. vers. 23. traditur, quòd idem Saul in eius electione quando stetit in medio populi, altior fuit vniuersis ab humero & sursum; sed in eo sensu accipi debent, quem nos infrà sub anno mundi 2961. num. 3. indicabimus:) quæret hinc fortasse aliquis, quotnam Saul annos haberet ætatis, quando factus est Rex. Ad hoc dicimus, quòd licet id Scriptura sacra non astruat, possumus tamen satis probabiliter credere, ipsum tunc fuisse annorum circiter nouem & triginta: nam ipse regnavit annis viginti; & Isboseth, qui (vt colligitur 1. Paralipom. cap. 8. vers. 33. & cap. 9. vers. 39.) alio nomine dicebatur Esbaal, eratque filius eius in ordine quartus, successit ei in regno annos natus quadraginta, vt dicitur 2. Reg. cap. 2. vers. 10. Neque verisimile est, aut vsquam legimus, Saulem genuisse ante consuetum naturæ cursum, hoc est ante decimumquartum aut decimumquintum ætatis suæ annum: neque item probabile est, quòd multò post, puta anno vitæ suæ vigesimo, vel in prouectiori ætate Saul generare cœperit, quia sequeretur, Saulem fuisse sexaginta quattuor annorum, vel amplius, quando

quando mortuus est in bello. Atqui hoc repugnare videtur his quæ de ipso dicuntur 1. Reg. cap. 28. vers. 8. 20. & 25. nimirum quod paulò ante eius obitum, mutato habitu, profectus est cum duobus viris ad Pythoniissam in Endor itinere vnus diei, sine cibo; & responso ab ea accepto, ambulans tota nocte reuersus est ad castra: & item his quæ habentur 2. Reg. cap. 1. vers. 19. vsque ad finem; vbi in planctu illo, quem fecit Dauid super morte Saulis & Ionathæ, toties commemoratur robur & fortitudo ipsorum, illis verbis: *Clypeus fortium clypeus Saul. Gladius Saul non est reuersus inanis. Saul & Ionathas aquilis velociores, leonibus fortiores. Quomodo ceciderunt fortes? quomodo ceciderunt robusti?* & his similia. Ex quibus omnibus fit manifestum, quòd Saul erat adhuc fortis robore, & validus ad pugnandum atque ad alios belli labores sustinendos, quando occisus in prælio fuit, & consequenter non videtur probabile, quòd tunc esset sexaginta quattuor annorum, aut senior, sed potiùs ad summum sexagenarius. quod si verum est, oportet (vt diximus) ipsum fuisse annos natum circiter triginta nouem, aut quadraginta, quando electus fuit in Regem. Nullatenus ergo admittenda est opinio Melchioris Cani lib. 11. Locorum Theologicorum cap. 5. ad 12. existimantis textum 1. Reg. cap. 13. vers. 1. esse corruptum seu mancum, & pro *filius vnus anni*, debere legi *filius viginti & vnus anni*. Neque item audiendi sunt, qui pariter (vt refert Dionysius Carthusianus super cap. lib. 1. Reg. citato) putabant Saulem fuisse viginti & vnus annorum quando regnare cœpit, id elicientes ex citati capitis initio, vbi legitur: *Filius vnus anni erat Saul cum regnare cœpisset*, hoc est, vt ipsi exponebant, vnus anni supra vigesimum; quoniam (inquiunt) apti ad pugnam recenseri solebant à viginti annis & supra, vt patet Num. cap. 1. vers. 3. Insulsa sanè expositio, ex qua sequeretur, Saulem vno tantum anno fuisse seniore filio suo Isboseth. Non est etiam probanda quædam lectio loci Regum allegati, relata in quodam scholio, ad dictum cap. in editione LXX. Interpretum adiecto, quæ sic habet: *Triginta annorum erat Saul cum regnare cœpisset*: quia sequeretur, ipsum Saul anno vitæ suæ septimo genuisse filium suum primogenitum Ionathan, & octauo secundum Melchisua, & nono tertium Abinadab, & decimo quartum Isboseth, quod videtur omnino impossibile.

7. Post mensem ferè vnum ab electione Saulis in Regem, vt paulò post probabitur, viri Iabes Galaad ab Naas Rege Ammonitarum obsessi, & in angustiis magnis positi, miserunt nuntios in Gabaa Saulis, petentes ab eo auxilium, (dicitur autem hæc Gabaa Saulis, 1. Reg. cap. 11. vers. 4. quia in ea habitabat Saul, vt intelligamus hanc esse Gabaa tribus Beniamin, ad differentiam alterius Gabaa, quæ erat in tribu Iuda, vt patet Ios. cap. 15. vers. 57.) Porro Saul, his auditis, statim spiritu Dei accensus, concisis in frustra bobus suis quos sequebatur, & transmissis eorum partibus in omnes terminos Israel, protulit edictum in hæc verba: *Qui non secutus fueris Saul & Samuel, sic fiet bobus eius.* Quo audito, confestim congregatus est vniuersus populus, & recensit Saul in Bezech trecenta millia virorum de Israel, & triginta millia de tribu Iuda, & diuiso in tres partes exercitu, atque in vigilia matutina derepentè à tribus lateribus simul aggressus hostium castra, irruit aduersus Ammonitas, percussitque ac profligauit eos, vt latius describitur 1. Reg. cap. 11. vers. 1. vsque ad 12. Dixi hæc contigisse vno ferè mense post electionem Saulis in Regem; quia sic expresse habent textus emendatiores loci citati, vt videre est in editione tum Vulgata tum LXX. Interpretum, quæ Romæ postremò recognitæ prodiderunt: & prædictum caput 11. sic exordiantur: *Et factum est quasi post mensem, ascendit Naas Ammonites*, &c. & item, quia Iosephus lib. 6. Antiq. sub finem capituli 5. expresse testatur, prædictum bellum gestum fuisse post vnum mensem ab electione Saulis. Vnde arbitror corruptos diminutosque hac in parte esse textus illos Hebraicos, in quibus asserit Caietanus non reperiri verba illa, *Et factum est quasi post mensem*, &c. & pariter codices illos Hebraicos, Latinos, Græcos, & Chaldaicos, ex quibus desumpta est editio Bibliorum Regionum, vbique enim ibi prædicta verba deficiunt: atque adiicienda esse credimus. Porro iste prædictorum verborum defectus, qui etiam nunc in quibusdam Sacris codicibus reperitur, vt puto, in causa fuit, vt sanctus Eucherius cap. 12. Commentariorum suorum in 1. Reg. dixerit, quòd *Saul vno anno postquam electus fuit Rex, in domestica domo sedens, dissimulauit se esse Regem; reliquis duobus annis publicè indicauit omnem Israellem, tenens obedientiam cum humilitate; & hoc fuit antequam transgrederetur præceptum Domini in Amalecitas: reliquo tempore quo vixit & imperauit, transgressum mandati Domini exitit.* hucusque S. Eucherius. Qui si in suo Sacro codice prædicta verba habuisset, profectò (vt arbitror) non dixisset, Saulem toto primo suæ electionis anno in priuata sedisse domo, ac se esse Regem dissimulasse. Ere-

SAVL FELICITER PUGNAT CONTRA AMMONITAS.

PROBATVR PRAE DICTVM PRAE LII TEM. PVS.

EXCVSATVR S. EVCHE-RII LAPSYS.

nim hoc si verum esset, sequeretur, prædictum bellum contra Ammonitas accidisse post annum, non autem quasi post mensem, vt Scriptura asserit, quemadmodum monstratum est. Ceterum antequam Naas Rex Ammonitarum obsidere cœpisset Iabes urbem primariam Galaaditarum, oportet (ad mentem S. Hieronymi super c. 1. Amos) supponere, ipsum Naas prius vi occupasse plures alias ipsorum vrbes minùs munitas, & crudelia multa in eis patrasse, ac præsertim illud de quo (Amos cap. 1. vers. 13.) increpat Dominus ipsos Ammonitas, & prædicit eis multa mala, eò quòd dissecuerint prægnantes Galaad ad dilatandos terminos suos. id est, gladiis perfoderint prægnantium ventres, vt etiam necdum natos extinguerent, atque ita ipsi & posterorum ciuitates Galaaditidis inhabitare, in ipsisque terminos regionis suæ latius extendere possent. Hæc enim post dictam Iabes obsidionem facere non potuerunt, quoniam ante captam urbem, ipsi à Saule (vt diximus) profligati sunt.

AB ORBE CONDITO

QUARTÆ MVNDI ÆTAT.

ANNVS 2960.

ANNVS 417.

QUANDO
INNOVA-
TVM EVE-
RIT RA-
GNVM SAV-
LIS.

ANNO primo regni sui iam per quattuor circiter menses inchoato, Saul parta ingenti de Ammonitis victoria, iterum constitutus sollempniterque confirmatus est Rex in Galignis: ibi enim innouatum est regnum eius summo omnium consensu, & magna totius populi lætitia, vt describitur 1. Reg. cap. 11. vers. 12. vsque ad finem capituli. Oportet autem id contigisse mense circiter secundo anni sacri tunc currentis, vt colligitur ex cap. 12. vers. 17. vbi notatur, quòd tunc erat messis tritici. Porro iam sæpius probatum est, messes tritici in calidioribus illis regionibus inter Pâcha & Pentecosten fieri consueuisse. Quare hinc perspicue infertur, quòd à tempore quo Arca Dei de terra Philisthinorum deuenit in Bethsames, quando Bethsamitæ metebant triticum, vsque ad hanc regni Saulis innouationem, quæ pariter triticæ messis tempore facta est, interfluxerunt præcisè anni viginti, vt supra dictum est, qui attribuantur Ducatui Samuelis.

QUARE FCE-
RITSAMVEL
DEPONENS
PRAEFECTVM
RAM SVAM
CORAM RE-
GE ET PO-
PVLO.

2. In hac celebri innouatione seu confirmatione regni Saulis, Samuel, veluti renuntians Præfecturæ suæ coram Rege & omni populo, ostendit quàm innocenter se gesserit in ea: quod sanctus vir, non tam ad sui commendationem, quàm ad successoris exemplum, diuino instinctu fecisse creditur. Deinde redarguit populum ingritudinis erga Deum, à quo cùm tanta beneficia accepisset, ac toties de manibus hostium liberatus esset, ipse nihilominus econuersò antiquis præuaricationibus nouas semper addiderit: quamobrem hortatus est eos, vt tandem inducerent animum omnes cum Rege suo timere Dominum, & seruire ei semper; alioqui certò scirent, Dominum eis plurima aduersa calamitatesque grauissimas immisurum. Vt autem hæc quæ dicebat, arctius in audientium cordibus infigerentur, inuocauit Samuel Dominum, ac precatus est eum cunctis audientibus, vt manifesto aliquo cælesti signo comprobare dignaretur, vera esse quæ dixerat; qui statim mirabiliter horrificas de cælo dedit voces & pluuias, quibus omnes valde perterrefacti, publicè palamque fatebantur, se in petitione Regis grauiter deliquisse, ac proinde veniam à Deo postulantes, precabantur Samuelem vt pro ipsis orare non desisteret. quod ille, pro sua charitate, se facturum repromisit, iterum cohortans eos, vt manere satagerent in timore Domini, ne ipsi pariter cum Rege suo perirent. Quæ omnia explicatiùs traditùr in toto cap. 12. lib. 1. Regum.

QUALIS ES-
SET SAUL
QUANDO
FACTVS EST
REX.
EXPO-
NITVR LOCVS
I. REG. C. 13.
VERS. 1.

3. Ceterum Saul, quando electus fuit Rex, erat vir bonus & rectus, & non erat vir melior illo in filiis Israel, vt dicitur 1. Reg. cap. 9. vers. 2. cuius bonitatem ac simplicitatem Scriptura sacra etiam cap. 13. vers. 1. figurata illa locutione indicat, dicens: *Filius vnus anni erat Saul cùm regnare cœpisset.* quæ verba, iuxta germanam sancti Gregorij, Ruperti, Lyrani, Abulenſis, Carthusiani, & aliorum expositionem, posita sunt ad significandam ipsius Saulis innocentiam; ac si dictum esset: Saul, quando regnare cœpit, erat veluti filius vnus anni, hoc est purus & simplex, ac sine malitia; iuxta illud 1. ad Corinth. cap. 14. vers. 20. *Nolite pueri effici sensibus, sed malitia paruuli estote.* Quod verò cap. Reg. proximè citato de eodem Saule subiungitur, *Et duobus annis regnauit super Israel.* non ita est accipiendum, tamquam significare velit Scriptura sacra, quòd Saul simpliciter & absolute duobus tantum annis regnauerit; vt perperam Hebræi, litteræ plus iusto inhærentes, arbitrati sunt: id enim ex multis aperte falsum esse deprehenditur. nam & hoc dictum, in hoc sensu acceptum, nullatenus conciliari posset cum cap. Actorum 13. vers. 21. vbi regno Saulis attribuantur anni quadraginta. Et certum est, quòd

SAUL QVOT
ANNIS RE-
GNauerit.

quod Saul cum multis populis plurima bella gessit, quæ in toto pænè lib. 1. Reg. narrantur; & speciatim cap. 14. vers. 47. capitulatim ac breuiter referuntur, quæ proculdubio non videntur spatii duorum annorum confici potuisse. Et præterea ex infra dicendis cõstabit, ipsum Saul plures annos insumpsisse, in occulta primò, deinde etiam in manifesta Dauidis persecutione. Huc accedit, quod Iosephus quoque in calce lib. 6. Antiq. dicit, Saulem longè plus quàm duobus annis regnasse; nimirum, inquit ipse, *regnauit decem & octo annis viuente Samuele, & post mortem eius annis viginti*. Nos autem infra sub anno mundi 2979. nu. 10. & 11. probabimus, ipsum Saul in summa viginti tantum annis regnasse. Aliter igitur exponendus est memoratus Scripturæ locus, vbi ait Saulem regnasse duobus annis; nimirum, ante eius reprobationem; non quidem intentatam, sed verè factam, atque per Samuelem eidem intimatam ac declaratam: scimus enim quod Saul, intra duos primos regni sui annos, bis legitur violasse præceptum Domini; primò, quando non expectauit Samuelem in Galgalis (quod ex ipsa Sacri textus serie videtur contigisse anno regni eius primo) quam ob rem acriter à Samuele correptus fuit; 1. Reg. cap. 13. vers. 11. vsque ad 15. & tunc quidem, vt super eodem capite latè probat Abulenſis quæst. 11. iam meruerat Saul reprobari; sed quod tunc reipsa non fuerit reprobatus, planè indicare videntur verba illa, quæ postmodum locutus est ei tamquam non adhuc reprobato Samuel, & habentur in initio capituli 15. *Memisit Dominus, vt vngerem te in Regem, &c. nunc ergo audi vocem Domini. & post pauca: Vade, & percutite Amalec, &c.* ex quibus verbis apparet, quod iterum voluit Dominus experiri, vtrum vellet Saul obedire ei, nec ne; & quod prior illa increpatio, fuerat potius veluti prædictio quædam futuræ reprobationis, quàm indicatio iam factæ. Secundò autem inobediens fuit Saul, quando contra præceptum Domini reseruauit Agag Regem Amalec viuum, & pepercit optimis ouium gregibus, & armentorum, & vestibus Amalecitarum, vt dicitur in eodem cap. vers. 9. tunc enim lata fuit contra eum à Domino reprobationis sententia illis verbis: *Pænitet me quod constituerim Saul Regem, &c.* & postea eandem sententiam declarauit ac promulgauit Samuel ibidem vers. 23. dicens: *Pro eo ergo quod abieciſti sermonem Domini, abiecit te Dominus ne sis Rex.* quod pænè iisdem verbis repetitur vers. 26. & paulò post, nimirum vers. 28. *Scidit Dominus (ubiungit Samuel) regnum Israel à te hodie, & tradidit illud proximo tuo meliori te.* Et id ipsum replicauit postea Samuel etiam post mortem suam, quando à Pythoniſſa fuscitatus fuit, quemadmodum describitur 1. Reg. cap. 28. vers. 17. Et hoc est quod multò antè prophetauerat Balaam Numer. cap. 24. vers. 7. dicens: *Tolletur propter Agag, Rex eius, (ibi enim loquitur de Israele) & auferetur regnum illius (id est à Saule).* Hanc autem Saulis reprobationem credimus contigisse sub finem anni secundi, vel circiter inchoante anno regni eius tertio; & propterea dici in Sacro textu, quod Saul regnauit duobus annis super Israel; nimirum, vt dictum est, ante eius reprobationem. Vnde arbitror falli Caetanum, qui putat Saulem regnasse duobus annis, id est in prima illa sua simplicitate, quæ describitur fuisse tamquam filij vnus anni: siquidem ex dictis, & ex num. sequenti dicendis, manifestum sit, ipsum vix toto primo anno in ea permanisſe.

4. Igitur primis duobus annis regni Saulis, acta sunt ea quæ describuntur 1. Reg. cap. 13. 14. & 15. videlicet Primò Saul, statim post innouationem regni sui in Galgala, elegit sibi tria millia bellatorum; reliquum verò populum ibidem tunc existentem remiſit in tabernacula sua. Deinde Saul morabatur in Machmas, & in monte Bethel cum duobus millibus virorum, mille autem iusserat permanere in Gabaa Beniamin cum Ionatha filio suo: qui cum percussisset stationem Philisthinorum ibi propè commorantem, ipsique Philisthiim magno belli apparatu congregarent se contra filios Israel, Saul conclamari iussit in vniuersa ditione sua, Jonathan percussisse stationem Philisthinorum: quo audito, cucurrit populus post Saul in Galgala; vbi cum appropinquare cœpiſſet Philisthinorum exercitus, Hebræorum viribus multò potentior, videns Saul populum suum valde perterritum, paulatim à se dilabi incipientem, & abscondere se in speluncis, & in petris, & in antris, non sustinuit expectare septem diebus integris Samuelem, iuxta placitum ipsius Samuelis; sed die septimo, non expectato Samuele, contra præceptum Domini, obtulit holocaustum Domino: propter quâ transgressionem meruit quidem ipse tunc reprobari: verumtamen, pro prima vice obiurgatus tantummodò fuit à Samuele, & dilata fuit reprobatio eius, vt numero præcedenti dictum est, vsque ad alteram transgressionem, quæ postea contigit in reseruatiõne Regis ac prædæ Amalecitarum; quemadmodum paulò antè tactum est, & infra sub anno mundi 2962. num. 1. plenius dicitur. Quod si quis hic quærat, quando Saul acceperit

QUANDO
REPROBA-
TUS FVERIT

ACTA SAV-
LIS POST
INNOVA-
TVM RE-
GNVM EIVS

IONATHAS
PRIMO PER-
CVIT STA-
TIONEM
PHILISTHE
NORVM.

PRIMA SAV-
LIS TRANS-
GRESSIO.

à Domino priùs memoratum præceptū, quod postea transgressus est; dicimus, probabiliter credi, illud ei tunc à Samuele fuisse intimatū, quando vnixit eum in Regem, & haud obscure insinuari 1. Reg. c. 10. vers. 8. vbi dicitur: *Septem diebus expectabis, donec veniam ad te, & ostendam tibi quid facias.* quæ verba aliqui putant accipienda esse tamquā pro regula seu mandato vniuersali tradito Sauli; vt scilicet quotiescumq; congregasset exercitum contra hostes, priùs expectaret septem diebus donec veniret ad eum Samuel, qui doceret eum quid agere deberet: alij verò putant, istud fuisse præceptū quoddam particulare, ad probandam eius obedientiam, pro hac vice tantum eidem iniunctum. Sed quidquid sit, constat Saulem illud violasse, eo modo quo suprà explicatum est.

PHILISTHÆI EX-
EVNT AD
VASTAN-
DAM TER-
RAM IS-
RAEL.

5. Itaque Philisthæi, cum vidissent quòd Saul non ausus esset inire cum eis prælium, eò quòd multi de suis ab eo dilapsi essent, & exercitus eius inuentus esset inermis, miserunt tres militum cuneos in tres Israeliticæ terræ partes, vtique, vt exponit Caietanus, ad eam vastandam: 1. Reg. cap. 13. per totum. Causa autem cui Israelitæ inuenti essent sine armis, assignatur in eodem cap. vers. 19. quia, inquit, cauerant Philisthiim, ne vllus faber ferrarius esset in terra Israel, ne fabricaret eis arma bellica. Vnde tria deduci posse videntur: Primò, verum esse quod iam sub anno mundi 2939. num. 2. probatum est, nimirum Israelitas, etiā ex quo cœperunt habere Regem, fuisse aliquo modo Philisthæis subiectos. Secundò, non esse intelligendum, quòd Hebræi prorsus essent sine armis; sed sine armis ferreis, puta sine ensibus, & lanceis, &c. non tamen sine baculis, fundis, saxis, & huiusmodi. Sed neque sine tridentibus, falcibus, & securibus, & similibus, quibus etiam vti poterant ad dimicandum cum hostibus. Tertiò, non de omnibus vniuersaliter Israelitis accipi debere quòd essent sine armis bellicis ferreis, sed tantummodò de illis sexcentis viris, qui remanserant cum Saule, vt etiam exprimitur in littera: alioqui non videretur credibile, quòd in toto Israele, etiam stante prædicta Philisthinorum lege, non esset ensis, & lancea; præsertim cum paulò antè dimicasset cum Ammonitis, vicissetque eos, à quibus plurima arma bellica abstulisse verisimile est.

IONATHAS
SECUNDO
PERCVIT
STATIONEM
PHILISTHI-
NORVM.

6. Non multò post, iterum percussit Ionathas stationem Philisthinorum, quæ erat in Gabaa Benjamin, hoc est, non in ipsa vrbe, sed in colle proximo naturaliter tuto; siquidem præruptis quibusdam rupibus erat circumdatus; ad ipsum enim Ionathas & armiger eius, non nisi manibus pedibusque reptantes, ascendere potuerunt, vt patet 1. Reg. cap. 14. vers. 4. & 13. Porro Saul, qui cum sexcentis viris morabatur in extrema parte vrbis Gabaa, sub Malo granato, cum audisset primò per speculatores, deinde etiam propriis auribus, tumultum in castris Philisthinorum paulatim crescentem; imperavit Sacerdoti nomine Achias filio Achitob fratris Ichabod filij Phinees filij Heli, qui tunc portabat ephod, vt applicaret Arcam Dei, quæ tunc erat cum eo in castris Hebræorū, & conclamauit Saul, venitque cum populo suo ad locum certaminis, & vidit seditionem grandem mirabiliter inter ipsosmet Philisthæos exortam, & eadem magnam nimis. Atque eo tēpore Hebræi qui fuerant cum Philisthæis, id est (vt exponit Abulenſis) fabri illi ferrarii, quorum sub anno mundi 2939. num. 2. meminimus, reuersi sunt ad populū suum Israel, & similiter ij qui in præcedenti prælio præ timore Philisthinorum se absconderant, audientes fugisse Philisthæos, & stationem ipsorum percussam, redierunt ad Saul; ita vt cum eo reperirentur quali decem mille viri, quos illicò adiurauit Saul ne manducarent vsque ad vesperam, donec vlcisceretur se de inimicis suis; quos cum percussisset tota illa die, tandem defatigatus populus occidit oues & boues de hostium præda captos, & præ fame non sustinens expectare vsquequòd de more sanguis effunderetur, cœpit coquere & manducare cum sanguine; sed id vt audiuit Rex, prohibuit, præcipiens vt super saxo ab eo designato omnes effunderent animalium sanguinem, antequam ea ad cibos pararent. Cum autem manducaſſet ac refocillatus esset populus, consuluit Saul per Sacerdotem Dominum, num persequi deberet nocte illa hostes; quo non respondente, intellexit Saul, aliquod graue peccatum ab aliquo fuisse commissum. Itaque protinus breui oratione ad Dominum emissa, iussit dari sortes inter se Ionathamque ex parte vna, & populum ex altera; & cum cecidisset sors in parte Saulis & Ionathæ, iterum datis sortibus inter ipsos, captus est Ionathas: qui requisitus à Rege, fassus est se gustasse paululum mellis, quando Saul, ipso inaduertente, adiurauerat populum ne comederet. Quamobrem statim à proprio patre adiudicatus est mortis: verumtamen reclamante vniuerso populo, eò quòd ipse, percussa secundò Philisthinorum statione, primarius quodammodò magnæ illius victoriæ auctor extitisset, confestim liberatus fuit: 1. Reg. cap. 14. vers. 1. vsque ad 46.

ADIUDICAT
MORTI IO-
NATHAM,
QVI RECLA-
MANTE PO-
PULO LIBE-
RATVR.

AB ORBE CONDITO

QVARTÆ MVNDI ÆTAT.

ANNVS 2961.

ANNVS 418.

I NNO regni Saulis secundo iam per plures menses inchoato, credimus Saulem à Domino per Samuelem admonitum, suscepisse, gessisse, ac feliciter confecisse bellum contra Amalecitas, de quo 1. Reg. cap. 15. vers. 1. vsque ad 9. ubi vers. 12. subditur, quòd idem Saul re bene gesta erexit sibi fornem triumphalem in Carmelo, non in eo huius nominis monte, qui erat in tribu Issachar prope Mediterraneum, sed in eo qui positus erat in tribu Iuda ad Meridiem, non procul à via, qua de terra Chanaan ad regionem Amalecitarum pergebatur; & quòd inde venerat Saul cum exercitu suo in Galgala.

FELICITER
PUGNAT
CVM AMA-
LECITIS.

AB ORBE CONDITO

QVARTÆ MVNDI ÆTAT.

ANNVS 2962.

ANNVS 419.

I NNO regni sui (vt ex supradictis infertur) tertio circiter inchoante, Saul, quoniam in præfato bello aduersus Amalecitas contra expressum Domini præceptum referuauerat Agag Regem Amalec viuum, & optimos greges ouium atque armentorum, grauiter à Samuele increpatus, cum sese excusare niteretur, protinus à Domino reprobatus est; atque hæc ei reprobatio publicè per Samuelem irrogata fuit illis verbis, quæ nos sub anno mundi 2960. num. 3. retulimus. Qui Samuel non multò post, occiso Agag Rege Amalec in Galgala coram Domino, & in frustra concisso, abiit in Ramatha: 1. Reg. cap. 15. per totum. Illud verò quod ibidem vers. 35. subiungitur, *Et non vidit Samuel ultra Saul usque ad diem mortis sue*, non absolute accipiendum est, ita vt postea numquam acciderit Samueli videre Saulem, aut contra; hoc enim manifeste repugnaret his quæ dicuntur 1. Reg. cap. 19. in fine, videlicet quòd Saul audiens Dauidem esse cum Samuele in Naioth in Ramatha, missis ei prius ternuntiis, qui statim prophetare cœperant, postremò venit etiam ipsemet Saul, qui pariter cum ceteris prophetauit coram Samuele. Sensus igitur prædictorum verborum est, quòd Samuel deinceps non venit amplius inuisere & salutare Saulem, ac monita salutis, consiliaque recta atque opportuna, pro bono populi regimine, dare illi, sicuti antea consueuerat, quoniam sciebat ipsum à Deo esse reprobatum. Et hanc expositionem confirmat Caietanus ex alia textus Hebraici versione, quæ (inquit) non habet, *Et non vidit Samuel ultra Saul*; sed dicit: *Et non addidit Samuel ad videndum Saulem*. Ceterum, ne quis suspicetur Samuelem ex passione aliqua aut odio abstinuisse à consortio Saulis; subiungit Scriptura, quòd ipse Samuel, ex quo Saul reprobatus fuerat, non cessabat lugere Saulem, si quo modo posset ei à Domino veniam impetrare & (vt arbitror) in hoc luctu duobus annis perseverauit, nimirum vsquequò missus fuit ad vngendum Dauid in Regem, vt ex infra dicendis apparebit. quòd enim satis longum fuerit tempus dicti planctus, indicant verba illa quæ habentur 1. Reg. cap. 16. vers. 1. *Dixitque Dominus ad Samuelem, Vsquequò tu luges Saul, cum ego proiecerim eum ne regnet super Israel?* Igitur

AD DOMINO
PER SAMUE-
LEM REPRO-
BATUS.

EXPOSITVR
LOCVS
I. REG. C. 15.
VERS. 35.

SAMUEL IV-
GET PECCA-
TVM SAY-
LIS, DIV-
QVE ORAT
PRO EO.

AB ORBE CONDITO

QVARTÆ MVNDI ÆTAT.

ANNVS 2964.

ANNVS 421.

I NNO, vt arbitror, regni Saulis quinto circiter desinente, arguit Dominus Samuelem, quòd tamdiu lugeret Saulem iam reprobatum, prohibetque ne amplius id faciat; quin potius præcipit ei, vt impleat cornu oleo, & pergat in Bethleem, vngatque ibi vnum de filiis Isai in Regem, illum inquam, quem ei demonstrauerit; & ne ex hac professione mali quidquam Saul suspicari posset, & propterea nocere Samueli, iubet Dominus Samuelem tollere vitulum, & inuitare ipsum Isai & filios eius ad victimam. Iuit itaque Samuel in Bethleem, & cum inuitatus venisset Isai cum septem filiis suis ad sacrificium, interrogassetque Dominum Samuel super vnoquoque ipsorum, intellexit nullum ex his esse vngendum: quamobrem sciscitatus est ipsum Isai, num alium haberet filium; & vt audiuit reliquum esse vnum paruulum pascentem oues, iussit eum accersiri, & adduci ad se: quem cum accedentem esset inuitus, statim iubente Domino vnxit eum in medio fratrum eius; qua quidem in v-
ctione

DE PRIMA
UNCTIONE
DAVIDIS IN
REGEM.

ctione consecutus est ius regni, non possessionem, & insuper etiam spiritum propheticum, vt infra apparebit: Quibus peractis, abiit Samuel in Ramatha: 1. Reg. cap. 16. vers. 1. vsque ad 14. Erat autem qui vnctus fuerat, nomine Dauid, filiorum Isai octauus, & omnium natu minimus; poteratque tunc vix expleuisse decimumquintum ætatis suæ annum, vt videre est in tabulis, & ex infra dicendis constabit. Sacra igitur vnctio-
SAUL QUANDO SPIRITUS MALO EXAGITARI.
 ctione delibutò Dauidè, recessit spiritus Domini à Saule, quem eius loco spiritus nequam à Domino missus exagitabat. Econuersò autem, à die illa & deinceps directus est spiritus Domini in ipsum Dauidem, 1. Reg. cap. 16. vers. 13. nimirum spiritus prophetiæ. Quamquam non desint qui putent, ex tunc, vi illius gratiæ quam in ea vnctione diuinitus acceperat, mirificè quidem in ipso adauctam fuisse psallendi scientiam quam callebat; sed præcipuè in eo creuisse virium robur, mentisque prudentiam: & propterea mirum non esse, si paulò post ab vno de pueris Saul appellatus fuerit vir bellicosus & prudens, vt patet in eodem cap. vers. 18. vix, inquam, non ætate (erat enim adhuc adolescentulus, vt dictum est) sed animi corporisque vigore, fortitudine, atque industria; ita vt præmonstraret breui se in virum valdè bellicosum ac prudentem proculdubio euasurum.

RATIO ORDINANDI GESTA DAVIDIS VSQ. AD ANNUM VITAE SVÆ 30. QUALITER IN-
 TENDI.

2. Ab hac vnctione Davidis facta per Samuelem in Bethleem, quæ fuit prima, ad secundam, quæ postea facta fuit in Hebron, quando Dauid iam triginta erat annorum, vt dicitur 2. Reg. cap. 5. vers. 3. interfluxerunt anni ferè quindecim, in quibus Dauid multa gessit; quæ si velimus verisimiliter scire, quo singula circiter tempore acta sint, cum id Scriptura non exprimat, oportet dictos annos quindecim in tres partes dispartiri; ita vt prima pars terminetur ad occisionem Goliath, altera ad fugam Davidis à Saule ad Samuelem, hoc est, ad illud tempus in quo excepit Saul aperte persequi Dauidem: tertia ad memoratam Davidis vnctionem in Hebron. Prima pars necesse est quòd plurium fuerit annorum; vt inde satis euidenter colligitur, quòd Dauid, quando obulit se dimicaturum contra Goliath, non agnoscebatur à Saule; quamuis antea fuisset armiger eius, vt infra num. 3. dicemus: valdè enim iam erat immutatus aspectu, propter auctam in eo ætatem & staturam, præcipuè verò ob barbam postea exortam, quemadmodum affirmant Caietanus super 1. Reg. cap. 17. & ibidem Abulensis quæst. 40. & 41. passim namque videmus eiusmodi mutationes potissimum intra tertium ætatis septennium, hoc est ab anno vitæ decimoquarto ad vigesimum secundum fieri solere. Vnde patet decipi Abulensem, qui super 1. Reg. cap. 16. quæst. 1. dicit, Dauidem vigesimum ætatis annum excessisse quando à Samuele vnctus est in Bethleem. Secunda dicti temporis pars non multorum valdè annorum fuisse ex eo conici posse videtur, quòd Saul inuidia tabescens, non tamdiu creditur continere se potuisse ab aperta persecutione Davidis. Tertiam ad plurimos perdurasse annos colligi potest, tum quia 1. Reg. cap. 2. 5. vers. 7. (vt aliquot habent exemplaria) legimus, Dauidem, quando persecutionem patiebatur à Saule, ex multis annis moram traxisse in deserto Maon, vbi manere consueuerant greges Nabal Carmeli: tum etiam quia, licet plurima alia exemplaria, præcipuè verò probatoria, loco citato non habeant illa verba, *Ex multis annis*, &c. attamen, si quis diligenter attendat plurima quæ in tertio hoc tempore gesta esse describuntur 1. Reg. cap. 19. vers. 9. vsque ad finem libri, & ab initio 2. Reg. vsque ad vers. 4. capitis 2. vbi narratur vnctio Davidis in Hebron; quæ nos quoque inferius ab anno mundi 2974. vsque ad annum 2980. memorabimus: proculdubidè ea non nisi multorum annorum spatio fieri potuisse iudicabit. Itaque satis probabiliter opinari possumus, & supponere, primum temporis intervallum, septem circiter fuisse annorum: alterum verò non minus trium, quandoquidem in eo multa bella gessit Dauid contra Philisthæos: tertium autem relinquatur quinque ferè annorum extitisse. Igitur

DAVID FIT ARMIGER REGIS SAULIS.

MYSTICAM AB INVENTE ÆTATE SVIT.

3. Eodem anno, vt creditur, ad finem appropinquante, quo Dauid à Samuele vnctus fuerat, Saul, cum frequenter à quodam malo spiritu exagitari se sentiret, de consilio seruorum suorum accersiri iussit Dauidem; quo citharam percutiente, dulciterque psallente, recedebat spiritus malus à Saule, ac melius se habebat; quamobrem dilexit eum valdè, præsertim cum videret eum etiam pro ætate fortem viribus, & animo bellicosum. Horum namque hominum consuetudine seruitioque specialiter Rex delectari consueuerat; ita vt quemcumque videret virum fortem & aptum ad prælium, sociaret sibi, quemadmodum dicitur 1. Reg. cap. 14. in fine: propterea retinuit penes se Dauidem, fecitque eum armigerum suum: 1. Reg. cap. 14. vsque ad finem capitis. Ex dictis ergo apparet, Dauidem vsque ab ineunte ætate in Musicis artibus, prout illa se-
 rebant

rebant tempora, fuisse eruditum apprimeque versatum: verumtamen Musicos can-
tus sonosque non vulgari voluptate, sed fidei voluntate dilexit, vt asserit S. Augusti-
nus lib. 17. de Ciuit. cap. 14. Cuius rei signum illud est, quod eos postea ad Dei veri
cultum, cum admirabili sollempnitate, ipse omnium primus adhibuerit, vt paulò post
memorabimus, & sub anno mundi 3019. num. 3. plenius dicemus. Et quoniam in
tota ferè vita sua Dauid frequenter citharam aliàue organa musica personare, pariter-
que cantilenas spirituales, quas Psalmos vocamus, componere canereque consueue-
rat, hinc postea Psalmistæ nomen adeptus est.

P S A L M I-
STÆ NOMEN
ADEPTVS.

4. Vtrum autem omnium Psalmorum qui nunc in Psalterio habentur, ipse Dauid
solus Auctor extiterit, an etiam cum eo alij, si quis hoc loco scire desideret; dicimus
duas esse Patrum de hac re celeberrimas opiniones, quas hic breuiter recensere non
erit inutile; & fortasse etiam non iniucundum. Prima fuit SS. Athanasij in Synopsi,
Hilarij in Prologo super Psalmos, Hieronymi in Epistola 134. & 139. Isidori lib. 6.
Etymologiarum cap. 2. item Lyrani in Expositione 1. Psalmi: qui putant plures fuisse
Psalmorum scriptores; & eos præcipuè, qui in eorumdem Psalmorum titulis notati
reperiuntur: nimirum Moysen, Salomonem, Asaph, Ethan, Eman, Idithun, & præ-
ter hos, illos quoque qui dicuntur filij Core, & ante omnes Dauidem. Ac primò qui-
dem ipsi Dauidi attribuunt Psalmos septuaginta tres, in quorum titulis aiunt præno-
tari nomen eiusdem Dauidis: quamquam si numerentur omnes Psalmi, qui tam in
editione Vulgata, quàm in ea quæ est Lxx. Interpretum, nunc inueniuntur cum his
aut similibus verbis inscripti: *Psalmus Dauid.* *Psalmus Cantici Dauid.* *Intellectus Dauid.*
Laus cantici Dauid. *Laus cantici ipsi Dauid.* *Oratio Dauid.* *Ipsius Dauid.* *Ipsi Dauid.* & eius-
modi; erunt multò plures quàm septuaginta tres. Si verò fortè quis existimet, illos Psal-
mos, qui habent in suis inscriptionibus, *Ipsi Dauid.* aut quid simile, non esse ipsius Da-
uidis, sed alterius Auctoris, ipsi Dauidi dedicatos: quod tamen refellit S. Augustinus
lib. 17. de Ciuit. cap. 14. pauci admodum essent Psalmi à Dauide compositi; siqui-
dem in editione Lxx. Interpretum ferè omnes sic inscribuntur, *Ipsi Dauid.* Porro Asaph
filio Barachiz tribuunt Psalmos vndecim vel duodecim, videlicet 49. & 72. cum
decem sequentibus, ex eius nomine inscriptos. Eman verò Ezrahitz, vnum, qui est
in ordine 87. & præter Eman habet pariter in titulo, *filij Core.* Ethan item Ezrahitz
vnum, nempe 88. Idithun duos, hoc est 38. & 61. & filijs Core vndecim, vel decem,
(dempto 87. quem diximus etiam tributum esse ipsi Eman) videlicet 41. 43. & quinque
sequentes, & item 83. 84. & 86. Erant autem Asaph, Heman, & Idithun, principes
Cantorum, quorum filios postea constituit Dauid vt prophetarent in citharis, & psal-
terijs, & cymbalis, ante Arcam Domini, priusquam ædificaretur templum à Salomo-
ne, de quibus fit mentio 1. Paralip. cap. 25. vers. 1. & 6. Moysi quoque tribuunt Psalmos
vndecim, scilicet 89. & decem sequentes: licet enim nunc in vtraque editione, Vulgata
scilicet & Lxx. Interpretum, omnes isti vndecim Psalmi, tribus duntaxat exceptis,
Dauid nomine prænotati inueniantur; attamen inquit in libris Hebraicis origina-
libus aliter haberi. Hunc Moysen prædictorum Psalmorum auctorem, Rabbi Aben
Ezdra (vt refert Sixtus Senensis lib. 1. suæ Bibliothecæ sanctæ) putat fuisse vnum de
cantoribus Dauid: at verò B. Hieronymus in Explanacione Psalmi 99. ad Cyprianum,
asserit esse Moysen illum Legislatorem, & primum Hebræorum Ducem. Nec obstat,
quod in dicto Psalmo 99. cuius titulus est, *Oratio Moysi viri Dei*, fiat mentio Samue-
lis, qui plusquam trecentis annis ab obitu Moysi natus est: quandoquidem non mi-
rum est, quod Moyses, lumine prophetico quo plenus erat, vt alia multa, ita etiam
Samuelis nomen & sanctitatem prænuntiauerit, quemadmodum ille vir Dei in Bethel
nomen Iosiaz, 3. Reg. cap. 13. vers. 2. & Isaias nomen Cyri, Isaiæ cap. 45. vers. 1. quamuis
Iosias fuerit posterior illo Propheta plusquam trecentis triginta annis, & Cyrus ipso
Isaiæ ferè ducentis, vt colligi potest ex tabulis. *Tales namque sunt Prophete* (inquit
B. Chrysostomus super Psal. 43.) *omnia tempora percurrunt, præterita, præsentia, & futu-
ra.* Nam & hoc quoque fateri coguntur, qui putant omnes Psalmos esse Dauidis: si-
quidem in Psal. 136. qui manifestè inscribitur *Psalmus Dauid*, & incipit *Super flumina
Babylonis*, &c. memorantur calamitates quas Iudæi in captiuitate Babylonica perpeffi
sunt, quæ tamen captiuitas contigit plus quadringentis triginta annis post mortem Da-
uidis. & Psalmus 43. qui secundum B. Chrysostomum vbi suprà, decantatus fuit ex
persona Machabæorum, qui fuerunt annis ferè non gentis post defunctum Dauidem,
vt in tabulis dignosci potest. Assignant etiam Salomoni Psalmum vnum, nempe se-
ptuagesimum primum, qui licet in Lxx. Interpretibus absolutè inscribatur, *In Salomo-
nem*;

nem; in Vulgata verò, *Psalms in Salomonem*; in quibusdam tamen codicibus inscribitur, *Psalms David in Salomonem*, ac si fuerit à Dauidè compositus, quando tradidit regnum Salomoni. S. Athanasius autem in Synopsi, præter prædictum, alios quoque duos eidem tribuit Salomoni, videlicet 66. & 126. & Origenes lib. 3. Periarchon, prodit quosdam existimasse, quindecim Cantica Graduum fuisse Salomonis. Reliquos denique Psalmos, qui sine vllò Auctoris titulo habentur, quidam putant esse Davidis; quidam verò referendos esse ad Auctorem in titulo præcedentis Psalmi positum. Et hæc fuit prima opinio.

PROPRIA
OPINIONE
ARGUMEN-
TA.

5. Pro cuius confirmatione, sex potissimum adduci solent argumenta. Primum est: Si David omnium fuisset auctor Psalmorum, ipsi adscriberetur Psalterium, & sub nomine Davidis idem liber alicubi in Sacris libris prænotatus inueniretur: atqui hoc in Sacris voluminibus non reperimus, signum ergo est, omnes Psalmos in Psalterio contentos non esse Davidis. Secundò sic arguunt: Plures Psalmi nomine Davidis, aliorum Auctorum nominibus præsignantur, quidam etiam nullius Auctoris titulum præferunt; consequens igitur est, non omnes esse Davidis. Tertiò: Psalmus 71. *Deus iudicium tuum Regi da*, &c. habet hanc in calce appendicem, *Defecerunt Laudes, seu Hymni David filij Iesse*. siue, ut legimus in Bibliis Regiis, *Completa sunt orationes David filij Iesse*. quibus verbis aperte indicatur, Psalmos Davidis ibidem terminari; præsertim cum sequens Psalmus inscribatur *Psalms Asaph*. ergo qui sequuntur, non sunt Davidis, sed alterius, vel aliorum Auctorum. Quartum argumentum desumitur ex quibusdam sacræ Scripturæ locis, & primò ex 2. Paralip. cap. 29. vers. 30. vbi hæc habentur: *Præcepitq. Ezechias & principes Leuitis, ut laudarent Dominum sermonibus David, & Asaph Videntis*. Ex quo loco patet, sermones illos laudatorios, hoc est Psalmos qui publice canebantur à Leuitis, fuisse partim Davidis, partim verò ipsius Asaph. Item ex Matthæi cap. 13. vers. 34. & 35. vbi legimus: *Hæc omnia locutus est Iesus in parabolis ad turbas, & sine parabolis non loquebatur eis: ut impleretur quod dictum erat per Prophetam dicentem: Aperiam in parabolis os meum*, &c. Super quæ verba, ibidem & in Expositione Psalmi 77. S. Hieronymus ex Eusebio reprobatur quosdam Matthæi codices antiquos, qui habebant: *Per Isaiam Prophetam. Quia* (inquit S. Doctor) *id in Isaiâ minimè inuenitur*. & propterea putat, nomen Isaiæ à quibusdam prudentibus viris fuisse sublatum. Verumtamen addit, sibi videri prius scriptum fuisse, *Per Asaph Prophetam*. quia Psalmus 77. de quo hoc sumptum est testimonium, Asaph Prophetæ titulo inscribitur. Ex qua S. Doctoris additione colligi potest, locum Matthæi citatum posse suffragari his qui putant, non omnes Psalmos fuisse Davidis; sed aliquot etiam Asaph, & aliorum. Et hæc eadem opinio potest roborari ex Psalmo 83. qui adscribitur filiis Core: ipsis namque videntur magis congruere illa eiusdem Psal. verba: *Elegi abiectus esse in domo Dei mei, magis quàm habitare in tabernaculis peccatorum*. nam alia huius loci versio habet: *Elegi ad limen stare*. quod erat munus Coritarum, qui deputati erant ad custodiam vestibulorum Tabernaculi, ut aperte traditur 1. Paralip. cap. 9. vers. 19. Quintò aiunt non obstare, quòd communiter omnes Psalmi habeantur tamquam si fuissent Davidis: quandoquidem id fieri potuit pluribus de causis, nimirum propter dignitatem personæ ipsius Davidis: à nobiliori namque fieri solet denominatio. Item, quia David creditur fuisse primus auctor & inuentor Psalmorum, sicuti Moyses Canticorum. Et denique, quoniam plures ipse fecit Psalmos quàm quiuis alius; neque solum fecit, sed etiam vsum ritumque eosdem publicè canendi ipse primus instituit. Sextò & postremò adducunt styli differentiam, quæ reperitur inter Psalmos ipsius Davidis, & illos qui ipsi Asaph & alijs adscribuntur: hos enim non solum in Latina editione, sed multò magis in Hebræa & Græca, aiunt non tam facile ac leniter fluere, sicuti qui creduntur esse Davidis. Et hoc (inquiunt) arguit Auctorum diuersitatem.

ALTERA
OPINIO
PRIORI CON-
TRARIA
PATIONI-
BUS CON-
FIRMATVR.

6. Altera opinio priori penitus contraria, Dauidem facit omnium Psalmorum in Psalterio contentorum auctorem, saltem quoad argumenta seu materiam vel doctrinam ipsorum, ut infra num. 7. declarabimus. Hanc sententiam sequuntur S. Augustinus lib. 17. de Ciuit. cap. 14. & B. Theodoretus, Cassiodorus, Beda, Euthymius, Paulus Burgensis, & Caietanus in suis Prologis super Psalmos. Et præterea SS. Ambrosius in Psal. 43. & 47. Basilius in Expositione Psal. 44. Greg. Nazianzenus Orat. in encænâ, & Oratione ad ciues Nazianzenos, Epiphanius aduersus Origenem, & Ioan. Chrysostomus in 1. & 2. Prologo super eosdè Psalmos, vbi insuper opinatur, Dauidem, præter Psalmos centum quinquaginta qui in Psalterio habentur, alios etiam plures composuisse, quos temporum iniuria putat interiisse; sicuti certum est, plura ex operibus Salomonis esse abolita;

abolita, quin etiam & de aliis Sacris libris multos esse deperditos, vt nos sub anno mundi 2583. num. 12. ostendimus. Potest autem hæc præfatorum Doctorem opinio hisce rationibus confirmari: Primò, quia videmus ex sacra Scriptura apertissimè colligi posse, plures Psalmos, qui non habent in titulis nomen Dauidis, nihilominus esse ab ipso Dauide compositos, vt patet de Psalmo 2. *Quare fremuerunt gentes, &c.* Aetorum cap. 4. vers. 25. & de Psalmo 94. *Venite, exultemus Domino, &c.* ad Hebr. cap. 4. vers. 7. & de Psalmo 104. *Confitemini Domino, & inuocate nomen eius, &c.* 1. Paralip. cap. 16. vers. 8. & de Psalmis 105. 106. & 135. qui incipiunt, *Confitemini Domino quoniam bonus, &c.* 1. Esdræ cap. 3. vers. 10. & 11. vbi legimus, *Leuitas steterunt in cymbalis, vt laudarent Deum per manus David Regis Israel, & canticabant in hymnis & confessione Domino: Quoniam bonus, quoniam in æternum misericordia eius.* ac si diceretur: *Laudabunt Deum in Psalmis à Dauide compositis, illis nimirum, qui incipiunt, Confitemini Domino quoniam bonus, &c.* Præterea, non solum Psalmi qui non habent in inscriptione Dauidem, aut alium Auctorem, sed etiam qui habent in titulis aliqua nomina à Dauide diuersa, probari possunt nihilominus fuisse Dauidis: nam Psalmus 71. *Deus iudicium tuum Regi da,* habet in titulo Salomonem; & tamen quòd sit Dauidis, præter alia, aperte declarat appendix illa ad calcem ipsius apposita, de qua dictum est supra num. 5. Insuper quòd Psalmi illi vndecim, quos prima opinio tribuit Moyfi, non sint ipsius Moyfi, sed Dauidis, dupliciter videtur posse colligi: Primò, quia nulla prorsus ipsorum fit mentio in libris ipsius Moyfi; vbi cum describantur duo eius Cantica, alterum Exod. cap. 15. alterum Deuter. cap. 32. verisimile etiam videretur aliquid fuisse indicatum de singulis, vel saltem de aliquo ex dictis Psalmis, si fuissent ab eodem Moyse facti. Deinde, quia Psalmum 89. *Domine refugium factus es nobis, &c.* qui Moyfi reperitur adscriptus, ex eo apparet non esse ipsius Moyfi, quòd in ipso legimus, *Dies annorum nostrorum in ipsis, septuaginta anni: si autem in potentatibus octoginta anni; & amplius eorum, labor & dolor.* hæc autem nullatenus quadrare posse videntur sæculo ipsius Moyfi; de quo tamen se loqui indicant illa verba, *Dies annorum nostrorum.* nam auus Moyfi nomine Caath, vixit annis centum triginta tribus, Exod. cap. 6. vers. 18. pater verò eius Amram, annis centum triginta septem: ibidem vers. 20. ipse autem Moyfes, centum viginti; & Aaron frater eius, centum viginti tribus; & Maria soror eius, centum viginti septem; & Iosue, minister ac in Principatu successor eiusdem Moyfi, annis centum decem, vt patet in tabulis. Igitur probabilius videtur illum Psalmum fuisse Dauidis, cuius temporibus vita hominum communiter vix pertingere poterat ad septuagesimum, aut in paucioribus ac robustioribus, ad octogesimum annum, vt infra suis locis de ipso Dauide & Salomone filio eius, & aliis, manifestum fiet. Cum ergo præter Psalmos, Dauidis nomine inscriptos, probatum sit, etiam esse Dauidis non solum eos qui propria Auctoris inscriptione carent, sed & illos qui certam alterius Auctoris inscriptione prænotatam habent: vtique satis euidenter inferri posse videtur, proprium totius Psalterij auctorem esse Dauidem: præsertim cum videamus, quòd Scriptura sacra, quandocumque citat aliquem Psalmum, ferè semper de ipso Dauide, tamquam de eius Auctore, meminisse videtur; vt patet locis paulò antè citatis; & item Luc. cap. 20. vers. 42. vbi dicitur: *Quomodo David dicit in libro Psalmorum: Dixit Dominus Domino meo, &c.* Ex quo allegandi modo satis apertè insinuat, Auctorem libri Psalmorum non alium esse nisi Dauidem. Huc accedit, quòd hæc opinio videtur magis pia, & consona ei quod communiter creditur; & propterea, licet non sit omnino certa, meritò tamen priori præferenda.

7. Restat vt ad argumenta in contrarium adducta respondeamus. Ad Primum itaque dicimus, non semper in Sacris libris nomen Auctoris præponi solere. In promptu sunt exempla librorum, Pentateuchi, Iudicum, Regum, Paralipomenon, Esther, Iudith, Machabæorum, & Aetorum. Etenim certum est, quinque modis Sacros libros inscribi consueuisse: nimirum, Vel ex prima dictione à qua liber ille incipit, sic se habent apud Hebræos singulæ quinque librorum Moyfi inscriptiones: nam primus inscribitur *Beresith*, quod Latine interpretatur *In principio*. Secundus, *Vællesemoth*, hoc est, *Et hæc nomina*. Tertiùs, *Vaicra*, id est, *Et vocauit*. Quartus, *Vaiedabber*, quod significat, *Et locutus est*. Quintus, *Ellehaddebarim*, videlicet, *Hæc sunt verba*. Constat autem, singulos libros à prædictis verbis exordiri. Vel inscribuntur Sacrorum librorum volumina ex principali operis materia & argumento, vt libri Regum, Iudicum, Iob, Ruth, Iudith, Esther, & huiusmodi: de istorum enim gestis & actionibus principaliter agitur in eisdem libris. Vel ex nomine proprii Auctoris, sicuti inscribuntur libri Prophetarum. Vel ex genere & forma doctrinæ quæ ibi traditur, quemadmodum se habet inscriptio Ec-

RESPENSIO
AD ARGV-
MENTA IN
CONTRA-
RIVM AD-
DVCTA.

LIBRI SA-
CRI QVOT
MODIS IN-
SCRIPTI.

clerici, Prouerbiorum, & similium. Vel denique ex eo, quod illa quæ tractantur, sunt poetice & ad rationem metricam composita, atque ad modos seu concentus musicos accommodata: & sic liber Psalmorum & Cantica Cantorum sortiti sunt titulos. *Omnès enim Psalmos apud Hebræos metrico carmine constat fuisse compositos*, vt testatur S. Isidorus lib. 6. Etymologiarum cap. 2. *Nam in morem Romani Flacci* (inquit) *& Græci Pindari, nunc alij Iambo currunt, nunc Elegiaco personant, nunc Sapphico nitent trimetro, vel tetrametro incedentes*. Ad Secundum dupliciter responderi potest cum Beda in Prologo super Psalmos, uidelicet, quod Esdras, qui creditur fecisse titulos Psalmorum, inscripserit eorum aliquos nominibus Alaph, Ethan, Eman, Idithun, & alijs, non quia reuerà ipsi fuerint dictorum Psalmorum auctores; sed, Vel quia, cum illi essent principes Cantorum, vt colligitur 1. Paralip. cap. 15. 16. & 25. credibile est eosdem adiuiuissè Dauidem, in ipsa eorumdem Psalmorum compositione metrica, & harmonica melodia disponenda. Vel quia (quod magis placet ipsi Bedæ, & ante ipsum tetigit S. Augustinus lib. 17. de Ciuit. cap. 14. sæpius citato) illa Auctorum nomina mystice interpretata atque intellecta, Psalmis quibus præposita sunt mirabiliter conueniunt. Potest etiam fortassis non incongruè dici, quod sicuti Esdras posuit in titulo Psalmi 95. *Canticum ipsi Dauid, quando domus edificabatur post captiuitatem*; non quia ille Psalmus tunc factus sit, (pater enim 1. Paralip. cap. 16. vers. 23. & sequentibus, dictum Psalmum decantatum fuisse, quando Dauid reduxit Arcam Dei in domum suam) sed quia fortè, quando templum post Babylonicam captiuitatem reedificabatur, tunc maximè frequentare solebant cantum dicti Psalmi: ita potuit idem Esdras inscripsisse plures alios Psalmos nominibus illorum Cantorum, quos potissimum consueuissè dictos Psalmos frequentius decantare intellexerat: & fortè etiam eadem de causa, idem Esdras posuit in titulo Psal. 111. *Alleluia reuersionis Aggæi & Zachariæ*, & Psal. 145. *Alleluia Aggæi & Zachariæ*; quia scilicet potissimum suadente Aggæo & Zacharia, primus horum Psalmorum in reuersione populi de dicta captiuitate; alter verò, quando templum sub Dario Artaxerxe ædificabatur, frequentius decantati fuissent. Ad Tertium dicimus, proculdubio negari non posse, quin in Psalterio post Psalmum 71. reperiantur plures alij Psalmi, quos constat esse Dauidis, nempe Psalmus 104. vt colligi potest 1. Paralip. cap. 16. vers. 8. & Psalmus 109. vt pater Matthæi cap. 22. vers. 43. & Marc. c. 12. vers. 36. & Luc. cap. 20. vers. 42. Dices: Quid igitur sibi vult illa appendix? Respondemus cum Beda & Caietano, haberi ex antiqua traditione, quod Psalmi olim, cum fuissent huc atque illuc dispersi, collecti tandem fuerunt ab Esdrâ, & in vnum volumen, eo ordine quo paulatim reperiebantur, redacti; quæ traditio confirmari potest ex loco 2. Machab. cap. 2. vers. 13. vbi dicitur quod Nehemias (subaudi, operâ Esdræ, vt nos sub anno mundi 3610. num. 15. 16. & 18. declarabimus) *congregauit de regionibus libros, & Prophetarum, & Dauid, &c.* Quare cum Psalmi in Psalterio dispositi sint prout ordo temporis, non quo singuli compositi, sed quo reperti fuerant, posulabat: non mirum est, si plures Psalmi à Dauide prius facti, positi tamen inueniuntur post 71. quem præfata appendix attestatur fuisse postremum à Dauide compositum, siquidem accidit post ipsum alios fuisse inuentos. Neque item mirum erit, si infrâ sub anno mundi 2974. num. 4. inuenies Psalmum 55. *Miserere mei Deus, &c.* compositum fuisse à Dauide ante Psal. 33. *Benedicam Dominum, &c.* & ante Psal. 51. vt sub eodem anno num. 8. pater, & alibi huiusmodi exempla inueniri poterunt. Ad Quartum quod attinet, ad locum 2. Paralip. dupliciter respondere possumus. Primò, demus quod Alaph aliquot fecerit Psalmos ex his qui olim publicè canebantur: non tamen consequitur, illos in nostro Psalterio contineri: nec obstat, quod in titulis nomen ipsius Alaph positum reperiatur; hæc enim obiectio in responsione ad Secundum iam diluta est. Deinde dicimus, tria in Psalmis posse considerari; uidelicet materiam, formam, & pronuntiationem. Si materiam spectes seu doctrinam quam tradunt, dicere possumus, omnes Psalmos, qui in Psalterio habentur, esse Dauidis. Si formam, hoc est rationem metricam & poeticam ad modos musicos accommodatam; sic non inconuenit dicere, quorundam Psalmorum auctores fuisse qui nominantur in titulis; quia uidelicet secundum materiam & argumentum sibi à Dauide traditum vel carmina composuerint, vel tantummodò ad cantus musicos adaptauerint. Si autem attendatur pronuntiatio, qua Psalmi vel humanis dumtaxat vocibus, vel simul cum instrumentis musicis decantabantur: sic oportebit paucos admodum Psalmos Dauidi tribuere; nimirum nouem tantummodò, vt sensisse videtur S. Augustinus super titulo 1. Psalmi. Ad locū S. Matthæi dicimus, quod S. Hieronymus non assertiuè, sed veluti coniecturam faciens ex Psalmi 77. inscriptione, pu-

tat in Sacro textu olim extitisse illa verba, *Per Asaph Prophetam*. Et nihilominus neque ipse, neque Vulgata editio ponit ibi, *Asaph*, sed indeterminatè, *Per Prophetam*. Et dato, quòd S. Hieronymus & aliquot alij (vt suprà num. 4. dictum est) senserint plures fuisse Psalmorum Auctores; extant tamen plures alij, & non minoris auctoritatis Doctores suprà num. 5. adducti, qui totius Psalterij auctorem faciunt Dauidem, quos hìc sequimur. Ad illud ex Psalmo 83. dici potest, verba illa, *Elegi abiectus esse*, siue, *ad limen stare in domo Dei mei*, neque etiam omnino posse congruere filijs Core; non solum quòd non in numero plurali, sed in singulari fuerint prolata; verumetiam quia non ipsi elegerant stare ad limen Tabernaculi ac Templi, sed à Domino per Moysen primò, & mox per Dauidem ad id munus fuerant additi. Quare potius conuenire videntur ipsi Dauid, de quo legimus quòd humiliter admodum tripudiabat ante Arcam Domini, & vxori Michol exprobranti sibi respondit: *Ante Deum qui elegit me*, &c. *vilior fiam plusquam factus sum*, & *ero humilis in oculis meis*, &c. vel possunt adaptari cuius pio viro, qui erga diuinum cultum adeò sit benè affectus, vt malit inter abiectos reputari, & humiliora quæque munia in templo exercere, quàm in tabernaculis seu conuentibus peccatorum gloriòse versari. Ad Quintum dicimus, quòd licet Psalmi quoquomodo dici possint Davidis, ob causas suprà num. 5. in eodem 5. argumento positas; tamen verius dicentur esse eiusdem Davidis, si ponamus ipsum fuisse primum illorum omnium Auctorem: quia nimirum ipsa Psalmorum materia & doctrina fuit ipsius Davidis, quemadmodum nos sub anno mundi 3798. num. 4. probabimus, libros Ecclesiastici & Sapientiæ, quod attinet ad sententias in ipsis contentas, proculdubio esse Salomonis, ac propterea meritò inter eius libros computari: quàmuis eadem Salomonis sententiæ partim à Philone quodam collectæ, & in volumen quod Sapientiæ liber inscribitur, partim à Iesu filio Sirach, & in librum qui Ecclesiasticus prænotatur, redactæ credantur. Et per hoc respondere possumus ad Sextum seu postremum argumentum de styli differentia, dicentes, non esse mirandum, quòd stylus illorum qui quosdam Psalmos secundum materiam & doctrinam sibi à Dauide traditam, conscripserunt, differat à stylo ipsius Davidis, quemadmodum stylus Salomonis differt ab eo quo prædicti Auctores eiusdem Salomonis sententias in libris Sapientiæ & Ecclesiastici tradiderunt..

8. Ceterum, si quis percontetur quibus temporibus Psalmi, & quam occasione singuli à Dauide fuerint compositi: breuiter respondeo, de omnibus id sciri posse, omnino videri impossibile: multi enim sunt quorum argumenta adeò sunt vniuersalia, vt nullo modo alicui proprio tempore assignari posse videantur; vt patet de his, in quibus nihil aliud ferè agitur, nisi quòd Psalmista de maximis periculis & angustijs se postulat liberari, cuiusmodi sunt Psalmus 21. *Deus meus respice in me*, &c. & 24. *Ad te Domine leuavi animam meam*, &c. & 27. *At te Domine clamabo*, &c. & 34. *Iudica Domine nocentes me*. & alij permulti. Tales etiam sunt illi, in quibus vniuersaliter perditos sui temporis mores deplorat ac redarguit, docetque & hortatur ad sectandam iustitiam, ac Dei cultum & timorem, aut quid simile; vt sunt Psalmus 11. *Saluum me fac Domine, quoniam defecit sanctus*, & 13. ac 52. qui incipiunt, *Dixit insipiens in corde suo, Non est Deus*, & 35. *Dixit iniustus vt delinquat in semetipso*, & 36. *Noli emulari in malignantibus*, & 48. *Audite hac omnes gentes*, & 81. *Deus stetit in synagoga decorum*. Eodè modo dicendum est de his, in quibus funduntur preces pro futuris calamitatibus, quas Psalmista spiritu prophetico post multa tempora venturas præuidebat, quasque populus Hebraicus postea passus est à Nabuchodonosor, ab Antiocho, & alijs; vt in Psal. 73. *Vt quid Deus repulsi in sinem*, & 78. *Deus venerunt gentes in hereditatem tuam*, & 79. *Qui regis Israel, intende*, & 88. *Misericordias Domini in aeternum cantabo*, & 136. *Super flumina Babylonis*. Ad eandem regulam reduci posse videntur Psalmi illi, in quibus Dauid videbatur hortari populum ad fundendas preces vniuersaliter pro pugna felicitate in eunda, siue ad agendas Deo gratias pro victoria de hostibus parta, & eiusmodi alia, quæ non magis vni tempore conuenire possunt quàm aliter: huius enim argumenti Psalmos, prudens atque accuratus Lector plurimos inueniet. Quis autem possit coniectari quando talia contigerint? ac signanter distinguere singillatimque discernere, quæ fuerint illa pericula, illæ calamitates & angustix, illæ pugnx, illæ victoriæ? præsertim cum tota ferè Davidis vita in eiusmodi vicissitudinibus versata sit, pluresque ac varios habuerit persecutores & hostes, Saulem, Absalom, Philisthæos, Moabitas, Ammonitas, Idumæos, Syros, & in summa, omnes per circuitum nationes, quibuscum plurima bella suscepit, ac de ipsis plures reuexit triumphos. Quis item scire valeat, quando prædicta moralia meditaretur, scriberetve? aut quonam tempore prophetico

QUANDO, ET
QUA OCCA-
SIONE SIN-
GULI PSAL-
MI FUE-
RINT COM-
POSITI.

spiritu præuideret varias populi calamitates post multa sæcula futuras, & pro ipsis Dominum deprecaretur? Verum enim uero, præter Psalmos in memoratis regulis contentos, constat alios quoque non paucos reperiri, quos siue ex titulis, siue ex his quæ in ipsis dicuntur, non admodum difficile est discernere, quo quique tempore, quæ occasione facti fuerint, de quibus infra proprijs locis mentionem faciemus. Et hæc pauca hic de Psalmis breuiter attigisse sufficiat.

QVAMDIU
DAVID MAN
SERIT CVM
SAVLE.

9. Redeamus nunc ad Dauidem, quem aliquot dumtaxat, puta decem circiter mensibus, arbitror mansisse cum Saule, id est vsque ad finem illius anni in quo ipse David vnctus fuerat, qui annus, ut dictum est, erat quintus regni Saulis. Nam licet neque Scriptura sacra, neque alij Scriptores, quos viderim, exprimant quanto tempore Saul retinuerit penes se Dauidem; videtur tamen ex supra dictis necessario colligi, tempus illud non fuisse nimis longum: tum quia non est verisimile, Saulem valde diu stesisse sine bellis, tum quia à tempore quo Dauid reuersus est à Saule, ad tempus quo rediit ad ipsum ut congregaretur cum Goliath ad singulare certamen, oportet non minus sex vel septem circiter annos interfuisse, quia eum tunc Saul amplius non agnoscebat, ut patet. 1. Reg. cap. 17. vers. 55. vsque ad finem capitis, tamen prius fuisset armiger eius, & ab eo valde dilectus, ut dicitur cap. 16. vers. 21. Diximus autem supra num. 2. ad mentem Doctorum, quod Dauid non agnoscebatur propter aspectus ac faciei mutationem, ex ætate aucta, ac barba postmodum exorta, factam, ut communiter contingere solet in tertio ætatis septennio. Igitur

AB ORBE CONDITO

ANNVS 2965.

QVARTÆ MVNDI ÆTAT.

ANNVS 422.

EXORTO
BELLO CVM
PHILISTHÆIS,
SAVL RE-
MITTIT DA-
VIDEM IN
DOMVM PA-
TRIS SVI.

A NNO regni Saulis sexto inchoante, exorto iterum bello cum Philisthæis, profectus est Saul ad bellandum contra eos, secuti que sunt illum tres fratres Dauidis natu maiores. Visum est autem tunc Regi remittere Dauidem ad patrem suum; siue quia ipse amplius non curaret de eo, ut solent Principes interdum facile ac leui de causa auersari eos, quos prius vnice dilexerant, & præcipue si malo aliquo spiritu agitari eos contingat, ut Saul consueuerat. Vel fortè remisit illum, ad intercessionem patris iam valde senis: probabile enim est, ipsum iniunxisse tribus filiis suis maioribus, ut ex quo ipsi vellent ire ad bellum, saltem obtinerent sibi à Rege reditum Dauidis, qui solari senectam eius posset, & habere curam gregis. Sed quidquid sit de causa huius reditus, (nihil enim certi habemus) constat Dauidem rediisse, ut aperte exprimitur 1. Reg. cap. 17. vers. 15. his verbis: *Tribus ergo maioribus secutis Saulem, abiit Dauid, & reuersus est à Saul, ut pasceret gregem patris sui in Bethleem.* Vtrum autem prædictum bellum, cuius occasione diximus Dauidem fuisse remissum à Saule ad patrem suum, sit illud idem bellum de quo agitur in toto ferè citato Reg. capite, an fuerit aliud illo longè antèius; non omnino exploratum habetur: verum tamen certò credendum putamus, quod si fuit vnum idemque bellum, ut ex ipsa Sacri textus serie insinuari videtur, oportet illud saltem sex circiter annis continuis perdurasse, ita ut in principio ipsius remissus sit Dauid à Saule in Bethleem, & sub finem eiusdem belli redierit idem Dauid ad Saulem, ut pugnaret contra Goliath. Interim verò oportet Dauidem translegisse in Bethleem dictos sex annos in pascendis gregibus patris sui, & intra idem tempus frequenter pugnasse contra bestias ferocissimas pro defensione sui gregis, interfecisseque leones ac vrsos insurgentes contra eum, quemadmodum ipsemet postea referebat Sauli 1. Reg. cap. 17. vers. 34.

AB ORBE CONDITO

ANNVS 2969.

QVARTÆ MVNDI ÆTAT.

ANNVS 426.

DE BELLO AB
HERRÆIS
TRANS IORDANEM
HABITANTIBUS,
CONTRA AGAREOS
FELICITER GE-
STO.

A NNO circiter decimo, hoc est circa medietatem regni Saulis, ratione inferius adducenda, ponendum duximus accidisse magnum illud bellum, cuius obiter fit mentio 1. Paralip. cap. 5. vers. 10. & 18. vsque ad 24. gestum à Rubenitis & Gaditis ac Manassensibus trans Iordanem habitantibus, contra Agareos (sic enim habet editio Vulgata Romæ postremò excusa, non Agarenos, ut aliz) & Ituræos, & Naphæos, & Nadabæos, qui venerant in auxilium Agaeorum. Erant autem Ituræi & Naphæi, ipsi quoque quodammodò Agarei; siquidem prodierant à Ietur & Naphis, qui Genes. cap. 25. vers. 15. numerantur inter filios Ismaelis filij Agar. Porro ab Ituræis postea

postea denominata est regio Ituræ, quæ temporibus nostri Saluatoris pertinebat ad tetrarchiam Philippi fratris Herodis Galilææ tetrarchæ, vt colligitur Luc. cap. 3. vers. 1. At verò Nodab seu Nodabæi erant populi Agaræis finitimi. Sanè in eo bello, memorati Israelitæ licet ipsi essent tantummodò quadraginta quattuor millia septingenti sexaginta, hostes verò fortè plus triplo dictam excederent summam; nihilominus Hebræi, Deo quem inuocauerant mirabiliter eis propitio, tam grandem consecuti sunt victoriam, vt præter vulneratos & occisos, ceperint captiuos centum millia hominum, & camelorum quinquaginta millia, & ouium ducenta quinquaginta millia, & asinorum duo millia, & pro ipsis habitauerint in terra ac tabernaculis eorum, vsquequò postea, in diebus Phacee Regis Israel, translati sunt in Assyrios, vt nos sub anno mundi 3295. num. 2. dicemus. Quamquam autem 1. Paralip. cap. 5. vers. 10. dicatur memoratum bellum accidisse in diebus Saul, nec exprimatür annus regni eius in quo gestum fuerit: quia tamen necesse est accidisse vel circa initia, aut finem, aut medietatem annorum regni Saul; rationabilius visum est, illud sub hoc circiter anno ponere, quia sic propius veritati accedere possumus, quàm si illud in primis aut postremis dicti regni annis poneremus.

AB ORBE CONDITO

ANNVS 2971.

QVARTÆ MVNDI ÆTAT.

ANNVS 428.

ANNO circiter regni Saulis duodecimo inchoante, vt ex supradictis infertur, qui erat vitæ Davidis vigesimus secundus, quemadmodum videre est in tabulis, venit David missus à patre ad visendos fratres suos in castris, vbi audiuit milites inter se loquentes de Philisthæo viro proceritate gigantea, roboreque fortissimo, qui quotidie procedebat prouocans Hebræos, vt eligerent ex se virum, qui exiret secum ad singulare certamen, ea conditione, vt si ipse vinceret, Hebræi omnes seruirent Philisthæis; sin autem contrà, Philisthæi serui essent Hebræorum. Quæ propositio totum turbauerat Israëlitarum exercitum, eò quòd non esset in Israël, qui pugna- re auderet cum tali ac tãto viro, quamuis Saul Rex publicum in castris suis proferri iussisset edictum in hæc verba; *Qui percusserit Philisthæum, dabitur ei Rex diuitiis magnis, & filiam suam dabit ei, & domum patris eius faciet absque tributo in Israel.* Hæc & eiusmodi David cum à pluribus referri audisset (erat enim tunc de hac re frequens admodum sermo in castris Hebræorum) & insuper cum propriis ipsemet oculis vidisset Goliath Philisthæum de proximo monte exclamantem atque exprobrantem agminibus Israël; zelo Domini accensus, ac fremens David ceteris trepidantibus, cœpit cum stomacho sic loqui: *Quis enim est hic Philisthæus incircumcissus, qui exprobrauit acies Dei viuientis? Quid dabitur viro, qui percusserit Philisthæum hunc, & tulerit opprobrium de Israel?* satis apertè insinuans, se ad hoc esse paratum. Quæ verba cum nuntiata fuissent Sauli, statim accersitus coram Rege David, generosè admodum sese exhibuit pugnare solus contra Philisthæum; & vt Regis diffidentiam compesceret, narrauit ei, se etiam vrsos ac leones interemisse, atque eodem modo ipsum quoque Goliath interfecit. Missus itaque à Rege, lætus processit David obuiam Philisthæo, ac Deo benè iuuante præualuit in lapide & funda, percussumque Philisthæum strauit, ac proprio eiusdem Philisthæi gladio eidem caput abscidit, inspectantibus vtriusque duobus exercitibus, Israëlitarum scilicet & Philisthinorum. Statim autem ac viderunt Philisthæum fortissimum ex suis cecidisse, consternati animo, terga venterunt: contrà verò Israelitæ alacriter insurgentes, irruerunt in eos, ac percusserunt illos plaga magna. Vt autem reuerfus est Israël à cæde hostium ad castra, introductus David ab Abner principe militiæ Saulis, attulit caput Goliath coram Rege, qui gauisus est, & interrogauit eum de qua progenie esset; (siquidem neque ipse Rex, neque Abner, neque vllus de domo Regis recognouerat eum, ob causas à nobis sub anno mundi 2964. num. 2. adductas) cui respondit David, se esse filium Isai Bethleemitæ: 1. Reg. cap. 17. per totum. Creditur autem David hoc tempore composuisse ac cecinisse Psalmum 143. *Benedictus Dominus Deus meus, qui docet manus meas ad prælum, &c.* vt apertè innuit titulus, qui tam in Vulgata quàm in LXX. Interpretum editione habetur; & sentit B. Augustinus in eiusdem tituli Expositione: quamquam Cornelius Ianfenius & alij nonnulli dixerint, prædictum titulum in Græcis atque in Hebraicis codicibus minimè reperiri; & consequenter putent, dictum Psalmum non occasione memoratæ monomachix, sed post alias victorias de inimicis suis reportatas, à Davide fuisse compositum: nos autem me-

DAVID A
PATRE MIT-
TITUR AD
CASTRÀ, VT
INVISAT
FRATRES.

PGNAT FE-
LICITER
CVM GO-
LIATH PHI-
LISTHÆO.

DEFERT CA-
PUT PHI-
LSTHÆI CO-
RAM REGE.

DEPSALMIS
QVOS TVNC
CREDITVR
COMPO-
SVISSE.

moratis sacrorum Bibliorum editionibus & B. Augustino magis credendum putamus. Quoniam verò in citata LXX. Interpretum editione, in fine Psalterij additur Psalmus 151. qui incipit: *Paruus eram in fratribus meis, &c.* tali titulo: *Hic Psalmus idiographus, id est priuatim scriptus in Dauid, & extra numerum, quando monomachiam iniit cum Goliath.* Si verè Psalmus iste esset Dauidis, vt alia habet inscriptio ibidem in Scholiis relata, oporteret ipsum quoque hoc tempore fuisse compositum. Sunt item qui putant, Psalmum 9. *Confitebor tibi Domine in toto corde meo,* post deictum Goliath à Dauide fuisse conscriptum: sed de hoc nihil certi asserre possumus.

DAVID MA-
NET CVM
REGE, ET A
JONATHA
VALDE DI-
LIGITVR.
JONATHAS
PERCVIT
CVM DAVI-
DE FOEDVS
PERPETVAE
SOCIETATIS.
DAVID FIT
CENTVRIO.

SAVL INVI-
DVS, CLAM
INCIPIT
PERSEQVI
DAVID.

CONSTI-
TVIT DAVI-
D TRIBVNVM
VIRORVM
MILLE.

DAVID OB
RES PRO-
SPERE GE-
STAS AB OM-
NI ISRAELE
ADMODYM
DILIGITVR.

SAVL CAL-
LIDE SED
FRVSTRA
CVRAT DA-
VIDEM AB
HOSTIBVS
INTERFICI.

FRANGIT
DAVID I
IDEM.

2. Postquam autem Dauid attulit caput Philisthæi coram Saule, non permisit eum Rex redire ad domum patris sui, sed voluit vt penes se permaneret. Fuit verò Dauid adeò acceptus Ionathæ filio Regis, vt eum diligeret quasi animam suam, & propriis exutus vestibus ac armis, dederit ea Dauidi, inieritque cum ipso fœdus perpetuæ societatis & amicitiae. Videns ergo Saul quòd Dauid incunctanter egrediebatur ad omnia ad quæ eum mittebat, ac prudenter in cunctis se gerebat, constituit eum Ducem militum, hoc est (vt arbitror) Centurionem; nam postea dignitate auctum fecit Tribunum super mille viros, vt paulò post dicitur: eratque acceptus in oculis vniuersi populi, potissimum verò totius familiæ Regis. Verum non multò post, cum exisset Saul, ac veluti triumphans circumiret vrbs Israel, habens secum Dauidem cum capite Goliath ante se gradientem: exirentque mulieres de cunctis vrbibus obuiam Regi, in tympanis & sistris psallentes, chorosque ducentes atque canentes: *Saul percussit mille, & Dauid decem millia;* indignatus grauitè Saul, quòd publicis hisce vocibus Dauid sibi preferri videretur, cœpit ab illa die inuidia atque interno agitato odio clam persequi Dauidem, licet omnino infontem: quem cum altera die malo stimulat spiritu lancea ad parietem configere semel atque iterum frustra tentasset, timuit Saul, aduerrens quòd Dominus esset cum Dauide, & à se recessisset: itaque amouit eum ab illa iugi consuetudine sua, & ne videretur id ex malevolentia fecisse, constituit eum Tribunum super mille viros bellatores; qui prudenter admodum gubernabat eos ac dirigebat, egrediens cum eis ad prælia, & feliciter excursions faciens aduersus hostes, ita vt omnes planè intelligerent Deum esse cum eo, videntes cuncta ei prosperè & ad vota succedere. Et hæc erat causa, quòd Dauid non solum à Iudæis contribulibus suis, sed etiam ab omni Israël in dies magis ac magis diligeretur. Quamobrem cœpit Rex, ob causas sub anno proximo commemorandas, magis cauere ab eo: 1. Reg. cap. 18. vers. 1. vsque ad 17.

AB ORBE CONDITO

ANNVS 2972.

QVARTÆ MVNDI ÆTAT.

ANNVS 429.

1. ANNO, vt arbitror, proximo, qui erat regni sui decimustertius, videns Saul Dauidem quotidie magis in virtute ac strenuitate proficere, atque in rebus fortiter gerendis prosperari, veritus est ne aliquando populi favore fretus, causam aduersum se quæreret, & mali aliquid moliretur, tum quòd sine causa eum lancea configere tentasset, tum etiam quia non dedisset ei, post occisum Goliath, filiam suam vxorem, quemadmodum propositi edicti forma continebat. Itaque his suspitionibus agitatus Saul, callidè cogitauit simul & propriæ fidei atque existimationi consulere, & astu Dauidem gladio Philisthinorum è medio tollere. Vt igitur, quemadmodum dici solet, equo currenti calcar adderet, atque ipsum Dauidem ad præliandum ardentius incitaret, pollicitus est dare ei Merob filiam suam maiorem; si tamen fortiter dimicasset: existimabat enim Saul Dauidem suapte natura strenuum ac generosum, tali pollicitatione audaciùs pericula subiturum, ac proculdubio semel in ipsis interemptum iri. Sed contrà accidit; nam ille quidem deinceps fortiùs pugnabat, sed quotidie feliciùs. At verò Saul id iniquius ferens, vt primum promissionis adimplendæ tempus aduenit, maligna vincente Regem passione, non erubuit, præter fas Dauidi fidem frangere, & filiam suam Merob alteri viro dare. Verum non multò post veritus Saul, ne Dauid, tamen tunc prudenter commoueri non videretur, grauiùs tamen intus acceptam ferret iniuriam, & data occasione iustam de ipso ultionem sumeret: & insuper audiens, quòd Michol altera filia eius, oculos inieciisset in Dauidem, eumque valdè diligeret; vt hanc quoque non præteriret occasione in incitandi atque impellendi illum, vt iterum maioribus sese periculis exponeret, quò tandem aliquando, quemadmodum sperabat, eum in bello interire contingeret; rursus (explorata tamen

tamen prius per seruos suos intentione Dauidis) promisit illam ei dare, si afferret sibi ducenta Philisthinorum præputia. Egressus ergo post paucos dies cum suis Dauid, sub finem (vt arbitror) illius anni percussit Philisthæos, ducentaque ipsorum præputia attulit Regi; postulans, iuxta conuentum, feri gener eius. Itaque

AB ORBE CONDITO

ANNVS 2973.

QVARTÆ MVNDI ÆTAT.

ANNVS 430.

I ANNO insequente circiter ineunte, qui erat vitæ Dauidis vigesimus quartus, Saul cum nullus iam sibi videretur relictus tergiuersandi locus, dedit, licet inuitus, Michol filiam suam Dauidi vxorem: perspicue enim cognouerat, quod Dominus esset cum eo, & cuncta eius opera dirigeret feliciterque prosperaret, & idem non potuerant insidiæ contra eum præualere. Quamobrem, non obstante quod esset gener eius, adhuc magis timebat eum, tamquam dignitate auctum, & quia videbat, quod magis quam putauerat, à filia sua Michol diligebatur, & quod valde iam celebre factum esset nomen eius: quoniam ex quo cæperant Principes Philisthinorum exire ad præliandum contra Israel, nullus ex omnibus Ducibus ipsius Saul prudentius ac fortius ipso Dauide aduersus eos se gesserat. Quare virtus & gloria Dauidis, quæ charior ac magis grata in oculis soceri sui esse debuerat, apud eumdem inuidiæ atque odij fomitem ministrabat, ita vt non post valde plures (vt arbitror) menses, idem Saul amplius non valens internam illam, quæ iugiter eum torquebat, amaritudinem occultare, cæperit agere cum Ionatha filio suo & cum aliis Ducibus suis, vt prudenter aliquam adinuenirent occasionem perdendi Dauidem. Quo tempore creditur ipse Dauid composuisse Psalmum 10. qui incipit: *In Domino confido, quomodo dicitis animæ meæ: Transmigra in montem sicut passer*, &c. ibi enim ostendit confidentiam suam in Domino, videturque respondere amicis suis, qui agnoscetes malignitatem Saulis, suadebant Dauidi vt fugeret ab eo, ac in montibus locisque tutissimis sese reciperet. Verum inter eam Ionathas, clam admonito Dauide, vt sese aliquantulum obseruaret & absconderet, ipse pluribus rationibus placauit patrem suum, qui iurauit ei quod non occideret Dauidem; atque hoc pacto, opera nimirum ipsius Ionathæ, reconciliatus est Dauid Regi: postquam reconciliationem cum rursus Philisthæi mouissent bellum Israeli, egressus Dauid, iubente Rege, percussit eos plaga magna: 1. Reg. cap. 18. vers. 27. vsque ad finem capituli, & cap. 19. vers. 1. vsque ad 9.

DAVID FIT
GENER RE-
GIS.

SAVL CVM
SVIS AGIT
DE PERDEN-
DO DAVI-
DE, SED PRV-
DENSTER A
IONATHA
DESENTEN-
TIA DEDV-
CITVR.

AB ORBE CONDITO

ANNVS 2974.

QVARTÆ MVNDI ÆTAT.

ANNVS 431.

I ANNO regni Saulis, quemadmodum ex prædictis consequitur, decimoquinto, qui erat vitæ Dauidis vigesimus quintus, circa huius anni initia, vt infra n. s. probabitur, Saul ob proximè memoratam eiusdem Dauidis victoriam, denuo supra quam credi potest, inuidiæ stimulis ac malo spiritu exagitatus, cum iterum psallentem Dauidem lancea confodere conatus esset, illeque statim declinato ictu fugam arripuisset; cæpit Saul, contra proprium quod emiserat iusiurandum, posthabito Dei timore ac bonorum omnium iudicio, aperte persequi Dauidem, à quo nihil vimquam mali, quin potius multa beneficia acceperat. Itaque, missis satellitibus, iussit custodiri tota nocte ianuam domus eius, vt manè exeuntem interficerent. Quod cum Michol viro suo retulisset, ille confestim ad orationem conuersus, dicitur composuisse Psalmum 58. *Eripe me de inimicis meis Deus meus*, &c. vt ex eiusdem Psalmi titulo manifestum est: deinde clam, eadem nocte, per fenestram ab vxore demissus, fugiens de manu satellitum euasit, quos postmodum Michol, statua ritè in lecto composita, delusit, dicens quod Dauid ægrotaret. Fraude verò deinde detecta, sese excusauit Michol coram patre suo, quod sic dimisisset Dauidem, quia alioqui volebat eam interficere. Interim autem Dauid venit ad Samuelem in Ramatha, cui narravit omnia quæ fecerat ei Saul, mox ambo pariter profecti sunt in Naioth. erat autem Naioth (quod aiunt significare pulchritudinem) locus quidam pulcher & amœnus valde in vrbe Ramatha, vel prope ipsam, in quo Samuel cum cuneo quodam Prophetarum diuinis laudibus & sanctis colloctionibus vacare solebat. Vt ergo audiuit Saul quod Dauid esset in Naioth in Ramatha, misit eò lictores qui eum caperent, qui cum venissent, vidissentque cuneum Prophetarum vaticinantem, hoc est, diuinas laudes canentem, diuino ipsi quoque acti Spiritu, prophetare cæperunt. Quod cum nuntiatum esset Sauli, misit alios secundo,

SAVL COE-
PIT APER-
TE PERSE-
QVI DAVI-
DEM.

DAVID FV-
GIT A SAU-
LE.

SAVL TRY-
STRATEN-
TAT COM-
PREHENDI-
RE DAVI-
DEM IN
NAIOTH.

& tertio: audiens autem quod idem ipsis, sicut & prioribus contigisset, iratus voluit ipsemet illuc proficisci: quod cum propius accessisset ac peruenisset, statim ibidem pariter cum alijs prophetare cepit coram Samuele, id est canere laudes Dei cum ceteris, inter quos præsidebat Samuel: 1. Reg. cap. 19. vers. 9. vsque ad finem capituli. Quod autem hîc *prophetare* non significet futura prædicere, sed diuinas laudes canere, expressè colligitur ex fine dicti capituli, vbi de ipso Saule dicitur, quod nudus, hoc est vestibus regis exutus, cecinit tota die illa & nocte. Patet etiam ex 1. Paralip. cap. 25. vers. 1. vsque ad 4. quod non humanis solum vocibus, sed musicis quoque organis plallentes Domino, prophetare dicebantur.

2. Post hæc fugiens Dauid de Naioth, venit ad Ionatham, conquestusque est coram eo, quod sine causa pater eius quæreret se ad necem; qui conatus est consolari eum, & de hac opinione ac timore remouere, dicens: *Abstine, non morieris, neque enim faciet pater meus quidquam grande vel paruum, nisi prius indicauerit mihi*, &c. Ex quibus verbis Lyranus, Caietanus, & alij nonnulli colligunt, Ionatham fuisse absentem quando Saul lancea voluit confingere Dauidem, & misit qui custodirent domum eius, vt manè posset eum occidere; & item quando postea ter misit alios in Naioth in Ramatha, qui eumdem Dauidem comprehenderent; ac demum ipsemet illuc ad hoc venit: alioqui non videretur Ionathas sic potuisse respondere Dauidi. Abulensis autem considerans illa verba Dauidis 1. Reg. cap. 20. vers. 6. *Si respiciens requisierit me pater tuus*, &c. & illa pariter Saulis, vers. 27. *Cur non venit filius Isai nec heri nec hodie ad vescendum?* &c. putat quod inter aduentum Saulis in Naioth, & fugam Dauidis de Naioth, secuta fuerit aliqua reconciliatio Saulis cum Dauide, fortassis opera Prophetarum ibi existentium, vel melius, quia prophetans ibidem Saul, diuino munere cognouerit se iniuste persequi Dauidem, & pœnitentia ductus, eum tunc quidem denuò in gratiam receperit: verumtamen paulò post, iterum maligno actus spiritu, eumdem occidi mandauerit; propter quod Dauid siue à Samuele, siue ab alio admonitus, ad Ionatham aufugerit: nisi enim dicta reconciliatio præcessisset, non videretur Dauid potuisse rationabiliter suspicari, quod Saul requireret, cur non venisset ad vescendum cum eo: neque rationabilis videretur fuisse hæc interrogatio Saulis; meritò namque potuisset ei respondere Ionathas: Quid est quod mireris non venisse Dauidem, si cum apertè quæris occidere? Quidquid sit, fieri etiam posse putamus, quod tametsi nulla facta fuisset reconciliatio Dauidis cum Saule in Naioth, & Ionathas probè edoctus esset de omnibus quæ fecerat pater suus contra Dauidem; ea nihilominus adscribens maligno spiritui, qui solebat interdum agitare Saulem, non crederet Ionathas, quod pater suus ea sciens volensque faceret; præsertim cum nihil ei de hac re, vt alias consueuerat, indicasset; & propterea sic responderit Dauidi: *Non morieris*, &c. tamquam certò credens, quod cessante violenta illa patris sui commotione, proculdubio cessaret quoque illa Dauidis persecutio. Contrà verò Dauid, qui non immeritò suspicari poterat, quod Saul non tam malo impulsus spiritu, quàm deliberata iam animi voluntate eum quæreret ad mortem; vt hoc quoque in gratiam Ionathæ de hac re experimentum faceret, & gauderet Ionatham, dicens: *Ecce cras festum Necemania est, in quo de more soleo sedere iuxta Regem in mensa, sine me abscondi in agro vsque ad vesperam diei tertia. Si respiciens requisierit me pater tuus, dicet: Rogauit me Dauid vt iret celeriter in Bethleem, quia victima sollempnes ibi sunt vniuersis contribulibus suis. si dixerit, Bene: pax erit seruo tuo. si autem fuerit iratus, scito quia completa est malitia eius.* Hæc omnia libenter se facturum etiam iureiurando repromisit Ionathas, & insuper iactum trium sagittarum, ac quibusdam verbis, tamquam puero dictis, fideliter rei euentum eidem renuntiaturum. Cum ergo Saul secundo dicti festi die interrogasset Ionatham de Dauide, illeque superius memoratam excusationem attulisset, iratus Rex, filium contumeliis affectum etiam lancea confodere tentauit. Quamobrem contristatus valde Ionathas, abiit, mansitque præ tristitia tota illa die sine cibo; & iam certior factus de mala patris sui voluntate erga Dauidem, surgens in crastinum perrexit cum puero in agrum non procul ab eo loco in quo latebat Dauid, & iuxta conditum simulans sese exercere ad iaciendas sagittas, signo inter ipsos conueniente, indicauit Dauidi Regis indignationem; ac postea clam conuenientes, & iniucem cum lacrymis deosculantes, ictumque fœdus denuò confirmantes, recesserunt ab iniucem; & Ionathas quidem regressus est in ciuitatem suam, id est in Gabaa Benjamin; Dauid verò abiit in Nob: 1. Reg. cap. 20. per totum. Oportet autem Dauidem non solum, neque cum multo comitatu, vt alijs solebat, venisse in Nob: quandoquidem aliquos cum ipso extitisse, ac de propositionis panibus manducasse, euidenter colligitur

IONATHAS
SOLATVR
DAUIDEM.

A PATRE
CONTVMELIIS
AFFECTVS
INDIGNATIONEM.

IONATHAS
ICTVM CVM
DAUIDE
FœDVS DE
NVO CONFIRMAT.

DAVID VENIT AD ABIMELECH IN BETHLEEM.

Matthæi cap. 12. vers. 3. & 4. & 1. Reg. cap. 21. vers. 4. & 5. Vnde quod ibidem vers. 1. dixerat Achimelech, *Quare tu solus, & nullus est tecum?* per exaggerationem dictum accipi debet: tamquam admirans, quod qui multis militibus semper comitatus incedere confueuerat, tunc quasi solus, id est cum duobus aut tribus dumtaxat famulis illuc venisset. Nisi fortè primò quidem reverà comparuit solus Dauid coram ipso Achimelech, postea autem subsecuti sunt duo aut tres serui eius.

3. Illud autem hic obiter praterendum non est, ex his quæ 1. Reg. cap. 20. vers. 25. dicuntur de Saule; nimirum, quod cum sedisset super cathedrâ suam secundum consuetudinem, quæ erat iuxta parietem, sedit Abner ex latere Saul, vacuusque apparuit locus Dauid: proculdubio inferri, quod olim Hebræi non consueuerant ad conuiuia in lectulis recumbere, quemadmodum fieri solebat in regno Persarum ac Medorum, vt colligitur Esther cap. 1. vers. 6. & apertius cap. 7. vers. 8. sed super cathedras ad mensam sedebant. Et hoc etiam confirmari potest ex conuiuio quod fecit Ioseph fratribus suis Genes. cap. 43. vers. 33. vbi omnes dicuntur sedisse coram Ioseph, vnusquisque iuxta ordinem ætatis suæ. Quare si tempore Saluatoris, vt multi putant, vsus erat apud Hebræos in conuiujs non ad mensas sedere, sed in lectulis & trichinijs recumbere, quemadmodum videtur attestari plurima Euangelistarû loca, quæ numquam quemquam sedisse, sed semper recubuisse, aut, quod idem est, discubuisse asserunt: oportet talem consuetudinem post reditum populi de captiuitate Babylonica fuisse introductam, & ab illis nationibus, inter quas captiui diu vixerant, fuisse mutuam.

DE ANTI-
QVO SEDEN-
TIAD MEN-
SAM VSV.

4. Sed iam ad nostrum Dauidem redeamus, qui (vt dictum est) abierat in Nobe. Erat autem hæc ciuitas trans Iordanem, in sorte mediæ tribus Manasse, & olim vocabatur Chanath, quando autem illa regio data fuit Manassensibus, vnus ex eis vocabatur Nobe, occupata ciuitate vocauit eam ex nomine suo Nobe, vt legimus Num. cap. 32. in fine. Et hæc postmodum dicta est ciuitas Sacerdotû, vt patet 1. Reg. cap. 22. vers. 19. non quia in distributione vrbum, quam fecerat Iosue, assignata fuisset Sacerdotibus: siquidem ipsis data sunt vrbes tredecim de tribubus Iuda, Simeon, & Beniamin, vt patet Iosue cap. 21. vers. 4. & vers. 9. vsque ad 18. & nos sub anno mundi 2591. num. 7. diximus; inter quas tredecim vrbes non erat Nobe: sed quia ex quo capta fuerat Arca Dei à Philisthæis, timentes Israëlita ne caperent quoque Tabernaculum fœderis quod tunc manebat in Silo, ad maiorem eius securitatem, transulerunt illud trans Iordanem in Nobe, quæ erat valde à Philisthæis remota; & consequenter coacti sunt eodém quoque transferre Sacerdotes, qui possent offerre sacrificia super Altare holocaustorum, ibidem coram Tabernaculo existente. Cum ergo venisset Dauid in Nobe ad Sacerdotem Achimelech amicum suum, (per ipsum namque sæpius consuluerat Dominum, vt colligitur 1. Reg. cap. 22. vers. 15.) & ab eo esuriens accepisset panes propositionis, qui ablati fuerant à facie Domini, & gladium Goliath, qui erat ibi inuolutus pallio post ephod; consulto (quemadmodum ex capite proximè citato vers. 13. elicitur,) per eundem Sacerdotem Domino, eadem die inde discedens, venit ad Achis Regem Geth, putans se ibi tamquam aduenam atque ignotum tutò posse permanere: verum tamen delatus Regi, quod ipse esset Dauid, qui plura bella aduersus Philisthæos gesserat; extimuit valde, & ad Deum in oratione recurrens, composuit Psalmum 55. *Miserere mei Deus, quoniam conculcauit me homo,* &c. vt ex eiusdem Psalmi titulo patet. Deinde ab Allophylis seu Philisthæis ibidem tentus, & coram Rege perductus, insanum se esse prudenter admodum simulans, permissus est abire: 1. Reg. cap. 21. per totum, & tunc pro gratiarum actione composuisse dicitur Psalmum 33. *Benedicam Dominum in omni tempore, semper laus eius in ore meo,* &c. vt plerique illius Psalmi Expositores colligunt ex titulo, qui sic habet: *Dauidi cum immutauit vultum suum coram Achimelech, & dimisit eum, & abiit.* Nec refert quod cap. Reg. citato vers. 13. dicatur Dauid immutasse os suum coram Achis, non autem coram Achimelech: quia (quemadmodum ijdem Expositores ex S. Basilio Homilia in citatum Psalmum tradunt) idem erat Achis & Achimelech; Achis namque erat nomen proprium viri, Achimelech autem nomen commune Regum Palæstinorum, sicut Pharaon Regum Ægypti: pro cuius rei confirmatione, in editione Vulgata ad calcem prædicti tituli, citatur cap. 21. 1. Regum, vbi prædicta simulata coram Achis stultitiæ historia describitur. Dixi *Achimelech*, quia sic habet in citati Psalmi titulo textus Sixtianus: nam alioquin omnia fere alia exemplaria sacra legunt Abimelech, & similiter S. Basilius vbi supra, & concordat cum illis S. Scripturæ locis, nempe Genes. cap. 20. & 26. ex quibus idem Sanctus colligit, Reges Philistinorum Abimelech fuisse appellatos.

VRBS NOBE
VBI, ET QVR
SIC DICTA.

DE NOBE
VENIT AD
ACHIS RE-
GEM GETH.

DE GETH
VENIT AD
NAAS RE-
GEM AMMO-
NITARVM.

INDE AD
SPELVNCAM
ODOLLAM.
DE VREE O-
DOLLA.

QVI VENE-
RINT AD
DAVIDEM
IN DICTA
SPELVNCA
LATITAN-
TEM.

MASPHA
QVOIVPLEX

5. De Geth dicitur David fugisse ad speluncam Odollam, 1. Reg. cap. 22. vers. 1. Verumtamen hic oportet supponere, quod asserunt B. Hieronymus in Traditionibus Hebraicis, & Auctor Historiæ Scholasticæ 1. Reg. cap. 20. & Glossa ordinaria, & Abulensis super 2. Reg. cap. 10. nempe Davidem non rectè de Geth venisse ad dictam speluncam, sed prius abiisse ad Naas Regem Ammonitarum, contra quem Saul initio regni sui bellum gesserat; à quo in odium Saulis benignè exceptus, & fortè etiam rebus ad victum necessariis ac pecunia donatus creditur; & hanc putant esse misericordiam, quam sibi à Naas patre Hanon præstitam fateatur ipsemet David 2. Reg. cap. 10. vers. 2. & nos sub anno mundi 2993. num. 3. dicemus. Inde postmodum rediit David in terram Israel, missisque ad suos nuntiis, abdidit se in speluncam Odollam, expectans eos ibi. Erat autem Odolla, siue Adulla, vel Odulla, olim vna de ciuitatibus Chanaanorum regalibus; eius namque Rex connumeratur in catalogo Regum à Iosue occisorum Iosue cap. 12. vers. 15. Ad hanc urbem longè prius diuerterat Iudas filius Iacob, quando inde accepit uxorem, vt patet Genes. cap. 38. vers. 1. & nos sub anno mundi 2298. num. 1. diximus. Obligit postea hæc ciuitas tribui Iuda, vt videre est Iosue cap. 15. vers. 35. vbi appellatur Adulla; vnde nomen accepit spelunca in eius territorio posita. Ibi David maxima in afflictione positus, composuisse creditur ac cecinisse Psalmum 56. *Miserere mei Deus, miserere mei, quoniam in te confidit anima mea*, &c. vt ex eiusdem titulo colligi potest. Porro fratres Davidis, & tota domus patris sui, fortè (vt benè aduertit Caietanus) quod eos quoque propter Davidem, Saul exosos haberet vexaretque, vel etiam veriti (vt addit Abulensis) ne se interficiendos curaret: vt primum audierunt Davidem sese in dicta spelunca recepisse, venerunt omnes ad eum. Ad quem etiam conuenerunt alij amaro animo, æque alieno oppressi, atque aliis de causis in angustiis constituti, viri ferè quadringenti, & factus est eorum princeps, 1. Reg. cap. 22. vers. 1. & 2. Inter quos primi (vt sentit Abulensis) venerunt illi tres viri fortissimi, qui memorantur 1. Paralip. cap. 11. vers. 15. & 2. Reg. cap. 23. vers. 13. vbi additur, quod isti venerant tempore messis, id est mense primo, vel secundo, ad David in speluncam Odollam. Ex quo loco manifestè inferitur, Saulem circa initia huius anni cœpisse persequi apertè Davidem, quemadmodum suprà num. 1. dicebamus. Intereorundem quoque quadringentos ferè viros (vt multis argumentis probat Abulensis super 1. Paralip. cap. 12. q. 7.) computandi sunt illi vndecim principes militum, & viri robustissimi de tribu Gad, qui nominatim recensentur cap. Paralip. citato vers. 8. vsque ad 16. vbi ad declarandam eorum strenuitatem ac fortitudinem, subiungitur, quod transierunt Iordanem mense primo, quando admodum inundare consuevit, & quod fugauerunt omnes qui morabantur in vallibus Iordanis, hoc est in magna illa valle quæ Aulon dicebatur, per quam fluit Iordanis: & quod nouissimus illorum, gentium militibus præerat, & maximus mille. ac si dixisset, primarios ex ipsis fuisse Tribunos; ceteros verò Centuriones. Quod vtique non est intelligendum de toto illo tempore quo Saul persequebatur Davidem; constat enim, quod intra dictum tempus David nusquam legitur habuisse plus sexcentis viros; sed illa verba referri debent vel ad priora tempora, vel ad posteriora; ita vt velint significare, quod prædicti vndecim principes, vel antequam transfugissent ad Davidem (vt sentit Abulensis) erant Tribuni & Centuriones, licet non omnes eorum milites timore Saulis, sed aliqui tantum ipsos sequi ausi essent; vel (vt putat Caietanus) ita, vt velint innuere id quod postea factum est, nimirum quando David constitutus fuit Rex in Hebron: tunc enim (quemadmodum sub anno mundi 2980. num. 4. dicemus) prædictos omnes fecit in exercitu suo Tribunos & Centuriones, prout merita ipsorum & virtus exigere videbantur. Ceterum multi credunt, Davidem eodem tempore quo venerunt ad ipsum prædicti quadringenti ferè viri, cecinisse Psalmum 33. *Benedicam Dominum in omni tempore*, &c. quamquam ex titulo apparet illum fuisse decantatum, quando David, post prudenter simulatam coram Achis Rege Geth insaniam, inde dimissus fuit, vt suprà numero præcedenti dictum est. Nisi fortè satis probabiliter dici possit, Davidem, eundem tunc quoque Psalmum, tamquam valde appositum ad agenda Deo gratias pro tantis beneficiis opportunisque auxiliis nuper acceptis, iterum cecinisse.

6. De memorata spelunca David cum iis qui ad ipsum conuenerant, profectus est in Maspha terræ Moab. Additum verò hic est *terre Moab*, ad differentiam aliarum eiusdem nominis vrbiū existentium in terra Chanaan; quarum vna erat in regione Galaad, vbi olim manebat Iephth Galaadites, quemadmodum dicitur Iudic. cap. 11. vers. 34. altera in tribu Benjamin, vt patet Iosue cap. 18. vers. 25. in qua interdum congregari

gregari solebat populus, sicuti sub anno mundi 2594. num. 13. dictum est: quia omnibus valde commoda erat, eò quòd ferè in medio totius populi Israelitici esset sita, nimirum prope Gabaa Benjamin & Rama, vt colligitur 3. Reg. cap. 15. vers. 22. & 2. Paralip. cap. 16. vers. 6. vbi dicitur, quòd Asa Rex Iuda tulit lapides & ligna, quæ pro ædificanda seu munienda Rama præparauerat Baasa Rex Israel, & ex eis ædificauit seu munivit Gabaa Benjamin & Maspha, nimirum Ramæ proximæ. Porro Rama (teste Iosepho 8. Antiq. cap. 6. distabat ab Ierusalem stadiis dumtaxat quadraginta. vnde inferri potest, hanc quoque Maspham fuisse Ieròsolyms proximam. Dictum quoque fuit, *Maspha terre Moab*, ad differentiam cuiusdam regionis ad radices montis Hermon posita, quæ dicebatur Terra Maspha, Iosue cap. 11. vers. 3. de qua nos sub anno mundi 1931. num. 40. meminimus. Cùm ergo venisset Dauid ad Regem Moabitarum, obtinuit ab eo publicam fidem, quòd possent in ditione eius tutò permanere ipse, & viri, & parentes sui, quorum specialis fit mentio 1. Reg. cap. 22. vers. 3. Vnde inferri potest, Isai patrem Dauidis ad hæc vsque tempora peruenisse, vt etiam in tabulis adnotabimus. Mansit itaque Dauid, concedente Rege, aliquam diu cum viris suis in præsidio, hoc est, in quadam prædicti Regis arce, quam ab hostibus tutandam acceperat, vt dicitur cap. Reg. proximè citato vers. 3. & 4. Quo tempore confluxerunt ad eum plures alij, non solum de tribu Iuda, hoc est ipsius, sed etiam de tribu Benjamin, quæ erat Saulis inimici eius, præferentes innocentiam Dauidis cognationi quam habebant cùm Saule. Isti venerunt ad præsidium in quo morabatur Dauid: qui cùm eis obuiam egressus dixisset, si pacificè venissent; respondit pro omnibus Amasai princeps inter triginta, dicens: *Tui sumus o Dauid. Pax tibi, & pax adiutoribus tuis*, &c. Quibus auditis, suscepit eos Dauid, & distributis inter ipsos ministerijs, prout in exercitijs fieri solet, quò omnia ordine administrari valerent, adiunxit eos turmis suis: 1. Paralip. cap. 12. vers. 16. vsque ad 19.

7. Monitus deinde Dauid à Gad Propheta (quem vel priùs ipsum quoque transfugisse ad Dauidem, vel à Deo postea specialiter ad hoc missum esse oportet) de licentia Regis Moab reuersus est cum omnibus viris suis in terram Iuda: 1. Reg. cap. 22. vers. 5. Quamdiu autem Dauid moratus sit in terra Moab, adhuc pressius explorare non potuimus: credimus tamen per paucos dumtaxat menses eum ibi mansisse. Verùm quia cap. proximè citato vers. 4. legimus, parentes Dauidis moratos esse in terra Moab donec ipse Dauid fuit in præsidio; quæri potest, num & ipsi cum filio redierint in terram Iuda, an paulò ante obierint. Et quidem hoc quòd posterius dictum est, multò probabilius videtur. nam aliqui non videretur verisimile, quòd aut Gad suadere ausus esset, aut Dauid sustinere potuisset, eosdem iam ætate decrepitos (erat enim tunc Isai annorum centum viginti, vt patet in tabulis) secum modò huc, modò illuc, per saltus & loca deserta circumducere. Et ad confirmandum, eos tunc iam fuisse defunctos, quando Gad dixit Dauidi ne ampliùs maneret in præsidio, facit, quòd nulla deinceps in Sacro eloquio fit mentio parentum Dauidis. Venit ergo Dauid in saltum Haret, nimirum qui erat in territorio vrbis Haret, quæ & Maret, posita in tribu Iuda, vt patet Iosue cap. 15. vers. 59. Ibi Dauid cùm vidisset maximam illius deserti, ad quòd Prophetæ monitu aduenerat, sterilitatem, ac rerum omnium ad vsus humanos necessariorum penuriam; conuersus ad Dominum, postulans sibi diuinam virtutem in temporalibus prouideri, sed & animam quoque suam spiritali consolatione repleri atque impinguari, cecinit Psalium 62. *Deus meus ad te de luce vigilo*, &c. vt planè colligitur ex titulo, qui sic habet: *Psalms David cùm esset in deserto Idumææ*. Vbi (vt notat grauis Psalmodum Commentator incerti nominis) quamquam quidam codices pro *Idumææ*, legant *Iudææ*; nihilominus, quia magis probati habent *Idumææ*, oportet hîc vocabulo Idumææ non terram Edom significari (iam enim probatum est, quòd saltus Haret erat in Iudæa, non autem in Idumæa) sed quòd ipsa vox sonat, rubram: siquidem Idumæa interpretatur Rubra. vt idem sit dicere, *Cùm esset in deserto Idumææ*, ac si diceretur, *Cùm esset in deserto habente terram rubram*, hoc est sterilem & omnino infructiferam: talis namque erat saltus ille Haret, quemadmodum ipsemet Dauid in eodem Psalmo insinuat dicens: *In terra deserta, inuisa, & iniquosa*. Et hæc tituli expositio satis confirmari potest auctoritate editionis Vulgate, quæ eidem titulo adiecit locum 1. Reg. cap. 22. vers. 5. vbi describitur aduentus Dauidis in saltum Haret.

8. Porro Saul, qui tum morabatur in Gabaa, cùm esset quadam die non procul ab vrbe, in quodam nemore nomine Rama, stipatus caterua seruorum suorum, audisset quæ apparuisse Dauidem in terra Israel; cœpit vehementer conqueri coram eis, quasi omnes

DAVID DE
SPELVNCA
ODOLLA VE-
NIT. CVM
SVIS AD RE-
GEM MOAB.

QVI VENE-
RINT AD
DAVIDEM
IN TERRA
MOAB COM-
MORAN-
TEM.

PARENTES
DAVIDIS
MORTVOS
ESSE IN TER-
RA MOAB.

DAVID DE
TERRA
MOAB VE-
NIT IN SAL-
TUM HARE-
T TRI-
BUS IVDÆ.

SAVL IN-
TERFICIT
SACERDO-
TES NOBE
PROPTER
DAVIDEM.

ABIATHAR
SACERDOS
FUGIENS
VENIT CVM
EPHOD AD
DAVID.

omnes aduersum se coniurassent pro filio Isai, & propterea nemo ipsorum curasset denuntiare ei, vbi nam esset David. Quæ audiens Doëg Idumæus, dixit se vidisset Davidem in Nobe, accusauitque Regi Achimelechum Sacerdotem, quod consuluisset Dominum pro Dauide, dedissetque ei cibaria, & gladium Goliath. Quamobrem iratus Saul, accersitum ad se Achimelechum, per eundem Doëg (quod ceteri nefas illud patrare recusassent) iussit occidi, & cum eo Sacerdotes octogintaquinque; & Nobæ ciuitatem ipsorum impiè admodum percussit in ore gladij. Ex qua cæde cum euasisset Abiathar filius Achimelechi, nuntiauit omnia Dauidi; à quo benignè exceptus, mansit deinceps apud eum: 1. Reg. cap. 22. vers. 6. vsque ad finem capitis. Tulerat autem Abiathar secum de Nobæ ephod, vt dicitur cap. 23. vers. 6. & in eo postea, quotiescumque opus erat, consulebat pro Dauide Dominum. Eodem ergo tempore cecinit David Psalmum 51. *Quid gloriaris in malitia, &c.* contra memoratum Doëg, vt probat eiusdem Psalmi titulus. Sunt etiam qui putant, Davidem tunc quoque alios composuisse Psalmos aduersus eundem Doëg, aliosque Saulis adulescentes, nempe Psalmum 108. *Deus laudem meam ne tacueris, quia os peccatoris, & os dolosi super me apertum est, &c.* & Psal. 139. *Erue me Domine ab homine malo, &c.*

9. Credimus item per hæc circiter tempora venisse (nescio quo modo) ad aures Davidis verba illa, quæ contra ipsum malitiosè composuerat Saul, palamque obloquebatur coram seruis suis de Dauide, asserens quod callidè insurrexisset aduersum se, & insidiaretur sibi: vt habemus 1. Reg. c. 22. vers. 8. Cum tamen econuersò Saul ipse esset, qui reverà non cessabat machinari, moliri, & struere insidias contra Davidem, licet insonitem, & se tantummodò ab eius persecutionibus tutari satagentem. Putò autem quod David, his auditis, cecinerit Psalmum 7. qui incipit: *Domine Deus meus in te speraui, &c.* Nam in eo Psalmo videtur purgare se coram Deo & hominibus ab illa calumnia, imprecando sibi ipsi multa mala, si vera erant quæ sibi obiiciebantur. Et propterea exclamat, dicens: *Domine Deus meus si feci istud* (id est, si insurrexi in Dominum meum Regem; & si insidiatus sum ei, aut insidiari vmquam in animo habui) & *si est iniquitas in manibus meis, & si reddidi retribuentibus mihi mala*, (id est, si quid inique egi in Regem, siue reddendo ei mala pro bonis, siue etiam mala pro malis) *decidam meritò ab inimicis meis inanis* (id est, cadam inglorius coram inimicis meis) vel potius, *persequatur inimicus animam meam, & comprehendat, & conculcet in terra vitam meam, & gloriam meam in pulverem deducat.* id est, non solum persequatur, sed etiam capiat; neque tantum capiat, sed etiam interficiat me inimicus meus; neque solum interficiat, sed morte turpissima me afficiat, cum perpetua infamia ac ignominia memoriæ meæ. Deinde orat Deum, vt respiciat, & faciat sibi secundum iustitiam atque innocentiam suam, subdens: *Iudica me Domine secundum iustitiam meam, & secundum innocentiam meam super me, &c.* Neque his obstat eiusdem Psalmi titulus, qui non modò quidquam meminit de Saule, verum etiam sic habet: *Psalmus David quem cecinit pro verbis Chusi filij Iemini.* quia iste Chusi non videtur posse accipi pro illo Chusi Arachite, cuius fit mentio 2. Reg. cap. 15. vers. 32. & cap. 16. vers. 16. vt S. Augustinus in Expositione huius Psalmi, & alij nonnulli ipsum secuti, crediderunt. Nam (vt aiunt Hebraicæ linguæ periti) Chusi Arachites scribitur per litteram Chet; iste verò Chusi de quo in dicto Psalmi titulo agitur, per Chaph. Et præterea ex locis Reg. citatis constat, Chusi Arachitem non fuisse hostem sed amicum Davidis, ei que benefacere admodum studuisse: & probari non potest, quod eum verbo aut opere vmquam offenderit, offenderève attentauerit; neque quod fuerit filius Iemini, hoc est, de tribu Beniamin: siquidem illa citatio (2. Reg. cap. 16.) quæ in dicto Psalmi titulo in editione Vulgata per parentheses interposita est, & remittit Lectorem ad locum vbi Scriptura sacra loquitur de dicto Chusi Arachita, satis probabiliter credi potest, quod ab aliquo S. Augustini sectatore ibidem fuerit adiecta: quoniam neque in textu Hebraico neque in Græco reperitur. Quare, meo iudicio, præstat sentire cum aliis Auctoribus, & præcipuè cum S. Hieronymo, qui in eiusdem Psalmi Expositione, per Chusi in eius titulo nominatum, intelligit Saulem, de quo dubium non est quin fuerit de stirpe Iemini, id est, de tribu Beniamin, vt planè colligitur 1. Reg. c. 9. vers. 1. & 2. Et inquit idem sanctus Doctor, quod totus iste Psalmus secundum historiam, in persona Saulis interpretari potest. Vocatur autem Saul in dicto titulo, Chus, id est, Æthiops, non proprie, sed figuratè; quoniam ob multa eius crimina, iam penes viros probos habebatur tamquam denigratus in moribus & in fama. Et hæc S. Hieronymi opinio nobis magis placet, & præferenda videtur alteri quorundam opinioni, qui per Chusi filium Iemini, existimant debere intelligi Semei filium Gera. Nam licet Semei esset ipse quoque

quoque de tribu Benjamin, & maledixerit Dauidi fugienti à facie Absalom, vt traditur 2. Reg. cap. 16. vers. 7. & 8. tamen quæ in dicto Psalmo habentur de innocentia Dauidis, non videntur omnino quadrare posse tempori dictæ fugæ; quia quando Dauid ab Absalom filio suo fugatus fuit valdeque afflictus, non erat adeo innocens sicuti quando persecutionem patiebatur à Saule: siquidem ante dictam fugam, Dauid iam adulterio scœdauerat vxorem Vriæ, ipsumque iniuste occidi curauerat: propter quæ peccata permisit postea Deus ipsum de suo regno eiici à proprio filio, & ab eodem scœdari concubinas eius, quemadmodum non obscure prædicendo insinuauerat ei Nathan Propheta 2. Reg. cap. 12. vers. 11. Denique, si nomen leonis, de quo in eiusdem Psalmi versu 2. dicitur: *Ne quando rapiat, vt leo, animam meam*, eodem S. Hieronymo attestante, magis conuenit Sauli quam Absalomo, aut alij ipsius Dauidis inimico; multò minùs videtur competere posse Semeo, qui magis propriè (2. Reg. cap. 16. vers. 9.) comparatus est cani, quòd latrare quidem posset aduersus Dauidem, non autem ipsum mordere aut lædere.

10. Ceterùm hic aduertere oportet, quòd Abulensis super 1. Paralip. cap. 6. quæst. 3. cui assentiri videtur Sigonius lib. 5. de Repub. Hebræorum cap. 2. putat, Saulem, statim postquam iussit occidi Achimelechum, & alios suæ stirpis Sacerdotes, dedisse Pontificatum Sadoco, & tunc rediisse summum Sacerdotium à sobole Ithamar ad progeniem Eleazar. Sed huic opinioni obstat, quòd 1. Paralip. cap. 12. vers. 23. & 28. vbi Sadoc recensetur inter eos qui de tribu Leuitica venerunt ad Dauid in Hebron, vt transerrent regnum Saulis ad eum, idem Sadoc appellatur puer egregiè indolis. Si ergo tum erat puer, certè oportet eundem fuisse puerulum, vel etiam infantem, quando occisus fuit Achimelechus: id namque accidit duodecim ferè annis antequam Dauid constitueretur Rex super omnè Israel, vt dignosci potest in tabulis. Non igitur potuit Sadoc statim post necatum Achimelechum summus fieri Sacerdos; præsertim cum Iosephus 8. Antiquit. cap. 1. dicat, quòd Sadoc non Saule, sed Dauidè regnante creatus est Pontifex. Sed demus, quòd Scriptura sacra, vt aliàs interdum solet, dicat Sadoc fuisse puerum, hoc est adulescentem, puta viginquattuor circiter annorum; & consequenter, quòd annunt ageret duodecimum tempore necis dicti Achimelechi, & quòd tali non obstante eius ætate, voluerit eum Saul constituere summum Sacerdotem: profectò videtur Saul illum quidem Arcæ scœderis & Tabernaculo præficere potuisse, non autem facere Pontificem; quandoquidem iam Abiathar ad Dauidem aufugiens, tulerat secum ephod, quod erat proprium ac præcipuum Pontificis indumentum, & tamquam legitimus paternæ dignitatis successor, quandocumque opus erat, eo utebatur, & in eodem consulebat Dominum, quod pariter munus erat summi Sacerdotis: nec vsquam legimus Saulem tunc aliud fecisse ephod, quo Sadoc vnquam vsus fuerit. Præterea (quod magis vrget) 3. Reg. cap. 2. vers. 35. perspicuè habemus, quòd Salomon posuit Sadoc pro Abiathar Sacerdotem, id est, fecit eum pro Abiathar Pontificem (ibi enim, vt aliàs sæpè, Sacerdotis vocabulum pro Pontifice vsurpatur: nam alioqui vtique natus Sacerdos, nedum tunc factus erat) & confirmatur, quia 1. Paralip. cap. vlt. vers. 22. vbi describitur secunda Salomonis vnctio in Regem, subiungitur, quòd etiam vnixerunt Sadoc in Pontificem (subaudi, post depositum de Sacerdotio Abiathar, vt sub anno mundi 3020. num. 8. explicabitur.) Sed neque credendum est, duos eodem tempore eiusdemque auctoritatis extitisse Pontifices; quin potius, si duo erant, fuisse inter se subordinatos: alioqui, nisi maior fuisset ipsius Abiathar auctoritas, frustra & inaniter videretur fuisse illa Sadoc in eius locum successio. Vnde refelli posse videtur opinio Cardinalis Toleti, qui super Ioan. cap. 18. Annotatione 1. putat, semper quidem apud Iudæos vnum tantum fuisse Pontificem, hoc est summum Sacerdotem, sed ab hac generalitate excipit tempora Sadoc & Abiathar, quos vno eodemque tempore ambos pariter Pontifices parisque auctoritatis fuisse credidit. Sed si rem accuratius expendamus, nihil (vt reor) inueniemus, quod ad dictam exceptionem faciendam cogere possit: quin potius, si semel plures eodem tempore Pontifices esse permisum fuisset, probabile admodum fit, quòd aliàs quoque aliquando id in vsum inductum esset, propter æqualem competitorum potentiam, & ad sedandas inter eos quæstiones ambitionis ergò exortas.

11. Sed quid dicemus ad id quòd vbi suprà asserit Iosephus, nempe, Sadoc Dauidè regnante factum fuisse Pontificem? id enim si verum est; vtique oportet duos eodemmet tempore extitisse Pontifices. Ad hoc dicimus, quòd Dauid (quemadmodum legimus 2. Reg. cap. 16. vers. 39.) post reductam Dei Arcam ad domum suam in Ierusalem,

QVOD NON
SADOC SED
ABIATHAR
SVCCES-
SIT ACHI-
MELECHO
IN PONTI-
FICATV.

DILVNTVR
OBIECTA.

relictò Tabernaculo fœderis in Gabaon , vt vtrobique (sicuti par erat) Deus sollempniter coleretur; diuifit Sacerdotes & Leuitas, vt alij ministrarent coram Arca Domini in Ierusalem, alij verò coram Tabernaculo fœderis in Gabaon. Et ijs quidem qui remanserant in Ierusalem , quia ibidem quoque manebat Abiathar , verus ac legitimus Pontifex, neminem præfecisse legitur: ijs autem qui missi sunt ministrare in Gabaon , præfecit Sadoc. Qui propterea licet quodammodò esset vereque dici posset factus Pontifex, (siquidem poterat ibidem munia pontificalia exercere,) nihilominus recta ratio dicat, quòd non fuerit generalis, sed veluti partialis, & vt ita dixerim, foraneus Pontifex; & consequenter, non supremus, sed supremo subordinatus, nimirum ipsi Abiathar, qui etiam ipso erat senior, & manebat in Ierusalem vbi erat Arca Domini , quæ proculdubio longè dignior erat ipso Tabernaculo, & proinde maiorem cultum dignioremque Pontificem exigere videbatur. Quòd si talis non fuisset Abiathar, vtique non fuisset postea in eius locum Sadoc subrogatus. Fuit ergo Sadoc non primus, sed secundus Sacerdos, Dauidis temporibus, sicuti postmodum regnante Sedecia primus Sacerdos erat Saraia, & secundus Sophonias, vt apertè traditur 4. Reg. cap. vlt. vers. 18. Initio autem regni Salomonis, quemadmodum suprà dictum est, depositus fuit de summo Sacerdotio Abiathar, & pro eo successit Sadoc: quare etiam Abiatharis & Sadoci tempore, vnus tantum erat apud Iudæos summus Sacerdos. Nec refert quòd Scriptura facit 2. Reg. & 1. Paralip. vbicumque (quod non rarò accidit) duo, & interdum tres memorantur Dauidè regnante Sacerdotes, semper prius nominat Sadoc quàm Abiathar & Achimelechum eius filium: id enim facere potuit, quoniam Abiathar breuè erat de summo Sacerdotio deponendus, Sadoc autem eidem subrogandus; & quòd huius progenies dignior esset, vtpote quæ ex Aaronis primogenito prodiret, & propterea eidem Sacerdotij dignitas magis deberetur, & apud quam deinceps ferè iugiter permansura præuidebatur. Vel etiam, quia Auctores libr. Reg. & Paralip. qui Abiathar & Sadoc multò posteriores fuerunt, cum vidissent iam ablatum esse Sacerdotiũ de domo Abiathar, & translatum in domum Sadoc, ob reuerentiam eius, conuenientius duxerunt prius nominare Sadoc. Quidquid sit, oportet hoc factũ fuisse, non quia tunc Abiathar non esset summus Pontifex, quemadmodum probatum est, sed vel ob allegatos, aliòve eiusmodi respectus. Denique ad probationem eorum quæ de Abiathar Pontificatu hætenus dicta sunt, facient etiam ea quæ sub anno mundi 3020. num. 13. dicenda erunt. Igitur ab hoc, vel potiùs à consequenti anno, numerandi sunt anni Pontificatus Abiathar. Et quoniam ipse post Achimelechum patrem suum Sacerdotio functus est, donec tandem à Salomone fuit depositus, ideoque ex Sacro textu certa & euidentis remanet series annorum Sacerdotij eius, æquum erit eam speciatim in tabulis quoque digerere, iuxta pollicitationem à nobis sub anno muni. 2583. num. 6. factam.

DE ANNIS
PONTIFICA-
TUS ABIA-
THAR.

AB ORBE CONDITO

QVARTÆ MVNDI ÆTAT.

ANNVS 2975.

ANNVS 432.

MIPHIBOSE
THIORTVS.

ANNO regni Saulis decimosexto circiter incipiente, qui fuit quintus ante obitum eius, oportet natum esse Miphiboseth filium Ionathæ: siquidem ipse erat puerulus quinquennis quando venit nuntius de morte patris sui Ionathæ & aui Saulis, vt habemus 2. Reg. cap. 4. vers. 4.

DAVID LI-
BERAT AB
OBSIDIONE
CEILAM.

2. Per hæc (vt credimus) tempora, audiens Dauid quòd Philisthæi oppugnarent Ceilam urbem tribus Iudæ, cuius fit mentio Iosue cap. 15. vers. 43. consulto semel atque iterum Domino (subaudi, per Abiathar Sacerdotem, qui ad eum confugerat cum ephod, vt dictum est) percussit Philisthæos plaga magna, & liberauit ab oblatione urbem, inhabitauitque cum viris suis in ea. Verum cum postea audisset quòd Saul cogeret exercitum, vt veniret & comprehenderet ipsum in Ceila; veritus ne ab oppidanis traderetur in manus Saulis, consulto prius iterum per Abiathar Domino, egressus est cum viris suis iam ferè vsque ad sexcentos auctis: qui primò quidem huc atque illuc vagabantur, incerti quonam sese recipere deberent, ne à Saule reperirentur; ac tandem confederunt in solitudine Ziph, in locis montosis ac tutissimis siluæ, & specialiter in quodam colle qui vocabatur Hachila, qui erat opacus, & admodum opportunus ad securè latitandum in eo. Saul autem, vt audiuit Dauidem exisse de Ceila, dissimulauit exire, nimirum finxit se noluisse cum exercitu ire in Ceilam. At verò Ionathas, vt audiuit quòd Dauid esset in loco satis tuto, & quòd iam multi de Israel viri fortissimi ad eum confluxissent vt adiuuarent partes eius; clàm venit ad eum, & confortauit eum,

EGRESSVS
DE CEILA
SESE RECI-
PIT IN COL-
LEM HACHI-
LA DESERTI
ZIPH.

præ-

prædicens quòd certò regnaturus esset in Israel, & renouato, ac tertio iam confirmato fòdere quod pariter inierant, reuersus est Ionathas in domum suam: 1.Reg. cap.23. vers.1. vsque ad 19.

3. Post hæc Ziphæi, licet essent de contribulibus Davidis (Ziph enim erat ciuitas tribus Iuda, vt patet Iosue cap.15. vers.55. à qua proximum desertum appellabatur Desertum seu Solitudo Ziph) scientes se Regi gratum facturos, denuntiauerunt ei, Dauidem latitare apud eos, & insuper obtulerunt se tradituros illum in manum Regis: qui, commendata eorum fidelitate, remisit eos, ac præmisit vt diligentius scrutarentur atque inuestigarent omnia latibula eius: ipse verò Saul non multò post cum magna militum manu venit ad perquirendum Dauidem; qui hoc audito, statim descendit de colle, & versabatur in deserto Maon, quod erat proximè deserto Ziph, vel potius pars eius, sic denominata ex nomine vrbs Maon, quæ non valde procul inde aberat; siquidem istæ quattuor vrbes, Maon, & Carmel, & Ziph, & Iota, ex loco Iosue proximè citato, videntur fuisse finitimæ, & in eadem solitudine seu regione positæ. Cum autem peruenisset Saul ad desertum Maon, pergeretque cum suis ad latus montis, Dauid autem cum suis esset in altero eiusdem montis latere, & aduertisset quòd viri Saul eum in modum coronæ iam vndique cingebant, ac propterea videns se suosque in arcto positos, desperaret posse de manibus Saulis euadere, ad solitum orationis confugium conuersus, clamauit ad Dominum in Psalmo 53. dicens: *Deus in nomine tuo saluum me fac*, &c. vt constet ex titulo. Atque hoc pacto, confestim Dei ope de maximo illo periculo liberatus est. Etenim tunc temporis appulit nuntius ad Saulem, qui coëgit eum festinatò inde abire, & occurrere Philisthæis impetum facientibus in terram Israel: 1.Reg. cap.23. vers.19. vsque ad finem capituli.

IONATHAS
TERTIO FIR
MAT FOE-
DVS CVM
DAVIDE
ICTVM.

ZIPHAË
PRODYNT
DAVIDEM
REGI.

SAVL CVM
EXERCITV
PERSEQUI-
TVR DAVI-
DEM.
DAVID DE
DICTO COL-
LE VENIT
IN DESER-
TYM MAON.

DAVID IN
ANGUSTIIS
POSITVS,
ORANDO
MIRABILI-
TER LIBE-
RATVR.

AB ORBE CONDITO

QVARTÆ MVNDI ÆTAT.

ANNVS 2976.

ANNVS 433.

A NNO, vt arbitror, insequenti, Saul post pulsos profligatosque de terra Israel Philisthæos, cum tribus millibus viris ex omni militia sua electis persequitur Dauidem commorantem in locis tutissimis Engaddi. Porrò Engaddi computatur inter ciuitates tribus Iudæ, Iosue cap.15. vers.62. erantque ibi olim vineæ speciosissimæ & celeberrimæ, quarum fit mentio Cantic. cap.1. vers.13. illis verbis: *Botrus Cypri dilectus meus mihi, in vineis Engaddi*. Ex eiusdem item vrbs nomine, Engaddi quoque nuncupabatur mons in territorio eius existens, non longè ab Occidentali littore Maris mortui, siquidè de Segor, quæ erat proxima Mari mortuo, ad ascensum montis Engaddi, vnam dumtaxat itineris leucam ponit Brocardus diligens atque oculus illorum locorum spectator: qui etiam addit, montes Engaddi esse sublimes valdè, & præruptis rupibus aded incompositos, vt videntibus horrorem incutiant; & ipse numquam tales se vidisse asserit. In his ergo Saul latitantem Dauidem perquirens, loca etiam solis ibicibus peruia peruestigare non omittebat. Aded præualuerat in eo inuidiæ atque odij vis, vt nullis parcere laboribus, nihil intentatum relinquere operæpretium duceret, quòd infontem comprehendere ac necare posset. Sed ecce diuina providentia, quæ vt insanos labores & iniquos conatus frustraret, quin etiam regij cordis malignitatem confunderet, permisit, vt dum purgandi alui gratia à suis fuisse incautus Rex segregat, ad specum diuertat, in cuius interiori parte admodum cauernosa & capaci atque obscura absconditus erat Dauid. Porrò tunc orabat Dominum Dauid in Psalmo 141. *Voce mea ad Dominum clamaui*, &c. cuius titulus est: *Intellectus Dauid, cum esset in spelunca, oratio*, (1.Reg.24.) Viri autem qui ibidem cum Dauide latitabant, ex luce quæ aliquantulum intra os antri sese expandebat, agnoscences Saulem ingredientem, qui eos, contra tenebras obscurissimas spectans, cernere non poterat, submissa voce hortati sunt Dauidem, vt illum interficeret: at ipse sensim ac leuiter à tergo accedens, cum præcidisset oram chlamydis eius, illicò pœnituit, & ait intra se: *Propitius sit mihi Dominus, ne mittam manum meam in christum Domini*. Itaque neque ipse eum voluit occidere, neque permisit quemquam ex suis illum lædere: sed illo de specu egresso clamauit post eum, eidemque abscissam chlamydis oram ostendens, ac certiore faciens, quòd illum, si voluisset, sine vilo negotio potuisset occidere, conquestus est, quòd eum iniuste ac sine causa persequi non desisteret. Quo factò, Saul, tum horrore periculi in quod inciderat, tum tali ac tam insperato ab hoste beneficio, in semetipso confusus, palàm fateri coactus est, iustiorē seipso esse Dauidem, qui reddidisset ei bona pro

ITERVM
SAVL PER-
SEQUITVR
DAVIDEM.

DE ENGAD-
DI, ET EIVS
MONTIBVS.

DAVID SAY-
LEM SE PER-
SEQUENTEM
IN SPELVN-
CA INVEN-
TVM INTER-
FICERE RE-
NVIT.

malis. Exemplum sanè pietatis, præsertim ante aduentum Saluatoris, admirabile. Et quoniam Saul vel ex hoc iam pro certo habebat, quòd Dauid regnaturus esset super Israel, adegit eum, iureiurando vt promitteret se non deleturum semen eius. Atque his dictis, abiit Saul in domum suam, & pro tunc cessauit persequi Dauidem, qui tunc dicitur secundò cecinisse Psalmum 56. *Miserere mei Deus, miserere mei, quoniam, &c.* quemadmodum deducitur ex postrema loci Reg. citatione, quæ in eiusdem Psalmi titulo habetur. Deinde Dauid veritus nouam à Saule persecutionem, sese cum suis recepit ad tutiora loca deserti: 1. Reg. cap. 24. per totum.

AB ORBE CONDITO

ANNVS 2977.

QVARTÆ MVNDI ÆTAT.

ANNVS 434.

ORITVS SA-
MYELIS.EIVS PRÆ-
CONIA EX
ECCLESIA-
STICO.QVOSSCRI-
PSERIT LI-
BROS.

SUB finem anni regni Saulis decimioctauo (vt infra sub anno mundi 2979. n. 10. & 11. probabimus) oportet decessisse Samuelem, quem planxit vniuersus Israel, & sepelierunt in domo sua in Ramatha, vt dicitur 1. Reg. cap. 25. vers. 1. & c. 28. vers. 3. Egregia verò eius præconia celebrantur Ecclesiastici cap. 46. vers. 16. vsque ad finem capituli, vbi sic legimus: *Dilectus à Domino Deo suo Samuel Propheta Domini, renouauit imperium, & vnxit principes in gente sua* (quia Hebræorum regimen ipse primus à Iudicibus ad Reges transfudit, vnxitque primò Saulem, postea etiam Dauidem in Reges.) *In lege Domini congregationem iudicauit, & vidit Deus Iacob*, (ac si diceretur, inspectante Deo Iacob) *& in fide sua probatus est Propheta. Et cognitus est in verbis suis fidelis, quia vidit Deum lucis*: (hoc est, diuina illustrabatur luce:) *& inuocauit Dominum omnipotentem in oppugnando hostes circumstantes undique, in oblatione agni inuiolati*. (hoc explicatiùs traditur 1. Reg. cap. 7. vers. 7. vsque ad 12.) *Et intonuit de calo Dominus, & in sonitu magno auditum fecit vocem suam, & contriuit Principes Tyrriorum, & omnes Duces Philisthinum*: (vt nos explicatiùs sub anno mundi 2959. num. 1. tradidimus) *& ante tempus finis vitæ suæ & sæculi*, (subaudi, Iudicum) *testimonium præbuit in conspectu Domini, & Christi, pecunias & vsque ad calcamenta ab omni carne non accepit, & non accusauit illum homo. Et post hoc dormiuit, & notum fecit Regi, & ostendit illi finem vitæ suæ, & exaltauit vocem suam de terra in prophetia, delere impietatem gentis*. (nimirum quando prædixit interitum populi cum suo Rege, 1. Reg. cap. 28. vers. 19.) hætenus verba Ecclesiastici.

2. Ceterum, Samuelem scripsisse multos libros, nempe Iudicum, Ruth, & 1. Reg. tradit S. Isidorus lib. 6. Originum cap. 2. Verum quod attinet ad lib. 1. Reg. oportet non totum à Samuele fuisse conscriptum: quandoquidem capite eiusdem lib. 25. ponitur mors ipsius Samuelis. vnde necesse est aliqua saltem ante dictum caput, & omnia quæ post ipsum habentur, ab alio fuisse scripta. Quod si verum est, vt credimus, quomodo (dicet aliquis) saluari poterit id quod in fine lib. 1. Paralip. traditur, videlicet, *Gesta Dauid regis priora & nouissima scripta esse in libro Samuelis Videntis*? Responderi potest, illud *priora & nouissima* non debere referri tantummodò ad Samuelem, sed etiam copulatiuè ad duos alios Scriptores ibidem subiunctos, sequitur enim: *Et in libro Nathan Propheta, & in volumine Gad Videntis*; ita vt gesta Davidis intelligantur scripta non omnia à singulis, sed omnia ab omnibus tribus huius Auctoribus. Quòd si mauis credere, gesta Davidis prima & nouissima contineri in libro Samuelis, dic (& meliùs) Esdræ auctorem libri Paralip. per librum Samuelis, Hebræorum more, intelligere voluisse duos priores Reg. libros priùs vnico volumine exaratos, postea sic distinctos; in quibus reuerà continentur omnia gesta Davidis, prima & nouissima: nam, vt ait S. Hieronymus in Prologo Galeato, quem nos 1. & 2. Regum dicimus, Hebræi Samuel appellabant: & ita eosdem libros inscribunt LXX. Interpretes. Ratio autem huius inscriptionis, vt arbitror, non est, quia Hebræi crediderint eos à Samuele fuisse conscriptos; sed quia sciebant Samuelem primò cœpisse scribere gesta Davidis, quæ sunt in toto ferè 1. Regum libro, sed morte præuentum, eadem perficere non potuisse; propterea operæpretium existimarunt, etiam ea quæ postea ab alio vel ab aliis suppleta sunt, eidem Samueli tribuere, & à primario eius Auctore totum illud opus denominare. Rectè ergo in fine libri 1. Paralip. dicitur, *Gesta Davidis priora & nouissima scripta esse à Samuele; sed in libro Samuelis, accipiendo librum Samuelis eo modo quo expositum est. Quis autem suppleuerit in 1. & 2. Reg. quæ Samuel morte interueniente, prosequi non potuit, non est omnino certum: quidam enim, inter quos est etiam S. Isidorus vbi supra, putant ea ab ipso met. Davide fuisse conscripta. Quidam verò à Nathan & Gad Videntibus; idque colligunt ex his quæ in fine libri 1. Paralip. habentur. Sed reuerà ibi tantum-*

tantummodò dicitur, eos scripſiſſe geſta Davidis, quòd credendum eſt non ſimul ſed ſeorum ſingulos præſtititſe. Vnde nec videtur inde elici poſſe quis eorù, ſed nec quòd alter ex iſtis ſcripſerit poſtremam partem libri 1. Reg. & totum 2. Itaque probabiliùs forſitan poſſet quòd ſuſcipiari, vel Ieremiam Prophetam (ſi tamen ipſe quattuor libro- rum Regum, non autem duorum poſteriorum tantum auctòr fuit) vel aliquem aliùm duos priores Regum libros ex his quæ olim Samuel & Nathan & Gad ſcripſerant, compilaſſe.

3. Defuncto Samuele, descendit Dauid de monte Engaddi in desertum Pharan, id est ad initia deserti Pharan, quæ attingebant ex parte fortē tribus Iudæ Meridianam, in solitudine Maon & Ziph, quæ fortē erant partes dicti deserti Pharan (erat enim amplissimum, excurrebatque ad Austrum ferē vsque ad montem Sinai.) Porro in solitudine Maon, siue non procul ab ea, situs erat mons Carmelus; non ille quidem, qui Iosue cap. 19. vers. 26. ponitur in termino tribus Aser, appellaturq; Carmelus maris, quia pertingit vsque ad mare Mediterraneum; in quo monte postmodum ad Eliæ instantiam congregati sunt Prophete Baal, & occisi, quemadmodum traditur 3. Reg. cap. 18. vers. 19. Ied alter mons Carmelus in tribu Iudæ positus, & sic denominatus à proxima ciuitate, quæ dicebatur Carmel, non valde distans à Maon, vt colligi potest Iosue cap. 15. vers. 55. Cum igitur audisset Dauid, quod in hoc monte Carmelo quidam vir valde diues, nomine Nabal, quadam die tonderet gregem suum, faceretq; conuiuium in domo sua quasi conuiuium Regis; misit ad eum decem iuuenes, qui commemorarent ei beneficia à se & à comitatu suo frequenter pastoribus suis præstita, quos iam aliquamdiu in illis solitudinibus protegere consueuerant; belleque pariter eidem insinuerent præsentem ipsius Dauidis & suorum indigentiam; agerentque cum eo, vt de bonis ad victum pertinentibus, quibus largiter abundabat, instanti eorum necessitati subuenire non recusaret. At verò vt audiuit, quod vir ille durus & inclemens non solum vacuos remisisset, verum etiam asperius quam deceret respondisset; indignatus vehementer Dauid, confestimque cum ferme quadringentis viris accinctus, properabat perdere Nabal & vniuersam familiam eius; Idque opere impleuisset, nisi prudentissima dicti Nabal vxor, nomine Abigail, occurrisset cum opportunis muneribus, & magna humilitate aptaque deprecatione iram illius superasset, furorem extinxisset, impetum retardasset. Itaque Dauid prudenti mulieris oratione placatus, suscepit munera, eidem gratias agens, quod ipsum retinuisset, ne in caedes irrueret; & ea honorifice dimissa, ipse ad loca sua reuersus est: 1. Reg. cap. 25. vers. 1. vsque ad 37.

4. Sequenti verò die, vt audiuit ab vxore sua Nabal quæ acciderant, protinus præ nimio periculi maximi, quod ex ruficitate sua incurrerat, timore atque horrore perterritus, morbo quodam interno correptus est; cum quæ eius cor ab humore melancholico vehementer obrueretur, post decem dies tali necē à Domino percussus interiit. Post hæc autem, requisita Abigail ex parte Dauidis si vellet ei nubere, illa confestim & singulari quadam cum humilitate annuit, & facta est vxor eius: fortè autem iam audierat Dauid, Saulem dedisse Michol filiam suam, vxorem ipsius Dauidis, alteri viro, nempe Phalti filio Laïs de Gallim. Sed & aliam per eadem (vt arbitror) tempora accepit Dauid vxorem, nomine Achinoam, de Iezrael: (1. Reg. c. 25. vers. 37. vsque ad finem capituli) non de illa Iezrael quæ erat in tribu Issachar, vt patet Iosue cap. 19. vers. 18. sed de ea quæ erat in tribu Iuda, & proxima illis locis, in quibus morari solebat Dauid, videlicet deserto Ziph & Maon, & monti Carmelo, quemadmodum colligi potest ex Iosue cap. 15. vers. 56. vbi Iezrael continenter cum prædictis locis recensetur. Vtrum verò Dauid prius duxerit Abigail vxorem, an Achinoam, dubitari posse videtur; quoniam loco Reg. proximè adducto prius narratur coniugium cum ipsa Abigail contractum, 2. autem Reg. cap. 3. vers. 2. & 1. Paralip. cap. 3. vers. 1. ex hisce duabus Dauidis vxoribus primò memoratur Achinoam. Sed aduertendum est, quòd locis 2. Reg. & 1. Paralip. citatis non attenditur ordo vxorum Dauidis, sed filiorum eius: & ideo per accidens prius nominatur Achinoam, quia ipsa prior ceteris genuit Dauidi filium, scilicet mater primogeniti eius Amnon. Vnde magis credendum est, Abigail prius à Dauidè fuisse ductam, quemadmodum 1. Reg. cap. 25. vers. 42. & 43. clarè habetur in littera, à qua, vbi nihil obstat, recedendum non est. Et hinc refelli potest illa Hebræorum opinio, quam ex Rabbi Salomone refert Lyranus super 2. Reg. cap. 3. & 1. Paralip. cap. 3. nempe quòd filius Abigail, qui 2. Reg. appellatur Cheleab, & 1. Paralip. Daniel, ideo fuerit binominis, quia tunc erant quidam irrifores, dicentes, quòd ille non erat filius Dauid, sed Nabal; & quòd Abigail illum de priori viro suo conceperat, antequam

DAVID DE
MONTEEN-
GADDI VE-
NIT IN SO-
LITVDINEM
MAON ET
ZIPH.
DE DVPLICI
MONTE
CARMELI.

ABIGAIL
PRVDENTER
AVERTIT
DAVIDEMA
SVBVERSIO
NEDOMVS
VIRI SVI
VALDE IN-
CLEMENTIS

NABAL MO-
RITVR.

ABIGAIL
FIT VXOR
DAVIDIS.

IEZRAEL
DYPLEX.

VTRVM DA-
VID PRIVS
DVXERIT
ABIGAIL
AN ACHI-
NOAM VXO-
RES.

OPINIO
RABBINO-
RVM REFEL-
LITVR.

eam David duxisset vxorem. Ad cuius rei falsitatem ostendendam, inquirunt, mutata est à Deo facies pueri, & assimilata est faciei David, qui quem prius vocauerat Daniel (quod interpretatur Iudicium Dei; ac si diceret, Iudicet Dominus, & ostendat cuiusnam iste sit filius) postea appellauit eum Cheleab, quòd Hebraice significat, Quasi pater, vel Similis patri. Sed hæc, ni fallor, magis redolent Rabbinorum commentum & adinventionem, quàm veram historiam: nullum enim solidum habent fundamentum. immò ex Sacro textu oppositum colligi potest. Nam si dictus filius Abigail natus est in Hebron, & David post ductam Abigail, duxit & Achinoam, quæ prius peperit ei filium quàm Abigail; vtrique nulla poterat suspicio suboriri, quòd filius Abigail, qui natus est post filium alterius vxoris posterius ductæ, non de Dauide, sed de Nabal conceptus fuisset: sic enim à nupta Dauidi Abigail ad natum Cheleab oportet decem saltem menses interfluxisse, & ab obitu Nabal integrum ferè annum; quin & multò amplius, vt ex supra dictis infraque dicendis colligi potest. Nec refert quòd duplici nomine puer fuerit appellatus; quia pluribus aliis id commune est, & alia de causa potuit contingere; vt omittam quòd vocabulum Cheleab alias quoque habet significationes: nam iuxta Glossam ordinariam super 1. Paralip. cap. 3. interpretatur etiam, Vindicans patrem; & iuxta alios, Consummatio, vel Prohibitio patris. Sed esto, Cheleab significet etiam, Similis patri; & prius vocatus fuerit Daniel (quod tamen probare non possunt) quid prohibet opinari, dictum filium postea tale nomen fuisse sortitum, quòd quò magis cresceret, eò magis Dauidi patri naturaliter assimilari videtur? Ecce quàm facile ac leuiter Hebræi in Sacra historia quædam confingunt, quæ cum Sacro textu cohærere nullo modo possunt. Sed magis mirandum est, nonnullos item reperiri Catholicos Scriptores, qui ex confictis hisce Hebræorum commentis, morales etiam quosdam allegoricofque sensus eliciunt, tamquam ex Sacro eloquio haustos: quibus & seipfos, & speciatim verbi Dei concionatores in Sacris libris parum exercitatos sæpissimè fallunt. Videant ergo quomodo cautè ac prudenter se gerant in eiusmodi librorum lectione iidem concionatores, nec facile talium conceptuum raritate ac dulcedine capti, talibus credant Auctoribus, nisi prius dictarum allegoriarum fundamenta fideliter in Sacro textu recognouerint; memores eorum, quæ nos ex B. Gregorio in huius Operis Præfatione num. 2. diximus.

A B O R B E C O N D I T O

Q V A R T Æ M V N D I Æ T A T .

A N N V S 2978.

A N N V S 435.

ANNO, vt putamus, subsequente, iterum Ziphæi deferunt Sauli in Gabaa, quòd David clam habitaret apud eos in colle Hachila, vbi aliàs quoque latitauerat. Saul verò immemor, vel potius violator promissionis antea factæ, delectis de Israel tribus millibus, non est cunctatus denuò persequi Dauidem. Veniens itaque cum exercitu suo in desertum Ziph, castra posuit in prædicto colle. David autem qui in alia deserti parte recesserat, vt primum per exploratores cognouit illuc venisse Saulem, iterum cecinit Psalm. 53. *Deus in nomine tuo saluum me fac*, &c. vt patet ex altera loci Regû citatione, eius titulo adiecta. Dein cum secretò ipsemet recognouisset loca castrorum, & tentorium in quo dormiret Rex, & non longè ab eo Abner princeps exercitus eius: venit quadam nocte ipse & Abisai ad castra Saulis, inueniuntque Regem dormientem, & Abner ac populum in circuitu eius pariter dormientes: cumque David Saulem commodè posset occidere, mirabili virtute non solum se continuit, verum nec permisit Abisai volentem illum lancea confodere, sed ablati tantummodò hasta Regis, & scypho qui erat ad caput eius, abierunt. Postea verò de vertice montis exclamans David contra Abner, exprobrare cœpit ei somnolentiam & incuriam in custodiendo Rege: deinde audita expergefacti Regis voce, cōqueri cum eo, quòd necdum cessaret ipsum iniuste persequi, tamen ipse iam secundo potuisset illum occidere, & pepercisset extendere manus suas in eum: Saul ergo hæc audiens, & in semetipso confusus, palàm fassus est se peccasse, ac stultè egisse; ac subinde repromisit se nolle illi amplius malefacere; sicque per puerum hasta scyphoque receptis, ac benedicto Dauide, reuersus est in locum suum, hoc est in Gabaa: 1. Reg. c. 26. per totum. Sed nec valde diu in proposito permanfit: siquidem postea quoque rursus cœpit querere Dauidem, vt ex subsequentibus apparebit.

DAVID SAULEM DORMIENTEM
NEC IPSE
VOLVIT INTERFICERE,
NEC A SVIS
INTERFICI.

A N N O regni Saulis vigesimo, mense, vt num. 2. probabitur, octauo iam per aliquot dies inchoato, videns Dauid quod non cessaret Saul ipsum quarere in cunctis finibus Israel, veritus ne aliquando incidere in manus eius, cogitauit magis expedire sibi suisque, si exiret de terra Israel, & transiret ad terram Philisthinorum. Itaque inito foedere cum Achis Rege Geth, habitauit per aliquot (vt arbitror) dies in Geth cum viris, hoc est militibus, vxoribus, & vniuersa familia sua. Quod vt audiuit Saul, cessauit vltra eum persequi: 1. Reg. cap. 27. vers. 1. vsque ad 5. Quo tempore Ianfenius credit Dauidem composuisse Psalmum 25. *Iudica me Domine, quoniam ego in innocentia mea ingressus sum*, &c. siquidem in eo videtur protestari coram Deo & hominibus, & notam facere innocentiam ac sinceritatem animi sui; quod scilicet non malo animo, neque villa sinistra intentione, sed tantummodo declinandæ persecutionis gratia recessisset de terra Israel, atque in hostium populi sui ditionem sese receperisset. Et quoniam hic, vt diximus, cessauit persecutio Saulis, non abs re fuerit, eodem quoque loco obiter adnotare, quod idem Ianfenius in Psalmos putat, Dauidem per illud tempus, quo prænotatas sustinuit persecutiones à Saule, plures etiam alios Psalmos præter hæcenus signatos composuisse, nempe 5. qui incipit: *Verba mea auribus percipe Domine*, &c. & 12. *Vsq̃ue quod Domine obliuisceris me in finem*, & 16. *Exaudi Domine iustitiam meam*, & 26. *Dominus illuminatio mea*, &c. quamquam ex titulo apparet, hunc Psalmum fuisse decantatum priusquam Dauid lineretur in Regem, nimirum secundo super Iudam, & tertio super omnem Israel, vt sub anno mundi proximo, num. 1. & 2987. num. 3. dicemus. Item putat Ianfenius, Dauidem intra prædictum toleratæ persecutionis suæ tempus composuisse ac cecinisse Psalmum 57. *Si verè vique iustitiam loquimini*, & 85. *Inclina Domine aurem tuam, & exaudi me*, & 93: *Deus ultionum Dominus*. atque hisce Psalmis tunc maximè quando variis hostium suorum, ac præcipue Saulis molitionibus frequenter afflictabatur, ad Deum auxilij causa deuotè admodum confugere solitum fuisse. Hos autem omnes hic Psalmos signatè notare visum est, quoniam de ceteris, quoniam singuli tempore magis determinato decantati fuerint, accuratius tradere nequimus.

2. Non multò postquam venerat Dauid habitare in Geth, puta post quindecim circiter dies, cogitauit viditque non expedire sibi suisque, diutius ibidem cum Rege morari. Itaque siue ad declinandam feruorum illius inuidiam, quod viderent alienigenam adeo acceptum Regi; siue ne occasionem præberet suis declinandi ad idola, exemplo præsertim Regis & Principum eius; siue vt commodius posset in cibis aliisque cærimonialibus obseruare Legem diuinam per Moysem latam; siue vt cautius, & inscõis Rege ac Philisthæis, posset de præda hostium populi sui, sibi suisque necessaria prouidere, cum alioqui aliunde cibaria non suppetere, siue demum omnibus hisce aliisque eiusmodi de causis, petiit obtinuitque à Rege licentiam habitandi in vna ex aliis vrribus eius; & assignauit ei Rex vrbe nomine Siceleg, in quam ipse Dauid cum viris suis & omnibus ad se pertinentibus migravit, mansitque vsque ad obitum Saulis. Et ideò hæc vrbs, licet olim cecidisset in sortem tribus Simeon, vt patet Iosep cap. 19. vers. 5. quia tamen non reperitur, quod ab ipsis Simeonitis vnquam de manu Philisthinorum fuisset capta, & re ipsa tribui ipsorum incorporata; & nunc ab Achis eorumdem Philisthinorum Rege data fuerat Dauidi, qui erat de tribu Iuda: *Propter hanc causam* (inquit Scriptura 1. Reg. cap. 27. vers. 6.) *facta est Siceleg Regum Iuda vsque in diem hanc*. id est reputata fuit, tamquam si contenta fuisset in sorte tribus Iudæ. Mansit ergo Dauid in terra Philisthinorum quattuor menses, vt apertè traditur cap. Reg. proxime citato vers. 6. Iosephus tamen 6. Antiq. cap. 14. prope finem, addit insuper viginti dies: quem secutus est Auctor Historiæ Scholasticæ 1. Reg. cap. 24. Quibus etiam videntur adstipulari textus Hebraici, & Chaldaicæ Paraphrasis, & Santis Pagnini, qui, vt videre est in Biblii Regiis, habent *dies & quattuor menses*. hoc est aliquot dies supra menses quattuor. Quod si verum est, oportet accipere; textum Scripturæ sacræ Vulgatum loqui de mensibus integris, & suo more præterisse quintum, quod non esset completus. Non est etiam hic prætermittendum, quod Caietanus & alij ex quodam textu Hebraico, vt aiunt, putant, Dauidem mansisse in regione Philisthinorum anno vno & mensibus quattuor. Sed quia ille textus omnino aduersatur textui tum editionis Vul-

DAVID CVM SVIS HABITAT INTER RA PHILISTHINORVM, ET SAUL CESSAT EVM PERSEQUI.

DE PSALMIS A DAVIDE PERSECUTIONIS TEMPORE COMPOSITIS.

CVR DAVID DE GETH TRANSVLERIT DOMICILIUM IN SICELEG.

DE VRBE SICLEG.

QVAM DIU DAVID MANSERIT IN TERRA PHILISTHINORVM.

gata, tum LXX. Interpretum, qui sunt magis in sancta Ecclesia recepti, quàm quiuis ex aliis; propterea opinio illa prorsus reiicienda est. Neque enim eidem vllatenus suffragari possunt verba illa, quæ 1. Reg. cap. 29. vers. 3. dicebat Achis Rex Principibus Philistinorum: *Num ignoratis Dauid, qui fuit seruus Saul regis Israel, & est apud me multis diebus vel annis?* quia illud *vel annis*, aut per exaggerationem, vt fit, adiecit Achis; aut mentitus est; vt vel sic Satrapas suos in propriam traheret sententiam; aut significare voluit, se in illis paucis mensibus, quibus mansit apud se Dauid, adeo plenè bonam eius fidem explorasse, ac si mansisset apud ipsum multis annis.

3. Sanè eo tempore quo mansit Dauid in Siceleg, transfugerunt ad eum de Israel viri illi fortissimi strenuique pugnatōres de tribu Beniamin, qui per singula nomina recensentur 1. Paralip. cap. 12. vers. 1. vsque ad 8. Ipse verò Dauid cum ipsis aliisque bel-latoribus suis multas quotidie faciebat excursions, deprædabaturque regiones Ges-suritarum, & Gerzitarum, & Amalecitarum, qui omnes habitabant in terra ferè inter Chananaeam & Egyptum posita: & quos spoliabat, etiam interficiebat, ne Rex scire posset unde spolia ablata essent; siquidem quando redibat Dauid, ostendebatque Regi prædas ouium, & armentorum, & vestium; illeque interrogabat: *In quem irruisti hodie? Respondebat Dauid amphibologicè: Contra Meridiem Iudæ, & contra Meridiem Ierameel, & contra Meridiem Ceni.* erant autem Ierameel & Ceni quædam Iudææ regiones in finibus eius Australibus, quæ cõtinebant singulæ vrbes plurimas, vt colligitur 1. Reg. cap. 30. vers. 29. Itaque ratus Achis memoratas deprædationes fieri in terra Iudæ, non amplius suspectum habebat Dauidem, quòd (vt putabat) tanta mala fecisset in populo Israel: 1. Reg. cap. 27. vers. 8. vsque ad finem capitis.

4. Ceterum hîc si quis quærat, quinam essent prædicti populi, nempe Gessuri, Gerzi, & Amaleciti; quos deprædabatur Dauid; dicimus, de Amalecitis quidem satis sub anno mundi 2319. num. 9. actum esse. De Gessuritis verò & Gerzitis, quod attinet ad eorum originem, nihil aliud nos habere quod proferamus, quàm quod sub anno mundi 2931. num. 39. probabiliter disseruimus; quare ad eum locum Lectorem remittimus. Hîc tamen aduertendum censemus, Abulensem super 1. Reg. cap. 27. quæst. 16. existimasse, quòd qui hîc dicuntur Gerzi, & nusquam aliàs, sub hoc saltem nomine, quòd viderim, in Sacro eloquio memorati reperiuntur, fuerint iidem, quos alibi Scriptura sacra vocat Machati, ita vt hî populi fuerint binomines. Nam, inquit, quemadmodum hîc iunguntur Gessuri & Gerzi; ita Deuteron. cap. 3. vers. 14. & Iosue cap. 12. vers. 5. & cap. 13. vers. 11. & 13. simul memorantur Gessuri & Machati. Sed hæc coniectura videtur valdè levis, cum nihil prohibeat, quin Gessuri aliquando, cum Machatis, aliquando verò cum Gerzis memorari potuerint; sicuti legimus Apcalyp. cap. 20. vers. 7. Magog iungi cum Gog. & Ezechiel. cap 27. vers. 13. & cap. 38. vers. 2. cum Thubal; nec propterea sequitur, eundem fuisse populum nominatum Gog, cum eo qui nuncupatur Thubal. Cum ergo probari non possit eisdem fuisse gentes Machati & Gerzi, tutius arbitramur, sicuti littera ipsa indicat, fuisse diuersos. Ponamus igitur, quod probabilius est, Gessuri, & Machati, & Gerzi, tres fuisse populos, non nomine tenus, sed re ipsa quoque inter se distinctos. Et quod quidem spectat ad loca habitationis eorum, credimus non fuisse eadem: nam Gessuri pro maiori parte, & Machati omnes (nusquam enim eos alibi domicilia habuisse comperimus) confines erant Manassensibus; & eorum terra pertinuisse videtur ad dimidiam illam tribum Manasse, cui data est possessio trans Iordanem, in regno quod olim fuerat Og regis Basan, vt colligi potest ex locis Deuter. & Iosue suprâ citatis, & videre est in tabula sub anno mundi 2591. 3. inter & 4. num. posita. Reliquos verò Gessuritas oportet terram longè procul à prædicta incoluisse, nempe ad Meridiem Iudæ, & prope Gerzitas & Amalecitas existentem. Quod mirandum non est: quandoquidem & de Henais Iosue cap. 11. vers. 3. & 19. legimus, quòd plurimi eorum habitabant ad radices montis Hermon in terra Mafphâ, & aliqui item in Gabaon, quæ loca ab inuicem valdè distabant, & inter ea plures alij populi medij reperiiebantur. Fallitur quoque ibidem Abulensis, existimans prædictos populos non in vrbibus habitare consueuisse, sed in tabernaculis, & per illas solitudines vagari fuisse solitos. Et hunc errorem hausit ex quodam Sacro codice corrupto, qui 1. Reg. cap. 27. vers. 8. vbi editio Vulgata habet, *hi enim pagi habitabantur*; ipse legit, *hi enim vagi habitabant*. Supponit postremò idem Abulensis, non solum quæst. 16. superius citata, verum etiam in tribus ibidem sequentibus, Gessuritas & Gerzos à Dauide spoliatos, eosdem fuisse qui locis Deuteron. & Iosue adductis memorantur. Qua in re, tota (quod aiunt) aberrat via. nam Scriptura sacra manifestè po-

nit, Gessuritas & Gerzitas à Dauide infestatos habitasse ad Meridiem Iudæ, & aperte tradit, quòd eorum pagi Chanaanam inter & Ægyptum erant positi; & quòd David Regi Achis sciscitanti respondere solitus erat, se irruisse ad Meridiem Iudæ, & Ierameel, & Ceni, regionum eius Australium. At verò Gessurita & Machati, qui incolebant terram Basan, erant Orientales & Aquilonares terræ Chanaan & Iudæ, & trans Iordanem, & remotissimi ab vrbe Siceleg in qua morabatur David. Vnde non est credibile, quòd David posset aut vellet adeò frequenter transfuadare Iordanem, & tam longè proficisci, & excurrere per totam ferè longitudinem terræ Israel, & exponere sese suisque manifesto periculo, ne à Saule aliquando comprehenderentur. Ad Austrum verò Iudæ multò commodius excursions facere poterat sine vllò Iordanis impedimento, & absque quòd tangeret terram Israel à Saule hoste suo possessam. Depradabatur ergo David regiones Ægyptum versus positas, nempe Amalecitarum, Gessuritarum, & Gerzitarum, vt iam sæpius dictum est.

5. Sed rursus dicit aliquis, Quo iure poterat David prædictos populos depradari atque occidere, qui sibi & suis nihil nocuerant? Respondemus primò, de Amalecitis rem esse claram atque apertam: quia enim ipsi olim sine causa infensi valdè fuerant Israeli de Ægypto redeunti; meritò eidem mandauit Dominus Deut. cap. 25. vers. 17. vt Amalecitas deleteret, quemadmodum nos sub annis mundi 2319. num. 9. & 2544. num. 35. adnotauius. Vnde liquet, quòd eosdem depradando atque occidendo, David non modò non delinquebat, sed etiam plurimum coram Deo merebatur, vt pote strenuus dicti præcepti ac diuinæ voluntatis executor. Et eodem modo credendum est de Gessuritis & Gerzitis: nam vel ijdem erant populi cum Gergefeis, vt ex ipsa nominis similitudine aliquatenus coniici posse videtur; & sic ius habuisset David eos depradandi ac perdendi, quoniam Deuter. cap. 20. vers. 17. præceperat Dominus Israelitis, vt Chanaanos omnino disperderent, atque in ore gladij interficerent. Vel (quemadmodum nos sub anno mundi 1931. num. 39. docuimus) non erant de genere Chanaanorum: & sic nihilominus poterat eos David vexare & interimere, eo iure quo poterant Israelitæ penitus exterminare Philisthæos, nimirum quia ipsi, licet (vt sub anno mundi proximè citato num. 30. monstratum est) non essent Chananæi, sed de stirpe Mesraim fratris Chanaan, attamen occupabant terram filiis Israel repromissam, & propterea iuste poterant ab eis interimi, iuxta illud Deuter. cap. 20. vers. 16. *De his autem ciuitatibus quæ dabuntur tibi, nullum omnino permittes viuere.* Quòd verò prædicti populi habitarent in medio Israel, hoc est inter Israelitas, patet Iosue cap. 13. vers. 13. vbi legimus, quòd *Gessuri & Machati habitauerunt in medio Israel vsque in presentem diem.* & 2. Reg. cap. 2. vers. 9. habemus, quòd Abner constituit Isboerth filium Saulis Regem etiam super Gessuri; nimirum quia ipsi inter Israelitas habitabant, vt dictum est. Quòd si dixeris, in his duobus locis Scripturam loqui de illis Gessuræis, qui habitabant trans Iordanem inter Manassenses, dicimus idem quoque intelligendum esse de aliis qui habitabant inter Amalecitas, vel prope eos. Nam certum est, quòd termini Australes terræ Chanaan, quatenus protraherentur vsque ad Riuum Ægypti (vt nos sub anno mundi 2118. num. 14. diximus) includebant quoque omnes illas regiones, quæ ad Austrum Iudæ à prædictis populis incolebantur. Quare sicuti certum est peccasse Israelitas, qui iniqua miseratione commoti noluerunt disperdere Gessuritas & Machatos, vt dicitur loco Iosue paulò antè citato, sed nequè Gerzitas, (siquidem etiam hoc Davidis tempore extabant) & pariter non deleuerunt plures alias Chanaanorum vrbes & populos, vt dicitur Iudic. cap. 1. vers. 27. vsque ad finem capitis, & cap. 3. vers. 1. vsque ad 7. quia in hoc transgressi sunt expressum Domini præceptum Deuter. cap. 20. vers. 16. & Numer. cap. 33. vers. 52. de illis disperdendis traditum; & ibidem vers. 55. & Iosue c. 23. vers. 12. (quibus in locis insuper comminatur Dominus Israeli mala, si eis pepercit) replicatum: ita certissimè tenendum est, non solum non peccasse, sed etiam benè apud Deum meruisse Dauidem, prædictos Gessuritas ac Gerzitas spoliando atque occidendo. Cuius rei etiam illud signum est, quòd sacra Scriptura, quæ ipsum Dauidem de quibusdam peccatis, puta de homicidio Vriæ, de adulterio cum Bethsabæe, & de curiosa populi dinumeratione, grauius reprehendit, atque à Domino castigatum docet, nusquam illum vel leuiter arguit, quòd in Gessuritarum, Gerzitarum, atque Amalecitarum depradatione & occisione deliquerit.

6. Sub finem prædictorum quattuor mensum, quibus diximus Dauidem mansisse in terra Philisthinorum, quando pariter ad finem appropinquabant, annus regni Saulis vigesimus, & vitæ Davidis trigessimus, exorto rursus bello inter Philisthæos & Israeli-

QUOD DAVID, PRÆ-
DICTOS PO-
PULOS DE-
PRADANDO
ATQUE OCCIDENDO
NON PECCARET.

POSTRE-
MUM BEL-
LUM INTER
PHILISTHÆOS ET
ISRAELITAS,
SAYLEM.

DE VRBE
SYNA.SAUL NYL-
LYM HA-
EENS ADO-
MINO RE-
SPONSVM,
CONFVIT
AD PYTHO-
NISSAM.DE SAMVE-
LIS APPA-
RITIONE
TRES OPI-
NIONES.
PRIMA,
QVOD NON
FVERIT VE-
RA.SECUNDA,
QVOD QVI
APPARVIT
POTVERIT
ESSE VEL
SAMVEL VEL
DAEMON.
TERTIA,
QVOD VERE
FVERIT SA-
MVEL.

tas, illi congregati sunt primò in Sunam, 1. Reg. c. 28. vers. 4. deinde in Aphec, cap. 29. vers. 1. demum in Iezrael, ibidem in fine capitis. Erant autem istæ tres vrbes non procul ab inuicem, neque admodum remotæ à montibus Gelboë, quamvis Aphec esset in tribu Aser, vt patet Iosue cap. 19. vers. 30. Iezrael verò, & Suna, quæ & Sunem, in tribu Issachar, vt patet Iosue cap. citato vers. 18. Porro Suna fuit patria pulcherrimæ illius mulieris, nimirum Abisag. Sunamitis, quæ ex toto Israël postmodum electa fuit vt foueret ac calefaceret Regem David in senectute sua, cuius non semel fit mentio 3. Reg. cap. 1. & 2. Eadem quoque ciuitas memoratur 4. Reg. cap. 4. vers. 8. & deinceps, vbi narratur historia Elisei, qui cum frequenter transiret per Sunam, ibi hospitio acceptus à muliere Sunamitide, eidem pro remuneratione à Domino filium impetrauit, & eundem, cum mortuus esset, resuscitauit. Itaque cum audisset Saul Philisthæos conuenisse in Sunam, ipse congregauit Israelitas in montem Gelboë, non procul à dicta vrbe positum: verumtamen viso Philisthinorum exercitu, supra quam quod crediderat numerofo & forti, nimio timore percussus, consuluit Dominum: quo nihil prorsus neque per somnia, neque per Sacerdotes, neque per Prophetas ei respondente, Rex mutato habitu, ne à quoquam agnosci posset, venit cum duobus tantum viris in Endor ad Pythonissam, iussitque adhuc ieiunus sibi suscitari Samuelem, à quo, cum de suo suorumque interitu postried fecuturo certior factus esset, confestim præ timore ac inedia viribus destitutus prolabebatur in terram, sed à seruis suis, ac simul ab ipsa Pythonissa coactus cibum sumere, statim vt comedit, tota nocte ambulans reuersus est ad castra: 1. Reg. cap. 28. per totum.

7. Quoniam autem ad historię veritatem pertinere videtur, nosse, vtrum memorata Samuelis apparitio fuerit, vt ita dixerim, realis & vera, an imaginaria & à dæmone conficta; dicimus tres de hac re circumferri opiniones. Prima est quorundam ex antiquis Scriptoribus, quos citat Cardinalis Bellarminus libro 2. de Purgatorio, cap. 6. nimirum Auctoris Quæstionum apud Iustinum, quæst. 12. & item Auctoris Quæstionum veteris Testamenti apud S. Augustinum quæst. 27. & Auctoris librorum de Mirabilibus sacre Scripturæ, lib. 2. cap. 11. & Tertulliani libro de Anima, prope finem, & Procopij, & Eucherij super 1. Reg. cap. 28. & Isidori libro 8. Etymologiarum cap. 9. Isti putant non esse credendum, quod Samuel potuerit cogi à Pythonissa, aut quod inuocatus sponte venerit: quia sic artem Necromantiæ videretur confirmasse. Et si ille qui apparuit verè fuisset Samuel, non se (inquiunt) adorari permisisset, sicuti fecit illa vmbra, neque dixisset: *Cras tu & filij tui mecum eritis*, quippe qui sciret Saulem iam à Deo fuisse reprobatum, & propterea animam eius non in sanctorum Patrum limbum, vbi erat ipse Samuel, sed in infernum descensuram. Et postremò, quia in eodem Reg. cap. vers. 6. dicitur, Deum noluisse respondere Sauli per Prophetas, ergo neque per Samuelem, qui erat Propheta. Alij putant, vtrumque posse admitti, videlicet quod vel fuerit Samuel, qui erat Propheta. Alij putant, vtrumque posse admitti, videlicet Iosephi 6. Antiq. cap. 15. Iustini in Dialogo cum Tryphone ultra medium, S. Basilij Epistola 80. ad Eustatium Medicum, S. Ambrosij in cap. 1. Lucæ; B. Hieronymi in cap. 7. Isaïæ, S. Augustini lib. de Cura pro mortuis cap. 15. quem scripsit post librum ad Simplicianum, vbi de hac re dubitauerat. & ferè omnium primariorum Expositorum lib. 1. Reg. cap. 18. nimirum Lyrani, Abulensis, Caietani, Carthusiani, & aliorum, & ipsius Bellarmini vbi supra. Veriore quoque putamus tertiam hanc sententiam, quia eam ipsamet Scriptura sacra confirmat Ecclesiastici cap. 46. vers. 23. vbi inter laudes Samuelis illud additur, quod post mortem prophetauerit, ac prædixerit Regi, id est Sauli, finem vitæ suæ. Item quia certum est, diabolum futura contingentia scire certòve prædicere non posse, quemadmodum fecit Samuel, qui prædixit Sauli, quod sequenti die ipse & filij eius perituri erant, & castra Israel à Philisthæis perdenda, & postea regnum Israel Dauidi tradendum. quæ omnia adamussim euenerunt. Et præterea, quia eadem Scriptura sacra capite citato, illum qui apparuit Sauli, sæpius absolute ac sine vlla adiectione nominat Samuelem, & de ipso semper loquitur tamquam de vero Samuele, quod non fecisset, si non ipse fuisset verè Samuel, sed dæmon in forma eius. Denique certum est, prioris sententiæ Auctores pro maiori parte aut obscuros esse, aut incertos: quod de contrarium sentientibus dici non potest. Itaque ad obiecta responderi potest, Samuelem

lem non propriè vi incantationis à Pythonissa præmissæ, suscitatum fuisse; (siquidem certum est, quòd in eos qui in Dei gratia iam sunt confirmati, nihil omnino possunt artes dæmonum) sed ex speciali providentia Dei id contigisse: neque enim absurdum videri debet, ut ait S. Augustinus, quòd Deus, qui permisit Christum à diabolo ad maiorem eiusdem diaboli confusionem, in montem transferri, & supra pinnaculum templi, sic etiam permisit ab eodem Prophætæ animam portari coram Saule: non ut Magiæ artem confirmaret, sed ut vel sic ipsum Saulem iam reprobatum magis perterrefaceret, quippe qui sciret, Samuelem veracem semper extitisse Prophetam, nec de vaticinijs eius eueni vllatenus esse dubitandum. Porro illa Saulis adoratio Samuelei impenfa, non fuit latræ, quæ soli Deo conuenit; sed dulx, quæ debetur Sanctis, qualis erat Samuel. Quod autem dixit Samuel Sauli: *Cras tu & filij tui mecum eritis*, interpretari debet, perinde ac si subiunxisset, In numero mortuorum. Sensus enim est, veluti si diceretur: *Cras tu & filij tui moriemini*. ut apertè explicat lectio LXX. Interpretum, dicens: *Cras tu & filij tui tecum cadent*. Denique illud quod dicitur, Deum noluisse respondere Sauli per Prophetas, proculdubio subintelligendum est, viuentes, illos nimirum, quos priùs interrogauerat, ut relatum est in eodem cap. vers. 6. Sed iam ad historiam feriam redeamus.

8. Eodem tempore quo Philisthæi congregabant agmina sua contra Israel, cum Rex ipsorum Achis inuitasset Dauidem, ut veniret secum cum viris suis ad bellandum contra Saul, quemadmodum dicitur 1. Reg. cap. 28. vers. 1. ipseque Dauid venisset in castra Philisthinorum, (nimis enim se suspectum Regi Achis reddidisset, si inuitatus, cum illo ire recusasset) diuina providentia factum est, ut Satrapæ Philisthinorum, timèntes ne Dauid eos proderet, cogerent Regem Achis, ut eum cum suis ab ipsorum exercitu dimitteret, quod & factum est, ut latè describitur 1. Reg. cap. 29. per totum, & breuiter tangitur 1. Paralip. cap. 12. vers. 19. Interea verò Amalecitæ, quos Dauid sapius deprædatus fuerat, audientes quòd ipse Dauid cum suo comitatu profectus esset eum Achis ad castra Philisthinorum, arreptæ temporis opportunitate sese vlciscendi, impetu facto ex parte Australi, percusserunt Siceleg, & ablatis omnibus succenderunt eam igne. Reuersus ergo Dauid tertia die ipse & viri eius in Siceleg, cum inuenissent eam succentam, & vxores ac filios ipsorum ductos in captiuitatem, planxerunt vehementer. Et Dauid contristatus est valdè, parumque abfuit quin lapidaret eum populus, præ animorum amaritudine, quam sentiebant ex amissione charorum. Verumtamen confortatus in Domino, iussit Dauid Abiathar applicare ad se ephod, & consulto Domino, dum parat persequi latroneulos, ecce quidam viri fortissimi de tribu Manasse transfugerunt ad ipsum, ut traditur 1. Paralip. cap. 12. vers. 19. vsque ad 22. vbi ijdem nominatim recensentur, & subditur, quòd isti adiuuerunt eum aduersus latroneulos. Profectus itaque Dauid cum sexcentis viris vsque ad torrentem Besor, ibi reliquit ducentos viros, qui præ lassitudine amplius progredi non poterant; ipse verò cum reliquis quadringentis progrediens, inuenit in via puerum Ægyptium, præ tridua iam inedia semimortuum; etenim cum ægrotare cœpisset, à domino suo Amalecita relictus ibi fuerat: hunc ergo cum refocillari iussisset Dauid, & de cuneo Amalecitarum, qui succenderant Siceleg, interrogasset, ab eo directus, comprehendit Dauid Amalecitas discumbentes atque bibentes, ac exultantes super captâ prædâ; quibus subito inuasis atque percussis, reduxit Dauid omnem prædâ quam tulerant, non solum de Siceleg, sed etiam de Australibus quibusdam vrbibus terræ Iudæ: & Dauid (contraria nonnullorum ex suis opinione prudenter redarguta) diuisit eam ex æquo, tam his qui præliati fuerant, quàm ijs qui lassii remanserant ad sarcinas custodiendas. Quod exinde, tamquam pro lege, habitum atque obseruatum fuisse in Israel, ibidem sacra Scriptura testatur, quamquam olim quoque adhuc viuente Moysè, idem quodammodo præceptum factum fuisse legitimus de prædâ Madianitarum, Num. cap. 31. vers. 27. Ut autem redierunt in Siceleg, separauit Dauid de spolijs munera, quæ misit senioribus Iuda proximis suis habitantibus in aliquot vrbibus terræ Iudæ, & in his locis, in quibus tempore persecutionis suæ moratus fuerat cum viris suis, quæ omnia latius descripta inuenies 1. Reg. cap. 30. per totum.

9. Eodemmet tempore quo Dauid percussit latroneulos Amalecitas, Philisthæi pugnauerunt feliciter aduersus Saulem, & cæsus est Israel in montibus Gelboë, non procul à Iezrael, cecideruntque tres filij Saulis, inter quos etiam Ionathas periit: ipse autem Saul à sagittariis admodum vulneratus, cum mandasset arimigero suo ut eum occideret, ne ab incircumcisiss illuderetur, illeque recusasset, incumbens super gladium suum

SOLVNTVR
OBIECTA.

DAVID A
PHILISTHÆI
NORVM EX-
ERCITV PRO-
VIDENTIA
DIMITTI-
TVR.

AMALECI-
TARVM PRÆ-
DANTVR IN
CENDVNT-
QUE SICE-
LEG.

DAVID CVM
VIRIS SVIS
AMISSAS
PLANGIT
FAMILIAS.

CONSULTO
DOMINO
PERSECV-
TVR LAT-
TRONCV-
LOS.

PERCVSIS
AMALECI-
TIS REDV-
CIT PRÆ-
DAM.

PRÆDÆ
DIVISIO
QUALITER
FACIENDA.

DAVID MIT-
TIT MVNE-
RA SENIO-
RIBVS IV-
DÆORVM.

SAVL CVM
EXERCITV
SVO IN
PRÆLIO
CÆSVS.

suum Rex mortuus est: quod videns armiger eius, ipse quoque eodem modo seipsum interfecit. Hæc cum audisset Israelitæ qui habitabant in valle, quæ Aulon dicebatur, quam mediam secabat Iordanis, fugerunt relictis vrbibus suis, quas postea inhabitaverunt Philisthæi: quod non de omnibus vrbibus existentibus in Aulon intelligendum est, siquidem ista vallis longissimè sese extendebat secus amnem, à Septemtrione ad Meridiem excurrans, & in ea plurimæ erant ciuitates: sed de illis dumtaxat vrbibus accipi debet, quæ erant viciniore loco in quo commissum est prælium. Altera verò die colligentes Philisthæi spolia occisorum, inuenitque corpore Saulis & filiorum eius, abscissum caput Saulis & arma portauerunt in circuitu per terras ipsorum, ac tandem repositis capite & armis eius in templo Astarothe, corpora ipsius & filiorum eius suspenderunt in muro Bethsan, quæ postea viri aliquot fortissimi de Iabes Galaad, clam tota nocte ambulantes abstulerunt, & combusserunt in Iabes, ac deinde ossa in proximo nemore sub quercu sepelierunt, ieiunantes septem diebus in funere ipsorum: 1. Reg. cap. vlt. & 1. Paralip. cap. 10. per totum. Cum autem venisset nuntius de morte Saulis & Ionathæ, nutrix Miphiboseth filij ipsius Ionathæ, qui tunc erat quinquennis, tollens puerum, ac festinanter fugiens, cecidit, & allisis ad terram pueri pedibus, claudus ille deinceps perpetuò mansit, vt obiter traditur 2. Reg. cap. 4. vers. 4.

10. Tempus ergo quo Samuel & Saul præfuerunt populo, alter sub titulo Iudicis, alter verò Regis, fuerunt quadraginta anni, vt sentit Eusebius in Chronicis, & colligi etiam potest ex eodem Eusebio lib. 9. de Præparatione Euangelica c. 4. circa medium, vbi ex Eupolemo infert, Saulem regnasse annis viginti & vno (intellige, tantum inchoato) si eius dictum conferre voluerimus cum eo, quod nos sub anno mundi 2959. num. 3. & 4. supposuimus, nempe, Saulem vñctum fuisse in Regem sub finem anni vigesimi, ex quo Arca Dei manserat in Cariathiarim: inde enim proculdubio sequitur, transisse annos quadraginta ab obitu Heli ad mortem Saulis. Et hoc est quod dicitur Actorum cap. 13. vers. 20. vbi hæc habentur: *Et post hæc dedit Iudices vsque ad Samuel Prophetam. Et exinde postularunt Regem: & dedit illis Deus Saul filium Cis virum de tribu Benjamin annis quadraginta.* Quo in loco videtur Scriptura voluisse metiri tempora Iudicum vsque ad Samuelem exclusiue. nam quòd ait, *vsque ad Samuel Prophetam*, vtique innuit, se ibidem loqui de Samuele non tamquam Iudice, sed tamquam Propheta: quod etiam fieri videtur Ecclesiastici cap. 46. vbi posteaquam vers. 13. & sequentibus egit de Iudicibus, postea vers. 16. vsque ad finem capituli, agit de Samuele tamquam de Propheta, vt ibidem videre est, nulla facta Iudicis mentione. Vnde non mirum est si citatus Actorum locus, vbi Scriptura tribuit Sauli quadraginta annos, rectè à sacris Expositoribus accipitur, computatis nimirum etiam annis Præfecturæ Samuelis, vt paulò post probabimus: ita vt illi quadraginta anni numerari debeant à tempore quo ipse Samuel communiter agnitus fuit esse Propheta Domini, hoc est ab obitu Heli, quando capta est Arca Domini, & duo filij eius Ophni & Phinees pariter interfecti sunt. Tunc enim ab illo euentu cognouit vniuersus Israel, quòd Samuel, qui hæc longè antè prædixerat, esset fidelis Propheta Domini, vt dicitur 1. Reg. cap. 3. vers. 20. Ad eiusdem sententiæ confirmationem facit, quod Glossa interlinearis, loco Actorum adducto, super illa verba *annis quadraginta*, notat, videlicet, *cum tempore Samuelis.* Et Beda ait: *Liber Regum non aperte exponit quot annis Saul regnauerit: sed Apostolus vulgò loquens, hoc quod fama crebrior habebat, dixit. Chronica vero testantur, quòd Samuel & Saul annis quadraginta Israeli præfuerunt.* hæc Beda. Et hoc idem quod postremò dictum est, etiam Glossa ipsa asserit. Abulenſis item super 1. Reg. cap. 7. quæst. 10. affirmat, in præcitato Actorum textu computari simul tempora vtriusque, nimirum Samuelis & Saulis, quasi fuerint tantummodo ipsius Saulis. & quæst. 11. super 2. Reg. cap. 2. idem probat aduersus Rabanum. & super eodem 2. Reg. cap. 15. quæst. 12. idem confirmat, citatque Iosephum 6. Antiq. in eandem sententiam. Sed reuera, in horum temporum supputatione valde diuersus est à sacra Scriptura Iosephus 6. Antiq. cap. 14. vltra medium capitis, & in fine eiusdem libri: nam licet videatur tribuere aliqua tempora Samueli simul & Sauli, dicens, Saulem regnasse decem & octo annos viuente Samuele; tamen ponit inter obitum Heli & Saulis fluxisse non quadraginta annos, vt testatur Scriptura; sed quinquaginta, nempe duodecim, in quibus, inquit, præfuit Samuel solus. quod manifestè repugnat sacre Scripturæ, quæ ab obitu Heli, cui diximus immediatè successisse Samuelem, ad electionem Saulis in Regem numerat annos viginti, vt patet 1. Reg. cap. 7. vers. 2. Addit deinde Iosephus annos decem & octo, quibus præfuit Saul populo, viuente Samuele. & in hoc bene dixit, est enim hoc sacre Scripturæ consentaneum,

CORPORA
SAVLIS ET
FILIORVM
EIVS APHI
LISTHÆIS
SVSPENSA,
GALAADI-
TAE RA-
PIVNT ET
SEPELIYNT.

MIPHIBO-
SETH CLAV-
DVS EFFI-
CIVR.

DE TEMPO-
RE QVO
SAM EL ET
SAVL PRÆ-
FVERVNT
ISRAEL.

EXPONITVR
LOCVS ACTO-
RYM.

REFELLI-
TVR IOSE-
PHVS IN
HORVM
TEMPORVM
DINVMEN-
TATIONE.

neum, vt vel hinc optimè Abulensis super 1. Reg. cap. 8. quæst. 2. & alij desuperferint, Saulem superuixisse Samueli duobus tantum annis. Demum adiungit Iosephus alios viginti annos, quibus, inquit, præfuit Saul solus post mortem Samuelis. Et hoc à veritate prorsus alienum putamus: quandoquidem hoc posito sequeretur, persecutionem Davidis perdurasse plus viginti annis: certum namque est, eam cœpisse multo tempore ante obitum Samuelis, vt patet ex his quæ dicuntur 1. Reg. cap. 19. & deinceps vsque ad 25. vbi narratur mors Samuelis. & item constat, Saulem numquam persequi desinisse Dauidem, nisi quattuor circiter mensibus ante suum obitum, quando scilicet intellexit, Dauidem cum viris suis exisse de terra Israel, & habitasse in regione Philisthinorum in Siceleg, vt aperte colligitur 1. Reg. cap. 27. vers. 4. & 7. & nos suprâ num. 2. & 6. probauimus. Sed & aliud multò maius inconueniens consequeretur. Nam si Davidis persecutio fuit diuturnior viginti annorum, vtique necesse est quòd ipse fuerit minor decem annorum, quando pugnavit cum Goliath: quandoquidem hæc duo verissima sunt, & persecutiohem cœpisse post occisum Goliath, & Dauidem fuisse triginta annorum, quando statim post mortem Saulis regnare cœpit in Hebron.

1. Itaque, vt melius, ac magis ad veritatem in Sacro eloquio traditam distinguamus tempora, quibus populo præfuerunt Samuel & Saul, dicimus, quòd spectat ad Samuel, ipsum proculdubio iudicasse Israel, ante electionem Saulis in Regem, toto illo viginti annorum intervallo, quo dicitur 1. Reg. cap. 7. vers. 2. mansisse Arca Dei in Cariathiarim; & consequenter, hallucinari Iosephum in eo quòd vbi suprâ ait, Samuelem præfuisse populo duodecim dumtaxat annis ante Saulem, nisi forte non statim ab obitu Heli, sed post annos octo iudicare cœpisset: de qua re tamen nihil omnino constat. Quin etiam eo casu oporteret ponere Interregnum octo annorum inter Heli & Samuelem, cuius tamen Interregni neque Scripturâ sacra, neque ipse Iosephus, aut alius, quòd sciam, Auctor, vique meminit. Cum ipso autem Saule iudicauit populum Samuel (vel saltem illam populi partem quæ despexerat Saulem), toto illo tempore quòd fluxit ab electione Saulis in Regem, vsque ad innouationem regni eius celebratam in Galgalis. Cuius rei signum est, quòd quando Saul, scētis in frustra bobus suis, conuocauit populum aduersus Ammonitas, non seipsum solum, sed simul quoque Samuelem nominauit in edicto, dicens: *Quicumque non exierit, & secutus fuerit Saul & Samuel, sic fiet bobus eius*: 1. Reg. cap. 11. vers. 7. vnde apparet, quòd tunc ambo simul quodammodò essent Duces populi. Post confirmatum verò Saulis regnum, Samuel non propriè dici potest præfuisse populo tamquam Iudex, sed tamquam Propheta. Nec obstant illa verba quæ habentur 1. Reg. cap. 7. vers. 15. videlicet: *Indicabat quoque Samuel Israel cunctis diebus vitæ suæ*. quia, vt ait Abulensis, ibi subintelligendum est, quibus mansit in Principatu, seu quibus potuit proficisci ad illa tria loca vbi consueuerat iudicare populum. Nisi fortè quis opinari velit, post reprobationem Saulis Samuelem accidentaliter quoque interdum iudicasse aliquos de populo ad se recurrentes; quemadmodum Dauidem, quando ad eum confugit ob Saulis persecutionem; & in hoc sensu accipiendum esse quòd ait Iosephus vbi suprâ, nimirum quòd Saule regnante Samuel præfuit populo decem & octo annis, id est, donec vixit. Sed quòd Samuel regnante Saule vique iudicauerit Israel, non nisi satis impropiè dici potest. Quòd verò attinet ad Saul, certum est ipsum regnasse annis viginti. Nam si, vt sæpè diximus, ex Actorum cap. 13. vers. 20. colligitur, fluxisse annos quadraginta ab obitu Heli ad obitum Saulis, & ex 1. Reg. cap. 7. vers. 2. apparet, Samuelem post Heli iudicasse populum vsque ad finem ferè vigesimi anni ex quo manserat Arca Domini in Cariathiarim; proculdubio remanent alij viginti anni, quibus regnavit Saul, quemadmodum hæcenus à nobis digestum est, & in tabulis clariùs videri poterit. Quòd si quis nobis opponat textum 1. Reg. cap. 13. vers. 1. vbi dicitur, Saulem regnasse duobus annis; iam ad hoc satis sub anno mundi 2960. num. 3. responsum est, id debere intelligi, ante eius reprobationem: post ipsam verò reprobationem, adhuc regnavit aliis decem & octo annis; in quibus tamen quodammodò dici possit fuisse legitimus Rex, quia semper deinceps dum vixit, regiam penes se retinuit potestatem, vt latè Dionysius Carthusianus super 1. Reg. cap. 13. art. 25. probat ex eo, quòd Dauid non semel dixit de ipso Saule: *Quis extendet manum suam in christum Domini, & innocens erit?* & idè ipse met pœnitentia ductus, percussit pectus suum, dolens quòd abscidisset oram chlamydis eius; & demum adolescentem, qui dixerat se occidisse Saulem, iussit interfici, dicens: *Quare non timuisti mittere manum tuam vt occideres christum Domini?* Attamen quia constat Saulem anno regni sui secundo circiter desinente à Deo fuisse reprobatum,

SAMUEL
QUADRI
PRÆFVE
RIT POPV
10.

QUOT AN
NIS REGNA
VERIT SAUL.

tum, eiſque ſententiam reprobationis per Samuelem Prophetam fuiſſe intimatam, videtur etiam poſſe defendi, quòd exinde non legitime, ſed violenter ac tyrannice regnauerit. Sed quidquid ſit, conſtat, ipſum, donec ſuperſtes fuit, ſemper pro legitimo Rege communiter reputatum habitumque fuiſſe, & propterea Dauidem appellauit illum Chriſtum Domini.

AB ORBE CONDITO

QVARTÆ MVNDI ÆTAT.

ANNVS 2980.

ANNVS 437.

DE AMALE-
CITA QVI
SE SAULEM
INTEREMIS-
SE NVNTIA-
VIT.

PLANXIT
DEINDE DA-
VID INTER-
ITVM SA-
VLI ET IO-
NATHAE.

VNGITVR
IN HEBRON
REX SVPER
TRIBVM I-
UDA, ANNO
ÆTATIS
SVÆ 30.
EXPLITO.

QVOT AN-
NIS REGNA-
VERIT IN
IYDA.

DE VXORI-
BVS EIVS,
ET FILIIS
IN HEBRON
NATIS.

DE LEGA-
TIONE DA-
VIDIS AD
VIROS IA-
RES GA-
LAAD.

ANNO Regni Saulis vigefimo, & ab obitu Heli quadregefimo exactis, nimirum proximo circiter inchoante, qui poſtea fuit primus regni Dauidis, cum die tertia, ex qua redierat de cæde latruncolorum Amalecitarum in Siceleg, au- diſſet Dauid cladem maximam quam fecerant Philiſthæi in populo Iſraelitico, & mortem Saulis ac Ionathæ, iuſſit occidi virum Amalecitam, qui ſe interfeciſſe Saulem nuntiauerat; quem tamen mentitum, quòd ſic magnam ſe à Dauid mercedem con- ſecuturum ſperaret, communior Expositorum illius loci ſententia eſt, quia conſtat 1. Reg. cap. vlt. verſ. 4. Saulem ſibi ipſi mortem conſciuiſſe. Quamquam Iosephus 7. Antiq. cap. 1. Amalecitam vera retuliſſe exiſtimauerit, putans, quòd tamenſi Saul in proprium gladium incubuiſſet, non tamen illico interierit, ſed adhuc ſemiuuius iuſſerit ſe ab ipſo Amalecita interfici. Planxit deinde Dauid ſciſſis veſtibus interitum Saulis & Ionathæ, & canticum quoddam in modum ſtebilis elegiæ compoſuit, ceciniſſe in hæc verba: *Conſidera Iſrael*, &c. vt latius videre eſt 2. Reg. cap. 1. per totum. Denique, conſulto prius Domino, aſcendit Dauid cum duabus vxoribus & tota fami- lia ſua, cunctiſque viris militaribus qui ſequebantur eum, in Hebron, ibique vnctus eſt Rex ſuper vniuerſam tribum Iuda: 2. Reg. cap. 2. verſ. 1. vſque ad 5. Creditur autem non multò antequam palam vnctus eſſet, compoſuiſſe Pſalmum 26. *Dominus illumina- tio mea*, &c. vt colligi poteſt ex titulo, qui habet: *Pſalmus Dauid priuſquam liniretur*. Quamquam aliqui referant illum ad hanc ſecundam vnctionem, aliqui ad tertiam, mihi non improbabile videtur, Dauidem prædictum Pſalmum compoſuiſſe ac ceci- niſſe ante hanc ſecundam vnctionem, quando adhuc recens erat memoria interitus Saulis & aliorum inimicorum ipſius Dauidis, vt videntur innuere illa verba, quæ ibi- dem habentur verſ. 2. *Qui tribulant me inimici mei, ipſi infirmati ſunt & ceciderunt*. & nihi- lominus eundem Pſalmum ceciniffe etiam ante tertiam vnctionem, vt præpararet ſe ad rectam tanti regni adminiſtrationem. Erat autem Dauid triginta annorum, intelli- ge completorum; quando regnare cœpit in Hebron, vt dicitur 2. Reg. cap. 5. verſ. 4. & ibidem regnavit ſeptem annis cum dimidio ſuper ſolam tribum Iuda, quemadmo- dum expreſſe traditur in eiſdem libri cap. 2. verſ. 11 & cap. 5. verſ. 5. Nec refert, quòd 3. Reg. cap. 2. verſ. 11. abſolute dicatur, ipſum regnaſſe annis ſeptem, nulla ſex menſium habita ratione: quia ibidem Scriptura, vt aliàs quandoque, integros tantum annos re- colit, & minutias temporum præterit; & quod ibi omiſit, locis ſuprà citatis ſuppleuit. Porro Dauid intra memoratum ſeptennium, præter duas vxores quas habebat ante, quam factus eſſet Rex, videlicet Achinoam Iezraelite, & Abigail, quæ fuerat vxor Nabal Carmeli; duxit alias quattuor, nempe Maacha filiam Tholmai Regis Geſſur, & Haggith, & Abital, & Eglam; genuitque ex his in Hebron filios ſex, videlicet Amnon primogenitum, de Achinoam; alterum nomine Cheleab, qui & Daniel, de Abigail; tertium Abſalom, de Maacha; quartum Adoniam, de Haggith; quintum Saphatiam, de Abital; & ſextum Iathraan, de Eglam: 2. Reg. cap. 3. verſ. 2. vſque ad 6. & 1. Paralip. cap. 3. verſ. 1. vſque ad 4.

2. Vt primum autem audiuit Dauid Rex, quòd viri Iabes cadauera Saulis & filio- rum eius à Philiſthæis furim ſublata honorifice ſepeliſſent, miſit qui ſuo nomine col- laudarent eos, & conteſtarentur, eam rem ſibi non modò non diſplicuiſſe, quemad- modum forte exiſtimare poruiſſent, ſcientes quòd Saul donec vixerat ipſum perſequi non deſierat: quin potiùs acceptum valde habuiſſe quòd fecerant, & paratum ſe, ipſis gratiam referre; quandoquidem ipſe quoque caſum Saulis & cladem populi pariter deploraſſet; nihilominus, non debere eos animo concidere, quòd Regem belliſque du- cem amiſerint, ſed magis corda erigere aduerſos hoſtes, hoc eſt Philiſthæos; tacite of- ferens ſe pugnaturum pro populo Iſrael, præſertim nunc, ex quo iam conſtitutus eſſet Rex ſuper tribum Iuda: 2. Reg. cap. 2. verſ. 5. vſque ad 8.

3. Non multò poſt (vt paulo infra oſtendemus) cum audiſſet Abner Princeps militiæ Saulis,

Saulis, quòd filij Iuda vnxiſſent Regem ſuper ſe Dauidem; tulit Iſboſeth, qui ſolus de filiis Saul legitimis ſuperſites remanerat, & 1. Paralip. cap. 8. verſ. 33. & cap. 9. verſ. 35. appellatur Eſbaal; (nam tres priores, nempe Ionathas, & Melchiffa, & Abinadab cum patre ſuo Saul, in poſtremo prælio cum Philiſthæis inito ceciderant, vt dicitur 1. Reg. cap. 3. 1. verſ. 2. & 6.) & circumducens eum per caſtra, tunc (vt arbitror) exiſtentia prope vrbein nomine Manahim, quod etiam Caſtra interpretatur, conſtituit Regem ſuper Galaad, & ſuper Geſſuri, & ſuper Iezrael, non tribus Iuda, ſed Iſſaſchar, (dictum eſt enim ſub anno mundi 2977. numero 2. duas fuiſſe Iezrael) & ſuper Ephraim, & ſuper Benjamin, & ſuper Iſrael vniuerſum, excepta dumtaxat tribu Iuda, quæ ſola (vt dictum eſt) ſequēbatur Dauidem: 2. Reg. cap. 2. verſ. 8. vſque ad 10. Ex eo autem quod diximus, Dauidem duxiſſe filiam Tholmai Regis Geſſuri in vxorem, & Iſboſeth filium Saulis conſtitutum fuiſſe Regem ſuper Iſrael, ac etiam ſuper Geſſuri, videtur neceſſariò eſſe inferendum, ipſos quidem Geſſuritas habuiſſe proprium ex gente ſua Regem, ſed tamen etiam fuiſſe tributarios, aut aliquo modo ſubditos Iſraëli; alioqui non potuiſſet conſtitui Iſboſeth Rex ſuper Geſſuri tunc, quando ſuper eos iam regnabat Tholmai. Ceterum, quadraginta annorum erat Iſboſeth quando regnare cœpit, & duobus annis regnauit ſuper Iſrael, vt dicitur cap. Reg. proximè citato verſ. 10. Qui locus non abſolutè videtur eſſe intelligendus, ſed reſpectuè ad inferiùs dicenda; nimirum quòd Iſboſeth regnauit duobus annis in pace, hoc eſt antequam oriretur longa illa concertatio inter domum Saulis & Dauidis, de qua ſub anno mundi 2982. dicemus. Nam reuerà oportet quòd Iſboſeth regnauerit ſerè annis ſeptem cum dimidio, vt latè probat Abulentiſ ſuper 2. Reg. cap. 2. quaſt. 12. & ſuper cap. 5. quaſt. 1. & 5. vbi diſputat contra opinionem Hebræorum, & Hiſtoriæ Scholaſticæ, & aliorum. Quamquam autem Caietanus ſuper 2. Reg. cap. 3. contendat, ipſum Iſboſeth non regnaſſe ſuper Iſrael toto illo tempore quo regnauit Dauid in Hebron, ſed duobus tantum annis; non primis, neque poſtremis, ſed intermediis: putat enim, quòd non ſtatim ac mortuus eſt Saul, ſed multò poſt conſtitutus fuèrit Iſboſeth Rex ſuper Iſrael, & quòd mortuo Iſboſeth, non ſtatim, ſed multò poſt tranſlatum ſit regnum Iſrael ad Dauidem. Attamen quidquid ſit, mihi ſatis plana & probabilis & Sacro textui conſona videtur Abulentiſ opinio, quam ſequor. Neque verò alicui durum videri poterit, id quod Scriptura ſacra 2. Reg. cap. 2. verſ. 10. ait, Iſboſeth regnaſſe duobus annis, non ſimpliciter & abſolutè eſſe accipiendum; ſi reſcolat, eandem Scripturam 1. Reg. cap. 13. in principio idem quoque de Saul dixiſſe, quòd ſcilicet duobus annis regnauerit; & tamen certiffimum eſt, ipſum multò plures annos in regno exegiſſe, vt nos ſub anno mundi 2960. num. 3. demonſtrauiſſus.

4. Sanè Dauid circa initia regni ſui, quemadmodum ex paulò inferiùs dicendis manifeſtum fiet, præuidens poſſe ſibi derepentè bella ſuperuenire, ſiue ab Amalecitis aliisque finitimis populis, quos frequentibus excuſſionibus non multò antè depradatus fuerat; ſiue à Philiſthæis perpetuis Hebræorum hoſtibus; ſiue etiam ab ipſis Iſraëlitis, qui ſequēbantur Iſboſeth filium Saul: ne imparatus offenderetur, ſi populum ad propria tabernacula redire ſineret; aut econuerſò, ne nimis populum grauaret, ſi eundem iugiter in caſtris detineret, nec poſſent ſinguli quandoque rebus domeſticis vacare; diuidit omnes aptos ad pugnam, nimirum à viginti annis & ſuprà, in duodecim turmas, quarum ſingulæ ſuccedentibus temporibus, vt paulò poſt dicetur, adèd creuerunt, vt vnaquæque ipſarum contineret viginti quattuor mille viros, præſiciens vnique turmæ proprium Principem, & ſub eo Tribunus qui millenis præſent, & ſub his Centuriones, qui centuriis, & Præfectos: puto autem hîc Præſectorum nomine comprehendî alios belli miniſtros minores, puta Quinquagenarios, Decanos, & ſi qui erant huiusmodi alij. Conſtituit præterea, vt viciffim ſingulis menſibus vna ex hiſce turmis cum ſuo Principe ac ceteris miniſtris ſuis præſtò eſſet Regi, in omnem belli euentum. Quòd ſi quandoque vna non ſufficeret ad ſuſtinendos hoſtium impetus, alteram pariter, vel etiam plures, prout opus eſſet, conſeſtim conuocare conſueuerat. Porro hanc turmarum diſpoſitionem & ordinationem, quæ poſteà perfeuerauit vſque ad finem regni Dauidis, vel fortè etiam Salomonis, inſtitutam primò fuiſſe ab ipſo Dauidè circa initia regni ſui in Hebron, vt dictum eſt, inde neceſſariò inferitur, quòd 1. Paralip. cap. 27. (vbi verſ. 1. vſque ad 16. hæc turmarum diſtinctio deſcribitur, & ſingularum Principes nominatim reſcenſentur) expreſſè verſ. 7. habemus, Aſahelem fratrem Ioab fuiſſe Principem quartæ turmæ, quæ quarto anni menſe Regi præſtò eſſe tenebatur, & in turma eius viginti quattuor millia viri. Scimus autem, quòd iſte Aſa-

ISBOSETH
SVCCEDIT
PATRI IN
REGNO IS-
RAEL.

QVOT AN-
NIS REGNA-
VERIT ISBO-
SETH.

DE DIVI-
SIONE ET
ORDINE
TURMARVM
EXERCITVS
DAVIDIS.

hel occisus fuit ab Abner, vt traditur 2. Reg. cap. 2. verf. 23. nimirum anno circiter tertio regni Dauidis, vt nos sub anno mundi 2982. num. 2. dicemus: vnde euidenter colligitur, istam turmarum partitionem antea fuisse institutam, nempe (vt diximus) circa initia regni eiusdem Dauidis. Nemo autem miretur, ipsum Dauidem, eo praesertim tempore quo solum regnabat super tribum Iuda, habere potuisse exercitum adeo copiosum: quia praeterquam quod illa tribus ferè semper inter ceteras maior fuit, plurimi quoque de aliis tribubus per singulos dies ad ipsum transibant, vsque dum fieret grandis numerus quasi exercitus Dei, quemadmodum expresse traditur 1. Paralip. cap. 12. verf. 22. quod de hoc tempore, videlicet quando Dauid regnare coepit in Hebron, intelligendum esse, bene probat Abulensis super cap. Paralip. citato quaest. 18. Dictum est autem, quod exercitus Dauidis paulatim eousque excreuit, vt videtur esse quasi exercitus Dei, hoc est pænè innumerabilis, quemadmodum exercitus Angelorum Dei, de quo dicitur Iob cap. 25. verf. 3. *Numquid est numerus militum eius?* quasi dicat, Non. Quod si quis adhuc contendat fieri non posse, vt Dauid, quando regnabat super solam tribum Iuda, habuerit in exercitu suo ducenta octoginta octo millia militum; sed hunc numerum (qui ex viginti quattuor millibus duodecibus ductis resultat) esse referendum ad tempus in quo regnabat super vniuersum Israel, vt etiam videtur posse colligi ex eodem capitulo Paralipom. vbi post recensitos turmarum Principes, consequenter recensentur quoque Duces tribuum: Dicimus fieri posse, & probabilius esse, quod singulae illae turmae ab exordio suae institutionis longè minùs numerosae essent; sed postea, aucto Dauidis regno, ipsae quoque auctae admodum fuerint, & ad memoratas summas reductae; & quod Auctor libri Paralip. ibidem quodammodò & initium ipsarum, & statum perfectum ad quem postea perductae sunt, tangere voluerit; initium quidem, recensendo nomina Principum, qui primò singulis praefecti fuerant; statum verò perfectum, notando praecise numerum militum, quem singulae postremo continebant, & singularum tribuum Duces.

PRIMARI
DAVIDIS
REGIS MI-
NISTRI.

5. Credimus insuper, Dauidem eodem tempore quo constitutus fuit Rex super Iudam in Hebron, delegisse sibi viros de regno suo prudentiores, quorum consilio, in rebus praesertim arduis ac difficilioribus ritè disponendis ac diiudicandis, utebatur: & item constituisse sibi varios substantiae regiae praefectos; nimirum qui tributis exigendis, qui thesauris conseruandis, & praeterea qui vineis, oliuetis, ficetis, agrisque colendis praesent; & item, qui cellis vinariis, horreis, & apothecis olei, aliarumque rerum praepositi essent: necnon qui pecorum & armentorum, quae variis in locis pascebantur, curam haberent, vt ex eodem 1. Paralip. cap. 27. verf. 25. vsque ad finem colligi posse videtur. Nam etsi ille locus non propriè ac praecise de hoc tempore, sed magis de eo in quo Dauid vniuerso Israël dominabatur, accipiendus esse videatur: nihilominus rationi valdè consonum est, credere, eadem munera quae ibi memorantur, ab initio quidem regni eius, pro recta administratione domus ac rerum suarum, sic fuisse disposita atque ordinata; deinceps verò, crescentibus diuitiis ac regimine, ministrorum quoque numero valdè admodum fuisse aucta ac multiplicata.

AB ORBE CONDITO QVARTÆ MVNDI ÆTAT.

ANNVS 2982.

ANNVS 439.

DE BELLO
INTER DA-
VID ET IS-
BOSETH.

ELAPSI duobus annis, ex quo coeperant regnare Dauid super Iudam, & Isbo-
seth super Israel, videlicet anno tertio regni ipsorum circiter inchoante, quem-
admodum ex his, quae nos sub anno mundi 2980. num. 3. diximus, inferri
potest, coeptum est bellum & longa illa concertatio inter domum Dauid & domum
Saul, ista quotidie decrescente, illa verò maiora indies incrementa suscipiente, vt aper-
tè traditur 2. Reg. cap. 3. verf. 1. Dicitur autem fuisse longa ista concertatio; quia per
annos ferè quinque cum dimidio perdurasse creditur, hoc est vsque ad interitum ip-
sius Isboseth; quemadmodum ex dictis sub anno proximè allegato colligi potest. Ex
his autem quae interim gesta sunt, pauca quaedam breuiter commemorantur 2. Reg.
cap. 2. verf. 12. vsque ad initium capitis 5.

IVDAEORVM
ET ISRAE-
LITARVM
EXERCITVS
APPRO-
PIANT.

2. Et primò quidem Abner princeps militiae Isboseth, cum de Manahim transmissio
Iordane venisset cum exercitu in Gabaon, quae erat vrbs terrae Benjamin, vt pater
Iosue cap. 18. verf. 25. & creditur extitisse vel in confinio, vel non procul à finibus Iudae
Aquilonaribus; Ioab princeps militiae Dauidis, vt audiuit Israelitas armis instructos
Iudaicæ dirioni appropinquasse, suspicatus aliquod ab eis malum, protinus illis cum
exer-

exercitu suo occurrit ad piscinam quamdam prope Gabaon existentem: cumque inter Iudæos & Israelitas media tantum esset piscina, & primus Abner prouocasset ipsum Ioab, ut utrimque gladiatores duodecim exonerentur, qui cunctis inspectantibus inter se cominus decertarent; protinus, annuente Ioab, ex utraque parte viri fortissimi audacter prodeuntes, ac statim sese inuicem aggredientes, pariterque se gladiis confodientes, cuncti simul occubuerunt. Quamobrem vocatum postea fuit nomen loci illius, Ager robustorum. Ac subinde ortum est bellum durum inter utrumque exercitum, tandemque fugatus est Abner, & ceciderunt in illo conflictu de seruis Isboseth trecenti sexaginta viri, ac multo plures cecidissent, nisi Ioab post solis occasum, rogante Abner, receptui canens reuocasset suos à cæde fratrum suorum. De seruis verò David interierunt tantummodò decem & nouem, & Asahel frater ipsius Ioab, qui cum persequeretur fugientem Abner, & ab eo non semel monitus desistere renuisset, ab eodem Abner aversa hasta in inguine confossus interiit, sepultusque est in sepulchro patris sui in Bethleem. Porro Abner cum reliquis copiis suis tota illa nocte ambulans, peruenit trans Iordanem ad Castra, hoc est in Manahim, ubi morabatur Isboseth, ut ait Iosephus 7. Antiq. cap. 1. non longè ab initio; Ioab verò cum suis rediit in Hebron: 2. Reg. cap. 2. vers. 13. vsque ad finem capitis.

DUODECIM
UTRIMQUE
GLADIATO-
RESSE INVI-
CEM CON-
FODIUNT.

ISRAELI-
TAE A IV-
DAEIS CAE-
SI FVGAN-
T V R.

AB ORBE CONDITO
ANNVS 2983.

QVARTÆ MVNDI ÆTAT.
ANNVS 440.

I N NO regni Davidis super Iudam, & Isboseth super Israel quarto, necesse est incidisse annum Iubilei octauum: erat enim annus ab introitu Israelis in terram Chanaan quadringentesimus, ut videre est in tabulis.

IVBILEVS
OCTAVVS.

2. Per hæc quoque tempora & deinceps, perseverante bello inter domum Davidis & Saulis, probabile admodum est, plurima alia accidisse certamina inter sequaces Davidis & Isboseth, ac ferè semper cessisse in detrimentum partis ipsius Isboseth: quæ tamen Scriptura sacra narrare non curauit, vel quia fortè non fuerint valdè memorabilia, vel quia satis indicari posse videntur in iam memoratis verbis 2. Reg. cap. 3. vers. 1. relatis, nimirum quòd pars Davidis in dies augebatur, contrà verò pars Isboseth sensim iugiter decrescebat. Ceterum, quæ in eodem cap. 3. vers. 6. subduntur de Abner, qui indignatus aduersus Regem suum Isboseth, quòd ipsum arguisset pro muliere ad quam accefferat, clam fœdus iniit cum Dauide, & sollicitare cœpit corda seniorum Israel ut transferrent regnum de domo Saulis ad ipsum Dauidem, credimus contigisse non multò antequam id re ipsa præstitum fuit. Itaque

DE SVCCES-
SIVO REGNI
DAVIDIS
INCREMENT-
TO.

AB ORBE CONDITO
ANNVS 2986.

QVARTÆ MVNDI ÆTAT.
ANNVS 443.

I SVB finem, ut arbitror, anni septimi regni Davidis super Iudam, & Isboseth super Israel, cum Abner ingressus esset ad Respham, quæ fuerat concubina Saulis, & de hac re correptus fuisset ab Isboseth Rege, indignè admodum id ferens Abner, quòd pro muliere ipsum arguere non pepercisset, qui eidem ut regne Israel potiretur, auctor fuerat: iracundia fremens, iuravit se transfaturum regnum Israel de domo Saul ad Dauidem. Et ut id opere impleteret, non multò post misit nuntios ad ipsum Dauidem, offerens se, si placeret, libenter initurum cum eo amicitiam; qui protinus annuit, hac tamen conditione, ut priusquam ad se veniret, curaret sibi restitui uxorem suam Michol filiam Saulis, quam valdè diligebat. Quod cum factum fuisset, cœpit Abner loqui cum senioribus Israel, & seorsum quoque cum viris Benjamin, & tandem omnes in sententiam suam adduxit, de transferendo regno totius Israel ad ipsum Dauidem: 2. Reg. cap. 3. vers. 6. vsque ad 19.

CVR ABNER.
DEFECERIT
A REGE SVO
ISBOSETH.

AB ORBE CONDITO
ANNVS 2987.

QVARTÆ MVNDI ÆTAT.
ANNVS 444.

I N NO autem, ut reor, regni Davidis & Isboseth octauo iam inchoato, venit Abner ad David in Hebron cum viginti viris, ubi regio exceptus conuiuio, rebusque pro voto benè dispositis, cum à Rege dimissus ad suos rediret, fraudulenter à Ioab reuocatus, ac dolose occisus est, in ultionem Asahel fratris sui, quem Abner antea occiderat. Quamobrem David contristatus est valdè, & grauiter ferens tale

ABNER FOR-
DVS PERCV-
TIT CVM
DAVIDE, ET
A IOABO IN
TERFICI-
T V R.

DAVID MA-
LEDICIT
IOABO, ET
PLANGIT
ABNERVM.

facinus, maledixit ipsi Ioab & domui eius, imprecans ei iustam à Domino ultionem; deinde planxit ipsum Abner, ac præsens cum populo suo honorificè admodum celebravit exequias eius: quem cum sepelissent in Hebron, iterum fleuit Rex super tumulum eius cunctis videntibus, & omnis populus cum eo, ac præ tristitia iuravit Rex, nol-
le se cibum fumere nisi post solis occasum. Ex quibus omnibus manifestè cognouit vniuersus Israel, quòd Rex non modò esset omnino innocens à sanguine Abner, quin etiam quòd eidem reverà plurimùm displicuisset interitus eius, vt latius videre est 2. Reg. cap. 3. vers. 19. vsque ad finem capitis. Et tunc credunt nonnulli, Dauidem composuisse Psalmum 138. qui incipit: *Domine probasti me, & cognouisti me*, &c. vt se purgaret coram Deo & hominibus à falsis quorundam suspicionibus, qui de integritate ipsius quodammodò hæsitare videbantur, eò quòd talis vir à Principe militiæ Regis, in ipsa ciuitatè regia occisus fuisset.

ISBOSETH
ET OMNIS
ISRAEL VAL-
DE PERTVR-
BATI OB
NECEM AB-
NERIS.
BAANA ET
REMMON
INTERFI-
CIUNT RE-
GEM ISBO-
SETH, ET
IPSI IVSSV
DAVIDIS
NECANTVR.

2. Ceterum Isboseth, vt audiuit cecidisse Abner Principem militiæ suæ, ac totius regni sui administratorem, & à viris David fuisse interfectum, dissolutus est animo ac viribus, omniisque Israel perturbatus est. Accidit autem non multò post, attestante Iosepho 7. Antiq. cap. 2. ferè in principio capitis, vt duo principes latronum, Baana & Rechab, filij Remmon Berothitæ, de tribu Benjamin, qui hæctenus exulauerant in Gethaim, quæ creditur fuisse vrbs Philisthinorum, ingressi latenter domum Isboseth dormientis in meridie super stratum suum, occiderint eum, & ablato eius capite, fugientes tota nocte, attulerint illud ad Dauidem in Hebron, putantes id pergratum Regi futurum, & propterea grandem se ab eo remunerationem consecuturos. Sed valde eò spes sua fefellit: nam Rex, cognita eorum nequitia & impietate, confessum eos quidem iussit interfici, caput autem Isboseth in sepulchro Abner in Hebron tumulari: 2. Reg. cap. 4. per totum.

DEVNCTIO
NE DAVIDIS
SVPER VNI-
VERSVM IS-
RAEL.

3. Eodem anno, mense sexto circiter desinente, congregatus omnis Israel vnanimiter venit ad David in Hebron, & percusserunt seniores populi fœdus cum eo coram Domino, vixeruntque (nimirum per Sacerdotes & Prophetas) ipsum in Regem super omnem Israel: 2. Reg. cap. 5. vers. 1. vsque ad 4. & 1. Paralip. cap. 11. vers. 1. vsque ad 4. Sanè Principes virorum fortium David, qui adiuerunt eum vt Rex fieret super omnem Israel, recensentur in eodem Paralip. cap. 3. vers. 10. vsque ad 23. capitis sequentis. Numerus autem Principum & virorum, qui de singulis tribubus tunc venerunt ad David in Hebron, vt facerent eum Regem, describitur 1. Paralip. cap. 12. vers. 23. vsque ad finem capitis. vbi etiam subiungitur, quòd manserunt ibi tribus diebus, comedentes & bibentes cum læticia; & quòd à cunctis tribubus Israel, tam proximis quàm remotis, vndique afferebantur ad victum pertinentia, & gaudium magnum erat in Israel. Et hæc fuit tertia eademque postrema vñctio Davidis in Regem. Nam prima facta fuerat à Samuele in Bethleem, quando David adhuc erat adolescentulus, quindecim circiter annorum, vt sub anno mundi 2964. num. 1. diximus; in signum quòd iam ex tunc designatus erat Rex. Secunda vñctio facta fuit in Hebron, cum iam esset David triginta annorum, quando constitutus est Rex totius tribus Iudæ, vt sub anno mundi 2980. num. 1. dictum est. Tertia pariter in Hebron, anno vitæ suæ trigesimo octauo, vt patet in tabulis: de qua nunc agimus, quando scilicet vno omnium Israelitarum consensu, sollempniter admodum vñctus factusque est Rex totius populi Israelitici. Et tunc paulò antequam vngeretur, creditur secundo cecinisse Psalmum 26. *Domine illuminatio mea, & salus mea*, &c. quem admodum sub anno numeroque proximè citatis adnotauimus. Et item putant nonnulli, eundem Dauidem composuisse ac cecinisse Psalmum 138. *Ece quam bonum, & quam iucundum habitare fratres in vnum*, &c. qui postea inter quindecim Cantica graduum computatus est.

DAVID OP-
PVGNAT EX-
PVGNATQVE
ARCEM
SION IN IE-
RUSALEM.

4. Consummata celebritate huius tertiæ vñctionis, quæ tribus diebus (vt dictum est) absoluta fuit, abiit David Rex & omnis Israel cum eo in Ierusalem, quæ dicebatur Iebus, eò quòd longo admodum tempore habitata fuerat à Iebusæis, & cœpit oppugnare arcem Sion, de qua ipsi Iebusæi post obitum Iosue numquam expelli potuerant, erat enim natura arteque munitissima. Quamobrem iidem Iebusæi, existimantes eam esse omnino inexpugnabilem, ad irridendos conatus Davidis, posuerant super muros eius aliquot cæcos & claudos, tamquam vel ipsi soli possent eam defendere; & subannantes dicebant Davidi: *Non ingredieris huc, nisi absteruleris cæcos & claudos*. David autem præclari illius facinoris difficultate nihil territus, vt viris suis alioqui fortissimis, animum adderet, proposuit edictum dicens: *Qui primus ascenderit, & primus percusserit Iebuseum, erit Princeps & Dux*. Itaque cum primus ascendisset Ioab, ceterisque aditum ape-

aperuisset, qui prius fuerat Princeps militiæ Davidis in tribu Iuda, declaratus deinde fuit Princeps militiæ eiusdem Regis in toto Israele. Percussus ergo Iebusæis, & capta arce, cœpit habitare Dauid in ea, & ampliare illam, ædificando muros & turres ab vno capite magnæ cuiusdam voraginis, Mello nuncupatæ, in gyro, vsque ad aliud caput ipsius; intra quem circuitum, Ioab de mandato Regis reliqua postmodum vrbs extrui curauit: & idcirco illa deinceps dicta est ciuitas Dauid. Atque ita exinde vsque ad initia regni Roboam filij Salomonis, sedes regni totius populi Israelitici permansit in Ierusalem: 2. Reg. cap. 5. vers. 6. vsque ad 10. & 1. Paralip. cap. 11. vers. 4. vsque ad 9. Porro Dauid, vt dicitur cap. Reg. citato vers. 11. & Paralip. vers. 10. admodum proficiebat atque crescebat in Ierusalem. Regnavit autem ibi annis triginta tribus, quemadmodum apertè traditur 2. Reg. cap. 5. vers. 5. & 3. Reg. cap. 2. vers. 11. intra quos annos duxit alias vxores & concubinas; natiq̃ue sunt ei in Ierusalem, præter filios concubinarum, alij filij, quorum omnium nomina recensentur 2. Reg. cap. 5. vers. 13. vsque ad 17. & plenius 1. Paralip. cap. 3. vers. 5. vsque ad 10.

5. Quoniam autem manifestè locis proximè citatis inter quattuor filios Davidis de Bethsabee natos in Ierusalem, computatur etiam Nathan; hinc inferri potest, hallucinari eos qui putant filium sextum Davidis in Hebron de Egla natum, qui 2. Reg. c. 3. vers. 5. vocatur Iethraam, esse Nathan: & Abulensem, qui corruptò Iosephi codice deceptus, super dicto Reg. loco quæst. 4. ait, dictum Iethraam secundum Iosephum 7. Antiq. vocari Nathan. Atqui certum est, quòd in correctioribus eiusdem Iosephi codicibus 7. Antiq. cap. 1. circa medium, sextus Davidis filius non Nathan, sed Galam nuncupatur: & constat ex locis Scripturæ sacræ adductis, Nathan non de Egla, sed de Bethsabee, & non in Hebron, sed in Ierusalem esse natum. Vtrùm autem iste Nathan idem fuerit cum Nathan Propheta, infra sub anno mundi 2990. num. 7. disputabimus. Verumtamen hinc non prætereundum duximas, quòd Dauid de Bethsabee duos tantum naturaliter filios genuit; vnum ex adultero concubitu, qui septimo die ortus sui mortuus est, vt habetur 2. Reg. cap. 12. vers. 18. & iste non potuit recenseri inter filios Dauid, quoniam ante eius circumcisionem ac nominis impositionem, quæ octauo die fieri solebant, decesserat. Alter fuit Salomon, quem genuit Dauidi Bethsabee, posteaquam defuncto primo viro suo Vria, eiusdem Davidis vxor facta est, post quem nullum alium genuisse legitur, & propterea ipse Salomon, Prouerbiorum cap. 4. vers. 3. dicit se fuisse vnigenitum coram matre sua, videlicet Bethsabee. Quæ quidem verba non sic accipienda sunt, ac si vellent inferre, quòd Salomon ita à matre sua vnice dilectus fuerit, tamquam si fuisset eius vnigenitus, quemadmodum Auctores paulò post citandi exponunt; sed simpliciter sunt intelligenda in sensu quem verba ipsa sonant, videlicet quòd Salomon, modo superius exposito, verè fuerit vnigenitus matris suæ, vt manifestè indicat lectio editionis Vulgatæ, & exponunt Glossa ordinaria, & Lyranus, & Hugo Cardinalis, & Carthusianus, & alij. Vnigenitus, inquam, Bethsabee ex ipso Dauide: nam alij tres, videlicet Samua, qui & Simmaa, & Sobab, & Nathan, qui 2. Reg. cap. 5. vers. 14. & 1. Paralip. cap. 3. vers. 5. & cap. 14. vers. 4. ante ipsum Salomonem nominantur, fuerunt quidem filij Bethsabee, sed de primo viro Vria; computantur autem inter filios Davidis, quia eos postea Dauid, tum vt aliquo modo satisfaceret pro iniusta nece illata Vriæ, tum vt ipsi Bethsabee, quam vnice diligebat, morem gereret, adoptauit in filios; quemadmodum asserunt Hebræi, & Lyranus super 1. Paralip. cap. 3. & Abulensis ibidem quæst. 4. & Carthusianus super Prouerb. cap. 4. vbi non solum id ipse asserit, sed ab alijs quoque communiter locum illum ita exponi testatur. Equidem non ignoro, Ianfenium super loco Prouerbiorum citato, & Baradium lib. 5. cap. 9. suæ Concordiæ Euangelicæ, & Pinedam lib. 1. de Rebus Salomonis cap. 8. mordicus tenere, non Salomonem tantum, sed & Nathan, aliosq̃ue duos quos diximus de Bethsabee natos, fuisse filios Davidis naturales. Verum isti Auctores, & si qui alij eos sequuntur, præterquam quòd coguntur exponere memorata Prouerbiorum verba, *Vnigenitus coram matre mea.* in sensu diuerso ab eo quem ipsa editio Vulgata satis apertè videtur exprimere, insuper non possunt rationem reddere, cur 2. Reg. cap. 5. vers. 14. & 1. Paralip. cap. 3. vers. 5. & cap. 14. vers. 4. Salomon vltimo loco post fratres suos vterinos recensatur; cum tamen illos ipse & dignitate, & potentia longè superaret, & constet, ipsum Salomonem proximè ab obitu paruuli, quem Dauid ex adulterio de ipsa Bethsabee genuerat, fuisse procreatum, vt apertè testatur Scriptura 2. Reg. cap. 12. vers. 24. illis verbis: *Et consolatus est Dauid Bethsabee vxorem suam* (subaudi, de obitu memorati paruuli inærentem) *ingressusq̃, ad eam dormiuit cum ea; quæ genuit filium, & vocauit*

SION CVR
DICATVR
CIVITAS
DAVID.

IERUSALEM
REGNI SE-
DES FACTA.

DAVID
QVOT AN-
NIS REGNA-
VERIT IN
IERUSALEM.
ALIAE Vxo-
RES ET FI-
LII DAVI-
DIS.

FILIUM SEX-
TVM DAVI-
DIS NON
ESSE NA-
THAN.

QVOT ET
QVOT DA-
VID DE
BETHSABEE
GENVERIT
LIBEROS.

NATHAN
NON FUIT
NATURALIS
FILIVS DA-
VIDIS SED
ADOPTIVS.

cauit nomen eius Salomon, nec postea vspiam tradit, quod alios Dauid de ipsa Bethabee genuerit. Ergo oportet alios fratres Salomonis vterinos prius esse natos, videlicet ante obitum Vria; & consequenter non ex Dauid, sed ex ipso Vria naturaliter fuisse generatos. Igitur fateri necesse est, Salomonem inter fratres suos vterinos non alia de causa ultimo loco semper recenseri, nisi quia post ipsos natus erat, & dici vnigenitum coram matre sua, quia ipsa post coniugium cum Dauide initum, nullum alium filium genuit. Denique quomodo poterunt memorati Auctores ostendere verum esse quod omnes fatentur, & nos sub anno mundi 4051. num. 16. demonstrabimus, videlicet, S. Matthæum deriuasse generationes Christiã. Salomone per lineam Regiam; sanctũ verò Lucam easdem per lineam Sacerdotalem perduxisse ad Nathan, si vterque, Salomon scilicet & Nathan, fuissent filij naturales Dauidis? siquidem neuter ipsorum verè de stirpe Sacerdotali esse dicive vllò modo potuisset, quemadmodum ex his quæ nos sub anno mundi proximè citato num. 17. dicemus, perspicui poterit. Neque verò prædictis obstant illa verba, quæ 2. Reg. cap. 5. vers. 14. & 1. Paralip. cap. 5. vers. 5. habentur, videlicet: *Porro in Ierusalem nati sunt ei (hoc est Dauidi) filij Simmaa, & Sobab, & Nathan, & Salomon, quattuor de Bethabee filia Ammiel.* quia tamen Scriptura sacra per hæc & similia verba, *Nati sunt ei, peperit ei, genuit ei, Filius eius. Suscepit, vel habuit ex ea filium,* & huiusmodi, vt plurimum soleat intendatque exprimere generationes naturales; nonnumquam tamen his & similibus verbis etiam exprimere consuevit quasdam alias generationes, quæ non sunt naturales, sed vel legales, vel remotæ, vel improprie, & latissimo quodam modo sumptæ. Nam de legalibus, quæ fiebant per adoptionem, exemplum habemus 1. Paralip. cap. 2. vers. 23. vbi dicitur: *Omnes isti filij Machir patris Galaad.* constat enim ibi inter filios Machir connumerari Segub vers. 21. memoratum, qui cum fuerit filius naturalis Hesron ex filia ipsius Machir, vt ibidem dictum fuerat, non potest intelligi fuisse filius Machir, nisi adoptiuus. Quod & sensit Abulensis super cap. Paralip. citato quæst. 10. vt nos sub annis mundi 2387. num. 1. & 2583. num. 27. diximus. De his verò generationibus, quæ iuxta Legem antiquam fiebant per suscitationem feminis defuncti, scimus quod in genealogia Saluatoris, Ioseph quem Matthæus dicit filium Iacobi, Lucas appellat filium Heli; & vterque S. Euangelista verum dicit, *Quia* (sicut ait S. Hieronymus lib. 1. in Matthæum) *alter secundum naturam, alter secundum Legem ei pater fuit.* Eodem modo exprimit Scriptura sacra generationes quasdam remotas, hoc est, per plures intermedios factas, vt Matthæi cap. 1. vers. 1. vbi dicit Christum filium Abraham & Dauidis, quia de ipsorum stirpe prodiit; & vers. 8. vbi ait, quod Ioram genuit Oziam, videlicet, mediantibus Ochozia, Ioia, & Amasia. Et hæc (vt ita dixerim) filiatio tam latè extendebatur apud Hebræos, vt omnes posteros suos, filios dicerent. Propterea non mirum est, si in Scripturis sacris, omnes qui erant de tribu Iudam dicuntur filij Iuda; & qui de tribu Ruben, filij Ruben; & sic de aliis tribubus; & omnes tribus, nomine filiorum Israel significantur, ad differentiam eorum qui non erant de populo Israel, qui generaliter filij Gentium, vel filij alienigenarum appellari solent. Neque solum naturaliter geniti, sed etiam qui per adoptionem, & ipsorum quoque adoptiuorum posterij, filiorum nomine nuncupantur, vt patet ex adductis Paralip. verbis, videlicet: *Omnes isti filij Machir,* &c. quibus profecto comprehenduntur tum ipse Segub filius adoptiuus dicti Machir, tum posterij ipsius Segub. Sed & interdum non modò posterij alicuius viri, verum etiam incolæ alicuius ciuitatis vel oppidi, dicuntur illius filij. Vnde et illud Lucæ c. 23. vers. 28. *Filia Ierusalem nolite flere super me,* &c. & 1. Machab. cap. 3. vers. 45. *Et Ierusalem non habitabat; non erat qui ingrederetur & egrederetur de nativitate eius;* & cap. 5. vers. 8. *Et cepit Gazer ciuitatem, & filius eius.* Ecce quàm latè Scriptura sacra vsurpare consuevit nomen *filij.* Denique prædictis quoque dicendi modis expressæ inueniuntur aliæ etiam generationes minus propriæ, puta quæ fiebant quando vna mulier per aliam de viro filium suscepisse dicebatur, vt, verbi gratia, Noëmi per nurum suam Ruth. Vnde quando Booz genuit Obed ex dicta Ruth, dicebant mulieres: *Natus est filius Noëmi:* Ruth cap. 4. vers. 17. & quando Sara, Rachel, & Lia dederunt ancillas suas viris suis, dicebant se suscepisse habereque ex illis filios, vt videre est Genes. cap. 26. vers. 2. & cap. 30. vers. 3. & 6. Vides ergo apertissimè, prudens Lector, quod prædictis dicendi modis Scriptura sacra significare solet generationes non solum naturales, sed etiam non naturales & improprias. Non igitur satis firma est expositio illa locorum 2. Reg. & 1. Paralip. quam, vt diximus, afferunt Iansenius, Baradius, & Pineda, existimantes propter memorata Scripturæ verba, *Nati sunt ei,* &c. quattuor ibidem recensitos, verè omnes fuisse filios naturales Dauidis: quia bene possunt debentque

intelligi, vt dicitur, respectiue, ita vt Salomon quidem fuerit filius naturalis ipsius Dauidis; tres verò priores, adoptiui, vt dictum est. Et hoc ad similitudinem eorum, quæ sub anno mundi 2329. num. 6. diximus de filiis Iacob, qui Genes. cap. 35. vers. 26. & de filiis ac nepotibus Liæ, qui Genes. cap. 46. vers. 15. dicuntur nati in Mesopotamia. Quod non debet accipi absolute de omnibus (aliqui enim nati erant in terra Chanaan) sed respectiue, vt ibidem explicatum est. Verum hic dicit aliquis: Si Nathan non fuit naturalis filius Dauidis, sed adoptiui, non videretur S. Lucas cap. 3. sui Euangelij deducere debuisset Christi genealogiam per lineam ipsius Nathan: siquidem hinc sequeretur, Christum non naturaliter, sed tantummodo legaliter prodiisse de Dauid, & consequenter, non verè ac reipsa fuisse de semine eius, quod esset dictum absurdissimum. Ad hoc responderi potest, quòd si idem S. Lucas ibidem, in recensendo gradatim maiores S. Ioseph sponsi sanctissimæ Genitricis Domini nostri Iesu Christi, incipit ab Heli, qui proculdubio non fuit eius pater naturalis, sed legalis, quemadmodum testatur S. Ioannes Damascenus Fidei Orthodoxæ lib. 4. cap. 15. nemini mirum videri debet, quòd eandem genealogiam sursum progrediendo deducat ad Nathan filium legalem ipsius Dauidis. Quin etiam patet, eundem Euangelistam aliàs non semel, in eadem genealogia, ad legales generationes declinasse, præsertim quando peruenit ad Zorobabel & Salathiel, qui erant de linea naturali Salomonis, vt patet Matthæi c. 1. vers. 12. Non enim iste egressus de linea Nathan in lineam Salomonis, & rursum de linea Salomonis ad lineam Nathan, videtur fieri potuisse, nisi per transitum ad generationes legales. Nec propterea consequitur dici posse, Christum legaliter dumtaxat à Dauide originem duxisse; tum quia cuius progeniem S. Lucas per legales generationes ad Nathan perducit, eandem S. Matthæus per rectam ac continuatam naturalem generationem seriem à Salomone deriuat; tum verò maximè, quia certissimum est, Christi fetum, non ex virili semine conceptum, sed ex purissimis sanguinibus beatissimæ Virginis eius matris diuinitus fuisse plasmatum. Vnde si ipsa de semine Dauidis verè naturaliterque descendit, vt nos sub anno mundi 4037. num. 2. euidentissimè probabimus, vtique necessàrio fit consequens, idem quoque de filio eius sic concepto esse dicendum.

OBJECTIO.

RESPONSO.

6. Ceterum si quis quærat de memorato Nathan, ac de patre eius naturali Vria, cuius nam tribus fuerint, dicimus id quidem certò sciri non posse, quandoquidem in Sacris libris nusquam reperitur expressum. Verumtamen non improbabilius (vt arbitror) posse nos suspicari, dictum Vriam fuisse de tribu Leuitica & Sacerdotali; tum quòd ipse (vt legimus 2. Reg. cap. 11. vers. 11.) tantopere sollicitus fuisse visus fuerit de Arca Dei, & ob eius reuerentiam noluerit declinare in domum suam, & ibidem commodè morari, considerans quòd tunc Arca Dei esset in castris, & sub papilionibus posita; tum verò euidentiùs, quia de filiis eius postmodum à Dauide adoptatis, rectè accipi potest, verè dictum fuisse 2. Reg. cap. 8. in calce: *Filij autem Dauid Sacerdotes erant.* quemadmodum nos sub anno mundi 2993. num. 1. dicemus. Non enim huius optinioni obstat, quòd cap. Reg. priùs citato, idem Vrias vocetur Hethæus: nam & Obbedom 2. Reg. c. 6. vers. 10. appellatur Gethæus; quem tamen nos sub anno mundi 2990. num. 1. probabimus non solùm fuisse Israelitam, sed etiam Leuitam; & item sub anno mundi 4018. num. 6. perspicuè ostendimus, plures Hebræorum, ex prouinciis ac locis, in quibus ipsi aut maiores eorum aliquamdiu habitassent, cognomentum accepisse. Itaque si verum est, Vriam de tribu Leuitica Sacerdotalique extitisse, proculdubio id maximè fauet aridetque sententiæ sanctorum Hilarij & Ambrosij, quorum primus can. 1. in Matthæum, & alter super Lucæ cap. 3. affirmant, S. Matthæum narrasse regiam Christi generationem per lineam Salomonis: sanctū verò Lucam, Sacerdotalem, per lineam ipsius Nathan. Et eorumdem Doctorū opinionem non rectè videtur redarguisse Cardinalis Toletus super Lucæ c. 3. sub finem Annotationis 58. vbi addit, quòd licet sanctus quoque Augustinus in libro Octoginta trium Questionum, quæst. 61. idem quod illi asseruisse videatur, nihilominus, quomodo dictum suū intelligi debeat, ibidem explicauit, subiungens, memoratum Nathan filium Dauidis, & consequenter de tribu Iuda, à quo Christi posteritatem S. Lucas deducit vsque ad Ioseph virum sanctissimæ Virginis Matris Iesu, vxorem duxisse de tribu Sacerdotali; & sic Christum ex regia pariter ac Sacerdotali tribu originem traxisse. Sed hæc accuratius discutere, non est præsentis loci: nam de his sub anno mundi 4051. nu. 15. vsque ad 20. latius pleniusque agendum erit; & quomodo Christus etiam de stirpe Sacerdotali proderit, signanter num. 17. explicabimus. Nunc ad id vnde digressi sumus redeamus.

NATHAN
DE QVA
TRIBU
FVERIT.

7. Quæ verò alia gesserit Dauid, posteaquam regnare cœpit super vniuerso Israele

in

QUOMODO
GESTA DA-
VIDIS PRO-
PRIIS TEM-
PORIBVS
ASSIGNARI
POSSINT.

in Ierusalem, describuntur 2. Reg. cap. 5. vsque ad finem libri. & item lib. 3. vsque ad vers. 12. cap. 2. & item 1. Paralip. cap. 11. vsque ad calcem libri. Verum quia neque hisce in locis, neque alibi semper notantur anni, in quibus singula gesta fuerint, neque facile est omnia propriis assignare temporibus: vt id, quatenus fieri potest, præstare possimus; supponere primò oportet, ea quæ narrantur 2. Reg. cap. 9. de Miphiboseth filio Ionathæ, contigisse anno circiter sexto regni Davidis in Ierusalem, qui erat decimusquartus ex quo regnare cœperat in Hebron: siquidem poterat esse Miphiboseth decem & nouem circiter annorum, quando fecit cum eo Dauid misericordiam, vt notat Abulensis super cap. Reg. proximè citato quæst. 1. iam enim habebat filium parvulum, puta trium vel quattuor annorum, nomine Micha, vt ibidem dicitur vers. 12. Neque verisimile est, ipsum Miphiboseth, qui ob collisionem pedum, vt 2. Reg. cap. 4. vers. 4. & cap. 9. vers. 3. & 13. colligitur, debilis remanserat, citius quam anno vitæ suæ decimoquinto aut decimosexto generare potuisse. Quòd autem annis decimusnonus vitæ Miphiboseth concurrat cum decimoquarto regni Davidis, patet tum ex tabulis, tum etiam quia ipse Miphiboseth quinque erat annorum, quando mortui sunt Saul & Ionathas, vt dicitur 2. Reg. c. 4. v. 4. quibus si addas quattuordecim regni David annos, fient anni vitæ Miphiboseth decem & nouem. Ex his ergo inferri potest, intra primos sex annos, ex quo transiit Dauid sedem regni sui in Ierusalem, acta esse omnia illa quæ narrantur 2. Reg. cap. 5. vers. 6. vsque ad finem capitis 9. vbi describitur quomodo Dauid benefecerit ipsi Miph. b. o. s. e. t. h. : quorum multa repetuntur 1. Paralip. cap. 11. & 13. vsque ad initium capitis 19. Igitur

PHILISTHÆI BEL-
LVM INFER-
RVNT DA-
VID.

8. Hoc eodem annoregni Davidis octauo, qui pro posteriori medietate concurrat cum primo translata sedis in Ierusalem, arbitror Dauidem inchoasse plura ædificia in arce Sion quam ceperat, sed non multò post ab ipsis prosequendis fuisse auocatum: siquidem vt primum audierunt Philisthæi, quòd Dauid vnctus esset Rex super vniuersum Israel (quod propter regionis vicinitatem satis citò audire potuisse videntur) conspiratione facta congregati sunt omnes, vt venirent contra eum, antequam amplius in regno confirmatus augetur vires suas. Et tunc credidit Dauid, his auditis, composuisse ac cecinisse Psalmum 2. *Quare fremuerunt gentes, & populi meditati sunt inania?* &c. Quem Psalmum si ad litteram de ipso Davide exponere velimus; vtique per gentes & populos, & Reges ibidem memoratos, ritè possumus intelligere Philisthæos, qui inter se distincti erant in plures prouincias & populos, habebantque quinque Reges: isti præfurore frementes conueniunt cum exercitibus suis in vnum, *aduersus Dominum*, cuius prouidentia regnabat Dauid in monte Sion: & *aduersus christum eius*, hoc est Dauidem, quem iam tertio idem Dominus vngi fecerat in Regem. Ipse verò Dauid in eo Psalmo prophetizans, prædicat eosdem à Domino irridendos fore, atque aduersis successibus conturbandos: & propterea excitat sese suosque ad excutiendum iugum eorum; adhuc enim Israel eis tributa pendebat, vt ex dicendis sub anno mundi 2991. num. 1. constabit. Igitur cum venissent Philisthæi, ac diffusi essent in valle Raphidim, hoc est Gigantum, quæ erat in confinio tribus Iudæ & Benjamin, non multum distans ab Ierusalem, vt colligi potest Iosue cap. 15. vers. 8. egressus est Dauid obuiam eis, & descendit in quoddam præsidium satis benè munitum, non procul ab eis, expectans præliandi opportunitatem: 2. Reg. cap. 5. vers. 17. vsque ad 19. & 1. Paralip. cap. 14. vers. 8. vsque ad 10. Et tunc, quando scilicet Dauid in dicto morabatur præsidio, & Philisthæi stationem tenebant in Bethleem, credimus memorabile illud factum accidisse, quod 2. Reg. cap. 23. vers. 14. vsque ad 18. & 1. Paralip. cap. 11. vers. 15. vsque ad 20. veluti per recapitulationem describitur, nimirum de Davide, qui cum quadam die, ardenti quodam æstuet desiderio bibendi aquam de cisterna existente iuxta portam Bethleem patriæ suæ, resque viris suis innotuisset: ecce tres viri fortissimi ex his qui cum eo erant, derepentè & audacter per media hostium castra irrumpentes, tulerunt de dicta cisterna aquam domino suo Regi, qui ne videretur tanto cum suorum periculo voluisse appetitui suo satisfacere, noluit eam bibere, sed libare maluit eam Domino. Dixi hanc auctorem Davidis historiam accidisse anno regni eius octauo, qui fuit primus regni super vniuersum Israël; tum quia id colligi potest ex loco Paralip. proximè citato, vbi ipsa describitur paulò post dictam eius electionem in Regem, & certum est quòd cap. Reg. adducto, vbi idem repetitur, non proprio loco, sed veluti obiter, & vt dixi, per recapitulationem narratur in catalogo virorum fortium ipsius Davidis, qui ibidem post omnia eius gesta describitur; tum etiam quia ratio dictat, eam non nisi anno prænotato potuisse contingere, quando scilicet Philisthæi, qui tum erant admo-
dum

VIRI DAVI-
DIS MAGNO
SVO PERI-
CVLO AFFE-
RVNT REGI
AQUAM DE
CISTERNA
BETHLEEM.

DAVID
QVANDO
LIBAVERIT
AQUAM DO-
MINO.

dum potentes; & quodammodò dominabantur Hebræis, prementes eos tributis, statim vt audierunt quòd Dauid electus esset Rex super Israël; vnanimis venerunt vniuersi contra eum in vallem Raphidim Ierosolymis proximam; ipse verò, vt dictum est, sese recepit in præsidium. Nam alioqui, posteaquam eos Dauid aliquot præliis victos valdè humiliavit, & tulit frenum tributi de manu eorum (vt traditur 2. Reg. cap. 8. vers. 1.) non est credendum, neque vsquam legitur quòd deinceps vmquam ausi sint venire prope Ierusalem, & occupare Bethleem eidem proximam. Itaque si hoc verum est, vt putamus, vtique oportet hæc accidisse multò antequam Dauid committeret adulterium cum Bethsabee, & consequenter ad hæc non aduertisse S. Gregorium Homil. 34. in Euangelia prope finem, vbi ait, Dauidem idèò noluisse bibere dictam aquam, quàm sine peccato concupierat, quia meminerat se illicitè concupuisse abstulisseque vxorem Vriæ. Sed redeamus ad historiam. Post hæc videns Dauid quòd Philisthæi non audebant ipsum prouocare ad prælium, consulto prius Domino; ipse eos aggressus, percussit ac fugauit agmina eorum, & idola ibidem ab eis relicta exuri iussit, locumque victoriæ appellauit Baalpharasim, dicens: *Diuisit Dominus inimicos meos coram me, sicut diuiduntur aquæ*: 2. Reg. cap. 5. vers. 20. vsque ad 22. & 1. Paralip. cap. 14. vers. 10. vsque ad 13.

DAVID PHILISTHÆOS PERCVIT ET FUGAT.

AB ORBE CONDITO QVARTÆ MVNDI ÆTAT.

ANNVS 2988.

ANNVS 445.

ANNO (vt arbitror) insequente, qui erat regni Dauidis nonus, & à translatione sedis in Ierusalem secundus, Philisthæi resumptis viribus iterum congregati sunt, & diffusi in eadem valle Raphidim. Quod cum audisset Dauid, egressus aduersus eos, consuluit bis Dominum; Primò, num deberet inire cum eis prælium, vt prius fecerat: & respondit negatiuè. Secundò, num in gyrum verterè se deberet post tergum ipsorum, & ex aduerso pyrorum illos aggredi: quo annuente, confestim Dauid clam ducto illuc exercitu, irruit in hostes, & percussit eos de Gaba vsque Gezer; siue, quod idem est, de Gabaon vsque Gazera: quo facto, diulgatum est nomen Dauidis in vniuersis per circuitum regionibus, & cœperunt timere eum: 2. Reg. cap. 5. vers. 22. vsque ad finem capituli, & 1. Paralipom. cap. 14. vers. 13. vsque ad finem.

ITERVM FELICITER CVM EISDEM PVGNAT.

2. Eodem anno, nimirum post pulsos secundò Philisthæos, conuertit se Dauid ad extruenda ædificia, quæ statim post captam arcem Sion inchoauerat, vt dictum est: quo tempore misit ad eum Hiram Rex Tyri nuntios, nimirum vt congratularetur ei de victoriis paulò antè partis; & postea ad petitionem eiusdem Dauidis, misit ei ligna cedrina, & artifices lignorum lapidumque, ad easdem fabricas extruendas: 2. Reg. cap. 5. vers. 11. & 1. Paralip. cap. 14. vers. 1. Itaque fecit sibi Dauid domos, vel potiùs domum vnã amplissimam ac Regiam continentem multas domos, siue multis variisque distinctam mansionibus, aptè ad varios ministeriorum Regiæ vsus accommodatis, & hanc magnum domum fecit sibi Dauid in ciuitate sua, hoc est in Sion; & ædificauit locum Arcæ Domini, quam, vt erat valdè pius, designabat reducere in domum suam; iussitque confici ac præparari Tabernaculum nouum, sub quo eam decentissimè collocaret: 1. Paralip. cap. 15. vers. 1. nam Tabernaculum quod olim fecerat Moyses, erat temporibus Dauidis in Gabaon, mansitque ibi vsque ad tempora Salomonis, quemadmodum sub anno mundi 2940. num. 4. probatum est. Probabile verò admodum videtur, prædicta ædificia non citiùs quàm duobus circiter annis potuisse absolui; (erant enim satis ampla & regia) quare consequenter credimus, reductionem Arcæ, de qua nunc dicturi sumus, non nisi anno circiter quarto, ex quo Rex habitare venerat in Ierusalem, fuisse celebratam. Itaque

ÆDIFICIA EXTRVIT IN SION.

PARAT LOCVM ARCAE FOEDERIS IN DOMO SVA.

AB ORBE CONDITO QVARTÆ MVNDI ÆTAT.

ANNVS 2990.

ANNVS 447.

ANNO regno sui vndecimo, qui erat habitationis suæ in Ierusalem quartus, Dauid explevis fabricis, & præparato seorsum in domo sua decenti loco, in quo Arcam Dei reponere disposuerat, inito cum Tribunis & Centurionibus, & vniuersis regni sui Principibus consilio, congregauit Sacerdotes & Leuitas & cunctum Israël, ascenditque ipse cum eo ad collem Cariathiarim, qui erat in tribu Iuda,

REDUCERE VOLENS AD SE ARCAM DOMINI, DIVERTIT EAM IN DOMVM OBED-EDOM.

Iuda, vbi (quemadmodum sub anno mundi 2940. num. 3 diximus) reposita fuerat Arca Domini in domo Abinadab; & inde eam tollentes per manus Leuitarum, imposuerunt super plaustrum nouum, ac perduxerunt in Ierusalem, Oza interim & Ahio fratribus, & filiis Abinadab, Leuitis minantibus plaustrum, & Dauide Rege cum omni Israël ludentibus coram Domino, cum canticis, & citharis, & psalteriis, aliisque eiusmodi omnibus musicorum organorum generibus & tubis. Cum autem peruenissent ad locum quemdam, qui Arca Chidon aut Nachon dicebatur, percussissetque ibidem Dominus Ozam morte subitanea, eo quod tetigisset Arcam Domini, contristatus Dauid ac timore perterritus, non est ausus ducere eam in domum suam, sed diuertit illam in domum Obededom Gethzi. Dicitur autem iste Obededom Gethæus, non quia verè esset de vrbe Geth, quæ fuit ciuitas Philistinorum, sed quia aliquamdiu manserat cum Dauide in Geth, aut alia aliqua simili de causa sic denominabatur, cum tamen reverà ipse esset Israelita, & de tribu Leui, vt colligi potest ex 1. Paralip. cap. 15. vers. 18. & 21. & 25. & cap. 16. vers. 38. vbi inter cantores & ianitores connumeratur. Sic etiam sexcenti illi Dauidis milites, qui cum eo profecti fuerant in Geth, & inde cum ipso pariter redierant in terram Israel, licet essent Hebræi, nihilominus eadem de causa vocantur Gethzi, 2. Reg. cap. 15. vers. 18. Mansit ergo Arca Dei in domo dicti Obededom tribus mensibus, vt videre est 2. Reg. cap. 6. vers. 1. vsque ad 12. & 1. Paralip. cap. 13. per totum.

CVR PER-
CVSSERIT
DOMINVS
OZAM.

2. Verumenimverò hîc si quis percontetur, quamobrem percussisset Deus Ozam, quæ necessaria quodammodo de causa videtur Arcam tetigisse, ne scilicet de plastro eam dilabi sineret; breuiter respondemus, certissimè tenendum esse, ipsum non simpliciter aut ex pura necessitate, sed ausu quodam temerario eam tetigisse, vt colligitur loco Reg. citato, vbi expressè dicitur, quod *iratus est indignatione Dominus contra Ozam, & percussit eum super temeritate*. Quæ autem fuerit ista temeritas, hoc variè à Scripto-ribus explicatum reperitur. Quidam enim aiunt, quod Oza periiit, quia tetigit Arcam cum esset immundus, nimirum quia præcedenti nocte cognouerat uxorem suam. Sed hoc probari non potest; & si hoc esset, potius percuti debuisset quando cum fratribus suis imposuit Arcam plastro, quàm quando peruentum est ad dictam arcam. Alij dicunt temerarium fuisse Ozam in eo, quod imposuit Arcam in plaustrum, quam vectibus gestare propriis debebat humeris, vt colligitur ex his quæ dicuntur Num. cap. 4. vers. 6. & clarius cap. 7. vers. 9. Sed neque hoc videtur admittendum; tum, quia nescimus num ipse aut alius fuerit in causa, vt Arca non Leuitarum humeris, sed in plastro portaretur; tum etiam, quia Scriptura sacra apertè aliam tradit causam interitus Ozæ, dicens, quia temerè tetigerat eam. Iosephus verò, qui 6. Antiq. cap. 2. dixerat Abinadabum Ozæ patrem fuisse Leuitam, postea 7. Antiq. cap. 4. ait: quod *Oza, cum non esset Sacerdos, ausus manum sustentandi causa admoliri, in vestigio expiravit*. Cuius opinionem reprobatur Abulensis super 2. Reg. cap. 6. quæst. 10. & super 1. Paralip. cap. 13. quæst. 26. quia, inquit, *si Leuitis licitum erat Arcam portare, vt patet Num. capitibus proximè citatis; ergo & eam aliquo modo tangere; ergo non quia simpliciter tetigit, sed quia irreuerenter ac temerè tetigit, occisus est*. Contrà verò Franciscus Ribera lib. 3. de Templi fabrica cap. 3. num. 4. contendit ex Num. cap. 4. vers. 15. apertè colligi, quod Leuitæ poterant portare Arcam, sed non eam tangere; & propterea probat causam mortis Ozæ à Iosepho allatam; quia nimirum, cum non esset Sacerdos, ausus fuerat eam tangere. Sed demus Ozam, vt ait Iosephus, fuisse solum Leuitam, non autem Sacerdotem: si Ribera intelligit prohibitum fuisse Leuitis tangere Arcam nudam, hoc est antiquam à Sacerdotibus operata velamentis inuolutaque esset, hoc ad Iosephi positionem confirmandam nihil facit, vt paulò post probabitur. Si autem putat vetitum quoque fuisse Leuitis, eam etiam velaminibus contectam atque inuolutam quoquomodo contingere: dicimus, ex nullo sacræ Scripturæ loco id posse inferri: quin potius oppositum multò rationabilius videtur, nimirum, vt qui eam operatam portare poterant, etiam possent, cum opus esset, aliquo modo contingere. Nam si sub eadem pœna mortis cautum erat, non solum ne Arcam tangerent, sed etiam ne vlla curiositate eam viderent, vt patet Numer. cap. 4. vers. 20. & prohibitio eam videndi ibidem apertè declaratur, priusquam inuoluta esset, non autem postea; alioqui necesse fuisset, vt eam clausis oculis portarent: profeclò idem prorsus videtur intelligendum de prohibitione eam tangendi. Itaque cum non sit verisimile, Ozam tetigisse Arcam nudam, sed velamentis obuolutam: (non enim nuda deferri poterat, sed prius à Sacerdotibus inuoluta, eo modo quo præceperat Dominus cap. Num. allegato;) propterea potius in hac parte pro-

probanda videtur sententia Abulensis, quàm Riberæ, & dicendum, quòd Oza à Domino interemptus fuit, non quia, cùm non esset Sacerdos, Arcam tetigerit; sed quia eam temerè, hoc est irreuerenter, ac sine necessitate tetigit, ac sustinere præsumpsit. Si enim aduertisset, se tunc non arcam communem vehere, sed Arcam à Deo sanctificatam comitari, ac debitam erga ipsam exhibuisset, vt debebat, reuerentiam; non tam facilè, quòd paululum inclinatam videret, dubitasset fore casuram, neque tam facilè ei manum admouisset. Ad quod tenendum, illud etiam me mouet, quòd si Oza ideò percussus fuisset, quoniam, cùm non esset Sacerdos, Arcam tetigerat, vt sentiunt Iosephus & Ribera, non videretur propterea Dauid tantopere sibi timere debuisse, si Arcam in domum suam reduceret: poterat namque esse securus, quòd eam ipse non tangeret, præsertim quando ibidem sub Tabernaculo, in quo ipsi introire fas non erat, reposita fuisset. Atqui quoniam non ita securus esse poterat, ne aliquam irreuerentiam circa ipsam aliquando committeret, ideoque grauiter à Domino plesteretur; propterea timuit Deum tunc temporis, dicens: *Quo modo possum ad me introducere Arcam Dei?* tamquam subintelligi volens, quæ tantam meretur exigitque reuerentiam, vt meritò verèri debeam, ne si quid minus à me præstitum fuerit, pro benedictione inducat super me & super domum meam maledictionem? *Et ob hanc causam*, inquit Scriptura, *non adduxit eam ad se, sed diuertit in domum Obededom Gethai*: 2. Reg. cap. 6. vers. 9. & 10. & 1. Paral. cap. 13. vers. 12. & 13.

3. Post tres menses, audiens Dauid quòd benedixisset Dominus, hoc est, benefecisset domui Obededom, eamque in cunctis admodum prosperasset propter Arcam Dei ibi existentem, decreuit reducere eam ad se, nempe ad locum quem iam ei præparauerat seorsum in domo sua. Itaque conuocato rursus populo, ac præcipue Sacerdotibus ac Leuitis, quorum Principes nominatim 1. Paralip. cap. 15. vers. 5. vsque ad 12. recensentur, cum longè maiori deuotione ac sollempnitate celebrari fecit eius translationem. Siquidem iussit prius sanctificari Sacerdotes & Leuitas; & vt ipsi Leuitæ propriis humeris portarent Arcam in vestibus; & vt septem Sacerdotes, quorum nomina habentur 1. Paralip. cap. 15. vers. 24. induti (vt arbitror) vestibus Sacerdotalibus, clangerent tubis argenteis coram Arca Domini. Ceteros verò Sacerdotes & Leuitas cum populo, diuiserat Dauid in septem choros, in circuitu Arcæ; & in singulis choris Leuitæ, qui recensentur 1. Paralip. cap. 15. vers. 17. vsque ad 24. stolis induti byssinis, dulciter canebant, musicis pariter omnium generum instrumentis personantes. Concinebant ergo lætantes chori, & alternantibus modulis dulcisona carmina miscebantur. Et cùm progressi essent sex passus qui portabant Arcam, immolabant Sacerdotes septem tauros & septem arietes, nimirum vnum taurum & vnum arietem per singulos choros. Dauid autem & ipse accinctus ephod lineo, seu quod idem est, indutis stola byssina, deuotè admodum tripudiabat ante Dominum. Atque hoc pacto Rex vniuersusque Israel deducebant Arcam fœderis Domini cum iubilo, & sonitu buccinæ, & tubis, & cymbalis, aliisque eiusmodi organis suauiter concrepantibus. Et tunc putat Iansenius, Dauidem composuisse Psalmum 23. *Domini est terra, & plenitudo eius*, &c. & 46. *Omnes gentes plaudite manibus*, &c. Cùm autem introducta esset Arca Domini, & locata in medio tabernaculi quod tetenderat ei Dauid, obtulerunt holocausta & hostias pacificas pro gratiarum actione coram Domino, cecinitque Dauid in consummatione tabernaculi Psalmum 28. *Afferte Domino filij Dei*, &c. quemadmodum ex eiusdem Psalmi titulo patet: deinde benedixit populo in nomine Domini; distributisque vnicuique munusculis ad cibum pertinentibus, dimisit eos. Coram Arca verò Domini reliquit Leuitas à se delectos, quorum alios quidem fecit ianitores, alios autem sub Alaph principe constitutos, qui ministrarent, & glorificarent atque laudarent Dominum Deum Israel per singulos dies ac vices suas coram Arca Domini, canerentque Psalmum 104. à se compositum, qui incipit: *Confitemini Domino, & innocate nomen eius*, &c. & de Sacerdotibus quosdam posuit vt tuba canerent iugiter coram Arca fœderis Domini: quosdam verò reliquit in Excelsò Gabaon, vbi erat Tabernaculum fœderis quod olim fecerat Moyses, vt offerrent ibi holocausta Domino super Altare holocaustomatis iugiter manè & vespere, iuxta omnia quæ præceperat Dominus in Lege Moysaica, & cum eis Leuitas, cantores, ac ianitores. Quæ omnia ex 2. Reg. cap. 6. vers. 12. vsque ad 20. & 1. Paralip. cap. 15. & 16. breuiter excepiimus.

4. Expleta verò sollempnitate, cùm rediret Dauid vt benediceret domui suæ, in cuius dedicatione cecinit Psalmum 29. *Exaltabo te Domine quoniam suscepisti me*, &c. vt col-

HUMILITAS
DAVIDIS A
MICHO
NON IMPV
NE SVBSAN
NATA, A
DEO MIRIS
PRAEMIIS
AFFECITVR.

ligitur ex titulo, Michol filia Saulis (quæ prius, quando scilicet ingrediebatur Arca in montem Sion, de fenestra prospiciens, despexerat in corde suo Regem coram ipsa Arca ludentem) egressa in occursum Dauidis, subfannare cœpit cum quod saltasset coram Arca Domini; sed ab eo grauius obiurgata, etiam sterilitatis pœna à Deo punita fuit vsque in diem mortis suæ: 2.Reg. cap. 6. vers. 20. vsque ad finem capitis, & 1.Paralip. cap. 15. vers. 29. Contrà verò Deus, vsque adeo sibi in illa interna pariter & externa Dauidis humilitate complacuit, vt cum postea idoneum reddiderit, cui iureiurando repromitteret, Christum verum Dei filium de stirpe eius fore nasciturum, quemadmodum notat Hugo Cardinalis super 2.Reg. cap. 6. Et hæc est illa repromissio, quæ ab eodem Dauide refertur in Psalmo 131. vers. 11. illis verbis: *Turauit Dominus Dauid veritatem, & non frustrabitur eam, De fructu ventris tui ponam super sedem tuam.* Hunc etenim locum eiusdè Psalmi Expositores, & B. Hieronymus super Matth. cap. 1. & communiter omnes Catholici Doctores, de prædicta repromissione intelligendum esse censent. Et Christum de Dauidis prosapia natum esse, omnis Scriptura testatur, cuius nos sub anno mundi 4051. plura testimonia adducemus.

DAVID CO-
GITAT EX-
TRERE
TEMPLVM
DOMINO.

5. Eodem (vt arbitror) anno, non multò postquam collocauerat Dauid Arcam Dei in area domus suæ, sub tabernaculo quod eidem fieri mandauerat, considerans quadam die Rex, quòd ipse habitaret in domo cedrina, Arca verò Dei adhuc maneret sub pellibus, cogitare cœpit de templo eidem extruendo; tunc præsertim, quoniam nullam ab hostibus molestiam patiebatur. Voluit tamen prius consulere Nathan Prophetam, cuius fit mentio Ecclesiastici cap. 47. vers. 1. iste enim temporibus Dauidis in magna erat sanctitatis existimatione apud Regem & populum. Et quidem huic sancto viro prima fronte res bona visa est, & talis quæ non egeret consultatione; itaque statim dixit Regi: *Omne quod est in corde tuo, vade fac: quia Dominus tecum est.* verum tamen nocte proxima locutus est Dominus ad Nathan, & misit eum vt diceret Regi: *Non edificabis tu mihi domum ad habitandum.* & post multa, subiunxit, quòd filius qui ex ipso nasciturus erat, *Ipsè, inquit, edificabit domum nomini meo.* Et subinde prædixit Nathan Dauidi multa bona, cum temporalia tum spiritualia, quæ collaturus erat Dominus domui eius, & latius describuntur in Psal. 88. vers. 20. vsque ad 39. Porro inter alia etiam satis manifestè insinuat bonum illud omnium maximum, quòd scilicet Christus, verus ac naturalis Dei filius, de fructu, hoc est, semine eiusdè Dauidis, vt habemus in Psal. 131. vers. 11. nasciturus esset, & edificaturus domum spiritualem Deo, hoc est sanctam Ecclesiam, & in æternum regnaturus. Pro quibus omnibus Dauid in multas gratiarum actiones ac Dei laudes magno spiritus ardore erupit; ac tandem humiliter precatus est Dominum, vt cunctas huiusmodi promissiones opere impleret: 2.Reg. cap. 7. per totum, & 1.Paralip. cap. 17.

SED PROHI-
BITVS EST
PER NA-
THAN PRO-
PHETAM,
QVI MVLTÀ
BONA EI-
DEM PRAE-
MNITIAT.

6. De hac pia Dauidis intentione & voluntate ædificandi templum Domino, & pariter de prohibitione eidem diuinitus facta, fit mentio etiam 1.Paralip. cap. 22. vers. 7. vsque ad 11. & cap. 28. vers. 2. vsque ad 8. & 3.Reg. cap. 8. vers. 17. vsque ad 20. & 2.Paralip. cap. 6. vers. 7. vsque ad 10. Causa autem cur noluerit Dominus templum sibi à Dauide, sed potius à Salomone ædificari, non tam fuit illa, quam pluribus comprobare nititur rationibus Abulensis super 1.Paral. cap. 22. quæ st. 18. videlicet, quia Dauid propter plures assiduasque bellorum occupationes, non poterat huiusmodi ædificio vacare, quàm illa, quæ signanter assignatur 1.Paralip. cap. 22. vers. 8. & 9. & cap. 28. vers. 3. & habetur in Epistola Decretali Felicis Papæ IV. quæ refertur can. 2. de Consecratione, distinct. 1. videlicet, quia Dauid vir bellator fuerat, & multum sanguinem fuderat, licet iuste id fecisset. e conversò autem Salomon, vir quietissimus & pacificus erat futurus; vnde etiam nomen sortitus est; siquidem Salomon, Pacificus interpretatur. Propereà igitur maluit Dominus sibi à Rege pacifico quàm à bellicoso templum extrui, non quia in Lege veteri aliqua huiusmodi extaret prohibitio seu irregularitas, sed vt hoc signo atque exemplo postea intelligerent sancti Legis Euangelicæ Rectores, quantæ mansuetudinis ac benignitatis esse deberent in primis Sacerdotes, qui ad Ecclesiam Domino viuus ex lapidibus spiritualiter ædificandâ vocati sunt. Ad quod fortè etiam postea respicientes Summi Pontifices diuinitus inspirati, canonicum irregularitatis ex homicidio, etiam iusto, impedimentum sanxerunt; cauentes ne quis eo irretritus, ad sacros Ordines promoueri, aut iam promotus in illis ministrare valeat.

CVR DEVS
MALVERIT
A SALOMO-
NE QVAM A
DAVIDESI-
BI TEM-
PLVM AE-
DIFICARI.

7. Verum, quoniam hic primùm cœpimus mentionem facere de Nathan Propheta, de quo aliàs quoque sermo habendus erit: si quis quærat, quisnam ille fuerit, an scilicet (vt quidam putant) sit ille Nathan, qui 2.Reg. cap. 5. vers. 14. & 1.Paralip. cap. 3. vers. 5. con-

DENATHAN
PROPHETA,
QUOD EVE-
RIT DIVER-
SVS A NA-
THAN FILIO
BETHSABEE.

con numeratur inter filios Davidis, ei natos in Ierusalem; an non: breuiter responde-
mus, nobis probabilius videri, non esse illum, sed alium eiusdem nominis. Nam loco
Paralip. proximè citato aperte dicitur, quòd ille Nathan filius Davidis fuit etiam filius
Bethsabée; vnde si ipsa Bethsabée reverà illum genuit ex Dauide; non potest iste Na-
than idem esse cum Nathan Propheta; siquidem certum est, quòd Dauid aliquot an-
nis antequam cognosceret ipsam Bethsabée, consuluit Nathan Prophetam, num de-
beret ædificare Templum Domino. Si verò Nathan filius Bethsabée, fuerat priùs de
Vria primo eius viro generatus, deinde Vria mortuo, à Dauide cum ceteris Bethsabée
liberis adoptatus, quemadmodum nos sub anno mundi 2987. num. 5. diximus; res ma-
gis dubia fit: quoniam constat (vt paulò pòst & item sub anno mundi 3059. num. 1. di-
cimus) Nathan Prophetam scripsisse acta prima & nouissima Salomonis; ex quo ap-
paret, ipsum eidem saltem aliquantulum superuixisse; & consequenter potuisse filium
esse Bethsabée. Ex alia verò parte etiam certum est, quòd antequam Dauid duceret ip-
sam Bethsabée in vxorèm, iste Nathan iam erat Propheeta; & talis, vt cum Rex valde
reuereretur, & consiliis eius acquiesceret: vnde oportet quòd iam tunc maturæ esset
ætatis, puta saltem triginta annorum. Ex quo non fit credibile, quòd iste Nathan esset
filius Bethsabée: siquidem oporteret ipsam fuisse quinquaginta ferè annorum, quando
adamata fuit à Dauide; nam ipsa genuerat duos alios filios, videlicet Simmaa & So-
bab, ante Nathan, vt patet 1. Paralip. cap. 3. vers. 5. quare si Nathan erat triginta anno-
rum quando consuluit eum Rex, num deberet extruere Templum Domino; necesse
est quòd tunc mater eius Bethsabée esset ad minus quadraginta sex annorum; & con-
sequenter quinquagenaria, & Dauide senior, quando post annos quattuor (vt infrà di-
cetur) ab eodem Dauide cognita fuit. Atqui non est verisimile, quòd mulier nupta, &
plurimum mater filiorum, in tam prouecta ætate, tam pulchra esset, vt Regem ipsa iu-
niorem allicere potuerit ad se tam ardentè concupiscendam atque amandam. Quam-
obrem magis credendum est, Nathan Prophetam non fuisse filium naturalem Bethsa-
bée, neque adoptiuum Davidis. Et ad hoc confirmandum facit, quòd 3. Reg. cap. 1. vbi
sæpius fit mentio ipsius Nathan Prophetæ, & etiam Bethsabée, nihil prorsus innuitur,
quòd illa mater eius fuerit; neque ex modo loquendi ipsius Prophetæ ad ipsam Beth-
sabée, tale quid suspicari quidquam posse videtur; quin potius oppositum, cum videat-
ur eidem loqui non tamquam matri, sed tamquam alteri personæ ad se non pertinen-
ti, vt etiam notauit Abulensis super 1. Paralip. cap. 3. Et præterè Ecclesiastici cap. 47.
vers. 1. legimus: *Post hæc surrexit Nathan Propheeta in diebus David.* ex quibus verbis pro-
fectò insinuat, ipsum non magis pertinuisse ad cognationem Davidis, quàm ceteros
Prophetas ad illos Reges, in quorum diebus surrexissent dicuntur. Quòd si reverà Na-
than Propheeta filius fuisset adoptiuus Davidis, vtique Scriptura sacra, ad Prophe-
tæ commendationem, loco illorum verborum, *in diebus David*, dixisset, *filius Davidis*. His
adde, quòd S. Epiphanius in lib. de Vita Prophetarum, vbi agit de Nathan Propheta,
dicit, ipsum fuisse ex prosapia Thock, & non de vrbe Ierosolyma, de qua fuit Nathan
filius Bethsabée, sed de Gabath vrbe Galilææ; & alia quædam de ipso profert, quæ cer-
tè filio Davidis conuenire nequaquam possunt. Sed nec S. Isidorus in libro de Vita &
morte Sanctorum, quidquam meminit, agens de Nathan Propheta, quòd fuerit filius
Bethsabée aut Davidis; quin potius oppositum indicat, dicens, ipsum fuisse ex Gabao-
nitis: nec videtur credendum, quòd si fuisset filius Davidis, id omnes qui de ipso lo-
quuntur, silentio inuoluissent. Deniq; sanctus quoq; Augustinus lib. 2. Retractationum
cap. 16. tenet, Nathan Prophetam fuisse diuersum ab eo qui dicitur filius Davidis. Si
autem, vt diximus, iste Nathan Propheeta iam triginta saltem erat annorum, quando
Dauid ipsum consuluit, num deberet ædificare Templum Domino; proculdubio opor-
tet ipsum ad centesimum circiter vitæ annum peruenisse: siquidem ipse scripsit gesta
tum Davidis, tum etiam Salomonis, prima & nouissima, vt dictum est, & expresse tra-
ditur 1. Paralip. cap. vlt. vers. 29. & 2. Paralip. cap. 9. vers. 29. Veruntamen scripta eius,
temporum iniuria perierunt.

8. Sub finem huius anni oportet de hac vita abiisse Dercilum Regem Assyriorum.
hoc enim circiter tempore (vt videre est in tabulis) expleti sunt quadraginta anni, qui-
bus eum regnasse tradit Eusebius in Chronicis.

DERCILI
REGIS AS-
SYRIORUM
OBITIUS.

AB ORBE CONDITO
ANNVS 2991.QVARTÆ MVNDI ÆTAT.
ANNVS 448.REGNAT IN
ASSYRIA
EVPALIS.DAVID OM-
NINO LIBE-
RAT ISRAE-
LEMA SVB-
IECTIONE
PHILISTHI
NORVM CA-
PTA GETH.FACIT MOA-
BITAS IS-
RAELI TRI-
BVTARIOS.

A NNO proximo circiter inchoante, qui erat regni Dauidis duodecimus, regnavit in Assyria Eupales Rex Assyriorum trigessimus, vt videre est apud Eusebium in Chronicis.

2. Eodem anno David successiue laceffitus, vt arbitror, à finitimis populis, bellum gessit primò aduersus Philisthæos, quos percussit valdeque humiliavit, & cepit urbem Geth, quæ erat metropolis ac sedes vnus ex Regibus eorum; & præterea abstulit iugum tributum, quod vsque ad illum diem pendere consueuerant Israelitæ Philisthæis: 2. Reg. cap. 8. vers. 1. & 1. Paralip. c. 18. vers. 1. Deinde profectus est David contra Moabitæ, quorum alios quidem, nimirum qui ei resistere ausi fuerant, omnino deleuit, cœquans terræ municipia eorum, alios verò, videlicet non reluctantes, cœgit seruire Israel sub tributo. Et hoc arbitror indicari figurato illo loquendi modo, qui loco Reg. adducto subiungitur illis verbis: *Mensus est autem duos funiculos, vnum ad occidendum, & vnum ad vinificandum.* Et hæc quidem duo bella, quæ breuiter locis citatis tanguntur, anno regni eius duodecimo gesta esse credimus.

AB ORBE CONDITO
ANNVS 2992.QVARTÆ MVNDI ÆTAT.
ANNVS 449.DILATAT,
CAPTA SY-
RIA, IMPE-
RIVM SVVM
VSQVE AD
EUPHRATENRAZON SY-
RVS.SVBIGIT IS-
RAELI IDV-
MAZAM.

A NNO autem insequente, qui erat regni eius decimustertius, David duo alia bella prædictis multò illustriora suscepit, ac feliciter confecit. Et primò quidem, cum exercitu benè instructo perrexerit in Syriam, vt dilataret imperium suum vsque ad flumen magnum Euphraten, quemadmodum olim promiserat Dominus Abraham, Genes. cap. 15. vers. 18. & postea Moysi, Deuter. cap. 1. vers. 7. & cap. 11. vers. 24. & refertur etiam Iosue cap. 1. vers. 4. Cum ergo peruenisset David in eam Syriæ partem, quæ Soba siue Sobal tunc vocabatur, percussit ibi exercitum Adadezer Regis illius regionis, captis septem millibus equitum, & viginti millibus peditum, & mille quadrigis, quarum centum sibi reseruauit, reliquos verò curruum iugales subneruauit. Cum autem superuenissent Syri Damasceni, vt auxilium ferrent dicto Regi Adadezer; inito etiam cum eis prælio, David percussit de ipsorum exercitu alios viginti duos mille viros; & capta Damasco vrbe nobilissima, posuit in ea præsidium, fecitque sibi tributariam etiam illam Syriæ partem, quæ Damascena, seu Syria Damasci vocabatur: abstulitque arma & phætras aureas à seruis Adadezer, & de ciuitatibus eius asportauit spolia multa, & præsertim magnum æris pondus, de quo postea Salomon fecit vasa & columnas areas in templo. Sanè in hoc bello à Dauide in Syria gesto, oportet etiam accidisse id quod in titulo Psalmi 59. notatum est, nempe ipsum Dauidem succendisse Mesopotamiam Syriæ & Sobal; intellige, non omnes dictæ Prouinciæ vrbes, sed eas tantum quas vi ceperat. Quæ omnia vt audiuit Thoü Rex Hemath, quæ est alia Syriæ provincia, olim Syria Hemath dicta; misit Ioram siue Adoram filium suum cum vasis aureis, argenteis, ac æreis, ad Dauidem, postulans ab eo pacem; & vt congratularetur ei de victoriis habitis; & præsertim vt eidem gratias ageret, quòd expugnasset Adadezer, qui hostis quoque fuerat ipsius Thoü. Atque in his omnibus Dauid à Domino mirabiliter adiutus seruatusque fuit: 2. Reg. cap. 8. vers. 3. vsque ad 11. & 1. Paralip. cap. 18. vers. 3. vsque ad 11. Accidit autem eo tempore quo pugnat David contra Adadezer, vt Syrus quidam nomine Razon, fugeret Adadezer dominum suum, & congregaret contra eum viros, factusque sit princeps latronum, qui postea temporibus Salomonis occupata Damasco constitutus fuit ibi Rex, & ipse deinceps infestare cœpit Israel, vt ex 3. Reg. cap. 11. vers. 23. nos sub anno mundi 3058. num. 1. dicemus.

2. Cum autem rediret David capta Syria, aliud bellum gessit contra Idumæos; & percussis per vnum ex ducibus suis nomine Abisai, de ipsorum Idumæorum exercitu decem & octo millibus virorum in valle Salinarum, fecit sibi nomen, hoc est, vt multi exponunt, erexit sibi fornicem, seu signum, vel titulum triumphalem, subegitque totam Idumæam; ac relicto in ea præsidio, abiit: 2. Reg. cap. 8. vers. 13. & 1. Paralip. cap. 18. vers. 12. Ac tunc cecinit David Psalmum 59. *Deus repulisti nos, & destruxisti nos, &c.* vt ex eiusdem Psalmi titulo manifestum est. Quoniam autem 3. Reg. cap. 11. vers. 15. ad hanc historiam additur, quòd cum ascendisset Ioab in Idumæam ad sepeliendum eos

eos qui fuerant interfecti, sex mensium spatio, quibus ibidem cum exercitu moram traxit, interemit omnes masculos in Idumæa. Hinc nonnulli crediderunt, Dauidem propter illud quod dictum fuerat Deuter. cap. 23. vers. 7. *Non abominaberis Idumæum, quia frater tuus est.* hanc eisdem Idumæis humanitatem præstuisse, nimirum post eorum cladem misisse ipsum Ioab in Idumæam, ut curaret sepeliri eos qui in bello ceciderant. Sed non videtur probabile, quod pro hac re Dauid mitteret Ioab Principem militiæ suæ cum exercitu, neque quod ipse Ioab hac de causa tanto tempore ibidem moraretur: quin etiam, quod magis vrget, si ad sepeliendos Idumæos à Dauid in prælio occisos missus fuisset Ioab, profecto ipse non interemisset omnes masculos eorum. Iaque multò melius, ut arbitror, Caietanus ex citato 3. Reg. loco colligit, Idumæos, non longè postquam à Dauid subacti fuerant, ab eodem defecisse, ac interfecisse Israelitarum præsidia in Idumææ vrbibus relicta; & propterea statim à Dauid missum illum fuisse Ioab cum exercitu, ut Israelitas ab Idumæis peremptos sepeliri curaret, & noxios plederet, ac denuò prouinciam sub Dauidis ditione redigeret: & ideo ipsum tamdiu ibidem mansisse, ac non solum pessimi illius facinoris auctores, sed etiam, ad maiorem ceteris timorem incutendum, omnes Idumæorum mares interfecisse. quod non absolute accipiendum est, tamquam si solæ feminæ in tam ampla prouincia referuata fuerint: hoc enim repugnat rationi, præsertim cum certum sit, Idumæam deinceps fuisse tributariam Dauidi, & filio eius Salomoni, & absurdum sit arbitrari, à solis feminis accepta fuisse eiusmodi tributa. Igitur occidit Ioab omnes Idumæorum masculos non absolute, sed respectiue, nimirum omnes quos probabiliter credere poterat, posse denuò Israelitis reluctari, & nouam aliquam aduersus eos rebellionem moliri aut commouere. Fuerunt autem hi quos occidit Ioab in Idumæa, duodecim millia, ut in titulo proximè citati Psalmi exprimitur. Eo autem tempore, quo talis à Ioab cædes exercebatur, Adad tunc puer paruulus de semine Idumæorum regio, fugit inde cum seruis patris sui in terram Madian, & dein in Pharan, ac denique in Ægyptum; vbi inuenit gratiam coram Pharaone, qui dedit ei domum, & cibos constituit, & terram delegauit; cui etiam, cum creuisset, dedit vxorem, videlicet sororem reginæ vxoris suæ Taphnes; ex qua postea genuit filium nomine Genubath, quem Pharaon nutrir & educari iussit cum filiis suis: 3. Reg. cap. 11. vers. 15. vsque ad 21. Et iste Adad, post mortem Dauidis & Ioab, rediit in Idumæam, fuitque aduersarius Salomoni, quemadmodum nos sub anno mundi 3058. num. 1. dicemus.

ADAD IDUMÆVS FUGIT IN ÆGYPTVM.

3. Ceterum Dauid, cum reuersus esset in Ierusalem, pro gratiarum actione de tantis victoriis diuino fauore partis, imperioque aucto, & quod eum Deus in tot tantisque periculis seruasset incolumem, consecrauit Domino omnia vasa aurea, & argentea, æneaque, cum reliquo auro atque argento, quod vsque tunc abstulerat de vniuersis gentibus quas subegerat, nimirum de Amalecitis, Iebusæis, Philisthæis, Moabitis, Syris, ac Idumæis: 2. Reg. cap. 8. vers. 11. & 1. Paralip. cap. 18. vers. 11. nam quod hisce in locis etiam dicitur de Ammonitis, ibidem per anticipationis figuram dictum debet intelligi: non enim hæcenus bellum gesserat Dauid cum Ammonitis, sed illud postea gessit, ut sub anno mundi proximo num. 3. dicemus. Ista autem anticipatio non frustra hæc adhibita creditur, sed ad insinuandum quod Dauid, præ mira sua pietate, etiam deinceps consecrare consuevit Domino omne aurum & argentum, quod in aliis quoque bellis ab eo postea gestis acquisiuit.

DAVID CONSECRAUIT DOMINO ARMINA, & ARGENTVM, & AVRM, ET AES, IN BELLIIS PARTA.

AB ORBE CONDITO QVARTÆ MVNDI ÆTAT.

ANNVS 2993.

ANNVS 450.

ANNO regni sui decimo quarto Dauid, intermissis aliquantisper præliis, conuersus est ad ipsius regni gubernacula, & iuste admodum iudicabat regebatque vniuersum Israel: erantque ministri eius maiores, qui recensentur 2. Reg. cap. 8. vers. 15. vsque ad finem capitis, & 1. Paralip. cap. 18. vers. 14. vsque ad finem. Inter quos ponitur primò Ioab super exercitum, hoc est Dux generalis post Regem in his quæ ad bellum spectabant, & Princeps militiæ eius. Hanc enim dignitatem à Rege proposuit ei qui primò percussisset Iebusæos, ipse Ioab sua strenuitate fuerat consecutus, ut 2. Reg. cap. 5. vers. 8. innuitur, & clariùs exprimitur 1. Paralip. cap. 11. vers. 6. & nos sub anno mundi 2987. num. 4. diximus. Ponitur deinde Iosaphat à Commétariis, & post pauca, Saraia, qui & Sufa, Scriba. Puto autem alterum ex his fuisse supremum Regis Cancellarium, vide licet Iosaphat, si illud à Commentariis, idem est ac si dictum

REGNVM ISTE GOVERNAT. MINISTRI EIVS MAIORES QVI.

IOAB PRINCEPS MILITIAE.

IOSAPHAT, ET SARAIA, ALTER SCRIBA, ALTER A COMMENTARIIS.

BANAIA
DVX LEGIO-
NVM CERE-
THI ET PHE-
LETHI.

esset, ab Epistolis. Et hoc posito, dicimus Saraïam fuisse Scribam, hoc est, Theologum Regis in Lege doctissimum. Siquidem apud Hebræos ordo Scribarum erat, veluti est apud nos ordo Theologorum. Si verò Iosaphat erat à Commentariis, id est (vt alij exponunt) Chronista Regis, qui eius gesta & annales conscribere ex officio tenebatur: profecto dicendum erit, Saraïam fuisse Scribam, hoc est Cancellarium: vsque hodie enim etiam mos est apud Heluetios, & quasdam alias nationes, Scribæ vocabulo, Cancellarios indicare. Quin etiam Ier emcap. 36. vers. 26. & 32. legimus Baruch appellari Scribam ipsius Ieremiæ, cum tamen certum sit, eundem Baruch non Theologum, sed veluti Cancellarium eius extitisse. Sadoc autem & Achimelech, erant Sacerdotes, hoc est principes Sacerdotum; nimirum primi post Abiathar, qui tum erat summus Sacerdos, vt sub anno mundi 3020. num. 13. probabitur. Quòd verò sequitur, *Banaïas super legiones Cerethi & Phelethi*, per istas legiones aliqui intelligunt balistarios & fundibularios: sed melius est intelligere legiones quasdam, ad aulæ regiæ ac personæ ipsius Regis custodiam specialiter deputatas, quales apud Romanos dicebantur Prætoriarum cohortes. Quamquam Cerethi vocabulo nonnumquam in Sacris libris significantur Palæstini, vt patet 1. Reg. cap. 30. vers. 14. vbi per Australem plagam Cerethi, intelligitur Australis plaga terræ Palæstinorum; & Ezech. cap. 25. vers. 16. vbi, quod in Hebræo legimus *Cerethi*; Vulgata editio Latine reddit *Philisthæos*. non tamen existimare debemus memoratas legiones, vel saltem Cerethæos, quibus Banaïa præfuisse dicitur, fuisse Philisthæos. Quis enim vnquam credat, quòd Rex Dauid Philisthæos alienigenas, ac perpetuos Israëlites hostes, ad corporis sui custodiam destinare voluerit? Neque verò quemquam fallat, quòd 2. Reg. cap. 15. vers. 18. sexcenti illi milites, qui præcedebant Regem, dicantur Gethæi; quia (vt sub anno mundi 2990. num. 1. dictum est) reuerà erant Hebræi: sed dicuntur Gethæi, quoniam (quemadmodum ibidem subditur) secuti fuerant Dauidem, quando declinandæ persecutionis gratia, coactus fuit diuertere & habitare in Geth, vrbe Philisthinorum; & item quando postea rediit in Israel. Dicuntur igitur dictæ legiones, Cerethi & Phelethi, non ad denotandam nationem aliquam aut regionem, de qua collectæ essent; sed ad exprimendam fortitudinem ac ferocitatem virorum illorum, qui in ipsis continebantur. Siquidem, vt aiunt, Hebraicè *Cerethi*, Latine idem significat, ac si diceremus, *Interfectores*. Et propterea, vt diximus, Palæstini interdum Cerethi vocabulo nominantur; quia erant valde fortes, & sæpius in bello Israelitas interfecerant. *Phelethi* verò vocabulum tamquam à voce quadam Hebraica significante *eripere* seu *liberare*, deductum, quodammodò *erectores* seu *liberatores* interpretari posse perhibent. Itaque istæ legiones, Cerethi & Phelethi sunt denominatæ, ad insinuandum, quòd institutæ fuerant; non solum ad ipsius Regis defensionem, vt scilicet à periculis eum eriperent ac liberarent; verum etiam, vt cum opus esset, vindicarent offensas ei factas, interficiendo quoscumque Rex ipse iuberet interfici. Denique, quòd postremò subiungitur, *Filij autem Dauid, Sacerdotes erant*, non sic accipiendum est, quasi reuerà ipsi essent Sacerdotes, erant enim de tribu Iuda, de qua, vt testatur Apostolus ad Hebr. c. 7. vers. 13. *nullus altari præfatus fuit*. Quandoquidem Ius diuinum, in quo Reges dispensare non poterant, non permittebat Sacerdotium illud Legale exire de tribu Leuitica: quin etiam neque omnes filij Leui, sed sola Aaronis posteritas eiusmodi officij ac dignitatis capax esse poterat. Vnde Num. cap. 3. vers. 10. & cap. 18. vers. 7. cautum fuerat sub pœna mortis, ne alij in tale ministerium sese quomodolibet ingerere auderent; & scimus Oziam Regem lepra à Domino derepentè fuisse percussus, eò quòd incensum offerre ausus esset, quemadmodum traditur 4. Reg. cap. 15. vers. 5. & clariùs 2. Paralip. cap. 26. vers. 16. vsque ad 12. & eadem de causa ducentos quinquaginta viros cælitus exultus legimus, Num. cap. 16. vers. 35. Dicuntur ergo filij Dauid fuisse Sacerdotes, quatenus vox Hebraica, quæ hic interpretatur Sacerdos, etiam significat Principem, & virum honorabilè; ac si dicere voluisset, quòd filij Dauidis nullum quidem singulare munus habebant; sed erant Principes, ac ceteris honorabiliores, & veluti super omnes ministros, ac omnium primi qui cum Rege agerent, vt clariùs explicatur 1. Paralip. in calce capitis 8. dicitur, *filij autem Dauid, Sacerdotes erant*, legimus: *Porro filij Dauid, primi ad manum Regis*. Sic à sacris Doctõribus prædicta duo Scripturæ loca exponi solent, & benè, vt arbitror: tamen etiam rectè existimari possit, non otiosè editionem Vulgatam idem vocabulū Hebraicum vno in loco transulisse, *Sacerdotes*; & in alio, *primos ad manum Regis*, seu Primates curiæ Regis: nimirum ad insinuandum, ni fallor, quòd de filiis Dauidis alij, videlicet naturales, erant primates in domo

QUOMODO
FILII DA-
VID DICAN-
TUR EVISSE
SACERDO-
TES.

domo Regis: alij verò, nimirum de Vria priùs nati, & mox à Dauide in gratiam Bethsabee adoptati, inter quos (vt sub anno mundi 2987. num. 5. & 6. dictum est) erat etiam Nathan, reuerà erant Sacerdotes, hoc est de genere Sacerdotali & tribu Leuitica, sicut pater eius naturalis Vrias; & propterea reuerà sacerdotij munere fungebantur, quemadmodum sub anno mundi proximè allegato num. 6. explicauimus. Ceterum oportet prædictos Sacerdotes hìc per figuram quam vocant recapitulationis seu anticipationis fuisse memoratos: nam aliqui certum est, quòd hoc tempore Dauid neque Bethsabee duxerat vxorem, neque eius ex priori viro liberos adhuc sibi in filios adoptauerat.

2. Eodem anno, nimirum regni sui decimoquarto, quemadmodum sub anno mundi 2987. num. 6. probatum est, recordatus Dauid fœderis, quod non semel pepigerat cù Ionatha filio Saulis, à quo vnice dilectus fuerat (vt patet ex his quæ sub annis mundi 2971. num. 2. & 2973. num. 1. & 2974. num. 2. & 2975. num. 2. dicta sunt) memor, inquam, Dauid amici, licet iam defuncti, requisitum num remansisset aliquis de domo Saulis, cui in recognitionem beneuolentiæ ipsius Ionathæ beneficeret. Cumque intellexisset superesse Miphiboseth (qui & Meribbaal 1. Paralip. cap. 8. vers. 34. & cap. 9. vers. 40. appellatur) filium Ionathæ; confestim illo accersito, donauit ei omnes agros qui fuerant Saulis aui eius, præcepitque Sibæ seruo domus Saul, & omni cognationi eius, vt seruirent ipsi Miphiboseth, ac filio eius paruulo nomine Micha: ipsum verò Miphiboseth, licet esset claudus utroque pede, retinuit Rex penes se in Ierusalem, ac regium commensalem deinceps esse perpetuò voluit: 2. Reg. cap. 9. per totum.

3. Eodem quoque (vt arbitròr) anno, Naas Rege Ammonitarum defuncto, illo, inquam, Naas, contra quem strenuè pugnauerat Saul anno regni sui primo, quemadmodum sub anno mundi 2959. num. 6. dictum est, misit Dauid consolatoriam legationem ad Hanon filium eius, qui eidem in regno successerat; vt gratiam quam à patre acceperat, filio rependeret. Quamuis autem quando, aut qualem dictus Naas gratiam Dauidi contulisset, Scriptura sacra nusquam tradiderit, dubitare tamen non debemus, Dauidem aliquod à memorato Rege beneficium accepisse, tunc præsertim quando persecutionem patiebatur à Saule; cui Naas cùm hostis esset, probabile admodum est, quòd in odium Saulis, data occasione aliquando iuuerit Dauidem ab illo profugum: quod B. Hieronymus in Traditionibus Hebraicis, & alij putant accidisse inter Dauidis fugam de Geth, & aduentum eius ad speluncam Odollam; quemadmodum sub anno mundi 2974. num. 5. dictum est. Porro Hanon filius Naas, consiliariis suis erga Dauidem malè affectis nimium credulus, fraudem ab ipso Dauide perperam suspicatus, iussit radii legatis dimidiam barbæ partem, & prædictas vestes eorum vsque ad nates, ac sic turpiter confusos dimitti. Veritus deinde, quod indubitanter expectabat, ne eiusmodi iniuriæ Dauid armis vlscisci moliretur; conduxit Syros in auxilium sibi. Quæ cùm audisset Dauid, protinus misit in occursum legatis, præcipiens eis vt morarentur in Iericho, donec cresceret barba eorum: & accersito Ioab, iussit vt quantocyùs properaret cum exercitu contra Ammonitas: qui confestim mandata Regis percipiens, diuisit cum Abisai fratre copias, vt ille seorsum aduersus Ammonitas, ipse verò contra Syros dimicaret; quo factò, eodem confictu vterque præualuit, & Syris pariter Ammonitisque ruptis ac profligatis, reuersus est Ioab in Ierusalem. Verum non multò post audiens Dauid, quòd Syri iterum essent congregati & aucti sub Principe militiæ Adadezer Regis, nomine Sobach: ipsemet Dauid coacto exercitu transiuit Iordanem, & commisso prælio fugauit Syros, occiso eorum Duce, ac de exercitu eius percussit septingentos currus, & quadraginta millia equitum. Reliqui verò quinquaginta & octo millia Syri, qui fuga euaserant, composita cum Dauid pace, deinceps seruierunt ei; nec vltrà aui sunt Syri præbere auxilium filiis Ammon: 2. Reg. cap. 10. per totum, & 1. Paralip. cap. 19. per totum.

DAVID BENEFACIT MIPHIBOSETH IN GRATIAM PATRIS SUI IONATHAE

DAVID MITTIT REGI AMMONITARVM CONSOLATORIAM LEGATIONEM.

LAESVS ADICTO REGE, BELLVM ADVERSVS IPSVM SVSCIPIT. PRIMO PRAELIO AMMONITAS SYROS QVE VINCIIT. SECVNDO PRAELIO SYROS PERCVIT ET FVGAT. SYRI COMPOSITA PACE SERVIVNT DAVID.

AB ORBE CONDITO
ANNVS 2994.

QVARTÆ MVNDI ÆTAT.
ANNVS 451.

1. ANNO proximo (vt apertè colligitur 2. Reg. cap. 11. vers. 1. & apertius 1. Paralip. cap. 20. vers. 1.) qui erat regni Dauidis, quemadmodum ex antecedentibus consequitur, annus decimusquintus, eo tempore quo solent Reges ad bella procedere, nimirum incunte Vere, hoc est, circa Anni sacri initia, iterum misit Dauid Ducem suum Ioab, cum exercitu & Arca Dei contra Ammonitas; qui vastata terra

IOAB OBSEDET RABBA METROPOLIM AMMONITARVM.

DAVID
COMMIT-
TIT ADUL-
TERIVM
CVM BETH-
SABEE.

OCCIDIT-
RATVRIAM

D V C I T
BETHSABEE
IN VXOREM

eorum, tandem venit ad Rabba siue Rabbath, quæ erat ipsorum metropolis, & obsedit eam. Dum autem hæc in exercitu agerentur, accidit vt Dauid, qui remanserat in Ierusalem, quadam die surgens de strato suo post meridiem, deambulansque in solario domus suæ, videret ex aduerso mulierem pulcherrimam sese lauãtem, & concupiscentia accensus misit ad ipsam, adductamque dormiuit cum ea: erat autem hæc Bethsabæ vxor Vriæ Hethæi, qui tum erat in exercitu, militabatque sub Ioab militiæ Principe. Cùm autem non multò post innotuisset Regi, quòd Bethsabæ de ipso conceperat, vt occultaret Dauid adulterium suum, accersiuit ad se Vriam, sub prætextu quodam interrogandi ipsum de his quæ in exercitu agerentur, deinde nihil non callidè latenterque fecit ac dixit, quòd eum induceret vt in propriam domum se reciperet, ac dormiret cum vxore sua; sic enim postea dici potuisset, ipsam de viro suo esse grauidam, sed cùm ille (fortassis quia aliquid audisset de his quæ acciderant) sese coram Rege excusasset, nec voluisset ire ad domum suam, Dauid callidè remisit eum ad Ioab cum epistola, in qua mandabat ei Rex, vt exponeret Vriam maioribus belli periculis, ita vt hostium gladio caderet. Vt autem nuntiatum est Regi, quòd Vrias in prælio ceciderat, ipse duxit Bethsabæ, post planctum viri eius, in vxorem: 2. Reg. cap. 11. per totum.

AB ORBE CONDITO

ANNVS 2995.

QVARTÆ MVNDI ÆTAT.

ANNVS 452.

NATHAN
ARGVIT
DAVIDEM
DE ADUL-
TERIO ET
HOMICIDIO.

DAVIDIS
PŒNITENTIA.

IN NO insequente circiter inchoante, paulò postquam Bethsabæ pepererat filium Regi, venit Nathan Propheta missus à Domino ad Dauidem; & opportunè proposita prius parabola viri diuitis, qui parcens sumere de gregibus suis tulerat ouem pauperis vnicam, vt daret epulum peregrino; increpauit Regem de adulterio & homicidio, cum multorum scandalo commissis, & exprobrans plurima ei à Deo collata beneficia, & ingrati animi noxam hanc maximam, comminatus est ipsi & domui eius multa mala. Quæ audiens Dauid, statim pœnituit, agnouitque, & sine vllâ excusatione palàm fassus est se peccasse, conuersusque ad Dominum, cecinit Psalmum 50. *Miserere mei Deus secundum magnam misericordiam tuam*, &c. quemadmodum ex titulo eius manifestum est. Quin etiam sunt qui putant, Dauidem tunc aliis quoque Psalmis diuinam implorasse misericordiam, ac cecinisse pariter Psalmos 6. & 37. qui incipiunt: *Domine, ne in furore tuo arguas me*, &c. & 31. cuius initium est: *Beati quorum remisse sunt iniquitates*, &c. Sed quidquid de hoc sit, illud quidem certissimum est, quòd Dauid verè atque ex toto corde pœnituit, obtinuitque peccatorum suorum veniam, & commutationem pœnæ æternæ in pœnas ac calamitates afflictionesque temporales, quas postea passus est, præsertim à proprio filio Absalom, qui eum non multò post à regni sede deiecit; & concubinas eius publicè turpiterque scædauit; & vt fugatè patrem comprehederet ac perderet, totius Israëlitici regni viribus laborauit; quemadmodum infra suis locis dicemus, & ipsi Dauidi subobscurè memoratus prædixerat Nathan. Sed & ante hæc valdè contristatus est Dauid ob infirmitatem mortemque paruuli, quem ei tunc pepererat Bethsabæ, siquidem quantumuis pro eo multum affligeretur pater, illumque orationibus, fletibus, ac ieiuniis ab interitu liberare conatus esset; id tamen à Domino consequi minimè valuit: mortuus est enim (vt idem Propheta prænuñciauerat) idque accidit die septimo, nimirum ab eius natiuitate; & tunc cessauit Rex à ieiunio & lacrymis, & diuinæ voluntati acquieuit. Hæc sunt quæ post memorata eius peccata Dauidem fecisse, ex Sacro textu didicimus: quare nescio quomodo S. Ambros. lib. 1. De Apologia S. David cap. 2. vbi mixtim loquitur de peccatis ipsius Dauid, videlicet de ambitiosa populi dinumeratione, de adulterio cum Bethsabæ, & de iniusta occisione Vriæ, potuerit verè de Dauidè dicere, quòd *ne exiguo quidam momento manere penes se delicti passus est conscientiam*. cùm tamen constet, à dicto adulterio ad eius pœnitentiam intercessisse nouem menses & aliquid amplius: siquidem quando Dauid à Nathan correptus pœnituit, iam natus eierat filius adulterinus de ipsa Bethsabæ susceptus, vt patet 2. Reg. cap. 12. vers. 14. & ibidem cap. vlt. vers. 8. etiam dicitur, quòd Ioab & socij eius missi à Dauidè vt numerarent populum, non nisi post menses nouem & dies viginti redierunt; & subinde vers. 10. narratur pœnitentia Davidis post dinumeratum populum subsecuta. Et quidem licet de tam illuminato viro probabile sit credere, quòd non tam diu potuerit ignorare se grauiter admodum peccasse: nihilominus, vt saluemus dictum sancti Doctoris, necessarium videtur coniectari,

icctari, ipsum Oratorio potius quàm Historico stylo, piè studuisse Dauidem quantum poterat excusare, & moram eius in peccato ferè ad momentù contrahere, computando eam, in prius memorato casu, ab absoluta populi dinum eratione; in altero autè à correctione illi à Nathan adhibita. Nescio item quomodo idem sanctus Doctor lib. eius citato cap. 4. dixerit, quòd Dauid pœnitentiam de peccato suo agens, *humis stratus deplo-
rauit ærumnam, ieiunauit, orauit, confessionis suæ testimonium in perpetua secula vulgato
dolore transmisit*; cùm sacra Scriptura 2. Reg. cap. 12. vers. 15. vsque ad 24. ter aperte re-
petat, Dauidem dictas corporis afflictiones vltrò assumpsisse pro infirmo paruulo de-
precans ne moreretur: quo postea mortuo, patrè ab his omnibus abstinuissè. Nisi fortè
alicui non inconueniens videatur etiam credere, quòd sanctus Propheta in eiusmodi
pœnitentiæ actus eruperit, vt simul & peccati venià, & pœnæ peccati remissionem obti-
neret: tamen si primum Scriptura sacra non expresse, sed rationabiliter subintelligen-
dum reliquerit. Sanè expleto filij luctu, Dauid non se solum aliqua consolatione leni-
uit, sed etiam pariter afflictam pueri matrem consolari cœpit, quæ non multò post de
eodem Rege concepit alterum filium, vt sub anno mundi proximo num. 1. dicemus.

2. Putant autem Hebræi, & B. Hieronymus in Traditionibus Hebraicis libr. 3. Reg. Dauidem, ad maiorem Bethsabæ consolationem, tunc iurasse ei, se filium quem ex ip-
sa susceperet relicturū regni sui successorem. Verumtamen, quia 3. Reg. c. 1. vers. 13. 17.
& 30. vbi hoc memoratur iuramentum, numquam fit mentio pueri nascituri, sed sem-
per nominatim Salomonis, tamquam iam nati: videtur dici posse, aut non ante, sed post
ortum Salomonis hoc ipsi Bethsabæ iuramentum fuisse præstitum, aut si ante, vt præ-
dicti asserunt, profectò Dauidem Spiritu prophetico præcognouissè, alium se de Beth-
sabæ filium suscepturum Salomonem nomine, qui sibi in regno succederet, alioqui ni-
si prius sciussset sic à Deo fuisse præordinatum, non est verisimile quòd ausus esset tale
quid iureiurando affirmare. Nam quod ait Abulêsis, hoc à Nathan Propheta iam prius
Dauidi fuisse prædictū, quando eum monuerat nè de templo à se ædificando sollicitus
esset, quandoquidem opus illud filio eidem mox nascituro Deus seruauerat, non vi-
detur omnino tollere difficultatem, siquidem ex 2. Reg. cap. 7. & 1. Paralip. cap. 17. vbi
hæc prænnuntiatio describitur, constat, quòd tunc Nathan, de quam vxore, vna scilicet
illarum quas iam duxerat, an de mox ducenda, gignendus esset filius ille, Dauidi
non indicauerat, sed solum (vt ipsemet Dauid testatur 1. Paralip. cap. 22. vers. 9.) quòd
vocandus esset Pacificus, quia, inquit, *erit vir quietissimus, faciam enim cum requiescere ab
omnibus inimicis suis per circuitum; & ob hanc causam Pacificus vocabitur*. Sic ibi. Quare
necesse est quòd postea Dauid vel ab eodem Propheta, vel à Deo, cùm ipse quoque
esset Propheta, didicerit Salomonem de Bethsabæ nasciturum, & post se super Israel
regnaturum: ac propterea memoratum Bethsabæ iuramentum præsterit de eodem
Salomone regni successore relinquendo. Sanè historiam hîc traditam, 2. Reg. cap. 12.
vers. 1. vsque ad 25. descriptam inuenies.

3. Eodem (vt arbitror) anno, Ioab, qui vt sub anno mundi 2994. num. 1. diximus, ob-
fidebat vrhem Rabbath, cùm aduertisset eam non diu amplius ab Ammonitis posse
defendi, sed potius breui à se fore capiendam, ne Regi suo, cuius auspiciis bellum illud
ipse gerebat, gloriam auferre ac sibi vsurpare velle videretur, admonuit Dauidem Ie-
rosolymis tunc commorantem, qui reliquo exercitu congregato profectus est in ter-
ram Ammonitarum, & expugnauit cepitque Rabbath vrhem ipsorum regiam, & tulit
coronam auream pondo vnus talenti gemmis pretiosissimis exornatam, quam reperit
in capite Moloch idoli Ammonitarum, quod etiam Melchom nuncupabant, hoc vo-
cabulo significantes, ipsum esse primarium Regem ipsorum. ex qua postmodum coro-
na fecit sibi Dauid diadema, quod imposuit capiti suo. Asportauit quoque Dauid inde
spolia multa, & prædam multiplicem valdeque copiosam. Memor autem malignita-
tis eorum, qui impulerant Regem sine iusta causa, sed ex sola leui ac temeraria falsaque
suspensione, vt tantam legatis suis & sibi in ipsis inferret iniuriam, & conduceret contra
se Syros, & item recolens diabolicam obstinationem eorum, qui fuerant in causa, quòd
Ammonitæ toties à Dauide victi, numquam acquieuisent aliquomodo sibi subesse: sed
denuò semper rupto fœdere contra se insurrexissent: ne tantam adeoque irrationabi-
lem pertinaciam impunitam relinqueret, & vt simul etiam aliis finitimis populis timo-
rem incuteret, diligenti præmissa inquisitione, omnes quos tum in ipsa Rabbath, tum
in aliis Ammonitarum vrbus reperit huiusmodi criminis reos, sæuis iussit necari tor-
mentis: nimirum alios cultris diuersimodè fecari; alios violenter trahi per duos in-
compositosque lateres, donec eorum corpora miserabiliter dissumerentur, interi-
rentque;

DAVID IY-
RAT BETH-
SABEE SE
RELICTV-
RYM FILIO
EIVS RE-
GNVM.

EXPUGNAT
RABBATH
METROPOLIM
AMMONI-
TARVM.

CVR PLEVI
MOS AMMO-
NITARVM
AC RITE R
ADMODO
TORSERIT
ET PERME-
RIT.

rentque; & super alios extra vrbes eductos & in via prosternatos transire ac circumagi graues currus, rotis ferratis pariterque ferratis sustentatos, qui laceros ipsorum artus horribiliter contundebant, & quemadmodum in area paleas tritabant: 2. Reg. cap. 12. vers. 26. vsque ad finem capitis, & 1. Paralip. cap. 20. vers. 1. vsque ad 5. De Hanon autem Rege Ammonitarum licet in Sacro textu expressum non sit, verisimile tamen est, quod eum quoque, Dauid aliquo modo interfecerit; & quod in gratiam patris sui Naas, à quo, vt dictum est, beneficia acceperat, ei substituerit (sine Regis tamē titulo) fratrem eius nomine Sobi. Ad hoc enim credendum, illud me mouet, quod nulla deinceps fit mentio dicti Hanon; sed tantummodò Sobi, qui 2. Reg. cap. 17. vers. 27. connumeratur inter illos Dauidis amicos, qui obtulerunt ei munera, quando ab Absalom filio de Ierusalem expulsus, morabatur trans Iordanem in vrbe vocabulo Manahim, quod interpretatur Castra. Ceterum, nemo miretur Dauidem, virum cuius mansuetudo tantopere commendatur in Psalmo 131. illis verbis: *Memento Domine Dauid, & omnis mansuetudinis eius*, &c. adeò acriter torqueri atque occidi iussisse prædictos Ammonitas: quandoquidem certissimè supponendum est, quod etsi grauius, tamen pro modo culpæ eos puniuerit. Constat autem, veram Deoque acceptam mansuetudinem non excludere iustitiam, in viris præsertim iurisdictionem habentibus: nam & Moyses quoque, de quo Numer. cap. 12. vers. 3. legitur, quod ipse erat vir mitissimus super omnes homines qui morabantur in terra, iussit vna die promiscuè interfici viginti tria millia hominum, pro peccato adorationis vituli. Sed quid opus est querere huiusmodi mitissimorum hominum exempla? Quid mitius Deo esse excogitare vniquam potest? Et tamen quis nesciat quàm multa ac terribilia peccatoribus in hac vita intulerit supplicia, & longè omnium grauiora comminetur in alia? Sed ad intentum nostrum redeamus.

DE SOBI
FRATRE RE-
GIS AMMO-
NITARVM.

QVOD RE-
GIA MAN-
SVETUDO
NON EXCLV-
DERE DEBET
IYSTITIAM.

AB ORBE CONDITO

QVARTÆ MVNDI ÆTAT.

ANNVS 2996.

ANNVS 453.

✠
SALOMONIS
ORTVS, ET
CVRSIC AP-
PELLATVS.

DE ALIO SA-
LOMONIS
NOMINE.

DE INCESTV
AMNONVM
S O R O R E
THAMAR.

ANNO proximo qui fuit regni Dauidis decimus septimus, non longè (vt reor) post initia anni, Bethsabæ peperit Regi alterum filium, quem ipsa vocauit Salomonem, hoc est Pacificum. quod idè factum puto, quia (quemadmodum anno præcedente num. 2. dictum est) Dauid eidem iurauerat, quod filius quem ex ipsa susceperet, sibi in regno successurus erat; & iam ipsa audierat per Nathan Prophetam fuisse prænuntiatum, quod Dauidis successor, Pacificus foret nuncupandus. Porro Nathan Propheta, vt audiuit Salomonem esse natū, prophético Spiritu præuidens Deum ipsi non solum largiturum ab hostibus pacem, sed etiam diuitias maximas, & omnium rerum temporalium affluentiam, super omnes qui fuerant ante ipsum in Ierusalem, (vt ipsemet postea testatum reliquit Ecclesiasticæ cap. 2.) & insuper, quod maius est, daturus erat ei cor sapiens & intelligens, ita vt nullus ante ipsum similis ei fuerit, nec post ipsum tantam effert sapientiam habiturus, quemadmodum dicitur 3. Reg. cap. 3. vers. 12. addidit priori aliud nomen, vocans eum etiam Hebraicè Idida, quod Latinè sonat, Amabilis Domino: 2. Regum capite 12. versic. 24. Præter memorata duo Salomonis nomina, ipse postea tertium sibi impositum, vt apertè constat ex initio libri, quem sub titulo Ecclesiasticæ edidit: ibi enim seipsum Coheleth, hoc est Ecclesiasten seu Concionatorem vocat, illis verbis: *Verba Ecclesiastæ filij Dauid Regis Ierusalem*. Sed hoc muneris potius quàm personæ nomen fuit, muneris, inquam, quod tunc agere volebat, quando librum illum composuit, in quo tamquam ad cœtum populumque coram se congregatum loqui proficitur, dirigens sermonem suum (vt ait S. Hieronymus in Prologo in libros Salomonis) non ad vnum aut alterum, sed generaliter ad vniuersos, in his quæ ad ipsorum salutem pertinent, erudiendos. Cur autem idem Salomon Prouerb. cap. 4. vers. 3. dicat se vnigenitum fuisse coram matre sua, quæ præter illum qui septimo sui ortus die mortuus est, quattuor dicitur genuisse filios, sub anno mundi 2987. num. 5. iam declaratum fuit.

2. Eodem anno accidit incestus, quem commisit Amnon primogenitus Dauidis cum Thamar sorore sua, ex parte patris tantum, & sorore Absalom etiam vterina; quod facinus à Dauide dissimulatum, fuit in causa, vt postea Absalom callidè interficeret ipsum Amnon, cum magna Regis indignatione & dolore, vt suo loco dicitur. Quoniam autem huius incestus historia accuratè admodum & apertè describitur 2. Reg. cap. 13. vers. 1. vsque ad 23. idèò libenter Lectorem ad eum locum remittimus.

AB

AB ORBE CONDITO QVARTÆ MVNDI ÆTAT.
ANNVS 2998. ANNVS 455.

POST biennij tempus, anno scilicet regni Dauidis decimonono, Absalom qui haecenus fraudulenter dissimulauerat iniuriam illatam sorori suæ, expectata occasione satis opportuna temporis, quo tondebantur oues eius in quadam villa nomine Baalhafor, prope confinia sortis Ephraim existente, fecit ibi, vt mos erat, conuiuium magnum; ad quod inuitauit omnes fratres suos; qui tandem, licet ægre admodum consentiente Rege, profecti sunt. In ipso autem conuiuij seruore, ad vltionem violatæ Thamar sororis suæ, Absalom per seruos suos Amnonem vino temulentum ac nihil minùs suspicantem interfecit coram fratribus suis, qui tam inopinato casu attoniti, & fortè etiam sibi timentes, confestim de mensa surgentes, fugerunt in Ierusalem; Absalom verò ne in manus irati patris deueniret, illicò etiam ipse fugit ad Tholmai Regem Gessur auum suum; erat enim Maacha mater Absalom, filia dicti Regis, vt traditur 2. Reg. cap. 3. vers. 3. mansitque ibi tribus annis; post quos cessauit Dauid lugere Amnon primogenitum suum, & persequi Absalom, qui eum occiderat: 2. Reg. cap. 13. vers. 23. vsque ad finem capitis.

ABSALOM
FRATREM
AMMON
INTERFICIT
CV RAT.

AB ORBE CONDITO QVARTÆ MVNDI ÆTAT.
ANNVS 3001. ANNVS 458.

POST tres annos, nimirum currente anno regni Dauidis vigesimo secundo, aduertens Ioab quòd mitigata esset indignatio Regis, siue ex ipsa temporis diuturnitate, siue etiam fortassis ob assidua, quemadmodum credibile est, soceri sui pro nepote officia; & quòd iam cor Regis videretur satis benè affectum erga filium suum Absalom, submissa solerti muliere Thecuita, impetrauit à Dauidè licentiam reuocandi ab exilio ipsum Absalom; sed hac tamen lege, vt non videret faciem patris. Venit ergo Absalom in domum suam, & mansit in Ierusalem duobus annis, intra quos numquam ausus est venire in conspectum Regis; ac per idem tempus nati sunt ei tres filij, & vna filia. Et hæc omnia fusiùs tradita inuenies 2. Reg. cap. 14. vers. 1. vsque ad 29.

ABSALOM
REVOCATVR
AB EXILIO,
NON TAMEN
ADMITTITVR
IN CONSPEC-
TV REGIS.

AB ORBE CONDITO QVARTÆ MVNDI ÆTAT.
ANNVS 3003. ANNVS 460.

SUB finem secundi anni, seu tertio inchoante, ex quo Absalom de Gessur redierat in Ierusalem, hoc est anno regni Dauidis circiter vigesimo quarto, Absalom non sustinens ampliùs visione & consuetudine Regis interdicti; semel atque iterùm aduocato Ioab, vt eum pro se mitteret ad Regem, & illo venire non curante, præcepit seruis suis vt exurerent hordei messem existentem in agro ipsius Ioab. Ex quo patet hoc accidisse circa initia Anni sacri; siquidem hordeum aliquantò antè maturescere solebat quàm triticum, vt colligitur Exod. cap. 9. vers. 31. & triticum sub finem primi mensis colligi consueuerat, vt alias probauimus. Igitur, hoc facto, venit Ioab ad Absalom, causans quòd segetem suam comburi iussisset; ille verò reddita facti ratione, misit eum ad Regem; ac per ipsum plenè reconciliatus est patri: 2. Reg. cap. 14. vers. 29. vsque ad finem capitis.

QVOMODO
PLENÈ RE-
CONCILIATVS
SIT PATRI.

AB ORBE CONDITO QVARTÆ MVNDI ÆTAT.
ANNVS 3004. ANNVS 461.

ANNO insequente, nimirum post proximè memoratam reconciliationem, elatus animo Absalom, quòd in integram Regis gratiam restitutum se videret; & iuuenili quadam ambitione putans sibi omnia licere, quòd tanti Regis filius esset, & fortasse inter fratres suos tunc superstites primogenitus; fecit sibi currus & equites, & quinquaginta viros qui præirent ipsum. Ac deinde paulatim regnandi cupiditate incensus, cœpit variis modis atque artibus captare populorum beneuolentiam, & præsertim illorum, qui pro causis suis veniebant in Ierusalem, ac sensim sollicitare corda filiorum Israel, vt se potius quàm patrem suum Regem habere in animum inducerent, quem-

QVOMODO
POPULOS
SOLLICITA-
VERIT, VTA
PATRE AD
SE DEFECE-
RENT.

quemadmodum videre est 2. Reg. cap. 15. vers. 1. vsque ad 7. Neque verò difficile fuit ipsi Absalom gratiam hominum consequi, & animos omnium sibi conciliare, quippe qui cum esset formosus præ cunctis filiis Israel, vt colligitur 2. Reg. cap. 14. vers. 25. consequenter etiam erat in cunctis actibus suis gratiosissimus & amabilis valde. Ad hæc cum viderent quàm ipse esset splendidus ac generosus, & erga omnes affabilis atque officiosus, faciliè omnium oculos animosque ad se amandum, commendandum, sequendumque rapiebat; præsertim verò cum insuper quoque aduerterent, quòd sineret eum pater suus facere quæcumque vellet. Itaque

AB ORBE CONDITO QUARTÆ MVNDI. ÆTAT.
ANNVS 3005. ANNVS 462.

CONVRA-
TIONE FA-
CTA OCCU-
PAT SIBI
REGNUM
PATRIS.

ANNO proximo circiter inchoante, qui erat regni Davidis vigesimus sextus, hoc est (quemadmodum dicitur in Sacro textu) post quadraginta annos, quos credimus à prima vnctione Davidis, (vt numero proximo probabitur, & apparet in tabulis) esse numerandos; Absalom, conciliatis sibi fraudulenter populis, & consuratione facta, occupauit sibi regnum Israel, expulso patre, quemadmodum late describitur 2. Reg. cap. 15. vers. 7. vsque ad 16.

EXPOSITIVA
TEXTVS
2. REG. C. 15.
VERS. 7.

2. Dixi hoc accidisse post quadraginta annos à prima vnctione Davidis: quia tametsi non ignorem, plurima Sacri textus exemplaria, loco Reg. proximè citato, vice eius quod dictum est *Post quadraginta annos*, habere, *Post quattuor annos*, eosque diuersimodè à sacris Expositoribus computari: & item Iosephum 7. Antiq. circa medietatem capitis octauo asserere, Absalom inuasisse regnum patris anno post reconciliationem quarto; quem sequuntur Glossa interlinearis, & B. Theodoretus, aliique nonnulli: atamen, quia codices Bibliorum emendatiores, nimirum editionis Vulgatæ & LXX. Interpretum Romæ postremò excusci, & Summorum Pontificum auctoritate editi, qui proculdubio inter omnes alios in sancta Ecclesia maioris sunt auctoritatis, non legunt *Post quattuor*, sed *Post quadraginta annos*; idcirco hos in primis sequendos duximus; præsertim cum etiam S. Hieronymus in Traditionibus Hebraicis lib. 2. Reg. cap. 15. dicat: *Cave, Lector, plerosque mendosos codices, in quibus scriptum inuenitur post quattuor, non post quadraginta annos. In veracioribus verò codicibus, & in Hebraica veritate, non quattuor, sed quadraginta scribuntur anni.* sic ille. Reiciendum tamen omnino putamus opinionem quorundam Hebræorum, quam refert Abulensis super capite Reg. proximè citato quæstione 12. dicentium, hosce quadraginta annos esse computandos ab eo tempore, quo à Samuele Hebræi petierunt constitui sibi Regem, & expletos esse tribus annis ante mortem Davidis, nempe anno regni sui trigésimo septimo: nam hæc opinio manifestè, vt ibidem citatus Auctor planè ostendit, multa falsa supponit, & apertè pugnat cum recta temporum ratione, quæ proculdubio ponit à dicta Regis petitione ad trigésimum septimum regni Davidis annum, non quadraginta, sed septem & quinquaginta fluxisse annos; nimirum viginti regni Saulis, & triginta septem ipsius Davidis. Non etiam probare possumus, quæ refert B. Hieronymus (siue ex propria, siue ex aliorum sententia, nescio) loco proximè allegato, dicens: *Quadragesimus agebatur annus, ex eo tempore quo Saul Nobis ciuitatem cum Sacerdotibus octogintaquingue, propter David interemit. & idcirco hic idem quadragesimus annus ponitur, vt monstreretur, diuinam ultionem suscitari super David, eò quòd Achimelech Sacerdotem fefellerit, & propter eum tot Sacerdotum cades facta fuerit.* hætenus ille. Cuius sententiam sequuntur Lyranus & Hugo Cardinalis super cap. Reg. citato, & Historia Scholastica eiusdem capitis, & alij. Sed nos eidem subscrivere nullo modo possumus: quia non videtur debere admitti, quòd Dauid, petendo panes ab Achimelech, peccauerit, vt multis benè probat Abulensis super 1. Reg. cap. 22. quæst. 32. & 33. præsertim cum necessitate cogente id fecerit. Neque obstat quòd ipsemet Dauid cap. Reg. proximè adducto vers. 22. dixerit Abiathar ad se confugiens: *Sciebam in die illa, quòd cum ibi esset Doeg Idumæus, proculdubio annuntiaret Sauli. Ego sum reus omnium animarum patris tui.* non, inquam, hoc obstat: quin potius hinc licet colligere singularem Davidis virtutem, qui quantumuis ad quælibet magna arduaque gerenda animo esset impauido, admodumque generoso & forti, nihilominus in his, quæ ad Dei proximè offensam quoquomodo spectare poterant, timidioris, seu, vt aiunt, timoratae admodum conscientia erat; ita vt, quemadmodum de se ipso fatebatur S. Iob capite libri sui 9. vers. 28. vereretur omnia opera sua. Etenim, vt optimè dicebat S. Gregorius Epistolarum lib. 12. cap. 10. circa medium,

dium, bonarum mentium est, etiam ibi aliquo modo culpas suas agnoscere, ubi culpa non est; quia sæpe sine culpa agitur, quod venit ex culpa. Quid igitur mirum est, si is de quo alibi, nempe 1. Reg. cap. 24. vers. 6. legimus, *Percussit cor suum Dauid*, eò quòd abscedisset oram *chlamydis Saul*, nunc timeret se in causa fuisse, quòd cæsi à Saule fuissent Sacerdotes; cum tamen id sine vlla sua culpa accidisset? Licet enim ipse, viso in Nobe prædicto Doëg, facile credidisset eum relaturum Regi quæ viderat; non ideò tamen tenebatur abstinere à petitione panem, ac perire cum pueris suis fame, præsertim cum numquam putasset, Saulem eò impietatis deuenturum, vt tam leui de causa, tantam vellet tamque sacrilegam parrare cædem. Et fieri facile potest, quòd Dauid viderit Doëgum, non antequam petisset ab Achimelecho panem & gladium, sed post, quando scilicet iam inde abire volebat. Denique, vtrumque res fuerit, certa res est, quòd eum excusauit Dominus Matthæi cap. 12. vers. 3. & 4. Itaque sicuti dicitur ad Rom. cap. 8. vers. 33. *Quem Deus iustificat, quis est qui condemnet?* Si ergo Dauid in hoc non deliquit, vanum est credere, quòd ideò post annos quadraginta punitus pulsusque regno fuerit, vanum est credere, quòd (vt ex horum temporum ratione hætenus tradita, & in tabulis digesta, manifestè colligi potest) à dicta Sacerdotum internecone ad occupatum ab Absalom paternum regnum, non quadraginta; sed vnus & triginta dumtaxat anni inueniuntur: totidem enim, & non plures, ab anno mundi 2974. in quo (vt ibidem num 8. dictum est) memorata Sacerdotum cædes facta est, vsque ad hunc 3005. de quo agimus annum, numeratur. Oportet ergo cum Abulense vbi supra prædictos quadraginta annos ab alio fonte deriuare, nimirum à prima vnctione Dauidis in Regem per Samuelem Prophetam facta in Bethleem: ita vt huius loci sensus sit: Post quadraginta annos, hoc est, anno quadregesimo primo ineunte, ex quo Dauid, anno vitæ suæ decimoquinto circiter desinente; (vt sub anno mundi 2964. num. 1. diximus) Dei monitu vnctus primò electusque ac designatus fuerat Rex super Israël, à proprio filio eiectus spoliatusque regno fuit.

3. Sed videamus, num salua hac sententia admitti quoque possit alia lectio, quæ habet *post annos quattuor*. Ad hoc dicimus, quòd si ponamus quattuor hos annos fluxisse (quemadmodum sensisse videtur Iosephus loco superius citato) à plena integræ reconciliatione Absalom cum patre, ad tempus quo ipse Absalom sibi regnum patris occupauit; vtique annus huius inuasionis regni non poterit coincidere cum anno à prima Dauidis vnctione quadregesimo primo, qui proculdubid concurrebat cum anno vitæ eiusdem Dauidis quinquagesimo sexto, regni verò vigesimo sexto, vt patet in tabulis; nisi mortem Naas Regis Ammonitarum, quam sub anno mundi 2993. num. 3. & in tabulis, posuimus in anno regni Dauidis decimoquarto, ponamus incidisse triennio ante, nimirum anno vndecimo. Sic enim adulterium, quod deinde anno post mortem dicti Naas proximè sequenti commisit Dauid cum Bethsabee, incideret in annum duodecimum regni Dauidis, & partus pueri ex eodem adulterio concepti, in decimum tertium, & natiuitas Salomonis, incestusque Amnonis cum Thamar sorore, in decimum quartum: quibus si adderemus annos duos inde vsque ad Ammonis occisionem decurfos, & tres exilij Absalom in Gessur, & item duos à reditu eiusdem de Gessur, vsquequò plenè reconciliatus est patri; certè caderet reconciliatio hæc in annum regni Dauidis vigesimum primum, & consequenter, si poneremus, Absalom quadriennio post dictam eius reconciliationem inuasisse occupasseque regnum patris; proculdubid incideret ista inuasio in exordium anni vigesimi sexti regni Dauidis, & pariter inchoante anno quadregesimo primo à prima vnctione eiusdem Dauidis; & sic vtræque lectio, nempe tam ea quæ habet *post quattuor annos*, quam illa quæ habet *post quadraginta*, vera vtique inueniri posset. Verumenimverò, si res accuratius expendatur, inueniemus nullo modo obitum prædicti Naas poni posse in anno regni Dauidis vndecimo; alioqui sequeretur, ipsum Dauidem eodem anno regni sui vndecimo, vel etiam aliquantò ante, benefecisse Miphiboseth filio Ionathæ, sicuti narratur in toto cap. 9. 2. Regum: siquidem initio capitis 10. quod ibidem sequitur, Scriptura sacra aperte testatur, mortem Naas postea accidisse, illis verbis: *Factum est autem post hæc, vt moreretur Rex filiorum Ammon*, &c. atqui ex tabulis manifestum est, vndecimum regni Dauidis annum concurrere cum anno decimosexto vitæ Miphiboseth; qui quando præsentatus fuit coram Dauid, iam habebat filium paruum (puta duorum vel trium annorum): 2. Reg. cap. 9. vers. 12. Non videtur autem verisimile, quòd ipse Miphiboseth, ob eius debilitatem (quemadmodum sub anno mundi 2987. num. 7. probatum est) generare potuerit annum agens duodecimum aut decimum tertium. Præterea, quod magis vr-

ANALIA
LECTIO POS-
SIT ADMIT-
TI.

get, sequeretur, ipsum Dauidem; interuallo trium dumtaxat annorum, omnia bella gessisse, fabricasque & multa alia opera absoluisse, quæ describuntur 2. Reg. à cap. 5. vsque ad 10. & 1. Paralip. à cap. 13. vsque ad 19. Etenim cuncta hæc facta fuisse ab anno eiusdem regni octauo iam per sex menses inchoato, hoc est ab initio regni eius super vniuersum Israel, vsque ad mortem prædicti Naas Regis Ammonitarum, quæ post prædicta in utroque libro citato refertur, certissimum est. Porro hæc si diligenter attendantur, tam multa & grauiasunt, ut tam breui temporis spatio nullatenus confici potuissent videantur. Quomodo enim in tantis temporum angustias potuisset Dauid totius Regni Israelitici administrationem suscipere; negotia, quæ plurima eademque grauissima in ipsis potissimum regni initiis occurrunt, expedire; bellum gerere contra Iebusæos, arcem Sion munitissimam expugnare, plura regiaque in Ierusalem ædificia, lignis ac lapidibus de Libano vsque præcitis ac deuectis, extruere, duo bella grauissima aduersus Philisthæos conficere, Arcam Dei cum vniuerso Israele de Cariathiarim in Ierusalem ad domum Obededom, & tertio post mense ad propriam suam domum, ac locum eidem præparatum, ritu sollemnissimo reportare; deinde iterum expeditionem contra Palæstinos suscipere, Geth urbem ipsorum regiam capere, insuper omnem quoque terram Moabitaram subiugare, & præterea copias in Syriam ducere, Regis Adadezer exercitum non semel percutere, vrbes eius depopulari, & inde prædas maximas in Ierusalem aduehere; prædictum in Damasco ponere, & Syriam sibi tributariam facere; ac denique etiam Idumæam vniuersam suo sub imperio redigere? Ad hæc & huiusmodi peragenda, quæ (ut diximus) certum est gesta esse ante obitum Naas, quis non videt longè plurium quam trium annorum tempus fuisse necessariū? Igitur fit manifestum, mortem Naas non posse poni sub anno vndecimo, sed debere collocari sub decimoquarto regni Dauidis, quemadmodum supra, & in tabulis digestum est. Hoc autem posito, etiam consequitur, adulterium Dauidis cum Bethsabee incidisse anno regni eius decimoquinto, & ortum pueri ex adulterio concepti, anno decimosexto; & natiuitatem Salomonis, incestumque Amnonis cum Thamar sorore, anno decimosextimo; & eiusdem Amnonis interitum, anno decimonono; & reuocationem Absalom de Gessur, anno vigesimo secundo; & integram eius cum patre reconciliationem, anno vigesimo quarto; & denique regni inuasionem, anno regni vigesimo nono circiter inchoante; qui concurrit cum anno vitæ eiusdem Dauidis quinquagesimo nono, ut patet in tabulis. Atqui à decimosexto vitæ Dauidis anno, circa cuius initia diximus ipsum primò fuisse vinctum, ad annum ætatis suæ quinquagesimum nonum, non anni quadraginta, sed ferè quadraginta quattuor inueniuntur. Non ergo potest (ut quidam existimarunt) in idem coincidere Sacer textus cum textu Iosephi, quòd scilicet Absalom inuaserit regnum patris anno quadagesimo à prima Dauidis vñctione, & quarto ab integra Absalom reconciliatione cum suo patre. Sed si volumus hæc lectiones inter se concordare facere, dicere possumus cum Hugone Cardinali, quòd siue legamus, *post quattuor annos*, siue ut aliqui, inquit, Sacri textus habent, *post sex*; siue ut probatiores, *post quadraginta*; omnia erunt consona, si dixerimus quòd Absalom, & quadriennio postquam de Gessur redierat in Ierusalem, & sex annis post occisum Amnonem, & post quadraginta annos, non à nece Sacerdotum, ut idem Hugo aliique perperam existimarunt; sed à prima vñctione Dauidis, quemadmodum probatum est, callide inuasit obtinuitque, pulso patre, regnum Israel. Quòd si etiam voluerimus Iosephi dictum cum sacra Scriptura quoquomodò conciliare; necesse erit illa illius verba, quæ habent, *quarto post reconciliationem anno*, sic accipere, tamquam si non de secunda reconciliatione, quæ integra plenaque fuit, sint dicta; sed de prima illa conditionata, quæ facta est, quando concessit pater ut filius rediret de exilio, ea lege, ne vlllo modo coram se interim accedere auderet. Et hæc de hisce annis sint dicta: prosequamur historiam.

QUOMODO
POSSIT TEX
TVS SACER
CVM TEXTV
IOSEPHI
CONCILIARI.
R. I.

QUOMODO
ABSALOM
REGNUM
PATRIS IN-
VASERIT.

4. Quæ autem in dicta regni inuasionem contigerint, hæc ferè sunt: Absalom, ut se vidit iam de populi fauore securum, texta clam cum intimioribus suis tanti facinoris tela, adit Regem, postulans ab eo licentiam eundi in Hebron, soluendi voti causa quod in Gessur emiserat: qua facile impetrata, expeditis ad omnes vrbes Israel nuntiis, qui clam amicos ac factiosos suos die præstituta ad coniurationem in Hebron stabiliendam conuocarent, & ea firmata, buccinis vbique personantes conclamarent: *Vivat Rex Absalom*, & similia; ipse, ne stratagema facile detegi posset, cum ducentis viris prædictæ coniurationis omnino inficiis, sed quasi ad sacrificia inuitatis, profectus est de Ierusalem in Hebron: vbi ijs qui prius moniti fuerant vndique confluentibus, inter ipsos quoque

inprimis affuit Achitophel, qui cum esset primarius Davidis consiliarius, nihilominus ad partes Absalom descuerat. Cum ergo omnes in Hebron conuenissent, iamque sacrificia fieri cœpta essent, ecce protinus stabilita est coniuratio, & ibidem sollempniter vnixerunt Absalom in Regem super Israel; quemadmodum obiter exprimitur 2. Reg. cap. 19. vers. 10. Vidisses ad primas proclamantium voces, illicò cursores ad hoc præparatos, circumquaque ad vrbes singulis assignatas aduolare, & eos qui in vrbibus aduentum ipsorum sedulò præstolabantur, vix eisdem de longè agnitis, protinus (vt in mandatis acceperant) buccinis concnecare, conclamare; ac magnis crebrisque replere omnia vocibus: Regnat Absalom in Hebron; Dispereat Dauid, Viuat Rex Absalom, & huiusmodi. Quibus auditis, continenter cœperunt in singulis vrbibus omnia commoueri, consurgere omnes, & exire confestim de domibus suis, circumcursare per vias & plateas, inquirere, interrogare obuios, quidnam hoc esset; & audire alios Dauidi temerè procaciterque detrahentes, alios miris Absalom laudibus extollentes, ac beatos prædicantes populos, quibus tam gratiofo ac munifico Regi inservire cælitus datum esset. Denique certatim plurimos, præsertim nobiliores, accurrere Hebronem versus, vt primi nouum consalutarent Regem, & eidem sese ad omnia paratos vitro offerrent.

5. Interea audiens Dauid, quòd vniuersus Israel toto corde promptisque animis sequebatur Absalom; & prudenter aduertens, se tunc non posse impetum noui Regis sustinere; & nihil dubitans de pessima filij intentione, qui nec patri, nec ciuitati pro se insurgenti parceret: operæpretium duxit, nimis pro tunc aduersariorum viribus cedere, & exire cum suis de Ierusalem, ac sese suosque in tuto ponere, donec quid magis conduceret ac factò opus esset, consilio atque oratione indagaret. Itaque relictis ad regis custodiam decem concubitis, ipse Rex pedes egressus est cum omni domo sua. Porro legiones Cerethi & Phelethi, ac sexcenti viri Gethæi pugnatore validi (nimirum qui olim Dauidem Saulis persecutionem declinantem secuti fuerant in Geth) pedes præcedebant Regem; qui, cum relictà ciuitate peruenisset ad torrentem Cedron non procul ab ea existentem, substitit, expectans qui se turmatim sequebantur, vt eos recognosceret ac videret, sciretque quos ad sui sequelam admittere, remittere expediret. Cum verò inter alios vidisset præcipuū quemdam Philisthæum, nomine Ethai, qui paulò antè de Geth venerat in Ierusalem ad visendum Regem, quem valde diligebat, & à quo pariter admodum diligebatur; rogauit eum Rex vt rediret cum suis: quo non acquiescente, sed & iureiurando affirmante, se velle siue in vita, siue in morte, esse cum Rege domino suo; permisit eum ire cum ceteris, & transire torrentem. Videns deinde Rex Sadoc & Abiathar Sacerdotes cum Leuitis portantibus Arcam fœderis Domini, iussit eos cum Arca redire in Ierusalem; & vt postea per filios suos Achimas & Ionathan, certiorum se facerent de his quæ ibidem agerentur: ipse verò Rex eo modo quo dictum est, cum populo suo, persecutus est iter suum ad campeftria deserti: & vt audiuit, quòd Achitophel quoque esset in coniuratione cum Absalom, precatus est Dominum vt infatuaret consilia eius, quæ prudentissima optimaque esse consueuerant. Cum autem ascenderet Dauid montem Oliueti, vt ibi adoraret Dominum, recolens (vt arbitror) intra se, quàm grauiter iamdudum in Vriam peccasset, Deumque offensisset, & quæ sibi ex tunc prædixerat Nathan Propheta, ac proinde meritò se præsentia mala pati probè intelligens, cœpit nudis pedibus & operto capite ambulare, atque humiliter non tam propriam calamitatem, quàm culpam qua illam commouerat, deplorare; vt his quoque publicis pœnitentiæ actibus Deum sibi aliquo modo placatum redderet, & ad temperandam (vt erga verè pœnitentes assolet) iustam miserationibus suis vindictam prouocaret. Sed & omnis populus qui cum Rege erat, ipsum imitatus, pariter operto capite ascendebat plorans. Cum verò ei Chusai Arachites scissa veste, & puluere conspersus caput (hoc enim tunc temporis magnè signum erat mortis) occurrisset, hunc se sequi volentem precatus est Rex, vt magis iret in Ierusalem, & simulans se partium Absalomi studiosum, dissiparet consilia Achitophelis. ex quo infertur, quòd iste quoque Chusai, vir magni esset consilij. Non multò post apparuit Siba seruus Miphiboseth cum comœatu, accusauitque dominum suum Regi, à quo obtinuit, pro remuneratione, omnia quæ fuerant dicti Miphiboseth. Vbi verò peruenit Rex vsque Bahurim; ecce Semei, vir de cognatione Saulis, inde egressus, & per montis iugum gradiens, demittebat lapides ac terram contra Regem seruosque eius, per viam quæ humilior erat incedentes; maledicebatque Regi maledictione pessima: quamobrem voluit eum Abisai interficere; sed prohibuit eum Dauid, illo vsus argu-

mento, quòd si ipse à proprio filio ad mortem tunc quærebatur, multò tolerabilius maledicta ab extraneo sibi sustinenda erant. Denique, ut ventum est ad campestria deserti, præ itineris labore animique afflictione, lassus Rex cum populo suo ibidem refocillatus est: 2. Regum cap. 15. vers. 7. vsque ad vers. 24. capituli 17. Ceterum in hac sua à facie Absalom fugam, cecinit David Domino Psalmum 3. *Domine quid multiplicati sunt qui tribulant me*, &c. & Psalmum 142. *Domine exaudi orationem meam, auribus percipe obsecrationem meam*, &c. ut patet ex titulis. & Psalmum 30. *In te Domine speravi*, &c. ut placet Theodoro & Euthymio in eorum eiusdem Psalmi expositionibus. Credidit item Iansenius, ipsum Dauidem hoc eodem tempore plures quoque alios composuisse Psalmos, nimirum 38. *Dixi: Custodiam vias meas, ut non delinquam in lingua mea*, &c. & 39. *Expectans expectavi Dominum*, &c. & 40. *Beatus qui intelligit super egenum & pauperem*, &c. & 41. *Quemadmodum desiderat cervus ad fontes aquarum*, &c. & 42. *Iudica me Deus, & discerne causam meam*, &c. & 54. *Exaudi Deus orationem meam, & ne despexeris*, &c. & 83. *Quam dilecta tabernacula tua Domine*, &c. Nec desunt qui probabiliter putant, Dauidem hoc quoque tempore composuisse cecinisseque Psalmum 37. cuius initium est: *Domine ne in furore tuo arguas me*, &c.

ABSA-
LOM
VENIT
IN
IERUSALEM
CVMLAFFI-
TIA EXCE-
PTVS.
CHVSALIN-
TER ABSA-
LOM CON-
SVLTORES
COOPTATVR

ABSA-
LOM
CVR IN-
GRESSVSAD
CONCVB-
NASPATRIS

CHVSAL
REPROBAT
CONSILIVM
ACHITO-
PHELIS.

6. Interea Absalom cum omni populo qui sequebatur eum, venit in Ierusalem; ad quem consulendum omnibus concurrentibus, venit etiam Chusai, & à nouo Rege interrogatus, cur pristinum Regem dereliquisset, simulatè respondit, se velle obedire ei, quem elegit Dominus & vniuersus populus: quibus verbis, Deo sic permittente, tantam Absalom adhibuit fidem, ut ipsum Chusai non solum inter suos statim admisit, verum etiam eundem inter primarios belli contra Dauidem gerendi consultores delegerit, quemadmodum ex mox dicendis apparebit. Expletis deinde salutationibus, faustisque populi acclamationibus quibus in vrbe exceptus fuerat, Absalom de consilio Achitophelis, ut omnibus palam faceret auersionem, quam aduersus patrem suum gerebat in pectore, & cunctos sectatores suos certiores redderet, quòd ipse deinceps numquam cum patre suo foret reconciliandus, & propterea illi fiducialius sibi arctiusque adhererent; (alioqui enim satis probabiliter vereri potuissent, ne aliquando rebus inter patrem & filium compositis, ipsi desertionis suæ pœnas luerent) ut, inquam, Absalom graui hac suos cura solueret, iussit tendi in domate regie tabernaculum, & in eo palam ingredi ad concubinas Davidis, ac paternum scædare thorum non erubuit. Ecce ad quæ indigna committenda deueniunt, qui ut suas expleant voluntates, debitam patri obedientiam obseruantiamque violare audent. Gessit autem hæc Absalom iniquitas patri ad castigationem adulterij, quod commiserat cum Bethsabee vxore Vriæ, quemadmodum prædixerat ei Dominus per Nathan Prophetam, 2. Reg. cap. 12. vers. 11. illis verbis: *Ecce ego suscitabo super te malum de domo tua, & tollam uxores tuas in oculis tuis, & dabo proximo tuo, & dormiet cum vxoribus tuis in oculis Solis huius. Tu enim fecisti absconditè, ego autem faciam verbum istud in conspectu omnis Israel, & in conspectu Solis.* Post hæc Absalom consuluit Achitophalem, quid factò opus esset pro regni rebus firmè stabiliendis; cui consilium è re ipsius Absalom optimum dedit, nimirum, ut belli ducem cum duodecim millibus electis ex Israel iuberet quantocyus persequi Dauidem suosque, donec pauci erant, & antequam vires colligerent, facile enim esse nunc omnes perimere aut comprehendere, utpote iam itineris labore admodum fessos, & animorum nimia afflictione deiectos. Sed Deus, qui suos interdum licet castiget, non tamen deserit, Davidis oratione exaudita dissipauit consilium Achitophelis, continuo suggerens ipsi Absalom, ut super hac quoque re interrogaret Chusai Arachitem; qui diuersis rationibus oppositum suasisit, dicens, Notissimum esse omnibus, Dauidem & qui cum eo erant, viros esse valde robustos, & in re bellica apprime versatos; quin etiam nunc, amissione bonorum, amaro admodum animò reperiri, quòd si se in super insequi, & pro vita quoque dimicandum fore perspexerint, proculdubio euasuros desperatione multò fortiores: non expedire nouo Regi rem in discrimen ponere; ne si quid fortè aduersi acciderit, frangantur corda Israëlitarum, atque ad pristini Regis partes paulatim defluere incipiant. Itaque multò consultius videri cautiùs agere, & ad rem certam proficisci; quod utique, inquit, fiet, si Rex Absalom, congregato ad se vniuerso Israël, ipsemet cum eo prodierit ad inquirendum Dauidem: sic enim vbiicumque fuerit, viuus aut mortuus, certissimè comprehendi poterit, & regnum in summa pace constitui. Hæc fuit sententia Chusai; quæ quia magis placuit

placuit Absalom ac senioribus Israel, indignatus Achitophel (cuius consilia hæcenus haberi consueverant tamquam consilia Dei) & prudenter prævidens, Dauidem, si res differatur, regnum suum facile recuperaturum, ac se, tamquam præcipuum hostium suorum consultorem, interempturum, de propria salute desperans, abiit in domum suam; ubi dispositis quæ ad eam pertinerent, vltro vitam suspensio finivit, & in sepulchrum patrum suorum condi voluit. Chusai verò, iuxta placitum Davidis, clam de cõsiliis datis edocuit Sadoc & Abiathar Sacerdotes, qui confestim per filios suos Achimaas & Ionathan in suburbiiis secretò expectantes, Dauidem moneri curarunt, vt eadem nocte ipse suique transirent Iordanem; qui protinus amne transmissio, cum venissent in vrhem vocabulo Mahanaim, quod interpretatur Castra, (sic enim olim à Iacob nuncupatus fuerat locus ille, vt traditur Gen. cap. 32. vers. 2.) venerunt ad Dauidem tres amici eius, nempe Sobi filius Naas quondam Regis Ammonitarum, & Machir, qui aliàs educauerat in domo sua Miphiboseph filium Ionathæ filij Saulis, vt dicitur 2. Reg. cap. 9. vers. 4. & Berzellai Galaadites, de quo num. proximo dicemus. Isti cum essent valde diuites, & amici Davidis, attulerunt ei & exercitui eius vtensilia, & ad victum pertinentia. Interim verò Absalom, iuxta consilium quod dederat Chusai, congregato omni Israël, & Amasa generali militiæ Principe constituto, properabat copias ducere trans Iordanem, vt pugnaret cum Dauid; qui confestim instructo exercitu suo, diuisit illum in tres partes, quarum vnam dedit sub manu Ioab, alteram tradidit Abisai, & tertiam Ethai Gerhæo; volebatque Dauid egredi cum eis, & ire obuiam Absalom; sed populo reluctante, acquieuit voluntati eius; mansitque iuxta portam vrbis, præcipient audiente populo Ducibus suis, vt seruarent puerum Absalom, quem sciebat tunc quidem Deo mortuum esse; sperabat autem, si seruaretur, posse ad Dei gratiam reduci. Igitur exercitibus sibi inuicem appropiantibus, commissum est prælium in saltu Ephraim; qui saltus cum esset trans Iordanem, non poterat ad sortem Ephraim pertinere; sed fortè ob aliquid notabile ibidem aliàs ab ea tribu perpetratum, communiter sic denominabatur. Sanè in eo conflictu cæsus est Israel ab exercitu Davidis; Absalom verò, cum casu quodam de quercu pendere visus fuisset, tribus lanceis à Ioab confossus, occubuit; & qui dum viueret, insigne sibi in valle Regis, ab Ierusalem duobus stadiis distans, monumentum crexerat, quod Manus Absalom vocari voluerat; misserrimè in foueam saltus, ubi ceciderat deiectus, acervus lapidum desuper congesto, sepelitur. Quo mortuo, Ioab dato receptus signo, cohibuit Davidis exercitum, ne fugietem Israëlè amplius persequeretur. Dauid autem, vt audiuit cecidisse filium suum Absalom, ad eò inconsolabiliter lugere cœpit eius mortem, non tam corporalem, quemadmodum putabat Ioab, quam spiritualem; vt vix tandem ab eodem Ioab acrioribus potuerit increpationibus à luctu reuocari. Surrexit tamen, & dolore dissimulato, sedens in porta vrbis, excepit exercitum de parta victoria latum ad se redeuntem: 2. Reg. cap. 17. vers. 24. vsque ad vers. 9. capitis 19.

ACHITOPHEL LA-
QVÆ SE
SVSPENDIT

CHVSAT DE
CONSILIIS
NOVI RE-
GIS CLAM
DAVIDEM
CV RAT E-
DOCERI.

ABSALOM
DE LLVM
PARAT AD-
VERSVS PA-
TREM.

ISRAEL AB
EXERCITU
DAVIDIS
CAEDITVR.

ABSALOM
NICATVR.

DAVID LV-
GET FILIVM
ABSALOM.

VERBA PO-
PVLI DE
REDVCIN-
DO REGE.

VNDECIM
TRIBVVM
LEGATIO
AD REGEM.
CVR TRIBVS
IVDA, ET
PRÆCIPVÆ
AMASA, NO-
VISSIMI
LEGATOS
MISERINT
REF.

7. Non multò postquam à seruis David percussus fugatusque est Israel in tabernacula sua, exortum est murmur magnum in populo, & contentio in cunctis tribubus Israel, de reducendo Rege. Dicebant enim multi, & præsertim qui inter ceteros magis cordati habebantur: Rex liberauit nos de manu inimicorum nostrorum, ac præcipuè Philistinorum, qui tributis & exactionibus nos opprimebant; nos autem propter Absalom coëgitimus eum fugere, reddentes ei mala pro bonis: nunc ergo quid faciemus? Absalom mortuus est; & in toto Israëlè alius Dauidi similis non est, quem Regem facere possumus; cur non magis Regem nostrum naturalem, nobis à Deo datum, ad nos reducere curamus? quid cunctamur: an nescimus, quòd si vltro nos ei subdere non renuerimus, ipse qui mitissimus est, gratiose suscipiet nos; sin autem, fortissimus est, & potens inuitos quoque sibi subiugare? si enim, Deo iustam eius causam fouente, nunc aduersus numerosissimum exercitum profugus & cum paucis præualuit, quanto magis ac facilius ruptos ac fugatos, & sine Rege, poterit in omnem sui potestatem vel inuitos redigere? His & huiusmodi rationibus cõiecta vndecim tribus Israel, Iudæis dumtaxat exceptis, miserunt qui dicerent Regi, se paratos esse obedire ei sicut prius, & deducere ipsum in regiam. Placuit id valde Regi; sed tantumdem ei displicuit, quòd Iudæi qui priores esse debuerant, adhuc neminem misissent. Itaque, ratus eos magis timere, operæpretium duxit eosdem anteuertere, mandans Sadoc & Abiathar Sacerdotibus, qui erant in Ierusalem, vt communem ceterarum tribuum deliberationem notam facerent senioribus Iudæ, & dicerent eis: *Quare nouissimi reductis Regem?* & insuper Amasæ suggererent, quòd eum Rex diligeret, & cogitaret militiæ suæ Magistrum fa-

VENIENTI
REGI OM-
NES CERTA-
TIM OB-
VIARE PRO-
PERANT.
SEMEI VE-
NIAM IM-
PETRAT.

SIBA ET
MIPHIO-
SETH DIVI-
DUNT IN-
TER SE
PEREDIA
SAVLIS.
BERZELLAI
INTIMVS
REGIS AMI-
CVS.

DE CON-
TENTIONE
INTER IV-
DAEOS ET
ISRAELITAS
EXORTA.
SEBA AVER-
TIT ISRAE-
LEM A DA-
VIDE.

DAVID, VT
VENIT IN
REGIAM,
SEPARAT A
SE CONCV-
PINAS.
PRO IOABO
CONSTI-
TVIT AMA-
SAM MILI-
TIAE SVAE
PRINCI-
PEM.

CONVOCAT
EXERCIT-
VVM AD-
VERSVS SE-
BA PER-
DVELLEM.

IOAB IN-
VIDIA A-
CTVS OCCI-
DIT AMA-
SAM.

OCCISO SE-
BA CESSAT
SEDITIO.
IOAB DE-
NVO CON-
STITVITVR
MILITIAE
PRINCIPS.

cere: quibus auditis, qui prius se Regi magis exosum putauerat, ac propterea hæsitabat quid consilij caperet, deinceps festinauit inclinare corda filiorum Iuda, vt & ipsi mitterent legationem Regi. quod non solum confestim factum est; sed vt primum audierunt Regem precibus ipsorum annuisse, primi vnanimiter occurrerunt ei vsq; ad Galgala, interim namque Rex cum suis recesserat de Mahanaim, & veniebat ad Iordanem. Porro venienti Regi plures certatim obuiam properabant; inter quos Semei, qui eidem fugienti maledixerat, primus cum mille viris de tribu Benjamin transgressus Iordanem, ac prostratus coram Rege, suppliciter veniam petit, & Abisai licet reclamante, obtinuit. Item Siba, qui Regi dum fugeret cibaria subministrauerat, & accusato domino suo Miphiboseth, omnes eius possessiones impetrauerat; nunc cum omni domo sua venerat, vt famularetur Regi & seruis eius in transitu Iordanis. Sed & ipse Miphiboseth, quem cum Rex interrogasset, ac pro se dicentem audisset, præcepit vt cum Siba seruo suo bona diuideret. Venit quoque Berzellai Galaadites, intimus Regis amicus, qui traduxit cum eo Iordanem, paratus etiam vltra profectui; verumtamen Rex, ne grauaret amicum suum ætate iam ingrauescentem, (erat enim octogenarius), eum demum osculatus remisit in pace, duxitque pro eo secum Chamaam filium eius. Vt ergo venit Rex in Galgala, & ab omni tribu Iuda, ac media tantum parte ceterarum tribuum, (reliqua enim nondum aduenerat) honorifice susceptus est; ecce, super præuentione deducendi eum in Ierusalem, contentio non leuis oboritur inter Iudæos & Israëlitas; eaque in tantum processit, vt Israëlita relicto David Rege, secuti sint virum belial de tribu Benjamin, nomine Seba, qui duriora virorum Iudæ responsa non ferens, dato buccina recessus signo, seditiosè admodum auocauit Israëlitas a Rege suo, quem tunc sola tribus Iuda perduxit in Ierusalem: 2. Reg. cap. 19. v. 9. vsq; ad vers. 3. capitis 20.

8. Vt autem venit David in regiam suam, separauit a se decem illas concubinas quas cœdauerat Absalom, constituitque eis alimenta, vt possent viuere tamquam in viduitate, vsque ad diem mortis suæ. Deinde ablato militiæ principatu a Ioab, eò quod occidisset Absalom, dedit illum Amasæ; quod licet in Sacro textu expressum non sit, colligitur tamen ex iuramento quod fecit David 2. Reg. cap. 19. v. 13. illis verbis: *Et Amasæ dicite: Nōne os meum, & caro mea es? Hac faciat mihi Deus, & hac addat, si non Magister militiæ fueris coram me omni tempore pro Ioab.* Et item quia postea, vt dicemus, mandauit ipsi Amasæ vt congregaret exercitum, quod proprium militiæ Principis officium est. Sed & hoc idem quoque confirmari potest ex illa sublatione sociorum Ioab, iuxta cadauer ipsius Amasæ dicentium: *Ecce qui esse voluit pro Ioab comes David:* 2. Reg. cap. 20. vers. 11. Et denique 3. Reg. cap. 2. vers. 5. & 32. vbi memoratur occisio Amasæ, etiam additur, quod erat Princeps exercitus. Post vnum verò saltem (vt paulò inferius apparebit) mensem, ex quo Rex venerat in Ierusalem, & ratus sine bello posse ad se Israëlitas reducere, iam exercitum dimiserat, videns rem ad vota non cedere, & Sebam obstinatius fouere seditionem quam excitauerat; & viribus iam, non verbis, ad eam sedandam opus esse, idque quantocyus, antequam malum magis excreceret; accito Amasa Principe militiæ, præcepit ei vt conuocaret ad se in diem tertium omnes bellatores Iuda. Cum autem ad præstitutum diem non rediisset Amasa, audissetque Rex Sebam iam peragrasse ac transisse per omnes tribus Israel, (quod non minus, vt dictum est, vnius mensis intervallo fieri potuisse videtur) & electos quosque ad se congregasse, & maiora indies pro Regni diuisione moliri; dixit ad Abisai: Vereor ne nos Seba magis affligat, quam fecerit Absalom, si non ei maturius occurratur; & Amasa adhuc cum exercitu non comparet: quamobrem sume tibi legiones Cerethi & Phelethi, & bellatores quoscumque ad manum habere poteris, & festina ad persequendum Seba. Confestim ergo egressus est Abisai, & cum eo frater eius Ioab, & viri eius, & omnes robusti bellatores qui reperti sunt in Ierusalem. Quibus cum occurrisset in Gabaa Amasa rediens ad Regem, Ioab qui ferre non poterat, quod sibi ille abstulisset militiæ principatum, inuidiæ stimulis actus, dolosè eum salutans, & deosculari simulans, inaduertertem gladio impigrè perfodit; & mortuum ibidem relinquens, profectus est cum Abisai fratre persequens Seba: quem tandem conclusum in quadam vrbe, cui nomen erat Abela, eadem munitionibus circumdatam oppugnare cœperunt. Adnitentibus autem quadam die viris Ioab destruere murum, mulier quædam valde prudens, verita ciuitatis ruinam, vocato prius & sermone habito cum ipso Ioab, suasisit ciuibz suis, vt pro bono patriæ traderent ei caput Sebæ: quo facto, statim soluta est obsidio, & sublato eius auctore, postea cessauit seditio. Ioab verò cum capite Sebæ reuersus ad Regem, ab eodem denuò constitutus est super exercitum.

Banaias autem erat super Cerethi & Phelethi, & Aduram præfectus tributis, & Iosaphat à Commentariis, Siua verò Scriba, Sadoc autem & Abiathar principes Sacerdotum, & Ira Iairites particularis Sacerdos Davidis: 2. Reg. cap. 20. vers. 3. vsque ad finem. Ceterum per hæc circiter tempora creditur David composuisse Psal. 96. cuius initium est: *Dominus regnavit, exultet terra, letentur insulae multae*, &c. ut colligi potest ex titulo, qui habet: *Quando terra eius restituta est.*

PRIMARI
REGIS OF
FICIALES.

AB ORBE CONDITO
ANNVS 3006.

QVARTAE MVNDI AETAT.
ANNVS 463.

ANNO (vt arbitror) proximo, qui erat regni Davidis vigesimus septimus, facta est fames in terra Israel tribus annis continuis, quemadmodum expressè traditur 2. Reg. cap. 21. vers. 1. ubi licet non notetur particulare tempus quo cœperit ista fames; nihilominus quia Iosephus 7. Antiq. cap. 10. circa medium, & alij ipsum secuti tenent, eam post hæcenus prænarrata, & ante quattuor bella quæ mox dicemus contra Philisthæos fuisse gesta, accidisse; probabiliter quoque credere possumus, eandem famem hoc circiter anno inchoante cœpisse.

DE FAME
TRIVMAN-
NORVM IN
ISRAEL.

AB ORBE CONDITO
ANNVS 3007.

QVARTAE MVNDI AETAT.
ANNVS 464.

SUB finem anni proximi, qui erat dictæ famis secundus, & regni Davidis vigesimus octauus, videns Rex quod fames diutius perduraret, indesque magis ac magis regnum suum premeret, consulto Domino, intellexit eam euenisse ob peccatum Saulis, qui dum regnaret, zelo quodam inordinato leuibus de causis occidere solebat Gabaonitas; sensim volens eos penitus delere, eod quod essent de genere Chanaanorum; & hoc contra expressum iusiurandum eis olim præstitum à Iosue & Principibus Israel, ut patet Iosue cap. 9. vers. 15. Vocatis igitur Rex Gabaonitis, petiit quid pro delicti huius expiatione exoluendum esset: quibus respondentibus Regi, non opus esse vlla argenti aurive oblatione, sed oportere sobolem viri, qui eos inique oppresserat, profusus de medio tollere; sic enim iratum Deum, & non aliter, Israël placatum iri: dedit eis David duos filios, Armoni & Miphiboseth, quos genuerat Sauli Respha concubina eius; & alios quinque, quos Hadrieli filio Berzellai viro suo genuerat quidem filia Saulis nomine Merob, sed eos postea foror eius Michol adoptauerat sibi in filios, eod quod naturales nullos haberet. Ita tradunt super cap. Reg. proximè citando Glossa ordinaria, Lyranus, Hugo Cardinalis, Carthusianus, & Abulensis quaest. 29. & Auctor Historiæ Scholasticæ 2. Reg. cap. 20. Porro Rabbi Salomon (ut ibidem refert Lyranus) putat memoratos duos Resphæ filios, Armoni & Miphiboseth, idèd speciatim fuisse propriis nominibus recensitos, quia ipsi (inquit) cum essent adhuc pueri, simul cum Dôg Idumæo, iubente Saule, interfecerant Sacerdotes Domini in Nobè tunc habitantes; & postea etiam occidere solebant Gabaonitas. Quam opinionem sequuntur omnes quoque, proximè citati Auctores, præter vnum Abulensem, qui quaest. 22. quod attinet ad filios Resphæ, in oppositam magis videtur inclinare sententiam. Nos verò allegati Rabbini dictum sine vlla probatione prolatum neque facillè recipere, neque omnino reiicere audemus, propter auctoritatè Catholicorum Doctorum, qui in hoc ipsum sine vlla hæsitacione sequuntur. Nam quod spectat ad alios quinque filios Merob, certum putamus, ipsos memoratæ Sacerdotum occisionis tempore vix fuisse natos, nedum ad tale facinus parandum idoneos: siquidem ab eo tempore quo Merob viro suo Hadrieli tradita fuerat, vsque ad dictos Sacerdotes interemptos, duo tantum circiter anni inueniuntur, quemadmodum ex sub annis mundi 2972. num. 1. & 2974. num. 8. dictis manifestè colligi potest. Pepercit autem David Miphiboseth filio Ionathæ filij Saulis, & posteritati eius, propter scdus antea ictum, pluriesque confirmatum inter ipsum Davidem & dictum Ionathan. Et hæc omnia descripta inuenies 2. Regum cap. 21. vers. 1. vsque ad 10.

QVIA A-
CTVM SIT A
REGE PRO
TOLLENDA
FAME.

AB ORBE CONDITO
ANNVS 3008.

QVARTAE MVNDI AETAT.
ANNVS 465.

ANNO proximo (ut proximè apparebit) inchoante, Gabaonitæ acceptos à Rege septem Saulis posteros crucifixerunt in monte proximo vrbi Gabaa, quæ fuerat patria ipsius Saul; & hoc factum fuit tempore messis hordeaceæ inchoan-

POSTERI
SAVLIS SVS
PENSI MA-
NENT IN
PATIBVLIS
DONEC DAT
DOMINVS
PLVVIAM.

MATERNVM
PIETATIS
EXEMPLVM
SINGVLARE

DAVID IV-
BETSEPELI-
ROSSA SAV-
LIS ET PO-
STERORVM
EIVS IN SE-
PVLCRO
CIS PATRIS
EORVM.

DE QVAT-
TYOR BEL-
LIS CONTRA
PHILIS-
THAEOS A
DAVIDE
GESTIS.

te, hoc est circa Anni sacri initia; eorumque cadauera ibidem in patibulis suspensa reliquerunt, donec complacuit Domino pluuiam de cælo dare (quod quidam putant, non nisi septimo post mense circiter incipiente euenisse) ad irrigandas ac fecundandas sequentis anni fruges. Vnde infertur, famem illam ex pluuiæ defectu, tamquam ex causa proxima, prouenisse. Interim verò Respha mater, substrato sibi pro culcitra cilicino crassoque panno, supra petram patibulis proximam mansit, custodiens occisorum corpora, ne à volucris per diem, & à feris per noctem dilaniarentur. rarum profectò ac mirandum pietatis exemplum. Vt primum autem plueri cœpit, intelligens David iam placatum esse Dominum, inuit asportari ossa Saulis ac Ionathæ de loco in quo aliàs à viris labe Galaad sepulta fuerant, & simul cum prædictorum septem cadaueribus condi in sepulchro Cis patris eorum, quod erat in terra Beniamin: 2. Reg. cap. 21. vers. 1. vsque ad 15. Igitur sub finem huius anni, ob frugum proximè colligendarum vbertatem, cessare cœpit prædicta fames.

2. Quoniam autem loco Reg. proximè adducto subiunguntur quattuor bella contra Philisthæos deinceps successiuè gesta, quæ etiam (primo dumtaxat excepto) replicata habentur 1. Paralip. cap. 20. vsque ad finem capituli: licet multi ex sacris Expositioribus putent, intentionem sacræ Scripturæ locis citatis esse, simul repetere omnia bella quæ gesserat David contra gigantes, illaque non post prædictam famem, sed multò ante fuisse confecta; eo præsertim ducti argumento, quòd in tertio bello fiat mentio occisionis Goliath, quam temporibus Saulis accidisse certum est: & propterea exponunt illa verba quæ habentur 2. Reg. cap. 21. vers. 19. videlicet, *In quo* (nimirum bello) *percutit Adeodatus filius Saltus polymitaris Bethleemites Goliath Gertheum*. exponunt, inquam, per Adeodatum intelligi debere Dauidem, quia à Deo datus fuerat Israel, vt liberaret ipsum ab inimicis eius; & addunt, eundem, quem confatus fuisse Bethleemitem, vocari etiam filium Saltus, eò quòd educatus esset in pascuis, quæ haberi solebant in saltibus; dicique polymitarium, quòd mater eius fuerit de prosapia Beseleel, qui olim fecerat cortinas Tabernaculi vestesque Sacerdotales opere polymitario, quemadmodum traditur Exod. cap. 28. Attamen his non obstantibus, magis placet opinio eorum, qui tenent, memorata quattuor bella post prædictam famem accidisse; quia Iosephus 7. Antiq. cap. 10. eadem collocat inter præfatam famem & dinumerationem populi Dauide iubente factam, & eodem loco atque ordine ponuntur in capite 2. Reg. proximè allegato, & ibidem Abulensis quæst. 39. dicit, magis conuenire Textui sacro positionem Iosephi, quàm aliorum, & super loco 1. Paralip. citato, quæst. 16. 19. 20. & 21. multis probat argumentis, eadem bella conuenientiùs poni debere post prædictam famem; quòd etiam indicant illa verba Sacri textus: *Factum est autem rursum prælum Philistinorum*, &c. illud enim *rursum* proculdubio denotat ordinem ad prænarata consequentem, & est ac si dixisset: Post hæc initum est bellum, &c. quemadmodum legimus 1. Paralip. cap. 20. vers. 4. vbi, quamuis inter subactos à Dauide Ammonitas & prædicta prælia aduersus Philisthæos multa prætermissa sint, quæ ordinatè descripta erant 2. Reg. cap. 11. vsque ad 22. nempe adulterium Davidis, natiuitas Salomonis, incestus Thamar, Ammonis occisio, exilium Absalom, eiusdem reconciliatio, ac bellum quod postea intulit patri, & denique fames, quæ accidit, posteaquam occiso Absalom Dauid restitutus fuit regno: nihilominus loco Paralip. citato expressè traditur, memorata bella cum Palæstinis accidisse post domitos Ammonitas; quòd maximè aduersatur contrariæ opinioni, quæ (vt dictum est) tenet, tertium bellum temporibus Saulis gestum fuisse. Videmus item, quòd tam 2. Reg. quàm 1. Paralip. post prædictorum bellorum descriptionem ponitur dinumeratio populi, tamquam non multò post facta; ex quo etiam inferri potest, eadem bella non ante interitum memorati Absalom, & memoratam famem, sed post accidisse.

RESPONSIO
AD OPPOSITA.

3. Nec obstant in contrarium adducta; quia intentio Scripturæ sacræ locis citatis est, describere bella facta cum gigantibus, non antequam regnaret David in Israel, nec intra priores regni eius annos, sed posteriores, nimirum quando iam senescere incipiebat, vt colligitur Doctores ex eo, quòd in proximo ex hisce quattuor bellis describitur, videlicet, quòd deficiente Dauide percussisset eum vnus gigas, nisi ipsum adiuuisset Abisai, & propterea iurarunt tunc serui eius, non permitturos eum amplius exire cum ipsis ad prælium; ne, inquiunt, *extinguas lucernam Israel*. ex quo factò satis insinuatur, Dauidem tunc non solum fuisse Regem Israel, sed etiam præ senectute viribus deficere incipientem. Nec refert, quòd in tertio bello fiat mentio de occisione Goliath: siquidem iste Goliath non est idem cum eo, quem interfecit David antequam

quam regnaret; sed frater eius, vt expressè traditur 1.Paralip. cap.20.v.5.vbi in editione LXX. Interpretum insuper additur, quòd iste frater Goliath Gethai, appellabatur Lachmi, quod erat nomen eius proprium; nuncupatur autem 2.Reg. & ipse Goliath, quoniam, vt benè notat Abulensis super 1.Paralip.cap.20. qu.20.iste Lachmi erat parvulus, quando frater eius Goliath à Davide occisus fuerat; deinde verò, siue ad renovandam memoriam fratris, siue quia cum crevisset, viderent eum esse eiusdem proceritatis ac fortitudinis, ac quodammodò per omnia similem fratri iam defuncto, quandoquidem & ipse gestabat hastam, cuius hastile erat magnitudinis ferè liciatorij textentium, quemadmodum utrobique in Sacro textu traditur, propterea ipsum quoque ex fratris sui nomine, Goliath appellarunt: & sic iste Goliath valdè differt à illo. Praterèa neque concedendum est, quòd istum Lachmi, qui etiam dicebatur Goliath, occiderit ipse David, sed vnus ex viris eius fortissimis, qui duplici nomine appellabatur; nam Iosephus vbi suprà, vocat eum Nephanum, & dicit fuisse cognatum, id est de cognatione Davidis (erat enim & ipse Bethleemites) Scriptura autem sacra tam 2.Reg. quàm 1.Paralip. in editione Vulgata appellat eum Latine Adeodatum; in ea verò quæ est LXX. Interpretum, Eleanam, quod Hebraicè idem significat; & iste reverà erat polymitarius, hoc est, callebat artem polymiticam, videlicet conficiendi pannos diversis coloribus variatos; fuitque filius cuiusdam viri qui dicebatur Saltus: vnde patet diversitas tum occisi, tum eius qui occidit: Nam quod aiunt alterius opinionis sectatores, per Adeodatum Bethleemitem polymitarium filium Saltus, debere intelligi Davidem, gratis dictum videtur, quahdoquidem numquam huiusmodi nominibus Davidem aliàs significatum fuisse inuenimus, neque probare possunt, quòd mater eius fuerit de prosapia Beseleel; neque vlla ratio adduci potest, cur Scriptura sacra, quem hactenus Davidem Regem Israel appellare consuevit, tunc tantum virum nominibus etiam indignis nuncupandum censuerit. Cum igitur conuincitur nullo modo possit, vllum ex hisce quattuor bellis gestum fuisse ante prædictam famem, & (vt sepè dictum est) non sit sine euidenti causà recedendum ab ipso Sacræ narrationis ordine; ipsum hîc omnino sequendum duximus. Et quoniam etiam conuenientius videretur arbitrari, eadem quattuor bella non vno eodemque anno, sed singula singulis annis sibi inuicem subsequenter gestis fuisse (non enim sine grandi exercitus & magno apparatu contra Regem adèd potentem Philisthæos prodire consuevisse, & posteaquam semel rupti profligatiq; essent, non citius quàm anno sequenti vires resumere potuisse, credendum est) propterea satis probabiliter credimus, eadem bella annis infrà notandis accidisse. Igitur

AB ORBE CONDITO QVARTÆ MVNDI ÆTAT.

ANNVS 3009.

ANNVS 466.

I ANNO regni Davidis circiter trigésimo, rursus Philisthæi mouerunt bellum contra Israel. In quo bello illud memorabile accidit, quòd David viribus iam præ labore ac senectâ deficientibus (erat enim iam sexagenarius) pænè à quodam gigante vocabulo Iesibenob occisus fuisset, nisi eidem præstò fuisset Abisai, qui & Regem illæsum seruauit, & Philisthæum interfecit; quo permoti periculo, iureiurando sese vltro obstrinxerunt serui Regis, ne deinceps ampliùs sinerent Regem cum ipsis in prælium exire: 2.Reg.cap.21.vers.15. vsque ad 18.

DAVID A
GIGANTE
OCCIDITUR.
RICLITA-
TVR.

AB ORBE CONDITO QVARTÆ MVNDI ÆTAT.

ANNVS 3010.

ANNVS 467.

I ANNO (vt arbitror) proximo initum est alterum bellum contra Philisthæos, in Gazer, vt dicitur 1.Paralip.cap.20.vers.4. siue in Gaza, vt ait Iosephus vbi suprà, siue in Gob, vt legimus 2.Reg.cap.21.vers.18. quæ nomina, licet diuersa, vnum eundemque locum denotare credenda sunt. Sanè in hoc bello nihil aliud memoria dignum accidisse describitur, nisi quòd vnus de seruis David, nomine Subochai Hufatites, hoc est, de quadam vrbe seu oppido nomine Hufati, percussit quemdam gigantem, qui dicebatur Saph, vel Saphai, de stirpe Arapha, & humiliavit Philisthæos. Si quæretur de Arapha, siue Rapha, vtrùm sit nomen viri, an mulieris; dicimus id certò sciri non posse: nam licet Abulensis super 2.Reg.cap.21. in fine, videatur supponere quòd sit nomen mulieris, & super 1.Paralip. cap.20. quæst.17. testetur Hebræos sic sensisse:

ALTERVM
BELLVM IN
QVO CECIDIT
SAPH
GIGAS.

fisse: attamen ibidem contradicit eorum opinioni, non solum in eo quod falsè crediderunt Arapham esse eandem cum Orpha, cuius fit mentio Ruth cap. 1. vers. 4. quia ibidem manifestè Scriptura sacra facit Orpham Moabitidem; Arapha autem locis Reg. & Paralip. citatis, dicitur fuisse de Geth, quæ erat vrbs Philisthinorum. Verum etiam subdit Abulensis, Arapham viri potius nomen fuisse, quàm mulieris, quia, inquit, progenies magis denominantur per lineam virorum, quàm mulierum. Quidquid sit, certum est, de Arapha siue Rapha prodiisse quattuor illos gigantes à seruis Dauid occisos, vt patet locis Reg. & Paralip. allegatis.

AB ORBE CONDITO

ANNVS 3011.

QVARTÆ MVNDI ÆTAT.

ANNVS 468.

TERTIUM
BELLVM, IN
QVO OCCI-
SVS FVIT
LACHMI
GIGAS.

ANNO insequenti, vt credimus, qui erat regni Dauidis trigessimus secundus, factum est tertium prælium contra Philisthæos in Gob, vt dicitur 1. Paralip. cap. 20. vers. 6. & 2. Reg. cap. 21. vers. 19. atque in eo prælio magnam tulit laudem quidam de viris fortissimis Dauid, vocabulo Eleanan, quod Latine interpretatur Adeodatus, qui erat polymitarius, filius viri nomine Saltus, de Bethleem, & vt ait Iosephus 7. Antiq. cap. 10. etiam dicebatur Nephanus, eratque de cognatione Dauidis: siquidem iste Adeodatus occidit alium gigantem, cuius proprium nomen fuit Lachmi, communiter autem dicebatur Goliath, eò quod esset simul & frater, & quodammodò heres proceritatis ac fortitudinis illius Goliath, contra quem Saule regnante Dauid adhuc adolescens præualuerat in lapide & funda, quemadmodum describitur 1. Reg. cap. 17. Porro memoratum bellum breuiter tangitur 2. Reg. cap. 21. vers. 19. & 1. Paralip. cap. 20. vers. 5.

AB ORBE CONDITO

ANNVS 3012.

QVARTÆ MVNDI ÆTAT.

ANNVS 469.

QVARTVM
BELLVM, IN
QVO PER-
CVSSVS EST
ALIVS GI-
GAS, FRA-
TER TRIVM-
PRIORVM.

ANNO regni Dauidis trigesimo tertio, vt ex suprà dictis deduci potest, accidit aliud bellum in Geth, quod ex prænotatis fuit quartum, contra Philisthæorum gigantes gestum. In quo quidem bello quartus gigas de stirpe Arapha, qui erat corpore admodum procerus, ac viribus valde robustus, senosque in vtraque manu, & totidem in vtroque pede digitos habebat, hoc est in summa, viginti quattuor; cum blasphemasset, hoc est maledixisset Israeli, percussus fuit à Jonathan nepote Dauidis, ex fratre Samaa: 2. Reg. cap. 21. vers. 20. & 1. Paralip. cap. 20. vers. 7. Et hoc fuit vltimum bellum, quod regnante Dauide gestum fuisse legimus. Quoniam autem diximus, postremum ex quattuor proximè memoratis bellis, in Geth, hoc est, iuxta ipsam Geth, fuisse gestum; & suprà sub anno mundi 2991. num. 2. dictum est, eandem vrbe, quæ erat Philisthinorum, à Dauide anno regni sui duodecimo fuisse captam: oportet hinc necessariò supponere, vel Philisthæos dictam ciuitatem postea recuperasse (de qua tamen re nihil in Sacris litteris, neque alibi reperimus scriptum) ac propterea Dauidem anno regni sui trigesimo tertio iterum eam inuadere tentasse, vel contra (quod magis reor) Philisthæos eo consilio tunc ibidem intulisse bellum Israeli, vt iam diu amissam vrbe recipere molirentur. Quod tamen non videntur consequi potuisse: siquidem non in hoc quarto tantum, sed in aliis quoque tribus præcedentibus hisce bellis Philisthæi cum Israeli infelicer pugnasse dicuntur. & scimus quod inter illas vrbes, quas Roboam filius Salomonis neposque Dauidis adificasse, hoc est instaurari ac bene muniri curasse describitur 2. Paralip. cap. 11. vers. 8. positum etiam ipsa Geth. Signum ergo est, quod ex quo eam primò Dauid ceperat, semper deinceps vsque ad Roboami tempora, mansit sub ditione Iudæorum; præsertim cum interim à nullo alio capta fuisse legatur. Immo etiam vsque ad tempora Ioas regis Iuda eandem Geth fuisse Iudæis subditam, apertè colligi potest ex 4. Reg. cap. 12. vers. 17. vbi dicitur, quod Hazael Rex Syriæ quando venit contra regnum dicti Ioas, primò expugnauit Geth, mox direxit exercitum vt ascenderet contra Ierusalem. Sed necessarium est fateri, ipsam Geth deinde (nescio quando aut quomodo) rursus ad Philisthæos rediisse; ac deum Ozia temporibus iterum in Iudæorum potestate fuisse redactam: nam 2. Paralip. cap. 26. vers. 6. legimus, quod dictus Ozias egressus pugnauit contra Philisthiim, & destruxit murum Geth. Redeamus ad Historiam.

2. Eodem circiter anno, videns Dauid quod cessassent vndique bella, & quod de-

disset sibi Dominus victorias de cunctis inimicis suis, cecinit pro gratiarum actione Domino Psalmum 17. cuius initium est: *Diligam te Domine fortitudo mea*, &c. vt ex titulo eius manifestum est, & etiam traditur 2. Reg. cap. 22. Sed & non desunt, qui putant, Dauidem (quod non videtur improbabile) eodem quoque tempore alios item composuisse decantasseque Psalmos, nimirum 45. qui incipit: *Deus noster refugium & virtus*, &c. & 106. *Confitemini Domino quoniam bonus, quoniam in seculum misericordia eius. Dicant qui redempti sunt à Domino*, &c. & 123: *Nisi quia Dominus erat in nobis*, &c. qui inter Graduum Cantica connumeratur. Et quidem, quamquam neque ex titulis, neque ex alio certo argumento probari possit quosnam alios Psalmos post bella composuerit: non tamen dubitandum videtur, quin (vt asserit Iosephus 7. Antiq. cap. 10. vltra medium) ipse Dauid perfunctus iam bellis ac periculis, & in altissima pace degens, vario genere carminum odas & hymnos in honorem Dei composuerit, partim trimetro versu, partim pentametro. Ceterum catalogus præcipuorum virorum fortium, quorum auxilio Dauid tot tantisque de hostibus suis victorias reportauit, breuiter describitur 2. Reg. cap. 23. vers. 8. vsque in finem, & 1. Paralip. cap. 11. vers. 10. pariter vsque in finem capitis. Quin etiam Principes tribuum, qui fuerunt temporibus Dauidis, nominatim recensentur 1. Paralip. cap. 27. vers. 16. vsque ad 25. Vbi aduertendum est, quòd (vt ibidem probat Abulenſis quæst. 13.) isti non dicebantur Principes tribuum, quia vnusquisque fuisset à Rege constitutus super vnâ tribum; sed singuli primogeniti, qui recta linea per primogenitorum successionem prodibant à singulis filiis Iacob, ij dicebantur Principes, vnusquisque in tribu sua.

SOLVTVS
BELLIS DA-
VID PSAL-
MOS CANIT
DOMINO.

CATALOGVS
VIRORVM
FORTIUM
REGIS DA-
VID.

QVI ESSENT
PRINCIPES
TRIEVVM.

AB ORBE CONDITO

ANNVS 3016.

QVARTÆ MVNDI ÆTAT.

ANNVS 473.

ANNO circiter regni sui, vt arbitror, trigesimo septimo, Dauid, cum sine vllis belli curis iam aliquamdiu, hoc est per annos quattuor, iugiter in summa pace regnasset, haberetque sub se vniuersum Israeliticum populum, & alios quos subegerat, sibi in omnibus obsequentissimos, & insuper aduerteret, quòd finitimæ nationes, de sua potentia iam satis edoctæ, non solum sibi bellum inferre non auderent, sed potius obsequia præstare, atque beneuolum conservare satagerent; in superbiâ elatus est, quemadmodum in maxima præsertim rerum temporalium affluentia, tranquillitate, otioque euenire sæpè solet, iuxta illud quod habetur in Psal. 72. vers. 5. *In labore hominum non sunt, & cum hominibus non flagellabuntur, idè tenuit eos superbia.* & post pauca: *Prodiit quasi ex adipe iniquitas eorum.* Itaque mense eiusdem anni quarto, vt sub anno mundi proximo num. 2. probabitur, cum quadam die insidiis satanæ vehementer tentatus, tumore quodam intimæ elationis admodum inflatus esset, vt certior fieret de maxima quæ prædicabatur regni sui potentia, possetque aliquando data occasione ad ostentationem & inanem gloriam proferre numerum pæne immensum militiæ suæ, mandauit Ioabo Principi totius exercitus sui, vt exiens renferret vniuersos ad pugnam aptos in cunctis tribubus Israel. Qui, licet inuitus, posteaquam vidit non posse Regem de hac sententia dimoueri, lustrauit vniuersum Israele: 2. Reg. cap. 24. vers. 1. vsque ad 8. & 1. Paralip. cap. 21. vers. 1. vsque ad 5.

IVRET DA-
VID DINY-
MERARI
POPVLVM
SVVM.

AB ORBE CONDITO

ANNVS 3017.

QVARTÆ MVNDI ÆTAT.

ANNVS 474.

ANNO proximo, mense circiter secundo, vt paulò post probabitur, Ioab post nouem menses ac viginti dies ex quo exierat, reuersus in Ierusalem, consignauit Regi numerum populi quem descriperat, & inuenta sunt mille millia & centum millia virorum eduentium gladium, præter illos qui erant in tribubus Beniamin & Leui, quas Ioab adhuc dinumerare non curauerat, eò quòd non libenter talem Regis iussione exequeretur. Quamquam totus iste numerus non potuerit ordinatè registrari in libris Factorum Regis, propter superuenientem mox plagam, vt expressè dicitur 1. Paralip. cap. 27. vers. 24. & hanc assignant causam differentię numeri, qui reperitur scriptus 2. Reg. cap. 24. vers. 9. ab eo qui habetur 1. Paralip. cap. 21. vers. 5. Hic enim (inquiunt) ponitur tota summa ex vndecim tribubus collecta à Ioab & militiæ Principibus, qui cap. Reg. citato vers. 4. dicuntur egressi cum ipso, & qui singuli per singulas vrbes & oppida proficiscētes, describebant vnusquisque in proprio libro aptos ad pugnam,

NUMERVS
PVGNATO-
RYM AD RE-
GEM DELA-
TVS.

pugnam, postea in libro maiori, siue in Fastis redigendos. Horum namque singula summa simul subductæ faciebant summam mille millia & centum millia pugnatu-
rum ibi notatam. In 2. autem Reg. positum summa illa imperfecta, quæ ex particulari-
bus Principum descriptionibus iam relata erat in Fastis, quando superuenit pestilen-
tia, ob quam illa reductio perfici non potuerat: restabant enim adhuc alia trecenta
millia in ipso Fastorum libro reportanda; & propterea eo in loco octingenta dumtaxat
millia notata inueniuntur. Pro qua re videndus est Abulensis super 2. Reg. cap. 24.
vers. 14. Quod autem in 2. Reg. dicatur, tribum Iudæ habuisse quingenta millia pu-
gnatorum, in 1. autem Paralip. tantum modò quadringenta septuaginta millia; idè fa-
ctum credi potest, vel quia fortè pestilentia superueniente, restabant adhuc triginta mil-
lia viri de Iudæa in Fastis redigendi, vel quia solet interdum Scriptura sacra usurpare nu-
meros perfectos pro imperfectis, id est, quod alicubi numero imperfecto ac præciso ex-
pressit, alibi latiori quodam modo, ut fit in communi vsu loquendi, per numerum vni-
uersaliorem ac magis plenum pronuntiat, licet ab omnino vero & proprio non nihil
diffideat. Sic communiter dicimus, Ducem aliquem habere sub se nulle viros, tamen si
fortè vix habeat nongentos. Ceterum non multò postquam rediit Ioab in Ierusalem,
pœnituit Regem quod iussisset recenseri populum, supplexque à Deo veniam petit,
non tantum (ut putat Iosephus) quod oblitus esset in hoc censu colligere semiticum
per singula capita, expendendum in vsus Tabernaculi, quemadmodum præceperat
Moyse Exod. cap. 30. vers. 12. sed multò magis, quod sine causa legitima & ad solam
ostentationem populum recenseri iussisset. Verumtamen, non sine graui pœnitentia
expiare hoc peccatum valuit: quandoquidem missus à Domino Gad Propheta, Regi
optionem dedit, ut quod mallet ex tribus propositis flagellis deligeret; aut famem sep-
tem triumve saltem annorum; aut inenitabilem hostium persecutionem tribus men-
sibus duraturam, aut trium dierum pestilentiam. Qui cum vndique coangustatus, po-
stremum tandem diuina fretus misericordia flagellum acceptasset, ac non multò post
audisset, cecidisse septuaginta millia virorum pestilentia in Israël, & præterea ipsemet
quoque vidisset Angelum Domini euaginato gladio stantem inter cælum & terram, ut
percuteret Ierusalem; cecidit Rex, & maiores natu, induti ciliciis, proni in terram, ac-
cusantque semetipsum Dauid, deprecabatur Dominum ut populo parceret. Admoni-
tus deinde Rex ab Angelo Domini per Gad Prophetam, venit ad Areuna, qui & Or-
nan, Iebusæum, emitque ab eo aream suam sexcentis siclis aureis, & boues quinquag-
inta siclis argenteis; & extructo ibidem altari, obtulit super eo holocausta & pacifica;
exaudiuitque eum Dominus in igne, qui mirabiliter descendit de cælo super altare; &
sic cessauit plaga ab Israël: 2. Reg. cap. vlt. vers. 8. vsque ad finem capitis, & 1. Paralip.
cap. 21. vers. 4. vsque ad finem.

POENITET
REGEM
QVOD IVS-
SERIT NV-
MERARI PO-
PVLVM, SED
NON SINE
GRAVI POE-
NITENTIA
OBTINET
VENIAM.

QVANDO
PLAGA PE-
STILENTIÆ
ACCIDERIT

QVOMODO
LOCVS TEM-
PLI AEDI-
FICANDI
PVERIT DA-
VIDI DE-
MONSTRA-
TVS.

QVÆ PRÆ-
PARAVERIT
DAVID PRO
TEMPO E-
IVSQVE VA-
SIS EXTRV-
ENDIS.

2. Diximus memoratam pestilentiae plagam mense circiter secundo huius anni acci-
disse; quia, ut traditur cap. Paralip. proxime citato, vers. 20. tunc temporis Ornan & in-
quattuor filii suis terebat in area triticum, & cum suspicientes vidissent Angelum, ten-
derunt se: dictum verò sæpius est, quod in Palæstina messis tritici fieri solebat, cui
finem mensis primi, & consequenter tritura mense secundo circiter desinente. Et hic
quoque inferitur, verum esse quod sub anno præcedente num. 1. diximus, iuniorum po-
puli dinumerationem cœptam fuisse mense quarto anni antecedentis: siquidem Ioab
in ea decem ferè menses consumpsit, ut cap. Reg. citato vers. 8. traditum est.

3. Itaque Dauid Rex, signo ignis cælitus delapsi certior factus, quod non solum ex-
audisset eum Dominus, sed etià accepta habuisset sacrificia, quæ eidem in area Ornan
Iebusæi, in monte Moria existente, obtulerat, intrepexit illum esse locum à Domino
electum, pro cultu eius ibidem exercendo; & propterea decreuit ut Templum, quod à
successore suo ædificandum erat Domino, in eadem area omnino extrui deberet. Vn-
de, quod dicitur 2. Paralip. cap. 3. vers. 1. locum istum fuisse demonstratum Dauidi; po-
test intelligi, non solum fuisse demonstratum ab Angelo, ut quibusdam placet; aut à
Gad Propheta, ut alij putant; sed etiam signo prædicti ignis ibidem de cælo super ho-
locausta delapsi. Et quoniam Dauid tam sancti ædificij admodum ardebat desiderio,
videbatque Salomonem filium suum, qui sibi in regno successurus erat, esse iuuenem
in deliciis enutritum, & consequenter minùs habilem ad excogitanda ac præparanda
quæ pro tam grandi opere opus essent; statuit ipse omnia ei prouidere ac præparare. Ita-
que, quod reliquum vitæ habuit, totum ferè in eiusmodi præparationibus insumpsit.
Præcepit ergo ut congregarentur omnes profelyti existentes in terra Israël; & constituit
ex eis latomos, ad cadendos de lapidicinis poliendosque lapides. Ferrum quoque plu-
rimum,

rimum, & aris immensum pondus congregavit, & ligna cedrina per Tyrios ac Sidonios panē innumerabili comportari mandavit: 1. Paralip. cap. 22. vers. 1. vsque ad 6. Item omnium panē artium plurimos alios præparavit artifices, cæmentarios, lignarios, ferrarios, & ararios, argentarios quoque atque aurifices omnium excellentissimos: ibidem vers. 15. & 16. Insuper separavit certa auri argentiq̃ue pondera, ad singula ministerij vasa conficienda; atque alia item, ad fabricanda candelabra aurea, eorumq̃ue lucernas pariter aureas, & candelabra argentea, cum suis eiusdem metalli lucernis; & præterea mensas propositionis aureas atque argenteas, pro diversitate mensarum, & ad conficiendas fuscinulas, & phialas, & thuribula ex auro purissimo, & leunculos (hoc est vasa quædam ad leunculorum similitudinem conformata) aureos argenteosq̃ue: 1. Paralip. cap. 28. vers. 14. vsque ad 18. Speciatim verò etiam destinavit aliud auri purissimi pondus, ut ex eo fieret additamentum quoddam, ornatus gratia, ad Altaris incensi latera. erat autem ornamentum istud, ad similitudinem quadrigæ Cherubim, extendentium alas super ipsum Altare; eo ferè modo quo Cherubim olim à Moyse fabricati expandebant alas super Arcam fœderis Domini (ut dicitur 1. Paralip. cap. 28. vers. 18. & nos sub anno mundi 3030. num. 14. effigiatum ostendemus) præparavit etiam lapides onychinos, & quasi stibinos, & diversorum colorum, aliosq̃ue pretiosos cuiusvis generis pro Rationali exornando: & marmor Parium copiosissimum, ad atria sumptuosissimè sternenda; & tria millia auri talenta, ac septem millia argenti probatissimi ad deaurandos pariter ac inargentandos interiores Templi parietes: 1. Paralip. cap. 19. vers. 2. vsque ad 5. Ostenderat autem Dominus Davidi non solum spirituale quoddam totius Templi exemplar, quemadmodum olim Moyse typum Tabernaculi; sed etiam reipsa eidem dederat tabulas quasdam delineatas atque depictas, quæ optimè singularum Templi partium formas repræsentabant, habebantq̃ue suis locis diligenter notatas atque descriptas rerum omnium fabricandarum magnitudines atque mensuras; ut vel sic melius intelligere posset Rex opera exemplaris, id est, qualiter singulæ Templi partes, tum interiores tum exteriores, puta porticus, atria, cellaria, cœnacula, cubicula, gazophylacia, exedræ, & huiusmodi alia fabricanda forent, & formam exemplaris eidem præostens, & idem intelligendum videtur de vasis, aliisq̃ue quibuscumque ad cultum Dei in eodem Templo exercendum pertinentibus: 1. Paralip. cap. 28. vers. 11. & 12. & 19. Neque solum quæ pro extruendo exornandove templo opus erant, David in postremis vitæ suæ annis præparare curavit; verumetiam, quæ ad cultum Dei in eodem Templo magnificentissimè præstandum convenientia videbantur, disponere ac præordinare non omisit, nempe Levitarum Sacerdotumq̃ue ministeria per vices suas, de quibus infra sub anno mundi 3020. num. 3. fusiùs agemus.

QVAENAM
TEMPLI AQ
PARTIUM
EIVS EXEM-
PLARIA
SINT DATA
DAVIDI.

AB ORBE CONDITO

QVARTÆ MVNDI ÆTAT.

col ANNVS 3018.

ANNVS 475.

SUB finem anni trigesimali noni regni Davidis, Salomon genuit Roboam de Naama Ammanitide, ut colligitur 3. Reg. cap. 14. vers. 21. & 31. & 2. Paralip. cap. 12. vers. 13. Quando autem hanc Salomon duxerit uxorem, Scriptura sacra non meminit. Illud verò certum est, quòd iste Roboam, qui postea patri successit in regno, natus est anno vno antequam Salomon regnare cœperet, ut colligitur 3. Reg. cap. 14. vers. 21. & 2. Paralip. cap. 12. vers. 13. quibus in locis dicitur, quòd quadraginta & unus anni erat Roboam cum regnare cœpisset; & tunc iam regnauerat Salomon annis quadraginta, ut legimus 3. Reg. cap. 11. vers. 24. & 2. Paralip. cap. 9. vers. 30. erat autem Salomon annorum viginti trium quando genuit Roboam, ut colligi potest ex tabulis. Vnde manifestum fit, fabulosam esse quorundam Hebræorum opinionem, quæ ponit Salomonem anno vitæ suæ decimo vel vndecimo genuisse Roboam; sed cam nulla ratione sacræ Scripturæ testimonio suffultam, pluribus quoque argumentis efficaciter confutat Abulenſis super 3. Reg. cap. 11. quæst. 14. Nec refert quòd B. Hieronymus in Epistola ad Vitalem, quæ in ordine est 132. eiusdem cum Hebræis videatur fuisse sententiæ: quia ibidem S. Doctor non absoluit, sed ex suppositione loqui videtur, quandoquidem, supposita quæſiti veritate, tamquam fundata super annorum Salomonis supputatione à Rabbiniſ inita, à se autem minimè discussa, ad interrogationem sibi factam respondere nititur. quòd si in mentem venisset sancto viro, priùs quæſiti veritatem discutere, profectò, ut arbitror, illud (quod ad Salomonem at-

SALOMON
GENVIT
ROBOAM.

REDARGVI-
TVR OPINIO
HEBRAEO-
RVMDI Æ-
TATE SALO-
MONIS
QVANDO
GENVIT RO-
BOAM.

tinect) non admisisset. Sed fortè de hoc non curauit, quia nihilominus quæsitū veritas saltem in exemplo Achaz ibidem pariter adducto, quod inficiari non poterat, persistebat; & propterea omnino necessarium videbatur quæsitū satisfacere. Sed dicit fortè aliquis: Qui fieri potest vt Salomon viginti trium esset annorum quando genuit Roboam, anno scilicet vno antequam factus sit Rex, si de eodem Salomone 1. Paralip. cap. 22. vers. 5. Dauid pater eius, anno vltimo vel pænultimo vitæ regnique sui dicebat: *Salomon filius meus puer paruulus est & delicatus.* & cap. 29. vers. 1. *Salomonem filium meum unum elegit Deus adhuc puerum & tenellum.* & ipsemet Salomon circa initia regni sui, quâdo videlicet petiit obtinuitque à Deo sapientiam, 3. Reg. cap. 3. vers. 7. de seipso dixit: *Ego sum puer paruulus, & ignorans egressum & introitum meum.* Si ergo tunc erat paruulus, vtique non poterat circiter biennio antè, quando scilicet genuit Roboam, fuisse viginti trium annorum. Ad hoc dicendum est, quod illa verba, *Puer paruulus ac delicatus, ignorans egressum & introitum,* &c. in eo sensu sunt accipienda, ac si velint indicare, Salomonem tunc fuisse in rebus gerendis adinstar pueri paruuli & simplicis, ac propterea ad tanti ponderis opera perficienda minus aptum: quoniam etsi esset adolescens, fuerat tamen in deliciis enutritus, & in negotiis gerendis minimè versatus. Et quando Dauid dixit, Deum elegisse Salomonem adhuc puerum & tenellum, videtur dicere voluisse, non quod tunc Salomon esset puer tenellus; sed quod vsque ab eius infantia electus à Deo fuerat, qui postea patri in regnum succederet. Quamquam illud quoque certissimum est, quod (quemadmodum etiam sub anno mundi 3309. num. 2. probabitur) Scriptura sacra aliquando vsurpat nomen pueritiæ pro adolescentia. Nam & Isaac quando ductus est immolari, Genes. cap. 22. vers. 5. & 12. vocatur puer, quem tamen nos sub anno mundi 2163. num. 4. probauimus tunc fuisse viginti quinque annos natum. Et Ioseph quando sexdecim erat annorum, vocatus est puer, Genes. cap. 37. vers. 30. immò etiam quando erat annorum vigintiocto, videlicet biennio antequam trigelimum annum agens ductus est coram Pharaone, vt patet Genes. cap. 41. vers. 12. Dauid quoque quando puguaturus erat cum Goliath gigante, licet 1. Reg. cap. 17. vers. 42. dicatur adolescens; tamen vers. 33. appellatur à Saule puer. Similiter Absalom, quando bellum gessit cum Dauide patre suo, tamen iam haberet tres filios & vnam filiam (vt patet 2. Reg. cap. 14. vers. 27. nihilominus cap. 18. vers. 12. 29. & 32. appellatur puer. Denique eumdem Salomonem, qui locis suprâ citatis dictus est puer & paruulus, pater eius Dauid paulò antequam moreretur, appellauit virum sapientem, vt videre est 3. Reg. cap. 2. vers. 9. Potuit ergo ipse Salomon esse viginti trium annorum quando genuit Roboam.

VERITIA
INT. RDYM
PRO ADO-
LESCENTIA
VSVRPA-
TVR.

AB ORBE CONDITO

ANNVS 3019.

QVARTÆ MVNDI ÆTAT.

ANNVS 476.

DAVID NON
NISI ADO-
LESCENTV-
LAE AM-
PLEXV CA-
LEFIERI
POTEST.

ANNO regni Davidis quadagesimo, vitæ verò eius septuagesimo circite; inchoante, Rex cum præ senectâ, calore naturali indies magis ac magis descen- te, iam, quantum vis vestibus operiretur, non posset calefieri; quæsierunt scui eius, de Medicorum consilio, adolescentulam in omni Israele formosissimam, nimirum Abisag Sunamitidem, quæ ministraret Regi, dormiensque cum eo foueret languida membra eius, non enim aliter calefieri, aut in vita conservari poteram. Rex ergo non cognouit eam, sed ad frigus dumtaxat arcendum in eiusdem amplexibus morabatur. Circa medietatem autem, vt arbitror, eiusdem anni, Adonias filius David de Haggith, videns quod Rex diu admodum superuiuere non poterat, ratus se patri in regno successurum, quod ipse esset secundus natu post Absalom iam defunctum, fecit sibi currus & equites, & quinquaginta viros qui ipsum præderent: 3. Reg. cap. 1. vers. 5. & 6.

AB ORBE CONDITO

ANNVS 3020.

QVARTÆ MVNDI ÆTAT.

ANNVS 477.

ADONIAS
INSCIO PA-
TRE PROCV-
RAT SE VN-
QVI IN RE-
GEM.

ANNO autem proximo circiter inchoante, (vt ex his quæ num. 11. dicemus inferri potest) Adonias cum aduertisset se valdè acceptum esse populo, & quod Rex sciens omnia quæ faciebat, videbatur silentio suo cuncta probare; (nihil enim vmquam indicauerat Rex Adoniam, quod regius ille comitatus, cum quo incedebat, ei vllatenus displiceret) propterea crescente indies magis regnandi libidine,

moræ

moræ impatiens, tandem consilio inito cum Ioab Principe exercitus & Abiathar Sacerdote, qui adiuuabant partes suas, quadam die inuitauit omnes fratres suos, Salomone dumtaxat excepto, ad locum quemdam non procul ab vrbe existentem, iuxta insignem quemdam lapidem nomine Zoheleth, ac prope fontem pariter famosum, vocabulo Rogel, ibique coadunatis sectatoribus suis, procurabat post victimas sollempniter admodum immolatas, infcio patre, acclamari se vngique in Regem. Sed hoc prauident Nathan Propheta, nuntiavit Bethabee matri Salomonis, illa verò Regi Dauid: qui confestim præcepit Sadoc Sacerdoti, & Nathan Propheta, ac Banaia Præfecto legionū Cerethi & Phelethi, vt ducerent Salomonem in montem Gihon super mulā regiam, & ibi cum vngerent in Regem super Israel, quò cū concurrisset omnis populus, statim vt per Sadoc Sacerdotem & Nathan Prophetam vnctus est nouus Rex, dato buccina signo, conclamare cœperunt omnes, Viuat Rex Salomon; & præ gaudio exultantes, secuti sunt eum redeuntem in Ierusalem, tota interim tibiis tubique personante ciuitate, & in occursum noui Regis concurrentibus omnibus, eidemque fausta acclamantibus, donec tandem eum sedere fecerunt super folium Regni. Quibus auditis, territi sunt omnes qui inuitati fuerant ab Adonia; & eo relicto, abierunt vnusquisque in viam suam; sed & ipse Adonias, veritus à Rege Salomone necem, fugit in tabernaculum quod fecerat Dauid in domo sua, tenuitque cornu Altaris, (erat enim tunc temporis Altare, tamquam Asylum, iis qui propter delicta quærebantur ad necem) sed inde reuocatus, & adductus coram Rege Salomone, adorauit eum, & ab eo dimissus est in domum suam: 3. Reg. cap. 1. per totum, & hoc prudenter admodum fecit Salomon, tum quia voluit prius experiri num regnandi affectionem Adonias omnino deponeret, vt planè colligitur capite Reg. citato vers. 32. tum etiam quia Salomon, ob reuerentiam patris, & ne ipsum contristaret, noluit eo viuente occidere fratrem.

2. Eodem anno regni Salomonis primo, Dauid suffectum sibi nouum Regem vocauit ad se, præcepitque ei ante omnia, vt ædificaret domum Domino Deo Israel; protestatusque est, hanc esse voluntatem Dei, qui prohibuit ipsum Dauidem ne illam exstrueret, prædicens velle vt filius ac successor eius illam exædificaret. Pluribus ergo eum ad hoc opus excitare atque animare non destitit, vt illud viriliter aggrediretur ac perficeret, deprecans ei prosperitatem à Domino, non solum in ipsa Templi fabrica prosequenda atque absoluenda, verum etiam ad bonum totius populi regimen: subiungens, eidem proculdubio cuncta feliciter admodum successura, si accuratè diuinam Legem, Moyfi ministerio traditam, custodierit. De cetero, vt eidem Salomoni negotium memorati ædificij facilius redderet, addidit, se iam præparasse omnes eius impensas, & materiam, & artifices, & insuper præcepturum se cunctis regni Principibus, vt ipsum in toto hoc opere adiuuare ne omitterent: quæ omnia fusiùs traduntur 1. Paralip. cap. 22. vers. 6. vsque ad finem capituli. Igitur Dauid post hæc (quemadmodum colligitur ex eiusdem libri cap. 23. vers. 1. & cap. 26. vers. 31.) congregauit omnes Principes Israel, tam tribuum ac familiarum, quàm exercitus, & item Sacerdotes ac Leuitas, vt omnibus nota faceret, quæ ipse pro Templo extruendo, ac etiam pro debito Dei cultu in eodem instituendo, atque deinceps iugiter exercendo, ordinare intendebat. Congregatis ergo omnibus, iussit Dauid primò numerari Leuitas, volens eorum ministeria ordinare, & in quibusdam etiam pro ratione temporis locique reformare, viceque ipsorum distribuere, quibus singuli tenerentur in Templo, cū fabricatum esset, deseruire: (ad illud enim tempus, tota hæc Leuitarum ac Sacerdotum recognitio ac reordinatio dirigebatur.) Facta autem fuit hæc Leuitarum dinumeratio, non ad Moysaicæ Legis formam Numer. cap. 4. vers. 3. & cap. 8. vers. 24. traditam, nempe à trigésimo, vel saltem à vigesimo quinto anno, ad quinquagesimum; sed à viginti annis & supra, ob causam assignatam 1. Paralip. cap. 23. vers. 24. vsque ad 28. quam paulò post memorabimus. Cū ergo sic recensiti Leuitæ, inuenti essent triginta octo millia, ante omnia, vt arbitror, declarauit Dauid præcipuum munus ipsorum omnium in eo esse positum, vt essent sub manu filiorum Aaron, in cultu domus Domini, quemadmodum dicitur vers. 28. citati capituli, id est, vt obedirent ministrantque Sacerdotibus, in his quæ ad diuinum cultum pertinebant, intra limites tamen ipsis à Lege præscriptos: hoc enim præceperat Dominus Num. cap. 8. vers. 19. & cap. 18. v. 2. vsque ad 7. & consequenter, cū id esset de iure diuino, nulla poterat humana potestate tolli aut immutari. Quòd si quis quærat, Quinam essent isti Sacerdotes, quibus Leuitæ iure diuino inferuire tenebantur; breuiter respondeo, quòd (vt etiam sub anno mundi 2545.

SALOMON
DEMANDA-
TO PATRIS
PRIMO VN-
GITVR IN
REGEM, ET
IN SOLIO
REGNI SE-
DIT.

ADONIAS
ET PAVTO-
RES EIVS
TERRITVS
PVGILANT.

ADONIAS
ADORATO
REGE DI-
MITTITVR
IN DOMVM
SVAM.

DAVID
PRÆCIPIT
SALOMONI
VT AEDIFI-
CET TEM-
PLVM DO-
MINO.

LEUITAS
RECENSET,
ET EORVM
MINISTE-
RIA REFOR-
MAT, AC
PER VICES
DISTRIBVIT

PRÆCIPIT
PVVM MV-
NVS LEVI-
TARVM
QVOD ES-
SET.

QVINAM
ESSENT SA-
CERDOTES.

num. 16. dictum est) præter Moysen, solus Aaron & omnes ac soli eius posterii dicebantur erantque Moyseicæ Legis Sacerdotes, ipsi etenim soli separati fuerant à ceteris Leuitis, ut ministrarent in Sancto sanctorum in sempiternum: 1. Paralip. cap. 23. vers. 13. & applicati, ut Sacerdotio fugerentur Domino; Exod. cap. 28. vers. 1. &, quod idem est, constituti super cultum Sacerdotij, quemadmodum etiam traditur Numer. cap. 3. vers. 10. Ceteri autem omnes qui erant de posteris Leui, etiam qui de Moyse propagati erant, in communi (ut expressè dicitur 1. Paralip. cap. 23. vers. 14.) Leuitarum numero computabantur. Et isti sunt, qui dono dati sunt à Domino Aaroni & posteris eius, ut ministrarent eis in his quæ ad diuinum cultum pertinerent, ut clarè traditur Num. cap. 3. vers. 6. vsque ad 10.

CVR LEUITAE DEINCEPS AVGESIMO AETATIS ANNO REGENSNDI.

3. Et quoniam extructo Templo, consequenter cessaturum erat illud satis graue munus circumferendi Sanctuarium, Leuitis olim à Moyse iniunctum, quod validiores exigere vires videbatur; propterea statuit quoque David, ut deinceps Leuitæ Templi ministeriis applicandi, recenseri deberent à viginti annis & supra, nullo senectutis termino limitato; tum quia exinde multò leuior ac facilior futura erat eorum ministratio, tum etiam quia iuniores, ad quædā ministeria peragenda solent esse aliis promptiores atque elegantiores; & plura quoque erant officia, quæ etiam à senioribus commodè præstari poterant, puta oblationum custodia, & huiusmodi alia. Itaque loco prædicti muneris quod cessabat, alia Leuitis David assignauit; non quidem promiscuè omnibus, sed cum hac distinctione. Siquidem ex memorato triginta octo millia Leuitarum numero, delegit viginti quattuor millia, qui postea distributi sunt in ministerium Domus Domini, quemadmodum dicitur 1. Paralip. cap. 23. vers. 4. id est, vt explicat Iosephus lib. 7. Antiq. cap. 11. qui curarent ædificium Templi, & item, qui eo absolute ministrarent Sacerdotibus, quæ ad sacrificia opus essent præparantes, prout super citato Paralip. capite exponit Abulensis quæst. 12. & etiam, vt in loco purificationis inquinatam æ labris aquam funderent, puramque imponderent, ad Sacerdotum victimarumque ablutiones, & alia huiusmodi facerent. Ex aliis verò quattuordecim millibus Leuitis qui restabant, deputati sunt sex mille, qui essent Præpositi & Iudices in vrbibus Israel, intellige in his quæ ad Legalia carimoniaeq; pertinerent, & in causis quæ sitisve minoris momenti, nam maiora ad domum consilij existentem in Ierusalem, cui præerat summus Sacerdos, deferri debebant, quemadmodum præceptum fuerat Deuter. cap. 17. vers. 8. vsque ad 14. Alij verò quattuor mille constituti sunt partim ianitores siue ostiarij, & qui postea custodirent quattuor Templi portas, ad quattuor cæli partes respicientes, & partim thesaurarij, qui custodirent exedras & gazophylacia in Templi atrijs fabricanda, pro asseruandis thesauris, hoc est oblationibus populi & Principum; præsertim verò illas magni pretij, quas de hostium manubijs sanctificauerant Domino David & Ioab, & ante Samuel, & Saul, & Abner, & alij; vt obiter dicitur 1. Paralipom. cap. 26. vers. 26. vsque ad 29. Reliquos denique quattuor mille Leuitas voluit David ut essent cantores, & psaltæ, qui quotidie, quando manè ac vespere offerebatur iuge sacrificium, & in Sabbatis ac Neomeniis, alijsque sollempnitatibus, canerent Psalmos ab ipso Dauide compositos; & pariter in variis organis ab eodem fabricatis dulciter personaret in domo Domini, id est in Atrio Sacerdotum, ad Orientalem partem Altaris, ut colligitur 2. Paralip. cap. 5. vers. 12. Et de istis tantum, non autem de omnibus Leuitis accipiendum est illud, quod tradit Iosephus lib. 7. Antiq. cap. 10. vbi ait: quod *David persunctus iam bellis ac periculis, & in altissima pace degens, instrumentis musicis comparatis, docuit Leuitas ad pulsum eorum laudes Dei decantare, tam in Sabbatis diebus, quam in ceteris festiuitatibus.* Et subinde, quædam de hisce instrumentis breuiter tangens, subiungit: *Genera autem instrumentorum hæc fuisse: Cinnryra decem chordis intenditur, & plectro pulsatur: nabla duodecim sonos continet, sed digitis carpitur; cumq; his aderant & cymbala ærea, magna atque lata: quod sanè de prædictorum instrumentorum natura, ne prorsus ignorentur, dixisse sufficit.* hucusque Iosephus. Et hæc est generalis illa Leuiticæ tribus dinumeratio & distinctio, quæ traditur 1. Paralipom. cap. 23. vers. 3. vsque ad 6.

24000. EX IPSIS IN MINISTERIUM DOMUS DOMINI APPLICATI.

6000. DEPUTATI, VT ESSENT IUDICES ET PRÆPOSITI IN VRBIBVS.

4000. IANITORES ET THESAURARI.

4000. CANTORES ET PSALTAE.

1. Paralipom. cap. 26. vers. 26. vsque ad 29. Reliquos denique quattuor mille Leuitas voluit David ut essent cantores, & psaltæ, qui quotidie, quando manè ac vespere offerebatur iuge sacrificium, & in Sabbatis ac Neomeniis, alijsque sollempnitatibus, canerent Psalmos ab ipso Dauide compositos; & pariter in variis organis ab eodem fabricatis dulciter personaret in domo Domini, id est in Atrio Sacerdotum, ad Orientalem partem Altaris, ut colligitur 2. Paralip. cap. 5. vers. 12. Et de istis tantum, non autem de omnibus Leuitis accipiendum est illud, quod tradit Iosephus lib. 7. Antiq. cap. 10. vbi ait: quod *David persunctus iam bellis ac periculis, & in altissima pace degens, instrumentis musicis comparatis, docuit Leuitas ad pulsum eorum laudes Dei decantare, tam in Sabbatis diebus, quam in ceteris festiuitatibus.* Et subinde, quædam de hisce instrumentis breuiter tangens, subiungit: *Genera autem instrumentorum hæc fuisse: Cinnryra decem chordis intenditur, & plectro pulsatur: nabla duodecim sonos continet, sed digitis carpitur; cumq; his aderant & cymbala ærea, magna atque lata: quod sanè de prædictorum instrumentorum natura, ne prorsus ignorentur, dixisse sufficit.* hucusque Iosephus. Et hæc est generalis illa Leuiticæ tribus dinumeratio & distinctio, quæ traditur 1. Paralipom. cap. 23. vers. 3. vsque ad 6.

4000. CANTORES ET PSALTAE.

4. Specialis verò mentio eorum qui distributi sunt in variis ministeriis Domus Domini, & Principum ipsum recensio, habetur ibidem à vers. 6. vsque ad 25. Cantorum autem diuisio, & familiar vicessque eorum vigintiquattuor, habentes singulas duodecim Doctores, qui erudirent alios, describuntur 1. Paralip. cap. 25. per totum. Vbi etiam ponuntur tres Principes cantorum, videlicet Asaph, Heman, & Idithun. Creditur autem, ut notat Abulensis super 1. Paralip. cap. 25. quæst. 6. iste Idithun fuisse binominis;

VICES ET MVNIA SIN GVLORVM LEVITARVM.

nis, esseque ille met, qui 1. Paralip. cap. 6. vers. 44. alio nomine vocatur Ethan; ubi pariter memorantur tres Principes cantorum, videlicet Eman, Asaph, & Ethan, qui singuli de singulorum trium filiorum Leui progenie descendisse dicuntur: ibidem namque à vers. 33. vsque ad 48. deducuntur singula eorum genealogia; primò ipsius Eman, vsque ad Caath secundum filium Leui; deinde ipsius Asaph, vsque ad Gerson primum filium Leui; postremò ipsius Ethan, vsque ad Merari tertium filium eiusdem Leui. Ianitorum verò & thesaurariorum vices & officia, & quibus assignata fuerit cura portæ Orientalis, & cuiuslibet aliarum trium, vide 1. Paralip. cap. 26. vers. 1. vsque ad 29. Denique Præpositorum Iudicumque distributio, & Principum nomina, & subiectorum numerus, breuiter tanguntur ibidem à vers. 29. vsque ad finem capituli. Plura quoque de Iudicum ac Præpositorum officiis vide apud Abulensem super 1. Paralipom. cap. 26. quæst. 44. vsque ad 48. Ceterum, vt idem Auctor ibidem quæst. 23. latè probat, oportet non solum cantores, sed & alios Leuitas, tam eos qui ad ministrandum Sacerdotibus in Templo, quàm qui ad particularium portarum exedrarumve eiusdem Templi custodiam specialiter deputati fuerant, singulos, pro officij & particularis assignationis ratione, similiter vt cantores & Sacerdotes, æqua lance in viginti quatuor vices fuisse distributos; alioqui non sine magno incommodo ac rerum domesticarum iactura, singuli temporibus suis munia sua in Templo obire potuissent. De Iudicibus autem & Præpositis non eadem videtur ratio militare; quia ipsi non in Templo, sed in vrbibus Israël officia sua exercere tenebantur; quorum conditio non videbatur posse pati tam frequentem officialium mutationem.

5. Recensuit postea Dauid etiam filios Aaron, hoc est Sacerdotes, per familias suas; quæ inuenta sunt viginti quattuor: quarum sexdecim prodierant de Eleazaro Aaronis filio, octo autem de Ithamar dicti Eleazari fratre minore, vt legimus 1. Paralip. cap. 24. vers. 1. vsque ad 20. Vbi tamen si non exprimitur Sacerdotum omnium numerus, sicuti cap. præcedenti factum fuerat de Leuitis; recensentur tamen nominatim, & iuxta eductæ sortitionis ordinem, prædictæ omnes viginti quattuor Sacerdotum familiae, inter quas octauo loco exiit familia Abia. Vnde fit clarum, Zachariam S. Ioannis Baptistæ patrem fuisse de octaua hac Sacerdotum familia: fuit enim de vice Abia, quemadmodum traditur Luc. cap. 1. vers. 5. & Sacerdotioungebatur in ordine vicis suæ, hoc est, octauæ. De cetero, quod attinet ad munia Sacerdotum, de quibus nos sub anno mundi 1754. num. 17. & 18. fusiùs disseruimus, nihil hîc à Dauide immutatum inuenimus; quippe cuius primaria intentio solum fuit (quoniam videbat necessarium fore, vt extructo Templo, iugiter in ipso diuina ministeria exercerentur) curare ne tum Sacerdotes tum Leuitæ nimis grauarentur, si singuli tantis tamque variis eiusdem Templi ministerijs semper præstò esse tenerentur; sic enim oportuisset eosdem ferè omnes morari in Ierusalem, & à cunctis domesticis eurus omnino esse immunes, & ciuitates illis olim à Moyse assignatas, desertas relinquere: propterea, ad hæc omnia incommoda remouenda, & vt ipsorum ministratio faciliior ac suauior euaderet, operæpretium duxit sanctus Rex, priusquam decederet, totam vrbem Leuiticam, vt etiam tradit Iosephus lib. 7. Antiq. cap. 11. in partes viginti quattuor distribuere; ita vt tam Sacerdotibus quàm Leuitis octoni ministerij dies obuenirent, quibus per singulas quisque vices hebdomadæque, interdiu noctuque circa cultum diuini Numinis versarentur; interim ab vxoribus seiuncti, & in ipsis Templi ædibus habitantes: expleta autem vice sua, quæ à Sabbato in Sabbatum extendebatur, vnusquisque venientibus successoribus ad proprias ciuitates domosque rediret, rebusque domesticis reliquo toto tempore vacare posset. Ceterum, memoratam Sacerdotum ac Leuitarum distributionem à Dauide factam fuisse, Domino ita iubente, per manus Gad & Nathan Prophetarum eius, colligitur ex 2. Paralip. cap. 29. vers. 25. vbi id obiter insinuat, specialiter de cantoribus, & videtur idem esse intelligendum de alijs Templi ministris: non enim maior ratio est de vno ministrorum ordine, quàm de alijs.

6. His peractis, Dauid aliquantulum in lectulo suo erectus, locutus est cunctis Principibus, quos ad hoc conuocauerat, nimirum Ducibus tribuum, Præpositis turmarum, quæ vicissim singulis mensibus seruiebant Regi, (quemadmodum sub anno mundi 2980. num. 4. dictum est) & item Tribunis ac Centurionibus, virisque exercitus sui fortissimis, necnon & ijs qui præerant substantiæ Regis, & filiis ac seruis suis potentioribus; dixitque eis, se aliàs cogitasse Templum Domino extruere, in quo requiesceret Arca Dei, verum tamen denuntiatum sibi fuisse, quòd ipse Dominus, qui eum elegerat in Regem super Israël, elegerat quoque de filiis suis Salomonem iam designatum

24. SACERDOTVM FAM-
ILIAE
PER VICES
DISTRIBV-
TAE.

SACERDO-
TVM LEVI-
TARVMQUE
DISTRIBV-
TIO A DA-
VIDE, DO-
MINO IV-
BENTE, FA-
CTA.
HORTATVR
DAVID
PRINCIPES
ET SALOMON-
EM VT
SERVIANT
DOMINO,
ET AEDIFI-
CENT EI
TEMPLVM.

vnctumque in Regem, vt sibi in regnū succederet, & ipse ædificaret Templum, & atria Domino. Et vt cunctorum animos Salomoni magis obsequentes redderet, subiunxit, Dominum elegisse eum sibi in filium; & pollicitum esse, eundem se paterno affectu profecuturum, ac firmaturum regnum eius in æternum; si tamen ipse & posterius eius implere præcepta eius non omiserent. Deinde breui quidem, sed graui atque admodum efficaci oratione obtestari cœpit eos, & in ipsis vnuersum Israellem, per diuinam præsentiam, vt satagerent custodire præcepta Domini, quod possent ipsi & posterius eorum possidere terram ipsis hac lege à Deo promissam ac datam, vsque in sempiternum, tacite insinuans, alioqui proculdubio eos illam amissuros. Denique sanctus senex ad Salomonem filium conuersus, grauiter eum coram omnibus quantum potuit hortatus est, primò ad cultum Dei internum; vt scilicet seruire Deo patris sui corde perfecto ante omnia procuraret, sciens quia ipse scrutator est cordium, & vnuerfas mentium cogitationes intelligit: & vt hoc, quod caput est omnium, cordi Salomonis arctius infingeretur, primariam hanc paternæ huius exhortationis partem grauissimis illis conclusit verbis, dicens: *Si quaesieris eum, inuenies: si autem dereliqueris eum, projiciet te in æternum.* Mox eundem admonuit, vt ad exteriorem quoque cultum Deo honorificentius adhibendum, templum extrui curaret; deditque ei descriptionem illam omnium rerum fabricandarum, cuius nos sub anno mundi 3017. num. 3. meminimus; & item omnia quæ pro eodem ædificio ipse iam præparauerat; nec non & quas fecerat Sacerdotum ac Levitarum diuisiones, in ministeriis Domus Domini vicissim obeundis, vt latius videre est 1. Paralip. cap. 28. per totum.

PRIMATES
POPULI DA-
VIDE HOR-
TANTE OF-
FERVNT AV-
RUM ET AR-
GENTVM ET
AES PRO
TEMPLIFEA-
BRICA.

7. Post hæc iterum locutus est Dauid ad omnem ecclesiam, hoc est ad regni sui Primates atque Optimates & Proceres, qui totum Israeliticum populum repræsentabant, repetens quæ aliàs etiam non semel dixerat, nimirum, quod Deus elegisset Salomonem filium suum, qui præpararet ei habitaculum; quod quidem, quia grande admodum ac magnificum esse decebat, & Salomon adhuc valde iuuenis esset, & solus tanto operi impar videretur; propterea ipse Dauid omni conatu præparauerat impensas Domus Dei extruendæ: quæ quia fortè non sufficerent, hortatus est eos, vt si quid ipsi quoque vellent in illud opus conferre, vltroque offerre Domino, gratum sibi futurum, vt id ipso Dauide adhuc viuentem facerent. Qui his auditis, statim vnanimiter & cum magna cordium alacritate ac promptitudine, totius populi nomine polliciti sunt, ac postea re ipsa dederunt in opera Domus Domini, auri talenta quinque millia, & solidos decem millia, & argenti talenta decem millia, & æris talenta decem & octo millia, ac ferri centum millia talentorum; & apud quemcumque inuenti sunt lapides pretiosi, dederunt illos in thesauros Domus Domini; lætatusque est Rex Dauid, & deuotissima oratione habita, benedixit Domino coram vnuerfa multitudine; ac pro Salomone precatus est, vt daret ei Dominus cor perfectum ad custodienda mandata & testimonia ac caerimonias eius. Dein, præcipiente Rege, benedixit quoque omnis ecclesia Domino, adoraueruntque cuncti Deum, ac postea Regem: 1. Paralip. cap. vltimo vers. 1. vsque ad 21.

IMMOLANT
VICTIMAS
DOMINO.

SALOMON
SECUNDO
VNGITVR
IN REGEM.

DE VNCTIO-
NE SADOE
IN PONTI-
FICEM.

8. Die verò insequente immolauerunt victimas & holocausta Domino, tauros mille, arietes mille, & agnos mille, cum libaminibus suis, ritu celeberrimo, pro omni Israele; & cum grandi lætitia comederunt coram Domino, hoc est coram Tabernaculo & Arca Domini, quam reduxerat Dauid in domum suam; ibique multò quàm antea sollempniori ritu denuò vnixerunt Salomonem in Principem, & Sadoc in summum Pontificem, sedique Salomon super folium regni pro Dauid patre suo, & placuit cunctis; paruitque & subiectus est ei omnis Israel: sed & ceteri filij Davidis, & cuncti Principes ac potentes consensum quoque suum præbentes, acceptauerunt eum in Regem: ibidem vers. 21. vsque ad 26. Quod autem dictum est de vnctione Sadoc in Pontificem; per anticipationis figuram in Sacro eloquio visitam ibidem adiectum credimus, occasione huiusmodi narratæ vnctionis memorati Salomonis in Regem: nam alioqui ratio dicat, hanc Sadoc vnctionem non tunc fuisse factam, sed post Abiatharis depositionem; quam Dauide iam mortuo contigisse, ex consequentibus apparebit: tunc enim, & non prius, Sadoc pro Abiathar suffectus dicitur 3. Reg. cap. 2. vers. 35.

DAVID MOR-
TI PROXI-
MVS DAT
POSTREMA
MONITA
SALOMONI.

9. Circa medietatem verò (vt num. 11. dicitur) eiusdem anni, sentiens Dauid se mortui iam appropinquare, dedit postrema monita Salomoni filio suo, præcipiens ante omnia, atque instantissime eidem commendans exactam totius Moysaice Legis obseruantiam, vt confirmet, inquit, Dominus sermones suos, nimirum promissiones sibi factas de continuatione regni in domo & successione sua. Deinde eidem Salomoni mandauit, vt

vt memor esset vltionem fumere de Ioab, qui duos Principes exercitus, Abner scilicet & Amasa, dolosè & omnino contra Regis voluntatem occiderat, & ne impunitum relinqueret Semei, qui maledictione pessima Regi maledixerat, quando fugiebat à facie Absalom. Econuersò autem, vt esset gratus filii Berzellai Galaaditis, qui eodem tempore benefecerat sibi, & propterea facies, inquit, eos commensales tuos: 3. Reg. cap. 2. vers. 1. vsque ad 10.

10. Quibus expletis, sanctus ille vir & Regius Psaltes Spiritu sancto plenus, nouissima illa eademque sanctissima ac prophetica verba protulit, quæ habentur 2. Reg. cap. 23. vers. 1. vsque ad 8. *Spiritus Domini locutus est per me*, &c. Nam etsi Abulensis super eodem capite quæst. 2. & 3. secutus Rabbi Dauid Canbi, putet prædicta verba, aliquot prius annis à Dauide fuisse prolata; dicique nouissima, non quia non amplius postea locutus sit, quod absurdum videretur asserere; sed quia, inquit, numquam deinceps alia verba prophetica protulisse credatur: tamen mihi magis placet opinio eorum, qui secuti Glossam interlinearem, aiunt, hæc verba dici nouissima, quia hanc laudem Dauid in articulo mortis deuotè Domino decantauit. Neque enim verisimile est, Dauidem, qui toto ferè quò vixit tempore plurimos Psalmos prophetico Spiritu plenos componere edereque solebat, in postremis vitæ annis ab hoc tam sancto exercitio abstinere voluisse; quando præsertim, bellorum solutus occupationibus atque impedimentis, sapientiæ magis vacare poterat, & circa Dei laudes cultumque deuotior videbatur. Quinimò longè probabilius est, tantum virum, qui dum viueret, prophetico Spiritu frequenter agi, atque in diuinis laudibus feruenti quodam impetu sapius proflire consueuerat, nouissimè etiam eodem Spiritu actum prophetasse; & qui viuens dulciter Psalmos canere solitus fuerat, in morte quoque sua, nitidissimi instar oloris, multò suauius cecinisse; & non aliter sanctissimum vitæ cursum, quàm prophetando psallendoque conclusisse.

11. Obdormiuit itaque Dauid cum patribus suis eiusdem anni regni Salomonis primi mense sexto circiter desinente, vt ex paulò post dicendis apparebit; & sepultus est in ciuitate sua, hoc est in arce Sion, quæ propriè ciuitas Dauid dicebatur: 3. Reg. cap. 2. vers. 10. Sepeliuit autem eum (vt ait Iosephus in calce lib. 7. Antiq.) Salomon filius eius Ierosolymis magnificè, præter sollempnia illa in Regum funeribus, illatis etiam in monumentum eius maximis diuitiis, quarum magnitudinem facile sit coniectare ex hoc quod dicemus. *Nam post annos mille trecentos, Hircanus Pontifex oppugnatus ab Antiocho cognomine Pio, Demetrii filio, volens pecuniam ei dare vt abducto exercitu obsidionem solueret, nec valens aliunde sumere, aperta cella monumenti Davidis, & prolatis inde tribus talentorum millibus, eorumque parte Antiocho numerata, oppugnationis periculo se exemit, sicut & alibi indicauimus. Ac rursus post multos annos elapsos, Herodes Rex alia cella aperta magnam pecuniam sustulit; ad loculos tamen qui Regum cineres continebant, neuter eorum peruenit; singulari enim arte ita erant sub terram conditi, vt ab ingredientibus monumentum inueniri nequirent.* hæc Iosephus. Credimus quoque Salomonem, pro sua in omnibus operibus magnificentia, honorificè celebrari iussisse luctum patris, saltem per integrum mensem, more maiorum. Sic enim legimus Num. cap. 20. in fine, & Deuter. cap. vlt. vers. 8. factum fuisse in obitu Aaron & Moyfi. De annis verò regni Davidis, quamquam 2. Reg. cap. 5. vers. 5. & 1. Paralip. cap. 3. vers. 4. dicatur, ipsum regnasse in Hebron septem annis & sex mensibus; & in Ierusalem triginta tribus annis: quia tamen 3. Reg. cap. 2. vers. 11. & 1. Paralip. cap. vlt. vers. 17. nulla sit mentio sex mensium, & in omnibus hisce quatuor locis citatis semper in summa dicitur, ipsum regnasse quadraginta annis; necessariò oportet vel Scripturam sacram (more suo, vt sub anno mundi 1659. num. 2. probauimus) sex illos menses, tamquam modicum quid, præterisse; aut (ne vllum quantumuis paruum sacre Chronologiae offendiculum iniciamus) eosdem sex menses postea defecisse, vel in anno vltimo, quò Dauid regnauit in Ierusalem, vel in quadagesimo regni Salomonis; ita vt postremus annus alterius istorum Regum fuerit incompletus: vel fortè etiam (quod magis verisimile videtur) sex illos menses supra quadagesimum annum regni Davidis, fluxisse à prima ad secundam Salomonis vnctionem, vel ipsius Davidis mortem: & propterea Scripturam sacram verè semper dixisse, Dauidem in summa regnasse tantummodò annis quadraginta; quia sex illi menses quos postea superuixit, non computandi sunt in annis regni eius, sed regni Salomonis. Et hanc opinionem, tamquam Sacro textui magis consonam, nos secuti sumus. Gesta autem Davidis scripta esse dicuntur in libro Samuelis, & in libris Nathan Prophetæ & Gad Videntis, vt habemus in calce

POSTREMA
DAVIDIS
VERBA.

DE OBITU,
ET SEPULTURA,
ET
LUCTU DAVIDIS.

DE ANNIS
REGNI EIUS

GESTA DAVIDIS
A
QUIBUS
SCRIPTA.

libri 1. Paralipomenon. Verumtamen libri Nathan & Gad temporum iniuria perierunt: Liber verò Samuelis proximè citatus, creditur esse is, quem nos 1. & 2. Regum dicimus: hos enim Hebræi collectiue, vt dicitur, vocant Samuel, quemadmodum testatur B. Hieronymus in Prologo lib. Regum. non quia totus à Samuele scriptus sit, siquidem ipse mortuus est, antequam acta essent quæ cap. 25. 1. Reg. (in cuius initio notatur mors Samuelis) vsque ad finem lib. 2. scripta inueniuntur: sed quia in principio libri agitur de Samuele, ideò (vt ait Abulensis in Prologo 1. Reg. quæst. 4.) ab eo totus liber nomen assumpsit. Hoc si verum est, appositè Scriptura sacra dixit, Gesta Davidis scripta fuisse non à Samuele, sed in Libro Samuelis, nimirum in libro, qui apud Hebræos, vt dictum est, inscribitur Samuel. Nam eius secunda pars, quam nos 2. Reg. dicimus, manifestè tota est de rebus à Dauide gestis. Porro Dauidem scriptis librum Psalmorum, opinio communiter receptissima est, quam nos sub anno mundi 2964. num. 6. plurimis sanctorum Doctorum testimoniis cōprobauimus. Vtrū verò etiam idem Dauid scripserit propria sua gesta, vt quidam opinati sunt, nimirum ea quæ Samuel morte præuentus scribere non potuit, hoc est, quæ à cap. 24. 1. Reg. vsque ad finem 2. Reg. habentur, mihi non admodum videtur probabile, quia, si verè Dauid fuisset scriptor maioris partis eorum quæ in duobus primis Reg. libris continentur, non esset verisimile, quòd olim Hebræi duos illos libros, seu duas illius libri partes, suppresso Davidis nomine, quod semper fuit celeberrimum, Samuel inscribere maluissent.

EIVS ENCOMIA EX LIB. ECCLESIASTICI.

12. Ceterum præclara Davidis encomia, præter ea quæ sparsim in Sacris libris reperiuntur, breuiter perstricta habentur Ecclesiastici cap. 47. vers. 2. vsque ad 14. in hæc verba: *Et quasi adest separatus à carne, sic Dauid à filiis Israel. Cum leonibus lusit quasi cum agnis: & in vrsis similiter fecit sicut in agnis ouium in iuuentute sua. Numquid non occidit gigantem, & abstulit opprobrium de gente? In tollendo manum, saxo funde deiecit exultationem Golia: nam inuocauit Dominum omnipotentem, & dedit in dextera eius, tollere hominem fortem in bello, & exaltare cornu gentis sue. Sic in decem millibus glorificauit eum, & laudauit eum in benedictionibus Domini in offerendo illi coronam glorie: contriuit enim inimicos undique, & extirpauit Philisthim contrarios vsque in hodiernum diem: contriuit cornu ipsorum vsque in æternum. In omni opere dedit confessionem Sancto & Excelso in verbo glorie. De omni corde suo laudauit Dominum, & dilexit Deum qui fecit illum: & dedit illi contra inimicos potentiam: & stare fecit Cantores contra altare, & in sono eorum dulces fecit modos. Et dedit in celebrationibus decus, & ornauit tempora vsque ad consumptionem vite, vt laudarent nomen sanctum Domini, & amplificarent manè Dei sanctitatem. Dominus purgauit peccata ipsius, & exaltauit in æternum cornu eius: & dedit illi testamentum regni, & sedem glorie in Israel. hæcenus verba Ecclesiastici.*

ADONIAS CVR IVBEN TE REGE OCCISVS.

13. Expleto Davidis luctu, rogauit Adonias Bethabæ matrem Salomonis, vt postularet à Rege dari sibi Abisag Sunamitidem in vxorè. quod cum illa fecisset, intelligens Rex Salomon, vt erat sapientissimus & ingenio valdè perspicaci, quoniam tenderet ista Adonias petitiō, nimirum, vt hac ratione pararet sibi viam ad occupandum regnum, quod adhuc etiam cum adhæsiōe Abiathar Sacerdotis, & Ioab qui fuerat Princeps exercitus Dauid, affectare videbatur, putabatque se facilius id posse confectui, si Abisag habuisset vxorem, siue quia illa magnam valdeque opulentiam haberet dotem, vtpote multis à Dauide, vt credibile est, ditata diuitiis pro sedula iugique feruitute eidem præstita, siue etiam quia ipsa esset valdè accepta cunctis regni Principibus, tum ob eximiam eius pulchritudinem, tum etiam fortassis ob multas eidem gratias pro ipsam à Dauide obtentas, siue aliqua alia eiusmodi de causa eidem Salomoni cognita: propterea iratus Rex non modò postulata non concessit, sed & ipsum Adoniam eodemmet die interfici mandauit. Quo mortuo, etiam in eius fautores animaduertere cœpit. & quidem à cæde Abiathar Sacerdotis abstinuit, quòd particeps fuisset laborum atque angustiarum Davidis patris sui, quando persecutionem sustinebat à Saule, sed eiecit illum in Anathoth, ne amplius esset Sacerdos Domini in Ierusalem. Quod Scriptura sacra testatur euenisse, vt impleretur sermo Domini, quem locutus fuerat super domum Helì in Silo, 1. Reg. cap. 2. vers. 32. eò quòd non castigasset filios suos, quemadmodum nos sub anno mundi 2909. num. 1. diximus. Porro Ioab, vt audiuit quòd Rex interfecisset Adoniam, & eiecisset Abiathar, & non ignoraret se quoque partes Adonias fuisse secutum, veritus quod erat, ne & ipse ad necem exquireretur, fugit ad Tabernaculum Domini, tenebatq; cornu Altaris. Verumtamen nec sic potuit euadere manum Regis, qui probè tenens, quòd Altare non proderat iis qui

ABIATHAR DE PONTIFICATU DEPOSITVS, ET EIECTVS.

IOAB INTERFECTVS.

qui proximum de industria (vt apertè dicitur Exod. cap. 21. vers. 14.) occiderent, quemadmodum fecerat Ioab duobus Principibus, Abner & Amasæ; ibidem eum iussit occidi à Banaia filio Ioiadæ; quem constituit pro eo Rex super exercitum, hoc est Principem militiæ; quemadmodum erat ipse Ioab temporibus Dauidis. Pro Abiathar autem Sacerdote subrogauit Sadoc, quem vnixerunt in Pontificem, vt dicitur 1. Paralip. cap. 29. vers. 22. & à nobis suprà num. 8. dictum est. Memor quoque Rex Salomon mandati quod à patre acceperat, nimirum vt aliquam aucuparetur occasionem iuste occidendi filium Gera, nomine Semei, pro maledictione pessima olim Dauidi iniusta; interdixit ei, pœna capitis apposita, ne ab vrbe exire trans torrentem Cedron ei proximum vmquam auderet: 3. Reg. cap. 2. vers. 13. vsque ad 39.

BANAIA
FUIT PRIN-
CEPS MILI-
TIAE PRO
IOAB.
SADOC FUIT
PONTIFEX
PRO ABIATHAR.
SEMEI INTERDICTUS AB EGRESSU TRANS-
TENTEM CEDRON.
QUOD ABIATHAR ANTE MEMORATAM EIVS DEPOSITIONEM VERE FVERIT SUMMVS PONTIFEX.

14. Sanè ex eo quod dictum est, Salomonem abstulisse Pontificatum Abiatharo, ac dedidisse illum Sadoc, colligere licet, quòd tamen si 1. Reg. cap. 8. vers. 17. & 1. Paralip. cap. 18. vers. 16. Achimelech filius Abiathar, & Sadoc, dicantur fuisse Sacerdotes tempore Dauidis; & aliàs quoque non semel Sadoc eodem Dauide regnante vocetur Sacerdos; (quòd nomen frequenter pro summo Sacerdote seu Pontifice in Sacro eloquio vsurpari solet) non tamen inde inferendum est, quòd aut ipse Sadoc statim post occisum à Saule Achimelech successerit ei in Pontificatu, vt credere Abulenfis & Sigonius, quorum nos sententiam sub anno mundi 2974. num. 9. refutauimus: neque quòd postea Abiathar aliquando ante hunc annum desierit esse summus Sacerdos; sed potius, quòd quemadmodum sub anno mundi 2900. num. 3. diximus de Heli, qui sine vlllo supremæ auctoritatis suæ detrimento permittebat filios suos fungi officio summi Sacerdotis; ita ipse Abiathar prædictos duos, nempe Achimelech filium, cui legitime debebatur successio, & Sadoc, tamquam Regi valde acceptum, ob causam quæ traditur 1. Paralip. cap. 12. vers. 23. & 28. & qui propterea à Rege præfectus fuerat Tabernaculo fœderis, quod tunc erat in Gabaon; & item tamquam primarium stirpis Eleazar, quæ magnum habebat ius in ea dignitate; assumperit sibi quodammodò in sui ministerij socios seu collegas, retenta tamen sibi suprema auctoritate Pontificia; quam eidem postea Abiatharo ac posteris eius, ex causa numero præcedenti allegata, abstulit Salomon Rex, deditque eam dicto Sadoc. Sed & illud hîc quoque notandum est, hoc esse primum translati Pontificatus exemplum, de Pontifice adhuc viuentem in alterum: nihil enim tale vmquam prius actum in sacra Scriptura legimus, quippe cum aliàs hæc dignitas non nisi per mortem naturalem amitti solet. Fallitur ergo Iosephus 15. Antiq. cap. 3. vbi ait, quòd *primus hanc legem violauit Antiochus Epiphanes, pro Iesu subrogato in hoc Sacerdotium fratre ipsius Onia. Secundo Aristobulus in Hircano fratre eum honorem in se transtulit. Tertius Herodes Aristobulum adolescentem viuo adhuc Pontifici successorem dedit.* sic ibi Iosephus: qui eò loci pro Iesu & Onia, proculdubio Iasonem & Menelaum intelligit, iuxta explicationem ab ipso met antea lib. 12. cap. 6. factam. Quòd si quis dixerit, Abiathar quidem propriam ob culpam, prædictos autem ex mera Regis voluntate Sacerdotio fuisse priuatos, & de eiusmodi Iosephum loqui: respondere possumus, multò maioris culpæ reum fuisse Iasonem quàm Abiathar, quoniam etsi ille quodammodò non videatur peccasse in Regem, peccauerat nihilominus vel maxime in Deum, vt patet 2. Machab. cap. 4. vers. 10. & sequentibus. Sed utcumque hoc sit, certè Iosephum ab errore vindicare poterit in eo quod ibidem asserit, primum Pontificem de sua dignitate ab Antiocho depositum, fuisse memoratum Iasonem; cum ex capite Machab. proximè citato luce meridiana clariùs constet, dictum Antiochum priùs iniquè sanctum Oniam Pontificatu spoliasse, dedidisseque illum Iasoni; mox eundem honorem ab Iasone sublatum Menelao adiudicasse. Sed non mirum est hunc Auctorem hîc lapsum esse; quippe qui non hîc solum, sed aliàs quoque non raro facile à Sacro textu perperam discedere non vereatur.

PRIMUM
TRANSLATI
A VIVENTE
PONTIFI-
CATVS EX-
EMPLVM.

REFELLITUR IOSEPHVS.

15. Verùm ex quo iam de Sadoc Pontifice agere cœpimus, duo quæri hoc loco possunt. Primum, Quinam post ipsam Sadoc, vsque ad Babylonicam captiuitatem, successiuè Pontifices fuerint: nam de aliis qui post ipsam Pontifices extiterunt, infra sub anno mundi 3517. num. 4. agendum erit. Alterum, quot annis dictus Sadoc & singuli eius posteri in Pontificatu vixerint. Et quidem hoc posterius neque ex Sacris libris, neque ex Iosepho aliòve probato Scriptore explorare potuimus: nusquam enim de hac re vllum fieri verbum inuenimus. quòd sit, vt non sicuti Regum, ita & Pontificum continuata per singulos ipsorum annos successio, in nostris Annalibus & tabulis deduci potuerit. Ad id verò quod primò quærebamus, sciendum est, quòd tamen si (vt aliàs diximus) 1. Paralip. cap. 6. vers. 4. vsque ad 15. recenseatur genealogia seu

QUINAM
SADOC IN
PONTIFI-
CATV SVC-
CESSERINT
VSQUE AD
BABYLONI-
CAM CAPTI-
VITATEM,
ET QUOT AN-
NIS IN GAV-
LI PONTI-
FICATVM
TENVERINT

poste-

PONTIFICES ANADOC AD BABYLONICAM CAPTIVITATEM IN SACRIS PAGINIS MEMORATI.

posteritas Eleazari filij Aaron, vsque ad Iosedec, qui postea ductus fuit captivus in Babylonem; non tamen inde inferri potest, omnia huius temporis Pontificum nomina in Scripturis sacris fuisse memorata: quandoquidem (vt sub anno mundi 2583. num. 6. probauimus) prædicto Paralipomenon loco recensiti, neque omnes, neque soli Pontificatum tenuisse creduntur. Nam & inter Sadoc & Iosedec (seclulis terminis) vndecim tantum modò numerantur: apud Iosephum autem, vt paulò post patebit, quindecim. Porro in libris Reg. & Paralip. vbi res gestæ ab extructo Salomonis Templo, ad idem à Chaldaïs incensum atque exterminatum, describuntur, nonnullorum dumtaxat Pontificum sparsim interrupto quæ ordine fit mentio. Traditur enim, quòd Salomone regnante Sadoc summus erat Sacerdos, quemadmodum num. 13. & 14. præcedentibus monstratum est; & non exprimitur quis ei proximè successerit, licet constet, ipsum duos filios habuisse, nempe Achimaan (vt dicitur 1. Paralip. cap. 6. vers. 8. & 2. Reg. cap. 11. vers. 19. 22. & 27.) & Azariam, 3. Reg. cap. 4. vers. 2. & probabile sit, quòd post dictum Sadoc Pontificatum gesserint, primò Achimaas, deinde Azarias, filij eius, vt numero sequenti ex Iosepho dicemus: non tamen, vt arbitror, ille Azarias, qui regnate Asa memoratur 2. Paralip. cap. 15. vers. 1. tamen si tempora consonent; quia is non Sadoc, sed Obed filius ibidem fuisse perhibetur; & nequaquam Sacerdos, sed Propheta appellatur. Item Regis Iosaphat temporibus erat Sacerdos & Pontifex Amarias, vt apertè traditur 2. Paralip. cap. 19. vers. 11. qui quidem Amarias non videtur esse potuisse vllus ex iis duobus, qui in citata Eleazari genealogia recensentur 1. Paralip. cap. 6. vers. 7. & 11. nam primus fuit auus Sadoc, & consequenter videtur ad tempora potius Iudicum quàm Regum pertinuisse: alter verò, post tempora ponitur Ozia Regis, quæ fuerunt longè posteriora temporibus regni Iosaphat. Regnantibus autem Athalia, ac deinde Ioa, Ioiadam fuisse Pontificem, sæpius repetitum inuenies 4. Reg. cap. 12. & 2. Paralip. cap. 23. cui posterioribus eiusdem regni Iozæ annis successit in Pontificatu Zacharias filius eius, vt colligitur ex eisdem lib. Paralip. cap. 24. v. 20. & tamen neuter horù in dicta Eleazari genealogia recensetur. Porro Ozia Regis temporibus, præsertim verò posterioribus, Pontificatum tenebat Azarias, vt patet 2. Paralip. cap. 27. vers. 17. & 20. Regnante autem Achaz, Sacerdotioungebatur Vrias ille, qui aliquoties memoratur 4. Reg. cap. 16. vers. 10. vsque ad finem capitis. & neque hic Vrias reperitur in præallegata Eleazari genealogia. At verò sub Ezechia Rege, Azarias Pontifex, & primus de stirpe Sadoc nominatur 2. Paralip. cap. 31. vers. 10. & 12. (intellige, non primus huius nominis qui exierit de stirpe Sadoc; sed primus, hoc est primogenitus dictæ stirpis, dum ipse viueret) vnde oportet istum fuisse diuersum ab illo Azaria, quem diximus nominari secundo loco inter filios Sadoc; & item (vt arbitror) ab eo, qui Pontificatum gerebat Ozia regnante; & multo magis ab eo, cuius fit mentio 1. Paralip. cap. 9. vers. 10. & dicitur filius Helcia filij Mosollam filij Sadoc. Qui enim ibi recensentur, de captiuitate Babylonica redierant, vt docet Abulenſis ibidem. Sub eodem Ezechia Rege, post dictum Azariam memoratur quidam Eliacim 4. Reg. cap. 18. vers. 18. & 37. & cap. 19. vers. 2. & Isaiæ cap. 36. vers. 3. & 22. & cap. 37. vers. 2. qui quoniam ibidem dicitur Præpositus domus, siue super domum, creditur à Lyrano & aliis fuisse Præpositus domus Domini, & consequenter summus Sacerdos: verum tamen nos sub anno mundi 3322. num. 5. cum Abulenſe probauimus eundem Eliacim non fuisse Sacerdotem, sed laicum, & domus regie Præpositum. Quamquam & eodem Ezechia regnante credimus post memoratum Azariam extitisse alium Pontificem nomine Sobna: illum scilicet, contra quem propheta Isaias cap. 22. vers. 15. vsque ad finem capitis. Sunt etiam qui putant, temporibus Manasse Regis Pontificem fuisse illum Eliacim, quem Isaias capite proxime citato vers. 20. prædicit loco Sobnæ in Pontificatu fore collocandum. Et ij duo quoque, Sobna videlicet & Eliacim, in Eleazari genealogia iam sæpius allegata minimè reperiuntur. Iosia verò Regis tempore Helciam fuisse Pontificem, apertè ac frequenter replicatur 4. Regum cap. 22. & 23. & 2. Paralip. cap. 24. Denique sub Sedecia Rege fit mentio Saraia primi Sacerdotis 4. Reg. cap. vlt. vers. 18. & Ierem. cap. pariter vlt. vers. 24. nam Sophonias filius Maasia, qui apud Ierem. cap. 29. vers. 25. 26. & 29. videtur eisdem temporibus fuisse Pontifex, reuerà non Sacerdos primus fuit, sed post Saraiam secundus; quemadmodum in postremis 4. Reg. & Ierem. capitibus versibus quæ proximè citatis manifestè traditur. Ceterùm de Phasur Sacerdote filio Emmer, qui Ieremiam vinxit in carcerera, vt ipsemet cap. Prophetiæ suæ 20. testatur, quidnam sentiendum sit, nos sub anno mundi 3439. num. 2. dicemus. Isti ergo sunt Iudæorum Pontifices, quos ceteris inter-

intermediis prætermisſis Sacræ paginæ nominatim recolunt, & intra memorata tempora extiſſe produnt.

16. Ceteri verò Scriptores, nimirum Iosephus 10. Antiq. cap. 1. i. aliquantò post initium, & B. Nicephorus Ecclesiasticæ Historiæ lib. 2. cap. 4. & Auctor Glossæ ordinariæ super cap. 3. lib. 2. Machab. & Abulensis super c. 6. lib. 1. Paralip. & Genebrardus lib. 1. suæ Chronologiæ, & alij, in recensendis hisce Pontificibus varij admodum sunt, & non solum inter se discrepant, verumetiam ab his quæ de eisdem Pontificibus sacra Scriptura in Reg. Paralipomenonque libris tradit, non parum dissentire videntur, ut cuius eorum scripta accuratè conferenti facile constare poterit. Verumenimverò, nullus est, ut arbitror, cui hac in re magis tutiusve credi posse videatur, quàm vni Iosepho, utpote qui & Iudæus, & de stirpe Sacerdotali, & antiquitatum Hebraicarum studiosissimus omniumque peritissimus, & multò quàm ceteri huius generis Scriptores, antiquior fuerit. Is itaque loco citato sic ait: *Ergo primus omnium in templo recens à Salomone exstructo Pontifex fuit Sadocus, cui filius Achimaas successit, post Achimaam Azarias, & post hunc Ioramus, post Ioramum Iſus, & deinceps Axioramus, Phideas, Sudeas, Iulus, Iothamus, Vrias, Nerias, Odeas, Saldumus, Elcias, Sareas, Iosadocus, qui captivus Babylonem ductus est. Hi omnes, quasi per manus traditum Sacerdotium, filij parentum successores acceperunt, continuata generis serie.* hæc Iosephus. Cur autem Pontificum successio quam ponit Iosephus, tantopere differat ab ea quæ in Sacro eloquio reperitur, non tam in ipsum numero, quàm etiam in nominibus: dicimus, quod quidem spectat ad nomina, duo potissimum in causa esse potuisse. Alterum, quia fortè quidam ipsorum fuerint binomines, & altero eos Iosephus, altero Scriptura sacra nuncupaverit. Propterea non defunt qui putant, quòd quem Auctor 2. Paralip. cap. 19. vers. 11. appellat Amariam, Iosephus ubi suprà vocat Ioramum, aut Iſum, & quos Scriptura 4. Reg. cap. 12. & 2. Paralip. c. 23. nominat Ioiadam, & cap. 24. Zachariam, Iosephus Sudeam & Iulum dixerit. Et item duos Azarias, primum qui restitit Ozis Regi incensum adolere tentanti, & alterum qui sub Ezechia Rege 2. Paralip. cap. 31. vers. 12. memoratur, primum quidem vocaverit Iothamum, alterum verò Neriam, & denique Sobnam atque Eliacim, Isai. cap. 22. vers. 15. & 20. commemoratos, Odeæ & Saldumi vocabulis significaverit. Altera causa est, quia ex quo Iudæi Græcis, hoc est Ægypti Syriæque Regibus ac Alexandri Magni successoribus subditi esse cœperunt, paulatim ad Græca vocabula declinare assueverunt, plurima ipsorum propria cum illis vel quoquomodo commiſcentes, vel omnino commutantes, quemadmodum apertè testatur Iosephus 12. Antiq. cap. 6. de Iesu, qui se Iasonem vocari maluit, & de Onia, qui Menelaus dici voluit. Qui mos subsequen- tibus postea temporibus magis inualuisse creditur, ita ut non hominum dumtaxat, sed urbium quoque plurima nomina immutata fuerint: siquidem certum est, quòd quæ priùs Sichem, postea Napolis dicta est, & quæ Bethsan, Scythopolis, & quæ Lydda, Dispolis, & eiusmodi aliæ aliis vocabulis sunt appellatæ. Similiter credendum esse accidisse Iudæis, quando sub Romanorum Imperio redacti sunt, quòd scilicet interdum nomina sua Latinis nominibus aliquatenus, præsertim in eorum desinentiis, assimilare studerent: dicentes verbi gratia pro Ioram, Ioramum; pro Sellum, Seldumum; pro Saraia, Saream; pro Ioseduc, Iosadocum; & sic de aliis. Quid igitur mirum est, si Iosephus in recensendis Pontificum nominibus, eadem, ut suo tempore in usu erant, protulit: nimirum quædam Græcè, quædam Hebraicè, & nonnihil Latini redolentia? Quod verò attinet ad differentiam numeri Pontificum qui in Scriptura sacra & apud Iosephum recensiti inveniuntur, dicimus eam quoque duplici alia de causa oriri potuisse. Vel quia fortè Iosephus inter summos Sacerdotes, quosdam quandoque computaverit, qui tamen non essent summi, aliquando tamen pro summis supplebant, eorum officio fungentes. Vel quoniam Scriptura sacra illorum dumtaxat meminerit, qui continuata primogenitorum successione Pontificatû tenuerunt: Iosephus autem eos quoque recensuerit, qui licet primogeniti non essent, Pontifices tamen fuerunt, quemadmodum accidere solebat, quando primogenito absque liberis defuncto, frater eius, vel etiam quandoque fratres eius, unus post alterum in Pontificatu succedebant. Sed iam tempus est, ut ad institutam historiam narratio nostra recurrere debeat.

17. Per idem tempus, hoc est circa initia regni sui, necesse est fateri missam fuisse Salomoni ab Hiram Rege Tyri legationem illam congratulatoriam, cuius, licet subobscurè & per recapitulationem fit mentio 3. Reg. cap. 5. vers. 1. & clariùs à Iosepho explicatur 8. Antiq. cap. 2. Siquidem credibile est, Regem Tyri, utpote Israelitis regione proximum, celeriter audiuisse de Salomone, quòd non solum vinctus Rex, verumetiam

AVCTORVM
VARIETAS
IN HISCE
PONTIFICI-
BUS REGEN-
SNDIS.

CVR DIFFE-
RAT IOSE-
PHVS ASCRI-
PTVR SA-
CRÆ IN PON-
TIFICVM
NOMINI-
BUS REGEN-
SNDIS.

CVR IN EO-
RVMDem
NUMERO.

LEGATIO-
NES ET CON-
VENTA IN-
TER SALO-
MONEM ET
HIRAM TY-
RI REGEM.

æmulo eiusque sequacibus occisis, iam in regno patris confirmatus esset, & propterea non multum distulisse dictam transmittere legationem: aliqui non videretur fuisse opportuna. Crediderim quoque, iam ex tunc, vel non multo post, fieri cœpisse ea omnia quæ narrantur in toto cap. proximè citato, & ferè eadem sunt cum his quæ traduntur i. Paralip. cap. 2. per totum. Et primò quidem, prædictæ legationis occasione, oportet memoratos Reges inuicem fœdus percussisse, ac obfirmasse pacem & amicitiam quæ fuerat inter dictum Hiram & Dauidem: ac deinde Salomonem, cùm decreuisset fabricare domum Domino, & palatium sibi, postulasse ab Hiram Rege Tyri cedros, & alia de monte Libano ligna, abiegna, pineaque, & eiusmodi alia, ad fabricas tam grandes opportuna; conuenisseque cum ipso, vt Rex Tyri curaret cædi diuersi generis ligna de Libano, ac perducii ad mare Mediterraneum, ibique in ratibus componi, & in Ioppen aduehi: Salomon autem curaret ea inde transferri in Ierusalem, daretque Tyrio Regi in cibum domui suæ, hoc est seruis qui cædebant ligna, tritici coros viginti millia, & hordei totidem, & vini metretas viginti millia, & olei sara pariter viginti millia, per singulos annos, intellige donec explerentur fabricæ. Petiit quoque Salomon à Rege Tyri, vt mitteret sibi virum gnarum & eruditum in cunctis artibus atque operibus auri atque argenti, æris & ferri, lignorum quoque & marmoris, nec non purpure, hyacinthi, byssi, & coccini, quique in omnibus cælaturis, aliisque eiusmodi pulcherrimis operum adinventionibus valde esset peritus & excellens. & misit ei Rex Tyri, Hiram patrem suum, hoc est, virum eiusdem, quo Rex nominis, quem ob ætatem eminentemque prædictarum artium scientiam apud se habebat, honorabatque tamquam patrem. Erat autem iste Hiram, de patre quidem Tyrio natus, sed de matre Hebræa vidua, cuius parentes fuerant, alter de tribu Nephthali, alter de tribu Dan, vt colligitur ex 3. Reg. cap. 7. vers. 14. & 2. Paralip. cap. 2. vers. 14. & sic possunt duo ista loca conciliari. & hic erat in omnibus prædictis artibus omnium sui temporis excellentissimus. Iussit insuper Salomon in toto Israël cogi triginta millia operariorum, ex quibus vicissim singulis mensibus decem millia irent cum seruis Hiram Regis Tyri ad cædenda ligna de Libano. Et præterea mandauit denuò, post dinumerationem à patre suo factam, recenseri profelytos in toto Israël existentes, qui inuenti sunt centum quinquaginta tria millia & sexcenti; quorum octoginta millia deputata sunt, vt cæderent lapides grandes in montibus, & septuaginta millia, vt portarent onera, hoc est, eosdem lapides de montibus, & ligna de Ioppen in Ierusalem; reliqui verò ter mille & sexcenti, præfecti sunt operibus. Atque omnis iste apparatus, sicuti videtur fieri cœpisse hoc anno primo regni Salomonis, vt dictum est, ita oportet quòd postea continuauerit vsque ferè ad consummationem fabricarum, hoc est per annos viginti, quemadmodum colligi potest 3. Reg. cap. 9. vers. 10. & 11.

18. Eodem circiter anno regni Salomonis primo, Adad de semine Idumæorum regio, qui (vt sub anno mundi 2992. num. 2. dictum est) quando Ioab percutiebat Idumæos, transfugerat ad Pharaonem in Ægyptum; audita (quemadmodum dicitur 3. Reg. cap. 11. vers. 21.) morte Dauidis & Ioab, petiit obtinuitque à Pharaone licentiam redeundi in patriam suam, sperans se posse recuperare regnum patrum suorum, hoc est ipsam Idumæam, quam Dauid & Ioab subegerant Israël: verumtamen quòd ipse Adad, propter Salomonis potentiam, nihil attentare ausus fuerit, præsertim quamdiu Salomon in veri Dei cultu permansit, manifestum est, nam 3. Reg. cap. 5. vers. 4. de seipso dicit Salomon: *Nunc autem requiem dedit Dominus Deus meus mihi per circuitum, & non est satan*, hoc est aduersarius, neque occurfus malus. & cap. 4. vers. 24. de eodem Salomone dicitur, quòd habebat pacem ex omni parte in circuitu, habitabatque Iuda & Israel absque timore vllò, vnusquisque sub vite sua, & sub ficu sua, à Dan vsque Bersabee, cunctis diebus Salomonis. intellige, quibus verum Deum coluit. Ex quibus omnibus aperte infertur, ipsum Adad venisse quidem hoc anno ad suos, animo sollicitandi Idumæos, vt ab Israelitis deficientes ad se redirent; sed non ausum fuisse tunc id facere, præsertim cùm non multo post audiuerit, Salomonem duxisse filiam Pharaonis in vxorem; & propterea distulisse consilium suum exequi, vsque ad postrema eiusdem Salomonis tempora, quemadmodum sub anno mundi 3058. num. 1. dicemus.

DE OPERA-
RIS A SA-
LOMONE
PRO TEM-
PLI FABRI-
CA INDI-
CTIS.

ADAD CVR
DE AEGY-
PTO REDIE-
RIT IN IDU-
MÆAM TER-
RAM PA-
TRVM SVO-
RVM.

AB ORBE CONDITO . QVARTAE MVNDI ÆTAT.
ANNVS 3021. ANNVS 478.

ANNO regni Salomonis secundo, (vt ex Sacro narrationis ordine, à quo sine vrgenti causa, quæ hic non apparet, recedendum non est, conici posse videtur,) nimirum inter occisionem Adoniz ac Ioab, eiectionemque Abiathar, primo anno factam; & profectionem Regis in Gabaon, quam anno tertio accidisse, sub anno insequenti probabimus: Salomon, confirmato iam regno suo per mortem eiectionemque inimicorum suorum, duxit filiam Pharaonis Regis Ægypti in vxorem; & adduxit eam in ciuitatem Dauid, hoc est in arcem Sion, donec ædificaret domum suam, & Domum Domini, & murum in circuitu Ierusalem: 3. Reg. cap. 3. vers. 1. Vbi Abulensis quæst. 1. ait, quòd hæc fuit prima vxor quam duxit Salomon ex quo factus est Rex, & propterea eam postea semper præ ceteris honorauit, vt videtur colligere ex illis verbis Cantic. cap. 6. vers. 7. *Sexaginta sunt regina, & octoginta concubina, & adolescentularum non est numerus. Vna est columba mea, perfecta mea.* & post pauca: *Viderunt eam filie, & beatissimam predicauerunt: regina & concubina, & laudauerunt eam.* Non est autem credendum, quòd post occisos Adoniam & Ioab hostes suos primarios, multum distulerit Salomon ducere hanc vxorem; nimirum, vt adhuc magis firmaret regnum suum, nec tam facile esset finitimis populis insurgere contra ipsum, scientes quòd affinitate iunctus esset Pharaoni, qui & ipse erat Rex valde potens: & per hoc comprobari potest, quod suprà dictum est, videlicet, Salomonem hoc circiter anno prædicta duxisse vxorem; cui etiam dedit Pharaon in dotem Gazer, vrbem tribus Ephraim, de qua dicitur Iosue cap. 16. in fine: *Et non interfecerunt filij Ephraim Chananeum, qui habitabat in Gazer: habitauitq; Chananeus in medio Ephraim vsque in diem hanc tributarius.* Porro hanc vrbem postea cepit Pharaon & succendit, interfecto Chananeo, deditque eam in dotem filiz suæ vxori Salomonis, vt dicitur 3. Reg. cap. 9. vers. 16.

SALOMON
DVXIT FI-
LIAM PHA-
RAONIS
VXOREM.

AB ORBE CONDITO QVARTÆ MVNDI ÆTAT.
ANNVS 3022. ANNVS 479.

ANNO regni sui tertio, vt numero proximo probabitur, Salomon rebus imperij sui iam satis firmiter stabilitis, videns quòd Deus esset cum eo, & prosperaret ac magnificaret eum valde, vt pro his debitas gratiarum actiones Domino rependeret, congregato vniuerso Israele, nimirum Tribunis, Centurionibus, Ducibus, Iudicibus, ac Principibus familiarum, abiit cum eis in excelsum Gabaon, vbi tunc erat Tabernaculum foederis & Altare aereum, quæ olim fabricauerat Beseleel, iubente Moyse, in deserto; & solemniter obtulit ibi Salomon mille hostias. Et ecce in ipsa nocte, quæ post oblatas victimas subsecuta est, per somnium apparuit illi Dominus, præcepitque ei, vt postularet ab eo quæcumque vellent: cui Salomon, considerans magnitudinem regni quod dederat ei Dominus, & multitudinē subditorum, nihil aliud petiit, nisi vt ex quo subiecerat sibi populum panē infinitum, daret quoque sapientiam & prudentiam talem, qua rectè & conuenienter posset eum regere ac iudicare. Tantopere igitur placuit in oculis Domini hæc Salomonis sancta petitio, vt dederit ei cor sapiens & intelligens, quale nullus ante eum habuerat, aut habiturus esset. Sed & diuitias & gloriam dedit ei supra omnes Reges Israel qui eum præcesserant, aut post ipsum fuerint. Et insuper promissit ei valde diuturnam vitam; si tamen ita obseruasset præcepta Domini, quemadmodum fecerat Dauid pater eius. Expergefactus ergo Salomon, Dei gratia cognouit quòd illud somnium non esset vanum aut illusorium, qualia esse solent quæ interdum à diabolo, opera Dei nequiter imitante ac subuertere, excitantur, vt incautos decipiat; sed missum sibi fuerat à Deo, qui, vt dicitur Iob cap. 33. vers. 15. *per somnium in visione nocturna, quando irruit sopor super homines, & dormiunt in lectulo: tunc aperit aures virorum, & erudiens eos instruit disciplina, &c.* Cum verò rediisset Salomon in Ierusalem, obtulit ibi quoque pro gratiarum actione Deo holocausta & victimas coram Arca foederis Domini, quam reduxerat Dauid de Cariathiarim, vt sub anno mundi 2990. num. 3. dictum est, & fecit grande conuiuium vniuersis famulis suis, nimirum his qui ipsum comitati fuerant euntem ac redeuntem de Gabaon. Hæc latius tradita inuenies 3. Reg. cap. 3. vers. 4. vsque ad 16. & 2. Paralip. cap. 1. vers. 1. vsque ad 14.

SALOMON
SACRIFI-
CAT DOMI-
NO IN GA-
BAON.

PETIT OB-
TINETQUE
A DOMINO
SAPIEN-
TIAM.

PROBAN-
TYR PRAE-
DIGTA IN
GABAON
ACTA CON-
TIGISSE AN-
NO REGNI
SALOMONIS
TERTIO.

2. Dixi prædicta contigisse anno regni Salomonis tertio, quod etiam sentit Abulen-
sis super 2. Paralip. cap. 1. quæst. 2. quamvis id rectè non probet: ait enim, profectio-
nem Salomonis in Gabaon factam esse post occisum Semei, eo motus argumèto, quòd tam
loco citato quàm 3. Reg. cap. 3. dicatur Salomon abiisse in Gabaon, quando iam con-
firmatus erat in regno; & tunc propriè (inquit) dicebatur confirmatus in regno, quando in-
terfecit omnes inimicos suos, inter quos etiam erat Semei: ergo, &c. Deinde sic arguit: Semei
occisus est triennio post initium regni Salomonis; ergo in fine anni tertij, vel circa initia
quarti ipsius Salomonis. Sed mihi profectò probabilius videtur dicendum, quòd tunc
verè Salomon dici poterat confirmatus in regno, quando occidit Adoniam & Ioab, &
expulit à se Abiathar: isti enim erant viri admodum potentes; & quia cor eorum non
erat cum Salomone, non poterat satis firmum esse regnum eius, nisi posteaquam illi de
medio sublati sunt. At Semei nusquam legitur quòd secutus fuerit partes Adoniæ, ne-
que quòd vllatenus aduersatus fuerit Salomoni; sed nec erat vir tantæ auctoritatis in
populo, vt posset turbare regnum Salomonis; & certum est, ipsum non ob tale quid, sed
tantummodò propter iniuriam olim Davidi irrogatam iussum fuisse interfici. Præterea
si Salomon profectus est in Gabaon antequam cœpisset fabricare Templum, vt ex ipsa
Sacri textus serie manifestum est, & ipsemet concedit Abulensis; proculdubio sit con-
sequens, id accidisse ante necem Semei. Nam siue supputemus annos regni Salomonis
à prima, siue à secunda eius vñctione, oportet ipsum Semei occisum fuisse post iam in-
choatam Templi fabricam. Ad quod probandum, primò supponimus duo quæ certis-
sima sunt, nec in dubium vocari possunt. Alterum est, interitum Semei accidisse post
tres annos, non (vt putat Abulensis) ex quo cœperat regnare Salomon, sed ex quo ipse
Salomon interdixerat illi exitum de Ierusalem. Alterum, quòd ista interdictio non fuit
facta nisi post obitum Davidis, quando iam aliquot diebus antè Salomon vñctus se-
cundò fuerat in Regem. Deinde dicimus, Salomonem post obitum patris, integrum
saltem mensem cum vniuerso Israele traduxisse in celebrando luctu eius, quemadmo-
dum sub anno mundi 3020. num. 11. dictum est: quo expleto, non statim, vt est veris-
simile, sed post aliquot dies Adoniam induxisse matrem Salomonis, vt postularè à Rege
dari sibi Abisag in vxorem, & propterea fuisse interfectum; & postea Salomonem ex-
pulisse Abiatharum, ac iussisse occidi Ioab; & denique ex hac occasione recordatum
præcepti paterni de puniendo Semeo, præcepisse ei, nimirum circa medietatem secun-
di mensis ab obitu Davidis, ne exiret de Ierusalem; alioqui sciret se moriturum. Cum
igitur post tres annos ab hoc præcepto, vt dicitur 3. Reg. cap. 2. vers. 39. transfugerint
serui Semei ad Achis Regè Geth, & vbi hoc audiuit Semei, ipse profectus sit in Geth,
ac inde reduxerit seruos suos in Ierusalem, & post hæc delatus ad Regem Salomonem,
iussus sit interfici: profectò apparet, necem Semei non potuisse contingere, nisi quindecim
circiter diebus post elapsos prædictos tres annos; & consequenter, si supputarentur
anni regni Salomonis à secunda eius vñctione, oporteret Semei fuisse occisum mense
octauo anni quarti, & consequenter aliquanto post inchoatam Templi fabricam. Nam
si à secunda vñctione Salomonis ad mortem Davidis fluxerunt aliquot dies, puta octo
vel decem; & à mortè Davidis ad dictum præceptum mensis vnus cum dimidio; &
post tres ab hoc præcepto annos contigit fuga seruorum Semei, & post quindecim cir-
citer dies idem Semei occisus fuit, vtique oportet eius necem contigisse mense tertio
iam per aliquot dies inchoato anni quarti regni Salomonis. Si verò anni eiusdem Salo-
monis supputentur à prima eius vñctione, quæ sex ferè mensibus præcessit secundam
(quemadmodum supputandos esse iam nos sub anno mundi & numero proximè ci-
tatis probauimus) numera menses sex à prima Salomonis vñctione ad obitum Dau-
dis, & inde mensem cum dimidio vsque ad præceptum factum Semeo, & annos tres
ad fugam seruorum eius, & dies circiter quindecim ad necem ipsius, & inuenies interi-
tum Semei incidisse anno regni Salomonis quarto, sub finem mensis octauo aut circa
initia noni, & per consequens adhuc multò post initium dictæ fabricæ. Insuper cum
certum sit, vt expressè traditur 3. Reg. cap. 6. vers. 1. & 2. Paralipom. cap. 3. vers. 2. Salo-
monem cœpisse Templi ædificium anno regni sui quarto, mense secundo; etià si con-
cederemus Semei fuisse occisum circa medietatem eiusdem mensis, non videretur Sa-
lomon potuisse post interitum Semei ire cum toto Israele in Gabaon, & celebrare ibi
sacrificia sollempnissima, ac inde cum eodem comitatu redire in Ierusalem, aliaque ibi-
dem sacrificia & conuiuia facere, & postea eodem quoque mense Templi fabricam
inchoare; præsertim cum post prædicta conuiuia videatur Salomon quædam alia ges-
sisse, vt paulò post dicemus, quæ aliquam etiam moram inter memorata conuiuia &
Templi

Templi fabricam intercessisse arguunt. Ex his ergo omnibus patere iam posse arbitror, prædictam Salomonis protectionem in Gabaon factam esse ante occisum Semei, non autem post; & propterea potius sub anno regni Salomonis tertio quam sub quarto esse ponendam: tunc enim iam satis confirmatus erat in regno, quia non solum sustulerat inimicos suos, sed etiam affinitatem cum Pharaone potentissimo Rege iam contraxerat, ut dictum est.

3. Eodem anno regni sui tertio, Salomon reuersus in Ierusalem, post sacrificia & conuiuia superius memorata, cepit edere signa sapientiæ sibi à Deo traditæ admirabilia. Et primò quidem, cum quadam die vacaret publicæ populi audientiæ, ecce duæ mulieres meretrices, quarum vna infantem suum dormiens oppresserat, & mortuum cum alterius infante viuo clam commutauerat, contendere cæperunt coram Rege; vtraque affirmante, infantem viuum esse filium suum: neque vlla conueniens probatio magis pro vna quam pro altera parte adduci poterat; quia solæ in vna eademque domo ambæ pepererant. In hoc tam obscuro atque ancipiti iudicio, prudentissimus Rex, cunctis qui aderant cæcutientibus, & quid in tali casu fieri posset ignorantibus, iubet adferri gladium, & diuidi infantem viuum, & vtrique medietatem dari; non sine tacita astantium irratione: verumtamen cum diligentius obseruasset Rex mulieres, & alteram quidem sententiæ libenter annuisse, alteram verò econtrariò valde commotam videret, ac protestantem malle se filio suo viuo, quam filium suum viuo priuari, statim cognouit eam esse veram pueri viuentis matrem, eidemque ipsum dari imperauit: obstupescens omnibus & commendantibus tantam in Rege suo iuniore prudentiam. quæ res confestim in omni Israele diuulgata, fecit ut omnes deinceps timerent Regem, videntes sapientiam Dei in eo esse, ad faciendum iudicium: 3. Reg. cap. 3. vers. 16. vsque ad finem. Cæpit deinde Salomon congregare sibi currus & equites pænè innumerabiles, & argentum atque aurum, quasi lapides in vis existentibus; & cedrorum copiam, ac si essent veluti sycomori, quæ ibidem passim nascuntur in campestribus; aliaque multa insignia ac generosi admodum cordis indicia facere, cum magna tum subditorum suorum, tum etiam exterorum admiratione, ut locis opportunioribus in sequenti Orbis ætate dicemus.

4. Ceterum, quoniam hîc definit Quarta mundi atas, de cuius annorum summa non eadem est omnium sententia, breuiter hoc loco, iuxta pollicitationem nostram in Operis Præfatione præmissam, tangendæ sunt causæ huius diuersitatis inter Auctores, qui de gestis horum temporum scripserunt. Sunt autem, si benè recolo, præcipuæ tantummodò duæ: Altera est, quia variæ reperiuntur de tempore seu duratione Ducatus Iosue opiniones, ut nos sub anno mundi 2591. num. 10. differuimus. Altera, quoniam nonnulli existimant annos in libro Iudicum notatos Interregnum & seruitutem, quæ frequenter illis temporibus acciderunt, non esse computandos in annis ipsorum Iudicum, sed ipsis potius superaddendos; & propterea ab introitu Israelis in Terram promissionis, vsque ad iacta Templi Salomonis fundamenta, numerant annos quingentos nonaginta & vnum. Nos verò secuti textum Scripturæ sacre expressum 3. Reg. cap. 6. vers. 1. ponimus tantummodò annos quadringentos octoginta: cuius rei rationes fusiùs sub anno mundi proximè adducto, à num. 10. vsque ad 16. inclusiue adduximus.



T A B V L Æ

Computationis & concursus annorum vi-
tæ Ducatusque Procerum, & Ærarum quar-
tæ Mundi ætatis.

A N N I

	Ab orbe con- dito.	Adi- luvio	Mo- nar- chiæ Assy- riorum.	Vitæ Iob.	Vitæ Ma- rie for- oris Moy- fi.	Vitæ Aaro- nis.	Vitæ Moy- fi.	Vitæ Iosue.	Re- gni Ceo- cro- pis.	Vitæ Ca- leb.
Moyſes educit populum de Ægypto inch. anno	2544	888	529	216	88	84	81	61	47	39
Ergit Tabernaculum inch. an. & deficiente, Iob moritur.	2545	889	530	217	89	85	82	62	48	40
Idumæi ab Amorrhæis de propriis ſedibus pelluntur an.	2546	890	531		90	86	83	63	49	41
Cecrops primus Athenienſium Rex moritur ſub finē anni	2547	891	532		91	87	84	64	50	42
Athenis prima Areopagi inſtitutio anno	2548	892	533		92	88	85	65		43
Post annos 23.	23	23	23		23	23	23	23		23
Naaffon genuit Salmon anno	2571	915	556		115	111	108	88		66
Post annos 4.	4	4	4		4	4	4	4		4
Afcadas Rex Aſſyriorum moritur in fine anni	2575	919	560		119	115	112	92		70
Amyntas regnat in Aſſyria inchoante anno	2576	920	561		120	116	113	93		71
Post annos 6.	6	6	6		6	6	6	6		6
Iſraëlitæ faciunt 32. manſionem in Aſiongaber anno	2582	926	567		126	122	119	99		77
Veniunt in Cades. Maria, Aaron, & Moyſes moriuntur an.	2583	927	568		127	123	120	100		78
Iosue Dux introducit populū in Terrā promiſſā, inch. an.	2584	928	569					101		79
Post annos 5.	5	5	5					5		5
Iosephi oſſa in Sichem ſepeliuntur anno	2589	933	574					106		84
Prima terræ diuiſio, & 1. annus Sabbaticus anno	2590	934	575					107		85
Tabernaculū tranſfertur in Silo. Terræ diuiſio abſoluitur.	2591	935	576					108		86
Post annos 2.	2	2	2					2		2
Iosue moritur in fine anni	2593	937	578					110		88
Interregnum ſub regimine ſeniorum inch. anno	2594	938	579							89
Post annos 7.	7	7	7							
Cœperunt computari anni Ducatus Othonielis.	2601	945	586							
Post annos 15.	15	15	15							
Corinthus creditur condita anno	2616	960	601							
Post annos 4.	4	4	4							
Amyntas Rex Aſſyriorum moritur ſub finem anni	2620	964	605							
Regnat Belothus in Aſſyria inch. anno	2621	965	606							
Post annos 12.	12	12	12							
Annus Iubilei primi.	2633	977	618							
Post annos 7.	7	7	7							
Othoniel moritur in fine anni	2640	984	625							
Incipiunt an. qui tribuuntur Ducatu Aod anno	2641	985	626							
Post annos 4.	4	4	4							
Belothus Rex Aſſyriorum moritur ſub finem anni	2645	989	630							
Bellepares in Aſſyria regnat inch. anno	2646	990	631							
Post annos 19.	19	19	19							
Salmon genuit Booz de Rahab anno	2665	1009	650							
Post annos 10.	10	10	10							
Bellepares Rex Aſſyriorum moritur ſub finem anni	2675	1019	660							
Lamprides regnat in Aſſyria inch. anno	2676	1020	661							
Post annos 7.	7	7	7							

A N N I

Vitæ Naaf- fon.	Re- gni Afca- de Re- gis Affy- riorū.	Du- catus Moy- fi.	Ab exitu Ifraē- lis de Ægy- pto.	Sa- cer- dotij Aaro- nis.	Vitæ Sal- mon.	Re- gni A- myn- tha in Affy- ria.	Sa- cer- dotij Elea- zari.	Du- catus Iofue.	Abin- troitu Ifrael in Ter- ram pro- miffio- nis.	Re- gimi- Seni- rum.	Du- catus Otho- nielis.	Re- gni Be- lo- thi in Affy- ria.	Du- catus Aod.	Re- gni Belle- paris in Af- fyna.	Vitæ Booz	Re- gni Lam- pri- dis in Affy- ria.	Sab- bati- ci.	Lubi- leo- rum.
31	9	1	1															
32	10	2	2	1														
33	11	3	3	2														
34	12	4	4	3														
35	13	5	5	4														
23	23	23	23	23														
58	36	28	28	27	1													
	4	4	4	4	4													
	40		32	31	5													
		33	33	32	6	1												
		6	6	6	6	6												
		39	39	38	12	7												
		40	40	39	13	8	1											
			41		14	9	2	1	1									
			5		5	5	5	5	5									
			46		19	14	7	6	6									
			47	1	20	15	8	7	7								1	
			48		21	16	9	8	8									
			2		2	2	2	2	2									
			50		23	18	11	10	10									
			51		24	19	12		11	1								
			7		7	7			7									
			58		31	26		18	8	1								
			15		15	15		15	15									
			73		46	41		33		16								
			4		4	4		4		4								
			77		50	45		37		20								
			78		51			38		21	1							
			12		12			12		12	12							
			90		63			50		33	13							
			7		7			7		7	7							1
			97		70			57		40	20							
			98		71			58			21	1						
			4		4			4			4	4						
			102		75			62			25	5						
			103		76			63				6	1					
			19		19			19			19	19	19				9	
			122		95			82			25	20	1					
			10		10			10			10	10	10					
			132		132			92			35	30	11					
			133		133			93			36	12	1					
			7		7			7			7	7	7					

A N N I

	Ab orbe con- dito.	A di- luvio.	Mo- nar- chiæ Assy- rio- rum.	Ab exitu Israe- lis de Egy- pto.	Ab in Du- troitu catus Israel Aod.	
Annus Iubilei secundi. Post annos 24.	268 24	1027 24	668 24	140 24	100 24	43 24
Lamprides Rex Assyriorum moritur in fine anni	2707	1051	692	164	124	67
Sofares regnat in Assyria inchoante an. Post annos 12.	2708 12	1052 12	693 12	165 12	125 12	68 12
Obiit Aod circa initia, & Samgar in fine anni	2720	1064	705	177	137	80
Incipiunt an. attributi Præfecturæ Debboræ & Barac.	2721	1065	706	178	138	
Ianus 1. Italiæ Rex, regnare cœpisse creditur an. Post annos 5.	2722 5	1066 5	707 5	179 5	139 5	
Sofares Assyriorum Rex obiit desinente an.	2727	1071	712	184	144	
Lampares regnat in Assyria inchoante an. Post annos 5. incidit	2728 5	1072 5	713 5	185 5	145 5	
Annus Iubilei tertij. Post annos 15.	2733 15	1077 15	718 15	190 15	150 15	
Incipit historia libri Ruth an. Post annos 9.	2748 9	1092 9	733 9	205 9	165 9	
Lampares Rex Assyriorum moritur sub finem anni	2757	1101	742	214	174	
Pannias regnat super Assyrios inchoante an.	2758	1102	743	215	175	
Noëmi cum nuru Ruth redit in Bertheem inchoante an. & sub finem an. Booz genuit Obed ex Ruth.	2759	1103	744	216	176	
Concurrit ferè totus cum an. 1. vitæ Obed: & Debbora & Barac moriuntur in fine anni	2760	1104	745	217	177	
Incipiunt anni Principatui Gedeonis attributi. Post annos 22.	2761 22	1105 22	746 22	218 22	178 22	
Annus Iubilei quarti. Post annos 17.	2783 17	1127 17	768 17	240 17	200 17	
Gedcon mortuus est in fine anni	2800	1144	785	257	217	
Abimelech fit Dux populi Israël inchoante an.	2801	1145	786	258	218	
Pannias Assyriorum Rex obiit in fine anni.	2802	1146	787	259	219	
Sofarmus regnat in Assyria inchoante an. & Abimelech moritur in Israël sub finem anni	2803	1147	788	260	220	
Thola fit Dux in Israël inchoante an. Post annos 17.	2804 17	1148 17	789 17	261 17	221 17	
Sofarmus Rex Assyriorum moritur in fine anni	2821	1165	806	278	238	
Mitreus regnat in Assyria inchoante an. Post annos 4.	2822 4	1166 4	807 4	279 4	239 4	
Thola Israëlitarum Dux moritur in fine anni	2826	1170	811	283	243	
Iair iudicat Israellem inchoante an. Post annos 4.	2827 4	1171 4	812 4	284 4	244 4	
Israel traditur in manus Philisthinorum an. Post annos 2.	2831 2	1175 2	816 2	288 2	248 2	
Annus Iubilei quinti. Post annos 9.	2833 9	1177 9	818 9	290 9	250 9	
Heli nascitur circa initia an. Post annos 6.	2842 6	1186 6	827 6	299 6	259 6	
Mitreus Rex Assyriorum, & Iair Dux Hebr. decedunt in fine anni	2848	1192	833	305	265	

	Ab orbe con- dito.	A di- luvio	Mo- nar- chia Assy- rio- rum.	Ab exitu Israe- lis de Ægy- pto.	Ab intro- itu Is- rael inter- ram Chaa- naan.	Vita Obed	Vita Heli.	Re- gni Tau- tan- is in As- syria.
Tautanes in Assyria regnat, & Iephthe fit Dux in Israel inchoante anno	284	1193	834	306	266	90	8	1
Iephthe interficit Ephraimitas an. Post annos 4.	285 4	1194 4	835 4	307 4	267 4	91 4	9 4	2 4
Iephthe moritur sub finem anni.	285	1198	839	311	271	95	13	6
Abefan Dux Israel, & Obed genuit Iesse inch. an. Post annos 5.	285 5	1199 5	840 5	312 5	272 5	96 Quor vero	14 5	7 5
Septima Israelis præuaticatio an.	286	1204	845	317	277	annis super-	19	12
Samson nascitur inch. an. & Abefan moritur in fin.	286	1205	846	318	278	super- uixerit Obed,	20	13
Ahialon fit Dux in Israel inch. an. Post annos 9.	286 9	1206 9	847 9	319 9	279 9	defini- re non possumus.	21 9	14 9
Ahialon moritur in fine an.	287	1215	856	328	288		30	23
Abdon Dux Israel inch. an. & Troia capta est. Post annos 3.	287 3	1216 3	857 3	329 3	289 3		31 3	24 3
Aeneas regnat in Italia an. Post annos 4.	287 4	1219 4	860 4	332 4	292 4		34 4	27 4
Abdon moritur sub finem an.	287	1223	864	336	296		38	31
Samson iudicæ Israël inch. an. & Tautanes rex Assy- riorum moritur in fin. an.	288	1224	865	337	297		39	32
Tanteus regnat in Assyria inch. an. Post annos 2.	288 2	1225 2	866 2	338 2	298 2		40 2	
Annus Iubilei sexti. Post annos 16.	288 16	1227 16	868 16	340 16	300 16		42 16	
Samson moritur in fine anni	289	1243	884	356	316		58	
Heli fit Iudex populi Israeliici inch. an.	290	1244	885	357	317		59	
Samuel natus creditur an. Post annos 3.	290 3	1245 3	886 3	358 3	318 3		60 3	
Offertur Domino in ministerium tabernaculi anno Post annos 5.	290 5	1248 5	889 5	361 5	321 5		63 5	
Heli acriter à Domino corripitur anno Post annos 4.	290 4	1253 4	894 4	366 4	326 4		68 4	
Reuelatur Dominus Samueli anno Post annos 7.	291 7	1257 7	898 7	370 7	330 7		72 7	
Tanteus Rex Assyriorum moritur sub fin. anni	292	1264	905	377	337		79	
Thineus regnat in Assyria inch. anno Post annos 4.	292 4	1265 4	906 4	378 4	338 4		80 4	
Berzellai Galaadites natus an. Post annos 3.	292 3	1269 3	910 3	382 3	342 3		84 3	
Deficit regnū Sicyoniorum, & incipit regnū Lacedæm. an. Post annos 5.	292 5	1272 5	913 5	385 5	345 5		87 5	
Annus Iubilei septimi Post annos 6.	293 6	1277 6	918 6	390 6	350 6		92 6	
Heli cessat à vita in fine an.	293	1283	924	396	356		98	
Samuel fit Iudex populi inch. an. Post annos 10.	294 10	1284 10	925 10	397 10	357 10			
Iesse genuit Dauidem inch. an. & Thineus rex Assyrio- rum moritur in fin. anni	295	1294	935	407	367			
Dercilus regnat in Assyria inch. anno, Post annos 8.	295	1265	936	408	368			

A N N I

Du- catus leph- te.	Du- catus Abn.	Vita leffe.	Vita Sam- fonis.	Du- catus Ahia- lon.	Du- catus Ab- don.	Atro ia ca- pta & sub- uerfa.	Du- catus Sam- fonis.	Re- gni Tan- rei in Affy- ria.	Du- catus Heli.	Vita Sam- uelis.	Re- gni Thi- nei in Affy- ria.	Vita Ber- zellai Gala- adis.	Du- catus Sam- uelis.	Vita Da- uidis.	Re- gni Der- gili Regis Affy- rio- rum.	Sab- bati- ci.	Iubi- leo- rum.
1																	38
2																	
4																	
6																	
	1	1															
	5	5															
	6	6															
	7	7	1														
		8	2	1													
		9	9	9													
		17	11	10													
		18	12		1	1											
		3	3		3	3											
		21	15		4	4											
		4	4		4	4											
		25	19		8	8											
		26	20			9	1										
						10	2	1									
		27	21			2	2	2									
		2	2														
						12	4	3									
		29	23			16	16	16									6
		16	16														
		45	39			28	20	19									
		46				29	20	1									
						30		21	2	1							
		47				3	3	3	3	3							
		3															
		50				33	24	5	4								
		5				5	5	5	5								
		55				38	29	10	9								
		4				4	4	4	4								
		59				42	33	14	13								47
		7				7	7	7	7								
		66				49	40	21	20								48
		67				50		22	21	1							
		4				4		4	4	4							
		71				54		26	25	5	1						
		3				3		3	3	3	3						
		74				57		29	28	8	4						
		5				5		5	5	5	5						
		79				62		34	33	13	9						50
		6				6		6	6	6	6						7
		85				68		40	39	19	15						
		86				69			40	20	16	1					51
		10				10			10	10	10	10					
		96				79			50	30	26	11	1				
		97				80				51	27	12	2	1			
		8				8				8	8	8	8	8			

	Ab erbe con- dito.	A di- luvio	Mo- iar- chæ Assy- rio- rum.	Ab exitu Iſraē- lis de Egy- pto.	Ab intro- itu Iſ- taelis inter- ram Chaa- naan.	Vitæ Ieſſe.	A Troia capta & ſub- uerſa.
Samuel purgat Iſraēlem ab idololatria, inch. anno : & Saul eligitur Rex populi ſub finem anni	2959	1303	944	416	376	105	88
Concurrit cum anno regni Saulis primo.	2960	1304	945	417	377	106	89
Saul exterminat Amalecitas anno	2961	1305	946	418	378	107	90
Idem à Deo reprobaturch. anno Poſt annos 2.	2962	1306	947	419	379	108	91
Dauid primò vngitur à Samuele ſub finem anni	2964	1308	949	421	381	110	93
Concurrit cum anno primo à prima vnctione Dauidis. Poſt annos 4.	2965	1309	950	422	382	111	94
Hebræorum victoria de Agareis anno Poſt annos 2.	2969	1313	954	426	386	115	98
Dauidis monomachia cum Goliath gigante anno	2971	1315	956	428	388	117	100
Saul falſo promittit dare Merob Dauidi vxorem, anno	2972	1316	957	429	389	118	101
Dat Michol Dauidi vxorem anno	2273	1317	958	430	390	119	102
Incipit apertè perſequi Dauidem, & Ieſſe creditur obiiſſe	2974	1318	959	431	391	120	103
Miphibothet naſcitur, & Abiathar fit Pontifex inch. anno	2975	1319	960	432	392		104
Saul perſequitur Dauidem in montibus Engaddi, anno	2976	1320	961	433	393		105
Samuel moritur ſub finem anni	2977	1321	962	434	394		106
Saul perſequitur Dauidem in deſerto Ziph, anno	2978	1322	963	435	395		107
In prælio contra Philiſthæos perit, anno	2979	1323	964	436	396		108
Dauid ſuper Iuda, & Iſboſeth ſuper Iſrael regnant inch. an. Poſt annos 2.	2980	1324	965	437	397		109
Cœpit bellum inter domum Saulis & Dauidis anno	2982	1326	967	439	399		111
Annus Iubilei octauus. Poſt annos 3.	2983	1327	968	440	400		112
Abner curat ſubdere Iſraelem Dauidi ſub finem anni	2986	1330	971	443	403		115
Iſboſeth mortuo, regnat Dauid in Iſrael anno	2987	1331	972	444	404		116
Dauid bellum gerit contra Philiſthæos anno Poſt annos 2.	2988	1332	973	445	405		117
Reducit Arcam Dei in Ieruſalem anno Et Dercilus Rex Aſſyriorum moritur in fine anni	2990	1334	975	447	407		119
Eupales regnat in Aſſyria inchoante anno	2991	1335	976	448	408		120
Dauid dilatat imperium ſuum in Syria, anno	2992	1336	977	449	409		121
Conuerſit ſe ad regni gubernacula, anno	2993	1337	978	450	410		122
Committit adulterium cum Bethſabee anno	2994	1338	979	451	411		123
Increpatur à Nathan de adulterio & homicidio, anno	2995	1339	980	452	412		124
Genuit de Bethſabee Salomonem anno Poſt annos 2.	2996	1340	981	453	413		125
Abſalom occidit Amnonem fratrem, anno Poſt annos 3.	2998	1342	983	455	415		127
Reuocatur ab exilio, anno Poſt annos 2.	3001	1345	986	458	418		130
Plenè reconciliatur Regi anno	3003	1347	988	460	420		132
Facit ſibi curruſ & equites anno	3004	1348	989	461	421		133
Inuadit regnum patris anno	3005	1349	990	462	422		134
Cœpit ſames in terra Iſrael anno	3006	1350	991	463	423		135
Gabaonite crucifigunt 7. Saulis poſteros, anno	3007	1351	992	464	424		136

A N N I

Vite Samue- lis.	Vite Berzel. Samue- lis.	Du- catus Samue- lis.	Vite Da- uidis.	Re- gni Der- cili in Afly- ria.	Re- gni Sau- lis in Istael	A pri- ma va- phi- bo- seth.	Vite Mi- phi- bo- seth.	Pon- tifica- tus Abia- thar.	Regni Dau- dis.	Regni Isbo- seth.	Regni Eupa- lis in Assy- ria.	Vite Salo- monis.	Sab- bati- ci.	Iubi- leo- rum.
59	35	20	10	9										
60	36		11	10	1									
61	37		12	11	2									
62	38		13	12	3									
2	2		2	2	2									
64	40		15	14	5									
65	41		16	15	6	1								
4	4		4	4	4	4								
69	45		20	19	10	5								
2	2		2	2	2	2								
71	47		22	21	12	7								
72	48		23	22	13	8								
73	49		24	23	14	9								
74	50		25	24	15	10								
75	51		26	25	16	11	1	1						
76	52		27	26	17	12	2	2						
77	53		28	27	18	13	3	3						
	54		29	28	19	14	4	4						
	55		30	29	20	15	5	5						
	56		31	30		16	6	6	1	1				
	2		2	2		2	2	2	2	2				
	58		33	32		18	8	8	3	3				
	59		34	33		19	9	9	4	4				
	3		3	3		3	3	3	3	3				
	62		37	36		22	12	12	7	7				
	63		38	37		23	13	13	8					
	64		39	38		24	14	14	9					
	2		2	2		2	2	2	2					
	66		41	40		26	16	16	11					
	67		42			27	17	17	12		1			
	68		43			28	18	18	13		2			
	69		44			29	19	19	14		3			
	70		45			30	20	20	15		4			
	71		46			31	21	21	16		5			
	72		47			32	22	22	17		6	1		
	2		2			2	2	2	2		2	2		59
	74		49			34	24	24	19		8	3		
	3		3			3	3	3	3		3	3		
	77		52			37	27	27	22		11	6		
	2		2			2	2	2	2		2	2		
	79		54			39	29	29	24		13	8		60
	80		55			40	30	30	25		14	9		
			56			41	31	31	26		15	10		
			57	huc usq; Miphiboseph vi-				32	27		16	11		
			58	xiisse reperitur; quâdiu ve-				33	28		17	12		
				rò supervenierit, ignoratur.										

	Ab orbe con- dito.	A di- ludio	Mo- nar- chia Assy- rio- rum.	Ab exitu Israel de Ægy- pto.	Ab introi- tu Is- raelis inter- ram Chaa- naan.	A Troia capta & sub- uerfa.	Vitæ Da- uidis.	Pon- tifi- catus Da- vidis.	Re- gni Da- uidis.	Re- gni Eu- palis in Af- fyria.	Vitæ Salo- mo- nis.	Vitæ Ro- boam Salo- monis.	Re- gni Salo- monis.	Sab- bati.	
Definit memorata fames in fine anni	3008	1352	993	465	425	137	59	34	39	18	13				
Bellum gerit David contra Philistinos, anno	3009	1353	994	466	426	138	60	35	30	19	14				
Alterum Davidis bellum contra eosdem, anno	3010	1354	995	467	427	139	61	36	31	20	15				61
Tertium eiusdem bellū ad- uersus Philistinos, anno	3011	1355	996	468	428	140	62	37	32	21	16				
Quartum & postremum bellum contra eosdē, an. Post annos 4.	3012	1356	997	469	429	141	63	38	33	22	17				
	4	4	4	4	4	4	4	4	4	4	4				
David iubet numerari popu- lum, anno	3016	1360	1001	473	433	145	67	42	37	26	21				
Percutitur pestilentia popu- lus ob peccatum Daui- dis, anno	3017	1361	1002	474	434	146	68	43	38	27	22				62
Salomon genuit Roboam in fine anni	3018	1362	1003	475	435	147	69	44	39	28	23				
Concurrit cum primo anno vitæ Roboam, & cum vl- timo Davidis.	3019	1363	1004	476	436	148	70	45	40	29	24	1			
Salomon regnat incl. anno, & mense circiter sexto moritur David.	3020	1364	1005	477	437	149	71	46		30	25	2	1		
Ducit filiam Pharaonis vxo- rem anno	3021	1365	1006	478	438	150				31	26	3	2		
Sacrificat in Gabaon, & fa- pientiam à Deo impetrat anno	3022	1366	1007	479	439	151					27	4	3		

ADDITIVN CVLÆ, *serius ab AVCTORE, quàm ut suis locis
insepi potuerint, ad Typographum transmissa.*


PA G. 97. lin. 47. Transfusa sunt.] *adde:* Ceterum si quis quærat, cur Deus permiserit primos parentes nostros Adamum & Eam prauaricari, & seipsos prolemque suam in tot tantaque mala præcipitare: Dicimus cum Ruperto Abbate lib. 2. in Genes. cap. 39. causam huius permissionis fuisse ipsorum ingratitudinem. Siquidem nusquam legitur, quòd quando creati sunt, & in terrestri paradiso positi, & cunctis animantibus dominari cæperunt, & de omnibus terræ fructibus nullo ipsorum labore prouisi fuerunt, debitas de his Deo gratias egerint, neque quòd in Dei laudes, vt par erat, proruperint. Propterea, sicut ad Rom. cap. 1. vers. 21. & deinceps de Ethnicis & infidelibus dicitur: *Quia cum (subaudi, lumine naturali) cognouissent Deum, non sicut Deum glorificauerunt, aut gratias egerunt.* post pauca subiungitur: *Propter quod tradidit illos Deus in desideria cordis eorum.* hoc est, vt ibidem exponit Titelmannus, permisit illos Deos petrahi à concupiscentiis prauis affectibus sui, & paucis interpolitis: *Et in passionibus ignominie, & in reprobum sensum, &c.* Ita & de nostris primis parentibus dici potest, quòd quia ingrati fuerunt Deo, nec pro tot tamque magnis beneficiis ei debitas gratiarum actiones rependere curarunt; idè iusto Dei iudicio permissi sunt ab infernali serpente decipi, & vnicum quòd à Deo acceperant præceptum transgredi, & in profundum malorum rueri. Ingratus enim homo non solum meretur noua beneficia non accipere, sed etiam acceptis priuari. Quamuis tandem ipsi, diuina superabundante gratia, resipiscentes veniam in oculis Domini inuenerint.

Pag. 131. lin. 36. Sustineri solent.] *adde.* Et hæc de Adami salute sint dicta. Quæ etiam de Eua eius vxore dici debere intelligenda sunt: nam si per primum hominem loco Sapientiæ adducto descriptum, accipiamus Adamum & Eam, vt ratio dicit, & apertè accipit Scriptura sacra Genes. cap. 1. vers. 26. vbi ait: *Faciamus hominem ad imaginem & similitudinem nostram, & prestet piscibus maris, & volatilibus celi, & bestiis, vniuersaq; terræ, omniq; reptili quod mouetur in terra.* (hæc enim omnia tam Eua quàm Adamo conueniunt.) & clarius versu sequenti illis verbis: *Et creauit Deus hominem ad imaginem suam: ad imaginem Dei creauit illum.* & quid ibi per hominem intelligat, magis declarat, subiungens: *Masculum & feminam creauit eos.* Si, inquam, vocabulo primi hominis vterque sexus accipitur, vtq; fateri oportet, ipsam quoque Eam à delicto suo fuisse educatam, & ab æterna damnatione liberatam. Et confirmatur, Quia hæresis Tatiana, contra quam scripserunt memorati aliiq; Auctores, assererat primos nostros parentes, Adamum scilicet & Eam (vt tradit Alfonso de Castro vt supra) esse damnatione perpetua in infernum detrufos propter eorum primum inobedientia peccatum: & qui eam impugnant sancti Ecclesiasticiq; Doctores, non distinguunt de Adamo & Eua; sed Adami seu primi hominis nomine intelligunt vtrumque coniugem, quemadmodum facit Scriptura sacra locis allegatis, & de ipsis coniunctim loquuntur, nec à salute excipiunt Eam. Immo memoratus Alfonso etiam speciatim probat ipsam nequaquam fuisse damnatam; & hoc eademmet ratione, qua hoc idem de viro eius probauerat; (ratione, inquam, ab ipsorum punitione desumpta.) Nam cum prius de Adamo dixisset, quòd ipsum puniens Deus, non ita eum maledixit, vt vocaretur maledictus, quemadmodum hi qui æterno igni sunt destinati; & quemadmodum postea dixit Deus serpenti & Caimo: *Maledictus eris, &c.* sed terram maledixit in operibus eius, in punitionem illi infligens tædia, & terrenum laborem, & comedere panem in sudore vultus sui, & conuerti in terram de qua sumptus est. Postea protinus subiungit: Similiter & mulier punita est per tædia, labores, gemitus, tristitias, dolores partus. Hoc autem dispensatiue (inquit) à Deo factum est, vt neque maledicti à Deo in totum perirent; neque sine punitione viuentes, Deum contemnerent. Ecce quomodo iste Auctor merito sanè inter Adami & Eue salutem nihil discreuit, sed ambos pariter saluos esse affirmat & probat. Quod & nos quoque sentire & fateri debemus.

Pag. 124. lin. 1. Per totum.] *dele* Item. & *adde:* Quamuis autem hoc munus portandi Tabernaculum, & omnia in eo contenta, esset proprium Leuitarum, ita vt etiam ipsa Arca fæderis prius velis aliisque operimentis à Sacerdotibus inuoluta, ordinariè portari soletet ab ipsis Leuitis, & non à quibuscumque, sed à Caathitis tantum, vt patet citato Numer. cap. 4. nihilominus quandoque etiam portabatur à Sacerdotibus, vt exempli gratia, in transitu Iordanis: Isues cap. 3. & in circuitu murorum Iericho: ibid. cap. 6. & item quando ipsa Arca, iubente Salomone, translata fuit in Templum ab ipso ædificatum: 3. Reg. cap. 8. & 2. Paralip. cap. 5. Quamquam ex hisce duobus locis proximè adductis videatur colligi posse, quòd ipsi Leuitæ tulerint Arcam vsque ad Atrium ipsorum, Sacerdotes autem, quibus licebat intrare in Aedem sacram, intulerint eam in locum sibi præparatum. Neque prædictis obstat locus 1. Paralip. cap. 15. vers. 2. vbi David dicit, *illicium esse, inferioris ordinis quàm essent Leuitæ: quia ad illud à quocumque, subintelligi debet, inferioris ordinis quàm essent Leuitæ: nam Sacerdotes, quia erant superioris ordinis, vtrique poterant eam portare, & re ipsa portarunt in quibusdam solemnioribus occasionibus, quales fuerunt proximè memoratæ. & ratio est, quia iuxta regulam etiam nunc communem. Quidquid possunt minores, possunt & maiores; sicuti videmus, quòd quæ facere possunt Clerici, possunt & Sacerdotes, & quæ Sacerdotes, possunt & Episcopi; sed non conuerso. Ad eosdem quoque Leuitas pertinebat deponere —*

ANTVERPIÆ,
EX OFFICINA PLANTINIANA
BALTHASARIS MORETI.
M. DC. XX.







UNIVERSIDAD DE SEVILLA



600705902

726639294

